


কীর্তিশাটের কড়চা



তারাসঙ্কর বন্দ্যোপাধ্যায়



# কীৰ্তিহাটের কডচা

প্রথম খণ্ড



## আদি পর্ব

### কথারস

মধ্য কলকাতার জানবাজার। রাণী রাসমনির ঐতিহাসিক স্মৃতিজড়িত বিরাট বাড়ীখানির অনতিদূরে আর একখানা বড় বাড়ী। পুরনোকালের বাড়ী। এখানে এ বাড়ীখানাও এককালে সুপরিচিত ছিল। নাম ছিল রায়কুঠী। গত আটশ বৎসরে বাড়ীখানা গৌরব হারিয়েছে। পনের বৎসরে বাড়ীখানা স্বামী-পরিত্যক্তার মত স্ত্রিয়মাণ এবং যেন নিজের পরিচয় গোপন করে বেঁচে আছে।

এই বাড়ীর সামনের দিকে যে পুরনো কালের সওয়াশো ফুট লম্বা এবং পনের ফুট চওড়া দীর্ঘ বারান্দাটা ঘিরে বড় বড় কাচের জানালা দিয়ে আধুনিককালের আমেজ এনে—ঘরে বা হলে পরিণত করা হয়েছে—সেই হলটায় উজ্জল আলোর সারি জ্বলছিল। শীতকালের রাত্রি দশটায়—কাচের জানালাগুলো বন্ধ কিন্তু কাচে সেই আলো প্রতিফলিত হয়ে ঘোষণা করছিল—এতকাল পরে আমি জেগেছি সেজেছি।

ঘরটায় বা ওই হলটায় মুখোমুখি বসে ছিল সুরেশ্বর রায় আর সুলতা ঘোষ। সুলতা অবাক হয়ে হলটায় দেওয়ালে টাঙ্গানো সারিবন্দী ছবির দিকে তাকিয়ে ছিল। উজ্জল আলোর ছটায় তার মুখে-চোখে ফুটে ওঠা প্রশংসা এবং বিস্ময় গোপন ছিল না।

ছবিগুলি সুরেশ্বরেরই আঁকা। বাড়ীখানাও সুরেশ্বরের। শিল্পী হিসাবে সুরেশ্বর আঠারো বছর আগে খ্যাতি অর্জন করেছিল। শুধু স্বদেশে নয়, বিদেশেও। তবে পাগল বা বিকৃতমস্তিষ্ক বা অতি খেয়ালী বেপরোয়া বিদ্রোহী বলত লোকে; যার যেমন ইচ্ছে। আঠারো বছর আগে মানে—১৯৩৫ সাল। যুগটাই বিদ্রোহের। কাজী নজরুলের বিদ্রোহী কবিতার সেই বিধাতার বৃকে লাথি মারার আশ্ফালন করা বিদ্রোহীদের একজন। সৃষ্টির মধ্যোত্ত তার পরিচয় ছিল—ছবির ছর্বোধ্যতায়। আঠারো বছর আগে—সে সুলতার সঙ্গে অন্তরঙ্গ হয়ে উঠেছিল; সুলতা তখন বি-এ পরীক্ষা দেবে। এই সময়েই সুরেশ্বর হঠাৎ কলকাতা ছেড়ে অজ্ঞাতবাসে ডুব মেয়েছিল; সুলতার সঙ্গে অন্তরঙ্গতায়, তার সম্ভাবনাপূর্ণ শিল্পীজীবনে, কলকাতার স্বচ্ছন্দ এবং উত্তেজনাময় জীবনে সব কিছুতে ছেদ টেনে।

আঠারো বছর পরে আবার তাদের দেখা। এ সম্পর্কে সুরেশ্বর সহজে অনেক কথা উঠে—মিলিয়ে গিয়ে স্তব্ধ হয়ে গেছে। ধ্বনি প্রতিহত হলেই প্রতিধ্বনি তোলে। না হলে ছড়িয়ে মিলিয়ে যায়। অপবাদের প্রতিবাদ না হলে পঙ্কতলের বায়ু-কণাগুলি বৃদবৃদ তুলে বাতালে মিশে যায়—জলের তলায় পাক' ঝিতিয়ে পড়ে। সুরেশ্বরের বেলায়ও তাই হয়েছে। লোকে বলেছে—সুলতাও বিশ্বাস করেছে, কীর্তিহাটের জমিদারপুত্রটি ও খেয়ালী শিল্পীটি—দুই সত্তাকে মিলিয়ে কীর্তিহাটের জমিদারীর পঙ্কপঙ্কলে—মহিষ ও বরাহ এই দুই জন্তর মিশ্রণে একটি অভিনব জন্ততে পরিণত হয়ে কণ্ঠ ডুবিয়ে পঙ্করস পান করেছে এবং সেই পঙ্কে গড়াগড়ি খাচ্ছে।

সুলতা এখন অধ্যাপিকা। ছাত্রী হিসেবে সে কৃতী ছাত্রী ছিল। এম-এতে অর্থনীতি শাস্ত্রে প্রথম শ্রেণীতে প্রথম হয়ে অধ্যাপিকা হিসেবে চাকরি নিয়ে তার সঙ্গে রাজনীতির মজদীক্ষা



নিয়ে বেশ আনন্দ এবং উৎসাহের সঙ্গেই কাল কাটাচ্ছিল।

হঠাৎ এতকাল পরে দেখা।

সারি সারি ছবিগুলির দিকে তাকিয়ে স্থলতা দেখছিল আর ভাবছিল—না, জমিদার-সন্তান সুরেশ্বর মহিষ বা বরাহ যাই হোক—তার ভিতরের শিল্পী তো মরে নি!

ছবিগুলি সুন্দর। সুন্দর ছবি! এদিক থেকে ওদিক পর্যন্ত চোখ বুলালেই ধরা পড়ে—ছবি-গুলির ধারা এক নয়। বর্ণবিজ্ঞানে রেখার ভঙ্গিতে নানান বৈচিত্র্য। টেকনিকও এক নয়। কিন্তু ছবিগুলির বিষয়বস্তুতে একটা ধারাবাহিকতা আছে। পরিবেশ যেন এক। নদী বন গ্রাম। এক নদী এক বন এক গ্রাম। মানুষও আছে। তারাও যেন—অনেকে বার বার ঘুরে ঘুরে এসেছে। রঙ-এর বিজ্ঞাস ভারী সুন্দর। চোখকে যেন ভরে দেয়।

সুরেশ্বরের দিকে সে আবার তাকালে। না, শিল্পী সুরেশ্বর তো মরে নি। এই এতো ছবি সে এঁকেছে! সেই গ্রামে বসে—জমিদারী করতে করতে। চোখে একটা পরিবর্তন পড়ছে। স্পষ্ট পরিবর্তন। সেই খেয়ালী ঝড়ের মত ছরস্ক লোক তো নয়। এ যেন শ্রান্ত। শান্ত।

হঠাৎ সুরেশ্বর একটা ছড়ি দিয়ে প্রথম ছবিখানার ফ্রেমে ঠেকিয়ে বললে—এই আমার প্রথম ছবি। কংসাবতী বারিবিধৌততট বনচ্ছায়াশীতল কীর্তিহাট নামক গ্রাম। সেই গ্রামের পারমানেন্ট সেটেলমেন্টের দৌলতে যিনি প্রথম জমিদার—তার নাম সোমেশ্বর রায়। তিনি বিবাহ করে গ্রামে প্রবেশ করছেন।

ছবি একখানি গ্রাম্য পথের। তবে গোটা গ্রামের আভাস আছে। নদী আছে বন আছে—গ্রাম আছে পটভূমিতে—ছবির সম্মুখে গ্রাম্যপথ, সেই পথের উপর একখানা পাক্কী। পাক্কীর ভিতরে বর আর বধু—বরের হাতে একখানা গুটানো কাগজ। পিছনে গ্রাম্য নরনারী!

সুরেশ্বর বললে—ভদ্রমহিলা ভদ্রমহোদয়গণ—

স্থলতা চমকাল এবার।—ভদ্রমহিলা ভদ্রমহোদয়গণ? কি বলছে সুরেশ্বর? সুরেশ্বরের দৃষ্টিও কেমন কেমন হয়ে গেছে।—পাগল?

সুরেশ্বর সামলে নিলে নিজেকে। বললে—না, আমার ভুল হয়েছে। এখানে তো তুমি একা স্থলতা—! কিন্তু আমার মনে হল কি জান? এই রকম হয়।—হ্যাঁ হয়।

শঙ্কিত হল স্থলতা।

### পরিচয়

সুরেশ্বরের পরিচয় মনে পড়ল স্থলতার। কীর্তিহাটের কড়চার রেখাচিত্রশিল্পী সুরেশ্বরকে না জানলে ওর কথার মানে ধরা যাবে না, স্থলতার মনের আশঙ্কারও স্বরূপ নির্ণয় হবে না। কীর্তিহাটের কড়চারও স্বাদ পাওয়া যাবে না।

এই যে কংসাবতী বারিবিধৌততট—বনচ্ছায়াশীতল কীর্তিহাট গ্রাম—ওই গ্রামেরই জমিদার-বংশের সন্তান। সেই কোম্পানীর আমলের পারমানেন্ট সেটেলমেন্টের কাল থেকেই ওরা জমিদার। ওদের বংশে যিনি প্রথম জমিদারী অর্জন করেছিলেন তার নাম ছিল সোমেশ্বর

রায়। তাঁর বয়স তখন ষোল। দশ বছর বয়সেই জমিদার হয়েছিলেন সোমেশ্বর রায়। তাঁর বাপের নাম কুড়ারাম ভট্টাচার্য। তিনি ছিলেন গোমস্তা শ্রেণীর মানুষ। তবে যার তার গোমস্তা নয়—গোমস্তা ছিলেন কোম্পানীর দেওয়ান গঙ্গাগোবিন্দ সিংহের—খাস গোমস্তা মুন্সী। দেওয়ান গঙ্গাগোবিন্দ সিংহের সঙ্গে কাগজ নিয়ে কলকাতায় কোম্পানীর সেরেস্তাখানায় কাজ করেছেন, দেওয়ানের পিছনে পিছনে বুড়ো লর্ড কর্ণওয়ালিশের ঘরে গিয়েছেন—কাগজ এগিয়ে দিয়েছেন। পারমানেন্ট সেটেলমেন্টের আগে বাংলা বিহার উড়িষ্যার পরগণা-লাট-মোজার তালিকা করেছেন—তাতে নম্বর বসিয়েছেন; সে সব লট-মোজার রাজস্ব নির্ধারিত করেছেন।

দেওয়ানজীর মাতৃশ্রাদ্ধ বাংলাদেশে মহাসমারোহের শ্রাদ্ধ। বাংলাদেশের জমিদারেরা এসে তাঁর কান্দীর বাড়ীতে শুধু আতিথাস্বীকার করে ধন্য হন নি—শ্রাদ্ধে তদ্বির-তদারক করে নিজেদের মাথা বাঁচিয়েছেন। দেওয়ানজী সরষের তেল রাখবার জন্তে একটা ডোবা পুকুর কাটিয়ে তাতে তেল ঢেলে রেখেছিলেন। ঘিয়ের কারবার তখন টিনে নয়—বড় বড় ঠাড়ির প্রচলন ছিল—দেওয়ানজীর মাতৃশ্রাদ্ধে একটা ঘর ঘিয়ের বড় বড় জালায় ভর্তি ছিল। কুড়ারাম ভট্টাচার্য ছিলেন ঘিয়ের ভাঁড়ারে। সেখান থেকে দেওয়ান তাঁকে হঠাৎ তলব করে বলেছিলেন—কুড়োরাম, ও ভার নিয়ে তোমার আটকে থাকা চলবে না। তোমাকে নিযুক্ত করলাম কৃষ্ণনগরের কুমার শিবচন্দ্র রায় আসছেন তাঁর পরিচর্যার জন্তে। সাবধান—পান থেকে চুন না খসে।—শোনা গিয়েছিল কৃষ্ণনগরের মহারাজা কৃষ্ণচন্দ্র রায় অসুস্থ বলে আসতে পারবেন না। তিনি মার্জনা চেয়ে পত্র লিখেছিলেন—“দরবার অসাধ্য পুত্র অবাধ্য—ভরসা কেবল গঙ্গাগোবিন্দ।” কিন্তু তারপর কুমার হঠাৎ রাজী হয়ে এসেছিলেন নিমন্ত্রণ রাখতে। দেওয়ানজীর সঙ্গে প্রথম সাক্ষাতের সময় কুড়ারাম ভট্টাচার্য উপস্থিত ছিলেন। দেওয়ানজী বলেছিলেন—কি কুমার, কেমন আয়োজন দেখছেন? কুমার শিবচন্দ্রের জিহ্বা ছিল প্রথর। ক্ষুরের মত তীক্ষ্ণধার। তিনি উত্তর দিয়েছিলেন—দেখলাম। প্রায় দক্ষযজ্ঞ!

অর্থাৎ লগুভগু হয়ে পগু হবে এই ইঙ্গিত করেছিলেন। কিন্তু দেওয়ানজী তার উপরেও প্রথর—তিনি বলেছিলেন—ভুল হল কুমার। দক্ষযজ্ঞের চেয়েও বেশী!

ক্রকুণ্ডিত করে শিবচন্দ্র বলেছিলেন—বলেন কি দেওয়ানজী, দক্ষযজ্ঞের চেয়েও বেশী? অর্থাৎ ঔদ্ধত্য তো কম নয়! কিন্তু দেওয়ানজী তৎক্ষণাৎ উত্তর দিয়েছিলেন—নিশ্চয়। বিবেচনা আপনিই করুন কুমার; দক্ষযজ্ঞে শিব আসেন নি প্রথমে—আমার যজ্ঞে স্বয়ং শিব উপস্থিত—যজ্ঞের আদিতেই।

অর্থাৎ কুমার শিবচন্দ্র নিজে এসেছেন।—এসেছেন দেওয়ানজীকে মাগু করেই এটা মনে করিয়ে দিয়েছিলেন।

আসেন নি শুধু বর্ধমানের মহারাজা। বলেছিলেন—কি, আমি কত্রিয় হয়ে লাল।—অর্থাৎ কায়েতের বাড়ী যাব নিমন্ত্রণ রাখতে? তার শোধ দেওয়ানজী নিয়েছিলেন। অন্য জমিদারদের খাজনা ধার্য তিনি করেছিলেন এগার ভাগের দশ ভাগ। বর্ধমানের মহারাজার পাঁচ হাজার বর্গমাইল জমিদারী—তাঁর উপর খাজনা ধার্য হয়েছিল ষোল আনা—অর্থাৎ এগার ভাগের পুরো

এগার ভাগ। অক নিজে বসিয়েছিলেন কুড়ারাম ভট্টাচার্য মশায়। বাহার লক্ষ ভিন্নায় হাজার টাকা।

কুড়ি লক্ষ টাকা খরচ হয়েছিল এই ভাণ্ডে। হ্যাঁ, তার আগে শোভাবাজারের নবকৃষ্ণ দে মাতৃশ্রদ্ধে ন লক্ষ টাকা খরচ করেছিলেন। তিনি বাংলাদেশের দেববিগ্রহদের নিমন্ত্রণ করে এনেছিলেন ব'লে দেব উপাধি পেয়েছিলেন। সে গৌরব ঘান করে দিয়েছিলেন দেওয়ান গঙ্গাগোবিন্দ সিংহ। এ সমস্ত কিছুর মধ্যে কুড়ারাম ভট্টাচার্য ছিলেন তাঁর বিশ্বাসভাজন কর্মচারী। সেখান থেকেই তিনি প্রচুর উপার্জন করেছিলেন। পাকা বাড়ী করিয়েছিলেন; জমিজেরাত অনেক কিনেছিলেন। কিন্তু জমিদারী কেনেন নি। জমিদারী কিনেছিলেন শেষ জীবনে—পুত্র সোমেশ্বরের নামে। সেটা আঠারশো এক সাল। জমিদারী তখন কেনা গেলেও চালানো সহজ ছিল না। এগার ভাগ আদায়ের দশ ভাগ দিতে হ'ত কোম্পানীকে। কিন্তু ছিল বারো মাসে বারো কিন্তু।

প্রজা খাজনা বাকী ফেলত। ইস্তফার পত্র লিখে জমিদারী কাছারীতে দিয়ে যেত, জমিদার নিতে চাইত না—প্রজা ফেলে দিয়ে পালাত। তাছাড়া পারমানেন্ট সেটেলমেন্টের পর কোম্পানী সরকার জমিদারদের প্রজার উপর জুলুমবাজীর অধিকার খর্ব ক'রে আইন তৈরী করায় জমিদারী কিনে খাজনা স্বসারে আদায় করা কষ্টকর হয়ে উঠেছিল। ফলে পুরনো জমিদারদের জমিদারী রাজস্ব বাকীর দায়ে সূর্যাস্ত আইনে নিলেম হয়ে গেল। বীরভূমের মুসলমান আমলের নবাবদের জমিদারী নিলেম হল। বর্ধমানের মহারাজার মণ্ডলঘাট পরগণা নিলেম হয়ে গেল। এক বর্ধমানের রাজার এস্টেট থেকে তিরিশ হাজার বাকী খাজনার নালিশ দায়ের হল। তখন লর্ড কর্ণওয়ালিশ দেশে গিয়েছেন—লাটসাহেব হয়ে এসেছেন লর্ড ওয়েলেসলী। সব দেখেওনে তিনি সপ্তম আইন—রেগুলেশন সেভেন তৈরী করে জমিদারদের ক্ষমতা দিলেন যে, বাকী খাজনার দায়ে জমিদার ক্ষেতের ফসল ক্রোক ক'রে নিলেম করাতে পারবে। সেটা ইংরিজী ১৭২২ সাল। সেই সময় কুড়ারাম ভট্টাচার্য একদিন দেওয়ানজীর সামনে গিয়ে দাঁড়ালেন।

দেওয়ান তাঁকে দেখে বলেছিলেন—কি খবর ভট্টাচার্য?

—অধীনের একটা আর্জি আছে।

—বল!

—হজুরের মেহেরবাণীতে সবই হয়েছে অধীনের। শুধু একটি সাধ পূর্ণ হতে বাকী।

—কি সে সাধ? ব্যক্ত কর।

—হজুর, ভেবেছি মায়ের সেবা প্রতিষ্ঠা করব—

—এ তো সাধু সংকল্প হে! করে ফেল। তোমার অর্থের অভাব আছে বললে তো আমার অবস্বাই ককিরের অবস্বা দাঁড়ায় হে।

—আজ্ঞে—তা নয়। তবে মা কি আমার কারুর অধীনস্থ রায়ত হয়ে আসবেন মাথা হেঁট করে?

—বেশ তো, লাখরাজ করে দিচ্ছি তোমার সম্পত্তি।

—আজ্ঞে ওর সঙ্গে আর একটুকু চাই।

—সেটা কি ?

—কিছু জমিদারী না হলে মায়ের মাথায় মুকুট পরাব কোন্ লজ্জায় ? গ্রামের লোকের উপর তাঁর হুকুম কায়ম হবে কি করে ?

—বেশ, বল কোন্ লাট কিনবে ? বোলশো বাট পরগণার হস্তবুদ কালেকটারী খাজনা তো তোমার কঠন। টাকারও তোমার অভাব আমি রাখি নি।—বল !

—আজ্ঞে না হজুর, সামান্য ব্যক্তি আমি, সাধা কম। তবে আমার গ্রাম কীর্তিহাট—লাট কীর্তিহাটের সামিল—ওই স্বগ্রামটুকু তার চারপাশে চারখানা গ্রাম—

বেশ, ভ্র হবে। কীর্তিহাট এবার নীলামে উঠবে।

উঠতে বেগ বিশেষ পেতে হয়নি। কীর্তিহাটের জমিদারদের পাঠানো রাজস্ব সেবার পথেই লুপ্ত হয়েছিল। নিলাম থেকে নিতেও প্রতিদ্বন্দ্বী জোটে নি। নিলাম ডাক হয়েছিল কুড়ারামের নামে নয়। পুত্র সোমেশ্বরের নামে। এবং উপাধি তাঁর ভট্টাচার্য নয়, হয়েছিল রায়। লেখা হয়েছিল নিলাম ক্রেতা শ্রীসোমেশ্বর রায়—পিতা শ্রীকুড়ারাম রায় ওরফে ভট্টাচার্য। তাই স্বরেশ্বরদের বংশের জমিদারী জীবনের ইতিহাসে আদি পুরুষ সোমেশ্বর রায়। তাঁর উপাধির ক্ষেত্রে ওরফে ভট্টাচার্যও আর লেখা হ'ত না। সোমেশ্বর তারপর বিস্তৃত জমিদারী কিনেছিলেন। সোমেশ্বরের পর বীরেশ্বর রায়, তারপর রত্নেশ্বর রায়—তাঁর তিন ছেলে—বড় দেবেশ্বর রায়। তাঁর দুই ছেলে—বড় যজ্ঞেশ্বর, ছোট যোগেশ্বর রায়। স্বরেশ্বর যোগেশ্বর রায়ের একমাত্র সন্তান। সে আমলের বিচারে বেশী বয়সের ছেলে স্বরেশ্বর, জন্মেছিল ৫ই মার্চ ১৯১০ সাল।

স্বরেশ্বর পুরনো জমিদার বাড়ীর ছেলে হলেও জন্মকাল থেকেই ওর কোন সংশ্রব ছিল না জমিদারীর সঙ্গে। স্বরেশ্বরের বাবা যোগেশ্বর রায় জমিদারের ছেলে হয়েও পেশায় ছিলেন জার্নালিস্ট। তাঁরও জন্ম কলকাতায়। ছাত্রজীবনে তিনি উজ্জল ছাত্র ছিলেন। তাঁর বাবা দেবেশ্বর রায়—রত্নেশ্বরের জ্যেষ্ঠপুত্র—জমিদারীতে ছ আনা অংশ পেয়েছিলেন, কিন্তু জমিদারী তাঁর ভাল লাগেনি। তিনিও ইংরিজী শিক্ষিত ব্যক্তি ছিলেন। হয়তো সম্পত্তির ক্ষেত্রে দেবতার সঙ্গে বাধা না থাকলে দেবেশ্বর ব্রাহ্মই হয়ে যেতেন। অনেকে বলে ক্রীশ্চান হতেও তাঁর আপত্তি ছিল না। কিন্তু সম্পত্তি দেবতা বলে তিনি তা পারেন নি। তিনি নামে জাত ও ধর্ম বজায় রেখে সম্পত্তির অধিকারই অক্ষুণ্ণ রেখেছিলেন। এবং ধর্মকর্ম ক্রিয়াকলাপের ঝগড়া থেকে দূরে থাকবার জন্য কলকাতাবাসী হয়েছিলেন যাতে তাঁর ইচ্ছামত আচরণ বিচরণের পথে কোন বাধা না-দাঁড়ায়। কলকাতায় তিনি ব'লে ব'লে ভোগ করেননি, কর্ম করেছিলেন। জমিদারীর সঞ্চিত অর্থ ব্যবসা করেছিলেন। অবশ্য চাল ডালের গদী ওদাম নয়, বড় স্টোরস নয়। করেছিলেন কলিয়ারী কিনে কয়লার ব্যবসা। প্রিন্স দ্বারকানাথ ঠাকুর তার আগে কারঠাকুর কম্পানী করেছিলেন। রাণীগঞ্জ অকলে তাঁর খনি ছিল। দেবেশ্বর তাঁর পরবর্তীকালের মাতৃহ, তাঁর সময়ে কয়লার নতুন ফিল্ড বেরিয়েছে—ঝরিয়া ফিল্ড। সেই ঝরিয়া ফিল্ডে তিনি কলিয়ারী কিনে কুঠীতে লাহেব ম্যানেজার এবং কলকাতার আপিসে

সাহেব অফিস সুপারিন্টেন্ডেন্ট রেখে ব্যবসা চালাতেন। ব্যবসা ভালই করেছিলেন। এর সঙ্গে তাঁর ইচ্ছে ছিল তিনি একথানা খবরের কাগজ করবেন। ইংরিজী খবরের কাগজ। এ ইচ্ছে তাঁর উৎসাহিত হয়েছিল যোগেশ্বরের ছাত্র জীবনের কৃতিত্ব থেকে। যোগেশ্বর ইংরিজীতে এম-এ পরীক্ষায় বেশ ভাল ভাবে উত্তীর্ণ হয়েছিলেন। চেষ্টা করলে অনায়াসে ডেপুটি হতে পারতেন, কিন্তু তার বদলে দেবেশ্বর ছেলেকে নিয়ে গিয়ে অমৃতবাজারের শিশিরকুমারের হাতে দিয়েছিলেন। দেবেশ্বর রায় ছিলেন সে আমলের নামী লোক। ল্যাণ্ড হোয়ার্ডার্স এসোসিয়েশন, ব্রিটিশ ইণ্ডিয়ান এসোসিয়েশন, ইণ্ডিয়া লীগ প্রভৃতি সমিতির সভ্য এবং কলকাতার অভিজাত সমাজে সমাদৃত মানুষ ছিলেন।

রত্নেশ্বর রায় বড় ছেলের প্রকৃতি বুকেই তাকে কলকাতার জানবাজারের বাড়ীখানাও দিয়েছিলেন। অন্য ছেলেদের জন্যে স্বতন্ত্র বাড়ী কিনে দিয়েছিলেন—অপেক্ষাকৃত ছোট বাড়ী। দেবেশ্বর ব্যবসায়ে বার্থ হন নি, তিনি ব্যবসায় করে কয়েকটা কলিয়ারী এবং বেশ কিছু অর্থ সঞ্চয়ও করেছিলেন। মৃত্যু হয়েছিল তাঁর অকস্মাৎ—কিন্তু দেবেশ্বর তার আগেই উইল ক’রে রেখেছিলেন, বড় ছেলেকে দিয়েছিলেন কলিয়ারী এবং ছোট যোগেশ্বরকে দিয়েছিলেন জানবাজারের বাড়ী এবং নগদ এক লক্ষ টাকা যা থেকে যোগেশ্বর একথানা ইংরেজী কাগজ বার করতে পারবে।

যোগেশ্বর তখন নবযুবক। কালের দিক থেকে তখন উনবিংশ শতাব্দী সবেমাত্র শেষ হয়েছে। বড় ভাই যজ্ঞেশ্বর কলিয়ারী ব্যবসায়ীর কন্যাকে বিয়ে করেছেন—তাঁর চালচলন—কৃষ্টির সঙ্গে যোগেশ্বরের কৃষ্টির তফাৎ হয়ে গেছে, তিনি স্বতন্ত্র হয়ে গেলেন; যোগেশ্বর অমৃতবাজার ছেড়ে ইংলিশম্যানের নিজের জায়গা করে নিয়ে দক্ষত মত সাহেব হয়ে উঠেছেন।

জানবাজারের বড় বাড়ীটায় প্রেস করবে যোগেশ্বর কল্পনা করেই দেবেশ্বর বাড়ীটা গুঁকে দিয়েছিলেন। কিন্তু যোগেশ্বর বাড়ীর সামনের যেটা পোষাকী মহল সেটা নিজের জন্যে রেখে বাকীটা ভাড়া দিয়েছিলেন—বেছে বেছে সম্পন্ন ফিরিঙ্গী টেনেন্ট দেখে। তাঁর নিজের বাড়ীতে তিনি নিজে চাকর বাবুর্চি নিয়ে থাকতেন। বিবাহ অনেক দিন পর্যন্ত করেন নি। অবশ্য সেকালের বিচারে অনেক দিন। নইলে একালে সাতাশ বছর বয়সকে কে বেশী বয়স বলবে। লোকে নানান কথা বলত। এমন কি তাঁর ভাই এবং জাতিবর্গেরা প্রমাণ প্রয়োগ সংগ্রহ করতেও শুরু করেছিল যে যোগেশ্বর ধর্মহীন বা জাতিচ্যুত হয়েছেন। যাতে তাঁদের দেবোত্তরের এজমালী সম্পত্তির সেবায়ত্ত স্বত্ব থেকে আইন আদালত করে বঞ্চিত করা যায়। ঠিক এই সময়েই যোগেশ্বর বিয়ে করলেন—করলেন একেবারে ব্রাহ্মণের কন্যাকে—খাটি হিন্দুধর্ম মতে—টোপর চেলী প’রে বর সেজে নারায়ণ শিলা সম্মুখে রেখে।

একান্তভাবেই ঘটনাচক্রে ঘটল। নইলে যোগেশ্বর এ সব গ্রাহ্য করতেন না। জীবন-ধারণের পন্থায় তিনি সাহেব ছিলেন—মতামতে তিনি মডারেট ছিলেন। নিখুঁত সাহেবী



পোশাক পরে চুকট মুখে সভায় পার্টিতে ঘুরতেন, রাজিকালে ফিটনে চেপে বেড়াতেন। হোটেলের মধ্যে মধ্যে খানা খেতেন। মণ্ডপান ছিল নিয়মিত। এবং নামও তখন তাঁর ছড়িয়েছে। বিলেতের কাগজেও লেখা বের হয়। হঠাৎ বাধা পড়ে গেলেন স্বরেশ্বরের মা হেমলতার কাছে। হেমলতার মামা হাইকোর্টের এ্যাডভোকেট, মাঝারি পশার, কিন্তু থাকতেন ব্যারিস্টারী চালে অর্থাৎ বিলেত-ফেরতের চালে। সেদিক দিয়ে যোগেশ্বরের সঙ্গে মিল ছিল। হেমলতার মা-বাপ দুই-ই ছেলেবয়সে মারা যাওয়ায় সে মামারই পোষ্য হয়ে ছিল, কিন্তু অবজ্ঞার পোষ্য নয়। মামা-মামী দুজনের কাছেই ছিল তার পরম সমাদর। মামী শুধু মামীই ছিলেন না, তিনি তার পিসীমাও ছিলেন—আপন পিসীমা। সুতরাং মামাও একাধারে মামা ও পিসেমশাই ছিলেন। হেমলতাকেই নিজের মেয়ের মত যত্নে মানুষ করেছিলেন। এবং বেশ বেশী বয়সে যখন তাঁদের সম্ভান হল—তখন রেহ তার উপর পড়লেও হেমলতার উপর তাঁরা নির্দয় হননি। হেমলতা তখন এন্ট্রান্স পাশ করে কলেজে পড়ছে। সেই সময় যেন ঠিক লগ্নটিতেই যোগেশ্বর রঙ্গমঞ্চে প্রবেশ করেছিলেন। হেমলতার বয়স তখন ষোল। যোগেশ্বর হেমলতাকে দেখে মুগ্ধ হলেন। এবং কিছুদিনের মধ্যেই হেমলতার মামাকে চিঠি লিখে জানালেন যে তিনি হেমলতাকে বিবাহ করতে চান, এবং পাত্র হিসাবে অযোগ্য নন। তাঁর আয় বায় যা কিছু সমস্ত কিছুর বিশদ বিবরণ দিয়ে লিখলেন—“হেমলতার মত নেবার তার আপনার উপর। বিবাহ হিন্দুমতে হবে যখন, তখন এ পদ্ধতিটাও সেই মতামতযায়ী হওয়াই বাঞ্ছনীয়।”

মামা খুঁত-খুঁত করেছিলেন বয়েসের জন্ত এবং যোগেশ্বর সম্পর্কে গুজবের কথা শুনে। কিন্তু হেমলতা যোগেশ্বরকে দেখে সত্যিই মুগ্ধ হয়েছিল। সেকালে, এন্ট্রান্স পাশ করা হেমলতা একালের এম-এ পাশ মেয়ের থেকেও প্রগতিশীল। তার উপর বাড়ীর চালটাই ছিল বিলেত-ফেরত না হয়েও বিলেত-ফেরতদের মত। লোকে বলত,—সূর্যের তাপে বালি তাতে—তার চেয়েও বেশী তাতে উনোনের উপর আগুনের তাপে—খোলার বালি। কথাটা খুব রঙচড়ানো নয়। হেমলতা নিজেই মামীকে বা পিসীকে বলেছিল—বয়েসের জন্ত খুঁত-খুঁত করতে বায়ন করে পিসীমা। কি বয়েস? ওর যদি তিরিশে বয়স হয়ে থাকে তবে আমিও ষোল, আমারও তো তা হলে প্রায় বুড়ী হওয়ার কাল হয়ে এসেছে গো। এ দেশে তো কুড়ি পেরোলেই বুড়ি। আর মদ-টদ—অন্ত কথা। ও সব আমার ওপর ছেড়ে দাও।

তার প্রমাণও সে দেখিয়ে দিয়েছিল। একখানা চিঠি যোগেশ্বরকে লিখেছিল—আপনার প্রস্তাবে আমি মত দেব ভাবছি মামাকে। কিন্তু আপনি আমার মামার সামনে মদ খাবেন—এটা আমার কেমন লাগছে। মদ-টদ কিন্তু চলবে না। এটার প্রমাণ পেলেই আমার মত মামাকে জানাবো।

যোগেশ্বর এতে অরাজী হননি। হাজার হলেও বাঙালীর ছেলে—ডাল ভাতের সঙ্গে ছেলেবেলার এইসব মূলত সৌজন্য এবং প্রকা প্রকাশের আচরণগুলিতে অভ্যস্তও ছিলেন এবং এসবের একটা মিষ্টি-স্বাদ স্বভাবেরও ছিল। তিনি প্রস্তাবটিকে রাবিশ বলেননি বা এতে তিনি নিজে খাটো হবেন একথাও তাঁর মনে হয়নি। সুতরাং সেদিন রাতেই সাড়ে আটটার পর কাগজের আপিস থেকে বেরিয়ে সটান হেমলতার মামার বাড়ীতে উঠে সিঁড়ির মুখেই চুরোটটা

ছুঁড়ে ফেলে দিয়ে বসে চুপছিলেন। হেমলতার মামা সামনে হইকির গ্লাস বেখে বসে ছিলেন। যোগেশ্বরকে দেখেই বেয়ারাকে ডেকেছিলেন, “বর, গ্লাস লে আও।” যোগেশ্বর বলেছিল—নো থ্যাঙ্ক। পের নর—বরং চা এক কাপ! হেসে লোজা মুখের দিকে তাকিয়ে বসেছিলেন—আপনি গুরুজন—মামাশ্বর হবেন। ওটা আর আপনার সামনে চলতে পারে না। আমরা হরতন নই ইকাপন। ইকাপনী ধারাটাই ভাল। তার উপর বিয়ে হলে হবে খাঁটি হিন্দুমতে। রেজেন্সিতে ডাইভোর্স আছে। বিধবা-বিবাহ আছে। জানেন—Spade is always a Spade—আপনাকে চিঠি লিখে অবধি রেজেন্সি বিয়ের কথা ভাবতে গেলেই বুকটা রি-রি করে উঠছে। তার ওপর আমাদের দেবোত্তর সম্পত্তি অনেক বড়, জাতি-গুটিরা শুনেছি খুঁত খুঁজে খুঁজে বেড়াচ্ছে। রেজেন্সি বিয়ে করলে ভাল ঠুকে নালিশ ক’রে বসবে! তবে এটার চেয়ে ওটা বড়। ভারী ভাবতে ভাল লাগছে—আমি মরে গেলেও হেমলতা আমার ফটোর মালা পরাচ্ছে চন্দন দিচ্ছে।

সুতরাং বিয়ে হতে আর বিন্দুমাত্র বাধা হয়নি। তবে ওই শেষ কথাটার জন্তে হেমলতা রাগ করেছিল, না-ও বলেছিল। যোগেশ্বর রাগ ভাঙিয়েছিলেন। বলেছিলেন—ও কথাগুলো আমি উইথড্র করছি। তার বদলে বলছি—তুমি মরলে আমি কাঁদছি, সিঁথিতে সিঁদুর ঢেলে দিচ্ছি—পায়ে আলতা—আমি না—অন্যকে দিয়ে পরিয়ে দিচ্ছি। বেনারসী কাপড় পরিয়ে খোল-করতাল বাজিয়ে নিয়ে যাচ্ছি। সমারোহ করে চন্দনধেনু শ্রাদ্ধ করছি।—

হেমলতা হেসে ফেলেছিলেন—তুমি ইনকরিজিবল। থাম!

বিয়ে হয়েছিল ১৯০২ সালে, মার্চে। সেদিক দিয়ে রোমাণ্টিক ছিলেন যোগেশ্বর। বসন্তকাল গুরুপক্ষ দেখে দিন নির্বাচন করেছিলেন—যার কদিন পরেই হোলি। শোলার টোপর গরদের পাঞ্জাবী বেনারসী ধুতি-চাদর গোড়ের মালা চন্দনের তিলক-সজ্জা—বাকী কিছু রাখেননি। বিয়ের পর হোলির সময় দীর্ঘকাল পর কীর্তিহাটে গিয়ে এক সপ্তাহ থেকে মধুচন্দ্রমা যাপন করে এসেছিলেন। এবং সেবার হোলিতে নিজের খরচে রাজরাজেশ্বরের নাটমন্দিরে কলকাতা থেকে বাদীজীর নাচ করিয়েছিলেন।

এর প্রায় এক বছরের মধ্যেই জন্ম হয়েছিল সুরেশ্বরের। ফাস্তনের শেষে ওই হোলির দিনই সুরেশ্বরের জন্ম। হেমলতা ওকে ডাকতেন ‘সেই জন্ম ফাস্তনী বলে। এমন সুন্দর নামটা—ভাল নাম হতে বাধা হবার কথা নয়—কিন্তু কীর্তিহাটের কুড়ারাম ভট্টাচার্যের ছেলে সোমেশ্বর রায় নাম গ্রহণ করার পর থেকে ঈশ্বর পরিশেষে যুক্ত না করে নাম রাখবার নিয়ম নেই। যোগেশ্বর যে যোগেশ্বর তিনি ছদ্মনামে লিখবার জন্ম যে নাম নিয়েছিলেন তাও ঈশ্বরের প্রভাব থেকে মুক্ত হয়নি—“ওমনি-পোটেন্ট” নামে লিখতেন। সেই কারণে ১৯১০ সালে বাংলাদেশের নেতা এবং সংবাদপত্র ক্ষেত্রে তখনকার সিংহ সুরেন্দ্রনাথের নামটাকেই অর্থাৎ সুর-ইন্দ্রকেই সুরেশ্বর করে নামকরণ করেছিলেন। সুরেন্দ্রনাথের সঙ্গে যোগেশ্বরের প্রবল মত-পার্থক্য ছিল—বেঙ্গলী আর ইংলিশম্যানের মতপার্থক্য—তবু তিনি অর্থাৎ যোগেশ্বর তাঁকে বলতেন লায়ন অব বেঙ্গল।

চাকর দারোয়ান ডাকত ‘লাল’ বাবু বলে। আসলে ফাণ্ডালাল কিন্তু হেমলতার ভয়ে

লালবাবু হয়েছিল।

লাল সত্যই রূপের অধিকারী ছিল, এবং বাপের তুল্য ছিল। মা শাসন করতে চাইতেন কিন্তু বাপ দিতেন না।

মধ্যে মধ্যে এ নিরে বাগ্‌যুদ্ধ হত স্বামী-স্ত্রীতে। হেমলতা বলতেন—দেখ সব বিষয়ে তুমি আমাকে দাবিয়ে রেখেছ, ছেলের ক্ষেত্রে তা চলবে না, আমি মানব না।

যোগেশ্বর কপালে হাত ঠেকিয়ে বলতেন—ভাগ্য ফসতি সর্বত্র ন চ বিজ্ঞা ন চ পৌরুষং।

—তার অর্থ?

—অতি সরল। তোমাকে আমি দাবিয়ে রেখেছি এ অপবাদও শুনতে হল—এবং হ'ল-হ'ল তোমার মুখ থেকেই হল?

—রাখনি দাবিয়ে? তুমি আমার কোন কথাটা রাখ?

বাধা দিয়ে যোগেশ্বর বলতেন—সে তুমি বললেও হবে না—আমি বললেও হবে না। সাক্ষী মান। বলুক তৃতীয় পক্ষ!

হেমলতা বলেছিলেন—তোমার চাকর-বাকর তো তোমাকে ভয় করে।

—বেশ তো ডাক না, এই বাড়ীর প্রায় সামনে শিককাবাবুলা আবহুল কি বলে—ডেকে জিজ্ঞেস কর!

—আবহুল? কি বলে আবহুল?

—আবহুল বলে—সাদী করকে রাগ-সাহেব তো শেষ সে শিয়ার বন গয়া। সাদীকা পহেলে বারা-এক বাজেতক মায়দানমে ফিটনকে পর ঘুমতা, শেষকে মারফিক আওরাজ দেতা। কনেটবল লোক সেলাম দেতা। ঘরকে দরওয়াজা পর পৌছছ কর শেষকে মারফিক ফুকারতা—কেয়া বানারা রে আবহুল? আর সাদীকে বাদ দেখো—নও বাজতা আওর রাগ সাহেব ঘর মে পৌছছ যাতা—, আবহুলকে ফুকারতা নেহি—কাবাব ভি খাতা নেহি—ঘর ঘুঘ যাতা। বারা বাজতা বাতি বুত যাতা। পহলে—দো-তিন তক বাতি জলতা, রাগ সাহাবকে আওরাজ মিলতা—বোয়! খানা টেবিলসে বর্ডন-উর্ডন ফেক দেতা—ঝন-ঝন-ঝন-ঝন—! বাস। আব বলো—ঠিক বোলা কি ঝুট বোলা! নেকড়ানি ফিরিঙ্গী ছোকরী লোক তো রোতি ছায় উনকো লিয়ে!

হেমলতা এ সবের একটাও অস্বীকার করতে পারতেন না—মুখ টিপে হেসে বলতেন—লোকটাকে আমি বকশিস করব, কিন্তু তার ক্ষেত্রে আপশোস হয় না কি?

—একবারে হয় না বলতে পারিনে। তবে তার থেকে অনেক বেশী আনন্দ এবং আরাম তাতে সন্দেহ নেই। ছেলেবেলা কীর্তিহাটে চণ্ডী ভটচাঁদ ছিল তত্ত্বাধক। দিন-রাত্রি মদ খেয়ে থাকত, টলত। তার ভায়ে অমর মুখুন্ডে গাঁজা খেতো। চণ্ডী ভটচাঁদ বলতেন—ওরে অমরা, আমি একদিন একছিলম গাঁজা খেয়েছিলাম—তিনদিন হাঁস ছিল না—সেই গাঁজা তুই ব্যাটা দিনে তিনবার টানিস! তা দেখ, বিয়েও আমার কাছে তাই। ওই একবার খেয়ে যে বুঁদ হয়ে গেছি সে বুঁদ নেশা আর কাটল না। রাত্রি নটা হ'তে না হ'তে সেই বিয়ের রাতের চাঁদ ওঠে মনের মধ্যে। কলার কলার বাড়তে থাকে মিনিটে মিনিটে! পূর্ণ চন্দ্র



দেখতে ছুটে এসে আমি হাঁ করে চেয়ে থাকি ! তুমি ভেবো না, ব্যাটার মৌল বছর হতে-না-হতে বিয়ে দিয়ে দেব । আমি শেরাল হয়েছি—ব্যাটা খরগোস হয়ে যাবে ।

—কিন্তু তরিবৎ সহবৎ লেখাপড়া—এগুলো চাই না কি ?

—জ্যেষ্ঠ ওরী—ডার্লিং, তুমি মা, আমি বাপ, আমার বাপ দেবেশ্বর রায় এম-এ, তার বাপ রায়বাহাদুর রত্নেশ্বর রায় বি-এ, তার বাপ বীরেশ্বর রায়,—তিনি নীলকরদের ছেলেদের সঙ্গে মিশতেন, পাদরী হিল সাহেবের কাছে ইংরিজী শিখেছিলেন, কালীপ্রসন্ন সিংহী প্রভৃতির বিজ্ঞাৎ-সাহিনী সভায় তাঁর নেমস্তম্ভ হত । রত্নেশ্বর মাহুষ হয়েছিলেন পিসেমশাইয়ের কাছে । পিসেমশাই বিমলাকান্ত ছিলেন সংস্কৃতে ইংরিজিতে পণ্ডিত । সোমেশ্বর তাদের পূর্বপুরুষ—তিনি সংস্কৃত, পার্সী, উর্দু ভাষা জানতেন । এ বংশের সুরেশ্বর তরিবৎ সহবৎ লেখাপড়া সব শিখবে ।

যোগেশ্বরের অতিবাৎসল্যের আর একটু কারণ ছিল ; সুরেশ্বরের জন্মের দু বছর পর হেমলতা আবার সন্তানসম্ভবা হয়েছিলেন এবং প্রসবের সময় মরণাপন্ন হন । বহু কষ্টে বহু অর্থব্যয়ে কলকাতার শ্রেষ্ঠ চিকিৎসকদের অস্ত্রোপচারের ফলে মরা সন্তান কেটে বের করে দেওয়া হয়, এবং সেই সঙ্গে হেমলতারও আর সন্তান ধারণের শক্তি শেষ হয় ।

যোগেশ্বর সেটা মনে পড়িয়ে দিতেন—আর তো হবে না । তাছাড়া আমরা যখন আমরা হয়েছি তখন ও-ও তাই হবে, মা ভৈঃ ।

নিরন্তর হতে হ'ত হেমলতাকে । হয়তো স্বামী-গরবিনী অন্তরে অন্তরে পুলকিতও হতেন ।

\*

\*

\*

মা ভৈঃ বলতেন বটে যোগেশ্বর কিন্তু এগার বছর বয়সে তিনি ছেলেকে নিজেই ভয় পেলেন । তিনি যে চেয়ারটায় অনড হয়ে বসেছিলেন ইংলিশম্যান আপিসে ১৯০৫ সাল থেকে, সেই চেয়ার-টায় থাকা দিয়ে তাঁকে চমকে দিল এগার বছরের ছেলে সুরেশ্বর । অবশ্য তিনি নিজেই যেন চঞ্চল হয়ে অগ্ন্যমনস্ক ছিলেন, ঠিক শক্তভাবে নিজের পুরো চাপ দিয়ে বসে কর্মনিমগ্ন ছিলেন না । সেটা উনিশশো একুশ সাল—অসহযোগ আন্দোলন শুরু হয়েছে । যোগেশ্বর বরাবর ইংরিজীর ভক্ত, ইংরেজ শাসন ও শৃঙ্খলার পক্ষপাতী । এর জন্য ভক্তি ও শ্রদ্ধা সঙ্গেও সুরেশ্বরের কাছে তিনি মানেননি । বেঙ্গলীর এডিটোরিয়ালের জবাব লিখেছেন । ১৯০৫ সালে কোথায় এক টিন বিলিভী বিস্কুট ভেঙ্গে ছড়িয়ে গুঁড়ো করার জন্য তিনি একটা প্যারা লিখেছিলেন—“একটি আবিষ্কার” । তাতে লিখেছিলেন—“আমরা বিশ্বস্তস্বত্রে অবগত হলাম যে, ইংরেজের ভারত সাম্রাজ্যের স্বত্বের দলিল নিরাপত্তার জন্য ইংরেজ বিস্কুটের টিনে প্যাক করে রেখে দিয়েছে । সেই সত্য আবিষ্কার করেছেন সুরেশ্বরের বানার্জী এবং তাঁর সহকর্মীরা । সম্প্রতি স্থানে স্থানে বিস্কুটের টিন পেলেই ভেঙে দেখা হচ্ছে দলিলখানা পাওয়া যায় কিনা । কিন্তু কর্তারা বিস্কুটগুলো অপচয় করছেন কেন ? সেগুলো খেলে তো পেট ভরে ।”

প্রথম মহাযুদ্ধের সময় সরকার থেকে তিনি মেলোপোটেমিয়া ফ্রন্ট এবং ওদিকে ক্রান্তে ভার্দুন পর্যন্ত ফ্রন্ট দেখে এসেছিলেন ।

গান্ধী যখন কলকাতায় এসে ভূপেন বোসের বাড়ী অতিথি হয়েছিলেন, তখন তিনি তাঁকে

দেখেছেন—আলাপ করেছেন। তাঁর ভাল লাগেনি। বাড়ীতে হেমন্তার সঙ্গে আলোচনায় বিক্রপ করেছেন। বিক্রপ করেছেন তাঁর বেশভূষার জন্ত, বিক্রপ করেছেন তাঁর ফল খেয়ে থাকার জন্ত, তাঁর অদ্ভুত মতবাদের জন্ত। এবং যেদিন রাউলার্ট বিলের প্রতিবাদে হরতাল ডেকে শেষ পর্যন্ত আলিয়ানওয়ালাবাগের মত মর্যাস্তিক কাণ্ড ঘটল সেদিন তাঁর যত ক্রোধ হয়েছিল ইংরেজের ওপর এমন কি সার মাইকেল ওডারার ও জেনারেল ডায়ারের উপর তার চেয়েও তাঁর ক্রোধ হয়েছিল গান্ধীর উপর। সেই—সেই ব্যক্তিই এর জন্ত দায়ী। কিন্তু বিস্মিত হয়েছিলেন ব্যক্তিটির ভারত চিত্র অমুভবের শক্তি দেখে। এত তাপ এদেশের মাটির মত মানুষের মধ্যে সঞ্চিত ছিল? তারপর ধীরে ধীরে যে বিচিত্র পরিচয়ে এই খর্ব কৃশকায় ব্যক্তিটি নিজেকে উদ্ভাসিত করেছিলেন এবং যার প্রতিচ্ছটায় ইংরেজের নতুন চেহারা দেখিয়েছিলেন, তাতে তাঁর বিস্ময় জেগে উঠছিল। কলকাতার কংগ্রেসে তিনি তীক্ষ্ণদৃষ্টিতে লোকটিকে দেখছিলেন। স্তিমিত কৃশকায় ছোট একটি মানুষ! তেমনি বেশভূষা! অথচ—!

এ নিয়ে ইংলিশম্যানের সম্পাদকীয় বৈঠকে আলোচনা হত। প্রথমদিকে তিনি ছিলেন প্রথর বক্তা। তারপর যত দিন গেল তত তিনি হয়ে উঠলেন নীরব থেকে নীরবতর। ইংলিশ-ম্যানের খোদ সম্পাদক মশায় ছিলেন যোগেশ্বরের বন্ধু এবং গুণমুগ্ধ। সব থেকে ভাল লাগত তাঁর যোগেশ্বরের স্নেহভরা উক্তি!

তিনি একদিন প্রশ্ন করেছিলেন—মিস্টার রে—

যোগেশ্বর হেসে মুখ তুলে তাকিয়েছিলেন, কথা বলেন নি।

সম্পাদক বলেছিলেন—তুমি এমন নীরব চুপচাপ হয়ে যাচ্ছ কেন?

চুরুটে টান দিয়ে ধোঁয়া উড়িয়ে চেয়ারের পিছন দিকে হেলান দিয়ে বসে যোগেশ্বর বলছিলেন—হয়ে যাচ্ছি, না?

—কি হয়েছে?

—ঠিক জানি না। তবে দেখ, আমার বাড়ীতে একটা কুকুর ছিল, কিছু দুর্ঘটনা ঘটবার হলে সেটা কেমন গুড়িগুড়ি পাকিয়ে কোণ খুঁজে বেড়াত আর মধ্যে মধ্যে মূহু শব্দ করত। আমারও মনে হচ্ছে ওই কুকুরটার হোঁচল লেগেছে। I am smelling something like that—একটু চুপ করে থেকে বলেছিলেন—Something will happen. —আমি যেন কারুর footsteps শুনতে পাচ্ছি।

—Oh Ray—তুমি যে মিস্টিক হয়ে পড়ছ—

—Perhaps. বলে হেসেছিলেন যোগেশ্বর।

তারপরও নাগপুর কংগ্রেসে গান্ধীর অন-কোঅপারেশন নিয়ে সম্পাদকীয় লিখেছিলেন। হাঙড়া প্যাটকর্মে সি আর দাশের সঙ্গে এ নিয়ে কথা বলে আপিসে ফিরে খুব কড়া ভাবায় লিখেছিলেন সম্পাদকীয়। প্রবন্ধটা কড়া হয়েছিল, কিন্তু তাঁর যেটা বৈশিষ্ট্য—শ্লেষ এবং ব্যঙ্গ সেটা ঠিক ছিল না তাতে। এবং তিনি নিশ্চিত ছিলেন কংগ্রেসের অধিবেশনে এই খর্বকায় কৃশতরু ব্যক্তিটি সম্পূর্ণরূপে উপেক্ষিত হবেন। কলকাতা কংগ্রেসে যে প্রস্তাব উপস্থিত হয়েছে তা নাগপুরে নিশ্চয়ই প্রত্যাখ্যাত হবে। সি আর দাশ তো সেজেই গেছেন ডেলিগেট নিয়ে।

কিন্তু আশ্চর্য! সি আর দাশ, পণ্ডিত মতিলাল নেহরু, লাল লজপত রায়, পণ্ডিত মালব্য, মিঃ মহম্মদ আলি জিন্না, সভাপতি বিজয়রাম চারিয়া—সকলে এই ব্যক্তিটির প্রভাবে এক বাক্যে কলকাতায় গৃহীত প্রস্তাব কনফার্ম করে গ্রহণ করলে। যোগেশ্বরের বিশ্বাসের অবধি রইল না। যেদিন খবরটা আসে সেদিন তাঁকেই বলা হয়েছিল সম্পাদকীয় লিখবার জন্ত। কিন্তু কিছুক্ষণ বিমূঢ়ের মত বসে থেকে তিনি প্রধান সম্পাদককে স্নিগ্ধ পাঠিয়েছিলেন—আমার মাথার মধ্যে যন্ত্রণা হচ্ছে। আজকের লীডার তুমি নিজে লিখো। আমি বাড়ী যাচ্ছি। দীর্ঘক্ষণ তিনি গঙ্গার ধারে বসে থেকে বাড়ী ফিরেছিলেন। এবং সে রাত্রে যে মন্তব্যটুকু নিয়মিত খান তা খেয়ে উঠতে পারেননি—চিন্তার মধ্যে। এত ভুল হল তাঁর?

তারপর একশ সালে আরম্ভ হল আন্দোলন। তিনি আপিসের রিভলভিং চেয়ারে বসে ঘুরতেন—এটা যেন নেশা হয়ে গেল তাঁর। তিনি মনে মনে ঘুরতেন চারিদিক। সন্ধ্যা সন্ধ্যা চেয়ারটাকেও ঘোরাতে।

একটা নতুন চেহারা। গোটা দেশটার একটা নতুন চেহারা। মণ্ডপ মদ ছাড়ছে। চাকুরে চাকরী ছাড়ছে। ছাত্ররা পরীক্ষার হলের সিঁড়িতে শুয়েছে, নিজেরা পরীক্ষা দেবে না—অন্যদের দিতে দেবে না। শোভাযাত্রীর উপর লাঠিচার্জ হচ্ছে। তাদের অ্যারেস্ট করে জেলে পাঠানো হচ্ছে; কিন্তু একদল যাচ্ছে আর একদল তার স্থান পূরণ করছে। মেয়েরা জেলে যাচ্ছে। বাসন্তী দেবী জেলে গেলেন দাশ মশায়ের পিছন পিছন। এ হ'ল কি?

ইংরেজরা গাল দিচ্ছে।

স্বরেন্দ্রনাথ পিছিয়েছেন। তিনি মঞ্জিত গ্রহণ করবেন। তিনি নিজে তাঁরও পিছনে অনেক পিছনে। তিনি ইংলিশমানে এডিটোরিয়াল লিখছেন। তাঁর পিতা দেবেন্দ্র রায় বিপ্লবীদের সমর্থন করেছেন গোপনে—অর্থ দিয়েছেন। কিন্তু তিনি? এমনিই অবস্থায় ওই ঘোরানো চেয়ারখানা কিসের ধাক্কায় যেন উন্টে যাই-যাই হল। টেলিফোন বেজে উঠল। তিনি রিসিভার তুলে ধরে বলেন—রয়!

ওদিক থেকে কথা ভেসে এল—আমি হেম বলছি!

—কি? কি খবর?

—তুমি বাড়ী এস। গাড়ী গেল।

—এই তো ঘণ্টাখানেক বাড়ী থেকে এসেছি—

—স্বরেশ্বর ইন্সুল থেকে ফেরেনি। গাড়ী ফিরে এল—তাকে পায়নি।

—মানে?

—সে টিকিনে বেরিয়ে চলে গেছে। ক্লাসের ঝঁকুরা বলেছে—সে বড়বাজার গেছে পিকেটিং করতে।

—পিকেটিং করতে?

—হ্যাঁ।

যোগেশ্বর তৎক্ষণাৎ উঠে বেরিয়ে এসেছিলেন আপিস থেকে। সেই এসেছিলেন আর ঢোকে ন।

গাঙ্গি হয়েছিল স্বরেশ্বরকে বের ক'রে আনতে । সার্জেন্টের হাতে সে মার খেয়েছিল । থানার লকআপ থেকে বের করে আনতে হয়েছিল । তাতে স্বরেশ্বর অপ্রতিভ হইনি, লজ্জিত হইনি, সগৌরবে ঘোষণা করে বলেছিল—আমি শুকে ইট মারতে পারতুম কিন্তু মারতে মানা । অহিংসার মানে কি হয় বাবা ?

যোগেশ্বর আগে হ'লে বলতেন—কাউয়ার্ডিস । ভীৰুতা হল এর মানে । কিন্তু সেদিন তা বলতে পারেননি । বেটনের ঘায়ে স্বরেশ্বরের পিঠে কয়েকটা দাগ উঠেছিল । তিনি তার দিকে তাকিয়ে বলেছিলেন—

—মার খেয়ে তুমি বলেছিলে—আর করব না ?

—না । সবগে ঘাড় নেড়ে অস্বীকার করে সে বলেছিল—আমি বন্দে মাতরম বলেছিলাম !

—তুমি এখন শুয়ে পড় । এখনি ডাক্তার আসবেন ।

এরপর একলা ঘরে পায়চারি করেছিলেন । মধ্যো মধ্যো অশ্রুট কণ্ঠে বলেছিলেন—He is the man. Yes, He is the man.

চাকর হুইকির বোতল গ্লাস সোডা দিয়ে গিয়েছিল, প্লেটে মাংসের বড়া—হেমলতার নিজের তৈরী, দিয়েছিল, তার সঙ্গে স্ট্রালাড এবং একটা কাটলেট । যা তাঁর নিত্যকারের খাদ্য । কিন্তু ও-সবের আকর্ষণেও তিনি চেয়ারে এসে বসেননি । সেই ঘুরেই বেড়াচ্ছিলেন । ছেলেকে ডাক্তার দেখিয়ে ঘুম পাড়িয়ে হেমলতা তাঁর ঘরে এসে ঢুকে সবিস্ময়ে বলেছিলেন—একি ? এখনও ঘুরপাক খাচ্ছ ? ভয় নেই, বস, স্বরো ঘুমিয়েছে, ডাক্তার দেখে বললে—হ্যা—মার খেলেই দাগ ওঠে । নাথিং—সিরিয়াস । হাসপাতালে একে বলে মাইনর ইনজুরি ।

—হঁ । আর একটা পাক ঘুরে আসতে আসতেই হেমলতার কানে তাঁর ওই He is the man কথাটা গিয়েছিল । বলেছিলেন—কি বলছ ?

—ঠিক হয়েছে । আচ্ছা, বল তো এদেশের সব থেকে বড়লোক—আই মীন গ্রেটেষ্ট মেনদের নাম । ফাইভ অর সিক্স ।

—কেন রামমোহন রায় ?

—তাঁর নাম—কীর্তিহাটের লোকে জানে ? তাছাড়া উনি তো টাটকা—। পাঁচ হাজার বছর পর ঘানের নাম থাকবে—ফাইভ—বল !

—তা হ'লে—। শ্রীরামচন্দ্র—শ্রীকৃষ্ণ—

—শুঁরা অবতার ।

—তা হলে—বুদ্ধ, শঙ্কর, চৈতন্য, রামকৃষ্ণ—

—জাটস ইট । কয়েকট । এদেশে রাজা রাজপুত্র বীর—এরা নয়—বুদ্ধ, শঙ্কর, চৈতন্য, রামকৃষ্ণ দিগ্গ সন্ন্যাসীজ—এরাই বড় । এরাই বেঁচে থাকে । এবং If I am not wrong, একটু ভেবে বলেছিলেন—no—I am not wrong,—this man—this Mr. Gandhi

—he is one of them. লোকটা ঘরে থাকবে না। নিশ্চয় চলে যাবে স্বর ছেড়ে। দেখো।

—তোমার হ'ল কি? বল, খাও। খাবার জুড়িয়ে গেল—

—যাক। বোতল গ্লাস সোভা নিয়ে যেতে বল। এক গ্লাস ঠাণ্ডা জল দিয়ে যাও।

—না-না—পাগলামী করো না, এতদিনের অভ্যাস! বরং কমাতে পার।

—নো। মরদ কি বাত—হাতী কি দাঁত। আমি বগু শূকর নই। শূকরেরও দাঁত থাকে—সে দাঁতে কোন কাজ হয় না!

খাননি মদ।

পরদিন সকালে উঠে চলে গিয়েছিলেন বাজারে, চীংপুর বেটিক স্ট্রীট অঞ্চলে। হেমলতা বলেছিলেন—কোথায় যাবছ?

—আসছি। ব্যস্ত হয়ে না।

ঘণ্টা দেড়েক পরেই ফিরে এসেছিলেন এক সেতার এবং এক বেহালা নিয়ে।

হেমলতা সবিস্ময়ে বলেছিলেন—ও মা! এ কি হবে?

—বাজাবো।

—এই বুড়ো বয়সে সারেগামাপাধানিসা? কি খেয়াল তোমার?—হেমলতা তাঁর বিবাহিত জীবনে স্বামীর সঙ্গীতাত্মরাগের কোন পরিচয় পান নি। যোগেশ্বর হেসে বলেছিলেন—কণেক অপেক্ষা কর!

ব'লে বেহালাখানা নিয়ে স্বর বেঁধে বাজিয়েছিলেন কিছু। এবং অতি নিপুণ সুন্দরভাবে বাজিয়েছিলেন।

অবাক হয়ে গিয়েছিলেন হেমলতা। কথা বলতে পারেন নি। স্বরেশ্বরও এসে দাঁড়িয়েছিল। যোগেশ্বর হেসে প্রশ্ন করেছিলেন—কি বাজালাম জান?

স্বরেশ্বর বলেছিল—আমি বলব বাবা?

—পার বলতে? ই্যা তা পারবার কথা। বল—

—একি রূপ হেরি হরি ধরেছ যোগীর বেশ—। বাগেলী!

—রাইট। তারপর হেমলতার মুখের দিকে তাকিয়ে বলেছিলেন—গ্রামোফোনের সামনে ব'লে গুর গান শোনা এবং গলা মেলানো দেখ নি! কিন্তু গলা নেই। তবে সঙ্গীত রোখটা আমাদের রক্তে আছে বংশগত! শুনেছি আমাদের পূর্বপুরুষে একজন ছিলেন মস্ত বড় সাধক আর গানে ছিলেন সিদ্ধহস্ত অর্থাৎ যন্ত্রী!

—কই, আমাকে তো কখনও বলনি?

—কি বলব? ছেলেবেলা কীর্তিহাটে ছিলাম ক' বছর। ঠাকুরদা তখন বেঁচে। তখন শিখেছিলাম। কিন্তু বাবা আমাকে বারণ করেছিলেন। বলেছিলেন, ওটা তুমি শিখো না। তা হলে আর কিছু হবে না। বৃদ্ধ বয়সে ওটা নিয়ে বলো। তখন কল্যাণ হবে।

—সে বয়স এই চল্লিশ বছর বয়সেই হল?

—হ'ল বই কি! আজ থেকে বানপ্রস্থ।



এর অর্থটা ঠিক বুঝতে পারেন নি হেমলতা। মানে চেষ্টাই করেন নি। ছুপুরবেলা খেয়ে শোবার সময় বলেছিলেন—দেখ আমাকে আজ আর ডেকে ঘুম ভাঙিয়ে না। মানে নট বিফোর ফোর। কোচম্যানকে বলে দিয়ে গাড়ী চাই না।

—আপিসে যাবে না ?

—না, ওবেলাতেই চুকিয়ে দিয়েছি পাট !

—কি যে হেয়ালী কর—

—বলি নি তোমাকে, চাকরী ছেড়ে দিয়েছি।

—ছেড়ে দিয়েছ ? বিশ্বয়ের অবধি ছিল না হেমলতার। কারণ জানিয়ানওয়ালাবাগের সময় থেকেই সে বহুবার অনুরোধ করেছে সায়েবদের ইংরিজী কাগজ ছাড়তে। কিন্তু যোগেশ্বর ছাড়েন নি। বলেছিলেন—হেম, সেন্টিমেন্ট ইমোশন বড় সর্বনাশ। ওর একসেস যখন হয় তখন আত্মহত্যার ঝোঁক চাপে মানুষের। পাথরে মাথা ঠোঁকে মানুষ—মাথা রক্তাক্ত হয়। পাথর ভাঙে না—মানুষের মাথা ভাঙে। এই পাথরে কাঁচা মাথা ঠুঁকে মাথা ভেঙে আত্মহত্যার সেন্টিমেন্টাল ইমোশনালিজম থেকে জাতটাকে বাঁচানো আমার মিশন। অগ্রে না বুঝুক, তুমি অবুঝ হয়ো না ! বিশ্বাস রাখ আমি বুঝি। অনেক বুঝি। এই ইংরেজ জাত যত বড় তত নিষ্ঠুর ! আজ সেই লোক-চাকরী ছেড়ে দিয়েছে শুনে হেমলতা হতবাক হয়ে গিয়েছিলেন !

যোগেশ্বর বলেছিলেন—অবাক হয়ে গেছ ?

—তা হয়েছি !

—দুঃখিত হয়েছ ?

—না। খুশী হয়েছি।

—সত্য কথা ?

—তার থেকেও বেশী কিছু ! বোঝাতে পারব না তোমাকে !

—তাহ'লে—

—কি—

—তা হলে—গিভ মি এ—

—পাগল ! উন্মাদ ! এত বড় ছেলে পাশের ঘরে !

—তা বটে। জান ওই ওরই জগে—না ওর জগে নয়, ও আমার একটা দুঃস্থ ভয় ঘুচিয়ে দিয়েছে। আই ওয়াজ এ কাওয়ার্ড ! ভয়ে বলতাম ইংরেজ পাথর। ও মাথা ঠুঁকে অকৃত মাথা নিয়ে ফিরে এসে আমাকে দেখিয়ে দিল যে না তা নয়।

—যাক। তুমি ঘুমোও। আমি স্বরোকে ঘরে বন্ধ করেছি। তার কাছে যাই ! বিকেলে কিন্তু খন্দর কিনতে যাব। স্বরোকে কথা দিয়েছি।

—শোন—আর একটা কথা।

—কি ?

—আমাকে ঘুম পাড়িয়ে মা-বেটা দুজনেই যেন বেরিয়ে পড়ে না পিকেটিংয়ে।

তা. র. ১৩—২



—ঠাট্টা হচ্ছে ?

—মোটাই না। বুড়ো বয়সে বিয়ে করেছি। সুন্দরী প্রগতিশীল লেখাপড়া জানা মেয়ে তুমি। তবুও কোনদিন বুড়ো বয়সের ব্যাধি যেটা সেটাকে প্রায় দিই নি। মানে সন্দেহ-বাতিক। আজ ভয় হচ্ছে—ছেলের কাছে ঘায়েল হয়ে কাত হয়েছি। তুমি তাতে পুলকিত। আনন্দে আটখানা হয়ে খন্দর কিনতে যাচ্ছ। দেখো, উৎসাহবশে দোকান থেকে বেরিয়েই পিকেটিংয়ে নেমো না মা বেটায়!—জেলে যাও, কষ্টে-মুটে বিরহ সহ্যে পারব। কিন্তু উদ্বেগের সীমা থাকবে না, মনে মনে কোন পিকেটিংর নিপুণপ্রদীপ্ত পুরুষকে জয়মাল্য দিলে!

হেমলতা সেকালের আধুনিক। কালটা একদিকে যেমন ক্ষোভ আর রোষের যুগ তেমনি রসের যুগ। রবীন্দ্রনাথের কাব্যরসে গোড়ভূমি ভেসে গেছে। হেমলতা রাগ করেন নি। তিনি হেসে বলেছিলেন—দেখ, তোমার এই রসবোধের জন্মই বয়সের বার তের বছর তফাত সত্ত্বেও আমি স্বৈচ্ছায় তোমাকে বিয়ে করেছিলাম। তোমরা জমিদার, তুমি জার্নালিজমে নামী লোক, শৌখীন সাহেব মানুষ, তোমার ফ্রেক্‌ছাঁট দাড়ি আছে, সে জন্মে নয়। আজ এই চাকরী ছাড়লে মদ ছাড়লে এর জন্মে admiration—প্রায় ভক্তিবাদে এসে পৌঁচেছে। ভেবো না। ইস্র হাতছানি দিয়ে শচীন্দ্র অফার করলেও আমি মরতে চাইব না। তোমাকে ফেলে! বলে স্বামীর ঠোঁটের উপর ঠোট রেখেছিলেন।

যোগেশ্বর পরবর্তীকালে বলতেন—ওই দিনটি তাঁর জীবনে সর্বোত্তম সুখের দিন!

এর পর সেতার বেহালা নিয়ে পড়েছিলেন যোগেশ্বর। ওস্তাদ রেখেছিলেন। এবং শেখার সময় সুরেশ্বরকে কাছে রাখতেন। সুরেশ্বর জন্মাবধি যে সঙ্গীতবোধ নিয়ে জন্মেছিল—তাতে সে না-শিখেই বাঁয়া তবলা বাজাতে পারত। আর ছবি আঁকত যেখানে সেখানে।

সে বছর খানেক। এর মধ্যেই ক্রমে তাঁটা পড়ে এল আন্দোলনে। জেপথানায় দেশবন্ধু দাশের সঙ্গে ইংরেজ সরকারের কথা হ'তে হ'তে বন্ধ হল। গান্ধী রাজী হলেন না। অসহিষ্ণু হয়ে উঠলেন যোগেশ্বর।

হঠাৎ গানবাজনা বন্ধ ক'রে পড়াশোনায় মাতলেন। সুরেশ্বরকে ইস্কুল তিনি তখনই ছাড়িয়েছিলেন। বাড়ীতে মাস্টার রেখে পড়াচ্ছিলেন। সুরেশ্বর যদৃচ্ছ পড়ত। তার কোন বাধানিষেধ ছিল না। তিনি নিজে পড়তে লাগলেন—গীতা চণ্ডী থেকে শুরু করে রামায়ণ মহাভারত—উপনিষদ পর্যন্ত।

হেমলতা শঙ্কিত হয়েছিলেন। বলেছিলেন—এ কি করছ তুমি ?

—একটা মীমাংসা খুঁজছি। An answer—

—কিসের ?

—বাঘ সাপের সামনে ননভায়োলেন্স—অহিংসার কিছু দাম আছে কিনা? এবং মানুষের প্রকৃতির মধ্যে বাঘ সাপের প্রকৃতির অস্তিত্ব অস্বীকার করা যায় কিনা? কথাটা বুঝেছিলেন হেমলতা। উত্তর দিতে পারার তাঁর কথা নয় কিন্তু তিনি বলতে পারতেন, কেন এ নিয়ে মাথা ঘামাচ্ছ তুমি? স্বাভাবিক নিয়মে যা ঘটবার তা ঘটবেই! বা এই ধরনের কোন কথা তিনি নিশ্চয় বলতে পারতেন কিন্তু তাও তিনি বলতে পারেন নি!

যোগেশ্বর বলেছিলেন—নর্থ পোল সাউথ পোলেও ছ মাস দিন—ছ মাস রাজি । ডার্কনেস আও লাইট । সমান অধিকার । সূর্যলোকে গেলে পুড়ে ছাই হয়ে যায় ! ছাট ইজ ডেথ । এ লোকটি ভুল করলে । গান্ধী ! ইংরেজ নিজেকে ব্রিটিশ লায়ন বলে, কিন্তু আসলে সে বাঘ ! এত বড় এম্পায়ার যে সে গড়েছে তাতে তার ক্যারেক্টারে সিংহের ক্যারেক্টারের স্ট্যাম্প নেই, আছে বাঘের । ব্রিটিশ জাস্টিস ততক্ষণ যতক্ষণ তার এম্পায়ার অনড় আছে । নতুন গড়া নতুন পাওয়া কোম্পানীর দেওয়ানীর মধ্যে প্রজার উপর অত্যাচার হয়েছিল, কটা রাজা রাণী বেগমের ওপর অত্যাচার হয়েছিল বলে হেস্টিংসের ইম্পীচমেন্ট হয়েছিল, বার্ক সেরিডনের কর্ণস্বর হেস্টিংসকে তিরস্কার করে পৃথিবীকে চমকে দিয়েছিল ; কিন্তু আর তা হবে না, নিশ্চিত থাক । অক্টারলোনি মন্টগোমেরিটাকে আমি আওয়াজের ধাক্কা কাঁপতে দেখি ! দিস ম্যান—আশ্চর্য ক্ষমতা কিন্তু এক ভুলে সব মাটি করে দিলে । আমি চোখে দেখছি !

হেমলতা এবার বলেছিলেন—তুমি কাগজ বের কর । লেখ ।

—কাগজ ?

—হ্যাঁ ।

—উহু—ও আমার দ্বারা হবে না । লিখতে পারলেই কাগজ বের করা যায় না !

—কেন—তোমার তো টাকার অভাব নেই !

কথাটা মিথ্যে ছিল না । তাঁর বাপ তাঁকে এক লাখ টাকা নগদ দিয়েছিলেন—কাগজ বের করবার জন্তেই । বড়ছেলেকে কলিয়ারী দিয়েছিলেন, তাঁকে দেন নি—তার জন্তে । এ ছাড়া এত বড় বাড়ীটা দিয়েছিলেন—সেও এরই জন্তে । নিচের তলায় প্রেস হবে । উপরতলায় আপিস । একদিকে কিছুটা নিয়ে তিনি থাকবেন ; প্রয়োজন হলে তেতলায় ঘর তুলে নেবেন । কিন্তু যোগেশ্বর তা না করে কাগজের আপিসে চাকরীই করেছেন । বাড়ীর নিচের তলাটা ভাড়া দিয়েছেন । ভাড়া দিয়েছেন বড় বড় কোম্পানীকে । তারা গুদাম করেছে । চাল ভাল খাদ্যদ্রব্য যাতে ইঁদুর লাগে—তাদের দেন নি ; পাটওয়ালাদের দেন নি আগুনের ভয়ে । দিয়েছেন হগ মাকেটের, ধর্মতলার যারা স্টেশনারী জিনিস আমদানী করে তাদের । ভাড়ায় নিজের উপার্জনে শেয়ার ডিভিডেন্ডেও কীর্তিহাটের জমিদারীর অংশ বাবদ দেবখরচ বাদে উদ্ধৃত্ত আয়ে তাঁর খরচ সংকুলান হয়েও বছর বছর অনেক সঞ্চয় হয়ে ওই এক লাখ টাকাকে স্ফীত করে প্রায় তিন লাখের কোঠায় নিয়ে গেছে । সুতরাং তিনি কাগজ বের করতে চাইলে অবশ্যই বের করতে পারেন ।

যোগেশ্বর বললেন—টাকা—লেখা—বাড়ী এ তিনটে কাগজের পক্ষে বাইরে থেকে দেখতে খুব জরুরী । তার চেয়েও জরুরী হল ব্যবসার দিক । ওতে আমার মাথা খারাপ হয় ।

—আমি দেখব !

—তুমি ? হা-হা করে হেসেছিলেন যোগেশ্বর ।

—তুমি হাসছ ? আমি পারব না ?

—পারবে না বলছি নে । কিন্তু আমার ভুল পলিসিতে কাগজ ডুবতে বসলে আমাকে নোটিস

দিতে পারবে ইঁওর সার্ভিস ইঁজ নো লংগার রিকোয়ার্ড বলে ?

শুধু হেমলতাই নয় । বন্ধুবান্ধব সকলেই বলেছিল । তারা সব বিশিষ্ট লোক । এবং সংবাদপত্র জগতের লোক অনেকে । দু-একটা কাগজ থেকে তাঁকে চাকরীও দিতে চেয়েছিল । কিন্তু তিনি নেন নি ।

দেশবন্ধু স্বরাজ্য পার্টি করে তাঁকে ডেকেছিলেন । দেশবন্ধু তাঁর থেকে বয়সে কিছু বড় ছিলেন । অসীম শ্রদ্ধাও তিনি করতেন । কিন্তু তিনি বলেছিলেন—আমাকে নিয়ে আপনাদের চলবে না । আমি পারব না বনিয়ে চলতে !

—বেশ—তুমি লেখ ।

—তা চেষ্টা ক'রে দেখতে পারি !

চেষ্টা করেছিলেন, কিন্তু পারেন নি । বলেছিলেন—হচ্ছে না !

—হচ্ছে না মানে কি ? এত বড় নামী লেখক তুমি—পারছ না ?

—বল পারছি না ।

—পারবে । আমি ব্যবস্থা করছি ।

এই কথা বলে হেমলতা মদ আনিয়া বলেছিলেন—এতকালের অভ্যাস ছেড়ে দিয়ে তুমি ছবন হয়ে গেছ । খেয়ে দেখ তো পার কি না ?

—থাব ?

—থাবে, আমি বলছি ।

খেয়েছিলেন এবং মিনিট কয়েক পরে বলেছিলেন—ঠিক বলেছ ।

সঙ্গে সঙ্গে আর এক গ্লাস খেয়ে কিছুক্ষণ পর কাগজ কলম টেনে বসেছিলেন লিখতে । গান্ধীজীর অহিংসা মতবাদকে বিদ্রোহাত্মক যুক্তির ধারানো ছুরিতে টুকরো টুকরো ক'রে কেটে নিজের নাম দিয়ে পাঠিয়ে দিয়েছিলেন ইংরেজের ইংরিজী কাগজে । খুব মোটা হেডলাইন দিয়ে সমাদর ক'রে তারা ছেপেছিল । এতদিন পরে এই প্রথম লেখাটাই চারিদিকে বেশ সোরগোল তুলেছিল—শুধু বাংলাদেশেই নয়—গোটা ভারতবর্ষে । মাদ্রাজের হিন্দু বন্দের টাইমস অব ইণ্ডিয়া দিল্লীর কাগজ সর্বত্রই এ নিয়ে আলোচনা চলেছিল । লণ্ডনের টাইমস পত্রিকাতেও কিছু মন্তব্য করেছিল তারা ।

প্রশ্নটা ওই অহিংসা নিয়ে । বলেছিলেন—হয় গান্ধী বলুন এটা তাঁর নেহাতই বাঘের স্বরূপের উপর নামাবলী, ভবিষ্যতে একদা নামাবলীখানা ফেলে দিয়ে ব্যাঘ্র মূর্তিতে দাঁড়াবেন অথবা তিনি নিতান্তই সেই হিতোপদেশের গল্পের মূষিক ? যে মূষিককে এক ঋষির বরে কয়েকদিনের জন্ত লোকচক্ষে বাঘ বলে মনে হত এবং পরে যে আবার মূষিকই হয়ে গিয়েছিল ।

প্রায় বছর দেড়েক যে টেলিফোনটা কদাচিৎ বাজত সেটা সেদিন থেকে আবার মুখর হয়ে ওঠে প্রবলভাবে ।

হেমলতা খুব খুশী হয়েছিলেন ।

স্বরেশ্বর তখন বারো বছরের । ইংরেজী সে বাপের কাছে পড়ত । সে বলেছিল—এ তুমি

কেন লিখলে বাবা ?

যোগেশ্বর তাকে স্তোকবাক্যে সাধনা দেন নি, তিনি তাকে সাধ্যমত বুঝিয়েছিলেন। গল্প বলেছিলেন অ্যামেরিকান ইণ্ডিপেন্ডেন্সের, ফেঞ্চ রেভলুশনের, রাশিয়ান রেভলুশনের। স্বরেশ্বর বয়সের তুলনায় পড়েছিল অনেক। গোত্রাসে যাকে পড়া বলে। এবং তার খোঁজা যুগিয়েছিলেন—যোগেশ্বর।

সেদিন গল্প বলতে বলতে তিনি স্বরেশ্বরকেই বলেছিলেন—গেলাসে মদ ঢেলে দিতে। স্বরেশ্বরই দিচ্ছিল। একসময় হেমলতা এসে বলেছিলেন—এ কি! ও কি হচ্ছে? তুমি কেন ঢালছ, স্বরো?

—বাবা বললে যে।

—হ্যাঁ আমি বলেছি।

—খুব ভাল! এর থেকে ভাল আর কিছু হ'তে পারে না।

হেসে যোগেশ্বর বলেছিলেন—দেখ, ওর বয়স আঠারো পার হলে আজ আমি ওকে খেতে শেখাতুম। খেতে তো শিখবেই। যার তার কাছে শিখবে কেন? বলে হা-হা ক'বে হেসেছিলেন।

হেমলতা রাত্রে বলেছিলেন—না-না—এত বাড়াবাড়ি করো না। দেখছি আমিই অগ্রাধিকার করেছি তোমাকে আবার ধরিয়ে।

—খুব যে অহঙ্কার!

—মানে?

—তুমি না-দিলে, বোধহয় আমিই আনিয়ৈ শুরু করতাম। তুমি এলে মনের কথা নিয়ে মানসীর মত অথবা ডেস্টিনির মত।

তারপর কিছুদিন তিনি বিপুল উৎসাহে লিখলেন। প্রতিপন্ন করলেন—অন্তত তিনি তাই ভাবলেন, যে অহিংসার কল্পনা একটি রঙীন ফান্টাস ছাড়া আর কিছুই নয়। এবং এই ফান্টাস যখন ফাটে তখন তার যে গ্যাস বাতাসে ছড়ায় তাতে নিঃশ্বাস নেয় যে মানুষ তাদের একটা নেশা লাগে। বুকের পরে এই নেশায় গোটা দেশের মানুষ একটা ক্লীবের জাতিতে পরিণত হয়েছিল। দেশের বর্তমান এই যে ইংরিজী শিক্ষার প্রভাবে নতুন চেতনা—সে চেতনা সংকীর্ণ বোকা। তুমি আর তোমার ধর্মের ধোঁয়া মেশানো অহিংসার নেশায় আবার নতুন করে ক্লীব ক'রে দিও না। ইংরেজের মত এত বড় একটা জাতির শিক্ষাদীক্ষা সব ব্যর্থ হবে। ছুনিয়ার চাকা যখন স্টীম পাওয়ারে এবং ইলেকট্রিসিটিতে চলছে প্রচণ্ড ধর্গর শব্দে তখন তুমি সেই পুরানো চরকাকে বের করে ঘানর ঘানর করে দুঃখজগতে একটি অট্টহাস্তের সম্মুখীন করো না এই হতভাগ্য জাতিকে।

মদের পরিমাণ ক্রমশ বাড়ছিল, বলাই বাহুল্য। হেমলতা আপত্তি করলেন। তিনি বললেন—নো। আর শুনব না।

মান-অভিমান কাঁদাকাটির পর একটা আপোষ হল। এরই মধ্যে ঘটল আর এক ঘটনা। এখানেও ঘটালেন হেমলতা। তাঁর মামাতো ভাই তখন ব্যারিস্টার এবং বেশ পসারওয়ালা

ব্যারিস্টার। তার ছেলের জন্মদিনে বাড়ীতে ছিল পার্টি ; সেখানে গিয়েছিলেন স্বরেশ্বরকে নিয়ে ; গান-বাজনার আসর ছিল, সেই আসরে বাজিয়ের অভাব হচ্ছিল, বসিয়ে দিলেন ছেলেকে ঝাড়া তবলা বাজাতে। সে চমৎকার বাজাল। চৌদ্দ বছরে সব পা দিয়েছে—সুন্দর চেহারা ; তারিফ সে পাণ্ডনার থেকে বলতে গেলে বেশীই পেলে। প্রশ্ন উঠল—ওমা, শিখলে কখন ?

পার্টিতে ছিলেন মামাতো ভাইয়ের বিশিষ্ট মজ্জেনরা। তার মধ্যে ছিলেন ছোট নেটিভ স্টেটের ( যে নেটিভ স্টেটের আয় বাংলার বড় জমিদারী থেকেও কম ) রাজার এক বান্ধবী। সে আমলেও খাটি ইঙ্গ-বঙ্গের চেয়েও কড়া চাল তাঁর। বিলেতও ঘুরে এসেছেন একসময়। পরিচয় তাঁর তিনি রাজার প্রাইভেট সেক্রেটারী। তাঁর সঙ্গে আলাপ হেমলতার পার্টির প্রারম্ভেই হয়েছিল। মিস্টার জে রয় এবং ওমনিপোর্টেন্টের নাম তিনি জানতেন। তিনি শুনে সবিস্ময়ে বলেছিলেন—সত্যি মিসেস রয় ? না এটা তোমার স্বামী-প্রেমের সুন্দর স্বপ্ন ?

হেমলতা বলেছিলেন—অর্থাৎ তুমি বলছ বাজনা আমি জেগে শুনি নি, স্বপ্নে শুনেছি ! যেমন তোমার মহারাজার শিকারের ঘটনাগুলো ঘরে শুয়ে শুয়ে দেখেছ ?

হেসে উঠেছিলেন মহারাজার বান্ধবী। বলেছিলেন—মহারাজার গুলির চেয়েও তোমার কথার টার্গেট অব্যর্থ এবং মারাত্মক। বেশ তো, আমি মহারাজার গুলির তাগ দেখাতে রাজী আছি, তবে শিকারে যেতে হবে। তুমি মিস্টার রয়ের অপরূপ বাজনা আমাকে শুনিয়ে দাও। আমি গান-বাজনা বুঝি। ভাল লাগে।

হেমলতা বলেছিলেন—কাল আমার ওখানে চায়ের নেমস্তন্ন তোমার।

তিনি আনন্দের সঙ্গে নিমন্ত্রণ গ্রহণ করেছিলেন।

হেমলতা বিশেষ কিছু জানান নি যোগেশ্বরকে, বলেছিলেন—একজন বান্ধবীকে চায়ের নেমস্তন্ন করেছি।

যোগেশ্বর লিখছিলেন। বলেছিলেন—বেশ !

৩

পরের দিন এলেন—মিস চন্দ্রিকা মালহোত্রা। মিশ্রিত রক্তের যে লাবণ্য লাল ঝালোয় মেশানো পপি ফুলে থাকে সেই লাবণ্যে লাবণ্যময়ী। দীর্ঘাক্ষী। বড় চোখ। পুরু ঠোঁট। বাপ ছিলেন আমিতে ডাক্তার—লেকটেন্যান্ট কর্নেল।

জীবন কেটেছে ভারতবর্ষের বাইরে প্রথম দু'দিকটার। চন্দ্রিকার মা ছিলেন আসামের খাসিয়া ক্রীষ্টান মেয়ে, গুর অধীনে নার্স ছিলেন হংকংয়ে। বিয়ে হয়েছিল সেখানে। তারপর ১৯১৪ সালের যুদ্ধের সময় ইণ্ডিয়ান আর্মির সঙ্গে গিয়েছিলেন ফ্রান্সে। তখন চন্দ্রিকা এবং তার মা ছিল দেরাহুনে। চন্দ্রিকা পড়ত সেখানে। দেরাহুন থেকে পাস করে এসেছিল কলকাতায়। শুদিকে তখন যুদ্ধ শেষ হয়েছে। মালহোত্রার ইচ্ছে হয়েছিল হোমে বাস করবে। নিয়ে গিয়েছিল স্ত্রী কন্যাকে। চন্দ্রিকা বিলেতে গিয়েছিল ১৯১২এ। বয়স তখন উনিশ কুড়ি।



কলকাতায় থাকতেই সে নিজের গায়ের রং বিচার ক'রে ব্রক ছেড়ে শাড়ী ধরেছিল। এবং শাড়ী পরেই গিয়েছিল ইংল্যান্ড। সে শাড়ী-পরা সেখানে গিয়েও ছাড়ে নি। তার সঙ্গে চুল গাম্পু করা—মুখ রঙ করার আর্টেও দক্ষ হয়ে মতিমতী পূর্ব-পশ্চিমের মিশ্র সৌন্দর্যের প্রতীক হয়ে উঠেছিল। অন্ততঃ ওর ভক্তগণ বলতো তাই। তার মধ্যে ঔপনিবেশ-স্বপ্নাতুর ইংরেজ-সন্তানও ছিল।

ওদিকে ডাক্তার মালহোত্রা তখন শ্বেতপুষ্পে কালো ভ্রমরের মত মধুলোলুপ হয়ে উঠেছেন। এবং জুয়াতে গদে রেসের ঘোড়ার মত দৌড়াতে আরম্ভ করেছেন। তার ফলে একদা পড়লেন জালে জড়িয়ে। জুয়ার সঙ্গে জালিয়াতির এবং সুরায় সঙ্গে নারীর সম্পর্ক আত্মিক হিসেবে নিবিড়। ওদেশে ডিম যেমন নিরামিষ—তেমন বিচারে ওদেশে এ দুটোর মধ্যেই এক ধরনের আধানিরিমিষ সত্যতা আছে, সেটা এ-দেশী মালহোত্রার পক্ষে বজায় রাখা সম্ভবপর হয় নি, সুতরাং জালিয়াতির দায়ে এবং অ্যাডাল্ট্রির পাঁচে প্রায় একসঙ্গে পড়ে গেলেন। নিঃস্ব হয়েও যখন বাঁচবার সম্ভাবনা রইল না—তখন প্রায় পাগল হলেন। এই সময়েই এই ক্ষুদ্র করদরাজ্যের মহারাজটির সঙ্গে মালহোত্রা পরিবারের হল আলাপ। বয়স্ক ব্যক্তি। চন্দ্রিকার বাপ, কন্যাকে সামনে রেখে এই মহারাজাকে ধরেছিলেন পরিত্রাণের আশায়। তার ফল ভাল হয় নি; তার মা দাঁড়িয়েছিল পথরোধ ক'রে। পাগল আর্মি অফিসার, তাঁর পক্ষে এই পথের বাধা অপসারণে দিশেহারা হবার কথা নয়, পিস্তল বের করে স্ত্রীকে হত্যা করেছিলেন। এবং তারপরই মাথা ভাল হয়েছিল, তিনি নিজেও আত্মহত্যা করেছিলেন। চন্দ্রিকা একাকিনী। সে পথ খুঁজতে গিয়ে দেখেছিল, হয় হোটেলের বাসন ধুতে হয়, নয় ওয়েস্ট্রেস হতে হয়, নয়—। কিন্তু সেখানেও প্রতিদ্বন্দ্বিনী অনেক—যুদ্ধের পর ফ্রান্স জার্মানী রাশিয়া থেকে অনেক মেয়ে ইংলণ্ডে এসে আশ্রয় নিয়েছে। বিয়ের বাজার থেকে পথে ঘাটে হোটেলের সর্বত্র দাম পড়ে গেছে মেয়েদের। সুতরাং মহারাজা যখন তাকে স্পেশাল প্রাইভেট সেক্রেটারীর পদ দিলেন তখন সে নিতে দ্বিধা করে নি। সেই পদ নিয়ে সে মহারাজার সঙ্গে দেশে ফেরে। মহারাজা তার প্রতি অনুগ্রহে অকুপণ। সে বিলিভী নাচ কিছু শিখেছিল—এখানে এসে তিনি তাকে গান বাজনা শিখিয়েছেন। বন্দুক ছুঁতেও শিখিয়েছেন। মহারাজার সঙ্গে গল্ফ খেলায় সে সঙ্গিনী। টেনিসেও তাকে দক্ষ করে তুলেছেন। মহারাজা এখন টেনিস খেলেন না, আগে ক্রিকেট টেনিসেও দড় না-হলেও তাঁর মহারাজত্বের গুরুত্বের সঙ্গে পাক্সা দিতে পারত। তবে পোলোতে কখনও কখনও এখনও শখ যায়। গোটা কয়েক দেশী ভাষাতেও চন্দ্রিকাকে তালিম নিতে হয়েছিল—তার মধ্যে হিন্দী বাংলা ওড়িয়া অন্ততম। বাংলা সে কিছু আগে থেকেই বুঝত।

১

এই হল চন্দ্রিকা।

হেমলতা তাকে অভ্যর্থনা ক'রে এনে ঘরে বসিয়ে স্বামীকে ডেকেছিল।

—এস একবার। আমার বান্ধবী এসেছে।

—বান্ধবী? কালকের সেই মহারাজার নর্গসহচরী—বেগ ইওর পার্ডন, প্রাইভেট সেক্রেটারী, স্তন্দরী!



বসে ছিলেন তিনি টিলেঢালা একটা আলখাল্লার মত জামা আর কৌচানো ধুতি পরে। তাই প'রেই যাচ্ছিলেন। হেমলতা বলেছিলেন—ও কি ?

—কেন ?

—পোশাক বদল কর। ও কি ? ওই জামাটা—

—পোশাক ? কি বিপদ ! বলে পোশাক বদলের ঘরে গিয়ে নিজের স্মাটে হাত দিয়ে সরিয়ে নিয়েছিলেন। তারপর আলনা থেকে হেমলতার একখানা বেনারসী শাড়ী টেনে নিয়ে গলায় ঝুলিয়ে নিয়ে বেরিয়ে এসেছিলেন।

হেমলতা বলেছিলেন—ও কি ?

—কেন ? শোনাতে হবে বাজনা—এটা কি তার পক্ষে যেমানান হল ? খারাপ লাগছে ?

তা বলতে পারেন নি হেমলতা। বলতে কি চমৎকার দেখাচ্ছিল যোগেশ্বরকে। রায় বাড়ীর পুরুষদের চেহারার জন্ত খ্যাতি আছে। লম্বা চেহারা, মাজা রঙ, টিকালো নাক, বড় চোখ, ফ্রেঞ্চকাট দাড়ি, স্ফুটলো করে পাকানো গৌফ, তার সঙ্গে লুটিয়ে পড়া কৌচানো ধুতির সঙ্গে ওই টিলেঢালা ধবধবে শাদা মখমলের আলখেল্লার মত জামায় চমৎকার মানায় যোগেশ্বরকে। শৌখীন মানুষটি এসব করেন খেয়াল বলে নয়, অনেক হিসেব করে মানিয়ে দেখে। এখন তার উপর বেনারসী চাদরটার দুটো প্রান্ত গলায় বেড় দিয়ে ছপাশে পা পর্যন্ত ঝুলে পড়তেই মনে হল—  
বাঃ—এই যোগেশ্বরই আসল যোগেশ্বর, যার পিতামহ প্রপিতামহ জরি মখমলের পোশাক এবং পাগড়ি পরে আর্টিস্টের সামনে বসে অয়েলপেন্টিংয়ের সিটিং দিয়েছিলেন।

হেমলতাকে নিরুত্তর দেখে যোগেশ্বর বলেছিলেন—কি চুপ করলে যে ?

হেমলতা হেসে বলেছিলেন—তোমাকে প্রণাম !

—কেন ?

—এতও আসে মগজে !

—ভাল লাগছে তো ?

—ওয়াগ্গারফুল ! কালই বেনারসীর চাদর কিনে আনব !

—রঙীন এনো ! শাদা না ! চল !

শ্যাম্পুকরা চুল—রঙকরা মুখ—পালিশকরা নখ ; জর্জে'ট-পরা দীর্ঘাঙ্গী চন্দ্রিকা মালহোত্রা—সিগারেট খেতে-খেতে দেওয়ালের ছবি দেখছিল। ১৯২৪ সালের চৈত্র মাস। তখন অবনীন্দ্রনাথের পরে নন্দলাল অসিত হালদার এঁরা এসেছেন ; যামিনী রায় তখনও ঠিক আসেন নি। অবনীন্দ্রনাথ নন্দলালের ছবিবু দিকে একদৃষ্টে তাকিয়ে ছিল চন্দ্রিকা, হাতের আঙুলে সিগারেট পুড়ছিল !

—মিস মালহোত্রা—

ফিরে তাকিয়ে মিস মালহোত্রা সবিস্ময়ে চোখ বড় করে তাঁর দিকে তাকিয়েছিলেন। একেবারে কোমর থেকে ভেঙে নুয়ে বাউ করেছিলেন যোগেশ্বর।—ওউ আফটার-হুন !

হেমলতা বলেছিলেন—আমার স্বামী !

হাত বাড়িয়ে দিয়েছিল চন্দ্রিকা এবং বলেছিল—ও ! হাউ ওয়াণ্ডারফুল ইউ লুক ! আমি ভেবেছিলাম—

—এ বাজাওলা উস্তাদ ফ্রম ইউ পি অর পাঞ্জাব—

খিল-খিল করে হেসে উঠেছিল চন্দ্রিকা। বারবার বলেছিল—নো-নো-নো—আমি ভেবেছিলাম মুরশিদাবাদি নবাব-শাহীর কোন তনখা-পানে ওলা আমীর—

—এই দাড়ির জন্তে ? তা বলতে পার। কিন্তু আমরা হলাম পুরনো জমিদার ! এই যে আলখেল্লাটা দেখছ এটা আমাদের বৈরাগীদের পোশাক। কোঁচানো ধুতি আর এই চাদর দিয়ে ভোগ এবং বৈরাগ্যের সমন্বয় হয়েছে।

—কি সুন্দর ব্যাখ্যা করলে তুমি ! ওয়াণ্ডারফুল। ওয়াণ্ডারফুল। জান তোমার লেখার ভক্ত আমি। মহারাজাকে কাগজ পড়ে শোনাতে হয় আমাকে। কিন্তু লেখাতে তো তোমার এ পরিচয় নেই ? সেখানে তো তুমি তলোয়ার খেল খাটি ইংরিজী চড়ে।

হেমলতা বলেছিলেন—বসে কথা বললে ভাল হয় না ?

—নিশ্চয়ই। আমি দুঃখিত—তোমাকে আমি দাঁড় করিয়ে রেখেছি।

বসে কথাবার্তা শুরু হয়েছিল। স্বরেশ্বর এসে বসেছিল। হেমলতা শুনেছিলেন, কিন্তু স্বরেশ্বর চুপ করে শোনে নি, সে মধ্যে মধ্যে কথার মধ্যে কথা বলেছিল। এবং বেমানানভাবে বলে নি, বেশ মানানসই করে বলেছিল।

মিস মালহোত্রা বারবার তারিফ করেছিলেন স্বরেশ্বরের কথায়। সে যা বলেছে তা আবোল-তাবোল নয়, হয়তো বলার ভঙ্গিটা ছেলেমানুষের প্রকাশ-চেষ্টায় আবোল-তাবোল মত শুনিয়েছিল। ঈশ্বর নিয়ে তর্ক হচ্ছিল। যে তর্ক জগতে সব থেকে বেশী হয় এবং যে তর্কে নেই বললেও হারে না আছে বললেও হারে না—তারই মাঝখানে হেমলতা এক সময় বলেছিলেন—কেন এ সব তর্ক করছ বল ত ? সে থেকেও তোমাকে দিক করে না, না থাকলেও তোমার বৃদ্ধি হয় না, তাকে নিয়ে কেন চায়ের পেয়ালার তুকান তুলছ ?

স্বরেশ্বর বলে উঠেছিল—God is nothing but botheration.

হো-হো করে হেসে উঠেছিলেন সকলে। মিস মালহোত্রা বলেছিলেন—wonderful.

স্বরেশ্বর অপ্রতিভ হয় নি। বলেছিল—তার থেকে তুমি বেহালা বাজাও না বাবা, মা বলছিল তুমি আজ বাজাবে !

—আন, তাই আন ! কিন্তু কি বাজাব ? আপ ফরমাইয়ে !

—আমি ? না-না না—যা খুশি তোমার !

—সঙ্কো হয়ে আসছে, পূর্ববী বাজাও বাবা !

হেমলতা বলেছিলেন—না, তা হলে আর কিছু জমবে না এরপর।

ছড়ি টেনেছিলেন যোগেশ্বর। একটু বাজাতেই স্বরেশ্বর বলেছিল—বসন্ত্ না বাবা ?

ছড়ি টানতে টানতেই ঘাড় নেড়ে সায় দিয়েছিলেন যোগেশ্বর।

\*

\*

\*

মিস মালহোত্রা চলে গেলে যোগেশ্বর বলেছিলেন—এদের কেন ডাক ?

—কেন ?

—নাঃ । এরা হল আলাদা জাত—এদের হল আলাদা ধাত !

একটু ক্ষুণ্ণ হয়েছিলেন হেমলতা । কিন্তু পরের দিনই মহারাজার পুরুষ সেক্রেটারী এসে যোগেশ্বরকে নিমন্ত্রণ করেছিলেন লাউডন স্ট্রিটের বাড়ীতে । একলা নয়—স্ত্রী-পুত্র সমেত যোগেশ্বরকে নিমন্ত্রণ করেছিলেন চায়ে । চায়ের নিমন্ত্রণ শেষ করতে প্রায় ডিনারটাইম হয়ে গিয়েছিল । আগের কথায় বংশ-পরিচয় থেকে শুরু করে খেলা-শিকার-সঙ্গীত থেকে পলিটিক্স পর্যন্ত । এরই মধ্যে মহারাজা হঠাৎ বলেছিলেন, মিস্টার রয়, তোমার সঙ্গে আমার কিছু প্রাইভেট কথা ছিল । যদি আপত্তি না থাকে তবে এস না, আমরা আধঘণ্টার জন্তে ওঘরে কথা বলে নিই । চক্রিকা, তুমি মিসেস রয় এবং মাস্টার রয়কে দেখাও না সব ।

ঘরে নিয়ে গিয়ে মহারাজা বলেছিলেন—দেখ রয়, তোমার লেখা আমি পড়ি । তা ছাড়া আমি চক্রিকার কাছে তোমার কথা শুনে দু-চারজনের কাছে পরামর্শ নিয়েছি । তারা তোমার কলম সম্পর্কে উচ্ছ্বসিত প্রশংসা করেছে । আমার স্টেট সম্পর্কে প্রজারা এই সব কংগ্রেসী লীডারদের উদ্দেশ্যে সহায়তায় নানান নিন্দার কথা অশাসন-কুশাসনের কথা ভেটিলেট করছে, দরখাস্ত পাঠাচ্ছে । পলিটিক্যাল এজেন্ট এতে আমার উপর সুরিধে নিতে চাচ্ছে । আমি চাই আমি কি করেছি—সেই কথা প্রকাশ করতে । তুমি আমাকে হেল্প কর । কাজটার ভার নাও ।

গম্ভীর হয়ে গিয়েছিলেন যোগেশ্বর । এ যোগেশ্বর জার্নালিস্ট যোগেশ্বর । যে যোগেশ্বর দেশের সুলভ মতামত উপেক্ষা করে দীর্ঘদিন ইংরেজ রাজত্বকে সমর্থন করে এসেছেন । যে যোগেশ্বর উনিশ শো একুশে চাকরী ছেড়েছেন । যে যোগেশ্বর নন-কোঅপারেশন মুভমেন্টের ব্যর্থতায় হিন্দু শাস্ত্র সংহিতা পড়ে সিদ্ধান্তে উপনীত হয়ে উচ্চ কণ্ঠে বলেছেন—“অহিংসা একটি মনোরম রোমাটিক স্বপ্ন—প্রায় ঈশ্বরের মত । বাস্তবের সম্পূর্ণ বিরোধী । অবাস্তব বললেও যথেষ্ট বলা হয় না । মানবসমাজ এবং সভ্যতাকে ক্ষীণবল করে এতকালে বহুকণ্ঠে অর্জিত মনুষ্যত্বের বিকৃতি ঘটায় ক্রীবত্বে অর্থাৎ সভ্যতার বংশধারা বা স্রোতোধারায় ছেদ টেনে দেয় । এমন কি যদি সব দেশের সব মানুষ অহিংস হয়েই বসে, যুদ্ধও আর না হয়, তবে সেদিন দলবদ্ধভাবে বনের বাঘ সিংহ হিংস্র জন্তুরা মানুষকে আক্রমণ করে পরমানন্দে পশু-রাজত্বের সৃষ্টি করবে ।”

এ লিখেও নিন্দাকে সমালোচনাকে ভয় করেন নি যে যোগেশ্বর সেই যোগেশ্বর । তিনি বলেছিলেন—মহারাজা, এ ভার নিচ্ছি এ কথা তো বলতে পারব না ! যতক্ষণ সব না জেনেছি !

—বেশ, তোমাকে আমরা সব তথ্য দিচ্ছি । ফুল স্ট্যাটিস্টিক্স দিয়ে দেব আমি ।

হেসে যোগেশ্বর বলেছিলেন—স্ট্যাটিস্টিক্স আর সত্য এক নয় মহারাজ ।

—বেশ, তুমি এস আমার স্টেটে । দেখ সব !

—পূর্ণ স্বাধীনতার মধ্যে দেখব সব ?

—নিশ্চয় !

—ভেবে বলব কাল !

—আমি তোমাকে বিলেতের কাগজে যে পেমেণ্ট করে, তাই করব । এবং সব খরচ আমি বহন করব । যদি মাইনে নিয়ে কাজ করতে চাও—

—না । ওদিকে আমি প্রথমটাতে রাজী ! তবে ভেবে দেখব !

—তুমি একবার স্টেটে এসে সব দেখ রয় । প্লিজ । ফার্স্ট ক্লাস বাংলো—মোটর—এভরিথিং । তুমি মিসেস রয়কে নিয়ে ছেলেকে নিয়ে চল, দেখ ।

—কাল বলব মহারাজা !

পথে ভাবতে ভাবতে এসেছিলেন, কথাটা হেমলতাকেও বলেছিলেন । হেমলতা বলেছিলেন—দেখ !

—কি ?

—কাল বলছিলে চন্দ্রিকার জন্তে যে ওকে কেন আনলে ?

—হঁ । বলেছিলাম ।

—এখন ?

—এখন ?

—হ্যাঁ এখন ?

—বলতে পারছি না ! ভেবে দেখি ।

\*

\*

\*

কাজ নিয়েছিলেন যোগেশ্বর । চন্দ্রিকা নিজে এসেছিল মত জানতে । মত তিনি দিয়েছিলেন । হেমলতা বলেছিলেন—এবার বল !

—কি ?

—ডেকে ভাল করেছিলাম কি না ?

—কর্মের একটা চক্র আছে হেম !

হেসে হেমলতা বলেছিলেন—তবু বলবে না যে ভাল করেছিলাম ।

—নিশ্চয় বলব । তা বলব । যা ঘটবার তাই যখন ঘটে তখন সেই ভাল । যা ঘটবার নয় তা ঘটতে গেলে বা ঘটলে পৃথিবীতে যত্তিভঙ্গ হয়—স্বয়ং কাটে । আমার মত জার্নালিস্টের পক্ষে এইটেই ঘটবার । আমি জমিদারের বংশধর । জার্নালিস্ট হয়েছি । ওই কংগ্রেসী স্বরে স্বয়ং মেলাতে গেলে বেস্বর বলতাম । সংসারে যারা বেস্বর বলে এ-যুগে তাদের বলে বিদ্রোহী । তারা জিতলে দেবতা হয় হারলে অস্বর নাম পায় ইতিহাসে । সে রিঙ্ক আমি নিতে নারাজ !

এক বছর পর হেমলতাকে বসে থেকে যোগেশ্বর যে চিঠি লিখেছিলেন তার গোড়াতেই এই কথাটার উল্লেখ করেছিলেন—তিনি চন্দ্রিকাকে নিয়ে পালিয়ে যাচ্ছেন ইউরোপ ।

গোড়াতেই লিখেছিলেন—তোমাকে এই চন্দ্রিকা পর্বের গোড়াতেই বলেছিলাম তুমি ওকে কেন আনলে ? তুমি জিজ্ঞাসা করেছিলে—কেন ? দোষ কি হল ? বলতে সেদিন পারি নি, আজ লিখে জানাচ্ছি—দোষ তোমার নয় দোষ আমার, আমি ওকে দেখে এক মুহূর্তে ক্লোরোফর্ম করা মানুষের মত চেতনা হারিয়ে ফেলেছিলাম । ওর রূপসজ্জা, ওর ভঙ্গি, ওর খাম্পুকরা

চুলের গন্ধ সত্যিই যেন ক্লোরোফর্মের মিষ্টি গন্ধের সঙ্গে একমাত্র তুলনীয়। তবু আমি প্রাণপণে লড়াই করে চেতনাকে জাগিয়ে রেখেছিলাম অনেকদিন। তুমি জান পরদিন চন্দ্রিকা এসেই আমার মত আদায় করে ছেড়েছিল। কি বলেছিল জান—বলেছিল—রয় প্লিজ, প্লিজ তুমি অমত করো না! প্লিজ! আমার চোখে নেশার ঘোর ছিল। সেই ঘোরের মধ্যেই বলেছিলাম, কেন? আমাকে নেবার জন্য এত ব্যস্ত কেন? মহারাজাকে তুমি এত ভালবাস। সে বলেছিল—উন্টো! ঠিক উন্টো রয়। তুমি যদি স্টেটের রক্ষমঞ্চে আবিভূর্ত হও তবে আমি পরিত্রাণ পাই। আমার নিশ্চিত ধারণা আমি পরিত্রাণ পাব। জিজ্ঞাসা করেছিলাম—মানে কি বল তো? সে বলেছিল—রয়, আমাকে মহারাজা আসলে কিনেছে। আমার বাবা আমাকে বিক্রী করেছিল। আমি একটা সাংঘাতিক দলিলে সই করেছি। এক লক্ষ টাকা অ্যাডভান্স নিয়েছি—আমার চাকরীর উপর! আমার এ থেকে পরিত্রাণ নেই। তুমি যদি এস রয়—আমি তোমাকে অনেক ফ্যাক্টস দেব প্রমাণ দেব, তার দাবীতে তখন হয়তো মুক্তি পেতে পারব। আমি বলেছিলাম—কিন্তু মহারাজা তো তোমাকে খুব স্নেহে রেখেছেন চন্দ্রিকা! চন্দ্রিকা বলেছিল—তার থেকে মৃত্যু ভাল। কিন্তু মরতে আমার ভয় করে। আমি নিজে উপরে দরখাস্ত করতে পারি না—আমাকে গুলী করে মেরে দেবে! তুমি এদের জান! তবু আমি বলেছিলাম, কিন্তু আর কি এখান থেকে মুক্তি নিয়ে সাধারণ জীবনে ফিতে যেতে পারবে? সে বলেছিল—রয়, আমি তখন সাধারণ মেয়ের মত সাধারণ মানুষের কাছে নিজেকে বিক্রী করেও নাচতে পারব। আমি আর আত্মসম্মরণ করতে পারি নি, বলেছিলাম—আমার ফার্ট অফার রইল। চন্দ্রিকা বলেছিল—আমি নিজেকে ইন অ্যাডভান্স তোমাকে দিয়ে রাখলাম। এনগেজ-মেন্টও করে গিয়েছিল : সেটা একটা বড় হোটেলে। মহারাজার সেদিন ডিনারে নেমস্তন্ন ছিল গভর্নমেন্ট হাউসে।

থাক ওসব কথার বিশদ বিবরণে প্রয়োজনও নেই, আমার নিজেরও অপরাধবোধ মরে যায় নি। হেম, এ বোধহয় একটা ব্যাধি। এ বোধহয় নিয়ে জন্মেছিলাম। কারণ তার সংক্রমণের সূত্র আমি দেখতে পাচ্ছি আমার জন্মদাতার জীবন থেকে। তোমাকে বিবাহের পূর্বে এ ব্যাধি আমাকে প্রায় বাধা বন্ধ-জন্তুর মত বা জোতা-ঘোড়ার মত এই মুখে চালাচ্ছিল। চলতে তো আমার বাধা ছিল না। অর্থ ছিল। তাঁর উপর সমাজের যেটা তাড়না বা ভয় তাতেও ছিলাম বেপরোয়া। কিন্তু বাবার একটা মেসেজ ছিল—আমার কাছে। দাদার কাছেও ছিল। সেটা শীলকরা কভারে তিনি দিয়েছিলেন—আমাদের অ্যাটর্নীকে। সেটা তাঁর উইলের সঙ্গে পেয়েছিলাম। লেখা ছিল—‘পিতার যদি কোন অধিকার থাকে পুত্রকে উপদেশ দেবার তবে উপদেশ রইল নারী-বিলাস থেকে দূরে থেকো। যদি তা সম্মরণ করতে নাই পার, তবে বিবাহ করে সংসারী হয়ো না!’ কারণটা অজানা ছিল না। আমার বাল্যকালে আমার এক মেম গভর্নেস ছিল। তিনি তাঁর প্রেয়সী ছিলেন। আমাকে চড় মারার জন্য আমার দাদা তাকে ঘোড়ার চাবুক দিয়ে মেরেছিলেন! তারপর মেমসাহেব গেল চলে, বাবা তাকে অনুসরণ করে এসেছিলেন কলকাতায়। এটা প্রত্যক্ষভাবে জানতাম। তখন আমার পিতামহ বেঁচে। তখন থেকেই আমরা তাঁর থেকে স্বতন্ত্র বাস করেছিলাম। পিতামহের



মৃত্যুর পরও বাবা স্বতন্ত্র থেকেছিলেন কিছুদিন। তারপর তিনি অল্প মানুষ হ'তে চেয়েছিলেন। সে আত্মনির্ধাতন আমি দেখেছি। এবং তখন আভাসও পেয়েছি—তার প্রথম জীবনের উদ্যম গতির বিচিত্র কথার। সেই কারণেই আমি দীর্ঘদিন বিবাহ করি নি—এবং উদ্যম গতিতে ছুটতে গিয়েও ভয়ে নিজেকে সংযত রেখেছি। তারপর তুমি এলে জীবনে। তুমি দেখেছ প্রমাণ পেয়েছ আমি কি হয়েছিলাম বা হ'তে চেয়েছিলাম। ইদানীং ভাবতাম আমি সব সংকট পার হয়ে এসেছি। কিন্তু না।

পিতামহ ছিলেন পুণ্যবান পবিত্র চরিত্র মানুষ। অন্ততঃ চরিত্রের দিক থেকে। বিষয়ী হিসেবে তাঁর দোঁদগু প্রতাপের পরিচয় চোখে দেখেছি। জীবনযাপনের ধারা দেখেছি। এ যুগে আমরা শিক্ষানুযায়ী তাঁর জীবনকে বলব আত্মনির্ধাতন। অর্থহীন আত্মনির্ধাতন। তিনি আমাদের শিখিয়েছিলেন—একটা কথা। শিখিয়েছিলেন সংসারে মানুষের জীবনে নারীর সঙ্গে সম্পর্ক দুটি। দুটি সম্পর্কের একটি ভেঙে আবার দুটি হয়েছে। এক পুরুষ আর প্রকৃতি। মানুষের জীবনে এই সম্পর্ক একটি পুরুষের সঙ্গে একটি নারীর। অণুটি মাতা আর পুত্র। সেটা বয়স-ভেদে হয় কন্যা আর পিতা। এইটাই জগৎজোড়া। এর অণুখণ্ড তুমি স্বর্গ-নরক মানলে নরকে পড়বে, না-মানলে তোমাকে ফিরতে হবে জন্তুজীবনে। অথবা তাকে হতে হবে সেই পুরুষ যাকে পাপপুণ্য দেশ সমাজ কিছু স্পর্শ করতে পারবে না—তার নাগাল পাবে না।

কথাটা সত্য। চন্দ্রিকার সঙ্গে জীবনের গ্রন্থি লাগল। সেটা যদি মা বা কন্যার মত্রে গ্রন্থি পড়ত! কিন্তু না, তা পড়ল না। আজ একটা বছর আমি নানান অজুহাতে মহারাজার মেটেটে কাটিয়েছি ঘুরেছি—সে কেবল চন্দ্রিকার জন্ত। যখন চন্দ্রিকাকে জীবনে জড়িয়েছি তখন চেপ্টা করেছি ওই রকম পুরুষ হ'তে; পাপপুণ্যের দেশসমাজের উদ্ভেদর পুরুষ। কিন্তু তা পারি নি। সে সহজ নয়। সহজ সাধারণের মত অবস্থায় পড়লাম। ওদিকে মহারাজা, এদিকে তুমি এবং স্বরেশ্বর। একদিকে ভয়, অন্যদিকে নিদাক্ষণ অপরাধবোধ। মহারাজা জানতে পারলে গুলি ক'রে মারত! এদিকে তুমি জানলে কি হ'ত তা কল্পনাও করতে পারি নি। ফলে জন্তুর অধম চোরের মত তার সঙ্গে মিশেছি। আমার সম্পদ, আমার সহায়তা করেছে। বাঘের নখ আর দাঁতের মত মানুষের এই সম্পদ আর প্রতিষ্ঠা। কিন্তু আর গোপন রইল না। মহারাজা জেনেছেন। সুতরাং শিকারীর বনভাঙার শব্দে ভীত জন্তুর মত চন্দ্রিকাকে নিয়ে বিদেশ পালানো ছাড়া আমার গত্যন্তর নেই। আজই জাহাজ ছাড়বে। বন্দে থেকে চলে যাবি চন্দ্রিকাকে নিয়ে। ব্যাঙ্কের পাস বইয়ে তিন লক্ষ টাকা মজুত আছে। তার দু লক্ষ আমি নিলাম। এক লক্ষ টাকার চেক কেটে বাড়ীঘর সম্পত্তির দলিল তোমাদের নামে করে দিয়ে—বন্ধের অ্যাটর্নীকে দিলাম—তারা যথাসময়ে তোমাদের কাছে পৌঁছে দেবে। সম্পত্তি যা পৈতৃক তা স্বরেশ্বরের রইল—এ অধিকার ওর জন্মগত। তবে শর্ত রাখলাম যতদিন তুমি বাঁচবে ততদিন সব কাজে তোমার মত নিতে হবে। তোমাকে দিলাম আমার ব্যক্তিগত সম্পত্তি। আর এক লাখ টাকার অর্ধেক পঞ্চাশ হাজার নিবুঁড় স্বত্ব।

মার্জনা করতে বলব না। বলব অভিসম্পাতই দিযো। অন্য দেশের মত ডাইভোর্স নেই।



থাকলেও আমি বলতে পারতাম না। তোমাকে আমি আজও ভালবাসি। কিন্তু বিশ্বাস কর, আমার কোন শক্তি আজ নেই, আমি ভেসে যাচ্ছি একটা দুর্দান্ত আকর্ষণে। কি মোহ এই মেরেটার! ওঃ!

স্বপ্নেরকে বাঁচাতে চেষ্টা করো। কিন্তু তাকে বন্ধনেও বেঁধে না। মানুষ কেউ কাউকে বাঁচাতে পারে না হেম। মানুষ বাঁচে নিজেকে। তার বীজ থাকে তার চরিত্রে। সে চরিত্র আপনি গড়ে। অত্বে যেটা গড়ে দেয় সেটা খড়ের কাঠামোর উপর চাপানো মাটি আর রঙ। কালে ফাটে—জলে গলে।

ইতি—যোগেশ্বর রায়।

### ৪

স্বপ্নেরের বয়স তখন চৌদ্দ পনের। উনিশ শো চব্বিশের শেষ, পঁচিশের আরম্ভ। ষোল আনা বুঝবার বয়স না হলেও বারো আনা বুঝবার বয়স হয়েছিল। হেমলতা প্রথম কথাটা চাপাই রেখেছিলেন; বলেছিলেন, যোগেশ্বর ইয়োরোপ বেড়াতে গেছেন। সারা ইয়োরোপ বেড়িয়ে তবে ফিরবেন। স্বামীকে দায়ী করেন নি এমন নয়, তবে যতখানি করা উচিত তা করেন নি। করেন নি নিজের দৈহিক অক্ষমতার জন্য। দ্বিতীয় সন্তান মৃতকন্ডা প্রসব করার পর থেকে তিনি স্বামীর মনের সঙ্গিনী ছিলেন, গৃহের গৃহিণী ছিলেন, তাঁদের জীবনের ধর্ম যেটা ছিল সে ধর্মামুখ্যায়ী সহধর্মিণীও ছিলেন, কিন্তু নারী হিসাবে তো তাঁর কোন মূল্য ছিল না স্বামীর কাছে। মানুষের জীবনের তৃষ্ণা স্বভাবধর্ম। সেই তৃষ্ণায় যে-জল জমে বরফ নয়—পাথর হয়ে গেল, তার কোন মূল্য থাকে তৃষ্ণার্তের জীবনে? যোগেশ্বর তৃষ্ণাকে যদি জয় করতে পারতেন, তবে তাঁর চেয়ে সৌভাগ্যবতী কেউ হ'ত না। জীবনের অশ্বমেধ যজ্ঞ রাম করেছিলেন স্বর্ণসীতা নিয়ে। তা যদি যোগেশ্বর নাই পেয়ে থাকেন, তবে তাঁকে কোন দোষে দোষী করবেন? একান্ত নীরবে অটল ধৈর্যের সঙ্গে তিনি গ্রহণ করেছিলেন ঘটনাটিকে। এবং সংসার ও বিষয় এবং স্বপ্নের এই দুটি তটের মধ্য দিয়ে সাগরসঙ্গমের অদূরবর্তিনী নদীর মত অলুচ্ছসিতভাবে প্রবাহিত রেখেছিলেন নিজেকে।

কোন কিছু বদল করেন নি। অর্থাৎ জীবনযাত্রার প্রণালীর। আক্ষেপের মালা নিয়ে জপ করতে বসেন নি। ছেলের ধ্যান-ধারণারও পরিবর্তন করতে চান নি। কিন্তু ছেলে বদলেছিল।

কথাটা হেমলতা চেপে ছিলেন, কিন্তু বাইরের লোকেরা চাপে নি। তারা প্রকাশ করেই দিয়েছিল। পনের বছরের স্বপ্নেরের কানে সেটা পৌঁচেছিল। স্বাভাবিকভাবে অনিবার্য আঘাতে সে আহতও হয়েছিল। তার ফলে সে হঠাৎ হতে চেয়েছিল গোঁড়া হিন্দু ছেলে। অর্থাৎ মনে মনে সে এর কারণ হিসেবে স্থির করেছিল যোগেশ্বরের অহিন্দু অভাবতীয় মনই এ অনর্থের মূল। নতুন করে ধরেছিল খন্দর, চরকাও কিছুদিন কেটেছিল। এবং মাকে তাগিদ দিয়ে উপনয়নের ব্যবস্থা করে উপবীতধারী হয়ে বছরখানেক সঙ্ঘা-আস্থিক করেছিল,

নিরামিষ খেয়েছিল, খালি পায়ে হেঁটেছিল, বাড়ীতে খালি গায়েও থেকেছিল। সংস্কৃতও পড়েছিল। বছর খানেকের পর অসুস্থত্ব করেছিল সন্ধ্যা-আহ্নিক সময় যায় অনেক—সুতরাং সন্ধ্যা-আহ্নিক ছেড়ে—শুধু গায়ত্রীমন্ত্র জপ করত। সেটার আরম্ভ হল ম্যাট্রিক পরীক্ষা দেবার সময় থেকে। পরীক্ষা দিয়েছিল সে খোল বছর বয়সে। কিন্তু পাস করতে পারে নি। ফেল হয়েছিল অঙ্কে। শুধু একবার নয়—পর পর দুবার ফেল ক'রে পড়া ছেড়েই দিল। এবং ছবি আঁকায় ঝুঁকল। চিত্রকর হবে সে। আদর্শ তার প্রথম নন্দলাল। তারপর যামিনী রায়। ভর্তি হল আর্ট স্কুলে। সেখানে বছর তিনেক পড়ে পরীক্ষা দিলে না—পড়া ছেড়ে দিলে এবং আবার ম্যাট্রিক দেবার জন্য পড়তে লাগল। অর্থের অভাব ছিল না। জমিদারীর আয়, কলকাতার বাড়ীভাড়া, এক লাখ টাকার কোম্পানীর কাগজের সুদ—এ সবের কল্যাণে তার বর্তমান জীবন কেন, আমরণ ভাবী জীবনের দিগন্তও কি করব এ নিয়ে একবিন্দু সমস্যা ও এক ফোঁটা কালো মেঘের ছিটে বা ছায়া বুলোতে বা ফেলতে পারে নি। তার মা হেমলতাও এ বিষয়ে উদ্বিগ্ন হন নি কারণ তিনি এই কয়েক বছরে সম্পত্তি পরিচালনা ক'রে সম্পত্তিকে বাগিয়েই তুলেছিলেন, তার হানি করেন নি। তবে সে কেমন মানুষ হবে এ নিয়ে তাঁর চিন্তা ছিল। কিন্তু তখনও পর্যন্ত এমন কিছু কারণ ঘটেনি যাতে তাঁকে দুশ্চিন্তাগ্রস্ত হতে হয়।

এই বছরই খবর এসেছিল—ইউরোপে যোগেশ্বর মারা গেছেন। এতদিনের মধ্যে তিনি একখানা চিঠিও দেন নি। শেষ চিঠি এসেছিল—আমি হাসপাতালে। মরব কয়েকদিনের মধ্যে তাতে সন্দেহ নেই। একলা শুয়ে আছি। চন্দ্রিকা দেড় বছর আগে আমাকে ছেড়ে গেছে। আমি তাকে সহ্য করতে পারছিলাম না। আমি তোমাকে ছেড়ে তাকে পেয়ে সন্তুষ্ট হতে পারি নি। একের পর যখন দুইয়ের দিকে মন ছোটে তখন সে দুয়েই বা থাকবে কেন? সে দশক পার হয়ে শতকের দিকে ছোটে। তারপর ডিজিটের পর ডিজিট বাড়ে। কিন্তু মজা কি জান—এক ডিজিট দু ডিজিটে, দু ডিজিট তিন ডিজিটে পরিণত যখন হয় তখন শূন্য বসিয়ে তা হয়। তার মানে আজ বুঝছি—ওর মূল্যটাই হল শূন্য। পূর্ণ ওই একটি সংখ্যা ওই এক। আর একটা সত্য বুঝলাম। সেটা সবার জীবনের কি না তা জানি নে, আমার জীবনের বটে। সেটা হল এই আমার প্রাক্তন—নারী হতে সর্বনাশ। আমার জন্য শোক করো না। আমি নিজে এর জন্য দুঃখিত নই। আমার অভিযোগ নেই আমার লজ্জা নেই—সংকোচ নেই ভয়ও নেই। এর জন্যে এক বছরের মধ্যে প্রহার খেয়েছি, জরিমানা দিয়েছি, জেলও খেটেছি মাস দুয়েক। তবু মরবার সময় মনে যেটা হচ্ছে সেটা কি তা ঠিক বলতে পারব না—ফ্রান্স্টেশন বললে আপত্তি করব না, তবে আমি তা মানি না। মনে হচ্ছে বুক জুড়ে রয়েছে শুধু বিরহ—অনন্ত বিরহ। ভেবে দেখেছি, তুমি যদি পাশে থাকতে তবুও তাই মনে হত। আমার কেউ নেই, আমি কাউকে পাই নি।

অনুরোধ করব আমার শ্রদ্ধ তোমরা করো। কি জানি কল্পনা করে আনন্দ পাচ্ছি।

হেমলতা এতদিনে ভেঙে পড়েছিলেন। ঝড়ে যে গাছ ভাঙেনি সে গাছ একটি দমকা হাওয়ায় যখন একেবারে শুয়ে পড়ল—তখন দেখা গেল গোড়াটি ভিতরে ভিতরে একেবারে ক্ষয়ে শেষ হয়ে গেছে। মাটি বা মূলের সঙ্গে সংযোগ আর ছিল না।

আগের চিঠি পড়ে হেমলতা কিছুক্ষণ স্তব্ধ হয়ে পড়ে ছিলেন। তারপর বিছানায় শুয়ে মনে মনে ভেবে নিয়ে উঠে বলেছিলেন—হঠাৎ ইয়োরোপ রওনা হয়েছেন মহারাজার কাজে। জানতে পেরেছিল শুধু অ্যাটর্নীরী—যাদের হাত দিয়ে দলিল এসেছিল। পরে হয়তো সবটাই প্রকাশ পেয়েছিল, কিন্তু হেমলতা অস্বীকার করেছিলেন। সেই হেমলতা ওই চিঠি পড়ে অজ্ঞান হয়ে পড়েছিলেন। দিন তিনেক পর টেলিগ্রাম এসেছিল হাসপাতাল থেকে—যোগেশ্বর রায় মারা গেছেন……তারিখ। তখন দশদিনে শ্রদ্ধা করতে হলে হাতে আছে চারদিন। সেদিন অজ্ঞান হন নি, বিছানায় উপুড় হয়ে পড়ে ছিলেন মুখ গুঁজে। স্বরেশ্বর ছিল বাড়ীতেই। তিনদিন আগে হেমলতা চিঠি পেয়ে যখন অজ্ঞান হয়ে গেলেন তখনও সে বাড়ীতে ছিল। ঘরে বসে পড়তেন সেকালের অতি-আধুনিক সাহিত্যের মাসিকপত্র; পরীক্ষা দিয়ে অবধি সে আধুনিক সাহিত্যের পাঠক হয়েছে। সময়টা চৈত্রেয় শেষ। তখনও পরীক্ষার খবর বের হয়নি।

যুগের হাওয়াটা তাকে কাঁচা সরল তরুণ বয়সের গাছের মত দোলা দিচ্ছে। তার চেহারায় এর ছাপ লেগেছে। তখন বিরোধ চলছিল সাহিত্য-ধর্ম ও সাহিত্যে অশ্লীল মতের সীমানা নিয়ে—যার পক্ষে শরৎচন্দ্র নরেশচন্দ্র বিপক্ষে শনিবারের চিঠির দ্বন্দ্ব চলছে। স্বয়ং কবিগুরু এতে মধ্যস্থতা করতে উদ্যত হয়েছেন। সে সময়টা একটা দারুণ উত্তেজনার কাল। সে উত্তেজনা তার রক্তেও সঞ্চারিত হয়েছে। ওই প্রবন্ধই পড়তেন সে সেদিন। হঠাৎ ঝিয়ের চীৎকার শুনে ঘরে এসে মাকে অজ্ঞান হয়ে যেতে দেখে সে চিঠিখানা তুলে নিয়েছিল। চিঠিখানা পড়ে রেখে সে ডাক্তার ডেকেছিল। এবং সেইদিন থেকেই সে এই টেলিগ্রামের প্রত্যাশা করছিল। সে কাতর খুব হয় নি। বাপের উপর ক্রোধ তার একদিন হয়েছিল—আহ্নিক করেছে, খন্দর ধরেছে, খালি পায়ে ঘুরেছে, নিরামিষ খেয়েছে—কিন্তু এখন সে খন্দর ছাড়ে নি বটে, তবে নাকীগুলো ছেড়েছে এবং বলতে গেলে আর একরকম হয়ে গেছে। মনে মনে বাপকে সমর্থন করার পথ খোঁজে।

হয়তো তাতে তার পরিচয়ের গোরবটা বৃদ্ধি পাবে—প্রগ্রেসিভ বাপের প্রগ্রেসিভ ছেলে বলে এটাও কিছুটা কারণ হতে পারে, কিন্তু সবটা নয়। গুর মধ্যে বাড় আছে—সেটা এলোমেলোই বয়—কিন্তু যখন যদিকে বয় তখন সেইদিকেই তার সমান গতি।

সে যাক। হেমলতা বেশীক্ষণ মুখ গুঁজে পড়ে থাকেন নি। অল্পক্ষণের মধ্যেই উঠে বসে স্বরেশ্বরকে ডেকেছিলেন—নায়েবকে ডেকেছিলেন।

নায়েব একজন আছেন, সে যোগেশ্বরের আমল থেকেই। একটা ছোট সেরেস্টাও আছে, কয়েকজন কর্মচারীও আছে। তাঁদের কলকাতায় বাড়ী ভাড়া—দেশের জমিদারীর হিসেব-আদায় তার ব্যবস্থা করতে হয়; মামলা-মকদ্দমাও আছে। সব থেকে জটিল হ'ল জমিদারীর ব্যাপার। ছ'পুরুষ আগে জমিদারীর পতন—তা তিন পুরুষ ধরে ক্রমাগত বৃদ্ধির মুখে চলেছিল এবং ভাগ-বাটোয়ারা হয় নি। প্রথম পুরুষ কুড়োরাম ভট্টাচার্যের পুত্র সোমেশ্বর ভট্টাচার্য—এফিডেবিট করে রায় খেতাব নিয়েছিলেন—তার এক ছেলে বীরেশ্বর রায়; বীরেশ্বর ছিলেন নিঃসন্তান—তিনি আপনার ভাগে কমলাকান্তকে পোষ্যপুত্র নিয়ে নাম রেখেছিলেন রত্নেশ্বর রায়। রত্নেশ্বরের তিন ছেলে—দেবেশ্বর, শিবেশ্বর, রামেশ্বর। দেবেশ্বরের দুই ছেলে—যজ্ঞেশ্বর, যোগেশ্বর।

শিবেশ্বরের তিন বিবাহে সম্ভান ষোলটি—তার মধ্যে জীবিত দ্বাদশটি। ছয়টি পুত্র ছয়টি কন্যা।  
রামেশ্বর ব্যারিস্টার, থাকেন এলাহাবাদে। তিনি বংশের সঙ্গে সম্পর্ক চুকিয়েছেন ব্রাহ্ম হয়ে।  
অবশ্য দেবোত্তরের নিজের অংশের সম্পত্তি তিনি অতি সামান্য মুনাফা রেখে পত্তনী দিয়ে হস্তান্তর  
করেছিলেন অপর দুই ভাইকে এবং নিজের ব্যক্তিগত সম্পত্তি বিক্রী করেছিলেন মেজভাই  
শিবেশ্বরকে। ভগবানের অংশ বিক্রী করেছিলেন বড়ভাইকে। এসব করার পর ব্রাহ্ম হয়ে-  
ছিলেন তিনি।

হেমলতা উঠে বলেছিলেন—এঁদের সকলকে খবর দিতে হবে। টেলিগ্রাম করুন।

নায়েব বলেছিল—তা দিচ্ছি। কিন্তু টেলিগ্রাম কেন? চিঠি দিলেই তো হয়। আজ লিখলে  
কাল পাবেন সুব।

—না। টেলিগ্রাম করুন। সকলকে অশোচান্তের কামানোর জন্ত আসতেও লিখুন।

—বড়বাবুর ( অর্থাৎ যজ্ঞেশ্বরবাবুর ) তো আসবার উপায় নেই—ইনসলভেন্সির কেস চলছে!  
তিনি ওয়ারেন্টের ভয়ে ডাক্তারের সার্টিফিকেট দিয়ে হাটের রোগী সেজে পড়ে আছেন।  
ছেলেরা—কি—

—আমাদের কর্তব্য করুন। মেজ খুড়শ্বুর গোঁড়া হিন্দু, ধার্মিক লোক—তিনি তো  
আসবেন।

নায়েব বলেছিল—তার থেকে চলুন না আমরাই কীৰ্ত্তিহাটে যাই। সেখানেই কামানো হবে।  
ঠাকুরবাড়ীতে হবে। মানে—তাতে—

চুপ করে গিয়েছিল নায়েব। হেমলতা তার মুখের দিকে তাকিয়ে ছিলেন কথাটার শেষ  
শুনবার জন্ত। নায়েবকে থামতে দেখে বলেছিলেন—বলুন।

—মানে, মেজকর্তা তো খুবই গোঁড়া। এখানে কামানো হলে না-আসতেও পারেন। পরে  
বলতে পারেন—অশোচ আমরা নিই নি। ইউরোপে মরেছে—জাত গেছে—ক্রীশ্চান হয়ে গেছে  
এসব তো মাঝে মাঝে বলেন সেখানে—শুনতে পাই! উনি তো মামলাবাজ লোক। এর পর  
অশোচ জ্ঞাতিরা নেয়নি স্ততরাং দেবোত্তরের সেবায়ত স্বত্ব নিয়ে একটা কিছু বাধানো বিচিত্র  
নয়। ওখানে গেলে যা হয় সুখোমুখিই হয়ে যাবে। আর আদ্রটা ঠাকুরবাড়ীতে বলে—উনি  
যাই করুন—টেকবে না!

হেমলতা অ্যাডভোকেট মামার কাছে মাসুখ, কুড়ি বছর পর্যন্ত সেখানে মামলা মকদ্দমার  
কথা শুধু কানে এমনি শুনতেন না—চৌদ্দ বছর বয়স থেকে মামাকে তাঁর বরাত মত আইনের  
রেকার্ডের বইও টেনে বের করে দিতেন। তাঁরপর যোগেশ্বরের সঙ্গে বিয়ে হওয়ার পর থেকে  
যোগেশ্বর তাঁকে জমিদারী আইন এবং বিশেষ করে তাঁদের পৈতৃক সম্পত্তির মূল গ্রন্থির যে দলিল  
তার সম্পর্কে অনেক কথা বলেছেন। যোগেশ্বরের বিদেশ চলে যাওয়ার পর থেকে তিনি নিজেই  
সব চালিয়েছেন। স্ততরাং কথাটা তাঁর বুঝতে কষ্ট হল না।

স্বরেশ্বরও বুঝেছিল। বুঝবার বয়সও তার হয়েছে। আইনমতে সে এখন সাবালক। একুশে  
পা দিয়েছে। এতদিন নাবালকের গার্জেন ছিলেন মা হেমলতা। কারণ যোগেশ্বর ইউরোপে  
যাবার সময় সব ছেলেকে দিয়ে গিয়েছিলেন।





অধেক পত্তনী নিয়েছিলেন—শিবেশ্বরও অধেক নিয়েছিলেন।

তারপর এই দীর্ঘকালের মধ্যে শিবেশ্বর অনেক সম্পত্তি ওই পথেই পত্তনী দর-পত্তনী বিলি করে করে এখন শুধু দেবোত্তরের আয়টুকুর উপর নির্ভর করে আছেন।

খরচ অনেক। তিনটি বিয়ে—বারোটি সন্তান বেঁচে—ছয় কন্যার বিয়ে দিয়েছেন—অনেক মামলা করেছেন। অনেক যাগযজ্ঞ করেছেন। প্রথম প্রথম উৎসবে কলকাতার থিয়েটার আনিয়েছেন। কীৰ্ত্তিহাটে মহাকালী এ্যামেচার থিয়েটার খুলেছিলেন, নিজে নায়কের পাট করতেন, ড্যান্সিং ট্রুপ পুষতেন মাইনে দিয়ে—তিনটি গাইয়ে স্বদর্শন ছোকরা রেখেছিলেন ফিমেল পার্টের জন্তে।

এখন সে-সব নেই, এখন আছে ছয় ছেলের সংসারে ছেলে-বউয়ে এগারজন, তাদের ছেলে-মেয়ে সতেরোজন। ছোট ছেলে অতুলেশ্বরের তখনও বিয়ে হয় নি। ছেলেরা প্রথম আমলে বাবু ছিলেন; ঘোড়ায় চড়তেন, শিকার করতেন, মদ খেতেন। হাতীও একটা কিনেছিলেন শিবেশ্বরবাবু। এখন হাতী-ঘোড়া নেই। ছেলেরাও লেখাপড়া কেউ ভাল শেখে নি। ছয়জনের মধ্যে দুজন এন্ট্রান্স পাশ করেছিল গ্রামের ইস্কুল থেকে। বাকীরা কেউ কোর্থ ক্লাস—কেউ থার্ড ক্লাস—কেউ সেকেন্ড ক্লাস অবধি, একজন ম্যাট্রিক ফেল।

নাতিরা কয়েকজন স্বরেশ্বরের থেকে বড়, কয়েকজন সমবয়সী—বাকীরা ছোট। এরই মধ্যে সাতষটি বছর বয়সের শিবেশ্বর তৃতীয় পক্ষের ত্রিশ বছরের স্ত্রীকে নিয়ে ধর্মকর্ম যাগযজ্ঞ করেন। স্বতন্ত্র থাকেন ছেলেদের সংসার থেকে। জমিদারীতে বসেছিলেন, মামলা-মকদ্দমা ভাল বোঝেন, বাকী খাজনার প্যাচে গরীব প্রজার অনেক রায়তী জোত ছেলেদের নামে কিনে দিয়ে তাদের আলাদা করেছেন। দেবোত্তরে যে অন্নভোগ হয়—তা তিনি কমান নি, সেই ভোগের অন্ন ছেলেরা নাতিরাই খায়। মা-কালী আছেন—মৎস্যভোগ হয় নিত্য। এ ছাড়া তারা সব কিছুটা ভাজাভুজি করে নিয়ে সেইগুলি নিয়ে চলে যায় নাটমন্দিরে। থাকে থাকে বা আলাদা আলাদা সারিতে বসে। গৃহিণী বধূরা দাঁড়িয়ে থেকে আপন আপন সংসারকে খাওয়ান। নিজের নিজের তরকারি পরিবেশন করে দেন।

রাত্রে আহারটা শুধু বাড়ীতে।

শিবেশ্বর কিন্তু বাড়ীতেই খান। তিনি ছেলেদের থেকে পৃথক। থাকেন পৃথক খান পৃথক। ওই প্রসাদ আসে—পায়সারের প্রসাদ। রাতে শীতলে লুচির সঙ্গে কীর মিষ্টের ব্যবস্থা আছে—সেইটে তাঁর জন্তে যায়। আর যায় সকালে বাল্যভোগের ছানা-মিষ্টান্ন।

শিবেশ্বর নিজে বৈষ্ণব। বাড়ীতে কালী আছেন—আর রাজরাজেশ্বর শালগ্রাম শিলা আছেন—খোদ আদিকর্তা সোমেশ্বরের প্রতিষ্ঠিত। তারপর রত্নেশ্বর রায় যুগলবিগ্রহ প্রতিষ্ঠা করেছিলেন।

বংশ হিসাবে শাক্তের বংশ। কিন্তু শিবেশ্বর বৈষ্ণবমন্ত্র চেষ্টা নিয়েছিলেন। তবু বাড়ীতে মা-কালী আছেন বলে মাছ-মাংস খান। মদ খান না। গাঁজা খান।

প্রথম যখন গাঁজা ধরেন তখন গাঁজা তৈরী করবার লোক ছিল। গোলাপজলে ভিজানো গাঁজা অগুরু-চন্দনের তক্তা বা ছোট্ট পাটার উপর রেখে কাটা হত। রূপোর কড়ে ছিল—



সেই কক্ষেতে গাঁজা সেজে পরিচারক হাতে ধরত এবং শিবেশ্বর টানতেন মুখ লাগিয়ে। গাঁজা হাতে ধরে খেলে হাতে গন্ধ ওঠে—সেই জন্তে ওই ব্যবস্থা ছিল। তারপর আতর মাখতেন, গায়ের গন্ধ ঢাকতে।

এখন সে সব দিন নেই, এখন নিজে সেজে নিজের হাতে ধরেই খেয়ে থাকেন। নিজে তিলক ফোঁটা কাটেন—গলায় কণ্ঠী আছে। স্ত্রীকেও কাটতে হয় ফোঁটা তিলক। গলায় তুলসীর কণ্ঠীও পরতে হয়।

এই শিবেশ্বর রায়। যোগেশ্বরের খুড়ো। তিনি এখন বেঁচে, বেশ শক্ত হয়েই বেঁচে আছেন। আজও নিত্য সকালে মামলা সেরেস্তা নিয়ে বসেন।

সুতরাং হেমলতা একটু থমকে গিয়েছিলেন। তারপর বলেছিলেন—কিন্তু সে তো তাঁর বলতে গেলে নিজের এলাকা। সেখানে যদি গোলমাল করে সব পণ্ড করে দেন।

নায়েব বলেছিল—তা হোক মা তাঁর নিজের এলাকা। একটা কথা তাঁর এলাকাতেও সত্যি বলে সবাই জানে। সেটা হল তিনি ওখানকার লোকদের জালিয়ে-পুড়িয়ে থাক করে রেখেছেন। ওখানে উনি ছাড়া আপনার আরও অনেক ক'ঘর দশরাত্রির জ্ঞাতি আছে। তাঁদের আপনাদের সঙ্গে বৈষয়িক শত্রুতা নেই। তাঁরা সব এসে কামান করবেন, থাকবেন।

—আসবেন ?

—আসবেন। হেসে নায়েব বলেছিল—আমি ওখানকার লোক, ব্রাহ্মণ, আপনাদের জ্ঞাতি নই—তবে আপনাদের জ্ঞাতিরা সবই আত্মীয় বন্ধু। আমি তাদের জানি। তা ছাড়া এতকাল জমিদারি সেরেস্তা চালানাম, কলকাঠি কিসে কোন পাঁচে নড়েচড়ে তাও জানি। কোন ভয় নেই চলুন। ক্রিয়া করতে হবে ভাল করে। সমারোহ করে। ব্রাহ্মণ-পণ্ডিতদের বিদায় করবেন মোটা করে। আর দরকার বুঝলে কোন কিছুতে একটা মোটা দান! বুঝলেন কালটা এখন আলাদা। এখন ঘোড়া হাতী পাখী পালক দিয়ে দানসাগর থেকে কোন কিছুতে দান করলেই লোক খুশী। কিছুতে, ধরুন ইস্কুল কি ডিসপেন্সারি কি যাতে হোক হাজার পাঁচেক টাকা দান করুন—লোকে খুশী হয়ে যাবে। তাছাড়া ব্রাহ্মণদের মোটা ভোজন-দক্ষিণা। ছাঁদা। আর কাঙ্গালী বিদায়। খুড়োমশায় যত খেলুন সে খেলা চলবে না।

সুবেশ্বর বসে বসে অবাক হয়ে গুনছিল।

এই একুশ বছর বয়েসে তার চোখের উপর অনেক গুলোট-পালোট হল। ছেলেবেলা থেকে ইংরেজীনবীশ বাপের সঙ্গে ইংরেজীনবীশ হয়েই গড়ে উঠছিল। বাপ মদ খেয়েছে সে দেখেছে। মাকে নিয়ে খানা টেবিলে বসে খেয়েছে। বাপ তাকে গান-বাজনায় উৎসাহ দিয়েছেন। মন তার তৈরী হচ্ছিল—দেশী উনোনের উপর চড়ানো চাটুতে দেশী কুটির মত নয়, ইংরেজী অন্তরকরণে দেশী 'বেকারী'র তন্দুরিতে পাউরুটির মত। তারপর হঠাৎ একুশ সালে আধকাঁচা অবস্থায় অসহযোগ আন্দোলনের গুলোট-পালোটে চড়ে বসেছিল দেশী উনোনে চড়ানো চাটুর উপর। কিন্তু সেখানেও সে পুরো তৈরী হবার আগেই ইওরোপের

নতুন নতুন বাদের জোয়ারে দেশী উনোনের আগুন গেল নিভে। তবুও তার বাপের শেষ আচরণের জন্য কিছুকাল ওই গরম চাটুর উপরেই থাকতে চেয়েছিল। কিন্তু চাটু ঠাণ্ডা হয়ে গেল। সে এবার আবার এসে ঢুকল খাম ইংরোপীয় বেকারীতে, যেখানে মাস্তুরের হাতের ছোয়াচও নিষিদ্ধ—সবই মেশিনে হয়। যাকে বলে মেশিন মেড ব্রেড।

তবুও বলতে কি, কীর্তিহাটের পিতৃপুরুষের রাজরাজেশ্বর এবং রাধাগোবিন্দের ভোগের জন্য যে পদ্মপাতার মত পাতলা এবং ওই আকারের রুটি তৈরী হয় তার প্রতি একটা গোপন প্রশংসা তার মনে মনে ছিল। ধর্ম ভগবান এ নিয়ে একটা মপ্রশংস কিন্তু উৎসাহহীন আকর্ষণ তাকে টানত। মেজ ঠাকুরদার ধর্মজীবন সম্পর্কে সে অনেক কথা শুনেছে। ভাল লাগত। কিন্তু মেজ ঠাকুরদার তিনটি বিয়ে তার ভাল লাগত না। মামলা মকদ্দমার কথাও শুনত। সে খানিকটা মন্দ লাগত, খানিকটা আবার ভালও লাগত। বিশেষ করে মামলাবাজ জোতদার প্রজাদের সঙ্গে এবং বর্ধিষ্ণুপত্নীদের এবং প্রতিবেশী জমিদারদের সঙ্গে কঠিন জেদে মামলা করে জেতার গল্পগুলি খুব ভাল লাগত। কিন্তু সেদিন নায়েবের মুখের কথাগুলি তার কপালে প্রশ্নের কয়েকটি কুঞ্জন-রেখা তুলে দিল। সেগুলি কীর্তিহাটে গিয়ে ত্রিপুরুক-রেখার মত দাগ টেনে স্থায়ী হয়ে গেল।

## ৫

কীর্তিহাটের বাড়ী ছিল রায়দের ব্যক্তিগত সম্পত্তি। এবং তার এগার আনা অংশ ছিল দেবেশ্বর রায়ের ছেলেদের অর্থাৎ সুরেশ্বরের বাপ-জেঠার। ছোট ভাই রামেশ্বর সবই বিক্রী করেছিলেন ভাইদের কাছে। দেবেশ্বর তাঁকে সম্পত্তি পত্নী-বিলি করতে সহজ অনুমতি দিয়েছিলেন, শিবেশ্বরের অনুমতি ছিল শর্তসাপেক্ষ। তিনি শর্ত দিয়েছিলেন সম্পত্তি পত্নী বিলি করতে হলে ভাইদের করতে হবে। বাড়ী বিক্রী করতে পারবেন না। কিন্তু দেবেশ্বর রামেশ্বরের জন্য শিবেশ্বরের বিরোধিতা করেই একলাই বাড়ীর অংশ কিনেছিলেন। তাতে শিবেশ্বর আপত্তি করেন নি। তিনি জানতেন—রামেশ্বর বা দেবেশ্বর বা তাঁদের ছেলেরা কেউ এখানে বাস করতে আসবেন না। তাই ভাইদের যারই হোক সবটাই তিনি ইচ্ছে মত ভোগদখল করতে পারবেন। বাড়ীটার নিজের নিজের অংশ এঁরা মেরামত করতেন—তালা বন্ধও করে যেতেন—শিবেশ্বর সে তালা খুলে, প্রয়োজন হ'লে ভেঙে ব্যবহার করতেন, না-করে তাঁর উপায়ও ছিল না। কারণ পুত্র তাঁর ছয়টি, কন্যা ছয়টি—তাদের সন্তানসন্ততি ছেলেদের তরফে সতেরো জন। মেয়েরা শ্বশুরবাড়ীতে থাকে—যখন আসে তখন কোলাহল সম্পর্কে নিজেই শিবেশ্বর বলেন—ওঃ, বিরাট রাজার উত্তর গোগৃহসম উথলিছে সমুদ্রের মত। এবং গালাগাল করতেন ছেলেদের এত সন্তান-সন্ততির জন্য। কথাবার্তায় তাঁর আবেগ রণরণ করত। ওটা যেন তাঁর স্বভাবধর্ম ছিল। এর সঙ্গে যোগ দিয়েছিল তাঁর থিয়েটারি অভ্যাস। প্রথম যৌবন থেকে তাঁর থিয়েটারে ছিল প্রবল আসক্তি। থিয়েটারে পার্ট ভাল করতেন। নায়ক সাজতেন। তাতেও আবেগের পার্ট হলে তিনি প্রায় মদমত্ত হস্তীর মত হয়ে উঠতেন।

সেই পারঙ্গমতা এবং স্বভাবগত আবেগবশে তিনি বলতে গেলে গোটা জীবনটাকেই নাটকের নায়কের ভূমিকা করে নিয়েছিলেন। ওই যে বলতেন—ওঃ বিরাট রাজার উত্তর গোগৃহসম উখলিছে সমুদ্রের মত।—ঠিক নাটকের ঢঙে বলতেন। নাটকীয় ভঙ্গি এবং ঢঙেই তিনি সুরেশ্বর এবং হেমলতাকে অভ্যর্থনা করলেন, যখন তাঁরা যোগেশ্বরের শ্রাদ্ধ উপলক্ষ্যে কীর্তিহাটে পৌঁছলেন। নায়েব টেলিগ্রাম করেই নিশ্চিত ছিলেন না—নিজে সঙ্গে সঙ্গে রওনা হয়ে কীর্তিহাটে এসে উপস্থিত হয়েছিলেন। কলকাতা থেকে কীর্তিহাট খুব বেশী দূর নয়; ট্রেনে পাঁচ ঘণ্টা লাগত তখন। শিবেশ্বরকে যোগেশ্বরের মৃত্যু-সংবাদ এবং সুরেশ্বর ও হেমলতা শ্রাদ্ধের জন্ত এখানে আসছেন—সংবাদটা দিয়েই নায়েব আর উত্তরের অপেক্ষা করেনি—বেরিয়ে এসে দেবোত্তরের নায়েবের সঙ্গে গুটি কয়েক কথা বলে বেরিয়ে পড়েছিল গ্রামে। রায়বংশের দশরাত্রির জ্ঞাতি সাতপুরুষ উধে—কুড়ারাম ভট্টাচার্যের সহোদরদের বংশধর ভট্টাচার্যদের বাড়ী গিয়ে তাঁদের সঙ্গেও কথা বলে এসেছিল। ফিরে এসে আবার গিয়ে উপস্থিত হয়েছিল শিবেশ্বর রায়ের সামনে।

শিবেশ্বর বসে ছিলেন—একখানা মোটা দলিলের উপর হাত রেখে নিরাসক্ত মুক্ত পুরুষের মত। নায়েব গলার সাড়া দিয়ে ভিতরে এসে তক্তাপোশের একপ্রান্তে বসে বলেছিলেন—না হ'লে—

—কিছু বলছ? যেন চমক ভেঙে প্রশ্ন করেছিলেন শিবেশ্বর।

—আজ্ঞে হ্যাঁ। আজকেই তো মা আসছেন, সুরেশ্বরবাবুকে নিয়ে—

বাধা দিয়ে শিবেশ্বর বলেছিলেন, টেলিগ্রাম করে দাও আসতে নিষেধ করে।

—নিষেধ করে দেব?

—হ্যাঁ।

—এমন আদেশ কেন করছেন?

—আদেশ আমার নয়, আদেশ এবংশের প্রতিষ্ঠাতা সোমেশ্বর রায়ের। এই তাঁর উইল—তারপর এটা হল স্বর্গীয় পিতা রত্নেশ্বর রায়ের। যারা স্বধর্মচ্যুত—বা ধর্মত্যাগী তাঁদের সঙ্গে সম্পর্ক রায়বাড়ীর নাই। তুমি তো জান!

সুরেশ্বরের নায়েব বলেছিল—তা আমাদের স্বর্গীয় বাবু তো ধর্মত্যাগ করেননি।

—আর ধর্মত্যাগ কাকে বলে?

—কাকে বলে—তা জানি না। তবে তিনি কোনদিন ধর্মত্যাগ করেননি।

—আমার মতে ও বিচারে করেছিলেন। আমি এ অশৌচ নেব না।

—তা নেবেন না।

—নিশ্চয়, ধর্মই সনাতন, তাকে ত্যাগ আমি করতে পারি না।

আলোচনাটা কতদূর অগ্রসর হ'ত কেউ বলতে পারে না, তবে এইখানেই হাত নড়ে গিয়ে বাক্যের মাঝখানেই একটা দাঁড়ি পড়ে যাওয়ার মত রায়বংশের উধেতন সপ্তম পুরুষের জ্ঞাতি ভট্টাচার্যবংশের দুজন মাতঙ্গর ভট্টাচার্য এসে উপস্থিত হয়েছিলেন, একটা দাঁড়ি নয় দুটো দাঁড়ির মত। শিবেশ্বরেরই সমবয়সী।

—মধ্যম কন্ডা রয়েছে।

—কে ? ও আপনারা ! তা বেশ বেশ, এসেছেন ভালই হয়েছে। শুনেছেন তো যোগেশ্বর জাগানীতে মারা গেছে। হাসপাতালে। জানেন তো সব, জী-পুত্র ফেনে একটা ক্রীশান মেয়েকে নিয়ে চলে গিয়েছিল ইয়োরোপ।

বার দুয়েক আক্ষেপের ভাব ও ভঙ্গিতে ঘাড় নেড়ে বলেছিলেন—স্বধর্মে নিধনং শ্রেয়ঃ পরধর্ম ভয়াবহ। পরিণাম দেখুন !

সঙ্গে সঙ্গে মুখ-চোখের ভাব পাল্টে গেল, দীপ্ত হয়ে উঠল, বললেন—আমার পুত্র হলেও আমি এমন পুত্রের মৃত্যুতে শোক-প্রকাশ করতাম না, অশৌচ গ্রহণ করতাম না ! তাই বল-ছিলাম—হরচন্দ্রকে। হরচন্দ্র, কি বলে তুমি এলে বলতে যে সেই ধর্মত্যাগী যোগেশ্বরের কামান-শ্রদ্ধা এখানে হবে ? এখনও চন্দ্র, সূর্য উদ্ভিত হচ্ছে, হরচন্দ্র। এখনও ধর্মের অন্তত একপাদও অবশিষ্ট।

তারপরই উঠে দাঁড়িয়ে গোটা ঘরটা পায়চারি করে চিন্তিতভাবে ঘাড় হেঁট করে পিছন দিকে কোমরের কাছে হাত দুটি মুঠিতে আবদ্ধ করে মধ্যো মধ্যো ঘাড় নেড়ে নেড়ে বলেছিলেন—হয় না, হয় না। এ হতে পারে না...অসম্ভব !

হঠাৎ নাটকের নাটকীয় গতিকে রুঢ় ভাবে ভেঙে দিয়ে শিবেশ্বরের জ্ঞাতি কাকা মহেন্দ্র ভট্টাচার্য বলেছিলেন—আমরা কিন্তু অশৌচ গ্রহণ করব শিবেশ্বর।

শিবেশ্বর থমকে দাঁড়িয়ে গিয়েছিলেন—এবং নির্বাক হয়ে সবিস্ময় দৃষ্টিতে তাঁর দিকে তাকিয়ে ছিলেন। বাক্যক্ষুতি হয়নি।

মহেন্দ্রের সঙ্গী জগবন্ধু মহেন্দ্রের ভাইপো, স্মৃতরাং শিবেশ্বরের জ্ঞাতিভাই। তিনি বলেছিলেন—এমন কথা আপনি বলবেন আমরা ভাবিনি।

—ভেবে দেখুন !

—দেখবার কিছু নাই বাপু শিবেশ্বর। ও সব আলোচনা না করাই ভাল। দেখ, কেঁচো খুঁড়তে সাপ বেরিয়ে যাবে। থাক। আমরা সংবাদটা শুনে এসেছিলাম তোমার কাছে—আসতে হয়—তত্ত্ব-তল্লাস সামাজিক নিয়ম। আর—আর—নিয়মানুযায়ী অশৌচকালের মধ্যে যেমন আমাদের রাজ-রাজেশ্বরের অন্নপ্রসাদ বিধি আছে, তার ব্যবস্থামত এখনও সংবাদ পেলাম না কেন সেইটে জানতে। দেবোত্তরের নায়েবকে বলে এলাম। সে বললে—এখনও তো কতবার হুকুম পাইনি, তবে আয়োজন আমি করছি—কিছুক্ষণ পরই কেউ গিয়ে ঘর ঘর বলে আসবে !

মোমেশ্বর রায় তাঁর দেবোত্তরের উইলে এই একটি ব্যবস্থা করে গেছেন। সেটা হল—তাঁর রায়বংশে এবং তাঁর পিতৃব্য দুজনের বংশের কারও মৃত্যু ঘটলে অশৌচের দশদিন তাঁরা রাজ-রাজেশ্বরের প্রসাদ পাবেন। অবশ্য খারা ইচ্ছা করবেন। বলা বাহুল্য, এ ইচ্ছা এক যাদের বাড়ী বা পরিবারে মৃত্যু ঘটে তারা ছাড়া সকলেরই হয়। বাকী সকলেই এ প্রসাদ গ্রহণ করে থাকেন। কারণ অ-তৈল অ-সম্বরাব্যঞ্জন বা হবিষ্যায়ের পরিবর্তে দেবতার প্রসাদ বলে ঘৃত-তৈলসিক্ত ব্যঞ্জন কে না খেতে চায় ? স্মৃতরাং এটা প্রচলিত আছে। শিবেশ্বর

দেবোত্তরের ট্রাস্টি হিসেবে বেছে বেছে সাত পুরুষের বাইরে যারা তাদের বাদ দিয়েছেন। কিন্তু সাত পুরুষ পর্যন্ত এখনও ব্যবস্থা আছে। সেই নিয়মের কথা উল্লেখ করলেন মহেন্দ্র ভট্টাচার্য।

শিবেশ্বর তাঁকে কোন উত্তর দিলেন না। তিনি এক বিচিত্র স্থির দৃষ্টিতে তাকিয়ে রইলেন যোগেশ্বরের নায়েব বা ম্যানেজার হরচন্দ্রের দিকে।

হঠাৎ নিচে লোকজনের সাড়া উঠতেই হরচন্দ্র উঠে গিয়ে জানালায় দাঁড়িয়ে দেখে বললে—ও।

শিবেশ্বর তখনও তার দিকে তাকিয়ে ছিলেন। হরচন্দ্র বললে—ঘরদোর পরিষ্কারের জন্য লোক পাঠাতে বলেছিলাম ঘোষালকে। এসে গিয়েছে দেখছি।

ঘোষাল এখানে দেবোত্তরের নায়েব।

শিবেশ্বর বললেন—হঁ! তারপর বললেন—ঘরদোর পরিষ্কার করাবে?

—আজ্ঞে হ্যাঁ। ওঁরা তো এখানে সন্ধ্যাতেই পৌঁছছেন!

আবার শিবেশ্বর বললেন—হঁ। সঙ্গে সঙ্গে একটি দীর্ঘনিশ্বাস পড়ল তাঁর। দীর্ঘনিশ্বাস ফেলবার লোক তিনি নন, তাই পড়ল কথাটাই প্রযোজ্য।

হরচন্দ্র বললে—ওঁরা তো কলকাতার বাসিন্দে, ধারণ-ধারণ একটু পরিষ্কার-মরিষ্কার! ময়লা-টয়লা দেখতে পারেন না। তা ছাড়া রোগটোগকে ভয় করেন। গঙ্গাজলে ফিনাইল দিয়ে ধোবার হুকুম আছে।

কথাগুলি সাধারণ অর্থের অন্তরালে অনেক অর্থ ব্যক্ত করেছিল ইঙ্গিতে। সে ইঙ্গিত হল, যোগেশ্বরের তরফের যে ঘরগুলি শিবেশ্বরের পুত্রেরা দখল ক'রে বাস করছেন সেগুলি খালি ক'রে দিতে হবে। তারই একথানা ঘরেই কথা হচ্ছিল—শিবেশ্বর এই ঘরেই বৈঠকখানা করেন। তাঁর খাস বৈঠকখানা। এবং পাশের ঘর দুখানায় তাঁর কনিষ্ঠা গৃহিণী থাকেন।

যোগেশ্বর থেকে তাঁর বড় ভাই যজ্ঞেশ্বর কলিয়ারীর ব্যবসায়ে বেশী অর্থের মালিক হয়েছিলেন একসময়, তিনি কলকাতায়, কাশীতে, পুরীতে, দার্জিলিং-এ, শিমুলতলায় বাড়ী করেছিলেন, এখানকার বাড়ীও মেরামত তিনি করিয়ে রাখেন। কিন্তু যোগেশ্বর সায়েবী রুচির লোক ছিলেন, তিনি যেখানে গেছেন হোটেল থেকেছেন, বাড়ী কোথাও করেননি। কিন্তু কলকাতার বাড়ী এবং কীৰ্ত্তিহাটের বাড়ী মেরামত করিয়েছিলেন নিজের রুচি অনুযায়ী যথেষ্ট খরচ ক'রে। হেমলতাকে বিয়ে করবার ঠিক আগেই প্রথমবার। তখন তাঁর ইচ্ছে ছিল কীৰ্ত্তিহাটে হানিমুন করবেন এবং তার পরেও মধ্য মধ্য আসবেন এখানে বিশ্রাম করবার জন্যে। কিন্তু তা কাজে পরিণত হয়নি। তবে কীৰ্ত্তিহাটের বাড়ীর নতুন ঢঙ এবং রুচিকে তিনি বজায় রেখে এসেছিলেন নিয়মিত মেরামতে। এই যে-ঘর তিনখানা শিবেশ্বর এখন দখল ক'রে আছেন এ তিনখানা, যোগেশ্বর যতদিন দেশে ছিলেন অর্থাৎ চন্দ্রিকাকে নিয়ে ইয়োরোপ চলে যাবার পূর্ব পর্যন্ত, বন্ধই থাকত, শিবেশ্বরও জ্বর-দখল করতে সাহস পাননি। তিনি ইয়োরোপ চলে যাবার পর থেকে তিনি দখলে এনেছেন। নায়েব হরচন্দ্র নীচের লোকজনের সাড়ার দিকে তাঁর মনোযোগ আকর্ষণ করে তাঁকে ইঙ্গিতে জানালো, ঘরগুলোকে হিন্দু মতে



গঙ্গাজলের সঙ্গে সায়েবী বা বিজ্ঞানসম্মত মতে ফিনাইল মিশিয়ে শুষ্ক এবং ডিসইনফেক্ট ক'রে নিতে হবে।

মুখের দিকে তাকিয়েই ছিলেন শিবেশ্বর। তাঁর মুখখানা একবার রুঢ় কঠোর হচ্ছিল, তারপরেই আবার অসহায়ভাবে করুণ হয়ে উঠছিল। সব থেকে লজ্জা পাচ্ছিলেন জ্ঞাতিখুড়ো মহেন্দ্র ভট্টাচার্য এবং ভাই জগবন্ধু ভট্টাচার্যের উপস্থিতিতে।

হরচন্দ্র জানালার কাছে গিয়ে বললে—দাঁড়া দাঁড়া যাচ্ছি। তারপর শিবেশ্বরের দিকে তাকালে। তার অর্থ অত্যন্ত স্পষ্ট।

শিবেশ্বর মহেন্দ্র ভট্টাচার্যদের দিকে এবার ফিরে তাকিয়ে বললেন—নায়েব ঘোষাল যখন আয়োজন শরব, লোক পাঠাব বলেছে তখন লোক যাবে মহেন্দ্রকাকা। আর এ তো জ্ঞাতি-গোষ্ঠীর কারুর মৃত্যুতে অশৌচ নয়, এ যোগেশ্বর—রায়বংশের তিন শরিকের এক শরিক। তার মৃত্যুতে অশৌচ—এ বলতে হবে কেন?

মহেন্দ্র বললেন—হ্যাঁ। সেই তো কথা। কিন্তু পুকুরে দেখলাম জাল পড়ছে। মাছ ধরছে তোমাদের বাড়ীর জন্তে। তোমার নাতিরা কজন বসে আছে। বলে—

—কি বলে? কেড়ে নিলেন কথাটা শিবেশ্বর। তারপর বিস্ফোরকের মত ফেটে পড়লেন—হ্যাঁ, বড় ছেলে আমার ধুয়ো তুলেছে বটে। দাদা তো একটা ক্রীশ্চান মেয়ে নিয়ে ইউরোপ গিয়ে ক্রীশ্চান হয়ে গিয়েছিলেন। তাঁর মৃত্যুতে অশৌচ কেন নেব আমরা? এ দলিলপত্র সে-ই তো বের করে দেখতে চাইলে! আমি দেখছিলাম। কিন্তু মাছ ধরাচ্ছে খাবে বলে এ তো জানিনে! অপগণ্ড আর কাকে বলে? মণ্ড পান ক'রে সিঁহুরের ফোঁটা কপালে একে তান্ত্রিক! ভূমি যাও মহেন্দ্রকাকা, ম্যানেজার ঘোষালকে একবার পাঠিয়ে দিয়ে যাও!

মহেন্দ্র ভট্টাচার্য এবং জগবন্ধু ভট্টাচার্য চলে গেলেন।

শিবেশ্বর বললেন—হরচন্দ্র!

—আজ্ঞে বলুন বাবু।

—আমি হেরে গেলাম।

—আজ্ঞে না বাবু! আপনি হারতে পারেন, না, আপনাকে কেউ হারাতে পারে? আপনি জিতলেন। আপনার ভাইপো—।

কথাতে কানই দিলেন না শিবেশ্বর, বললেন—দেখ, কথায় আছে পরভাতি হই সেও ভাল তবু পরঘরি না হই। ওঃ! ভুল হয়ে গিয়েছিল আমার। অর্থাৎ নিজের অংশের বাড়ী মেরামত না করিয়ে ভাইপোদের বাড়ী দখল করে থেকে।

হরচন্দ্র অকারণে ব্যস্ত হয়ে উঠে বললে—আমি যাই বাবু। ওই বিবি-মহলটা বরং সাফ করিয়ে নিই। ওখানেই গুঁরা উঠবেন। বেশ নিরিবিলি থাকবেন। পাঁচজনের গোলমাল থাকবে না। সেই ভাল হবে।

রায়দের বাড়ী প্রকাণ্ড। ইমারত অনেক। প্রথম পুরুষ সোমেশ্বরকে সামনে রেখে তাঁর বাপ কুড়ারাম ভট্টাচার্য প্রথম একখানা চকমিলান দালান তৈরী করিয়েছিলেন। তারপর তার সামনে তৈরী করিয়েছিলেন কালীবাড়ী, নাট-মন্দির, কাছারী। তারপর সোমেশ্বর তৈরী করিয়েছিলেন

পিছন দিকে আর এক মহল, সেটা করেছিলেন তাঁর কন্যা-জামাতার জন্যে। তাঁর পুত্র বীরেশ্বর। তিনি করিয়েছিলেন মূল বাড়ী থেকে পৃথক করে একটু সরে এসে একেবারে কংসাবতীর ধারে, কিনারায় পোস্তা বেঁধে ছোট একটি সুন্দর বাড়ী। কিছুটা দোতলা কিছুটা একতলা। এই বাড়ীতে তিনি বিবাহের পর বাস করতেন স্ত্রীকে নিয়ে। তিনি ছিলেন সাহেবী মেজাজের লোক। তারপর স্ত্রীকে ত্যাগ করে তাকে বাপের বাড়ী পাঠিয়ে দিয়ে বাস করতেন এক কলকাতার বাড়ীকে নিয়ে। লোকে বলত বিবি। সেই নামে বাড়ীটারও নাম হয়ে গিয়েছিল বিবি-মহল। তারপর তার পরবর্তী পুরুষ রত্নেশ্বর—বীরেশ্বর রায়ের ভাগ্নে এবং পোষ্যপুত্র—তিনি করিয়েছিলেন অন্দরের দু'মহলের সঙ্গে যোগ করে আর এক মহল। তাঁর তিন ছেলে, তিন ছেলের জন্য হিসেব করে তিন মহল সম্পূর্ণ করেছিলেন। তাঁর আমলে বিবি-মহল হয়েছিল সাহেব-মহল—তারপর নাম হয়েছিল গেস্ট-হাউস। পরবর্তীকালে দেবেশ্বর কিনেছিলেন এ বাড়ী দুই ভাইয়ের কাছ থেকে।

মহলটার দুর্নাম ছিল। মহলটায় নাকি দুর্ভাগ্যের বোঝা অদৃশ্যভাবে পুঞ্জীভূত হয়ে আছে। স্মৃতরাং ইংরেজী উনিশশো সাল পড়ি-পড়ি সময়টায় শিবেশ্বরের মত লোক মানদেই বিক্রী করেছিলেন এবং রামেশ্বর ব্যারিস্টারি পড়তে যাবার সময় ওটার অংশ দাদাকে বেচে-ছিলেন অর্থের জন্য। দেবেশ্বরের বড় ছেলে যজ্ঞেশ্বর কলিয়ারী নিয়েছিলেন এবং দেবতা ধর্ম—এর প্রতি আসক্তি এবং বিশ্বাস যতই যুগধর্মে দুর্বল হোক ব্যবসার লাভ লোকমানের খাতিরে গ্রহ মানতেন—প্রবাল, গোমেদ, নীলাতে যথেষ্ট বিশ্বাস করতেন। তা ছাড়াও কোন সম্পত্তি বা কোন জিনিসের পয়-অপয় মানতেন। ইংরেজীনবীশ যোগেশ্বর সেটা মানতেন না। তাই মূল বাড়ীর অংশ কম নিয়ে তিনি এই বিবি-মহল নিতে আপত্তি করেননি। এই বিবি-মহলেই দেবেশ্বরের মৃত্যুর কারণ ঘটেছিল। কারণটা কি তা কেউ সঠিক জানে না, তবে দেবেশ্বর অজ্ঞান হয়ে পড়েন। তারপর জ্ঞান হয়ে তিনি নিজেই প্রায় উন্মত্ত বিভ্রান্তের মত ওখান থেকে বেরিয়ে এসে পড়েছিলেন ঠাকুরবাড়ীতে। সেইখানেই তাঁর মৃত্যু ঘটে। আরও কিছু অপ্রিয় ঘটনার স্মৃতি এর সঙ্গে জড়িত।

যোগেশ্বর যখন হেমলতাকে নিয়ে এখানে প্রথম আসেন তখন ইচ্ছা ছিল এই বাড়ীতে উঠবেন। কিন্তু স্টেশনে নেমে কেমন পরিবর্তন ঘটেছিল যোগেশ্বরের। তিনি ভিতর-বাড়ীতে এই ঘর কথানাতেই বাস করেছিলেন কয়েক দিন।

তিন মহল রায়বাড়ীতে উপরে-নীচে প্রত্যেক মহলে বারোখানা হিসেবে ছত্রিশখানা ঘর। দেবেশ্বর ছোট ভাই রামেশ্বরের অংশ কিনেছিলেন বলে তাঁর অংশে ছিল চব্বিশখানা ঘর দুটো মহলে মিলিয়ে। প্রায় ষাট-সত্তর বছর আগের তৈরী বাড়ী—তার নীচের তলাগুলি সঁাতসঁাতে হয়ে উঠেছে। সে মেরামত সত্ত্বেও হয়েছে। এবং আগের আমলে এগুলিতে ছিল লক্ষ্মীর ঘর, ভাঁড়ার। তাছাড়া তরকারীর ঘর, পান সাজার ঘর, কাপড়-চোপড়ের ঘর, স্মৃতিকাগৃহ, খাবার ঘর, চাকর-কিদের বাসের ঘর। শুধু লক্ষ্মীর ঘরের সামনে বড় দরদালানটি ছিল দিনের ভাগে অন্দরবাসিনীদের ব্যবহারের স্থান। স্মৃতরাং এখন শিবেশ্বরকে যোগেশ্বরের অন্দর-মহলের শ্রেষ্ঠ ঘর তিনখানি ছেড়ে দিয়ে ওই বিবি-মহল ছাড়া

থাকবার যোগ্য স্থান আর ছিল না। অস্তুতঃ এমন আরামদায়ক আর কোন ঘর যোগেশ্বরের অংশে ছিল না।

হরচন্দ্র সেই বিবি-মহলেই স্বরেশ্বর এবং হেমলতার বসবাসের ব্যবস্থা করেছিল। সেইখানেই উঠেছিল স্বরেশ্বর হেমলতার সঙ্গে।

### ৬

বিবি-মহলের দুর্নাম যাই থাক সে তার অবস্থান-গুণে গঠন-সৌন্দর্যে, কিন্তু বিনির মতই মনোহারিণী ছিল। এদেশে ইংরেজদের প্রথম আমলের কুঠীবাড়ীর মত সামনে গোল থাম-ওয়ালা বারান্দা ঘেরা দোতলা বাড়ী। তারও সামনে প্রশস্ত গাড়ীবারান্দার উপর ছিল বসবার বা আসর পাতবার জায়গা। চারিদিকে আলসেয় ঘেরা। তার মধ্যে মধ্যে জোড়া গোল থাম। থামের উপর দিকে শোখীন কাঠের ঝিলিমিলি, তার উপর পাকা ছাদ। গাড়ী-বারান্দার পরই গোল থাম ঘেরা বারান্দা। তারপরই বড় হল। এই হলকে ঘিরে তিন দিকে তিনখানা ঘর। পশ্চিমে, দক্ষিণে, উত্তরে। এর ফলে প্রতি ঘরেই তিন দিক ছিল অব্যবহৃত। শুধু কোলে কোলে টানা বারান্দা ছিল লোহার রেলিং ঘেরা। তাতে আলো-বাতাস বা সামনের দিগন্ত অবরোধ করেনি। গোটা বাড়ীখানা ছিল পূর্ব-পশ্চিমে লম্বা, দক্ষিণ গায়ে কংসাবতী নদী। কংসাবতীর কিনারায় পোস্তা বাধিয়ে বাড়ীখানা তৈরী করা হয়েছিল। সদরে ওই গাড়ীবারান্দার দক্ষিণ গায়ে বাধানো ঘাট। আগে ওইখানে প্রকাণ্ড একটা দহ ছিল। পশ্চিম দিকে কংসাবতীর কূলে ঘন জঙ্গল একেবারে বাড়ীর প্রান্ত থেকে শুরু হয়েছে। কংসাবতীর ওপারেও জঙ্গল।

স্বরেশ্বর মুগ্ধ হয়ে গিয়েছিল এখানে এসে।

সব থেকে ভাল লেগেছিল দক্ষিণ দিক। নিচেই কংসাবতী নদী, তার ওপারে ঘন জঙ্গল। ওই জঙ্গলের মধ্যে ছিল এক সিদ্ধ শক্তিপীঠ। একটা বিশাল শিমূল গাছ সকলের উপরে মাথা তুলে দাঁড়িয়ে ছিল। আর তারই খানিকটা দূরে ওই কংসাবতীর বন্যার সীমা-রেখার ঠিক প্রান্তেই একখানি বিচিত্র গ্রাম। যেদিন রাত্রে সে এসেছিল সেদিন ছিল শুক্ল পক্ষের নবমী বা দশমী। জ্যোৎস্নার আবছা আলোর মধ্যে সে শিমূল গাছটার পত্রহীন শাখাগুলিকে আকাশের গায়ে ছবির মত দেখতে পেয়েছিল। নীল পটভূমিতে কালো রঙে ঐকে রেখেছে কোন শিল্পী। আর দেখতে পেয়েছিল ওই গ্রামখানায় এখানে-ওখানে জ্বলন্ত আলোকবিন্দু। বাড়ীর নীচেই চৈত্রের কংসাবতীর স্বল্প জলস্রোতে চাঁদের প্রতিবিম্ব, জ্যোৎস্নার ছটা বহুদূর পর্যন্ত একটা গলিত রূপের স্রোতের মত মনে হচ্ছিল, তারপর সেটা কালো কৃষ্ণভায় ঢাকা পড়ে গেছে।

এসেছিলেন অনেকে দেখা করতে। জ্ঞাতি ভট্টাচার্যেরা, দেবোত্তরের কর্মচারারা, ইন্ডুলের হেডমাস্টার, গ্রামের লোক অনেকে এসেছিলেন। রায়বাড়ীর জ্ঞাতিদের মধ্যে এখানে সকলেই শিবেশ্বরের বংশাবলী। তাদের মধ্যে শিবেশ্বরের ষষ্ঠ, সপ্তম, অষ্টম অর্থাৎ

ছোটগুলি—কমলেশ্বর, বিমলেশ্বর, অতুলেশ্বর এসেছিল, তার সঙ্গে ছিল ধনেশ্বরের বড় ছেলে। সে স্বরেশ্বরের থেকে বয়সে বড়। বেশ শৌখীন লোক। চেহারাটি ভাল। নাম ব্রজেশ্বর। স্বরেশ্বরের সঙ্গে ঠিকাদারী করে। খোঁয়াড় ডাকে। তারা তরুণ। কমল, বিমল স্বরেশ্বরের সমবয়সী, অতুলেশ্বর বয়সে ছোট। আরও এসেছিল পরবর্তী পুরুষের প্রায় সকলেই। ছোটদের মধ্যে রায়বংশের কোন ছাপ জ্যোৎস্নার মধ্যে সে দেখতে পায়নি। পোশাক-পরিচ্ছদ শুধু অপর্ণাপ্রহই নয়, অপরিচ্ছন্নও বটে। কয়েকটা পাঁচ-ছ বছরের ছেলে উলঙ্গ হয়ে দাঁড়িয়ে হি-হি করে হাসছিল। ওই হাসি দেখে তার এত কুৎসিত মনে হয়েছিল যে সে কোন মতেই ভাবতে পারেনি যে এরা তারই নিকট জ্ঞাতি খুড়তুতো ভাই। মন তার ছোটই হোক আর বড়ই হোক, মন বিদ্রোহ করে বলেছিল, না, এদের আত্মীয় আপনজন-একরক্ত এ স্বীকার করতে কষ্ট হচ্ছে, ঘৃণা হচ্ছে।

এরই মধ্যে হারিকেন হাতে একটি ব্রাত্যশ্রেণীর মেয়ের পিছনে পরিচ্ছন্ন লালপাড় শাড়ীপরা এক অল্পবয়সী মহিলা এসে দাঁড়িয়েছিলেন ভিড়ের ওপাশে।

ঝিটা বলেছিল—পথ দাও ক্যানে গো! মেজ-মা এয়েছেন। দেখছ না?

সকলে সম্মতভরে পথ করে দিয়েছিল।

মহিলাটি ভিতরে চলে গিয়েছিলেন তার মা হেমলতার কাছে। কিছুক্ষণ পরই স্বরেশ্বরের কলকাতার চাকর রঘুয়া এসে তাকে ডেকেছিল—মা ডাকছেন ভিতরে।

নায়েব স্বরেশ্বরের কাছেই ছিল, সে বলেছিল—যাও, মেজ-মা এসেছেন, তিনিই ডাকছেন। কথা তাই বটে; স্বরেশ্বর ভিতরে গিয়ে দেখেছিল তার মায়ের পাশেই তাদেরই একথানা রাগ-জাতীয় কঙ্গলের উপর সেই লালপাড় শাড়ী-পরা মেয়েটি বসে আছেন।

হাজাকের বাতি জ্বলছিল। উজ্জল আলো। মহিলাটির মাথায় চুলের সামান্য অংশ বের করে ঘোমটাটি তোলা, লাল পাড়ের বেড়ের মধ্যে মুখখানি আশ্চর্য শান্ত, প্রসন্ন এবং মিষ্টি। বয়স তাঁর হেমলতার থেকে পাঁচ-সাত বছর কমই হবে। টকটকে রঙ, সুন্দর দুটি চোখ, নাকটি একটু খাটো কিন্তু তাতেই তাঁর রূপ যেন বেড়ে গেছে।

মা বলেছিলেন—মেজ-খুড়ীমা। তোকে দেখতে চাচ্ছিলেন।

সে অবাক হয়ে গিয়েছিল, এই তার 'মেজ-ঠাকুর্দার স্ত্রী! মেজ-ঠাকুর্দার বয়স তো সত্তরের কাছে!

তিনি বলেছিলেন—বস ভাই নাতি, বস। আমি তোমার ঠাকুমা, তুমি নাতি। স্বরেশ্বর তাড়াতাড়ি প্রণাম করতে গিয়েছিল, কিন্তু তিনি তার হাতখানা ধরে ফেলে বলেছিলেন—না ভাই, অশৌচের সময় প্রণাম করতে নেই। বস। বস, এই কাছে বস। তোমাকে দেখি। তুমি বড় সুন্দর হে! বলে তার চিবুকে হাত দিলেন।

লজ্জা স্বরেশ্বর পায় না। সে সুন্দর ঐ কথাটা সে নিজেই জানে। তার উপর লোকের মুগ্ধ দৃষ্টি এ কথা তাকে নীরবে বার বার জানায়। কিন্তু এই অল্পবয়সী সুন্দরী মেয়েটি তার চিবুক ধরে এমন করে বলায় সে লজ্জা পেয়েছিল।

তিনি বলেছিলেন—তা হবে না কেন? ভাস্করপো যোগেশ্বর যেমন সুপুরুষ ছিলেন, বউমার

তেমনি রূপ, তাদের গোপালের এমন রূপ হবে না তো হবে কার ?

হেমলতা একটু বিষণ্ণ হেসেছিলেন। হয়তো তাঁর রূপের ব্যর্থতার কথাই তার মনে হয়েছিল।

তিনি বলেছিলেন—দুঃখ পেলে বউমা ? তা এ বাড়ীর বউ হলেই তাকে দুঃখ পেতে হয়। বলে আশ্চর্য হাসি হেসেছিলেন।

হেমলতা বললেন—না খুড়ীমা, দোষ আমি এ বংশকে দেব না। তাকে আমার থেকে ভাল কেউ জানে না। এমন কি এখান থেকে চলে গিয়ে দুখানা চিঠি তিনি লিখেছিলেন, তাতে তিনি একটি কথা গোপন করেননি। যা করেছেন তা তিনি অগ্রায় করেছেন তাও আমি বলতে পারব না। দোষ আমার ভাগ্যের। একেবারে আমার ভাগ্যের। স্বরোগ পর ছেলে হয়ে মরতেই বসেছিলাম, মরাই ভাল ছিল, কিন্তু বাঁচলাম। সে ওই নামেই বাঁচলাম।

—শুনেছি বউমা। থাক গুসব কথা। এখন আমি যার জন্তে এসেছি, তাই কর। স্বরেশ্বরকে আমার সঙ্গেই পাঠিয়ে দাও। মেজ কর্তার কাছে গুর এসে-এসে যাওয়াই ভাল, খুঁত যেন ধরতে না পারেন। তোমার নায়েবের খুব বুদ্ধি, প্রথম প্যাচেই কর্তাকে বসিয়ে দিয়েছে। কিন্তু তারপরও উনি বড় ছেলের সঙ্গে গজগজ করেছেন। তার উপর শুনলাম মেজ তরফের নিচের তলা থেকে সব কাল কাড়াই-মোছাই হবে। মানে দরকার হলে ওই বাড়ীতেই চলে যাবেন তোমাদের অংশ খালি করে দিয়ে। মতলব ভাল নয়। স্বরেশ্বরের এখুনি যাওয়াই ভাল।

একটু—মাত্র কয়েকটা মুহূর্ত - চুপ করে থেকে আবার বললেন—দেখ, মানুষটার মধ্যে এখনও একটা ভালমানুষ আছে। আমি তো দেখছি। হয়তো আসলে মানুষটা ভালই। বড় বাপের ছেলে, আমার স্বস্তুর শুনেছি দেবতুল্য মানুষ ছিলেন। ধার্মিক চরিত্রবান। লোকে এখনও বলে আগুনে কালি আছে, তাঁর মধ্যে কালি ছিল না। ইনিও লেখাপড়া শিখে-ছিলেন, এক-এ পাশ। প্রথম জীবন থেকে গোঁড়া ধার্মিক। গীতা ভাগবত কণ্ঠস্থ। আজও পড়েন। কিন্তু মা, বড়লোকের ছেলে জমিদারী জেদে মামলা করা ছাড়তে পারলেন না আর। একটু হেসে বললেন—স্বরেশ্বর রয়েছে, বলতে লজ্জা করছে, ওই পরিবার বাতিক। মা, আমার বিয়ে হয়েছে তের বছর। এই তের বছরে একবার আমার বাবার মৃত্যু হলে শ্রদ্ধে গিয়েছিলাম। বাস, আর যাইনি। শুনেছি আমার বড় সতীন—ওঁর প্রথম পরিবার—পনের বছর বেঁচে ছিলেন, দশটি সন্তান হয়েছিল, সাতটি বেঁচেছে তিনটি মরেছে। তিনি মারা যাওয়ার এক মাসের মধ্যে আবার বিয়ে করেছিলেন। দ্বিতীয় সতীন কুড়ি বছর বেঁচে ছিলেন। তাঁর ছেলে-মেয়েতে ছটি, তার পাঁচটি বেঁচে। তিনি গেলেন, ওঁর তখন চুয়ার বছর বয়স। সেই বয়সে টোপর চেলি পরে আমাকে বেনারসী চাদরে গলায় বেঁধে এনে ঘর বাঁধলেন। আমার একটা ভাগ্য আছে মা, ভগবানকে প্রণাম করি আর বলি, রক্ষা করেছে তুমি আমাকে। বাঁচিয়েছ। আমাকে সন্তান দাওনি। এতেই দুই পরিবারের ছেলেমেয়েতে বারোটি, ছয় মেয়ে ছয় ছেলে। এর উপর আমার গণ্ডাখানেক হলে খোলকলায় পুন্নিমে হত



মা। নাতি-নাতনীতে মতেরোটা। ওদের পেট ভরাতে বিষয় যেতে যেতে অভাবে স্বভাব মন্দ যাকে বলে তাই হ'ল। মধ্যে মধ্যে আপশোষ করেন। ভালোমানুষটা জাগে। কিন্তু কি করবেন? বড় বড় নাতিগুলো থেকে ছেলেরা একধার থেকে দায়ী করে ওঁকে। বলে—; সে জঘন্য কথা মা। স্বরেশ্বরের সামনে বলতে বাধছে।

স্বরেশ্বর উঠে গিয়েছিল। যেতে যেতেই শুনতে পেয়েছিল, মেজঠাকুরা বলছেন—বড় ছেলে বলে কি জান? বলে—হয় পুত্র সন্তান থাকতে বিয়ে করেছিলেন, কেন করেছিলেন? যদি বিয়ে না করে না থাকতেই পেয়েছিলেন তবে একটা রক্ষিতা রাখলেই পারতেন। একটা দুটো যটা ইচ্ছে। তবে সত্যি কথা বলব মা, ওই মামলা-মকদ্দমার নেশা, ও ওঁর গাঁজার নেশার চেয়েও বেশী। জরজারি হলে গাঁজা খান না, ভাল লাগে না, কিন্তু মামলা-মকদ্দমার খোঁজ তার মধ্যেও না করে পারেন না। ওটা তো হিংসের কাজ, এ তো অস্বীকার করলে চলবে না! আর নারী ধ্যান-জ্ঞান এই বৃদ্ধ বয়স পর্যন্ত, এই বা অস্বীকার করি কি করে?

হেমলতা বেশ বিষয়ের সঙ্গেই শুনছিলেন এই গ্রাম্য মেয়েটির কথা। মেয়েটি রায়বংশের বৃদ্ধের তৃতীয় পক্ষের স্ত্রী হয়েছে নিতান্তই দুর্ভাগ্যবশে। খুবই দরিদ্রের মেয়ে, সম্ভবতঃ এমন দরিদ্র যে কন্যার বিবাহে সামান্য কিছু খরচ করবারও সঙ্গতি ছিল না, থাকলে এমন রূপসী মেয়ের বিয়ে একটা হয়ে যেতো। হয়তো বা জমিতে-জেরাতে কিছু পরোক্ষ মূল্য নিয়ে বিক্রীই করেছে। সেই মেয়ে এমন কথাবার্তা কইছে, সেটা তাঁকে কিছুখানি বিস্মিত করছে বইকি। সব থেকে আশ্চর্য লাগছে কথাগুলির মধ্যে ক্ষোভ নেই, বেদনা কিছুটা আছে, কিন্তু অপ্রসন্ন নয়। এবং বিচার আছে। এবং একটি ন্যায়বোধও রয়েছে।

মেজগিন্নীর হঠাৎ চোখে পড়ল হেমলতার বিস্মিত দৃষ্টি। তিনি কথা বলছিলেন হেমলতার চোখে চোখ রেখে বা মুখের দিকে তাকিয়েও নয়। তাঁর দৃষ্টি অধিকাংশ সময়েই তিনি নিবন্ধ রেখেছিলেন তাঁর কোলের উপর পড়ে থাকা নিজের হাত দুখানির উপর। নিটোল দুখানি গৌরবর্ণ হাতে শুধু দুগাছি শুভ্রবর্ণ শাখা ছাড়া কোন অলঙ্কার ছিল না। দু-একবার চোখ তুলে অনেকটা অন্তমনস্কের মত খোলা জানালাটা দিয়ে বাইরের রাত্রির বায়ুমণ্ডল বা আকাশের দিকে দৃষ্টি তুলে সেই দিকেই তাকিয়ে থেকেছেন। এতক্ষণে হেমলতার চোখে চোখ পড়তেই লজ্জিত হয়ে পড়লেন। বললেন—আমি তো মুখ্য মেয়ে, গরীবের মেয়ে, যা মনে হয় তাই বললাম। কিন্তু কিছু অন্যায় বললাম মা?

হেমলতা বললেন—না খুড়ীমা। সেই তো আমি অবাক হয়ে শুনছিলাম মা।

মেজগিন্নী বলেছিলেন—গরীব ঘরের মেয়ে, বাপ ছিলেন এঁদের বাড়ীর পুজুরী। চালকলা বাঁধা বামুন। কিন্তু ধর্মভীরু ছিলেন। তিনি বেঁচে থাকলে এ বিয়ে হ'ত না। বাবা মারা গেলেন, নিজের মা ছিল না! দেড় বছরের রেখে মা মরেছিলেন। সৎমা বিধবা হলেন, তখন বয়স আমার চৌদ্দ। গাঁয়ে ঘরে বিয়ের কাল পেরিয়েছে, গলায় কাঁটা লাগার মত লেগেছি। মেজকর্তা লোক পাঠালেন। পাঁচ বিঘে জমি দেবেন ভাইদের। বিয়ে হয়ে গেল। আমিও বাঁচলাম। লোকে বললে শিবের মত স্বামী হল। আমিও তাই ভাবলাম। বাপের কাছে শেখা পাপপুণ্য বোধ

ছিল। মেজকর্তাও তখন এমন ছিলেন না। তখনও থিয়েটার করতেন। ঘরে নাটক পড়তেন। তাঁর থেকে অনেক শিখলাম মা। কিন্তু যার কাছে শিখলাম, অভাবে স্বভাব নষ্ট হয়ে সে-ই সব ভুলে গেল।

হেমলতা বললেন—ভারী ভাল লাগল মা আপনাকে !

খুশী হয়ে মেজগিন্নী বলেন—জান মা, কাল খবর পেয়ে অবধি কতবার মনে মনে বলেছি যোগেশ্বর ভাণ্ডারপো না গিয়ে যদি ইনি যেতেন ! আমি যদি বিধবা হতাম ! কত দাম তাঁর জীবনের, কত নাম ! আর ইনিও দারিদ্র্য-দুঃখ থেকে রেহাই পেতেন !

—ও কথা বলে না খুড়ীমা। উনি বাঁচুন, অনেকদিন বেঁচে থাকুন। ওঁর দুঃখ ঘুচুক ? ছেলেরা কাজ-কর্ম করুক—

—ছেলেরা ? মা, বড় সতীনের ছেলেরাও তো বড়ো হয়ে এল বলতে গেলে। বড় ধনেশ্বরের বয়স যোগেশ্বর ভাণ্ডারপোর প্রায় সমান। ছেলেরাই সব উপযুক্ত। বড় ছেলে ব্রজেশ্বর, সুরেশ্বরের থেকে বড়। ধনেশ্বর সিঁহুরের ফোঁটা পরে, কালীমন্দিরে কালী-কালী করে, মদ খায়। লোককে শাসন করে বেড়ায়। ভাবে সেই আমলই বুঝি আছে। ধর্মের বাঁড়কেও যে আজ-কালকার আইনে খোঁয়াড়ে দেওয়া যায় তা ভুলে যায়। সেজছেলে সুরেশ্বর একটু উপযুক্ত। এখানে ইউনিয়ন বোর্ডের প্রেসিডেন্ট। দু-চার টাকা এদিক-ওদিক থেকে রোজগার করে, তা নিজের কুলোয় না বাপ-ভাইকে কি দেবে ? কত আর বলব মা, সব ছেলেই অপগণ্ড। দ্বিতীয় পক্ষের বড় ছেলে কমল—কমলেশ্বর বাপকে নেশার পয়সার জন্তে মধ্য মধ্য বলে—নেশার পয়সা দিতে পার না বাপ হয়েছিল কেন ? জন্ম দিয়েছিল কেন ? গাঁজা খায়। ছোট ছেলেটা অতুলেশ্বর একটু ভাল। লেখাপড়া করছে। তাও স্বদেশী বাতীক। বন্দেমাতরম করে বেড়ায়। নাতিগুলোও তাই ! ওঁর কষ্ট দেখি আর ভাবি আরও কত কষ্ট উনি পাবেন ! মধ্য মধ্য এমন কাণ্ড ঘটে বড় ছেলের বড়ছেলে আর অতুলের বড় বিমলকে নিয়ে, আর মেজ ছেলে জগদীশ্বরকে নিয়ে যে উনিও বলেন—হে গোবিন্দ, মৃত্যু দাও ! পরিভ্রাণ কর ! অথচ মৃত্যুকে ওঁর বড় ভয়।

—কেন ? কি করে ? ওঁকে মারেটারে নাকি ?

—না-না। সে সাধ্য নাই। সে ভয় করে। উনি এখনও সব নিজের হাতে রেখেছেন তো ! বন্ধ করে দেবেন সব ! যা করে সে কেলেকারী। এখানে ছোটজাতের মেয়েদের নিয়ে—বিশেষ করে ওই নদীর ওপারে গোয়ানপাড়া ব'লে একটা ক্রিস্চানপাড়া আছে, তাদের মেয়েগুলো খারাপও বটে, তাদের নিয়ে কেলেকারী করে। ওদের পুরুষ জাতটা আবার আমাদের ছোটজাতের মত নয়—তারা সব চোখোল-মুখোল, বদমাস, গুণ্ডা, তারা আসে মারমুখী হয়ে ! ওঁকে তার কাপটা সহিতে হয়। এক-একদিন বলেন—মেজবউ, আমার অজান্তে আমার ক্ষীর কি সন্দেহে বিধ মিশিয়ে দিতে পার ? আর বাঁচতে আমি পারছি নে, চাই নে। কিন্তু জেনে, নিজে উষ্মা করে মরবার মত সাহস আমার নেই। মরণকে আমার বড় ভয়। জান, বি-এ পরীক্ষার সময় কলকাতায় প্লেগের ছজ্জুগ হয়েছিল, কলকাতায় প্লেগ এসেছে। আমি পালিয়ে এসেছিলাম পরীক্ষা না দিয়ে। বাড়ীতে কেউ পাঁচবার দাস্ত করলে গাঁজা খাই। ঘর বন্ধ করে বসে থাকি।

কিন্তু এ যন্ত্রণা যে আর সহ হচ্ছে না।

আবার কয়েক মুহূর্ত পরে বললেন—আগে শুনেছি দয়া ছিল মায়া ছিল। কেউ মারা গেলে হাউহাউ ক’রে কাঁদতেন—বটঠাকুর মানে তোমার স্বশ্র, ঠাকুরপো মানে ওঁর ছোট ভাই, বন্দুকে পাখী মারতেন, উনি কাঁদতেন। মিথ্যে কথা বলতেন না। সেই মানুষ ওই দুটো দোষে কি হয়ে গিয়েছে!

একটা দীর্ঘনিশ্বাস তিনিও ফেললেন, হেমলতাও ফেললেন। হেমলতা কোন উত্তর দিতে পারলেন না। কি উত্তর দেবেন? একটু নিস্তক হয়ে রইল ঘরখানা। তারপরই মেজগিন্নী বললেন—তাহ’লে উঠি বউমা। তুমি স্বরেশ্বরকে আমার সঙ্গে পাঠিয়ে দাও। ও একবার কাছে বসে মিষ্টি ক’রে বলুক, ঠাকুরদা, আমার তো অভিভাবক আপনি। আপনার থেকে বড় অভিভাবক তো কেউ নেই। জ্যাঠামশাই তো সেই দূরে। আমি ছেলেমানুষ, আমাকে যেন আপনি দেখবেন। হয়তো...হয়তো কাজ কিছু হবে না। তবু বলা! বিষন্নভাবে হাসলেন মেজগিন্নী।

হেমলতা সচেতন হয়ে উঠলেন, তিনি যেন অভিভূত হয়ে পড়েছিলেন—এই তার চেয়েও কমবয়সী তার শাশুড়ীটির জন্তে। সচেতন হয়ে উঠে বললেন—যাবে বৈকি স্বরেশ্বর। যাওয়া উচিত ছিল। স্বরো! স্বরেশ্বর! রঘু, স্বরো বোধহয় বাইরে—

স্বরেশ্বর বাইরে যায়নি। পাশের ঘরেই ছিল। বাইরের ওই জঙ্গলের ও কংসাবতীর দিকের জানালাটার সামনে দাঁড়িয়ে জ্যোৎস্নার ফুটফুটে রাত্রির আকাশ পৃথিবীর দিকে তাকিয়ে ছিল। জঙ্গলে কোথায় দুটো কোকিল পালা দিয়ে ডেকেই চলেছে। ‘চোখ গেল’ পাখীর ডাকও সে শুনেছে, পাপিয়া ওর নাম, জানবাজারে পাশের একটা বাড়ীতে কেউ পুষেছিল—ডাকত। আর একটা পাখী ডাকছে ভারী চমৎকার সুরেলা ডাক। নাম জানে না। ওই ডাকও শুনেছিল সে, আবার কথাও শুনেছিল মেজঠাকুরমার। সম্ভবতঃ মনটা মেজঠাকুরমার কথার দিকেই আকৃষ্ট ছিল বেশী। পাখীর ডাক এবং গান কানের পাশ দিয়ে বেজে চলেছিল বাতাসের প্রবাহের মত, বৃষ্টির শব্দের মত, দূরান্তের কোলাহলের মত। ধ্বনিতেই তার পরিবেশন শেষ—কোন ব্যঙ্গনার স্বাদ নেই, কোন অর্থবোধের ঔৎসুক্য নেই।

মায়ের ডাকে স্বরেশ্বরের যেটুকু মন বাইরে ছড়িয়েছিল, যেটুকু কথার মধ্যে মগ্ন ছিল সব একত্রিত হয়ে সজাগ হয়ে উঠল। সে সাড়া দিয়ে বললে—আমায় ডাকছ?

বলে সে এসে ঘরে ঢুকল।

—পাশের ঘরেই ছিলি বুঝি? বাইরে সব বসে’রয়েছেন—

মেজগিন্নী বললেন—ভালই করেছে মা। ওর বাইরে গিয়ে গায়ের লোকের কচকচি না শোনাই ভাল। এখানে খবর আসা অবধি এদের ছয় ভাইয়ের তো মুখের বিরাম নেই। নানান গল্পগুজব রটিয়ে বেড়াচ্ছে। বড় ছেলে তো সকাল থেকে মদ খেয়ে চাঁৎকার করছে। মেজকর্তার মন্দস্বভাবে সেটা ভাল লাগছে। তবে মধ্যে মধ্যে বলছেন, না—না। এ বড় বাড়াবাড়ি হচ্ছে। যাক, আজ উঠি—

—আপনি কিন্তু আসবেন খুড়ীমা। যে যা বলুক করুক আপনি যেন পরিত্যাগ করবেন না।

—আসব। আমার পথ কেউ আটকাতে পারবে না বউমা। তোমার স্বপ্নের আমাকে ভয় করে। হাজার হলেও তৃতীয়পক্ষ তো।

বলে হেসে উঠলেন। তারপর বললেন—কিন্তু একটি শর্তে।

—বলুন।

—শর্ত হল, তুমি যা আমাকে আপনি আজ্ঞে করো না। আমি তোমাকে তুমি বলছি, তুমিও আমাকে তুমি বলবে।

—সেকথা কেমন ক’রে বলব খুড়ীমা—তাই কি পারি ?

—মা, এখানে ছেলেরা মাকে তুই বলে। রাগলে বাপকেও বলে। সেকথা থাক। তোমার স্বরেশ্বর তোমাকে তো তুমি বলে। তুমিও আমাকে তুমি বলবে। কেমন লাগে মা। চাকর-বাকর ছাড়া কেউ তো আপনি বলে না। তাছাড়া বয়সে আমি তোমার থেকে ছোটই হব।

হেসে হেমলতা বললেন—বেশ, তাই বলব।

মেজগিন্নী বললেন—এস ভাই নাতি। চল, ঘুরে আসবে। দেখে আসবে ঠাকুরদাকে।

হেমলতা বললেন—ম্যানেজারবাবুকে বলে সঙ্গে লোক আর আলো নিয়ে যা।

নায়েব বা ম্যানেজার হরচন্দ্র একটু খুঁতখুঁত করলেন। কিন্তু যোগেশ্বরের এখানকার পুরানো কর্মচারী গোবিন্দ ঘোষ বললে—মেজমায়ের সঙ্গে যাচ্ছেন, কোন খুঁতখুঁত করবেন না। বলে তিনি ডেকে বলেন—ওরে ডিকু, তুই যা আলো নিয়ে।

একটি অদ্ভুত মূর্তি—অস্তুত তাই মনে হল স্বরেশ্বরের—আলো এবং লাঠি হাতে সেলাম করে দাড়াল। লোকটার গালপাট্টা আছে, পাকানো গৌফ আছে, পরনে পাজামা আছে, গায়ে একটা ছেঁড়া কোট আছে। বাঙালী তো নয়ই—হিন্দুস্তানী বলেও মনে হয় না, কিন্তু মুসলমানের সঙ্গেও মেলে না।

মেজঠাকুরা বললেন—ডিকু !

—হাঁ মাইজী !

—বহাল হলি বুঝি ?

—হাঁ মা। হলদির কাছে আদমী গিয়েছিল তিন আদমীর জন্তে—বুড়ী আমাকে রোজাকে ভেজেছে, কাল আর কোইকে ভেজবে। আচ্ছা আদমী ছাড়া তো দিবে না ! হামারা তো নোকরী চুঁড়ে ঘুরছি মা, মিলছে না। আর নতুন হজুর আইলেন, নোকরী মিলল !

স্বরেশ্বর বললে—কি নাম তোমার ?

—গোবিন্দ ডিক্কুরজ ! হামি লোক গোয়ান আছি হজুর ! হারমাদ ছিলাম হামরা ! হজুরেরা হামাদের এনে এখানে জমিন দিয়ে খর দিয়ে বৈঠালেন।

মনে পড়ল স্বরেশ্বরের। পূর্বপুরুষ বীরেশ্বর রায়ের আমলে এরা এখানে এসে বাস করেছিল।

বাস করিয়েছিলেন তাঁর জীৱ অম্বুরোধে। গোয়ানীজ পোটু'গীজদের বংশধর। মনে পড়ল মেজঠাকুরমা মাকে বলছিলেন গোয়ানপাড়ার মেয়েদের কথা। কিন্তু সেকথা নিয়ে কৌতূহল জাগবার মত তার মনের অবস্থা ছিল না। সে একটু শঙ্কিত হয়েই চলেছিল বিচিত্র মেজঠাকুরদার সঙ্গে দেখা করতে। তার বাবাকে সে দেখেছে রায়বংশের প্রাসাদের একটি শ্বেতশূল গম্বুজের মত মহিমায়। তাতে আকাশ থেকে অন্ধকারের কালি ঝরে কালো হয়ে যেতেও দেখেছে। তার চুড়ার কলসে কলঙ্ক ধরতেও দেখেছে। এখন চলেছে দেখতে আরও পুরনো এক গম্বুজ বা মিনারকে—যেটা ভূমিকম্পে ফেটে গেছে; ফাটলে ফাটলে সরীসৃপের বাস; যেটার তলায় দাঁড়ালে যে-কোন মুহূর্তে খানিকটা ভেঙে পড়বার সম্ভাবনা, যেটার বং বিবর্ণ হয়ে কদম্ব—হয়তো বা ভয়ঙ্কর—হয়ে দাঁড়িয়েছে।

হঠাৎ সে দাঁড়িয়ে গেল।

মেজঠাকুরমা বললেন—দাঁড়ালে ভাই?

ঠিক পথের ধারেই একটা গাছে যেন মাথার উপরেই সেই অজানা সুরেলা শিস্ দেওয়া পাখীটার ডাক শোনা যাচ্ছে। অত্যন্ত কাছে ঠিক মাথার উপরে বলেই মনটা যেন ছেলে-মাতৃষের মত ওরই কাছে ছুটে চলে গেছে। সে বললে—ওই পাখীটা! অনেকক্ষণ থেকে ডাক শুনছিলাম নদীর ওপারের জঙ্গলে। এখানে বোধহয় এই গাছটাতেই ডাকছে।

পাখীটা আবার ডেকে উঠল। মেজগিন্নী হেসে উঠলেন—বললেন—ওটা তোমার মেজঠাকুরদা পাখী ভাই।

—মানে?

—বুঝতে পারলে না? ওকে বলে 'বউ কথা কও' পাখী।

—মেজঠাকুরমা পাখীগুলো তাহ'লে কি বলে মেজঠাকুরমা?

—হরি হরি হরি! তাও জান না! তারা ডাকেই না। পাখীদের মেয়েগুলো ডাকে না গো! যদি ডাকে—তবে নাতি কথা কও বলে!

তারপরই বললেন—এসে পড়েছি আমরা। দেখো, একটু সহ্য করে যেয়ো ভাই। বয়স সোত্তোরের কাছে, কিন্তু অভাবে অভাবে, আর স্বভাবেও বটে, মেজাজ মন বাহাত্মুরের অধম হয়েছে!

এতক্ষণে বাদিকের গাছটা থেকে ডানদিকে চোখ ফেরালে সুরেশ্বর। জ্যোৎস্নার মিষ্টি সাদা আলোয় শেওলাপড়া কালচে রঙের প্রকাণ্ড একটা ফটক। দুপাশে দুটো যেন কি? জানোয়ারের মূর্তি। দুটো সিংহ। ফটক দুটো কাঠের—ভাঙা-ভগ্ন। ওপাশে একরাশ কালো জমাট পাথরের মত বাড়ীখানা স্পষ্ট হয়ে উঠল।

দূকে মেজঠাকুরমা বললেন—এটা ঠাকুরবাড়ী। প্রণাম করে যাবে ভেতরে।

প্রকাণ্ড নাটমন্দির। মোটা গোল খামের উপর ছাদ—চারপাশে ঢালু চারখানা আলাদা



টিনের চাল। উত্তরদিকে কালোমন্দির। প্রশস্ত চৌকো ঘরই একখানি—সামনে ঠিক মাঝখানে আলসের উপর তিনকোণা বা ত্রিভুজের মত একটি অলঙ্করণ। তার দু'পাশে দুটি হাতীর মাথা, তারা শুঁড় তুলে রয়েছে। মাঝখানে একটি পদ্ম—তার মধ্যে লেখা ঠুঁ। বারান্দা ঘর সব মার্বেল দেওয়া।

বারান্দায় গিয়ে স্বরেশ্বর উঠল মেজঠাকুরার পিছন পিছন। কেউ একজন আসনে বসে নাক টিপে করগণনা করে জপ করছিল। সামনে মদের বোতল, পাশে নারকেলমালার পাত্র, একখানা শালপাতায় কিছু মুড়ি এবং আরও কিছু ভাজাভুজি উপকরণ। পিছন দিক থেকে লোকটিকে দেখে শুধু এইটুকু বুঝলে স্বরেশ্বর যে লোকটি প্রোঢ় এবং দেহখানা যেন ভাঙাভগ্ন, তবে লোকটি দীর্ঘাকৃতি; মাথায় ঢাক পড়েছে।

ভিতরে শ্বেতপাথরের গড়া বড় একটি সিংহাসন, যার মাথাতেও ছত্রি, সামনে সরু গোল ছোট খাম বা ডাঙা, তার মধ্যে কষ্টিপাথরের কালামূর্তি। মূর্তির রং ঠিক ঝকঝক করছে না, খসখসে মনে হল; এবং বুঝতেও পারলে যে মার্জনা বিশেষ হয় না।

মেজগিন্নী নিজে প্রণাম করলেন। স্বরেশ্বর দাঁড়িয়েই রইল। মেজগিন্নী উঠে বললেন—প্রণাম কর।

প্রণাম করতে ঠিক অন্তরের ইচ্ছে ছিল কি না—ছিল তা স্বরেশ্বর নিজেই ঠিক জানত না। সে মেজঠাকুরার কথায় প্রায় সঙ্গে সঙ্গেই প্রণাম করল। বাপের শ্রাদ্ধের জন্তু এখানে আসার পিছনে তাদের যে মন রয়েছে সেটাও তাকে বোধহয় নির্দেশ দিলে—প্রণাম কর। তবে যুক্তির দিক থেকে তার বর্তমান মনের যুক্তিতে এতে সায় থাকবার কথা নয়, কিন্তু সংস্কারের প্রভাব একেবারে মুছে যায়নি।

মেজঠাকুরা পূজককে বললেন—চরণোদক দাও ঠাকুর স্বরেশ্বরবাবুকে। পূজকঠাকুর তামার চরণোদকের পাত্র নিয়ে বেরিয়ে এল। মেজঠাকুরা বললেন, হাত পাত' ভাই।

ঠিক এই সময়েই উপাসক ব্যক্তিটির ধ্যানভঙ্গ হল—কালী কালী জয় কালী। কালী কলুষনাশিনী, কালী আনন্দময়ী—বলতে বলতে ফিরে তাকালে পিছন দিকে। স্বরেশ্বরকে দেখে গম্ভীর-কণ্ঠে প্রশ্ন করলে—কে?

মেজগিন্নী বললেন—এই স্বরেশ্বর, যোগেশ্বর ভাগুরপোর ছেলে! স্বরেশ্বর, ইনি তোমার বড়কাকা—তোমার মেজঠাকুরার ছেলে ধনেশ্বর।

—অ—! স্বরে-শ্বর। স্বরের ঈশ্বর! তা চেহারাখানা তো বেশ! উ!

স্বরেশ্বর বিব্রতবোধ করলে। কি করবে—কি বলবে ভেবে পেল না। হঠাৎ জুগিয়ে গেল, সে বললে—অশৌচে তো প্রণাম করতে নেই বলছিলেন মেজঠাকুরা।

—না, তা নেই।

মেজঠাকুরা বললেন, বিবিমহলে মনমরা হয়ে বসে ছিল। ওর মা—বউমা বলছিলেন এই বয়সে পিতৃহীন হয়ে বড় ভেঙে পড়েছে বেচারী। অভিভাবক নেই সাহস দেবার, ভয় নেই বলবার কেউ নেই। তা আমি বললাম, সে কি? ওর মেজঠাকুরদা বৈচে, ওর শূর-বারের মত কাকারা, ধনেশ্বর, স্বরেশ্বর রয়েছে, অভিভাবক নেই সে কি কথা! চল, এখনি চল। দেখবে

কাকারা বৃকে জড়িয়ে ধ'রে বলবে—কি ভয়, কিসের ভয় !

সে প্রায় উদাত্তকণ্ঠ যাকে বলে—সেই উদাত্তকণ্ঠে ধনেশ্বর বলে উঠল—নি-শ্চ-য় ! বলে উঠে দাঁড়িয়ে দু'হাত মেলে বললে—পুত্রের অধিক । যোগেশদার এক পুত্র সে আমার শতপুত্রের অধিক ! ওঃ !

প্রচুর মত্তপানে তার পা ঠিক থাকছিল না—টলছিল । এবং সর্বাঙ্গ দিয়ে দেশী মদের তীব্র গন্ধ নির্গত হচ্ছিল । টলতে টলতে এসে স্বরেশ্বরকে বৃকে জড়িয়ে ধরে ধনেশ্বর কেঁদে ফেললে । ওঃ, কি মানুষ্যই ছিল যোগেশদা ! ওঃ ! তুই তার ছেলে !

স্বরেশ্বরের অন্তরাগ্নি বিদ্রোহ ক'রে উঠল । তার মনে হল যেন পৃথিবীর কুৎসিততম দুর্গন্ধ-যুক্ত একটা জন্তুতে তাকে আঁকড়ে ধরেছে । কি করবে সে তা ভেবে পেল না ! বহুকষ্টে আত্ম-সমরণ করেও একটা হাত দিয়ে ধনেশ্বরের বাহু বেষ্টনীতে একটু ঠেলা দিয়ে বললে—ছাড়ুন ! আমাকে ছাড়ুন !

মেজগিন্নী বুঝেছিলেন, তিনি বললেন, ওকে ছেড়ে দাও বাবা ধনেশ্বর । তাছাড়া তুমি করলে কি ? সন্ধ্যা শেষ না করেই আসন ছেড়ে উঠলে ?

স্বরেশ্বরকে ছেড়ে দিল ধনেশ্বর । তারপর বললে—তাই তো, অগ্নায় হয়ে গেল ! ফের গোড়া থেকে করতে হবে । তা তুমি ভেবো না বাবা ! কিছু ভেবো না । সব ঠিক হয়ে যাবে । সব ঠিক করে দেব আমি । বিলকুল ঠিক করে দেব । সিধে ঠিক করে দেব !

বলেই আসনে বসে পড়ে গাঢ় প্রমত্ত-কণ্ঠে বলে উঠল—কালী কালী বল মন । কালী কালী কালী । কালী কল্যাণী । কালী করুণাময়ী ।

মেজগিন্নী স্বরেশ্বরকে নিয়ে এগিয়ে গিয়ে ডানদিকে একটি দরজায় ঢুকে পড়লেন । বললেন—এ চত্বরটি রাজরাজেশ্বরের আর রাধাশ্যামের চত্বর । চত্বরটি স্বতন্ত্র ; পাঁচিল দিয়ে ঘেরা । বলতে গেলে শাক্ত এবং বৈষ্ণবতন্ত্রের ক্ষেত্র দুটিকে তফাৎ ক'রে আলাদা ক'রে দেওয়া হয়েছে । শক্তি-মন্দিরের মত এবং মাংসের গন্ধ যেন ওদিকে না যায় ।

ওদিকে কালীমন্দিরের বারান্দায় বসে উচ্চ জড়িতকণ্ঠে ধনেশ্বর চীৎকার করছিল—কলকাতার বাবু, যোগেশ্বর ব্যাটা, ক্রীষ্টান-সাহেবের গোলাম—এঁটো-চাটার পুত্র । দেশী কুত্তার গায়ে খুসবু সাবান মাখায় সাহেবরা । তাই সাহেবের দেশী-কুকুর গাঁয়ের বাঘা কুকুরকে ঘেন্না করে ! বাঘা কুকুর ঋশানে ফেরে মশানে ফেরে । তার জাত আছে । জয়কালী জয়কালী । কেরেস্তান-দেবোত্তরের দায়ে শ্রদ্ধ করতে এসেছে । আমি দেখছি—

স্তম্ভিত হয়ে দাঁড়িয়ে গেল স্বরেশ্বর ।

তখনও বলে চলেছে ধনেশ্বর—হারামজাদা—শুয়ার কি বাচ্চা—তোর বাপ মদ খেত না ? কেরেস্তান—! এ-ই ঠাকুর মন্দিরের বারান্দা গঙ্গাপানিসে নাথাল দেও । কেরেস্তান উঠেছিল । করাচ্ছি, তোমাকে শ্রদ্ধ করাচ্ছি ।

মেজগিন্নী এসে স্বরেশ্বরের হাত ধরলেন—এস, ওসব শোনে না । ঠাকুরকে প্রণাম কর । করে চল মেজঠাকুরদাকে বলে চলে যাবে ।

চূপ করে দাঁড়িয়ে রইল স্বরেশ্বর ।

—নাতি !

—আমি ফিরে যাই ঠাকুমা !

—না ! যেতে নেই । দেখে ভাই, তর্পণ যখন করবে তখন দেখবে—অবকু,—শকু, বকু, অন্তঃকর্মের বকু সকলকে জল দিতে হয় । যাদের সম্ভান নেই, যারা অপঘাতে মরেছে, তাদের জল দিতে হয় । শ্রাদ্ধে তাদেরও পিণ্ড দিতে হয় । এখন তোমার রাগ করতে নেই ।

মুগ্ধ দৃষ্টিতে তাঁর মুখের দিকে তাকিয়ে স্বরেশ্বর বললে—আপনি সংস্কৃত পড়েছেন ঠাকুমা ?

—না ভাই । কে শেখাবে ? বাবা পূজারী বামুন ছিলেন, বলতেন, শুনে শিখেছি । তোমার ঠাকুরদা তর্পণ করেন, শুনেছি । বুঝি । হাজার হলেও বামুনের মেয়ে বামুনের বউ তো !

—চলুন । ঠাকুরদাকে দেখে আসি চলুন ।

\*

\*

\*

রায়বংশের পুরুষেরাই দীর্ঘকায় । মেজঠাকুরদার মধ্যে একটু পার্থক্য সে দেখলে । মেজ ঠাকুরদা ঈষৎ স্কলকায়, বেশ একটি ভুঁড়ি আছে ।

দোতলার বারান্দায় আসর পেতে বসে ছিলেন শিবেশ্বর । একদল তিলকধারী খোল নিয়ে বসে ছিল । আরও দুজন বৈষ্ণবও ছিল । শিবেশ্বর সব গাঁজার কক্কেটি হাতে ধরেছেন । মেজগিন্নী স্বরেশ্বরকে নিয়ে সিঁড়ি ভেঙে ঠিক বারান্দার প্রান্তদেশে দাঁড়ালেন । এবং একটু থমকে গেলেন । গাঁজা শিবেশ্বর খান এ কথা তিনি হেমলতাকে বলেছেন, না-বলবার কারণও ছিল না, কারণ শিবেশ্বর অতি প্রকাশ্যভাবেই গাঁজা খেয়ে থাকেন । এবং স্বরেশ্বর বিবি-মহলে পাশের ঘরে থেকে এ সব শুনেছে তাও তিনি জানেন, তবুও যেন একটু লজ্জিত হলেন ।

শিবেশ্বর গ্রাহ্য করলেন না । গাঁজার কক্কে মুখের কাছে ধরে টানতে লাগলেন । মেজগিন্নী বললেন—স্বরেশ্বর এসেছে ।

গাঁজার ধোঁয়া ছেড়ে একটু দাবা গলায় শিবেশ্বর প্রশ্ন করলেন—কে এসেছে ?

—স্বরেশ্বর । তোমার কাছে এসেছে, তোমাকে দেখবে—দেখা করবে !

যোগেশ্বরের ছেলে ?

—হ্যাঁ ।

—এস । এস । ভাই এস ।

স্বরেশ্বর এগিয়ে গেল । শিবেশ্বর কক্কেটা খোল-বাজির হাতে দিয়ে উঠে দাঁড়ালেন । স্বরেশ্বর তাঁর সামনে দাঁড়িয়ে তাঁর মুখের দিকে তাকালে । আলো উজ্জল নয়—হারিকেন জ্বলছে । তবু তার মনে হল, ঠিক সাধারণ নেশাখোর মানুষ তো নন । মুখে এবং দাঁড়ানোর ভঙ্গিতে একটি সুস্পষ্ট ব্যক্তিত্বের ছাপ রয়েছে ।

সে বললে—মেজঠাকুমা বলেছিলেন, অশৌচের মধ্যে প্রণাম করতে নেই ।

—না । নেই । কিন্তু প্রণামেরই বা দরকার কি ভাই ? যারা বুকে চড়ে মলমূত্র ত্যাগ করলে চন্দন লেপনের আনন্দ পায় মানুষ, তাদের কাছে প্রণাম কি প্রয়োজন ? বস ।

অভিভূত হয়ে গেল স্বরেশ্বর। নতুন কালের মানুষ সে। সবুজপত্রের যুগ সত্য শেষ হয়েছে বা সবুজপত্র সত্য উঠে গেছে ; পেঁচিয়ে কথা বলে বক্তব্যটিকে বক্র ও তীক্ষ্ণ করে বলার রেওয়াজ উঠেছে ; ভারের চেয়ে ধারের দাম বেশী হয়েছে ; তাতে উল্লাস এবং কোতুক দুইই আছে। এ কথা সে জাতের নয়—সে মেজাজের নয় ; এ কথা সোজা কথা এবং হয়তো কিছুটা ভাবালুতা আছে, তবু সে অনুভব করলে, তার মন আনন্দে এবং আবেগে যেন ভরপুর হয়ে গেল।

শিবেশ্বর তাকে ধনেশ্বরের মত বুকে জড়িয়ে ধরলেন না, তাতে ধরে বললেন, বস। তোমার কবলের আসন কই ? আনো নি ? মেজবউ, আসন দাও। গালিচার আসন পেতে দাও !

তারপর হঠাৎ আলোটা তুলে নিয়ে তার মুখের সামনে ধরে তাকে দেখলেন। আবার আলোটা নামিয়ে চশমা বের করে চোখে দিয়ে দেখে বললেন—তাই তো ভাই। তুমি তো দেখি অপরূপ হে ! রায়বংশে শ্রেষ্ঠ সুপুরুষ ছিলেন তোমার পিতামহ। আমার জ্যেষ্ঠ দেবেশ্বর রায়। তাঁর অয়েলপেন্টিং নিশ্চয় দেখেছ। সে অবশ্য পরিণত বয়সের। প্রথম যৌবনের সে ছবি আমার মনে ভাসছে। তুমি হয়তো তাঁর থেকেও সুপুরুষ। প্রেমে পড়বার মত রূপ হে ! আমি যে চিন্তিত হলাম ভাই ! তুমি যে সাক্ষাৎ মদন হে !

লজ্জা পেয়েছিল স্বরেশ্বর ; সে লজ্জাকে জয় করে সে একটু পুলকিত কোতুকেই বললে—  
কেন ? এ যুগে আর তো শিবের তপোভঙ্গ করতে হবে না ! চিন্তা করছেন কেন ?

—ভাই ! গম্ভীরভাবে বললেন শিবেশ্বর, ভাই, আমার যে তৃতীয় পক্ষের গৃহিণী এবং সন্দরী গৃহিণী ! বলে হা-হা করে হেসে উঠলেন।

—না ঠাকুরদা, আপনার গৃহিণী রতি নন—উনি সতী—না, সতী বলব না,—উনি গৌরী, উমা।

—বহৎ আচ্ছা ! সাধু-সাধু-সাধু ! দীর্ঘায়ু হও। তার তুল্য খ্যাতিমান হও ! চমৎকার বলেছ হে ! ঠাকুরদাকে ঠকিয়ে দিয়েছ। এবং—। একটু গম্ভীর হয়ে গেলেন, বললেন—  
লজ্জিতও করেছ আমাকে। তুমি আমার সঙ্গে নিজেকে থেকে দেখা করতে এসেছ। যাওয়া তো আমারই উচিত ছিল। তুমি পিতৃহীন হয়েছ ; আমি পিতামহ ; তুমি পৌত্র—ভ্রাতৃপৌত্র, আমারই তো গিয়ে বলা উচিত ছিল—এস ভাই, কোন ভয় নেই তোমার, আমি যতক্ষণ আছি। তা আমি করিনি !

—কর নি, এবার কর ! মেজগিন্নী স্বেযোগ পেয়ে মাঝখানে টুকে দিলেন।

—হঁ। শুধু একটি হঁ বলে শিবেশ্বর একটি দীর্ঘনিশ্বাস ফেললেন।

সংসারে বোধহয় অবস্থার আনুকূল্যে প্রসন্নতায় মানুষ মুখর হয়ে ওঠে—আবার প্রতিকূলতায় কোণ্ডে বিষণ্ণতায় কথা হারিয়ে ফেলে—বা কোনক্রমে দমন করে রাখে নিজেকে। স্বরেশ্বরের মনে এবং মুখে কথা আপনি এসে গেল, সে বললে—আমাদের উপর কি রাগ করে আছেন আপনি ?

—না। রাগ তো নয় ভাই। রাগ নয়। দেখ, আমি ধর্মে একটু গোঁড়া। সেই

কারণে সেই প্রথম যৌবন থেকে তোমার ঠাকুরদার মত কলকাতায় যাই নি, রামেশ্বরের মত বিলেত যাই নি। তিনবার বিবাহ করেছি—তবু পরদার করি নি। আজ বলতে গেলে নিঃস্ব হয়েছি। সেই ধর্ম। মানে তোমার বাবা—। থাক সে সব কথা। আমি ভাবছি। এখনও ভাবছি। ভাবছি বলেই এখনও দূরে দূরেই রয়েছি। তা ছাড়া আমিও তো বলতে গেলে ঠিক স্বাধীন নই। আমার ছেলেরা অপোগণ্ড, মূর্থ, মাতাল—তা ছাড়া অন্য দোষও তাদের আছে। তারা অমত করছে। তারা বিষয়ের জ্ঞেয় করছে। সে বলতে হবে। তবে কি জানো, আমার বিচারে তো তোমার বাপের সঙ্গে এদের তফাৎ খুব নেই। দুইই পচেছে। তাই হয়, বড় বড় বংশে তাই ঘটে। তোমার বাপ ইংরিজী মতে পচেছে, এরা দেশী মতে পচেছে। দেখ, আমার কাছে তোমার বাপের পচাটাই বেশী পচা। কাবণ ইংরেজী মতে পচা মানেই জাত দিয়ে পচা। আমার ছেলেরা জাতটা রেখেছে। আমি ভাবছি!

স্বরেশ্বর বললে—ভেবে দেখুন তা হলে। আমি আজ যাই।

—এস। কাল আমি যাব। বউমার সঙ্গে দেখা করে আসব। ঠুকে সেই বিয়ের সময় আর বিয়ের পরই সাতদিনের জ্ঞা এখানে এসেছিলেন, তখন দেখেছি, আর দেখি নি। দেখে আসব। ইতিমধ্যে ভেবে দেখি। ছেলেরা সঙ্গে পরামর্শও করি।

পরদিন সকালে শিবেশ্বর সঙ্গে মেজছেলে স্বরেশ্বরকে নিয়ে নিজে এলেন। স্বরেশ্বরের বয়স বছর চল্লিশেক। মেজ জগদীশ্বরের থেকে বেশ কয়েক বছরের ছোট। স্বরেশ্বর বেশ ভদ্র। ম্যাট্রিক পাস। এখানকার ইউনিয়ন বোর্ডের প্রেসিডেন্ট। কিছু ঠিকাদারি ব্যবসাও আছে। লোকে বলে—ইউনিয়ন বোর্ডের ইন্দারা, রাস্তার সাঁকো এ-সব বেনামীতে স্বরেশ্বরই করে থাকে। ইউনিয়ন কোর্টেরও হাকিম। তাতেও নাকি কিছু কিছু আয় হয়। চেহারায় রায়বংশের ছাপ আছে, তবে রঙটা কালো।

শিবেশ্বর হেমলতাকে ডেকে অনেক মালুনা, অনেক উপদেশ দিলেন। পরিশেষে বললেন—কাল আমি স্বরেশ্বরকে সব বলেছি মা। দেখ মা, আমার কাছে ধর্ম সবার উপরে। বুঝেছ! তা আমি আমার গুরুর কাছে লোক পাঠিয়েছিলাম। তিনি বলেছেন, এ অশ্রুমতির কাজ নয়। বিচারের কাজ। যা তোমার বিচারে হবে তাই কর। সে বিচার আমি করছি। হ্যাঁ, করছি। মনে হয় দুপুর নাগাদ একটা সিদ্ধান্ত করতে পারব।

হেমলতা চুপ করে রইলেন।

শিবেশ্বর বললেন—হরচন্দ্র কাল সকালে শিয়েছিল, বলছিল, তোমাদের ইচ্ছে ছিল বসন্ত-বাড়ীতে উঠবে। ইচ্ছেটা স্বাভাবিক বটে। বসন্ত-বাড়ী—পৈতৃক ভদ্রাসন। আর গুগুলি দেবরস নয়—সবই ব্যক্তিগত সম্পত্তি। মেরামতও করাও—

হেমলতা বললেন—না-না-না। এই তো আমরা এখানে বেশ রয়েছি।

—হ্যাঁ। এ বাড়ী ওখান থেকে অনেক আরামের। তবে ভদ্রাসন। তা—যদি প্রয়োজন হয় তা হলে আমি আজই খালি করে দেব। আমার বাড়ীটা জীর্ণ হয়েছে। তা হোক, পরিষ্কার এ বেলাতেই হয়ে যাবে। বিকেল চারটে নাগাদ খালি হয়ে যাবে! যদি চাও!



স্বথেন্দ্র এতক্ষণ পূর্ণপ্রায় চুপ করেই বসে ছিল, সে এবার বললে—এ সময় কথাটা বলা হয়তো অসঙ্গত হচ্ছে আমার। একটা ব্যাপার হয়ে আছে—সেটা আমি বলে রাখতে চাই বউদি!

—কি বলুন?

—আমাকে বলুন বলছেন কেন? আমি যোগেশদার চেয়ে দশ বছরের ছোট। হেসে মাথার ঘোমটাটা টেনে দিলেন হেমলতা।

স্বথেন্দ্র বললে—যোগেশদা তখন কলকাতায় ছিলেন, সে সময় আমি তাঁর কাছে গিয়েছিলাম দেবোত্তরের একশো বিঘে ধানজমির একটা প্লট, আমরা আট ভাই বাবার অংশ রায়তী স্বত্ব বন্দোবস্ত নিয়েছিলাম। যোগেশদাকে বলেছিলাম, দাদা, তোমার তো অনেক আছে, কোন অভাব নেই, এটা বাবা যখন আমাদের খাজনা করে দিলেন তখন তুমিও আমাদের দাঁড়। তা উনি বলেছিলেন—দিলাম! আমি ভুল করে দলিলটা নিয়ে যাই নি—তাই মই হয়নি। এই তারপরই উনি নেটিভ স্টেটে চলে গেলেন। উনি যখন বিলেত চলে গেলেন, তখন হরচন্দ্র সেটা অস্বীকার করলেন, বললেন—তা কি করে হবে? কই, আমরা তো কিছু জানি না! সেই তখন থেকে একটা গাঁট লেগে রয়েছে। সেটা, এদিকটা যখন মিটেই যাবে, তখন মিটে গেলে ভাল হয় না?

শিবেন্দ্র বললেন—এ কি স্বথেন্দ্র! এ সময়ে ওকথা কেন?—এ কি?

হরচন্দ্র নির্বাক হয়ে দাঁড়িয়ে ছিল। সে এবার হেমলতা কিছু বলবার আগেই বললে—না-না কস্তা। উনি ঠিক বলেছেন। সব গাঁট খুলে যাওয়াই ভাল।

তা—নিশ্চয়। স্বর্গীয় বাবু যখন বলে গেছেন, তখন দলিল আনবেন, মই করে দেবো।

৮

এরপরই মিটে গিয়েছিল সব। তবে আন্ধে আসে নি বা অশৌচান্তে কামায় নি কেবল ধনেন্দ্র।

সে বলেছিল—না।

সে না-কে ইঁা করানো যায় নি। তবে কোন গণ্ডগোলও করে নি। শিবেন্দ্র তাকে কঠিন শাসন করেছিলেন। আর একজন কামায়নি—কামায়নি নয়—তাকে পাওয়া যায় নি সে সময়। সে ধনেন্দ্রের তৃতীয় ছেলে গোপেন্দ্র। সে নাকি একটু অসুস্থমস্তিক। দৈত্যের মত চেহারা। চৌদ্দ বছরের ছেলেকে মনে হয় আঠারো বছরের জোয়ান। আপন খেয়ালে চলে। মধ্যে মধ্যে চলে যায়, দুদিন-তিনদিন পর ফেরে।

কীর্তিহাটে এক মাসের উপর থেকে প্রথম মাসিক শ্রাদ্ধ সেরে কলকাতায় ফিরেছিল এবং ষষ্ঠ মাসে গিয়ে সপিণ্ডীকরণ শেষ করে সমারোহ করে শ্রাদ্ধ করে এসেছিল। তার সঙ্গে সে বিচিত্র মন নিয়ে এসেছিল।

গ্রামের মানুষদের দেখে দুঃখ হয়েছিল, ঘৃণাও হয়েছিল।

এদের দুঃখ দারিদ্র্য যত, নীচতা হীনতাও তত। অথবা তার থেকেও বেশী। একবিন্দু প্রেম বা এতটুকু শ্রদ্ধা বা ভালবাসার মত এক কণা পরিমিত সম্বলও সে পায় নি। কি লোভ! কি গোত্রাসে আহ্বার! সব থেকে বেশী খেয়েছিল রায়বংশের ছেলে ওই গোপেশ্বর। এবার স্বরেশ্বর তাকে দেখেছিল। কথায় জড়তা। প্রকাণ্ড দেহ, ফর্সা রং। কটা চুল। কটা চোখ। অস্বস্তি দৃষ্টি। ছেলেটি খেতে বসে দানবের মত খেয়েছিল। তারপর আর গোপেশ্বরকে দেখেনি। শুনেছিল তার মাথা গরম হয়েছে বলে তাকে ঘরে বন্ধ করে রাখা হয়েছে। গভীর রাত্রে সে বীভৎস চীৎকার করত। সে চীৎকার সে শুনেছিল।

এখানকার ব্রাহ্মণেরাও চুরি করে; তার পিতৃশ্রাদ্ধে তারা লুচি মিষ্টি চুরি করলে; সে দেখলে। এবং পরস্পরের মধ্যে কুৎসিত কলহ করলে। সব থেকে খারাপ লাগল তার মেজ-ঠাকুরমা পর্যন্ত বালতিতে ভরে মিষ্টি নিয়ে গেলেন। দুর্ভাগ্যক্রমে চোখে পড়ল তারই। মেজ-ঠাকুরমা অপ্রতিভ হলেন না, হেসে বললেন, নিয়ে যাচ্ছি ভাই। কলকাতার কাঁচা সন্দেশ তোমার ঠাকুরদা খেতে ভালবাসেন। চোখে পড়ল কাঙ্গালী বিদায়ে ব্রাত্য দরিদ্রেরা এল দলে দলে, এখানকার রায়বাড়ির ছেলেরা থেকে অন্য ভদ্রবাড়ীর ছেলেরা এমন কি ওদেরই স্তরের যারা পাইক পেয়াদার কাজ করে তারা তাদের যুবতী মেয়েগুলোকে নিয়ে সামান্য স্বাদু খাদ্য-মূল্যে ছিনিমিনি খেললে। নদীর ওপারে গোয়ানপাড়া—ওই ডিকুরুজদের বাড়ী—তারা লুন্ডি পরে, পাজামা পরে, মেয়েরা সেমিজের মত ঢিলে জামা পরে বেড়ায়—তারা কাঙ্গালী খেতে আসেনি। কিন্তু এই দাঁড়িয়ে দেখলে আর ফিক-ফিক করে হাসলে। মেয়েগুলোকে দেখেই যেন মনে হয়—এরা স্বৈরিণী। এখানকার মুসলমানরাও আসেনি। এদের দুই সম্প্রদায়কে সিধে দেবার ব্যবস্থা করেছিলেন তার মা।

এখানকার ইস্কুলের হেডমাস্টার এসে তার কাছে হেঁট হয়ে নমস্কার করে ভিক্ষুকের মত কথা বললেন। তার কারণ ইস্কুলে পাঁচ হাজার টাকা দান করা হয়েছিল। তিনি হাতজোড় করে বললেন তার মাকে, স্কুলের ম্যাট্রিক উত্তীর্ণ ছাত্রদের মধ্যে যে প্রথম হবে তাকে এক বৎসরের জন্য মাসিক একটা বৃত্তি বাবার নামে দেবার জন্য।

চ্যারিটেবল ডিসপেনসারির ডাক্তার এলেন ডাক্তারখানা মেরামতের জন্য ভিক্ষা করতে। তিনি আক্ষেপ ক'রে বললেন—এই ডাক্তারখানার যে সব যন্ত্রপাতি ছিল সে সব দেখে মিস্টার লাম্বোর্গ বলে ডিক্টিকে ম্যাজিস্ট্রেট উনিশশো আট সালে লিখেছিলেন এসব ইকুইপমেন্ট সাবভিভিশনাল হাসপাতালেও নেই। তার আর কিছু নেই। ডাক্তার এখানে থাকে না। কারণ বিনা ফিয়ে গোটা মেজ তরফকে দেখতে হয়। ডাক্তারখানা থেকে তাদের ওষুধ আগে আসে। ভাল ওষুধ অন্য পেশেন্টদের দিতে নিষেধ আছে স্বরেশ্বরবাবুর।

স্বরেশ্বর ছিল নীরব শ্রোতা। তার অন্তরলোকে এসবের প্রতিটি বিচিত্র সংবাদ জলন্ত অজ্ঞার-স্রুপে দাহবস্তুর মত নিষ্কিপ্ত হচ্ছিল।

ফলে সে ফিরে এল জ্বলতে জ্বলতে।

শুধু রায় বংশ নয়, গোটা গ্রাম—হয়তো গোটা দেশের উপর অবজ্ঞা এবং ঘৃণা নিয়ে।

কলকাতায় তখন সে কলেজে ভর্তি হয়েছে। সেন্টজেনিয়ার্স কলেজে। ম্যাট্রিক পাস

সে সেবার করেছিল। কীর্তিহাট থেকে ফিরে সে আর কলেজে যায়নি—গিয়ে উঠেছিল প্রতি-  
শ্মিয়াল কংগ্রেস আপিসে। এ রাজত্ব এ দেশ এ সমাজে বিপ্লবের আগুন লাগিয়ে পুড়িয়ে ছারখার  
ক'রে দিতে হবে। তখন ১৯৩০ সাল এসে পড়েছে।

মা বাধা দিয়েছিলেন। সে শোনে নি। একদিন মাকে না বলেই চলে গিয়েছিল মেদিনীপুর  
লবণ সত্যাগ্রহে। সেখান থেকে থবর এসেছিল—তার এক বছর জেল হয়েছে। কিন্তু এখানেও  
সে শাস্তি বা স্বস্তি পায় নি। তখন জেলের মধ্যে রাজনৈতিক বন্দীদের ভিতর জটিল দলাদলির  
ফলে কুৎসিত ষড়যন্ত্র চলছে। তাছাড়া সাধারণ সত্যাগ্রহীদের সে যেন এক অসহনশীল উন্নততা  
চলছে। এ দল ও-দলের লোককে বলে স্পাই। ও-দল বলে এ-দলের লোককে।

রাত্রে সারারাত্রি জলের ড্রাম আর খালাবাটি পিটে বাণ্ড বাজায়, বিশ-পঁচিশ জনে মিলে  
চৌৎকার ক'রে বেহুঁরে অহুঁরের মত গান করার নামে তাণ্ডব করে। তার বিছানার পাশের  
দেওয়ালটায় চারজন নশ্ত্র নিয়ে নাক ঝেড়ে ময়লা করে। সে প্রতিবাদ করায় তার নামে রটে  
গেল—সে স্পাই। তার সহ হল না। সে সেইদিনই জেলারের কাছে এসে জানালে যে সে স্পা-  
রের সঙ্গে দেখা করতে চায়। স্পারের সঙ্গে দেখা হল এবং সে তাঁকে বললে—যে সে  
সত্যাগ্রহ করে এখন অগ্ন্যুত্তপ্ত। সে আর করবে না এই বণ্ড দিয়ে মুক্তি পেতে চায়। তখন তার  
এক বছর মেয়াদের মধ্যে ন-মাস গেছে। জেল নিয়মে রেমিশন পেয়ে মেয়াদ প্রায় এক মাস  
কম হয়ে যাবে। সুতরাং স্পারিণ্টেণ্ডেন্ট বিন্মিত হলেন। বললেন—ভাল ক'রে ভেবে  
দেখেছেন?

—দেখেছি।

—আরও দুদিন ভাবুন।

—না। তারপর বলেছিল—আর না হয় দয়া করে আমাকে সেলে থাকবার ব্যবস্থা করে  
দিন, না-হলে আমাকে আত্মহত্যা করতে হবে।

—বেশ, লিখুন।

দরখাস্ত লিখে সে জেল-স্পারিণ্টেণ্ডেন্টের কাছে দিয়ে চলে আসছিল। স্পার ডেকে বলে-  
চিলেন—শুনুন।

—কি বলুন?

—আপনি বসুন। এখন থেকেই আপনি সেলে থাকবেন। আমি অর্ডার করে দিচ্ছি।

সে যেন বেঁচে গিয়েছিল।

তাইই ছিল। এবং বাকী মেয়াদের কালটা সেলের একটা দেওয়াল কয়লা দিয়ে ছবি এঁকে  
ভরিয়ে দিয়েছিল। এবং মাস দেড়েক পর থানাস পেয়ে জেল-গেট থেকে বেরিয়ে এসে যেন  
মুক্তির নিঃশ্বাস ফেলে বেঁচেছিল। কিন্তু এর জন্যে তার স্পাই অপবাদ এমন সোচ্চার হয়ে উঠেছিল  
যে সেটা জেলের ভিতরেই আবদ্ধ ছিল না, বাইরেও ছড়িয়েছিল।

ছিল মফস্বলে—মেদিনীপুর সেন্ট্রাল জেলে। মেদিনীপুর থেকে কলকাতায় বাড়ী পৌঁছে  
দেখেছিল, মা বিছানায় শুয়েছেন। তাঁর অসুখ হয়েছে মাসখানেক। নায়েব ম্যানেজার থবর  
দিতে চেয়েছিল, কিন্তু হেমলতা থবর দিতে দেন নি। ডাক্তার বলেছেন—হাট উইক হয়েছে।

তার জেলে যাওয়ার অন্তশোচনা যেন বেড়ে গিয়েছিল। সেইদিনই সে সেন্টসম্যান আপিসে গিয়ে পিতৃপরিচয় দিয়ে এডিটার ওয়াটসাহেবের সঙ্গে দেখা করে একখানি চিঠি দিয়েছিল ছাপতে। নাম দিয়েছিল—বিদায় সত্যাগ্রহ! তাতে সে লিখেছিল—সে অন্ততপ্ত। চিঠিখানা সারা দেশে একটা প্রবল উত্তেজনার সৃষ্টি করেছিল।

তার মা দুঃখ পেয়েছিলেন সে জেলে যাওয়ায়, কিন্তু এই পত্রের জন্য তার চেয়েও বেশী দুঃখ পেলেন। বললেন—তুই এ কি লিখলি? তোর লজ্জা হল না?

সে বললে—না।

শক্তিতে হলেন হেমলতা। মনে হল যেন গুর পিচন থেকে যোগেশ্বর গুকে প্রম্পট করেছেন।

সে বললে, পরাধীনতা আমার নিজের পক্ষে অসহ্য বলেই দেশকে স্বাধীন করতে চাই। আমার যে মাথা অন্যের কাছে নিচু হয়ে আছে—সে মাথাকে তাদের সঙ্গে সমান উচু করবার জন্যেই আমি লড়াই করি। কিন্তু সেই লড়াই ক'রে যদি আমার থেকে নিচু যারা তাদের কাছে মাথা নিচু করতে হয় তা হ'লে সে লড়াই যে আমার মাথায় পাথর মারার সমান হয় মা। দেশের জন্যে আত্মবলিদান আত্মার মুক্তির জন্যে, তার অপমান অসম্মানের জন্যে নয়। আমার নামে অপবাদ রটনা করেছিল—আমি স্পাই। আমার সহ্য হ'ল না।

মা কিছু আর বলেন নি। পাশ ফিরে শুয়েছিলেন।

স্বপ্নের কিছুদিন ছবি আঁকা নিয়ে পড়েছিল। নন্দলালের রেখা—যামিনী রায়ের পটপদ্ধতি সব ছেড়ে সে নিজের খুশিমত ছবি আঁকতে লাগল। তার সঙ্গে এসাজ বেহালা। যেগুলো তার বাবা কিনেছিলেন। সেগুলো নিয়ে নিজেই বাজাতে আরম্ভ করলে। এ না-করে তার উপায় ছিল না। সে তখন চিহ্নিত হয়ে গেছে ইংরেজের কাগজের অন্তর্গত সাংবাদিক যোগেশ্বর রায়ের পুত্র হিসেবে। লোকে বলছে—জে রায়ের ছেলে তো সে, ঘরে ঢুকল।

ঘরের মধ্যে ছবি আঁকতে আঁকতেও সে বুঝতে পারলে, সে শুধু সাধারণের কাছেই নয়, নিজের কাছেও অপরাধী হয়ে গেছে। এমনটা হবে সে ঠিক বুঝতে পারে নি। অর্থাৎ জেলে সেলে থাকা এবং বেরিয়ে এসে এই পত্র ছাপার ফল এমন হবে। বার বার সে চেষ্টা করলে শক্ত হবার, মনকে কঠিন করে মাথা উচু করে বাইরে বের হবার, কিন্তু সে তা পারলে না।

তখন বাংলাদেশে যেন একটা আগুন নিয়ে খেলার যুগ এসেছে। একটার পর একটা বিস্ফোরণ হচ্ছে। চট্টগ্রামে যে খেলার শুরু হয়েছিল তা যেন শেষ হয়েও শেষ হচ্ছে না। দেশব্যাপী হয়ে জলে উঠবার মত উত্তাপকে নেভাতে ইংরেজের সমস্ত শক্তি যেন হিমসিম খেয়ে যাচ্ছে। মনে হচ্ছে পারবে না।

সে ঘরে ব'সে গ্রামোফোন রেকর্ড চাপিয়ে এসাজে ছড়ি টেনে স্বরে স্বর মেলাচ্ছিল। সে হয়ে আসছে। হঠাৎ কাগজের স্পেশাল নিয়ে হকার চৌচিয়ে যাচ্ছিল। —লাটসাহেবকে গুলি। ল্যাটসাহেবকে গুলি। মেয়েছেলে গুলি করলে—

সে স্পেশালের হাঁক শুনে বারান্দায় বেরিয়েছিল। খবরটা শুনে চমকে উঠল। বুখানা যেন ধড়াস করে লাফিয়ে উঠে খেমে যেতে চাইল। কিন্তু থামল না—মাথা কুটে চলল।

উনিশশো বত্রিশ সাল—৬ই ফেব্রুয়ারী। সেনেট হলে কনভোকেশনের আসরে—বীণা

দাস গভর্নর জ্যাকসনকে রিভলভার দিয়ে গুলি ছুঁড়েছে। গভর্নর মাথা সরিয়ে নিয়ে বেঁচেছেন। কর্নেল সুরাবর্দী বীণা দাসকে গলা টিপে ধরে আরেস্ট করেছেন।

এরপর একের পর এক।

স্টেটসম্যানের সম্পাদক ওয়াটসনের উপর ছবার আক্রমণ হল। চট্টগ্রামে প্রীতিলতা ওয়েদেদার পাহাড়তলীর ইয়োরোপীয়ান ক্লাব আক্রমণ করে মরণ-খেলা খেলে নিজে পটাসিয়াম সাইনাইড খেলেন। ডালহৌসি স্কোয়ার বম্ব কেস হল। টেগার্ট বাঁচল। কিন্তু এদেশে থাকতে সাহস তার আর হল না। সে চলে গেল, পালাল। ওয়াটসন সাহেবও পালাল। ১৯৩৩ সালে ১২ই জানুয়ারী চট্টগ্রাম বিপ্লবী দলের প্রাণপুরুষ সূর্য সেনের ফাঁসি হয়ে গেল।

সুরেশ্বর নিঃসঙ্গ হয়ে দীর্ঘদিন ঘরের মধ্যে শুক হয়ে বসে রইল। ছবিও আঁকলে না। শুধু বাজনাটাই বাজাত। আর ভাবত—সে অপরাধ করেছে? ভুল করেছে?

একে অস্বীকার করে মাথা সে তুলতে পারত না।

হঠাৎ একটা ঘটনা ঘটল।

তাতেই যেন জীবনের সব লজ্জা ভাসিয়ে দিয়ে নির্লজ্জের মত মুখ তুলে বক্রহাস্য করলে। না। নির্লজ্জের মত ঠিক নয়। কঠিন ক্রোধে সে ক্রুদ্ধ হয়ে সমস্তকে উপেক্ষা করে দিলে একমুহুর্তে। অহিংস আন্দোলন সত্যগ্রহের নামে অটহাস্য করতে ইচ্ছে হল তার। আর এই সশস্ত্র বিপ্লবীদের আশ্রয়—? এ মহৎ না বলে উপায় নেই তার। কিন্তু এর ফলে যারা একদিন এদেশে আধিপত্য বিস্তার করবে—তারা? তারাও কি আজকের এদের মতন থাকবে? সে তাকালে তার পূর্বপুরুষ রায়বাহাদুর রত্নেশ্বর রায়ের ছবির দিকে। তারপর তাকালে আয়নার দিকে। যেখানে তার নিজের ছবি ফুটে উঠেছিল। “এই হয়। হাসলে সে আবার। মনে যেন জোর পেয়েছে।

হঠাৎ একদিন কীর্তিহাট থেকে সংবাদ এল—একদিনে কীর্তিহাটের মেজতরফে বিপ্লবী ঘটে গেছে। শিবেশ্বর ছাদ থেকে লাফিয়ে পড়ে আত্মহত্যা করেছেন। তার আগে তাঁর সেজছেলে সুরেশ্বর খুন হয়েছে। খুন করেছে ধনেশ্বরের তৃতীয় ছেলে গোপেশ্বর।

মনে পড়ল গোপেশ্বরকে। গভীর রাত্রে কিন্তু তার চিৎকার শুনেছিল সুরেশ্বর, ক্রুদ্ধ জন্তুর মত চিৎকার। তাকে বেঁধে ঘরে বন্ধ করে রেখেছিল তার অভিভাবকেরা। সেই গোপেশ্বর খুন করেছে সুরেশ্বরকে।

হেমলতা ম্যানেজার হরচন্দ্রকে পাঠিয়েছিলেন। সুরেশ্বরকে যেতে বলেছিলেন, সে বলেছিল—না। হরচন্দ্র ফিরে এসে যে বিবরণ দিয়েছিলেন তাতে হেমলতা শিউরে উঠেছিলেন। সুরেশ্বর প্রথমটা স্তম্ভিত হয়ে গিয়েছিল। অনেকক্ষণ পর তার মুখে ফুটে উঠেছিল একটি বাকা রেখায় অতি তিক্ত হাসি। সে হাসি তিক্ততার, সে হাসি ঘৃণার।

বিবরণ শুনে যে কোন লোকের মুখেই এই হাসি ফুটবে সন্দেহ এতে নেই। ওই গোপেশ্বর ছেলেটি তার বালাকাল থেকেই দানবের মত অতিকায়। তার চরিত্রের দানবিক প্রকৃতির প্রথম প্রকাশ হয়েছিল আহারে। পরিমাণে তো প্রচুর খেতোই তার উপর ছিল তার কেড়ে খাওয়া স্বভাব। চুরি করে খাওয়া স্বভাব। ক্ষুধায় সে জন্তুর মত ক্রুদ্ধ চিৎকার করত।



অন্তের পাত্র থেকে কেড়ে খেয়ে নিতো। রায়বাড়ীর দেবতার ভোগের উপরেও মধ্যো মধ্যো ডাকাতির মত ঝাঁপ দিয়ে পড়ত।

বাপ ধনেশ্বর কালীসাধক—তার বিশ্বাস ছিল ছেলে সিদ্ধপুরুষ হবে। সিদ্ধপুরুষ সাধকদের বাল্য আচরণ শোনা যায়—তার সঙ্গে নাকি মিল দেখতে পেতো। ক্রমে কৈশোরে আর এক চেহারা দেখা দিল। সে বলির পাঠার সত্ত্ব ছিল কণ্ঠ থেকে কিনিক দিয়ে বরাবর রক্ত অঞ্জলি ভরে নিয়ে চুমুক দিত। রায়বাড়ীর আলসের ফাঁকে ফাঁকে বাস ছিল পাঁচ মাতশো পায়রার। এই পায়রা ধরে সে পুড়িয়ে মহানন্দে বিনা লবণেই খেতো। মধ্যো মধ্যো চলে যেতো চাষীদের তরমুজ ফুটির ক্ষেতে। সেখানে তাই গোত্রাসে খেয়ে গাছতলাতেই পড়ে থাকত। তারপর আজ বছরখানেক থেকে তার নতুন ব্যাধি দেখা দিয়েছিল। কামার্ততার ব্যাধি। প্রথম সে পশুর পিছনে ফিরেছে, তারপর নারীর স্বাদ পেয়ে উন্মত্ত হয়ে উঠেছিল। এরপর আর ধনেশ্বরেরও পুত্রকে সাধক বলে ধারণা করবার সুযোগের সূচীছিন্নও রইল না। তারা—বলতে গেলে ধনেশ্বর আর সুখেশ্বর—বংশের মর্যাদা ঘরের মর্যাদা রাখবার জন্য তাকে শাসন শুরু করেছিল। সে শাসন নির্মম এবং নিষ্ঠুর। তাকে বেধে ছড়ি বা চাবুক দিয়ে প্রহার করত। সে চিৎকারও করত কিন্তু সে যন্ত্রণায় বা ভয়ে নয়—রাগে গর্জন করত। ঘটনার দিন সে দোতলার ঘরে বদ্ধ ছিল। দাঁড়িয়ে ছিল একটা জানলায়। সেখান থেকেই সে দেখতে পেয়েছিল বাড়ীর পিছন দিকে একটা জোয়ান মেয়ে কাঁধে একটা ঝুড়ি নিয়ে গোবর কাঠ-কুটো কুড়োচ্ছে। বাড়ীর পিছন দিকটা নির্জন। মুহূর্তে সে এই নির্জনতার সুযোগ ও অবকাশের মধ্যে নারীদেহের প্রলোভনে বাঘের মত উন্মত্ত হয়ে উঠেছিল। পাগল সে, কিন্তু উন্মত্ত পাগল ছিল না। সে বদ্ধ দরজায় পদাঘাতে নিজের উন্মত্ত লালসাকে ব্যক্ত করেনি। সে চেষ্টা করেছিল জানালার গরাদেটাকে ভাঙতে। সতেরশো পঁচানব্বইয়ে জমিদারী কেনার আগে কুড়োরাম ভট্টাচার্য এই অংশটা তৈরী করেছিলেন। ঠাকুরবাড়ীও তার পরের ইমারত। বলতে গেলে এই অংশটাই বড় সব মহলের চেয়ে। এবং মাঝের মহল। জানলাগুলো স্বাভাবিকভাবেই জীর্ণ হয়েছিল তা বুঝতে গোপেশ্বরের কষ্ট হয়নি। দানবের মত দেহ—দানবের মত শক্তিও ছিল তার। জানালার গরাদে ছাড়িয়ে ফেলতে খুব বেগ তাকে পেতে হয়নি। দু-তিনটে গরাদে ছাড়িয়ে ফেলে সে সেই ফাঁক দিয়ে গলে দোতলা থেকে বাড়ীর বাইরে বাগানে ঝাঁপিয়ে পড়েছিল। আঘাত পায়নি নয়, আঘাত পেয়েছিল হাঁটুতে হাতে—রক্তপাতও হয়েছিল। কিন্তু জীবনের আদিম আকর্ষণে সে তখন জ্ঞানশূন্য। বিশ্বজগৎ তখন তার দৃষ্টির সম্মুখ থেকে বিলুপ্ত হয়ে যাচ্ছে ঝড়ের বেগে উঠে আসা পুঞ্জ-পুঞ্জ মেঘের আড়ালে ঢেকে যাওয়া আকাশের এবং সূর্যের মত। সে গাছের আড়ালে আড়ালে চতুর বাঘের মত চতুরতার সঙ্গে এগিয়ে এসে মেয়েটাকে আক্রমণ করেছিল। এসব মেয়েগুলি সম্পর্কে নানান অপবাদ আছে। এরা হয়তো নিশাচরী, এরা হয়তো শৈবরিণী, হয়তো বান্ধসীও বটে, কিন্তু গোপেশ্বর তার চেয়েও ভয়ঙ্কর—তাছাড়া নারী যাই হোক, যেমন চরিত্রেরই হোক, এ ধরনের আক্রমণে সে আত্মসমর্পণ করে না। সে জোয়ান মেয়ে, সে বাধা দিয়েছিল, সঙ্গে সঙ্গে তারস্বরে চিৎকারও করেছিল। কিন্তু তাতে গোপেশ্বরের বিঘ্ন হয়নি। সে বাঘের

মতই তার বৃকের উপর চেপে বসেছিল। মেয়েটা চিংকার করেই চলেছিল। সেই চিংকারে সর্বপ্রথম ছুটে এসেছিল কাকা স্বরেশ্বর। এসে সে টেনেছিল গোপেশ্বরকে। কিন্তু তাকে টেনে ছাড়ানো ছিল তার সাধের অতীত। প্রহার করেছিল হাত দিয়ে। সে গোপেশ্বর গ্রাহ করেনি। তখন সে একটা ভাঙা ডাল দিয়ে তাকে প্রহার করতে শুরু করেছিল।

এই প্রহারই গোপেশ্বরের অসহ্য হয়েছিল এবং মেয়েটাকে ছেড়ে দিয়ে উন্মত্ত ক্রোধে স্বরেশ্বরের উপর ঝাঁপিয়ে পড়ে তার বৃকে বসে বাঘের মত হাতের খাবায় তার গলা টিপে ধরেছিল। তারপর লোকজন এসে তাকে ধরে টেনে তোলে, কিন্তু তখন শ্বাসরোধে স্বরেশ্বরের মৃত্যু ঘটেছে। ডাক্তারখানায় নিয়ে যাওয়া হয়েছিল, কিন্তু কোন ফল হয়নি। মারা যায় বাড়ী লজ্জায় দুঃখে বোবা হয়ে গিয়েছিল। ছেলেটা পালিয়েছিল। এই স্তব্ধতার মধ্যে অকস্মাৎ শিবেশ্বর দোতলার ছাদে উঠে ঝাঁপিয়ে পড়েছিলেন নিচে কতকগুলো ভাঙা ইটের স্তুপের উপর। মাথা নিচু করে পড়েছিলেন, খুলিটা টুকরো টুকরো হয়ে গেছে, ঘাড় ভেঙে গেছে। বিবরণ এই!

এ শুনে কার না ঘণা হবে, কার না লজ্জা হবে, কার না ক্রোধ হবে! স্বরেশ্বরের কিন্তু ক্রোধ হয়নি। সে বক্র হাসি হেসে মনে মনে বলেছিল—রায়েরা সব পারে। ওই হাসিটুকু হেসেই সে নিজের ঘরে ঢুকেছিল। বসেছিল রঙ তুলি নিয়ে।

আঁকতে চেয়েছিল বাঁভংস একটা কিছু। কিন্তু তা পারেনি। যত এবং যেমন বাঁভংস সে আঁকতে চায় তা কি করে কোন্ কলনায় কোন্ রেখায় কোন্ রঙে ঠিক ফুটবে তা তার ধারণায় আসেনি।

আইভরি ব্ল্যাকের একটা বড় টিউব মোটা তুলি দিয়ে একখানা ক্যানভাসে লেপেছিল। কিন্তু তা মনে হয়েছিল যেন নিদ্রানিথর একটি শান্ত সমাবস্থার রাত্রি। সে তো বাঁভংস নয়।

\* \* \* \*

ভেবেছিল অনেক! রায়বংশ এমন হল কেন?

অনেক ভেবে সে দায়ী করেছিল ধর্মকে এবং সম্পদকে। রায়বাড়ীর এই পরিণাম এই দুটোর জন্মে। শুধু শিবেশ্বর-ধনেশ্বর এবং গোপেশ্বরকেই তার মনে পড়েনি—তার বাবাকেও মনে পড়েছিল। তার জ্যাঠামশাই, জ্যাঠতুত ভাইদেরও মনে পড়েছে। জ্যাঠামশাই এখন প্রায় সবস্বাস্থ্য। মণ্ডপান করেন দিনরাত্রি। থাকেন কাশীতে। সম্বলের মধ্যে কাশীর বাড়ী। আর কিছু লুকনো অর্থ। জ্যাঠতুত ভাইরা কলকাতায় এসেছে। তারা দুই ভাই চেষ্টা করছে নতুন কিছু করবার। তাদের ইচ্ছে তারা কাঁতিহাটের দেবোত্তর পত্নী দেওয়ার নামে বিক্রী করে, কিন্তু জ্যাঠামশায়ের অনিচ্ছায় তা পারে না। দিনের বেলা কয়লার আপিস মহলে ঘোরে, আর রায়ে দুই ভাই এক সঙ্গে খোলার বাস্তবতে রাত কাটায়। মধ্যে মধ্যে গাড়ী কেনে। মাঝে মাঝে খবর পায়—পাণ্ডনাদারেরা রাস্তার মধ্যে গাড়ী আটকে তাদের গাড়ী থেকে নামিয়ে দিয়ে গাড়ী দখল করে নিয়ে চলে গিয়েছে।

নায়েবই এদের কথা মনে করিয়ে দিল স্বরেশ্বরের। বললে—এই বিপদের মধ্যে বিপদ, বড়বাবুর কাঁতিহাটের বাড়ীর অংশ—যা মানে দেবোত্তর নয়,—তা মাড়োয়ারীরা ক্রোক

করেছে। নিলেমে তুলবে।

হেমলতা বললেন—না। তা তো হতে দিতে পারব না।

স্বরেশ্বর উঠে চলে গিয়েছিল।

৯

স্বরেশ্বরের জীবনকে কিন্তু এতে আর বিষয় বা বিমর্শ করতে পারেনি। পাগলামি কিছুটা তারও আছে। সেটাই যেন বেড়ে গেল। পাগলামি বটে কিনা সেটা পাগল-বিশেষজ্ঞ বলতে পারেন। স্বরেশ্বর তা ভাবে না, কারণ মধ্যে মধ্যে নিজেরই যে মনে হয় সে একটু পাগল। পাগল সে ততক্ষণ হতেই পারে না, যতক্ষণ পাগলামিকে পাগলামি বলে নিজের সন্দেহ হয়। সে সন্দেহ তার হতো। শুধু সন্দেহ নয়—ভয়ও হতো। তাদের রক্তে যে পাগলামির মত, একটা দুরন্ত ব্যাধির মত কিছু আছে তাতে তার সন্দেহ ছিল না। সেগুলো মধ্যে মধ্যে প্রকাশ পেতো নিজের অজ্ঞাতসারেই। এবার তাতে জোর ধরল। সব থেকে বেশী প্রকাশ পেতে লাগল সেটা তার বেশভূষা এবং স্টাইলের মধ্যে। হঠাৎ চুল-দাড়ি দুই রেখে ফেললে সে।

একেবারে প্রথমে সে তখন পাঁচ-ছ'দিন কামায়নি। মা তাকে দেখে বললেন—ও কি, কামাস নি কেন?

দাড়ির খোঁচায় হাত বুলিয়ে বললেন—ও একটা ঝঙ্কাট।

—ঝঙ্কাট? কামানো?

—হ্যাঁ।

—তাই বলে কামাবিনে?

—দাড়ি রাখলে ভাল লাগবে না?

—বাপের মত?

—না। ফ্রেঞ্চকাট-টাট নয়। আদি ও অকৃত্রিম ইণ্ডিয়ান স্টাইল।

—না। দাড়ি রাখতে হবে না।

স্বরেশ্বর বলেছিল—আমার সেল্ফ-পোর্ট্রেটে আমি দাড়ি-গোঁফ একে দেখেছি আমাকে খুব ভাল মানাবে মা!

মা তবুও বলেছিলেন—না না! কামিয়ে ফেলা!

—দোহাই মা। এই তো কিছুদিন হল সন্মিলন হয়েছি বলে একগাদা কাগজপত্রে মই করলাম। কিন্তু বিষয়কর্ম তোমার হাতে রয়েছে, থাকবে। ওখানে আমি নাবালকই থাকব। এই একটা জায়গায় আমাকে সন্মিলন হতে দাও।

—এ উদ্ভট খেয়াল তোমার হল কেন বল তো?

—ওই যে মা, অশোচ পালন করতে ক'দিন কামাইনি, দাড়ি-গোঁফ বেরিয়েছিল, তা থেকেই বুঝলাম, খুব ভাল মানাবে আমাকে দাড়ি-গোঁফে। তারপর পোর্ট্রেটে একে দেখলাম। আর বিশ্বহীন লোক দাড়ি কামাচ্ছে যখন, তখন এটা একটা অসাধারণ কিছু হবে।

মা কিছু আর বলেন নি। ছেলের সম্পর্কে রায়বংশের বংশধর বলে তাঁর মনে একটা আশঙ্কা আছে। ছেলে যা কিছু উদ্ভট-উৎকট করে, তাই দেখে তিনি শঙ্কিত হন। কিন্তু যতক্ষণ পর্যন্ত সে ভয়ঙ্কর পথে পা না বাড়ায়, ততক্ষণ তিনি বলতে গিয়েও বলতে পারেন না।

তিনি শুধু একটা জায়গায় সতর্ক হয়ে আছেন এবং শেষ দিন পর্যন্ত থাকতে চান। সেটা বিষয় ও অর্থের অধিকার। এটাই সব তা তিনি স্বীকার করেন না। তবে এটা যে অনেকখানি, তা তিনি উকিলের ভাগ্নী এবং জমিদারের বধূ হয়ে স্পষ্ট বোঝেন, তাঁর জীবন তাঁকে মর্মে মর্মে বুঝিয়েছে। এটা কথা যোগেশ্বর বলতেন তাঁকে। হেমলতা যখন তাঁকে কাগজ বের করতে বলেন, তখন বলেছিলেন; তারপরও বলতেন। বলতেন—দেখ, কাগজ শুধু কাগজ নয়, ব্যবসায়ও বটে। তাই বা কেন, আগে ওটা ব্যবসা, পরে ওটা কাগজ বা কাগজের মতবাদ—দেশের কল্যাণ। ব্যবসা করে টাকা আসে। এবং সেইটেই নড় হয়ে দাঁড়ায় ক্রমে। তখন বাজনার তালে গায়কদের নিয়ে যাওয়া যায় না, গায়করা বেতালা গাইলেও তার সঙ্গেই তাল মানিয়ে চলতে হয়! তা টাকার তো প্রয়োজন নেই আমার। টাকা তো রয়েছে। অর্থ পুঞ্জীভূত হলেই অনর্থ এবং বিষয় বিপুল হলেই বিষ।

তাই বিষয় অর্থ তিনি ধরে রেখেছেন এই রোগশয্যায় শুয়েও। মধ্যো মধ্যো ভাবেন—ওই তিন লক্ষ টাকা সেদিন যদি যোগেশ্বরের নিজের হাতে না থাকত! একখানা চেক কেটে যদি ফরেন এক্সচেঞ্জে পরিণত করতে না পারতেন, তবে কি তিনি তিন-চারদিনের মধ্যে চন্দ্রিকাকে নিয়ে জাহাজে চড়তে পারতেন? তবে পাগলের মত দেশেই পালিয়ে বেড়ানো অসম্ভব ছিল না। কিন্তু তাতে কি চন্দ্রিকাই রাজী হত? হত না বলেই তাঁর ধারণা!

তাই ছেলে ছবি আর গান-বাজনা নিয়ে ঘরের মধ্যে মেতে আছে, তাতে তিনি নিশ্চিন্ত আছেন। এবং ছেলে দাড়ি-গোঁফ রাখছে—তা রাখুক। আপত্তি করেননি।

স্বরেশ্বর বাড়ী থেকে বের হত না। ওই আট একুজিবিশন দেখতে যাওয়া, কখনও যামিনী রায়ের বাড়ী, কখনও হঠাৎ শান্তিনিকেতন যাওয়া, যাওয়ার গুণীটা এর মধ্যেই আবদ্ধ ছিল। শান্তিনিকেতনে গিয়ে রবীন্দ্রনাথকে দূর থেকে দেখেছে। কাছে যায়নি। একান্তভাবে যাত্রীর মতই যেত—চলে আসত। নিজেকে আর্টিস্ট বলেও কোথাও জাহির করত না। মধ্যো মধ্যো পায়ে হেঁটে বেড়াত গঙ্গার ধার থেকে চৌরঙ্গী পর্যন্ত। আর যেতো সে সাহিত্য-সম্মেলনে, যেখানে আধুনিক সাহিত্যিকরা সমবেত হতেন। পরিচয় গ্রুপের সুধীন দত্ত, নীরেন রায় এঁদের দেখেছে। অতুল গুপ্তকে দেখেছে। শরৎচন্দ্রের বাড়ী দেখে এসেছে। কখনও কখনও নব্যপন্থী কাগজের আপিসের সামনে দিয়ে ঘুরেও আসত। আর যেতো ভাদুড়ীমশায়ের থিয়েটারে নাটক দেখতে। আট থিয়েটার তখন উঠে গেছে, রঙমহল হয়েছে, নাট্যনিকেতন হয়েছে, সেখানেও যেত। দক্ষিণ কলকাতায় আন্ততোধ কলেজে কিছুদিন আগে প্রগ্রেসিভ রাইটার্স কনফারেন্সে সে সামনের সারিতে আসন সংগ্রহ করে সব বক্তৃতা মন দিয়ে শুনে এসেছে। বিবাহের চেয়ে বড় এবং প্রাচীর ও প্রান্তর বইখানার নাম তার খুব ভাল লেগেছে। এমনি মন তখন তার। হয়তো এর কারণ এই যুগের ছেলে, এই যুগের নিঃখাস নেয়—তাও বটে; গণবিপ্লবের ভূমিকা উনিশ শো তিরিশে—তার জেলের অভিজ্ঞতা ও তার কৃতকর্মও

বটে। তা ছাড়াও হয়তো গভীর অন্তস্তলে আরও কিছু আছে। নিজের বংশের ধারাকে সমর্থনও বটে আবার তার প্রতি বিদ্বেষও বটে। কারণ যাই হোক, ব্যাপারটা বলতে গেলে এককালের ল্যাংড়া গাছের মিষ্টি আম, স্বাদে টক হয়ে যাওয়ার মত ব্যাপার। কথাটা সুরেশ্বরের নিজের কথা। সে বলেছিল তার মামাতো ভাইবোনেদের। অর্থাৎ হেমলতার মামাতো ভাই ব্যারিস্টার প্রবীর চ্যাটার্জির ছেলে-মেয়েদের। মেলামেশা অর্থাৎ পরিচয়ের ঘনিষ্ঠতাসূচক মেলামেশা এদের সঙ্গেই ছিল তার।

বাইরের অনেকে তাকে চিনত, সেও তাদের চিনত—সে শুধু চেনা-জানাই। সকলের দৃষ্টিই তার প্রতি নিবদ্ধ হত তার চেহারার জগ্গে। সুপুরুষ দীর্ঘাকৃতি যুবক—চলায়ফেরায়, কথায়-বার্তায়, দৃঢ়তা এবং শালতা, তার উপর বেশভূয়ার বৈচিত্র্য—এসব দেখে তাকে লোকে চিনতে চাইত এবং চিনে রাখতও। কিন্তু আলাপ সে ঘনিষ্ঠভাবে করতে চাইত না। তার কারণ ছিল—কীর্তিহাটের রায়বংশের নাম, আধুনিকদের কাছে খুব পরিচিত না হলেও, যোগেশ্বরের নাম অনেকে জানত এবং দেশদ্রোহিতার অপবাদে সে-নাম খুব প্রীতিপদ ছিল না। সে যখন জেল থেকে বণ্ড দিয়ে চলে আসতে চেয়েছিল, তখন সকলেই বলেছিল—জে রয়ের ছেলে যে! তাছাড়া তার বাপের চল্লিকাকে নিয়ে ইয়োরোপ চলে যাওয়ার কথাটাও গোপন নেই। সুতরাং ঘনিষ্ঠ হতে সে চাইত না। তাতে সুবিধে এই যে, ভদ্রতার ঢালের আড়াল দিয়ে চলা যায় এবং তাতেও যদি কেউ ভদ্রনীতি উপেক্ষা করে আঘাত করে, তবে সেখানে তীরের বদলে তল্ল নিক্ষেপে বাধা হয় না। সে-ক্ষমতা সে রাখে।

মেলামেশা তাই অতি নিকট-আত্মীয়তার মধ্যমী আবদ্ধ ছিল। মামাতো বোন দুটি—একটির বয়স সতেরো, অণ্ডটি পনেরো, ভাইটি ছোট। সীমা-অসীমা-প্রদীপ। সীমা তাকে বলেছিল—তুমি কি হচ্ছ সুরোদা?

—আমি আমি হচ্ছি! যেমন তুমি তুমি হচ্ছ।

—হেঁয়ালি করছ!

—খেয়ালী মানুষের খেয়াল অনেক সময় হেঁয়ালী বলে মনে হইতে পারে।

—কথায় প্যাচ কষো না। দিন দিন কুনো হয়ে যাচ্ছ না?

—বন থেকে কোন নিরাপদ স্থান, আরামদায়কও বটে। আমি বণ্ড নই তো!

—বাবার কাছে একজন মকেল এসেছিল তোমার জাঠতুতো দাদাদের নামে নালিশ করতে। তারা বলছিল—রায়েরা আগাগোড়া হাড়ে হাড়ে টক হয়ে গেছে। তোমার নামও করছিল। আমিও তা সমর্থন করছি—কি বলার আছে তোমার?

সুরেশ্বর বলেছিল ওই কথা—ল্যাংড়া আম কালে স্বাদ বদলে টক হয়ে যায় নজীর আছে। হয়তো হয়েছি। কিন্তু তার উপায় কি? ওই লোকটি এসেছিল, আমার জ্যাঠামশায়ের শালক। জ্যাঠাইমার সহোদর, এক মারোয়াড়ীর সঙ্গে কল্লার ব্যবসা করেন। তিনি ছবার এর আগে ইনসলভেন্সী নিয়েছেন। তাতে বেশ পোস্টাই হয়েছেন। এবার জ্যাঠামশাই ইনসলভেন্সী নিয়েছেন। তাঁর টাকা ডুবেছে। তাই তিনি আমাদের কীর্তিহাটের ভদ্রাসন ক্রোক করে-



ছিলেন। কিন্তু আমার মা-র তা নয়নি। তিনি বাড়িটায় জ্যাঠামশাইয়ের অংশ কিনে বাঁচিয়েছেন। আমার কাছেও তিনি এনেছিলেন। সুতরাং আমাদের অল্পত্বের স্বাদ তিনি প্রত্যক্ষভাবে আশ্বাদন করেছেন। তবে কি জান সীমা, স্বাদের ব্যাপারটা জিহ্বার উপর নির্ভর করে। কেউ বলে হাড়টক। কেউ বলে অল্পমধুর।

—ওরে, বাপরে! আত্মপ্রশংসায় পঞ্চমুখ! তা ঘরে বসে আমার সামনে করলে কি হবে? বাইরে বেরিয়ে কর! তবে তো বুঝি! ছবি আঁকবে কাউকে দেখাবে না। গান গাইবে, বাজারে কাউকে শোনাতে না! এত অহংকার কেন তোমার?

—সে তো তোমার কাছে নেই। চল নতুন ছবি দেখাই। তারপর গান শোনাও। তবে বাইরের লোকের কাছে অহংকার আমার বেঁচে থাক—তাতে তোমার সঙ্গে কৌদল কলুবীর পথটা দিন দিন প্রশস্ত হবে।

সীমা আবদার করে তার হাত ধরে বলত—না, তোমার কথা কিছুতেই শুনব না। আমাদের বাড়ীতে, না আমাদের বাড়ীতে হলে তোমার ছবি দেখানো হবে না, এই বাড়ীতেই আমার বন্ধুদের একদিন নিমন্ত্রণ করব। তোমাকে ছবি দেখাতে হবে, গান শোনাতে হবে। হবেই হবে। আমার এক নাকউচু বান্ধবা আছে, স্থলতা ঘোষ, তাকে একবার সব দেখাতে চাই।

—সুবিধে হবে না। আমি বৃক্ষটি ঠিক যাকে সহকার বলে তা নই। বলতে পার শাল্মলী বৃক্ষ। অর্থাৎ শিমুল গাছ।

—ওঃ, স্থলতা নাম শুনেই ধরে নিলে আমি তোমাকে তার সহকার করে, তাকে কাছে চড়িয়ে দিতে চাই?—সে লতা হলে যাকে বলে কণ্টকলতা তাই। বেতলতা মশাই, তারও কাঁটা আছে। এবং তা দিয়ে যে আঘাত তাকে বলে বেত্রাঘাত!

—অথবা নিতান্ত মাঠে যে কুমড়া খেড়োর লতা হয় তাই!

—বাবাঃ! হার মানলাম।

—আমি খুশী হলাম। চল আগে বাজনা শোন।

এইভাবেই সে গড়ে উঠেছিল আপনার আবেষ্টনীর মধ্যে—সে লোহার জাফরীঘেরা গাছের মতই হোক আর একান্তে একেবারে উন্মুক্ত প্রান্তরে একক একটি গাছের মতই হোক, মোটামুটি সোজা সিঁথে হয়েই উঠে চলেছিল।

এরই বছরখানেকের মধ্যে অর্থাৎ উনিশ শো চৌত্রিশ সালে হঠাৎ হেমলতার হাটের অস্থখ বেড়ে উঠে শক্ত হয়ে দাঁড়াল।

একটা কারণ ঘটেছিল। শ্বশুরের বাড়ী ছিদ্ধ না, সে গিয়েছিল একজন জাপানী আর্টিস্ট এসেছেন তাকে দেখতে। ইতিমধ্যে এসেছিল একটি মহিলা, সে সটান এসে বাড়ীর ভিতর অতি পরিচিতের মত একেবারে হেমলতার কাছে এসে উপস্থিত হয়েছে। হেমলতা তাকে দেখে চমকে উঠেছিলেন ভূত দেখার মত। যে এসেছিল সে চল্লিকা। সে ভারতবর্ষে ফিরেছে। সে ক্ষমা চাইতে এসেছিল হেমলতার কাছে। তার কাছে সে বিশ্বাসঘাতিনী। হেমলতাই সমাদর করে তাকে নিমন্ত্রণ দিয়ে বাড়ীতে এনে যোগেশ্বরের সঙ্গে আলাপ করিয়ে দিয়েছিল।

সে যোগেশ্বরকে প্রলুব্ধ করে তার কাছ থেকে কেড়ে নিয়েছিল। কথা এইটুকু। তার মূল্য চন্দ্রিকার গ্লানি থেকে মুক্তি কিন্তু হেমলতার কাছে তার মূল্য আরও অনেক। তার জ্ঞান তার জীবন দিতেও আক্ষেপ হয়নি। চন্দ্রিকা বলে গেছে—দেখ, তোমাকে সিস্টারই যদি বলি, তবে ঘৃণা করে না বলো না। আমি প্রাণপণে চেষ্টা করেছি তাকে সুখী করতে। বিনীত মী। কিন্তু সে সুখী হয় নি। একদিনের জ্ঞানও না। সে বলত কি জ্ঞান? বলত—হেমলতা was my life, and you চন্দ্রিকা তুমি আত্মহত্যার মৃত্যু, তুমি অতি সুন্দরী, তুমি মনোহারিণী, আত্মহত্যার মত মনোহারিণী। মৃত্যুতে মানুষ শাস্তি পায়, আত্মহত্যার মৃত্যুতে পায় না। If there is a life after death তবে, আত্মহত্যার মৃত্যুতে শাস্তি পায় না—এটা শাস্ত্রের সত্য নয়, লজিকের সত্য। বেশী মদ খেলে কাঁদত। আমাকে মারত। আমি বলতে এসেছি—আমি তাকে তোমার কাছ থেকে কেড়ে নিতে পারিনি। ডাকাতি করেও পারিনি। শাস্তি আমি পেয়েছি। কিন্তু তুমি আমাকে ক্ষমা কর।

এবং দিয়ে গিয়েছে কিছু কাগজপত্র। যেটা যোগেশ্বরের মৃত্যুর পর তার হাতে পড়েছিল। তাই সে দিয়ে গেছে। হেমলতা শুনেছিলেন আর কেঁদেছিলেন। চন্দ্রিকা চলে যাবার পরও পড়ে পড়ে কাঁদছিলেন, এরই মধ্যে উঠেছিল হাটের রোগ।

রোগের এই আক্রমণেই হেমলতার মৃত্যু হল। পনের দিন অতি নিষ্ঠুর যন্ত্রণা ভোগ করেছিলেন। দিনের মধ্যে প্রায় অর্ধেকটা সময় কিছুটা সুস্থ থাকতেন, তাও একনাগাড় একটানা অর্ধেক দিন নয়। কিছুক্ষণ একটু ভাল, তারপরই আবার বুকের যন্ত্রণা উঠত।

চিকিৎসার ব্যবস্থার ক্রটি তো ছিলই না—আতিশয্যই হয়েছিল বলতে হবে। ডাক্তার-নার্স বলতে গেলে মোতায়েন ছিল। বড় কনসাল্টিং ফিজিসিয়ান দিনে একবার নিয়মিত আসতেন। একজন অল্পবয়সী ডাক্তার প্রায় অর্ধেক দিনেরও বেশী থাকতেন। দিনে আসতেন দুবার। এবং রাত্রে ন’টার পর এসে এখানেই শুতেন। নার্স দুবেলা দুজন। রাত্রে একজন, দিনে একজন। স্বরেশ্বর মায়ের পাশের ঘরেই শুতো। সে এসে বসে থাকত জানালার ধারে একটা চেয়ারে।

মা মধ্যে মধ্যে কাছে ডেকে বলতেন—যা, শুগে যা। এখন ভাল বোধ করছি।

বললেই সে চলে যেত। কিন্তু আধঘণ্টা বা একঘণ্টা পরই সামান্য শব্দ শুনেই নিঃশব্দে মায়ের দরজাটি খুলে সেখানে দাঁড়াত। বিশেষ কিছু না হলে ফিরে যেত, না হলে ধীরে ধীরে এসে ওই চেয়ারখানিতে বসত।

এরই মধ্যে পনের দিনের দিন হেমলতা চলে গেলেন। বুঝতে তিনি পেরেছিলেন। ছেলেকে ডেকে কাছে বসিয়ে বলেছিলেন—আমাকে যেতে হবে রে। ভেঙে পড়িসনে যেন!

স্বরেশ্বর আত্মসম্বরণ করেও করতে পারেনি। কথা না বলে ঘাড় নেড়ে জানিয়েছিল—না, তা সে ভেঙে পড়বে না। কিন্তু চোখ থেকে জল গড়িয়ে পড়েছিল দুটি ধারায়।

হেমলতা বলেছিলেন—কাঁদছিস?

সে মাটির মূর্তির মত স্থির হয়ে বসেছিল। হেমলতা বলেছিলেন—চোখ মোছ।

একবার সে মুছেছিল, কিন্তু সঙ্গে সঙ্গেই আবার ধারা নেমে এসেছিল; চোখ-মুখ মুছেও

তো আর উৎসমুখ বন্ধ করা যায় না !

হেমলতা বলেছিলেন—কোন কিছু বারণ আমি করে যাব না তোকে । শুধু একটি কথা—  
তোর নিজের বিচারে যা অগ্ৰায় তা করিসনে !

ঘাড় নেড়েছিল স্বরেশ্বর—হ্যাঁ ।

হেমলতা আর বলেছিলেন—তোকে না বলে একটা কাজ করেছি, বলে যাই তোকে ।  
আমাকে উনি যা দিয়ে গিয়েছিলেন, সেটা থেকে আমি কীৰ্ত্তিহাটে তোর জ্যাঠামশাইয়ের  
সবই কিনেছি । দেবোত্তর পত্নী নিয়েছি, বাড়ী কিনেছি । ওখানকার খরচ যেন কমানেন ।  
আর মেজতরফ যেমন খেতে পায় তেমনি যেন পায় । মেজখুড়ীমাকে পঞ্চাশ টাকা করে  
পাঠানো হয় । বন্ধ করিসনে । আমি জানি দেবতায় তোর বিশ্বাস নেই । কিন্তু ওটা  
পূৰ্বপুরুষের কীৰ্ত্তি ।

মৃত্যুর একদিন আগের কথা । পরের দিন সকাল নটায় তিনি আধবসা হয়ে বসে থাকতে  
থাকতেই প্রায় নিঃশব্দে চলে গেলেন । কেউ বুঝতেও পারলে না ।

স্বরেশ্বর দুবার শুধু ডাকলে—মা ! মা !

মা স্থির নিথর । সে গায়ে হাত দিলে । নার্স ডাক্তারকে ডাকলে । সে পাশের ঘরেই  
ছিল—ইনজেকশন তৈরী করছিল । সে এসে দেখে বললে—একস্পায়ার্ড !

স্বরেশ্বর সেই চুপ করে মায়ের গায়ে হাত দিয়ে মুখের দিকে একদৃষ্টে তাকিয়ে রইল ।

সেইদিন সন্ধ্যায় যখন সে ফিরল, তখন সে ভাঙা মানুষ । মায়ের শবদেহ যতক্ষণ ছিল তখনও  
পর্যন্ত সে যেন ব্যাপারটা ঠিক বোঝেনি । মায়ের দেহ চিতায় চাপাতেই সে কল্পনায় কি  
হবে তা বুঝে হাউ হাউ করে কঁদে উঠেছিল । সংকারে এসেছিল ব্যারিস্টার মামা এবং তার দুই  
জ্যেষ্ঠভূতো ভাই । আর তাদের কাছে সংবাদ পেয়ে এসেছিল ধনেশ্বরের বড় ছেলে ব্রজেশ্বর ।  
সে নাকি এখন এক কোটীপতি শেঠের বাড়ী চাকরি করে ।

ব্যারিস্টার মামা প্রবীর চ্যাটার্জি ক্রমালে চোখ মুছে তাকে ধরে বললেন—এ কি, এ কি, তুমি  
এমন করে কাঁদবে ! না-না-না ! আমি তো তোমাকে খুব স্ট্রং নার্ভ শক্ত মানুষ বলে জানতাম !  
ও-নো । ডোনট ক্রিয়েট এ সিন ! লোকে বলবে কি ? দেখ রবীন্দ্রনাথের ছোট ছেলে শমীন্দ্র-  
নাথ যখন মারা যান । তখন তাঁর কথা তুমি জান । মা কি কারুর চিরকাল থাকে ! ছি !  
চল এখন সরে গিয়ে দূরে বসবে চল !

—না । চোখ মুছে সে প্রায় নিম্পলক দৃষ্টিতে মায়ের দেহ পুড়ে ছাই হতে দেখেছিল শেষ  
পর্যন্ত !

পাশে এসে বসেছিল খুড়তুতো ভাই ব্রজেশ্বর । ব্রজেশ্বর তার থেকে বয়সে বছর তিনেকের  
বড় । ধনেশ্বর যোগেশ্বরের থেকে বয়সে বছর দুয়েকের ছোট হলেও বিবাহ করেছিল প্রায় পাঁচ  
বছর আগে ।

ব্রজেশ্বর প্রিয়দর্শন । কিন্তু দেহে দুর্বল । সম্ভবতঃ অভাব তার কারণ । বেশ ছিমছাম ফিট-  
ফাট । সে এসে স্বরেশ্বরের পাশে চুপ করে বসেছিল । অগল্ভতা করেনি । তাকে বোঝাতে  
চায়নি । শুধু বসেই ছিল । মধ্য মধ্য সিগারেট খাচ্ছিল ।

হঠাৎ সে এক সময় গুন গুন ক'রে স্বর ভেঁজে ক্রমে ক্রমে কণ্ঠস্বর উচ্চ কবে গান গেয়ে উঠে-  
ছিল—“ছাড়িয়ে সংসার কোথা চলে যাও দীনহীন বেশ ধরিয়ে—।”

কণ্ঠস্বর তার সত্যাকারের স্বর। গানটিও এই ক্ষেত্রের উপযোগী। “তখনকার কালে এ গানটির চল ছিল। সংসারের সব পিছনে ফেলে দীনহীনের বেশে কপালে তিলক নিয়ে কোথায় চলেছ তুমি? একবার পিছন ফিরে তাকাও। বলে যাও, কোথায় যাবে আপনার ব'লে যাদের বুকে ধরেছিলে এতদিন তাদের ফেলে!”

শ্রাশানে গান সহজবুদ্ধি যাদের তারা হয় তো গায় না কিন্তু কীর্তিহাটের ধনেশ্বর রায়ের ছেলে ব্রজেশ্বর রায়ের পক্ষে সে কথা খাটে না। তাছাড়া গানটি এমন কালোপযোগী এবং এমন বেদনা দিয়ে সে গাইলে যে আবার স্বরেশ্বরের স্তব্ধ হয়ে যাওয়া আবেগ উচ্ছ্বসিত হয়ে উঠল। আবার তার চোখ দিয়ে দরদরধারে জল গড়াতে লাগল।

বাড়ী ফিরতে সন্ধ্যা উত্তরে গিয়েছিল; নিম্ন মুখে দিয়ে মিষ্টিজল খেয়ে সকলে চলে গেল; জ্যোষ্ঠ-  
তুতো ভাইরা চলে গেল, ব্রজেশ্বর শুধু বললে—বল তো আমি রাত্রিটা থেকে যাই ভাই স্বরেশ্বর।  
একলা থাকবে?

সে বলেছিল—বেশ তো! থাকুন। বলেই উপরে চলে গিয়ে সে মায়ের ঘরের মেঝেতেই  
শুয়ে পড়েছিল কন্ডল পেড়ে।

নায়েব ম্যানেজার হরচন্দ্র প্রাচীন, বহুদর্শী কর্মক্ষম বিশ্বস্ত লোক, সে যথাবিধি ব্যবস্থার খুঁত  
থাকতে দেয় নি। স্বরেশ্বর বলেছিল—দেখবেন, যেন মায়ের অশোঁচে শ্রাদ্ধে কোন খুঁত বা ক্রটি  
আমার না হয়।

হরচন্দ্র বলেছিল—সে তুমি ভেবো না। সে কোন খুঁতই হবে না। ভাবছি হবিষ্টির জন্তে।  
কে রান্না করে দেবে?

—আমি নিজেই করে নেব। না-পারার মত কিছু নেই।

পরদিন সকালে উঠে চাও সে খায় নি। অপেক্ষা করেছিল পুরোহিতের জন্ত, যার কাছে  
সব জেনে নেবে। এই সময় উপরে উঠেছিল ব্রজেশ্বর। বললে—তা হ'লে আমি চলি ভাই-  
রাজা!

স্বরেশ্বর সবিস্ময়ে মুখ তুলে তাকালে। ভাইরাজা সম্বোধন শুনে সে বিস্মিত হয়েছে।

ব্রজেশ্বর হেসে বললে—খোসামোদ ক'রে বলি নি ভাই। ওটা ঝগড়া হয় নি। তবে কাল  
তোমার যা মায়ের উপর টান ভক্তি দেখলাম—মনটির পরিচয় পেলাম—তাতে তুমি রাজা। তা  
ছাড়া চেহারাতেও তাই। পয়সার কথা বলব না—জ্ঞাতিতে বললে হিংসে হয়। অগ্রে বললে  
ভিক্ষে চাইবে মনে হয়। রাজা তুমি রূপে-গুণে মনে মেজাজে! তা ছাড়া ছোট তুমি,  
আশীর্বাদও করছি!

ব্রজেশ্বরের জিহ্বা এবং কণ্ঠস্বরে মধু আছে। ভাল লাগল স্বরেশ্বরের। সে বললে—  
আসবেন আবার!

—নিশ্চয় আসব রাজা! বলতে গেলে কাল সব বুঝে তো বিনা খাজনার প্রজ্ঞা হয়ে  
গিয়েছি। সেলাম দিতে নিশ্চয় আসব! এত দিন আছি আমি নি। পরিচয়টা ঠিক হয়

নি, তোমাকে ঠিক বুঝি নি, তাই আসি নি। ভেবেছিলাম কি জানি কাঁটায় ছড়ে যাবে কাছে গেলে। এ যে জুড়িয়ে গেল রাজা। শ্রদ্ধা এখানেই করবে? না যোগেশ্বর জ্যাঠার শ্রদ্ধার মত কীর্তিহাটে যাবে?

—না। এখানেই হবে!

—সেই ভাল! অনর্থক রাশি রাশি টাকা খরচ করে কতকগুলো লোভী বামুন থাইয়ে আর—। এইখানেই কর।

### ১০

মাতৃশ্রদ্ধা তাকে যেন হঠাৎ একটা নতুন জীবনে নতুন রাজ্যে ঢুকিয়ে দিয়ে গেল। অতি সাধারণ এবং ভাবসর্বস্ব মানুষ হ'লে সে নিশ্চয়ই ভাবত—তার মা মরজগতের ওপার থেকেই পরম স্নেহে তাকে হাত ধরে এনে এই জীবনে ঢুকিয়ে দিয়ে গেলেন। দুঃখ ভুলিয়ে দিতেই করলেন এটা। কিন্তু স্বরেশ্বর তা ভাবলে না। এটা হবেই সে এটা জানত, দুদিন আগে আর দুদিন পরে। এবং এর কারণ তার কাছে স্পষ্ট।

মায়ের শ্রদ্ধা সে কলকাতাতেই করলে এবং সংক্ষেপে করতে গিয়ে করতে পারলে না শেষ পর্যন্ত। মনটা কেমন খচ খচ করতে লাগল।

নায়েব তাকে প্রথম দিনই তার আর্থিক এবং বৈষয়িক সম্পত্তির একটা পরিষ্কার হিসেব বুঝিয়ে দিয়েছিল। কীর্তিহাটের সাড়ে আট আনা দেবোত্তর এখন তার হাতে এসেছে। তার পিতামহ ছোট ভাইয়ের পাঁচ আনা অংশের মহাল অর্ধেক পত্তন নী নিয়েছিলেন এবং তিনি ব্রাহ্ম হয়ে গেলে মূল স্বত্বেরও অর্ধেক তাঁতে বর্তেছিল। তাতে হয়েছিল তাঁর সাড়ে আট আনা! এর অর্ধেক চার আনা পাঁচ গুণা ছিল তার জ্যেষ্ঠা মশায়ের। বৎসরখানেক পূর্বে তার মা হেমলতা দেবী ভাস্করের দেবোত্তরের মুনাকা পত্তন নীর সামিল করে বন্দোবস্ত নেওয়ায় বলতে গেলে সাড়ে আট আনাই তার হয়েছে। বার্ষিক দেবখরচ বরাদ্দ বারো হাজার বাদে কুড়ি হাজার মুনাকার সাড়ে আট আনা এখন তার। এ ছাড়া কলকাতার বাড়ীভাড়া মাসিক তিন শো টাকা হিসাবে ছত্রিশ শো টাকা এবং কেনা শেয়ারের ডিভিডেণ্ড থেকে বার্ষিক চার পাঁচ হাজার আসে। নগদ টাকা তার অংশের পঞ্চাশ হাজার বেড়ে এখন পঁয়ষট্টি হাজারে পৌঁচেছে। তার মায়ের টাকা সামান্যই মজুদ আছে, হাজার আঠেক, বাকী টাকা অর্থাৎ ভাস্করের সম্পত্তি এবং বাড়ী তিনি কিনবার জন্ত তাঁকে পঞ্চাশ হাজার টাকা দিয়েছিলেন।

হরচন্দ্র বলেছিল—বাবা, আয় এখন তোমার বিশ হাজার টাকা। এ যদি তুমি হিসেব করে চলতে পার তবে তোমার পর আর দুপুরুষ পর্যন্ত সুখে চলে যাবে। তোমার বাবা তাঁর নিজের জীবন নিয়ে বেহিসেবি চালে চলেছেন। সম্পত্তিতে বেহিসেব করেন নি। দু লাখ টাকা তিনি নিয়ে গিয়েছিলেন কিন্তু তিনি নিজে জীবনে কোনদিন বসে থান নি। দু হাতে রোজগার করেছেন! তোমার মা ছিলেন সাক্ষাৎ লক্ষী। তাঁর টাকা থেকে বড় কর্তার



ওই সম্পত্তি কিনে যে কাজ করে গিয়েছেন, তার তুলনা হয় না।

স্বৰেশ্বর বলেছিল—মায়ের টাকাটা দিয়ে আমি কীৰ্ত্তিহাটে মেয়েদের জন্যে একটা ইন্স্কুল করে দিতে চাই। ম্যাট্রিক ওখানে চলবে না—এম-ই স্কুল এবং ওটা ফ্রি হবে। মায়ের সম্পত্তি থেকে খরচ চলবে।

হরচন্দ্র বলেছিলেন—খুব ভাল কথা। তিনি পুণ্যবতী মহিলা ছিলেন। তোমার মা। তাঁর জন্তে করবে এ তো খুব ভাল কথা। আর শ্রদ্ধা? সে কি বকম করবে? আজ খবর আমি দিলাম। অবশ্য কীৰ্ত্তিহাটেই সকলে। এক বড়বাবু আর বড়মা, তাঁরা তো কাল ছেলেদের কাছে শুনলাম এখানে আসছেন। কি একটা গোলমাল করেছে ছেলেরা তাই মেটাতে আসবেন। তা ওখানেও টেলিগ্রাম করে দিলাম। আমাদের কর্তব্য করতে হবে তো! কীৰ্ত্তিহাটে করতে গেলে অনেক ঝগড়া, আমি বলি এখানেই কর। এখানকার মত ক'রে কর। কাল থেকে ভেবেছি। ছোটবাবু সায়েবী মেজাজের লোক ছিলেন। সামাজিক খুব ছিলেন না। এবাড়ীর সঙ্গে আগে কলকাতার বড় বড় বাড়ীর যোগাযোগ ছিল। পাইকপাড়ার রাজারা, ঠুঁরা বলতে গেলে এ বাড়ীর মূল পত্তন ক'রে দিয়েছিলেন। দেওয়ান গঙ্গাগোবিন্দ সিংজী রায়রায়া, তিনিই লাট কীৰ্ত্তিহাট কিনিয়ে দিয়েছিলেন। ঠুঁরা আসতেন। কৃষ্ণনগরের রাজবাড়ী, মহারাজার দেওয়ানবাড়ী এঁরা ছিলেন এক বকম অভিভাবক। বড়ই স্নেহ করতেন। রাণাঘাটের পালচৌধুরীরা আছেন এঁরা খুব ভক্তি করতেন কর্তাদের। ঠাকুরবাড়ীর সঙ্গে যোগাযোগ ছিল। পত্রাপত্র ছিল প্রায় সব রাজারাজড়াদের সঙ্গে। শুনেছি তোমার পিতামহ স্বর্গীয় দেবেশ্বর রায় মহাশয়ের বিবাহে দুটো বউভাত হয়েছিল। একটা কলকাতায় একটা কীৰ্ত্তিহাটে। সব এসেছিলেন, এবং একটা ঘর ভরে গিয়েছিল জিনিসপত্রে। মূল্যবান মূল্যবান জিনিস দিয়েছিলেন। তারপর তোমার পিতামহ তো এখানে মহানামী মহামানী লোক ছিলেন। বড়বাবুর মানে তোমার জ্যাঠামশায়ের বিবাহেও এঁরা এসেছেন, তা ছাড়া বড় বড় সাহেব-সুবো এসেছেন। ছোটবাবু তোমার বাবাই এসব একরকম তুলে দিয়েছিলেন। কাগজে লিখতেন, কাকুর খাতির করতেন না, যেতেন না বড় একটা কোথাও, ওই পার্টিটাটি। তাতে তো সামাজিকতা বজায় থাকে নি। তা তুমি এবার সেটা কর। মায়ের শ্রদ্ধে পুরনো সম্পর্ক ঝালিয়ে নাও। কত খরচ হবে? শ্রদ্ধে দশ হাজার টাকা খরচ করলে প্রচুর হবে। একবার কেবল নিজে যাওয়া। সে তো ভাল হবে, পরিচয় হয়ে যাবে!

•

সত্যিই সে যেন এক নতুন জগতে এসে পড়ল। বিংশ শতাব্দীর তৃতীয় দশক তিরিশ মালে পার হয়েছে। আইন অমান্য আন্দোলন পার হয়ে গেছে। আন্দোলন সফল হয় নি এ কথা সত্য কিন্তু বছরের মধ্যে যেমন ঋতু পরিবর্তনের সঙ্গে সঙ্গে কিছু গাছের ফুল ফোটা শেষ হয়ে ফুলগুলি ঝরে, নতুন গাছে ফুল ধরে, নতুন ফসল ওঠে। মানুষের পরিচ্ছদ পান্টায়, মন পান্টায়, তেমনিভাবে আগেকার কাল, যে কালে এই সব বড় বড় বাড়ীর দিকে বিশ্বাস এবং শ্রদ্ধার সঙ্গে তাকিয়ে থাকত, সে কাল এখন বিগত ঋতুর মত; এই সব বাড়ী এই সব মানুষ

এখন শুকিয়ে আসা ফুলের মত আকর্ষণহীন। এদের সম্পর্কে সুরেশ্বরের নিজের মনোভাবও সুপ্রসন্ন নয়। তার কারণ সে জন্মাবধি তার সাহেবমনোভাবসম্পন্ন বাপের প্রভাবে প্রভাবান্বিত; তিনি সাংবাদিক হিসাবে ইংরেজকে সমর্থন করলেও এই সব দেশীয় জমিদার ধনীদেব সমর্থক ঠিক ছিলেন না। এদের সম্পর্কে তাঁর প্রত্যক্ষ অভিজ্ঞতা যা ছিল নিজের বংশাবলী থেকে তার সঙ্গে পরিচয়ও সুরেশ্বরের প্রত্যক্ষভাবে ঘটেছে কীতিহাটে গিয়ে। তা ছাড়া এই নতুন কালের বাতাসে নিঃশ্বাস নেওয়া নতুন মানুষ সে। জমিদার বংশধর হয়েও—জমিদারীর সঙ্গে তার প্রত্যক্ষ সম্পর্ক না থাকার জন্য তার মন জোর পেয়েছিল—মনে মনে অনুভব করত এর জন্যে কোন কালি কোন ঘানিই তাকে স্পর্শ করে নি। বাপের জোর ছিল, তিনি খেটে খেতেন। এই মনের জোরে সে এদের থেকে নিজেকে আলাদা ভেবেছে—আলাদা থেকেছে এবং মনে মনে অবজ্ঞা ঘৃণাও করেছে। কিন্তু নিমজ্ঞ কর্তে গিয়ে এদের সঙ্গে আলাপ-পরিচয় করে সে বিস্মিত এবং মুগ্ধ হল।

মুগ্ধ করলে তাকে তাদের সৌজন্য, তাদের শীলতা। বিস্মিত হল সে এই দেখে যে, তারাও তার চেয়ে কম আধুনিক নয়। ভাল লাগল তাদের রুচি। চমকে গেল সে এই দেখে যে এদের অবস্থার চারিদিকটা পুরনো আমলের ভারী অলঙ্কারের গড়নের মত বেমানান এবং জুল হয়ে গেলেও—জহরতের ছটায় ও শোভায় জৌলুসের মত একটা জৌলুস এখনও বুকে ধরে রেখেছে।

কিছু কিছু এ-সব মানুষের ধারা-ধরন চাল-চলনে দৃষ্ট আছে, বিলাসের উগ্রতাও আছে; অনেকের ব্যভিচার মতপানের প্রকাশ্য অখ্যাতিও আছে, কিন্তু এদের মধ্যে এমন সব লোক রয়েছে যারা ধারালো ছুরির মত বুদ্ধিদীপ্ত। বিদ্যামুরাগী। এটা হল তার প্রথম অভিজ্ঞতা। প্রথম আত্মীয়বাড়ী নিমজ্ঞ সে-ই সর্বাগ্রে সে গেল পাইকপাড়ার রাজবাড়ী। রাজা বিগত। তাঁর মা আছেন তিনি মানুষ করেছেন তিন পৌত্রকে। কুমার বিমলচন্দ্র সিংহ, কুমার অমরেশচন্দ্র সিংহ, কুমার বৃন্দাবনচন্দ্র সিংহ। কুমার বিমলচন্দ্রের সঙ্গে তার দেখা হল। তার থেকে কম বয়স। সত্য ম্যাট্রিক পাস করে প্রেসিডেন্সীতে পড়ছেন। কাঁচা সোনার মত দেহবর্ণ। বুদ্ধিবিদ্যা-দীপ্ত মন। এই বয়সেই স্বরসিক ব্যক্তি হয়ে উঠেছেন। কিছুদিন আগেই এ বাড়ীতে রবীন্দ্রনাথকে এনেছিলেন—তাঁর সঙ্গে বসে ফটো তুলিয়েছিলেন—সেই ফটোটা সামনেই টাঙানো রয়েছে। যামিনী রায় নন্দলালের ছবি দেওয়ালে ঝুলছে।

মিষ্টভাষী মানুষটির মুখে হাসি লেগেই আছে। অত্যন্ত সহানুভূতির সঙ্গে গ্রহণ করলেন তিনি। বললেন—নিশ্চয় যাব। আপনাদের সঙ্গে আমাদের সম্পর্ক তো অতিনিকট এবং খুব প্রীতির। দেওয়ান গঙ্গাগোবিন্দ সিংহের দুর্ভাগ্য দেশের লোক যাই করুক—সেদিন তিনি পার্মানেন্ট সেটেলমেন্টের সময় এগার ভাগের দশ ভাগ রেভেন্যু করেছিলেন বলেই আজও গভর্নমেন্ট দাঁড়িয়ে আছে। এবং যদি কোন দিন জমিদারী উচ্ছেদ হয় তবে সেদিন কম্পেনশেন দেবার সময় এর উপকারিতা বোঝা যাবে। হেস্টিংস সাহেব যাবার সময় বলেছিলেন—The regret which I cannot but feel, in relinquishing the service of my honourable employers, would be much embittered, were

it accompanied by the reflection that I have neglected the merits of a man who deserves no less of them than of myself Gangagobinda Singh.

মস্ত বড় প্যাসেঞ্জ একটা। তা দেওয়ানজী রায়রায়ী বলতেন—হেস্টিংস সাহেব আমার জন্তে যা বলেছে আমাকে তাই বলতে হবে—কুড়ারাম ভট্টাচার্যের জন্তে।

আরও কয়েকজনের কাছেই সে অভিজ্ঞতা নিয়ে ফিরেছিল। আবার বেশ কয়েকটা বাড়ীতে প্রাচীনত্বের কড়াকড়ি এবং মনের স্থূলতা দেখে তিক্ত হয়েছিল মনে মনে। দু-একজন বলেছিলেন—তাই তো হে—তোমার বাবা তো সাহেব বলে আমাদের খাতা থেকে নাম কাটিয়ে নামকাটা সেপাই হয়েছিল। আমাদের গাল দিয়েই তো করে গেয়েছে বলতে গেলে। তা তুমি আমাদের খাতায় আবার নাম লেখাতে যাচ্ছ যে ? তা বেশ বেশ !

এ ছাড়া সে তার কয়েকজন বিশেষ শ্রদ্ধার পাত্রকেও নিমন্ত্রণ ক'রে এসেছিল। শিল্পী যামিনী রায়, অতুল বোস এবং তার বাপের বন্ধু কয়েকজন নামজাদা সাংবাদিক হেমেন্দ্রপ্রসাদ ঘোষ, তুষারকান্তি ঘোষ, সত্যেন্দ্র মজুমদার প্রভৃতি বিশিষ্ট ব্যক্তিকেও নিমন্ত্রণ করেছিল। শিল্পী যামিনী রায় তাকে স্নেহ করতেন। শিল্পরসিক তরুণ ছেলেটিকে ভাল লাগত তাঁর। অতুলবাবুও ভালবাসতেন।

এই যোগাযোগ বিচিত্রভাবে তাকে যেন অকস্মাৎ ক্লাশলাইটের আলোর সামনে দাঁড় করিয়ে তাকে সুপরিচিত করে দিলে, খ্যাতিমান করে তুললে। সে ভাবে নি এমন ঘটবে।

ব্যাপারটা ঘটল এইভাবে। সভামণ্ডপে দু'খানি অয়েল পেন্টিং কলকাতার আধুনিক রীতি অনুযায়ী মালা দিয়ে সাজিয়ে দু'খানি কাঠের চৌকির উপর রাখা হয়েছিল। তার মায়ের এবং তার বাপের।

স্বরেশ্বর মাথা কামিয়ে আঁকে বসেছিল—অভ্যর্থনা করছিলেন তার মামা। প্রায় প্রত্যেকেরই দৃষ্টি আকৃষ্ট হল ওই ছবি দু'খানির দিকে। ছবি দু'খানির বৈশিষ্ট্য হল—যেন জীবন্ত বলে মনে হচ্ছিল। প্রতিজ্ঞাই বললেন—বাঃ, ছবি দু'খানি তো সুন্দর হয়েছে ! সুন্দর ছবি !

মামা প্রবীর চ্যাটার্জি প্রত্যেককেই বললেন—ও স্বরেশ্বরের নিজের আঁকা।

অতুল বোস তীক্ষ্ণ দৃষ্টিতে দেখে বললেন—খুব চমৎকার হয়েছে। মিস্টার রয়কে আমি দেখেছি। ছবি শুধু জীবন্ত নয়—তার সঙ্গে ক্যারেক্টার এসেছে। ওই যে হাসিটুকুতে ঠোট দু'খানা অল্প একটু ঝাঁকা করে দিয়েছে একদিকে এবং চোখের তারা দুটোকে একটু করে একপেশে করে দিয়েছে তাতেই বলে দিচ্ছে What was he, ওর মাকে দেখিনি। বলতে পারব না—কিন্তু জীবন্ত হয়েছে। মনে হচ্ছে অসাধারণ ছিলেন তিনি। And তাই ছিলেন তিনি ! কিন্তু স্বরেশ্বর ছবি আঁকে নাকি ? কই একদিনও তো বলে নি !

তারিফ সকলেই করলেন। এবং একটু করে মিষ্টমুখ করাতে উপরের ঘরে নিয়ে গিয়ে প্রবীর-বাবু বললেন—দেওয়ালে ছবিগুলোর অধিকাংশই ওর আঁকা।

যামিনীবাবু আসেন নি, তিনি ধ্যানী মানুষ এবং বেশী লোকসমাগমের মধ্যে তিনি অস্বাচ্ছন্দ্য বোধ করেন। তা ছাড়া সেটা উনিশ শো চৌত্রিশ সালের শেষ—তখনও তাঁর সাধনার খ্যাতি বিস্তৃত হয় নি। জীবনের সঙ্গে তিনি যুদ্ধই করেছেন।

অতুলবাবু বললেন—যামিনীদাকে তো বলতে হবে!

কুমার বিমল সিংহ বললেন—একদিন এসে তো ভাল করে দেখতে হবে সব!

\*

\*

\*

এরপর বেশীদিন লাগল না। অল্প কিছুদিনের মধ্যেই তার শিল্পী বলে খ্যাতি রটে গেল। যে আড়াল তার ছিল তার মা, তাঁর মৃত্যুর পর যেন শেষ আশীর্বাদে তাকে ঘুচিয়ে দিয়ে গেলেন। সে বিখ্যাত হয়ে গেল তার মায়ের ছবি থেকেই। এতকাল ধরে মায়ের বিষণ্ণ বেদনাময় জীবনের আবেষ্টনীর মধ্যে বাবার শেষজীবনের কৃতকর্মের গ্লানির জন্তে সে যে পলাতকের বা আত্মগোপনকারীর জীবন যাপন করছিল সেটা থেকে তার নিজের খ্যাতির আকর্ষণে বেরিয়ে প্রশংসার প্রসন্নদীপ্ত আলোকে এসে দাঁড়িয়ে উল্লসিত এবং কিছুটা প্রগল্ভ হয়ে উঠল।

মাস দুয়ের মধ্যোই সে নিজের ছবির একাঙ্কবিশন করলে। উদ্বোধন করলেন যামিনী বায়। এবারে তিনি এলেন এবং প্রশংসা করে গেলেন। তিনি বক্তা নন তবে অকপটে সাদাসিধে কথায় বললেন—আমার ভাল লেগেছে। বেশ ভাল লেগেছে।

কাগজে প্রশংসা বের হল। কয়েকখানা ছবির ব্লক ছাপা হল। ভিড়ও হল। আলাপ হল নবীন শিল্পীদের সঙ্গে। কয়েকজন সাহিত্যিক এলেন, তাঁদের সঙ্গেও আলাপ হল। প্রবাসীর কেদার চট্টোপাধ্যায় এসেছিলেন, সঙ্গে ছিলেন অমল হোম। কেদারবাবু দুখানা ছবি প্রবাসীতে ছাপতে চাইলেন।

সেইদিনই; সকলে চলে গেলেন আর সদলে এসে তাকে আমন্ত্রণ করলে সীমা এবং অসীমা। সদল মানে সঙ্গে কয়েকজন বান্ধবী!

—কি মহাশয়?

হেসে একটি সিগারেট ধরিয়ে স্বরেশ্বর বললে—এস। স্বাগতম। কিন্তু প্রশ্নটা কি?

ক্র কুণ্ঠিত করে অসীমা বললে—সে প্রশ্ন যাই হোক আপাততঃ থাক। কিন্তু এটা কি? আঙুল দেখিয়ে মুখের সিগারেটটাকে দেখিয়ে দিল।

—ওটা সিগারেট। বেশ মূল্যবান সিগারেট। ফাইভ ফিফটি ফাইভ। গেস্টদের জন্য আনানো ছিল। তাঁরা খেলেন, আমার নাকে ধোঁয়াটা গেল, প্রশংসার মত্তের নেশায় চিত্ত তৃপ্তিত হল বস্তুটার জন্ত। মনে হল নেশা জমবে বেশ! তাই আরম্ভ করলাম।

—ভাল! মাকে বলে দেব। স্বরোদা, পিসীমার মৃত্যুর দু মাস না যেতেই সিগারেট ধরেছে!

—আর এক মাস পরে বলা। তখন কামানো দাড়ি আরও ঘন এবং চাপ বেঁধে বেকবে এবং আমাকে একজন ঋষি বলে মনে হবে। স্বতরাং বলবেন—না, এ ছেলে মহাপুরুষ ছেলে, একে কিছু বলা উচিত নয়। এর বদলে ঘুষ চাও তো খুব ভালো জর্দা অথবা বিলিভী দামী

লিপস্টিক যা চাও এনে দিতে প্রস্তুত আছি।

বলাবাহুল্য অসীমার মুখে পান ছিল—খুব সুবাসিত জর্দার গন্ধও উঠছিল এবং একটি বাস্কেটের  
ঠোটে লিপস্টিকের অল্পরঞ্জনও ছিল।

লিপস্টিকমাথা মেয়েটি বললে—আপনার ছবি যত দুর্বোধ্য—আপনি কিন্তু তত সহজ এবং  
অকপট!

—আপনি সত্য বলেছেন। আপনার দৃষ্টি প্রখর।

—মিলিয়ে যাচ্ছি যে। আপনি সত্যই শাল্মলী তরু!

—হ্যাঁ। ভাগীরথীতটে কীৰ্ত্তিহাট নামক গ্রামে বিশাল শাল্মলী তরু আছে একটি। আমি  
তারই চারা গাছ। কিন্তু আপনি মনে হচ্ছে বেত্রবতীতটের বেতসলতার সেই লতাটি যাকে  
সুলতা বলা চলে। যার আঘাতে শুধু কাঁটাই ফোটে না দাগও বসে! কালসিটে পড়ে কেটে  
রক্তও পড়তে পারে।

সীমা খিলখিল করে হেসে উঠল গরবিনীর মত। তার দাদার ঠিক মনে আছে, ঠিক ধরেছে  
এবং ওই একটি কথার উত্তরে দশটি কথা শুনিয়েছে! জয়টা তার। সুলতা উত্তর খুঁজছে,  
পাচ্ছে না।

সুলতা লাল হয়ে উঠেছিল। সে আধুনিক। বি এ পড়ে। অতি আধুনিক মনের ব্যারিস্টারের  
মেয়ে। পোশাকে তার ছাপ আছে। পরনে তার খদ্দেরের শাড়ী। ঠোটে তার লিপস্টিক, পায়ে  
স্নাগোল। মাথায় কুঁচু চুলে বেণী। গোপনে রাজনীতি করে বলে রটনা আছে। ছাত্র-আন্দোলন  
সবে যেটা তখন শুরু হয়েছে তাতে সে প্রকাশ্যে পাণ্ডা।

সুলতা বললে—ছবিতে আপনার ড্র্যাডিশন ভাঙার চেষ্টা সুস্পষ্ট কিন্তু সোশাল কনসাসনেস  
নেই কেন?

—দুরূহ প্রশ্ন। সম্ভবতঃ আমার নিজের নেই বলে। না হলে ধরুন আর্টিস্ট হিসেবে আমি  
মনে করি ওটা ছবিতে না আসাই ভাল।

সুলতা তর্কোত্তর হয়ে উঠেছিল। কেন?

কিন্তু কথায় বাধা পড়েছিল। একজন চাকর এসে বলেছিল—দুটি মেয়েলোক এসেছে, বলছে  
আপনার সঙ্গে দেখা করবে?

—ইভিয়ট। মেয়েলোক কিরে? মহিলা বলতে হয়। তা ডাক না এখানে।

—তারা বলছে একটু নিরিবিলি কথা বলবে।

—নিরিবিলি?

—হ্যাঁ।

—তা হলে?

সীমা বললে—আমরা বসি। তোমার বাজনা না শুনে যাব না। তুমি শুনে এস কে কি  
বলছে! কারা—মেয়েছেলে আবার কে?

—কি করে এখান থেকে বলব?

—যাও তা হলে শুনে এস! আমরা ছবি দেখছি, চা খাচ্ছি। যাও।



স্বরেশ্বর বাইরে বসনার ঘরে এসে অবাক হয়ে গেল ! একটা প্রৌঢ়া, একটা যুবতী ! সুন্দরী । পোশাক-পরিচ্ছদে চেহারার মার্জনায় এমনি একটা ছাঁদ তাদের মধ্যে রয়েছে যে ঠিক তার এককালের জানা-চেনা কারুর সঙ্গে মেলে না, সম্পূর্ণ স্বতন্ত্র । না মেলে সীমাদের সঙ্গে না মেলে কীর্তিহাটের বাড়ীর সঙ্গে, না মেলে সচরাচর কলকাতার পথে-ঘাটে রেলস্টেশনে যে সব বাঙালী মেয়েকে দেখা যায় তাদের সঙ্গে । এদের চেহারায় কোথায় প্রগল্ভতা আছে, গালিগের মত একটা কিছু আছে । প্রৌঢ়ার বিধবার সাজ কিন্তু হাতে সামান্য গহনা আছে । ফিতেপাড় কাপড় পরনে । গালে পানের একটা পুঁটলি, ঠোট দুটো কালো । মাথার চুলে আছে সে আমলের পাতা-কাটা ! সুন্দরী যুবতী মেয়েটির পোশাক-পরিচ্ছদ এমন যে ঘোবন রূপ সবকিছু একটা অত্যাশ্চর্য আকর্ষণীয় ভঙ্গিতে আত্মপ্রকাশ করেছে । না চিনলেও একটা আভাস যেন মিলছে, সবকিছু মিলিয়ে বলে দিচ্ছে দেহ এবং রূপ নিয়েই এদের কারবার ।

তার ক্র কুণ্ঠিত হয়ে উঠল । সে বললে—কি বলুন ! কি চাই আপনাদের ?

তার মুখের দিকে তাকিয়ে তারা একটু বিহ্বল হয়ে গেল । কিছুক্ষণ তাকিয়ে থেকে বললে—আমরা বাবুর সঙ্গে মানে স্বরেশ্বর রায়ের সঙ্গে দেখা করতে এসেছি । তিনি আমাদের চেনেন ।

—আমার নামই স্বরেশ্বর রায় ।

অবাক হয়ে তাকিয়ে রইল তারা । প্রৌঢ়া আবার বললে—এ বাড়ীর মালিক ।

—আমিই এ বাড়ীর মালিক ।

—কিন্তু আপনি তো তিনি নন ।

—তাহলে ?

প্রৌঢ়া আবার বললে—নং জানবাজার স্বরেশ্বর রায় । দেশ হল কীর্তিহাট ।

—সে সব আমার পরিচয় !

—তাই তো বাবু ! তবে কি জোচ্ছুরি করে গেল কেউ ?

যুবতীটি বললে—না-না জোচ্ছোর সে নয় ।

—হ্যাঁ । সুন্দর চেহারা । আপনার মত এমন সুন্দর নয় । তবে সুন্দর । একটু বয়স বেশী । তিরিশ বত্রিশ । গান-বাজনা জানে, সুন্দর কথাবার্তা—

স্বরেশ্বর বললে—আপনারা কে ?

—আমরা । আমরা বাবু— । একটু ভেবে নিয়ে বললে—বাবু, আমরা গান-বাজনা করে থাকি । এ আমার মেয়ে । মিনার্ভা থিয়েটারে নাচত । আমরা থাকতাম বাবু রায়বাগানে সেখানে এই বাবু থিয়েটারে একে দেখে বাড়ীতে এসেছিল । তারপর মাসখানেক খুব খরচপত্র করলে ; আমোদ-আলাদ করলে । নাম বললে স্বরেশ্বর রায় । বাড়ী বললে এই ঠিকানা । আমরা অবিশ্বাস করি নি । তারপর হঠাৎ বললে—শেফিকে বাঁধা রাখবে । বাড়ী ভাড়া করবে । এখানে আসতে লজ্জা করে । বড়ঘরের ছেলে । বলে ভদ্রপাড়ায় বাড়ী ভাড়া করে মেয়েকে চাকরী ছাড়িয়ে রাখবে । তারপরে হঠাৎ আজ পনের দিন একেবারে

নি-পাতা! খোজ নেই খবর নেই। মেয়েটা অধীর হয়েছে। ওদিকে বাড়ীওলা ভাড়ার তাগিদ দিচ্ছে। আমাদের হাতেও পয়সা নেই। অগত্যা এসেছিলাম বাড়ীতে তার খোজ করতে। ভাবনাও হচ্ছিল। অস্থখ-বিস্থখ কিছু হল কিনা? তা আপনি তো—।

স্তম্ভিত হয়ে গেল স্বরেশ্বর।

মেয়েটি বললে—তাহলে আমরা যাই বাবু, কিছু মনে করবেন না। আমরা তো জানতাম না।

কি বলবে স্বরেশ্বর ভেবে পেলেন না। চুপ করে দাঁড়িয়ে রইল। ওবা দুজনে উঠে দরজার কাছে গেল। মেয়েটি থমকে দাঁড়িয়ে বললে—মা!

—কি?

দরজার পাশে টাঙানো স্বরেশ্বরের মায়ের শাশানে চিতায় তুলবার আগের একটা গ্রুপ ফটো টাঙানো ছিল। সেই ফটোর দিকে আঙুল দেখিয়ে সে বললে—এই যে মা! এই দেখ! সে!

প্রোচা ঝুঁকে দেখে বললে—হ্যাঁ এই তো!

স্বরেশ্বর এগিয়ে গেল।

তরুণীটি বললে—এই—এই! এই সে! সে আঙুল দেখালে।

স্বরেশ্বর দেখলে। সে ব্রজেশ্বর, ধনেশ্বরের বড় ছেলে। সেই তাকে যে রাজা বলে তার প্রজ্ঞাত্ব স্বীকার করেছে অতান্ত সহজ হাসিমুখে। যাকে তার মিষ্ট মনে হয়েছে। যার স্নেহ-প্রীতির মধ্যে এক বিন্দু কপটতা আছে সন্দেহ করে নি। যাকে সে মধ্যে মধ্যে আসতে বলেছে।

## ১১

ব্রজেশ্বর এসেছেও। অশৌচের সময় নিত্যই এসেছে। তার মায়ের আদে খেটেছে। এতটুকু কীর্তিহাটের প্রকৃতির পরিচয় পায় নি। কীর্তিহাটের বাড়ীর জ্ঞাতিদের ভার তার উপরেই ছিল। মেজঠাকুরমা এসেছিলেন। তিন বছরে তিনি যান হয়েছেন। চার বছর আগে দেখেছিল সে। তখন যে অপরূপ লাবণ্যটি ছিল সেটি ঝরে গেছে। একটু বিষন্ন হয়েছেন। ছেলেরা তাঁকে খেতে দেয় না। কোন খোজই করে না। এখান থেকে পঞ্চাশ টাকা মা পাঠাতেন, তাই তাঁর সম্বল। আর অন্য, তাও এক বেলা মাত্র প্রয়োজন তাঁর—সে আসে রাজ-রাজেশ্বরেরও গোবিন্দজীর প্রসাদ থেকে। তিনি ব্রজেশ্বরের জন্ম বলে গিয়েছিলেন—হ্যাঁ ভাই, ব্রজেশ্বর দেখি তোমাকে খুব রাজা রাজা করে, কি ব্যাপার?

সে বলেছিল—ব্রজেশ্বর-দা মোটের উপর লোক ভাল ঠাকুরমা। কথাগুলি ভারী মিষ্টি, অন্তরটিও ভাল। আমাকে রাজা বলেন।

—হ্যাঁ। লোকের মন নিতে জানে। কিন্তু ভাই, মেলামেশা বন্ধুত্ব ওর সঙ্গে না হওয়াই ভাল।

একটু দুঃখিত হয়েছিল সে মনে মনে । মনে হয়েছিল, ঠাকুমা যেন সতীনের ছেলে নাতিদের প্রতি স্বাভাবিক ঈর্ষাবশে কথা বলছেন । তার কাছে বেশী আপন হতে চাচ্ছেন । সে বলেছিল—না । বন্ধুত্ব ঠিক ঠিক সঙ্গ আমার হতে পারে না ঠাকুমা । উনি চাকরী করেন, মায়োয়াড়ী ধনীর বাড়ী তৈরী হচ্ছে তার তদ্বির তদারক করেন, সকাল থেকে সন্ধ্যা পর্যন্ত কাজ । আলাপ আমার সঙ্গে মায়ের মৃত্যুর পর । আসেন, কিছুক্ষণ বসেন, চলে যান । টাকা কি কোন জিনিস ত্রা চান নি । চাইলেও আমি দেব না । তবে চোর-টোর নন তো ?

—না, তা নয় । তা বলতে পারব না ।

—বেশ, তা হ'লেই হল । না-হলে নিকট-আত্মীয়, আপনারই নাতি, বারণ করব কি করে ?

আর কোন কথা মেজঠাকুমা বলেন নি ।

মেজঠাকুমা চলে গেছেন । যাওয়ার সময় তার মনে হয়েছিল, যেন অবিচার অন্তায় হল । তাঁর সঙ্গে কীর্তিহাটের সেই পরম আপনার জনটির মত ব্যবহার করা হল না । কীর্তিহাটের জ্ঞাতিদের সম্পর্কে সে শঙ্কিত ছিল, হয়তো এসে যেতে চাইবে না । কিন্তু ব্রজেশ্বরই তাদের ঠেলা দিয়ে পাঠিয়ে দিয়েছে । নিজে তাদের স্টেশনে নিয়ে গিয়ে টিকিট করে চাপিয়ে দিয়ে এসেছে । স্বরেশ্বর মেজঠাকুমাকে যাবার সময় বলেছিল—ঠাকুমা, কাজকর্মের ভিড়ে একবার কাছে বসতে পেলাম না, সুবিধে অসুবিধে অনেক হয়েছে, কিছু যেন মনে করবেন না ।

মেজঠাকুমা তার চিবুকে হাত দিয়ে বলেছিলেন—না ভাই, পরম সমাদরে থেকেছি । এখানকার ঐশ্বর্য এ আরাম এ তো কখনও জীবনে পাই নি । তোমাদের এতবড় কীর্তিহাটের বাড়ীতেও তো বোধ হয় কোনকালে ছিল না । আমি কাঙালের মেয়ে, দুদিন বুড়ো স্বামীর দৌলতে রানী হয়েছিলাম । মাগু খাতির পেতাম । তাও শেষ হয়ে এখন আবার কাঙাল হয়েছি । আমাকে এমন ক'রে বলে না । তোমার মা পঞ্চাশ টাকা ক'রে পাঠাতো, তাতেই আজও স্বামী-স্বস্তুর বংশের বউ সেজে বেঁচে আছি !

—টাকা আপনার ঠিক সময়ে যাবে যেমন যেত ।

—যাবে বইকি । না গেলে চাইব । লিখব নাতিহুজুর, অধীনার প্রতি রূপা-কটাক্ষ করতে শুকুম হোক । টাকা পাঠাও ।

হেসেছিলেন সঙ্গে সঙ্গে, দুটি জলের ধারাও নেমে এসেছিল চোখ থেকে । তার চোখও মজল হয়ে উঠেছিল । তিনি চলে গেলে মনে হয়েছিল ঠাকুমাকে থাকতে বললে হ'ত । এখানে থাকলে মায়ের অভাব পূর্ণ করতে না পারুন যত্ন করতে পারতেন । কিন্তু পরক্ষণেই শ্রদ্ধের মধ্যে মগ্ন খ্যাতি ও গৌরবের স্বাদ-পাওয়া, তরুণ আধুনিক মন বলে উঠেছিল—তুমি আর্টিস্ট, ছবি আর ফ্রেম এ দুটোর নিকটসম্পর্ক ভুলো না । এ ফ্রেমে ও ছবি কি মানায় না খাপ খায় । ডোন্ট বি মিলি !—

তবু মন খারাপ করেই বসে ছিল । ব্রজেশ্বর স্টেশন থেকে ফিরে এসে বসে বলেছিল—বাপস ! রাজা, তোমার ধৈর্য বটে ! ওঃ ! ঠাকুমার সঙ্গে যে ভাবে কথা কইলে তুমি ! এবং এদের যে অত্যাচার এ ক'দিন ধরে সহ্য করলে ! আমার তো নিজের গুটি ! আমি যে

এই ক'দিনে কতবার ওদের খাঁক ঝাঁক করেছি। আজ তুমি আশায় লজ্জা দিচ্ছ। ওঃ ! তোমাকে সেলাম। এখন প্রজার জগে একটু চা হকুম কর। আর কিছুদিন ওরা থাকলে তোমাকে পাগল করে দিত।

চা খেয়ে সে আর থাকে নি। সন্ধ্যা হয়ে আসছিল, সে তাড়াতাড়ি চলে গিয়েছিল। বলেছিল—আজ শনিবার ভাই, মিনার্ভা থিয়েটারে নেমন্তন্ন আছে—ওদের সঙ্গে খুব খাতির আছে। যাই। দু হপ্তা থিয়েটার দেখি নি।—হ্যাঁ—জগদীশ্বরকাকার ছেলেমেয়েদের গরম কাপড়-জামার জগে যে একশো টাকা দিয়েছিলে তুমি—তার ফেরত আছে পাঁচ টাকা ক'খানা। সেটা ভাই রাজা, রাখলাম আমি। আমার হ্যাণ্ড বড্ড টাইট। মাইনের টাকা পাই নি।

হেসেছিল সে।

স্বরেশ্বর বলেছিল—টাকার দরকার আছে তোমার ?

খুব হেসেছিল ব্রজেশ্বর, বলেছিল—এই না হলে রাজা ? প্রজার চব্বিশ ঘণ্টাই টাকা চাই টাকা চাই টাকা চাই। আর রাজার তাতে বিষয় ! কেন ? না, টাকা সে কি করবে ভেবে পায় না।

পরিশ্রমের ঋণ শোধ করবার জগাই সে তাকে কিছু দিতে চেয়েছিল, বলেছিল—কত চাই তোমার ?

—যত দেবে রাজা। প্রজা ইজ অলওয়েজ পুয়ার। তার হাঁড়িটা শতছিদ্র। সে কলঙ্কিনী রাধা। তাকে ওই শতছিদ্র কুন্তে জল এনে জালা ভরতে হয় ! তা দাও না ভাই রাজা, একশোটা টাকা। বেশী দিলেও আপত্তি করব না। জামা কাপড় সব ছিঁড়ে গেছে। তা ছাড়া কীর্তিহাটের রায়দের মেজ তরফের বড় ছেলের বড় ছেলে। সুদিন দেখেছি, সমাদর বলতে গেলে তোমার মতই ছিল। খুব ভাল জামা কাপড় একসময় পরেছি হে ! প্রথম বোল বছর পর্যন্ত ফরাসডাক্সার ধুতি, সিন্ধের পাঞ্জাবি ছাড়া পরি নি। কিছু করিয়ে নিই।

নায়েবের কাছে টাকা চাইতে স্বরেশ্বরের সঙ্কোচ হয়েছিল। নায়েব জানতে চাইবেনই এবং একটু আপত্তিও করবেন। তা ছাড়া রায়বাড়ীর তারই জাতির অপমান হবে সেটাও তার মনে লেগেছিল। তার নিজের কাছে দেড়শো টাকা ছিল, তাই বের ক'রে সে তাকে দিয়েছিল।

এরপর কয়েকদিনই ব্রজেশ্বর আসেনি। তারপর এসেছিল সে চমৎকার মাজসজ্জা করে। ফরাসডাক্সার ধুতি, সিন্ধের পাঞ্জাবি, চকচকে সেলিমী সুপ'রে এসেছিল। গায়ে সেটের গন্ধ। হেসে বলেছিল—জয় হোক রাজা ! প্রজা তব হইয়াছে সুখী ! এই তো রাজার ধর্ম ! প্রজানুরঞ্জন ! সেদিন গানবাজনা ক'রে, অনেকক্ষণ থেকে, রাত্রি আটটায় সে গিয়েছিল।

তার এগজিবিশনে মাজানোর কাজেও সে যথেষ্ট খেটে গেছে। পরশু পর্বন্ত এসেছিল। তারপর কাল আজ সে আসে নি। তার অভাব সে অনুভব করেছে। সেই ব্রজেশ্বর, এই করেছে। করেছে, মেয়েটির সঙ্গে সম্পর্ক পাতিয়েছে—যায় আসে, তার বিরুদ্ধে বলার তার কিছু নেই। কিন্তু তার নামে নিজের পরিচয় দিয়েছে। একসঙ্গে স্বরেশ্বরের মুখে অতি সূক্ষ্ম

একটি বক্ৰ তিস্ত হাত দিয়া দিল, সঙ্গে সঙ্গে ভুরু কপাল কুঁচকে উঠল !

মেয়ে দুটি তার মুখের দিকে তাকিয়ে আছে।

সে বললে—ওর নাম স্বরেশ্বর নয়, ওর নাম ব্রজেশ্বর। আমার জ্ঞাতি বটে। চিনি তাকে।

—কোথায় থাকে সে বাবু ?

—তা আমি জানি না। কোন দিন জিজ্ঞাসা করি নি।

—বাবু !

—বল !

—সে তো আপনার নিজের লোক—। আমাদের যে বড় বিপদ বাবু ! ধারের মদ খেয়ে গেছে। আমরা আনিয়ে দিয়েছি। ভাড়া বাকী। আজ না দিলে কাল সকালে জিনিসপত্র কেড়ে নিয়ে বাড়ী থেকে বের করে দেবে। তা আপনি দিয়ে—যদি তার কাছে—

—না। অত্যন্ত রুচিবরে স্বরেশ্বর বললে।

সে কণ্ঠস্বরে তারা চমকে উঠল ভয়ে।

—চল মা চল !

—দাঁড়াও। তোমাদের ঠিকানা দিয়ে যাও। সে যদি এখানে আসে তবে লোক দিয়ে তাকে তোমাদের কাছে পাঠিয়ে দেব।

—মেয়ের নাম শেফালি বাবু। ঠিকানা—নতুন রাস্তা, সেন্ট্রাল এ্যাভেন্যু আর বিডন স্ট্রীটের ধারে। ৫-নম্বর রাম ঘোষের গলি। ওই মনোমোহন খিয়েটারের পেছনে। তখনও সেন্ট্রাল এ্যাভেন্যু শ্রামবাজার পর্যন্ত আসে নি—ওই বিডন স্ট্রীটে মনোমোহন খিয়েটারের সামনে পর্যন্ত এসে শেষ হয়েছিল। বুঝতে দেবী হল না তার। ব্রজেশ্বরও কাছাকাছি কোথাও থাকে। বিডন স্ট্রীটেই কোথায় যেন মারোয়াড়ীটির বাড়ী তৈরী হচ্ছে। সে এবার ডাকলে—  
রঘু !

রঘু দরজার পাশেই ছিল। সে ভিতরে এল, স্বরেশ্বর বললে—এদের নিচে রাস্তা পর্যন্ত এগিয়ে দে।

তারা চলে গেলেও সে কিছুক্ষণ দাঁড়িয়ে রইল। তারপর হঠাৎ মনে পড়ল সীমা অসীমা স্নেহতা ঘরে বসে আছে।

ফিরে আসতেই সীমা বললে—বাবাঃ ! ওরা কে ?

—প্রশ্ন করো না। উত্তর দিতে আবার কষ্ট হবে। সম্ভবতঃ দিতে পারব না !

—ওরা ভদ্রঘরের মেয়ে ?

—উঁকি মেয়ে দেখেছ ?

—দেখেছি।

—কথা শোন নি ?

—ওনে বুঝতে পারি নি।

—তা হ'লে থাক।



—বাঃ—অভদ্র মেয়েরা তোমার বাড়ী আসবে। জিজ্ঞাসা করব না ?

—না করাই উচিত। জিজ্ঞাসা করলে বলব, আমিও ওদের চিনি না—ওরাও আমাকে চেনে না।

—তবে এল কেন ?

—এল, আমার না হলেও আমার বংশের কারুর দায় আছে।

এতক্ষণে সুলতা বললে—ওদের কিছু সাহায্য করলে পারতেন আপনি। মুখ দেখে বড় বিব্রত মনে হল !

অবাক হয়ে তার মুখের দিকে সুরেশ্বর তাকিয়ে রইল। মুগ্ধ হয়ে গেল সে। মুখের দিকে অসঙ্কোচে বিশ্বাসের সঙ্গে চেয়ে থেকেই বললে—ঠিক বলেছেন। কিন্তু—!

—কিন্তু কি ?

—আপনি অদ্ভুত !

লাল হয়ে উঠল সুলতা।

সুরেশ্বর বললে—আমি শালসী রন্ধের চারা কিন্তু আপনি বেত নন। অত্যন্ত নরম লতা। মালতী বললে রাগ করবেন।

—এখন আপনার বাজনা শোনান !

বাজনা সে শুনিয়েছিল। এবং সারাটা দিন সুলতার কথাই ভেবেছিল। ওর কথার টানে ওই মেয়ে দুটির কথাও এসে পড়েছিল বারবার ঘুরে ঘুরে।

ওদের কিছু দেওয়া উচিত ছিল। সুলতা বললে—ওদের মুখ দেখে মনে হল ওরা খুব বিব্রত।

মুখের দিকে বার দুই তাকিয়েছিল সে। মেয়েটির রূপ আছে। কিন্তু বেশভূষাতে সে রূপে বেশী চড়া রঙের শেড দিয়ে ফেলেছে। ভালগার হয়েছে তাতে। তাই জন্তে তাকাতে পারেনি। সুলতার মুখেও রঙ ছিল। ঠোটে লিপস্টিক ছিল। চুল কুঁচু ছিল। দুটোতে আশ্চর্য সমন্বয় হয়েছে।

ব্রজেশ্বরের উপর রাগ হয়েছিল। রাস্কলের কি শয়তানি বুদ্ধি ! তার নাম ব্যবহার করেছে। কেন ? মনে হয়েছিল, তাকে বিপন্ন করবার জন্তে ? কিন্তু তাই বা কি ক'রে করবে ? তবে ? তা হলে একটু বড়লোকী আত্মপ্রসাদ অনুভব করবার জন্তে ? তা হয়তো হবে। ব্রজেশ্বরের কথাবার্তা মনে পড়েছিল। মিষ্টিমুখ, চতুর। ধনেশ্বর রায়ের ছেলে। ওর পক্ষে এ আর বিচিত্র কি ? একটু হাসিও পেয়েছিল।

সারাটা দিন কথাগুলো ঘুরছিল মনের মধ্যে। « তারই মধ্যে সন্ধ্যার পর মনে হয়েছিল, কাল সকালেই ওদের জিনিসপত্র কেড়ে নিয়ে মেয়ে দুটিকে পথে বের ক'রে দেবে। ভাড়া বাকী আছে, ধার পড়ে আছে। অস্বস্তি অনুভব করতে করতে হঠাৎ সে একসময় উঠে পড়েছিল ইজিচেয়ার থেকে। কিন্তু—।

টাকা ? নায়েব ম্যানেজারকে সুরেশ্বর শুধু সঙ্কোচই করে না—অভিভাবকের মত ভয়ও করে। হঠাৎ মনে পড়েছিল আজ চারখানা ছবি দেড়শো টাকায় বিক্রী হয়েছে—সেটা তার আলমারিতে আছে এবং তার হাতখরচের টাকাও আছে। সে দুশো টাকা বের ক'রে নিয়ে

একটা জামা টেনে মাথায় গলিয়ে প'রে নিয়ে বেরিয়ে পড়ল। ডাকলে—বাবু!

—বাবু!

—আমি একটু বেরাচ্ছি। হঠাৎ কৈফিয়তের প্রয়োজন অনুভব করলে, বললে—একজনের সঙ্গে একটু দেখা করা দরকার, ভুলে গিছলাম। বুঝলি!

—গাড়ী বলব?

বাড়ীতে একখানা ক্রহাম গাড়ী আছে। সে সেই তার বাবার আমল থেকে। সেটা হেমন্তা ঘোচান নি। আবার গোটরের যুগ উঠেছে, মোটরও কেনে নি। স্বরেশ্বর বললে—গাড়ী? তারপর বললে—না। বলে বেরিয়ে চলে গেল। জানবাজার থেকে হেঁটে চৌরঙ্গীর মোড় পর্যন্ত এসে দাঁড়াল। একটা ভুল হয়ে গেছে। মনে ছিল না এটা জাহ্নয়ারীর প্রথম সপ্তাহ। শীতটা ক'দিন গাঢ় হয়ে পড়েছে। শুধু আলখাল্লার মত একটা খদ্দের পাঞ্জাবি গায়ে চড়িয়ে বেরিয়ে পড়েছে। গায়ের আলোয়ানটার প্রয়োজন অনুভব করলে। হ'লে অস্তুত ভাল হত। থাক। সে চৌরঙ্গী পার হয়ে এসে আবার একটু দাঁড়িয়ে ট্যাক্সি নিলে একখানা। ট্রামে সে বড় একটা চড়ে না। হয় হেঁটে, নয় বাড়ীর ক্রহামে, নয় ট্যাক্সিতে চড়ে। দিনের ভাগে প্রায়ই চরণবাবুর জুড়ি। মানে হেঁটে।

ট্যাক্সিতে চড়ে বললে—চলিয়ে বিডন স্ট্রীট আর সেন্ট্রাল এ্যাভেন্যু জংশন।

১৯৩৪।৩৫ সালের কলকাতা; কলকাতায় লোকসংখ্যা হয়তো দশ পনের লক্ষ। গাড়ীই বেশী, মোটর কম—বাস হয়নি। ট্রামে ভিড় নেই। বেলা বারোটা থেকে ট্রাম ফাঁকা ছোটে। রাত্রি আটটার পরও তাই। ট্যাক্সিখানা প্রচণ্ডবেগে ছুটে চলেছিল। বাইরে কনকনে হাওয়া। গাড়ীর ভিতর ঢুকে তাকে শীত ধরিয়ে দিল। সে কাচ বন্ধ করে দিয়ে বসল। হঠাৎ বললে—রোখিয়ে তো মর্দারজী! বায়া তরক।

গাড়ী রুখলে সে। গাড়ী থেকে নেমে এক বাক্স গোল্ডফ্লেক সিগারেট দেশলাই কিনে নিলো, যেন একটা উত্তেজক কিছু দরকার ছিল। ঠাণ্ডায় যে শীত তার থেকে আলাদা একটা কিছু তাড়না তার বুকের স্পন্দনকে দ্রুততর করে যেন একটু কাঁপুনির সৃষ্টি করেছিল। গাড়ীর ভিতর বসে সিগারেট ধরিয়ে সে একটু আরাম পেলে।

বিডন স্ট্রীটে এসে নেমে তার ভাবনা হল—এই বাড়ী কোথায় পাবে? কি ভাবে বের করবে, কি বলে ঢুকবে? ব্যাপারটা এবার তার কাছে স্পষ্টতর হয়ে উঠল। অভিজ্ঞতা নেই। বলতে গেলে এ অঞ্চলে কয়েকবার থিয়েটার দেখতে আসা ছাড়া এমনি কখনও আসে নি! কিন্তু পড়ে-তনে একটা ধারণা আছে—তবে সেটা বেশ সহজ সরল নয়।

সে কিছুক্ষণ দাঁড়িয়ে থেকে ভাবলে ফিরে যাই। পিছনে একটা পানের দোকান। সেখানে হিন্দুস্থানী পানওয়াল পান বেচছে। সামনে দাঁড়িয়ে কয়েকজন বেশ পাঞ্জাবি পরা, পাকানো গোর্ফ, তেল-চকচকে চুলে বাহারে টেরী হিন্দুস্থানী হাসছে গল্প করছে। মধ্যো মধ্যো রিক্সা করে বাবু চলছে মালা গলায়। রজনীগন্ধার মালা। গোড়ের মালা এখন নেই। একজন একটা খড়-জড়ানো কাঠে-গোজা গোলাপ ফুলের কুঁড়ি এবং ফুল বিক্রী করছে। হাঁকছে—চাই ফুল!

হঠাৎ একজন হিন্দুস্থানী এসে পাশে দাঁড়িয়ে বললে—বহুৎ আচ্ছা বিবি, বাবু সাহেব!

দেখিয়ে গা ?

স্বপ্নের নার্সিস হল । এতক্ষণ সে দাঁড়িয়ে নার্সিসনেসের সঙ্গেই যুক্ত করছিল । এ-প্রশ্নে সে বেশ একটু দমে গেল । উত্তর দিল না ।

—বাবুসাহেব !

—না !

—তব ইথেনে দাঁড়িয়ে কেনো ?

এবার সে সাহস সঞ্চয় করে বললে—একটা বাড়ী খুঁজছি, বাতলে দিতে পার ?

—হ্যাঁ । বাতাইয়ে ।

ঠিকানাটা বললে সে । এবং বললে—ওখানে শেফালি বলে একটি মেয়ে থাকে, তার বাড়ী ।

—হ্যাঁ-হ্যাঁ । জরুর জানি । উ তো মিনারবার সখী ছিলো । আব এক বাবু উসকে রাখিয়েসে । আসেন । লেকিন বকশিস লিবো হামি !

—চল !

সে একটা সংকর্ণ গলিপথ । দুধারের বাড়ীর দরজায় আলো জ্বলে বসে দাঁড়িয়ে নানান মাজে মাজা মেয়ের দল । নানান বাড়ী থেকে গান ভেসে আসছে । শিউরে উঠল সে । শীত তার বেশী ধরে গেল । প্রায় প্রতি ঘরের দরজা থেকেই ইঙ্গিতে আহ্বান করছিল তারা । সব আহ্বানেও ডাকছিল—আমুন না ! অ বাবু !

হিন্দুস্থানীটা বললে—বাবু শেফালির কামরামে যাবেন । মিনারবার শেফালি ।

—আমি শেফালির চেয়ে ভাল । তাকিয়ে দেখুন । বলে হেসে উঠল মেয়েটা ।

সে মাটির দিকে চেয়েই পথ চলছিল । আর সিগারেট টানছিল ।

মনে হচ্ছিল পা থেকে মাথার দিকে সন্-সন্ করে একটা কিছু শ্রোত বইছে । কান ছোটো গরম হয়ে উঠেছে । হাত ঘামছে । মনে অসুখ তাপ হচ্ছিল । নিজের উপর রাগ, তার চেয়েও বেশী রাগ হচ্ছিল ব্রজেশ্বরের উপর । তাকে পেলে সে তার পায়ের জুতো খুলে মারতে পারত ।

—এহি বাড়ী বাবুজী !

বাড়ীর দরজায় দু-তিনটে মেয়ে দাঁড়িয়ে । এখানটায় এত ভিড় নেই । যে-মেয়েরা দাঁড়িয়ে ছিল, তার মধ্যে শেফালি নেই । স্বপ্নের বললে—জিজ্ঞাস কর তো শেফালি আছে কিনা ! হয়তো লাক্ষনার ভয়ে আগেই বাড়ী ছেড়ে চলে গিয়ে থাকতে পারে ।

একটি মেয়ে বললে—কাকে খুঁজছেন ? শেফালিকে ?

—হ্যাঁ ।

—তার ঘরে হুজুত চলছে । ভাড়া বাকি, বাড়ীওলা পা লাগিয়ে বসেছে । টাকা দেওয়ার কথা ছিল, দিতে পারে নি । তার বাবু ভেগেছে । সেখানে সুবিধে হবে না । হেসে উঠল সে—তা আমার ঘরে আসতে পারেন ।

—আমাকে ভিতরে যেতে পথ দিন ।

—হামার বকশিশ বাবু !

—কত ?

—সেলাম, খুনীসে দো-চার রুপেয়া দেদিজিয়ে !

চারটে টাকাই তার হাতে দিয়ে দিলে সে। বললে—চল ভিতরে গিয়ে ঘরটা দেখিয়ে দেবে।

—জরুর ! বলেই সে সিঁড়িতে উঠে দাঁড়াল। মেয়ে দুটি তাকে পথ দিল সরে গিয়ে। তাকে ডাকলে—আইয়ে হজুর !

ঘুপচি কুয়োর মত একটা উঠোন। তার চারিপাশে ঘর। সব ঘরেই দরজা প্রায় ভেজানো। ভিতরে আলো জ্বলছে। কোন ঘরে হাসি-উল্লাস, কোন ঘরে গান, কোন ঘর প্রায় স্তব্ধ। মধ্যে মধ্যে দু-চারটে কথা ভেসে আসছে। তারই মধ্যে একটা সংকীর্ণ সিঁড়ি। সেই সিঁড়ি ভেঙে দোতলায় উঠে লোকটা ডাকলে—শেকাইলি বিবি !

সামনেই ওপাশে একখানা ঘরের দরজা খোলা। দরজায় বসে আছে একটি শূলাঙ্গী : মেয়ে। নীচ হাত খালি—উপর হাতে তাগা আলোর ছটায় ঝক-ঝক করছে। তার ওদিকে ঘরের মধ্যে শেফালিকে স্পষ্ট দেখা যাচ্ছিল। মাথা হেঁট করে দেওয়ালে ঠেস দিয়ে বসে আছে। বেশ নেই, ভূষা নেই, হেট-করা মাথা থেকে খোলা চুল কিছু সামনে এসে পড়েছে। ডাক শুনে সে মাথা তুললে। আলোর ছটা মুখে পড়ল। স্বরেশ্বর দেখতে পেল, মেয়েট কাঁদছিল। এবার স্বরেশ্বর সহজ হয়ে উঠল মুহূর্তে। সে হিন্দুস্থানীটিকে পাশ কাটিয়ে দরজার সামনে এসে দাঁড়াল।

অবাক হয়ে গেল শেফালি।

স্বরেশ্বর বললে—তোমার মা কই ?

—সেই বাবু মা। বিহ্বলকণ্ঠে বললে শেফালি। ঘরের কোণ থেকে এবার উঠে এল তার মা। শেফালিও উঠে দাঁড়াল। তার মায়ের বিস্ময়ের অবধি রইল না। সে স্বরেশ্বরের ঐশ্বর্য দেখে এসেছে। এবং আরও দেখে এসেছে আজ তার বাড়ীতে বড় বড় লোকের ভিড়। তারা যখন গিয়েছিল, তখন ওই ভিড় দেখে বাড়ীতে ঢুকতে সাহস করেনি। অন্য লোককেও কিছু জিজ্ঞাসা করতে পারেনি। জিজ্ঞাসা করছিল একটু দূরের এক ভূজাঙলাকে—ও-বাড়ীতে কি হচ্ছে ? তারা বলেছিল—এগজিভিশন ! তসবীরের এগজিভিশন ! ছবির গো ছবির। ওহি বাড়ীর মালিক বহুত লায়েক আদমী। বহুত নাম। উনি তসবীর আকিয়েছেন, ওহি দেখনে লিয়ে বড়াবড়া আমীর, বড়াবড়া ভারী-ভারী আদমী আসিয়েছেন !

ওরা অবাক হয়ে দাঁড়িয়ে থেকেছিল। শেফালির গৌরব-গর্বের অন্ত ছিল না, তার বাবুর এত ঐশ্বর্য, এত গৌরব। তারপর সকলে চলে গেলে ভিতরে ঢুকে ঐশ্বর্য দেখে বিস্মিত হয়েছিল। তারপর যখন স্বরেশ্বর এসে দাঁড়িয়েছিল, তখন বিভ্রান্ত হয়ে গিয়েছিল। স্বরেশ্বরের ব্যক্তিত্ব, তার আকার অবয়ব দেখে নিতান্ত ছোট হয়ে পড়েছিল। কথায়বর্তায় ভয় পেয়েছিল। স্বরেশ্বর একবার রুটকণ্ঠে ‘না’ বলেছিল, তাতে চমকে উঠেছিল দুজনেই। সেই মানুষ তাদের এই কদম পঙ্কপবলে নিজের পা-দুখানাকে হাঁটু পর্যন্ত কদমাস্ত করে এখানে এসেছেন। বুঝতে পারছিল না তারা। কিন্তু ওরা দেহব্যবসায়িনী, ওরা

ছুনিয়ায় দেহের চাহিদার বিচিত্র তত্ত্ব নিপুণভাবে বোঝে। মা মেয়ে ছুজনের মুখ-চোখই পরমুহূর্তে দীপ্ত হয়ে উঠল। মা বললে—আমুন, বাবা আমুন।

তারপরই দরজায় বসে-থাকা স্ক্রলস্কীকে বললে—এখন যাও দিদি। পাবে বইকি। দেব বইকি। উনি দাঁড়িয়ে আছেন। মস্ত-বড়লোক, রাজার ছেলে, তার চেয়েও বড়। এখন যাও—

স্বরেশ্বর বললে—উনি ভাড়া পাবেন?

স্ক্রলস্কী বললে—হ্যাঁ বাব, আমি ছ'মাসের ভাড়া পাব। এক মাসের ভাড়া আগাম দিয়ে ঘর ভাড়া করে তারপর—

—কত পাবেন?

—ছ'মাসের ভাড়া ষাট টাকা। বাড়ীর সব থেকে ভাল ঘর বাবু। আলাদা কল, আলাদা সব।

একখানি একশো টাকার নোট তার হাতে দিয়ে বললে স্বরেশ্বর—তিন মাসের ভাড়া মানে আগামী মাসের ভাড়াও নিয়ে রাখুন। বাকি টাকাটা—। কি যেন মদের ধার আছে বলেছিলে তুমি? কার কাছে?

—সেও আমার কাছে। সেও কুড়ি টাকা।

আর একখানা একশো টাকার নোট সে শেফালির মায়ের হাতে দিয়ে বললে—ওকে দশ টাকা দিয়ে বাকি টাকাটা তোমরা রাখো। এক মাসের মধ্যে তোমরা যা হয় কাজ দেখে নিয়ো। বুঝলে! আমি চললাম।

—চললেন?

—হ্যাঁ। সে ফিরল।

—বাবু! বাবু! আপনার পায়ে ধরছি! বাবু!

এক্ষেত্রে বোধহয় নাটক করার লোভ সম্পূর্ণ কেউ করতে পারে না। স্বরেশ্বরও সম্পূর্ণ করতে পারলে না। সে ফিরল না—সে নেমে এল সিঁড়ি দিয়ে। যে-নাটকটি হয়ে গেল উপরে, সে নাটকটির বেগ এবং গতি এত প্রবল এবং তীক্ষ্ণ যে, তার ক্রিয়া-প্রতিক্রিয়া সে নামতে নামতেই নিচে এসে গিয়েছিল। ফলে দরজা ফাঁক করে তাকে সকলে বিস্ময়বিমুগ্ধ হয়ে দেখলে। দরজায় যে-ছুটো মেয়ে দাঁড়িয়ে ছিল, তারা দরজা থেকে সরে এসে তখন উঠানে দাঁড়িয়েছে। সে আবার থমকে দাঁড়াল। তার এখন সাহস হয়েছে। অন্তর শুধু তৃপ্তি নয়, তার সঙ্গে অহঙ্কারেও পূর্ণ হয়ে উঠেছে। সে বললে—একটা কথা জিজ্ঞেস করব?

তারা প্রগল্ভতা করলে না। একজন বলল—কি?

—কত উপার্জন কর তোমরা?

অবাক হয়ে গেল তারা। উত্তর কি দেবে বুঝতে পারলে না।

স্বরেশ্বর হেসে বললে—এই শীতে বাইরে দাঁড়িয়ে থাক। এই তো ফিনফিনে পোশাক। শীত করে না? কষ্ট হয় না?

করণভাবে একটি মেয়ে বললে—খাব কি বাবু?



পকেট থেকে দুখানা দশ টাকার নোট বের করে তাদের দুজনের হাতে দিয়ে বললে—আজকের দিনটে আর কষ্ট করো না। রাত্রি বোধহয় দশটা বাজে!

বলে সে বাড়ী থেকে বেরিয়ে চলে এল। তার পিছন পিছন আসছিল সেই হিন্দুস্থানীটি। সে-ও বিষ্ময়ে স্তম্ভিত হতবাক হয়ে গেছে। এইসন শরীফ-আমীর সে তার জিন্দগীতে দেখেনি। কানেও শোনে নি। হ্যাঁ শুনেছে বটে—বাদশাহী জমানাতে। এ-জমানাতে নয়!

সে তাকে কিছু বলতেও সাহস করলে না। স্বরেশ্বর এসে আবার দাঁড়াল। সেন্ট্রাল এ্যাভেন্যুর মোড়ে। একটা ট্যাক্সি চাই।

লোকটা এসে শুধু বললে—হজুর!

—একটা ট্যাক্সি ডেকে দিতে পার?

—ট্যাক্সি মিলবে না হজুর, ঘোড়ারগাড়ী ডেকে দিই।

—আচ্ছা। ওই তো আড্ডা। আমি নিয়ে নিচ্ছি। দীর্ঘ পদক্ষেপে এসে সে একখানা গাড়ীতে চেপে বসে বললে—জানবাজার।

মনে মনে একটা নেশা লেগেছিল। আশ্চর্য একটা নেশার ঘোরের মত। ঘন ঘন সিগারেট খাচ্ছিল। মধ্য মধ্য এই স্তম্ভ সমাপ্ত দৃশ্যটার টুকরো টুকরো ছবি মনে ভেসে উঠছিল এবং গভীর তৃপ্তি অনুভব করছিল। গাড়ীর পিছনের সিটটায় বসে সামনের সিটের কোণের দিকে চেয়ে যেন ছবিগুলো দেখছিল। ঘুরে ঘুরে শেফালির একটা ছবি মনের সামনে আসছিল। প্রথম তাকে যেমন দেখেছিল—সেই ছবি। সেই দেওয়ালে ঠেস দিয়ে বসেছিল মেয়েটি, মুখ আধখানা দেখা যাচ্ছিল উপরের দিকটা। ভুরু নিচে চোখ পর্যন্ত। কতকগুলো ঝুঁকু চুল কপালে এসে পড়েছিল। অত্যন্ত স্নেহ। গাড়ীর ভিতরে অন্ধকারের মধ্যে সেই স্মৃতির ছবিটা যেন সে স্পষ্ট দেখছিল। সিগারেট টানাও সে ভুলে গিয়েছিল এবং সিগারেটটা পুড়েই যাচ্ছিল ধোঁয়ার একটি আকাঁকা রেখা তুলে। অনুভব করছিল নিঃশ্বাস দিয়ে। তার শিল্পী-মন আপসোস করছিল। একখানি সুন্দর ছবি হত। অতি সুন্দর ছবি হতে পারত। হঠাৎ হাতের আঙুলে গরম লাগায় আঙুল সরিয়ে নিয়ে আগুনের ছেঁকা খেলে। সচেতন হয়ে সিগারেটটা বাইরে ফেলে দিয়ে সে একটু চঞ্চল হয়ে উঠল। ফিরে গেলে হয় না?

খানিকটা নড়েচড়ে বসে একটা দীর্ঘ-নিঃশ্বাস ফেললে। আকবার কোন সরঞ্জাম নেই, গিয়ে কি হবে? তাছাড়া সে-মুহূর্ত তো আর ফিরবে না!

গাড়ীটা ততক্ষণে ধর্মভায়া পৌঁছেছে। বাইরে ব্রিস্টল হোটেল—একটু দূরে মেট্রোতে এবং অল্প দোকানগুলোতে আলো বলমল করছিল। সায়েব-মেমের ভিড় চলেছে। ফিরিঙ্গী এবং দেশী ক্রীস্টান মেম-সায়েবগুলো এদিকে-ওদিকে ঘুরঘুর করছে।

সব ভেসে যাওয়া ছবি যেন। গাড়ীটা কর্পোরেশন স্ট্রীটে ঘুরল। কর্পোরেশন স্ট্রীটের নতুন নাম হয়েছে—স্বরেন্দ্রনাথ ব্যানার্জি রোড।

গাড়ী এসে বাড়ীর দরজায় লাগল। নামল সে। ভাড়া দিয়ে সে উপরে উঠে গেল। বসল কিছুক্ষণ। তারপর ঘরে গিয়ে ক্যানভাসের উপর কয়লার স্টিক দিয়ে ওই ছবিটা আঁকতে

চেষ্টা করলে। কিন্তু হল না।

শুধু একটা উন্মত্ত অস্থিরতায় পায়চারি করলে ঘরের ভিতর। হঠাৎ একবার মনে হল ছবির সরঞ্জাম নিয়ে ফিরে যাবে সে?

নাঃ। তবে কি করবে সে? একটা কিছু করার যেন প্রয়োজন। ওই মেয়েটার সেই মুখছবি ভাসছে। রাস্তার ধারে দরজায় দাঁড়ানো মেয়েগুলোর সেই শীতে কষ্ট পাওয়ার ছবি মনে পড়ছে।

অনেকক্ষণ চুপ করে বসে থেকে সে চিঠির কাগজ নিয়ে চিঠি লিখতে বসল স্থলতাকে। হঠাৎ স্থলতাকে মনে পড়েছে। সেই তাকে বলেছিল—মুখ দেগে মনে হল বড় বিব্রত। কিছু দিলে পারতেন।

## ১১

ধন্যবাদ দিয়ে পত্র লিখলে স্থলতাকে। লিখলে—আপনাকে ধন্যবাদ, শত-সহস্র ধন্যবাদ না জানিয়ে মন তৃপ্তি পাচ্ছে না। আমার দৃষ্টিতে আপনি অস্বপ্নোপচার করেছেন আজ। আমি দেখতে পাই নি—আপনি দেখতে পেয়েছিলেন, সকালের ওই মেয়ে দুটির মুখের মধ্যে বিব্রত বিপন্ন হওয়ার লক্ষণ। গাছের মাথায় ঝড়ের আগে ছায়া নামা আমি দেখেছি। ঝড় ওঠবার লক্ষণ দেখা দিলে আমি ছাদে উঠে দেখেছি পশ্চিমদিকে ময়দানের গাছগুলোর মাথায় ছায়া পড়ে। ছায়াই শুধু পড়ে না। গাছগুলোও নিম্নম হয়ে নেতিয়ে পড়ে। কিন্তু মানুষের মুখে ওটা দেখতে পাই নি। আপনি পেয়েছিলেন, আমাকে বলেছিলেন, কিছু দিলে পারতেন। সারাটা দিন কথাটা আমার মনে ঘুরেছিল। সন্ধ্যার পর মনে হয়েছিল—ওরা বলেছিল, কাল সকালেই ওদের বিপদ ঘটবে। সব কেড়ে নিয়ে বের করে দেবে পথে। তাই শেষ পর্যন্ত বেরিয়ে পড়েছিলাম। এবং সব সংকোচ জয় করে যখন ওদের আস্তানায় উপস্থিত হয়েছিলাম, তখন দেখেছিলাম, ঝড়ের ঝাপটা নেমেছে। সেই ঝাপটায় মেয়েটিকে দেখলাম, দেওয়ালে ঠেস দিয়ে মাথা নিচু করে কাঁদছে, মাথার চুল কপালে নেমে ছড়িয়ে পড়েছে, ঠিক ঝড়ে বিধ্বস্ত লতার পল্লবের মত। আমি টাকা দিয়ে ওদের বাঁচিয়ে এসেছি। এবং যে কৃতজ্ঞ-দৃষ্টির অভিব্যক্তি নিয়ে এসেছি, তা আমার জীবনের সব অপবাদের পঙ্কলেপনের মাঝখানে একটি চন্দনতিলক পরিয়ে দিয়েছে। আমি এই মুহূর্তেও অনুভব করছি—আমি দেবকুমার হয়ে গেছি।

মানুষের পাপপুণ্য, নিন্দা-প্রশংসার সব খোলস খসে পড়েছে। আপনার মন আশ্চর্য মন। পরশ-পাথরের মত। সে-মনের স্পর্শ পেয়ে আমার মন সোনা হয়ে গিয়েছে মনে হচ্ছে। ফিরে এসেই পত্র লিখছি আপনাকে। ইতি—সুরেশ্বর রায়।

এই খুলী-মনের জের তার আর ঘোচে নি বা মোছে নি। পরদিন সকালে উঠেও সে অনুভব করেছিল যে মানি তার জীবনটাকে ভার করে রেখেছিল—তা যেন সব ঘুচে গেছে। সকালে

উঠেই সে ছাদের উপর উঠেছিল অকারণেই। তখন জাহ্নুমারী মাসের শীত। তারই মধ্যেই সে ছাদে উঠে কুয়াশার দিকে তাকিয়ে দাঁড়িয়ে ছিল। নিচে নেমে এসে বাজনা নিয়ে বসে ছিল।

রঘু চা-টোস্ট-ডিম নামিয়ে দিয়ে বলেছিল—আজও আবার সব লোকজন আসবে তো ?

—নিশ্চয়ই ! রঘুপতি রাঘব রাজারাম—তুমি ভাব কি ? একজীবিশন এখন সাতদিন খোলা থাকবে। দশটা থেকে বারোটা। আবার চারটে থেকে সন্ধ্যা সাতটা।

—খাবার-দাবারও আনতে হবে তো ?

—তাও আনতে হবে। তবে কালকের মত নয়। অল্প পরিমাণে। সিগারেট আনবে। আর একখানা চিঠি ফেলতে হবে। না—থাক। আমি নিজে ডাকে দিয়ে আদব। এক্ষুনি বেরুব।

চিঠিখানা আজই পৌঁছনো চাই স্থলতার কাছে। সকালে জি-পি-ও-তে ফেললে বিকেলে পাবেই। চিঠি পেয়ে স্থলতা বিস্মিত হয়ে আসতেও পারে ! বেরিয়ে গেল সে চা খেয়েই। হেঁটেই গেল। জানবাজার থেকে জি-পি-ও কাছেই।

বিকলে কিন্তু স্থলতা আসেনি। তবে সে-কথা নিয়ে ব্যস্ত হবার বা ভাববার সময় পায় নি। কারণ, একদল তরুণ শিল্পী এসেছিলেন। কেউ কিউবিস্ট, কেউ ফিউচারিস্ট।—কেউ বা অন্য কিছু। তাঁরা খুশী হলেন। এবং ঘণ্টাখানেকের মধ্যেই বেশ হৃদয়পরিচয়ে পরিচিত হয়ে গেলেন। তাঁদের দল আছে। বললেন—আমাদের দলে আসুন।

সে চোঁবাচ্চায় বন্দী মাছের ওপরে জলশ্রোতের শব্দ এবং ইসারায় আহ্বান পেয়ে ঝাঁপিয়ে পড়ল। পরিচয় এমনই গাঢ় হল যে, সেইদিনই সে তাদের বাজনাও শুনিতে দিলে—এস্রাজ-বেহালা।

এর মধ্যে সময় যে কেমন করে উড়ে গেল তা দলের কারুরই খেয়াল ছিল না। হঠাৎ একজন বললে—ওরে সর্বনাশ ! আটটা যে বাজে বাজে ! আমি উঠলাম। তখন নতুন করে কফি এবং খাবারের কথা বলেছে সুরেশ্বর। সে বললে—সে কি ?

ভদ্রলোক বললেন—না ! আটটার পর কফি—না স্মার ! আবার আসব। নিয়ে যাব আপনাকে। আজ ছুটি !

অন্য একজন বললেন—উনি ড্রিংক করেন।

সুরেশ্বর বলে উঠল—বেশ তো। তাই আনাচ্ছি। বসুন।

—খুব ভাল হবে। আপনার স্বাস্থ্যপান করে উন্নতি কামনা করে ফাংশন হবে আমাদের।

তারপর উৎসাহ এবং উল্লাসের মধ্যে সে তাদের গেলাসের সঙ্গে গেলাস ঠেকিয়ে মদও খেলে।

আসর যখন ভাঙল, তখন ন'টা বেজে গেছে !

সকলে চলে গেলে সে আবার গিয়ে ছাদে উঠল। চৌরঙ্গীর দিকে তাকিয়ে দাঁড়িয়ে রইল। মাথার মধ্যে মদের প্রভাব চঞ্চল উদ্বেজনা জাগিয়েছে—মনের মধ্যে প্রশংসা প্রতিষ্ঠার এবং শিল্পীদের প্রীতির স্মৃতি চৌরঙ্গীর আলোর মতই ঝলমল করছে। পৃথিবী যেন তাকে ডাকছে

মনে হচ্ছে ।

হঠাৎ মনে হল কালকের রাত্রে কথা । বের হবে আজকে আবার ? এই শীতের রাত্রে যারা স্মৃতি জামা আর রঙীন কাপড়ে ও রঙে-পাউডারে সেজে সামান্য টাকার জন্তে হাসির মুখোশ পরে বসে আছে পথের দিকে তাকিয়ে, তাদের সকলের হাতে পাঁচটা করে টাকা দিয়ে বলে আসবে— যাও ঘরে যাও । এই তো কিছু পেলো—এ থেকেই চালিয়ে নিয়ো । দাঁড়িয়ে শীতে কষ্ট ক'রো না, যাও ।

আবার আজ একবার সে দেবতা হয়ে পূজো প্রণাম কুড়িয়ে ফিরে আসবে । ইচ্ছেটা প্রবল হয়ে উঠল তার । কিন্তু— । একটা নয় অনেক, কিন্তু ! সব থেকে বড় হয়ে উঠল একটা কিন্তু । সে মদ খেয়েছে । কি ভাববে সেই রামদীন—তাকে তো সঙ্গে নিতেই হবে । কি ভাববে যাদের হাতে টাকা দেবে তারা ? ভাববে না এটা মাতালের খেয়াল ?

নিজেকে সঙ্গরণ করলে সে । বাবার কথা মনে হল ।

না ! সে যাবে না ! চল্লিকাতে বাবা সহজ অবস্থায় মুগ্ধ হন নি । তার প্রথম দিনের কথা বেশ মনে আছে । বাবা বেহালা বাজিয়েছিলেন—সে তবলা বাজিয়েছিল । সে গন্ধ পেয়েছিল বাবার কাছ থেকে ।

না—সে যাবে না ।

পরদিন সকালটা এর তৃপ্তিতে ভরপুর হয়ে ছিল । সে তৃপ্তি উপচে পড়েছিল একথানা চিঠি পেয়ে । স্নলতার চিঠি ; ছোট্ট চিঠি ।

ভারী ভাল লাগল চিঠিখানি । তবে একটা কথার প্রতিবাদ করছি । মনে হয় অতি বিনয়ে লিখেছেন বা আবেগের আতিশয্যে লিখেছেন । সংসারে পরশপাথর অলৌক বস্তু । কিন্তু সোনা বাস্তব । আপনার মনই সোনা দিয়ে গড়া । কিছুই ছোঁয়াতে সোনা সে হয় নি । আমার কাছ থেকে হয়তো খানিকটা উত্তাপ পেয়েছিলেন যাতে সোনার কাঠিন্য কিছু নরম হয়েছিল ।

আপনি খাটি শিল্পী, বিচিত্র মানুষ—যাদের বিধাতা ছাঁচে তৈরী করেন না । নিজের হাতে তৈরী করেন পরমানন্দের মধ্যে ।

ইতি—স্নলতা ঘোষ ।

সেদিন সন্ধ্যায় সে মদ খায় নি । সময় থাকতে ম্যানেজারের কাছে টাকা চেয়ে নিয়ে রেখেছিল । এবং সন্ধ্যায় পর বেরিয়ে ট্যাক্সি নিয়ে বিভিন্ন স্ট্রীট এবং সেন্ট্রাল এ্যাভেন্যু জংশনে নেমে রামদীনকে ডেকেছিল । রামদীন দাঁড়িয়েই ছিল । সে সসম্মানে সেলাম করে বলেছিল—হজুর !

—আসবে একবার আমার সঙ্গে ?

—শেফালি বিবিকে ছ'য়া ?

—নেহি ! এদের মধ্যে সব থেকে গরীব যারা, তাদের কিছু করে দিতে চাই ।

রামদীন অবাক হয়ে গিয়েছিল।

হঠাৎ তার মন আর একটা সূত্র খুঁজে পেয়েছিল। বলেছিল—না। আমি ঘুবে আসছি। এগারটা নাগাদ আসব। বুকেছ। তুমি থেকো।

ট্যাক্সিটা তখনও যায় নি। মোড় নেবার উপক্রম করছিল মাত্র। সে ট্যাক্সিতে চড়ে বলেছিল—চল। এখন নটা বাজে। দু ঘণ্টা ঘোরাও। তারপর ফের আসবে এখানে। এগারটায় এসে রামদীনকে সঙ্গে নিয়ে সেই গলিটা থেকেই শুরু করেছিল। যারা তখনও সেই শীতের মধ্যে ক্রিষ্ট মখে, উৎকর্ষিত চোখে পথের দিকে তাকিয়ে প্রতীক্ষা করে ছিল তাদের হাতে সে এক একখানা পাঁচ টাকার নোট দিয়ে বলেছিল—ঘরে যাও। রাত্রি অনেক হয়েছে। সে দাঁড়ায়নি কোথাও এক মুহূর্ত। এ-মোড়ে ঢুকে ও মোড়ে বেরিয়ে এসে ট্যাক্সিতে চেঁপে বলেছিল—চল।

ট্যাক্সিটা সে দাঁড় করিয়েই রেখেছিল।

রাত্রে গিয়ে সুলতাকে পত্র লিখেছিল। পরদিন সকালে জি-পি-ও-তে ফেলে এসেছিল নিজেই। সেদিন সন্ধ্যার সময় সুলতা নিজেই এসেছিল।

বলেছিল—আপনি কি পাগল নাকি?

—কেন?

—এসব কি আরম্ভ করেছেন?

—এদের দুঃখ জানেন?

—জানা সম্ভব নয়। তবে অনুমান করতে পারি। কিন্তু দুঃখ যতই থাক তার প্রতিকার কেউ কি এইভাবে করতে পারে?

—যতটুকু পারি!

—আপনি পৃথিবীর বুর্জোয়াদের একজন খাটি বুর্জোয়া।

হেসে উঠেছিল সে, বলেছিল—না—আমি আর্টিস্ট!

—না বুর্জোয়া। গ্যাশনাল মূভমেন্ট নিয়ে সে চিঠি এই কারণেই আপনার পক্ষে লেখা সম্ভব-পর হয়েছিল।

চুপ করে গিয়েছিল সুরেশ্বর। মনে আঘাত পেয়েছিল।

সুলতা বলেছিল—এ সব ছাড়ুন। মানি আর্টিস্টদের খেয়াল থাকে। তারা কিছুটা অদ্ভুত হয়ে থাকে। যে কাজ করেছেন তাতে তাদের এককণা উপকারও হয়েছে—একটা দিনের খোরাক হয়েছে কিছু বেঁচেছে হয়তো! সব মেনেও বলাব এটা পথ নয়! শুধু যারা বড়লোক তাদেরই এমন দয়ার অহঙ্কার থাকে। এটা ভাল নয়, ছাড়ুন!

বলে সে চলে গিয়েছিল।

\*

\*

\*

\*

বিচিত্র মানুষের মন। সেই বৈচিত্র্য বশেই বোধ করি এই মতের পার্থক্য সত্ত্বেও কিছু দিনের মধ্যেই সুলতা এবং সুরেশ্বর খুবই কাছাকাছি এসে পড়েছিল। দেখার চেয়ে বেশী চিঠি লেখার মধ্যেই হয়েছিল এটা। মাস কয়েকের মধ্যেই তারা চিঠি লিখতে শুরু করত “সু” বলে এবং



শেষে সই করত “সু” ব’লে। সুলতাও তাই লিখত। আরন্তে “সু”—শেষেও “সু”। ওরই মধ্যে বোধহয় জ্যামিতিক নিয়মে দুটি ত্রিভুজের মিলে যাওয়ার মত দুজনের চিঠিতেই সু শব্দের মিলের মধ্যে মনের মিল হওয়া বা মিলে যাওয়ার ইঙ্গিত ছিল। দুজনের মধ্যে যে পার্থক্য—তা সামান্য ছিল না—ছিল অনেক। সেটা মতের এবং পথের। মতে ও পথে সুলতা ভিল ছাত্র আন্দোলনের মধ্যে দিয়ে রাজনৈতিক দলের সঙ্গে সংশ্লিষ্ট। সুরেশ্বর সেদিক থেকে দাগী। কিন্তু ইদানীং তার ওই বিচিত্র ছবির অঙ্কনপদ্ধতির জন্য বিপ্লবী দলের প্রশংসা পেয়েছিল। তাঁরা হয়তো তাকে এই জন্তেই মার্জনা করেছেন যে, যারা সংসারে শিল্পী হয় তারা এ ধরনের ভ্রম এবং ভুল ক’রে ফেলে আবেগ বশে। তাহলেও মতের কথায় তাদের মিলত না। তবুও কিছুদিনের মধ্যেই সুরেশ্বর লিখলে—দেখ পুরুষে নারীতে মিলন হয় বাছবন্ধনের মধ্যে। এবং মনে মনে। যে মন মতের তোয়াক্কা করে না, তার রাজত্বের বাইরে তার বাস। সেখানে তোমার আমার মন—“সু” শব্দের মতই মিলে গেছে। এরপর রেশ্বর এবং লতায় যদি নাই হয় মিল—সেক্ষেত্রে কি যায় আসে। আমার মত হল—মিলনটা বিবাহের চেয়েও বড়। সেটা আমি জানি তোমারও। কিন্তু বিবাহের চেয়ে বড় যে মিলন—তার দিন আসে নি। এবং অতীদিকে মিলনটাই যখন হয়ে গেছে মনে মনে তখন ছোট বাপার বিবাহটাই বা হবে না কেন?

সুলতা লিখেছিল—তুমি পাগল। এক কথার বিষয়ে।

সুরেশ্বর লিখেছিল—একশো বার। সুস্থ মানুষকে ঠেকানো যায়। পাগলকে ঠেকানো যায় না।

সুলতা লিখেছিল—যায়। রাঁচী পাঠালে।

সুরেশ্বর লিখলে—তার থেকে তুমি শেকল দিয়ে বাঁধো না!

সুলতা লিখলে—অবুঝের সঙ্গে সংকেতে আলাপ চলে না। আগেরকালে যাঁরা বলেছেন—অরসিকের কাছে রসের নিবেদন করতে নেই তাঁদের কথাটা পান্টে বলতে চাই বোকা বা পাগলকে বুদ্ধিমানের মত কথা বলো না এবং একেবারে রুঢ় যুক্তি ছাড়া বোঝাতে চেয়ো না। তোমার সঙ্গে এ মিলন হয় না। বাবা ব্যারিস্টার। তাঁর মেয়ে আমি কিন্তু আমি পাগল নই, আর্টিস্টও নই। তুমি জমিদারের ছেলে হয়ে থেয়াল নেই যে আমাকে বিয়ে করলে তোমার সমূহ ক্ষতি হবে। দেবোত্তরের সেবায়েৎ স্বস্তি চলে যাবে। ওসব ভুলে যাও। আমি তোমার সু হয়েই থাকব, কুয়ের কারণ হতে পারব না।

সুরেশ্বর এবার টেলিফোন ধরলে। কারণ চিঠি যাবে আসবে এ বিলম্ব তার সহ্য হল না। সে বললে—সু। আমি সু বলছি। তুমি যদি আমার কুয়ের কারণই হও, দেবোত্তরের সেবায়েত পদ যদি যায়ই তবে আমি তোমাকে পেয়ে ধন্য হব—মুক্তি পেয়ে যাব। আমি এ যুগের মানুষ। রায়বংশের গৌরবে কোন প্রক্কা নেই আমার। যেটুকু প্রক্কা আজ আমার জুটেছে সে আমার তুলির জোরে, আমার মনের জোরে। দেবতাতেও আমার বিশ্বাস নেই। তবে এইটুকু বলছি—রায়বংশের সেবায়েতরা দেবতাকে ফাঁকি দিয়ে সম্পত্তি পত্তনী দরপত্তনী দিয়েছেন, তার মোটা অংশ আমার ঠাকুরদা—তারপর আমার মা কিনে গেছেন। সুতরাং আর্থিক কষ্টে

পড়ারও আশঙ্কা নেই। যদি তাও থাকত তবে আমি তাতেও পিছুপাও হতাম না। এখন কি বলছ বল?

সুলতা চুপ করে ছিল।

স্বরেশ্বর প্রশ্ন করেছিল—উত্তর দাও।

—উত্তর?

—হ্যাঁ।

এবারও নীরব থেকেছিল সুলতা।

স্বরেশ্বর বলেছিল—মৌন থাকলে সম্মতি আছে শরে নিতে হয়। তা হলে কাল আমি তোমার বাবার কাছে যাব।

এবার সুলতা বলেছিল—এখনও ভাবছি।

—এর মধ্যে ভাবনার কি আছে?

—আছে।

—না—নেই। আমি তোমাকে কথা দিচ্ছি, মত নিয়ে কখনও কোনও ঝগড়া আমি করব না। তারপর হেসে বলেছিল—আমি ছবির একজিবিশন করব, তুমি বলো কিছু হয় নি, আমি ঝগব না। তুমি ইলেকশনে দাঁড়িয়ে। আমি কথা দিচ্ছি তোমার পোস্টার তৈরী করে দেব। আমার জমিদারীতে বলে দেব।

—কিন্তু তবুও যদি না বনে?

—তখন ডাইভোর্স করে নেব।

—হু।

—তার মানে?

—তার মানে তা হলে আমাকে পরীক্ষাটা আগে পাস করতে হবে। তারপর বিয়ে। তখন তুমি বাবাকে এসে বলবে।

—তা হ'লে আবার তখন কেন?

—তখন এই জন্তে যে, রেজেন্সী করে বিয়ে করে যদি ডাইভোর্স করতে হয় তখন আমি কি করব? জীবিকা উপার্জনের ক্ষমতা না থাকলে নতুন স্বামী খুঁজে বেড়াতে হবে। নয়তো কোন সাবান গন্ধতেল স্নোওয়ালাদের মাল নিয়ে বাড়ী-বাড়ী বেচে বেড়াতে হবে কমিশনের জন্তে। নেহাত ভাগ্য হলে টেলিফোনে চাকরী পেতে পারি। তা হবে না।

—তুমি ঠাট্টা করছ?

—বুঝলে এতক্ষণে? ধন্যবাদ তোমাকে। কিন্তু তোমায় হাতজোড় করে মিনতি করছি, আমাকে পাসটা করতে দাও। বিয়ে হলে আর হবে না পাস করা। তুমি যা মাসুখ!

ওই পরীক্ষার জন্তেই বিয়েটা ঠেকে ছিল। এবং সেটা দুজনের প্রতিশ্রুতিক্রমে খুব গোপনেও ছিল। তার কারণ স্বরেশ্বরেরই দেবোত্তর। এদিকে তার মামা এবং ম্যানেজার ওদিকে সুলতার বাবা দুপক্ষেই হয়তো আপত্তি তুলবেন।

স্বলতার পরীক্ষা ছিল মাস দেড়েক পর। ছাত্রী হিসাবে ভালই ছিল। এবং রেজাল্ট ভাল করবার নেশাও ছিল। তবু মধ্যে মধ্যে আসত সে স্বরেশ্বরের দাবী মত। ছপ্পুরে ঘণ্টা দুয়েক ঘুরে যেত—ইডেন গার্ডেন বা গঙ্গার ধার দিয়ে। সপ্তাহে একদিন হয়তো।

এরই মধ্যে হঠাৎ একটা ঘটনা ঘটল।

হঠাৎ কীর্তিহাটের দেবোত্তরের নায়েব সেটেলমেন্ট ক্যাম্প-আদালতের এক সমন হাতে এসে হাজির হন। তার সঙ্গে মেজঠাকুমাও এসে হাজির হলেন কীর্তিহাট থেকে। সমনখানা তাঁরাই হাতে ক'রে এনেছেন। দেশে গভর্ণমেন্ট সেটেলমেন্ট হচ্ছে। তার বাপার অর্থাৎ আইন কানুন প্রায় সামরিক আইনের ধাঁচে তৈরী। মাঠের মধ্যে তাঁরু খাটিয়ে তাঁরা তেতে পুড়ে থাকেন—তাঁদের তাঁবুর দরজায় বিস্তবান মালিকদের হাতজোড় ক'রে না দাঁড়ালে অঙ্গ শীতল হয় না—মেজাজ ঠাণ্ডা হয় না। কীর্তিহাটের কর্মচারীরা যা কাগজপত্র দেখিয়েছে তাতে তাদের সমস্তা মেটে নি। উন্টে মেজতরফ অর্থাৎ শিবেশ্বরের ছেলেরা নানান রকমে গোল বাধিয়েছে। যা কাগজ দেখিয়েছে তাতেই তারা আপত্তি দিয়েছে, বলেছে দেবোত্তর। আবার বহু দেবোত্তর সম্পত্তিও তারা নিজেদের ব্যক্তিগত সম্পত্তি বলে রেকর্ড করিয়েছে। জাল-জালিয়াতি করতে তাদের দ্বিধা হয় নি। বরং তারা গৌরববোধ করেছে তাদের নিজেদের বিষয়বোধের জন্য। এতে মুখপাত্র হয়েছে স্বরেশ্বরের ছেলে দুজন। দুজনেই চতুর এবং কিছু লেখাপড়াও শিখেছে। তার সঙ্গে যোগ দিয়েছে ধনেশ্বর এবং জগদীশ্বর। জগদীশ্বর গাঁজা খায়, মদ খায়, ধনেশ্বর থেকেও উগ্র। সে বাঘ মেরে একটা বন্দুক পেয়েছে। সেই বন্দুক ঘাড়ে বেড়ায়। এবং কথায় কথায় মারপিট করে। সাধারণ গরীব প্রজারাও ভয় করে তার প্রহারকে এবং মধ্যবিত্ত গৃহস্থেরা ভয় করে তাকে কুকথার জন্য। সরকারী কর্মচারী বিশেষ ক'রে হাকিমের কাছে তারা অত্যন্ত বিনীত এবং অনুগত। স্বতরাং দেবোত্তরের কর্মচারীরা হয়ে পড়েছে অসহায়। হাকিম তাদের ঠিক বিশ্বাস করেন না। এবং তাদের ভরসায় সাধারণ প্রজা গরীব ও মধ্যবিত্ত কেউই সাক্ষী দিতে অগ্রসর হয় না। স্বতরাং দেবোত্তরের নায়েবরাই হয়ে দাঁড়াচ্ছে মিথ্যাবাদী জালিয়াত কুচক্রী। তাছাড়াও সেটেলমেন্ট হাকিম হয়েছেন অত্যন্ত ক্রুর। কারণ আজও পর্যন্ত এই সম্পত্তির মোটা অংশের মালিক শ্রীস্বরেশ্বর রায় তাঁদের ক্যাম্পে হাজিরা দেয়নি। স্বতরাং তাঁরা হুকুম জারী করেছেন স্বরেশ্বর রায়কে সশরীরে ক্যাম্প-আদালতে হাজির হতে হবে প্রয়োজনীয় দলিলপত্রসহ। অগ্রথায় বডি ওয়ারেন্ট জারী করে তাকে গ্রেপ্তার করে হাজির করা হবে।

সমন নিয়ে ছুটে এসেছে দেবোত্তরের নায়েব। সঙ্গে এসেছেন মেজঠাকুমা। মেজঠাকুমা বললেন—ভাই, বলতে গেলে ওরা আমারই বংশ। কিন্তু কি ক'রে দেখব যে তাঁরাই ভগবানের সব সম্পত্তি আত্মসাৎ করছে। আর তোমাকে ঠকাচ্ছে। মেজকর্তা গিয়ে অবধি ওরা তো আমার দিকে ফিরে তাকায় না। ভগবানের প্রসাদের বরাদ্দ করে গেছেন খত্তর। আজকাল প্রসাদ বলতে করকরে আতপের ভাত আর সামান্য ব্যঞ্জন, তা মুখে দেওয়া যায় না। তাই খেয়ে পেটটা ভরে। আর তোমার মা বরাদ্দ ক'রে গেছেন পঞ্চাশ টাকা

মাসিক। তাতেই বস্ত্র তাতেই তেল তাতেই ধর্ম ব্রত-পার্বণ সব। ভাই, ভগবানের বাল্যভোগ শুধু মণ্ডায় ঠেকিয়েছে। আমি একটু করে ছানা কিনে দি ওই টাকা থেকে। তোমাদের বলব কোন্ মুখে? কিন্তু আজ যখন তারা ঠাকুরকে তোমাকে সবাইকে ঠকাবে তখন আমিও ঠকব। লজ্জার দায়ে ছুটে এসেছি—পেটের দায়ে ছুটে এসেছি। শত্রুর বংশের মান সম্মান কীতি সব ডুববে বলে ভয়ে ছুটে এসেছি। তুমি চল ভাই। একবার গিয়ে দাঁড়াও!

এখানকার নায়েব ম্যানেজার হরচন্দ্র তখন কদিন থেকে অসুস্থ। তিনি ঘরে বিছানায় শুয়ে আছেন। না-হলে তাঁর নামে আম-মোক্তারনামা পাওয়ার অব এ্যাটর্নী দেওয়া আছে, তাঁকে পাঠালে চলত। দিন পরশু।

পরের দিন স্থলতার সঙ্গে সে একটা এনগেজমেন্ট করেছিল। ওই টেলিফোনে কথাবার্তার পর তারা দু-তিন দিন দেখা করেছে, বোড়িয়েছে একসঙ্গে। কথা ছিল ইডেন গার্ডেনে দুপুরবেলা গিয়ে সে তার ছবি আঁকবে।

সে ফোন করলে স্থলতাকে।—বিপদ ঘটেছে স্থ।

—কি বিপদ?

সে বললে বিপদের কথা। বললে—এ রাজত্ব ইংরেজের রাজত্ব, অভিসম্পাত করছি, এই পাপেই ধ্বংস হোক। এবং হবেও তুমি দেখো। আমি নায়েবকে বললাম—আমি যদি সম্পত্তি না চাই। হেসে ম্যানেজার বললেন—তাও গিয়ে হাজির হয়ে বলে আসতে হবে। এবং হাজির না-হলে এরা কোমরে বেঁধে নিয়ে যাবে। এর আর জামীন নেই। আপীল নেই। কি করি বল তো!

হেসে স্থলতা বলেছিল, আমার সামনে পরীক্ষা না থাকলে তুমি অব্যবস্থাপন করতে, আমি তোমাকে শেণ্টার দিতাম। তাতে আমার যা হবার হ'ত। কিন্তু যাও না ঘুরেই এস না।

—যেতে বলছ?

—বলছি।

ছেড়ে দিয়েছিল ফোন সুরেশ্বর। কিছুক্ষণ পরে আবার স্থলতা ফোন ক'রে বলেছিল—দেখ, বাবাকে জিজ্ঞাসা করলাম। বাবা বললেন—যেতেই হবে সুরেশ্বরকে। হি মাস্ট গো।

—মাস্ট গো!

—হ্যাঁ। বলছেন না-গেলে প্রচণ্ড ক্ষতি হয়ে যাবে তিনি বুঝতে পারছেন।

বৃদ্ধ হরচন্দ্র বিকেলে সেই অসুস্থ শরীর নিয়েই এসেছিলেন—যাওয়ার কি ব্যবস্থা হ'ল দেখতে। সঙ্গে এখানকার পুরনো আমলাকে দিলেন, যে দীর্ঘকাল—প্রায় তিরিশ বছর—যোগেশ্বরের জমিদারী সেরেস্তায় আছে।

রওনা হতে হ'ল সেই রাত্রেই। না হলে সকালে পৌঁছানো যাবে না। সেটেলমেন্ট ক্যাম্পে সময় দেওয়া আছে—বেলা দশটা!

সেই গেল সুরেশ্বর। ১৯৩৪ সাল শেষ হয়েছে, ১৯৩৫ সালের মার্চের ৩১শে রাত্রে। দিন ছিল ১লা এপ্রিল!

সেই গেল। তারপর বিচিত্রচরিত্র এই খেয়ালী বা অর্ধপাগল স্বরেশ্বর কীৰ্ত্তিহাটেই থেকে গিয়েছিল। কলকাতায় মধ্যে মাঝে দুচার দিনের জন্ত বা এক দুদিনের জন্ত এসেছে, আবার ফিরে গিয়েছে কিন্তু স্থলতার সঙ্গে আর দেখা করে নি। চিঠির মধ্য দিয়ে যে ঘনিষ্ঠতার গুরু হয়েছিল, চিঠির মধ্য দিয়েই তাতে ছেদ টেনে শেষ ক'রে দিয়েছে। শুধু স্থলতার সঙ্গেই নয়, কলকাতার জীবনের সঙ্গে, শিল্পী-জীবন না-হলেও শিল্পী-সমাজের সঙ্গে, সভ্য সমাজের সঙ্গে, সব কিছুর সঙ্গে। একবার নাকি বিলেত ঘুরে এসেছে—সেটা প্রথম দিকেই। তারপর সব শেষ। লোকে নানান কথা বলেছে। ক্রমে সে কথা চাপা পড়েছে। স্বরেশ্বর সকলের মন থেকে মুছে গেছে।

স্থলতা নীরবেই সব সহ করেছে। তার অন্তরের কথা সেই জানে। তবে সে বিয়ে করে নি। ১৮-এ পাশ করে সে দ্বিগুণ উৎসাহে রাজনীতিতে যোগ দিয়েছিল। এম-এ পাশ করে কলেজে অধ্যাপিকার কাজ নিয়ে সেই রাজনীতি নিয়েই একরকম মেতে আছে। বামপন্থী রাজনীতি। কিন্তু কম্যুনিষ্ট পার্টি নয়! সোশ্যালিস্ট সে। আজ ১৯৫৩ সালের ২৫শে নভেম্বর। এই আঠারো বছর পরে সেই স্বরেশ্বর এবং সেই স্থলতা জানবাজারের বাড়ীতে আকস্মিক ভাবে মিলিত হয়ে সামনাসামনি বসেছে। সামনের দেওয়ালে স্বরেশ্বরের আঁকা সারি সারি ছবি। বিভিন্ন ভঙ্গী বিচিত্র বর্ণবিছাস। উজ্জল আলোতে ঝলমল করছে। তার প্রথম ছবিখানার উপর ছড়ি ঠেকিয়ে স্বরেশ্বর বললে—এই আমার প্রথম ছবি। পূণ্যবারিবিধৌত তট-বটচ্ছায়া-শীতল কীৰ্ত্তিহাট গ্রাম।

১৮০১ সাল।

স্থলতা ছবিখানার দিকে তাকিয়ে দেখাছেন। তারা ভাল হয়েছে ছবিখানা। রেখায় বর্ণে সুন্দর লাগছে।

না। শিল্পে স্বরেশ্বর বেঁচে আছে!

স্বরেশ্বর বললে—লেডীজ এ্যাণ্ড জেন্টেলমেন।

চকিত হয়ে উঠল স্থলতা—লেডীজ এ্যাণ্ড জেন্টেলমেন!

স্বরেশ্বর সংশোধন করে নিলে—না। এখানে তো তুমি একা স্থলতা। হাসলে। তারপর বললে—দেখ, কিছুক্ষণ আগে বলছিলাম, তুমি নিজেও জান—একটা পাগলামি আমাদের বংশে আছে। খেয়াল ততক্ষণই খেয়াল, যতক্ষণ মাত্রা না ছাড়ায়। আমার মাত্রা অনেকদিন ছাড়িয়েছে। তারপর কীৰ্ত্তিহাটে গিয়ে সেটা আমার মন আমার বুদ্ধি আমার বাসনা কামনাকে এমনভাবে অভিভূত করেছে স্থলতা যে আমার ঠিক থাকে না। অবশ্য মন্থপান আমি প্রচুর করতাম। ওটা তাকে বাড়িয়ে তুলতে। আমি কল্পনায় নানান ছবি দেখি অন্ধকার রাত্রে। দেওয়ালের গায়ে, ছাদে চটে যাওয়া পলস্তারার মধ্যে দেখতে পাই নানান ছবি। কখনও কখনও জীবন্ত হয়ে ওঠে তারা, কথা বলে। আজও আমার মনে হচ্ছিল, এই যে ছবিগুলোর মানুষ, হয় তারাই জীবন্ত হয়ে উঠেছে, নয়তো অনেক অশরীরী আত্মা এখানে বসেছে। তারা দেখতে এসেছে ছবিতে কীৰ্ত্তিহাটের কড়চা। শুনতে এসেছে স্বরেশ্বরের জবানবন্দী।

চোখ দেখে স্থলতার মনে হল, স্বরেশ্বর কত দূরে—অনেক দূরের দিকে চেয়ে রয়েছে।



## দ্বিতীয় পর্ব

সুরেশ্বর বললে সুলতাকে—আমার যে কি আনন্দ হচ্ছে সুলতা, তোমাকে এই আজকের দিনটিতে পেয়ে সে কি বলব ! আজ ১২৪৩ সালের ২৫শে নভেম্বর হয়তো বা বিধাতাই ধার্য করে রেখেছিলেন যে দীর্ঘ পনের বছর পর তোমার সঙ্গে আমার দেখা হতেই হবে !

সুলতা হাসলে । বললে—কেন, বিধাতার কি দায় পড়েছিল । দেখা তো তুমি এর আগে করলেই পারতে । তোমার কোন লজ্জার বালাই আছে বলে তো বিশ্বাস করি নে । তুমি কলকাতায় এসেছ । আমি জানি মাসে একবার তো এসেছই—কোন মাসে দুবারও এসেছ । আমি খোঁজ পেয়ে ফোন করেছি—তুমি ফোন ধরতে না, চাকরে ধরত, তুমি বলতে—বল বাড়ী নেই বাবু । কথাটা ক্ষণভাবে হলেও ফোনের মারফত শুনেছি । চাকর তোমার রিসিভারের সাউণ্ডপিসে হাত চাপা দিতে জানত না, তুমিও শেখাও নি । তাছাড়া দুবার তুমি আমাকে দেখেও সরে গেছ—মানে গা ঢাকা দিয়েছ । একবার মিউনিসিপ্যাল মার্কেটে, একবার ধর্মতলায়—জি সি লাহার রঙের দোকানের সামনে । বোধহয় রঙ তুলি কিনে বেরুচ্ছিলে । আমি ওপারে মসজিদটার কাছে ট্রামের জন্ত দাঁড়িয়ে । তুমি হনহন করে চলে গেলে । কি—মিথ্যে বলছি আমি ?

সুরেশ্বর বললে—না । মিথ্যে বল নি । সত্য কথা । অস্বীকারই বা আমি করব কেন ? আমি আর যাই হই মিথ্যাবাদী নই । মানে যাকে কাপুরুষ মিথ্যাবাদী বলে । নইলে কোতুক করে অনেক মিথ্যে বলি । রায়বংশের ছেলেরা বেশীর ভাগই সাহসী মিথ্যাবাদী । যেমন ধর, চাকরকে বললাম—বল বাড়ী নেই বাবু অথচ রিসিভারের মুখটা চাপা দিতে বললাম না । ও তথ্যটা আমি জানি না তা তো নয় । জান । ওটা যাতে তুমি শুনতে পাও—তাই জগেই বলেছি এবং বেশ উচুগলায় বলেছি, যাতে কথাটা তুমি শুনতে পাও ।

—সামনাসামনি বলতে পারতে তো !

—পারতাম না, চক্ষু লজ্জা হত !

—সেটা আজ ঘুচল কেন ? আর চোখের লজ্জা তোমার আছে বলেও তো জানতাম না ।

হেসে সুরেশ্বর বললে—আমিও জানতাম না । কিন্তু তোমার ক্ষেত্রে ওটা যে কেমন করে গজাতো তা আমি নিজেও জানি না ।

—সেই তো । আজ সেটা গেল কি করে তাই তো জিজ্ঞেস করছি ।

একটু ভেবে সুরেশ্বর সিগারেট ধরালে । তারপর বললে—দেখ—আজকের দিনটা এমন একটা দিন, যে দিনটা পঞ্জিকার অর্ধোদয়যোগে গজান্নান বা মেয়েদের অনন্ত ব্রত, সাবিত্রী ব্রত প্রতিষ্ঠা এবং উদ্যাপন করবার দিনের মত । ধর, আমি সংকল্প করেই ব্রত করেছিলাম যে, আজকের দিনটি যতদিন না আসবে, ততদিন আমি জগতে সমাজে নিতান্তভাবে নগণ্য এবং জঘন্তের মত থাকব । আজ সেই দিনটি এল । পঞ্জিকার নয়—ইতিহাসের । ১২৫৩ সাল ২৫শে নভেম্বর ; লেজিসলেটিভ অ্যাসেম্বলীতে ব্রতকথা শুনে এসাম । বেরিয়ে আসছি, তোমার

সঙ্গে দেখা হল। বুঝলাম, আমার ব্রত ঠিক পালন করা হয়েছে। তোমাকে এবার বললেই আমার ব্রতের সমাপ্তি।

—হঁ। স্থলতা বুঝলে এবার; জমিদারী প্রথা রদ করে বিল পাশ হয়েছে এবং সুরেশ্বর তাতে আজ স্ক্রু এবং মর্মাহত হয়ে নির্লজ্জ উদ্ভ্রাস্তের মত কথা বলতে শুরু করেছে। কোডে হৃদয়বেগের বাঁধ ভেঙেছে।

ছবিগুলোর দিকে তাকালে সে। সারি-সারি বর্ণাঢ্য ছবি। বিচিত্র বিভিন্ন পদ্ধতিতে আঁকা। প্রথম ছবিখানা যেন সেই কোম্পানীর আমলে কোন ইংরেজ চিত্রকরের আঁকা। কেচের ঢঙে আঁকা ছবি। তবে কালো সাদা রেখাতে নয়—বড়—তেলরঙে আঁকা। তার-পরের ছবিখানা একটি মন্দিরের মধ্যে কালীমূর্তি। মনে হচ্ছে পুরনো আমলের দেশী চিত্রকরের আঁকা ছবি।

লগ্না একটা বারান্দা-ঘেরা ঘর—দৈর্ঘ্যে বোধ হয় একশো পঁচিশ ফুটের কম নয়। ছবিও কম নয়। দু' সারিতে একটু উঁচু-নিচু করে অনেক ছবির সঙ্কলন হয়েছে। অন্তত একশোর কম নয়। তা ছাড়াও বারান্দার দুটো প্রান্তের দুটো দেওয়াল আছে। তাতেও কুড়ি পঁচিশখানা ক'রে চম্পিশ পঞ্চাশখানা।

সুরেশ্বর বলেছে—এটা সে ছবি দিয়ে 'কীর্তিহাটের কড়চা' তৈরী করেছে। অর্থাৎ তাদের কীর্তিহাটের রায়বংশের ইতিহাস।

খুব গৌরবোজ্জ্বল ঘটনাগুলিকে এঁকেছে।

একটু হাসি ফুটে উঠল স্থলতার মুখে।

১৯৪৩ সালের ২৫শে নভেম্বর, আজ বাংলার বিধানসভায় জমিদারী প্রথা রহিত করে বিল পাশ হল। স্থলতা অ্যাসেম্বলীর নিচের তলায় দেওয়ালের ধারে যে স্রু একটা ফালিতে কিছু দর্শকদের বসবার জায়গা আছে—সেখানেই বসে ছিল। উপর-নিচে সমস্ত গ্যালারী দর্শকে পূর্ণ ছিল। উপরে গভর্নরের গ্যালারীতে ক'জন রাজা-জমিদার বসে ছিলেন, যাদের স্থলতা চিনত। বর্মানের মহারাজার টুপিটা সে খুঁজেছিল কিন্তু নজরে পড়েনি। ওই টুপিটা চেনার কথা তার মনে অক্ষয় হয়ে আছে। এই অ্যাসেম্বলী হাউসের বাগানেই একটা বড় টি-পার্টি হয়েছিল। তাতে এসেছিলেন ইয়োরোপের এক বড় রাজনীতিবিদ। তাঁকে সম্বর্ধনা দেওয়া হচ্ছিল। সম্বর্ধনা শেষে যখন সে বেরিয়ে আসছিল তখন ঘটনাচক্রে সামনেই আসছিলেন প্রাক্তন রাজনৈতিক কর্মী এবং ১৯৪৭ সাল থেকে ১৯৫১ সাল পর্যন্ত মন্ত্রী ভূপতি মজুমদার মশায়। তিনি তাকে দেখে বলেছিলেন—আরে স্থলতা!

সে বলেছিল—ভাল আছেন? প্রণাম করতে গিয়েছিল। কিন্তু ভূপতিদা বলেছিলেন—না-না-না। অ্যাসেম্বলী হাউসের সীমানা গণতন্ত্রের কানীক্ষেত্র, এখানে প্রণাম নিষিদ্ধ। সে বাবাকেও প্রণাম করতে নেই ছেলের। অ্যাডান্ট ক্র্যাঞ্চাইজের বিধানে ভোটাধিকার এখানে আঠারো বছর হলেই আপনি পায়। ইনহেরিটেন্স নেই এবং বাপের বিব্রন্ধে ছেলের ইলেকশনে দাঁড়াতে নিষেধ নেই। প্রণাম এখানে অচল। অধ্যয় এখানে কেউ নেই।

বলতে বলতেই থমকে দাঁড়িয়েছিলেন। পার্টির আসরের একেবারে একপ্রান্তে একান্তে একখানি লম্বা আসনে একটি দম্পতি বসে ছিলেন। স্বামীর মাথায় ছিল একটি টুপি, গড়নটা বিচিত্রও বটে চেনাও বটে। যেন ছবিতে সে দেখেছে। অনেকবার দেখেছে। পরনে শেরওয়ানী চুস্ত পাজামা। কিন্তু কে ঠিক ঠাণ্ড করিতে পারেনি। ভূপতিদা থমকে দাঁড়িয়ে হেসে বলেছিলেন—হালো বার্ডওয়ান !

তখন তার মনে হয়েছিল, হ্যাঁ, বর্ধমানের মহারাজার টুপিই তো বটে !

এ মহারাজাকে সে দেখেনি কিন্তু মহারাজ বিজয়চাঁদকে সে দেখেছে। ইউনিভারসিটির কনভোকেশনে দেখেছে। এবং সে কালে তাঁর এই টুপি মাথায় ছবি অনেকবার কাগজে ছাপা হয়েছে মনে পড়ছে তার।

ভূপতিদা বলেছিলেন—আপনি এখানে একপাশে ?

মহারাজ বর্ধমান হেসেছিলেন। সে হাসির অর্থ স্পষ্ট।

থাক সে কথা। আজও সেই টুপি সে খুঁজেছিল ওইখানে জমিদারদের মধ্যে। পায়নি। পেয়েছিল পাইকপাড়ার বা কান্দীর কুমার বিমলচন্দ্র সিংহকে। তিনি সেবার ইলেকশনে হেরেছিলেন। আগের বারে তিনিও মন্ত্রী ছিলেন ভূপতিবাবুর সঙ্গে। তিনি বসে ছিলেন স্পীকার'স গ্যালারীতে, একেবারে প্রথমেই। তিনি অতি সুপরিচিত ব্যক্তি—কি রাজনৈতিক মহলে কি পণ্ডিত সাহিত্যিক রসিক মহলে। চেহারাতেও এমন বৈশিষ্ট্য আছে যে একবার দেখলেই চেনা হয়ে যায়।

আরও একজনকে সে খুঁজেছিল। খুঁজেছিল কাশিমবাজারের মহারাজ মণীন্দ্রচন্দ্র নন্দীর উত্তরাধিকারীকে। হ্যাঁ, ওই একজন সন্ন্যাসী জমিদার। প্রাতঃস্মরণীয়। তাঁকে যেন দেখেছিল। মহারাজ শ্রীশচন্দ্র নন্দী। তিনি ছিলেন উপরে। জমিদার কজনের মধ্যে।

স্বরেশ্বরকে ঠিক তার মনেই পড়েনি। তাকে খোঁজেওনি। সে এখানে উপস্থিত থাকবার সম্ভাবনার কথা তার মনের মধ্যে উকিই মারেনি। স্বরেশ্বরকে সে মনের দিক থেকেও মুছেই ফেলেছে। হ্যাঁ, মুছেই ফেলেছে। যখন স্বরেশ্বর ওখানে গেল, তখন প্রথম প্রথম বেশ সকৌতুকে ওখানকার সব কিছুকে বাঙ্গ করে চিঠি লিখত। লিখেছিল, মনে আছে, এখানকার সেটেলমেন্ট হাকিম হরেন্দ্রনাথ ঘোষ আমারই বয়সী। একেবারে নতুন হাকিম। সুপুরুষ চেহারা। চোখে চশমা আছে, চশমার পাওয়ার শুধু দুর্বল দৃষ্টিকে সবল করেনি, দিব্য-দৃষ্টি দিয়েছে। সাপের পাঁচটা করে পা আছে তা তিনি দেখতে পান। সারাদিন দাঁড় করিয়ে রেখেছিলেন ক্যাম্পের আদালতের মাঠে। সেটা ইচ্ছাপূর্বক তা গোপন করেননি ভদ্রলোক। আমার কেস নম্বরটা উঠলেও সেটাকে ঠেলে সুরিয়ে রেখেছিলেন। তখনও পর্যন্ত মনে হচ্ছিল তিনি সাপের তিনটে পা দেখেছেন। বেলা বারোটোর সময় (আমি গিয়েছিলাম বেলা দশটায়) দেখলাম এক প্রবীণ প্রোট সন্ন্যাস্ত ব্যক্তিকে সত্যিই কোমরে দড়ি বেঁধে নিয়ে এল খানার কনস্টেবলসহ ওঁর লোকেরা। তখন বুঝলাম পাঁচ পা-ই দেখতে পাচ্ছেন। তাঁকেও বসিয়ে রাখলেন। সব শেষে আমাদের কেস হল। কাগজপত্র দেখালে কর্মচারীরা, আমি শুধু দাঁড়িয়ে রইলাম। তাতেই হয়ে গেল। আমাদের বক্তব্য লিখে নিলেন। ফাইনাল

বিচার হবে এখন নয় ; এরপরে ; সে হবে মাস দুয়েক পর । তখন দোঙ্গরা হাকিম আসবেন ।  
এঁর উপরের লোক । আমাকে বললেন—নোটিশ করলে আপনি আসেন না কেন ? বললাম—  
আমি তো এখানে থাকি নে, কলকাতায় থাকি । সংক্ষেপে বললেন—তা হলে কিছুদিন থাকুন  
এখানে । জমিদারী ভোগ করবেন কলকাতায় বসে বার মাস, তা অন্ততঃ সেটেলমেন্ট যতদিন  
চলছে হবে না । পেশকারকে বললেন—ওঁর সমনগুলো দাও । পেশকার বললে—দাঁড়ান ।  
তারপরই সেই প্রোচ ভদ্রলোকের ডাক হল । হরিদাস মুখার্জি হাজির হো ! কনেষ্টবল দড়ি  
ধরে এনে হাজির করলে । হাকিম বললেন—কি ? উনি ( অর্থাৎ আমি ) কলকাতায় থাকেন,  
আপনি তো থাকেন না । এখানেই থাকেন শুনেছি, কাজের মধ্যে নেশা-ভাঙ । তা নোটিশ  
সমন পেয়েও আসেন না কেন ? সাপের পাঁচটা পা গজায়, আপনার কটা গজিয়েছে—  
দশটা না বিশটা ? এবার আমার প্রচণ্ড ক্রোধ হয়েছিল । আমি সমনগুলো হাতে-হাতে না  
নিয়ে চলে এসেছি । পেশকার হাঁকলে, সমন নিয়ে যান । বললাম—যথারীতি বাড়ীতে দিয়ে  
আসবার নিয়ম অনুযায়ী পাঠিয়ে দেবেন । দেখছি কিছুদিন থাকতে হবে । দেখি ! কলকাতায়  
রঙ-তুলি আনবার জন্ত লোক পাঠাচ্ছি । ইতি—

তার কদিন পরেই চিঠি পেয়েছিল—সু, তুমি চিঠির উত্তর দাওনি । খুব পড়ছ বোধহয় ।  
তা পড় । আমি ছবি আঁকছি । এখানে ল্যাণ্ডস্কেপ খুব ভাল । এবং ছবির দৌলতে অকস্মাৎ  
সেটেলমেন্ট ক্যাম্প কোর্ট পর্যন্ত রঙ ধরে গেছে । মজা হয়ে গেছে । সেদিন কাঁসাইয়ের  
ধারে বসে ছবি আঁকছি একমনে । হঠাৎ পিছন থেকে কে বললে—বাঃ ! আপনি তো  
চমৎকার ছবি আঁকেন । ঘাড় ঘুরিয়ে দেখলাম সেই হাকিম হরেন ঘোষ । তখন সাহেব  
নয় । শৌখীন বাঙালীর ছেলে—পাঞ্জাবি, ফিনফিনে মিলের ধুতি, পায়ে সবুজ রঙের জরিদার  
নাগরা ! মনের রাগ দমন করার অভ্যাস আছে । উঠে হেসে নমস্কার করে বললাম—  
আপনি ! বললেন—হ্যাঁ, বেড়াতে বেরিয়েছিলাম । দূর থেকে দেখলাম আপনি বসে কি  
করছেন । কোঁতুহল হল । এলাম । আপনি তো চমৎকার আঁকেন ! বিনয় করলাম  
না । বললাম—খুশী হলাম । উনি সিগারেট দিলেন, নিজে ধরালেন । তারপর বললেন—  
শুনেছিলাম আপনাদের ধনেশ্বরবাবুর কাছে, কল্যাণেশ্বর বলে ইয়ংম্যানটির কাছে যে  
আপনি কলকাতায় থাকেন, টাকা আছে বাপের তাই ওড়ান আর থিয়েটার দেখেন,  
ফুটি করেন । আপনি আর্টিস্ট তা তো বলেননি । হঠাৎ খুব হত হলে বললেন—  
তাই শুনেই তো রাগ হয়ে গেল মশাই ! বললাম—বটে ! তাই সমন জারী করেছিলাম !  
বললাম—তাতে কি হয়েছে ? আপনার সমনের টানে এসে কতকগুলো ভালো ল্যাণ্ডস্কেপ  
হয়ে যাবে আমার । বললেন—না মশাই, মনটা খচখচ করছে । আপনি গুলীলোক !  
তবে মনে এটাও হচ্ছে যে ভালোই করেছি । আপনাকে তো পেলাম । এখানে মাঠের  
মধ্যে যা কষ্ট, সারাটা দিন শুধু প্লট নম্বর, বাটা দাগ, রায়তী স্থিতিবান, মোকদ্দমী আর  
এমন এখানকার লোক যে সব তাতেই সকলের আপত্তি । কর রেকর্ড । দেখ কাগজ ।  
এতে আর মাথার ঠিক থাকে ! আপনার সমস্ত খতিয়ানে আপত্তি দিয়েছে আপনার  
জাতিরা । সে হিসেবে আপনার উপকার করেছি আমি । আমার উপকার করার লাভও হয়েছে

দেখছি। এখানে মিশবার লোক পাইনে। আপনাদের ইন্সল-লাইব্রেরী থেকে বই আনিয়ে পড়ি। যত পুরনো বই। দিন কাটে না।

মাহুকের মন স্ত, ভারী আশ্চর্য। বুঝলে এখুনি যে লোকটা মন্দ বললে মনে হয় এত বড় পাষাণ্ড এবং এত বড় শত্রু আর নেই জগতে, সেই লোকটাই যদি কিছুক্ষণ পর বা তফুনি কথাটা ঘুরিয়ে মিষ্টি কথা বলে প্রশংসা করে তা হলে সব ভুলে মনে হবে লোকটা ভারী ভাল। জান, মত্যাটা উপলব্ধি করে খুব আশ্বাস পেলাম। কারণ তোমার আমার মধ্যে তো এরপর মধ্যে মধ্যে ঝগড়া হবেই। আমার তখন নিশ্চয় মনে হবে আজই পালাব, ফকিরী নেব; আর তুমি ভাববে—কি ভাববে? ডাইভোর্স করবে ভাবতে ভাল লাগে না, ভাল লাগে তুমি ভাবছ বিষটিষ খাবে। তখন আমি হয়তো তোমার গুথের দিকে তাকাব, তুমি জলভরা চোখ ফিরিয়ে নেবে। অমনি আমি গিয়ে বলব—আমারই অগ্নায়, আমাকে মাফ কর স্ত! তুমি ফিক করে হেসে ফেলবে। ইতি—

এরপরও খান তিনেক চিঠি লিখেছিল। শেষখানা মনে আছে, তাতে খুব সরস রসিকতা বা বাক্যের ছটা বিস্তার করেনি। লিখেছিল—একেবারে সময় নেই স্ত। বড় জালের মধ্যে জড়িয়েছি। ধনেশ্বর কাকা আর স্ত্রুথেশ্বর কাকার ছেলে কল্যাণেশ্বর যে ব্যাপারটা করেছিল তা খুব কঠিন ছিল না, কিন্তু হঠাৎ আমার বড় জ্যাঠামশায়ের দুই ছেলে এখানে এসে উপস্থিত হয়েছেন এবং এমনই কুটিল ব্যাপার করে তুলেছেন যে আমাকে বিপদগ্রস্ত করেছেন। আমাকে পত্তনী বিলি করা সব সম্পত্তিই কেড়ে নেবার ব্যবস্থা করেছেন। আমি প্রাচীন কাগজপত্র হাতড়াচ্ছি। কাগজের ধুলো পেটে গিয়ে গিয়ে পাকা জমিদারী সেরেস্তানবীশ হয়ে উঠছি। রঙ খুব কালো হয়েছে বলছিল গোয়ানপাড়ার হলদী বুড়ী। ইতি—

পুঃ দিয়ে লিখেছিল—সেটেলমেন্ট হাকিমের সঙ্গে প্রেম আবার বিগড়েছে। তার কারণ আমার চেয়ে আমার জ্যাঠাতো ভাইদের সঙ্গে ওর জমেছে বেশী। —ইতি স্ত।

তারপর নীরব হয়ে গিয়েছিল স্ত্রুথেশ্বর। একেবারে নীরব। পুরো একমাস কোন চিঠি পায়নি।

অসীমার কাছে থবর নিয়ে জেনেছিল, স্ত্রুথেশ্বরের এখানকার নায়েব ম্যানেজার হরচন্দ্রের পক্ষাঘাত হয়েছে। ওখানে যে কর্মচারীকে সঙ্গে নিয়ে স্ত্রুথেশ্বর গিয়েছিল তাকে এখানে পাঠিয়ে স্ত্রুথেশ্বর ওখানকার কর্মচারীদের নিয়ে মামলা-মকদ্দমায় প্রায় ডুবে গেছে।

আরও মাসখানেক পর হঠাৎ চিঠি পেয়েছিল স্ত্রুথেশ্বরের—সেই সাংঘাতিক চিঠি।

স্বলতা, বিদায়। বিদায় নিচ্ছি চিরজীবনের মত। সব ভুলে যাও—ভগবানকে ধন্যবাদ, তোমাকে ধন্যবাদ যে বিয়েটা ঘটেনি, তুমিই পরীক্ষার আপত্তি তুলে বিয়েতে রাজী হওনি। হলে আজ আর আক্ষেপের শেষ থাকত না। তুমি আত্মহত্যা করতে। আমার—আমি যা হয়েছি তাই হতাম। অর্ধ পাগল ছিলাম। পুরো পাগল হতে চলেছি। প্রচুর মদ খাচ্ছি। খাটি দেশীমতে গোয়ানীজদের তৈরী মদ! আমাকে ভুলে যাও। আমাকে ফেরাবার চেষ্টা করো না, তা হলে আমাকে হয়তো আত্মহত্যা করতে হবে। ইতি—

স্ত্রুথেশ্বর।



কষ্ট স্থলতার নিশ্চয় হয়েছিল। তার মা-বাপ কেউই তার এবং স্বরেশ্বরের মধ্যে এতটা ঘনিষ্ঠতার কথা জানতেন না। সে রাতে ঘরে খিল দিয়ে সারারাত্রি কেঁদেছিল। একবার ভেবেছিল সে নিজে কীৰ্ত্তিহাট যাবে, দেখা করে মুখোমুখি প্রশ্ন করবে—বল কি ব্যাপার! কেন এ চিঠি লিখেছ? কেন? কিন্তু ভাবলেও তা কাজে করতে পারেনি। মনে হয়েছিল, তার থেকে বোধহয় মেয়ের পক্ষে মৃত্যু ভাল। নিজে যাবে সে উপযাচিকা হয়ে তাকে সাধতে! ছি-ছি-ছি! ওদিকে ভাগ্যক্রমে ওদের স্টুডেন্টস মহলে ছাত্র-আন্দোলন উঠেছিল জমে। তারই মধ্যে পড়েছিল সে বাঁপ দিয়ে। তারপর বের হল পরীক্ষার খবর। এই খবরটাই তাকে শুধু বাঁচিয়ে দিলে না, উৎসাহে তার মাথাটা উচু করে দিয়ে বললে—বেঁচে গেছ। চল, সামনে চল। বি-এ পরীক্ষায় ইকনমিক্সের অনার্সে ফার্স্ট ক্লাস সেকেণ্ড হয়েছে। প্রবল উৎসাহে সে এম-এ পড়তে শুরু করলে। যেদিন এম-এ ক্লাসে ভর্তি হয় সেইদিনই সে দাঁড়িয়ে ছিল ধর্মতলার মসজিদটার কাছে, ধর্মতলা স্ট্রীটের ফুটপাথের উপর, অপেক্ষা করছিল ট্রামের জন্ত। হঠাৎ তার সঙ্গে চোখা চোখি হয়ে গেল স্বরেশ্বরের সঙ্গে।

স্বরেশ্বরের গৌরবর্ণ রঙের উপর একটা পোড়া দাগের মত ছোপ ধরেছে। পরনে তার সেই বিচিত্র অদ্ভুত সাজ আরও অদ্ভুত হয়েছে। গেক্রয়া রঙের শিকের একটা আলখাল্লা গোছের জামা। পরনে কোঁচানো ধুতি। মুখে একগুথ দাড়ি-গোঁফ, বাবরী চুল, চোখে—স্বপ্নাতুরই হোক আর উদ্ভ্রান্তই হোক—একটা বিচিত্র দৃষ্টি, সে বেরুচ্ছে লাহাদের দোকান থেকে। তার পিছনে একটা লোকের মাথায় একগাদা জিনিস—সম্ভবত ছবির জন্ত তৈরী ক্যানভাস। লোকটার হাতেও একটা কাঠের বাক্স, তাতে বোধহয় তাম্বিন—বার্নিশ রঙের টিন ছিল। স্বরেশ্বরের নিজের হাতে একটা প্যাকেট। সম্ভবতঃ রঙ-তুলি। ভাগ্যক্রমে বেরুবামাত্র দুজনেই দুজনকে দেখতে পেয়েছিল, চোখোচোখি হয়েছিল। স্থলতার চোখ বিস্ফারিত দীপ্ত হয়ে উঠেছিল। সেও মুহূর্ত দুয়ের জন্ত থমকে দাঁড়িয়েছিল, স্থলতার চোখের সঙ্গে মিলিত হওয়া তার চোখের দৃষ্টি ফিরিয়ে নিতে পারেনি। কিন্তু ওই দুই মুহূর্ত পরেই সে মুখ ফিরিয়ে হনহন করে চলতে শুরু করেছিল পশ্চিম মুখে এগিয়ে। ইতিমধ্যে এসে গিয়েছিল একখানা ট্রাম। দাঁড়িয়েছিল দু ফুটপাথের মাঝখানে আড়াল করে। সে ট্রামে স্থলতা চড়েনি। ট্রামখানা চলে গেলে সে তাকিয়ে তাকে খুঁজেছিল। তখন স্বরেশ্বর আর নেই। পরের ট্রামে সে ইউনিভারসিটি এসেছিল। কিন্তু সন্ধ্যায় তাকে ফোন করেছিল। ধরেছিল চাকর। সে নাম বলেছিল, বলেছিল—বল বাবুকে স্থলতা ঘোষ ডাকছেন। সে শুনে পেয়েছিল স্বরেশ্বর বলেছে—বল বাবু বাড়ী নেই। উত্তরটা সে আর চাকরের মুখে শোনার জন্ত প্রতীক্ষা করেনি। রিসিভারটা রেখে দিয়েছিল। ঘুণা হয়েছিল তার।

কারণটা জানতে তার দেবী হয়নি।

অসীমা তাকে বলেছিল—স্বরোদার খবর শুনেছিস?

—কি?

—সেখানে প্রবল প্রতাপে জমিদার হয়ে বসেছে। মদ খাচ্ছে। দেশী মদ। বাবা বলছিলেন—ভাল উপমা দিয়ে বললেন—বুনো মোষ যেমন পাবজলে গলা ডুবিয়ে বসে, তেমনি

ভাবে ডুবেছে শুনছি ।

শুলতা বলেছিল—ওর চেয়েও ভাল উপমা আছে অসীমা । বন্য শূকরের উপমা । তারা শুধু গা ডোবায় না । দাঁতশুক মুখ ডুবিয়ে পাক আর গোঁড়ো তুলে খায় ।

উত্তরে কিছু বলতে যাচ্ছিল অসীমা । কিন্তু শুলতা চলে গিয়েছিল । বলেছিল—কি করব শুনে অসীমা । আজ আমার ক্লাসের পর ক্লাস । তারপর ইউনিয়নের মিটিং ।

এম-এ পরীক্ষার সময় সে শুনেছিল সেবার ফাইন আর্ট এগজিবিশনে সুরেশ্বর রায় একথানা ছবির জন্য ফার্স্ট প্রাইজ পেয়েছে । ছবিখানার নাম মা-যশোদা । একটি শ্যামাঙ্গী তরুণী মায়ের কোলে ছেলে আর আকাশের চাঁদ । ছবিতে এক সময় আগ্রহ ছিল । কিন্তু সে আগ্রহ তার বোধ করি বিদ্বেষে পরিণত হয়েছিল সেবার ।

অসীমা গিয়েছিল সুরেশ্বরের সঙ্গে দেখা করতে । অসীমার সেবার ফিফথ ইয়ার । ফিরে এসে শুলতাকে ফোন করেছিল—সুরোদা বিলেত যাচ্ছে শুলতা ।

—বিলেত ? তা ভাল । ওই কীর্তিহাটের জমিদারী থেকে ভাল । কিন্তু খবরটা আমাকে কেন ?

—এমনি । তোকে একটা জিনিস দিয়েছে দিতে ।

—আমাকে ?

—হ্যাঁ । একথানা ছবি । খুব সুন্দর একটা ল্যাণ্ডস্কেপ ।

—ধন্যবাদ জানাস । কিন্তু আমার ঘরে ছবি টাঙাবার জায়গা নেই । ফিরিয়ে দিস ।

—ফিরিয়ে দেব ?

—হ্যাঁ । বলে সে রিসিভার নামিয়ে রেখেছিল । তারপর পড়ায় মন দিয়েছিল । যেন এই ছোট্ট ঘটনাটা তার পড়ার ঝোঁকে বেশ খানিকটা জোর জুগিয়েছিল দু-চার দিনের জন্য ।

সেবার এম-এ পরীক্ষায় শুলতা হয়েছিল ফার্স্ট ক্লাস ফার্স্ট । বাবা-মা বিয়ে দিতে চেয়েছিলেন, মেয়েকে সংসারী দেখতে চেয়েছিলেন তাঁরা, কোন বাবা-মা তা না চায়, কিন্তু তার ছাত্রী-জীবনের এই সাফল্য এখানেও তাকে তার স্বাধীন মতে চলবার পাশপোর্ট দিয়েছিল । সে চাকরী পেয়েছিল, ভাল চাকরী, গভর্নমেন্ট ডেকে তাকে শিক্ষা বিভাগে বেথুন কলেজে ইকনমিক্সের লেকচারার করে নিয়েছিল । এবং কিছুদিনের মধ্যেই পদোন্নতি হবে এ আশ্বাসও ছিল । নিজেকে কাজে ডুবিয়ে দিয়েছিল পরমোৎসাহে । নিজেকে বিচার করে শুলতা দেখেছে । তাতে বুঝেছে সুরেশ্বরের প্রতি ঋণুরাগ এর হেতু নয় । আজকালকার নারী-স্বাধীনতার যুগেও মনের অ্যাডোলেসেন্সের একটা কাল আছে ; সে কালের মধ্যে স্বাভাবিক-ভাবে কিছু তরুণ বন্ধু কিছু কিছু স্বপ্নসঞ্চার করে, কিন্তু সে স্বপ্নই । স্বপ্ন দুভাবে মিলে—এক, কিছুকণ বেশ গল্পের মত বাস্তবের ধারাবাহিকতা রেখে চলে কেমন এলোমেলো হয়ে যায়, তুলির হিজিবিজি দাগ টেনে আঁকা ছবি মিটিয়ে দুর্বোধ্য করে দেওয়ার মত । অথবা কোন রচনার অংশবিশেষের উপর কলমের দাগ টেনে কেটে দেওয়ার মত । আর একভাবে শেষ হয়, ঘুম ভেঙে গিয়ে স্বপ্ন-স্বপ্ন অর্থাৎ মিথ্যে বলে ব্যঙ্গ করে মিলিয়ে যায় । সে স্বপ্ন শেষ পর্যন্ত

হিজিবিজি হয়ে বা অবাস্তব অবাস্তব হয়ে স্বপ্নের মধ্যেই অর্থহীন হয়, তাতে বিশ্বাস অবিশ্বাসের প্রশ্ন থাকে না, শুধু হাসি পায়। কিন্তু যে স্বপ্ন ধারাবাহিকতার বাস্তবের পথে চলতে চলতে ঘুম ভেঙে থেমে যায় ভেঙে যায় সেই স্বপ্নই স্বপ্নকে মুখ ভেঙেচায়, এবং স্বপ্ন যে দেখে তাকেও ভেঙেচায় এই বলে যে কেমন ঠকেছ! তাতেই হয় খেদ, তাতেই স্বপ্নকে ব্যঙ্গের বিষয় করে তোলে। স্বপ্নের সঙ্গে তার জীবনের এই ঘটনাটুকু পরিসরে ক্ষুদ্র হলেও ধারাবাহিকতায় এবং ঘটনা-বিগ্যাসে অত্যন্ত স্বাভাবিক এবং বাস্তব ছিল, সেটা এইভাবে হঠাৎ ভেঙে গেল, ঘুম ভেঙে স্বপ্ন অসমাপ্ত হয়ে শেষ হওয়ার মত। যার ফলে যে কোন অন্য পুরুষের প্রতি এবং প্রেমের প্রতিও তাকে বিমুখ করে তুললে। সঙ্গে সঙ্গে প্রেমের বদলে সে চাকরী এবং ঘরকন্নার বদলে চাকরীর সঙ্গে রাজনীতির বৃহত্তর জীবন ও জগতের রঙ্গমঞ্চে বেশ বড় পাট পেয়ে গেল। তাতেই মেতে উঠল। তখন ১৯৩৯ সাল। পৃথিবী এবং তার সঙ্গে ভারতবর্ষের রাজনীতিতে বলতে গেলে পুরনো অন্ধ শেষ হয়ে নতুন অন্ধ শুরু হচ্ছে। যার গতি যার আবেগ—নাটকের ভাষায় টেম্পো—একেবারে গোমুখীতে গঙ্গাবতরণের মত। স্বর্গের মন্দাকিনী পৃথিবীর মাটিতে ঝরে পড়ে তার জলে ধুলো, মাটি, খড়-কুটো সবকিছু স্বীকার করে কলস্বরে ঘোষণা করছেন—গঙ্গা হলেও আমি জল, গতি আমার নিম্নগামিনী, বিষ্ণু-পাদোদ্ভূতা হয়েও আমি মাটিকে ভালবাসি, আবিলতাকে স্বীকার করি! এই সত্য এই বাস্তব।

ইয়োরোপে তখন যুদ্ধ বাধে-বাধে অবস্থা। চীন জাপান যুদ্ধে নেমে গেছে। ভারতবর্ষের রাজনীতিতে বামপন্থা প্রবল হয়ে উঠেছে। মশস্ত্র বিপ্লববাদীরা সোশ্যালিজম কমুনিজম নিয়ে প্রাণন করছে। নেতাজী সুভাষচন্দ্র তখন শুদ্ধ সুভাষচন্দ্র—ভারতের বিদ্রোহী আত্মার নব-যৌবনের প্রতীক; তিনি কংগ্রেসের সভাপতি হয়েছেন। কিন্তু দক্ষিণপন্থীদের দৃষ্টি এবং পদক্ষেপের মন্বরতার সঙ্গে তাঁর দৃষ্টি এবং পদক্ষেপ মিলছে না। সেই কালে পৃষ্ঠপোষকতায় এবং প্রেরণায় সুলতা কিছুদিনের মধ্যেই প্রায় নেত্রীস্থানীয় হয়ে উঠল। বাংলার নবীন নেত্রী ধারা—কমলা দাশগুপ্তা, বীণা দাশ, মায়া ঘোষ প্রভৃতি মন্দিরা কাগজকে কেন্দ্র ক’রে সমবেত হন—সে দলে সে ঠাই ক’রে নিলো। এরই মধ্যে একদিন দেখা হয়ে গেল স্বপ্নের সঙ্গে। দেখা হল না—সেও তাকে দেখলে—সুলতাও তাকে দেখলে। হাওড়া স্টেশনে বসে মেল ছাড়ছিল—সন্ধ্যাবেলা—সুলতা গিয়েছিল হাওড়া স্টেশনে, তার বাসবীকে তুলে দিতে অন্য একটা গাড়ীতে। হঠাৎ সে দেখলে কুলীর মাথায় মোটঘাট চাপিয়ে নিখুঁত সাহেবী পোশাক-পর্যায় স্বপ্নের চলেছে। মুখোমুখি প্রায়; দুজনেই থমকে দাঁড়িয়ে গেল। দুটি কথা হয়েছিল। স্বপ্নের বলেছিল—বিলেতে যাচ্ছি। সুলতা বলেছিল—গুড লাক! বলে সে-ই আগে পাশ কাটিয়ে অন্য প্র্যাটফর্ম-মুখে চলে গিয়েছিল। স্বপ্নের কি করেছিল ফিরে তাকিয়েও দেখেনি, তবে সে যে বিহ্বল হয়ে দাঁড়িয়ে থাকেনি এটা সে অনুমান করেছিল। সে হয়তো মুহূর্তখানেক দাঁড়িয়ে সিগারেট ধরিয়ে মেলের রাজার্তকরা ফাস্ট ক্লাস বার্থে গিয়ে চেপে বসেছিল।

কাগজে দেখেছিল—হঠাৎ নজরে পড়েছিল—বিলেতে তার একখানা ছবির খুব প্রশংসা হয়েছে। ‘ইণ্ডিয়ান ম্যাডোনা’। কাগজে লিখেছিল—এই ছবিখানাই কলকাতার প্রদর্শনীতে বিশেষ সম্মান এবং প্রশংসা পেয়েছিল।

তাতেও তার অর্থাৎ সুলতার জীবনযাত্রার স্বচ্ছন্দগতি কোন বেদনাদায়ক স্বপ্নের দ্বারা বিঘ্নিত হয় নি। সহজভাবে স্বচ্ছন্দ গতিতে সেও কাগজখানা পুরনো খবরের কাগজের সঙ্গে বিক্রী ক'রে দিয়ে এগিয়ে চলেছিল আপন পথে—কলেজে, কাগজের আপিসে। পার্টি আপিসে অবশ্য সে যেত না; সেটা সরকারী চাকরির বাধা-নিষেধের জন্ত।

\* \* \*

তারপর, গঙ্গায় অনেক জল বয়ে গেছে—এ কথাটাও 'যৎকিঞ্চিৎ' হয়ে গেছে বাজনা হিসেবে। ভাগীরথীর মুখেই চড়া পড়েছে, এতদিনে সত্য ক'রে গঙ্গার ধারা দুটো হয়ে গেছে দুটো দেশে। ভাগ করে দিয়ে ইংরেজ যখন দেশ ত্যাগ করল, তখন ভাগীরথীর বুকে জাহাজ ভাসিয়ে ডায়মণ্ড-হারবার হয়ে যেভাবে বাংলা দেশে এসে কলকাতার পত্তন করেছিল—কুঠী গেড়েছিল, সেভাবে এদেশ ত্যাগ করেনি। ভাগীরথীর মুখেও চড়া পড়েছে। তারা দলে দলে ১৯৪৭-৪৮ সালে দমদম এরোডোম থেকে পেনে উড়ে চলে গেছে; ইংরেজ পণ্টনেরা গেছে বম্বেতে ইণ্ডিয়া গেটের ভিতর দিয়ে বম্বে ডকে জাহাজে চেপে।

বাংলাদেশে প্রফুল্লচন্দ্র ঘোষ মুখ্যমন্ত্রী হলেন। তখন রাজনৈতিক কার্যমবোর্ডে দলাদলির স্ট্রাইকারের ধাক্কায় কর্মীরা বিভিন্ন দলের পকেটে ঘাঁটি গাড়েছে।

কম্যুনিষ্টদের সঙ্গে সুলতার মিল ১৯৪২ সাল থেকেই নেই। অর্থাৎ জনযুদ্ধের আমল এবং অ্যান্টিফ্যাসিস্ট লেখক-শিল্পীদের আন্দোলনের আমল থেকে। সে অর্থনীতির সঙ্গে রাজনীতি-বিজ্ঞানের দৃষ্টি পেয়েছে। সে এসবের তত্ত্ব এবং মর্ম বুঝত। গোড়া থেকে সে সোস্যালিস্ট। তখনও পর্যন্ত, সোস্যালিস্টরা কংগ্রেসের মধ্যেই ছিল—সেও ছিল—তবে একই বোর্ডের চারটে পকেট হওয়ায় একটা পকেটেই স্থান করে নিয়েছিল। তারপর প্রফুল্ল ঘোষ মন্ত্রিত্ব ছাড়লেন। ডাঃ বিধান রায় মুখ্যমন্ত্রী হলেন। প্রদেশ কংগ্রেসেও ওলোটপালোট হল। অতুল্য ঘোষ প্রেসিডেন্ট হলেন। মহাত্মাকে হত্যা করলে গডসে দিল্লীর বিড়লা ভবনে। তারপর ঐক্যের বন্ধন দেখতে দেখতে ছিন্ন হয়ে গেল। সোস্যালিস্টরা পৃথক হল। তার সঙ্গে সঙ্গে সুলতাও তারপর একান্ন সালে ইলেকশনের আগে কৃষক-প্রজা-পার্টি হল। প্রফুল্ল ঘোষ তার বাংলাদেশের নেতা—সর্বভারতীয় প্রধান হলেন আচার্য কৃপালনৌ। ইলেকশন হয়ে গেল। সোস্যালিস্ট-কৃষক-প্রজা এক হয়ে পি-এস-পি হল।

দেশকে দেশের মানুষকে তীব্র আক্রমণ না করে পারলে না সুলতা। মানুষগুলো অদ্ভুত বোকা। এরা ধরতেও পারলে না কংগ্রেসের পরিবর্তন। তার ধান্নাবাজি! তারা ভোট দিলে কংগ্রেসকেই। কংগ্রেসকে এই সাবাস. সুলতা দেয় যে, কংগ্রেস এই বোকা মানুষগুলোকে ঠিক চিনেছে। তারা যেখানে যেমন সেখানে তেমন খেলা খেললে। যেখানে জমিদারকে দাঁড় করালে ভোট পাবে, সেখানে জমিদারকে দাঁড় করালে। যেখানে শেঠকে দাঁড় করালে টাকার জোরে জিতে যাবে, সেখানে তাই করল। যেখানে কর্মী দিতে হবে, সেখানে কর্মীই দিল। এবং এই কৌশলে অধিকাংশ পল্লী অঞ্চলেই জিতে গেল। দু-চার জায়গায় হার হল না তা নয়—তবুও তারা সংখ্যায় এমন মেজরিটি হল যে, সব দলগুলি তাদের মতবাদ এবং নিজেদের সত্যতা ও বুদ্ধিমত্তা সম্পর্কে যথেষ্ট গৌরব এবং বিশ্বাস পোষণ করেও মানুষের কাছে গৃহীত হ'ল



না। তবে এটা ঠিক কথা যে—অন্ততঃ সুলতানের তাই বিশ্বাস—এই যাত্রাদলের রাজার মাজ—যা প’রে কংগ্রেসওয়ালারা আসর জমাচ্ছে—সে আসর ভাঙবেই। জীবনের আসর চিরদিনের, সত্যের কদর চিরদিনের, কিন্তু জীবনের নামে অভিনয়ের আসর যতই অভিনয়গুণে জীবন্ত হোক, অভিনয় শেষ করতেই হয়। তখন পালাটা আর সত্য থাকে না এবং পালার বীরগুলো তখন একান্তভাবে নট বলে ধরা পড়ে। তখন সত্য এবং সত্যকারের মানুষের কাল আসে; তাদের তখন চেনে মানুষ—তাদের ডেকে এনে বসায় জীবনের আসরে। কথাটা আরও জোর দিয়ে বললে সে—পঞ্চাশ সালটা গোটা বিলেত এবং ইউরোপ ঘুরে এসে। সেট থেকেই দলারশিপ পেয়েছিল সে।

১৯৫৩ সালের নভেম্বর সেসনে কংগ্রেস দল নাটকে তাঁওতা দিলে দেশের মানুষকে জমিদারী উচ্ছেদ বিল এনে। জমিদারী উচ্ছেদ বিল নয়, এস্টেটস্ এ্যাকুইজিশন বিল। শুধু দেশের মস্তিষ্ক নিয়ে তৃপ্তি হচ্ছে না এদের—জমিদারদের জমিদারী কিনে প্রকারান্তরে তারা জমিদারই সেজে বসবে। প্রজার খাজনায় এক পয়সা মকুব হবে না, ষোল আনা লাভ সমেত আয়বৃদ্ধি হবে। পতিত জমি—যা জমিদারদের খাস—তা আসবে তাদের হাতে—তারা বিলি করবে ইচ্ছামত। বিনিময়ে ভোগের সুবিধে হবে বটে।

বিল যেদিন থেকে বিধানসভায় এসেছে সেদিন থেকেই সে প্রায় নিয়মিত আসছে—শুনছে বক্তৃতা। অভিনয় দেখছে। কিন্তু একদিনও সে সুরেশ্বরকে দেখে নি। এবং এমনই ভাবে সে তার মন থেকে স’রে বা মুছে গেছে যে, তার দেখা এখানে পেতে পারে এমন কথা তার মনে হয় নি। এর অবশ্য আরও একটা কারণ আছে। সেটা এই যে, সুরেশ্বর দেশে ফিরে—সে সেই ৪১ সালে—আবার সেই কীর্তিহাটেই ফিরে গেছে। সে তার খোঁজও করে নি কোনদিন এবং কোন সংবাদও সে পায় নি—যাতে তাকে মনে করবার হেতু হতে পারে। না শিল্পী হিসাবে না মানুষ হিসাবে। অসীমা-সীমার বিয়ে হয়ে গেছে। তারা ঘরগী গৃহিণী—অবশ্য ভাল ঘরেরই। তারাও তাকে ভুলেছে—সেও তাদের ভুলেছে। দেখাও হয় না। চিঠি লেখালিখিও নেই। তা ছাড়া আর একটা পার্থক্য হয়েছে সেটা সীমা-অসীমার ভাইকে নিয়ে। প্রদীপ যৌবনে পা দিয়েই বিয়াল্লিশ সাল নাগাদ গিয়ে পড়েছিল অ্যান্টিক্যান্সিস্ট রাইটাস্-আর্টিস্টস্ এ্যাসোসিয়েশনে। সেখান থেকে একেবারে কম্যুনিষ্ট পার্টিতে। দীর্ঘদিন স্টুডেন্টস ফ্রন্ট স্টুডেন্ট লীডার হয়ে ছাত্রজীবনের জের টেনে অবশেষে এ্যাডভোকেট হয়েছে হাইকোর্টে। পার্টির মেম্বরও সে বটে। কম্যুনিষ্ট পার্টি ১৯৪৯-৫০ সালে বে-আইনী ঘোষিত হলে অনেকদিন জেলেও ছিল। জেল থেকে বেরিয়ে সে হাইকোর্ট যাচ্ছে আসছে। এর মধ্যে রাশিয়া-চীন দুটো দেশেই ঘুরে এসেছে। তার সঙ্গে চীনে গিয়েছিল অসীমা আর তার স্বামী—রাশিয়া গিয়েছিল সীমা এবং তার বর। তারা দুই বোনেই বিলাসিনী ধনী গৃহিণী হয়েও এবং পার্টি মেম্বর না হয়েও খুব কড়া রকমের কম্যুনিষ্ট মতবাদ পোষণ করে। স্তবরাং তাদের সঙ্গে টেলিফোনে কথা হওয়া দূরের কথা—পথে দেখা হলেও এদিকে ওদিকে মুখ নিরিয়ে নেয় এবং গগলসটা অকারণে দুহাত দিয়ে নাকের উপর টিপে বসায়। অর্থাৎ সুরেশ্বরের সংবাদ কোন একটি সূচীছিন্ন সরু পথেও কোন সূত্রে আসে নি, আসতে পায় নি। স্তবরাং



এস্টেট্‌স্‌ এ্যাকুইজিশন বিলের শেষদিনে সে যখন পরম কোতূহলভরে উপর নিচে জমিদারদের মধ্যে কুমার বিমলচন্দ্র সিংহকে দেখে, তারপর বর্ধমানের মহারাজার টুপি খুঁজে দেখতে গিয়ে পেল না, তখন আর কাউকে খোঁজে নি—স্বরেশ্বরকে মনেও পড়ে নি। শুধু একটা কোতুককর কথা মনে হয়েছিল। মনে হয়েছিল, আজ যদি ভূমিরাজস্বমন্ত্রী সত্যেন্দ্রনাথ বসুর জায়গায় দেওয়ান গঙ্গাগোবিন্দ সিংহের বংশধর কুমার বিমলচন্দ্র সিংহ থাকতেন তো বড় ভাল হত। তাহলে অপোজিশনের কেউ না কেউ তাঁর কোতুক-কথাটা নিশ্চয় বলত। অন্ততঃ সে শ্রীমধীর রায়-চৌধুরীকে, দাশরথি তা'কে বলে দিয়ে আসত বলতে। বলত—দেড় শো বছর পরে আবার হেস্টিংস আর তাঁর দেওয়ান বার রাইয়া নতুন খেলা খেলতে এসেছেন।

গালাগাল, তীব্র সমালোচনা, কঠিন উক্তি, গোলমাল করে বিপক্ষ দলের বক্তৃতায় বাধা দেওয়া, বক্তৃতা ঢেকে দেওয়া হয়ে গেছে। আজ শেষদিনে এই হলে ঢুকে ওই কথাটা মনে করেও সে কয়েক মুহূর্তের মধ্যে ভুলে গেল। মনের মধ্যে একটা গম্ভীর ভারী থমথমে কিছু জুড়ে বসল। এ দেশের ইতিহাস স্মরণ ক'রে মনে হ'ল—যাই গলদ থাক নতুন আইনে, আজ এর গুরুত্ব এর মহত্ব এর বিপ্লবাত্মক সম্ভাবনাকে কিছুতেই অস্বীকার করা যায় না। মনের মধ্যে তার হঠাৎ মনে হল—একটা দেড়শো বছরের পাকা ইমারতের তলায় ডিনামাইট চার্জ করা হয়েছে—যে মুহূর্তে স্পীকার বলবেন—It is now agreed to and passed—; সেই মুহূর্তে বিপুল বিস্ফোরণ শব্দের সঙ্গে বিরাট ইমারত টলতে টলতে চারিপাশে ফেটে চৌচির হয়ে বিপুলতর শব্দ করে মাটিতে আছড়ে পড়বে। বিরাট একটা ধুলির পুঞ্জ উঠবে আকাশে, ঢেকে দেবে চারিদিক। হয়তো চাপা পড়ে মানুষ কাতরাবে ধ্বংসস্তূপের ভিতর থেকে। গুনতে হবে দাঁড়িয়ে। চোখে জল এলেও মুছে ফেলতে হবে। যারা ওই ঘর আঁকড়ে পড়ে ছিল মৃত্যুই তাদের নিয়তি। মরতে দাও তাদের। তারা মরুক। খেদ কিসের? তাকাও, দৃষ্টি আরও প্রসারিত করে তাকাও; স্মরণ কর; এই তো কিছুদিন আগেই গোটা করদ রাজ্যগুলি অসহায়ভাবে এমন করেই ভেঙে পড়েছে! মনে পড়ছে না হায়দ্রাবাদে নিজামের নিজামতের সব থেকে উচু মিনারটা ভেঙে পড়ে যাওয়ার ছবি? কেঁদো না।

ভাবছিল সে। এরই মধ্যে কারুর মোটা ভারী গলার শব্দে সে চমকে উঠল। ডাঃ রায়ের গলা। তিনি তাঁর শেষ বক্তৃতা দিতে উঠেছেন। সম্রম ভরেই সে তাঁর দিকে তাকালে। অস্পষ্ট গোটা হাউসে কোথাও অসম্রম ছিল না। সকলে ডাঃ রায়ের গুরুত্ব পূর্ণ স্বীকার করে গম্ভীরভাবে তাঁর দিকে তাকিয়ে রয়েছেন। ডাঃ রায় আরম্ভ করলেন—

“Sir, the curtain is about to be rung down on the scene with which—we in Bengal have been familiar for the last 150 years.”

হ্যাঁ, তাই মনে হচ্ছে। বেশ বলেছেন। যবনিকা নেমে আসছে। জমিদারদের নাটমন্দিরে, জলসাম্রাজ্যে, উৎসব-সমারোহের আলোকোজ্জ্বল দৃশ্যের শেষে যবনিকাপাত হচ্ছে! জমিদারেরা এবার মুখের রঙ তুলে জব্বির পোশাক ছেড়ে পথে এসে দাঁড়াবেন। এতক্ষণে হঠাৎ মনে পড়েছিল স্বরেশ্বরকে। কীর্তিহাটের বাড়ী চাপা পড়বে সে? না—বেরিয়ে এসে পথে দাঁড়াবে?—

সে চিন্তা বেশিক্ষণ থাকেনি। ডাঃ রায়ের গম্ভীর কণ্ঠের বক্তব্য শুধু বিধানসভার গম্বুজের

গোল ছাদে প্রতিধ্বনিত হচ্ছিল, একটানা তিনি বলে চলেছিলেন—একটিবারের জন্য কোন কথা কেউ বলেনি—অন্য কোন শব্দও হয় নি।

“I am glad to say that my Party has been able to put before the country to-day a scheme which, I hope, will lead to better understanding between the raiyats and the landlords, between different classes of society in this country and I hope that this will lead to the establishment of what we earnestly desire namely a welfare state in Bengal.”

শেষ করলেন তিনি। সঙ্গে সঙ্গে কংগ্রেস তরফ থেকে শুরু হয়ে সারা সভায় সঞ্চারিত হয়ে ধ্বনিত হয়ে উঠল টেবিল চাপড়ানোর শব্দ—যা করতালি ধ্বনি বলে গণ্য। বেশ লাগল। হাসি মুখেই উঠে দাঁড়াল স্থলতা। শুধু দুটি শব্দে তার আপত্তি আছে। My Party. —কেন? শুধু My Party. কেন? জমিদারী প্রথা উঠবে এতে কার আপত্তি ছিল—কে না চেয়েছিল? এ যে বাংলাদেশের মাটির ভেতর থেকে বাংলাদেশ চেয়েছিল।

হাসতে হাসতে বেরিয়ে এসে সে লবীতে দাঁড়াল। দলে দলে এম-এল-এরা এখনও বিতর্ক করছেন। কিছু কিছু প্রবীন সভ্যরা বেরিয়ে যাচ্ছেন। নিচে গাড়ী এসে দাঁড়াচ্ছে। নিজের নিজের গাড়ীতে উঠে চলে যাচ্ছেন। ওদিকে ওপর থেকে সিঁড়ি ভেঙে দর্শকেরা নামছেন। চিনি-চিনি করেও যেন কয়েকজনকে চেনা গেল না। মহারাজ শ্রীশচন্দ্র নন্দী নামলেন। বাম-পন্থীরা তাঁর দিকে তাকিয়ে কণ্ঠস্বর একটু মৃদু করলেন। কয়েকজন নমস্কার করলেন—শ্রীশ নন্দীও মৃদু হেসে নমস্কার করলেন।

একজন খবরের কাগজের রিপোর্টার তাঁর কাছে দাঁড়িয়ে বললে—একটা কথা জিজ্ঞাসা করছিলাম স্যার।

—বলুন।

—এই বিল সম্বন্ধে আপনার মত।

—নিশ্চয়ই খুব ভাল! ডিটেলস নিয়ে হয়তো একটু-আধটু পার্থক্য থাকতে পারে।

—একটু বেশী করে—

—ওই খুব বেশী যথেষ্ট। খুব ভাল। দেশের লোক যখন চেয়েছে। এবং জমিদারেরাও বাঁচল। ওদিকে পিছন থেকে সরস কণ্ঠে কেউ বললে—অস্তুতঃ গালাগালের হাত থেকে। তিনি আর কেউ নন—তিনি কুমার বিমলচন্দ্র সিংহ। তাঁর কণ্ঠস্বর সুপরিচিত।

শ্রীশচন্দ্র নন্দী নেমে গেলেন—তাঁর গাড়ী এসে লেগেছে। বাইরে কম্পাউণ্ডে গাড়ীর হর্নে রাত্রি চকিত হয়ে উঠেছে—হেডলাইটের আলোগুলো বাগানের গাছের মাথায় মাথায় ঘুরছে বাক নেবার সময়।

কুমার বিমলচন্দ্র সিংহ একজন বামপন্থী নেতাকে বললেন—আপনার স্পীচ যাকে বলে টাইগারি স্পীচ হয়েছে। ওয়াগারফুল। সন্দেহ হচ্ছিল নিজের চরিত্রে। খুব বলেছেন লাম্পাটা টাম্পাটা লাগিয়ে—! হেসে উঠলেন। বেড়ে বলেছেন। তা চলুন না, চা খেয়ে গল্প ক’রে যাবেন বাড়ী।

—আজ না !

—বেশ, তা হলে কবিরাজ গোমানী আর লম্বোদরকে ডেকে আসব পাতাই একদিন । একজন জমিদার একজন লেফটিন্যান্ট লীডার—আপনার স্পীচের জবাব সেখানে পেয়ে যাবেন । কি বলেন ।

—মোর্ট গ্যাডলি ! তবে কান্দীর মিষ্টি খাব । মনোহরা ।

—তার সঙ্গে লবণাক্ত কিছু ? আপত্তি হবে না তো ?

ভদ্রলোক বললেন—নিশ্চয় না । জমিদারদের গাল দিয়েও আপনার গুণ গাইব ।

ঠিক এই সময়টিতেই এসে সামনে দাঁড়াল দীর্ঘকায় একটি লোক । প্রথমে চিনতে পারেনি সুলতা । চোখে নীল চশমাটার জন্তে আর ওকে এখানে দেখতে পাবার সম্পর্কে সচেতনতা না-থাকার জন্তই চিনতে পারেনি । তবে রোগাও হয়ে গেছে সে । শীর্ণ দেখাচ্ছে । দাড়ি গোঁফ না থাকাকাটাও একটা কারণ বটে । গায়ে টিলেঢালা আলখাল্লা গেরুয়া সিল্কের । পরনে পাজামা । স্বরেশ্বর তার সামনে থমকে দাঁড়াল । সুলতা তখনও তাকিয়ে ছিল তার নীল চশমাটার দিকে কারণ চশমাটা যেন তার মুখেই নিবদ্ধ । কে ? ভাবছিল সুলতা ।

চোখের চশমাটা খুলে স্বরেশ্বর বললে—চিনতে পারছ না ?

সুলতা সবিস্ময়ে বলে উঠল—তুমি ? তার বিস্ময় তাকে উষ্ণ হয়ে উঠবারও অবকাশ দিলে না ।

হেসে স্বরেশ্বর বললে—হ্যাঁ ।

সকৌতুকে এবার সুলতা বললে—জমিদারীর উপর যবনিকাপাত দেখতে এসেছিলে ?

স্বরেশ্বর হাসলে, বললে—হ্যাঁ ।

সুলতা বললে—তা যবনিকাপাতের সঙ্গে পাল চাপা পড়নি । কংগ্রেস সুবিধে দিয়েছে, গ্রীনরুমে গিয়ে কম্পেনসেশনের টাকায় মেক-আপ বদলে এবার নতুন সাজে রঙ্গমঞ্চে আবির্ভূত হতে পারবে । এবার কি হবে ? কংগ্রেসী, না বিজনেস ম্যাগনেট ? তা ছাড়া তোমাদের তো আরও সুবিধে, দেবোত্তর । এবার আর নায়েব গোমস্তা পাইক রেখে প্রজা ঠেঙিয়ে খাজনা আদায় করতে হবে না । খোদ সরকার এবার অ্যানুয়িটি পৌঁছে দেবেন !

স্বরেশ্বরের হাসি এতেও মিলিয়ে গেল না । সে কিছু বলতে যাচ্ছিল । কিন্তু ওদিক থেকে কুমার বিমলচন্দ্র সিং স্বরেশ্বরকে দেখে বললেন—কি মশাই, আপনি কীর্তিহাটের স্বরেশ্বর রায় নয় ? শিল্পী স্বরেশ্বর রায় ?

স্বরেশ্বর নমস্কার করে বললে—হ্যাঁ । আপনি ভাল আছেন ?

—হ্যাঁ, তা আছি । উপায় কি ভালো না থেকে ? তারপর আপনার খবর কি ? বিলেতে গিয়ে নাম কিনে দেশে এলেন । তারপর সব নীরব । তবে শুনি না কি দেশে বসে দেদার ছবি আঁকেন । তা আমাদের দেখান !

—দেখাব !

—হ্যাঁ । এগজিবিশন করুন ।

—এগজিভিশন নয়। কয়েকজন রসিক এবং আপনজনকে দেখাব।

—বেশ। আমাকে বাদ দেবেন না।

—নিশ্চয়ই না!

—আচ্ছা চল।

তার গাড়ী এসে লেগেছে। তিনি চলে গেলেন।

সুলতা যেতে যেতে থমকে দাঁড়িয়েছিল। বললে—আমাকে দেখাবে না?

—ছবি?

—হ্যাঁ!

—যদি বলি আজই চল। তোমাকেই সর্বাগ্রে দেখাবার বাসনা আমার ছিল। এখানে না-পেলে আমি তোমার বাড়ী যেতাম! কারণ ছবি ঠিক এগজিভিশন নয়। ছবির মধ্যে দিয়ে আমার জবানবন্দী।

বিস্মিত হয়ে সুলতা তার মুখের দিকে তাকালে। এদিকে লবী জনবিরল হয়ে এসেছে। ধারাও আছেন তাঁরা নেমে গিয়ে বাগানে গিয়ে কে কার গাড়ীতে যেতে পারেন দেখছেন। কিছু কিছু দল বেঁধে হেঁটে বেরিয়ে পড়ছেন। এসপ্লানেডে বা হাইকোর্টের ওদিকে গিয়ে ট্রাম ধরবেন। সুলতা এবং সুরেশ্বর ছাড়া মাত্র জন পাঁচ ছয় লোক ছিল। তার মধ্যে তিনজন হাউসের কর্মচারী।

তার মুখের দিকে তাকিয়ে সুলতার মনে হচ্ছিল—এ যেন আর একজন—সে নয়। সে ছিল উল্লসিত উদ্ভাসিত বেপরোয়া একজন। এ যেন ক্রান্ত প্রশান্ত মানুষ একজন। সুরেশ্বর বললে—চল!

—আজ? তুমি পাগল?

—সে তো চিরকালের। পাগলামি আমার আছে সেটা জানি বলেই উদ্ভাদ নই। তবে যে-কোন মুহুর্তে পাগল হতে পারি। উঠতে পারে পাগলামি। বলেই সে থপ করে তার হাত ধরে বললে—চল!

চমকে উঠল সুলতা। কিন্তু কষ্ট হতে পারলে না। কারণ এ হাতধরা জোর করে হাতধরা নয়, এ হাতধরার মধ্যে মিনতি অত্যন্ত স্পষ্ট।

সে বললে—ছাড়।

ছেড়ে দিলে হাত সুরেশ্বর। বললে—জোর নেই তোমার ওপর। কিন্তু গেলে আমি খুলী হতাম। ছবি দেখে কে কি বুঝবে জানিনে। বোঝাবার গরজও নেই আমার। ছবির ভেতর জবানবন্দী—ছবির রঙে হারিয়ে যাবার ভয় আছে। তাতে শিল্পী সুরেশ্বর জিতবে। কিন্তু মানুষ সুরেশ্বর বোবা আসামীই থেকে যাবে। তোমাকে পেলে তোমার কাছে সে বাধ্য হতে পারত। বাচালও হয়তো হতো। এখানে যে নাটকের যবনিকাপাতের জগৎ উল্লাস করছে সেখানে গেলে নাটকটার ম্যানাস্ক্রিপ্টটা দেখতে পেতে। আচ্ছা—

বলে সে দীর্ঘ পদক্ষেপে এগিয়ে গেল ফটকের দিকে।

সুলতার ভুরু দুটি কুঁচকে উঠল। মনের মধ্যে যেন দ্বিধা জেগেছে একটা। ওই

লোকটার সম্পর্কে ধারণা তার যত খারাপ হোক তবু কি জানি কেন যেন একটা করুণা আগছে। হাতের ঘড়িটার দিকে একবার সে চেয়ে দেখলে। নটা বেজে চার মিনিট। জানবাজার কাছেই। একবার গুর ওখান হয়ে গেলে কি হয়? বড়জোর দশটা, সওয়া দশটাই বাজবে। তাতে খুব দেরী হবে না। সে ডাকলে—দাঁড়াও। শুনছ!

স্বরেশ্বর তখন ফটকে। সে ফিরে দাঁড়াল। —কিছু বলছ?

—হ্যাঁ। কাছে এসে বললে—চল, কিন্তু আধঘণ্টার বেশী না।

—তা হলে একটা ট্যাক্সি নিই।

—সেই ভাল।

একটু এগিয়ে এসে রাজভবনের দক্ষিণ-পশ্চিম কোণটায় কয়েক মিনিট দাঁড়াতেই ট্যাক্সি একটা মিলল, তাতে চড়ে বসে এসে সেই জানবাজারের বাড়ীর সামনে দাঁড়াল। বাড়ীটা চেনা যায় না। দীর্ঘদিন এ পথে স্থলতা হাঁটেনি। সর্বাঙ্গে চোখে পড়ে তার একটা আধুনিক বহিসঙ্গ। রোলিংদেওয়া জোড়া জোড়া গোল থামওয়ালা সেই এক-শো সওয়াশো ফুট লম্বা বারান্দাটা বন্ধ করে আধুনিক প্যাটার্নের একটা চেহারা দেওয়া হয়েছে।

স্থলতা দাঁড়িয়ে দেখলে বাড়ীটাকে। তারপর বললে—এটা কি করেছ বল তো?

—বারান্দাটাকে ঘেরার কথা বলছ?

—হ্যাঁ। হঠাৎ হেসে বললে—তবে তোমার মনটা ফুটে উঠেছে। বা তুমি ফুটে উঠেছ এর মধ্যে।

হাসলে স্বরেশ্বর, বললে—বলতে পার। তবে কি জান, এসব কথা আমার গা-সওয়া হয়ে গেছে। প্রথম যখন দাঁড়ি গৌফ চুল রেখে আলখাল্লা পরতাম তখনও শুনেছি। এখনও শুনি। আর অল্পবিস্তর সকলের চেহারাই তো এই। সে রাজার ছেলে গৌতম সিদ্ধার্থের চাঁচর চুল কেটে চীরবস্ত্র পরে বনে যখন তপস্থায় গেলেন তখন দেবদত্তরা এই ধরনের কথা বললে তো মিথ্যে বলে নি। অন্ততঃ প্রথম প্রথম যে দেখেছে সেই বলেছে—মানায় নি। ব্যারিস্টার গান্ধী যখন প্রথম গান্ধীর সাজ পরেছিলেন তখনও কি এমন ভাবে নি লোকে? তারপর ধর তোমার কথা। তোমাকে যেদিন প্রথম দেখি সেদিন ঠোঁটে তোমার লিপস্টিক ছিল, মনে পড়েছে আমি একটু ঝাঁকি কথা বলেছিলাম। আজ তুমি এমনই সেজেছ বা হয়েছে যে সেই লিপস্টিকের কথা তুললে এই ধরনেরই কথা হবে।

স্থলতা তার মুখের দিকে তাকালে। ভুরু তার কুঁচকে উঠেছিল। কিন্তু স্বরেশ্বরের মুখ সেই তেমনি বিষন্ন প্রশান্ত হয়ে আছে। যুঁহ করার বা ঝগড়া করার মনের কোন প্রকাশ ফুটে ওঠেনি সেখানে। কণ্ঠস্বরেও উত্তাপ নেই।

স্বরেশ্বর বুঝেছিল, সে হেসে বললে—না, ঝগড়া আমি করিনি। বলছি কি জান, বলছি পরিবর্তন কালের নিয়ম। সেটা যেমন মানুষের হয় তেমনি মানুষের বিচরণক্ষেত্রে সর্বত্রই হয়। পুরনো বাড়ীতে নোনা ধরে। ফাট ধরে। তখন ভেঙে-চুরে মেরামত করতে হয়। আবার বংশও বাড়ে। তখন পাঁচিল ওঠে। জানালা ফুটিয়ে দরজা করতে হয়। বারান্দা



ঘিরে ঘর বাড়িতে হয়।

সবিস্ময়ে তার দিকে তাকিয়ে স্থলতা বললে—বিয়ে করেছ? ছেলেপিলে বুঝি অনেকগুলো হয়েছে এর মধ্যে। মুখে হাসি এবং দৃষ্টিতে কোতুক ফুটিয়ে স্থলতা তার দিকে তাকালে।

স্বরেশ্বর বললে—দেখ, প্রথমটা স্থির করেছিলাম বাড়ীটার দুর্ভাগিনী মেয়েদের জন্যে একটা হোম-টোম বা আশ্রম-টাশ্রম করব। তখনই এই বারান্দা ঘেরার ব্যবস্থা হয়।

—সেই শেফালি কেমন আছে? যাকে করুণা করতে আমিই বলেছিলাম। তারপর তা থেকেই বুঝি তোমার করুণার স্রোত একেবারে ঝরঝর করে ঝরল—যার তোড়ে ঐরাবত ভেসে গেল!

—জানিনে ঠিক। তার খবর আর রাখিনি। ছেড়ে দাও ওকথা। তারপর মত বদলে ভেবেছিলাম অনাথ আশ্রম করব। বারান্দাটায় ক্লাস বসবে। কিন্তু তাও হয়নি। বারান্দা ঘেরার ইতিহাসটা এই, তবে ওর মধ্যে যেটা আধুনিক মেট্রো প্যাটার্ন চাপানো হয়েছে সেটা নেহাতই ইঞ্জিনিয়ার আর রাজমিস্ত্রীর কেরামতি। এখন ভিতরে এস। বাইরে ঝলমলে আলো পড়েছে, তার মধ্যে আমরা দুজনে পথে দাঁড়িয়ে বাগবিস্তার করছি, এতে জনসাধারণ কোতুহলী হয়ে উঠেছে।

কথাটা ঠিক। রাস্তার সামনের দোকানে বেশ জটলা জমেছে। রাণী রাসমণির বাড়ীর নিচে বাইরের দিকটায় অসংখ্য দোকান। মশলাপাতি বিশেষ করে সুপুরীর পাইকারী দোকান অজস্র। তারই মধ্যে ছোট ভেলেভাজার দোকান থেকে নানান দোকান রয়েছে। দোকান-আইন মেনেও তারা ঝাঁপ আধখানা বন্ধ করে হিসেব-নিকেশ মেলাচ্ছে, মধ্যে মধ্যে কোতুহলী হয়ে তাদের দিকেই তাকাচ্ছে। ফ্রি স্কুল স্ট্রীট থেকে মোড় ফিরে ফিরিঙ্গী মেয়েরা যাচ্ছে, কেউ হেঁটে কেউ রিক্সায়, পিছনে তাকাচ্ছে শিকার অদৃশ্য স্ত্রীতায় গাঁথা মাছের মত পিছনে আসছে কিনা? অ্যাংলো ইণ্ডিয়ান এবং হাওয়াই শার্ট প্যান্ট পরা দেশী বাবুসাহেবরাও যাচ্ছে। সকলেই ওই আলোঝলমল স্থানটায় এসে সবিস্ময়ে তাকাচ্ছে। বাড়ীটা প্রায় বারো মাস অন্ধকার থাকে—হঠাৎ সেটার হল কি যে এমন আলোর জৌলুস ফুটিয়ে রঙ্গমঞ্চে পাদপ্রদীপের সামনে প্রধানা অভিনেত্রীর মত কোন এক বিশেষ রজনী উপলক্ষে রাজরাণীর পোশাকে মুখে পেন্ট মেখে দাঁড়াল? তারপরই চোখে পড়েছে ওদের দুজনের দিকে।

স্থলতা বললে—চল।

\* \* \* \*

ভিতরে এসে ওই বারান্দাঘেরা হলটায় নিয়ে এল তাকে স্বরেশ্বর। এবং যে আলোগুলো নিভোনো ছিল তাও জ্বলে দিলে। ঘরখানা ঝলমল করে উঠল শুধু আলোর নয় ছবির রঙের উপর পড়া আলোর প্রতিচ্ছটাতেও বটে। রঙের আভাও ফুটে উঠল আলোর সঙ্গে।

সবিস্ময় দৃষ্টিতে সে তাকালে ছবিগুলোর দিকে। মুগ্ধবিস্ময়ে দেখছিল। এতো ছবি!

এতো ছবি এঁকেছে সে এই এতদিন অজ্ঞাতবাসে আত্মগোপন করে ? ফিরে সে তাকালে স্বরেশ্বরের দিকে । তারপর বললে—এতো ছবি এঁকেছ ?

—এর তিন-চার গুণ ছবি এঁকেছি ! কিন্তু এখানে সব ধরবার কথা নয় । আর সেগুলো যা আমি বলতে চেয়েছি ছবির মধ্যে তার সঙ্গে হয়তো সম্পর্ক কীণ বা মাত্রা ছাড়িয়ে বলা হয় বলে টাঙাই নি ।

ছবিগুলোর দিকে আবার তাকালে স্থলতা । দেখতে দেখতেই বললে—ছবির মধ্যে কিছু বলতে চেয়েছ নাকি ?

—তাই জগেই তোমায় আমার আজ সবচেয়ে বেশী প্রয়োজন ছিল দেখাবার । এবং সর্বাগ্রে দেখবার এ তো ছবির প্রদর্শনী নয়, কীর্তিহাটের কড়চা—স্বরেশ্বরের জবানবন্দী । ছবি থেকে যাঁরা বুঝতে পারবেন তাঁদের নমস্কার । তাঁরা রসিক এবং রসিকের চেয়েও বেশী কিছু । কিন্তু কি বলতে চেয়েছি তা যাদের কাছে বলতে পারি তার মধ্যে তুমি প্রথম এবং প্রধান ।

হাসলে স্থলতা । মনে মনে বলতে গিয়ে মুখে বেরিয়ে এল কথাটা । বললে—বড্ড দেরী হয়ে গেছে স্বরেশ্বর । আমি অনেক দূরে বাস করি । নিউ আলিপুরে ।

—তা জানি । তবে একটা কথা বলি । আজ নানান জমিদারের বাড়ীতে আসর পড়েছে । আমার মনে হচ্ছে বর্মানের মহারাজা সম্ভবতঃ গোলাপবাগের প্রাসাদ থেকে প্যালেস পর্যন্ত ঘুরছেন ছবি দেখে দেখে । মন চলে গেছে ১৭৯৯ পার হয়ে ১৭৫৭-তে । তা পার হয়ে আরও পিছনে, শোভা সিং যখন কৃষ্ণকুমারীর ছুরিতে মরেছিলেন সে আমলে । ঠুকে দেখছি, ইমোশনাল লোক । হয়তো ভাবছেন ডিনামাইট দিয়ে এই রাত্রেই সব চুরমার করে দেবেন । তারপর হয়তো ভাবছেন, না সব তিনি গভর্নমেন্টকে দান করে দেবেন । কুমার বিমলচন্দ্র সিংহ হয়তো দেওয়ান গঙ্গাগোবিন্দ সিংহের ছবির তলায় দাঁড়িয়ে মুচকে মুচকে হাসছেন । বলছেন—তোমার প্রবর্তন-করা চিরস্থায়ী বন্দোবস্ত যারা আজ নাকচ করলে তাদের মধ্যে আমিও একজন । কোন জমিদার হয়তো একা বসে কাগজের উপর হিসেব করে দেখছেন কম্পেনসেশন কত পাবেন । কেউ কেউ গাল দিচ্ছেন যারা এটা করলে তাদের । এমন লোকও হয়তো এক-আধজন আছেন যারা প্রচুর পরিমাণে মত্ত পান করছেন । কেউ যদি বাঁজী-বাড়ী গিয়ে শেষ উৎসব করেন তবে তাঁকে আমার সেলাম রইল । আমি এই ছবির আসর পেতেছি । ভেবেছিলাম সারা রাত একলাই এপাশ থেকে এপাশে ঘুরব ! ভাগ্যক্রমে এমন জনকে পেলাম যাকে আমি চেয়েছি মনে মনে ছবিগুলো আঁকবার সময় থেকে টাঙাবার সময় পর্যন্ত ।

হঠাৎ একটা লম্বা ছবি, যেটা টেবিলের উপর রাখা ছিল সেটা তুলে নিয়ে প্রথম ছবিটার ফ্রেমে ঠেকিয়ে বললে—এই আমার প্রথম ছবি স্থলতা । কংসাবতীবাবি-বিধৌত তট—বনচ্ছায়া-শীতল কীর্তিহাট নামক গ্রাম । ১৮০১ সাল ।

প্রকাণ্ড বড় বড় ছবি । অগ্নিলে আঁকা । চার ফুট তিন ফুট বা তার চেয়েও বড় । স্থলতার ছবি । যেমন বর্ণাঢ্য তেমনি বিচিত্র টেকনিকে আঁকা । যেমন আমাদের দেশের

মন্দিরের ভিতর দিকে পোড়ামাটির কাজের মধ্যে কৃষ্ণলীলা রামলীলা ফোটানো হয় তেমনি চঙে আঁকা। গ্রাম নদী বন সব আছে পটভূমিতে। গ্রামের খড়ের চাল ঘরের চালগুলিতে সোনালী হলুদ রঙ চমৎকার লাগছিল, তারই মধ্যে সাদা একখানা পাকা বাড়ী। এও পটভূমির কোলে দ্বিতীয় পটভূমি। ছবিটার কেন্দ্র-বিন্দু পথ—পথের উপর পাখি চলছে। তার মধ্যে টোপর মাথায় মুকুট মাথায় বালক-বালিকা বর-কনে। বরের হাতে একখানা কাগজ।

তার পিছনে নরনারী। বাগ্‌ভাণ্ড। আসামৌটা হাতে বরকন্দাজ পাইক।

দেখছিল স্থলতা।

স্বরেশ্বর বললে—রায়বংশের প্রথম জমিদার সোমেশ্বর রায় ১৮০১ সালে দশ বৎসর বয়সে জমিদার হয়েছিলেন। বিয়ে করে তিনি গ্রামে প্রবেশ করছেন।

হঠাৎ সে উঠে দাঁড়াল, বললে—ভদ্রমহিলা ও ভদ্রমহোদয়গণ!

চকিত হয়ে উঠল স্থলতা। ভদ্রমহিলা ও ভদ্রমহোদয়গণ?

স্বরেশ্বর সেই মুহূর্তেই বললে—না, আমার ভুল হয়েছে। এখানে তো তুমি একা রয়েছ স্থলতা! আর তো কেউ নেই!

তারপর হেসে বললে—আমার হঠাৎ মনে হয় ঘরখানা নরনারীতে ভরে গেছে! এমন ভুল আমার হয় মধ্যে মধ্যে। একটু আগে বলছিলাম, তুমিও জান, একটা পাগলামি আমাদের বংশে আছে। প্রথমে খেয়াল বলে চলে যায়, কিন্তু খেয়াল ভতরুণই খেয়াল যতরুণ মাত্রা না ছাড়ায়। মাত্রা ছাড়ালেই হয় পাগলামি। আমার মাত্রা অনেক দিন ছাড়িয়েছে। তারপর কীর্তিহাটে গিয়ে সেটা আমার মন বুদ্ধি আমার বাসনা কামনাকে এমনভাবে অভিভূত করলে যে আমার সব বেঠিক হয়ে গেল। তার উপর প্রচুর মত্তপান করতাম। সেটা তাকে বাড়িয়ে তুলত। আমি কল্পনায় নানান ছবি, নানা মানুষ দেখি অন্ধকার রাত্রে। দিনে দেওয়ালের গায়ে ছাদে চটে-যাওয়া পলেক্তারার মধ্যে দেখতে পাই নানান ছবি, নানান মানুষ। কখনও কখনও জীবন্ত হয়ে তারা কথা বলে। আজও আমার হঠাৎ মনে হল ছবির মানুষগুলো ছবি থেকে নেমে এসে ঘর ভরে বসেছে! এরা যে ঐতিহাসিক স্থলতা, কাল্পনিক তো নয়। এদের অশরীরী আত্মা এসে বসেছে মনে হল। তারাও দেখতে এসেছে ছবিতে ‘কীর্তিহাটের কড়চা’। শুনতে এসেছে স্বরেশ্বরের জবানবন্দী!

স্থলতার মনে হল স্বরেশ্বর যেন কত দূরে—অনেক দূরের দিকে চেয়ে রয়েছে।

## ২

একজন চাকর এসে ঢুকল হাতে ট্রে নিয়ে। নামিয়ে দিল সামনের টেবিলে। বুড়ো চাকর। সে স্থলতাকে দেখে নমস্কার করে বললে—ভালো আসেন দিদিমণি?

স্থলতা তাকে এবার চিনলে। এ তো সেই রঘু। রঘু বুড়ো হয়ে গেছে, চুল গৌফ একে-বারে সাদা হয়ে গেছে। সে বললে—তুমি তো রঘু!

—হ্যাঁ। হমি রঘু। রঘুর বাংলায় এখনও হিন্দী টান যায়নি !

—এখনও আছে বাবুর কাছে ? ভাল আছে ?

—হ্যাঁ। ই বাবুকে ছোট্টা উমরসে মানুষ করলাম। কাঁহা যাই আর কেমন করে যাই ছোড়কে ?

স্বরেশ্বর কোন সাড়াই দিলে না। সে দূরের দিকে তাকিয়ে আছে। রঘু ট্রেতে চা এবং কিছু কেক মিষ্টি এনে নামিয়ে দিয়েছে। সে চায়ের কাপটা তুলে নিলে। চায়ের তৃষ্ণা এবং ক্ষিদেও তার পেয়েছিল। স্বরেশ্বরকে জানে, সে হয়তো নাও বলবেই না। সেই বরং স্বরেশ্বরকে বললে—চা নাও।

তেমনি ভাবে অনেক দূরের দিকে তাকিয়ে স্বরেশ্বর বললে—না। তারপর বলেই গেল—স্বলতা, ভেবেছিলাম—১৭৫৭ সালে পলাশীর যুদ্ধ থেকে শুরু করব। সে ছবিও আমার আঁকা আছে। কিন্তু দেখলাম তাহলে ১৯৪৭ সালে কড়চা শেষ করতে হয়। এবং তাতে রায়বংশের ভূমিকা ছোট হয়ে যায়। যাকে বলে সাইড ক্যারেক্টার তাই দাঁড়ায়। তারপর ভেবেছিলাম—ইম্পীচমেন্ট অব হেস্টিংস ছবি দিয়ে শুরু করব। সে ছবিও আঁকা আছে। হাউস অব লর্ডসে ইম্পীচমেন্টের পালা শেষে হেস্টিংস বেকস্বর খালাস পেয়ে বেরিয়ে আসছে। কিন্তু মনে হল, তা হলে শেষ করতে হবে অন্ততঃ আরও একখানা বা দুখানা ছবি একে। হেস্টিংস জবানবন্দী করেনি নিজে। স্বরেশ্বর জবানবন্দী করছে, যাদের সামনে করছে, তাদের মধ্যে তুমি আছ, সে ছবি না-হলে শেষ হয় না। সে ছবি মনে কল্পনায় ছিল কিন্তু আঁকা হয়নি। তাই শুরু করেছি একেবারে বর-বেশী দশ বছরের সোমেশ্বর রায় জমিদার হয়ে কীর্তিহাটে ঢুকছেন সেখান থেকে। ১৮০১ সাল সেটা।

সত্যেরা শো সাতারতে পলাশীর যুদ্ধে সিরাজুদ্দৌলা হেরে গিয়ে নিমকহারামের দেউড়িতে মীরনের ছকুমে মহম্মদী বেগের হাতে প্রাণ দিয়েছেন। তারপর মীরজাফর, তারপর মীরকাশেম নবাব কাশেম আলি খা। উদুয়ানালা-ঘিরিয়া থেকে বকসারে শেষ। আবার মীরজাফর। এবার কোম্পানী দেওয়ানী পেলে। ১৭৬৫ খৃষ্টাব্দ। বাংলা ১১৭১-৭২ সাল। কোম্পানীর হাতে সব এল। মায় দেশরক্ষা পর্যন্ত।

পটভূমিটা তোমায় বোঝাচ্ছি স্বলতা। ইতিহাসে তুমি পড়েছ। কিন্তু ইতিহাস ঘটনা বলে যায়, অবস্থার ভিতরটা বোঝায় না। এ বোঝানো বড় শক্ত !

আমি একখানা পুরনো পাঁচালীর পুঁথি পেয়েছি। সেখানা সোমেশ্বর রায়ের বাবা কুড়ারাম ভট্টাচার্যের লেখা।

ওগো মা শিবজায়া গো,

অধম সন্তানে কর দয়া গো

অন্তিমেষ্টে অভয়া গো—

কুড়ারামে দিয়ে পদছায়া গো

হরজায়া গো !

মস্ত পাঁচালী। তার মধ্যে আছে স্বলতা, সেদিন লোকে ইংরেজকে পরিত্রাতা ভেবেছিল।

মুসলমান আমলে বর্গী হাঙ্গামায় যে অত্যাচার করেছিল বর্গীরা তা তো জান। তবু সেকালে এক কবি মহারান্দি পুরাণ লিখেছিল, তাতে আছে, পাপে সব পূর্ণ হয়ে গেছে দেখে স্বর্গ থেকে দেবতারা এসে বর্গী পেশোয়া থেকে নানান সেনাপতির মধ্যে তাঁদের শক্তি সঞ্চাৰিত করেছিল, দেশময় পাপীদের শাস্তি দিতে। এতেও তাই আছে—নবাবের সঙ্গে নবাবী আমল শেষ হতে অন্তত হিন্দু সমাজের সাধারণ লোক ইংরেজের উপর কৃতজ্ঞ হয়েছিল।

অত্যাচার তো কম হয় নি।

ওই পাঁচালীর গোড়াটা আমার মুখস্থ আছে। বলে স্বরেশ্বর আবৃত্তি করে গেল—

কালে কালে পাপের ভার পূর্ণ হইলে কাঁপে ধরা

ব্রহ্মা বিষ্ণু দিশেহারা যাচে তোমার দয়া গো।

হরজায়া গো।

তখন তোমার তা থৈ নাচে পাপী মরে পুণ্যাত্মা বাঁচে

পতি তোমার পদ যাচে শবরূপী হয়্যা গো

হরজায়া গো!

পলাশী ঘিরিয়া উদুয়ানালা হইল এমেতে নৃত্যশালা

ফুরালো নবাবী পালা সাহেবানে কৈলে দয়া গো।

হরজায়া গো!

রাঙা চুল লাল মুখ দেখিলে মা কাঁপে বুক

তবু মনে ভাবি স্থখ স্মবিচার প্যায়া গো।

হরজায়া গো!

সে পাঁচালী রচিত সাধ হয়েছে দীনের চিতে

শিবরাম মম পিতে কুড়ারাম বাছা

কীর্তিহাটে আদি বাস বর্গী আইল মহাত্মা

নবাবের সৈন্ত নাশ, পালায় খুলে কাছা।

তারা পালাবার কালে গ্রামে গ্রামে অগ্নি জ্বালে

লুঠ করে মেয়ে ফ্যালে দরিদ্র প্রজারে

পিতা শিবরাম মরে অগ্নি জ্বলে বাস্তবরে

জননীর হাত ধরে বনে ও বাদাড়ে

পলাইয়া প্রাণ রক্ষা দ্বারে দ্বারে, অন্ন ভিক্ষা

তুমি কালী সর্বরক্ষা দিলে স্নেহছায়া গো

হরজায়া গো!

সে দয়াতে কুড়ারাম ফিরিল আপন গ্রাম

ভট্ট নয় রায় নাম কোম্পানীর কাছে পায়্যা গো

হরজায়া গো!

বর্ণিব সে সব কথা কোথায় জল মরে কোথা



ভিক্ষুর কথু মাথায় দিলে পাগ পরায় গো ।

হরজায়া গো !

তোমার মন্দির ক'রে তোমারে বসাই ঘরে

মাগি মাগো জোড় করে থাক অচলা হয় গো ।

হরজায়া গো !

অবাক হয়ে স্থলতা গুনছিল । স্বরেশ্বর চূপ করলে সে বললে—ওয়াণ্ডারফুল ! সেটা আছে তোমার কাছে ?

—আছে । জাল নয় । কীৰ্ত্তিহাটের রায়বাড়ীর সেরেসুতানানা খুঁজতে খুঁজতে পেলাম এটা । সেটেলমেন্টের জন্ত কাগজ দেখতে গিয়ে রায়বংশের স্বরূপের কিছু ছবি তখন পেয়েছি । তার মধ্যে এমন কিছু পেয়েছি যাতে আমি আমার বংশকে আমার রক্তকে চিনে যেমন শিউরে উঠেছি, তেমনি নেশাগ্রস্ত হয়েছি । তখনই পেলাম এটা ।

এতে অনেক কিছু আছে স্থলতা । সেদিনের বাংলাকে চেনা যায় জানা যায় । বোঝা যায় । সে বাংলা দেশ এ দেশ নয় ! প্রথম ছবিখানিকে ভাল করে দেখ । বুঝতে পারবে । নতুন খড়েছাওয়া ছোট-ছোট ঘর, কোঠাবাড়ীও তখন সারা গ্রামে দুখানা বা একখানা । কীৰ্ত্তিহাটে ১৮০১ সালের দশ বছর আগে প্রথম কুড়ারাম যে বাড়ী করেন সেখানাই গ্রামের প্রথম কোঠাঘর । পাচালীতেই আছে । তখন কুড়ারাম ভট্টাচার্য দেওয়ান গঙ্গাগোবিন্দের দেওয়ান । ১৭৯১ সাল । ১৬৬০ পরগণার রাজস্ব স্থির করছেন, দশশালা বন্দোবস্ত হবে । মেদিনীপুরের ময়নার পুরনো রাজবংশের তখন সম্পত্তি গেছে, সে সম্পত্তি গোয়ালপাড়া সরকারের ভুক্তান হয়ে কাশিজোড়ার অন্তর্ভুক্ত হয়েছে । কাশিজোড়াও তখন যাই-যাই করছে । ইতিমধ্যে কিছু লাট বের করে নিয়ে কোম্পানী বিলি করেছে, ছোট ছোট তালুকদারেরা নিয়েছে । কুড়ারাম তখন কলকাতার বাসিন্দে দেওয়ানজীর সঙ্গে । ঘর ছেড়েছিলেন বাপের মৃত্যুর পর আর ফেরেন নি ! পাচালীতে আছে—

পরগণা ষোলশো ষাট কত মৌজা কত লাট

কত জল কত মাঠ কখি দিন রাত

তারই মাঝে চোখে পড়ে ময়না মেদিনীপুরে

কানাই নদীর পাড়ে তারই সাথে সাথে

কীৰ্ত্তিহাট বাস্তুভিটা কি মাটি আঠালো চিটা

লাল চাল কত মিঠা—কানাইয়ের পাড়ে ঘন বন

বামুন কায়েথ বড়ি সন্দোপ মাহিঙ্গা ছত্রি

চুয়াড় চামার মধ্য আপনার জন ।

রাত্রিকালে স্বপ্ন পাই, কীৰ্ত্তিহাটে ফিরে যাই

খুঁজে ফিরি ভিটি তাই পাই বহু দুঃখে

হয়েছে জঙ্গল ঘোর শিয়াল চাঁচায় রাত্রিভোর

বহু হল কষ্ট মোর স্বপ্ন মাঝে বুকে ।

সে হেতু বানালাম কোঠা মাটির দেওয়াল মোটা

শাল কাঠ দিয়ে গোটা মজবুদ চাল

শত তক্ষা পুরাপুরি খোলা হাতে খরচ করি

হইলাম খুশী ভারী বাদে এতকাল !

শুলতা বললে—তুমি নিজের তৈরী কর নি তো ?

হরেশ্বর বললে—অবিশ্বাস কর—কি বলব ? বাদপ্রতিবাদ করব না। প্রমাণ-প্রয়োগ হাজির করে ইতিহাস নিয়ে লড়াই করব না। শুধু বিশ্বাস করতেই বলব। পাণ্ডুলিপিতে বানান অনেক ভুল আছে। শব্দ দু-চারটে দুর্বোধ্য আছে। সে আমি পূরণ করেছি, হয়তো ভাষা কিছু আমার একালের জিহ্বায় একালের হয়ে গেছে। তবে তার কাহিনীটা শুনে যাও। ওই ছবিতে যে-পাকাঘরটা দেখা যাচ্ছে সেখানা সতেরো শো নিরানব্বইয়ে আরম্ভ হয়ে আঠারো শো মালে শেষ হয়েছে। মানুষেরা তখন আটহাতি ধুতি, কাঁধে গামছা ফেলে বেড়াত। খালি পা। ওই দেখে কজন ভট্টাচার্য রয়েছেন। তাঁদের পরনে দশ হাত ধুতি, তাও চক্কিশ ইঞ্চি, কাঁধে উড়ুনি। পায়ে তালতলার চটি। তাও শোভাযাত্রায় বেরিয়েছেন বলে। শুধু কুড়োরাম যাচ্ছেন ওই দেখে—পরনে লম্বা ধুতি গায়ে চাপকান তার উপর চাদর। মাথায় একজন ছাতা ধরে রয়েছে। তিনি জমিদার রায়বংশের প্রতিষ্ঠাতা। দেওয়ান গঙ্গাগোবিন্দের ডান হাত। পাক্ষিতে সোমেশ্বরের হাতে যে কাগজখানা সেখানা জমিদারী নীলামে কিনেছেন তারই কাগজ।

কিছু কৌশল—বলতে গেলে চুরি, তাই বা কেন, ডাকাতি করে কিনেছেন লাট কীর্তিহাট। টাকা তিনি অনেক উপার্জন করেছিলেন। ঘুষ বল ঘুষ, উপরি বল উপরি। যা বলবে তাই মানব আমি।

তাইতো বলছিলাম—নিজের বংশের স্বরূপ দেখে আমার আমাকে যেন আমারই ভয় হয়েছিল সেদিন। শিউরে উঠেছিলাম। কিন্তু কুড়োরামকে দোষ দিই নি। কৃত্তী পুরুষ হিসেবে অভিনন্দন জানিয়েছিলাম। হয়তো তোমার মতের সঙ্গে মিলবে না। তা না মিলুক। তা নিয়ে এ কৈফিয়তও দেব না যে, যারাই সংসারে বড় হয়, অন্তত বিষয়ের সংসারে, তারা কর আবণ্ডার আদায় করে থাকেন। জোর করে যারা বাহুবলে রাজ্যজয় করে, অশ্রু দেশ লুণ্ঠ করে, তাদের কথা বাদ দিলাম শুলতা। কারণ তারা কারুর মতামতের ধার ধারে না। গ্রাহ্য করে না। কিন্তু যারা তা না করেন, মানুষের প্রচলিত পথে বড় হন, তাঁরাও কিছুটা কর আদায় করেন। প্রভুত্ব অর্জন করলেই মানুষের আত্মগত্যাটা জমিদারী সেরেস্তার খাজনার উপর চাঁদার মত লোককে দিতেই হয়। না দিলে যার যেমন প্রভুত্ব তেমনি পেনালটি আদায় না করে ছাড়েন না। মন্ত্রীদেব কথা ভাবো না। মানে—স্বাধীনতার পরের মন্ত্রীদেব কথা। এই তো স্বাধীনতার পর থেকে এ পর্যন্ত গুলি তো কয়েকবার চলল। লাঠিচার্জ তো বাদই দিচ্ছি। এবং এই পদ অর্জনের জন্য তোট-তোট করে পরস্পরের সমালোচনার নামে যে তর্ক—সত্য মিথ্যা প্রকাশ পেলে তাই থেকে বিচার কর না। দেখ না, কত স্থানে কত প্রতিশ্রুতি। কতরকম প্রতিশ্রুতি। কোন দল বললে—সব জমিগুলো ওদের কাছ থেকে

কেড়ে নিয়ে তাদের দেব। কেউ বললে—তোমাদের জীবন সুখ-সমৃদ্ধিতে ভরে দেব। তার উপর তোমরা সত্যিকারের স্বাধীন থাকবে। তারপর এগায়ে কুয়ো, ওগায়ে ইস্কুল, ওগায়ের রাস্তা—এসব খুচরো প্রতিশ্রুতি বা ঘুষ যাই বল না কেন—দেওয়ার তো হিসেব নেই। এর ছেলের চাকরী, ওর এটা, তার সেটা এ-সবের ফিরিস্তি নাই তুললাম। সুতরাং এ-ধরনের ব্যাপার চিরকাল আছে। ব্যাপারের ঢং পার্টেছে। কিন্তু যারা লোকনায়ক হলেন, তাঁদের অস্বীকার করব কি করে? কুড়ারাম ভট্টাচার্যকে তাই আমি অভিনন্দন জানিয়েছিলাম সেদিন।

কুড়ারাম ভট্টাচার্যের পাচালী আমাকে খুব বেশী আকর্ষণ করত না বা এত মূল্য তাকে দিতাম না স্থলতা যদি আমি আর একটা বিচিত্র এবং নিষ্ঠুর তথ্য আবিষ্কার না করতাম। তাতে তুমি জড়ানো স্থলতা। অস্তুতঃ তোমার সঙ্গে আমার যে অন্তরঙ্গ বন্ধন হবার কথা—প্রতিশ্রুতি দিয়েছি একরকম—তার মাঝখানে এই তথ্যটা এসে দাঁড়িয়ে আমাকে শিউরে দিয়েছিল। আমি সেই তথ্যটার অন্তরালে সত্য কি তাই আবিষ্কার করতে পুরনো কাগজ হাঁটকে দেখেছি সারাদিন—সেই ধূলা সর্বান্তে মেখে ভূত হয়ে সন্ধ্যায় স্নান করে বিবি-মহলের ছত্রি-দেওয়া রেলিংঘেরা বারান্দায় বসে ভেবেছি।

স্থলতা তুরু কুঁচকে বিরক্তিতেই বললে—কি বলছ পাগলের মত? আমার সঙ্গে কোথায় সম্পর্ক আবিষ্কার করলে?

—তোমার চারপুরুষের নাম জান স্থলতা?

—কেন?

—বল! চারপুরুষ আগে তোমার পূর্ব-পুরুষের কারুর নাম ছিল ঠাকুরদাস পাল।

—ঠাকুরদাস! ই্যা, ঠাকুরদাস ঘোষ।

—ই্যা। তখন তিনি পাল ছিলেন। তাঁর ছেলে ছিল জগন্নাথ পাল! তিনি ঘোষ হয়েছিলেন। তাঁর ছেলে নরেশ ঘোষ কলকাতায় অ্যাডভোকেট হয়েছিলেন। তিনিই ব্রাহ্ম হন। তাঁর ছেলে তোমার বাবা আর সি ঘোষ, রমেশচন্দ্র ঘোষ ব্যারিস্টার।

অবাক হয়ে স্থলতা তাকিয়ে রইল স্বরেশ্বরের মুখের দিকে।

স্বরেশ্বর বললে—ঠাকুরদাস ছিলেন' আমার প্রপিতামহের বড়ভাইয়ের মত, ভক্তের মত। তাঁর বাড়ী ছিল কীর্তিহাট থেকে পনের-বিশ ক্রোশ দূরে, হুগলী জেলায়, গঙ্গার ধারে শ্রামনগরে। আমার প্রপিতামহের বিবাদ হয়েছিল তাঁর মামা বীরেশ্বর রায়ের সঙ্গে। বীরেশ্বর রায় ছর্দাস্ত পুরুষ। সেই বিবাদে, আমার প্রপিতামহকে ঠাকুরদাস পাল জীবন বিপন্ন করে রক্ষা করেছিলেন, কিন্তু তার জন্তে তাঁর প্রথম পক্ষের সংসার স্ত্রী-পুত্র সব পুড়ে মারা গিয়েছিল। আমার প্রপিতামহই আবার তাঁর বিবাহ দেন। সেই ঠাকুরদাস পাল, স্থলতা, খুন হয়েছিলেন। কাগজ দেখতে দেখতে সন্দেহ হল—সে খুন করিয়ে ছিলেন আমার প্রপিতামহ। রায়বাহাদুর রত্নেশ্বর রায়। শরীরের রক্ত যেন বিষ হয়ে গেল স্থলতা। মাথার খেয়াল যাদের থাকে, মস্তিষ্কের উগ্রতা তাদের স্বাভাবিক। সেই উগ্রতা চিন্তায় চিন্তায় এমন উত্তপ্ত হল যে, আমি পাগলই হয়ে গেলাম। আমার এই উদ্ভট মন যাকে লোকে খেয়ালী

বলে পাগল বলে, তার পাগলামি জাগল—আমি স্থলতার পাশে দাঁড়াব কি বলে ?

স্থলতা স্থিরদৃষ্টিতে তার দিকে চেয়ে রইল ।

রুক-ঘড়িতে ঢং-ঢং করে দশটা বেজে গেল । স্থলতা বললে—বল । খামলে কেন ?

\* \* \* \*

স্বরেশ্বর বললে—খুন তিনিই করিয়েছিলেন । আমার প্রপিতামহ, তোমার পূর্ব-পুরুষকে ।

—কেন ? জমিদারীর ব্যাপারে ?

—সে সুদীর্ঘ কথা স্থলতা । সেই তো কীর্তিহাটের কড়চা । সেই তো আমার জবানবন্দী । গোটা রায়বংশ তার সঙ্গে জড়ানো । জমিদারীর দায়ে তিনি খুন করাননি । জমিদার ছিলেন বলেই খুন করিয়েছিলেন । করাতে পেরেছিলেন । সংসারে বংশ-গৌরব, জন্ম-গৌরবের মূল্য সব মানুষেরই আছে । অনেক বিদগ্ধ মানুষের কাছে শুনবে—পাঁচপুরুষ সাতপুরুষ আগে হয় পূর্বপুরুষ রাজা ছিল—নয় সিদ্ধপুরুষ ছিল, নয় কোন অবিস্মরণীয় মানুষ ছিল । কিন্তু এই বংশগৌরব যখন সম্পদের আর বিষয়ের সঙ্গে একসঙ্গে হয়, তখন সে হয় যত দীপ্ত তত উত্তপ্ত ! দীপ্তি যখন কেউ স্নান করে দিতে চায়, তখন তাকে উত্তাপ দিয়ে পুড়িয়ে মারে । সম্পদ যার না থাকে, তাদেরও এতে উন্নত হবারই কথা । কিন্তু এখানে সম্পদবিষয়ও ছিল জড়ানো । বিষয়—মাতৃকুল-পিতৃকুল, মাতামহ-পিতামহ, পিতা-মাতা স্বরেশ্বর নিজে সকলে এতে জড়িয়েছিলেন । কিন্তু কলঙ্কই বল আর অগৌরবই বল, সবটাই ভাস্তিবশে একটি অকিঞ্চিৎকর সত্যকে গোপন করতে গিয়ে সৃষ্টি করেছিলেন নিজেরাই ! তাঁরা সত্যকে প্রকাশ করতে পারেন নি, সেই সত্যকে প্রকাশ করে জবানবন্দী দিয়ে আমি মুক্ত হতে চাই ।

হাসলে স্বরেশ্বর । তারপর সে ঠাণ্ডা চায়ের কাপটা তুলে নিলে ।

স্থলতা বললে—ওটা জল হয়ে গেছে ।

রেখে দিলে স্বরেশ্বর ।

স্থলতা ডাকলে—রঘু !

রঘু ঘরের দরজার ওপাশেই বোধহয় বসে বসে ঢুলাছিল । এ অভ্যাস তার আছে । স্বরেশ্বরের প্রতি তার মমতা আসক্তি—উদরাম্নের দায়ে নয়—এর মধ্যে একটা নেশা আছে । খেয়ালী স্বরেশ্বরকে মানুষ করে তার রূপ-গুণ-দোষ-ত্রুটি সবের নেশায় পড়েছে ; সব থেকে বেশী স্বরেশ্বরের খেয়ালীপনার অত্যাচারের নেশা । সে তাকে ছাড়তে পারে না । স্বরেশ্বর ছবি আঁকে, সে দাঁড়িয়ে তুলি-রঙ এগিয়ে দেয়—ধরে । স্বরেশ্বর বাজনা বাজায়, সে দরজার পাশে বসে শোনে । স্বরেশ্বর মত্ত পান করে, সে উপকরণ তৈরী করে সন্ধ্যা থেকে । স্বরেশ্বর রাত্রি জেগে বসে ভাবে, নক্ষত্রকচিত আকাশের দিকে তাকিয়ে থাকে, সে বসে বসে ঘুমোয়, কিন্তু সামান্য শব্দে জেগে ওঠে !

রঘু এসে সামনে দাঁড়াল ।

স্থলতা বললে—একবার চা কর রঘু । তোমার লালবাবু চা খান নি, জুড়িয়ে গেছে ।

রঘু বললে—চা খাবে এতো রাতে ? উটা খাবে না ?

—না।

সুলতা বললে—কি ? ব্যাণ্ডি-হুইস্কি ? আমি তো জানি তুমি খাও। তা খাও না !

—না সুলতা। আজ আমি এমন একটা কথাও বলতে চাইনে, যার উপর কোন মাদকের একবিন্দু প্রভাব পড়ে। চা নিয়ে আয় রঘু।

—তাই আন তাহলে। এক কাজ কর। বেশী করে তৈরী করে ফ্রাঙ্কে পুরে দাও। দরকার মত আমরা ঢেলে নেব। আর চল, আমি একটা ফোন করব।

সুলতা, রঘু চলে গেল। সুরেশ্বর এসে কাচের জানালায় দাঁড়াল রাস্তার দিকে চেয়ে। সামনে ফ্রি স্কুপ স্ট্রীট।

রাস্তাটা নির্জন হয়ে এসেছে। মধ্য মধ্যো রিক্সা যাচ্ছে—আর পায়ে হেঁটে যাচ্ছে দু-চার জন ফিরিঙ্গী এবং লুকীপরা মুসলমান। এ রাস্তাটায় এদের বাসই বেশী। রাণী রাসমণির খন্তুর শ্রীতিরাম মাড়ের কাছে জমি সংগ্রহ করেছিলেন কুড়ারাম ভট্টাচার্য। এক বিঘা জমি ব্রাহ্মণকে দিয়েছিলেন তাঁরা।

কুড়ারাম অর্থ উপার্জন করে জমিদারী কিনেও তাঁর বাল্যকালের অভ্যাস ছাড়তে পারেন নি। প্রথম জীবনটা গেছে নিদারুণ কষ্টের মধ্যে। বাপের মৃত্যুর পর মায়ের হাত ধরে পথে পথে বেড়িয়েছেন ভিক্ষা করে। মা বেশী দিন বাঁচেননি। ঘর থেকে বেরিয়ে ছ'মাসের মধ্যেই আত্ম-হত্যা করেছিলেন। কাল হয়েছিল তাঁর রূপ। ভট্টাচার্য-বংশে রূপ আছে অনেকদিন থেকে। গৌরবর্ণ রঙ, ব্রাহ্মণপণ্ডিত চেহারা। এটার অবশেষ কীর্তিহাটের বিশ-ত্রিশ ঘর ভট্টাচার্যের বাড়ীতে আজও আছে। কুড়ারামের মা রূপের সে প্রদীপশিখাকে আরও উজ্জ্বল শুধু দেন নি, সে প্রদীপে কিছু ঘৃতসিঞ্চনও করেছিলেন। তাঁর রূপ ছিল প্রতিমার মত।

হেরে পালালো—হিজলীর নবাবের সৈন্যরা ঘর জালিয়ে লুটে শিবরামকে হত্যা করে যেদিন রাতে, সে রাতে প্রথমেই ছেলের হাত ধরিয়ে স্ত্রীকে শিবরাম জঙ্গলে পাঠিয়ে দিয়েছিলেন। নিজে ছিলেন কিছু ঘুষ দিয়ে ঘরটাকে বাঁচানোর জন্ত। কিন্তু তারা সব লুটে ঘর জালিয়ে তাঁকে হত্যা করে চলে গিয়েছিল। কুড়ারামের মা গ্রামে পরদিন ফিরে স্বামীর সৎকার করে আশ্রয়ের জন্ত গ্রামের লোকের সঙ্গেই পথে বেরিয়েছিলেন—গোধা গ্রাম পুড়ে গেছে। সবাই নিরাশ্রয়। তার উপর বর্গীর ভয়। কিন্তু বর্গীরা এদিকে আসে নি, তারা চন্দ্রকোণা মেদিনীপুর দিগনগর থিরপাই হয়ে চলে গিয়েছিল বর্ধমানের দিকে। পাঁচালীতে আছে—

“তবে কোন কোন গ্রাম বর্গী

দিল পুড়াইয়া।

সে সব গ্রামের নাম শুন

মন দিয়া।

চন্দ্রকোণা মেদিনীপুর আর দিগনগর থিরপাই পোড়ায়ো যান বর্ধমান শহর।

লোকে ভাগীরথী পার হয়ে আশ্রয় নিয়েছিল নানান স্থানে। হুগলী জেলায় গিয়ে



উঠেছিলেন কুড়ারামের মা ছেলের হাত ধরে। কটা ছেলে মরে হয়েছিল কুড়ারাম—কয়েকটি সম্ভানের জননী কুড়ারামের মা, কিন্তু রূপ তাঁর যথেষ্ট ছিল। ছেলেও রূপবান। তাঁদের দেখে মমতা করে আশ্রয় দিয়েছিলেন একটি বর্ধিষু ঘরের প্রবীণা মহিলা। রাম্মার কাজ দিয়েছিলেন। কুড়ারামকে দিয়েছিলেন পূজার ফুল তোলার কাজ।

মাস ছয়েক পর মা তার একদিন রাতে গলায় দড়ি দিয়েছিলেন।

কুড়ারাম জানত—তার মাকে উত্যক্ত করে তুলেছিল ওই বংশের একটি ছেলে। সে বুঝতে পারত। প্রথমটা নিরাপদেই ছিল—ওই বৃদ্ধা গৃহিণীর কপায়। তিনি তার মাকে আপনার ঘরে নিয়ে শুতেন। তিনি মারা গেলেন। তাঁর শ্রদ্ধা শান্তি চুকতেই একদিন রাতে মা চীৎকার করে উঠলেন। সে ঘুমিয়ে ছিল। ঘরের একটা দরজা খোলাই শুধু দেখেছিল—আর কিছু সে দেখে নি—মা উদ্ভ্রান্তের মত ঝাঁপাতে ঝাঁপাতে দরজাটায় পিঠ দিয়ে দাঁড়িয়েছিলেন। দরজাটার খিল ছিল না। তারপর সে আবার ঘুমিয়ে পড়েছিল। সকালে দেখেছিল তার মা ঘরে নেই। বাইরে অনেক গোলমাল। ওই বাড়ীরই খিড়কীর পাড়ের একটা গাছের ডালে গলায় দড়ি দিয়ে মা ঝুলছেন। কুড়ারাম মায়েয় সংকারও করে নি। ভয়ে সে পালিয়ে গিয়েছিল।

তারপর ভিক্ষা করত। রাতে কোন গ্রামে কারুর দাওয়ায় কিম্বা গাছতলায় খুঁজে নিত আশ্রয়। একান্ত অনাহুতের মত। এরই মধ্যে আবার একটা আশ্রয় তার মিলল। সেও তার রূপের জন্ত। সে এসে পড়েছিল হুগলী শহরে।

তখন মস্ত শহর হুগলী। হুগলীতে নবাবের ফৌজদার থাকেন। রাজা তখনও হন নি—বাবু নন্দকুমার তখন হুগলীর ফৌজদার। হুগলীতে তখন ইংরেজদের কুঠী। তখন স্মৃতানটিতে তারা নতুন শহর পত্তন করে কুঠী তৈরী করে কলকাতা নাম দিয়েছে বটে, কিন্তু হুগলীর তখনও খুব জম-জমাট। পাশেই চুঁচড়োতে ওলন্দাজদের কুঠী ও আড্ডা। চন্দননগরে ফরাসীরা রয়েছে। দিনেমাররা শ্রীরামপুরে। এর সঙ্গে আরমানী মুসলমান ব্যবসাদাররা আছে। এ এক নতুন রাজ্য এসে পড়েছিলেন কুড়ারাম। ব্রাহ্মণের ছেলে, ছেলেমানুষ, একটা ভয় তাঁর ছিল। এই স্নেহের শহরে এসে কোথায় জাত চলে যাবে। সেই ভয়ে এসে আশ্রয় নিয়েছিলেন দেবস্থলে। চুঁচড়োর ষাঁড়েশ্বরতলায়। এই রূপবান খুঁদে বামূনের ছেলেটিকে যাত্রীরা সমাদর করত। মেয়েরা বামুন করে থাওয়াতো, কিছু দক্ষিণে দিত। ওখানেই কিছু মন্ত্রতন্ত্র শিখেছিলেন। সেই শেখার দায়ে লেখাপড়াও, কিছুটা বাংলা, কিছু মুখস্থ করে সংস্কৃত পড়ে এই জীবনের গোড়া-পত্তন করে নিয়েছিলেন।

সময়টা তখন কিন্তু মাহুষের স্থখে-শান্তিতে বাঁচার পক্ষে নিরাপদ ছিল না। বর্গী গিয়েছে। কিন্তু তারপর থেকেই এই সব সাহেবান লোক, এই শাস্ত নিরীহ দেশের বুকে নিদারুণ দাপাদাপি শুরু করলে। নিজেদের মধ্যে ঝগড়া। নবাবের সঙ্গে ঝগড়া এসব লাগিয়েই রাখলে। আজ ফরাসীর সঙ্গে ইংরেজের ঝগড়া হয়, ইংরেজরা চন্দননগরে গিয়ে কামান দাগে, কাল ফরাসীরা হামলা করে।

এরই মধ্যে খবর রটল—নবাব আলীবর্দী খাঁর ইস্তেকাল হয়েছে, তাঁর নাতি সিরাজুদ্দৌলা

নবাব হয়েছেন। নবাব সিরাজুদ্দৌলা ইংরেজদের ওপর চটা। ফরাসীদের সঙ্গে আতাত বেশী। সুতরাং হুগলী অঞ্চলের অনেক লোক মনে মনে শঙ্কিত হয়ে উঠল। তখন কুড়ারাম ভট্টাচার্যের বয়স পনের-সোল। তিনি ঠাকুরের স্থান ছাড়েননি বটে কিন্তু এ এলাকা ছাড়িয়ে অন্য এলাকাতে আসা-যাওয়া শুরু করেছেন। এদেশে তখন অনেক ছোটখাটো বিদেশী ব্যবসাদার ব্যবসা করে যারা লিখতে পড়তে জানে না। এদের মধ্যে মুসলমান বেশী। আফগানিস্তান, পারস্য, আরব দেশ থেকে এদেশে এসে কাঁধে করে মাল বয়ে ব্যবসা শুরু করে; খাতা একটা রাখে, তাতে ধারে মাল যাদের দেয়, তাদের নাম লিখিয়ে নেয় অগ্নিকে দিয়ে। এবং এ থেকেই তারা কেউ কেউ হয়েছে ইতিহাস-বিখ্যাত মীরহাবিবের মত রাজনীতি ক্ষেত্রের ধুরন্ধর। ব্যবসার ক্ষেত্রে বড় গদী ফেঁদে বসে ধনী হয়েছে এমন লোকও অনেক আছে। বাংলাদেশে কাবুলীরা এখনও আছে। সুরেশ্বর যখন কীর্তিহাটে প্রথম যায় পিতৃশ্রদ্ধ উপলক্ষ্যে, তখন কাবুলীওয়ালাদের টাকা আদায়ের সময়। সে তাদের লাঠি এবং খাতা হাতে ঘুরতে দেখেছে। সে-খাতা বাংলায় লেখা।

সে আমলে এ ধরনের ব্যবসাদার ছিল প্রচুর। এই কুড়ারাম ভট্টাচার্য তাদের খাতা লিখে দিতেন। এই কর্মযোগেই তিনি চেষ্টা করে পারসী লিখতে-পড়তে শিখেছিলেন।

কুড়ারামের রূপ শুধু দেহেই ছিল না তাঁর হাতের লেখাতেও রূপ ছিল। লেখা ছিল গোটা গোটা ছাপার হরপের মত। কলে দেবমন্দিরের যৎকিঞ্চিৎ কাঞ্চনমূল্যের দান ও দক্ষিণার এলাকা ছেড়ে সামনে এই শহরগঞ্জের মুনাকার প্রশস্ত ক্ষেত্র তাঁকে হাতছানি দিয়ে ডেকে অনায়াম প্রবেশাধিকার দিয়েছিল। তিনি ধনী মুসলমান ব্যবসায়ীর গদীতে মুন্সী নিযুক্ত হয়েছিলেন মাসিক পাঁচ সিকা তহা বেতনে। এখানে তিনি পাকা হিসাবনবীশ হয়ে ওঠেন। তখনও বয়স বিশ হয় নি। সেই সময়ে খবর রটল নবাব সিরাজুদ্দৌলা কলকাতা দখল করে কেবলা উড়িয়ে দিয়েছেন। ইংরেজরা পালিয়েছে ফলতার ওদিকে। হুগলীতেও কি-হয় কি-হয় অবস্থা। বহুজন কারবার বন্ধ করে পালাচ্ছে। হাঙ্গামা মিটলে আসবে, খুলবে।

কুড়ারামও সরে এসেছিলেন হুগলী থেকে। গঙ্গার স্রোত এবং বাদশাহী শড়ক এই দুটো পথ থেকে যে যতদূর যেতে পারে, সে তত নিরাপদ। লোকে তাই পালাচ্ছিল। কুড়ারামও হুগলী থেকে সরে গিয়ে আশ্রয় নিয়েছিলেন তারকেশ্বরে। আবার ধরেছিলেন দেবতাকে। এখানে থাকতেই খবর পেয়েছিলেন, পলাশীতে নবাবের সঙ্গে ইংরেজ কোম্পানীর লড়াই হয়ে একটা হেস্তনেস্ত হয়ে গেছে। নবাব সিরাজুদ্দৌলা হেরেছেন। শুধু তাই নয়, হেরে তিনি পালিয়ে যাচ্ছিলেন তাঁর বেগমকে নিয়ে কিছু ভগবানগোলা থেকে তাঁকে গ্রেপ্তার করে এনে, নতুন নবাব সিরাজুদ্দৌলার সিপাহসালার মীরজাফর আলী খাঁয়ের ছেলে মীরন তাঁকে খুন করিয়েছে। সুতরাং এখন মোটামুটি আর লড়াইটড়াই হবে না। এবং ইংরেজ কোম্পানীরই এখন পাশার দানের পোওয়া বারো। যে যেখানকার সে সেখানে ফিরল। হুগলীতে বরং বেশী লোক ফিরল। কিন্তু কুড়ারাম ফিরলেন না। তখন তাঁর জীবনে যৌবনের নেশা লেগেছে। তিনি তারকেশ্বর মন্দিরে পূজক-পুরোহিতদের আশ্রয়েই ছিলেন। পূজায় সাহায্য করতেন। লোকরঞ্জে ক্রমতা ছিল। উপার্জন বলতে গেলে সামান্য। কিন্তু ওই তারকেশ্বরে আসত এক

সম্পন্ন ঘরের কিশোরী কন্যা। তার মানত ছিল। আসত সে সপ্তাহে দু'দিন করে। রূপবতী কিশোরী। কোণীতে আছে চৌদ্দ বছরে বৈধব্যযোগ। এইজন্যই তারকেশ্বরে নিয়মিত অর্চনার সংকল্প ত্রতের মত পালন করে। প্রাচীন জমিদার বংশ। কিন্তু সম্পদ এখন যাবার পালা। তাতেও অবশ্য কম কিছু নেই। বাড়ীতে হাতী আছে। পাকি আছে। চাকরানভোগী বেহারা আছে। ঘোড়া তো আছেই। ও অঞ্চলে নামডাক যথেষ্ট। লোকে রাজাই বলত। তাঁর ওই একটি কন্যা। কুড়ারাম এই কন্যার রূপে মুগ্ধ হলেন এবং নিজের রূপ এবং ব্রাহ্মণবংশের বৈশিষ্ট্য-গৌরবে মনেও করলেন না যে, ব্রাহ্মণ-পুত্র হলেও তিনি রাখাল এবং সে রাজকন্যা।

মেয়েটিও মুগ্ধ হয়েছিল।

পাঁচালীতে তাই বলেছেন কুড়ারাম।

দুরু দুরু কম্পে বুক                      হস্ত কম্পে শুক মুখ  
বাক্যবদ্ধ হইল মুক আশীর্বাদী দিতে  
মিটি মিটি কন্যা হাসে                      কপট রোষের ভাসে  
বোবা ঠাকুরের পাশে পুষ্প নারি নিতে।  
চোখের পলক ঠারি                      জানাইয়া দেয় কুমারী  
মন সমর্পণ করি দিয়াছি তোমাকে।  
আমি পাগল হইলাম                      তারকেশ্বরে ধোয়াইলাম  
পূর্ণ কর মনস্কাম পাওয়াও কন্যাকে।

কিন্তু তারকেশ্বর সে মনস্কামনা পূর্ণ করেন নি। বরং কপালে লিখেছিলেন লাহুনা। গাস-চারেক মধ্যে কথাটা প্রকাশ হয়ে গিয়েছিল। সঙ্গে আসতেন বৃদ্ধা ঠাকুমা, দাসী, পাইক, গোমস্তা। ঠাকুমাই নাতনীকে নিয়ে পূজার্চনা করাতেন, দাসীও থাকত অবশ্য একটু দূরে। ক্রমে ক্রমে ইসারা-ইঙ্গিত থেকে কথাবার্তাও হয়েছিল। বৃদ্ধী ঠাকুমা এই রূপবান যুবককে দেখে ভুলেওছিলেন। তাঁর ক্রমে ক্রমে ধারণা হচ্ছিল—বাবা তারকনাথই এই কুড়ারামের ছদ্মবেশে বা কুড়ারাম হয়ে জন্মে তাঁর নাতনীর বর হতে এসেছেন। পাঁচালীতে তার বর্ণনা আছে।

ইসারা-ইঙ্গিত হইতে                      হাতে হাতে ছুঁতে ছুঁতে  
দৌছে যায় মজি ছুঁতে ঠাকুমাও বোঝে।

এই ঠাকুমাই বলেছিলেন ছেলেকে—দেখ, এই ছেলেই বুঝি বর। এরই সঙ্গে বিয়ে দে। একে-বারে সাক্ষাৎ শিব রে, সাক্ষাৎ শিব!

কিন্তু ছেলে তাতে তুষ্ট তো হন-ই নি—কষ্ট হয়েছিলেন প্রচণ্ডভাবে। একটা পুজুরী বামুন—ওই পাণ্ডাশ্রেণীরও চাকর, সে হবে তাঁর জামাতা! তিনি মুখে কিছু বলেন নি মাকে। কিন্তু কন্যা ও মায়ের পরের আসবার নির্দিষ্ট দিনের আগেই হাতী চড়ে এসেছিলেন এবং মোহস্তের সঙ্গে কথা বলে গিয়েছিলেন। মহাস্ত তারকেশ্বরের মহাস্ত, তিনি কুড়ারামকে ডেকে খুঁটির সঙ্গে বেঁধে অপমান ও লাহুনার শেষ রাখেন নি। দেবতার পূজা সেবা করতে গিয়ে যাত্রী কুমারী কন্যার উপর পাপদৃষ্টি দাও তুমি পাষণ্ড! তুম বদমাস শয়তান, পাপী হো। তারপর

হুকুম দিয়েছিলেন—সেইদিনই সূর্যাস্তের পূর্বে সে যেন তারাক্ষর ছেলে চড়ে যায়। না গেলে হুনিয়াতে সে আর থাকবে না। তাতেই ক্ষান্ত হন নি; পাইক সঙ্গে দিয়ে হুগলী পর্যন্ত তাকে তাড়িয়ে রেখে আসবার ব্যবস্থা করেছিলেন।

হুগলী এসে তিনি কয়েকদিন মুহুমান হয়ে পড়ে আবার মহোত্তম নিয়ে অর্থোপার্জনের জন্ত ব্যস্ত হয়েছিলেন। টাকা রোজগার করে বড়লোক হয়ে ওই কন্যাকে তিনি বিবাহ করবেন। ব্যবসা তিনি পারবেন না তা জানতেন। তিনি চেয়েছিলেন চাকরী। এমন চাকরী যাতে মাইনেটা কিছু নয়, তার থেকে অনেক বেশী পাওয়া যায় ঘুষ। ঘুষকে তখন ঘুষ বলত না। স্বতন্ত্র স্বতন্ত্র ক্ষেত্রে স্বতন্ত্র স্বতন্ত্র নাম ছিল। পাইকের উপরি—তলবানা। গোমস্তার উপরি—তহরী! নায়েবের—নায়েব সেলামী। আমলাদের—পার্বণী। দালালের-দালালীর উপরেও দস্তুরী। মাহেবের—ভেট। ডালি। কুড়ারাম বেচে বেছে জমিদারী সেরেস্তা পছন্দ করেছিলেন এবার এবং এসে উঠেছিলেন প্রাচীন উত্তরবাড়ী কায়স্থ জমিদারী বাড়ী বাঁশবেড়ের কাছে। দাতার বংশ—নিত্য প্রভাতে উঠে ব্রাহ্মণকে নিষ্কর দিতেন কিছু। বাঁশবেড়ে জমিদারদের রাজা খেতাব আজও লোকসমাজে বহাল আছে। সকলে রাজার কাছে দর্শনপ্রার্থী হলে রাজা বলেছিলেন—তাই তো ঠাকুর, সাক্ষাৎ দেবতার মত তোমার রূপ, তা বিলম্বে এলে! এক্ষুনি যে নিয়মমত দান একজন নিয়ে গেল বাবা। তুমি কাল এস।

কুড়ারাম বলেছিলেন—হুজুরের কাছে নিষ্কর দানপ্রার্থী হয়ে আসি নি আমি। আমি একটি কর্গপ্রার্থী হয়ে এসেছি।

—কর্গ? তা দেবকর্গ লোকজন তো যথাযথ রয়েছে এখন। তা—

হাতজোড় করে কুড়ারাম বলেছিল—দেবকর্গ আমি জানি হুজুর। কিন্তু তার প্রার্থনায় আসি নি ঠিক। এসেছি হুজুরের সেরেস্তাখানায় কোন কর্গের জন্ত। আমি পার্সী জানি, বাংলা জানি, হিসাবনিকাশ রাখতে পারি।

—বল কি! কই তোমার হস্তাক্ষর দেখি!

হাতের লেখা দেখে খুব খুশী হয়ে কাজ দিয়েছিলেন তিনি। এখানে বছরখানেক কাজ করে পাকা জমিদারী সেরেস্তার পাটোয়ার হয়ে উঠেছিলেন। আমীনের কাজ তাও শিখেছিলেন। কিন্তু এরই মধ্যে খবর তিনি পেয়েছিলেন যে, সেই কন্যার বিবাহ ইতিমধ্যে হয়ে গেছে। শুনে প্রথম ভেবেছিলেন, কাজকর্গ ছেড়ে সম্যাসী হয়ে যাবেন। কিন্তু কয়েকদিন পর মগপানে দীক্ষা নিয়ে এই বিরহ ভুলেছিলেন। পাচালীতে লিখেছেন—

ভুলিতে বিরহ জ্বালা লইলু জ্বপের মালা  
ভরিয়া নারিকেল মালা থাইলু কারণ  
পাইলু মাশুনা তাতে জননী চরণ প্রসাদে  
কর্ম করি সাথে সাথে হয় উপার্জন।

সুরেশ্বর হাসলে। এই ধরণের শক্ত বস্তুনিষ্ঠ মানুষ না হলে কুড়ারাম ভট্টচার্য বাংলার জমিদারী বন্দোবস্তের ক্ষেত্রে অজ্ঞাতনামা কীর্তিমান ব্যক্তি হতে পারতেন না। রায়বংশ



প্রতিষ্ঠা করতে পারতেন না। তবে তাঁর এই পথে কঠিন পরিশ্রমে দৃঢ়পদে অগ্রসর হওয়ার কারণটা বোধ হয় ছিল এই কণ্ঠাটির পিতৃবংশের সর্বনাশ। সেটা তিনি সচেতন মনে জানতেন না বোধ হয় তবে অচেতন মনের গভীরে ছিল এই বাসনা। না হলে তিন বছর পর যখন খবর রটল নবাব জাফর আলিকে নবাবী গদী থেকে নামিয়ে কোম্পানী তাঁর জামাই মীর মহম্মদ কাসেম খাঁকে তক্তে বসানো এবং কাসেম খাঁ খুব কাজের লোক তখন বাশবেড়ের চাকরী ছেড়ে তিনি মুরশিদাবাদ রওনা দিতেন না। বাশবেড়ের কর্তাই তাঁকে সুপারিশপত্র লিখে দিয়েছিলেন। দিয়েছিলেন কান্দীর উত্তররাঢ়ী কায়স্থবংশের সম্ভান নবাব সরকারের কানুনগো (তখন নাম ছিল বঙ্গাধিপ) প্রাণগোবিন্দ সিংহের কাছে। কুড়ারামের হাতে তখন পাঁচ হাজার টাকা জমেছে। তখনকার দিন, পথ নিরাপদ ছিল না। তারপর নবাব বদলের কাল। কুড়ারাম হুগলীতে গিয়ে কোম্পানীর কুঠীতে টাকাটা জমা দিয়ে বরাত নিয়েছিলেন কাসিমবাজারের কুঠার উপর।

মুরশিদাবাদে এসে পড়েছিলেন মরহুমের সময়। নবাব কাসেম আলি খাঁ তখন স্বস্তর মীরজাফরের আমলের যত বিশ্বস্ত কর্মচারী তাদের প্রত্যেককে হিসাবনিকাশের দায়ে ফেলে তাদের কাছ থেকে টাকা আদায় করছেন। জাফর আলীর রাজস্ব বিভাগের কর্তা ছিলেন কিশুরাম এবং মণিলাল। তাদের সমস্ত সম্পত্তি বাজেয়াপ্ত করে ক্ষান্ত হলেন না, তাদের প্রাণদণ্ড দিলেন। ছ বছর হরকরা জাফর আলীর পেয়ারের হরকরা ছিল। তারও দশা হল তাই। এমন কি হারেমের দাসীবাঁদীরও দায়ে পড়ল। রাত্রে কান্না শোনা যেত। তামাম অবস্থাপন্ন কর্মচারীর তখন হিসাব হচ্ছে, স্ফূর্তি হচ্ছে পরগনাওয়ারি। নতুন বিচক্ষণ পাটোয়ারের প্রয়োজন হয়েছে নবাব সরকারে। প্রাণগোবিন্দ সিংহের নির্দেশমত নবাবের প্রিয়পাত্র মুন্সুফদের প্রধান আলি ইব্রাহিম খাঁর বিশ্বাসভাজন মুন্সীর হাতে এক হাজার টাকা নজরানা দিয়ে কানুনগোদের অধীনে কর্ম পেলেন কুড়ারাম। পেলেন প্রাণগোবিন্দ সিংহের অধীনে নয় তাঁর ভাই কানুনগো গঙ্গাগোবিন্দ সিংহের অধীনে।

শুধু কর্মই পান নি। জীবনে প্রথম সঙ্গিনীও জুটে গিয়েছিল। সেদিন সন্ধ্যার পর কানুনগো গঙ্গাগোবিন্দ সিংহ যাচ্ছিলেন কান্দী মোকাম। খাগড়া ঘাটে গঙ্গা পার হয়ে ওপারে গিয়ে উঠবেন পাঙ্কিতে। পাঙ্কিবেহারী সিপাহী পাইক সেখানে হাজির থাকবে। গঙ্গার ঘাট পর্যন্ত তিনি সিংহজীকে নৌকায় তুলে দিতে গিয়েছিলেন। ফিরবার পথে তখন রাত্রি প্রায় এক প্রহর। লালবাগ মুরশিদাবাদের পর বাকী সবই তখন পল্লীগ্রাম। অন্ধকার পথ। গঙ্গার ধারে সিঁদুর জঙ্গল। বড় বড় আমবাগান। পথের দুধারেও জঙ্গল। তিনি সন্তর্পণে আসছিলেন একলাই। জীবনের প্রথম থেকে পথে পথে ঘুরে গাছিতলায় রাত্রি কাটিয়েছেন তিনি, দুঃসাহস তাঁকে যেন আশ্রয় করেছিল ভাগ্যফল হিসাবে। হাতে ছিল এক গাছি গুপ্তি লাঠি। লাঠি হিসাবেও মজবুদ। একেবারে ডগায় পরানো ছিল লোহার বোলো। হঠাৎ এক সময় কে যেন ছায়া-মূর্তির মত উপস্থানে দৌড়ে এসে একেবারে তাঁর উপরেই আছড়ে পড়েছিল। ধাক্কাটা আচম্বিতে অত্যন্ত। পাশের একটা বাগান থেকে বেরিয়ে দৌড়ে রাস্তা পার হয়ে ওপরের জঙ্গলে ঢুকবার মতলব ছিল তার। কিন্তু কুড়ারামের উপর আছড়ে পড়ল। কুড়ারাম পড়ে



গেলেন, সেও পড়ে গেল। কিন্তু আশ্চর্য হলেন কুড়ারাম, যার ধাক্কা খেয়েছেন সে অত্যন্ত হাক্কা মাহুঘ, হাক্কাও বটে কোমলও বটে, হয় বালক না হয় স্ত্রীলোক। আঘাত তিনি পান নি, পড়েই গিয়েছেন। সঙ্গে সঙ্গে উঠে বসে তিনি তাঁর গুপ্তিটা কুড়িয়ে নিয়ে ডান হাতের মুঠোয় ধরে বললেন—কোন হো তুমি ?

উত্তর পান নি। দেহটা প্রায় নিশ্চল হয়ে পড়ে আছে। তখন হেঁট হয়ে তার গায়ে মুখে হাত বুলিয়ে বুঝেছিলেন সে স্ত্রীলোক। গন্ধেও বুঝেছিলেন। চুলের গন্ধ পেয়েছিলেন। আবার নেড়ে দেখেছিলেন তার মুখ, নাকের কাছে হাত দিয়েছিলেন শ্বাস-প্রশ্বাস পড়ছে কিনা দেখবার জন্য। শ্বাস-প্রশ্বাস পড়ছিল। তার সঙ্গে হাতে ঠেকেছিল বেসর। নাকের বেসর। মুসলমানী ?

এবার পোশাক নেড়ে দেখেছিলেন। ইয়া, গায়ে কাঁচুলি ওড়না রয়েছে। কি করবেন ভেবে পান নি। ফেলে চলে যাবেন ? যাওয়াই উচিত ছিল কিন্তু দুঃসাহসী নব-যুবক কুড়ারাম এই রাত্রে নিজের এমনি একটি বিচিত্র রোমান্স ত্যাগ করে যেতে পারেন নি। তাকে ধরে তুলতে গিয়েছিলেন। ততক্ষণে সে কাতরে বলে উঠেছিল—ছোড় দো মুঝে ছোড় দো। খোদা কসম কুছ নেহি মেরি পাস।

কুড়ারাম বলেছিলেন—লেঃ বাবাঃ ! যা ভেবেছি। প্যাজ রসুনের গন্ধ বাবা ! উঃ !

সঙ্গে সঙ্গে সে বলেছিল খাটি বাংলায়—তোমার পায়ে পড়ি। তোমার পায়ে পড়ি।

কুড়ারামের বিশ্বয়ের সীমা ছিল না। বলেছিলেন—কে তুমি ?

—তুমি কে ?

—একজন রাহী !

—নবাবের লোক নও ? সিপাহী নও ?

—চাকরী করি নবাব সেরেস্ভায়, সিপাহী নই। তুমি কে ?

—নবাবমহলের বাঁদী। বুড়ো নবাবের ছেলে মীরন আলীর বাঁদী। হিন্দু বামুনের মেয়ে ছিলাম, আমাকে ধরে এনেছিল। নবাবজাদা মরে গেল, বাঁদীদের কতক দিয়ে দিয়েছিল একে-ওকে, আমি মণিবেগমের কাছে ছিলাম। নতুন নবাব সব বাঁদীদের খোজা দিয়ে মারপিট করচ্ছে ছেঁকা দিচ্ছে, বলছে—নবাবী টাকা জহরত কার কাছে কি আছে নিকাল। যা ছিল দিয়েছি। তবু রেহাই নেই। একটা হীরের আংটি ছিল সেটা ঘুষ দিয়ে আমি পালিয়েছি। পালাব আমি। আমাকে ছেড়ে দাও। কিছু নেই আমার।

স্বপ্নের চিত্তান্ত ছিন্ন হয়ে গেল। একটা মাহুঘের ব্যস্ততন্ত উচ্চ পদক্ষেপের শব্দে। জুতো পায়ে দেওয়া বিংশ শতাব্দীর মাহুঘ। ছুটে চলেছে।

কর্পোরেশন স্ট্রীট থেকে মোড় ফিরে একটা লোক ছুটে পালাচ্ছে। তার পিছনে তিনজন যেন তাকে ধরবার জন্য ছুটেছে। হয়তো একটু পরই শোনা যাবে কোলাহল। কেউ কাউকে ছুরি মেরেছে অথবা দুজনেই দুজনকে মেরেছে। ফ্রী স্কুল স্ট্রীট এখান থেকে খানিকটা দক্ষিণে গিয়েই। এখনও সেই উনবিংশ শতাব্দীর শেষ—যখন ইংরেজের জীবন উদ্দাম হয়ে উঠে কিরিশ্চী সভ্যতার সৃষ্টি করেছিল—সেই সভ্যতার রাজ্য বা সাম্রাজ্য। তার সঙ্গে আছে

মুশলমান আমলের ওই কালের জের যে-কালে কুড়ারাম ভট্টাচার্য ওই মেয়েটিকে কুড়িয়ে পেয়েছিলেন।

মেয়েটিকে কুড়ারাম ছেড়ে দেন নি। ঘরে এনেছিলেন, আশ্রয় দিয়েছিলেন। মীরজাফরের ছেলে মীরন বজ্রাঘাতে মারা গেছে তখন—বছর খানেক আগে। লোকে বলছে ঢাকার পথে নৌকোতে নির্বাসনে যাচ্ছিলেন সিরাজজননী আমিনা বেগম আর সিরাজের প্রধান শত্রু তাঁর মাসী ঘেসেটী বেগম। ঘেসেটী বেগম বলতে গেলে সিরাজের বিরুদ্ধে ষড়যন্ত্রে জাফর আলি খাঁয়ের চেয়েও বড় ছিলেন। তাঁর চরিত্র নিয়ে কুৎসিত কথা এবং গল্পের আর অন্ত নেই। তবুও তো নারী। আলিবর্দীর কন্যা। ঢাকায় পাঠানো হচ্ছিল যেন আর কোন গুণগোল না হয়। মীরন ছিল প্রধান উত্তোগী। কিন্তু তার আসল মতলব ছিল অন্য। সিরাজের বেগম যারা ছিল তাদের এক লুৎফুন্নিসা বেগম আর উমদৎউন্নিসা বেগম ছাড়া বাকীদের সব ভাগ-বাটোয়ারা করে দিয়েছিল মীরন আমীর-ওমরাহদের মধ্যে। ক্লাইভ সাহেবের সান্ধোপাক্ষরাও নাকি সব থেকে খুবস্বরতি যারা তাদের বেছে নিয়েছে। কিন্তু এই কয় বেগমকে নিয়ে ছিল সমস্তা। লোকের ভয়ে লুৎফুন্নিসা আর উমদৎকে বিলি করতে পারে নি বা নিজেও নিতে পারে নি মীরন। লুৎফুন্নিসাকে নাকি বলা হয়েছিল কাকে পছন্দ কর তুমি বল!

লুৎফুন্নিসা বলেছিল—হায় মেরী নসীব। হায় সরম কি বাত্!—

—কেন?

—কেন? হাতীর উপর যার চড়া অভ্যাস বা হাতীতে যে চড়েছে তাকে কতকগুলো গিধ্‌ধড় দেখিয়ে বলছে—বল কোন গিধ্‌ধড় তোমার পসন্দ!

উমদৎউন্নিসা ছিল সিরাজের বিয়ে-করা বেগম। তাকে কিছু বলতে সাহসই করে নি। কিন্তু যতদিন আমিনা ঘেসেটী বেঁচে আছে ততদিন বিপদ কাটবে না। নবাব আলিবর্দী খাঁর দেউ যদি কোন রকমে বোরিয়ে একটা আশ্রয় পায় এবং সিপাহীদের সামনে দাঁড়ায় তো কি হবে কেউ বলতে পারে না। মীরন তাঁদের ঢাকা পাঠাবার নাম করে নৌকোয় চড়িয়ে নিয়ে গিয়ে পদ্মার বুকে নৌকোটা ডুবিয়ে দেবার ব্যবস্থা করেছিল। কেউ জানবে না কেউ দেখবে না, পদ্মার বুকের উপর কোন সাক্ষী থাকবে না। তাই ডুবিয়ে দিয়েছিল। কিন্তু আমিনা ঘেসেটী নৌকো যখন ডুবছে তখন তার উপর দাঁড়িয়ে উপরের দিকে মুখ তুলে চিৎকার করে বলেছিল—আরে বেইমান, বিজলী গিরে রে তেরা শিরপর, বিজলী গিরে রে মীরন, তেরা শিরপর বিজলী গিরে। তারপর ডেকেছিল আল্লাহতায়লাকে। ডাকতে ডাকতেই ডুবেছিল নৌকো। এবং এই চিৎকার-অভিশাপ গঙ্গার ধারের অনেক লোক শুনেছিল, তাই আর গোপন থাকে নি। মিথ্যে হয় নি বেগমদের অভিশাপ। স্বরেশ্বর জন্মে এটা কাকতালীয়। অভিশাপ ফলে না। কিন্তু মীরন মরেছিল বজ্রাঘাতে। কুড়ারাম ভট্টাচার্য সে কালের লোক, তিনি অভিশাপ মানতেন। তিনি বিশ্বাস করেছিলেন এতে।

“বেগমদের অভিশাপে মীরন মরে বজ্রাঘাতে সাতটি ছিঁদ্র ছিল মাথে দেখেছে সকলে।”

পুণিয়ায় বিদ্রোহ দমন করতে যাচ্ছিলেন মীরন শাহজাদা। সঙ্গে কোম্পানীর পন্টন-কাপ্তেন। মীরনের সঙ্গে বাড়ি ছিল, হাত-পা টেপার খানসামা, কাহিনী বলার লোক—এরাও

ছিল সেদিন তাঁবুতে। আকাশে মেঘ উঠতেই মীরন ভয় পেয়ে আসর মজলিস সব ফেলে বড় তাঁবু ছেড়ে ছোট্ট একটা তাঁবুর মধ্যে এসে ঢুকেছিল, যেমনভাবে লোকে চোরকুঠীতে লুকায়। কিন্তু হঠাৎ আকাশ ঝলসে উঠল বিদ্যুতে—কড় কড় কড়াৎ শব্দে চারিদিকটা থরথর করে কাপিয়ে ডেকে উঠল মেঘ। বাজ পড়ল মীরনের সেই ছোট তাঁবুতেই। তার মাথায় সাতটা ছিদ্র হয়ে গিয়েছিল, মুখখানা ঝলসে গিয়েছিল। সেই সঙ্গেই ছিল এই মেয়ে। অগ্নি তাঁবুতে। নাম ছিল ফয়জান। ফয়জান তখন মাসছয়েক এসেছে। গঙ্গার ঘাটে স্নানে এসেছিল, মীরন নৌকো থেকে হুকুম দিয়েছিল—লে আও উয়ো ছোকরী কে। সিপাহীরা তুলে এনেছিল। ব্রাহ্মণের ঘরের বালবিধবা মেয়ে, সুন্দরী মেয়ে। সত্যকার সুন্দরী মেয়ে। মীরনের সঙ্গে বাঈজী বেগম চাকর নফর এরা ফিরল মুরশিদাবাদ। মীরন শাহজাদা হেরে গিয়ে মরে নি, তাহলে তার তাঁবুর হীরা-জহরৎ টাকা লুটের সঙ্গে এরাও লুট হত। কিন্তু মীরন তখন শাহজাদা মীরন। বাপ জাফর আলি মুরশিদাবাদের তক্তে বসে আছেন। স্ততরাং খুব ইজ্জত সম্মানের সঙ্গেই মীরনের তাঁবুর সব এসে ঢুকেছিল মুরশিদাবাদ হারেমে।

মণিবেগম এককালে সিরাজের বিয়ের সময় বাঈজী হিসেবে নাচতে এসেছিল। সে আর বন্ধু। দুই বাঈজীকেই নিকা করে ঘরে ঢুকিয়েছিলেন জাফর আলি খাঁ। মণিবেগম হয়ে উঠেছিল প্রধান বেগম। মণিবেগম রূপসী মেয়েটাকে দেখে নিজে নিয়েছিলেন বাদী করে। হয় জাফর আলি খাঁর হাত বাড়ানো বন্ধ করতে কিম্বা হয়তো জাফর আলির নজর তার দিক থেকে সরে অগ্নিদিকে ফিরতে চেষ্টা করলে এই মেয়েটাকে দিয়ে সেই নজর বন্ধ করতে। কোনটা ঠিক জানতেন এক মণিবেগম।

মেয়েটাকে ঘরে এনে তুলেছিলেন কুড়ারাম। রূপ সম্বন্ধে উচ্ছ্বাস প্রকাশ করেছেন। বেশ একটু বিশদ বর্ণনা। এ যুগেও রীতিমত অশ্লীল। কাজী নজরুলের বসন্ত কবিতাটি নিয়ে এ যুগের একজন বিশিষ্ট মহিলা সাহিত্যিক নিষ্ঠুর কথা বলেছিলেন। সে কবিতা এর কাছে কিছুই নয় সেদিক দিয়ে।

ভারতচন্দ্রের বিদ্যাসুন্দর জাতের। ভারতচন্দ্রের কাব্যগুণ এতে নেই। তারপর কুড়ারাম মেয়েটাকে বলেছিলেন—দেখ, মুসলমান থাকতে তোকে ঘরে ঠাই দিতে পারব না। বাজারে বাঈজী হলে সেখানে তুই আমার কথা ভুলবি। আর নবাবের নজর ফের পড়বে। তখন আবার পাকড়াও হবি। তা হলে কি করি বল তো।

মেয়েটা কি বলবে? সে বলেছিল—তুমি যা বলবে।

সেও মুগ্ধ হয়েছিল কুড়ারামকে দেখে তাতে সন্দেহ নেই। কুড়ারাম একটু ভেবে নিয়ে বলেছিল—পথ আছে। হয়েছে।

—কোন পথ?

—তার আগে বল—পিয়াজ রসুন গোস্ত ছাড়া ভাত রুচবে তো তোর?

মেয়েটা বলেছিল—আমি তো হিন্দু ঘরের বিধবা। তাই তো খেতাম।

কুড়ারাম বলেছিল—সেইজন্মেই তো বলছি। হিন্দু বিধবা একবার ও সব খেতে ধরলে

ছাড়তে পারে না। সলমানীর চেয়ে বেশী খায়।

মেয়েটা বলেছিল, পারব। তুমি দেখ।

কুড়ারাম বলেছিল—তাহলে তোকে বোষ্টমী হতে হবে। মহাপ্রভুর ধর্ম, ওতে বাধা নেই। চল তোকে জিয়াগঞ্জের হরিদাস বাবাজীর কাছে নিয়ে গিয়ে ভেক দিয়ে নিয়ে আসি। ভাল হবে। ফোঁটা তিলক কাটলে চুড়ো করে চুল বাঁধলে কার সাধ্য ধরবে তুই নবাব হারেমের বেগম সাহেবের বাদী ছিলি। তোর নাম ছিল ফয়জান।

কথা হচ্ছিল কুড়ারামের বাড়ীতে বসে। কুড়ারাম হিসাবের দিক থেকে অত্যন্ত পাকা এবং সে দিকে বুদ্ধিবিচার তীক্ষ্ণ ছিল। নিজে লিখেছেন—

যাহা করি রোজগার তিন ভাগ করি তার  
এক ভাগে ব্যয়তার নিজের পেটের  
এক ভাগ পুঁতে রাখি পিতলের ঘটি ঢাকি  
অন্য ভাগ লগ্নী রাখি বিশ্বাসী শেঠের।

হিসাবী লোকটি মুরশিদাবাদে পাঁচ হাজার টাকার বরাত হুণ্ডী নিয়ে এসে টাকা ভাঙিয়ে হাজার টাকা নজরানা দিয়েছিলেন চাকরীর জন্ত। বাকী চার হাজারের কিছু টাকা হাতে রেখে একটা সামান্য বাড়ী কিনেছিলেন খাগড়ার প্রান্তে। নবাবী শহরের ধার ঘেঁষে। সামান্য দু কুঠুরী দালান। নবাবের কাছে যারা সাজা পেয়েছিল পূর্বতন নবাব-প্রীতির জন্ত তাদেরই একজনের বাড়ী। বাকী টাকাটা ওই বাড়ীর মেঝেতেই পুঁতে রেখেছিলেন। কথা হচ্ছিল সে বাড়ীতে। বেশ খিল কপাট বন্ধ করে।

মেয়েটা আবারও বলেছিল—যা বলবে তুমি, তাই করব। তুমি আমাকে বাঁচিয়েছ। প্রাণের ভয়ে যা ছিল সব দিয়ে কোন রকমে বেরিয়ে জঙ্গল ভেঙে বাগানের পাশ দিয়ে পড়ে বাগানের তলা দিয়ে কোথা পালাচ্ছিলাম জানি না। হয়তো সাপে খেতো নর্রতো কোথাও খানাখন্দে পড়ে জান যেতো—

—উছ উছ। জান নয় জীবন বল! জানে পেঁয়াজের গন্ধ ছাড়ে।

মেয়েটা হেসেছিল, বলেছিল—অভ্যেস হয়ে গিয়েছে এমন—

—ছাড়তে হবে।

—ছাড়ব।

হঠাৎ কুড়ারাম বলেছিল—এক কাজ কর।

—কি?

—দাঁড়া। বলে একটা ধারালো দা দিয়ে বলেছিলেন—ওই লম্বা বেগীটা আগে কাট। ওই চুল বাধা। চুল একেবারে কামাতে হবে। নইলে ওই বাহারে চুল আর সিঁথির ঢং যাবে না। কাট!

মেয়েটা তাই কেটেছিল। অনেক কষ্টে অবশ্য। চোখ দিয়ে জল পড়েছিল একদিকে, অন্যদিকে হাসছিল; এ যেন এক কোঁতুক। নিজে কাটতে পারে নি, বলেছিল—তুমি কেটে দাও।

—চেঁচাম নে ।

—না ।

জোরে খড় কাটার মত পেঁচিয়ে পেঁচিয়ে কেটেছিলেন কুড়ারাম । তারপর বলেছিলেন—আর এক কাজ কর ।

—বল ।

বাইরে বেরিয়ে খানিকটা গোবর এনে তাকে দিয়ে বলেছিলেন—খা । খেয়ে শুদ্ধ হ । বামুনের মেয়ে তো, বুঝিস না ? নে ।

বেশ খানিকটা গোবর নিয়ে সে কৌত করে গিলেছিল অম্লান মুখে ।

কুড়ারাম বলেছিলেন—হ্যাঁ, তুই বামুনের মেয়ে বটস ।

তারপর কলসীতে গঙ্গাজল ছিল, এনে খানিকটা খেতে দিয়েছিলেন, বাকীটা হড় হড় করে তার মাথায় ঢেলেছিলেন, তারপর বলেছিলেন—যা শুদ্ধ । বল দশবার—কি বলবি বল দেখি ?

মেয়েটা বলেছিল, শ্রীহরি শ্রীহরি, শ্রীহরি শ্রীহরি, শ্রীহরি শ্রীহরি, শ্রীহরি শ্রীহরি, শ্রীহরি শ্রীহরি, শ্রীহরি শ্রীহরি ।

—বাস শুদ্ধ । এবার ওই ঘাঘরা-মাগরা ছেড়ে আমার কাপড় পর একখানা । কাল শাড়া কিনে এনে দেব !

কুড়ারাম জীবনে বছবার শাস্ত্রকে নিজে নিজের মনোমত করে ব্যাখ্যা করে নিয়েছেন । অগ্নের ব্যাখ্যার ধার ধারেন নি, কিন্তু কখনও শাস্ত্র মানি না বলে ফেলে দেন নি । বলতেন—শাস্ত্র হলো বৈতরণী পারের নৌকো, বাইব আমি নিজে । ওপারে পৌঁছলেই হল ।

বৈতরণী পার হতে হইলে শাস্ত্র তরা ভূমণ্ডলে

আমি নিজ বাহুবলে বাহিব ওপার ।

মোট কথা এই ভাবেই ব্রাহ্মণ বালবিধবা শ্রামা দাসীকে মীরন ধরে এনে ঘাঘরা কাচুলি ওড়না পরিয়ে নাম দিয়েছিল ফয়জান, কুড়ারাম তাকে ঘরে এনে মাথা নেড়িয়ে গোবর খাইয়ে গঙ্গাজলে স্নান করিয়ে তিলক ফোঁটা রসকলি কাটিয়ে নাম দিয়েছিল ললিতা বৈষ্ণবী । চুল যখন আবার নতুন করে গজিয়ে এক পিঠ হয়েছিল তখন তাকে বৈষ্ণবীর চেহারায় ফয়জান থেকেও ভাল লেগেছিল । প্রথম প্রথম ঘরে বন্ধ করে যেতেন সেরেস্তাখানায় । এসে ঘর খুলবার আগেই গলার সাড়া দিতেন, অমনি জানালাটা খুলে ললিতা মুখ বাড়িয়ে হাসত ।

ললিতার পয় ছিল । এবং ললিতা নতুন জীবনে সত্যি কুড়ারামগতপ্রাণ ছিল । ঘর করেছিলেন পনের বছর । এর মধ্যে যত উন্নতি হয়েছিল কুড়ারামের তত তিনি স্থখী হয়েছিলেন ললিতাকে পেয়ে । এবং বিশ্বাস অমনি গাঢ় হয়েছিল যে, তাঁর টাকা কোথায় মাটিতে পোতা আছে তাও কুড়ারাম ললিতাকে দোখিয়েছিলেন । সৌভাগ্য কুড়ারামের যে, তাঁদের সম্মান হয় নি ।

গঙ্গাগোবিন্দ সিংহ জানতেন কুড়ারাম বিবাহিত । ললিতাই তাঁর স্ত্রী । তিনিই তাঁকে ১৭৬৩ খৃষ্টাব্দের বর্ষার সময় সার্বধান করে দিয়েছিলেন—তটচাজ, তুমি একা নও, শুনেছি



পরিবার নিয়ে বাস কর, লোকে বলে স্ত্রী সুন্দরী। সেইজন্তে সাবধান করছি হে, সময় থেকে অন্তত পরিবারকে ঘরে রেখে এস। কোম্পানীর সঙ্গে কাশেম আলীর বনছে না!

কুড়ারাম সঙ্গে সঙ্গেই সাবধান হয়েছিলেন। নবাব কাশেম আলী রাজধানী সরিয়েছেন মুন্সেরে; কোম্পানীর কেল্লা কলকাতা থেকে দূরত্ব বাড়িয়েছেন। সুতরাং কুড়ারাম ভুল করলেন না, তিনি কলকাতার দিকেই এগিয়ে এলেন। মারামারি রক্তারক্তি যা হবার মুরশিদাবাদ থেকে মুন্সের পর্যন্ত হবে। বলতে গেলে মুরশিদাবাদকে একরকম খালিই করছেন নবাব। তিনি কৃষ্ণনগরে এসে এক আস্তানা গেড়ে রাখলেন। দরকার হলেই গুথানে এসে উঠবেন। মহারাজা কৃষ্ণচন্দ্র তখন মীরকাশেমের কোপ থেকে রেহাই পেয়ে কৃষ্ণনগরে ফিরেছেন। মহারাজ তাঁকে জানতেন। জানবার কারণ, নবাব তখন আয় বাড়চ্ছেন; পরগণায় পরগণায় রাজস্ব বৃদ্ধি করছেন, আবওয়াব চাপাচ্ছেন। সে সব যাদের কলমে হচ্ছে তাদের মধ্যে কুড়ারাম ভট্টাচার্য অন্যতম। কুড়ারামের হিসাব অনুযায়ী দিনাজপুরের রাজার রাজস্ব আগের থেকে ৫ লক্ষ ৭৬ হাজার বেড়েছে। নাটোরের বেড়েছে আট লক্ষ। মহারাজ কৃষ্ণচন্দ্রের সে অনুপাতে কমই বেড়েছে, ১ লক্ষ ২৮ হাজার টাকা। সুতরাং আশ্রয় পেয়েছিলেন। সহজেই। সেখানে ছোটখাটো আস্তানা তৈরী করে রেখেছিলেন। দরকার হলেই সরবেন। নগদ টাকাটা জিন্মা দিয়েছিলেন তাঁর মালিকের মত উপরওয়ালা গঙ্গাগোবিন্দ সিংহের হাতে। তার পরিমাণ তখন প্রায় দশ হাজার।

গঙ্গাগোবিন্দ প্রশ্নও করেন নি—এত টাকা কোথা পেলে?

টাকা আরও বেশী হলেও জিজ্ঞাসা করতেন না। করবেন কেন? ব্যাপারটা তো বলতে গেলে প্রকাশ। নবাব কোম্পানী জমিদার সকলেই আয় করছেন। নবাব কাশেম আলী নবাবী নেবার সময় পনেরো লক্ষ টাকা দিয়েছেন কোম্পানীর সাহেবদের। ভান্সিটার্ট সাহেবই নিয়েছে পাঁচ লাখ, হলওয়েল দু লাখ সতেরো হাজার। তা ছাড়া কোম্পানীর আলাদা। মীরজাফর আলি দিয়েছিলেন ষাট লাখ টাকা। একা ক্লাইভকেই দিতে হয়েছিল কুড়ি লাখ।

নবাবেরা দিয়ে সেটা প্রজার ঘাড়ে না তুললে পাবে কোথায়? সে দিক থেকে নবাব কাশেম আলী জবরদস্ত। রাজস্ব বাড়িয়ে পূর্বের আয় থেকে এক কোটি দশ লক্ষ টাকা বাড়িয়ে পাকা আয় করেছিলেন। সঙ্গে সঙ্গে বড় বড় জমিদারদের কাছে খেলাতই হোক আর জরিমানাই হোক আদায় করেছিলেন কোটি দরুণে। তার সঙ্গে সেরেস্টার কর্মচারীরা পাবে না এ কি কথা! অন্ততঃ সে আমলে কুড়ারামেরও মনে হয় নি, ঘুষের টাকা উপরওয়ালাকে দেখালে তিনি তাকে ধরবেন এবং গঙ্গাগোবিন্দ সিংহও তা ধরেন নি, বেশ সহজভাবেই নিয়ে রেখে স্মরণার্থ একটা রসিদ দিয়েছিলেন। মানুষের শরীর, তিনি যদি নাই থাকেন তবে পুত্র পৌত্র যে থাকুক তিনিই দেবেন।

কয়েক মাসের মধ্যেই লড়াই বাধল। এক কাটোয়াতেই যা মুরশিদাবাদের আগে যুদ্ধ হল, নইলে কুড়ারামের কথাই হল সত্য। যুদ্ধ হল বিরিয়ার উদ্যানালায়—মুরশিদাবাদের উত্তর-পশ্চিমে। কুড়ারাম আগেই সরে গেলেন গঙ্গা পার হয়ে পশ্চিম তীর ধরে নবদ্বীপ পর্যন্ত,

তারপর গঙ্গা থেকে জলঙ্গী ধরে কৃষ্ণনগর ।

কাশেম আলী গেলেন, আবার বুড়ো নবাব এলেন । এবার আর কুড়ারাম ফিরলেন না । ওই কৃষ্ণনগরে রাজার সেরেস্তাতেই কাজ নিয়েছিলেন । ঠিক ভাল লাগে নি ঝগাট । সে সময় ললিতাকে নিয়ে সুখে থাকবার একটা মোহ তাঁকে পেয়েছিল । কিন্তু বছর খানেক পর বুড়ো নবাব মারা গেলেন । ছেলে নজুমউদ্দৌলা নবাব হল । মণিবেগম তার অভিভাবিকা । তখন ললিতা বললে—ফিরে চল মুরশিদাবাদ । বেগম আমাকে খুব ভালবাসতেন ।

কুড়ারাম ভেবে-চিন্তে ফিরেছিলেন ।

ললিতা মণিবেগমের কাছে কিছু বকশিসও পেয়েছিল । বেগম সব শুনে খুশী হয়ে কিছু অলঙ্কার দিয়েছিলেন আর দিয়েছিলেন একখানা কুঠী । কুড়ারামের মিলেছিল চাকরী নবাব-দপ্তরে । নবাবদপ্তরের রস আর বিশেষ ছিল না । নতুন কুঠীতে একটু ভালভাবেই সংসার পেতেছিলেন তিনি ।

দেওয়ানী তখন কোম্পানীর হাতে গিয়েছে । আদায় তহশীল সব । নবাববাড়ীতে নবাব থেকে বেগম এবং নবাবজাদা নবাবজাদীরা সব কোম্পানীর তনখাভোগী । শুধু আশে-পাশে কিছু কিছু সম্পত্তির আদায় আছে এই পর্যন্ত । পাওনা-গণ্ডা বিশেষ নেই । কোম্পানীর দেওয়ানী সেরেস্তায় ঢোকা সহজ নয় । তার মুকব্বি সব কলকাতায় । কিন্তু কলকাতায় নোনা লাগে, বাঘ আসে, ডোরা বাঘ ; তা ছাড়া মুরশ্বির অচেনা, কলকাতা তার থেকেও বেশী অজানা । কিন্তু কুড়ারাম লিখেছেন—

ভাগ্যে যার থাকে বল শুক বৃক্ষে ধরায় ফল

মরুভূমি মিলায় জল—বর্ষে বিনা মেঘে ।

বাপারটা ঠিক তাই । গঙ্গাগোবিন্দ সিংহ হঠাৎ পড়ে গেলেন হেস্টিংস সাহেবের স্নজরে । ঘটনাটা অদ্ভুত । নবাব সিরাজুদ্দৌলা যখন কাশিমবাজার কুঠীর উপর চড়াও হয়ে হামলা করেন, তখন হেস্টিংস সাহেব পালিয়ে গিয়ে এক মূদীর দোকানে আশ্রয় চেয়েছিল । মূদীও দিয়েছিল । তাকে রক্তনঘরে একটা জালায় পুরে তার মুখটা ঢেকে রেখেছিল । তাতে প্রাণে বেঁচেছিলেন তিনি । তিনি গভর্নর হয়েছেন এখন । তিনি খুঁজছিলেন কাস্ত মূদীকে । কিন্তু সঠিক কাস্ত মূদী কিনা নিঃসংশয় হতে পারছিলেন না । জনকতক লোকই কাস্ত মূদী বলে এলেও তিনি ঠিক চিনতে পারছিলেন না, কিন্তু ঠকবার লোক তিনি নন । ফিরিয়ে দিয়েছিলেন তাদের । এদেশের লোকের কাছে সাদা মানুষেরা যেমন সব একরকম দেখতে, সাদা মানুষের কাছে কালো মানুষেরাও প্রায় সেই রকম । গঙ্গাগোবিন্দ সিংহ বুদ্ধিমান লোক, হেস্টিংস সাহেব কি জন্তো কাস্ত মূদীকে চান তা খানিকটা বুঝে খোঁজ করে ঠিক কাস্ত মূদীকে নিয়ে গিয়েছিলেন হেস্টিংস সাহেবের কাছে । এবং বলেছিলেন—মি লাড, আপ উসকে এইসা কোই বাত পুছিয়ে যো বাত আপ জানতে হে আউর ই জানতে হে । আউর কোই নো নট ।

সাহেব বলেছিলেন—ঠিক বাত । জাটস রাইট ! আচ্ছা উসকো পুছো—কোই সাহেব কো উসকে সাথ কাশিমবাজার কুঠী লুট হোনেকা বক্তমে মোলাকাং হুয়া ?

কাস্ত মূদী বলেছিল—এক সাহেব প্রাণের ভয়ে আমার কাছে এসেছিল, আমি আমার

মুদিখানায় লুকিয়ে রেখেছিলাম।

—হ্যাঁ। কিস্ কায়দেসে উসকো ছিপাকে রাখা ?

—জালার ভেতর পুরে মুখে ঢাকা দিয়ে রেখেছিলাম।

সাহেব বলেছিলেন—ক্যা বোলতা ? জালাকে অন্তর রাখা—নু বন্ধ করকে। উ তে মর যাগা !

—না হজুর, আমি জালাতে বাতাসের জন্মে ফুটো করে দিয়েছিলাম।

—হ্যাঁ। হোনে সেকতা হয়। লেকিন খানে ক্যা দিয়া ? রোটা—গোস ?

—না হজুর—পাস্তা ভাত আর আমানি দিয়েছিলাম।

—আচ্ছা ! আচ্ছা। বহুত আচ্ছা। লেকিন তুমি উ সাবকে পহছানতে পারে ?

—না হজুর।

—হুম্ হয়। উ হুম্ হয় কাস্তবাবু। আজসে তুম বাবু বন গেয়া। তুম হামারা জান বাঁচায়া, হুম তুমকো বাবু বানায়েগা, রাজা বানায়েগা।---

আর গঙ্গাগোবিন্দ সিংহকে বলেছিলেন—আচ্ছা কামদার হুঁসিয়ার আদমী হো তুম সিংবাবু। তুম হামারা কোম্পানীকে দেওয়ানী সিরাস্তামে কাম করো। আই এ্যাম ভেরী প্লিজড উইথ ইউ। বহুত থুস হয় হুম।

গঙ্গাগোবিন্দ সিংহ কাজ পেয়েই লোক পাঠালেন মুরশিদাবাদ। আপনার অভুগত লোকদের ডেকে আনলেন। তার মধ্যে প্রথম ব্যক্তি ছিলেন কুড়ারাম।

### ৩

পাঁচালীতে আছে—

দেবী সিংহ রেজা খান হইলেন হতমান

বন্দী হয়্যা শেষে যান কোম্পানীর ফাটকে।

মহম্মদ রেজা খাঁ—রাজা দেবী সিং তখন কোম্পানীর রেভেন্যু বোর্ডের সর্বেসর্বা। তারা নিদারুণ অত্যাচারে খাজনা আদায় করে দেশ উৎসন্ন দিলে। তবু কোম্পানীর খাঁই মিটল না। বিলেতে কোম্পানীর অংশীদাররা শতকরা সাড়ে বারো টাকা লাভ পেলে। ইংলণ্ডের পালামেন্ট বছরে চল্লিশ লক্ষ টাকা ট্যাক্স আদায় করলে কোম্পানীর কাছে। জগৎশেঠের দেনা শোধ হল না। ছিয়ান্তুরে মনস্তর হল। রেজা খাঁ, দেবী সিং গেল। রেজা খাঁ ফাটকে গেল। নন্দকুমারের ফাঁসি হল। রায়রাইয়া অর্থাৎ কোম্পানীর রাজস্ব বিভাগের দেওয়ান হলেন রাজা দুর্লভরামের পুত্র রাজবল্লভ। ডেপুটি দেওয়ান হলেন গঙ্গাগোবিন্দ সিং। তারপর দেওয়ান ! ফ্রান্সিস সাহেবের সঙ্গে হেস্টিংসের পিস্তল লড়াই হল। জখম হলেন ফ্রান্সিস। ফ্রান্সিস সাহেবের দলের একজন সায়েব মারা গেলেন। হেস্টিংসের হল জয়জয়কার, তার সঙ্গে দেওয়ানজীর। তার সঙ্গে কুড়ারামের।

দেওয়ানজীকে কতজনে কত বললে। দেওয়ানজী ছিলেন পাহাড়ী। তিনি নড়েননি।

তাঁর আড়ালে কুড়ারাম টিপি হলেও উইটিপি ছিলেন না—একটা পাথরের ডাঁই ছিলেন। দেওয়ানজীকে দেওয়ানী থেকে একবার নামালে। কিন্তু দেওয়ানজী আবার উঠলেন। বললেন—নিজের কাম করে যাও কুড়ারাম। যার জন্তে আছ, সে কাজ তুমি করো। কেউ তোমাকে নামাতে পারবে না। আজ নামালে কাল উঠবে। বুঝেছ? আমাকে কোম্পানী রেখেছে কোম্পানীর আয় দেখতে বাড়াতে; আদায় করতে। আমাকে করতেই হবে। না করলে নিশ্চয় স্বধর্ম হবে আমার। রাজা সেপাই রাখে মাস্ত্রী রাখে বদমাসকে দুশমনকে মারতে। সে তার কাম। দয়া সেখানে তুমি করবার কোন-হো? কোঁই নেহি হো। সে কাম না করলেই হবে বেইমান। নিমকহারাম। কি করব? দেখো ভটচায, দুনিয়া যে বানিয়েছে সেই বানিয়েছে বাঘ—সেই বানিয়েছে হরিণ। সেই বানিয়েছে ঘাস লতাপাতা। হরিণ ঘাস খায়, বাঘ হরিণ খায়। মানুষ বাঘ মারে। মানুষও মরে। ওসব বিচার আমার নয়। তোমার নয়। আপনা কাম। যে সাধু সে জপ করুক। যে ভিখিরী সে ভিখ মাগুক। তুমি তোমার কাম কর।

হেস্টিংস চলে গেলেন দেশে। সেখানে পার্লামেন্টে ঝড় উঠল। হেস্টিংস সাহেবের পর ভান্সিটার্ট সাহেব এল—তারপর এল বুড়ো লর্ড কর্নওয়ালিস। দেওয়ানজীর চাকরী থাকবে এ কেউ ভাবে নি। কিন্তু দেওয়ানজী তবু রইলেন। দেওয়ান থেকে খারিজ হয়ে জমা বাকী সেরেসতার ভার পেলেন। কুড়ারাম তাঁর দপ্তরেই এলেন। এই সময়ে মারা গেল ললিতা। তখন থাকতেন দেওয়ানজীর সঙ্গে বেলুড়ে। দেওয়ানজীদের পাইকপাড়ার বাড়ী তখনও হয় নি। বেলুড়েই মারা গেল ললিতা। দেওয়ানজী বললেন—এবার বিয়ে করে সংসার কর ভটচায। যা হয়ে গেছে গেছে, শেয়াল চাঁদে খেয়েছে। এবার ফের নতুন করে আরম্ভ কর।

কুড়ারাম চমকে উঠেছিলেন। দেওয়ানজী বলেছিলেন, হেসেই বলেছিলেন—আমি সব জেনেছি ভটচায, লজ্জা পেয়ো না।

রায় ভটচাজের পাঁচালীতে আছে—

দেওয়ানজীর রাজবুদ্ধি                      ডেকে কন শোন যুক্তি  
বংশ বিনে নাহি মুক্তি নরক রোরবে।  
অতএব বিভা কর                      মিছা কেন কাল হর  
স্থাপ বংশ বংশধর মায়াময় ভবে।  
ললিতার এস্তাকালে                      গান করি গঙ্গাজলে  
দাড়ি গোঁপ টেছে ফেলে প্রায়শ্চিত্ত করি।  
দর্পণে দেখিতু মুখ                      হইল আশ্চর্য স্থখ—  
যৌবন রয়েছে অটুট হরি হরি হরি।  
দেখিলাম বন্ধপাটা                      ঢিলা নয় আঁটসাঁটা  
এ যেন জীবন গোটা সব আছে পড়ি।

অতএব রায় ভটচাজ বিয়ে করবার অভিলাষী হলেন। কিন্তু বয়স্ক কণ্ঠা চাই। সুন্দরী কণ্ঠা চাই। এবং বংশও উচ্চ চাই। পেতেও বিলম্ব হ'ল না। দেওয়ান গঙ্গাগোবিন্দের

প্রিয়পাত্র, কোম্পানীর দেওয়ানী দপ্তরে বিচক্ষণ কর্মচারী, শক্ত সমর্থ কপবান যাকুথ, লোকে বলে অর্থ তাঁর অনেক, তাঁর কি আর কন্টার অভাব হয়? বিবাহ করলেন পছন্দ করে; কালীঘাট গ্রামে, তখন কালীঘাটকে তার বাসিন্দারাই বলত গ্রাম। সুন্দরী বয়স্কা কন্ঠা; কিন্তু বংশের খুঁত ছিল। লোকে বলত ফিরিজী সংস্পর্শে দোষ। সেই কারণেই এমন সুন্দরী মেয়ের বিয়ে হয় নি, কিন্তু কুড়ারাম রায় ভট্টাচার্য, যিনি মুসলমান হয়ে যাওয়া বামনের মেয়েকে গোবর খাইয়ে গঙ্গাস্নান করিয়ে ললিতা করতে পেরেছিলেন তাঁর পক্ষে এ বাধা বাধাই হয় নি। বিয়ে ক'রে নবদ্বীপে গিয়ে পোড়া-মা-তলায় আগমবাগীশ কৃষ্ণানন্দ ভট্টাচার্যের বংশধরদের কাছে শক্তিমত্তে দীক্ষা নিয়ে পাকা ভিত গেড়ে সংসার শুরু করেছিলেন। কলকাতায় তখন জানবাজারে রাণী রাসমণির কাছে জমি পেয়েছেন। বাড়ী করলেন ছোটখাটো। এবং ভবিষ্যতের দিকে তাকিয়ে ভাবতে ভাবতে ঘুমিয়ে পড়ে ঘুমের ঘোরে স্বপ্ন দেখলেন নিজের গ্রাম নিজের ভিটেকে। দৃষ্টি স্বপ্নের মধ্যেই হোক আর গভীর চিন্তার মধ্যেই হোক, কীৰ্ত্তিহাট ছাড়িয়ে কামাই নদীতে ছরী ভাসিয়ে হলদীতে পড়ে চলে গেছে মেদিনীপুরের দক্ষিণ-পশ্চিমে 'নিমক-মহল' পর্যন্ত। অর্থাৎ যেখানে নুন তৈরী হ'ত সে সব অঞ্চল—হিজলী তমলুক কাঁচি পর্যন্ত।

কোম্পানী হেস্টিংস সাহেবের আমল থেকে নুনের কারবার একচেটে করেছে। খালারি বা নুন তৈরীর খালগুলি কোম্পানীর খাস, সেখানে জমিদারের দাপট চলে না। কোম্পানী দাদন দেয়, ঠিকাদারদের নুন কেনে। ওদিকে দক্ষিণে মারাঠা এলাকার নুন আমদানি বন্ধ হয়েছে। দেশে নুনের দর চড়েছে, নিমক মহলের ইজারার এলাকায় এখন পূর্ণিমা অমাবস্তার জোয়ারের মধ্যে মা লক্ষ্মীর মল বা নূপুরের কাম কাম শব্দ শোনা যায়। মা লক্ষ্মী এখানে লক্ষ্মী মেয়ের মত 'মাস্তে' হাঁটেন না, চঞ্চলা চপলা ছরন্ত মেয়ের মত দৌড়ে আসেন।

নুনের দেওয়ানীর পদ তখন সৃষ্টি হয়েছে। কিন্তু তার থেকেও ইজারাদারির উপর নজর ছিল বেশী। কীৰ্ত্তিহাটে পোক্ত আরামদায়ক মাটির কোঠাবাড়ী করিয়ে ওখানেই কারবার শুরু করবার বাসনা করেছিলেন। হঠাৎ বাধল বিপর্যয়। মেদিনীপুরে হল চুয়াড় হাঙ্গামা। প্রথম কোম্পানীর সঙ্গে রাজস্ব নিয়ে লেগেছিল ঐখানকার জমিদারদের। লড়াইও দু'চারজন জমিদার করেছিল। সে লড়াই কলকাতার ময়দানে মন্ত্রমেন্টের তলায় সন্ধ্যার পর হিন্দুস্থানীদের কপাটী খেলার মত লড়াই। লড়াইয়ে হেরে জমিদারেরা বাগ মানলে, কিন্তু চুয়াড় পাইকেরা পাইকান জমি বাজেয়াপ্তির জন্তে হাঙ্গামা বাধালে। চুরি ডাকাতি খুনখারাপি দিয়ে শুরু, ক্রমে পাঁচশে সাতশো হাজার দেড়হাজার চুয়াড় পাইক জবরদস্তি ক'রে কোম্পানীর নতুন জমিদারদের কাছারী লুঠ করতে আরম্ভ করেছে, রায়তদের ঘর জালিয়ে দিচ্ছে, বাজার হাট গঙ্গ লুঠ করে খুনখারাপি করতে শুরু করেছে। তখন ১৭৯৮-৯৯ সাল।

দেওয়ান গঙ্গাগোবিন্দ সিং তখনও কাজে রয়েছেন। লর্ড কর্নওয়ালিস দেশে চলে গেছেন। দেওয়ানজীও কাজ ছাড়বার কথা ভাবছেন। কুড়ারামও তাই ভাবছেন—আর কেন? এই-বার কাজ ছেড়ে স্বাধীন হবেন। অনেক ব্রহ্মত্র করেছেন দেশে। কলকাতায় নানান কাজ এখন। টাকা তাঁর আছে, সেই টাকা সায়েবদের ধার দিয়ে বা তাদের কারবারে দিয়ে মুছন্দীর কাজ করলে প্রচুর উপার্জন হতে পারবে। স্ত্রী তার আগেই পাঁচ বছরের সোমেশ্বরকে



রেখে মারা গেছেন। বিবাহের কথা তাঁর মনে হয় নি—তবে অতীত লোকে বলেছিল। কিন্তু তাতে তাঁর মন সায় দেয় নি। মনে কেমন একটা বৈরাগ্য এসেছে। মন গেছে ইষ্টের দিকে। এখন সাধ মায়ের মন্দির ক’রে তাঁর আশ্রয়ে সোমেশ্বরকে নিয়ে একটি স্থলের সংসার করেন। আর তার সঙ্গে স্নানের খালারির ইজারাদারি। নইলে থাকবেন কি নিয়ে? শুধু জপে কি কাল কাটে? আর আট-নয় বছর পার হলেই সোমেশ্বর যোল বছরের হবে। সোমেশ্বরকে মানুষ করবার জন্য একটি ব্রাহ্মণ বিধবা এবং একটি শূদ্র ঝি রেখে দিয়েছেন। লোকে হাসতো। বলত—ভটচাঁদ রাম কিপ্পন! এত টাকা, তাই রাখবি রাখবি একটা ভাল বাগ্গী রাখ। দুটো কসবী আনকী রাড় রাখ। তা না—দুটো ঝি। কিন্তু কুড়ারাম পাঁচালীতে এই বাগ্গনের মেয়েকে মা বলেছেন—আর শূদ্র ঝিটিকে বলেছেন কণা।

হঠাৎ একদিন ডাক পড়ল দেওয়ানজীর কাছে। দেওয়ানজী বললেন, মেদিনীপুর কালেক্টরীতে যেতে হবে তোমাকে। তোমার নিজের এলাকা। ওখানে হাঙ্গামা বেধেছে জান তো? এখন কোম্পানীর ফৌজ গিয়েছে। রাজারা ওই দু চারদিন কেলা বন্ধ ক’রে থেকে এবার কোম্পানীর সঙ্গে চুক্তি করছে। ওখানকার হস্তবুদ্ধ ঠিক করে কালেক্টরী ধার্য করবে। আর মারাঠী আমলে ওদের যে পাইকান জমি ছিল, যে জমি পাইকরা ভোগ করত মাইনের বদলে তা বাজেয়াপ্ত ক’রে বিলি ক’রে দেবে। এই সব নিয়ে রেভেন্যু হবে। বুঝলে? রাজাদের তো আর পাইক পুষবার দরকার নেই। আর বর্গী আসছে না। এলে খোদ কোম্পানীর সরকার তার সমঝোতা করবে লড়াই দেবে। আর নিজের জেলায় যাচ্ছ—ব্রহ্মত মাল জমি—

—সে আপনাকে জানাব, হজুর, তারপর।

—এইজন্তেই তোমাকে ভালবাসি, ভটচাঁদ।

কুড়ারাম মেদিনীপুরে যেদিন পৌঁছলেন, সেইদিনই পাইকদের সর্দার নষ্টগুড়ের খাজা গোবর্ধন দলপতির ফাঁসি হয়ে গেল। লোকটা বিপর্যস্ত করে তুলেছিল অঞ্চলটাকে। মেদিনীপুরের রাণী শিরোমণি তখন কোম্পানীর একরকম নজরবন্দী।

রেভেন্যু ধার্য করলেন কুড়ারাম। ধর্ম তাকিয়ে কোম্পানীর স্বার্থ যোল আনার জায়গায় দু আনা বেশী ক’রেছিলেন—

ধর্মকে মাথায় রাখি কোম্পানীর স্বার্থ দেখি

কুড়ারামে দিতে ফাঁকি কেহ নাহি পারে—

যেখানে দু পয়সা পাই সুন খেয়ে গুণ গাই

দিই কিছু সুবিধাই মনিবে না মেরে।

সে সময়ের কালটা সকলে জানে। মেদিনীপুর বাঁকুড়ায় জমিদার-বিদ্রোহ সে সামান্য হলেও পাইক চুয়াড় বিদ্রোহ বাংলার শেষ বিদ্রোহ। কোম্পানীর শক্তিকে ঝড়ের মত বইতে হয়েছিল—শালবন তালবন সমৃদ্ধ মেদিনীপুরের বনস্পতিগুলির মাথা নোয়াতে। পাঠান মোগল আমল থেকে যে সব রাজা উপাধিধারী সামন্তেরা বংশের কুর্শীনায়া অক্ষুণ্ণ রেখে প্রাচীন বৃক্ষের মত মাটির গভীরতম প্রদেশে শিকড় চালিয়ে বসে ছিল—তারা এই ঝড়ের মুখে শুগুশাখা

হয়েছিল সবগুলিই । কিছু কিছু মধ্যকাণ্ডে দুমড়ে দুটুকরো হয়ে ভেঙে পড়েছিল—কিছু কিছু একেবারে মূল ছিঁড়ে উল্টে পড়েছিল মুখ খুবড়ে আছাড় খেয়ে । পাইকানের গোড়ানির কেন্দ্রে বসে কুড়ারাম এই লীলা দেখেছিলেন আর মনে মনে ভেবেছিলেন—ওই ভাঙাগাছের খালি জমির উপর বংশের চারা গাছটি পুতলে হয় না ? হঠাৎ চোখে পড়ল বাকী জায়ের তালিকায় দেনদার ময়নার রাজার নাম । উপরি উপরি খাজনা বাকী পড়েছে রাজার । এবার বাজার রক্ষা থাকবে না—রাজা যাবে । ময়নার মধ্যেই কীর্তিহাট ।

যদি—।

ময়নার রাজা—সেই ধর্মরাজের আশ্রিত হাজার দু হাজার বছরের পুরনো লাউসেনের বংশধরদের কাছ থেকে মারাঠাদের আশ্রয় নিয়ে রাজা কেড়ে নিয়ে রাজা হয়ে থাকলে যদি তাদের দোষ না হয়ে থাকে, তা হ'লে এদের এই বাকী খাজনার দায়ের সময় একটু উদ্বিগ্ন-আদ্বিগ্ন দিয়ে ওদের ঠেলে ফেলেই যদি কেউ দেয়, তবে তাতে আর অপরাধ কোথায় ?

ময়নার রাজার জমিদারী থাকবে না, এ নিশ্চিত ।

ওই তো ময়না পরগণার ওপাশে কঁাসাইয়ের উত্তরে মহিষাদল । মহিষাদল ছিল মহাপাত্রদের, কল্যাণ রায় মহাপাত্রদের শেষ পুরুষ ; জনার্দন উপাধ্যায়কে বিশ্বাস করেছিলেন, সে তাকে পথে বসিয়ে নিয়ে নিয়েছিল মহিষাদল । উপাধ্যায়দের শেষ রাণী জানকী । রাণী পোয়াপুত্র নিয়েছিলেন । সে অন্ধ হল । মহিষাদল এল গর্গ বাহাদুরের হাতে । লক্ষ্মী ভূমি কখন যে কার বাড়ী ঢোকেন কেউ বলতে পারে না ।

ভাবনাটা মনের মধ্যেই ঘুরছিল । মনে মনে কুড়ারাম মাকে ডাকছিল—বল মা, তুমি বল !

এরই মধ্যে এল কোম্পানীর পরওয়ানা ।

আসছে কলকাতা থেকে । রেভেনু বোর্ডের হুকুমে যেতে হবে তাকে বঁাকুড়া ।

বৈশাখ মাস, ঝড়বৃষ্টির সময় । কিন্তু উপায় ছিল না । কাজ জরুরী ।

\*

\*

\*

\*

হঠাৎ সুলতার কণ্ঠস্বরে স্বরেশ্বর ১৭৯৮ সালের কুড়ারাম ভট্টাচার্যের পাঁচালী থেকে এসে পড়ল ১৯৫৩ সালের ২৫শে নভেম্বরে । সামনে দেওয়ালে ছবিগুলি ঝুলছে । এতক্ষণ এরাই যেন সজীব হয়ে তার সঙ্গে কথা বলছিল । সুলতার গলার সাড়ায় ছবির মধ্যে ছবি হয়ে মিশে গেল ।

\*

\*

\*

\*

—কি, তুমি ধ্যানস্থ হয়ে গেছ মনে হচ্ছে !

ছবিগুলো বাস্তব হয়ে উঠেছিল । সুলতার গলার সাড়ায় তারা যেন ছবি হয়ে ছবির মধ্যে মিলিয়ে গেল ।

স্বরেশ্বর বর্তমানে ফিরে এসে সুলতার দিকে তাকালে ।

সুলতা বললে—আমি দু'বার এসে ফিরে গেছি । ধ্যানভঙ্গ করিনি—হাতে কাজ ছিল বলে !  
কি এত ভাবছিলে ? সেকাল ?

সুরেশ্বর বললে—হ্যাঁ। সেকাল। তবে ঠিক এই মুহূর্তটিতে টাকার অঙ্কে এসে পড়েছিলাম। ভাবছিলাম রায়বংশের প্রতিষ্ঠাতা কুড়ারাম ভট্টাচার্য—রায় ভট্টাচার্য নামক ব্যক্তিটি যেদিন দশ এগার বছরের ছেলের বিয়ে দিয়ে জমিদারী কিনে বরকনে নিয়ে কীর্তিহাট গ্রামে প্রবেশ করলেন—যেটা আমার প্রথম ছবির বিষয়বস্তু—সেদিন তাঁর সঞ্চয়ের পরিমাণ ছিল পাঁচ লক্ষ টাকা। তখন জমিদারী কেনার টাকা দেওয়া হয়ে গেছে—কালী প্রতিষ্ঠা, তাঁর মন্দির, পাকা বাড়ী এসব খরচ শেষ হয়েছে। অর্থাৎ ওসব বাদ দিয়েও পাঁচ লক্ষ টাকা। অথচ মাইনে ছিল যৎসামান্য। শতের কোঠায় পৌঁছে আর বেশী দিন চাকরী করেন নি।

সুলতা বললে—তাতে আর আশ্চর্য হবার কি আছে? সে রাজত্বটাই তো লুণ্ঠের রাজত্ব। ঘুষ আর কোম্পানীর সাহেবদের লাখি এ দুটো এত সস্তা ছিল যে ছিয়াতুরের মন্বন্তরে মানুষের প্রাণ এত সস্তা হয়নি এবং কুলীনের ছেলেদের বিয়ে এত সস্তা হয়নি। তবে একটা কথা বলতে পার যে কুড়ারামেরা ঘুষ নিয়ে দশ বিশ লাখ আটকে বা পুঁতে রেখেছিলেন বলেই দেশে থেকেছিল, নইলে সবই চলে যেত বিলেতে।

হাসলে সুরেশ্বর। ঘুষ তুমি বল আমি আপত্তি করব না। তবে কুড়ারাম রায় ভট্টাচার্য সামনে থাকলে তিনি প্রতিবাদ করতেন। ঘুষ? আমার গায়া পাওনা। মাস্কী মানতেন ধর্মকে, সেকালের ধর্মরাজকে। তিনি এসে তাঁর স্বপক্ষে মাস্কী দিতেন হলফ করে বলতে পারি। মিনিস্টার হলে আজকাল নমস্কার পায়, মিনিস্টারী গেলে পায় না। সুতরাং মিনিস্টার থাকাকালীন পাওয়া নমস্কারটা গায়া পাওনা নয় বললে তো চলবে না। কিন্তু ও-কথা থাক। এতক্ষণ করছিলে কি?

সুলতা বললে—বাড়ীতে টেলিফোন করে ফিরে আসবার সময় দেখলাম—রঘু ময়দা মাখছে। আমি ভাবলাম আমার জন্মে করছে। বললাম—এসব কেন করছ? দরকার নেই। রঘু বললে—তা বলো না দিদিমণি। তুমি খাও, তা হলে সঙ্গে লালবাবুরও খাওয়া হবে। আজ সারাটা দিন বলতে গেলে কিছু খায়নি। কেন, খাওনি কেন? জমিদারী যাওয়ার শোকে?

—যেটা থাকে সেটার বিয়োগেই শোক। বলতে পার। কিন্তু ঠিক তা নয়। কীর্তিহাটে গিয়ে খাওয়ার পর পিতৃপুরুষের দিবানিদ্রাটা অভ্যাস করেছি। এবং ওর আমেজ এমন যে খাওয়ার পর ঘুমবার ব্যবস্থার অভাব হলে খাওয়াটাই তাকে তুলে দিতে হয়। কিংবা বমি হয়ে উঠে যায়। আজ সকাল থেকে ছবি টাঙিয়েছি। তিনটের পর অ্যাসেম্বলীতে গিয়েছি। সুতরাং ঘুমবার সময় কোথায়? তাই খাই নি।

—এসেও তো কিছু খাওনি।

—ঠিক খেয়াল হয় নি। তোমাকে ছবি দেখাবার ব্যগ্রতাটাই সব থেকে বড় হয়ে উঠেছিল। তুমি সময় দিয়েছিলে একঘণ্টা। তার মধ্যে ছবিই বা কখন দেখাই, খাইই বা কখন। ছবি দেখাবার তাড়ায় মনে ছিল না। কিন্তু তুমি রঘুর সঙ্গে হাত লাগালে নাকি? কেন?

—তা একটু লাগলাম। লুচি বেলে দিলাম। এবং সঙ্গে সঙ্গে ইন্টারেস্টিং কিছু পেলাম,

পড়ছিলাম—পড়া হয়ে গেল।

—কেন যে এসব করতে গেল ? ছি-ছি-ছি !

—তাতে কি হয়েছে ? উদর নামক যন্ত্রটি তো আমারও আছে। সেখানে খাওয়ারসের মোবিল না পড়লে যে যন্ত্রটি জলে যাবার সম্ভাবনা আছে। ইলামই বা অনার্ড গেস্ট, একটু হাত লাগালাম। তুমি ক্ষিদে ভোল—তুমি শিল্পী। কিন্তু আমি মাটির জীব।

হেসে স্বরেশ্বর বললে—তার ওপর তুমি সোসালিস্ট। গান্ধীজী যে গান্ধীজী তিনি ছিলেন স্পিরিচুয়াল সোসালিস্ট। তিনি রবীন্দ্রনাথকে লিখেছিলেন—দেশ এখন একটিমাত্র কবিতা চায়—সেটির নাম স্বপ্ন। তুমি তার থেকে বড়ো নিশ্চয়, যদি প্রশ্ন করি খাওয়ার জন্তে বাঁচা—না বাঁচার জন্তে বাঁচা তা হলে কি উত্তর দেবে হলপ ক’রে বলতে পারি না।

—এ তকরার খেতে খেতে হবে। তাও না। তকরার একেবারে বাদই থাক। তুমি তোমার কড়চার কাহিনী বল। তার আগে তোমাকে বলে নিই। তোমার আদিপুরুষের নামাক্তিত একটা পাঁচালী, অবশ্য সেটা তোমার হাতে নকল করা, সেটা তোমার টেবিলের উপর পড়ে আছে। বলছিলাম না, ময়দা মাথতে মাথতে ইণ্টারেস্টিং কিছু পড়ছিলাম—সেটা ওইটেই। খুব ভাল ক’রে পড়েছি বলব না। তবে মোটামুটি পড়েছি। সমাজে সেকালে যারা বংশপ্রতিষ্ঠা করেছে, তারা এমনি না-হলে হয় না।

রঘু এসে দাঁড়াল।

স্বলতা বললে—কি ? খাবার দিয়েছ ?

রঘু বললে—হ্যাঁ দিলম।

স্বলতা বললে—এস। খেয়ে নাও আগে। এবং খেতে খেতেই বল। তোমার কথা তো অনেক। আমাদের আসরের পরমায়ু এই রাত্রিটুকু। দশটা বেজে গেছে। বসো।

তারা রঘুর পিছনে পিছনে খাবার ঘরে ঢুকল। বসল সামনা-সামনি। রঘু খাবার সাজিয়ে রেখেছিল। আয়োজন দেখে স্বরেশ্বর বললে—এত করতে গেলি কেন ? লুচি বেগুন-ভাজা আলু-ছেঁচকি—মাংসটা তো না হয় খাবোই। এ যে অনেক।

স্বলতা হেসে বললে—আমি বলেছি।

—কেন এত ঝগড়াট করলে ?

স্বলতা বললে—আজ না-হয় আমি অতিথি, আমি আমার অনারেই করেছি। অবশ্য তোমার মান রাখতে। কারণ, বলতে তো পারি স্বরেশ্বর গল্প শোনার ছবি দেখাবার জন্তে ডেকে নিয়ে গিয়ে সারারাত্রি উপোস করিয়েছিল।

স্বরেশ্বর অপ্রতিভ হয়ে গেল এবার। বললে—দেখ, আমার কমন সেন্স যেন কমে যাচ্ছে ! সত্যিই তো !

স্বলতা বললে—সারাদিন তুমি খাওনি। ক্ষিদে খুব বোধ রয়েছে বলেও মনে হল না। রঘু বলছিল—দিদিমণি, আমার সেই লালবাবু যে কি রকম হয়ে গেলো ! খায় না। খেতে দিলে পড়ে থাকে। কীর্তিহাটে মেঝলা ঠাকুর-মাই ছিলেন, উনহি উনকে খাওইতেন। লালবাবু বিলায়েৎ চলে গেলেন, ঠাকুর-মাই গেলেন বৃন্দাবন। আর আইলেন না। উসকে

বাদসে এহি হাল। আজ সাত আট বরিষ। আমি জিজ্ঞাসা করলাম—কেন, এমন হল কেন? বললে—হামি নোকর, হামি কি করিয়ে বলি। উনকে পুছিয়ে—উ বলবে। উ ঝুট তো বোলে না!

স্বরেশ্বর সুলতার আগেই খেতে শুরু করেছিল। সুলতা বললে—কত ক্ষিদে পেয়েছিল বল তো?

—কেন?

—না-হলে আমি খেতে শুরু করলাম কি না তা লক্ষ্য না করেই খেতে শুরু করেছিলাম!

—ওই দেখ। ছত্রিশ সাল থেকে তেরো সাল—সতের বছর কীতিহাটে একলা থেকেছি,, ভেবেছি, নানান দেশ ঘুরেছি, তার মধ্যে এইরকম হয়ে গেছি। প্রথম মেজঠাকুমাকে পেয়েছিলাম সেখানে।

একটা গভীর দীর্ঘনিশ্বাস ফেলে বললে—মেজঠাকুমা আমার মেজদি, আমার জীবনের পরম সম্পদ। একাধারে মা ছিলেন আবার ঠিক বড়দিদি ছিলেন। হয়তো বা রায়বংশের প্রতিষ্ঠা করা যে যুগলবিগ্রহ আছে তারই মূর্তিমতী রাধা ছিলেন। আমার জন্মে কলঙ্কের ভারও মাথায় নিয়েছেন তিনি।

—কলঙ্ক? কি কলঙ্ক?

—কলঙ্ক সংসারে নারীর একটাই সুলতা। ভালবাসার কলঙ্ক! রায়বংশ এমন পচে গেছে যে নিজের বংশের শ্রেষ্ঠ পুণ্যের আশ্রয় মেয়েটিকে কলঙ্কিনী বললে তারাই!

—থাক স্বরেশ্বর, ওসব তোমার ঘরের কথা। তার থেকে তুমি বল—তোমার কড়চার কথা বল! আমার পূর্বপুরুষ ঠাকুরদাস পাল খুন হয়েছিলেন। বাবাকে আমি টেলিফোন করলাম, বললাম—আজ ফিরব না বাবা। সেই সঙ্গে জিজ্ঞাসা করলাম—আমাদের পূর্বপুরুষ ঠাকুরদাসের কি পাল উপাধি ছিল? বললেন—হ্যাঁ, তখন তাই ছিল। কিন্তু আসল উপাধি আমাদের ঘোষ! জিজ্ঞাসা করলাম—তিনি কি খুন হয়েছিলেন? বললেন—শুনেছি তাই। একজন দেশী ক্রীশ্চান গুণ্ডা তাকে খুন করেছিল। জিজ্ঞাসা করলাম—ঘটনাটা কি জান? বললেন—সে তো আমারও তিন পুরুষ আগে। তাছাড়া ওই উনি খুন হলে আমার পিতামহ কলকাতায় এসে ব্রাহ্ম হন, দেশের সঙ্গে সম্পর্ক চূকে যায়। তারপর তিনিও আমার বাবাকে ছেলেমানুষ রেখে মারা যান। আমি মামার বাড়ীতে থেকে পড়েছি, বিলেত গেছি। ওসব পিছনের খবর আমাদের ঠিক জানা নেই। জানিনে। বাবা কারণ জানতে চাইলেন, বললাম—কাল বলব। তোমার পূর্বপুরুষ কি ওই ক্রীশ্চান গুণ্ডাটাকে দিয়ে খুন করিয়েছিলেন বলছ? কি করে জানলে তুমি? কে বললে তোমাকে?

—বলেনি কেউ, আমি খাতা থেকে পেয়েছি।

—খাতা থেকে?

—হ্যাঁ, প্রথম পেলাম জমাখরচের খাতা থেকে।

অবাক হয়ে গেল সুলতা। জমাখরচের খাতা থেকে? তার হাতে ধরা লুচি আলু-



ছেঁচকি সে ধরেই রইল ।

\*

\*

\*

\*

স্বরেশ্বর বললে—রায়-বংশের সাত পুরুষের পাপপুণ্য ভালোমন্দ সব-কিছুর ফিরিস্তি বুঝি বিধাতার ইচ্ছায় গচ্ছিত ছিল আমার ওই মেজঠাকুমা—মেজদির কাছে । মেজদিকে কলঙ্কিনী অপবাদ না দিলে হয়তো এ ফিরিস্তি তিনি আমাকে দিতেন না ! তাই সেই কথাই বলছিলাম তোমাকে । এবং তার সঙ্গে আমার জবানবন্দী যেটা তোমার কাছে প্রথম দেবার আছে সেটাও দেওয়া হয়ে যাবে ।

সুলতা বললে—বল ।

স্বরেশ্বর বললে—মেজঠাকুমাকে ওরা কলঙ্ক দিলে । সেই বৃত্তান্ত থেকেই বলি । মেজঠাকুরদার মৃত্যুর পর থেকে মা ওঁর পঞ্চাশ টাকা মাসোহারা বরাদ্দ করেছিলেন । মা মারা গেলেও সেটা আমি বন্ধ করি নি । আমার সঙ্গে একটি স্নেহের সম্পর্ক গড়ে উঠেছিল বাবার শ্রাদ্ধের সময় । সেটেলমেন্টের সময় মেজতরফ আমাকে গ্রায্য সম্পত্তি থেকে বঞ্চিত করতে চাচ্ছে বুঝতে পেরে উনিই ছুটে এসেছিলেন কলকাতায়, আমার গুথানকার নিজস্ব নায়েবকে নিয়ে । আমি তোমাকে জানালাম । তুমি তাড়া দিয়ে বললে—যেতে হবে বইকি । যাও । ঠাকুমা-নায়েবের সঙ্গে রঘু চাকরকে পাঠিয়ে দিলাম আগে, পরের দিন আমি কীর্তিহাটে পৌঁছলাম এগারটার সময় ; শেষ চৈত্র তখন । গুথানে গ্রীষ্ম, কীর্তিহাটে বলে ‘খরা’, তখন প্রখর হয়ে উঠেছে । মেদিনীপুরে নেমে জীপ ট্যাক্সিতে গিয়েছিলাম—ফলে সর্বাঙ্গ ধূলি-ধূসরিত হয়ে গিয়েছিল ।

মেজঠাকুমা বিবিমহলের দরজায় দাঁড়িয়ে ছিলেন । নায়েব ছিল, ডিকু, রোজা, ওরা চাকরী করত, সেই বাবার শ্রাদ্ধের সময় থেকে তারা ছিল ; কিন্তু অভ্যর্থনা করলেন মেজঠাকুমা । রায়বংশের যেটুকু স্নেহ আমার প্রাপ্য সেটা যেন ওঁর কাছে জমা ছিল সুলতা । অপরাধ বোধহয় তাঁর এইখানেই ।

সব মনে পড়ছে আমার । ছবিতেও এঁকে রেখেছি । সে ছবি অবশ্য অনেক পরে আসবে, কিন্তু তখন আর আমাকে বলে দিতে হবে না সুলতা যে এইটে মেজঠাকুমার ছবি, তিনি স্বরেশ্বরকে হাত ধরে বলছেন—

—এস তাই আমার সোনার নাতি এস ।

আমি প্রণাম ক’রে বলেছিলাম—তাইতো ঠাকুমা, নিজের সম্বন্ধে তো তাহলে এবার সাবধান হ’তে হবে । চোরে ডাকাতে না লুটে নিয়ে যায় !

মেজঠাকুমা হেসে বলেছিলেন—ভয় কি তাই ! আমি তোমাকে ভক্তি করে বুকে ঝুলিয়ে রাখব । নাত-বউ এলে তাকে পরিয়ে দিয়ে নিশ্চিন্ত হব ।

\*

\*

\*

\*

কথার জবার খুঁজে পায়নি স্বরেশ্বর । মেজঠাকুমা বলেছিলেন—নাও, মুখ হাত ধোও । চায়ের জল চড়ানো আছে । রঘু চা দিক । চা খেয়ে স্নান করে ফেল । আমি তরকারী বেঁধে ফেলেছি । ভাতটা বাকী । চড়িয়ে দি । স্নান ক’রে ঠাকুরবাড়ী প্রণাম করে এসে

থেয়ে নাও । তারপর জিরিয়ে নাও ।

—এসব—মানে এত কষ্ট আপনি কেন করলেন ঠাকুমা ? রঘু যা হয় করতো ।

—কেন ? আমি থাকতে রঘু কেন ? তুমি আমার নাতি । ছেলে টাকা, নাতি স্বদ । টাকার মুখ দেখিনি, ভাগি আমার ভগবান আমাকে স্বদ পাবার হকদার করেছেন । ভাতের উপর মিষ্টান্ন । তোমার মেজঠাকুরদা-র ধূলোয় ফেলে-দেওয়া পোটলাটা তুমি মাথায় তুলে নিয়েছ । আমি থাকতে রঘু কেন ?

তুফোটা চোখের জলও পড়েছিল তাঁর ।

থাওয়ার সময় কাছে বসে থাইয়েছিলেন । সুন্দর রান্না মেজঠাকুমায়ের । মেজঠাকুমা বলেছিলেন—আমি জানি তুমি মাংস খাও । কিন্তু তোমার মেজঠাকুরদার বৈষ্ণব মন্ত্র, আমারও তাই । ওটা আমি ছোব না । ওই গোয়ানদের বললে ওরা গুলতিতে পাখী মেরে দেবে । ওইটে বরং রঘু রেঁধে দেবে তোমাকে ।

অভিভূত হয়ে গিয়েছিল সুরেশ্বর । তিনি তাঁর কাছে মাসোহারা পান বলে ভোষামোদ করছেন এ ধারণা তার একেবারে মুছে গিয়েছিল ।

এই সময়ে বাইরে কাঁসাইয়ের ধারের জঙ্গলে সেই বউ-কথা-কণ্ড পাখী ডেকে উঠেছিল । চৈত্র মাস । এটা ওদের পাগল হয়ে ডাকারই মাস ।

কথার ধারাটাকে ঘোরাবার জেতেই সুরেশ্বর বলেছিল—সেই পাখী ডাকছে, না ঠাকুমা ?

সঙ্গে সঙ্গে গালে হাত দিয়ে মেজঠাকুমা বলেছিলেন—ও-মা ! তাই তো !

অবাক হয়ে সুরেশ্বর তাঁর মুখের দিকে তাকিয়ে ছিল ।

মেজঠাকুমা বলেছিলেন—এতদিন ছিল না তাই পোড়ারমুখো পাখী । অন্ততঃ আমার কানে আসেনি । তাই তো ও-মা বলে গালে হাত দিচ্ছি ! মনে হচ্ছে তোমার মেজঠাকুরদা পাখীটা তুমি হয়ে ফিরে এলে তাহলে !

সঙ্গে সঙ্গে হেসে উঠেছিলেন ।

সেই স্নেহশীলা মায়ের মত মেয়েটি যে এমন যত্ন করে খাওয়াচ্ছিল, সে যেন মুহূর্তে পরিহাস-মুখরা সখী হয়ে উঠেছে ।

সুরেশ্বরের বিস্ময়ের সীমা ছিল না । সেই দিন রাতেই মেজঠাকুমা তাকে বলেছিল—আজ থেকে আমি তোমার মেজবউদি । ঠাকুমা বললে, কেমন বুড়ী হয়েছি বলে লজ্জা করে ! কেমন ?

সুরেশ্বর বলেছিল—না ।

—কেন ?

—একটু খাটিয়ে নেব ।

—কি মেজ বউ ? হেসে উঠেছিলেন তিনি ।

—না মেজদিদি !

—বাঃ, সে খুব ভাল । আর একালে কি বলে—মডার্ন না কি তাও হবে । তাহলে কিন্তু তুমি বলো, আপনি নয় !

—বলব ।

মেজঠাকুমা বলেছিলেন—এইবার চলি, তুমি ঘুমোও একটু । আমার অনেক কাজ । গোপালকৃষ্ণের ভোগ হল, এইবার মন্দিরে যাই, সেখানে আমার নাগরকৃষ্ণের ভোগ আছে । তারপর পোড়া পেটের পিণ্ডি আছে । সন্ধ্যাবেলা ঠাকুরের চরণোদক-তুলসীমায়ের বেলপাতা নিয়ে আসব ।

এই ভূমিকা স্থলতা ।

ওই সর্ববক্ষিতা বিধবা যুবতী ঠাকুমাটি তাঁর সব স্নেহরসভরা জীবনকুণ্ডটি আমার মাথার উপর ঢেলে দিলেন ।

সন্ধ্যাতেও তিনি এলেন কিন্তু কথাবার্তার সুযোগ হল না । সেরেস্তার আসর পড়েছিল । আমার নায়েব দেবোত্তরের নায়েব সকলে এসেছিলেন ; কথাবার্তা হচ্ছিল । সেটেলমেন্টে স্বত্বের সমস্যা তাঁরা বোঝাচ্ছিলেন আমাকে ।

আমি ঠিক বুঝতে পারছিলাম না ।

দেবোত্তরের নায়েব বললেন—মেজতরফ বলছেন—বাড়ী—সবই দেবোত্তর । অন্তর, বিবিমহল সব ।

—কিন্তু পার্টিশন দিলে তো মই করেছেন !

—করেছেন । সে করেছেন শিবেশ্বর রায় । তিনি মৃত । ছেলেরা দেবোত্তরের সেবায়ত হিসেবে আপত্তি করছে এরকম পার্টিশন অসিদ্ধ । বাড়ী সব দেবোত্তর ।

—তারই বা প্রমাণ কি ?

—প্রমাণ ? হেসে দেবোত্তরের নায়েব বললে—আমি ওঁদের নায়েব, আপনারও নায়েব । আমি ওঁদের বলেছি—কাগজ যা বলবে, আমার কাছে যা আছে বের করে দেব । কিন্তু আমি ওর মধ্যে নেই । প্রমাণ ওঁরা জানেন । আমাদের ঘোষালও জানেন । বল না ঘোষাল ।

স্বত্বেশ্বর বললে—স্থলতা, আমার নায়েব এবার বললে, ব্যাপারটা গোলমালে বটে । ওঁরা সোমেশ্বরের ট্রাস্ট ডিড, রত্নেশ্বর রায়ের ট্রাস্ট ডিড বের করেছেন, তার নকল আমাদেরও আছে । তাতে আছে কীর্তিহাটের যাবতীয় জমিদারীপত্তনী সম্পত্তি দেবত্ৰীকৃত হইল । এবং এই আয় হইতে যে সকল সম্পত্তি অজিত হইবে, তাহাও দেবত্ৰ বুলিয়া গণ্য হইবে । ওঁরা বলছেন—বাড়ীগুলি দেবত্ৰের আয় থেকে তৈরী, সুতরাং এও দেবত্ৰ । বিভাজ্য নয় । তবে যে যেমন দখল করছেন, দখল করবেন । দান-বিক্রয় চলে নী ।

দেবোত্তরের নায়েব বলেছিলেন এবার—ব্যাপারটা আরও একটু জটিল হয়ে দাঁড়িয়েছে । কারণ, বড়তরফ এতে যোগ দিয়েছেন ; আপনার জ্যেষ্ঠতাতের বড় ছেলে প্রণবেশ্বরবাবু আসছেন, তিনি এতে যোগ দিয়েছেন । তিনিই বোধহয় বুদ্ধি যোগাচ্ছেন কলকাতা থেকে । এবং সে বুদ্ধি হাইকোর্টের উকিল-ব্যারিস্টারের । তাঁদের জগ্গে ব্যাপারটা আরও জটিল হয়েছে, আপত্তির দাবী আরও মজবুত হয়েছে । ধরুন, তিনি আপনাদের

বড়তরফের অর্ধেকের শরিক। বড়তরফই বিবিমহল পেয়েছে। বড়তরফই ছোটতরফ অর্থাৎ রামেশ্বর রায়ের বাড়ীর অংশ কিনেছে। ওঁদেরই বাপ তাঁর অংশ আপনাদের বিক্রী করেছেন। তাঁরা আপত্তি দেওয়ার সঙ্গে সঙ্গে স্বীকার দোষ হয়ে যাচ্ছে যে, দেবেশ্বর রায় যে পার্টিশনের সময় বিবিমহল নিয়েছিলেন টাকা দিয়ে, সে অসিদ্ধ, আবার রামেশ্বরের অংশ খরিদ অসিদ্ধ, আবার যজ্ঞেশ্বর রায়ের বিক্রী অসিদ্ধ।

বিরক্তিভরে আমি বলেছিলাম হুলতা, বেশ তো, বাড়ীর একটা ভাগ তো আমার যাবে না। সেটা তো থাকবে। নিন, ওরা বাড়ীর ভাগ নিয়েই যদি ভুট্ট হন তো হোন।

এবার বেরিয়ে এসেছিলেন মেজঠাকুমা। তিনি যে এখনও পর্যন্ত ঘরের মধ্যে আমার প্রতীক্ষায় বসে আছেন, তা জানতাম না। এসে বলেছিলেন—কেন নায়েববাবু, সে আমলের কর্তাদের ব্যবসা-বাণিজ্যের এস্টেটের খাতাপত্র আছে। তা থেকে বের হবে।

তারপর আমাকে বললেন—তুমি ওসব কথা কখনও মুখে আনবে না নাতি। নিয়ে হুঁখ হুঁয় হোক—এ কথা বলা মানে হার মানা।

দেবোত্তরের নায়েব বললে—খাতা যে সব নেই মা। কোথায় গেল তা কেউ জানে না। সে কি ছোটবাবুর নায়েবকে আমি খুঁজে দেখতে বলিনি? খাতা তো মেজকর্তার আমল থেকে কোথায় কি গেল কেউ বলতেও পারে না। কি ঘোষাল, বলুন না!

ঘোষাল বললে—খাতা নেই।

আমি হেসে মেজঠাকুমার মুখের দিকে তাকালাম।

মেজঠাকুমা কেমন যেন হয়ে গিয়েছিলেন। একটা দীর্ঘনিঃশ্বাস ফেলে বললেন—আমি গিয়ে সাক্ষী দিলে হয় না?

—সে স্বত্বের মকদ্দমার সময় দেওয়ানী খাদালতে দিতে পারেন, বলতে পারেন—এই শুনেছেন, শুনে আসছেন। তার দাম কতখানি হবে, কাগজপত্রের ওপরে, তা হাকিমের বিশ্বাসের ওপর নির্ভর করে। কিন্তু সেটেলমেন্ট কোর্টে ও শুনবেই না তারা।

মেজঠাকুমা আমার দুঃখে দুঃখ পেয়েই চলে গিয়েছিলেন।

\* \* \* \*

পরের দিন সকালে সেটেলমেন্ট আদালতের দুর্ভোগ যা হয়েছিল, তা তোমাকে পত্রে আমি লিখেছিলাম। চারটে পর্যন্ত বসে থাকা, হাকিম হরেন ঘোষের সঙ্গে আলাপ। এসব তুমি জান। একটা কথা লিখিনি। দুপুরবেলা গাছতলায় বসে জমিদার হওয়ার দুর্ভাগ্যের জন্তু আপশোস করছি, ক্ষিদে পেয়েছে, ঠিক সেই সময়টিতে রঘু তোয়ালে ঢেকে খাবার নিয়ে গিয়েছিল, মেজঠাকুমা পাঠিয়েছেন।

এরপর আমায় ছবি আঁকতে দেখে হরেন ঘোষ হাকিমের মুখ বিন্ময়ের কথাও লিখেছি। ঘোষ আমার বন্ধুত্বের জন্তু কিছু কিছু মূল্য দিয়েছিলেন। কয়েকটা ব্যাপারে আপত্তির ক্ষেত্রে তিনি ওঁদের ধমক দিয়েছেন। কাগজ দেখাতে বলেছেন। সে-সব ছোটখাটো ব্যাপার।

মূল বাড়ী নিয়ে ব্যাপারটার তখনও দেবী আছে। আমিও তাঁর সঙ্গে বন্ধুত্বের জন্তু কিছু করেছি। কলকাতা থেকে বই আনিয়েছি, শরৎবাবুর সব বই। কিছু আধুনিক লেখকদের

বই, বিভূতিভূষণ, প্রেমেন্দ্র, অচিন্ত্য, বুদ্ধদেব, শৈলজানন্দ, প্রবোধকুমার—এই সব, আর খানকয়েক মাসিকপত্রও নিয়েছি। সবই হাকিমের জন্ত বলতে গেলে। তবে দোহাই ধর্ম, এটাকে তুমি ঘুষ দেওয়া বলো না। ঔর জন্তে একখানা বাড়ীও দেখে দিয়েছি, ঔর স্ত্রী আসবেন। মাটির দেওয়াল, খড়ের চাল। কথা দিয়েছি—মেয়েদের জন্তে যে ইস্কুলটা করছি আমি মায়ের নামে, সে বাড়ীটা তাড়াতাড়ি করিয়ে ঔকে দেব, যতদিন উনি থাকবেন। স্বথেষ্টরকাকার ছেলে কল্যাণেশ্বর তার ঠিকদার, তাকেও বলে দিয়েছি। হাকিমের জন্তে সেও প্রাণপণে খাটছে।

এদিকে খাতাপত্র সন্ধান করে পাওয়া যায়নি। আমি ছেড়েই দিয়েছি সব আশা!

মেজঠাকুর কেমন হয়ে গেছেন। মধ্যো মধ্যো বলেন—তোকে আমি মিছেই নিয়ে এলাম ভাই। লজ্জায়, দুঃখে যে মরে যাচ্ছি রে।

—কেন ঠাকুরা? এতে তোমার লজ্জা কি?

—ওরে তোর মেজঠাকুরদা যে এর হেতু!

—তা আর তুমি কি করবে?

দীর্ঘনিঃশ্বাস ফেলে বলতেন—বুঝতে পারছি না রে! মনকে বোঝাতে পারছি না।

আমার করুণা হত।

এই সময় হঠাৎ মেজঠাকুরাকে ওরা কলঙ্কিনী বললে!

কিছুদিন পর। দিন বিশেক পর। সেদিন রবিবার, বিকেলে গিয়েছিলাম হরেন ঘোষের গুথানে। ঔর স্ত্রী এসেছেন। দেখা করতে গিয়েছিলাম। রবিবারের সকালটা জমে উঠেছিল। ১৯৩৬ সালের আধামার্গ অর্থাৎ ম্যাট্রিক পাশ মেয়ে। যে মেয়ে অন্ততঃ হাকিম-গৃহিণীর মর্যাদা রাখতে পারে। অর্থাৎ আবদার করতে পারে। বেশ লাগল, চা খাওয়ালেন। প্রথমেই বললেন স্বামীকে—ওই ঔকে বল। তোমায় দিয়ে হবে না।

আমি বললাম—কি?

—একটা ছুতোর মিস্টার রাই। এই ফার্নিচারগুলো একটু ঠুকেঠেকে দেবে।

হরেন ঘোষ বললেন—দেবেন মশায়। নইলে মান আমার আর থাকে না।

—মান তোমার উনি পাঠিয়ে দিলেও থাকবে না। কারণ, উনি তো আমারও বন্ধু। তোমার এতগুলো পিওন, এতগুলো ক্লার্ক, এত ক্ষমতা, তার দায়টা তাহলে কি?

আমি বললাম—দেব। নিশ্চয় পাঠিয়ে দেব। এর জন্ত নতুন পাতা ঘরে অশাস্তি করবেন না।

হাকিম-গৃহিণী বললেন—আর সেই কথাটা বললে না? বললেন স্বামীকে।

হরেন ঘোষ বললেন—তুমি বল না, তোমারও তো বন্ধু।

—বলতাম নিশ্চয়। কিন্তু এ-কথাটা তোমার বলা উচিত।

বললাম—কি? বলুন?

—ছবি মশাই। একখানা ছবি ঔর ঐঁকে দিতে হবে।

তা. ব. ১৩—১০



—দেব । খুশী হয়েই বললাম—দেব ।

—আমার কলকাতা যাবার আগে দেবেন কিন্তু । সেখানে দেখাব আমি ।

—কখন কলকাতা যাবেন ? এই তো এলেন ।

—মাস তিনেক পর ।

—তাহলে কথা দিলাম ।

বলে চলে আসছিলাম । বোশেখ মাস পড়ে গেছে । সন্ধ্যা হয়ে এসেছে, তবু এখনও প্রচণ্ড উত্তাপ । বাড়ী ফিরতে কষ্ট হল । মেজাজও খারাপ হল । এর উপর ঠাকুরবাড়ীর কাছে এসে ধনেশ্বরকাকার গর্জন শুনে ভুরু কুঁচকে উঠল আমার । এরা মাত্রা ছাড়িয়ে যাচ্ছে আমার নীরবতা এবং ভদ্রতার স্বেচ্ছা নিয়ে । আজ যেন গর্জনটা বেশী, তবু চলে এলাম । বিবিম্বহলের সামনে রোজারিণ্ডকে পেলাম, বললাম—ওরে, একটা ছুতোর ডেকে হাকিমের বাসায় কাল নিয়ে যাবি তো ! মজুরী আমরা দেব । আর— । বলতে গিয়ে থেমে গেলাম । বলতে যাচ্ছিলাম, ধনেশ্বরকাকাকে বলে আসুক বাবু জিজ্ঞেস করছেন, এত চেষ্টাচ্ছেন কেন ? কিন্তু না থাক । শুধু ছুতোরের বরাত করেই ক্ষান্ত হলাম ।

রোজা বললে—যাব হজুর !

হন হন করে উঠে গেলাম । ভাবছিলাম, একবার তোমাকে আসতে লিখলে কি হয় ! হরেন ঘোষের বউয়ের সঙ্গে আলাপ করে যাবে । মন্দ লাগছিল না আইডিয়ারটা । উপরে উঠে গিয়ে দেখলাম, মেজঠাকুমা দেওয়ালে ঠেস দিয়ে বসে আছেন শোকাতুরার মত, অতি ক্লান্তের মত । দু চোখ থেকে জল গড়াচ্ছে । তিনি কাঁদছেন ।

সেদিন মেজদিকে ঘরে বসে এমন করে কাঁদতে দেখে সে আঘাত পেয়েছিল । একটু চিন্তিত হয়েই প্রশ্ন করেছিল—কি হল মেজদি ? কাঁদছ কেন ?

মেজঠাকুমা মেজদি হওয়ার সঙ্গে সঙ্গেই আপনি থেকে তুমি হয়েছিলেন ।

মেজঠাকুমা চোখ মুছে চোখের জল গোপন করতে পারেনি, আরও বাড়িয়ে ফেলেছিলেন । যেন ভেঙে পড়ে গিয়ে বলেছিলেন—স্বর্নেশ্বর, আমাকে তুই বৃন্দাবন পাঠিয়ে দে ভাই ! নয়তো নবদ্বীপ । যা দিস তুই তার বেশী আমার লাগবে না । আমাকে শুধু পাঠিয়ে দে ।

মেজঠাকুরদার বড় ছেলে, মেজদির বড় সন্তানপো এবং তার মেজ ছেলে তাঁকে কুৎসিত কথা বলেছে । চরমতম কুৎসিত কথা । এর থেকে বড় অপমান আর কিছু হতে পারত না মেজদির । শুধু মেজদিরই নয়, তারও ।

স্বর্নেশ্বর বললে—আমি লজ্জায় মরে গেলাম সুলতা । তার সঙ্গে কি যে হুরস্তু ক্রোধ আমার হল, তা বলতে পারব না । মনে হল, ওই ভাঙাভগ্ন দেহ, ফাটলধরা মাহুঘটার রক্তে রক্তে বিষাক্ত কীট সরাশূপে ভরা । রায়বংশের ধ্বংসবীজ বিষাক্ত বাষ্প ওর মধ্যে জমাট বেঁধে আছে । ওটাকে আমার ধ্বংস করা উচিত । এখুনি ছুটে গিয়ে ধ্বংস করে দিয়ে আসি ! তিরিশ মালে জেলে যখন গিছিলাম, তখন পুলিশ আমাদের বন্দুক-ঝিলঝিল বাজিয়ে গুলি করে

নিয়েছিল। আমি স্টেটসম্যানে অহুতাপ করে চিঠি লিখে স্পাই নাম কিনেছিলাম। কিন্তু বন্দুকটন্দুক নিইনি আর। কলকাতায় নায়েব হরচন্দ্র ঘোষাল বলেছিলেন। তাতে মা-আমি দুজনেই না করেছিলাম। বন্দুক থাকলে সেটা নিশ্চয় আমি কীর্তিহাট নিয়ে যেতাম এবং সেই-দিনই আমি খুন করে বসতাম এবং নিজেও হতাম।

উপলক্ষ্য একখানা সাবান। দামী ল্যাভেণ্ডার সোপ ব্যবহার করত সুরেশ্বর। মেজদি একদিন বলেছিলেন—বাহারের খুসবু ভাই নাতি। একে কি সাবান বলে?

—ল্যাভেণ্ডার সোপ বলে মেজদি!

—খুব দামী বুঝি?

—তা দামী বই কি। খাস বিলিভী জিনিস। এক-একখানা আড়াই টাকা।

—ওরে বাপরে! তাই। তারপর হঠাৎ হেসে বলেছিলেন—জানিস ভাই, আমার দাদাখন্দর, তোর ঠাকুরদারও বাবার মামা—বুঝতে পারলি?

—হ্যাঁ, বাঁরেশ্বর রায়।

—হ্যাঁ তিনি। খুব জাদুরেল লোক ছিলেন। নীলকুঠীর সাহেবদের তখন কুঠী ছিল। তাদের ছেলেদের সঙ্গে খেলা করতেন। তাদের কাছে ইংরিজী শিখেছিলেন। একজন পাদরী-সাহেব ছিল, সে পড়াতে। সে নাকি ডাল-ভাত আর কড়াইবাটা খেতে খুব ভালবাসত। তা আমার দাদাখন্দর হয়ে উঠলেন সায়েবী মেজাজের লোক। বন্দুক দিয়ে বাঘ মারতেন, কুমীর মারতেন। ঘরে নাকি, এই বিবিমহলে, খাঁচায় করে বাঘ পুষেছিলেন। তাঁর কুকুর ছিল। এই বড় বড় কুকুর—ডালকুত্তা। কুকুর মণ্ডা খেত। ঘিয়ের মিষ্টি খেলে রোঁয়া উঠবে—তাই খাস মণ্ডার বরাদ্দ ছিল। তিনি মহলে যেতেন, কুকুর সঙ্গে যেত, যেত পাঙ্কিতে। এ-গায়ে তখন সরকারদের বাড়িতে স্বর্ণপিসী ছিল গায়ে পিসী। তা স্বর্ণপিসী বলত—মরে এবার ফিরেশ্বরের কুকুর হবে। তাই ভাই আমারও বলতে ইচ্ছে করছে—এবার মরে তোর বেটা হয়ে জন্মাব, নইলে নাতনী হয়ে।

হেসে সুরেশ্বর এক বাস সাবান তাঁকে দিয়ে বলেছিল—তার জন্তে মরতে হবে জন্মতে হবে এত কষ্টকর করতে হবে কেন? যার নাতি এমন সাবান মাখে, সে কি নিজে এ-সাবান মাখতে পারে না?

লজ্জিত হয়ে মেজঠাকুরা বলেছিলেন—না-না-না সুরেশ্বর। আমাকে কি সাবান মাখতে আছে? তা আবার ওই সাবান!

—আছে ঠাকুরা। কে বললে নেই?

—তুই পাগল!

—না। পাগল নই। এ তোমাকে নিতেই হবে। মাখতেও হবে। না মাখলে আমার দিবি রইল।

—এই দেখ্! কি করলি বল তো?

বলে তিনি নিয়েছিলেন সাবানের বাগ্গিটি।

স্বপ্নের বললে—আমার মায়ের থেকে মেজদি বয়সে ছোট ছিল। আমার থেকে আট-দশ বছরের বড়। তখন তাঁর বয়স ছত্রিশের বেশী নয়। সম্ভান-সম্ভতি হয়নি। রূপ ছিল, যৌবনও ছিল। দেখতে যুবতী মেয়ে মনে হত। মনে মনেও তাই ছিলেন, একটি সরস কোঁতুক, দুর্লভ নির্মল জলের জোয়ার তাঁর জীবনকে ভরে রেখেছিল। তার সঙ্গে ছিল সাধ-আহ্লাদ : এ-সাধ বোধহয় বুড়ো-বুড়ীরও থাকে। তাঁর অপরাধ তিনি যুবতী, সুন্দরী। তার উপরেও অপরাধ ছিল—আমার প্রতি তাঁর স্নেহ এবং বিষয়ের ঝগড়ায় আমার দিকে তাঁর পক্ষপাত। ফলে—

দুর্নাম রটল কয়েক দিনের মধ্যেই।

ওই সাবান মাখতেন মেজদি। প্রথম ক’দিন ঘরে সকলের অগোচরে মুখে মাখতেন। তারপর একদিন ঘাটে গিয়ে স্নানের সময় গায়ে মেখেছিলেন। লাভেণ্ডারের গন্ধে ঘাট ভরে গিয়েছিল। তাঁর গায়েও সে-গন্ধ লেগে ছিল।

সে-থবরটা রটিয়েছিল প্রথম ধনেশ্বরের মেজছেলে, ব্রজেশ্বরের ভাই। তারপর ধনেশ্বর কদ্র-মূর্তিতে সৎমায়ের ঘরের দরজায় এসে দাঁড়িয়েছিল।

—সাবান মাখছ ? খুসবু সাবান ? স্বপ্নের দিয়েছে ? লম্পটের পুত্র ওই স্বপ্নের দিয়েছে তোমাকে খুসবু সাবান ?

হতবাক হয়ে গিয়েছিলেন মেজগিন্নী !

ধনেশ্বর এবার অ্যাকুটিংয়ের ভঙ্গিতে চীৎকার করে উঠেছিল, তুই ভ্রষ্টা, তুই পাপিষ্ঠা। তুই কলঙ্কিনী !—কলঙ্কিনী, ও যে তোর পৌত্র ! ছি-ছি-ছি !

বলতে বলতে চলে এসে ঠাকুরবাড়ীতে দাঁড়িয়ে চীৎকার করতে শুরু করেছিল, তিরস্কার করতে শুরু করেছিল মরা বাপ শিবেশ্বর রায়কে—

—নরকস্থ হও। অনন্তকালের জন্য নরকস্থ হও তুমি। তুমি শিবেশ্বর রায়—তুমি কামার্ত পণ্ড ছিলে, ফলভোগ কর তার। কর ফলভোগ। রত্নেশ্বর রায়, তোমার স্বর্গসিংহাসন নড়েছে। পড়ছে—পড়ছে নরক মুখে। কাদছ, তুমি কাদছ ? তারপর অটহাস্ত করে উঠেছিল—হা-হা-হা-হা ! ধনেশ্বরের পিতৃদত্ত শিকার মধ্যে নাটুকেপনা একটি বড় সম্পদ।

লোক জমেছিল চারিদিকে। পক্ষ-পক্ষলে বাঁকবন্দী থেয়ে মাছির মত।

মেজদি ভয়ানক হয়ে ঘরে খিল দিয়ে মাটিতে লুটিয়ে পড়েছিলেন। মরবার সংকল্প করেছিলেন। কিন্তু ভয় হয়েছিল। নিদারুণ ভয়। তবে কি করবেন ? তবে কি করবেন ? ওদিকে গোটা মেজতরফের কুৎসিত কথাগুলি গোটা বাড়ীটার খিলানে খিলানে যেন বেজে বেড়াচ্ছিল। মেজদি থাকতেন স্বপ্নেশ্বরের অংশের বাড়ীতে। যে-ঘরে মেজকর্তা থাকতেন, সেখানেই থাকেন। বাকী ঘরগুলিও ওদের দখলে। সেখান থেকেও ভেসে আসছে কুৎসিত বিশ্বয় প্রকাশের শব্দ ও ধ্বনি। শিউরে-ওঠা, একটি লম্বা টানা ও শব্দ।—ও মাঃ ! কোথায় যাব গো। কি লজ্জা, কি ঘেন্না। ঘাটে সুগন্ধি সাবান মাখা ! এমন গন্ধ যে, গায়ের পাশে

মোমাছি উড়ছে ! ছি-ছি-ছি ! তা-ও আবার কে দিয়েছে ? না—নাতি ! আপন ভাস্কর্যপোর ছেলে ! ছি-ছি-মা ! ও যে ছেলের বয়সী গো ! সেকালে বারো বছরের মেয়ের ছেলে হয়েছে । কি রুচি, কি প্রবৃত্তি ! আর ওই ছেলে, ওই কুলাঙ্গার !

মেজদির হাত-পা ঠাণ্ডা হয়ে আসছিল, বুকের ভিতর হৃৎপিণ্ড যেন মাথা কুটে বাইরে বেরিয়ে আসতে চাচ্ছিল । হঠাৎ এক সময় তিনি ঘর থেকে বেরিয়ে প্রায় উন্মাদিনীর মত ছুটে এসে উঠেছিলেন বিবিমহলে ।

—স্বরেশ্বর ! স্বরেশ্বর ! দাদু-ভাই ! ওরে !

স্বরেশ্বর তখন বাইরে বেরিয়েছিল । তখন থেকে তিনি এখানেই ভয়াবহ হরিণীর মত লুকিয়ে বসে আছেন ।\* কাদছেন ।

স্বরেশ্বর ফিরে এসে তাঁকে কাদতে দেখে সবিস্ময়ে প্রশ্ন করেছিল—কি হল মেজদি ? কাদছ কেন ?

মেজদি হু-হু করে কঁদে উঠেছিলেন, বলেছিলেন—স্বরেশ্বর, আমাকে দয়া করে বৃন্দাবন পাঠিয়ে দে ভাই । নয়তো নবদ্বীপ । ওরে, যা দিস তুই তার বেশী লাগবে না । আমাকে শুধু পাঠিয়ে দে । ওরে, জগদীশ্বর সেই খুনে পাষাণ নেই, সে এলে আমার লাঞ্ছনার বাকি থাকবে না ।

\* \* \* \*

বহু কষ্টেই কি হয়েছে তা মেজদি বলেছিলেন । স্বরেশ্বরের মাথার মধ্যে যেন আগুন জলে উঠেছিল । হাতের কাছে বন্দুক থাকলে বা রিভলবার থাকলে সে আজ নির্বংশ করে আসত রায়বংশকে । শেষ গুলিতে নিজে মরত ।

কিছু করবার জন্ম সে অধীর হয়ে উঠেছিল । ছুটে বেরিয়ে যেতে ইচ্ছে করেছিল শুধু হাতেই । ইচ্ছে হচ্ছিল ধনেশ্বরের তৃতীয় পুত্র, সেই অতিকার দানব যেমন স্বরেশ্বরের বুকে চেপে বসে গলা টিপে তাকে হত্যা করেছিল, তেমনিভাবেই সেও গিয়ে ওই ধনেশ্বরের বুকের উপর চেপে বসে গলা টিপে হত্যা করে তাকে, তার কলুষিত কণ্ঠটাকে চিরদিনের মত স্তব্ধ করে দেয় ।

মেজঠাকুরা বললেন—আমাকে ঠাকুরবাড়ীতে ঢুকতে দেবে না বলেছে । আমি তিনবেলা গোবিন্দের কাছে যাই, সন্ধ্যায় গিয়ে তাঁকে প্রণাম করি, মালা গাঁথে দিয়ে আসি, ভয়ে যেতে পারিনি স্বরেশ্বর । মরবার আমি সাহস পাচ্ছি নে, নইলে মরতাম রে । কিন্তু আমি গ্রামে মুখ দেখাব কি করে ?

একটা অজুহাত পেয়ে স্বরেশ্বর চমকে সজাগ হয়ে উঠল মুহূর্তে । সে মেজঠাকুরাকে বললে—ওঠ । এস আমার সঙ্গে ।

—কোথায় ?

—ঠাকুরবাড়ী । এস । দেখি । যা হবার হয়ে যাক । এস ।

—না স্বরেশ্বর । তুই ওদের জানিসনে । ওরে—

—ওদের আমি জানি মেজদি—তুমি আমাকে জান না । এস । দেখি কার সাহস বড়,

তোমাকে কি বলে ?

—না-রে । ওরে আমার কলঙ্ক মাথায় করে আমি মরব, তুই ওদের—

বাধা দিয়ে স্বরেশ্বর বলেছিল—তোমার কলঙ্ক তুমি মইবে, কিন্তু আমি মইব না । এস । যদি না এস, তবে—

—বেশ, তোর কাছে আর আসব না ।

—না । চীৎকার করে উঠেছিল স্বরেশ্বর ।

এবং মেজদির হাতখানা চেপে ধরে আকর্ষণ করেছিল ।—এস । ওঠ । তারপর ডেকেছিল—রঘু !

রঘু পাশের ঘরেই উৎকর্ণ হয়ে সব শুনছিল । সে এসে দাঁড়াতেই বলেছিল—রোজা, ডিকু এরা আছে ?

—রোজা আছে । ডিকু আজ সন্ধ্যা বেলাসে ছুটি নিয়েছে ।

—বেশ, তুই স্বদ্ব আস ।

### ৪

মদে মাতাল হয় মানুষ । বিষয় নিয়ে তেমনি বিবাদ করে মানুষ । না ক'রে উপায় নেই । স্বলতা, রায়বংশের সেরেস্তাখানায় ছোটো ঘর আছে, মামলার নথিতে বোঝাই । রায়বংশের একটা বিখ্যাত মামলা—রত্নেশ্বর রায় আর তাঁর বোন সর্বাণী দেবীতে । রত্নেশ্বর নাকি পোস্তপুত্র । কিন্তু তাঁকে পোস্ত নেবার পর ওই কন্যা হয়েছিল । কন্যাকে টাকা—দু'লক্ষ টাকা—দিয়েছিলেন বীরেশ্বর রায়, সম্পত্তি দেননি । বাপের মৃত্যুর পর সর্বাণী দেবী মামলা করেন । রত্নেশ্বর হাতজোড় করে আরও টাকা—অনেক টাকা দিয়ে সে মামলা মিটিয়েছিলেন । কিন্তু তাঁর ছেলেরা মামলা অনেক করেছে । আমি দূরে থেকে এর সংস্পর্শ বাঁচিয়ে ছিলাম ; মেজঠাকুরদার মামলা করার কথা শুনে প্রশ্ন করতাম নিজেকে ; কেন ? কেন করেন ? দু'-চারটে মামলা তিনি করতেন জেদের বেশে, কুটিল উদ্ধত জোতদারদের সঙ্গে, তাতে তারিফ করতাম । দু'-একটা মামলা হত অন্য জমিদারের সঙ্গে, তাতেও মন সায় দিত । বাকীর জগৎ আমি নিন্দাই করতাম । যাই হোক, মোট কথা বিবাদ-কলহে রুচি আমার ছিল একথা বলে অপবাদ আমাকে কেউ দেবে না । আমি গেলাম মেজঠাকুরমাকে নিয়ে । রোজা আর রঘু আমার সঙ্গে গেল, রঘু চাকরখানসামার কাজ করলেও হিন্দুস্থানী । তখন—মানে সতেরো বছর আগে ওর বয়স পয়তাল্লিশের বেশী ছিল না । সেও খাটি নিয়ে লঠন নিয়ে সঙ্গে এল ।

হঠাৎ একটু থেমে স্বরেশ্বর বললে—স্বলতা, অসাধারণ শক্তিশালী বলে অহঙ্কার আমার কোনকালে নেই । তবে রায়বংশের বংশানুক্রমে আমরা লক্ষা-চওড়া কাঠামোর অধিকারী, হাড় আমাদের মোটা শক্ত । বাবা-মা যেভাবে মানুষ করেছিলেন তাতে পুষ্টির অভাবও ছিল না । সেটা ছত্রিশ মাল, আমার বয়স ছাব্বিশ । তবে সাহস আমার ছিল । জেদ আমার ছিল । ভয় কিছুকে করি নি । সেটা তুমি জান । স্টেটসমানে যে চিঠিটা আমি ছেপেছিলাম,



সেটা গ্যায় হোক অগ্যায় হোক, অর্পসত্য অর্বমিথ্যা যাই হোক, আমার যেটা বিশ্বাস সেটা ছাপতে ভয় আমি পাই নি। এবং তারপর সহজ পদক্ষেপে সমাজে এসেছি। এসেই তোমাকে চিঠি লিখেছি। স্বতরাং সবচেয়ে বড় বল ছিল আমার দুঃসাহস। বল ত বটে এবং সেইটেই বোধহয় ছিল ইলেকট্রিক পাওয়ারের মত একটা শক্তি, যাতে দুর্দান্ত রাগের সুইচ অন করে আমাকে একটা ক্রাশিং মেশিনের মত চালু করে দিলে। তার ফলে আমার থামবার উপায় ছিল না। দুর্দান্ত ক্রোধে সাহসে আমি চলেছিলাম। হয় ওদের পিষে দেব, নয় আমিই অক্ষম হয়ে ফিউজ হয়ে থেমে যাব। কিংবা গোটা যন্ত্রটা ভেঙে যাওয়ার মতই ভেঙে যাব।

ঠাকুরবাড়ীতে ঢুকে ডাকলাম—ঠাকুরমশায়!

ঠাকুরবাড়ীতে হেজাক বাতি জ্বলছিল মন্দিরের বারান্দায়। কালীমন্দিরে একটা, গোবিন্দমন্দিরে একটা। আমিই দিয়েছিলাম কিনে! মেজঠাকুমাি আদায় করেছিলেন।

গমগম করে উঠল গোটা ঠাকুরবাড়ীটা। আমি আমার কণ্ঠস্বর শুনে একটু চমকে উঠলাম। এমন করে তো কখনও কাউকে ডাকি নি! সন্দেহ হল—এ আমার কণ্ঠস্বর?

মেজঠাকুমা মতয়ে বললেন—স্বরেশ্বর!

তখন আমি খুশী হয়ে উঠেছি। হ্যাঁ, এই তো রায়বংশের কণ্ঠস্বর!

বাধা কেউ দেয় নি। ধনেশ্বর ব'সে আফ্রিক করছিলেন। তাঁর দুই ছেলে দ্বিতীয় আর চতুর্থ, ভূপেশ্বর এবং রাজেশ্বর, তারা বসে ছিল ঠাকুরবাড়ীর ওপাশে কাছারীবাড়ীর বারান্দায়। কথা বলছিল স্বরেশ্বরের আপন জ্যাঠাতুতভাই প্রণবেশ্বরের সঙ্গে। প্রণবেশ্বর সেইদিন সকালেই এসেছে। এসেছে এই সেটেলমেন্টে নিজের স্বত্ব লেখাতে। নিজেদের স্বত্ব সবই বিক্রী করেছে; করেছেন তার বাপ যজ্ঞেশ্বর, কিনেছিলেন স্বরেশ্বরের মা। থাকবার মধ্যে আছে মুনাফা বা লাভশূন্য দেবোত্তরের সেবায়ত শ্রম। তার জন্তে আসে নি, এসেছে ধনেশ্বরের সঙ্গে যোগ দিতে। যা পারা যায়, যেমন ক'রে পারা যায় কিছুটা থামচে নিতে। খবরটা স্বরেশ্বরকে নায়েবরাই দিয়েছিল। প্রণবেশ্বর এসে স্বরেশ্বরের সঙ্গে দেখা করে নি। এবং নিজের যে বাড়ী স্বরেশ্বরদের বিক্রী করেছে, যে বাড়ীতে এখন ধনেশ্বর ও স্মথেশ্বরের ছেলেরা বাস করছে সেখানেও যায় নি। দেবোত্তরের সামিল কাছারীবাড়ীর একখানা ঘরে এসে উঠেছে। আগে এমন ক'খানাই ঘর ছিল যেখানে বিশিষ্ট প্রজা, পত্তনীদার, উকীল, মোক্তার এলে বাসা দেওয়া হত।

স্বরেশ্বরের ঠাকে ঠাকুর বেরিয়ে এসে দাঁড়াল—আজ্ঞে!

স্বরেশ্বর বললে—মেজঠাকুমা এসেছেন।

কোন দিক থেকে কোন কথা উঠল না। শুধু একটু চাকল্যা ছাড়া। ধনেশ্বর একবার ফিরে দেখে ডেকে উঠলেন—কালী করুণাময়ী! আর কত সহ্য করবি মা?

ওদিকে তাঁর ছেলেরা খানিকটা ফিসফাস ক'রে চুপ হয়ে গেল। শুধু একবার উকি মেরে দেখেই প্রণবেশ্বর ঘরে ঢুকে গেলেন।

নির্বিবাদে কালীমন্দিরে প্রণাম ক'রে, রাজরাজেশ্বর এবং গোবিন্দমন্দিরে প্রণাম ক'রে

চরণোদক নিয়ে বেরিয়ে এলেন মেজঠাকুরা। স্বরেশ্বর সেদিন বোধহয় একটা ঘোঁকের মাথায় ঠাকুরার সঙ্গে মন্দিরের ভিতরে ঢুকেছিল। সে ঘরে ঢুকে প্রণাম করে উঠে চারিদিক তাকিয়ে দেখে বিস্মিত হয়ে গিয়েছিল। ঘরের কোণে একটা বড় আয়রন-চেস্ট। আলমারী নয়—সিন্দুক। আকারে প্রকাণ্ড। সে জিজ্ঞাসা করেছিল—এখানে ওটা? আয়রন-চেস্ট?

পূজুরী জবাব দিয়েছিল—হ্যাঁ!

—কি থাকে ওতে?

—তা তো জানি না বাবু! আমি তো খোলা দেখি নি!

মেজঠাকুরা বললেন—ওতে গোবিন্দের গহনা থাকত। এখন কতকগুলো পুরনো কাগজ আছে।

—চাবি কার কাছে?

মেজঠাকুরা উত্তর দিলেন না। ঠাকুর বললে—তা তো বলতে পারব না। সিন্দুক তো খোলা হয় না কখনও। আমি দেখি নাই বাবু।

—হঁ! গহনা আছে, না—নেই? ঠাকুরকে পরানো হয় না?

—না।

মেজঠাকুরা হেসে বললেন—গহনা নেই স্বরেশ্বর।

—নেই?

মেজঠাকুরা বললেন—এখন ওসব কথা থাক স্বরেশ্বর। পরে যা হয় করবে। রাত্রি হয়েছে, গোবিন্দের শয়নের সময় হয়েছে, চল।

স্বরেশ্বর বললে—চল।

তার মনটা খুলী হয়ে উঠেছে। সে আঁচ একটা পেয়েছে। একটা নিষ্ঠুর কলহের স্রুজ পেয়েছে সে!

বেরিয়ে এসে সে ডাকলে—নায়েববাবু!

বৃদ্ধ নায়েব বেরিয়ে এল—আজ্ঞে!

—খুব জরুরী দরকার আছে আমার। একবার আসুন আমার ওখানে।

—কাল। কাল আসতে বলু ভাই। আজ নয়। আজ মেজাজ তোর ভাল নেই। আমার কথা শোন।

স্বরেশ্বর একটু চুপ করে ভাবলে। ইতিমধ্যে মেজঠাকুরা মৃদুস্বরে বললেন—আমার কথাগুলো শুনে নে ভাই আগে।

স্বরেশ্বর বললে—থাক। কাল সকালেই আসবেন।

তার নিজের নায়েবকেও ডেকে বললে—কাল সকালে আপনি ওকে তাগিদ দিয়ে নিয়ে আসবেন।

আজ স্বরেশ্বরের কণ্ঠস্বরে ভঙ্গিমার অলঙ্ঘনীয় একটি প্রভুত্বের তার এবং ধার দুইই ছিল।

এতক্ষণে প্রণবেশ্বর বেরিয়ে এসে বললে—কেমন আছ?

—ভাল। আপনি কখন এলেন?

হেসে প্রশংসার বললে—এই সকালে।

—এখানে উঠেছেন ?

—হ্যাঁ। নইলে আর উঠব কোথায় ! বাবা তো সবই বেচে—।

—বেচলেও তো সেটা বাইরে যায় নি ! ঘর তো ঘরেই আছে।

—তা আছে। কিন্তু বিষয়-ব্যাপার নিয়ে ঘরে-ঘরেই তো বিবাদ আগে লাগে।

হেসে সুরেশ্বর বললে—তা লাগে !

—সুতরাং—

—বুঝেছি বড়দা। থাক।

—কাল একবার যাব তোমার কাছে।

—আসবেন।

বেরিয়ে এসে পথে প্রথমেই মেজঠাকুরা বললেন—তুই ভাই ঘোষাল ম্যানেজারকে আনা।  
এরা কুরুক্ষেত্র বাধাতে জোট বেঁধেছে !

সুরেশ্বর বলেছিল—তঁার যে স্ট্রোক হয়ে প্যারালিসিস হয়েছে ঠাকুরা ! সেবেছেন তবে আসা  
যে অসম্ভব। তা ছাড়া স্থিতিও ভ্রংশ হয়েছে।

—তা হলে !

—ভেবো না তুমি ঠাকুরা। এ যদি সব চলেও যায় তবু আমি ফকীর হব না। আর তাই  
বা হব কেন ? মিথ্যার জাল, ও টিকবে না। লড়ব, দরকার হলে হাইকোর্ট পর্যন্ত লড়ব।

তারপর নীরবে পথ হেঁটেছিলেন দুজনে। হঠাৎ নীরবতা ভঙ্গ করে মেজঠাকুরা বলেছিলেন  
—ঠাকুরের গহনা তোর মেজঠাকুরদা সব বিক্রী করেছেন সুরেশ্বর।

চুপ ক'রে রইল সুরেশ্বর।

—সিন্দুকের চাবি তাঁর কাছেই ছিল। তিনি তো বিষয়বুদ্ধিতে পাকা ছিলেন। তিনি গহনা  
গালিয়ে, সোনার পরিমাণ কম ক'রে লিখে জমা করে, নিজের বিষয় কিছু—তাও বাজে বিষয়—  
দেবোত্তরে কেনা হল বলে খরচ লিখেছিলেন। ধরবার তো কেউ ছিল না !

একটা দীর্ঘনিশ্বাস ফেললে সুরেশ্বর। কি বলবে ? ঐ মেজঠাকুরার স্বামী ছিলেন তিনি।  
তাঁর প্রতি ঐর ভালবাসার কথা সে জানে। আশ্চর্য লাগে। সমস্ত দোষত্রুটি সব অকপটেই  
বলেন—তবু তাঁর প্রতি এই মেয়েটির ভালবাসা তো কম নয় ! কি দিয়ে গেছেন তিনি ?  
কিছু না। বলতে গেলে—পথেই দাঁড় করিয়ে দিয়েছেন। তবুও—। আশ্চর্য লাগে  
সুরেশ্বরের।

মেজঠাকুরা আবার বললেন—কি যে সে বুদ্ধি কি বলব তোকে ! তাঁর বাপ—আমার স্বত্তর  
—রায় বাহাদুরের আমলে বিগ্রহ প্রতিষ্ঠা। রাজরাজেশ্বর প্রথম থেকেই আছেন। সে আমার  
বড় স্বত্তরের, ফোমেশ্বর রায়, তাদের যিনি জমিদার প্রথম পুরুষ তাঁর আমলের। মা-কালী  
প্রতিষ্ঠার অনেক ক' বছর পরের কথা। এক সম্মাসীর কাছে পেয়েছিলেন। তোর মেজ-  
ঠাকুরদা যখন গহনা বিক্রী করেন, তখন এই দুই আমলের যেসব জমাখরচের খাতায় এই গহনা  
তৈরীর খরচ আছে তা বেছে বের ক'রে এনে নিজের কাছে রেখেছিলেন। ছেলেদেরও বলেন

নি। তারা গহনা বিক্রীর কথা জানে—খাতার কথা জানে না। গহনা কম ছিল না ভাই। শুধু গহনা নয় অনেক আসবাব—সোনার ফুরসী পর্যন্ত।

স্বরেশ্বর ব্যগ্র উত্তেজিত কণ্ঠে বললে—সে সব খাতা তো নষ্ট করে দিয়ে গেছেন তিনি ?

হেসে মেজঠাকুমা বললেন—না। তা করেন নি। বলতে আজ লজ্জা পাচ্ছি ভাই, আমি বলেছিলাম—দেখ, করলেই যদি চুরির পাপ, তবে আর ওগুলো রাখছ কেন ? কিন্তু তিনি বলেছিলেন—উহঁ। কোন মকদ্দমায় কখন লাগে ! দুই আমলের খাতাতেই অনেক সম্পত্তি কেনার জমাখরচ আছে। অনেক নমুদ আছে। ও থাক। যখন আমার সব যাবে তখন পুড়িয়ে দেব। সেগুলোকে একটা ভাঙা সিঁদুকে কতকগুলো বাজে কাগজের গাদায় লুকিয়ে রেখেছিলেন।

—সেগুলো আছে ঠাকুমা ?

—আছে। সেগুলো তুই নিয়ে যা ভাই। আজ তো আর আমার কোন লজ্জাই রইল না। এই যে তোর সঙ্গে ওরা বিষয়ে নানান পাঁচ ক'রে তোকে সম্পত্তি বিক্রী করেও বঞ্চিত করতে চাচ্ছে, এর জন্তে আগেই বের করে দেওয়া উচিত ছিল। ওতে অনেক নজীর পাবি। পূজুরী বামুনের মেয়ে—বুড়ো জমিদারের সঙ্গে বিয়ে হয়েছিল—শিখেছি অনেক, জানি অনেক। দেওয়া উচিত ছিল, তুই আমার ছেলের অধিক, মহোদরের অধিক। তুই খেতে দিস ভাই খেতে পাই। তোকে আমিই আনতে গিয়েছিলাম সেটেলমেন্টের জন্তে। তবু পারি নি দিতে বা বলতে। আজ লজ্জা ঘুচে গিয়েছে—

বলে হেসে উঠলেন, বোধ করি সেদিন সেই প্রথম হাসলেন, বললেন—নাতি, তুই শেষে ল্যাভেগুয়ার সাবান দিয়ে আমার লজ্জাটজ্জা সব ধুয়েমুছে শেষ ক'রে দিলি ! সিঁদুকের চাবিও আমার কাছে আছে, সেও তুই নিয়ে যা। ওরে, সব আজ রাত্রেই নিয়ে যা।

সে অনেক কাগজ অনেক খাতা। মোটা মোটা রোকড খাতা খেরোতে বাঁধানো—শক্ত সূতো পাকানো দড়িতে বাঁধা, প্রায় এক একটার ওজন আড়াই সের, সংখ্যায় পঁচিশ খানা। ওজনে দেড় মণের উপর। আর কাগজ, সে স্তূপীকৃত। তার মধ্যে তারের ফাইলে গাঁথা চিঠি। সে ফাইলও অনেক। আরও কতকগুলো ছোট ছোট দপ্পর। তার সঙ্গে বের করে দিয়েছিলেন একটা সুন্দর বাক্স। এক বারে নিয়ে যাওয়া সম্ভবপর হয়নি রোজা এবং রঘুর পক্ষে। দুবারে নিয়ে যেতে হল। বিবিমহল মূল বাড়ী থেকে কম রাস্তা নয়। বেশ খানিকটা। সবশেষে মেজঠাকুমা দুটো চাবি দিয়েছিলেন। ওই লোহার সিঁদুকটার দুটো চাবি। মেজকর্তার মৃত্যুর পর ও দুটোরও কেউ খোঁজ করেনি। কারণ ওটার গজভুক্ত কপিথের মত অবস্থার কথা মেজ-তরফের কারুর কাছেই অজ্ঞাত ছিল না। মেজকর্তা যতই তৈরী করা হিসেবের আড়াল দিয়ে থাকুন, আসল সত্যটা চাপা থাকবার কথা নয় কোন লোকের কাছেই। ধনেশ্বর প্রভৃতির মনে মনে সেই বোধটা ছিল। চাবি যার কাছে থাকবে সেই দায়ে পড়তে পারে এই কারণেই কেউ চাবির খোঁজ করে নি। চাবি দুটোর একটা বলতে গেলে অতিকায় ইঞ্চি পাঁচ ছয় সন্ধ্যা, তেমনি মোটা ; ওজনে হয়তো পোয়া খানেক। আর একটা সেকালের কামারের তৈরী গা-তালার চাবি, সেটাও বেশ বড়।

মেজঠাকুরমা দিয়ে বললেন—আমার পুরনো কৰ্ত্তা সিন্দুকটা ফাঁক করে গেছেন, নতুন কৰ্ত্তাকে দিচ্ছি, তুই ওটাকে ভ'রে দিস ভাই।

চাবি দুটো এবং ওই বাস্কাটা স্বৰেশ্বর নিজে নিয়ে এসেছিল। বাস্কাটা থেকে চন্দনের গন্ধ উঠেছিল।

প্রথমেই স্বৰেশ্বর খুলেছিল ওই বাস্কাটা। হাতীর দাঁতের কাজকরা চন্দন কাঠের বাস্কা। তারই মধ্যে ছিল প্রাচীনকালের পুঁথির আকারের একখানি খাতা। প্রাচীনকালের কাগজ। চন্দনের গন্ধ উঠছিল। পাতাগুলোর কোণ ভুমে গেছে। মন্তপ্ৰাণে সেখানা বের করেছিল স্বৰেশ্বর, ভেবেছিল কোন পুরনো দলিল জাতীয় কিছু হবে। কিন্তু উপরের মোড়ক কাগজখানা খুলে তার আর বিষয়ের অবধি ছিল না। খাতা বা পুঁথিখানার উপরে সেকালের শর বা লটের কলমে কবের কালিতে লেখা—

ওঁ কালী চরণ ভরসা।

কালিক। মঙ্গল—তথা, পাঁচালী রায়বংশস্থ, রচিতং কুড়ারামেণ রায়বংশস্থ  
স্থাপয়িতা। বসতি কীৰ্ত্তিহাট গ্রাম—পরগণা ময়না অন্তর্গত। সরকার—  
গোয়ানপাড়াভুক্ত ; জেলায়াং মেদিনীপুরে। রাজত্ব কোম্পানী বাহাদুরস্থ,  
বর্গী নবাব নিয়দন। শকাব্দ ১৭২৮। বঙ্গ-সাল ১১১৩। আংরেজী ১৮০৭।

কবি কালিদাস যদি বিক্রমাদিত্যের অনুরূপে রাজ্যখণ্ড পেয়ে রাজা কালিদাস হতেন, তাতে বিষয়ের কিছু থাকত না, বর্ধমানের রাজার সেরেস্তায় রামপ্রসাদ সেন রোকড়ের খাতায় হিসেবের বদলে গামা-মঙ্গীত লিখে ধরা পড়ে রাজার রূপায় ব্রহ্মত্র পেয়ে সাধক হয়েছিলেন এমন নজীর অনেক আছে, কিন্তু বিক্রমাদিত্য কালিদাসের মত হতে কোনদিন চাননি—চাইলে হতে পারতেন না। বর্ধমানের রাজাও রামপ্রসাদ হতে পারতেন না। সেই নজীরে স্বৰেশ্বরের কাছে কুড়ারামের এই পাঁচালী রচনার নিদর্শন এক মহাবিশ্বয়ের সঞ্চয় করেছিল। তাঁর একসঙ্গে জমিদার আর পাঁচালীকার হওয়া তার কাছে আশ্চর্য মনে হয়েছিল। সারারাত জেগে সে সেদিন এই পাঁচালী পড়েছিল।

\* \* \* \*

স্বৰেশ্বর বলে—সুলতা, আমার ভাল লেগেছিল। আশ্চর্য লেগেছিল। শুধু রচনা নয়, কাহিনী এবং এই লোকটিকে আমার আশ্চর্য ভাল লেগেছিল। যদি বল নিজের বংশের আদি-পুরুষ বলে ভাল লেগেছে, তাও অস্বীকার করব না। যদি বল আমার মধ্যে সেদিন জমিদার জেগেছিল বলে ভাল লেগেছে, আমি রি-অ্যাকশনারী, তাতেও তকরার করব না। কোন ভান নেই, কোন ধর্মের বা ইজমের দোহাই নেই—আশ্চর্য অকপট মানুষ।

শেষের লাইনগুলো পড়েছ? মন দিয়ে পড়েছ কিনা জানিনে, আমি বলছি, তুমি আবার শোন—

পাপপুণ্য নাহি জানি, যাহা করিয়াছি আমি

সবার মালিক তুমি, জয় কালী-করালী।



ছিলাম দরিদ্র স্ত্রী ন ভবিষ্য নাহি ভূত  
 বর্তমানে দুঃখ কত তুই মা দেওয়ালি।  
 সেই দুঃখ পার করিলি, তুই সেই শক্তি দিলি  
 শেষে জমিদারী দিলি, মোর ঘরে এলি।  
 ছত্রি জমিদারের টাকা চুয়াড়েরা ডাকাবুকা  
 লুটে দিল গাঙ্গু ঢাকা, সে তুই লুঠালি।  
 থাক মা অচলা হয়ে, বিপদ আপদ জয়ে  
 সোমেশ্বরে ভাগ্য দিয়ে, দিয়ে বংশাবলী।  
 দিয়ো মাগো অতঃপর লক্ষ্মী-সরস্বতী বর  
 রায়কুল বংশধর ভরিয়া অঞ্জলি।  
 কোম্পানীকে দিয়ো জয় তাদের অহুগ্রহ যেন রয়  
 রায়বংশ হয়ে অক্ষয় মা তোর কুপায়।  
 তোমাতে দেবত্র করি, বিষয় আদি জমিদারী  
 আমি মা ভাসাই তরী, রাখো রাঙা পায়।

আনুষ্ঠান শেষ ক'রে স্বরেশ্বর বললে—স্বলতা, মায়ের যদি চরণ থাকে আর যদি রাঙা  
 টুকটুকেই হয় তবে তা কুড়ারাম পেয়েছিলেন। আর মা না থাকলে কথাই নেই, চরণ নেই,  
 কুড়ারাম চোখ বুজে ফুরিয়ে গেছেন, তিনি মা-হারানো ছেলের মত খুঁজেও বেড়াচ্ছেন না।  
 তবে আজ যদি কুড়ারাম জন্মাতেন, তবে একজন দুর্ধর্ষ রাজনৈতিক কর্মী এবং নেতা হতেন  
 তাতে সন্দেহ নেই।

স্বলতা হাসলে। হেসে বললে—অ্যাসেমব্লীতে সুবোধ বাডুজ্জের এবং আর সবদের গালাগালি  
 তোমাকে আঘাত দিয়েছে, তুমি ভুলতে পারছ না।

—না। সে গালাগালির জন্তে দুঃখ নেই—মনে কোন ক্ষতও নেই। আমি বলছি স্বলতা,  
 এত ক'রে এমন ক'রে বলছি এই জন্তে যে, আমি যেন তাঁকে অবিচার না করি।

—না। সে অবিচার তুমি করনি। আমিও করছি না। আমি অ্যাসেমব্লীর মেম্বর হলে  
 হয়তো এমনি গালাগালিই করতাম। আবু তার জন্তে দোষও তুমি দিতে পারতে না। কারণ  
 আজ এইটেই মানুষের বিশ্বাস। পারমানেন্ট সেটেলমেন্টের সময় লোকে কর্নওয়ালিশকে  
 আশীর্বাদ করেছিল। আমি কালই চণ্ডীচরণের দেওয়ান গঙ্গাগোবিন্দ সিং পড়ছিলাম। সে  
 কথা থাক। ও নিয়ে মীমাংসার জন্তে আমি বসে নেই স্বরেশ্বর। আজ আমি যার জন্তে এই  
 রাত্রেও তোমার এখানে রয়ে গেলাম, বসে রয়েছি, সেই কথা বল। তোমার পূর্বপুরুষ আমার  
 পূর্বপুরুষকে খুন করেছিলেন বা করিয়েছিলেন, যার জন্তে তুমি আর ফিরে এলে না কীর্তিহাট  
 থেকে। আমার সঙ্গে জীবনে পাক বাঁধবার জন্তে আঁচলের যে খুঁটটা ধরে ছিল সেটা ছেড়ে  
 দিয়ে লিখলে—এ গ্রন্থি বাঁধা চলে না। ওখানে বিধাতা ছুরি উত্তত করে রেখেছেন, বাঁধতে  
 গেলে কেটে খানখান হয়ে যাবে। আমি সেই কথাটা শুনতে চাই। তুমি তাই বল।  
 কীর্তিহাটের কড়চা তুমি দশজনকে ডেকে দেখিয়ে। তার থেকে তোমার জবানবন্দীতে

আমার গরজ বেনী ।

স্বরেশ্বর বললে—একটার সঙ্গে আর একটা এমন ভাবে বাঁধা সুলতা, যে বিধাতার ছুরিও তাকে কেটে আলাদা করতে পারবে না ।

—কুড়ারামের পাঁচালীতে রায়বংশের খামখেয়ালী প্রকৃতি, ক্ষেত্রবিশেষে উন্নত আচরণের একটা বীজ আছে । হেরিডিটি সায়েন্সে আছে, লুগাসি আর প্রতিভা, যদি তাকে পাপপ্রবৃত্তি পুণ্যপ্রবৃত্তি বলি, তবে তর্ক করো না । মেনে নাও, ও দুটো বংশে নানা মিশ্রণের মধ্যে একসময় ঢুকে বসলে সে থেকেই যায় এবং তার খেলা আর খামে না, চলে । এই খেয়ালীপনা পাগলামির বীজ রায়বংশে ঢুকিয়েছিলেন কুড়ারাম রায় । তুমি তাঁর পাঁচালীটা পড়ে এলে । কিন্তু সন্ধানটা ধরতে পারনি ।

সুলতা সবিস্ময়ে বললে—কোনটা বল তো ? কুড়ারাম ভট্টাচার্যের পাগলামী বীজ ? তিনি ভাল না মন্দ সে বিচার না করে একটা কথায় নিশ্চয় তুমি বিস্মিত হবে না যে, তিনি দুই আর দুইয়ে চারের ছিলেন । মন্তব্য বলব না, ও শব্দটি ব্যঙ্গ করে ব্যবহার করি আমরা । পাগলামির একবিন্দু অপবাদ তাঁকে দিয়ে রেহাইয়ের কোন অজুহাত কেউ তৈরী করতে পারবে না । তা তাঁর ছিল না ।

—কিন্তু আমার মধ্যে আছে । আমার বাবার মধ্যে ছিল । বাবার দুর্দান্ত খেয়ালীপনা বা যা তিনি করেছিলেন—যথেষ্ট শিক্ষা সত্ত্বেও—সেটা যে পাগলামির সামিল তা তুমি অস্বীকার করতে পারবে না ।

একটা দীর্ঘনিঃশ্বাস ফেলে সুলতা বললে—না, তা করব না । কারণ, যারা তোমার আমার কথা জানত, তারা তুমি ডুব মারলে এই কথাই বলেছে । বলেছে ওই বাপেরই ছেলে তো ! তবে আমি বলি, তা ঠিক নয় । ওটা তাঁরও এসেছিল, তোমারও এসেছে—অনেক টাকা থেকে । অনেক টাকা থাকলেই মানুষ মদ খেয়ে ব্যভিচার করে । সেটা অভ্যাসে দাঁড়ায় । ও থেকে দেহে মনে হৃদিক থেকেই বিষ ঢোকে ।

স্বরেশ্বর বললে—অস্বীকার অবশ্যই করব না । সে বললে—সবার মধ্যেই ও বীজ আছে । কারণ আদিম কালে ওইটেই ছিল জীবন-ধর্ম, জীব-ধর্ম তো বটেই । কিন্তু তার থেকেও প্রত্যক্ষ কারণ রয়েছে, সেই কথা বলছি । কুড়ারাম ভট্টাচার্যের পাঁচালীতে আছে তিনি সোমেশ্বরের বিয়ে দিয়েছিলেন—

সুলতা বললে—হ্যাঁ, বিয়ে দিয়েছিলেন—তাঁর তারকেশ্বরে যে মেয়েটির সঙ্গে ভালবাসা হয়েছিল তার মেয়ের সঙ্গে । ওটা একটা অতৃপ্ত ভালবাসার তৃপ্তিসাধনের একটা সস্তা পথ বটে ।

স্বরেশ্বর বললে—সস্তা বা সূগম পথ ছেড়ে বাঁকা পথ বা সূক্ষ্ম পথ ধরবার লোক তো ছিলেন না কুড়ারাম । ভালোবেসে ভালোবাসার জনকে, তুমি চন্দ্রলোকে থাকবে আমি পৃথিবীতে বা শুক্রগ্রহে থেকে ভালোবেসে যাব অনন্তকাল, এ ধাঁচের মানুষই তিনি ছিলেন না । যাক গে । মানুষ কথাটা এখানে আমিই ব্যবহার করলাম । সে কথা থাক । মোটকথা শোন । এই মেয়েটির বিয়ে হয়েছিল এক মুসলমান আমলের জমিদারের ছেলের

সঙ্গে। কুড়ারাম সুপুরুষ ছিলেন, কিন্তু সে ছিল বামুনে সুপুরুষ। এ একেবারে রাজোয়াড়ী সুপুরুষ। বর্ণনায় রাত্রি কাটাব না, ওটা কল্পনা করে নাও। তাঁর ছবি এখন মনে হচ্ছে আমার আঁকা উচিত ছিল : কিন্তু আঁকিনি। বাড়ী বাঁকুড়া এবং হুগলীর বর্ডারে। সেই বাড়ীতে কুড়ারাম রায় হঠাৎ গিয়ে পড়লেন বা উঠলেন একান্ত আকস্মিকভাবে। ইচ্ছে করে নয়। তিনি যাচ্ছিলেন কোম্পানীর কাজে বাঁকুড়া জেলা। পথে হঠাৎ এল জল ঝড় দুখোগ। পাইক সওয়ার বেহারারা প্রথম একথানা গাঁয়ের ধারে গাছতলায় আশ্রয় নিয়েছিল। কুড়ারাম ছিলেন পাকিতে। জল ঝড়ে গাছতলা মন্দের ভাল, কিন্তু তার সঙ্গে দু-একটা বজ্রপাত হলে গাছতলা সাপের গর্ত কি বাঘের দেখার সমান বিপজ্জনক হয়ে ওঠে।

পাঁচালীতে আছে—

শিয়রেতে মর্পরক্ষ অরণ্যে ব্যাঘ্রের গন্ধ  
এ থেকেও আরও মন্দ বজ্রপাতে বৃক্ষ।  
সুতরাং উঠায়ে পাকী

হাঁকায় চলিত্ত জলদি

সওয়ার বেহারা লগদী গ্রাম গৃহ লক্ষ্য।

গ্রাম সামনেই ছিল, এবং বড় একথানা শাওলা-ধরা পাকাবাড়ীর মাথাও দেখা যাচ্ছিল। সেই গ্রামে ঢুকে আশ্রয় নিয়েছিলেন। সওয়ার-বরকন্দাজদের তগ্‌মা দেখে গৃহস্থামী বাস্ত হয়ে উঠেছিলেন। কোম্পানীর কানুনগো, খোদ দেওয়ান গঙ্গাগোবিন্দ সিংহের ডানহাত কুড়ারাম ভট্টাচার্যের নাম শুনে গৃহস্থামী তটস্থ হয়ে উঠেছিলেন। কুড়ারামও গৃহস্থামীকে দেখে মুগ্ধ হয়েছিলেন। ওই রাজোয়াড়ী চেহারা। সবাস্তে দুঃখ দৈন্তের ক্রেশের ছাপ, কিন্তু মাথাটা উঁচু সোজা। মিষ্ট কথা। কিন্তু লোকটি বোকা-বোকা।

বলেছিলেন—তাই তো ভাঙা ঘর। ছাদ ভেঙেছে। খড়ের চাল করেছি, তাতেও জল পড়ে, এখানে আপনাকে কি করে কোথায় বসাই! কি খাওয়াই! আমি তো বলতে গেলে সর্বস্বান্ত!

বাড়ীর ভিতর থেকে হুকুম এসেছিল, উনি বাড়ীর ভেতর দোতলায় থাকবেন। হুকুম এনেছিল একটি আশ্চর্য রূপসী সাত বছরের মেয়ে। পরনে ফিরানী। যা নাকি চাষা-ভূষাদের মেয়েরা পরে। কুড়ারাম বলেছিল—বাঃ বাঃ বাঃ, এ তো অপরূপ মেয়ে!

বাপ বোকার মত হে-থে করে হেসেছিলেন। বাপকে মেয়ে বলেছিল—মা তুমাকে ডাকছে বাবা। বললে ধরে নিয়ে আসবি! এস!

তখনও কুড়ারামের মনে হয়নি এই মেয়ের সঙ্গে সোমেশ্বরের বিবাহ দেবার। তিনি চারিদিক তাকিয়ে দেখছিলেন। বৈঠকখানার ছাদ নেই। ধসে পড়েছে। খড়ের চাল তুলেছে। সামনে পাঁচিল ভেঙে পড়েছে। এদিকে বড় পুকুরটার বাঁধা ঘাট, তারও দু পাশের রানা দুটো কাত হয়ে পড়েছে। এসবের ইতিবৃত্ত কুড়ারামের অজানা নয়। বাংলাদেশের জমিদারদের বাড়ীর নাড়ীর খবর তাঁর নথ-দর্পণে। এ সব বাড়াকে তিনি ভয়

করেন। ভাড়া বড় বাড়ী আর পূর্ববঙ্গের কীর্তিনাশা রাক্ষসী নদী, ও দুইয়ে কোন তফাৎ নেই। বরং কীর্তিনাশার চেয়েও ভাড়া বাড়ী ভয়ঙ্কর। কীর্তিনাশা একল ভাঙলে শুকল গড়ে। বড় বাড়ী যখন ভেঙে পড়ে তখন সব চেপে পিবে মাটিতে মিশিয়ে দেয়। ধুলো হয়ে নিশ্চিহ্ন হয়ে যায়।

রাজহাটের রায়বাড়ী, মুসলমান আমলের রাজা উপাধিধারী। নিজেরাই রাজা উপাধি নিত। বড়রাজা মেজরাজা সেজরাজা। রাজা অনেক। অনেকেই দেশ ত্যাগ করেছে। অনেক মরেছে। যেমন পলুপোকায় মধ্যে রোগ হলে ঝাঁকে ঝাঁকে মরে। তাদের সম্পত্তি দু-চার বিঘে বা দশ বিঘে জমি দৌহিত্র বংশে গেছে। এখন এই পুরনো বাড়ীতে আছে এই একা মানুষটি আর তার স্ত্রী এবং এই একটি মাত্র কন্যা। লোকে বলে পাগল। পাগলামি রাজাগিরি। পাগলামি নিশ্চয়, নইলে সামান্য হাজার কয়েক টাকা আয় নিয়ে কোম্পানীর প্রথম আমলে মেদিনাপুর বাবুড়া ঝাড়গ্রাম বিষ্টপুর প্রভৃতির রাজারা যখন কোম্পানীর সঙ্গে রাজস্বের নতুন চুক্তি করতে অস্বীকার করলে, তখন তাদের দেখাদেখি শিবনারায়ণ দেবরায় সেও বললে—খাজনা দেব না। কোম্পানী কে খাজনা বাড়াবার ? ফলে মেদিনাপুর থেকে কাগুসুন সাহেব একজন সার্জেণ্টের অধীনে ষোলজন বন্দুকধারী সিপাহী পাঠিয়ে দিলেন। রাজার চাকরানভোগী পাইক ছিল জন চল্লিশেক। তারা বন্দুকের শব্দ শুনে পালান। রাজা ঘরে গিয়ে খিল বন্ধ করলেন। কোম্পানীর সিপাহীরা বন্দুকের গুলিতে দরজা ঝাঁকরা করে দিলে। তখন জানালা দিয়ে বেরিয়ে এল সাদা কাপড়ের ফালি আর একখানা গয়না-পরা আশ্চর্য সুন্দর হাত। রাজাকে নিয়ে রাণী বেরিয়ে এসে সার্জেণ্টের কাছে হার মেনে চুক্তি সই করলে। লোকে বলে সেটা রাজার জন্তে নয়, সেটা সেই আশ্চর্য সুন্দর হাতের আধকারিণী রাণীর জন্ত। কোম্পানীকে খেদারত দেবার জন্ত রাণীই দিলেন তার অলঙ্কার খুলে। তখন সব রক্ষা হল বটে, কিন্তু বছর কয়েকের মধ্যেই হুযাশু নীলাম আইনে সব জমিদারীই চলে গেল। রয়েছে এখন এই গ্রামখানি। তাও আজ যায় কাল যায়। রাজাকে বার-দুই ধরেও নিয়ে গিয়েছিল হুগলার কালেক্টরার পেয়াদা এসে। এসব বিবরণ সব জানতেন কুড়ারাম ভট্টাচার্য। কিন্তু এই বাড়ীতে সেই তারকেশ্বরের হৃদয়হারিণীর বিয়ে হয়েছে এ কথাটা তিনি ঠিক স্মরণ করতে পারেন নি। তাই বাড়ীর ভিতর যখন তাকে আহ্বান করে নিয়ে গেলেন রাজা, তখন অন্তরের প্রবেশপথে তাকেই দাঁড়িয়ে থাকতে দেখে স্তম্ভিতের মত দাঁড়িয়ে গেলেন।

রাণী নমস্কার করে বললেন—আমুন। আজ আমাদের বাড়ী ধন্য হল। রাজকর্মচারী অনেক আসে, কিন্তু ব্রাহ্মণ কর্মচারী তো আসে না। তা ছাড়া আপনার হাত তো শুধু কলমে ধন্য নয়। বাবা তারকেশ্বরের পূজায় ধন্য, মা হংসেশ্বরীর পূজায় ধন্য। আমুন। আমুন।

রাজা হে-হে করে হেসেছিলেন।

ব্রাহ্মিতে তাঁর খাওয়ার সামনে পাখা হাতে বসে রাণী খাওয়াচ্ছিলেন তাঁকে। রাজা

তখন আফিঙের মোড়ে নিজের ঘরে বলে তামাক খাচ্ছেন ।

রাণী বলেছিলেন—অদৃষ্টই সব থেকে বলবান, নয় কানুনগো সাহেব ?

কুড়ারাম বলেছিলেন—দৃষ্ট হলে সেদিন তার সঙ্গে লড়তাম । আজও যদি পাই সেই মরে নয় আমি মরি !

রাণী একটা দীর্ঘনিঃশ্বাস ফেলে বলেছিলেন—তারপর বিয়ে-টিয়ে হয়েছে ? ছেলে-পিলে কি ? নাতিপুতি ?

কুড়ারাম বলেছিলেন—বিয়ে অনেক কালই করিনি । তবে ললিতা বলে একটি মেয়ে সেবাটেবা করত ।

ফিক করে হেসে ফেললেন রাণী । বললেন—ও তো পুরুষের ভূষণ । তারপর ?

—সে মারা যাবার পর বিয়ে করেছিলাম কালীঘাটে । সে একটি সজ্জন হবার পরই মারা গেল । বিবাহ করিনি । করবও না ।

—কটি সেবাদাসী ? হঠাৎ থেমে গিয়ে বললেন—থাক গে । নিজের গরজ গজিয়ে উঠেছে কথা শুনে । ছেলেটি কত বড় হল ?

—দশ বছরের ।

পাখাখানি নামিয়ে রেখে রাণী বলেছিলেন—তাহলে অদৃষ্টের মুখে একটু চুনকালি দিয়ে দাও না । তুমি তো পুরুষসিংহ ।

একদৃষ্টে তাঁর মুখের দিকে তাকিয়ে ছিলেন কুড়ারাম ।

হেসে রাণী বলেছিলেন—আমাদের যা হবার তা তো হয়েছে । আমার ওই একটি মেয়ে । সাতটা ছেলে-মেয়ে আঁতুড়ে মরেছে তা ছাড়া । তা আমার মেয়ের সঙ্গে তোমার ছেলের বিয়ে দিয়ে আমাদের বিয়ে না হতে দেওয়ার ঠাট্টার শোধটা নাও না অদৃষ্টের উপর । তোমার তো আজ টাকার অভাব নেই । আমার মেয়েকে দেখেছো । আমার থেকেও সুন্দরী হবে !

পাঁচালীতে আছে—

রাণী মোরে কয় হেসে বেহান হইব শেষে

মধু সাথে অন্ন মিশে মিষ্ট হবে আরও

সাথে তার চোখে পানি কাতরে কহিল রাণী

কণ্ঠা দিয়ে দিবাযামী নিদ্রা নাহি মোরও ॥

কুড়ারাম বলেছিলেন—কেদো না তুমি । নিলাম, তোমার কণ্ঠা আমি নিলাম । তোমার কণ্ঠা আমার পুত্রবধু হল । তোমার মেয়ে রাজবংশের মেয়ে, ওই রক্তে আমার বংশও ধন্য হবে !

মানুষ ভাবে না সুলতা—মানুষের শুদ্ধ রক্ত আর রাজবংশের রক্ত এক নয় ! ওইখানে মিশল !

তারপর ভট্টাচার্য উপাধি রায় উপাধির তলায় চাপা দিয়ে জমিদারী কিনে কুড়ারাম ছেলের



বিবাহ দিয়ে ঘরে আনলেন সর্বস্বান্ত রাজার রাজকন্যা। তার সঙ্গে রাজরক্ত। ভট্টাচার্য রায় হল।

তার কারণ আছে স্থলতা। রাণী তাঁর কন্যাকে কুড়ারামের পুত্রের হাতে দিতে চাইলেও মেয়ের বাপ মুঘল আমলের রাজা খেতাবধারী নিঃস্বপ্নায় ব্যক্তিটি কানুনগো চাকুরীজীবী এবং ভট্টাচার্য উপাধিধারী বাপের ছেলের সঙ্গে কন্যার বিবাহ দিতে চান নি। তিনি কোম্পানীর সঙ্গে যুদ্ধ করে হেরেছেন। তার গোলামি করেন নি।

লোকটির মস্তিষ্ক ছিল না কিন্তু আশ্চর্য একটি সহনশীল জেদ ছিল। তাঁর কাছে কুড়ারাম যখন প্রস্তাব করলেন এই বিবাহের, তখন তিনি ঘাড় নেড়ে একটু হেসেই বললেন—তা কি করে হবে? আমাদের রাজবংশ! আমাদের মেয়ে ভট্টাচার্যবাড়ীতেও যায় না। ও জোতদার কি কানুনগোর ঘরেও যায় না।

হেসে সবিনয়ে বলেছিলেন—আমরা ধরুন নদীর মাছ, পুকুরের জল আমাদের সহিবে ক্যানো গো মশায়! ও হয় না!

স্ত্রী অন্তরালে ছিলেন। বেরিয়ে এসে এবার বলেছিলেন—পাগলামি করো না।

—পাগলামি কি হল?

—হল না? রাজা। রাজার ঐশ্বর্য তো ষোল আনা। বাড়ী ভেঙে হাঁ করে আছে, ভেঙে পড়ে কোন দিন চাপা দেবে। রাজার থাকবার মধ্যে তো বাড়ী পুকুর ব্রহ্মত্র, রাণী কাঁখে কলসী করে জল আনে। ঘাটে চান করে। রাজা নিজে হাতে সেজে তামাক খায়। বাকী খাজনার দায়ে কোম্পানী মধ্যে মধ্যে নিয়ে গিয়ে জেলে ভরে রাখে—

চোখ লাল হয়ে উঠেছিল কন্যার পিতার। এবার তিনি ভাঙা পাঁচিল দিয়ে গাছপালা শূণ্য বাগানটায় ঢোকা একটা গরুকে তাড়া দিয়ে প্রায় একটা ব্যাভ্রগর্জন করে উঠেছিলেন।

কুড়ারামেরও মুখ চোখ লাল হয়ে উঠেছিল।

রাজার গৃহিণী রাণী সারদা দেবী থমথমে মুখে শুক হয়ে দাঁড়িয়ে ছিলেন। তিনিও প্রাচীন জমিদার ঘরের মেয়ে। তাঁর বিয়েও ঠিক এই কারণেই তাঁর বাবা কুড়ারামের সঙ্গে দেন নি। সে ক্ষোভ তাঁর অন্তরেও ছিল, প্রবলভাবেই ছিল। এবং তিনি এই অক্ষয় অপদার্থ শিমূল ফুলের মত মানুষটার হাতে পড়ে যে দুঃখ জীবনে পেয়েছেন তা তাঁর জীবনে তুবানলের মতই জ্বলছে অহরহ। তাঁর বাপ বিবাহে তাঁকে অলঙ্কারে অর্থে কম কিছু দেন নি। কিন্তু সেসব গিয়েছে। গিয়েছে এই মূর্থ জেদসর্বস্ব ব্যক্তিটির জগ্য।

তিনি কঠিন কণ্ঠে বলেছিলেন, মেয়েকে ভাসিয়ে দিতে আমি দেব না।

রাজা গ্রাহ্য করেন নি, পাগলের মতই নেমে গিয়েছিলেন এবং গরুটাকে একটা লাঠি দিয়ে পিটতে আরম্ভ করেছিলেন। সঙ্গে সঙ্গে চীৎকার।

কুড়ারাম রাণীর দিকে ফিরে বলেছিলেন—ঠিক আছে সারদা, হবে। সে ব্যবস্থা আমি করব। তুমি নিশ্চিত থাক। শুধু দুটো বছর সময়। দুটো বছর!

দু বছরও লাগে নি, দেড় বছরের মধ্যেই সব হয়ে গিয়েছিল। জমিদারী কেনা, সরকারী

আদালতে—একেবারে স্থগীত কোর্টে—দরখাস্ত করে ভট্টাচার্যকে রায়ভট্টাচার্য করে নিয়ে, ঘটক এবং একজন কর্মচারী পাঠিয়েছিলেন কুড়ারাম রায়।

ঘটক পরিচয় দিলে বোকা মনুষ্য রাজা দেবরায় বলেছিলেন—এ তো সেই ভট্টাচার্য !

সারদা দেবী বলেছিলেন—না রায়ভট্টাচার্য। ভট্টাচার্য বাদ যাবে।

—তা কি করে যাবে ?

—কেন, তোমরা কি ছিলে ? গুরুগিরি করতে না ছত্রি রাজাদের ? চক্রবর্তী নও তোমরা ?

—হঁ, বটে। তা সে অনেকদিনের কথা !

—তাই জন্তে তো সব গিয়েছে। ঘরে আজ পাঁচটা টাকা নেই যে ঘটককে দেব।

রাজা চুপ ক'রে ছিলেন।

পরদিন সকালে ঘটকের সঙ্গে কথাবার্তা হবার কথা। কিন্তু বাধা পড়েছিল। এসেছিল কোম্পানী কালেকটারীর চাপরাশী। সঙ্গে পরোয়ানা। নীলম-হয়ে-যাওয়া জমিদারীর বাকী অনাদায়ী টাকার জন্তে ক্রোক। না দিলে রাজাকে বেঁধে নিয়ে যাবে।

সেকালের আইনের প্যাঁচ। মবলকে এগার হাজার সিকা টাকা দশ আনা সাড়ে বারো গুণ্ডা রাজস্ব পাওয়ার জন্ত লাট নম্বর বারোশত তির্যাক্তর নিলাম হয় দশ হাজার টাকায়। সে টাকা কোম্পানীর কালেকটারী ভুক্তান হওয়ার পর এক হাজার সিকা দশ আনা সাড়ে বারো গুণ্ডা কোম্পানীর প্রাপ্য দরুণ এই পরোয়ানা জারী হইতেছে।

রাজা শিবনারায়ণ কোম্পানীর চাপরাশী দেখে অত্যন্ত ভয় পেতেন। তিনি যে সেই রাজস্ব দেব না ঘোষণা ক'রে লড়তে গিয়ে কোম্পানীর ষোল খোলটা বন্দুকের পাঁচবার আগুয়াজে আশিটা বিস্ফোরণ শব্দ শুনেছিলেন এবং এমন পুরনো মোটা কাঠের দরজা জোড়াকে ফেটে যেতে দেখেছিলেন সে স্মৃতি তিনি কিছুতেই মুছতে পারেন না। তাঁর আফিঙের নেশা, সোজা নেশা নয়, সকালে দুপুরে সন্ধ্যায় প্রায় ছ মটর কলাই ভোর আফিঙের নেশা। চোখ দুটো শিবের মতই বড় এবং ওই নেশায় শিবের চোখের মতই বারো আনা বুজে থাকত। সে চোখও পুরো খুলে বিস্ফারিত হয়ে উঠত কোম্পানীর চাপরাশী দেখলে। স্মরণ্য তিনি বাইরে বেরিয়ে চাপরাশী দেখেই ক্ষত ফিরে অন্তরে গিয়ে ঢুকে ঘরে খিল দিয়েছিলেন।

রাণী সারদা দেবী ডেকে বলেছিলেন—দরজা খোল ভয় নেই। ফিরে গিয়েছে।

রাজা শিবনারায়ণ ঘরের মধ্যে একটা শালগ্রাম হাতে ক'রে বসেছিলেন। শালগ্রাম নয়, তাঁর সঙ্কয়ের আফিঙ। সেটা গিলবেন কি ক'রে সেইটে সমস্তা হয়েছিল তাঁর। তিনি রাণীকে বলেছিলেন—মিছে কথা বলছ। আমাকে তুমি ধরিয়ে দেবে।

—না। না। না।

রাণীর কথা শেষ হতেই মেয়ে কাত্যায়নী বলেছিল—না বাবা, সত্যিই হারামজাদ কুস্তারা চলে গেল। সেলাম করে চলে গেল বাবা।

তখন দরজা খুলেছিলেন শিবনারায়ণ। মেয়ে কাত্যায়নী বলেছিল—ওই ঘটকবুড়োর সঙ্গে যে নায়েব বেটা না গোমস্তা বেটা এসেছে সে জামিন হয়ে সই করে দিলে। জমিদারবাবু

সোমেশ্বর রায়বাহাদুরের বকলমে মই দিলে। কুস্তার লেজ শুটিয়ে সেলাম ক'রে চলে গেল !

কুড়ারাম রায় ভট্টাচার্য সদর হুগলীতে বসে নিজে কালেকটারীর আমলাদের নিয়ে ব্যাপারটা করেছিলেন।

শিবনারায়ণ রায় ইঁপ ছেড়ে বৈঁচেছিলেন। এবং কৃতজ্ঞ হয়েছিলেন বাবু জমিদার সোমেশ্বর রায়ের উপর। সুতরাং তারপর আর বিবাহের পথে একটি কণ্টকও মাথা তুলে ওঠেনি।

আট বছরের কনে কাত্যায়নী কীর্তিহাটে এসেছিলেন, সঙ্গে এসেছিল ওদের বাড়ীর একমাত্র ঝি বুড়ী কুস্তী। কুস্তী ওদেশের মেয়ে—বাপ ছিল দেবরায়দের ছাত্র চাপরানী, মা ছিল কাহার বা কুমী। আজীবনই এদের বাড়ী আছে। প্রথম জীবনে শিবনারায়ণের ঝি ছিল, বিয়ে কখনও হয়নি। কাত্যায়নীকে মানুষ করেছিল সেই। সে আগলে আগলে রেখেছিল কাত্যায়নীকে। কিন্তু তবু কাত্যায়নী প্রথম দিন থেকেই শস্তরবাড়ীতে চাকরদের ঝিদের দু-চার-বার শাসন ক'রে ডেকেছিল—এই হারামজাদা ! শুনতে পাস না ? এই হারামজাদী—কানে তোর ক'ভরি সোনা আছে ?

কুস্তী তাদের বলেছিল—কিছু মনে করো না। লেড়কী মেয়ে—বাচ্চা। তবে ও তো রাজার বেটী ! বেতরিবৎ ওর সয় না !

শুনে কিন্তু কুড়ারাম রায় ভট্টাচার্য খুশী হয়েছিলেন। খুব খুশী !

ই। এইবার বাড়ীতে সত্যিই জমিদারী মহিমা এসেছে।

রাজকুমারী কাত্যায়নী কীর্তিহাটের কড়চায় রায়দের বংশধারার বইয়ে দিলেন এদেশের পাঁচশো বছরের আমীরশাহী চাল-চলন, ধারা-ধরণ, হাঁটা, কথা বলা, রীতিনীতি সব। ঝি-চাকরেরা তাঁকে ভয় করতো বাঘের মত। রাগ হলে হাতের কাছে যা থাকত তাই ছুঁড়ে মারতেন। আবার বকশিশ দিতেন। দেবতায় ছিল অচলা ভক্তি। ব্রতে উপবাসে তাঁর মত নিষ্ঠা বিরল। দেবসেবায় যে কত নতুন নতুন ধারা তিনি প্রচলন করেছিলেন তার হিসেব কাগজে পাওয়া যায়। হাঁটতেন তিনি আস্তে কিন্তু পা ফেলতেন তাতে শব্দ হ'ত। ছিপছিপে পাতলা অসাধারণ রূপসী ছিলেন, ওজন বেশী ছিল না কিন্তু তিনি নড়লেই কীর্তিহাটের বাড়ীর মেঝে মাড়া দিয়ে জানাতো যে রাজকুমারী বধু কাত্যায়নী সচলা হয়েছেন। আবার অতিথি অভ্যাগত কুটুম্ব সজ্জনের কাছে তাঁর মত অসুগ্রহপরায়ণা কেউ ছিল না। মধ্যে মধ্যে পাগল হতেন। বাপের রোগটা পেয়েছিলেন। শুধু বাপের নয় দেবরায়দের বংশে এখানে ওখানে যারা ছড়িয়ে ছিল, যাদের কথা জানত লোকে, তাদের মধ্যে দশ পনের জন আধপাগলের নাম আমি পেয়েছি স্থলতা। রাজকুমারী কাত্যায়নীর এসব বিবরণ কুড়ারাম রায় ভট্টাচার্যের পাঁচালীতে নেই। পাঁচালী তো তুমি সত্ত্ব পড়েছ। তবে তাড়াতাড়ি পড়েছ। আমি বিশদ করে বলে গেলাম। এ বিবরণ আমি শুনেছি।

কিছু শুনেছি রায়বাড়ীতে মেজঠাকুর কাছে। তিনি এসব শুনেছিলেন মেজঠাকুরদার কাছে। কিছু কিছু এখনও গ্রামে চলিত আছে। বাড়ীতে বাড়ীতে পুরুষ পরম্পরায়—

অবস্থা মেয়েদের মধ্যে—চলে আসছে।

রায়বাড়ীর পিছন দিকে দুধসায়র পুকুর আছে। বাধানো ঘাট। আগে পাঁচিল দিয়ে ঘেরা ছিল। কুড়ারাম রায় কাটিয়েছিলেন পুকুর রাজকুমারী বউমার স্নানের জন্ত। পুকুরে জল ভ'রে একশো ঘড়া দুধ ঢেলেছিলেন, প্রথম যেদিন বউমা পুকুরে স্নান করেন সেই দিন। পুরটা এখনও আছে, মজে এসেছে, পাঁচিল পড়ে গেছে। এখন বাড়ীতে কুরো হয়েছে। ওটায় এখন বাসন মাজা হয়। কিন্তু সেদিন ও পুকুরে রায়বাড়ীর ছেলে বউ ছাড়া কেউ স্নান করত না। দুধপুকুরে স্নান করলে রঙ ফরসা হত। রাজকুমারী বউ কাত্যায়নী নিজেই ছিলেন রূপের বর্ণা।

রায়বংশে আমীরশাহী চাল—পাগলামি ব্যাধির সঙ্গে আর একটি জিনিস তিনি এনেছিলেন সেটি রূপ। কুড়ারাম রায় রূপবান ছিলেন কিন্তু বলেছি তো সেটা বায়ুনে রূপ। যে রূপ কপালে চন্দনে তিলকে খোলে। এ রূপের জাত আলাদা। এ রূপ প্রসাধন ভূষণ ভূষা ছাড়া খোলে না।

নূরজাহান, পদ্মিনী এ তো সহজ পথে আসে নি স্থলতা। অনেক ঐশ্বর্য অনেক শক্তির উপর সাধনপীঠ বানিয়ে তার উপর আলপনা পেতে বাছাইকরা দশ বিশটা রূপের বাটি থেকে রক্ত মিশিয়ে মিশিয়ে তবে এসেছে। গালে গোলাপ কোন দেশের কোন মৌলিক রূপেই ছিল না বলেই আমার বিশ্বাস। ওটা হয়েছে অনেক সাধনায়। রাজকুমারী কাত্যায়নী তাই এনে দিয়ে গেছেন রায়বংশে। কুড়ারাম ভট্টাচার্য তাতে নিজেকে কৃতকৃতার্থ মনে করতেন। বলতেন—সম্পদ সৌভাগ্য এ আমার ছিল। কিন্তু বউমা আমার যে শ্রী নিয়ে এসেছে তাতে সম্পদ সৌভাগ্য উজ্জ্বল হল।

এইখানেই কুড়ারাম রায়ের পাচালী ইতি। দুটো কথা আছে। তিনি কিন্তু ছেলে-বউ নিয়ে কীর্তিহাটে থাকেন নি। থেকেছিলেন কলকাতায়। থেকেছিলেন ছেলেকে গড়ে তোলবার জন্ত। তখন দেশে নতুন হাওয়া বইতে শুরু করেছে। কর্ণওয়ালিশ সাহেবের পর লর্ড ওয়েলেসলী এসেছেন। নতুন লার্টপ্রাসাদ তৈরী হয়েছে। বিশাল সিঁড়ির দুধারে তকমা আচকান জড়িজড়ানো পাগড়ী পরা খানসামা বেয়ারা আদালী চোপদার দাঁড়িয়ে থাকে। নতুন গাড়ী ঘোড়া আসছে, বিলেত থেকে সাহেব ব্যবসাদার আসছে, রাইটার আসছে, বড়টাকি লালদীঘির উত্তর পাড়ে লম্বা রাইটার্স বিল্ডিং সেরেস্তাখানা পড়েছে। ব্যবসাদার আসছে, নতুন উকীল অ্যাটর্নী আসছে, ডাক্তার আসছে। জেনারেল কাপ্তেন আসছে। মেমসাহেব আসছে এখানে বেস্তাবৃষ্টি করতে। সারেসবী সরাইখানা কাফিখানা হচ্ছে। পান্দুরা আসছে। তারা এখানে গির্জা করছে। ইস্কুল করছে। ক্রিস্টিয়ান করছে। লেখাপড়া শেখাচ্ছে। ক'জন সাহেব এখানে ইস্কুল করেছে—শেরবোন সাহেব ড্রামও সাহেব আরও কত সাহেব।

ওদিকে হিন্দুস্থানে—ভারতবর্ষে গোলমাল। সেই গোলমাল তামাম মূলক ভরই কোম্পানীর সঙ্গে। সাহেবানরা পাকাপোক্ত ভাবে বসেছে। এখন সরকারী সেবেস্তায় চাকরী বড় ব্যবসা বড় জমিদারী যা কর—ইংরিজী না শিখলে হবে না। ইংরিজী ভরিবৎ না হলে

বড় সমাজে ঠাই পাবে না। রামমোহন রায় পথ খুলেছেন। কলকাতার কায়স্থরা স্ববর্ণবণিকেরা ঠেঙেভেঙে ইংরিজী শিখে মুন্সুদ্দি দালালী কাজ করছিল, তাদেরও ইংরিজী শেখার ভাড়া পড়েছে। কুড়ারাম নিজে কোনরকমে কাজ চালান। মুখে মুখে শিখে নিয়েছেন। কিন্তু ছেলেকে ভালরকম ইংরিজী, তাঁর সঙ্গে সহবৎ তদ্বিবৎ না শেখালে তার জীবনের সাধ অঙ্করেই মরে যাবে এ তিনি জানতেন বলেই সোমেশ্বর এবং পুত্রবধু রাজকুমারী কাত্যায়নীকে নিয়ে কলকাতায় এলেন। সোমেশ্বর ড্রামণ্ড সাহেবের ধর্মতলার ইঞ্চলে ভর্তি হল।

বেয়ান সারদা দেবী এবং বেয়াইকে কালীঘাটে মাতৃদর্শন করতে নিমন্ত্রণ করে নিয়ে এলেন। অলাদা বাড়ী ভাড়া ক'রে দিয়েছিলেন। নইলে পৌত্র না হলে মেয়ের মা-বাপকে জামাইঘরের ভাত খেতে নেই। কিছুদিন তাঁদের এখানে রেখে কাত্যায়নীসহ পাঠিয়ে দিলেন স্বগ্রামে। ইতিমধ্যে ওখানকার বাড়ী মেরামত করিয়ে দিয়েছিলেন, কারণ সবই তাঁর সোমেশ্বর পাবে। এই সময়ের মধ্যে বেয়ানের সঙ্গে অনেক গল্প অনেক রহস্যরসিকতায় পরম আনন্দে কেটেছে তাঁর। বেয়াই আফিড খেতেন। বিলিতী মদও খাওয়াতেন কুড়ারাম। তিনিও খুব খুলী ছিলেন। কুড়ারাম মাসে মাসে যেতেন কীর্তিহাট। চাঁদপাল ঘাটে বড় বজরা বাঁধা থাকত তাঁর। নাম ছিল—ললিতা। সেই বজরায় যেতেন। হলদী নদীতে ঢুকে জোয়ার এলাকা পর্যন্ত গিয়ে নামতেন। সেখানে থাকত তাঁর হাতী। হাতীর নাম ছিল জংবাহাদুর।

লোকে অনেক কথা বলত,—বেয়ান সম্পর্ক নিয়ে।

কিন্তু তিনি কড়চায় লিখেছেন—

ছেলে বউ সাথে আনি বেয়ান সারদা রাণী  
সর্বস্বখী মনে মানি কাটে দিন কয়।  
কত হাসি কত কথা আগামী জন্মের তথা  
কল্পনা পুরাবে মাতা জানিহু নিশ্চয় ॥

তারপর সেই কটা লাইন—আগে বলেছি—

পাপপুণ্য নাহি মানি যাহা করিয়াছি আমি  
সবার মালিক তুমি জয় কালী করালী।

তার শেষ লাইন—

তোমাতে দেবত্ব করি বিষয় আদি জমিদারী  
আমি মা ভাসাই তরী রাখো বাঙালায়।

মায়ের চরণেই তিনি দেহত্যাগ করেছিলেন। একবার কীর্তিহাট গিয়ে অস্থখে পড়লেন। ছেলে সোমেশ্বরকে লোক পাঠিয়ে আনালেন। লিখলেন, “অবিলম্বে আসিবা।” সোমেশ্বরের বয়স তখন কুড়ি। বধু কাত্যায়নীর বয়স সত্তের। তখন তার তিনটি সন্তান হয়ে মারা গেছে। এই এক খেদ নিয়ে তিনি গেলেন। ওই দেখ তাঁর দেহত্যাগের ছবি। এর মধ্যে তারা খেয়ে উঠে এসে সেই ছবি টাঙানো বারান্দায় ঢুকল। স্বদেশের



ছবিখানা দেখালে। একটা প্রকাণ্ড গাছ উপড়ে পড়েছে। গাছটার কাণ্ডটায় একটা মানুষের দেহের আভাস।

প্রচুর ধুমধাম ক'রে শ্রাদ্ধ করেছিলেন সোমেশ্বর। টাকা খরচ হয়েছিল চল্লিশ হাজার। চাল খরচ হয়েছিল চল্লিশ মণ। ময়দা খরচ হয়েছিল দশ মণ।

শ্রাদ্ধের পর ও-অঞ্চলে কলেরা হয়েছিল। সোমেশ্বর সস্ত্রীক কলকাতায় চলে এসেছিলেন।

\*

\*

\*

স্বদেশের পরের ছবিখানা দেখালে। আশ্চর্য্য একটি রূপসী মেয়ে। সর্বাঙ্গে অলঙ্কার। চোখে প্রদীপ্ত দৃষ্টি। স্বদেশের বললে—পরের ছবি দেখে স্থলতা। এরও চার বছর পরের। সোমেশ্বরের বয়স তখন চব্বিশ। ইংরাজী ১৮১৫ সাল। রাজকুমারী বধূ কাত্যায়নীর বয়স একুশ।

তাঁর কোল শূন্য। রাজরক্তের সঙ্গে উন্নততা উগ্রতার সঙ্গে আর একটি ব্যাধি তিনি নিয়ে এসেছিলেন, সেটি তাঁর মৃতবৎসা দোষ।

হয়তো এ যুগ হলে রক্ত পরীক্ষা ক'রে কোন ব্যাধির বীজ বের হত এবং তার প্রতিবেদকও পাওয়া যেত। কিন্তু সে যুগে ইংরেজ ডাক্তারও তার প্রতিকার করতে পারে নি। কুড়ারামের মৃত্যুর পূর্বে তিনি মৃত সন্তান প্রসব করেছিলেন। তারপর আরও দুটি মৃত সন্তান প্রসব করেছেন। মধ্যে মধ্যে উন্মাদ হয়েছেন।

অন্তর্ভ্রী হলেই তাঁর মস্তিষ্ক অস্থির হ'ত। প্রথম হত মেজাজ খারাপ। উগ্র মেজাজ উগ্রতর হত। পাঁচ ছ মাসে তিনি বোবা হয়ে যেতেন। অনবরত ঘুরতেন ঘরের মধ্যে। তারপর প্রায় উন্মাদ। প্রলাপ অসংলগ্ন কথা বলতেন। চাকর-বাকরের লাঞ্জনায় আর সীমা থাকত না। সব থেকে বিপদ হ'ত সোমেশ্বরের। স্বামীকে দেখলে ক্রোধ আক্রোশের আর সীমা থাকত না।

বলতেন—ইচ্ছে করে তোমার বুকে বসে গলাটা টিপে ধরে শেষ ক'রে দি।

দু তিনবার ধারালো দা নিয়ে তাঁকে কাটতে গিয়েছিলেন। তাকে আটকেছিলেন তাঁর মা বা সারদা দেবী। সোমেশ্বর পালিয়ে বেঁচেছিলেন। অনেকে বিবাহ করতে পরামর্শ দিয়েছিল তাঁকে কিন্তু তা তিনি করেন নি। কারণ ছিল—কুড়ারাম মৃত্যুর সময় ছেলেকে প্রতিশ্রুত করিয়ে নিয়েছিলেন—কাত্যায়নী বধূ উন্মাদ হলেও সে যেন বিবাহ না করে। তাঁর শিয়রে তখন ও-দিকে বসেছিলেন কাত্যায়নীর মা তাঁর বেয়ান রাণী সারদা দেবী।

সারদা দেবী তখন বিধবা। তিনি কন্ডার এই সময় আসতেন, কাছে থাকতেন। তিনিই কন্ডাকে বলে রাজী করিয়ে তাকে অর্থাৎ কাত্যায়নীকে দিয়েই সোমেশ্বরকে বলিয়েছিলেন, তখন অবশ্য কাত্যায়নীর স্বস্থ অবস্থা; বলিয়েছিলেন—দেখ আমার ভো এই অবস্থা। তুমি বাড়ীতে তোমার সেবার অস্ত্রে দুটো ভালো ঝি রাখো। মন ভাল রাখতে গানটান শুনবার জন্তে একজন বাড়ীজী রাখো। নইলে তুমিও যে পাগল হয়ে যাবে!

সোমেশ্বর ঠিক জমিদার বাচ্চা জমিদার ছিলেন না। হতে পারেন নি। তিনি কৌশলী মানুষ ছিলেন, তার সঙ্গে সাহসীও ছিলেন। কিন্তু বেপরোয়া মানুষ ছিলেন না। নইলে

নিজেই এসব ব্যবস্থা করতেন। অবশ্য বাঈজী তাঁর ছিল। তবে বাধা ছিল না। এখানে ওখানে বাগানে বজরার আমোদ-আহ্লাদ করতেন।

দু'চারটে খরচ পেয়েছি খাতার—এসব খাতা সোমেশ্বরের খাম খাতা। তিনি কলকাতায় যে ব্যবসা করতেন অর্থাৎ সাহেবদের মুৎসুদ্দির কাজ করতেন, টাকা লগ্নী করতেন তার জমাখরচের খাতা। সোমেশ্বর একজন সাহেব অ্যাটর্নীর টাণ্ডি ছিলেন, তাঁকে টাকা ধার দিয়ে তাঁর কেসগুলির থেকে কমিশন পেতেন। তাছাড়া টাকা লগ্নী করেছিলেন স্থানের ব্যবসায়ে। মেদিনীপুর কাণী অঞ্চলে ‘খালারি’ ইজারা নিয়ে স্থান তৈরী করতেন। স্থানের ব্যবসা একচেটে কোম্পানীর, কোম্পানী স্থান কিনত। এ ছাড়া রবিনসন সাহেব বলে একজন সাহেব তাঁদের অঞ্চলে নালের কুঠী করেছিল, সেই কুঠীতেও তাঁর অনেক টাকা খাটত। জীবনে স্ত্রীকে নিয়ে সুখশান্তির যতই অভাব হোক না কেন, তিনি বাইরের ব্যবসায়ে কাজে মেতে থাকতেন দিনে, সন্ধ্যায় যেতেন বাঈজীবাড়ী। রাত্রে বাড়ী ফিরে ওই ঝিদের সেবায় পরিতুষ্ট হয়ে ঘুমিয়ে যেতেন। উঠতেন বেলা এক প্রহরের সময়। মধ্যো মধ্যো দু'চারদিন দরজার আঘাত পড়ত। করাঘাত করতেন কাত্যায়নী দেবী। তাঁকে ধরে নিয়ে যেতেন তাঁর মা রাণী সারদা দেবী। কাত্যায়নীর একটা সুস্থ অবস্থাও ছিল। সেটা প্রসবের পর আসত। মৃত সন্তান প্রসব করার পর তিনি কাঁদতে শুরু করতেন এবং পনের বিশ দিনের মধ্যে অনেক কান্না কেঁদে বিষণ্ণ প্রতিমার মত থাকতেন কয়েকদিন, তারপরই হতেন আর এক মানুষ। স্বামীর ঘরে তাঁর বিছানা হ'ত। ঝি দুটিকে হয় তাড়াতেন, নয় তারা সরে যেত এই বাড়ীর দূরতম প্রান্তের একতলার ঘরে। তখন গোটা সংসারটা চলত তাঁর অঙ্গুলিহেলনে। তিনি বাসনের ঘরের বাসনগুলি গুনতেন, কতগুলি হারিয়েছে হিসেব করতেন। আসবাবপত্রও এইভাবে হিসেব করতেন। যা হারাত সেগুলি তৎক্ষণাৎ পূরণ করেও সোমেশ্বরের নিকৃতি ছিল না, কাত্যায়নী তাঁকে দিয়েই চাকর-বাকর, সরকার, নারের সকলকে তিরস্কার করিয়ে ছাড়তেন। এবং ডাক্তার-বত্তি ইত্যাদি ডাকিয়ে সমারোহ জুড়ে দিতেন। মধ্যো মধ্যো স্বপ্ন দেখতেন—কোন দেবস্থলের স্বপ্ন। সেখানে যাওয়ার সাড়া পড়ত।

তারপর একখানা শুধু কালো ছবি। তার মধ্যে সোমেশ্বরের আভাস মাত্র রেখায় ফুটে আছে। কিন্তু ওই দেখ মূলত—কতকগুলো বাইরের ঘটনা আঁকা আছে ওই যে ছবিটার প্যানেলে। সোমেশ্বর নিজের জীবনের কোন ঘটনায় মনের কোন ছায়া রেখে যান নি। চিঠি যা পেয়েছি তা ব্যবসায় সংক্রান্ত। যেমন স্থানের দেওয়ান দ্বারকনাথ ঠাকুরের চিঠি; পাইকপাড়ার দেওয়ান গঙ্গা গোবিন্দ সিংহের ছেলে—তিনি তখন কোম্পানীর কাছনগো রয়েছেন, তাঁর চিঠি। রবিনসন সাহেবের চিঠি। কীর্তিহাটের প্রধান নায়েবের চিঠি, কালীমাতার পূজকের চিঠি,—তা ছাড়া দু'চারজন প্রজা মন্ডনের চিঠি—

মহামহিম মহিমাষিত শ্রীল শ্রীযুক্ত বাবু সোমেশ্বর রায় জমিদার মহাশয় অশেষ প্রতাপাশ্রিতেষু।

হজুর বরাবর অধীন প্রজার দরখাস্ত এই যে, ইত্যাদি ইত্যাদি। দরখাস্ত তার ঘরের জন্ত জোতের মধ্যে একটি তাল গাছ কি শাল গাছ কি তার পুত্রকন্টার বিবাহে পোড়া কাঠের জন্ত একটি বটবৃক্ষের ডাল বা মাতৃশ্রাদ্ধে একটি তিস্তিরী বৃক্ষ কাটবার অনুমতি প্রার্থনা। অথবা একটি ছোট পুষ্করিণী খননের অনুমতি প্রার্থনা। তখন কোম্পানীর সঙ্গে জমিদারের চুক্তি অনুযায়ী জমিদার জমিদারীর জলকর ফলকর বনকর, লাহা-মহল, পাতা-মহল, কাঠকয়লা-মহল এমন কি উদ্বার-অধঃ—সমস্ত কিছুই একছত্র অধিপতি। কন্টার বিবাহে জমিদার প্রণামী পান—তার নাম মারোচা। পিতৃমাতৃশ্রাদ্ধে জলদানের পাত্র, ঘড়ি বা ঘটি কাছারীতে পৌঁছে দিতে হয়।

এর মধ্যে কাত্যায়নী সম্পর্কে কোন কথা নেই। কাউকে সোমেশ্বর রায় লেখেন-নি। একবার পোয়পুত্র নেওয়ার কথা তুলে—কাত্যায়নীর হাতের কঙ্কণের আঘাতে কপাল কেটে ছিলেন—সে কথা শুনেছি, মেজঠাকুর কাছে। আর তাঁর ছবিতে দেখছি একটা লম্বা কাটা দাগ। অগ্র যারা প্রবীণ তাঁদের কাছেও শুনেছি। কিন্তু কোন নমুদ পাইনি।

জমাথরচের খাতায় মধ্যে মধ্যে পেয়েছি—বিদায়-বকশিশ খাতে খরচ ২৫০ টাকা। শ্রীল শ্রীযুক্ত বাবু সাহেব হজুর বাহাদুরের খাস ঝিকে বিদায় উপলক্ষ্যে—নগদ বকশিশ—। ২৫০ টাকাই উচ্চতম বকশিশ নয়। নিম্নতর। উচ্চতম বকশিশ ১০০০ টাকাও আছে। কাত্যায়নী দেবী স্বস্থ হলে যে সব খাস ঝিদের বিদায় করা হত—এ বকশিশ তারা পেয়েছে।

দেখ প্যানেলটা দেখ, দেখতে পাবে, পুঁটলি বগলে ক'টি মেয়ে চলে যাচ্ছে।

তারপরই দেখ এই ছবিটা। সে আমলের চৌরঙ্গীর পথে সোমেশ্বর চলেছেন স্ত্রীকে নিয়ে কালীঘাটে! এ ঘটনার গল্প রায় বংশে সুপ্রচলিত এবং সুপ্রসিদ্ধ। রায়-বংশের গল্প উঠলেই স্বাতিপথে এসে যায়। রায়-বংশের ছেলেমেয়ে—সে আধুনিকই হোক আর প্রতিক্রিয়ানীলই হোক—শুনেছে, জানে এবং মানেও। ঘটনার যে শেকল একটার সঙ্গে একটাকে গোঁথে কার্য এবং কারণ হিসেবে ব্যাখ্যা টেনে নিয়ে যায় তার মাঝখানে এক একটা ঘটনা আকস্মিকভাবে ঘটে থাকে। যেন হঠাৎ একটা বাইরের আংটা কোন এক অদৃশ্য চুপকের টানে ছুটে এসে শেকলটার প্রান্তে জুড়ে যায়। এও তাই।

বহুশত ঘটনাটি এই। কালীঘাট সোমেশ্বরের মামার বাড়ী। কুড়ারাম রায় ভট্টাচার্য তাঁর আমলে এই মধ্যবিত্ত গৃহস্থ পরিবারটিকে সাহায্য করে নানান সুযোগ-সুবিধা পাইয়ে দিয়ে তাদের বক্ষিষ্ণু করে তুলেছিলেন। তাঁরা অনুগত ছিলেন এবং সত্যকার হিতৈষী ছিলেন। সোমেশ্বরও বাল্যকালে কিছুদিন মাতুলালয়ে থাকতেন যখন কুড়ারাম বিদেশে বা মফস্বলে যেতেন তখন। সোমেশ্বরও ভালবাসতেন তাঁদের।

একদিন তাঁর মামাতো-ভাই এসে খবর দিয়ে গেল, কালীঘাটে এক তান্ত্রিক এসেছে। ক'দিন আগে আশ্চর্য ঘটনা ঘটেছে। তান্ত্রিক আধ পাগলা—।

মামাতো-ভাই হরিপ্রসাদ চাটুজ্জ বলেছিল—তান্ত্রিকরা আধ পাগলা হয়। মুখ খারাপ হয়। অনেকে গাইয়েও হয়। লোকটা আশ্চর্য গাইয়ে। গাইয়ে-বাজিয়ে—সব যন্ত্র বাজাতে পারে; প্রথম যখন কালীঘাটের শ্মশানে আসে তখন একটু স্বস্থ ছিল—মধ্যে মধ্যে গান-

বাজনার আসর বসলে জয় কালী বলে এসে চুকে বসত। বলত—আমাকে একটু বাজাতে দেবে? কখনও বলত—গাইতে দেবে? দিত, সবাই—সে অভুত ব্যাপার। লোকে একটু ভালটাল বাসত। মধ্যে মধ্যে মার খেতো। লোকে মারত। বলত—মেয়েদের দিকে নাকি ডাব-ডাব করে তাকায়। পলক পড়ে না। এক একজনের কাছে এসে তার মুখের কাছে মুখ এনে বলে—তুমি সেই বট?—বেশ কয়েকদিন মার খেয়েছে। কিন্তু এর বেশী কিছু নয়। কিন্তু তাই এই দশদিন আগে জোয়ারে একটা যুবতী মেয়ের দেহ ভেসে এসেছিল। একাদশীর জোয়ার। সেদিন জোয়ারটা বেশী। মাঝখানে দেহটা ভেসে চলছিল—একবার ডুবছিল একবার উঠছিল। চোখে পড়েছিল সবাই কিন্তু তান্ত্রিক জয় কালী বলে জলে ঝাঁপ দিয়ে পড়ল। তুফান-জোয়ার—তারই মধ্যে থেকে সে দেহটা টেনে এনে তুললে। টাটকা মড়া। রূপসী একেবারে বোধ হয় ষোড়শী মেয়ে। সকলে জিজ্ঞেস করলে—কি করবে! বললে—আসন করে সাধন করব। সামনে পরশু চতুর্দশী, পরের দিন অমাবস্যা। তারপর তাই চলে গেল নিবিড় জঙ্গলের মধ্যে। লোকে ভেবেছিল বাধে থাকবে। নয়ত মড়ার লোভে শেয়াল এসে শুকে হৃদয় ছিঁড়বে! তিনদিন কেউ দেখেনি। চারদিনের দিন নৌকোর মাঝিরা দেখতে পেয়েছিল। পাড় থেকে গড়িয়ে তাঁটার কাদার ওপর পড়ে আছে অজ্ঞান হয়ে। তুলে এনে মন্দিরের ঘাটে নামিয়ে দিয়েছিল। জ্ঞান হয়ে লোকটা ক’দিন হয়ে গিয়েছিল ঘোর উন্মাদ। কেবল চোঁচাতো—ফেলে দিলি! ফেলে দিলি! দে—! আর থিস্তি গালাগালি। এখন শান্ত হয়েছে। লোকে বলছে সিদ্ধ হয়ে গেছে লোকটা। তা ছাড়া এখন শুনেছি লোকটা অনেকজনকে অনেক ওষুধ—মানে জঙ্গল থেকে লতাপাতা ছিঁড়ে এনে হাতে দলে দেয়, ভাল হয়ে যায়। কটি বাজা মেয়েরও সন্তান হবে শুনেছি ওর ওষুধে। যাবে একবার বউমাকে নিয়ে?

সেই চলেছেন সোমেশ্বর ওই দেখ।

৫

পশ্চিম দিকে সেকালের কলকাতার ময়দানে উলুখাগড়ার জঙ্গল, দু-চারটে জলা, গঙ্গার ধারে বড় বড় অশখের গাছ। জাহাজ বজরার মাঙ্গল দেখা যাচ্ছে। চৌরঙ্গীর পূর্ব পাশে সেকালে বাড়ী। তখন হোয়াইটওয়াশ লেডল তৈরী হয়নি, গ্র্যাণ্ড ফিরপোর বাড়ী তৈরী হয়নি। বাতা-ওয়াল ছোট বাড়ী, গোল থাম, কাঠের রেলিং।

ব্রহ্ম গাড়ী চলছে, সহিসেরা সামনে ছুটছে, পাকী চলছে। তালপাতার ছাতা মাথায় দিয়ে রাহী চলছে। ঘোড়ায় চলছে সওয়ার। গরুর গাড়ী চলছে।

ওই দেখ, পাকীতে কাত্যাবনী।

ব্রহ্মে সোমেশ্বর। চোগা চাপকান পরেন নি, পরেছেন পাটের কাপড়-চাদর। কাত্যাবনীর পরনে বালুচরের বুটদার রেশমী শাড়ী।

\*

\*

\*

\*

সোমেশ্বর রায় আশ্চর্য হয়ে গেলেন তান্ত্রিককে দেখে। আরে !

—কি ? জিজ্ঞাসা করলেন মামাতো-ভাই হরিহর।

সে প্রশ্নের উত্তর না দিয়ে সোমেশ্বর তান্ত্রিককে বললেন, কি বাবা চিনতে পারছেন আমাকে ?

তান্ত্রিক হঠাৎ চোঁচিয়ে উঠলেন, হাহা-হা ! রায়বাবু ? হাহা-হা ! পারি বৈকি চিনতে। কেন পারব নি ! হাহা-হা !

—এ পথে কত দিন বাবা ?

—তা তিন জন হল গো। এ জন্যে বছর পাঁচেক হয়ে গেল গো। হাহা-হা ! আমি ভাবছিলাম গো তোমার কথা। হাহা-হা !

অবাক হয়ে গেলেন সোমেশ্বর। তাঁর কথাই ভাবছিলেন ? তবু জিজ্ঞাসা করলেন, কে বললে আমি আসব ?

—হাহা-হা। আমার মন বললে গো ! তোমাকে আমার দরকার আছে যে ! হাহা-হা !

আশ্চর্য ! এ লোককে তিনি চেনেন। শ্রামনগরের ভটচাঁদবাড়ীর জামাই, পেশাদার কুলীনের ছেলে। ওর স্বস্তুর খুব নামজাদা গৃহীতান্ত্রিক ছিলেন। শ্মশানে কালীপূজা করতেন। শ্মশানে জপতপ করতেন। তত্ত্বমতে স্বস্তায়ন করতেন। কুলীনের ছেলে শ্রামকাস্ত চাটুজ্ঞে—ভটচাঁদের কন্যাকে বিয়ে করে ঘরজামাই ছিলেন। প্রথম প্রথম বেড়াতে গান-বাজনা করে। গান-বাজনার শিগা ছিল। নিজেও বড় বড় বাড়ীতে থেকুরার খোলে পোরা তানপুরা কাঁধে নিয়ে গান শোনাতে আসতেন। অসাধারণ গাইয়ে বলেছে মামাতো-ভাই, তা এক বিন্দু বাড়িয়ে বলে নি। যেমন সঙ্গীতে জ্ঞান তেমনি কণ্ঠস্বর। তন্ত্রের ঝাঁকুও ছিল। পাঁচ টাকা পার্বণী করে দিয়েছিলেন, কালীপূজার পর এসে গান শুনিয়ে নিয়ে যেতেন। আজ বছর পাঁচেকই হবে আর আসেন নি। পাঁচ বছরে শ্রামাচরণ একেবারে অগ্ররকম হয়ে গেছেন। ক্যাপা-ক্যাপা কথা, হাহা-হা, হাহা-হা, যেন একটা উল্লাস উথলে উঠছে ওই শব্দের গমক মেরে। চাউনিও বদলেছে, চোখ দুটো বড়, সে চোখ লাল হয়ে আছে। চোখের তারা কখনও স্থির, কখনও অস্থির। কিন্তু যেন জ্বলছে জ্বলন্ত আগুরার মত।

তিনি বললেন—তা আমার বাহা যে পূর্ণ করতে হবে।

—হাহা-হা। তোমার আবার বাহা কিগো বাবু, জমিদারি, বাড়ী-টাকাকড়ি, হাতী-ঘোড়া, লোক-লস্কর,—আবার বাহা ? বলে হা-হা করে হেসে উঠল।

—আমার সন্তান নাই বাবা ! সন্তান হয়, সব মরা সন্তান। অনেক প্রার্থনা করেছি—মায়ের কাছে—

—কার কাছে ? ওই গ্যাংটা মাগীর কাছে ! শ্মশানে ওটা গ্যাংটা হাহা-হা ! সংসারে ওটা ভিথিরী ! হাহা-হা। ওই দেখ না কালীমন্দিরের আশে-পাশে ওই টেনা-পয়া দুখো দুখো কুমারী মেয়ে একটা পয়সা দাও, একটা পয়সা দাও বলে বেড়াচ্ছে, ওর মধ্যে সেটাও আছে। চোখ থাকলেই দেখবে। সেদিন আবার চং করে ভেসে এসেছিল মড়া হয়ে।



হাহা-হা। ফেলে দিলে। তা ওই করবে তোমার বাহ্যাপূরণ? ধূর-ধূর-ধূর! মন্দিরে যেটা আছে সেটার মুখ চোখ জিত সব তো তৈরী করা! হাহা-হা!

লোক জমে গিয়েছিল অনেক। জনকতক লোক কালীর নিন্দে করার জন্তে রেগে উঠেছিল। তান্ত্রিক হাহা-হা করে হেসেছিলেন। সে হাসি আর থামে না। সোমেশ্বরের রোমাঞ্চ হয়েছিল সে হাসিতে। তিনি তাঁর হাত চেপে ধরেছিলেন।—বাবা!

উঠে দাঁড়িয়েছিলেন তান্ত্রিক। তিনিও হাত চেপে ধরেছিলেন সোমেশ্বরের। সোমেশ্বর শিউরে উঠেছিলেন। তান্ত্রিকের হাতে যেন আগুনের মত উত্তাপ। চোখ দুটো ঝকঝক করে উঠেছিল।

তান্ত্রিক বলেছিলেন, হবে। হবে। বাঁচবে ছেসে হেহে-হে! নিশ্চয় বাঁচবে। কিন্তু যজ্ঞ করতে হবে। করব আমি। আর ওষুধ দোব। খেতে হবে। ই্যা।

—তাই করুন।

—হেহে-হে। সে এখানে নয়। বুঝেছ। এখান থেকে আমার ঘাড়ধাক্কা হয়ে গিয়েছে হেহে-হে। আমি তাতেই মনে মনে তোমাকে ভাকছিলাম, হেহে-হে! কীর্তিহাটে যেতে হবে। বুঝেছ! ওখানে সিদ্ধেশ্বরীর আসন আছে। ওখানে বসে সাধন করব। হেহে-হে। হবে।

—তার সঙ্গে আমার স্ত্রীর মাথার দোষ হয় মধ্যে মধ্যে, তা-ও ভাল করে দিতে হবে।

—সব হবে, সব হবে, হেহে-হে! কি মজা, হেহে-হে। দেখ দেখ, যোগটা দেখ—হেহে-হে!

তারপর হঠাৎ একেবারে যেন উন্মাদ হয়ে গেলেন—জলন্ত দৃষ্টিতে মন্দিরের দিকে তাকিয়ে গালাগাল শুরু করলেন—হারামজাদী বেহারী ন্যাংটা মগী! এবার তোর একদিন কি আমার একদিন!

সোমেশ্বর তাঁর দৃষ্টি দেখে শিউরে উঠেছিলেন। কাত্যায়নীর মাথার ঘোমটা খুলে গিয়েছিল।

স্বলতা, অলৌকিক শক্তিচক্রির কথা আমি তোমার মনে বা কারুর মনেই প্রতিষ্ঠিত করতে চাচ্ছি—চাইও না। কিন্তু পাগলের মত মাতুষ যখন কিছু খোঁজে, ক্যাপা যখন পরশপাথর খুঁজে খুঁজে ফেরে, তখন এমনি দৃষ্টি চোখে ফোটে। আয়নার আমিও মধ্যে মধ্যে আমার চোখে এমনি দৃষ্টি দেখেছি।

স্বলতা কিছু বলতে যাচ্ছিল। এবং সে কিছু যে ব্যঙ্গ-প্লেবাত্মক, তার আভাসও ফুটে উঠেছিল তার দৃষ্টিতে এবং ঠোট দুটির ভঙ্গিমার মধ্যে চাপা হাসিতে।

বাধা দিয়ে স্বরেশ্বর বললে, থাম স্বলতা, ব্যঙ্গ-প্লেব আমাকে আজ বিধতে পারবে না। আমার মনে একটি বিশ্বাসের দুর্ভেদ্য বর্ম আমাকে ঢেকে রেখেছে। বহু সন্ধ্যা য় আমি পেয়েছি, তাই আমি বলছি। এই মুহূর্তে আমার চোখের দিকে—ঠিক ওইরকম না হলেও, অনেকটা ওইরকম দৃষ্টি দেখতে পাবে। ওতে আমি বিশ্বাস করেছি। কারণ, সোমেশ্বরের

শ্রীর এর পরের সন্তানটিই জীবন্ত অবস্থায় ভূমিষ্ঠ হয়েছিল এবং বেঁচেও ছিল। সেটি কন্যা। তার তিন বছর পর হয়েছিল পুত্র। এবং কাত্যায়নী দেবীর মাথার গোলমাল ভাল হয়ে গিয়েছিল। তান্ত্রিক যজ্ঞ করেছিলেন, ওষুধও খাইয়েছিলেন। এবং এখনও আমাদের ওখানে বায়েনরা আছে, যারা ওই তান্ত্রিককে যথাসর্বস্ব দিয়ে সেবা করেছিল, তাদের তিনি বন্দ্যাত্তের ওষুধ দিয়ে গিয়েছিলেন। আরও দুটি ওষুধ দিয়েছিলেন—একটি দু'দিন অন্তর পালাজ্বরের ওষুধ। একটি পয়সা একটি সুপুত্রী নিয়ে তারা ওষুধ আজও দেয়, শিকড় এবং কোন উদ্ভিদের পাতা, তারা দলে পিষে দেয়, লোকে চিনতে পারে না, তাতে লোকে মারে। আমি দেখেছি। তোমরা বিশ্বাস কর বা না-কর, রামপুটিনের ইতিহাস রাশিয়ার কমুনিষ্ট ইতিহাস থেকেও মোছে নি!

সুলতা তাকিয়েছিল ছবিটার দিকে।

সোমেশ্বরের হাত ধরে তান্ত্রিক দাঁড়িয়ে আছেন। দীর্ঘকায় সোমেশ্বরের হাত ধরে একটি সোজা মানুষ দাঁড়িয়ে আছে, মাথায় তাকে সুরেশ্বর সোমেশ্বরের থেকেও উঁচু করে এঁকেছে। বুকের মোটা মোটা হাড়গুলি প্রকট হয়ে উঠেছে।

আশ্চর্য রকমে সম্ভাব হয়ে উঠেছে এই তান্ত্রিকটি। তার চোখ দুটো ধক ধক করে জ্বলছে। বড় বড় চোখের সাদা ক্ষেত্রে লালের আভা ফুটিয়েছে; প্রকট পঙ্করাস্থিগুলির অন্তরালে রুক্ষ কঠোর বা ক্ষুধার্ত হৃদয়ের স্পন্দনের পর্যাপ্ত আভাস মিলছে। একটা রহস্যময় হাসি তার মুখে, ধূসর কালো গোঁফ-দাঁড়ির মধ্যে সাদা সুগঠিত দাঁতের সারি। বিজ্ঞপ ব্যঙ্গের বাঁকা রেখায় সে-হাসি ধাবালো তীক্ষ্ণ। হয়তো খানিকটা হিংস্র কিম্বা সেটার অর্থ ত্রুট প্রভৃৎ! গলায় রুদ্রাক্ষের মালা, পরনে গেরুয়া কাপড়, পায়ে খড়ম।

সুলতাকে ছবিটা আকর্ষণ করলে। সে উঠে কাছে গিয়ে দেখতে লাগল। সুরেশ্বর বললে—ব্যাকরণ নির্দেশ লঙ্ঘন করলে রূপ হয়তো থাকবে কিন্তু রূপের অন্তরালের রূপসী বা মোহিনী যিনি, তিনি মুখ ফেরাবেন নতুন বউয়ের মত। লজ্জা না বলি, সরম যাকে বলি, তা যার মধ্যে বেশী আছে, তিনি হয়তো এই মর্দান যুগেও চোখ বুজে ফেলবেন। ছবি একটু দূর থেকেই দেখো, তাতে রূপসী অসঙ্কোচে রূপের রঙ-রেখার বাতায়নে মুখ রেখে চেয়ে থাকবেন। ছবিটার বৈশিষ্ট্য আছে। আশেপাশে যে বনচ্ছায়ার আভাস তার মাঝখানে তান্ত্রিক—কাছ থেকে একরকম, দূর থেকে দেখলে মনে হবে আধার ভেদ করে বেরুচ্ছে।

সুলতা হেসে পিছিয়ে এসে ছবিখানাকে দেখতে দেখতে বললে—সত্যিই ছবিটা বড় ভাল হয়েছে, সুরেশ্বর। তান্ত্রিক যেন কাছে টেনে নিয়ে যায়।

সুরেশ্বর জানলা দিয়ে বাইরে রাত্রির আকাশের সন্ধানে চোখ ফিরিয়ে বললে—ছবিটাকে বারকয়েক আমি এঁকেছি। বাস্তবের সত্যকে ফোটাতে চেয়েছি। রায়বাড়ীর কুলঙ্গী আর কীতিহাটের কড়চার উপকরণ খুঁজতে খুঁজতে একটা সত্য আমি আবিষ্কার করেছি, সেটা হল এই যে, একটা দুর্নিবার আকর্ষণে কিছু যেন টানে। আমি ওখানে গিয়ে তারই টানে যেন পড়ে গিয়েছিলাম। যত হাতড়াই, যত ভাবি এই পেয়েছি, ততই দেখি আরও গাঢ়তর অন্ধকারের মধ্যে গিয়ে পড়েছি। আর যত অন্ধকার গাঢ় হল, ততই মনে হল, এর চেয়ে সত্য

আর কিছু নেই ।

বিচিত্র হেসে স্বরেশ্বর বললে—গল্প শুনে ভেবেছিলাম, এর পর নিশ্চয় তান্ত্রিক ধরা পড়বে বুজরুক বলে । ক্রনোলজি ভেঙে একটা গল্প বলি—সেটা ঘটেছিল আমার পিতামহের অর্থাৎ রায়বংশের বিদগ্ধ শিরোমণি দেবেশ্বর রায়ের আমলে । এক তান্ত্রিক এসেছিলেন, ঘোর কৃষ্ণবর্ণ মানুষ, দাড়ি-গোঁফে-চুলে বেশ ঘোরালো চেহারার মানুষ । এসে রায়বাড়ীতে ওঠেন নি, বসেছিলেন রায়বাড়ীর বিমলদিঘির বাধা ঘাটে । তারপর পথচারীদের অতি পরিচিতের মত নাম ধরে ডেকে কাছে এনে কিছু কিছু গোপন কথা বলে বিমূঢ় করে দিয়েছিলেন । কিছু-ক্ষণের মধ্যে, রটে গেল—ত্রিকালদর্শী পুরুষ এসেছেন । সব থেকে বিস্ময়কর কথা কিছু কানে কানে বলেছিলেন দেবেশ্বরকে । চমকে উঠেছিলেন তিনি । মেজঠাকুরদা শিবেশ্বর তখন প্রচুর খেয়ে খেয়ে ডিসপেনসিয়া ধরিয়েছিলেন, তাঁকে বলেছিলেন—বাবা, আপনার পাকস্থলীতে তিনটি অপাচ্য অন্ন রয়েছে । একটির বর্ণ লাল, একটির কালো, আর একটি নীলাভ । কোন বন্ধুরূপী শত্রুর বাড়ীতে সমাদরের নিমন্ত্রণের মধ্যে আপনাকে খাইয়েছে তারা । তার থেকেই এর সৃষ্টি । এবং এই অন্নই হয়তো— । অস্তিত্ব আপনার জীবনে সকল অন্নকেই বিধাক্ত করে দেবে । আর তার ছেলে ধনেশ্বরকে দেখে বলেছিলেন—এর সাংঘাতিক ফাঁড়া আছে । রায়-বাহাদুর তখন বেঁচে কিন্তু তিনি তখন তাঁর্থে । অবশ্য তিনি থাকলেও প্রভাবমুক্ত রাখতে পারতেন না নিজেই । সে-কথা যাক । এর পর প্রতিকারের জন্তু ঋণে কালীপূজার ব্যবস্থা হল । কৃষ্ণবর্ণ ছাগ থেকে শুরু করে আয়োজন উপকরণ অনেক ।

লোকটা বুজরুক । খেলাটা শেষ পর্যন্ত গুটিয়ে তুলতে পারেন নি । মহানিশায় ঋণে কালীকে একাকিনী অবস্থায় ফেলে দিয়ে মূল্যবান দ্রব্যগুলি পোটলা বেঁধে নিয়ে পালিয়ে ছিলেন । মূল্যবান দ্রব্যের মধ্যে সব থেকে মূল্যবান ছিল একটি নীলা আর একটি পারা । শনি এবং রাহুর দশা বলে নীলা ধারণের ব্যবস্থা করেছিলেন । কলকাতা থেকে নীলা এসেছিল, সে আমলে দুটি রত্নের দাম নিয়েছিল সাতশো টাকা । দেবোত্তরের খাতায় খরচ পড়ে আছে ।

এদের আপসোস হয়নি । এঁরা নিশ্চিত হয়েছিলেন এই কারণে যে, লোকটা যেহেতু বুজরুক ভণ্ড, সেইহেতু তার সব কথাই মিথ্যা হতে বাধ্য ।

এসব গল্প মৃথরোচক । ওই গুণে শুধু বেঁচেই নেই, হাত পা ছড়িয়ে বেঁচে আছে । আমারও শোনা ছিল । সুতরাং সোমেশ্বর তান্ত্রিককে নিয়ে এসে কীৰ্ত্তিহাটে যজ্ঞ করিয়েছিলেন শুনে ভেবেছিলাম এমন কিছু একটা সত্য প্রকাশ পাবে । যেটা কীৰ্ত্তিহাটের বক্তাদের কাছে দুর্বোধ্য এবং দুর্ভেদ্য হলেও আমার মত বিদগ্ধ শ্রোতার কাছে ধরা পড়বে । কিন্তু বিস্ময়ের কথা তা পড়ে নি । শুধু তাই নয়—আজও সেই তান্ত্রিকের ওষুধ ওখানে অনেক জনের মধ্যে সফল হচ্ছে । আমার দু’দিন অন্তর জ্বর হয়েছিল, ডাক্তারি ওষুধে, কুইনিন-ইনজেকশনে বন্ধ হয় নি । আমি ভাল হয়েছি ওই ওষুধে । খেতেও হয় নি । একটা পয়সা আর একটা সুপুৰী নিয়ে ওখানকার বায়েনরা একটা জলজ উদ্ভিদ দলে পিষে হলুদমাখা গ্যাকডায় বেঁধে শুঁকতে দিয়েছিল । সকাল থেকে সন্ধ্যা পর্যন্ত শুঁক জলে ফেলে দিতে হয় । এও সেই তান্ত্রিকের ওষুধ ।

সেই তান্ত্রিকের ওষুধে আর যজ্ঞের কলে রায়বাড়ীর বধু রাজকুমারী কাত্যায়নী দেবী বৎসর খানেক পরেই জীবন্ত-কন্যা প্রসব করলেন। এ প্রত্যাশা সকলেই করেছিলেন, কারণ অন্তঃসত্ত্বা অবস্থায় তিনি আগে দু'মাস থেকেই বিষণ্ণ হতেন, তিন-চার মাসে ঘরে ঢুকতেন, বোবার মত হয়ে যেতেন। পাঁচ-ছ' মাস থেকে আশ্বিনের মত উগ্র হয়ে উঠে সমস্ত সংসারটাকে দাহন করতেন। এবার তার কিছুই হয়নি।

তান্ত্রিক বলেছিলেন—পুত্র হোক, কন্যা হোক—ব অক্ষর আদিতেরেখে নামকরণ করো।

তান্ত্রিক তখন গত হয়েছেন। কংসাবতীর জলে নৌকাডুবিতে ভেসে গেছেন। সোমেশ্বরের আর আপসোসের সীমা ছিল না। তিনি তান্ত্রিককে কীর্তিহাটে এনে এখানেই বাস করিয়েছিলেন। তান্ত্রিকের প্রায় ক্রীতদাস হয়ে পড়েছিলেন। উগ্র তান্ত্রিক উপদ্রবের শেষ রাখতেন না। কালী-মায়ের পূজক তাঁর ভয়ে পালিয়েছিল। পূজা করতেন তান্ত্রিক নিজেই। বিচিত্র লোক। তাঁর নিজের কাছে ছিল এক শালগ্রাম শিলা—তাঁর পূজা আর কালীর পূজা করতেন একসঙ্গে। শিউরে উঠত সকলে। কিন্তু কেউ কিছু বলতে সাহস করত না। কারণ, কাত্যায়নী তখন অন্তঃসত্ত্বা হয়েও সুস্থ স্বাভাবিক আছেন। ওদিকে কলকাতায় একটা প্রকাণ্ড মামলার জয়ী হয়েছেন সোমেশ্বর।

তান্ত্রিক খবর শুনে হেসে বলেছিলেন, হাহা—হাঃ। হাহা—হাঃ। হবে না। হাহা—হাঃ—সৌভাগ্য-শিলা রাজরাজেশ্বর—হাহা—হাঃ!

এরই কিছুদিন পর।

তান্ত্রিক তখন যেন অতি অস্বাভাবিক হয়ে উঠেছেন। কাঁসাইয়ের ওপারে যে জঙ্গলটার কথা এবং যে শিমুলগাছটার কথা আমি বার বার বলেছি, যেখানটাকে তান্ত্রিক চিনেছিলেন এক সিদ্ধাসন বলে, লোকে যেটাকে বলত সিদ্ধেশ্বরীতলা, সেখানে তিনি পঞ্চপর্বের রাত্রে যেতেন সাধনা করতে। রাত্রে যেতেন নৌকা করে, সঙ্গে যেতেন সোমেশ্বর, তাঁকে উত্তর সাধক হবার প্রতিশ্রুতি তিনি করিয়ে নিয়েছিলেন। আর বায়েনদের একজন খুঁজে খুঁজে তাঁকে শব এনে দিত। সেদিন ছিল চতুর্দশীর রাত্রি।

ভাদ্র মাস। কাঁসাই তখন দুকূলপ্রাণিনী। সোমেশ্বর, তান্ত্রিক আর সোমেশ্বরের অতি অল্পগত দু'জন—তারা হাড়ি এবং শিবে বাগ্দী, এরা যেত নৌকা নিয়ে। তারা হাড়ি আর শিবে বাগ্দীকে বলা চলে তাল আর বেতাল, যদি সোমেশ্বরকে বলা যায় বিক্রমাদিত্য। উৎসবে, বাসনে, ছুঁতিক্ষে, রাষ্ট্রবিপ্লবে, রাজদ্বারে ছাড়াও এরা বন্যায়, অগ্নিদাহে, শত্রুহননে সর্ববিধ কর্মেই সোমেশ্বরের সঙ্গী। এদের হাতে নৌকাখানা কংসাবতীর প্রলয়ঙ্করী উন্মাদনাকে মথিত করে ঠিক ওই জঙ্গলে গাছের গোড়ায় গিয়ে লাগত। এঁরা দু'জনে সব উপকরণ নিয়ে গিয়ে উঠতেন শিমুলতলায়। উপকরণ সব সাজিয়ে নিয়ে তান্ত্রিক বলতেন সোমেশ্বরকে—যাঃ।

চলে আসতেন সোমেশ্বর। ফিরে এসে নৌকায় বসতেন। যতক্ষণ না সাড়া দিতেন তান্ত্রিক ততক্ষণ যাবার হুকুম ছিল না। ওদিকে জঙ্গলে থাকত ভরু বায়েন। তার কর্ম ছিল ওই পর্বটিকে বেশ ভাল ক'রে তালপাতার চ্যাটাইয়ে জড়িয়ে গাছের উপরে বেঁধে রাখা। ভোর-

বেলা উঠে আসতেন তান্ত্রিক । ধরে নিয়ে আসত ভরু, তারপর ধরতেন সোমেশ্বর । এনে নৌকায় চাপাতেন । এপারে এসে সেই শেষ রাত্রির অন্ধকারের মধ্যে তারা এবং শিবে তাঁকে ধরাধরি করে এনে শুইয়ে দিত তাঁর ঘরে । সোমেশ্বর গ্নান করে চলে যেতেন অন্তরে ।

এরই মধ্যে সেদিন ওপার থেকে ফিরবার সময় হঠাৎ নৌকোখানা গেল উন্টে । ভরা কাঁসাই । তার উপর আকাশে ছিল মেঘ-ঝড় । সমুদ্র খুব দূরে নয় । তুফান এখানে বেশী হয় । নৌকা উন্টে সকলে ডুবল জলে । সোমেশ্বর, শিবে, তারা তিনজনে কোনক্রমে সাঁতার দিয়ে পাড়ে উঠলেন কিন্তু সারারাত্রির সাধনার পর মত্তপান এবং সাধন-ক্লান্তিতে বিবশচৈতন্য এবং অবশ-দেহ তান্ত্রিক গেল ভেসে । এঁরা কাদা মেখে ঘরে ফিরলেন । তান্ত্রিকের আর সন্ধান মিলল না । হয়তো এখানে তাঁর সাধনা সিদ্ধ হবার নয়, সিদ্ধি অপেক্ষা করছিল গঙ্গাসাগর সঙ্গমে । কাঁসাই হয়ে হলদী । হলদী হয়ে ভাগীরথী । তারপর হিজলার পাশ দিয়ে ওপাশে কাকদ্বীপকে রেখে রত্নলপুরের মোহনা পার হয়ে সাগরদ্বীপে সাগরসঙ্গমের আবর্তের মধ্যে সিদ্ধি তাঁর জন্য অপেক্ষা করছিল ।

সোমেশ্বর লজ্জায় ভয়ে মুহূহান হয়ে গেলেন । খোজ তিনি করালেন অনেক । কিন্তু পেলেন না । লজ্জা এই জন্তে যে, নিজে বাঁচলেন অথচ তান্ত্রিক শ্রামাকান্তকে বাঁচাতে পারলেন না । ভয়, এরপর যদি বিঘ্ন ঘটে, যদি কাত্যায়নীর উন্নততা দেখা দেয় । কিন্তু তা দেয় নি । তবু তিনি আতঙ্কিত হয়ে বজরায় অত্যন্ত যত্নের সঙ্গে কাত্যায়নীকে নিয়ে চলে গেলেন কলকাতায় । কীৰ্তিহাটে যেন আতঙ্ক দেখছিলেন । কলকাতায় জন্ম হল তাঁর প্রথম জীবিত সন্তান—কন্যার । নাম হল বিমলা ।

বিমলার অন্নপ্রাশন হল কীৰ্তিহাটে । শুধু অন্নপ্রাশন নয়—সঙ্গে সঙ্গে তান্ত্রিকের শালগ্রাম, সোভাগ্য-শিলা রাজরাজেশ্বরের প্রতিষ্ঠা হল ।

খরচ হয়েছিল কুড়ি হাজার টাকা ।

রাজরাজেশ্বরের স্বতন্ত্র চত্বর এবং মন্দির—দশ হাজার টাকা । রাজরাজেশ্বরের এক মুকুট তৈরী হয়েছিল সায়েব জুয়েলারদের বাড়ীতে । হীরে বসানো ছিল পাঁচখানা । মিহি মুক্তোর ঝালর ছিল । দাম এক হাজার টাকা ।

বাকীটা উৎসব, ভোজন, দান ।

যে মামলাটায় জিতেছিলেন, তাতে সোমেশ্বর পেয়েছিলেন এক লক্ষ টাকার ডিক্রী । বাকী আশী হাজার টাকায় কিনেছিলেন নতুন জমিদারী । সেয়েস্তা বড় হল । ম্যানেজার বহাল হল নায়েবের বদলে । বরকন্দাজ বহাল হল পশ্চিমদেশী ; ভোজপুরী জোয়ান । শিবে-তারার মধ্যে তারা থাকত কলকাতায় সোমেশ্বরের কাছে । শিবে মরেছে বাঘের হাতে । হলদীর মোহনার কাছে গিয়ে আর ফেরেনি ।

নতুন ম্যানেজার পাকা লোক ছিলেন, মহিষাদলের রাজা গর্গবাহাদুরদের স্টেটের অ্যাসিস্ট্যান্ট ম্যানেজার । দেওয়ানদের নতুন নাম হয়েছে ম্যানেজার । গিরীন্দ্র আচার্য । গর্গবাহাদুরদের কুনজরে পড়েছিলেন । তাঁকে আশ্রয় দিলেন সোমেশ্বর, বসবাস করালেন ।

আর আনলেন নবদ্বীপ থেকে রামব্রহ্ম স্মৃতিতীর্থকে । কুড়ারাম রায় ভট্টাচার্য দীক্ষা



নিয়েছিলেন নবদ্বীপে, কৃষ্ণানন্দ আগমবাগীশের এক বংশধরের কাছে। তিনি গত হয়েছেন, আছেন গুরু-মা। সোমেশ্বর দীক্ষা নিয়েছেন গুরু-মার কাছে। সেই গুরু-মাই দিলেন এই তরুণ ছেলেটিকে, বাইশ-তেইশ বৎসর বয়স, নির্ভাবান ধার্মিক এবং পণ্ডিত ছেলে, গুঁদেরই জ্ঞান। মায়ের পূজায় বা প্রভু রাজরাজেশ্বরের সেবার কোন ক্রটি হবে না, হতে পারে না।

এ ব্যবস্থা সোমেশ্বরের নয়, এ-ব্যবস্থা কাত্যায়নী দেবীর। তাঁর মস্তিষ্ক এখন সুস্থ। কন্যাকে কোলে নিয়ে বর্ষার পৃথিবীর মত শান্ত শীতলা। তবে মধ্যো মধ্যো বড় উঠলে সেটা ছোটখাটো সাইক্লোন হয়ে দাঁড়ায়। দেবসেবায় ক্রটি হলে তাঁর কন্যার অমঙ্গল হবে। সুতরাং সে-ব্যবস্থা তিনি করলেন। শুধু এখানের নয়, তাঁর পিতালয়েরও। এরপর থেকে রায়বংশে কাত্যায়নী দেবী এক দীপ্তিময়ী দেবী।

সমস্ত রায়বংশ, কীর্তিহাট কাত্যায়নী দেবীর ভয়ে কাঁপত।

তিন বছর পর ভূমিষ্ঠ হল পুত্র।

ব দিয়ে নাম। নাম হল বীরেশ্বর রায়। বীরেশ্বরের জন্ম কলকাতায়। সোমেশ্বর রায় তখন কলকাতায় খুব কর্মবাস্ত। তাঁর অভ্যাস হচ্ছিল, অপ্রত্যাশিত অভ্যাস। ইংরেজ অ্যাটর্নীর কাছে টাওয়ার কাজ করে আইনে তাঁর খ্যাতি হয়েছে। অনেক বড়ঘরের ল-এজেন্ট হয়েছেন। দ্বারকানাথ ঠাকুর তখন এদিক দিয়ে শ্রেষ্ঠ ব্যক্তি। তাঁর কাছে যান। তিনি পছন্দ করেন। দ্বারকানাথ তখন হুনের দেওয়ানের চাকরী ছেড়ে স্বাধীনভাবে নানান ব্যবসা করছেন। তাঁর মধ্যে আইনের পরামর্শদাতা হিসেবে নাম তাঁর খুব। তিনি ল্যাণ্ড হোল্ডারস সোসাইটি স্থাপন করেছেন, প্রসন্নকুমার ঠাকুর তাঁর সহকারী; সোমেশ্বর প্রসন্নকুমারের সহকারী বা সহযোগী। এই সময়টা তখন জমিদারদের একটা দুঃসময়। কোম্পানী নতুন আইন করে লাখেরাজ ব্রহ্মজ্ঞানানকার প্রভৃতির উপর কর ধার্য করতে চেষ্টা করছেন। ওদিকে লিমিটেশন এক্ট ক'রে লর্ড ওয়েলেসলী জমিদারদের একটা বড় ঘা দিয়ে গেছেন। প্রজার চার বছর খাজনা বাকী হলেই বৎসরান্তে শেষ বছরের খাজনা তামাদি বলে গণ্য হবে। অবশ্য চার বছর খাজনা বাকী হলে শতকরা ২৫ টাকা সুদ জমিদার পাবে। এদেশে সুদ ছিল মহাজনীতে খাজনায় জমিদার সুদও নিতেন না এবং প্রজার খাজনা যত কালেরই বাকী থাক, দিতে সে অস্বীকার করত না। ছ আইন সাত আইন উঠে গেছে। প্রজাকে বেঁধে রেখে খাজনা আদায় করা যায় না। জমিতে গাছ ধান ক্রোক করে টাকা আদায় নিষিদ্ধ হয়েছে। এর উপর এই লাখেরাজ বাজেয়াপ্ত বা তার উপর খাজনা ধার্য হলে জমিদার এবং তার সঙ্গে বাংলার মধ্যবিত্ত গৃহস্থের সর্বনাশ হয়ে যাবে।

সব থেকে ক্ষতিগ্রস্ত হতে চলেছেন রাণী কাত্যায়নী, পাইকপাড়ার রাণী, কান্দীর রাণী। দ্বারকানাথ তাঁর এস্টেটে আইনের পরামর্শদাতা। সোমেশ্বর তাঁর সহকারী। এ-বাড়ী রায়-বংশের স্থাপয়িতা কুড়ারাম রায় ভট্টাচার্যের মনিব-বংশ বলতে গেলে। তারপর লালাবাবু এ-বংশের সব অপরাধ মুছে দিয়ে পুণ্যবংশে পরিণত করেছেন। এ-সব লাখেরাজ রাজস্বমুক্ত সম্পত্তি, কোম্পানী সরকারের প্রকাশ্য নীলামে লাখেরাজ বলে সরকারই নীলাম করিয়েছেন, কিনেছিলেন লালাবাবু দেবত্র হিসাবে। বিহারে এবং অযোধ্যা অঞ্চলে বৃন্দাবনের কাছে সে

সম্পত্তি অনেক সম্পত্তি ।

এখন কোম্পানীই দাবী করছেন, খাজনা দিতে হবে । নতুন কালে খবরের কাগজ হয়েছে । ফ্রেণ্ড অব ইণ্ডিয়া, ক্যালকাটা কুরিয়ার, ইংলিশম্যান । বাংলা কাগজও হয়েছে ।

এসবের মধ্যে সোমেশ্বর জড়িয়ে পড়েছেন । তাতে তাঁর প্রতিষ্ঠাও হয়েছে । তবে তিনি হিসেবী লোক, সব কাজেই হিসেব করে নামেন । রামমোহন রায়ের সতীদাহ প্রথা বন্ধ করবার মত আন্দোলনের বাইরে থেকেছেন । সে-সব ক্ষেত্রে তিনি রাধাকান্ত দেবের দলের লোক । দারকানাথের একথানা মজার পত্র আছে তাতে । তিনি সোমেশ্বরকে লিখেছেন, “আমি জানিয়া আশ্চর্য হইলাম যে, জ্ঞীর কথায় তুমি সতীদাহ ও বিধবাবিবাহ সমর্থন হইতে পশ্চাদপদ হইতেছ । ইহা লজ্জার কথা । অতীব লজ্জার কথা ।” কাত্যায়নী দেবীর ভয়ে সোমেশ্বর রাধাকান্ত দেবের দলে যোগ দিয়েছিলেন ।

এ-সবের নজীর থাকে-থাকে মাজানো ছিল এই জানবাজারের বাড়ীতে । এ-সব আমি অনেক পরে-পরে আবিষ্কার করেছি । আগেরটা পেয়েছি পরে, পরেরটা পেয়েছি আগে । তোমাকে বলবার সময় শুছিয়ে বলছি । আর কিছু শুনেছি গল্প, তার বেশীর ভাগ মেজঠাকুর কাছের ।

\* \* \* \*

স্বলতা, মেজঠাকুর আমার মধ্যে-মধ্যে দুঃখ করে বলতেন, স্বরেশ্বর, ওরে আমার ভয় হয় কি জানিস ? ভয় হয় আমার না রাবণের মা নিকষার দশা হয় ! রায়বংশের পুরী আগলে আমাকে না বসে থাকতে হয়, সেই পৃথিবীর শেষদিন পর্যন্ত ।

স্বরেশ্বর বললে—আমি সেদিন সকালে যেন অগ্নি মাহুঘ হয়ে গেছি স্বলতা । আমি সেই মডার্ন আর্টিস্ট, বিদ্রোহী আধ-পাগলা স্বরেশ্বর নই ; একটা ভাবের ঘোরের মধ্যে চলে গেছি ১৮৩৭-৩৮ সালে । মধ্যে-মধ্যে সোমেশ্বর রায় হতে চেষ্টা করছিলাম । ওই তাত্ত্বিক সন্ন্যাসীকে কল্পনা করেছি, মনে হয়েছে চোখে তাকে দেখছি । তোমাকে কাত্যায়নী ভাবতে চেষ্টা করেছি, এমন কি ব্রজদার সেই শেফালি মেয়েটিকে ভাবতে চেষ্টা করেছি, সোমেশ্বরের প্রেয়সী-বাউজী । ওই যাদের হাতে টাকা দিয়ে সেদিন ঘরে যেতে বলে এসেছিলাম, তাদের ভাবতে চেষ্টা করেছি, সোমেশ্বর রায়ের সেবাদাসী ঝি ।

স্বলতা হেসে ফেললে । বললে—মনে-মনে পরম তৃপ্তি নিশ্চয় পেয়েছিলে । কিন্তু আমার নামটা টানছ কেন ? যদি-বা সেদিন তোমার তা মনে হয়ে থাকেই তবে ওটা বাদ দিয়েই বল । ওর জন্তে তোমাকে ধর্মপুত্র ষুধিষ্ঠিরের মত অশ্বখামা হত ইতি গজ বলার জন্ত নরক-দর্শন করতে হবে না, বা তোমার রথখানি মাটির উপরে বাতাসলোকে চলে না যে ধপ করে মাটিতে আছড়ে পড়বে ।

হেসে স্বরেশ্বর বললে—এত আছাড় খেয়েছি স্বলতা যে, তা খেয়ে আছাড়-প্রফ হয়ে গেছি । পাহাড়ের শিখর থেকে সমতলে পড়েছি, স্বর্গ থেকে নরকে পড়েছি ; তা নইলে আজ তোমার এই কথাটিতেই আছড়ে পড়ে হাত-পা ভাঙতাম । ঝগড়া করব না, ধরে নাও কাত্যায়নী তোমাকে ভাবি নি । তবে কথাটা এই যে আমি সেদিন সকালে যেন মৃত্যুপুরী

বা অতীত কালের যবনিকা ঠেলে বর্তমানের দিকে পিছন ফিরে অভিভূতের মত হাতড়ে-হাতড়ে চলেছিলাম, হঠাৎ পথ হারিয়ে দাঁড়িয়ে ভাবছিলাম। এই সময়ে বেলা তখন দশটা, মেজঠাকুমা এলেন, আমাকে চরণোদক দিয়ে নির্মাল্য মাথায় ঠেকিয়ে ওই কথাগুলি বললেন।

অভিভূত স্বরেশ্বর ভুরু কঁচকে জিজ্ঞাসু হয়ে মেজঠাকুমার দিকে তাকালে।

মেজঠাকুমা অত্যন্ত স্নান হেসে বললেন—ধনেশ্বর গাল দিচ্ছে রে! ওই কথা বলে গাল দিচ্ছে। বলছে, আজ ওই বিশ্বাসঘাতিনীই স্বরেশ্বরকে সব লাগাচ্ছে। ধ্বংস করছে মেজ-তরফকে। নিকষার মত হবে তুমি!

স্বরেশ্বর বললে—না ঠাকুমা, পুরাণের কোন দুঃখিনীর সঙ্গে যদি তোমাকে তুলনাই করতে হয়, তবে তুমি গান্ধারী। গান্ধারীর স্বামী অন্ধ ছিলেন বলে সারাজীবন চোখে কাপড় বেঁধে ছিলেন, আলো দেখেন নি। তুমি বিয়ে করেছিলে ষোল বছর বয়সে ষাট বছরের শিবেশ্বর রায়কে। কুশাণ্ডিকার হোমের আগুনে তুমি তোমার ষোল থেকে পঞ্চাশ, এই যৌবন কালটিকে আহুতি দিয়ে একেবারে একান্ত বছরের প্রোঢ়া হয়েছিলে। তুমিই তো দুর্যোধন, দুঃশাসনকে উপেক্ষা করে সত্য কথা বলবে। নইলে কে বলবে বল!

মেজঠাকুমা বললেন—মনটা জুড়িয়ে দিলি ভাই। আমি এখন যাই রে। একবার বাপের বাড়ী যাব, ওপাড়ায়, আমার বিধবা ভাজ খালাস পাচ্ছে। ভুগছে অনেক দিন থেকে। ডাক্তার বলেছে, আজ আর পার হবে না, একবার দেখে আসি।

স্বরেশ্বর চমকে উঠে বললে—আর কোন বড় ডাক্তার দেখালে না?

—ডাক্তার? কি হবে?

—মানে?

—মানে বিয়ের এক বছরের মধ্যে বিধবা হয়েছে। ছেলে নেই, পুত্র নেই। লোকের বাড়ী বলতে গেলে খেটে খায়। প্রথম যৌবনে লোকে এত মিথ্যে কলঙ্ক দিয়েছে যে, বেঁচে ছিল শরশয্যোতে ভীষ্মের মত! আমার থেকেও বছর চারেকের ছোট। কি করবে বেঁচে?

দীর্ঘনিঃশ্বাস ফেলে চুপ করে রইল স্বরেশ্বর।

মেজঠাকুমা একটু হাসলেন, যে হাসিতে অশ্রুর চোখে জল আসে। পা বাড়িয়ে আবার ফিরলেন, বললেন—হ্যাঁ, চায়ের আগে দুখানা বাতাসা দিয়েছিল রঘু? থেয়েছিস?

—বাতাসা?

—হ্যাঁ, রাজরাজেশ্বরের শয্যাভোগ?

—শয্যাভোগ?

—হ্যাঁ। এখানে শয্যাভোগ হয় ঠাকুরের। আমি বাড়ীতে বলে রেখেছিলাম, তারা ভোর বেলাতেই দিয়ে গেছে। আমাকে বললে তারা?

রঘু বললে—হ্যাঁ, উতো দিয়ে গিয়েছে।

—তা দিস নি কেন ?

—উ।

—ওরে বড়লোকের চাকর বড়লোক ! উ ! মানে উ কি খাবে আমার বাবু ! দে এনে দে । খা ভাই । আমি দেখে যাই । খা ।

দুখানি ছোট বাতাসা । মেজঠাকুমা ই মুখে ফেলে দিলেন । খেতে হল সুরেশ্বরকে । তবে গুড়ের বাতাসা, খারাপ লাগল না ।

মেজঠাকুমা বললেন, আগে বরাদ্দ ছিল কাঁচা মিষ্টি । দুটি করে কাঁচা মিষ্টি, ঠাকুরের শয়নের সময় পাশে রেকাবীতে করে রাখা থাকত । আর জল । বরাদ্দ করেছিলেন রাজকুমারী বউ-কাত্যায়নী । ফোমেশ্বর রায়ের স্ত্রী । লোকে বলত, বাঘিনী ঠাকরণ । সুরেশ্বর হেসে বললে, সোমেশ্বর রায়কে মেজঠাকুমা বলেন, ফোমেশ্বর রায় । শক্ত-স্বামীর নাম তো করতে ছিল না সেকালে । তারপর সুরেশ্বর জের টেনে বললে—মেজঠাকুমা বললেন—তঁার মেয়ে বিমলা যখন দু বছরের তখন শেষরাত্রে উঠে সে ক্ষিদে পেয়ে কাঁদত । উপরি উপরি দিন কয়েক পর একদিন ঝিকে বললেন—মাথার গোড়ায় দুটো করে মিষ্টি রেখে দিস, আর এক গ্লাস জল । সঙ্গে সঙ্গে মনে হল কীৰ্ত্তিহাটেও তো খুকী-খোকা আছে, মা মুক্তকেশী খুকী আর রাজ-রাজেশ্বর গোপাল ! তাহলে তো তাঁদের ক্ষিদে পায় ! এই পরদিন উঠেই হুকুম হল, বজরা সাজাও, আমি কীৰ্ত্তিহাট যাব । এসেই সেই দিন থেকেই এই ব্যবস্থা হল । সেকালে মিষ্টান্ন তৈরী হ'ত বাড়ীতে । বড় বড় গাই ছিল, মোষ ছিল । ঠাকুরবাড়ীতে হালুইকর বামুন ছিল । তারা ক্ষীর করে, ক্ষীরের নাড়ু তৈরী করে দিত । তারপর তোমার ঠাকুরদাদের আমলে চাকরান জমি দেওয়া হয়েছিল ময়রাদের । তারা কাঁচা মিষ্টি দিয়ে যেত । তারপর তোমাদের সেরেস্তা থেকে ময়রার নিজের খাজনার জোতের উপর যখন বাকী খাজনার নালিশ হল, তখন ওই মিষ্টির জমিটা সমেত ভুক্তান করে নালিশ হল । নালিশের ডিক্রীর দায়ে জোত নীলেম হয়ে গেল । কিনলে ধনেশ্বর । তারপর ময়রা মিষ্টি বন্ধ করলে । তখন থেকে দুখানা বাতাসা ব্যবস্থা হল ।

হাসলেন মেজঠাকুমা । বললেন—ওবেলা আসব ভাই, এবেলা যাই । ছুঁড়িটাকে বড় ভাল বাসতাম । শেষ দেখাটা করে আসি ।

—চল আমি যাই ।

—তুই যাবি ?

—যাব না ? তুমি যাচ্ছ, আমি যাব না কেন ?

—আয় । তার ভাগ্য ! যাচ্ছিস যদি তবে তার অস্থিটা অন্ততঃ যাতে গঙ্গা পায় তার ব্যবস্থা ক'রে দে ভাই । দেহ নিয়ে আর কেউ যায় না ; আর তাতে বাসুমড়াও হয়ে যায় । অস্থিটা পাঠিয়ে দে ।

—সে তুমি দেবে । তুমি হুকুম করবে, আমি তামিল করব ।

বিহ্বল হয়ে গেল মেজঠাকুমা । নীরবেই পথ চলতে লাগল । সদর রাস্তায় না গিয়ে রায়বাড়ীর পাশ দিয়ে স্নানের পুকুর, দুধপুকুরের বাগানের মধ্য দিয়ে চলছিল মেজঠাকুমা ।

হঠাৎ এক জায়গায় থমকে দাঁড়িয়ে বললে—এই খানটায় গোপেশ্বর সুরেশ্বরকে মেরে ফেলেছিল।

সুরেশ্বর বললে—চল। দুঃখ আর কত করবে?

মেজঠাকুরমা বললেন—তা ঠিক বলেছিস ভাই। দুঃখ আর কত করব। তাই তো এত বড় ঘোমার কথা কলঙ্ক দিয়ে সেদিন ওরা যখন গুজব রটালে তখন প্রথমটা বুকে যেন শেল বিঁধেছিল। কি দুঃখ যে হয়েছিল কি বলব! কিন্তু ওই বলেই বুঝিয়েছি, দুঃখ আর কত করব!

হঠাৎ দাঁড়িয়ে গিয়ে বললেন—আঃ হায় হায় হায়! এঁ্যা! এ গাছটাও কেটে ফেলেছে। সামনে একটা প্রকাণ্ড খালের মত গর্ত। কোন বড় গাছ সমলে কাটার চিহ্ন!

—হ্যাঁ, কোন বড় গাছ ছিল এখানে।

বাগানের সব থেকে বড় আমগাছ ছিল এখানে। গাছটা দুধপুকুরে বাগান করবার সময় কুড়ারাম মশায় রাজকুমারী পুত্রবধূকে দিয়ে পুঁতিয়েছিলেন। মালদার আমের গাছ। আটটি গাছ, গুঁড়িটা ছিল এত মোটা যে, দুটো মানুষে হাত বাড়িয়েও জড়িয়ে ধরতে পারত না। হুঁঃ! বলে একটি আক্কেপসূচক ধ্বনি তাঁর কণ্ঠ থেকে বেরিয়ে এল। তারপর বললেন—এ সুরেশ্বরের ছেলেদের কাজ! ওই যে কল্যাণেশ্বর, ওর মত কুটিল আমি দেখি নি। ওর বাপ বাইরে যত ভদ্র ছিল, ভেতরে তেমনি ছিল কুটিল। ওই তো তোর মেজ-ঠাকুরদাকে ঠাকুরদের গয়না বিক্রী করে বিঘে-কতক ডাঙ্গা কেনা হল এই জমাথরচ দেখিয়ে টাকাটা মারবার ফন্দি দিয়েছিল। ঠিকদারী করে কল্যাণেশ্বর গাছ থেকে তক্তা তৈরী করিয়েছে।

—চল ঠাকুরমা বড় বাজে বকছ।

—বাজে বকছি?

—বকছ না?

—তুই ছোঁড়া বুঝবি নে রে। এর বেদনা তুই বুঝবি নে। কলকাতার মানুষ তুই, এখানকার তো নস! জানিস, এ গাছের একটা গল্ল আছে। গাছটা তখন বেশ বড় হয়ে উঠেছে। কাত্যায়নী ঠাকরুন পুকুরে চান করছেন, তখন বয়স পঁয়তাল্লিশের পার। এই গাছে এক ছোঁড়া ডোম উঠেছিল আম পাড়তে। ঠাকরুন এসে ঘাটে বসেছেন, গায়ের কাপড় খুলে দাসীতে তেল মাখাচ্ছে। ছোঁড়ার কপালে দৈবঘাত, সে ওই রঙ দেখে হাঁ করে তাকিয়ে দেখেছিল। আর পড়বি-তো-পড় ঠাকরুনের নজরেই পড়। ঠাকরুন হেঁকেছিলেন, কে রে শূয়ারের বাচ্ছা! ছোঁড়াটা ভয়ে হুড়মুড় করে ডালে-ডালে পাচিলে নেমে লাফিয়ে পড়ে পালিয়েছিল। পাচিলের বাইরে এই যে চিবিটার উপর দিয়ে যাচ্ছি, এইটেই ছিল তখন ডোমপাড়া। কস্তারাই বসিয়েছিলেন। বাড়ীতে তারা জমাদারের কাজ করত। ঠাকরুন তৎক্ষণাৎ উঠে দাসীকে বলেছিলেন, মাহতকে বল জংবাহাদুরকে পাচিলের ওপাশে নিয়ে আসবে। পিঠে মাজটাজের দরকার নেই। আমি দাঁড়িয়ে রইলাম। হারামজাদী ছেলে-দুলে আস্তে-আস্তে যাবি নি, দৌড়ে যাবি। বুঝলি—আমি একশো গুনব। তার মধ্যে না



এলে বাঁটা-পেটা করব। যা। একশোর মধোই সে এনেছিল। তারপর বোধ হয় দুশো-তিনশো গুনতে গুনতে হাতী এল। হুম হুম, ভোমরা সব জিনিসপত্র বের করে নাও ঘর থেকে! পাচশো গুনব আমি। তারপর হাতী ঘর ভেঙে দেবে। কাত্যায়নী ঠাকরুণ বাধিনী ঠাকরুণ। ভোমরা বাদ-প্রতিবাদ করেনি, বেরিয়ে এসে সরে দাঁড়িয়েছিল। ঠাকরুণ মাহুকে বলেছিলেন, সমশের জংবাহাদুরকে বল—পাড়াটা ভেঙে মাঠ করে দেবে। তারপর অবিভা ভোমদের জায়গা দেওয়া হয়েছিল, ঘর করবার জন্তে, টাকা, খড়, বাঁশ, তালগাছ দেওয়া হয়েছিল, তা হয়েছিল। কিন্তু ওই ছোড়াটাকে গাছে বেঁধে দশকোড়া লাগিয়েছিল চাপরাশীরা। এ গাছটা সেই গাছ রে!

### ৬

হরেশ্বর এসে ভালই করেছিল, নইলে হতভাগিনী বিধবার শেষকৃত্যটাও হত জীবনকালের বেঁচে থাকার লাঞ্ছনার চেয়েও কঠিনতর লাঞ্ছনার মধ্যে।

একটি সংখ্যাগরিষ্ঠ দল ঘোট পাকিয়েছে—এর প্রায়শ্চিত্ত হয় নি। একজন ম্যাট্রিক ফেল হাফ-মাতব্বর ছেলে বলেছে—ডাক্তারের কাছে শুনেছে রোগটা টিবি ইন্টেরস্টাইন।

প্রবীণদের মধ্যে কয়েকজন ধনেশ্বরের নেতৃত্বে আলোচনা করেছেন, ওর যৌবনে যে অপবাদ হয়েছিল তা অপবাদ নয় সত্য। তার জন্ম ওকে কোন যজ্ঞিতে বাঁধতে পর্বস্ত কাঠি দিতে দেওয়া হ'ত না। এ ক্ষেত্রে অস্তুত প্রায়শ্চিত্ত একটা হয়ে থাকলে কথা ছিল না। কিন্তু যখন হয় নি তখন এতে কে কাঁধ দেবে!

ধনেশ্বর বলছেন—আমাদের স্টেট থেকে পাঁচ টাকা দেবার কথা ছিল এইসব অনাথা দরিদ্রের সংস্কারের জন্তে। তাই বা কি করে দেব? এ তো একরকম ধর্মচ্যুত! রায়বাড়ীর দলিলে এ নিয়ে দুটি নির্দেশ আছে। এক, ওই পাঁচ টাকা বরাদ্দ। দুই রায়বাড়ীর দেবোত্তরের ট্রাস্টি, যার পালা পড়বে দেবোত্তরে, তাঁর তরফ থেকে কারুকে উপস্থিত থাকতে হবে।

পালাটা এখন ধনেশ্বরের। ধনেশ্বর এসেছেন। তা ছাড়াও যার বাড়ী কেউ মারা যায় সেখানে ধনেশ্বর পালা থাক বা না-থাক যান। এখানে তাঁর উদারতা কেউ অস্বীকার করবে না। কিন্তু অধর্মের কাজ তিনি করবেন না।

প্রতিবাদ করছে অতুলেশ্বর। শিবেশ্বরের ছোট ছেলে। যে ম্যাট্রিক ফেল করে কংগ্রেস করে বেড়ায়। ১৯৩০ সাল থেকে অগ্নিগর্ভ মেদিনীপুর কংগ্রেস। তবে ভাগ্য ওর ভাল আর ধরা পড়ে নি। গ্রামে প্রায়ই থাকে না। কংগ্রেস করে কৌতিহাটের বাইরে। সে হঠাৎ গ্রামে এসে গেছে আজকের দিনটিতেই।

অতুলেশ্বর দাদাকে প্রশ্ন করছে—তাহলে হবেটা কি? পচবে ঘরে? গ্রামের মধ্যে?

প্রশ্নটা মারাত্মক, এর জবাবে আমি কি জানি বলা চলে না। যাদের মড়া তারা যা হয় করবে এও বলা চলে না, কারণ মেয়েটি সামান্যমাত্র একখানা ঘর সম্বল করেই কোনক্রমে দিনপাত করে এসেছে। তার শত্রুবংশের অন্তদের সঙ্গে পৃথক অনেকদিন।

ধনেশ্বর এবং মেজঠাকুমা এসে উপস্থিত হলেন এই মুহূর্তটিতেই। ধনেশ্বর বলে উঠল—দুর্গা দুর্গা।

দুর্গা শব্দটির ব্যঞ্জনা এখানে অনেক গভীর ছিল, স্থলতা। ধনেশ্বরকাকার দুর্গা স্বরণে আমার শরীরে পর্যন্ত জ্বালা ধরেছিল। কিন্তু মেজঠাকুমা দেখলাম অবিচল। বললেন—হতভাগী সত্যিই মরেছে না এখন বেঁচে থাকতেই হচ্ছে কথাগুলো?

অতুলেশ্বর বললে—কি রে? তুই তো ভিতরেই ছিলি! বললে সে রাগের জ্বাতি ভটচায়-দের একটি ছেলেকে।

সে বললে—না মারা গেছে তা আশ্বস্ত হব! ওই মেজমাকে খবর যখন পাঠলাম তখনও উ—আ করছিল, তারপর যখন চূপ করেছে তখনই বোধহয় হয়ে গেছে। গ্রহণীর রুগী তো! একটু দেখে—আমি ভিতরে গিয়ে দেখলাম—চোখ স্থির হয়ে গেছে, নিশ্বাসও পড়ছে না।

মেজঠাকুমা ভিতরে গেলেন এবং ফিরে এসে বললেন—না, গেছে। খালাস পেয়েছে। তা ওর গতির কি হবে বাবা ধনেশ্বর?

—কি হবে? অনেকে বলছে এটা ওর পেটের যক্ষ্মা। ভয়ঙ্কর সর্বনেশে রোগ। তাছাড়া তোমার তো অজানা নয়, ঠাকুর-দেবতা ব্রাহ্মণভোজনে ভটচাজবাড়ীর বউ হয়েও ছুঁতে নাড়তে পেত না। এখন কাকে বলব—যাও হে গতি ক'রে দিয়ে এস।

—কিন্তু লোকে তো ওর হাতে খেতো। তোমার বাবাও খেয়েছেন। আমার কাছে যখন যেতো ও তখনই বলতেন, নেড়ী, একটা কিছু রান্না করে দিয়ে যা। তোমার হাত নয়তো, অমৃত।

ধনেশ্বর বলে উঠল—সেটা ধর্তব্যের মধ্যে নয়। ওটা মানুষ্যের একটা ব্যাধি। তা নইলে তাঁর বৃদ্ধ বয়সে তোমার সঙ্গেই বা গিঠ বাঁধবেন কেন? আর তুমিই বা ঘাটে বসে ল্যাভেণ্ডার সাবান মাখবে কেন?

মুহূর্তে সব স্তব্ধ হয়ে গেল। শুধু কুৎসিত কিছুই নয় ভয়ঙ্কর কিছুও যেন তার সঙ্গে সেই জায়গাটার ছড়িয়ে পড়ল। আমিও কিছু বলতে পারলাম না। কিন্তু মেজঠাকুমা সেই মুহূর্তটি বোধকরি একমুহূর্তের জন্য রাগগিন্নী হয়ে উঠলেন। বললেন—তোমার মুখ দেখলে পাপ হয় ধনেশ্বর! তুমি এখান থেকে যাও! গোপেশ্বরের বাপ তো তুমি!

আশ্চর্য শক্তি ছিল ওই কণ্ঠের মধ্যে, কথার মধ্যে। ধনেশ্বর যে ধনেশ্বর সেও একেবারে বোবা হয়ে গেল। মুখখানা হয়ে গেল ফ্যাকাসে! সমস্ত জনতাও স্তব্ধ হয়ে রইল। ফিস্-ফাস্ করেও কেউ একটি কথা বললে না।

মেজঠাকুমা বললেন—একখানা গরুর গাড়ী কেউ এনে দেবে, গাড়ীর দাম দেব আমি। আমিই ওকে গাড়ীতে চাপিয়ে নিয়ে গিয়ে কাঁসাইয়ের জলে ভাসিয়ে দিয়ে আসব।

ধনেশ্বর মাথা হেঁট করে একটি কথা না বলে ওখান থেকে চলে গেল।

আমি তখন কথা ফিরে পেলাম, বললাম—তুমি চূপ কর মেজঠাকুমা, আমি ব্যবস্থা করছি। না হয় ইশুলে যাচ্ছি, সেখান থেকে ছেলের ডেকে আনিছি, তাদের নিয়ে আমি যাব।

অতুলেশ্বর এগিয়ে এল, বললে—রাজী তো আমরাই রয়েছি।

এর পর আর কোন বেগই পেতে হয় নি। মেজঠাকুর বিধবা ভাজের সৎকার হয়ে গেল নিবিবাদে। লোক অনেকগুলিই হল। তবু আমি গেলাম সন্ধে। মেজঠাকুর একবার বললেন—তুই যাবি? শরীরে—

হেসে বললাম—শরীরটা কি আমার ননীর পুতুলের মত মেজঠাকুর? আমি ইচ্ছে করলে তো ওই হাড় ক'থানাকে একলাই ঘাড়ে করে দিয়ে আসতে পারি! পারি না?

—রায়বাবুরা সব পারে। তা—যা। বারণ করব না। হতভাগী চিরকাল ভাগ্যের লাখি কাঁটাই খেয়েছে। মরবার পর যদি এইটে ওর ভাগ্যে ছিল যে তুই ওর শশানবন্ধু হবি, ঘাটের খেয়ায় তুইও থেকে ওকে তুলে দিয়ে আসবি, তাহলে সেটাতে আর আমি বাগড়া দি কেন? যা!

অতুলেশ্বর এসে বললে—একটু এদিকে শোন। বয়সে ছোট অতুলেশ্বর আমার সঙ্গকে খুঁড়ো। তুমি বলে ডাকলে। কথা বললে এই প্রথম। বললে—শশানে যারা যায় তারা কিছু নেশা ভাঙ করে। কেউ মদ কেউ গাঁজা। তা—

বললাম—বেশ তো। সে এদেশে সর্বত্রই করে। শিবঠাকুরের এলাকা। বলে পকেট থেকে মানিব্যাগটা বের করে দশ টাকার নোট একখানা বের করে দিলাম। সন্ধে সন্ধে মনে পড়ল খাট চাই, জিনিসপত্র চাই। বললাম—খাট-টাটের ব্যবস্থাও তো করতে হবে।

হেসে অতুলেশ্বর বললে—এখানে খাট-খাটিয়া নেই, বাঁশের মাচান বেঁধে নিয়ে যায়। আগে রায়বাড়ীতে খাটের রেওয়াজ ছিল, এখন সেখানেও বাঁশের মাচান। সুখেশ্বরদা বাবা একদিনে গেলেন—সে তো ভয়ঙ্কর ব্যাপার। এমন ব্যাপারটা না হলে অন্তত বাবার জন্তে ঘরের খাটই একখানা দেওয়া হত। কিন্তু সে হয় নি ওই ব্যাপারটার জন্তে। সুখেশ্বরদার লাশ, পুলিশ পোস্ট মর্টেমের জন্তে নিয়ে গেল গরুর গাড়ীতে চাপিয়ে মেদিনীপুর। বাবার দেহটা এইখানেই ছেড়ে দিলে বোনাফাইডি সুইসাইড বলে। বাবা গেছেন বাঁশের মাচায়। খাট বের করবার কথা কেউ মুখেও আনে নি।

চমৎকার কথা বলে অতুলেশ্বর। মেদিনীপুরী টান অবশ্যই আছে। কিন্তু বাঁধুনীতে গাঁথুনীতে শহরের বাগ্‌বিজ্ঞাস থেকে মলিন নয়।

অতুলেশ্বরই বললে—বাঁশের ব্যবস্থা আছে। ওই কামাইয়ের জঙ্গলে বাঁশ আছে, ওটা দেবোত্তরের সম্পত্তি, কিন্তু গ্রামের কারুর মৃত্যু হলে ওখান থেকে বাঁশ পায়। শুকনো গাছ ছ-চারটে থাকেই। কাঠও কেটে নেয় ওখান থেকে। তবে নতুন কাপড় চাই একখানা, খানিকটা ঘি, একটুকরো সোনা, একটুকরো রূপো, বালি, কাঁচকাঠি, তা আরও পাঁচটা টাকা দাও। ওতেই হয়ে যাবে।

নোট আর একখানা দশ টাকারই দিলাম। বললাম—বাকিটা এখন রাখ।

মেয়েটার দেহ বের করতে আমিও গিয়েছিলাম। বোধ হয় মেজঠাকুরকে খুশী করতেই। দুর্গন্ধে আমার বমি আসছিল। বহু কষ্টেই দমন করে বের করে আনলাম। মেজঠাকুর বোধ হয় দেখলেন না, কারণ তিনি উপু হয়ে দাওয়ার খুঁটিতে ঠেস দিয়ে বসে হাঁটুর মধ্যে মুখ গুঁজে

কাদছিলেন।

বাড়ী ফিরতে সন্ধ্যা উতরে গিয়েছিল। মেয়েটির বাড়ী হয়ে ফিরতে হয়, সেখানে তখনও মেজঠাকুরা বসে ছিলেন, বাইরে পোড়া মালসায় আগুন রেখে এবং দরজার পাশে নিম্ন রেখে। কিছু মিষ্টিও আনিয়ে রেখেছিলেন। এ টাকাটা উনি দিয়েছিলেন। আমি বললাম—মিষ্টি আমি খাব না ঠাকুরা।

অতুল বললে—ও বমি করেছে ওখানে গিয়ে। ওকে বারবার বললাম—তুমি কাঁধ দিয়ে না। ভীষণ দুর্গন্ধ। ও শুনলে না। শ্রাণে গিয়েই হড় হড় করে বমি করে ফেললে। কি করব ফিরে পাঠাতেও পারলাম না। ও—ও এল না। আমি ভাবলাম—ফিরে পাঠালে দুর্নাম করবে, বলবে কলকাতার বাবু!

মেজঠাকুরা বললেন—একটা কণা ভেঙে মুখে দে। তার তৃপ্তি হবে। ওর ঘর পরিষ্কার করতে গিয়ে একটা ক্রাকড়ায় পাঁধা গোটা আষ্টেক টাকা পেলাম—পয়সায় সিকিতে আধুলীতে টাকায়। বোধহয় শেষ কাজের জগেই রেখেছিল। তুই ওর ছেলের কাজ করলি, বাপের কাজ করলি, মধবা হলে বলতাম স্বামীর কাজ করলি। নে, একটু ভেঙে নে। কই তোর গা দেখি!

বুকে হাতের উল্টো পিঠটা ঠেকিয়ে বললে—গা গরম হয়েছে স্বরেশ্বর! দাঁড়া আমি সঙ্গে যাই। বলেই ডাকলে—রাধারমণ!

রাধারমণ মেজঠাকুরার আর এক ভাই। সেও আমাদের সঙ্গে শ্রাণে গিয়েছিল। তাকে বললেন—বউ আর তুই সব ব্যবস্থা কর এবার। বুঝলি, আমি চললাম।

আলো নিয়ে ডিকু শ্রাণ পযন্ত গিয়েছিল। পাঠিয়েছিলেন মেজঠাকুরাই। বললেন—চল ডিকু!

নীরবে পথ হাঁটছিলেন, হঠাৎ বললেন—চল ঠাকুরবাড়ী হয়ে চল। প্রণাম করে চরণোদক নিয়ে যাবি।

ধনেশ্বর কারণ নিয়ে সন্ধ্যা করছিল, বার দুই কালী কালী বলে গম্ভীরস্বরে ডেকে উঠলেন। প্রণবেশ্বর, কল্যাণেশ্বর এবং কয়েকজনই বসে ছিল কাছারীর দাওয়ায়।

প্রণবেশ্বর বললে—শ্রাণে গেছে?

বললাম—হ্যাঁ।

—বড় বাড়াবাড়ি করছ। এত কেন?

কল্যাণেশ্বর বললে—তুমি এবার এম-এল-এ হবার জন্ত দাঁড়াও স্বরোদা। আমরা প্রাণপণে খাটব। টাকা আছে। তার উপর যা নাম হয়ে গেল না ঠিক বেরিয়ে যাবে!

আমি কিছু বলবার আগেই মেজঠাকুরা বললেন—কল্যাণ, দুধপুকুরের সব থেকে বড় আম গাছটা—যেটার নাম ছিল গিন্নীর গাছ—সেটা কে কাটলে রে? তুই?

—কি?

—দুধপুকুরের গিন্নীর গাছটা! তুই কেটেছিল আমাকে বললে—

—কে বললে?

—বললে তোর যারা মজুর খাটে তারা ।

—হ্যাঁ, সেটা বাবার আর দাদুর আদরের সময় কাটিয়েছি ।

—সে সব আদর তিন দিনে হয়েছে । বারোটি ক’রে বামুন খেয়েছে, তুই এতবড় গাছটা কাটালি—

—কি— ? হঠাৎ মজুরত ধনেশ্বর চীৎকার করে উঠলেন—দুধপুকুরের পাড়ের গিন্নী গাছ ? তাতে যে একশোখানা তক্তা হবে ! আমি পিড়শোকে ভাতশোকে পুত্রের লজ্জায় কাঁদে সেই ফাঁকে—

নাটমন্দিরটা কুৎসিত কোলাহলে ভরে উঠল ।

হরেশ্বর বললে—ঠাকুমা, আমার শরীরটা বড় ক্লান্ত—

—চল্ ভাই চল্ ! না, একটু দাঁড়া । ঘোষালমশাই !

ঘোষাল হরেশ্বরের নিজস্ব কর্মচারী । ঘোষাল এসে বাইরে দাঁড়াল । মেজঠাকুমা বললেন—হরেশ্বরের একটু জ্বর হয়েছে, ডাক্তারবাবুকে ডেকে পাঠান ।

জ্বর নেহাৎ একটু নয়, টেম্পারেচার উঠল একশো চার । তার উপর সর্বান্তে বেদনা, কাঁধের ব্যথাটা অসহ্য ।

ডাক্তার অ্যাসপিরিনের পুরিয়া তাঁর ব্যাগ থেকেই বের করে দিয়ে গেলেন । স্বলতা, আমার ভিতরটা ভূষিত হয়েছিল স্ফটিক ছইন্ধির জন্তে । শ্মশানে আমি ভাল ছেলে সাজবার অভিপ্রায়ে ঠিক নয়, ওই ওদের সঙ্গে দেশী কারণ পান করি নি । করতে পারি নি ।

এখানে মেজঠাকুমা বসে । রঘুকে বরাত করতে পারছিলাম না । বললাম—ঠাকুমা, তুমিও তো সারাদিন বসে । বোধহয় খাও নি কিছু । যাও বাড়ী গিয়ে খাও । তুমি ভেবো না, ছেলে ঘুমলো পাড়া জুড়লো বলে আমি এফুনি ঘুমিয়ে যাব !

মেজঠাকুমা বললেন—না । রঘু—যে ঘরে বউমা, তোর বাবুর মা এসে থাকতেন ওইটে পরিষ্কার ক’রে দে । আমি ওখানেই কাপড় ছেড়ে সন্ধ্যা করে নেব । শোবও ওই ঘরে । এক বার চল্ আমার সঙ্গে ও বাড়ী, কথানা কাপড় আর পূজোর ঝোলাটা নিয়ে আসব ।

—কি দরকার ঠাকুমা । কেন এত ব্যস্ত হচ্ছ ?

—ল্যাভেণ্ডার সাবান মাথা নিয়ে যে কেলেকারী করছে ধনেশ্বর তারপর প্রকাশে কপালে কৃষ্ণনামের ছাপ না আকলে তো রাধার পূজা লোকে করত না রে ! আমার ষোল বছরে ছেলে হলে তার বয়স আজ একুশ বাইশ হ’ত । তুই না হয় আমার নাতি—পৌত্র । ভাস্কর-পোর ছেলে । আমি ঠাকুমা । সেই ঠাকুমা হয়ে এই বাড়ীতে বাসা গাড়ব, দেখি কার সাধি আমাকে কি বলে এরপর । চল্ রঘু ! ডিকু বাবুর কাছে বস । রাত্রে আজ দুজনেই থাকবি । বাবুর জ্বর ।

ঠাকুমা নিচে নেমে দরজা খুলতেই আমি উঠে গিয়ে তৃষ্ণা নিবারণ করে ফিরে এসে শুলাম । এবং শরীরের ক্লান্তি তাঁর সঙ্গে ছইন্ধী ও অ্যাসপিরিনের যৌগিক ক্রিয়ায় ঠাকুমা ফিরবার আগেই ঘুমিয়ে পড়েছিলাম ।

ঘুম ভেঙে ছিল অনেকটা রাত্রে, তখন অ্যাসপিরিনের ক্রিয়া শেষ হয়েছে । গায়ের মাথা



বেদনা ধীরে ধীরে অ্যাসপিরিনের বাধ ভেঙে বাধা জলের আন্তে আন্তে ঝ'রে ঝ'রে একসময় সশব্দে ভেঙে নামার পড়ার মত জেগে উঠল। আমি কাতরে উঠলাম—আঃ! পাশ ফিরে শুলাম।

ও-ঘর থেকে সাড়া উঠল। কেউ যেন উঠে দরজার কাছে এল। রঘুর নাক ডাকার শব্দ পাচ্ছি। সে আমার খাটের পাশেই মেঝেতে শুয়ে আছে। আর একটা পুরিয়া খেতে হবে। আকর্ষণ তৃষ্ণা পেয়েছে। হুইস্কীর রিঅ্যাকশনও বটে, তার সঙ্গে জ্বরের উত্তাপেও জলের তৃষ্ণা আছে।

দরজাটা খুলে গেল। বললাম—কে? ঠিক মনে ছিল না মেজঠাকুমা এখানে আছেন সে কথা। মেজঠাকুমা উত্তর দিলেন—আমি।

—মেজঠাকুমা!

—হ্যাঁ। তিনি ঘরে এসে ঘরের কোণে টিপয়ের আড়াল থেকে নীল কাচ দেওয়া হ্যারিকেনটা বের করে উল্কে দিয়ে টিপয়ের উপরে রাখলেন। এবং এসে খাটের পাশে একটা চেয়ার টেনে নিয়ে বসলেন। বললেন—কাতরাচ্ছিস কেন?

বললাম—দেখ তো জল কোথায়!

জলের গ্লাসটা এগিয়ে দিলেন। আমি একটু উঠে এক নিঃশ্বাসে জলের গ্লাসটা শেষ ক'রে বললাম—ওষুধের পুরিয়া দাও, আরও জল আন। গায়ের উত্তাপটা বেড়েছে কিনা দেখ দেখি।

গায়ে হাত দিয়ে দেখে বললেন—বেড়েছে বলেই মনে হচ্ছে। কিন্তু আবার অ্যাসপিরিন খাবি? আর এই জ্বরে ও ছাই গিল্লি কেন?—

—কি?

—কি আর? রায়বংশের যাতে নাড়ী কাটা!

—তুমি টের পেয়েছ?

—পাব না? ও-বাড়ী থেকে ফিরে এসে ঘরে ঢুকেই দেখি সৌরভে স্ববাসে ঘর যো-যো করছে। আমি জানি তুই খাম।

বললাম—বকবে না?

—বকব? অন্নপ্রাশনের সময় সেকালে সোনার ছোট্ট গ্লাসে কালীমার প্রসাদী কারণ দিত, তাই ঠেকিয়ে দিত ছেলের মুখে।

বললাম—তাই নাকি?

বললেন—হ্যাঁ। কিন্তু এখন ঘুমো। মাথায় হাত বুলিয়ে দি।

তিনি মাথায় হাত বুলতে লাগলেন। কিন্তু ঘুম আমার এল না। বললাম—ওই জানালাটা খুলে দাও। কঁাসাইয়ের ধার থেকে ঠাণ্ডা হাওয়া আসে।

—ওটা আমিই বন্ধ করে দিয়েছি। জলো বাতাস তো।

—তা হোক। ওতে ক্ষতি হবে না।

—তার থেকে আমি বাতাস করি।

—বেশ ।

পাখা ঘুরতে লাগল । বললেন—টানা পাখাটা মেরামত করিয়ে নে না । টানবার লোক অনেক মিলবে ।

—পাখা কোথায় ?

—পাখা কোথায় ? বাবা, পঞ্চাশখানা পাখা চলত সেকালে । ছোট ঘরে একটা বড় ঘরে জোড়া । যে পাখা টানত তার হাত-পা কোনখানে দড়ি দিয়ে বাধা থাকত আর দড়ির অপর দিকটা থাকত বিছানায় । পাখা টানতে টানতে বন্ধ হলে সেই দড়িতে হাঁচকা টান পড়ত আর হাঁক উঠত, এ্যাও হারামজাদা ! কাত্যায়নী ঠাকরুণের আমলে বিধি ছিল রাত্রে যে পাছাওলা য'বার থামবে, সকালে তাকে জওলাপ্রসাদের কাছে তত দু কিল ক'রে খেতে হবে । জওলা না কি একবারে দেড় সের আটা খেতো, পাণ্ডুর ঘিউ খেতো । বরাদ্দ ছিল ভাণ্ডার থেকে । খোরাক আর তার ওপর মাইনে পেতো তিন টাকা । সারারাত ছাদে জেগে পাহারা দিত আর হেঁকে হেঁকে ফিরত—অঃ—হ—হ ! অ—হ—হ ! হৈ ! সারারাত । জওলা থামলেই কাত্যায়নী হাঁকতেন—জওলাপ্রসাদ, থামলে কেন ? জওলা বলত—তনি তিয়াস পাইল । পানি খাইছিলাম মাঈজী !

খেমে কাত্যায়নীর কথায় ছেদ টেনে বললেন—পাখা ওই নিচের তলার একটা ঘরে ডাঁই হয়ে পড়ে আছে । সবই ভাঙা । তবু দু-চারটে কি ভাল থাকবে না ! থাকবে । একটু মেরামত করিয়ে কাপড় লাগিয়ে টাঙালেই নতুন । ছাদে কড়িতে কড়া-টড়া সব লাগানো আছে ।

—সে হবে । তুমি কাত্যায়নীর গল্প বল তো !

—ওরে বাবা ! সে তো মহাভারতের একটা পর্ব রে ! তার ভয়ে শুধু রায়বাড়ী নয় খোদ কৰ্ত্তা ফোমেশ্বর রায় পর্যন্ত টটরন্ত ।

\* \* \* \*

অস্থখে ভুগেছিলাম স্থলতা সাতদিন । সাতদিন ধরে গল্প করেছিলেন মেজঠাকুরমা কাত্যায়নী দেবীর ।

সন্তান হয়ে বাঁচাবার সঙ্গে সঙ্গে স্থস্থ হয়ে উঠে কাত্যায়নী স্বামী থেকে আরম্ভ করে জমাদারনী পর্যন্ত এবং কলকাতা থেকে কীৰ্ত্তিহাট পর্যন্ত কঠিন শাসনে নিয়ন্ত্রিত করে আশ্চর্য শৃঙ্খলায় বন্ধ করেছিলেন ।

স্বামীর কলকাতা ছেড়ে আসবার সময় ছিল না । কাত্যায়নী নিয়মিত আসতেন কীৰ্ত্তিহাটে । যে দেবতার দয়ায় তাঁর সন্তান বেঁচেছে, তিনি স্থস্থ হয়েছেন, তাঁর প্রতি ভক্তির অস্থ ছিল না । নিজে দাঁড়িয়ে থেকে পূজা করাতেন, ভোগ শেষ হলে বাড়ী ফিরতেন । তারপর তাঁর রান্না চড়ত । সেই রান্না হ'লে খেতেন । সন্ধ্যা পর্যন্ত ঘুমোতেন । সন্ধ্যার পর উঠে গা ধোওয়া চুল বাধা শেষ ক'রে আসতেন ঠাকুরবাড়ী, সেখানে আরতি, নীতলভোগ, শয়নের ব্যবস্থা ক'রে এসে বসতেন কাছারীর ঘরে । ফটক বন্ধ হ'ত । আমলা মুহুরী ছাড়া কেউ থাকত না । তিনি বিষয়ের কথা বলতেন ম্যানেজার গিরীন্দ্র আচার্যের সঙ্গে । কোথায় কোন

মামলা হচ্ছে, কোথায় কোন্ সম্পত্তি বিক্রী হচ্ছে, খবর নিয়ে বাড়ী ফিরে জল খেতেন। তখন খাবার করা শুরু হত। লুচি তরকারি মাছ ক্ষীর সব তৈরী হ'ত সেই সময়। মেয়ে বিমলা ছেলে বীরেশ্বর মানুষ হত দুজন সুন্দরী স্ত্রী ভদ্রঘরের মেয়ের হাতে। তিনি শুধু খোজ নিতেন ঘণ্টায় ঘণ্টায়, আর কয়েকবার স্তন দিতেন কোলের সম্ভান ছেলেকে। রাত্রে খেতে বসতেন ঘরে, বাইরে বারান্দায় এসে বসত ভাণ্ডারী সরকার চাকর ঝিদের প্রধানরা, আর ছিল একজন তার ভার ছিল গ্রামখবরদারির। ঝি চাকরের সর্দারেরা কোন্ চাকর কোন্ ঝি কি দোষ করেছে তা পেশ করত, তিনি বিচার করে দণ্ড দিতেন। ভাণ্ডারী বলত কি আছে কি নাই। সরকার লিখে নিত, কাত্যায়নী বলতেন, কত কি আসবে। গ্রামখবরদারির লোক গ্রামের খবর বলত। কোথায় কে রায়বাড়ীর নিন্দে করেছে, কে ভাল বলেছে, কার বাড়ীতে অসুখ, কার অভাব—নিবেদন করত। সরকারকে হুকুম দিতেন খোজ করতে, অভাবীর ঘরে চাল-ডাল পৌছে দিতে; অসুখের জন্তে বাড়ীর ঝাড়া বহিকেকে বলতে। আর নিন্দে-বান্দার কৈফিয়ৎ নিতে তাদের ডাক পড়ত খোদ তাঁর কাছে। যারা প্রশংসা করত, তাদেরও তিনি সম্মান করতেন। নোট করা থাকত; কোন উপলক্ষে—বিয়ে, অন্নপ্রাশন, উপনয়ন—কিছু তাদের বাড়ী হলেই হয় দামী কাপড়, নয় সোনার কিছু, নয়তো নোকুতো বলে এক টাকা দু'টাকার জায়গায় দশ টাকা দিতে হুকুম দিত।

এই সময় ভাই, দেশ থেকে 'সতী যাওয়া' উঠিয়ে দেবার জন্তে উঠেপড়ে লেগেছিল দেশের সব মাতব্বরেরা। কেউ রাজা, কেউ জমিদার—সব সায়েবী মতের বড়লোকরা। তার মধ্যে দ্বারকা ঠাকুর ছিলেন মাথার লোক। এই রবি ঠাকুরের ঠাকুরদাদা। তাঁর সঙ্গে ফোমেশ্বর রায়ের জানাশোনা দহরম-মহরম ছিল। ওঁরা একবয়সী ছিলেন। তাছাড়া উনি ছিলেন স্ত্রীর দেওয়ান। আর ফোমেশ্বর রায় কাঁথি তমলুকে হলদীর ধারে তখন স্ত্রী তৈরীর 'খালারী' বন্দোবস্ত নিয়ে স্ত্রীর কারবার করতেন। সেজন্য ঠাকুরবাবুর কাছে যাওয়া-আসা করতে হত। ঠাকুরবাবু কড়া লোক ছিলেন। আর ইনি খুব হুঁসিয়ার বাবসাদার ছিলেন। ওঁর সায়ে সায়ে দিতেই হত তাঁকে।

কাত্যায়নী ঠাকুর তখন কীতিহাটে এসে রয়েছেন।

হাসলেন মেজঠাকুর। বললেন, তখন তো তাঁর স্বামীর শগ মিটেছে। মানে—মেয়ে হয়েছে একটি, ছেলে হয়েছে একটি, আর কি দরকার স্বামীতে? কিন্তু—কথা শেষ না করে বেশ একটু সশব্দে হেসে উঠলেন।

অম্পষ্ট আবছায়ার মত নীল লণ্ঠনের আলোয় সুরেশ্বর খোলা জানালার দিকে তাকিয়ে গুনছিল। বাইরে জ্যোৎস্না উঠেছে, একফালি জ্যোৎস্না তেরচা হয়ে একপাল্লা জানালার গায়ে লেগে যেন মেঝের উপর পিছলে পড়েছে। হাসির শব্দে সে মেজঠাকুর মুখের দিকে তাকালে। বললে, হাসলে কেন?

—হাসলাম তোমাদের গুপ্তির ধারা মনে করে।

—কি সেটা?

—সেটা? সেটা হল—যেটা এখনও তোমার মধ্যে দেখছি নে সেইটে। রায়বাড়ীর

বেটাছেলেরা একলা বিছানায় শুতে পারে না। কাত্যায়নীদেবীর সবস্বক সাতটা ছেলে। তার মধ্যে শেষের দুটো বেঁচেছে। কাত্যায়নীর শরীর ছিল দুর্বল। তিনি ছেলেমেয়ে নিয়ে এখানে সরে আসতেন তার ওটাও একটা কারণ। স্বামীর জন্তে দুটো সেবাদাসী নিজে দেখে পছন্দ করে বহাল করে দিয়ে এসেছেন। তার ওপর বাঈজী আছে। এখন আর সেবাদাসীদের চাকরী যেত না। মাথা গরম তো সেরে গিয়েছিল।

স্বরেশ্বর অতি বিষন্ন হাসি হাসলে। বললে, মিথো দোষ তুমি দাও নি ঠাকুমা! বাবার কথা মনে পড়ছে। বাবার মত মানুষ তো আমি কমই দেখেছি। এত পণ্ডিত, এমন ভদ্রলোক! আর মাকে আমাকে কি ভালোই বাসতেন! তিনি—।

—তুই এবার ঘুমতে চেষ্টা কর, আমি মাথায় হাত বুলিয়ে দি। কথা থাক। চোখই বুজে ছিল স্বরেশ্বর। মাথায় লঘু চালনায় মেজঠাকুর হাতখানি ঘুরছিল। স্বরেশ্বর বললে, চুলগুলো বরং টানো ঠাকুমা, ওরকম করে দিলে স্ফুট স্ফুট লাগছে। না, আরও জোরে টানো। টানো না যত জোর আছে তোমার। মা দুর্গার অশ্বরের চুল টানার মত টানো না!

মেজঠাকুমা বললেন—বোঁটায় কেন খাড়া, না বংশাবলীর ধারা। তোর মেজঠাকুরদার এই রোগ ছিল। একবার চুল টানতে টানতে আমার চুল এসেছে, টানতে টানতে হাতেও বাথা ধরেছে। উনিও যেন ঘুমিয়েছেন। আমি টানা ছেড়ে এমনি আস্তে আস্তে হাত বুলিয়েছি। আর চমকে জেগে উঠে দিলেন হাত ছুঁড়ে। লাগল আমার নাকে। রক্ত পড়তে লাগল। তখন বলে, এমনি স্ফুট স্ফুট দেয়, আমার মনে হল বিছেটিছে কিছু বেড়াচ্ছে চুলের মধ্যে।

হেসে স্বরেশ্বর বললে, মেজঠাকুরদাকে তুমি খুবই ভালবাসতে, না মেজদি?

অত্যন্ত প্রসন্ন ধীরকণ্ঠে বললেন মেজঠাকুমা, আমি খুব সুখী হয়েছিলাম স্বরেশ্বর। মিথো বলব না ভাই তোর কাছে, প্রথম যখন বিয়ে হয়, তখন বুড়ো বলে দুঃখ হয়েছিল, কঁদে-ছিলাম। কিন্তু কেরমে কেরমে দুঃখ কোথায় গেল জানি নে, মনে হত আমি খুব সুখী। তবে যদি বলিস, সুখ কাকে বলে তুমি জানোই না, তবে তার জবাব আমার নেই। যা পেয়েছি, তাই অটেল। ঠাঁর জন্তে লজ্জা অনেক পেতাম। উনি যেসব কাজকর্ম করেছেন, সেসব তো চোখেই দেখেছি। আমি বারণ করলেও শুনতেন না। কাত্যায়নী ঠাকুরের মত দাপটও আমার ছিল না, তিনি ছিলেন রাজকণ্ঠে। রাজবংশ। আমি পুজুরী বামুনের মেয়ে। সে ক্ষমতাও ছিল না। তবে বেশী লজ্জা পেতাম ঠাঁর মেজবউ মেজবউ রব তোলা বাতিক দেখে। চোখের আড় হয়েছি তো সন্ধে সন্ধে মেজবউ! মেজবউ! তারপর বাড়ীর ছাদ কাঁপিয়ে মে-জ-বউ! এলেই জুড়িয়ে যেতেন, বলতেন, যাও কোথা? চটকদুলানী আমার! এই আছে এই নেই। ফুরত আর ফুরত। আমাকে মাদর করে একলা পেলে বলতেন, চটকদুলানী। বলতাম, একটা কথাই বলতাম—বলতাম, মরতে। বলতেন, সে আমি মরার পর যেয়ো। না হয় যদি পার সেইদিনই যেয়ো, চিতায় পুড়ে মরো আমার। বলে আশ্রয় করে বলতেন, কলিতে ধর্ম একপদ! তাও এরা ঠেঙিয়ে ঠেঙিয়ে আধখানা থেকে সিকিখানায় এনেছে। নইলে সতী অধর্ম অনায়াস হয়! কাত্যায়নীদেবী যা লিখেছিলেন তা অক্ষরে অক্ষরে ফলছে।

অক্ষরে-অক্ষরে !

বললাম না, কাত্যায়নীদেবী ছেলেমেয়ে নিয়ে তখন এখানে, তাঁর কানে এল, সতী ওঠাবার জন্তে দরখাস্ত করছে কলকাতার বড় বড় লোকেরা। তার মধ্যে দ্বারকা ঠাকুর একজন প্রধান। উনি জানতেন হুনের কারবার করেন স্বামী, তিনি দ্বারকানাথের কত অমুগত। তিনিও তা হলে সই দেবেন। তিনি তৎক্ষণাৎ চিঠি লেখালেন স্বামীকে। ভাল লিখতে জানতেন না নিজে, কোনমতে সই দিতে জানতেন মোটা মোটা করে, তিনি প্রেমপত্র লেখাতেন মুহুরীকে দিয়ে। তিনি বলতেন মুহুরী লিখত। তারপর পড়ে শোনাতো। তাতে তিনি সই দিতেন মোটা আঁকাবাঁকা হরফে—কাত্যায়নী।

ওদিকে তখন ভোর হয়ে এসেছে। আমার জ্বরটা যেন ছেড়ে আসছে মনে হল। ঘাম হচ্ছিল। দেশে তখন ম্যালেরিয়া ছিল প্রচুর। ১৯৩৬ সাল। শীত করে জ্বর আসে, ঘাম দিয়ে জ্বর ছাড়ে।

ঠাকুমা বললেন, দেশের সম্পত্তি পেলে তো! এখন ভোগ। সকালে উঠেই ডাক্তারকে বল কুইনিন ইন্জেকশন দিয়ে দিক।

কিছুক্ষণের মধ্যেই ঘুমিয়ে পড়েছিলাম।

\*

\*

\*

\*

ভোরে জ্বর ছাড়ল, আবার বিকেলে শীত করে জ্বর এল। কুইনিন মানলে না। সেদিন জ্বর প্রবলতর হল, একশ তিন উঠল টেম্পারেচার।

মেজঠাকুমা ডেকে পাঠালেন বুড়ো ভট্টাচার্য মশাইকে। তিনি নাড়ী দেখে ঠিক বলে দেবেন, ক’দিন হবে জ্বরের ভোগ। নাড়ীতে সর্দি না পিত্তি না বায়ু, না সর্দি পিত্তি, না বাতপিত্তি, কি কি ঠিক বলে দেবেন। ডাক্তারেরা ওসব জানে না, ওরা নাড়ী গোনে ঘড়ি ধরে।

মেজঠাকুমাকে বাধা দেবার ক্ষমতা আমার ছিল না। উনি মেজঠাকুরদার কাছে যা হতে পারেন নি, আমার কাছে তাই হয়েছিলেন, হয়েছিলেন কাত্যায়নী দেবী।

দয়াল ভট্টাচার্যের বয়স আশী। সম্পর্কে মেজঠাকুমার স্বশ্রুত। লাঠি ধরে এলেন। পাকা আমের মত চেহারা, তেমনি টকটকে রঙ। মাথার চুল-ভুরু সব পাকা। দেখে বললেন, সাদা জ্বর মেজ-মা। চিন্তা নেই। দিন-পাঁচেক লাগবে। তবে বাবুর মালোয়ারী ধরলে মনে হচ্ছে গো! দুটো ঠায় উপোস দাও।

বসে রইলেন ভট্টাচার্য কিছুক্ষণ। মেজঠাকুমা বললেন, রায়বাড়ীর গল্প শুনতে ওঁর খুব ঝোক। ওঁকে বলুন।

দস্তহীন মুখে হেসে দয়াল ভট্টাচার্য বলেছিলেন, আজ নয় মা, কাল বলব। কাল এসে আবার দেখে যাব। বলব তখন।

আমি কি করব। উপোস দিয়েই পড়ে রইলাম আর ডাক্তারের মিকশার খেলাম। কিন্তু কাল কাটে কি করে? পুরনো খাতা আর কাগজ নিয়ে পড়লাম। পুরনো খাতায় পেলাম কল্যাণীয়া শ্রীমতী বিমলাকুমারী দেবীর শুভপরিণয় উপলক্ষে খরচ। জামাতা আশীর্বাদী! হাঁবার আংটি একটি, মারফৎ হ্যামিল্টন এণ্ড কোং, মোকাম কলিকাতা, মূল্য এক হাজার



টাকা! বিশ্বয় লাগল। জমা-খরচের খাতাটার সাল ১২৩১ সাল, ইংরিজী ১৮২৪। বিমলা-কুমারীর বয়স সাত, ১৮১৭ সালে তার জন্ম।

কাত্যায়নীরও বিয়ে হয়েছিল সাত বছর বয়সে।

খরচের পাতাতেই চোখ বুলাচ্ছিলাম। সে এলাহি কাণ্ড। পরিশেষে একটা খরচের ফর্দ পেলাম। একসঙ্গে সব হিসেব। খরচ যোগ করে দাঁড়িয়েছে পনের হাজার টাকায়!

তারপরের দিন মেজঠাকুমা ঠাকুরবাড়ী গিচ্ছিলেন; সেখান থেকে ফিরবার পথে পুরনো বাড়ী হয়ে ফিরলেন, সঙ্গে নিয়ে এলেন রেশমী কাপড়ে বাঁধা একটা কাগজের পুলিন্দা। রেশমী কাপড়-খানা এককালে সূদৃশ্য এবং বেশ মূল্যবান ছিল। বললেন, এটা তাঁর বাব্বের মধ্যে রাখা ছিল রে। দেখ এতে কি আছে।

দেখছিলাম পান্টে পান্টে। দেখলাম সবই প্রায় চিঠি। চিঠিগুলি রত্নেশ্বর রায়ের লেখা, লিখেছিলেন অধিকাংশই শিবেশ্বরকে। কয়েকখানা দেবেশ্বর রায়কে লেখাও আছে। তিরস্কারপূর্ণ চিঠি। তার একটাতে লেখা আছে “প্রয়োজন হইলে তোমাকে ত্যাজ্যপুত্র করিতেও পশ্চাৎপদ হইব না। তুমি লিখিয়াছ দেবত্র টিকিবে না আইনে। দেখা যাইবে কি হয়। মোট কথা তোমার অহিন্দু আচরণ আমি সহ্য করিব না ইহা জ্ঞাত হইবে।” শেষে কতকগুলি কথা আছে, যেগুলিকে বেদবাক্যের মত বলা যায়।

আমি ভাবছিলাম। এমন সময় জাঠতুতো ভাই প্রণবেশ্বর, খুড়তুতো ভাই সুরেশ্বর কাকার ছেলে কল্যাণেশ্বর এল আমাকে দেখতে। বসলে, বললে—অসুখ ধরালে তো!

বললাম, অসুখ নয়। মানে ওই মেয়েটির অসুখ আমাকে ধরে নি।

কল্যাণেশ্বর ছড়ানো কাগজগুলো দেখে বললে, ওগুলো কি?

—চিঠি। পুরনো চিঠি সব। রায়বাহাদুরের লেখা তাঁর ছেলেদেরকে।

—ও কোথায় পেলো?

—বাড়ীতেই। আবার কোথায়!

চুপ করে রইল কল্যাণেশ্বর। প্রাণবেশ্বরদা বললে, দেখ, কল্যাণেশ্বর গালস জ্বলের ঠিকে নিয়েছে। ঘর তৈরী হয়ে গেছে, জানালা-দরজা লাগাতে বাকি আছে। এখন ওটা থাকবার জগু দিতে হবে সেটেলমেন্ট অফিসারকে তুমি বলেছ। কল্যাণ কাজ শেষ করতে গিয়ে থমকাচ্ছে। কারণ, কাল মেজঠাকুমা সন্ধ্যার সময় বললেন, কল্যাণেশ্বর দুধপুকুরে আমগাছ—কি গিন্নীগাছ না কি নাম—সেটা কাটিয়েছে। ও সেটা কাটিয়েছে ঠিক। কিন্তু সে পোড়া কাঠের জন্তে। ওদিকে ধনেশ্বর কাকা কাল রাত্রে যাচ্ছেতাই করেছেন। যত গাল তোমাকে মেজঠাকুমাকে দিয়েছেন, তত কল্যাণেশ্বরকে। সে যা হয় হবে। এখন জিজ্ঞাস্তা হচ্ছে—আমতস্তার দরজা-জানালা লাগালে বিলের সময় তার টাকা দেব না—এ বলবে না তো?

কল্যাণেশ্বর বললে, আমি তোমাফে কথা দিচ্ছি সুরেশ্বরদা, উনি যাই করুন তোমার বিপক্ষে, তাতে আমি আর থাকব না।

একটু বিষণ্ণহাসি আমার মুখে দেখা দিয়েছিল। লজ্জা হয়েছিল। নিঃস্ব রায়সন্তানদের চেহারাটা যেন সাসপেকটেড টি বি পেশেন্টদের মত স্করুণ হয়ে উঠেছে অবিকল।

স্তাবকতায় বাধে না। সামান্য স্বার্থের জন্যও স্তাবকতা করতে পারে। এরা আজ চুরি করে গাছ কাটে। আজ ঝগড়া করে কাল এসে গড়িয়ে পড়ে সামান্য স্বার্থের জন্য। নারীর কাছে এদের দাম হয়েছে বিধাত্ত পোকায় মত। তারা ঘেঁষাই করে, ভয় পর্যন্ত করে না। সাপ কি বাঘ বলে। বললাম, না, ও-বিষয়ে আমি কোন আপত্তি তুলব না। তুমি ঘরখানার দরজা-জানালা লাগিয়ে দাও। মিস্টার বোধ প্রায় নিবাসিত বিরহী যক্ষ হয়ে উঠেছেন—ভয় হচ্ছে সেটেলমেণ্টের পরচা থেকে সেগুলো পরচা-দূত হয়ে না দাঁড়ায়। ক্রোধবশে এর নাম কেটে ওর নাম না বসিয়ে দেন।

খুব হেসে উঠল কল্যাণেশ্বর, অযথা উচ্চহাসি। তারপর বললে, ওই চিঠিগুলো থেকে কি খুঁজছ বল দেখি?

—খুঁজছি কিছু, ঠিক বিষয় নয়।

—তবে?

—রায়বাহুর ইতিহাস জানতে চাচ্ছি।

—তা কি চিঠিপত্রে পাবে?

—তাই পাব।

কল্যাণেশ্বর বললে, তাহলে তোমাকে সন্ধান দি স্বরেশ্বরদা। দেখগে ঠাকুরের গহনা থাকত যে আয়রনচেপ্টে, সেটার মধ্যে অনেক চিঠি আছে। সেসব রায়বাহুর রক্তেশ্বর রায় রেখে দিয়েছিলেন। মিথ্যে বলব না, দুখানা ভায়রীর মত ছিল, একখানা রায়বাহুরের, একখানা বীরেশ্বর রায়ের, আমার বাবা তো দাম বুঝতেন, তিনি রেখেছিলেন। কিন্তু তিনি যখন খুন হলেন, তখন যে সে কে নিলে? কে নিলে কেন, নিলে বেজোদা নিয়েছে। না হলে হারিয়েছে।

আমি তার মুখের দিকে তাকিয়ে বললাম, খুঁজে দেখ কল্যাণ, আমাকে দিলে আমি এক হাজার টাকা পর্যন্ত দেব।

অবাক হয়ে গেল কল্যাণেশ্বর।

প্রণবেশ্বর বললে, তুমি ঠিক কি খুঁজছ বলবে?

বললাম, বিশ্বাস করবে?

—বল।

—প্রথম নিজের বংশের কথা কে না জানতে চায় বল! দ্বিতীয়, রক্তের মধ্যে একটা কি আছে। সেটা কি জানতে চাই। বিষয় চিরকালের নয় বড়দা, সে সবাই জানে। আমি খুঁজছি আমার বাবার কেন এমন হল? আরও অনেকের ওই পাপ দেখতে পাচ্ছি। তোমাদের কথাও আমার অজানা নয়। হয়তো বলবে এটা মানুষের পাপ। হয়তো তাই। কিন্তু এ-বংশের পুণ্য তো কম নয়! তবু কি করে পাপ কোথা থেকে এল? একে আমি বড় ভয় পাই বড়দা।—কেন পাই? এই আর কি—পাগলামি বলতে পার।

হাতটা উল্টে দিলে প্রণবেশ্বর। অর্থাৎ কিছুই বুঝলাম না।

কল্যাণেশ্বর বললে, ঠাকুরের সিন্দুক খুলে দেখ, অনেক কাগজ-চিঠিপত্রের গাদা পাবে।

মেজঠাকুরমা এসে দাঁড়ালেন। চাবি তো তোকে দিয়েছি স্বরেশ্বর। তুই সিন্দুকটা খুলে আজ দেখ। কল্যাণকে হাজার টাকার কথা যখন বলেছিল, তখন এখুনি নিজে গিয়ে দাঁড়িয়ে বের করে আন, নইলে আজ রাতেই কেউ সিন্দুকটাকে ভেঙে ফেলবে।

\*

\*

\*

সেই কাগজের মধ্যে উপকরণ পেলাম। খানকতক মূল্যবান চিঠি। কাত্যায়নী দেবী লিখেছেন স্বামীকে—শতকোটি প্রণামান্তর স্বামীচরণে নিবেদনমিদং, স্বামীন, তদীয় পত্র প্রাপ্ত হইয়া অধিনী হৃদ্যন্তায় আশঙ্কায় জীবনমৃত্যু হইয়া কালযাপন করিতেছে। আপনি কি এমন দুঃস্বপ্ন সন্দর্শন করিয়াছেন যে, নিশাকালে ভয় প্রাপ্ত হইয়া বু-বু করিয়া উঠিয়াছেন? কিন্তু আপনার কাছে কি রাজিকালে কেহ শয়ন করে না? অধিনী তো ব্যবস্থা করিয়া আসিয়াছিল, সে ব্যবস্থা কি বলবৎ নাই? যদি বলবৎ না থাকে, তবে আপনি আপনার পছন্দমত লোক নিযুক্ত করিয়া কাছে লোক রাখিবেন। কদাচ একাকী রাতে শয়ন করিবেন না। তাহাতে অধিনী কোন আপত্য করিবে না। এখানে দুঃস্বপ্ন দেখিয়াছেন বলিয়া দেবতার বিশেষ পূজার ব্যবস্থা করিলাম। ৮য়ী চরণে স্বর্ণ-বিষপত্র, শ্রীশ্রীরাজরাজেশ্বর জিউর নিকট স্বর্ণতুলসী অর্পণের ব্যবস্থা হইল। অত্রস্থ কুশল। শ্রীমতী বিমলা এবং শ্রীমান বীরেশ্বরের সর্বাঙ্গীণ কুশল। বীরেশ্বর এমন দুর্দান্ত ও বলশালী হইয়াছে যে, তাহাকে আমি ক্রোড়ে লইতে ভয় পাই। আমার প্রেমচন্দনসিক্ত প্রণাম গ্রহণ করিয়া অধিনীকে কৃতার্থ করিবেন। কারণ কম করিবেন।—ইতি তদীয় শ্রীচরণাশ্রিত কাত্যায়নী দেবী।

মোট হরফে লেখা কাত্যায়নী। চিঠি লিখেছে কোন পাকা-হাত মুছরী। তারপর পেলাম সোমেশ্বরের পত্র।

প্রাণাধিক প্রিয়তমাসু—

শ্রীমতী কাত্যায়নী আমার প্রেম-আলীবাদ জানিবা। তোমার পত্র প্রাপ্ত হইয়া সমুদয় অবগত হইলাম, কিন্তু কোন আশ্বাস বা কোন ভরসা আজও পাই নাই। প্রায় নিশাযোগে দুঃস্বপ্ন দেখিতেছি। কাছে লোক থাকে। কিন্তু সে কি করিতে পারে? সামান্য মানবকুলের কোন্ ক্ষমতা যে দেবরোষের প্রশমন করিবে? প্রায়শঃই অর্থাৎ দুই-এক দিবস অন্তর স্বপ্ন দেখিতেছি—যেন রাজরাজেশ্বর প্রভু জীউ বালকের মূর্তি ধরিয়া আমাকে শাসন করিতেছেন, আর তান্ত্রিক শ্রামাকান্ত দূরে রক্ত চক্ষুতে তাকাইয়া হি-হি করিয়া হাসিতেছে।

সামব্রহ্ম গায়ত্রীর একখানা চিঠি আমি পেয়েছি সুলতা। সুলতার চিঠি। যেমন হাতের লেখা, তেমনি সেকালের কথার গাঁথুনির নমুনা। লিখেছেন সোমেশ্বর বায়ের পত্রের উত্তরে। কারণ তার উল্লেখ রয়েছে।

লিখেছেন—অশেষ কল্যাণ ও তস্তুলহ সম্মানপূর্বক নিবেদনমেতৎ আপনার লিপিখানি পাইয়া তত্র বাটীর সমাচার অবগত হইয়া চিন্তাশ্রিত হইয়াছি। আমি তো অত্র ধামে থাকিয়া মহামহিমময়ী শ্রীশ্রীকালিকা দেব্যা মাতাঠাকুরাণীর এবং মহামহিম পরম দয়াল শ্রীশ্রীরাজরাজেশ্বর জিউ প্রভুঠাকুরের পূজা-অর্চনা এবং সেবাদি যথাসাধ্য করিতেছি। কোন ক্রটি বা সেবা-

অপরাধ হইতে দিই নাই। নিয়মিত মাতার চরণে ১০৮ বিঘপত্র এবং প্রভুজিউয়ের মস্তকে ১০৮ তুলসীপত্র প্রদত্ত হইতেছে। তত্রাচ এরূপ দুঃস্বপ্ন আপনি দেখিতেছেন কি কারণ তাহা ক্ষুদ্র বুদ্ধিতে বোধগম্য করিতে পারিতেছি না। এবং সমস্ত আত্মপূর্বিক বিচার করিয়া আপনার জ্ঞান ধর্মপরায়ণ ভক্তিভাজনের অপরাধ খুঁজিয়া পাইতেছি না। আপনার দুঃস্বপ্ন দর্শনকেও উড়াইয়া দিতে পারিতেছি না। উপযুক্ত দুঃস্বপ্ন দর্শন কিমতে উপেক্ষা করিতে পারা যায়। তবে এখানকার সেবা ইত্যাদিতে ত্রুটি হয় নাই এবং হইবেক না জানিবেন। তবে হিতৈষী হিসেবে যদি মদীয় চিন্তায় যাহা মনে হইতেছে তাহা নিবেদন করি, তবে আপনি দৃশ্য মনে করিবেন না। আপনার অপরাধ ওই শ্রামাকান্তের অপঘাতমৃত্যুতে কিছু অশিষ্টা থাকিবেক বলিয়া মনে লইতেছে। সম্ভবতঃ জলে ডুবিয়া আপনি নিজে বাঁচিবার জন্ত ব্যস্ত হইয়াছিলেন। তাঁহাকে বাঁচাইবার চেষ্টা করিতে পারেন নাই। হইয়া থাকিলে এইখানে অপরাধ হইয়া থাকিবেক। অন্যথায় তাঁহাকেই বা স্বপ্নে দেখিবেন কেন? আমার বিবেচনায় আপনি যদি শ্রামাকান্তের বংশাবলীকে তুষ্ট করেন, তবে অবশ্যই তিনি তুষ্ট হবেন। শ্রামাকান্তের এক পুত্ররায় শ্রামনগর। আমার কন্যারও বিবাহ শ্রামনগরে ভট্টাচার্য বংশে দিবার স্থির করিতেছি। তাহার সপ্তমবর্ষ অতিক্রান্ত হইতে চলিতেছে। সেই সূত্রে সেখানে গিয়া জানিলাম, শ্রামাকান্তের এক পুত্র আছে। পুত্রটি পিতৃমাতৃহীন। মাতামহী লালনপালন করিতেছেন। অবস্থা ভাল নহে। তাহাকে কিছু অর্থ, কিছু সম্পত্তি দান করিলে মনে হয় ইহার প্রতিকার হইতে পারিবেক। অধিক কি আর, নিবেদনমিতি, পুং—শ্রীযুক্তা গিরীঠাকুরাণীর সহিত পরামর্শ করিয়াই ইহা লিখিলাম। তিনি সান্তিশয় বিব্রত এবং ভীত হইয়াছেন।

সোমেশ্বর রায় এই পত্র পেয়ে পত্র উপেক্ষা করলেন না, নিজে স্বয়ং এসে হাজির হলেন কীতিহাট। এবং পুরোহিত রামব্রহ্মকে এবং নায়েব গিরীন্দ্র আচার্যকে সঙ্গে নিয়ে রওনা হলেন শ্রামনগর। যাতায়াতের জন্ত বজরা ছিল নিজস্ব। দুখানা বজরার সঙ্গে পাহারাদারি ছিঁপে লাঠিয়াল সঙ্গে নিয়ে রওনা হলেন। সঙ্গে অর্থ নিয়েছিলেন। দিয়ে আশীর্বাদ নিয়ে আসবেন। কাঁসাই ধরে হলদী হয়ে গজার উজান বেয়ে এসে উঠলেন শ্রামনগরের ঘাটে। কোথায় কার বাড়ীতে আতিথ্য নেবেন? শ্রামনগর ব্রাহ্মণ সদগোপ-প্রধান গ্রাম। ব্রাহ্মণেরা ব্রহ্মভোগ করেন, যাজন-যাজন গুরুগিরি করেন। সদগোপেরা চাষবাস করে থাকে। এদের কারুর খড়ের চালের বাড়ীতে সোমেশ্বর রায় স্বচ্ছন্দবোধ করতে পারবেন না। খড়ের চাল মাটির দেওয়ালের ঘরে শুলে মনে হত ঘরে আগুন লাগবে, রাত্রে কোন না-দেখা গর্ত থেকে সাপ বেরিয়ে কামড়াবে, এমন কি ভূমিকম্প হয়ে ঘর ভেঙে পড়বার আতঙ্কও তাঁর ছিল। স্থির করলেন বজরাতেই তিনি থাকবেন। রামব্রহ্ম জায়রত তাঁর ভাবী বৈবাহিককে খবর দিতেই গ্রাম ভেঙে এসে দাঁড়াল। কীতিহাটের রায়বাবু এসেছেন। তাঁর সাজানো বজরা, সেই বজরা দেখতেই তাদের কৌতূহলের অন্ত ছিল না।

ভট্টাচার্যেরা এসে সম্মানে তাঁকে আহ্বান করলেন, বললেন—মহাভাগা আমাদের! আপনি পদার্পণ করেছেন।

সোমেশ্বর তাঁদের কাছেই থোজ নিলেন—শ্রামাকান্ত তান্ত্রিকের বিগত বিবরণ এবং তাঁর

ছেলের বর্তমান অবস্থার সংবাদ ।

রামকৃষ্ণ গায়রত্বের ভারী বৈবাহিক বললেন—শ্রামাকান্ত চট্টোপাধ্যায় কাঞ্চপ গোত্রীয় কুলীন সন্তান বাবু, মূলবাড়ী ওদের যশোহর জেলায় । শ্রামাকান্তের বাপ কালীনাথ অনেক বিবাহ করেছিলেন । এই কুলীন জেলাতেই সাত আটটি বিবাহ ছিল । শুদ্ধাচারীর বংশ । সাধনা-টাধনার বোঁক তাঁরও ছিল । শ্রামাকান্তকে নিয়ে তিনি ঘুরতেন । ওইটিই তাঁর ঘরগী জীব সন্তান । গান তিনিও গাইতেন । শ্রামাকান্তকে বলতে গেলে তিনি মূলধন দিয়ে গিয়েছিলেন । তাঁর পর শ্রামাকান্তও বাপের বৃত্তি নিয়েছিলেন । সুন্দর সুপুরুষ চেহারা । গানবাজনার যাকে বলে ওস্তাদ । ওস্তাদও বটে সাধকও বটে ।

আমাদের এখানে, আমার জ্ঞাতিভাই অবশ্য, বয়সে আমার থেকে অনেক বড়, বলতে গেলে পিতৃতুল্য জ্যেষ্ঠ ছিলেন—পদ্মনাভ ভট্টাচার্য । পণ্ডিত লোক । টোল ছিল বড় । নাম ছিল । নিজে পণ্ডিতই শুধু ছিলেন না, ক্রিয়াকর্ম, বিশেষ করে তান্ত্রিক পূজা, খুব ভাল জানতেন । তত্ত্বমতে স্বস্তায়নে খুব খ্যাতি ছিল । পঞ্চপর্বে জপতপ-ক্রিয়াও করতেন । শ্রামাকান্ত কোথেকে তাঁর খোঁজ পেয়ে তার তানপুরা ঘাড়ে এসে হাজির হল । তখন নবীন যৌবন বলতে গেলে । আমরাও তখন নবীন । কিছু কম বয়স । পদ্মনাভ ভট্টাচার্যকে জড়িয়ে ধরলেন—আমাকে পুরস্চরণ করাতে হবে । দীক্ষা আমার বাবার কাছে নিয়েছি । পুরস্চরণ করা হয় নি । সেটি করিয়ে পূর্ণাভিষেকে দীক্ষিত করতে হবে । রূপবান চেহারা বাবু, তার উপর সুন্দর কণ্ঠ, তারা তারা বলে গান গাইতে গাইতে বিভোর হয়ে যেতো ; পদ্মনাভ-দাদা ফেরাতে পারলেন না । বললেন—বেশ থাকো । কিন্তু তত্ত্ব-শাস্ত্র পড়েছ ? সেটা কিছু প’ড়ে নাও । থাকবে আমার এখানে পুত্রের মত । এই থাকতে থাকতে মায়া জন্মাল । নিজের একটি কন্যা ছিল । বললেন—আমার মেয়েকে বিয়ে কর । তুমি শিবের মত পাত্র, আমার কন্যাও সুলক্ষণা । গৃহস্থ হয়ে ঘরে স্বামী-স্ত্রীতে সাধনা করবে । আমি বলছি, যা চাও তাই পাবে । আমার টোল আমার যজমান—ব্রহ্মত্র রয়েছে, নিশ্চিন্ত সাধনা করতে পারবে । তাই হয়ে গেল । তিনি মানে শ্রামাকান্ত একটা পুরুষ ছিলেন । গানে বাজনার হাসিতে একেবারে আমাদেরি মতো মাতিয়ে রাখতেন । মধ্যে মধ্যে খাপার মত হাসতেন ।

সোমেশ্বর বললেন—সে তো আমি জানি—দেখেছি ।

—হ্যাঁ শুনেছি । কিন্তু প্রথম বয়সে দেখেন নি । মানে কুড়ি বাইশ বছরে । তখন বলতেন—জান হে শিবানন্দ, কালী এলে কি বলব জান ? আমি বলতাম—কি ? বলতেন—বলব—রাজা করু আমাকে, রাজা করে দে । হা হা করে খানিকটা হেসে আবার বলতেন—তোমাকে মন্ত্রী করব হে । আর বিয়ে করব একশো আটটা । তোমার ভাইঝির সব দাসী ক’রে দোব ।

মধ্যে মধ্যে চলেও যেতেন তানপুরা ঘাড়ে ক’রে । কোথাও ওস্তাদ এসেছে শুনলে কি কোথাও কোন সাধুটাধু এসেছে শুনলে আর তাকে রাখে কে ?

পদ্মনাভ শেষটার আপশোষ করতেন, ওকে বাঁধতে গিয়ে ভুল করেছি । কণ্ঠটার কপালে কষ্ট আছে । ইতিমধ্যে তিনি হঠাৎ অরবিকারে মারা গেলেন । শ্রামাকান্তকে বলে গেলেন



—দেখ, ঘরে বসে সাধনা কর। এমন ক'রে ছুটো না। তখন আমার ভাইঝি মানে পদ্মনাভ-দাদার কস্তা বড় হয়েছে। কিছুদিন এই সময় স্থব্র হয়ে ছিলেন তিনি। তারপর এই মস্তান হল। মস্তানটি বছরখানেকের যখন তখন একদিন উধাও হলেন। শুনেছেন এক সাধু এসেছে, খুব বড় সাধু। দেখতে গিয়ে বাস মানুষ সেই গেল আর ফিরল না। এর মধ্যে কাণ্ড হল, ওঁর স্ত্রী আমার ভাইঝি মারা গেল। তারপর থেকে আমার বউদিদি, পদ্মনাভ-দাদার স্ত্রী, ওই নাটিকে নিয়ে মানুষ করছেন আর কাঁদছেন। দেখবার শুনবার মানুষ নাই। জমি জেরাত, মালের জোত নিলেম করালে জমিদার, মানে সরকার বাবুরা। এখন ব্রহ্মটুকু আছে। বাড়ীতে নারায়ণশিলা আছে। ওই পালেরা খুব অনুগত ওদের। ও বাড়ীর মহান্তক। ভাগে চাষ করে ষোলআনার উপরেও কিছু এনে দেয়। তাতেই চলে। বালকটিও অত্যন্ত স্থলীল মেধাবী, নবম বৎসরে উপনয়ন হয়েছে। ভক্তিমান, সুন্দর কাস্তি। আমি তাকে শালগ্রাম সেবাপূজা শিখিয়ে দিয়েছি। এখন পূজাও সেই করে। এই কোনরকমে চলছে আর কি! তা আপনি যখন এসেছেন তখন তার আর চিন্তা কি? এবার তার বৃহস্পতির দশা হল। শুধু একটা আপশোস হচ্ছে তিনি জলে ডুবলেন, সে সময় যদি একটা সংবাদ পেতাম তবে শ্রাদ্ধটা করাতাম।

সোমেশ্বর ষাড় হেঁট ক'রে রইলেন, তারপর বললেন—ওটা আমার অপরাধ হয়েছে। নিশ্চয় অপরাধ হয়েছে। তবে কি জানেন। আমার মনে হয়েছিল সংসারাত্মম ত্যাগী সন্ন্যাসী তো। তাঁর আবার শ্রাদ্ধ কি? তবে আমি সন্ন্যাসীর পারলৌকিক যা তা করেছিলাম।

শিবানন্দ বলেছিলেন—তা করবেন বইকি। নিশ্চয়, তাতে ক্রটি হবে কেন? রাজাতুল্য ব্যক্তি। গৃহে দেবতা অবস্থান করছেন। না, তা আমরা বলি নি। তবে ছেলেকে দিয়ে কিছু করানো যেত এই আর কি!

—এইবার করুন। শাস্ত্রে নিশ্চয় বিধি আছে। পতিত শ্রাদ্ধ উদ্ধার তো হয়! চলুন আমি একবার ছেলটিকে দেখে আসি।

—আপনি কেন যাবেন। সে আসবে।

—না—না। তার মাতামহীকে প্রণাম ক'রে আসব। দেখে আসব ঘরদোর। পদব্রজে শ্রামনগরের ঘুলো পায়ে মেখে সোমেশ্বর রায় এসে উঠেছিলেন পদ্মনাভ ভট্টাচার্যের ভাঙা ঘরে। ঘর তখন ভাঙাই বটে। নিদারুণ অর্থকষ্টের লক্ষণ গৃহস্থের গৃহস্থালীর সর্বান্তে ভগ্নদেহ রোগীর দেহের মত ফুটে উঠেছে।

সেই ভাঙা দাওয়ায় খুঁটি ধরে একটি সুকুমার কিশোর দাঁড়িয়েছিল বিস্মিত দৃষ্টিতে তাকিয়ে। পিছনে দাঁড়িয়েছিলেন তাঁর মাতামহী, মাথায় দীর্ঘ অবগুণ্ঠন।

সোমেশ্বর প্রথম দৃষ্টিতেই মুগ্ধ হয়ে গিয়েছিলেন। বাণীর মত নাক, আয়তটানা চোখ, গৌর-বর্ণ রঙ। দেখতে শ্রামাকান্তের মতই। তাঁর দাড়ি গোঁফ চুল ছিল বলে সাদৃশ্যটা অবিকল তা বোঝা যায় না তবে বললে সঙ্গ সঙ্গ মনে হবে হ্যাঁ, এই তো তার ছেলেই বটে।

সুলতা, এই টিকলো নাক আর টানা আয়ত চোখ এটা রায়বংশের নয়। এটা শ্রামাকান্ত

চট্টোপাধ্যায়ের বংশের। রায়বংশও সুপুরুষ বংশ। কিন্তু ওই ছবির দিকে চেয়ে দেখ—কুড়ারাম ভট্টাচার্যের, সোমেশ্বর রায়ের, বীরেশ্বর রায়ের রঙ গৌরবর্ণ কিন্তু নাকের ডগাটা মোটা, চোখ বড় হলেও টানা নয়, তার মধ্যে উগ্রতা আছে। কিন্তু রত্নেশ্বর রায়ের চোখ, তারপর থেকে আমাদের চোখ টানা, তাতে একটা মাদকতা আছে।

আঃ, যদি তুমি আমাদের বাড়ীর কোন মেয়েকে দেখতে স্থলতা তবে বুঝতে। অর্চনা, জগদীশ্বর-কাকার মেয়ে তার দৃষ্টি যেন মদির!

ঘড়িতে ঢং শব্দে আধঘণ্টা বাজল।

সুরেশ্বর বললে—ঘড়ির দিকে তাকিয়ে না। আমাদের ঘড়ির কাঁটা একশো পনের কুড়ি বছর পিছিয়ে গেছে।

যা বলছিলাম।

সোমেশ্বর যা করলেন তা যে করবেন তা নিজেও বোধ হয় ভাবেন নি। ছেলেটিকে কোলে তুলে নিলেন। কষ্ট তাঁর হয়নি। বত্রিশ তেত্রিশ বছর বয়স, সবল রায়বংশের পুরুষ, অনায়াসে এগার বছরের বিমলাকান্তকে কোলে তুলে নিয়ে বললেন—তোমার নাম কি বাবা।

—আমার নাম শ্রীবিমলাকান্ত দেবশর্মা চট্টোপাধ্যায়।

—কি নাম? বিমলাকান্ত?

—আজ্ঞে হ্যাঁ বাবু।

ছেলেটিকে কোল থেকে নামিয়ে দিয়ে বললেন—হে ভগবান। একেই বলে প্রাক্তন ভগবদ্ নির্দেশ। শ্রায়রত্নমশাই—

—আজ্ঞে!

—শ্রামাকান্ত যখন যাগযজ্ঞ করেন আমার সন্তানের জন্ম তখন যজ্ঞশেষে বলেছিলেন—কন্যা পুত্র যাই হোক নাম রেখো ব দিয়ে। আমার মেয়ের নাম বিমলা। ছেলের নাম বীরেশ্বর। তিনি ব দিয়ে নাম রাখতে বলেছিলেন। বিমলা রাখতে তো বলেন নি। সেটা তো আমি রেখেছি। তা—হলে?

রায়ব্রহ্ম বলেছিলেন—হ্যাঁ, যোগাযোগটা অদ্ভুত বটে।

—অদ্ভুত নয়, বিধিনির্দিষ্ট। বলেই হাতজোড় করে পদ্যনাভ ভট্টাচার্যের স্ত্রীকে বলেছিলেন—মা, ভিক্ষা চাইছি। আমার কন্যা বিমলার জন্ম আপনার বিমলাকান্তকে যে ভিক্ষা চাইছি মা। আমার মা এক কন্যা এক পুত্র সন্তান, আর হবে না। বিমলাকান্তের সঙ্গে বিমলার বিবাহ দিয়ে আমি সম্পত্তি দু'অংশে ভাগ করে দোব। ওকে কলকাতায় নিয়ে গিয়ে লেখাপড়া শেখাব। শ্রামাকান্ত আমার জন্ম যজ্ঞ করে পুত্র কন্যা বাঁচিয়েছেন, আমার বাড়ীতে গুরুত্ব মত পুরোহিতের কাজ করেছেন। মা, তাঁর আমলে আমার শ্রদ্ধার সীমা নাই। একসঙ্গে নৌকোডুবিতে ডুবলাম, আমি বাঁচাতে চেষ্টাও করি নি মা, নিজে সীতার কেটে কূলে এসেছি। ভাবি নি তাঁকে বাঁচাতে গিয়ে মরলেও আমার অক্ষয় স্বর্গ হত। এ আমার

মহাপাপ হয়েছে। সে পাপের প্রায়শ্চিত্ত করব মা, আমি বিমলাকান্তকে জামাই করে।

প্রোটা মাতামহী বলেছিলেন—ঘোমটার ভিতর থেকে ফিসফিস করে—সে ঘোমটার মুখে কান না-পাতলে শোনা যায় না। সোমেশ্বর বলেছিলেন—বিমলাকান্তের দিদিমা আপনি, আমি তার খন্তর হব হুতরাং আমি তো আপনার ছেলে মা। আমার সামনে কথা বলতে দোষ কি।

ঘোমটা-ঢাকা মাথাখানি ঘন ঘন নড়ে উঠেছিল—না। অর্থাৎ তা পারবেন না।

শিবানন্দ হেঁট হয়ে ঘোমটার গায়ে কান পেতে বলেছিল—তবে আমাকে বল আমি বলছি। তখন শিবানন্দকে বলেছিলেন—ওরে বাপরে, এর উপর আমি কি বলব? কি আছে বলবার। আমি তো বাঁচলাম। উনি আমাকে বাঁচালেন। কতটা স্বপনে বলেন—গিন্নী এস। তা আমি বলি এখন আমি পারব না। এইবার আমি নিশ্চিত। ওকে দিলাম। তবে দুটি কথা। আমি যতদিন আছি ওকে নিয়ে যাবেন না।

সোমেশ্বর বলেছিলেন—নারায়ণ, নারায়ণ। কালী, কালী। তাই পারি? তবে আপনি চলুন—

—ছি—ছি—ছি!

—কেন তীর্থস্থানে কালীঘাটে! আলাদা থাকবেন।

—তা আমার ঠাকুরসেবার কি হবে?

—হবে। যেমন চলছে তেমনি চলবে। পূজা ভোগ সবের ব্যবস্থা বিমলাকান্তের বউ যে হবে তার কাজ, তার ব্যবস্থা করবে সে।

—ভিটেটি থাকবে তো?

—নিশ্চয়, বিমলাকান্ত আমার জামাই হবে, আমার মেয়ে এই ভিটের বউ হবে—এ ভিটে না-থাকলে যে তাদের অকল্যাণ হবে।

—বেশ বেশ বাবা বেশ! যা করবে তুমি তাই হবে।

প্রণাম করে চলে এসেছিলেন সোমেশ্বর বজরায়। বাড়ী থেকে বের হতেই বৃদ্ধার কান্না শুনে পেয়েছিলেন, ওরে মা রে—ওরে বাবা শ্রামাকান্ত রে, কোথায় তোরা গেলি রে মানিক, ওরে তোদের বিমলাকান্ত রাজা হল রে, একবার এসে দেখে যা রে।

চোখের জল মুছেছিলেন সোমেশ্বর। এবং তিনদিনে শ্রামাকান্তের শ্রাদ্ধ করিয়ে শ্রাদ্ধান্তে বিমলাকান্তকে আশীর্বাদ করেছিলেন। একজন চাকর একজন কর্মচারী রেখে বাড়ী মেরামত করবার বন্দোবস্ত করেছিলেন। চাকর মানে সর্বক্ষণ-স্থায়ী চাকর নয়, ভগবান পালই ওদের তিন পুরুষের জোতদার, ভাগে জমি করে, তাকে ডেকে আনিয়ে মাসে দেড় টাকা মাইনের ব্যবস্থা করেছিলেন। একজন বিধবা ব্রাহ্মণকন্যাকে বাড়ীর রান্নার জগ দেড় টাকা বেতনে নিযুক্ত করেছিলেন।

বিবহু-সম্পত্তি কি আছে কি গেছে তাও খোঁজ নিলেন। খাজনার জোত সবই গেছে। ব্রহ্মজ আছে সামান্য। সোমেশ্বর গিন্নীকে পাঠালেন জমিদারবাড়ী। পুস্তনীদার সরকারবাবুদের বাড়ী সন্নিহিত, শ্রামনগরের একটা মাঠ পার হয়ে রাধানগর। শ্রামনগর

রাধানগর দুটি মৌজা মিলিয়ে লোট যুগলপুর। এর জমিদারেরা প্রাচীন, পরগনা গোকুলশাহী, নবানী আমলের দানেশমন্ড গেতানধারী রাজার এলাকা। কিন্তু দশশালা বন্দোবস্তের পর ‘মানসেট ল’য়ের আমলে পরগনা রাখতে পারেন নি। কিছু কিছু মৌজা লট অষ্টম আইন হতেই পত্তনী বন্দোবস্ত করেছেন। যুগলপুর লট বন্দোবস্ত নিয়েছে এখানকার সরকাররা। জাতিতে কায়স্থ। পেশা পূর্বে ছিল ওই পরগনাতেই তহশীলদারী। এখন পত্তনী সঙ্গে জমিদার। পাকা হিসেব, গোমস্তা থেকে জমিদার। এবং মহাজনীও করেন।

বলতে গেলে স্থলতা, আমার পূর্বপুরুষ কুড়ারামেরই জাতের লোক তবু তফাৎ একটু আছে। ভারত অধীশ্বর যদি সিংহ হয় তবে ভূস্বামী বৃদ্ধ বাঘের জাত। কুড়ারাম ছিলেন চিতা। আর এরা নেকড়ে বলা যায়। যারা কোল থেকে ঘুমন্ত ছেলে তুলে নিয়ে গেলে জানতে পারা যায় না। আমি জমিদারবংশের ছেলে—আমার কাঁধের উপর ভারীদের মত হৃদিকে মস্ত ভারী দুটো ভার। তার একটাতে ভাল কাজের বোঝা আছে, অন্যটায় হয়তো তার থেকেও ভারী মন্দ কাজের বোঝা আছে। সেই আমিই বলছি এদের মাথায় একটা মোট ছিল, সেটা মন্দ কাজের মোট। বগলে ভিক্ষের ঝুলির মত একটা ঝোলা আছে তাতে ভাল কিছু নিশ্চয়ই থাকবে। না থাকা হতেই পারে না।

ঝুলিটার মধ্যে যা ছিল সেটা হল দেব-দ্বিজে মৌখিক ভক্তি। ভূমিষ্ঠ হয়ে প্রণাম করার পুণ্য, কপালে তিলক কাটতেন—তার পুণ্য। মধ্যে মধ্যে ব্রাহ্মণভোজন করাতেন এবং উচ্ছিষ্ট পাতা-গুলি বিতরণ করতেন ব্রাতাদের। কীর্তন গান শুনে কাঁদতেন। এগুলি কৃত্রিম ছিল তা বলছি না। অকৃত্রিমই ছিল।

অন্যদিকে অর্থাৎ মোটটায় ছিল অনেক কিছু। সেগুলো মোটা ভারী কিছু ছিল না। খুন-থারাবী দাঙ্গা ঘর জালানো এসব ছিল না। কিন্তু হিসেব যোগটি ছিল জেঁকের মত। তাই-ব কেন ওই নেকড়ের মত।

কোন ব্রাহ্মণ প্রজা এলে তাঁর পদধূলি নিয়ে প্রণাম করত, যত্ন করে খাওয়াতো। তারপর হৃদ মাপের সময় হাতজোড় করে বলত—ওইটি পারব না। টাকা ধার করতে এলে সম্পত্তির খোঁজ-খবর নিয়ে ‘কটে’ টাকা দিত। কট মানে ব্যারিস্টারের বাড়ীর মেয়ে তোমার বোঝা উচিত। তবে কট আর নেই। কট ছিল মেয়াদী বন্ধকী। দশ বছর, পাঁচ বছর সময় নির্দিষ্ট থাকত, তার মধ্যে টাকা শোধ দিতে হবে। না দিলে মেয়াদ-অন্তে ওই ধারের দলিলই বিক্রী দলিল হয়ে যাবে।

এই সরকারেরাই বিচিত্র কোশলে বিমলাকান্তের মাতামহের জোতগুলি খাস করে নিয়েছে। সরকারদের আয় বিশেষ ছিল না। হাজার চারেক টাকা জোত। তবে প্রজার বাড়ীর চালের লাউ-কুমড়ো, শাক-আড়ার শাক, গরুর দুধ, পুকুরের মাছ প্রভৃতির একটা রাজভাগ বণে ভাগ নিয়ে মন্দ চলত না। ছেলেরা শুধু ছুধে-ভাতেই মানুষ নয়, মাছে-ভাতেও বেশ প্রোটিন পুষ্ট দেহ। মাংসটা খেতো না কারণ বৈষ্ণব।

সোমেশ্বরের আগমনবার্তা শুনে তাঁরা নিজেরাই এলেন। সে কি কথা ব্রাহ্মণ। রাজতুল্য ব্যক্তি! তিনি এসেছেন, পদার্পণ করেছেন আমার ভূমিতে, দেখা করতে যাব না! .

যাবার সময় চাদরের খুঁটে হিসাব করে পুরাতন জমির জন্ম সুদসহ পাওনা এবং নতুন এতশত বিঘা জমির মূল্য বা সেলামী হিসাব করে—প্রায় চার হাজার টাকা—বেঁধে নিয়ে চলে গেলেন। বলে গেলেন—হরি বোল হরি বোল। গোবিন্দের মহিমা কাকে যে কখন কি করেন এক তিনি ছাড়া কেউ বলতে পারে না। জয় গোবিন্দ, জয় গোবিন্দ।

বৃদ্ধ সরকারের একটি চোখ টারা ছিল। কোনটি তা খবর পাইনি। পরবর্তী কালে বীরেশ্বরের একখানি চিঠি পেয়েছিলাম। লিখেছিলেন গোমস্তাকে, ওই লোকটা যেন আমার কাছে না আইসে। তাহাকে দেখিলেই আমার ক্রোধ হয়, চোখটা গালিয়া দিতে ইচ্ছা হয়।

এই লাট যুগলপুর বিক্রী করেছিল সরকারের বীরেশ্বর রায়েকে।

এই ঘটনার প্রায় একত্রিশ বছর পর। ১৮৬২ সাল। মিউটিনীর পর। তখন ইংলণ্ডেশ্বরী ভারতেশ্বরী হয়েছেন।

যাক সুলতা, সে কথায় পরে আসব। সে একত্রিশ বছর পরের কথা। ১৮৩১ সালে বিমলা-কান্ত চট্টোপাধ্যায়ের সঙ্গে বিমলার বিবাহ হয়ে গেল। সে বিবাহ মহাসমারোহের বিবাহ। তার থরচের অকটাই আছে জমা-খরচের খাতায়, বিশদ বিবরণ কোন কাগজপত্রে নেই। বেঁচে আছে লোকের মুখে মুখে, আর কয়েকটি নিদর্শনে।

রায়বাড়ীর খিড়কীতে দুধপুকুর হয়েছিল। সোমেশ্বরের বিয়ের সময় বধু কাত্যায়নী তাতে স্নান করবেন। এবার কাটানো হয়েছিল বিমল সায়র—কণ্ঠা বিমলার বিবাহে। বিমলা কণ্ঠা। তার গ্রামে বের হতে লজ্জা নেই। তাই কাটানো হয়েছিল ঠাকুরবাড়ীর পিছন দিকে। ঠাকুরবাড়ীর সামনে ‘মায়ের পুকুর’ কালীমন্দির প্রতিষ্ঠার সময় কাটানো হয়েছিল। সে পুকুরে স্নান করত পুরুষে মেয়েতে সকলে। জলও খেতো। এবার কাটানো হল বিমল সায়র। এ সায়রে স্নান করবে গ্রামের মেয়েরা। তবে হাড়ি বাউড়ী ব্রাত্যদের মেয়েরা নয়। দু দিকে দুটো ঘাট বাঁধানো হয়েছিল। সে বাঁধাঘাট এখনও আছে। রানাপুলো ভেঙেছে, সিঁড়ি পায়ে পায়ে ক্ষয়ে গেছে, তবুও আছে। এখনও বিমল সায়রই গ্রামের সব থেকে ভাল পুকুর।

আর সে খাওয়া-দাওয়ার গল্প কাহিনীর মত এখনও লোকের মুখে মুখে আছে। মেয়ের বিয়েতে একটা পর্ব ছিল ক্ষীর চিঁড়ে। ক্ষীর চিঁড়ে কলা গুড় দিয়ে সধবাদের খাওয়ানো হত। সোমেশ্বর ক্ষীর চিঁড়ে করেছিলেন; তার গল্প করে লোকে বলে—ক্ষীর ছিল খুসবু ক্ষীর, গন্ধে মৌ-মৌ করেছিল নাটমন্দির। যারা খেয়েছিল তারা সারাটা দিন খুসবু ভরা ঢেকুর তুলেছিল। চিঁড়ে ছিল গোবিন্দভোগ ধানের, যে ধানে যখন শীষ বের হয় তখন গোটা মাঠটা সুগন্ধে ভরে ওঠে। তাছাড়া কলকাতার সন্দেশ মিষ্টি; তখন কলকাতায় নতুন রসগোল্লা হয়েছে, পাণ্ডয়া হয়েছে। গ্রামের লোক খায়নি। তার সঙ্গে মর্তমান কলা। দেশের মিষ্টি ছিল মণ্ডা আর বোদে। মণ্ডা বলতে চিনির ঢেঁলা।

বহুবল্লভ পাল গ্রামের প্রবীণতম চাষী সদগোপ। সে আমার কড়চার অনেক উপকরণ



যুগিয়ে দিয়েছে। সে শুনেছিল তার বাপ-মায়ের কাছে, ঠাকুমার কাছে। পাল এখন ঘোষ উপাধি নিয়েছে। সে বলেছিল, বাবু, মণ্ডা মানে চিনির ঢেলা, বাড়ীতে ভাঁড়ে থাকত। কখন আসে কুটুম-সজ্জন অতিথি-ফকীর, মাসাবধি থাকলেও গন্ধ হত না। কিন্তু যার দাঁত ভেঙেছে তাকে চুষতে হত। যার নড়া দাঁত তারও জলে গুলে খেতে হত। একবার ওই ঘোষলবাড়ীতে, যিনি আপনাদের নায়েব গো, তার বাড়ীতে এক রাগী বামুন এসেছিল দুপুরবেলায়। তাকে দিয়েছিল মণ্ডা। ব্রাহ্মণ কামড় মেরে বেকুব, নড়া দাঁত ছিল, মট করে গেল ভেঙে, তেষ্টা-ক্ষিধের সময় দাঁত ভেঙে ব্রাহ্মণ আগুন। সেই মণ্ডা নিয়ে ছুঁড়ে মেরেছিল গেরস্ত কড়ার কপালে। কপাল কেটে রক্ত পড়ল, মণ্ডা ভাঙল না।

আর গল্প আছে অন্দরমহলের সঙ্গে জোড় লাগিয়ে আর এক মহল অন্দরের পত্তন। কন্যা-জামাতার জন্তে আর এক মহলের বনেদ গোড়া হয়েছিল ওই বিয়ের অষ্টমঙ্গলের মধ্যে। এ কথাটা চলিত আছে কীর্তিহাটে।

অষ্টাহব্যাপী উৎসব। বান্ধি নাচ, খেমটা নাচ, তার সঙ্গে বহুবল্লভ পাল বলে—এসেছিল বাবু তর্জা গান! মহাদেব মোদক আর কেষ্ট ঘোষ। বাবার কাছে শুনেছি, তিনি ত্যাখন বালক। বুয়েচেন, মহাদেব মোদক এই কালো রঙ আর শিবের মত ডাগর রাঙা রাঙা চোখ। আর ধবধবে সাদা মাথার চুল। তেমুনি এক জোড়া সাদা মোচ। নেপুর পায়ে দিয়ে কি নাচন ধুয়ো ধরেছিল।

নেচে নেচে আয় রে আমার কেষ্ট নীলমণি  
যতনে তোমার পিঠে পটপটাপট লাগাই পাচনী।  
রাজাবাবুর মেয়ের সাদৌ      পাত্র ব্রাহ্মণ কুলের নিধি  
নিখুঁত আচার বেদ বিধি তার সাথে নাচে যবনী  
বেটা তোর তার পিছে কিসের ঘুরঘুরানি  
পিঠে তোর লাগাই পাচনী!

তর্জা গানে সাধারণ লোকে মেতে গিয়েছিল। এখনও লোকে ওই কয়েক ছত্র মনে করেই রাখে নি শুধু, গান করেও গেয়ে থাকে। চাষের সময় মাঠে গেলে চান্দীর মুখে শোনা যায়, আমি শুনেছি।

একটা হাসির কথা এর সঙ্গে আছে। পাঁচ বছরের বীরেশ্বর খুব কেঁদেছিলেন। বলেছিলেন দিদির বিয়েতে সব হয়ে গেল তো আমার বিয়েতে কি হবে?

\*

\*

\*

এর পর জামাই ছেলেকে নিয়ে—ছেলে জামাইয়ের শিকার জন্ত বাধ্য হয়ে—কাতারানীকে যেতে হয়েছিল কলকাতা।

গ্রামের গল্প এখানেই ফুরিয়ে গেছে। কিন্তু চার বছর পর সোমেশ্বর আবার সপরিবারে এসেছিলেন কীর্তিহাটে। শুধু জামাইকে রেখে এসেছিলেন কলকাতার, সে তখন কলকাতার

হিন্দু কলেজে পড়ছে। বয়স পনের বছর। মেয়ে বিমলার বয়স বার। সে তখন অন্তঃসত্ত্বা হয়েছে। আর সঙ্গে সঙ্গে মাথার দোষ দেগা দিয়েছে। শিউরে উঠেছেন সোমেশ্বর এনা কাত্যায়নী। মা ছাড়া এ বিপদে উপায় কি? এ ছাড়াও সোমেশ্বরের আর একটা টান ছিল। নীলকর রবিনসন তখন নীলের কুঠীতে লাভ করে ব্যবসা বাড়াচ্ছে। একটা কুঠী থেকে তিনটে কুঠী করছে। নতুন কুঠীর একটা এখানেই মাইল দুয়েক দূরে। আর একটা শ্রামনগরে। শ্রামনগরের সরকারেরা তখন অবস্থায় ঘায়েল হয়েছে। তাদের সঙ্গে রবিনসনের যোগাযোগ সোমেশ্বরই করে দিয়েছিলেন। এবং অগা দিকে তাঁর ঝোক পড়েছে নতুন নতুন ভূসম্পত্তি কেনার উপর। দারকানাথ ঠাকুর মশায়ের মত পরগনা কেনার ঝোক তাঁর ছিল না। ছিল বাছাই করে লাট মোজা খরিদের। নতুন ম্যানেজার গিরীন্দ্র আচার্য বিচক্ষণ লোক, তাঁর পরামর্শে তিনি কিনেছিলেন সেই সব মোজা যে সব মোজায় পতিত আছে বেশী। পতিত আবাদ করিয়ে বিলি করে তা থেকে মোটা লাভ হবে।

৮

স্বশ্রের বললে—শ্রলতা, তুমি নিশ্চয় জান, অন্ততঃ এম-এল-এ স্ববোধবাবুর বক্তৃতায় শুনেছ, পশ্চিম বাংলায় জমিদারেরা পার্মানেন্ট সেটেলমেন্টের সময় প্রজার কাছে খাজনা আদায় করে কোম্পানী সরকারকে দিত তার ২০ ভাগ, নিজেরা পেত ১০ ভাগ। সেই স্থলে তারা ক্রমে খাজনা বাড়িয়ে যে আয় করেছিল বা করেছে তাতে এখন সরকারের ভাগ হয়েছে ২১, জমিদার লাভ করে ৭৯। বাংলার সরকারের রাজস্ব আয় এখন এক কোটি বারো লক্ষ—আর জমিদারের আয় সাত কোটি উনআশী লক্ষ। তার পথ আবিষ্কার করেছিলেন যারা, তাঁদের মধ্যে সোমেশ্বর একজন।

সোমেশ্বর এতেই মেতেছিলেন।

জামাই কলকাতায় পড়ছিল। জামাই বিমলাকান্ত সুপুরুষ, শাস্ত বুদ্ধিমান। তার সম্বন্ধে তাঁর চিন্তা ছিল না। কাত্যায়নী কিন্তু বলতেন—বিমলের সম্পর্কেই ভাবনা আমার। ও চালকলা-বাঁধা বামুনের ছেলে, ছেলেবেলায় যজমান চরিয়েছে তো। বিমলাকে যদি আমার রোগেই পায় তবে কুলীনের বেটা সংস্কৃতজানা যজমান-চরানো ছেলে ও কি—?

অর্থাৎ ও কি আবার তাহলে বিয়ে না করে সেবাদাসী বাঈজী নিয়ে সন্তুষ্ট থাকবে? আমি যে মাথায় মাথায় ভাবছি গো।

তারপর ছেলে বীরেশ্বরকে দেখিয়ে বলতেন, আর দেখ না, এই ভটচাষি থেকে রায় হওয়া হারামজাদাকে দেখ না! সেই যে না, হিন্দুর ছেলে মুসলমান হলে কালাপাহাড় হয়, ঠিক তাই। একেবারে মেলেচ্ছ হল।

নয় বছরের বীরেশ্বরের সঙ্গে রবিনসন সাহেবের ছেলে জনি, জন রবিনসনের খুব ভাব হয়েছে। তার বোন মেরীর সঙ্গেও ভাব। সে সকালবেলা উঠেই টাট্ট ঘোড়ায় চড়ে চলে যায় কুঠী-বাড়ীতে। বেলা বারোটায় এসে থায়। তাতেও তার আপত্তি। ওখানে থাকে না কেন?

ওখানে সে জনির সঙ্গে হটোপুটি করে, গুলিতে শিকার করে। বন্দুক নিয়ে বড় রবিনসন শিকার করে, সঙ্গে সঙ্গে ফেরে। বীরা, বীরেশ্বরকে পাদরী হিল সাহেব বলে, বীরা ; বীরা হেলে সাপের লেজ ধরে ঘুরপাক খাইয়ে ওদের বিশ্বয় অর্জন করে বীর হয়ে ওঠে।

মায়ের কথা শুনেতে পেল সে কৈশোরে যায়, বলে, খবরদার, হারামজাদা তুমি বলবে না।

মা বলত—বললে কি করবি রে হারামজাদা !

প্রথম প্রথম আপন মনে গজগজ করত সে, তারপর বলত, তাহলে তোমাকেও বলব হারামজাদী।

প্রথম দিন শুনে রাগে অজ্ঞান হয়ে গিয়েছিলেন তিনি।

সেবারেই বিমলার প্রথম সন্তান হল—হল সেই কাত্যায়নীর মত মরা ছেলে। শিউরে উঠলেন কাত্যায়নী।

মেয়েকে নিয়ে কলকাতায় এসে ভাস্কর দেখিয়ে কাত্যায়নী ফিরে গেলেন। রেখে গেলেন জামাইয়ের সেবার জন্ত একটি—

হেসে স্বরেশ্বর বললে—কি বলব স্নাতা। খারাপ কথা একটু ভাল কথায় ঢেকে বা গিটি দিয়েই বলি। রেখে গেলেন একটি ‘তাম্বুলকরক বাহিনী’। কলকাতার বাড়ীর নায়েব বা ম্যানেজারকে ডেকে শলাপরামর্শ করে ষোল বছরের জামাইয়ের জন্ত একটি ষোড়শী মেয়েকে রেখে গেলেন। তার মাসোহারার বন্দোবস্ত করে, টাকা মাস কয়েকের অগ্রিম দিয়ে গেলেন। এবং তার কর্ম কি তাও বুঝিয়ে দিলেন।

অনেক ভেবে-চিন্তে করেছিলেন।

তঁার লেখা একখানি চিঠি আছে, তাতে লিখছেন—কুলীনের ছেলে তত্পরি ভট্টাচার্য বংশের পুত্র পাগল বিমলাকে লইয়া ঘর না করিয়া পলায়ন করিয়া বিবাহ করিলে কি করিব ? এই সমুদয় চিন্তা করিয়া তাহাকে বাঁধিয়া রাখিবার জন্ত সেবাদাসী রাখাই স্থির করিলাম। আপনার জন্ত বিধবা ব্রাহ্মণ কন্যা রাখিয়াছিলাম, কিন্তু কলিকাল পূর্ণ হইয়াছে, ওদিকে ব্রাহ্মধর্ম অনাচার শুরু করিয়াছে। আবার বিধবা-বিবাহের হুজুগ উঠিয়াছে। সুতরাং ব্রাহ্মণকন্যা ভয়ে রাখিলাম না। মুসলমান বান্ধুজী রাখিলেও বিষয় বিপদ ঘটতে পারে। যদি মুসলমান হইয়া যায়। অগত্যা নানাবিধ শলাপরামর্শ করিয়া ও খোজ করিয়া একটি বেঙ্গাল-কন্যাকেই পছন্দ করিলাম। মেয়েটির মা অত্র কলিকাতার বিখ্যাত ঘোষালবানুদের বাড়ীর বড়কর্তার বাঁধা থেমটাওয়ালী।

চিঠিখানা সোমেশ্বর রায়ের চিঠির দপ্তর থেকে পেয়েছি। যা ছিল ওই সিন্দূকের মধ্যে।

বাড়ী এসে কাত্যায়নী চারিদিকে খোজ করতে লাগলেন সাধু-সন্ন্যাসীর—বিশেষ করে তান্ত্রিক সাধুর। তান্ত্রিক গ্রাম্যকাস্তের ওষুধ এবং যাগ-যজ্ঞের ফলে তাঁর অসুখ ভাল হয়েছে। সুতরাং তাঁর দৃষ্টিতে ওছাড়া পথ দেখতে পান নি। তান্ত্রিক গ্রাম্যকাস্ত তাঁর কিছু ওষুধ গ্রামের বায়েনদের দিয়ে গেছেন কিন্তু সে-সব জর-জড়ির ওষুধ আধ-কপালে মাথাধরার ওষুধ ; বক্যা মেয়ের সন্তান হয় এমন জড়ি বুটি ওষুধও তারা জানে। কিন্তু মৃতবৎসাদোষ সারে, মাথার পাগলা-মির ওষুধ—এ তারা পায় নি।

ওদিকে ঘটেছিল বিপর্যয় !

জামাই বিমলাকান্ত পলাতক হয়েছিলেন কলকাতা থেকে। একেবারে এসে উঠেছিলেন মাতামহের ভিটেতে। মাতামহী তখন গত হয়েছিলেন বৎসর দুয়েক পূর্বে। ঘর-দোর অবশ্য সোমেশ্বর রায়ের বন্দোবস্তেই সুরক্ষিত ছিল। সোমেশ্বর রায় ঘর-দোর মেরামত করিয়েছিলেন, নতুন কোঠাঘর করিয়েছিলেন, যে ঘর পাকাঘরের মতই অথচ তার থেকেও আরামদায়ক। পাকা বারান্দা, পাকা মেঝে, চুনকাম করা দেওয়াল, শুধু চালই খড়ের। ইচ্ছে ছিল পাকা ঘরই করিয়ে দেবেন। কিন্তু আপত্তি হয়েছিল দু দিক থেকে। প্রথম স্ত্রী রাজকুমারী কাত্যায়নী দেবীর দিক থেকে, বলেছিলেন, না। তারপর মুখ নেড়ে বলেছিলেন--ঘটে যদি বুদ্ধি থাকে তবে এসব কি খুলে বলতে হয়? জন জামাই ভাগনা তিন নয় আপনা। মেয়ের বিয়ে হলেই মেয়ের আবার মান বাড়ে। এখানে একটা কিছু হবে আর পাকাবাড়ী থাকলে হনহন করে গিয়ে ঘরে উঠে থিল দেবে। পাকা ঘরে বাস করে খড়ের চালে মানুষ থাকতে পারে না। মনে হয় সাপে কামড়াবে, আগুন লাগবে, ঝড়ে উড়বে। ও থাক।

আর আপত্তি করেছিলেন বিমলাকান্তের মাতামহী, ও থাক বাবা। পাকা ছাদ ঘর করতে নেই। ও গরমে মানুষকে পচিয়ে দেয়। তোমার বাড়ীতে মহল করে দিয়েছ সেই ঢের। এই ভট্টাচার্যের ভিটেতে ওটা কর না।

বিমলাকান্ত পাকাবাড়ীতে বেশ ক বছর থেকেও ওখানে গিয়ে থাকতে অস্ববিধা বোধ করেন নি। আসবার সময় খণ্ডরকে চিঠি লিখে এসেছিলেন, সে চিঠি আমি পেয়েছি। লিখেছিলেন, ভক্তিপূর্বক অসংখ্য প্রণামান্তর নিবেদনমিদং পরে লিখি যে, আমি অগুহী শ্রামনগর রওনা হইতেছি। অতঃপর স্থির করিয়াছি যে, সেখানেই জীবন নির্বাহ করিব। এ ধনৈশ্বর্য, এ সম্ভোগ আমার কোনমতেই সহ্য হইতেছে না। সারমেয়ের ঘৃত যজ্ঞপ সহ্য হয় না, তজ্জপই বলিতে হইবে। কিন্তু আমি ভট্টাচার্য ব্রাহ্মণ ঘরের সন্তান। আমার পিতা সাধক ছিলেন। মাতামহ ক্রিয়াবান শাস্ত্রজ্ঞ ব্যক্তি ছিলেন। আমি বাল্যকালে ভক্তিমতী ভট্টাচার্য-গৃহিণী মাতামহীর নিকট যে সকল শিক্ষা লাভ করিয়াছি তাহা বিন্মত হইতে পারিতেছি না। উপনয়নের পর আমিও স্বহস্তে 'নারায়ণশিলা'র সেবা করিয়াছি। ইহার পর এবশ্বিধ রাজৈশ্বর্য বাদশাহী, স্নেহসুলভ ভোগ আমার জন্ম নহে। বাল্যকালে কোন কদাচার হইলে মাতামহী বলিতেন, কদাচার করিলে ব্যাধিগ্রস্ত হয়, কুষ্ঠরোগ হয়। তাহা আমার পক্ষে বিভীষিকার সৃষ্টি করিয়াছে। যাহাই হউক অতঃপর গৃহে থাকিয়া শাস্ত্রচর্চা ও কুল-কর্ম করিয়াই কাল কাটাইব। পূজ্যপাদ মহাশয়, আমার কোন অভাবও রাখেন নাই। শ্রদ্ধামাতাঠাকুরাণী আমার জন্ম 'দৃষ্টিস্তাগ্রস্ত হইয়া মদীয় মনোরঞ্জন এবং পরিচর্যার জন্ম গীতবাতনৃত্যকুশলা পরিচারিকা নিযুক্ত করিয়া দিয়া গিয়াছেন। ওদিকে হিন্দু কলেজেও আমার জীবন প্রায় অতিষ্ঠ হইয়া উঠিয়াছে। মহাশয়ের ইহা অগোচর নহে যে, তত্ত্ব ছাত্রবৃন্দের মধ্যে পরলোকগত ভিরোজিও সাহেবের মতাবলম্বী ধর্মবিশ্বাসহীন অনেক ছাত্র আছে। তাহার। মদ্যপান করে, গো-মাংস ভক্ষণ করে। তাহার। আমার মতামতের জন্ত ব্যঙ্গ করে, অনেক সময় আমার পিরানের পকেটে উজ্জিষ্ট হাড় ভরিয়া দেয়। জোরপূর্বক

মণ্ডপান করাইবার জন্ত টানাটানি করে। আমি তাহাদের সহিত কসহে অপারগ। তাহার উপর এই পরিচারিকা নিয়োগকরণের জন্ত আমি সব অঙ্ককার নিরীক্ষণ করিতেছি। ধর্ম চরিত্র গেলে আর কি থাকে মহেশ্বরের? সুতরাং আমি শ্রামনগর রওনা হইতেছি। স্বক্ৰমাতাকে চিন্তা করিতে নিষেধ করিবেন। চিন্তার কোন কারণ নাই। আমি শপথপূর্বক কহিতেছি যে বিমলার অবস্থা যে মতই হউক না কেন, আমি দ্বিতীয় দারপরিগ্রহ কদাপি করিব না। ইহা ত্রিসত্য বলিয়া কহিতেছি। করিলে আমার চতুর্দশ পুরুষ নরকস্থ হইবেক। আমাকে যখন স্মরণ করিবেন তখনই শ্রীচরণে গিয়া হাজির হইব। কেবলমাত্র ধর্মাচরণ ও ধর্মরক্ষা হইলেই হইল। মহাশয়ের শ্রীচরণে আমার অসংখ্য কোটি প্রণাম নিবেদন করিতেছি। পরমারাধ্যা পূজনীয় স্বক্ৰমাতার চরণে—ইত্যাদি ইত্যাদি—।

পত্রখানি আশ্চর্যই শুধু মনে হয় নি আমার স্থলতা, একটি সত্যও আমি প্রত্যক্ষ করেছি। কোন দেশের সকল মানুষই পতিত হয় না। কোন ধর্মের এমন বিকৃতি কোন কালে ঘটে না, যাতে সব মানুষ বিকৃত হয়ে যায়। কোন কালেই এমন প্রমাণ নেই যা একটা জাতির সাধনার সবটুকুকে গ্রাস করে অবশেষে যা ফেলে রাখে তার সবই আবর্জনা। সেই কারণেই আজ মানুষ মাটি খুঁড়ে চলেছেই এবং তাদের মিলছেও অতীতের ধনরত্ন। সেকালে বিমলাকান্তের মত কিছু লোক ছিলেন। রেভারেন্ড কৃষ্ণমোহনদের দলকে যে গুড়ুম সভা মারধোর করেছিল, তাদের যত অপরাধই থাক, এদের ছিল না। আর গুড়ুম সভার বলেই সেদিন জাতটা বাঁচে নি। বেঁচেছিল এদের জোরেই।

স্থলতা হেসে বললে—মতপার্থক্য থাকতে পারে।

—অর্থাৎ একে তুমি বাঁচা বল না। বল ভূতের উপদ্রবে জীবনের মৃত্যু।

স্থলতা বললে—বললে ঝগড়া বাধবে, তর্ক উঠবে। তা করতে আমি আসি নি। আমি শুনেতে রয়ে গেলাম, তাই বল।

—বলছি। তবে সেদিন পথের মোড় না-ফিরলে গোটা জাতটাও ক্রীশ্চান হয়ে যেতে পারত। এবং তাতে সম্ভবত তোমার মতে ভালই হত। আমরা তখন থেকেই কোটপেন্টালুন পরতে শিখতাম। মন্দিরগুলো গির্জা হয়ে যেত। তার সঙ্গে মসজিদগুলো যেতো কিনা আমার ঘোরতর সন্দেহ আছে। তাহলে তোমরা ভারতবর্ষের স্বাধীনতা-আন্দোলন করতে না, করত এই মসজিদ-ওয়ালারা। তোমরা ক্রীশ্চান হয়ে সাদা গুরুদের অনুগমন করতে।

—না। কিন্তু ও রাখ সুরেশ্বর। বল, কড়চার কথা বল। আমি অবশ্যই বিমলাকান্তের এ আশ্চর্য দৃঢ়তা ও চরিত্রবলের প্রশংসা করছি, নমস্কার জানাচ্ছি। চরিত্র যেখানে বড় হয়ে ওঠে সেখানে যা ধরেই সে উঠুক না কেন তাই সত্য, তাই শ্রদ্ধা, তাই প্রগ্রেসিভ।

—আর ঝগড়া রইল না। মিটিয়ে ফেললে তুমি। হাসলে সুরেশ্বর। তারপর শুরু করলে—এর পর তুমি যা বললে, তাই হল অর্থাৎ জিতলেন বিমলাকান্তই। জমিদার সোমেশ্বরের বজরাটা সেদিন আবার রওনা হল শ্রামনগর। এবার তিনি একা নন, সঙ্গে শ্রীরাজকুমারী কাত্যায়নী দেবী এবং জমিদার-কন্যা বিমলা। গেলেন না কেবল বীরেশ্বর। তিনি বাড়ীতে ছিল সাহেবের কাছে রইলেন। রবিনসন সাহেবের কুঠীতে গিয়ে জনি



রবিনসনকে নিয়ে পাখী শিকার করে বেড়ালেন। তখন বন্দুক ছুঁড়তে শিখেছেন তিনি।

সোমেশ্বর এবং কাত্যায়নী গিয়ে জামাইকে বলেছিলেন—বাবা, তুমি দেবতা। আমরা বুঝতে পারি নি। ইষ্টদেবতার নামে শপথ করে বলছি বাবা, তোমার রান্না আর রাজরাজেশ্বর প্রভুর রান্না একরকম পবিত্রতার সঙ্গে হবে।

বিমলাকান্ত লজ্জিত হয়েছিলেন। এবং এসেও ছিলেন। বিমলা নাকি হাত ধরে বলেছিল, যাবে না তুমি? আমি কি করে থাকব?

এর পর সোমেশ্বর বাড়ীতে জামাতা ও পুত্রের সংস্কৃত পড়ার জন্ত পণ্ডিত এবং পার্শ্বী পড়ার জন্ত মোলবী রেখেছিলেন, ইংরিজী শেখাতেন ওই পাদরী হিল সাহেব। কড়াই বাটা আর ভাত পরিতোষ সহকারে খেয়ে ভিক্টোরিয়া যুগের খাটি ইংরিজী শেখাতেন। পণ্ডিত লোক ছিলেন।

তিনি বলতেন, বীরা দি ইণ্টেলিজেন্ট, বিমলা দি ডিলিজেন্ট। বিমলা খুব বড়া পাণ্ডটা হইবে। কিন্তু জিমিডার হইতে পারিবে না। বীরা জিমিডার হইবে। বিমলা টুমি যডি—শেষটা বলতেন না। কি সেটা তুমি অনুমান করতে পার। অর্থাৎ ক্রীষ্টান!

\*

\*

\*

মূলত, একটা সিগারেট খেয়ে নিই। একটু জলও খাব। বকেছি অনেক না? দাও, জলের গ্লাসটা অনুগ্রহ করে এগিয়ে দাও।

সিগারেট ধরিয়ে এক রাশ ধোঁয়া গিলে মুখে-নাকে উদগরীণ করে স্বরেশ্বর বললে, এইমত উপকরণের মধ্য থেকে সেই অস্থখের মধ্যে ফুরসীতে তামাক খেতে ইচ্ছে হত। পাঁচ-ছ দিন জরে ভুগেছিলাম। তার মধ্যে মেজঠাকুমা আমাকে তাঁর ঠাকুরমার ঝুলি প্রায় উজার করে ঢেলে দিয়েছিলেন। এবং একদিন ডেকে এনেছিলেন জ্ঞাতি ভট্টাচার্যদের প্রবীণতম ব্যক্তিটিকে। তিনি সম্পর্কে তাঁর স্বত্তর হতেন। মেজঠাকুরদার থেকে বয়সে বড়। প্রায় আশির কাছাকাছি বয়স। ডেকেছিলেন আমার নাড়ী দেখতে। তিনি নাড়ী দেখে বলে দিতে পারেন, জ্বর কদিন থাকবে, কবে ছাড়বে। তিনি নাড়ী দেখে বলেছিলেন, সাদা জ্বর বউমা। ভয় নেই। পাঁচ দিন ভোগ। তবে কুইনিন যদি ফোঁড়ো তবে এক-আধ দিন কম হবে।

হয়েছিল তাই। কুইনিন ইঞ্জেকশনে তিন দিনে জ্বরটা বেমকা ছোট ঘোড়ার রাশের টানে বাগ মানার মত বাগ মেনেছিল কিন্তু পাঠকতে মাথা নিয়ে এপাশ-ওপাশ করতে ছাড়েনি, মানে একটু করে টেম্পারেচার আরও দুদিন হয়ে ছাড়ল।

সে যাক। পরে বলব।

ঠাকুমা বলেছিলেন, সেকালের কথা শুনে তো ওঁকে ধর ভাই। উনি আমার খুড়শ্বশুর। তোমার ঠাকুরদার বয়সী। উনি অনেক জানেন।

—কি ব্যাপার?

—ও, রাঘবংশের কথা শুনে। জানেন না তো। বাপ গেছেন অল্পবয়সে। মা এ বাড়ী আসেন। আমি কাত্যায়নী দেবীর গল্প বলছিলাম।

—ওঃ, তিনি ছিলেন রাজার মেয়ে, এখানে বলত রাজকুমারী বউঠাকরুণ। আড়ালে বলত বাঘিনীঠাকরুণ। শুনেছি, আমরা দেখি নি। তাঁর দাপে এ গাঁয়ে কোন অন্ডায় কেউ করতে পারত না। স্বয়ং সোমেশ্বর রায় তটস্থ। পাদরী ছিল সাহেব পর্যন্ত তটস্থ। একদিন কি হিন্দু-ধর্মের নিন্দে করেছিল। তিনি শুনে বলেছিলেন—ওই পাদরী মিনসেরে বলিস তো ওই সব যদি বলবে তো ওর দাড়ি টাচিয়ে দেব। আবার ভক্তিযতীও ছিলেন। শুনলেন কাঁদীর বাড়ীতে সিংহরাজাদের রাধাবল্লভ ঠাকুর সোনার ফুরসীতে তামাক খান তিনবার। একবার বালাভোগের পর, একবার ভোগের পর, একবার রাত্রে। অমনি লুকুম হল, রাজরাজেশ্বরেরও সোনার ফুরসীর ব্যবস্থা করতে হবে।

পাঁচ দিনই তিনি এসে নাড়ী দেখে যেতেন, ঠাকুমা তাঁকে মিষ্টি খাওয়াতেন, চা খাওয়াতেন, তিনি আমাকে একদিন বলেছিলেন সোমেশ্বর রায়ের গল্প। বলতে তাঁর দ্বিধা ছিল বোধহয়। সোমেশ্বর রায়ের কোন ভাল দিক তাঁর মনে স্মৃতির ঘরে বোধহয় স্থানই পায়নি। যেটুকু পেয়েছিল সেটুকু সবই তাঁর আমিরীর কথা। বিশেষ করে দেহবিলাসের।

সেদিন ঠাকুমা ছিলেন না। হঠাৎ বললেন—তাই তো হে, বলব কি করে? একটু চুপ করে থেকে বলেছিলেন—তা তোমার বয়স অনেক হয়েছে, ষোল অনেক দিন পার হয়েছে। আমি তো তোমার ঠাকুরদাদার খুড়ো। বাহাত্তুরে পেরিয়েছি। তা শোন। সরস করে বলেছিলেন, সোমেশ্বরের এখানকার নৈশজীবনের কথা। কাত্যায়নী দেবী এক কণ্ঠা এক পুত্রের পর স্বামী থেকে অব্যাহতি চেয়েছিলেন, তাঁর ভয় ছিল, তান্ত্রিক গত হয়েছেন, আবার যদি সন্তান গর্ভে এলে তিনি পাগল হন অথবা মৃতবৎসা রোগ আবার ধরে! এইজন্তে কলকাতা থেকে তাঁর পরিচর্যার জন্ত দাসী তিনি এনেছিলেন। কিন্তু সোমেশ্বর তাতেও তৃপ্ত হতেন না। রাত্রিকালে বজরায় তাঁর আসর বসত ব্রাত্য মেয়েদের নিয়ে। কিন্তু জামাই বিমলাকান্ত আসতেই তাতে ছেদ টানতে হল। বৃদ্ধ হেসে বলেছিলেন, ভাই, সে আসর যেমন-তেমন আসর নয়। স্বর্গের দেবালয়ের আসরের মত আসর। সোমরসে বিভোর হয়ে সোমেশ্বর বসতেন চন্দ্রের মত আর ব্রাত্য মেয়েরা তাঁকে ঘিরে বসত নক্ষত্রের মত।

শুনেছি। কানে-কানে বলেছিলেন, সে নাকি উল্ফের আসর। বাইরে বন্দুকধারী সিপাহী পাহারা দিত। বজরার কামরায় দরজা আগলে থাকত তারাচরণ হাড়ি। সে ছিল একটি ব্যাঘ্র বিশেষ।

স্বলতা, হয়তো বুড়োর নিজের মনেও এ নেশার ঘোর কাটে নি। সেই নেশার ঘোরেই দস্তহীন মুখে গল্প করেছিলেন। বলা শেষ করেও হাসি মিলায় নি তাঁর। বৃদ্ধের জিভখানা ফোকলা মুখের মধ্যে থরথর করে কাপছিল। বলব কি তোমাকে, তার ছোয়াতে আমার অরজর্জর দেহে-মনেও একটা নেশা লেগেছিল। সেই সময় তোমাকে একখানা পত্র লিখেছিলাম তাতে জ্বরের কথা লিখি নি, লিখেছিলাম এখানকার গোয়ানপাড়ার মেয়েদের কথা। তাতে খুব রসিকতা এবং উল্লাস ছিল। সেটা আমার নেশালাগার মতাকে গোপন করবার জগেই বোধহয় লিখেছিলাম।

গোয়ানদের মেয়েগুলো কাঁসাইয়ের ধারে এসে দাঁড়িয়ে ডাকত—ঐ বাবু সাহেবের নোকর ! এ রঘু মহারাজ !

রঘু যেত না—যেতেন মেজঠাকুমা—বলতেন, কি লা বজ্জাত ছুঁড়ীরা ?

—বাবু কেমন আছে গো মাঝলা বিবি রাণী ।

—মরণ ! ফের যদি বিবি বলবি তো ডিকুকে বলব, চুলের ঝুঁটি ধরে কিল মারবে পিঠে ।  
বিবি কি লা ? মা বলতে পারিস না ?

ওরা হাসত । খিলখিল করে হাসত ।

মেজঠাকুমা বলতেন, বল না পোড়ামুখীরা কি বলছিস ?

—বললাম তো । বাবু ছজুর কেমন আছে গো !

—জ্বরে আছে ! যা পালা ।

কোন কোন দিন আমি নিজেই যেতাম ! ওরা যে কত আহা উহ করত সে কি বলব ।  
হায় হামারা নসীব ! বাবুর কাছে বোথার হল গো ! হামার কেনো হলো না ! আঃ বাবু !  
তোমার চাঁদের পারা মুখ শুথায় গেল গো । রোজী বেচারীর নিদ নাই গো !

সঙ্গে সঙ্গে দলটাকে দলটা হেসে উঠত । আমার অশুশ দেহের উত্তপ্ত রক্ত আরও উত্তপ্ত  
হত । মনে হত রায়বংশের ধারাটা যেন এই রক্তসমুদ্রের ঈশান কোণে ঝড়ের মত উঁকি  
দিচ্ছে ।

সাত দিনের দিন, ছদিন উপবাস করে যেদিন পথ্য করলাম সেদিন, মেজঠাকুমা কাত্যায়নীর  
মৃত্যু পর্যন্ত এসে পৌঁচেছিলেন ।

তবে মৃত্যুর কথাটা বলি । সেটা আমার ভাল লেগেছিল ।

মেজঠাকুমা বলেছিলেন, তাই, স্বামী পুত্র এবং জামাই রেখে কাত্যায়নী দেবী ডকা বাজিয়ে  
চলে গেলেন । সজ্জানে দেহত্যাগ যাকে বলে, তাই । সামান্য তিন দিনের জ্বর । তিন দিনের  
দিন সকালে স্বামীকে ডেকে বললেন, ও গো, আজ আমি যাব ।

—সে কি ? কি যা তা বলছ ?

—ঠিক বলছি । কবরেজ ভাল আছে বলে গেল, ও ধরতে পারলে না । আজ যেন  
কোথাও যেনো না । তাই হল তাই । সেই রাত্রেই গেলেন । স্বামীকে ডেকে বললেন,  
তোমার পা দুটো আমার মাথায় ঠেকিয়ে দাও । আবার আসছে জন্মে যেন তোমাকে পাই ।  
এই আশীর্বাদ কর ।

হাউহাউ করে কঁদেছিলেন সোমেশ্বর ।

কাত্যায়নী দেবী ধমক দিয়েছিলেন, দেখ দেখ, বুড়োবয়সে ছেলে জামাই মেয়ের সামনে চুপ  
দেখ ! চুপ কর ! চুপ কর বলছি ! হ্যাঁ !

জামাইকে বলেছিলেন—বাবা, তুমি আমার দেবতা । বিমলাকে তোমার হাতে দিয়ে আমি  
নিশ্চিন্ত হয়ে যাবছি ।

ছেলেকে বলেছিলেন, আমাকে অনেক কষ্ট দিয়েছিস । আমি হারামজাদা বললে, তুই  
আমাকে হারামজাদী বলেছিস । যা বারণ করেছি তাই করেছিস । বুড়ো বাপকে যেন কষ্ট

দিস না ! বুঝলি !

বীরেশ্বর ভুরু কুঁচকে বসেছিলেন ।

—আর বিমলাকান্ত দেবতা । তার অসম্মান করিস না । তোরা দিদি—

বীরেশ্বর বলেছিলেন—তুমি দিদিকে যত ভালবাস তার থেকে আমি দিদিকে বেশী ভালবাসি । তুমি বরং চুপ কর । এত বকলে অস্থখ বাড়বে । অস্থখ হয়েছে ক’দিন, অমনি মরব বলে একটা হৈ-হৈ লাগিয়ে দিলে !

—তুই একটা হারামজাদা রে ! একেবারে নাস্তিক । আমি বুঝতে পারছি, আজ আমি যাব ! তাই তিনি গিয়েছিলেন । বীরেশ্বরেরও ওকথা বলার দোষ ছিল না, কারণ জ্বর মাত্র তিন দিনের । তিন দিনের সকালবেলা থেকে ওই শুরু করলেন, নৃক্ষো নাগাদ চলে গেলেন ।

মেজঠাকুমা হেসে বলেছিলেন, কাত্যায়নী বলতেন, চিঠিতেও স্বামীকে নাকি লিখেছিলেন । সতী-যাওয়াকে যারা অত্যাচার বলে উঠিয়ে দিচ্ছে, দিতে চাচ্ছে তারা মেলেচ্ছ, তারা যবন । স্বামীকে বলেছিলেন, তুমি যদি দরখাস্তে সই কর তবে তোমার মুখ আমি দেখব না । সতীপ্রথা উঠে গেল, কোন লাট জানি উঠিয়ে দিলে, তোরা মেজঠাকুরদা নামটা তার বলতেন ।

আমি নামটা বলে দিয়েছিলাম সুলতা । লর্ড বেটিক !

—হ্যাঁ-হ্যাঁ । লাটমাহেব বেটিক । কাত্যায়নী গাল দিতেন বেটিককে । বুড়ো আঙুল দেখিয়ে বলতেন, আইন করলি করলি ; কলার পাতে লেখা রইল । কাত্যায়নী যদি বিধবা হয় তাহলে সে তোরা ওই আইন মানবে না, মানবে না, মানবে না । সতী সে যাবেই ।

সেইটেই তাঁর পূর্ণ হল না । তার বদলে সিঁথিতে সিঁদুর নিয়ে দলমল করে চলে গেলেন ।

তাঁর চন্দনধেনু শ্রাদ্ধ হয়েছিল । সে উপলক্ষ্যে কীর্তিহাটের ব্রাহ্মণদিগে সবৎসা গান্ধী দান করেছিলেন । সে সব বড় গাই । মেজঠাকুমা বলেছিলেন, ভাগলপুরের গাই । গ্রামে বড় পাঞ্জাবী গাইকে ভাগলপুরের গাই বলত । সধবা যে, ব্রাহ্মণ শূদ্র সব, শাড়ী সিঁদুর শাখা দিয়েছিলেন । প্রতিষ্ঠা করেছিলেন অতিথিশালা ।

\*

\*

\*

সুলতা, এসব জেনে যখন শুলাম রাত্রে তখন কাত্যায়নীর মৃত্যু শ্রাদ্ধ সব কোথায় গেল—মনে জেগে রইল সোমেশ্বর রায়ের ওই নৈশআসরের কথা । যারা সেদিন অ্যাসেম্বলীতে জমিদারের ব্যভিচারের কথা বললেন, তাঁদের দোষ দেব না । আমার পূর্বপুরুষের সব কথা বাদ দিয়ে ওইটে যখন আমার মনেই মাড়া তুললে, তখন আর তাঁদের দোষ দেব কি করে ?

শেষ পর্বস্ত নিজের উপর রাগ করে বললাম, যাক ও খাতাপত্র ঘেঁটে আর কাজ নেই । যে বিষ চাপা আছে, সে চাপাই থাক । তাকে খুঁড়ে বের করে কাজ নেই । ছেদ টেনে দেওয়াই ভাল কীর্তিহাটের কড়চার । মন থেকে মুছে ফেলাই ভাল ।

## তৃতীয় পর্ব

মুছে দিয়ে ছেদ টেনে দিতে চাইলেও তা হয় না। ইতিহাসের একটা চক্রবর্ত্ত আছে, তাতে অতীতকাল দাঁতওলা চাকার মত বর্তমানের চাকার গর্তে গর্তে ঢুকে নিজের সঙ্গে যুক্ত রেখে মানুষের জীবনকে চালায়। অতীতের কর্ম কর্মফল হয়ে তার আশ্বাদ বর্তমানকে আশ্বাদন না করিয়ে ছাড়ে না। সে তিক্ত হোক—বিষ হোক—আর অমৃত হোক বা মধুরই হোক। কাল যা খেয়েছি, তার পুষ্টিতেই আজ বাঁচি। এক যারা আহার নিদ্রা ত্যাগ ক'রে তপস্যা করে, সব ত্যাগ ক'রে সন্ন্যাসী হয়—বৃদ্ধ চৈতন্য যারা তাঁরা আলাদা।

স্বরেশ্বর তা নয়। সে কি ক'রে রেহাই পাবে হুলতা, এ থেকে? জরের সময় উপবাস করা অবস্থায় যা ভেবেছিল, সংকল্প করেছিল, তা পথ্য পাবার দিনটিতেও উন্টে গেল। অবিচার স্বরেশ্বরের উপর করো না, সে ইচ্ছে ক'রে তা করে নি।

ব্যাপারটা ঘটল এইভাবে। সে-দিন সে পথ্য করে উঠেছে। মেজঠাকুরা কইমাছ আনিয়ে ঝোল বেঁধে বসে পথ্য করিয়েছেন, এমন সময় তার নায়েব এল—আজই একবার ক্যাম্পে যেতে হবে—ওঁরা হাজির হয়েছেন—আপত্তি দিচ্ছেন। পরিশেষে বললে—ব্যাপার খুব জটিল ছোটবাবু!

—সেই বাড়ীরই ব্যাপার তো! বাড়ী দেবোত্তরের টাকায় হয়েছে এই তো? ও আর আমি পারছি না, ঘোষালমশাই। নিন, তাই নিন ওঁরা।

—ব্যাপারটাকে এমন ছোট ক'রে দেখবেন না বাবু! জাল ওঁদের প্রকাণ্ড। মতলব সাংঘাতিক। আমি তো হতভম্ব হয়ে গিয়েছি।

—কি হ'ল?

—কাল ওঁরা গিয়েছিলেন মেদিনীপুরে। প্রণবেশ্বরবাবু, কল্যাণেশ্বরবাবু আর ধনেশ্বরবাবুর মেজছেলে ভূপেশ্বর তিন জন মিলে গিয়েছিলেন মেদিনীপুরে সব থেকে বড় দেওয়ানী উকীল সূধাবাবুর কাছে। প্রণবেশ্বরবাবু কলকাতার ব্যারিস্টারের কাছ থেকে যে মত এনেছিলেন তা যাচাই করতে। সূধাবাবু বলেছেন—হ্যাঁ, এ একটা খুব জোরালো পথ্য বটে। পয়েন্ট খুব স্ট্রং পয়েন্ট।

—বুঝলাম—। কিসের? এরই তো?

—ভুলুন আগে। এখানে যদি এই হয় যে সব দেবোত্তর। বাড়ী দেবোত্তর। দেবোত্তরের বাইরে সম্পত্তি নাই—তা হলে—সেই নজারে এঁরা—ওঁদের পূর্বপুরুষ কলকাতায় যে-সব বাড়ী পেয়েছিলেন, তাও দেবোত্তর হবে। জানবাজারের আপনার অংশের বাড়ী, তাও তাই হবে। হবে না? বুঝে দেখুন! সেটেলমেন্টের পরচার বলে, এখানকার সম্পত্তি নিয়ে মামলা ক'রে, তারই নজারে তখন কলকাতার বাড়ী নিয়ে মামলা করবে। শিবেশ্বরবাবু কলকাতার বাড়ী বেচেছেন—তা ক্যান্সেল হবে, যজ্ঞেশ্বরবাবু বেচেছেন—সে ক্যান্সেল হবে, আপনার জানবাজারের বাড়ীর পার্টিশনে পাওয়া তাও ক্যান্সেল হবে। বুঝে দেখুন!



চমকে উঠল সুরেশ্বর । অর্থাৎ তাকে একরকম সর্বস্বান্ত হ'তে হবে । জানবাজারের বাড়ীই তার একমাত্র সম্পত্তি—যা সমস্ত দেবোত্তরের মূল্যের চেয়েও মূল্যবান । এর তিন আনা অংশ মাত্র থাকবে তার ।

মাথাটা ঝিমঝিম করে উঠল তার । পরক্ষণেই হল দারুণ ক্রোধ—তারপর সেটা রূপান্তরিত হ'ল দুঃস্থ ক্রোধে । ওঃ !

দুর্ঘোষন কপট পাশায় যে রাজ্য চৌদ্দ বছরের জন্ত জিতেছিলেন, চৌদ্দ বছর পর সেই রাজ্য ফিরে দেবার সময় বলেছিলেন—বিনা যুদ্ধে নাহি দেব সূচ্যগ্র মেদিনী । রায়বাড়ীর পার্টিশন কপট পাশার দান নয় । কুরু-পাণ্ডবদের মধ্যে যে আপোস বিভাগে রাজ্যভাগ হয়ে কৌরবেরা হস্তিনাপুরে—আর পাণ্ডবেরা ইন্দ্রপ্রস্থে রাজ্য করেছিলেন ; তাই নাকচ করে সবটা গ্রাস করবার জন্ত এটা ওদের পাশা খেলার চ্যালেঞ্জ—কপট পাশার দান ফেলার মত ব্যাপার । সুরেশ্বর যুধিষ্ঠির নয়—সে তাকে খুব পছন্দও করে না । সে অজুর্ন ভীম এই দু'জনের ভক্ত । ও পাশার দান ও মেনে নেবে না । উত্তেজনায় উঠে দাঁড়িয়ে সে চুপ করে ভাবলে, বললে—দলিল আবার ভাল ক'রে দেখুন ।

—দেখেছি বাবু । দলিলে বাড়ীর কথার কোন উল্লেখ নেই । ঠাকুরবাড়ীর কথাই আছে । কিন্তু ওদের যুক্তিটা তো বুঝছেন ! দেবোত্তরের টাকা থেকে তৈরী সব । দেবোত্তরের বাইরে কিছু নেই । সুতরাং বাড়ীও দেবোত্তর !

—কলকাতায় যে-ব্যবসা ছিল সোমেশ্বরের, তার থেকেই বলতে গেলে সম্পত্তি কিনেছিলেন তিনি । পত্তন নী নিয়েছিলেন । বাড়ী তা থেকে হয়েছে ।

—কিন্তু তার নমুদ কোথায় ? নমুদ চাই ।

—কেন ? জানবাজারে খাতাপত্র নিশ্চয় থাকবে ।

—আজ্ঞে না । সেসব আছে দেবেশ্বর রায়ের আমল থেকে । তাও কলিকাতার খাতাপত্র, সেসব বড়বাবু যজ্ঞেশ্বরবাবুর কাছে । তার আগেকার যা কিছু খাতাপত্র, সে রায়বাহাদুরের আমল থেকে এখানে এসেছিল ।

হঠাৎ সুরেশ্বরের মনে পড়ে গেল, মেজঠাকুরা বলছিলেন, সোমেশ্বরের কন্যা বিমলার বিবাহের আটদিনের মধ্যে অন্দরের নতুন মহলের ভিত কাটা হয়েছিল । সাল-সন-মাস এ পাওয়া গেছে একরকম কিন্তু খাতা চাই । দেবোত্তরের খাতা আছে । দেবোত্তর থেকে এ-থরচ হয়ে থাকলে নিশ্চয় থরচ থাকবে ।

দেবোত্তরের খাতার গাদা সে পেয়েছে । সেদিন খাতা ওন্টাতে ওন্টাতে রাজরাজেশ্বরের মুকুট এবং গয়না খরিদের থরচ দেখেছে । সে খাতার গাদা ওন্টাতে ওন্টাতে বিমলার বিয়ের বছরের খাতাটা পেলো । বিয়ের থরচের একজায়গায় ফর্দ তার পড়া ছিল । সে খাতাখানা ওন্টাতে লাগল । বিয়ে হয়েছে আষাঢ় মাসে । বৈশাখ থেকে সে বিমল সায়র কাটানোর থরচের আরম্ভ আবিষ্কার করলে । কপালীয়া শ্রীমতী বিমলা দেবী মাতার শুভবিবাহ উপলক্ষে নতুন পুঙ্করিণী বিমল সায়র কাটানোর শুভারম্ভ ; মুনিষ ( অর্থাৎ মজুর ) দুইশত খোলজন

দৈনিক খাটুনির দাম—এক আনা হিসাবে মোট সাড়ে তের টাকা।

পাতার পর পাতা ওন্টালে সে। নজরে পড়ল বিচিত্র, অবিশ্বাস্য অনেক কিছু। গব্য ঘৃত খরিদ পাঁচ টাকা মণ দরে ষোল সের ঘূতের দাম—দুই টাকা। কিন্তু সেসব দিকে মন দেবার সময় ছিল না। বিয়ের দিন থেকে আটদিনের খরচ সে পুঙ্খানুপুঙ্খরূপে খুঁজে পেল কিন্তু অন্দরমহলের বা কোন বাড়ীঘরের পত্তনের জন্ত ভিত খোঁড়ার খরচ সে পেল না। ভিত খোঁড়া শুধু হয় না। ভিত পূজা হয়। সোনা-রূপো-তামা দিয়ে বাস্তুদেবতার অর্চনা হয়। তার কোন নিদর্শন মিলল না।

এই সময় এলেন মেজঠাকুমা। স্বরেশ্বর বললে—তুমি ঠিক জান ঠাকুমা, ওই মাঝের মহলটা বিমলা দেবীর বিয়ের আটদিনের মধ্যেই পত্তন হয়েছিল ?

—তাই তো গল্প শুনেছি। যার তার কাছে তো শুনিনি, তাঁর কাছে শুনেছি। তাছাড়া মাটির পোড়ানো টালিতে সাল-সন তো লেখা আছে রে। একবারে দ্বিতীয় মহলে ঢুকবার যে বড় দরজাটা আছে, তার মাথায় লাগানো আছে। পুতুশীর অনন্তরাজ, মেদিনীপুরের ফারাতুল্লা রাজ এরাই গেঁথেছে। নক্সা কাটবার মিস্ত্রী এসেছিল কলকাতা থেকে।

স্বরেশ্বর নায়েবকে বললে, দেবোত্তরের খাতায় কোন খরচ নেই। এই খাতা দেখালেই হবে।

—ঠিক তা মানবে না। বলতে পারে—আরও খাতা ছিল।

—তা বলুক। সেও ওদের বের করে দেখাতে হবে। শুধু আপত্তি দিলেই হবে না। ওদেরও দেখাতে হবে !

—তাহলে আপনি একবার যদি আসেন—

—চলুন।

মেজঠাকুমা বললেন, আজই পথি করে উঠেই রোদে রোদে যাবি কি ? মালেরিয়া জ্বর, অস্থল হবে আর হুঁ-হুঁ করে কাঁপন দিয়ে আসবে। তুই বরং চিঠি লিখে হাকিমের কাছে সময় চেয়ে পাঠা।

কথাটা সমীচীন বলে মনে হল। বেশ যেন ঘূমের আমেজও ধরে আসছিল। তাছাড়া চড়া রোদ্দুর মাথায় করে খারাপ মেজাজ নিয়ে বেরিয়ে শেষ পর্যন্ত যদি ওই মেজতরফের ধনেশ্বর প্রমুখদের ছোঁয়াচে বিল্লী কিছু করে বসে সে, এই ভয়টাও হল। মাথাটা সত্যিই যেন উত্তপ্ত প্রখর হয়ে রয়েছে। কলকাতায় ক্যানের তলায় যে-মেজাজ গড়ে উঠেছে, মেদিনীপুরের কড়া রোদের আঁচে ঝলসে সে-মেজাজ ঠিক থাকার কথা নয়। একখানা কাগজ টেনে নিয়ে সে দরখাস্তের ফর্মে একখানা পত্র লিখে দিলে নায়েবের হাতে—এটা দেবেন, তিন-চার দিন পর যেদিন দিন দেবেন, আমি যাব। লিখেও দিয়েছি, মুখেও বলবেন।

নায়েব চলে গেল। স্বরেশ্বর একটা সিগারেট ধরিয়ে গিয়ে কাঁসাইয়ের দিকের জানালাটার ধারে দাঁড়াল। বেলা বায়োটো বাজছে। সূর্য প্রখর হয়ে উঠেছে। ওপারে বনটা স্তব্ধ হয়ে গেছে প্রায়। কচিং দুটো চারটে পাখী এ-গাছ থেকে উড়ে ও-গাছে বসছে। গোটা দুয়েক ঘুঘুর সেই একটানা করুণ ঘু-ঘু, ঘু, ঘু-ঘু শব্দ, একটা এদিক একটা ওদিক

থেকে ভেসে আসছে। আর কয়েকটা বনকাক ডাকছে কক্-কক্ শব্দে। প্রথম উত্তপ্ত বাতাসের স্পর্শ তার মুখে-বুকে লাগছে। কংসাবতীতে জল এখন কম, ওপারে বালির চড়া পড়েছে। জলশ্রোতটা প্রায় বিবিমহলের বনেদের হাতবিশেক দূরে বাঁধানো পোস্তার গা ঘেঁষে চলছে। কাঁসাইয়ের জল কাঁচা স্বচ্ছ, তাতে শ্রোত ক্ষীণ, ক্ষীণ শ্রোতের ধারায় ছপ্পরের সূর্ণের ছটা গলানো রূপোর মত ঝলছে, মনে হচ্ছে তার উত্তাপও যেন অনুভব করা যায়। দুটো কুকুর উত্তাপক্লিষ্ট হয়ে জলে গা ডুবিয়ে বসে আছে।

হঠাৎ পিছনদিক থেকে মেজঠাকুমা এসে বললেন—মর।

পিছনের দিকে সুরেশ্বর তাকাতেই বললেন—জানালা বন্ধ করে দি। বিছানা করে দিয়েছে রঘু, শুগে যা। ভালো লাগবে। ছুঁড়িদের আসতে এখনও দেরী আছে। ওঃ কি দরদ বাবুসাহেবের জন্তে ওদের! অর্গাৎ গোয়ান মেয়ে।

সুরেশ্বরের জরের ক’দিন তারা রোজ খোঁজ নিয়েছে। বাবুসাহেব কেমন আছে? উত্তর মেজঠাকুমা দিয়েছেন—মরণ মুখপুড়ীদের, বাবুসাহেবের জন্তে চোখে ঘুম নেই। যা—পালা। বাবুর জর হয়ে আছে।

সুরেশ্বর এসে বিছানায় গড়িয়ে প’ড়ে বললে—যার মেজঠাকুমা নেই তার কেউ নেই।

ঠাকুমা বললেন—তুই বড় ডেঁপো!

—তুমিই ক’রে তুললে!

—তোর সঙ্গে ফকুড়ি করবার সময় নেই আমার। আমি চললাম ঠাকুরবাড়ী, ভোগের সময় হয়েছে। তোর জরের আগে বলেছিলাম—ভোগের মাছের মূড়া যেন তোর জন্তে আসে। পাঠায় নি। তার পরদিন আমার ভাজ মরল, সেখানে গেলাম, তুইও গেলি, তার পরদিন থেকে তো জরে পড়লি। আজ দাঁড়িয়ে থেকে মূড়া এখানে পাঠাব তবে আমার কাজ!

—কি হবে? আমি তো খেয়েছি।

—ওবেলা পর্যন্ত দিবি খাকবে, ওবেলা খাবি। তুই যেন উঠে পড়বি নে বুঝলি! একটু ছবি-টবি ঝাঁক না। খেয়ে ঘুমলেও অস্থল হয়। বুঝলি। আমার ফিরতে দেরী হবে। সেই সন্ধ্যাবেলা। আমি ওই খাতা খুঁজব! অনেক খাতা সুরেশ্বর হাতিয়ে রেখেছিল। কল্যাণকে পেটে পুরে বের করবার চেষ্টা করব। আমি ওকে টাকা কবলাব। খাতা দিলে সেটা দিবি। অ্যা!

—তুমি মেজদি অদ্ভুত!

—কেন রে?

—তুমি না পারো কি বল তো? মেজঠাকুরদার মত মানুষকে বশ মানাতে পার—ঝগড়া করতে পার। গোয়েন্দাগিরি করতে পার।

—আরও পারি রে। ল্যাভেণ্ডার সাবান মেখে কলক কিনতে পারি। তুই যে তুই কলকাতার আমীর তোকেও বশ মানাতে পারি।

বলে হেসে তিনি চলে গেলেন। সুরেশ্বর প্রসন্ন বিন্ময়েই মুগ্ধ হয়ে ঠাকুমার কথা ভাবছিল

ছাদের কড়িকাঠগুলোর দিকে তাকিয়ে। হঠাৎ টানা পাখাটা সচল হয়ে উঠল। ব্যাপারটা বুঝলে স্বরেশ্বর ; —মেজঠাকুমাई পাখাটানা ছোঁড়াটাকে, কিল না মারুন, ধমক মেরে সচেতন ক'রে দিয়েছেন।

চোখ জড়িয়ে আসছিল আরামে। ঘুমিয়েই পড়তো, হঠাৎ ওই বন্ধ জানালাটার ওপার থেকে বোধহয় কাঁসাই নদীটাই খলখল ক'রে যেন হেসে উঠল।

গোয়ান মেয়েগুলো এসেছে নদীর ধারে তার জানালার সামনে।

তোমাকে বলব কি স্থলতা, সে স্মৃতি আমার মনের মধ্যে আমি আজও অনুভব করি। এবং শিউরে উঠি।

আমার বুকের ভিতরে যেন ওই হাসির প্রতিধ্বনি উঠল, আমার রূপিতের স্পন্দনের মধ্যে। কান দুটো মুহূর্তে গরম হয়ে উঠল। হাতের তেলোয় ঘাম দেখা দিল। আমি শুয়ে থাকতে পারলাম না। রায়বংশের রক্ত উদ্বেল হয়ে উঠল, আমি বিছানা থেকে উঠে জানালার ধারে এসে দাঁড়লাম। ঠাঁপাচ্ছিলাম এবং অন্ধকারের মধ্যেও নিম্পলক হয়ে চেয়ে ছিলাম কিন্তু কিছু দেখি নি। ভয় এবং আকর্ষণের নিদারুণ দ্বন্দ্ব হচ্ছিল। তারই মধ্যে আকর্ষণই জ্বিত ছিল। জানালার খড়খড়ি সন্তর্পণে তুলে চোখ রেখেছিলাম। খড়খড়িতে চোখ রেখে স্তম্ভিত হয়ে গেলাম। যা দেখলাম, তা দেখব এ কল্পনা ছিল না। কল্পনায় ছিল ওরা দল বেঁধে কাঁসাইয়ের পাড়ে এসে দাঁড়িয়ে আমার বন্ধ জানালার দিকে তাকিয়ে হাসছে। মাড়া দিচ্ছে আমাকে। আমি যে কেমন আছি সে খবর ওরা রাখে, দু তিন বেলা রাখে। ডিকু পিকু য' বার পাড়ায় যায় ত' বার আমার স্বাস্থ্য সম্পর্কে মুখে মুখে এক একটি বুলেটিন ছড়িয়ে দেয়। ওরা তার উপরে এই ভরাচাপুরে কাঁসাইয়ের ওপারে ডাল ভাঙতে পাত কুড়াতে এসে একবার খবর নিয়ে যায়। আজ নিশ্চয় খবর পেয়েছে যে, বাবুমাছেব আজ ভাত সুরুয়া খেয়েছে, স্ততরাং বন্ধ জানালার ধারে এসে ওরা হেসে মাড়া দিয়ে ডাকছে। কিন্তু তা নয়। যা দেখলাম স্থলতা, সে কল্পনার বাইরে। মেয়েগুলো কাঁসাইয়ের জলে নেমেছে, সামান্য স্নানবাস অর্থাৎ ডুরে গামছা পরে এবং উদ্দাম হয়ে সাঁতার কাটছে আর হাসছে।

রবীন্দ্রনাথের কানীর মহিষী করুণার যৌবনোচ্ছল শত সখীর মত ব্যাপার। তফাত সেটা ছিল শীতকাল, কানীর শীত, স্ততরাং তারা কিনারার উপরে উঠে ছুটোছুটি করেছিল আর এরা এই প্রথমে গ্রীষ্মে কাঁসাইয়ের এক বুক জলে উবছে উঠছে, সাঁতার কাটছে আর জল ছুঁড়ছে আমার জানালার দিকে এবং খিলখিল ক'রে হাসছে।

কাচস্বচ্ছ জলের ভিতর অর্ধনগ্ন নারীদেহ, সে যে কি মোহের সঞ্চার করে পুরুষের মনে— সে তুমি নারী তোমাকে বোঝাতে পারব না। পুরুষে অনুমান করে বুঝতে পারে। আদিম উষার কাল থেকে প্রকৃতি এমনি করেই পুরুষকে হাতছানি দেয়। পুরুষ যেখানে সভয়ে মা ব'লে কণ্ঠা ব'লে সরে এসেছে সেখানে সে বেঁচেছে, আশীর্বাদ পেয়েছে। আর যেখানে তাকে স্ত্রী ব'লে দু হাত মেলে এগিয়ে গেছে সেখানে তাকে সে পারের তলায় ফেলে বুকের উপর চড়ে নেচেছে। জীবজীবনে প্রকৃতি প্রথমদিকে পুরুষকে কাছে ডেকে তার সঙ্গে নরমলীলা শেষ ক'রে খেয়ে পেটে পুরেছে! তবু সেই কাল থেকেও তো পুরুষের এই সর্বনাশীর মোহে

তার পিছনে ছোট্টা শেষ নেই। বকের রক্ত তোলপাড় করে উঠল আমার। তোমাকে দেখে কখনও এ মোহ জাগে নি। এমন কি ওই সেই শেফালির ঘরে টাকা দিতে গিয়েছিলাম, ওদের পাড়ায় পথের মেয়েকে টাকা দিয়ে তাদের বিস্মিত করে দিতে চেয়েছিলাম, তাদের দেখেও এ মোহ জাগে নি!

দেহ বোধহয় অবশ হয়ে যাচ্ছিল—মন মোহমগ্ন হচ্ছিল। হঠাৎ একটা দমকা বাতাসে জানালাটা সজোরে খুলে গিয়ে কপালে আমার আঘাত করলে, কপালটা কেটে গেল। আমার মোহ ভেঙে গেল। আমি চোরের মত ফিরে এলাম। কপালে রক্ত পড়ছিল, রঘুকে ডেকে বললাম—তুনো টিঞ্চার আইডিনে ভিজিয়ে লাগিয়ে দিয়ে গ্যাকডা বেঁধে দিতে।

বসে ভাবতে ভাবতে গোপেশ্বরের কথা মনে পড়ল।

শিউরে উঠলাম। নিজেকে তিরস্কারই করছিলাম, কঠিন তিরস্কার।

অনেকক্ষণ পর মন শান্ত স্থির হল। আমি কাজের অভাবে ওই পুরনো খাতাগুলোই দেখতে লাগলাম। ওন্টাতে ওন্টাতে এসে পড়ল রাজরাজেশ্বরের মুকুট খরিদের পাতাটা। মাঃ হ্যামিল্টন এণ্ড কোং, মোকাম কলিকাতা, মূল্য এক হাজার টাকা!

কালীমায়েরও সোনার মুকুট ছিল। সে শুধু সোনার। তাতে হীরে ছিল না। দাম কম ছিল। সোনার ভরি তখন চৌদ্দ-পনের-ষোল। দশ ভরি সোনার মুকুটের দাম একশো ষাট আর বানি। মানে মজুরী—সে কত? বেশী হলে পঞ্চাশ টাকা। কুড়ারাম জহরত কেনেন নি। তিনি সোনা কিনতেন। সোমেশ্বর কিনেছিলেন জহরৎ। তাঁর হাতে হীরের আংটি ছিল, দাম আড়াই হাজার টাকা। প্রসন্নকুমার ঠাকুরের বাবার হাতের আংটি হারিয়েছিল, তার দাম ছিল পঁচিশ হাজার টাকা। সে আংটি শ্যামবাজারের এক মিস্ত্রী কুড়িয়ে পেয়ে ফেরত দিয়ে বকশিস পেয়েছিল এক হাজার টাকা। সোমেশ্বর কালীর ভক্ত তা হ'লে ঠিক ছিলেন না।

খাতা ওন্টাতে লাগলাম।

কত বিচিত্র আইটেম; কত দুর্বোধ্য খরচ। বারবরদারী খাতে খরচ। মানে বুঝতে অনেক কষ্ট হয়েছিল। বুঝেও বুঝতে পারিনি। ইনাম বকশিস সহজ কথা। বারবরদারী হল ট্রাভেলিং খরচ। টি-এ। রোশনাই জলুস থেকে শুরু করে সংসার খাতে খরচে ঘুঁটে দেওয়ার খরচ—প্রত্যেকটি লিখে গেছে। জলসা নৃত্যগীত খাতে মোটা মোটা খরচ। বকশিস খাতে বাদ্জী বিদায়ে দরাজ হাতের পরিচয়। দানখয়রাত খাতে খরচ তার থেকে কম নয়। ভিক্ষুককে এক পয়সা থেকে ব্রাহ্মণকে এক টাকা থেকে একশো টাকা। আবার হাজার টাকাও আছে। কীর্তিকলাপে মন্দিরনির্মাণ, পুষ্করিণী-কাটা টোল-প্রতিষ্ঠা ইন্সুল-প্রতিষ্ঠা মেদিনীপুর সরকারী স্কুলে দান চার অঙ্কের হিসাব। জমিদারী তদ্বির উন্নতি খাতে খরচ দেখে চমকে উঠেছিলাম। কাঁসাইয়ের ধার বরাবর সাত আট মাইল লম্বা বাধ মেরামত খাতে কয়েক হাজার টাকা। হঠাৎ একখানা খাতায় চোখে পড়ল শুভবিবাহ খাতে খরচ। শ্রীমান দেবেন্দ্রের বিবাহের খরচ।

আমার মন কোতূহলে উতলা হয়ে উঠল।



পাতার পর পাতা উল্টে যেতে লাগলাম। আরম্ভ হয়েছে সিদ্ধি থেকে। সিদ্ধি এক পয়সা।

\*

\*

\*

সে বিরাট খরচ।

কয়েকটা পৃষ্ঠা জুড়ে এক পয়সা থেকে হাজার দু হাজার পর্যন্ত দফায় দফায় খরচ জুড়ে সে এক পাঁচ অঙ্কের হিসাব। বারো হাজার পাঁচশো পঁয়ত্রিশ টাকা কয়েক আনা কয়েক গুণ্ডা। দফায় দফায় পড়ে গেলাম। প্রতিটি আইটেম। কলকাতায় বউভাত হয়েছিল একটা। আর একটা বউভাত হয়েছিল কীর্তিহাটে। ব্রাহ্মণভোজন, শূদ্রভোজন, অপরাপর ভোজন, গোয়ানদের সিধা, মুসলমানদের সিধা। বাক্রদের কারখানা। রোশনাই খরচ। কলকাতায় বার্দীনাচ। কীর্তিহাটে যাত্রাগান। লাঠিয়াল বিদায়। কত খরচ, খরচের অন্ত নাই। এর মধ্যে পেলাম একজনের নাম। ঠাকুরদাস পাল। ঠাকুরদাসের ও তত্ত্ব পুত্র-কন্যার পোশাক বাবদ। গাত্রহরিদ্রা লইয়া ঘাইবার খরচ মাঃ শ্রীঠাকুরদাস পাল। শ্রীঠাকুরদাসদের পাথের। আবার দেখলাম অষ্ট-মঙ্গলার খরচ বরকন্ঠাসহ ঠাকুরদাস তত্ত্ব লইয়া যায়, তদাবদ খরচ একশত টাকা। কন্যা বাড়ীতে চাকর-বাকরদের বকশিস বাবদ একশত টাকা, জিন্মা ঠাকুরদাস পাল।

আশ্চর্য এই ঠাকুরদাস পাল।

পিতামহ দেবেশ্বর রায়ের বিবাহের সর্বত্র যেন সে বিচরণ ক'রে বেড়াচ্ছিল। আমার আর বিশ্বয়ের সীমা ছিল না।

চাকর ? চাকরের আগে তো শ্রী লেখার বেওয়াজ ছিল না।

অনেকক্ষণ চুপ ক'রে বসে রইলাম স্থলতা। আমার প্রপিতামহ রত্নেশ্বর রায় ছিলেন সে-আমলেরই শুধু নয় সকল আমলের দুর্লভ মানুষ। শুনেছি প্রথম জীবনে মামা বীরেশ্বর রায়ের সঙ্গে বিরোধ করেছিলেন তাঁর দুর্দান্ত জমিদারপনার প্রতিবাদে। অথচ এ বংশের দৌহিত্র হিসেবে তিনিই ছিলেন রায়েদের উত্তরাধিকারী ; পরে মামার সঙ্গে মিটেছিল, মামা তাকে পোষাপুত্র নিয়েছিলেন। তিনি মামার সঙ্গে বিবাদ করেই ক্ষান্ত ছিলেন না। তা হলে সকলেই বলত, তিনি ঝগড়া করেছিলেন সম্পত্তির জন্য। তিনি নীল বিদ্রোহের সময় নীলকরদের বিরুদ্ধেও কথ্যে দাঁড়িয়েছিলেন। পরে সম্পত্তির উত্তরাধিকারী হয়ে তিনি ইন্সুল করেছিলেন দুটো। চ্যারিটেবল হসপিটাল দিয়েছিলেন। ল্যাণ্ডহোল্ডারস অ্যাসোসিয়েশনের মেম্বর ছিলেন। সেকালের বড় বড় ধনী জমিদারমহলে তাঁর প্রতিষ্ঠা ছিল। তাঁর কজন পরম প্রিয়পাত্র ছিল, তাঁরা গ্রামজীবনের সাধারণ লোক। তাঁদের ভাইয়ের মত সমাদর করতেন। ঠাকুরদাস তাহলে তাঁদের কেউ ? হঠাৎ মনে পড়ে গেল শ্রামনগারের ইন্সুলের একটা বৃত্তি আছে, মেডেল আছে, যার নাম ঠাকুরদাস স্বলারশিপ, মেডেলটার নাম ঠাকুরদাস মেডেল। গোল্ড সেন্টার্ড মেডেল। তাহলে ? কে ঠাকুরদাস পাল ? খাতা ওল্টাতে লাগলাম যদি আর তার কোন পরিচয় মেলে। কিছুদিন পরেই খরচ দেখলাম ঠাকুরদাস পালের পুত্রের বিবাহে বধু সমাদরের যৌতুকের জন্য গহনা খরিদ একদফা এক হাজার টাকা !

সে আমলে এক হাজার টাকা তো কম নয়। তখন চৌদ্দ টাকা সোনার ভরি ! তাছাড়া

সাধারণ গৃহস্থধরে সোনার গহনার প্রচলন হয়নি। গহনা ছিল রূপোর। উল্টেই যাচ্ছিলাম খাতার পাতা। নানান বিচিত্র খরচ। সেকাল যেন খরচের আইটেমগুলোর মধ্য দিয়ে নিজের একটা বিচিত্র রূপ উদ্ঘাটিত করছিল। কথকতার খরচ, রামায়ণ গানের খরচ, গায়ক বিদায়, আবার পান্ডি বহনের বেহারা খরচ, মদের জন্য ইনাম বকশিস, ভট্টাচার্যপাড়ায় জামাচরণ ভট্টাচার্যের কন্যার বিবাহে সাহায্য; সে ছ চার টাকা নয়, একশো টাকা। সন্ন্যাসীদের জন্য গাঁজা খরচ। সাপুড়েকে বকশিস। গোয়ানপাড়ার সাহায্য। ঘরতৈরীর জন্য দশ ঘর গোয়ানকে একশো টাকা হিসাবে এক হাজার টাকা! ওই গোয়ানরা! মনে আবার গোয়ানপাড়া জায়গা জুড়ে এসল।

গোয়ানদের এনে কংসাবতীর ওপারে ওই শক্তিসাধনার সিদ্ধপিঠ থেকে কিছুটা দূরেই বসত করিয়েছিলেন রত্নেশ্বর রায়। এই ছকুম দিয়ে গিয়েছিলেন বীরেশ্বর রায়—সোমেশ্বরের পুত্র, রত্নেশ্বরের দুর্দান্ত মামা এবং রত্নেশ্বর তাঁর পুত্রও বটেন পোষ্যপুত্র হিসেবে।

অতীত কালের স্বপ্নের মধ্যে একটা বেলা কোথায় কোন্ দিকে কেটে গিয়েছিল ঠিক ছিল না তার। অনেকক্ষণ ওই গোয়ান পাড়ার দিকেই আমি তাকিয়েছিলাম। ওদের পাড়ায় যাই নি কোনদিন। ওদের সঙ্গে ভাল করে কথাও বলিনি, ওদের দিকে তাকাইনি। তবে দেখছি বইকি। শুধু দেখা নয়, একটা আকর্ষণী বস্তু যেন বেঁধে ফেলেছে। ডিকু—ডি ক্রুজ, রোজা রোজারিও আমার পেয়াদা হিসেবে কাজ করছে। কথাবার্তায় হিন্দী টান, হিন্দী-উর্দু মেশানো বিচিত্র বাংলা। ওরা নাকি পটুগীজদের বংশ। গোয়া থেকে ওদের নিয়ে এসেছিলেন গোলন্দাজী করবার জন্য। এনেছিলেন হিজলীর নবাব। মহিষাদলের গর্গ বাহাদুররাও কিছু এনেছিলেন। বাস করিয়েছিলেন। সে ইংরেজ আমলের আগে। তখন একদিকে বর্গীরা আসছে অন্যদিকে ফিরিঙ্গী জলদহা ওই হারমাদরাই আসছে; ইংরেজ কোম্পানীর সঙ্গে হিজলী নিয়ে নবাবের ঝগড়া লাগছে। এরা তখন এখানে কামান দাগত। গোলন্দাজের কাজ করত। এরা তাদেরই বংশধর। কি জন্মে যে বীরেশ্বর রায় তাদের এখানে এনেছিলেন তা জানতেন তিনি আর জানতেন রত্নেশ্বর রায়। কিন্তু এরা এ অঞ্চলে মানুষদের বিচিত্র মেলার মধ্যে একটি অতি বিচিত্র রং এবং প্রকৃতি নিয়ে এসেছিল তাতে সন্দেহ নেই। এ দেশে এতকাল বাস ক’রে তার সবই একে একে এখানকার জলে বাতাসে রোদে মুছে মুছে প্রায় এক হয়েই এসেছে তবু কিছু বৈচিত্র্য এখনও আছে। সে মুখে আছে চোখে আছে চুলে আছে, কারু কারু রঙেও আছে। একটা পিঙ্গলাভা ফুটে বেরোয়। চোখে বারসাদী উগ্রতা এবং চোখের তারায় পিঙ্গলাভা আছে। প্রচুর মদ খায়। নিজেরাই চোলাই করে। মেয়েরা উগ্র অপকর্ষ প্রসাধন করে। নির্লজ্জার মত হাসে। জামা একটা ক’রে পরে। বুড়ী মেয়েরা এখনও সেমিজ ধরণের ফ্রক বা গাউন পরে। আবার তরুণারা আটোসাঁটো করে কাপড় সর্বান্তে জড়িয়ে দেহভঙ্গিমাকে যথাসাধ্য প্রকট ক’রে এদেশের মেয়ের মত ঝুড়ি কাঁখে কাঠকুটো ভেঙে বেড়ায়। এবং নদীর ধারে কয়েকজন একসঙ্গে জুটলেই গলা মিলিয়ে গান গায়—নির্জন প্রান্তরে বা জঙ্গলের ভিতরে—“তিলেক দাঁড়াও হে নাগর, নয়ন ভরিয়া তোমায় দেখি।” সে নাগর। ব্রজের কানাই তাও তারা জানে। বাইবেলের কথা সামান্যই জানে। ওঁ

সামান্যেই তাদের গভীর শ্রদ্ধা। মেইরী বলে কপালে বৃকে আঙুল ছোঁয়ায় !

বিবিমহলের নিচেই কাঁসাই। তার ওপারের জঙ্গলের মধ্য থেকে কাঁসাইয়ের কিনারায় এসে কতদিন ওরা দাঁড়িয়ে সমস্বরে গেয়ে যায়—তিলেক দাঁড়াও হে নাগর ! কোনক্রমে যদি আমার দেখা পায় স্নলতা, তবে খিলখিল ক'রে হেসে ওরা এ ওর গায়ে ঢলে পড়ে। আমি কখনও বিরক্ত হই কখনও খুশী হয়ে হাসি। তার উপর আজ যেন দারুণ মোহে পড়ে গেছি। আজই দুপুরে তাদের অর্ধনগ্ন দেহে সাঁতার দিতে দেখে কিছুক্ষণের জন্ত যেন জগতের আদিম যে উষায় পুরুষ এবং প্রকৃতি নর এবং নারীরূপে এসে দাঁড়িয়েছিল সে উষাকে প্রত্যক্ষ করেছি।

সেদিন চোখে ওদের সেই মাগেকার কালের আসল চেহারাটা কল্পনা করে মনে আবার একটা রঙ ধরিয়েছিলাম। সেকালের ওদের একটা পোশাকও মনে মনে ছবি আঁকিয়ে আমার মনে ভেসে উঠেছিল। আজকাল যারা ব্যাঙ বাজায় তাদের যে ধরনের বিচিত্র পোশাক সেই পোশাক পরিয়েছিলাম ওদের পুরুষদের। এবং মেয়েদেরও এমন একটা চংয়ের পোশাক ও চুল বাঁধার চং মনে মনে ছকতে ছকতে এসে আবার দাঁড়িয়েছিলাম কাঁসাইয়ের ধারে বিবিমহলের দক্ষিণের খোলা বারান্দাটার। তাকিয়েছিলাম ওপারে জঙ্গলের পশ্চিম ধার ঘেঁষে একটা টিনার উপর ওদেরই গ্রামটার দিকে। মধ্য মধ্য জঙ্গলের কোলে নদীর কিনারাটার দিকেও তাকাছিলাম। ওই মেয়েগুলোর প্রত্যাশায়। ওদের দেখতে ইচ্ছে হচ্ছিল। ইচ্ছেটা ঠিক কথা নয়, ঠিক কথাটা হল 'বাসনা'। ওদের ভাল করে দেখতে পেলে মনে মনে পুরনো ছাঁদের পোশাক পরিয়ে একটা ছবি দাঁড় করানো যায়। কিন্তু ওদের সাড়াশব্দে অন্ততঃ গানের সাড়া ছিল না। দূরে গ্রামটা থেকে গরুর ডাক শুনতে পাচ্ছিলাম, মনে হচ্ছিল ওদের ঘরের চানের ওপর কটা মোরগ গলা ফুলিয়ে লড়াইয়ের হাঁক হাঁকছে। মধ্য মধ্য কুকুরের ঝগড়ার শব্দ উঠেছে। আর একটা মানুষের আভাস ! কখনও একটা তীক্ষ্ণ উচ্চ নারীকণ্ঠ। ঠিক কি বলছে বোঝা যায় না। স্বরটা চিলের ডাকের মত ছড়িয়ে পড়ছে।

মনে আছে স্নলতা, নদীর জলে তখন বিকেলের হলদে রোদের ছটা পড়ে রঙীন ঝকঝকানি উঠছে। কাঁসাইয়ে জোয়ার আসে নীচের দিকে, এতদূর আসে না। ওপারের বন উজ্জল রোদে ঝলসচ্ছে। পাখীর ডাক উঠছে প্রচুর। 'কল-কল, কল-কল। কিচি-মিচি। কিন্তু সব আমার কাছে নিরুন্ম মনে হচ্ছে ওই মেয়েগুলোর সমবেত কণ্ঠের গানের অভাবে আর হাসির খিলখিল শব্দের অভাবে। এবং মনে হচ্ছে সামনের এই ছবিটা শুধু ব্যাকগ্রাউণ্ড, কটা মেয়ের ছবির অভাবে অসম্পূর্ণ।

এমন সময় পিছন থেকে শুনলাম সরস যধুর কণ্ঠ আমার মেজদির। মেজদির পিছনে এসে দাঁড়িয়ে বলছেন—কি রে, এই দুপুরে এই বারান্দায় রোদ মাথায় ক'রে দাঁড়িয়েছিল ? তোরা মেজদাছ পাখীটার ডাক উঠছে নাকি ?

ফিরে তাকিয়ে বললাম—না !

—তবে ?

মেজদিকে দেখে রসিকতা করতে ইচ্ছে হল—গোয়ানপাড়ার মেয়েগুলোর গান শুনব বলে

দাঁড়িয়ে আছি।

—সে আমি বুঝেছি। কিন্তু ও শখ কেন বল তো? গোয়ানপাড়ার মেয়ে পাখীগুলোই বেশী রে। ও স্বরে ভুলিস না। ওখানকার পুরুষগুলো মোগী ভাই, গলা ফুলিয়ে লড়ুয়ে হাঁক ছাড়া ডাক জানে না, আর সবই লড়ুয়ে মোগী! খুনথারাপিতে সিদ্ধহস্ত! মাসে দু-চারটে কাটাকাটি ওরা করেই। ওদের পিঙ্গ গোয়ানের গল্প শুনেছি, গায়ে কাঁটা দেয়। কি বাড়! আমার শ্বশুরের দাপে বাঘে বলদে জল খেত। সেই তাঁর ছেলেবেলার মাকড়স-ভক্ত প্রিয়পাত্র ঠাকুরদাস পালকে দিনেদুপুরে ওই কঁসাইয়ের পাড়ের উপর এই এতবড় ছোরা বুকে বসিয়ে দিয়েছিল। মরে গেল ঠাকুরদাস পাল। বলতে গেলে আমার শ্বশুরের চোখের সামনে। শুনি নাকি তাঁর ঘরেই দুজনের কথা কাটাকাটি শুরু হয়। সেখান থেকে বেরিয়ে কাছারীর বাইরে গিয়ে ওই খানিকটা নদীর ধার পর্যন্ত গিয়েই ঠাকুরদাস হাত চেপে ধরলে, অমনি—! শুনেছি নাকি ঘড়া দরুণে রক্ত পড়েছিল।

—গোয়ানটার কি হল?

—তার অবিশ্বাসি ফাঁসি না দ্বীপান্তর কি হয়েছিল। সে আর ফেরেনি। লোকটা ডাকাত ছিল। তার মেয়েটা ওই যে হলদি বুড়ী—ওকে তো দেখেছ। সেই যে! সেই ভাস্করপোর শ্রাদ্ধের সময় এসে তোকে বউমাকে সেলাম দিলে। সালাম পছন্দে হুজুরাইন, হামার ছোট হুজুর! যে বললে—হমি লোক তো হিয়া পাতা পেড়ে নেই খাবো মালেক। হামরা তো হিন্দু নেহি। হমি লোক কিরিস্তান। আর হারমাদ হামরা—

মনে পড়ল শ্বশুরের। বুড়ীকে দেখেছিল বাবার শ্রাদ্ধের সময়।

অনেকটা বয়স বুড়ীর। রঙটা সতিাই ফরসা। মাথার চুলগুলো শনের মতই সাদা হয়ে গেছে প্রায়। চৌকো গৌরবর্ণ মুখথানায় দাগে দাগে একটা মাকড়সার জাল আঁকা হয়ে গেছে। চোখ দুটো বেড়ালের চোখের মত কটা বা পিঙ্গল। পরনে ছিল একটা সেমিজের মত ছিটের গাউন। অর্থাৎ তার গাউনত্ব ছিল না। কিন্তু সেটা তার তোলা পোশাকী গাউন; সেদিনের বিশেষ ক্ষেত্রে তাদের বাড়ী আসবার জগাই প'রে এসেছিল, তা বোঝা গিয়েছিল। তাতে ন্যাপথলিনের গন্ধ ছিল।

মেজঠাকুমা বলেছিলেন—পিঙ্গর সাজা হলে গোয়ানপাড়ার সকলে, গাঁয়ের সকলে ওকে ওর মাকে তাড়াবার জগ্গ বলেছিল আমার শ্বশুরকে। কিন্তু তাঁর বিচার ছিল অতি ন্যায্য। তিনি তো তাড়ানই নি বরং রক্ষে করেছিলেন। বলেছিলেন—যা ক'রেছে পিঙ্গ করেছে তার জগ্গ ওদের সাজা হবে কেন? সেজগ্গে হলদি রায়বাড়ীর অবস্থা এত হীন হলেও খাতির না ক'রে পারে না। তবে তোমাদের মানে ভাস্করের বংশের উপর খাতির বেশী। তার মানে জান?

—কি?

হেসে ঠাকুমা বললেন—আমার ভাই তোর মেজঠাকুরদার কাছে শোনা। তিনি বলতেন দাদার চেহারা ছিল কন্দর্পের মত। ভাই বা কেন? কন্দর্পের চেয়ে বেশী। কন্দর্প তো কোমল কিশোর বা যুবক। দাদার ছিল বীরের মত চেহারা। এই লক্ষ্য। তেমনি মুখ

তেমনি চোখ তেমনি রঙ। তেমনি বুকের ছাতি। তাঁকে দেখে ওই হারামজাদীদের লালমার অস্ত ছিল না। দাদারও ক'জন গোয়ান শিকারী ছিল, তারা সঙ্গে যেত, বাঘ মারবার সময়।...

হঠাৎ ঠাকুমা মুখে কাপড় চাপা দিলেন, বললেন—আমি বলেছিলাম, আর তুমি কালো একটু মোটাসোটা বলে তোমার দিকে তাকাতো না বুঝি? ওঃ জলে উঠতেন। দশবার রাধা রাধা বলে বলতেন—শুনলে পাপ হয় এ কথা।

স্বরেশ্বর চিন্তার রাজ্য থেকে ফিরে এসে মেজঠাকুমার সঙ্গেই মুখোমুখি দাঁড়িয়েছিল, উপভোগ করেছিল এই আশ্চর্য সেকলে অথচ সর্বকালের মাদুর্যময়ী এই রূপসী ঠাকুমাটির কথা-গুলি। উত্তরে নিজেও রসিকতা করবার লোভ সামলাতে পারেনি, বলেছিল—তুমি বুঝি তাঁকে পাহারা দিতে হলদিদের দল যখন আসত? ছাদে উঠেও গোনপাড়ার দিকে তাকাতো দিতে না!

হেসে উঠলেন মেজঠাকুমা, সঙ্গে সঙ্গে উত্তর দিলেন—যেন চৌচৌর ডগায় উত্তরটি উত্তত হয়েছিল, সেটা তোকে সাবধান করা দেখে বুঝতে পারছিস না। সেইজন্মে তো বলছি ভেতরে চল। মনসার কথায় আছে মনসা যেন বেটীকে বলেছিলেন—সব দিক পানে তাকিয়ো মা, দক্ষিণ দিক পানে তাকিয়ো না। তোর দাছ ছিলেন কালো এবং আমি যেকালে ভার পেয়ে-ছিলাম সেকালে তিনি বুড়ো হয়েছিলেন। তোর দাছ তোকে দেখে বলেছিলেন—নাতি, তোমাকে দেখে দাদাকে মনে পড়ছে। তিনি রায়বংশের শ্রেষ্ঠ সুপুরুষ ছিলেন। তুমি তার তুল্য কি তার থেকেও সুন্দর হে। তুমি সুন্দর তুমি নবীন। পাঁচজনে কলঙ্ক দিয়ে তোকে আমার নটবর করে তুলেছে। আমাকে ভাবনায় পেলোছিস তুই। আয়, শুদিক সেই মুখ-পুড়ী ছুঁড়ীদের গানের জন্ত কান পেতে দর্শনের জন্ত চোখ পেতে থাকতে হবে না।

ঘরে এসে ডেকচেয়ারে বসলাম। টানাপাখা আবার চলতে লাগল।

দিনের বেলা খেয়ে না ঘুমিয়ে বিকেলে ঘুমিয়ে পড়েছিলাম সুলতা, তার মধ্যে স্বপ্ন দেখে-ছিলাম; কি দেখেছিলাম মনে নেই, তবে তার মধ্যে ঠাকুরদাস ছিলেন, আমার ঠাকুরদাও উকি মেয়েছিলেন আর পিঙ্গ ছিল, গোয়ানপাড়ার মেয়েগুলোও ছিল। এলোমেলো জড়ানো স্বপ্ন। মানে মাথার মধ্যে সেকালের ওই ইতিবৃত্তগুলো মাতালের মদের নেশার মত ঘুরপাক খাচ্ছিল।

স্বপ্নের শেষের দিকটায় ঠাকুরদাসের রক্তাক্ত দেহ ছিল মনে আছে। একটু আতঙ্কের সঙ্গেই জেগে উঠলাম। তখন সন্ধ্যা হয়ে এসেছে—

বঘু চা এনে দিলে।

চা খেয়ে কি মনে হল, ভাবলাম, ঠাকুমা বললেন—ঠাকুরবাড়ী-কাছারী থেকে বেরিয়ে কাঁসাইয়ের ধারটায় গিয়ে পিঙ্গ খুন করেছিল ঠাকুরদাসকে। জায়গাটা দেখে আসি!

বেরিয়ে পড়লাম।

কীর্তিহাট গ্রামখানা নদীর ধারে ধারে লম্বা—কলকাতার মত গড়ন। রায়বাড়ী তার এক পাশে। মানে যে দিকটা জুড়ে আছে তার পরে আর অগ্নিলোকের দগত নেই। নদীর ঘাটে



গিয়ে একটা রাস্তা পড়েছে। তার ওপারেই গোয়ানপাড়া।

গিয়েছি অনেকবার। কিছুই ছিল না। থাকবার মধ্যে জঙ্গল। খানিকক্ষণ দাঁড়িয়ে থেকে ফিরে এলাম।

গোয়ানপাড়ায় তখন হাঁকাহাঁকি ডাকাডাকি চলছে। গরুকে ডাকছে ছাগলকে ডাকছে। হাঁসকে ডাকছে—আ-তি-তি-তি। আ কোর কোর তি-তি-তি। আ—ছেলেগুলো কোলাহল করছে। বকাবকিও শোনা যাচ্ছে। কলহ নয়। গুরুজনেরা বকছে ছেলেমেয়েদের। আমার পাশ দিয়ে ক’টা গোয়ান মেয়ে কাঁতিহাটে বাজার করে ফিরে এসে নদীর ঘাটে নামল। হাতে মুখে দড়ি বাঁধা কেরোসিনের বোতল, মাথায় একটা ক’রে ডালা। আর একটা করে সরষের তেলের ভাঁড়।

আমাকে দেখে ফিক ফিক করে এ ওর মুখের দিকে তাকিয়ে হাসলে। আমি প্রাণপণে গম্ভীর হয়ে বিচরণ করছিলাম, বলতে পার শিশিরবাবুর চিন্তামগ্ন আলমগীরের মত। ওদের দেখে ভয়ান্ত যেমন মেকী সাহস দেখায়, তেমনি পোজ নিয়েছিলাম আমার মনে আছে। কিন্তু ওরা ছাড়বার পাত্রী নয়, ওদের উপমা আমাদের পুরাণে, কাব্যে খুঁজে পাই নে। প্রমীলার রাজ্যের কথা শুনেছি। বিস্তৃত বিবরণ নেই। —থাকলে বোধহয় উপমা মিলত। ওরা বললে, সেলাম মালিকসাহেব।

আমি বললাম, সেলাম।

—হজুরের বোথার হয়েছিল। কতদিন জানালাতে দেখি নি। আব্ তবিয়ে ভাল হল ?

—হ্যাঁ। হয়েছে।

তবুও ছাড়ান দিলে না। বললে, গোয়ানপাড়ার ঘাটে হজুর ?

বললাম, বেড়াতে এসেছি।

—তবে চলেন মালিক হমলোকের গাঁওয়ে।

বললাম, না, তোমরা যাও।

—কোইকে ডেকে দিব হজুরবাহাদুর ?

—না।

—আর তসবীর আঁক না মালিক ?

—না।

—এই রোজা মেয়েটা বলে, হজুরকে বলব, হজুর হামার তসবীর আঁকো। তা ওর আঁক না হজুর। উর খুব শখ। আর উ দেখতে ভি খুব সুরত আছে।

এবার খিল খিল করে হেসে উঠল।

আমি নিশ্চয় রাঙা হয়ে উঠেছিলাম। এরা তো সুলতা, অসীমা, সীমা নয়, এদের সঙ্গে আমার পেরে ওঠবার কথা নয়। আর এরা চাঁপুরের বাড়ীর দরজায় যারা পেটের অন্নের জন্য দাঁড়িয়ে থাকে, তারাও নয় যে, পকেট থেকে টাকা দিয়ে ঘরে যেতে বললে কৃতজ্ঞতায় মাথা হেঁট করে মনে-মনে পায়ে মাথা ঠেকাবে। এদের গায়ে হারমাদের রক্ত। এরা কাঁসাইয়ের ধারের জঙ্গলে বাস করা আদিম নারী। আমি ভঙ্গ দিলাম। যথেষ্ট গান্ধীরের সঙ্গে ওদের

দিকে একটা তির্যক দৃষ্টি নিক্ষেপ করে গাঁয়ের মুখে ফিরলাম। ফিরতে গিয়েই দেখলাম, পিছনে জঙ্গলের মধ্যে কে একজন লুকুচ্ছে। আমি গ্রাহ্য করলাম না, চলে এলাম। কিছুটা এসেছি অমনি মেয়েগুলোর তীক্ষ্ণ উচ্চকণ্ঠের ধ্বনি পেয়ে আবার থমকে দাঁড়ালাম। অশ্লীল ভাষায় গালাগাল দিচ্ছে কাকে। একটা কথা কানে এল—এঁঃ, রায়বাবুর বাড়ীর লড়কা। কুঁতুর পাঁকিটে একঠো দামাড় নেহি বাবু থিতাব। যা-যা, ভাগ। নেহি তো নাক কেটে লিবো রে শালা!

বুঝলাম, কোন রায়বংশের গুণধর ওদের পিছু নিয়েছিল। তাকেই এ-কথা বলছে।

দুপুরে নিজেকে যা করেছি তার জন্য লজ্জায় মরে গেলাম।

এবং তখনই বোধহয় জিতে গেলাম।

যৌবনের ধর্মকে আমি মানি। ব্যাভিচারী বলে যারা সংসারে ঘৃণিত, তাদের বিচারও আমি মহাত্মভূতির সঙ্গে করেছি। কিন্তু হ্যাঙলামি-কাঙালপনা; নারীর সঙ্গে প্রেমের ক্ষেত্রে ছিঁচকে-চোরের বা গাঁটকাটার কাজ যারা করে, তাদের ঘেন্না করে এসেছি। আমার এই জ্ঞাতি-পুত্রটিকে দেখে যে ঘেন্না হল তার ওপর, তার থেকেও বেশী ঘেন্না অনুভব করছিলাম নিজের ওপর। বিশ্বমঙ্গলের মত চোখ দুটোর ওপর ক্রোধের আবু সীমা ছিল না।

থারাপ, অত্যন্ত থারাপ মন নিয়েই ফিরে এলাম।

একটা কথা এক সময় বিদ্যাসূর্যের মত মনে হল, মানুষের এই পাপ রায়বংশে এমন করে বাসা বাধলে কেন?

বাবার কথা মনে পড়ল। মাকে চিঠিতে লিখেছিলেন, স্বরেশ্বরকে নারীদের থেকে দূরে থাকতে বলো। যদি নাই থাকতে পারে, তবে যেন বিবাহ করে।

আর একটা কথা মনে পড়ল, প্রকৃতির সঙ্গে পুরুষের সম্পর্ক মানুষ আর মানুষীর মধ্যে দুটিতেই আবদ্ধ রাখতে হয়। বাকি ক্ষেত্রে সম্পর্ক পিতা-কন্যা; মাতা-পুত্রের। কথাটা রায়-বাহাদুর রত্নেশ্বরের। তিনি বলে গেছেন।

গোয়ান মেয়েগুলোকে মনে মনে মা বলতে গিয়েও পারি নি। তোমাকে মনে করতে চেষ্টা করেছিলাম কিন্তু তোমার মুখ ঢেকে ওদের মুখ ভেসে উঠছিল। এরই মধ্যে কখন এসে পৌঁছে গিয়েছিলাম বিবিমহলের দরজায়। মাথা হেঁট করেই আসছিলাম। হঠাৎ শুনলাম, কে বললে—এই যে!

মাথা তুলে দেখলাম, সেন্টেমেন্ট ক্যাম্পের পেশকার।

লোকটা কালো, রোগা, যারা খুব বৃত্ত হয়। বললে, এই তো বেড়িয়ে এলেন। তাহলে তো ভাল আছেন!

মেজাজ থারাপ হয়ে গেল, লোকটা কি দেখতে এসেছে আমার অসুখ কতটা সত্যি, তাই?

লোকটা বলে চলেছিল—ওঃ, কতক্ষণ এসেছি, আধ ঘণ্টার উপর। চলুন, সাহেব বসে আছেন। মিসেস ঘোষ কাল কলকাতা যাবেন। হঠাৎ ঠিক হয়েছে। তাঁর ছবি এঁকে দেবার কথা আছে। সেটা নিয়ে যাবেন তিনি।

—মানে ? এই রাতে ?

—হ্যাঁ । কাল যে কলকাতা যাবেন, সেখানে দেখাবেন তিনি ।

কি হয়ে গেল মেজাজ, বললাম, বলবেন, রাতে ছবি আঁকা হয় না ।

—হেজাক-বাতি ঠিক করে রেখেছি ।

—বলবেন, হবে না । পারব না । আমার শরীর ভাল নেই ।

—উনি চটে যাবেন । মেমসাহেব ঝোক ধরেছেন ।

—তাহলে চটতে বলবেন । বিরক্ত করবেন না । বলে আমি ঘরে ঢুকে গেলাম ।

স্বরেশ্বরের নিজস্ব কর্মচারী ঘোষাল । হরচন্দ্রেরই ভাইপো । সে বললে, কথাগুলো কড়া হয়ে গেল ।

তার মুখের দিকে তাকিয়ে স্বরেশ্বর বললে, তা হোক !

নায়েব বললে, পরশু থেকে কীর্তিহাটে বুঝারত হবে আজ গোল পড়ল । সাহেব নিজে করবেন ।

—তা করুন ।

—আপনাকে হয়রান করবে এই আর কি !

—কি হয়রান করবে ?

—সঙ্গে সঙ্গে রোদে রোদে ঘোরাবে হয়তো । হয়তো আমাদের কথা শুনবে না । স্বত্বের ঘরে ওরা যা বলবে তাই লিখবে । ওদের তো লম্বা হাত !

—ঠিক আছে । আপনি কাগজপত্র ঠিক করে রাখুন, থাকলে দেখাবেন । না থাকলে বলবেন, কাগজ নেই, অথবা যা বলছে তাই লিখুন তিনি । তারপর তো মুন্সেফ কোর্ট, ডিস্ট্রিক্ট কোর্ট, হাইকোর্ট আছে ।

চুপ করে রইল নায়েব, কথাটা তার মনঃপূত হল না । সে একটু চুপ করে থেকে মাথা চুলকে বললে, একবার চলুন না সাহেবের কাছে । গিয়ে বলবেন, দেখুন লোকজনের সামনে পেশকার আপনার এইভাবে কথা বললে—

স্বরেশ্বর একটু রুদ্ধভাবেই বললে—না ।

নায়েব চলে গেল । সে বিবিমহলের সেই চারিপাশ খোলা ছাদওয়াল বারান্দায় ঘুরতে লাগল । মন তিক্ত হয়ে উঠেছে । মনে হচ্ছে এসব ওই ওদের দানপত্র করে চুকিয়ে দিয়ে চলে যায় সে, তাহলে এই হরেন ঘোষ নামক সেটেলমেন্ট হাকিমের লম্বা হাতটিও আর তার নাগাল পাবে না । সে তখন ঠাকুরদাস পালকেও ভুলে গিয়েছিল । ইচ্ছে হচ্ছিল ছইক্ষির বোতল সে এখনি খোলে । এবং তারপর বাজনা বাজায় । ঝুঙ-তুলির মত বেহালাও তার মঙ্গী । সঙ্গেই এনেছে । কিন্তু এই বাজনাটা তার লোকজন থাকলে যেন নিজের কাছেই জমে না । বিশেষ করে এখানকার লোকজন ।

সেই বাপের আদ থেকে এ পর্যন্ত তার তিনবার আসা হল, এখনও পর্বন্ত বলতে গেলে গ্রামের লোকের কাছে সে অপরিচিতই । এদের যা স্বভাবচরিত্র, সে তার বাবার আদ্রের সম্মত এসে দেখেছিল । সেটা একান্তভাবে লোভ আর খানিকটা সেও লোভ বা আর এক

ধরনের ক্ষুধা—রক্তমাংসের দেহের ক্ষুধা, এই সর্বস্ব। কিন্তু এবার এসে আরও গভীর এবং ভয়াবহ চেহারা দেখছে। বিষয়সম্পত্তি নিয়ে যে ক্ষুদ্রতা এদের এবং যে কুটিলগতিতে সে-ক্ষুদ্রতা পাক খায়, তার তুলনা হয় একমাত্র সাপের সঙ্গে। প্রথমটার তুলনা শেয়ালের সঙ্গে। সত্য বলতে গেলে, এদের সে সহ্য করতে পারে না।

ডিকু বলে, বিনকুল সব হারামী আছে হুজুর।

রোজা অর্থাৎ রোজারিও বলে, বিনা মতলবে কোই বাত করে না হালেক। ঝুটা আদমী, ঝুটা বাত্!

স্বরেশ্বরও তাই মনে করে, এদের মধ্যে অস্বস্তিও বোধ করে। এমনকি প্রশংসা কেউ করলেও সন্দিগ্ধ হয়ে ওঠে। বোধহয় ওরাও জানে সেটা অর্থাৎ স্বরেশ্বর রায় তাদের চেনে এটাও ওরা বুঝেছে। তাই কেউ এদিকে ধার ঘেঁষে না। একমাত্র ওই মেজঠাকুমা! এই রায়বাড়ী, এই কীর্তিহাট গ্রামে ওই মহিলাটিই তার পরমাত্মীয়, প্রিয়জন। তিনি তাঁর সঙ্গে আদিরস-ঘোঁষা রসিকতা করলেও মিষ্টি লাগে, তার তোষামোদ করে তাকে তাঁর অম্লদাতা বললেও সে সঙ্কোচ বোধ করে না; মনে হয় না কোন মতলবে বলছেন। তিনি দুপুরে একবার খাবার সময় আসেন, আবার সন্ধ্যার পর ঠাকুরবাড়ী ফেরত পুষ্পচরণোদক নিয়ে তাকে দেন, রাত্রে কি কি খাবার আয়োজন করেছে ঠাকুর তার তদ্বির করে চলে যান। তিনি তো জানেন তার হুইঙ্কি খাওয়ার কথা, তাই খাওয়ার আগেই চলে যান। হুইঙ্কির সঙ্গে রাত্রির খাবার থেয়ে নিয়ে স্বরেশ্বর এসে বসে ওই সামনের মনোরম খোলা বারান্দাটিতে, হাতে বেহালা থাকে। বাজায় আপনমনে। আমেজ লাগে।

আজ এই উত্তেজিত মুহূর্তটিতে সে হুইঙ্কির বোতলটা খুলে বসে গেল। মেজঠাকুমা এখনও আসেননি। সেজন্ত স্বরেশ্বর আজ বিরক্ত হয়েছিল মেজঠাকুমার উপর। মনে মনে প্রশ্ন করেছিল, কি দরকার ওঁর রাত্রে আসবার?

প্রায় সেই ক্ষণটিতেই মেজঠাকুমা এসে গিয়েছিলেন। মুখে স্বরেশ্বর কিছু বলতে পারেনি। তাই বা কেন, মনটা প্রসন্নই হয়ে উঠেছিল।

মেজঠাকুমা কিন্তু সেদিন ঠিক সেই মানুষটি নন, যার আবির্ভাবের সঙ্গে সঙ্গে তাঁর মুখের হাসি এবং সরস বাক্যে কীর্তিহাটের এই নির্বাসনবাসটি মধুর হয়ে ওঠে।

পুষ্পচরণোদক দিয়ে বললেন, আজ নদীর ওই গোয়ানপাড়ার ঘাটে বেড়াতে গিয়েছিলে?

—হ্যাঁ। ঠাকুরদাস পালকে পিঙ্গুগোয়ান ওইখানটায় খুন করেছিল, বললে না তুমি? মনে হল জায়গাটা একবার দেখে আসি।

—হঁ। তা ডিকু কি রোজারি কি রঘুকে সঙ্গে নিলেই পারতে। একলা গেলে কেন?

—কি বিপদ, আমি কি ছেলেমানুষ, পথ হারাব?

—ওরা তো তাই রটাচ্ছে, তুমি ওদের ছুঁড়িগুলোর ইশারায় পথ হারাতেই গিয়েছিলে। চন্দ্রেশ্বর দেখেছে।

চন্দ্রেশ্বর স্বথেষ্টের ছোট ছেলে।

—ও। ই্যা দেখলাম বটে। গ্রাম থেকে কেউ ওদের পিছু নিয়েছিল। আমি ঘাটে দাঁড়িয়ে ছিলাম বলে জঙ্গলের মধ্যে গাছের আড়ালে লুকিয়েছিল। মেয়েগুলো যা কুৎসিত ভাষায় ওকে গালাগাল করছিল।

—সেটা এবার তোমার নামে রটল।

—রটুক।

—না ভাই। আমার গায়ে লাগে।

একটু চুপ করে থেকে বললেন, কাল থেকে লোক সঙ্গে করে বেরুবি।

—কেন? এখানে সাংকী রেখে বেড়াতে হবে নাকি? না, তোমারও সন্দেহ হচ্ছে?

—তুই আচ্ছা গোঁয়ার কিন্তু। রায়বংশ তো!

—বলতে দাও। ওদের বলতে দাও। ওটা আমার প্রাণ্য রায়বংশ বলেই। কিন্তু তোমার সন্দেহ হয় কিনা বললে না তো।

—হলেই বা তোর তাতে কি যাবে-আসবে বল?

বুঝলাম অভিমান।

আবার একটু চুপ করে থেকে বললেন, সায়েবের পেশকারের সঙ্গে ঝগড়া করলি।

—ই্যা, তাও করেছি। দরকার হলে আবার করব।\*

—ওরা মানে ধনেশ্বর লাফাচ্ছে। প্রণবেশ্বর খুশী। পরামর্শ হচ্ছে—কাল প্রথমেই ওরা বাড়ীর স্বত্ব আপত্তি দেবে। বলবে, বাড়ী দেবোত্তর। মানে প্রণবেশ্বরদের অংশ যা কিনেছ, এই বিবিমহল যা তোমার নিজস্ব, এর সব দেবোত্তর। মানে বিক্রী সিদ্ধ নয়। ভাগ সিদ্ধ নয়। সব তো শুনেছিস।

বিরক্তিতে, ক্ষোভে, ঘৃণায় সুরেশ্বরের মাথায় যেন আগুন জ্বলে উঠল। সে বললে, নিক ঠাকুমা নিক ওরা। ওতে আমার দরকার নেই। নিক।

—না! কণ্ঠস্বর কঠিন হয়ে উঠল মেজঠাকুমা। বললেন, জমিদারের ছেলে হয়ে এই কথা বলছিস তুই? ছি! দিতে ইচ্ছে হয় দিতে পারিস। কিন্তু ঠকিয়ে নিতে দিবি? পরকে ঠকিয়ে নেওয়া যেমন পাপ, জেনে শুনে নিজের ঠকাও তেমনি ঘেন্নার কথা। সে যদি আবার ক্ষমতার অভাবে হয়। শোন, তোকে বলি,—যে-খাতাগুলো তোকে দিয়েছি, তার সবগুলো খোঁজ। ওর মধ্যেই পাবি রায়বাহাদুরের দেবোত্তরের বাইরে কলকাতায় যে ব্যবসা ছিল, শেয়ার ছিল কোম্পানীতে, তার জমা-খরচের খাতা। আমি দেখেছি সে খাতা। তার মধ্যে ইমারত খরচ পাবি। তোর কলকাতার বাড়ী এখানকার বাড়ী সব সেই টাকাতে।

বলে চলে গেলেন মেজঠাকুমা।

তার দিকে সুরেশ্বর তাকিয়ে রইল সবিস্ময়ে শুধু নয়, সসম্মত দৃষ্টিতে। আজ তাঁর এক নতুন চেহারা দেখেছে সে। একেবারে রাজমাতার মত চেহারা। আশ্চর্য, পুজুরী বামুনের মেরে, এমনটা হল কি করে?

\*

\*

\*

—সমস্ত রাজি আমি খাতা উন্টেছিলাম। পাতার পর পাতা। আজ আর ইতিহাস



ঘাঁটতে নয়, নজীর খুঁজতে। ঠাকুমা মনের মধ্যে একটা তেজ বা আগুন জ্বলে দিয়ে গিয়েছিলেন স্থলতা। সে আগুনটা অ্যালকহলের ছিটে পেয়ে জ্বলে উঠেছিল জোরালো হয়ে। ওদের রায়ত কেনা মেরামত-করানো ভিতর-বাড়ীটা ওরা ঠকিয়ে নেবে?

এদের অর্থগুরুতার জন্য নীচতার জন্যে ঘেরা, ওদের জোট নৈধে আমাকে ঠকাবার চেষ্টায় রাগ—ওদের মেজঠাকুমাকে পর্যন্ত কলঙ্কিনী অপবাদ দেওয়ার কুৎসিত প্রবৃত্তির জন্য ক্ষোভ—এগুলো মিলে আমাকে নিষ্ঠুর কঠোর করে তুলেছিল সেদিন। মদ খেয়েছিলাম মধ্যে মধ্যে, আর খাতাই উন্টেছিলাম পাতার পর পাতা, খাতার পর খাতা।

২

কিছুই পেলাম না। দেবোত্তরের খাতার মধ্যে কোথাও পেলাম না ইমারৎ খরচ। আবার ওন্টাতে লাগলাম। এবার হঠাৎ চোখে পড়ল, একটা টাকা জমা হয়েছে সেইদিকে। সামান্য টাকা, দেড়শো টাকা জমা! মাঃ সোমেশ্বর রায়। দেবোত্তরের ইটের পঁজা বিক্রয় হয়, সোমেশ্বর রায় অন্তরমহল তৈরীর জন্য খরিদ করেন—তম্র মূল্য বাবদ দেড়শত টাকা! চমকে উঠলাম। এই তো পেয়েছি। অর্থাৎ দেবোত্তর থেকে ইট নিয়েও তার দাম পর্যন্ত সোমেশ্বর রায় দিয়েছেন নিজের তহবিল থেকে। পুরো এক গ্রাম ছইক্ষি খেয়ে বেহালাখানা তুলে নিয়ে ভাবলাম বেহালা বাজাব। গভীর রাত্রি। আকাশে পশ্চিম দিকে চাঁদ পাণ্ডুর হ’তে সবে আরম্ভ করেছে। ছোটজাতের এক রকম পাখী আকাশে ক্রমাগত উড়েই বেড়াচ্ছে। সে পাখী তুমি বোধহয় দেখনি স্থলতা, কলকাতায় কাটিয়েছ তো সারা জীবন! ওরা চকোর। কাঁসাইয়ের ওপারের জঙ্গল থেকে কোন ফুলের গন্ধ আসছে। বউকথাকও পাখীটাও ডাকছিল। গ্রাম নিস্তর। শুধু মধ্যে মাঝে গ্রামের কুকুরগুলো ঘেউ ঘেউ করে চীৎকার করছিল। ছড়িটা তুলে নিয়ে টান দিয়েছি; বাজাব—‘শুন যা শুন যা পিয়া’। তোমাকেই ভেবেছিলাম মনে মনে! হঠাৎ একটা দমকা বাতাস এল। জমাখরচের খাতাখানা খোলাই ছিল, ফরফর ক’রে ওন্টাতে লাগল। পুরোনো কাগজ ছিঁড়ে যাবে ভয়ে ছড়িটা দিয়েই চেপে ধরলাম এবং বেহালাটা রেখে বন্ধ করতে গেলাম।

হঠাৎ নজরে পড়ল পাতাটায় লেখা—সৎকার খরচ; ঠাকুরদাস পাল খুন হওয়ায় তাহার লাশ সদরে যার; সদরে লোক পাঠাইয়া তাহার শবদেহ সৎকারের খরচ, পঁচাত্তর টাকা। তার জায় রয়েছে—বারবরদারি যাতায়াত খরচ, তাহাদের খাদ্য খরচ, চন্দন কাষ্ঠ, ঘৃত, নূতন বস্ত্র ইত্যাদি খরচ! ঠাকুরদাস পাল। সেই ঠাকুরদাস! সে খুন হয়েছে। তার সৎকারে চন্দন কাষ্ঠ ঘৃত খরচ করেছেন রত্নেশ্বর রায়।

আবার অন্তমনস্ক হয়ে গেলাম। ওন্টাতে লাগলাম। ঠাকুরদাসের আদ্যের খরচ পেলাম। সেই পৃষ্ঠাতেই পেলাম পিঙ্ক গোয়ানের পরিবারকে সাহায্য।

একটা আশ্চর্য চেহারা ফুটেছিল রত্নেশ্বর রায়ের। মাথাটা নত হয়ে এল। আকোশ ক্রোধ তাঁর চিত্তকে দৃষ্টিকে অভিভূত করতে পারে নি। ঠাকুরদাসকে যে খুন করেছে তার

অপরাধে তুমি তার স্ত্রী-পুত্র-কন্যাকে অপরাধী করনি।

উটেই গেলাম খাতা। হঠাৎ একটা চার অকের খরচ চোখে পড়ল। পনেরশো টাকা। খরচের বিবরণ প'ড়ে স্তম্ভিত হয়ে গেলাম। হুজুর বাহাদুরের পত্রের আদেশ অনুযায়ী পিঞ্জ গোয়ানের দায়রা মামলায় তাহার পক্ষ সমর্থনের জন্য একজায়গায় খরচ—পনেরশো টাকা।

চমকে গেলাম।

প্রতিটি পাতায় রায়বাহাদুর রত্নেশ্বর রায়ের সই রয়েছে। বিশ্বাস করতে পারলাম না। পিঞ্জ গোয়ানের দায়রা মামলায় পনেরশো টাকা সাহায্য? তার পরিবার সন্তান-সন্ততিদের সাহায্য করেছেন বুঝতে পারলাম। দয়া করুণা! এও কি দয়া? করুণা? গোয়ান মেয়েটি কি এসে তাঁর পায়ে লুটিয়ে পড়েছিল—বাঁচাও হুজুর! বাঁচাও আমার স্বামীকে! না—? সন্দেহ হচ্ছিল রত্নেশ্বর রায়ের মত ব্যক্তিকেও।

সঙ্গে সঙ্গে মনে পড়ল শ্রামনগরে চ্যারিটেবল ডিসপেন্সারি আছে—ঠাকুরদাস দাতব্য চিকিৎসালয়! মনে মনে প্রণাম করলাম রত্নেশ্বর রায়কে, বললাম—ক্ষমা কর আমাকে।

সারাটা রাত মদের নেশাতেও ঘুম আসেনি।

সকালবেলা স্নান ক'রে নেশাটা কেটেছিল, কিন্তু রত্নেশ্বর রায়ের চরিত্র নিয়ে যে ঘোরটা লেগেছিল সেটা কাটেনি। মনের মধ্যে একটি কথাই ধ্বনিত হচ্ছিল—অদ্ভুত! অদ্ভুত! চা খাচ্ছিলাম এমন সময় আমার কর্মচারী এসে ডাকলে—বাবু, বুঝারত আরম্ভ হয়েছে। গ্রামের নৈঋত কোণ থেকে। এসে পড়ল বাড়ীর সীমানায়। ওরা বাড়ী দেবোত্তর বলে আপত্তি দেবে।

—ঠিক আছে চলুন। ডিকুকে বা রোজারিঙকে ডাকুন। খানকয়েক খাতা নিয়ে যেতে হবে।

বাড়ীতে আসতে দেরী ছিল। নায়েব শঙ্কিত হয়ে ছুটে এসেছিল। নৈঋত কোণ থেকে উত্তর দিকে সেটেলমেন্ট চলছিল। সাহেব টেবিলের উপর ম্যাপ গোঁথে তা থেকে প্লট বাই প্লট বুঝারত করে চলেছিলেন। লোক অনেক জমেছে। গ্রামের বধিষু ব্যবসাদার স্বরেন দে, রাধাগোবিন্দ ভট্টাচার্য, শিবনাথ ওঝা, নটবর সিং, নন্দ ঘোষ, নটু বাউড়ী, মোটা কালো ইব্রাহিম শেখ, তা ছাড়া ধনেশ্বর, প্রণবেশ্বর এঁরা তো আছেনই।

সাহেব গম্ভীরকণ্ঠে বললেন—এতক্ষণে সময় হল আপনার?

—তাতে আপনার কাজে ব্যাঘাত হয়েছে?

—নিশ্চয় হয়েছে। আপনারা জমিদার। প্রজা যে স্বত্ত্ব বলছে সে সম্বন্ধে আপনাদের সম্মতি কিম্বা আপত্তি দুটোর একটা চাই। না হলে আমার কাজ শেষ হয় না। ওগুলোতে আপনার মতামত কিছু নাই তাই আমি লিখেছি। মানে প্রজার পক্ষেই গেছে। এঁরা আপত্তি দিয়েছেন। লিখেছি। এটাতে কি বলুন?

তবুও বুঝতে পারলাম না। সবে তো পনের বিশ দিন গেছে। প্রজাইস্বত্ত্বের ব্যাপার ঠিক রপ্ত হয়নি।

হঠাৎ পিছনে একটা দুর্বোধ্য হাউহাউ শব্দ শুনলাম। সকলেই ফিরে তাকালে। দেখলাম, একজন বৃদ্ধ, লোলমাংস ধলধল করছে, তার মধ্যে হাড়গুলো প্রকট হয়েছে, মাথায় চুল উঠে গিয়ে যে ক' গাছা আছে তা সাদা ধপধপে এবং ব্যোমকেশের মত উর্ধ্বমুখী, একমুখ খোঁচাখোঁচা দাড়ি গোঁফ, তুরু দুটোও পাকা এবং ঘন মোটা। পরনে হাঁটু পর্যন্ত ধুতি, একজন তিরিশ পয়ত্রিশ বছর বয়সী ফিটফাট পোশাকপরা ভদ্রলোকের হাত ধ'রে আসছে। চোখে দৃষ্টি নেই, ঘোলাটে চোখের তারা দু'টো শূন্য-লোকের দিকে স্থির নিবন্ধ, পা দুটো ঠিক পড়ছে না। লোকটা হাউহাউ করে কি বলছে তা বোঝা যাচ্ছে না।

অফিসার বিরক্তিতে তাকালেন। বললেন—চীৎকার করো না এমন ক'রে!

বৃদ্ধের সঙ্গে ভদ্রলোকটি খাসা ইংরেজীতে বললেন—তার নিজের কথা বলবার অবশ্যই স্বাধীনতা আছে।

হাকিম চটে উঠে বললেন—কে তুমি? ওইই বা কে?

ভদ্রলোক বললেন—ওঁর নাম বহুবল্লভ পাল। উনি এইখানকার বিশ দাগ প্লটের মালিক। আমি ওঁর ছেলে, উনি চোখে দেখতে পান না, সঙ্গে নিয়ে এসেছি। ইংরেজীতেই বললেন।

উরু ভটচাজ, সে প্রোঢ় লোক, বিচিত্র-চরিত্র মানুষ বলে পরিচয়টা শুনেছিলাম সুলতা, কিন্তু প্রত্যক্ষ পরিচয় বিশেষ ছিল না। শুনেছিলাম প্রথম যৌবন থেকে মেজঠাকুরদার খিয়েটারে পার্ট করতেন, তারপর প্রেম করে একটি শূদ্রকন্যাকে নিয়ে কলকাতায় চলে গিয়েছিলেন। বাড়ীর জমি বিক্রী করে কিসের দোকান করেছিলেন, তারপর ফেল পড়ে গ্রামে ফিরে বিয়ে করে রায়বাড়ীতে চাকরীও করেছিলেন। এখন গ্রামে মাতব্বরী করেন। ক্রিয়াবাড়ীর যজ্ঞে উরু ভটচাজ অপরিহার্য। তিনি রান্নাশালে মোড়া নিয়ে বসেন। বাঁ হাতে সিগারেট পোড়ে ডান হাতে হাঁকো থাকে। কোন নেশা নেই এ ছাড়া। ওই খেয়েই ক্রিয়া শেষ ক'রে উঠে যান। তবে এখনও নাকি ত্রাত্যপাড়া থেকে গোয়ানপাড়া পর্যন্ত মেয়েদের কাছে প্রিয়জন। তার জন্তু কিন্তু তিনি লজ্জিত নন। কথা-বার্তা খুব ভাল বলেন অবশ্য তার একটা বিশেষ ধরন আছে। উরুবাবু বলে উঠলেন—ব্রিলিয়ান্ট স্টার অব আওয়ার ভিলেজ স্টার। উজ্জল নক্ষত্র। এম. এ'-তে ভাল রেজাল্ট করেছে। আমাদের বহুবল্লভ পালের ছেলে। শ্রীরাধাবল্লভ পাল। উকীল হয়েছেন।

হাকিম বললেন—নরম স্বরে বললেন—বেশ তো, কি বলতে চান সেইটে তো পরিষ্কার ক'রে বলতে হবে।

রাধাবল্লভ বললেন—উনি বলছেন এসব হল লাখরাজ।

এবার ধনেশ্বর এগিয়ে এসে বললেন—না। ওগুলি জোতের সামিল।

—এ'র? জিজ্ঞাসা করলে বহুবল্লভ।

কানের কাছে মুখ এনে ছেলে বললে—ধনেশ্বরবাবু বলছেন—না। এ সব জোতের সামিল! রায়তি স্থিতিবান!

—না। চীৎকার করে উঠল বহুবল্লভ।

হাকিম বললেন—বেশ তো, কাগজ দেখান। লাখরাজ তার প্রমাণ তো দিতে হবে।

—ই্যা ?

কানের কাছে মুখ রেখে ছেলে বুঝিয়ে দিলে। তাতে পাল বললে—কখনও খাজনা আমি দিই নাই! কখনও না! আমার বাবার আমল থেকে! ই্যা!

উকীল বললেন—ভোগদখল সূত্রে নিকর।

হেসে হাকিম বললেন—নিশ্চয় লিখব। তার সঙ্গে ধনেশ্বরবাবুদের আপত্তিও রেকর্ড করতে হবে আমাকে।

—ধনেশ্বরবাবু! আহা—হা! চীৎকার করে উঠল বহুবল্লভ—রায়বংশের মুখ উজ্জ্বল করছে। বাহবা বাহবা!

ধনেশ্বর বললেন—বহুবল্লভ, তোমার ধন হয়েছে, ছেলে এম-এ পাস করেছে, না? তবুও কথাটা হিসেব করে বলো। বুড়ো হাতী মরতে মরতেও সে হাতী! সেকাল হলে—।

বহুবল্লভের উকীল ছেলে বললে—ডোনস অব দি সোসাইটি। লজ্জাও নেই এদের!

প্রণবেশ্বরের মুখ লাল হয়ে উঠেছিল, সে বললে—এর মধ্যে ঝগড়ার তো কোন কারণ নেই। বহুবল্লভ যা বলেছে—

—প্রীজ সে বহুবল্লভবাবু! বললে উকীল ছেলে!

—বহুবল্লভবাবু?

—ই্যা, না বললে উনিও নাম ধরে বলবেন!

—বেশ! যে যা বলছে তাই রেকর্ড করুন আপনি স্যার।

বহুবল্লভ তবু থামল না। সে হাউহাউ করে বললে—কীর্তিহাটে বসতবাড়ী আর গোচরের খাজনা মাফ ছিল। কখনও জমিদার লেগে নাই, পেজাতে দেয় নাই। মাফ করেছিলেন সোমেশ্বর হজুরের পিতা কুড়ারাম হজুর। আজ পাঁচপুরুষ আমাকে নিয়ে ভোগ করে আসছি। ই আমাদের স্বত্ত্ব হয়েছে। আজ লোব বললেই দোব আর জমিদার পাবে? এইটো হাকিমের বিচার?

হাকিম এবার নিজেই চীৎকার করে বললেন—বিচার আমি করব না। সে পরে হবে। আমি রেকর্ড করে যাব, যা প্রমাণ পাব সব।

হঠাৎ মনে পড়ে গেল আমার, সুলতা, রায়বংশের পাঁচালী।

কীর্তিহাটে বাস্তু জমি গোধন চারণ ভূমি

মা কালী চরণে নমি দিলাম নিকর

মাঠেতে পুকুর খুঁড়ি সিঁচ দিহু তিন গাড়ি

মৎস্য খাবে লোকে ধরি রুই কাংলা পর।

আমি এগিয়ে গিয়ে বললাম—আমার কথাটা লিখে নিন।

—আপনার আবার ভিন্ন কথা আছে নাকি?

—আছে। ধনেশ্বর কাকা বোধহয় জানেন না। না-হলে আপত্তি দিতেন না। বহুবল্লভ

পাল যা বলেছেন তা সত্য। কীর্তিহাটে বাস্তুজমি গোচর নিষ্করই বটে। কুড়ারাম রায়-ভট্টাচার্যমশায় দিয়ে গেছেন। তার সঙ্গে মাঠের পুকুরের সিঁচ এবং কই কাংলা ছাড়া মাছও সাধারণ লোককে ধরে খেতে দিয়ে গেছেন।

—তার নজীর চাই হে। তার নজীর চাই।—গম্ভীর ক্রুদ্ধকণ্ঠে বললেন ধনেশ্বরকাকা।

আমি বললাম—আছে নজীর। দেখাব। কুড়ারাম রায়-ভট্টাচার্য মহাশয়ের নিজের জীবনের পাঁচালী আমি পেয়েছি, আমি পড়েছি, আমি দেখাব।

সকলে স্তব্ধ হয়ে গিয়েছিল। সে স্তব্ধতা ভঙ্গ করে বৃদ্ধ বহুবল্লভ বার্ষিক্যজড়িত কণ্ঠে প্রায় চীৎকার করে বললে—পেনাম! পেনাম! তোমাকে পেনাম বাবু! কই তুমি কই! রাধা! বাবু কই? নিয়ে চল কাছে।

ছেলে হাত ধরে বৃদ্ধকে কাছে নিয়ে এল। সে আমার হাত ধরলে প্রথম। তারপর হেঁট হতে গেল, আমি বাধা দিলাম।

—না। বয়সে আপনি অনেক বড়।

—বয়সে বড়? তুলসীপাতা তুমি বাবু। নিখুঁত বেলপাতা। পোকালোগা চক্রলাগা পাতা ফেলে দিতে হয়। ওই ধনেশ্বরবাবুদের মত। তুমি নিখুঁত। মাথায় করতেই হবে গো। পেনাম না লাও, নমস্কার লাও। কই, মুখে একবার হাত বুলিয়ে দেখি!—হ্যাঁ। বটে। বেশ লম্বা গো। লাগাল পেতে বঁকা কোমর সোজা করতে হয়। নাক টিকলো। চামড়া মাখনের মত। বা বা বা! গোটা গাঁয়ের লোক আশীর্বাদ করবে তোমাকে। তোমার ঠাকুরদাদার বাবা রায়-বাহাদুরকে দেখেছি আমি। ছেলে-মানুষে। ঠাকুরদাস পালের পেথম পক্ষ মারা গেলে আমার পিসীর সঙ্গে রায়বাহাদুর তার পেয়ারের ঠাকুরদাস পিসের বিয়ে দিয়েছিল গো। তিনি ছিলেন এক জবর লোক! তুমি তার বংশের ছেলে বট।

হয়তো কিছুটা নাটুকেপনা আমার মধো আছে স্থলতা। আমি ভেবে দেখছি। নইলে ওইভাবে রাত্রে চীৎপুরে দেহ-ব্যবসায়িনীদের দান করে রূপকথার রাজপুত্র সাজতে চাইব কেন? নাটুকেপনা বলতে পার আবার অভিজাতপনা বলতে পার। আবার রায়বংশের ধারাও বলতে পার। আমাকে সেদিন সেটেলমেন্টের সাহেব ঠাটা করেছিল। আমি যে মাত্র ওই পাঁচালীর কথা বললাম এবং বললাম—ভোগদখলকারীদের লাখরাজ দাবীতে আমার আপত্তি নেই, অমনি তার ক্রিয়া একটা হয়েছিল। যেটার জন্তে বহুবল্লভ পাল প্রবল উচ্ছ্বাস প্রকাশ করলে। যে কথার পিঠে বা জবাবে ধনেশ্বর-কাকার দল একেবারে চূপ করে গেল—কোন কথা বলতে পারলে না। কিন্তু সায়েব কথা বললে—বেশ অ্যাঙ্কিং করার মত ভক্তি, প্রচ্ছন্ন গ্লেশ মিশিয়ে বলে উঠল—দেখুন—দেখুন আপনাদের জমিদার সাড়ে আট আনার মালিক—কি মহান সত্যবাদী দেখুন।

অভিনয় যখন অভিনয় বলে ধরা পড়ে তখন তার মত বিলী এবং পীড়াদায়ক আর কিছু হয় না।

কজন মুখ টিপে হেসেছিল। এমন কি বহুবল্লভ পালের উকীল ছেলেটি পর্যন্ত। কিন্তু তাতে আমার গায়ে একটুও ছেঁকা লাগে নি।



আমি চলে এসেছিলাম। আমার নায়েবকে বলে এসেছিলাম—আমাদের নিজেদের বাড়ীর পথে এলে যেন আমাকে থবর দেওয়া হয়।

বাড়ী এসে একটা আশ্চর্য তপ্তির মধ্যে বসে আকাশের দিকে তাকিয়ে ছিলাম। কলকাতার মাথায় আকাশ অবশ্যই আছে—কিন্তু সে আকাশ মানুষের চোখে বড় পড়ে না। আমি ঝড়ের আকাশ দেখতে ছাদে উঠতাম। রাত্রে নক্ষত্র দেখতে উঠতাম কিন্তু কখনও সাধারণ সময়ে খোলা আকাশের দিকে ভরপুর মন নিয়ে অন্তরমনস্কভাবে তাকিয়ে থাকি নি। সেটা এখানে এসে আমাকে পেয়ে বসেছিল। এখানে আকাশের একটা রঙ আছে। স্বতন্ত্রে স্বতন্ত্রে পাণ্টায়। সেদিন আকাশটা ছিল ঘসা কাঁচের মত। মানে ধুলো উঠেছিল বাতাসের স্তরে। তারই উপরে খাঁ-খাঁ-করা আকাশে একজোড়া বড় আকারের কালচে রঙের পাখী— দুটি ডানা স্থিরভাবে মেলে দিয়ে পাশাপাশি উড়ে আসছিল। পক্ষীমিথুন ভাঙে সন্দেহ নেই। কল্পনা করছিলাম—তোমাকে নিয়ে এই বিবিমহলে জীবনটা এইভাবে স্থির পাখা বিস্তার করে ভেসে থাকার মত কাটিয়ে দেব। জমিদারী, বিবিমহল, রায়বাড়ি এ-সবের উপর আমার আকর্ষণ তো ছিল না, সে তুমিই সাক্ষী দেবে, কিন্তু সেদিন ঘোর লেগেছিল। বহুবল্লভের প্রণামের অনেক দাম। ওর উকিল ছেলে আজ গুণ টিপে হাসলেও কাল আমার কাছে নত হবে। ওকেই না হয় এখানে মানেজার রাখব। নতুন টকীসের আর কত উপার্জন, উকীল মানেজারের একজন দরকার হবে।

পারমানেন্ট সেটেলমেন্টের আগে থেকে জমি নিয়ে আইন বদলাতে বদলাতে উনিশশো পঁয়ত্রিশ সালে মহাভারত হয়ে উঠেছে। বেঙ্গল টেনেন্সি অ্যাক্টের আয়তন দেখলে চমকে উঠতে হয়। প্রথম আইন, দ্বিতীয় আইন, তৃতীয় আইন, চতুর্থ আইন এসব সেকালের। তখন প্রজাকে এনে আটক কয়েদ করে খাজনা আদায় করতে পারত জমিদারেরা। তারপর মাঠে ধান ফোক করে আদায় করতে পারত খাজনা। সেই আমলে সোমেশ্বর রায় বীরেশ্বর রায় জমিদারী করে গেছেন। তারপর ওসব আইনের অষ্টম আইন বাদে সব উঠে গেছে। জমিদার-প্রজার মধ্যে সরকারের চোখে ভেদ নেই। এখন সব মুনফেসী সাবজজ কোর্টের এলাকার বিচারের মধ্যে গিয়ে পড়েছে। আদায়-তহশীল সেরেস্তু থেকে মামলা সেরেস্তু বড় হয়ে উঠেছে। এখন একজন উকীল রাখলে মন্দ হয় না। ভেবেছিলাম বিকেলে লোক পাঠাব।

হঠাৎ এরই মধ্যে কি করে ঠাকুরদাস পাল উকি মেরে মুখ বাড়ালে বলতে পারব না। ঠাকুরদাস পাল—বহুবল্লভের পিসেমশাই হত।

বহুবল্লভ তো বলতে পারবে ওই কথাটা! ঠিক করলাম নিজেই যাব বিকেলে বহুবল্লভ পালের কাছে।

দুপুরে মেজঠাকুরমা এসেছিলেন—তাকে বললাম কথাটা। মেজঠাকুরমা আশীর্বাদের ছলে অনেক গুণগানই বল আর বাস্তব গানই বল করতে করতে ঘরে ঢুকেছিলেন। তিনি বললেন—সারাগ্রামে ধন্টি ধন্টি উঠেছে।

কথাটা চাপা দিয়ে আমি বহুবল্লভের ওখানে যাবার কথা বললাম। তিনি খুঁতখুঁত করলেন প্রথমটা। তারপর বললেন—তা যাস। শুনেছি আমার শক্তিরে হুম ছিল আমার

শান্তীর উপর। বিকেলে তিনি বের হতেন ঝি আর চাকর নিয়ে। বিশেষ করে বাউড়ী বাগদী চুয়াড় পাড়ায় তিনি গিয়ে দেখতেন কার বাড়ীর চাল থেকে ধোঁয়া উঠছে কার উঠছে না। মানে কার রান্না চেপেছে কার চাপেনি। বাড়ী থেকে চাল যেত তাদের বাড়ী। ভদ্র শূদ্র গরীব কারুর অসুখ বেশী শুনলে খোদ কর্তা যেতেন দেখতে—চিকিৎসার ব্যবস্থা করতে। তা যেতে পারিল। সঙ্গে লোক নিয়ে যাস।

মেজাজটা যাকে জমিদারী ভাষায় ‘সরিফ’ বলে তাই হয়ে গেল। বিকেলে গেলাম বহুবল্লভের বাড়ী। মদগোপ পাড়া মাটির দেওয়াল—কোঠাবাড়ী খড়ের চাল ঘর। রাস্তা সর্কীর্ণ, একথানা গরুর গাড়ী যায়। বহুবল্লভের-ঘরের চালে টিন। পোতা বা ভিত বাঁধানো। বাড়ীর সামনেটার পাকা থামদেওয়া পাকা মেঝে। পাল চোখে অন্ধ হলেও শনের গোছা টানিয়ে ঢেঁড়ায় পাক দিয়ে দড়ি কাটছিল। তকলীতে সূতা কাটার মত। বসেছিল একথানা তক্তাপোশের উপর উপু হয়ে।

আমার সঙ্গে মানে পিছনে লোকও জুটেছিল—দুটো কুকুরও চেঁচাচ্ছিল। আমি সামনে দাঁড়িয়ে বললাম—পালমশাই, আমি আপনার কাছে একবার এলাম।

দৃষ্টিহীন চোখ সামনে তুলে পাল বললে—কে? তারপর আমার কাপড়জামা এবং লাতেগুর সাবানের গন্ধ শুঁকে বললে—হাকিম মশাই—

—না। আমি সুরেশ্বর রায়।

—আ! চমকে উঠল পাল। তারপর চীৎকার করে বললে—ওরে রাধা! ওরে অ রাধা! গেলি কোথা রে বাপু?

আর একজন প্রবীণ এসে দাঁড়াল এবং নমস্কার করে আমাকে আহ্বান ক’রে বললে—আসুন আসুন। বলে ঘর থেকে দেশী ছুতোরের হাতে শালকাঠের তৈরী ভারী চেয়ার এনে পেতে দিয়ে বললে—বসুন।

পাল বললে—কে? বেজো না কে?

—হ্যাঁ।

—রাধা কোথা? রাধা?

—সে হাকিমের কাছে গিয়েছে।

—হাকিমের কাছে? কচু-পোড়া খেয়েছে—নিকাপড়া শিখে উকীল হবে! হাকিম ছাড়া আর চিনলে না কিছু। বসুন বসুন বাবা, বসুন। আজ সমস্তদিন তোমাল নাম করেছি গো!

—আমি একটা কথা জানতে এসেছি আপনার কাছে।

—ওই আমবাগানটার আর পুকুরটার কথা। ওটোতে বাবা কিছু গোল আমাদের আছে। ওটো রায়বাহাদুর আমাদিগে দানটান করেন নাই। যখন আমার পিসীর বিয়ে হয় উনিই খুব ধ’রে পড়ে বিয়ে দেয়ায়েছিলেন। পিসী আমার ভাগ্য হয়েছিল। বারো বছর বয়স্কম হয়েছিল। তা তখন পিসের বয়স আমার, তা—পঁয়ত্টিশ হবে বইকি! একটুকুন বেমানান হয়েছিল তো!—তা আমার ঠাকুরবাবা—রায়বাহাদুরদের কথা মেনে

বিয়ে দিয়েছিল। তখন ওই বাগান আর মণ্ডল পুকুর ঠাকুরবাবাকে ভোগ করতে দিয়েছিলেন। বলেছিলেন—ভোগ কর তু। কিন্তু গাছ কাটতে পাবি না—, পুকুরের মাছ খাবি—কিন্তুক পুকুর বাগান বেচতে পাবি না। এই বিস্তাস্ত বটে মশায়। দেখ বাবু, তুমি আজ এমুনি করে সত্যি কথা বললে—আমি মিছে কি ক’রে বলি?—

আমি বললাম—না, ওর জন্তে আমি আসিনি।

চোখ স্থির ক’রে পাল বললে—তবে?

—আমি কয়েকটা কথা জানতে এসেছি ঠাকুরদাস পাল সম্পর্কে।

—অঃ। তিনি মহাশয় লোক ছিলেন গো। যেমন ঘাহ তেমনি ক্ষামতা আর তেমনি সাহস। দুদাস্ত সাহস—দুদাস্ত লোক। আপনকার ঠাকুরবাবার বাবা রায়বাহাদুরের চেলা গো! আর আরও ছিল—কমলদাদা অন্তপান। তোমার ঠাকুরবাবার বাবার পেখম নাম তো কমলাকান্ত। মামা পুষ্টি নিয়ে নাম দিলে রত্নেশ্বর। অঃ শুনেছি, আমরা তো তখন জন্মাই নাই। মামা ভাগ্নেতে সে ভয়ানক ঝগড়া। বলে—মামা গুলী করতে গিয়েছিল ভাগ্নেকে। সেই তো ঘরে আগুন লাগল পিসেদের গাঁয়ে। তাতে তোমার ঠাকুরবাবার বাবাকে বাঁচাতে ছুটল পিসে, বাঁচালে, হাঁদিকে পিসের প্রথম সংসার জনস্ত চাল চাপা পড়ল। আবার শেষটায় খে কি হল—

—কি হল—তাই জিজ্ঞাসা করতে এসেছি আপনাকে।

—সেটাতে পিসের দোষই বটে। বুয়েছেন—ঠিক কথাটি কেউ জানে না। সি কাক পক্ষীতেও না! তবে—দোষ পিসের বটে। ক্যানে বলছি—শোনে। পিসের ছেলে আমাদেরই হামজুটি—এই বছর তিন চারের বড় হবে। সি থাকত কীর্তিহাটে। থাকত আপনকার ঠাকুরবাবা—দেবেশ্বর বাবুমহাশয়ের কাছে। হ্যা, তিনি একটা বাবুমহাশয় বটে। চেহারায় যেমন কার্তিক। তেমনি মেজাজ। ইংরিজী নেকাপড়াতে পণ্ডিত। বাঘ মারতে যেতেন। ঠোঁট বঁকিয়ে একটা হাসি ছিল তার। সি মশায় ছুরির মতন। বুয়েছেন। আমার দাদা ঠাকুরদাস পিসের বড় বেটা। তাঁর কাছেই থাকত। কলকাতা গেলেন বড়বাবু, সেও কলকাতা গেল। তাকেও পড়াতে চেয়েছিলেন রায়বাহাদুর। তা তার হল না। লেখাপড়া ছেড়ে ওই বড়বাবুর সঙ্গে ফটিনটি করত। শিকারে যেত। তা পরেতে দুস্মতি—গোয়ানপাড়ার পিঙ্গ গোয়ানের বুন ছিল—তার নাম ছিল ভায়লা। মশায় সে এক মেয়ে বটে। যেমন রঙ তেমনি চেহারা। সি দেখেছি আমরা। তাকেই সে বার করে নিয়ে ভাগলো। এইতে পিঙ্গ খুব খান্না। একে গোয়ান তার ওপর ছিল মারহাট্টা গুণ্ডা ডাকাত। সে রায়বাহাদুরের কাছে লালিশ করলে। রায়বাহাদুর ঠাকুরদাস পিসেকে বললে—তোর ছেলেকে সাজা নিতে হবে। কি হল ঠাকুরদাস পিসের—সে বললে—সাজা কিসের? সে বেটাছেলে। মেয়েটার বিচার কর। দেখ সেই হারামজাদী আসলে দোষী। রায়বাহাদুর খুব ধমকালে। মশায়—সেদিন সেখানে সে ঘরে মাছি ঢুকবার হুকুম ছিল না। ছিল পিসে, পিঙ্গ আর খোদ রায়বাহাদুর নিজে। পিসের দুস্মতি—সে বললে—তা হলে আমিও সব ফাঁস করে দোব হ্যা। কি ফাঁস করে দেবে, কি বিস্তাস্ত তা কেউ জানে না মশায়, জানত পিসে, জানতেন রায়বাহাদুর।

তা লোকে অনুমান করে মশায় যে রায়বাহাদুরের সঙ্গে তার বুন মামলা করেছিলেন জানেন তো। মানে রায়বাহাদুর পুখ্কাবেটা আর মেয়ে হল আসল। রায়বাহাদুর মামলা করেন নাই, টাকা দিয়ে মিটিয়েছিলেন। সেই তারই কোন গুহ্য কথা বোধহয় হবে। তাই ফাঁস করে দোব ব'লে পিসে বেরিয়ে এসে পিঙ্গকে বললে—আয় শালা গোয়ান ওর বিচার রায়বাহাদুর করবে কিরে, তোতে আঘাতে হোক। আয়। এই তখুনি রায়বাহাদুর ইশারা দিয়ে থাকবেন। তাই পিঙ্গ বেরিয়ে এল, দুজনে হাতাহাতি করতে করতে নদীর ঘাট পর্যন্ত গেল। ঘাটটার নাম গোঘাটা। মানে ওই গোচরের পাশে তো। যেটা নাথরাজ ছিল আপুনি স্বীকার করলেন। ওই ঘাটে গরুতে জল খেতো। এখন লোকে বলে গোঘাটা মানে গোয়ানঘাটা! পিসে যেছিল ওই গোয়ানপাড়াতেই। মেয়েগুলোর সঙ্গে ভজিয়ে দেবে ভায়লার দোষ। বলছিল সে তাই—আয় তোদের বিটা গোলার কাছে শোন কার দোষ। কিন্তু ওই ঘাটে গিয়েই পিঙ্গ একবারে এই এক হাত লম্বা ছোরা বার করে আচমকা দিলে বসিয়ে পিসের বুকে। অঃ সে ঘড়া ঘড়া রক্ত পড়েছিল!

একটু চূপ করে থেকে আমি জিজ্ঞাসা করলাম—পিঙ্গর মামলায় অনেক টাকা খরচ হয়েছিল—

—হ্যাঁ। বড় উকীল দিয়েছিল। রায়বাহাদুর দিয়েছিলেন, তাই গুজব মশায়।

—কেন?

—কানে? একটু চূপ করে থেকে পাল বললে—সঠিক বলতে তো পারব না। এতবড় নোকটা—ধার্মিক নোক—কীর্তিমান নোক—সন্দেহ করলে পাপ হয়। নোকে বলে—দোষ তো পিসের বেটার। পিঙ্গর অপমান তো পিসের বেটাই করেছে। ঝাঁকের মাথায় করেছে। এই বলে দয়া হয়েছিল তার। আবার দুচারজন বলে মশায়, ওই যে পিসে বলেছিল, আমিও তাহ'লে ফাঁস করে দোব তাই জগো রায়বাহাদুর পিঙ্গকে ছুঁমই দিয়েছিলেন—দে সাফ করে!

কথাটা মনে লেগেছিল আমার স্মৃতি। এটাই সম্ভব। একটু চূপ করে থেকে আমি জিজ্ঞাসা করেছিলাম—ঠাকুরদাস পালের কে আছে বংশে?

পাল বলেছিল—পিসের ছেলের ছেলের ছেলে, মানে ছেলের নাতি আছে। সে এখন মস্ত লোক, ব্যারিস্টার সাহেব। সে জাতকুল এখানকার সব ঘুচিয়ে মুছিয়ে সাহেবী কাণ্ড। পিসের ছেলে ভায়লাকে নিয়ে কলকাতা পালিয়েছিল। বাবা খুন হল, রায়বাহাদুরের ভয়ে এল না। পিসী ছান্দটান্দ করলে। উদিকে তোমার ঠাকুরবাবার কাছে টাকা কিছু নিয়ে সে কলকাতায় ব্যবসা করলে। ভায়লাকেও ছেড়ে দিলে। এখানে বিয়ে ক'রে গিয়েছিল, সে বউ লিলে না। বউটার ভাগ্য ভাল মরেও গেল। ত্যাখন সে করলে কি, বেক্স হয়ে গেল মশায়। তখন বেক্স হওয়ার খুব ধুম হল। বিয়ে করলে বেক্স বাড়ীতে। অবস্থা তখন ভাল করেছিল। তারপরেতে ভগবানের মার। ব্যবসা ফেল হ'ল। একবারে ফেল হল। ধাক্কাটা সহিতে পারলে না। মরেও গেল। বউ ছেলে কোথায় যাবে, গেল বাপের বাড়ী। তারপরেতে ছেলে লেখাপড়া শিখে উকীল হল। লাতি বিলাত গেল। ব্যারিস্টার

হয়ে এল। মস্ত লোক এখন। তবে শুনেছি নাকি গুজব বটে মশায়—ওই চেলের সব খরচ মায় লাতির বেলাত যাবার খরচ সে সব রায়বাহাদুর দিয়েছিলেন। না হয় তোমার ঠাকুরবাবা মানে বড়বাবু দিয়েছিলেন। দেবেন্দ্রবাবু মহাশয়। তারা আর এখন পাল লয়। ঘোষ হয়েছে। মিস্টার রমেশচন্দ্র ঘোষ ব্যারিস্টার।

আমি চমকে উঠলাম। স্থলতা, মনে হল কংসাবতীতে প্রলয় বন্যা এসেছে, সেই বন্যায় আমরা দুজনে দুদিকে ভেসে যাচ্ছি। তবুও মনে আশা করেছিলাম, ঐ রমেশ ঘোষ তোমার বাবা নন। কিন্তু সন্দেহ রইল না, পালের ছেলে উকীল ফিরে এসে যে ঠিকানাটা দিলে সেটা তোমাদেরই।

আবার আমি রায়বংশের অতীতের অন্ধকারের মধ্যে অন্ধের মত ছুটলাম, কোথায় আলো কোথায় আলো বলে। আলোর বদলে আগুনের কুণ্ডে পড়ে যদি ছাই হয়ে যায় তাও এ থেকে ভাল।

হঠাৎ দিন চারেক পর কৃষ্ণাবনিকা যেন তলে দিলেন ভাগ্যবিধাতা। হঠাৎ এল ব্রজেশ্বর। মনে আছে ব্রজেশ্বরকে, যে আমার নামে পরিচয় দিয়ে যেতো আসতো শেফালির বাড়ীতে? যে আমাকে বলত রাজাভাই। সেই অতি মিষ্টমুখ, অক্লান্ত সুন্দর চেহারা ব্রজেশ্বর। ধনেশ্বর-কাকার বড় ছেলে। যে অতিচ্যুত রায়বংশধরটি আমাকে মূর্থ প্রতিপন্ন করেছিল, সেই ব্রজেশ্বর? মনে আছে? হ্যাঁ, সেই হঠাৎ এল কীর্তিহাটে। তার আসার ভঙ্গিও বিচিত্র।

তখন আমি অন্ধকারে অন্ধের মত কাগজের স্তুপের মধ্যেই ডুবে আছি। কিন্তু সেটা বিষয় বা সম্পত্তির জন্য নয়। ওরা বাড়ীর স্বত্ব আপত্তি দিয়েছিল। বলেছিল, এ কারুর ব্যক্তিগত নয়। এ দেবোত্তর। এজমালী অবিভাজ্য।

আমি সেই খাতাখানা দেখিয়েছিলাম। দেবোত্তরের খাতায় ইটের পাঁজা অর্থাৎ ভাটা বিক্রয় দরুণ জমা। শ্রীল শ্রীযুক্তবাবু সোমেশ্বর রায় মহাশয়ের অন্দর মহল তৈয়ারীর জন্য দেবোত্তরের যে ইটের ভাটা হইতে ইট লয়েন তাহার মূল্যাবদ জমা মাঃ শ্রীল শ্রীযুক্ত সোমেশ্বর রায় মহাশয়। টাকাটা সামান্য, মাড়ে তিনশো টাকা।

ওরা চমকে গেল। দেখলে। তারপর আর কথা বললে না, আপত্তিটাও তুললে না। বুঝলাম ব্যক্তিগত জমাখরচের খাতাখানা ওদের হাতেই আছে। কিন্তু এইভাবে ছোট একটা ইটের জমাখরচ দেবোত্তরের খাতায় লুকিয়ে বসে আছে তা অনুমান করতে পারিনি।

সম্পত্তির জন্য আমি খাতা ঘাঁটছিলাম না। ঘাঁটছিলাম ওই ঠাকুরদাস পালের খুনের অন্তরালে কোন্ অনুমানটি সত্য তাই আবিষ্কারের জন্য। ওই সামান্য কি বলেছিলেন ঠাকুরদাস পাল তার জন্য রায়বাহাদুর রত্নেশ্বর তাঁকে খুন করালেন? রত্নেশ্বর রায়ের পাপপুণ্য আমার কিছুই কববার নেই। ওর ভাগ বা উত্তরাধিকার নেই। উত্তরাধিকার থাকে বিষয়ের। তা আমি পেয়েছি। কিন্তু এ যে তাঁর পাপ, যদি এটা সত্য হয়, তাঁর পাপই হয়, তবে সেই পাপ যে প্রচ্ছন্ন কলির মত ছুরি বাড়িয়ে এগিয়ে আসছে তোমার এবং আমার মধ্যের বন্ধনটা কাটবার জন্যে। এ নিয়ে মনে মনে আমি তোমার সঙ্গে কথা বলেছি। তুমি যেন কেঁদেছ।



বুথ দিড়িয়ে বসেছি। তারপর বলেছি—এর পর আর হয় না তোমার সঙ্গে আমার বন্ধন। আমিও ভাবছি, ঠাকুরদাস পাল এমন কোন মর্যাস্তিক কথা বলেছিল? সে কথা তিনি বলার পরই কি আমিই পারব তোমার সঙ্গে জীবন বাঁধতে? আমি পাগলের মত কাগজ ঘাঁটছিলাম। দেবতার ঘরের মিন্দুকের ভিতর থেকে কাপড়ের টুকরোয় বাঁধা অনেক চিঠি পেয়েছিলাম সোমেশ্বর রায়ের আমলের। বহু বিচিত্র চিঠি। কাত্যায়নী দেবীর আরও ক'খানা সেই ধরনের প্রেমপত্র ছিল, ল্যাণ্ড-হোল্ডারস অ্যাসোসিয়েসনের চিঠি, রেগুলেশনের নকল পেলাম। নানান জমিদারের চিঠি পেলাম। আর পেলাম রবিনসন নীলকুঠীর কুঠিয়ালসাহেবের একটি চিঠি। তার মধ্যে দেখলাম তিনি তাকে টাকা ধার দিয়েই ক্ষান্ত ছিলেন না, রবিনসনের ব্যবসায় জমিদার হিসেবে সাহায্য করেছেন প্রজাদের নীল বুনতে বাধ্য করে, এবং আরও অনেক কিছু করে। একখানা চিঠি ছিল বারেশ্বর রায় সম্পর্কে। রবিনসন লিখেছে—“মিষ্টার রায়বাবু, তোমার ছেলে বীরা এখানে বেশী থাকছে বলে তুমি মনে মনে ভয় পেয়েছ শুনলাম। রেভারেন্ড হিল আমাকে বলেছেন। চিন্তা করো না। সে আমাদের ভালবাসে, আমার ছেলে জ্ঞানি এবং মেয়ে মেরীর সঙ্গে তার খুব ভাল। আমরা তাকে ভালবাসি। দুর্দান্ত সাহসী ছেলে। তবে আমরা তাকে মূর্খ বৌদ্ধ হাম খাওয়াইয়া ক্রীড়ান কখনই করিব না। মেরী ইংরেজ মেয়ে। সুতরাং চিন্তা করো না।”

বীরেশ্বর তখন বোল বছরের।

আরও চিঠি পেয়েছিলাম—একখানা প্রিন্স দ্বারকানাথের। তিনি জানতে চেয়েছিলেন জমিদারী সম্পর্কে কতকগুলো তথ্য। সোমেশ্বর গ্রামে এসে শুধু জমিদারীর খাজনার সঙ্গেই নয় মাটির সঙ্গেও জড়িয়ে পড়েছিলেন বলে এসব তথ্য তাঁর নথ্যদর্পণে ছিল।

আর একখানা চিঠিতে বর্ধমানের জাল প্রতাপচাঁদের কথা ছিল। দ্বারকানাথ লিখেছিলেন—শ্রমশান হইতে পলায়ন করিয়াছে, মরাটা ভান, ইহা প্রায় আরব্য উপন্যাসের মন্দুক ওড়ার মতই অবিশ্বাস্য। যাহা হউক সঠিক সকল ঘটনা না জানিয়া ইহাকে আমি সমর্থন অসমর্থন কিছুই করিতেছি না। অগ্রে জানিয়া যাহা সিদ্ধান্ত করিব, তদনুসারে কর্ম করিব। পরে এ বিষয়ে আপনাকে সমুদয় জ্ঞাত করাইব।

আর একখানা পত্রে ছিল—“আপনি গ্রামে বসিয়া পৌত্তলিকতা এবং তত্ত্বমত্ত ইত্যাদি বিকৃত আচার লইয়া আছেন ইহাতে আমার দুঃখ হয়। আপনি কলিকাতায় আসুন। মাননীয় শ্রীরামমোহন রায় মহাশয়ের সঙ্গে দেখা করুন। আমি নিশ্চিত বলিতে পারি আপনার মতের পরিবর্তন হইবে। তাহা ছাড়া অর্থ লইয়া জমিদারী কেনায় আমরাগকে ভুলাইয়া ইংরাজেরা ব্যবসা-বাণিজ্য সব হস্তগত করিয়া লইতেছে। বাণিজ্যই লক্ষ্য। সুতরাং আমরাগকে ব্যবসায়ের ক্ষেত্রেও অগ্রসর হইতে হইবে।”

এসব যখন পড়ছিলাম তখন মনের মধ্যে সেকালটা ভেসে উঠেছিল কিন্তু সে আমলের ইতিহাসকে জানার প্রলোভন আমার ছিল না।

আমি জানতে চাচ্ছিলাম ওই ঠাকুরদাস পাল আর বীরেশ্বর রায়ের কথা। তাতেই আমি এমন মগ্ন হয়ে গেছি যে, শুধু অতীতই বা কেন, বর্তমান কালের আর কিছু মনে ছিল না

আমার। কলকাতা তুমি সব অনেক দূরে চলে যাচ্ছে যেন। আমি ১৯৩৬ সালের এপ্রিলের শেষে কীর্তিহাটে চোখ মেলে বহুবল্লভ পালের উকীল ছেলে, হাকিম হরেন ঘোষ, রায়বংশের ভাড়া কুঁজোদেহ ধনেশ্বর-কাকা, শিবু পণ্ডিতের আধুনিক সাহিত্যের আলোচনা, স্বরেন দেব কাছে সেকালের ছ আনা আট আনা মন ধানের দামের কথা, উরু ভট্টাচার্যের মুখে দানোবাবু গিরিশবাবুর বক্তৃতার কথা শুনতে শুনতেও রায়বাহাদুর রত্নেশ্বর রায়ের আমলে বাস করছি, আর তাঁকেই জেরা করছি। বলুন—কি হয়েছিল বলুন।

এদিকে ওইদিনের ওই ঘটনার পর গ্রামটা গোটা যেন ছুটে আমার কাছে এগিয়ে এল। সে এক বিস্ময়কর ঘটনা মনে হল আমার। তিন চার বার এসেছি, বাবার শ্রাদ্ধে ক্রিয়াকর্মের সময় সকলকে মিষ্ট ভাষায় সবিনয়ে সম্ভাষণ করেছি, তারাও মিষ্ট কথা বলেছে, তুষ্ট হয়েছে বলে হেসেছে, কিন্তু তবু কাছে আসে নি। যা হয়েছে দূরে দূরে দাঁড়িয়েই হয়েছে। কিন্তু চারদিন আগের ঘটনাটির ফলে এমন একটা কিছু হয়ে গেল যাতে তারা একেবারে দরজা ঠেলে এসে ঘরে ঢুকে চেপে বসল। হেসে বললে—এলাম আমরা।

শুধু ভদ্রজনেই নয়; গ্রামের যাদের আমরা ব্রাত্য বলি তাদের দল এল নালিশ নিয়ে, বললে—আমাদের এইটে বিচার করে দান।

বেশ মতপান করে আবেগবিভোর হয়ে এসে হাজির হল, বললে—লইলে আমরা আর কার কাছে যাব আজ্ঞে? বলে দান!

ওদের প্রথম মামলা নিয়ে মনে হল খুনের মামলার রায় দিতে হবে। সে এক স্বামী-স্ত্রীর বিরোধ। বুড়ো হাটু বাউড়া একটা যুবতা মেয়েকে সাঙা করেছিল। যুবতাটি ঘর করতে করতে একটি নব যুবকের সঙ্গে প্রেম করে। তা নিয়ে পাড়ায় হাঙ্গামা অনেক হয়। মারধরও হয়। অবশ্য মেয়েটাকে। এবং ছোড়াটাকে কানও মলতে হয়, কিন্তু শেষে মেয়েটা এর সর্বস্ব হরণ করে ছোড়াটাকে নিয়ে পাশের গায়ে পালিয়ে গেছে। সেও কীর্তিহাটের সামিল আমাদেরই জমিদারী। মেয়েটা মরিয়া হয়ে আমার সামনেই ঘোমটা খুলে বললে—আমি যাব নি। খাব নি, উর ভাত খাব নি। বুড়ো মড়ার গায়ের গন্ধে আমার ঘুম হয় না!

আমি বিচার করে দিলাম—মেয়েটা যা টাকা গয়না বসন নিয়ে এসেছে তা ফেরত দিতে হবে। আর ও ওই যাকে বরণ করেছে তার কাছেই থাকবে।

সাধুবাদ পড়ে গিয়েছিল। মেনে নিয়েছিল তারা।

এমনি আর একটা নালিশ সেদিন এসেছিল, গোয়ানপাড়ার নালিশ। মেয়েটা ছিল না। ছিল পুরুষরা। নালিশটা এই—হুজুর মালেক, তোমার জমিনে হামি লোক বাস করি। লেकिन মিটিলমেন্টে গীর্জের মালিক কেনো হলদী বুড়া হোবে। যে মুখপাত্র হয়ে এসেছিল সে নতুন লোক, তাকে দেখি নি। তাকে দেখে মনে হয় না সে মানুষ অন্ততঃ গোয়ানপাড়ার মানুষ! সে যেন এক গল্পলোক বা স্বপ্নলোকের মানুষ! লোকটার দিকে চেয়ে ছিলাম। হঠাৎ রায়বাড়ীতে শাঁখ বাজল। উলু পড়ল। কিছু বুঝলাম না। লোকটার দিকেই দৃষ্টি ফেরালাম। এমন সময় কে যেন ছুটে এল, গোয়ানদেরই ছেলে। সাদা করে বহু নিয়ে আইলো বড়কা বাবুর বড়কা ছেলিয়া। বিবুজাবাবু। এই মস্ত বহু। বহুত ফেশন খবস্বরত

ভি। আর বিরজাবাবু বঁটিয়া পোশাক পিহিনকে আইলো। বহুং বড়া আদমী হইয়াছে। বড়া নোকরী মিলল উনকে। বাপরে—বাপরে—ক্যা কায়দা!

ওদের আর নালিশ করা হল না। ছুটে সব একসঙ্গে চলে গেল। এ লোকটাও চলে গেল।

চুপ করে বসে ছিলাম কিন্তু মনটা চঞ্চল এবং ক্ষুব্ধ হয়ে উঠেছিল। বুঝেছিলাম ব্রজেশ্বর ফিরেছেন এতদিন নিরুদ্দেশের পর কোন এক হতভাগিনীর মস্তক ভক্ষণ ক'রে। কিন্তু বড় চাকরী পেয়েছে বড়লোক হয়েছে সেটা খুব মাথায় এস না। কোন ধনবানকে ঠকিয়ে তার একমাত্র কন্যাকে বিয়ে করে অদৃষ্ট ফিরলে বিশ্বয়ের কিছু থাকত না। এ চাকরী!

আজ মেজদি পর্বন্ত আসেন নি! মনটা বিষন্ন হয়ে গেল। বোধহয় ওই বধূটির জন্ত। রঘুকে বললাম—বেহালাটা দে।

বেহালাটা নিয়ে বাজাতে গিয়ে একখানা ফটোর দিকে চোখ পড়ল। পুরনো ফটোগ্রাফ, ফেড হয়ে গেছে। রায়বাহাদুর রায়বাহাদুর হয়েছিলেন ১৮৮২ সালে, সেই সময়ের চোগা চাপকান পাগড়ি পরা ফটো, হাতে সনদ। বলতে ভুলেছি, সেকালের কতকগুলো ফটো কাছারীতে পড়ে ছিল, কাঁচ ভেঙে, ফ্রেম ভেঙে, সেগুলো আমি নিয়ে এসেছিলাম। রায়-বাহাদুরকে বললাম—

—তোমার একেবারে মুছে যাওয়া উচিত ছিল।

রঘু এসে ডাকলে—মেজঠাকুরমা আসলেন!

—ডাক এইখানে! নিচে যে ঘরটায় এখন বাইরে লোকজন বসে সেইখানে বসেছিলাম। মেজদি এখানে না-আসা নন। কেউ না থাকলে আসেন।

রঘু বললে—আরও মাইয়াছেলিয়া আছে।

—আরও মেয়েছেলে?

—নতুন বহু লিয়ে আসছেন।

—অ। একটা দীর্ঘনিঃশ্বাস ফেলেই উঠে গেলাম।

মেজদি আমাকে দেখেই বললেন—দেখ, ভাই নাতি, ব্রজ কেমন বউ এনেছে। তুই এইবার বিয়ে কর ভাই। নাতবউ, এই হল স্বরেশ্বর, তোমার দেওর। আর আমার চুলের কালো রঙ। মুখের হাসি। অন্নদাতা। রায়বাড়ীর পঞ্চপিদ্যের ঘি়ের পিদ্য।

আমি অবাক হয়ে গেলাম স্নাতা! চোখকে বিশ্বাস করতে পারছিলাম না। এ কি বউ! এ যে পরমাসুন্দরী মেয়ে।

বউটিও অবাক হয়ে আমার দিকে তাকিয়ে ছিল। সঙ্গে রায়বাড়ীর গণ্ডা দেড়েক আইবুড়ো মেয়ে। দেখতে তারা সুন্দরী। বিয়ের বয়স চারটের বেয়ে যাচ্ছে। তারা নতুন বিয়ে এবং নতুন বউয়ের রসে মগ্ন। গা-টেপাটেপি ক'রে হেসে যাচ্ছে।

আমি বললাম—নমস্কার!

মেয়েটিও বললে—নমস্কার।

বললাম—বসুন! তোরা ব'সরে! মেজদি, এদের সব জলটল খেতে দাও!

আইবুড়ো মেয়েদের মধ্যে সব থেকে বড় জগদীশ্বর-কাকার মেয়ে অর্চনা, সে বললে—জন ভো শুধু খাব না। তোমার বাজনা শুনব। ব্রজদা বললে, বউ গান জানে। তুমি বাজাও বউ গান করবে।

অবাক লাগল, প্রমত্ত নটরাজ জগদীশ্বর-কাকার মেয়েটি এমন!

মেজদি বললে—আর তুই নাচবি!

—সে আমি কেন? তুমি নাচবে!

—কেন লা। আমি নাচব কেন? বিয়ে বিয়ে ক'রে ক্ষেপেছি, দাদার সামনে ধেই ধেই করে নাচ। দাদা তা হলে বিয়ে দিয়ে দেবে। গতি হবে একটা!

এরই মধ্যে ডাক শোনা গেল—ভাই রাজাবাহাদুর! কই, কোথায়? ওরে বাপরে! করেছে কি তুমি রাজা, এ যে সত্যি সত্যি মহারাজা হয়ে বসে গেছ ভাইয়া!

এসে হাজির হল ব্রজেশ্বর। সেই হাসিমুখ, এতটুকু অপ্রতিভতার চিহ্ন নেই। পরনে স্ফাট। চমৎকার চেহারা হয়েছে। দেহের শীর্ণতা আর নেই। এসেই হাতখানা চেপে ধরলে। আমি স্থিরদৃষ্টিতে তাকিয়ে রইলাম। একটু একটু করে সে বিবর্ণ হতে লাগল। হঠাৎ আমাকে টেনে বললে—একটু এখন তাড়াতাড়ি আছে ভাই। পরে আসব। একটা কথা বলে যাই।

ব্রজেশ্বরের হাত ধরে আমিই টানলাম। বললাম—মেজদি, তুমি এদের খাওয়াও। আমি ব্রজদার সঙ্গে কথা বলি।

ওকে টেনে একবারে নিরিবিলাি ঘরে নিয়ে গিয়ে বললাম—কি ব্যাপার?

হেসে বললে—অনেক ব্যাপার রাজা। শেফালির ব্যাপারটার জন্তে তোমার কাছে আমার অনেক লজ্জা। মাফি মাংছি ভাই। মাফি কিয়া যায় রাজা! উ ভাই হামার কসুর ছয়া। শ্রেফ নেশার ঝাঁকে বলে ফেললাম আমি স্বরেশ্বর রায়। ট্যাক্সিতে চাপিয়ে জানবাজারের বাড়ীর কাছে গাড়ী দাড় করিয়ে, বাড়ীর দরজায় আজোবাজে কথা বলে ওদের কাছে খাতিরটা জমিয়েছিলাম ব্রাদার। ঝাঁকে পড়ে গেলাম। জ্ঞান ছিল না। হিহি করে হেসে বললে—জ্ঞান কোনকালে নেই। করি কি বল! রায়বাড়ীর নামটা আর ওই দালানটা ছেলেবেলা থেকে মাথা খেয়েছে। শেফালিকে বললাম বাঁধা রাখব। বাড়ী ভাড়া করলাম। টাকা তুমি একশো টাকা দিয়েছিলে, আর মাড়োয়ারীর বাড়ী হচ্ছিল, লোহার কড়ি ছিল, তাই দুখানা বেচে টাকা প্রথমটা জুগিয়েছিলাম। ইটও কিছু বেচেছিলাম। শেষে দেখলাম ধরা পড়ব। ভেগে গেলাম রাজা। তোমার কাছে আসতে সাহস হল না, লজ্জাও হল। শেষ বুদ্ধি মাথায় খেলল। ঘুরছি চৌরঙ্গী ধ'রে। তোমার বাড়ী যাব বলে যেতে না পেরে দক্ষিণ-মুখো হাঁটা দিয়েছি। কাবলী ছোলাভাজা পকেটে, চিবুছি। হঠাৎ দেখলাম মহারাজা অজিতেশ্বর প্রসাদের বন্ধ ফটকটা খোলা, দরজা দিয়ে তিনখানা মোটর বেরিয়ে গেল। কটকের সেটিউটা খট ক'রে পা ঠুকে সেলাম করলে। বুঝলাম রাজাসাহেব এসেছেন—ওঃ, মনে হল, না—লা, রাজা যদি একটা হ'তাম এমনি। গাছতলায় বসে থাকতে থাকতে ফন্দি এল মাথায়। মাথায় ধুলো মাখলাম, কাপড়টা খানিকটা ছিঁড়লাম। জামাটার পকেটটা ছিঁড়লাম। বসেই রইলাম, পথের দিকে তাকিয়ে। এক সময় দেখলাম রাজার গাড়ী ফিরছে। গিয়ে ফটকের

সামনে দাঁড়ালাম। গাড়ী ভেতরে ঢুকল। আমি হেঁট হয়ে নমস্কার করলাম। গাড়ী ঢুকে গেল। আমি দাঁড়িয়ে রইলাম। সে বিকেল পর্যন্ত। আবার গাড়ী বের হল। ফের নমস্কার। গাড়ী চলে গেল। সন্ধ্যার সময় ফিরল। তখনও দাঁড়িয়ে, তখনও নমস্কার। দাঁও ভাই, তোমার ভাল সিগারেট দাও।

আমি অবাক হয়ে গুনছিলাম। সিগারেট ধরিয়ে ব্রজেশ্বর বললে, এ যদি আমাকে সুখেশ্বর-কাকা শিখিয়েছিল। মধ্যো মধ্যো পত্র লিখত বড় বড় রাজাকে। লিখত—আমি রাজবংশের ছেলে, আজ নিঃস্ব, চাকরী করতে পারি না, লেখাপড়া শিখি নি। বড় দুঃখে আছি। সাধারণের কাছে হাত পাততে পারি নে। একটা সংস্কৃত শ্লোক লিখত “যাচনা মোধা বরম অথি গুনে নাধমে লক্ককামাঃ।” টাকা আসত কিছু কিছু। সেই যদি মাথায় গজিয়েছিল। যাক, সন্ধ্যার সময় বারবার তিনবার আমাকে দেখে রাজাসাহেব জিজ্ঞাসা করে পাঠালেন, কি চাই? বললাম—কাগজ দাও লিখে দি। লিখে দিলাম—“প্রিন্স অব কাটিহাট স্টেট, ওয়ান্টস টু টেল হিজ পেথোটিক টোরি।”

বাস, ডাক এস। গেলাম।—ওই বললাম—আমি কাটিহাটের প্রিন্স, আমরা সিন্স দি টাইম অব আকবর শাহ প্রিন্স। ইংরেজ টাইমে আমাদের উপর অনেক অত্যাচার হয়েছে। আজ গরীব। কিন্তু ইংয়ের হাইনেস, শান্তিপুরের ধুতি ছাড়া পরতে পারি না, সিন্কে জামা ছাড়া গায়ে দিতে পারি না। স্কিন ছড়ে যায়। আজ আপনি যদি সাহায্য না করেন তবে মরে যাব।

রাজা বললেন,, তোমার চেহারা দেখে বুঝতে পারছি তুমি ঝুটা বাত বল নি। কিন্তু কিছু টাকায় তোমার কি হবে? চাকরা কর। বললাম—ইংয়ের হাইনেস, লেখাপড়া জানি না। বাধা দিয়ে রাজা বললেন, কিছু দরকার নেই, তোমার সহবৎ আছে, ইউ নো ম্যানারস। তুমি আমার ছেলের একজন এডিকং হয়ে থাকবে। মাইনে পাবে। তুমি বয়ে করেছ। বুললাম বিয়ে হওয়া-না-হওয়ার উপর মাইনে নির্ভর করছে। বললাম, করেছি। মাইনে হল দেড়শো টাকা। ফ্রি কোয়ার্টার। এবং পোশাক সূট তাছাড়া চুস্ত পাজামা শেরওয়ানী তাও পাব।

চলে গেলাম সেখানে। মাস কয়েক পর রাজা ধরলেন, ক্যা মতলব? তুমি বহু আন না, রুপেয়া ভেজো না। ক্যা মতলব? বললাম—হজুর, বউ খত্তরবাড়ীতে আছে, যাব আর নিয়ে আসব।

ভেবেছিলাম রাজা, পালিয়ে এসে আর যাব না। মানে বউ কোথা পাব? কলকাতায় এসে কিন্তু বউ পেয়ে গেলাম। হঠাৎ দেখা হয়ে গেল এক পুরনো বন্ধুর সঙ্গে। এক নারী-কল্যাণ আশ্রমের পাণ্ডার সঙ্গে। চাঁদা তুলে আশ্রম চালায়, বড় বড় ধনী লোক চাঁদা দেয়। অনাথা বিধবা কলঙ্কিনী কুমারী এইসব মেয়েদের আশ্রয় দেয়। খেতে পরতে দেয়। বিয়ে দিয়ে দেয়। আবার পেট্রনদের মনোরঞ্জনের জন্তেও এদের কাজে লাগায়। মেয়েগুলো বলতে গেলে কয়েদীর মত থাকে। দু-চারটে ভাল আশ্রম আছে। সে বললে—তার জন্তে ভাবনা কি। বউ দিতে পারি। এস। তুমি বন্ধু লোক। একটি মেয়ে আছে বুকেছ, খুব



হুন্দরী, বয়স একটু হয়েছে, বিধবা। দেওর অত্যাচার করেছিল। মেয়েটা চীৎকার করে লোক-জানাজানি করে। কেসে দেওরের কনভিকশন হয়ে গেছে। কিন্তু স্বশ্রবণবাড়ীতে স্থানও গেছে। কোর্ট থেকেই নিয়ে এসেছি। কিন্তু নানা ঝগড়াট ওকে নিয়ে। বিদেয় করতে চাই। দেখ, বিয়ে দিতে পারি। দেখলাম, বয়স আমার সমান হবে হয়তো। তাতে আমার কিছু যায় আসে না। বিয়ে ক'রে ফেলেছি। ওখানে নিয়ে যাবার সময় সব বলেছিলাম। সরমা ভাল মেয়ে। কিন্তু ওর সন্দেহ এখনও আছে আমি ফেলে পালাব। তাই এবার কুমার-বাহাদুরের কাজে কলকাতা এসেছি, কুকুর কিনতে হবে। একজোড়া কার্টব্লাস অ্যালসেসিয়ান চাই। আমার উপর ভার পড়ল। ও আমার সঙ্গ ছাড়ল না। বললে—সঙ্গে যাব আমি। আর ছুটি নাও, তোমার দেশে গিয়ে তোমার বাবা-মাকে প্রণাম করে আসব। ভাল লাগল। মনে একটা বাসনাও ছিল একবার মেজগুজে কীর্তিহাটে আসব। আমার এখানকার পজিশনটা দেখাব। বেশী দেখাবার ইচ্ছে ছিল সুখেশ্বর-কাকাকে। জান রাজা, এই লোকটিকে মেয়ে আমার ভাইটা পাগলা গারদে গেছে তাতে আমার একবিন্দু দুঃখ নেই। আমার বাবা মাতাল বজ্জাত গোয়ার সব। কিন্তু সুখেশ্বর-কাকা ছিল স্নেহ—পাইথন অজগর! বাবারে বাপরে! তা সে নেই কিন্তু তার ছেলেরা আছে। তারা দেখুক। এখানে এসে শুনলাম তুমি আছ রাজা। আর যা করেছ না তা রাজার মতই করেছ। লোকে ধন্য ধন্য করছে।

সিগারেটটা ফেলে দিয়ে বললে—দেখ, আমি লেখাপড়া শিখিনি, আমার অভাবে স্বভাব নষ্ট হয়েছে, মিথ্যে বলি হরদম, তোমার অনেক আছে, তোমাকে হিংসেও করতাম। তা এখনও করি। মাঝে মাঝে করি। সব সময় করি না। বিলিভ মি। আবার ভালও বাসি। আমি শেফালির ওখানেও গিয়েছিলাম। এবার না। এর আগের বার কুমার সাহেবের সঙ্গে চারদিনের জন্তে এসেছিলাম। সেই সময়। শেফালি খ্যাংড়া নিয়ে তেড়ে এল। আমাকে তো জান। আমি মানাতে জানি। বললাম, তাই মার। পিঠ পেতে দিচ্ছি তারপর বসে একটু পান টান করে কিছু টাকা দিয়ে বললাম—দেখ আমি যাই হই বেইমান নই। না হলে আসতাম না। আর বড়বংশের ছেলেও বটে। তখন ও তোমার কথা বললে। বললে, হ্যাঁ ওই একটা মানুষ বটে! বললে সব কথা। আমি রাজাতাই, পাপী মানুষ, আমি ব্রজেশ্বর, কিছুদিনের মধ্যেই ওখানে ঘুন হয়েছিলাম। সন্দেহ হল কোনখানে নিশ্চয় ঢুকেছ। পথে ঘুরে বেড়িয়েই তো প্রথম সাহস সঞ্চয় হয়। প্রথম কলকাতায় গিয়ে চীৎপুরের ট্রামে ঘুরতাম। সন্ধ্যা থেকে দশটা পর্যন্ত। তারপর পায়ে হেঁটে। তারপর হুড়হুড় করে মুড়ি দিয়ে ঢুকলাম। তারপর হাঁক ডাক মেরে। কিন্তু দেখলাম রাজার ছেলে এসেছিল দুঃখীর দুঃখে দীর্ঘনিশ্বাস ফেলে, রাজার ছেলের মতই ফিরে গেছে। ঢোকে নি কোথাও। সেলাম দিলাম। কুর্নিশ!

আমি অবাক হয়ে শুনলাম। বিচিত্র চরিত্র এই মিষ্টমধুর পাষাণটিকে কি বলব খুঁজে পেলাম না।

ব্রজেশ্বর বললে—কিছু বল রাজাভাই। আমি ভাই অকপটে সব বলেছি তোমাকে, দিবি গেল  
বলতে পারি, একটি মিথো বলিনি।

বললাম—কি বলব তাই ভাবছি। বলবার কিছু পাচ্ছি নে ব্রজদা।

—ব্রজদা না বলে প্রজাদা বনো। তুমি রাজা। কিন্তু শুনলাম মদ খাচ্ছ!

—তা খাচ্ছি।

—অবাক বলতে হবে। মদ খেয়েও তুমি—। নুখের দিকে তাকাল।

জিজ্ঞাসা করলাম—কি?

ব্রজেশ্বর বললে—আমি খবর সব নিয়েছি। মদ খেয়েও তোমার মন ওদিকে  
ছোটে না?

—কোন্ দিকে?

—কোন্ দিকে আবার? শিব ছুটেছিল মোহিনীর পেছনে। এখানে পটোরা গান  
গায়—শিব বাগ্দিনার পিছনে বাগ্দিপাড়ায় ঘুরত। ব্রজা মদ খেয়ে নিজের কণ্ঠা সঙ্কার  
দিকে তাকিয়েছিল। মানুষের কথা বাদই দাও। মদ খাও, খেয়ে মন ছোটে না? এখানে  
এমন সোনার চাঁদ গোয়ানপাড়া—ছুড়িদের যেমন দেহ, তেমনি রঙ্গ। ওরা একসঙ্গে মেমসাব,  
আবার দণ্ডকারণের শব্দ! তুমি এখানে মদ খেয়ে, ছবি এঁকে, বেয়লা বাজিয়ে  
কাটিয়ে দিলে!

চুপ করে রইলাম। মনে মনে যাচাই করছিলাম স্মৃতি। ব্রজেশ্বর পাষাণ হোক, মৃণ  
হোক, যা-হোক, কথায়বর্তায় রস রসিকতা যারই ফোয়ারা ছুটিয়ে থাক, তার মধ্যে ছপুয়ের  
রৌদ্রের মত একেবারে সাদা এবং প্রথর উত্তাপের মত সত্যের বাতাবরণ সৃষ্টি করেছিল।  
আবহাওয়া কথাটা বলব না, খাপ খাবে না এখানে। ব্রজেশ্বরকে মিথো বলতে ইচ্ছে  
হয় নি।

—প্রিন্স ব্রাদার!

—ভাবছি ব্রজেশ্বরদা। না-ভেবে তো বলা ঠিক হবে না।

—জান? কেন জিজ্ঞাস করছি জান?

—কেন?

—দেখ, সুখেশ্বর-কাকা একেবারে ‘ঔরংজেব’ ছিল। সে যদি ভাই অমনি বাদশাহীর  
আসরে প্রিন্স হয়ে জন্মাত, তবে ঠিক ওই খেল খেলত। ইউনিয়ন বোর্ডের প্রেসিডেন্ট ছিল—  
ঠিকেদারীও করত, আমাকে নিয়ে আমার বেনামে ঠিকেদারী চালাত। বলেছি তো—  
নেটিভ স্টেশনে পর্যন্ত চিঠি লিখত কায়দা করে—তাতে মধ্যে-মাঝে বিশ-পঞ্চাশ-একশোও  
এসেছে। রায়বাড়ির সম্পত্তি, দাছুর মত ধুরন্ধর, তার কাছ থেকেও বেনামে বন্দোবস্ত  
নিয়েছে। আমি জানতাম বলে কিছু কিছু টাকার ভাগ আমাকে দিত। কিন্তু তার চেয়েও  
বড় কাণ্ড করেছিল—রায়বাড়ীর সব মোক্ষম দলিল-কাগজপত্র হাতিয়ে রেখেছিল। দাছু যে

দাছ, সেও জানতে পারে নি। তিনি সেরেস্তা থেকে অনেক কাগজ-খাতা সরিয়ে রেখেছিলেন। তিনি ঠাকুরের সিঁদুক থেকে গহনা বের করে গালিয়ে বিক্রি করলেন। জমা-থরচের জোচ্ছুরিতে মারলেন। কিন্তু স্বথেশ্বর-কাকা সেই সময় সরালেন রাজরাজেশ্বরের মুকুট থেকে পাথর আর সরালেন কথানা দলিল, কথানা বাধানো খাতা। একখানা খাতা ইংরিজীতে লেখা—বীরেশ্বর রায়ের ডায়েরীগোছের। আর একখানা রায়বাহাদুরের ডায়েরী। বুঝেছ।

—সে-খাতা কোথায়? সোজা হয়ে বসেছিলাম আমি।

—স্বথেশ্বরকাকা একটা শক্ত ট্রাকে ভরে রেখেছিলেন নিজের শোবার ঘরে—মাথার শিয়রে। মধ্যে মধ্যে বলতেন, এই তোমাদের মানে তোমার বাবার সম্পর্কে; বলতেন, ভারী হিংসে ছিল তাঁর। যোগেশ্বরদার ও হতেই হবে। যজ্ঞেশ্বরদার হবে দেখাবি। তোমার মা যখন যজ্ঞেশ্বরজ্যেষ্ঠার দেবোত্তর পত্নী নিলেন, বাড়ী কিনলেন, তখন বলেছিলেন, বাবা মরুক, তারপর পাশা উন্টে দেব আমি। মোক্ষম অস্ত্র আমার কাছে আছে।

অধীর হয়ে উঠেছিলাম আমি, বলেছিলাম,—আমি টাকা দেব ব্রজদা, তুমি দিতে পার স্বথেশ্বর-কাকার ছেলেদের কাছ থেকে এনে ওই খাতা—

—সবুর রাজাতাই। সবুর কিজিয়ে। উ বিনকুল দপ্তর হামারা পাশ হ্যায়। গোপেশ্বর যেদিন খুন করলে মেজকা'কে, তার দিনতিনেক পর ঠিকেশ্বরদার বিন করবার জন্তে খাতা বার করতে গিয়ে সেই ট্রাক আমি খুলেছিলাম। এবং সেই সময় কি মনে হল, ওই দপ্তরটি আমি বের করে নিয়েছিলাম। সে আমি কিছু পড়েছিলাম। ইংরেজী লেখা, সেই কতকালের লেখা পড়তে পারি নি আমি, কিন্তু রায়বাহাদুরের ডায়েরী আমি পড়েছি। ডায়েরী খুব সংক্ষেপ বটে। তবে তার মধ্যে মাঝে মাঝে বড় বড় লেখা আছে। মানে দিল খুলে লিখেছেন। অনেক বড় বড় কথা। ভাল ভাল কথা তাতে আছে।—মধ্যে মধ্যে এমন চিত্তচাঞ্চল্য হয়, কামার্ত হইয়া উঠি, তখন দিগ্‌বিদিক জ্ঞানগম্য সব তিরোহিত হইয়া যায়। মন বলে, তুমি ধনী জমিদার-পুত্র, তুমি পৃথিবীতে আগিয়াছ ভোগ করিতে। না করিলে তুমি মূর্থ। তোমার অধিকারের মধ্যে সবই তো তোমার। ইচ্ছা করিলেই পাইতে পার। কেন মিথ্যা মূর্থের মত সংযম করিয়া নিজেকে পীড়া দিতেছ? মধ্যে মধ্যে এমন চিত্তচাঞ্চল্য ঘটে যে, নিজেকে স্থির রাখিতে পারা স্বকঠিন হইয়া ওঠে। দুরন্ত ক্রোধ হয় সবকিছুর উপর। ইষ্ট-নাম করিতেছি। তাহাতেই বা শাস্তি কোথায়? আজ জ্ঞাকে, সকলকে তিরস্কার করি। কাছারীতে উগ্র হইয়া থাকি। দেহধারণের একি পাপ, একি শাস্তি!

ব্রাদার, সে অবাক হয়ে গিয়েছিলাম। আমি যে আমি, আমার ভয় লেগেছিল পড়তে! কিন্তু কথাগুলো তো সত্যি। নিজেকে খতিয়ে দেখেছি। তফাৎ—তিনি ছুটতেন না, আমি ছুটি পিছনে পিছনে। গালও খেয়েছি কত মেয়ের কাছে—। তা তোমার—

—আমার ভয় লাগে ব্রজেশ্বরদা, আমার ভয় লাগে। বাবার সব কথা মনে পড়ে যায়। মায়ের মুখ মনে পড়ে। কেমন একটা দুরন্ত ভয় লাগে আমার। নিজেকে শাস্ত করি কি করে জান? শাস্ত করি, যাকে ভাল লাগে, তার ছবি আঁকি। ছবিতে তাকে অগ্নে চিনতে পারে না, আমি পারি।

—রাজা ! মুখের দিকে তাকিয়ে রইল ব্রজেশ্বর । তারপর বললে, বুঝতে ঠিক না পারলেও, ঝাপসা ঝাপসা বুঝছি । তোমাকে সেলাম ।

—কিন্তু সেই খাতাগুলো আমাকে দেবে ব্রজেশ্বরদা ? বিশ্বাস কর, আমি কাউকে সম্পত্তি থেকে বঞ্চিত করতে সেগুলো ব্যবহার করব না ।

—রাজাসাব, সে আমি জানি । খাতাগুলো আমি লুকিয়ে রেখে গেছি । জানি না উইয়ে খেয়েছে কিনা । যদি না খেয়ে থাকে, আমি দেব তোমাকে । দেব কেন ? দিয়ে রেখেছি স্বরেশ্বর । কলকাতা যাবার সময় সঙ্গে নিতে পারিনি ভয়ে । কোথায় যাবে । ওবাড়িতে রাখিনি । কে হাতাবে । এই বিবিমহলে—ওই কোণে একটা কুঠরা আছে । তাতে আছে সব ভাঙা ছবি, কাঠকাটরা ; দেওয়ালে একটা খোলা আয়রনচেপ্টে গাঁথা ছিল—আমি তারই মধ্যে রেখে গেছি—শ্রাকড়াটার ওপর কালি দিয়ে লিখে দিয়েছিলাম—“রায়বাহাদুরের শ্রাদ্ধের ফর্দ” ইত্যাদি । সে কেউ নাড়ে নি বলেই আমার বিশ্বাস, যদি তুমি এবার এসে ফেলে না-দিয়ে থাক । ও-ঘরটায় বীরেশ্বর রায়ের বন্দুক-টোটা থাকত । দরজাটা খুব মজবুত । মদও থাকত । তারপর কাঠকাঠরা ঢুকেছিল বাড়ী যখন তোমার বাবা মেরামত করান তখন । তুমি ওটাকে সাফটাফ করাও নি তো ?

—ভেবেছিলাম করাব । রঙ-তুলির ছবির আড্ডা করব । কিন্তু ছোট আর আলো কম বলে করি নি । কই চল, দেখ কোথায় রেখেছ ?

—এখনি ?

—এখনি ।

বাধা পড়েছিল । অর্চনা আর মেজঠাকুমা এসে ঘরে ঢুকলেন । অর্চনা বললে—বাবাঃ বাবাঃ, দু’ ভাইয়ে কি এত কথাবার্তা চলেছে গো, যার আর শেষ নেই ? আমরা পিত্যোশ করে বসে থাকব কত ?

মেজঠাকুমা বললেন—আমি বলি নি ভাই । অচি আমাকে সামনে করে এল । বলে, বান বিঁধলে তোমাকেই বিঁধবে । ব্রজকে ছেড়ে দাও ভাই স্বরেশ্বর । বাড়ী থেকে ডাকতে এসেছে । বউয়ের ঘুম পেয়েছে । এতটা পথ এসেছে । আমরা আজ ওদের ফুলশয্যা করব । বুঝেছ । এখানে তো কিছু হয় নি ।

—আর একটু, পাঁচ মিনিট দাঁড়াও, ঠাকুমা । পাঁচ মিনিট । তারপর না-হয় ব্রজদার ফুলশয্যাতে আমি বাজাব, ব্রজদা গাইবে, সুন্দর গলা ওর । আর কে নাচবে তা ঠিক তোমরাই করে দেবে ।

মনটা আমার সত্যিই খুশি হয়ে উঠেছিল সেই মুহুর্তে । ব্রজেশ্বর যা দিয়েছে, তাতে আমার মন একেবারে ভরে গিয়েছে । অতীতকালেরই একটা মোহ আছে । রায়বাড়ীর অতীত কাল, সে আমার অতীতকাল ; একান্তভাবে আপনার । যার মধ্যে সূত্র পাব, যা ধরে আমি কেন এমন হলাম, সেই সত্য জানতে পারব । আরও আকৃতি ছিল, তোমার এবং আমার মধ্যে যে-ব্যবধান হঠাৎ আবিষ্কার করেছি, তা কি পূর্ণ করা যায় না । এর মূল্য তোমার কাছে কতটা মনে হচ্ছে জানি না—

\*

\*

\*

দীর্ঘক্ষণ স্তব্ধ হয়ে শুনেই চলেছিল সুলতা, কোন কথা বলে নি। এক বিচিত্র সত্য অতীত-কালের মধ্য থেকে এসে সামনে দাঁড়িয়ে তাকেও অভিভূত করেছিল। তার অতীতপুরুষে ছিল এক ঠাকুরদাস পাল। রত্নেশ্বর রায়েবর অমুগ্ধীত জন। কেমন একটা অস্বস্তি তার মনে হচ্ছিল বইকি! সে রত্নেশ্বরকে রক্ষা করতে গিয়ে তার স্ত্রী-পুত্রকে বাঁচাতে পারে নি। তাকেই আবার রত্নেশ্বর খুব সম্ভবত পিঙ্গ গোয়ানকে দিয়ে খুন করিয়েছিলেন। তাতে একটা ক্ষোভও হচ্ছিল তার। ওই অস্বস্তি এবং এই ক্ষোভ দুই মিলিয়ে একটা কি তৈরী হয়েছিল, তার মূল্য নিশ্চয় সে অনুভব করেছে।

এতক্ষণে সে স্বরেশ্বরের কথার জবাবে বললে—মূল্য অনেক মনে হচ্ছে স্বরেশ্বর। না-হলে এতকাল পরে সব সম্পর্ক চুকিয়ে দেবার পর তোমার এই ছবিগুলির সামনে নির্বাক হয়ে বসে তোমার কথা শুনি কেন? বয়স অনেকটা হয়েছে। এইভাবে সারারাত্রি জেগে গল্প শোনার তো কথা নয়। বল তুমি। থেমো না। রাত্রি একটা পার হয়ে গেছে। বল।

ঢং করে ঘড়িতে একটা ঘণ্টা বাজল। সুলতা বললে, ক্লকটা ফাস্ট আছে, দেড়টা হয় নি এখনও। একটা বাইশ। বল।

• •

ব্রজেশ্বর খুঁজে পেয়েছিল দপ্তরটা। আমি খুলে দেখেছিলাম তৎক্ষণাৎ। আমার হাত কাঁপছিল। কেন তা জানি না। বেশ ঠক্ঠক করে কাঁপছিল। ব্রজেশ্বর বলেছিল—রাজা, হল কি তোমার?

হেমে বলেছিলাম—জানি না।

সে বলেছিল—আমায় দাও। গিঁটটা অনেক দিনের। মজ্জা গেছে।

সেও খুলেছিল অনেক কষ্টে। দু'খানা খাতাই ছিল তাতে। একখানা ডিমাই আট পেজী। চামড়ায় বাধানো ছিল। সেটা আমার হাতে দিয়ে বলেছিল—এইটেই ইংরেজীতে লেখা বীরেশ্বর রায়েবর। আর এটা রত্নেশ্বর রায়েবর। একেবারে পুরো ডিমাই সাইজের। সেটা বাংলায়।

এর মধ্যে এসেছিল অর্চনা।—হল তোমাদের?

ব্রজেশ্বর বলেছিল—হল।

—কটা বাজছে মনে আছে? এগারটা।

স্বরেশ্বর সুলতাকে বললে, আজ দেড়টা বাজছে। সেদিন এগারটা বাজছিল তখন। ও-ঘরে ক্লক-ঘড়িতে ঘণ্টা বাজা তখনও শেষ হয় নি।

ব্রজেশ্বরদা আমাকে বলেছিল—চল রাজা, তুমি আমার বাসী ফুলশয্যাতে বাজনা বাজাবে, এ আমার খুব ভাল লাগছে। তুমি বাজাবে, আমি গাইব। নাও, তোমার বেহালাটা নাও।

চুপি চুপি বলেছিল—একটু খেয়ে নেবে নাকি? রাত্রি হয়ে গেছে—।

—না। চল।



ব্রজেশ্বরদা সেদিন ভাল গান গেয়েছিল। তবলা বাজিয়েছিল ব্রজেশ্বরের সৎ-কাকা। মেজ-ঠাকুরদার দ্বিতীয় পক্ষের এক ছেলে। ওই করেই সে একরকম ফেরে এ অঞ্চলে। নেশা করে। চমৎকার তার হাত।

শেষে গান গেয়েছিল মেজদি এবং অর্চনা। ব্রজেশ্বর কিছুতেই ছাড়ে নি। অহুরোধ ছিল তার অর্চনাকে। কিন্তু অর্চনা ধরেছিল—মেজদিকে গাইতে হবে।

মেজদি অগত্যা গেয়েছিলেন সাদামাটা একখানা কীর্তন। তাও মাঝপথে ছেড়ে দিয়ে বলে-ছিলেন—দূর! সব মাটি করে দিলাম। আমার হয় না বলছি। সত্যিই হচ্ছিল না। স্ততরাং শেষ করবার কথাও কেউ বলে নি।

তারপর ধরেছিল অর্চনা। সুলতা, মেয়েটার গলা যেন মধুঢালা। কি বলব তোমাকে। কাজী নজরুলের গানের খুব চল তখন। নজরুলের গজল গাইলে। আমি বেহালায় ছড় টান-ছিলাম ওর গুথের দিকে তাকিয়ে। নেশা লাগাছিল। গান শেষ করলে অর্চনা, তখনও আমি ছড়ি টানছি।

অর্চনা বললে—এখনও ছড়ি টানো যে।

ছড়িটা তুলে বললাম—তাইতো!

ঠাকুমা খিল খিল করে হেসে উঠলেন—বললাম—তা হাসতে পার মেজদি। অর্চনার কাছে ঠকে গেছি।

ঠাকুমা বললেন—দেখো যেন প্রেমে পড়ো না তাই-বোনে। গান শুনে প্রেমে পড়ার নজীর আছে। আমার দাদাশুভ্র সায়েবী-মেজাজের মানুষ ছিলেন। এ-দেশের মেয়ে তাঁর চোখে ধরত না।

—ঠাকুমা! শাসিয়ে উঠল অর্চনা।

ঠাকুমা দমলেন না, বললেন—এক বন্ধুর বাসরে গানে-বাজনায় আমার দিদিশান্তীড়ীর কাছে ঠকে এমন প্রেমে পড়লেন যে, সেই কলকাতায় বসে থেকে বিয়ে করে, ব্যাঙ বাজিয়ে ঘরে ঢুকলেন।

—এমন অসভ্য তুমি! ঠাকুমাগুলো এমনিই হয়।

উঠে গেল অর্চনা। সকলে হেসে উঠল। ব্রজেশ্বরদা বললে—এ-বাড়িতে এমন মেয়ে একটাও নেই।

রাত্রি তখন প্রায় দুটো।

বাড়ী ফিরে এসে অনেকটুকু মতপান করেছিলাম। খাতাগুলো সামনে ছিল। যে আনন্দটুকু নিয়ে ফিরে এসেছিলাম, তা তখন উত্তেজনায় পরিণত হয়েছে। ভয় হচ্ছে। আবার অদম্য কোঁতুহল!

\*

\*

\*

সে-কোঁতুহল দমন করতে পারি নি। খুলে পড়েছিলাম।

মোট কাগজের খাতা। পাতাগুলো হলদে হয়ে এসেছে। মধ্যে মাঝে লালচে ছাপ। কোণগুলো আপনাআপনি হুমড়েছে-কুঁকড়েছে। নেড়ে দেখলাম, ভেঙে যাচ্ছে। সস্তর্পণে

নাড়তে হবে। বেশ টানা লেখা। বোধহয় কুইন-পেনে লেখা। লেখা ভাল কিন্তু টান আছে, আর কালি ওই লাল-হলদে রঙের বিবর্ণতার মধ্যে অস্পষ্ট হয়ে এসেছে। একটুক্ষণ মন দিয়ে দু-চারটে লাইন পড়তে পড়তে টানের ছাঁদটা আর্টিস্টের লাইনের ঢংয়ের মত চোখে পড়ে, অক্ষর স্পষ্ট হয়ে উঠল।

This is not my diary. I don't keep my diary and don't like to keep diary like others. What is the use of writing what you do everyday? You do the same thing—today—tomorrow—day after tomorrow, you eat you drink you do this and that—you sleep. It seems to me that it is ludicrous to write them every night—before you retire. But this is something else. Something has happened today, that very seldom happens. Wonderful something, memorable something! That's why I am writing down—in details lest I should forget them. It is just like writing down a poetry—you hear from a poet, which will never be published.

অনেক উচ্ছ্বাস আছে। তারপর নিজের পরিচয় দিয়েছেন। পড়তে পড়তে মনে হল দার্ভিক উগ্র শত্রু সাহসী বিলাসী এক রসিক মানুষ সামনে এসে দাঁড়ালেন।

I am Bireswar Roy, son of Someswar Roy of Kirtihata. I can easily say—Prince of Kirtihata—I am. My father is really the king of the place. But he is a coward, he is shrewd—and he is—devoted to idolatry. I am opposed to it. I don't believe in it. Neither do I believe in other—theory or thesis about God. No I do not, I don't believe in Rev. Hill's preachings also. I do not believe what Raja Rammohon Roy says. But my father—is an affectionate father. I love him. Still I have ignored his repeated request to marry—where is the girl—that will be my wife?

স্ত্রী হবার মত নিজের যোগ্য কন্যা বাংলা দেশে তিনি খুঁজে পান নি। কলকাতায় মাহেবদেব পাঠশালা থেকে হিন্দু কলেজে কিছুদিন পড়া-শোনার পর দেশে এসেছিলেন বাপের সঙ্গে।

এখানে এসে রেস্তাৱেণ্ডে হিলকে বাড়ীতে রেখে বীরেশ্বরের পড়ার ব্যবস্থা করেছিলেন সোমেশ্বর। এখানে আরও আকর্ষণ পেলেন বীরেশ্বর। নীলকর রবিনসনের বাড়ী। তাঁর ছেলে-মেয়ের সঙ্গে মেলামেশার আকর্ষণ তাঁকে এখানে বাঁধলে। তার সঙ্গে শিকার করে, ঘোড়ায় চড়ে, হিল সাহেবের কাছে পড়ে, এক অদ্ভুত মানুষ হয়ে উঠলেন। না পড়লেন শাস্ত্র,

না পড়লেন দর্শন, এমন কি হিল সাহেব বাইবেলখানা বার দুই পড়িয়ে আর পড়াতে পারেন নি। কিন্তু ইংরেজী ভাষায় পারঙ্গম হলেন। জীবনী পড়লেন। আইন পড়লেন এবং ঘোষণা করলেন, তিনি ঈশ্বর-ফিল্মে বিশ্বাস করেন না। কালীকে মানেন না। রাজরাজেশ্বর নামক ছুড়িকেও মানেন না। ব্রাহ্মদের ব্রহ্মাকেও মানেন না। ইংরেজদের গড, মুসলমানদের আল্লা, কিছুকেই না।

**I do not believe in anything, any form of God—not in Kali not in that round shaped stone—not in Brabma, not in God nor in Allha.**

এর সঙ্গে তিনি শিখলেন গান। কণ্ঠস্বর ভাল ছিল না কিন্তু কালোয়াত হবার খুব একটা ঝোঁক ছিল।

এই বীরেশ্বর রায় তাঁর যোগা কন্যা ছুনিয়াতে অন্তত এই বঙ্গদেশে, যেখানে অষ্টমবারে গৌরী হিসাবে বধু-বরণ করতে হয়, সেখানে পাবেন কোথায়? রবিনসনের কন্যা ছিল কিন্তু সেদিকে মন টেনেছিল কি না কেউ বলতে পারে না। তিনি লেখেন নি। বরং লিখেছেন, আমার হাসি পায় যখন জন রবিনসন এবং তার বোন মেরী কথায় কথায় কপালে বুকে কাঁধে হাত দিয়ে ক্রশ আঁকে। এরা একেবারে মূর্থ কুঠিয়াল। বোধ করি ওদের দেশের লাঠিয়াল ছিল। শব্দ দুটো ইংরিজীর মধ্যে ব্যবহার করেছেন।

তিনি সেদিন স্মরণীয় ঘটনার খাতা হিসেবে এই খাতা আরম্ভ করে লিখছেন—

**Today—26th April 1842, 14th Baisakh 1250 B. S. is a memorable day for me. I have found her out. She is she—whom I have wanted all my life and have searched her even in my everyday dreams. Yes—she is the she.**

### ৪

বীরেশ্বর রায় গিয়েছিলেন, হুলতা, বন্ধুর বিয়েতে বরযাত্রী। কলকাতা জীবনের বন্ধু। সম্পর্কে ভাই। সোমেশ্বরের মামাতো ভাইয়ের ছেলে। কুড়ারাম ভট্টাচার্য বিয়ে করেছিলেন কালীঘাটে এক গরীব ব্রাহ্মণের মেয়েকে—তা বলেছি। বিনিময়ে তিনি তাঁর শ্যালকের ভাগ্যের পথ খুলে দিয়েছিলেন। তাকে নিজের অধীনে কোম্পানীর সেরেস্তায় ঢুকিয়েছিলেন। তিনিও নিজের ভাগ্য গড়ে নিয়েছিলেন যথাসাধ্য। রায় বংশের তুলনায় তা তেমন কিছু না-হলেও যথেষ্ট করেছিলেন। কালীঘাট তখন গ্রাম মাত্র। কালীঘাট ছেড়ে তিনি কলকাতার ভিতরে উত্তরাঞ্চলে বড় বাড়ী করেছেন। ছেলে ইংরিজী লেখা-পড়া শিখেছে। নাম হয়েছে। তারই বিয়ে,—বিয়ে চব্বিশ পরগনার দক্ষিণ অঞ্চলে জয়নগর-মজিলপুরের কাছে। কন্যাপক্ষ গ্রামের জমিদার এবং মানী লোক। এ বিয়েতে বীরেশ্বর গিয়েছিলেন। সোমেশ্বরের মামাতো ভাইয়ের ছেলে বীরেশ্বরেরই সমবয়সী এবং সম্পর্কে খুড়তুতো ভাই।

বিয়ের আসরে বাদ্জী-নাচ হয়েছিল—সেই আসরে তিনি বসেছিলেন, মগ্ন হয়ে গিয়েছিলেন। নাকি খুব ভাল গাইছিল বাদ্জী। বাদ্জীর একটি মেয়ে ছিল, সেও তার সঙ্গে মগ্ন দিচ্ছিল। গাইছিল তৈরবী।

ঠিক ঠিক জায়গায় বাহা-বাহা এবং মোহর বকশিস করেছিলেন। এমন সময় একটি কিশোরী মেয়ে এসে দাঁড়াল। আশ্চর্য সপ্রতিভ এবং আশ্চর্য রূপ। গৌরাঙ্গী নয় শ্যামাঙ্গী কিন্তু অপরূপ তার লাবণ্য। তখন মেয়েরা—সে দশ বছর বয়স থেকে—টিকের ভেতরে বসে। পথে-হাটে মুখ নিচু করে। ক্ষণে-ক্ষণে লজ্জায় লাল হয়ে ওঠে ষাট বছরের বৃদ্ধ থেকে বারো বছরের বালককে দেখে—; সেই আমলে সেই তের-চৌদ্দ বছরের কিশোরী এসে তার সামনে দাঁড়িয়ে বলেছিল, নমস্কার! আপনাকে বাসরে বর ডাকছে।

মুখের দিকে তাকিয়ে বীরেশ্বর সবিস্ময়ে বলেছিলেন, আমাকে?

—হ্যাঁ! আপনি তো বরের ভাই! রায়বাবু!

—হ্যাঁ। কিন্তু—

—কিন্তু কিছু নেই, বর বাসরে বিপদে পড়েছেন।

—বিপদে পড়েছেন?

—হ্যাঁ। গান গাইতে গিয়ে মান গিয়েছে।\* খান বাঁচাতে আপনাকে ডাকছেন। বীরেশ্বর কোতুক অনুভব করেছিলেন। বরের হয়ে বাসরে তাঁকে গান গাইতে হবে? হিন্দু প্রথা সামাজিক আচার বহু কিছুকেই তিনি বরদাস্ত করতে পারতেন না। কিন্তু বিয়ের বাসরে একটা রোমান্স আছে এটা তিনি মানতেন।

কণ্ঠস্বর যেমনই হোক, নবযুবক বীরেশ্বরের গায়ক-খ্যাতির জন্ম লোলুপতা ছিল। থিয়েটারের দলে সিরিয়াস অ্যাক্টরের সিরিও কমিক কি কমিক পার্টে খ্যাতির জন্ম এবং কমিক অ্যাক্টরের সিরিয়াস পার্টে নামের জন্ম যেমন লোলুপতা থাকে—এও তাই আর কি। তবে গানে জ্ঞান এবং দখল তাঁর ছিল। শিকার ক্ষেত্রে বীরেশ্বরের ফাঁকি ছিল না। তিনি শিকারীও ছিলেন, তিনি লিখেছেন—

“I have never missed my bullet shot at a target nor have I ever erred in ‘tal’ in any recital of any Raga.”

যে ঘটনাটা ঘটল তারই ওপর লিখেছেন ওটা।

বাসরে যেতেই বর বললে—ভাই বীরা, তুমি মান রাখ ভাই। এই ইনি আমার দিদি-শাশুড়ী। গান শুনে বললেন—ওরে, হরু ধোপা বাইরে এসেছে, ওর গাধা হারিয়েছে। বলে ঘরে ঢুকেছে। বল, এ তার গাধা নয়! তারপর এমন গান শোনালেন এঁরা যে, বাজাতে গিয়েও হেরে গেলাম।

হেসে বীরেশ্বর বললেন—আগে ওঁদের অনুমতি হোক!

ঠাকুমা বললেন—তোমার অনুমতি হোক ভাই রায়হুজুর, তুমি বসবে আমাদের ঘরে, এতে আমাদের অনুমতি লাগে! তুমি এসেছ শুনে অবধি আমাদের উকিনুঁকির সীমা নেই। সবাই দেখেছি। আর বলব কি, যাকে বলে মজে যাওয়া তাই গেছি। এই বয়সে

আপসোস হচ্ছে, কেন সেকালে জন্মেছিলাম।

বীরেশ্বর ঘরে ঢুকে বরের আসনের পাশে বসেছিলেন। বাজনার সরঞ্জামের অভাব ছিল না। তবলা পাখোয়াজ থেকে তানপুরা সব।

বীরেশ্বর পাখোয়াজ টেনে নিয়ে ঘা দিয়ে দেখেছিলেন সুন্দর করে বাঁধা আছে। ময়দার লেপনেও হাত দিতে হয়নি। বলেছিলেন—নিম ঠাকুমা, আরম্ভ করুন।

—আগেই আমরা ?

—আমি তো বাজাচ্ছি !

—বেশ। নে লা, ভাই ভবানী, নে। রায়হুজুরের বাজনার সঙ্গে আর কে গাইবে ? তুই নে !

এই সেই মেয়ে যে তাঁকে আসরে ডাকতে গিয়েছিল। সে বললে—না, উনি গাইবেন আমরা শুনব। দায় তো বরের ঠাকুমা, কনের ভো নয়। বর গাইতে পারে তো শুকে আমরা ছেড়ে দেব নইলে বেঁধে রাখব। তা গুঁর বদলে উনি এসেছেন, ছাড়িয়ে নিয়ে যান !

বর বললে—না-না। আপনি গান। সত্যি বলতে আপনার গান শোনবার জন্মেই বারাকে ডেকেছি। নইলে রাখুন না আমাকে বেঁধে। ছাড়ানটা চাচ্ছে কে ? তা ছাড়ান কি এ বাঁধনের পর মেলে কারুর ?

ঠাকুমা বলেছিলেন, তোমরা বড় চতুর জন্তু নাতজামাই। বাঁধন ছিঁড়ে পালাও। আবাস রাতচরা গরুর মত রাত্রে চরে এসে ভালমাছুষ সেজে দাঁড়িয়ে থাক গোয়ালের সামনে।

মেয়েরা খিল-খিল করে হেসে উঠেছিল। বীরেশ্বরের মনে খট করে লেগেছিল কথাটা। তিনি গলাটা বেড়ে পরিকার করে নিয়ে বলেছিলেন, বেশ আমিই গাইছি। কে বাজাবে ? বরকে বলেছিলেন, তুই ধর ঠেকা দিয়ে যাবি !

—না-না। ওই উনিই ধরবেন।

—কে ?

সেই মেয়েটিকেই দেখিয়ে দিয়েছিল নারায়ণচন্দ্র।

বীরেশ্বর পাখোয়াজটা পাশে রেখে তবলা বাঁয়া এগিয়ে দিয়ে বলেছিলেন নিম। এবং তানপুরাটা নিয়ে স্বর দেখে ধরেছিলেন সাধারণ গান।

“কালার লেগেছে রূপ নয়নে।

কালার—।

লেগেছে রূপ নয়নে—এ-এ-এ, লেগেছে !

কালার !”

তবলার কোমল হাতে হলেও চটাং শব্দে ঠিক ধরতার সময় টাটির শব্দ তুলে ক্ষিপ্ৰগতিতে মেয়েটির আঙুলগুলি যেন নেচে উঠল—নাচের জলদ তালে চলা হাঙ্কা প্রণয়ের মত। তবলা বোল বলে মুখর হয়ে উঠল, একেবারেই পুরান দিয়ে বাজনা ধরেছে। বিস্ময়ের সীমা রইল না তাঁর। এ মেয়ে কে ?



হঠাৎ মেয়েটি তালে টাটি দিয়ে বললে—হঁ !

অর্থাৎ তাকে ধরিয়ে দিচ্ছে, যাচ্ছে যাচ্ছে ধর । হেসে সামলে নিলেন বীরেশ্বর । তারপরই বুঝতে পারলেন বাজিয়ে আড়ি মারছে । ঠোঁটের উপর ঠোট চেপে ধরে মুখ রাঙা করে যেন রোষ ভরে বাজিয়ে চলেছে । আবারও হেসে তিনিও ধরলেন বাকী পথ । খেলতে লাগলেন । জলদ থেকে জলদতর করলেন গতিকে ।

কালার লেগেছে রূপ নয়নে । কালার  
লেগেছে রূপ নয়নে রূপ নয়নে রূপ নয়নে  
কালার । লে-গে-ছে রূপ নয়নে-এ  
কা-লা-র । লেগেছে ।

ঘরখানা সঙ্গীতের শব্দতরঙ্গে ভরে উঠেছে । কথা গোঁণ হয়ে গেছে । খেলছে কণ্ঠে স্বর আর তবলার বোল । ঝর ঝর ঝর ঝর শব্দে জলপ্রপাত ঝরছে অথবা ঝমো ঝমো ঝমো শব্দে একখানা বাসন মেঝেতে পড়ে গাড়িয়েই চলেছে দ্রুত থেকে দ্রুততর গতিতে । শ্রোতাদের নিঃশ্বাস ফেলবার অবকাশ নেই । শব্দের মধ্যেও তারা একটা লড়াই চলেছে বুঝতে পারছে । অকস্মাৎ বীরেশ্বর অনুভব করলেন তিনি একটি অক্ষর উচ্চারণের মত সময় কখন হারিয়ে ফেলেছেন, এবারই তবলায় গানে সমাপ্তির ছেদ পড়বে, ওম্মারবে তবলায় টাটিঝাঁ—কিন্তু তাঁর তখনও একটি অক্ষর বাকী থেকে যাবে । কা-লা-র কা লা পর্যন্ত বলা হবে র অক্ষরটি অনুচ্চারিত রাখতে হবে, তিনি হেরে যাবেন । মুহূর্তে তিনি সামলে নিলেন, কা লা দুটি অক্ষরকে জুড়ে ক্লা ক'রে নিলেন এবং গাইলেন কালার লেগেছে রূপ নয়-নে-ক্লার ! মেয়েটি ফিক করে হেসে তবলায় সমাপ্তির ধঁ। মেরে বললে, আপনার সঙ্গে আমি পারি ! বাবা, এ দৌড়ে কলকেতা পৌঁছনে যেতো ।

বীরেশ্বর আশঙ্কা করেছিলেন, সে উচ্চহাস্যে ব্যঙ্গ করে এই অতিহৃদয় ভুলটুকু, যা এদের কারও কাছে ধরা পড়ে নি, তাকে ধরিয়ে দিয়ে তাঁকে অপদস্থ করবে । কিন্তু তারও উপর বেশী হয়েছিল বিশ্বাস । এ মেয়ে কে ? তিনি জানেন, তিনি দেখেছেন, সঙ্গীতে জন্মগত প্রতিভা নিয়ে অনেকে জন্মায় । অত্যন্ত প্রত্যক্ষ । এ যে তাই তাতে তাঁর সন্দেহ রইল না ! কিন্তু এ মেয়ে কে ?

গোটা ঘরখানা স্তব্ধ হয়ে ছিল । শ্রোতাদের বিশ্বাস এবং অভিভূত ভাবটা এখনও কাটে নি ! কয়েক মুহূর্ত পর ঠাকুমা জিজ্ঞেস করলেন, একটা হার-জিত যেন হল ! তা' জিতল কে রে ভবানী ?

—উনি ঠাকুমা । চমৎকার হেসে মেয়েটি বললে ।

ঠাকুমা বললেন—তাতে লজ্জা নেই । বীর রায় কত বড় বড় গুস্তাদ রেখে গান শিখেছে । তোর বিত্তে তো ভগবৎদত্ত । তোর বাবার 'ঐক্যসের' ফল । তবে তোর ঐ বাবা তোকে সাধতে দেয় এই যা, নইলে এতদিন ভাতের হাড়ির কালি আর উনোনের ছাই চাপা পড়ত । তা এইবারে তুই একটা গান শুনিয়ে দে । দেখবি গানে রায়বাবু তোকে ঠকাতে পারবে না ।

# କୀର୍ତ୍ତିହାଟେର କଢ଼ା

ଦ୍ଵିତୀୟ ଖଣ୍ଡ

## চতুর্থ পর্ব

রাত্রি গভীর হয়েছে। কলকাতা শহরের মত শহরও শুক। জানবাজারের বুক চিরে চলে গেছে ফ্রি স্কুল স্ট্রীট, তার একটু আগে গিয়ে মিলেছে লিগুসে স্ট্রীটের সঙ্গে, লিগুসে স্ট্রীটের উত্তরে হগ সাহেবের মিউনিসিপ্যাল মার্কেট। ১৯৫৩ সালেও ফিটন ছিল অনেক। গোটা অঞ্চলটাতেই অ্যাংলোইণ্ডিয়ান মুসলমানদের সংখ্যা বেশী। বোধ কম্বি বাঙালী হিন্দু পরিবারের বড় বাড়ী হিসাবে রায়দের বাড়ীটাই শেষ বাড়ী। পশ্চিম গায়েই ফ্রি স্কুল স্ট্রীট। ফ্রি স্কুল স্ট্রীটে কিছুক্ষণ আগে কতক্ষণ তার হিসেব ঠিক নেই, এই অতীত কথায় বক্তা এবং শ্রোতার নিমগ্নতার মধ্যে সে হিসেব হারিয়ে গেছে, তবে কিছুক্ষণ আগেও মধ্যে মধ্যে মধ্যযুগের সেই নির্জন প্রান্তরে পবিত্র কোন দুঃসাহসী কিম্বা কোন পলাতকের ঘোড়ার ক্ষুরের আওয়াজের মত একটি ঘোড়ার ক্ষুরের আওয়াজ খপ-খপ খপ-খপ শব্দ তুলে দূর থেকে কাছে এসে আবার দূর চলে গেছে। দু-চারটে কুকুরের আওয়াজ শোনা গেছে মিউনিসিপ্যাল মার্কেটের ওদিক থেকে। মার্কেটের মাংসের দোকানে হাড় আর কৈলে দেওয়া চর্বি মাংস খেয়ে যে কুকুরগুলো সারাদিন পরস্পরের মধ্যে ঝগড়া করে আর দোকানের দিকে তাকিয়ে থাকে, তারাই এখন ছুটপাথে পড়ে আছে। মধ্যে মধ্যে কিছু দেখে চীৎকার করে উঠছে। আবার সব চুপচাপ হয়ে যাচ্ছে। এ অঞ্চলে অনেক বার, সেগুলোও বন্ধ হয়ে গেছে। এর আগে মাঝে মাঝে স্থলিত পায়ের প্রমত্ত দৃষ্টির শব্দ, দুচারটে জড়ানো কথা, গান বা আক্ষালন শোনা গিয়েছিল—তাও আর শোনা যায় না।

নভেম্বর মাসের পঁচিশে তারিখের রাত্রি; শীত ঘন হয়ে এসেছে, বাহিরে হয়তো আবছা কুয়াশার একটা আভাস ভাসছে; সব শুক; এরই মধ্যে সুরেশ্বর বলে চলেছিল কীর্তিহাটের রায়বাড়ীর কড়চা, আর সামনে সাজানো ছবিগুলিকে দেখিয়ে বল'ছিল—এই দেখ!

১৯৪৮ সালে ভবানী দেবী জলশ্রোতে বাঁপ দিয়ে কোথায় চলে গেলেন। বীরেশ্বর রায় কীর্তিহাট ছেড়ে এলেন। কলকাতায় এই বাড়ীতে বাস করতে লাগলেন। এই ফ্রি স্কুল স্ট্রীটে তার জুড়ি ঠিক এমনি গভীর রাতে ক্ষুরের শব্দ তুলে, চাকার শব্দ তুলে ফিরে আসত। তখন রাস্তায় পিচ হয়নি, গাড়িতে রাবার টায়ার হয় নি, রীতিমত রথচক্রের ঘর্ষন শব্দে এপাড়ার অনেক ঘুমন্ত জনের ঘুম ভাঙিয়ে কিরত বউবাজার থেকে। বউবাজারে সোঁকিয়া বাড়ীর ঘরে তিনি আসর পেতে ছিলেন। এসেই সোঁকিয়া, যে কিশোরী বয়সে বীরেশ্বর রায়ের মামাতো ভায়ের বিয়ের আসরে তার মায়ের সঙ্গে গিয়েছিল মুজুরো করতে। যার গান শুনতে বসে সবটাই তার শোনা হয় নি। ভবানী দেবী এসে মুখ টিপে হেসে বলেছিলেন—আপনার ভাই—বর—বাঁধা পড়েছেন গানের দায়ে। বাসরে গানের আসরে ফেল করেছেন। তিনি আপনাকে ডেকেছেন তাকে খালাস করে নিয়ে যেতে।

এই সপ্রতিভ ও কিশোরীর সরস কৌতুকের আস্থানে তিনি সোঁকিয়ার গান আধশোনা করে উঠে গিয়ে নিজে পড়েছিলেন ভবানী দেবীর আঁচলের বাঁধনে। সেই বাঁধন ভবানী দেবী খুলে দিতেই তাঁর মনের নেশার মধ্যে মনে পড়েছিল সোঁকিয়াকে। তিনি কলকাতায় এসে প্রথমেই কিনেছিলেন জুড়ি গাড়ী।

কলকাতা তখন জবচাঁপকের হাট এবং ঘাট কলকাতা অর্থাৎ বাজার কলকাতা এবং বন্দর কলকাতা থেকে রাজধানী কলকাতার চেহারা নিচ্ছে।

লর্ড ওয়েলেসলীকে তখন বলত নবাব ওয়েলেসলী। একাধারে গবর্নর জেনারেল আবার জঙ্গীলাট। কলকাতাকে বেড় দিয়ে ষাট ফুট চওড়া সার্কুলার রোড বা বাহার সড়ক গঙ্গার ধারে কোট উইলিয়ম থেকে কলকাতার উত্তর সীমানা পর্যন্ত বাঁধিয়ে দিয়েছেন। গবর্নর জেনারেলের থাকবার জন্তু বিরাট লাটপ্রাসাদ বানিয়ে কেলেছেন। তখন লর্ড ডালহৌসি ভবিষ্যতের গর্ভে, জায়গাটির নাম ডালহৌসি স্টোয়ার হয় নি। শুধু কলকাতায় নয়, ব্যারাকপুরে বাগানবাড়ী হয়েছে। লাটসাহেবের বাড়ী চাকর-বাকরের বাহিনীতে ভরে গেছে।

কলকাতার লোক হুস নেই। তারাও এতে যোগ দিয়েছে। বড় বড় বাড়ী-বাগান-বাড়ীর ধুম পড়েছে। গাড়ী ঘোড়ার আমদানী হচ্ছে। ফ্রাহাম-ল্যাণ্ডো-জুড়ি কম্পাস কিটন। আবার টাউন হলও তৈরী হয়েছে সাধারণের চাঁদায়।

লাট প্রাসাদে ডিনার হয় পার্টি হয়, মদের জোয়ার বয়, বল নাচ হয়। নাচের শেষে রাত্রে চলে তাদের মদের ব্যভিচার। ফিলিপ ফ্রান্সিস মাদাম গ্র্যাণ্ডের বাড়ী ছুটত মই ঘাড়ে কঁরে এটা ইতিহাসে লেখা আছে। ওখানেই শেষ নয়, ছোটখাটো সাহেবদের বাড়ীতে পোষা থাকত এদেশী মেয়ে। সে বিধবা ব্রাহ্মণকন্যা থেকে জমাদারনী পর্যন্ত। লোকে বলে ক্রাইব সাহেবের হারেম ছিল, হেষ্টিংসেরও ছিল। জাহাজের সেলার এসে ফ্রি স্কুল স্ট্রীট অঞ্চলে দাপাদাপি করত। তার দেখাদেখি এদেশের ধনীদের বাগানবাড়ী হয়েছিল এবং দাপাদাপি ছিল বউবাজারের বাঈজীপাড়া থেকে হাড়কাটা রামবাগান সোনাগাছি পর্যন্ত। এসব পাড়া তখন জমে উঠছে সব। সারোবদের জন্তে বিলেত থেকে মেয়েরা আসছে বেশাবৃত্তি করতে।

তারই মধ্যে চলে সভাসমিতি। তারই মধ্যে রাত্রিশেষে সূর্যোদয়ের ছটা বাজে। সকালে উঠে রাত্রের নেশা চোখ থেকে মুছে রাত্রের মানুষ আর এক মানুষ হয়ে ওঠে।

রামমোহন রায় ব্রাহ্মদর্শন প্রচার করেন; ইংরিজী শিক্ষার জন্তু উঠেপড়ে লাগেন। সতীদাহ নিবারণের আন্দোলন করেন। বিত্তাসাগর আন্দোলন করেন বিধবা বিবাহ নিয়ে। জমিদারেরা করেন ল্যাণ্ড হোল্ডার্স সোসাইটি, ব্রিটিশ ইণ্ডিয়া সোসাইটি, ডিস্ট্রিক্ট চ্যারিটেবল সোসাইটি। হিন্দু কলেজ, মেডিকেল কলেজ গড়ে উঠেছে। পবরের কাগজ হয়েছে। এনকোয়ারার, ইস্ট ইণ্ডিয়ান, জ্ঞানান্বেষণ, ইণ্ডিয়া গেজেট, বেঙ্গল হরকরা, সমাচার দর্পণ, সংবাদপ্রভাকর, সমাচার চন্দ্রিকা।

সুলতা বললে—সে-কালকে আমি জানি সুরেশ্বর। তুমি বীরেশ্বর রায়ের কথা বল।

সুরেশ্বর বললে—তুমি জান সে আমিও জানি। তবে আমি আগার এর পরের ছবিখানাকে তোমাকে বোঝাচ্ছি। দেখ এই ছবিখানাই সব থেকে বড় ছবি। দেখ ছবিটাকে উপরে নিচে ডেকরেশনের প্যানেল দিয়ে আসলে তিন ভাগে ভাগ করেছি। উপর আর নিচের প্যানেলে আছে সকাল। দেখ—উপরের প্যানেলে লাট সাহেবের নতুন বাড়ী, ছপাশে লিভারি আঁটা চাকরের সারি, মাঝখানে দাঁড়িয়ে লর্ড ওয়েলেসলী। তারপর দেখ টাউন হল। ওই দেখ ডেঁড়িড হেয়ার ঘড়ির দোকান বন্ধ করেছে, বগলে বইয়ের গাদা। তার পাশে ডিরোজিও। তার পাশে চার্লস গ্র্যাণ্ট; তারপর মেকলে। ওই দেখ চৌরঙ্গীতে সাহেবদের গাড়ী চলছে, সামনে সহিস ছুটছে। ওই দেখ পাঙ্কি চলছে। ওই দেখ উইলিয়ম বেটিক। হিন্দু কলেজ, মেডিকেল কলেজ। বেটিকের হাতে গুটনো কাগজ, সতীদাহ-প্রথা রহিত বিল, বিধবা বিবাহ বিল। নিচের প্যানেলে দেখ রামমোহন রায় উঁচু বেনীতে দাঁড়িয়ে একটি আঙ্গুল দেখাচ্ছেন, লোকে দেখছে। এক ঈশ্বর। ব্রহ্ম। তারপর দেখ দ্বারকানাথ ঠাকুর, তাঁর সামনে ছুটো দরজা—ল্যাণ্ড হোল্ডার্স সোসাইটি,

কার টেগোর এ্যাণ্ড কোং, ঘুনান ব্যাক্স। ওর পরে একটা বাগান, ওটা প্রিন্স স্বারকানাথের বেলগাছিয়া ভিলা। তারপর দেখ প্রসন্নকুমার ঠাকুর, রামগোপাল ঘোষ, রাধাকান্ত দেব—বগলে শব্দকল্পদ্রুম, ঈশ্বরচন্দ্র বিজ্ঞানাগর—হাতে প্রথম ভাগ, ব্যাকরণ কৌমুদী, মীতার বনবাস, মাইকেল মধুসূদন দত্ত—হাতে মেঘনাদ বধ। মহর্ষি দেবেন্দ্রনাথ ঠাকুর। রাজেন্দ্রলাল মিত্র। ওই দেখ প্যারিচরণ সরকারের হাতে কার্ট বুক। ওই দেখ কালীপ্রসন্ন সিংহ বগলে মহাভারত। আবার ওই দেখ রাত্রে সাহেবদের বল নাচ। বাবুদের বাইজী খেমলি নাচের আসর। এরই মাঝখানে ওই দেখ, এই বাড়ীর মাঝখানের ছলে বসে রয়েছেন বীরেশ্বর রায়। সামনে টেবিলে ছইস্কির বোতল গ্রাস। ওই পড়ে রয়েছে সোকার উপর সোফিয়া বাদ্দি। মদে তার জ্ঞান নেই। অপরূপ সুলন্দরী ছিল সোফিয়া বাদ্দি। কেউ বলত কান্দীরী মেয়ে, কেউ বলত পার্সী মেয়ে। নিতান্ত শৈশবে কিনে মাছুষ করেছিল ওর বাদ্দিজী-মা!

১৮৫৫ সালের ৩১শে মের রাত্রি সেদিন।

তার আগে সুলতা, ১৮৪৮ সালের ২৩শে জুলাই, আশ্বিন মাসের ৬ তারিখ ছিল, সেই তারিখে বীরেশ্বর রায় লিখেছিলেন তাঁর স্মরণীয় ঘটনালিপির বাঁধানো খাতাটাতে—Am I going mad? Yes it is madness! Let it come. তারপর থেকে বলতে গেলে মেক্সন রংয়ের চামড়ায় বাঁধানো খাতাখানাকে একরকম সাদাই বলতে হবে। ১৮৪৯ সাল থেকে ১৮৫৪ সাল পর্যন্ত মাত্র কয়েকটা তারিখের কথা মাত্র দুচার বা আটদশ লাইনে লেখা। মাত্র ঘটনাটুকুর উল্লেখই আছে। বীরেশ্বর রায়ের চরিত্রবৈশিষ্ট্য-আবেগের কোন স্পর্শ নেই। একরাত্রির শিকারের কথা আছে। যা ঘটেছিল তা ঘটনার বৈচিত্র্যেই রোমাঞ্চকর। বিস্মৃতভাবে লিখলে ভাল একটা শিকার-কাহিনী হতে পারত, কিন্তু দশ লাইনে লিখেছেন বীরেশ্বর রায়। একেবারে গোড়াতেই লেখা killed a tigress today. বিবরণ সংক্ষিপ্ত। জন রবিনসনকে খবর দিয়েছিলাম, সে এসেছিল। নৌকো করে হলদির মোহনার কাছে জঙ্গলে যেতে হয়েছিল। মাচা বাঁধা ছিল। শুনলাম বাচ্চা আছে সঙ্গে। বুঝলাম বাঘিনী। বললাম—কার্ট শট আমার। জন বললে—না—আমার। আমি গেস্ট তোমার।

আমি বললাম—জনি, তুমি মিস করবে আমি নিশ্চিত।

জনি রেগে উঠল, বললে—বাজি?

বললাম—হারবে!

সে বলল—মানে? তুমি আজকাল গুনতে শিখেছ না কি?

বললাম—না। নারীর প্রতি তুমি অন্ধভাবে আসক্ত। ওই সব এদেশের কালো মেয়ে-গুলোর যেটাকেই দেখ তার জন্তে পাগল হয়ে ওঠ। And it is a tigress—she is beautiful and clever. ওদের তুমি চেন না। The striped tigresses are Brahmin ladies among the tigers.

জনি হেসে উঠল। বললে—তুমি একটা ডেভিল। আমার হাতেই ওটা মরবে। দেখ!

জোর করলাম না। কারণ ও আমার গেস্ট। কিন্তু যা ভেবেছিলাম তাই হল। The tigress came. বাঁধা ছাগলটা একবার চৌচিরেই চূপ করলে। বাঘিনীটা একটা গর্জন দিয়ে চূপ করলে। চাঁদের আলো ছিল। জনি নিশানা করে গুলি করলে। বাঘিনীটা লাফ দিয়ে উঠে ধপ করে পড়ল নিখর হয়ে। জনি হেসে উঠে—Bira, you have lost বলে ঝপ করে লাফিয়ে পড়ল মাচা থেকে। মুখ! মাতাল! আমি বারণ করবার সময় পেলাম না। কিন্তু যা করতে হবে করতে ভুললাম না। বন্দুক ভুললাম। আমি জানি জনি মিস



করেছে গুলি। এবং ওই ব্যাড-নারীটি মরার ভান করে পড়ে আছে; she will now jump up on the foot! ঠিক তাই। মুহূর্তে বাঘিনী উঠে দাঁড়িয়ে দেহটাকে টান ক'রে একটা ভীষণ গর্জন করে উঠল। জনি মুহূর্তে হতভম্ব হয়ে গেছে, বন্দুক তুলতে হাত কাঁপছে। আমি বন্দুক ধরে স্থির। বাঘিনী লাফ দিল, আমি গুলি করলাম। এবং সে উচুতে উঠে আবার পড়ল ধপ করে। এবং আবার আমি গুলি করলাম। জনি নিচে গাছের গায়ে হেলান দিয়ে দাঁড়িয়ে আছে নিঃশেষিত শক্তি ভেঙেপড়া মাহুঘের মত। বন্দুকটা ক'লে দিয়েছে মাটিতে নিজেই। এবার আমি লাকিয়ে পড়লাম। বাঘিনী মরেছে। প্রথম গুলিতেই মরেছে। মাথার খুলি ভেঙেছে। দ্বিতীয় গুলিটা লেগেছে বুকে। জনিকে বললাম—বাক আপ জনি! টেক এ সিপ অফ ব্রাণ্ডি। ইট ইজ নাথিং। পকেট থেকে ছোট বোতলটা বের করে দিলাম। বরং—বললাম—try a tiger and you will hit him. There you will never miss. খুব জোরে হেসে উঠলাম। জনি চমকে উঠে বললে—বীরা, স্টপ স্টপ। ফর হেভেনস্ সেক ইউ স্টপ।

এটা সেন্টেম্বরে। জুলাইয়ের ওই যে ভাবানী দেবী জলে ভেসে গেলে লিখেছিলেন—Am I going mad? তারপর এই প্রথম।

তারপর ডিসেম্বরের ১০ তারিখে ক'লাইন লেখা। কলকাতা যাচ্ছি আজ। সামনে বড়দিন। কলকাতায় নেমন্তন্ন আছে অনেক। লাটসাহেবের সঙ্গে ইণ্টারভিউ আছে। ল্যাণ্ডহোল্ডার্স সোসাইটি, ব্রিটিশ ইণ্ডিয়া সোসাইটির মিটিং আছে। কিন্তু আর কি কীর্তিহাটে কিরব? No! খুব বড় করে লেখা No!

ডিসেম্বরের ১৫ই লেখা—রাণী রাসমণির বাড়ীতে গিয়েছিলাম দেখা করতে। জানবাজারের বাড়ীর জায়গা গুঁরাই দান করেছিলেন। কৃতজ্ঞতা মাহুঘের থাকা উচিত। নইলে গুঁরা ধর্মবিশ্বাসী গোড়া হিন্দু, গুঁদের সঙ্গে আমার বনার কথা নয়। জামাই মথুরাবাবু অতি ভদ্র এবং বেশ অভিজাত্যসম্পন্ন ব্যক্তি। He received me with dignity and kindness, very gracefully. তারপর রাণীর সঙ্গেও দেখা হল। একটি মহিমময়ী মেয়ে। আমাকে মায়ের মত আদর করলেন। ব্রাহ্মণ বলে সমাদর ভক্তি করলেন। I was charmed—simply charmed. She is really a queen.

১৮৫৫ সালের ১লা জানুয়ারী কিছু লেখা আছে। আজ খুব মদ খাচ্ছি। অনেক বিশিষ্ট অতিথি নিমন্ত্রণ করেছি। আজ সন্ধ্যার আসরে মনে হল আমি যেন কয়েক মাস ধরে একটা টানেলের অন্ধকারে অন্ধের মত পায়ের তলায় বন্ধুর মাটিতে হুঁচোট খেয়ে, পা দুখানাকে ক্ষতবিক্ষত ক'রে এবং উপর থেকে বয়ে পড়া জলে ভিজে অসুস্থ রক্তদেহে জীবনের উপর বীড়ম্পূহ মন নিয়ে কলকাতায় এসে অব্যাহত সূর্যালোকের মধ্যে নতুন স্বাস্থ্য, নতুন উৎসাহিত মন ক্রিয়ে পেয়েছি।

Today life is something wonderful to me. I wish to live. I want to live.

হুঁদিন আগে লাটসাহেব লর্ড ডালহৌসির সঙ্গে দেখা করে এসেছি। A great personality and a great diplomat—an Empire builder. আমি তাঁকে কুনিশ করে অভিযান করেছি। তিনি হাসলেন। বেশ সদয় হাসি। আমি অভিভূত হয়ে গিয়েছিলাম।

ল্যাণ্ডহোল্ডার্স সোসাইটি এবং ব্রিটিশ ইণ্ডিয়া সোসাইটিতেও গিয়েছিলাম। বড় বড় লোকের সঙ্গে আলাপ হল।

They were all very friendly to me. And I also made them feel that I was also no small fry. They all felt my personality and appreciated what I spoke in the meeting.

আমি নীলের চাষে জমিদারদের যে সমস্তা হয়েছে তার ওপর বলেছি। জন ববিনসনের মুখ আমার মনে পড়ছিল। মধ্যে মধ্যে সাদা চামড়া বলে তার অনেক ঔদ্ধত্য সহ্য করতে হয়। নীল যেসব জমিতে চাষ হয় তার খাজনা আমরা পাই না—শব্দলেই হয়। Permanent settlement-এর সময় নীলের চাষ কতটুকু হ'ত! এখন প্রায় ২৫ লক্ষ বিঘেতে নীলের চাষ হয়। তাতে ১৮ টাকা হারে খাজনা বাংলার জমিদারেরা পেলে তাদের পঁচিশ লক্ষ টাকা আর বাড়ত। আমি গ্রেট দ্বারকানাথ ঠাকুরের কপাই উদ্ধৃত করেছিলাম। নতুন কথা বলি নি। তবুও যে জোরের সঙ্গে আমি বলেছি তা সকলেই ভাল বলেছেন।

প্রসন্নকুমার ঠাকুর আমাকে বললেন—

Roy, you stay here in Calcutta, we shall miss you if you go back to that village home of yours.

সেদিন আলাপ হয়েছে জোড়াসাঁকোর বিখ্যাত সিংহ পরিবারের অন্তঃসং খ্যাতিমান কালীপ্রসন্ন সিংহের সঙ্গে। আশ্চর্য উজ্জল তরুণ। কত বয়স হবে? আমি ভেবেছিলাম ১৭১৮ হবে। কিন্তু সিনহা হেসে বললে—আমি এখনো পনেরোতে চলছি। এবারেই আগস্টে বিয়ে করেছে। স্মৃতরাং বয়স যাই হোক, আমি একজন পরিপূর্ণ মনুষ্য। হাক প্লাস বেটার হাক ইজ ফুল ওয়ান—মোর তান ওয়ান। রসিক লোক। এরই মধ্যে বিত্তোৎসাহিনী সভা বলে একটি সভা করেছে। শুনে বিস্মিত হয়েছি দেখে তরুণটি বললে—ডায়ার রায়সাহেব, “বাল্যাবধি ইচ্ছে কবি কালিদাস হব কিন্তু এখন সে ইচ্ছে ছেড়েছি, কারণ কালিদাস লম্পট ছিলেন। তারপর ভাবছিলাম, জনসন হব কিন্তু না তিনি ছিলেন গরীবের ছেলে। তবে রামমোহন রায় হওয়া যায়।” মোট কথা বিখ্যাত হতে চাই। তার জন্য বিত্তোৎসাহী হয়েছে। গ্রন্থ লিখে গ্রন্থকার হব। ত্রাণ হতে চেষ্টা করছি। বিধবাবিবাহে উৎসাহ দেব।

বলে হাসতে লাগল। বললে—যখন লিখব তখন এসব কথা খুলে লিখব দেখবেন। আপনাকে এক কপি প্রেজেন্ট করব।

আমি তাঁকে ১লা জাহ্নসারীর এই সাক্ষ্য আসরে নিমন্ত্রণ জানালাম। সাদরে তিনি গ্রহণ করলেন। বললাম—নাচ-গানের ব্যবস্থা থাকবে।

তরুণ কালীপ্রসন্ন হেসে বলেছিলেন—That's wonderful! আমার দুটো জিনিস জন্মলগ্নে বলতে গেলে বিধাতা-নির্দিষ্ট হয়ে গেছে। এই নাচ-গান আর সাহিত্য। আমার জন্মের দিন বাবা নাচ-গান জলসা করিয়েছিলেন। আর পণ্ডিত বিদ্যার করেছিলেন শাল দিয়ে।

Certainly I will come, Thank you—Mr. Roy.

নাচ-গানের আয়োজন করেছি। আমার হৃদয় আজ অন্ধকার কাটিয়ে সকালের ফুলের মত ফুটছে। তার কারণ যে তরুণী বাঁজীটি এসেছে, সে আমার চেনা। সেই মায়াভো-ভাইয়ের বিয়েতে যে নিতান্ত কিশোরী বয়সে তার মায়ের সঙ্গে গান করতে গিয়েছিল। সেও আমাকে চিনেছে। সে হাসলে। আমার দৃষ্টি দেখে সে আমার অভিশাপ বুঝেছিল। সকলে বিদ্যার হলে সে যখন বিদ্যার চাইলে তখন তার হাত ধরে বললাম—না। আজ বছরের প্রথম দিন। আজ থেকেই তোমাকেই আমি জীবনের সঙ্গে বাঁধতে চাই। বাকি গোটা

জীবনটার জন্ত।

সোফিয়া স্থিরভাবে আমার দিকে কিছুক্ষণ তাকিয়ে থেকে বাঁ-হাতে কান চাপা দিয়ে হেঁট হয়ে সেলাম বাজিয়ে বললে—বহুত মেহেরবাণী। লেকেন—। হাসলে সে।

বললাম—লেকেন—কি বল?

বললে—উরো আপকি বেগম—বিবি সাহেবা হুজুরাইন, সেদিন যেমন আমার গানের মাঝখানে তোমাকে ছিনিয়ে নিয়ে গিয়েছিল, তেমনি করে এসে ঢুকবে আসরে এবং আজকের রাত্রিটিও শেষ হতে দেবে না, তখনও কি হবে?

বললাম—সে নেই।

—নেই?

—না, চলি গরি।

—চলি গরি? কাঁহা?

—খোদা মালুম।

একটু চুপ করে থেকে সে বললে—আজ রাত থেকেই তোমার কাছে বাদী হয়ে রইল সোফিয়া!

১৮৫৫ সালের ৩১মে-র রাত্রি সেদিন।

সেইদিনের এই ছবি স্মলতা। মদের নেশার প্রায় হতচেতন হয়ে সোফিয়া পড়ে আছে। তবলা-বাঁরা পড়ে আছে, ফুরসী গড়গড়া পড়ে আছে, হুকোদানে বাঁধানো হুকো রয়েছে, পানের বাটা, পিকদান রয়েছে; তবলচী-সারেঙ্গীদাররা চলে গেছে। দুটো গোলাপপাশ গড়াচ্ছে। বীরেশ্বর রায় মদের দোতল শ্লাস টেবিলে রেখে বসে আছেন, বড় বড় চোখ রাঙা হয়ে উঠেছে। মদের নেশা যেন কিছুতেই ধরছে না।

একটা ঘটনা ঘটে গেছে। যার স্মৃতি কিছুতেই মন থেকে মুছে না। আজ দক্ষিণেশ্বরে রাণী রাসমণি বিরাট কালী-মন্দির প্রতিষ্ঠা করলেন। বিরাট মন্দির, চারিদিকে ঘন জঙ্গলের মধ্যে উঁচু কাছিম পিঠে বিস্তীর্ণ জমির উপর গঙ্গার পোতা বাঁধিরে যে-মন্দির ভৈরবী হয়েছে, তা লেপ্ট জনস্ চার্চ থেকে জাঁকজমকে হয়তো উঁচুতে কম হবে না। লক্ষ লক্ষ টাকা খরচ। নানান দেশ থেকে ব্রাহ্মণপণ্ডিত এসেছে। কাঙালীতে ভরে গেছে। যজ্ঞ হচ্ছে। কলকাতার বড় বড় লোকেরা দ্বৈধতে গেছেন। জঙ্গলভরা দক্ষিণেশ্বর, পথে হুঁপাশে জলা। তারই মাঝখানে দিয়ে নতুন রাস্তা করিয়েছেন রাণী। লাট-প্যাগেলস থেকে যে-রাস্তাটা উত্তরমুখে মারাঠা ডিচ পার হয়ে টালা-সিঁথি-বরানগরের ভিতর দিয়ে চলে গেছে ব্যারাকপুর লাটসাহেবের বাগানবাড়ী, যার দুধারে শুধু জঙ্গল-জলা, আর মাঝে মাঝে গোলপাতার বস্তী আর ছুঁচারণে বাগান-বাড়ী, বরানগরের উত্তরে সেই রাস্তাটা থেকে নতুন রাস্তাটা পশ্চিমমুখে চলে গেছে মন্দির পর্যন্ত। এদিকে আর একটা রাস্তা বাগবাজার খাল পেরিয়ে কালীপুরের ভেতর দিয়ে চলে গেছে। ওই রাস্তা দুটোর আজ হাতখানেক মাটি ধুলো হয়ে উঠে গেছে গাড়ীর চাকার চাকার। ল্যাণ্ডো বাগ কিটন ব্রাউনবেরী আর ভাল ভাল ঘোড়া। সে একেবারে সারিবন্দী। দু'ধারে কাঙালী চলেছে, তার মাঝখানে দিয়ে গাড়ী। সামনে সহিসেরা হাঁকতে হাঁকতে যাচ্ছে—তকাং যাও, তকাং যাও। এর মধ্যে বীরেশ্বরও গিয়েছিলেন। কিন্তু যেতে যেতে আপসোস করেছেন, কেন গাড়িতে এসেছিলেন। ধুলোতে সর্বাঙ্গ ভরে গেছে। এর থেকে চাঁদপালঘাট কি অগরাধঘাট থেকে বজরা করে এলে পারতেন। কিন্তু কিছুদিন আগে কেনা নতুন ফিটন,

আর কালো ওয়েলার ঘোড়া দুটো দেখবার কেমন একটা ঝাঁক হয়েছিল। বীরেশ্বর রায় নিজেই লিখেছেন,—It was a mistake.

রায় সোঁকিয়াকে নিয়ে বেড়াবার জন্তে নতুন কিটন আর জোড়া বাছাই করে কালো দুটো ঘোড়া কিনেছিলেন সম্প্রতি। গঙ্গার ধারে চাঁদপাল ঘাটে যেতে যে একটা পথ চলে গেছে দক্ষিণে, কাঁচাপথ, সেই পথে, কিছুদিন আগে তাঁর পুরানো গাড়ি আর ঘোড়া দুটো হেরে গিয়েছিল অজ্ঞ গাড়ির কাছে। নতুন ঘোড়া, নতুন কিটন সেইজন্তে। গঙ্গার ঘাটে তাঁর দুখানা নৌকোও আছে। একখানা বড় বজরা, অজ্ঞখানা পানসী। বড় বজরাখানা সোমেশ্বর রায় করিয়ে গিয়েছিলেন। ওখানায় গঙ্গা হয়ে কাকদ্বীপকে উল্টো দিকে রেখে হলদীর ভিতর হয়ে বর্ষার সময়ে সরাসরি কীর্তিহাটে যাওয়া যায়। শুকোর সময়ে জোয়ারো এলাকার পর, পাঁকি করে যান বাকি পথটা। কিশা হাতী। বীরেশ্বর রায় ঘোড়ায় যেতে ভালবাসেন।

থাক সে-কথা। কীর্তিহাট অনেক দূরে পড়ে গেছে। দিন দিন দূরত্ব বাড়ছে। সেখানে কোনদিন কিরবার বাসনা তাঁর নেই।

ভর্তি দুপুরে কিরবার সময় ওই কথা ভাবতে ভাবতেই কিরছিলেন। রাণী রাসমণির কাছে তাঁরা উপকৃত। পিতামহ দান গ্রহণ করেছিলেন—এই জানবাজারের জমি। অবশ্য সেদিনের কুড়ারাম রায় ভট্টাচার্য কোম্পানীর সেরেস্ভার থেকে অনেক কিছু স্নগম করে দিয়েছিলেন। তার জন্ত তিনি তাঁর প্রাপ্যও নিয়েছিলেন। জমিটা দান। তাছাড়া রাণীকে বীরেশ্বর সত্যিই শ্রদ্ধা করেন। রাণী যেমন বুদ্ধিমতী, তেমনি তেজস্বিনী আবার তেমনি দানশীলা। জেলেদের উপর কোম্পানীর জুলুম বন্ধ করতে গঙ্গার জলকর বন্ধোবস্ত নিয়ে যে বুদ্ধি এবং সাহস দেখিয়েছেন, তা রাণীরই উপযুক্ত। আবার পূজার সময় কোম্পানীর গোরাদের সামনে যে সাহস দেখিয়েছেন, সেও তাই। আবার কলকাতায় এবং দেশে অন্নকষ্টের সময় তিনি কাশী যাওয়া বন্ধ করে সেই টাকা খরচায় করে আর এক মহীয়সী রূপের পরিচয় দিয়েছেন। তিনি মন্দির প্রতিষ্ঠা করেছেন—তার নিমন্ত্রণ বীরেশ্বর উপেক্ষা করতে পারেননি। তিনি এসেছিলেন। কিন্তু এসেও তাঁর ভাল লাগে নি। কিছুক্ষণ থেকেই তিনি শরীর খারাপ বলে চলে আসছিলেন। সকালবেলা থেকে মদ খাননি। তার উপর পথের ধুলো, মেজাজ অত্যন্ত খারাপ ছিল। গাড়ীতে চড়ে কোচম্যানকে বলেছিলেন—জলদি। ত্বরন্ত যান। বহুত ত্বরন্ত। তবিরং টিক নেহি হ্যায়। সমঝা?

—ই! হুজুর।

সাগনে দুটো সহিস ছুটে চলেছিল উর্ধ্বাধাসে, ঘোড়ার আগে দৌড়ুতে হবে তাদের। দুটো সহিস পিছনে দাঁড়িয়েছিল। ওরা রাস্তা হলে এরা নেশে ছুটবে, ওরা গাড়ীর পিছনে দাঁড়াবে। বেলা একটা বেজে গেছে। পথে ভিড় তখন কমেছে। দক্ষিণেশ্বরের মুখে গাড়ী দু'একখানা আসছে। যাচ্ছে হুঁচরখানা। কিন্তু মাল্লবের ভিড় তখনও নাগাড়ে চলেছে। শুধু দক্ষিণেশ্বরের ভিড় নয়, আজ ছিল স্নানঘাটা—যত কুসংস্কারাচ্ছন্ন বন্ধ জীব—গামছা-কাপড় কাঁধে কেলে দলবেঁধে চলেছে গঙ্গার ঘাটে। ছেলে-মেয়ে বুড়ো-জোয়ান। যারা কিরেছে, তাদের কপালে কাদালেপা। গঙ্গাঘাট। বুকও তাই। চৌদ্ধ জন্মের পাপ খণ্ডন হল। শুধু পাপই খণ্ডন হয় নি—পুণ্যের ফল বোঝা মাথায়, কাঁকালে, নতুন কেনা ধামায় ভরে বয়ে নিয়ে যাচ্ছে। পুণ্য দস্তরমত কল হয়ে দাঁড়িয়েছে। আম-কাঁঠাল। গঙ্গার ঘাটে কিনে বাড়ী কিরছে। বাকী কিরে থাকবে, কলেরা হবে, মরবে। শুধু আম-কাঁঠাল নয়, ঝিট-খুস্তি চাটু-কড়াই, খেলনা চাকি,

পুতুল অনেক কিছু।

হঠাৎ সামনের সহিসদুটো হৈ-হৈ করে উঠলো। সামাল সামাল।

কোচম্যান চীৎকার করে উঠল—এও উল্লু!

চমকে উঠে বীরেশ্বর সামনে তাকিয়ে দেখলেন—এক অধ-উল্লু বন্ধ উন্মাদ, উল্লু-বাহু হয়ে ছুটে চলেছে সামনে—আর চীৎকার করছে—না-না-না। পারছি না। পারব না। ছেড়ে দে, গলা ছেড়ে দে। বলি—বলি!

উন্মাদ, দিগ্বিদিক জ্ঞান নেই। গাড়ীর সামনে, সহিস-কোচম্যানের চীৎকারে হাঁশ নেই। চীৎকার করতে করতে ছুটেছে। কোচম্যান হুঁহাতে জোড়া ঘোড়ার লাগামের রাশ টেনে ধরলে। কিন্তু ঘোড়াছুটো প্রমত্তশক্তির গতিতে ছুটেছে সামনের দিকে, তারার থামতে পারছে না। বীরেশ্বর মুহূর্তে ক্রিটনের সামনের ডগ-সিটে উঠে হুই হাতে কোচম্যানের ধরা লাগাম ধরে সজোরে হ্যাঁচকা টান দিয়ে টেনে ধরলেন। ঘোড়াছুটো সামনের ছুটো পা তুলে, ডাইনে বৈকে বাঁর পড়তে পড়তে দাঁড়িয়ে গেল। লোকটা ঘোড়ার মুখের ধাক্কার আছাড় খেয়ে পড়েছে। বীরেশ্বর লাফ দিয়ে নাগলেন। ঘোড়াছুটোরই কষ কেটে গেছে। রক্ত পড়ছে। বীরেশ্বর বললেন—চাবুক। ওসমান—চাবুক।

লোকটা উপুড় হয়ে পড়ে আছে।

দুরন্ত রাগে বীরেশ্বর হাঁকড়ালেন চাবুক—এ্যাও উল্লুক, শূয়ার কাঁহাকা! পিঠটা কেটে গেল, লোকটা শিউরে উঠে যেন চেতনা কিয়ে পেল। উঠে বসল। বীরেশ্বরের হাতের চাবুক হাতেই থেকে গেল। পাগলটাকে তিনি চেনেন।

কলকাতার ময়দান এবং চৌরঙ্গীর সঙ্গে যাদের পরিচয় আছে তারা সকলেই প্রায় এ পাগলকে চেনে। সে সাহেব-মেমেরাও চেনে। তারা শব্দ করেও দেখতে আসে বিকেলে। গন্ধার দারে নতুন পোস্তা বাঁধাই হয়ে পাকা রাস্তা তৈরী হয়েছে স্ট্রাও রোড। নতুন নতুন নৌকো ভিড়ানোর অসংখ্য ঘাট এবং ঘাটের উপর ছ-চারটে দোকান গড়ে উঠেছে। চাঁদপাল ঘাট থেকে নতুন কেব্লা পর্যন্ত সোজা সুন্দর রাস্তার ধারে গাছের শ্রেণী। সুন্দর দেখার, এখানে বিকেলে সাহেব-বিবির বেড়াতে আসে। দেশী বড়লোকেরাও আসে। নতুন আমদানী রকমারি গাড়ীঘোড়া পাঙ্কির ভিড় জমে। সাহেব-মেমেরা হাত ধরাধরি করে হাওলা ধায়। পথটার নাম ‘রেনপেগুলিয়া ওয়াক’। এখানে বেড়াতে এসে অনেক সাহেব-মেম, দেশী বড়লোক এসপ্লান্ড রো ধরে এসে চৌরঙ্গীর কাছাকাছি গাড়ী দাঁড় করিয়ে নেমে পড়ে। তারপর দক্ষিণ দিকে এগিয়ে চলে। ওদিকে এখনও জলা নলধাগড়ার জল আছে। তারই মধ্যে পাগল কোথাও থাকে। আজ এখানে কাল ওখানে। নিত্য সকালে উঠে চলে একবার কালীঘাট মুখে, মন্দিরের কাছ বরাবর গিয়ে নাকি এমনি করে উল্লু-বাহু ছুটে কিয়ে পালিয়ে আসে। তারপর কোথাও পড়ে থাকে। চীৎকার করে। বিকেল নাগাদ সুস্থ হয়। তখন লোকে তাকে ঘিরে ধরে। পাগল বলে—গন্ধু নিবি? গন্ধু নিবি? নে।

শুস্তের দিকে হাতটা বাড়ায় তারপর ঘবে দেয় সকলের হাতে, সঙ্গে সঙ্গে অতি মধুর গন্ধে তাদের নিশ্বাস ভরে যায়।



পাগল খানিকটা মাটি তোলে মুঠো করে তারপর আকাশের দিকে তুলে বলে—নে খা।

লোকে দেখে মাটি নর গুড় হয়ে গেছে।

পাগল বলে—সরবৎ খাবি ?

তারা বলে—খাব বাবা।

—তবে জল আন। জল আন।

তারা জানে, আগে থেকেই জল নিয়ে আসে, পাগলতার ময়লা হাতখানাই ঘটির মধ্যে ডুবিয়ে দেয়। তার পর বলে—খা।

তারা খেয়ে বুঝতে পারে—জল সরবৎ হয়ে গেছে।

অসুখ-বিস্মখে তারা পাগলের কাছে আসে, ধরে, ভাল করে দাও বাবা।

পাগল কখনও রাগ করে চীৎকার করে ওঠে। বলে—না-না-না। তারপর ছুটে পালায়। চীৎকার করে—জোচ্চুরি-ঠকামি-ছেনালি আর কত কত কত করবি ? বাবারে, বাবারে, আর পারি না, পারছি না! হাউ হাউ করে কাঁদে। নিজের গলা টিপে ধরে বলে—ছেড়ে দে, ছেড়ে দে বলছি। ওরে ছেড়ে দে—। আমাকে বলতে দে—।

লোকে অবাক হয়ে যায়, আবার ভয়ও পায়। অনেকক্ষণ পর হয়তো সুস্থ হয়ে নলখাগড়ার পাতা কি ঘাস কি কিছু যা সামনে পায় ছিঁড়ে হাত বাড়িয়ে আকাশের দিকে তুলে ধরে থাকে কিছুক্ষণ, তারপর সে প্রার্থীর হাতে দিয়ে বলে—খাইয়ে দিগে যা। যা। ভাল হয়ে যাবে।

লোকে বলে—ভাল সত্যি হয়ে যায়।

সাহেবরা ওষুধ নেয় না, কবচ নেয়। গন্ধ শোঁকে। মাটি গুড় হয়ে যাওয়া দেখে টাকা দিয়ে যায়, পাগল কখনও নেয় কখনও ছুঁড়ে ফেলে দেয়।

বীরেশ্বর দূরে দাঁড়িয়ে এসব দেখেছেন। হেসেছেন সাহেব-মেমের বিস্ময় দেখে। তাঁর নিজের এসবের জন্ত কোন আকর্ষণ নেই। তিনি জানেন, এর মধ্যে কোথায় এমন হুম্ম জালিয়াতি আছে তা ধরা যায় না। অথবা যদি এটা সত্যিও হয় তবে ওতে তার কি দরকার ? ওর দায় কতটুকু ? গল্প আছে—কে একজন সিদ্ধিলাভ করে ভরানদীর স্রোতের উপর দিয়ে পারে হেঁটে পার হয়ে এসেছিল। তা দেখে লোকের যত বিস্ময়ই লাগুক, দায় কষলে তো তার দায় একটা পয়সা। খেয়াঘাটের পারানি তো এক পয়সা। আবার তাঁর মত লোকের কাছে কিছুই না, যত বড় তুফানই হোক বীরেশ্বর রায় সাঁতার দিয়ে পার হতে পারেন।

এসবের জন্ত নয়, বীরেশ্বর রায় ওদিকে বেড়াতে যেতেন রাত্রিকালে। সহিসদের মশাল নিভিয়ে দিতে বলতেন। তারপর অন্ধকারে অপেক্ষা করতেন। একদিন শুনতে পেরেছিলেন গান। কলকাতায় আসার কদিন পরেই। সোফিয়ার সঙ্গেও তখন নিজেকে জড়ান নি।

অপূর্ব গান গাইছিল কেউ। অপরূপ। অধিকাংশ গানই রামপ্রসাদী সুরে। তার মধ্যে বাল্মীকি-বিশ্বাস অদ্ভুত, কিন্তু একটি বেদনা আছে। সর্বোপরি কণ্ঠস্বর। এবং সুরের আরোহী-অবরোহীর মধ্যে অতি সূক্ষ্ম দ্ব্যতিময় খেলা। প্রথম দিনের শোনা গানের কলিটা মনে আছে—

“হেরেছি, তবু হার মানি-নি।

ধরেও বেঁধে রাখিনিকে,

পালাবি তুই তা জানি নি।”

ভারী ভাল লেগেছিল। কোনখানে যেন নিজের সঙ্গে মিলে গিয়েছিল কথাগুলো। তিনি উদ্ভ্রান্তের মত জঙ্গল ভেঙে খুঁজে বের করেছিলেন গায়ককে। একটা গাছতলার বসেছিল এই পাগল। ওকে চিনতেও পেরেছিলেন। চৌরঙ্গীর ধারে ওর বুজবুজি এর আগে দেখেছিলেন।

বীরেশ্বর রায়কে দেখে পাগল চমকে উঠেছিল।

বীরেশ্বর হেসে বলেছিলেন—ভয় পাচ্ছ? আমি পুলিশ নই।

পাগল উঠে দাঁড়িয়েছিল, তার দিকে একদৃষ্টে তাকিয়ে দেখে বলেছিল—তুমি কে? কি নাম তোমার?

—কেন?

—তুমি প্রেত?

ক্রুদ্ধ হয়ে উঠেছিলেন বীরেশ্বর, ধমক দিয়ে বলেছিলেন—চোপ রও উল্লুক।

গ্রাহ্য করে নি পাগল, মুখের দিকে তাকিয়ে একদৃষ্টে তাকে দেখছিল। বলেছিল—আমি তোমাকে চিনেছি। ঠিক চিনেছি। কীর্তিহাটের ওপারে জঙ্গল—মাঝখানে কাঁসাই। হাঁ!

চমকে উঠেছিলেন বীরেশ্বর। হু পা পিছিয়ে এসে বলেছিলেন—কে তুমি? কি করে জানলে এসব?

হা-হা করে হেসে উঠেছিল পাগল। হা-হা-হা-হা-হা! গাছের ভিতর থেকে সে হাসির আওয়াজে কটা বাতুড় উড়ে পালিয়েছিল। কিছুটা দূরে কারা যেন ভয়ে বু-বু শব্দ করে উঠেছিল। ছুটে পালিয়ে গিয়েছিল, চাঁদের আলোয় দেখতে পেরেছিলেন বীরেশ্বর। তবু নিজেকে সামলে নিয়ে বলেছিলেন—থাম, থাম, এমন করে হেসো না তুমি! বীরেশ্বর রায় ওতে ভয় পায় না!

থমকে গিয়েছিল পাগল। আরও কাছে সরে এসে—পাগল বলেছিল—বীরেশ্বর? বীরেশ্বর! ব দিয়ে নাম।

চাঁদের আলোয় তার চোখ দুটো চক-চক করছিল। তারই মধ্যে বীরেশ্বর অল্পভব করেছিলেন পাগলের ওই দৃষ্টির মধ্যে বিশ্ব আর বিমুগ্ধতা ফুটে উঠেছে।

পাগল বলেছিল—সেই বেইমান—সেই জোঁচোর—সেই ছড়িটা—সেটা আছে তো? সৌভাগ্য-শীলা? রাজ-রাজেশ্বরী? অনেক টাকা অনেক ভূমি দিয়েছে তো? রাজা করে দিয়েছে? খুব ননী খেতে দাও—মাখন-ছানা-মালপো-পায়স দাও তো!—আর সেই নেংটি সর্বনাশী? ওঃ-ওঃ-ওঃ। বেশ কথা বলতে বলতে পাগল যেন হঠাৎ যন্ত্রণার অধীর হয়ে বলে উঠেছিল—ধরলি, টিপে ধরলি গলা? ধরলি? ছেড়ে দে, ছেড়ে দে! বলে নিজের গলা হুই হাতে টিপে ধরলে। এবং মুখ গুঁজে পড়ে গিয়ে-গোড়াতে লাগল।

বীরেশ্বর রায় বাঘ শিকার করেছেন—রাত্রির অন্ধকারে সুনন্দরবনের মধ্যে বসে কাটিয়েছেন। দুর্দান্ত সাহসী পুরুষ। তিনি সেদিন ঘামে ভিজে গিয়েছিলেন। গ্রীষ্মের কাল ছিল না, সেটা ছিল শীতকাল, তবু ঘাম দেখা দিয়েছিল ওই পাগলের কথায়, তার পাগলামিতে। পাগলামি তো নয়। এর কথা তো প্রলাপ নয়। এ তো সব সত্য! তাঁর পা দুটো যেন অবশ হয়ে গিয়েছিল, চলেও আসতে পারেন নি। হতবাক হয়ে দাঁড়িয়েছিলেন।

পাগল শান্ত হয়েছিল অনেকক্ষণ পর। শান্ত হয়েছিল কেনে। বীরেশ্বর আশ্বে আশ্বে চলে আসতে পেরেছিলেন এতক্ষণে। গাড়ীর কাছে যখন পৌঁচেছিলেন তখন কোচম্যান ওসমান এবং সহিস দুজন ভয়ে কাঁঠ হয়ে গিয়েছিল। সহিসেরা নেভানো হাত-লগ্নন জেলে বসেছিল। তারা পাগলের ওই হাসি শুনেছে। কখন লোককে পালিয়ে যেতে দেখেছে। আর অনেক দূরে হলেও তার ডাক শুনেছে। রাজিকালে তার নাম করতে নেই। ওসমান ঠিক এদেশী মুসলমান নয়। তবু এদেশের প্রবাদ মানে, এদেশে বাস করছে অনেকদিন থেকে, এ ডাক যে ভেঙেছে তাকে ‘বড় মেয়া’ বলে। বড় মেয়া দক্ষিণ থেকে কলকাতা পর্যন্ত ধাওয়া করে। এক

প্রহরে পাড়ি যারে পাঁচ সাত কোশ !

\*

\*

\*

এরপর বীরেশ্বর বছবার মনে করেছেন পাগলের কাছে যাবেন। কিন্তু যেতে সাহস হয় নি। তিনি ঈশ্বর বিশ্বাস করেন না, ধর্মকে বিদ্রূপ করেন, তবু সেদিনের ঘটনার পর না-মেনে পারেন নি যে, এই পাগল অন্তর্যামীর মত মানুষের কথা জানতে পারে, বলতে পারে। তিনি ভয়ে যান নি। যদি পাগল বলে—সে মরে নি। বলে যদি তেমনি অট্টহাসি হাসে! বললে তো তাঁকে বন্দুক নয় পিস্তল পকেটে নিয়ে ছুনিয়া চুঁড়ে বেড়াতে হবে, তাকে বের করে ওই বাঘিনীটার মত গুলী করে মারতে হবে। না হলে আত্মহত্যা করতে হবে। তবে দূরে দাঁড়িয়ে গান শুনে আসতেন। গানগুলির স্বর রামপ্রসাদী হলেও গান রামপ্রসাদের নয়। রামপ্রসাদের গানের তখন খুব প্রচলন। রামপ্রসাদের গান সবাই চেনে এবং জানে। এ গান সম্ভবতঃ ওই পাগলেরই গান। ধর্ম ঈশ্বর মিথ্যা হোক, সিদ্ধপুরুষ বলে যারা খ্যাত তারা বৃজরুক হোক ভগু হোক, কিছু তৃষ্ণার্ত আকুল মানুষ আছে যারা মরীচিকার পিছনে ছুটে পাগল হয়ে যায়। বিচিত্রভাবে কিছু কিছু শক্তিও তারা পায় ওই পাগলের মত। যারা ওই পেয়ে খুলী হয় তারা করে খায় ওই ভাড়িয়ে, যারা খুলী হয় না তারাই পাগলটার মত কাঁদে। পাগল স্বর স্বদক্ষ গায়ক, হয়তো নিজের দুঃখ গান বেঁধেই গেয়ে থাকে। গান শুনেছেন, ভুলেও গেছেন বীরেশ্বর। প্রথম দিনের দু কলি মনে আছে, আর আছে আর একদিনের গান—

“এবার রণে ক্ষান্ত দে মা

মা বলে ধরিলে পারে

তবুও কি তোর নাই ক্ষমা !

• না হয় এবার খড়্গাঘাতে

শেষ করে দে মুণ্ডপাতে

মুণ্ডটা ঝুলায়ে হাতে

তা-থৈ-তা-থৈ নাচো শ্রামা !

এ পাগল তো সেই পাগল। সহিসরা বললে—দক্ষিণেশ্বরে তারা ওকে দেখেছিল। ওসমান বললে—দোড়কে দোড়কে আকে—বন্দু।

—হ্যাঁ হজুর, সন্ধ্যাে ধুলো মেখে এল। আমাদের গাড়ীর ছামনে দাঁড়িয়ে গেল। তারপর মন্দিরের চূড়োর দিকে তাকিয়ে রইল। তারপর বা করে কালীঘাটে গিয়ে, ওই কিরে পালিয়ে আসে—

বীরেশ্বর রায় জিজ্ঞাসা করলেন—পালিয়ে আসে কেন ?

ওসমান বললে—ঐ কোন জানে হজুর ? ইঁ তো সিদ্ধাই ককীর ! উসকা বাত কোই নেহি জানতা !

বীরেশ্বর রায় সেদিন পথে ওই পাগলকে কলে চলে আসতে পারেন নি। আঘাত লোকটিকে কম লাগেনি। বেশ আঘাত পেয়েছে। ঘোড়া দুটো লাগামের টানে নিজেদের সামলাতে সামনের পা চারটে তুলে ‘শিরপা’ হয়ে ডাইনে ঘুরে গিরে দাঁড়িয়েছে, না হলে পাগলের উপর দিয়ে তারা দুর্দান্ত বেগে গাড়ীখানাকে টেনে নিয়ে চলে যেত, গাড়ীটা হয়তো খানিকটা লাফিয়ে উঠত, বীরেশ্বর রায় ঝাঁকানি খেতেন। কিন্তু লোকটা চাপা পড়ত। মরে যেত। এতে লোকটা চাপা পড়ে মরে নি, কিন্তু গাড়ীর বোমের এবং ঘোড়ার মুখের ধাক্কা

ছিটকে পড়ে ঘায়ের হয়ে গেছে। রায় লোকটিকে চিনে পথে ফেলে দিয়ে আসতে পারেন নি, তাকে গাড়ীতে তুলে নিয়ে ফিটনের পিছনের সিটে শুইয়ে দিয়ে, নিজে সামনের ডগসিটে বসে কলকাতা এসেছেন। গাড়ীটা যখন টালা পেরিয়ে কলকাতা ঢুকছে, লোকটির তখন হাঁশ হয়েছিল। ক্যাল ক্যাল করে তাকিয়েছিল সে বীরেশ্বর রায়ের দিকে।

রায় বলেছিলেন—কি? কেমন মনে হচ্ছে?

সে বলেছিল—তুমি সাক্ষী রইলে তো!

—কিসের?

—কি রকম মারলে আমাকে? কিন্তু দেখ, মারলে না! উঁহ, মারতে পারলে না।

—বাজে বকো না। পড়ে বেহঁশ হয়ে গিয়েছিলে। এখন কেমন মনে হচ্ছে?

—ভাল। ভাল। এই পিঠে, হ্যাঁ, এইখানে কনকন করছে। ও কিছু নয়। ভাল হয়ে যাবে। তা আমাকে নামিয়ে দাও না কেন?

—না, চল, যাবে তো চোরিকীর মাঠে। আমি যাব জানবাজার। নামিয়ে দোব চল।

—তুমি বীরেশ্বর? বীরেশ্বর রায়?

—হ্যাঁ। কি করে চিনলে আমাকে? সত্যি বলবে!

—সেদিন তুমি বললে!

—না। তুমি আমাকে চিনেছিলে আগেই। বল।

—বলব?

—হ্যাঁ।

মুহূর্তে রূপান্তর ঘটে গেল পাগলের, সে নিজের গলা টিপে ধরে বললে—ছাড়। ছাড়। ছাড়। আঃ—আঃ! নিজের হাতের মুঠি সে ক্রমশঃ কঠোর থেকে কঠোরতর করে তুলতে চাচ্ছে।

বীরেশ্বর শঙ্কিত হয়ে তার হাত দুখানাকে ছাড়াবার জন্তে টেনে ধরলেন। পাগল হাত ছেড়ে দিয়ে ফুঁপিয়ে ফুঁপিয়ে কাঁদতে লাগল। তারপর বললে—বলতে দেয় না। গলা টিপে ধরে।

—কে?

—কে আবার? ওই ওই, মন্দিরে এসেছে আজ! ওই!

—পালিয়ে এলে কেন?

—ভয়ে! ভয়ে! আমাকে দেখলেই আঃ—আঃ—ছাড় ছাড়! আবার সে টিপে ধরলে নিজের গলা।

বীরেশ্বর আবার টেনে ছাড়িয়ে দিলেন, বললেন—থাক, বলতে হবে না।

সে গাড়ীর কোণে চুপ করে বসে রইল। বীরেশ্বর ভাবছিলেন ওরই কথা। মনে ঘুরছিল শেকসপীররের হামলেটের কথা—

There are more things in heaven and earth—than are dreamt of in your philosophy.

বীরেশ্বর ওই কোটেশনটা মনে করে সাধনা পেলেন। সাধনা ঠিক নয়—মনে মনে একটা কিনারা খুঁজে পেলেন। হঠাৎ মনে পড়ল—ক’দিন আগে কালীপ্রসন্ন সিংহের বাড়ী গিয়েছিলেন, তিনি এক ব্রাহ্ম নেতার বাড়ীর গল্প বললেন, তাঁর স্ত্রীকে ডাইনীতে নজর দিয়েছিল, শেষ পর্যন্ত ডাক্তার বৈজ্ঞ হার মেনে গেলে ওকণা এনেছিলেন তিনি, তাইতেই রোগিনী

সুস্থ হয়েছে।

ভাবতে ভাবতেই তিনি পাগলকে ভাল ক'রে দেখছিলেন। এককালে পাগল নিঃসন্দেহে সুপুরুষ ছিল। মাথাভর্তি কাঁচাপাকা রুখু চুল, মুখভর্তি দাড়ি গৌক, সর্বদা একটা ধুলার আশ্রয়ণ, তার নিচে ময়লার একটা ছোপ পড়েছে। কপালটা যেন ছেঁচা। চামড়া কুঁকড়ে গেছে। একটা লম্বা কাটা দাগ, লম্বালম্বি নেমে এসেছে কপাল থেকে গৌকের উপর পর্যন্ত, বাকীটা গৌকদাড়ির মধ্যে বিলুপ্ত, দেখা যায় না।

বললেন—তোমার কপালে মুখে ওই দাগগুলো কিসের ?

শাস্তকণ্ঠে পাগল বললে—ছেঁচেছে। ছেঁচে ছেঁচে মেরেছে পাথর দিয়ে।

—কে ?

—কে আবার! সর্বনাশী! ওঃ, কি প্রহার কি প্রহার কি প্রহার! ও আর কতটুকু? বুকের ভিতরে আগুনে পুড়িয়ে লোহার শিক দিয়ে বেঁধে।

চূপ ক'রে রইলেন বীরেশ্বর। বুঝলেন না ঠিক। তবে সে যে অধ্যাত্মসাধনার কথা বলছে তাতে আর তাঁর সন্দেহ রইল না। এবং তাঁর নাস্তিকতাবিশ্বাসী মনের যে ধারালো ব্যঙ্গবিজ্রপের ছুরিখানি, সেখানি যেন কেমন ভৌতা হয়ে গেল। লোকটার সর্বদা তার জীবনের বার্তাগুলি ফুটে রয়েছে, তা যেন পাথরে খোদাই করা বার্তা। ওকে ছুরির ধারে মুছে বা চেঁচে ফেলা যায় না!

গাড়ী লর্ড ওয়েলেসলির তৈরী বাহার সড়ক বা সার্কুলার রোড ধরে ডিহি শেরালদহকে বায়ে রেখে এটালীতে ধর্মতলার মোড় নিয়ে উঠল জানবাজারে। স্নানযাত্রার দিন আজ, চাঁৎপুর রোডে ভিড়ের অন্ত নাই। কাতারে কাতারে লোক ছুটেছে গঙ্গার চুবুতে। এ ছাড়াও বাবু-ভাইয়েরা বজরা নৌকো পানসী করে চলেছে মাহেশ। তার উপর এবার রানী রাসমণির মন্দির প্রতিষ্ঠা দক্ষিণেশ্বরে। বাহার সড়কের এ পাশে হিঁদুর অঞ্চল কম। মুসলমান দেশী ক্রীশ্চান বেশী, পথটাও ভাল। গাড়ী ধর্মতলার মোড়ে চৌরিক্রীতে মোড় নিল। রায় ভাবলেন, ওকে নামিয়ে দেবেন। কিন্তু লোকটা যেন ধুঁকছে। ক্লান্ত হয়ে চোখ বন্ধ ক'রে কোণে ঠেস দিয়ে বসে আছে। দেখে মমতা হল বীরেশ্বরের। একে ডাকলেন না। একেবারে বাড়ীর দরজায় এসে গাড়ী দাঁড়ালে ওকে ডাকলেন—শুনছ ?

—এঁ্যা!

—এসে পড়েছি, নামো।

চারিদিক চেয়ে দেখে পাগল বললে—এ কার বাড়ী ?

—আমার।

—তোমার ? কীতিহাটের রায়-হজুরের ?

—হ্যাঁ।

—এখানে কেন নামব ?

—আমি বলছি বলে নামবে।

—আমার সব কেড়ে নেবে ?

হেসে ফেললেন বীরেশ্বর, বললেন—কি আছে তোমার ?

—হ্যাঁ, কিছুই নাই। কিছুই নাই।

—চল। ডর নাই। স্নান কর। কিছু খাও। তারপর সুস্থ হয়ে যাবে তোমার যেখানে ইচ্ছে।—চল।



—মারবে না তো ?

—না।

বাড়ীতে ঢুকে পাগল বাড়ীর আসবাব ঐশ্বর্য দেখে বোধ হয় স্তম্ভিত হয়ে গিয়েছিল। দেওয়ালে কুড়ারাম রায়-ভট্টাচার্য এবং সোমেশ্বর রায়ের অয়েল পেণ্টিং টাঙানো ছিল। তার দিকে তাকিয়ে দাঁড়িয়েই রইল। হঠাৎ সোমেশ্বরের ছবিকে বললে—নরক ভোগ করছ তুমি! হঁ-হঁ, করবে না? তারপর ঘাড় নেড়ে বললে—না—না। না—তুমি প্রায়শ্চিত্ত করেছ। তা করেছ।

কুড়ারামকে বললে—আচ্ছা লোক। তোমাকে কিছুতে ছুঁতে পারে না। আচ্ছা লোক! বীরেশ্বর চাকরকে বললেন—একে যত্ন করে স্নান করা। নতুন কাপড় দিবি। বুঝলি? কিছু খেতে দে। বলে উপরে চলে গেলেন।

সোফিয়া থাকত নিজের বাড়ীতে বউবাজারে। আসত সন্ধ্যাবেলা। গাড়ী গিয়ে নিয়ে আসত। দিনের বেলা বাড়ীটা চাকর-বাকরের হাতে। চাকর অনেক। বীরেশ্বর রায় উপরে গিয়েই প্রথম এক গ্লাস মত্ত পান করে স্নান করলেন। তারপর খেতে বসবার আগে চাকরকে জিজ্ঞাসা করলেন—পাগলটাকে স্নান করিয়েছিস? খাইয়েছিস?

—হ্যাঁ।

—নতুন কাপড় দিয়েছিস?

—দিয়েছি। তা ছিঁড়ে আঁধাখানা করে পরেছে।

—কি করছে?

—মেঝের ওপর শুয়ে ঘুমিয়ে গিয়েছে।

—তা হ'লে ঘুমুক। ডাকিস না ওকে।

এরপর রায়ও ঘুমিয়েছিলেন। ঘুমের জন্ত তাঁর শরীরও কাতর হয়েছিল। কলকাতার ক্যান্সানে সেকালে বিদগ্ধ এবং ধনীসমাজের কেউ রাত্রি বারোটা একটার আগে শুতেন না। উঠতেন বেলা দশটার। রায় সোফিয়াকে নিয়ে জেগে থাকতেন, দুটো তিনটে পর্যন্ত মাইকেল হ'ত। বন্ধুবান্ধব জুটত। তারা বিদায় হত বারোটার, তারপর সোফিয়া আর তিনি উল্লাস করতেন। উন্নত উল্লাস! সোফিয়া ক্লান্ত হত, তিনি হতেন না। মধ্যে মধ্যে সোফিয়া বলত—মেরি মালিক!

—বাতাও।

—হুম দাঁও তো বাদী একটা কথা বলে।

—বল। বল। দো চার দশ বিশ যত তোমার দিল চার বাতাও।

—এ যে তুমি তোমার শরীরকে বিলকুল বরবাদ করছ মালিক। এমন করলে শরীর তোমার ক'দিন টিকবে?

—য দিন টেকবে।

—যদি বেমারি হয়! যদি ভেঙে পড়ে যাও!

—তো জ্বর পিকর মর যাউক। বলে হা হা করে হেসে উঠেছিলেন। তারপর বলেছিলেন—কি তুমি মথকে গেছ?

ক্লান্তভাবে হেসেছিল সোফিয়া। রায় বলেছিলেন—তা হ'লে বল তোমার সঙ্গে আরও একজন ছ'জনকে আনি।

সোফিয়া বলেছিল—না। কিন্তু রায় মানেন নি, সন্ধ্যার আসরে সোফিয়ার সঙ্গে নিত্যনূতন একজনকে আনবার ব্যবস্থা করেছিলেন। জীবনে প্রচুর সম্পদ পেয়েছেন তিনি এবং জেনেছেন নারী শুধু ভোগেরই সামগ্রী,—ভালবাসা একনিষ্ঠা ও সব মিথ্যা—মিথ্যা—মিথ্যা। সুতরাং ভোগের বিষয়ে তিনি উন্নত হয়ে উঠেছিলেন। রাত্রি তিনটের আগে তাঁর দেহমন ক্লান্ত হ'ত না। উঠতে দেবী হত, দশটার আগে নর, বারোটাও হয়ে যেত এক-একদিন। আজ সকালে উঠতে হয়েছিল রাণীজীর মন্দিরপ্রতিষ্ঠার নিমন্ত্রণরক্ষার জন্ত। ঘিরে এসে থেয়ে গভীর ঘুমে আচ্ছন্ন হয়ে পড়েছিলেন। হঠাৎ ঘুম ভাঙল গানের সুরে। ঘুমের ঘোরের মধ্যে করেক মুহূর্ত তিনি ঠিক বুঝতে পারছিলেন না। তারপরই মনে হল পাগলের কথা। এ সেই পাগল গাইছে। সেই কণ্ঠস্বরই বটে। কিন্তু আজ আর সেই গান অর্থাৎ রামপ্রসাদী সুরে মনের কথার গান নয়। ঘরের দরজা জানালা বন্ধ ছিল, টানা পাখা চলছে, কিন্তু তাতেও যেন অসহ্য গুমোট। দেহে অবসাদ, চোখের পাতার ঘুমের জড়িমার সঙ্গে মদের ঘোর রয়েছে। পাগলের সুরের খেলা মুহূর্তনিত কানে আসছে; ধীরে ধীরে তিনি বুঝলেন—মিয়া-কি-মজারো আলাপ করছে পাগল। পাগলেরও বোধ হয় এই গুমোট গরম অসহ্য বোধ হয়েছে। ৩১শে মে—জ্যৈষ্ঠের অর্ধেক চলে গেছে। আজ কুড়িদিন বিন্দুবর্ষণ হয় নি, মেঘ বড় উঁকি মারে নি। পৃথিবী যেন পুড়েছে, ঝলসাচ্ছে। তবু বিকেলে একটা ঝড়ো হাওয়া বয়, ঠাণ্ডা জলো ভারী হাওয়া। তাও দু'দিন থেকে বন্ধ। পাগল মিয়া-কি-মজার সাধছে বোধ হয় মেঘ-জলের জন্ত। একটু হাসলেন বীরেশ্বর। কিন্তু সে হাসি শেষ হতে না-হতে তিনি চমকে উঠলেন একটা দীপ্তিতে। বন্ধ-দরজা-জানালা ঘরেও একটা রুঢ় তীব্র আলোর আভাস ঢকিতে ফুটে উঠে মিলিয়ে গেল। সঙ্গে সঙ্গে বিকট গর্জনে মেঘ ডেকে উঠল। তিনি উঠে পড়লেন বিছানা থেকে। উঠে গিয়ে পশ্চিমদিকে রাস্তার ধারের জানালাটা খুলে দিলেন।

৩

সুরেশ্বর বললে—সুলতা, এ বাড়ীটা তখন আকারে ছোট ছিল। এই যে-দিকটায় এই বারান্দা এবং তার কোণের ঘরগুলো, যেখানে আমরা বসে রয়েছি এগুলো তখনও হয় নি। পূর্বদিকের আর উত্তর দিকের এল শেষের বাড়ী ছিল, এ দিকটা ছিল একতলা। বীরেশ্বর রায় শুভেন পূর্ব দিকে উইংএর শেষ ঘরখানায়। অর্থাৎ তিনদিক খোলা পেতেন। পশ্চিম-পূর্ব-দক্ষিণ। উত্তর দিকের বড় হলটা ছিল তার মজলিসের ঘর। ওই শোবার-ঘরে এখনও তাঁর মেহগনি কাঠের খাটখানা আছে। ওখানাতেই বাবা শুভেন। মা কখনও ওঘরে শোন নি ওই খাটটার জন্তে। বাবাও খাটখানা পাণ্টাতে দেন নি।

বাকগে সে সব কথা।

ওই ঘরখানারই দক্ষিণ-পশ্চিম কোণের একটা জানালা খুলে তিনি দাঁড়িয়ে একেবারে মুগ্ধ হয়ে গিয়েছিলেন। ওই মেঘ দেখে তিনি বিমুগ্ধ হয়ে গিয়েছিলেন। তাঁর খাতায় মেঘের বর্ণনা আছে। বলেছেন—King amongst clouds—বিশবার লিখেছেন—I have never seen such a wonderful black mass of cloud like this Wonderful. This cloud is King cloud amongst the clouds—Puskar-Sumbarta and so on. ঘন কালো, দিগন্ত থেকে দিগন্ত পর্যন্ত বিস্তার করে দিয়েছে আপনাকে, ভুলছে ফাঁপছে,

চলছে। চলছে বায়ুকোণ থেকে অগ্নিকোণে। গম্ভীর থমথমে রূপ, নাদির শা চেম্বিজ খাঁয়ের মত ; গম্ভীর মম্বর গতিতে রাজকীয় মহিমায় চলছে।

হঠাৎ আবার একটা বিদ্যুৎ চমকে উঠল। দক্ষিণে তখন গ্রেভইয়ার্ড রোড, মানে এখনকার পার্ক স্ট্রীট পর্যন্ত সবই বস্তী। গ্রেভইয়ার্ড রোডের ওদিকে জঙ্গল। গোটা দক্ষিণটার গাছের মাথা আর মেঘে মাথামাখি। বিদ্যুতের চমকটায় সবটা যেন ঝকঝক করে উঠল, তাঁর চোখ ধাঁসিয়ে গেল। তিনি জানালাটা বন্ধ ক'রে দিলেন। নিচে থেকে পাগল তখন মিস্রা-কিম্বলারের আলাপে ধরতার প্রাথমিক বিলম্বিত লয় সেরে দ্রুতলয়ের পর্যায়ে প্রবেশ করেছে। বীরেশ্বর রায় আপনার সঙ্গীতজ্ঞান অমুযায়ী তীক্ষ্ণ বিচারে পাগলের আলাপের বিশ্লেষণ এবং বিচার করছিলেন, হঠাৎ তাঁর মনে হল, পাগলের গানের শক্তিতেই এ মেঘ উঠল নাকি? আজ সকাল থেকে যা ঘটেছে যা দেপেছেন এবং পূর্বে পাগল যে শক্তির পরিচয় দিয়েছে তাতে এ অষ্টন সেই ঘটিয়েছে বলেই তাঁর মনে হল। সঙ্গীতে তাঁর অমুযায়ী ছিল অসাধারণ, শুধু শুনতেই তিনি ভালবাসতেন না, তিনি চর্চা করেছেন। বড় বড় ওস্তাদদের কাছে নানান গল্প শুনছেন। সঙ্গীতশাস্ত্রে সব থেকে বেশী গল্প দীপক আর মেঘমল্লার নিয়ে প্রচলিত। ঊনবিংশ শতাব্দীর নাস্তিক্যাদী বীরেশ্বর তাঁর জ্ঞানবুদ্ধি মত এ সবে অবিশ্বাস করেও শেষ পর্যন্ত কুল হারিয়ে বসলেন। তিনি আবার একবার শুনলেন আলাপ। নিখুঁত আলাপ করছে পাগল। শুধু ব্যাকরণেই নিখুঁত নয়, পাগলের রামপ্রসাদী গানে যে আশ্চর্য আকৃতিময় প্রাণধর্ম থাকে তাও এতে রয়েছে। পাগল সিদ্ধ গায়ক। বীরেশ্বর সজ্জমভরে নিচে নেমে এলেন।

পাগল ঘরে ছিল না। বুঝতে পারলেন দক্ষিণ দিকে যে বাগানটা আছে সেই বাগানে বসে গাইছে। তিনি বেরিয়ে এলেন।

কুড়ারাম রায় ভট্টাচার্য যে বাড়ীটা করেছিলেন, সেটা আকারে বড় ছিল না। একটু আগেই বলেছি স্মলতা যে পূর্ব এবং উত্তর দিকের উইং দুটো পুরনো। পশ্চিম এবং দক্ষিণ উইং পরে তৈরী হয়েছে। এই দক্ষিণ দিকে ছিল তখন বাগান। কলকাতার বনেদী বড়লোকদের বাড়ীতে এখনও কিছু কিছু সে কালের বাগানের অবশেষ আছে। ছোট পুকুর, বাধানো ঘাট, বসবার বেদী, ঝাউএর সারি অনেক অবশ্য সঙ্গেও ঊনবিংশ শতাব্দীর ভাঙা কুঞ্জবনের মত বেঁচে আছে। সে কুঞ্জ সে কালে রায়বাড়ীতে প্রথম পল্লব করেছিলেন সোমেশ্বর রায়, তাকে সম্বদ্ধ করতে তখন শুরু করেছেন বীরেশ্বর রায়। এই কয়েক বছর অর্থাৎ ১৮৪৯ সাল থেকে ১৮৫৫ সালের মধ্যে তখন রায়বাড়ীর ছোট বাগানটিকে সজ্জায় বেশ একটু ভারীই করে তুলেছিলেন।

বাধাঘাটের উপর চাতালটা আগাগোড়া মার্বেল দিয়ে বাধিয়েছিলেন। ঠিক মাঝখানে ছিল একটা আটকোণা প্রশস্ত বেদী। আর সেটিকে ঘিরে অনেকগুলি লম্বার আসন।

সেই মাঝখানের বেদীর উপর বসে পাগল মেঘের দিকে তাকিয়ে বিভোর হয়ে মিস্রা-কিম্বলারের ভেঁজে চলছিল। তিনি তার গানে ব্যাঘাত সৃষ্টি করেন নি। একটু শুনে হঠাৎ কি মনে ভেবে নিয়ে ক্রিয়ারে এসেছিলেন বাড়ীর ভিতর এবং একটা তানপুরা নিয়ে সেটাকে বেঁধে তৈরী করে নিয়ে ফিরে গিয়ে পাগলের পিছনে বসে তাতে সুর তুলেছিলেন। পাগল একবার ক্রিয়ারে তাকিয়েছিল। ওই একবারই। তারপরই মেঘ ডেকে উঠল। ঝুটি এল ছিটেফোটা, তারপর একবার মোটা ধারায় প্রবল বেগে। হঠাৎ থেমে গেল। বীরেশ্বর রায় ভিজছিলেন।

একটা চাকর ছাতা এনে তাঁর মাথার উপর ধরেছিল। তিনি বলেছিলেন—না। লোকটা কিন্তু দাঁড়িয়েই ছিল। বৃষ্টি হঠাৎ থেমে যেতেই সে বললে—হজুর!

কথার উত্তর দেননি বীরেশ্বর। সে বলেছিল—হজুর শিল হবে। হজুর।

বলতে বলতে সভাই শিল পড়তে শুরু করেছিল, ছোট ছোট কাকর-পাথরের মত। পাগলের গান তখন শেষ হয়েছে। সে আকাশের দিকে তাকিয়ে আছে। বীরেশ্বর উঠলেন এবং পাগলকে বললেন, ওঠো। শিল হবে।

সে বললে—হ্যাঁ।

—চল, ঘরে চল।

—না।

—না নয়। চল। মরবে।

—না, না। মারবে না। মারতে চায় না। দক্ষাতে চায়।

—পাগলামি করো না, এসো।

তখন শিলের দানা ক্রমশঃ মোটা হতে শুরু হয়েছে। পুরুরের জলে শিল পড়ার গর্তগুলো বড় বড় হচ্ছে। জল ছিটকে উঠছে। বাধানো চাতালে শব্দ উঠছে। বীরেশ্বর তাকে হাতে ধরে টেনে নিয়ে ঘরে আনলেন। ঘরে এসে ঢুকেছেন মাত্র, এমন সময় মেঘাচ্ছন্নতার অন্ধকারের সঙ্গে প্রায় সন্ধ্যায় মিলিত সে গাঢ় অন্ধকারকে চিরে বিদ্যুৎ চমকে উঠল—সে চমকে চোখ ঝলসে গেল। তার সঙ্গে সঙ্গেই কড় কড় শব্দে বাজপড়ার মেঘের ডাকে বাড়ীটা পর্যন্ত যেন কঁপে উঠল। বীরেশ্বর পর্যন্ত চমকে উঠলেন। পাগল চমকাল না। সে বাইরের দিকে তাকিয়ে রইল। বীরেশ্বর বললেন—দেখেছ, হয়তো মরতে আজ।

একটু বিষণ্ণ হাসলে পাগল।

বীরেশ্বর বললেন—তোমার উপরেই পড়ত।

পাগল ঘাড় নাড়লে—না।

—তুমি মল্লার গাইছিলে। এমন গান তুমি শিখলে কার কাছে?

—শিখলাম? কার কাছে?

—হ্যাঁ?

অতিবিষণ্ণ করুণ-কণ্ঠে পাগল বললে—শিখলাম? গোড়াতে শিখেছিলাম বাবার কাছে। তারপর ওস্তাদের খোঁজ পেলেই ছুটতাম পিছনে, ঘুরতাম। তা আর কতটুকু? তারপরে—?

—তারপরে?

—তারপরে আপনি হল। ওই যেমন করে গন্ধ হল, এটা এল, ওটা এল, গানও এল। আমি ঝেপে উঠলাম। গান বেধেছিলাম—আবু তুই পালাবি কোথা, আমি হয়েছি তালগাছের মাথা।

চুপ করে গেল পাগল।\*

বীরেশ্বর বললেন—তুমি এমন গান জান—এতবড় গাইয়ে—আজ তুমি মল্লার গেয়ে বৃষ্টি আনলে—

—না-না-না। যেখ দেখে আমার ভাল লাগল। আচ্ছা যেখ রাজামেঘ—বুঝেছ রাজা-মেঘ। এমন দেখা যায় না। তাই দেখে মন হল গাইলাম। বুঝেছ। আমি পারব কি করে? সে পারত তানসেন শুনেছি। এসব তো তারই কাণ্ড। তাকে যে ধরতেই পারলাম না। আছড়ে কেলে দিলে। বুঝেছ।—আঃ—আঃ—আঃ—ছাড়, ছাড় ছাড়।

আবার পাগলামি উঠল তার—সে নিজের গলা নিজে টিপে ধরে প্রায় স্বাস্রদ্ধ করে ফেলবার চেষ্টা করতে লাগল।

বীরেশ্বর দুপুরের মতই তার হাত ছুটো ধরে সজোরে টেনে ছাড়িয়ে দিলেন। পাগল মাথা ঝুঁকতে লাগল। বীরেশ্বর তাকে দুহাতে জড়িয়ে ধরলেন এবার।

—ছাড়, ছাড় আমাকে ছাড়।

বীরেশ্বর অমুভব করলেন—পাগলের দেহে যেন হাতীর বল। কিন্তু তবুও সে বৃদ্ধ, জীর্ণদেহ। কয়েক মুহূর্ত পূর মনে হল, লোকটা নিথর হয়ে গেছে। তিনি বিস্ময় অমুভব করে তাকে ছেড়ে দিলেন। সে জড়বস্তুর মত গড়িয়ে পড়ে গেল। পাগল অজ্ঞান হয়ে গেছে।

তিনি বললেন—জল। জল আন।

চাকরেরা দুজন দাঁড়িয়েই ছিল কাছে। তাদের একজন ছুটল।

চোখেমুখে জল দিয়ে পাগলের চেতনা ফিরল বটে কিন্তু সে নিশ্বাস ধরে পড়ে রইল। যেন সব শক্তি তার নিঃশেষিত হয়ে গেছে।

ওদিকে বাড়ীতে তখন সাড়া পড়ে গেছে। তেলবাতি আগেই হয়ে গেছে, তাতে আলো জ্বলছে, স্নগন্ধি ধূপ পোড়ান হচ্ছে, করসী-হুকোতে এবেলা জল কিরিয়ে ঠিক করা হচ্ছে। সারি সারি কন্ধেতে কাঠগড়ার তামাক সেজে রাখছে ছিটমহলের চাকরেরা। সন্ধ্যা লেগে এল। কিছুক্ষণ পরই সোফিয়া বাঈ আসবে, আসর বসবে। নায়বখানায় নায়ব আকাশের দিকে তাকিয়ে চিন্তিত হয়ে উঠলেন। এখনও শিলাবুষ্টি হচ্ছে। বর্ষণও কম হয়নি। রাস্তাঘাটে জল জমেছে, কাদা হয়ে উঠেছে। সাহেবান লোকদের এলাকাগুলোর খোয়ার রাস্তা, পরিষ্কার-পরিচ্ছন্ন, বাকি কলকাতার রাস্তাঘাট ধুলো আর গন্ধাতীরে নাটি, দুপাশে জবজবে নালা। এতে কি আর ঘোড়ারগাড়ী যাবে? অথচ সোফিয়া বাঈকে আনবার ব্যবস্থা করতে হবে। কি যে মতি হল বাবুর!

মতির আর দোষ কি? এ তো এখন আমিরীর অঙ্গ। যে আমীরের বাঈ নাই, সে আবার আমীর নাকি? তাছাড়া বীরেশ্বরবাবু তো বিয়ে করে প্রথম ক'বছর এখানেই ছিলেন, সে জীবন তো তিনি দেখেছেন। সেই নবীন বয়স—আঠারো-উনিশ; আর কলকাতার এই সমাজ, এই হালচাল, এর মধ্যে গঞ্জাজলের মত পবিত্র জীবনযাপন করেছেন। স্ত্রী-অন্ত প্রাণ। ঘরের দরজা-জানালা বন্ধ করে স্ত্রীকে নিয়ে গান-বাজনা করেছেন। চাকরবাকর কারুর ত্রিসীমানাতে যাবার হুকুম ছিল না। সেই মানুষ কি হল—এই হয়ে গেলেন।

তার ধারণা ওই যে এখান থেকে কীর্তিহাটে গেলেন বউ নিয়ে, বিবিমহল তৈরী করে বাস করতে লাগলেন, বাপের সঙ্গে বনল না, বাপ ঠিক ছেলেকে বিশ্বাস করলেন না; বৈদী বিশ্বাস করলেন জামাইকে; তাতেই ঘটল সর্বনাশ। আর ওই কুঠিহাল জন রবিনসন। ওই সাদা-চামড়া ইংরেজ—সাতসমুদ্র-তেরনদী পেরিয়ে এদেশে এসে ভেঙ্কিবান্ধীতে ছুনিয়া দখল করে বসল, ওদের অসাধ্য কিছু আছে নাকি? আকর্ষণ মদ গিলে আর ওইসব যা-তা মাংস খেয়ে ওরা যেমন দৈত্যের মত খাটে, তেমনি বেলেলাপনা করে নিজেদের মেমদের নিয়ে। জোড়ায় জোড়ায় দিগেবন্দী হয়ে বৃকে বৃক ঠেকিয়ে কোমর ধরে নাচে। কুঠিহালগুলোর তো রোজ এদেশী নতুন মেয়েছেলে চাই। সে কালো না ফরসা, যুবতী না আধাবয়সী সে দেখবারও চোখ থাকে না মদের ষোরে। সেই ছোয়াচে লোকটি এমন হয়ে গেল। ঘোড়ায় চেপে জন সাহেবের কাছে যাওয়া, জবলে বাঘ শিকার করা, নদীর মোহনার কুমীর শিকার করেই বা মন



মানবে কেন? আর সেই বউমাটি! তাকে নায়েব দেখেছেন—সে তো সাক্ষাৎ দেবী। চোখমুখের দিকে তাকালেই মন তাঁর পায়ে লুটিয়ে পড়ত। সে-মেয়ের এসব সহ হবে কেন। তাছাড়া সে বিয়েতে গিয়েছিল, শুনে এসেছে—সে-মেয়ে এক সাধুর কন্যা। সিদ্ধসাধক ছিলেন তার বাপ। সে কন্যার এইসব পাপসংসর্গ দুষ্ট স্বামীসঙ্গ সহ হবে কেন? সে জলে ডুবে পরিত্রাণ পেল। তারপর আর কি, বাধাবন্ধহীন হয়ে বীরেশ্বর রায় তুکانে কাঁপ খেয়েছে। জীবনে একটা দিন শাস্ত হয়ে শুদ্ধ হয়ে শুকনো মাটির বৃকে বসে থাকা তাঁর সয় না; সন্ধ্যা হতে হতে কাঁপ দেবেন তুکانে। লোকে বাগানবাড়ী যায় স্মৃতি করতে; গঙ্গার বজ্রার আসর পেতে স্মৃতি জমায়; কেউ যায় খাস বাঈজী কসবীর বাড়ী; আর বীরেশ্বর রায়ের বসতবাড়ীতে আসে বাঈজী। বাপ সম্পত্তি দেবোত্তর করে গেছে। এসব তাতে নিষিদ্ধ। কিন্তু তাই বা বলে কে? দেখে কে?

ভগ্নীপতি—জামাইবাবু বিমলাকান্ত ছিলেন অল্প একজন সেবায়ো, কিন্তু তিনি তো স্বেচ্ছায় সব ছেড়ে দিয়ে চলে গেছেন কালী। কীর্তিহাট থেকে এসে কিছুদিন পর্যন্ত ছিলেন কলকাতায়। ছেলে কমলাকান্তকে হিন্দু কলেজে ভর্তি করে দিয়েছিলেন, তা নায়েব জানে। প্রথম কলকাতায় চলে এসে উঠেছিলেন এই বাড়ীতেই, দিন পনের ছিলেন, তারপর নায়েবই তার জন্তে জোড়াসাঁকোর ঠাকুরমশায়দের বাড়ীর ওদিকে একখানা বাড়ী দেখে দিয়েছিলেন—সেখানে উঠে গিয়েছিলেন। প্রথম প্রথম কিছুদিন যেতেন আসতেন, যোগ ছিল। কিন্তু তারপর চলে গেলেন এখান থেকে। হঠাৎ চলে গেলেন, বলেও গেলেন না। নায়েব সেদিন শুঁদের খোঁজ করতে গিয়ে শুনে—তাঁরা কালী চলে গেছেন।

কোচম্যান এসে সেলাম করে দাঁড়াল।—বন্দেগী ছজুর।

সেলাম আদবকায়দার বহরটা দেখ! নবাবের জাত কিনা। কথায় কথায় বলবে—অমুক জায়গার নবাব—তার চাচার স্বপুত্রের ফুফুর ছপভাইয়ের নানার পোতা। সইয়ের বউয়ের বকুলফুলের বোনপো-বউয়ের বোনকি-জামাই।

—সেলাম, নায়েবসাহাব। আবার বললে কোচম্যান ওসমান।

—সেলাম! এই সেলামটির জন্ত ওসমান আবার সেলাম করেছে। ঠাণ্ডিপোলাও আর বাইগনের কোর্ষা খায়, চোখে সুরমা টানে, দাড়িতে আঁতর একটু লাগায় ওসমান, সেলাম আদায় না করে ছাড়ে না। হাসলেন নায়েব। বললেন—কি?

—এই পানি হইয়ে গেলো, বহুৎ গর্দী কাদা হো গয়া রাস্তামে। পানি ভি হোগা চার পান জাগহমে। ইসমে ঘোড়া লেকে ক্যারসে ষাঁউ?

—বউবাজার তো?

—হাঁ।

—অরে বাবা, ওহি তো শোচতা ছায়।—গর্দামে কাদামে ঘোড়া নেহি চলগা। কোই জাগা গাচা উড়া হোগা তো পারের জখম হো যারোগা। এতনা দামী জানবার। বিলকুল বরবাদ হো যারোগা।

—তো কি হম যারোগা?

—পাকী ভেজিয়ে না। কাহার লোগ তো বৈঠকে বৈঠকে খাতা ছায়।

—তো বোলায় দেও মহাবীর সিংকো।

চলে গেল ওসমান।

নায়েব আবার আকাশের দিকে তাকালেন। শিল থেমে গেছে। আকাশে মেঘ কিকে

হয়ে কাটতে শুরু করেছে। স্বর্ষাস্তের রঙ লেগেছে, রাঙা ছোপ ধরেছে, সে-ছোপ জুত উপরের দিকে ছড়িয়ে পড়ছে; নীচের রঙ গাঢ় থেকে গাঢ়তর লাল হয়ে পাটকিলে রঙে দাঁড়িয়েছে। মধ্য-আকাশে মাঝে মাঝে বেরিয়ে পড়ছে নীল আকাশের টুকরো।

মহাবীর এসে দাঁড়াল।

নায়েব বললেন, বেহারার-পাকী ভেজো বউবাজার, আর তুমলোক চার আঁদমী যাও। বিবিকে লে আও। সারেকীদার তবলচী পয়দল আয়েগা। হা? সমঝা?

—জী হজুর।

মহাবীর চলে যাচ্ছিল। এমন সময় হুম্ হুম্ করে একখানা ভাড়ার পাকী এসে ঢুকল বাড়ীর হাতার মধ্যে। বেহারার হাক শুনে নায়েব খোলা জানালা দিয়ে বাইরে তাকিয়ে দেখলেন, একখানা ভাড়ার পাকী এসে ঢুকছে। পাকীখানা এসে সিঁড়ির নীচে নামল, তার ভিতর থেকে নামলেন—কীর্তিহাটের ম্যানেজার-নায়েব গিরীন্দ্র ঘোষাল। শশব্যস্তে এখানকার নায়েব বাইরে বেরিয়ে গেলেন।

—আমুন আমুন। আপনি? হঠাৎ? কোন খবর নেই—এমন—

ঘোষাল বললেন—এলাম, জরুরী খবর আছে। মালিক কোথায়?

—এই তো বোধ হয় উপরে গেলেন। সারাদিন এক পাগল নিয়ে পড়ে আছেন।

—পাগল নিয়ে?

—পাগলও বটে, সিদ্ধপুরুষও বটে মশাই। বুঝেছেন?

—কি রকম?

—রকম আজ দেখে তো তাক লেগে গেল। রোদে পুড়ে যাচ্ছিল—জল-ঝড় এক-মাসের উপর ছিল না। আজ একেবারে দেখছেন তো চোখেই, জলে-ঝড়ে-শিলারুষ্টিতে পৃথ্বী শীতলা ভব হয়ে গেল। পাগল জল আনলে মশার। বুঝেছেন—ওই বাগানে বেদীর উপর বসে এমন মল্লার হাঁকলে—সে শুনে তো আমাদের একেবারে ঘোর লেগে গেল, খোদ বাবু উপর থেকে নেমে এসে তানপুরো নিয়ে বসে গেলেন পিছনে। বাস, তারপরই বিদ্যুৎ, ডাক, কুম-কুম করে বৃষ্টি, তারপর শিলারুষ্টি। ভাগ্যে বাবু জোর করে পাগলকে টেনে এনে ঘরে ঢুকিয়েছিলেন, যেমনি ঘরটিতে ঢুকেছেন অমনি বজ্রপাত।

—তাই নাকি? আমি তখন সব গন্ধার ঘাটে নেমেছি। বড়ে নৌকো সামাল সামাল হয়েছিল, ডুবেরি প্রাণটা যেতো বোধ হয়, তা মাঝিবেটার দারুণ মাঝি তো, ভিড়িয়ে কেললে।

—কতদূর পর্যন্ত মেঘ পেয়েছেন?

—দক্ষিণে তো গেল। কলকাতা-টোকা পর্যন্ত আকাশ ফটুফটে। হেঁড়ে কোণে মেঘ উঠছে—উঁকি মারছে, তাই নজরে পড়ল খিদিরপুরের ও-মাথায়। বললাম—বেয়ে চল বেটারা। জলদি জলদি। নিমাই মাঝি বললে,—কুলে ভিড়াই নায়েবকর্তা, উ যে মাঘ, ওরে বিশ্বাস নাই, যদি রথ হাঁকার তো দেখতে দেখতে ঢেকে দিবে। বললাম—সি হবে না রে ব্যাটা। মরতে মরতে কলকাতার ঘাটে পৌঁছতে হবে, এই আজই। বাবু মজলিসে বাঁকি নিয়ে বসলে দেখা হবে না কাল বারোটা পর্যন্ত। আমি কাল সকালেই ফিরব। মরি মরি, বাঁচি বাঁচি। চল। তা বেটা হাল ধরেছিল বটে। মুঠো বটে। সোনাল হাত বাঁধিয়ে দিতে হয়। ঘাটে নৌকো লেগেছে আর জল পড়তে লাগল। তারপরে শিল। ধামডেই উঠে পাকী জাড়া করেছে। দুনো দোব বলেছি।

কথাটা ঘুরে গেল। কলকাতার নায়েব হেরষ ঘোষ পাগলের কথা পাশে রেখে দিলেন; ঘোষালমশায়ের কথার মধ্যে জরুরী কিছুই পাচ্চেন না। সে বললে—কাল সকালে ফিরবেন? রাত্রেই দেখা করবেন বাবুর সঙ্গে!

—এই এখনি হলে ভাল হয়। এতলা পাঠাও একটু। বল খুব জরুরী—

—এত জরুরী—

থেকে গেলেন হেরষ ঘোষ, কাজটা কি জিজ্ঞাসা করতে ভরসা পেলেন না। ঘোষালমশায় রায় এস্টেটের প্রধান কর্মচারী। হেরষ ঘোষের কাজ কম নয়, হয়তো বা টাকার দিক দিয়ে তার এখানেই মোটা মোটা টাকার জমা-খরচ হয়, লেন-দেন হয়; বাবসাতে টাকা লয়ী করা, টাকা ধার দেওয়া—সে-সবের মোটা কারবার এখানেই। কিন্তু ঘোষালমশায় দুমাস অন্তর এসে সমস্ত হিসেবনিকেশ দেখে খাতায় সহি মেরে যান। তাছাড়া সোমেশ্বর রায়ের দেবোত্তরের ট্রাস্ট-দলিলে তিনি একজন অ্যাডভাইসার। তিনি ছুটে এসেছেন, এখনি দেখা করবেন, কাল সকালেই ফিরবেন। একাজ খুব জরুরী। তার উপর তিনি নিজে যখন এসেছেন, তখন কাজটা গোপনীয় বলেই মনে হল। জিজ্ঞাসা করতে গিয়েও পারলেন না হেরষ ঘোষ।

ঘোষাল বললেন, এ যদি হয়, মানে কাজটা, খেয়া যদি ঘরে ঢুকতে পারি, তবে রাক্ষসংশে লক্ষ্মী রাজলক্ষ্মী হলেন, আর অচলা হলেন।

—বলেন কি?

—হ্যাঁ।

একজন চাকর এসে রূপো-বাঁধানো হুকোতে কঙ্কে চড়িয়ে ঘোষালের সামনে বাড়িয়ে ধরলে। হুকো নিয়ে তাতে টান দিয়ে ঘোষাল বললেন, তুমি যাও ঘোষ। বাবুকে বলে এস। এক্ষুনি। বলবে—মহিষাদলের কথা। খুব জরুরী।

ঘোষ বললে—মহিষাদল! উ কথা কাগজে বার করে দিয়েছে ঈশ্বর গুপ্ত। ওই দেখুন না সংবাদপ্রভাকর পড়ে রয়েছে।

ঘোষাল তুলে নিলেন কাগজখানা। একটা খবরের নীচে দাগ দেওয়াও রয়েছে। ‘কলিকাতার শীল বনাম মহিষাদলের রাজা বাহাদুর।’ ‘অহো, হে পাঠকগণ! মহারাজ মহিষাদলাধিপতি অবোধ অকৃতজ্ঞ কর্মচারীদিগের কুহকজালে জড়িত হইয়া এতদিনের পর দ্বারুণ দুর্দশাপ্রাপ্ত হইলেন।...বর্তমান অধিরাজ বাহাদুর কি অন্ততঃ কলুটোলানিবাসী ধনরাশি ৩০ মতি শীল মহাশয়ের স্ত্রী আনন্দময়ী দাসীর নিকটে এক লক্ষ টাকা কর্ত্ত করিয়াছিলেন, সেই লক্ষ টাকার নিমিত্ত তাঁহার সর্বস্বান্ত হইল। মতিলাল শীলের পুত্র শ্রীযুক্ত বাবু হীরলাল শীল তাঁহার বিষয়াদির তত্ত্বাবধায়কের পদে নিযুক্ত হইয়া তাঁহাকে রক্ষা করণার্থে প্রতিজ্ঞাকরতঃ পরিশেষে সর্বস্ব গ্রাস করিয়া বসিলেন।’

ঘোষাল কাগজখানা ফেলে দিলেন। কাগজ জানে কহু লেখে যেহু। কি জানে তারা? কতটুকু জানে? ঘোষাল নিজে মহিষাদলের কর্মচারী ছিলেন। সেখান থেকে তারা তাঁকে অপবাদ দিয়ে তাড়িয়ে দিয়াছেন—তাঁকে সর্বস্বান্ত করতে চেয়েছিল। সোমেশ্বর রায় তাঁকে আশ্রয় দিয়ে রক্ষা করেছিলেন। এইসব ঋণ করতে ঘোষাল বারণ করেছিলেন বর্তমান মহারাজার বাবাকে লক্ষ্মীনারায়ণ গঙ্গা বাহাদুরকে। দুহাতে খরচ করতে নিষেধ করেছেন। অপরাধ তাঁর এই।

কাগজখানা ফেলে দিয়ে ঘোষাল বললেন, উনি দেখেছেন কাগজ? খবর জানেন?

—উনিই তো দাগ দিয়েছেন।

—বহুত আচ্ছা। যাও, গিয়ে বল—মহিষাদলের আরও খবর আছে জরুরী। বলবে শীলেরা সম্পত্তি রাখবে না, বিক্রী করবে—। সেই খবর নিয়ে এসেছি।

—কিনবেন নাকি ?

—আমি কিনতে বলব! এতবড় সম্পত্তি, আর বাড়ীর দোরের সম্পত্তি আর মিলবে না। ঠিক এই সময়েই উপরে বীরেশ্বরের গলাঝাড়র শব্দ পাওয়া গেল।

বীরেশ্বর রায় বিকেলে গোসলখানায় স্নান সেরে তখন সন্ধ্যা বেয়েছিলেন, চাকরে স্নানঘরে-পরা ধুতি ছাড়িয়ে পাটে পাটে কৌচানো কৌচায় ফুলকেটে কাপড় হাতে দাঁড়িয়ে ছিল—কাপড় ছাড়িয়ে নেবে, একটা চাকর বিলেতের আমদানি টার্কিস তোয়ালে দিয়ে গা মুছে দিচ্ছে। টেবিলের উপর আতরদানে আতর-তুলো রাখা রয়েছে। আংটি রয়েছে বাজ্রে; চেন-ঘড়ি রয়েছে। আলনায় পাটভাঙা নবাবী ঢঙের মসলিনের বুটদার পাঞ্জাবি। টালিগঞ্জে মহীশূরের টিপু সুলতানের বংশধরেরা এসে অবধি কলকাতার সন্ধ্যার আসরে এই ঢঙের পাঞ্জাবির রেওয়াজ হয়েছে। বাইরে যেতে হলে চোগা-চাপকান, চাদর-শাল-টুপির দেওয়াজ শুধু দরবারী পোশাকই নয়, বড় বড় জলসায়, নাচের আসরেও চলে বটে, কিন্তু বাঈ-বাড়ী কি বাগানবাড়ী বা ছোট মজলিসে এইটের চল হয়েছে। বিশেষ করে যারা খুব উচুমেজাজী শৌখীন, তাদের মধ্যে।

গলার সাড়া দিয়ে হেরষ ঘোষ বাইরে দাঁড়ালেন।

রায় বললেন—ঘোষ ? গলার সাড়ার ইসারায় তিনি বুঝেছেন।

—আজ্ঞে হ্যাঁ।

—ভেতরে এস।

• ভেতরে এসে হেঁট হয়ে নমস্কার করে দাঁড়ালেন ঘোষ।

—কি ?

—আজ্ঞে, কীতিহাট থেকে ঘোষালমশাই এসেছেন। কাজ খুব জরুরী। কাল সকালেই ফিরে যাবেন তিনি।

—গিরীন্দ্র ঘোষালমশাই ?

—আজ্ঞে হ্যাঁ। আজই এখনি দেখা করতে চান।

—পাঠিয়ে দাও।

—ওই মহিষাদলের রাজবাড়ীর ব্যাপার, আজ কাগজে—

—বুঝেছি। তিনি আসুন তাঁর কাছেই শুনব।

হেরষ ঘোষ চলে গেলেন।

রায় বললেন—কাপড় ছাড়িয়ে নে। বাইরে কে আছে, ঘোষালমশাই এলে দাঁড়াতে বলবি, কাপড় ছাড়া না হলে যেন না ঢোকেন।

চাকর তাঁকে কাপড় ছাড়িয়ে নিল। এ সন্ধ্যার আমীরী আভিজাত্যের অঙ্গ।

গিরীন্দ্র ঘোষাল বীরেশ্বরকে তুমি বলেন। আজ তিনি রায় এস্টেটে এসেছেন পরিত্রাণ বৎসর। বীরেশ্বরের জন্মও তখন হয়নি। সোমেশ্বর কীর্তিহাট থেকে যখন তাত্ত্বিক জামাকান্তের জলে ডুবে মৃত্যুর পর চলে আসেন তখন তিনি এসেছেন। মহিষাদলে গর্গ বাহাদুরদের এস্টেটে কাজ করতে করতে মহারাজা বাহাদুরের কোপদৃষ্টিতে প'ড়ে এসে আশ্রয় নিয়েছিলেন সোমেশ্বর রায়ের। বয়স ছিল তখন তরুণ। কিছু কিছু ইংরিজী শিখেছিলেন, পাটোয়ারী বংশের ছেলে। বাপ পিতামহ সকলেই গোমস্তা নায়েব ছিলেন। রায়দের এস্টেটে এসে সোমেশ্বরের আমলে তিনি অসাধারণ যোগ্যতার সঙ্গে জমিদারী চালিয়েছেন; পারমানেন্ট সেটেলমেন্টের নির্দিষ্ট ডোল জমা—অর্থাৎ মহালের মোট আদায়ের উপর বৃদ্ধি করেছেন দু-তৃত্বাংশ মাথট চলন করেছেন মামুলী চাঁদা নাম দিয়ে। সব থেকে বড় কাজ করেছেন মহালের যত আবাদযোগ্য পতিত ছিল, সে পতিতগুলি ওইসব জঙ্গলের দুর্গাস্ত চূয়াড়দের দিয়ে ভাঙিয়ে জমিতে পরিণত করেছেন। সেসব জমির উপর সিচের জন্ত বাধ কাটিয়েছেন। ফলে জমিদারীর আয় দ্বিগুণে পরিণত হয়েছে। আর করেছেন, বেছে বেছে যেসব মহালে দুর্ভিক্ষ প্রজার বাস, যাদের শাসন করতে না পেরে জমিদারেরা বিব্রত হয়েছে, সেইসব মহাল রায় এস্টেট থেকে খুব সস্তায় পত্তনী নিয়ে তাদের শাসন করে আর এবং এলাকা দুই-ই বৃদ্ধি করেছেন। বীরেশ্বরের বাল্যবয়সে স্নেহবশে তাকে কোলেও ক'রেছেন। এবং তিনি সকালে দুঃসাহসী সবল বালক বীরেশ্বরকে বড় ভালও বাসতেন। বলতেন—ই্যা, এই তো বাঘ-বাচ্চা। এই তো খাঁটি জমিদার হবে। সুতরাং তুমি বলার তাঁর অধিকার ছিল। তবে পরে বীরেশ্বর সম্পর্কে তাঁর মত বদলেছিল। সোমেশ্বরের অস্ত্রে তিনি কাজ ছেড়ে দেবেন ঠিক করেছিলেন; কিন্তু সোমেশ্বর তাঁকে মৃত্যুকালে প্রতিজ্ঞা করিয়ে নিয়েছিলেন যে বীরেশ্বর যতক্ষণ পর্যন্ত অমার্জনীয় অপরাধ না করবে ততক্ষণ তিনি কাজ ছাড়বেন না।

বিমলাকান্তকে সকলেই স্নেহ করত, তার সঙ্গে শ্রদ্ধাও করত, ঘোষালও করতেন। বিমলাকান্ত যখন বীরেশ্বরের সঙ্গে সংঘর্ষ এড়াবার জন্ত স্বেচ্ছায় সব পরিত্যাগ করে চলে এলেন শুধু স্ত্রী বিমলার গহনা এবং তাঁকে দেওয়া টাকা নিয়ে। তখন ঘোষাল এবং স্মৃতিতীর্থ ভেবে-ছিলেন কাজ ছেড়ে দেবেন তাঁরা। কিন্তু বীরেশ্বর তাঁদের ডেকে বলেছিলেন—অন্তায় আমি করিনি ঘোষাল-কাকা, স্মৃতিতীর্থমশায়। আমাদের বংশের দেবোত্তরে জামাই সেবারেত হবেন এ হয় না। বাবা বিবাহের সময় অর্ধেক সম্পত্তি তাকে দিতে চেয়েছিলেন, সে তার প্রাপ্য। বিমলাকান্ত চলে গেল, তার অংশ সে নিক। নেব না বলে সে মহত্ত্ব দেখাতে চেয়েছে। তার কারণ সে জানে ওই কমলাকান্তই সব পাবে। সে ভবিষ্যতের কথা, ভবিষ্যতে যা হয় হবে। আপনি আমাদের নিজস্ব সম্পত্তি দুভাগ ক'রে তার আদায় যেমন দেখেছেন দেখুন। খরচ বাদ দিয়ে লাভের টাকা বিমলাকান্তকে পাঠিয়ে দিন। তার সঙ্গে আমার বিবাদ কেন এ আপনাদের জানার ইচ্ছে থাকলেও জানতে চাইবেন না। আপনারা তাকে দেবতা মনে করেন, সাধু মনে করেন, ককুন। আমার মতে সে মহাপাপী, সে শরতান, আমার দিদির মাথাধারাপ তার জন্তে। একটা চালকলা-বাঁধা ভটচাঁজ বংশের ছেলে—নাতি—তাকে সহ করতে পারবে কেন রায়বংশের মেয়ে। কিন্তু সেসব কথা থাক। আমার অমার্জনীয় অপরাধ, এটা বিমলাকান্তের কাছে হ'তে পারে, কিন্তু আপনার কাছে নয়। বলুন বিবেচনা ক'রে বুকে হাত দিয়ে। যদি তা বলতে পারেন, আমি কিছু বলব না।



তা বলতে পারেন নি ঘোষাল।

ঘোষালের সঙ্গে আরও একজন ছিলেন, তিনি কালীমায়ের এবং রাজরাজেশ্বরের পূজক, রায়দের গুরুবংশের সন্তান রামব্রহ্ম স্মৃতিতীর্থ।

প্রশ্ন দুজনকেই করেছিলেন বীরেশ্বর। তাঁরা এর উত্তর দিতে পারেন নি। বীরেশ্বর বলেছিলেন—বলুন, আপনাদের অসম্মান করেছি? কি অস্ত্রায় হয়েছে আমার আপনাদের কাছে?

রামব্রহ্ম স্মৃতিতীর্থ বলেছিলেন—কিন্তু বিমলাকান্তের প্রতি আক্রোশ তোমার অহেতুক। ধর্মবিচারে এ অস্ত্রায়। আমরা মানুষ তো। এ অস্ত্রায়ই বা আমরা দেখব কেমন করে? আমার পক্ষে এ সহ্য করা অত্যন্ত কষ্টকর। বিশেষ করে, আমি তোমাদের সংসারে বেতনভোগী পূজকই শুধু নই, তোমার পিতার গুরুবংশের জ্ঞাতি। তোমার স্ত্রী আমার কাছে দীক্ষা নিয়েছিলেন।

রাগে বীরেশ্বরের মুখ লাল হয়ে উঠেছিল। আত্মসংবরণের জন্তই তিনি কয়েক মুহূর্ত চুপ করে ছিলেন, তারপর বলেছিলেন—অকারণ ওইসব কথা তুলে কি লাভ বলুন? আমার স্ত্রী—। আবার চুপ করে গিয়েছিলেন বীরেশ্বর। তারপর আবার বলেছিলেন—তিনি দীক্ষা নিয়েছিলেন, আপনি তাঁর গুরু। আমি ধর্ম ঈশ্বর মানি না। দীক্ষা আমি নিই নি, স্মৃতরাং ও-দাবী আমার কাছে নাই করলেন। সম্পত্তি দেবোত্তর, বাবার দলিল অহুসারে দেবতার সেবাপূজা চালালে তবেই তার সেবাইত হিসেবে আমি সম্পত্তির মালিক। সত্য বলতে তার জন্তই সেবাপূজা চালিয়ে যাই। ওসবে বিশ্বাস আমার নেই। এবং আমি সরে এলে বিমলাকান্ত নিষ্কণ্টক হয়ে দেবোত্তরের মালিক হবে, সেই কারণে ওটা আঁকড়ে ধরে আছি আমি। আমি জানি, আপনি বিশেষ করে বিমলাকান্তের পক্ষপাতী। আমাকে খুব ভালচক্ষে দেখেন না। কিন্তু আপনাকে আমি একটি কারণে শ্রদ্ধা করি। আপনি সত্যবাদী আর নির্লোভ। বাবার কাছে তাঁর মৃত্যুর সময় কথা দিয়েছি আপনাদের সম্ভ্রম আমি হানি করব না। সে সম্ভ্রম হানি আমি করি নি করব না। আমি কথা দিচ্ছি, আমি কলকাতা গিয়ে বাস করব। এখানকার পূজাসেবা আপনারা চালাবেন। আমি হস্তক্ষেপ করব না। বিমলাকান্তের সঙ্গে আমার সম্পর্ক যাই হোক, আপনারাও তা নিয়ে কথা বলবেন না। বিবাহ আমি আর করব না। সম্পত্তি আপনাদের ওই বিমলাকান্তের পুত্রের হাতেই যাবে। আপনারা সেটা রক্ষা করে যান।

বীরেশ্বরের কীর্তিহাট ছেড়ে আসার এটাও একটা কারণ।

সেই অবধি গিরীন্দ্র ঘোষালই সম্পত্তি পরিচালনা করে আসছেন। তিন মাস অন্তর হিসাব আসে। মাসে মাসে রিপোর্ট আসে। বীরেশ্বর দেখেন সই করে দেন এই পর্যন্ত। গিরীন্দ্র ঘোষালের পরিচালনায় এস্টেটের আয় প্রায় দ্বিগুণ বেড়েছে।

\*

\*

\*

গিরীন্দ্র ঘোষাল ঘরে ঢুকে বললেন—ভাল আছ তো বাবা?

বীরেশ্বর বললেন—বলুন। ভাল আছি বই কি। তবে বোধ হয় মোটা হয়ে যাচ্ছি একটু। হাসলেন।

গিরীন্দ্র বললেন—কিছু মেন হওয়া ভাল।

\*বীরেশ্বর বললেন—এখানে তো ওখানকার মত ঘোড়ার পাঁচ দশ মাইল ছুটবার সুবিধে নেই। ওখানে কৃষ্টি করতাম এখানে এসে তাও হয় না। সকালে উঠতে দেবী হয়, সন্ধ্যাতে

আজ মিটিং, কাল এঁর বাড়ী নেমস্তন্ন, পরশু ঠাঁর বাড়ী। বিকেল থেকে সাজগোছ। হয় না। সাতার কাটায়ও স্বেযোগ নেই। গন্ধার জলে স্নানে নোনা ধরে বলে।

গিরীন্দ্র বললেন—তা মোটা একটু হলোই বা। দেখতে তো ভাল লাগছে।

বীরেশ্বর হাসলেন। তারপর বললেন—হঠাৎ এলেন এমনভাবে, ওখানে কোন গোলমাল ঘটেছে নাকি?

—না—না। আমাদের গোলমাল কিছু নয়। তবে মহিষাদলের বড়ই বিভ্রাট। ঘোষ নায়েব বললে—ব্যাপারটা তুমি জান দেখলাম, সংবাদ প্রভাকরে ছাপা খবরটার তুমি দাগ দিয়ে রেখেছ।

—শীলরা দখল করতে গিয়েছিল।

—হ্যাঁ। দখলও একরকম করেছে। মহারাজ লক্ষণপ্রসাদ রাজবাড়ীতে ছিলেন না। ঠাঁর মা মহারাণীসাহেবা ছিলেন। তিনি কটক বন্ধ করে রেখেছিলেন। লোকজনও যথেষ্ট ছিল। শীলদের লোক সেরিকের সারজেন্ট-টারজেন্ট নিয়ে গিয়েও ঠিক ভরসা পায়নি। শেষ ম্যাজিস্ট্রেট সাহেবকে মেদিনীপুর থেকে এনে দখল নিয়েছে। মহারাণীসাহেবা দেওয়ান রায়নারান গিরির বাড়ীতে উঠেছেন। এখন শীলরা এই সম্পত্তি বিক্রী করবে; খবর পেয়েই আমি লোক পাঠিয়েছি, নিজে এসেছি তোমার কাছে। এ সম্পত্তি তো ছাড়া হবে না বাবা। চার-পাঁচ লাখ পেলেই শীলরা ছেড়ে দেবে সম্পত্তি।

বীরেশ্বর চুপ করে থাকলেন।

ঘোষাল বললেন—কঁসাইয়ের ওপারে লাট কীর্তিহাটের তিনখানা মৌজা, তার ওপার থেকে একনাগাড় মহিষাদলের এস্টেট। ঘরের বাইরে খামারবাড়ীর মত লাগোয়া পরগনা। এ হাতছাড়া করলে, আর কখনও হবে না।

বীরেশ্বর রায় এবার বললেন—না ঘোষালমশায়, একমত হ'তে পারলাম না।

—কেন?

—মহিষাদলের ঠাঁর সর্বস্বান্ত হবেন, আমি কিনব, এ হয় না। না। জমিদাররা এ দেশে এতেই মরছে মরবে। একজন জমিদার ককীর হবে আর আমি রাজা হব, এটা বড় ধারাপ ব্যাপার। ল্যাওহোল্ডারস অ্যাসোসিয়েশনে আমি ক'বারই বলেছি এ নিয়ে। বলেছি, এসব ক্ষেত্রে জমিদারদের উচিত বিপন্ন জমিদারকে রক্ষা করা। তা ছাড়া প্রাচীন বংশ। এটা উচিত হবে না। অন্তত আমি পারব না। আরও কথা আছে, এতবড় জমিদারি, অনেক টাকা রেভেন্যু। আদায় হোক-না-হোক জমিদারকে দাখিল করতে হবে। প্রজার কাছে খাজনা আদায় আগে হস্তম পঞ্চম ছিল, তখন একরকম ক'রে হত। ধরে এনে, যেতে, পিটে বুক বাঁশ দিয়ে, মাঠের ধান ক্রোক ক'রে আদায় হ'ত। এখন সব উঠে যাচ্ছে।

—উঠে গেলেও আছে এবং থাকবে। তা ছাড়া জমিদারী রাজস্ব দাপের, ও বাপের নয়। যার লাঠি তার মাটি। যার দাপ তার সাতধুন' মাপ। প্রজাকে চিরকাল ঠেঙিয়ে খাজনা আদায় হয়, না-হলে হয় না, রায়ত চাষীসে দাড়া নেহি, লেकिन—বিনা জুতিসে দেতা নেহি। ওসবের জন্তে ভেবো না। আর প্রতিবেশী, পাশের জমিদার-রাজা, এইসব বলছ তুমি; বেশ তুমি না হয় না নিলে, কিন্তু নেবে তো একজন।

বীরেশ্বর বললেন—এর জন্ত শীলদের যা দুর্নাম হয়েছে তার নমুনা তো কাগজে দেখছেন। কলকাতাতেও সন্দেহের কুচক্রী বলে খুব দুর্নাম রটেছে।

—কিন্তু জন রবিনসন নিলে কি আমাদের খুব সুবিধে হবে বাবা?

চমকে উঠলেন বীরেশ্বর।—জন রবিনসন ? জনি ?

—হাঁ, রবিনসন সাহেব। যার শীল যার নোড়া তার ভাঙি দাঁতের গোড়া—এই জাতই হল ওই লালমুখোরা। বাবা, মীরজাকরই বলতে গেলে যুদ্ধ জেতালে। বিশ তিরিশ হাজার নবাবী কোজ। ঠুঁটো জগন্নাথ করে রেখে দিলে, তবে না কেলাইব সাহেব জিতলে! আর দেখ তাকেই শেষে ঠেলে কেলে গোটা দেশ দখল ক'রে নিলে। ব্যবসা নিয়ে ছিল রুবিনসন, কতাবাবু এখান থেকে নিয়ে গেলেন, নীলকুঠীর জন্তে যত টাকা দরকার যুগিয়েছেন। একটা কুঠী থেকে ছুটো হল। টাকা রায়বাড়ীর। সুদ অবিশ্রি দিয়েছে। কিন্তু লাভ ? লাভ তো মোটা করেছে। এখন ঘোড়া ডিঙিয়ে ঘাস খাবে। শীলবাবুরা মহিষাদল মামলার ডিক্রীতে দখল নিয়েছে শুনে জনি সাহেব কথা চালাচ্ছে। জমিদারী কিনবে। পাকা করবে ব্যবসা। মেদিনীপুর জমিদারী কোম্পানী নামে জমিদারী কোম্পানীও হচ্ছে।

বীরেশ্বর আবার আপন মনে যেন নিজেকেই জিজ্ঞাসা করলেন—জন রবিনসন জমিদার হবে ?

ঘোষাল বললেন—কথা চলছে আমি দেখে এসেছি। আমিও লোক পাঠিয়েছিলাম। বলেছি—আমি ফিরে না আসা পর্যন্ত যেন কথা পাকা করবেন না। তা অবিশ্রি করবেন না শীলেরা। ওঁরা মহাজন, টাকা বোঝেন; চোটাচুটি হলে দাম বাড়বে, এ জানেন। তুমি না বলো না বাবা। মহিষাদলের মহারাজা দেশের মানুষ; দেশের মানুষের সঙ্গে পারা যায়, পারা যাবে। আর এই লালমুখোরা যদি মহারাজার জায়গায় চেপে বসে তবে কীতিহাটে আমাদের ইজ্জত বাঁচিয়ে বাস করা দায় হবে।

বীরেশ্বর বললেন—হঁ।

ঘোষাল বললেন—তোমার উপর জন সাহেব এখন খুব গরম। কি হয়েছিল বাঘ শিকারে গিয়ে সে জ্ঞান ভোমরা। তবে দেশে রটেছে, জন সাহেব বাঘ মারতে গিয়ে বাঘের হাঁকে ভিন্নমী পুয়ে পড়ে গিয়েছিল, তুমি বাঘ মেরে তাকে বাঁচিয়েছ। লোকে এই নিয়ে জন সাহেবের নামে ছড়া বেঁধেছে—“মামী মারলে হাঁক, জন বললে বাপ। পেটল গেল ভিজে; রায় মারলে মামীকে বললে ধোপা বামীকে, সায়েরের পেটলটা সোটার জলে সিজ।” হেসে ফেললেন ঘোষাল, বললেন—বাঘকে তো গাঁওগাঁওলয় লোকজনে মামা বলে! তা সেটা নাকি বাঘিনী ছিল, তাই বলে মামী। সাহেব মেদিনীপুর গিয়েছিল, সেখানেও খবর রটেছে। কারা নাকি চেষ্টা করে বলেছে, মামী, বেটা এসেছে গো। ও মামী! জন সাহেব তাকে মারতে গিয়েছিল। সে এফ কাণ্ড। তা সব রাগ গিয়ে পড়েছে তোমার ওপর। জমিদারী কিনে ঝগড়াঝাঁকি করবারই যে মতলব সায়েরের তাতে কোন সন্দেহ নাই। সায়ের যদি ওই জমিদারী কেনে, তবে শেষ পর্যন্ত কীতিহাট রক্ষা করা দায় হবে। বাঘব বোয়াল নয়, ওরা কুমীর।

ছুহাত কপালে ঠেকিয়ে প্রশ্ন করে ঘোষাল বললেন—শুনি রাণীভবানী বলেছিলেন পলাশীর আগে যে খাল কেটে কুমীর এনো না। তা তিনি তো সাক্ষাৎ ভগবতীর অংশ ছিলেন, তাঁর বাক্য কি মিথো হয় ? এ বাবা কুমীরকে ঢুকতে দেওয়া হবে!

বীরেশ্বর বললেন—ভেবে দেখি।

ঠিক এই সময়ে হাত আড়াই লম্বা দেওয়াল-ঘড়িতে মিষ্টি আওয়াজে ঘণ্টা বাজতে লাগল। ঘড়ির দিকে তাকালেন বীরেশ্বর। সাতটা বাজছে। ঘরে ঘরে আলো জ্বলে দিচ্ছে চাকররা। বড় একটা আঁকশিতে জড়ানো ভেলে জিজ্ঞানো জ্বাকড়ার জ্বালা আগুন—দেওয়ালগিরি—ঝাড়লুনের মোমবাতিতে ঠেকিয়ে জ্বলে দিচ্ছে।

মাথার উপর জোড়া টানা পাখা টেনেই চলেছে পাংখাবরদার। আজ বেশ ঠাণ্ডা পড়েছে। প্রবল জলঝড়ের পর চমৎকার আবহাওয়া। পাথার হাওয়া আজ না হলেও চলে। মশার উপদ্রবটা এই জ্যৈষ্ঠের দশ-পনের দিন প্রচণ্ড কাঠকাটা রোদ্রে মরে গেছে। যে কটা ছিল, তা আজকের জলঝড়ে গেল। তবে আজ পোকার উপদ্রব এরই মধ্যে থেকে শুরু হয়েছে। পাখাগজানো উই আর ভেয়ো পিপড়ে এরই মধ্যে আলোর ছটা পেয়ে ঘরে ঢুকে উড়ে বেড়াচ্ছে।

বীরেশ্বর তাকিয়ে পোকা ওড়া দেখছিলেন। ঘোষাল বললেন—তা হলে আমি এখন নিচে গিয়ে জিকুই। কিন্তু কালই ঝুম্মাকে কিরতে হবে। শীলদের বলে এসেছি, তিন-চার দিনের মধ্যেই খবর দোব।

যেতে যেতে দরজার মুখে ফিরে দাঁড়ালেন ঘোষাল। বললেন—ভালো ক'রে ভেবে দেখো বাবা। তামাম হিন্দুস্থানটা এই বেটা বড়লাট ডালহৌসি কেমন ক'রে খেয়ে কেললে তা ভেবে দেখো। এরপর এই চুনোপুঁটি সাহেবগুলানও এমনি করে তামাম জমিদারী গিলবে, এ আমি বলে দিলাম বাবা।

বীরেশ্বর রায় দাঁড়িয়েই রইলেন। অন্তঃমনস্ক হয়ে গেছেন। মন একবার বলছে—কিনে কেল মহাদলের জমিদারী। বাবু বীরেশ্বর রায় থেকে রাজা বীরেশ্বর রায় হও। দুর্গাস্ত গৌরবে বৈচে থেকে ভোগ ক'রে নাও। যত পার! টাকা আছে, ভোগে বাধা নেই, ভোগ তোমার পায়ের তলায় গড়াচ্ছে; হীরা-জহরৎ, বড় বড় ঘোড়া, ভাল ভাল গাড়ী, মদ, মেয়ে-মাল্লু সবই হতে পারে টাকায়। ইংরেজ বেস্তা এসেছে, হোটেলে থাকে তারা। টাকা কেললে তাদেরও পাওয়া যায়। কিন্তু হাজার হাজার লোকের সেলাম প্রণাম এ পাওয়া যায় না টাকায়। এই সেলাম প্রণামের সুখ ওসব সুখের চেয়েও বড় সুখ।

কিনে কেল। ওতে আর দ্বিধা ক'র না। রাজা—না—মহারাজ বীরেশ্বর রায় বাহাদুর অব কীর্তিহাট! লাটসাহেবের দরবারে নিমন্ত্রণ পেতে ওকালতি তদ্বির করতে হবে না। লাটের খাতা আছে, যাদের নিমন্ত্রণ করতে হবে তার তালিকা আছে তাতে। তাতে মহারাজা অব কীর্তিহাটের নাম উঠে যাবে।

বীরেশ্বর রায় বারান্দায় এসে দাঁড়ালেন।

সামনে পূর্বদিকের আকাশে পূর্ণিমার চাঁদ উঠছে। আজ স্নানযাত্রা গেল। আজ পূর্ণিমা। বিকেলের সে রাশি রাশি জমাট কালো মেঘের অবশেষ আর কয়েক টুকরো মাত্র জলে-ধোয়া আকাশে ভেসে যাচ্ছে দক্ষিণ থেকে উত্তরে। পূর্বদিকে সোনালী রঙের পূর্ণ চাঁদ একখানা বড় সোনার থালার মত নতুন বড়াশড়কের ওপাশে—ডিহি শেয়ালদহ আর ডিহি এটালীর সীমানার ওপাশে—ধীরে ধীরে আকাশে উপরে উঠছে। অকস্মাৎ তিনি অধীর অস্থির হয়ে উঠলেন। পূর্ণিমা তাঁর কাছে অভ্যস্ত পীড়াদায়ক। ভবানীকে বিবাহ করে তিনি কলকাতার এই বাড়ীতে এসে উঠেছিলেন এমনি পূর্ণিমার দিন। সেদিন ফুলশয্যার কথা। কিন্তু হয় নি, হয়েছিল পরের দিন। কারণ উত্তোগ হয়ে ওঠে নি। তবে বাড়ীর মেয়েরা একটা আনন্দের আসর বসিয়েছিল। বীরেশ্বর রায় গান শুনে মুগ্ধ হয়ে যেতে বিয়ে করেছে, সে নিয়ে মেয়েমহলে তো বিশ্বাসের শেষ ছিল না। শুধু মেয়েমহলেই বা কেন, পুরুষদের মধ্যে বন্ধুবান্ধব যারাই শুনেছিল, তারাই বিশ্বয়প্রকাশ করেছিল। এ নিয়ে কথা হয়েছিল অনেক। মেয়েরা বীরেশ্বর রায়কে ধরেছিল আমরা বউয়ের গান শুনব। বন্ধুবান্ধবেরা বলেছিল—কি বীরেশ্বর,

তুমি নাকি কিম্বদন্তী বিয়ে করে এনেছ ? কিন্তু গান শোনাও !

বীরেশ্বর, তখন নবীন তরুণ বীরেশ্বর, পত্নীগৌরবে এবং আনন্দে পরিপূর্ণ, তিনিও মনে মনে চাচ্ছিলেন শোনাতে কিন্তু সে তো তিনি নিজেকে পারেন না। বাবা যে বর্তমান।

বলেছিলেন—তা আমাকে বললে কি হবে ? বাবাকে বল !

সোমেশ্বর রায়েকেই বা কে বলবে ? বলেছিলেন তাঁর সম্পর্কীয়া এক ভগ্নী। রাজকুমারী কাত্যায়নীর আমল থেকেই এ বাড়ীর পোষ। কাত্যায়নীর মোশায়েরা করতেন। তাঁর পর বাড়ীর গৃহিণীর দায়দায়িত্ব তিনিই চালান। তিনি এসে সোমেশ্বরকে বলেছিলেন। সন্ধে নিয়ে এসেছিলেন বিমলাকে, মুখপাত করে।

সোমেশ্বর ভাবিত হয়েছিলেন—রায়বংশ জমিদারবংশ, সেই বাড়ীর বউ গান শোনাবে, সেটা কি রকম হবে ? জামাই বিমলাকান্তকে ডেকে পরামর্শ করেছিলেন, তাই তো গো বাবাজী, এ কি ক'রে হয় ? মানে রায়বংশের বউ গান না হয় গাইতে পারে, কিন্তু সে গান দশজনকে শোনাবে, কি ক'রে হয় ? সেটা কি উচিত হবে ?

বিমলাকান্তের নিজেরও কৌতূহলের সীমা ছিল না। সঙ্গীতজ্ঞ বাপের ছেলে সে, উত্তরাধিকারসূত্রে সঙ্গীতে দখল তার জন্মগত কিন্তু এ চর্চা সে ইচ্ছে করেই করেনি। তার মাতামহ বারণ করে গিয়েছিলেন। বলেছিলেন—ও যেন বিমলাকান্ত না শেখে।

মাতামহের মৃত্যুর সময় বিমলাকান্ত ছোট ছিলেন। মাতামহী কথাটা তাকে প্রায় দুবেলাই বলতেন। গানের জ্ঞান নিয়ে যে জন্মায়—অমরাগণ তার জ্ঞানের সঙ্গে সহজাত। ছোট বিমলাকান্ত পূজোর সময় ঢাক বাজলেই ছোটো কাঠি নিয়ে টিন বা কাঠ বাজাতে শুরু করতেন। কখনও একলা থাকলেই যা কিছু হোক নিয়ে তার উপর আঙুল দিয়ে শব্দ তুলে বাজনা বাজাতেন। কখনও গান তাঁজতেন। মাতামহীর চোখে পড়লেই বলতেন—ও করতে নেই ভাই। ও করো না। ওতেই তোমার গায়ের কপাল তোমার কপাল খেয়েছে। বাপ বাউণ্ডলে হয়ে চলে গেল। ও আর তুমি করো না।

একটু বড় হলে—অর্থাৎ সাত আট বছর থেকেই তিনি প্রশ্ন করতেন—কেন দিদিমা ?

দিদিমা তাঁর বাপের কথা বলতেন, এবং সঙ্গে সঙ্গে বলতেন, তোমার দাদামশাই আমাকে বলে গিয়েচেন—দেখো গিন্নি, বিমল যেন ও পথ না ধরে। ওই পথকেই আমার ভয়। ও ধরলে আর কিছু হবে না। ও হল মদ ওর কাছে। বুঝেছ।

কথাটা শুনে শুনে তাঁর মনের মধ্যে গান সম্বন্ধে একটা আতঙ্কের মত কিছু জন্মে গিয়েছিল। গান শুনলেই তাঁর মন যেন বাতাসের বেগে আগুনের মত ছুটে চাইত। কিন্তু মনকে তিনি নির্বাপিত আগুনের মত ক'রে হিম হয়ে বসে থাকতেন। এ আগুন নেভে না—ক্রমে ক্রমে বাতাসে আঙুর আগুনের মত ঝিকমিক করে উঠত, কিন্তু ইচ্ছা তিনি যোগাতেন না। স্বপ্নের সোমেশ্বর রায় ওস্তাদ রেখেছিলেন—বীরেশ্বর গান শিখতেন, কিন্তু বিমলাকান্ত বলতেন, না। ও আমার দিদিমার নিষেধ আছে। মধ্যে মধ্যে বড় ওস্তাদ এলে সে আসরের একপাশে বসে গান শুনতেন। বেশী ভাল লাগলে কয়েক দিন খুব উন্মনা হয়ে যেতেন। কিন্তু বীরেশ্বর বিয়ে ক'রে এনেছে—মেয়ের গান শুনে—এই কথা শুনে তাঁরও কৌতূহলের অন্ত ছিল না। শুনবার জন্তে তাঁরও প্রবল আগ্রহ হয়েছিল। মনেও সেদিন আনন্দের হোঁরাচ লেগেছিল। বীরেশ্বর তাঁর শ্রালক, সে বিবাহ করেছে। শ্রালকের বিবাহ! তা ছাড়াও বীরেশ্বর তাঁকে ঢালকলা-বাঁধা ভটচাঁজ বামুনের ছেলে,—ভীক-শাস্ত বলে যতই অবজ্ঞা করুন—বিমলাকান্ত তা করতেন না। তিনি বয়সে সম্পর্কে বড় ছিলেন, রেহ করতেন। কিন্তু শাস্ত অথচ গভীর



চরিত্রের জন্ত তাঁর সঙ্গে উল্লাসে ছল্লাড়ে মাততে পারতেন না। কিন্তু বিবাহের একটা রঙ আছে। যে রঙ শুধু বর-কনের মনেই লাগে না—পরিবারের পাড়ার আত্মীয়স্বজন সকল জনেরই মনকে রাঙিয়ে দেয় হোলির আবীরের মত।

বউটিকেও বড় ভাল লেগেছিল বিমলাকান্তের। গৌরী নয়, কিন্তু জামবর্ণ রঙে মেয়েটি অপক্লপ দেখতে। বার বার বলেছিলেন—ভারী ভাল বউ হয়েছে। ভারী ভাল। বীরা ভাই, তুমি জহুরী বটে। একেবারে খনি থেকে মণি—সমুদ্রে ডুবে মুক্তা খুঁজে বের করেছ। তারপর গানের কথা যা শুনলাম—মানে বীরাবাবু, তুমি মুগ্ধ হয়েছে যে গান—সে গান সে গলা যে কি তা অন্তে না বুঝুক আমি বুঝছি।

বীরেশ্বর বলেছিলেন—জামাইবাবু, আপনাকে তা হ'লে গোপনে একটা কথা বলি !

তখনকার কালে ভগ্নীপতিকে উপাধি ধরে তাতে মশাই যোগ ক'রে সম্বোধনের রেওয়াজ ছিল। কিন্তু ভট্টাচার্য মশাই কথাটা জমিদারপুত্র-ইংরাজীনবীশ বীরেশ্বর রায়ের কানে বড় কটু ঠেকত—মানে হ'ত বুঝি পুরুত বা পুজুরী বামুনকে ডাকছে। তাই বীরেশ্বর রায় ভগ্নীপতিকে জামাইবাবু বলতেন। জামাইবাবু বা ভগ্নীপতিকে দাদা বলার রেওয়াজ তখন গুঠেনি। তিনি সেদিন বিমলাকান্তকে বাসরঘরে গানের পালায় তাঁর নিজের গানে কালাকে 'ক্লা' করে মান বাঁচানোর কথাটা বলে বলেছিলেন—একটা মজার ব্যাপার জামাইবাবু, কখন যে ও বাজনার হুনের মধ্যে আমার ভুল করিয়ে দিলে, আমি বুঝতেই পারিনি, ঠিক তেহাইয়ের কাছ বরাবর এসে আমাকে সাবধান ক'রে দিলে হ'লে একটা ইসারা দিয়ে, আমি ভাবলাম গেলাম। কিন্তু চট করে কালাকে 'ক্লা' ক'রে খাটিয়ে মেয়ে দিলাম। তা—কি সহবৎ ওর। বললে না যে ভুল আমার হল। বললে, ও নিজে হেরেছে।

বিমলাকান্ত অবাক হয়ে বলেছিলেন—বল কি ?

—এক বিন্দু বাড়িয়ে বলিনি ! একদিন ঘর বন্ধ করে গান শুনবেন। দেখবেন।

তখন বাড়ীতে গান শোনার আগ্রহ পূর্ণিমার কোটালের বানের মত ডাক গুরু করে জাগতে শুরু করেছে। কিছুক্ষণের মধ্যেই সেটা বীরেশ্বরের এলাকা পার হয়ে সোমেশ্বরের দরবারে এসে আছড়ে পড়েছে।

শুভরেকরও ইচ্ছে ছিল শুনতে। ঘরের বাইরে বা পাশের ঘরে বসে বউমার গান শুনবেন। কি এমন গায় যাতে তাঁর মদমন্ত হাতীর মত ছেলে বীরা একেবারে মোহিত হয়ে পড়ল। পুরোহিত রামকান্ত স্বতীতীর্থ খবরটা শুনে হেসে বলেছিলেন—রায় মশায়, সংস্কৃত কাব্যে মদমন্ত অরণ্য কুঞ্জর বশীভূত করা এক বাণীর কথা শুনেছি। বহুটির কণ্ঠে তা হ'লে সেই বশীধ্বনি বাজে। শ্রীমান বীরেশ্বর তো আমাদের মদশ্রাবী-দিকহন্তী গো। সোমেশ্বর হেসেছিলেন।

বাড়ীর মেয়েদের আবদার শুনে তাঁর সে ইচ্ছে প্রবল হয়েছিল,—তবুও বিমলাকান্তকে ডেকে জিজ্ঞাসা করেছিলেন—তাই তো বাবাজী, এটা কি ঠিক হবে ?

সব থেকে সমীহ ছিল তাঁর এই জামাইটিকে। যে ছেলে একালে—যেকালে তাস্তিকেরা লতাসাধন করেন—ভৈরবী নিয়ে ঘোরেন, গৃহস্থদের রক্ষিতা থাকে, জমিদার ধনীদের বাড়ীজী থাকে—নাচগান জানা সেবাদাসী রাখলে স্বশ্রববাড়ীর রাজ-ঐশ্বর্য ছেড়ে পালায়, তাকে সমীহ না করে উপায় কি ?

বিমলাকান্তও এক নিশ্বাসে সম্মতি দিতে পারেন নি—চক্ললজা হয়েছিল। বলেছিলেন—হ্যাঁ, তা—।

—ওই তো! মানে রায়বাড়ীর নতুন বউ গান শোনাবে—!

বিমলাকান্ত বলেছিলেন—অল্পমতি করেন তো বলি।

—বল। জিজ্ঞাসাই তো করছি!

—দেখুন, রায়বাড়ীর বউয়ের মুখও তো আজকে ছাড়া কাল বা পরশু থেকে বাইরের লোক দেখতে পাবে না। কিন্তু আজ তারপর কাল ফুলশয্যা লোকজন আসবেন, বউয়ের মুখ আজ কাল তো সবাই দেখবেন। তা—বউ গান জানেন—গান শুনে বীরেশ্বরভায়া বিবাহ করেছেন—এ ক্ষেত্রে বউ যদি আজ বাছাবাছি আপনারজনের মধ্যে গান শোনান, তাতে দোষের কিছু হবে বলে তো মনে হয় না!

সোমেশ্বর জামাইয়ের মুখের দিকে তাকিয়ে বলেছিলেন—চমৎকার বলেছ। তুমি চমৎকার বলেছ। হ্যাঁ, তা হ'লে গাইতে পারেন। নিশ্চয় গাইতে পারেন। তোমরা ব্যবস্থা কর। তবে বাছাবাছা আপনার লোক। অন্যরের দরজা বন্ধ থাকবে। বাইরের লোকজন চলে যাবার পর। বুঝেছ, দোতলায় হলধরে—আসর করে গান শুনতে পার!

সেদিনও ছিল পূর্ণিমা তিথি।

ভবানী গান গেয়ে শুনিয়েছিল। বীরেশ্বর তানপুরা ধরিয়েছিলেন বিমলাকান্তকে। বলেছিলেন—উল্ল, আজ না বললে শুনব না।

নিজে তবলায় সঙ্গত করেছিলেন। বরাত করেছিলেন ভবানীকে, তুমি সেই গোরী লউটি যায়ে, রোয়ে রোয়ে—, সেই গানটা গাও!

তাই গেয়েছিল ভবানী।

এই বারান্দায় পূর্ণিমার জ্যোৎস্না পড়েছিল।

বীরেশ্বর রায় আজও পূর্ণিমার চাঁদের দিকে তাকিয়ে অধীর অস্থির হয়ে উঠলেন। তাড়াতাড়ি এসে ঘরে ঢুকে তিনি চাকরকে ডেকে বললেন—হুইক্ষী নিয়ে আয়।

## ৫

কি হবে তাঁর রাজত্ব? কে ভোগ করবে তাঁর রাজত্ব? রাজত্ব কি মাছুষ নিজের জন্তে অর্জন করে? বংশের জন্ত করে। না খেয়ে তিল তিল করে সঞ্চয় করে রেখে যায় তাঁর বংশধরেরা ভোগ করবে বলে।

তাঁর রাজত্ব ভোগ করবে কমলাকান্ত?

না। তা হবে না। তা দেবেন না তিনি।

লোকে তাঁকে বলে—বিবাহ কর। কি হয়েছে, স্ত্রী জলে ডুবে মরেছে। মরেছে? ভবানী মরেছে? যা হয়েছে তাই হয়েছে। বিবাহ তিনি অস্বীকার করেন না। না। ও মেয়েজাত, ও জাতকে নিয়ে বেদের সাপু নিয়ে খেলার মত খেলতে হয়। গলায় পরতে নেই। সে বিষদাত ভেঙে বিষের থলি গেলেও না। ওরা পাক কষতে পারে। তোমাকে স্বাস্রোধ করে মেরে দেবে।

তার থেকে তিনি কুড়ারাম রায়ের বহুগুণে সঞ্চিত অর্থ, যা সোমেশ্বর বাড়িয়েছেন, তাঁর আমলেও বাড়ছে তা তিনি ভোগ করে সব শেষ করে দিয়ে যাবেন।

শুধু—শুধু ওই জনি। জন রবিনসন। প্রায় ওই বেটা ইংরেজবাচ্চা। চার্লস রবিনসন

ইংল্যাণ্ডে মোট বইত মাথায় করে। এখানে এসেছিল কোম্পানীর পল্টনে চাকরি নিয়ে। তারপর পল্টনে চাকরির মেয়াদ ফুলে লাটসাহেব ওয়েলসলীর চাকরিতে ঢুকেছিল একরকম চাকরের কাজ নিয়ে। সেখানে থাকতেই ইংল্যাণ্ড থেকে আসা একটা মেমসাহেবকে বিয়ে করেছিল। তার দৌলতেই হয়েছিল মেদিনীপুরে হুনের ট্যাক্স আদায়কারী। তাঁর বাবার সঙ্গে আলাপ সেই সময়ে। তাঁর বাবাই তাকে টাকা দিয়ে খালাড়ী ইজারা নিয়ে হুনের কারবারে নামিয়েছিলেন। তারপর হুন থেকে রবিনসনের মাথায় ঢুকল নীলকুঠী। সোমেশ্বর রায়কে বলেছিল—রায়, হুনের কারবার থেকে নীলের কারবারে অনেক বেশী লাভ। হুনের লাভ তো কোম্পানী চুষে নেয়। তার থেকে নীলে নামো। সোমেশ্বর হিসেব করে বুঝে নীলের কারবারেই টাকা লয়ী করেছিলেন। ইংরেজ জাত, মিথ্যে বলেন নি নায়েব ঘোষাল, ওরা যাই করে থাক এ দেশের, এ দেশের লোককে কিছু করতে দেয় না, দেবে না। নীলকুঠীর ব্যবসা সাহেবদের একচেটে। ও বেটারা খুন করছে, ডাকাতি করছে, লোককে বেঁধে মারছে, মেয়েদের ইজ্জত মারছে, কিন্তু ওদের সব মাক। জেলার ম্যাজিস্ট্রেট কালেকটর, ওপরের কর্মচারীরা শিকার করতে আসে, নীলকুঠীতে ওঠে। গোত্রাসে খায়, মদ গেলে, কুঠীওয়ালাদের মেয়ে বউ নিয়ে হল্লাড় করে, ওদের ঘোড়া হাতী নিয়ে শিকার করে—বাস; আর কি চাই? চালাও পান্দী!

কিছুদিন আগে ঈশ্বর গুপ্ত সংবাদ প্রভাকরে লিখেছিলেন—‘যে সকল সাহেব যখন এ দেশে আইসেন, তখন তাঁহাদিগের ঐশ্বর্যের কথা কি বলিব, এক ছেঁড়া টুপি পচা কাপড়ের প্যাকেট পাণ্টুলন এবং এক কাচের টয়ল সয়ল মাত্র, কৌশলক্রমে কোন ব্যবসা ফাঁদিয়া বাবু কাড়িতে পারিলেই কিছুদিনের মধ্যেই তাঁহার আর আধিপত্যের সীমা থাকে না, তখন প্রকৃত এক কৃষ্ণ বিষুব মধ্যে হইয়া উঠেন।...আমরা কি মূর্থ আর সাহেবরা কি চতুর, আমাদেরিগের টাকায় ও আমাদেরিগের পরিশ্রমে সৌভাগ্য করিয়া, আবার কথায় কথায় আমাদেরিগেই রাষ্ট্রল বলে, ঘুষি মারে, চক্ষু রাক্ষাস, যখন কিছু থাকে না, তখন কত তোষামদ করে, পরে হঠপুট হইলেই “ডেম, বগর লাগার বেজলিস” ভিন্ন কোন কথা শোনা যায় না...!’

ঠিক লিখেছেন ঈশ্বর গুপ্ত। সোমেশ্বর রায়ের টাকায় চার্লস রবিনসন—লাটসাহেবের খানসামা রবিনসন কুঠীওয়াল সাহেব হয়েছিল। আজও বীরেশ্বর রায়ের টাকা খাটে জন রবিনসনের কুঠীতে। সেই জন—জনির মেজাজ গরম হয়েছে। বাঘিনীর পেটে যাচ্ছিল, বাঁচিয়েছিল বীরেশ্বর রায়, সেই তার অপরাধ! তার জন্তে লোকে তাকে ব্যঙ্গ করে। করবেই। এবং তার জন্ত তার রাগ হবে বীরেশ্বর রায়ের উপর। তাও হবে। হিতো-পদেশের ইন্দুরছানাকে যে ঋষি বর দিয়ে বাঘ করে তাকে ইন্দুর-বাঘ খেতে যাবেই। এই নিয়ম!

মহিষাদলের সম্পত্তি কিনবে জন, জনি। ‘লাটসাহেবের খানসামা চার্লস সাহেবের ব্যাটা।

আর এক গ্রাস ছইকি ঢেলে খেলেন বীরেশ্বর রায়’।

না—তা হতে দেবেন না! জনিকে বাড়তে দেবেন না। না।

নিচে পাখীর বেহারার হাঁক উঠল। একটু নড়ে-চড়ে বসলেন বীরেশ্বর রায়। কে এল? সম্ভবত: সোফিয়া! আজকের ঝড়বৃষ্টিতে কলকাতার রাস্তা কাদা জলে ভরে গেছে। গাড়ী যায় নি। পাখী গেছে।

কলকাতার বাড়ীর ট্যাক্স গাড়ীর ট্যাক্স নিয়ে ইথেরজপাড়া পরিভার হচ্ছে। থোরা  
জা. র. ১৪—৩

পড়ছে। আলো জ্বলছে। আর নেটিব পাড়া কাদা খানা খন্দকে ভর্তি, অন্ধকারে ঢেকে আছে।  
সোফিয়া এসে ঘরে ঢুকে সেলাম করলে—বন্দেগী মেরি মালিক, রাজাসাহেব খোদাবন্দ!

—এস—এস।

—ক্যা, বাদীকে দেবী হয়? আপ খুদ নিজ হাত সে সিরাজী লিকে পিতে হে? লেকেন  
আভি তো আট নেহি বাজা হায় মালেক!

হেসে রায় বললেন—না—না। বেশ ঠাণ্ডা করেছে।

—হাঁ—হাঁ—হাঁ—আত তো বহুত মোজকে রাত হায়। কিন্তু আমি কি করে  
মালিক! এই জ্বল ঝড় রাস্তার গদী পানি, আপনার সওয়ারী গেল, তবে তো বের হতে  
পারলাম!

বসল সোফিয়া একটা স্বতন্ত্র আসনে। হাঙ্গের পাখা, জর্দার কোঁটো রেখে এগিয়ে এল  
রায়ের কাছে এবং গেলাস বা হাতে ধরে বোতল তুলে ঢেলে গেলাস এগিয়ে দিয়ে বললে—  
পিজিয়ে মেরি মালেক!

তারপর বললে—আজ কি জমকদার কালো মেঘের তুফান উঠেছিল মালেক, দেখেছ?

রায় বললেন—দেখেছি। কিন্তু তুমি জান আজকের এই জমকদার মেঘের তুফান এক  
ককীর মিয়া-কি-মল্লার গেয়ে নিয়ে এসেছে।

সবিস্ময়ে সোফিয়া বললে—বল কি মালেক! সাচ বাত?

—বিলকুল সাচ সোফিয়া। নিজ আঁপ সে মায় দেখা...

—হাঁ! বিস্ময়ে তার চোখ বিস্ফারিত হয়ে উঠল।

রায় বললেন—এই বাড়ীতে সোফিয়া। এই বাগানে বসে সে মল্লার ভাঁজলে। মেঘ  
তখন ওই কোণে জেরা সে। তারপর ও গাইতে লাগল আর হু-হু করে ছুটে এল মেঘ, ফুলে  
ফুলে, হাজারো কালো মর্দানা হাতিকে নাকিক! আমি তার সঙ্গে তানপুরা বাজিয়েছি।  
খুব ভাগ্যি যে আমি তার গান থামিয়ে জোর করে তাকে ঘরে টেনে এনেছিলাম, না  
হলে বিজলী গিরতো ওই ককীরের উপর।

—উ ককীর? কাঁহা গয়া উ? চলা গয়া?

—নেহি। মওজুদ হায়। তুমারই লিয়ে ময়নে উনকে মওজুদ রাখা হাঁ!

—হাঁ?

—হাঁ! সেইজন্তে ব্যস্ত হয়েছিলাম তোমার জন্তে। তোমাকে দেখাব। ককীরকে বলব  
কি—ককীর মেরি সোফিয়াকে তুমি কিছু শিখিয়ে দাও। তোমার খানাপিনা গাঁজাভাঙ যা  
লাগবে সব বন্দোবস্ত করব আমি। আমি নিজেও শিখব।

—সে বহুত আচ্ছা হবে মালিক। বহুত আচ্ছা হবে। আমীর তোমার মেহেরবাগীর  
আর কিনারা নেই। আমি তোমার বাদী হয়ে থাকব।

রায় হেসে চাকরকে ডাকলেন—জলা!

জলা—জলধর, রায়ের খাস চাকর। সে এসে দাঁড়াল। রায় বললেন—সেই পাগল কি  
করছে দেখ। ডেকে আন—বল আমি ডাকছি। বুঝলি।

জলধর ঘাড় নেড়ে চলে গেল।

রায় বললেন—দাও, আরও ঢাল।

—আরও খাবে মালিক? এত বড় ককীর আসছে—মেজাজ তো তোমার ঠিক রাখতে  
হবে।

—মেজাজ ঠিক থাকবে সোফিয়া। ও ভাবনা তুমি ভেবো না! দাও।

সোফিয়া ঢালতে লাগল। রায় হেঁকে বললেন—তবলচী সারেকীদারকে পাঠিয়ে দে, কে আছিস!

তবলচী সারেকীদার বাইরে বসেছিল, বিনা জুত্রে তাদের ঢুকবার নিয়ম নেই। তারা এসে সেলাম বাজিয়ে ফরাসের উপর বসল। তবলা বাঁয়া পাখোয়াজ তানপুরা সারেকী সব নামিয়ে বাঁধতে বসল।

হঠাৎ একটা ভয়াবহ চীৎকারে ঘরখানা চমকে উঠল। রায়ও চমকে উঠলেন—দেখলেন—পাগল ঘরের দরজায় দাঁড়িয়ে সামনের দিকে বিস্ফুরিত দৃষ্টিতে তাকিয়ে চীৎকার করছে এবং ভয়ে থরথর করে কাঁপছে।

রায় উঠে গিয়ে পাগলের কাঁধে হাত রেখে কাঁকি দিয়ে বললেন—এই! এই! এই পাগল—এই!—কি হ'ল? এই!

—না—না—না— আর ভয় দেখিয়ে না। না—। আমি পালাচ্ছি। আমি পালাচ্ছি।

ব'লে মুহূর্তে নিজেকে ছাড়িয়ে নিয়ে একরকম উর্ধ্ব্বাসে ছুটে সিঁড়ি দিয়ে নেমে চলে গেল। অবাক হয়ে গেলেন বীরেশ্বর। পাগলের চীৎকার শোনা যাচ্ছিল। সে নিচের বারান্দা—সেখান থেকে নেমে বাগানের মধ্যে দিয়ে কটক পার হয়ে বেরিয়ে চলে গেল।

\*

\*

\*

সুরেশ্বর বললে—সুলতা, বীরেশ্বর রায়ের ওই চামড়ার বাধানো খাতার মধ্যে বিবরণটি আছে। এরপর তিনি কয়েকদিনই ওই ময়দানে ঘুরেছেন ওই পাগলের সন্ধানে। কিন্তু তাকে পান নি। কেউ বলতে পারে নি। রায় তাঁর খাতাতে লিখেছেন—হি ইজ এ মিস্ট্রিয়াস ম্যান। আই ডু নট বিলিভ ইন দিজ থিংস স্টিল আই ক্যান নট ডিনাই হিম। নো—আই ক্যান নট। বাট হোয়াট ইজ ইট আট মেড হিম সো মাচ এ্যাক্লেড? সোফিয়া ওয়াজ নার্ভাস, শকড। শী থট আট দি ক্রেজী ককীর ক্রয়েড ইন কন্টেম্পট লাইক আট টু সী হার। নো; হি ডিড নট লুক এ্যাট হার এ্যাট অল। হি ওয়াজ লুকিং স্ট্রেট এ্যাট দি ওয়াল। হোয়াট ইজ ইট হি স দেখার।

(He is a mysterious man. I do not believe in these things, still I cannot deny him. No, I cannot. But what is it that made him so much afraid? Sofia was nervous, shocked. She thought that the Crazy Fakir cried in contempt like that to see her. No, he did not look at her at all. He was looking straight at the wall. What is it he saw there.)

সোফিয়া সেদিন অভিশাপগ্রস্ত পুরাকালের কোন কন্টার মড গ্রাণহীন হয়ে গিয়েছিল। কয়েকবারই সে বীরেশ্বর রায়কে বলেছিল—হামারা কেয়া হোগা মেরা মালেক? এ কেয়া হো গয়া?

বীরেশ্বর রায় বলেছিলেন—কুছ নেহি হুয়া। ডরো মৎ।

সোফিয়ার চোখ দিয়ে জল গড়িয়ে পড়েছিল। তার বিশ্বাস হয়েছিল, ককীর তাকে অভিশাপ দিয়ে গেলেন। সে অভিশাপে না হতে পারে এমন কিছু নেই হুনিয়ায়। তার রূপ তার বোঁবন তার জীবন সবই ঝরে যাবে গলে যাবে, অকালেই শুকিয়ে যাবে হয়তো।

বীরেশ্বর রায় তাকে শাস্তনা দিয়ে বলেছিলেন—কিছু ভয় করো না, ওসবে কিছু হয় না। তার প্রমাণ তো দেখেছ। ওই তো ভবানীকে বলত ওর ওপর দেবতার দয়া আছে। জন্ম থেকে গানে সিদ্ধি তারই ফল। সব বুট। ওই তো তার ছবি ওই দেওয়ালে টাঙিয়ে রেখেছি ইচ্ছে করে। তার ছবিকে সামনে রেখে তোমার সঙ্গে মহাবতী করি, কিন্তু তাতে কি হয়েছে? কিছু হয়নি।

সোফিয়া দেওয়ালের দিকে তাকালে। দেওয়ালে ভবানীর একখানা অয়েল পেটিং ঝুলছে। সন্ধ্যা বিবাহের পরই শখ করে বীরেশ্বর রায় ওই অয়েল পেটিংখানা আঁকিয়েছিলেন সাহেব শিল্পীকে দিয়ে।

কঠোর নিষ্ঠুর বীরেশ্বর রায় ছবিখানা ইচ্ছে করে এই ঘরে টাঙিয়ে রেখেছেন।

সোফিয়া এতে খুশী হয়েছিল। ভবানী যে বিয়ের আসর থেকে তার গানের মাঝখানে বীরেশ্বরকে উঠিয়ে নিয়ে গিয়েছিল তার জন্ম মনে তার ক্ষোভ এবং ক্ষত ছিল। মধ্যে মধ্যে ছবিখানার দিকে তাকিয়ে সে মুখ টিপে হাসত। আজ ছবিখানার দিকে তাকিয়ে সে বললে—জানাব, হজুর, মেরা মালেক, ওই তসবীরখানা তুমি সরাও। দোহাই তোমার। আমার মালুম হচ্ছে কি—ঠোট দুটো তার কাঁপতে লাগল। অনেক কষ্টে সে-কান্না সামলে সে বললে—ওই ওরই গোস্তায় আজ এই হয়ে গেল। দেখ তুমি, ওর চোখ যেন জ্বলছে।

—জ্বলছে? কোথায়?

বীরেশ্বর রায় ছবির দিকে তাকিয়ে দেখেছিলেন এবং বলেছিলেন—কই, কোথায় চোখ জ্বলছে?

—তুমি দেখ মালিক, ভাল করে তাকিয়ে দেখ।

—দেখা হয় সোফিয়া! নেহি! উ তো রোতি হায়!

বীরেশ্বরের মনে হয়েছিল ভবানীর ছবির চোখ সজল, ছল-ছল করছে। টলটলে হয়ে চোখের কোলে কোলে জমে রয়েছে। এখনি বুঝি ঝরে পড়বে।

কিন্তু সোফিয়ার তা মনে হয়নি।

দুজনেই ছবিটার দিকে তাকিয়ে বসে ছিল। সারেস্বীদার তবলচী এরা বাপার দেখে সন্তর্পণে উঠে ঘর থেকে বেরিয়ে গিয়েছিল। এর মধ্যে থাকতে তাদের অস্বস্তিও হয়েছিল, ভয়ও পেয়েছিল তারা। তাদের দুটো ভয়—একটা ভয় ওই ফকীরের রোষ সোফিয়ার সঙ্গী হিসেবে তাদের উপরেও পড়েছে। আর একটা ভয় বীরেশ্বর রায়ের মেজাজের ভয়। কখন মেজাজ বিগড়ে রায় হজুর খাল্লা হয়ে উঠে বলবেন—বেতমিজ বেয়াদপ কাঁহাকা, সহবৎ জান না, তরিবৎ জান না? কেন, কেন এখানে বসে আছ? কেন? তারপরই হয়তো হাঁকবে—চাবুক—।

কিছুক্ষণ পর সোফিয়া বলেছিল—হজুর মালিক!

ছবির দিকে তাকিয়ে থেকেই রায় বলেছিলেন—কি?

—বানীকে আজ ছুটি মিলবার হুকুম হোক মালিক! আজ আমার শরীর মন কেমন হয়ে গেছে, মনে হচ্ছে হয়তো আমি ম'রে যাব!

তার চোখ থেকে জল গড়াচ্ছিল।

তার দিকে এবার তাকিয়ে দেখলেন রায়, তারপর বললেন—যাও। আজ তোমার ছুটি। কাল ছবিটা আমি খুলেই দেব।

সোফিয়া সেলাম করে চলে গেল। রায় চাকরকে বললেন—ও বাড়ী যাবে, কাহারদের বল পাঁকী করে পৌছে দিয়ে আসবে। সঙ্গে যেন বরকন্দাজ যার।



তিনি বসে রইলেন ভবানীর ছবির দিকে তাকিয়ে। বললেন—অন্তত নরকে স্থান তোমার। মুক্তি তোমার নেই। পাবে না কোন দিন।

তারপর বোতলটা টেনে নিলেন।

কিছুক্ষণ পর বেরিয়ে এলেন বারান্দায়, ডাকলেন—জলধর! ওসমানকে ডাক।

ওসমান আসতেই বললেন—গাড়ী জ্বোতো ওসমান। তুরন্ত!

ওসমান সভয়ে বললে—হজুর!

—কি?

—এতনা রাত—

—কি হয়েছে তাতে? ওই ককীরকে খুঁজে বের করতেই হবে।

—ও ককীরকে তো মিলবে না হজুর মালিক। ওকে তো হাজার টুঁড়েও মিলবে না।

—মিলবে না? কেন?

—ও তো হাওয়া হয়ে গেল হজুর। এই কটক থেকেই হাওয়া হয়ে গেল। আমি নিজ্ আঁখ সে দেখেছি।

—ভূমি উল্লুক। গিধ্বড়। বেওকুফ কাঁহাকো, আদমী হাওয়া হয়? হতে পারে!

—হম নিজ্ আঁখসে দেখা হয় হজুর।

ধমকে উঠলেন রায়—ইয়ে খুট হায়! ই কভি নেহি হো সজ্জা হায়!

—হোতা হায় মালেক! হামেশা হামেশা হোতা হায়!

—ওসমান!

—মালিক, নোকরি আমি ছেড়ে দিছি হজুর। আমি যেতে পারব না। বালবাচ্চা নিয়ে ঘর করি। আমাকে মাক করুন হজুর। আজ ও ককীর গোস্তা হয়ে চলে গেল কটকের ওপারে, গিয়ে হাওয়া হয়ে চলে গেল, ওর পিছনে গেলে ওকে কখনও মিলবে না। উপরন্তু ককীরের বেশী গোস্তা হলে বিপদ ঘটে যাবে।

—ঘোড়াতে জিন দিয়ে নিয়ে এস আমি ঘোড়ায় চড়ে যাব।

—হজুর!

এবার চীৎকার করে উঠলেন বীরেশ্বর। ওসমান সভয়ে চলে গেল। কিছুক্ষণ পর ঘোড়ায় সওয়ার হয়ে বীরেশ্বর রায় বেরিয়ে গেলেন ময়দানের দিকে।

চৌরঙ্গীর ওপাশে ময়দানে গোলপাতার জঙ্গলের মধ্যে তখন কোলাহল করে শেয়াল ডাকছে। অন্ধকার ময়দান। আজ বৃষ্টির পর একটা ভ্যাপসা গন্ধ উঠছে। রাত্তায় কান্না। তারই মধ্যে রায় এগিয়ে গেলেন। ডানদিকে অর্থাৎ পশ্চিম দিকে পড়ে রইল রেসপণ্ডেন্সিয়ার ওয়াক। ঘোড়াটা ওই দিকটা চেনে। ওই দিকেই যেতে চাচ্ছে। জঙ্গলের দিকে নরম মাটিতে ঘোড়াটা যেতে চায় না। বার বার ঘাড় বঁকাচ্ছে। রায় চাবুকটা দিয়ে সজোরে আঘাত করলেন ঘোড়াটাকে।

চীৎকার করে ডাকলেন—পাগল! এই পাগল!

ময়দানের গোলপাতার জঙ্গলের উপর দিয়ে কলকাতার সন্ধ্যার পর যে বড়ো হাওয়া বয়, সেই হাওয়া বয়ে বাচ্ছে। একটা একটানা শব্দ উঠছে সর-সর—সর-সর।

প্রহর ঘোষণা করে শেয়ালেরা শুরু হয়েছে। বাতাসের শব্দ ছাড়া আর কোন শব্দ নাই। ওই উত্তর-পশ্চিম দিকে খানিকটা দূরে লাটসাহেবের বাড়ীর আলো জ্বলছে। বীরেশ্বর রায় ফিরে এলেন। পাগলের কোন লাড়া কোন সন্ধান মিলল না।

সারারাত্রি বীরেশ্বর রায়ের ঘুম হয়নি।

ওইদিনের ঘটনা, যা তিনি স্মরণীয় বলে লিখে রেখেছেন, তার মধ্যে আছে—

For the rest of the night—I lay wide awake and thought over the matter.

### ৬

পরদিনের ঘটনাও লিখেছিলেন তিনি। ওই ঘটনার জের হিসেবে নয়। সেদিন সারা কলকাতায় একটা চাঞ্চল্য বয়ে গিয়েছিল। খবর রটেছিল—রুশদেশের রণতরী এসেছে বঙ্গোপসাগরে, ঘুরছে; কলকাতায় এসে উপস্থিত হবে যে কোন মুহূর্তে এবং গোলা দেগে কোর্ট উইলিয়ম উড়িয়ে দিয়ে শহরটাকে লুটে তছনছ ক'রে দিয়ে চলে যাবে।

সকালবেলায়ই উঠেছিলেন বীরেশ্বর রায়। রাত্রে ঘুম হয়নি। চা খেয়ে ফুরসিতে তামাক খাচ্ছিলেন। মাথা ক'ষে আছে। চাকর জলধরকে ডেকে বলেছিলেন—স্নান করব, তেল আন। তেল মাথাবার লোককে ডাক।

তেল মাথাবার জন্তে স্বতন্ত্র লোক আছে। ঘটনাখানেক ধরে গা-হাত-পা টিপে তেল মাথাবে; চট-পট শব্দ উঠবে। এ তেল মাথার আরাম আছে—অসুস্থ শরীর সুস্থ হয়। যে তেল মাথায়, সে প্রায় আশা-পালোয়ান—তেল মাথানোর পরিশ্রমে তার শরীরে ঘাম ছুটে যায়। তেল মাথবার সময় সেখানে চাকরবাকর ছাড়া আর কারু যাবার হুকুম নেই। তেলধুতি প'রে তেল মাথা—সে অবস্থাটা প্রায় উলঙ্গ অবস্থা। বীরেশ্বর রায় জলচৌকির উপর ব'সে তামাক খান এবং তেল মাখেন। তেল মাখতে বসবার সময় খানিকটা হুইস্কি খান—তেল মাথা শেষ হলে, স্নানের ঠিক পূর্বে, একবার খান। তার আগে নাপিত ক্ষৌরী করে দেয়। পরামানিক ব্রজলাল—তার বাঁধা মাইনে করা লোক। তেলমাথার সময় সে ব'সে গল্প বলে। একেবারে খাটি রূপকথার গল্প। তা ছাড়া বলে খবর। কাজ তার এক দুপুর। হুজুরের ক্ষৌরী—তারপর বাড়ীর লোকজন চাকর-বাকরের চুল কাটা ক্ষৌরী, সে বেলা তিনপ্রহর পর্যন্ত, তারপর তার ছুটি। সেই ছুটির সময় সে গিয়ে শহরের নাপিতমহলে জোটে। সেখান থেকে খবর সংগ্রহ ক'রে নিয়ে আসে।

ব্রজলাল মেদিনীপুরের লোক। বাড়ী তার ঘাটালের কাছে। ঘাটালের বহু লোক, বিশেষ ক'রে মৎস্যজীবীরা, কলকাতায় এসে বাস করছে। ধর্মতলার পূব পাশটায়, যেটা জেলেপাড়া, সেখানে ঘাটালের বহু জেলের বাস। ব্রজলালের এ খবরটা নাপিতমহলের এবং ওই জেলে মহলের—দুই মহলের খবর। নাপিতেরা শুনেছে বড় বড় বাড়ী থেকে। এবং জেলেরা গঙ্গায় মাছ ধরে—সেখান থেকে শুনে এসেছে তারা। কাল জেলেরা প্রহরখানেক বেলা থাকতে জাল গুটিয়ে নৌকো নিয়ে একেবারে গঙ্গা ছেড়ে খালের ভিতর দিয়ে খালে এসে নৌকো বেঁধেছে। তাদের মধ্যে কথা হচ্ছে—আলোচনা চলছে—তারা কলকাতা ছেড়ে পালাবে কি না! কিন্তু ভয় হচ্ছে, ঘাটাল কিরতে হ'লে গঙ্গার ভাটি ধরে যেতে হবে, ইতিমধ্যে

রুশ জাহাজ গঙ্গায় ঢুকে পড়ে থাকলে মরতে হবে সবংশে। রুশদের কামান নাকি রুশদের বড় বড় চেহারার মতই বড় বড়। তেমনি নাকি তেজালো বারুদ। গোলাও তেমনি জ্বরদন্ত।

নাপিতেরা বলেছে—বাবুরা ভাবছে কি করবে? কেউ বলেছে পালানো ভাল। গঙ্গার তীর ছেড়ে উত্তর-পশ্চিম দিকে যেখানে ছোক। খুব বড় বড় যারা তারা ভাবছে পাটনা কানীর কথা। তবে যারা খুব নাগজাদা লোক, কালীপ্রসন্ন সিংহের নাপিত বলেছে—আমার বাবু কাল খুব তকরার করলেন ওই দত্তবাবুদের সঙ্গে। বললেন—ইংরেজদের কামান বড়—বেশী জ্বরদন্ত। এদের ক্ষমতাও বেশী। আর এ গুজব ছাড়া কিছু নয়। গত বছর থেকেই এ গুজব মধ্যে মধ্যে ওঠে। বাজে—ও সব বাজে।

ব্রজলাল বললে—তা দত্তবাবু বললে—তুমি হলে ইংরেজের ভক্ত হে। ইংরেজ ছাড়া দোসরা আর কেউ নেই ছুনিয়ায়। কিন্তু রুশরা কত বলবান তা দেখেছ। এক একটার চেহারা কি? আর দেশটা কত বড়? কত লোক ওদের! আমি বলছি—আমি খুব খাটি খবর শুনেছি, এদিকে জাহাজ এসে কলকাতা উড়িয়ে দেবে—ওদিকে কাবুল হয়ে এসে দুম দুম করে ঢুকে পড়বে। কাল বিকেল থেকে খবরটা চাউর হয়েছে—চারদিকে ফুসফুস গুজ-গুজ চলছে হুজুর।

বীরেশ্বর রায়ের ভুরু কুঁচকে উঠল। কথাটা বছরখানেক ধরে মধ্যে মাঝে উঠছে। গতবার খবরের কাগজে পর্যন্ত খবরটা উঠেছিল।

তা মন্দ হয় না। এ ব্যাটাদের বাড়ি বেড়ে গেছে। বড় বেড়েছে। গতকাল ঘোষাল নায়েব একটা কথা বলেছে—খাটি কথা। এদেশের সব ওই ইংরেজরা করতলগত করবে। ডালহৌসি এসে তার পোড়াপত্তন করলে। এসে অবধি রাজ্যের পর রাজ্য গ্রাস করে চলেছে। প্রথমে মুলতান—তারপর রণজিৎ সিংহের মৃত্যুর পর গোটা পাঞ্জাব, ওদিকে মারাঠা পেশওয়ার মৃত্যুর পর, তার পোশুপুর নাকচ করে ‘সাতারা’, তারপর ‘ঝাঁসি’, ‘নাগপুর’ কেড়ে নিলে; হায়দ্রাবাদের নিজামের বেরার নিয়েছে, বলতে গেলে গোটা ভারতরাজ্যই তো গ্রাস করেছে। ওদিকে ব্রহ্মদেশে যুদ্ধ করে জিতেছে। বাকী আর কতটুকু? অযোধ্যার নবাব ওয়াজিদ আলি শাহ্‌র এলাকা আর দিল্লীর বাদশাহ্‌র এলাকা খাস দিল্লী আর তার চারিদিকে ধানিকটা। এ আর কতক্ষণ? এও থাকবে না। নিশ্চয় থাকবে না এ বীরেশ্বর রায় কেন একটা বালকেও তা বলতে পারে। অযোধ্যার নবাবের সঙ্গে নাকি ঝগড়া লাগাবার চেষ্টাও হচ্ছে এদের তরফ থেকে। এর পরই কোনদিন শোনা যাবে—গেল ওয়াজিদ আলি শাহ্‌র রাজ্য। এদিকে ব্যবসা করতে এসে সব ব্যবসাই একচেটে করেছে। কোম্পানীর ব্যবসা তো আছেই। নিমকমহল আকিমহল একচেটে। তারপর নতুন নতুন সাহেবেরা আসছে, কোম্পানী খুলে ব্যবসা করছে। নীলকুঠী, রেশমকুঠী, ব্যাক্স, কয়লা—এ সবই ওদের হাতে। ষারকানাথ ঠাকুরের ঘনান ব্যাক্স কার টেগোর উঠে গেল, ঠাকুরবাড়ীর দেনা অগাধ। এখন দেবেন ঠাকুর সব সম্পত্তি প্রসন্নকুমার ঠাকুরের হাতে দিয়েছেন—তিনি দেনা শোধ দিচ্ছেন। আর একদিকে পাদরীরা রাজত্বের দাপটে লোককে ক্রীতদাস করছে। থাকবার মধ্যে আছে তো দেশের দুটি জিনিস—জমি জমিদারী আর জাতধর্ম। জাত মারতে শুরু করেছে—আবার জমিদারীতেও হাত দিচ্ছে। এ যেন একবারে খুব হিসেব-নিকেশ করে ছ’কো কাজ করছে।

মেদিনীপুর জমিদারী কোম্পানী হচ্ছে। জন রবিনসন মহিষাদলের জমিদারি শীলেন্দেব কাছে নিচ্ছে। ওরা সব নেবে। নায়েব ঘোষাল ঠিক বলেছে। এদেশের মানুষকে গোলাম

বানিয়ে ছেড়ে দেবে।

পুরনো বাদশাহী আমলের রাজা জমিদারদের অবস্থা আজ যেন বীরেশ্বর রায়ের কাছে নতুন চেহারায় দেখা দিল।

মহিষাদলের রাজার অমুপস্থিতিতে ম্যাজিস্ট্রেট এসে জবরদস্তি ফটক খুলিয়ে রাজবাড়ীতে ঢুকেছে। রানীর চোখের জল পড়েছে—তাতেও তার মন গলে নি। রানীকে পাঙ্কী চড়ে দেওয়ানের বাড়ী গিয়ে আশ্রয় নিতে হয়েছে।

কাকুর ইজ্জত এরা রাখবে না। বর্ধমান—দিনাজপুর—নাটোর—পুটিয়া—বিষ্ণুপুর—সব—সব যাবে।

হঠাৎ চঞ্চল হয়ে উঠলেন বীরেশ্বর রায়। চাকরের হাতখানা ঠেলে দিয়ে বললেন—ছাড়।

লাথরাজ—ব্রহ্মদ্র—দেবোত্তর—পীরোত্তর—নানকার এদেশে লোকে ভোগ ক'রে আসছে চিরকাল। আজ কোম্পানী আইন করে তার ওপর খাজনা বসাচ্ছে। বর্ধমানের রাজা এর জন্ত বিলেতে আপীল করেছেন। ভরসা সেই মামলা।

এরা কিছু রাখবে না। নায়েব ঘোষাল ঠিক বলেছে—জনি শীলদের কাছে জমিদারি নিচ্ছে—এ ওদের এদেশে জমিদারি একচেটে ক'রে বসবার হুত্রপাত!

নীলকর হিসেবে যে অত্যাচার করে—সে বীরেশ্বর জানেন। প্রকারান্তরে তাঁরা দু পুরুষ নীলকরদের টাকা যুগিয়ে সুদ খেয়ে আসছেন। চোখ বুজে থেকেছেন।

জমিদার হলে আর রক্ষে রাখবে না জনি।

উঠে দাঁড়ালেন বীরেশ্বর রায়—এগিয়ে চললেন গোসলখানার দিকে। তেলমাখানো চাকরটা অবাক হয়ে গিয়েছিল। পিঠের তেলটা এখনও বসানো হয়নি। কিন্তু বলতে কিছু ভরসা হল না তার। রায় হজুরের মুখ থমথম করছে।

স্নান সেরে এসে বীরেশ্বর রায় খাস কামরায় বসলেন। জলধরকে বললেন—কীর্তিহাটের নায়েব ম্যানেজার আর এখানকার নায়েবকে ডাক।

গিরীন্দ্র ঘোষাল এসে বসলেন সামনে, বললেন—কিছু ঠিক করলে বাবা?

—হ্যাঁ। ঠিকই বলেছেন। এ হল ইংরেজদের সর্বনেশে মতলব। কোম্পানীর হয়ে লর্ড ডালহৌসি যেমন গোটা দেশের রাজ্যটা গ্রাস করলে—তেমনি জনিদের মত ছোটো ইংরেজগুলো জমিদারি গ্রাস করতে লেগেছে। জন রবিনসন নিতে চাইলে—নিতে আমাদিগেই হবে। তবে এ বেলাটা থাকুন আপনি। আমি একবার বেরুব। একবার রাধাকান্ত দেব মহাশয়ের কাছ থেকে ফিরে কথা বলব।

—দেব মহাশয় মহাশয় লোক—মস্ত লোক—কিন্তু তিনি—মানে তাঁর কাছে—

—সেটা ফিরে এসে বলব।

সকালের এ বীরেশ্বর রায় আর এক মানুষ। সন্ধ্যার মুখ থেকে যে বীরেশ্বর রায়—তার সঙ্গে এ বীরেশ্বরের অনেক তফাত স্নলভ।

এ বীরেশ্বর বিষয়ী বীরেশ্বর—সে কালের আধুনিক বীরেশ্বর—গণ্যমান্য বীরেশ্বর। ল্যাণ্ডহোল্ডার অ্যাসোসিয়েসনের মেম্বর, বিজ্ঞোৎসাহিনী সভা প্রভৃতি অনেক সভার সভ্য—এমন কি সস্ত্র প্রতিষ্ঠিত কিশোরীচাঁদ মিত্রের উত্তোগে প্রতিষ্ঠিত 'সমাজোন্নতি বিধায়িনী সন্থা সমিতি'রও সভ্য হয়েছেন। কিছুদিন আগে বহু-বিবাহ নিবারণপ্রথা রহিতের জন্ত যে দরখাস্ত করেছে, তাতে তিনি দেবেন্দ্রনাথ ঠাকুর, কিশোরীচাঁদ মিত্র, অক্ষয়কুমার দস্ত প্রভৃতির সঙ্গে সইও

করেছেন। বিজ্ঞাসাগরের বিধবা-বিবাহ প্রবর্তন আন্দোলনেরও তিনি পক্ষপাতী।

ঈশ্বরচন্দ্র বিজ্ঞাসাগর মেদিনীপুরেরই লোক—তঁার মতকেও সমর্থন করেন বীরেশ্বর, কিন্তু শ্রীতি শ্রদ্ধা বিশেষ নেই। পণ্ডিত বড় খটরোগা লোক। বীরেশ্বর রায়ের মদ খাওয়ার কথা—সোফিয়াকে রাখার কথা—কলকাতার সমাজে গোপন নেই; তা গোপন রাখতে বীরেশ্বর নিজেও চান না। যে যাই বলুক তা গ্রাহ্যও করেন না। কিন্তু যারা এ নিয়ে খটরোগামি করে তাদের সঙ্গে মেলামেশার ক্ষেত্রে এড়িয়েই চলেন। কাজ কি? তোমার মত নিয়ে তুমি থাক। আমার মত নিয়ে আমি আছি। আমি বীরেশ্বর রায় আমি সবই বুঝি—বুঝেই করি, তার জন্ত তোমার মতামতের ধার ধারিনে। বিজ্ঞাসাগর তুমি পণ্ডিত, তুমি বিজ্ঞাসাগর থাক। আমি বীরেশ্বর রায় হয়েই থাকতে চাই। আমার দাম আমি জানি। সেদিন কিন্তু বিজ্ঞাসাগর মশায়ের কাছে যাওয়ার সংকল্পও তিনি করেছিলেন। কলকাতার সমাজের প্রতিষ্ঠাবান লোক। বড় বড় লোকে কথা শোনে। মহিষাদল মেদিনীপুরে। মেদিনীপুরের একটি প্রাচীন রাজবংশ, হোক তা কয়েকবার হস্তান্তরিত—বংশান্তরিত—তবু মহিষাদল রাজপাট পুরানো বনেদী রাজপাট। বর্গী হাক্কামার সময় অনেক করেছিলেন তাঁরা। কামান এনে বসিয়েছিলেন, গোয়া থেকে গোয়ানীজ গোলন্দাজ এনে বসিয়েছিলেন বর্গীদের সঙ্গে লড়াই দেবার জন্তে। ছিরাভূরের মন্বন্তরের সময় প্রচুর অন্নদান করেছেন। সেই রাজপাট চলে যাবে। ভূতান হবে নীলকর কুঠিয়ারের সম্পত্তির সঙ্গে! এই কথাটাই তিনি বলবেন পণ্ডিত বিজ্ঞাসাগরকে। তিনি চেষ্টা করলে অনেক কিছু হতে পারে। শীলেরা ধনী স্তবর্ণবণিক। পণ্ডিত বিজ্ঞাসাগর যদি স্তবর্ণবণিক সমাজের মল্লিক রাজাদের এবং অল্প অল্প বড় বড় ধনীদেব বলেন—তবে কাজ নিশ্চয়ই হবে।

\*

\*

\*

বিজ্ঞাসাগরকে তাঁর ভাল লাগেনি। বিজ্ঞাসাগর তাঁকে তাঁর প্রাপ্য সম্মান দিলেন না বলে মনে হল। বয়সে ঈশ্বরচন্দ্র কিছু বড় তাঁর চেয়ে—তিনি তাঁকে কয়েকবার আপনার মধ্যে তুমি বললেন। বললেন—শুনেছি কীর্তিহাটের কথা। আপনাদের কথা। খুব নাকি কড়া জমিদার। কুমোরেরা হাঁড়ি তৈরীর জন্তে মাটি নিলে মাশুল আদায় হয়।

রায় বলেছিলেন—হ্যাঁ তা হয়। কাঁসাইয়ের ধারে ময়নার রাজাদের তৈরী বাঁখটা ভেঙে গিয়েছিল—সেটা মেরামতের জন্ত পাঁচ রকমে টাকা তুলতে হয়েছিল। সেটা মেরামত হয়েছে। নিরাপদ হয়েছে ওরাই।

—হ্যাঁ তাও শুনেছি। কিন্তু তারপর তো সেটা ওঠেনি, কয়েম হয়ে গিয়েছে। দক্ষিণের এক জমিদারের রেভেন্যুর জন্তে জেল হয়েছিল; তার নায়েব সেবার প্রজাদের কাছে গারদ সেলামী চেয়েছিল—জমিদারকে খালাস করবে বলে। জমিদার খালাস পেয়েছে—বাড়ীতে বসে গড়গড়া টেনে বাড়ি-নাচ করিয়ে তামাক খাচ্ছে—কিন্তু গারদসেলামী ওঠেনি। তা আমার কাছে কি জন্তে আসা হয়েছে?

বীরেশ্বর রায়ের মেজাজ খারাপ হয়ে গিয়েছিল। তিনি যে কথা বলতে এসেছিলেন তা আর বললেন না। ষাঁর জমিদার ধনীদেব সম্বন্ধে এমনই ধারণা তাঁকে বলে কি হবে? বললেন—আপনি দেশের লোক—বড় লোক মহৎ লোক—দেখতে এসেছিলাম।

ঈশ্বরচন্দ্র বললেন—জমিদারদের অনেকে ভাল কাজ করছে। ইচ্ছল প্রতিষ্ঠা করছে—আমাদের দেশের পুরাণ শাস্ত্র অনুবাদ করে ছাপছে। তোমাদের তো টাকা শুনেছি অনেক,

নীলকরকে টাকা ধার দাও—এখানে সাহেবদের সঙ্গে কারবার—তা কিছু করেন না কেন ?

বীরেশ্বর থমকে গেলেন—তার স্বভাব মাথাচাড়া দিয়ে উঠল ; বড়মাহুষ যেখানে কিছু চায়—সেখানে ‘না’ বললে বড়মাহুষ ছোট হয় না—যে ‘না’ বলে সেই ছোট হয়। সেখানে ‘হ্যা’ বললেই বড়মাহুষটা ছোট হোক বা না হোক—অস্তুত তার নাগাল পাওয়া যায়। বললেন—করতে পারি যদি আপনি চান। কত বড়মাহুষ আপনি—আপনার কথা রাখতে করব।

হেসে বিত্তাসাগর বললেন—কেন—আমার কথায় করবেন কেন। নিজের ইচ্ছে করবেন। দেশের—

—দেশ মাহুষ তাদের মজল—ওসব আমি বুঝি না—। হ্যা—আপনাদের মত লোককে বুঝি।

—কেন বুঝবেন না! পুণ্য বোঝেন—দেবসেবা আছে—সমারোহের সঙ্গে করেন। তার থেকে কি এতে কম পুণ্য ?

—না বিত্তাসাগর মশাই—ও পুণ্য বাপ পিতামহ করে গিয়েছেন—দেবোত্তর সম্পত্তি। তা থেকে চলে, চালাতে হয় আমাকে সেবায় হিসেবে। আমি ঈশ্বর ধর্ম পুণ্য—কিছুই মানি না! কালাপাহাড় বলতে পারেন।

বিত্তাসাগর বললেন—তা বেশ, আমিই বলছি।

—তা হ’লে করব।

—বেশ—বেশ—বেশ! আমি রাজনারায়ণবাবুকে পত্র লিখব—তিনি মেদিনীপুরে হেড-মাস্টার—তিনি আপনাকে অনেক পরামর্শ দিয়ে সাহায্য করবেন। আলাপ আছে তাঁর সঙ্গে ?

—না। হবে আলাপ। তা’হলে আজ আসি। নমস্কার।

খোসমেজাজে কিরেছিলেন বীরেশ্বর। খাতায় লিখেছিলেন—I feel proud. Yes I feel proud ; তবে তার সঙ্গে লিখেছিলেন—এই খাটো মাথায় দুর্বলশরীরে লোকটি খুব তেজস্বী—চোখ মুখ দেখলেই বোকা যায়। অসাধারণ মাহুষ। অল্প লোক হলে আমি কড়া কথা বলতাম। কিন্তু এমন সজ্জন হ’ল—যে পারিনি। মনে মনে আনন্দ হচ্ছে—যে আমি তা পারি নি।

শোভাবাজারে দেবদেব রাজবাড়ীতে এসে রায় খুলী হয়েছিলেন রাজা রাধাকান্ত দেবকে দেখে। যেমন সৌজন্যসম্পন্ন তেমনি মিষ্টভাষী, তেমনি ধর্মপরায়ণ—খবর পেয়ে নিজে বেরিয়ে এসে বলেছিলেন—আমুন—আমুন বাবা, আমুন।—

তিনি কারস্থ—বীরেশ্বর ব্রাহ্মণ—তিনি প্রণাম করতে উত্তত হয়েছিলেন। হাঁ—হাঁ করে উঠে পিছিয়ে গিয়েছিলেন বীরেশ্বর। তবুও তিনি হেঁট হয়ে প্রণাম না জানিয়ে ছাড়েন নি।—সে কি বাবা। আপনি ব্রাহ্মণ। তুলসীপাতার কি ছোট বড় আছে! তারপর কি প্রয়োজন বাবা ?—

বীরেশ্বর যেন ঝেঁচে গিয়েছিলেন মাহুষটিকে পেয়ে ; বলেছিলেন—বিশেষ দরকারে এসেছি। আপনি জমিদার সমাজে মাথার লোক—আপনার কাছ ছাড়া আর কার কাছে যাব ? আমি মহিষদলের রাজাবাহাদুরের ব্যাপার নিয়ে এসেছি। তাঁরা আমাকে কিছু বলেন নি। আমি নিজে এসেছি। শীলদের ব্যাপার তো শুনেছেন ? কাগজে বেরিয়েছে।

—শুনেছি বাবা। শুনেছি বইকি। সংবাদ প্রভাকর পড়েছি। কি বলব বল ? আমরা ভূস্বামীরা আরের চেয়ে বেশী ব্যয় করি—বিষয়কর্মে শৈথিল্য আমাদের ; মহাজনকে



বিশ্বাস করি।

একটু চুপ ক'রে থেকে বললেন—মহাজনকেই বা দোষ কি দেব। সে তো দলিলের শর্ত মত কার্য করেছে। তবে—হ্যাঁ—। একটা দীর্ঘনিশ্বাস কেলে বললেন—এত বড় বাড়ী—একটা বুনিয়াদী রাজপাট।

বীরেশ্বর বললেন—আপনি শুনেছেন—শীলেরা জমিদারি ইংরেজদের বন্দোবস্ত করছে। জন রবিনসন বলে একজন কুঠিয়াল নিচ্ছে।

—শুনেছি। একটু হেসে বললেন—সেও তো তোমাদের টাকাতাই ব্যবসা করেছে। আমরাই তো আমাদের সর্বনাশ করছি। রাণী ভবানী পলাশীর আগে বলেছিলেন—খাল কেটে কুগীর আনা হবে। তাই হল। গোটা ভারতটাই গিলে কেলে লর্ড ডালহাউসি।

—এখন জমিদারীগুলোও গিলবে? আপনারা তাই দেখবেন?

তার মুখের দিকে তাকিয়ে দেববাহাদুর বললেন—আপনি ক্রয় করতে চান?

—না। আমার তা অভিজ্ঞ নয়। এই এতবড় বাড়ী রক্ষা যাতে হয়—তাই চাই। আর জন রবিনসন যাতে জমিদার হয়ে না বসে তাই চাই। আপনি কলকাতা সমাজের মাথার মানুষ, আপনি অমরোধ করুন শীলদের।

—কিন্তু ডিক্রীর টাকা তো চাই। অন্ততঃ কিয়দংশ তো দিতে হবে। এক কার্য করুন। রাজাবাহাদুরের কিছু সম্পত্তি আপনি পত্তনী বন্দোবস্ত নিয়ে টাকা দিন। সেই টাকা শীলদের দিয়ে—নতুন দলিল করে কিস্তিবন্দি হোক। কি বলেন!

বীরেশ্বর রায় বললেন—না—তাও ঠিক আমার ইচ্ছা নয়। রাজাবাহাদুরের যে সম্পত্তি তাতে পত্তনী না দিয়েও তিনি অনায়াসে শোধ দিতে পারেন। কিস্তিবন্দি করিয়ে দিন আপনি বলে ক'য়ে। তবে রাজাবাহাদুর যদি বন্দোবস্ত করেন ইচ্ছাপূর্বক তবে আমি নিতে পারি। সেটা পরের কথা।

দেববাহাদুর বললেন—সাধু, সাধু, বাবা, আপনি সাধু লোক। আপনার নিরোভতা দেখে সুখী হলাম। কিছু মনে করবেন না বাবা—আমি একটু পরীক্ষা করছিলাম আপনাকে। নইলে—সে ব্যবস্থা ইতিমধ্যেই হয়েছে। স্বর্গীর মতি শীল মহাশয় সদাশয় লোক ছিলেন—মহৎ মানুষ ছিলেন। সামান্য শিশি-বোতলের দোকান ছিল ধর্মতলায়—ওই তো তোমাদের লালবাজারের ধারে গো। খালি শিশি কিনে বিক্রী করতেন। তারপর অদৃষ্ট খুলল। লক্ষ লক্ষ টাকা রোজগার করেছেন। দান করেছেন। ইচ্ছুল করেছেন কতগুলিই। তবে—ব্যবসা মহাজনী, কুসীদজীবী পেশা, ইংরেজ আমলে ব্যাঙ্কার……। হাসলেন দেববাহাদুর।—কি করবেন? তার মৃত্যুর পর ছেলেরা একটু কড়া হ'তে চেয়েছে। তার উপর মামলা মোকদ্দমার জেদ! সেই জেদ অনেকটা বেনীদুর অগ্রসর হয়ে গিয়েছে আর কি! তা বড় বাপের ছেলে তো—ক'রৈ-ক'র্যে কেলে চৈতন্ত হয়েছে। তারা কিস্তিবন্দিই করে নিচ্ছে। আমি খবর পেয়েছি।

বীরেশ্বর রায় খুশী হলেন। বললেন—যাক, আমি নিশ্চিন্ত হলাম।

—একটা প্রশ্ন করব বাবা?

—বলুন?

—আপনার চিন্তাটা কিসের ছিল? ওঁদের সঙ্গে কি খুব সুখ ছিল আপনাদের? শুনি নি তো?

একটু চুপ ক'রে থেকে বীরেশ্বর বললেন—ওই রবিনসন নেবে বলে আমার হুশিঙ্কা ছিল।

—কিন্তু সুখ তো আপনাদের ওদের সঙ্গেই ছিল! শুনেছি ওখানেই নাকি আপনি থাকতেন! আপনাদের টাকাত্তেই বুড়ো রবিনসন ব্যবসা করেছিল।

—সবই সত্য শুনেছেন। কিন্তু ছোট রবিনসন দিন দিন এমন উদ্ধত হচ্ছে যে, তাকে বরদাস্ত করা সম্ভবপর নয়।

একটু চুপ করে থেকে দেব বললেন—এখন কি হয়েছে বাবা—এই তো কলির সন্ধ্যা। ভারত গ্রাস করলে—এরপর ইংরাজ মাথার উপর দিয়ে হাটবে। সারা দেশ থেকে হিন্দু বিলুপ্ত করবে। শুরু হয়েছে—তার হত্রাপাত হয়ে গেছে। সতীপ্রথা আইন করে বন্ধ করেও ক্ষান্ত হল না—বিধবা-বিবাহ প্রচলনের আন্দোলন উঠেছে। আর কৌতুক দেখ—এ সব আমরাই করছি। আমাদের দিয়েই করাচ্ছে। আমাদের দেশের ধর্মই সব বাবা। তবে ধর্মের অনেক বিকৃতি হয়েছে—তার সংস্কার প্রয়োজন এও ঠিক কথা। সংস্কারের পরিবর্তে তাকে বিসর্জন দিলে ইষ্ট দুরের কথা—অনিষ্ট সামান্য ব্যাপার, সর্বনাশ হয়ে যাবে। কিছুই আর থাকবে না। এইটে এঁরা বুঝছেন না। রামমোহন রায় মশায় মস্ত লোক ছিলেন—অধ্যয়ন অনেকেই করেছিলেন, ঈশ্বরচন্দ্র বিদ্যাসাগর হয়েছেন—বিদ্যার সাগরও তিনি বটেন—বলতে গেলে ঈশ্বরপ্রেরিত মহাপুরুষ, নইলে পিতা পাচকের কাজ করেন……তার পুত্র মেধার, প্রতিভার এমন পণ্ডিত হয় শুধু চেষ্টাতে? কিন্তু তিনি এ কি করছেন? বিধবা-বিবাহ?

থামলেন রাজাবাহাদুর, তারপর একটু হেসে বললেন—আপনাদের জেলাতেই তো বাড়ী গো?

—আজ্ঞে হ্যাঁ।

—আলাপ-পরিচয় আছে? করেছেন?

—দেখেছি মাত্র। আলাপ ঠিক হয়নি। একদিন কিছু বাক্য বিনিময়—তাকে আলাপ বলে না।

—সে কি গো? করবেন—করবেন—আলাপ-পরিচয় করবেন। এক জেলার লোক—তার উপর দুজনেই ব্রাহ্মণ। যাবেন।

একজন চাকর এসে হেঁট হয়ে নমস্কার করে দাঁড়াল। রাজাবাহাদুর বললেন—একবার যে গাত্রোথান করতে হবে বাবা। সামান্য একটু মিষ্ট-মুখ করতে হবে। তিনি নিজেই আগে উঠে দাঁড়ালেন।

বীরেশ্বর রায় না বলতে পারলেন না। এসে অবধি অমুভব করছিলেন—মাহুটি একটি বিরাট মাহু—তার বিনয়—তাকে ব্রাহ্মণ বলে ভক্তি—তার মিষ্ট এবং শুদ্ধ ভাষার বাক্যালাপের মধ্য দিয়ে যে পরিচয় তাঁর ইতিমধ্যেই ফুটে উঠেছিল—তা এই বিরাট ঈশ্বরের বেদীর উপর প্রতিষ্ঠিত হয়ে যেন আকাশস্পর্শী বলে মনে হচ্ছিল।

পাশে একখানি ঘরে মার্বেল টেবিলের উপর কিছু ফল, কিছু মিষ্টান্ন রাখা ছিল রূপার রেকাবীতে—রূপার গ্লাসে জল—সামনে চেয়ারের উপর কার্পেটের আসনপাতা। পাশে এক-খানি ছোট ঘরের দরজায় চাকর দাঁড়িয়ে আছে কাঁধে টার্কিস তোয়ালে নিয়ে।

রাজাবাহাদুর বললেন—যান বাবা, হাত মুখ ধুয়ে আসুন।

হাত-মুখ ধুয়ে বীরেশ্বর ফিরতেই বললেন—শুনেছি বাবা আধুনিক কেতার মাহু—তার জন্ত টেবিলেই দেওয়া হয়েছে। অবশ্য গন্ধাজল দিয়ে ধুয়ে দিয়েছে।

হাসলেন বীরেশ্বর রায়। বললেন—আপনার গৃহে তো অনাচারের স্থান নেই।

—শুদ্ধাচার মানেই তো পরিচ্ছন্ন জীবন গো। যা পরিচ্ছন্ন মালিন্যহীন তাই তো পবিত্র।

এবং ধর্ম তো সেইখানেই।

থেরে-দেয়ে হাতমুখ ধুয়ে তোয়ালেতে হাত মুছে এ ঘরে এসে বসতেই রাজাবাহাদুর বললেন—আপনি একটু বসুন—আমি আসছি।

বলে চলে গেলেন। খানসামা হাতজোড় করে বললে—জজুরের জন্ত ওঘরে তামাক দেওয়া হয়েছে।

বীরেশ্বর বললেন—রাজাবাহাদুর এই জন্তই উঠে গেছেন। পাশের ঘরের কাছে যেতে যেতেই তিনি চন্দন-গুড়ো ও আভর-মেশানো তামাকের গন্ধ পেলেন। সোনার আলবোলায় নল ধরে ছিলমচী খানসামা দাঁড়িয়ে ছিল—টেবিলের উপরে সোনার ডিবার পান। একখানি রেকাবীতে মশলা—দারুচিনি, লবঙ্গ, ছোট এলাচ।

আশ্চর্য স্রশ্জ্বলা। যেন ঘড়ির কাঁটার মত, ছোট কাঁটাটিকে ঘিরে বড় কাঁটাটির ঘোরার মত অতিথিকে ঘিরে এ-বাড়ীর সমারোহভরা আতিথ্য-ধর্ম ঘুরে বেড়াচ্ছে।

আলবোলায় নল হাতে নিয়ে টানতে টানতে তিনি ভাবছিলেন। কলকাতার বিশৃঙ্খল উচ্ছৃঙ্খল জীবনযাত্রার আবর্তের মধ্যে এমন সুন্দর সুস্থ পবিত্র জীবনযাত্রার পরিচয় এর পূর্বে তিনি পান নি। অবশ্য জমিদারদের সভায় বড় বড় ব্যক্তিদের তিনি দেখেছেন—তাদের কথা-বার্তা শুনেছেন। প্রিন্স দ্বারকানাথ ঠাকুরকে তিনি দেখেননি, তাঁর বাবার সঙ্গে তাঁর পরিচয় ছিল—তাঁর গল্প শুনেছেন। শ্রীপ্রসন্নকুমার ঠাকুরকে তিনি দেখেছেন—শ্রীযুক্ত দেবেন্দ্রনাথ ঠাকুরকে দেখেছেন। আলাপ নেই। চেষ্টা করেন নি। তরুণ কালীপ্রসন্ন সিংহকে দেখেছেন, তাঁর সঙ্গে বন্ধুত্ব হয়েছে। বয়সে সিংহ তাঁর থেকে বেশ ছোট, তবু বিজ্ঞার প্রথরতার তাঁর থেকে তিনি প্রদীপ্ত। কৌতুকপ্রিয়, রসিক, বিজ্ঞোৎসাহী, বিদ্বান। বউবাজারের রাজেন্দ্র দত্তকে দেখেছেন—মৌখিক আলাপ আছে। সাত-সাতটা হৌসের মুৎসুদ্দি—অগাধ অর্থ উপার্জন করেও দান করে ককীর। এই অবস্থাতেও সেদিন হিন্দু মেট্রপলিটান কলেজ স্থাপন করেছেন। রাজেন্দ্রনাথ মিত্রকে দেখেছেন, কথাবার্তা শুনেছেন। অগাধ পাণ্ডিত্য। আরও কত নাম করবেন। এ আমলটাই যেন দিগ্বিজয়ীদের আমল। তাঁদের সাড়ায় দেশ গম-গম করছে। কিন্তু রাজা রাধাকান্তকে ঘনিষ্ঠ পরিচয়ে যা দেখলেন—তাঁর কাছ থেকে একটি স্নিগ্ধ স্পর্শ পেলেন এমন বোধ হয় আর কারুর কাছে পাওয়া যায় না বলেই তাঁর মনে হল।

৭

এই সময় রাজাবাহাদুরের সাড়া পেলেন ওঘরে। রাজাবাহাদুর ফিরেছেন। আলবোলায় নলটি টেবিলের উপর রেখে তিনি ওঘরে ফিরে এলেন। রাজাবাহাদুর এসে বসেছেন তাঁর আসনে, তাঁর সামনে একটি মূল্যবান ট্রের উপর প্রকাণ্ড আকুরের একখানা বই। রাজাবাহাদুর বললেন—বসুন। এবার ছুটো ঘরের কথা বলি। বাবা তো সোমেশ্বর রায়মশায়ের একমাত্র পুত্র, শুনেছি অনেক ক্রিয়াকাণ্ডের পর আপনার জন্ম। আপনার ভগ্নীপতির পিতা ছিলেন তান্ত্রিক সন্ন্যাসী, তিনিই নাকি ক্রিয়াকর্ম করেন, তারপর এক কস্তা এক পুত্র হয়ে বাঁচে—

—আজ্ঞে হ্যাঁ। শুনেছি তাই।

—ভগ্নীটি নাই। গত হয়েছে।

—হ্যাঁ। কিন্তু—

—বলুন !

—এত কথা আপনি জানলেন কি করে ?

—আমার বাবার ওটা বোধ হয় একটা স্বভাব। তা ছাড়া আপনার ভগ্নীপতি বিমলাকান্ত চট্টোপাধ্যায়কে আমি জানি। তিনি পত্নীর মৃত্যুর পর কলকাতায় এসে কিছুকাল ছিলেন। পুত্রটিকেও দেখেছি। সুন্দর সুকুমার। তবে নরাণাং মাতুলক্রম তো, বাপের মত এত সহন-শীল শাস্ত্র নয়, তেজস্বী। উগ্ররকমের তেজস্বী।

মাথার মধ্যে রক্ত যেন চন চন করে উঠল বীরেশ্বরের। বিমলাকান্তকে কতটুকু জানেন রাজাবাহাদুর ? সাপ। তাও গোখুরা নয়, তেজের সঙ্গে কণা তুলে দাঁড়িয়ে গর্জন করে সাড়া দিয়ে আক্রমণ করে না। চিতি সাপের মত কুণ্ডলী পাকিয়ে পড়ে থাকে নিজীবের মত ; মনে হয় ছেঁড়া দড়ির একটা তাল কি ছেঁড়া লতার ধানিকটা ; অসতর্ক পদক্ষেপে মুখটা ছুঁড়ে দিয়ে আক্রমণ করে দাঁত ফুটিয়ে বিষ ঢেলে দেয়। গোখুরার বিষে ঘরিত মৃত্যু, অল্পক্ষণেই যজ্ঞগার শেষ হয় আর এ—এই চিতি সাপের বিসক্রিয়া ধীরে ধীরে দীর্ঘক্ষণ ধরে। অনন্ত যজ্ঞগার সহ করতে করতে মৃত্যু। রাজাবাহাদুরকে কি বলে গেছে তিনি জানেন না। হয় বলে গেছে—বীরেশ্বর নাস্তিক অধার্মিক মতাপ অত্যাচারী হিংস্র অমামুষ—

রাজাবাহাদুর বললেন—আপনাদের উপর বিমলাকান্তের কৃতজ্ঞতা-স্নেহের শেষ নেই। বলতেন—একটু তেজস্বী, আধুনিক ইংরাজীপন্থী কিন্তু হৃদয়টা বড় ভাল। তবে বড় তুল করে বসে। এবং তুলকে কখনও বিচার করে দেখে না। নইলে বীরেশ্বর আমার কনিষ্ঠ সহোদরের মত। আমার জীবনের যা কিছু সে তো ঠুঁদেরই জন্ত। সামান্য যজ্ঞমানসেবী ব্রাহ্মণের দৌহিত্র, বাপ ছিলেন ঘরজামাই, আমার জন্মের পরই চলে গিয়েছিলেন সন্ন্যাসী হয়ে ; তারপর কিরেছিলেন ওই রায়মশায়দের বাড়ীতে। তারপর কংসাবতীর বস্ত্রায় ডুবে মারা যান। তাঁর ক্রিয়ার ফলে সম্ভান হয়েছিল বলে নিজের কন্তার সঙ্গে আমার মত ভিক্ষুকের বিবাহ দিয়ে ঘরে রেখেছিলেন, পড়িয়েছেন। কলকাতায় কলেজে দিয়েছিলেন, তারপর ঘরে সংস্কৃতজ্ঞ পণ্ডিত, মৌলবী, ইংরেজ পাদরী রেখে সংস্কৃত পার্সী ইংরিজী শিখিয়েছিলেন। ঠুঁদের কাছে আমার অনেক ঋণ। হেসে বলতেন—হয়তো জন্মজন্মান্তর শোধ করতে হবে।

বীরেশ্বর রায় বিশ্বিয়ে যেন অভিভূত হচ্ছিলেন এবার। মনের বিশ্বয়ের সঙ্গে প্রাণপণে যুদ্ধ করছিলেন। বার বার ভাবতে চাচ্ছিলেন—এও তার ওই সাপের প্রকৃতির খলতা ছলনা চতুরতা। আসল সত্যটিকে চাপা দিয়ে নিজের সত্যতাকেই জাহির করবার জন্ত এই কথা সে বলে গিয়েছে। মনে পড়ছিল কমলাকান্তকে। মনে পড়েছিল ভবানীকে। ক্ষতবিক্ষত হচ্ছিলেন অন্তরে অন্তরে ! আবার মন বলছিল—না-না ! এ মহত্ব তার স্বীকার করতে হবে যে, সে রায়বংশের মুখে কালি মাখিয়ে দিয়ে মার নি। রাজাবাহাদুরের কথা শেষ হলে এতক্ষণে প্রশ্ন করলেন—তিনি ওখান থেকে কেন চলে এলেন তার কারণ কিছু বলেন নি ?

—হ্যাঁ। জিজ্ঞাসা করেছিলাম বইকি !, কারণ কীর্তিহাটের রায়বংশের জামাই। দেওয়ান গঙ্গাগোবিন্দ সিংহের ডান হাত আপনার পিতামহ রায়ভট্টাচার্যমশাই তো ব্যাতিমান লোক। আপনার পিতাও এখানে সর্বজনপরিচিত ছিলেন। সতীদাহ নিবারণের দরখাস্তের সময় স্বর্গীয় ষারকানাথ ঠাকুর মশায়ের সঙ্গে বিশেষ পরিচয় সত্ত্বেও তিনি তাতে সই করেন নি। সেই নৃজেই তাঁর সঙ্গেও পরিচয় হয়েছিল। আপনাদের অর্থের কথা বিষয়ের কথা বিষয়ীরা সকলেই জানেন। সেই বিষয়ের একাংশের মালিক, দেবোত্তরেরও সেবারে—তিনি এলেন আমার কাছে শব্দকল্পদ্রুমের কর্ম করতে। বললেন—জীবিকা এবার নিজেকেই অর্জন করতে হবে।

যা আছে তা তো আমার নয়, এই কমলাকান্তের। তখন ভিজ্ঞাসা করেছিলাম—এর কারণ কি ? আমার মনে হয়েছিল আপনার সঙ্গে বিবাদ হয়ে থাকবে। তা বার বার বললেন—না-না-না। বিবাদ কলহ এ আমার সঙ্গে হ'তে পারে না বীরেশ্বরের। সে সম্পর্কই নয়। তার একমাত্র দোষ সে নাস্তিকভাবাপন্ন। তা নইলে গুণী মানুষ। উত্তমরূপে ইংরাজী শিক্ষা করেছে। গানে বাজনার গুণীলোক। দুর্দান্ত সাহসী ; বাঘ কুমীর শিকার করে। উচু নজর। তাছাড়া ভেবে দেখুন, নিজে পছন্দ করে এক দরিদ্র শিক্ষকের কন্যাকে বিবাহ করেছিল। কন্যাটি সাক্ষাৎ দেবী। খানিকটা দেব-অংশ তাতে আছে এ বিষয়ে সন্দেহই নেই। বিবাহের সময় কন্টার পিতা বলেছিলেন—দেখুন বাবা, মণ্ডপান যারা করে বা যারা উন্মার্গগামী এমন পাত্রের হাতে বিবাহ দিতে গুরুর নিষেধ আছে আমার। তা আপনি কি তা করেন ? বীরেশ্বর বলেছিলেন—তা করি। মিথ্যা আমি বলি না। তবে যদি আমাকে ওই কন্যা দান করেন তবে মণ্ডপান ত্যাগ করব আমি। এবং তাই করেছিলেন তিনি। তারপর দুর্ঘটনা ঘটেছে। কি যে হল ভগবান জানেন। বলতে পারব না কারণ আমি চলে আসার পর সংঘটিত হয়েছে, বহুটি কংসাবতীর ঘাটের দহে ভেসে গেছে। তারপর বীরেশ্বর এই আঘাতে মণ্ডপান অবশ্য আরম্ভ করেছেন, কিন্তু বিবাহ আর করেন নি। এ যুগে, যেখানে দুটো তিনটে চারটে, কুলীন সন্তানেরা শতাধিক বিবাহ করেন সে যুগে এই স্ত্রীর মৃত্যুর পর বিবাহ না করা একটা বিশেষ লক্ষণ তার চরিত্রের। সে ঝগড়াঝাঁটি করবে কেন ? আমি চলে এলাম অল্প কারণে, সেটা ধরুন, সম্পত্তি তো কমলাকান্তের। ওখানে থেকে জীবনযাপন করার অর্থ কমলাকান্তের অর্থে জীবনযাপন করা। সেটা আমার ভাল লাগল না। শাস্ত্র অধ্যয়ন করেছি, বিষয়কর্মও বুঝি কিন্তু শাস্ত্রকর্ম অর্থাৎ ব্রাহ্মণের কর্ম করেই জীবিকা অর্জনের অভিপ্রায়ে চলে এসেছি। সেইটাই সংকল্প। এবং সেইজন্তই রাজাবাহাদুরের কাছে আসা। .....তা তিনি 'শব্দকল্পদ্রুম'ে যে অংশটি করেছেন তা অতি উত্তম হয়েছে। আমার ইচ্ছা ছিল ঠুঁকে অল্প কর্ম দিয়ে এখানে রাখি কিন্তু কি অভিপ্রায় হল তাঁর হঠাৎ বললেন—আর এখানে থাকব না, বারাগসী যাব। এখানে কলকাতার ইংরিজীমানার মধ্য থেকে ছেলেকে তিনি রক্ষা করতে চান। কালীতে সংস্কৃত শিক্ষা দেবেন, ইংরাজী শিক্ষারও ব্যবস্থা করবেন। তা ছাড়া তাঁর এক ভগ্নী এসে পড়ল ঘাড়ে। সন্ন্যাসিনীর মত। তারও কালীধামে বসবাসের একান্ত ইচ্ছা। এইজন্তে চলে গেলেন।

চমকে উঠলেন বীরেশ্বর। ভগ্নী ? বিমলাকান্তের ভগ্নী ? তিনি তো শোনেন নি ! পূর্ববঙ্গে ক্রমাকান্তের ক'টি বিবাহ ছিল। তাদের মধ্যে কাকুর কন্যা ?

মন বললে—না-না-না। এ সেই সেই। দহে দহে মেলে নি। এ সেই !

চঞ্চল হয়ে অনেকটা আকস্মিকভাবেই বীরেশ্বর হাতজোড় করে উঠে দাঁড়িয়ে বললেন—এবার আমাকে অনুমতি করুন রাজাবাহাদুর, আমি উঠি।

—উঠবেন ? ই্যা ই্যা, অনেকক্ষণ আপনাকে আটকে রেখেছি। ভাল লাগছিল, আপনার সঙ্গে বাক্যলাপে আনন্দ পাচ্ছিলাম। তা আমার বড়ীতে ব্রাহ্মণ আপনি পদার্পণ করেছেন, তার কিঞ্চিৎ সম্বাদী দক্ষিণা না দিলে তা সার্থক হয় না। এই আমার শব্দকল্পদ্রুম গ্রন্থ।

বীরেশ্বর সৌজন্তে অভিভূত হয়ে গ্রহণ করলেন। বললেন—এ তো মহামূল্য বস্তু। মাথায় রাখতে হয়। তাই রাখব।

—না-না, শুধু মাথায় রাখলে হবে না। একটু-আধটু পড়তে হবে। সবটা দেখলে খুব সম্ভব হবে। খুশী হবে।

—দেখব, পড়বার চেষ্টা করব।

—সাধু সংকল্প। সাধু-সাধু। তারপর হেসে বললেন—দেখুন পড়ে, পড়া শেষ হলে দেখবেন সংস্কৃত বেশ সুন্দর হয়। এবং কি মনোরম ভাষা, দেবভাষা যে বলে তা মিথ্যা নয়—তা বুঝবেন।

চাকরকে বললেন—যা গাড়ীতে তুলে দিয়ে আয়। তারপর হঠাৎ বললেন—হ্যাঁ হ্যাঁ, শুনলাম বাবা নাকি একজোড়া খুব তেজস্বী আরবী ঘোড়া কিনেছেন? ক'জনই বলেছিলেন আমাকে।

হেসে বীরেশ্বর বললেন—হ্যাঁ, ঘোড়া জোড়াটা ভাল। কিন্তু রাজাবাহাদুরের আস্তাবলে যে সব ওয়েলার আরবী ঘোড়া আছে তার সঙ্গে তাদের তুলনা হয় না।

রাজাবাহাদুর বললেন—না বাবা, পত্নীসম্পদের মত কতকগুলি বস্তুর জ্ঞান ভাগ্য প্রয়োজন। সবার হয় না। তার মধ্যে ঘোড়া একটি বস্তু। যার ও ভাগ্য নাই সে মূল্য অনেক দিয়ে কিনেও ঠকে যায়। যদি জুটল তো মরে গেল। আর ভাগ্য—ধরুন মহারাণা প্রতাপ—তঁার তো আঁকবর শাহের হাতে অনেক নিগ্রহ, কিন্তু ঘোড়ার ভাগ্যে তিনি চৈতন্যকে পেয়েছিলেন! তা সেই জুড়িতে এসেছেন নাকি?

—না, এ অশ্রু জুড়ি।

—আচ্ছা অশ্রু কোনদিন যদি আসেন সেই জুড়িতে আসবেন। দেখব। আমি ঘোড়া চিনি, লক্ষণ জানি। বলে দেব কেমন ঘোড়া।

এরই মধ্যে বীরেশ্বর রায়ের মনে অশ্রু একটি প্রশ্ন ঘুরছিল। যেন তিনি হঠাৎ বললেন—একটা কথা আপনাকে জিজ্ঞাসা করতে ইচ্ছা হচ্ছে। আপনি কলকাতার সংবাদ দেখছি পুঙ্খানুপুঙ্খভাবে রাখেন।

—কি বলুন।

—চৌরঙ্গীর মাঠে ওইসব জলাজঙ্গল যে-দিকে সেদিকে এক পাগল সন্ন্যাসী থাকেন! সন্ধ্যাবেলায়ও যায় তাঁর কাছে—

—ও যিনি গন্ধ এনে দেন, ধুলোকে গুড় করে দেন? মধ্যে মধ্যে নিজেকে দংশন করেন। চীৎকার করে কাদেন?

—হ্যাঁ হ্যাঁ, সেই। সেই।

একটু চুপ করে থেকে রাধাকান্ত দেব বললেন—হ্যাঁ, আশ্চর্য সন্ন্যাসী বটে। তবে বাবা, সাধনা থেকে ভ্রষ্ট হয়ে গেছেন উনি। শুনেছি কামাখ্যা পাহাড়ে তাঁর আসন থেকে তাঁকে তুলে একেবারে খাদে নিক্ষেপ করেছিল!

\*

\*

\*

বীরেশ্বর বললে—সুখতা, সেদিনের, এই সুদীর্ঘ বিবরণটি বীরেশ্বর রায় ক্রমে এসেই লিখেছিলেন খাতায়। শেষকালে লিখেছেন—আজ আমি অভিজুত হয়ে গিয়েছি। এই বিরাট ধনীটির মধ্যে এক বিরাট জ্ঞানীকে দেখে, এলাম। এ দেশে ধারা ধনী এবং জ্ঞানী ও গুণী তাঁরা প্রত্যেকেই নবযুগের মানুষ। হিন্দু সংসারে জন্মগ্রহণ করেও তাঁরা হিন্দু সমাজের সকলপ্রকার আচার ও বিশ্বাস থেকে মুক্ত। ইংরাজের চরিত্র, ইংরাজী দর্শন, এ থেকেই তাঁরা প্রবুদ্ধ। কিন্তু এই মানুষটি সম্পূর্ণ অশ্রু মানুষ। ইনি খাটি হিন্দু। আচারবিচারগুলিকে এমন সুন্দর সংস্কার করে বজায় রেখেছেন যে কেউ তাঁর আচারবিচারকে অজ্ঞতার অন্ধকারপ্রভেদে বলতে পারবে না। একটা ভুল হয়ে গেছে, তাঁর বিরাট গ্রন্থ শব্দকল্পদ্রুমের জন্ত ডেনমার্ক দেশের অধীশ্বর যে সুবর্ণচক্র পাঠিয়ে সম্মানিত করেছেন, তা দেখা হয়নি। ইউরোপের পণ্ডিতেরা রাজাবাহাদুরের



এই কর্মের জন্ত ভূয়সী প্রশংসা করেছেন। আমারও এসব সাধ ইচ্ছা ছিল। কিন্তু—। আমি ঈশ্বর মানি না। ওই পাগল সাধুকে দেখেও মানি না—আজ রাজাবাহাদুরকে দেখে তাঁর সঙ্গে আলাপ করে তার কোন পরিবর্তন ঘটে নি। তবু এই যে ইচ্ছা আমার পূর্ণ হল না, এর কারণ কি বলব? অদৃষ্ট ছাড়া কোন সংজ্ঞা আছে? রাজাবাহাদুর বললেন—সে নাকি দেব-অংশজাতা ছিল। তা হোক বা না হোক, সে তো লতাই দেবীচরিত্রের ছিল। তার সেই বাসরঘরের গান—গোঁরী লউট যায়ে—রোরে রোরে—গান গাওয়া মূর্তি মনে পড়ছে।

সে তো সত্যসত্যই ধ্যান। তার সেই মূর্তি মনে পড়েছিল, সঙ্গে সঙ্গে মনে পড়েছিল সেই অল্প কয়েক বৎসর কি গভীর আনন্দের মধ্যে তাঁরা বাস করেছিলেন, কত কল্পনা করেছিলেন। ভবানী নিত্য পূজা করত, লালপেড়ে গরদের শাড়ী পরে কালীমন্দিরে যেত—তিনি কাছারীতে বসে দেখতেন। সে রূপ দেখে চোখ যেন জুড়িয়ে যেত। ঈশ্বরদেবতায় বিশ্বাস তিনি করতে পারতেন না। কিছুতেই না। কোন শাস্ত্র তাঁকে সে বিশ্বাস দিতে পারেনি, কোন পণ্ডিত কোন সম্মানী তাঁর সংশয় খণ্ডন করতে পারে নি। কিন্তু ভবানীর বিশ্বাস দেখে বিশ্বাস করতে ইচ্ছে হ'ত।

ভবানী কখনও নিজের জন্ত কিছু চায় নি—কখনও তাঁর অবিশ্বাস নিয়ে অসন্তোষ প্রকাশ করেনি। একটি আশ্চর্য সরল সহজ মাহুষ, আশ্চর্য হৃদয়, আবার তেমনি নির্ভীকতা, সাহস। ভয় তার ছিল না।

ক'টি ঘটনা বীরেশ্বর রায়ের মনে অক্ষয় হয়ে আছে। শেষ-আশ্বিন, ঠিক পূজোর আগে ঝড়বাদল হয়েছিল—সাইক্লোন। প্রচণ্ড প্রলয়ঙ্কর ঝড়। গোটা গ্রামখানার বাড়ীর খড়ের চাল উড়ে গিয়েছিল, মাটির বাড়ীর দেওয়াল ঝড়ের বেগে বৃষ্টির মুখে ছুরি দিয়ে যেন কেটে দুখানা করে দিচ্ছিল। বড় বড় মাটির ঘর ভেঙে পড়ছিল হুড়মুড় করে। নদীর ওপারে ও সিদ্ধপিঠের ঘন জঙ্গলটার গাছগুলো ভাঙছিল কাঠির টুকরোর মত। রায়দের বাড়ীর বন্ধ জানালা বনবন শব্দ করে কাঁপছিল। পূর্ব-উত্তর কোণের বারান্দাটার কাঠের ঝিলমিলিগুলো ঝড়ের টানে ছেড়ে কোথায় উড়ে গিয়েছিল কাটা ঘুড়ির মত। ঝড়ের গোড়ানি ভীষণ ভয়ঙ্কর। বীরেশ্বরের দিদি পাগল বিমলা এক বছরের কমলাকান্তকে বুকে জড়িয়ে ধরে ভয়ে চীৎকার করে কাঁদতে আরম্ভ করেছিল। চিন্তা সকলেরই হয়েছিল। চিন্তা কেন ভয়ই হয়েছিল। এ ঝড় আর বাড়লে এ পাকা বাড়ীটাও হয়তো ধ্বংস যাবে। অন্ততঃ দোতলার কিছুটা বা সবটাই হয়তো যাবে। উপর ছেড়ে সকলে এসে নীচে আশ্রয় নিয়েছিলেন।

মুড়াভরে বিমলার কান্না সব থেকে বেশী বিব্রত করে তুলেছিল সকলকে। ঠিক সন্ধ্যার সময় তখন। রায়বাড়ীর কালীমন্দিরে সেদিন আরতি হয় নি। নাটমন্দিরে তাড়ানো ঝড়-লণ্ঠনগুলো ছিঁড়ে গিয়ে থামে লেগে বা দেওয়ালে লেগে চুরমার হয়ে যাচ্ছিল। দাঁড়িয়ে ভাবছিল ভবানী। হঠাৎ ঝড়ের একটা দমকা ঝটকায় ভেঙে পড়েছিল ওই বারান্দার আরও কতকগুলো ঝিলমিলি এবং একটা ধাম ভেঙে পড়েছিল প্রচণ্ড শব্দ করে। সে শব্দে চমকে উঠেছিল সকলেই কিন্তু বিমলা এবার শিশু কমলাকান্তকে কোল থেকে ঠেলে কেলে দিয়ে বুকে হাত রেখে আতঁচিংকার করে উঠেছিল—মরে যাব, মরে যাব বলে। লোক দিয়ে উঠে পড়ে পালাতে যাচ্ছিল বেরিয়ে। ভবানী ছুটে গিয়ে দুই হাতে তাকে জড়িয়ে ধরে বলেছিল, ভয় কি? ভয় কি? কমলাকান্তকে কোলে তুলে নিয়েছিলেন বীরেশ্বর।

বিমলা চিংকার করে উঠেছিল—না-না-না। বাড়ী ভেঙে চাপা পড়বে সব, ছেড়ে দাও।

ভবানী বলেছিল—মাকে ডাক দিদি। ভয় কি? যে বাড়ীতে যা রয়েছেন, সেখানে ভয় কি?

—না না, পারব না।

—আমি ডাকছি, তুমি শোন। বলেই সে তার সেই আননিত কণ্ঠের স্বরে স্তোত্র পাঠ করতে শুরু করেছিল।

বীরেশ্বর খাতার লিখেছেন—সংস্কৃত আমি চর্চা করিনি। বলতে গেলে জুনি না বলতে হয়। তবু এদেশের মানুষ হিন্দুর ঘরে জন্ম বলে বুঝতে সেদিন কষ্ট হয় নি। কিন্তু স্তোত্রটি শ্রবণ করতে পারছি না। শুধু মনে পড়ছে, আজও কানে বাজছে ভবানীর মধুর কণ্ঠে অন্তরের বিশ্বাস এবং আবেগ-মেশানো কয়েকটি শব্দের একটি কলি। “গতিস্বং গতিস্বং ত্রয়েকা ভবানী।” বার বার ফিরে-ফিরে প্রতি স্তবকের শেষে ওই কথা “গতিস্বং গতিস্বং ত্রয়েকা ভবানী।”

সারা খরখানা ভরে উঠেছিল শুধু তার কণ্ঠমাধুর্যে নয় স্তোত্রের শব্দ-ঝঙ্কারেই নয়, ভরে উঠেছিল একটি আশ্চর্য আশ্বাসে। ভবানীর বিশ্বাসের প্রতিধ্বনিই যেন সেই আশ্বাস। সব ক’টি লোক হাতজোড় করে নিশ্চল হয়ে বসে ছিল। বিমলাও হাতজোড় করে শান্ত হয়ে গিয়েছিল। বোধ হয় সেই সময়টাই ছিল ঝড়ের চরমতম বেগের সময়। ঘণ্টাখানেক পর ধীরে ধীরে কম পড়তে শুরু করেছিল। শেষ রাত্রে অনেক শান্ত। প্রাতঃকালে তখনও বাতাস বইলেও আকাশে ঘন কালো মেঘের রাশি দক্ষিণ-পশ্চিম মুখে ছুটলেও ঝড়ের বিপদ তখন কেটেছে। কিন্তু ওদিকে সারা কীতিহাটকে বেড় দিয়ে কঁাসাই হয়েছে হুকুল পাথার। সকালে ভবানীকে দেখেছিলাম ওই ভাঙা বারান্দাটার দাঁড়িয়ে নির্নিমেধ দৃষ্টিতে তাকিয়ে আছে হুকুল পাথার কঁাসাইয়ের লালচে জলের বিপুল বিস্তারের দিকে। দূর-দূরান্তর পর্যন্ত রক্তাভ জল-রাশির মধ্যে জেগে আছে গাছের মাথা ঘরের চাল। চোখ দিয়ে তার জল গড়াচ্ছিল।

বীরেশ্বর বলেছিলেন—কাঁদছ?

মুখের দিকে তাকিয়ে বিষন্ন হেসে ভবানী বলেছিল—কত প্রাণ নষ্ট হল? এখনও হচ্ছে। কত দুঃখ বল তো!

—এতে তো মানুষের হাত নেই।

—না। ঈশ্বর এক এক সময় এমন নিষ্ঠুর হয়ে ওঠেন! একটু চুপ করে থেকে বলেছিল—কাল থেকে ভাবছি। কাল—।

—চুপ করলে কেন? কাল কি—

—আচ্ছা, দিদি এত ভয় পাচ্ছিলেন কেন?

—ও তো পাগল। ছেলেমানুষের মত। ঘর চাপা পড়বে বলে ভয়।

—জান!

—কি?

—কাল যেন ভয়ঙ্কর কিছু দেখছিলাম।

—সে তো ভয়ঙ্করই ছিল কালকের রাত্রি।

—না। ওসব ছাড়াও।

—সেটা আবার কি?

—ঠিক তো বলতে পারব না। বোঝাতেও পারব না। কিন্তু ভয়ঙ্কর ছিল। আমার মনে হয় দিদিও দেখেছিলেন।

বীরেশ্বর হেসে বলেছিলেন, তুমি ভোঁ জান আমি ওসবে বিশ্বাস করি না।

চূপ করে গিয়েছিল ভবানী।

তারপর সে এক সেবাপর্ব। হুড়ারাম রায় ভট্টাচার্যের দেবোত্তরের দলিলে ছিল, গ্রামের বিপদে গ্রামবাসীকে সাহায্যের ব্যবস্থা। কতকগুলি শর্ত ছিল। বিপদ-আপদ ঘটলে যে বাড়ীতে ঘটত, সে বাড়ীর লোকে ঠাকুরবাড়ীতে খেতে পেত। এবার গোটা গ্রামের বিপদ। গ্রামে জল ঢুকে ঘরবাড়ীই শুধু ভাঙে নি। ধানের গোলা ডুবেছে বস্তার। অনেক জারগায় ধরসে গিয়ে ধান ভেসে গেছে। মাছ মরেছে, ভেসে গেছে। গরু ছাগল মরেছে। সে দারুণ দুর্দিন।

রায়বাড়ীর সাহায্য-ব্যবস্থা ভবানীর জন্তই সেবার দানছত্র হয়ে উঠেছিল। সে এসে তার সমস্ত গহনা খুলে দিয়ে বলেছিল, এগুলো বিক্রী করে খরবারের কাজে লাগিয়ে দাও।

বীরেশ্বর তখন বিমলাকান্তের সঙ্গে বসে এই সাহায্যের ব্যবস্থাই করছিলেন।

বিমলাকান্ত বলেছিলেন, গহনা তুমি রাখ, রায়বাড়ীর সিন্দুকে এখনও টাকার অভাব হয়নি।

লজ্জিত হয়ে ভবানী বলেছিল, আমি কি তাই বলেছি। রামচন্দ্রের সেতুবন্ধনে কাঠ-বেড়ালীরা বালি মাটি মেখে এসে সেতুর উপর গা-ঝেড়ে সাহায্য করতে চেয়েছিল।

বিমলাকান্ত বলেছিলেন, তা নিচ্ছি, একখানা কিছু। বাকী তুমি নিয়ে যাও। তবে আজ থেকে তোমার নাম হল কাঠবেড়ালী। কি বল?

বীরেশ্বর হাসছিলেন, এবার বলেছিলেন—তা মন্দ হবে না জামাইদা, ‘সুইরিল’ বেশ মিষ্টি শোনাবে। ‘গ্রেটি সুইরিল।’

সেবার এই সাহায্য দানসত্র করে তুলেছিলেন বীরেশ্বর রায়, ভবানীর জন্তে।

\*

\*

\*

আর একটা ঘটনা মনে পড়েছিল রায়ের। এটা পূর্বের ঘটনার আগের ঘটনা। বিমলা এবং ভবানীর একসঙ্গে সন্তান হয়েছিল, একদিন আগে, একদিন পরে। কালীপূজার পর দুজনকে নিয়েই আসছিলেন কলকাতায়।

তখনও পর্যন্ত বীরেশ্বর ভবানীকে নিয়ে কলকাতায় জানবাজারের বাড়ীতেই বাস করতেন। মধ্যে মধ্যে বজরায় করে আসতেন কীর্তিহাটে। বছরে দু-তিনবার। তার মধ্যে পূজার আগে এসে কালীপূজা পর্যন্ত থেকে ব্রাহ্মীতীরায় বিমলার হাতের ফোঁটা নিয়ে যমদ্বিতীয়া পার করে কলকাতায় ফিরতেন। সেবার বিমলা সন্তান-সন্তবা শুনে তাকেও নিয়ে যাচ্ছিলেন কলকাতায়। মৃতবৎসা ব্যাধিগ্রস্তা বিমলাকে প্রতি প্রসবের সময়ই কলকাতায় নিয়ে যাওয়া হয়েছে। এবার বেশ কয়েক মাস আগে থেকেই নিয়ে যাচ্ছিলেন। কীসাই হয়ে রূপনারায়ণ ধরে ভাগীরথীতে পড়ে উজানে আসতে হত। তখনকার কাল। তখন নদীতে ডাকাতের ভয় ছিল। বিশেষ করে রূপনারায়ণ থেকে ভাগীরথী পর্যন্ত এবং ভাগীরথীর কতকটা পর্যন্ত একদল গোয়ান ডাকাতি করে বেড়াত। এ অঞ্চলে এককালে হিজলীর নবাব, মহিষাদলের রাজারা বর্গীদের আক্রমণ থেকে বাঁচবার জন্য গোয়া থেকে হারমাদী রক্তওয়ালা গোয়ান গোলন্দাজ এনে এখানে বাস করিয়েছিলেন। ইংরেজ অধিকারের পর সে পর্যন্ত প্রায় আশী-নব্বুই বৎসরে দেশে মোটামুটি শান্তি রয়েছে। বর্গীরা আজ নিজেদের দেশেই বিপন্ন, নিজেদের মধ্যে মারামারি করে শক্তিশীন হতমান হয়েছে। ইংরেজদের সঙ্গে যুদ্ধে বার বার হেরে সন্ধি করেছে। সন্ধি নামেই সন্ধি আসলে ইংরেজের প্রভুত্ব মানতে হয়েছে। এদিকে বাংলাদেশে রাজা, জমিদারদের ভোগ-

গুলোকে ইংরেজ কতক কেড়ে নিয়ে গেছে, দু-চারটে ছোট তোপ বাড়ীর ফটকে সাজিয়ে রাখতে দিয়েছে বটে, কিন্তু অকেজো করে তবে দিয়েছে। স্তত্রাং গোৱান গোলন্দাজদের প্রয়োজনও ফুরিয়েছে। তারা আজ শত্রু কৃষিজীবীতে পরিণত। রাজা, নবাব তাদের জমিজেরাত দিয়ে স্থায়ীভাবেই বাস করিয়েছিলেন এখানে।

আগে যখন গোলন্দাজী করত তারা, তখন মেজাজ ছিল আলাদা। মিলিটারী মেজাজ। সে মেজাজে তারা চাষ করত না। ভাগে চাষ করত এখানকার হরিজন চাষীরা, যা তারা দিত, তাই নিত। না কুশোলে চাষীর ভাগ কেড়ে নিত। কিন্তু গোলন্দাজী গিয়ে তারা কর্মহীন বেকার হয়ে পরিণত হয়েছে চাষী গৃহস্থে। বুলি হয়ে গেছে বাংলা। পোশাকও হয়ে গেছে বাজালী পোশাক। মধ্যবিত্ত ভদ্রজনের মতই তারা থাকে। চার্চ আছে। নিজেদের পাদরী পুরুত আছে। এদেশের চাষী গৃহস্থদের মত সঙ্কোবেলা খোল বাজিয়ে যীশুর নাম কীর্তন করে। নিজেরাই গান বেঁধে নেয়। এমন কি—“বলরে ভাই মধুর স্বরে—যীশুর নাম বিনে আর কি ধন আছে সংসারে? যীশুর নামে গহন বনে মৃত তরু মঞ্জরে।” গানও গায়। ওদের মধ্যে লেখাপড়া আছে, পাদরী পুরুতও বটে, পাঠশালার পণ্ডিতও বটে। সাজগোছের সমস্ত পাতলুন, কোট পরে।

কিন্তু একটা দল, অল্প কিছু লোক, এরা রাজার এলাকার লোক নয়, এরা হিজলীর নবাবের আনা দলের একটা অংশ, এরা শাস্ত হয়নি, চাষ ভাল লাগেনি, এরা সেই পূর্বপুরুষের হারমাদি রক্তের নেশায় আজও বৃন্দ হয়ে আছে। এক সময় নবাবদের আমীরীর উল্লাস এবং ধারাবাহনও এদের মধ্যে ছড়িয়ে পড়েছিল। এদের দু-চারটে মেয়ে নবাবী হারেমে ঢুকেছে। মুসলমান আমল শেষ হওয়ার পর এরাও সাধারণ মুসলমানদের দু-দশটা মেয়েকে শাদী করে নিয়ে এসেছে। উর্দু-বাংলা মিশিয়ে কথা বলে। বাঁকা-বাঁকা কথা। এদেরই দু-তিনটে দল আজও নদীতে ডাকাতি করে—নিজেরা ডাকাতি বলে না। বলে হারমাদী। এবং গোঁফে ভা দেয়। দুপাশের গালে গালপাট্টা, পাকানো গৌক, লম্বা বাঁকড়া চুল। সে চুলে মেহেন্দী মাখিয়ে লাল করে যথাসাধ্য হারমাদ হতে চেষ্টা করে। জলে এরা দুর্ধর্ষ। রঙ এদের কটাসেই বটে।

রায়বাড়ীর বজ্রার সঙ্গে ছিপ আর ডিকি নৌকোতে অবস্থ চারখানা ছিল। তাতে লাঠিয়াল সড়কীওলা ছিল বিশ-পঁচিশজন। তাহের সর্দার ছিল কীর্তিহাটের ফুলচাঁদ বাগ্দী, আর কাঁথির ফড়িং মালো। ফড়িং মালো এককালে নাকি সাগর দ্বীপের মুখে জঙ্গলে আড্ডা করে জাঁহাবাজী করেছে। বাঘ মেরেছে, হরিণ মেরেছে। মধ্যে মাঝে লুটতরাজও করেছে। এখন বীরেশ্বর রায়ের মত মনিব পেয়ে তার কাছে চাকরি নিয়েছে। আর ফুলচাঁদ বাগ্দী—এ বাড়ীর দু পুরুষের চাকর। বীরেশ্বর রায়ের সঙ্গে শিকারে যায়। বন্দুক বারুদ গেদে যুগিয়ে দেয় হাতে।

পথে রূপনারাণে পড়ে কিছু আসতে আসতেই খানিকটা ঝড়ো হাওয়া উঠেছিল। বাতাসের উন্টো মুখে চলছিল নৌকো। পথে যেখানে নৌকো বাধবার কথা সেখানে পৌঁছুতে দেরী হয়ে গিয়েছিল, ওদিকে সঙ্কো হয়ে গেছে। হঠাৎ উন্টো দিক থেকে বাতাসের মুখে একখানা ছিপ আসছিল তীর-বেগে। সাড়া পড়ে গিয়েছিল ডিকিতে ডিকিতে। ছিপখানা ছিল সবের সামনে। তার উপরে তৈরী হয়ে দাঁড়িয়েছিল সড়কিওলা।

ওদিকের ছিপখানা কাছে আসতেই সকলে গুঞ্জন করেছিল, হিজলীর হারমাদি হারামীরা। হঁসিয়ার।

বীরেশ্বর বন্দুক বের করে হাতে নিয়ে বজ্রার দরজার সামনে দাঁড়িয়েছিলেন। খানিকটা

ঠোকাঠুকি হয়েছিল, তারপরই ওরা পালিয়েছিল, দলবলের জোর দেখে, বন্দুক দেখে। বন্দুক তিনটে ছিল, বীরেশ্বর বারবারই আওরাজ্জ করেছিলেন। ফুলচাঁদ গিয়ে দাঁড়িয়েছিল বজ্রার সামনে সড়কি আর ঢাল নিয়ে, সেদিন বন্দুক গেদে তৈরী করে যুগিয়েছিল ভবানী। বিমলার বিচিত্র স্বভাব ছিল, নৌকার দোলায় সে গাঢ় ঘুমে ঘুমিয়ে পড়ত। সে ঘুমুছিল।

রায়ের মনে পড়েছিল প্রতিটি ঘটনা। প্রথম তিনি তিনটে বন্দুক গেদে নিয়ে পাশাপাশি রেখে পরের-পর কাষার করেছিলেন। তারপর আবার বন্দুকে বাঈদ ঠাসবার জন্ত ঘুরে দাঁড়িয়ে বিশ্রিত হয়ে গিয়েছিলেন, ভবানী বারুদ ঠাসছে বন্দুকে।

বলেছিলেন—দাও, দাও আমাকে দাও। তুমি পারবে না।

ভবানী বলেছিল—দেখ না পেরেছি কি না? দেখ।

বীরেশ্বর তবু নিজে ঠাসাই আরও শক্ত করবার চেষ্টা করতে গিয়ে বুকেছিলেন ঠাসাই ঠিক হয়েছে। শুধু তাই নয়, ক্যাপ পরিয়ে ঠিক করে দিয়েছে সব। ছররার সঙ্গে এদেশী জালের কামার কাঠি তাও দিয়েছে। নিজেই বললে ভবানী—কাঠি দিয়েছি, ছররাও দিয়েছি। বন্দুকটা হাতে নিয়ে সাবধানে কাষার করেছিলেন রায়। ভেবেছিলেন হয়তো ধাক্কা বেশী দেবে। নয়তো গুলি ছররা বেশী দূর যাবে না। কিন্তু তা কিছুই হয় নি। কাষার করে বন্দুকটা নামাতে নামাতে সে আর একটা বন্দুক হাতে তুলে দিয়েছিল। এই সময়ে বিমলার ঘুম ভেঙে সে চিৎকার শুরু করেছিল ভয়ে।

ডাকাতেরা পালিয়েছিল, ওদের একজন বোধ হয় মরেছিল। জলে পড়ে ভেসে গিয়েছিল। একজন জখম হয়েছিল। এ পক্ষের ক্ষতি কিছু হয় নি। বন্দুকের গুলির ভয়েই তারা কাছে ঘেঁষে নি, দূরত্ব রেখে বাতাসের মুখে চলে গিয়েছিল উল্টো মুখে।

ভবানীর শুধু এইটুকুই সব নয়। সে মাস্টার বাপের কাছে ইংরাজী কিছুটা শিখেছিল, বাংলা ভাল জানত, সংস্কৃত যাকে জানা বলে তা জানত না, তবে শ্লোকস্তোত্র তার কণ্ঠস্থ ছিল। পুজা-পদ্ধতি জানত। সোমেশ্বর রায়ের মৃত্যুর পর বীরেশ্বর রায় যখন কীর্তিহাটে এসেছিলেন তখন কিছুদিন সে কালীমায়ের পুরোহিত রায়বংশের প্রথম পুরুষ কুড়ারাম রায় ভট্টাচার্যের গুরু-বংশের জ্ঞাতিসন্তান রামব্রহ্ম স্মারতের কাছে দীক্ষা নিয়ে কিছুদিন শাস্ত্র পড়েছিল, সঙ্গে সঙ্গে সংস্কৃতও কিছু শিখেছিল। সেই সময় বর্তমানের মহারাজা বাহাদুরের রামায়ণ, মহাভারত এসেছিল তাঁদের বাড়ী। মহারাজার মেদিনীপুরে অনেক জমিদারী। বাগডী পরগনা তাঁদের অধীনে অনেকটা পত্তনী নিয়েছিলেন সোমেশ্বর রায়। সেই স্বত্রে মহারাজার প্রীতিভাজন ছিলেন রায়েরা। এই রামায়ণ, মহাভারত পড়ে ভবানী বলেছিল, তুমি এমনি কীর্তি কিছু কর না! তোমার তো অনেক আছে।

বীরেশ্বর বলেছিলেন—তুমি বলছ?

—হ্যাঁ বলছি। এইভাবে লেখা থাকবে তোমার নাম।

মহর্ষি কৃষ্ণ চৈপায়ন বোদ্ধব্যাস কি

মহর্ষি মহাকবি বাঈকি বিরচিত

মহাশ্রম বীরেশ্বর দেবশর্মা কর্তৃক মূল

সংস্কৃত হইতে বঙ্গ ভাষায় অনুবাদিত।

উৎসাহিত হয়ে উঠেছিলেন বীরেশ্বর। তিনি বলেছিলেন—নিশ্চয় করব। জান ভবানী, আগে অস্ত্র রকম ছিলাম। এদেশের এইসব ধর্মকর্ম আচার-বিচার কিছু ভাল লাগত না আমার। রেভারেন্ড ছিল আমাকে পড়াভেন, ইংরাজী শিখিয়েছিলেন, তার সঙ্গে এ সবকিছুকে ঘেরা করতে

শিখিয়েছিলেন। দেবতা পূজার্না কত মিথ্যে এসব বলতেন। তাতে শুধু হিন্দুর দেবতা পূজা আচার-বিচারই মিথ্যে হয়ে যায়নি, ঈশ্বরও মিথ্যে হয়ে গিয়েছে আমার কাছে। তোমাকে পেয়ে আজ ঐকটু একটু করে বুঝতে পারছি, এসবের মধ্যেও মহিমা আছে, সত্য আছে। মত আজও আমার ঠিক পান্টায় নি। তবে বুঝছি আছে, কিছু আছে। ওদের বাইবেলে যে সব সেন্টের কথা আছে, আমাদের সাধু-সন্ন্যাসীর মধ্যে তেমন সেন্ট অনেক আছে। ওদের যীশু আছেন, আমাদের কৃষ্ণকে না মানি, রামকে না মানি, বুদ্ধ আছেন। পাপ ওদের অনেক, আমাদের থেকে অনেক বেশী। এদেশে রবিনসন যাকরছে তা দেখছি। আমার ঠাকুরদাদা লোকে বলে ঘৃষ নিতেন। ওরা বেশী বলে। কিন্তু রাইড হেস্টিংস যে টাকা ঘৃষ নিয়েছে তার তুলনায় তা কি? আগে এগুলো জেনেও যেন জানতাম না। ভাবতাম না। তোমাকে পেয়ে ভাবছি। ঈশ্বর না মানতে পারি, ধর্ম না মানি, সনাতন মেনে মনে আনন্দ পাচ্ছি। ভাল লাগছে। কীর্তি করব। করব বইকি। এসব সদগ্রন্থ। অনুবাদ করাব। ইস্কুল দেবার ইচ্ছে আছে। আরও অনেক কীর্তি।

বীরেশ্বর রায় লিখেছেন খাতায়—অনেক রাত্রির দীর্ঘক্ষণ এই কীর্তির একটা কিরিস্তি করতাম দুজনে। বিবি মহলে দোতলার উপর গোল ছত্রির তলায় বসে কথা হত। নিচে কাঁসাইয়ের শ্রোতের একটা একটানা শব্দ উঠত। ওপারে সিদ্ধপীঠের জঙ্গলে ঝিঁঝির ডাক উঠত। এক একদিন কেউ ভেকে উঠত। আমি বীরেশ্বর রায় কেউয়ের ডাকে উৎকর্ণ হয়ে উঠে চঞ্চল হতাম। সে হেসে বলত, অমনি রক্ত গরম হয়ে উঠল তো? না।

সে বুঝত, আমার প্রিয় বন্ধু মনে পড়েছে। আমার চোখের দৃষ্টি কাঁসাইয়ের ওপারে জঙ্গলের অন্ধকারে চলে গিয়ে ঘুরে বেড়াচ্ছে। খুঁজছে রাত্রির অন্ধকারের মধ্যে আগুনের আগুনের মত জ্বলন্ত দুটো গোল চোখ।

—পাখী নয়, হরিণ নয়। এ বাঘ। বাঘ মারবে না?

সে বলত—বাঘ যখন মানুষ মারবে, গরু মারবে তখন মানুষ বাঘ হয়ে মারবে বাঘকে। তখন দোষ হবে না। কেউ যতক্ষণ ক্ষতি না করে ততক্ষণ কেন মারবে বল? এ পৃথিবী যিনি সৃষ্টি করেছেন, তিনিই মানুষও তৈরী করেছেন, বাঘও তৈরী করেছেন। বাঘ বনে থাকে থাকুক। মানুষের ঘর চড়াও যতক্ষণ না হয়, ততক্ষণ তুমি চড়াও হয়ে মারবে কেন?

যুক্তিগুলো দুর্বল, অস্ত্রে কেউ বললে ব্যঙ্গ করতাম, হয়তো বা ধমক দিতাম, মুখ বলতাম। কিন্তু তার মুখে এমন মানাত কথাগুলি এবং এমন সরল সহজভাবে সে বলত যে আমারও মনে হুত, তাই তো। কথা তো ঠিক।

নারীপ্রণয়মুগ্ধ পুরুষেরা কামান্ন হয়ে বোকা হয়ে যায়। কিন্তু এ তা নয়, আমি বোকা হতাম না।

জল-জল। কিন্তু আকাশ থেকে যে জল ঝরে সে জল নির্মল, তুমি খুঁটি পুতে চাদর টাঙিয়ে সে জল পাত্রে ধর, সে জল ফিণ্টার করা জল থেকেও নির্মল। সেই জল মাটিতে পড়ে পঙ্কিল। একই কথা। ভবানীর মুখে সে ওই আকাশের ঝরা জল। ওই কথা পণ্ডিত রামব্রহ্ম শ্রায়রত্নের মুখে ফিণ্টার-করা জল। রেভারেন্ড হিলের মুখেও তাই। সাধারণের মুখে ওই কথাই, বোকার কথা, নিবুদ্ধিতার এবং অদৃষ্টবাদিতার পক্ষ মেশানো কথা। তারা যখন বলে কপালে ছিল বলে বাঘে ধরেছে, তখন তাদের পিঠে চাবুক মেরে বলতে ইচ্ছে করে, এও তাঁর কপালে ছিল।



ভবানী, আশ্চর্য ভবানী ! কিন্তু সেই ভবানী—। এ কি করে হল । কেমন করে হল ?  
রায়ের খাতায় আছে, শব্দকল্পদ্রুম উন্টে দেখছি সারাদিন, আর ভাবছি ।

৮

এরই মধ্যে কীর্তিহাটের ম্যানেজার নায়েব এসে এতেলা পাঠিয়েছিল । শব্দকল্পদ্রুমখানা সরিয়ে রেখে রায় বলেছিলেন, আসতে বল ।

ঘোষাল-নায়েব এসে বসে বলেছিল—কি হল ?

রায় বললেন—শীলদেবের সঙ্গে মহিষাদলের একটা মিটমাট হচ্ছে ।

—মিটমাট হচ্ছে ? বিস্মিত হল ঘোষাল । মিটমাট হবার তো কথা নয় । মহিষাদলে ওরা ক্রোক পরোয়ানা নিয়ে গেলে শীলদেবের লোকের তো প্রাণ যায়-যায় হয়েছিল । গড়ের দরজা বন্ধ করে ভিতরে লোকজন তৈরী রেখেছিল । জোর করে ঢুকলে একটি প্রাণীকে ফিরতে হত না । কালেক্টার-সাহেবকে মেদিনীপুর থেকে এনে তাঁকে নিয়ে ঢুকেছিল । শীলদেবের এক ছেলে বলছিলেন, ভগবান এসে বললেও মিটমাট করব না ।

বীরেশ্বর বললেন, সে হয়তো জেদের মুখে সে সময় বলে থাকবেন ঠাৱা । কিন্তু পরে ঠাৱা বুঝেছিলেন । মহাজনী ঠাৱা করেন, বাবসা ঠাৱেন । কিন্তু হাজার হলেও মতি শীল মশায়ের বংশ । তিনি সামান্য অবস্থা থেকে বড় হয়েছিলেন । দান ধ্যানে সদাশয় লোক । তাঁর বংশ তো !

—তোমাকে, মানে—মনবুঝানো কথা বলে নি তো ?

—না । আমি ঠাৱেন বাড়ী যাই নি । ঠাৱা আমাকে বলেন নি । বললেন স্বয়ং রাজাবাহাদুর রাধাকান্ত দেব । তাঁর খবর মিথ্যা হতে পারে না । নিজে সঠিক না জেনে কথা বলবার লোক নন তিনি ।

—হ্যাঁ, তানন । ঘোষাল চুপ করে মাটির দিকে চেয়ে বসে রইল । রায় বুঝলেন—মহিষাদলের প্রতি ঘোষালের এ বিরাগ আপোসের সংবাদে সন্তুষ্ট হয় নি । কিছুক্ষণ চুপ করে থেকে ঘোষাল বললে, তা হলে আমি চলে যাই আজই । তা ভালই হল । রবিনসন পাচ্ছে না ! সেই ভয়টাই আমার ভয় ।

জানলা দিয়ে আকাশের দিকে তাকিয়ে রায় বললেন, কাল সকালে যাবেন । এখন জল-ঝড় কালবৈশাখীর সময় । এই বিকেল মাথায় করে যাওয়া ঠিক হবে না । আর কথাও কিছু আছে ।

ঘোষাল বললে, সেটা এই সময় হওয়াই ভাল নয় ? মানে সন্ধ্যার সময় তো—।

সন্ধ্যার সময় সোক্রিয়াকে নিয়ে মজলিশের কথা ইঙ্গিতে বললেন ঘোষাল । বীরেশ্বর বললেন, তাই হোক । বসুন । মহিষাদলের কথাটাই আগে বলে নিই । রাজাবাহাদুর বললেন, মিটমাটের শর্ত অমুছারী এখন এক লাখ দিতে হবে, বাকী টাকার জন্তে কিস্তীবন্দী হবে । ঠাৱা হয়তো আপাততঃ টাকার জন্তেও বটে, আর নিয়মিত খাজনা পাবার জন্তেও বটে—কিছু-কিছু লাট পত্তনী বিলি করতে পারেন ।

একটু খেমে ভাবলেন রায় । সম্প্রতিতে তাঁর আকর্ষণ নেই । কিসের আকর্ষণ ? ভবানী নেই । সন্তান নেই । কিসের জন্ত, কার জন্তে সম্প্রতি ? সব ভেঙে-চুরে বিলিয়ে দিয়ে যেতে

## ভার্যশঙ্কর-রচনাবলী

পায়লে তাঁর ভূমি। বিমলাকান্তের সন্তানের জন্তে, কন্যের জন্তে—। ভাবলে পাথরে মাথা ঠুকে আত্মহত্যা করতে ইচ্ছে হয় তাঁর। একটা দীর্ঘনিঃশ্বাস কেলেলেন তিনি। সে দীর্ঘনিঃশ্বাসে মুখ তুলে তাকালে ঘোষাল। কিন্তু বলতে কিছু সাহস করলে না।

বীরেশ্বর নিজেই বললেন, সম্পত্তিতে আমার প্রয়োজন নেই। ইচ্ছে হয় না কিনতে। কি হবে সম্পত্তি বাড়িয়ে? তবু—

কিছুক্ষণ চুপ করে থেকে বললেন, তবু ভূমি বিশেষ করে এখন জমিদারী স্বত্বের ভূমি একরকম রাজস্ব। ও পরহস্তগত হলে সহজে পাওয়া যাবে না। আগের কাল নেই যে, জবরদস্তি করে, গায়ের জোরে দখল করা যায়। যতক্ষণ বেঁচে থাকতে হবে, ততক্ষণ মান-সম্মানের জন্তেও করতে হবে। কিনতে বা পত্তনী নিতে হবে। নেওয়া উচিত।

ঘোষাল বললে—তা আর বলতে? তা ছাড়া মা-লক্ষ্মী একরকম যেচে আসতে চাচ্ছেন। ‘মাচা কনে, কাচা কাপড় আর বাছাই ভূমি’ এ পেয়ে ছাড়লে ঠকতে হয়।

—হ্যাঁ। দেখুন, গুঁরা কোন্ কোন্ সম্পত্তি পত্তনী বিলি করবেন। যা দেবেন আমরাও নিতে প্রস্তুত জানিয়ে দেবেন। বরং একদিন নিজে যাবেন। আপনি গুঁদের সম্পত্তির বিবরণও সব জানেন। বোধ হয় বুদ্ধির আয়ও আছে, ঠকতে হবে না।

—তা আছে। যথেষ্ট আছে। খাজনা ওদের কমই বটে। টাকায় টাকা বাড়লেও বেশী হবে না। হ্যাঁ, এবার আমি মহলে মহলে ইন্তাহার পাঠিয়েছি, এবার শতকরা সিকি বৃদ্ধি দিতে হবে। কোন আপত্তি শোনা হবে না। দক্ষিণের জমিদারেরা তামাম বছরে দুবার-তিনবার ‘মাঙন’ আদায় করছে। হয় মেয়ের বিয়ে, নয় ছেলের পৈতে, নয় শ্রাদ্ধ। স্থলতান-পুরের বাবুৱা তো বাড়ী করবার জন্তে ‘মাঙন’ নিয়েছে। গতবার নিয়েছে, এবারও নেবে। আমাদের মাঙন একবার কালীপূজার সময় মায়ের নামে। বিয়েতে দুবার মাঙন আদায় হয়েছিল, সে বিমলা-মার বিয়ের সময় একবার, তোমার বিয়ের সময় একবার। সে ধর, অনেককাল আগের কথা। ওই জগন্নাথপুরে জমিদার খাজনা বাকীর দায়ে জেলে গেল। সেরেস্তা থেকে গারদ মাঙন আদায় হল। আমাদের সে সব নেই। মায়ের কি ইচ্ছা তিনিই জানেন, রায়বাড়ীতে বংশবৃদ্ধি নাই। অন্নপ্রাশন, পৈতে, বিয়ে এ সব তো নেই। তা বলে আমরা প্রাপ্য পাব না কেন? এত বড় এস্টেট, চলবে কি করে? কোম্পানীর বন্ধোবন্ধে মোজা-লাটের ভৌল আদায়ের দশ ভাগ কোম্পানীর ঘরে দিয়ে এক ভাগ জমিদার পায়। তা কতটুকু? আমি ভেবেছি, এবার সিকি বৃদ্ধি করব।

রায় বললেন, বাবার আমলে একবার বৃদ্ধি হয়েছে। অবশ্য তা অনেক দিন হল।

ঘোষাল বাধা দিয়ে বললে—সেটাকে বৃদ্ধি আমি বলব কেন? সেটা তো লিমিটেশন অ্যাক্ট বাবদ খাজনা বাকী থাকলে সিকি ধরাটা আমাদের প্রাপ্য। সুদ। আগের কালে তামাদি ছিল না। কোম্পানী তামাদি আইন করে ওটা চালালে। বৃদ্ধি আলাদা ব্যাপার। আমরা বিনা কারণে বৃদ্ধি চাচ্ছি না। দেশের জিনিস-পত্তনের দাম বাড়ছে। ধানের দর বাড়ছে। তা ছাড়া আমরা নদীর ধারে বাঁধ দিয়েছি, মাঠে পুকুর কাটিয়েছি, আমরা বৃদ্ধির হকদার।

—বেশ তা করুন। কিন্তু তাঁর আগে কালেক্টারকে সন্তুষ্ট রাখতে হবে। মেনিচীপুরে উকীলকে বলুন, একটু খোঁজ-খবর ভাল করে রাখতে; মানে চান্দা-চাঁদার কথা উঠলে চান্দাটা যেন সকলের আগে আমাদের দেওয়া হয়। বড়দিনে ডেট-টেটগুলো বেশ ভাল করে দেওয়া হয়। নইলে ও বেটীরা পিছনে লাগবে। এতবড় মাল্হ ছিলেন হারকানাথ ঠাকুর,

তার সঙ্গে প্রজার লাগল ঝগড়া, কালেক্টর বেটা লাগলে প্রজার হয়ে ঠাকুরমশায়ের পিছনে। জানেন তো?

—হ্যাঁ, তা জানি বৈকি। তবে তোমার একটু যাওয়া দরকার, মধ্যে মধ্যে সেলাম-টেলাম দেওয়া কথাবার্তা বলা, এ হলে আর কোন গোলমাল থাকে না!

—আচ্ছা এবার গিয়ে মেদিনীপুর যাব। আপনাকে বলেই রাখি, একটা ইঞ্চুল ওখানে করবার ইচ্ছে আছে। বিত্তেসাগর মশায় একদিন বলছিলেন, আজ আবার দেবমশায়ের সঙ্গে কথা বলতে বলতে মনে হল। সব জমিদারই কিছু কিছু এসব কাজ করেছে। আমাদের কিছু না করাটা খুব ভাল দেখাচ্ছে না। ইতিমধ্যে আপনি মেদিনীপুরে হেডমাস্টার রাজমোহন বসুর সঙ্গে দেখা করবেন। বলবেন, আমরা একটি এম-ইঞ্চুল দিতে চাই। উনি যদি কি ভাবে কি করা উচিত পরামর্শ দেন তো উপকৃত হব, কৃতজ্ঞ থাকব।

—নায়েব গিরীন্দ্র ঘোষাল বললে, তাহলে একটা মাউনও ধরব এবার।

—বেশী হবে না?

—না না। প্রজার কাছে না নিলে রাজা পাবে কোথা? সে আমি সব ঠিক করব, কোন চিন্তা তুমি করো না। তাহলে কাল প্রত্যুষেই চলে যাব আমি। আমি একবার কালীঘাট ঘুরে আসব। এতদূর এসেছি মাকে প্রণাম করে আসি। এতবড় তীর্থ।

নায়েব চলে গেল।

চাকর এসে ঘরে ঢুকল, তার হাতে ট্রের উপর বোতল গ্রাস। এসে সে টেবিলের ওপর রাখলে। হুজুর আজ সকাল থেকে এ দ্রব্য ছোন নি। সেই বেরিয়ে গিয়েছিলেন, ফিরেছেন বারোটার সময় তারপর ফিরে এসে থেকে একটা মোটা বই নিয়ে পড়ছেন, দেখছেন। এর জন্ত হুকুম করেন নি। তারপর এল কীর্তিহাটের নায়েব ম্যানেজার। তাকে কাফা বলে হুজুর খাতির করেন। সে অপেক্ষা করে দাঁড়িয়েই আছে সেই থেকে। এবার সে নায়েব চলে যেতেই ঢুকল ঘরে। তার সঙ্গে আরও খবর আছে। বউবাজার থেকে সোফিয়া বাদ্রের বাড়ী থেকে লোক এসেছে। বলছে জরুরী খবর।

রায় বোতল গ্রাস দেখে তৃষ্ণার্ত অহুভব করলেন নিজেকে। বোতলটা খুলে পানীয় ঢাললেন গ্রাসে।

চাকর বললে, বউবাজার থেকে বাদ্র-সাহেবের বাড়ী থেকে লোক এসেছে।

এ সময় সোফিয়ার লোক? মনটা অপ্রসন্ন হয়ে উঠল তার।

টাকা? অথবা। অথবা আর কি হতে পারে? টাকা। অথচ মনটা তার এখন যেন অন্তরকম হয়ে আছে। যে রকমটা সাধারণতঃ হয় না। রাজাবাহাদুরের বাড়ী থেকেই মন যেন জলের ঘূর্ণির মত ঘুরছে। নিচে থেকে ঘুলিয়ে ভেসে উঠছে অতীতকালের কথা। সে কথা তিনি শুধু মদ খেয়ে ভুলে থাকেন। ভবানী!

সামনের ছবিটার দিকে তাকালেন তিনি। অয়েল-পেন্টিংটা যেন জীবন্ত। শখ করে বিয়ের বছর-দেড়েক পর তিনি সাহেব চিত্রকরকে দিয়ে এ ছবি আঁকিয়েছিলেন। নিজে বসে থাকতেন, ভবানীর পাশে, সাহেব ছবি আঁকত ভবানীকে দেখে। তার নিজের ছবিও আঁকিয়েছিলেন। সেটা আছে নিচের মজলিশের ঘরে। এ ছবিটা এখানেই আছে গোড়া থেকে। এই ঘরেই তিনি সে সময় ভবানীকে নিয়ে বসতেন। সমস্ত দরজা বন্ধ করে দিতেন। ভবানী গান পাইত, তিনি বাজাতেন। তারপর এইখানেই সোফিয়াকে নিয়ে তিনি মজলিশ করেন। ছবিটা রেখেছিলেন, সরান নি আয়োজনবশে। মনে মনে বলেন, দেখ, তুমি দেখ!

মনে মনে যেদিন অতীত মনে পড়ে যায়, এবং ছবির দিকে তাকান, সেদিনও বলেন, আবার হঠাৎ যেদিন ছবির দিকে চোখ পড়ে, সেদিনও অতীত কথা মনে হয়, সেদিনও বলেন, এবং সোফিয়াকে টেনে নেন কাছে।

কত দিন উদ্ভাসের মত সোফিয়াকে দুই হাতের উপর ছোট্ট মেয়েটির মত তুলে উপরের দিকে ছুঁড়ে দিয়ে লুকে নিয়ে খেলা করেন, আর বলেন, দেখ-দেখ। ছবির মুখী যেমনকার তেমনি থাকে, তাতে আরও ক্রিপ্ত হয়ে ওঠেন বীরেশ্বর। মদের ঘোরে পরিপূর্ণ অবববের ছবিখানা তাঁর কাছে জীবিত ভবানী বলেই মনে হয়।

সোফিয়াও গুণবতী, সোফিয়া ভবানী থেকে অনেক সুন্দরী। সেকালের নেকী বাড়ীজী, বিখ্যাত বাড়ীজী ছিল। সোফিয়া হয়তো ভেগনি বিখ্যাত হতে পারত। কিন্তু সেও বীরেশ্বর রায়ের প্রেমে পড়েছে। সে তাঁকে সতাই ভালবাসে। নিজেকে বলে আমি হজুরের বাদী। হজুরের পায়ে আঞ্জ আমার কলিজায় পাথোয়াজের বোল বলে।

সে কথা বিশ্বাস করেন রায়। কিন্তু তবু আজ এই সময়টিতে তাঁর ভাল লাগল না সোফিয়ার লোকের সঙ্গে কথা বলতে। এ মাসের টাকা এখনও পায় নি সোফিয়া, দেওয়া হয় নি। কালই ভেবেছিলেন দেবেন। টাকাটা কাল সকালেই হেরষ ঘোষ জমা করে দিয়ে গেছে। কিন্তু কাল ওই পাগলা তান্ত্রিক সব ভণ্ডুল করে দিয়ে চলে গেল। এমন ভয় পেলে সোফিয়া যে থরথর করে কাঁপছিল সে। চোখের ভর্যাতৃষ্টি মনে পড়ছে রায়ের। তাড়াতাড়ি পাকী ভেঙে তাকে পাঠিয়ে দিয়েছিলেন, টাকাটা দেবার কথা তাঁর মনেই হয় নি।

হাজার হলও তওয়াইফ, কসবী। নিজেকে বেচেই সে খায়, সঞ্চয় করে; হুনিয়াতে ওই তার সান্দনা, ওতেই তার সুখ; টাকা ভুলতে সে পারে না।

বীরেশ্বর বললেন—ডাক তাকে।

লোকটা এসে তাঁকে নিচু হয়ে কুর্নিশের ভঙ্গিতে সেলাম করে দাঁড়াল।

রায় বললেন—কি খবর? রূপাইয়া?

লোকটা আবার সেলাম ঝুঁকে বললে—জনাবালীর মেহেরবাণীতে বাদীরে খানাপিনা-আরাম সব কিছু চলে। বহুৎ জরুরং হয়ে গেছে—রূপাইয়ার, কেও কি কাল রাত থেকে বাদীরে খব বুখার। একদম বেহৌস! বাদীরে বুড়ী আন্সাজান হেকিম ডেকেছিল, দেখে গেছে সে। বলে গেল কি—বুখারে ভুগবে মনে হচ্ছে। আন্সাজানের হাতে রূপাইয়া নাই। তা আন্সা বললে, তুই যা বসীর, রাজাসাছেবের কাছে, রূপাইয়া নিয়ে আর আর খবর ভি দিয়ে আর, কি সোফিয়ার ভারী বুখার! যা করতে হয় করতে বল।

সবিস্ময়ে রায় বললেন—একদম বেহৌস? এমন বুখার?

—জী হজুর!

—হঁ! কেমন হেকিম ডেকেছিল? বড় কেউ, না, যেমন-তেমন একটা কেউ?

—ভাল হেকিম সে বটে। কিন্তু বড় কেউ নয়। তবে—

—কি তবে?

—বাদী বুখারের ঘোরে বিড়-বিড় করে বকছে। বলছে, হজুর কাল সেই হিন্দুসাধুর কথা। আমি শুনেছি। মাফি কিয়া যায় হজুরং। মাফি কিয়া যায় বলছে। মধ্যে মধ্যে চিল্লাচ্ছে, মর যাউকী মর মর যাউকী! আন্সাজানকে কাল বাদী বলেছিল, এখানকার সব বাত। আন্সা ভাবছে, হেকিম দেখে গিয়েছে গিয়েছে। এখন সেই সাধুর দরবারে গিয়ে পড়বে। তা তার পাতা-উত্তা তো কুছ মালুম নেহি, মালুম জরুর হজুর-বাহাছুরের আছে। আন্সাজান সে আর্জিও

জানিয়েছে রাজাসাহেবের কাছে, কি সেই হজুরতকে বলে-কয়ে যদি নিয়ে আসেন !

বীরেশ্বর বললেন, ও সাধুর পাত্তা মেলে চোরিকীর ময়দানে। তা দেখব আমি। বুঝেছ। আর রূপাইয়া নিয়ে যাও, এখন একশ নিয়ে যায়ও। আমি একবার না হয় যাব বাদ্দিলাহেবার বাড়ী। সমঝা ?

সেলাম করে বসীর বলল, হাঁ হজুর। বিলকুল সব সমঝা গিয়া। বুসীর চলে গেলে বীরেশ্বর রায় নিজেকে প্রশ্ন করেছিলেন, সোফিয়াকে অভিসম্পাত দিয়ে গেল পাগল ?

না ? না, কিছু দেখে যেন ভয়ে-পালিয়ে গেল ?

\*

\*

\*

স্বরেশ্বর বললে, পড়তে পড়তে আমার ক্রান্তি আসছিল স্মলতা। হয়তো তোমারও ক্রান্তি আসছে শুনতে শুনতে। আমি বুঝতে পারছিলাম না, বীরেশ্বর রায় যিনি স্বরগীয় ঘটনাই শুধু লেখেন তিনি ওই সোফিয়ার অন্তরের খবরের মত খবরও লিখেছেন কেন ? ওই পাগল নিয়েই বা এতখানি লিখেছেন কেন ? নাস্তিক বীরেশ্বর রায়। অবশ্য নাস্তিক হওয়া সেকালে সোজা কথা ছিল না। কারণ কালটার উদয়ান্ত আন্তিকতার মধ্যে। সেকালের বাতাসে শুধু অন্ধ্রিজেনই ছিল না, তার সঙ্গে আন্তিক্যবাদও ছিল। তবু বীরেশ্বর রায় নাস্তিক হতে চেষ্টা করেছিলেন। পৃথিবীর যাত-প্রতিঘাতে তিনি জীবনে সবকিছুর উপর বিশ্বাস হারিয়েছিলেন। তাঁর স্বরগীয় ঘটনার বিবরণের মধ্যে প্রশ্ন থাকত না। একটা সিদ্ধান্ত করে তাতে তিনি পূর্ণচ্ছেদ টেনে দিয়েছেন। আজ তাঁর স্বরগীয় বৃত্তান্তের মধ্যে এত প্রশ্নচিহ্ন কেন ?

এবার তার যেন একটা উত্তর পেলাম !

স্বরগীয় বৃত্তান্তে একটা ছত্র পেলাম এবার। আজকার দিনটি আমার এ পর্যন্ত জীবনের মধ্যে বোধ হয় সর্বোত্তম বিশ্বয়ের দিন ! Greatest surprise—শব্দ ব্যবহার করে তৃপ্ত হন নি, লিখেছেন—It is something more than surprise—যার কোন উত্তর আমি খুঁজে পাই নি ! আমি ভেবে পাই নি, রাজা রাধাকান্ত দেববাহাদুরের মত বিশ্বয়কর মানুষ কেমন করে হয় ? বিপুল সম্পদ, কলকাতার সমাজে এত সম্মান, এত পাণ্ডিত্য, সে মানুষ এমন বিনয়ী মিষ্টভাষী মধুরপ্রকৃতির কেমন করে হয় ? বিমলাকান্ত—সে কেমন করে আমার সম্পর্কে এত প্রশংসা করে যায় ! বিমলাকান্ত সম্পর্কে বুঝতে পারি, হয়তো সে অতিকুলীন, অতিজটিল। কিন্তু সত্যি কি তাই ? এ প্রশ্নের উত্তর খুঁজে পাচ্ছি না, মনে হচ্ছে এটা একটা প্রশ্নই। আমি যে উত্তরটা বের করেছি, সেটা ঠিক নয়।

এই প্রশ্নের একটা ছোঁয়াচ যেন সংক্রামক ব্যাধির মত আমাকে আক্রমণ করেছে। প্রশ্ন জাগছে, এত দিন যা ভেবে এসেছি, তাও কি তবে সত্য নয় ?

মিথ্যাও তো বলতে পারব না ! আমার চোখের ভ্রান্তি হতে পারে। ভ্রান্তি কি সকলের চোখেই হয়েছে ?

মনে পড়ছে, কাঁসাইয়ের ওপারে মহিষাদলের রাজাবাহাদুরের এলাকার ‘সতীঘাট’। আমার জন্মের কিছুকাল পরে সতীদাহ প্রথা উঠিয়ে দেবার পরও গর্গ-বংশের এক বানী সতী হয়েছিলেন। সে বিবরণ শুনছি।

কীৰ্ত্তিহাটে ভবানীর চিতায় যদি তেমনি সতীঘাট হত ? কাঁসাইয়ের ঘাটের কাছের দহটার যদি ভবানীর দেহটা ভেসে উঠত, তবে আমি একটা স্বতিস্তম্ভ তৈরী করে নাম দিতাম দেবীঘাট। কিন্তু কোথায় গেল দেহটা ? বিচিত্র ব্যাপার, জয়নগরে লোক পাঠিয়ে তার বাপকেও পাই নি। তার বাপ চলে গেছেন কলকাতায়। আজও পর্যন্ত ফেরেন নি। তারপর খবর পেয়েছি,

চলে গেছেন কানী। দেশে কয়েকদিনের জন্ত ফিরে বিশ্বের ব্যবস্থা করে কানী চলে গেছেন।

আজ রাজাবাহাদুর বললেন, বিমলাকান্তের এক ভগ্নীর কথা। কে সে ভগ্নী? তার কোন ভগ্নী ছিল বলে তো শুনি নি! কে সে?

এত প্রশ্নের উত্তর একটি উত্তরে মেটে।

ভবানীর মৃতদেহটা কোথায়?

জানতে পারলে নতুন জীবনে বাঁচতে পারি আমি। আমার সমস্ত সম্পদ দিয়ে অনেক কাজ করি। সর্বাগ্রে একটা ইন্সল করি। দীঘি কাঁটাই। পুরাণের অমূল্য প্রকাশ করে বিলি করি।

সারাটা দিন সন্ধ্যা পর্যন্ত এই ভাবনা ভাবলাম। দিনে ঘুমিয়ে স্বপ্ন দেখেছি। না ভবানীকে নয়। সোফিয়ারকেও নয়। স্বপ্ন দেখেছি একটি অবশুষ্টিতা নারীকে, তার মুখ কিছুতেই খুলতে পারলাম না। সন্ধ্যার ছাদের উপর পায়চারি করছিলাম, আর ওই স্বপ্নের কথাই ভাবছিলাম। কে?

এর আগে পর্যন্ত স্বপ্ন দেখে কখনও এত চঞ্চল হই নি। হঠাৎ মনে পড়ল সোফিয়ার কথা। গাভী জুততে বললাম। কথা দিয়েছি, যেতে হবে। আজ যেন সোফিয়ার আকর্ষণটাও কত দুর্বল হয়ে গেছে। মনকে প্রশ্ন করলাম, সোফিয়া পুরনো হয়েছে?

না। কোন নতুন নারীর মুখও তো মনে পড়ছে না। মনে হচ্ছে, এই ধরনের দিন-যাপন ধারার উপরেই একটা বিতৃষ্ণা অনুভব করছি।

নারীর মুখ মনে পড়ছে না। মনে পড়ছে রাজা রাধাকান্ত দেব বাহাদুরকে। কি প্রতিষ্ঠাময় জীবন। কত সম্মান। কত আনন্দ রাজাবাহাদুরের। কত সম্মত ওই মাহুঘটির। এইরকম জীবনের আকর্ষণেই যেন সোফিয়ার উপর আকর্ষণ চলে গেছে।

ওঃ, এমন জীবনই তো আমি চেয়েছিলাম একদিন। ঘর-সংসার, সম্মান-সমৃদ্ধি। বিশাল জমিদারী। দেশময় ছড়িয়ে-পড়ানাম। দান-ধ্যান। উৎসব। কীর্তি। এইসব নিয়ে কতই না কল্পনা করেছিলাম।

আজ তার বদলে আমি কোথায় চলে এসেছি। ওঃ—অনেকদূর। অনেকদূর। তার কারণ, ওই একটি নারী।

বীরেশ্বর রায় সোফিয়ারকে দেখে শক্তিত হয়েছিলেন। সোফিয়ার গায়ের উত্তাপ-বেশী না হলেও সম্পূর্ণরূপে বিকারগ্রস্ত। চোখদুটো ঘোর লাল। আর বিড়-বিড় করে প্রলাপ বকে যাচ্ছে।

বসীর যা বলেছিল ঠিক তাই। মুহূ কণ্ঠস্বর, আধখানা-আধখানা কথা, কান পেতে শুনলেন বীরেশ্বর। তার মধ্যে বার বার শুনলেন, মাফি মাংতি হুঁ—জেরং মাফি মাংতি। মধ্যে মধ্যে ভয়ানকের মত চীৎকার করছে।

সোফিয়ার আশ্রয় বললে—হেফিম আজ হু-হুবার এসেছিল। সে বলছে—মগজমে খুন চড় গিয়া হোগা।

মাথায় রক্ত চড়েছে। কথাটা মনে লাগল বীরেশ্বরের।

সোফিয়ার আশ্রয় বললে—জ্যোৎস্না ধরাতে বলছে। মাথায় জ্যোৎস্না ধরালে রক্তটা টেনে বের করে নেবে। কিন্তু এ বিশ্বাস হচ্ছে না আমার বাবুলাহেব। আমি তাকে কালকের সেই সাধুর কথা বলেছি। তা শুনে সে ভড়কে গেছে। বলে গেছে—মালুম হোজা কি তুমি যা বলছ, তাই ঠিক। বিড় বিড় করে বলছেও তাই। তুমি দেখ সম্মান কর—সে হিন্দু



ফকিরকে খুঁজে তাকে গিয়ে পহেলে ধর। যদি তাতেও কিছু না হয়, তখন জোঁক ধরাব। আগে তাই দেখ। নয়তো বড় মসজিদে গিয়ে কোন মুসলমান ফকিরকে ধর, সে যদি এর কোন কাটান দিতে পারে। বাবুসাহেব, সোফিয়া তোমারই বান্ধী হয়ে আছে, মেহেরবাণী করে সেই হিন্দু সাধুর পাতা লাগাও। তাকে তুমি ধর। নইলে সোফিয়া হয়তো বাঁচবে না। আমি একজন ওঝা ডেকেছিলাম বাবুজী, সে বলে গেছে—উ হিন্দু ফকিরের হুটো জিন আছে, একটা মর্দানা একটা ঔরং, সেই ঔরংটাকে সোফিয়ার কঙ্কাপর চড়িয়ে দিয়েছে।

চোখ থেকে তার জল গড়িয়ে পড়ল। কান্দতে কান্দতে কথা শেষ করলে সে, ওঝা বললে, ঔরং জিন বহুং জোরদারণী। সে ওই হিন্দু ফকিরের হুকুম ছাড়া নড়বে না।

বীরেশ্বর রায়ের মনে পড়ল কালীপ্রসন্ন সিংহকে। এই মাহুঘটিকে তাঁর ভারী ভাল লাগে, তাঁকে ভালবাসেন, শ্রদ্ধা করেন। তাঁর থেকে বয়সে ছোট। এখনও বয়স অল্প, কুড়ি পার হয়নি। এরই মধ্যে সভাকারের বিচক্ষণ বিদ্বান হয়ে উঠেছেন। রসিক কৌতুকপরায়ণ, কুসংস্কার থেকে মুক্ত। ইংরিজী-জানা হালের মাহুঘ। তিনি সেদিন গল্প করেছিলেন—এক খুব আধুনিককালের পরিবার, যারা ব্রাহ্ম হয়েছেন, তাঁদের বাড়ীতে একটি মহিলা অসুস্থ হয়েছিলেন। ডাক্তার-বৈজ্ঞানিক অসুস্থ বুঝতে পারেনি। শেষে ওঝা এনেছিলেন তাঁরা, ঝাড়ফুঁক করে সে ভাল করে দিয়েছে মহিলাটিকে।

গল্পটি বলে সিংহ বলেছিলেন—দেখুন, রায়মশায়, কোন্টা সত্যি কোন্টা মিথ্যে, এ বুঝে ওঠা খুব কঠিন। শৈল্পপীর বলে গেছেন—there are more things in heaven and earth—কথাটা কি এতবড় কবি মিথ্যেই লিখে গেছেন?

সোফিয়ার দিকে তাকিয়ে থেকেই ভাবছিলেন। সোফিয়ার মুখে একটা মর্মান্তিক যন্ত্রণার ছাপ ফুটে উঠেছে। নিষ্ঠুর যন্ত্রণা হচ্ছে তার।

একটা দীর্ঘনিঃশ্বাস ফেলে রায় ঠিক করলেন, পাগলকে খুঁজে তিনি যেমন করে হোক বের করবেন। এবং নিয়ে আসবেন।

পাগলের নিজের যন্ত্রণার কথাও মনে পড়ল। নিজের হাতে গলা টিপে ধরে বলে—ছাড়, ছাড়, ছাড়। আঃ-আঃ-আঃ! কখনও কখনও নিজের হাত কামড়ে ধরে রক্ত বের করে কলে তবে শান্ত হয়।

সোফিয়ার আশ্রয় বললে—বাবুসাহেব!

বীরেশ্বর বললেন—আমি তাকে যেখান থেকে পারি নিয়ে আসছি বাবুসাহেব, তুমি ভেবো না। আমি এখান থেকেই তার খোঁজে বের হবো।

রাজহুপুর পর্যন্ত রায় ঘুরেছিলেন চৌরঙ্গীর ময়দানে। সন্ধ্যাবেলা তিনি একলা নন, আরও অনেক লোক রানী রাসমণির গঙ্গার ঘাটে যাবার রাস্তাটার উপর দাঁড়িয়েছিল, তারাও খুঁজছিল সাধুকে। একজন বলেছিল—তাহলে সাধুবাবা আজ কালীঘাট তরফে গিয়ে পড়েছে। শুনে বীরেশ্বর গাড়ীতে এসে উঠে বলেছিলেন—চলো কালীঘাটে।

কালীঘাট গিয়েও কোন সন্ধান মেলেনি। তারাও সাধুকে জানে, সাধু এদিকে এসে কখনও দাঁড়ায় না; ছুটে ছুটে আসে, এসে থমকে দাঁড়ায়, তারপর হঠাৎ ফিরে উল্লেখ্যাসে উত্তরমুখে ছুটে পালায়। মধ্যে মধ্যে নিজের গলা টিপে ধরে, বলে—ছেড়ে দে, ছেড়ে দে, ছেড়ে দে। আঃ-আঃ—। কিন্তু সে তো আজ দু-তিনদিন আসেনি!

রায় আবার ফিরেছিলেন। গঙ্গার ধারের নতুন রাস্তা ধরে গোটা ময়দানটাকে বেড়ে

ঘুরে বেরিয়েছিলেন। মধ্যে মধ্যে গাড়ী থেকে নেমে কান পেতে শুনেছিলেন কোন কথাই শোনা উঠছে কিনা।

আগের দিনে বড়-বৃষ্টি হয়ে গেছে। বৃষ্টি যথেষ্ট হয়েছিল। চৌরিকীর পাশের ময়দানটা তখনও পর্যন্ত কাদা-কাদা হয়ে আছে, মধ্যে মধ্যে ঘাসের তলায় খালে জল জমে রয়েছে; বারকয়েক এইরকম জলের তলায় পড়লেন রায়। পোশাক-পরিচ্ছদের তলায় দিকটা কাদায় ভরে গেল। জুতোজোড়াটা কাদায়-জলে ভিজে ভারী হয়ে উঠল—তবুও তিনি খুঁজলেন। ওসব দিকে তাঁর খেয়ালই ছিল না।

রাস্তাঘাট সব নির্জন হয়ে গেছে। একেবারে জনশূন্য বললেই চলে। যানবাহন, পাঙ্কি-ডুলি, গাড়ী-ঘোড়া একখানাও চলছে না। চৌরিকীর ধারের বাগানওয়াল সায়েবসুবার বাড়ীর কটকে আলো জ্বলছে কোম্পানীর নিয়মামুসারে। এদিকে এখন রাস্তার ধারে আলোও হয়েছে। তাও তেল ফুরিয়ে কতকগুলো নিভে গেছে। কতকগুলো মিটমিট করছে, আর কিছুক্ষণ পরেই নিভবে। গোটা ময়দানে শুধু কিঁকির ডাক বেজে চলেছে, মধ্যে মধ্যে প্যাঁচা ডাকছে। বাহুর উড়ে যাচ্ছে মাথার উপর দিয়ে। ঘাসের মধ্যে সাপের মুখে-ধরা ব্যাঙ কাতরাচ্ছে। হুবার শেয়ালেরা সমবেত চীৎকার করে ক্ষান্ত হয়েছে। আর মশা ভনভন করছে কানের পাশে।

সম্ভবত একটা বেজে গেছে। রায় কোচম্যানকে বললেন—আবহুল!

আবহুল চুপচাপ কোচবক্সে বসে ছিল। মধ্যে মধ্যে হাত নেড়ে, চাপড় মেরে মশা তাড়াচ্ছিল। সহিস চারজন রাস্তার ধারে বসেছিল একটা মশাল নিভিয়ে; তারাও মশা তাড়াচ্ছিল আর ভাবচ্ছিল—কতক্ষণে রায়হুজুর ক্লান্ত হয়ে বলবেন—চলো, ঘুমাও গাড়ী। হয়তো বা মনে মনে কটুকটাক্যও করছিল। এরই মধ্যে বীরেশ্বর ডাকলেন—আবহুল, আব চলো ঘর।

শুনামাত্র সহিসরা নিভন্ত মশালগুলো জ্বলন্ত মশাল থেকে জালিয়ে নিয়ে সামনে দাঁড়িয়েছিল।

বীরেশ্বর রায় কেমন একটা শূন্য মন নিয়েই বাড়ী কিরছিলেন। মধ্যে মধ্যে চাকিতের মত বিম্বিত প্রশ্ন মনে জাগছিল—পাগল গেল কোথায়?

গাড়ী চৌরিকী ধরে এসে রানী রাসমণির বাড়ীর রাস্তায় ডানদিকে মোড় কিরে পূর্বদিকে খানিকটা এসে দক্ষিণমুখে মোড় নিল।

মাহুস সব ঘুমিয়ে গেছে। কয়েকটা পথের কুকুর শুধু তারস্বরে চীৎকার করছে। মনে হচ্ছে যেন কিছু দেখেছে।

রায় জিজ্ঞাসা করলেন—আবহুল, কুত্তারা এমন চিল্লাচ্ছে কেন?

কুকুরের ঝগড়ার স্বর এ নয়। সমবেতভাবে কিছুকে আক্রমণের স্বর। কিছু দেখেছে ওরা। বলেই রায় গাড়ীর দরজা থেকে মুখ বাড়ালেন। দেখলেন, একটা অর্ধ-উলঙ্গ লোক জ্রম্বেপহীন ভাবে গাড়ীর সামনে খানিকটা আগে চলেছে, তার পিছনে কুকুরগুলো চীৎকার করে তাকে অত্যাচার করছে। রায়ের চিনতে ভুল হল না।—এই তো সেই পাগল! এই তো!

পাগল তাঁর বাড়ীর সামনে গিয়ে থমকে দাঁড়িয়েছে। চীৎকার করে উঠল—রায়বাবু! রায়বাবু!

বাড়ীর কটকের দারোয়ান ভিতর থেকে কি বলছে। কিন্তু পাগল চীৎকার করেই চলেছে—রায়বাবু—রায়বাবু!

সেই মুহূর্তেই খাড়ীখানা গিয়ে কটকের সামনে দাঁড়াল। মশালধারী সহিস হাঁকলে—  
দরোয়ানজী।

দারোয়ান গাড়ীর শব্দ পেয়ে দরজা খুলছিল কিন্তু তার আগেই রায় গাড়ী থেকে নেমে পড়লেন। এবং পাগল সাধুর সামনে এসে দাঁড়িয়ে বললেন—কোথায় ছিলে তুমি? কোথা থেকে এলে?

—কে? রায়বাবু? তুমি রায়বাবু?

—হ্যাঁ। কিন্তু কোথায় ছিলে তুমি? আমি তোমাকে সান্না ময়দান খুঁজে এলাম কালীঘাট পর্যন্ত।

পাগল অস্থিরভাবে বললে—দক্ষিণেশ্বর। দক্ষিণেশ্বর। সেখানেও ঢুকতে পারলাম না। সেই—সেই—সেই পথ আগলালে। সেই—।

—কে? কে পথ আগলালে? কি বল তুমি?

—যে পথ আগলায়। কালীঘাট আগলায়, কামাখ্যায় আগলেছিল—সেই। সেই—। যার ছবি তোমার ঘরে আছে। তোমার ঘরে!

রায় চমকে উঠলেন। বললেন—কোন্ ছবি? কি বলছ তুমি?

—ওই যে, যে-ছবি দেখে কাল পালিয়ে গেলাম। সেই ছবিটা, সেই ছবিটা একবার দেখাবে? একবার দেখাবে?

রায় স্থিরদৃষ্টিতে তার মুখের দিকে তাকিয়ে রইলেন।

পাগল বললে, একবার। একবার দেখাও, একবার—

—ও-ছবি যার, তুমি তাকে চেন?

—চিনি না? সর্বনাশী, ছলনাময়ী, মোহিনীরূপে ভয়ানক মেয়ে—ওঃ—ওঃ! বলেই সে আপনার গলা টিপে ধরলে। নিষ্ঠুরভাবে গীড়ন করতে লাগল এবং চীৎকার করতে লাগল—ছেড়ে দে, ছেড়ে দে, ছেড়ে দে। ওরে বলতে দে। দিবিনে?

বিক্রি পাগলামী পাগলের। নিজেই টিপছিল নিজের গলা, এবার গলা টিপে ধরা হাতের একটা হাত নিজেই কামড়ে ধরলে।

রায় টেনে তার হাতদুখানাকে ছাড়িয়ে দিলেন। ওদিকে কটক তখন থলে গেছে। গাড়ী দাঁড়িয়ে আছে, তাঁকে অতিক্রম করে ঢুকতে পারছে না। রায় পাগলের হাত ধরে টেনে হাতার ভিতরে ঢুকলেন। বললেন—এস।

পাগল বললে—কোথায়?

—ছবি দেখবে বলেছিলে। এস, ছবি দেখবে এস।

—ছবি? দেখাবে? দেখাবে?

—এস।

কৌতূহলের আর অন্ত ছিল না বীরেশ্বর রায়ের।

ঘরে ছবির সামনে পাগলকে দাঁড় করিয়ে দিলেন রায়। দেখ। চাকরকে বললেন—একটা মশাল জ্বলে আন। ধর সামনে। সহিসদের মশাল নিয়ে আর বরং। জ্বলদি যাবি।

চাকরটা ছুটে গিয়ে মশালটা নিয়ে এল। রায় মশালটা তার হাত থেকে নিয়ে নিজে তুলে ধরলেন ছবির সামনে। চাকরটাকে বললেন—তুই যা ঘর থেকে।

একদৃষ্টে পাগল ছবিটা দেখতে লাগল।

পাগল একদৃষ্টে ছবির দিকে তাকিয়েছিল। বীরেশ্বর রায় অধীরভাবে অপেক্ষা করছিলেন পাগলের কথার জন্য।

কি বলবে পাগল? পাগলের কথাগুলো তাঁর মনের মধ্যে যেন চারিপাশ থেকে প্রতিধ্বনি তুলছে; সর্বনাশী, ছলনাময়ী—মোহিনীরূপে ভয়ঙ্করীও।

কি অর্থ তার, তাই তিনি শুনতে চান।

ছবিখানা প্রকাণ্ড বড়। ভবানীর পূর্ণাবয়ব মুক্তি। একখানা চেয়ার ধরে সে দাঁড়িয়ে আছে রাজরানীর মত। বীরেশ্বর রায় তাকে রানীর মত সাজিয়ে নিয়ে আসতেন ওই সামনের বারান্দায়; চেয়ারের হাতল ধরে ভবানী দাঁড়াত, তিনি দূরে বসে থাকতেন; আর সাহেব-পেন্টার ছবি আঁকত। এক পোশাক, এক গহনা, একরকম চুলের বিস্তার। ভবানীর চুল ছিল, আশ্চর্য চুল। প্রায় তার ঠাঁটু ছুঁইছুঁই করত। আর পরিমাণেও ছিল প্রচুর। সাহেব যেদিন ছবি আঁকত, সেদিন সাহেবের নির্দেশমত তাকে মাথা ঘষতে হত। চুলের রাশি ফুলে ফেঁপে উঠত, কালো মেঘের পুঞ্জের মত। ভবানীর রঙ ছিল শ্রামবর্ণ। নাকে ছিল একটা বেশ বড়-দামী হীরের নাকচাবি। জলজল করত সেটা। চিত্রকরসাহেব অবিকল তাকে ফুটিয়ে তুলেছে ছবিতে। অবিকল। বীরেশ্বর রায়ের মধ্যে মধ্যে রাজে নেশার ঝাঁকে তাকে জীবন্ত বলে ভ্রম হয়। তাকে তিরস্কার করেন। কিন্তু তাকে পাগল চিনলে কি করে? তাঁর ধারণা হয়েছে ভবানীকে পাগল দেখেছে, ভবানী ঘর থেকে চলে যাওয়ার পর। না হলে চেনা

ক্র কুণ্ঠিত করে অধীরভাবে প্রতীক্ষা করছিলেন রায়।

পাগল একটু এগিয়ে গেল। চেয়ারের হাতলে-রাখা হাতখানার উপর ঝুঁকে কি দেখছে। ছ'টা আঙুল ছিল ভবানীর। ডান হাতে, কড়ে আঙুলের পাশে ছোট্ট একটা আঙুল ছিল। সেটি পর্যন্ত স্পষ্ট করে আঁকতে চিত্রকর ভোলেনি।

পাগল আঙুলটির উপর হাত দিলে এবং প্রশ্ন করলে—ছ'টা আঙুল? এক, দুই, তিন, চার, পাঁচ, ছয়। ছ'টা!

রায় বললেন—হ্যাঁ, ওর ছ'টা আঙুল ছিল।

পাগল আবার ছবির মুখের দিকে তাকালে। তারপর বললে—ওটা? আঙুল দিলে সে ছবির সিঁথির কাছে। একটা ঘূর্ণি—বাহার নয়?

—হ্যাঁ। ওর কপালের মাঝখানে চুলের সিঁথির মুখে চুলের একটা ঘূর্ণি ছিল।

—হঁ। চোখের চাউনি? সে-চাউনি তো নয়! উহঁ। পাগল শুধু ঘাড় নাড়তে লাগল। না-না-না! না!

—কি?

—সে তো নয়! এ সে তো নয়! তবে—

—কি তবে?

—তবে তো এ-এ-এ—

—কি? এ কে?

পাগল অকস্মাৎ ফুঁপিয়ে কেঁদে উঠল। ওঃ-ওঃ-ওঃ।

রায় বললেন—বল, এ কে? তুমি চেন?

পাগল ঘাড় নাড়তে লাগল—না-না-না।

অকস্মাৎ কিপ্ত হয়ে উঠলেন বীরেশ্বর রায়। মশালটা দূরে ছুঁড়ে কেলে দিয়ে দুই হাতের সবল খাবার দুই কাঁধ ধরে নিষ্ঠুর বাঁকি দিয়ে বললেন—বল। বল। কোথায় দেখেছ ওকে? কোথায় থাকে ও?

পাগল তাতে বিচলিত হল না, সে বারেকের জন্তুও ফিরে তাকালে না বীরেশ্বরের দিকে অর্থাৎ প্রশ্নও জাগল না তার মনে, কেন এমন রূঢ়ভাবে প্রশ্ন করছে সে। ছবির দিকে তাকিয়েই রইল। এবং সেই ঘাড় নেড়ে বলতে লাগল—না-না-না। এ নয়, এ নয়। তার ছাঁটা আঙুল ছিল না। তবে টারার ছিল। এ কম, সে বেশী। এ তো সে নয়।

বীরেশ্বর বুঝতে পারলেন না কথার অর্থ। জ্র কুঞ্চিত করে একটু বুঝতে চেষ্টা করলেন। তারপর বললেন—সে কে?

—সে? ওই ছবির দিকে তাকিয়ে থেকেই সে উত্তর দিলে।

—হ্যাঁ, সে কে?

—সে মায়াবিনী, সে—সে ডাকিনী।

—ডাকিনী?

—হ্যাঁ। হ্যাঁ। কামাখ্যা মন্দিরে সে ডাকিনী। এ সে নয়। না। ছাঁটা আঙুল তার ছিল না। এ একটু টারার, সে অনেক টারার ছিল। নইলে অবিকল সেই।

এবার রায়ের দিকে ফিরে বললে—ও কে? তুমি এ-ছবি কি করে পেলে? ওর—ওর নাম কি? মহালক্ষ্মী?

—না। ভবানী!

—ভবানী? ভবানী? হ্যাঁ। ঠিক, ঠিক! ও কোথা? হ্যাঁগো! ও কোথা?

—জানি না। তোমার কাছে জানতে চাচ্ছি—তুমি তো লোকে বলে সিদ্ধপুরুষ—বলতে পার, ও কোথায়?

—না-না-না। আমি কিছুই নই। ওই—ওই গন্ধ আনতে পারি। ওই ধুলো গুড় করতে পারি। ওই দিয়েই সে-মায়াবিনী সব কেড়ে নিয়ে গেল। তার ভয়ে আমি পালিয়ে বেড়াই।—

বলতে বলতে সে আবার নিজের গলা টিপে ধরলে। এমন জোরে সে টিপে ধরলে যে, চোখছুটো যেন ঠিকরে বেরিয়ে আসবে বলে মনে হল। একটা বিকৃত গোড়ানি তার মুখ থেকে বেরিয়ে আসতে শুরু করলে।

রায় আবার তার হাত চেপে ধরে টেনে ছাড়িয়ে দিতে চেষ্টা করলেন। কিন্তু আশ্চর্য! তার হাতের মূঠো লোহার সাঁড়াশির মত শক্ত হয়ে উঠেছে। তবুও রায় তার থেকে অনেক বলশালী। ছাড়িয়ে দিলেন। লোকটা অবসন্ন হয়ে পড়ে গেল যেকের উপর। যেকের উপর পড়ে সে কান্দতে লাগল।

কিছুক্ষণ পর বীরেশ্বর তাকে একটা ঘরে ঢুকিয়ে বললেন—এই ঘরে তুমি থাকবে। আমি বাইরে থেকে ভালো দেব। কাল সকালে খুন্সে দেব। তোমাকে কাল সকালে যেতে হবে সোফিয়া বাজীর বাড়ী। তাকে তুমি কি করেছ? সে প্রশ্ন বকছে। তোমার কাছে মাফ চাচ্ছে। তাকে ভাল করে দিতে হবে তোমাকে।

পাগল কথা বললে না, যেকের উপর লুটিয়ে শুয়ে পড়ল। রায় বললেন—ওই তো খাটে বিছানা করা রয়েছে, উঠে শোও।

সে উত্তর দিল না। পড়েই রইল।

—শুনছ।

পাগল তবু সাড়া দিল না। রায় বিরক্তিভরে দরজা বন্ধ করে দিয়ে চাকরকে বললেন—  
তালা নিয়ে আয়।

চাকর তালা নিয়ে এল, তিনি নিজের হাতে তালা দিয়ে চাবিটা নিয়ে নিজের কাছে রাখলেন।

সকালবেলা, তখন প্রায় সাড়েদশটা, তখন ঘুম ভাঙল বীরেশ্বর রায়ের। উঠে চাকরকে ডাকলেন। চাকর বাইরে দাঁড়িয়েই ছিল এই ডাকের প্রতীক্ষায়। সে ভিতরে গিয়ে দাঁড়াল। বললে—ও-ঘরে—

—কি ও-ঘরে—

—ওই সেই পাগলাবাবাকে তালা দিয়ে রেখেছেন—

—হ্যাঁ। কি? সে নেই?

—আজ্ঞে না। খুব গোড়াচ্ছে। আর খুব দুর্গন্ধ উঠছে।

—গোড়াচ্ছে? দুর্গন্ধ উঠছে?

—খুব!

—দরজা ফাঁক করে দেখেছিস? কি ব্যাপার? দেখিসনি?

—আজ্ঞে না। ভয়ে কেউ ওদিকে যাইনি আমরা।

রায় চাবিটা তার হাতে দিয়ে বললেন—যা, খুলে দেখ।

সে চাবি-হাতে চূপ করে দাঁড়িয়ে রইল। অর্থাৎ তার ভয় করছে।

—আচ্ছা আমি মুখ-হাত ধুয়ে যাচ্ছি।

তিনি উঠে গোসলখানায় ঢুকলেন। গোসলখানা থেকে বেরিয়ে এসে তিনি বারান্দার ওপাশে বন্ধ ঘরটার দরজায় দাঁড়িয়ে চাকরের কথার সত্যতা বুঝতে পারলেন। একটা জন্তুর মত গোভানি উঠছে আর দুর্গন্ধ যেন বমি আসছে। তিনি নাকে রুমাল বাঁধলেন। তারপর তালা খুলে দরজা দু'পাট ঠেলে খুলে দিলেন।

দেখলেন সে এক বীভৎস দৃশ্য।

লোকটা ঘরময় মলমূত্র ভ্যাগ করে তারই উপর পড়ে আছে; সর্বদিকে যেন মেখেছে, মুখে পর্যন্ত লেগেছে। মনে হল মুখ রগড়েছে ময়লার উপর। তার উপর লোকটা জ্ঞানশূন্য, দেখেই বোকা যাচ্ছে অসুস্থ। গলা দিয়ে নিষ্ঠুর যন্ত্রণাকাতর একটা শব্দ গোভানির মত বের হচ্ছে।

থমকে দাঁড়ালেন বীরেশ্বর। এ কি বিপদ! এ কে পরিকার করবে? একটু চূপ করে ভেবে নিয়ে বললেন—কি করবে ওকে নিয়ে? এঁ্যা?

—আজ্ঞে! বলে চাকর চূপ করে রইল। পিছনে বারান্দায় তখন চাকরবাকরেরা অনেক এসে জুটেছে। এমন কি নায়েব কর্মচারীরাও।

—নায়েববাবু? তাহলে মেথর ডাকুন। সঙ্গে সঙ্গে সমস্ত চাকরেরা শিউরে উঠল।

নায়েব এসে বললে—আজ্ঞে হজুর উনি সিদ্ধপুরুষ, মেথর দিয়ে—

—তাহলে, লোকটিকে পরিকার করতে তো হবে। অন্তত তুলে নীচে কোথাও নামিয়ে দিতেও হবে। সিদ্ধপুরুষকে ওই ভাবে রাখাও তো ঠিক হবে না!

—আপনি যান হজুর, যা হয় আমরা করছি। চাকরবাকরেরা শূঁড় বলে ওকে ছুঁতে ভয় করছে। ব্রাহ্মণ ধারা আছেন, তাঁরা করবেন। আপনি যান।—



রায় চলে এলেন। গত রাজিতে তিনি একরকম মত্তপান করেনই নি। পাগলকে ঘরে বন্ধ করে গিয়ে কাপড়চোপড় ছেড়ে খাবার আগে ও পরে অতি অল্প পরিমাণে খেয়ে শুয়ে পড়েই ঘুমিয়ে গিয়েছিলেন। লোকটা সম্পর্কে ভাবতে ভাবতেই ঘুমিয়ে গিয়েছিলেন। গতকাল দিনে তিনি ঘুমোন নি—সারা দুপুর ভেবেছিলেন রাধাকান্ত দেববাহাদুরের কথা। তাঁর সংস্পর্শে এসে প্রথম জীবনে বিবাহের পর যে কয়েক বৎসর শান্ত-সংযত জীবনযাপন করেছিলেন তখনকার কল্পনার কথা মনে পড়েছিল। আর মাঝে মাঝে ভেবেছিলেন, সোফিয়ার কথা এবং এই পাগলের কথা। সন্ধ্যার মুখে সোফিয়ার বাড়ী গিয়ে তার অবস্থা দেখে মধ্যরাত্রি পর্যন্ত ওই পাগলকে খুঁজেছেন। বাড়ী এসে বাড়ীর দরজায় পাগলকে পেয়ে তাকে নিয়ে ঘণ্টাদেড়েক তার সঙ্গে কাটিয়ে তার অববন্ধ প্রলাপ থেকে এইটুকু বুঝেছিলেন যে, পাগল ভবানীকে দেখেনি। অর্থাৎ তার মুখে সে জীবিত আছে এ-সংবাদ পাননি। তাতে নিশ্চিন্ত হয়েছিলেন, খানিকটা ক্রান্তি এবং নিশ্চিন্ততার মধ্যে তিনি ঘুমিয়ে পড়েছিলেন। এবং মদ বেশী পরিমাণে খেয়ে জ্ঞান হারাতেও ঠিক ভাল লাগেনি।

ঘরে এসে বসতে চাকর এসে দাঁড়াল। বললে—বেরেককাটো দেয়া হয়েছে হুজুর।

রায় তখন বিলিতীকেতায় সকালে খেতেন ব্রেকফাস্ট। টেবিল ছিল, চেয়ার ছিল দস্তুরমত। কফি, রুটি-মাখন, ডিম, কেক দিয়ে ব্রেকফাস্ট। দুপুরে দেশীয়তে ভোজন, রাত্রে বিলিতী নয়, একেবারে নবাবী আমলের পোলাও-কালিয়া-কোর্মা। ভবানীর অন্তর্ধানের পর এই ব্যবস্থা। তবে মদটা সব সময়েই থাকত।

রায় চেয়ারে বসে বললেন—মদটা নিয়ে যা।

চাকর বিস্মিত হল।

রায় রুটি-মাখনের পাত্রটা টেনে নিয়ে জিজ্ঞাসা করলেন—পাগলকে কে পরিষ্কার করছে?

—আজ্ঞে, খাজাঞ্চীবাবু।

—হরি চক্রবর্তী?

—হ্যাঁ। বলছেন—গায়ে খুব তাপ। পেল জ্বর।

—হঁ, তা নইলে বেহুঁশ হবে কেন? পরিষ্কার করে খানিকটা আতর গায়ে মাখিয়ে দিতে বলবি। আর কাউকে বল—বউবাজারে সোফি বাঈয়ের বাড়ী গিয়ে সে কেমন আছে খবর নিয়ে আসবে। দেখ, হয়তো বদীর এসেও থাকতে পারে।

—নায়েববাবু বলে দিলেন, আজ শ্রামবাজারে হুজুরের জ্যাঠামশাইয়ের বাড়ীতে ছেরাকের নেমস্তন্ন আছে। আপনি যাব বলেছিলেন!

বীরেশ্বর রায়ের মনে পড়ল—হ্যাঁ, আজ জ্যাঠাইমার সপিণ্ডীকরণ শ্রাদ্ধ হবে, তার সঙ্গে সমারোহের সঙ্গে দান-উৎসর্গ হবে, আত্মশ্রদ্ধের সময় এসব হয়ে ওঠেনি।

কুড়ারাম রায় ভট্টাচার্যের শালক-পুত্র, বাবা সোমেশ্বর রায়ের মামাতো ভাই, হরিপ্রসাদ চট্টোপাধ্যায় তাঁর জ্যাঠা। এ পর্যন্ত রায়বাড়ীর জ্যতিকুটুম্বের মধ্যে বলতে গেলে ওই একমাত্র কুটুম্ববাড়ী। তবুও সে-সম্পর্ক তিনি রাখতে পারেননি। একটা ক্ষত আছে। ওই জীবনের সব থেকে বড় এবং একমাত্র ক্ষত ভবানী। হরিপ্রসাদকাকার ছেলে রমাপ্রসাদের বিয়েতে গিয়েই তিনি ভবানীকে দেখেছিলেন। ভবানীকে নিয়ে যখন কলকাতার ছিলেন, তখন ও বাড়ীতে যাওয়া-আসা ছিল নিরমিত। জগদ্ধাত্রী বউদির সঙ্গে ভবানীর সখিত্বও ছিল। ভবানী—তার চলে যাওয়ার পর তিনিও যাননি ও-বাড়ীতে, ওরাও আসেননি এ-বাড়ীতে। ওই একমাত্র সামাজিক ক্রিয়াকর্মে যান। তাঁর বাড়ীতে ক্রিয়াও নেই, কর্মও নেই; না অন্ন-

প্রাশন, না উপনয়ন, না বিবাহ! একটা কর্ম বাকি আছে। না ছুটো। একটা ভবানীর মৃত্যু-সংবাদ পেলে নষ্টশ্রদ্ধ উদ্ধার করবেন, আর একটা বাকি তাঁর শ্রদ্ধ, সে কে করবে ভগবান জানেন, কিন্তু তখন তিনি থাকবেন না। তবে তাঁকে আজ যেতে হবে। যাওয়া উচিত। ইয়া, উচিত। একটা দীর্ঘনিঃশ্বাস কেলে রায় বললেন—ইয়া, যেতে হবে বইকি। কাপড়চোপড় ঠিক কর। ইয়া, যেতে হবে।

সুরেশ্বর বললে—তোমার মনে আছে সুলতা, কালীঘাটের দরিদ্র পরিবারে বিয়ে করেছিলেন কুড়ারাম রায় ভট্টাচার্য। কালীঘাটের হালদাররা সেখানকার সমাজপতি। তাঁদের কাছে এই চাটুজে পরিবার অনেকটা একঘরে ছিল। \*অভিযোগ ছিল—প্রোট চাটুজে জাহাজী সাহেবদের খানাপিনার জিনিস-কারবারীদের চাকরি করতেন। পদে ছিলেন সরকার। খানার গোস্ আসত বড় বড় ঝুড়িতে, মাথায় করে আনত যারা, তারা কোন্ জাত কে জানে, তবে আসত গোমাংস, শূকর-মাংস—বীফ, হ্যাম; জাহাজে সেসব তাঁকে ছুঁতে নাড়তে হত। কিন্তু মাইনে ছিল যৎসামান্য, আর কিছু পাওনা পেতেন কাপ্তেন সাহেবদের কাছে বকশিশ। কিন্তু এতে তাঁর অভাব মেটেনি। তবে চলে যেত কায়রুশে। জাত গিয়েও পেট ভরেনি।

কুড়ারাম রায় ভট্টাচার্যমশায় বিয়ের পর স্বশুরকে চাকরি ছাড়িয়েছিলেন, কাজে লাগিয়েছিলেন নিজের কাছে। আর শ্রালক ছিল একটি—গুরুপ্রসাদ, তাঁকে লাগিয়েছিলেন কোম্পানীর সেরেস্কার নিজের অধীনে; দেওয়ান গঙ্গাগোবিন্দ তাঁর দরখাস্ত মঞ্জুর করেছিলেন। গুরুপ্রসাদ চট্টোপাধ্যায় অর্থোপার্জন করে কালীঘাট ছেড়ে শহর কলকাতায় জোড়াসাঁকো অঞ্চলে বাড়ী করেছিলেন। গুরুপ্রসাদ বেশী দিন বাঁচেন নি। তবে ছেলে হরিশ্রাসাদকে ইংরাজী লেখাপড়া শিখিয়েছিলেন। তাঁর গায়ে সেকালে ব্রাহ্মধর্মের বাতাস লেগেছিল। তবে ওদের সঙ্গে সরাসরি জাতে উঠতে তাঁর সাহস ছিল না। হরিশ্রাসাদ বীরেশ্বর রায়ের জ্যাঠামশায়। সোমেশ্বর রায় থেকে বয়সে বড়। হরিশ্রাসাদের বড় ছেলে দেবপ্রসাদের ডাকনাম নারায়ণচন্দ্র। বয়সে বীরেশ্বর রায় থেকে বড় কিন্তু বন্ধুই। তাঁরই বিয়েতে গিয়ে তিনি ভবানীদেবীকে দেখেছিলেন। তাঁরই মাতৃশ্রদ্ধ! ব্রাহ্মধর্মের বাতাস গায়ে লাগলেও, মাতৃশ্রদ্ধে গোঁড়া হিন্দুত্ব বজায় রেখে শ্রদ্ধ করেছিলেন। অনেক সমারোহও করেছিলেন। আত্মশ্রদ্ধ তিলকাঞ্চন করে সেরে রেখে ছ'মাসের মাথায় সমারোহ। একালে হিন্দু যারা, তারাই জানে না তো তোমরা তো ব্রাহ্ম, তোমাদের না-জানারই কথা, তাই বলছি। আমিই কি জানতুম সুলতা? জানতুম না। বাবার মৃত্যুর পর—সম্পত্তির জন্তে গোঁড়া হিন্দুত্বের একেবারে খুঁটিনাটিটি পর্যন্ত পালন করিয়েছিলেন ঘোষাল ম্যানেজার। মায়ের মৃত্যুর পর পালন করিয়েছিলেন মেজঠাকুরমা। আত্মশ্রদ্ধের সময় কলকাতা এসেছিলেন। তারপর প্রতি মাসে তাঁর পোস্টকার্ড আসত—জাঁকাবঁকা মোটা হরকে লিখতেন, ভাই, বউমায়ের মাসিক শ্রদ্ধটি করিতে যেন ভুলিবে না। অনেকে এক মাস, দু' মাস বাদ দিয়া তিন মাস বাদ দিয়া এক মাসে দুটো-তিনটা সারে, সেটা 'অশান্তরীর' হয় না হয়তো। কিন্তু ভাই, তিন মাস থাইতে না দিয়া এক মাসে তিন মাসের খাওয়া কি মাহুষ থাইতে পারে? ওটা যারা করে, তারা নিশ্চয় মাকে ভুলিয়া যায়। তোমার মাকে ভুলি তোমার মাকে ভুলিতে পার না।

শ্রদ্ধ সম্পর্কে মত জিজ্ঞেস করতে হলে পরলোক সঙ্কে মত বলতে হয়। সে-মতামতের কথা থাক। আর মতামতেরই বা মূল্য কি আমাদের, যারা রায়ের দলে থাকলে রায়ের

কথা বেদবাক্য ভাবি, আবার দল ভেঙে হরির দলে গিয়ে হরির কথা শুধু বেদবাক্যই ভাবিনে—রামকে গালিগালাজ করি। আমি কোন দলেরই নই। তবু মেজঠাকুরমার কথাটা পালন করেছিলাম অক্ষরে অক্ষরে।

দোহাই তোমার স্মৃতি, তুমি মুখ খুলবে মনে হচ্ছে, কিন্তু দোহাই খুলো না। তোমাকে আমি ইঙ্গিত করে কিছু বলিনি। আমি শান্ত নই, শৈব নই, বৈষ্ণব নই, সৌর নই—কংগ্রেস নই, কমুনিষ্ট নই, আর্টিস্ট হিসেবে প্রোগ্রেসিভ নই; রি-অ্যাকশানারী বলতে চাও বলতে পার, তবে আমি তাও নই। কলকাতায় থাকতে বিদগ্ধ কাগজসমূহে ‘সহজিয়া’ কার্টের কথা পড়েছিলাম—পণ্ডিতব্যক্তিদের কাছে এ সম্পর্কে দুর্বোধ্য আলোচনা শুনেছিলাম, কিন্তু বস্তুটা কি, তার মাথামুণ্ড কেন—সাকার না নিরাকার, পিণ্ডাকার না তরল পদার্থ—কিছুই ধারণা হয়নি। কীর্তিহাটে গিয়ে বাউলদের সঙ্গে আলাপ হয়েছিল, সে পরে বলব, তবে তাদের দেখে বুঝেছিলাম ব্যাপারটা কি! খাপা গোপাল দাসকে একদিন আমি জিজ্ঞাসা করেছিলাম, সহজিয়াটাকি? সে হেসে বলেছিল—হরি, হরি, হরি—নিজে ওই পথ ধরে বলছ ওই পথটা কি? নেশা করেছ, চোখ ঢুলঢুল করছে, তবু শুধাও নেশাটা কিরকম? বাবাধন, এই যে সহজ পথে, সবার ‘সাঁথে’ পেরেম করে হাটন ধরেছ—এই তো সেই পথ। আমি সেদিন বসে-ছিলাম ওই কাঁসাইয়ের ওপারে, যেখানটাকে সিদ্ধপীঠ বলে সেইখানে। জমেছিল সেখানে ওই গোয়ানপাড়ার গোয়ানরা থেকে ওপারের কীর্তিহাটের ব্রাহ্মারা পর্যন্ত। সকলে চান্দা করে ভোগ দিয়েছিল মায়ের। খাওয়া-দাওয়া চলছিল। তার মধ্যস্থানের মধ্যমণি বলব না—মাকের মাহুঘ ছিলাম আমি। সভায় যাকে প্রধান অতিথি বলে।

একটু থেমে সুরেশ্বর বললে—তার আগে বীরেশ্বরের কাহিনী থেকে কি করে উনিশশো ছত্রিশ সালে কীর্তিহাটে পরবর্তী পঞ্চমপুরুষ সুরেশ্বর রায়ের জীবনে এলাম, সেটা বলে নিই। বীরেশ্বর রায়েই ফিরে যাই।

\*

\*

\*

বীরেশ্বর রায় তাঁর স্মরণীয় ঘটনার সেই খাতাটিতে তিনদিন পর লিখেছেন। তার প্রথম ছত্রই হল—আজ তিনদিন ধরে ঘটনার আবর্তে পড়ে আমি কি পাণ্টে যাচ্ছি? আজ তিনদিন আমি রাত্রে শোবার আগে মগ্নপান করিনি। একটা নতুন নেশায় যেন মেতে উঠেছি।

সেদিন হরিপ্রসাদজ্যাঠার বাড়ীতে জ্যাঠাইমার প্রাঙ্গে গিয়ে কলকাতার বহু বিশিষ্টজনের সঙ্গে দেখা হল। পুরনো পরিচয় অনেকের সঙ্গে ছিল, তাদের সঙ্গে দেখাশুনো হয়নি আজ করেক বৎসর। পুরনো পরিচয় নতুন হয়ে উঠল। নতুন পরিচয়ও হল অনেকের সঙ্গে। কলকাতার দুই দলেরই বড় বড় মাতব্বররা এসেছিলেন। হরিপ্রসাদজ্যাঠা খুব হুঁশিয়ার লোক। ব্রাহ্মদলের কাছ-ঘেঁষা হয়েও দুই দলকেই সমানু আদরে নিমন্ত্রণ করেছেন। ওদিকে পণ্ডিত-সভা বসেছে। পণ্ডিত-সভায় ভিড় খুব। রাজা রাধাকান্ত দেব ওখানে বসেছেন দেখলাম। তাঁর সঙ্গে তাঁর দলের হোমরা-চোমরা। সংস্কৃত-জানা পণ্ডিত ব্রাহ্ম-ঘেঁষা করেকজনকেও দেখলাম। সুনলাম, ওখানে তর্ক চলছে, বিধবা-বিবাহের শাস্ত্রীয় বিচারের। বিজ্ঞানাগর আসেননি। এলে আসরটা নিশ্চয় খুব জমত। ওদিকে যেতে সাহস হল না। পণ্ডিতদের টিকি নাড়া, নস্ত নেওয়া আর সংস্কৃত বচন—ও আমার সহ্য হয় না। আমি বিধবা-বিবাহের দিকে।

ফটকেই দেবপ্রসাদদার শ্রালকের একটি ছেলে নিমন্ত্রিতদের গলায় বেলকুড়ির মালা পরিয়ে দিচ্ছিল। মালা পরে ভিজরে এসে দেখলাম, দেবপ্রসাদদার মেজ ছেলে শিবপ্রসাদ পাড়িয়ে

অভ্যর্থনা করছে। সে আমাকে দেখে তাড়াতাড়ি এল প্রণাম করতে। বললাম—নিয়ে চল একবার শ্রাদ্ধের আসরে।

হরিপ্রসাদজ্যাঠা বসেছিলেন, প্রণাম করলাম। তিনি আমাকে আদর করে বসালেন কাছে। বললেন—এসেছ! আমি ভেবেছিলাম তুমি আসবে না।

ওই কথার মধ্যে অনেক কথা লুকানো আছে। আমি জানি। চুপ করে রইলাম।

দেবপ্রসাদদা শ্রাদ্ধে বসে দান উৎসর্গ করছেন। দানগুলি ভাল হয়েছে। চারটে ষোড়শ করেছেন। তাছাড়া একটা রূপোর ষোড়শ। জিনিসপত্রগুলো ভাল।

বললাম—দানগুলি চমৎকার হয়েছে।

হরিপ্রসাদজ্যাঠা বললেন—ইচ্ছা আছে স্ত্রী-শিক্ষার জন্ত বিছাসাগরমশায়ের হাতে এক হাজার টাকা দান করব।

—বিছাসাগরমশায়কে দেখেছিনে?

—তিনি কলকাতায় উপস্থিত নেই। থাকলে নিশ্চয় আসতেন।

এমন সময় কলকাতার সব থেকে উজ্জ্বল আলো (অবশ্য আমার কাছে) কালীপ্রসন্ন সিংহ-মশায় এসে দাঁড়ালেন। অনেকদিন তাঁর সঙ্গে দেখা হয়নি, দেখা হয়ে খুব খুশী হলাম। তিনিও খুশী হলেন বলে মনে হল। আমাকে নমস্কার করে বললেন—রায়মশায়কে অনেকদিন পরে দেখলাম। ভাল আছেন জানি। খুব গানবাজনা নিয়ে মশগুল। তা বেশ। তা বেশ।

হরিপ্রসাদজ্যাঠা শঙ্কিত হয়ে উঠলেন। কালীপ্রসন্নবাবু এর পর সোফিয়াকে নিয়ে তাঁর সামনে রসিকতা করে বসবেন ভাবলেন—ওদিকে যে প্রসন্নকুমার ঠাকুরমশায় সিংহমশায়কে খুঁজছিলেন।

কালীপ্রসন্নবাবু বললেন—কেন মশায়, আমার সঙ্গে 'আবার প্রয়োজনটা কি হল তাঁর? আর তাঁকে তো দেখলাম না পণ্ডিত-সভার বিচারের আসরে!

হেসে হরিপ্রসাদকাকা বললেন—তাঁরা অল্প বসেছেন। বৈঠকখানার একটা ঘরে। ওখানে খুব জোর আলোচনা হচ্ছে। বর্ধমানের মহারাজা লাখরাজের ব্যাপার নিয়ে যে মামলা করে-ছিলেন বিলেতে কোম্পানীর বিরুদ্ধে, তার রায় বেরিয়েছে। মহারাজা ডিগ্রী পেয়েছেন। সেই নিয়ে খুব আলোচনা চলছে।

হেসে কালীপ্রসন্ন বললেন—তাহলে বলুন, ল্যাণ্ডহোল্ডার্স অ্যাসোসিয়েশনের মিটিং বসে গেছে।

—তা বলতে পারেন। তবে যান একবার। বীরেশ্বরকেও নিয়ে যান। ঠুকেও খুঁজছিলেন। বলছিলেন, আপনার ভাইপো বীরেশ্বর রায় জমিদারী ভাল বোঝেন। তিনি আসেননি?

কালীপ্রসন্ন বললেন—চলুন রায়, দেখি। লাখরাজে স্বার্থ আমাদের সবারই, কম আর বেশী। আপনাদের আদি কর্তা তো শুনেছি প্রথম লাখরাজেই বিষয় পত্তন করেছিলেন। দেওয়ান গঙ্গাগোবিন্দ সিংহ একশো বিঘে লাখরাজ নিলেমে ডাকিয়ে বলেছিলেন, এইবার গুরু কর।

আমি বললাম—হ্যাঁ।

\*

\*

\*

ঘরটায় মোটা কার্পেটের উপর মজলিশ চলছিল। অধিকাংশই জমিদার এবং বেশ প্রতিষ্ঠাবান

লোক। তার মাঝখানে প্রসন্নকুমার বসেছেন। তিনি ল্যাণ্ডহোল্ডার্স অ্যাসোসিয়েশনের বলতে গেলে জীবনীশক্তি। স্বারকানাথের পর তাঁর এবং রাজাবাহাদুর রাধাকান্ত দেবের শক্তিতেই ওটা চলে। এই লাখরাজ বাজেরাপ্তি নিয়ে আন্দোলন শুরু তাঁরাই করেছিলেন। আন্দোলনে কিছু হয়নি। বর্ধমানের রাজা মামলা করেছিলেন। এখানে হেরে বিলাত পর্যন্ত আগীল করেছিলেন।

একজন সংবাদ-প্রভাকরের মন্তব্য পড়ে শোনাচ্ছিলেন, প্রথমটা পড়া হয়ে গিয়েছিল, শেষ-ভাগটা পড়া হচ্ছিল তখন। •

“ব্রাহ্মণ ঠাকুরেরা এবং অন্যান্য নিম্নরভোগী মহাশয়েরা এইক্ষণে বর্ধমানেশ্বর বাহাদুরের জয়-জয় শব্দে আনন্দচিন্তে মুক্তকণ্ঠে আশীর্বাদ করুন। ওই ডিগ্রী সর্ব-সাধারণের পক্ষেই সমান কল্যাণকর হইয়াছে। যেহেতু তাহার তাৎপর্য এই যে, যে সকল ভূমির ৬০ বৎসর সমান ভোগ ও বিক্রয়-স্বত্বাধিকার প্রমাণ হইবে, তাহার দলিল দস্তাবেজ থাকুক না থাকুক, গভর্নমেন্ট কোনমতেই তাহার উপর হস্তক্ষেপ করিতে পারিবেন না।”

খিদিরপুরের ঘোষাল বললেন—ওটা তো গায়ের জোর ওদের। এ-দেশ নিম্নর ব্রাহ্মণদের পীরোত্তর লাখরাজের দেশ। এ থেকেই দেবসেবা চলেছে। ব্রাহ্মণদের টোল চলেছে। মজুব চলেছে। ওরা এসে দেশ দখল করে সবে উপরেই খাজনা চাপাবে। তা আইনে টিকবে কেন? ঠিক হয়েছে।

প্রসন্নকুমার আমাকে দেখে বললেন—আরে রায় যে। কিছুক্ষণ আগে তোমার খোঁজ করছিলাম তোমার কাকার কাছে। তুমি যে অদৃশ্য হয়ে গেলে হে। ল্যাণ্ডহোল্ডার্স অ্যাসোসিয়েশনে প্রথম প্রথম যে কটি বক্তৃতা দিয়েছিলে তা বড় ভালো হয়েছিল। অনেক আশা করেছিলাম তোমার কাছে।

কালীপ্রসন্ন বললেন—উনি এখন সভা অ্যারিস্টোক্রাট মশায়। গ্রাম্য যখন ছিলেন তখন জমিদারী নিজের হাতে চালাতেন। প্রজাদের পিঠে ঠ্যাঙা চালাতেন, বৃকে কাঠ চাপাতেন, বৈধে রাখতেন, খাজনা আদায় করতেন, আবার নদীর বাঁধ বাঁধতেন, পুকুর কাটাতেন, গোচর ভাঙলে প্রজার জরিমানা করতেন, এখন শহরে বসে সভা হয়েছেন। জুড়ি হাঁকাচ্ছেন। একজোড়া কালো ঘোড়ার জুড়ি যা কিনেছেন চ-ম-৭-কা-র। তারপর সন্ধ্যায় বাইজীর কণ্ঠে ঠুংরী টপ্পা শুনছেন। এখন আর খোঁজই বা কি রাখেন, বলবেনই বা কি?

আমি ছাড়লাম না, বললাম—কালীপ্রসন্নবাবু, এ ছাড়া আছে।

—কি বলুন। শুন।

—মহাশয়ের লেখার পড়েছিলাম—বালাবধি ইচ্ছে কবি কালিদাস হব। কিন্তু সে ইচ্ছে ছেড়েছি কারণ কালিদাসের লাম্পট্য অতুলরণ করেও শক্তি না থাকলে কালিদাস হওয়া যায় না। তারপর ভেবেছিলাম, ঠিক মনে নাই সিংহমহাশয়, আপনি কি হতে চেয়েছিলেন, তবে তিনি নাকি দরিদ্রের পুত্র ছিলেন বলে সেটা হতে চান নি আপনি। আমি ভেবেচিন্তে লক্ষ্মীর ওরাজিদ আলী শাহ হতে চেয়েছিলাম, দেখেছিলাম ওটা হওয়া যায়—ছোট আর বড়। ধরুন যেমন আপনি রায়মোহন রায় হতে পারেন ধারণা করে বিভোৎসাহী হয়েছেন, গ্রন্থকার হতে চেষ্টা করছেন, বিধবা-বিবাহে উৎসাহ দিচ্ছেন। তেমনি আমিও ছোটখাটো ওরাজিদ আলী শাহ হতে চাচ্ছি। তা সে তো গ্রামে বসে হওয়া যায় না। লক্ষ্মী শহর অনেকদূর—কলকাতার অন্তত না চেপে বসলে চলবে কি করে?

কালীপ্রসন্ন উদার রসিক বলেই তাকে এত ভাল লাগে, এই কারণেই তিনি আমার কাছে

কলকাতায় নবীন সমাজের মধ্যে উজ্জ্বলতম মানুষ মনে হয়। তিনি আমার উত্তরে উচ্চহাস্ত করে বললেন—ত্যাভো ত্যাভো, ত্যাভো রায়মশায়। চ-ম-ৎ-কার উত্তর দিয়েছেন। কথাটা প্রথম আলাপের দিনই আপনাকে বলেছিলাম আমি—নয়?

বললাম—দেখুন ঠিক মনে করে রেখেছি। তবে আমার মত করে ভেঙেচুরে নিয়েছি।

সকলেই যুহু যুহু হাস্ত করতে লাগলেন।

প্রসন্নকুমার বললেন—না না রায়, আপনি অ্যাসোসিয়েশনে আসুন। সত্যিই জমিদারদের একটা বেশ সঙ্কট চলছে। ইস্ট ইন্ডিয়া কোম্পানী যখন নিজে খাজনা আদায় করতে তনন রেজা খাঁর দুর্নাম হয়েছিল। কিন্তু তার উৎসাহদাতা তো কোম্পানীর কর্তারা। হেষ্টিংস সাহেব তো ঢালাও হুকুম দিয়েছিল। তারপর গুঁতো খেয়ে দায় চাপালে রেজা খাঁর উপর। রেজা খাঁ গেল—সঙ্গে সঙ্গে দেবী সিং, গঙ্গাগোবিন্দ সিং এলেন—তার সঙ্গে আপনার পিতামহও ছিলেন। তাঁরা যা করেছেন তাতে হেষ্টিংসের হুকুম ছিল। আইনের পর আইন—পঞ্চম হুগুম। প্রজাকে বেঁধে রেখে মারধর করে খাজনা আদায় করে দাও, আমাদের পেট ভরাও, কোম্পানীর ক্যাশে চালান যাক। তারপর পারমানেন্ট সেটেলমেন্ট। দশ ভাগের ন ভাগ—শতকরা নব্বুই টাকা কোম্পানীর প্রাপ্য। বাস যেই পারমানেন্ট সেটেলমেন্ট হয়ে গেল, একটু সুরাহা হল, অমনি বাতিল হল পঞ্চম হুগুম। কোম্পানীর সমদৃষ্টি। প্রজাকে মারধর করতে দেবেন না। তারপর পারমানেন্ট সেটেলমেন্টের সুবিধের জন্তে অষ্টম আইন। ভাল কথা। বেশ কথা। তারপর লিমিটেশন অ্যাক্ট। এদেশে সুদ ছিল না তামাদি ছিল না। এখন তামাদি—চার বছরে কর নাশি। পাঁচ বছরের খাজনা পাবে। কোম্পানীর লাভ হবে স্ট্যাম্প। আবার সব নতুন আইন হচ্ছে। প্রতীক্ষায় থাকুন। ওদিকে ভারতগ্রাস চলছে। একে একে সব পেটে ভরছে। লর্ড অকল্যান্ড, লর্ড এলেনবারা, তারপর লর্ড ডালহৌসি। মারাঠা বাঁসি খেয়ে কেলেছে। এবার, এই এক্ষুনি বলছিলেন লক্ষ্মীর ওয়াজিদ আলী শাহঁর কথা। তার কি হচ্ছে দেখুন। তাকে হটিয়ে বোধ হয় অযোধ্যা নিলে বলে!

মজলিশটা অকস্মাৎ অত্যন্ত গম্ভীর হয়ে গেল। সকলে চুপ করে বসে রইলেন। হঠাৎ ওঘরের কথাগুলো কানে এল। ভূত! ভূত! ভূত!

কালীপ্রসন্ন বললেন—ঠাকুরমশায়, ওঘরে দেখছি ভূত নেমেছে। আমি আর রায় একটু ভৌতিক কৌতুক উপভোগ করে আসি। বলে আমাকে টানলেন।

ওঘরে মজলিশ সত্যি জমজমাট। তামাকের আসরে তামাকবিলাসীরা বসেছেন, গড়গড়া ফুরসী হরদম তাজা, রূপো বাধানো হাঁকোর মাথার বিশটা কঙ্কেতে কাণ্ডগড়া বিষ্টপুত্রী-গম্মার তামাক পুড়ছে। আতরের খুববাই ভুরভুর করছে। রূপোর পর্যাতে বিস্তর পানের খিলি। পান মুখে তামাক টানতে টানতে মল্লিকদের রাম মল্লিক গল্প বলছেন।

কালীপ্রসন্ন বললেন—বেড়ে জমিয়েছ মল্লিক।

মল্লিক তুখোড় লোক, বললে—মিছরির দানার ছুরির মুখটা জমতে বাকি ছিল, সিং, তুমি এয়েচ বাবা, এবার দানা পুরো জমাট হয়ে গেল। এস।

—এলাম। কিন্তু আচ্ছা ভূত নামিয়েছ তো। ওঘর থেকে ঘাড়ে ধরে নিয়ে এল হে। বল গল্পটা শোনা যাক।

—গল্প নয় বাবা। সত্য। তাঁবা-তুলসী-গঙ্গাজল-জর্ডনের জল-গীতা-বাইবেল হাতে বলতে পারি। আমার জাতিভাই সুরেন্দ্র মল্লিক, যাকে লোকে বলে শ্রীশ্রীর মালিক, যে পাদরীদের



কাছে যাওয়া-আসা করে। জীশান হই-হই করছে, লোভ মেয়ের উপর নিদেন দেশী পাদরী-কড়া। তার বাবা মারা গেছে মাস তিনেক। শ্রাদ্ধ করেনি। এখন বাপ ভূত হয়েছেন। ঠালা নাও। ইংরিজী বিশ্বে বাক্যি বেরিয়ে গেছে। বাছাধন কাঁপছেন। বুঝলে না, রাজ্রিকালে একদিন নয়, দুদিন নয় চারদিন এই রাত ঠিক বারোটা একটা বাজে আর ঘরের বাইরে কেউ যেন ঘুরে বেড়ায়—দরজা হুট্‌হাট্‌ করে মনে হয়। বাস্‌ ঘুম ভেঙে যায়। প্রথম মনে করেছিল চোর। নয় ঘরে তো দাসী-টাসী আছে আর ছোড়া চাকরও আছে। ঠাকুর আছে, আমলা আছে। তা'র খুলে বেরিয়েও পঁছিল। সাহস আছে আমাদের সুরেন্দরের। তা বলতে হবে। একটা গুপ্তি হাতে বেরিয়েছিল। কোথায় কি? কাক পড়ে বেদানা খাচ্ছে মানে কাকশু পরিবেদনা। তারপর ভাবলে ইঁহর-টিঁহর। ঘরের দরজা বন্ধ করেছে আর বাইরে থেকে—।

নিজ্জেই নাকিসুর করে মল্লিক বললে—সুঁরন্দর! সুঁরো!

এবার সহজ সুরে মল্লিকই সুরেন্দ্র হয়ে বললে—কে?

—আমি তোর বাবা। বড় কষ্ট। ছেরাক কঁরিস নি। পেরেত ইয়ে বড় কষ্ট পাচ্ছি। আমি মরবার ক্ষণে তিন পৌ দৌষ পেয়েছি। ছেরাক কর। দৌষ কাঁটা। ন'ইলে পেরেত ইয়েছি। রাঁগ হচ্ছে। ইচ্ছে ইচ্ছে তোর বুঁকে চেঁপে বসি—গলাটা টিপে দিঁ।

প্রায় সমস্তরে শব্দ উঠল—ওরে বাবা! তারপর?

মল্লিক বললে—তারপর আর কি। চক্ষু চড়ক গা-ছ! হস্তপদ গুটিয়ে পেটের ভিতর। বু-বু-বু শব্দ ক'রে ধপাস ক'রে পতন! শব্দ শুনে বউ জেগে ওঠে—সেও ক'রে বু-বু। শেষে বাড়ীর লোক—তার পরেতে পাড়ার লোকের জাগরণ। কি ব্যাপার? কি ব্যাপার মশায়? না—ও কিছু না। কি রকম একটা বাইরে শব্দ হতে ভয় পেয়ে গেলাম। বুঝুন, ছোকরার ধড়িষাজিটা একবার বুঝুন। এর পরেও বলে—ও কিছু না। কিন্তু যাবেন-টা কোথায়? বাছাধন যাবেন-টা কোথায়? পরের দিন ঠিক আবার খুটখাট হুট-হাট! আর নাকিসুরে—সুঁরন্দর শেষ গলাই টেঁপাবি? বাস্‌ এই একটি কথা! এমনি তিন-চারদিন। এখন বাছাধন যাচ্ছেন দেশ বেড়াতে। মানে গজং গচ্ছ গয়াং গচ্ছ। গয়া যাচ্ছেন। সেখানে শেরাক পিণ্ডি সব শেষ করবেন। মাথা কামাতে হবে তো। তা মাথায় চুল না গজানো পর্যন্ত এদিকে ওদিকে ঘুরে দেশে ফিরবেন। বুঝলে না? শেরাকও হবে পাদরীদের কাছেও মুখ থাকবে। তা আমিও বাবা রাম মল্লিক, তাকে তাকে আছি, ও যেদিন রওনা হবে, আমিও রওনা হব পিছু পিছু। চল না, কোথায় যাবি চল না। ঠিক পিছন পিছন যাব আমি।

কালীপ্রসন্ন বললেন—মল্লিকমশায়ের শেষ খবরটা ভুল। মানে ও গয়াটয়া কোথাও যাচ্ছে না।

—এখানেই শ্রাদ্ধ করবে নাকি তা হ'লে?

—না। পাদরী সাহেবদের কানে কথাটা উঠেছে। তারা ওকে বলেছে, don't be afraid মালিক, don't worry, আমি আজই মাদার মেরীকে বলিটেছি, মাদার আপনি আদেশ করেন, দো গোরা পল্টন ভুট পাঠাইয়া ডিন। ব্রাকহোল ট্রায়েজি হইটে যারা মারা গেল, তারা ভুট হইয়া আছে। তারা সন্ধীন লইয়া ব্রাহ্মে পাহারা ডিবে, উ বাবা ভুটটা আসিলেই এন্টার করিয়া হোলি গোস্টের কাছে লইয়া যাইবে। হোলি গোস্ট বাবা ভুটটাকে ক্রিশ্চান করিয়া ডিবে।

মল্লিক ভেলেবেঙনে জলে উঠল।—তামাশা! কিন্তু তামাশা বেরিয়ে যাবে সিংহমশায়।

—তামাশা নয়। আমি যা শুনেছি তাই বলে গেলাম। কালীপ্রসন্ন অত্যন্ত গম্ভীরভাবে কথা ক'টি বলে বেরিয়ে গেলেন ঘর থেকে।

মল্লিক বললে—পা-ষ-ও !

ঠিক এইসময় বাড়ীর চাকর এসে রায়কে বললে—রানীমা একবার ডাকছেন আপনাকে অন্তরে।

রানীমা অর্থাৎ দেবপ্রসাদদার স্ত্রী। জগদ্ধাত্রী বউদি। ভবানীর সখী। বয়সে ভবানীর থেকে ছ'তিন বছরের ছোট। অনেক দিন দেখা হয়নি তাঁর সঙ্গে। ভবানীর নিরুদ্দেশ বা মৃত্যুর পর থেকে আর তাঁর সঙ্গে দেখা হয়নি। দেবপ্রসাদ যারনি তাঁর বাড়ী। তিনিও এ-বাড়ী আসেননি।

\*

\*

\*

জগদ্ধাত্রী বউঠাকুরপো নিজের ঘরে তাঁর জন্তে অপেক্ষা করছিলেন। তিনি ঘরে ঢুকবামাত্র বললেন—এস ঠাকুরপো! বস।

—ভাল আছ বউদি? ব'লে হেঁট হয়ে প্রশ্ন করতে গেলেন রায়।

জগদ্ধাত্রী পিছিয়ে গিয়ে বললেন—ওকি? আজ কি নতুন হলাম নাকি! কবে তোমার প্রশ্নাম নিয়েছি।

—নাওনি, তখন আর একটা ব্যাপার ছিল। সে তো চুকে গেছে। এখন নেবে না কেন?

—না। তা হ'লেও না। মানুষ ম'রে গেলেও সম্পর্ক একবার হ'লে চোকে না ঠাকুরপো। আমি যদি মরে যাই তবে ঠ'র কি আমার বাপ-মা ভাইদের সঙ্গে সম্পর্কটা মুছে যাবে? বস।

চেন্নার পাতা ছিল। সামনে মার্বেলটপ টেবিলে রূপোর রেকাবীতে কিছু খাবার এবং রূপোর গ্লাসে জল রাখা ছিল। জগদ্ধাত্রী বউদি বললেন—খাও। একটু জল খাও। এ বাড়ীতে তো তুমি আসই না। আজ সাত আট বছর কলকাতায় এসেছ, কখনও আস না, কোনও একটা খবরও দাও না। আমি যেতে পারিনে—

লজ্জায় কথাটা বলতে পারলেন না জগদ্ধাত্রী বউদি।

রায় বললেন—যাওনি ভালই করেছে বউদি। যে বীরেশ্বর রায়কে গিয়ে দেখতে সে এক—কি বলব? প্রেত বলতে পার—নরক-বিলাসী বলতে পার!

চুপ করে রইলেন জগদ্ধাত্রী। একটু পর বললেন—তুমি খাও ভাই। আমি জানি তুমি এই এসে চলে যাবে, আর আসবে না। এসেছ এই মহাভাগ্যি বলতে হবে। খবর পেয়ে সেই-জন্তেই আমি শত কাজ কেলে—আজ তো ভাই হাজার কাজ বুঝতেই পারছ,—সব কেলে তোমাকে ডাকতে পাঠিয়েছিলাম। একবার দেখা করব। একটু মিষ্টিমুখ করাব। আর ছোটো কথা বলব। নাও হাতে আমিই জল দিচ্ছি। ইচ্ছে করেই দাসীচাকর কাউকে রাখিনি। যে কথা বলব—তা কারুর সামনে হয় না। নাও, তোমাকে ধর, মুখ মোছ। খাও। আমি বলে নিই কথাটা। না বলে প্রশ্নটা আনচান করছে আমার।

মুখে দু'টুকরো ফল কেলে দিয়ে তাঁর মুখের দিকে সবিস্ময়ে তাকালেন বীরেশ্বর।—এমন কি কথা বউদি? তার কথা?

—একরকম ভাই। সে নেই—

—সে মরেছে?

—মরেছে বইকি? নইলে কি খবর পেতে না?

—খবর টুকরো টুকরো পাই বউদি। কাল রাজা রাধাকান্ত দেবের বাড়ী গিছলাম। শুনলাম তাঁর ওখানে বিমলাকান্ত কিছুদিন কাজ করেছিলেন। তার ওখানে একজন কেউ ছিল তাঁর ভগ্নী! বিমলাকান্তের ভগ্নী তো কেউ ছিল না বউদি। সে তো সবাই জানে। সে ছাড়া আর কে হবে বল? সে তাকে দাদা বলত—

—না ঠাকুরপো, তুমি তাকে ভুলেই যাও। সে মরেছেই ধর। তুমি বিয়ে কর।

—সে মরলে বিয়ে করতে পারি বউদি। বেঁচে থাকিলে তাকে আমি খুন করব, তারপর ফাসি দাব। একটা নিরপরাধ মেয়েকে বিধবা ক'রে কি লাভ হবে বল?

—তোমার মনের কথা যা তা আমি জানি।

—কি জান?

—তোমার সন্দেহের কথা আমি জানি।

চমকে উঠলেন বীরেশ্বর। এ কথা জানেন তিনি আর সে—পৃথিবীর আর কাউকে জানতে তিনি দেননি। তবু স্বাভাবিক ভাবে জেনেছিল বিমলাকান্ত। তার জানারই কথা। সেই তাকে বলেছে। কিন্তু জগদ্ধাত্রী বউদিকে কে বললে? কে বলতে পারে! তেমন চমকে উঠে ঘাড় তুলে জিজ্ঞাসা করলেন—কে বললে তোমাকে?

দরজার মুখে একজন ঝি এসে দাঁড়াল, জগদ্ধাত্রীকে ডাকলে—বউরানীমা!

—কি?

—নিচে বড় গোলমাল। আপনি আসুন। পিসীঠাকরুণ চোঁচামেটি করছে—যত সব মেলেছোর কাণ্ড—তিনি চলে যাবেন। এখুনি চলে যাবেন!

জগদ্ধাত্রী বললেন—আমি যাচ্ছি তুই যা।

বলে ওপাশে গিয়ে দেওয়ালের দারে রাখা একটা বড় চেস্টাড্রয়ার খুলে তার ভিতর থেকে একখানা চিঠি এনে বললেন—চিঠিখানা পড়ে দেখো। মানখানেক আগে চিঠিখানা পেয়েছি!

চিঠিখানার খামের উপরের হস্তাক্ষর দেখে তাঁর মাথা কিম্বিকিম্বিক করে উঠল। এ লেখা—ভবানীর হাতের লেখা!

\*

\*

\*

সুরেশ্বর বললে—ঠিক এই সময়ে মেজঠাকুরমা ঘরে ঢুকলেন সুলতা। বললেন—এখনও আলো জ্বলে কি পড়ছিস সুরো? রঘু বললে—কাল ও বাড়ী থেকে গানটান ক'রে এসে সেই আলো জ্বলে পড়তে বসেছি, সকাল হয়ে গেছে তবুও পড়ে যাচ্ছি। খাস নি দাস নি। রঘু ভয়ে তাকে ডাকতে পারে নি!

সুরেশ্বরের মোহ ভেঙেছিল। সে এতক্ষণ ঠাণ্ডা করেছিল যে সে বিংশ শতাব্দীর চতুর্থ দশকে ১৯০৬ সালে কীর্তিহাটের পুরনো বাড়ী বিবিমহলে বসে দুর্দান্ত বীরেশ্বর রায়ের স্মরণীয় ঘটনা লেখা খাতাখানা পড়ছিল। অতীতকালের মধ্যে সে চলে যায়নি!

খাতাখানা বন্ধ করতে ইচ্ছে হচ্ছিল না। ভবানী দেবী তাঁর পত্রে জগদ্ধাত্রী দেবীকে কি লিখেছেন তা জানবার জন্যে চিন্তা আমার অধীর হয়ে উঠেছিল। কিন্তু মেজঠাকুরমার পিছন পিছন—ভাই রাজা! বলে ডাক দিলে ব্রজেশ্বরদা!

যত মিষ্ট ব্রজেশ্বরদাদা—তত পচা; না—সুলতা ঠিক হল না। ব্রজেশ্বরদা উৎকণ্ঠ মন্ডের মত। যখন খাই তখন মনেই সুখ, তারপর তার যখন ক্রিয়া হয় তখন মনে হয় সে বিষ। এবার তাকে মনে হচ্ছিল পুরনো অনেক পুরনো মদের মত। তাঁর স্বাদ বেড়েছে। নেশাতে বিষের

কাঁঝ কমেছে। ভবিষ্যতে পোট-টোটের মত সব বিষটুকু উপিয়ে দিয়ে ওষুধ হয়ে উঠতে পারে—তাহলে বিন্ধিত হব না!

১০

মেজঠাকুমাকে সুরেশ্বর প্রথমটা কথার উত্তর দিতেই পারে নি। অকস্মাৎ তার যেন স্বপ্ন-ভঙ্গ হয়েছিল। কালকের আধখানা রাত্রি যেন বর্তমান থেকে হারিয়ে গেছে। একটু পর স্মরণ হল, ও-বাড়ীতে ব্রজেশ্বরদার নতুন বউ নিয়ে যে আসর পড়েছিল তার কথা। সেখানে সে বাজিয়েছে, ব্রজেশ্বরদা গান গেয়েছে, অর্চনা গান গেয়েছে, মেজঠাকুমাও কীর্তন গেয়েছেন। রায়বাড়ীর দেউলে দশায়—ভাড়া আসরে—ব্রজেশ্বরদার দু'নম্বর বাসর হয়ে গেছে। তারপর সে এ বাড়ীতে এসে কীর্তিহাটের ভট্টাচার্যদেব—ভাগ্যপরিবর্তন রায় খেতাবধারীদের—তৃতীয় পুরুষ বীরেশ্বর রায়ের ডায়েরী পড়ছিল। ডায়েরী নয়—স্মরণীয় ঘটনাপঞ্জী। এমনই তন্ময় হয়ে ছিল, যে তন্ময়তার মধ্যে সে উনিশ শতকের কীর্তিহাটে এবং কলকাতায় ঘুরে বেড়িয়েছে। সকালে মেজঠাকুমা জানালা খুলে দিতেই দিনের আলোয় তার খেয়াল হ'ল এটা উনিশ শো ছত্রিশ সাল,—এপ্রিল মাসের শেষ। সেটেলমেন্ট হচ্ছে। আজ একটা দিনও আছে। মাঠে যাওয়ার জরুরী দরকারও আছে। সামনের দেওয়ালে যে ক্যালেন্ডারটা ঝুলছে তাতে—সেটেলমেন্ট আপিসের তলবের দিনগুলি লাল পেন্সিলে একটা করে তেকাটার চিহ্ন সে নিজে হাতে এঁকে দিয়েছে। জরীপের তিন ঠ্যাঙওয়াল টেবিলটার প্রতীক।

মেজঠাকুমা বললেন—কি পড়ছিল সারারাত ধরে? এটা তো দেখছি খাতা? কি আছে এতে? সম্পত্তির দলিলের নকল? না—বিবরণ? কি? না। সেগুলো তো বেশ বড় হয়। এর থেকে অনেক লম্বা! চওড়াও বেশী!

একটু হেসে সুরেশ্বর বললে—এতে রায়বাড়ীর কুলজী আছে মেজদি। বীরেশ্বর রায় নিজে হাতে লিখে গেছেন। আরও খানজিনেক খাতা আছে—তাতে কুলজী লিখে গেছেন—রায়বাহাদুর রত্নেশ্বর রায়। রায়বাড়ীর ভাল মন্দ গৌরব কলঙ্ক সব আছে।—

—ডায়েরী?

—হ্যাঁ।

—কোথায় পেলি? এর খোঁজ যে তোর মেজঠাকুরদা কত করেছে রে! ছিল তাঁর কাছেই।—তিনি লুকিয়ে রেখে দিয়েছিলেন। ওই ঠাকুরদের গহনার সিন্দুকে স্বপ্নরমশাই রেখেছিলেন। খুব দামী রেশমী কাপড়ে বেঁধে। তার উপর কাগজ সঁটে লিখেছিলেন—“এ কেহ পড়িবে না! পড়িলে মহাপাতকের ভাগী হইবে।” উনি পড়েন নি। রেখে দিয়েছিলেন। তারপর কিছুদিন পর আর শাওরা যায় নি। উনি সেই মণি-হারা সাপের মত দিনকতক গর্জে গর্জে মাথা কাছড়ে কাছড়ে বেরিয়েছিলেন। তারপর তো—ওই সর্বনাশ ঘটে গেল। তুই কি করে পেলি সুরেশ্বর?

সুরেশ্বর কপালের রুদ্র চুলগুলো পিছনের দিকে ঠেলে দিয়ে চোখ বুজে মাথাটি চেয়ারের মাথার রেখে বললে—ব্রজদা কাল রাতে আমাকে বের করে দিয়েছে মেজদি। এই বাড়ীতেই চোরাকুরীতে সে লুকিয়ে রেখেছিল। মেজঠাকুরদার কাছ থেকে ও ছুখানা সরিয়েছিলেন সুরেশ্বরকাকা। সেটা ব্রজদা জানত। কাকা মারা যাবার পর হিসেবের খাতার ট্রাক খুলে

সে বেয় করে নিয়েছিল।

—কিন্তু তুই পড়লি কেন সুরেশ্বর? পড়তে যে মানা ছিল। এ তুই কি করলি ভাই?  
সুরেশ্বর বললে—কিন্তু এমন কোন লেখা কাগজ তো এতে সাঁটা ছিল না ঠাকুমা। ব্রজদাও  
আমাকে এমন কোন কথা বলে নি।

—কিন্তু ছিল আমি জানি। তিনি আমাকে বলেছিলেন। তা—হলে—

হঠাৎ সুরেশ্বরের চোখদুটো বিস্ফারিত হয়ে উঠল। মনে পড়ল—সে সেখানে পড়া শেষ  
করেছে সেখানে বীরেশ্বর লিখেছেন—বউঠান চিঠিখানা হাতে দিলেন। হাতের লেখা দেখিয়া  
চমকিয়া উঠিলাম। এ যে ভবানীর হাতের লেখা!

রায়বাহাদুর রত্নেশ্বর লিখেছিলেন, বলছেন মেজঠাকুমা—কেহ পড়িয়ে না। মহাপাতকের  
ভাগী হইবে। তবে—? তবে কি—?

ভবানী দেবীকে খুন করেছিলেন তিনি? ভবানী দেবী কি?

বুকের ভিতরটা খুঁজতে করে উঠল।

মেজঠাকুমা বললেন—তা হলে সুরেশ্বর ছিঁড়েছে। এ কেবল সেই পারতো।

রঘু চা দিয়ে গেল। চায়ের দিকে তাকিয়ে দুখটা দেখে সারারাত্রি-জাগা দেহটা কেমন যেন  
বিদ্রোহ করে উঠল—সে সেটাকে ঠেলে দিয়ে বললে—র-চা নেবু দিয়ে ক'রে আন রঘু, দুখ-চা  
খেতে ইচ্ছে করছে না।

—র-চা পাবি? সে যে ভয়ানক কষা রে। শরীর ক'ষে যাবে।

—না ঠাকুমা। খুব ভাল জিনিস, খেয়ে দেখ না।

—না, তোর ভাল জিনিস তুই খা। বাবা:—ওই আবার খায়!

এই সময়েই ব্রজেশ্বরের গলার সাড়া মিলল—ভাই রাজা!

—এস ব্রজদা!

—তোমার ভাই সুরেশ্বর নাম না হয়ে রাজেশ্বর কি রাজরাজেশ্বর হওয়া উচিত ছিল।

বলতে বলতেই ব্রজেশ্বর ঘরে ঢুকল। ঠাকুমা বললেন—দেখ না এসে শুনি রঘু বললেন—  
বাবু কাল খারনি—ঘুমায় নি—সারারাত খাতা নিয়ে পড়েছে। সকাল হয়ে গেছে—তবু  
খেয়াল নেই।

—তাই তো রাজা, চোখ দুটো যে রাঙা হয়ে উঠেছে! মুখখানা থমথম করছে। কাল  
রাত্রে—। না। সে ঘরের কোণের ত্র্যাক্টের উপর রাখা বোতলটার দিকে তাকিয়ে দেখে  
বললে,—না। তবে?

রঘু র-চায়ের কাপ নিয়ে এসে ঢুকল। নামিয়ে দিলে টেবিলে।

ব্রজেশ্বর বললে—র-চা আর আছে রে? আমাকে দে এক কাপ।

মেজঠাকুমা বললে—তবে আমাকেও একটু দে রে রঘু। চেখে দেখতে হল তো! কি  
মধু আছে ওতে!

ব্রজেশ্বর বললে—কি পড়ছিলে বলছিল মেজঠাকুমা? বলেই সে সামনের খাতার দিকে  
তাকিয়ে বললে—ও। সঙ্গে সঙ্গেই পড়তে শুরু করেছিলে?

এই সময় বাইরে পথের উপর ঢেঁড়া বাজল ডুগ-ডুগ শব্দে। যেন বিবিমহলের সামনেই  
বাজিয়ে দিলে কেউ।

মেজঠাকুমা বললেন—ঢেঁড়া কিসের? কোরোক (কোক) নাকি? এই সকালে?  
দেখলে ব্রজ, তুই না হয় উঠে দেখ!—

উঠে দেখতে হল না। সঙ্গে সঙ্গেই ঢেঁড়াদার বা তার সঙ্গের লোক উচ্চকণ্ঠে ঘোষণা করলে—আজ বিকেলে মিটিং হবে। মেদিনীপুর থেকে জাতীয় নেতারা আসবেন। সকলে দলে দলে যোগদান করবেন।

চঞ্চল হয়ে উঠল সুরেশ্বর। ব্রজেশ্বর কেমন যেন ঠাণ্ডা হয়ে গেল!

মেজঠাকুরা বললেন—অতুলেশ্বর! এ সেই তার কাজ। এই চারদিন আগে গ্রামে ফিরেছে। সেই আমার ভাজের সংকারের দিন শ্মশান থেকে এসে একদিন কি দুদিন পর কোথায় গিয়েছিল। ফিরল কাল। তার কাজ। এবার একটা হান্ধামা বাধাবে। সারা দিন গ্রামের ছোঁড়াদের মধ্যে ঘুরেছে।

ওদিকে আবার ঘোষণা উঠল—দলে দলে আসবেন। নতুন শাসনতন্ত্র ও আগামী নির্বাচন সম্পর্কে আলোচনা হবে। মেদিনীপুরের শহীদদের শ্রদ্ধাজলি দেওয়া হবে।

\*

\*

\*

সুরেশ্বরের মুখানা ফ্যাকাসে হয়ে গেল। মনের মধ্যে একটা ঝড় উঠে গেল—এরই মধ্যে। কলকাতা হলে হয়তো উঠত না। এখানে না উঠে পারলে না। এ—মেদিনীপুর!

বিচিত্র মেদিনীপুর! পরগনায় পরগনায় রাজার অঞ্চল মেদিনীপুর, বড় বড় জমিদারের অঞ্চল মেদিনীপুর। ক্ষুদ্রারামের দেশ মেদিনীপুর। সত্যেন বোসের বাড়ী, হেম কাহ্ননগোর বাড়ী; এখানে অষ্টকাননগর প্রথম লক্ষ্যভেদের স্থান। দুর্দান্ত মেদিনীপুর। পাইক বিদ্রোহের দেশ। নাড়াজোলের রাজা দেবেন্দ্রলাল খাঁ, বীরেন্দ্রনাথ শাসন, সাতকড়িপতি রায়, কিশোরীপতি রায়, তরুণ নেতা সতীশ সামন্ত, রামসুন্দর সিং! নামগুলি একনিঃশ্বাসে মনে পড়ে গেল।

সামনে এসে দাঁড়াল ক'জন তরুণ কিশোর। বেঙ্গল ভলেন্টিয়ার্সের ভলেন্টিয়ার্স। বাংলার ইতিহাসে গিরিয়ার যুদ্ধে ঝাঁকুড়ার বারো বছরের ছেলে জালাম সিংহের উত্তরাধিকারী। অগ্নিশিখা! পেভি, ডগলাস, বার্জকে এই জুঁক বহ্নিশিখায় পুড়ে ছাই হয়ে যেতে হয়েছে। প্রজ্ঞাত, অনাথ, যুগেন, ব্রজকিশোর, রামকৃষ্ণ, নির্মলজীবনের দেশ মেদিনীপুর! তাদের আত্মার উত্তাপে উত্তপ্ত মেদিনীপুর!

ইংরেজ ম্যাজিস্ট্রেট এ জেলায় আসতে চায় না। এখন বুদ্ধ গ্রিকিথ এসেছে। গারোয়ার রাইকেলসের থার্ড ব্যাটেলিয়ন এসে ঘিরে রেখেছে শহর মেদিনীপুর। রাত্রি সেখানে কাহ্ন। লাল নীল সাদা কার্ড দিয়ে মেদিনীপুরের তরুণদের চিহ্নিত করেছে। নিষ্ঠুর অত্যাচারে অত্যাচারিত মেদিনীপুর। সন্তোষ বেরাকে লাঠি দিয়ে পিটিয়ে মেরেছে। নারীদের লাঞ্ছনা করেছে। অর্থদণ্ড করেছে—পিউনিটিভ ট্যাক্স।

শুধু খাস মেদিনীপুর শহর বা সাবডিভিশন নয়, তমলুক সাবডিভিশনেও অত্যাচার চলেছে। অর্থদণ্ড দিয়েছে।

কিছুকালের জন্ত হুতটৈতন্ত্রের মত মেদিনীপুর শুক ছিল। সেই কারণে দুমাস আগে এখানে সেটেলমেন্টের নোটিশ পেয়ে এখানে আসবার সময় সুরেশ্বর নিশ্চিন্ত মনে এসেছিল। কথাগুলো মনে পড়েনি।

সে ১৯৩০ সালে জেল থেকে বেরিয়ে এসে যে চিঠি ছেপেছিল তা তাঁর মনে পড়ে গেল। “বিদায় সত্যগ্রহ!”

তার বাবার লেখা ইংলিশম্যানের এডিটোরিয়ালগুলির কথা মনে পড়ল।

আজ যেন তাঁর সব গোলমাল হয়ে যাচ্ছে। ১৯৩০ সালে জেলের মধ্যে সত্যগ্রহী বন্দী-



আচরণে যে সত্যগ্রহবিরোধী একটা উন্নত উচ্ছলতার প্রকাশ দেখে একটা রেখা নেনছিল সত্য ও অসত্যের মধ্যে, সত্যগ্রহের মহানীতির মধ্যে যে দুর্নীতির মুখের একটি উকি খিছিল, তাতেই সে ভেবেছিল সব বিষাক্ত হয়ে গেছে। সংস্পর্শ থেকে দূরে সরে এসেছিল !

আজ মেদিনীপুরের বিবিমহলে বসে কংগ্রেসের 'ঢেঁড়া' শুনে এবং ঘোষণা শুনে তার শরীর ন চঞ্চল হয়ে উঠেছে।

মনে পড়ছে কাল রাত্রে বীরেশ্বর রায়ের স্বরগীত ঘটনালিপির মধ্যে পড়া কয়েকটি ঘটনার কথা।

গভর্নর জেনারেল লর্ড ডালহৌসির সঙ্গে দেখা করতে গিয়ে সজ্জমে, শ্রদ্ধা—শ্রদ্ধাই বা কেন—একান্ত আহুগতের আতিশয্যে নতজাহ্ন হয়ে বসে তাঁর হাতে মাথা ঠেকিয়েছিলেন। সে আমলের কলকাতায় নতুন অভিজাতমহলকে মনে পড়ছে। তার থেকে শুধু একটি সর্ববাদী-সম্মত সিদ্ধান্তে উপনীত হওয়া যায় যে মহান ইংরাজ ভারতের জাগকর্তা—অধঃপাত এবং অজ্ঞানের অন্ধকারে সেই মশালধারী পথ-প্রদর্শক। ইংরেজ বিশ্ববিজয়ী ইংরেজ অজ্ঞেয় !

১২২১ সালেও তার বাবা তাই ভেবেছেন। ১২৩০ সালে সেও বিচিত্রভাবে এমন কিছু একটা ভেবেছিল। আশ্চর্য! তার সংস্পর্শে এসে শিবেশ্বর ঠাকুরদার পচরা বংশ থেকে অতুলেশ্বর বেঁচে গেল?—বিচিত্র!

এখানে এসে অবধি সে কংগ্রেস দেশ স্বাধীনতা এ নিয়ে কোন জটলা কোন আলোচনা শোনে নি। আজ অতুলেশ্বর ঘোষণা করে ঢেঁড়া বাজিয়ে জানাচ্ছে?

সুরেশ্বর বললে—ব্রজদা, একবার অতুলেশ্বরকে আমার কাছে আনতে পারো? তার মনে ঝড়ল অতুলেশ্বরকে সে দেখেছে তার বাবার শ্রাদ্ধের সময়। রায়বংশের রূপ তার মধ্যেও আছে। আর দেখেছিল মেজঠাকুরার ভাজের মৃত্যুর দিন। কিন্তু বিবিমহলে সে কোনদিন এসে দেখা করেনি। কেন করেনি আজ তার কারণটা স্পষ্ট হয়ে উঠেছে তার কাছে!

ব্রজেশ্বর বললে—দেখি, ছোট আংকলটি তো আমার যত ঠাণ্ডা তত গরম। ওর বিচার তো অদ্ভুত। ওর শ্রায়শাস্ত্রটাই আলাদা। বুঝেছি। তবে তোমার এই মেজদিকে বল না। উনি তো তাঁর জননী। শিবেশ্বর রায়ের তৃতীয়পক্ষটি ওই একটি ছেলের কাছেই জননী। বাকী সকলের কাছে ঘুঁটেকুড়ুনী।

—এই দেখ, ব্রজ, আবোলতাবোল তুই বকিসনে।

—আবোলতাবোল? বল তো ঠাকুরণ যে টাকাটা তুমি আজ দাহুর মৃত্যুর পর থেকে জাজাইয়ের কাছ থেকে মাস মাস পাও, তার থেকে কত টাকা তুমি তোমার ওই ছালালটিকে রোপনে দিয়ে থাক?

—কে বললে?

—আমি বলছি। অহং। আই।

—তুই বললেই হবে? তুই তো আজ দেশ ছেড়েছিস সেই মেজকর্তার, সুরেশ্বরের মৃত্যুর পর। কিরছিস এতকাল পরে নতুন দিখী বউ নিয়ে। কি করে জানলি তুই?

—এই দেখ। ওগো ঠাকুরণ, লম্বা যাদের চাঁদ থাকে তাদের লোকে বলে লগনচাঁদ। জঁরা আর কিছু না হোক, লোকের মন গলাতে পারে। কাল এসেই আমি সব শুনে নিয়েছি ঘটনার কাছে। অর্চনা আমাঙ্ক সব বলেছে। সেও ছিঁটে-ফোটাটা পায়, তা ছাড়া আমার অতুলেশ্বর আংকলের ও তো লহকারিণী। সে তো তুমিও জান গো! জান না?

সম্মুখে তোমার কনিষ্ঠ ভ্রাতার মত শ্রীমান রাজা নাতি, তোমাকে ল্যাভেগার সাবান মাখায়, তুমি সাবানের খুববয়ের সঙ্গে নাতি-সোহাগী ঠাকুমার গরব ছড়িয়ে বেড়াও, বল তো তার দিব্যি করে !

মেজঠাকুমা পুতুল হয়ে গেলেন।

এতক্ষণে সুরেশ্বর বললে—এতে তুমি লজ্জা পাচ্ছ কেন ঠাকুমা ? এতে তো লজ্জার কিছু নেই। অতুলেশ্বর তোমার ছেলে, তাকে কিছুটা মাহুষ করেছে; মমতা স্বাভাবিকও বটে, আর ধর্ম ভ্রাত্য সব সম্বন্ধই বটে। এ ছাড়া অতুলেশ্বর যা করে দেশের কাজ, সে তো পুণ্যের কাজ গৌরবের কাজ। তাকে টাকা দাও ম্লেহ কর, এতে লজ্জা কেন পাচ্ছ। যে টাকা তোমাকে মা দিয়ে গেছেন, আমি যা আজও দিচ্ছি, তা তো দান নয় ভিক্ষে নয়—প্রণামী—তোমার পাওনা। ও নিয়ে যাকে দেবে যা করবে তাতে আমি কিছু ভাববই বা কেন, ভাববার অধিকারই বা কি ?

অকস্মাৎ মেজঠাকুমার চোখ থেকে জল গড়াতে লাগল। তিনি আঁচল টেনে মুছতে মুছতে নীরবে উঠে চলে গেলেন। ও ঘর থেকে ডেকে বললেন—তুই ভাই খাওয়া-দাওয়া কর, স্নান কর—। ব্রজ, তুই ভাই একটু তাগিদ দিয়ে এসব করা।

চোখ বুজে বসেছিল সুরেশ্বর। ব্রজেশ্বর বললে—কাল রাত্রে দেখি তুমি প্রায় যোগাসনে বসেছিলে রাজা। ওই দ্রব্যপূর্ণ বোতলটা খুলে যা আমি খেয়েছিলাম খানিকটা তারপর আর একটি বিন্দুও দেখছি কমে নি !

সুরেশ্বর চোখ বুজেই বললে—তুমি একবার অতুলেশ্বরকে নিয়ে এস। সে বোধ হয় আমাকে ঘৃণা করে। তুমি তো জান—আমি তিরিশ সালে জেল থেকে কিরে একখানা চিঠি লিখেছিলাম।

ব্রজেশ্বর বললে—জানি রাজা। সে সময়ে মন্দ কথা আমিও বলেছি। তখন তো আলাপ ঠিক হয় নি। দেখাই হয়েছিল জ্যাঠামশায়ের শ্রদ্ধের সময়। তারপর তার কারণও শুনেছি আলাপ হয়ে। তবে অতুল তোমাকে ঘেন্না ঠিক করবে না। সে রকম সে নয়। বুকেছ ! জাত ওর আলাদা !

—তুমি একবার এনো ওকে।

—আলাপ করবে ? টাকাকড়ি দেবে ? তা দাও তো দেখ অতুলের সঙ্গে আমিও কোমর বেধে নেমে যাই দেশোদ্ধারে।

—তুমি ব্রজদা, ইনকরিজিবল্। আমি ওর একটা ছবি আঁকব।

—ছবি আঁকবে ? মহাপুরুষ বলে ? সকৌতুকে হাসলে ব্রজেশ্বর।

সুরেশ্বর বললেন—তাতে আশ্চর্য কি ব্রজদা। হতেও পারে। কাল রাত্রে বীরেশ্বর স্বায়ের শ্রুতিকথায় পড়ছিলাম, তিনি কলকাতার গিয়ে দরখাস্ত করে লর্ড ডালহৌসির সঙ্গে ইন্টারভিউ পেয়েছিলেন। ইন্টারভিউ মানে সেলাম জানানো। লাটসাহেবের সামনে গিয়ে অভিবৃত্ত হয়ে হাটু গেড়ে বসে তাঁর হাতখানা মাথায় ঠেকিয়েছিলেন। একলা তিনিই এ কাজ করেন নি, সেকালে অনেকে করেছেন। তাঁর বংশধরদের মধ্যে তোমাদের মেজতরফে যা ঘটেছে তা তুমি জান, কে বলবে বল যে, যে ভালটুকু আছে তা ওই অতুলেশ্বরের মধ্যে জমা নেই ? তবে এতখানি নাই বা বললাম, খেরাল হয়েছে, ছবি একটা ওর এঁকে রাখব আমি।

ব্রজেশ্বর চুপ করে রইল কিছুক্ষণ। তারপর বললে—তা আনব ওকে। বললেই আসবে। কত ভাল তা আমি জানি না, তবে ভাল ও বটে। সে ছেলেবেলা থেকে। বাবা-কাকার। সকলেই সেই যাকে বলে ‘বেগুনে কেন খাড়া—না বংশাবলীর ধারা’। এক ক্ষুরে স্কাড়া মাথা। ওই কেমন করে বেগুন নয় সগুন বা সেগুন বলতে পার, ওতে কাঁটা নেই এবং সার আছে।

তারপর হাসতে হাসতে বললে—ওর পাশে আমার ছবি একটা এঁকো, খুব ভাল পোজ দিয়ে দেব।

রঘু এসে দাঁড়াল।

ব্রজ বললে—নাও ওঠো। চানটান করে কেল রাজাভাই, দূত এসে দাঁড়িয়েছে! মেজদি বলে গেছে আমাকে। মেজদি আমার পোড়াকপালী রাজরানী, ওকে আমরা অকথা-কুকথা বললে ও চুপ করে সহ্য করে কিন্তু ও যখন বলে—তা আমার কথা শুনবি কেন রে, আমি তো তোদের ঠাকুরদার এঁটো ভাতের কেনা দাসী! তখন ভাই সহ্য হয় না। নাও ওঠো।

রঘু এতক্ষণে বললে—নায়েববাবু আসিয়েছেন।

—নায়েববাবু! ডাক। বলে উঠে দাঁড়াল সুরেশ্বর। বললে—এবার ওঠালে ব্রজনা। সেটেলমেটের সাহেবের বৈশিষ্ট্য টান পড়ল বোধ হয়। আজ যেন কি কি ব্যাপার আছে। সাহেবটির বদমেজাজের কারণটা আজ বেশ স্পষ্ট হয়ে উঠেছে। আজ চার বছর মেদিনীপুরে যে জঙ্গীরাঙ্গন চলছে, সাহেবের মেজাজের ভিতটা তার ওপর। ঠিক খেয়াল হয়নি!

নায়েব এসে ঘরে ঢুকল—এখানকার এজমালা দেবোত্তরের নায়েব। সুরেশ্বর বললে—এই উঠেছি আমি। স্বান করে নিই। কোর্ট তো দশটায়। দেরি আছে এখনও।

—আজ্ঞে ই্যা। সময় এখনও আছে। তবে আমি তার জন্তে আসিনি। একটা বিষয়ে আপনার মত জানতে এসেছি। কাল অনেক রাজ্জে ধনেশ্বরবাবু প্রণবেশ্বরবাবু পরামর্শ করে ওঁদের মত বললেন, তখন আমি এসেছিলাম এখানে আপনাকে বলতে। কিন্তু আপনি ও-বাড়ীতে ছিলেন কাল। মাথা চুলকাতে লাগল নায়েব। বলতে পারলে না ও-বাড়ীতে আপনি তখন ব্রজবাবুর বিয়ের উৎসবে গানবাজনা করছিলেন।

সুরেশ্বর বললে—ই্যা, কাল ব্রজদার বিয়ের বাসী ফুলশয্যে ছিল—

ব্রজেশ্বর সংশোধন করে দিয়ে বললে—বকেয়া ফুলশয্যে ব্রাদার। রাজাভাই, তুমি কীর্তিহাটে এসেছ জমিদারী রক্ষা করতে, বাসী নয় বকেয়া বলতে হয়। বকেয়া থাকলেই আদার, বাসী হলে এ-মুগে ফেলে দিতে হয়। পাস্তাভাতের রেওয়াজ অনেককাল উঠে গেছে। কি গো নায়েববাবু!

নায়েব একটু হাসলে কিন্তু চুপ করে রইল।

সুরেশ্বর বললে—কথাটা কি? বলুন।

—আজ ওই কাঁসাইয়ের ওপারের গোয়ানপাড়ার বুঝুরত আছে। তা গোয়ানরা বলেছে বাস্তব ওদের সমস্ত নিষ্কর। কিন্তু ওঁরা দুজন বলছেন—নিষ্কর নয়, সমস্ত বাস্তব চাকরান। এরা ডাক-হাঁক করবে প্রয়োজনমত, বাড়ীর কিস্তিকর্ম খাটবে, এ শর্তে ওদের বাস করিয়েছিলেন রাজাবাবু মানে বীরেশ্বর রায় মশায়। তা ওঁরা বললেন আপনাকে বলতে। বলেছেন—এ ব্যাপারে একমত হয়ে এই কথা না বললে খুব অনিষ্ট হবে এস্টেটের।

কথাটা খুব বোধগম্য হ’ল না সুরেশ্বরের। মোটামুটি বুঝলেও ঠিক ব্যাপারটা যেন ধরতে তা. ব. ১৪—৬

পারছে না।

নায়েব বললে—ওটা আসলে বাদব রায়ী নিষ্কর। খোদ আদি কর্তা রায়ভট্টচাক্ষরশায়ের আমলে ওটা তিনি কিনেছিলেন। ওই সিদ্ধপীঠটি নিয়ে একশো আট বিঘা জঙ্গল-জমি বাদব রায় নিষ্কর দিয়েছিলেন, এই গ্রামের সেকালে শ্রামাদাস চক্রবর্তীকে, তিনি তান্ত্রিক ছিলেন, ওই সিদ্ধপীঠ তাঁরই সাধনপীঠ। রায়ভট্টচাক্ষরশায় তাঁর উত্তরাধিকারীর কাছে কিনেছিলেন। ঘন জঙ্গল ছিল নাম ছিল ছিটমহল চিত্রং। তা পরেতে রাজাবাবু বীরেশ্বর রায় ওই গোয়ানদের এসে বসালেন সিদ্ধপীঠের এলাকার বাইরে ওই ডাঙাটায়। অবিশিষ্ট জমিদারী শাসনে তখন ওদিকে লাগত। খাজনাও কখনও ওরা দেয় নি। কাজ করেছে, খাতার মাইনে বলে খরচও লেখা আছে। তা নিষ্কর না চাকরান তা জানতেন তাঁরা। লাখরাজ সেরেশ্বর কিন্তু চাকরান বলে ওদের নামে কোন পত্তন নাই। তা কর্তারা বলছেন পুরনো আমলের চেক পত্তন দেখাবেন। তখন কথাটা আপনাকে বলা আমার কর্তব্য। মানে যা দেখছি আপনার মত তো আলাদা।

—তার মানে পুরনো আমলের চেকবইয়ে যে সব খরচ না হওয়া সাদা গোটা চেক আছে তাই লিখে প্রজার অংশ কেটে ফেলে দেবেন? কিন্তু ধরা পড়বেন না তাতে? লেখা কালি? এসব মিলবে?

ব্রজেশ্বর বললে—রাজাভাই শিখেছ অনেক কিন্তু শিখতে বাকীও অনেক। ব্রাদার, কার্ট ক্লাসে পঞ্চতন্ত্র পড়েছিলাম তার একটা প্লোকে ছিল শাস্ত্র অপার বিয় অনেক। কিন্তু তাতেও রাজার ছেলেরা মুখ্য থাকেনি। ব্রাদার, জমিদারেরা ও রাজারা পক্ষযুক্ত পক্ষীর মত, কেউ গড়ুর কেউ চামচিকে। গড়ুর ঘরের কোণে ওড়ে না। ওড়ে চামচিকে। তখন তাদের ধর্মকর্ম আলাদা। এও তাই ব্রাদার। কবের কালি আছে, শরের কলম আছে, পুরনো হাতে লেখার এক্সপার্ট আছে, চালের গাদা আছে। ও আমার পিতাঠাকুর ঠিক মেয়ে দেবেন। ইংরিজী লেখাপড়া হয় নি সে আলাদা কথা কিন্তু এ শাস্ত্রে তিনি পণ্ডিত, সুখেশ্বরকাকা থাকলে থোকা সুদ্ধ ভৈরী হয়ে যেত। তিনি এ বিষয়ে উক্টরেট ডিগ্রীধারী ছিলেন।

ব্যাপারটা বুঝতে দেরি হ'ল না সুরেশ্বরের। সে বললে—আমি তাহ'লে বলব, আমার কোনদিকেই কোন আপত্তি নেই। সে গোয়ানদের দাবীতেও নেই ধনেশ্বরকাকাদের দাবীতেও নেই। কারণ আমি জানিনি কিছু।

\*

\*

\*

গোটা গোয়ানপাড়া সেদিন সেটেলমেন্ট আপিসের সামনে। দলবঁধে বসে আছে গাছের তলায়, গোলমাল করছে। সকলের মাঝখানে ব'সে হলদীবুড়ী, সেই বকছে বেশী। তার পাশে বসে আছে একটি চোদ্দ-পনেরো বছরের মেয়ে। মেয়েটির মধ্যে এমন কিছু আছে যাতে বিশেষ করে চোখে পড়ে।

সুরেশ্বরেরও চোখে পড়ল। চমৎকার মুখের স্ত্রী। বড় টানা চোখ, নাকটি একটু ছোট, কপালখানিও ছোট। নাকে একটি খাঁজ। ঠোঁটের গড়নটা একটু বাকা। ওর সব স্ত্রীই যেন ওইখানে জমা হয়ে আছে। মাধবী ফুলের ঠিক মাঝখানে যেমন হলদে আভাটুকুই মাধবীর রূপের উৎস, এও ঠিক তেমনি।

কিন্তু এ রূপের চেয়েও ও বেশী চোখে পড়ে ওর শাস্ত্র স্বভাব এবং পরিচ্ছদের পরিচ্ছন্নতার জন্ত। পরিচ্ছদ আর কি? মাত্র একটা হাঁটু পর্যন্ত ফ্রক। পারে একজোড়া সস্তা চটি।

নিম্নাঙ্গে হাকপ্যাণ্ট। কিন্তু সবকিছুর মধ্যে পরিচ্ছন্ন শ্রী ওকে অল্প সকল গোয়ান মেয়েপুরুষ থেকে পৃথক করে রেখেছে।

এদিকে ক্যাম্পের সামনে উদ্ভজনদের ভিড়। এ গ্রাম, আশপাশ গ্রাম থেকে বিবরী লোকেরা এসেছেন, অবিবরীরাও এসেছেন, কারণ একটুকরো জমির উপর একখানা ঘর ঘর আছে তাকে এ দরবারে না এসে উপায় নেই। খনেশ্বরকাকা, প্রণবেশ্বরদা, সুখেশ্বরকাকার ছেলে কল্যাণেশ্বর একখানা কল পেষ্টে কাগজপত্র নিয়ে বসেছেন। সুরেশ্বরের জন্তেও রঘু একখানা সতরঞ্জি এনে পেতে রেখেছে।

সুরেশ্বরকে দেখে একজন হলদীবুড়ীর পিঠে হাত দিয়ে ডাকলে। হলদীবুড়ী এদিকে পিছন ফিরেই হাত-পা নেড়ে আপনমনে বকছিল। পিঠে হাত দিয়ে ডাকার জন্তে অত্যন্ত বিরক্ত হয়ে সে ঘাড় ফিরিয়ে বললে—কে রে বেতমজ? হা? পিঠে হাত দিয়ে ডাকিস? মারব খাঙ্গড়—

—ওই দেখ—কলকাতার রায়বাবু এসে গেলেন!

—কলকাতার রায়বাবু? ফিরে বসল বুড়ী। তারপর সে উঠল। ওই মেয়েটির হাত ধরে সে এসে সুরেশ্বরের সামনে দাঁড়াল—সেলাম হজুর! রাজাবাবু, আমাকে চিনছেন? সেই সিবার হজুরের বাবার ছেরাদের সময় সেলাম দিলাম—

সুরেশ্বর বললে—হ্যাঁ হ্যাঁ, চিনেছি বইকি। তুমি গোয়ানদের সর্দারের মেয়ে—

—হাঁ হজুর। আমি পিঞ্জর বেটী। লোকে আমাকে হলদী বলে—আমার নাম হল হিলডা। হা। কুইনি, সেলাম দে বাবুকে, সেলাম দে।

মেয়েটি বেশ সবিনয়ে মাথা নামিয়ে বললে—গুড মর্নিং সার।

হেসে সুরেশ্বরও বললে—গুড মর্নিং। কি নাম বললে হিলডা?

—কুইনি। ই নাম দিয়েছে ওর মা। বাও ওর গোয়ানীজ নাম দিল না, দিলে বাঙালী নাম। দুটো নাম ওর। কি নাম বল কুইনি!

—আমার নাম অরুন্ধতী গুপ্তা।

বিশ্বরের আর অবধি রইল না সুরেশ্বরের। সে বললে—তুমি তাহ'লে—এদের মধ্যে—

—ওর মা, সে কলকাতার থাকত, কিছু লিখাপড়া করল তো ওকে সাদী করলে ওর বাপ। বাঙালী ক্রীষ্টান ছিল সে। তারপরে সে মরে গেল। ওর মায়ের খুব কষ্ট হল। তখন কি করবে বাবু, আবার ফিরে এল কলকাতার আমাদের মত গোয়ানীজ পাড়ায়। তারপর মা-টার তো বেমার হল। খবর পেয়ে আমি আনলাম ইখানে। ইখানে এসে সে মরল—বেটীটা থাকল আমার কাছে। কার কাছে দিব? আমার আপনার ছিল ওর মা। এই দু বছর হয়ে গেছে। ভাল মেয়ে বাবু।

—আচ্ছা। তোমাদের তো আজ সব গোয়ানপাড়ার বুঝারত?

—হাঁ হজুর। তা এঁ কি বিচার রায়বাবু লোকের? আমরাদিগে সে রাজা রায়বাবু ইখানে ডেকে আনলে, বাবা বলছিল আমাকে কি গোয়ানর রাজা রায় হজুরকে জান বাঁচালে, উনার রানীকে গোয়ান লোক মা বলত—উ তো দেওতা ছিল হজুর। রাজা রায় ওই বনের পাশে জমিন দিয়ে বললে—ই জমিনের উপর ঘর বানাও, গাঁও বানাও, খাজনা মাপ—নাথরাজ দিলাম। আজ ই লোক বলে—চাকরান? বলে চেক আছে রসিদ আছে। বুটাবাত বিলকুল বুটাবাত। আপছি খুব আচ্ছা লোক, আমীর ভদ্র লোক, আপনার লেগে ব'লে আছি বাবু, আপনি কি বলবে? বলেন বাবু—আপনার রায় শুনবে আমি!

ততক্ষণে গোয়ানরা সব এসে হলদী বা হিলডার পিছনে ভিড় করে দাঁড়িয়েছে।

—আমি তো এসবের কিছুই জানি না হিলডা। আমি কোন কিছুতেই আপত্তি করব না।

হিলডা হাত দুখানা নেড়ে দিয়ে বললে—হা—হা—হা। আপনে জমিদার, আপনে বলে আমি জানে না! হা—হা—হা। জমিদার কলকাতার বসে থাকবে, জমিদারির কিছু জানবে না তো রায়ত বাঁচবে কি ক'রে? হা—হা—হা। উরোজ্জ ই গায়ের লোকের ঘরবাড়ী গরু চরবার জমিন সব আপনি বললে নাথরাজ। গোয়ান লোক কি করলে হুজুর? উ বাত কেনো বলছে না আপনে?

সুরেশ্বর ভেবে পেলেন না কি ক'রে ওকে বুঝিয়ে দিতে পারে ব্যাপারটা। যা জানি না, তা জানি বলাও তো মিথ্যা বলা। গোয়ানদের জমির খাজনা সে চায় না, সে মাপ করে দিতে পারে; কিন্তু শরিকদের ক্ষতি করবার তো অধিকার তার নেই। নাথরাজ যা কিছু তা এখনও মেজতরকের আছে। ওটা তারা বিক্রী ক'রে নি।

গোয়ানপাড়া চাকরান প্রতিপন্ন হলে সম্ভবতঃ একশো টাকা পরিমাণ খাজনা হতে পারবে। তার অংশ তারা পাবে। সে নাথরাজ স্বীকার করলে সেটা তাদের লোকসান হবে। সে দেখলে সকলে তার মুখ চেয়েই রয়েছে। তার কথার মর্ম কেউ বোঝে নি। হঠাৎ তার দৃষ্টি পড়ল ওই কুইনী মেয়েটির উপর। মনে হল চোঁটা করলে ওকে বোঝাতে পারা যায়। সে বললে—তুমি একটু বুঝিয়ে বলতে পার। সম্পত্তি তো আমার একলার নয়। আমি জমিদার হয়ে সব জানি না এটা কথা ঠিক বটে। কিন্তু শরিক যখন আছে তখন কেমন ক'রে বলতে পারি যে এ নাথরাজই বটে!

হঠাৎ পিছন থেকে ধনেশ্বরের কণ্ঠস্বর শোনা গেল। বললে—না জান, সহজ বুদ্ধিতে এটা তো বুঝতে পার হে রাজাবাবু, যে নাথরাজ সম্পত্তি কাউকে নাথরাজ দিতে গেলে বিক্রী করতে হয়। একই জমিতে আমরাও নাথরাজ স্বত্বের মালিক ওরাও নাথরাজ স্বত্বের মালিক—এ কি করে হয়!

কথাটা অত্যন্ত স্পষ্ট করে দিলে ধনেশ্বর। সুরেশ্বরের মনে পড়ল ব্রজেশ্বর বলেছিল—আমার বাবা লেখাপড়াতে পাস করতে পারেনি। কিন্তু জমিদারী বিত্তেতে বি-এ এম-এ। কথাটা সত্য। এক কথায় পরিষ্কার ক'রে দিয়েছে আইনসম্মত স্বত্বের কথা।

—কখনও খাজনা আমরা দিলাম? এতবড় বাড়ীর বাবু আপনে—ই বাত ঝুটাবাত—

—ঝুটাবাত? এঁা? ঝুটাবাত? খাজনা শুধু রূপেয়াতে হয়? আর টাকা খাজনার কথা তো বলিনি আমরা। বলেছি বেগারের কথা, চাকরান!

—চাকর আমরা কাকুর না! মনিব আমাদের কেউ না। রাজাবাবু রায় হুজুর এখানে এনেছিল। জমি দিয়েছিল পিন্নার ক'রে। আমরা কাম দিয়েছি তলব দিয়েছে। ডিক্লরেশন কাম করছে ই বাবুর কাছে, তলব দেয় না? সচ বলো তুমি মঝলা তরক কা বড়াবাবু, কখনও আমরা লোক বেগার দিলাম? বলো! আমার বাবা রায়বাহাদুরের কাজ করতো রূপেয়া মিলত না? বাবা—রায় বাবুলোকের বেইজ্জতি করেছিল এক বদমাশ—বাবা আমার নিমক খেতো রায়বাহাদুর রায়বাবুর, উসকে জান নিয়ে লিল। ফাঁসি গেল। রায়বাহাদুর এতো টাকা খরচ করলে। তুমি বাবুরা ও বাবুর পোতা, বেটার বেটা, আজ তুমি লোক এই বাত বলবে? হা—হা—হা!

—আমি বলব হিলডা। আমি বলব—আমরা খাজনা কখনও নিইনি—বেগারও নিইনি। আমরাও অংশ আছে।



কথাটা যে বললে তার কণ্ঠস্বর সুরেশ্বরের পরিচিত নয়। সে ফিরে দেখলে সে অতুলেশ্বর !  
—আ, ছোটকাবাবু! স্বদেশীবাবু! রাজা হয়ে যাবে তুমি! হাঁ!

ধনেশ্বর একটা ক্রুদ্ধ গর্জন করে উঠল। তুই রাজদ্রোহী। এইভাবে তুই প্রজা বিদ্রোহ করতে চাস।

ব্যাপারটা কতদূর গড়াতো তা কেউ বলতে পারে না। কল্যাণেশ্বর এসে তার পথটা বন্ধ ক'রে দিলে এক কথায়। ওদের কথা পরে মীমাংসা হবে জ্যাঠামশায়। এখন গভর্নমেন্ট থেকে আপত্তি পড়েছে সমস্ত লাখরাজে!

—মানে ?

—আম্বন না ক্যাম্পে !

\*

\*

\*

সুরেশ্বর বললে—ব্যাপারটা একটু জটিল। জমিদারীর কথা না বুঝলে ঠিক ধরা যাবে না, বুঝতে পারবে না। এবং না বুঝলে রায়বাড়ীর ইতিহাস—আমার জবানবন্দী সম্পূর্ণ হবে না।

আমিও সেদিন এই তথ্যগুলিকে তিত্তকষায় বস্তুর মতই অতি কষ্টে আস্থাদান করেছিলাম।

ক্যাম্পে তখন মেদিনীপুর কালেক্টরেটের খাস তালুক বিভাগের একজন কর্মচারী এসে আপত্তি দাখিল করেছিলেন এই গোটা লাখরাজটার উপর। যার নাম ছিটজঙ্গল-মহল চিত্রং।

পুরনো কাগজ ম্যাপ দাখিল ক'রে তিনি বলছিলেন—শ্রাব, এই ছিটজঙ্গল-মহল চিত্রং, পরগনা মাজনামুঠার অন্তর্গত। এর রেভেন্যু মৌজা মাজনার মধ্যে ভূক্তান হয়ে থাকলেও এই ছিটমহলের খাজনা পুরনো রেকর্ডে ধার্য করা আছে একশো পাঁচ টাকা বারো আনা ছয় পাই। এখন ঐরা এই ষোলআনা ছিটমহল লাখরাজ বলে দখল করলে এর রেভেন্যু আসবে কোথা থেকে।

পরগনা মাজনামুঠার মালিক ছিলেন রাজা যতুরাম রায়, সে পলাশীর যুদ্ধের সময়। তারপর দুপুরুষ পরে তাঁর বংশ লোপ হলে, সম্পত্তির মালিক হন তাঁর অবীরা পুত্রবধু স্নগন্ধা দেবী। তাঁর আমলে পারমানেন্ট সেটেলমেন্ট হয়। স্নগন্ধা দেবী পারমানেন্ট সেটেলমেন্টে খাজনার হার মানতে রাজী হন নি। কলে তখন সরকারী খাস আদারে আদায় হয়েছে খাজনা। কিন্তু সদাশয় কোম্পানী রাজবংশের স্বত্বলোপ করেন নি। আদায়-খরচা এবং রেভেন্যু কেটে নিয়ে রাজবংশের বিধবাকে লাভ যা তা দিতেন। তাঁর অবর্তমানে সম্পত্তি নিয়ে দস্তক পুত্র আর দৌহিত্র বংশে মামলা হয়। দৌহিত্র বংশ জয়ী হয়। এই পারমানেন্টের সময় এখানকার কালেক্টরেটে রেভেন্যু নির্ধারণের ভার নিয়ে আসেন কাছুনগো কুড়ারাম ভট্টাচার্য বা রায়-ভট্টাচার্য। তিনিই এই ছিট জঙ্গলমহল চিত্রং লাখরাজ হিসেবে খরিদ ক'রে এর রেভেন্যু মাজনা তৌজির ঘাড়ে চাপিয়ে যান। কিন্তু রেভেন্যু ডিক্টে বার বার এই সম্পত্তি হস্তান্তর হয়ে হয়ে শেষ সরকারী খাসমহল হিসেবে গণ্য হয়। মধ্যে মধ্যে পাঁচ বছর দশ বছরের অন্তর টেন্সোরারী বন্দোবস্ত হয়েছে। গত বৎসর থেকে সে ব্যবস্থা রহিত করে সরকার ১৯৩৬-এর ১লা জানুয়ারী থেকে খাসে রাখাই স্থির করেছেন। এখন মাজনামুঠা সরকারী খাসমহল, খাসমহলের জমিদারি স্বত্বের মালিক। সেই হিসেবে আমরা আপত্তি দিচ্ছি যে এই ছিটজঙ্গল-মহল লাখরাজ হতে পারে না। কেননা এই রেভেন্যু চুরায় টাকা সরকারকে পেতেই হবে। এই তার কাগজ—এই তার ম্যাপ। এই দেখুন!

হাকিম হরেন ঘোষ একটু হেসে বললেন—কি? আপনাদের কি বলবার আছে এতে? এই যে কলকাতার রায়বাবু! আপনার কাছে তো কুড়ারাম রায়ের পাঁচালী-টাঁচালী হরেক রকম আছে, শুনছি আজকাল ছবি আঁকা ছেড়ে কাগজপত্র নিয়ে কি সব গবেষণা-টবেষণা করছেন অনেক কিছু। কিছু বলুন!

সুরেশ্বর খোঁচাটা একটু নিষ্ঠুর ভাবেই অল্পভব করলে। মুখচোখ লাল হয়ে উঠল। বলতে গেল—না—আমার বলবার কিছু নেই। যা পাচ্ছেন তা লিখুন। আমরা কিছু নবুদ পেলে পরের স্টেজে এ নিয়ে আবার লড়ব।

ওদিকে বাইরে তখন গুঞ্জন উঠেছে চারিদিকে, রাজা যদুরামের লাখরাজ বাতিল হবে? তবে কোন লাখরাজ থাকবে? লোকে বলে রাজা যদুরামের নিক্কর খাঁটি সোনার মোহর এবং তাতে নাকি মা লক্ষ্মীর পায়ে ছাপ আছে।

সরকারী খাসমহলের কর্মচারীটি বললেন—এই ছিটজঙ্গল-মহলে একশো আট বিঘার যে প্রট রয়েছে এ ছাড়াও আঠাশ বিঘা আবাদী জমির একটি প্রট রয়েছে, সে জমি রেকর্ড হয়েছে দয়াল ভট্টাচার্যের নামে।

দয়াল ভট্টাচার্য—সেই দলু ভট্টাচার্য যিনি শিবেশ্বর রায়েরও খুড়ো, রায়বাহাদুর রত্নেশ্বরের জ্ঞাতিভাই। যিনি নাড়ী দেখে রোগ নির্ণয় করতে পারেন, যিনি সুরেশ্বরকে সোমেশ্বর রায় আর তাঁর স্ত্রী বাঘিনী ঠাকুরণ রাজকুমারী কাত্যায়নীর গল্প বলেছিলেন। তিনি এবার এগিয়ে এসে বললেন—নজীর আমার কাছে আছে হজুর। আমার দলিল রয়েছে, এই দেখুন। ১২৯৯ সালের খরিদা দলিল। স্বর্গীয় কুড়ারাম রায়-ভট্টাচার্য যখন গ্রামে ফিরে প্রথম বসবাসের ইচ্ছা করেন, তখন আমার প্রপিতামহ তার কাজকর্ম দেখতেন। জ্ঞাতি আমরা। তখন খুব নিকট জ্ঞাতি। এই দু-পুরুষ ছাড়াছাড়ি। তা রায়-ভট্টাচার্যমশায় এই লাখরাজ সম্পত্তি কেনেন, তিনি ওই জঙ্গল আর নেন না। আমার প্রপিতামহকে এই আবাদী জমি দেন। টাকা বোধ হয় তিনিই দিয়েছিলেন। এতেই সব আছে দেখুন। রাজা যদুরামের দেওয়া লাখরাজ—ও লাখরাজ অক্ষয়। দেখুন এতেই বিবরণ পাবেন। খোদ নবাব মীরজাফর আলি খাঁয়ের ছাড়া দেওয়া আছে। রায় যদুরামের নিক্কর কোনক্রমেই বাতিল হবে না।

১১

সেটেলমেন্ট অফিসার হরেন ঘোষ দলিল এবং ছাড়পত্র পড়ে বললেন—এ তো অদ্ভুত! দেখুন মশায়, আপনি দেখুন! দেখে বলুন, কি লিখব।

সরকারী খাসমহলের কর্মচারী পড়ে দেখে বললেন—অদ্ভুতই বটে। বলে পুরনো বিবর্ণ কাগজখানা কপালে ঠেকিয়ে বললেন—সরকারী ইন্টারেস্টের কি হবে-না-হবে তা জানি না, তবে চোখে দেখে চোখ সার্থক হল। রাজা যদুরামের হাতের লেখা। এই ছাড়পত্রের কোন নজীর, কোন নবুদ নেই গভর্নমেন্টের ফাইলে। আগে একবার প্রাইস সাহেব জরীপ করেছিলেন, তাতেও এর উল্লেখ নেই।

পারমানেন্ট সেটেলমেন্টের আগে সামন্ততন্ত্রের সামন্তরাজা রাজা যদুরাম। মাজনামুঠা পরগণা নিয়ে এগার পরগণার মালিক। এগার পরনার রাজস্ব ছিল নারমাজ। কয়েকশো

টাকা। গোটা মেদিনীপুরের রাজাদের রাজস্ব ছিল নামমাত্র। কোম্পানীর প্রথম বন্দোবস্তে ঝাড়গ্রামের রেভেন্যু হয়েছিল মাত্র ৪০০৭ চারশো টাকা। তখন মীরজাফর আলি খাঁ মুর্শিদাবাদে নবাব।

রাজা যদুরাম সকালে উঠে ব্রহ্মদান না করে জল খেতেন না। ব্রাহ্মণকে দান, বৈষ্ণবকে দান, পীরকে দান। নিত্য দান করতে করতে নিরুদরে ভরে গেল তাঁর পরগণার পর পরগণা জমিদারী।

পলাশীর যুদ্ধের জন্ত কোম্পানীকে যে টাকা দেবার কথা, সে-টাকার জন্ত মেদিনীপুরের খাজনা নবাব কোম্পানীকে জঁত দিয়েছিলেন। কোম্পানী নবাবকে জানালে, রাজা এইভাবে লাখরাজ দিলে মেদিনীপুরের এগার পরগণা লাখরাজ হয়ে যাবে। নবাব খবর পেয়ে ডলব পাঠালেন রাজা যদুরামকে মুর্শিদাবাদের দরবারে হাজির হতে। রাজা অমান্ত করলেন না নবাবের হুকুম, মুর্শিদাবাদে হাজির হলেন এবং পরদিন দরবারে নবাবকে নজরানা পেশকশ দিয়ে অভিবাদন করে দাঁড়ালেন।

নবাব তাঁকে বললেন—আমার কাছে খবর এসেছে, খোদ ইংরেজ কোম্পানী জানিয়েছে আমাকে। শুধু কোম্পানী কেন? তোমার পুত্র কুমার জয়নারায়ণও দরখাস্ত দিয়েছে। খবর এই যে, নিত্য তুমি লাখরাজ দান কর। এই দানের ফলে তোমার জমিদারী এগার পরগণায় খাজনা ঘাটতি হয়ে গিয়েছে। এখন আমার হুকুম, এইসব লাখরাজ তোমাকেই নাকচ করে জমা-বন্দোবস্ত করতে হবে। আর—তুমি আর কোন লাখরাজ দিতে পারবে না।

রাজা যদুরাম একমুহূর্ত ভেবে নিয়ে বললেন—মহামাঙ্গ নবাববাহাদুর, আমি তা করতে অক্ষম। আমি হিন্দু, দান করে সেই দান কিরিয়ে নিলে শাস্ত্রমতে শুধু আমি নরকস্থ হব না, আমার পূর্বপুরুষরা নরকস্থ হবে। লাখরাজ যা দিয়েছি, তা কিরিয়ে নেওয়া অসম্ভব। আর ভবিষ্যতে দান বন্ধ করতে বলছেন, তা-ও আমি পারব না। কারণ এই সংকল্প আমি ভগবানের নাম নিয়েই ইষ্টদেবতাকে সাক্ষী রেখে গ্রহণ করছি।

নবাব জ্বল হয়ে বললেন—পারতেই হবে। আমার হুকুম।

—আমাকে মার্জনা করবেন জনাব আলি খোদাবন্দ, আমি অক্ষম।

—তুমি অক্ষম?

—আমি অক্ষম।

নবাবের ক্রোধের সীমা রইল না। হয়তো গর্দান নেবারই আদেশ দিতেন। কিন্তু নিষ্ঠুরতার শাস্তির কল্পনা তাঁর মগজে এল। তিনি বললেন—ভাল। দেখি তুমি কি করে তোমার সংকল্পে অটুট থাক।

বলে আদেশ দিলেন—গর্ত খুঁড়ে রাজাকে কোয়ার পর্বন্ত পুঁতে রাখ। যেন নড়তে না পারে। কোন লেখার সরঞ্জাম কাছে না থাকে। দেখি কেমন করে দান করে? জল খেতে চাইলে দেবে। আহার চাইলে দেবে। শুধু দান বন্ধ কর।

তাই নাকি হল। তাঁকে কোয়ার পর্বন্ত মাটিতে পুঁতে রাখা হল। সকালে সংবাদ শুনে অনেকজনে তাঁকে দেখতে এসেছিলেন। সামনে ছিলেন এক ফকির। তিনি ফকিরকে ডেকে বললেন—ফকিরসাহেব, আমার এই দান আপনি দর্য করে গ্রহণ করুন। বলে হাতে ছিল একটি আখটি, সেইটি খুলে দান করলেন। ওই আখটিটা খুলে নিতে ভুল হয়েছিল নবাবের নোকরদের।

তারপর তিনি বললেন—দাও, আমাকে খাওয়া দাও। জল দাও।

নবাব সংবাদ পেয়ে কর্মচারীদের তিরস্কার করলেন এবং বললেন—দেখ, আর দান করবার মত গর কাছে কি আছে, তা তন্ন তন্ন করে খুঁজে দেখ।

তাই দেখা হল। আর কোনকিছু ছিল না। নবাব সংবাদ শুনে বললেন—ভাল। কাল! কাল তুমি কি কর, তা আমি দেখব।

পরদিন রাজা যা করলেন, তা পৃথিবীতে কেউ কোনদিন ভাবেনি।

সামনের জনতা থেকে একজন ব্রাহ্মণকে ডেকে বললেন—আপনাকে আজ আমি আমার জীবনের বোধ হয় শেষ দান করব। বলে—সামনের মাটির বুক থেকে ছিঁড়ে নিলেন দুবার একটি টুকরো। আর ব্রাহ্মণকে বললেন—ওই অশ্বখগাখের একটি পাতা আমাকে দান করে এনে দিন। ব্রাহ্মণ বুকতে পারলেন না এই পাতায় কি হবে। তবু এনে দিলেন। রাজা পাতাটি হাতে নিয়ে কঠোর দংশনে নিজের জিভের ডগায় ক্ষতের সৃষ্টি করলেন, রক্ত বেরিয়ে এল, গড়িয়ে পড়ল মাটিতে। তিনি তখন সেই দুবার ডাঁটাটি রক্তে চুবিয়ে পাতার উপর লিখলেন—আমার নিজের বাস্তবতা আড়াইশত বিঘা আপনাকে দান করে দখল হলাম। ইতি লিখিত শ্রীযদুদয় রায়, সাক্ষি মাজনামুঠা কিশোরপুর। অতি সংক্ষিপ্ত দানপত্র। যত সংক্ষেপ লেখা যায়। যতটুকু কুলোয় ওই অশ্বখগাখের পাতায়। বললেন—এর তলায় আঠা দিয়ে কাপড়ের টুকরোর উপর এঁটে নেবেন।

লোকে স্তম্ভিত হয়ে গেল। সওয়ার ছুটে গেল নবাবের কাছে খবর নিয়ে। জনাব আলি, তাজ্জব কি বাত—। ওই কাকের হিন্দু রাজা—।

নবাব শুনে অবাক বিশ্ময়ে কিছুক্ষণ সওয়ারের দিকেই তাকিয়ে রইলেন। তারপর খোদার নাম নিয়ে উঠে নিজে এলেন সেখানে। এবং দাঁড়িয়ে থেকে রাজাকে মাটি থেকে তুলে সমাদর করে নিয়ে এসে, হিন্দু নোকর ডেকে স্নান করাতে হুকুম দিলেন। ব্রাহ্মণ পাচক দিয়ে রান্না করিয়ে খাওয়ালেন। তাঁর নিজে হাতে হুকুমনামা লিখে দিলেন রাজা যদুদয় রায়ের দেওয়া নিজের কোনকালে কারও হুকুমে খারিজ বা বাতিল হবে না। এবং রাজাকে বললেন—রাজাসাহেব, গোটা দুনিয়া যদি খোদা তোমাকে দিতেন, তবে তাঁকেও বলতে হত, রাজা, দান করবে তুমি নিশ্চয়, কিন্তু দুনিয়ার জরীপ—মাপের সঙ্গে সামঞ্জস্য রেখে দান করবে। আমার অল্পরোধ হল, তুমি এরপর দিন পাঁচ বিঘার বেশী লাখরাজ দান করো না।

যে ব্রাহ্মণকে এই বাস্তব দান করেছিলেন, নবাব স্বয়ং তাকে ডেকে, অর্থ দিয়ে এক টাকা খাজনায় ওই রাজবাড়ী প্রত্যর্পণ করিয়েছিলেন যদুদয়কে।

এ লাখরাজ সেই যদুদয় রায়ের। এ ঘটনার পূর্বের দান। এখানকার তারাদাস চক্রবর্তী ছিলেন সিদ্ধ তান্ত্রিক। ওই জঙ্গলের মধ্যে শিমুলতলায় তিনি সাধনা করে সিদ্ধ হয়েছিলেন। তখন এই জঙ্গলে চিতাবাঘের খুব উপদ্রব ছিল, তাই নামই হয়ে গিয়েছিল চিতার আড়ং, তা থেকেই নাম চিতারং—সাধারণ লোকে বলে চিতরং।

চক্রবর্তী এই সিদ্ধপীঠে সাধনা করে যখন সিদ্ধ হলেন, তখন সংবাদ শুনে লোক পাঠিয়েছিলেন তারাদাস চক্রবর্তীর কাছে। তাঁকে ভূমি দান করে দখল হবেন।

চক্রবর্তী চেয়েছিলেন ওই সিদ্ধপীঠের জঙ্গল—ওই শিমুলতলাটুকু। রাজা তাঁকে সমস্ত ছিটমহলাই দান করে, এই ছিটমহলের অংশমত যে রাজস্ব, তা ‘মাজনামুঠা’ মৌজার নিজের নিজের খাস জমির উপর জমাপত্তন করে পূর্ণ করে দিয়েছিলেন।

ওই লাখরাজের অর্পণনামার স্পষ্ট করে সে-কথা লেখা আছে।

“আপনাকে অত্র ‘ছিটমহল’ ‘চিতার’ ব্রহ্মদান করিলাম এবং নবাবী সেরেস্কার লিখিত যে একশত পাঁচ সিকা তজ্জা রাজস্ব ধার্য আছে, তাহা নবাব বাদশাহ দরবারে পূর্ণ করিবার জন্ত পরগণে মাজনামুঠা অন্তর্গত মোজা মাজনামুঠার এলাকার আমার স্বকীয় নামীয় নবাবী কারমানযুক্ত লাখরাজ হইতে একশত বিঘা জমি একশত পাঁচ টাকা বারোআনা দশ গুণা খাজনার জমাপত্তন করিয়া দিলাম। সুতরাং ইহাতে রাজদরবার হইতে এবং মদীয় স্থাভিষিক্ত ভবিষ্যৎ জমিদার কাহারও কোন আপত্তির কারণ থাকিবেক না। ইতি—দেবত্রাক্ষণসেবক শ্রীযত্নরাম রায়, রাজা, পরগণা মাজনামুঠা, সাকিম কিশোরপুর, ফৌজদারী মেদিনীপুর, সুবা বাংলা।”

সেটেলমেন্ট ক্যাম্পের ভিতরে-বাইরে সমস্ত জনতা একটি আশ্চর্য পবিত্র আচ্ছন্নতায় আচ্ছন্ন হয়ে স্তব্ধ হয়ে গিয়েছিল। কিছুক্ষণের জন্ত সেই বিচিত্র স্তব্ধতার মধ্যে কয়েকটা পাখীর ডাক ছাড়া আর কোন শব্দ শোনা যায়নি। একটা বেনে-বউ পাখী খুব কাছেই ডেকেছিল ঘনপল্লব একটা অশ্বখগাছের মধ্যে। বেনে-বউ পাখীর ডাকের মধ্যে যেন কথার আভাস আছে। স্থানীয় লোকেরা কেউ বলে—পাখীটা বলে, গেরস্তের খোকা হোক। কেউ বলে, না। বলে “কৃষ্ণের পোকা হোক।” কেউ কেউ বলে—না-না-না, তাই বলতে পারে? বলে—“কৃষ্ণ কোথা হে।”

কোন কৃষ্ণমুরাগিণী বৈষ্ণবী পক্ষী-জন্ম নিয়ে এই বলে কেঁদে বেড়াচ্ছে। খুঁজে বেড়াচ্ছে।

সুরেশ্বরের মনে হয়েছিল—পাখীটা আজ বলছে—“যত্নরাম কোথা হে।”

বাকি সব স্তব্ধ। বিষরী মানুষের মনও একটা ভাবের নিস্তব্ধতায় মগ্ন হয়ে গেছে।

এ স্তব্ধতা ভঙ্গ করেছিল পিছন থেকে হুলাদী বা হিলডার কর্ণস্বর।

—হুঁজুরবাহাদুর! ডিপ্টিসাব!

এতক্ষণে সচেতনতা কিরে এসেছিল মানুষদের মধ্যে। তারা নড়তে-চড়তে শুরু করেছিল, মুহূ গুঞ্জে কথাবার্তা কইতে আরম্ভ করেছিল। খাসমহলের তরফের সরকারী কর্মচারী বলেছিলেন—ওটার একটা কপি করিয়ে নথির সঙ্গে আটাচ করে দিন স্মার। মূল ছাড়পত্রে একটা সই দিন, ক্যাম্পের লীল দিয়ে দিন। আমি ওর একটা কপি নেব। কপির সঙ্গে সমস্ত লিখে রিপোর্ট করে দেব। মনে হয় এরপর আর কিছু হবে না। এইখানেই শেষ হয়ে গেল।

—অপ্সারসাব! আমার লোকের কি হবে? বাবুলোকের লাখরাজ তো ক্যাম্পে হোর গেল। আমরাই?

হরেনবাবু বললেন তাঁর চাপরাসীকে—বুড়ীকে বল, কিছুক্ষণ সবুজ করতে হবে।

\* \*

\*

\*

এরপর স্তব্ধ জনতা গুঞ্জন করতে শুরু করলে।

কিছুক্ষণ ধরে বাইরে যত্নরাম রায়ের কথাই উঠল, ক্যাম্পের সামনের সমস্ত বাগানটা জুড়ে। গাছের তলায় ক্ষুদ্র ক্ষুদ্র জটিলার মধ্যে যত্নরাম, যত্নরাম, যত্নরাম। পাখীর ডাকের মধ্যেও যেন যত্নরাম, যত্নরাম।

সব থেকে মুখের বসন্তা—দহাল ভটচাঁজ।

—রায়ভটচাঁজ ছাড়পত্রখানা আমার প্রপিতামহকেই দিয়েছিলেন। এই নিকর ছিটমহল যখন চক্রবর্তীদের দৌলিজাদের কাছে কিনলেন, তখন ওখানা চেয়ে নিয়েছিলেন। বলেছিলেন—নবাব নামে নবাব, মালিক ইংরেজ। কোম্পানীই এখন সুবার দেওয়ান। নবাবী আমল শেষ।

বলতে গেলে এরাই রাজা। মুসলমানেরা এদেশে থেকে এদেশের সব কিছু কিছু মানত। মন্দির ভেঙেছে, ধর্মের ওপর অত্যাচার করেছে, তবু মেনেছে। এদেশে থেকে থেকে বুঝত। এরা কিন্তু মেনেছে। এরা ওসব মানে না। এসেছে টাকা লুটতে, টাকা টাকা আর টাকা, টাকা ছাড়া কিছু বোঝে না। আমি দেওয়ানী সেরেস্তার কাজ করি। আমি জানি, ওরা এখন লাখরাজ ব্রহ্মোত্তর-দেবোত্তর বাজেয়াপ্ত করবার ফিকির-কন্দী খুঁজছে। আর বাড়বে। এখন, ওখানা না থাকলে তো চলবে না। ওখানা দিতে হবে। দিয়েছিল তারা। সম্পত্তিই যখন বেচলে, তখন ছাড়পত্র নিয়ে কি আর ধুরে ধাবে? রায়ভট্টাচ্যক্ষমশায় কাকা হতেন, আমার প্রপিতামহ নকুল ভট্টাচ্যের ভাইপো। নিজে ওই জঙ্গল ১০০ বিঘে নিয়ে জমি পঁচিশ বিঘে কিনিয়ে দিলে ভাইপোকে। তখন ছাড়পত্রখানা ভাইপোকে দিয়ে বলেছিলেন—এটা তুই রাখ নকুল। আমি বা আমার ছেলে, তারা লাখরাজ প্রমাণ করতে পারবে। তুই হয়তো কষ্টে পড়বি, বেগ পাবি। ওটা তুই রাখ। তাদের ঘরের লক্ষ্মীর ঝাঁপিতে রেখে দিস। তাতে কল্যাণও হবে। বছর-কতক আগে লক্ষ্মীর ঝাঁপিটা পুরনো হয়ে বাঁধন-টাঁধন খুলে থসে গেল। হাজার হলেও বেত তো। তখন বেরুল—কড়ি, সে-আমলের সিঁদুরমাখা টাকার সঙ্গে এই কাগজ। আমি বলি—কিছু মস্তুরটন্তর লেখাটেকা আছে বুঝি। তা দেখতে গিয়ে দেখি, এই দলিল আর তার সঙ্গে এই ছাড়পত্র। বুয়েছ।

ধনেশ্বর একটা দীর্ঘনিশ্বাস কেলে বললে—আমাদের সব বড় বড় ঘর ভর্তি কাগজ, সিঁদুক ভর্তি দলিল, সব যে কোথায় গেল!

হাত দুটো উন্টে দিল এবং বার দু-তিন হতাশভাবে ঘাড় নাড়লে। তারপর বললে—লক্ষ্মী যখন ছাড়ে দয়াল-ঠাকুরদা, তখন শুধু তিনিই যান না, তাঁর আসার নজীরপত্রও সব নিয়ে চলে যান। তখন দলিলদস্তাবেজে উই ধরে; কাগজ উড়ে বেড়ায় বাতাসে। সারের গোবর মাটির মধ্যে পড়ে পচে যায়।

সফলে চুপ হয়ে গেল। চুপ হয়ে যাবারই কথা। এত বড় রায়বাড়ী। দু-পুরুষ আগে রত্নেশ্বর রায়ের আমলের ঐশ্বর্যের কথা, খ্যাতির কথা সকলের কাছে গল্প-কথা হয়ে আছে। তাই বা কেন, এই শিবেশ্বর রায় মেজকর্তা যখন প্রথম এখানে কর্তা হয়ে বসলেন—তখনকার কথাও অনেকে দেখেছে। ধনেশ্বর রায়ের প্রথম যৌবনে ঘোড়ায় চড়ে বেড়ানো; টমটম হাঁকানো, তাঁর বিলাসের কথা সকলের মনে আছে। রায়বাড়ীর শখের থিয়েটারের কথা এখনও ভোলে নি লোকে। বাড়ীতে ডাব্লিং মাস্টার, এখানকার গরীব ঘরের সূকঠ ছেলেদের সখীর ব্যাচ নিত, সন্ধ্যায় রিহারশ্রাল দিল; যুড়ুরের ঝমঝম ঝমঝম শব্দ উঠত। গান গাইত। এ তো কথার কথার লোকে বলে থাকে। চাপরাসওয়াল চাপরাসী। হিন্দুস্থানী দারোয়ান। লাঠিরাল পাইক গমগম করত কাছারিতে। সেই বাড়ী দেখতে দেখতে কি হয়ে গেল। তলা ফুটো নৌকোর মত ভুস করে ডুবে গেল। কাগজপত্র শুধু উইয়ে খায় নি, অথচ অবহেলায় ছড়িয়ে পড়ে উড়ে গেছে। দলিলপত্র কে কোথায় নিয়েছে, গেছে, নষ্ট করেছে কেউ তার খবর জানে না। দীর্ঘনিশ্বাস পড়বে বইকি!

দয়াল ভট্টাচ্য বললেন—ভাই, আমাদের পুঁথি-পত্রের অবস্থাও ওই হয়েছে। ভোমাদের জমিদারীর কাগজ, আমাদের পুঁথি। পুঁথি কি কম ছিল রে ভাই। বেতের কাঠের প্যাটার-বন্দী একঘর পুঁথি। সে সব ওইভাবে গিয়েছে। আমার নাতির ছেলেরা ইংরিজী ইচ্ছলে পড়ে। তারা লাইবারি করবার জন্তে পুঁথিগুলোকে ফেলে দিয়েছে। কতগুলো পুঁথিতে রঙচঙে কাঠের পাটার মলাট ছিল, সেগুলো নিয়ে রুল টানবার রুল করেছে। দলিলগুলো



বাক্সে আছে। আর ও দুখানা ছিল লক্ষ্মীর কাঁপিতে, আমার চোখে পড়েছিল বলে রেখেছিলাম।

সুরেশ্বর বসে ভাবছিল—ওখানা পেলে সে রূপে কি সোনার ফ্রেম করে বাঁধিয়ে রেখে দেয়। ভাবছিল, অন্তত ওটার ফটো সে তুলে নেবে। ভাবছিল, কিশোরপুরে গিয়ে যদুরামের ভাড়া বাড়ী দেখে আসবে। সেখানকার ইট-খিলেনের পলেশ্বরায় যদি কৈন লতাপাতা দেবমূর্তি আঁকা কারুকার্য পায় সংগ্রহ করে নিয়ে আসবে। ভাবছিল, যদুরাম রায়ের বংশধরেরা যদি কেউ থাকে। ভাবনার মধ্যপথে মনে পড়ল—সম্পত্তি গিয়েছিল তাঁর দৌহিত্র বংশে। তাঁর একমাত্র ছেলের একমাত্র নাবালক সন্তান মারা গেলে সম্পত্তির মালিক হয়েছিলেন যদুরামের নিঃসন্তান পুত্রবধু সুগন্ধা দেবী। হঠাৎ মনে হল—চমৎকার নামটি তো! সুগন্ধা দেবী। একালে সুলতা, সুপ্রিয়া, মঞ্জু, মঞ্জুলিকা, এণাকী, মীনাকীর যুগে সুগন্ধা নামটি আশ্চর্য মিষ্টি এবং আশ্চর্য আধুনিক। ভাবছিল, সুলতাকে নামটা উপহার দেবে। সুলতা আছে থাক সে তাকে সুগন্ধা বলে ডাকবে, চিঠিতে সম্বোধন করবে।

না। হঠাৎ মনে পড়েছিল, পিঞ্চ গোয়ান খুন করেছিল ঠাকুরদাস পালকে। ঠাকুরদাস পাল সুলতার পূর্বপুরুষ। পিঞ্চ গোয়ানের মামলার রায়বাহাদুর রত্নেশ্বর রায় পিঞ্চকে বাঁচাবার জন্য কয়েক হাজার টাকা খরচ করেছিলেন। পিঞ্চর কত্যা ওই হলদী বুড়ী হিলডাকে তিনি জমি দিয়েছিলেন। হিলডাকেই দিয়েছিলেন গোয়ানপাড়ার মণ্ডল অর্থাৎ প্রধানের পদ!

তাহলে? চকিতে একটা কথা মনে হল সুরেশ্বরের। সে এই ক'মাসের মধ্যে জমিদারীর অনেক কিছু শিখেছে, বুঝেছে। তাহলে তো ধনেশ্বর-কাকা যা বলছেন তাই তো সত্য হয়ে দাঁড়াচ্ছে। রায়বাহাদুর রত্নেশ্বর রায়ের ভূস্বামীত্ব না থাকলে, গোয়ানপাড়ার ভূমির উপর জমিদারীত্ব না থাকলে কি করে তিনি হিলডাকে মণ্ডলের পদ দিতে পারেন? লাখরাজ স্বত্বের মালিক যখন লাখরাজ দেবেন, তখন মূল স্বত্ব চলে যাবে। বিক্রীর সামিল হবে। সুতরাং একটা কিছু দেনা-পাওনা ছিল। দেনা-পাওনার মধ্যেই জমিদার-প্রজা সম্বন্ধ! ছিল, একটা কিছু ছিল। চাকরান হওয়াই সম্ভব! তা হলে?

হিলডা একটু দূরে বসে অনর্গল বকে যাচ্ছে। কানে আসছে সুরেশ্বরের।

—হ্যাঁ রে বাবা, হ্যাঁ। হুনিয়ার হাল, কাজের সময়মে কাজী, কাজ হয়ে গেলো তো পাজী। আজ দরকার নেই। গোয়ানদিগে লিয়ে দরকার নেই। বাবুদের অভাব হল। এখন খাজানা বসাত! গোয়ান লোকের উপর খাজনা বৈঠাও। বাস। উ আমরা লোক দিব না বাবা। হ্যাঁ দিব না। 'আতুল'বাবু ঠিক বাতায়ছে। এহি তো সরকারী টেক্সো আজ দিচ্ছে না লোক, কি করছে সরকার? ই তো জমিদার। আমরা লোক-ডি দিব না। কংগ্রিস বানাইব গোয়ানপাড়ার। ই-ই-কুইনীকে সিকিটারী বানাইব। উ তো বুঝে। সমঝে সব। লিখাপড়ি জানে।

কে যেন কি বলতে গেল। হিলডা হাত তুলে তাকে শাসিয়ে থমক দিলে,—চুপ। বেতমিজ কাঁহাকা! বাতের উপর বাত বলে!

হঠাৎ একটা কথা সুরেশ্বরের মনে হল। হ্যাঁ, হয়তো হতে পারে তা! সে সঙ্গে সঙ্গে উঠে দাঁড়াল। হন-হন করে এগিয়ে গিয়ে ধনেশ্বর-কাকাদের জটলার কাছে গিয়ে দাঁড়িয়ে ডাকলে, কল্যাণেশ্বর!

সুরেশ্বর রায়ের ছেলে কল্যাণেশ্বর। ব্রজেশ্বরনা বলেছিল—সুরেশ্বর-কাকা ছিলেন বিবর-বুদ্ধিতে ডক্টরেট উপাধিদারী। ইউনিরন বোর্ডের প্রেসিডেন্ট হয়ে বেনারসীতে ইউনিরন

বোর্ডের ইঁদারা, কালভাট ঠিকে নিতেন। ভারতবর্ষের নানান রাজ-রাজ্যাদের চিঠি লিখতেন, কুমার সুধেশ্বর রায় নাম সহ করে। লিখতেন, সর্বস্বাস্থ্য রাজবংশের সন্তান আমি, অভাবগ্রস্ত, সাধারণের কাছে সাহায্য চাইতে মর্মান্বিত বাধে। দেব-সেবা চালাতে হয়। কখনো লিখতেন, আমি কল্যাণদায়ক। কখনও লিখতেন, আমার পিতৃশ্রদ্ধ। কখনও লিখতেন, আমি আজ কঠিন রোগে শয্যাশায়ী, চিকিৎসার খরচ নেই। আপনি রাজা। দেশের আপনার কল্যাণ করুন, রাজ্যের শ্রীবৃদ্ধি হোক, এই নিঃস্ব সর্বস্বাস্থ্য, মাত্র বংশ-গৌরব সম্বল এই হতভাগ্যকে রাজোচিত সাহায্য করিবেন বলিয়া আশা করি। সহ করতেন—Kumar Sukheswar Roy, Prince of Kirtihat। কল্যাণেশ্বর তাঁর উপযুক্ত পুত্র। সে এখন কণ্ট্রাস্টারি করে; বাড়ী-ঘর কণ্ট্রাস্ট নিয়ে একমালী গাছ কেটে তার তক্তা থেকে দরজা জানলা সরবরাহ করে। সে ধনেশ্বর-প্রণবেশ্বর প্রভৃতির চক্রান্তের মস্তিষ্ক। কথায় ভদ্র, শুধু ভদ্র নয়, পারদম। ব্রজেশ্বরের পারদমতা অল্প ধরনের, তার মধ্যে মিষ্টতা। আমিরা আছে, কিন্তু উদ্ধত আভিজাত্যের উষ্ণ সন্মম নেই। এর সেইটে আছে। সে বিশিষ্ট কেউ একজন এবং ছাত্র ও সত্যপরায়ণ উন্নতশির কেউ বলে প্রমাণ করতে পারে।

কল্যাণেশ্বর তাকালে, বললে—কি? আমাকে ডাকছ?

—হ্যাঁ। একটা কথা আছে।

সে উঠে এল। বললে—বল।

—একটু ওদিকে চল, নিরিবিলিতে।

একটু সরে এসে একটা গাছতলায় দাঁড়িয়ে সুরেশ্বর বললে—আমার একটা প্রস্তাব আছে।

—প্রস্তাব? মুখের দিকে তাকিয়ে সে বললে—গোয়ানদের লাখরাজ স্বীকার করতে বলছ তো? কিন্তু আমরা স্বীকার করলেও তা দাঁড়াবে না। তা হলে বলতে হবে, ও লাখরাজ আমরা ওদের দান বা বিক্রী করেছি। কোন রকম বাধ্য-বাধকতা ওদের সঙ্গে আমাদের ছিল না, বা নেই। সে তুমি অতুল কোর্টের কাছে বললেও তা হবে না।

—সে আমি জানি বা বুঝি।

—না। তুমি ঠিক বোঝ না সুরেশ্বরদা। বিষয় খুব জটিল জিনিস। তাছাড়া প্রজাতন্ত্র নিয়ে চরাও নি, নাড়ো-চাড়ো নি; কোথায় কোন ফাঁক তা তোমার জানা নেই। আমাদের কিছু প্রমাণ করতে হবে না। ওরা নিজেরাই প্রমাণ করে দেবে। ওদের গ্রামের চার্চের পুট এলেই ঝগড়া বাধবে। গোয়ানেরা বলবে, সর্বসাধারণের। হিলডা চোঁচাবে—না, এটা আমার নামে রেকর্ড হবে। ঐ জমিন গ্রামের মণ্ডল হিসেবে রায়বাবুরা আমাদের বাবা-দাদাকে মণ্ডল করে দিয়ে দিলে। আমরা জমিদার, মণ্ডল আমরা নিযুক্ত করেছি। প্রমাণ হয়ে যাবে। তোমার অনেক আছে। তুমি ছেড়ে দিতে পার। কিন্তু আমরা কোথায় ছাড়তে পার, বল? অন্ততঃ একশো টাকা খাজনা ধার্য হয়ে যাবে। তোমার দুয়ের-তিন; আমরা একের-তিনে বছরে তেত্রিশ টাকা পাঁচ আনা ছ গুণা দু কড়া দু ক্রান্তি পাব। সেটা আমাদের কাছে অনেক। ওর দাম বিশগুণা পণে ছশো সাতষষ্ঠি-আটষষ্ঠি টাকা দাঁড়াবে। মাফ কর, ও হয় না।

সুরেশ্বর জুতোর ডগা দিয়ে মাটিতে দাগ কেটে ছবি আঁকছিল। পৃথিবীতে হাত পজু বা হাতকাটা কিছু চিত্রকরেরা পারে তুলি ধরে ছবি আঁকে। কেউ কেউ বা দীতে তুলি ধরে আঁকে। সে মধ্যে মধ্যে পারের ডগার ধুলোর ওপর ছবি আঁকে; সে গুনছিল আর ছবি আঁকছিল।

আঁকছিল গোয়ানপাড়ার ছলিব, যেমনটা সে নদীর এপার থেকে গোয়ানপাড়াকে দেখেছে—  
বিবিমহলের ছাদের গোল ছত্রিশর থেকে দেখেছে। কল্যাণেশ্বরের কথা সে বিশেষ মন দিয়ে  
শুনছিল না। কল্যাণেশ্বরের মুখে-মুখে হিসেবের অঙ্কের নির্ভুলতা তার মনকে আকর্ষণ করতেই  
পারে নি। সে ছবি আঁকছিল জুতোর ভগা দিয়ে আর ভাবছিল, কিভাবে প্রস্তাবটা উত্থাপন  
করবে! কেমন করে বলবে,—ঠিক এই সময়টিতেই কল্যাণেশ্বর বললে, বিশগুণো পণে ওদের  
অংশের ওই পাড়াটার মূল্য হবে ছশো সাতবট্টি-আটবট্টি।

সঙ্গে সঙ্গে সুরেশ্বর বললে—ওই টাকাটা ওরা দিলে স্বীকার করে নিতে আপত্তি হবে  
তোমাদের?

—আপত্তি? না, তা হবে কেন? সত্য কথা বলতে বেগার আজকাল আর পাওয়া যাবে  
না, দেবে না। কংগ্রেসওলারা যা করলে না, তাতে আর কোন জমিদারই জমিদারী চালাতে  
পারবেন না। গভর্ণমেন্টের চৌকীদারী ট্যাক্স, তাই দিচ্ছে না। এর পর বলবে, কোন  
খাজনাই দেব না। সুতরাং টাকা পেলে আপত্তি করব কেন? দেখ না, ওদের বল না।  
রাজী হয় তো ভালই! টাকা কিন্তু আগে চাই!

—টাকা তোমাদের আমি দিচ্ছি, এম্বুনি দিচ্ছি। তবে চেক দেব। বিয়ারার চেক,  
মেদিনীপুর ব্যাঙ্কেও আমার গ্র্যাণ্ডউন্ট আছে। সেখানকার চাও, কলকাতার চাও দিয়ে  
দিচ্ছি।

কিছুক্ষণ ওর মুখের দিকে সবিস্ময়ে তাকিয়ে রইল কল্যাণেশ্বর, তারপর একটু মুখ মটকে  
হেসে বললে—আচ্ছা, বলে দেখি জ্যাঠামশাইকে।

চলে গেল সে। সুরেশ্বর ফিরে নিজের সতরঞ্চিতে বসে নায়েব ঘোষালকে ডেকে সমস্ত  
বলে বললে—আপনি বিবেচনা করে কিভাবে কি করতে হবে ব্যবস্থা করে ফেলুন। যেন  
কোন দিকে ফাঁক না থাকে।

নায়েব একটু চুপ করে থেকে বললে—গোয়ানরা কিন্তু তাহলে আর কাউকে মানবে না!

সুরেশ্বরের মনে তখন যদুলাম রায়ের ছোঁয়াচ লেগেছে। সে বললে—না মামুক।

নায়েব ঘোষাল ফিরে এসে বললে—ওঁরা তো নতুন সুর তুলেছেন।

—নতুন সুর? কি? টাকা বেশী চাচ্ছেন?

—হ্যাঁ, টাকাই আসল কথা। বলছেন—ওই গোয়ানরাই ওখানকার বাস্তব প্রজা। তা  
ছাড়া বাকীটা জঙ্গল। সিদ্ধপীঠ। ওর আর এক পরস্যা নেই। অথচ গভর্ণমেন্টের সেস আছে,  
দিতে হবে। সে তো ঘর থেকে গোন। তাহলে তোমার বাবুকে বল ওই জঙ্গল-টঙ্গল নিয়ে  
গোটা লাখরাজের অংশটাই নিয়ে নেন। আবার দামের বেলা বলছেন—মূল্যবান গাছ আছে।  
তার মূল্যও আছে।

মাথার ভিতরটা চন-চন করে উঠল সুরেশ্বরের। কিন্তু তার মনের মধ্যে তখনও রাজা  
যদুলাম রায়ের একটি কাল্পনিক মূর্তি ভাসছে। ক্রোধ তার সঙ্কল্পকে দৃঢ় করে দিলে। সে  
বললে—ভাকুন কল্যাণকে, ভাকুন।

নায়েব ডাকতে যাচ্ছিল, কিন্তু সে বিলম্ব তার সইল না। সে নিজেই এগিয়ে গেল।  
ওদের ওখানে গিয়ে বলল—নায়েববাবু সব বলেছেন আমাকে। বেশ তো তাই রাজী আছি,  
সমস্ত একশো আট বিঘের আপনাদের একের-তিন আমি কিনতে রাজী আছি।—বলুন, কত  
চাচ্ছেন আপনারা।

ধনেশ্বর খিরেটার করে উঠল—ও-হো, ও-হো, অ-হো কি মহৎ, কি মহিমা! ধন্য-ধন্য-ধন্য।

এ যুগে তুমি দম্ভ! হয়তো যদুলাম রায় জন্মান্তরে তুমি হয়ে ফিরে এসেছ। এই দান এও ভূমিদান। দেখুন, সকলে দেখুন!

লজ্জার ক্রোধে লাল হয়ে উঠল সুরেশ্বর। তবুও সে নিজেকে সযত্ন করে বললে—মহৎ আপনান্নাও কম নয়। আপনাদের মহত্ব থেকেই আমার মহত্ব। কিন্তু ও কথাগুলো এক্ষেত্রে অবাস্তব ধনেশ্বর-কাকা। চেষ্টামেচি না করে কাজটা শেষ করে নিন।

কল্যাণেশ্বর ধমক দিলে ধনেশ্বরকে—জ্যাঠামশাই! আপনার যন্ত দোষ, আপনি যখন-তখন স্থান-কাল বিচার না করে অ্যাঁক্টিং শুরু করে দেন। বসুন আপনি চুপ করে। যা করবার আমি করছি!

কল্যাণেশ্বর বললে—দাম সুরেশ্বরদা! উনি একটু অবুঝের মত চাচ্ছেন। আমি বুঝিয়ে বললাম, কিন্তু উনি—মানে গরজটা তোমার বুঝেছেন। বলছেন, দুটো মানে জঙ্গল আর গোয়ানপাড়া মিলিয়ে দুটোর—দাম একের-তিন অংশে দু হাজার টাকা চাচ্ছেন।

সুরেশ্বর একটি রোমাঞ্চকর স্বপ্নলোকে বিচরণ করছিল। অর্থাৎ তার অভাব নেই। কোটি নেই, পঞ্চাশ লক্ষও নেই, দশ লক্ষও নেই, তবু কয়েক লক্ষ আছে ব্যাঙ্কে। যা ফুরোতে তার জীবন কেটে যাব। তার উপর বছরে নির্দিষ্ট আয় আছে, যার পরিমাণ বিশ হাজারের কম নয়। এখনও সে সংসারে একা মামুষ। বিচিত্র খেয়ালে খেয়ালী। আজ তাকে যদুরামের খেয়ালে পেয়ে বসেছে। হলদীবুড়ী হিলড়া রায়বংশের যে দুর্নাম করছে, সে দুর্নাম সুরেশ্বরকে স্পর্শ করেছে। সে বীরেশ্বর রায়ের স্মরণীয় ঘটনা পড়ে শেষ করতে পারে নি, তবে এটা বুঝেছে, বীরেশ্বর রায় যখন এদের এখানে বসিয়েছেন, তখন নিশ্চয় তিনি এদের কাছে ঋণী। রায়-বাহাদুর রত্নেশ্বর রায়ের ঋণের সে আভাস পেয়েছে। পিঙ্ক ফাঁসি গিয়েছে খুন করে। আজ সে ঋণ শোধ করবে। দু হাজার টাকা দাম শুনে সে আকৃষ্ট করলে না, বিরক্ত হল না, বললে—বেশ তাই নাও। চেক লিখে দিচ্ছি আমি।

নায়েব ঘোষাল বললে—একখানা দলিল তো করতে হবে! বিনা দলিলে—

—দলিল এক্ষুনি হতে পারে না?

—এক্ষুনি? তা কি করে, মানে—

কল্যাণেশ্বর বললে—স্ট্যাম্প, কাগজ আমার কাছে আছে। আমি রাখি। দলিল হবে না কেন বলছ ঘোষাল। হয়ে যাক না। ও তো সব এক প্রটে রেকর্ড হয়েছে। একশো আট বিঘে প্রট। গোয়ানদের অধীনস্থ চাকরানভোগী হিসেবে খতিয়ান হয়েছে। বিক্রী দলিলে এক কলমে হয়ে যাবে। আর বয়ান কতটুকু। সংক্ষেপ করে লিখলেই হবে।

—কিন্তু জগদীশ্বরবাবু নেই। তিনি তীর্থে গিয়েছেন।

—তিনি আমমোক্তারনামা দিয়ে গেছেন তাঁর বড় ছেলেকে। তিনি সই করবেন।

সুরেশ্বর বললে—করে নিন। তাই করে নিন। ও কাজ আজই শেষ করব আমি। বলে সে ডাকলে, রঘু! পোর্টফোলিওটা দে।

রঘু বসেছিল একটু দূরে, তার কাছে ছিল জলের কুঁজো গ্লাস, টিকিন-কেরিয়ারে খাবার, পোর্টফোলিও।

রঘু পোর্টফোলিওটা এনে দিল। সুরেশ্বর চেক বই বের করে বললে—মেদিনীপুরের ব্রাঙ্কের চেক দি।

কল্যাণেশ্বর বললে—হাঁ, তাই দাও। আর বেয়ারার চেক দাও। ভাঙাতে সুবিধে হবে।

ইতিমধ্যেই বিমলেশ্বর, কমলেশ্বর এবং অতুলেশ্বর এসে দাঁড়িয়েছিল কাছে। অতুলেশ্বর বললে—চেক কিন্তু নামে নামে দাও সুরেশ্বর। এক জায়গায় হলে আমাদের পক্ষে অনুবিধে হবে।

কল্যাণেশ্বর ভ্রুকুঞ্চিত করে বললে—এখানে এই দশজনের সামনে ভাগাভাগি করো না ছোটকা। লোক হাসিও না।

শিবেশ্বর রায়ের দুই স্ত্রীর গর্ভে সন্তান হয়েছিল বোলটি তার মধ্যে আটটি পুত্র চারটি কন্যা জীবিত। প্রথম স্ত্রীর পুত্র ধনেশ্বর, সুখেশ্বর, জগদীশ্বর, সমরেশ্বর আর দ্বিতীয় পত্নীর গর্ভের বিমলেশ্বর, কমলেশ্বর, অতুলেশ্বর। শিবেশ্বর থাকতেই প্রথম পক্ষের পুত্র তিনজন আপনাপন পরিবার নিয়ে পৃথক। দ্বিতীয় পক্ষের বিমলেশ্বর খানিকটা উদাসী মাহুষ, সে ঘুরে বেড়ায় স্থানীয় তীর্থে-তীর্থে, কমলেশ্বর গাঁজা খায় মদও খায়। লোকের ছাগল গরু পেলে বেচে দেয় পাইকার-দেয়। কখনও কখনও গাছও বেচে দেয় সকলের অজ্ঞাতে। বিমলেশ্বরের সংসার আছে কিন্তু ছোট দুজন বিবাহ করেনি। তারা দুজনেই সুরেশ্বর থেকে বয়সে ছোট। ধনেশ্বর সুখেশ্বর, জগদীশ্বর এদের জন্মকাল থেকেই অবজ্ঞা করে এসেছে। এরাও তাদের বিরোধী। তাদের আশঙ্কা, চেক ধনেশ্বরদের হাতে পড়লে টাকা তারা পাবে না। বাড়ী মেরামত, এজমালী মামলা খরচ, পিতৃশ্রদ্ধ অর্থাৎ শিবেশ্বরের শ্রাদ্ধ এই নিয়ে তারা টাকা কেটে নেবে।

অতুলেশ্বর বললে—কল্যাণ, লোকে হেসে হেসে ক্লান্ত হয়ে গেছে। আর তারা হাসবে না। চেক তুমি ছুখানাই লেখো সুরেশ্বর। তা নইলে আমরা অন্তত সই করব না।

কল্যাণ বললে—তাহলে তাই করে। কি বলব ?

সুরেশ্বর কোন কথা বললে না, সে চেক লিখতে বসল। নাম লিখে দু হাজার টাকা ছ ভাগ করতে গিয়ে থমকে গেল। তিন ছয়ে আঠারো। বাকী দুশোকে ছ ভাগ। মনে মনে বার কয়েক ভাগ করে মেলাতে না পেরে বললে—কত হবে কল্যাণ ?

কল্যাণ বললে—লেখো না সাড়ে তিনশো করে। একশো টাকাই বেশী যাবে তোমার।

অতুলেশ্বর বললে—তিনশো তেত্রিশ টাকা পাঁচ আনা চার পাই হবে সুরেশ্বর। লেখো। ছুখানা চেক লেখা শেষ হলে সে বললে—এই নাও, অতুলকাকা। তুমিই নাও, সব দিয়ে দাও।

এতক্ষণে নায়েব ঘোষাল বললে, তাহলে রেজেষ্ট্রির কথাটা করে নিন। এর পর—

কল্যাণ ভ্রুকুঞ্চিত করে ক্ষুব্ধকণ্ঠে বলে উঠল—এতখানি অবিশ্বাসের কথা কেন উঠছে সুরেশ্বরদা ? না-না-না। এ—। এ কি ? সই হয়ে গেছে দলিল, সাক্ষী-সাবুদ সই করেছে। সেটেলমেন্ট ক্যাম্পে দাখিল হচ্ছে, হাকিম দেখে এ্যাটোর্স্ট করে দিচ্ছেন—রেকর্ড সংশোধন হয়ে যাচ্ছে। এর চেয়েও কি রেজেষ্ট্রি বেশী ? আর আমরাও রায়বংশের ছেলে। সুরেশ্বরবাবুও যা আমরাও তাই। তকাত উনি ধনী, আমরা গরীব হয়ে পড়েছি। তা ছাড়া কথা যেখানে খোদ রায়বংশের ছেলেতে ছেলেতে হচ্ছে, তার মধ্যে কর্মচারী, সে নায়েব হোন আর ম্যানেজার হোন, কেন কথা বন্ধবেন ? এ কি কথা ?

অতুলেশ্বর বললে—বেশ তো, থাক না। চেক কেনত দাও। দলিল ছিঁড়ে কেল। দরকার কি ? রাখ।

সুরেশ্বর উঠে দাঁড়িয়ে বললে—না-না-না। ঠুঁর হয়তো ভুল হয়ে গেছে, হয়তো উনি কথাটা আমাকে বলতে পারতেন। তবে উনিও গ্রামের লোক, প্রবীণ মাহুষ। নাও কাজটা সেয়ে ফেল।

ওরা চলে গেল। সুরেশ্বর চোখ বুজে গাছের গুঁড়িটার ঠেস দিয়ে বসে রইল। আজ দিনটা যেন বড় ভাল লাগছে। জীবনে এমন দিন একটা-আধটা আসে। যত্নরাম রায়। রাজা যত্নরাম রায়। রাজার গল্প শুনে সে যা করলে, তার মূল্য হয়তো অনেক হবে। কাল সারারাত বীরেশ্বর রায়ের স্মরণীয় ঘটনাপঞ্জী পড়ে শেষ করতে পারে নি। তিনিই এনেছিলেন এই গোয়ানদের। কেন এনেছিলেন সে কথা আজ জানতে পারবে। হয়তো তাঁর প্রজামেধ যজ্ঞে সমিধ সংগ্রহের জন্ত এদের এনে বসবাস করিয়েছিলেন। হয়তো গুঁদেরও দু চাব দশজন যজ্ঞে বলি হয়ে গেছে। রায়বাহাদুর রত্নেশ্বর রায়ের প্রিয়পাত্র ঠাকুরদাস পাল—সুলতার পূর্বপুরুষকে—

—সালাম রাজাবাবু! বহুৎ-বহুৎ সালাম!

চোখ মেললে সুরেশ্বর। হিলডা দাঁড়িয়ে আছে সামনে। তার পিছনে গোয়ানেরা। হিলডাব মুখখানাব উপর বেলা তৃতীয় প্রহরের বোদ এসে পড়েছে। সে রৌদ্রে তার মুখে আঁকা মাকডসার জালের মত রেখাচিহ্ন আশ্চর্য স্পষ্ট হয়ে ফুটে উঠেছে। তার পাশেই দাঁড়িয়ে সেই কিশোরী মেয়েটি, সেই কুইনী। তাব মুখেও রোদ পড়েছে। রৌদ্রক্লিষ্টতার মধ্যেও তার কিশোব লাবণ্য যেন বলমল করছে। একটি পেলব লাবণ্য রয়েছে মেয়েটির মুখে। চমৎকার ছাঁবি হব। নাম দেওয়া যায় সকাল-সন্ধ্যা, এপাব-ওপার। অনেক নাম হয়।

হিলডা তখন আপন মনেই বলছিল—আপনে সব কিনে নিলে রাজাবাবু! ই আচ্ছা হল। বহুৎ আচ্ছা, বহুৎ ভাল হল। আপনে রাজা আদমী, আমীর লোক। আমাদের বাডী ঘর বিলকুল নাথরাজ কবে দিবে! অতুলবাবু বলেছে সব। আমরা লোক আপনেব নাম করব। কাম করব। যখন বোলাবেন কাম করব। ই তো ভোট আসছে বাবু। ভোট হবে। ইবার আপনে খাড়া হয়ে যাও বাবুসাহেব। আমরা লোক বিলকুল ভোট দিব।

—হ্যা হজুর, আপনে খাড়া হয়ে যান।

, সুরেশ্বর শেষ কথাগুলো শুনে চকিত হয়ে উঠল। ভোট? ইলেকশন? সঙ্গে সঙ্গে হাসিও পেল তার। চমৎকার পক্ষা পেয়েছে এরা প্রতিদানের। ভোট! সে হেসেই বললে—না হিলডা, ভোটে আমি কোনদিন দাঁড়াব না। ভোট আমাকে দিতে হবে না।

অবাক হয়ে গেল হিলডা। সঙ্গে সঙ্গে সমস্ত গোয়ানরা। বিচিত্র এই রায়বাবু এমন সুলন্দর ছেলেটি ভোটও চায় না!

কুইনী এতক্ষণে কথা বললে—আপনি বুঝি কংগ্রেসের হয়ে দাঁড়াতে চান না স্ত্রার?

সুরেশ্বর ওর মুখের দিকে তাকিয়ে হাসলে। বললে—গান্ধীজীকে রোজ সকালে উঠে প্রণাম করি কুইনী। যারা ফাঁসিকাঠে প্রাণ দিয়েছে, তাঁদেরও প্রণাম করি। তবুও ভোটে আমি দাঁড়াব না। আমার ভাল লাগল তোমাদের বান্ধবাড়ী লাথরাজ করে দিতে, করে দিলাম। ভালবেসে দিলাম। তোমরা ভালবেসো তাহলেই হবে।

—সালাম হজুর, হাজারো সালাম। হার-হার-হার। বহুত রোজ আপনে বাচেন। গোয়ানরা ভি রোজ সকালে আপকে সেলাম দেবে।

সে সেলাম করেছিল, সঙ্গে সঙ্গে সব গোয়ানেরা। সেলাম করেনি শুধু কুইনী। হিলডা ধমক দিয়ে বলেছিল—আরে, এ তো বহুত বেতমিজ লডকী। সেলাম দে!

কুইনী হাত জোড় করে নমস্কার করেছিল।—নমস্কার স্ত্রার।

বেশ্বরসু সেদিন লজ্জিত হয় নি, সঙ্কুচিত হয় নি, সেলামের উত্তরে সেলামও দেয় নি তাদের।



বড় ভাল লেগেছিল তার।

১৯৫৩ সালের ২৫শে নভেম্বর শেষরাত্রে জানবাজারের বাড়ীতে সুলতা ঘোষ শুনতে শুনতে এতক্ষণে কথা বলেছিল। বলেছিল—লাগবারই কথা সুরেশ্বর। দান তো ধর্মের দোহাইয়ে পুণ্যের দাবীতে পরলোকে অক্ষয়-স্বর্গ-ই দেয় না, ইহলোকে দাতা-খ্যাতিও দেয়। কিন্তু ওর মধ্যে বীজের বীজকাটা দুটি পাতার মাঝখানে অঙ্কুরের একটা ডাঁটি থাকে। সেটা মাটির নিচের দিকে হয় শিকড়, উপর দিকে হয় শাখা-প্রশাখা। মাটির নিচের রস, আকাশের আলো, বাতাসের অক্সিজেন-কার্বন ডায়ক্সাইড, এসবে হয় তার অক্ষয় অধিকার। বনস্পতি তো না কাটলে সঙ্কুচিত বা লজ্জিত কিছু হয় না।

সুরেশ্বর হেসে বলেছিল—ধনুবাদ তোমাকে। মাঝখানে ছেদ টেনে একটা সিগারেট খাবার কথা মনে করিয়ে দিয়েছ।

সিগারেট ধরিয়ে সে বলেছিল—যা বললে তার কোন প্রতিবাদ করব না। সংসারে কায়েমী স্বত্ব দু'রকমের সুলতা। একটা মাটি, আর ধন-সম্পদের কায়েমী স্বত্ব, আর একটা হল মানুষের ভালবাসায় অধিকার। তা আমি পেয়েছি সুলতা। কিন্তু এক্সপ্লয়েট যাকে বল, তা করি নি। এখনও ইচ্ছে করলে করতে পারা যায়। তুমি যদি কোনদিন দাঁড়াতে চাও ইলেকশনে, তবে সেটা নিয়ে তোমাকে দিতে পারি।

মুখ লাল হয়ে উঠল সুলতার। সুরেশ্বর বললে—দোহাই তোমার সুলতা। আমি তোমাকে আঘাত করি নি, করতে চাইনে। সব অধিকার গেলেও বন্ধুত্বের অধিকারে রহন্তাই করেছি। এখনও তর্ক ছেড়ে দাও। আমার জবানবন্দী—ছবির মধ্যে কীৰ্ত্তিহাটের কড়চা দেখাচ্ছি। সব শুনে, সব দেখে বিচার করো। তার আগে তর্ক না, বাদ না, প্রতিবাদ না। রাত্রি অনেক হয়েছে। শেষ প্রহরের দিকে ঢলেছে। স্বাধীনতার পরের কলকাতা। যে কলকাতায় সন্ধ্যার পর যুদ্ধের আমলের ময়দান-চারিগীরা স্বাধীন হয়ে ঘুরে বেড়ায়। যাদের বিচরণ এবং মাতামাতির কেন্দ্রস্থল এই ফ্রী স্কুল স্ট্রীট। শুধু যুদ্ধের পরের কলকাতা নয়, দাঙ্গার পরের কলকাতা, যেখানে গুণ্ডারা আজ বীরের পর্ষায় উঠে মহাবীরের মত দাপাদাপি করে সারা রাত্রি। সেই কলকাতার সেই ফ্রী স্কুল স্ট্রীট নিশ্চয়। একখানা কিটন চলছে না। একটা মোটর চলছে না। এখন একটা লগ্ন এসেছে, যে লগ্নটিতে আমার এই জবানবন্দী অতীতকালের প্রেতলোকে পৌঁছবে, হয়তো রায়েরা শুনবে। বর্তমানে তুমি শুনবে, আগামীকালের সূর্যোদয়েও তার রেশ চলবে। স্মরণ্য শুনো যাও। মনে কর এককালের বন্ধুর জীবনের শেষ দিনের শেষ রাত্রে শেষ কথা শুনছ।

\*

\*

\*

একটা দীর্ঘনিঃশ্বাস ফেলে সুরেশ্বর বললে—বিচিত্র কথা শোন সুলতা। সেদিন এত করে গোয়ানদের মুক্তি দিতে পারলাম না।

—কেন ?

—কাল আসে নি সুলতা। এই আজকের দিন, মানে ১৯৫৩ সালের ২৫শে নভেম্বর আসে নি বলে হল না। আইনে আটকাল।

দলিল শেষ হয়ে দাখিল হল। ধনেশ্বর রায়েরা সুরেশ্বরের নামে লাখরাজ ছিল জঙ্গলমহল-চিত্ররং রেকর্ড করিয়ে দিলে। স্বত্ব লাখরাজ—লাখরাজদার সুরেশ্বর রায়। সুরেশ্বর রায় বললে—গোয়ানরাও এতে লাখরাজ স্বত্বভোগী। ওদের সমস্ত বান্ধ লাখরাজ। ওরা কাকুর প্রজা নয়। তাও রেকর্ড হল। স্বত্ব হল ভোগদখলদ্বয়ে নিষ্কর। কিন্তু প্রায় উঠল—তাহলে

এই দাগগুলো? পথ, পুকুর, গলিপথ, এবাড়ী-ওবাড়ীর মধ্যে কয়েকটা পতিত প্রট—যেগুলোতে ওদের গরু চরে, ছাগল চরে, যেগুলো ওদের গোরস্তান, সেগুলো কার মালিকানার ওদের অধিকার দখল হবে, তার মীমাংসা করতে হবে। বল, তোমরাই বল, কার খতিয়ানভুক্ত হবে? এসব জমির মালিক কে? কার জমি?

হিলডা বললে—কার? না—না, উ তো আমরাদের নয় সাব। উ তো বাবুদের।—হাঁ, আমরা ভোগ করি, দখল করি। লেकिन মালিক তো নয়।

সুরেশ্বর বললে—লিখুন, সর্বসাধারণের। মালিকানি কারুর নয়। হলে সরকারের।

হরেনবাবু বললেন—তা হয় না রায়মশায়। লাখরাজের মধ্যে সরকারের কোন মালিকানা খতিয়ান কি করে থাকবে? সেটেলমেন্টের আইনে জমি থাকলেই সরকারের অধীনে মালিক একজন চাই। সাধারণতঃ জমিদারের অধীনস্থ জমিদারীতে খাসখতিয়ানে ওগুলো ঠাঁই পায়, কিন্তু সাধারণের ব্যবহার্য হিসেবে ব্যবহারের অধিকার থাকে সাধারণের। মালিক না থাকলে চলবে না। মালিক থাকতেই হবে। কারণ এদেশেরই নিজের কোন স্বত্ব নেই—এদেশ এক সম্রাটের সম্পত্তি। সম্রাট দেশকে জমিদারীতে ভাগ করে, জমিদারকে উর্ধ্ব এবং অধঃলোকের পর্যন্ত মালিকানি দিয়েছেন। মালিক না থাকলে কি করে বসবে? কিন্তু ছিট জঙ্গলমহল, চিতরং, লাখরাজ। লাখরাজের মাঝখান দিয়ে যে রাস্তাঘাট রয়েছে, যে পুকুর রয়েছে, তা-ও লাখরাজ, সে জমিদারীর খাস পতিতেও যেতে পারে না। এখন সেগুলো হবে কার?

সুরেশ্বর ভেবে এর মীমাংসা পেলে না।

হরেনবাবু সার্কেল অফিসার হাসলেন। ধনেশ্বর বললে—ওরে হয় না। এ হয় না। ভগবান তো স্বর্গের দ্বার খুলেই রেখেছেন, কিন্তু যাওয়া চাই তো দোর পর্যন্ত। যে যাবার, সে যায় রে, বাকিদের যাওয়া হয় না; খোলা দরজাটা হাঁ-হাঁ-ই করে।

হিলডা এবার এসে বললে—তবে উসব পথ, পতিতপুকুর আমরাদের রাজাবাবুর নামে রাখেন ডিপুটিসাব। আর ওহি তো সত্যিও বটে। ঘরবাড়ী আমরাদের লাখরাজ, খাজনা আমরা দিই না, চাকরান ভি নয়, লেকেন বাবুর ইলাকাতে আমরা থাকি। জমিদার আমরাদের বটে। ওই করে দিন হুঁজুর।

হরেন ঘোষ অনেক ভেবে তাই করলেন। মূল লাখরাজদার শ্রীসুরেশ্বর রায়, তাঁর অধীনে গোয়ানরা ভোগদখলস্বত্বে নিজের স্বত্বের অধিকারী।

গোয়ানরা সুরেশ্বরকে সানন্দচিত্তে মালিক জমিদার বলে জয়ধ্বনি দিয়েই চলে গেল বাড়ী। ক'জনে বলে গেল—ই আচ্ছা হল। এহি ঠিক। ঝগড়া হোবে, গোলমাল হোবে তো বিচার কোন্ করবে? ই ভালো হল, আচ্ছা হল। জমিদার বিচার করবে।—

\*

\*

\*

‘স্বর্গের সিংহদ্বার খোলাই আছে, দু-চারজন ভাগ্যবান সেখানে যায়, বাকি মানুষ ভাগ্যদোষে যেতে পারে না। দরজাটা খোলা হাঁ-হাঁ-ই করে।’

কথাটা ঘুরছিল সুরেশ্বরের মনের মধ্যে। কথাটা ধনেশ্বর-কাকা অবস্থা মিলিয়ে বলেছেন ভাল। হয় ভাগ্যবান হতে হবে, নয় ভাগ্যবিধাতাই দখল করতে হবে, যে-বদলের সঙ্গে ভাগ্যের বিধানটা বদলে যায়।

উত্তরটা তার মনের মধ্যেই ধ্বনির প্রতিধ্বনির মত যেন বেজে উঠল।

কিরিছিল সে। ক্যাম্প-কোট শেষ হয়ে এসেছে। সে একটু আগেই বেরিয়ে

পড়েছে। নইলে হরেন ঘোষ হয়তো নতুন করে আলাপ জমাবার চেষ্টা করবে। আজকের আচার-ব্যবহারে কথায়বার্তায় তাই মনে হয়েছে তার। তাছাড়া তার মনকে আকর্ষণ করছে বীরেশ্বর রায়ের স্মরণীয় ঘটনাপঞ্জীর খাতাখানা।

একখানা চিঠি বীরেশ্বর রায়ের বউদি জগদ্ধাত্রী দেবী তাঁর হাতে দিলেন। বীরেশ্বর রায় হাতের লেখা দেখে চমকে উঠলেন। হাতের লেখা যে ভবানীর।

ভবানী দেবী দহের ঘাটে গায়ের গহনা খুলে গামছায় বেঁধে স্বেদে দিয়ে ভরা কংসাবতীর দহে বাঁপ দিয়েছিলেন। তাঁর দেহ পাওয়া যায়নি, না পাবারই কথা। ভেসেই চলে যাওয়ার কথা, গঙ্গার বুকে পড়ে সাগরতীরের মুখে। অবশ্য পথে তাঁটার সময় চড়ার লাগতেও পারে, হয়তো সুন্দরবনের জঙ্গল-জানোয়ারে ছিঁড়ে খেতে পারে, গঙ্গার স্রোতের টান থেকে কুমীরে টেনে নিয়ে গিয়েও খেতে পারে। অসংখ্য পচা-মাংসভুক মাছ ঠুকরে খেতেও পারে। বাঁচার কথা তাঁর নয়।

তবু কেন জানি না, বীরেশ্বর রায় ভবানী মরেছে একথা বিশ্বাস করেননি। কেন তা লেখেননি, তাঁর অজ্ঞান সত্য। ভবানী দেবীর নিজের হাতের লেখা চিঠি তাঁর হাতে এসে পৌঁচেছে। কি লেখা আছে তা পড়বার মুহূর্তটিতেই মেজদি এসে পড়েছিলেন, বলেছিলেন—  
ওঠ।

তারপর ব্রজদা।

আবার তার মন দুর্নিবার আকর্ষণের টানে ঘরের মুখে চলেছে, সেই খাতা খুলে সে বসবে।

ঠাঁৎ পিছন দিকে অনেক পায়ের শব্দ সুরেশ্বরের কানে এসে পৌঁছুল যেন। শব্দটা উচ্চ হয়ে উঠছে। এবং এ-শব্দটা যেন চেনা। কলকাতায় পিচের রাস্তার উপর এ-ছন্দের পদশব্দের ধ্বনির সঙ্গে পরিচয় হয়েছে। মার্চের শব্দ। পায়ের বুট না থাকলে এ-শব্দ শুধু পায়ের ওঠে না।

সাইকেলের ঘণ্টা বাজছে। অসহিষ্ণু আরোহী ঘণ্টা দিচ্ছে। সে সরে দাঁড়াল, পাশ দিয়ে সাইকেল বেরিয়ে গেল খানচারেক। থাকী পোশাকপরা, কোমরের বেল্টে রিভলবার বাঁধা পুলিশ অফিসার। এবার সে ঘুরে দেখলে। খুব বেশী দূরে নয়, সেটেলমেন্টের ক্যাম্পের পাশ দিয়ে, এই রাস্তাটা ধরেই চলে আসছে পুলিশবাহিনী। কুড়ি-পঁচিশজনের একটি আর্মড পুলিশবাহিনী। পথের ধুলো কুণ্ডলী পাকিয়ে উড়ছে। সেটেলমেন্ট ক্যাম্পে যেসব লোকেরা এসেছিল, তারা দল পাকিয়ে দাঁড়িয়ে দেখছে।

সুরেশ্বরের মন চকিতে বীরেশ্বর রায়ের কাল থেকে মুখ ফিরিয়ে আজকের অপরাহ্নের কীর্তিহাটে ফিরে এল।

মেদিনীপুরের কীর্তিহাটে। সেখানে রায়বংশের ধ্বংসস্মৃতির উপর দাঁড়িয়ে আছে অতুলেশ্বর।

আজ মিটিং হবে ঘোষণা করেছে ঢেঁড়া দিয়ে। কংগ্রেসের মিটিং। রিজার্ভ ফোর্স আসছে।

সুরেশ্বরের মনে ছবির কল্পনা জেগেছিল। তিনখানা ছবি। বা একখানাতেই তিনজনের ছবি—লর্ড ডালহৌসির সামনে নতজাহ্ন বীরেশ্বর রায়।

রায়বাহাদুর রত্নেশ্বর রায়ের ছবি।

কংগ্রেসের কাণ্ড হাতে অতুলেশ্বর।

না। তার সঙ্গে তারও ছবি না আঁকলে সম্পূর্ণ হবে না। 'বিদায় বিপ্লব' পত্র হাতে সুরেশ্বর রায়।

পুলিশবাহিনী তার পাশ দিয়ে চলে গেল।

১২

সুরেশ্বরের ইচ্ছে হয়েছিল সে যায় সভার নির্দিষ্ট স্থানে। কিন্তু সে যায়নি। সশ্রবণ করেছিল নিজেকে। সে জানে, যে-মন, যে চরিত্র, যে-বাস্তবতাবোধ নিয়ে এ বিপ্লবের কর্মী হওয়া যায়, সে তার নেই। না—নেই।

হুতো এ মন তাকে দিয়েছে তার অর্থনৈতিক অবস্থা, বালাকালে তার বাবা তাকে যা শিখিয়েছিলেন; যে-দৃষ্টি দিতে চেয়েছিলেন, সেই শিক্ষা, সেই দৃষ্টি। এবং তিরিশ মাসে জেলের মধ্যে বিপ্লবীদের যে এক উন্নত মনের বিচিত্র বাস্তববোধের পরিচয় পেয়ে সে শিউরে উঠেছিল, যা সহ্য করতে পারেনি, সেই অভিজ্ঞতা তাকে দূরে সরিয়ে দিয়েছে।

বীরেশ্বর রায়, রায়বাহাদুর রত্নেশ্বর রায়, তা থেকে দেবেশ্বর রায়, তার পিতামহ তিনি গোপনে বিপ্লবীদের অর্থসাহায্য করতেন বলে সে শুনেছে, তাঁর পর তার বাবা যোগেশ্বর রায়—তিনি ইংলিশম্যান স্টেটসম্যানের চাকরি করেও, ইংরেজ সরকার সশ্রবণ অনেক সমালোচনা করেছেন, স্টেটসম্যানের চাকরি ছেড়ে তিনি দেশবন্ধু দাশের কাগজেও লিখেছেন। তারপর সে। সে জেলে গিয়েছিল। ফিরে এসে সে অহুতপ্ত হয়েছিল। তারপর অতুলেশ্বর।

অতুলেশ্বর আজ গুলি খেয়ে মরতে হুতো পারবে।

বিবিমহলে সেই ছাত্র ঘরে বসে সুরেশ্বর বীরেশ্বর রায়ের স্মরণীয় ঘটনাপঞ্জীর খাতাখানা সামনে খুলে রেখে খানিকটা পড়েও আর পড়তে পারেনি। মন তার ওই মিটিং-এ কি হচ্ছে, তার ভাবনাতেই বার বার বাঁপ খেয়ে পড়তে চাচ্ছিল এবং পড়ছিল। গোটা বিবিমহলে এক রঘু ছাড়া কেউ নেই। মেজদি আসেননি, ব্রজেশ্বরও না। তারাও কি মিটিংয়ে কি হচ্ছে দেখতে গেছে? অথবা ঘরের মধ্যে তারই মত সংস্রাবুল হয়ে রয়েছে?

মিটিংটা হচ্ছে পুরনো তিনমহলা রায়-বাড়ীর উত্তরে যে-খিড়কির দুখপুকের আছে, তার ওপাশে যে ডোমপাড়ার পতিত প্রান্তরটা সেখানে। প্রোটা রাজকুমারী কাত্যায়নী একটা তেরো-চৌদ্দ বছরের ডোমের ছেলে গাছে চড়ে তাঁর গায়ের আশ্চর্য সুন্দর রং দেখেছিল বলে যে-ডোমপাড়ার গোটাটাই হাতী দিয়ে ভাঙিয়ে দিয়েছিলেন, এটা সেই প্রান্তর।

একটা কোলাহল ভেসে আসছে। ঠিক বুঝতে পারছে না সুরেশ্বর কি হচ্ছে। সে ছাত্রিটায় বসেছিল, ছাত্রিটার চারিদিকে আটটা থাম, নিচে রেলিং, বাকি উপরের দিকটা ছাদ পর্যন্ত সবই ফাঁকা, চারিদিকেই দেখা যায়। তবে অনেকটা দূরে রায়বাড়ী ওদিকটা আড়াল করে রেখেছে। সে দেখছিল, পথেঘাটে কোন লোক নেই। গ্রামের অল্প সকল দিক থেকেই প্রাণস্পন্দন, জীবন-গুঞ্জন সরে গিয়ে ওই—ওইখানটাতেই জমায়েত হয়েছে। প্রথম বারকয়েক 'বন্দেমাতরম', 'ইনকিলাম জিন্দাবাদ' ধ্বনি উঠেছিল কিন্তু তারপর আর কোন ধ্বনি উঠেছে না। উঠেছে এন্টা বহু কণ্ঠস্বরের মিলিত বহুবাক্যের একসঙ্গে উচ্চারণের কোলাহল। তবু এখনও কোন বন্দুকের শব্দ ওঠেনি—এইটাই একমাত্র আশ্বাস।

এদিকে দেখা যাচ্ছে, কংসাবতীর স্রোতোধারা চলে গেছে একটু পূর্বদিকের ছোয়াচ-লাগানো দক্ষিণমুখে। সন্ধ্যার লালচে আলোর ছোপ ধরেছে কীসাইয়ের জলে।

বিবিমহলের এই ছত্রিঘরের ঠিক নিচে দহটার বৃকে কিছুতে অর্থাৎ কোন জলচর জীব হঠাৎ নড়ে উঠল ; জলের বৃকে গোলাকার বৃত্ত একটার পিছনে একটা ছুটছে। এই দৃশ্যে ভবানী দেবী ঝাঁপ দিয়েছিলেন মরবার জন্য। কিন্তু মরেননি। ভেসে গিয়েছিলেন কাঁসাইয়ের স্রোতে। ওই পূর্ব-দক্ষিণ মুখে। ভবানী দেবীর চিঠিখানা কিছুক্ষণ আগে সে পড়েছে। জগদ্ধাত্রী দেবীকে লিখেছিলেন নিরুদ্দেশ হওয়ার সাত বছর পর। সাত বছর পর বীরেশ্বর রায়ের অহেতুক অনুমান সত্য হয়ে দাঁড়াল। ভবানী দেবী মরেননি ? তিনি বেঁচে আছেন।

“মরিব মানস করিলেই মরণ আইসে না। পৃথিবীতে যাহার লিখনে যত দুর্ভাগ্য, যত দুর্ভোগ প্রহারের ব্যবস্থা বিধাতা লেখে, তাহা এড়ানো যায় না। ভোগ করিবার জন্য বাচিতে হয়। অদৃষ্টই বাচায়। আমি বর্ষার কাঁসাইয়ে মরিব বলিয়া ঝাঁপ দিয়াছিলাম, কিন্তু মরণ হয় নাই। বাঁচিয়াছি। কোথায় আছি, কেমন আছি তাহা লিখিব না। আর আমার ঘরে কিরিতে সাহস নাই—ইচ্ছা নাই। ঠিকানাও দিব না। তিনি ঠিকানা পাইলে আমাকে নিশ্চয় খুঁজিয়া বাহির করিবেন এবং হয় গলা টিপিয়া নয় গুলি করিয়া মারিবেন। মরিতে আমার ভয় নাই কিন্তু তিনি স্ত্রী-হত্যার পাতকে পাপী হইবেন। হয়তো থানা-পুলিশ হইয়া একটা ভয়ানক কাণ্ড ঘটবে। আবার তিনি হয়তো সব শুনিয়াও ক্ষমা করিয়া ঘরে লইতেও পারেন। তিনি সব পারেন। সমাজের আপত্তি হইলে ক্রীশ্চান হইয়া যাইবেন। কিন্তু আমাকে ঘরে লইলে সর্বনাশ হইবে। আমি দুর্ভাগ্য, আমি পাপ। তুমি জ্ঞাত আছ, আমি এক সাধক-তান্ত্রিকের কন্যা। আমার পালক বাবা বলিতেন, তাহাকে কামাখ্যা পাহাড় হইতে যোগিনী-ডাকিনীতে ঠেলিয়া নিচে ফেলিয়া দেয়। তিনি অনেক নিচে পড়িয়া মারা গিয়াছেন, নয় জন্ততে খাইয়াছে। কিন্তু সে-ও আমার জন্মের জন্য। আমার জন্মের পাপেই তাহার এই পরিণাম হইয়াছে। আমার পাপেই আমার এমন স্বামী মদ ছাড়িয়া আবার মদ ধরিলেন, প্রায় পাগল হইলেন। আবার ঘরে কিরিলে হয়তো সর্বনাশ হইবে। আমাকে মারিয়া ফেলিয়া নিজে মরিবেন। এত কথা তোমাকে লিখিতেছি এই জন্য যে, তুমি আমার বাল্য-সঙ্গিনী ছিলে, বিয়ের সম্বন্ধে বড়-জা হইয়াছিলে, তুমি সব কিছু কিছু জান এবং আমার স্বামী তোমার দেওর। এখন বলিবার কথা এই যে, তুমি ভাই তাহাকে ডাকিয়া বুঝাইয়া-সুঝাইয়া নতুন বিবাহ দিয়া সংসারী করিয়া দিবা। তুমি আমা অপেক্ষা বয়সে ছোট, বাল্যকালের সঙ্গিনী, তথাপি তুমি সম্পর্কে বড়-জা, তুমি আমার প্রণাম জানিবা। ইতি—ভবানীকুমারী দেবী।”

এর নিচেই বীরেশ্বর রায় লিখেছেন—“পাপ তাহাতে সন্দেহ নাই। তাহাকে পাইলে খুন করিব, তাহাতেও সন্দেহ নাই। মহাপাপিনী, নইলে তাহার গর্ভস্থ সন্তান অবিকল বিমলাকান্তের মত হইল কেমন করিয়া? কামার্ত পশু বিমলাকান্ত। সে-ও বুঝিয়া এই কারণেই পলাইয়াছে। আমার আশঙ্ক্য হইতেছে, ওই সন্তানটাকে গলা টিপিয়া আমি তাহার চক্ষের সম্মুখে মারিয়া ফেলি নাই কেন?”

সর্বাঙ্গ শিউরে উঠেছিল সুরেশ্বরের। সে আর নড়েনি, খাতাখানাকে দূরে সরিয়ে দিয়েছে। পড়তে সাহস হয়নি।

আবার গম্ভীরভাবে দিয়েছে যে, বীরেশ্বর রায়ের বংশের সন্তান নয় তারা। বিমলাকান্তের পুত্র কমলাকান্ত বীরেশ্বরের ভাগিনের, বীরেশ্বর রায়ের পোয়পুত্র হয়ে নাম হয়েছিল রত্নেশ্বর রায়। তার বংশধর তারা।

বিমলাকান্তের উপর নিষ্ঠুর ক্রোধের কারণ তার কাছে স্পষ্ট হয়ে উঠল। হায় ধর্মপরায়ণ

বিমলাকান্ত ! হায় তোমার তাত্ত্বিক সাধক পিতা শ্রামাকান্ত ! হায় তোমার মাতামহ শুদ্ধাচারী ধার্মিক পদ্মনাভ ভট্টাচার্য !

অন্ধকার মেঘাচ্ছন্ন রাত্রে আকস্মিক একটা বিদ্যুতের চমকের মত একটা সত্য সুরেশ্বরের মনের মধ্যে ঝলসে উঠল ।

রায়বংশে তীব্র নারী-দেহ-পিপাসা কোথা থেকে এল, তার উৎস যেন এই বিদ্যুৎ-চমকে স্পষ্ট পরিষ্কার ভাবে সে দেখতে পেয়েছে । বিমলাকান্ত এর উৎস । সে নিজেকেও তৌ জানে । তার রক্তের মধ্যে এর জোয়ার বা বস্তার আবেগ তো সে অনুভব করেছে । মনে পড়ে গেল গোপেশ্বরের ।

ওঃ ! শিউরে উঠল সে । বিমলাকান্ত থেকে সে, ব্রজেশ্বর, গোপেশ্বর—এরা পঞ্চমপুরুষ । ওই বীজ এই সম্পদের ইনকিউবেটারে সমৃদ্ধপালিত হয়ে সমস্ত রক্তধারাকে বিযুক্ত করে দিয়েছে । তার আগে—। থাক, পিতৃপুরুষদের কথা থাক ।

হঠাৎ সেই মুহূর্তটিতেই উঠেছিল কয়েকবার মানুষের সমবেত কর্তৃধ্বনি—বন্দেমাতরম । বন্দেমাতরম । বন্দেমাতরম । জিন্দাবাদ । জিন্দাবাদ । জিন্দাবাদ । ইনকিলাব শব্দটা এতদূর পর্যন্ত পৌঁছোয়নি । সে-শব্দটি একজন বা দুজনে ধ্বনি দিয়ে থাকে । কিন্তু য'জনেই সে-শব্দটি ধ্বনি দিয়ে থাক, তার মধ্যে যে একটি কর্তৃশ্বর অতুলেশ্বরের, তাতে তার সন্দেহ ছিল না ।

মন ফিরে এসেছিল আর একদিকে । ঘন কালো মেঘাচ্ছন্নতার মধ্যে প্রাচ্ছন্ন সূর্যের আভাসের একটি রক্ততন্তু রেখার মত অতুলেশ্বর । ও কোথা থেকে এল ? হয়তো শ্রামাকান্ত যে শক্তিসাধনা অর্ধসমাপ্ত রেখে কাঁসাইয়ের বস্তার মরেছিলেন, তারই পুণ্যফল !

হঠাৎ একটা উচ্চকণ্ঠের ডাক ভেসে এল যেন আকাশপথ ধরে । অনেকটা উঁচু থেকে ডাকছে—রাজাভাই !

বৃষ্ণতে বাকি রইল না কে ডাকছে । কিন্তু কোথা থেকে ডাকছে খুঁজতে গিয়ে তার নজরে পড়ল দূরে রায়বাড়ীর ছাদের আলসের গারে দাঁড়িয়ে ব্রজেশ্বর । চোখোচোখি হতেই সে চীৎকার করে বললে—অতুলকে আরেস্ট করেছে ।

বিস্মিত হল না সুরেশ্বর । সে তাকিয়েই রইল তার দিকে । হঠাৎ পিছন থেকে কোন মেরে এসে ব্রজেশ্বরকে কি বললে ।

—পুলিশ আসছে । বলই ব্রজেশ্বর চলে গেল । বোধ হয় ছাদ থেকে নেমে গেল এবার । দেখতে পেল, দূরে ঠাকুরবাড়ীর ওপাশে, মা-কালীর নামে প্রতিষ্ঠা করা কালীসাগরের ওদিকের পাড় ধরে অনেক লোক ছুটেছে । পালাচ্ছে । সম্ভবত পুলিশ তাড়া করেছে । যেদিনীপুরে কংগ্রেস আজও বে-আইনী প্রতিষ্ঠান । পুলিশ বোধ হয় লাঠিচার্জ করেছে । এদিকে ‘বিবিমহল’ একখানি একক বাড়ী । এর পাশ দিয়ে এক গোয়ানপাড়ার লোক ছাড়া কেউ হাঁটে না । পূর্ব এবং দক্ষিণদিকটা ফাঁকা । শুধু বনই আছে । বসতির মধ্যে নদীর ওপারে গোয়ানপাড়া ।

না—। আসছে । গোয়ানপাড়ার লোকই আসছে । ক’টি তরুণী মেরে আর জনকয়েক জোয়ান ছেলে । রোজী বলে প্রগল্ভা মেরেটিও তার মধ্যে রয়েছে । আরও রয়েছে—কুইনী । ওদের জিজ্ঞাসা করতে গিয়েও কিছু জিজ্ঞাসা করলে না সুরেশ্বর ।

কি জিজ্ঞাসা করবে ?

সত্যি কথা বলতে, তার একটু বেন সন্কোচও হচ্ছিল । নিজেকে ছোট মনে হচ্ছিল । এরা



বে-ডাকে সাড়া দিয়েছে, সে-ডাকে সে সাড়া দেয়নি।

ওরা চলে গেল রাস্তা ধরে—গোয়ানপাড়ার ঘাটের দিকে।

চূপ করেই দাঁড়িয়ে রইল সুরেশ্বর। ভাবছিল—স্টেটসম্যানের 'বিদায় সত্যগ্রহ' বলে যে পত্রখনা সে লিখেছিল, সে তো স্বাধীনতা নিয়ে মিথ্যা নয়। তবে—তবে সে কেন সন্ধ্যা বোধ করছে? কেন?

হঠাৎ চোখে পড়ল—বিবিমহল আর রায়বাড়ীর মাঝখানে যে বিশ বিঘের উপর আমবাগান, সেই বাগানের বৃহদায়তন গাছগুলোর গুঁড়ির আড়ালে আড়ালে একটি সচল নারীমূর্তি। কখনও দেখা যাচ্ছে, কখনও যাচ্ছে না। হঠাৎ একবার সে গাছের আড়াল থেকে বের হতেই সে তাকে চিনলে। সে অর্চনা। জগদীশ্বর-কাকার সেই সুঘমামরী মেয়েটি।

অর্চনা, বাগানের গাছের আড়াল থেকে বেরিয়ে, এ-পাশ ও-পাশ তাকিয়ে দেখে নিয়ে খুব দ্রুত হেঁটে এসে ঢুকল বিবিমহলেই।

সুরেশ্বরের মনে পড়ল, সকালবেলা ব্রজদা বলেছিল, মেজদি অতুলকে স্বদেশী করতে টাকা দেন। তিনি তার অভয়দাত্রী, তার অর্থসাহায্যদায়িনী। এবং অর্চনা তার সহকারিণী।

অর্চনা তবে পালিয়ে এসেছে। ব্রজদা বললে—ও-বাড়ীতে পুলিশ এসেছে। অর্চনা কি ভয়ে পালিয়ে এসেছে? সে দ্রুত নিচে নেমে গিয়ে দাঁড়াল হলটায়। কিন্তু কই অর্চনা?

অকস্মাৎ নদীর ঘাটের উপর ছত্রিঘরের দরজাটা খোলার শব্দ হল। পুরনো দরজা সন্তর্পণে খুলেও শব্দ হয়। তারপরই একটা ভারী কিছু জলে পড়ার শব্দ। চমকে উঠল সুরেশ্বর। সে আবার হল থেকে বেরিয়ে ছুটে গেল ছত্রিঘরের দিকে। তখন দরজাটা বন্ধ হচ্ছে। পায়ের শব্দ শুনে অর্চনা চমকে উঠে ঘুরে দাঁড়াল।—কে?

—ভর নেই। আমি সুরেশ্বরদা।

—সুরেশ্বরদা! ওঃ, চমকে উঠেছিলাম আমি। বলে আবার সে পিছন ফিরে দরজাটা দিতে গিয়ে বললে—ভালই হয়েছে। আমি এই দরজা দিয়েই বেরিয়ে যাচ্ছি। তুমি দরজাটা বন্ধ করে দিয়ে চলে যাও। দেখো যেন ছত্রিঘরের ওদিকের দরজাটা দিতে ভুলো না। আমি বিবিমহলের পিছনে পিছনে চলে যাব।

—কোথায় যাবে?

—ঠাকুরবাড়ী ঢুকব গিয়ে।

—ঠাকুরবাড়ী?

—হ্যাঁ। বলে সে বেরিয়ে গেল। সুরেশ্বর আর কোন প্রশ্ন করতে পারলে না। প্রশ্নের সময় এ নয়। দরজা বন্ধ করে সে এসে আবার উপরের ছত্রিঘরে উঠল।

রায়বাড়ীতে গোলমাল উঠছে।

পুলিশ এসেছে তাহলে! হঠাৎ মনে হল, মেজদি? মেজদি অতুলেশ্বরকে ভালবাসেন। একমাত্র ওই ছোট ছেলেটিরই মা তিনি হতে পেরেছিলেন। তাকে?—তাকে যদি লাঞ্ছনা করে?

১৯৩০ সাল থেকে চট্টগ্রামে, মেদিনীপুরে ইংরেজের পুলিশ, এদেশী পুলিশ যে কুৎসিত বীভৎস অত্যাচার করেছে, তা যদি পাপ হয়, যদি অপরাধ হয়, তবে এই ইংরেজ রাজত্ব থাকবে না। কিন্তু তা মনে করলে আতঙ্ক হয়। এ যে মেদিনীপুর।

সে বেরিয়ে গেল রায়বাড়ীর দিকে।

হাতে হাতকড়া, কোমরে দড়ি-বাঁধা অতুল দাঁড়িয়ে আছে। তার জামাকাপড় ধুলার

ধূলিধূসর হয়ে গেছে, ছিঁড়ে গেছে। রায়বাড়ীর সুন্দরবর্গের অধিকারী ছেলেটির কপালে কালসিটে পড়েছে। হাত ফেটে গেছে, লম্বা রুম্ব চুলগুলি ধুলায় পিঙ্গল হয়ে উঠেছে। তার পাশে কোমরে দড়ি-বাঁধা, হাতে হাতকড়া পরানো বৃদ্ধ রঙলাল মণ্ডল। তার দেহে নির্ধাতনের চিহ্ন। আরও তিনটি অতুলের সমবয়সী যুবক, তাদের একজনকে সে মেজদির ভাজের শব-সংকারের সময় দেখেছে। পরিচয় সেইদিন সামান্যই হয়েছিল। একজন ও-পাড়ার গাজুলী-বাড়ীর ছেলে।

অতুল তাকে দেখে একটু হাসলে। সুরেশ্বরের বিশ্বাসের সীমা ছিল না ওই বৃদ্ধ রঙলালের হাতে হাতকড়া দেখে।

এ বৃদ্ধ? এ বৃদ্ধ কি করলে?

পুলিশ সার্চ করছিল অতুলেশ্বরের ঘর। শিবেশ্বর রায়ের ছয় ছেলের মধ্যে বাড়ী ভাগ হয়ে গেছে। অতুলেশ্বরের ভাগে তিনখানা ঘর পড়েছে। আসবাব সামান্যই, ভাঙা খাট একখানা। একটা পুরনো আলমারি। একটা চেষ্ট-ড্রয়ার। তার উপর একটা পুরনো আমলের ড্রেসিং-আয়না। ক'টা ক্র্যাকেট। একটা শেল্কে কতকগুলো বই। খানদুই চেয়ার। একখানা টেবিল, একখানা হাল-আমলে কেনা সস্তা কাশিমের কোল্ডিং ইজিচেয়ার। একখানা ঘর ফাঁকা। একখানা ঘরে কিছু বাসন। তোলা বাসন। কথানা পুরনো সত্তরজি। একখানা গালিচা। কতকগুলো ভাঙা কাঠ-কাঠরা। একটা কুলুঙ্গীতে খানকয়েক রূপোর বাসন। মাথার ছাদের গায়ে ঝুলানো একটা ভাঙা কাড়লগুন।

ধনেশ্বর আপনমনেই বকে যাচ্ছেন—এই পরিণাম। অদৃষ্টের পরিহাস। রায়বাহাদুর রত্নেশ্বর রায়। তাঁর পিতা বীরেশ্বর রায়। ইংরেজ রাজত্বের সম্ভ্রান্ত, স্বনামধন্য রাজভক্ত জমিদার। রাজা উপাধি পাবার কথা কিন্তু মৃত্যু হওয়ার পাননি রত্নেশ্বর রায়। কত খাতির রাজদরবারে। আজ তাঁর বংশধর রাজদ্রোহী। বাঃ! বাঃ! বাঃ!

পুলিশ অফিসার দুজন কনস্টেবল নিয়ে সার্চ করে চলেছিল জ্ঞানপত্নীভাবে। একজন সামনে বসেছিল একটা চেয়ারে, সিগারেট টানছিল।

ব্রজেশ্বর ওদিকে বারান্দার রেলিংয়ে ভর দিয়ে দাঁড়িয়েছিল। সে এসে রয়েছে সুরেশ্বরের কেনা অংশে। যে-অংশে মেজদি থাকেন।

সুরেশ্বরকে সহজে চুকতে দেয়নি পুলিশ। তার পকেট এবং কোমর সার্চ করে দেখে পরিচয় নিয়ে তবে চুকতে দিয়েছে। সে বলেছে—এইদিকটা তার নিজস্ব—সে তার নিজস্ব অংশে চুকবে।

সার্চ শেষ করে অফিসারটি উঠে বললে—আচ্ছা, চল।

তারা ভারী বুটের শব্দ তুলে নেমে চলে গেল। সঙ্গে নিয়ে গেল গ্রেপ্তার-করা লোক ক'জনকে।

চলে যেতেই ধনেশ্বর প্রথরভাবে মুখর হয়ে উঠল।

বিমলেশ্বর শুদ্ধ হয়ে দাঁড়িয়েছিল তাঁর অংশের বারান্দায়। সে উদাসী প্রকৃতির মানুষ। তাদের তিন সহোদরের মধ্যে সেই সব থেকে বড়। তার চোখ থেকে জল গড়াচ্ছে। তার ওদিকে কমলেশ্বর বসে আছে এবং কাঠি দিয়ে বরান্দায় পলেক্তার চটাখসা মেঝের উপর কিছু লিখেই চলেছে আপনমনে।

সুরেশ্বর ব্রজেশ্বরকে জিজ্ঞাসা করলে—মেজদি কোথায়?

ব্রজেশ্বর আজ পাণ্টে গেছে। সে সরস-কৌতুকপরাণগতা নেই। বিষন্ন হয়ে গেছে।

একটু বিষণ্ণ হেসে বললে—খান্নে বসেছেন। জপ করছেন।

স্বপ্নের বারান্দা থেকে ঘরের দিকে এগিয়ে গেল। ব্রজেশ্বর বললে—ওখানে কোথায় যাবে? ঠাকুরবাড়ীতে? অতুল মিটিং করবে—সকাল থেকেই অস্বস্তি, কারণে অকারণে যমকে ডাকছিলেন। এস, নাও আমাকে, আর পারছিলেন। মধ্যো মধ্যে বৃদ্ধ স্বামীদেবতাকে স্মরণ করে তাঁকে তিরস্কার করছিলেন—বুড়ো বয়সে বিয়ে করতে এই হতভাগী ছাড়া কি আর কাউকে খুঁজে পাওনি! কি গ্রহের জঞ্জালে আমাকে ফেলে গেলে! ওই তোমার ওখানে ঢেঁড়া যখন পড়ল তখন থেকে। দেখলে না, ছুটেই প্রায় পালিয়ে এলেন। অতুলকে বারণ করবেন। কিন্তু কোথায় অতুল। অতুল আর সারাদিন বাড়ী আসেনি। সে সকাল থেকে এদিন-ওদিক ঘুরে মিটিংয়ের ব্যবস্থা করে গিয়েছিল সেটেলমেন্ট ক্যাম্পে। গোস্বামিনদের তরফি ওকালতি করবে কে? সে তো তোমার দৌলতে মিটে গেছে শুনেছি। দু হাজার টাকার চেক কর্তন করেছে। সে ওপান থেকে ওই চেক নিয়ে মুহূর্তের জন্ত বাড়ী এসেছিল। চেকখানা অর্চনার হাতে দিয়ে বলে গেছে মাকে দিস। বলিস, আজ হয়তো আমাকে ধরবে। পুলিশ আসছে খবর পেয়েছি। বলেই বেরিয়েছিল। মেজদি সঙ্গে সঙ্গে ছুটেছেন রায়বাড়ীর সংকটত্রাণের মা-বাবার কাছে। অর্থাৎ ঠাকুরবাড়ীতে। কি একটা আপদ উদ্ধার বিপত্তার মন্ত্রদ্বন্দ্ব আছে ভাই, যার মধ্যে প্লোকে প্লোকে ত্রাহি মাম, ত্রাহি মাম প্রার্থনা আছে সেটা পূজুরী বামুনের বেটীর মুগ্ধ। তাই পাঠ করেছে। অন্তত অর্চনা তাই বললে। কারণ সেও তার সঙ্গে ঠাকুরবাড়ী গিয়েছে, বোধ হয় সুরে সুর মেলাচ্ছে।

অর্চনার ছবিটা মনে পড়ে গেল স্বপ্নেরের। কিন্তু তা বললে না ব্রজেশ্বরকে। ব্রজেশ্বরকে সে অবিশ্বাস করে না। এ বাড়ীতে সেই তার সব থেকে অন্তরঙ্গ। উপকারী বন্ধু, আপনার জন। কিন্তু ব্রজদা বেশী কথা বলে। মদও খায়। কোথায় কাকে বলে বসবে কখন, তার স্থিরতা নেই। অর্চনা যে কিছু রাজনৈতিক অপরাধের প্রমাণ বা বস্তু আজ কাঁসাইয়ের দহে ফেলে দিয়েছে, তাতে সন্দেহ নেই।

আশ্চর্য লাগছে তার। আজকের দিনটা আশ্চর্য। যেন একটা যবনিকা উঠে গিয়ে একটী পরম বিশ্বাসের অকল্পিত দিগন্ত উদ্ভাসিত হল তার কাছে!

যদুরাম রায়। অতুলেশ্বর। অর্চনা মেজঠাকুমা!

মেজঠাকুমার উপর খানিকটা রাগ হল। মহিলা অসাধারণ অভিনয় করে অতুলেশ্বরের উপর তাঁর শ্রেষ্ঠ স্নেহের কথা জানতে দেননি।

তাকে কত কথাই না বলে এসেছেন তিনি। তাকে খাইয়ে ঠাকুরবাড়ী যাবার সময় বলেছিলেন—“আমার বংশধারী গোবিন্দের সেবা হল, এইবার চললাম ভাই আমার প্রাণগোবিন্দ রাধামাধবের সেবা করতে।” কথাগুলোর গড়ন এমন এবং মেজঠাকুমার বক্তার ঢং এমন যে, শুনবামাত্র মোহ জাগে। ‘কথাগুলো যেকি কি খাটি, কষে বা যাচাই করে দেখবার কথা মনেই হয় না। ঠাকুমা তাঁর যে সর্বাপেক্ষা প্রিয় একটি জীবনাধিক বালগোপাল আছে, সে কথা কোনদিন জানতে পর্যন্ত দেননি।

মনের কথাটা তার ভুরুতে কটা রেখার খাঁজে বোধ হয় ফুটে উঠেছিল। ব্রজেশ্বর বললে—কি ভাবছ রাজাবাদার?

—ভাবছি। ভাবছি ব্রজদা, অতুল নিজেকে যা করেছে, তাতে বংশের মুখ উজ্জ্বল করেছে কিন্তু ওই বৃদ্ধ মণ্ডলটিকে জড়ালে কেন? বেশ মারধর করেছে দেখলাম।

—তা বেশ। শুনলাম পুলিশ আনলফুল এসেছিল ডিরেক্টর করেই লাঠি চার্জ করেছিল।

রঙলালকে বাঁচাতে অতুল কাঁপিয়ে পড়ে বুড়োকে বুক দিয়ে ঢেকেছিল। লাঠি পড়েছিল অতুলের ঘাড়ে। তারপর তাকে টেনে মাটিতে ফেলে বুটের লাখি মেরেছে। অতুল অজ্ঞানও হয়ে গিয়েছিল। তখন বৃদ্ধও বাদ যায়নি। তবে বৃদ্ধের যে পক্ষোদগম হয়েছে। এককালের চাষীভূষি। জমিদাররা বলত হুকুমের গোলাম। একটা কথা দাছ বলতেন, মনে আছে—“চাষী সে বিনা দাতা নেহি, বিনা লাঠিসে দেতা নেহি।” পথে ভদ্রজন ব্রাহ্মণদের দেখলে হেঁট হয়ে প্রণাম করত। সে আজ উকিল-ছেলের বাবা, তার উপর এই আমল, অবস্থাও ভাল হয়েছে; বয়স হলে কি হবে, লীড হবার বড়ই বাসনা। অতুলের চোঁড়াদার ওবেলা বলেছিল—মেদিনীপুর থেকে নেতারা আসবেন। কথাটা মিথ্যে। তলে তলে ওই রঙলালকেই বলেছিল—আপনাকেই সভাপতি হতে হবে। রঙলাল তৎক্ষণাৎ রাজী। সভাপতি হবার বাতিকে পেয়েছে ওকে। এর আগে তিরিশ সালেও ছুঁ-চারবার সভাপতি হয়েছে। এবার মাশুল দিতে হল।

—হুঁ। একটা দীর্ঘনিঃশ্বাস ফেললে সুরেশ্বর। তারপর বললে—চললাম।

ব্রজেশ্বর বললে—আমি যাব সন্ধ্যার পর। এখন ভাই একখানা গাড়ীটাড়ীর যোগাড় দেখি। ভোরবেলা উঠে পালাব। আর এখানে না। বউ ভয় পেয়েছে। বলতে কি, আমিও নার্ভাস হয়েছি। কে জানে কোন্ ফ্যাসাদ বাধবে আবার। অতুল যে তলে তলে কি করে রেখেছে, কে জানে। বোমা-কোমা যদি বানিয়ে-টানিয়ে থাকে, তবে তা গুণীসুদে নিয়ে টানাটানি করবে।

সুরেশ্বর শিউরে উঠল। কথাটা তার মনে হয়নি।

অর্চনা দহের জলে কি ফেলে দিল? কিন্তু সে কথা মনে চেপে রেখেই বেরিয়ে এল বড়বাড়ী থেকে।

\*

\*

\*

বিবিমহলে এসেই দেখা হল মেজঠাকুরদার সঙ্গে। অর্চনাও রয়েছে। সুরেশ্বর বললে—আপদউদ্ধার পাঠ শেষ হল? মা কি বললেন?

ঠাকুমার মুখখানা কেমন হয়ে গেল। বোধ হয় এই ধরনের কথা, গলার ওই স্বর তিনি প্রত্যাশা করেননি।

অর্চনা বললে—তুমি খুব য়েগেছ, না সুরেশ্বরদা?

অপ্রস্তুত হল সুরেশ্বর। এতে রাগ করা অস্ত্রায়, এটা অলজবনীষ বিধান। এ সত্য যে মানে, তার না মেনে উপায় নেই। রাগের হেতুটা এতে রাগ করার চেয়ে আরও লজ্জার কথা। সুতরাং অপ্রস্তুত হয়ে বললে—অতুল যা করেছে করেছে, তোমরা এতে জড়ালে কেন?

মেজঠাকুমা বললেন—ওরে, আমি যখন ষোল বছরের মেয়ে এ বাড়ীতে বউ হয়ে এলাম তখন সব ছেলেরা আমার ওপর রাগ কয়েছিল। অতুল তখন আট বছরের। ওই শুধু কাছে এসেছিল—মা বলেছিল। খনেশ্বর-জগদীশ্বর-সুখেশ্বরের তখন বিয়ে হয়েছে, ব্রজ হয়েছে কল্যাণ হয়েছে। ওরা সৎভাইদের নিয়ে তোর মেজঠাকুরদাকে আমাকে আলাদা করে দিলে। উনিও বললেন—বাঁচলাম। কিছুদিন কেউ আমার সঙ্গে কথা বলেনি। ওই অতুল আস্ত রে। মা বলে কাছে দাঁড়াত। কোলে বসত। ছেলেরা খবর পেলে এসে টেনে ছিনিয়ে নিয়ে যেত। ও কাঁদত। ও এই বাউণ্ডুলেমি করে বেড়ায়, কত বারণ করেছে, কিন্তু রায়বংশের গৌ, মানে নি। কিন্তু মা বলে যখন কাছে এসে বলজ—এইগুলো খুব গোপনে লুকিয়ে রেখো

তো মা। দেখো, অতুলের তা হলে হাতে দড়ি পড়বে। ই্যা, তখন কি করব, রেখেছি। না-রেখে পারি, তুই বল!

—কিন্তু অর্চনাকে জড়ালে কেন?

—সে তুই ওকে জিজ্ঞেস কর ভাই। আমি বার বার বারণ করেছি রে, বার বার বারণ করেছি। অতুলেরও দোষ দিতে পারব না। এই ওর মুখের সামনে বলছি আমি। অতুলের পিছন পিছন কুকুরের মত কিরেছে। অতুল একদিন লাল কালিতে ছাপা কতকগুলো কাগজ দিয়ে বললে—রেখে দাও তো মা। খুব সাবধানে রেখো। অর্চনা বারান্দার দিকের বন্ধ জানালাটার খড়খড়ি তুলে শুনছিল, সে ফিসফিস করে বললে—আমাকে দেখাও না ছোটকা? পায়ে পড়ি তোমার! সে এই গেল বছর! মেদিনীপুরে তখন দারুণ অত্যাচার! কি করবে অতুল, একটু ভেবে বললে—আর কাঁটাখাগী, কাঁটা যার কপালে থাকে তাকে বাঁচায় কে? আর। একখানা কাগজ পড়ে অর্চনা বললে—এগুলো সেঁটে দেবে দেওয়ালে তো? আমি আঠা ক'রে এনে দেব! তারপর এই এক বছর কাকার ভাইঝি হয়েছেন।

সুরেশ্বর বললে—আজ জলে কি ফেলি অর্চনা?

অর্চনা হাসলে, কথার উত্তর দিলে না। মেজদি বললেন—ও বলবে না। অতুলের কাছে প্রতিজ্ঞা করেছে। সে তোকেও বলবে না। ওরা যা করে তা আমিও সব জানি না সুরেশ্বর।

—ব্রজেশ্বরদা জানলে কি করে? সকালে সে তোমার সামনেই বললে!

অর্চনার মুখ ফ্যাকাসে হয়ে গেল। সে এবার বললে—আমি ওকে বলি নি সুরেশ্বরদা। ও ধরে ফেললে। রাত্রে আমরা যখন গানবাজনা করছিলাম, তখন ছোটকা এসে একবার দরজার সামনে দাঁড়িয়েছিল। আমি বুঝতে পেরেছিলাম কিছু বলবে। মেজঠাকুরা যখন কেতন গাইছিল, তুমি বাজাচ্ছিলে, আমি সেই ফাঁকে উঠে গিয়েছিলাম, ছোটকা বারান্দায় দাঁড়িয়েছিল, আমার হাতে পেন্সিলের মত পাকানো একটা চিঠি দিয়ে বলেছিল—পড়ে ছিঁড়ে ফেলিস। যা। বলে ও চলে গেল। আমি চিঠিখানা নিয়ে পাশের ঘরে গিয়ে পড়ছিলাম। হঠাৎ ব্রজদা ঘরে ঢুকল। ও দেখেছিল। আমি কি করব, পিছন দিকে হাত নিয়ে চিঠিখানা কচলে ছুঁড়ে খাটের তলায় ফেলে দিলাম। ও সটান এসে খাটের তলায় ঢুকে চিঠিখানা তুলে নিলে। ধরা পড়ে গেলাম। চিঠিখানায় লেখা ছিল—কাল মিটিং করবই। পুলিশ নিশ্চয় আসছে, একটা মারধর ধরপাকড় হবে। সকাল থেকে আমার সময় নেই। পুলিশ গাঁয়ে ঢুকলে আমার ঘরের কোণের সেই কাগজগুলো সরিয়ে ফেলিস। আর মাকে সাবধান করিস। এইটে পড়ে ও বললে—তুইও ওর সঙ্গে এইসব করিস নাকি? বললাম—করি আর কি বড়দা, ও এইসব করে বেড়ায়, এ তো ভাল কাজ কিন্তু এ বাড়ীর তো কেউ তা মনে করে না। ওকে গালমন্দ করে। আমরা—আমি আর ঠাকুরা—শুধু ওকে ভালবাসি। ও পোস্টার লেখে আমি আঠা করে দি। কখনও আমিও কালি বুলিয়ে দি। আর ঠাকুরা ওকে দরকার হলে টাকা দেয়। এখানে ওখানে যার ঘোরে। টাকা তো পায় না। ঠাকুরা দেয়। আর কিছু বলি নি সুরেশ্বরদা। ভগবানের দিবিয়া ক'রে বলতে পারি।

মেজদি বললে—আর তুই সে কথাটা গোপন করিসনে অর্চনা। সুরেশ্বরকে বল। সে সর্বনেশে জিনিসগুলো বেলে দেবার ব্যবস্থা কর। ধরা পড়লে সর্বনাশ হবে। তার ফাঁসি বাঁপান্ডর যা হয় হবে হোক। কিন্তু গোটা বাড়ীটা ধ্বংস ক'রে দেবে রে। আর ও ঘরখানা

সুরেশ্বরের ।

চমকে উঠল সুরেশ্বর ।

—কোন ঘর ?

—যে ঘরে তোর ঠাকুরদা—আমার বড় ভাসুর মারা গিয়েছিলেন । স্বশ্রুঠাকুরের খাস-কামরা । যোগেশ্বর-ভাসুরপো যে ঘরখানা সাজিয়ে বসবার ঘর করেছিলেন । ঘরখানা কাছারীর লাগোয়া, নিচের তলায় । ও ঘর ভাসুরপো খুড়োকে মানে তোর মেজঠাকুরদাকেও খুলে দেয়নি । ঘরটারও নাকি দোষ আছে । ঘরখানা তৈরী করেছিলেন স্বশ্রু ; তৈরী করতে লাগিয়ে তীর্থে গেলেন, কিরে এলেন অসুখ নিয়ে ; ওই ঘরেই শুলেন, তারপর মারা গেলেন । বড় ছেলেকে বলে গেলেন এখানে থাকতে, ওই ঘরেই শুলেন, তারপর ভাসুর, ওই ঘর তাঁকে দিয়ে গেলেন । ভাসুর একদিন সকালে, কি হল, কার সঙ্গে কলকাতা থেকে কে একটা কিরিন্দী এল, তার সঙ্গে চোঁচামেটি করলেন, তারপর মাথা ধরে শুলেন । ওই ঘরেই । বেহুঁশ অবস্থা । তারই মধ্যেই রাত্রে ধড়মড় করে উঠে বললেন—ঠাকুরবাড়ী—ঠাকুরবাড়ী । নিয়ে চল । ওই নিয়ে গেল—শুইয়ে দিলে, প্রাণ বেরিয়ে গেল । ভাসুরপো যোগেশ্বর ঘরখানা ভাগে পেয়ে মেরামত করালে, সাজালে, কিন্তু বসে নি । ক’দিনের জন্ত তোর মাকে নিয়ে এখানে এসে থেকেছিল ; তোর মা সব কথা শুনে তাকে বসতে দেয় নি । তখন আমার বিয়ে হয় নি । অতুলের মা তখনও বেঁচে । আমি এসে অবধি ও ঘরে ছুটো তালো লাগানো । তোর মেজঠাকুরদাও ও ঘরের তালার হাত দেন নি । ভয় করতেন । সবাই ভয় করে রে এ বাড়ীর । ওই ঘরটায় । ওই ঘরটার একটা জানালার শিক কোথায় খোলা আছে অতুল বের করেছিল, নয়তো সে-ই শিকটা খুলেছিল । ওই ঘরে সে কিসব রেখে গেছে !

—কি অর্চনা ? জানিস তুই ?

—বোধ হয়—

—কি বোধ হয় ?

‘অত্যন্ত মুহূর্ত্তে অর্চনা বললে—দ্রিভলভারের গুলী আর বোমা তৈরী করবে বলে জিনিস এনেছিল, সেইসব রেখে গেছে ।

—ওই ঘরের চাবি কোথায় ?

—সে তো তোর ওই চাবির সঙ্গেই থাকবে । সে তো ভাসুরপো কাউকে দেন নি । খুব বড় বড় ছুটো তালো ।

সুরেশ্বরের মনে পড়ল ছুটো বড় চাবি তার সুটকেসের পকেটের মধ্যে আছে ।

\*

\*

\*

তালো খুলে কিন্তু ঢুকতে বারণ করলে অর্চনা । বললে—তালো-চাবি খুলো না সুরেশ্বরদা, লোক-জানা-জানি হবে । বাড়ীর লোক শুনলেই উঁকি মেরেও দেখতে আসবে । ওদিকে ছোটকা বা ওদের কেউ মার খেয়ে যদি বলে ফেলে তবে মুশকিল হবে । তার থেকে আমি রাত্রে ওই শিক খুলে ঢুকে খুঁজে নিয়ে আসি । আমি কখনও ঢুকি নি ঘরে । তবে ছোটকা বলেছিল যে ঘরের একদিকে কতকগুলো বড় তাকিয়া আছে । ইঁহুরে কেটেছে । সেই কাটা তাকিয়ার ভিতরে প্যাকেট মুড়ে রেখে দিয়েছে । তাকিয়াটার গায়ে একটা সিঁহুরের ফোটা দেওয়া আছে ।

সুরেশ্বর বললে—তাই হবে । তালো খুলব না । কিন্তু তুই ঘরে ঢুকবিনে । আমি ঢুকব । আমাকে শুধু দেখিয়ে দে, কোন জানালার কোন শিক খোলা আছে ।



রায়বাড়ীর ঠাকুরবাড়ী, উত্তর-দক্ষিণে লম্বা। মাঝখানে নাটমন্দির ঘিরে উত্তরদিকে দক্ষিণদ্বারী কালীমন্দির। পশ্চিমদিকে লম্বা সেরেস্তাখানা। পূর্বদিকে স্বতন্ত্র একটা চত্বর গোবিন্দমন্দির। তার পাশে আলাদা ভোগরান্নার ঘর। দক্ষিণদিকে নাটমন্দিরের পর এক সারি ঘর। এই নাটমন্দির এবং দক্ষিণদিকের ঘরগুলির মাঝখানে সোজা প্রশস্ত বাধানো পথ চলে গিয়েছে ওই শখের বড় ঘরখানা পর্যন্ত। ঘরখানা দক্ষিণদ্বারী; ঠাকুরবাড়ীকে বায়ে পূর্বদিকে রেখে, বলতে গেলে আলাদা চত্বর। সামনে সেকালে সুন্দর বাগান ছিল। দক্ষিণদিকে বাগানের অল্প উঁচু আলসের মত পাঁচিলের গায়ে আরও একটা ফটক। এই ফটক দিয়েই সেকালে সাহেবসুবা মুসলমান-ক্রীষ্টান অর্থাৎ এই গোয়ানরা আসবে বলে এই ব্যবস্থা করেছিলেন রায়বাহাদুর রত্নেশ্বর রায়। ঘরখানার সামনে প্রশস্ত বারান্দা। গোল খামের সারির মাথার ছাদ। খামগুলোর উপর দিকে সেকালে শৌখীন কাঠের ঝিলমিলি ছিল। বারান্দার কোণে সারি সারি তিনটে পাকা সেতুনের সুন্দরগড়ন মোটা তক্তার দরজা। মাঝখানের দরজার মোটা পিতলের কড়ায় দুটো ভারী তালা ঝুলছে। তালাগুলোও পিতলের। বিলিভী কোম্পানীর সেকলে দামী তালা। পশ্চিমদিকে উঁচু পাঁচিলঘেরা ফলের বাগান। কলমের আমের কয়েকটা গাছ এখনও আছে। একটা বুড়ো লিচু, দু'তিনটে জামরুলের গাছ আছে। এদিকে ঘরখানার দুটো বড় জানালা। পিছনদিকে রায়দের অন্তরমহল। মাঝখানে একটা গলি। এ দেওয়ালে একটা দরজা দুটো জানালা। এই দরজা দিয়েই অন্তরমহলে যাওয়ার ব্যবস্থা ছিল। কিন্তু এ দরজাটা গেঁথে বন্ধ করে দেওয়া হয়েছে। দিয়েছিলেন যোগেশ্বর রায় সুরেশ্বরের বাবা।

মেজখুড়ো তাঁকে লিখেছিলেন—“তুমি তোমার অংশ সবই মেরামত করাইয়াছ। আমার অংশও মেরামত করাইব। এবং আমার অনেকগুলি সন্তান, তাহাদের জন্ত নতুন ঘরেরও প্রয়োজন। সেইজন্ত তোমার বাড়ীর কিছু কিছু ঘর আমি ব্যবহার করিতে চাই। ওখানে থাকিয়া মেরামত নির্মাণের কাজ শেষ করিয়া লইতে চাই।”

যোগেশ্বর সঙ্গে সঙ্গেই সম্মতি দিয়েছিলেন। কিন্তু কয়েক বৎসরেও যখন শিবেশ্বর দখলুকরা-ঘরগুলি থেকে সরবার বা নিজের বাড়ীতে আলাদা ঘর তৈরীর কোন লক্ষণই দেখালেন না, তখন এই ঘরখানার পিছনের দরজা তিনি গেঁথে বন্ধ ক'রে দিয়েছিলেন। শুধু তাই নয় রায়বাড়ীর যে দরজাটা ছিল এই দরজার কজুকজু, সেটাও গাথিয়ে দিয়েছিলেন। ফলে এই মধ্যবর্তী গালটা হয়ে গিয়েছিল অব্যবহার্য। এহাঁদকেরই দুটো জানালার মধ্যে একটা জানালার একটা নয় দুটো শিক স্কোশলে খুলত অতুলেশ্বর। জানালার কপাটগুলো খোলাই ছিল, লোক-দেখানো বন্ধ করা ছিল, ঠেললেই খুলে যায়। একটু জোরে ধাক্কা দিয়ে খুলতে হয়। বন্ধ করারও নিজস্ব কোশল ছিল অতুলের। সেটা করত তারের আংটার সাহায্যে।

অতুলেশ্বর যখন এ ঘর ঢুকছে তখন রায়বাড়ীর ছাদের আলসের উপর ঝুঁকে অর্চনা পাহারা দিয়েছে। সে সব বেশ ভাল করেই জানে। সে ছাদ থেকে শুধু পাহারাই দিত না। নিচের মুখে গলিতে টর্চ ফেলে তাকে আলো দেখাত।

সুরেশ্বর বিস্ময়বোধ করছিল—এই আশ্চর্য সুন্দর এবং সুকণ্ঠের অধিকারিণী এই মেয়েটির হুঁসাহস দেখে।

ঘরে ঢুকে সুরেশ্বর টর্চ জ্বাললে। অর্চনা ছাদের আলসেতে ঝুঁকে পাহারা দিচ্ছে। আজ সে একা নয়, তার পিছনে মেজদি দাঁড়িয়ে আছেন। গলির মুখে দাঁড়িয়ে ছিল রঘু।

সুরেশ্বর তিন ব্যাটারীর টর্চটা জ্বাললে, মেঝের উপর ধুলো জমে আছে, আলোর ছটা

মেষের উপরে পড়লেও সচকিত চামচিকগুলো ফরফর ক'রে উড়তে লাগল। কতকগুলো ইঁহর ছোট্টাছুটি ক'রে কোথায় কোন ফাঁক দিয়ে বেরিয়ে গেল বা কিছু মধ্য দুকে লুকিয়ে গেল। টর্টটাকে নিচের দিকে ঘুরিয়ে সুরেশ্বর দেখে নিলে তাকিয়ায় গাদা কোথায়। সামনে কয়েক পা দূরে ঘরখানার মাঝখানে একখানা শতরঞ্জি পাতা রয়েছে। চাদরও পাতা ছিল, সেখানাকে গুটিয়ে জড়ো করে দিয়েছে একদিকে। দেওয়ালের গায়ে শতরঞ্জির উপর পাতা ফরাসের চারিপাশে খানকতক ভেলভেটের গদীমোড়া চেয়ার সোফা। ধুলোয় বিবর্ণ হয়ে গেছে সব। ভেলভেটের রংটা কি ছিল ঠিক বোঝা যায় না। চারিপাশে তুলো ছড়ানো। টর্টটার আলো গিয়ে পড়ল পাশে একটা কোণে একটা টেবিলের উপর। তার উপর গোটাকতক তাকিয়া রাখা। অনেকগুলো। প্রকাণ্ড বড় বড় তাকিয়া। সেগুলো ধুলোয় ঢাকা পড়েছে। তার মধ্যে কোনটায় সিঁদুরের চিহ্ন আছে বের করা সোজা নয়। পকেট থেকে রুমাল বের করে সে ঝাড়তে শুরু করলে। রাশি রাশি ধুলো উড়ে আচ্ছন্ন ক'রে দিলে তাকে। কিন্তু বের করতেই হবে। নিশ্চিহ্ন করতে হবে সব। অতুলেশ্বর এই রায়বংশের বোধ করি শেষ স্মৃতদীপ। সেটিকে নিভতে দেওয়া হবে না। তার সঙ্গে অর্চনা। রায়বংশে রূপ আছে। বেছে বেছে শ্রেষ্ঠ রূপের গোলাপে গোলাপে মিলন ঘটিয়ে এ রূপ তৈরী হয়েছে। রায়বংশের সব মেয়েই শ্রীমতীর চেয়েও কিছু বেশী। সুন্দরী বললে বেশী বলা হবে না। অহঙ্কারের অসৌজন্য ঘটবে না। কিন্তু অর্চনা তাদের মধ্যেও সুন্দরী। সুরূপার মধ্যে অপরূপা। তার মুখের ছাঁচটা ঠিক রায়বাড়ীর ছাঁচ নয়। ছাঁচটা আলাদা। কিন্তু তা রায়বাড়ীর মুখের ছাঁচ থেকেও বোধ হয় নিখুঁত। রঙ তার সব থেকে গৌরী। কণ্ঠস্বর তার—

ভাবনায় ছেদ পড়ল। মন থেমে গেল। তার চোখে পড়েছে একটা তাকিয়ার গায়ে একটা সিঁদুরের কোঁটা। একটা কাটা জায়গায় তুলো বেরিয়ে আছে। সে তার মধ্যে হাত ভরালে। খুঁজতে শুরু কিছু হাতে ঠেকল। ভাল করে ঠাণ্ড ক'রে দেখলে—হ্যাঁ, একটা প্যাকেট। বেশ বড় প্যাকেট। গোল একটা কি। একটা নয় দুটো একসঙ্গে বাঁধা। সে টেনে বের ক'রে আনলে সেটাকে। ব্যাডমিন্টন শাটলকক রাখবার গোল কাগজের পোল, দুটো খোল একসঙ্গে দড়ি দিয়ে একটা করে বেঁধে রেখেছে। সেটাকে রেখে সে আবার খুঁজলে। কটা গোল লম্বা কিছু পেলো। একটা দুটো তিনটে চারটে। বের করে টর্টের আলোয় দেখেই সে বুঝতে পারলে বোমার খোল। দিশী হাতে তৈরী খোল। বাকী তাকিয়াগুলো সে প্রত্যেকটি টিপে হাতে তুলে ওজন দেখে নিশ্চিত হল। তখন সর্বাঙ্গ তার ঘামে ভিজ়ে গেছে। তার সঙ্গে ধুলো তুলো লেগেছে চুল থেকে পা পর্যন্ত সর্বাস্থে।

এতক্ষণে সে নিশ্চিত হল।

একটা স্বস্তির নিশ্বাস ফেলে সিগারেট ধরাতে গিয়ে থমকে গেল। না। হয়তো কাল সকাল পর্যন্ত এ গন্ধ এ ঘরে ঘুরবে, অল্প অল্প করে বের হবে জানালা দরজার ফাঁক দিয়ে।

এবার সে কিরবে। কিন্তু তার পূর্বে টর্টটাকে ছাদের দিকে ফেলে দেখলে। সারি সারি তিনখানা টানা পাখার ফ্রেম ঝুলছে। ছাদের পলেস্তারা দু-এক জায়গায় খসে পড়ছে মেষের উপর। কড়িতে বর্গায় রং বিবর্ণ হয়েছে। এবং সমুদ্রের উপর মেদিনীপুরের নোনা জলো হাওয়ায় মরচে ধরেছে। টর্টের শিখার আলোকবৃত্তকে সে নিচে নামালে দেওয়ালের উপর। অবাক হয়ে গেল সে। বড় বড় অয়েল পেন্টিং। ও কে? পূর্ণাবব অয়েল পেন্টিং দামী সোনালী গিল্টিয়র ফ্রেমে বাঁধানো। সামনের অর্থাৎ দক্ষিণদিকের তিনটে দরজার মাথায় তিনখানা ছবি। রায়বাহাদুর রত্নেশ্বর রায়। রায়বাহাদুরের মেডেল ঘুকের উপর চাপকানে এঁটে মাথায় পাগড়ি

পরে দাঁড়িয়ে আছেন খেঁচান জাতীর চেয়ারের হাতল ধরে। মাঝখানে একটু উচুতে প্রকাণ্ড কালীমূর্তি। তেলরঙে আঁকা। ধুলো অনেক পড়েছে। তবু টর্চের জোড়ালো আলোর এবং তেলরঙের গুণে স্পষ্ট বোঝা যাচ্ছে। চমৎকার কালীমূর্তি। ভাল এঁকেছে শিল্পী। তার ওদিকে কে? ও, রায়বাহাদুর-গৃহিণী সরস্বতী দেবী! জানবাজারের বাড়ীতে বুক পর্যন্ত ছবি আছে। সে সবও অয়েল পেন্টিং। পশ্চিমের দেওয়ালে দুখানা। বীরেশ্বর রায়। সিংহের মত পুরুষ। কি দৃশ্য দৃষ্টি! নাক একটু মোটা। তার পাশে—ভবানী দেবী! পূর্ণাবয়ব। চেয়ারের হাত ধরে দাঁড়িয়ে। সর্বাঙ্গকারভূষিত। এ সেই ছবি। ওই যে ডান হাতে ছ'টা আঙুল। কাল রাত্রে সে পড়েছে। ছটা আঙুল। বিড়বিড় করে সেই তাত্ত্বিক পাগল বলেছিল—না, সে তো নয়। ছটা আঙুল, সে তো নয়। শ্রামবর্ণা অপরূপা শ্রীমতী—। বিস্মিত হয়ে গেল সুরেশ্বর। আশ্চর্য তো। হ্যাঁ। হ্যাঁ। অর্চনার মুখের আভাস যেন ফুটে উঠছে। হ্যাঁ! হ্যাঁ! রায়বংশের মুখের ছাঁচের সঙ্গে অর্চনার ছাঁচ আলাদা। সে তো এই ছাঁচ। সে শিল্পী। সে তো দেখছে, মুখের অবয়বের রেখাগুলি এমন কি নাকে এবং চোখের ঈষৎ বক্রিম টান আছে, তাও মিলে যাচ্ছে। অর্চনার ছটা আঙুল নেই। আর এই ভবানী দেবী শ্রামবর্ণা আর অর্চনা গৌরী। নীল অপরাজিতা আর শ্বেত অপরাজিতা।

হঠাৎ কিছু শব্দে তার একাগ্রতা ভাঙল। জানালার ঠক্ঠক শব্দ হচ্ছে। ছাদের টর্চের আলো এসে পড়েছে খোলা জানালা দিয়ে। একটা ঢেলা এসে পড়ল জানালায়।

সুরেশ্বর জানালার মুখে এসে দাঁড়াল।

উৎকণ্ঠিত মুহূর্তের ডাক আসছে—সুরেশ্বর। ওরে।

—আঃ, ঠাকুমা!

সুরেশ্বর বুকলে দেরি হয়েছে তার। সে তার টর্চের আলো বাইরে ফেলে ইশারা দিলে। তারপর মুহূর্তে বললে—যাচ্ছি আমি।

বেরিয়ে এল সে। জানালার ও-পাশেই জিনিসগুলো রেখেছিল। সেগুলো বের করে নিয়ে অর্চনার ফেলা আলোর জানালার কপাট টেনে দিয়ে শিক দুটো টেনে বসাতে চেষ্টা করলে। অর্চনা বললে—ঠুকে দাও সুরেশ্বরদা। দেখ না, পায়ের কাছেই একটা পাথর পাবে। ঠুকে বসাতে হবে।

সুরেশ্বর ঠুকে শিক দুটো বসিয়ে তার হাতের টর্চটা অর্চনার মুখের উপর ফেললে।

অর্চনা বললে—কি হচ্ছে?

অবিকল সেই মুখ।

সেই রাত্রেই সেগুলির শেষকৃত্য করে এসে স্নান করে রঘুকে বললে—একটু কড়া ক'রে চা করু রঘু।

রঘু বোতল গ্লাস নিয়ে আসছিল। সে বললে—এ থাকে না?

—না। খেতে তার ইচ্ছে করছিল না। রঘু সেগুলো ব্র্যাকেটের উপর রেখে দিয়ে ও ঘরে যাচ্ছিল চা করতে। সুরেশ্বর আবার জিজ্ঞাসা করলে—শোন। আর একবার ভাল ক'রে দেখে আর কুরোর ধারে কিছু পড়ে আছে কি না? ভাল ক'রে দেখবি। না—চল আমি

মুদ্র যাই।

ওই জিনিসগুলি বিবিমহলের পিছনে যে উঠোনটা আছে সেই উঠোনের মাঝখানে একটা মজা কুয়োর মধ্যে কেলে দিয়েছে। কুয়োটার গ্রীষ্মকালে জল থাকে না, বর্ষায় জলে ভরে ওঠে। পুরনো কুয়ো, মেরামতের অভাবে গাঁথনির গায়ের ছিদ্র দিয়ে গ্রীষ্মে শুকনো কাঁসাইয়ের টানে জল ম'রে যায়, আবার বর্ষায় কাঁসাই ভরলে অর্ধেকের উপর জল ঢুকে ভরে যায়। এখন কুয়োটা শুকনো। তলায় রাজ্যের আবর্জনা জমে আছে, তার মধ্যে কাঁসাইয়ের ওপারের বনের ঝরাপাতা বেশী। ঝড়ে উড়ে এসে পড়ে। কাদাও অনেক। তারই মধ্যে শক্ত জিনিস অর্থাৎ বুলেট, স্প্রিংটার এবং লোহার খোলগুলো কেলেছে। অ্যাসিড জাতীয় বস্তু এবং গুঁড়ো বস্তু যা ছিল তা ঢেলে দিয়েছে কাঁসাইয়ের জলে। শিশিগুলোও ভেঙে কাঁসাইয়ে কেলে দিয়েছে। কাল থেকে কিছু মজুর লাগিয়ে মাটি কেটে কুয়োটাকে বন্ধ করে দেবে। বেশ সন্তুষ্টির সঙ্গেই সব করেছে, আসবার সময় একবার দেখেও এসেছে, তবু আর একবার দেখা প্রয়োজন মনে হল। কয়েকদিন পর সর্বসমক্ষে জানাজানি করে ওহ খাস কামরা খুলে কাড়ামোছা পরিষ্কার করবে ঠিক করেছে।

বেশ ভাল ক'রে দেখে এসে আবার একটা স্বস্তির দীর্ঘনিশ্বাস ফেলে।

জীবনে এক একটা দিন আশ্চর্য দিন আসে সুলভ। এমন আশ্চর্য দিন হয়তো সারাজীবনে দুটো বা চারটে আসে। তার বেশী নয়।

কাল রাতে বীরেশ্বর রায়ের জীবনের যে স্মরণীয় ঘটনার দিনটির কথা পড়তে পড়তে রাজি প্রভাত হয়ে গিয়েছিল, সেই দিনটি এতরকম; যতখানি সে পড়েছিল তারপরও প্রায় দু'পাতা আছে। খাতা বন্ধ করবার সময় সেটা উন্টে দেখে নিয়েছিল মনে হয়। মেজাদ ব্রজেশ্বর দুজনে এসে পড়েছিলও বটে! আবার তার দারুণ একটা ভয়ও হয়েছিল তাও বটে। ভবানী দেবীর চিঠি! না জানি তার মধ্যে কি লেখা আছে!

তবে ভবানী দেবীর ছাব যখন রায়বাড়ীর দেওয়ালে টাঙানো আছে আজও, তখন সেটা ভয়ঙ্কর কিছু নয়—সেটা বীরেশ্বর রায়ের হাঙা—তাতে সন্দেহ নেই। তিন বেচে ছিলেন, তাঁর শেষ জীবনে কষ্ট হয়েছিল, তাদের সঙ্গে রায়বাহাদুর রত্নেশ্বর রায়ের সম্প্রতি নিয়ে মামলা হয়েছিল, রায়বাহাদুর তা মটিয়ে নিয়েছিলেন। কষ্টের জন্মের পূর্বে বীরেশ্বর রায় সস্ত্রাক-ভাঙে কমলাকান্তকে পোষ্যপুত্র নিয়েছিলেন। কমলাকান্ত রায়বংশের বংশধারায় নামে ঈশ্বরহ যোগ ক'রে রত্নেশ্বর হয়েছিলেন। ভবানী দেবীর শ্রদ্ধ করেছিলেন রত্নেশ্বর রায়। সুতরাং কলঙ্কের দুঃস্বস্তা সেখানে নেই। তবু একটা ভয় হচ্ছিল সুরেশ্বরের।

ভবানী দেবীর চিঠিখানাও সে পড়েছে তারপর। তাতে তার অন্ধকার গাঢ়তরই হয়েছে। যেন একটা হাপ ধরাছিল। ভাবাচ্ছিল এই অন্ধকারের মধ্যেই হয়তো লুকিয়ে আছে সেই গাঢ়তম আদিম অন্ধকারের উৎস, যা রায়বাড়ীর বংশধরদের মধ্যে রক্তের সঙ্গে মিশে আছে। রায়বাড়ীর সম্পদ তার উপর নীলাভ আবরণ দিয়ে তাঁদের কলঙ্ক শোভার মত করে নিয়েছে। ভবানী দেবীর প্রাতি বীরেশ্বর রায়ের সন্দেহ বিমলাকান্তকে নিয়ে—সে কি চাপা পড়েছিল? বাধ্য হয়ে চাপা দিয়েছিলেন বীরেশ্বর? কলঙ্কের ভয়ে?

শিউরে উঠেছিল সে। সেই মুহূর্তে অতুলেশ্বরকে নিয়ে কোলাহল প্রবল হয়ে উঠেছিল কীর্তিহাটে। তারপর থেকে এই মধ্যরাত্রি পর্যন্ত আশ্চর্য আর একদিক। রায়বাড়ীর বংশধারায় যে ঘনতম অন্ধকারের উৎসকে সে সন্ধান করতে গিয়ে সামনে পা ফেলতে ভয় করছিল, সেই

অন্ধকার ভেদ করে একটা আশ্চর্য দীপ্ত রশ্মিরেখা বেরিয়ে এসেছিল, সেটার সামনে ছিল অতুলেশ্বর আর অর্চনা! আশ্চর্য মনে হয়েছিল। অন্ধের কাছে এ যুগে সেটা হয়তো আশ্চর্য কিছু নয়। কিন্তু সুরেশ্বরের কাছে সেটা আশ্চর্য। তারপর এই আশ্চর্য পরমাশ্চর্য হয়ে উঠল অর্চনার সঙ্গে ওই ভবানী দেবীর সাদৃশ্য দেখে।

তকাত রঙের, আর তকাত একটা আঙুলের। চিত্রকর ভবানী দেবীর ডান হাতে ছটা আঙুল বেশ একটু স্পষ্ট করে এঁকেছিলেন শিল্পনৈপুণ্যে।

রঘু এসে চা দিয়ে গিয়েছিল। বলেছিল—কিছু খাবে না?

চায়ে চুমুক দিয়ে আরাম বোধ করে সুরেশ্বর একটি আঃ শব্দ উচ্চারণ করে তারপর বলেছিল—এই রাত্রে আবার কি খাব? খেয়েছি তো!

রঘুর স্বভাব একটা খাঁজেই যেন পেরেক পোতা হয়ে আটকে আছে। সে উত্তাপে গলেও না, ঠাণ্ডাতে জমেও যায় না। ওর প্রকৃতির তাপমান সেই এক জায়গাতেই অচল ঘড়ির মত স্থির হয়ে থাকে। কণ্ঠস্বর, উচ্চারণ, চলাফেরা সব তাই। সে সেই ঠাণ্ডা গলায় খেমে খেমে বললে—সে কি খেয়েছ? সেই তো ন’টার সময় চারখানা লুচি খেয়েছ। সব তো কেলে রেখেছ।

খেতে পারে নি সুরেশ্বর। মেজদি এবং অর্চনার কাছে সব শুনে উৎকণ্ঠিত হয়ে সে অপেক্ষা করছিল নিশ্চর নিশ্চুতি মধ্যরাত্রির। কথা ছিল রায়বাড়ীর অন্দরে সব নিশ্চুতি হলে অর্চনা মেজদিকে নিয়ে ছাদে উঠে টর্চ জ্বালবে। সুরেশ্বর এদিকটা দেখে শুনে নিরাপদ বুকলে টর্চ জ্বালবে। তারপর রঘুকে নিয়ে সে ওই খাস কাচারীর পিছনের গলিতে যাবে। সেই উৎকণ্ঠায় খেতে সে পারে নি। রঘুর তা ঠিক মনঃপূত হচ্ছে না। লালবাবু কাল রাত্রে খায় নি, আজ রাত্রে খাবে না, সে তার ভাল লাগছে না।

সুরেশ্বর বললে—এখন খেলে অসুখ হবে রঘু। যা। খিদে নেই।

—ওটা খাও। খিদে হবে—। আমি টাটকা লুচি ভাজি, মাছ আছে—

—না। কিছুই খাব না।

রঘু এবার চলে গেল। দুঃখিত হয়েই গেল, কিন্তু সে বোঝবার উপায় নেই। সেই শাস্ত ধীর পদক্ষেপেই চলে গেল।

সুরেশ্বর স্তিমিত টেবিল ল্যাম্পটাকে বাড়িয়ে দিল। আজ সন্ধ্যা থেকে ইচ্ছে করেই হেজাক জ্বালে নি। টানাপাখা টানবার লোকটাকে এবং গোমেশ রোজাককেও সন্ধ্যা থেকে বিদায় করে দিয়েছে। সন্ধ্যাবেলা ব্রজেশ্বর এসেছিল, তাকেও অল্পক্ষণ পরে বিদায় করে দিয়েছে। বলেছে—শীত-শীত করছে, আবার বোধ হয় ম্যালেরিয়াটা সাড়া দিচ্ছে। তুমি যাও ব্রজেশ্বরদা, আমি ঘুমোব।

ব্রজেশ্বরকে বিদায় করে টেবিল ল্যাম্পটা বাড়িয়ে দিয়ে সে আবার খাতাটা খুলে বসল।—তারপর? রায়বাড়ীর অন্দরমহলের দিকের জানালাটা বন্ধ করে দিলে।

\*

\*

\*

১৮৩৬ সাল থেকে ১৮৫৬ সাল। এ আশী বছর। আশী বছর একটা শতাব্দী থেকেও অনেক বেশী। অনেক। আশী বছর আগের একটি দিনে জানবাজারের বাড়ীতে সে দেখতে পেলো বীরেশ্বর রায়কে।

বীরেশ্বর রায় ভবানী দেবীর চিঠিখানা খুলে শুরু হয়ে বসে ভাবছিলেন। ভাবছিলেন এবং ডায়েরীতে লিখেছিলেন তিনি—“তাহাকে আমি যারিগা কেলি নাই কেন?”

সুরেশ্বর আজ ভবানী দেবীর ছবিটা দেখে এসে অবধি তাঁর সম্পর্কেই ভাবছে। আর অর্চনার সঙ্গে তার সাদৃশ্য দেখে তার ভাবতে ইচ্ছে করছে ভবানী দেবী কি পুনর্জন্ম নিয়ে ফিরে এসেছেন? কোন ঋণ শোধ করতে এসেছেন? না তাঁর পাওনা পেতে এসেছেন?

হেরিডিটি-বিজ্ঞান সে মোটামুটি জানে। রত্নেশ্বর রায়ের বংশে সে বিজ্ঞানের নিয়মে তো ভবানী দেবীর রূপ বা সাদৃশ্য এ বংশে কাউকে আশ্রয় করে আসার কথা নয়।

সুরেশ্বর আবার ডায়রীখানা পড়তে শুরু করলে। মন চলে গেল ১৮৫৬ সালে।

বীরেশ্বর রায় ভাবছিলেন। ভাবছিলেন ভবানীর কথা।

এই চিন্তার মধ্যেই খানসামা এসে দাঁড়িয়েছিল বীরেশ্বর রায়ের সামনে।

বীরেশ্বর বললেন—কি?

—আজ্ঞে হজুর, সেই পাগ্লাবাবা—

এতক্ষণে বীরেশ্বর রায়ের মনে পড়ল, লোকটি সকালবেলা ক্রেদান্ত অবস্থায় জরে অজ্ঞান হয়ে পড়েছিল। তিনি চমকে উঠে জিজ্ঞাসা করলেন—কি হয়েছে তার? কেমন আছে?

—উঠে বসে শুধু কাঁদছে।

—কাঁদছে?

—হ্যাঁ, চুপচাপ বসে আছে, কাঁদছে, ডাকলে সাড়া দেয় না। পাঁচবার ডাকলে এক-একবার মুখের পানে তাকায়, কিন্তু আবার মুখ ফিরিয়ে বসে সেই কাঁদছে।

—জ্বরটা কমেছে তাহলে?

—তা হজুর গুঁর অঙ্গে কে হাত দেবেন?

—কেন? যে বামুন সরকারমশাই ওকে খোয়া-মোছা করেছিলেন?

—তিনি সেই ওকে খোয়ামোছা করে গঙ্গাচানে গিয়েছেন।

—হঁ। চল দেখি।

বলে রায় উঠলেন। কাল রাত্রের কথা মনে পড়ছে। এ তো সে নয়। এ তো নয়। এর ছটা আঙুল! রায় এসে ঘরে ঢুকলেন। দেখলেন, পরিচ্ছন্ন কাপড় পরানোতে ক্রেদ ধুয়ে দেওয়ার সঙ্গে শরীরের ময়লা উঠে মাহুঘটাকে অস্তরকম লাগছে। তা ছাড়া মাহুঘটার মধ্যে সেই অধীর অস্থিরতা আজ যেন অনেক শান্ত। তা ছাড়া কাল রাত্রে অসুখটাও হয়েছিল বেশী। পরিশ্রান্ত, দুর্বল হয়ে গেছে।

রায় ডাকলেন—শুনছেন?

শুনছ বলতে যেন বাধছে। পাগল বলতেও কেবল লাগছে। লোকে পাগ্লাবাবা বলে, তাও বলতে পারছেন না।

পাগল হাঁটুতে মুখ গুঁজে বসে আছে। তা ছাড়াও তাঁর দিকে পিছন ফিরে বসে রয়েছে সে।

—শুনছেন। বলে পাগলের পিঠে তাঁর হাত রাখলেন বীরেশ্বর রায়। জ্বর সামান্য আছে বলেই মনে হল।

পাগল এবার মুখ তুলে ফিরে তাকালে। রায় দেখলেন, সত্যি, পাগলের চোখ থেকে জলের ধারা গাল বেয়ে গড়িয়ে পড়েছে—তার দাগ চকচক করছে। তাঁকে দেখে পাগল বললে—রায়বাবু!

—হ্যাঁ। কি হল? কাঁদছেন কেন?

একটু হাসলে পাগল। নিঃশব্দ একটুকরো হাসি।



রায় বললেন—কাল ছবি দেখে আপনি কি বলছিলেন ? ওকে চেনেন ?

—ওকে ? পাগলের কণ্ঠস্বর অত্যন্ত দুর্বল শোনাচ্ছে । কাল রাত্রে জ্বরটা খুব বেশী হয়েছিল ।

বীরেশ্বর বললেন—হ্যাঁ—ও কে ?

—ও ? ও হ'ল— । ও হ'ল—দয়া । যেন অনেক ভেবে বললেন ।

—দয়া ? কি বলছ যা তা ? এবার আবার তুমি বলে ফেললেন রায় !

—আমার মন তাই বলছে । বুঝেছ ! আমি তো ওকে দেখি নি । তবে—তবে—  
বুঝতে পারছি । সেই সেই ভয়ঙ্করী—

আতঙ্কে থর থর ক'রে কঁপে উঠল পাগল, বললে—না—না—বলব না । বলব না । না ।

বলতে বলতে আবার তার সেই অভ্যস্ত পাগলামি উঠল । নিজের গলা নিজে চেপে ধরলো এমন নিষ্ঠুরভাবে যে মানুষ নিজে নিজের গলা টিপে ধরতে পারে এ কথা বীরেশ্বর রায় এই পাগলের এই আত্মনির্ধাতন না দেখলে বিশ্বাস করতেন না ।

রায় আগে বিশ্বাস করতেন না, কিন্তু তাঁর বিশ্বাস হয়েছে যে অদৃশ্য কেউ তাকে এইভাবে তার হাত দিয়েই তার গলা টিপে ধরে ।

ধরে, কোন কথা পাগল বলতে চায় কিন্তু সে বলতে দিতে চায় না ! এ দেশের প্রচলিত সংস্কার বিশ্বাসই তো শুধু নয়—মহাকাবি শেখপীর হামলেটের মুখ থেকে বলিয়েছেন—

“There are more things in heaven and earth than are dreamt of in your philosophy.”

তিনি পাগলের দুই হাত নিজের দুই হাত দিয়ে দৃঢ়মুষ্টিতে ধরলেন । আরও ক'বার তিনি জোর ক'রে ছাড়িয়েছেন, তিনি জানেন ওই বৃদ্ধ লোকটার লীর্ণ হাত লোহার সাঁড়াশীর মত শক্ত হয়ে ওঠে এবং একটা অবিশ্বাস্য শক্তি সঞ্চারিত হয় ওই হাতে ।

আজ অবশ্য সহজেই ছাড়াতে পারলেন ওর হাত । কালকের জরে বড় দুর্বল হয়ে গেছে পাগল । সে নেতিয়ে পড়ে গেল । এবং আবার ফুঁপিয়ে ফুঁপিয়ে কঁাদতে লাগল ।

রায় অপেক্ষা ক'রে দাঁড়িয়ে রইলেন—তাঁর মনে হচ্ছে পাগল বলতে পারে ভুবানী কোথায় ? বলতে পারে ভুবানী কে ? লোকটা সম্পর্কে রাজাবাহাদুর রাধাকান্ত দেব বলেছেন—লোকটা সাধনা করতে গিয়ে পাগল হয়ে গেছে । হয়তো এই পাগলামির মধ্যেই তার সিদ্ধি একদিন আসবে । এই যে পাগলামী করে বেড়ায় এরই মধ্যে চলছে ওর সেই সাধনা । এ দেশে তান্ত্রিক সাধক অনেক এমনই করে পাগল হয়, অনেকে পাগলই থেকে যায় । এদের অনেক শক্তি অনেক ক্ষমতা । যদি কিছু সে নাই জানতে পেরে থাকে তবে সে কঁাদছে কেন ?

কিছুক্ষণ পর রায় তাকে জিজ্ঞাসা করলেন—তুমি তো—আপনি তো অনেক কিছু পারেন, অনেক কিছু জানেন—লোকে বলে আপনি নাকি সিদ্ধপুরুষ—

ঘাড় নাড়তে লাগল পাগল—না—না—না ।

—লুকেছ আমাকে ?

—না । ঘাড়ই নাড়তে লাগল ।

—তবে গুরু আনেন কি ক'রে ?

শাস্তভাবে জানালার বাইরে আকাশের দিকে তাকিয়ে সে এবার বললে—ওই—ওই—ওই পারি । আর ওই হু' একটা— । দুঃ—দুঃ । ও—আর কি ? ওতে কি হয় ? ছলনাময়ী সর্বনাশী সে তুলিয়ে দিলে । তুলিয়ে দিলে । এখন আমাকে তাড়িয়ে নিয়ে বেড়াচ্ছে ।

কাতরতার ক্লাস্তিতে কণ্ঠস্বর যেন ভেঙে পড়ল।

একটা দীর্ঘনিঃশ্বাস ফেললে সে।

রায় এবার জিজ্ঞাসা করলেন—ওই ছবি কার? আপনি ওকে চেনেন? না চিনলে পরন্তু রাত্রি থেকে এমন করছেন কেন?

—অবিকল সেই সর্বনাশীর মত। কিন্তু সে নয়, সে নয়। এর ছটা আঙুল। সে নয়। সে মোহিনী, এ দয়াময়ী। নম্র দেখে চিনতে পারবে এ দয়াময়ী। তার যে নানা রূপ! কালী তারা মহাবিদ্য়া ষোড়শী ভুবনেশ্বরী—! ভয়ঙ্করী ক্ষেমঙ্করী মোহিনী কঙ্কণাময়ী। ওকে চেনা ভার, ওকে জানা ভার। ওকে জোর ক’রে জানা যায় না, পায়ের তলায় পড়তে হয়। ও কোথায় আমাকে বলতে পার? ও কি—ও কি—

থেমে গেল পাগল।

—কি?

—ও কি—

—ও আমার স্ত্রী!

—তোমার স্ত্রী? চমকে উঠল পাগল। তোমার স্ত্রী? রায়বাবু! রায়বাবু! দয়া কর—বাবা আমাকে দয়া কর—

বিশ্বয়ের আর সীমা রইল না বীরেশ্বর রায়ের। তিনি প্রশ্ন করলেন—কি বলছেন আপনি—?

—ওই ওর কাছে ওর কাছে একবার নিয়ে চল আমাকে। একবার—বাবা একবার। বাবা একবার—

—ও তো নেই, পাগলাবাবা।

—নেই?

—না। জলে ডুবে মরেছে বলেই—

—মরেছে? চীৎকার ক’রে উঠল পাগল।

—কীতিহাটে কঁাসাইয়ের দহের ধারে ওর গহনাপত্র পাওয়া গিয়েছিল, কিন্তু দেহ পাওয়া যায় নি। কিন্তু আজ জানলাম সে বেঁচে আছে। কোথায় আছে জানি না। আপনাকে তাই জিজ্ঞাসা করছি, বলুন, আপনি অনেক জানেন জানতে পারেন, বলুন সে কোথায় আছে?

মহুর্তে পাগল সেই দুর্বল দেহেই উঠে দাঁড়াল—আমি চললাম, আমি চললাম রায়বাবু, আমি চললাম। তাকে খুঁজে আনব। রায়বাবু তাকে খুঁজে আনব—আমি চললাম।

রায় তাকে বাধা দিলেন—না।

পাগল বলে উঠল—না-না-না। ছাড়। আমাকে ছাড়। রায়বাবু আমি যাব। খুঁজব—

—না। আপনাকে তার আগে ফোফিয়া বাঈকে ভাল ক’রে দিতে হবে। আপনি সেদিন তাকে কিছু করেছেন।

—না—না—না। আমি কান্না কিছু করি নি, ছেড়ে দাও আমাকে। ছেড়ে দাও।

—সে হবে না পাগলাবাবা। সে সেদিন সন্ধ্যাতে আপনার সঙ্গে দেখা হওয়ার পর থেকেই জরে পড়েছে। বিকারের ঘোরে শুধু আপনার নাম করছে। আপনাকেই তাকে ভাল ক’রে দিতে হবে। যে হাকিম তাকে দেখেছে সেও বলেছে এ ঠিক বেমারীর বুধার নয়। আপনাকে যেতে হবে। আগে সেখানে চলুন, তারপর যেখানে ইচ্ছে যাবেন।

\*

\*

\*

সোফিয়া নিরু্যম হয়ে বিছানায় পড়েছিল। যেন সব শক্তি তার শেষ হয়ে গেছে। সোফিয়ার মা উদ্বিগ্ন মুখে বসেছিল মাথার শিররে। একটি ঝি মাথার বাতাস করছিল। আজ দুপুরবেলা তাদের যে হেকিমসাহেব দেখে, তার পরামর্শমত বড় হেকিম এনেছিল, সে হেকিম দুই রগে জ্বাঁক বসিয়ে অনেকটা রক্ত বের করে কেলেছে, তারপর থেকে এমনি নিরু্যম হয়ে গেছে। গায়ের জ্বর কমেছে। সোফিয়ার মুখের গোলাপী রঙ ক্যাকাসে দেখাচ্ছে।

পাগ্লাবাবাকে একরকম ধরেই এনেছেন বীরেশ্বর রায়। সে বার বার বলেছে—ছেড়ে দাও। রায়বাবু আমাকে ছেড়ে দাও।

দু-একবার গাড়ীর মধ্যে থেকে লাফিয়ে পড়তে চেষ্টা করেছে। কিন্তু বীরেশ্বর রায় সতর্ক হয়েই ছিলেন। তিনি ধরে আটকেছেন। পাগ্লাবাবা অসহায়ের মত চীৎকার করেছে—গোলকর্ধাধা। গোলকর্ধাধা, ওরে ওরে নরকে পতন—নরকে পতন। ছেড়ে দাও আমাকে, ছেড়ে দাও!

বাড়ীর দরজাতেও সে বসে পড়েছিল একেবারে ছোট ছেলের মত। ছোট ছেলের মত কঁদে মিনতি ক'রে বলেছিল—তোমার হাতে ধরছি রায়বাবু, ছেড়ে দাও।

বীরেশ্বর রায় কঠিন হয়ে উঠেছিলেন, তাঁর দৃঢ়বিশ্বাস হয়েছে সোফিয়ার অসুখ এই তাত্ত্বিক সম্রাসীর হয় রুপ্ত দৃষ্টির ফলে, অথবা কোন তুকতাকের জন্ত হয়েছে। এই তাত্ত্বিক সেই কারণেই যেতে চাচ্ছে না। এদের সম্পর্কে অনেক কথা অনেক গল্প শুনেছেন। এদের মধ্যে রামপ্রসাদের মত, কমলাকান্তর মত দেবতুল্য সিদ্ধ তাত্ত্বিক, ত্রৈলোক্য স্বামীর মত সিদ্ধ মহাপুরুষ যোগী যেমন আছে, তেমনি আছে পিশাচতুল্য ভ্রষ্ট মানুষ, যারা ডাইন ডাকিনের মত লোভী কামাচারী ভ্রষ্ট লোক; রাক্ষসের মত হিংস্ররক্তপিপাসু। এরা না পারে কি? সব পারে। বান মারার কথা তিনি শুনেছেন। কালি কাঁটা মড়ার হাড় নিয়ে মন্ত্র পড়ে মানুষের উদ্দেশে ছুঁড়ে দেয়, সেইগুলো মানুষের অগোচরে এসে তাদের বেঁধে। তারপর মানুষ যন্ত্রণার অস্থির হয় অধীর হয়। পশু হয়ে যায়। কোন চিকিৎসায় কিছু হয় না। এক অনিষ্টকারীর চেয়ে শক্তিমাল ওঝা হলে সে তাকে মন্ত্রবলে ঝাড়ফুক ক'রে সারাতে পারে নইলে মরতে হয় হতভাগ্যকে। কলকাতা শহরে সাহেবরা পর্যন্ত ঘরে চুরি হলে ওঝা ডেকে চাকর-বাকরদের চালপড়া খাওয়ার, যে চোর তার মুখের চাল রক্তে লাল হয়ে ওঠে। চোর ধরার জন্ত পুলিশ কোতোয়ালরা নল চালাবার ওঝা তাকে। এ লোকটা ঠিক সেইরকম কিছু করেছে। তিনি তাকে কিছুতেই ছাড়বেন না। তিনি হাতের মুঠো শক্ত করে তার হাত ধ'রে টেনে তুলে বলেছিলেন—সে হবে না পাগ্লাবাবা। আমি বেশ বুঝতে পেরেছি। যেতে তোমাকে হবে, আর ওকে সারিয়েও তোমাকে দিতে হবে।

“আমি নিজের জন্ত ভয় করি না।” বীরেশ্বর রায়ের ডায়রীতে আছে। তিনি লিখেছেন—“আমার কিছু অনিষ্ট করিলে আমি তাহাকে গুলি করিয়া মারিব। যদি হাত দুইখানাই লোকটা পশু করিয়া দেয় তবে আমার লোক তাহাকে খুন করিবে, আমি তাহা দেখিব।”

টেনেই একরকম তুলে এনেছিলেন তাকে। সবল শক্তিমাল পুরুষ বীরেশ্বর রায়। তার উপর মানুষ হিসাবেও দুর্দান্ত জেদী মানুষ। ওই বুদ্ধ শীর্ণকার লোকটাকে তুলে আনতে বেগ পান নি। সে আমলের সিঁড়ি সোজা উঠে গেছে, তেমনি চড়াই। পাগলকে ঘরে এনে ফেলে দিয়ে দরজা আগলে দাঁড়িয়ে হাঁপাচ্ছিলেন।

পাগল ঘরে ঢুক একটা দীর্ঘনিশ্বাস কেলে বললে—বাঃ! যার মানে বোধ হয় এই যে,

আর তার কোন উপায় নেই, যা হবার তা হয়ে গেল।

সোফিয়া চোখ বুজে নিজীবের মত নিবু্য হয়ে বিছানার পড়ে ছিল।

সোফিয়ার মা বসেছিল মাথার শিররে বোবার মত, সে সাধুকে দেখে ব্যস্ত হয়ে হাতজোড় করে উঠে এসে বলেছিল—হজরত, তুমি সাধু ককীর, তোমার পায়ের ধুলোতে আমার গরীব-খানা ধস্ত হয়ে গেল; তুমি মেহেরবান, তুমি জিন্দাপীর, তুমি সব পার, খোদাতয়লা ভগোয়ানের মেহেরবাণীতে, জানি না অম্মার বেটী কি কসুর করেছে তোমার কাছে, তবে কসুর করেছে জরুর নহলে তুমি গোস্তা হবে কেন? যা হয়েছে তুমি মাক কর। তুমি মাজানিন, ফকীর, পীর-উ-মুরশিদমা, তুমি এখনি আগুন হয়ে যাও, এখনি ঠাণ্ডি পানি হয়ে যাও, খোদাবন্দ, এ বেগুকুফ ছোট লড়কী, এর কসুর তুমি মাক কর!

পাগল একদৃষ্টে তাকিয়ে অবাক হয়ে দেখছিল সোফিয়াকে। দেখে সে যেন বিহ্বল হয়ে গেছে।

ঘরখানা নিস্তক হয়ে গিয়েছিল। বাঁদীটা হাতের পাখা নাড়া বন্ধ করে তাকিয়ে ছিল পাগলের মুখের দিকে, সোফিয়ার মা সেও যেন অকস্মাৎ বোবা হয়ে গিয়ে পাগলের মুখের দিকে তাকিয়ে আছে, পিছনে বীরেশ্বর রায় দাঁড়িয়ে ছিলেন, তিনি পাগলের মুখের ছবিখানা দেখছিলেন ওদিকের দেওয়ালের ধারে পায়ার উপরে দাঁড়ানো বড় আয়নাটার মধ্যে। পাগলের মুখখানাকে এমন কোমল হতে তিনি একদিনের মধ্যে একদিন একমুহূর্তের জন্তু দেখেন নি। লোকটার মুখের চামড়া কিসের বা কিছু আঁচড়ের দাগে ক্ষতবিক্ষত, চামড়া গুটিয়ে গেছে, কঁকড়ে গেছে, তবু তারই মধ্যে আশ্চর্য কোমলতা ফুটে উঠেছে। চোখ দুটি আয়ত এবং অক্ষত, স্নন্দর ও বটে, তবে সে চোখের দৃষ্টি অধীর অস্বাভাবিক, সে দৃষ্টিও এই মুহূর্তে স্থির, এই মুহূর্তে মমতার মাধুর্য যেন স্থির হয়ে ভেসে রয়েছে।

পাগল আশ্বে আশ্বে ঘাড় নেড়ে বললে—আহা—আহা—হারে! আ—হা—হা!

সোফিয়ার মা আশ্বাসে উৎফুল্ল হয়ে উঠে দু পা পিছিয়ে গিয়ে মেয়ের মুখের উপর ঝুঁকে পড়ে তাকালে—সোফি, সোফি, বেটী! মেরি জান! দেখ্ বেটী দেখ্, উ মাজানন পীর ককীর এসে তোর সামনে বসেছেন, তোকে মেহেরবাণী করছেন। বেটী, মেরি সোফি! সো—ফি—

এবার ক্রান্তভাবে চোখ মেললে সোফিয়া। তাকালে মায়ের দিকে। মা বললে—দেখ বেটী, ওই ককীর, পীর-উ-মুরশিদমা খুদ এসে বসে রয়েছেন। দেখ্, ওই—ওই তোর সামনে।

সোফিয়া এবার তাকালে তার দিকে। রাজ্যের ভয় সে দৃষ্টিতে, তার সঙ্গে ভিক্ষকের আশ্রি। তারপর সে দৃষ্টিতে ফুটে উঠল প্রসন্ন একান্ত উজ্জলতা, যেন একটা নিবুনিবু প্রদীপের শিখাটিকে কেউ উষ্ণে দিলে। সঙ্গে সঙ্গে তার শুকনো ঠোঁটদুটিতে কেউ যেন টেনে দিলে একটি আশ্বাসের হাসির রেখা।

পাগল এবার নিজেই এগিয়ে গেল তার শিররের দিকে—মাথার চুলে হাত বুলিয়ে দিয়ে বললে—ভয় নেই। ভাল হয়ে যাবে। ভয় নাই।

তারপর সে তার মুখে হাত বুলিয়ে দিলে। গভীর স্নেহের স্পর্শের স্বাদ বা গন্ধ যারা পাশে দাঁড়িয়েছিলেন, তাঁরাও অমুভব করলেন।

—যাঃ, ভাল হয়ে গেছে। স—ব ভাল হয়ে গেছে। যা—কিছু খা! দুধ খা। দুধ। গরম দুধ।

নিজে হাতে গরম দুধের বাটী ধরে চামচে করে তাকে খাইয়ে দিলে পাগল। সোফিয়ার মা

বললে—সন্তজী হুমলোক মুসলমানী, আপনে হাত সে উসকে পিলাবেন—

পাগল গ্রাহুই করলে না। ভাল লাগল বীরেশ্বরের, তিনি সোফিয়ার মাকে বারণ করে বলেছিলেন—ওঁদের জাত নেই বাঈ সাহেবা। আল্লা খুদা আর ভগবান হরি রাম রহিম কৃষ্ণ করিম বিলকুল ওদের কাছে এক হয়ে গেছে।

পাগল সোফিয়াকে খাইয়েই চলেছিল, আর বলেই চলেছিল—খা-খা! সব ভাল হয়ে গেছে। খা! আমি তোকে কিছু বলি নি, সে তাকে দেখে, তাকে দেখে! খা-খা।

পাগল ফেরে নি। বীরেশ্বর রায় তাকে রেখেই চলে এসেছিলেন। কি করবেন? ফেরবার কথাই পাগল বলেছিল, না-না, তুমি যাও, তুমি যাও, আমি যাব না। আমি যাব না! তুমি যাও।

সোফিয়ার মা বলেছিল—আপনি যাইয়ে রায়বাবু সাব। বেটার বহু ভাগ্ হায়, আর উ আপকে রূপাসে মিল গিয়া, সাধুজীর সব সেওয়া ময় করুজি। ব্রাহ্মন ব্লাওজি, উ উনকে সব সেওয়া করেজে। ঠিক হায়।

রায় চলে এসেছিলেন।

\*

\*

\*

স্বরেশ্বর বললে—সুলতা, সেদিনের স্মরণীয় ঘটনা বীরেশ্বর রায় প্রায় দশ পৃষ্ঠা ধরে বর্ণনা করেছেন। শেষ করেছিলেন বোধ হয় বাড়ী ফিরে এসেই, সন্ধ্যা থেকে কয়েক ঘণ্টা ধরে লিখে। শেষ দিকে আট-দশটা লাইন আছে—ফিরে এসে বসেছি আজকের ঘটনাগুলো লিখতে। পরপর কটা দিন—আশ্চর্য দিন এসেছে আমার জীবনে। এমন ঘটনাবহুল দিন এমন বিচিত্র বিন্ময়কর ঘটনা এমন পরপর সমাবেশ, এর আগে কখনও আসে নি। লিখে রাখলাম। লেখা শেষ করে ভাবছি। কি ভাবছি? একটার পর একটি ছবি ভিড় করে যেন গোলমাল করে দিচ্ছে। ঠিক এই মুহূর্তে মনে হচ্ছে কলম ধরে আছি, যা মনে হচ্ছে লিখেছি। মনে হচ্ছে, পাগল কি? সত্যকারের মহাপুরুষ? পিশাচসিদ্ধের কথা শুনেছি, ও কি তাই? লোকটা থেকে গেল মুসলমান বাঈজীর বাড়ীতে সোফিয়ার সেবা করবার জন্ত? ওখানেই থাকবে? ওখানেই থাকবে? মহাপুরুষদের জাত নেই জানি। ও কি তাই? তবে এমন যজ্ঞা ভোগ করে কেন? নিজের গলা নিজে টিপে ধরে ‘ছেড়ে দে, ছেড়ে দে’ বলে চিৎকার করে কেন? ভাবছি। আবার মনে হচ্ছে, ভবানীর ছবির সামনে পাগল যা করলে। বললে—না-না, সে নয়। এর ছটা আঙুল! ভবানী—

হঠাৎ মনে ভেসে উঠেছে—শ্রাদ্ধ-বাড়ীতে জগদ্ধাত্রী বউদি চিঠিখানা দিলেন। ভবানী বেঁচে আছে! ভবানীর চিঠি!

ভবানী কোথায়? ভবানীর ছবি মনে পড়ছে। মনে পড়ছে, দাদার বিয়ের দিন নাচের আসরে এসে আমাদের ডাকলে গান গেয়ে বরকে গানের দায় থেকে অব্যাহতি দিতে হবে। আসরে ওর বাজনার মধ্যে আমার খেঁচ হারানোর ওর সেই ছোট কৌতুকটি।

মনে পড়ছে বিয়ের রাত্রি।

মনে পড়ছে, প্রথম সন্তান হয়েছে ভবানীর। আমি গভীর রাত্রে ওকে গিয়ে ডাকলাম। ওকে বললাম—

না। সে কথা স্মরণেই থাক। স্মরণীয় খাতাতেও লিখে যাব না। লিখতে পারব না। না তা পারব না।

মনে করে রেখেছি, বলে যাব, মৃত্যুর পর এই খাতাখানা যেন আমার চিতায় আমার বুকের

উপর দেওয়া হয়। পুড়ে ছাই হয়ে যাবে আমার দেহের সঙ্গে।

তবু পারব না লিখেতে। না-না-না।

No—No—No—তিনটে No বেশ মোটা অক্ষরে লিখেছেন বীরেশ্বর রায়।

সুরেশ্বর বললে—সুলতা, ওইখানেই ওই তিনটে No শব্দের তলায় একটা দাগও টেনেছিলেন। অর্থাৎ শেষ করেছিলেন। কিন্তু দাগটা কেটে আবার তার তলায় আবার দুটো-তিনটে ছত্র লিখেছিলেন।

“হঠাৎ মনে হচ্ছে এত সব যে বিচিত্র বিষয়কর ঘটনা ঘটছে, জীবনে যা এই কদিন আজ সন্ধ্যা পর্যন্ত ঘটল, এরপর কাল, ইয়া, কাল সকালেই যদি ভোরবেলা ঘুম ভেঙে উঠে দেখি, সে এসেছে? আসবে? সে?”

মোটা করে লেখা—‘She’!

## ১৪

“তা কিন্তু হয় নি। সংসারে মানুষের আশার শেষ নেই, সে আকাশে ফুলকোটা দেখতে চায়, কোটাতে চায়। কিন্তু ফুল আকাশে কোটে না। বীরেশ্বর রায় সেদিন প্রত্যাশা করেছিলেন, হয়তো সকালে উঠে দেখবেন—”

সুরেশ্বর বললে—শুধু বীরেশ্বর রায় কেন, তোমাকে কি বলব সুলতা, সেদিন উনিশশো ছত্রিশ সালের মে মাসের রাত্রিতে সেই ডায়রী পড়ে, আমারও তার ছোঁয়াচ লেগেছিল। বীরেশ্বর রায় উনবিংশ শতাব্দীর আধা রোমান্টিসিজিম, তাই বাকেন, বারো আনা রোমান্টিসিজিম আর চার আনা রিয়ালিজম মেশানো কালের মানুষ। ১৮৫৬ সালের অনেক পরে রামকৃষ্ণদেব সিদ্ধিলাভ করেছেন। দত্তবাড়ীর নরেন দত্ত তখনকার দিনের চার আনা রিয়ালিজমকে ঝোল আনা করে রামকৃষ্ণকে চ্যালেঞ্জ করেছিলেন, ঈশ্বর দেখাতে পার? সে চমকলেগে চার আনা রিয়ালিজমও রোমান্টিসিজিমের মধ্যে অতলে তলিয়ে গিয়েছিল। রামকৃষ্ণদেব নাকি তাঁকে কালীদর্শন করিয়েছিলেন। নরেন দত্ত বিবেকানন্দ হয়ে শুধু ভারতবর্ষ নয়, আমেরিকায় গিয়েও তার ঘোর ধরিয়েছিলেন। বীরেশ্বর রায় ডায়রীতে যে প্রত্যাশার কথা লিখেছেন, তা কিছুমাত্র আন’রিয়াল বা অবাস্তব ছিল না। কিন্তু আমি? আমি বিংশ শতাব্দীতে সেই গ্রীষ্মের রাত্রে দরজা বন্ধ করে, পাখা বন্ধ করে ডায়রীর পাতা ওন্টাচ্ছিলাম, ঠিক ওই প্রত্যাশা করে।

অবশ্য তার কারণ ছিল। কারণ আমি জানতাম যে, ভুবানী দেবী ফিরেছিলেন। তাঁর একটি কল্পা হয়েছিল। সে কল্পার বংশ বিঘ্নমান। রায়বাহাদুর রত্নেশ্বর রায়কে বীরেশ্বর রায় পোষ্যপুত্র নিয়ে বিষয় দিয়েছিলেন। তার জন্ম তাঁর কল্পার তরুণ থেকে পোষ্যপুত্র নাকচের মামলা দায়ের পর্যন্ত হয়েছিল। কিন্তু মামলাটা চলেনি, মিটমাট হয়ে গিয়েছিল। কি কারণে কিভাবে মিটমাট হয়েছিল, যথাসময়ে বলব। সে নিয়েও একটা ছবি আমি এঁকেছি। এবং এই মামলার মিটমাটের সময় তোমার পূর্বপুরুষ রায়বংশের এমন একটা কথা জেনেছিল, যে কথাটা প্রকাশ করবার ভয় দেখানোতেই সে খুন হয়েছিল পিঙ্গু গোয়ানের হাতে। তার ছবি ওই কোণে আছে।

এখন দেখ, ওই দিনখানে, সোফিয়া বাদ্গীজীর বাড়ীতে ওই তাত্ত্বিক পাগল অপরিণীম মমতায় ওই রুগ্ন সোফি বাদ্গীজীর মুখের দিকে তাকিয়ে আছে। সে চোখ মেলেছে। শুকনো ঠোঁটে তার

লীর্ণ আশ্বাসের হাসি ফুটে উঠেছে। আর পাগলের ক্ষত-বিক্ষত কদৰ্ঘ মুখখানিতেও কি কল্পনা বা মমতা! ছবিখানা এঁকে আমি খুলী হয়েছিলাম। পাগলের দৃষ্টিতে একটা মিস্টিক কিছু ফুটিয়েছি বলেই আমার বিশ্বাস।

ইংলণ্ডে গিয়েছিলাম, সেখানে একজিবিশনে ওখানা ছিল। একটি মেয়ে দেখে আমাকে জিজ্ঞাসা করেছিল, 'Melting' নাম দিয়েছ কেন? Beauty and the Best নাম দিলেই তো পারতে। আমি বলেছিলাম, না, পাথর গলছে। দেখছ না, এই যে লোকটার গায়ের রঙে আমি পাথরের রঙ ফুটিয়েছি! পাথরের মত মানুষটা গলছে। ছবিটার প্রশংসা করেছিল অনেকে। একেবারে কাছে মনে হবে পাথর। একটু দূরত্বে ভ্রম হবে, পাথর না মানুষ? দূর থেকে মনে হবে মানুষ কিন্তু বর্বর অথবা উন্মাদ।

ছবিটার দিকে তাকালে স্মলতা। পাগল সম্পর্কে তারও কোতূহল জেগে উঠেছিল। মনে হচ্ছিল, এই লোকটা যেন এদের সঙ্গে জন্ম-জন্মান্তরের সম্বন্ধস্থিত জড়িয়ে রয়েছে।

সতাই ছবিখানা ভাল। সুরেশ্বরের তুলির চাতুর্ঘ্য বাস্তবকে লঙ্ঘন করে ছবিখানাকে ফুটিয়েছে অবাস্তব মাধুর্যে। তারই মধ্যে তার বক্তব্যকে প্রকাশ করেছে। লোকটা বুঁকে পড়েছে তার মুখের কাছে। তাতে পাগলের মুখে অন্ধকার বা ছায়া পড়বার কথা। কিন্তু সোফিয়ার মুখের রঙের আভাটিকে সে পাগলের বুঁকে-পড়া মুখের ওপর প্রদীপের আলোর মত ফেলে প্রদীপ্ত করে তুলেছে। অথচ বাকী অঙ্গগুলিতে শেওলা-ধরা পাথরের রঙে তাকে অমানুষ অথবা অন্ধকারের মানুষ করে ফুটিয়েছে। অঙ্গ-প্রত্যঙ্গের সীমারেখায় একটু ঈষৎ সাদা আভাস। পাথর যেন সতাই গলতে শুরু করেছে।

সুরেশ্বর তাকে ডাকলে—স্মলতা!

—বল!

—ওটাতেই দৃষ্টিকে বেঁধে রেখো না। তারপর দেখ। রাত্রির পরমায়ু ফুরিয়ে আসছে। তারপরের ছবিটা দেখ। ওই দেখ, বীরেশ্বর রায় কলম ধরে লিখছেন, কটি কথা লিখেই তিনি থেমে গেছেন। শূন্য দৃষ্টিতে তাকিয়ে আছেন। একটু এগিয়ে গেলে নজরেও পড়বে—No.

অর্থাৎ সে আসে নি। ভবানী দেবীকে তিনি কিরে পান নি সকালে। অথবা কোন একটি দীর্ঘ অবগুপ্তিতা নারী সম্ভূষিত পদক্ষেপে এসে দাঁড়ায় নি, জানবাজারের রায়বাড়ীর ফটকে।

\*

\*

\*

পরের দিনের ভায়রীর পাতা আমিও ওই প্রত্যাশা করে উন্টেছিলাম। আমিও হতাশ হয়েছিলাম। লেখা ছিল, না। সে আসে নি। কল্পনা চিরকাল মিথ্যাই হয়। তারপর লিখেছেন, সারাদিন ভেবে ঠিক করেছি, কালীতে লোক পাঠাব। পাঠাবার মত বিশ্বাসী লোক একমাত্র ছেনী সিং। কিন্তু সে বড়ো হয়েছে। বয়স সত্তরের কাছে। কিন্তু ও ছাড়া এ কাজের ভার তো বিশ্বাস করে কারুর হাতে দিতে পারব না। ছেনী বারো বছর বয়সে ঢুকেছিল, বাবার বাচ্চা খানসামা বয় হিসেবে। তারপর আমার ভার পড়েছিল তার উপর। তখন সে ভর্তি জোয়ান। আমার মত সবল দুর্বল ছেলেকে এদেশী চাকর সামলাতে পারত না। তাই ছেনীর উপর পড়েছিল আমার ভার। আমার পৈতের পর আমার খানসামা হয়ে এসেছিল মহেন্দর। আর ছেনী হয়েছিল আমার দারোয়ান, আমার সঙ্গে লাঠি নিয়ে ঘুরেটা বেঁধে ফিরত। রবিনসনের কুঠী গিয়েছি, ছেনী সঙ্গে গিয়েছে, কোমরে ভলোয়ার বেঁধে। যেখানে গিয়েছি, সে ছারার মত ফিরেছে আমার সঙ্গে। আমার জন্তে প্রাণ সে দিতে পারত। আজ সে সত্তর



বছরের বুড়ো, তবু সে আমাকে ছাড়ে নি। তার বাড়ী কাশীর ওপারে রামনগরের কাছে। আমি তাকে দিয়েছি অনেক। দেশে তার ক্ষতি হয়েছে। বাড়ীতে তার বেটা বেটা বউ। তাদের ছেলেপুলে হয়েছে। তবু সে আমাকে ছাড়তে পারে নি। জানবাজারের বাড়ীতেই থাকে। পেনশন দিয়েছি। শুকে পাঠাব। বছরে একবার সে বাড়ী যায়, দু মাস তিন মাসের জন্তে। সেই বাড়ী যাওয়ার নাম করেই যাক। কাশীতে এসে সে বিমলাকান্তের বাড়ী যাবে। দেখে আসবে সেখানে সে আছে কিনা! রাজা রাধাকান্ত দেবকে বিমলাকান্ত বলেছিল, এক ভয়ীর কথা। ভয়ী? তা ছাড়া বলবেই বা কি? হয়তো এক বাড়ীতে নাও থাকতে পারে। কারণ তার বাবাও নিরুদ্দেশ বা উদ্দেশহীন তার সঙ্গে সঙ্গাই। ছেন্দী পাকা খবর নিয়ে আসবে। তাকেই পাঠাব। অন্তকে এ খবর বলবার আমার সাহস নেই।

তাকে পেলে তার সঙ্গে বোঝাপড়া আমি করব। কিন্তু লোকে তার নামে দুর্নাম দেবে, সে আমার সহ হবে না। রায়বংশের মাথা হেঁট হয়ে যাবে, চিরদিনের জন্তে।

ছেদীকে ডেকে সব বললাম আজ সন্ধ্যায়। সে বললে—আপনে নিশ্চিত থাকেন বীরাবাবু ভাইয়া; আমি বিলকুল খবর নিয়ে আসবে। ত্বরন্ত আসবে। এক রোজ বেকরদা দেবী আমি করবে না।

রাণীগঞ্জ পর্যন্ত রেল হয়েছে। রাণীগঞ্জ পর্যন্ত ট্রেনে যাবে। তারপর গঙ্গার কোন ঘাটে গিয়ে নৌকো। উজান হলেও হেঁটে যাওয়ার চেয়ে শীঘ্র যাবে। আসবার সময় নিচের দিকে স্রোতের মুখে অনেক শীঘ্র হবে। মোটমোট মাস চারেক লাগবে। কিন্তু আমার ধৈর্য যেন থাকছে না। চার মাস দীর্ঘ সময়।

আজ সন্কটাই কাটছে না। একা বসে আছি। ছেন্দীকে টাকা-কড়ি দিয়ে বিদায় করে লিখছি, আর ভাবছি। চার মাস!

সোফিয়ার অসুখ। সকালবেলা ওর লোক এসেছিল, বললে—সোফিয়া ভাল আছে। বিপদ কেটেছে। কিন্তু খুব দুর্বল। উঠে বসতেও পারে না। জেঁক বসিয়ে অতিরিক্ত রক্ত ক্ষয় হয়েছে। কালো মুখখানা কাগজের মত সাদা দেখাচ্ছিল। তার উপর এত বড় বিকারটা গেল। আশ্চর্য! তাহলে তো শুই সন্ন্যাসীর কোপেই এমনটা হয়েছিল। সন্ন্যাসীর কুপাতেই তো সারল। সন্ন্যাসীর আশ্বাসে চোখ মেললে। নিশ্চয় চোখে যেন প্রদীপ জ্বলল। আমার চোখের উপর ভাসছে। আর ওই বিচিত্র পাগলের মুখে কি আশ্চর্য করুণা দেখলাম! আমার কাছে একটা বিশ্বাসের মত মনে হচ্ছে। ভাবছি, এদের ক্রোধ হয় যত সামান্য অপরাধে, আবার কি অফুরন্ত আশ্চর্য দয়া এরা ঢেলে দেয় মানুষের দুঃখ দেখে।

সোফিয়ার লোকটা বললে—সারারাত্রি পাগল সোফিয়ার মুখের কাছে ঠিক তেমনি করে তাকিয়ে বসে ছিল। মধ্যে মধ্যে শুধু বলেছে, ভাল হয়ে যা। যা। ভাল হয়ে যা। আ-হা-হা-রে! বলেছে, নাকি ভাল হয়ে যাবে আজ!

অবিস্বাস্ত কথা। সোফিয়ার সুস্থ সহজ হতে বেশ কিছুদিন লাগবে। তবে এরা হয়তো সব পারে। বেচারী সুস্থ হোক। সম্পূর্ণ সুস্থ হোক। তবে আজ সোফিয়া থাকলেই কি ভাল লাগত? বোধ হয় লাগত না। মনে হচ্ছিল, এখন মনে মনে নিজেকেই জিজ্ঞাসা করছি, আর কাউকে ডাক দেব? আমার নাম শুনলে নিশ্চয় আসবে। কিন্তু তাও ভাল লাগছে না। না, ভাল লাগছে না।

জীবনে যেন একটা ক্লান্তি এসেছে ওতে। হ্যাঁ, ক্লান্তি এসেছে। আজ দীর্ঘদিন এতেই ডুবে ছিলাম। নদীর মধ্যে কুমীর যেমন ডুবে থাকে, তেমনি করে ডুবে ছিলাম। কীর্তিহাটে মস্তপান

করে উন্মত্ত হয়ে থাকতাম। নিষ্ঠুরতম মানুষ হতে চেয়েছিলাম, কিন্তু ব্যভিচার করিনি। শিকার করেছি। মানুষকে নির্ধাতন করেছি। কি করেছি সব মনেও পড়ে না। খাতাখানা উন্টে দেখছি। সাত বছর আগে সে যেদিন নিরুদ্দেশ হল, তার পরদিন লিখেছিলাম—Am I going mad? Yes, it is madness. It is coming.

তারপর আর লিখিনি; কলকাতা আসবার আগে রবিনসনের লক্ষ্যভ্রষ্ট এক বাঘিনীকে ঘেরে তাকে মৃত্যুমুখ থেকে বাঁচিয়েছিলাম, সেই ঘটনাটা লিখেছি। তারপর কলকাতায় এসেছিলাম নতুন মানুষ হতে। তখন থেকে লিখছি। কিন্তু নতুন জীবন আরম্ভ করেও পারি নি। সোফিয়াকে পেয়ে আশ্চর্য ভাল লেগেছিল। মনে পড়েছিল, দাদার বিয়ের আসরে ওর গান আধ-শোনা করে উঠে গিয়েছিলাম, তারই ডাকে। তাই মনে হয়েছিল, ওর গানই শুনব এবার যতদিন বাঁচি। কিন্তু তাতেও যেন অরুচি এসেছে। রাজাবাহাদুরের সঙ্গে দেখা হওয়ার পর মনে নতুন স্বাদের সাধ জেগেছে। তারপর এই খবর। জগদ্ধাত্রী-বউদি দিলেন এই চিঠি। চিঠিতে বেনারসের ছাপ আছে। আর সোফিয়াকে নিয়ে মেতে থাকবার কল্পনাও ভাল লাগছে না। মনে হচ্ছে, সোফিয়ার অসুখ হয়ে একটা মুক্তি পেয়েছি। মদ ভাল লাগছে না। থাক, সোফিয়া কিছুদিন বিজ্ঞান নিয়ে সুস্থ হোক। আমি তার কথা ভাবব। আর নতুন মানুষ হবার চেষ্টা করেও দেখি! রাজাবাহাদুরকে ভাল লেগেছে।

\*

\*

\*

স্বরেখর বললে—বীরেশ্বর রায়েব জীবনে সত্যি তখন একটা নতুন স্বাদের আকাজ্জক জেগেছিল। সোফিয়ার কথা আর ভাবেন নি। সে সেরে উঠছে। নতুন কাউকেই ডাকেন নি। ভাবছিলেন—কিভাবে শুরু করবেন নতুন জীবন।

সঙ্গে সঙ্গে কাজও যেন কেউ যুগিয়ে দিয়েছিল। যুগিয়ে দিয়েছিল জমিদারী। দিন-তিনেক পরেই কীর্তিহাটের নায়েব ম্যানেজার গিরীন্দ্র আচার্য মহিষাদল স্টেটের কাছ থেকে ষোল আনা তৌজি পত্তনী নেওয়ার ব্যবস্থা করে তার কাগজপত্র নিয়ে এসে পৌছেছিলেন। পত্তনী বন্দোবস্তির পাট্টা কবুলতি, লাট ও তৌজি দিগরের একজায় কাগজপত্র নিয়ে বোঝাই দুটো বড় প্যাটরা।

প্রথমটা বীরেশ্বরের ভাল লাগে নি। বলেছিলেন—ওসব আর আমি কি দেখব বলুন। আমার ওতে তো আগ্রহ রুচি বিশেষ নেই। আপনি দেখেছেন তো।

গিরীন্দ্র বলেছিলেন—না, তোমাকে একবার দেখতে হবে বইকি। দেপার প্রয়োজন আছে। পাট্টা কবুলতির বয়ানে দুটো জায়গায় আমার সঙ্গে মতের কারাক হয়েছে। সে দুটো দেখ। আর—

অসহিষ্ণু হয়ে বীরেশ্বর প্রশ্ন করেছিলেন—কি সে দুটো?

প্রথম গুরা দলিলে 'দোরবস্ত হক-হুকু' লিখেই সেরে দিতে চান, আমি বলেছি—তা হবে না, ওসব মহলওয়ারী স্বত্বের নাম যথারীতি লিখে দিতে হবে, পাতামহল, কাঠমহল, কয়লা-মহল, মোজামহল, হাট-বাট-গল্প, নিমকমহল আদি সহ দোরবস্ত হুকু কথাগুলি লিখতে হবে। তা গুরা বলছেন—নিমকমহল তো লেখাই চলবে না, কারণ ও তো সরকারী খাস; খালারি বন্দোবস্তি যা করেন, সে তো কোম্পানী করেন, ও কোম্পানীর একচেটে। আমি বলেছি আমরা তা স্বীকার করব কেন দলিলে। এই তো লাখরাজ নিয়ে মামলার বর্ধমানের মহারাজাধিরাজ বাহাদুর প্রিভি কাউন্সিলে জিতে লাখরাজ টিকিয়ে দিলেন। কে জানে নিমকমহল নিয়ে মামলা-মোকদ্দমা করলে প্রিভি কাউন্সিলের কি রায় হবে? আবার ভৌল ধার্য করবার

সময় পাতামহল, কাঠমহল, কয়লামহলের আর তার সঙ্গে বোঁগ করতে চাচ্ছেন। বলছেন, জঙ্গলমহলগুলোতে পাতা বন্দোবস্তিতে একশো-দেড়শো পাই ও কয়লামহলে কাঠকয়লায় আর—তাও দেড়শো-দুশো, কাঠ থেকে আর তো মোটা—মানে দু হাজার আদারী ভৌল হলে পাঁচশো টাকা। এই সবের আর চাপাতে চাচ্ছেন। করছেন সবই ঠুঁদের ম্যানেজার। মানে তো বুঝতে পার। আমি বলছি, সে অবশ্যই হবে। যেমন প্রচলন আছে—নায়েবের প্রাপ্য, গোমস্তাদির প্রাপ্য, সে তো দিতেই হবে। দেব। তা—মানে—রাধব বোয়ালের খাই। আগে-ভাগেই দাও আর কি! এ তোমাকে দেখতে হবে। যেতে হবে, রাজাবাহাদুরের সঙ্গে কথা-বার্তা বলতে হবে। রাজাবাহাদুরের অভিমান রয়েছে, দেখলাম। মানে ঠুঁর ইচ্ছে, তুমি পত্তনী নিচ্ছ, তুমি ঠুঁদের কাছে যাবে, বলবে। এই আর কি—

বীরেশ্বর রায় এসব বোঝেন। ভাল করেই বোঝেন। জমিদারীর আর—তিল কুড়িয়ে তাল; বাদশা-নবাবদের আমলে সে এক কাল গেছে। এই তো বলরামপুর-জানপুর থানায় থররারাজার সতেরোটা পরগণার নবাব দপ্তরে খাজনা দিত বছরে বারোশো টাকা, তাও কোন বছর দিত, কোন বছর দিত না; ইংরেজরা প্রথম এসেই গ্রাহাম সাহেবের আমলে সেই খাজনা করেছে বাইশ হাজার টাকা। তারপর চিরস্থায়ী বন্দোবস্তের সময় সে খাজনা সতেরো পরগণার পাই-পয়সা আদায় জুড়ে মোট আদায়ের একশো ভাগের নব্বুই ভাগ ধার্য করেছে।

হিসেব করেছেন তাঁরই ঠাকুরদা। কি করবেন, হুকুম কোম্পানীর, আর তদারক দেওয়ান রায়রাইয়া সিংজীর।

মহারাজা কৃষ্ণচন্দ্র রায় নাকি লিখেছিলেন—পুত্র অবাধ্য, দরবার অসাধ্য, ভরসা কেবল দেওয়ান গঙ্গাগোবিন্দ।

বর্ধমানের মহারাজা দেওয়ানবাহাদুরের মাতৃশ্রদ্ধে আসেন নি বলে তাঁর জমিদারীর উপর শতকরা নিরেনকুই টাকা কালেক্টারী খাজনা ধার্য হয়েছে।

শেষ পর্যন্ত অষ্টম আইনে বর্ধমান এস্টেট বেঁচেছে। লোকে বলে বর্ধমানের মহারাজার বাঁচবার জন্তে অষ্টম আইন সৃষ্টি করেছিল কোম্পানী সরকার। শুধু বর্ধমান কেন, গোটা বাংলাদেশের রাজা জমিদারেরা বেঁচেছে পত্তনী আইনে। ইংরেজদের আমলে পাই-পয়সার কড়া হিসেব; বেনে হয়েছে রাজা। বাদশাহী আমলে যে আমীরী চলেছে, মাইকেল চলেছে, দানপত্র চলেছে, সে আজ অচল, চলতে পারে না। আজ বনে যে শালপাতা-ওয়ারালা পাতা নিয়ে শালপাতা তৈরি করে, তার উপর জমা ধার্য করতে হয়েছে জমিদারকে। বনে আগুন লেগে কাঠকয়লা হয়, স্বর্ণকারে কর্মকারে কেনে, নূনের খালারীতে লাগে, তারও জমা ধার্য হয়েছে। নদীর ঘাটের জমা, হাটের জমা, নানান জমা করে তাই থেকে আর বাড়াতে হয়েছে এবং হবেও।

আবওয়াবও আদায় করতে হয়। আবওয়াব অবশ্য চিরকাল আছে। সে বাদশাহী নবাবী আমল থেকে। ছেলের বিয়ে, মেয়ের বিয়ে, ঠাকুরপ্রতিষ্ঠা, পিতৃশ্রদ্ধ এতে আদায় হয়, এ তাঁর মতে অজায় নয়। তবে মাথট, বছর বছর একটা না একটা চাঁদা, এটা অজায়। দক্ষিণের জমিদারদের নাম করবেন না, অন্ন জুটবে না, মুখের অন্ন বরবাদ হবে, গারদ মাথট আদায় করে নাম কিনেছেন বটে। কুমোররা হাঁড়ির জন্তে মাটি নেয়, তার জন্তে জমা আদায়টা তাঁর ভাল লাগে না। মাটি, জল। এ দুটোর উপর—না-না, ওটা ঠিক নয়।

দলিলের খসড়া দেখতে দেখতেই ভাবছিলেন তিনি। ওদিকে গিরীন্দ্র আচার্য বোল মৌজার ভৌল-জমার হিসেব, পত্তনের পরিমাণ, তার মধ্যে ‘রগবা’ মানে আবায়বোঁগ্য পত্তনের হিসেবের

কাগজ সাজিয়ে রাখছিলেন থাকে থাকে।

রায় দলিলের খসড়া দেখে বললে—আপনি যা বলেছেন, তাই ঠিক, ওসবের স্পষ্ট উল্লেখ থাকা দরকার। এ তো সব দলিলের বাধা বয়ান। এ মহল, ও মহল, হাট-ঘাট, গোলাগজ, খানা-খন্দক, খাল-বিল, দোরবস্ত হক-হকুক, উধ্ব-অধ্ব—যে যে স্বত্তে আমি স্বত্তবান, এ লিখতেই হবে। না হলে এর জন্তে পরে হান্ধামা হতে পারে। যে কেউ বলতে পারে, জমিদার এ রাইট দেয়নি পত্তনীদারকে। দোরবস্ত হক-হকুকের মানে তো ঠিক হয় না। পুছর কাটাতে, ক্যো কাটাতে না হয় লোকে জমিদারের হকুমনামা নেয়। কিন্তু ঘুড়ি কুণ্ডাতে তো হকুমনামার দরকার হয় না, কোন জমিদার তা দাবীও করে না। ওসব প্রত্যেক আইটেম লেখা থাকা উচিত। উধ্ব শব্দ লেখা থাকলেও এসব ক্ষেত্রে তার মানে নেই। তবে নিমক-মহল সম্বন্ধে লিখতে পারেন, “সরকারী আইনগত পরিবর্তন মত জমিদারের যা প্রাপ্য সেই স্বত্ত আদি”। বুঝেছেন—তাহলে ওঁদের আপত্তির আর কিছু থাকবে না।

—সেও আমি বলেছি। যা বলবার তা বলতে ফাঁক আমি রাখিনি। তবে আসল কথা টাকা। তাও মনিবের স্বার্থে নয়। আপন আপন পেট ভরনের জন্তে। তা নইলে এতবড় রাজ-এস্টেটের এই অবস্থা হয়। খাজনা আদায়ই করে না গোমস্তারা। ওই ঘরে বসে মাইনে নেয়, যা পায় নিয়ে আসে; কিছু দেয়, কিছু ট্যাকবন্দী করে। বকেয়ার কাগজ দেখে না। পঞ্চাশ বছরের খাজনা বাকি চলে আসছে। অবশিষ্ট খাজনা কম, মুসলমান প্রজা। এছাড়া বিশ-পঁচিশ-তিরিশ বছর প্রচুর। আট বছর, দশ বছর তো হামেশা বাকি। ষোল বৌজাতে বাকির অঙ্ক দু-লাখের কাছাকাছি। সব নগদ খাজনার মহাল। উটবন্দী ফসলমুখী কাটা খামার চলনের মহাল আমি নিইনি। বলেছি ওসব চলবে না। বরং সাজা খাজনার তৌজি বেছে নিয়েছি। আদায় একটু কষ্ট বটে। তা লাঠি থাকলে আদায় বাপ-বাপ বলে হবে।

বীরেশ্বর রায় বাকি জায়ের কাগজের থাক টেনে নিলেন।

আচার্য বলেই চললেন—বাবা, এই নিয়ে আমার সঙ্গে বনল না। আমাকে ছোট দেওয়ান করে নিয়ে এল, বুড়ো দেওয়ান বললেন, দেখ, অক্ষম হয়েছি, তুমি বাপু ইংরিজী-টিংরিজী জ্ঞান, আর হাল-আমলের লোক, দেখে শুনে চালাও। চালাচ্ছিলাম। কাগজপত্র দেখে চক্ষু চড়কগাছ। এ কি ব্যাপার? এত বাকি? এ তো হাল আইনে সব তামাদি। চার বছর খাজনা, এক বছরের খাজনা স্বেদ, এই পাঁচ বছরের খাজনা ছাড়া তো সব জলে গিয়েছে। তা বুড়ো দেওয়ান বললেন, না না। তামাদি নেই। আমাদের এস্টেটে স্বেদও নিই না আমরা, প্রজারা তামাদিও বলে না। বলবে না। বুড়ো দেওয়ান বলেছিলেন, সে প্রাণ গেলেও বলবে না। আমি সেই দিনই বলেছিলাম, দেওয়ানজী, যথেষ্ট না হয় বলবে না, বললে না। কিন্তু বললেও না, আদায়ও দিলে না, দেনদারও মরে গেল, পাওনাদার গেল। তাহলে হলটা কি? বললেন, এর ছেলে দেবৈ, ওর ছেলে নেবে। বগী-হান্ধামার সময় একশো বছর আগে গোরা থেকে কতকগুলো হারমাদ গোলন্দাজ আনা হয়েছিল, গড়ে কামান বসানো হয়েছিল, তারা বসে আছে; কি করবে, কাজকাম তো এখন নাই। তাদের জায়গা-জমি দিয়ে, গৈয়োখালির কাছে বাস করিয়েছিলেন রাজা আনন্দলাল উপাধ্যায়। তারা এক গলগ্রহ, গোটা দুটো মৌজা জুড়ে বাস করছে। খাজনা না, পাতি না; কাজও নাই, কামও নাই। কটা-কটা চোখ, কটা-কটা রঙ। বৈকা-বৈকা কথা। মধ্যে মধ্যে আসে, হামলা করে, থানে দিচ্ছিল। ভুখে মরছে। ধর উপাধ্যায়দের বংশই নেই। আবার রানী জানকীবাই গুজবংশ, গর্গদের জগন্নাথ গর্গকে দিয়ে গেলেন গদী। তিনি মারা গেলেন, নাবালক ছেলে

রামনাথ গর্গকে রেখে সৎ-মা ইন্দ্রাণী তার গার্জেন ছিলেন। তারপর রামনাথ গর্গ মারা গেলেন; তিনিও নিঃসন্তান—রানী বিমলা দেবী সতী হলেন আগরপাড়ার চরে; রানী ওই সতী হবার সময়ে একটা কাগজে লিখে এই লক্ষ্মণপ্রসাদকে গদী দিয়ে গেলেন। দোহাই বা কাকে দোব। এক-এক মন্দির আছে—যার চূড়া যতবার কর ভেঙে পড়বেই, এ এস্টেটেরও তাই। অল্পবয়সে যায়। রানী-মায়েরা পোষ্য নেন। নাবালক ছেলের গার্জেনী করেন। কাজেই বংশে মহাভয় ঢুক আছে, এতে পাপ অর্শাবে, ওতে পাপ অর্শাবে। এ করতে নাই, ও করতে নাই। এই সুযোগে এরা এসে খেতে চাইত। হাঙ্গামার ভয় দেখাত। আর নিয়ে যেত খাবার। অবিদ্রি সবাই তা নয়। জন-বিশ-পঁচিশেকের একটা দল ছিল। নদীতে ডাকাতি করত। একবার—যেবার তোমার বজ্রার ওপর হামলা করবার চেষ্টা করেছিল। তা পারেনি—

বীরেশ্বরের মনে পড়ে গেল। তিনি বন্দুক চালিয়েছিলেন। ভবানী বন্দুকে বারুদ ঠেসে ঠিক করে দিয়েছিল। কাগজ থেকে একবার মুখ তুললেন তিনি। তাকালেন সামনের বারান্দার দিকে।

আচার্য বলেই চলছিলেন—তোমার বন্দুকের গুলীতে একটা গোয়ান মরেছিল বোধ হয়। তাদের আমিহ ও এলাকা থেকে তাড়িয়েছিলাম। হুজ্জাত কম হয়নি। তবে ছুটো দল হয়ে গিয়েছিল। যারা ভাল লোক, তাদের জমিজমা দিয়ে, হাল-গরুর খরচ দিয়ে চাষীবাষী করিয়ে ওদের দিয়েই এ-বেটাদের খেদিয়েছিলাম। কোম্পানী সরকার খুব সাহায্য করেছিল। বেটারা ও-গ্রাম থেকে পালিয়ে একেবারে গাং পার হয়ে চকিশ পরগণার জঙ্গলে আড্ডা গেড়েছিল। এখন শুনি হিজলীর সেকালের নবাবদের বংশের এক পীরসাহেব আছেন, তিনি নাকি তাদের আশ্রয়-টাশ্রয় দিয়েছেন। বাকিরা এখন বেশ গেরস্ত হয়ে গিয়েছে। তারা বেশ ভদ্র আর এদেশী হয়ে গিয়েছে। তা আমি ওসব তৌজি নিইনি। ও—ওদেরই থাক।

বীরেশ্বর রায় তৌজির পর তৌজির বিবরণের কাগজ উন্টে দেখছিলেন। গিরীন্দ্র আচার্যের বাক্যস্রোতের বরবর শব্দে তাঁর মন আকৃষ্ট হয়নি; মনঃসংযোগে বাখার সৃষ্টিও করতে পারেনি। কিন্তু ওই হলদীর মোহনায় তাঁর বজ্রার উপর গোয়ানদের হামলার কথা বলতেই মনটা চঞ্চল হয়ে উঠেছিল। কিছুক্ষণ অত্যমনস্কভাবে বাইরের অন্ধকারের দিকে তাকিয়ে রইলেন তিনি। বারান্দায় বসে টানা-পাখাওয়ালাটা পাখা টানছে। চাকর মহেশ্বর দরজার গোড়ায় বসে আছে। কথাবার্তার যত্ন গুণন উঠছে বারান্দার কোনখানে। ছকাবরদার হাত-পা টেপার হিন্দুস্থানী খানসামাটা বোধ হয় গল্প করছে।

এদিকে বলেই চলেছেন আচার্যি ম্যানেজার, আমি থাকলে আমার পরামর্শমত চললে এ অবস্থা হত না। আমি সোজা করেও সব এনেছিলাম। তা ওই তো বললাম, একদিকে এস্টেটের কর্মচারীদের আঁতে টান পড়ল। তারা নাবালক আর পোষ্যপুত্রের আমলে চোখে ধুলো দিয়ে থাকছিল, তা বন্ধ হল, গাঁচখানা করে লাগাতে লাগল। ওদিকে প্রজারাও এসে কাঁদতে লাগল। আর মালিকরা ভয় পেলেন এই তো এ বংশে পোষ্যপুত্রের পর পোষ্যপুত্র চলছে; মালিক মারা যাচ্ছে অকালে। এইসব চোখের জলে অকল্যাণ হবে; ভয়ে আমাকে বললেন—এসব চলবে না আচার্যি—না, না। প্রজার ওপর এমন কড়া কড়ি লোকে শাপশাপান্ত করছে। আমি সেই দিন জেনেছিলাম এর আর প্রায় নাই—একদিন-না-একদিন—

আবার বাধা দিলেন বীরেশ্বর রায়। তিনি আবার কাগজে মন দিয়েছিলেন। এসবের একটা নেশা আছে। এ যে বোঝে তার মন মিষ্টানের ওপর মক্ষিকার মত বসলে নড়ে না।

তাড়িয়ে দিলেও উড়ে আবার একটা পাক দিয়ে এসে বসে যায়। বীরেশ্বরের মনও ওই মক্ষিকার মত জমিদারী বিবরণের মিষ্টায়ের উপর আবার এসে জমে গিয়েছিল। একখানা মৌজার বিবরণের পাতা উন্টে পরের পাতায়—মাথার মৌজার নামটা দেখেই বললেন মৌজা বীরপুর! মণ্ডলান তৌজি!

আচার্য সোজা হয়ে বসলেন। নিজের পায়ের উপর নিজে হাত বুলিয়ে একটু তুলতে তুলতে বলতে লাগলেন, হ্যা বাবা, মণ্ডলান তৌজি। মণ্ডল গোপাল সিং ও আমি যেচে নিয়েছি বাবা। কতাব সামনে চেয়ারে বসে সেই “আমরা ছত্তিরি রায়বাবু” বলে মোচপাকানো আমার মনে আছে। ওর সঙ্গে সে আমলে মামলা করে জিতে আমার মনের সুখটা হয়নি। এবার ওর সঙ্গে একবার পাঞ্জা লড়ব।

কথাটা মনে পড়ল বীরেশ্বর রায়ের। তিনি শুনেছিলেন, ব্যাপারটা তাঁর সামনে ঘটেনি। বীরপুর মৌজার পাশেই রায়দের গগনপুর লাটের এলাকা। দুই এলাকার মাঝে একটা জঙ্গল। সেই জঙ্গলের যে অংশটা রায়বাবুদের, সেই অংশ থেকে গোপাল সিংয়ের লোকেরা কখনও জবরদস্তি, কখনও চুরি করে কাঠ কেটে নিয়ে যেত। মহিষাদল এস্টেটের মণ্ডলান তৌজি বীরপুর। মণ্ডল গোপাল সিং, জাতিতে সে ছত্রি, এককালে পাইকদের সর্দার ছিল, মণ্ডলান আদায় যেখানে, সেখানে জমিদারের সঙ্গে জমিদারীর সম্পর্কে বলতে গেলে না-সম্পর্ক। জমিদার তৌজির খাজনা পায় মণ্ডলের কাছে। বছর বছর বন্দোবস্ত কোথাও। কোথাও হুঁ-চার বছর অন্তর। মণ্ডল ব্যক্তিটিই সর্বসর্বা। সে তৌজির খাজনা জমিদারকে দিয়ে জমিজমা ইচ্ছেমত প্রজার সঙ্গে বন্দোবস্ত করে। যাকে ইচ্ছে হয় তাকে জমি দেয়। ইচ্ছে হলে উৎখাত করে। মোট কথা, আইন অহুসারে স্বত্বের জোরে জমিদার না হয়েও সেই জমিদার তৌজি একবার মণ্ডলান আদায় বন্দোবস্ত করলে, আর সে মণ্ডলকে উচ্ছেদ করা খুব কঠিন। মহিষাদল এস্টেটে কথাটা জানানো হয়েছিল। সোমেশ্বর রায় লোক পাঠিয়েছিলেন। দুই এস্টেটে কোন মনোমালিন্য ছিল না। মহিষাদল চিঠির উত্তরে গোপাল সিংকে পাঠিয়েছিলেন সোমেশ্বর রায়ের কাছে।

সোমেশ্বর রায় কাছারী-ঘরে বসেছিলেন। তিনি বসতেন ছোট একটা চৌকিতে কার্পেট-বিছানো গদীতে। পিছনে থাকত মোটা মখমলের তাকিয়া। সামনে একপাশে থাকত থানকয়েক চেয়ার-কুর্শী। অত্রদিকে থাকত একটু নিচু তক্তায় সত্তরজির উপর চাদর। ওর উপর বসতেন ব্রাহ্মণ কায়স্থ ইত্যাদি সদগৃহস্থ প্রজারা। সাধারণ প্রজাদের জন্ত মেঝের উপর মাদুর-কয়ল বিছানো থাকত। কুর্শীর ব্যবস্থা ছিল বিশেষ লোকের জন্ত। যেমন মিয়া মোকাদেম কিম্বা দারোগা বা আদালতের নাজির-টাজির। নানান কাজে এঁদের আসতে হত। মধ্যে মধ্যে বুড়ো রবিনসন এবং পাদরী হিলসাহেব এলে বসত, আর একদিকে একটা চৌকিতে বসত নায়েব-ম্যানেজার।

গোপাল সিং দেখা করতে এসে কপালে হাত ঠেকিয়ে নমস্কে রায়বাবু বলে সটান গিয়ে ওই একখানা কুর্শীতে চেপে বসেছিল।

সোমেশ্বর রায় অবশ্যই ক্রুদ্ধ হয়েছিলেন। কিন্তু নিজে মুখে কিছু বলেননি। বলেছিল আচার্য ম্যানেজার, ওসব কুর্শী সাহেব-সুবা দারোগা-নাজীরের জন্তে গোপাল সিং। মণ্ডল প্রজার জন্তে নয়। ওই—ওই—

তিনি দেখাতে গিয়েছিলেন, মেঝের উপর বিছানো সত্তরজি-কয়লের বিছানা, কিন্তু সোমেশ্বর রায় ভয়ত করে বলেছিলেন, এই যে তক্তাপোশের উপর করাস রয়েছে সিং এইখানে বস।

গোপাল সিং বলেছিল, আমি ছত্রি রায়বাবু। বাংগালী নই। এককালে আমার দাদো ছিল মনসবদার। দারোগা-নাজীর লোকের চেয়ে ছোট আছি না। বেশ বসেছি আমি। বলেন—কিসের লেগে ডলব!

সোমেশ্বর রায় বলেছিলেন, আগে জল খাও গোপাল, তারপর হবে কথা। তাড়াতাড়ি কিসের? আচার্য, সিন্কে জল খাওয়াও।

জল খেয়ে গোপাল এসে বলেছিল, এখন বলেন কি কথা?

সোমেশ্বর বলেছিলেন, আমি তো তোমাকে ডলব পাঠাইনি গোপাল। তুমিই বলবে কথা কি।

—আমার রাজাসাহেব বললেন, কীর্তিছাটের রায়বাবুর কিসব কথাবার্তা আছে, তুমি যাও গোপাল সিং শুনে এস। কয়সালা করে এস।

—কথাবার্তা বীরপুর সীমানার জঙ্গল নিয়ে। তা তুমি তো মণ্ডল—তা নিয়ে তোমার সঙ্গে কথাবার্তা কি? সে রাজাবাহাদুরের এস্টেটের সঙ্গে। হবে তাঁদের সঙ্গে কথাবার্তা।

—তবে সেই করবেন। সেই ভালো। তারপর হেসে বলেছিল, এক কাজ করেন রায়বাবু, বীরপুরের সীমানা নিয়ে গোল লাগছে আপনার গগনপুরের সীমানার। গগনপুরে আমাকে একটা আপনার খাস জোত দিয়ে দেন। হাঁ, সেলামী কিছু দিব। আর গগনপুর ওই বীরপুরের মতুন আমাকে মণ্ডলান বন্দোবস্ত করুন। সব মিটে যাবে বাবা। কুনো গোল থাকবে না।

আচার্য রুখে উঠেছিলেন। কিন্তু সোমেশ্বর রায় ইঙ্গিতে নিষেধ করেছিলেন। এরপর আরম্ভ হয়েছিল মামলাপর্ব। মহিষাদলের সঙ্গে নয়। চুরি, রাহাজানি, চার্জ দিয়ে বীরপুরের যারা গোপাল সিংয়ের চালাচামুণ্ডা, তাদের উপর নালিশ। মামলার পর মামলা, পাঁচ বছর মামলা চলার পর গোপাল একটা মিটমাট করেছিল। তাও মহিষাদলের রাজাবাহাদুরের অহুরোধে মিটমাট করেছিলেন সোমেশ্বর রায়।

• বীরেশ্বর রায়ও সোজা হয়ে বসলেন। সমস্ত বিষয়-ব্যাপারটা মিষ্টানের উপর গোলাপজলের ছড়া দেওয়াতে সৌরভযুক্ত বা লবণাক্ত বাঞ্ছনে লক্ষার গুঁড়ো ছিটা দেওয়ার মত ঈষৎ ঝাল হয়ে অধিক মুখরোচক হয়ে উঠল। বললেন, ভাল করেছেন। প্রয়োজন ছিল। এটা অবহেলা করে এসেছি আমরা। বাবা তো এরপর বেশী দিন বেঁচে ছিলেন না। যে কিছুদিন ছিলেন, তখন তাঁর জামাতা দেখাশুনা করেছে। আমি তখন কলকাতায়। তারপর আমি হাতে নিয়েছি সম্পত্তি, অবহেলা আমারই বলতে হলে। ভাল করেছেন।

—নিশ্চয়। তোমরা ভুললে আমি ভুলব কেন? যে চেন্নারখানায় বসেছিল, সেখানা আমার চিহ্নিত করা আছে বাবা। আমি ওকে হাঁটু ভাঙিয়ে ঘোড়ার মত বসাব, বলিয়ে পিঠের ওপর চেন্নারখানা লাগাব, আর চেন্নারের ওপর একমুণে একটা পাথর চাপিয়ে দেব। তার ওপর একটা বীদর। হাঁ, যখন বীরপুর বাছাই করি, তখন থেকে ভেবে ভেবে আমি কি করব তা ঠিক করে রেখেছি।

তারপর বললেন, শুধু বীরপুর নয়, পাতা উল্টাও, দেখ, শালমুঠা-আঁচলপাড়াও বেচেছি। ভুবন মাইতি আমাদের এলাকা থেকে উঠে গিয়েছে, সব বিক্রি করে বলে গিয়েছে—রায়বাবুদিগে খাজনা আমি দোব না। আর সর্বানন্দ ঘোষ উঠে গিয়ে বাস করছে আঁচল-পাড়ায়। তোমার আমলেই একটা ফৌজদারী মামলার আমাদের চাপরানীর জরিমানা করিয়ে ডেরে পালিয়ে গিয়েছে। এ ছুজনের সঙ্গেও মোকাবেলা হবে, দেখা যাবে এরপর কোথা বাস



বাছাধনেরা !

একটু হাসলেন বীরেশ্বর রায়। ও দুজনের ব্যাপার সামান্য। বলতে গেলে কিছুই নয়। কিন্তু আচার্য তা ভোলেননি। রায় কাগজ উন্টে গেলেন।

এরই মধ্যে অত্যন্ত করুণ বিনীত ভঙ্গীতে এসে দাঁড়িয়েছিল মহেন্দ্র চাকর। কিছু নিবেদন আছে তার।

রায় মুখ তুলে প্রশ্ন করেছিলেন—কি ?

—আজ্ঞে ম্যানেজারবাবু খাবার—।

—এর মধ্যে খাব কি রে ?—বলেছিলেন আচার্য। তারপরই ঘড়ির দিকে তাকিয়ে বলেছিলেন, আরে বাবা, এ যে বারোটা বাজে। ওঃ! একেবারে বুঝতেই পারি নাই, রাত হয়েছে। তাহলে আজ উঠি বাবা। কাল আবার হবে। ওঃ, তোমার সব ব্যাঘাত করে দিলাম।—বলে তিনি উঠে পড়লেন।

ব্যাঘাত করে দিলাম অর্থে মত্তপানের কথা বলেছেন আচার্য। কিন্তু মত্তপান আজ ক’দিনই তিনি করেননি।

তারপর একনাগাড়ে এই দেড় মাসের উপর সময়টা তিনি বিষয় নিয়েই আছেন। বিষয়ী ঘরের ছেলের বিষয়ে যে স্বাভাবিক প্রীতি ও আসক্তি, তা সুযোগ পেয়ে জিহ্বা বিস্তার করে জেগে উঠেছে। তৌল কষেছেন, পতিতের হিসেব করেছেন, কোথায় নদীতে বাঁধ দিতে হবে, কোথায় কয়েকটা বাঁধ কাটাতে হবে, তাতে কত পতিত আবাদ হবে এবং এই তৌল জমার উপর কত বৃদ্ধি কোথায় সম্ভবপর হবে—এই নিয়ে মস্ত একখানা খাতা তৈরী করে ফেলেছেন। দলিল নিয়ে রাজসাহেবের কলকাতায় অ্যাটর্নীর বাড়ী গিয়েছেন। নিজের অ্যাটর্নীর সঙ্গে পরামর্শ করেছেন—পত্নী মৌজাগুলি নিয়ে আরবৃদ্ধির পথ আবিষ্কার করেছেন।

বোলখানা পত্নী মৌজার তৌল কুড়ি হাজার পাঁচশো বাইশ টাকা এগার আনা দশ গুণ্ডা। সরকারী রেভেন্যু আঠারো হাজার টাকা পাঁচ আনা দশ গুণ্ডা। সরকারী অর্থাৎ আদায় খরচা শেষ পর্যন্ত স্থির হয়েছে শতকরা আড়াই টাকা হিসেবে পাঁচশো দশ টাকা। লাভ ছেড়ে দিতে চেয়েছেন নিট মুনাকার শতকরা পঁচিশ টাকা। এই লাভের টাকার উপর দশগুণ টাকা সেলামী ধার্য হয়েছে অর্থাৎ বোলখানা মৌজার রেভেন্যু এবং জমিদারের মুনাকা বাদ দিয়ে লাভ থাকবে পাঁচশো টাকা। তা হোক। আচার্যের সঙ্গে পরামর্শ করে যে মতলব করেছেন বীরেশ্বর রায়, তাতে এই পাঁচশো টাকা লাভ আগামী বছরের মধ্যে পাঁচ হাজারে গিয়ে দাঁড়াবে। কুড়ি হাজার পাঁচশো টাকা আদায়ের উপর টাকায় সিকি বৃদ্ধি করলেই পাঁচ হাজার টাকা বাড়বে। এর সঙ্গে পাতা, কাঠকয়লা কাঠমহলের জমা আছে। বোলখানা গ্রামের চারখানাতে হাট আছে এবং ছয়টা পেয়াঘাট আছে। তাতেও সমস্ত জুড়ে পাঁচশো থেকে হাজার টাকা আয় বাড়বে। এসব জমা মহিষদল এস্টেট আদায় করতেন না। গোমস্তারাই কিছু কিছু নিয়ে বিলি-ব্যবস্থা করত এবং তারাই আত্মসাৎ করত। এরপর আছে পতিত আবাদ। সেদিক দিয়ে কয়েকখানা ভৌজিতে অনেক সম্ভাবনা আছে। এ-কাজ রায়দের এস্টেটে অনেক হয়েছে এর আগে। গিরীন্দ্র আচার্য এতে খুব করিত-কর্ম্য লোক। নদীর ধারের পতিত হলে, নদীর ধার-বরাবর বাঁধ টেনে দিয়ে এদেশী মজুর, খেটেখাওয়া লোকদের ডেকে বলাবে চার বছর, পাঁচ বছর পর খাজনা ধার্য হবে, তখন প্রথম দু বছর আধা খাজনা লাগবে, তারপর পুরো খাজনা দেবে। এদিক দিয়েও দশ বছরের মধ্যে আরও সাত-আট হাজার টাকা আয় বাড়বে বোল মৌজায়। সুতরাং রায়বাড়ীর আর তখন বোল মৌজার

দশ হাজারে দাঁড়াবে।

এর মধ্যে সবই কিছু বিনা বাধায় হবে না। বাধা পড়বে। গোপাল সিংহ আছে; এবং প্রায় প্রত্যেক মৌজাতেই দু-একজন করে ছোটখাটো গোপাল আছে; সে সিংহ না হোক, নেকড়ে বা দুই শেরালও হতে পারে। তাছাড়া, আচার্য বললেন—গাঁয়ে নতুন মাস্তুল দেখলেই দু-চারটে কুকুর লাগে ও তাদের হুমুঠো মুড়ি, দুটো পাঠা কাটলে আটটা টেংরী হয়, ছুঁড়ে দিলে তারা পোষ মেনে যাবে। তখন আমরা যার ওপর লেলিয়ে দোব, তাদের ওপরেই লাগবে। তবে গোপালের সঙ্গে হবে। তা হোক। লাঠির পথ গোপালের, আমাদের পথ মামলার চরকীপাকের। ছ' মাসের মধ্যে বারদশেক সদর হাটতে হলেই জিব বেরিয়ে যাবে। সরকারী দপ্তরে ওর নামে দাগও আছে। পাইক হাক্কামার সময় উনি ছিলেন, চুন্নাড়দের পিছনেও ছিলেন, সেসব থানাতে আছে।

রায় একমনে ভাবছিলেন—ভেবে বলেছিলেন, আমি আর একটা পথের কথা ভাবছি। কিছু টাকা থরচ হবে। মৌজার মৌজার এক-একটা দেবস্থল আছে। সেগুলো জমিদারী স্বত্বের অন্তর্গত। সেখানে ঘরটা মেরামত করানো, কিছু সংস্কার; আর কি গ্রামে সরকারী পুকুর বা আছে, তার মধ্যে ভাল যেটি, সেটিকে ভাল করে কাটিয়ে দেওয়া। এতে লোকে খুশী হবে। আর কীতিহাটে একটা বাংলা ইন্সুল। ওটার কথা বলতে গেলে এই সব কাজের মধ্যে মনেই পড়েনি। ওটাকে আমি করে ফেলতে চাই।

—দাঁড়াও বাবা। এই কাজটি হয়ে যাক। মা-লক্ষ্মী আসবার কথা, তিনি আগে আসুন, ঘরে ঢুকুন। তারপর মা-সরস্বতীর পাটন হবে। মনে যখন করেছ, তখন হবে বৈকি। তুমি কীতিহাটের রায় এস্টেটের মালিক, তুমি মনে করেছ যখন তখন হতেই হবে। একটা কেন, ইচ্ছে করলে পাঁচটা হতে পারে। সেই তো আমাদের মনের খেদ বাবা বীরেশ্বর। তোমার এমন বিষয়বুদ্ধি। তুমি এমন ইংরিজী বল। এই তোমার রাজপুত্রের মত চেহারা, তুমি একটা থাকতে সবকিছু ছেড়ে—।

চুপ করে গেলেন। তারপর কথা খুঁজে নিয়ে বললেন, ব্রাহ্মণ বংশে জন্ম, জমিদার, লক্ষ লক্ষ টাকার মালিক, গান-বাজনা, বাড়ি—এসব তোমরা না করলে করবে কে? বলতে গেলে তো ওরা তোমাদের দম্মাতেই বাঁচে। আর ওসব হল শোভা। নাহলে মানায়ও না। তারপর দুটো-তিনটে বিয়ে এ তো সাধারণ লোকে করে গো। তা ওই যে বউমা গেলেন, আর তুমি সব ছেড়ে বিবাগী হয়ে কলকাতায় এসে সব ছেড়েছুড়ে—। না, না। এ চলবে না বাবা। সোফিয়াবিবি আছে থাকুক। বাগানবাড়ী কর। সেখানে রাখ। আর তুমি বিয়ে কর। এতবড় বংশ, বংশধর চাই। ভাগ্যেতে সব পাবে, এটা—। মানে আমাদেরও ভাল লাগে না।

রায় সজাগ হয়ে উঠলেন। বললেন, হ্যাঁ। এবার ভেবেছি এমনভাবে আর না। হ্যাঁ, কাজকর্ম নিয়েই থাকব। আপনি কাগজপত্র নিয়ে রাজাবাহাদুরের কাছে চলে যান। সব পাকা করে দলিলপত্র শেষ করে ফেলুন।

বলে বাইরে এসে বারান্দায় দাঁড়িয়েছিলেন।

ইচ্ছে হয়েছিল এক মাসের উপর হয়ে গেল গান-বাজনা করেননি, আজ সোফিকে ডেকে শেষ গান-বাজনা করে ওকে বিদায় দেবেন।

সঙ্গে সঙ্গে ডেকেছিলেন—মহেন্দ্র।

—আজ্ঞে। মহেন্দ্র চকিৎস ঘণ্টাই হাজির থাকে করেক হাতের মধ্যে।

লোক পাঠিয়ে দে সোফির ওখানে। বলবে—আজ একবার আসতেই হবে। মনটা বড় চঞ্চল করে দিয়ে গেল আচার্য। অন্তরে পশুর স্ফোভ জ্বলে উঠেছে!

লোক গিয়ে ফিরে এসেছিল, সোফির সারেকীদারকে নিয়ে। সে সেলাম বাজিয়ে বলেছিল, বাঈয়ের তবিয়ৎ এখনও পুরা ঠিক হয়নি হজুর। মাকি মেঙেছে সে।

—কি হচ্ছে তার?

—বহুং দুবলা আছে হজুর।

—চিকিৎসা করাচ্ছে?

—হাঁ। ওই ককিরসাব দাওয়াই দিচ্ছেন, আওর ঝাড়ফুক করেন। তাবিজ ভি দিলেন।

—ককির? ওই পাগলাবাবা?

—হাঁ হজুর।

—সে ওখানে আসে নাকি?

—হাঁ, আসে।

কথাটা শুনে মনে বড় ভাল লেগেছিল বীরেশ্বরের। তারপর এই পাঁচ-ছ দিন পর পর লোক পাঠালেন। সকলে বললে বাঈয়ের সঙ্গে দেখা হয়নি। বারান্দায় ঝুঁকে তার মা বলেছে—তার তবিয়ৎ ঠিক নেই। শেষ দিন মহাবীর সিংও এসে তাই বললে, সঙ্গে সঙ্গে বললে, বাঈসাহেবা গানা-বাজনা করছেন।

কেমন একটা খটকা লেগে গেল। মহাবীর সিংকে জেরা করে জিজ্ঞাসা করতেই সে বলে ফেলেছিল, হ'রাকা বাজারমে তো লোক বোল রহা হায়—

—কি? কেয়া বোল রহা হায়? ঝাঁ?

—বোল রহা কি—ওই সাধুবাবা বাঈকে গানা শিখাচ্ছেন। বাঈ তো ভাল আছে।

আওর—

—আওর কি? বলো! চুপ কাহে? বলো!

—হজুর, উ লোক বোল রহা হায় কি উ সাধু তো মুসলমান বন গিয়া।

—মুসলমান বন গিয়া?

—হাঁ, হ'রাই খাতা হায়, পিতা হায়—

—আরে না। উ লোক থানেপিনে মে কুছ হরজা নেহি হোতা বাবা।

মহাবীর এবার নিজেই বললে—নেহি হজুর, উ লোক বোলতা কি—সাধু ককির ভি নেহি হায়। ছোড় দিয়া। উত্তাদকে মাকিক পুষাক পিহিন তা। আওর বাঈকি নিকা করেগা।—

—বাঈকি নিকা করেগা?

—হ্যা, কোই বোলতা সোফি বাঈকি সাথ, কোই কোই বোলতা, নেহি উনকি মাইকি সাথ।

বিশ্বয়ে স্তম্ভিত হয়ে গেলেন বীরেশ্বর রায়।—এও সম্ভব?

তিনি মহাবীরকে বলেছিলেন, যাও। ম্যানেজারবাবুকে ভেজো।

ঘোষ আসতেই বলেছিলেন, সোফিয়ার বাড়ী একবার যেতে হবে তোমাকে। মহাবীর কি বলেছে শুনে নাও। তদন্ত করে এস আসল ব্যাপারটা কি! সঙ্গে লোক নিয়ে যাও।

“ধর্মের মধ্যে অধর্ম লুকিয়ে থাকে, জ্ঞানের মধ্যে অজ্ঞান আছে, পুণ্যের মধ্যে পাপের বাসা আছে, লক্ষীর ছায়ার আড়ালে আড়ালে অলক্ষী! মাহুকের মধ্যে অমাহুৰ—যার আসল রূপ

পশুর। হবে না কেন! মানুষ যে জন্তু।”

স্বলতা হেসে বললে—বেশ তো। বীরেশ্বর রায়ের কথা বলছিলে সুরেশ্বর, হঠাৎ দার্শনিকতা শুরু করলে কেন?

সুরেশ্বর বললে—কথাগুলো বীরেশ্বর রায়েরই স্বলতা। আমার নয়। তবে গুরু কথা সত্য। খাঁটি সত্য। তাই তোমার মনে হচ্ছে আমি দার্শনিকতা শুরু করেছি আমার জ্বান-বন্দীর সমর্থনে। তবে আর্টিস্ট আমার কাছে তো বাস্তব জগতে এর চেয়ে বড় সত্য আর নেই। কারণ লাইট আর শেড এ দুটো পাশাপাশি না থাকলে কোন ছবিই প্রাণ পায় নী। ছবি ছবিই থেকে যায়। তাই কথাগুলো মুখস্থ হয়ে আছে। বীরেশ্বর রায় বোধ হয় কথাগুলি সেদিন সেই মুহূর্তেই লিখেছিলেন। নায়েব ম্যানেজার ঘোষকে নিজেকে দেখে তদন্ত করতে পাঠিয়ে অস্থির হয়ে উঠেছিলেন রাগে এবং আক্রোশে।

“সাধুরা পাথরের দেবতা খাড়া ক’রে মহাস্তব হয়ে বসে, তাদের ভোগ রাজভোগ, বিলাস রাজার চেয়েও বেশী। তান্ত্রিকের ভৈরবী থাকে। কুলবধুকে স্বর্গের লোভ দেখিয়ে বের ক’রে নিয়ে যায়। বৈষ্ণবদের সেবাদাসী থাকে। আমার জমিদারী থেকে এদের আমি চাবুক মেরে বের করব। আর, ম্যানেজার ফিরে আসুক, তার কাছে জানি সে কি বলে, তারপর আমি নিজেকে যাব এবং এ যদি সত্য হয় তবে ওই পাগল পিশাচকে আমি খুন করব। কিছু অবিশ্বাস নেই। এরা তান্ত্রিক, অনেকে বলে মড়ার মাংস খায়। সাধনার জন্তে নরবলি দেয়, বামা-চারীরা মেয়ে নিয়ে সাধনা করে। সাধনা না ছাই। কুৎসিত ব্যভিচার। সত্য হলে আমি খুন করব।”

“সে পরিজ্ঞাণ পেয়েছে আমার হাতের নাগালের বাইরে চলে গেছে। কিন্তু এ পাবে না। না। না।

নায়েব ঘোষ ফিরে এল। তার গলা পাচ্ছি।”

এরপর স্বলেখা, বীরেশ্বর রায়ের লেখা এলোমেলো। বোধ হয় রাগে উন্মত্ত হয়ে উঠেছিলেন। লিখেছেন—“লোকটা একটা কাউয়ার্ড। কথা বলতে পারছে না, মাথা চুলকোচ্ছে, ভয়ে যেন কেমন হয়ে গেছে। কেবল বলছে তান্ত্রিকদের কাণ্ড। তান্ত্রিকদের কাণ্ড। আমি কিল মারলাম, ধমক দিলাম, আমার হাতের কিলের ঘায়ে তেপনার মাথাটা ভেঙে গেল। পিশাচ পশু। অ্যাণ্ড থ্যাট বিচ। বিশ হাজার টাকা। তারও বেশী। হিসেব নেই। দু বছরে—তার ছবির সামনে বসে তাকে আমি দেখিয়ে ভালবেসেছি।”

সুরেশ্বর বললে—আমি তার থেকে অনেক কষ্টে সবটা বুঝেছি।

নায়েব এসে বলতে পারে নি; তার সঙ্কোচ হয়েছিল, হয়তো ভয় হয়েছিল, যা দেখেছে তা বলতে।

মাথা চুলকে বলেছিল—আজ্ঞে হজুর, গুঁরা তান্ত্রিক সিদ্ধপুরুষ গুঁদের কাণ্ড তো। মানে বোকা—কি ক’রে বলব—

বীরেশ্বর রায় সামনের তেপনটার উপর দ্রুত ক্রোধে একটা কিল মেরেছিলেন, তেপনার উপটা কেটে গিয়েছিল।

ধমক দিয়ে বলেছিলেন—কি ক’রে বলবে? যেমন ক’রে মানুষকে কথা বলে তেমনি ক’রে

বলবে। যা দেখেছ তাই বলবে। তোমার কাছে কোন ব্যাখ্যা শুনতে আমি চাইনি!

নায়েব ম্যানেজার ঘোষ কোনরকমে বলেছিল—আজ্ঞে মহাবীর যা শুনে এসেছে—

—হ্যাঁ। কি? তাই সত্যি?

—আজ্ঞে দেখে তো তাই লাগে।

কয়েক মুহূর্ত চুপ করে সামনের দিকে স্থিরদৃষ্টিতে তাকিয়ে থেকে, বোধ হয় কি করবেন ভেবে নিলেন বীরেশ্বর রায়। তারপর বললেন—হঁ। যাও তুমি।

আবার কয়েক মুহূর্ত চুপ করে থেকে গম্ভীর উচ্চকণ্ঠে ডাকলেন—মহাবীর! আবদুলকে গাড়ী তৈয়ার করতে বলো। তুমি তৈয়ার থাকো। বলেই ঘরের দিকে ফিরলেন কিন্তু আবার ফিরে এসে বারান্দার রেলিংয়ে ভর দিয়ে বললেন—সুখদেও পাহলওয়ানকে সাথেযে নেন। হাতিয়ারবন্ধ হোকে যান। বলেই ভিতরে ঢুকে মহেন্দ্র চাকরকে বললেন—বোতল গ্লাস আন। আর জুতো দে।

তার সেই শব্দ করে কেনা কালো ঘোড়া দুটোর জুড়িতে উঠতে উঠতে হকুম করেছিলেন—বহুবাজার। সোফিয়া বান্ধয়ের যোকাম। জলদি!

সুরেশ্বর বললে—সেকালে চাকরকে মনিবের মেজাজটা আগে বুঝতে হ'ত। যে বুঝত সেই থেকে যেত হয়তো গোটা জীবন। না-হলে দুদিন পর জবাব হয়ে যেত। কোনরকমে চাকরি টেকেও একপাশে পড়ে থাকত। আবদুল মহাবীর সুখদেও এরা ছিল বীরেশ্বর রায়ের পেয়ারের লোক। মেজাজ বুঝত এবং সেই মেজাজ যা চাইত তা করতে তারা খিঁচা করত না। আবদুল সেই তেজী কালো ঘোড়া দুটোর লাগাম একবার টেনে ধরেই ঢিল দিয়ে ইশারা দিয়েছিল—‘জোর সে বেটা লোক।’ এবং সঙ্গে সঙ্গে হাতের চাবুকের দড়িটা শূন্যে শিস দিয়ে উঠেছিল হাওয়া কেটে।

তখন কলকাতা এ কলকাতা নয়। চোরিকীর ওদিকটার এবং সাহেবদের এলাকার রাস্তা পাকা এবং সমতল হলেও দেশী লোকের বসবাসের অঞ্চলে রাস্তা অসমান, থানামনে ভরা—ধুলো ওড়ে। সর্কীর রাস্তা, দুপাশে গলি আর ঘুঁচি। খোলার চালের বস্তি। মাঝে মাঝে পাকা বাড়ী। তাও পুরনো।

সন্ধ্যার মুখ, সর্কীর রাস্তাগুলোতে অন্ধকার জমেছে, পাশের দোকানের বড় কুপীগুলোতে দুটো নলের মুখে দুটো করে ধোঁয়াটে লালচে আলোর শিখা জ্বলছে। ধুলোয় ধোঁয়ায় যেন কুয়াশার মত জমেছে। কিন্তু মনিবের হকুমে আবদুলের হাতে কালো জুড়িগাড়ীর চাকা লোহার হালে ঘর্ষ শব্দ তুলে প্রাচণ্ড জোরে ছুটে চলেছিল। ধর্মতলার পর উত্তরমুখে, পুরানো কসাইটোলা—হালের বেটিক ষ্ট্রীট—ধরে লালবাজারে মোড় ফিরে বউবাজার পৌছতে ওই কালো জুড়ির দেবী হয় নি। রাস্তার লোকেরা সভয়ে দুপাশে সরে দাঁড়িয়েছিল। সহিস দুটো তাকা—তাকা—হঁ শিরার—শব্দ করে ঘোড়ারও আগে আগে ছুটেছিল। আবদুল কোচবক্সে বসে অসতর্ক পথচারীদের হুঁচার ঘা চাবুকও মেরেছিল! বউবাজার পৌছতে দেবী হয় নি। তবুও বারদুয়েক বীরেশ্বর তাগিদ দিয়েছিলেন—আ-বদুল।

সোফিয়া বান্ধয়ের বাড়ীখানা কাঠের রেলিং, কাঠের খুঁটি দেওয়া বারান্দাওয়াল বাড়ী। একটু আগেই ফিরিকী কালীর স্থান। তখন সেখানে—ত হচ্ছে। দেশী ক্রীচান ফিরিকীর দাঁড়িয়ে আছে। বেশ একটা ভিড় জমেছে

গাড়ীখানা থামতেই রায় গাড়ী থেকে লাফ দিয়ে নেমে পড়লেন

পুরনো আমলের ধাঁচের বাড়ী। মল্লিকবাবুদের ভাড়াখাটানোর বাড়ী। বাড়ীটার উপরে উঠবার সিঁড়ি ঠিক মাঝখানে। রাস্তার উপরে দরজার মুখ থেকে সোজা খাড়া উঠে গেছে উপরে। একেবারে মাথায় খানিকটা প্রশস্ত জায়গা।

রায় মহাবীর সিং এবং সুখদেও পাহলওয়ান'কে দরজার রেখে বললেন—কোইকো ঘুসনে নেহি দেনা!

উত্তরের অপেক্ষা না করে তিনি উপরে উঠে চলে গেলেন। দু-তিনটে সিঁড়ি উঠেই তিনি থমকে দাঁড়ালেন। মৃদুকণ্ঠের গান ভেসে আসছে। কালোয়াতি উজ্জ্বলের গান নয়, সাদা সরল সুরের বাংলা গান। কর্ণস্বর চেনা; গাইছে ওই পাগল। সেই মাঠে যেমন শুনেছেন তেমনি। না, বোধহয় তার থেকেও প্রাণের রসে মাখামাখি।

চেনা তোকে হল নাক—

জানা তোকে হ'ল না।

বারে বারে দিলি দেখা

ক'রে গেলি ছলনা।

মোহিনী অধরে হাসি—

দেখে কাছে ছুটে আসি

দেখি ভীমা এলোকেশী—

উন্মাদিনী ললনা

চেনা—তোকে হল না—

জা—না—তোকে হল না।

অস্থির পদক্ষেপ তাঁর ধীর হয়ে গেল। ধীর পদক্ষেপে উঠে গেলেন তিনি। উপরে সিঁড়ির মাথায় প্রশস্ত জায়গাটার ঘরের দরজার মুখে দাঁড়ালেন। যা দেখলেন তাতে তাঁর মুহূর্ত-পূর্বের ধীরতা কোথায় চলে গেল। স্তম্ভিত হয়ে গিয়েছিলেন তিনি।

সে এক অবিস্মৃত দৃশ্য।

মহাবীরের শোনা কথা, ম্যানেজার ঘোষের কথা শুনেও এ তিনি কল্পনা করতে পারেন নি।

একটা পুরু গদীর উপর মধ্যমল বিছিয়ে, পিছন দিকে একটা সাটিনে মোড়া তাকিয়া রেখে, পাগল সামনে একটা নিচু চৌকীর উপর পা রেখে বসে আছে আখীর ওমরাহের মত। তার গায়ে গেরুয়া রঙের দামী মলমলের আলখাল্লা, মাথার চুলে তেল পড়েছে, খুলবু তেলের গন্ধ উঠছে। দাড়ি গৌরব তাও পরিচ্ছন্ন। পাগলের পায়ের উপর হাত রেখে বসে আছে সোফিয়া। সোফিয়ার চিবুকটি বা হাতে তুলে ধরে পাগল একটু ঝুঁকে নির্নিমেষ দৃষ্টিতে চেয়ে দেখছে, চোখের দৃষ্টিতে যেন প্রদীপের শিখার মত কিছু জ্বলছে। ওই দেখতে দেখতেই গান গাইছে।

পাগলের পিছনে দাঁড়িয়ে একটা বাদী। তালপাতার পাখা দিয়ে বাতাস করছে। সোফিয়ার মা পাশে বসে তানপুরায় সুর দিচ্ছিল, পাশে একটা তেপরের উপর ধূপদানিতে গুগ্গুল লাবান পুড়ছে।

সোফিয়ার বেশভূষা আরও বিস্তৃত করেছিল রায়কে। সোফিয়ার পরনে হিন্দুস্থানী হিন্দু মেয়ের পোশাক। গায়ের কাঁচুলীর উপর শাড়ী, তাও বাংলাদেশের সাদা জমি লালপেড়ে শাড়ী। চুল তার এলো হয়ে পিঠের উপর পড়ে আছে।

\* \* \*  
বীরেশ্বর রায়কে দেখেই সোফিয়ার মায়ের মুখ পাংশু বিবর্ণ হয়ে উঠেছিল। হাডের তানপুরার স্বর দেওয়া আঙুলটা আপনিই থেমে গিয়েছিল। সে-ই শুধু তাকে দেখেছিল। সে-ই বসে ছিল দরজার দিকে মুখ করে। সোফিয়া বসেছিল প্রায় পিছন ফিরে পাগলের দিকে তাকিয়ে। বাদীরা সম্পূর্ণ পিছন ফিরে ছিল। দেখতে পাওয়া আর একজনের উচিত ছিল, সে পাগলের কিন্তু তার দৃষ্টি নিবদ্ধ ছিল সোফিয়ার মুখের দিকে। কোন শব্দ কোন গন্ধ হয়তো বা কোন অসুভব বশেই তার দৃষ্টি সোফিয়ার মুখ থেকে সরিয়ে নেওয়া বা কেরানো অসম্ভব ছিল। মগ্ন হয়ে গেছে লোকটা। চোখ দুটো জলজল করছে একটা আশ্চর্য মোহে। এমন করে রূপ দেখা বীরেশ্বর কল্পনা করতে পারেন না। শুধু পাগলই বা কেন, সোফিয়াও যেন মগ্নমগ্ন হয়ে গেছে। পিছন দিক থেকে তাকে দেখে মনে হচ্ছে সে নিষ্পন্দ স্থির। চোখ তার নিষ্পন্দ হয়ে গেছে।

সোফির মা তানপুরাটা নামিয়ে রেখে তাড়াতাড়ি উঠে এসে দরজার সামনে প্রায় পথ আটকে দাঁড়াল এবং হাতজোড় করেই বললে—রায়বাবু সাব! এর মধ্যে একটা ইজিত ছিল। আপনি ফিরে যান। মাক করুন।

এতক্ষণে চমক ভাঙল বীরেশ্বরের। তিনি এবার তাকে ঠেলে সরিয়ে দিয়ে ঘরে ঢুকলেন এবং বললেন—বহৎ আচ্ছা!

এবার সোফিয়ার মোহগ্রস্ততা ভাঙল। সে চমকে উঠে মুখ কেরাল এবং বীরেশ্বর রায়কে সামনে দেখে ভয়ে বিবর্ণ হয়ে গেল। পাগলও এবার চঞ্চল হয়ে দৃষ্টি কেরালে। তার হাত থেকে মুখ সরিয়ে নিয়েছে সোফিয়া। চোখের সমুখ থেকে সোফির মুখ সরে যাওয়াতে সে অবীর চঞ্চল হয়ে সোফি যেদিকে তাকিয়েছে সেদিকে তাকিয়ে রায়বাবুকে দেখে তারই দিকে তাকিয়ে রইল। কিন্তু এতটুকু ভয় ছিল না তার দৃষ্টিতে বা মুখে। তার বদলে ছিল বিস্ময়। যেন বীরেশ্বরকে চেনেই না, চিনতে চেষ্টা করছে!

—কিরে, চিনতে পারছিস নে?

তুমি বলতেও হচ্ছে হয় নি বীরেশ্বরের।

—রায়বাবু? প্রশ্ন করেই কথাটা বললে পাগল!—বীরেশ্বর রায়?

—হ্যাঁ। কি হচ্ছে এসব? সাধনা?

নীরবে ঘাড় নেড়ে সে জানালে—হ্যাঁ। হ্যাঁ। হ্যাঁ।

—কসবীর বাড়ীতে কসবী নিয়ে সাধনা হচ্ছে তোঁর? পিশাচ ভণ্ড—

বাধা দিয়ে সোফির মা বলে উঠল—হজরৎ—উনে হজরৎ হায় হজুর—

—চোপ! ধমক দিয়ে উঠলেন বীরেশ্বর।

পাগল বললে—সে একবার জলে ভেসে এসেছিল, একবার আমাকে জলে ডুবিয়েছিল, একবার পাহাড় থেকে ফেলে দিয়েছিল। আবার এখানে এনেছে। হেসে বললে—এবার যত্ন কত! দেখ, কেমন আমীর নবাব করে দিয়েছে! দেখ না, মেটেবুরুজে নবাব ওয়াজিদ আলিশা বন্দী হয়ে রয়েছে। আর পথ থেকে ডেকে এনে আমাকে আমীরের মসনদে বসিয়ে ভোলাতে চাচ্ছে। দেখ না।

—জাতটাও দিয়েছিস, মুসলমান হয়েছিস এই কসবীটার জন্তে?

পাগল বার-বার ঘাড় নেড়ে বললে—না—না—না, ওর জাত নেই, ওর জাত নেই।

—ও তোঁর কে?



পাগল এবার দৃষ্টি বিস্ফারিত করে বললে—জানি না। ও বলছে না!

—তুই বল!

—আমি? খাড় নেড়ে পাগল বললে—না—!

—বলতেই হবে তোকে, তোকে আমি বলাব।

বীরেশ্বর রায় অধীর অস্থির। প্রকৃতি যেন পাণ্টে গেছে। তিনি তিলে তিলে উত্তপ্ত হয়ে উঠছিলেন। এবার এই মুহূর্তটিতেই বোমবাজির পলতে পুড়ে পুড়ে বিস্ফোরণ হয়ে গেল। তিনি পাগলের ঝাঁকড়া চুল ডান হাতের মুঠায় ধরে সেখানেই টেনে আছড়ে ফেল দিলেন।

সোফিয়া চীৎকার ক'রে উঠল।—রায়বাবু! রায়বাবু!

সোফির মা কঁদে উঠল। বাদীটা ছুটে গেল বারান্দায়। চোঁচাতে চোঁচাতে ছুটে গেল—জান বাঁচাও! জান বাঁচাও!

বীরেশ্বর রায় কিছুই গ্রাহ্য করলেন না। তিনি পাগলের বুকে চেপে বসে গলায় হাত দিয়ে বললেন, বল—বল ও তোর কে?

পাগল বিস্ফারিত দৃষ্টিতে বীরেশ্বরের মুখের দিকে তাকিয়েই রইল শুধু। একটি কথাও বললে না। যেন অকস্মাৎ বোবা হয়ে গেছে। কিন্তু তাতে যেন কিছু কথা ছিল।

সুরেশ্বর বললে—বীরেশ্বর রায় লিখেছেন স্মৃতি—তাতে যেন জিজ্ঞাসা ছিল। একদিন পর যখন লিখছি তখন আমি শান্ত; মাথার মধ্যে নেশার স্পর্শ নেই। কাল আমার ওই দৃষ্টি দেখে মনে হয়েছিল সে বুঝতেই পারছে না তার এতে অপরাধটা কি হয়েছিল! কিন্তু আজ মনে হচ্ছে, সে কিছু জিজ্ঞাসা করতে চেয়েছিল, চোখে সে জিজ্ঞাসা ফুটে উঠেছিল।

থাক সে কথা। বলব সেটা, বলবার সময় এলে। তবে বীরেশ্বর রায়ের ক্রোধ তাতে দাউ দাউ ক'রে জ্বলে উঠেছিল। তিনি এবার—

• . এবার গলার নলিটা টিপে ধরে নিষ্ঠুর চাপ দিয়ে বলেছিলেন—বল্। বল্—। বল্।

পাগলের মুখখানা অব্যক্ত যন্ত্রণায় বিকৃত এবং নীল হয়ে আসছিল, একটা গোড়ানি বেরিয়ে আসছিল—জন্তুর গোড়ানির মত।

রায় নিষ্ঠুরভাবে বলেছিলেন—নিজের গলা নিজে টিপে ধরে বলতিস—ছাড়! ছাড়! বলতে দে! বলতে দে! এমন ক'রে টিপতিস? বল্—ছেড়ে দেব! বল্!

সোফিয়ার মাও ছুটে বেরিয়ে গিয়েছিল বারান্দায়। সেও চোঁচাচ্ছিল—জান বাঁচাও! জান বাঁচাও! রাস্তায় গোলমালও কিছু উঠতে শুরু করেছিল। কিন্তু বীরেশ্বর রায় অক্ষিপ-হীন। সোফিয়া পুতুলের মত দাঁড়িয়েছিল। তাদের ঘরে গোলমাল হয়। সে জানে, সে হয়তো তার জীবনে দেখেও থাকবে। কি করবে খুঁজে পাচ্ছিল না। হঠাৎ সে এবার বীরেশ্বরের ডান পারের উপর উপুড় হয়ে প'ড়ে পাখানা জড়িয়ে ধরে আতঁকড়ে বলে উঠল—হজুর, রায় হজুর, উনি হজুর, আমি ওর বাদী। হজুর—

রায় নিষ্ঠুর ক্রোধে তাঁর পাখানাকে ছুঁড়ে দিলেন, সোফিয়া সেই পা ছোঁড়ার বেগে একটি যন্ত্রণাকাতর শব্দ করে চিং হয়ে উঠে পড়ে গেল। রায় নিষ্ঠুর হেসে বললেন—হাঁ। কসবী যারা তারা সবারই—।

বলতে গিয়েছিলেন—‘তারা সবারই বাদী’। কিন্তু বলা হল না। তাঁর জুতোর ভগ্নাংশ ঠোঁক্রে সোফিয়ার উপরের ঠোঁটখানা কেটে ছ ফাঁক হয়ে গেছে। রক্ত বেরিয়ে আসতে শুরু

করেছে !

বীরেশ্বর রায়ের হাতের মুঠো আলগা হয়ে গিয়েছিল। চকিতে মনে পড়ে গিয়েছিল দীর্ঘকাল আগের কথা। ছবিটাও ভেসে উঠেছিল তাঁর স্মৃতিতে।

বীরেশ্বর রায় লিখেছেন—মুহুর্তে ঘটনাটা মনে পড়ে গেল। ছবিটা মনে পড়ে গেল। সে ঠিক এমনি ক'রে আমার পায়ের ওপর উপুড় হয়ে পড়ে বলেছিল—বিশ্বাস কর তুমি। আমাকে এমন ক'রে অপমান ক'র না। তার থেকে তুমি আমাকে মেরে ফেল। ও গো—

আমি এমনি ক'রেই পা ছুঁড়েছিলাম। সে উন্টে এমনি ভাবেই চিং হয়ে পড়ে গিয়েছিল। তারও সেদিন চুল এলো ছিল। পরনে লালপেড়ে শাড়ী ছিল। উন্টে যখন পড়ল তখন তার উপরের ঠোঁটখানা কেটে গেছে। রক্ত বেরিয়ে আসছে।

আমি সেদিন বিচলিত হই নি। তার রক্ত বেরিয়ে আসা দেখেছিলাম বসে-বসে। সে হাত দিয়ে ঠোঁটের রক্ত মুছে একবার হাতখানা চোখের সামনে ধ'রে দেখেছিল। তারপর নীরবে উঠে আস্তে আস্তে ঘর থেকে বেরিয়ে চলে গিয়েছিল। আমি মহিন্দরকে ডেকে বলেছিলাম—বোতল গ্রাস আন।

মদ খেতে খেতেই সোফার উপর ঘুমিয়ে পড়েছিলাম।

সকালে মহিন্দরই আমাকে ডেকে তুলেছিল। ক্রুদ্ধ হয়েই উঠে ব'সে তাকে বলেছিলাম—কি ?—

মহিন্দর কঁন্দে উঠে বলেছিল—রাণীমা—

—কি ? রাণীমা কি ?

—রাণীমা নাই হজুর ! কাঁসাইয়ের ঘাটে অন্ধের গয়না খুলে রেখে—

বীরেশ্বর রায়ের সেই স্মৃতি মনের মধ্যে ভেসে উঠেছিল। সঙ্গে সঙ্গে তাঁর পাগলের কণ্ঠনালী-ধরা হাতের মুঠো শিথিল হয়ে গিয়েছিল আপনা থেকেই। তিনি পাগলকে ছেড়ে দিয়ে উঠে দাঁড়িয়েছিলেন।

এ কি করলেন তিনি। ছিঃ ! সোফিয়া কিন্তু তার ঠোঁটের আঘাত ঠিক গ্রাহ্য করেনি। সে তার মত ঠোঁটে হাত দিয়ে দেখেনি কি হয়েছে। কি গড়িয়ে আসছে। সে সঙ্গে সঙ্গেই প্রায় আঘাত সামলে নিয়ে উঠে বসে তাকিয়েছিল পাগল সন্ন্যাসীর দিকে। এবং কাতর কণ্ঠে ডেকেছিল—হজরত ! হজরত ! তারপর বীরেশ্বর রায়ের মুখের দিকে তাকিয়ে তিরস্কার করে বলেছিল—আপনে উন'কে খতম কর দিয়া রায়বাবু ?

রায় এবার পাগলের দিকে তাকিয়ে দেখেছিলেন। পাগল নিশ্বন্দের মত পড়ে আছে। শ্বাসপ্রশ্বাস পড়ছে কিনা ঠিক বোঝা যাচ্ছে না।

সোফিয়া পাগলের উপর ঝুঁক পড়ে তাঁর মুখের কাছে মুখ এনে আতঁকণ্ঠে ডাকতে লাগল—হজরত ! হজরত !

পাগল যেন খাবি খাচ্ছে। সোফিয়া চীৎকার ক'রে ডাকলে—পানি-পানি। আশ্রা পানি।

সোফিয়ার মা তখনও বাইরে চোঁচাচ্ছিল। মেয়ের ডাকে ঘরে এসে চীৎকার করে উঠল—খতম কর দিয়া ?

—পানি। পানি আশ্রা। পানি দো !

জলের বদলাটা এগিয়ে দিল সোফিয়ার মা। সোফিয়া পাগলের মুখে চোঁখে জলের ঝাপটা

দিতে দিতে ডাকতে লাগল—হজরত! হজরত! ককীর সাহেব!

পাগল চোখ মেলেছে। স্থিরদৃষ্টিতে চেয়ে আছে সোফিয়ার মুখের দিকে। সোফিয়া আবার ডাকলে—বাবা! বাবা সাহেব! বাবা!

পাগল এবার সাড়া দিতে চেষ্টা করলে—কিছু বলবার চেষ্টায় ঠোট দুটো ফাঁক হল কিন্তু স্বর বের হল না।

সোফিয়া ডাকছেই আতঁস্বরে—বাবা!

আবার ঠোট হাঁ হল। আবার! বীরেশ্বর রায় স্থির হয়েই দাঁড়িয়েছিলেন। তাঁর মনে অমুশোচনা ছিল না। উৎকণ্ঠা ছিল। লোকটা কি ম'রে যাবে? গলার নলীটা কি ভেঙে গেছে?

না। মরবে না। তবে গলার নলীটা জখম হয়েছে। আওরাজ বের হচ্ছে না।

ওদিকে দরজার মুখ থেকে মহাবীর ডাকছে—হজুর! হজুর!

নিশ্চয় লোক জমে গেছে বাদীটা এবং সোফিয়ার মায়ের চীৎকারে। সুখদেও পাহলওয়ানের আওরাজ আসছে। হট্ যাও! নেহি। নেহি! ফুসনেকা হকুম নেহি হায়! রায় আর থাকতে চাইলেন না। পাগলটা মরবে না। কষ্ট পাবে। তা ওর প্রাপ্য। ঠিক হয়েছে। তাঁর শাস্তি দেওয়া হয়ে গেছে।

সোফিয়া ওকে 'বাবা' বলে ডাকছে! সোফিয়ার ঠোট কেটেছে তাঁর জুতায়। ঠিক হয়েছে। এও সোফিয়ার প্রাপ্য!

তিনি কিরলেন। দরজার বাইরে সিঁড়ির মাথায় প্রশস্ত জায়গাটায় দাঁড়ালেন। নিচে অনেক লোক দরজার সামনে। তা হোক তিনি ভয় করেন না। ভুল হয়ে গেছে তিনি নিজের হাতিয়ার আনেন নি।

ঠিক সেই মুহূর্তে কর্কশ ভাঙা একটা অস্বাভাবিক আওয়াজে কে চীৎকার করে উঠল—  
জাঁ—! জাঁ—! জাঁ!

তিনি কিরে আর একবার তাকালেন। দেখলেন—পাগল চীৎকার করছে—জাঁ! জাঁ। জাঁ! ঠিক যেন একটা জন্তু চীৎকার করছে। ওটা জন্তুই। মাহুম হয়ে জন্মালেও ওটা জন্তু ছাড়া কিছু নয়।

তিনি নেমে এলেন নিচে।

সামনে একটা জনতা জমেছে। তারা একটু দূরে দাঁড়িয়ে সুখদেও আর মহাবীরের দিকে তাকিয়ে আছে। মহাবীরের হাতে তলোয়ার, সুখদেওয়ের হাতে একটা লাঠি! সুখদেও পাহলওয়ানের বিপুল শরীর এবং মহাবীরের হাতের তলোয়ার দেখে তারা এগিয়ে আসতে সাহস করছে না।

বীরেশ্বর নিচে রাস্তায় নেমেই বললেন—যাও, সব চলে যাও। কিছু নেহি হয়া। যাও—যাও! হিন্দু সম্রাসীটা আওরতের লোভে মুসলমান হতে যাচ্ছে বলে আমি ওকে খোড়া কুছ সাজাই দিয়েছি। ব্যাস। যাও—যাও।

বলতে বলতেই তিনি গিরে গাড়ীতে উঠলেন। আবদুল লাগামের টানে জিভের শব্দে ঘোড়া দুটোকে ইসারা দিলে—চল্।

ঘোড়া ছুটল লালবাজার স্ট্রীট মুখে।

সুখদেও মহাবীর ছুটল আগে এবং পিছনে তাদের সঙ্গে সহস্র দুটো। হট্, যাও—হট্, যাও।

প্রচণ্ড জোরে ছুটেছিল বগিগাড়ীখানা। লোকে তাকাই হয়ে পথ দিলে। কিছু দূর এসে সুখদেও ও মহাবীর উঠল গাড়ীর পিছনে আর কোচবক্সে। সহিস ছুটো ছুটল সামনে।

পিছনে তখন একটা বচসা লেগে গেছে। হিন্দু এবং মুসলমানেরা পরস্পরের সঙ্গে কথা কাটাকাটি শুরু করে দিয়েছে।

\*

\*

\*

গাড়ীর মধ্যেই তার একটা অশুশোচনাও হয়েছিল। পাগলের জ্ঞান নষ্ট হয়েছিল সোফিয়ার জ্ঞান। মন বলছিল অজ্ঞান হয়ে গেল। ওটা অজ্ঞান হয়ে গেল।

সোফিয়া কসবী বাঈজী। এই তার পেশা। এই তার ধর্ম। এককালে সে মুজরো করে খেতো। শৌখিন ধনীর সঙ্গে অর্থবিনিময়ে রাত্রিযাপন করত। তিনি তাকে অর্থ দিয়ে নিজের সম্পত্তি করে নিতে চেয়েছিলেন। কিন্তু সে তাঁর দেওয়া অর্থের চেয়ে বেশী অর্থ পেলে অবশ্যই তাঁর সঙ্গে ফারখত করে চলে যেতে পারে।

এই পাগলটাকে অর্থের জ্ঞান না হোক তার ওই ভেকির জ্ঞান যদি তার আত্মগত স্বীকার করে, তবে তাতেই বা তাঁর বলবার কি আছে?

হ্যাঁ, কিছু কিছু নারীপাগল আছে যারা এর জ্ঞান খুন-খারাপী করে। তিনি তাঁদের দলের নন। না—না। এটা অজ্ঞান হয়ে গেছে।

দোষ সোফিয়ার নয়। দোষ ওই ভণ্ড পিশাচের। ওদের এমনতর অনেক ভেকি আছে যাহু আছে যার বলে মাহুকে—বিশেষ করে দুর্বলচিত্ত মাহুকে, যাদের মধ্যে মেয়েরাই বেশী, পোষা জন্তুর মত বশীভূত করে ফেলে।

—বাড়ী এসে পৌছেই তিনি ওপরে উঠে গিয়েছিলেন। মহিন্দরকে ডেকে হুকুম করেছিলেন—বোতল গ্রাস আন!

মহিন্দর বোতল গ্রাস সাজিয়েই রেখেছিল। ঢেলে দিয়েছিল গ্রাসে। জল মিশিয়ে দিয়েছিল। বীরেশ্বর মদের গ্রাসটা হাতে নিয়ে ঘরময় একপাক ঘুরে গ্রাসটা টেবিলের উপর নামিয়ে দিয়ে বলেছিলেন—ঘোষবাবু ম্যানেজারকে ডাক।

ঘোষ এসে দাঁড়াতেই বীরেশ্বর বললেন—কাল সকালে মহাবীর সুখদেওকে বাদ দিয়ে অজ্ঞান দারোয়ান সঙ্গে করে একবার সোফিয়া বাঈজীর বাড়ী যাবেন। সঙ্গে এক হাজার টাকা নিয়ে যাবেন, ওকে দিয়ে আসবেন। বলবেন—ওকে আর আমার দরকার হবে না। বুঝলেন!

ঘোষ হুকুম শুনেও গেল না। দাঁড়িয়ে রইল। বীরেশ্বর জিজ্ঞাসা করলেন—কি?

ঘোষ বললে—একটা ‘এলিবি’ রাখলে হ’ত না? মহাবীর যা বললে—

—কি? ওরা থানা পুলিশ করবে?

—তা—।

—করুক। আপনি যান।

—আমি অবিশ্বাস্ত ঘনজাম পরামানিককে পাঠিয়েছি।\* বউবাজার অঞ্চলেই ও ইট পেতে বসে কামানের কাজ করে। বলে দিয়েছি খবরটা জেনে আসতে।

হেসে বীরেশ্বর বলেছিলেন—আচ্ছা।

\*

\*

\*

বীরেশ্বর রাত্রে এরপর লিখতে বসেছিলেন। ওই খাতায় লিখেছেন—সোফিয়ার ওখান থেকে ফিরে এসে লিখে রাখছি যা হয়েছে। ঘটনাটা সমস্ত লিখেছেন—

ঘোষ ‘এলিবি’ রাখতে বললে। আমার হাসি এল। সামান্য একটা তাত্ত্বিক সাধু আর

একটা কসবী বাঈজীকে যদি খুন করেই আসতাম, তাতেই বা কি হ'ত? লোকটা অত্যন্ত দুর্বল লোক। ভীতু!

জমিদারী করতে গেলে এ হয়। একটা ছোটো কেন দু-দশটা খুন হয়ে যায়!

বলরামপুর কাশীজোড়ার জমিদার চৌধুরী বীরপ্রসাদ মেদিনীপুর শহরের সম্ভ্রান্ত ব্রাহ্মণ চাটুজ্জ-বাড়ীর মেয়ে অবরদন্তি তুলে নিয়ে গিয়েছিল। মেদিনীপুরের লোকেরা একজোট হয়ে মামলা করিয়ে চৌধুরীকে সাজা দিইয়েছিল। তিরিশ ঘা বেত। বেত খেয়েছিল চৌধুরী কিন্তু আঘাত তার লাগেনি। বেত মারবার লোকের সঙ্গে বন্দোবস্ত করেছিল, এমনভাষার বেত মারবি যাতে শব্দ হবে খুব, কিন্তু চৌধুরীর পিঠে পড়বে ফুলের ঘাসের মত। এক এক বেতে দশ বিঘে লাখরাজ মিলবে। হয়েও ছিল তাই। চৌধুরী বেত খেয়ে অক্ষত দেহে গায়ের পিরহান চড়িয়ে ঘোড়ায় চড়ে চলে গিয়েছিলেন। তিনশো বিঘে লাখরাজের সনদ দিয়ে গিয়েছিলেন লোকটাকে!

এ তো একটা কসবী আর একটা পাগলা বাউড়ুলে গাঁজাখোর লম্পট! যাহু আর ভেঙ্কি দেপিয়ে বেড়ায়! লোকটা না মরলে আমি খুশী হব। আমার সাজা হবে এই ভয়ে নয়। আমি দেখতে চাই এই লোকটার পরিণতি কি হয়।

মরে এবং মরবে সবাই, সে পরিণতি নয়। এই জন্তুটা শেষ পর্যন্ত কি জন্তুতে দাঁড়ায় তাই আমি দেখতে চাই।

জন্তু অবশ্য সবাই। হ্যাঁ—সবাই। রাজা বাদশা, নবাব থেকে ভিখিরী পর্যন্ত। নবাব সিরাজউদ্দৌলা কৈজী বাঈজীকে দেওয়াল গোঁথে অন্ধকূপে পুরে মেরেছিল। আরও অনেক কথা শোনা যায়। বড় রাজা বাদশার ইতিহাস সব তাই। সব তাই। তারা প্রকাশে হত্যা করে। বিচারের নাম ক'রে করে। গুরুজীব বিচার করে ভাইকে কেটেছিল। গুণ্ডাতে চোরাগোষ্ঠা খুন ক'রে মারে। একটা মহাস্ত্র একটা তের বছরের মেয়েকে রেপ করে মেরে ফেলেছিল বাবার আমলে। রাজা বাদশা নবাব জমিদার চোর গুণ্ডা সম্মানী মহাস্ত্র সব জন্তু, এ ছাড়াও খোজ করলে দেখা যাবে সবাই জন্তু। ধার্মিক বিমলাকান্ত কুটিল জন্তু। আমিও জন্তু। হ্যাঁ, আমিও জন্তু। আমার এই খাতাখানা উটে উটে দেখলাম। দেখলাম যা করেছি তার সবই তো জন্তুর আচরণ। তবে আমি ওদের থেকে কম জন্তু। তা না-হলে আজ ওই সাধুটাকে আর সোফিয়াকে খুন করতে পারতাম আমি। কি হত? টাকার জোর থাকলে হয় না কিছুই। এবং অত্যাচার করতাম না। অত্যাচারের সাজাই দিতাম। এরই মধ্যে একটা-আধটা ঈশ্বরচন্দ্র বিদ্যাসাগর আসে। রাধাকান্ত দেব আসে। ওরা দুনিয়ার সৃষ্টিতে অর্থহীন ব্যতিক্রম! কারণ ওরা কিছুই করতে পারে না।

খাতা উটে দেখছি আর নিজেকেই নিজে প্রশ্ন করছি—এগুলো কেন লিখে রাখি? কেন? এসব স্মরণ ক'রে কি ফল? বিচার ক'রে দেখছি কিছু না। আজ থেকে ঠিক করলাম আর লিখব না।

এইটেই আমার শেষ স্মরণীয় ঘটনা হয়ে রইল। তলায় লিখে দিচ্ছি—দি এণ্ড!

\*

\*

\*

এর পর সুলতা, সুরেশ্বর বললে—সত্যি বীরেশ্বর রায়ের খাতাটা সাদাই থেকে গেছে। অন্তত আরও শতখানেক পৃষ্ঠা তাতে ছিল। সব সাদা। সব সাদা!

ওদিকে ঘড়িতে ৫৩ ৫৩ ৫৩ শব্দে তিনটে বাজল।

হেসে সুরেশ্বর বললে—সেদিনও, মানে বীরেশ্বর রায়ের ডায়েরীটা এই পর্যন্ত পড়ে বাকী

সাদা পাতাগুলো ওলটাচ্ছি আর ভাবছি—তারপর ? তারপর কি হল ? মনের মধ্যে অসংখ্য প্রশ্ন আমার। বীরেশ্বর রায়ের জীবনে ভবানী দেবী যিরে এসেছিলেন। কি ক’রে এলেন ? এলেন যদি তবে বীরেশ্বর রায় তাকে নিলেন কি করে ?

ঠাঁর ডায়রীর মধ্যে দেখছি তিনি তার মুখে লাখি মেরেছিলেন। মেরেছিলেন সন্দেহবশে। বিমলাকান্তকে জড়িয়ে সে সন্দেহটা।

ঠিক এমনি সময়ে স্থলতা, কীর্তিহাটের বিবিমহলের বজ্রঘরের শুক্ল অন্ধকার আবহাওয়াটা চঞ্চল হয়ে উঠেছিল ঘড়িতে পাঁচটা বাজার শব্দে !

ডঙ ডঙ করে পাঁচটা বেজেছিল।

ততক্ষণ পর্যন্ত ওই লেখাটায় একেবারে পরিপূর্ণভাবে মগ্ন হয়ে গিয়েছিলাম, বোধহয় বারেকের জন্তুও চোখ তুলিনি। এবার চোখ তুলে দেখলাম, জানালায় ফাঁক দিয়ে বাইরের আলো আসছে। এতক্ষণে শব্দও কানে এসে পৌঁছুল। কাঁসাইয়ের ওপারে বনটায় কাকেরা ডাকছে। ওরাই সংখ্যায় বেশী। মধ্যে মধ্যে কোকিল ডেকে উঠছে খুব ঘন বা ক্ষিপ্ত কুহ-কুহ-কুহ শব্দে।

আমি আলাটা ফুঁ দিয়ে নিভিয়ে দিয়ে উঠে এসে জানালা খুলতে যাচ্ছি এমন সময় নীচে থেকে ডাক শুনলাম—রাজাভাই। ভাই রাজা!

ঘুরে এসে রাস্তার ধারের জানালাটা খুললাম। ঘরের কেরোসিনের গ্যাস মেশানো বাতাসে ভারী বুকটা বাইরের ঠাণ্ডা বাতাসে জুড়িয়ে গেল। একেবারে যেন সেকালের ভারী আমল থেকে একালে এলাম।

দেখলাম একথানা টাপর দেওয়া গরুর গাড়ী নামাচ্ছে গাড়োয়ান। গাড়ীর টাপরের ভিতর থেকে মুখ বের করে ব্রজেশ্বরদা ডাকছে—রাজাভাই।

জিজ্ঞাসা করলাম—কি ? গাড়ী কেন ?

গাড়োয়ান গাড়ী থামালে। ব্রজদা গাড়ী থেকে নেমে বললে—পালাচ্ছি ভাই। ফুঁ না উঠতেই পালাচ্ছি।

—পালাচ্ছ ?

—হ্যাঁ। বাবার বক্তৃতা, বিষয় নিয়ে কটকচালী ঝগড়া—এসব ভাই সহ্যইত। কিন্তু অতুলেশ্বরের দায়ে যে হাকামা লাগল রায়বাড়ীতে এ ভাই সহ্যইবে না। পালাচ্ছি। আবার যদি বেটারা আজকে আসে আর বাড়ীমুহুর লোককে নিয়ে টানাটানি ক’রে তবে রাজাভাই মরেই যাব।

দেখলাম শুদিক থেকে অর্থাৎ ঠাকুরবাড়ীর দিক থেকে আসছেন মেজঠাকুরমা, অর্চনা এবং ব্রজদার বউ।

ব্রজেশ্বর বললে—একটু চাঁ খাওয়াও ভাই। রঘু উঠেছে ?

সুরেশ্বর বললে—ব্রজেশ্বরদা সেই দিনই চলে গিয়েছিল স্থলতা। চা-টা খেয়ে যাবার সময় বলেছিল—রাজাভাই, খুব সাবধানে থেকো। মেদিনীপুর যা হয়ে উঠেছে, তাতে জান-মান কিছু থাকবে না। আমি খবর সবই রাখি। পলিটিক্সে আমি এখন দস্তুরমত ওয়াকিবহাল আদমী। রাজা, মহারাজকুমারকে খবরের কাগজ পড়ে আমাকে শোনাতে হয়। তাতে এখন প্রজাভাইটি অনারসে অ্যাসেম্বলী কাউন্সিলে গিয়ে বক্তৃতা করতে পারে। তবে কংগ্রেস-টংগ্রেস নয়। বশব্দ রাজা-জমিদার পার্টির একজন স্কোরালো সভ্য হতে পারে। কিন্তু টাকা চাই, নয় তো, কংগ্রেসী হতে হবে। বাপস্, ও আমি হতে পারব না। জেলকে

তবু সইতে পারি, ঠ্যাড়ানীকে আমার বড় ভয়। কাল অতুল-খুড়োর বা হাল দেখলাম, দেখেই আমার দেহপিঞ্জর ভেঙে প্রাণবিহ্বল পালাবার জন্তে মাথা ঠুকছে। এরপর যে কি হবে তাই ভাবছি। রায়বাড়ীর ছেলে বলে যদি ধরে নিয়ে গিয়ে একটা কাঁকি দেয়, তবে গলগল করে সব বলে ফেলব। কাল সারা রাত্রি ঘুমুই নি রাজাভাই। ঘুমটি সবে এসেছিল; বউ অঘোরে ঘুমিয়ে গেছে, একটু একটু নাকও ডাকছে, আমার সবে তন্দ্রা নেমেছে, এমন সময় পাশের ঘরের দরজা খুলল। পদধ্বনি উঠল, সঙ্গে সঙ্গে কাপড়ের একটু খসখস আর ফিসফিস কথা। চমকে উঠে পড়লাম। পুলিশ-টুলিশ এল নাকি? মেজদি অর্চনা উঠল কেন? বুঝেছ? তারপরই আর কি, জানালার আড়ালে এসে দাঁড়লাম। দেখলাম, তোমার বাড়ীতে আলো জ্বলছে, জানালা খোলা। এঁরা দেখলাম চলে গেলেন। ছাদের উপর পায়ের শব্দ পেলাম। তারপর টর্ট সন্ধেত। মোট কথা ভাই, সমস্ত একেবারে রায়বাহাদুরের খাস কাছারী—দেওয়ানী খাস পর্যন্ত যা ঘটেছে সবই দেখেছি। তবে হলটা কি তা ঠিক জানি নে। কিন্তু কিছু যে হয়েছে এবং সেটা যে আমার খুড়োবাহাদুরের সঙ্গে জড়ানো, তাতে আমার সন্দেহ নেই। বুঝলাম তুমিও জড়িয়ে পড়ছ। গাড়ী আমার বলা ছিল। আজই আমি যেতাম। কিন্তু খেয়ে-দেয়ে। সে মতলব বর্জন করে ভোররাতে উঠে গাড়ীটাকে ডেকে এনে রওনা দিচ্ছি। অতুলখুড়োর জন্তে আমার আশঙ্কা নেই। ওর বুকে বাঁশ দিয়ে ডললেও ও কথা বলবে না। ফাঁসি ও হাসি মুখেই যেতে পারবে। ভয় আমার ওই অর্চনার জন্তে, তোমার জন্তে, আর অতুল-খুড়োর মা-যশোদা ওই মেজদির জন্তে। তুমি অনিচ্ছে সঙ্গেও জড়াচ্ছে। তা আমি বুঝতে পারছি। ভাল হচ্ছে না। তুমি এক কাজ করো ভাই রাজা, যথাসম্ভব শিগ্গির ওই অর্চনা আর মেজদিকে নিয়ে এখান থেকে কলকাতায় চলে যাও। এখান থেকে না।

কথাগুলো ব্রজদা আমাকে একান্তে ডেকে নিয়ে গিয়ে বলেছিল সুলতা।

আমি স্থিরদৃষ্টিতে তার মুখের দিকে তাকিয়ে ভাবছিলাম—এই মিষ্টমুখ মনোহর রায়-বংশধরটি শেষ পর্যন্ত যেদিনীপুর বা কলকাতায় পুলিশ হেড কোয়ার্টারে যেতে পারে কিনা! তাকে বিশ্বাস তো অসম্ভব! কলকাতায় বিভূষণ স্ট্রিটের ধারের গলিতে শেকালী বলে বেড়া মেয়েটির কাছে যে ব্রজেশ্বর সুরেশ্বর নাম বলে আমাকে বিপদগ্রস্ত করতে দ্বিধা করেনি, একটা দেহ-ব্যবসায়িনীর সঙ্গে প্রতারণা করতে ইতস্তত করে নি, সে কি আর এটা পারবে না?

ব্রজেশ্বরদা চতুর, কিন্তু এত চতুরতা আমি ভাবিনি। সে আমার চাউনি দেখেই আমার মন বুঝেছিল। বলেছিল—তুমি যা ভাবছ রাজাভাই, আমি তা সমঝা হ'। না:—সে ভয় করো না। বিভীষণ হবার মত সাধি আমার নেই, তরলীসেনের মৃত্যুবাণ রামকে বলতে পারা সোজা কথা নয়, ব্রাদার! বিশ্বাসটা রেখো। তবে ভয় আমার প্রহারকে। ওইটে সহ্য করতে পারব না বলে পালাচ্ছি। বউকেও বলব না। নিশ্চিন্ত থাক।

কথাটা মেজদি, অর্চনা এবং ব্রজেশ্বরের বউ এদের থেকে সরে গিয়ে নির্জনে হচ্ছিল। চারের কাপটা ছিল হাতে। সেটা নামিয়ে দিয়ে বললে—কাল রাতে শুধু নিজের ভরে অস্থির হই নি; সাবাসও দিয়েছি। অতুলখুড়োকে কখনও প্রণাম করিনি আজ পর্যন্ত। সে বিজ্ঞান দিনও নয়। কাল তাকে প্রণাম করেছি। তোমাদেরও সাবাস দিয়েছি। অর্চনা মেজদির চেয়ে তোমাকেই বেশী দিয়েছি। কারণ তোমার সঙ্গে অতুলের স্নেহ বল, ভালবাসা বল, এসব কিছু নেই; ওদের আছে। ওরা টানে করেছে। তোমার টানটা যদি থাকে তবে মেজদির টান। আর বংশের জন্ত টান। কাল বলছিলে, অতুলের ছবি আঁকবে। শুধনই সেটা মালুম



হয়েছে আমার।

ব্রজদা কথা কইতে ধরলে আর ছাড়ে না। বলেই যাবে। বলেই যাবে। সম্ভবত ওইটেই তার মূলধন। ওদিকে দূর্য তখন উঠে পড়েছে; কাঁশাইয়ের বনের গাছগুলোর মাথায় রোদ চিক-চিক করছে। রায়বাড়ীর শ্রাওলা-ধরা চিলে-কোঠার আলসেতেও রোদ এসে পড়েছে। গাড়োয়ানটা নিচে থেকে হাঁকলে, বাবুশায়। আর দেরী করলি পর বাস ধরা যাবেক নাই।

রাস্তা কম নয়; পাঁশকুড়ো গিয়ে ট্রেন, রাস্তা প্রায় বারো ক্রোশ, চকিশ মাইল। এখান থেকে মাইল পাঁচেক গিয়ে বাস। সেই বাস ধরতে হবে।

ব্রজদা ঘড়িটা দেখে বললে—তাই তো রে বাপধন! মনে করিয়েছিস ভাল। এই এলাম রে বাপ। তাহলে চলি রাজাভাই। বলে সে হাঁকতে হাঁকতেই চলতে শুরু করলে, কই মেজদি? তোমাদের হয়েছে তো? কি সব খাওয়াবে, তা হল? না হয়েছে তো থাক। চোখের জল ফেলাটা সেরে ফেল।

আমিও তার সঙ্গে সঙ্গে এসেছিলাম নিচে পর্যন্ত। হঠাৎ কি মনে হল বললাম, টাকা-কড়ি আছে তো? মানে দরকার নেই তো?

ব্রজেশ্বর বলেছিল—ও কথা আর জিজ্ঞাসা কর কেন রাজা। খোদ ইংলণ্ডেরকে জিজ্ঞাসা করে দেখ—সেও বলবে আছে। তবে তোমার কাছে টাকা আজ কিছুতেই নেব না, রাজা-ভাই। তুমি ভাববে মুখ বন্ধ করে থাকব, তার দাম চাচ্ছি। অতুল যা দেখিয়ে গেল, রাজাভাই, তারপর সবে একটা রাত কেটেছে। আজ আর টাকা নেব না। দিলেও না।

ব্রজদার বউ গাড়ীতে উঠল। ব্রজদা উঠতে যাচ্ছিল অর্চনা বললে—দাঁড়াও, বউয়ের পা মুছে নিই, নিতে হয়।

মেজদি চোখের জল মুছছিলেন, বলেছিলেন—আর দু-চারটে দিন থেকে গেলেই তো পারভিস ব্রজ। এসে বললি, সাত দিন থাকবি। তা তিনটে দিন পার না হতেই চলছিস।

—তোমার মনে নেই ঠাকুমা, দাছ বলতেন, ভাগ্যে মিউটিনি হয়েছিল তাই কীর্তিহাটে রায়েরা পাকাপোক্তভাবে এখানে এসে শেকড় গেড়েছিল। নাহলে বীরেশ্বর রায় কলকাতা শহর, সোফি বান্ধজী-টাইজী ছেড়ে এখানে এসে আর বাস করতেন না। তিনি তো প্রতিজ্ঞা করেই ছেড়েছিলেন কীর্তিহাট। আমি বীরেশ্বর রায়কে সবসে বড়া রায় বলু মানি। কিন্তু অধম বংশধর। টাকা নেই। ঠাকুমা সত্যি বলছি;—আজ মেদিনীপুরে তিন-তিনটে ম্যাজিস্ট্রেট মরল, পন্টন এনে ইংলণ্ডের জেলাটা চষছে, আর অতুল-খুড়ো কিনা রায়বাড়ীতে তে-রঙ্গা ঝাণ্ডা ওড়ালে। এই অবস্থায় টাকা থাকলে আমি আজই ইংলণ্ডের টিকিট কিনে জাহাজে চড়তাম। দুটো টিকিটের টাকা থাকলে বউ নিয়েই যেতাম। না থাকলে, একটা টিকিটের টাকা থাকলেও বউকে রায়বাড়ীতে সাবিত্রী ব্রত করতে বলে রেখে পালাতাম।

বলে সে গাড়ীতে চড়ে বসল।

\*

\*

\*

কথাটা গল্প নয়, কথাটা সত্য স্মৃতি। বীরেশ্বর রায় মিউটিনির থাকার কীর্তিহাটে এসে বাস করেছিলেন। প্রথমে ইচ্ছে ছিল মিউটিনির হাঙ্গামা মিটলেই চলে যাবেন। যাই হোক, এসপার-ওসপার একটা হয়ে যাক। ইংরেজ থাকলে যেমন ছিলেন, ভেমন থাকবেন। ইংরেজ যদি হারাই তবে কলকাতা তো থাকবে, উঠিয়ে নিয়ে যেতে পারবে না। তবে গোলা মেয়ে ভেঙে-চুরে দিয়ে যাবে। তা থাক, সারিরে-টারিরে নিয়ে বাস করবেন। বাংলাদেশের নবাব

যিনিই হোন, সে মুরশিদাবাদের নবাবই হোন, আর মেটেবুরুজে বন্দী অধোধ্যার নবাব ওয়াজিদ আলি শাহই হোন, তাঁকে নজরানা আর কুর্নিশ দিয়ে বাস করবেন।

স্বলভা প্রশ্ন করলে—পেলে কোথেকে? বীরেশ্বর রায় তো আর কিছু লেখেন নি বললে!

স্বরেশ্বর বললে, পেয়েছি চিঠি থেকে। জমিদারী সেরেস্তা একটি আশ্চর্য যাহু-ঘর স্বলভা। কাগজপত্রের যাহুঘর। এখানে এক টুকরো কাগজ নষ্ট করতে মানা। সে কালে জমিদারেরা বলতেন—লক্ষ্মী চঞ্চলা। এই চঞ্চলাটিকে সোনার শেকল পরিয়ে বাঁধা যায় না, শুঁকে বাঁধতে হয় গণেশ আর সরস্বতীর পাকানো হিসেবের দড়ির তৈরী জালে। কাগজের উপর হিসেব-নিকেশ আর প্রমাণপত্রের ফাঁদ ছিঁড়তে উনি পারেন না। জমিদারী সেরেস্তার পাটোয়ারীরা বলে, দু'বিষে চার বিধে জমি তারা কলমের খোঁচায় গের্গে রামের হাত থেকে বিনা ফৌজদারীতে জামকে দিতে পারে। পুতুর চুরি কথাটা চলিত, শোনাও যায়, শুনে হাসিও পায়, কিন্তু সত্যি সত্যিই পুতুর চুরি হয় জমিদারী সেরেস্তায়। আগে বলেছি তোমাকে, ঠাকুরের গহনা চুরি ঢাকবার জন্তে মেজ্জাঠাকুরদা এক গাদা জমাখরচের খাতা গায়েব করেছিলেন। সোমেশ্বর রায়ের জীবনের ঘটনাগুলো চিঠিপত্র থেকে পেয়েছিলাম। এক এক আমলের চিঠিপত্র বড় বড় পুলিশদায় বেধে শক্ত কাপড়ের গায়ে কালী দিয়ে লিখে তাড়াবন্দী সাজানো ছিল। কোনটায় লেখা—মামলা সেরেস্তার চিঠি কোনটায় লেখা গোমস্তা দিগরের চিঠি, কোনটায় লেখা সরকার বাহাদুরের চিঠি। কোনটায় লেখা নোটিশ-পত্রাদি।

এ আমলের ফাইল আর কি! কোন-কোনটায় লেখা খাস চিঠিপত্র।

হেসে স্বরেশ্বর বললে—কাগজের ফাঁস সত্যিই মালশ্মী কাটতে পারেন না। কিন্তু মালশ্মীর সহায় এখানে মাষাটী। লক্ষ্মীপেচার ঠোঁটের ধারে যে জাল কাটে না, তা ষাটীমায়ের অনারাসে দাঁতে নখে কেটে ফাঁক করে দেয়। ফাঁক দিয়ে মালশ্মী বাহনের পাখায় ভর দিয়ে পাল দরুনে বংশধরদের আড়াল রেখে পালান। জালটা পড়ে থাকে ধুলোর জঞ্জালে। ষাটীমায়ের দেওয়া গুণ্ডা গুণ্ডা বাছাধনদের তখন দুধ গরম হয় ওই কাগজের জালের আঙুনে।

সেদিন আর আমার অস্বস্তির শেষ ছিল না। যার জন্তে এত ব্যগ্রতার সঙ্গে রায়বংশের কথা জানতে চেয়েছিলাম, তার প্রথমটা হল সেটেলমেণ্টের তাগিদ; আমার জ্ঞাতীদের প্রতারণা থেকে আত্মরক্ষার প্রমাণ ছিল কাগজে এবং বংশের ইতিহাসের মধ্যে। তারপর যে তাগিদটা এল, সেটা তোমার এবং আমার মধ্যে যে সম্পর্ক তার ভিতটা নড়ে গেল ওই কাগজ থেকেই। ঠাকুরদাস পাল! তাকে পিঙ্ক গোয়ান খুন করেছিল।

ঠাকুরদাসের প্রথম পক্ষের স্ত্রী-পুত্র ঘরে আঙুন লেগে পুড়ে মরেছিল। ঘর জালিয়ে দিয়েছিলেন বীরেশ্বর রায় জমিদারী শাসন করবার জন্ত।

তারপর রায়বাহাদুরের আমলে রায়বাহাদুরের সঙ্গে ঠাকুরদাস কি বচসা করে কোন্ একটা গুপ্ত কথা বলে দেবে বলে শাসিয়েছিল। ঘটনাটার অব্যবহিত পরেই পিঙ্কর সঙ্গে ঝগড়া হয়েছিল, পিঙ্কর এক বোনের ব্যাপার নিয়ে। ঝগড়া করতে করতে বাইরে গিয়েছিল দুজনে। এবং নদীর ঘাটে পিঙ্ক ঠাকুরদাস পালের বৃকে ছোঁরা মেরেছিল।

রায়বাহাদুর, ঠাকুরদাস পালের নামে পাশের গ্রামে ইস্থল করে দিয়েছেন, আবার পিঙ্ককে, মামলার বাঁচাবার জন্তেও চার অঙ্কের টাকা ধরচ করেছেন। পিঙ্কর মেয়ে ছিলতাকে জমি দিয়েছেন, গোয়ানপাড়ার 'মণ্ডলানী' করে দিয়েছেন।

সমস্ত ঘটনাগুলো লোকেরা জানে, কিন্তু কেন তা জানে না। আমি ব্রহ্মদার কাছে

বীরেশ্বর রায়ের এবং রায়বাহাদুরের ডায়রী পেরে সাগ্রহে প্রথম থেকে পড়তে শুরু করে হঠাৎ মাঝখানে ডায়রীটা শেষ হয়ে যাওয়ার নিদারুণ অবস্থিতে পড়েছিলাম। মনের মধ্যে তখন অহরহ দাঁড়িয়ে আছেন ভবানী দেবী। ওই অয়েল পেন্টিংএর ভবানী দেবী। রাজরাণীর মত সর্বদা অলঙ্কার-যর্ণি-মাণিক্যের ছটা। সিংহাসনের মত আসনখানার হাতল ধরে দাঁড়িয়ে আছেন। বোধ হয় ষোড়শী। মুখে তাঁর আশ্চর্য লাভণ্য। চোখে তেমনি একটি দীপ্তি! আগের দিন রাত্রে ওই খাস কাছারী ঘরে টর্চের আলোয় কয়েক মিনিট দেখেছি মাত্র। বীরেশ্বর রায়ের ডায়রী পড়ে মনে মনে ভবানী দেবীর যে ছবি এঁকেছিলাম, তার থেকে এ ছবি অনেক উজ্জল।

বীরেশ্বর রায় বিয়ের সময়ের স্মরণীয় কথার মধ্যে ভবানী দেবীর রূপের কথা লেখেন নি তেমনি করে যেমন করে গুণের কথা লিখেছেন। এমন কি ছটা আঙুলের কথাও লেখেন নি। লিখেছিলেন, শ্রামবর্ণা মেয়ে। কাজেই মনের তুলিতে উজ্জল রূপের রঙ আপনা থেকেই বাদ পড়েছিল।

রায়বংশের ইতিহাস আমি ছবিতে এঁকেছি। ভবানী দেবীর ছবি রয়েছে, ওই দেখ, ওই দেখ। ওই গান গাইছেন তানপুরা হাতে। বীরেশ্বর রায়ের মামাতো ভাইয়ের আসরে, তাঁর পূর্বরাগের ছবি। আর ওই বর ও বধূর ছবি। ওতে তাঁর সে অসামান্যতা নেই। সায়েব পেণ্টারের আঁকা সেই আশ্চর্য ছবিখানা নকল করবার চেষ্টা করেও আমি পারি নি। লজ্জিত হয়েছি। কিন্তু ওই ছবিখানি ছাড়া অল্প ছবিও এর মধ্যে দিতে মন সরে নি। কিন্তু আমার হাতের রায়বাড়ীর ইতিহাসের ছবির মধ্যে সে ছবিও দিতে পারি নি। ওই এক পাশে ছবিখানি আলাদা করে টাঙিয়ে রেখেছি। সব শেষে একটু দূরে; কাপড় দিয়ে ঢাকা আছে।

সুরেশ্বর উঠে গেল এবং লম্বা বারান্দা ঘেরা ঘরখানার একপ্রান্তে, প্রস্থের দিকে দেওয়ালে টাঙানো একখানা মাত্র ছবির ঢাকাটা টেনে খুলে দিলে। মাথায় একটা আড়াইশো পাওয়ারের বার জলছিল; সেই আলোয় ছবিখানা বলমল করে উঠল।

সত্যি সে শ্রামবর্ণা ষোড়শী মেয়েটি অপরূপা এবং মহিমাময়ী।

স্মৃতিও দেখতে দেখতে আপনার অজ্ঞাতেই বোধ হয় পায়ে পায়ে উঠে কাছে গেল। অয়েল পেন্টিং কিছুটা দূর থেকে দেখতে হয়, একথা তার অজানা নয়, ওই রূপের মহিমা সুষমা তাকে টেনে নিয়ে গেল।

সুরেশ্বর বললে—সেদিন, আগের দিন রাত্রে দেখেছি। পরের দিন সকালে ডায়রীটা যখন মাঝখানে থেমে গেল, তখন থেকে ওই ছবির ভবানী দেবী আমার মন জুড়ে এমন করে দাঁড়ালেন, যে আর আমার মনে কিছুই রইল না। অর্চনার মুখে এই মুখের আশ্চর্য আদল রয়েছে, কিন্তু এ মহিমা কোথায় পাবে সে? তবুও অর্চনা গায়ের রঙে গৌরী।

স্মৃতি বললে—হ্যাঁ, রূপের মধ্যে এ মহিমা যদি শিল্পীর তুলির জাহুতে হয়ে থাকে, তবে বলব সে আশ্চর্য শিল্পী। আর এ মহিমা যদি সত্যিই ঠাঁর রূপের মধ্যে থাকে, তবে তিনি মহিমাময়ী।

ছবিখানার উপর ঢাকাটা আবার টেনে দিলে সুরেশ্বর। বললে—ওটা ঢাকা থাক। নাহলে আমার জবানবন্দী শেষ হবে না, আমি বলতে বলতে থেমে যাব, তুমি ছবি দেখতে গিয়ে অস্তমক হবে। চল, বসি গিয়ে।

আসনে এসে বসে সুরেশ্বর বললে—সেদিন তোমাকেও ভুলে গেলাম স্মৃতি। মনে মনে  
জা. র. ১৪—১০

প্রায় অধীর অস্থির হয়ে উঠেছি। এই ভবানী দেবী সম্পর্কে বীরেশ্বর রায় তাঁর স্মরণীয় ঘটনার খাতার মধ্যে বার বার অবিখ্যাসের ইঙ্গিত করেছেন। বার বার ইঙ্গিতে বিমলাকান্তকে জড়িয়ে নির্মম আক্রোশ প্রকাশ করেছেন। বিমলাকান্ত সন্তান কমলাকান্তকে নিয়ে এত বড় বিষয়ের ছাড়া অন্য অংশ ছেড়ে দিয়ে চলে গেছেন। চলে গেছেনই বা বলব কেন, সত্য বলতে পালিয়েছেন। বীরেশ্বর রায়ের লেখার মধ্যে এই নারী সম্পর্কে অগাধ আসক্তির পরিচয় পেয়েছি; তিনি এ সম্পর্ক সত্য কথা লিখতে গিয়েও লিখতে পারেন নি। যে আমলে সম্প্রতিবান কুলের অধিকারীরা হুটো-চারটে বিয়ে করে, সেই আমলে বীরেশ্বর ভবানী দেবী জলে কাঁপ দেবার পরও বিয়ে করেন নি।

বংশের কলঙ্কের ভয়ের কথাই উল্লেখ আছে। লিখছেন—সে লিখতে পারলাম না। এক জায়গায় আছে—

*I shall die—with this truth buried in my breast.*

ভায়রীর শেষ ঘটনা তাত্ত্বিককে গলা টিপে ধরার সময় সোফিয়া বাদ্জী তাঁর পা চেপে ধরেছিল, তিনি পা ছুঁড়ে তাকে ফেলে দিতে গিয়েছিলেন, তাঁর জুতোর ঠোঁক্রে সোফিয়ার ঠোঁট কেটেছিল। তিনি এইখানে লিখেছেন, তাঁর মনে পড়ে গিয়েছিল যে, ভবানী দেবীও ঠিক এইভাবে কাতর মিনতিতে তাঁর পা চেপে ধরেছিল বিবিমহলে, তিনি সেদিনও এমনি করে পা ছুঁড়েছিলেন, যার ফলে এমনিভাবেই ভবানী দেবীর উপরের ঠোঁটটা কেটে গিয়েছিল। ঘটনাটা মনে পড়ার জন্তই তাঁর হাতের মুঠো আলগা হয়ে গিয়ে ছাড়া পেয়েছিল তাত্ত্বিক।

ভায়রী এখানেই শেষ করেছেন দারুণ আক্ষেপে।

মাহুয জন্ত। জন্তর আবার স্মরণীয় ঘটনা কি? *The end* লিখে দাগ টেনেছেন, বাকী পাতাগুলো সাদা!

মন অধীর হয়ে বলছিল, এ যদি সত্য হয়, তবে আজই ভূমিকম্প হয়ে গোটা রায়বাড়ী ভেঙে-চুরে যাক, আর রায়বাড়ীর সকলেই তার মধ্যে চাপা পড়ে যাক।

বাইরে যারা যেখানে আছে রায়বংশের, শেষ হয়ে যাক শেষ হয়ে যাক। এই মহিমাতোও যদি কলুষের কালি পড়ে থাকে—

স্বলতা বাধা দিয়ে বললে—কিন্তু তুমি তো জানতে সুরেশ্বর যে ভবানী দেবী আবার কিংবে এসেছিলেন। তাঁর একটি কন্যা হয়েছিল। তাই কি প্রমাণ করে না যে, বীরেশ্বর রায় এক্সেসিভ ড্রিঙ্কিং-এর ফলে ক্রেজি হয়ে গিয়েছিলেন। ডিজিঙ্ড মাইণ্ড হয়ে গিয়েছিলেন।

সুরেশ্বর বললে—বিবাহের পর থেকে মদ তিনি ছেড়েছিলেন।

—কিন্তু শেষের দিকে আবার ধরেছিলেন।

—ধরেছিলেন এটা সত্য। সেটা ওই সন্দেহ জাগবার পর।

—কিন্তু তাতে কি? নিলেন কেন আবার? তুমিও ক্রেজি। এক্সকিউজ মি।

সুরেশ্বর বললে—আমি ক্রেজি তা আমি জানি। যখন প্রথম দাড়ি-গৌর রাখি আমার মায়ের আপত্তি সত্ত্বেও তখন আয়নার মধ্যে নিজের ছবি দেখে বার বার নিজেকে জিজ্ঞাসা করেছি, কেন? দাড়ি রাখলাম কেন? তবু কামাই নি। এবং সম্ভবতঃ পূর্বনো সম্প্রতিশালী বংশের ওটা একটা পরিণতি। এক্ষেত্রে কিন্তু তা নয়, স্বলতা। আমার কথা শেষ করতে দাও। বলতে দাও, তাহলে বুঝবে।

ব্রজদা যাবার সময় বলে গেলেন—বীরেশ্বর রায় মিউটিনির সময় পালিয়ে এসেছিলেন কীর্তিহাটে। সে কীর্তিহাট থেকে বউ নিয়ে পালাচ্ছে অতুলেশ্বর ডেরদা ঝাঙা তুলে পুলিশ

হাক্কামা রায়বাড়ীতে ঢুকিয়ে দিয়ে গেল বলে। সেই কথাটা সত্যি বলে, কাগজের মূল্যের কথা উঠল। তা থেকে তুমি প্রাণ তুলে গোল বাধাচ্ছ।

বীরেশ্বর রায়ের সন্দেহ কি করে নিরসন হয়েছিল, সেইটে জানবার আগ্রহে তখন আমি অধীর।

সীতাকে রামের চেয়ে কেউ বেশী চিনত না, বেশী জানত না। সেই রায় রাবণকে বধ করে সীতাকে উদ্ধার করেও অগ্নিপরীক্ষা চেয়েছিলেন। এবং সবার থেকে তাঁর উদ্বেগই ছিল বেশী। তোমাকে অতিরঞ্জন করছি না, আমার উদ্বেগ সেদিন সেই উদ্বেগ! সীতার পাতাল প্রবেশের মত ভবানী দেবীর এমনই ধরনের মৃত্যু হলে আমি তখন লব-কুশের মত বুক চাপড়ে কৈদে ধন্য হতে চাই। তোমার ঠোঁটে স্বপ্ন হাসি ফুটেছে স্মৃতি। বুঝতে পারছি সীতার উপমা দেওয়াতে তুমি আমাকে সেন্টিমেন্টাল ভাবছ। হ্যাঁ, সেন্টিমেন্টাল মুড়ে বাস্তব জীবনকে বিচার করতে গেলে ভুল হয়। দড়ি দেখে সাপ ভেবে অকারণ হৈ-চৈ করে লোক জড়ো করে। না, আমি তা করি নি।

ভবানী দেবী তখন আমার কাছে সত্যি রায়বংশের সীতার মত হয়ে উঠেছেন। বীরেশ্বর রায় নিজেও তাই ভেবেছেন। আমি জানি, অগ্নিপরীক্ষা হয়ে গেছে। আমি সেই কাহিনীর জন্ত অস্থির, অধীর!

ভ্রমরা চলে গেল। মেজঠাকুরা এবং অর্চনা দাঁড়িয়ে রইল। গেল না। আমি তখন রায়বাহাদুরের ডায়েরীটা খুলবার জন্ত অস্থির হয়ে উঠেছি। যদি ওর মধ্যে থাকে। থাকা সম্ভব। সম্ভব কেন, নিশ্চয় আছে! কিন্তু ওদের জন্ত খুলতে পারছি না। চলে যেতে বলতেও পারছি না। বার বার তাকাচ্ছি অর্চনার মুখের দিকে। ঠিক ভবানী দেবী!

মনে আছে, অর্চনার সঙ্গে প্রায় প্রতিবার চোখাচোখি হয়েছিল। তাতে অর্চনা লজ্জায় লাল হয়ে উঠে বলেছিল—আমার উপর খুব রেগেছ, না?

আমি বলেছিলাম—না।

—তবে? তবে এমন করে তাকাচ্ছ কেন?

—বীরেশ্বর রায়ের স্ত্রী ভবানী দেবীর অয়েল পেন্টিং ওই খাস কাছারীতে টাঙানো আছে। দেখেছিলি কখনও?

হ্যাঁ, জানিয়ে ঘাড় নাড়লে সে। এবং আরও লজ্জা পেলে।

মেজঠাকুরা বললেন—হ্যাঁ, ও তারই মত দেখতে! তবে তিনি ছিলেন শ্রামবর্ণ, আর ও ফরসা।

আমি স্মরণ পেয়ে জিজ্ঞাসা করলাম—তুমি জান ঠাকুরা, তিনি স্বামীর উপর অভিমান করে কাঁসাইয়ে ডুবে মরব বলে কাঁপ খেয়েছিলেন। তারপর কি করে বাঁচলেন, কিরলেন?

—ওরে বাপরে! সে কথা সবাই জানে। গুরু জন্ম হল দেবী অংশে। যখন বিয়ে হয়, তখন আমার দাদাশুশুরকে প্রতিজ্ঞা করতে হয়েছিল যে মদ তিনি ছোবেন না। প্রথম ক বছর মদ ছোঁই নি, স্ত্রী নিয়ে একেবারে পাগল। একবার নাকি কস্তার বাঁ হাতটার বাঁদে ফুলে খুব বেদনা হয়েছিল। রাজার ছেলে, রাজামাহুষ, সঙ্গে সঙ্গে বস্ত্রি, ডাক্তার। তাঁরা আর কিছুতেই কমাতে পারে না। কেন কমে না? তখন প্রকাশ হল, প্রকাশ করে দিলে ভবানী দেবী যে তাঁর মাথার চাপে হয়েছেন। সারা রাত গুরু হাতের ওপর মাথা রেখে শুতে হয় গুরুকে। বালিশে মাথা দিতে দেন না। তারপর ছেলে হয়ে মারা

গেল। ওই তাতেই আবার বেগড়ালেন উনি। মদ শুরু করলেন। তা সে তো দেবী অংশে জন্ম গুরু, গুরু সন্ত হল না। উনি কাঁসাইয়ে বাঁপ দিলেন। কিন্তু মরেন নি, ভেসে গেলেন। সাগর বীপের কাছে। সেখানে এক কালীস্থান আছে, সেইখানে সন্ন্যাসিনী হয়ে সত্যিকার তপস্বী করেছিলেন। তারপর কত বছর পর যখন স্বামী মরো-মরো তখন শিররে এসে বসেন। কোন আশা ছিল না বাঁচবার। তা ওই সতীর পুণ্যের জোরে বেঁচে উঠলেন। ভাল হল ভায়ে মানে আমার স্বপ্নের রায়বাহাদুরকে পুষ্টি নিয়ে সম্পত্তি দিয়ে স্বামী-স্ত্রী চলে গেলেন কাশী!

মনটা আমার শাস্ত খানিকটা হয়েছিল, কিন্তু পূর্ণতৃপ্তির স্বস্তি পারনি। আমার মন চাইছিল পূর্ণ বিবরণ! আমি চূপ করেই থেকেছিলাম।

মেজঠাকুরার মন ভাবানী দেবীকে নিয়ে উতলা ছিল না, তাঁর মন অতুলেশ্বরের জন্ত ব্যাকুল ছিল, তিনি আমার নীরবতার সুযোগে নিজের কথা পেড়েছিলেন।

—স্বরেশ্বর! তাহলে—

—কি ঠাকুরা?

—অতুলের জন্তে কিছু ব্যবস্থা করবি নে ভাই? আর তো কেউ কিছু করলে না।

কথাটা মনে হল। হ্যাঁ, কিছু করা প্রয়োজন! বললাম—হ্যাঁ ঠাকুরা, করব বইকি! আমাদের বংশে ও একটি আশ্চর্য ছেলে! একটু হেসে বলেছিলাম—আমি এগিয়ে গিয়েও পারি নি ঠাকুরা।

—না-রে! তুই পিছিয়ে ভালই করেছিস। তাহলে বংশটার আর কিছু থাকত না। তোকে আশ্রয় করেই বিষয়, দেবসেবা, রায়বংশের নাম আজ বেঁচে আছে। তা ছাড়া ছবি এঁকে নাম করেছিস তুই!

আমি কথা না বাড়িয়ে বললাম—তুমি যাও ঠাকুরা, এখনও তো তোমার ঠাকুরবাড়ীর ভিড়টি হয় নি। যাও তুমি, আমি আজই নায়েবকে পাঠাচ্ছি, এই সকালেই পাঠাচ্ছি। থানায় যাক। কি বলে দেখুক। তারপর মেদিনীপুর সদরে পাঠাব। উকীলদের সঙ্গে পরামর্শ করে তাঁরা যা বলবেন—তাই করা যাবে।

—আর একটা কথা বলব।

—বল।

—এই মেয়েটার একটা গতি করে দে।

অর্চনাকে দেখালেন ঠাকুরা। অর্চনা একটু চমকে উঠল। ভুরু উচু করে বললে—আমার পিছনে কেন লাগলে ঠাকুরা? না। ও সব ভাবনা ভাবতে হবে না, স্বরোদা। ও সব করলে আমি একদিন বাড়ী থেকে চলেই যাব। আমাকে খুঁজে পাবে না।

এবার আমি ঠাকুরা দুজনে চমকালাম। ঠাকুরা কেন চমকালেন, তা তিনি জানেন, আমি চমকালাম এই জন্তে যে, অর্চনা তা হলে অতুলেশ্বরের সঙ্গে, এই দলের সঙ্গে এমন করে জড়িয়েছে যে ছাড়বার উপায় নেই?

সে হন-হন করে চলে গেল। মেজঠাকুরাকে বললাম—ওকে রাজী কর ঠাকুরা, আমি ওর বিয়ে দিয়ে দেব। কথা দিলাম। তবে ভাল করে দেখ, এর সঙ্গে ও কতটা জড়িয়েছে।

ঠাকুরা বিবর্ণ মুখে বললেন—ওরে কলঙ্ক যে আমার হবে। অতুল আমার একটু স্ত্রীওটা, এ মেয়েটাও খানিকটা বটে। দুজনে যা শলা-পরামর্শ, গুজ-গুজ, ফিস-ফাস করে তা আমার ঘরে বসেই করে। লোকে দোষ দিলে তো অস্তায় হবে না স্বরো! আমি কি করি বল তো?

কথা কটি বলে, অর্চনাকে ডাকতে ডাকতেই তিনি নেমে গেলেন।—অর্চি, ওরে !

আমি রঘুকে ডাকলাম—রঘু, চা আর কিছু খাবার দে। গত রাত্রি থেকে ভাল করে খাওয়া হয়নি। শরীরটা রাত্রিজাগরণে ঝিম-ঝিম করছিল। নির্জনে এবার আমি রায়বাহাদুর রত্নেশ্বর রায়ের খাতাখানা খুললাম। চমৎকার খাতা। কালো চামড়ার বাধানো পুট, কাপড় সাঁটা শক্ত মলাটের খাতা ; ফুলস্ক্যাপ সাইজ।

উন্টে দেখলাম—গোটা গোটা অক্ষরে প্রথম পৃষ্ঠাতেই লেখা। জীবনী ও দিনলিপি !

শ্রীরত্নেশ্বর রায়। নিবাস কীর্তিহাট। বঙ্গদেশস্থ জিলা মেদিনীপুর।

“মদীর মৃত্যুর সময় সজ্জান থাকিলে আমি এই দিনলিপি মদীর চিতায় নিক্ষেপ করিয়া ভস্ম করিতে নির্দেশ দিব। জ্ঞান না থাকিলে ইহা লিখিতেছি যে, একান্তভাবে বিষয়-সম্পত্তির গণ্ডগোল হইলে দিনলিপি পড়িতে, দেখিতে পারেন। তাহাতে অনেক সংশয় মিটিবেক। কিন্তু বংশের ইতিহাস যাহা দিনলিপির অপর পৃষ্ঠায় লেখা থাকিল, তাহা পাঠ করিবেক না। করিলে তাহার উপর আমার অভিষাপ বর্ষিত হইবেক। এবং পরলোকে আমার আত্মা অশান্তির অনলে দগ্ধ হইয়া যাইবেক। সম্ভবতঃ রায়বংশের পূর্বপুরুষেরা নরকস্থ হইবেন।”

আমিও মৃত্যুর্তের জন্ত চমকে উঠেছিলাম স্মলতা। বিংশ শতাব্দীর বিদ্রোহী বাংলাদেশের ছেলে আমি, আমিও চমকে উঠেছিলাম। এরপরও খুব ? কিন্তু সঙ্গে সঙ্গেই ভবানী দেবী মনের মধ্যে ভেসে উঠে বলেছিলেন—খোল ! তারপর মনে এসেছিলে তুমি। একটা নাম মনে পড়েছিল, ঠাকুরদাস পাল।

মনে মনে বলেছিলাম—‘ক্ষমা কর আমাকে। আমাকে জানতেই হবে। মানতে পারলাম না তোমার যানা।’ তারপর উন্টেছিলাম সে পাতাটা। পরের পাতা থেকে শুরু।

ওঁ কালী।

“অন্ত ১২৬৬ সাল, ইংরাজী ১৮৬০ খৃষ্টাব্দ, শকাব্দ ১৭৮১, শুভ দোল পূর্ণিমা তিথি, তারিখ ২০শে ফাল্গুন ; সন্ধ্যার পর ভগবানের রূপা প্রার্থনা করিয়া দৈনন্দিন বৃত্তান্ত অর্থাৎ ঘটনাদি কার্যাদি যাহা মদীর জীবনে এবং পরিবারস্থ মহুয়গণের জীবনে ঘটিতেছে এবং গ্রামে, সমাজে যাহা যাহা বিশেষ ঘটনাবলী সম্ভটিত হইতেছে, তাহা সমুদয় প্রকাশ করিতে সক্ষম করিয়া লিখিতে আরম্ভ করিলাম। রায়বংশের কুলদেবতা জগজ্জননী শ্রীশ্রী৬রীকালী কীর্তিধরী ও পিতামহ সোমেশ্বর রায় মহাশয় কর্তৃক প্রতিষ্ঠিত কল্যাণময় সৌভাগ্যশিলারূপী শ্রীশ্রী৬জনার্দন দেব এবং কীর্তিহাটের ওপারস্থ সিদ্ধপীঠের অধিষ্ঠাত্রী দেবী আমার সহায় হোন। নারায়ণী বাগ্‌বাদিনী দেবী সরস্বতী আমার লেখনীকে সংশয়-মুক্ত করুন।

প্রতিজ্ঞা করিতেছি, যাহা লিখিব, তাহা সত্য লিখিব। কোনপ্রকার মিথ্যা লিখিয়া সত্য যাহা তাহাকে আচ্ছাদিত করিব না।

তৎসঙ্গে ইহাও লিখিতেছি, ভগবান এবং সকল দেব-দেবীর নিকট মনে মনে ঐকান্তিক ব্যগ্রতা ও লক্ষ লক্ষ প্রণতি নিবেদন-পূর্বক অহুমতি ভিক্ষা করিতেছি অহুমতি প্রার্থনা করিতেছি যে, রায়বংশে যদি প্রকাশের অবশ্য্য কোন কলঙ্ক ঘটে বা পূর্বকালে ঘটয়া থাকে, তাহা অপ্রকাশ রাখিয়া যাইব। যথা পিতৃপিতামহ কলঙ্ক, মাতৃ-মাতামহী, পিতামহী সম্পর্কিত কুৎসা, কলঙ্ক কড়া-কলঙ্ক। এই ত্রিবিধ কলঙ্ক বা পাপ ইত্যাদি উচ্চারণে যেমন মহাপাপ অর্শার, লেখাতে তেমনি অর্শিয়া থাকে। সে পাপ যিনি সজ্জন করিয়াছেন, তাহার বিচার করিবেন সর্বনিরস্তা যিনি, তিনি।

আজ দোল পূর্ণিমার শুভ পুণ্য দিনে আমি কমলাকান্ত ভট্টাচার্য নাম উপাধির পরিবর্তে



রত্নেশ্বর রায় নাম ধারণপূর্বক কীর্তিহাটস্থ রায়বংশের একমাত্র উত্তরাধিকারী হইলাম। মহামান্ন পূজ্যপাদ শ্রীযুক্ত বীরেশ্বর রায় মহাশয় আমাকে যথাবিধি যজ্ঞ করণাদি করিয়া পুত্র বলিয়া গ্রহণ করিলেন। অহো! অদৃষ্টের কি চক্রান্ত! অথচ আমি সত্য-সত্যই পিতা-মাতার কাছে কিরিলাম! পোশ্যপুত্র হিসাবে ফিরিলাম।

এতদিন ষাঁহাকে পিতা বলিয়াছি, তাঁহাকে আজ পিসামহাশয় বলিয়া জানিলাম। জিন্নাদির সময় তিনি ক্রন্দন করিতেছিলেন। আমিও ক্রন্দন করিলাম। শ্রীযুক্ত বীরেশ্বর রায় এ অঞ্চলে প্রস্তর-হৃদয় মহুশ্য বলিয়া কথিত; এ অঞ্চলের মহুশ্যেরা তাহার ভয়ে ভীত! তিনিও ক্রন্দন করিলেন।

আমি প্রজ্জলিত হোম-অগ্নির দিকে দৃষ্টি নিবদ্ধ করতঃ ভাবিতেছিলাম, আমার অদৃষ্টে এ কি ঘটিল! ইহার উপমা বা তুলনা তো খুঁজিয়া পাইতেছি না।

পুরাণে কথিত আছে, দেব বলরাম মাতা দেবকীর অষ্টম গর্ভে আগমন করিলে দেবগণ, ভগবান কৃষ্ণ দেবকীর অষ্টম গর্ভে আসিবেন বলিয়া সৃষ্টিকর্তা পিতামহ ব্রহ্মার নিকট বার্তা নিবেদন করিলে, ব্রহ্মা দেবকী গর্ভস্থ ভ্রূণবীজকে বৃন্দাবনস্থ বনুদেব-পত্নী রোহিণী দেবীর গর্ভে সঞ্চারিত করিয়াছিলেন। দেব বলরাম দেবকীর পুত্র হইয়াও রোহিণীর পুত্র বলিয়া জগতে খ্যাত হইয়াছিলেন।

মদীয় ভাগ্য, অদৃষ্ট আরও বৈচিত্র্যপূর্ণ এবং জটিল। আমি রায়বংশের পুত্র হইয়া জন্ম-গ্রহণ করিয়াও দৌহিত্র বলিয়া পরিচিত। আমার জন্মদাতা এবং জন্মদাত্রী যিনি তাঁহারাই এত কাল পর আমাকে যজ্ঞ করিয়া পোশ্যপুত্র হিসাবে গ্রহণ করিলেন।

এতকাল পর জ্ঞাত হইলাম, আমি ভবানী দেবীর গর্ভজাত সন্তান। আমার জন্মদাতা পিতা শ্রীবীরেশ্বর রায়।

অথচ এতকাল আমি শ্রীবিমলাকান্তের ও বিমলা দেবীর পুত্র বলিয়া পরিচিত হইয়া আসিয়াছি।

অথচ এই সত্য আজ লোকসমক্ষে প্রকাশ করিবার উপায় নাই। তাহাতে আমার এক উর্ধ্বতন পুরুষ লোক-নিন্দায় এবং সমাজ-নির্দেশে পরলোকেও অনন্ত নরকগামী হইবেন। সন্সারে মহুশ্যগণ পাপ করিয়া থাকে এবং পরলোকে তাহার ফলভোগ অবশ্যই করে। কিন্তু লোকসমাজে তাহা যখন প্রচারিত হইয়া মুখে মুখে ঘোষিত হয়, সমাজকর্তৃগণ যখন তাহাকে এই শুণ্ড কর্মের জন্ত অভিশাপ দেন, তখন তাঁহার যে পুণ্যটুকুও থাকে, তাহাও অগ্নিমুখে তুণসম ভস্মীভূত হইয়া থাকে। ষাঁহার কথা গোপন করিতে হইল, তিনি সাধারণ মহুশ্যগণ বা চলিত সমাজ-বিধানে বিচারিত হইবার মহুশ্য নন। তিনি মহাসাধক। সারাজীবন কঠিন এবং কঠোর সাধনা করিয়া বজ্রার্ঘ্যতে তালবৃক্ষের মত আহত হইয়াও বিনাশপ্রাপ্ত হন নাই। বার বার মরিতে মরিতে বাঁচিয়াছেন। এবং শেষ পর্যন্ত শান্তিতে দেহত্যাগ করিয়াছেন বটে, তবে পূর্ণসিদ্ধি লাভ করিতে পারেন নাই। নিজে বলিয়াছেন, তাঁহাকে জন্মান্তর ধারণ করিতে হইবে, সিদ্ধির জন্ত।

এই মহাসাধক ছাড়াও আরও এক পূর্বপুরুষ তাঁহার সঙ্গেই মহাপাপ করিয়াছেন। সে পাপ তাঁহাকে দেবতাই ছলনা করিয়া করাইয়াছেন বলিয়া মদীয় দৃঢ় বিশ্বাস হইতেছে।

অতএব এই সত্য প্রকাশ করিতে বিরত থাকিলাম। তবে এই সত্য প্রকাশ করিলাম যে, আমি বীরেশ্বর রায় এবং শ্রীমতী ভবানী দেবীর সন্তান হইয়াও শ্রীবিমলাকান্ত এবং বিমলা দেবীর সন্তান বলিয়া পরিচিত ছিলাম, আবার আজ অদৃষ্ট চক্রান্তে আশ্চর্য বিধানে পোশ্যপুত্র

হইয়া পিতা-মাতার ক্রোড়ে এবং রায়বংশের সম্পত্তিতে আবার ফিরিয়া আসিলাষ। অদৃষ্টের চক্রান্ত। সাধনায় ভ্রষ্ট হওয়ার কর্মফল বহন না করিয়া মানবের উপায় নাই।

ওই মুখবন্ধের পাঠাখানা পড়ে আমার মাথার ভিতরটা বিমবিম করে উঠল। রত্নেশ্বর রায় পোস্তপুত্র হয়েও পোস্তপুত্র নন। তিনি বীরেশ্বর রায় এবং ভবানী দেবীর সন্তান হয়েও শৈশন থেকে ঘোঁবনকাল পর্যন্ত সে-পরিচয়ে পরিচিত ছিলেন না। বিমলা দেবী এবং বিমলাকান্তের সন্তান বলে পরিচিত ছিলেন। আবার পোস্তপুত্র হয়ে ফিরে এসেছেন। কারণ প্রকাশের উপায় নেই। রত্নেশ্বর রায় লিখেছেন, তাতে উর্ধ্বতন পুরুষের মহাপাপ প্রকাশ হয়ে পড়বে। প্রকাশ হলে উর্ধ্বতন চতুর্দশ পুরুষ নরকস্থ হবেন।

কি সে পাপ ?

রায়বাহাদুরের পরভাগ্নিশ বছরের জীবনের দৈনন্দিন ঘটনার দিনলিপি চৌদ্দখানা বাঁধানো খাতায় লেখা আছে। সেগুলো আমার সামনে থাকবন্দী সাজানো ছিল। তখনকার দিনে একালের মত তৈরী ডায়রীর চল হয়নি। ভাল কাগজ কিনে দপ্তরীকে দিয়ে বাঁধিয়ে ছাপাখানায় পুটের চামড়ায় রত্নেশ্বর রায়, সাক্ষিম কীর্তিহাট, লিখিয়ে নেওয়া হত।

সেগুলো আর পড়তে সাহস হয়নি। যেন পঙ্খ হয়ে গেছি মনে হয়েছিল। অথচ আমার ধারণা ছিল স্বর্গ-নরক, পাপপুণ্য ঈশ্বর এসব আমি কিছুই মানিনে। এসব কুসংস্কার, অতীত-কালের বিজ্ঞানবোধহীন মানুষের মনের তৈরী।

অত্য়দিকে আমার এতকাল ধরে শোনা কথার রঙে আর কাগজপত্রের তথ্যের রঙে আঁকা কালো-সাদা রঙে আঁকা পুরুষাত্মকমিক রায়দের মিছিলের ছবিটার উপর কে যেন জলে-চোবানো তুলি ঢালিয়ে ঘষে সব ঝাপসা করে একাকার করে দিলে। শুধু কয়েকটা কালো রেখাই রইল, কিন্তু কালচে হয়ে ছুবোঁধা হয়ে গেল।

বাঁধে যখন সজারুকে আক্রমণ করে তখন সজারু তার কাঁটাগুলো ফুলিয়ে খাড়া করে বসে থাকে, নড়ে না। বাঁঘ স্থিরদৃষ্টিতে তাকিয়ে দেখে, কখনও থাঁবা মারতে যায় কিন্তু গুটিয়ে নেয়। সেও জানে—ওই কাঁটাগুলো বিঁধে যাবে, গিলতে গেলে মরতে হবে, তবুও সে নড়ে না। আমি ঠিক তেমনি করেই তাকিয়েছিলাম ওই খাতাগুলোর দিকে।

মনে প্রশ্ন হচ্ছিল হাজার রকম। পাপ ? কি পাপ ? মানুষ খুন ? নরহত্যা ? ঘরে আগুন জ্বালানো ? ব্যভিচার ? চুরি ?

এগুলোর সবই রায়েরা করেছে। তা ডায়রীতে গোপন করলেও, জমা-খরচের খাতায় কোল-না-কোন রকমে প্রকাশ হয়ে পড়েছে। জমিদারবংশে জমা-খরচের অঙ্কগুলো শুধু অঙ্ক নয়, ওগুলো লক্ষ্মীকে বাঁধার শেকল। ওখানে তারা জমা বা খরচের অঙ্কপাতে কড়াতেও ফাঁক রাখেনি।

হঠাৎ মনে হল, দরকার নেই আমার এত বিবরণে। আমি ভবানী দেবীর সম্পর্কে যে কথা শুনেছি, তাই আমার পক্ষে যথেষ্ট। রায়বংশের মায়ের ধারায় কোন বিষ নেই, এই যথেষ্ট। রায়বংশের পুরুষদের ইতিহাসে কুড়ারাম রায় থেকে উনিশশো বিশ-পচিশ সালের একজন শ্রেষ্ঠ ইন্টেলেকচুয়াল আমার বাবা পর্যন্ত, এখানে ধনেশ্বরকাকার সেই দৈত্যাকার পুত্রটি পর্যন্ত চরমতম অপরাধ করেছেন, তার মাশুলও দিয়েছেন। এদিকে রত্নেশ্বর রায়, অতুলেশ্বরের পুত্রের পরিচরও রয়েছে। এ-সবই জানি, সহ্য হয়েছে। এর উপরে উর্ধ্বতন পুরুষে আরও যদি কোন মহানরকের পাপ করে থাকেন, থেকেছেন। সে জেনে আমার দরকারই বা কি ?

আমি টোয়েন্টিয়েথ সেন্চুরীর বুদ্ধিবাদী, আমি নিজে আজও এমন কিছু করিনি, যার জন্তে লজ্জাবোধ হতে পারে, মাথা হেঁট হতে পারে, স্মরণে আমি পবিত্র।

মনে আছে স্মৃতি, পবিত্র কথাটা মনে আসায় আমি হেসেছিলাম। ‘পবিত্র’ কথাটার মানে কি? বড়জোর clean—পরিচ্ছন্নই হতে পারে মানুষ। হ্যাঁ, আমি পরিচ্ছন্ন মানুষ। এক স্টেটসম্যানের চিঠিখানা। না—তাতেই বা আমার লজ্জার কি আছে। ওতেও কোন অপরিচ্ছন্নতা নেই। ওখানে আমি সোজা—স্ট্রেট। যা দেখেছি, দেখে যা মনে হয়েছে, তাই লিখেছি। গান্ধীজী বার বার সত্যগ্রহ থেকে পিছিয়ে আন্দোলন বন্ধ করেছেন। Himalayan blunder স্বীকার করেছেন। গান্ধীজীর শ্রেষ্ঠ মহত্ব এবং মনের পরিচ্ছন্নতা সেখানেই।

আর আমি মস্তপান করি। হ্যাঁ করি। কিন্তু আমি জানি—এদেশের মত দেশেও আজ কেউ বলবে না যে, মস্তপান করা অপরাধ। এ-অপরাধে অভিযুক্ত করতে পারেন গান্ধীজী, রবীন্দ্রনাথ, সুভাষচন্দ্রের মত জনকণ্ঠক ব্যক্তি। সেখানেই মাথা হেঁট করব। আর কোথাও নয়।

স্মরণে আমি টেনে নিয়েছিলাম ১৮৮০ সালের ডায়রীখানা। ১৮৮০ সালের জমা-খরচের খাতার ঠাকুরদাস পালের হত্যাকারী পিফু গোরানোর মামলার তাকে বাঁচাতে চার অঙ্কের একটা খরচ দেখেছিলাম। ঘটনাটা ওই সালেই ঘটেছে।

পাতার পর পাতা উন্টে গেলাম। একশো কুড়ি পাতার তিনশো পরষট্টি দিনের ডায়রী। এক-এক পৃষ্ঠায় তিনদিন-চারদিনের ঘটনা। আট লাইন দশ লাইনে শেষ। শুধু এক-একটা দিনের ঘটনা পৃষ্ঠাব্যাপী। দু’পৃষ্ঠা খুব কম।

প্রথম পৃষ্ঠাব্যাপী ঘটনা যেটা পেয়েছিলাম, সেটা পড়ে কৌতুক বোধ করেছিলাম। সেদিন তমলুকুর এস-ডি-ও, আর সদর থেকে ডি-এম, এস-পি এসেছিলেন স্কুলের প্রাইজ ডিস্ট্রিবিউশনে। স্কুল তার দশ বছর আগে হয়েছে। স্কুলের বাড়ীর মাথায় খোদাই করে লেখা আছে—বীরেশ্বর হাই ইংলিশ স্কুল, কীর্তিহাট। ১৮৭০ সাল। তার নীচে লেখা—রত্নেশ্বর রায়-স্বারা প্রতিষ্ঠিত।

একপৃষ্ঠা জুড়ে সেদিনের বিবরণ দিয়েছেন। শেষে লিখেছিলেন, আজকের দিনটি একটা সত্যকারের শুভ দিবস। বিশিষ্ট রাজপ্রতিনিধিবর্গের সহিত বাক্যালাপে ও দেশসংক্রান্ত নানাবিধ আলাপ-আলোচনায় অতিবাহিত হইল। ডিস্ট্রিক্ট ম্যাজিস্ট্রেট বাহাদুর আমাদের যথেষ্ট প্রশংসা করিয়া উৎসাহিত করিলেন। বলিলেন, সদাশর গভর্নমেন্ট গুলী-দানলীল জমিদারগণের সর্বদাই সংবাদ রাখিয়া থাকেন। তাঁহার পূর্ববর্তী ম্যাজিস্ট্রেটসাহেব আমার সম্পর্কে উচ্চ ধারণা পোষণ করিতেন। তিনিও আজ স্বচক্ষে তাহা পরিদর্শন করিয়া উপলব্ধি করিলেন। এবং অবশ্যই তিনি এ সম্পর্কে লাটসাহেবের দপ্তরে জানানইবেন। আমি ভাবিতেছি, এখানকার ক্ষুদ্র দাতব্য চিকিৎসালয়টি বড় করিব। এবং মাতা ভবানী দেবীর নামে একটি নিম্ন-প্রাথমিক বিদ্যালয় স্থাপন করিব।

কিন্তু সে থাক। সেদিন আমি সবটা পড়তেও পারিনি। মন ছুটছিল। ছুটছিল ওই দিনের ডায়রীর সন্ধানে।

পেলায়। জাহ্নবীর ১লা—১৬ই পৌষ, ১২৮৬ সাল থেকে অক্টোবর পার হয়ে নভেম্বরের ৪ তারিখ, ২০শে কার্তিকের ডায়রীতে পেলাম যা খুঁজছিলাম। প্রথম ছুটাই লেখা।

“কি একটা ভরসার দুর্ঘটনা ঘটয়া গেল। বুঝিতে পারিতেছি না কি ঘটিল। এমন যে কখনও ঘটবে, ইহা তো জীবনে কোনদিন ভাবি নাই। ঠাকুরদাস—আমি বাল্যকালে

তাহাকে দাদা বলিয়াছি। তাহার কাঁধে চড়িয়াছি। মনে পড়ে, পিসেমশায় বিমলাকান্ত ভট্টাচার্যের সঙ্গে কীর্তিহাট হইতে চলিয়া গিয়া প্রথম উঠিয়াছিলাম শ্রামনগর। পিসেমশায়কে তখন বাবা বলিতাম। কীর্তিহাটের উত্তরাধিকারী আমি জন্মাবধি সেই বিশাল প্রাসাদে কাটাওয়া ওই ক্ষুদ্র বাটখানিতে আসিয়া কাঁদিতে লাগিয়াছিলাম। আমার ছোট পনি ঘোড়াটির জন্ত যখন ক্রন্দন করিতেছিলাম, তখন ঠাকুরদাস, তখন সে চৌদ্দ-পনের বৎসর বয়স্ক সরল চাষীর পুত্র, সে আমাকে তাহার কাঁধে চড়াইয়া বলিয়াছিল, দেখ, আমি তোমার টাট্টু-ঘোড়া অপেক্ষা অধিক জোরে দৌড়িতে পারি। আমার কান্না থামিয়া মুখে হাসি ফুটিয়াছিল। ষটনাটা একটুকরো ছবির মত বেশ মনে আছে আমার। তাহার পর কলিকাতার যখন কিছুদিন ছিলাম, তখন যে মধ্যে মধ্যে আসিত। যখনই আসিত, আমার জন্ত কিছু না কিছু লইয়া আসিত। খেজুর-গুড়, মর্তমান কদলী আনিয়া সে আমার হাতেই দিত। একবার একটা হরিণের বাচ্চা আনিয়া আমাকে দিয়া বলিয়াছিল, দাদা, তোমার জন্তে আনিয়াছি। সে আমাকে দাদা বলিত। আমি তাহাকে দাদা বলিতাম। হরিণটা ধীচে নাই। যেদিন মরে, সেদিন খুব কাঁদিয়াছিলাম। তাহার পর কালী যখন গেলাম, তখন আর দীর্ঘদিন দেখা হয় নাই। আমরাও আসি নাই। তাহারও যাইবার শক্তি ছিল না। একাদশ বৎসর পর আমি সতের বৎসরের হইয়া দেশে আসিলাম। তখন আমাকে দেখিয়া তাহার সে কি বিস্ময়! আশ্চর্য হইয়া বলিয়াছিল, এ যে রাজপুত্র হইয়া উঠিয়াছ দাদাঠাকুর। ছেলেবেলার মনে হইত, তুমি তোমার বাবার মত দেখিতে, ব্রাহ্মণ-পণ্ডিতদের ঘরের গুরুপুত্র গুরুপুত্র চেহারা হইবে তোমার বাবার মত। কিন্তু এখন দেখিতেছি, তুমি দাদাঠাকুর, অনেকটা মামার মত, রায়-হজুরের মত গো। চোখের চাউনি অবিকল। নাকের গুগাটাও নাকি তেমনি ফুলিয়া উঠে। কপালে তেমনি তিন-চারিটা রেখা দেখা দেয়। সব মনে পড়িতেছে। তাহার পর নীলকর রবিনসন সাহেবদের সঙ্গে কলহে-বিবাদে, সরকার জমিদারের সঙ্গে বিবাদে সেই ছিল আমার দক্ষিণহস্ত। শেষ আমার পিতা যখন শ্রামনগর পুড়াইয়া দেন, তখন তাহার স্ত্রী-পুত্র পুড়িয়া মরিল। আমি আবার রায়বাড়ীর মালিক হইয়া তাহার বিবাহ দিয়াছি। সে ইদানীং আমাকে তেমন করিয়া ঘনিষ্ঠভাবে পাইত না বলিয়া অভিমান করিলেও, তাহা অপেক্ষা আপনার লোক আর কে আছে ?

সেই ঠাকুরদাসদাদা, আজ খুন হইয়া গেল !

হইল বলিতে গেলে তাহার পুত্রের অপরাধে। আমার পুত্র দেবেশ্বরের অপরাধে। পিঞ্জর ভগ্নী ভারোলেটকে লইয়া। লিখিতে আমার লেখনী অবশ অক্ষম হইয়া আসিতেছে। এবং ভীত হইতেছি। মনে হইতেছে বংশাশ্রিত সেই অপরাধের অভিযান পারদের মত অঙ্গে ফুটিয়া উঠিয়াছে। দেবেশ্বর আমার পুত্র। সে আমার ভরে আত্মহত্যার চেষ্টা করিয়াছিল। কিন্তু ঠাকুরদাস আমাকে গ্রাহ করিল না। ঠাকুরদাস তাহার অধিকারের সীমা অতিক্রম করিয়া আমার মুখের উপর বলিল—। আমি আতঙ্কিত হইলাম, একথা সে জানিল কি করিয়া ? একথা জানিতেন পাঁচজন—পিতৃদেব, মাতাঠাকুরাণী, মাতুল ও পিসেমহাশয়, আর জানিতেন পূজ্যপাদ রামব্রহ্ম স্ত্রাবরত্ন। গিরীজা আচার্য জানিলেও জানতে পারেন। কিন্তু ঠাকুরদাস জানিল কোন্ সূত্রে ? সে আমাকে ভয় দেখাইল—সে প্রকাশ করিয়া দিবে। আমি গর্জন করিয়া উঠিলাম, তবু সে ভীত হইল না। পিঞ্জর তাহাকে ধমক দিল। ভারোলেটের ভাই হিসাবে সে নালিশ করিয়াছিল আমার কাছে। তাহার উপর সে আমার প্রিয়পাত্র, দেহরক্ষী। সেও ধমক দিল। ঠাকুরদাস তাহাকে বলিল, তুইও ধমক দিস যে। বেটা নিজের বোনের

দোষ পরের ঘাড়ে চাপাইতেছিল ? পিঙ্গু ক্ষিপ্ত হইয়া উঠিল। ঠাকুরদাসও ক্রোধিয়া উঠিল। আমি বাধা দিলাম। না—। ঠাকুরদাস উচ্চতভাবে বলিল, আর তবে বাহিরে আর। দেখি তুই কেমন গোয়ান আর আমি কেমন সদগোপের পুত্। আর বাহিরে আর। বলিয়া সেই আগে বাহিরে গিয়া তাহাকে আহ্বান করিল। বাইবার সময় পিঙ্গু আমার দিকে তাকাইয়াছিল। আমি কিছু ইসারা করিয়াছিলাম ? না, মনে পড়িতেছে না। তবে মনে মনে চাহিয়াছিলাম। পিঙ্গু তাহা বুঝিয়াছিল। সে ব্যাব্রবৎ লক্ষ দিয়া বাহিরে পড়িল, তাহার পর আর—আর বলিয়া আগাইয়া গেল। চক্ষের অন্তরালে চলিয়া গেল, আমি দাঁড়াইয়া রহিলাম, ক্রোধে অধীর হইয়া ভাবিতেছিলাম, পিঙ্গু যদি হারিয়া যায়, তবে ঠাকুরদাস হয়তো উচ্চকণ্ঠে রায়বংশের সেই কথা চীৎকার করিয়া বলিয়া দিবে। কি করিব ? এমন সময় পিঙ্গু ছোরা হাতে লইয়া আসিয়া আমার সম্মুখে দাঁড়াইল, বলিল, উল্টো জান হাম লে লিয়া হজুর।

আমি বজ্রাহত হইয়া গেলাম।

লোকজনে এতক্ষণে আসিয়া তাহাকে ঘিরিয়া ফেলিল। পিঙ্গু বলিল—ঠিক হার, পাকড়াও হামে। হামার বহিনের বেইজ্জতির হামি বদলা লে লিয়া। মেইরী হামাকে জরুর মাপ করবেন। হাঁ, জরুর মাপ মিলেগা আমার।

আমি বোধ হয় টলিতেছিলাম। কে যেন আমাকে ধরিয়া ফেলিল। মাথার মুখে জল দিয়া শোয়াইয়া দিল। বাকি দিনটা শুধু শুইয়াই ছিলাম। ঠাকুরদাসের জন্ত কান্নিয়াছি। ঠাকুরদাসদাদা নাই। কিন্তু দোষ আমার নহে, তাহার।

সে আমাকে ওই কথা প্রকাশ করিয়া দিব বলিয়া ভয় দেখাইল। সম্ভবতঃ আমার পুত্র এ কথা বলিলে—ঠিক এমন পরিণতি ঘটয়া বাইত। ঠাকুরদাস তাহার বাল্যের দাবীতে আজিকার সম্পর্কটা ভুলিয়া গিয়াছিল।

\*

\*

\*

“খাতাখানা বন্ধ করে রেখে দিলাম সুলতা। মাথার ভিতরটা কেমন কিম্ব্বিম্ব করছিল। এরপর ? এরপর কি করে কি বলে তোমার সামনে গিয়ে দাঁড়াব ?

গোপন ক’রে রাখব তোমার কাছে ? না, সে ইচ্ছে আমার হয়নি। অনেক ভেবে ঠিক ক’রেছিলাম তোমার কাছে কিরব—তোমাকে ডেকে ডায়রীর পাতা পড়াব। সমস্ত বলব। বলে তোমাকে জিজ্ঞাসা করব—এরপর কি তুমি এই ঘটনা সম্পূর্ণ মন থেকে মুছে ফেলে আমার জীবনের সঙ্গে জীবন জড়াতে পারবে ?

সারাটা দিন উল্লাসের মত ওই ঘরটার মধ্যেই বসে ছিলাম। স্থির কিছু করতে পারিনি। যেটা স্থির করি সেটা আবার অস্থির হয়ে যায়।

যে প্রশ্ন নিজে নিজেই করেছিলাম—সুলতা কি সব শুনে এই ঘটনার প্রতিক্রিয়া মন থেকে মুছে ফেলতে পারবে ? উত্তর নিজেই দিয়েছিলাম—পারুক না-পারুক গিয়ে তাকে বলা উচিত। বলব। আর কেনই বা মুছে ফেলতে পারবে না ? কিন্তু তবু যেন বাধোবাধো ঠেকছিল। কি ক’রে বলব তোমার ঠাকুরদা’র ঠাকুরদা আমার প্রপিতামহের প্রজা ছিলেন, অল্পগত জন ছিলেন, তাঁর ঔদ্ধত্যের জন্ত আমার প্রপিতামহ তাকে একরকম খুন করিয়েছিলেন। এবং জ্ঞান-অজ্ঞানের প্রশ্ন যদি তোলা তো বলতে হয় জ্ঞান-অজ্ঞান বিচার থাক, তবু বলতে হবে অজ্ঞান জেন আবদার এবং অশোভন ঔদ্ধত্য প্রথম থেকে ঠাকুরদাস পালই দেখিয়েছেন। ওই পিঙ্গু গোয়ানের বোন—তার নাম ছিল ভার্নোলেট, সে নাকি বিচিত্রভাবে পেরেছিল তার পোর্ট গীজ পিতৃপুরুষের রূপ ;

তার ছিল অনেকটা কিরিকী মেয়ের চেহারা, পোড়া শাদা রঙ, নীল চোখ, পিকল চুল; আর প্রকৃতিতে ছিল চঞ্চল দুর্দান্ত। পনের-ষোল বছরের কিশোরী। রত্নেশ্বর রায়ের বড় ছেলে দেবেশ্বরের কথা শুনেছ; আমাদের দেখে আমার মেজঠাকুরদা বলেছিলেন—তিনি ছিলেন রায়-বংশের শ্রেষ্ঠ সুপুরুষ। ওই দেখ তাঁর ছবি।

সুরেশ্বর উঠে গিয়ে একথানা ছবির সামনে দাঁড়াল, সুলতা তাকালে ছবিখানার দিকে। সত্য কথা বলেছে সুরেশ্বর। সত্যই দুর্লভ সুপুরুষ।

মনে পড়ল সুলতার—সুরেশ্বর বলেছে একটু আগে যে ওর মেজঠাকুরদা বলেছিলেন ওকে—  
তাঁর থেকেও তুমি যেন সুপুরুষ হে!

না—তা নয়। সে কথা সুলতা মানতে পারবে না। তবে সুরেশ্বরের মধ্যে তাঁর আদল আছে। উজ্জল দীপ্ত মুখ, রায় বংশের চোখ বড় বড় কিন্তু দৃষ্টি তাদের উগ্র। এঁর চোখে উগ্রতা নেই, মাধুর্য এবং কোতুকের একটি সম্মিশ্রণ রয়েছে চোখে। তাও খানিকটা সুরেশ্বরের আছে, কিন্তু সেও এঁর মত নয়।

—দেখেছ!

—হ্যাঁ। হাসলে সুলতা। জমিদার খনির ছেলের প্রতীক বলা যায়।

সুরেশ্বর বললে—হ্যাঁ, তা বলতে পার, সেকালের খুব প্রগ্রেসিভ মানুষ। পৃথিবীর সমস্তকে শুধু ব্যক্তি করতেন না, ঊনবিংশ শতাব্দীর শেষ দিকের বঙ্গ সংস্কৃতির যে ভাগটা খাটি বিলেতি সভ্যতার উপাসনা করতেন, তাঁদের মধ্যে এক খণ্ড হীরকের মত উজ্জল মানুষ ছিলেন। কিন্তু সে কথা পরে বলব। এখন এই ছবিটা দেখ সুলতা, এই ‘ভায়লা পিক্স’—ভায়োলেট! অবশ্য আমার কল্পনা করে আঁকা। ঠিক সে কেমন ছিল জানি না, তবে একটু আগে বলেছি ‘কুইনি’ নামে একটি ভের-চৌদ্দ বছরের মেয়েকে দেখেছিলাম গোয়ানদের সমাজনেত্রী হিলডার সঙ্গে। কলকাতার মা-বাপ মরে যাওয়ার এখানে এসেছে। বাপ ছিলেন একজন বাঙালী ক্রীশ্চান। মুখার্জি। সে হল ভায়োলেটের মেয়ের ছেলের মেয়ে। তার চেহারাটা নিরেছি। কিন্তু রঙে উগ্রতা দিয়েছি। কুইনীর চোখে হারমাদী পূর্ব-পুরুষের চোখের আভাস আছে, তাকে আরও নীল করে দিয়েছি। পরনে দিয়েছি নাইনটিন্থ সেঞ্চুরীর কিরিকী মেয়েদের পায়ের গোড়ালী পর্যন্ত ঝোলা ফ্রক।

সুলতা বললে—কিন্তু কোমর থেকে পিঠ থেকে হিন্দুস্থানী মেয়েদের মত ওড়না দিয়েছ কেন?

—তার কারণ সেকালে গোয়ানপাড়ায় ওরা ওইভাবে ওড়না ব্যবহার করত। সে কথা পরে বলব সুলতা। এখন আসল কথায় আসতে দাও। রাজির পরমায়ু ফুরিয়ে আসছে। সকালে তোমাকে চলে যেতে হবে। এর মধ্যে আমার সব কথা—রায় জমিদারদের জবানবন্দী—শেষ হবে না জানি। তুমি মাইনে করা আদালতের বিচারক নও, তুমি বিনা মাইনেতে দেশের কাজ কর, মাইনে নিয়ে কলেজে পড়াও। কাল তুমি আসবে না। তবু যতটুকু পারি ততটুকু বলে নি।

এই ভায়োলেট মেয়েটি তখন নিরুদ্দেশ হয়েছে কিছুদিন। গোয়ানরা—যে গোয়ানরা ক’ বছর আগে পর্যন্ত নদীতে ডাকাতি করেছে, যাদের পূর্বপুরুষরা জ্রাসের সৃষ্টি করেছিল দেশে, শুধু লোকের সম্পদই লুটত না, ছেলে-মেয়ে যুবক-যুবতী লুটে নিয়ে গিয়েও বেচে দিয়ে আসত; তাদের মেয়েরা নিরুদ্দেশের সঙ্গে তাদের কোন ছেলে নিরুদ্দেশ হলে তারা রাগ করত, কিন্তু তা না হ’লে তাদের মর্মান্বাহানি হ’ত এবং তারা ক্ষিপ্ত হয়ে উঠত। খুঁজত কার সঙ্গে পালাল।

সংসারে জাতই বোধহয় ইজ্জতের সিংহাসন বল সিংহাসন, বেদী বল বেদী।

ঠাকুরদাস পালের মৃত্যুদিনের বৃত্তান্ত ভারী থেকে আবিষ্কার করতে গিয়ে প্রতিটি পাতা আমাকে পড়তে হয়েছিল। এর মধ্যে পেয়েছিলাম—রায়বাহাদুর রত্নেশ্বর রায় হঠাৎ কলকাতায় গিয়ে আবিষ্কার করেছিলেন এই ভায়োলেটকে। এই জানবাজারের বাড়ীর বন্ধ দরজায় সে মাথা কুটছিল আর চীৎকার করে ডাকছিল রায়বাহাদুরের জ্যেষ্ঠপুত্র দেবেশ্বর রায়বাবুকে।

ঘটনাটা তিনি জেনেছিলেন তার কাছ থেকে। মেয়েটা প্রেমে পড়েছিল নবীন এই রায়বাবুর। নবীন রায়বাবুও তাকে চেয়েছিলেন বিলাসের জন্য। নবীন রায়বাবুর আকাঙ্ক্ষা পূর্ণ করেছিল গোপালচন্দ্র পাল। ঠাকুরদাস পালের দ্বিতীয় পক্ষের জ্যেষ্ঠপুত্র। ঠাকুরদাস পাল যেমন ভালবাসত রত্নেশ্বর রায়কে, গোপালও তেমনি ভালবাসত দেবেশ্বর রায়কে। দেবেশ্বরের ছিল সে গোপালদাদা।

রায়বাহাদুর এদিনের ভারীতেও লিখেছিলেন—এ বংশের উপর পরমাপ্রকৃতি পরমেশ্বরীর কাছে অপরাধের এ মহাঅভিশাপ আমার আজন্মের কুছুসাধন তপস্ব্যতাও শাস্ত হয় নাই। সে অভিশাপ আসিয়া কলিয়াছে আমার পুত্রের মধ্যে। ইহা হইতে কি নিষ্কৃতি নাই? আমি বন্ধ দরজায় সজোরে কড়াঘাত—অবশেষে পদাঘাত করিতে লাগিলাম। ভিতর হইতে সাড়া কেহ দিল না। কিন্তু কিছুক্ষণের মধ্যেই গৃহমধ্য হইতে বন্ধুকের শব্দ উঠিল।

স্বলতা, বাপের ভয়ে দেবেশ্বর রায় বন্ধুকে টোটা পুরে আত্মহত্যার চেষ্টা করেছিলেন। চেয়ারে বসে কার্টিজ পোরা বন্ধুকের নল বুক লাগিয়ে পা দিয়ে ট্রিগার টেনেছিলেন। নড়াচড়ার মধ্যে নলটা বুক থেকে সরে এসেছিল একপাশে। ফলে গুলিটা বগলের দিকে মাংস ভেদ করে বেরিয়ে গিয়েছিল।

ভারপর দরজা ভেঙে ঘরে ঢুকে রায়বাহাদুর দেখেছিলেন, পাশে বন্ধুক নিয়ে ছেলে পড়ে আছে রক্তাক্ত দেহে।

\* ভারীতেও এসেছিল—সে বুক চাপড়ে কঁদে আছড়ে পড়েছিল।

পাওয়া যায়নি গোপালকে, সে ভয়ে রান্নাঘরের একতলা ছাদের উপর থেকে ঝাঁপ দিয়ে পাশের গলিটাতে পড়ে পালিয়ে গিয়েছিল।

\*

\*

\*

সুরেশ্বর কয়েক মুহূর্তের জন্য স্তব্ধ হয়ে যেন তার জবানবন্দীতে একটা ছেদ টেনে একটা দীর্ঘনিশ্বাস ফেললে।

স্বলতা এতক্ষণ প্রায় নির্বাক হয়ে ধৈর্য ধরে শুনে আসছিল। এবার সে একটু চকিত হয়ে বললে—দেবেশ্বর রায়—? কথা শেষ করতে পারলে না।

সুরেশ্বর বললে—বেঁচেছিলেন। পায়ে ট্রিগার টিপবার সময় বন্ধুকটার নল খানিকটা ঝাঁকিতে খানিকটা নড়েচড়ে সঁরে গিয়েছিল। বলেছি সে কথা। তিনি না বাঁচলে আজ সুরেশ্বর রায় পৃথিবীতে এসে এই ১৯৫৩ সালের নভেম্বরের রাতে জমিদারী উচ্ছেদ আইন পাস উপলক্ষ করে তোমার সামনে জবানবন্দী দিত না। এই সব ছবি এঁকে একজীবিশন করত না। দেবেশ্বর রায়ের তখন বিবাহ হয়ে গেছে। বধূটি তৎকাল অমুখারী বালিকা। দেবেশ্বর ছিলেন আধুনিক। তিনি এ বিবাহে রাজী ছিলেন না। বীরেশ্বর রায়ের কালের তুলনায় সেকালে ছেলেমেয়েদের বিয়ের বয়স বাড়লেও রত্নেশ্বর রায় ছিলেন গৌড়া মাছুষ। তিনি ছেলের উনিশ বছর বয়সে একটি দশ বছরের মেয়ের বিয়ে দিয়ে নিশ্চিন্ত হয়েছিলেন। দেবেশ্বর রায়ের বিয়েতে সকল কাজেই সকলের আগে ছিলেন ঠাকুরদাস পাল। বিয়ের গারে-হলুদের তত্ত্ব নিয়ে



গেছেন তিনি, বর কনে যখন কীর্তিহাটে আসে বজ্রার তখন তার ভার ছিল তাঁর হাতে। আর দেবেশ্বর রায়ের বরাভরণ, গাউচেন, ষড়ি, হীরের বোতাম, হু হাতের চারটে হু হাজার টাকা দামের আংটি, তাঁর এসেন্স—পমেটম থেকে সমস্ত বিলাসজীব্যের ভার ছিল ঠাকুরদাসের বৃদ্ধ বয়সের পুত্র আদরের গোপালের উপর।

স্বলতা একটু হাসলে।

সুরেশ্বর প্রশ্ন করলে—তুমি হাসলে স্বলতা?

—তুমি আমার কাছে আস নি সেদিন যিরে, সে ভালই করেছিলে।

—কেন?

—আমার ঠাকুরদার কাকা তোমার ঠাকুরদার খানসামা ছিলেন। ঠাকুরদাস পালকে খুন করার ঘটনা—তিনি তোমার পূর্বপুরুষের প্রজা ছিলেন এ ঘটনাটা বিচার করে যদি বা ভুলে গিয়ে পথ পাওয়া যায়, এই কথাটা ভুলতে পারার আর পথ নেই!

সুরেশ্বর চূপ করে রইল। একটু পরে বললে—আমি ভুলতে পারতাম। ভুলতে পারতাম এ কথাই বা বলছি কেন—কথাটা আমার মনেই হয় নি।

—না হতে পারে। আমার মনে হ'ত। কারণ যারা বড় ছিল, তারা ভুলতে পারে কিন্তু যারা ছোট ছিল তারা ভুলতে পারে না। যাক, কথা তোমার শেষ কর। আমি শুধু জানতে চাচ্ছি কি কথা তিনি প্রকাশ করে দিতে ভয় দেখিয়েছিলেন, তিনি মানে ঠাকুরদাস পাল, যাতে রায়বাহাদুর এমন ক্ষিপ্ত হয়ে উঠেছিলেন। যা তিনি ডায়রীতে লেখেন নি। তবে একটা কথা বলেছি, রায়বাহাদুর লিখেছেন ডায়রীতে, অদৃষ্টের চক্রান্তে বিশ্বয় প্রকাশ করে লিখেছেন—অদৃষ্টের চক্রান্তে আমি আজ পোষ্যপুত্র হয়ে কিরে এলাম আমার জন্মদাতা ও গর্ভধারিণীর সন্তান-রূপে। বিমলাকান্ত কি চুরি করেছিলেন এঁদের সন্তানকে? না—।

কথার প্রশ্ন না করে সপ্রশ্ন দৃষ্টিতে তাকিয়ে রইল সে।

সুরেশ্বর হেসে বললে—না—তিনি করেন নি।

—তবে?

—করেছিলেন বিমলা দেবী। বীরেশ্বরের সহোদরা। যার সন্তান হয়ে হয়েই মারা যেত। একদিন পুরো নয়—ষট্টি দশেক আগে—পিছু রায়বাড়ীতে দুটি সন্তান এসেছিল। আগে বিমলার সন্তান এল, তারপর ভবানী দেবীর। দ্বিতীয় দিনে বিমলার সন্তানের অন্ত্র হল। যেমন অন্ত্র হয়ে তার সব সন্তানগুলো গেছে, যেমন যেত বিমলা দেবীর মা সোমেশ্বর রায়ের স্ত্রী রাজকুমারী কাত্যায়নী দেবীর। যিনি রূপের ভাঙার নিয়ে এসে রায়বাড়ীতে রায়বংশের প্রতিষ্ঠা করেছেন। বিমলা ছিলেন পাগল। অন্ত্রবর্জী হলেই তাঁর পাগলামি ভাল হ'ত। সন্তান হয়ে মারা গেলে আবার পাগল হতেন। তিনি তাঁর ছ-আনা অংশের সম্পত্তি কে ভোগ করবে এ ভাবনাতেই পাগল হতেন হয়তো। তিনি গভীর রাজ্যে তাঁর নিজের ক্রয় সন্তান নিয়ে ভ্রাতৃবধূর ঘরে ঢুকে সন্তান বদল করে নিয়ে যান। কিন্তু তাঁর খেয়াল ছিল না যে সেই গভীর রাজ্যে বীরেশ্বর রায় লুকিয়ে হুতিকায়রে ঢুকেছিলেন—সন্তানের মুখ দেখতে।

বীরেশ্বর রায়—বীরেশ্বর রায় হলেও কালটা সেকাল। লজ্জার বীরেশ্বর রায় হয়েছিলেন অন্তরালবর্তী। ভবানী দেবীও চোখ বুজেছিলেন লজ্জায়। তারা ভেবেছিলেন পাগল বিমলা-দেবী নিজের হুতিকায়র ভেবেই ঢুকেছেন—এই বাড়ীতেই সেটা স্বলতা। তুমি তো দেখেছ মাঝখানকার যে হলটা যে হলটার বীরেশ্বর রায় বসতেন—তার এপাশ থেকে যে কবিরিডোরটা অন্ধরে গেছে, তার প্রথমই দু পাশের দুখানা ঘরে ঘটেছিল এই ঘটনা। সামনাসামনি ঘর।

এ ছ' ঘরেই হুজনের হুতিকাগার। বিমলা দেবী চোরের মত ঘরে ঢুকে নিজের রুগ্ন ছেলেকে মামিয়ে দিয়ে বীরেশ্বরের পুত্রকে তুলে নিয়ে গিয়েছিলেন।

ভবানী দেবী—বীরেশ্বর রায় হুজনের কণ্ঠ থেকে একটি শব্দ ঘের হয়নি, হ'তে পারেনি। ভবানী দেবী রুগ্ন ছেলের পাশে পাথরের মূর্তির মত বসে ছিলেন। বীরেশ্বর অবীর হয়ে উঠেছিলেন। হঠাৎ বিমলাকান্ত এসে তাকে বলেছিলেন—শাস্ত হও বীরেশ্বর, আমি সব শুনেছি। শুনেছি কেন, আমিও দেখেছি। হুতিকাঘর দুটির পাশেই ছিল বীরেশ্বর রায় এবং বিমলাকান্তের শোবার ঘর। রায়বাড়ীতে এ ব্যবস্থা রাজকুমারী কাত্যায়নী দেবীর আমল থেকে। তিনি যখন দশ বছর বয়সে রায়বাড়ী আসেন, তখন থেকেই তিনি সংসারের গৃহিণী। তাঁর নিজের সন্তান হয়ে বাঁচত না। বেঁচেছিল তান্ত্রিক শ্রামাকান্তের তত্ত্বমত্রে কি জিন্মাকর্মের ফলে। কাত্যায়নী দেবী স্বামীকে পাশের ঘরে শুইয়ে রাখতেন। সোমেশ্বর রায়ও শুতেন। কারণ শোকের মুহূর্তে কাত্যায়নীর পাশে না থেকে তিনি পারতেন না।

নিজের কস্তার প্রথম সন্তান যখন মরল, তখন তিনিই এ ব্যবস্থা করেছিলেন। অথচ যখন কস্তা প্রথম পাগল হয়, তখন তাকে কীর্তিহাটে আনবার সময়, তিনি জামাতার ভক্ত দাসীর ব্যবস্থা করতে চেয়েছিলেন।

হাসলে সুরেশ্বর।

তারপর বললে—যা বলছিলাম, যা প্রশ্ন করেছ তার কথাই বলি সুলতা। রাত্রি বৃষ্টি শেষ হয়ে আসছে। বিমলাকান্ত বীরেশ্বরকে বলেছিলেন—তুমি শাস্ত হও বীরেশ্বর, আমি সব দেখেছি। কাল যখন রাত্রে ভবানীবউমার ঘর থেকে ছেলে তুলে নিয়ে এল, তখনই আমি গিয়ে ওর সামনে দাঁড়িয়েছিলাম। মেঝেতে এগুনিটা অঘোরে ঘুমুচ্ছে। আমার মুখের দিকে তাকিয়ে বিমলা বিবর্ণ হয়ে গেল। আমার মনে হল, হয়তো অজ্ঞান হয়ে যাবে। তবু আমি যাই নি। দাঁড়িয়েই ছিলাম। যাক, অজ্ঞান হলে আমি অস্তুত তোমার সন্তান তোমাকে ডেকে জাগিয়ে দিয়ে আসতে পারব। কিন্তু কিছুক্ষণের পর নিজেকে সামলে নিয়ে বিমলা বললে—যাও, তুমি-শোও গে। নইলে চৈচিয়ে আমি গোল করব। বলব—আমার ঝাঁতুড়ে ঢুকছে। আমি বললাম—কি করলে? বিমলা বললে—বেশ করেছি। আমার ভাগের সম্পত্তি খাবে কে? বললাম—ওই ছেলেই খাবে। বললে—হ্যাঁ খাবে, আমার ছেলে হয়ে খাবে।

বীরেশ্বর আশ্বস্ত হয়েছিলেন। বিমলা দেবীর সন্তান ভবানী দেবীর হুতিকাঘরে মারা গিয়েছিল। লোকে বলেছিল, এবার কাত্যায়নী দেবীর মৃতবৎসা রোগ মেরেকে ছেড়ে ছেলের বউকে ধরল। সোমেশ্বর রায় জেনেছিলেন। তাকে বলেছিলেন বীরেশ্বর এবং বিমলাকান্ত। সোমেশ্বর বলেছিলেন—তোমার আরও সন্তান হবে বীরেশ্বর। ওর আর হবে না। হলেও বাঁচবে না। ওই ছেলেকে আমি অর্ধেক সম্পত্তি দেব। বাকী তোমার সন্তানদের মধ্যে ভাগ হবে। আর ওকে তুমি পোষপুত্র নেবে। তার স্বীকারপত্র বিমলাকান্ত তোমাকে লিখে দেবে।

বীরেশ্বর বলেছিলেন—তা হ'লে ওর নাম থাকবে রত্নেশ্বর।

সুলতা তার মুখের দিকে তাকিয়ে প্রশ্ন করলে—এ তুমি কি বলছ সুরেশ্বর?

সুরেশ্বর বললে—সে পত্র আমি পেয়েছি সুলতা!

—কিন্তু—? জু দুটো কুক্ষিত হয়ে উঠল সুলতার। বিমলাকান্ত আর দিতে চান নি? তাই এত রাগ—

—না সুলতা। তারপর এমন বিচিত্র ঘটনা ঘটল, যাতে বীরেশ্বর রায় আর বলতে সাহস

করলেন না যে ওটি তাঁর পুত্র। ছেলেটি যখন এক বছরের তখন সোমেশ্বর রায় মারা গেলেন। উইলে লিখে গেলেন—বিমলা দেবীর পুত্র সম্পত্তির অর্ধাংশ পাইবেক। কিন্তু তাহাকে রায়বংশের গোত্র ধারণ করিতে হইবেক। সেই কারণে মদীয় পুত্র তাহাকে পোষ্যপুত্র গ্রহণ করিবেন। কিন্তু তার পর ছেলেটি যত বড় হতে লাগল, তত মনে হ'ল এ ছেলে অবিকল বিমলাকান্ত।

চীৎকার করে উঠল সুলতা—সুরেশ্বর!

তার মনে পড়ল—বীরেশ্বর রায় বার বার তাঁর স্মরণীয় ঘটনার খাতায় ভবানী দেবীকে পাপিনী বলেছেন।

ঠিক সেই সময়ে পাখী ডেকে উঠল।

কলকাতাতে পাখীরা ডাকে, গ্রামের মত কলরব করে! ভোর হয়ে আসছে। সুরেশ্বর বাইরের দিকে তাকিয়ে দেখতে গিয়ে দেখলে কাচের জানালাগুলো বন্ধ।

সে দৃষ্টি ফিরিয়ে সুলতার দিকে তাকিয়ে বললে—না সুলতা, ওই মহিমময়ী জননীটি আমাদের বংশের মহাপুণ্য। এই রাত্রি শেষ হচ্ছে। ভোরের আলো ফুটছে। উনি ঠিক এই মুহূর্তটির মত। উনি ওর পিতৃবংশে পিতা এবং স্বামী বংশে স্বামীকে বলতে গেলে উদ্ধার করেছেন।

তোমার মত আমারও উদ্বেগের উৎকণ্ঠার আর সীমা ছিল না।

সেদিন—কীর্তিহাটে, যেদিন রাজে রায়বাহাদুরের ডায়রীতে, ঠাকুরদাস পালের খুন হওয়ার দিনের ডায়রী পড়ে আমি ভাবছিলাম তোমার কথা, আর বংশের যে পাপের কথা কিছুতেই লিখতে পারেন নি রত্নেশ্বর রায়—সেই কথাটির কথা। প্রায় পাগলের মত হয়ে গিয়েছিলাম। স্বান করি নি খাই নি। বার বার ডায়রী পাটেছি। পড়তে শুরু করেছি সেই গোড়া থেকে। মেজঠাকুমা এসে ফিরে গেছেন। তিনি উৎকণ্ঠা প্রকাশ করেছেন, আমি রুচ কথা বলেছি। রঘুমা আমার ভয়ে সামনে আসতে পারে নি। সন্ধ্যার সময় একবার সাহস করে অর্চনা এসেছিল—তার পিছনে মেজঠাকুমা ছিলেন।

অর্চনা বলেছিল—সুরেশ্বরদা!

রাগ হয়েছিল, সে রাগ চেপে অস্বাভাবিক গম্ভীর কণ্ঠে বলেছিলাম—নায়েব এখনও মেদনীপুর থেকে ফেরে নি অর্চনা।

অর্চনা মুখরা মেয়ে এবং সাহসী—তা তুমি নিশ্চয় স্বীকার করবে—সেও দমে গিয়েছিল।

একটু পরে বলেছিল—ওই অতুলদার কথা ছাড়া আর কি কোন কথা নেই আমাদের সুরোদা?

আমি বলেছিলাম—থাকলেও এখন কোন কথা বলবার মত সময়ও নেই, মনের অবস্থাও নেই, অর্চনা।

অর্চনা বলেছিল—চল ঠাকুমা!

ব'লে সে মেজদিকে নিয়ে চলে গিয়েছিল।

রাজে ঘুম আসে নি। আমি সকালবেলা থেকে অতুলের দৃষ্টান্ত মনে করে সংকল্প করেছিলাম—যে মজ্ঞপান আর করব না। কিন্তু রাজে মজ্ঞপান করেছিলাম—ঘুমের জন্ত। রঘু সভরে খাবার এনে নামিয়ে দিয়েছিল। ক্ষিদেও ছিল, খেয়েছিলামও। তারপর একসময় ঘুমিয়ে পড়েছিলাম, সুরার প্রভাবে।

এমনি ভোরবেলা ঘুম ভেঙেছিল রঘুর ডাকে।

রঘুনা এসে ডেকে বলেছিল—পুলিশ!

—পুলিশ?

—হ্যাঁ, গান্ধা গান্ধা। চারিদিক ঘেরাও করেছে।

চমকে উঠেছিলাম। জানালায় গিয়ে তাকিয়ে দেখেছিলাম—পুলিশ গিজগিজ করছে। ঘেরাও করেছে চারিদিক। রায়বাড়ীর চারিদিক। আর্মড পুলিশ।

তারাই এ সত্যগুলি আমার কাছে প্রকাশ করে দিয়ে গেল খানাতল্লাসীর সময়।

সুরেশ্বর বললে—গোটা রায়বাড়ী সার্চ করেছিল পুলিশ। গতবার কেবল অতুলেশ্বরের অংশের ঘর সার্চ করে চলে গিয়েছিল। এবার গোটা বাড়ীটা।

সর্বাগ্রে সার্চ করেছিল সুরেশ্বর রায়ের খাস কাছারী। যে ঘরটায় অতুল ওই নিষিদ্ধ ভয়ানক বস্তুগুলি লুকিয়ে রেখেছিল, সেই ঘরখানা।

আমি বিবিমহলেই বসেছিলাম। গত রাত্রি পর্যন্ত যে চঞ্চলতা, অধীরতা আমাকে অধীর করে রেখেছিল, তা ওই পুলিশবাহিনী দেখেই যেন স্থির হয়ে গেল। চিন্তা শুধু একটি। অর্চনা এবং মেজদি। মেজদির জন্তে খুব চিন্তা ছিল না। কারণ মেজদির সঙ্গে অতুলেশ্বরের ঘনিষ্ঠতা মা ও সন্তান হিসেবে। তাছাড়া তিনি ইংরেজ তাড়াবার জন্তে কোমরে কাপড় জড়িয়ে লাগবার মত প্রচণ্ড একথা চট করে কেউ মনে করবে না। ভয় অর্চনার জন্তে।

মধ্যে মধ্যে প্রশ্ন করছিলাম—অতুল মারধর খেয়ে সব বলে ফেলে নি তো? বাংলাদেশে বিপ্লবের ইতিহাসে জমিদার ও ধনীর ছেলে নরেন গোসাঁই মানিকতলা বোমার মামলার অ্যাগ্রান্ডার হয়ে জমিদার-সন্তানদের অবিস্বাসী প্রমাণ করে গেছে। তার উপর এই রায়বংশ। হঠাৎ মনে হয়েছিল, ব্রজেশ্বরদার কথা। ব্রজেশ্বরদা যাবার সময় সব বলে দিয়ে যান নি তো? অসম্ভব নয়! সে সব পারে!

ঠিক এই সময় একজন পুলিশ-অফিসারকে সঙ্গে করে আমার কাছে এসেছিলেন দেবোত্তরের একমালী নায়েব। আমি একটু চকিত হয়েছিলাম নিশ্চয়। নায়েব বলেছিলেন—এ কাছারী হল এই সুরেশ্বরবাবুর।

জিজ্ঞাসা করতে হল না, অফিসার জিজ্ঞাসা করলেন—ওই কাছারীঘরখানা আপনার?

নায়েব বুঝিয়ে দিলে—ওই খাস কাছারী রায়বাহাদুরের—ওই ঘরের চাবি চাচ্ছেন।

মাথাটা কিম্বিকিম করে উঠল। বুঝলাম, পুলিশের এই সার্চটির পিছনে নিশ্চিত সংবাদ আছে। নিছক সন্দেহবশে এ সার্চ নয়।

অফিসারটি বললেন—আপনি সঙ্গে আসুন, আর চাবিটা চাই।

উঠে দাঁড়লাম, বললাম—চাবি তো আমার কাছে নেই। চাবি আমার এখানকার কর্মচারীর কাছে আছে, তিনি কাল মেদিনীপুর গেছেন, ফেরেন নি।

—অতুলেশ্বরের জামিনের জন্তে গেছে?

—হ্যাঁ।

—উনি আপনার কে?

—কাকা। আমার বাবার আপন খুড়তুতো ভাই।

—আপনারা তো পৃথক।

—হ্যাঁ। অনেক দিন থেকে।

—তবে?

—পাঠিয়েছি, আমার কর্তব্য বলেও বটে, আর এমন কোন মারাত্মক অপরাধ সে করে নি,

এটা আমার বিশ্বাস বলেও বটে।

—ও আচ্ছা। আনুন। তালা তাহলে ভেঙেই ফেলতে হবে। সার্চের সময় আপনি উপস্থিত থাকবেন।

আমার আজ বরস চুয়াল্লিশ, ১৯১০ সালে আমার জন্ম। ১৯৩৬ সালে আমার বরস ছিল সাতাশ। বাবা বিবাহ করেছিলেন ১৯০৮ সালে। তারপরই তিনি এসব মেরামত করিয়েছিলেন। সে মেরামতের সময়েই এ ঘর মেরামত হয়েছিল। এবং সেই সময় থেকেই আর খোলা হয় নি। কড়া ছকুমে বন্ধ ছিল। কারণ এই মেরামতের বছর কয়েক আগে মেজঠাকুরদার এক কন্ঠার বিবাহে এ ঘর খুলে দেওয়া হয়েছিল বরষাজীদের ব্যবহারের জন্তে। বরষাজীরা এ ঘরে উপ্ত্রবের বাকী রাখে নি। পুরনো আমলের ঝাড়লঠানগুলো লাঠি দিয়ে খুঁচিয়ে ভেঙে দিয়েছিল। একখানা মূল্যবান পুরনো গালিচা ক্ষুর দিয়ে কেটে দিয়ে গিয়েছিল। তারপর থেকে এ ঘর ব্যবহার সম্পর্কে তাঁর যে কড়া নির্দেশ তা কখনও শিথিল হয়নি। এবং মেজতরফ যতই অভাবে পড়ে ছোট কাজ করে থাক, এদিকে তাদের আভিজাত্যের উঁচু মাথা কখনও হেঁট করেনি নি। এ খাস-কাছারীর সীমানা তাঁরা মাড়াতেন না। নিষেধ ছিল। শুধু অতুলেশ্বর জানলার শিক সরিয়ে ওই জিনিসগুলো রাখতে এ ঘরে ঢুকেছিল গোপনে। সেই পথেই আমি ঢুকেছিলাম সেদিন রাজে চোরের মত।

পুলিশ অফিসারদের ছকুমে হাতুড়ি পিটে পুরনো মরচে-ধরা তালাটা ভেঙে ফেলে, কনেক্টবলেরা বুটের লাগিতে খুলে দিল দরজাটা। মোটা ভারী সেগুন কাঠের দরজা দুটোও দীর্ঘকাল বন্ধ থেকে যেন জমে গিয়েছিল। প্রবল ধাক্কা খুলবার সময় এক পাল্লা দরজার একটা কজা ভেঙে গেল। সাতাশ বছরের বন্ধ হাওয়া একটা গন্ধ নিয়ে বেরিয়ে এল বাইরে।

দরজা-জানলা খুলে সার্চ আরম্ভ হল। আমি সার্চের দিকে দৃষ্টি রাখতে পারিনি। আমি শু-বিষয়ে একরকম ভবিতবোর উপর নির্ভর করে একরকম নিশ্চিন্ত; ই্যা, তাছাড়া আর কি বলব বল? তাই ছিলাম। আমার দৃষ্টি পড়েছিল রায়বাহাদুরের ছবির দিকে। তাঁর মাথার উপর কুইন ভিক্টোরিয়া এবং প্রিন্স অ্যালবার্টের ছবি। রায়বাহাদুরকে আমি ব্যঙ্গ করিনি। আমি তাঁর ছবি দেখে বীরেশ্বর রায়ের ছবি দেখে মেলাচ্ছিলাম, দুজনের মধ্যে মিল কতখানি, অমিল কতখানি। অমিল বেশী কিন্তু তার মধ্যেও আশ্চর্য মিল চোখের চাউনিতে এবং নাকের গড়নে। নাক আর চোখ এ দুটোর সঙ্গে সঙ্গ বড় নিকট।

ওদিকে সতরঞ্চি উঠিয়ে বালিশের গাদা তছনছ করে তার তুলো ছড়িয়ে ঘরটা কয়েক মিনিটের মধ্যে একটা ধুলোর ঘূর্ণি তুলে দিলে। গোটা বিশ-পঁচিশ ইঁদুর ঘরময় ছুটোছুটি করে বেরিয়ে গেল। কিন্তু পাওয়া কিছু গেল না। এমন কি সেই ছেঁড়া বালিশটা, সেটাও নেই। সেটা বিছানার গাদার উপরেই ছিল। একটু বিস্মিত হলাম।

মনের মধ্যে অর্চনার মুখটা ভেসে উঠল। তাছাড়া আর কে হতে পারে?

পুলিশের সার্চ অভূত স্মৃতি। তারা দেওয়াল থেকে বড় বড় অয়েল পেন্টিংগুলো পর্যন্ত নামিয়ে দেখলে। ঘরের দেওয়াল ঘেঁষে এক সারি কুশন দেওয়া চেয়ার ছিল, সেগুলো পরীক্ষা করে দেখলে। ঘরের পিছনদিকে যে জানলাটার শিক খোলা যেত, সেটা তারা গোড়াতেই আবিষ্কার করেছিল।

একজন অফিসার বললেন—কেউ নিশ্চয় সরিয়েছে এর মধ্যে। ধুলোর উপর যেন আসা-যাওয়ার চিহ্ন রয়েছে।

—পরশুই সার্চ করা উচিত ছিল।

ভা. র. ১৪—১১.

খোলো, ওই ঘর দুটো খোলো।

হলঘরটার ছপাশে দুটো ছোট কামরা। বন্ধ দরজা দুটোর একটার তাল খুলছিল; কিন্তু তালটা খুলে গেছে। সেদিন রাতে ওটা লক্ষ্য করিনি।

তালটা টেনে ছাড়িয়ে ফেলে ঘরে ঢুকল পুলিশ।

ঘরখানা ছিল রায়বাহাদুরের খাস কামরা, তিনি এই ঘরে বসে কাজ করতেন। সেক্রেটারীয়েট টেবিল, চামড়ার গদী-আঁটা পুরনো আমলের চেয়ার দিয়ে সাজানো, পাশে একটা প্রকাণ্ড সে-আমলের মেহগনী কাঠের ইজিচেয়ার, দুই কোণে দু প্রকাণ্ড দামী কাঠের সিন্দুক। সিন্দুক দুটোর আলতারাণ দুটো মরচে ধরে নষ্ট হয়ে গেছে।

সেক্রেটারীয়েট টেবিলটার ড্রয়ারগুলো খোলাই ছিল। এবং তার মধ্যে ছিল কয়েকটা পুরনো জিনিস, তার মধ্যে ছিল একটা ভাঙা পেপার-ওয়ার্ড, দুটো কলম, আলপিন কুশন, আর একটা আভরের শিশি। কিছু শুকনো ফুল বিবপত্র, সম্ভবতঃ সেগুলো নির্মাল্য। আর একটা ধূলা-মাখানো ছোট পাথর, নীল কাঁচের মত এক কোণে পড়েছিল। সেটা আমি হাতে পরেছিলাম মূলতা, সেটা ছিল মূল্যবান নীলা। তার কথা থাক। পরে যদি কোন দিন সময় করে এস, তবে তোমাকে বলব। এসবগুলো পুলিশ দেখেও দেখেনি, এতে তাদের প্রয়োজন ছিল না। আমি ওগুলো পরে সংগ্রহ করেছিলাম।

পুলিশ ড্রয়ার বন্ধ করতে গিয়ে আধখোলা রেখেই ছেড়ে দিয়ে খুলেছিল ওই ভাঙা দুটো সিন্দুকের একটা। একটা কৌতুক ঘটেছিল। কৌতুক ছাড়া কি বলব। ছোট-বড় গোটা দশেক কাঁকড়া বিছে সিন্দুকটার খোলা ডালার গায়ে লেগেছিল; তারা আলোর ছটার আর মাহুঘের সাড়ার কিলবিল করে নড়াচড়া শুরু করে, ও-ঘরের ইঁদুরগুলোর মতই চারিদিকে পড়ল ছড়িয়ে। যে সিপাহীটা ডালা খুলেছিল, সে আর বাপ! বলে ডালাটা ছেড়ে দিয়ে পিছিয়ে এসে পড়েছিল একজনের ঘাড়ে। সে আর একজনের। সঙ্গে সঙ্গে সে এক তাণ্ডব। কে পালাবে আগে তাই নিয়ে ছড়োছড়ি। কিন্তু সে মিনিটখানেকের জন্ত। তারপরই পুলিশ-অফিসার দুজন একসঙ্গে ধমক দিয়ে উঠতেই তারা স্থির হয়ে দাঁড়িয়ে বুট দিয়ে চেপে মেকের উপর ছড়িয়ে পড়া কয়েকটা বিছেকে পা দিয়ে চেপে মেরে দিলে এবং কয়েকটা সিন্দুকের তলায় গিয়ে লুকোলো।

পুলিশ-অফিসার এবার এগিয়ে এসে নিজের ডালাটা তুলে ধরলেন। তখন ডালা থেকে নেমে তারা বোধহয় সিন্দুকের ভিতরে থাকবন্দী সাজানো কাপড়ে বাঁধা কাগজের দপ্তরের ভিতর লুকিয়েছে। দুটো-তিনটে তখনও দপ্তরের ফাঁকে উপরের দিকেই ছিল, তারা লেজের দিকটা বেকিয়ে তুলে যুদ্ধের জন্ত প্রস্তুত হয়ে রয়েছে।

ভিতরের দপ্তরগুলোর দিকে তাকিয়ে অফিসারটি বললেন—এর মধ্যে কিছু থাকবে কি? এত কাঁকড়া বিছে?

অন্ত অফিসারটি বললেন—দাঁড়াও জিজ্ঞাসা করি আসি।

এবার ইউরোপীয়ান অফিসার এসে সব দেখে বললেন—দেখতে নিশ্চয় হবে। You must; information is definite. You must.

একটু ভেবে নিয়ে বললেন—ইন্সপেক্টর বাহার নিকালো। দোনোকো।

অর্থাৎ গোটা সিন্দুক দুটো।

তাই হল। সারাব আমাকে প্রশ্ন করলেন—কি আছে এতে? কি এগুলো? ছড়ি দিয়ে দপ্তরগুলোকে দেখিয়ে দিলেন।

বললাম—আমি জানি না।

—জানি না? এ ঘর তোমার নয়?

—হ্যাঁ আমার। কিন্তু আজ আমি প্রথম ঢুকছি এই ঘরে। শুনেছি এ ঘর তালাবদ্ধ আছে আমার জন্মের আগে থেকে।

—মানে?

মানে সংক্ষেপে যতটা বলা যায় বললাম। সাহেব বললেন—আই সী!

বাইরে সিঁদুক দুটো টেনে এনে, ডালা খুলে উণ্টে কেল দিলে। ভিতরের দপ্তরগুলো বেরিয়ে পড়ল মাটির উপর। তারপর লাঠি দিয়ে ঠেলে দপ্তরগুলো নাড়া দিয়ে কঁকড়াবিছের সঙ্কট-মুক্ত করে একটি একটি করে সরিয়ে দেখলে।

এবার বাইরের পূর্ণ রৌদ্রালোকে দপ্তরগুলোকে দেখা গেল ভাল করে। তিনজন অফিসার তিনটে দপ্তর তুলে নিয়ে সম্ভরণে খুলে দেখলেন।

সুলতা, তারই মধ্য থেকে বের হ'ল—আমি যা খুঁজছিলাম তাই। যা বীরেশ্বর রায়ের স্মরণীয় ঘটনার খাতায় নেই, যা রায়বাহাদুর রত্নেশ্বর রায় ডায়রীতে লেখেন নি, তাই সব পেলাম ওই দপ্তরের মধ্যে। রায়বংশের গোপন কলঙ্ককথা বল তাই, অথবা বৈদ্যোক্তার চকমিলান মহলে আধার সুড়ঙ্গ বল তাই।

সুলতা বললে—পাখী ডাকছে—সুরেশ্বর। সকাল হতে দেরি নেই—।

সুরেশ্বর বললে—ভুলিনি সে কথা। তবু কথাগুলো এসে পড়ল। এট কথাটাই ভেবে এসেছি এতকাল। কিন্তু সে থাক। এখন সেদিনের কথাই শেষ করে নি। হ্যাঁ, সেদিন যে দপ্তরটা সাহেব দেখছিলেন, সে দপ্তরে বাঁধা কাগজগুলির কোনটি কোন হিসেবের কাগজ নয়—বিষয়ের কাগজ ছিল না, সবগুলি চিঠি। সারাবটি যে দপ্তরটা খুলেছিলেন তার একখানা চিঠি দেখে বললেন—

My God! Letters—very old letters—1857, September, it is from the District Magistrate of Midnapur to Bireswar Roy. I see.

কিছুটা পড়ে রেখে দিয়ে বললেন—in 1857 these people thought that the Britishers were godsent to this country to save them from the tyrants—Rajas, Maharajas and Nawabs of Bengal and also the Burgee Plunderers from the south, and in 1936 their children are trying to overthrow the same British Government. Ungrateful creatures.

আমার দিকে তাকিয়ে বললেন—Hallo young chap, take this letter. Just read it.

বলে দপ্তরটাসুদ্ধ আমার দিকে ছুঁড়ে দিলে।

\*

\*

\*

চিঠিখানার কথাই আগে বলি সুলতা। চিঠিখানা যেদিনীপুরের ডিস্ট্রিক্ট ম্যাজিস্ট্রেট লিখেছিলেন বীরেশ্বর রায়কে। বীরেশ্বর রায়ই প্রথম চিঠি লিখে তাঁকে জানিয়েছিলেন—তিনি কীর্তিহাটে এই সিপাহী বিদ্রোহের দুর্দিনে এসেছেন—এখানে যাতে কোন হাকামা না হয়, উত্তর ভারতের অপরিণামদর্শী অকল্যাণকর উদ্ভেজনার প্রচার এবং প্রসার না ঘটে তাই দেখবার জন্ত। কলকাতার ১৪ই জুনের অবস্থা তিনি স্বচক্ষে দেখেছেন। নির্দাক্ষণ উৎকর্ষা ভোগ করেছেন। নবাব ওরাজিদ আলি শাও তাঁর দুজন মন্ত্রীকে কোর্ট উইলিয়মে বন্দী করা হয়েছে।



কলকাতার ধনী শিক্ষিত সম্প্রদায় সকলেই এই অবস্থায় অত্যন্ত উৎকণ্ঠিত। তাঁদের সকলেই একবাক্যে স্বল্প গ্রহণ করেছেন যে, এই বর্বর সিপাহীগণের এবং অন্য প্রদেশের কতিপয় অবিবেচক স্বার্থীকৃত অত্যাচারী রাজা ও জমিদার এর সুযোগ নিয়ে উত্তরভারতে যে সর্বনাশ নরকায়ি প্রজ্জলিত করেছেন, সেই অগ্নির বিস্তার যাতে এই শাস্ত ইংরাজস্বরাগী বঙ্গদেশে না হয় তার জন্য প্রাণপণ সমবেত চেষ্টা করতে হবে। আমি মেদীনীপুরে আমার স্বগ্রামে ও আমার জমিদারী এলাকায় থেকে বেশী কাজ করতে পারব বলেই এসেছি এবং অবিলম্বে আমার আসার সংবাদ এবং উদ্দেশ্য আপনাকে জ্ঞাত করা কর্তব্য বোধ করছি। এবং নিবেদন করছি যে, অত্র অঞ্চলে সুসভ্য সুশৃঙ্খল এই ইংরাজ শাসন উচ্ছেদ করবার চেষ্টা যারা করবে তাদের উপর দৃষ্টি রাখাই আমার সংকল্প, এবং সর্ববিধ সংবাদ মাননীয় মহোদয়কে জ্ঞাত করব। অত্র জেলায় পাইক ও চুরাড় বিদ্রোহ এবং এই কিছুদিন পূর্বে জঙ্গল অঞ্চলে সাঁওতাল বিদ্রোহের কথা স্মরণ করেই একথা মাননীয় মহোদয়ের নিকট নিবেদন করলাম।

ডিস্ট্রিক্ট ম্যাজিস্ট্রেট ঠিক এই কথাগুলিই লিখে বীরেশ্বর রায়কে ধন্যবাদ দিয়ে লিখেছিলেন—এসব তথ্য সত্য হলেও ইংরাজ শাসনশক্তি অত্যন্ত সুদৃঢ়। এসব উচ্ছৃঙ্খল শয়তানদের দমন করতে আমরা বদ্ধপরিকর। তোমার এই পত্রে অবশ্যই আমি আনন্দিত হয়েছি, উৎসাহিত বোধ করেছি। কীর্তিহাট জমিদারদের রাজভক্তির কথা সুবিদিত। আমি অত্যন্ত সুখী হয়েছি যে, তুমি এই সন্তর্পণে সময় আপনার শক্তির স্বক্ষেত্রে চলে এসেছ। এবং সক্রিয়ভাবে সরকারকে সাহায্য করতে কাজ করছ। বিশ্বস্তভাবে কাজ করছ জেনে খুশী হয়েছি। ভবিষ্যতে শান্তি ও শৃঙ্খলা ফিরে এলে সরকার অবশ্যই এ কথা মনে রাখবেন।

দপ্তরটার বেশীর ভাগ সরকারী চিঠিপত্র। বীরেশ্বর রায়ের আমলের। রায়েরা সে আমল থেকেই শুধু বিষয়-সংক্রান্ত চিঠিপত্র নিয়মিতভাবে কাইল করার মত থাকে-থাকে সাজিয়ে রাখেন নি, বন্ধুবান্ধবদের চিঠিপত্র তাও রেখে গেছেন। বিখ্যাত রাজনারায়ণ বোসের খানকয়েক চিঠিও পেয়েছিলাম।

ওদিকে তখন দু'নম্বর সিদ্ধকটা বের করে এনে খোলা হল। সে সিদ্ধক বের হল সব বিচিত্র জিনিস। জড়ি-বুট নির্মাণ থেকে নানান জিনিস; শিলাজতু, মৃগনাভি, রাসীকৃত খালি আতরের শিশি, সে আমলের দামী বিলিভী এসেন্সের শিশি, সমস্ত কিছুতে পুরনো আমলের ডগডগে কালিতে নামলেখা কাগজ আঁটা। জড়ি বুটের মোড়কেও নাম লেখা আছে। একটা বিচিত্র নাম আমার মনে আছে—‘রেসা খাদমে’—তার তলায় লেখা আমাশয়ের অব্যর্থ ঔষধ। এ ছাড়া বেরিয়েছিল কতকগুলো ছোরা।

পুলিশ অফিসারেরা উৎসাহিত হয়ে উঠেছিলেন। কিন্তু ছোরাগুলির বাঁটে কাগজ আঁটা—তাতে লেখা ছিল—‘চিতোরের রাজপুত্র ছোরা’, ‘মোগল বাদশাহ বংশের ছোরা’; ‘মুরশিদাবাদের নবাব বংশের ছোরা’; এই তিনটেই পড়া গিয়েছিল, বাকীগুলোর লেখা বিবর্ণ হয় নি কিন্তু কাগজ ছিঁড়ে ছ’একটা অক্ষর-ছাড়া বাকীটা ছিল না।

আর পাওয়া গিয়েছিল—ছোট বড় মাঝারি সাইজের দক্ষিণের পিডলের এবং পাথরের পুতুল। শিল্পের অপূর্ব নিদর্শন। কিছু পাওয়া গিয়েছিল নানা আমলের তামা ও রূপোর টাকা।

একটি ক্ষতিকের নারীমূর্তি হাতে নিয়ে সাহেব একেবারে মুগ্ধ হয়ে গিয়েছিলেন। আমি তখন কাগজের দপ্তর নিয়ে ব্যস্ত। কতকগুলো কাগজ ছড়িয়ে পড়েছে। দপ্তরের কাপড়গুলি সাধারণ কাপড় নয়, রেশমের ঝাড়া থেকে ‘কেটে’ ভৈরি হয়—সেই কাপড়ে বঁধা। মূল্য

তার ফাইন সিদ্ধ থেকে কম হলেও মজবুদ বেশী। তাতে লেখা রয়েছে সাল সন এবং বিষয়। আমি ওই ছড়িয়ে পড়া কাগজগুলো কুড়োতে গিয়েও একবার ক'রে চোখ না বুলিয়ে পারি নি। যদি সূত্র পাই !

সাহেব আমাকে ডাকলেন—হ্যালো বর !

একজন অফিসার বললেন—সাহেব ডাকছেন।

এসে দাঁড়ালাম। বলতে হ'ল—Yes sir.

সাহেব মূর্তিটা দেখতে দেখতেই বললেন—আমি শুনেছি তুমি একজন আর্টিস্ট। এবং একজন এলিট ব্যক্তি।

বললাম—আর্টিস্ট আমি বটে—ছবি আমি আঁকি কিন্তু এলিট কি না কি করে বলব ?

তিনি বললেন—আমি জানি, তুমি ঠিক এই ডিস্ট্রিক্টের লোক নও। তুমি কলকাতার লোক। তোমার বাবা একজন কেমাস জার্নালিস্ট ছিলেন, In the editorial staff of the Englishman and a regular contributor to the Statesman. তোমার একখানা চিঠি স্টেটসমানে বেরিয়েছিল সেও আমি জানি। I am sorry, Mr. Roy, যে তোমার ঘর আমাকে সার্চ করতে হচ্ছে। That badmash—young cousin of yours—

আমি সংশোধন ক'রে দিলাম—No Sir, he is my uncle.

—Uncle ?

—Yes sir, uncle.

—ভাই। তার জন্তে তোমার ঘর সার্চ করতে হচ্ছে।

আমি নীরবে একটু হাসলাম।

এবার সাহেব বললেন—তুমি বলতে পার এ মূর্তিটি কি ? অত্যন্ত সুন্দর নয় ?

দেখালেন তিনি আমাকে। আমি দেখলাম। সত্যি সে মূর্তিটি অপূর্ব। সে মূর্তি আমি ছবিতে দেখেছি। প্রাচীনকালের ভাস্কর্যের নিদর্শন। খাজুরাহো মন্দিরে কোনারকের মন্দিরে এসব মূর্তি খোদাই করা আছে—মিথুন মূর্তি !

এবার আমি বাকী মূর্তিগুলির দিকে তাকিয়ে দেখলাম। দেখলাম কয়েকটাই এ মূর্তি আছে। কয়েকটা কেন—অনেকগুলো। তা ছাড়া উড়িষ্যার পত্রলেখা, প্রসাধনরতা নারীমূর্তি তাও রয়েছে।

রায়বাহাদুর এগুলি সংগ্রহ করে এনেছিলেন তীর্থভ্রমণে গিয়ে। দক্ষিণের নটরাজমূর্তি, ছোট ছোট দেবমূর্তি এও রয়েছে।

আমি বললাম—আমি খুব খুশী হব ওই মূর্তিটা আপনি যদি নেন।

সাহেব বললে—না। সার্চ করতে এসে এ আমি নিতে পারি না।

অফিসারটি কাছে এসে বললেন—পরে পাঠিয়ে দেবেন। বুঝলেন !

আমি ঘাড় নেড়ে সম্মতি জানিয়ে বললাম—জা হ'লে ওই দপ্তরগুলি কি আমি এবার গুছিয়ে নিতে পারি ?

সাহেব বললেন—Oh yes, নিশ্চয় তুমি গুলি কুড়িয়ে গুছিয়ে তুলে নিতে পার। তোমার বিরুদ্ধে আমাদের অভিযোগও কিছু নেই। কিন্তু বাধ্য হয়ে এ ঘর আমাদের সার্চ করতে হল। We got information—that Atul used to keep dangerous things in the room. ওই ভাড়া জানালা দিয়ে সে এ ঘরে ঢুকত !

আমি চট ক'রে বলে ফেললাম সুলভা—তাহলে অতুলকে সঙ্গে আনলেই তো পারতেন, সে দেখিয়ে দিত কোথায় রেখেছে।

সাহেব বললেন—Oh Mr. Roy, সে পাথরের চেয়েও শক্ত। সে ভাঙে তবু কথা বলে না। বলেছে আর একজন। এবং সে সত্যি বলেছে তাতে সন্দেহ নেই। তবে পরে অতুল সরিয়ে থাকতে পারে অথবা আরও কেউ আছে যে ধরা পড়েনি, সে সরিয়ে থাকতে পারে।

একজন অফিসার এই সময় এসে স্ট্রাল্ট করে দাঁড়ালেন। তাঁরা রায়বাজীর অন্তরমহল সার্চ করছিলেন।

সাহেব জিজ্ঞাসা করলেন—Have you finished ?

অফিসারটি বললেন—Yes sir, we have got the pistol.

—Pistol ? You have got it ?

—কোথায় পেলে ?

—অতুলের সংমা আমাদের হাতে একটা কাঠের বাস্ক বের ক'রে দিয়ে বললেন—অতুল এটা তাঁকে রাখতে বলেছিল যত্ন করে, ওই মিটিংয়ের দিন দিয়েছিল, বলেছিল—পুলিশ এসে যদি ধরে তাকে, তবে তিনি যেন এটা যত্ন করে রেখে দেন, সে ফিরে এসে নেবে। কিংবা কেউ তার হাতের চিঠি নিয়ে এলে দেবে। আর পুলিশ যদি না ধরে, তবে এসেই সে নেবে। প্রথম তাঁর কোন সন্দেহ হয় নি। আজ এখন সব শুনে সন্দেহ হচ্ছে বলে তিনি বের ক'রে দিচ্ছেন। এতে কি আছে তা তিনি ঠিক জানেন না। আমরা লোহার শিক দিয়ে চাড় দিয়ে বাস্কটা খুলে দেখলাম—পিস্তল।

সাহেব হনহন ক'রে এগিয়ে গেলেন। কিছুদূর গিয়ে হঠাৎ দাঁড়িয়ে আমাকে ডাকলেন—Mr. Roy !

আমি তাঁর দিকে ফিরে তাকালাম।

—তোমার বাজীতে থাকবে তুমি। তোমার বাজীও আমরা সার্চ করব।

আর পার নি কিছু ওরা সার্চ ক'রে ; ওই পিস্তলটা বের করে দিয়েছিলেন মেজঠাকুরমা। ওরা সার্চ শেষ করে যাবার সময় মেজঠাকুরমাকে অ্যারেস্ট ক'রে নিয়ে গেল।

আমি স্তম্ভিত হয়ে গেলাম—মহা বিব্রত হয়ে পড়লাম। বুঝতে পারলাম না এটা কেমন ক'রে হল ! মেজদি রেখেছিল অথচ আমাকে বলেনি ? কার্টিজগুলোর খবর অস্ত্রাস্ত্র জিনিসের খবর আমাকে দিলে, অথচ পিস্তলটা দিলে না, এর রহস্য আমি বুঝতে পারছিলাম না।

বুঝিয়ে দিল অর্চনা এসে। তার চোখ দুটো কৈদে কৈদে লাল হয়ে উঠেছে। আমি তখন অপরাহ্নবেলায় চুপ ক'রে কাঁসাইয়ের ধারের জানালাটা খুলে সেইদিকে তাকিয়ে এই কথাই ভাবছিলাম। ডিক্রুজ রাজা ওই দপ্তরগুলো খাস কাছারীর উঠোন থেকে বয়ে এনে একটা ঘরে থাক্ থাক্ ক'রে রাখছিল। ছ নম্বর সিন্দুকটার যাবতীয় জিনিস তাও আনছিল। রঘু খাবার করছিল। সারাদিন খাওয়া হরণি, সে রান্নাও চড়াতে পারে নি। বিবিমহলও সার্চ ক'রে গেছে পুলিশ। সাহেব আমার ঘরের মদের খালি বোতল এবং ভর্তি বোতলগুলি দেখে খুলেই হন নি শুধু, খানিকটা খেয়েও গেছেন, আমার আঁকা যে ছবিগুলো ছিল তারও তারিক করেছেন। সম্ভবতঃ প্রত্যাশা করেছেন আমি ওই মূর্তি এবং একখানা ছবি স্তকে পাঠিয়ে দেব। এমন সময় অর্চনা এসে দাঁড়াল।

আমি শাস্তভাবেই বললাম—আর।

সে সামনেই জানালাটার একটা পান্না ধ'রে দাঁড়াল। চুপ ক'রে দাঁড়াল। হঠাৎ একসময়

বললে—আমার জন্তে—। আর বলতে পারলে না, কেঁদে কেঁদে লে।

আমি চমকে উঠলাম শব্দ ছুটো শুনে। বললাম—তার মানে ?

সে কান্ডেই লাগল।

—অর্চনা !...অর্চনা !

এবার সে কান্ডেই কান্ডেই মুহূৰ্ত্তে বললে—ওটা ছোট্টকা ক'দিন আগে কোথেকে এনে আমাদের দিয়ে বলেছিল—এটা রেখে দে। বুঝলি ! হয়তো মিটিংয়ের দিন হাঙ্গামা করবে পুলিশ। যদি এসে পি আসে তবে আমি ছুটে এসে নিয়ে যাব। যদি আমাদের ধরে তবে একজন কেউ এসে ঠাকুরবাড়ীতে অতিথি হয়ে থাকবে—রামকৃষ্ণ জয় রামকৃষ্ণ জয় বলে হাঁকটাক দেবে সন্ন্যাসীরা যেমন দেয়। তুই তাকে প্রণাম করবি, সে তোকে একটা শাঁখের আখটি দিয়ে বলবে, আঙুল পরো মা সিদ্ধ হবে ! তারপর তুই কোন ফাঁকে এটা দিয়ে দিবি। আমি—

কান্নার ধামতে ধামতে বলছিল সে। ছোট্টকা বলেছিল—খবরদার আঁচি, এটা যেন না যায়। খবরদার। তাই সব কেলে দিয়েও ওটা আমি সেদিন কেলি নি, তোমাদের বলি নি। আজ যখন ওরা এসে ঘিরলে আর খাস কাছারীর তাল ভেঙে ঢুকল, তখন বুঝলাম সব কেউ বলে দিয়েছে। তখন আমি মেজদিকে বললাম। ওটা আমার বাস্কের মধ্যে কাপড়ের ভিতরে ছিল। মেজদি বললে—সর্বনাশী, করেছিস কি ? দে আমাদের দে, আমি যা হয় করছি। আমার হাত থেকে বাস্কটা নিরেই মেজদি বারান্দা থেকে একজন সাবইনস্পেক্টরকে ডেকে ওই কথা বললে।

আমি বুঝলাম এবার।

মনে মনে ওই পুজুরী বামুনের যে মেয়েটি এ বাড়ীতে একান্তভাবে অরব্ব আর মাথা ওঁজবাব আশ্রয়ের জন্ত পঞ্চান্ন বছরের বৃদ্ধকে বিবাহ করে দাসীপনা করেছে এককালে স্বামী—স্বামীর মৃত্যুর পর নানা গল্পনা মিথ্যা কলঙ্ক সঙ্ক করে রায়বংশধরের কাছে মাসোহারা নিয়ে এক কোণে পড়েছিল, তাকে প্রণাম ক'রে বললাম—এ বংশ লোকে বলে ভবানী দেবী নাকি এ বাড়ীর মহারসী বধু, তাঁর পুণ্য তাঁর তপস্তার তুলনা মেলে না। তাঁর কথা আমি জানি না। পাই নি এখনও সব। কিন্তু তোমার তুলনা নেই তুলনা নেই তুলনা নেই !

যুবতী কুমারী অর্চনাকে বাঁচাতে আজ তুমি সব দায় নিজের ঘাড়ে নিয়ে হাতকড়া প'রে জেলখানায় গেলে।

সেদিন আমি সাব্বনা দিয়ে অর্চনাকে ও-বাড়ী পাঠিয়ে বলেছিলাম—আমি যা হয় করব অর্চনা—তুই ভাবিস নে !

\*

\*

\*

সেদিন রাজিটি ঠিক আজকের এই রাজিটির মতই স্নগজ, আমি স্থান কাল সমস্ত কিছু থেকে বিস্মৃত হয়ে ওই চিঠির দপ্তর খুলে বসেছিলাম।

বাধ্য হয়ে বসেছিলাম। কারণ এই জানবাজারের প্রকাণ্ড বাড়ীতে নিঃসঙ্গ একক হয়ে থাকতে থাকতে তোমাকে দেখে, তোমার সঙ্গে জীবন বেঁধে, পরিপূর্ণ করবার আরোহণ করতে করতে হঠাৎ সরকারী ভাবে কীৰ্ত্তিহাটে এসে মেজদির মধ্যে পেরেছিলাম মাকে, পেরেছিলাম সহোদরার মত বড়দিককে ; বাড়লা দেশের বাড়ালীঘরের ঠানদিকে। জীবনটা আমার ভ'রে রেখেছিলেন, আমাকে ক'রে রেখেছিলেন একটি নাবালক কিশোর বালক। আমি সমাদরের লোভে ভাই হয়ে উঠেছিলাম। কীৰ্ত্তিহাটের সবই আমার কাছে ছিল অকচির বস্তু। কিন্তু তিনিই ছিলেন আমার ঋচি—কীৰ্ত্তিহাটের স্বাদ।

১৯৩৬ সাল, মেদিনীপুর জেলা, পর পর তিন তিন জন ডিস্ট্রিক্ট ম্যাজিস্ট্রেট খুন হয়েছে, ১৯২১ সাল থেকে এ পর্যন্ত গোটা জেলাটায় কীর্তিহাটে রায়দের প্রভাবে গড়া ইউনিয়ন বোর্ড ছাড়া অধিকাংশ জায়গাতে ইউনিয়ন বোর্ড হয় নি, হলেও ট্যাক্স আদায় হয় নি। দেশপ্রাণ বীরেন্দ্র শাসনের সে যুদ্ধের আশুন এখনও জ্বলছে, মেদিনীপুর ক্ষুদ্রিকার জন্মভূমি; সারা জেলাটায় ইংরেজ পুলিশ দিয়ে কিছু করতে না পেরে গাড়োয়ালী পণ্টন এনে জেলা শাসন করছে। ১৯৩৪ সালে ব্রজকিশোর, রামকৃষ্ণ, নির্মলজীবনের ফাঁসি হয়ে গেছে।

অর্চনা বলে গেল—অতুল বলেছিল—কেউ আসবে রামকৃষ্ণ জয় রামকৃষ্ণ জয় বলে। তার হাতে পিস্তলের বাস্তু যেন সে দেয়।

রামকৃষ্ণদের সঙ্গে অতুলের সংযোগ রয়েছে। স্মৃতরাং কত বড় এবং জটিল মামলা পুলিশ গড়তে পারবে, সে পুলিশ জানে, কিন্তু পিস্তলটা যখন মেজদিদি নিজে বের করে দিয়েছে তখন অন্ততঃ তাঁকে আর্মস আক্টে সাজা না দিয়ে ছাড়বে না!

এর প্রতিকার মামলা। কিন্তু মামলা করেও তো ফল হবে না। উদ্বেগ এবং উৎকণ্ঠার আমার শেষ ছিল না। কোন দিকে এক বিন্দু আলো আমি দেখতে পাচ্ছিলাম না। তাই অশ্রুমনস্ক হবার জন্তই ওই পুরনো চিঠির দপ্তর নিয়ে বসেছিলাম।

চিঠির পর চিঠি; সে দপ্তরটার সবই ম্যাজিস্ট্রেট, এস পি, এস ডি ও সাহেবদের চিঠি। বীরেন্দ্র রায়ের লেখা চিঠির নকলও কিছু কিছু ছিল। সব চিঠিই ইংরেজের জয়গানে মুখরিত। সেটা ভাল লাগে নি।

অন্ত একটা খুলে ছিলাম। কাপড়ে সাল সন দেখেই খুলেছিলাম। সে ১৮৫৭ সাল। তার মধ্যে প্রথমেই পেরেছিলাম মেদিনীপুর জেলা ইন্সপেক্টর হেডমাস্টার বাংলাদেশের বিখ্যাত রাজ-নারায়ণ বন্দুর পত্র।

সত্যেন বোস, কানাইলালের সঙ্গে শত্রুতায় নরেন গোসাঁইকে মেরে ফাঁসি গিয়েছিলেন—রাজনারায়ণ বোস সত্যেন বোসের পিতামহ। অরবিন্দ ঘোষ বারীন ঘোষের মাতামহ। তাঁকে পত্র লিখেছিলেন বীরেন্দ্র রায়, কি লিখেছিলেন তার নকল নেই, তবে তিনি যে কলকাতার অবস্থা লিখেছিলেন তার উল্লেখ ছিল চিঠিতে—

“আপনার পত্রে কলিকাতার বর্তমান অবস্থার কথা সম্যক অবগত হইলাম এবং যুগপৎ ভীত হইলাম ও দুঃখ অনুভব করিলাম। আপনি কলিকাতার ইংরাজদিগের উদ্বেগ এবং গবর্নর জেনারেল লর্ড ক্যানিং মহোদয়কে এদেশের সমুদয় লোকের উপর উত্তেজিত করিবার প্রয়াসের কথা লিখিয়াছেন, তাহাতে উদ্বেগ বৃদ্ধি পাইল। আবার অযোধ্যার নবাব সাহেব ওয়াজিদ আলি শাকে কেল্লার মধ্যে বন্দী করিবার সময় তিনি যে গলদঙ্গ হইয়া বিলাপ করিয়াছেন, তাহাতে কে দুঃখিত না হইয়া থাকিতে পারে। এবং গবর্নর জেনারেল বাহাদুর লর্ড ক্যানিংকে নমস্কার জানাই। ক্লেমেন্সি ক্যানিং তাঁহার সার্থক নাম। কোনরূপেই বৃদ্ধিতে পারিতেছি না মঙ্গল কিসে? ইংরেজের সভ্যতায় আমাদের এই নবজাগরণের সময়—ইহার বিপর্যয় ঘটিলে আবার আমরা অজ্ঞানতার অন্ধকারে নিমজ্জিত হইব। ইহা নিশ্চিত।

তবে অত্র জেলায় অবস্থাও আদৌ শান্তিপূর্ণ নহে। বড়ই ভীতির মধ্যে বসবাস করিতেছি। এখানেও সিপাহী বিদ্রোহের ভারতব্যাগী তরঙ্গ আসিয়া পৌছিয়াছে! যে মাসে একজন তেওয়ারী ব্রাহ্মণ সিপাহী আসিয়া অত্রস্থ রাজপুত্র জাতীয় সিপাহীর পণ্টনকে বিগড়াইবার চেষ্টা করে। কর্নেল ফস্টার উক্ত পণ্টনের অধিনায়ক, তিনি তেওয়ারীকে ফাঁসি দিয়াছেন। এবং পণ্টনের সিপাহীদিগকে ধান্দুবা লইয়া বিধস্ত থাকিবার শপথ লওয়াইয়াছেন। ফস্টার সাহেবের

একজন রাজপুত্র রমণী রক্ষিতা আছে। উক্ত রমণী অৰ্পণে ফস্টর সাহেবের সঙ্গে ঘুরিতেছে এবং পণ্টনের সিপাহীদিগকে বুঝাইতেছে।

তথাপি আশঙ্কার শেষ নাই। সাহেবগণ কাঁসাই নদীতে নৌকা প্রস্তুত রাখিয়াছে। প্রয়োজন হইলে স্ত্রীপুত্রদের চাপাইয়া ইংলও অভিযুগে রওনা করিয়া দিবে। হিজলীর মুখে জাহাজে চড়িবে। আমরাও খুব ভীত ভাবে দিনাতিপাত করিতেছি। ইঙ্কলে পেণ্টালুনের ভিতর ধুতি পরিয়া থাকি। যখনই সিপাহী আসিবে তখনই পেণ্টালুন চাপকান ছাড়িয়া ধুতি ও চাদর বাহির করিয়া কেলিব। সিপাহীদিগের পেণ্টালুনের উপর খুব রাগ।

এখানকার অবস্থা সমুদয় জ্ঞাত করিলাম। কলিকাতার অবস্থার সঙ্গে তুলনীয় না হইলেও ভয় রহিয়াছে। তবে কলিকাতা হইতে চলিয়া আসিয়া ভালই করিয়াছেন। এবং এখন হইতে এখানে থাকিবার সংকল্প করিলে আরও সুখী হইব। মহাশয়ের সহিত পরিচয় না থাকিলেও আপনার নাম শুনিয়াছি। একটি মধ্য ইংরাজী ইঙ্কল স্থাপনের কথা পূর্বে শুনিয়াছিলাম কিন্তু মহাশয়ের পত্নী বস্ত্রার জলে ভাসিয়া যাওয়ার নিরতিশয় দুঃখে এখান হইতে কলিকাতায় গিয়াছিলেন বলিয়া তাহা কার্যে পরিণত হয় নাই। এখন যখন কিরিয়া আসিয়াছেন তখন এই সকল জাতীয় কল্যাণমূলক কার্যগুলি সম্পাদনকরতঃ মনুষ্যজীবন সফল সার্থক করুন।”\*

চিঠিপত্র নিয়েই সেদিন ও সারারাত্রি আমার কেটে গিয়েছিল স্মৃতি। মধ্যে মধ্যে ঢুলেছি। কিছুক্ষণ ঘুমিয়েছি। আবার জেগেছি আবার পড়েছি। এমনভাবেই তখন ভোর হচ্ছে, এমন সময় ঘোষ নায়েব, যাকে মেদিনীপুর পাঠিয়েছিলাম অতুলেশ্বরের জামীনের জন্তে, সে কিরে এল উকীলের চিঠি নিয়ে।

ভাল উকীল তিনি। নতুন উঠছেন। তিনি পত্র লিখেছেন, চেষ্টা তিনি করছেন। কিন্তু বর্তমান অবস্থা খুবই প্রতিকূল। তবে শোনা যাচ্ছে বৃদ্ধ রিটার্ডার্ড আই-সি-এস গ্রিফিথ সাহেব চলে যাচ্ছেন। আসছেন বাঙালী আই-সি-এস—বি আর সেন। সেন সাহেবের সুশাসক বলে সুনাম আছে। এবং জোর গুজব এবার গভর্নমেন্ট এত কড়াকড়ির পর একটা আপোস করবার চেষ্টা করবেন লোকদের সঙ্গে। তার আর বিলম্ব নাই। সপ্তাহখানেকের মধ্যেই সেন-সাহেব চার্জ নেবেন। এবং কড়াকড়ি অনেক শিথিল হবে। বর্তমান কেসের অবস্থা এমন গুরুতর নয়। মাত্র ১৪৪ ধারা ভঙ্গ। তবে গোপনে জানলাম রামকৃষ্ণ, যার ফাঁসি হয়েছে, তার দলের সঙ্গে যুক্ত করবার চেষ্টা করছে। তা হ'লেও সেনসাহেব এলে সাধারণ ভাবেই বিচার হবে। তাতে ছ' মাস পর্যন্ত জেল হতে পারে। তার বেশী নয়।

তখনও মেজদি হাতকড়া প'রে মেদিনীপুরে উপস্থিত হন নি।

আমি ভাবছিলাম—আমি গিয়ে সেন-সাহেবের কাছে হাতজোড় ক'রে বলব, এ মহিলাটি একান্তভাবে নির্দোষ। এঁকে দয়া ক'রে ছেড়ে দিন। সন্তানবাংসল্যের পুণ্যের উপর এমন নিষ্ঠুর আঘাত হানবেন না।

এক সপ্তাহের মধ্যে সেনসাহেবও এলেন, আমিও গেলাম, পুলিশসাহেবকে সেই মূর্তিটা শুধু নয় আরও দু' তিনটে ওই ধরণের মূর্তি এবং আমার আঁকা ছবিও দিয়ে দেখা করে এলাম। নিবেদন জানিয়েও এলাম।

\* পত্রখানির সর্ব রাজসারসংগ্রহ বহুর জীবনী হ'তে গৃহীত। কিছু কিছু মেদিনীপুরের ইতিহাসের ঘটনার কথা—এর মধ্যে বেওয়া হয়েছে। যেমন—কর্নেল কপ্টরের রাজপুত্র অপহরণের কথা।

সেটেলমেন্ট তখন বন্ধ হয়েছে করেক মাসের জন্য। কিন্তু মেজদির জন্তে কলকাতার ফিরে আসা আমার হল না। আমার অবলম্বন হল ওই দপ্তর।

প্রায় আশী বছর স্থলতা, ১২৩৬ সাল থেকে ১৮৫৭, আশী বছরের এক বছর কম হবে, উনআশী বছর, সাতান্ন সাল আর ৩৬ সালের মাস করেকটা যোগ দিলে পূর্ণ আশী বছর। এই আশী বছর পূর্বের বাংলাদেশের মধ্যে বিচরণ করে এ কালকে ভুলে রইলাম। মনে রইল শুধু দুটি একালের মুখ। একটি মেজদির, অষ্টটি তোমার। তবে মেজদির চেয়ে তুমি স্নান হয়ে গিয়েছিলে এ সত্য আমি স্বীকার করব। একটা রক্তমাখা মসলিনের ঘবনিকা তোমাকে আড়াল করে দাঁড়িয়েছিল।

এরই মধ্যে একে একে আবিষ্কার করলাম সব। পেলাম সব।

স্মরণের বললে—চার মাস ধরে এই চিঠিপত্রগুলি সব পড়েছিলাম স্থলতা। প্রথম প্রথম বেছে বেছে পড়েছিলাম, তারপর নির্বিচারে সব।

প্রথম বেছে বেছে পড়েছিলাম মানে, চিঠির কিছুটা পড়ে আমি খুঁজছিলাম, রায়বাড়ীর যে সত্যকে রত্নেশ্বর রায় ভয় পেয়ে নিজের ডায়রীতে লেখেন নি। বীরেশ্বর রায় লিখতেন, তিনি সব দোষ সম্বন্ধেও নির্ভীক পুরুষ ছিলেন, সত্যকে তিনি না-লেখা হতেন না। এ সত্য তাঁর সময়ে তাঁর সম্মুখেই আবিষ্কৃত হয়েছিল। কিন্তু স্মরণীয় ঘটনার খাতা লেখা তিনি বন্ধ করেছিলেন। সে সত্য তাঁরা যেভাবে দেখেছিলেন, তা বড় ভয়ঙ্কর স্থলতা। পড়ে আমিও ভয় পেয়েছিলাম। মনে মনে বার বার কুসংস্কার বলে উড়িয়ে দিতে চেয়েও পারি নি। কিন্তু এই সত্যটুকু আবিষ্কার করতে গিয়ে নূতন সত্য আবিষ্কার করলাম। সেই ঘটনাটাই আগে বলি, তখনও পর্যন্ত যে কথা গোপন করে গেছেন রত্নেশ্বর রায়, যা লিখে যান নি বীরেশ্বর রায়, তা আমি পাই নি। কিন্তু নতুন যেটা পেলাম, তা বিশ্বস্বকর।

মেজদি আর অতুলের মামলাটা হঠাৎ মাঝখানে ঘোরালো হয়ে উঠল। আমাদের কীর্তিহাটের পাশের গ্রামের হরি সিং দকাদার মাঝখানে তার নিজের ষোল বছরের ছেলেকে পুলিশের কাছে হাজির করলে। ছেলেটার নাম শিবু। কীর্তিহাটের স্থলে পড়ত। অতুল কীর্তিহাটের স্থল থেকে ছেলে সংগ্রহ করত। ছেলেটার কাছ থেকে হরি সিং নিজের বের করেছিল একখানা ছোরা, কতকগুলো ইস্তাহার, আর খানকরেক চিঠি। অতুলের লেখা চিঠি। অতুল—মেজদি অ্যারেস্ট হবার মাসখানেক পর, তখন আমি মেদিনীপুর শহরে একটা বাসা নিরেছি, মধ্যে মধ্যে বাই, থাকি। মামলার তদ্বির করি। আশা হচ্ছিল, অন্তত উকিল বলছিলেন সম্ভবতঃ মেজদির জামিন হবে, এবং তিনি খালাস পেয়ে যাবেন। কারণ তিনি তৌষ্টিক জানতেন না যে, ওই বাস্তুটার মধ্যে পিস্তল আছে।

হঠাৎ সেদিন গিয়ে শুনলাম, হরি সিংয়ের ছেলে অ্যারেস্ট হয়ে, জট পাকিরে, মামলা ঘোরালো হয়ে উঠেছে। ছেলেটা স্টেটমেন্ট দিয়েছে যে, অতুলবাবুর দলের ছেলে সে। পুলিশ, ইংরেজ এদের মারবার জন্তে খুব বড় দল আছে, তার নাম সে জানে না। সে অতুলবাবুকে লীডার জানে, আর করেকজনকে জানে। এ ছোরা, ইস্তাহার সে অতুলবাবুর কাছে পেয়েছে। তিনি রাখতে দিয়েছিলেন। অতুলবাবুর কাছে পিস্তল, গুলী আছে। সে দেখেছে। ক' বছর আগে মেদিনীপুর সদরঘাটে কাঁধীর এস-ডি-ও আর পুলিশসাহেব সামসুদ দোহাকে গুলী করে মারবার কথা যখন হয়েছিল, তখন সে অতুলবাবুর সঙ্গে মেদিনীপুরের সদরঘাট পর্যন্ত গিয়েছিল। কিন্তু এমন পুলিশ ছিল চারিদিকে যে, কেউ কাছে যেতে পারে নি। মেদিনীপুরের ছজন বড় নেতা ছিল। তাঁদের নাম সে জানে না। তারা কিরে



এসেছিল। অতুলবাবু শঙ্কর সেন আর দোহাসাহেবকে মারতে পারেন নি বলে রাস্তার কঁদেছিলেন। কীর্তিহাটে ফিরে অতুলবাবুর বাড়ীতে জল খেয়ে সে বাড়ী গিয়েছিল। অতুলবাবুর মা জল খেতে দিয়েছিলেন। অতুলবাবুকে বলেছিলেন—আমার ভাগ্যি যে ফিরেছিল। তুই ফিরবি, এ আশা আমি রাখি নি। এর পর পুলিশ ভাবছে, শুধু আর্দস অ্যাক্টে কেস করবে, না কম্পিরেসি কেস করবে।

পুলিশের আপত্তিতে মেজদির সঙ্গে ইন্টারভ্যু পর্যন্ত পাই নি সেদিন। কীর্তিহাটে ফিরে এলে—তখন এই মামলার সময় ধনেশ্বর কাকা আসতেন, কল্যাণেশ্বর আসত, বিমলেশ্বর কাকা আসতেন, খোজ নিতেন মামলার কি হল? প্রণবেশ্বরদা পালিয়ে এসেছিলেন কলকাতায়, পাছে এর সঙ্গে জড়িয়ে পড়েন বলে।

হরি সিংয়ের ছেলে শিবু সিং ধরা পড়ে কেস জটিল হয়েছে শুনে ধনেশ্বর কাকা বলেছিলেন—নারায়ণ, নারায়ণ! হরি সিংয়ের ছেলে? সর্বনাশ, সর্বনাশ!

তারপর তাঁর অভ্যন্তর অ্যাক্টিংয়ের ভক্তিতে বলে উঠেছিলেন—এ মিথ্যা, এ মিথ্যা, এ মিথ্যা! কিছুক্ষণ স্তম্ভিত হয়ে থেকে বলে উঠেছিলেন—বা-রে অদৃষ্ট বা! বা-রে তোর রচনা করা জাল! যখন বিপক্ষে তুই বাস, তখন লোহার বাসরঘরে সূচীছিদ্রে ঢোকে কালনাগিনী। বেহুলার পায় কালঘুম। মতিভ্রম ঘটাস তুই!

কথাটা বুঝতে পারি নি। তারপর পরিষ্কার হয়েছিল। কল্যাণেশ্বর জিজ্ঞাসা করেছিল—হরি সিংহের পূর্বপুরুষের সঙ্গে কি একটা ঘটছিল না জ্যাঠামশায়?

ধনেশ্বর কাকা বলে উঠেছিলেন—গোপাল সিং, দুর্ব্ব গোপাল সিং। মহিষাদলের মণ্ডলান মোজা বীরপুর বীরেশ্বর রায় বন্দোবস্ত নিয়েছিলেন, গোপাল সিংকে শাস্তি দিতে। দিয়েছিলেন বীরেশ্বর রায়। মামলায় মামলার সর্বস্বান্ত করেই ক্ষান্ত হন নি, মোজা বীরপুরের মণ্ডলী কেড়ে নিয়ে সকলের সমক্ষে কাছারীর মেঝের উপর খড় কেলে দিয়ে বলেছিলেন, দাঁত দিয়ে গুঁটাও। তারপর নিজের চোখের সামনে রাখবার জন্ত তাকে এনে বাস করিয়েছিলেন পাশের গ্রামে। জমি-জেরাত দিয়েছিলেন। ঘর করবার টাকা দিয়েছিলেন। সবই দিয়েছিলেন। হুকুম ছিল, রোজ সকালে এসে সেলাম দিয়ে যাবে। তার জন্ত একটা বার্ষিক বৃত্তি ছিল তার। সর্দারী বৃত্তি—গোপাল সিং। বন্ধ করেছিলেন আমার বাবা।

কণ্ঠস্থ স্বাভাবিক হল তাঁর, অথবা করুণ হল, বললেন—তখন বাবার অবস্থা হীন হয়েছে। যোগেশ্বরদা যজ্ঞেশ্বরদা কলকাতায় সেখানকার ঐশ্বর্যে মত্ত। কীর্তিহাটের মান্না-মমতা নেই। সেবার খিয়েটার হচ্ছে আমাদের, ওই হরি সিং-এর বাপ তখন বুড়ো, হরি সিংয়ের বয়স আঠারো-উনিশ। হরি সিংয়ের বাপ রাম সিংয়ের কথা ছিল, ঘুরে ঘুরে গোলমাল খামাবার। বুড়ো ভা না করে ইচ্ছুর বেঞ্চে বসে তামাক খাচ্ছিল। প্রফুল্ল প্লে। বাবা নিজে যোগেশ। আমি নব-যুবক। আমি সেবার প্রথম নামব। আমি শিবনাথ। বাবা গ্রীনরুমের দরজায় দাঁড়িয়ে ইঁাকলেন, রাম সিংকে ডাক তো রে, বেঞ্চিতে বসে আছে। তিনি যে কি করে তার ভক্তলোকদের সঙ্গে বেঞ্চে বসে হাঁকোর তামাক খাওয়া দেখেছিলেন, তিনিই জানেন। আমাদের চাপরাসী বোগীন্দ্র পাড়ে ডাকতে গিয়ে ফিরে এসে বললে—সে বললে—এখন উঠলে তার জায়গা যাবে। পরে দেখা করবে। তা সে রাজ্জে তো এলই না। পরে একদিন এলে বাবা বললেন—রাম সিং, তোমরা একটা বৃত্তি পাও আমাদের কাছে, খাতাতে লেখা আছে, সর্দারী বৃত্তি মাসিক এক টাকা হিসাবে বারো টাকা। নিচে দাগ দিয়ে লেখা আছে, নিত্য কাছারীতে হাজিরা দিবার জন্ত এবং জিন্নাকর্মে-পার্বশে সর্দারী কাম নির্বাহের জন্ত! ও বৃত্তি

আমি বন্ধ করলাম। বুঝেছ! বেষ্টিতে বসে হুকো টেনে সর্দারী করা হয় না।

রাম সিং চূপ করে ছিল, এই হরি সিং সঙ্গে ছিল, সে বলেছিল—সে সব দিন চলে গিয়েছে বাবু। মাসে এক টাকায় এখন গরুর রাখাল মেলে না। আর বৃত্তি? সে না পাই তো দেখা যাবে আদালতে। আদালতও করেছিল, কিন্তু তাতে হেরেছিল। খাতার লেখার নমুনা আদালত ফেলতে ধারে নি। আমার মনে পড়ল। সেদিন পর্যন্ত ফাইলে চিঠিপত্রের মধ্যে দিয়ে যে পর্যন্ত এসেছি, তাতে মিউটিনির সময় বীরেশ্বর রায় কীর্তিহাটে এসে পাকা হয়ে বসেছেন। নতুন পস্তনী নেওয়া জমিদারীর খাজনা বৃদ্ধি করছেন। বীরপুরে মামলা শুরু হয়েছে, গোপাল সিংয়ের সঙ্গে, মণ্ডলান মহলের মণ্ডলান প্রথা তুলে দেবার জন্ত!

কথাটা আমি ঠিক বিশ্বাস করি নি, স্থলভা। মেদিনীপুর থেকে বাড়ী আসার পথশ্রম সঙ্গেও অর্ধেক রাত জেগে ওই কথাটা ভেবেছিলাম, আর মধ্যে মধ্যে এক-একখানা চিঠি তুলে নিয়ে পড়ছিলাম।

পরের দিন সকালে বৃদ্ধ রঙলাল মণ্ডল মশায় এসেছিলেন। ওই কথাটা শুনেই এসেছিলেন। আর এসেছিলেন দয়াল ঠাকুরদা। দুজনেই ধনেশ্বর কাকার কথারই প্রতিধ্বনি করে বলেছিলেন—এ হে-হে, অতুলবাবু সিংদের বাড়ীর ছেলেকে বিশ্বাস করলেন কেন গো। ছি-ছি-ছি। এ অন্তার হয়েছে।

দয়াল ঠাকুরদা বলেছিলেন—অতুল এ সব জানত না নাকি? দূর-দূর-দূর! এ কি করলে সে?

ফুলের হেডমাস্টারও সেদিন এসেছিলেন। তিনিই কেবল বলেছিলেন—হরি সিং অবশ্য করে থাকতে পারে, আক্ৰোশবশে। গল্পটা প্রবীণেরা জানে। রাম সিংয়ের ব্যাপার আমার আমলেই। কিন্তু শিবু এমন তো করতে পারে না। ছেলেটা ক্লাসে থার্ড-কোর্থ হয়। ভাল ছেলে! অনেস্ট ছেলে!

সবই সত্যি স্থলভা। গল্প, রচনা করা গল্প নয়, বাস্তব জীবনের প্রত্যক্ষ ঘটনা। শিবুও সত্যিই ভাল ছেলে। পরে সে ম্যাট্রিক পরীক্ষায় স্কলারশিপ পেয়েছে। দুই-ই সত্যি এবং তার সঙ্গে এটাও সত্যি যে, শিবু এই সব ঘটনার কথা সারারাত্রি ধরে বাপের কাছে শুনে তারপর পুলিশের কাছে স্টেটমেন্ট দিয়েছিল।

বাপ তার একদিন হঠাৎ ওই ছোরা আর চিঠি আবিষ্কার করার পর ছেলেকে ওইভাবে সারারাত বলে বলে তাকে উত্তেজিত করে স্বীকার করিয়েছিল।

আদালতের জেরাতে সে তা স্বীকার করেছিল।

কম্পিরেসি কেস পুলিশ করতে পারে নি। মেদিনীপুর মেদিনীপুর। এর জোড়া বাংলাতে নেই, বোধ করি ভারতবর্ষেও নেই। সেখানে কম্পিরেসি কেস করে সাক্ষী পাওয়া যায় না।

ম্যাজিস্ট্রেট 'পেডি' মার্ভার কেসে বিমল দাসগুপ্তকে ফাঁসি দেবার জন্তে হাইকোর্টে স্পেশাল ট্রাইব্যুনাল বসেছিল। "কিন্তু কলেজিয়েট ফুলের হেডমাস্টার হীরালালবাবু আর নারায়ণবাবুকে পুলিশ সেই দারুণ নির্ধাতনের সময় ভয় দেখিয়েও সাক্ষী দেওয়াতে পারে নি। স্পেশাল ট্রাইব্যুনাল অ্যাডভোকেট জেনারেল উঠিয়ে নিয়েছিলেন। সাক্ষী অতুল মেজদার কেসেও মেলে নি। শুধু শিবু অ্যাপ্রভার হয়েছিল। আমাদের উকিল ওই জেরাই করেছিলেন।

—গোপাল সিংয়ের নাম শুনেছ? তোমাদের পূর্বপুরুষ?

শিবু বলেছিল—হ্যাঁ জানি।

—তুমি শুনেছ, তাঁকে বীরেশ্বর রায় জমিদার সর্বস্বান্ত করেছিলেন মামলা করে, দাঁতে কুটো করিয়েছিলেন—

সরকারী উকিল আপত্তি করতে ছেলেটি বলে উঠেছিল—হ্যাঁ জানি।

—কি করে জানলে? কে বললে?

—বাবা।

—কবে বললে, যেদিন পুলিশের কাছে স্টেটমেন্ট দাও, তার আগের দিন? না অনেক আগে?

—না, সেই দিন রাতে। কিছুটা কিছুটা জানতাম আগে থেকে।

আদালতে আমি ছিলাম, আমি সব ভুলে গিয়ে শুধু ভেবেছিলাম কি জান? ভেবেছিলাম—নাঃ, সুলতার কাছে ফিরে গিয়ে কাজ নেই। যদি বাই তবে রত্নেশ্বর রায় আর ঠাকুরদাস পালের ঘটনাটা চিরদিন বিস্ময় লোহার শলার মত আমাদের হৃৎকেন্দ্রের মধ্যে দাঁড়িয়ে থাকবে। না, কাজ নেই, কাজ নেই।

শুধু অতুল চূপ করে ছিল।

আর মেজদি বলেছিলেন—তা বেশ হল। দেনা শোধ হল! হেসেছিলেন।

অতুল এবং মেজদির জেল হয়ে গেল। অতুলের দু বছর, মেজদির ন মাস। মেজদিকে খালাস করবার জন্তে চেষ্টার আর বাকী রাখি নি, কলকাতা থেকে ব্যারিস্টার নিয়ে গিয়ে-ছিলাম। তিনি ওইটের উপরেই জোর দিয়েছিলেন; মেজদি নিতান্ত সরল, সেকলে ধরনের বড়ঘরের বউ; এক বুদ্ধ ধনী তাঁকে তৃতীয় পক্ষে বিয়ে করেছিলেন; অতুল তাঁর স্বামীর ছোট ছেলে, সতীন-পুত্র। তিনি এসে এই ছেলেটিকে মাহুষ করে মায়ের চেয়েও মায়ার জড়িয়ে পড়েছিলেন। এদেশের অল্পবয়সে বিধবারা যেমন ধর্মকর্ম নিয়ে থাকেন, বাইরের জগতের সঙ্গে সংস্রব চুকিয়ে দিয়ে, ইনিও ঠিক তাই। এবং তার উপর নিতান্ত সরল মাহুষ। দেশ স্বাধীন বা পরাধীন, এতে তাঁর কিছু যায়-আসে না। অতুল ওই মিটিংয়ের দিন যাবার সময় পিণ্ডল-ভরা বাক্সটা তাঁর কাছে রাখতে দিয়েছিল। বলেছিল, এটা রেখে দিও। উনি রেখে দিয়েছিলেন, জানতেনও না কি রেখেছে এর মধ্যে। পুলিশ সার্চ করতে আসবামাত্র বের করে দিয়েছেন। পিণ্ডল যে বাজে ছিল, সেটা এই বিখ্যাত জমিদারবাড়ীর আগের কালের একটা আইভরির কাজ-করা চন্দন কাঠের বাক্স, সেটা চাবিবদ্ধ ছিল। চাবি তাঁর কাছে ছিল না। কাজেই এ যে তিনি জানতেন না, এটা নিশ্চিত। স্মরণ্য এতে যদি তাঁর শাস্তি হয়, তবে একান্তভাবে নির্দোষ একটি নারীকে, নারীজাতির সর্বশ্রেষ্ঠ হৃদয়সম্পদ মাতৃস্নেহের জন্ত শাস্তি পেতে হবে। সম্ভবতঃ ঈশ্বর লজ্জিত হবেন। হয়তো বা ক্রাইস্ট দ্বিতীয়বার জুশবদ্ধ হওয়ার যন্ত্রণা ভোগ করবেন এবং ঈশ্বরকে ক্ষমা করবার জন্ত প্রার্থনা জানাতে তাঁর কণ্ঠ রুদ্ধ হয়ে যাবে।

সকলেই অভিভূত হয়েছিল। কিন্তু বিচারক হন নি, হতে পারেন নি। ট্রাইব্যুনাল নয়, সেশন নয়, ম্যাজিস্ট্রেট বিচারকের আদালতে বিচার; তিনি তাঁকে ন মাস সশ্রম কারাদণ্ডের আদেশ দিয়ে লিখেছিলেন—লর্নেড ব্যারিস্টার যে বলেছেন, তিনি এসব বুঝতেনই না, তা আমি বিশ্বাস করতে পারি না। এই জেলাটি মেদিনীপুর, এখানকার সাধারণ মাহুষ পর্যন্ত এই ধরনের অজ্ঞার অপরাধকে সর্বাপেক্ষা মহৎ কর্ম মনে করে। শুনেছি, ছেলের ফাঁসি হলে সে ছেলের মা ছেলের জন্ত সৌরভ অম্লভব করে। তার উপর দিস ক্যামিলী ১৮০০ খ্রীষ্টাব্দ থেকে নিশ্চিত জমিদার বংশ। পাবলিক প্রসিকিউটর তার একটি চিঠি ভুলে ধরেছেন। এই ব্যাপ

একজন বীরেশ্বর রায় ছিলেন, তিনি বাড়ীতে ইংরেজ ধর্মপ্রচারক মিঃ হিলের কাছে ইংরাজী শিখেছিলেন। মিউটিনির সময় এই জেলার বিদগ্ধ হেডমাস্টার রাজনারায়ণ বোস এবং অস্ত্রদের সঙ্গে দুর্ধর্ষ দুষ্ট প্রকৃতির সিপাহীদের চেয়ে ইংরেজ শাসন মজলজনক তা বুঝতেন, এবং বুঝে সহযোগিতা করেছিলেন। বীরেশ্বর রায়ের ছেলে রত্নেশ্বর রায়বাহাদুর এবং শিক্ষিত লোক ছিলেন। সেই বংশের কোন বধু যে এতখানি নির্বোধ হতে পারে তা মনে করি না। এবং অ্যাপ্রভার শিবচন্দ্র সিং বলেছে, কণ্টাইয়ের এস-ডি-ও এবং এস-ডি-পি-ও শঙ্কর সেন এবং সামসুদ দোহাকে, যারা সরকারী কাজ দৃঢ়তার সঙ্গে করত, তাদের মারবার জন্ত এসে ব্যর্থ হয়ে যেদিন কিরে যায়, সেদিন দিস লেডী তাদের যত্ন করে থাইয়েছিলেন, উৎসাহজনক বাক্য বলেছিলেন। এ কথা আমি বিশ্বাস করি। সুতরাং তাঁকে নির্দোষ আমি মনে করতে পারি না। সুতরাং—।

একটা দীর্ঘনিঃশ্বাস কেলে শুরেশ্বর বললে—জেল হয়ে গেল।

দু দিন পর অনেক চেষ্টা করে ইণ্টারভিউ পেলাম। এ পর্যন্ত আগার ট্রায়াল অবস্থায় কোন রকমেই ইণ্টারভিউ পাই নি। বিচারের পর পেলাম।

অতুলকে বললাম—তুমি কি শিবুদের ব্যাপার জানতে না?

সে হাসলে। চুপ করে রইল। বললে—অন্ত কথা বল। ওর জন্তে আপসোস করে কি হবে?

তারপর বললে—দেখ, একটা অল্পরোধ করব, তোমার অনেক টাকা আছে, একটি ভাল পাত্র দেখে অর্চির বিয়েটা দিবে দিও।

বললাম—বিয়ে করবে সে? আমি জানি না।

অতুল বললে—বলো আমার নাম করে। মেজদাকে তো জান—।

বললাম—আমি তা করব।

মেজদির সঙ্গে ইণ্টারভিউ পেয়েছিলাম ওই দিন। বললাম—মেজদিকে কি বলব?

অতুল বললে—প্রণাম দিও। বলো, আমি বুঝেছি সব।

জেলের অফিসার বললে—সময় হয়ে গেছে।

হেসে অতুল চলে গেল।

অতুল বুঝেছিল, মেজদি অর্চনাকে বাঁচাবার জন্তই দায়টা নিজে নিয়ে পিস্তলটা বের করে দিয়েছেন। সেটাই সে ইঙ্গিতে বলে গেল।

আধ ঘণ্টা পর মেজদির সঙ্গে ইণ্টারভিউ।

মেজদি আমাকে দেখে একমুখ হেসে বলেছিলেন—এসেছিস!

—হ্যাঁ।

—আমাকে রক্ষা করবার জন্তে এত টাকা খরচ করলি ভাই? অবিভি তোর আছে, খরচ করেছিস, আমি বলবার কে? তা বেশই করেছিস। এখন একটা কাজ করিস ভাই, তোর সাত পুরুষ তোকে আশীর্বাদ করবেন। অর্চির একটা গতি করে দিস। ওরে, তুই হয়তো বিশ্বাস করবি নে। তোরা হালআমলের ইংরেজী জানা আধা-সাহেব, ওরে ও হল সেই আমার বড় শাশুড়ী। তোর ঠাকুরদা আমাকে স্বপ্নে বলে গেছেন। বংশকে রক্ষা করতে এসেছেন।

আমি কথা বলতে পারি নি। গলাটা বেন কান্নার বুঝে আসছিল।

মেজদি তাঁর বড় বড় চোখ দুটি আরও বড় করে বললেন—জানিস, জেলখানার এসে

নানান জাতের মেয়ের মধ্যে জাত-ধর্ম কি করে বাঁচাব, কি করব, এই ভেবে প্রথম দু-তিন দিন খুব কাঁদতাম, আর আপসোস করতাম, গোবিন্দকে ডেকে বলতাম—শেষে এই করলে ঠাকুর ? ভাই, তিন দিনের দিন শেষরাতে ঘুমটি এসেছে, আর তোর মেজঠাকুরদা এসে শিয়রে দাঁড়ালেন। আমি শিউরে উঠলাম। তিনি হেসে বললেন—‘ভয় লাগছে নাকি ছুটকী ?’ আমি বললাম—‘না’। তিনি বললেন—‘তবে শিউরে উঠলে কেন গো ?’ বললাম—‘এ পাপপুত্রীতে কেন এলে তুমি, কেন এলে ? বের হবে কি করে ?’ তা বললেন—‘আমরা তো এখন শুল্লে শুল্লে যাই, আমাদের কি জেলখানার আটকাতে পারে ? এই বুদ্ধি হল শেষে ! আর এসেছি তোমাকে আশীর্বাদ করতে গো। তুমি অর্চিকে রক্ষা করেছে। অর্চিকে জান ? উনি হলেন সেই ঠাকুমা। তপস্বিনী বউ রায়বাড়ীর। আর অতুল হল আমার বাবা। রায়বাহাদুর। আর সুরেশ্বর আমার দাদা ! ওরা সব ঋণ শোধ করতে এসেছে। দেখনি, অর্চনার সঙ্গে ঠাকুমার মিল। আর সুরেশ্বরের সঙ্গে আমার দাদার চেহারার মিল ! তুমি অর্চিকে শুধু বাঁচাও নি, ওই গোপাল সিংদের ওপর অত্যাচারের মাত্রা বেশী হয়েছিল, সেটাও শোধ হল। বুঝেছ ?’

আমি চুপ করে শুনেই যাচ্ছিলাম। প্রতিবাদ করিনি। এতটুকু অবিশ্বাসের ছায়া কি ছাপ আমার মুখে পড়েনি। আমার বৃকের ভিতরটা একটা আবেগে ভরপুর হয়ে উঠেছিল। ভাববার ও ক্ষমতা ছিল না যে, এই সরল প্রাচীন আমলের বিশ্বাসী-মন মেয়েটি আপনমনেই একটি স্বপ্ন কল্পনা রচনা করে নিয়েছে। তাও আমি ভাবিনি। আজও ভাবিনে। তবে সেই বিশ্বাসেই যে আজ ছত্রিশ সাল থেকে তেল্লায় সাল পর্যন্ত কাজ করছি তাও নয়। মনে মনে বিচার করে, এই কর্তব্য বলে করে যাচ্ছি। এই সত্তের বছর সেখানেই পড়ে আছি এই

কিন্তু সে থাক। যা বলছিলুম বলি।

মেজদি শেষকালে বলেছিলেন, বেশী মদ খেতে বায়ণ করেছিলেন। একবারে খাওয়া বন্ধ করতে বলেননি। বলেছিলেন, ওগুলো বেশী খাসনে ভাই। একেবারে না-খেতে বলব না। মাছের জল আর তোদের মদ। রায়বাহাদুর আমার স্বপ্নের—তার ঘরে সৌভাগ্যশিলা ছিল সন্ন্যাসীর দেওরা, তার উপর যুগলবিগ্রহ প্রতিষ্ঠা করে বৈষ্ণব মন্ড্রে দীক্ষা নেবেন ঠিক করলেন। তা গুরু ছিলেন রামব্রহ্ম স্মারক। তিনি বললেন—তা হয় না। তবে ব্যবস্থা আমি করে দিচ্ছি। যিনি শ্রাম, তিনি শ্রাম। শক্তিমন্ড্রে যুগলের দীক্ষা দিলাম। তুমি বৈষ্ণববীজে জপ করো। আর পিতলের বাটীতে নারকেল জল ঢেলে তর্পণ করে তাই প্রসাদ নিয়ে। লোকে বলে, তাতেই নাকি রায়বাহাদুরের নেশা হত। তা অল্প করে খাস। আর বিয়ে করে ফেল। সেই স্নলতাকেই না-হয় বিয়ে কর। ধনেশ্বরেরা জ্ঞাপত্তি-টাপত্তি করবে। মামলা-মকদ্দমা করবে। তা তুই না হয় সৈবাইতী ছেড়ে দিবি। দেবোত্তরে তো আছে ছাই। সম্পত্তি তো পত্তনী দিয়ে সব তোর হাতে। কলকাতায় গিয়ে থাকুবি।

আমার মনে স্নলত, ওই গোপাল সিং-এর বংশধর শিবু আর বীরেশ্বর রায়ের প্রপৌত্র শিবেশ্বর রায়ের ছেলে অতুলের কথা নতুন করে জেগে উঠল।

বললাম—সে হবে ঠাকুমা। তুমি আগে খালাস হয়ে বেরিয়ে এস, তখন হবে।

তিনি বলেছিলেন—না রে, দেয়ি তুই করিসনে। আমি খালাস হয়ে এসে তোর বউয়ের কাছে উঠব, বুঝি ? ওরে বউ নইলে সন্সার আলোনা হয়ে যায়। বউ চিমির মত মিঠি নয় রে, নুনের মত মিঠি। বিয়ে করলে বুঝবি—জীবনের অম্লের ওপর ব্যায়ান পড়ল।

মানে-অভিমানে চাটনীর স্বাদ পাবি। ছেলে-মেয়ে হলে তার ওপর পারেস মিষ্টি পড়ে ভোগ বোল আনা হবে। নইলে তুই আবার যে কি করবি, তা ভগবানও বলতে পারবেন না।

হঠাৎ স্তব্ধ হয়ে কিছু মনে করেই যেন সুরেশ্বর হেসে আপনমনে ঘাড় নাড়তে লাগল, যে ঢঙের হাসির মধ্যে অর্থ একটাই, সেটা হল—হায়-হায়-হায়! এ হায়-হায় আপসোসেরও বটে, আবার তারিকেরও বটে। কোন মৃত প্রিয়জনের সুখস্মৃতি মনে হলে যেমন হাসি হাসে মানুষ।

স্বলতা প্রশ্ন করলে—কি?

—হাসছি কেন জিজ্ঞাসা করছ?

স্বলতা বললে, শুধু তো হাসছ না, তার সঙ্গে আরও কিছু রয়েছে।

সুরেশ্বর বললে—খরেছ ঠিক। ভাবছি টাকার দেনা যথাসর্বস্ব দিয়েও শোধ হয়। তাতে খালাস পেয়ে মানুষ খেটে-খুটে নতুন করে শুরু করতে পারে, যাতে আর পাওনাদারের দাবী চলে না। কিন্তু কাজের দেনা, কর্মফলের জের, ওর আর শেষ নাই। শেষ হয় না। এমন টাকার দেনার মহাজন মাক দেয়, না দিলে দেউলে হয়ে রেহাই মেলে, কিন্তু এতে মাক নেই, আর দেউলে আইনের মত আইনও নেই।

স্বলতা হেসে বললে—অর্থটা কি? রায়বাহাদুর রত্নেশ্বর রায়ের বংশের ছেলে আর ঠাকুরদাস পালের বংশের মেয়ে ওই সিদ্ধান্ত অমুখ্যায়ী একত্রিশ-বত্রিশ সালে প্রেম করেছিল, তারপর ছত্রিশ সালে সরে গিয়েছিল এবং আবার ত্রিশ সালে সারারাত্রি জেগে বোকাপড়া করছে?

—বলতে পার—

বাধা দিয়ে স্বলতা বললে—সেজ্ঞে কিন্তু আমি আসিনি। আমি শুনতে এসেছিলাম, কীর্তিহাটের রায়বংশের ইতিহাস, দেখতে এসেছিলাম তোমার ছবি। কত উজ্জ্বল করে তুমি তাকে তুলে ধরে আর্কিওলজিক্যাল ম্যুজেন্ট তৈরী করছ। কৈজী বলে এক নাচওয়ালীকে নবাব সিরাজুদ্দৌলা ঘরের ভেতর পুরে জানালা-দরজা গেঁথে মেরেছিল। বন্ধ ঘরটা আজ হয়তো খোলা। লোকে দেখে ঘরখানার গড়ন, নক্সা, বাহার আর তারিক করে। দেখতে গেলে দরজার টিকিট কিনতে হয়।

সুরেশ্বর বললে, না। ও-পথ ধরে আমার মন হাঁটেনি স্বলতা। তুমি পলিটিক্যাল মানুষ, তুমি নিজে যখন ‘ইনকিলাব জিন্দাবাদ’ হাঁক, তখন ঠিক অর্থ ভাব—বিপ্লব দীর্ঘজীবী হোক। কিন্তু পথেঘাটে বা কোথাও ওই হাঁক শুনলে চমকে ওঠো, ভাব—কম্যুনিষ্টরা হাঁক দিচ্ছে। ওর আসল অর্থ, তারা ছাড়া বাকিরা সকলেই বিপ্লবের মধ্যে রক্তের স্রোতে ভেসে যাক।

স্বলতার মুখ লাল হয়ে উঠল, সে কিছু বলতে বাচ্ছিল। সুরেশ্বর হাতজোড় করে বললে—মাক চাচ্ছি। আমাকে ভুল বুঝো না স্বলতা, আমি তোমাকে বাকা বঁড়িশিতে বিঁধতে চাইনি। বিচারকের আসনে বসিয়েছি তোমাকে। তুমি বিচার করো। দেখ—শ্রীর গুরুদাস তখন উকিল হাইকোর্টে, এক অজ্ঞ বলেছিলেন, হাফ এডুকটেড বার। গুরুদাসবাবু পাদপূরণ করে বলেছিলেন, এ্যাণ্ড কোয়ার্টার এডুকটেড বেঞ্চ। এটা অনেকটা তেমনি হয়ে গেছে। যে হাসি দেখে তুমি তোমার আমার কথা তুললে, তা আমি ভাবছিলাম না। ভাবছিলাম, ওই গোপাল সিং-এর আর রায়বংশের বিবাদের কথা। সেটা অতুল আর মেজদির আর্মস অ্যাক্টের কেসে কনডিকশনেও শেষ হয়নি, তারপরও তার জের চলেছে। এই সেদিন পর্যন্ত। তারপর মেজদি বলেছিলেন, বিয়ের কথা। আমি মামলা করেছি, সে আমার উপর হামলা করেছে। তাতেও—

হাসলে সুরেশ্বর।

হেসে বললে—তাতেও ঠিক এই তদ্বটা সভ্য হয়ে গেছে যে, কর্মকল না বল, জিহ্বা-প্রতিজিহ্বার জের যেটে না ছুনিয়ায়। আরও মজার কথা শোন, সেইদিনই বিশ্রীভাবে ঠিক এমনি আর একটা মামলার নোটিশ জারী হয়েছিল। ঠিক এই কারণেই ওই হাসিটা আপনি এসেছে এবং আমি মনে মনে তারিক করেছি কর্মকলের খেলার।

মেদিনীপুর থেকে বাড়ী এসে মুখ-হাত ধুয়ে গ্লাসে ত্র্যাণ্ডি ঢেলে জল মিশিয়ে খাচ্ছি, হাতে সিগারেট পুড়ছে। আর ভাবছি, যতদূর মনে পড়ছে এলোমেলো ভাবনা। গোপাল সিং, বীরেশ্বর রায়, রাম সিং, শিবেশ্বর রায়, হরি সিং, শিবু, অতুলেশ্বর, মেজদি; মনের মধ্যে কোভ ধোঁয়াচ্ছে। কখন যে অজ্ঞাতসারে রায়বংশের জমিদারস্ব বেরিয়ে এসে তাতে ফুঁ দিতে লেগেছে বুঝতে পারিনি। মনে সংকল্প করছি—আজও হরি সিংরা আমাদের প্রজা। আমলটা উনিশশো ছত্রিশ হোক, এখনও পারমানেন্ট সেটেলমেন্ট রাইট অস্থায়ী ওদের গাঁয়ের উর্ধ্ব-অধঃ হক হকুবকার মালিক আমি। এদিকে সেটেলমেন্ট এসেছে। আমার জমিদারী স্বত্বের অধিকারে আমি হরি সিংয়ের সমস্ত রায়ভীষ্মে লাখরাজ থাকলে, লাখরাজ স্বত্ব আমি আপত্তি দিতে পারি। এর আগে যদি আমার কর্মচারীরা তাতে সাহায্য দিয়ে থাকে, তবে তাতে আমি গররাজী হয়ে আপত্তি জানাতে পারি যে, কর্মচারীর সঙ্গে যোগসাজস করে এসম্মতি দেওয়া হয়েছে, এটা আমি অস্বীকার করছি। সেটেলমেন্ট কোর্ট না মানে, আমি দেওয়ানীতে মামলা করতে পারি। মুলেক কোর্ট, জজকোর্ট, হাইকোর্ট পর্যন্ত এ-মামলা চলতে পারে। অনেক কিছু চলতে পারে। এমন কি কীর্তিহাট স্কুলের ছেলেরদের উত্তেজিত করে ওই শিবুর জীবন হুবহু করা যেতে পারে।

পায়ের নখ শুনে গ্লাসটা ভাড়াভাড়ি শেষ করে নামিয়ে দিয়ে রঘুকে বললাম, নিরে বা এখান থেকে। লোকজন আসছে।

প্রথমেই এল অর্চনা। খবরটা প্রকাশ হতে বাকি ছিল না। খবর সবাই জেনেছিল। অর্চনাও জেনেছিল, সে এসে ঘরে ঢুকেই মুখে কাপড় চাপা দিয়ে ফুঁপিয়ে কঁদে উঠে বললে—এ কি হল সুরোদা! ঠাকুমা—

বললাম, মেজদির জেলটা তার জন্তে এই ভেবে মেরেটা মনে মনে নিজেকে নিজে গ্রহণ করছে। আমি বললাম—মেজদি তোকে কান্দতে বারণ করেছে অর্চি। তুই কান্দিসনে। তিনিও বলেছেন, আমিও বলছি, তুই যা করেছিস, তা রায়বাড়ীর আর একটা ছেলে যদি করত ধর আমি করতাম তবে রায়বংশের মুখ ছিগুণ উজ্জল হত। তুই মেরে, কুমারী, তাই। মেজদি বললেন কি জানিস, তাঁকে স্বপ্নে মেজঠাকুরদা দেখা দিয়ে বলেছেন যে, তুই হলি এ-বাড়ীর সত্যি বউ ভবানী দেবী। কিন্তু এখন থেকে সাবধানে থাকিস ভাই। দেখ হিন্দুর ঘরে কতাই হল লক্ষ্মী, তার মর্ষাদাতে বংশের মর্ষাদা।

অর্চনা হঠাৎ বললে—আমি বাজি সুরোদা। \*সব দলবেঁধে আসবার কথা। বড় জেঠামশাই সন্ধ্যা করছেন, তাঁর হলেই সব আসবে। আমার বাবা আজ এসেছেন। তিনিও আসবেন। পালাই।

ওর দাবার একটা পথ ও আবিষ্কার করেছিল। ওই কাসাইয়ের ঘাটের দরজা দিয়ে। যেতে গিয়ে অর্চনা ফিরে এল। এসে চাপাগলার বললে, সুরোদা, নদীর ওপারে একটা লোক।

—লোক?

—হ্যাঁ, অতুল পোশাক। কোট-প্যান্ট বটে। কিন্তু কি রকম!

জা. র. ১৪—১২



—তুই সদর দরজা দিইয়েই যা না। অপরাধ তো করিসনি। খোঁজ নিতে এসেছিলি, তাতে হয়েছে কি? যা। রঘু বরং তোকে পৌঁছে দিয়ে আসুক।

তাই সে গেল। আমি দেখতে গেলাম লোকটা কে? গিয়ে দাঁড়লাম ছত্রিশ গোল ঘরটার। সন্ধ্যা পার হয়ে গেছে, নীতকালের শেষ; মেজদিদের মামলা গড়িয়ে গড়িয়ে ছত্রিশ সাল পার করে সাঁইত্রিশ সালের মার্চের কাছে এসে পৌঁছেছে। বাংলা কান্তন মাস, শুক্লপক্ষের গোড়ার দিক, জ্যোৎস্নায় দেখতে পেলাম, হ্যাঁ, দস্তরমত একটা কোট-প্যান্ট-পরা লোক ওপারে জঙ্গলের ধারে দাঁড়িয়ে সিগারেট টানছে।

আমি জিজ্ঞাসা করলাম, কে ওখানে? ওখানে দাঁড়িয়ে কে?

বেশ মোটা গলায় উত্তর এল—From that Goan Para.

—গোয়ানপাড়া? কে তুমি? গোয়ানদের কে?

—Oh—I am none of them.—তারপর কিরিন্দীমূলভ ভাষায় বললে—উ লোকের—হিলডার—মেহমান আছি। Come from Calcutta.

—কি করছ ওখানে? এমন করে দাঁড়িয়ে?

—Who you please? হামি রয়বাবুকে সাথ মূলকাত মাংতা ছায়। Are you Roy Babu—Mr. Sureswar Roy?

বললাম—Yes—that's my name.

—Thank God—May I see you sir?

রঘু এসে বললে—ও বাড়ীর সব আসিয়েসেন।

—ও! চল। বলে ওকে বললাম—Come tomorrow sometime.

—Why not today?

—No. I am very tired today. Come tomorrow. Come with Roser or Gomesh. They belong to Goanpara.

বলে আমি চলে এলাম।

নীচে তখন ধনেশ্বর কাকা, জগদীশ্বর কাকা, বিমলেশ্বর কাকা, এমন কি গাঁজাখোর ধোরতর বাউড়ুলে কমলেশ্বর সেও এসেছে। সুধেশ্বর কাকার ছুই ছেলে, কল্যাণেশ্বর, ধনেশ্বর কাকার মেজছেলে রাজেশ্বর, ছোট-বড় সকলেই এসেছে। এবং সেদিন একটা নতুন চোহারা দেখলাম, রায়বংশের সবারই মতো। আঙুনে ক্রমশ ছাই পড়ে, পড়তে পড়তে এমন হয় যে, উপরে শুধু ছাই আর নীচে কাঠকয়লা কি পোড়া কয়লা ছাড়া কিছু থাকে না। কিন্তু সেদিন দেখলাম এই মামলাটার ঝড়ো হাওয়ার ছাই উড়ে গেছে, নিশেষ হয়ে এবং কাঠকয়লা-গুলো দামী কাঠের কয়লা বলে গভীর নীচে যে এক টুকরো আঙুরা আঙুন ছিল, তার আঙুন কাঠকয়লাগুলোতেও হাওয়ার জোরে কোণে কোণে ধরে উঠে ঝিকমিক করছে। অতুলের আঙুনের ছোঁরাতে ওরাও বেন ধরে উঠেছে।

ধনেশ্বর কাকা আজ আর আক্ষেপ করলেন না। রায়বাহাদুরের বংশধর জেল খাটছে, তাতে তিনি স্ক্র হন নি।

সকলেই হুঁশ পেয়েছেন। চোখে-মুখে তারই ছাপ ছিল। টুকরো-টুকরো ছাড়া-ছাড়া কথা হল।

—আপীল?

আমি বললাম—আপীল করব বইকি।

—আপীল মিথ্যে ! এত বড় সাদা শরতানের জাত, এ তো হয় না !

জগদীশ কাকার কথা তোমাকে বলেছি। গাজা, মদ দুই তিনি খেতেন। জ্যোৎস্না তাঁর প্রচণ্ড। প্রথম বৌবনে অহরহ বনুক ঘাড়ে করে বেড়াতেন। পথে কোন লোকের, বিশেষ শূদ্র প্রজাদের, প্রণাম করতে আধ মিনিট দেরি হলে মাথার চুলের মূঠা ধরে মাটিতে ঠেকিয়ে দিয়ে বলতেন—প্রণাম করতে হয় ! বুঝেছিস ? হ্যাঁ !

তীর্থ থেকে সেই দিনই ফিরেছেন ; শালা রেলের চাকরি করে, ছোট চাকরে নয়, তার কাছ থেকে সেকেণ্ড ক্লাসের পাস নিয়ে ভারত ভ্রমণ করে ফিরেছেন। বিদেশের হাওয়ার তাঁর চেহারা উজ্জল দেখাচ্ছিল। তিনি এখন অনেকটা সুস্থ। হয়তো তীর্থের প্রভাব ছিল। তিনি বললেন—অস্তুত মাকে দণ্ডটা বিনা দোষে দিয়েছে। ওরা যাবে। যেতে হবে। এ আমি বুঝে নিয়েছি। দেখে তো এলাম, গোটা ভারতবর্ষ ! আপীল তুমি কর বাবা সুরেশ্বর। করলে হয়তো অস্ত্র রকম দাঁড়াবে। শুধু মায়ের জন্তে। ওই। উনি সন্তানের মত মাহুষ করেছেন অতুলকে ; বলতে গেলে ওঁরই ছেলে। সে রাখতে দিয়েছে, সরল বিশ্বাসে রেখেছেন।

কল্যাণেশ্বর বললে—এটা মেজকা ভাল বলেছেন। অতুলকার জেলেই বরং থাকা ভাল। বেরিয়ে এসে ও তো চূপচাপ থাকবে না ! হয়তো জেল থেকে বেরিয়ে এমন কিছু করবে যে, ফাসিকাঠে ঝুলিয়ে দেবে।

ধনেশ্বর কাকা বলেছিলেন—কল্যাণ এটা ভাল কথা বলেছে। এতক্ষণে হঠাৎ তাঁর কথার অ্যাক্টিংয়ের স্বর লেগেছিল, খু—ব ভাল কথা। দু-রদৃষ্টির কথা ! আর আজকের কালে রাজদ্রোহিতার জন্ত জেল সে তো সর্বশ্রেষ্ঠ গৌরবের কথা ! মাহুষে খন্ড খন্ড করবে, পরলোকে পিতৃপিতামহের মুখ উজ্জল হবে। ওঃ ! কে জানে ও, ওই শৈশবে মাতৃহীন ছেলে, মাতৃভক্তের জন্ত কাদত, ছোটমা বুকে তুলে নিয়েও ওটা দিতে পারেন নি। তিনিও কাদতেন তার সঙ্গে। সেই শিশু। ওঃ ! রায়বংশ, জমিদার বংশ। সাহেব কুলের অঙ্গুষ্ঠহীন বশবদ, I remain your most obedient servant, এটা A B C শিখবার আগেই মুখস্থ হত আমাদের। সাহেবরা এসে এই বিবিমহলে থাকত, খানা খেত, আমরা দেখেছি, কর্তারা তটস্থ। সেই বংশের ছেলে। উড়িয়েছে বিদ্রোহের ধ্বজ। স্বাধীনতা হীনতার কে বাচিতে চায় হে, কে বাচিতে চায় !

স্বলতা, তোমাকে শপথ করে বলতে পারি, আমার মনে রয়েছে স্পষ্ট, এই ধরনের থিয়েটারী ঢঙে ধনেশ্বর কাকার কথাগুলো সেদিন এতটুকু অশোভন বেমানান মনে হয় নি ! বরং মনের মধ্যে প্রতিধ্বনি তুলেছিল। তাতে আন্তরিকতার স্বাক্ষর ছিল।

হঠাৎ কমলেশ্বর একটু বেঙ্গুরো বলেছিল, ক্রুদ্ধ হয়ে বলে উঠেছিল—ওই হরি সিংকে আমি দেখব। এর শোধ নেব !

ধনেশ্বর কাকা ধমক দিয়ে বলেছিলেন—দেখ, নেশা রায়বংশে প্রায় সবাই করেছে। কিন্তু তোর মত মাথা ধারাপ কান্নার হয় নি। ওই নিয়ে আশ্কাশন করে বেড়াস নে। তাছাড়া সেটা তো কীট রে ! ফুকুর ! মাসিক সাত টাকার তার খোরাক-পোশাক !

কমলেশ্বর প্রতিবাদ করে বলে উঠেছিল—আমি আজ তিন দিন প্রতিজ্ঞা করে নেশা পরিত্যাগ করেছি।

জগদীশ কাকা বলেছিলেন, মজল হবে তোর। কিন্তু বা বললি তাতে মজল হবে না। বুঝতে চেষ্টা করিস, অতুল কি করেছে। আমাদের পূর্বপুরুষ ইংরেজের দাসত্ব স্বীকার করে-

ছিলেন। অতুল সেটা ছিঁড়ছে। সে ছিঁড়ছে, শেরাল কুকুর ঘেরে নয়। সিংহ, বুটিং সিংহের সঙ্গে তার যুদ্ধ!

সেই দিন স্নান, সেই মুহূর্তে নতুন করে সেই একখানি ছবি আঁকবার কথা মনে হয়েছিল। সেই একদিকে বীরেশ্বর রায়, রত্নেশ্বর রায় ইউনিয়ন জ্যাক ধরে দাঁড়িয়ে আছেন, অন্য দিকে অতুল ভেরদা বাণা ধরে দাঁড়িয়েছে।

সেই আমার ছবি এঁকে এই জবানবন্দী রচনার শুরু।

গুঁরা চলে গেলে, আমি ওই ছবির কথাই ভাবছিলাম। শরীর ক্লান্ত, তবু মন ক্লান্ত হয় নি। আবার খানিকটা ত্র্যাণ্ডি খেয়ে জানালার ধারে গিয়ে দাঁড়িয়ে মনে মনে ছবির খসড়াই করছিলাম। ইঠাৎ ডাক শুনলাম—

—সাব। রয় সাব! বাবু সাব!

সেই কর্তব্য। মোটা কর্কশ। খানিকটা উদ্ধত!

—মিস্টার রয় সাব!

সদর দরজার ডাকছে এবার। বিরক্ত হয়ে রঘুকে বললাম—ডাক তো লোকটাকে!

ভাবছিলাম ওকে কঠিন তিরস্কার করব!

কিছুক্ষণ পর ভারী জুতোর শব্দ তুলে এসে দাঁড়াল একটি মূর্তি। হ্যাঁ, লোক বললে ঠিক বলা হয় না। হিন্দীতে বলে, ‘এক মূর্ত’। এও তাই। বিচিত্র বিস্ময়কর। যত বিরক্তি হয় দেখে, তত কৌতূহল আকর্ষণের একটা শক্তি আছে লোকটির মধ্যে।

সে মাল্লুস্টা যেন মাল্লুস্ট নয়, বিচিত্র গড়নে গড়া মাল্লুস্টের একটা নিদর্শন। মডার্ন স্কালপ্চারে যে সব মূর্তি গড়ার রেওয়াজ উঠেছে এ যেন তাই। বিধাতার শিল্পশালার নানা ছাঁচ আছে। অষ্টাবক্র মূর্তির কথা শোনা যায়, তাও ছাঁচরটে দেখা যায়। কিন্তু এ ছাঁচও কি বিধাতার শিল্পে আছে? অত্যন্ত ভারী গড়ন, লম্বাও কম নয়, কিন্তু তবু কেন যেন অস্বাভাবিক অসদাচার, চোখ দুটো উগ্র এবং গোল নাকটা স্থূল; ঠোঁট পুরু। উজ্জল হেজাক লঠনের আলো তার মুখে পরিপূর্ণভাবে পড়েছিল, রঙটা দেখলাম লালচে কিন্তু রোদে পুড়ে তামাটে হয়ে গেছে! একজোড়া বেশ পাকানো গৌক লোকটাকে আরও উদ্ধত চেহারার দিয়েছে। পোশাকটা পুরনো, এবং দৈর্ঘ্যে বোকা যায় পোশাক ওর মাপে তৈরী পোশাক নয়, কলকাতার চোরাবাজার থেকে বলে, সেখানে যে সব পুরনো পোশাক ফুটপাথে গাদা ক’রে বিক্রী করে, তা থেকে কেনা। অথবা অনেকদিনের পুরনো। কারণ সবই খাটো হয়ে গেছে। অথচ লোকটা খুব ফুটপুট নয়, খাড়াভাবে আছে এটা খুব স্পষ্ট। বয়স বেশী নয়—বড়জোর চল্লিশ হবে।

লোকটা এসেই অভিযান করলে—গুড ইভনিং স্যার—

বললাম—গুড ইভনিং! কিন্তু তুমাকে তো আমি বললাম—কাল আসবার জন্তে। কিন্তু তুমি তবু এ সময়ে কেন এলে?

লোকটি বললে—I am sorry sir—believe me—I am so sorry for this.

লোকটার কথার উচ্চারণও ওর চেহারার মত ভারী। জিভটা মোটা, সরি ‘অড়ি’ গোছের উচ্চারণ করে করকে শুধু ক বলে শেষ করে। খুব বিনয় করে বললে কিন্তু তা আমাকে খুব খুশী করতে পারেনি সেদিন সেই মুহূর্তে। আমার মাথার তখন মনের ঐভাবে মস্তিষ্কের স্নায়ু-শিরা উত্তেজিত হয়ে উঠেছে এবং অস্ত্রমুখী হয়েছিল। যে কল্পনাটা মাথায় কিছুক্ষণ আগে এসেছিল সেটা তখন বাইরের এই ব্যাঘাত সন্তোষ বাহ্যকরের বীজ থেকে অঙ্কুর, অঙ্কুর থেকে পাতা, তা থেকে গাছ হয়ে বেড়ে উঠেছে, আবার মিলিয়ে যাচ্ছে, আবার গজিয়ে আর একটা চেহারা

নিচ্ছে, এমনি অবস্থা। বীরেশ্বর রায় রত্নেশ্বর রায় আর দেবেশ্বর রায় ইউনিয়ন জ্যাক ইংরিজী ভাষা, ইংরিজী পোশাক আর এদিকে ভেরঙ্গা ঝাণ্ডা, থকরের কাপড় ধরে ঠাড়িয়ে আছে অতুল তার শিহনে যেক্সদি, হাতে গীতা, পরনে ধান কাপড়—তার পাশে অর্চনা লালপেড়ে শাড়ী পরনে তার হাতে আনন্দমঠ আর শাঁখ। আবার পরক্ষণেই ভাবছি—না দুটো স্বভব ছবি—শতবর্ষ আগে, শতবর্ষ পরে।

পরক্ষণেই মনে হল—না! আরও একখানা ছবি। মিউটিনির কলকাতার ছবি না থাকলে এটা সম্পূর্ণ হয় না। কলকাতার মিউটিনির ছবি মনে ভেসে উঠল একখানা চিঠির বর্ণনা থেকে। নবাব ওরাজ্জিদ আলি শাকে যেদিন যেটেবুক থেকে বন্দী করে ফোর্ট উইলিয়মে আটক করে ইংরেজরা, সেদিন ময়দানে বেরিয়েছিলেন বীরেশ্বর রায়। দৃশ্যটা তিনি দেখেছিলেন। তারপরই চলে আসেন কীর্তিহাটে।

ওইসব ফাইলের মধ্যে খানকরের চিঠি পেয়েছিলাম। একখানা কালীপ্রসন্ন সিংহ মশায়ের। একখানা বীরেশ্বর রায়ের মামাতোভায়ের।

১৮৫৭ সালের ১৩ই-১৪ই জুন কলকাতায় সে এক বিভীষিকার রাজত্ব। সিপাহীরা ব্যারাক-পুর-বহরমপুরে বিদ্রোহী হয়েছে, কলকাতার আসছে ভেবে লর্ড ক্যানিংয়ের বাড়ীর সামনে ইংরেজ ফিরিজী ক্রীস্টানদের ডিড জমেছিল। গঙ্গার বুকে জাহাজ সাজানো ছিল। সিপাহীরা এলে তারা জাহাজে গিয়ে উঠবে। বাঙালী হিন্দু মুসলমানের উপর বিশ্বাস তো বিশ্বাস এতটুকু আস্থা ছিল না। তাদের উপর আক্রোশে তারা ফেটে পড়তে চাচ্ছিল। বীরেশ্বর রায় তাই দেখেই কলকাতা ছেড়ে এসেছিলেন কীর্তিহাট। সাহসী বাঘ শিকারী প্রজাশাসক বীরেশ্বর রায় আমার পূর্বপুরুষ, তিনি ভীত হয়েছিলেন নাই বললাম—শঙ্কিত হয়েছিলেন এই কথাটার উল্লেখ রয়েছে কালীপ্রসন্ন সিংহের চিঠিতে। বীরেশ্বর রায় জানিয়েছিলেন তাঁকে তাঁর সংকল্পের কথা। উত্তরে সিংহ লিখেছিলেন,

“ভিন্নার বেরাদর, বেরাদরই লিখছি আপনাকে। বেরাদারি সহজ নয়, বেরাদারিতে একসঙ্গে শুধু আহাির বিহার নয় পরস্পরের বিপদে আপদে বুক দিতে হয়। মরলে কাঁধ দিতে হয়। স্ত্রের ভাগ দিতে হয় দুঃখের ভাগ দিতে হয়। আপনি এ দুর্যোগে, এ দুর্যোগে আমাদের আশ্বিনে ঝড়ের মত (সাহেব বাহাদুরেরা যাকে সাইক্লোন বলে), এই সিপাহী মিউটিনির সাইক্লোনে কীর্তিহাটের ছাতার মধ্যে মাথা গুঁজবার ভাগ দিতে চেয়েছেন, এরপর বেরাদার না বলে উপায় কি!

আপনি এই ডামাডোলের বাজারে দেশে যাবার মতলব করেছেন—উত্তম করেছেন। তবে শুনেছি মেদিনীপুরে গোলমাল তাল আকারে না হলেও পান্ডিলেবু আন্দাজের আছে। তা সহ হবে। খবর পেয়েছি মেদিনীপুরের হেডমাস্টার রাজনারায়ণ বসু কাপড় চাদর ভিতরে পরে তার উপরে কোট পেটালুন চড়ান। সিপাহীরা এলেই পেটালুন কোট খুলে ফেলে দেশী চেহারার সেপাইদের জয় হাঁকবেন। আপনার বাড়ী অনেক ভিতর অঞ্চলে। আপনি অনেক সময় পাবেন। হয় মুসলমানী আমীর সঙ্গে বসবেন নয় আপনার ঠাকুরদাদার কালীয়ার সামনে পৈতে বের করে বা কালী মা কালী বলে স্তব করবেন। বেরাদারের উপদেশ মনে রাখবেন। আমার বা আমাদের কলকাতার বাবুদের বাবার উপায় কি? এইখানেই যে আমাদের সব। মাগ ছেলে, ভিটে মাটি, টাকা পরসা গিনি, হুঁচারখানা হীরে মুক্তোডরা ভারী ভারী লিন্ডুক, ধরলংসার মায় পড়গড়া, রূপোবাধা হাঁকো পর্বত। কলকাতার আনবাজারে আপনার বাড়ীতে ইউ কার্ট আছে, কীর্তিহাটে তার থেকে বড় বাড়ী। টাকা পরসা কোম্পানীর

কাগজ হীরে জ্বরত পুঁটলি বেঁধে নিয়ে কালী কালী বলে চলে যান সেখানে।

“বাঙালী বিদ্রোহ কালে ভেতো বাঙালী। ইংরেজ এবং ফিরঙ্গীদের বিরুদ্ধে তীব্র স্বেচ্ছা এবং ব্যয় বড় হয়ে উঠছে। ওদিকে চুনোগলি কসাইটোলার মেটে ইন্ডিস, শিঙ্গাস, গমিস, ফিরঙ্গীরা ডিস্ খাবার লোডে ভলেনটিরার হয়েছে। সাহেবেরা শস্ত জারগার কিল মারতে ভয় খেয়ে নরম জারগার আঁচড়াচ্ছে। সেপাইদের উপর রাগ বাঙালীর উপর ঝাড়বার তালে আছে। লর্ড ক্যানিংকে বাঙালীর অস্ত্রশস্ত্র বটি কাটারি পর্যন্ত কেড়ে নিতে ওসকাচ্ছে। শুনেছেন বোধহয় গোপাল মল্লিকের বাড়ী সভা ডেকে বাঙালীরা বুঝিয়েছে যে, যদিও একশো বছর হয়ে গেল তবু তাঁরা সেই মেড়া বাঙালীই আছেন। ওদিকে ইংরেজরা মাগছেলে ও স্বজাতির শোকে মরীয়া।” \* মরীয়া তেরিয়া হয়! সুতরাং কলকাতার থেকে কি করবেন? বাঙালীর গান জমবে না। চোখে ত্র্যাণ্ডি হুইস্কির নেশা লালচে আভা কোটাবে না। সুতরাং চলে যান—চলে যান।

হ্যাঁ, শুনলাম, কাপ্তেন সুরো মল্লিক বললে—সোফি বাঙালী নাকি আপনাকে ছেড়ে একটা পাগলা সাধুকে ভজছে? আপনি তাকে নাকি গলা টিপে ধরে গ্রায় বোবা করে দিয়েছেন। সে নাকি এখন খোনা সুরে আঁ—আঁ করে কি বলে কেউ বুঝতে পারে না। সুরো মল্লিক বললে—এবার বাওয়া বীরেশ্বর রায় কীরেশ্বর হয়ে বাবে। বলে, বাওয়া সাধু নাকি বেঞ্চরতি নামায়। কাজটা মল্লিক করেন নাই। আমার মতে তো সাতশো সাবাস আপনার পাওয়া! সেদিন একটা জ্বাটা নাগা এসেছিল ভিক্ষে চাইতে। একমুঠো চাল সে নেবে না। ছুটো চাল হাতে নিয়ে দুই আঙুলে টিপে ঝরঝর করে জল বের করলে, চাকর বেটারা তাকে শিব সাক্ষাৎ ভেবে সাষ্টাঙ্গে দণ্ডবৎ হল। আপনি যেমন পাগলটাকে উত্তমমধ্যম দিয়েছেন তেমনি দিতে পারলে আমি খুশী হতাম। তবে তাকে ছুটোর বেশী পরসা আমি দিই নি। হিসেব করে দেখলে দুই পরসার ম্যাজিক সে দেখিয়েছে তা মানতে হবে। শেষ হল কি জানেন, কোথা থেকে ঘোড়ার চেপে সাহেব পুলিশ এসে তাকে ধরলে। তার কাছ থেকে বের করলে কুটি। এ কুটি নাকি সেপাইদের নিশানা! কি সন্ধানশ মশাই! আপনি চলে যান! গাঁয়ে দেশে ঘরবাড়ী থাকলে আমিও পালাতাম।

ইতি

ভবদীয় বেরাদার

কালীপ্রসন্ন সিংহ

\*

\*

\*

সেদিন রাজে জানালার ধারে দাঁড়িয়ে পত্রখানাকে স্মরণ হয়েছিল। তার মধ্যে নতুন করে অক্ষর মেলে ছবির আইডিয়া আর একরকম চেহারা নিচ্ছিল।

আমি ছবি আঁকি। আমি সৈকালের ছবির কথা ভাবছিলাম। বাংলাদেশের পটের মাকালী, রাখাক্ষ, নরকের ছবি বাতিল হয়ে তখন ইংরেজী ছবির চঙ এসেছে। কলকাতার এবং বড় বড় রাজরাজড়ার বাড়ীতে কুইনের অয়েল পেণ্টিংয়ের আমল। আমি চঙের কথা ভাবছিলাম। মনে পড়ছিল দিল্লীর দরবার।

সাহিত্যে তখন বিভাগার মশারের কাল চলেছে। বঙ্কিমের আনন্দমঠ আসতে তখনও অনেক দেরি। অবনীপ্রনাথ নন্দবাবু যামিনী রায় অনেক পরে। আমি ভাবছিলাম দিল্লীর দরবারের চঙে আঁকলে কি হয়? হঠাৎ আমার চিন্তার ব্যাঘাত দিয়ে লোকটা জোরে হারকরেক কাশলে গলা ঝাড়া দিলে। আমি কিরে তাকালাম। দেখলাম সে আমার দিকেই

তাকিরে আছে। এবার মনে পড়ল ও করেকটা কথা বলতে চার। জানালা থেকে সরে এসে আবার চেয়ারে বসে বললাম—বল তোমার কি বলবার আছে।

সে বললে—you see Roy Babu I am a poor man very poor.—

—হ্যাঁ সেটা দেখছি। কিন্তু কি চাও তুমি? সাহায্য? ওরে রঘু, এক ছোটো টাকা দে তো।

লোকটা বললে—Oh God—আপনে হামাকে বেগার ভাবছে রায়বাবু। শো হামি নেই। বহুত দো রুপেরা two rupees—আমি বকশিশ দিয়েছি খুঁজি লোককে!

—খুঁজি? বিশ্বরের সঙ্গে আমি প্রশ্ন করেছিলাম—

—ও স্তার, I was a professional Shikari—big বাবুজি জমিদার ব্যারিস্টার রইস আদমী—Some times European sahibs were my clients. উলোককে শিকার মিলায় দিতম। মাচান কে পর উলোকের side—এ থাকতম। Sometimes Roy Babu—I killed tiger for them, they used to pay me handsomely and carried the trophy as their own. তো টাইব্যাল People বুনা আদমী যো লোক টাইগার ভান্ন বাইসনকে ধবর লিয়ে আসে খোঁজ দেয়—উলোক we call them—“খুঁজি”। Informer. I earned a lot and spent every thing, sometimes I paid ten rupees to them. Two rupees নিয়ে কি হোবে আমার। No I dont want money from you. I have not come to you fo-’ that (নো—আই দোস্ত ওরাস্ত মনি ক্রম হু। আই হাত নত কম তু যু ফ জাত।)

—Then (দেন)? একটু তিক্ত বিশ্বরের সঙ্গেই প্রশ্ন করলাম আমি।

সুলতা বাধা দিয়ে বললে—এসব কথায় তোমার জবানবন্দী বড় বেশী জটিল ক’রে তুলছ সুরেশ্বর। রাজি শেষ হয়েছে। ভোর হয়েছে, পাখী ডাকছে। আমার তো যাবার সময় হয়ে গেল। সে হাসলে একটু।

সুরেশ্বর বললে—শিবের মাথায় জটা আছে সুলতা, গন্ধার ধারা যে গন্ধার ধারা তাও হারিয়ে গিয়েছিল, সেই জটায় মধ্যে। জটা বাদ দিয়ে শিব অথবা গন্ধা কান্নর কথাই বলা যায় না। যা বলছি তা ওই সেকালের একশো জটায় একটু জটা, যার মধ্যে দিয়ে রায়বংশের কাহিনীর স্রোত চলে এসেছে। এবং তোমার বংশের স্রোতেরও তার সঙ্গে সংস্পর্শ আছে। সেদিন রায়বংশের শরিকদের সঙ্গে যে সব কথা হয়েছিল তা শুধু উল্লেখ করেই ছেড়েছি, বলেছি সেই কথাগুলো যা আমার ছবি আঁকার কল্পনাকে নতুন ক’রে জাগিয়ে তুলেছিল। এর কথা না বললেই নয়। শোন—যতটা সকাল হতে হতে শোনা যায় তাই শুনে যাও। বাকীটা না হয় বাকীই থাকবে।

সুলতা হেসে বললে—বল।

সুরেশ্বর বললে—লোকটি বললে—রায়বাবু, আগুনে হিলড়া পিঙ্কজ গোরান বুড়ী কে জানেন! জাট ওল্ড ওয়ান হামার নিস, সিষ্টার’স ভটায়কে নিয়ে আসছে কলকাতাসে! হা—নেম ইজ কুইনী মুক্খরজী! এ বিউটিফুল নাইস গাল। (Her name is Quinee Mookherjee—a beautiful nice girl.)

—হ্যাঁ আমি তাকে দেখেছি।

—ইজ শী নত এ বিউটিফুল নাইস গাল—(Is she not a beautiful nice girl)?

—হ্যাঁ। কিন্তু হিলড়া বলছিল—সে তার আত্মীয়। বাপ মা মরার পর সে তাকে

এখানে এনেছে।

—ইয়েস রয়বাবু, থ্যাঙ্ক হা ফর দ্যাট। দেয়া ওরাজ নান তু লুক আফতা হা এ্যাত জাত তাইম। আই ওরাজ দেন ইন জেল—Yes Roy Babu. I thank her for that. There was none to look after her at that time—I was then in jail—

—জেল? সবিস্ময়ে প্রশ্ন করলাম আমি।

—ইয়েস ইন জেল। আই ওরাজ কনভিক্টেড তু জেল ফর সেভেন ইয়ারস ফর কজিং দি দেথ অব এ ভীল গুন্ডা—বাই স্টাইকিং হিম উইথ দি বাত্ অব মাই গাম। হি এ্যাতকড্ মি ফারস্ট। (Yes, in jail. I was convicted to jail for seven years for causing the death of a Bhil goonda by striking him with the butt of my gun. He attacked me first.)

বিবরণটা সে বলে গেল।

সি-পির জঙ্গলে তখন একরকম তার বাস ছিল। বিচিত্র জীবন। বোল-সভের বছর বয়স থেকেই তার শিকারে নেশা। বারো বছর বয়সে কলকাতায় এক ইয়োরোপীয়ান টেনিস ক্লাবে ম্যানেজারের অ্যাসিস্ট্যান্ট হয়ে ঢুকছিল। বল কুড়িয়ে কাজ শুরু, কিন্তু কয়েক বছরের মধ্যেই তার পনের-বোল বছর বয়সে সে সব শিখেছিল। লনের কাজ থেকে টেনিস খেলা পর্যন্ত। লেখাপড়া সে করেনি—ভাল লাগত না। এই সময় উড়িষ্যার এক করদ রাজ্যের রাজা এসেছিলেন কলকাতা, টেনিস কোচ, গ্রাউণ্ড সুপারভাইজার প্রভৃতির সন্ধানে—তার রাজধানীতে টেনিস খেলার ব্যবস্থা করবেন; প্রথম শ্রেণীর ব্যবস্থা। রাজা তাকেও পছন্দ করেছিলেন। সেও গিয়েছিল কোচ এবং সুপারভাইজারের সঙ্গে। সেখানে গিয়ে টেনিস থেকে সে গিয়ে পড়েছিল মহারাজার শিকারের ব্যবস্থার মধ্যে। এটা তারও ভাল লেগেছিল বেশী। রাজা ছিলেন পাকা শিকারী। রাজা তার উপর ছিলেন সদয়। ছেলেমানুষ বলেও বটে এবং তার উৎসাহ ও আনুগত্যের জন্যও বটে। তিনি টেনিসের চেয়ে তার প্রিয়তর বাসন—শিকারের বিভাগে তাকে নিয়েছিলেন। সেও সেখানে তার কাজ দেখিয়েছিল। বন্দুক শাক করা থেকে বন্দুক চেনা বন্দুক চালানো সবই সে পাকা হয়ে শেষে পাকা শিকারী হয়ে উঠেছিল। রাজা হঠাৎ মারা গেলেন—প্রিন্স শিশু, পাঁচ বছরের। সূত্রাং শিকার পার্টিতে ছাঁটাই হল। বন্দুক তাকে উঠল। ওর চাকরি গেল। চাকরি গেল কিন্তু শিকারের নেশা গেল না। সে নিজেই ব্যবসা খুললে। প্রফেশনাল শিকারী হল সে।

সুরেশ্বর বললে—তার কথাগুলো মনে পড়ছে সুলতা। সে বলেছিল—এ নেশা মদের নেশার চেয়েও নাকি তীব্র। এমন কি—

একটু বিনীত হেসে বলেছিল—If you allow me to say—তাহলে নারীর নেশার চেয়েও তীব্র। Stronger than woman hunting.

আমি হেসে বলেছিলাম—প্রথমটা জানি। দ্বিতীয়টা জানি না। কিন্তু থাক না ওসব কথা। যা ঘটেছিল তাই বল না।

সুলতা লক্ষ্য করলে সুরেশ্বর বেন হঠাৎ অজমনক হয়ে গেছে। সে তাকালে তার ছবিগুলোর দিকে।

সময় চলে যাচ্ছিল। ভোর হয়ে এসেছে। সুলতা শুভ্রতে পাচ্ছে রাত্তার জল দেওয়ার শব্দ উঠছে। পাখী ডাকছে। কাক ডাকছে। শালিক পাখীদের কলকল শব্দে ডাক উঠছে। চড়ুইগুলো কিচকিচ করছে। ক'টা চড়ুই বরটার মধ্যেই উড়ে বেড়াচ্ছে। এরা যে বনের



কোন কীক দিবে চুকে ঘরের মধ্যে বাসা বাঁধে কেউ বলতে পারে না।

সুলতা ডাকলে—সুরেশ্বর!

সুরেশ্বর তার দিকে তাকিয়ে বললে—ওই কথাটা বলে সেদিন আমি চমকে উঠেছিলাম সুলতা। রায়বংশের ইতিহাস মনে পড়েছিল। এ নাকি প্রকৃতির অভিশাপ! যাক। আমার সে চমক লোকটির চোখে পড়েনি। সে বলে যাচ্ছিল। প্রকেশনাল শিকারী হয়ে উড়িষ্যা এবং সি-পির বর্ডারের জঙ্গলে একটা জংলীদের গ্রাম থেকে কিছু দূরে একটা কাঠের বাথলো তৈরী করে সে শুরু করেছিল তার বিজনেস।

হ্যাঁ, বিজনেসই বটে। সে শিকারের সিজনের শুরুতেই কলকাতার বড় বড় জমিদার ব্যারিস্টারদের কাছে যেত এবং বলত তার সঙ্গে গেলে শিকার গ্যারান্টিড। শিকার সে করিয়ে দেবেই!

—My arrangements were very good, Roy Babu and were liked by all big roycree people. Tigers, bears—leopards—they got. They also got girls—there. Anglo-Indian girls. I took them from Calcutta—for this purpose. They were sports. And—they had good time there. Forest was beautiful and full of thrill. Also they could earn a lot from these big people. They were my friends—also.

আমি বলেছিলাম—ও কথা আবার আনছ কেন? বা বলবার ভোমার তাই বল।

সে বলেছিল—

I don't want to hide any thing from you sir, this is the reason why I am telling you every thing. I was a daredevil at that time. My mother did not like me. I did not care for her. She lived in Calcutta—in a house on the Eliot Road. The house belonged to her first husband—father of my elder sister. She was then in a convent. She loved me. I also loved her. This Quinee is her daughter Roybabu.

লোকটি কিছুক্ষণের জঙ্গল সুর বিবরণ হয়ে গিয়েছিল। আমার আগ্রহ খুব ছিল না তার কথা শুনবার জন্তে। তবু এই বিবরণতার মধ্যে তাকে কোন প্রশ্ন করতে ইচ্ছে হয় নি। স্পষ্ট বুঝতে পারছিলাম লোকটির কিছু মনে পড়ে গেছে।

তাই বটে—সে করেক মুহূর্ত পরেই বললে—কুইনী ছেলেবেলা থেকেই খুব শাস্ত। আমি তাকে প্রথম যখন দেখি সে তখন বছরখানেকের বাচ্চা। ভারী সুন্দর শাস্ত বেবী। একটু shy, একটি রঙীন কাঠবেড়ালী ছিল আমার। সর্বদা পকেটে থাকত। সেইটেকে দিয়ে ওর সঙ্গে আলাপ করেছিলাম। আমার মা হাঁ-হাঁ করে উঠেছিল। কামড়ে দেবে আঁচড়ে দেবে। আমি কাঠবেড়ালীটির মুখে আমার কড়ে আঁড়ুল পুরে দেখিয়ে দিয়েছিলাম—সেটা কামড়ায় না। নিজের খোলা হাতের উপর চাপিয়ে দেখিয়েছিলাম একটি নখের আঁচড় দেয় না। তাতেও মা ধামে না।

My mother never liked me you see. I also did not like her. Whenever we met—we quarrelled. But my sister—oh she was an angel.

ওই কারণেই আমি আরও বর ছেড়েছিলাম। বাড়ীখানা তো আমার বাবার ছিল না, ছিল মামির বাবার। মামির বাবা ওই বাড়ী আর টাকা রেখে গিয়েছিল, সেই টাকার

ছেলেবরসে মানি Convent-এ পড়ত। আর আমি ঘর ছেড়ে বনে বনে ঘুরতাম। To be frank—Mr. Roy—এটা আমার প্রকৃতিও বটে। আমার বাবার প্রকৃতি এমনি ছিল। মানি—

আমি জিজ্ঞাসা করেছিলাম—মানি ? তোমার বোনের নাম নাকি ? মানি ?

—Yes Roy Babu, মানি is not an English word—it is a Bengali word—meaning—Jem—diamond. Mani's father—so far I have heard—he had some Bengali connection. My mother though an Anglo Indian could speak Bengali like in any Bengalee.

—জান মানির যখন বিয়ে হ'ল সে বিয়ে করেছিল একজন বেঙ্গলী ক্রীষ্টানকে যি: মুকুর্জীকে—তখন মা আমাকে জানান নি। জানিয়েছিল আমাকে মানি। আমি আসতে পারি নি। আসি নি। পরে এসে আলাপ করেছিলাম। কিন্তু মুকুর্জীকেও আমি খুব পছন্দ করিনি। সে ঠিক আমাদের মত ছিল না। আমি কলকাতার এসেও বাড়ীতে উঠতাম না। হোটেলেরে উঠতাম। ছোট হোটেলেরে। দু'চারদিন দু'চারবার বাড়ীতে আসতাম, দেখা ক'রে চলে যেতাম। কুইনীকে দেখার পর আমার আকর্ষণ বেড়েছিল, আমি তারপর থেকে বাড়ীতে আসতাম বেশী বেশী। দু'একবার থাকতেও ইচ্ছে হয়েছিল কিন্তু থাকি নি মুকুর্জী আর মায়ের জন্তে। কুইনী যখন পাঁচ বছরের তখন সেবার এসে তার সঙ্গে আমার খুব ভাব হয়েছিল। সেবারই আমার মা মারা যায়। ডেথ বেডে মা আমার জন্তে একটু চিন্তিত হয়েছিল। মানিকে মুকুর্জীকে বলেছিল—হারিসকে বাড়ীতে একখানা ঘরে থাকতে দিস আমি যেটার থাকি। মানি মুকুর্জী রাজী হয়েছিল। আমি সেবার যাবার সময় ঠিক করে গিয়েছিলাম যে, এবার থেকে এসে হোটেলেরে আর উঠব না—এখানেই এসে উঠব। সব আকর্ষণ আমার পাঁচ বছরের কুইনীর জন্তে। কিন্তু সেইবার গিয়েই ঘটে গেল আমার জীবনের সর্বনাশ।

এখন যে ঘটনার তার জীবনটা এমন হয়ে গেল সেটা ঘটল সি-পিতে। একজন জংলী জোরান ছিল তার খুব অল্পগত। তার সঙ্গে খুব দোস্তি ছিল তার। একসঙ্গে মদ খেত। বারাক্ষিকার করতে যেত তাদের মধ্যকার কারও কোঁক ছিল টাইবাল গার্লসের উপর। এই বীরাই—বীরাই নাম ছিল জোরানটার, সে এনে দিত। বীরাইয়ের একটা কুকুর ছিল—ওদেশী কুকুর, কুকুরটা ছিল ভীষণ তেজী আর অত্যন্ত হিংস্র। হারিসেরও একটা কুকুর ছিল, সে সেটাকে নিয়ে এসেছিল রাজাসাহেবের বাড়ী থেকে। একদিন দুটো কুকুরে ঝগড়া হয়ে মারামারি লেগে গেল। দুটো কুকুর একসঙ্গে বেশ থাকত। কিন্তু সেটা ছিল ওদের মেটিং সিজন।

চিরন্তন বিরোধের বীজের দুটি দল। একটি খান্ড অজ্ঞাট নারী। ঝগড়া লাগল তাই নিয়ে। জংলী কুকুরটা হঠাৎ হারিসের কুকুর প্যাছারের গলার কামড়ে ধরলে। সে কামড়ে ধরা আশ্চর্য হিংস্র ধরা। গলার চারটে দাঁত ছুটিরে চেপে ধরে ক্রমাগত কাঁকি দিতে লাগল। হারিস আর বীরা প্রথমটা দুজনেই দেখছিল ওদের লড়াই। প্রথমটা হারিস বুঝতে পারেনি এই যুদ্ধের গুরুত্বটা কিন্তু যখন এমন ভাবে কাঁকি দিতে লাগল তখন সে ছুটে গেল ছাড়াবার জন্তে। কিন্তু নিষ্ঠুর হিংস্র বুনো কুকুরটা মার খেয়েও তা সঙ্ক ক'রেও আঁকড়ে ধরে থাকল।

হারিস বীরােকে চিৎকার করে বললে—ছাড়িয়ে দে বীরা ছাড়িয়ে দে।

বীরা হি হি ক'রে হাসছিল। সে বুঝতে পারেনি। কিংবা বুঝতে পেরেও ছাড়ার নি।

হারিসের প্যাঁচার তখন নিষেজ হয়ে পড়েছে। বীরা হাততালি দিচ্ছে। হারিস আর সহ করতে পারে নি, সে ছুটে ঘরের ভিতর থেকে বন্দুক এনে তার অব্যর্থ নিশানার ওই জঙ্গী কুকুরটাকে গুলি করেছিল। মুহূর্তে বীরা চীৎকার করে ছুটে এসেছিল—ঝাঁ, লড়াই করে মারলে আমার কুকুর—তু আমার কুকুরকে মারলি কেন? হারিস বলেছিল—তোকে গুলি করব আমি। কিন্তু বীরা বন্দুকটা হঠাৎ আচমকা টেনে ছিনিয়ে নিয়ে ফেলে দিয়ে হারিসকে আক্রমণ করেছিল। বলেছিল—তোকে এমনি করে মারব আমি। কিন্তু সেটা সম্ভবপর হয় নি। বীরার চেয়ে হারিস শক্তিমান হোক বা না হোক সে পাঁচ জানত, বন্ধি জানত। সে তাকে ঘারেল করেছিল। অবশ্য মার সেও খেয়েছিল যথেষ্ট। বীরা ঘারেল হয়ে পড়েছিল, হারিস উঠে দাঁড়িয়ে টলছিল। কিন্তু আক্রোশ তার তাতেও মেটেনি। হঠাৎ বন্দুকটা পড়েছিল নজরে। পড়েছিল সেটা। জান তার ছিল না, সে বন্দুকটা কুড়িয়ে নিয়ে বীরার মাথায় বাট দিয়ে মেরেছিল একটা ঝা! কতটা জোরে মারছে তা তার খেয়াল হয়নি। বীরা তখন হামাগুড়ি দিয়ে উঠতে চেষ্টা করছিল এবং তাকে গাল দিচ্ছিল কুংসিত ভাষায়। হারিস বাটটা দিয়ে মারতেই মাথাটা ফেটে গেল। রক্ত বেরিয়ে এল গলগল করে। বীরা লটকে পড়ে গেল। তখন তার খেয়াল হল এ সে করলে কি? মরে গেল লোকটা!

দ্রুত আতঙ্কে সে সঙ্গে সঙ্গেই ঘর থেকে সামনে বা পেলে নিয়ে পালাল। কোথায় যাবে ঠিক ছিল না। মনে পড়েছিল কলকাতা। হেঁটেই সে রওনা দিয়েছিল। রেলস্টেশন—বনে বনে বিশ মাইল পথ। সেই পথটা সে সেই ক্ষতবিক্ষত দেহে পায়ে হেঁটে অতিক্রম করেছিল। শুধু তো পুলিশের ভয় নয়। বীরাঙ্গলীর গ্রামে খবর গেলে তারা এসে তাকে তীর মেরে বিঁধে ফেলেই ছাড়বে না, টাঙি দিয়ে কুপিয়ে টুকরো টুকরো করে দেবে। তার বন্দুক ছুটা ছিল। একটা রাইফেল, একটা দোনলা। কাটিজও ছিল বাঘলোতে কিন্তু তু দিয়ে কতক্ষণ রাখবে। স্টেশনে এসে ট্রেনে চেপে এসেছিল কলকাতা। কিন্তু মানির বাড়ীতে ওঠেনি। একখানা ঘর, মারের ঘরটা তার, যা দিয়ে গেছে, মানি রাজী হয়েছে দিতে তবুও ওঠেনি। ভয়ে ওঠেনি। মুকুর্জীর ভয়ে। এবং মানিও বোধহয় বিরক্ত হবে এসব শুনে—সেই ভয়ে।

উঠেছিল সে, যেসব বাহুবীরের সে তার অরণ্য-স্বর্গে নিয়ে যেত, যারা সেখানে গিয়ে বিগুণ উল্লাসে স্বচ্ছন্দচারিণী বনদেবী সঙ্গে উল্লাস করত এবং করেক মাসে নোটের গোছা উপার্জন করে ও স্বাস্থ্য কিরিয়ে কলকাতা ফিরত, তাদের মধ্যে যে অন্তরঙ্গতমা, তার বাড়ীতে। সেও তাকে আশ্রয় দিতে বিমুখ হয়নি। কিন্তু তাতেও নিষ্কৃতি পায়নি। পনের দিনের মধ্যে পুলিশ ঠিক এসে তাকে অ্যারেস্ট করেছিল।

তার দুর্ভাগ্য। বীরাঙ্গলী সঙ্গে সঙ্গে মরেনি।<sup>১</sup> দুদিন পর হাসপাতালে পুলিশের কাছে তারিং ডিক্লারেশন দিয়ে তবে মরেছিল। তাকে অজ্ঞান অবস্থায় দেখতে পেরেছিল করেন্ট ডিপার্টমেন্টের লোক। তারা গ্রামে খবর দিয়ে গ্রামের লোকদের এনে তাকে পাঠিয়েছিল দশ মাইল দূরের সাব-ডিভিশনাল টাউনে। সেখানেই বীরা তারিং ডিক্লারেশন দিয়েছিল; হারিসসাহেব তাকে বন্দুকের ঝুঁদো দিয়ে মেরে মাথাটা ভেঙে দিয়েছে। কুকুরহুটোর বুভাক্তের সাক্ষী ছিল—কুকুরহুটোর কটোগ্রাফ। বিচারে তার সাত বছর জেল হয়ে গেল।

এরই মধ্যে মুকুর্জী এবং মানি দুজনেই মারা গেছে। সে বিলুপিসর্গ জানত না। জেল থেকে ছাড়া পেরে কলকাতায় ফিরেছিল হারিস। আর কোথায় যাবে? মনে পড়েছিল—

মানি তার মায়ের মৃত্যুশয্যার মায়ের ঘরখানা তাকে দেবে বলেছে। সে গেলে, তার এইসব মৃত্যুস্তবের পর তারা খুশী হবে না সে জানত। মানির স্নেহ আছে। কিন্তু তবুও হয়তো খুশী হবে না। সে তো জানে, মানি মুকুর্জীকে কি রকম ভালবাসত।

মায়ের মৃত্যুর সময় সে দেড়মাস ছিল ওই বাড়ীতে, ওই সময়েই কুইনী'র সঙ্গে তার ভাব হয়েছিল, সে-সময় দু-চার দিন সে তার বন্ধু এবং বান্ধবীদের নিমন্ত্রণ করেছিল তার নিজের ঘরে। কিন্তু—

তার কথাগুলো মনে পড়ছে স্পষ্টত। হারিস বলেছিল, মিতার মুকুর্জী ওয়াঙ্ক এ বেংগলী ক্রীস্চান, এ সেলসম্যান ইন দি হোয়াটগেয়ে লেডল কোম্পানী। হি ওলরেজ সাফারড ক্রম এন ইনক্লিরিবিটি কমপ্লেক্স ফ অ্যাংলো বয়েজ অ্যাণ্ড গার্লস। হি দিদ নত লাইক আওয়ার হল্লাজ অ্যাণ্ড মেরিমেকিং। মাই সিস্তা মানি দো অ্যান অ্যাংলো গার্ল কুদ নত জয়েন আস ক হিম। শী লাভড হিম ভেরি ডীপলি। অলসো মাই মাদা গ্রু অ্যাংরি উইথ মি। শী কার্ডড মাই ফাদা।

Mr. Mookerjee was a Bengali Christian, a salesman in the Whiteaway Laidlaw Company. He always suffered from an inferiority complex for the Anglo boys and girls. He did not like our hulas and merry making. My sister Mani though an Anglo girl could not join us for him. She loved him very deeply. Also my mother grew angry with me. She cursed my father.

অকুণ্ঠ স্বরে তার বাপের পরিচয়ও দিয়েছিল সে। বলেছিল, ই্যা, বাবা তার লাইক-এ সাকসেসফুল লোক ছিল না। চরিত্রেও সে অস্থির ছিল, তারই মত।

বলেছিল সে—My father was a pure Englishman. Came to India as a soldior. But was discharged for misconduct. Then he became a football trainer in an Anglo Indian football club. Then he became a sports goods dealer. There he lost everything. After that he got a job in the port police. There he met this Mr. Pedros, father of Mani. Pedros was a young man and my father was an old man of fifty-five or so. Mr. Pedros was an officer in an Indian firm—doing export import business. Pedros was their supervisor in the docks. Here they met and secretly organised a smuggling business together. You see, my father used to come to Pedros' house everyday and met my mother. Mr. Pedros died suddenly, leaving my mother and Mani. This house was Pedros' own house. My father took advantage of this situation and induced my mother to marry him. When I was born—he again lost his job for misconduct, and lived on my mother, became a great drunkard. Then he died.

তার বাবা লোক ভাল ছিল না। সেও খুব ভালোমাস্হব হতে পারেনি এটা সে মানে। তবু মানির উপর ভরসা করে কলকাতার এসেছিল। এবং আশা করে এসেছিল এবার সে ভাল লোক হতে চেষ্টা করবে। কুইনীকে স্নেহ করবে। কুইনীকে সে ইংরেজ এবং অ্যাংলো ইণ্ডিয়ান

শোসাইটিতে ইনট্রোডিউস করবে। শরীরটা সেয়ে উঠলেই নতুন মানুষ হবে সে। তা যদি সম্ভবপর নাই হয়, শরীরটা সারলেই আবার সে যা-হয়-কিছু করবে। শিকারের নেশা তার এখনও আছে। বন্ধুক তার গেছে, চেষ্টা করলে বন্ধুক সে আবার পাবে। ইচ্ছে ছিল এবার জানোয়ার ধরার ব্যবসা সে করবে। না-হয় সার্কাস পার্টিতে চলে যাবে। যা-হোক-কিছু করবে। কিন্তু এলিয়ট রোডের বাড়ীতে এসে সে-বাড়ীতে অল্প লোকদের দেখে হতভয় হয়ে গিয়েছিল। বাড়ীতে মানি নেই, মুকুজি নেই, তাদের ছোট্ট মেয়ে কুইনী নেই, তার জায়গায় একজন মিস্টার রাইট বাস করছে। তারা ভাড়া নিয়েছে গোটা বাড়ী। আশপাশের চেনা লোকেরা বলেছে তাকে যে, মুকুজি-মানি দুজনই মরে গেছে। আগে মুকুজি, তারপর মানি। দুজনেরই খাইসিস হয়েছিল। মানির অসুখে সেবা করতে এসেছিল এই গোয়ানপাড়ার হিলডা পেড্রোস। মানির বাপ পেড্রোসের সে বোন হত। পেড্রোসের মা ছিল এই গোয়ানীদের মেয়ে। মানি চিঠি লিখেছিল তাকে। মানির মৃত্যুর পর এই হিলডা নিয়ে এসেছে কুইনীকে এখানে। এবং বাড়ীটা ভাড়া দিয়ে এসেছে এই রাইটকে।

কি করবে সে? তার আজ অর্থ নেই, আশ্রয় নেই। তাছাড়া ‘কুইনী’ মানির মেয়ে, তার ভাণ্ডী, শেষে সে এই গোয়ানদের গ্রামে এসে একেবারে নষ্ট হয়ে যাবে, অসভ্য হয়ে যাবে! তাই সে এসেছে এখানে। সে চায় কুইনীকে নিয়ে সে এলিয়ট রোডের বাড়ীতে সংসার পাতবে। তার আর কে আছে? কুইনীই তার সব হবে। তাকে মানুষ করবে।

—ভেরী সুইট গাল। য়ু সী! Very sweet girl, you see.

কিন্তু হিলডা-তাকে আমল তো দেয়ই নি, তাকে নানান কটু কথা বলেছে। বলে, মানি তাকেই কুইনীর গার্জেন করে গেছে। যা করবার সেই করবে। সে মিদনাপুরে কুইনীকে ইচ্ছলে ভর্তি করে দেবে, নতুন সেসন আরম্ভ হলে। কিন্তু সেসব মিথ্যে কথা। কিছু করবে না। আর সে গার্জেন কি করে হবে সে থাকতে? সে কুইনীর মায়ের ভাই, এক মায়ের পেটের ভাই-বোন, না হল এক বাপের! হিলডার এটা নিজের জায়গা। সে এখানে অসহায়। কাল সারাদিন ধরে খারাপ কথা শুনে শেষে রয়বাবুর নাম শুনে সে এখানে এসেছে। শুনেছে সে যে গোয়ানপাড়ার প্রত্যেকে রয়বাবুকে মানে। হিলডাও মানে, খাতির করে।

—আপনি রয়বাবু গোয়ানপাড়া রেন্ট ফ্রি করে দিয়েছে। এখানকার লোকের ভি বহু রাইট দিলে। য়ু হ্যাভ এ ফাইন সেন্স অব জাস্টিস—You have a fine sense of justice, রয়বাবু, য়ু প্লিজ হেল্প মি, তেল স্মাত হিলদা তু গিভ কুইনী তু মি। You please help me, tell that Hilda to give Quinee to me.

সে তাকে পড়াবে। সভ্যকারের ফাইন লেডী হবে সে।

আমি তার কাহিনী শুনে বিস্মিত হয়ে তার মুখের দিকে তাকিয়ে ভাবছিলাম, ওই লোকটির কথা। কুইনীকেও মনে পড়ছিল। কথাবার্তাগুলিও মনে পড়ছিল। নমস্কার স্তর! কিছুক্ষণের অল্প রায়বাড়ীর কাহিনী—বীকেশ্বর রায়, রতেশ্বর রায়, অতুলেশ্বর, যেজমিকে নিয়ে যে-বিচিত্র চিন্তা জেগেছিল, তাও তুলে গিয়েছিলাম। বিস্ময়কর বিচিত্র জীবন!

লোকটাই আমাকে সচেতন করে তুলেছিল—রয়বাবু!

ঘোরটা ভেঙে গিয়েছিল।

আমি তাকে বলেছিলাম—ইয়েস মিস্টার হারিস, কাল আমি সকালবেলা হিলডাকে ডাকব। কুইনীকেও সঙ্গে আনতে বলব। তাদের কাছে এ বিষয়ে তাদের কি বলবার আছে জিজ্ঞাসা

করব। তারপর তোমাকে উত্তর দেব। তার আগে কিছু তো বলতে পারব না।

হারিস এইটুকুতে খুশী হয়েছিল। বলেছিল, রয়বাব, আই নিড ইট। তুমি এই বলবে আমি জানতাম। নিশ্চয় তুমি শুনবে। তবে তুমি বিচার করে দেখো, সে সত্য কথা বলছে কিনা! হয়তো বলবে, আমি মার্ডারার। হয়তো বলবে, আমি বদমাস। আমি ওই শিকারের সময় গার্লস নিয়ে যেতাম, আমি পাজী লোক, কিন্তু দেখ, সে করতাম বাধ্য হয়ে আমার প্রফেশনের সুবিধের জন্তে, আর সে মেরেরাও ছিল প্রফেশনাল। কিন্তু আমি তো ভদ্রলোক।

কথাগুলো আমাকে আর একটা দিক সম্বন্ধে সচেতন করে দিয়েছিল সুলতা, আমি তাকে কথায় বাধ্য দিয়ে বলেছিলাম, সেসব কাল শুনব। আজ আর নয়। এগারটা বাজছে। তুমি এস। কিন্তু তুমি রয়েছ কোথায়? হিলডার বাড়ীতে?

—না। সে থাকতে অবশ্য বলেছিল। কিন্তু তা আমি থাকিনি। হিলডা বড় রাফ রুড। তাছাড়া ওদের ঘরদোর ভাল নয়। হিলডাই আমাকে বলেছিল, চার্চের পাশে একখানা ঘর আছে সেখানে থাকতে। মিদনাপুর থেকে পাজী এসে থাকে। আমি তাও থাকিনি। আমি অল্প একজনের বাড়ীতে রয়েছি। তাকে টাকা দিয়েছি—ক্যাশ কাইভ রুপিজ। সেখানে থাকছি।

লোকটা চলে গেলে কিছুক্ষণ আমি ওর কথাই ভেবেছিলাম। বিচিত্র জীবন; পঞ্চায় বছরের বৃদ্ধ ওর বাপ, আমি থেকে ডিসচার্জড হয়ে ফুটবল-ট্রেনার, তারপর দোকান। তারপর পোট-পুলিশে ঢুকে স্মাগলিং। ছেলে টেনিস ক্লাবে বয়, সেখান থেকে উড়িয়ার, নেটিভ স্টেটে গিয়ে শিকারী। খুন। জেল। জাতটাই বিচিত্র।

খেয়েদেয়ে শুয়ে ঘুম আসেনি, কিরে এসেছিলাম রায়বংশের কথায়। সেদিনের আজকের কথায়। ছবি আঁকার কল্পনা নিয়েই শুয়ে জেগে ছাদের দিকে তাকিয়ে ছিলাম। হঠাৎ কল্পনা একটা এল, খুব উৎসাহিত হয়ে উঠলাম।

আঁকব, ১৮৫৭ সালে কুইনস ডিক্লারেশনের সময়, ডিক্লারেশন পড়ছেন কলকাতার লর্ড ক্যানিং। মেদিনীপুরে পড়ছেন ডিস্ট্রিক্ট ম্যাজিস্ট্রেট একটা প্যাণ্ডেলের তলায়। প্যাণ্ডেল নয় সেটা, ছাদই হবে। ছাদের তলায় মোটা মোটা সারিবন্দী থাম। থামের পারাগুলো মোটা পাথরের, সেগুলো এক-একটা জমিদারী এস্টেট। আর থামগুলো শক্ত পাথরে খোদাই মাহুকের মূর্তি। তারা জমিদার, কারও টাইটেল রাজা, কারও মহারাজা, কারও রায়বাহাদুর, কারও রায়সাহেব, কারও বা খেতাব নেই। আর অগণিত ভীতিবিহ্বল মাহুয। তারা চাষী, তারা গৃহস্থ, তারা সাধারণ মাহুয। চারিদিক ঘিরে থাকবে পুলিশ, মিলিটারী। ছাদটার মাথায় উড়ছে ইউনিয়ন জ্যাক।

আর একটা আঁকব—১৯৩০ সাল। সেটাতে সেই ছাদ, সেই পুলিশের বেটনী, মিলিটারীর পাহারা। এবং চাষীগৃহস্থেরা বুক ফুলিয়ে দাঁড়িয়েছে, চোখে বিরোহী দৃষ্টি। আর ওই থাম-গুলোর পাথরের মাহুয জেগে উঠেছে। তার মধ্যে কীর্তিহাটে বে-শুভটা বীরেশ্বর রায়ের মূর্তি ছিল, সেটা ফেটে গেছে, তা থেকে বের হচ্ছে অভুলেশ্বর, তার হাতে ডেরদা বাণ। আর পাশে দাঁড়িয়ে মেজদি দিচ্ছেন আশীর্বাদ, অর্চনা বাজাচ্ছে শাঁখ।

অনেক রাজি পর্যন্ত ঘুমোইনি। মনে হয়েছিল চীৎকার করি আনকে। হ্যা, পেয়েছি। পেয়েছি। এই আইডিয়া নিয়েই দুখানা ছবি আঁকব আমি। এই আমার এই ছবির একজীবিশনের সূচনা। বীজ।

অনেক রাতে সেদিন শুয়েছিলাম।

রাত্রি শেষ হয়েছে। বাইরে মহানগরীর বর্তমান জেগেছে। বিরাট কর্কাকাণ্ডের ঢাকাটা সশব্দে চলতে শুরু করেছে। গন্ধার বৃকে জাহাজে সীমারে ভেঁ বাজছে। মিলের পর মিলে সাড়ে পাঁচটার সিটি সাইরেন-ভেঁ বাজছে। গাড়ীর চলাচলের শব্দ শোনা যাচ্ছে। পাখীর শব্দ হারিয়ে গেছে। তাকে ছাপিয়ে উঠছে মাহুঘের সাড়া।

তাকে উপেক্ষা করেই সুরেশ্বর বলে চলল—সুলাতা, পরের দিন সকাল—সে দিনটি ছিল ১৯৩৭ সালের জাম্বুয়ারী মাসের ২৬শে। ১৯৩০ সাল থেকে ২৬শে জাম্বুয়ারী ভারতবর্ষের ইতিহাসে চিহ্নিত হয়েছে। আজ সে পূর্ণ মূল্য পেয়ে সগৌরবে পৃথিবীর ইতিহাসে চিহ্নিত। কিন্তু সেদিন ১৯৩৭ সাল ভারতবর্ষের মাহুঘের বৃকে ওর স্থান ছিল ভাবী জননীর প্রত্যাশিত দিনটির মত।

আমি ওই দিন—ওই দেখ ওই ছবিখানা আরম্ভ করেছিলাম সকালে উঠেই। আমার মনেই ছিল না হারিসের কথা। সম্পূর্ণ ভুলে গিয়েছিলাম। প্রথমে উঠে ক্যানভাস বের করে ইজেলের উপর চাপাচ্ছি, মনে পড়ল আজ ২৬শে জাম্বুয়ারী। একখানা পতাকা টাঙাবার ইচ্ছে হয়েছিল। কিন্তু পতাকা কোথায় পাব? হঠাৎ মনে হয়েছিল এ তো আর বীরেশ্বর রায়, রায়বাহাদুর রত্নেশ্বর রায়ের সম্পদ-গৌরব-বলমল রায়বাড়ী নয়। এ অতুলেশ্বরের রায়বাড়ী। জীর্ণ কাটল-ধরা শ্রাওলা-পড়া পললুরা-খসা রায়বাড়ী।

আজ নতুন কালের পতাকা থাকবে না? নিশ্চয় থাকবে। অতুল পিঙ্গলগুলি যোগাড় করেছিল আর পতাকা যোগাড় করেনি? পিঙ্গলটা মেজদি বের করে দিয়েছেন, আমি গোপনে কাটিজগুলো কেলে দিয়েছি। রায়বাহাদুর রত্নেশ্বর রায়ের যে ঘরটার মহারানী ভিক্টোরিয়ার বড় অয়েল পেটিং টাঙানো ছিল সেই ঘরটাই অতুলেশ্বর ইংরেজরাজত্ব উচ্ছেদের লড়াইয়ে অস্ত্রাগার করেছিল। এ বাড়ীতে জাতীয় পতাকার অভাব হবে?

অর্চনাকে ডেকে পাঠালাম আমি। অর্চনা এসে বললে—ডেকেছ সুরোদা?

তার মুখের দিকে তাকিয়ে আমি চমকে উঠলাম। অর্চনার চোখ ছুটো লাল হয়ে উঠেছে। অস্বাভাবিক রকমের লাল। গৌরবর্ণ মুখখানাও যেন রাঙা দেখাচ্ছে। মনে হল অরটর হয়েছে। বললাম—তোর মুখ-চোখ এমন কেন রে?

সে বললে—ও কিছু না।

—কিছু না মানে? অরটর হয়েছে নাকি?

—না। এখন বল কি বলছ?

—দেখি—তোর কপালের তাপ দেখি।

—না—দেখতে হবে না। কাল রাতে ঘুম হয়নি।

এবার ওর চোখে জল দেখতে পেলাম। এবার বললাম সারারাত কেঁদেছে মেরেটা। আমি বললাম—তুই মিথ্যে এমন করে কীদিস নে। মেজদি ক' অতুলের অন্তে কীদতে নেই।

এবার দরদর করে জল গড়িয়ে এল চোখ থেকে। ভাড়াভাড়ি চোখ মুছে নিজেকে সামলাবার চেষ্টা করে বললে—না, তাদের অন্তেও কীদিনি সুরোদা। তুমি বল—কি বলছ।

আমি বললাম—না। বল তুই আগে কি হয়েছে।

এবার সে বললে—আমাকে বলির ব্যবস্থা হয়েছে সুরোদা। তাই কেঁদে নিছি।

—তার মানে?

—বাবা আমার বিয়ের সন্ধ ক'রে এসেছে—একজন পুলিশ সাবইন্সপেক্টরের সঙ্গে।



আমার আমার শালায় ছেলে। তার স্ত্রী মারা গেছে। মামা সন্তক করে দিচ্ছে। আমি শেবে—

কথা শেষ করতে পারলে না অর্চনা—আবার ঝরঝর করে কঁদে ফেললে। আমি করেক মুহূর্ত স্তম্ভিত হয়ে রইলাম স্থলভা; তারপর বললাম—তুই ভাবিস নে—এ বিয়ে হ'তে আমি দেব না। আমি জগদীশকাকার হাতে পারে ধরব—বলব—অর্চির বিয়ের ভার আমার। আমি পাত্র দেখে যা খরচ করতে হয় করে ওর বিয়ে দেব। ভাবিস নে।

অর্চনা চোখ মুছে হাসল। সে হাসির মানে আলাদা—জাত আলাদা। তার মানে একটা নয় অনেকগুলো। তাতে যত ব্যঙ্গ তত ক্ষোভ। সে হাসি যত ধারালো তত বীকা। বললে—যেহে, বাবা অপমান করবে। সন্তক পাকা করে এসেছে। দিন পর্ত্ত একরকম স্থির। কাস্তনের শেষে। টাকা নেবে না। সরকারী চাকরে। যাকে কাল আমি বলেছিলাম—বিয়ে আমি করব না। জোর করে বিধ খাব। বাবা ঠাস করে এক চড় মেরেছে আমার গালে। ও থাক। সে যা করবার আমি করব। এখন কি বলছ বল!

—অর্চনা? আমি তার মুখে-চোখে একটা নিষ্ঠুর সঙ্কল্পের আভাস দেখতে পেয়েছিলাম।

—আঃ! বল না কি বলছ!

তার হাত চেপে ধরে বললাম—বল তুই বিধ খাবি নে! তুই বিধ খাবি! আমি বুঝছি।

হেসে ফেলে সে বললে—খাব না। হল তো!

—তবে? তবে তুই কি করবি?

—সে আমি বলব না।

—অর্চনা!

একটু চুপ করে থেকে অর্চনা বললে—আবারও আমি বলব স্বরোদ। তাতেও যদি না মানে আমি পুলিশকে চিঠি লিখব যে রায়বাড়ীর অর্চনা ব'লে মেয়েটা অতুলকার সঙ্গে এইসব কাজ করেছে। তাহ'লে আমাকে ধরে নিয়ে যাবে। পুলিশ দারোগাসাহেবও আমাকে বিয়ে করতে রাজী হবে না!

আমি চমকে উঠেছিলাম। তাকে অবিশ্বাস করতে পারি নি। আমি তার হাতখানা চেপে ধরে বলেছিলাম—না। তা করবি নে।

—তা হ'লে কি করব বলতে পার?

আমি উত্তর দিতে পারি নি। সে হেসে বলেছিল—বল? বল কি করব?

আমি ভেবেই বলেছিলাম—আমি জগদীশকাকাকে ডেকে বা তার কাছে গিয়ে সব কথা গোপনে বলব। এবং বিয়ের ভার আমি নেব। নিশ্চিত থাক। সব স্ত্রী জগদীশকাকার কখনও জেদ করবে না।

একটু চুপ করে থেকে সে বসেছিল—বেশ তাই হ'ল। এখন কি বলছ বল। আমি এখন ঠাণ্ডুরবাড়ী যাব। মেজদি নেই। একবার গিয়ে দাঁড়াতে হবে। না-হলে পুকুরা পুজুরীরা যা মন তাই নমো নমো করে পুজো সেরে পালাবে।

—সে করিস। কিন্তু এখুনি যে আমার একটা ক্ল্যাগ চাই।

—ক্ল্যাগ?

—হ্যাঁ, কংগ্রেস ক্ল্যাগ। আজ ২৬শে জানুয়ারী।

—ক্ল্যাগ তুলবে?

—হ্যাঁ।

—না, তুলো না। বাড়ীতে স্পাই রয়েছে। কোঁকের মাথার কিছু করতে গিয়ে আর মিছিমিছি জট পাকিয়ে না।

অবাক হয়ে গিয়েছিলাম আমি—বাড়ীতে স্পাই রয়েছে? কি বলছিল রে? কে?

—অবাক হচ্ছে কেন? কল্যাণদাকে চেনো না? এই মামলাটা যতদিন চলেছে—ততদিন ওর সঙ্গে থানার বাবুদের চিঠি চালাচালি হচ্ছে। ওর রাগ তোমার ওপর। তোমাকে জড়াবার চেষ্টার অন্ত নেই। মেজজ্যাঠাকে তো জানতে। তার নিজের হাতের তৈরী সিপারের ঘোড়ার মত বাগের বেটা। সুবি আমাকে বলেছে। সুধমা ওর নিজের বোন, সে মিথ্যে কথা বলবে না। আবার বলতেও পারি না সেও দাদার সাগরের কিনা। আমাকে বার বার বলেছে—মেজদির ঘরে কি অতুলকা'র ঘরে আর কিছু আছে তো কেলে দে অর্চি। আমি বললাম—আমি কি করে জানব সুবি? তা বললে—তুই তো মেজদির সঙ্গে ফিরতিস—বাবের সঙ্গে কেউয়ের মত। তাই বলছি। আর সুরোদার কাছে এমন ক'রে হাসনে। দাদা বলছিল—সুবি, বিবিমহলের দিক খবরদার যাবি নে, সুরেশ্বরদার কাছে। ওর ওপর পুলিশ নজর রাখছে। মেজজ্যাঠা ইউনিয়ন বোর্ডের প্রেসিডেন্ট ছিল জান তো? বোর্ড এ জেলায় চলে নি। তবুও আঁকড়ে ধরেছিল—ছাড়েনি। কত বলেছে লোকে—কিন্তু তবু ছাড়েনি। মেজজ্যাঠার মৃত্যুর পর থেকে কল্যাণ সেটা ধরেছে। আজ সকালবেলা থেকে ছাদের ওপর ঘুরছে। কি? না, কার বাড়ীতে কোথায় ফ্যাগ উঠেছে দেখছে। ওসব যাক। আমার কথা শোন। তোমার কথা আমি শুনব—যদি তুমি আমার কথা শোন। আমি চললাম সুরোদা, বাবা খুঁজবে আমাকে।

বলে আর দাঁড়াল না সে। চলে গেল। আমার মনের কোভ বল কোভ—ক্রোধ বল ক্রোধ—অসহ্য হিংসা বল হিংসা—বেড়ে গিয়েছিল স্থলতা। আমি কোনমতে সামনা পাই নি। ফ্যাগ ওঠাব না? ফ্যাগ নেই কিন্তু আমি ছবি আঁকি, রঙ দিয়ে কাপড়ের কালির উপর ছবি আঁকতে কতক্ষণ লাগবে আমার?

এই মধ্যে ভুলে গিয়েছিলাম সব। কিছুক্ষণ পর ছবি আঁকতে শুরু করেছিলাম। কাপড়ে রঙ করে ফ্যাগ তৈরী করে বিবিমহলের ছাদের উপর তোলা হয় নি—সম্ভবতঃ অর্চনার কথায় আমি ভুলই পেরেছিলাম। কারণ অর্চনার কথাটাই আমার কাছে বড় হয়ে উঠেছিল। অর্চনা বলেছে—“আমার কথা মানলে তোমার কথা মানব”। আজ মনে মনে ধড়িয়ে দেখে বার বার নিজেকেই জিজ্ঞাসা করেছি—তাই কি সত্যিই করত? করতে পারত? আজ আমার মন বলে পারত না। কখনোই পারত না। বিপ্লবীরাও তা পারে না। চট্টগ্রামের অনন্ত সিং নিজে এসে কলকাতার আই বি আপিসে ধরা দিয়েছিলেন—তার কারণ অন্ত। তখন দল ধরা পড়েছে। আর তার সঙ্গারের উপর নিষ্ঠুর নির্যাতন হচ্ছে। এবং তখন তিনি ভেবেছিলেন তাঁর ‘মিশন’ শেষ হয়েছে। তিনদিনের অন্তে চট্টগ্রামে ইউনিয়ন জ্যাকের জারগার ভেরা কাণ্ডা উড়িয়ে, ভারতবর্ষের একখানা শহরকেও স্বাধীন করে স্বাধীনতার যে পতন করে গেলেন তাতেই বীজ পোতা হল।

কিছুদিন আগে পড়েছি স্থলতা, কোথায় কোন বৌদ্ধমঠে নাকি একটি পাত্রের মধ্যে হাজার বছরের পুরনো পদ্মবীজ ছিল। সেই বীজটা মঠের ধারে জলাশয়ে পড়ে তা থেকে গাছ হয়েছে—এবং ফুলও ধরেছে সে গাছে।

সুভদ্রা বিচার ক'রে দেখেই বলছি—সেদিন আমার মনের মধ্যে ভুলই ছিল। আবার  
ভা. র. ১৪—১৩

লজ্জাও ছিল। মনে হয়েছিল, আমি ইংলিশম্যান স্টেটসম্যানের যোগেশ্বর রায়ের ছেলে, আমি নিজে ভিরিশ সালে জেল থেকে ফিরে বিদায় সত্যগ্রহ বলে চিঠি লিখে স্টেটসম্যানে ছাপিয়ে পিছিয়ে এসেছি, আজ আর মুক্ত রণক্ষেত্রে এগিয়ে যাবার অধিকারই নেই। হয়তো নিজেই এমন দুর্বল যে কোঁকের মাথার ক'রে ফেলে ধরা পড়ে নির্ধাতন সহিতে না পেরে সর্বনাশ ক'রে ফেলব।

ছবিই আঁকছিলাম ফ্ল্যাগ তোলার বদলে। তারই মধ্যেই থাকবে ফ্ল্যাগ। বীরেশ্বর রায়দ্বী ১৮৫৭ সালের শুভটো ফেটে গিয়ে ভেঙে পড়ছে, তারই মধ্যে থেকে অতুল বের হচ্ছে ফ্ল্যাগ হাতে। পাথরের থামটার পায়া কীর্তিহাটের জমিদারী ফেটে চোঁচির হয়ে টুকরো টুকরো পাথরের একটা স্তূপে পরিণত হয়েছে।

এরই মধ্যে বেলা তখন নটা বেজে গেছে। আমি ইজেল পেতেছি কঁাসাইয়ের ধারের বারান্দাটায়। ওপারে সিদ্ধপীঠের জঙ্গল। জঙ্গলটার পশ্চিম প্রান্তে আমার সামনের দিকে অনেকটা পশ্চিমে গোয়ানপাড়া, ডাক শুনলাম—Sir, Roy Babu.

আমি তুলিটা চালাতে চালাতেই ডাকটা শুনলাম। তুলি তুলে তার দিকে তাকালাম। দেখলাম ওপারে দাঁড়িয়ে কালকের সেই হারিস।

কি জানি কেন, মুহূর্তে একটা কঠিন ক্রোধে আমি যেন নিজেকে হারিয়ে ফেলেছিলাম। মনে হয়েছিল লোকটা আমাকে একটি শুভ কাজে বাধা দিলে। আরও বেশী রাগ হয়েছিল লোকটা অ্যাংলোইণ্ডিয়ান বলে। এরা এদেশের মানুষ হলেও এদেশের শত্রু। অন্ধবিশ্বাসী মানুষের মতই বিশ্বাস হয়েছিল সেই মুহূর্তে স্মরণ যে, যে মুহূর্তে কীর্তিহাটের জমিদারস্বত্ব কাটিয়ে অতুলেশ্বর বের হচ্ছে—এই ছবিটি আঁকতে যাচ্ছি—সেই মুহূর্তে ওই লোকটার এই পিছন ডাকা যেন ইঙ্গিতময়।

তুলিটা ফেলে আমি রুদ্ধকণ্ঠে বলেছিলাম—আমার এখন সময় হবে না মিঃ হারিস! সন্ধ্যাবেলা দেখব। এখন যাও।

সে কিন্তু ছাড়েনি। বলেছিল—কিন্তু তুমি আমাকে কাল কথা দিলে রয়-বাবু! তুমি নিশ্চয় সাধারণ লোক নও। আশা করি কথা তুমি রাখবে। তা না হ'লে আমি নিশ্চয় চলে যেতাম। দেয়ার ইজ কোর্ট।

আমি প্রাণপণে আমার রাগ চাপবার চেষ্টা করছিলাম। তবু ঠিক তা চাপতে পারছিলাম না। তার দিকে স্থিরদৃষ্টিতে তাকিয়ে ছিলাম।

সে বলেই চলেছিল—ইউ আ এ বিগ জমিদার—গত এ বিগ হাউস, সন অব অ্যান অ্যারিস্টোক্র্যাটিক ক্যামিলি—ইউ শূড অ্যাণ্ড মার্ট কীপ ইরো ওয়ার্ডস—।

You are a big Zamindar. got a big house, son of an aristocratic family—you should and must keep your words.

কথাবার্তা শুনে মনে হ'ল লোকটা সকালেই বোধহয় মত্তপান করেছে। পা ফাঁক ক'রে দাঁড়িয়ে একটু একটু হুঁচকে।

কঠিন কোভ হয়েছিল। কিন্তু ওকে চীৎকার ক'রে খেদিয়ে দিয়ে নিজেকে ছোট করতে পারি নি। লোকটা এখান থেকে চলে গিয়ে পথে পথে গাল দিতে দিতে যাবে। আমি বলেছিলাম—দাঁড়াও, আমি যাচ্ছি। গোয়ানপাড়া গিয়ে এখুনি হিলডা কি বলে শুনে আসব।

হারিস বলেছিল—তুমি যাবে রয়বাবু? হোয়াই? হিলডাকে ডাক তুমি!

—না। তাতে অনেকক্ষণ সময় নেবে।

আমার ইচ্ছেও হয় নি ওকে ধরে ঢুকতে দিতে। আমাটা গারে দিবে বেরিয়ে গিয়েছিলাম। সঙ্গে গিয়েছিল ডিক্রুজ। ছুটে আগে চলে গিয়েছিল গোমেশ পাড়ার খবর দিতে।

\*

\*

\*

আমি জানতাম না সুলতা যে আমি ওই হারিসের ডাকে যাচ্ছি না। যাচ্ছি নিরতির আকর্ষণে। তা ছাড়া আর কি বলব আমি বুঝতে পারি না। সেদিন থেকে আজও পৰ্বন্ত না।

সুলতা বিম্বিত হয়ে তার মুখের দিকে তাকালে। কিন্তু প্রশ্ন কিছু করলে না।

সুরেশ্বর বললে—আমি গোয়ানপাড়ায় যেতেই পাড়ার একটা সোরগোল পড়ে গিয়েছিল। হিলডা আমাকে সম্বন্ধনা করবার জন্য বিব্রত হয়ে উঠে হাঁকডাক শুরু করে এমন একটা কাণ্ড করেছিল যে আমি লজ্জিত হয়েছিলাম। বারণ করলেও সে শোনে নি। চেয়ার বের করে আনতে গিয়ে বেচারী পড়ে গিয়ে আঘাত লাগিয়েছিল পারে। ত্রাণ করেছিল কুইনী এসে।

কুইনী ওদের চারের পাশের ঘরে পাঠশালায় ছেলেদের পড়াচ্ছিল। এখানে আসবার আগে পৰ্বন্ত সে কলকাতায় ইস্কুলে রাস নাইনে পড়ত। এখানে এসে ছেলেদের নিয়ে একটা পাঠশালা খুলেছে। সে পড়ায় তাদের। কুইনীকে দেখে চিনতেও সেদিন কষ্ট হয়েছিল। সেদিন সে ফ্রক পড়ে নি। পরেছিল শাড়ী। তাতে অনেকটা বড় দেখাচ্ছিল। সুলতার একটি বাড়লীর মেয়ে। মাস্তা রঙ, চোখে যেন ইউরোপের নীলের আভাস। চুলে ঝেং পিঙ্কলাভা। কথু চুলের বেণী পিঠে ঝুলিয়ে সে এসে হিলডাকে বলেছিল—বস তুমি। বাস্তব হয়ো না। রায়বাবু এসেছেন—উনি পাড়াবেন একটু। তাতে কি হয়েছে? আমরা তো খবর জানি না! তারপর চেয়ারখানা ভাল করে পেতে দিয়ে বলেছিল—বসুন স্তার।

হিলডা বলেছিল—আপনে আসবেন বাবু খবর না মিললে কি করবে হামরা। আপনে গোটা গোয়ানপাড়া লখরাজ করে দিলে—আপনে জমিদার—আপনে আসবেন—

বাধা দিয়ে আমি বলেছিলাম—আমি খুব জরুরী কাজে এসেছি হিলডা। মিঃ হারিস—! হালো মিস্টার হারিস!

হারিসকে দেখতে পাইনি। সে পিছন পিছন আসছিল, কোথায় গেল বুঝতে পারলাম না। কিন্তু হিলডা হারিসের নাম শুনে যেন ক্ষেপে গেল। চীৎকার করে উঠল—হারিস—উ বদমাস—বজ্জাত—খুনী আদমীঠো আপকে পাশ গিয়েছে? হারামী কি বাচ্চা হারামী, খুনীকে লেড়কা খুনী! হারামীর বাবা—হামার ভাই পিড্রোস—ওই হারিসের বাপকে লিয়ে জ্ঞান হারালে বাবুসাব। উ হারামী কলকাতা সে ফিরিঙ্গী ছোকরী লোককে লিয়ে গিয়ে বড়ালোক বদমাস লোকের কাছে বেচত—উ কুইনীকে নিতে আসছে। হারামী বেচে দিবে কুইনীকে—

হঠাৎ ওপাশ থেকে উচ্চতর কণ্ঠে কুংসিত ভাষায় হারিসের সাড়া পেয়ে তাকলাম ফিরে। রুমালে মুখ মুছতে মুছতে সেও গাল দিচ্ছে—ইয়ু বিচ—

সে অশ্রাব্য ভাষা। তেমনি কর্কশ উচ্চকণ্ঠ। বুঝতে পারলাম, যা মদ সে খেয়েছিল, তাতে ঠিক এইভাবে বগড়া করবার মত মনের বল পায় নি হারিস, সে আমার পিছনে আসতে আসতে সম্ভবতঃ তার পাঁচ টাকার ভাড়া করা আস্তানাতে গিয়ে আরও মদ গিলে ফিরছে, এই মুহূর্তে।

আমি ধমক দিয়ে হারিসকে বলেছিলাম—হারিস। চুপ কর তুমি।

হারিস ধামে নি—চীৎকার করে উঠেছিল—জাট বিচ ইজ লাইং—

কুইনী চুপ করে পাড়িয়েছিল এতক্ষণ, এবার সে ইংরিজীতে হারিসকে বললে—ই ইজ নট

লাই। ইট ইজ ফ্যাক্ট!

হারিস কয়েক মুহূর্ত স্তব্ধ হয়ে গেল। তারপর হঠাৎ আবার চীৎকার করে বলে উঠল—  
ইউ ডটার অব এ ব্ল্যাক নিগার—হাউ ডেরার ইউ সে সো—

—মিল্টার হারিস!

কুইনীর কণ্ঠস্বরকে চাপা দিয়ে হারিস চীৎকার করেই চলেছিল। আমার আর সন্ধ্যা হয় নি—আমি ডিক্লুজ আর গোমেশকে বলেছিলাম—তোমরা দাঁড়িয়ে আছ আর ও লোকটা এইভাবে গালাগাল দিচ্ছে? বলে আমি নিজেই উঠে গিয়ে তার কলারটা চেপে ধরে বাঁকি দিয়ে বলেছিলাম—উইল ইউ স্টপ? অর—।

লোকটার দৃষ্টি আমার দিকে ছিল না—ছিল আমার পিছনে এবং তার চারিপাশে গোয়ান পুরুষেরা এগিয়ে আসছিল তার দিকে।

সে এবার চূপ করে গিয়েছিল। নেশার মধ্যেও তার বোধহয় জ্ঞান উকি মেরেছিল। সে বলেছিল—অল রাইট বাবু; অলরাইট। লীভ মী দ্বিজ। আই প্রমিস টু কীপ কোরিয়েট!

তাকে ছেড়ে দিয়ে আমি ব্যাপারটা সংক্ষেপ করবার জন্ত কুইনীকে জিজ্ঞাসা করেছিলাম—কুইনী, এ বলে এ তোমার মামা। সে তোমাকে নিয়ে যেতে চায় কলকাতা।

কুইনী বলেছিল—না। আমি ওর সঙ্গে যাব না।

আমি বলেছিলাম—বেশ। কিন্তু ও বলছে—তোমাদের যে বাড়ী আছে এলিয়ট রোডে, সে বাড়ীর একখানা ঘর তোমার মায়ের মা ওকে দিয়ে গিয়েছিল। সেই ঘরখানা সে চাচ্ছে। হিলডা গোটা বাড়ীটা ভাড়া দিয়ে এসেছে।

হিলডা এবার আবার রাগে ফেটে পড়ল।

বলতে বলতে সুরেশ্বর যেন চঞ্চল হয়ে উঠল। চূপ করে গেল কিছুক্ষণের জন্ত। তারপর মাথা হেঁট করে তার সামনের লম্বা রুম্ব চুল ডান হাতের মুঠোর চেপে ধরে বলে উঠল—ওঃ!

সুলভা বুঝতে পারলে এই স্বাতি তার কাছে নিষ্ঠুর পীড়াদায়ক হয়ে উঠেছে।

পূর্ণ সত্যের উপর দাঁড়িয়ে জীবনের জবানবন্দী দেওয়া তো সহজ নয়। ভিতর থেকে গলা চেপে ধরে এমনি করে। সে চূপ করে রইল। বাইরে দিনের সাড়া পাওয়া যাচ্ছে। তার ইচ্ছে হল বলে, থাক সুরেশ্বর, আজ এইখানেই থাক। বরং আজ সন্ধ্যায় এসে শুনে যাব। কিন্তু তার পূর্বেই সুরেশ্বর একটা দীর্ঘনিঃশ্বাস কেলে বললে, সেদিনের ঘটনাগুলো আমার কাছে শুধু স্বাতি নয়, আমার কাছে ছবির মত প্রত্যক্ষ হয়ে ভেসে ওঠে।

সে-ছবি আমি এঁকেছি। ওই দেখ ছবিটা। সে উঠে গিয়ে একখানা ছবির সামনে দাঁড়াল। হাত বাড়িয়ে দেখালে—এইখানা। সেখানাও সুরেশ্বরের আঁকা বড় ছবির মধ্যে একখানা।

সুলভা দেখলে, একটা টালি দিয়ে ছাওয়ারানো ঘর। ঘরটার মাথার একটা ক্রশ। দেখলেই বুঝতে পারা যায়—একটি চার্চ। তার সামনে একটি জনতা। পিছনে মাটির ঘরের খড়ের চালের আভাস, তার পিছনে দিগন্তের গাছপালা।

জনতার মধ্যে চেয়ারে বসে সুরেশ্বর, তার চোখ বিস্ফারিত। বিস্ময়-আতঙ্ক-লজ্জা তার মধ্যে ফুটে রয়েছে। তার পাশে একটি বৃদ্ধা মেয়ে, পরনে জিলেচালা ক্রক অথবা সেমিজ। মুখখানা শতরেখার রেখাঙ্কিত, চোখে ক্রুদ্ধ দৃষ্টি, একটা হাত বাড়িয়ে আছে সে। তার পাশে আধুনিক কালের বাঙালী মেয়ের মত কেবতী দিয়ে কাপড়-পর্য একটি সুন্দরী তরুণী মেয়ে বিবর্ণ-

মুখে চোখ বুজে দাঁড়িয়ে আছে। ওদিকে সামনে জীর্ণ স্মৃতি-পরা একটি নিষ্ঠুরদর্শন লোক। স্থলতা বুঝতে পারলে, সেই হারিস। আশেপাশে অনেক লোক। নারী-পুরুষ। তাদের চোখেও বিস্মিত দৃষ্টি।

বিস্ময় বার জন্ম, সেটা স্থলতার কাছে বোধ্য নয়। সে বুঝতে পারলে না তার অর্থ। কিন্তু তার রূপটা বিস্ময়কর বলেই তার মনে হল।

একটা কালো ধোঁয়ার কুণ্ডলী, সেই কুণ্ডলীর মধ্যে উপরের দিকে একটা মুখ। একটা মুখ নয়। পর পর তিনটে মুখ। একটার উপর আর একটা, তার উপর আর একটা। সব থেকে উল্লার মুখখানার বের সব থেকে বড়। তার মাথার কাঁকড়া চুল। তার উপরে বেধানা, তার চুল বেশবিস্তার করা। এ-ছাড়া মুখের চুল এবং কপাল ছাড়া কিছু দেখা যাচ্ছে না। তার উপর যে মুখখানি, সে মুখটির সবটাই দেখা যাচ্ছে, স্থলতার সুপুরুষ, যেন অনেকটা সুরেশ্বরের মত দেখতে। মুখে ফ্রেঙ্ককাট দাড়ী, পাকানো গৌক। কিন্তু সে-মুখ জীবন্ত মাহুকের নয়, মরা মাহুকের মুখ। মনে হয় নিষ্ঠুর যন্ত্রণার মধ্যে মারা গেছে। তার ছাপ রয়েছে মুখের মধ্যে।

ছবিখানার দিকে সে অবাক হয়ে তাকিয়ে রইল।

সুরেশ্বর বললে, স্থলতা, সেদিন গোয়ানপাড়ার জনতার সামনে যেন সেই আরব্য উপজ্ঞাসের গল্পের বোতলে বন্দী দৈত্যটার বোতল থেকে বেরিয়ে পড়ার মত বেরিয়ে পড়ল রায়বংশের কবর-চাপা দেওয়া ইতিহাসের এমনি একটা মূর্তি। ওই গোয়ান-বুড়ী ছিলতা পুরনো কালের যাদুকরের মত উচ্চারণ করলে যাহুমন্ত্র। আর সঙ্গে সঙ্গে রায়বংশের সমস্তে ভৈরী করা সমাধি ফাটিয়ে বের হল রায়বংশের পাপ অপরাধ, হয়তো বা ব্যাধি। ধর্ম সংসারে মাহুকে ঈশ্বর এবং স্বর্গ বৈকুণ্ঠ না দিক, তাকে পুণ্য দেয়, পবিত্রতা দেয়, জীবনে পরমানন্দ দেয়, শান্তি দেয়। সেই ধর্মের মধ্যে পাপ প্রবেশ করলে তখন আর রক্ষা থাকে না। মাহুকের জীবনে বংশের নিগ্রহ থেকে মাহুকের নিকৃতি মেলে না। ঈশ্বর যদি থাকেন, তাঁরও সাধ্য নাই এ থেকে নিকৃতি দিতে।

রায়বংশে সেই পাপ সঞ্চিত আছে।

সম্পদ-সঞ্চয়ের ইতিহাস বা তত্ত্ব স্বয়ং আধুনিক কাল যাই ব্যাখ্যা করুক স্থলতা, যে-কালে এই ব্যাখ্যার উদ্ভব হয়নি, সে-কালে সম্পদ সে-কালের স্বাধীন-নীতির পথে অর্জন করে, মাহুকের অনেক কল্যাণ করে গেছে। তাদের নাম আজও করে মাহুস। ইতিহাসের পাতায় তাদের নাম বেঁচে থাকবে। কিন্তু সম্পদ-সৌভাগ্য বারা অর্জন করতে পাপকে ইচ্ছে করে আশ্রয় করেছে, পাপ তাদের রক্তের মধ্যে আশ্রয় করেছে, পুরুষাত্মকমে চলে এসেছে। লোকের নিন্দার কথা ইতিহাসে বা লোকজ্ঞানভিত্তে বীভৎস কালো অন্ধরে তাদের নামের পাশে লেখা তো থাকেই, তার চেয়েও বেশী, বংশাবলীও সেই ধারাকে বয়ে নিয়ে চলে।

ওই প্রথম যে মুখখানা, সে রায়বংশের ধর্মসাধনার মধ্যে প্রবেশ করা পাপ। দ্বিতীয় মুখখানা সম্পদ-সৌভাগ্যের মধ্যে প্রবেশ করা পাপ। আর তার মধ্যে যে মুখখানা পুরো দেখতে পাচ্ছি, বার মধ্যে আমার চেহারার আদল রয়েছে, সে মুখ হল রায়বংশের শ্রেষ্ঠ রূপবান, লৌকিক বিচারে শ্রেষ্ঠ গুণবান, শ্রেষ্ঠ অভিজাত, শ্রেষ্ঠ প্রগতিশীল বংশধর যিনি তাঁর। মুখে তাঁর অসহায় ভাব দেখ, যন্ত্রণাকাতর অভিব্যক্তি দেখ। তিনিও পরিজ্ঞান পাননি। আত্মা তাঁর আত্মনাদ করে।

সুরেশ্বরের কণ্ঠধর আবেগপ্রবণ হয়ে উঠেছিল। বোধহয় সেটা সে নিজেই বুঝতে

পারলে। কারণ হঠাৎ সে শুরু হয়ে গেল। তারপর একটা গভীর দীর্ঘনিঃশ্বাস ফেলে বললে—

হিলডা হারিসের কথায় রাগে যেন একমুহূর্তে পাগল হয়ে গেল, তীক্ষ্ণকণ্ঠে চীৎকার করে উঠল—বাড়ী? ওই বাড়ীর ঘরের দাবী তুই করিস, খুনে শয়তানের বাচ্চা, খুনে শয়তান! তোর মা ওই ঘর তোকে দিয়ে গিয়েছে? কি তার এজিরার ছিল দেবার? তোর বাপ তোর মায়ের সঙ্গে—

কুৎসিত কথা সে শুলতা। যার অর্থ হল, হারিসের মা তার বাপ ওই খাটি ইংরেজ প্রোট সার্জেন্টটির প্রেমে পড়ে ষড়যন্ত্র করে গোপনে মদের সঙ্গে কিছু খাইয়ে তার প্রথম স্বামীকে একরকম মেরে ফেলেছিল। বাড়ীটা ছিল কুইনীর মায়ের বাপ রোজারিও পিঙ্কসের। হারিসের মায়ের প্রথম স্বামী। ও-বাড়ী রোজারিও পেয়েছিল—

হিলডা চীৎকার করে বলেছিল, রায় জমিদারবাবু, রায়বাহাদুর উ বাড়ী দিয়েছিল তাকে। জরিমানা। হাঁ, জরিমানা। দলিলে লিখা আছে, উ বাড়ী রোজারিওর লেডকা-লেডকী পাবে, আর কোই পাবে না। ভায়লা—ভায়লেট পিঙ্কস। মেমলোকের মতুন সুরত ছিল তার। গোপাল পাল—

ঘড়িটা বাজতে শুরু করলে এই মুহূর্তে।

জ, জ, জ—

ছটা বেজে গেল। সুরেশ্বর বলে চলল। সে-কাহিনী সুদীর্ঘ, তবু তার যতটা বলা যায়। শুলতা স্থিরদৃষ্টিতে তার দিকে তাকিয়ে রইল। গোপাল পাল তার ঠাকুরদাদার কাকা। ঠাকুরদাস পালের ছেলে।

গোপাল পাল!

হিলডা বলেছিল শুলতা, 'গোপাল পাল'। তুমি বুঝতে পারছ তিনি কে? গোপাল পাল রায়বাহাদুরের বড়া বেটার ইয়ার ছিল। সেই নাকি ভারলেটকে রায়বাবুর বড় ছেলের প্রলোভন দেখিয়ে তাকে এই গোয়ানপাড়া থেকে ভুলিয়ে নিয়ে গিয়েছিল কলকাতা। তার ছেলে রোজা পিঙ্কস। গোপাল উকে ফেলে চল গেল। রায়বাহাদুরবাবু দেখলে, কলকাতার বাড়ীর দরওয়াজা পর বোসে ভায়লা কান্দছে। রায়বাহাদুর সব জানলে। দরওয়াজার খাকা মারলে। ডর লাগলো রায়বাবুর বড়া বেটার। ডরসে বন্দুক নিয়ে খুন হতে গেল। আর গোপাল পাল ভাগলো। রায়বাহাদুর তখন জরিমানা দিলে। জরিমানা দিলে গোপাল উনার বড়া বেটার ইয়ার বলে। ভায়লার দাদা, আমার বাবা সে রায়সরকারে নালিশ করলে, বিচার করো হজুর। গোপালের বাপ বললে, আমার লেডকার দোষ কীহা? দোষ উ ছুকরীর। সে গেল কাহে? গাল দিলে। আজ ই ছোকরাকে সাদী করলে, কাল তাকে ছাড়লে, কের সাদী করলে দুসরা ছোকরাকে। বাবা হামার খুন করলে গোপালের বাবাকে। রায়বাহাদুর জমিদার, ধরমকে মানে, ধরমকে হিসাবসে বিচার। হামারা বাবার মামলায়ে বহুৎ খরচা করলে। তবু ডি ফাঁসি হোয়ে গেল। রায়বাহাদুর ইসকে জিরে গুণাগারী দিলে। পিঙ্কসের বেটা এই হিলডাকে জমীন দিলে। এ সারা পাড়ার মণ্ডলান দিলে। রায়বাবুর দলিলে লিখা আছে কি,—এই বাড়ী ভায়লার লেডকা রোজারিওকে দিলাম। ভায়লা সাদী করবে, উর লেডকা না পাবে। রোজারিওর বেটা পাবে, বেটা পাবে—দুসরা কোই না পাবে। ওহি বাড়ীর কামরা তোকে দিবে? তোর মা—উ দিবার কে?

হিলতার চীৎকারে অত্যন্ত কদৰ্ঘ হয়ে উঠেছিল জায়গাটা। হারিস তার দিকে ক্রুদ্ধদৃষ্টিতে



তাকিয়ে দাঁড়িয়েছিল। তার নেশা বোধহয় ছুটে গিয়েছিল, কারণ এসব ইতিহাসের সে কিছুই জানত না। এবং না জানার জন্তে যত দুর্বোধ্য ঠেকেছিল, ততই মনে হচ্ছিল, এর জবাব নেই, এ অকাটা। কিন্তু আমি ভাবছিলাম, রায়বাহাদুর রত্নেশ্বর রায়ের ডায়রীর কথা। তার কিছুটা আমি বলেছি। গোয়ানপাড়ার মেয়ে ভায়োলেটকে দেবেশ্বর রায়ের ভাল লেগেছিল। কিন্তু কীর্তিহাটের সিংহ রায়বাহাদুর রত্নেশ্বর রায়ের ভয়ে তিনি এখানে কিছু করতে পারেননি। তিনি কলকাতায় গেলে তাঁর সহচর গোপাল পাল তাকে এখান থেকে লুকিয়ে নিয়ে গিয়ে তুলেছিল কলকাতায়।

গ্রামে গোয়ানদের মধ্যে তখন খুব হৈ-চৈ। তারা খুঁজছিল ভায়োলেটকে। ভায়োলেট গোয়ানদের প্রধান পিফ্রসের সৎ-বোন। তাদের বাপ এক, মা পৃথক। তারা কেউ সন্দেহ করতে পারেনি যে, দেবেশ্বর রায়ের সহচর তাকে নিয়ে গেছে কলকাতায়। তারা ভেবেছিল, সে নিরুদ্দেশ হয়েছে তাদেরই মতন যারা—তাদের কান্নার সঙ্গে। যারা খানিকটা বস্ত্র, খানিকটা উদ্দাম, তাদের মত, তাদের কোন দুঃসাহসীর সঙ্গে। তখন ছিল। কাঁসাইয়ে নৌকা যেত-আসত। যেত সেই হিজলীর পাশ দিয়ে সাগরতীর্থ পর্যন্ত। ওপারের মুসলমানদের সঙ্গে যোগ ছিল তাদের। তীতুমীরের কথা পড়েছ। তীতুমীরের মত দুঃসাহসী শক্তিম্যান মুসলমানরাও নৌকায় ডাকাতি করত। তারা আসত-যেত। কিন্তু কয়েকমাস পরে সত্য আবিষ্কার করে-ছিলেন নিজে রত্নেশ্বর রায়। তার ফল যা হয়েছিল বলেছি।

আমি ভাবছিলাম, তবে কি গোপাল পালই দোষী? আমি ভুল বুঝেছি তবে? মনে পড়েছিল বুদ্ধ রঙাল পালের কথা। তিনিও আমাকে তাই বলেছিলেন। ঠাকুরদাস পাল তাঁর পিসেমশাই হয়েছিলেন। বলেছিলেন—গোপালদাদা বড়বাবুর সঙ্গে ঘুরত। সেও মনে করত, সেও মন্ত্র বাবু। ভায়লাকে ভালবেসে নিয়ে পালিয়েছিল কলকাতা। রায়বাহাদুর কলকাতা গিয়ে হঠাৎ ভায়লাকে দেখতে পেরেছিলেন। গোপালদাদা ভয়ে পালিয়েছিল। রায়বাহাদুরের কাছে খবর শুনে পিফ্রস খুন করেছিল ঠাকুরদাস পালকে।

সঙ্গে সঙ্গে মনে পড়েছিল রায়বাহাদুরের ডায়রী। ঠাকুরদাস আমাকে অকস্মাৎ শাসিয়ে বললে—তুমিও জেনো, ছেলেকে শাসন করলে আমি সব ফাঁস করে দোব। আমি জানি, তোমার গুপ্তীর সব খবর আমি জানি। 'হ্যাঁ, আমি সব শুনেছি, আমি জানি। পুষ্টিপুস্ত্র নেয়ার খবর আমি জানি।

রায়বাহাদুর চমকে উঠেছিলেন। তারপর ইসারা করেছিলেন পিফ্রসকে। মনে মনে আমার, সেই সময়ে ঢাকা-দেওরা রায়বংশের অর্জিত মহাপাপের কথা ঠিক এমনিভাবেই যেন মাটি কাটিয়ে এই ছবিটার মত আমার সামনে ভেসে উঠেছিল।

বুঝতে আমার বিলম্ব হয়নি, এখানেও রায়বাহাদুর শ্রকৌশলে সব অপরাধ চাপিয়ে দিয়ে-ছিলেন গোপালের উপর।

সুলভা! সম্পদ হল লক্ষী। ভূমিতে আর মারে প্রভেদ নেই। দুইকেই আমরা ভাবি দেবতা। মাহুস সেই লক্ষীকে ঘরে এনে লক্ষ্মীশ্বর নাম নেয়। ভূমি—জমিদারীর নামে কিনে ভূস্বামী হয়। সন্তান থেকে স্বামীস্থ দাবী করে। সে যে কতবড় অপরাধ, সে বোধহয় কেউ ভেবে দেখেনি কোনকালে। প্রজার রাজা সেজেই থাকেনি এদেশে জমিদারেরা। বোধহয় জান, রাজার এবং প্রজার এদেশে সম্বন্ধে বাপ-বেটা—এটা জমিদারদের কথা। এ অপরাধের অবশ্যস্বামী বলা ভূস্বামীর বংশে-বংশে ঝটে এসেছে। এদেশে-ওদেশে সব দেশেই ঘটেছে। এই অপরাধের সঙ্গে রায়বংশে অমার্জনীর অপরাধ, তীব্রতম অভিশাপ অর্শেছিল, তাদের পূর্বপুরুষের

ধর্মসাধনার মধ্যে ।

ধর্মসাধনা করতে গিয়েছিলেন সন্ন্যাসী হয়ে । শক্তিসাধনা । বিমলাকান্তের বাপ ভ্রামাকান্ত । সেই তান্ত্রিক সন্ন্যাসী—যাকে সোমেশ্বর পেয়েছিলেন কালীঘাটে । যিনি কীর্তিঘাটে এসে যজ্ঞ করেছিলেন । কবচ দিয়েছিলেন । বলেছিলেন—পুত্রই হোক আর কন্যাই হোক, নাম দেবে ব অক্ষর দিয়ে ।

তব্ব সত্য হোক বা না হোক, বিশ্বাস কর বা না কর, সোমেশ্বরের এক কন্যা, এক পুত্র এরপর বেঁচেছিল, এটা বাস্তব সত্য ।

এই ছবির এই যে ঘোঁরার কুণ্ডলীর মধ্যে পর পর চাপানো তিনটে মুখ, এর প্রথমটা সেই ভ্রামাকান্তের । দ্বিতীয়টা সোমেশ্বরের । তৃতীয়টা দেবেশ্বরের ।

বংশাঙ্কুরের ধারা বিচিত্র গতিপথে বেয়ে এসেছে । বংশধারার স্রোতের সঙ্গে মহাপ্রকৃতির, মহাশক্তির অভিষাপ ।

সুলতা অসহিষ্ণু প্রহর করলে—তুমি এসব কি বলছ সুরেশ্বর ? সুলতার সন্দেহ হল, সুরেশ্বরের মাথার গোলমাল হয়ে যাচ্ছে । রাজ্যে যখন সে প্রথম তাকে বলতে আরম্ভ করে তাদের বংশের কাহিনী, তখন জনশ্রুত ঘরটার শুধুমাত্র তাকে সামনে রেখে সে সম্বোধন করেছিল, লেভিজ এণ্ড জেস্টলমেন !

তারপরই ভ্রম বুঝতে পেরে বলেছিল—আমার মনে হচ্ছে সুলতা, এই ঘরে আজ অনেক লোক এসে বসেছেন । ওই ছবির মানুষগুলির আত্মাদের উপস্থিতি আমি বুঝতে পারছি ।

সুরেশ্বর বললে—তুমি বুঝতে পারছ না, না ?

—না । অর্থ থাকলে তো বুঝব । এ কথার কি কোন অর্থ হয় ?

—অর্থ আছে, কিন্তু তোমাদের না বোঝারই কথা । কিন্তু বল তো, রাশিয়ার বিচিত্র মানুষ রাসপুটিনের কথার অর্থ আছে ? বিশ্বাস কর ?

সুলতা বললে—তার আসল সত্য কতটা জানি না, তবে মানুষটা ইতিহাসের মানুষ । সে এক ধরনের কিছু একটা জানত । যাতে জারের ছেলেকে সে বাঁচিয়েছিল । তার কলঙ্কও অনেক ।

—ভাল সুলতা । এদেশে রামকৃষ্ণ পরমহংসদেবকে অন্তত সেই হিসেবে অবজ্ঞাই মানো । আমি জানি, এ-যুগে অনেকে তাঁকে মনে মনে অস্বীকার করতে চেষ্টা করে । কিন্তু স্বামী বিবেকানন্দের জন্তে তা পারে না । তুমি তাঁকে মানো বা না মানো, তাঁর কথা জানো নিশ্চয় ।

সুলতা স্থিরদৃষ্টিতে তার দিকে তাকিয়ে রইল ।

সুরেশ্বর বললে—বল !

সুলতা বললে—আমি ব্রাহ্ম বলে বলছ এ কথা ?

—না । ব্রহ্মানন্দ কেশব সেন, রামকৃষ্ণকে অসাধারণ প্রজ্ঞাভক্তি করতেন । ব্রাহ্ম বলে নিশ্চয় বলিনি । বলছি, তুমি রাজনীতিতে, শিক্ষায় খ্যাতি একালের মানুষ । তার উপর নিজে রাজনৈতিক পার্টির সভ্য ।

সুলতা হাসলে, বললে—একালের উপর ভোয়ার রাগটা সেকালের লোকের মত । বাক, বা বলছিলে তাই বল । সকাল হয়ে এসেছে । পালা শেষ কর ।

সুরেশ্বর বললে, পালার এখনও অনেক বাকি সুলতা । ভোয়ার সময় নেই বলে আমার তো শেষ হবে না । আজ সন্ধ্যার আসতে বলব । যদি না আসে, তবে নাইবা থাকলে তুমি,

আমি পথের লোক ভেকে এনে শোনাব। তোমাকে লিখেছিলাম, তোমার কাছে আমার কিরে যাওয়া অসম্ভব। কেন অসম্ভব সে কথাটা তোমাকে বলেছি। তোমার আমার মাঝখানে আমার পূর্বপুরুষের খাঁড়াঘাটে তোমার পূর্বপুরুষের রক্তশ্রোত বইছে। সেইটে যখন জানলাম, তখন ও-লেখা ছাড়া আমার উপায় কি ছিল। তবে তোমার প্রণিতামহ গোপাল ঘোষ রায়বাহাদুরের কাছে খেসারতের দাম নিরেছিলেন হাত পেতে, সে দলিল আছে। আর ভারোলেটকে নিয়ে পরবর্তীকালে তাঁর অপবাদকে সত্য করে তুলেছিলেন। যাক, সেসব না শুনে বুঝতে পারবে না। এখন যে অপরাধের কথাটা বলেছিলাম, তাই বলি।

সেদিন গোরানপাড়ার কোলাহলের মধ্যে এই ছবিটা যখন আমার মনের চোখে ভেসে উঠেছিল, সেদিন সেই মুহূর্তটা আমার কাছে জীবনের সব থেকে ভয়ঙ্কর মুহূর্ত। যতবার হিলডা বলেছে গোপাল ঘোষের নাম, ততবার মনে হয়েছে, রায়বংশের এঁরা মাথা হেঁট করে অপরাধীর মত দাঁড়িয়ে আছেন। চোখ থেকে তাঁদের জল পড়ছে। তাঁরা সহস্র যন্ত্রণা ভোগ করছেন।

হিলডাকে চুপ করতে বলতেও আমার শক্তি ছিল না। হঠাৎ কুইনী চীৎকার করে উঠেছিল—তুমি চুপ কর। তুমি চুপ কর দিদা।

হিলডা ভবু থামেনি।

তীক্ষ্ণকণ্ঠে কুইনী চীৎকার করে উঠেছিল এবার—দি—দা!

আশ্চর্য সে চীৎকার। সেরকম চীৎকার করে বারণ করলে বোধহয় দুনিয়ার কেউ তা লক্ষ্যন করতে পারে না। এবং হিলডাও পারেনি। চুপ করে গিয়েছিল। গোরানদের শুজন খেমে গিয়েছিল। সব শুরু হয়ে গিয়েছিল একমুহূর্তে। আমি বুঝতে পেরেছিলাম কুইনীর মন। তার পক্ষে এ কথাগুলি শোনা আমারই মত অসম্ভব হয়ে উঠেছে। হয়তো বা আমার চেয়েও অসম্ভব তার পক্ষে। পিতৃপুরুষের মধ্যে সব সমাজেই বোধহয় পুরুষের কলঙ্ক থেকে নারীর কলঙ্কের জালা বেশী, তার ওজন বেশী। ভারোলেট তার মাতামহের মা। সে তার সহ-সীমার শেখপ্রান্তে এসে এই চীৎকার করে উঠেছিল। সে গোরানদের মধ্যে বাস করলেও এদের থেকে পৃথক। বলতে গেলে অনেক দূরে বাস করে মানসিক জগতে। সব শুরু হয়ে গিয়েছিল।

সেই স্তব্ধতার মধ্যে সে বলেছিল—uncle Harris—I refuse to go with you. I refuse to give you the room you claim as yours. You please go back and do whatever you like. Roy babu has got no right to interfere in my affairs.

বলেই সে চলে গিয়েছিল।

আমিও চলে এসেছিলাম কিরে। সারা পথটা মাথা হেঁট করে ভাবতে ভাবতে এসেছিলাম। বার বার মনে ঘুরছিল রায়বংশের এই অপরাধের কথা। ছবিটা মনের মধ্যে যেন রঙে রঙে ফুটে উঠেছিল। কালো ধোঁয়ার কুণ্ডলীর মধ্যে এই তিনটি মুখ একের পর এক থাকে থাকে ফুটে উঠেছে।

ভ্রাম্যকান্ত শক্তিসাধনার কষ্ট গৃহভ্যাগ করে সন্ন্যাসী হয়েছিলেন। তিনি পরমাশক্তিকে মাতৃভাবে পেতে চাননি, চেয়েছিলেন পুরুষে যেমন করে নারীকে পেতে চায় তেমনভাবে। তার কল হল ভীষণ। অভিযন্তা হলেন নিজের জীবনে। জাম্ববজীবনের প্রকৃতি পেলেন।

লোমেষের রায়—সৌভাগ্যিনীলার লোমেষে এবং তাঁর এই পথে সাধনসঙ্গিনী এক ভ্রাতা-সারীর লোমেষে—তাঁকে ঘেরে কেন্দ্রে চেয়েছিলেন। লোকে জানত তিনি মরেছেন। কিন্তু ভ্রাতা-

কাস্ত মরেননি তাঁর দুর্ভাগ্যক্রমে। বৈচেছিলেন। তারপর সন্ন্যাসী হয়েও আবার বিবাহ করেছিলেন সঙ্গীক সাধনা করবার উদ্দেশ্যে।

রামকৃষ্ণদেব সারদাদেবীকে দেবতা হিসেবে অর্চনা করেছিলেন, শুনেছ কিনা জানি না। তিনি তাঁর মধ্যেও মাতৃরূপকে দেখেছিলেন। শ্রামাকান্তের উল্টো হল। তাঁর পত্নীর গর্ভে সন্তান জন্মাল।—কস্তা।

উম্মাদ পাগল হলেন শ্রামাকাস্ত। ছুটে পালালেন। কিন্তু তাঁর সাধনা তাঁকে ছাড়বে কেন? তিনি এক বিধর্মী নারীর মোহে বাঁধা পড়লেন। জ্ঞাত হারালেন।

রায়বংশের তপস্বিনী বউ ভবানী দেবীর বাপের নাম তাই তাঁর পালক পিতা গোপন রেখেছিলেন।

ভবানী দেবী বিমলাকান্তের বৈমাত্রের ভগ্নী। শ্রামাকান্তের সাধনার মধ্যে যেটুকু পুণ্য ছিল, তাই নিয়ে তিনি জন্মেছিলেন।

কমলাকান্ত-রত্নেশ্বর রায়ের সঙ্গে বিমলাকান্তের চেহারায় সে সাদৃশ্য ছিল, তা এসেছিল তাঁর মাতামহ থেকে।

রায়বংশে ওই লালসা—সম্পদের সাহায্যে—এমনভাবে আগুন হয়ে জ্বলছে যে সমস্ত পুড়িয়ে ছাই করে দিতে চেয়েছে। যত লালসা, যত পতন, তত জ্বালা, তত উন্মত্ততা।

অস্তিত্ব এইটেই বিশ্বাস হয়েছে আমার। তাঁদের কাগজপত্রে, কাকুর ডায়রীতে, কাকুর চিঠিপত্রে, কাকুর খরচের খাতায় এর পরিচয় তাঁরা রেখে গেছেন। আমার মধ্যেও সে তাড়না আমি অনুভব করেছি।

তাঁদের জীবনের ঘটনায় রচনায় তার পরিচয় পদে পদে অক্ষরে অক্ষরে। তবে বিচিত্রভাবে বংশ-পুণ্য তার প্রায়শ্চিত্তও করে যাচ্ছে। সে কাহিনী না শুনলে—। ঘাড় নাড়লে সে। যার অর্থ তা না শুনলে বুঝতে পারবে না। কিছুক্ষণ পর বললে—আর তাই বোধহয় ইতিহাসের ধারা।

কিছুক্ষণ চূপ করে বসে রইল দুজনে। ঘড়িতে আধঘণ্টা বাজল। ঢং শব্দে।

তারপর সুরেশ্বর ডাকলে—রঘু।

—বাই।

রঘু এসে দাঁড়াল।

—একটু চা কর। রঘু চলে গেল।

শুলতা বললে, না। আমি যাব এবার সুরেশ্বর।

—যাবে? চা খেয়ে যাবে না?

—না। তবে এ নিয়ে তুমি এমন করে নিজেকে আখ-পাগল করে তুলেছ কেন, তা আমি বুঝতে পারি না। ইতিহাসের ধারায় এক-একটা ধারা এসেছে, আবার ইতিহাসই তাকে মুছে দিয়েছে।

সুরেশ্বর তার মাথার রুম্ব চুলের মধ্যে আঙুল চালিয়ে অবিস্মৃত লম্বা চুলগুলোকে বিস্তৃত করে নিয়ে বললে—দেখ, ইতিহাস পুরনো ধারাকে বদলে নতুন ধারা আনে কিনা জানি না; তবে নতুন একটা চেহারা নেয়। কিন্তু মাহুশের মধ্যে আর একটা ধারা আছে। সেটা তার মনের ধারা চিন্তার ধারা থেকেও আরও গভীরে বহিছে। সে এই চেহারা বদলেই তুই হয় না, সে প্রায়শ্চিত্ত করতে চায়। পরিণাম আর পরিণতিতেই তার বিশ্বাস নেই; পূর্বতার জন্তে সে অস্বজ্ঞানান্তর ঘুরছে—এইটেই তার বিশ্বাস। অস্ত্র দেশ দেখেছি। সামান্যই দেখেছি। কিন্তু

এদেশে সেই বিশ্বাস আজও সমান দৃঢ়, তা আমি অস্বীকার করছি বলেই এমন না হয়ে আমার উপায় ছিল না। উঃ কি সংগ্রাম সুলভ। গোটা রায়বংশের সাতপুরুষের সংগ্রাম আমার এই তেতাল্লিশ বছরের জীবনে ঘটে গেল। আমি—

কথার বাধা দিয়ে রঘু এসে ঢুকল। রঘু অবশ্য বাধা নয়। বাধা ছিল তার পিছনে। তার পিছনে একটি মেয়ে।

আশ্চর্য সুন্দরী মেয়ে। পূর্ণ যুবতী। বলতে হয় অপকুপা। বিধবা মেয়ে। সুরেশ্বর চমকে উঠল তাকে দেখে। সুলভাও উঠল। মনে হল মুখখানা যেন চেনা। পর মুহূর্তেই তার এই ‘চেনা’ মনে হওয়ার কারণটা মনে পড়ল এবং আপনাআপনি তার দৃষ্টি গিয়ে নিবদ্ধ হল সামনের দেওয়ালের দিকে, যেখানে ভবানী দেবীর পূর্ণাবয়ব অয়েলপেন্টিংখানা ঝুলছিল সেইখানে। আশ্চর্য সাদৃশ্য তো। শুধু ভবানী দেবী অলঙ্কারে, বেনারসী শাড়িতে, সিঁথির সিঁদুরে স্বামীসৌভাগ্য-বতী, রাজরানী, আর এ মেয়ে নরুণপেড়ে সাদাজমি কাপড়-পর্য, নিরাভরণা, খালিহাত, যেন সর্বরিক্তা। তাছাড়া ভবানী দেবী উজ্জল শ্রামাঙ্গী। এ মেয়ে গৌরাঙ্গী। রূপের মধ্যে একটি মহিমা আছে।

সুরেশ্বর বিষন্নতার মধ্যেই বিষ্ময়ে একটু চঞ্চল হয়ে উঠল। বললে—অর্চনা?

হেসে অর্চনা বললে—হ্যাঁ গো আমি। ভুতটুত নই। জ্যাস্ত অর্চনা।

—হঠাৎ তুই কোথেকে এলি? তীর্থ থেকে সরাসরি?

—না। কীর্তিহাট হয়ে আসছি।

—কীর্তিহাট হয়ে? সেখানে কবে এসেছিস? এক সপ্তাহ আগেও তো আমি গেছি সেখানে।

—এখানে এসেছি পরশু সকালে।

বলে এবার সে প্রণাম করলে সুরেশ্বরকে। হেসে সুরেশ্বর বললে—প্রণাম! তাও একটা?

—তাহলে গোটাকতক মাথা ঠুকব নাকি পারে?

—উঁহু।

—তবে?

—তাহলে দে, মাথায় হাত বুলিয়ে দে, পুণ্যি হোক, পাণটাপ খেও যাক। মাথাটা নোরালে সুরেশ্বর।

অর্চনা বললে—তা হবে না মনে কর নাকি? নিশ্চয় হবে। বলে সে সত্যিই তার মাথায় হাত বুলিয়ে দিলে।

সুরেশ্বর এবার হাত পেতে বললে—এবার প্রসাদ!

—সে আছে। সব আছে। কালীর পেঁড়া আছে, পেরারা আছে। বুদ্ধাবনের চিনির মুড়কি আছে, এলাচদানা আছে। মায় সাবিজীর সিঁদুর আছে। আর জয়পুর থেকে অনেক জিনিস কিনে এনেছি। কিন্তু তার আগে, তুমি কি মাছুর বল তো, এঁর সঙ্গে মানে সুলভাদির সঙ্গে আলাপ করিয়ে দেওয়াটা তো উচিত।

—ওই তো, আলাপের বাকি রইল কি? আলাপ তো হয়ে গেছে। নাম তো দেখছি শুনেই কেলেছিস।

—হ্যাঁ, রঘু বললে, সারারাজি ছবি দেখিয়ে রায়বংশের কাহিনী বলেছ। আমার কথাও তাহলে বলেছ তো।

—বলেছি বৈকি। সারবাজীতে আমার কথা তুই আর মেজদি আর অতুলেশ্বরকে বাদ

দিয়ে কি বলা চলে? কিন্তু শেষ হয়নি। নে, মুখ-হাত ধুয়ে নে—

—তার আগে তুমি একুনি নীচে যাও।

—কেন?

হুঁমু-জাতির দল, বিবয়ের শরিকের দল নীচে বসে আছে।

—মানে?

—মানে কল্যাণদা হেড পাণ্ডা, তার সঙ্গে বিমলেশ্বরকাকা, আমার দাদা অমরেশ্বর, ব্রজেশ্বরদার ভাই রাজেশ্বর মায় প্রণবেশ্বরদা—সব দল বেঁধে এসেছে। ব্রজেশ্বরদা-ও এসেছে। আমি পরণ্ড এসেছি। এসেই দেখি, বিকেলবেলা কাগজ নিয়ে নাটমন্দিরে বসে জমিদারী উচ্ছেদের বিবরণ পড়া হচ্ছে। কাল সব পরামর্শ করে আমার কাছে এসে বললে, এতাকে আমাদের সঙ্গে যেতে হবে। আমরা সুরেশ্বরের কাছে যাব। জমিদারী উচ্ছেদ হচ্ছে, গোটা বংশটাকে পথে দাঁড়াতে হবে, দেবসেবা বন্ধ হবে। এর প্রতিকার এখন থেকে না করলে চলবে না। তাই আগমন। এসে সব নীচের হলঘরে বসেছে, আমাকে দূত করে পাঠিয়ে দিলে, খবর দে।

সুরেশ্বর হাসলে। সুলতার দিকে তাকিয়ে বললে—সুলতা, রাজি শেষ হয়েছে, সূর্য বোধহয় উঠছে; জমিদারী উচ্ছেদ বিল পাস হয়েছে, জমিদারী এখনও যায়নি, তাতে সময় লাগবে। ইতিমধ্যে মিছিল এসে পৌঁছেছে। আমাদের দাবী মানতে হবে। তোমার পলিটিক্স এবং ইতিহাস-অর্থনীতির পণ্ডিত হিসেবে এটা কাজে লাগবে। এখনকার মত অ্যাডভোকেট। আজ সন্ধ্যাতে তোমাকে আসতে বলব।

সুলতা বললে—তুমি যাও। আমিও বরং যাই।

—একটু বস। আমি লছমনকে বলে দিই একটা ট্যান্ডি নিয়ে আসুক। একটুকুপ অর্চনার সঙ্গে গল্প কর।

সে নীচে নেমে গেল।

সুলতা অর্চনাকে বললে—আপনি নীচে রঘুর কাছে আমার নাম শুনে কি করে চিনলেন আমাকে?

অর্চনা বললে—সুরোদা যখন সেটেলমেন্ট নিয়ে কীর্তিহাটে গেল, তখন সুলতার নামে চিঠি যেত, আবার সুলতার চিঠি আসত। ওই তো বাউণ্ডলে মাল্লব, চিঠি পড়ে থাকত। আমরা তো তখন আইবুড়ো, তখন কৌতূহল কত, পড়েছি চিঠি। যেজন্মিও আবার চিঠি স্তনত। তারপর হঠাৎ কি হল, আপনার চিঠি বন্ধ হল ও-ও বন্ধ করলে।

চুপ করে রইল সুলতা।

অর্চনা বললে—তখন সুরোদা আধ-পাগল। সত্যি বলব আপনাকে, ভয় লাগত যথো মথো। বা খেরাল হত তাই করত। একদিন সুনলাম, শরিকদের তিন হাজার টাকা দিয়ে গোয়ানপাড়ার গোয়ানদের বাড়ী-ঘর, গোটা পাড়াটা লাখরাজ করে দিয়েছে। সেইদিনই ছোটকা মানে অতুলেশ্বরকাকা অ্যারেস্ট হলেন, বাড়ী সার্চ হল, যেজন্মি আমাকে বাঁচাতে গিয়ে অ্যারেস্ট হলেন, জেল হয়ে গেল। এর পরই আমার বিয়ে হয়ে গেল। বাবা বিয়ের ঠিক করেছিলেন একজন পুলিশ দারোগার সঙ্গে। আমার মাথার বাজ ভেঙে পড়ল। ভাবলাম বিষ খাব। জানেন, আমি অতুলকার সঙ্গে ওই সব কাজে জড়িয়ে পড়েছিলাম। বাঁচালে আমাকে সুরোদা। বাবার পায়-হাতে ধরে অনেক কষ্টে রাজী করে নিজে আট হাজার টাকা খরচ করে আমার বিয়ে দিলে ডাক্তার পাজ দেখে। তখন ও হৃদযন্ত্র মন খাচ্ছে। আমি আপনাকে চিঠি লিখব

ভেবেছিলাম কিন্তু সুরোদা জানতে পেরে বলেছিল—থবরদার আর্চি, ও-কাজ করিসনে।

সুলতা অস্বস্তি বোধ করলে এবার, তার নিজের কথা এর মধ্যে নতুন করে জড়িয়ে ফেলাটা ভাল লাগল না তার। আবার কেন? সুরেশ্বর সম্পর্কে তার আর কোন আকর্ষণ নেই। তার এই নতুন জীবনে সে যে আনন্দ পেয়েছে, তাতে ঘর-সংসারের কামনা অত্যন্ত তুচ্ছ, ছোট হয়ে গেছে। তাছাড়া এই বয়সে, বয়স তো তার প্রায় চল্লিশের কাছে। আটত্রিশ পার হতে চলেছে, এখন বিয়ের কনে সাজবার কথা মনে হলে হাসি পায়। অর্চনা কথাটা ওই পর্যন্ত বলে হঠাৎ চুপ করে গেছে; সম্ভবতঃ এমন কোন কথা তার মনে পড়েছে, যা ওকে নিজের মধ্যে নিজেকে মগ্ন করে দিয়েছে, স্বস্তির মধ্যে বেদনার স্বাদ নতুন করে জেগে উঠেছে, হয়তো এখুনি একটা দীর্ঘনিঃশ্বাস ফেলেবে। হয়তো ওর নিজের বিয়ের কথা—যার সঙ্গে সন্দেহই মনে পড়েছে বৈধব্যের কথা। অতি অল্পদিনের মধ্যেই যে অর্চনা বিধবা হয়েছিল, তা ওকে দেখেই বোঝা যায়। যার থাকার সেদিন কুমারী বয়সে যে অর্চনা ওর ছোটকাকার সঙ্গে আশুনি নিয়ে খেলতে নেমেছিল, সে নিজের চোখের জলে ভিজে অন্ধার হয়ে গেছে। সে আজ তার এই জীবন, এই মন বুঝতেই পারছে না। তাকে প্রীতিআদরের স্নেহসিঞ্ঝনে ভিজিয়ে নরম করে টানতে চাচ্ছে, তার সমাদরের সুরোদার দিকে। একটু হাসি ফুটে উঠল তার মুখে।

অর্চনা ঠিক এই মুহূর্তে তার দিকে তাকাল এবং জিজ্ঞাসা করলে—হাসছেন কেন সুলতামি?

সুলতা চট করে উত্তরে বলবার কথা খুঁজে পেল, কথাটা অনেকক্ষণ থেকেই তার মনে উঠে দাঁড়িয়ে রয়েছে অপেক্ষা করে। যখন নিজেই সে প্রসন্ন করেছিল—রঘুর কাছে আমার নাম শুনে কি করে চিনলেন আমাকে? সেই তখন থেকে। সে বললে—হাসছি ভাই, আপনাকে কিন্তু আমি আপনার নাম শুনবার আগেই দেখে চিনেছি, আপনি অর্চনা। রায়বাড়ীর মত বাড়ীর মধ্যে স্বদেশী-করা মেয়ে! ওই গুঁর ছবির সঙ্গে আপনার মিল দেখে।

অর্চনা তার মুখের দিকে তাকিয়ে বিষন্ন হেসে ভবানী দেবীর অয়েলপেণ্টিংটার দিকে তাকিয়ে হাতজোড় করে প্রণাম করে বললে—হ্যাঁ, গুঁর সঙ্গে আমার চেহারার মিল আছে। কিন্তু উনি জন্মেছিলেন দেবতার অংশে। নিজের সাধনশ্রুতি বাপকে উদ্ধার করেছিলেন। গুঁরই পুণ্যে রায়বংশে অতুলকা জন্মেছে, সুরোদা এসেছে। গুঁর সঙ্গে আমার চেহারার মিল, এক বংশ বলে। আমার স্বামী ডাক্তার ছিলেন, বলেছিলেন আমাকে। এমন হয়। গুঁর পুণ্য আমি কোথায় পাব? গুঁরা বলে—আমি হাসি। কি বলব? অতুলকা জেল থেকে খালাস হয়ে বিরাটশের সাইক্লোনের পর নিউমোনিয়া হয়ে যখন শয্যাগত তখন আমাকে ওই কথা বলেছিল—অর্চি, এ বংশের পুণ্যটুকু তোকে ধরতে হবে বলেই তো এই দুঃখ, তুই বিধবা হয়েছিস। যা চলে গেছে বুন্দাবন, রায়বাড়ীর দেবসেবার তার তোর ওপর। সুরো—

কথা সে শেষ করতে পারলেন না; নিচেরতলা থেকে একটা উচ্চ উত্তপ্ত কর্তৃক স্বর ভেসে এল—তুমি কি আমাদের ভিথিরী মনে কর নাকি? কি ভাব তুমি?

চমকে উঠল অর্চনা। কান পেতে রইল। চোখ তার সুলতার দিকে নর, চোখ তার ঘরের ছাদের দিকে।

আবার সেই গলার আওয়াজ উঠল—নিচের ভাই ভাবছ তুমি! হাজারবার বলব—ভাই ভাবছ তুমি!

অর্চনা এবার উঠে পড়ল। বললে—একটু বসুন ভাই, আমি নিচে গিয়ে দেখি। কি বলব—পড়ে গেছে, বুঝলেন, সব পড়ে গেছে। বগড়া শুরু করে দিয়েছে। আমি দেখি। সুরোদা



যদি এর উপর রেগে যায় তো অনর্থ হবে। সুরোদা ওইটে আর ছাড়তে পারলে না। মাঝে মাঝে এমন ক্ষেপে যায়—

অর্চনা পা বাড়ালে, সুলতা উঠে দাঁড়িয়ে বললে—চলুন আমিও যাই। ট্যান্ডি এসে থাকবে এতক্ষণ। না এলে একটু দাঁড়াব।

—না। বসুন। ট্যান্ডি এলেই রঘু বা লছমন এসে ডাকবে। ওখানে নিচে দাঁড়িয়ে রায়বংশের এদের যে চেহারা দেখে যাবেন, তাতে সুরোদা লজ্জা পাবে, আমিও পারব। একটু বসুন।

সুলতা অগতাই বসল। কথাটা সত্যি বলেছে অর্চনা। রায়বংশের জাতিকলহের মধ্যে গিয়ে পড়ে সেও বিব্রত হবে, সুরেশ্বরও হবে, হয়তো বা আর দু-একজন হবে, কিন্তু দু-একজন বিব্রত হওয়ার সীমানা পার-হওয়া মাহুষ, তারা গ্রাহ্য করবে না। ব্যাপারটা গুরুত্বপূর্ণ নিশ্চয়, কারণ ওরা দল বেঁধে এসেছে। অর্চনাকে নিয়ে এসেছে, ওদের স্বার্থের ব্যাপার।

একটা দীর্ঘনিঃশ্বাস আপনি ধরে পড়ল তার বুক থেকে। যতক্ষণ প্রাচুর্যের মধ্যে আছে মাহুষ, ততক্ষণই সে মাহুষ। প্রাচুর্যের মধ্যে মাহুষ অজ্ঞায়-অবিচার মহুশ্যের ব্যভিচার অনেক করে, কিন্তু তার মধ্যেও প্রতিষ্ঠা, গৌরব, আত্মতৃপ্তির জন্ত মহুশ্যের দীপ্তিকে প্রশ্রয় দেয়, লক্ষ্মীর ঘরের ঘিরের প্রদীপের মত জালিয়ে রাখে, কিন্তু দারিদ্র্যের মধ্যে যখন নিচে নামে, তখন আর মহুশ্যের একবিন্দু অবশিষ্ট থাকে না। লক্ষ্মীর ঘরের ঘিরের প্রদীপ নিভলেই মশাল জালো, তাতেও অন্ধকার ঘুচেবে না, মশালের কলিতে ধোঁয়ার দম বন্ধ করে অন্ধকারকে ভগ্ন করে তুলবে।

আজও সুরেশ্বরের মহুশ্য, সুরেশ্বরের এই খেলালীপনার ঝকমকানি সব ভাল লাগছে এবং বাস্তবে সম্ভব হয়েছে, ওই লক্ষ্মীর ঘরের ঘিরের পঞ্চপ্রদীপে পাঁচ-পাঁচটা পলভের মুখে শিখা উজ্জল হয়ে জ্বলছে বলে। সেকাল হলে সুরেশ্বর বীরেশ্বর রায় হত, না হয় রত্নেশ্বর রায় রায়বাহাদুর হত। যে তার ঠাকুরদার ঠাকুরদাকে—

আবার একটা দীর্ঘনিঃশ্বাস ফেললে সে। সুলতা উঠে গিয়ে দাঁড়াল, বীরেশ্বর রায় যে ছবিটার মধ্যে ওই তাত্ত্বিক পাগলের গলা টিপে ধরেছেন। পাশে পাশে ধরেছে সোফিয়া বান্ধুজী। তাত্ত্বিক যন্ত্রণাকাতর মুখে হাঁ করে আছে।

সুরেশ্বর বললে—আঁ-আঁ। একটা আত্মমানিক জাস্তব চিংকার করছে।

কিছুক্ষণ ছবিটা দেখে, পাশের ছবির দিকে তাকালে। প্রকাণ্ড বড় ছবি একখানা। ঠিক মাঝখানে টাঙানো। একটা দরবারের ছবি।

ইংরেজ আমলের দরবার। পুরনো ইংরেজ আমল। সাহেবদের পোশাকে বোঝা যাচ্ছে। খুব জাঁকজমক করে সাজানো, ক'জন সাহেব উঁচু ডারাসে বসে আছে, একজন একখানা কাগজ খুলে তা থেকে কিছু পড়ছে। সামনে দেশী লোকেরা বসে আছে। সামনের এঁরা রাজা জমিদার। চোগাচাপকান, পাগড়ি, শামলা, সোনার মোটা গার্ডচেন পরে বসে আছেন। পিছনে অনেক লোক। এদেশের কালো চামড়া বিস্কারিত ভীত-দৃষ্টি বোলাটে চোখ। সুরেশ্বর শিল্পী হিসেবে প্রশংসার পাত্র, এ স্বীকার সে করবেই। এক্সপ্রেসন তার ভাল।

ফ্রেমের উপর ছবির নাম-লেখা কাগজটার উপর হুঁকে সে লেখাটা পড়তে চেষ্টা করলে।

শতাব্দী শেষ। ১৮৫৮ সাল 'ফুইনস প্রক্লামেশন'—মেদিনীপুর দরবার। আবার সে ছবিটার দিকে তাকালে। এই যে বীরেশ্বর রায়ও বসে আছেন। প্রথম সারিতে বসিবে,

সেভেষ চেরারে বসে আছেন।

সে উঠে দাঁড়াল। নিচের গোলমাল যেন বেড়ে উঠছে। অশ্রুজ্বলিত কর্তে লাগল সে। এর মধ্যে বন্ধীর মত দাঁড়িয়ে আছে সে। ক্রমশ অসহনীয় হয়ে উঠেছে। এখনও ট্যান্ডি এল না। তাহলে সুরেশ্বর ভুলেই গেছে ট্যান্ডির কথা বলতে। হ্যাঁ, তাই হবে। নিশ্চয় তাই। কিন্তু সে আর এখানে এইভাবে মুখ লুকিয়ে কতক্ষণ দাঁড়িয়ে থাকবে। না, সে আর থাকবে না।

এবার সে হনহন করে চলতে লাগল।

ইঠাং প্রচণ্ড চিংকারে কেউ কেটে পড়ল—একদিন এর জবাবদিহি করতে হবে তোমাকে। কড়ায়-গড়ায় বুকে নেব, বুকে!

—কমলেশ্বর! কমলেশ্বর! থাম থাম!

—কেন থামব। চিংকার করে বলব।

থমকে দাঁড়িয়ে গেল সুলতা। ঠিক এই মুহূর্তে নিচে নামতে তার পা উঠছে না। সিঁড়িটা যেখানে নেমেছে, নিচের বারান্দায়, তার কোলেই বড় ড্রিংকমটা; একেবারে সামনে গিয়ে পড়তে হবে।

—কমলেশ্বর, কমলেশ্বর, তোমার পায়ে ধরছি আমি।

—তাতে আমার বয়েই গেল। দেবোত্তর! ছোটো পাখরের পুতুল, সে খায় না, পরে না, তার সেবা! ও আমি মানি না! মানব না!

এবার বিচিত্র হাসি ফুটে উঠল সুলতার মুখে। ওই কথাটির মুহূর্তমানতা তার কেটে গেল। সামনের দেওয়ালের একটা ছবি তার চোখে পড়ল।

অন্ধকারের মধ্যে একটা আলো জ্বলছে। তারই আলোর দেখা যাচ্ছে চারজন মানুষকে।

পরিপূর্ণ আলো পড়েছে একজন শয্যাশায়ী লোকের মুখে। কে? মুখে দাঁড়ি-গোঁড়, মাথার চুল। এ কি পাগল নয়? হ্যাঁ, পাগলই। কিন্তু এ পাগলের মুখের চামড়া কৌকড়ানো নয়, মুখখানা কালো নয়। মস্তক কপাল, রঙটা গৌরবর্ণ, সুপুরুষ মানুষ, চোখ থেকে জল পড়ছে, মুখ প্রসন্ন। পাশে আবছা হলেও চেনা যাচ্ছে বীরেশ্বর রায়কে, এপাশে ইনি ভবানী দেবী। আরও একজন। পারের তলায় বসে আছে। পিছনটা দেখা যাচ্ছে। ক্রমে লেখা, শাপমুক্তি। সংগ্রাম শেষ।

ইঠাং সুলতার কানে এল—

—বেশ করি, আমি খুব করি। আমি যা করি তাতে আমার জাত যায়, না? আর ও, ওই সুরেশ্বর, ও যে জীশ্চান, গোরাণ মেয়ে বিয়ে করেছিল, একটা লম্পট। খুব বেঁচেছে, মেয়েটা শুকে রেহাই দিয়েছে। ও দেবোত্তরের কে? দেবোত্তর ফলাচ্ছে!

চমকে উঠল সুলতা। সুরেশ্বর—জীশ্চান গোরাণ মেয়ে—

—আজ আবার ওই তো একটা মেয়েকে নিয়ে সারা রাত—সঙ্গে সঙ্গে কোলাহল উঠল!

—সুরেশ্বর সুরেশ্বর—মরে যাবে, সুরেশ্বর। রাজাভাই! রাজা!

এবার অর্চনার কর্তব্যর শোনা গেল, সুরোদা, সুরেশ্বরনা—

সুলতা আর থাকতে পারলে না, আর সহ্য হল না তার। সে জরতপদেই দক্ষিণের বারান্দাটা অভিক্রম করে নিচে নেমে এল। চলল সে যেত। কিন্তু ঘরের বগড়াটা তখন বাইরে এসে পড়েছে। একটা লোক—ময়লা কাপড়-জামা সঙ্গেও বোকা যায়, রায়বংশের

ছেলে, মাটিতে পড়ে আছে।

সুরেশ্বর দাঁড়িয়ে আছে—পিছন ফিরে সে দাঁড়িয়েছিল—তবু বোঝা যাচ্ছিল সে জুঁক, এখনও তার ক্রোধ যায়নি। তাকে হাতে ধরে রেখেছে অর্চনা। দরজার মুখে একজন কালো চশমা পরা, একজন সুপুরুষ বয়স্ক লোক। কাঁপছেন তিনি। সুরেশ্বর বলছে—শোন কমলেশ্বর, দেবোত্তর সম্পত্তি দেবোত্তরই থাকবে, ও ভাঙতে আমি দেব না। হ্যাঁ, কুইনীকে আমি বিয়ে করেছিলাম, তাতে জ্ঞাত আমার যায়নি। তাতে রায়বংশের—অন্ততঃ দেবেশ্বর রায়ের বংশের—কেউ নরকস্থ হবে না। রায়বংশ তাতে ধ্বংস হয়েছে। জীবনে যদি কোন পুণ্য করে থাকি, তবে ওই আমার শ্রেষ্ঠ পুণ্য। আমার বাড়ীতে তোমার গলা টিপে ধরে তোমার চিংকার বন্ধ করতে হল, তাতে আমি হুঃখিত, কিন্তু একবিন্দু লজ্জা আমার হচ্ছে না, অল্পশোচনাও আমার হচ্ছে না, কারণ তিনি আমার অতিথি, আমার এককালের বান্ধবী, তিনি সম্ভ্রান্ত মহিলা, তিনি দেশের সেবা করেন, তিনি উচ্চশিক্ষিতা, মৰ্যাদাময়ী, তাঁর ভূমি অপমান করেছে।

সুলতা এবার পিছন থেকে ডাকলে—সুরেশ্বর!

চমকে উঠে সুরেশ্বর এবং অর্চনা তার দিকে ফিরল। সুরেশ্বর বললে—তুমি নেমে এসেছ সুলতা!

—হ্যাঁ। আমার দেহি হয়ে যাচ্ছে। আমি যাব। কিন্তু তুমি এ কি করছ?

—আমাকে মাফ কর সুলতা, কি বলে যে আমি মাফ চাইব তোমার কাছে, আমি খুঁজে পাচ্ছি না।

—না না। আমি বুঝতে পারছি, উনি বোধহয়—

—ও অতি ইতর! আগে গীজা খেত। মাথা খারাপ।

—থাক থাক। চল, আমাদের পৌছে দাও, ফটক পর্যন্ত।

সুরেশ্বর বললে—চল, সেই ভাল। রায়বংশ অভিশপ্ত সুলতা। কাল তোমাকে অর্ধেকটা বলেছি, তাতে সব বলা হয় নি, সব শুনলে বুঝতে পারতে।

চলতে চলতেই সুলতা বললে—ভাল-মন্দ নিয়ে সংসার সুরেশ্বর। টেনে টেনে কথাটা বললে সুলতা। অব্যক্ত কথাটার মধ্যে অনেক কিছু রইল।

সুরেশ্বর বললে—নিশ্চয় সুলতা, নিশ্চয়। কিন্তু দুনিয়াতে উঁচু বেদীর উপর যারা দাঁড়ায়, তাদের ভালোমন্দ সব উজ্জল, মন্দ সব তত কালো, ভয়ঙ্কর। ধর্ম আর সম্পদের চেয়ে উঁচু বেদী আর নেই। দুটো নিয়ে রায়বংশের রক্ত।

—থাক ও কথা এখন। একটু পর প্রায় গেটের কাছাকাছি এসে বললে—ওই কালো চশমা-পরা উনি কে? তোমাকে রাজাডাই বলছিলেন।

এতক্ষণে হেসে সুরেশ্বর বললে—তোমার কানে তো ঠিক মানে নিয়ে শোঁচ্ছে! উনিই ব্রজেশ্বরদা। অন্ধ হয়ে গেছেন।

—অন্ধ?

—হ্যাঁ, অন্ধ। সম্ভবতঃ রক্তহুটি থেকে। যার উৎপত্তি—চুষ করে গেল সে।

নীরবেই লনটা অভিক্রম করে ফটকে এসে দাঁড়াল লুহন। সুরেশ্বর বললে—ওই ট্যান্ডি নিয়ে আসছে লুহন! বোধহয় এত সকালে ট্যান্ডি পাচ্ছিল না।

ট্যান্ডিখানা এসে ফটকের সামনে দাঁড়াল। লুহন নেমে বললে—এতনা সবেরে ট্যান্ডি এককো নেছি থা। উদার সে লে আরা—

—ঠিক হার।

ট্যান্ডির দরজা খুলে দিলে সুরেশ্বর, সুলতা ভিতরে উঠে বসল। সুরেশ্বর বললে—অর্ধেক জ্বানবন্দী আমার শুনেছ সুলতা, বাকী অর্ধেকটা শোনাবার জন্তে সন্ধ্যাবেলা তোমাকে আসতে অনুরোধ জানাচ্ছি। কমলেশ্বরের কথায় তুমি রাগ করনি, সে আমি জানি!

সুলতা বললে—আসব। নিশ্চয় আসব। একটা নতুন কোঁতুহল জেগেছে আমার। তুমি বলছিলে, তোমার শ্রেষ্ঠ পুণ্যের কথা। কুইনীকে তুমি—

—হ্যাঁ, তাকে আমি বিয়ে করেছিলাম। সে আমার শ্রেষ্ঠ পুণ্য! রায়বংশের সব থেকে বড় দেনাটা শোধ করব বলে। থেমে গেল সে। একটা দীর্ঘনিঃশ্বাস কেলে আবার সে বললে—সন্ধ্যাবেলা সব বলব সুলতা। চোখ অকস্মাৎ তার জলে ভরে উঠল, পিছন ফিরে সে বাড়ীর দিকে হন-হন করে চলে গেল।

### ১৫

পরের দিনের সন্ধ্যা—সুলতাকে সামনে রেখে সুরেশ্বর বললে।

—আজ আমার মূলতুবী জ্বানবন্দী আরম্ভ করতে গিয়ে আমাকে পিছিয়ে যেতে হচ্ছে সুলতা। ১৮৫৭ সালে বীরেশ্বর রায় এসেছিলেন কীর্তিহাটে। তখন মিউটিনির সময়। পিছিয়ে যাচ্ছি ১৮১৫-১৬ সালে বীরেশ্বর রায়ের জন্মের আগে।

না গেলো, যে গোপন পাপ রায়বংশের রক্তের ধারায় বয়ে চলছে, পুরুষ থেকে পুরুষান্তরে তার কথা বলা হবে না। সেইটে বলব।

যে কথা সযত্নে গোপন করে গেছেন রত্নেশ্বর রায়, যার আভাস মাত্র দিয়ে ডায়রীতে স্পষ্ট লিখেছেন—“সে কথা লিখিতে পারিব না! সজ্ঞানে মৃত্যু হইলে এই ১৮৬০ সালের ডায়রীখানি আমার চিত্তায় দগ্ধ করিতে বলিব।” সেই গোপন কথা আমি পেলাম পুলিশের খানাতল্লাসীর সময়—যখন তারা খাস কাছারীর কাঠের সিন্দুকভর্তি চিঠিপত্রের দপ্তর বা কাইলগুলো কাঁকড়াবিছের ভয়ে তছনছ করে দিয়ে গেল।

এক কথায় তন্ময়ের খোলে মুড়ে বলতে পারি—সে পাপ—ধর্মজীবনের ছিদ্র দিয়ে প্রবেশ করা পাপ, আর সম্পদ এবং সংসারজীবনের মধ্যে বাসা বাঁধা পাপ! কিন্তু তাতে গুরুত্বটা ঠাণ্ডা করা যাবে না। কি ঘটেছিল তাই বলতে হবে।

সোমেশ্বর রায়ের কন্ডা বিমলার বিয়ে দিয়েছিলেন সন্ন্যাসী শ্রামাকান্তের পুত্রের সঙ্গে। বিমলাকান্তের সঙ্গে। তার কারণ, তাত্ত্বিক সন্ন্যাসী শ্রামাকান্তরই কি সব তাত্ত্বিক ক্রিয়াকর্মের ফলেই সোমেশ্বর রায়ের স্ত্রী রাজকুমারী কাত্যাবনী সন্তান হয়ে বেঁচেছিল এবং শ্রামাকান্ত একদিন দুর্ঘোষের রাত্রে নৌকো করে কীর্তিহাটের ওপারে জঙ্গলের মধ্যে সিদ্ধপিঠে সাধনভজন করে ফিরবার পথে নৌকোডুবি হয়ে ভেসে যান। সোমেশ্বর রায় তাঁর সঙ্গে ছিলেন, তিনি ভক্তি এবং আগ্রহবশে শ্রামাকান্তের শিষ্য হিসেবে সঙ্গে থাকতেন; নৌকোডুবির পর অহুতাপ হয়েছিল তাঁর যে, তিনি বাঁচলেন আর গুরুর মত শ্রামাকান্ত বাঁচলেন না, তাঁকে তিনি বাঁচাতে পারলেন না।

পাপ এঁদের দুজনের। ধর্মের পাপ এই শ্রামাকান্তের। আর সংসার সম্পদের পাপ সোমেশ্বরের। মাতৃবংশ আর পিতৃবংশ। রত্নেশ্বর রায় থেকে ছুই পাপ যুক্তধারায় চলে আসছে রক্তের স্রোত ধরে পুরুষাজ্ঞকমে ধারা রেখে। ওইখানেই ব্যাধির মূল।

সুলতা বাধা দিলে। বললে—পাপ-পুণ্য এসব বাদ দিয়ে বল। তাঁদের পাপ-পুণ্যের বিচার নাই করলে। তাঁদের পরের পুরুষরা যা করেছে সে দায়িত্ব তাদের। পূর্বপুরুষের ঘাড়ে চাপিয়ে লাভ কি বল! হেরিডিটি যদি বল, তবু মেনেও বলব—হ্যাঁ, দায়িত্ব পরবর্তী পুরুষদের।

সুরেশ্বর একটু চূপ করে থেকে বললে, হেরিডিটি অমোঘ, ও এড়ানো সহজে যায় না। সে চেহারা থেকে মুদ্রাদোষ থেকে চরিত্র পর্যন্ত সব। কিন্তু তাই শুধু আমি বলছি না। ওই পাপ-পুণ্যই আমি বলব। আমি বিশ্বাস করেছি। তার কারণ, যে চিঠিগুলি পৌঁছেছে তার বিবরণ থেকে আমি বিশ্বাস করেছি, এমন পাপ আছে যাতে সৃষ্টির, মহাপ্রকৃতির অভিসম্পাত পড়ে। মাহুঘের উপর পড়ে, বংশের উপর পড়ে। তাছাড়া বাস্তব সংসারের ক্রিয়া-প্রতিক্রিয়ায় এক পুরুষের কর্মের ফল অল্প পুরুষকে ভোগ করতে হয়। তাও তো হারান না সংসারে! রায়বংশের পূর্বপুরুষের কৃতকর্মের ফল সেদিন গোয়ানপাড়ায় দেখে এসেছিলাম। তার কিছুদিন আগে অতুলেশ্বরের কেসে শিবু সিং বলে ছেলেটির অ্যাপ্রভার হয়ে সাক্ষী দেওয়ার মধ্যে প্রত্যক্ষ প্রমাণ পেয়েছি। ধর্ম ভগবান পাপ সেকালের মাহুঘের জীবনে প্রত্যক্ষ সত্য। কালকের জবানবন্দীর মূলভূবীর সময় এসেছিল, আজ তাই স্বাভাবিক ভাবে উঠেছে। ও নিয়ে তর্ক করতে বসি নি। তুমিও করো না। তাহলে তর্কেই রাত্রি শেষ হবে। ধর্ম আর ভগবতীর সন্ধানে ১৮১৫ সালে শ্রীমাকান্ত গৃহভ্যাগ করেছিলেন।

সুরেশ্বর সেই বারান্দা-ঘেরা ছবির ঘরেই কালকের মত আলো জ্বলে বসে তার প্রতীক্ষা করছিল। ছবিগুলোর দিকে তাকিয়েই সে বসেছিল। হাতে সিগারেট পুড়ছিল। সামনে টিপরে একটা শূন্য আস। সুলতা ঘরে ঢুকতেই সে বললে—এস।

সুলতা বললে—এলাম। কিন্তু অর্চনা কই? তোমার ব্রজেশ্বরদা আছেন শুনলাম, তিনি? সুরেশ্বর বললে—তারা কালীঘাট গেল, দর্শন করতে।

—ব্রজেশ্বরবাবু তো—

সুরেশ্বর বললে—হ্যাঁ অন্ধ। তবু মারের সামনে যাবে প্রণাম করবে। কাদবে। একটু চূপ করে থেকে বললে—মাহুঘটাই পাণ্টে গেছে সুলতা। একমাত্র নিষ্ঠুর আঘাতই মাহুঘকে পাণ্টায়। পাথর মাহুঘ ফেটে গিয়ে ঝর্ণা বের হয়, আবার জলভরা দিঘি বস্তার পর রাসীকৃত বালিতে মজে গিয়ে মরুভূমি হয়ে যায়। রাজকুমারী বউ কাত্যারনী দেবীর জন্তে যে পুতুর কাটিয়ে ঘড়া বিশেষ দুধ ঢেলে দুধপুতুর নাম দেওয়া হয়েছিল, সেটা ১৯৪২ সালের সাইক্লোনে কাঁসাইয়ের বানে এমনভাবে মজে বালির মরুভূমি হয়ে গেছে। ব্রজেশ্বরদা অন্ধ হয়ে, লাঠি ধরে ছেলে নিয়ে এল কীর্তিহাটে, সেটা আটচল্লিশ সাল। আমি খবর পেয়ে দেখতে গেলাম, তখন ও নাটমন্দিরে প্রণাম করছে, আর ঝরঝর চোখের জলের ধারায় ভাসছে। শান্ত করতে বললাম—ভয় কি ব্রজদা, আমি চিকিৎসা করাব তোমার, ভাল হয়ে যাবে চোখ। ও বললে কি জ্ঞান? বললে—না-না, রাজাভাই না। চোখ আর আমার দয়কার নেই রাজাভাই। চোখ গিয়ে আমি কাদতে শিখেছি। কান্না ভুলে যাব। অনেক হেসেছি রাজাভাই, অনেক। জীবনটাকেই হাসিকোটুক করে নিয়েছিলাম। কান্নার সুখ জানতাম না। এ বড় সুখ। চোখ আর আমি চাই না! আমার ধনেশ্বরকাকা ব্রজদার বাপ, তিনি অ্যাক্টিং করে কথা বলতেন। ব্রজেশ্বরদা সেদিন বিষমজল থেকে আবৃত্তি করেছিল—“ভেবে দেখ্ মন, তোরে নাচায় নয়ন।” শুনে আমারও চোখে জল এসেছিল সুলতা। মনে হয়েছিল—গোটা রায়বংশের অন্তরাখ্যা ঘেন আবৃত্তি করছে।

সুলতা এসেছিল একরকম মন নিয়ে। মনটা তার আর একরকম হয়ে গেল। ব্রজেশ্বর

কেমনভাবে আবৃত্তি করেছিল তা সে শোনে নি। কিন্তু ওর কথা যদি সত্য হয়, তবে তার হোঁসচাচ যেন আজ সুরেশ্বরের কর্ণেও রয়েছে বলে মনে হল তার।

রঘু এসে চায়ের ট্রে নামিয়ে দিলে।

সুরেশ্বর বললে—শ্রাসটা নিয়ে যা। আর বলে দে, সুলতাও থাকে। অর্চনাদের কিরতে দেরি হবে একটু। ওরা হয়তো খেয়েও আসতে পারে। কালীঘাট থেকে ওরা অতুলের বাসায় যাবে দেখা করতে।

সুলতা বললে—অতুল? ও, সেই অতুলেশ্বরকাকা তোমার?

—হ্যাঁ। সে তো এখন একজন লীডার। কতকগুলো সরকারী কমিটির মেম্বর। তার বাসা আছে। সে রায় লেখে না আর, লেখে ভট্টাচার্য।

—ও। জিন্নার গ্রুপের অতুল ভট্টাচার্য? কিবাশ লীডার?

—হ্যাঁ। রায়বংশের রায় এবং ঈশ্বরস্ব সে বাদ দিয়েছে। কীর্তিহাটের সংস্রব সে রাখে না। এখন তিন-চারটে সরকারী কমিটির মেম্বর। পলিটিক্যাল সাকারার হিসাবে দুখানা ট্যান্ডি পেয়েছে। সে তার জীবন নতুন করে আরম্ভ করেছে। আসছে ইলেকশনে সে অ্যাসেম্বলীতে দাঁড়াবে।

সুলতা হেসে বললে—লোকে বলে, পুণ্যের ফল নাকি দেরিতে মেলে। কিন্তু আমি তো দেখছি, পুণ্য যদি চোঁচিয়ে করে তবে তার ফল হাতে হাতে।

সুরেশ্বর বললে—সেটা পলিটিক্সের পুণ্য সুলতা। সে কি ট্রেজারী বেঞ্চের দলে, কি অপোজিশনে। ট্রেজারীর দলে নগদ বিদায় আছে, কিন্তু অপোজিশনে পজিশন আছে। ভগবানের রাজ্যে পাপ বল পুণ্য বল দুয়ের ফলই না পাকলে পড়ে না। কিবা ডিম থেকে বাচ্চা হওয়ার মত। যাক শোন, কালকে ১৮৫৭ সাল পর্যন্ত এসেছি। আজ কিন্তু পিছিয়ে আরম্ভ করতে হবে। ১৮১৫-১৬ সালে। রায়বংশের পাপের কথাটা বলব।

\*

\*

\*

১৮১৫।১৬ সালে শ্রামাকান্ত ভট্টাচার্য নামক এক কুলীন সন্তান। তার প্রথম বয়সের ছবি নেই। প্রথম ছবি ওই দেখ কালীঘাটে, সোমেশ্বর রায়ের সঙ্গে। চোখে পাগল-পাগল দৃষ্টি, দাড়ি-গোঁফে ঢাকা মুখ। ঝাঁকড়া চুল। তখনই আধ-পাগল। পেশাদার কুলীনের ছেলে; অর্থাৎ বাপ কৌলীজ মূলধনের জোরে যশোর অঞ্চল থেকে পশ্চিমবঙ্গে কুলীনের কল্যাণদায় উদ্ধার করে বেড়াতে। বছরে এক মাস পনের দিন এক এক স্বস্তরবাড়ীতে থেকে—গুরু বাৎসরিক পার্বণী, পুজোর বাৎসরিক পার্বণ; পিতৃ-পিতামহের একোদ্বিষ্ট—বড়দিনে জজ-ম্যাজিস্ট্রেট লাটসাহেবের ডালির মত তাঁদের পাওনা নির্দিষ্ট ছিল—কাপড় চাদর পাণেয় এবং নগদ দক্ষিণা নিয়ে চলে যেতেন। একটা স্থান ছিল এবং একজন পত্নী জীবনসঙ্গিনী থাকতেন। কালীকান্ত, —কালীকান্ত ছিল শ্রামাকান্তের বাপের নাম। কালীকান্তের বিনি ঘরলীগৃহিণী, তাঁরই গর্ভের সন্তান শ্রামাকান্ত। কালীকান্তের পেশা বিবাহ হলেও তিনি ভ্রম্যমতে সাধনভজন করতেন। আর গানও তিনি গাইতে পারতেন।

কাল একথা বলেছি। তবু মনে পড়িয়ে দিচ্ছি। শ্রামাকান্ত ছেলেবেলা থেকে একটু যেন কেমন অস্বাভাবিক ছিলেন। কেমন একটা বাইরের নেশা ছিল। গ্রাম থেকে বেরিয়ে নদীর ধারে কিবা বনে অঙ্গলে ঘুরতেন। আর ছিল তাঁর গানের নেশা। ওই বিজ্ঞান দখল নিয়ে তিনি জন্মেছিলেন। তেমনি ছিল কর্তব্যর।

একটু হেসে সুরেশ্বর বললে—একাল হলে এ মাহুঘাট মিথ্যে ভ্রমসাধনা করতে ছুটত না।

পাগলও হ'ত না। সিনেমায় মিউজিক ডিরেক্টর হ'ত। জীবনের কাম্য তাঁর এর মধ্যেই মিলে যেত।

হাসিটা মিলিয়ে গেল সুরেশ্বরের। একটা দীর্ঘনিঃশ্বাস ফেলে বললে—এই মানুষটির মত হতভাগ্য মানুষের জীবনকথা আমি পড়ি নি—কারুর কাছে শুনি নি, কল্পনাও করতে পারি নে।

প্রথম যৌবনেই যখন বাপ মারা গেলেন, তখন তিনি পাখা মেললেন। গান গেয়ে বেড়ানো পেশা ধরলেন—আর তার সঙ্গে সাধন-ভজন। দীক্ষা বাপের কাছে নিয়েছিলেন। হঠাৎ মনে তত্ত্বসাধনার ইচ্ছা প্রবল হয়ে উঠল। এসে হাজির হলেন শ্রামনগরে, পদ্মনাভ ভট্টাচার্যের কাছে। বললেন—দীক্ষা আমার বাবার কাছে নিয়েছি। কিন্তু পুরস্চারণ হয়নি; আমাকে পুরস্চারণ করিয়ে দিতে হবে। পূর্ণাভিষেক দীক্ষা দিতে হবে।

পুরস্চারণ, পূর্ণাভিষেক না হলে শক্তিসাধনার অধিকার হয় না।

পদ্মনাভ ভট্টাচার্য বললেন—এক সপ্তাহ থাক এখানে; আমি দেখি তোমার ওই অধিকার আছে কিনা। তারপর বলব।

সুন্দর সুপুরুষ চেহারা, নবীন বয়স। কথায়-বার্তায় উল্লাস। দুঃসাহসী। তার উপর তাঁর গান। মার্গসঙ্গীত, শ্রামাসঙ্গীত দুইই গান অপূর্ব। হা হা ক'রে হাসেন। সারা রাত গান ক'রে ক্লাস্তি নেই। শ্রামাসঙ্গীত—তখন রামপ্রসাদ সত্ত্ব বিগত, বাংলাদেশ রামপ্রসাদের গানের শ্রোতে ভেসে যাচ্ছে। কীর্তন গানে একসময় বাংলাদেশ ভেসেছিল। তেমনি করেই ভেসেছিল সে কালটা শ্রামাসঙ্গীতে।

সাত দিনের মধ্যে গোটা শ্রামনগর জয় ক'রে নিয়েছিলেন শ্রামাকান্ত। তাঁর বয়সী নবীন দলের পাণ্ডা হয়ে উঠেছিলেন। মানুষটা বিচিত্র, যেখানে থাকে সেইখানটিকেই নিজের ঘর ক'রে নিতে পারে কয়েক ঘণ্টার মধ্যে। তাঁর নিজের সংকোচ নেই—অসংকোচ নবীন শ্রামাকান্ত গৃহস্থেরও সকল সংকোচ ভেঙে দেন। পদ্মনাভ ভট্টাচার্যকে একদিনেই ঠাকুরমশাই থেকে বাবাঠাকুর, দ্বিতীয় দিনে 'বাবা' বলতে লাগলেন, তাঁর গৃহিণীকে মাঠাকরুণ থেকে মা বলে আপনারা হয়ে গেলেন। পদ্মনাভ ভট্টাচার্যের এগার বছরের কুমারী কন্যা মহালক্ষ্মী তাঁর প্রথম ভক্ত হয়ে উঠল।

সাতদিনের দিন পদ্মনাভ বললেন—দেখ, তোমার লক্ষণ জন্মলগ্ন সব বিচার করে আমি দেখেছি বাবা কান্ত। তোমার ভাগ্য খুব জটিল। আবার সাধকের লগ্ন, লক্ষণ সব আছে। তোমাকে সঙ্গীক সাধনা করতে হবে। ঘরে থেকে সাধনা করলে তুমি রামপ্রসাদের মত মাকে পাবে। স্বয়ং মা তোমার কন্যা হয়ে এলেও আসতে পারেন। আর সম্মাসী হলে এ সাধনার তোমার বিপদ আছে বাবা।

শ্রামাকান্ত নিজের হাতের রেখা দেখতে দেখতে বলেছিলেন—কি হবে?

—তা আমি দেখতেও পাচ্ছি না, বলতেও পারছি না। তবে হ'তে পারে অনেক রকম—উদ্ভাদ হতে পার; মহাশক্তি তো ছলনাময়ীও বটেন, তাঁর ছলনার যে কত রকম হয়—

শ্রামাকান্ত বলেছিলেন—তা হোক, তার সঙ্গে খেল খেলতে গিয়ে পাগল হ'লে না হয় হব! তবে তাকে তো আমার পিছু পিছু কিরতে হবে?

পদ্মনাভ বললেন—একটা কথা বলি বাবা, শোন। তুমি আমার মহালক্ষ্মীকে বিয়ে কর। ওর ভাগ্য খুব ভাল। তবে ওর পরমাণু স্বল্প। তা হোক, ওকে বিয়ে করে তোমরা সঙ্গীক পুরস্চারণ কর, পূর্ণাভিষিক্ত হও; তোমার মন্ত্র আমি জেনেছি। এই তো?

ব'লে কানে কানে তাঁর দীক্ষার বীজমন্ত্রটি উচ্চারণ করেছিলেন, শ্রামাকান্ত চমকে



উঠেছিলেন। পদ্মনাভ ভট্টাচার্য বলেছিলেন—ওকেও আমি ওই মন্ত্রে দীক্ষা দিয়ে রেখেছি। কুমারী হলেও দিয়েছি। ওর ভক্তিব্যোগ প্রবল। তোমার বাবা ভক্তিব্যোগ খামতি। জ্ঞানব্যোগ, মানে ক্রিয়া-কাণ্ডে আসক্তি প্রবল। তুমি এমন শ্রামাসক্তীত গাও শুনে অন্তর্জনে কান্দে, তুমি কান্দ না। ও তোমার সঙ্গে থাকলে দুটোর মিল হবে। কল্যাণ হবে তাতে। সিদ্ধি পাবে। আমারও এই এক মেয়ে, আমার বজ্রমান পাবে, লাঞ্ছনাজ পাবে, শিষ্যসেবক পাবে। বাবা, তোমাকে সোজা ক'রে বলি—কান্দতে শিখতে হবে তোমাকে আগে। তা দেখ, ভক্তিতে কান্দা সোজা কথা নয়। মায়ার মমতার শোকে দুঃখে নরম হতে হবে বাবা কান্ত। সন্ন্যাসী হলে যত শুকনো আছ, তার থেকেও শুকিয়ে যাবে। তখন আছাড় মেরে ভাঙলে তবে যদি জল বেরোয়। বুঝেছ!

শ্রামাকান্তের ভুরু কপাল সব কুঁচকে উঠেছিল। তিনি যেন ভাবতে শুরু করেছিলেন কথাটা।

পদ্মনাভ বলেছিলেন—একটা সত্য কথা বলবে বাবা?

শ্রামাকান্ত দৃষ্টি কিরিয়ে তাঁর দিকে তাকিয়েছিলেন, কিন্তু ভুরু ললাটের কুঞ্জন মিলোয় নি।

পদ্মনাভ বলেছিলেন—আমার কথার রাগ হচ্ছে? নয়?

শ্রামাকান্ত এবার হেসে বলেছিলেন—তা হচ্ছিল।

—হ্যাঁ হবে, আমি জানি যে। এখন যে কথাটা জিজ্ঞাসা করব তার জবাব দাও তো বাবা!

—বলুন।

—রাগ না করে, বেশ ভেবে আমাকে সত্য কথা বলতে হবে।—হ্যাঁ?

—বলুন!

—খর, এই যে তুমি ঘুরে বেড়াও, হাস, গান কর, তোমার এমন রূপ, তোমাকে সবাই ভালবাসে। মেয়ে-পুরুষ বলতে গেলেই সবাই। তা বাবা—। থেমে গিয়ে হেসে বলেছিলেন—রাগ করতে নেই আমার কথার, আমাকে গুরু করতে এসেছ! বল তো মেয়েছেলেদের, বিশেষ করে যুবতী মেয়েদের দিকে তাকিয়ে কি ভাব তোমার জাগে? মনে মনে মা বলে—তার মুখ থেকে চোখ ফিরিয়ে মাটির দিকে তাকাও—না—।

শ্রামাকান্ত বেশ ভেবেই ঘাড় নেড়ে জানিয়েছিলেন—না।

—হঁ। আমি জানি। তোমার লক্ষণে রয়েছে একথা। তা জান তো, চণ্ডীতে আছে—“স্রীয়া সকলাঃ সমস্তা জগৎসু।” মহাপ্রকৃতি এই জগতের নারীপ্রকৃতির মধ্যেই নিজেকে প্রকাশ ক'রে রেখেছেন। এদের মা বলতে পারলে তিনি মায়ের মত দয়ালু হলে দেবেন—বুকে করবেন। না পারলে বাবা শিব হতে হবে—তাও শবরূপী শিব! না হলে তিনি আঘাত করবেন। তোমার বুকে চড়ে খেই খেই করে নাচবেন। শেষ পর্যন্ত গ্রাস করবেন। এখন ভেবে দেখ তুমি।

সেদিন সন্ধ্যা পর্যন্ত ভেবে শ্রামাকান্ত পদ্মনাভ ভট্টাচার্যের কথার রাজী হয়েছিলেন। তাঁর কন্যা মহালক্ষ্মীকে বিবাহ করে খণ্ডরের কাছে উল্লশাস্ত্রের শিক্ষা নিয়েছিলেন এবং তাঁকে ‘পটল গুরু’ করে পূর্ণাভিষিক্ত হয়ে পুরস্চারণ করে ক্রিয়া-কর্ম শুরু করেছিলেন। খানিকটা শাস্ত্রও হয়ে এসেছিলেন। তবে ছিল গানের ঝাঁক! সেটা কমে নি, সেটা ক্রমশঃ বেড়েই চলেছিল। কোথাও কোন বড় ওস্তাদের খবর পেলে আর ঘরে থাকতেন না। ছুটতেন।

ঋগুর পদ্যনাভ ভট্টাচার্য্য বারণ করতেন। বলতেন—বাবা, সিদ্ধি যদি চাও বাবা, তবে গান গেয়ে মাকে ডাক। বুঝেছ না? তুমি গাইবে, মা শুনবেন। বুঝলে! এই যে তুমি বড় বড় ওস্তাদের পেছনে ছোট, তাদের আসরে কেলোয়াতির মার-পেঁচ শোন, এর মধ্যে কেরামতি অনেক। লাঠির দুই মাথায় আগুন জ্বলে খেলোয়াড়েরা খেল দেখায়, লোহার গোল বালায় ত্রাকড়া জড়িয়ে আগুন ধরিয়ে চারটে-পাঁচটা নিয়ে লোকালুফি করে। সে কেরামতি বটে, কিন্তু তাতে রান্নাও হয় না, হোম-যজ্ঞিও হয় না, এমন কি বাবা তার আলোতে কাজকর্ম, রাত্রেই আধারে পথ চলা তাও হয় না।

কিন্তু শ্রামাকান্ত ও কথা মানতে পারতেন না। আবার পঞ্চপর্বে-অমাবস্যায়-পূর্ণিমায়-চতুর্দশীতে-অষ্টমীতে-সংক্রান্তিতে মাঝরাতে উঠে চলে যেতেন। শ্মশানে জপ করতেন।

এর মধ্যেই বছর তিনেক পর মহালক্ষ্মীর সন্তান হল। বিমলাকান্ত।

শ্রামাকান্ত মৃত্যু হয়েছিলেন। কই, কত্মা হল কই?

ঋগুর বলেছিলেন—সময় হলে হবে বাবা! সাধনাতে অধীর হলে চলে? মা তোমাকে তো রূপা করেছেন মনে হচ্ছে। আগে বংশধর দিলেন। এবার হবে।

এই সময়ে হঠাৎ জরবিকারে মারা গেলেন পদ্যনাভ ভট্টাচার্য্য। শ্রামাকান্ত এবার গুরুহীন হয়ে বাধাবন্ধহীন হয়ে উঠলেন। তাঁর খেয়ালীপনা বাড়ল। মধ্যে মধ্যে শ্মশানচাষী হতেন, মধ্যে মধ্যে গানের খেলালে মাততেন। গানের খেলালে মাতলে তখন বড় বড় জমিদার ধনীর বাড়ী গিয়ে উঠতেন, গান শোনাতেন। গান শুনিয়া শিরোপা নিয়ে ফিরতেন দু মাস তিন মাস পর।

শাস্ত্রী পদ্যনাভ ভট্টাচার্য্যের গৃহিণী তখন নিজের কপালে যা মেয়ে বলতেন—এ কি কপালে ছিল মহালক্ষ্মীর! একটা লক্ষ্মীছাড়া বাউণ্ডলের হাতে পড়েছে। ঘরের দেবসেবা অচল; যজ্ঞমানের ক্রিয়া-কর্ম চলে না। শিষ্টরা মন্ত্র নিতে এসে কিরে যায়—শেষ পর্যন্ত কি বড়-ভট্টাচার্য্যের পাট বন্ধ হবে! কপাল, আমার কপাল!

কত্মা মহালক্ষ্মীর তা গায়ে লাগত; এবং স্বামীর আচরণও তাকে আঘাত দিত। একটা নিদারুণ অবস্থে তিনি অল্পভব করতেন স্বামীর আচরণের মধ্যে। কিন্তু শাস্ত্র মাহুদ ছিলেন তিনি—তিনি নিরবে সব সধ করতেন।

তবুও বগড়া হত মধ্যে মধ্যে স্বামী-স্ত্রীর মধ্যে। মহালক্ষ্মী যুহুস্বরে বলতেন—শ্রামাকান্ত চীৎকার করতেন। এবং সে চীৎকারের মধ্যে একটা কথাই ফিরিয়ে-ঘুরিয়ে বলতেন। ঋগুর তাকে প্রতারণা করেছেন। কিন্তু এমন সাধু মোলারেম বাক্যে নয়, একেবারে সে আমলের ধাস চলতি কথায় বলতেন—বেটা আমাকে গরু ভেবে দড়িতে বেঁধে আটকে গেছে। বেটা জানত না, আমি গরু নই, আমি বাঁড় নই; আমি মোষ—মহিষাসুর। খোলছানি মাড় খেয়ে বাঁধা আমি থাকবার নই। দড়ি যেদিন ছিঁড়ব, সেদিন তখনই করে দেব সব। হ্যা!

তাঁর সে যুক্তি দেখে শিউরে উঠতেন স্ত্রী মহালক্ষ্মী এবং তাঁর মা! শুধু তাই নয়, গৃহীর তান্ত্রিক আচরণ ত্যাগ করে তিনি বামাচার্য্যের পথ ধরতে গেলেন। তান্ত্রিকের কত্মা মহালক্ষ্মীর কাছে এ অগোচর রইল না। তিনি কিছুদিন লক্ষ্য করে বললেন—

—এ কি হচ্ছে?

—কি? তুচ্ছ কুঁচকে ঐশ্বর্য করলেন শ্রামাকান্ত।

—কি? আমাকে ঠাকি দিতে চাচ্ছে? আমি কিছু বুঝি না, না?

—বুঝেছিল তো বুঝেছিল।

—গুরু দেখানো পথ ছাড়লে কি হয় জানো না ?

—জানি, কচু হয় ।

—সে কচু গুরুর ভাগ্যে নয়, নিজের ভাগ্যে জ্বোটে । গুরু তোমাকে যাকে মা বলে ভজনা করতে বলেছেন—তাকে তুমি শালী বলে গাল দাও !

—হ্যাঁ দিই । মা বললে সে মা—শালী বললে সে শালী । মা বলে ডেকে তো দেখলাম । করুণা ? ধূর ! করুণা চাইলে দেমাক বাড়ে । আর করুণা চেয়ে পাবটা কি ? শালা মুষ্টি-ভিক্ষে । যা না দশ বাড়ী ঘুরে কেঁদে আর দেখ, মুষ্টিভিক্ষের বেলা কি মেলে ? শালা মারি তো গণ্ডার লুটি তো ভাণ্ডার ! বুঝেছি—জ্বরদন্তি চুলের মুঠো ধরে আঠেপুটে বেঁধে ওকে বশ না মানালে ও মানে না । শালা ওই পথ ।

শান্তীকে বললেন—ও সব তোমাদের গুরুচারে পুজোটুজো আমার দ্বারা হবে না—তুমি পুরুত দেখ । দিগে বন্দী পুজো । শক্তি পাট বোষ্টুম পাট—তাও আবার শক্তি পাটে কালী দুর্গা জগদ্ধাত্রী পুজোতে সকাল থেকে তিন পহর পর্যন্ত বন্দী । লোক রাখ । ও আমার দ্বারা হবে না ।

লোকের অভাব ছিল না সেকালে । ব্রাহ্মণেরা—বিশেষ করে গৃহস্থ ঘর যাদের তারা—ত্রিশঙ্কা করত, পূজাপাঠ করত নিত্যনিয়মিত । পদ্মনাভ ভট্টাচার্যের বংশের পেশা গুরুগিরি । তাদের প্রত্যেকের ঘরে ছিল শালগ্রামশিলা ; আর ছিল শরিকানী শক্তিপূজা । দুর্গাপূজা-কালীপূজা-জগদ্ধাত্রীপূজা হত । দশঘর জ্ঞাতির মধ্যে পুজো ছিল ছথানি দুর্গা, আটখানি কালী, চারখানি জগদ্ধাত্রী প্রতিমা গ'ড়ে পুজো হত, মাঝখানে একটি খড়ো আটচালা ঘিরে চারটি চণ্ডীমণ্ডপে । বিচিত্র ব্যবস্থা, কোন প্রতিমার সামনে বলি হত, কোন প্রতিমার পুজো হত বৈষ্ণব মতে । শালগ্রামশিলা বিষ্ণুর প্রতীক, হিংসা রক্তপাত তাঁর সামনে নিষিদ্ধ, কিন্তু শ্রাম-নগরে ভট্টাচার্যবাড়ীতে শিলারূপী বিষ্ণুর সামনে তার নিষেধ ছিল না । কেবল সে কয়েক দিন তাঁর অন্নভোগ হ'ত না । কারণ বলির খর্পরে রক্তপূর্ণ হলেই তখন সব অন্নব্যঞ্জন আমিষ হয়ে যায় । এছাড়া শিবমন্দিরে ছিল শিবলিঙ্গ ।

শিশু-সেবক ছিল দেশ জুড়ে ; কেউ চাইত বৈষ্ণব মন্ত্র, কেউ শাক্ত, কেউ শৈব । শ্রামনগরের ভট্টাচার্যদের বাড়ীতে এসে যে যে-মন্ত্র চাইত তাই পেত । তাঁরা ছিলেন দেবতত্ত্বের ভাঁড়ারী । ভাঁড়ারে সব থাকত । যার যা প্রার্থনা, তার তাই মিলত । জমিদারেরা অধিকাংশ ছিলেন জগদ্ধাত্রীর উপাসক । বিশেষ ক'রে শাক্ত জমিদারেরা । মহারাজা কৃষ্ণচন্দ্র রায় জগদ্ধাত্রী পূজা করেছিলেন প্রথম । গোটা বাংলার হিন্দু সমাজের সমাজপতি, রাজ-ঐশ্বর্যে বাংলার বিক্রমাদিত্য, নবরত্নের সভার মত সভা—ভেটমনি প্রতিষ্ঠা ; লোকে বিশ্বাস করত জগদ্ধাত্রী পূজার ফল । তাই জমিদারদের বাড়ীতে জগদ্ধাত্রী মন্ত্র উপাসক ছিলেন বেশী ।

রাণীভবানী ছিলেন, লোকে বলত, সাক্ষাৎ ভবানীর অংশোদ্ভূত । মহিমার রাজরাজেশ্বরী, বুদ্ধিতে একটা সাম্রাজ্য চালাতে পারতেন । মীরজাফরেরা এখন বড়যন্ত্র ক'রে ইংরেজদের সাহায্য নিয়ে নবাব সিরাজউদ্দৌলাকে উচ্ছেদের মতলব করে তখন তাঁর কাছেও লোক পাঠিয়েছিল তারা । লোকে তাঁকে বলত অর্ধবক্শ্বরী । তাঁর বিধবা মেয়ে পরমাসুন্দরী তারাকে বড়নগরে গঙ্গার ঘাটে দেখেছিলেন সিরাজউদ্দৌলার, গঙ্গার উপর নৌকা থেকে । দেখে পাগল হয়েছিলেন পাবার জন্যে । রাণীভবানী মেয়েকে কানী পাঠিয়ে দিয়ে রক্ষা করেছিলেন তাকে । মীরজাফরেরা বিশ্বাস করেছিল, রাণী নিশ্চয় বড়যন্ত্রে উৎসাহের সঙ্গে যোগ দিয়ে সাহায্য করবেন । কিন্তু তাঁনি করেন নি । তিনি যে কথাটা বলেছিলেন বাংলাদেশে সেটা প্রবাদবাক্য হয়ে গেছে ।

আজও লোকে বলে—খাল খেটে কুমীর এনো না। রাণীভবানীর পোস্তপুত্র রামকৃষ্ণ রায় পঞ্চমুণ্ডীর আসনে বসে কালীসাধনা করতেন। আজও বড়নগরে সে পঞ্চমুণ্ডীর আসন আছে। রাণী বাংলাদেশে নাকি এক লক্ষ কালী প্রতিষ্ঠা করেছিলেন—গ্রামে নগরে, তার জন্ত নিষ্কর জমি দিয়েছিলেন। সে পূজা সে নিষ্করের উপর আজও চলে। রামকৃষ্ণ রায়, মহারাজা রামকৃষ্ণ রায়, সুলতা, যেখানে শবাসনে বসতেন তার সামনেই আজও আছে গোপাল মন্দির। রাণীভবানীর কন্যা তারা দেবীর প্রতিষ্ঠিত গোপাল। সেকালের বাংলাদেশে শক্তিমন্দিরের পাশে সব বাড়ীতেই নারায়ণ সেবা যুগলবিগ্রহ সেবা আছে। স্তবরাং গুরুগিরি যাদের পেশা তাদের ঘরে পূজার এ বিচিত্র প্রথা থাকবে, তাতে আশ্চর্য কি সুলতা!

সুলতা হাতের চারের কাপটা ট্রের উপর নাগিয়ে দিয়ে বললে—পড়েছি কিছু কিছু। শুনেছিও। কিন্তু এমন অর্থহীন ব্যাপার—যার মাথামুণ্ড নেই, এটা জানতাম না।

সুরেশ্বর হেসে বললে—মাথা থেকে হাত, পা, আঙুল—সবই তাঁরা হয়তো বেঁচে থাকলে দেখিয়ে বুঝিয়ে দিতে পারতেন। কিন্তু সে আমি পারব না। তবে এইটুকু বলতে পারি যে, এর ভিতর থেকেও শুদ্ধাচারী পরিচ্ছন্ন মাহুয়ের অভাব ছিল না। আজও তাকিয়ে দেখ সুলতা, দুনিয়ার দিকে, ধনতন্ত্র, সমাজতন্ত্র পাশাপাশি বাস করছে, এ বলছে ওর মধ্যে নোংরামি বেশী, এ বলছি ওর ভিতরের কদর্যতার মত কদর্যতা আর হয় না—নেই। ও ঝগড়া থাক। আমি বলছে সেকালের মানে ১৮১৫ সালের কথা। সেই কথাই বলি।

১৮১৫।১৬ সালে এরপর শ্রামাকান্ত একদিন নিরুদ্দেশ হলেন—স্ত্রী শিশুপুত্র সব ফেলে।

এঁরা ভেবেছিলেন—গেছে, আবার কিরবে দু'তিন মাস পর। শ্রামাকান্ত যেতেন তো মধ্যে মধ্যে গান শোনাতে। কিন্তু না। ফিরলেন না!

শ্রামাকান্ত বেরিয়েছিলেন পূর্ণ সন্ন্যাস নিয়ে। তান্ত্রিক সন্ন্যাসী হয়ে বেরিয়েছিলেন—সিদ্ধি তাঁকে পেতেই হবে।

সন্ন্যাসের নিয়ম হল—সব ত্যাগ করতে হয়—নাম পরিচয় জাতি বর্ণ—ব্রাহ্মণ হলে উপবীত এবং বলতে হয়, ইছলোক এমন কি পরলোক পর্যন্ত ত্যাগ ক'রে তবে সন্ন্যাস নিতে হয়। কিন্তু শ্রামাকান্ত তার তানপুরার মমতাটি ছাড়তে পারেন নি, সেটিকে ঘাড়ে ক'রে বেরিয়েছিলেন।

\*

\*

\*

এসে উঠেছিলেন কালীঘাটে। মহাপীঠ—কালীতীর্থ কালীঘাট। পাশে কেওড়াভলার মহাশ্রমশান; সেখানে সাধনা করবেন, শব-সাধনা। কালীঘাটে এসে দিনকয়েকের মধ্যে তাঁর খাতির জমে উঠেছিল—সন্ন্যাসী হিসেবে নয়, গায়ক হিসেবে। কেওড়াভলার শ্রমশান তখন সত্যিই শ্রমশ্রমশান। ১৮১৬ সাল। তখন সুলতাবনের আভাস কলকাতার ময়দান থেকেই শুরু। মধ্যে মধ্যে বাঘের উপদ্রব হয় আশেপাশে। মধ্যে মধ্যে ডাক শোনা যায় রাজে। তারই মধ্যে নিশাচরের মত ঘুরে বেড়াতেন। রাজে জপ করতেন। শবের সন্ধান করতেন। একদিন পেলেন এক শব। জোয়ারে গঙ্গার জলে ভেসে যাচ্ছিল। শ্রামাকান্ত জান করছিলেন। দেখতে পেলেন জোয়ারে ভেসে যাচ্ছে একরাশি কালো চুল আর চেউরে চেউরে ভেসে উঠছে একটি যুবতী নারীদেহ। তিনি বাঁপ দিয়ে পড়ে সীতরে গিয়ে ধরলেন সেই দেহ। এবং তুলে নিয়ে এলেন। তখন শীতকাল। মকর সংক্রান্তিতে গঙ্গাসাগর সজ্জমে স্নানের জন্ত সাধু-সন্ন্যাসীর ভিড় জমেছে। তিনি সেই দেহ টেনে এনে লুকিয়ে রাখলেন সযত্নে। তিথিও নাকি অতীষ্ট তিথি ছিল। সেই রাজে তিনি, শ্রমশানের নিবিড়তম অভ্যন্তরে তাঁর যে আসন ছিল, সেইখানে শবাসনে বসেছিলেন। কিন্তু সিদ্ধি তাঁর হয়নি। হয়েছিল উপেন্দ্র।

সঠিক কি ঘটেছিল তিনি জানেন। তবে লোকে বলত—তাকে আসন—ওই শবের বুক থেকে মহাশক্তি ছুঁড়ে ফেলে দিয়েছিলেন গজার কিনারায়। তিনি অজ্ঞান হয়ে পড়েছিলেন সমস্ত রাত্রি। তন্ত্রসাধনায় এই ধরনের ঘটনার কথা অজস্র শোনা যায়; তুমি শুনেছ কিনা জানি না। নাটোরের রাজা রামকৃষ্ণ রায় সম্পর্কে এমনি গল্প আছে। তিনি শবাসনে বসে যখন ধ্যান করছেন, তখন নাকি মা রাণীভবানীর কণ্ঠস্বরে চমকে উঠে দেখেছিলেন—তিনি ক্রুদ্ধ হয়ে তাঁকে শাস্তি দিতে আসছেন। অথচ রাণীভবানী তখন ঘরে নিদ্রামগ্ন। রাজা রামকৃষ্ণ এই মায়াময়ী রাণীভবানীর ভয়ে আসন ছেড়ে উঠে পালাতে গিয়ে পড়ে অজ্ঞান হয়ে গিয়েছিলেন। এমনি কিছু ঘটেছিল শ্রামাকান্তের। তিনি অজ্ঞান হয়ে পড়েছিলেন। পরদিন সকালে তাঁকে মের্খতে পেয়েছিলেন আর এক সন্ন্যাসী। উত্তর প্রদেশের বৈষ্ণব সাধু। শুনেছি নাকি শবাসনের শবট তখন ছিল না। ছিল একটা কঙ্কাল আর একরাশ চুল।

ওই বৈষ্ণব সন্ন্যাসীর বড়োই শ্রামাকান্ত বেঁচেছিলেন। সুস্থ হতে কিছুদিন লেগেছিল।

শ্রামাকান্ত মৃত্যুকালে বলেছিলেন—ওঃ—তার সঙ্গে যদি দেখা না হত! ওই তার ছবি স্মৃতি। ওই দেখ মৃত্যুশয্যায় শ্রামাকান্ত! মুখের রেখায় রেখায় আলোর ছটা পড়েছে। এ পাশে বীরেশ্বর রায়, ওপাশে ভবানী দেবী, পায়ের তলায় বিমলাকান্ত।

—তিনি মারা গিয়েছিলেন যে বছর বীরেশ্বর রায় ভবানী দেবীকে ফিরে পান সেই বছর—১৮৬০ সালে। এখানকার লোকে জানত তিনি মারা গিয়েছিলেন চল্লিশ বছর আগে এই কীর্তিহাটেই কাঁসাইয়ের জলে ডুবে। কিন্তু না। তিনি জলে ভেসে গিয়ে কাঁসাইয়ের একটা বাকে গিয়ে চড়ায় উঠেছিলেন। চল্লিশ বছর পরে হতভাগ্য শ্রামাকান্ত মৃত্যুর সামান্য কিছুদিন পূর্বে সুস্থ হয়েছিলেন। তাঁর সেই উন্মাদরোগ বল উন্মাদরোগ, অথবা মহাশক্তির নিষ্ঠুর প্রহার বল নিষ্ঠুর প্রহার থেকে মুক্তি পেয়ে বীরেশ্বর রায়কে পত্র লিখেছিলেন সাক্ষাৎ প্রার্থনা করে। সে পত্রে তিনি তাঁর জীবনের বিচিত্র ঘটনাগুলি অকপটে খুলে লিখে অনুরোধ করেছিলেন—“একবার তোমার সাক্ষাৎ প্রার্থনা করি। তুমি আমার জামাতা—আমার যে পরম পুণ্যলব্ধ, মহামায়ার প্রসাদকে অগ্নিকুণ্ডে নিক্ষেপ করিয়া বিনষ্ট করিতে চাহিয়াছিলাম তাহা তুমি উদ্ধার করিয়াছ। আমি যাহা বলিতে চাহিয়াও বলিতে পারি নাই, মহাকোপে কুপিতা শক্তি যাহার জন্ত আমার কণ্ঠরোধ করিয়া গলা টিপিয়া ধরিয়াছে, সেই কথা তুমিই আমাকে বলাইয়াছ। তাহা অবশ্য স্পষ্ট হয় নাই। পরে মহাসিদ্ধ সাধকের রূপায় তাহা আমি বলিয়া আজ সুস্থ হইয়াছি। আজ আমি জাতিব্রষ্ট, সাধনাব্রষ্ট, আমি ঘৃণিত—হয়তো মৃত্যুতে অনন্ত নরক। এ সময়ে তোমার একবার সাক্ষাৎ প্রার্থনা করি।”

বীরেশ্বর রায় গিয়েছিলেন। মৃত্যুকালে শাস্তিতে মরেছিলেন শ্রামাকান্ত।

তাঁর সে পত্র আমি পেয়েছি। আমার কাছে আছে। এইখানেই আছে। আরও একখানি পত্র; সে পত্র লিখেছিলেন—কীর্তিহাটের কুড়ারাম রায় ভট্টাচার্যের কুলগুরু বংশধর, সোমেশ্বর রায়ের কুলপুরোহিত কালীমায়ের সেবক, সোমেশ্বর রায়ের দেবোত্তরের অন্ততম ট্রাস্টি রামব্রহ্ম স্তায়রত্ন। তিনি পদভাগ করবার জন্ত বীরেশ্বর রায়কে পত্র লিখেছিলেন। সব কথা তিনি মুখে মুখে বলতে পারেন নি—বীরেশ্বর রায়কে পত্র লিখে জানিয়েছিলেন।

বীরেশ্বর রায় তখন কীর্তিহাটে স্থায়ীভাবে বাস করছেন। এসেছেন ওই মিউটিনির সময়। ১৮৫৭ সালের জুন মাসে কলকাতার অবস্থা দেখে চলে এসেছেন। মেট্রাবুর্জের বন্দী অধোধ্যার নবাব ওরাজিদ আলি শাকে যেদিন কোর্ট উইলিয়মে নিয়ে গিয়ে আটক করে ইংরেজ কর্নেল, সেদিন ওরাজিদ আলি শা কেঁদেছিলেন। সেই দৃশ্য দেখার পর বেদনার

হোক, ভরে হোক, হয়তো বা দুয়ের জন্তই কীর্তিহাটে কিরে এসে বিষয় নিয়ে প্রমত্ত হয়েছিলেন।

ডিসেম্বর মাসে একবার কলকাতায় গিয়েছিলেন, একটা সই দেবার জন্তে। রাইট অনারেবল চার্লস জন ডাইকাউন্ট ক্যানিং-এর কাছে বাঙালী মহারাজা রাজা এবং জমিদারের পক্ষ থেকে, বিদ্রোহী সিপাহীদের হাত থেকে দিল্লী উদ্ধার করার পর, অভিনন্দন এবং আত্মগত্যা জানিয়ে যে Address দেওয়া হয়েছিল, তাতে সই করতে গিয়েছিলেন।

My Lord—We the Rajas, Zeminders, Talookdars, Merchants and other Natives of the Province of Bengal, take the earliest opportunity, on retaking Delhi, to offer your Lordship in Council our warmest congratulations on the signal success which has attended the British arms, under the circumstances unparalleled in the annals of British India—

এ দরখাস্তে প্রথম সই ছিল—মহারাজাধিরাজ মহাতাব চান্দ বাহাদুর বর্ষমানাধিপতির। দ্বিতীয় সই ছিল রাজা রাধাকান্ত দেব বাহাদুরের। বীরেশ্বর রায়ের সই তার বেশী নিচে ছিল না। আড়াই হাজার সই ছিল এ দরখাস্তে।

সই ধারা করেছিলেন তাঁদের মধ্যে প্রাচীন আমলের জমিদার রাজা ধারা তাঁরা অনেকে মনের ভাব চেপে দরখাস্ত করেছিলেন হয়তো, কিন্তু বীরেশ্বর রায় মনোভাব চাপেন নি; কুড়ারাম রায় কোম্পানীর কর্মচারী থেকে জমিদার। তাঁর সই অকপট। তাঁর পরিচয় চিঠিপত্রে আছে। এরপর নিশ্চিন্ত হয়ে ইংরেজের ছায়াপত্রভলে থেকে নিশ্চিন্ত হয়ে তিনি আপন পরিকল্পনা মত দেশের উন্নতি, তাঁর জমিদারীর উন্নতি করতে আরম্ভ করেছিলেন। দুটকে দমুন—শিষ্টকে পালন ক'রে আদর্শ জমিদার হতে চেয়েছিলেন।

স্কুলের পত্তন হয়েছিল। কাঁসাইয়ের ধার বরাবর বস্তারোধী বাঁধের ভাঙনগুলিকে সংস্কার করিয়েছিলেন। গ্রামের রাস্তাঘাট মেরামত করিয়েছিলেন।

ওদিকে শুরু হয়েছিল নতুন পত্তনী নেওয়া মহলগুলিতে নতুন বন্দোবস্ত। খাজনাবুজ্জি, পতিত আবাদ, সেচের জন্ত বাঁধ তৈরী, পুকুর কাটাই। ভাদ্র-আশ্বিনে গরীব প্রজাদের ধান চাল সাহায্য। এবং তার সঙ্গে বিচার।

তার সঙ্গে গিরীন্দ্র আচার্যের অধীনে একটি বড়রকমের মামলা সেরেস্তা খুলেছিলেন। প্রথম মামলা দায়ের হয়েছিল গোপাল সিংহের নামে। একসঙ্গে আঠারটি মকদ্দমা। গোটা জমিদারীতে প্রথম বছরেই দেওয়ানী কোজদারীতে চারশো মামলা দায়ের হয়েছিল মেদিনীপুর আদালতে।

দ্বিতীয় বছরে মামলার সংখ্যা বাড়ল। এবার মামলা বাধল শ্রামনগরে। শ্রামনগর বীরেশ্বর রায় পত্তনী নিলেন—ওই দে সরকারদের কাছ থেকে। শ্রামনগরের প্রজাদের মুখপাত্র দাঁড়ালেন—কমলাকান্ত ভট্টাচার্য।

কমলাকান্ত তখনও রত্নেশ্বর রায় নন, তখনও তাঁর পরিচয়—তিনি বীরেশ্বর রায়ের ভায়ে। কমলাকান্তের পিছনের প্রজার দলের মধ্যে সর্বাপ্রায়ে ছিলেন—ঠাকুরদাস পাল।

সুরেশ্বর উঠে গিয়ে ওদিকের টেবিল থেকে একটা কাগজের বাঙালি নিয়ে এসে বসল। বললে—লাট যুগলপুরের পত্তনী পাট্টার দলিলখানা আর ওই বিষয়ের চিঠিপত্রে বিচিত্র কথা আছে। শোনার তোমাকে। ১৮৫৯ সাল। বাংলাদেশে সিপাহী বিদ্রোহের আশঙ্কন

নিভেছে। কোম্পানীর হাত থেকে ভারতবর্ষ ইংলণ্ডেশ্বরীর এম্পায়ার অথবা ধাসুমহল হয়েছে। 'বৃটিশ এম্পায়ার এন্টাবলিশড বাই ল' এই তার বরান। জমিদারেরা পারমানেন্ট সেক্টলমেন্টের আইনবলে জমিদারির উর্ধ্ব-অর্ধের মালিক। কিন্তু ইংলণ্ডেশ্বরীর ইংলণ্ডজাত প্রজাদের রাইট কালাআদমীর চেয়ে অনেক বেশী। তারা তখন এদেশে ব্যবসা খুলে বসেছে একপ্রান্ত থেকে আর একপ্রান্ত পর্যন্ত। সে সময় নীলের কুঠীর সাহেবদের দাপট উঠল চরমে। নীলবিদ্রোহ বাঙলার ইতিহাসের একটা অধ্যায়। এখান থেকেই নতুন যুগের আন্দোলনের সূত্র।

জন রবিনসন বীরেশ্বর রায়ের বন্ধু ছিল। ছেলেবেলায় সে এই সময় শ্রামনগরে কুঠীর পত্তন করেছিল। শ্রামনগরের জমিদার দে-সরকারেরা জন সাহেবের কুঠীতে টাকা লগ্নী করে রবিনসন সাহেবের সঙ্গে হাত মিলিয়েছিল। দে-সরকাররা যুগলপুরের ব্রাহ্মণ, সন্দোগপ, কায়স্থ প্রজাদের বিদ্রোহের জন্ত করেছিলেন এটা। ব্রাহ্মণ প্রজা বড় খারাপ সুলভা, তার মানে ইষ্টেলেচুয়েল বলতে পার।

দে-সরকারদের কর্তা ছিলেন প্রথমে মহাজন, চড়া সূদে টাকা ধার দিতেন। লাট যুগলপুর—খানচারেক মৌজা, তার অন্তর্গত শ্রামনগর-রাধানগর; এই দুখানি গ্রামই বড়। রাধা ও শ্রাম নামাঙ্কিত দুখানি ভৌজির জন্তই নাম যুগলপুর। এ ছাড়া দুটি চক—দুখানি। একখানিতে বোল আনা মুসলমানের বসতি, নাম চক ঠাকুরপাড়া। অন্ত্রখানির নাম চক পাকপাড়া বা পাইকপাড়া, এখানকার বাসিন্দাদের মধ্যে মুসলমান, বাঙ্গালী, বীরবংশী ও বাউড়ীদের মিলিয়ে বাস। লাট যুগলপুরের ইতিহাস একটু বিচিত্র। সে ইতিহাস না বললে সবটা পরিষ্কার হবে না। একমাত্র মুসলমান সম্প্রদায়ের গ্রাম ঠাকুরপাড়ার মিঞারাই এখানকার তালুকদার ছিলেন। ঠাকুরপাড়ার মিঞারা মুসলমান হলেও উপাধি ছিল ঠাকুর। তার কারণ, বীরেশ্বর রায়ের আমলের একশো বছর পূর্বেও এই ঠাকুরেরা ছিলেন ব্রাহ্মণ। প্রসিদ্ধ যোগীর বংশ ছিল ঠাকুর বংশ। যোগযাগ অনেক কিছু ছিল এই বংশে। মাননীয় ব্রাহ্মণ বংশ।

সতেরশো একচল্লিশ-বিয়াল্লিশ সালে বগাঁরা যখন বাংলাদেশে প্রথম পক্ষপালের মত এল, যখন কুড়ারাম ভট্টাচার্য দশ-এগার বছরের ছেলে, মায়ের হাত ধরে ঘর থেকে বেরিয়ে পথে পথে পালিয়েছিলেন, সেই সময় এই ঠাকুর বংশের প্রধানজন জিভুবন ঠাকুর নসীব গুণে ঠিক ঠিক বলে দিয়েছিলেন; বলে দিয়েছিলেন, পথে এই বিপদ হবে, বিপদ থেকে নবাব রক্ষা পাবেন এবং শেষ পর্যন্ত জিতবেন। ভাস্কর পণ্ডিত আর কিরবে না, এ কথাটি পর্যন্ত ছিল তার ভবিষ্যদ্বাণীর মধ্যে। সমস্ত অক্ষরে অক্ষরে ফলে গেলে নবাব সঙ্কট হয়ে এই লাট যুগলপুর তাঁকে দিয়েছিলেন সামান্য একশো তক্ক রাজস্বের বিনিময়ে। এবং নিজের গায়ের বহুমূল্য শাল খুলে তাঁকে পরিয়ে দিয়েছিলেন। সেই শাল গায়ে দিয়ে গ্রামে ফিরলে বংশের নবীনরা কথাটা গৌরব করে বলে বেড়িয়েছিলেন। তখন জিভুবন ঠাকুর শুধু ঠাকুর, লাট যুগলপুরের জমিদার। কিন্তু যুগলপুরের যশমানধারী ব্রাহ্মণেরা এ অনাচার সহিতে পায়ের নি। তাঁরা বলেছিলেন—নবাবের গায়ের শাল, ও শাল গায়ে তিনি মুসলমানী খান্ড খেয়েছেন, হাত না ধুয়ে ক্রমাগত হাত মুছে সেই হাত ওই শালে ঠেকিয়েছেন। জিভুবন ঠাকুর যখন সেই শাল গায়ে দিয়েছেন, তখন তাঁর হাত শালে ঠেকেছে, সেই হাত মুখে ঠেকেছে, স্তম্ভরাং তাঁর জাত গেছে। কলমা না পড়েও তিনি মুসলমান হয়ে গেছেন।

জিভুবন ঠাকুরদের যোগসিদ্ধির জন্ত খাতির ছিল অসাধারণ। শ্রামনগরের ব্রাহ্মণদের রাগ ছিল তাঁদের উপর, রাধানগরের কায়স্থদেরও রাগ ছিল—তার কারণ ঠাকুরেরা কায়স্থদের শূদ্র



বলে তাঁদের কোন দান নিতেন না তাঁদের মজ্ব দিতেন না। তাঁরা ছিলেন ব্রাহ্মণদেরও পূজনীয়। তাঁদের প্রতি এঁদের অবজ্ঞাও ছিল। সুতরাং এই নবাবী শাল দান নেওয়ার ক্রটির সুযোগ তাঁরা ছাড়লেন না। তাঁরা ব্রাহ্মণ সমাজের পঞ্চজন এবং রাধানগরের কারস্থ সমাজ তাঁকে পতিত করে প্রতিশোধ নিলেন। জিভুবন ঠাকুর কিন্তু টললেন না। বললেন— যিনি দেশের অধিপতি, তিনি জাতির উর্ধ্বে। শাস্ত্রে বলে, ‘সর্বদেবোময়ো রাজা, তিনি তাঁর গলা থেকে মুক্তার মালা কি স্বর্ণহার খুলে দিলে তা গ্রহণ করতে আছে, আর শাল গ্রহণেই দোষ ?

এ পক্ষ বলেছিল—স্বর্ণ রৌপ্য মণিমুক্তা কখনও অশুদ্ধ হয় না। উচ্ছিষ্ট স্পর্শেও না। শাস্ত্রে আছে, বিষ্ঠাতে স্বর্ণ খণ্ড পড়ে থাকলে তাকে লক্ষ্মীর প্রসাদ বলে তুলে নিতে হয়। ধুলে শুদ্ধ। শাল বস্ত্র সে পশম রেশম—কার্পাস যাই হোক।

জিভুবন ঠাকুর প্রস্ত করছিলেন—পদ্মনাভ ভট্টাচার্যের পিতামহ জনার্দন ভট্টাচার্যকে। জনার্দন ভট্টাচার্য বন্ধু ছিলেন তাঁর। গোপনে সাধন-ভজনের তত্ত্ব আলোচনা করতেন তাঁরা।

জনার্দন ভট্টাচার্য চুপ করেই ছিলেন। তাঁর অন্তরের কথা তিনিই জানেন, তবে স্বপক্ষে-বিপক্ষে কোন কথাই বলেন নি।

জিভুবন ঠাকুর প্রস্ত করছিলেন—জনার্দন, তুমি কি বল ? তোমার মত ?

জনার্দন বলেছিলেন—আমি তো দেশের বাইরে নয় জিভুবন। কি বলব ?

জিভুবন আর কোন কথা বলেন নি। চলে এসেছিলেন নিজের ঠাকুরপাড়ায়। এবং কয়েকদিনের মধ্যেই মেদিনীপুরের কৌজদারকে সংবাদ দিয়েছিলেন যে, তিনি ইসলাম ধর্ম গ্রহণ করবেন ; মেদিনীপুর থেকে মোল্লা মৌলভী এবং কিছু সিপাহী আনিয়ে বাড়ীতেই কলমা পড়েছিলেন।

তার আগে বাড়ীর বিগ্রহ এবং শিলা যা ছিল সব বিসর্জন দিয়েছিলেন গঙ্গার গর্ভে। ভেঙে অঙ্গহীন করতে বোধহয় পেরে ওঠেন নি। এবং ঠাকুরপাড়ার জাতিবর্গ যারা তাদের বলেছিলেন—যারা কলমা পড়তে রাজী আছে তারা থাক এ পাড়ায়। যারা রাজী নও, তারা অন্ততঃ এ পাড়া ছেড়ে অন্তর্জা য়াও। শ্রামনগর-রাধানগর যদি যাও তবে ভূমি আমি নিষ্কর দেব। কিন্তু এ পাড়ায় বাস, সে তোমাদেরও সুবিধে হবে না। আমারও না। যারা কলমা পড়বে, আমার সঙ্গে থাকবে, তাদের আমি প্রত্যেককে কুড়ি বিঘা নানকার দেব। তাদের ছেলে-পুলেদের নবাব সরকারে চাকরির ব্যবস্থা করে দেব। তোমরা বুঝে দেখ। তবে এটা মনে রেখো, পতিত তোমরাও আমার সঙ্গে হয়েছ। নবাব দরবার থেকে ফিরে এসেই তোমাদের সকলের বাড়ীতে আমি মুরশিদাবাদের মিঠায় পাঠিয়েছি। তোমরা খেয়েছ।

কেবল দু’ ঘর ছাড়া সকলে জিভুবন ঠাকুরের সঙ্গেই থেকেছিল, তাঁকে ছাড়তে তারা চারনি। দু’ ঘর চলে গিয়েছিল স্থানান্তরে। শ্রামনগর-রাধানগরেও তারা থাকে নি।

জিভুবন ঠাকুর কলমা পড়ে মুসলমান হয়ে নাম নিয়েছিলেন মহম্মদ আবুসবের খা। কিন্তু খা উপাধি তাঁর কার্যে হয় নি, লোকে তাঁকে ঠাকুরই বলত। আবু ঠাকুর।

আবু ঠাকুর মসজিদ করেছিলেন মন্দির ভেঙে। মুরশিদাবাদ থেকে কারিগর রাজমিস্ত্রী এসেছিল। স্বয়ং নবাব পাঠিয়েছিলেন। মসজিদের পর হয়েছিল তাঁর পাকা দালানবাড়ী। ঠাকুর সাহেবের হাবেলী। হাতী কিনেছিলেন, ঘোড়া কিনেছিলেন। আর ওই ছিটমহল ঠাকুরপাড়ার একটু দূরে ওরই ভিতরে মুসলমান এবং ভোয় বাঙ্গী পাইকদের এনে বাস করিয়েছিলেন। নাম দিয়েছিলেন চক পাইকপাড়া।

ঠাকুর মিয়া কলমা পড়ে মুসলমান হয়েছিলেন, দেব-বিগ্রহ গঙ্গায় বিসর্জন দিয়েছিলেন এবং ব্রাহ্মণ শাস্ত্রজীবী থেকে জমিদার হয়েছিলেন। কিন্তু যে বিজ্ঞা তিনি আশ্রয় করেছিলেন, যোগবিজ্ঞা আর অদৃষ্ট গণনাবিজ্ঞা সে তাঁর কোথায় যাবে। তা যারও নি এবং তিনি তাঁর চর্চাও ছাড়েন নি। আরও একটি নিয়ম তিনি করেছিলেন—কোরবানীতে তিনি দুধা খাসী ছাড়া গরু কোরবানী করেন নি।

তিন পুরুষ পর্যন্ত ঠাকুরবংশ অপ্রতিহত প্রভাবে জমিদারী করেছিলেন, মীরকাশেম আলি খাঁর সময় পর্যন্ত।

শ্রামনগর-রাধানগরের ব্রাহ্মণ কায়স্থ সদগোপদের সঙ্গে ঠাকুরবংশের লড়াই চলেছে বিচিত্র পথে। ঠাকুর মিয়া বা আবু ঠাকুর তাদের উপর জমিদারী করে গেছেন সেলাম নিয়ে, খাজনা নিয়ে। বাস আর কিছু না। শুধু সেলাম আর টাকা। কারুর ধর্মে তিনি হাত দেন নি। কারুর কত্তাকে বংশের কারুর সঙ্গে বিয়ে দেবার জন্তে জেদ করেন নি। বিয়ে-সাদী ঠাকুর-পাড়ার জ্ঞাতিদের মধ্যেই আবদ্ধ ছিল। আর বিয়ে-সাদী যা দিয়েছেন তা বেছে বেছে হাজী, খাঁরা হজ্ব করে এসেছেন, তাঁদের বাড়ীতে। একটি পরিবার। জিবুদন ঠাকুরের দুই বিবাহ, তাতে পুত্র তিনটি, কন্তা তিনটি, জ্ঞাতি দশ-বারো ঘর, সুতরাং বিয়ে-সাদীর জন্তে বাইরে যেতে হয় নি।

আবু ঠাকুর সকালে দলিলায় বসতেন, জমিদারী করতেন, নালিশ শুনতেন, বিচার করতেন। ব্রাহ্মণ কায়স্থ যারা আসত, তাদের জন্তে আলাদা কবাস থাকত এবং তা থাকত তাঁর বা ঠাকুর মিয়াদের আসন থেকে নিচে। এসে সেলাম দিতে হত, যাবার সময় সেলাম দিয়ে যেতে হত। জরিমানা করতেন, সে জরিমানার মাফ ছিল না। শ্রামনগর-রাধানগরে খাজনা বাড়িয়েছিলেন, বিধাপ্রতি দেড় টাকা হতে দু টাকা আড়াই টাকায়। লাট যুগলপুরের দুই তৌজি শ্রামনগর-রাধানগরের বাৎসরিক ভৌল জমা ছিল পাঁচ হাজার টাকা, তিনি তাকে বাড়িয়ে করেছিলেন, সাড়ে সাত হাজার। খাজনা এক পয়সা বাকী থাকত না। তিনি নায়েব-গোমস্তা রেখেছিলেন ওই রাধানগরের কায়স্থদের। ওদেরই মধ্যে কয়েকজনকে মহাজনীতে সাহায্য করে প্রজার কাছে খাজনা আদায় করতেন। টাকাও তিনি তাদের দিতেন বিনা সুদে। তারা প্রজার খাজনা আদায়ের সময় কাছারীতে প্রজার হয়ে খাজনার টাকা সেরেস্তার দিত এবং সুদসুদ আদায় করত। তিনি মুসলমান, তিনি সুদ নিতেন না। মোট কথা তিনি বিচিত্র উপায়ে দুই তৌজির হিন্দু প্রজাদের জব্ব করেছিলেন নিঃস্ব করে। ব্রাহ্মণেরা কেউ সংস্কৃতে তাঁর স্তব করে সংস্কৃতে শ্লোক তৈরী করলে, শ্লোকপিছু পাঁচ টাকা ইনাম দিতেন। এবং দরকার মত সংশোধন করে দিতেন।

কিন্তু শ্রামনগরের কোন ব্রাহ্মণ তাঁর স্তব রচনা করে নি।

তাঁর অস্ত্রে তাঁর ছেলে গুলমহম্মদ ঠাকুর নাকি সিদ্ধযোগী ছিলেন। তিনি অত্যন্ত উদার ছিলেন। হজ্ব করে এসেছিলেন তিনি। তিনিও যোগ কুরতেন। এমন বাকসিদ্ধ ছিলেন যে যা বলতেন তাই ঘটত।

তৃতীয় পুরুষে এই যুগলপুর নিয়ে গোলমাল লাগল কোম্পানীর সঙ্গে। তৃতীয় পুরুষে তখন তিন ছেলে, দুই মেয়ে, এক ছেলে ভোগী, এক ছেলে পূর্বপুরুষের মত যোগী, ছোট ছেলে নবাবী পণ্টনে ঢুকেছিল; পলাশীর যুদ্ধে নবাবের হয়ে লড়াই গিয়ে মরেছিল। বড়জন ভোগ-বিলাসের জন্য প্রথম গিয়ে বাস করেছিলেন মুরশিদাবাদে। তারপর গিয়েছিলেন নবাব কাসেম আলী খাঁর সঙ্গে মজের। সেখানেই থেকে গেছেন। ফেরেন নি। সম্পত্তি নিয়ে

আছেন যিনি, যোগী এবং জমিদার, তিনি মেঝ্‌লা ঠাকুর মিয়া। এদিকে সরকার তখন কোম্পানীর হাতে গিয়েছে। ইস্ট ইন্ডিয়া কোম্পানী যুগলপুর লাটের তালুকদারের উপর নোটিশ জারী করলেন—কোম্পানীর নতুন আইন অনুযায়ী তোমার জমিদারী তুমি নতুন করে বন্দোবস্ত নাও। শুধু নতুন করেই নয়, নতুন নিয়মে বৎসর বৎসর ডাক অনুযায়ী বন্দোবস্ত নিতে হবে তোমাকে।

মেঝ্‌লা ঠাকুর মিয়া নোটিশ ফেলে দিয়ে বললেন—কিরিকী লোক বলে কি? আরে ঠাকুরবংশের জমিদারী ফরমান খুদ আলীবর্দী খা বাহাদুরের। তাকে নাকচ করবে কে? বলে দিলেন—এ কতি না হো সক্তা হার। দিল্লী হার ইয়ে!

মেঝ্‌লা ঠাকুর মিয়া একদিকে আখীর, অন্যদিকে ফকীর, লোকে জানত তাঁদের বংশের গুপ্তবিজ্ঞা হঠাৎবাগ, যার চর্চা করে বাপ গুলমহম্মদ নানান বিচিত্র কাজ করতেন, বাকসিদ্ধ হয়েছিলেন, তাই তিনি বাপের কাছ থেকে নিয়ে তার চর্চা করেন। কোন নেশা করেন না, অথচ সর্বদাই ঢুলু ঢুলু চোখে চেয়ে থাকেন। শখ ছিল শুধু পান খাওয়ার। মুক্তার চুন দিয়ে পান খেতেন, তার সঙ্গে এমন মশলা থাকত যা খেয়ে শীতের দিনেও মলমলের পাঞ্জাবি পরে ঘামতেন। নোকরকে পাখার হাওয়া দিতে হত। ভাষা ছিল মিষ্ট। কিন্তু এতটুকু অমর্যাদা বোধ করলে সাপের মত মুহূর্তে ফৌস করে ফণা তুলতেন। যুগলপুরের ব্রাহ্মণদের উপর রাগ তাঁরও ছিল।

সেই ত্রিভুবন ঠাকুর বা আবু ঠাকুরের প্রাপ্য সেলামী—সেলাম আদায় করতে নিত্য একবার হাতী চড়ে গ্রামে ঘুরতেন।

শখ ছিল গান-বাজনা। কিন্তু মেয়েদের গলায় ঠুঁরী-টঙ্কার রুচি ছিল না, রুচি ছিল রূপদে। খেয়ালও ভালবাসতেন। নিজে ছিলেন বড় পাখোয়াজী।

কোম্পানীর সঙ্গে এই নিয়ে তিনি লড়াই করেছিলেন সাত-আট বছর। ঠিক এমনি মামলা তখন কালীজোড়ার রাজার সঙ্গে হয়ে গেছে কোম্পানীর। কোম্পানী সুপ্রীম কোর্টে হেরেছিল। কিন্তু হেস্টিংস সাহেব ছিল ধুরন্ধর লোক। সে ইম্পে সাহেবকে ঘুষ দিয়ে ইজ্জত রক্ষা করেছিল। এরপর আইনও পাস করেছিল, জমিদারী কেড়ে নিয়ে বন্দোবস্তের জন্তে।

কুড়ারাম রায় ভট্টাচার্য তখন গঙ্গাগোবিন্দের সঙ্গে বাংলার জমিদারী নাটকের প্রথম অঙ্কে একটি পার্শ্বচরিত্র। কিন্তু তাঁর হাত অনেক। কুড়ারাম রায়ের ব্যবস্থায় জমিদারী বেঁচে গিয়েছিল ঠাকুরদের। কিন্তু আদায় কোম্পানীর খাসে চলে গিয়েছিল। আদায় করে রেভেন্যু কেটে নিয়ে বাকী টাকা আসত মেঝ্‌লা ঠাকুরের হাতে। কোম্পানী পাঠাতেন।

একশো টাকা রেভেন্যু তখন সাড়ে সাতশো টাকা, আর সরঞ্জামী আদায় খরচ শতকরা পঁচ টাকা বাদ যেত। ঠাকুর মিয়ার নায়েব ছিল রাধানগরের মাধব দে-সরকার। মাধব দে-সরকার ঠাকুর মিয়াদেরই অল্পগৃহীত মহাজন হিসেবে কাজ করত। ঠাকুর তালুকদারীর সব তার নখদর্পণে। এবং তার টাকাও ছিল। কোম্পানীর টাকা যুগিয়ে সে ঠাকুরের টাকা যুগিয়ে যেত।

গোল বাধল ১৭২৩ সালে। পারমানেন্ট সেটেলমেন্টের সময়। কোম্পানী যখন দশশালা বন্দোবস্তের জন্ত জরীপ করে আদায়ের উপর শতকরা নব্বুই টাকা জমা দাখ করবেন বলে জমিদারদের উপর কতোরা করমান জারী করলেন, তখন ঠাকুর বললেন—তোবা তোবা। এ কি বাত। এ হয় না হতে পারে? নবাবী পাঞ্জা শীলমোহর দস্তখত দেওয়া বন্দোবস্তী বাড়িল? নরা বন্দোবস্ত নিতে হবে কিরিকী বানিয়ার কাছে? হার আন্না রহুল। হার পরগম্বর! নেহি, এ কতি না হো সক্তা হার। এ কাম যদি আমি করি তবে সে হবে শুনাহগারি! জমিদারী

যানে দেও। ঠাকুরবংশ একসঙ্গে জমিদার বটে, আবার ফকীরও বটে। যোগীর বংশ।

কেউ রাজী করতে পারে নি। বাড়ীতে মেয়েরা কৈদেছিল। ঠাকুরপাড়ার জাতিরা দরবার করেছিল, কিন্তু মাঝে ঠাকুর নড়েন নি।

তার এক-কথা—এ কড়ি না হো সক্তা হ্যার।

বাদশা দেওয়ানী দিলে ফিরিজী কোম্পানীকে। আমি সরকারী খাজনা তাদের দিয়েছি—সেখানে পাঠাবে বলে। তা বলে নবাব আলিবর্দীর পাঞ্জা মোহর দস্তখতী করমান নাকচ করে নরা বন্দোবস্তী? তা হলে তো তাকেই মালেক-ই-মুফ বলে মেনে নেওয়া হল। কড়ি না। নবাবের নিমক খেয়ে, হিন্দু ছিলাম মুসলমান হয়েছি, এখন আবার তা না মেনে নিমক-হারাম হব? তা' হলে তো মুসলমান থেকে কের কেরেস্তান হ'তে হয়। না—এ কড়ি না হো সক্তা হ্যার।

শুধু তাই বলেই ক্ষান্ত হন নি তিনি। তিনদিন পর ঠাকুরপাড়ার ঘোষণা করেছিলেন—আর এখানে এই ঠাকুরপাড়ায় তিনি থাকবেনই না। যেখানে জমীনের মালেক হিসেবে সেলাম আদার ক'রে আজ তিনপুরুষ কাটিয়ে এলেন, সেখানে খাজনা গেল গেল; সেলাম যেখানে যেতে বসেছে সেখানে আর তিনি থাকবেন না ঠাকুরপাড়ায়। কড়ি না। এ কড়ি না হো সক্তা হ্যার। চলে, ঠাকুরশরীফে গিয়ে বাস করব।

ঠাকুরশরীফ—কাকবীপের কাছে একটা বীপের মত জায়গা। বাকসিদ্ধ গুলমহম্মদ ঠাকুর নবাব মীরকাসেমের প্রথম আমলে নগদ টাকা সেলামী দিয়ে এই বীপটি নানকার হিসেবে একরকম খরিদই করেছিলেন। তখনও মীরকাসেমের সঙ্গে কোম্পানীর ঝগড়া বাধে নি। সে করমানে নবাবী মোহরের সঙ্গে কোম্পানীর এক সাহেবের দস্তখৎ ছিল। কারণ নবাব মীরজাকর কোম্পানীর দেনা শুধতে মেদিনীপুর অঞ্চল কোম্পানীকে ছেড়ে দিয়েছিলেন, সে বন্দোবস্ত মত কোম্পানীর সহায়ের দরকার ছিল। তাতে আপত্তি দিতে কোম্পানীর একতিয়ার ছিল না। তিনি ফিরিজীকে খাজনা দিতে হবে যে মূলুকে সে মূলুকে বাস করবেন না। বীপটার কিছু প্রজা ছিল। হজরৎ গুলমহম্মদ ঠাকুরের সমাধি ছিল, আবাদী জমি ছিল। সে প্রায় পাঁচশো বিঘার উপর; সেখানে গিয়ে বাস করবেন তিনি।

তাই করেছিলেন তিনি। এখানকার পাকা ইমারৎ, পুকুর, বাগ-বাগিচা সব ফেলে চলে গিয়েছিলেন 'ঠাকুরশরীফে'।

সে চলে যাওয়ার কথা শ্রামনগরের লোকের মুখে আজও শুনতে পাওয়া যায় স্মৃতি।

সেদিন নাকি ঠাকুরপাড়ার বাকী লোকেরা পাকপাড়ার পাইকেরা এমন কি লাট যুগলপুরের ব্রাহ্মণ ছাড়া অস্ত সকলে পথের দুপাশে দাঁড়িয়ে সেলাম দিয়েছিল আর কৈদেছিল।

মাঝে ঠাকুর হাতীর উপর চেপে গন্ধার ঘাট পর্যন্ত এসেছিলেন। ছেলেরা এসেছিল ঘোড়ায়, বয়েল গাড়ীতে—মেয়েরা পালকিতে। জাতিরাও কয়েক ঘর তাঁর সঙ্গে গিয়েছিল। তাদের পুরুষেরা হেঁটে আর মেয়েরা বয়েল গাড়ীতে। মাঝে ঠাকুর হাতীর উপর বসে দু'ধারে মুখ ফিরিয়ে সেলাম ফিরিয়ে দিতে দিতে গিয়েছিলেন—“সেলাম আলায়কুম, সেলাম আলায়কুম, সেলাম আলায়কুম।”

গন্ধার ঘাটে দেখা হয়েছিল মাধব দে-সরকারের সঙ্গে। দে-সরকার মেদিনীপুর থেকে ফিরছে—লাট যুগলপুরের তালুকদারী সে কোম্পানীর মেদিনীপুর কালেক্টর সাহেব বাহাদুরের কাছ থেকে বন্দোবস্তের কাগজ নিয়ে ফিরছে। সেটা ১৭২৪ সাল।

খবরটা সে নিজেই দিয়েছিল মাঝে ঠাকুরকে। সেলাম করেই দিয়েছিল। মাঝে ঠাকুর

একমুহূর্ত ভেবে নিয়ে বলেছিলেন—তা হ'লে এই বুড়ো হাতীটা তোকে দিয়ে গেলাম মাধব। নতুন জমিদার হলি—হাতীতে না চড়লে মানাবে না। তবে এটাকে যেন খেতে দিস। মরা হাতীর লাখ টাকা দামের লোভে না খেতে দিয়ে মেরে কেলিস না। তা হলে তোকে অভিসম্পাত লাগবে। বৃষ্টি! আমাদের বংশের সিদ্ধাই তো জানিস!

মাধব দে-সরকার বৈষ্ণব—ফোঁটা তিলক কাটত; গলায় কষ্টী পরত। সে খুশী হয়ে সেলাম করে বলেছিল—গোবিন্দর নামে দিব্যি করে বলছি ঠাকুরসাহেব। গলার কষ্টী ছুঁয়ে ঝলছি। দোব—দোব—দোব।

ওদিকে তখন গ্রামে সর্বরক্ষাপাড়ায় ঢাক বাজতে শুরু করেছে। বাজনা শুনে তাড়াতাড়ি নৌকায় চড়ে ঠাকুরসাহেব বলেছিলেন—জলদি নাও খুলে মাঝি—জলদি জলদি।

সেদিন ঠাকুর মিসারা ঠাকুরপাড়া ছেড়ে চলে যাচ্ছেন বলে শ্রামনগরের ব্রাহ্মণসমাজে ঢাক বাজিয়ে গ্রামদেবতা সর্বরক্ষের কাছে পূজা দিয়েছিল। তারা খুশী হয়েছিল—এবার মাধব সরকার ভক্ত বৈষ্ণবমাহুষ জমিদার হল, এবার তাদের সুখের দিন এল। তারা এবার গুরুর মত থাকবে। কিন্তু কিছুদিনের মধ্যেই ভুল ভাঙল।

দে-সরকারের গোমস্তা এল আদায় করতে, বসল চণ্ডীমণ্ডপে। থোকা কড়চা খুলে সকলকে খাজনার বর্ড শোনালে। তিন বছরের খাজনা বাকী। রহমৎ ঠাকুরের সঙ্গে কোম্পানীর যে সময়টা ঝগড়া চলেছে সে সময় কোম্পানীর ঢোল দিয়ে গিয়েছে যে কোম্পানী খাস করলে লাট যুগলপুর। সেই সময় থেকে খাজনা প্রজ্ঞাও দেয় নি, রহমৎ ঠাকুরও আদায় করেন নি। তিনিই বলেছিলেন, ঠিক বাত, কয়সালা হোক। তারপর নেওয়া যাবে।

সেই খাজনার সঙ্গে সিকি সুদ চড়িয়ে খাজনা দাবী করলে দে-সরকারের গোমস্তা। ব্রাহ্মণ কায়স্থ সদগোপ প্রজারা শুনে স্তম্ভিত হয়ে গেল।

—সুদ! সুদ কিসের?

—বাকী খাজনার।

—বাকী খাজনার সুদ? যা ঠাকুরেরা কখনও নেয় নি!

—ঠাকুরসাহেবরা মুসলমান—সুদ তাঁদের কাছে হারাম। শাস্ত্রে নিতে বারণ আছে। কিন্তু তারা যে নানান আবওয়াব নিতেন গো। দে-সরকার কতটা মহাজনী ক'রে সুদ নিয়ে সামান্ত অবস্থা থেকে জমিদার। সুদ তিনি নেবেন। তাঁকে তো কোম্পানীকে তিন বছরের টাকা গুণতে হয়েছে। ঠাকুরসাহেবরা দিতেন বছরে একশো টাকা সরকারী খাজনা, দে-সরকার কতটা দিয়েছেন বছরে সাতশো। সুদ না নিলে জমিদারী রাখবেন কি ক'রে? তাছাড়া বন্দোবস্ত তো এখন বছর বছর। তার মানে কোম্পানী তো বাড়িয়েই যাবে।

ব্রাহ্মণেরা চুপ ক'রে থেকে বলেছিলেন—হঁ। সুদ না দিলে?

হেসে গোমস্তা—ওলারোত্‌ সিব্জা—বলেছিল—তা আমি কি ব্রি বলব? দে-সরকার বলবেন। কোম্পানীর হুকুম তো ঢালোয় হুকুম। খাজনা আদায় জন্তি কি কাণ্ড ঘটতেছে বাংলাজাশে ওকিব (ওয়াকিবহাল) আছেন তো! ধরি আন—বাঁধি রাখ, বুকে কাঠ চাপাও, ব্যাত চালাও, পিঠে ব্যাল কাঁটার ডাল দিয়া পিটো। খাজনা আদায় কর। রেজা খাঁর মতন জবরদস্ত আদমী গেল। এখনও জাওয়ান গঙ্গাগোবিন্দ সিং মজুত। নতুন আইন করি দিছে। এখন জমিদার দে-সরকারের মরজি। শুনেছে ইবার কোম্পানী আইন করতেছে, পাকা ধান মাঠে আটক দিয়া খাজনা আদায় করাবার আইন করবেন। বললাম তো, এ্যাখন প্রজার মতি আর জমিদারের ভাগদ। তবে মরজি বলে একটা বাত্‌ আছে। এ্যাঁই তো আমাদের ঠাকুর-

সাহেবের দিল সায় দিলে না, মরজি উঠল না, ছেড়ে দিলে খুটা চীজের মতুন ।

গোমস্তাটি পাকা গোমস্তা । দে-সরকার তাকে হিজলীর নবাববংশের যে ছিটেফোঁটা তখনও ছিল, তাদের সেরেস্তা থেকে এনে বহাল করেছিলেন । তাঁর সেরেস্তার তিনি গ্রামের দু-চারজন জ্ঞাতি-জ্ঞাতির মধ্য থেকে নিয়েছিলেন, তারা নিতান্তই ছিল নিরীহ আমলা, যে সেরেস্তা হাতের মুঠোর কাবোজে থাকে সেই সেরেস্তার রেখেছিলেন । যেমন খাজাঞ্চি, হিসেবনবীশ, খাস জোত তদারকদার, গরুবাছুর তদারকদার—এইসব কাজ করত তারা । বাকী কাজ, যেখানে প্রজার সঙ্গে কারবার, নায়েব গোমস্তা এসব ছিল মুসলমান এবং অন্ত জায়গার লোক—যাদের পক্ষে ব্রাহ্মণ কার্যস্থ বা গ্রামের লোক বলে চক্ষুজ্ঞার কোন কারণ নেই ।

গোমস্তা ওয়ালেত্ মিরজার কথার জবাব ব্রাহ্মণেরা ঠিক খুঁজে পান নি । বাংলাদেশে দেওয়ান গঙ্গাগোবিন্দ সিং, রেজা খাঁর খাজনা আদায়ের অত্যাচারের কথা তাঁদের অজানা ছিল না । তাঁরা সেদিন বুঝতে পেরেছিলেন, ঠাকুর মিয়াদের তালুকদারীর মধ্যে তাঁরা কতটা স্মৃতি এবং নিরাপদে ছিলেন । তবু তাঁরা হাল ছাড়েন নি । তাঁরা দল বেঁধে গিয়েছিলেন রাধানগর—দে-সরকারের বাড়ী । দে-সরকারের বাড়ী তখনও কাঁচা দেওয়ালের উপর খড়ের চালের বাড়ী । কেবল একতলা একটি দালানে রাধাগোবিন্দ, নিত্যানন্দ এবং জগন্নাথের সেবা প্রতিষ্ঠা করেছেন । সামনে খড়ের আটচালা । আটচালার সামনে খড়েরই একখানা ওই আটচালার মতই সেরেস্তাখানা, তাও হালে তৈরী হয়েছে । সেইখানে তক্তাপোশে করাস করে তাকিয়া ছেলান দিয়ে বসে কাছারী করেন । নিচে আটচালার মেঝের উপর তালপাতার চাটাই খেজুর চাটাই বিছানো । একদিকে আর দুখানা তক্তাপোশের উপর সতরঞ্চ বিছানো ।

ব্রাহ্মণেরা যখন পৌঁছলেন, তখন ওই সেরেস্তাখানা কাছারীর সামনে মাধব দে-সরকার বা হাতে রূপো বাঁধানো হুকো ধরে তামাক খাচ্ছিলেন আর সামনে বাগিচার পতন করছিলেন—নারকেলের বাগান লাগাবেন । পরনে থান ধুতি ; তখন বিলিভী রেলির কলের কাপড় আমদানি হয়েছে ; পায়ে চটি ; গায়ে একটা মেরজাই । কপালে তিলক, গলায় কণ্ঠি, তার সঙ্গে একটি সোনার সরু হার চিকচিক করছে ।

ব্রাহ্মণদের দেখেই সমাদর করে দে-সরকার আহ্বান করে বললেন—আসুন আসুন আসুন । পবিত্র হল আমার নতুন কাছারী । বলেই হুকো বা হাতে ধরেই হেঁট হেঁটে চেষ্টা করে বললেন—ওঃ ! কাতর আর্তনাদ করে উঠলেন । তারপর সেই স্বল্প একটু হেঁট অবস্থাতেই জান হাত কপালে ঠেকিয়ে বললেন—ব্রাহ্মণেভ্যো নমঃ । কোমরে এমন দালুকো দরদ লেগেছে—ওঃ ! বলে সোজা হয়ে দাঁড়ালেন ।

হেসে সুরেশ্বর বললে—ব্রাহ্মণেরা সেকালের ইণ্টেলেক্চুয়েল । একালের ইণ্টেলেক্চুয়েলের মতই চতুর । দে-সরকারের মুখে একসঙ্গে হাসি এবং যন্ত্রণার অভিনয় তাঁদের দৃষ্টিকে ফাঁকি দিতে পারে নি । মুহূর্তেই তাঁদের চিত্ত বিরূপ হয়ে উঠেছিল । তাঁরা প্রত্যাশা করেছিলেন—বৈষ্ণবধর্মাবলম্বী ফোঁটাভিলক কাটা দে-সরকার পূর্বের মতই তাঁদের পারের ধুলো নিয়ে মুখে বুক ঠেকাবেন । কিন্তু বুঝলেন, জমিদার দে-সরকার তাঁদের আর পারে হাত দিয়ে প্রশ্রয় করবেন না । দে-সরকার এই ক’দিনের মধ্যেই জমিদার হয়ে দ্বিতীয় জন্ম নিয়েছে । সে দে-সরকার মরে বেঁচেছে । ব্রাহ্মণ দলের অগ্রণী ছিলেন তখন জনার্দন ভট্টাচার্য, বিমলাকান্তের মাতামহ পদ্মনাভ ভট্টাচার্যের পিতামহ, তিনি বুদ্ধ তখন, কিন্তু খাটি বামুন তেজ তাঁর ছিল । তিনি বলেছিলেন—হয়েছে বাবা মাধব ! ওই ঢের । ওতেই আশীর্বাদ করছি । তা বড়ই দুখের কথা । কোমরে দালুকো বাত ধরলো । তা ধরে । তা ধরে । বিষয়ের বোঝা যখন বাঁচ

করে মাথায় চাপে, তখন দুর্বল মানুষ হ'লে খ্যাচ ক'রে কোমরে দালকো বাত ধ'রে যায়। ও আর সারে না বাবা! তা বেশ! ঘোড়ার কুমড়ে, বিষরীর দালকো আর বামুনের পায়ে ফাট, এ নাহলে মানার না বাবা। কিন্তু এক কাজ করতে পারো বাবা, কোম্পানীর চরণ ঠেকিয়ে নিতে পার ওখানে, শুনেছি কোম্পানী নাকি 'পাছুকো'। মানে ভূমিষ্ঠ হবার সময় মাথায় আগে ভূমিতে ঠেকেনি, পা আগে ঠেকেছিল, নইলে পৃথিবী দলন করবার শক্তি পাবেন কোথা থেকে। নিশ্চর 'পাছুকো' ওর, তুমি খবর নিয়ো।

ব্রাহ্মণেরা বাকপটু—সেখানে তাঁরা যত চতুর, তার থেকে বিষয়কর্মে এবং বাস্তবতা বোধে অনেকগুণে চতুর দে-সরকার। তিনি শ্লেষকেও শ্লেষ বলেই ধরেন নি। সুবুদ্ধির মত হেসে বলেছিলেন—বড় ভাল বলেছেন, বড় ভাল বলেছেন। কোম্পানীর জন্মকালে যদি পা দুটোই সর্বাঙ্গে সমস্তে মাটিতে পড়ে না থাকে, তবে ছুনিয়া পদদলিত ক'রে বেড়াচ্ছে কি ক'রে? ঠিক কথা। ভাববার কথা!

আটচালায় এনে সমাদর করে সতরঞ্চ পাতা তক্তাপোশের উপর বসিয়ে কড়ীবাধা ডাবাহ'কোর তামাক খাইয়ে জিজ্ঞাসা করেছিলেন—তারপর, সকলে মিলে আপনারা এই সময় মানে—।

সমস্ত কথা শুনবার আগেই দে-সরকার সব জানতেন, তিনি প্রস্তুত হয়েই ছিলেন এবং লোহা উত্তপ্ত হওয়া পর্যন্ত অপেক্ষা করতে হয় সে সুতীক্ষ্ণ বোধ তাঁর ছিল, তিনি সেই মুহূর্তের অপেক্ষা করে শুনেই যাচ্ছিলেন বিবরণ এবং ঠিক মুহূর্তটিতে এতখানি জিভ কেটে বলেছিলেন—রাধামাধব, রাধামাধব, রাধামাধব হে, আপনারা ব্রাহ্মণ, আপনাদের কাছে সুদ গোমস্তা 'ওয়ালেত্ মির্জা' হাজার হলেও তো হিন্দু নয়! ও ঠিক বুঝতে পারে নি। তাই কি হয়? আপনাদের সুদ নাই, আপনারা ব্রাহ্মণ, আপনারাও ভাষাদি বলবেন না। ও যেমন ঠাকুরদের সময় ছিল, তেমনি চলবে। তবে—।

ব্রাহ্মণরা, এমন কি একালের ইণ্টেলেকচুয়েলরাও বিষয়বুদ্ধিতে ভৌতা বললে রাগ করো না সুলতা। ১৯৩৭ সালেই সেটেলমেন্টে পলিটিক্যাল ইণ্টেলেকচুয়ালদের কেমন ক'রে ঠকিয়েছিল কল্যাণেশ্বর, সে বলব তোমাকে যথাসময়ে।

এখন আবার সেকালে ফিরে চল। ব্রাহ্মণেরা ওই ক'টি কথাতেই উত্তপ্ত অবস্থা থেকে ঠাণ্ডা হয়ে এসেছিলেন।

পদ্মনাভ ভট্টাচার্য বলেছিলেন—আবার তবে রাখছ কেন বাবা? তবে-টা কি ব্যস্ত কর!

—বলছি—মানে—, দেখুন, আমাকে সম্পত্তি বজায় রাখতে হবে। তাতে সুদ ব্রাহ্মণের কাছে না নিয়ে চালাব, তাতে আমার ধর্ম আছে। কিন্তু সকলকে মানে দোরবস্ত প্রজ্ঞার—! তবে-টা আমার তৎসম্পর্কে।

ব্রাহ্মণেরা হেরে গেলেন। একমুহূর্তে ধর্মপ্রাণ দে-সরকারের দুঃখ অহুমান ক'রে বললেন—নিশ্চর—নিশ্চর। এতে কথা কি আছে! নিশ্চর।

দে-সরকার নিবেদন করলেন—তা হলে নিবেদন নাই। আমি বলি কি—আপনারা স্বাভাবিক বাবদ তত্ত্ব আমানত রাখুন। আমানতি রোকা নিন। তারপর হিসাব-নিকাশ ক'রে চেক রসিদ দেওয়া হবে।

খুশী হয়ে ব্রাহ্মণেরা উঠে এলেন। দে-সরকার কোমরে দালকো বাখা নিয়ে কোনক্রমে ঈষৎ হেঁট হয়ে ব্রাহ্মণেভ্যো নমঃ বলে প্রণাম সারলেন। এবার ব্রাহ্মণেরা অখুশী হলেন না।

ঠাকুর মিরাদেবের সেলাম দিতে হ'ত, সেটা দিতে হল না আর, সঙ্গে সঙ্গে দে-সরকারের কাছে প্রাণ্য প্রণামটা গেল। আর আমানতের প্যাচে পড়লেন। সুদ রেহাইয়ের বদলে, হিসাবের বদলে, ঠাকুর মিরাদেবের আমলের যার যত বাকী ছিল, তাও দেয় দাঁড়াল।

তখন তাঁরা জ্ঞানচক্ৰ বিস্ফারিত করে দাঁড়ালেন। ইতিমধ্যে ঝগড়াটা আরও পাকল সর্বরক্তেলার বলি নিয়ে।

সর্বরক্ষাদেবী গ্রামদেবতা। শক্তি মূর্তি, একখণ্ড পাথর। তাতে মুখ হাত পরিষে কাপড় দিয়ে সাজিয়ে বিজ্ঞানদশমীতে, মাঘী পূর্ণিমাতে পূজা হয় বলি হয়। সেবারেই চিরকাল জমিদার। কিন্তু ঠাকুরেরা মুসলমান বলে তাঁদের নামে সংকল্প ছিল না। আগের কাল থেকে জমিদারের দেওয়া জমি বাবদ একজন প্রজা একটি পাঠা এনে দিত। বলি হ'ত। সংকল্প হ'ত গ্রামবাসী প্রধানতম ব্রাহ্মণের নামে, তিনিই পেতেন ওই বলির প্রসাদ। দে-সরকারের সঙ্গে ঝগড়া লাগল এই নিয়ে। দে-সরকার বললেন—আমি হিন্দু জমিদার। এখন সংকল্প আমার নামে হবে। বলি আমি পাব।

আর ঝগড়া হ'ল ষষ্ঠীতলার। ষষ্ঠীতলার পূজোর সময় দে-সরকার-গিন্নী অষ্টাঙ্কে গয়না প'রে বউ বেটা নিয়ে এসে ভট্টাচার্যবাবুর গিন্নীদের সামনে দাঁড়ালেন। সন্দের কর্মচারী বললে—ঠাকুরগণ একটু স'রে বসবেন গো! রাণী-মা এয়েছেন। ওনার পূজো হয়ে থাক আগে, তারপর আপন'রা সব পূজো করবেন। বাড়াতে জামাইবাবু'রা এয়েছেন। বসে আছেন। কত্না হুকুমও দিয়েছেন—তাঁর বাড়ীর পূজো আগে হবেন।

সেকালের ব্রাহ্মণগৃহিণী তাঁরা—লাল স্নতো হাতে বেঁধে কৃষ্ণনগরের মহারাগীর গায়ে জল ছিটিয়ে দেমাক করে বলে এসেছিলেন—আমার হাতের লালস্নতো আছে তাই বাংলাদেশের মান আছে। গ্রাহ্যও করেন নি মহারাগীকে। তা এ তো দে-সরকার। কে একজন প্রথরা ব্রাহ্মণকন্ডা বলে উঠেছিল—দাঁড়াতে বললে মুখপোড়া—দাঁড়াতে বল তোর চামচিকে রাজার চামচিকে রাণীকে। দে-সরকার যদি রাজা হয় তবে চামচিকেও পক্ষীদের রাজা। রাণী-মা! মরণ, তোদের জিভে আর কিছু আটকায় না।

তাঁরা সরে তো বসেনই নি বরং ইচ্ছে ক'রে দেরি করেছিলেন—ঠায় রোদে দাঁড় করিয়ে রেখেছিলেন দে-সরকার-রাণীকে।

ঝগড়া এরপর থেকেই বাধল। দে-সরকার স্বেযোগ পেলেন সুদ সমেত বকেয়া আদায়ের। কোম্পানীর পারমানেন্ট সেটেলমেন্টের আমল। জমিদার বারা খাজনা নিয়মিত যোগায়, তাদের খাতির করে কোম্পানী। দে-সরকারের মোটা খাস জোত ছিল। গোটা ঠাকুরপাড়ার ঠাকুরদের নানকার তিনি আত্মসাৎ করেছেন। তার সঙ্গে মহাজনী। তিনি মামলা মকদ্দমা ক'রেও বছর বছর কিস্তিমাফিক খাজনা যুগিয়ে যান। জানেন সবুর্ মেওরা ফলে। আর জানেন হাতে মারার চেয়ে ভাতে মারাই মোক্ষম মার। তারপর লর্ড বেটিকের আমলে মুনসেফী আদালতের ছত্রছারার আশ্রয় পেয়ে মামলার মামলার ব্রাহ্মণদের পাকে পাকে প্যাচ কবতে শুরু করেছিলেন।

ব্রাহ্মণেরা কিন্তু আশ্চর্য জাত। তাঁরা প্যাচে পড়েও প্যাচ ছাড়ালেন উন্টো প্যাচ ক'বে। গোটা যুগলপুর লাটের মুসলমান সদগোপ-ব্রাত্যদের এক ক'রে আশ্চর্য একটি জোট বেঁধে তুললেন। শেষ পর্যন্ত দে-সরকার একটা মিটমাট করতে বাধ্য হল।

ব্রাহ্মণদের সুদ উঠিয়ে দিয়েছিল। বকেয়া খাজনা বা দাবী করেছিল দে-সরকার ঠাকুর মিরাদেবের আমলের বাকী জড়িয়ে, তাও ছেড়ে দিয়েছিল। এবং হুজির দাবী আর তুলতেই



সাহস করে নি। শেষ বয়সে হঠাৎ পঙ্ক হয়েছিল মাধব দে-সরকার, তাতে তার ধারণা হয়েছিল যে, ব্রাহ্মণদের শাপে এই ব্যাধি ধরেছে তাঁর।

তারপর তাঁর ছেলে নিতাই দে-সরকার, সেই টারা মানুষটি, যে ব্যক্তিটি সোমেশ্বর রায়ের কাছে পদ্মনাভ ভট্টাচার্যের বাকী খাজনার টাকা পাইপয়সা গুনে নিয়ে খুঁটে বেঁধে প্রণাম করে চলে গিয়েছিল। নিতাই দে-সরকার মাধব দে-সরকার থেকে গুণী মানুষ ছিল জমিদার হিসেবে। যে প্রণাম উঠিয়ে দিয়েছিল মাধব দে-সরকার কোমরে দালুকা বাতের জন্তু, সে বাতকে সে প্রশ্রয় দেয় নি। অজস্র প্রণাম দিয়ে সে শেষ পর্যন্ত নামমাত্র একটা বুদ্ধি, টাকার দু আনা, তা সকলের সম্মতি নিয়ে আদায়ও করলে। কিন্তু তাতে খুশী হল না। টাকায় দু আনা বুদ্ধি! এ যে ভিক্ষে নেওয়া হল। তবু অধীর সে হল না। সুযোগ মিলল।

১৮৫৮ সালে সিপাহী বিদ্রোহের পর দে-সরকার সে সুযোগ পেলে। জন রবিনসন এসে তাকে মহাজন ধরলে। কুঠী চালাবার জন্তে টাকা চাই। টাকার উপর মোটা সুদ। বছরখানেক চড়া সুদে টাকা নিলে কুঠী চালাবার জন্তে। সময়মত শোধও দিলে। দে-সরকার লোকটাকে এক বছরে বাজিয়ে চিনে নিলে।

মিউটিনির পর ভারতবর্ষ ইংলণ্ডেশ্বরীর খাসমহল হতেই দাপট বাড়ল ইংরেজদের। তার সঙ্গে জন রবিনসনের হাত লম্বা হয়ে উঠল। দুটো কুঠী তার ছিল। কিন্তু চলত না খুব ভাল। মদ আর ত্রাত্য নারীর নেশার ব্যবসা সে ঠিক চালাতে পারত না। দে-সরকার টাকার কারবার করতে করতে বললে—সাহেব, ভূমি যুগলপুরে কুঠী কর। আমার জমিদারী, আমি তোমাকে সাহায্য করব। টাকা দোব। ওখানকার জমিতে এখান থেকে অনেক ভাল নীল জন্মাবে।

জন রবিনসন ওখানে ঠাকুরপাড়ায় কুঠীর পত্তন করলে।

দে-সরকারের আর একটা উদ্দেশ্য ছিল, সেটা ওই সাহেবের খুঁটির জোরে ওই যুগলপুরের ব্রাহ্মণদের সে শায়েস্তা করবে।

তখন লালমুখ সাহেব কলির দেবতা হয়ে উঠেছে এদেশের মানুষের কাছে। জন রবিনসনের আর একটা উদ্দেশ্যের কারণ ছিল। এখানে পাকপাড়ার নারী।

কিছুদিনের মধ্যেই রবিনসনের ঘোড়ার ক্ষুরের শব্দে এবং ধুলোয় যুগলপুরের মানুষ ব্রাহ্মণ কারস্থ সকলে চকিত হয়ে উঠল। জমিতে জ্বরদন্তি নীল বোনা আরম্ভ হল। পাইকে ভরে উঠল নীল কুঠী। ব্রাহ্মণেরা মাথার হাত দিয়ে বসল। দে-সরকার পালকি চড়তে শুরু করলে। দু পাশে পাইক না নিয়ে হাঁটে না। দ্বিতীয় বৎসরে বিমলাকান্তের জমিতে জ্বরদন্তি নীল পড়ল।

ঠাকুরদাস পাল তখন পরজিহ্ন বহুরের জোয়ান। তার অহঙ্কার ছিল কীর্তিহাটের জামাই এবং শরীক বিমলাকান্তের জোতদার সে! তার জমিতে বাঘেরও ঘান খাবার ক্ষমতা নেই। হঠাৎ তার জমিতে নীল বুনতেই সে চিঠি লিখলে কাশীতে বিমলাকান্তকে। —“এ অপমানের অভ্যাসের প্রতিকার না হইলে সে জমি করিতে পারিবে না। যাহা হয় প্রতিকার করিতে আজ্ঞা হয়। একবার না আসিলে প্রতিকার হইবে না। ইতি সেবক—শ্রীঠাকুরদাস পাল।”

কিছুদিন পর শ্রামনগরের ঘাটে এসে একখানা নৌকা লাগল। নৌকা থেকে নামলেন বিমলাকান্ত নয়, আঠারো-উনিশ বছরের “কমলাকান্ত”। সুন্দর সুপুরুষ—গৌরকান্তি—কাশীর জলহাওয়ার আর ব্যারামে গড়া শক্ত দেহ। উজ্জল দীপ্ত উগ্র চোখ। নাকের ভগাটি ঈষৎ দুলা।

অনেকটা বিমলাকান্তের মত। আবার যারা বীরেশ্বর রায়কে দেখেছে, তারা বলবে চোখের দৃষ্টি আর নাকের ডগার দ্বিধা স্থলতার মধ্যে তাঁর স্পষ্ট আদল। বাবা আর আমার মত একই সঙ্গে।

তোমাকে যেমনভাবে বলে যাচ্ছি স্থলতা, ঠিক এমনভাবেই সেদিন কীর্তিহাটের রায়বংশের সত্যটি আমার মনের সামনে একটির পর একটি করে ভেসে উঠেছিল। সেদিন গোয়ানপাড়ার যে ঘটনা ঘটল, তার প্রতিক্রিয়ার মনের মধ্যে এই অতীত কাহিনী ভিড় করে মুখ বাড়িয়ে কখনও ভয় দেখাচ্ছিল, কখনও যেন সজল চোখে আমাকে বলছিল—এর প্রায়শ্চিত্ত তুমি করো। তুমি করো। আবার এক-এক সময় বলছিল—মিথ্যার কবরে চাপা পড়ে আমরা মুক্তি পাবি না। কবর খুঁড়ে তুলে আমাদের মুক্তি দাও।

কাসাই তখন বিস্তীর্ণ বালির রাশি। এক পাড় থেকে আর এক পাড় পর্যন্ত পথ অনেকটা, গোয়ানপাড়ার পাড়ে ভাঙন, লাল কঁাকর আর কঁাকর-জমা পাথরের চাইরে-চাইরে বাধা পড়েছে। ওদিকে একটা শ্রোত। তারপর খানিকটা চড়া, সেখানে কিছু চাষ হয়। তারপর এদিকে কীর্তিহাটের দিকে আর একটা শ্রোত, তারপর এদিকেও লাল কঁাকর আর পাথরের চাইরে গড়া শক্ত পাড়। ওদিকে সিদ্ধপীঠের জঙ্গল। সেখানে শালবন, বনকদম, শিমুলের গাছ, বেউড় বাঁশের ঝাড়, এদিকে কীর্তিহাটে বিবিমহলের বাঁধানো পোস্তার নীচে বড় বড় সেগুন গাছের জঙ্গল। তার অনেক বড় গাছ কেটে মজোতরক বিক্রী করেছেন; তার শেকড় এবং বীজ পড়ে অসংখ্য চারা হয়েছে, সেও একটা ছোটখাটো জঙ্গল। এইখানে এসেই গোয়ান মেরেগুলো মেজদির সঙ্গে কথা বলত। একটা দহ আছে বিবিমহলের বাঁধা ঘাটে, সেখানে সাতার দিতে আসত গ্রীষ্মের দুপূর্ববেলা; এখান থেকেই কাল রাত্রে আমাকে ডেকেছিল ওই হারিস।

এই এতটা পথ বালি ভেঙে এসেছিলাম আমি অতীতের ভূতে-পাওয়া মানুষের মত। কেবল ওই মুখগুলো দেখেছিলাম। ওই ঘাটে এসে ঠিক তুমি যে প্রশ্ন করলে একটু আগে, ঠিক সেই প্রশ্ন আমারও মনে জেগেছিল। রায়-ভট্টাচার্য বংশের এই ধারা, সত্যই কি ওই মহাশক্তির অভিশাপ, না হেরিভিটর প্রভাব, না উপচে-পড়া সম্পদের বিষক্রিয়া? কিছুতেই ওই অভিশাপের কপাটকে উপেক্ষা করতে পারি নি। ওইটেকেই আমার সবচেয়ে বড় মনে হয়েছিল।

তাই বাড়ী এসেই চিঠির দপ্তর খুলে বসে সমস্তটা আগাগোড়া পড়তে শুরু করেছিলাম। তোমাকে বলেছি—পুলিশ এসে ঘর খানাতল্লাস করতে গিয়ে অতুলেশ্বরের বিরুদ্ধে কিছু পায় নি, কিন্তু ওই কঁাকড়াবিছে-ভরা দামী সেগুন কাঠের সিন্দুক ভর্তি চিঠির দপ্তর বের করে দিয়ে গিয়েছিল। আমি একটি একটি করে পড়ে, রায়বংশের এই ইতিহাসটুকু বের করে সাজিয়ে-গুছিয়ে রেখে দিয়েছিলাম।

১৮৫৯ সালের জাহ্নবীরী মাসের একখানা চিঠি পেয়েছিলাম, মন্ত মোটা চিঠি, চিঠিখানা কানী থেকে বিমলাকান্ত ভট্টাচার্য লিখেছিলেন রায়বাড়ীর কুলপুরোহিত রামভদ্র ভ্রাতারদ্বকে।

আজ কথা আরম্ভ করবার সময় যে রেশমী কাপড়ে বাঁধা কাগজের বাণ্ডলটা টেবিলের উপর রেখে বসেছিল, সেটার বাঁধন খুলতে খুলতে সুরেশ্বর বললে—পূর্বেই বলেছি, ১৮৫৭ সালে এখানে এসে সিপাহী বিদ্রোহের বিভীষিকা মিটলে বীরেশ্বর রায় জমিদারী নিয়ে প্রমত্ত হয়ে পড়েছিলেন। না পড়েই বা কি করবেন। জীবনে তখন তাঁর নারীর নেশা কেটেছে। কাটিয়ে দিয়েছে সোফিয়া বাঈ। জীবন নেশা নইলে কাটে না। নেশা তখনই দরকার হয় না যখন পেটের ভাত জ্বাটে না।

পেটে ছুবেলা দুমুঠো অন্ন ছুটলে তখন আর নেশা নইলে জীবন কাটে না। হয় ভগবান, নয় নারী, নয় বিষয়।

বীরেশ্বর রায়ের ভগবান নেশা ছেলেবেলা থেকে ছিল না। নারীর নেশাও কেটেছে। সুতরাং বিষয়, তাকেই আঁকড়ে ধরেছিলেন। যেটাকে সংসারে নেশার জিনিস বলে অর্থাৎ সুরা, সেটা হল নেশার ক্ষুধা বাড়াবার ওষুধ। ভগবান ভজতে গিয়েও মদ খায়, নারী নেশাতেও মদ নইলে চলে না, বিষয়ের নেশাতেও ওটা চাই। অস্তুত ছু-সম্পত্তি নিয়ে যারা মাতে সেকালে তাদের শতকরা নব্বুইজন মত্তপানে ক্ষুধা বাড়াত।

বীরেশ্বর রায় ওই ছুটিকে সঞ্চয় করে কীর্তিহাটের কাছারীর জাঁকজমক বাড়িয়ে জেঁকে বসেছেন। কলকাতা থেকে খানসামা ছিলম্বরদার, খিদমতগার, আদালী হরকরা, চাপরাসী, দারোগান এনেছেন। দেউড়ীতে পেটা ঘড়িতে ঘণ্টা পড়ে ঘণ্টায় ঘণ্টায়। মামলা সেরেস্তা প্রকাণ্ড করে ফেঁদেছেন; জমিদারী সেরেস্তার আর একটা ফাঁকড়া বেরিয়েছে, দানন সেরেস্তা। নায়েব গিরীন্দ্র আচার্যির নাম হয়েছে ম্যানেজার, তাছাড়া খাজাঞ্চী সেরেস্তা, হিসাব-নিকাশ সেরেস্তা চিরকাল ছিল, তারও কারদা-কাছান বেড়েছে। নতুন ঘরবাড়ীর পত্তন হয়েছে। পুরনো ঘরবাড়ী মেরামত হয়ে ঝকঝক করছে। আস্তাবলে ঘোড়া এসেছে, গাড়ী এসেছে। হাতী ছিল গোড়া থেকে, আরও একটা হাতী কিনেছেন। আশাসোঁটা, তাও কিনেছেন নতুন করে।

কাছারী কালীমন্দিরের নাটমন্দিরের দক্ষিণে এবং পূর্বে সারি-সারি ঘরে বসত। তার ঘরদোর বেড়েছে। নতুন আসবাবে নতুন ঢঙে সাজানো হয়েছে, আসবাব খাস সাহেবী দোকানের, ঢঙও সাহেবী। ঘরে ঘরে ক্লক ঘড়ি। সেগুলি একসঙ্গে বাজা চাই। মিনিটে মিনিটে মিল চাই। তার জন্ত আলাদা লোক। এ বিবিমহল, সায়েব-সুবার জন্ত নির্দিষ্ট। ম্যাজিস্ট্রেট, কালেক্টর, এস-পি, ডেপুটি সাহেবরা আসবেন, এখানে থাকবেন।

বীরেশ্বর রায় কালীবাড়ী সংলগ্ন কাছারীতে বড় একটা আসতেন না। প্রণাম করতে হবে বলে আসতেন না। তিনি কালীবাড়ী এবং কাছারীর লাগোয়া যে প্রথম অন্দরমহল সেখানেই থাকতেন, সেখানেই ছিল তাঁর কাছারী। রায়বাড়ী, রায়বংশের আর কেউ নেই। থাকবার মধ্যে তাঁর মা রাজকুমারী কাত্যায়নী দেবীর দূরসম্পর্কের দশ-বারোটি পোস্ত-পোস্তা। তার মধ্যে বৃদ্ধ বিধবার সংখ্যা বেশী। তারা বিমলাকান্তের জন্ত তৈরী পিছনের মহলটায় থাকত।

সেদিন সকালবেলায় বীরেশ্বর রায় বসে মামলা সেরেস্তার কাগজ দেখছিলেন। পাশে বসেছিল ম্যানেজার গিরীন্দ্র আচার্য আর মামলা সেরেস্তার নায়েব। পরামর্শ চলছিল গোপাল সিংয়ের মকদ্দমা নিয়ে।

গোপাল সিং—মণ্ডলান আদালী মহাল-বীরপুরের মণ্ডল। তাকে উচ্ছেদ করে মৌজা বীরপুর খাস আদায়ে আনতে হবে। তার জন্ত এক বীরপুর মহলে চারশো নম্বর বাকী খাজনার মামলা দায়ের হয়েছে। এ ছাড়া খোদ গোপাল সিংয়ের সঙ্গে দেওয়ানী, ফৌজদারী জড়িয়ে পঁচিশ নম্বর মামলা।

অবস্থাটা একটু জটিল হয়ে উঠেছে। প্রজ্ঞারা সকলেই গোপাল সিংয়ের বশীভূত। তারা বলছে, মণ্ডল গোপাল সিংয়ের হাতে খাজনা দেয় বরাবর, তারা তাকেই জানে, তার সঙ্গেই তাদের বন্দোবস্ত, তাকে ছাড়া অস্ত্র কাউকে খাজনা দেবে না। জমিদারকে খাজনা দেবে গোপাল সিং।

বীরেশ্বর রায় বসে ভাবছেন। গিরীন্দ্র আচার্য নিজের মাথার তালু নখ দিয়ে ক্রমাগত চুলকে যাচ্ছেন। মামলা সেরেস্তার নায়েব আসনপিঁড়ি হয়ে বসে ভাবছেন।

প্রজারা একথা সকলে বললে—মণ্ডলান উচ্ছেদ হওয়া শক্ত হবে।

বীরপুর মৌজার মণ্ডল জমিদারকে আদায় দেয় দেড় হাজার টাকা। নিজের থাকে প্রায় পাঁচশো। উচ্ছেদ হলে এই আদায় হাসতে হাসতে তিন হাজারে দাঁড়াবে। কিন্তু সে কথাটাও বড় নয়। বড় কথা, গোপালের মণ্ডলগিরি ঘোচাতে হবে। না হলে অপমানের শোধ হবে না। গোপালকে এমন কাছারীতে বসাতে হবে যেকের উপর মাদুরের আসনে।

বীরেশ্বরের সোজা হিসেব। হেরে হারানো। মুন্সেফ কোর্টে হারলে জর্জ কোর্ট, সেখানে হারলে হাইকোর্ট। তমলুক থেকে মেদিনীপুর, সেখান থেকে কলকাতা। চলুক না প্রজা কত চলতে পারে!

আচার্য হঠাৎ মাথা চুলকানো বন্ধ করে বললে—এক কাজ করা হোক!

বীরেশ্বর রার তাঁর মুখের দিকে তাকালেন। নায়েব সোজা হয়ে বলল। আচার্য নায়েবের মুখের দিকে তাকিয়ে বললেন—মামলার শমন সমস্ত গায়েব করে পেয়াদাকে দিয়ে জারী হইল, রিটার্ন লিখিয়ে দাও। বুঝেছ?

—আজ্ঞে।

—তারপর ডিগ্রী হোক একতরফা। বুঝেছ?

—কতক ডিগ্রী হোক। কতক মামলার মাঝখানেই টাকা দাখিল হোক।

—আজ্ঞে?

—বুঝলে না? আমারই প্রজার নামে টাকা দাখিল করলাম! বুঝেছ?

—বুঝেছি। আজ্ঞে ইয়া। এবার বুঝেছি!

—যা ডিগ্রী হল, তার কতকগুলোতে আমরাই টাকা দাখিল করলাম। ঘরের টাকা ঘরে এল। দু-চার কি দশ নম্বর রেখে দাও; তামাদীর মুখে-মুখে জারী করে জিইয়ে রাখ! বুঝেছ?

—আজ্ঞে ইয়া। জলের মত। এ মোক্ষম পথ। ইয়া আজ্ঞে, এর আর মার নেই। প্রজাদের জমিদারের সঙ্গে সখ্য স্বীকার হয়ে গেল। আজ্ঞে ইয়া, আমাদেরও হারও হল না।

—বাবা বীরেশ্বর, তুমি কি বল?

বীরেশ্বর বললেন—তা তো হল সব। কিন্তু প্রজার খরচ হল না, অবস্থায় তারা দুর্বল হল না।

—‘ঐর্থ ধরতে হবে বাবা।’ তিনি আঙুল তুলে বললে তিন বছর। তিন বছর পর নীলম উচ্ছেদ দুই মামলাতে জড়িয়ে দোব। এদিকে খোদ গোপালের সঙ্গে চলুক কোজদারী দেওয়ানী!

সুলতার চোখ ছুটি বিস্ফারিত হয়ে উঠেছিল বিস্ময়ে। তার দিকে তাকিয়ে সুরেশ্বর বললে—বিস্মিত হচ্ছ তুমি?

সুলতা বললে—তা হচ্ছি। না হলেই বিস্ময়ের কারণ হত আমার পক্ষে।

সুরেশ্বর বললে—তখন ভারতবর্ষে ইংরেজ রাজত্ব established by Law: সামন্ত ভূস্বামীরা জমিদারে পরিণত হয়েছেন, might is right—সেটা একমাত্র ইংরেজের। ভূস্বামীদের বিদ্রোহ দমনে লাঠি চার্জের right নেই। যা কর আদালত মারফত। তাঁদের যুক্তিপালা যেটাবার রণক্ষেত্র তখন একটিই। আদালত। মকদ্দমাই তখন যুদ্ধ। এ যুদ্ধে রক্তক্ষয় হয় না, রক্তশোষণ হয়। কর্মটা পাণ্টেছে। গিরিয়ার যুদ্ধে আলীবর্দী খাঁ রুমালে পাতলা ইট বেঁধে সন্নকরাজ খাঁর কাছে পাঠিয়েছিলেন, কোরাণ বলে, পলাশীর যুদ্ধে মীরজাকর যুদ্ধবিরতির আদেশ দিয়েছিল, ক্লাইভ লাদা ক্যাগ দেখিয়েছে বলে। যুদ্ধটির যে যুদ্ধটির দ্রোণ শুককে-বধ।

করবার সময় অস্থখ্যামা হত ইতি গজঃ বলছিলেন। প্রেমের কথা এক্ষেত্রে তুলব না। কিন্তু যুদ্ধে এ আছেই। তোমাদের নতুনকালে এ মামলাযুদ্ধ গোণ হয়ে ভোটযুদ্ধ বড় হয়েছে। বল তো শুলতা, হলফ করে, সে যুদ্ধে ফলস ভোটিং হয় কিনা! রাগ করো না। আমি জমিদারীর স্বপক্ষে আদৌ নই। আমি খুশী হয়েছি। আজই আমার জাতিরা এসেছিল, জমিদারী উচ্ছেদ হচ্ছে, আইনটা বলবৎ হবার আগে তারা জমিদারীর অন্তর্গত খাস জোত, খাস পতিত, ভূয়ো চেক কেটে রায়বংশের নানাজনের নামে প্রজাপত্তন করতে চায়। তাতে জমিদারী গেলেও আসল বস্তু জমির একটা বড় অংশ রায়বংশের দখলেই থেকে যাবে। কিন্তু তাদের সে প্রস্তাবে আমি রাজী হইনি। কমলেশ তারই জন্তু দিগ্বিদিক জ্ঞানশূন্য হয়ে আমাকে গাল দিচ্ছিল, তাও দেখে গেছ। তার হয়ে তোমার কাছে যাক চেয়েছি, বলেছি—ও ইতর, নেশাখোর। তার সঙ্গে এটা বলিনি যে, কমলেশ একজন উৎসাহী চরম বামপন্থীদের মতবাদের সমর্থক, পার্টি যেম্বার না হলেও তাদের দলের একজন বড় ভরসা!

শুলতা বললে—কংগ্রেসের কথা বললে না?

সুরেশ্বর বললে—তাও বলেছি, অতুলেশ্বরের কথা! তাছাড়া রাজা, জমিদার এরা তো সবাই এখন কংগ্রেসের দলে। কয়েকজন জোতদার অন্তত একজন মহারাজকুমার কম্যুনিষ্ট পার্টিতে আছে। তোমাদের দল খুঁজলে গোপনে আমিষভোজী দু-চারজন মিলবে। কিন্তু ও কথা থাক। আমার জবানবন্দী দিয়ে যাই। তুমি শুনে যাও। সন্দেহ হলে প্রশ্ন করে ঘটনাকে পরিষ্কার করে নিও। তার বেশী অধিকার নিলে তোমার পক্ষেও সেটা ট্রেসপাস করা হবে।

শুলতা হেসে বললে—বল।

সুরেশ্বর বললে—ঠিক সেই সময়েই আদালী এসে সেলাম করে দাঁড়িয়েছিল। বীরেশ্বর রায় তার দিকে মুখ তুলে তাকাতেই সে আবার সেলাম করে বলেছিল—ছেদী সিং আসিয়েসে বানারসসে!

—ছেদী সিং! চঞ্চল হয়ে উঠেছিলেন বীরেশ্বর রায়। ছেদী সিংকে তিনি দু বছর আগে কালী পাঠিয়েছিলেন, ভবানী কালীতে বিমলাকান্তের বাড়ীতে আছে কিনা জানতে পাঠিয়েছিলেন। কালীতে যদি বিমলাকান্তের বাড়ীতে সে থাকে তবে তার সঙ্গে বিমলাকান্তের সম্পর্ক কি তাই জানতে চেয়েছিলেন। রাজা রাধাকান্ত দেব বলেছিলেন, বিমলাকান্ত তাঁকে তার এক ভগ্নীর কথা বলেছিল। তাঁর সন্দেহ হয়েছিল—তার এ ভগ্নী ভবানী ছাড়া আর কেউ নয়। ছেদী সিং ছাড়া আর কাউকে এ কাজের ভার দিতে পারেন নি। বিশ্বাসী ছেদী তাঁর বাপের কাছে বাচ্চা চাকর ছিল, তারপর পনেরো-ষোল বছর বয়সে সে তাঁর চাকর হয়েছিল। তাঁর যৌবনে সে তার দেহরক্ষীর মত ছিল। তাঁর সঙ্গে ছারার মত ক্রিয়ত। ছেদী এখন স্নান। তাকে পেঙ্গন দিয়ে কলকাতার বাড়ীতে রেখেছিলেন। ছেদী যখন কালী যায়, তখন বিদ্রোহ হবে শুরু হয়েছে। সে বাবার পর বিদ্রোহের আগুন জ্বলল। জ্বলল গোটা উত্তর ভারত জুড়ে। কালীতেও বিদ্রোহের আগুন জ্বলেছিল। বিদ্রোহে ইংরেজের ক্ষতি সামান্যই হয়েছে। কিন্তু তার প্রতিশোধে ইংরেজ করেছে সেখানে বীভৎস নরমেধ যজ্ঞ। দশ-বারো বছরের ছেলোদের গুলী করে মেরেছে, মাদ্রাসকে ফাঁসি দিয়ে স্কুলিয়ে রেখেছে গাছের ডালে। আগুন জ্বালিয়ে হিন্দুস্থানীদের পাড়ার পর পাড়া পুড়িয়ে ছাই করে দিয়েছে।

বিহারে আরার কুমার সিংহের অধীনে বিদ্রোহ হয়েছিল। তারা থেকে সাগরাম পর্বন্ত তিনি কোম্পানীর গোরাবাদের জীবন দুর্ব্বহ করে শেষ পর্বন্ত ইংরেজের গুলীতে মারা গেছেন।

সেখানেও ইংরেজ তার প্রতিহিংসার আগুনে ছারখার করে দিয়েছে সমস্ত কিছু।

এর মধ্যে ছেরী বেঁচে আবার ফিরে আসবে এ প্রত্যাশা বীরেশ্বর রায় করেন নি। বিমলা-কান্ত কমলাকান্ত বেঁচে আছে, এ খবর অবশ্য পেয়েছেন। ৫৮ সালের প্রথমেই মিউটিনির ঝড় শাস্ত হয়ে আসছে তখন; তখন চারিদিকে শুধু বিচারের নামে ফাঁসি চলছে। সেই সময় বিমলাকান্ত চিঠি লিখেছিলেন—রামব্রহ্ম স্তায়রত্নকে লিখেছিলেন।

“শ্রীচরণাধুজ্জ্বে, অশেষ ভক্তিপূর্বক, নিবেদনমেতৎ, পরে লিপি যে, এই নিদারুণ সঙ্কটপূর্ণকালে সকল মানবই বিদেশস্থ আপনাপন স্নেহাস্পদ ও আত্মীয়বর্গ সম্পর্কে উদ্বেগ অনুভব করিতেছেন। সংবাদ না প্রাপ্ত হইলে সকলেই চিন্তিত হইয়া ধারণা করিতেছেন যে, তাঁহারা হয়তো আর জীবিত নাই। এমন এক গম্বস্তরায়—ইহা স্বাভাবিক। সেই কারণে আপনাদিগের জ্ঞাতার্থে নিবেদন যে, আমাদেরিগের জ্ঞাত চিন্তা করিবেন না। কমলাকান্তসহ আমি শ্রীশ্রীকালীমাতা ও শ্রীশ্রীনারায়ণের অমুগ্রহে নিরাপদ কুশলে রহিয়াছি। বড়ই দুর্ভোগ এবং দুঃসময় অতীত হইল। বর্তমানে অত্রস্থ স্থানে ক্রমশঃ শান্তি ও শৃঙ্খলা করিয়া আসিতেছে। কীর্তিহাট ত্যাগ করিয়া আসিবার পর হইতে এতাবৎকাল পর্যন্ত কোন পত্রাদিই আমি লিখি নাই। তাহার কারণ, মনে মনে ইহাই ভাবিয়াছি যে, পত্র আদানপ্রদানে শ্রীযুক্ত বীরেশ্বরভায়া আপনাদের উপর ক্রুদ্ধ হইবেন। বড়ই কষ্ট অনুভব করি কিন্তু ইহা যখন আমার উপর দৈবরোধের ফল, তখন ইহা লইয়া পরিতাপ করিয়া কি ফল?

যাহা হউক, আমি বুঝিয়াছি, আমি দূরে থাকিলেই মজল হইবে। তাহাতে আমি শান্তিতেও আছি। এখানে আসিয়া আমি একটি কর্ম গ্রহণ করিয়াছি। আদালতে দেশীয় ভাষা হইতে ইংরাজীতে অনুবাদকের পদ প্রাপ্ত হইয়া ভালই আছি। শ্রীমান কমলাকান্তও যথারীতি অধ্যয়নাদি করিতেছে।

শ্রীযুক্ত বীরেশ্বর ভ্রাতৃজীবনকেও কর্তব্যবোধে একখানি পত্র লিখিলাম, তদীয় কলিকাতাস্থ বাসভবনের ঠিকানায়। তিনি প্রত্যুত্তর দিবেন কিনা জানি না। সম্ভবতঃ দিবেন না।

পরিশেষে আপনাদের নিকট নিবেদন—আপনারা তাহাকে অনুরোধ করিয়া সংসারী করুন। এত বড় রায়বংশ, তাহার একমাত্র উত্তরাধিকারী কমলাকান্ত। কমলাকান্তের উপর শ্রীযুক্ত বীরেশ্বর রায়বাবু প্রসন্ন নহেন। এক্ষেত্রে মদীর বিবেচনায় তিনি বিবাহ করিয়া সংসারী হইলে পুত্র-কন্তাদি জন্মিলে তাঁহার মজল হইবে। তাহাকে বলিবেন, আমি পত্রও তাহাকে লিখিয়াছি যে, কীর্তিহাট হইতে আসিবার কালীন যে অর্থ ও অলঙ্কারাদি পাইয়াছিলাম কপর্দকও ব্যয় করি নাই। তাহা সবই মজুদ আছে এবং তাহাকে সামান্ত সামান্ত লগ্নী ব্যবসারে বৃদ্ধিও করিয়াছি। তত্স্থপরি বর্তমানে কর্ম করিয়া যাহা উপার্জন করিতেছি, তাহাই লইয়া কমলাকান্ত সন্তুষ্ট থাকিবে। এবং কমলাকান্ত অধ্যয়নে কৃতী হইয়া উঠিতেছে। সম্প্রতি নব-প্রবর্তিত বি-এ পরীক্ষা দিবে। পাসও করিবে। ইচ্ছা করিলে সে কোন উত্তম সরকারী চাকুরিও পাইতে পারে। আইন অধ্যয়ন করিয়া উকিলও হইতে পারিবে। তাহাকে আমি এখন হইতেই বুঝিয়াছি। সে ভবিষ্যতে কীর্তিহাট সম্পত্তির কোন অংশই দাবী করিবে না।

আপনকাদের কুশল প্রাপ্ত হইলে সুখী হইব। আপনি এবং পূজনীয় শ্রীগিরীন্দ্র আচার্য খুড়ামহাশয়কে মদীর সভক্তি প্রণাম জানাইতেছি।

অধিক আর কি। ইতি—

প্রণত

• শ্রীবিমলাকান্ত দেবশর্মা (ভট্টাচার্য) :

করবার সময় অস্থখ্যামা হত ইতি গজঃ বলছিলেন। প্রেমের কথা এক্ষেত্রে তুলব না। কিন্তু যুদ্ধে এ আছেই। তোমাদের নতুনকালে এ মামলাযুদ্ধ গোণ হয়ে ভোটযুদ্ধ বড় হয়েছে। বল তো সুলতা, হলক করে, সে যুদ্ধে ফলস ভোটঃ হয় কিনা! রাগ করো না। আমি জমিদারীর স্বপক্ষে আদৌ নই। আমি খুশী হয়েছি। আজই আমার জাতিরা এসেছিল, জমিদারী উচ্ছেদ হচ্ছে, আইনটা বলবৎ হবার আগে তারা জমিদারীর অন্তর্গত খাস জোত, খাস পতিত, ভূয়ো চেক কেটে রায়বংশের নানাজনের নামে প্রজাপত্তন করতে চায়। তাতে জমিদারী গেলেও আসল বস্তু জমির একটা বড় অংশ রায়বংশের দখলেই থেকে যাবে। কিন্তু তাদের সে প্রস্তাবে আমি রাজী হইনি। কমলেশ তারই জন্ত দিগ্বিদিক জ্ঞানশূন্য হয়ে আমাকে গাল দিচ্ছিল, তাও দেখে গেছ। তার হয়ে তোমার কাছে মাফ চেয়েছি, বলেছি—ও ইতর, নেশাখোর। তার সঙ্গে এটা বলিনি যে, কমলেশ একজন উৎসাহী চরম বামপন্থীদের মতবাদের সমর্থক, পাটি মেঘার না হলেও তাদের দলের একজন বড় ভরসা!

সুলতা বললে—কংগ্রেসের কথা বললে না?

সুরেশ্বর বললে—তাও বলেছি, অতুলেশ্বরের কথা! তাছাড়া রাজা, জমিদার এরা তো সবাই এখন কংগ্রেসের দলে। কয়েকজন জোতদার অন্তত একজন মহারাজকুমার কম্যুনিষ্ট পার্টিতে আছে। তোমাদের দল খুঁজলে গোপনে আমিষভোজী দু-চারজন মিলবে। কিন্তু ও কথা থাক। আমার জবানবন্দী দিয়ে যাই। তুমি শুনে যাও। সন্দেহ হলে প্রশ্ন করে ঘটনাকে পরিষ্কার করে নিও। তার বেশী অধিকার নিলে তোমার পক্ষেও সেটা ট্রেসপাস করা হবে।

সুলতা হেসে বললে—বল।

সুরেশ্বর বললে—ঠিক সেই সময়েই আদালী এসে সেলাম করে দাঁড়িয়েছিল। বীরেশ্বর রায় তার দিকে মুখ তুলে তাকাতোই সে আবার সেলাম করে বলেছিল—ছেদী সিং আসিয়েসে - বানারসসে!

—ছেদী সিং! চঞ্চল হয়ে উঠেছিলেন বীরেশ্বর রায়। ছেদী সিংকে তিনি দু বছর আগে কাশী পাঠিয়েছিলেন, ভবানী কাশীতে বিমলাকান্তের বাড়ীতে আছে কিনা জানতে পাঠিয়েছিলেন। কাশীতে যদি বিমলাকান্তের বাড়ীতে সে থাকে তবে তার সঙ্গে বিমলাকান্তের সম্পর্ক কি তাই জানতে চেয়েছিলেন। রাজা রাধাকান্ত দেব বলেছিলেন, বিমলাকান্ত তাঁকে তার এক ভগ্নীর কথা বলেছিল। তাঁর সন্দেহ হয়েছিল—তার এ ভগ্নী ভবানী ছাড়া আর কেউ নয়। ছেদী সিং ছাড়া আর কাউকে এ কাজের ভার দিতে পারেন নি। বিশ্বাসী ছেদী তাঁর বাপের কাছে বাচ্চা চাকর ছিল, তারপর পনেরো-ষোল বছর বয়সে সে তাঁর চাকর হয়েছিল। তাঁর যৌবনে সে তার দেহরক্ষীর মত ছিল। তাঁর সঙ্গে ছায়ার মত ফিরত। ছেদী এখন স্নান। তাকে পেন্সন দিয়ে কলকাতার বাড়ীতে রেখেছিলেন। ছেদী যখন কাশী যায়, তখন বিদ্রোহ হবে শুরু হয়েছে। সে বাবার পর বিদ্রোহের আগুন জ্বলল। জ্বলল গোটা উত্তর ভারত জুড়ে। কাশীতেও বিদ্রোহের আগুন জ্বলেছিল। বিদ্রোহে ইংরেজের ক্ষতি সামান্যই হয়েছে। কিন্তু তার প্রতিশোধে ইংরেজ করেছে সেখানে বীভৎস নরমেধ যজ্ঞ। দশ-বারো বছরের ছেলেদের গুলী করে মেরেছে, মাছুষকে ফাঁসি দিয়ে কুলিরে রেখেছে গাছের ডালে। আগুন জালিয়ে হিন্দুস্থানীদের পাড়ার পর পাড়া পুড়িয়ে ছাই করে দিয়েছে।

বিহারে আরার কুমার সিংহের অধীনে বিদ্রোহ হয়েছিল। তারা থেকে সাগরাম পর্বন্ত তিনি কোম্পানীর গোরাবাদের জীবন দুর্বহ করে শেষ পর্বন্ত ইংরেজের গুলীতে মারা গেছেন।

সেখানেও ইংরেজ তার প্রতিহিংসার আগুনে ছারখার করে দিয়েছে সমস্ত কিছু।

এর মধ্যে ছেদী বেঁচে আবার ফিরে আসবে এ প্রত্যাশা বীরেশ্বর রায় করেন নি। বিমলাকান্ত কমলাকান্ত বেঁচে আছে, এ খবর অবশ্য পেয়েছেন। ৫৮ সালের প্রথমেই মিউটিনির ঝড় শাস্ত হয়ে আসছে তখন; তখন চারিদিকে শুধু বিচারের নামে ফাঁসি চলছে। সেই সময় বিমলাকান্ত চিঠি লিখেছিলেন—রামব্রহ্ম স্মারককে লিখেছিলেন।

“শ্রীচরণাধুজ্জেষু, অশেষ ভক্তিপূর্বক, নিবেদনমেতৎ, পরে লিপি যে, এই নিদারুণ সঙ্কটপূর্ণকালে সকল মানবই বিদেশস্থ আপনাপন স্নেহাস্পদ ও আত্মীয়বর্গ সম্পর্কে উদ্বেগ অমুভব করিতেছেন। সংবাদ না প্রাপ্ত হইলে সকলেই চিন্তিত হইয়া ধারণা করিতেছেন যে, তাঁহারা হয়তো আর জীবিত নাই। এমন এক যক্ষ্মুরায়—ইহা স্বাভাবিক। সেই কারণে আপনাদিগের জ্ঞাতার্থে নিবেদন যে, আমাদেরিগের জ্ঞাত চিন্তা করিবেন না। কমলাকান্তসহ আমি শ্রীশ্রীকালীমাতা ও শ্রীশ্রীভানুসিংহের অমুগ্রহে নিরাপদ কুশলে রহিয়াছি। বড়ই দুর্যোগ এবং দুঃসময় অতীত হইল। বর্তমানে অত্রস্থ স্থানে ক্রমশঃ শান্তি ও শৃঙ্খলা কিরিয়া আসিতেছে। কীর্তিহাট ত্যাগ করিয়া আসিবার পর হইতে এতাবৎকাল পর্যন্ত কোন পত্রাদিই আমি লিখি নাই। তাহার কারণ, মনে মনে ইহাই ভাবিয়াছি যে, পত্র আদানপ্রদানে শ্রীযুক্ত বীরেশ্বরভায়া আপনাদের উপর ক্রুদ্ধ হইবেন। বড়ই কষ্ট অমুভব করি কিন্তু ইহা যখন আমার উপর দৈবরোষের ফল, তখন ইহা লইয়া পরিতাপ করিয়া কি ফল?

যাহা হউক, আমি বুঝিয়াছি, আমি দূরে থাকিলেই মঙ্গল হইবে। তাহাতে আমি শান্তিতেও আছি। এখানে আসিয়া আমি একটি কর্ম গ্রহণ করিয়াছি। আদালতে দেশীয় ভাষা হইতে ইংরাজীতে অনুবাদকের পদ প্রাপ্ত হইয়া ভালই আছি। শ্রীমান কমলাকান্তও যথারীতি অধ্যয়নাদি করিতেছে।

শ্রীযুক্ত বীরেশ্বর ভ্রাতৃজীবনকেও কর্তব্যবোধে একখানি পত্র লিখিলাম, তদীয় কলিকাতায় বাসভবনের ঠিকানায়। তিনি প্রত্যুত্তর দিবেন কিনা জানি না। সম্ভবতঃ দিবেন না।

পরিশেষে আপনাদের নিকট নিবেদন—আপনারা তাহাকে অমুরোধ করিয়া সংসারী করুন। এত বড় রায়বংশ, তাহার একমাত্র উত্তরাধিকারী কমলাকান্ত। কমলাকান্তের উপর শ্রীযুক্ত বীরেশ্বর রায়বাবু প্রসন্ন নহেন। এক্ষেত্রে মদীয় বিবেচনার তিনি বিবাহ করিয়া সংসারী হইলে পুত্র-কন্তাদি জন্মিলে তাঁহার মঙ্গল হইবে। তাঁহাকে বলিবেন, আমি পত্রেরও তাঁহাকে লিখিয়াছি যে, কীর্তিহাট হইতে আসিবার কালীন যে অর্থ ও অলঙ্কারাদি পাইয়াছিলাম কপর্দকও ব্যয় করি নাই। তাহা সবই মজুদ আছে এবং তাহাকে সামান্য সামান্য লম্বী ব্যবসারে বৃদ্ধিও করিয়াছি। তত্‌পরি বর্তমানে কর্ম করিয়া যাহা উপার্জন করিতেছি, তাহাই লইয়া কমলাকান্ত সন্তুষ্ট থাকিবে। এবং কমলাকান্ত অধ্যয়নে কৃতী হইয়া উঠিতেছে। সম্প্রতি নব-প্রবর্তিত বি-এ পরীক্ষা দিবে। পাসও করিবে। ইচ্ছা করিলে সে কোন উত্তম সরকারী চাকুরিও পাইতে পারে। আইন অধ্যয়ন করিয়া উকিলও হইতে পারিবে। তাহাকে আমি এখন হইতেই বুঝিয়াছি। সে ভবিষ্যতে কীর্তিহাট সম্পত্তির কোন অংশই দাবী করিবে না।

আপনকাদের কুশল প্রাপ্ত হইলে সুখী হইব। আপনি এবং পুজনিয় শ্রীগিরীন্দ্র আচার্য খুড়ামহাশয়কে মদীয় সভক্তি প্রণাম জানানাইতেছি।

অধিক আর কি। ইতি—

প্রণত

• শ্রীবিমলাকান্ত দেবশর্মা (ভট্টাচার্য)



পত্রখানা রামব্রহ্ম ঠাকুর তাঁকে দেখিয়েছিলেন। তিনি পড়ে একটা দীর্ঘনিঃশ্বাস ফেলেছিলেন।

সুরেশ্বর বললে—জান সুলতা, এই চিঠিখানা পড়ে সেদিন বার বার আমার জুঁকুচে উঠেছিল। মনে মনে কল্পনা করতে চেয়েছিলাম—বীরেশ্বর রায় চিঠিখানা পড়ে সেদিন কি করেছিলেন।

সবুজরঙের ডিম্বাকৃতি স্ট্যাম্পের মাঝখানে সাদা রঙের কুইন ভিক্টোরিয়ার ছবিওয়ালা ছোট আকারের পুরনো খামটা তুলে ধরলে সুরেশ্বর। খামখানার দিকে তাকিয়ে দেখতে দেখতেই বললে—অনুমান করেছিলাম, বীরেশ্বর রায়ের মনের মধ্যে সংশয়-সন্দেহ বোধহয় আরও কুটিল হয়ে উঠেছিল। প্রকারান্তরে বিমলাকান্ত লিখেছে যে, রায়বংশের একবিন্দু রক্তের বা শুক্লের সম্পর্ক যখন কমলাকান্তের সঙ্গে নেই, তখন রায়বংশের সম্পত্তিই বা দাবী করবে কেন?

তিনি অর্থাৎ বীরেশ্বর রায় নিশ্চয়ই রামব্রহ্ম জায়রত্নের চিঠিখানা রেখে বলেছিলেন, চিঠিখানা থাক আমার কাছে। আপনি এখন আসুন।

রামব্রহ্ম জায়রত্নকে বিদায় করে ঘরে গিয়ে মগ্ধপান করে তুচ্ছ কোন কারণে রাগে অন্ধ হয়ে সারাটা দিন চীৎকার করেছিলেন। অথবা কাঁসাইয়ের দহে কুমীর বা ওপারের জঙ্গলে ভালুক শিকার করতে যেতেন। তখন কাঁসাইয়ের দহটার কুমীর থাকত। জঙ্গলেও ভালুক ছিল। মধ্যে মধ্যে বাঘও আসত।

\*

\*

\*

আজ এতদিন পর ছেদী সিং ফিরে এসেছে শুনে বীরেশ্বর রায় চমকে উঠলেন। ছেদী সিং! ছেদী এতদিন পর ফিরেছে? সে বেঁচে আছে? তিনি ভেবেছিলেন, ছেদী বেঁচে নেই। বেঁচে থাকলে ছেদী ফিরবেই—এ বিশ্বাস তাঁর ছিল। কিন্তু দীর্ঘকাল চলে গেল এবং তার মধ্যে মিউটিনির মত এমন একটা কাল গেল বলে ভেবেছিলেন, ছেদী নেই। ছেদী ফিরে এসেছে এবং যখন এসেছে, তখন ভবানীর খবর তার কাছে পাবেন—এই ধারণাটা বিদ্যুৎ-চমকের মত চমকে উঠল।

তিনি আদালীকে বললেন—নিরে এস তাকে। আদালী চলে গেল। কিন্তু তার ভর সইল না, নিজেই উঠে বাইরে বেরিয়ে এলেন। আসবার সময় গিরীন্দ্র আচার্য ম্যানেজার-কাকাকে এবং নায়বকে বললেন, ওবেলা, বাকি কথা ওবেলা হবে। ছেদী এসেছে। ওবেলা।

গিরীন্দ্র আচার্য বোধহয় বিস্মিত হননি। তিনি ছেদীকে চেনেন। পুরনো লোকটির প্রতি বীরেশ্বর রায়ের মমতার কথাও জানেন।

বারান্দার একধারে ছেদী একটা লাঠির উপর ভর দিয়ে দাঁড়িয়েছিল এক পায়ে। আর একখানা পা তার খাটো হয়ে শূন্যে উঠে আছে, শুধু তাই নয়, একটা শুকনো বীকা গাছের ডালের মত বেকে গেছে।

লাঠি ধরেই ছেদী ঝুঁকে সেলাম করে বললে; হজুর, গরীবপনবর, আমার ফিরতে বহুৎ দেরি হয়ে গেছে। কসুর মাফ কিয়া যায় মালিক। আমি ইচ্ছে করে দেরি করিনি। এহি গয়ের কো লিয়ে দেরি হয়ে গেল।

বীরেশ্বর রায় জিজ্ঞাসা করলেন, কি হয়েছিল পায়ে?—শুণী?

অনুমান করতে কষ্ট ছিল না। বেনারস। মিউটিনি কর্ণেল নীলের নিষ্ঠুর প্রতিশোধ ব্যবস্থা। সবই রায় জানতেন।

—হ্যাঁ হজুর, গোলী ! কলেজার কি মাথায় বিঁধল না। বিঁধল পারে। নসীব !

পিছন থেকে শিউরে গিরীন্দ্র আচার্য বলে উঠেছিলেন—অশ্বর। বেটারা অশ্বর। ওদের সঙ্গে মালুম পারে !

বীরেশ্বর রায় ছেদীকে বলেছিলেন—তার জন্ত আপসোস করো না ছেদী। বেঁচেছ, জীউ পরমাট্মা বেঁচেছেন, সে বিশ্বনাথের রূপা। ভাবনা কি ? আমি তোমার সারা জিন্মগীর ভার নিলাম। কিছু ভেবো না। তোমার বাড়ীর সব বেটা-বছ-পোতা-নাতি এরা—

ছেদী হাতের লাঠিটা শক্ত করে ধরলে। যেন বারতুই টাল খেলে। কিছু বলতে গিয়েও পারলে না। থর থর করে কাঁপতে লাগল হুটি ঠোঁট। চোখ থেকে বেরিয়ে এল জলের ধারা।

গিরীন্দ্র আচার্য শঙ্কিত বিস্মিত হয়ে জিজ্ঞাসা করলেন—ছেদী ?

বীরেশ্বর বললেন—বুঝতে পারছেন না, মিউটিনির আগুনে সর্বনাশ হয়ে গেছে ছেদীর। কালীতে নির্বিচারে গুলী করে মেরেছে গোয়ারা। দশ-বারো বছরের ছেলেরা তারা কি বোকে, তারা মিউটিনি খেলা খেলছিল। একদল সিপাহী সেজে চোঁচাচ্ছিল। তাদের ধরে এনে কোর্ট মার্শাল করে সবগুলোকে।

ছেদী সিং এতক্ষণে বললে,—হামার তিনো বেটাকে হজুর গাছের ডালমে ফাঁসী লটকা দিলে। তামাম গাঁওমে আগুন লাগায় দিলো। বাস সব—।

টপ টপ করে তার চোখ থেকে জল ঝরতে লাগল।

—তা তোরা ওই ভীমরুলের চাকে খোঁচা দিতে গেলি কেন বাবা ? গিরীন্দ্র আচার্য বললে—ওরে কলিশেষে ওদের রাজত্ব রে ; একছত্র। বিধির বিধানের বিরুদ্ধে। আঃ !

বীরেশ্বর বললেন—কি করবে বল ? এসেছ, বেশ করেছে। ভাল করেছে। তোমার সব ভার আমি নেব ছেদী। তুমি বাঁচলে কি করে তাই ভাবছি আমি। তোমার পারে গুলী লাগল, ওরা তবু তোমাকে ছেড়ে দিলে, ফাঁসী লটকালে না, এই আশ্চর্য।

গভীর দীর্ঘনিঃশ্বাস ফেলে ছেদী বললে—হামাদের জামাইবাবু বিমলাকান্তবাবু হামাকে বাঁচাইলেন হজুর, উনার বাড়ীমে সে রোজ আসিয়েছিলাম। উনকে হিঁরা শুনলাম কি গোৱালোক—

বীরেশ্বর রায় বাধা দিলেন তাকে।—শুনব ছেদী সিং, ভিতরে এস। বলে ভিতরে চলে গেলেন তিনি।

লাঠিতে ভর দিয়ে একপায়েই সে অনেকটা যেন লাফিয়ে চলার মত ভঙ্গিতে এসে ঘরে ঢুকল। রায় আদালীকে বললেন—কাউকে আসতে দিয়ে না। দরজাটা বন্ধ করে দাও।

—তুমি বিমলাবাবুর মোকাম গিয়েছিলে ছেদী ?

—হ্যাঁ হজুর। আপনে ভেজলেন হামাকে, ওহি কাম লিয়ে গেলম, জরুর গিয়েছিলাম হজুর।

—সে ? তাকে দেখতে পাওনি ?

বাড় নাড়লে ছেদী—না।

—মিথ্যে কথা ছেদী। বিমলাকান্তবাবু তোমার জান বাঁচিয়েছেন বলছ ?

উপরের দিকে হাত বাড়িয়ে একটু মুখ তুলে ছেদী ছাদের দিকে তাকিয়ে বললে—বিশ্বনাথজীর নাম সে বলছি হজুর—যুঁট বাত হকু কতি বলবে না—আপনা সামনে। কতি না।

ছেদীর মুখে সে কথা খোদাই করা ছিল। বীরেশ্বর তার মুখের দিকে তাকিয়ে শুধু একটা দীর্ঘনিঃশ্বাস কেলেছিলেন। চেয়ারের উপর বসেছিলেন, মাথাটা ঠেসানের উপর হেলিয়ে দিয়েছিলেন হতাশায়।

ছেদী বলেছিল—হজুর।

—যাও তুমি এখন—। বলেই আবার বলেছিলেন—না। দাঁড়াও। তার কোন খবরও পাওনি বিমলাবাবুর কাছে?

—হাঁ হজুর, সো খবর মিলিয়েসে হজুর। সো খবর আমি আনিরেছি।

সোজা হয়ে বসে বীরেশ্বর রায় বলেছিলেন—কোথায়—ছেদী সিং?

—বানারসমে হি হজুর।

—বানারসমে? তবে যে তুমি বললে—

—হজুর, মাইজীকে বিমলাবাবুর কোঠামে আমি নেহি দেখা হজুর। মাইজী হ'য়া থাকতেন না। থাকেন না। আমি কমসে কম বিশ রোজ বিমলাকান্ত হজুরকে কোঠামে গিয়েসি হজুর—কভি নেহি দেখা। কভি নেহি। বহুরাণীজী দেওকস্তা হায় হজুর, সতীমাইজী-মাকিক তপস্তা করতি হায়। বিশ্বনাথজীকে মন্দির যানেওয়ালী গলিমে উনকি সাথ হামরা পহেলা রোজ মলাকাত হয়া। বিমলাকান্ত হজুর উনহি কহলেন—ছেদী, তোমার বহুরাণী যোগিনী বন গিয়েছেন। কাশীমে হি উনি আছেন। উনকি বাপকে সাথ রহতি। লেকিন হামারা পাশসে উনহি কসম কি বাত লিয়েছেন, কি উনকি ঠিকানা কোঙ্গকো হয় নেহি দেগা।

ছেদী সিং বলে গেল, বীরেশ্বর রায় স্তব্ধ হয়ে শুনে গেলেন।

প্রথম দিন দুপুরবেলা গিয়ে বাড়ীতে সে বিমলাকান্তকে দেখতে পারনি। কিন্তু বাড়ীর ছাদে শাড়ী শুকুতে দেখে সে ভেবেছিল, বহুমায়ী এখানেই আছেন। ছেদী সিং জানত বীরেশ্বর রায়ের সন্দেহের কথা। যন তার ঘৃণায়, রাগে ভরে গিয়েছিল। নোকর এসে যখন বলেছিল—বাবুজী ঘরমে নেহি হায়, কছ হরী গিয়া।

ছেদী বলেছিল—মাইজীকি কহো কি কীরতিহাট সে ছেদী সিং ভেট মাংতা।

নোকরের কথা শুনে তিনি বলেছিলেন—কে ছেদী সিং আমি তো জানি না।

কথাটা ছেদী চাকরের পিছন পিছন গিয়ে অন্তরের দরজার এখানে দাঁড়িয়ে শুনে আর অপেক্ষা করেনি, জোর করে ঘরে ঢুকে বলেছিল—কি মাইজী, ছেদী সিংকে আপনি চিনছে না? আঃ! কিন্তু কথা সে শেষ করতে পারেনি। সত্যি তিনি অপরিচিত। একটি সুন্দরী যুবতী, তিনি বহু বটেন কিন্তু বহুমায়ীজী নন।

সে অপ্রতিভ হয়ে মাক চেয়ে বলেছিল—কসুর হয়েছে মা, কসুর হয়েছে। বহুত কসুর হয়েছে আমার। আমাকে মাক কর।

তিনি হেসে বলেছিলেন—বুঝেছি বাবা, তুমি কীর্তিহাটের বহুমায়ী, এখানকার সতীমায়ীকে খুঁজতে এসেছ। কিন্তু তিনি তো এখানে থাকেন না বাবা। তিনি—। একটু থেমে ভেবে নিয়ে বলেছিলেন—সে তো আমি বলতে পারব না। কাশীতে তাঁকে লোকে সতীমাই বলে। তাঁর খোঁজ করে দেখো। আর বাবুর সঙ্গে যদি দেখা করবে তো বিকেলে আসতে হবে। বাবুজী কাছারীতে কাম করেন। এখন সিপাহী লোক নিয়ে বহুং গোলমাল, তার জন্তেও তিনি খুব ব্যস্ত।

ছেদী জিজ্ঞাসা করেছিল—আপনি? আপনি কে মাইজী?

মাইজী হেসেছিলেন এবং একটু ঘোমটা টেনে বাড়িয়ে দিয়েছিলেন। নোকরটা বলেছিল—

তুমি তো আচ্ছা বেতরিবং আদমী। মাদ্দিজী কে? মাদ্দিজী এ-মোকামের মাদ্দিজী! বাবুজীর স্ত্রী।

অবাক হয়ে ছেদী তাঁর মুখের দিকে তাকিয়ে থেকেছিল। মাদ্দিজী হেসে বলেছিলেন—হ্যাঁ বাবা। তুমি অবাক হচ্ছ, তা হবার কথা। তোমরা-জানবে কি করে? কানীতে এসে বাবুজীর সঙ্গে আমার সাদী হয়েছে। ওই সতীমারী, তোমাদের বহুরাগীই বাবুকে সাদী করিয়েছেন। আমি বুঝতে পারছি তোমার মন। তা বশো না তুমি। বিকেলে বাবু আসবেন। তাঁর কাছে সব শুনবে। থাক। রামলাল, বাইরে ওই তোমার কামরায় ওকে বসতে দাও।

বিকেলবেলা চোগাচাপকান পরে বিমলাকান্ত আপিস থেকে কিরে ছেদী সিংকে দেখে সমাদর করে বলেছিলেন—ছেদী! তুমি! দেশ এসেছ? না, তোমাদের বহুরাগীজীর খোঁজে এসেছ? বাড়ীর ভিতরে ঢুকে পড়েছিলে শুনলাম?

লজ্জিত হয়ে ছেদী বলেছিল—হ্যাঁ জামাইবাবু, আমার বহুৎ কন্সুর হোয়ে গইল হুজুর। আমি ভাবিয়েছিলম—

—হ্যাঁ। তোমাদের বহুরাগীজী এখানে থাকেন।

একটু চুপ করে থেকে বলেছিলেন, না, ছেদী সিং। তিনি, তোমাদের বহুরাগী সাক্ষাৎ দেবী। এখানে তাঁকে লোকে সতীমারী বলে। তিনি এখানে কেন থাকবেন বল? তিনি তাঁর বাবার সঙ্গে থাকেন। আমি তাঁর পতা জানি। কিন্তু আমাকে তিনি কসম খাইয়েছেন, তাঁর পতা আমি কাউকে বলতে পাব না। বিখনাখজীর সামনে আমাকে বলিয়ে নিয়েছেন।

ছেদী সিং কি বলবে ভেবে পারনি। বিমলাকান্তই বলেছিলেন—আমি বুঝতে পারছি ছেদী সিং, তোমাকে বীরাবাবু তার খোঁজেই পাঠিয়েছে। তার ধারণা তোমাদের বহুরাগী এখানেই থাকেন। কিন্তু না, তা নয়। বীরাবাবুকেও আমি দোষ দেব না ছেদী সিং। দোষ তার নয়। তোমাদের বহুরাগীর এই বোধহয় নসীব! রাজরানী আজ যোগিনী হয়ে গেল। পার্বতীমাদ্দি যেমন শিবের জন্ত যোগিনী হয়েছিলেন, তোমাদের বহুরাগী ঠিক তাই হয়েছেন। তুমি যদি তাঁর খোঁজে এসে থাক, তবে খোঁজ কর। কানীধামে দিনের ভাগে কেউ তাঁকে দেখে না। রাজে কোন কোন দিন বিখনাখজীর আরতির পর যখন সব লোক চলে যায় মন্দির থেকে, তখন অল্পপূর্ণা মাতাজীর মন্দিরের পাশে কালীমায়ের আস্তানা থেকে তাঁকে বের হতে দেখতে পাবে। সঙ্গে থাকেন তার বাপ, নয় কমলাকান্ত বাবুয়া। কমলাকান্ত তাঁর কাছে থাকে। কিন্তু সাবধান ছেদী, তিনি কথা না বললে তুমি তাঁকে দিক করো না, তাহলে পাণ্ডারা তোমাকে মেরে জখম করে দেবে। তবে কবে যে তিনি আসেন, তাঁর কোন ঠিকানা নেই। সে তাঁর আপনা মরজি আর খেয়াল।

ছেদী অবাক হয়ে শুনছিল। এবার বলেছিল—আমাকে যে একবার তাঁর দরশন পেতেই হবে জামাইবাবু। বীরাবাবু যে আমার বাউরা হয়ে যাবে হুজুর।

—কিন্তু সে তো কিরবে না ছেদী সিং। তার জন্তে সে জোড়াসাঁকোর জগদ্ধাত্রী বহুজীকে পত্র লিখেছেন, আমি জানি। বীরাবাবুর সাদী দিতে লিখেছেন। আমাকেও এই বরসে আবার বিয়ে করিয়েছেন। তুমি কিরে যাও। কেরা তো এখন কঠিন হবে। চারিদিকে সিপাহীরা হাঙ্গামা করছে। আরাতে জগদীশপুরে কুমারসিং দানাপুরের সাহেবান লোককে কেটেছে। তার থেকে চিঠি লেখ—

—না হুজুর। তাঁর দেখা যে আমাকে পেতেই হবে।

—তবে চেষ্টা কর। দেখ।

ভিন্নদিন পর দেখা গেলে ছেদী সিং। তখন মিউটিনির আশুন রূলে উঠবে-উঠবে এমন

সময়। আজিমগড়ে তখন গোলমাল শুরু হয়েছে। আজিমগড় থেকে কোম্পানী সতের লাখ টাকা বেনারস পাঠাচ্ছিল; আজিমগড়ের দেশী সিপাহীরা টাকাটা আটক করেছিল। কিন্তু সাহেবান লোক জ্বরদন্তি সে-টাকা শেষ পর্যন্ত পাঠালেন। সেখানে সিপাহীরা ক্ষেপে উঠল। সাহেবরা বিবিলোকের সঙ্গে পল্টনের লাইন ব্যারাকে খেতে বসেছিলেন। গুলী গোলায় আওয়াজ উঠতে লাগল। বাইরে বিগল বাজল। আরম্ভ হয়ে গেল মিউটিনি। আগুন জ্বলল আজিমগড়ে। সিপাহীরা কোয়ার্টার মাস্টারকে গুলী করে মারলে। একদল ঘোড়সওয়ার সিপাহী ঘোড়া ছুটিয়ে এসে পথ থেকে সাত লাখ টাকা লুটে নিয়ে গেল। টাকা লুটে নিয়ে সিপাহীরা ছুটেছে ফরজাবাদের দিকে। খবরটা বেনারসে এসে পৌঁছেছে দুদিন আগে। ছেদী যেদিন বিমলাকান্তের সঙ্গে প্রথম দেখা করে তার পরদিন। সেদিন শহরে গুজব থাকলেও শহর ঠাণ্ডা ছিল। ছেদী সিং সেদিন সন্ধ্যা থেকে বিশ্বনাথের গলিতে অপেক্ষা করেও মাদ্রাজীকে দেখতে পায়নি। গরমের সময় সে এসে দশাশ্বমেধ ঘাটে শুয়েছিল। দ্বিতীয় দিনও পায়নি। সেদিন খবরটা এসেছে। যা এতদিন চাপা কানাকানি ছিল, তা এবার লোকে মুখ ফুটে বলছে। এইবার যাবে কিরীকীলোক। যাবার গুজব হয়েছে।

তৃতীয় দিন শোনা গেল—দেশী সিপাহীদের বন্দুক-তলোয়ার সব কেড়ে নেবে। সিপাহীর এর চেয়ে অপমান হয় না।

ওদিকে আদালতের নাজির পণ্ডিত গোবুলচাঁদ আর সুরত সিং কাছারীর মধ্যে সাহেবানদের বিবি আর বালবাচ্চাদের নিয়ে গিয়ে তুলছেন। তাঁদের সঙ্গে কাজ করছেন বিমলাকান্ত। তাঁর সময় নাই, অবসর নাই। ছেদী বিমলাকান্তের বাড়ীতেই ছিল। সারাদিন গন্ধার ঘাটে ঘাটে ফিরত। সন্ধ্যার সময় আসত বিশ্বনাথের মন্দিরে। দাঁড়িয়ে থাকত মন্দিরের দরজা বন্ধ হওয়া পর্যন্ত। খানা গিয়ে পাকিয়ে খেয়ে নিত জামাইবাবুর বাড়ী।

সুরেশ্বর বললে—তুমি জান কিনা জানিনে সুলতা, সেকালে বিহার, ইউপি-র ব্রাহ্মণ-ছত্রীরা যারা এদেশে আসত, তারা যে-কাজই করুক মাইনে নিয়ে, বাঙালীর রান্না তারা খেত না। বাঙালী মাছ খায় বলে তাদের অভিযোগ বহু পুরাতন, তখন আবার নতুন করে অভিযোগ উঠেছে, বাঙালী আধা-কিরিস্তান হয়ে গিয়েছে, তারা বাবুর্চির হাতে খায়, মুরগী খায়, পিঁরাজ খায়। ছেদী সিং কালীধামেও বিমলাকান্তের মত নিষ্ঠাবান ব্রাহ্মণের বাড়ীতেও খেতো না। সে জাতে ছিল ছত্রী। অর্থাৎ ক্ষত্রিয়।

যাক সে কথা। তৃতীয় দিন, যে-কালীতে ভূমিকম্প হয় না বলে প্রবাদ আছে, সেই কালী ওই উত্তাপে ভূমিকম্পের মতই যেন মাথা নাড়া দিলে, সঙ্গে সঙ্গে বড় ভূমিকম্পের সময় মাটির ভিতরে যে একটা চাপা গোড়ানি শোনা যায়, তেমনি একটা মাছের চাপা গর্জন উঠল। সেদিন সন্ধ্যা থেকেই লোকের এখান-ওখানে জটলা জমে উঠেছে। ভাঙের দোকানে বিক্রী বেড়েছে। সেদিনও ছেদী ওই অন্নপূর্ণা মন্দিরের দরজার পাশে ঘোরাক্ষেপ করছিল। আরতির কাসর-বণ্টা থামল। প্রথম প্রহর শেষের নৃবৎ থামল; গলিতে লোকজন কমে গেছে, গুরু-বাঁড়গুলি বিক্রায়ের জন্ত শুয়ে পড়তে শুরু করেছে, বাজারের দোকানদারীতে কাঁপ পড়েছে, ছেদী দীর্ঘনিঃশ্বাস ফেলে হতাশ হয়ে কিরেই আসবে বলে উঠি-উঠি করছে, হঠাৎ তার কানে এল, ভিতর থেকে কেউ বললে—জয় সতী মারীজী কি!

মিষ্ট নারীকণ্ঠে উত্তর কেউ দিলে—জয় শিউ সীমন্তিনী কি!

চমকে উঠল ছেদী। সে উত্তেজনার উঠে দাঁড়াল। একটু ভেবে নিয়ে সিংহরজাকে সামনে করে গলির উল্টোপাশ ঘেঁষে হাজজোড় করে বিস্ফারিত দুইতে ডাকিয়ে রইল।

মশাল হাতে একটা লোক বেরিয়ে এল, তারপর সে যাকে দেখলে, তাকে দেখে তার আর বিশ্বাসের অবধি রইল না। স্তেরো-আঠারো বছরের এক নওজোয়ান। রূপ তার ছিল, রূপবান নওজোয়ান, বুকের ছাতিও এতখানি, মাথার সে এরই মধ্যে অনেকের চেয়ে উঁচু হয়ে উঠেছে। কিন্তু তা দেখে ছেদী অভিভূত হয়নি, সে অভিভূত হয়েছে এইজন্তে যে, সে তার চোখ এবং চাউনির মধ্যে, তার নাকের ডগার মধ্যে সে যে নওজোয়ানী কালের বীরাবাবুর চোখ-চাউনি দেখছে। নাকের ডগাটা অবিকল সেইরকম।

মশালচীর মশালের আলোয় গলির ভিতর-ঠাইটা আলোময় হয়ে উঠেছে। অবাক হয়ে দেখছে সে। তার সেই দৃষ্টি দেখে সেই নওজোয়ান ধমক দিয়ে বলে উঠল—কৌন হ্যার তুম ? এই !

এবার চমকে উঠল সে। গলার আওয়াজের মধ্যে বীরাবাবুর আওয়াজ, কথা বলার টঙের মধ্যে অবিকল সেই টঙ। ছেদী জবাব দিতে ভুলে গেল। চেয়ে রইল নওজোয়ানের মুখের দিকে, বাবুয়া—সেই কমলাকান্ত বাবুয়া ? কি তাজ্জব !

নওজোয়ান দরজার সিঁড়ি থেকে লাফ দিয়ে নেমে এসে একেবারে তার সামনে দাঁড়িয়ে আরও গম্ভীর আওয়াজে বললে—কেয়া মাংতা হ্যার !

ঠিক সেই মুহূর্তে সিঁড়ির উপর দাঁড়ালেন যিনি, তাকে চিনতে একমুহূর্তও দেরি হল না ছেদী সিংয়ের। সাত-আট বছর হয়ে গেল, বছরানীজী একদিন রাতে কাঁসাইয়ের ঘাটে গায়ের গহনা খুলে রেখে কোথায় হারিয়ে গিয়েছিলেন ; সেও এই বর্ষার সময়। ভরা কাঁসাই। ভেসে গিয়েছিলেন। তারপর আজ। এই এত দিন পরেও দেখে চিনতে তার এক লহমা দেরি হল না। তার চোখ নওজোয়ান কমলাকান্তের মুখ ছেড়ে তাঁর দিকে নিবদ্ধ হয়েছে। সে বলতে চাচ্ছে, বছরানীজী, মাদ্জী। কিন্তু তার আওয়াজ বের হচ্ছে না।

—কমলাকান্ত ! কি হল ? কে যেন বছরানীজীর পিছন থেকে কথা বললেন।

—এই একটা লোক—

—যেতে দাও। চল।

—কে ও ? কে ? এবার কণ্ঠস্বর সতী-মাদ্জীর।

—বছরানীমাদ্জী—! ছেদীর গলা কেঁপে উঠেছিল থরথর করে।

—তুমি ছেদী ! ছেদী সিং ?

—মাদ্জী !

ততক্ষণে লোক জমে গেছে সেখানে। সতীমাদ্জী কাকুর সঙ্গে কথা বলেন না। তিনি আসেন, জপ করেন, চোখ থেকে জল গড়িয়ে পড়ে ধারায় ধারায়। তারপর উঠে চলে যান, কিন্তু আবিষ্টির ভাবটা কাটে না। কখনও কখনও জ্ঞান হয়ে পড়ে থাকেন। অনেকক্ষণ পর জ্ঞান হয়, তখন তিনি ধীরে ধীরে ওঠেন এবং চলেন কমলাকান্তের পিছনে পিছনে। পিছনে থাকেন তাঁর বৃদ্ধ বাপ। কমলাকান্তের সামনে থাকে মশালচী। শশব্যস্ত হয়ে পথ করে দিয়ে সরে দাঁড়ায় পথের লোক। তিনি কারও সঙ্গে কথা বললে লোক জমবে বইকি ! লোকটা কে ?

কমলাকান্ত ছেদীর মুখের দিকে তাকিয়ে দেখতে দেখতেই প্রস্থ করলে—এই সেই ছেদী সিং, ভালো-না ?

সতীমাদ্জী বললেন—হ্যাঁ। কিন্তু তুই সর। তিনি সামনে এসে দাঁড়ালেন, ছেদীর মুখের দিকে তাকিয়ে বললেন—ছেদী !

ছেদী ভূমিষ্ঠ হয়ে প্রণাম করে বললে—মাদেজী! বহরানীজী!

—তোমার বাবু কেমন আছেন ছেদী?

—বাবু? হামারা বীরাবাবু?—তার চোখদুটো যেন এক মুহূর্তে ফেটে গেল। জল বেরিয়ে এল দরদরধারে।

পিছন থেকে মাদেজীর বাপ, তাকেও চিনতে পেরেছিল ছেদী, তিনি বললেন—বাসায় চল মা। বাসায় চল। পথের মধ্যে কেন এসব কথা?

মাদেজী বলেছিলেন—এস ছেদী।

—ভালো-মা!

—কি রে?

—আমি ও-বাড়ী চললাম বাবার কাছে।

একটা দীর্ঘনিঃশ্বাস ফেলে মাদেজী বললেন—তাই যা।

বীরেশ্বর রায়ের সামনে বসে সেদিনের বৃত্তান্ত বলতে বলতে ছেদী চোখের জল সামলাতে পারেনি। বার বার সে চোখ মুছছিল।

বীরেশ্বর রায় চুপ করে বসে শুনছিলেন। অকস্মাৎ যেন অধীর হয়ে উঠলেন, বললেন—ছেদী, সে কি বললে বল? কি বললে তোমাকে?

—হজুর! শ্রিক আপকে বাত। ছেদী, তুমার বাবু কেমন আছেন? বাবুজীর তবিত্ত আচ্ছা আছে? বাবুজী তুমার দারু কি বহৎ বহৎ পিচ্ছেন? বাবুজীর মেজাজ কি বহৎ খারাপ আছে? হমি কি বলব হজুর! বহরানীজীর পাশ কুছ ছাপি নেহি। তপস্তাসে সবকুছ উনকি মালুম আছে হজুর। দেওকত্তা, সাকসাৎ দেবী হইয়ে গিয়েসেন তপস্তা করকে। হজুর, সোফি বিবিকি বাত ভি উনকি মালুম হার। হামার মু দেখলেন আর বলিয়ে দিলেন—আমার খোজ্ঞে আসিয়েসো ছেদী? তুমার বাবু ভেজিয়েসেন? ঔ! হামি কুছ বললাম না হজুর। ডর লাগলো আমার। দেখলম হজুর, কেশমে তেল নেহি। সারা বদনমে এক অভরণ নেহি। হাতমে শঙ্খ, বাস, আর কুছ নেহি। এক বাস হজুর। লালপাড় এক শাড়ী। বাস। হামি কুছ বললম না—মাদেজী থোড়া হাসলেন। কহলেন—হমি জানে ছেদী! তুমি বাবুজীকে হকুম সে আসিয়েসো। উসকে বাদ পুছলেন আপকে বাত। হমি বোলা—মাদেজী, আপকে লিয়ে হামার বীরাবাবুজীর এমুন হালত্। আপনি কিরিয়ে চলেন মা! চুপসে বৈঠ রহলেন। থোড়া বাদ কহলেন—নেহি ছেদী, সো হোর না ছেদী। হামার হকুম নেহি হার। একভিয়ার নেহি হার। কালীয়ারী কি হকুম নেহি। হজুর, উনকি আখোমে পানি আসিয়ে গেল। থোড়া বাদ কহলেন—শুনো, কাল হম এক খত্ লিখ দেগা, উয়ো খত্ লেকে যাও। বাবুজীকে সবকুছ লিখ দেবে। তুম যাও, বাবুজীকে দেও। আওর উনকে কহো—কিন সাদী করনেকে লিয়ে।

—এস্তো মোটো চিঠি হজুর। তিন রোজ লিখিয়েছিলেন। হামি ওহি মোকামমে ছিলাম। আখসে দেখা হজুর, মাদেজী লিখলেন আর কানলেন। একদকে চিঠি লিখলেন, উ ছিঁড়িয়ে দিলেন। কিন লিখলেন। ঘরসে নিক্সালেন না। রাতমে কালীবাড়ীয়ে হাইলেন না। চিঠি লিখা শেষ করকে উনকি বুড়া বাপজীকে দিলেন। উনি পড়লেন। বললেন—বেকরনা তুমি লিখলে মারী, রায়বাবু এ-চিঠি ফেক্ দিবেন, ছিঁড়িয়ে দিবেন। মাদেজী কহলেন—নেহি বাপুজী, জরুর পড়বেন। কহলেন—আপনে এখন সব কথা লিখিয়ে দিন। উতো হমি লিখবে না। উনকি বাপুজী তব আর চিঠি লিখলেন; দোদো চিঠি এক করকে

লিফাকা বন্দী করকে হামকে দিলেন, কহলেন—তুম জলদি চলে যাও ছেলী। সিপাহীলোককে সাথ গোরা-সাহেবলোককে লড়াই শুরু হো যারগা, তুম চলে যাও।

ওহি চিঠি নিয়ে আমি গেলম জামাইবাবুকে হাঁরা। জামাইবাবু ভি এক খত লিখ দিরা হিঁরাকে ঠাকুরমহারাজকে দেনে কো লিরে। উ ছুনো খত লিরে আমি হামার ঘর যানেকে লিরে—

চিঠি নিয়ে নিজের বাড়ী যাবার জন্তে বেরিয়েছিল ছেলী। হঠাৎ পথে গোলমাল শুনে থমকে দাঁড়িয়েছিল। লোকজন ছুটছিল। গোরাদের সঙ্গে সিপাহীদের হাঙ্গামা বেধেছে। ইংরেজ কাপ্তেন কর্ণেল নীলের কড়া হুকুমে সিপাহীদের ক্যান্টনমেন্টের মাঠে ডেকে তাদের অস্ত্র সমর্পণ করতে আদেশ দিচ্ছেলেন। সামনে কামান বান্ধে ঠেসে তৈরী করে রাখা হয়েছিল সাজিয়ে। বন্দুক বা হাতিয়ার কেড়ে নেওয়ার মত অপমান আর নেই সৈনিক-জীবনে। এর চেয়ে যত্ন ভাল। এক্ষেত্রে কামানগুলোর মুখের মধ্যে সিপাহীরা দেখতে পেরেছিল আরও কিছু। সেটা এই গোরাদের বিশ্বাসঘাতকতার ইতিহাস। পলাশীর মাঠ থেকে যত লড়াই লড়ছে তারা হিন্দুস্থানের বুকে, তার প্রায় প্রত্যেকটিতে, তারা ঠিক এই পথে লড়াই কতে করেছে। তবু তারা প্রথমে মাথা হেঁট করে তাদের হাতিয়ার নামিয়ে রেখেছিল। কিন্তু কাপ্তেনের হুকুমে যখন গোরার দল সিপাহীদের নামিয়ে-রাখা হাতিয়ার দখল করতে এগিয়েছিল, তখন আর তারা স্থির থাকতে পারেনি। তারা লাফ দিয়ে পড়ে পরিত্যক্ত বন্দুক কুড়িয়ে নিয়ে শুরু করেছিল ফায়ারিং। মরতে যখন হবে, তখন লড়াই করেই মরবে। বিদ্রোহই ভাল। কানে তাদের বেজে উঠেছিল নানাসাহেব তাঁতিরা তোপীর আগু রাজ।

সাধারণ মানুষ ছুটে পালাচ্ছিল। ছেলী তার বাড়ীর পথে পড়েছিল এরই সামনে। এবং কিছু করবার আগেই একটা গুলী এসে লেগেছিল তার পায়ে। পড়ে গিয়েছিল উপুড় হয়ে। রাত্রির অন্ধকার নামছে তখন।

ছেলী বীরেশ্বরবাবুকে বলেছিল—হুকুম, সেই আধিরারার মধ্যে পা টেনে টেনে এসে পৌঁচেছিলম গলির মুখে। সেটা জামাইবাবু বিমলাকান্তজীর বাড়ীর গলি। সেখানেই পড়েছিল সে।

—রাত কেতনা ঘড়ি মালুম নহি থা।

কাশীতে সেদিন সন্ধ্যা থেকে নহবৎ বাজেনি। কাসরঘণ্টা যেমন বাজে তেমন করে বাজেনি। বিলকুল সবকুছ বেন বদলে গিয়েছিল সেদিন। এরই মধ্যে দুজন দেশোয়ালী তাকে তার অল্পরোধে পৌঁছে দি়েছিল বিমলাকান্ত জামাইবাবুর মোকাম।

তারপর দু মাহিনা যে কিভাবে তার কেটেছে সে জানে না। বিমলাকান্তজী আর তার নতুন বহজীর তদারকীতে, কবিরাজজীর দাওয়াই-এ কোন্‌রকমে ভাল হয়ে সে উঠল বটে, কিন্তু তখন তার সর্বনাশ হয়ে গিয়েছে। তিন বেটার কঁাসি হয়েছে। ঘর-দোর পুড়ে ছাই হয়ে গেছে। সে নিজে হয়ে গিয়েছে লাঙড়া। লাঠি ধরে সেই বানারস মূলক থেকে কলকাতা আসতে তার ক্ষমতা ছিল না।

—হুকুম, আমার মগজ গিয়েছিল খারাপ হয়ে। দিনরাত কেঁদেছি। শেষে মাতাজী আমার খবর পেয়ে নিয়ে গিয়েছিলেন তাঁর বাসায়। সেখানেই ছিলাম এতদিন। এতদিন পর— হঠাৎ শুনলাম, কমলাকান্তবাবু আসছেন বাড়লামূলক। সঙ্গে আসছেন মাতাজী।

ছেলী শুনে মাতাজীকে হাডকোড় করে বলেছিল—মাতাজী। এ গরীবকে তুমি নিয়ে চল মাতাজী। আমি আমার হুকুমের কাছে বাত্‌ দি়েছিলাম, জান থাকলে আমি কিয়ব। জান তা. র. ১৪—১৬



আমার আছে। কিন্তু কথার খেলাবীর কসুর দিন দিন পথল হয়ে উঠছে। সে দোনা খুঁত আমার বটুয়ার মধ্যে আঁজও আছে। আমি তাকে দেব। কথার খেলাবীর কসুর থেকে আমি খালাস হয়ে যাব।

\* \* \*

চমকে উঠলেন বীরেশ্বর রায়।

—কমলাকান্ত? কমলাকান্ত ভবানী এসেছে? কোথায়?

—কমলাকান্ত বাবুজী আসিয়েসেন বিমলাকান্ত জামাইবাবুর আপনা বাড়ী শ্রামনগর। আর মাঈজী চলিয়ে গেলেন উনার পিতাজীর সাথ মে।

—কোথায়? জয়নগরের বাড়ীতে?

—না হুজুর। কোই হুসুরা জাগা—হুঁয়া এক ভারী কালীমন্দির আছে।

বীরেশ্বর রায় চুপ করে রইলেন। তারপর বললেন—চিঠি কই। যে চিঠির কথা বলছিলে। ছেদী চিঠি বের করে দিলে। মোটা চিঠিই বটে। কাগজ পুরোনো আর ময়লা হয়ে গেছে।

\* \* \*

এই সেই চিঠি স্মৃতি।

সুরেশ্বর কাগজের বাঙালটার রেশমী কাপড়ের আবরণ খুলে বের করলে পত্রখানি। সে আমলের তুলোটে কাগজের মত কাগজ। পিছনের দিকটা ময়লা হয়ে গেছে। চিঠিখানা কপালে ঠেকিয়ে সে সমস্তে চিঠিখানা খুললে। বললে—চিঠিখানা স্বামীকে স্বীয় লেখা চিঠি হলেও, গোপন করবার মত প্রেমপত্র নয়। তিনি নিজেই পত্রে লিখেছেন—শোন, প্রথমটা পড়ে শোনাই।

শ্রীচরণস্বজেষু,

সহস্রকোটি প্রণামপূর্বক নিবেদনমিদং। স্বামীন! আপনি আমার পরম দেবতা। লক্ষ্মীর নিকট নারায়ণ যজ্ঞপ, সতীর নিকট মহেশ্বর যজ্ঞপ, আমার নিকট আপনিও তজ্ঞপ। সীতা যেমন রামের নিকট অগ্নিপরীক্ষা দিয়া প্রমাণ করিয়াছিলেন নে, তিনি রামচন্দ্র ব্যতিরেকে চিন্তায়, কর্মে, দেহে অপর কাহাকেও ভজনা করেন নাই, কামনা করেন নাই, উজ্ঞপ পরীক্ষার প্রাণ বিসর্জন দিতে পারিলে আমি পরম ভাগ্যবতী মনে করিতাম। সেদিন আপনার পদাঘাতে যখন আমার ঠোঁট কাটিয়া গিয়াছিল, তখন আর আমার নিজের জীবনের প্রতি দিক্কারের অবশি ছিল না। হায়, আমি কি করিলাম, কোন্ অপরাধে আমার অদৃষ্টে এমন ঘটিল, তাহার আর কোন-প্রকার কুলকিনারা করিতে পারি নাই। তথাপি আপনাকে বিশ্বাস করিতে কহিতেছি, আমাদের ইষ্টদেবী জগদম্বা কালীমাতার দিব্য কল্লিয়া কহিতেছি যে, আপনাকে আমি দোষারোপ করিতে পারি নাই। আমি নিজেও ভাবিয়া পাই নাই—কমলাকান্ত ধীরে ধীরে বুদ্ধি পাওয়ার সঙ্গে সঙ্গে কেমন করিয়া জামাইবাবুর মত দেখিতে হইল। আপনি পুনরায় মত্তপান করিতে লাগিলেন, আমি নিজেকে এমত অপরাধিনী ধার্য করিলাম যে, আপনার চরণতলে পতিত হইয়া মিনতিপূর্বক নিবেদন করিতেও সাহসিনী হইলাম না। নিরন্তর তপিত হইয়াই তুবানলেই দগ্ধ হইতে লাগিলাম। কারণ তখনও পর্যন্ত আমি আমার পূর্ণ পরিচয় জ্ঞাত হই নাই। আমার পালক-পিতা—বলিতে গেলে তাঁহাকেই আমার পিতা বলিয়া জানি, তাঁহার স্বীকেই আমার মাতা বলিয়া জানিরাছিলাম, শুধু শুনিরাছিলাম, আমার পিতা সন্ন্যাসী হইয়া গিয়াছেন। তিনি বিখ্যাত তান্ত্রিক সাধক ছিলেন।

আমার পালক-পিতা আপনাকে বতটুকু বলিরাছিলেন, তাহার অপেক্ষা একটি কথাও অধিক তিনি কোনদিন বলেন নাই। আর বলিতেন—আমার জন্মদাতা তাত্ত্বিকসাধক পিতার নাম প্রকাশ করিতে তাঁহার এবং আমার গর্ভধারিণী মাতার নিবেদ আছে। এবং ইহা লইয়া আমি কোনদিন কোন কথা চিন্তাও করি নাই। একটা কথা আরও বলিতেন—পিতৃকুলকে উদ্ধার করিবার জন্তই আমার জন্ম। দেবতার ইচ্ছার আমার জন্ম। তিনি প্রথম স্থির করিরাছিলেন আমাকে আজন্ম কুমারী রাখিবেন। যে-কোন অশুদ্ধ পাপমতি আমাকে বিবাহ করিলে তাহার সর্বনাশ হইবে। সেই কারণেই আপনার সঙ্গে বিবাহের পূর্বে তিনি আপনাকে প্রভিজ্ঞা করাইরাছিলেন—আপনি মদ খাইবেন না। আপনার সহিতও বিবাহ দিতে তাঁহার মত ছিল না। কিন্তু বাসরঘরে আপনার বাজনার সঙ্গে গান গাহিয়া আমি মুগ্ধ হইরাছিলাম। এবং এই প্রস্তাব আপনি করিরাছেন শুনিয়া আমি আনন্দসাগরে ভাসিরাছিলাম, আমার জগদ্ধাত্রী সইকে বলিরাছিলাম—সই, তোর ঠাকুমাকে বল, উনি বাবাকে বলিয়া দিউন—আমি বিবাহ করিব। আমার বাবা বরাবর আমার বাল্যকাল হইতে বলিতেন—ভবানীর বিবাহ দিব না। বারণ আছে। আমার গর্ভধারিণী জননীর কথা মনে নাই, তবে আমি যাহাকে মা বলিরা চিনিরাছিলাম, তিনিও তাহাই বলিতেন। বলিতেন—ভবানী কুমারী থাকিবে—দেবতার আদেশ। কিন্তু ওই বাসরঘরের ঠাকুমা যখন বাবাকে আমার নাম করিরা বলিরাছিলেন যে, কত্না বিবাহ করিতে চাহিতেছে, তখন তুমি বিবাহ দিবে না কেন, তখন বাবা মত করিরাছিলেন। এবং আপনাকে আমার যেসব কথা বলিরাছিলেন ও আপনাকে যে শর্ত করাইরাছিলেন, সেসব কথা আমাকে বলিরাছিলেন—আমি প্রথম শুনিরাছিলাম যে, আমার জন্মদাতা দেবতার অভি-  
শাপে রোষে পড়িরাছেন, তিনি জীবিত বা মৃত তাহা তিনি জানেন না। কিন্তু তিনি জীবিত থাকিলে অনন্ত দুঃখ এবং মৃত হইলে নরক ভোগ করিতেছেন—আমাকে তপস্বী করিরা তাহাকে শাপমুক্ত করিতে হইবে। ইহার অধিক তিনি আমাকে কোন কথা বলেন নাই। বলিরা-  
ছিলেন—তাহা জানিতে চাহিরা না। মঙ্গল হইবে না।

তাহার পর কমলাকান্তের জন্ম হইল; দিদি তাহাকে আমার কোল হইতে কাড়িরা লইলেন। সেসময় বাবা আসিরাছিলেন। তিনি শুনিয়া বলিরাছিলেন—হয়তো মা, তোমার উপরেও মাতা রুট হইলেন। নতুবা এমন হইবে কেন। আমি চুপ করিরাই ছিলাম, কোন কথা কহিতেও পারি নাই। তাহার পর দিনে দিনে আমার অদৃষ্ট মন্দ হইল, আপনি কমলা-  
কান্তকে দেখিরা ক্রুদ্ধ হইলেন, আমার চতুর্দিক আমি অন্ধকার দেখিলাম। তাহার পর এই কাণ্ড ঘটিল। অনেক রাত্রি পর্যন্ত কাঁদিয়া কাঁদিয়া কি মনে হইল—এই খিড়কীর ঘাটের সিঁড়িতে আসিরা বসিলাম। কাঁদিতে কাঁদিতে সিঁড়ীপাঠের দিকে হাতজোড় করিরা বলিলাম—আমাকে বলিরা দাও আমি কি করিব? অবশেষে আমার মনই বলিল—তুমি মর। ওই লাখিখাওয়া মুখ আর কাহাকেও দেখাইরা না। তখন গহনাগুলি খুলিরা পুঁটলি বাধিরা ঘাটে রাখিরা জয় মা বলিরা বাঁপ দিলাম। ভাসিরা গেলাম। কিন্তু আমার এমনই অদৃষ্ট আমি মরিলাম না। কংসাবতীর প্রবল বশ্চাও আমাকে গ্রাস করিল না।

বস্ত্রার স্রোতে ভাসিরা যাওয়া একথানা ঘরের চালে আসিরা ঠেকিরা প্রাণের তাড়নার হরতো আমিই সেটাকে চাপিরা ধরিরাছিলাম। সেই চালটার সঙ্গে ভাসিরা আসিরা লাগিলাম হলদীর একটা বাকের চড়ার। সেই চালের উপর একটা বিষধর গোখুরা সর্পও ছিল। হতভাসিনীর ভাগ্য, সেও আমাকে দংশন করিল না। আমি নিজে তখন অজান, জ্ঞান ছিল না, বুতবৎ সেই চড়ার আটকানো চালের সঙ্গে পড়িরা রছিলাম। ইতিমধ্যে কড় থামিরাছে, প্রভাত হইরাছে,

রোদ দেখা দিরাছে। হলদীতে তখন ভাটির টান পড়িরাছে। অনতিদূরের গ্রামের লোকেরা বাহির হইরাছিল, তাহারা আসিরা আমাদের তরুণ অবস্থার দেখিরা প্রথমে মৃত্ত ভাবিরাছিল। ভাবিরাছিল, ওই সর্পদংশনে আমার মৃত্যু ঘটিরাছে। গ্রামের একজন ওঝা আসিরা ওই সর্পটিকে ধরিরা পরে আমাকে ধরাধরি করিরা ভাঙার তুলিরা পরীক্ষা করিরা দেখে আমার মৃত্যু হইরাছে কিনা। কিন্তু সর্পবিষের কোন লক্ষণ প্রাপ্ত হয় না এবং আমার মধ্যে তখনও জীবনের লক্ষণ দেখিতে পায়। তখন তাহারা আমাকে দৈবরক্ষিত বলিরা অহুমান করে ও যথাসাধ্য চেষ্টা করিরা বাঁচাইতে চেষ্টা করে, লবণ দিরা আমার সর্বাঙ্গ চাপা দেয়। অনেকক্ষণ পর আমার জ্ঞান ফেরে। কিন্তু সেইদিনই অরাজক হইরা অজ্ঞান হইরা পড়ি। আমি জ্ঞানপ্রাপ্ত হইরা তাহাদিগকে বলিরাছিলাম যে, আমি ব্রাহ্মণ-কস্তা, দয়া করিরা তোমরা যেন কোন অশাস্ত-কুশাস্ত খাওয়াইয়ো না। কারণ তাহাদিগের মধ্যে আমি কাহারও গলায় উপবীত দেখি নাই। এবং কয়েকজন মুসলমানকেও দেখিরাছিলাম। একজন অতি সম্ভ্রান্ত মানী মুসলমান মিয়া মোকদের টুপি মাথায় একটি মোড়ার উপর বসিরাছিলেন, তিনি আমাকে পরিচয় জিজ্ঞাসা করিরাছিলেন, তাঁহাকে আমি অতিকষ্টে বলিরাছিলাম,—আপনি আমার পিতার মত, আমি আপনার অভাগিনী কস্তা। আর পরিচয় কি দিব ?

সেই মহাহুভব মিয়া আমাকে বলিরাছিলেন—মা, তোমার কোন আশঙ্কার কারণ নাই। তুমি আমাকে পিতা বলিলে, আমিও তোমাকে কস্তাই বলিতেছি। নিশ্চিন্ত থাক। আমরা ধর্ম মুসলমান, কিন্তু আমাদের বংশে যোগসাধন আছে। লোকে আমাদেরকে ঠাকুর বলিরা থাকে। আমরা মুসলমান হইলেও, কাহাকেও জোর করিরা কখনও মুসলমান করি নাই।

আমরা চক্ষুষ্য হইতে জল নির্গত হইল। তাহা দেখিরা তিনি নিজেই বলিলেন—বুঝিরাছি মা, এই দুর্বোলে তোমার ঘর ভাঙিরাছে—বস্ত্রের জল ঢুকিরা ঘর ভাসাইরা ভাঙিরা গিরাছে। চালের উপর উঠিরাছিলে। চালটা বস্ত্রের তুফানে ভাসিরাছে।

তখন আমার একটা কম্প আসিরাছে, দুরন্ত শীত করিতেছিল, কোন উত্তর দিবার ক্ষমতাও ছিল না এবং কিবা উত্তর দিব—খুঁজিরাও প্রাপ্ত হই নাই।

তখন সেই সম্ভ্রান্ত মিয়াসাহেব ওই গ্রামেরই এক ব্রাহ্মণের ঘরে আমাকে স্থানান্তরিত করিবার আদেশ দেন। এইখানেই দীর্ঘ একমাস আমি রোগভোগ করি। সে প্রায় অচেতন অবস্থার কাল কাটিরাছে। একজন সন্ন্যাসী আমার চিকিৎসা করেন।

রোগ হইতে আরোগ্যলাভ করিবার পর ঠাকুরসাহেব আমাকে জিজ্ঞাসা করিলেন—মাঠাকুরানী, সন্ন্যাসীঠাকুর বলিরাছেন—তুমি অতি পুণ্যবতী ও ভাগ্যবতী ধর্মপ্রাণা। এক্ষণে তুমি অনেকটা আরোগ্যলাভ করিরাছ, এতকাল অজ্ঞান হইরা পড়িরাছিলে, তোমার বৃকে শ্রেষ্ঠা জমিরাছিল, বহুকষ্টেই সন্ন্যাসীর চিকিৎসায় সারিরাছ, এক্ষণে বল, তোমার কে কোথায় আছেন, তাঁহাদের সংবাদ প্রেরণ করি। তাহারা আসিরা তোমাকে লইরা ধাইবেন।

আমি আপনার পরিচয় তাঁহাকে দিতে পারি নাই, আমার বাবার পরিচয় দিরাছিলাম এবং বলিরাছিলাম—যদি কৃপাপূর্বক কোন বিশ্বাসী লোক দ্বারা আমার লিখিত পত্র তাঁহার নিকট পাঠাইরা দেন, তবে তিনি আসিরা আমাকে লইরা ধাইবেন। এবং আমার পিতাঠাকুরকে পত্র লিখিরা তাঁহাকে অবিলম্বে আসিতে অহরোধ করিরাছিলাম।

এই ঠাকুর মিয়াসাহেবদের অধীনে এই গ্রামে অনেক দুর্ব্ব লোক বসবাস করে। ঠাকুর মিয়াবাহাদুরেরা তাহাদিগকে আশ্রয় দিরাছেন। ইহাদের মধ্যে গোরান আছে, যে গোরানরা নদীতে ডাকাতি করিত তাহারা ইহারা। আরও অনেক বান্দী আছে। তাহারা খুব সাহসী

লোক। তাহাদের মধ্যে পিঞ্জ গোয়ান এই পত্র লইয়া গিয়াছিল এবং পনের দিনের মধ্যে বাবাকে লইয়া ফিরিয়া আসিয়াছিল। বাবা আসিলে আমি তাঁহার পদে কান্দিয়া লুটাইয়া পড়িয়াছিলাম। বাবাও আমার মন্তক বক্ষে ধরিয়া অনেক ক্রন্দন করিয়া বলিয়াছিলেন—আমি ইহা জানিতাম মা, আমি ইহা জানিতাম বলিয়াই তোমার বিবাহ দিতে চাহি নাই। তোমার গর্ভধারণী তিনি সাক্ষাৎ সতীদেবী ছিলেন, তিনি ইহা আমাকে বলিয়াছিলেন। বলিয়াছিলেন—পিতৃকুলের অপরাধের প্রায়শ্চিত্ত এই কষ্টকে করিতেই হইবে। জগজ্ঞানীর পূজা-অর্চনা করিয়া কুমারী ভাবেই কাল কাটাইবে, ইহার বিবাহ দিবেন না। এবং সেইদিন আমাকে আমার জন্মকথা, সত্য পরিচয় বিশদভাবে প্রকাশ করিয়া বলেন। সমস্ত শুনিয়া আমি স্তম্ভিত হইলাম, অনেক কাঁদিলাম এবং বলিলাম—সেদিন বিবাহের পূর্বে আমাকে এসব কথা বলেন নাই কেন। হায়, তাহা হইলে তো এমত ঘটনা ঘটিত না। আমার যাহা হইত হইত, যাহা হইল হইল, আমি ঈশাকে বিবাহ করিলাম, যিনি আমার দেবতাতুল্য, তিনি তো এমত যাতনা পাইতেন না।

বাবা কি বলিবেন? দীর্ঘকাল ভাবিয়া বলিলেন—তোমার প্রাক্তন। আর আমার ভ্রম। আমি ভাবিয়াছিলাম এসব কিছু আদৌ ঘটিবে না। অনেকেই আমরা অনেক কথা বলিয়া থাকি, কিন্তু সেসব কি কখনও ঘটে?

অতঃপর অনেক চিন্তা করিয়া আমার পিতা আমাকে লইয়া আমার দাদা বিমলাকান্ত জামাইবাবুর নিকট আমাকে লইয়া আসেন। এবং তাঁহাকে আমার জন্মবৃত্তান্তের কথা, আমাদের পিতার কথা খুলিয়া বলেন। এবং আমার পিতার বাহুতে বে তাঁহার নামাক্তিত রূপার চৌকা তাবিজ ছিল, তাহা ও তাঁহার পরিত্যক্ত তন্ত্রশাস্ত্রের বিধিব্যবস্থা লেখা কাগজ-পত্রাদি, এমন কি বিমলাকান্তদাদার মাতামহের হস্তলিখিত সাধনপদ্ধতির খাতা প্রমাণস্বরূপ প্রদর্শন করেন। দাদা কান্দিয়া আকুল হইলেন। আমার পিতাকে বলিলেন—হায়, এসব কথা আগে বলেন নাই কেন? আপনি জানেন না কি অন্তর্ঘাতনার আমি দম্ব হইয়া আসিতেছি। আমি বৃদ্ধিতে পারিত্যম না, কেমন করিয়া আমার সহিত কমলাকান্তের এমন সাদৃশ্য আসিল! একথা শুধন আপনি জানিতেন যে, আমি এবং ভবানী বৈমাত্রেয় ভ্রাতা এবং ভগ্নী, তখন একথা শ্রীযুক্ত রায়কেই (অর্থাৎ আপনাকে) বা প্রকাশ করিয়া বলেন নাই কেন? তাহা হইলে তো এমত দুর্ঘটনা ঘটিত না। এক্ষণে চলুন তাঁহার নিকট যাই, সকল কথা প্রকাশ করিয়া বলি। কিন্তু আমার পিতা বলিয়াছিলেন—না। ইহা প্রকাশ করিতে নিষেধ আছে। ভবানীর মাতা, তিনি আমার ভগ্নীতুল্যা, তাঁহার নিকট আমি প্রতিজ্ঞাবদ্ধ। এবং ইহা প্রকাশ করিলে তোমাদের পিতৃবংশ নরকস্থ হইবেন। এবং তোমার পিতা, তিনি জীবিত কি মৃত আমি জানি না, তাঁহার আর এই অভিপায় কখনও মোচন হইবে না।

অতঃপর কান্দীধামে আমাকে লইয়া আসা স্থির হয়। স্থির হয়—সেখানে আমি সংঘম নিয়ম পালনপূর্বক ব্রহ্মচারিণী থাকিয়া ৩১ মাতার নিকট ষোল্ল বর্ষ ব্রত পালন করিব।

তদবধি কান্দীতেই রহিয়াছি, সেই ব্রত পালনই করিতেছি। ষোল্ল বর্ষ পূর্ণ হইতে আর অল্পদিন বাকী আছে। আমার জন্মদাতা পিতা বোধহয় মৃত্যুই হইবেন। কারণ আমার পিতা কামাখ্যা অঞ্চলে কামাখ্যাদেবীর পাণ্ডাগণের দ্বারা অনেক ধোঁজধবর করিয়াছেন, কিন্তু কোন সন্ধানই কেহ প্রাপ্ত হন নাই। ষোল্ল বর্ষ অল্প হইলে ভাবিয়াছি দেহত্যাগ করিব। মা-গঙ্গা রহিয়াছেন—পতিভগাবতী তিনি, কাহাকেও বিম্ব করেন না। এবার আর ভ্রম করিব না। এবার হৃৎপদ বন্ধন করিয়া আশ্রয় লইব। এবং ব্রত শেষ হইলে ভরসা আছে মহামায়াও

আমাকে বস্ত্রাঙ্গী দিবার জন্ত বীচাইবেন না। অতঃপর আমার বাবাকে বহু অশ্লীলতা করিয়া আমার পিতার সকল বৃত্তান্ত লিখাইয়া অত্র পত্রের সহিত পাঠাইলাম। দেখিবেন—এ হতভাগিনীর ভাগ্যের কিরূপ দয়ামাহীন খেলা। দ্বাদশ বর্ষ গত হয় নাই বলিয়া বাবা লিখিতে চাহিতেছিলেন না। আমি তাঁহাকে বলিলাম—তবে কি আমি আমার পতিদেবতার নিকট অপরাধিনী হইয়া থাকিব? ইহার পূর্বেও এরূপ মনে হইয়াছে, কিন্তু আপনি সোফিস্টিকে লইয়া স্মৃতে আছেন ভাবিয়া বাবাকে এমন অশ্লীলতা করি নাই। আজ ছেলীকে আমার সন্মানে পাঠাইয়াছেন—দেখিতে পাঠাইয়াছেন আমি কাহার সহিত বাস করি, কিরূপ আমার মতিগতি, আপনি সোফিস্টিকে পরিত্যাগ করিয়াছেন, আজ বুঝিতেছি কি মনঃপীড়া আপনি হতভাগিনীর জন্ত ভোগ করিতেছেন। ছেলী স্বচক্ষে সমুদয় দেখিল। আমি কালীতে আসিয়া অবধি আমার আপন দাদা হইলেও বিমলাকান্ত জামাইবাবুর সহিত পৃথক বাস করিতেছি। আমার ব্রহ্মচারিণী ব্রতে আমি পিতা ও পুত্র ব্যতীত কাহাকেও স্পর্শ করি না। লোকে এখানে আমাকে সতীমাতা বলিয়া থাকে। এবং আমি জোর করিয়া দাদার আবার বিবাহ দিয়াছি।

কমলাকান্ত আপনার মতই জেদী হইয়াছে। যত বড় হইতেছে, তত আপনার সহিত সাদৃশ্য প্রত্যক্ষ হইতেছে। কর্তব্যের অবিকল আপনার মত ভারী। জোরে কথা কহিলে আপনার গম্ভীর কর্তব্যের মনে করিয়া অনেক সময় চমকিয়া উঠি।

আমার পিতার আকৃতিই সে পাইয়াছে। আমার দাদা, তাহার মাতুল, তিনিও অবিকল তদীয় পিতার মত—তদন্তুযায়ীই তাঁহার সহিত সাদৃশ্য দেখিতে পাইতেন। কমলাকান্ত আজও তাঁহার আত্মবৃত্তান্ত জানে না। দ্বাদশ বর্ষের ব্রতের পূর্বে জানাইব না। জানাইতে অত্যন্ত ভয় হয়।

পরিশেষে এই হতভাগিনীর অসংখ্য কোটি প্রণাম জানিবেন। এবং এ দাসীর এই মিনতি—পূর্বক নিবেদন যে, এ মন্দভাগিনীকে ভুলিয়া যাইবেন। আমার পিতার অপরাধ—সে-অপরাধ বাবার পত্রে জ্ঞাত হইবেন। আমার সংসারে স্থান নাই, আমার ইহা প্রাক্তন। আপনি এ দাসীকে বিশ্বস্ত হইয়া পুনরায় বিবাহাদি করিয়া সংসারধর্ম পালন করিবেন। জীবনে স্ত্রী হইবেন। পত্র শেষ করিতে মন চাহিতেছে না। মনে হইতেছে—আরও অনেক লিখি।

অম্মজন্মান্তরে আবার যেন ভাল ভাগ্য লইয়া জন্মগ্রহণ করিয়া আমার স্বামী, আমার আরাধ্য দেবতাকেই প্রাপ্ত হই—এই আশীর্বাদ করিবেন। অধিক আর কি। ইতি—

আপনার চরণাঞ্জিত দাসী

একান্ত মন্দভাগিনী

ভবানী দেবী

\*

\*

\*

চিঠিখানা পড়া শেষ করে সুরেশ্বর একটা দীর্ঘনিঃশ্বাস ফেলে কিছুক্ষণ চুপ করে রইল, তারপর ক্রমাগত চোখ মুছে বললে—যখনই চিঠিখানা পড়ি স্নলতা, তখনই জল আসে আমার চোখে।

স্নলতা চিঠিখানা তার হাত থেকে নিয়ে চিঠিখানা দেখলে। তাকিয়েই রইল চিঠিখানার দিকে।

সুরেশ্বর উঠে গিয়ে দাঁড়িয়েছিল তার একখানা ছবির কাছে। এখানা সেই ছবি, যে ছবিতে ভ্রাম্যাকান্তের মৃত্যু হচ্ছে। এক পাশে বীরেশ্বর রায়, এক পাশে ভবানী দেবী, পারের ওলার পিছন দিয়ে বিমলাকান্ত, কিন্তু তাঁর মুখের একপাশ দেখা যাচ্ছে। তাতে আলো পড়েছে

এবং বোঝা যাচ্ছে দাড়ি-গৌর, কাঁকড়া চুল, শীর্ণ মুখ, মুখের চামড়া কুণ্ড-বিক্ষত, শ্রামাকান্তের সঙ্গে কি আশ্চর্য মিল রয়েছে নাকের এবং কপালের। কাল সুলতা এই ছবিখানার সামনে দাঁড়িয়ে বিশ্বরের সঙ্গে দেখেছিল ওই সন্ন্যাসীর মুখে ধূনির আলোর দীপ্তি কি আশ্চর্য কৌশলে টেনেছে সুরেশ্বর! বেন খানিকটা অলৌকিকত্বের আভাস এনে দিয়েছে।

সুলতা ভবানী দেবীর লেখা চিঠিখানা টেবিলের উপর নামিয়ে রেখে একটা দীর্ঘনিঃশ্বাস ফেললে। বললে—চমৎকার হাতের লেখা। আর চিঠির মধ্যে অন্তরের আশ্চর্য আকৃতি! ভারী দুঃখ হচ্ছে। জান সুরেশ্বর, ভারী দুঃখ হচ্ছে!

সুরেশ্বর ফিরে এসে নিজের আসনে বসে বললে—কিন্তু দুঃখকে তিনি জয় করেছিলেন। হার মানেন নি।

—সব কালেই তাই। কিছু মানুষ জন্মের আশ্চর্য শক্তি নিয়ে, তারা হার মানেন না, জেতে। তাদের জয়েই মানুষ জেতার পথে এগিয়ে চলে। সে আমি বলছি না। আমি বলছি—অন্ধ ধর্মবিশ্বাসে এই কষ্ট যারা করেছে, তারা ঠিক পথ ফেলে কত এগিয়ে যেত বল তো!

সুরেশ্বর বললে—ও তর্ক আমি করব না সুলতা। কারণ ভবানী দেবী ছাড়া এর জবাব তোমাকে কেউ দিতে পারেন না। তাঁর বিশ্বাস মিথ্যে, একথা তুমি যেমন নিভূল বিশ্বাসে বলছ, তেমনি বিশ্বাসের উপর দাঁড়িয়ে তিনিই পারেন বা পারতেন জবাব দিতে। আমি মাঝখানের মানুষ। তাছাড়া আমি কোন বিচার করিনি এঁদের। আমি দেখেই বা এঁদের সম্পর্কে জেনেই শেষ করেছি। যে অপরাধ তাঁরা নিজে স্বীকার করে গেছেন, তাঁদের উত্তরাধিকারী হিসেবে তার দায় আমি মাথা হেঁট করে বোঝার মত তুলে নিয়েছি।

দপ্তরটা খুলে সে চিঠিখানা রেখে, আরও একখানা চিঠি খুঁজে বের করলে। এবং টেবিলের উপর রাখলে। আগে বের-করা মহেশচন্দ্র মুখুজ্জে অর্থাৎ ভবানী দেবীর পালকপিতা বা ধর্ম-বাপের চিঠিখানা নিয়ে খুললে। বললে—ভবানী দেবী তাঁর বাবাকে দিয়ে লিখিয়েছিলেন যে চিঠি, এখানা সেই চিঠি। মহেশচন্দ্র মুখোপাধ্যায় শ্রামাকান্তের জীবনের প্রথম দিকটা শ্রামাকান্তের কাছেই শুনেছিলেন। মহেশচন্দ্র ইংরেজী শিখেছিলেন। ইস্ট ইন্ডিয়া কোম্পানী এদেশে প্রথম বন্দোবস্তই বল, আর জবরদস্তি দখলই বল, পেরেছিল চকিষ পরগণা। এবং তারা ব্যবসা এবং জমিন দখলই শুধু করে নি, তার সঙ্গে তারা তাদের সুসভ্য ক্রীষ্টান ধর্মের প্রচারও শুরু করেছিল এই অঞ্চলেই। এখনি তুমি বলছিলে—ভবানী দেবী যদি ধর্মের অন্ধবিশ্বাস থেকে মুক্তি পেতেন, তাহলে কত সুখেরই না হ'ত। কত কল্যাণই না হ'ত। কিন্তু মানুষ ঈশ্বর, ধর্ম বা কোন ইজম মাথায় না করে বিপ্লব, দেশজয়, রাজ্যস্থাপন, এমন কি ব্যবসাতে জিনিসে ডেজাল দিতে পারে না। কালোবাজারও খেলা খেলতে পারে না। দেশের বহু ধর্মশালা, গোরক্ষিনী সমিতি তার সাক্ষী। অশোক ধর্মবিজয় করেছিলেন বৌদ্ধমতে। মুসলমানেরা এসে শুধু বাগদাহী করেনি, তাদের আল্লাকে এনে হিন্দুদের পুতুল ভেঙে এদেশে বসাতে চেয়েছিলেন। মুসলমানকে হঠাতে যখন ইংরেজ এল, তখন তাদের সঙ্গেও মিশনারীরা এসেছিল, আমাদের খুঁট ডজাতে, বাইবেল পড়াতে, কোট-পেটালুন পরাতে, ইংরিজী শেখাতে। চকিষ পরগণার অনেক প্রচারক এসে মিশন খুলেছিল। মহেশচন্দ্র এদের কাছে ইংরিজী শিখেছিলেন, তারপর চাকরি শেয়েছিলেন, কিন্তু ক্রীষ্টান হন নি। এও মানেন না, ও-ও মানেন না, এমনিতর মানুষ। সেই চাকরি নিয়ে তিনি গিরেছিলেন গৌহাটি। ইচ্ছে ছিল, দেশে আর ফিরবেনই না। কারণ দেশের সমাজের ভরক থেকে তাঁকে মিশনারীদের সংস্রবে প্রায় পতিতই করেছিল। নিতান্ত কাঁচাবয়স তখন, বাইশ বা ডেইশ। গৌহাটিতে খানিরাদের ইংরেজী শেখাবার চাকরি; তার

সঙ্গে অসমীয়া এবং বাঙালীদের মধ্যে ষ্টমহিমা প্রচার ছিল আর একটা দায়িত্ব।

সেইখানে দেখা হয় কামাকান্তের সঙ্গে। কামাখ্যা পাহাড়ে ওই মন্দিরের এলাকার মধ্যে পাগলের মত ঘোরে, কখনও কাঁদে, কখনও হাসে। লোকে বলে—মহাসাধক!

মহেশচন্দ্র হাজার হলেও হিন্দুর ছেলে; বেলপাতা তুলসীপাতার মাহাত্ম্যে বিশ্বাস না করুন, বেলপাতা তুলসীপাতার রসকে উপেক্ষা করতেন না। অশুখে-বিশুখে খেতেন। আত্মায় তখন কালাজরের এলাকা। তুলসীপাতা বেলপাতা জরের প্রতিবেশক। সেটা ওধানকার লোকের কাছেই তিনি পেয়েছিলেন। লোকে বলত—এ হল পাগলাবাবার গুণ। পাগলাবাবা নিজের হাতে তুলে বেলপাতা বা তুলসীপাতা দেয়, ছেঁচে রস করে খেলে জ্বর সারে। পাগলাবাবার নামডাক খুব। কিন্তু লোকজনকে কুৎসিত ভাষায় গালিগালাজ করে।

এইসব শুনে মহেশচন্দ্র তাকে ভিন্নকার করতে এবং তার সঙ্গে তর্ক করতেই গিয়েছিলেন প্রথমদিন। সেসময় এই পাগল একটা একতারা বাজিয়ে গান করছিল। যেমন তার কণ্ঠস্বর, তেমনি তার ভাল আর মানের উপর অধিকার। সব থেকে বড় কথা গানের আকর্ষণী এবং মানুষকে অভিভূত করার শক্তি! জনকয়েক পাণ্ডা আর যাত্রী পাগলাবাবার গান শুনছিল মন্ত্রমুগ্ধের মত; মহেশচন্দ্রও গিয়ে কয়েক মুহূর্ত দাঁড়িয়ে থেকে তাদের সঙ্গে গান শুনতে বসে গিয়েছিলেন।

গান শেষ করে যন্ত্রটা রেখে পাগল সাধু কিছুক্ষণ চোখ বন্ধ করে বসে থাকতে থাকতে কাউকে অলীল ভাষায় গালিগালাজ শুরু করেছিল।

লোকজনেরা কেউ কিছু বলে নি, কিন্তু মহেশচন্দ্র বলেছিল—এই সন্ন্যাসী ওহে! শুনছ! কি বলে তোমাকে, পাগলবাবা? এই পাগলা! এই!

হঠাৎ চোখ মেলে সন্ন্যাসী তাকে দেখে বলেছিল—কি?

—এমন কুবাক্য, অলীল বাক্য বলে গালাগাল করছ কেন?

তার মুখের দিকে তাকিয়ে থেকে সাধু হঠাৎ অট্টহাস্ত করে উঠেছিল—হা-হা-হা, হা-হা-হা, হা-হা-হা!

মহেশচন্দ্র বলেছিলেন—তুমি সাধু, তুমি সন্ন্যাসী, তোমার কাছে মানুষ ভাল কথা শুনতে চায়। তুমি ধারাপ কথা বলছ, এ কি রকম সাধু তুমি?

পাগল খানিকটা ধূনির ছাই মুঠো করে তুলে বলেছিল—খাবি?

—ছাই কেন খাব? তুমি খেতে পার?

—দূর বেটা, ছাই কেন হবে, চিনি। এই দেখ না খাচ্ছি আমি। বলে মুখে খানিকটা পুরে দিয়ে স্বচ্ছন্দে খেয়ে নিয়ে বাকীটা অস্ত্র লোকেদের দিয়ে বলেছিল—খা তো রে, তোর খেয়ে দেখ তো! দেখিয়ে দে তো ওকে!

সকলেই খেয়ে বলেছিল—চিনি!

সাধু সামান্য অবশিষ্টটুকু এবার তার হাতে দিয়ে বলেছিল—দেখ না রে বেটা, দেখ না! চেখেই দেখ না!

বিস্মিত হয়েছিলেন মহেশচন্দ্র। ছাইয়ের স্বাদ তো নয়! স্বাদ তো চিনির স্বাদই বটে!

এতেই আকৃষ্ট হয়েছিলেন মহেশচন্দ্র। এর পর প্রায় নিত্যই যেতেন সাধুর কাছে। এবং ক্রমে ক্রমে সাধুর অন্তরঙ্গও হয়ে উঠেছিলেন। সাধুও বেন তাঁর প্রতি আকৃষ্ট হয়েছিল।

মধ্যে মধ্যে সাধুর পাগলামি বাড়ত। অহরহ অলীল বাক্যে গালাগাল দিয়ে বেড়াত। স্বাক্ষর দিক, সে যে কোন নারী, তাতে সন্দেহের অবকাশই রাখত না পাগল। শালী

হারামকারী শব্দেই তার পরিচয় থাকত। শুধু তাই নয়, তখন আবর্জনা কেন্দ্র যেখে লাপালাপি করত। ডক্যাভেক্সার বিচার থাকত না।

প্রথমবার বেবার মহেশচন্দ্র সাধু এই অবস্থা দেখেন, সেবার তাঁর গভীর মমতা হয়েছিল। মমতাবশতঃই তিনি সাধুকে জোর করে ধরে লান করিয়ে দিতেন, জোর করেই খাওয়াতেন। সাধু কান্ডতেন হাউ-হাউ করে। তিনি তাঁকে সাব্বনা দিতেন। বেশী উগ্র হয়ে উঠলে জোর করে বশ মানাতেন। মহেশচন্দ্র বলশালী মানুষ ছিলেন।

এই এতেই সাধু সেবার কয়েকদিনের মধ্যেই শান্ত হয়েছিলেন। এবং মহেশচন্দ্রকে বলেছিলেন—আমার আর একটি কাজ করবি তুই?

মহেশচন্দ্র—কি বল?

গোড়া থেকেই মহেশচন্দ্র তাকে তুমি বলেছিলেন, আপনি আর বলেননি। সাধুও তাকে বলেছিলেন—আমাকে তুই তুমিই বলিস। গালাগালি সযোজন করে বলেছিলেন—তুই বেটা ভাল লোক রে! ভাল লোক।

সেদিন সাধু বলেছিল—আমার উত্তরসাধক হবি তুই। দেখ, আমি তাকে টেনে এনেছি। কাছে কাছে ঘুরতে হয় তাকে। ধোরে, কিন্তু ধরতে আর পারছি না। কিছুতে না! তাতেই তো রাগ করে তেড়ে ধরতে যাই—গালাগালি করি, কিন্তু এমন যে ধরা যায় না। আসল আসন হচ্ছে না, বুঝি না!

মহেশচন্দ্র বলেছিলেন, সে আমি পারব না।

—পারলে ভাল হত রে! তোকে আমি সিঁড়ির বিদ্ধতি দিতাম। বুঝি না!

—উ-হ। দেখ—ওতে আমার—

—কি? বিশ্বাস তোর এখনও হয় নি?

—বিশ্বাস নয়, বিশ্বাস আর কি করে না করি! তুমি পার অনেক রকম। কিন্তু ওতে রুচি নেই আমার!

—দূর বেটা! রুচি? রুচি কি রে? রুচি? খুব তো রুচি করে ঘি-ময়দার লুচি করে খাস। মিষ্টান্ন খাস। পোলাও খাস। খেয়ে হবার মধ্যে হয় তো রক্ত আর বিষ্ঠা। ওরে বেটা, বা খাবি তাতেই ও দুটো হয় রে। রুচি! বলে হা-হা করে হেসেছিলেন।

—দেখ, যা পারব না, তা বল না।

—তা'হলে আর একটি কাজ করবি?

—ভাল লাগলে পারব। বল!

—দেখ, আমার একটি নারায়ণশিলা ছিল। বুঝি! সৌভাগ্যশিলা। সেটি একজন আমার কাছ থেকে কেড়ে নিয়েছে। বুঝি! ওই শিলা আমিও একজন বৈষ্ণব সাধুকে ঘেরে কেড়ে নেবার মতলব করেছিলাম, তা সে বোষ্ট্রুম সম্রাসী দিয়ে দিয়েছিল। তারপর আমার কাছ থেকে একজন,—আমাকে তুকের মত বানে কলে দিয়ে কেড়ে নিয়েছে। ভেবেছিল আমি মরে যাব। তা মরি নাই আমি। বেঁচে চলে এসেছি কায়াধ্যাতে। বেটা জমিদার। ও মূল্যকে আমাকে দেখতে পেলে ঘেরে ফেলত। তাই এখানে এসেছি, সাধন করব বলে। কিন্তু সেই শিলার পূজো আমি এখান থেকে উচ্ছেদে রোজ করি। বুঝি! কিন্তু হচ্ছে কি আদিস? পূজোতে গোলমাল বাধছে। সেই ছড়িটার পূজো করতে গিয়ে মাসীর পূজো করে বসি। আবার মধ্যে মধ্যে মাসীর পূজোতে সেই ছড়িটার পূজোর মন্তর বলে কেলি। বেলপাতা দিতে তুলসীপাতা দি। আবার তুলসী দিতে বেলপাতা দি। ওই নারায়ণ পূজোটি



তুই আমার হয়ে করে দিবি। হ্যা, দিবি।

—কি সব পাগলের মত বল, আমার মাথার ঢোকে না!

—ঢোকে না? তবে সব বলি শোন, তাহলে বুঝবি।

\*

\*

\*

শ্রামাকান্ত মহেশচন্দ্রকে নিজের পরিচয় দিয়ে বলেছিলেন—মাগী আমাকে আচ্ছা ধান্না দিলে সেদিন। বুঝলি। একবারে ষোড়শী যুবতী। মড়া হয়ে ভেসে এল জোয়ারে। টকটকে লালপাড় শাড়ী পরনে, এই চুল একরাশ জলে ভাসছে মাথায় সিঁদুর টকটক করছে। পাড়ের ওপর লোকেরা দাঁড়িয়ে হার-হার করছে, আঃ, কার ঘর ভেঙে দিয়ে সতীলক্ষ্মী জলে ভাসলো গো! হার-হার হার-হার। আমি তখন চিনেছি। ঠোটে হাসি দেখতে পেলাম। স্পষ্ট দেখলাম। বুঝলাম এসেছে, আসতে হয়েছে! হ্যা, পড়লাম জলে কাঁপিয়ে। হাতির মত জোয়ার ঠেলে গিয়ে ধরলাম চুলের মুঠোয়। ধরলাম যদি তো চেউয়ে কাঁপ দিয়ে এসে পড়ল আমার বুক। ডুবিরে মারবার ইচ্ছে, বুঝলি না! মেরে ফেলবে আমাকে। তা আমিও শ্রামাকান্ত, ঠেলে ফেলে দিয়ে চুল ছেড়ে কাপড়ের আঁচল দাঁতে ধরে নিয়ে এলাম টেনে। কিনারায় এসে জলে ভাসিয়ে টানতে টানতে নিয়ে এলাম কাণ্ডাতলায়। কাঁধে করে তুলে গাছের ডালে বেঁধে রাখলাম। রাত্রিটা ছিল চতুর্দশী, কৃষ্ণপক্ষ। বসব ওই মড়ার উপর আসন করে। হ্যা। তারপর কারণ করতে বসলাম। কারণ আর জপ। সিন্ধি আর মারে কে?

রাত্রে বসলামও। তারপর—

ভরাত হয়ে উঠেছিলেন শ্রামাকান্ত সেদিনের স্মৃতি স্মরণ করে। কিছুক্ষণ ভরাত দৃষ্টিতে কামাখ্যা পাহাড়ের ওপাশে ব্রহ্মপুত্রের স্রোতের দিকে তাকিয়েছিলেন।

হঠাৎ বললেন—দেখ, মরা মেয়েটার মুখখানা ছিল অবিকল বিমলার মায়ের মত দেখতে। বিমলা আমার ছেলে। বুঝলি! রাত্রে মড়াটা নামিয়ে এনে গণ্ডীটগী কেটে তার মধ্যে তাকে রেখে মুখের ঢাকাটা খুলে দিয়ে ইষ্টমন্ত্র স্মরণ করে আসন করে বসতে যাব, এমন সময় দেখি কি জানিস? এ তো সে মড়া নয়! এ তো বিমলার মায়ের মুখ নয়! এ যে এ যে—ওরে, দেখি ঠিক যেন আমার মায়ের মুখ। অবিকল রে অবিকল! আর মরা তো নয়, এ যে চোখ খুলে তাকাচ্ছে!

ভয়ে আমি পিছিয়ে গেলাম। পিছিয়ে গিয়ে দাঁড়ালাম, আবার তাকালাম, দেখলাম—না তো! এ তো সেই মুখ! হ্যা! সেই যেমন বানে ভাসবার সময় হাসি দেখেছিলাম, তেমনি হাসছে যেন! যেন ডাকছে, বলছে—এস এস। আসন করে বস, ভর ক? বুঝলি, কানের কাছে যেন ফিসফিস করে বললে।

ধুনি জ্বলেছিলাম। ধুনিতে আগুন জ্বলছে। আমি দেখছি। হ্যা, ঠিক সেই। ঠিক। আবার ইষ্ট স্মরণ করে এগিয়ে গেলাম। কিন্তু বত যাই এক পা এক পা এগিয়ে ততই যেন পাটে ঝর। স্পষ্ট দেখলাম, কই, সিঁথিতে তো সিঁদুর নাই। বরস যেন কমে গিয়েছে। ছোট হয়ে গেছে মড়াটা। থমকে দাঁড়ালাম। এ কি? এ কি? এইসময় হঠাৎ হল কি জানিস, দুটো জন্তু—শেরাল না কি জন্তু—কালো মত দেখতে, খ্যা-খ্যা করে কাপটাকাপটি করতে করতে এসে পড়ল সেই ধুনির ওপরে। বুঝলি! জলন্ত ধুনি নিভে গেল। আর সে কি চিংকার! খ্যা-খ্যা করতে করতে আওয়াজ যে কি বিকট হয়ে উঠল, কি বলব। চারিদিক অন্ধকারে ঢেকে গিয়েছে তখন, কিছুই দেখতে পাচ্ছি না। সঙ্গে সঙ্গে বোধহয় হাজার ধানেক শেরাল ডেকে উঠল। হুয়া-হুয়া-হুয়া-হুয়া!

আমার মনে হল, হা-হা-হা-হা করে হাসছে। আমি তখনও ঠাড়িয়ে আছি। কুঁকির খবর বেন ঢাক গিটেছে। নিঃশ্বাস নিচ্ছি, মনে হচ্ছে পচা মড়ার গন্ধে দম বন্ধ হয়ে যাচ্ছে। এমন সময় মনে হল কে বেন আমার একখানা হাত চেপে ধরলে। কনকনে ঠাণ্ডা একখানা হাত। সমস্ত শরীর চমকে উঠল। আমি চিংকার করে উঠে হাতখানা বাঁকি দিয়ে ছাড়িয়ে নিয়ে ছুটে পালাতে গেলাম। কোথার পালাব? তখন অমাবস্তার কোটাল ডেকেছে গভীর, আমি জলে বাঁপিয়ে পড়লাম। জোয়ার বাজে কালীমন্দিরের দিকে। সেই দিকে ভেসে এসে ধাক্কা খেলাম একটা গাছের শিকড়ে। মনে হল মরে যাব। কিন্তু কোনরকমে আঁকড়ে ধরলাম তার শেকড়টা। আন্তে আন্তে সামলে নিয়ে ওই শেকড়টা ধরে ধরে পাড়ে উঠে আর ধাক্কা হতে পারলাম না। সেই শিকড়ে মাথা দিয়ে পড়ে রইলাম।

—আমার আর কিছু মনে ছিল না। অজ্ঞান হয়ে গিয়েছিলাম। একে নীতকাল, তার উপর সমস্ত রাত্রি ওই জোয়ারে ভেসে এসে গাছের শেকড় ধরে কাদার উপর পড়ে থেকে অজ্ঞান হয়ে পড়েছিলাম। যখন জ্ঞান হ'ল তখন দেখলাম, এক বৈষ্ণব সাধু একটা গোলপাতার ছাউনি ছোট ঘরের মধ্যে কড়াইয়ে আঁরা করে আমাকে তাপ দিচ্ছেন। সাধুব মাথাতে জটা, কপালে বৈষ্ণবদের হরিচন্দনের তিলক। গলাতে মোটা তুলসীকাঠের মালা। আমাকে চোখ মেলেতে দেখে বললেন, কেয়া বাবা, আব আচ্ছা মালুম হোতা?

একটা দীর্ঘনিঃশ্বাস কেলে শ্রামাকান্ত মহেশচন্দ্রকে বলেছিলেন—আঃ, মহেশ, এই সাধুর সঙ্গে যদি দেখা না হত। বুঝলি। আঃ।

আবার অনেকক্ষণ চুপ করে ছিলেন শ্রামাকান্ত। সেই সেইকালের কথা মনে পড়েছিল।

\*

\*

\*

সুরেশ্বর মহেশচন্দ্রের চিঠিখানা খুলে ধরে বললে—এইখানটা পড়ে শোনাই তোমাকে মূলত। বীরেশ্বর রায়কে শ্রামাকান্তের বৃত্তান্ত লিখতে গিয়ে এইখানটার লিখেছেন—তুমি মদীর জামাতা, পুত্রহানীর, তোমাকে অকপটে কহিব যে, হিন্দু ব্রাহ্মণ সন্তান হইবাও প্রথম বয়সে পাত্রীদের কাছে ইংরাজী শিখিয়া এইসব সাধনভজনের ক্রিয়াপ্রক্রিয়া ফলাফলের সত্যতা সম্পর্কে আজও সম্যক পূর্ণ বিশ্বাসী নহি। শ্রামাকান্ত তদীয় এই সময়কার বৃত্তান্ত কহিতে গিয়া বলিয়াছিলেন—সাধু আমাকে আমার চার জন্মের কথা বলিয়াছিলেন। জন্ম-জন্মান্তরের কথা বিশ্বাস করা আমার পক্ষে শক্ত হইরাছিল সেদিন। আজও সংশয় আছে, কিন্তু শ্রামাকান্তের সংশয় ছিল না।

শ্রামাকান্ত সেদিন চোখে মেলেছিলেন বটে কিন্তু পূর্ণ স্মৃতি হয়ে উঠতে লেগেছিল এক মাস। স্নেহান্দোষে জর হয়েছিল তাঁর। বৈষ্ণব তাঁকে ফেলে দেন নি। তিনিই তাঁর সেবা করে চিকিৎসা করে স্মৃতি কল্প তুলেছিলেন। বয়স সেইসময় তাঁকে তিনি বলেছিলেন তাঁর জন্ম-জন্মান্তরের কথা। এক জন্ম নয়, চার জন্মের বৃত্তান্ত। প্রথম জন্মে শ্রামাকান্ত নাকি পিশাচ-সিদ্ধ হয়েছিলেন। সেই জন্মে নাকি এক মেয়েকে তিনি ভালবেসেছিলেন, কিন্তু সে মেয়ে ছিল বড়ঘরের, তার খনদৌলত ছিল, আর চার জন্মের আগের শ্রামাকান্তের কিছু ছিল না, গরীব ঘরের ছেলে ছিল সে। এক জমিদার রাজা ঘরের ছেলে সে মেয়েকে বিয়ে করেছিল। চার জন্ম আগের শ্রামাকান্ত সেই দুঃখে কোত্তে পিশাচসিদ্ধ হবার সাধনা করেছিল। হয়েছিল সে পিশাচসিদ্ধ। পিশাচকে দিয়ে সে সেই ঘরের স্বামীকে ঘেরে ফেলেছিল। কিন্তু সে মেয়েকে সে পায় নি। সে স্বামীর চিত্তায় পুড়ে মরেছিল। তখন শ্রামাকান্ত সেই পিশাচকে দিয়ে গুল করেছিল ব্যাডিচার-অত্যাচার। শেষে পিশাচই তাকে একদিন বধ করেছিল।

দুসরা জনমে নাকি তিনি হয়েছিলেন বড়া ভারী জমিদার। সে ওই পিছলা জনমের কল। বহু ভোগ করেছিল। তবু লালসা তার মেটেনি। দেওতার সেবাও করেছিল। তার কল ভিসরা জনমে হয়েছিল যোগী। বহু খেয়ালী আদমী। রাজা-মহারাজা-বাদশা তাকে খাতির করত, কিন্তু তাতেও তার লালসা মেটেনি। কি হ'ল তার যোগে, যদি সে তামাম দুনিয়ার মালিক না হ'ল! ব্রহ্মচারী ছিল, না হলে যোগ হয় না, কিন্তু তাতেও তার ক্ষোভ ছিল। তাই শেষজীবনে সে শক্তি-সাধনা শুরু করেছিল—সে শক্তির মালিক হবে। এই তার চোখা জনম। সে তারই জের টানছে। লোকেন—

শ্রামাকান্ত হেসেছিলেন, লোকেন কি বাবাজী? লোকেন!

—লোকেন, বাবা, ওহি পিশাচটো! উ তুমকো নেহি ছোড়তা!

শ্রামাকান্ত বলেছিলেন—সেই শালাই তাহলে সেদিন রাখে আমার সাধন পণ্ড করেছে! ঠিক বলেছ তুমি!

—হাঁ বাবা, পহেলে উসকো ভাগানেকা জরুরং হ্যার।

সন্ন্যাসীকে বড় ভাল লেগেছিল শ্রামাকান্তের। সন্ন্যাসী তাঁকে বলেছিলেন—বাবা, কিছু দিন তুমি শুদ্ধাচারে ক্রিয়া-করম কর। ব্রাহ্মণের ছেলে ব্রাহ্মণের আচারে নিজেকে শুদ্ধ কর। পিশাচ অশুদ্ধ আত্মা, তোমার আত্মা শুদ্ধ হলে সে ভাগবে।

তাই করতে শুরু করেছিলেন শ্রামাকান্ত। ইতিমধ্যে এসেছিল গঙ্গাসাগর স্নানের তিথি। বৈষ্ণব সন্ন্যাসী গঙ্গাসাগর যাবেন বলেই এসেছিলেন কালীঘাট। এখান থেকেই নৌকা-টৌকার কোনমতে জায়গা করে নেবেন। আরও অনেক সাধু-সন্ন্যাসী আসবে, সঙ্গী জুটে যাবে। আরও করেকবার তিনি সাগরতীর্থ গিয়েছেন। শ্রামাকান্তও বলেছিলেন—তিনিও যাবেন তাঁর সঙ্গে।

মহেশচন্দ্রের চিঠিখানা আবার তুলে নিয়ে সুরেশ্বর বললে—সুলভা, মহেশচন্দ্র লিখেছেন—“কিন্তু শ্রামাকান্ত পুণ্যার্জনের জন্ত সাগরতীর্থে যাইতে চাহেন নাই। তিনি আমাকে বলিয়াছিলেন—ওই বৈষ্ণব সাধুর নিকট এক দুর্লভ নারায়ণশিলা ছিল। ওই শিলাটির অর্চনা তিনি বধন করিতেন, তখন আমি নিরীক্ষণ করিয়া দেখিয়া লক্ষণ হইতে বুঝিয়াছিলাম, এই শিলাকেই বলে সৌভাগ্যশিলা! এ শিলা যাহার নিকটে থাকে, তাহার সৌভাগ্যের অন্ত থাকে না। দরিদ্র রাজা হয়। গৃহী অশোক হয়। এ শিলাকে সহায় করিয়া মানুষ যে সাধনাই করুক, তাহাতে সে নিশ্চিত সিদ্ধিলাভ করে।

শ্রামাকান্ত একদিন সাধুকে প্রশ্ন করেছিলেন—এ শিলাটি কোথায় পেলেন গোসাঁইজী?

সাধু বলেছিলেন—এ শিলা আমি বয়ীনাথের পথে এক সাধুনির কাছে পেয়েছিলাম।

—এ কি শিলা বাবা! সৌভাগ্যশিলা নয়?

হেসে গোসাঁই বলেছিলেন—সৌভাগ্য কামনা করে অর্চনা করলে এ সৌভাগ্যশিলা। যা চাও, তাই মেলে। ধন-দৌলত, মনস্কামনা পূরণ—সবই দেবেন উনি। আর কিছু না চাইলে উনি দেন পরমধন বাবা, চৈতন্ত। উনি আসলে হলেন চৈতন্তশিলা।

—হঁ।

গোসাঁই বলেছিলেন—সুটা বাত আমি আর বলি না বাবা। আমি বধন প্রথম সন্ন্যাসী হই, তখন আমি ভালো আদমী ছিলাম না। চোর ছিলাম।

—চুরি করেছিলেন এই শিলা?

—তা বলতে পার। সন্ন্যাসীর সঙ্গে ঘুরছিলাম কিছুদিন। তাঁর কাছে রোটির তাবনা হুত

না। রোটি তিনি দিড়েন। মতিও ফিরেছিল। তিনি মরবার সময় আমাকে এই শিলা দিয়ে বলেছিলেন—দেখ বেটা, এই শিলা সাগরসঙ্গম যে বিসর্জন দেনা। হ্যাঁ, তিন দফে হয় সাগর-তীরে গিয়া, ওহি কো লিরে, লেকেন দিল নেহি উঠা।

বাবা, গিয়েছি বিসর্জন দিতে, কিন্তু পারি নি, ফিরে নিয়ে এসেছি। তারই জন্ত এবারও চলেছি বাবা। এবার ঠিক করেছি নিশ্চয় বিসর্জন দিয়ে আসব।

শ্রামাকান্ত যেতে চেয়েছিলেন ওই শিলাটির লোভে। ওই শিলা পেলে তাঁর মনকামনা নিশ্চয় পূর্ণ হবেই হবে।

গঙ্গাসাগরে গিয়ে শ্রামাকান্ত মুহূর্তের জন্ত গোস্বামীর সঙ্গ ছাড়েন নি। তিনি ফেলে দিলেই শ্রামাকান্ত বাঁপিয়ে পড়ে তুলে নেবেন। কিন্তু বিচিত্র কথা, গোস্বামী রোজ ওই শিলাকে ঝুলিতে পুরে বুকে ঝুলিয়ে নিয়ে স্বান করে এলেন, কিন্তু বিসর্জন দিতে পারলেন না।

শ্রামাকান্ত রোজ জিজ্ঞাসা করেছেন—কই, বিসর্জন দিলেন না গোসাঁই?

গোসাঁই বলতেন—নেহি বাবা। নেই সকা! কিছুতেই পারলাম না। পারছি না, পারব না!

শ্রামাকান্ত মনে মনে হিংস্র হয়ে উঠছিলেন। মনের মধ্যে নানান কুটিল অভিপ্রায় জেগে উঠছিল। কিন্তু এই গোসাঁই তাঁকে সেদিন মৃত্যুর মুখ থেকে বাঁচিয়েছেন। এতটা নিষ্ঠুর, অকৃতজ্ঞ তিনি হতে পারেন নি। কিন্তু মনের মধ্যে স্বন্দেহও শেষ ছিল না। শেষ ওই গঙ্গা-সাগর থেকে ফিরবার আগের দিন রাত্রে শ্রামাকান্ত অস্থির হয়ে উঠেছিলেন—ও শিলাটি তাঁর চাই। সৌভাগ্যশিলা! ওই শিলাই তাঁর জন্মজন্মান্তরের পিশাচকে তাড়াবে, তাঁকে সিঁদ্ধি দেবে। ওটি তাঁর চাই!

তখন গভীর রাত্রি। মাঘ মাসের প্রথম, সাগরদ্বীপের শীত। বাতাস বইছিল। শ্রামাকান্ত ঘুমুতে পারেন নি, গোস্বামী সাধুর পাশেই শুয়েছিলেন। তিনি এই স্বন্দেহ 'মধ্যে ঘুমুতে না পেরে উঠে বসলেন।

মনের মধ্যে তাঁর কুটিল খেলা চলছে।

উপকার করেছে! ধৃত্তোর, কিসের উপকার? আমার মৃত্যু হবার হ'লে ও বাঁচাতে পারত? যে সিঁদ্ধিতে মরাকে বাঁচানো যায়, তা ওর নেই, ও বেটা পার নি। তা ছাড়া ওর গুরু ওকে বলেছিল—এ শিলাকে সাগরতীরে বিসর্জন দিতে। বেটা চারবার এসে পারলে না। এ তো ওর নয়। ওকে যদি—

পাশে একটা ধুনি জলছিল। শীতের জন্তও বটে, জানোয়ারের জন্তও বটে। সেটাতে কাঠ চাপিয়ে হুঁ দিয়ে দিয়ে সেটাকে উজ্জ্বল করে তুলছিলেন শ্রামাকান্ত। তারই দীপ্তিতে ঘুমন্ত সাধুকে দেখছিলেন।

কবলের বালিশ করে শুয়েছে গোসাঁই। ঝুলিসমেত সৌভাগ্যশিলাটিকে বেটা কবলের তাঁকের মধ্যে পুরে রেখেছে। মাথার গোড়ার ছোট্ট সিংহাসনে ছোট্ট আধ হাত পরিমাণ উঁচু রাখাক্ষমূর্তি রয়েছে। বেটার ডর হয়েছে, না হয় কঠিন লোভ ওই শিলার ওপর। রাখাক্ষমূর্তি চুরি যাক, তা সম্ভ হবে। এ শিলা চুরি লইবে না।

ক্রমাগত ধুনিতে হুঁ দিচ্ছিলেন শ্রামাকান্ত। এবং একদৃষ্টে তাকিয়ে ছিলেন ওই আগুনের দিকে। মধ্যে মধ্যে তাকাচ্ছিলেন সাধুর দিকে। ইচ্ছে হচ্ছিল—

হঠাৎ গোসাঁইয়ের সাড়ার শ্রামাকান্ত দৃষ্টি কেন্দ্রালেন সন্ধ্যাসীর দিকে। দেখলেন, গোস্বামী সাধুও তাঁর দিকে তাকিয়ে আছেন।

গোস্বামী সন্ন্যাসী উঠে বসলেন। বললেন—ঘুম আসছে না তোমার ?  
 শ্রামাকান্ত উত্তর দেন নি। স্থির দৃষ্টিতে তাকিয়েই ছিলেন তাঁর দিকে।  
 গোস্বামী বললেন—ওই শিলাটির অস্ত্রে, না ?  
 শ্রামাকান্ত এবার বলেছিলেন—হ্যাঁ, গোসাঁই। ওটি তোমাকে বিসর্জন দিতেই হবে। তুমি  
 বিসর্জন দেবে—আমি তুলে নোব। ওটিকে আমাকে পেতেই হবে। ওটি আমার চাই  
 গোসাঁই!

—না দিলে ?

—না দিলে ? প্রশ্নের পুনরাবৃত্তি করে সাধুর চোখে চোখ রেখেই তাকিয়েছিলেন শ্রামাকান্ত,  
 তাঁর পলক পড়েনি। কিন্তু মনে বা হচ্ছিল—তা বলতেও পারেননি।

—জ্বরদন্তি কেড়ে নেবে ?

—তা নেব গোসাঁই। ও আমার চাই।

কিছুক্ষণ চুপ করে থেকে গোসাঁই বলেছিলেন—তাতে যদি আমার জ্ঞান নিতে হয় তাও  
 নেবে! নয় ?

—তা—।—

—একবার গাঁজা সাজ বাবা। গাঁজা খাই। তারপর তাই হবে। তাই নাও। ও  
 তোমারই হয়েছে। ওর বা দেবার তা আমাকে ও দিয়েছে। চৈতন্ত হয়েছে আমার।

হেসেছিলেন সাধু।

গাঁজা খেয়ে ঝুলিসুড় খলিটি নিয়ে ভোরবেলা সন্ধ্যাবেলা এসে জলে ডুবিয়ে খলির দড়ি  
 শ্রামাকান্তের হাতে দিয়ে বলেছিলেন, নাও, ধর। কিন্তু এরপর তুমি আর আমার সঙ্গে এস  
 না। হ্যাঁ!

—আমার একতারা আর লোটা কখন নিতে হবে।

—সে আমি ঝোপড়ীর বাইরে রেখে দিচ্ছি গিয়ে। তুমি উঠা লেকে চলে যাও ভাই।  
 ঝোপড়ীর বাইরে লোটা কখন আর একতারাটি তুলে নিয়ে পা বাড়াবেন শ্রামাকান্ত, ভিতর  
 থেকে সন্ন্যাসী বললেন—আর এক বাত ভাই!

—কি ?

—এই সাগরতীরে বাত দাও কি—তুমি তোমার মনস্কামনা সিদ্ধি হলে—ওই শিলাকে  
 এই সন্ধ্যা তীরে বিসর্জন দেবে।

—দেব!

সন্ন্যাসী কাঁদছিলেন—তাঁর কথার ভঙ্গি এবং কণ্ঠস্বরের মধ্যে তা প্রকাশ পাচ্ছিল। কথার  
 স্বর কাঁপছিল।

কিন্তু শ্রামাকান্ত তাতে অক্ষিপ্ত করেননি। তিনি পেরেছেন। এবার তিনি পেরেছেন।  
 এই যে শিলা—সৌভাগ্যশিলা—একে দিতেই হবে—তিনি বা চান। সিদ্ধি তাঁকে দিতেই  
 হবে।

শবাসন হোক বা যে আসন হোক করে বসবার আগে—বস্ত্র ঝাঁকতে হবে। সেই বস্ত্রের  
 মধ্যে বিষ্ণুর স্থান আছে। পূজা আছে। চতুর্দশী বিষ্ণু-শিব-সূর্য-গণেশ।

—ও বিষ্ণবে নমঃ শিবায় নমঃ সূর্যায় নমঃ গণেশায় নমঃ।

তারপর—মহামেঘ প্রভাৎ দেবীং কৃষ্ণবস্ত্র পিধারিণীং—

এবার তিনি পেরেছেন।

একতারা বাজরে নৌকোর আসর জমিয়ে রেখে ফিরেছিলেন শ্রামাকান্ত।

তাদের কথার মধ্যে এসে ঘরে ঢুকল অর্চনা।

অর্চনার হাতে শালপাতে মোড়া কিছু। সুরেশ্বর কথা বন্ধ করে বললে—আর। কখন ফিরলি ?

—এই তো। গাড়ী থেকে নেমেই উপরে আসছি। রঘু বললে—সুলতাদি এসেছেন—কাজ আবার লালবাবু সেই কালকের কথা ফের আরম্ভ করেছে। নাও—মাথাটা নামাও।

—কি ? ও কালীঘাট গিরেছিলি বুঝি !

—হ্যাঁ মায়ের নির্মালা।

মাথা হেঁট করলে সুরেশ্বর। মাথার নির্মালা ঠেকিয়ে দিয়ে অর্চনা বললে—তোমার হয়ে আমি মাথার ঠেকালাম সুলতাদি। তোমার দিতে গেলে তুমি পড়বে অস্বস্তিতে। তোমার না দিয়েও আমার তাই হচ্ছে।

সুলতা হেসে বললে—আমার কল্যাণটাও তোমার হোক।

—তাই হোক। আচ্ছা আমি চলি—সুরোদা। এখনও চা খাই নি।

—কেন ? অভূলের ওখানে যাস নি ?

—গিছলাম। কিন্তু সন্ধ্যা করবার সুযোগ পেলাম না, বললামও না। ভাল লাগল না আমার। যে অভুলকা—মিটি করতে যাবার সময় কি কোন কাজে যাবার সময় মেজদির হাতে মায়ের পুষ্প মাথায় না ঠেকিয়ে যেত না, সমিতি গড়বার সময় কালীমাকে ধ্যান করত ; পূজা করত ; সে বলে—পুষ্প-টুশ্পে বিশ্বাস নেই অর্চি, ও আমার দিসনে। দেবোত্তরের কথা বললে—শরীকরা ঠিক বলছে, জমিদারী সরকার নিচ্ছে, নেওয়া উচিত—ও পাপ থাকা উচিত নয়, কিন্তু যা খাস জমি আছে তা দেবতার নামে থাকার কোন মানে হয় না। ও হল জমিদারীর হাতী ঘোড়া লোক লঙ্ঘন না হোক কুলীন ঘরজামাইয়ের সামিল। আলাদা মহল তার পূজক পুরোহিত, বাল্যভোগশীতল-অন্নভোগ ! কেন ? আমি বললাম—সে কি ছোটকা, তুমি এই কথা বলছ ? বললে—বলছি ! কারণ ওসব এয়ুগে অচল। তুই বলিস সুরেশ্বরকে। বলিস আমি বলছি। দেবোত্তর ক্যানসেল করে দিক। কমপেনসেসনের টাকা শরীকেরা ভাগ করে নিয়ে নতুন করে ব্যবসা-বাণিজ্য করে বাঁচুক। আচ্ছা বলব, বলে আমি উঠে চলে এলাম। জান, ব্রজদা পথে কাঁদলে। বললে—অভুল কথাটা এমন করে বললে !

সুরেশ্বর বললে—ব্রজদারো চা জলখাওয়ানোর ভার তোর উপর রইল অর্চি !—

তোমাদের দুজনকেও খাওয়াব। সন্ধ্যা করে উঠে চা খেয়ে রান্না চড়াব। ঠাকুরকে বলে এসেছি—আমি আসছি। রান্না আমি করব। আরও আছে। তাও বলব।—তোমার কথা তুমি শেষ কর। কথা নয়—জবানবন্দী। কতদূর হ'ল ?

সুরেশ্বর বললে—শ্রামাকান্ত সৌভাগ্যশিলা নিয়ে কালীঘাট ফিরেছেন !

অর্চনা চলে গেলে সুলতা বললে—বড় ভাল মেয়ে।

—হ্যাঁ। রায়বাড়ীর সব শুভ, সব কল্যাণের ভাণ্ডার হল মেরেটি।

—কিন্তু লেখাপড়া শেখাও নি কেন ? এইসব মেয়ে কি হ'ত বল তো ?

হেসে সুরেশ্বর বললে—অর্চনা এম-এ পাস করেছে সুলতা।

—এম-এ পাস করেছে ?

—হ্যাঁ। বিধবা হবার পর কি করব, ওকে পড়িয়েছিলাম। টপটপ করে পাস করে গেল। হিন্দু ফিলজফি খুব ভাল করে পড়েছে। তার অন্তে লুক্কাত পড়েছে বাড়ীতে।

চুপ করে রইল সুলতা।

সুরেশ্বর বললে—ওর কথা এখন থাক সুলতা। ওর লেখাপড়া শেখার সময় ও যখন বি-এ পড়ে, তখন আর একজন ওর সঙ্গে পড়ত। সেসব কথা সবই স্তনবে। সবই রায়বাড়ীর জবানবন্দীর অন্তর্ভুক্ত। এখন একশো তেত্রিশ বছর আগে ফিরে চল। কীর্তিহাট রক্তমঞ্চে রায়বাড়ী নাটকের তখন প্রথম অভ্যর্থনা শেষ দৃশ্য প্রায়। কুড়োরাম রায়-ভট্টাচার্য নাটক শুরু করে দিয়ে গত। সোমেশ্বর নায়ক, তাঁর সন্তান নেই। তাঁর সঙ্গে শ্রামাকান্তের দেখানুসারেছিল কালীঘাটে। সৌভাগ্যশিলা পেয়ে শ্রামাকান্ত পাগলবাবা সিদ্ধির প্রত্যাশায় প্রমত্ত হয়ে উঠেছেন। সিদ্ধি তাঁকে পেতেই হবে। সৌভাগ্যশিলা তাঁর সহায়। তাঁর কথা নাকি তখন কলতে শুরু করেছে। যাকে বলে বাকসিদ্ধি। তখন তাঁর ভক্ত জুটেছে। কেউ আসে রোগের জন্তে, কেউ আসে বিপদের জন্তে। শুনেছি, বন্দীকরণের জন্তেও ধনী গৃহিণীরা আসতেন, আবার ধনীজনেও আসতেন জুড়ি হাঁকিয়ে।

তখন সতীনের যুগ। বড়লোকদের তিন-চার স্ত্রী, কি তারও বেশী স্ত্রী থাকতেন। তাঁদের গৃহিণীদের মধ্যে স্বামী সমাদরের প্রতিযোগিতা চলত। সে যত্নসেবা থেকে বন্দীকরণ পর্যন্ত নানান পথে চলত সতীনে সতীনে লড়াই। ধনীরা আসতেন কোন মোহিনী বান্ধকে বশ করবার জন্ত। সন্তানহীন সোমেশ্বর কিন্তু দ্বিতীয় বিবাহ করেন নি। বারো-তেরো বছর বয়সে পৈতে হওয়ার পরই শ্রাদ্ধাধার্য পিতার বান্ধবীর কন্যা রাজকুমারী কাত্যার্নীকে বিয়ে করেছিলেন। এবং তাঁর সঙ্গে বাল্যখেলার মধ্য দিয়ে যে প্রেমে তিনি পড়েছিলেন, তার অপমান তিনি করেন নি। কাত্যার্নীর মা নিঃস্ব রাজার গৃহিণী হলেও সত্যকারের রাণী-বুদ্ধির অধিকারিণী ছিলেন। তিনি যেহেতু সতীনের পথে কাঁটা দিতে বাছাই করে বাইরে সুলতী বান্ধেজী এবং ঘরে রূপসী দাসী রেখে দিয়েছিলেন, সোমেশ্বর রায়কে আর বিবাহের ভাবনা ভাবতেই দেন নি। আরও একটা কুট চাল চলেছিলেন তিনি। বড় বড় গণ্যকার ডেকে তাঁদের দিয়ে বলিয়েছিলেন, সন্তান হবে নষ্ট হওয়া হেতু সোমেশ্বরেরই গ্রহসংস্থানের দোষ। তিনি শত বিবাহ করলেও সন্তান বাঁচবে না, যতক্ষণ না এই গ্রহরোধের উপযুক্ত শাস্তি না হয়। গণ্যকারেরা রাজকুমারী কাত্যার্নীর মায়ের কাছ থেকে বিদায় পেতেন, আবার গ্রহশাস্তি যজ্ঞেরও সুযোগ পেতেন।

এর মধ্যে সোমেশ্বর রায় তাঁর মামাতো ভাইয়ের কাছে সন্ধান পেয়েছিলেন কালীঘাটের এই পাগলাবাবার। তখন তিনি গ্রহযোগ করে প্রায় হতাশ হয়েছেন। প্রিন্স দ্বারকানাথ ঠাকুরের পরামর্শে স্ত্রীকে সাহেবভক্তির দেখাচ্ছেন। রাজকুমারী কাত্যার্নী তখন অন্তঃসত্ত্বা। যেহেতু বিমলা তখন তাঁর গর্ভে এসেছেন। তবুও মামাতো ভাইয়ের মুখে এই সাধুর কথা শুনে কালীঘাট এসে পাগলাবাবার শরণ নিলেন।

পাগলাবাবা সোমেশ্বরকে চিনতেন। পদ্মনাভ ভট্টাচার্যের গানপাগল জামাই শ্রামাকান্ত বছরে একবার কালীপূজার বিপুল উৎসবে শ্রায়নগর থেকে কীর্তিহাটে যেতেন। তখন উৎসবের মধ্যে ওস্তাদী গানের একটা আসর হত। বান্ধেজী নাচ আসত কলকাতা থেকে। শ্রামাকান্তের এই ছিল প্রধান আকর্ষণ। ওস্তাদী আসলে তিনি গানও গেয়েছেন, তবলা-পাখোয়াজে সঙ্গতও করেছেন। কাপড়, চাদর এবং তার সঙ্গে পাখের দক্ষিণা নিয়ে আসতেন।

তিনি তাঁকে দেখেই তাঁকেও চিনেছিলেন এবং সঙ্গে সঙ্গে মনে পড়েছিল কীর্তিহাটের কোলে কীসাইয়ের ওপারে জঙ্গলের মধ্যে সিদ্ধাসনের কথা। সিদ্ধাসনের কথা মধ্যে মধ্যে মনে পড়ত তাঁর। ওখানকার সিদ্ধাসনক ভারদাস চক্রবর্তীর কথা তিনি শুনেছিলেন, জানতেন।

চক্রবর্তী ওখানে পঞ্চমুণ্ডীর আসন করেছিলেন। সে আসনও আছে। কিন্তু ওখানকার কাছেও কেউ যায় না। কারণ ওই শিমুলতলার তারাদাস চক্রবর্তীর নারিকার আত্মা আজও ঘুরে বেড়ায়। চক্রবর্তী তাঁকে ওখানে আসন পাহারা দিতে রেখে গেছেন। বিভিন্ন কাহিনী তার। চক্রবর্তী প্রথম যোগিনী-সাধন করে সিদ্ধ হন। তারপর তারই কুপার এবং সাহায্যে পেরেছিলেন শক্তিসাধনার সিদ্ধি। রাজা যদু রায় তাঁকে নিষ্কর দিয়েছিলেন এই জঙ্গল। পরে এ জঙ্গল মহল চিতরং কিনেছিলেন কুড়ারাম রায়-ভট্টাচার্য। সিদ্ধাসন একসময় প্রলুপ্ত করেছিল শ্রামাকান্তকে। কিন্তু তখনও তিনি গৃহী। তাঁর সাহস হয়নি।

এ সিদ্ধাসন এবং এই বন তখন নাকি যোগিনী-রক্ষিত ছিল।

সোমেশ্বর রায়ও শ্রামাকান্তকে চিনেছিলেন এবং বিন্মিতও হয়েছিলেন। এ তো সেই শ্রামনগরের ভট্টাচার্যবীর পদ্মনাভ ভট্টাচার্যের জামাই। কিন্তু ভবুও শ্রামাকান্তের কথাবার্তা শুনে বুঝেছিলেন, এ মাহুষ সে মাহুষ নয়। মাহুষটা আলাদা হয়ে গেছে। চোখের চাউনিতে কথারবার্তার, হাসিতে তিনি বিশ্বাস করেছিলেন, এ সিদ্ধ হয়েছে।

শ্রামাকান্তও ভরসা দিয়ে বলেছিলেন—হবে। হবে। বাঁচবে ছেলে। হে-হে-হে। কিন্তু যজ্ঞ করতে হবে। করব আমি, আর শুধু দোব। খেতে হবে। ই্যা।

সোমেশ্বর বলেছিলেন—তাই করুন।

শ্রামাকান্ত বলেছিলেন—হে-হে, সে এখানে নয়। বুঝেছ! কীর্তিহাটে যেতে হবে। ওখানে সিদ্ধেশ্বরীর আসন আছে, সেখানে, সেখানে করব যাগ।

—সেখানে!

—ই্যা-ই্যা, আমি যাগ করব, তার আমার, তোমার ভয় কি?

সোমেশ্বর রায় তাই করেছিলেন। শ্রামাকান্তকে নিয়ে সত্ৰীক এসেছিলেন কীর্তিহাটে।

সুরেশ্বর বললে—এসব কথা কাল তোমাকে বলেছি স্থলতা। বলিনি শুধু শ্রামাকান্ত এবং সোমেশ্বরের গোপন কথা। সে কথা লোকেরা কেউ জানত না। পরে একথা জেনেছিল দুজন। একজন গোহাটিতে মহেশচন্দ্র। অল্পজন রামব্রহ্ম ভট্টাচার্য, সোমেশ্বরের কুলপুরোহিত। মৃত্যুর পূর্বে সোমেশ্বর তাঁকে ডেকে সব কথা বলে গিয়েছিলেন। দুজনের দুখানা চিঠিই এই রয়েছে। দুজনেই লিখেছিলেন বীরেশ্বর রায়কে। দুজনের চিঠিতেই এক কথা। ঘটনার এতটুকু অমিল নেই। তফাৎ শ্রামাকান্ত মহেশচন্দ্রকে যা বলেছিলেন, তাতে শ্রামাকান্তের দোষ নেই। আর সোমেশ্বর রায় রামব্রহ্ম ভট্টাচার্যকে যা বলেছিলেন—তাতে তাঁর নিজের দোষ থাকলেও তা শ্রামাকান্তের থেকে কম।

মহেশচন্দ্রের চিঠিতে রয়েছে, শ্রামাকান্ত তাঁকে বলেছিলেন—জানিস, সোমেশ্বর রায়ের সন্তান বাঁচবার জন্তে কীর্তিহাটে যজ্ঞ করলাম। প্রথম যাগ করেছিলাম রায়দের কালীমন্দিরের সামনে। সামনে রাখলাম আমার সৌভাগ্যশিলাকে। কিন্তু মনে হল, হল না ঠিক। পূর্ণাহতি দিলাম, শিখাটা জলে উঠে দগ্ধ করে নিভে গেল। কেউ যেন হুঁ দিয়ে নিভিয়ে দিলে। মনটা ধারাপ হল। ভাবলাম, এ কি হল? তারপর কারণটী পেলাম। সেই দিনই গেলাম ওপারে সিদ্ধাসনের জঙ্গলে। সোমেশ্বর বললে—আপনি যাবেন ওখানে, কিন্তু ওখানে—। মানে লোকে বলে, যোগিনী আছে। লোকে গেলে ভয় পায়।

শ্রামাকান্ত বলেছিলেন—ভয়! ধুর! বলে ছেলেছিলেন। তারপর বলেছিলেন—যোগিনীর ব্যাপারটা কিছু জান? শুনেছ?

সোমেশ্বর নাকি বলেছিলেন—লোকে বলে যে, চক্রবর্তী প্রথম যোগিনীসিদ্ধ হয়েছিলেন।

তা. দ. ১৪—১৭



সেই যোগিনী ছিলেন তাঁর নারিক। তাঁর সাহায্যেই তিনি কালীসিদ্ধ হন। চক্রবর্তী সেই নারিকাকে এখানকার আসন আর এই বন পাহারা দিতে রেখে তীর্থ করতে গিয়েছিলেন। বলে গিয়েছিলেন তিনি ফিরে না আসা পর্যন্ত সে যেন এই স্থান ছেড়ে না যায়। নাহলে জন্তু-জানোয়ারে, চোর-ডাকাতে, ভ্রষ্টমাতৃষে এসে এ আসন অশুদ্ধ করে দেবে। যোগিনীকে প্রতিজ্ঞা করিয়েছিলেন। আর বাড়ীতে বলে গিয়েছিলেন ভাইপোদের, যেন ওই বনের ধারে পাতায় যোগিনীকে ভোগ দিয়ে আসে। আজও সে ভোগ আমার এস্টেট থেকে যায়। কারণ ওই জঙ্গল আমরা কিনেছি, আমার এলাকা। তা চক্রবর্তী সেই তীর্থে গিয়ে আর ফেরেন নি। কোথায় মারা গিয়েছেন, কেউ জানে না। কেউ কেউ বলে—হিমালয়ে তপস্বী করছেন, তাঁরা তো বতদিন ইচ্ছে বাঁচতে পারেন। কোনদিন আসবেন। তিনি এলে যোগিনীর মূর্তি হবে। এখন ওই একবেলা ত্র্যম্বে পাতায় করে একটা ভোগ নামিয়ে দিয়ে আসে। তাছাড়া ওর জিন্দামানার কেউ যায় না। গেলে মুখে রক্ত উঠে মরে যায়।

শ্রামাকান্ত বলেছিলেন—ওই বনেই আমাকে আসন করতে হবে। ওখানে একটা যাগ করব। বুঝেছ রায়বাবু, ওই যোগিনীর দৃষ্টিতেই তোমার সম্ভান বাঁচে না। এবার আমি বুঝেছি। তোমাকে আমার উত্তরসাধক হতে হবে। সাহস আছে? দীক্ষা নিরেছিস?

—হ্যাঁ।

—তবে ঠিক আছে। তোমাকে পুরস্কার দিয়ে শুদ্ধ করে নোব। আমি জপ করব, তুমি পাহারা দেবে, বুঝলে?

তাই করেছিলেন শ্রামাকান্ত। দিনের ভাগে সেই দিনই তিনি বনের ভিতর ঢুকেছিলেন। শিমূলভলার আসন দেখে ফিরে এসে বলেছিলেন, ঠিক আছে।

তারপর তিথি দেখে তিনি বনে গিয়ে আসনের আশপাশের জঙ্গল নিজে হাতে পরিষ্কার করে ফিরে সোমেশ্বরকে বলেছিলেন—আজ যাব। তৈরী থাকবে। ভয় করবে না। বুঝলে। এর নাম বীরচাঁর। বীর ছাড়া এ আচার অস্ত্রের নয়।

মহেশচন্দ্র লিখেছিলেন—তুইটি শ্লোক তিনি বলিয়াছিলেন, সে শ্লোক অত্ৰাপি আমার মনে রহিয়াছে। “মহাবনো মহাবুদ্ধিধর্মহাসাসিক গুটিঃ। মহাশৃঙ্খো দয়াবাংশ সর্বভূতহিতৈরতঃ।” এই হইল বীরচাঁরীর লক্ষণ। আর উত্তরসাধক যিনি হইবেন, তাঁহাকেও হইতে হইবে সমান গুণসম্পন্ন। “সমান গুণসম্পন্নঃ সাধয়ে-দীভতী স্বয়ম্।” এবং উত্তরসাধককে শাস্ত্র-পাণি হইতে হইবে। আমি সঠিক বিশ্বাস করিয়া উঠিতে পারি নাই, তবে এইটি বুঝিয়াছিলাম যে, বাহারী দুঃসাহসী এবং কৌশলী তাহার সবই পারে।

শ্রামাকান্তকে জিজ্ঞাসাও করিয়াছিলাম, তুমি যোগিনীকে দেখিয়েছিলে?

শ্রামাকান্ত আমাকে বলিয়াছিলেন—ওরে মূর্খ, তোর এখনও বিশ্বাস হইল না? ওরে, রাজে আমি আসনে জপে বসিলাম, সে খসখস শব্দ করিয়া আশেপাশে ঘুরিয়া বেড়াইতে লাগিল। ফৌসফৌস করিয়া নিঃশ্বাস ফেলিল। ওরে, আমার সম্মুখে ধূনি ছিল, সম্মুখে আসিতে পারিল না, পৃষ্ঠদেশের অতীব নিকটে ঠাঁড়াইয়া নিঃশ্বাস ফেলিল, কিন্তু আমাকে স্পর্শ করিতে পারিল না। কারণ রক্ষামন্ত্রে আমার অভয়কন করা ছিল। আমি স্বহস্তে ভোগ রন্ধন করিয়া ভোগ দিয়া কিছুটা দূরে রাখিয়া দিলাম এবং অপেক্ষা করিয়া রহিলাম, সে শিবামূর্তিতে আসিয়া ভোগ গ্রহণ করিয়া চলিয়া গেল। তবুও বলিবি—যোগিনী দেখিয়াছ? তুই এসব বুঝিবি না। দীক্ষা না হইলে ইহা বুঝিতে পারা যায় না রে মূর্খ!

আমি বলিয়াছিলাম, বুঝাইয়া বলিলে বুঝিবে না কেন?

শ্রামাকান্ত বিচিত্র উত্তর দিয়াছিলেন—ওরে বেটা, জলে চিনি ফেললেই গলিয়া যায়, তাহা তুই দেখিয়াছিস বলিয়াই বুঝিতে পারিস। যে দেখে নাই তাহাকে কিরূপে বুঝাইবি? ওরে মূর্খ, প্রস্তরের মধ্যে হীরক থাকে, তাহা যে হীরক চেনে সেই ব্যক্তিই চিনিতে পারে। অপরকে তাহা হীরক বলিয়া বিশ্বাসই করিতে হয়।

উত্তর শুনিয়া আমি অবাক হইয়া গিয়াছিলাম।

\*

\*

\*

এরপর শ্রামাকান্ত যা বলেছিলেন, তা শুনে স্তম্ভিত হয়ে গিয়েছিলেন মহেশচন্দ্র। কিছুদিনের মধ্যেই নাকি দেহধারিণী হয়ে যোগিনী এসেছিলেন তাঁর সম্মুখে।

সে এক শ্রামাকী যুবতী, পাগলিনী। কীর্তিহাটের কেউ তাকে চিনত না, দেখে নি। হঠাৎ সে একদিন এল কোথা থেকে, রূপ ছিল পাগলিনীর। কিন্তু অতি উগ্র সে, অর্ধউলঙ্গ মেয়েটা দাঁত কড়মড় করতে করতে বিড়বিড় করে বকত। মানুষজনকে অভিসম্পাত আর গালিগালাজ দেওয়াই ছিল তার কাজ। হাঁ-হা করে বাড়ীতে ঢুকে যা সামনে পেত তাই কেড়ে খেয়ে নিত। গৃহস্থেরা তাড়া করলে সে যা হাতের কাছে পেত, তাই নিয়ে আক্রমণ করত গৃহস্থকে। হাতে একটা লাঠি কিম্বা গাছের ডাল, কিছু না পেলে চেলা, তাই ছিল অস্ত্র। এ ছাড়াও নখ আর দাঁত, আদিম অস্ত্র মানুষের। কিন্তু গ্রামের লোকে দলবদ্ধ হয়ে তাকে তাড়া করেছিল, সে ছুটে এসে ঢুকেছিল রায়দের ঠাকুরবাড়ীতে। শ্রামাকান্ত তখন মাকালীকে ভোগ দিয়ে যোগিনীর ভোগ নিয়ে চলেছেন সিদ্ধাসনের জঙ্গলে ভোগ দিতে। মেয়েটা ছুটে এসে সন্ন্যাসী শ্রামাকান্তকে বলেছিল, আমাকে মারছে, আমাকে বাঁচাও, ও সন্ন্যাসীঠাকুর, আমাকে বাঁচাও। তখন সে মার যথেষ্ট খেয়েছে। কপাল কেটে গেছে। হাতে বুক প্রহারের দাগ। শ্রামাকান্ত তার মুখের দিকে তাকিয়ে লোকজনদের বলেছিলেন—চলে যাও। ওকে মেরো না। এ মানুষ নয়। একে ভর করেছে কোন ডাকিনী যোগিনী।

পাগলিনী এবার হাত বাড়িয়ে কেড়ে নিতে গিয়েছিল শ্রামাকান্তের হাতের যোগিনীর ভোগ।

শ্রামাকান্ত তৎক্ষণাৎ চিনেছিলেন তাকে ওই যোগিনী বলে। তিনি তাকে ডেকে নিয়ে গিয়েছিলেন ওই ওপারের জঙ্গলে এবং তাকে পরিতৃপ্ত করে যোগিনীর ভোগ খাইয়ে তাকে সান্ত্বনা দিয়ে বলেছিলেন—চলে যাবি? না থাকবি?

—সে বলেছিল—খেতে দেবে?

—রোজ তো শেরাল হয়ে খেয়ে যাস। আজ পাগলী সেজে এসেছিস। চালাকি করছিস?

মেয়েটা ঝিল-ঝিল করে হেসেছিল।

শ্রামাকান্ত বলেছিলেন—শান্ত হয়ে থাকিস তো থাক। রোজ খাবি। কাপড় দোব, খেতে দোব। ডেল দেব, মাধার মাধবি। অনেক জিনিস দেবো। শুধু শান্ত হয়ে থাকতে হবে। কাউকে মারতে পাবি নে। কাউকে শাপ-শাপান্ত করবি নে। আমি যা বলব শুনবি। নে, এবার পান খা।

যোগিনীর ভোগের জন্ত পান ছিল, সেই পানও তাকে খাইয়েছিলেন। এবং বলেছিলেন—আর অনিষ্ট করবিনে তো?

—না। না।

—বেশ। ওইখানে শুয়ে থুয়ো। আমি ওবেলা আসব।

শ্রামাকান্ত বলেছিলেন, ওই যোগিনী কোন পাগলিনী নারীদেহকে আশ্রয় করে তাঁর মন্ত্র আকর্ষণে আসতে বাধ্য হয়েছে।

সেই দিনই শ্রামাকান্ত তন্ত্রসার শাস্ত্রের বীরাচারমতে কনকাবতী যোগিনী-পূজাসম্বত পূজা করেছিলেন তার। তাকে স্নান করিয়ে, মাথায় তেল দিয়ে, চুল আঁচড়ে, কপালে সিঁহুরের টিপ পরিয়ে, পায়ে আলতা দিয়ে, নূতন লালপেড়ে শাড়ী পরিয়ে তার অর্চনা করেছিলেন।

সোমেশ্বরও সেদিন হাতে একখানা তলোয়ার নিয়ে সিদ্ধাসন থেকে খানিকটা দূরে দাঁড়িয়ে উত্তরসাধকের কাজ করেছিলেন, পাহারা দিয়েছিলেন।

\*

\*

\*

এর পর থেকে শ্রামাকান্ত ওই সিদ্ধাসনের জঙ্গলেই আস্তানা গেড়েছিলেন। কাজ হয়েছিল ওই যোগিনী পাগলীর সেবা, তাকে পূজার্চনা করে তুষ্ট করা। শুধু একবার আসতেন সকালে। এসে স্নান করে সৌভাগ্যশিলার অর্চনা সেরে মায়ের প্রসাদী ভোগ নিয়ে চলে যেতেন ওই সিদ্ধাসনের জঙ্গলে। মাসখানেক পর যোগিনীকে নিয়ে এলেন শ্রামাকান্ত। গোঁষা জন্তুর মত সে শ্রামাকান্তের পিছন পিছন গ্রামে এসে ঢুকল।

সেদিন সমস্ত কীর্তিহাটের লোকেরা তাকে দেখে স্তম্ভিত হয়ে গিয়েছিল। লালপাড় শাড়ী পরনে একটি শ্রামাসী লাবণ্যময়ী মেয়ে। দাঁত কড়মড় করছে না। কাউকে মারতে যাচ্ছে না। নিজের বেশভূষা নিয়েই সে প্রমত্ত। কাপড় ঝাড়ছে। হাতের শাঁখা দেখছে। আর কিকিক করে হাসছে। মন্দিরের নাটমন্দিরে এনে তাকে বসিয়ে শ্রামাকান্ত সোমেশ্বরকে বলেছিলেন—ডাক, তোমার গৃহীকে ডাক। যোগিনী আশীর্বাদ করবে। তাকিয়ে দেখছ কি?

সোমেশ্বরও তাকিয়ে দেখছিলেন মেয়েটাকেই। এক মাসের মধ্যে সেই অর্ধউলঙ্গ উন্মাদ পাগল ভিক্ষুক-মেয়েটার পরিবর্তন দেখে বিশ্বাসের সীমা ছিল না তাঁর। মেয়েটা পাগলের মত হাসে বটে, মধ্যে মধ্যে রেগেও উঠতে চাচ্ছে, কিন্তু তবু তার সঙ্গে এর অনেক তফাৎ। সবচেয়ে ভাৎ মেয়েটার চেহেরায়।

মেয়েটার দেহে কোথাও কোন মালিন্য নেই। কাদা নেই, ধুলো নেই। চুল জটা নেই। মুখখানায় সেই একটা উগ্র ভয়ঙ্কর ভাব নেই। শ্রামবর্ণা মেয়েটা কোমলাঙ্গী হয়ে উঠেছে, একটি লাবণ্য যেন ফুটে উঠতে শুরু করেছে।

রাজকুমারী কাতারনী গরদের শাড়ী পরে এসে তার সামনে আসনে বসেছিলেন।

শ্রামাকান্ত যোগিনীকে বলেছিলেন—নে, আশীর্বাদ কর। বল ছেলে হয়ে বাঁচুক তোমার। বল। খুব ভাল ভাল মিষ্টি খেতে দেবে রাগীমা। বল।

যোগিনী খুব খুশী হয়ে বলেছিল—বাঁচবে, বাঁচবে, বাঁচবে।

এই সব ব্যাপারে কেউ কোন কথা বলে নি, বলতে সাহস করে নি। একমাত্র পুরোহিত রামব্রহ্ম স্তায়রত্ন বলেছিলেন—দেখুন রায়মশায়, আমি আপনার পুরোহিত বলেই বলাটা কর্তব্য মনে করি, যদি অল্পমতি দেন তো বলি।

—বলুন।

—আমি কৃষ্ণানন্দ আগমবাগীশের জ্যোতিবংশীয়। তন্ত্র আমি জানি। জানি বলেই আমাকে আপনার পিতা এখানে এনে বসবাস করিয়ে মায়ের পূজার ভার দিয়েছেন। আপনি যজ্ঞমান। গৃহী। রাজাতুল্য ব্যক্তি। কুলাচারে আপনারা দক্ষিণাচারী। শুদ্ধমতে আমরা মা বলে তাঁকে আহ্বান করি, পূজা করি। সেই মতে মায়ের প্রতিষ্ঠাও হয়েছে। এখন বামাচার বা বীরাচার করতে গেলে অনিষ্ট হবে রায়বাবু। লোকটা বামাচারী। তার

উপর—।

সোমেশ্বর এ সব বুঝেন না তা নয়। বুঝেন। রামব্রহ্ম জ্ঞায়রত্ন আগমবাগীশের দূরত্ব জ্ঞাতি, তিনি আগমবাগীশের ভিটেতে যারা আছেন তাঁদের কাছে মন্ত্রদীক্ষা নিয়েছেন। তত্ত্বমতে নিত্য আত্মিকসম্মা করেন। বোঝেন সব। তিনি ভাবছিলেন। জ্ঞায়রত্নকে থামতে দেখে বললেন—আর কি বলুন দেখি ?

—যানে লোকটি মায়ের ঘরে বসে বামাচারে পূজা করে, কারণ করে, সেই হাতেই বেলপাতা নিয়ে মাকে দেয়, সে তো হল। না হয় বুঝলাম যিনি দক্ষিণাকালী তিনিই বামাকালী, যেমন ভাবে যে তাঁকে চাইবে তেমনি ভাবেই তাঁর সাক্ষাৎ বলুন প্রসাদ বলুন পাবে। কিন্তু ওই যে নারায়ণশিলাটি, যেটি ও সঙ্গে করে এনেছে, সেটির পূজোও সে ওই কারণের হাতেই করে। ও শিলাটি বড় দুর্লভ শিলা। রাজার ঘরে উনি রাজরাজেশ্বর, সন্ন্যাসীর কাছে, সাধুর কাছে উনি সাক্ষাৎ চৈতন্যময় ব্রহ্মানন্দ। অনাচার করছে ও, অপরাধ ওর বটে কিন্তু আপনার গৃহে তো হচ্ছে সেই অনাচার। দেখুন, স্থান, যুক্তিকা এতেও তো পাপপুণ্য অর্শায়। ওই অপরাধ আপনার গৃহকে অর্শাচ্ছে তো! গৃহের কল্যাণ-অকল্যাণ আছে। দোষযুক্ত জমি, দোষযুক্ত ভিটে এ তো লোকে কেনে না, দান করলেও নেয় না! সুতরাং—। তা ছাড়া ওই পাগলীটাকে ও যোগিনী বলছে, তারও তো কোন নিশ্চয়তা নেই!

সোমেশ্বর একটু ভেবে বলেছিলেন—দেখুন, মাস দুয়েরকের মধ্যেই সন্তান হবে রাজকুমারী রাণীবউয়ের। এ একটা মাস আমার সহ্য না করে উপায় নাই। যজ্ঞটুকু করলে। ফলটা দেখতে হবে তো!

জ্ঞায়রত্ন বলেছিলেন—অস্তুতঃ আপনি বলুন, ওই শিলাটির পূজা আমি করি। আর স্বভাব স্থানে করি। শক্তি আর বিষ্ণু দুয়ের পূজার মত আলাদা। ভজনসাধনের পথ আলাদা। কেউ বলে মা আর ছেলে। কেউ বলে যিনি শ্রাম, তিনিই শ্রামা। তবু সব বিপরীত। বিবরণে মায়ের পূজা তুলসীপত্রে প্রভুর পূজা। এঁর রক্তচন্দন ওঁর খেত অগুরু চন্দন। এঁর জবা, ওঁর খেতকরবী, মালতী। বলুন, আপনার ঝঞ্ঝাট, রোজ সকালে ছুটে আসেন। যানে সম্ভট ক'রে, কোনরকমে বুঝিয়ে আর কি!

—বলব। এই তিনদিন পর শনিবার চতুর্দশীতে উনি শেষ যাগ করবেন, ওই সিদ্ধপীঠে সেটা হয়ে যাক, তারপর বলব।

—বেশ। এতদিন, আজ তিনমাস চলছে, আর তিনদিন চলুক!

তিনদিনের সকালে সোমেশ্বরকে কথাটা বলতে হয় নি। সন্ন্যাসী শ্রামাকান্তই এসে বলেছিলেন, রায়বাবু! আজ তোমার জ্ঞায়রত্নঠাকুরকে বোলা, নারায়ণের পূজোটা করতে। বুঝেছ? আর সব উয়ুগ যেন ঠিক সময়ে গিরে পৌছয়। আমার উপোস। কিন্তু মনোহরা তো উপোস করবে না। তার ভোগ পাঠিয়ে দিয়ে।

সোমেশ্বর বুঝেছিলেন সেই মেরেটির কথা বলছেন শ্রামাকান্ত। তবু বিশ্বাস প্রকাশ ক'রেই বলেছিলেন—মনোহরা?

হে-হে করে হেসে শ্রামাকান্ত বলেছিলেন, পাগলী সেজে চোখে ধুলো দেবে ভেবেছিল যোগিনী! বুঝেছ, পাগলী সেজে ধুলোকাটা মেখে রূপ ঢাকা দিয়েছিল। আমি দেখেই চিনেছিলাম। যোগিনী মনোহরা যোগিনী—শ্রামবর্ণা আরতনয়ন, কোমলাঙ্গী পরিপূর্ণা সুবতী, সেদিন দেখেছ, আজ দেখবে! আজ তোমার উপবাস, তোমার গৃহস্থীর উপবাস, রাজ্যে তুমি সারারাত্রি উপস্থিত থাকবে। পূর্ণাহুতির পর তিলক নেবে। মনোহরার আশীর্বাদ নেবে।

দেখবে তাকে ।

সোমেশ্বর স্মারত্বকে ডেকে খুলী হয়ে বলেছিলেন—হয়ে গেছে স্মারত্বমশাই । নিজেই এসে বলে গেলেন, ওহে, আজ স্মারত্বকে বলা, নারায়ণের পূজা করতে । বুঝেছ !

—ওইটে ঠর কাছের কার্যে করে নেবেন ।

—নেব, বলব । যাগটা হয়ে যাক । আচ্ছা, আর একটা কথা । কনকাবতী নামে যোগিনী আছে ?

—হ্যাঁ আছে, সুরসুন্দরী, কনকাবতী, মনোহরা, কামেশ্বরী, রত্নসুন্দরী, মধুমতী, পদ্মিনী যোগিনী অনেক, চৌষটি যোগিনী, তার মধ্যে মাহুর্ষে ওই আট-দশটি যোগিনীসাধনই করে ।

—মনোহরা যোগিনী কি শ্রামবর্ণা ?

—হ্যাঁ, কুরঙ্গনেত্র্য শরদিন্দু বক্তাং বিদ্বাদ্রাং চন্দনগন্ধলিপ্তাং চীনাং শুকাং পীনকুচাং শ্রামাং কামদুখাং বিচিত্রাং । এই হল ঠর ধ্যান !

সেদিন রাত্রে অভিজ্ঞতার সোমেশ্বর রায় অভিভূত হয়ে গিয়েছিলেন । সে রাত্রে অভিজ্ঞতার কথা তিনি বলেছিলেন রামত্বক স্মারত্বকে । বলেছিলেন—সে আমি বর্ণনা করতে পারব না স্মারত্বমশাই ! সে কি যাগ ! কি পূর্ণাহতি ! আমি তো সারাক্ষণ দুইই দাঁড়িয়ে ছিলাম । আমার কাছ থেকে আরও স'রে কীসাইয়ের গর্ভে বসেছিল, শিবে আর তারা । আর হরি চাঁড়াল । বুঝলেন, থমথম করছে রাত্রি, চতুর্দশীর অন্ধকার । বনের মধ্যে ঝিঁঝি ডাকছে, প্রহরে প্রহরে শিবারব । তারই মধ্যে শ্রামাকান্ত হাঁকছেন, কালী কালী কালী । আর ডাকছেন, মনোহরা, মনোহরা । খলখল করে যোগিনী হাসছে । পূর্ণাহতির সময় গেলাম, ডাক পড়ল । তখন দেখি ঠর চোখদুটো রক্তবর্ণ, হোমের ধুনি গনগন করছে । আর যোগিনী সামনে থমথমে হয়ে বসে আছে, পরনে লাল ঢেলী, গলায় ফুলের মালা, হাতে শঙ্খ, তার সঙ্গে চুড়ি, রক্ত এলোচুল, কপালে সিঁহরের ফোঁটা, এই বড় চোখ দুটো লাল হয়ে তলতল করছে । শ্রামবর্ণ রঙ—ধুনির আলোর সে যে কি লাগছিল কি বলব ! চোখদুটি ঠিক হরিণের চোখ । তার উপর কারণের ঘোরে রাঙা লাগছে । যেন ভর লেগেছে । তারপর আমাকে কারণ দেবার জন্তে পাতেতে কারণ ঢেলে যোগিনীকে দিয়ে বললেন—মনোহরা, দে, রায়বাবুকে প্রসাদ করে দে । নিরে কি করলে জানেন ? বললে—তু খা, খেয়ে ওকে দে । তারপরে আমাকে দিবি । এই বাবু, আমার এঁটো খাবি ?—খাস না । ওই ওর এঁটো খা । আমার মনের কথা কি করে বুঝলে বলুন ?

চূপ করে ছিলেন রামত্বক । তারপর জিজ্ঞাসা করেছিলেন—পূর্ণাহতি কেমন হল বলুন ।

—ভাল । ভাল । একবারে দু'হাত উঁচু হয়ে জ্বলল । তারপর আ-স্তে আ-স্তে নিভে এল ।

এরপর থেকে শ্রামাকান্ত ওইখানেই আস্তানা গেড়েছিলেন । প্রথম খড়ে-বাঁশে চালা আর রায়বাবুর পাঁজা থেকে ইট নিরে গিয়ে ইট পেড়ে মেখে করে নিরেছিলেন । তারপর বাঁশের বেড়া দিয়ে তার গারে মাটি ধরিয়ে দেওয়ার । দুখানা কামরা । একখানার শ্রামাকান্ত, একখানার যোগিনী ।

ঠিক পনের দিন পর কলকাতা থেকে একটা আশ্চর্য সুখবর এসেছিল । সোমেশ্বর রায় একটা হারপাল্লার মামলার আশ্চর্যভাবে জিতেছেন । জিতেছে খোদ কোম্পানীর বিরুদ্ধে । হুনের খালারির মামলা । কোম্পানী খালারি খাস করেছিল । তিনি ক্ষতিপূরণ চেয়েছিলেন ।

খালারির জমি কোম্পানী নিরেছিল কিন্তু খাজনা-কমি দেয়নি। সে খাজনা-কমির মামলার ডিগ্রী পেয়েছেন। দশ হাজার টাকার ডিগ্রী।

প্রিন্স বারকানাথ হুনের দেওয়ান ছিলেন। তিনি পর্যন্ত বলেছিলেন—মামলা করে দেখ একটা কিন্তু কিছু হবে বলে মনে হয় না। তবু দেখ।

উৎসব পড়ে গিয়েছিল কীর্তিহাটের কাছারীতে। রামব্রহ্ম স্মারক বলেছিলেন—এ আপনার গৃহে সৌভাগ্যশিলার আশীর্বাদ বাবু।

শ্রামাকান্তের কাছে গিয়েছিলেন, শ্রামাকান্ত হা-হা করে হেসে বলেছিলেন—এখন হয়েছে কি রায়বাবু, তোমাকে আমি রাজা করে দোব।

যোগিনীকে ডেকেছিলেন, মনোহরা।

মনোহরা যোগিনী তখন মাল্লবের মত। তবে ছোট মেয়ের মত আবদারে। সে এসে সরাসরি শ্রামাকান্তের কোলে এসে বসেছিল। ডাকছিল ক্যানে?

—রায়বাবুর মামলা জিৎ হয়েছে। কি চাই তোর বল!

—লাল টুকটেকে কাপড়। আর সন্দেশ। খুব ভাল মণ্ডা।

—বাবুকে রাজা করে দিতে হবে।

—হবি রাজা হবি!

—ছেলে বাঁচাতে হবে।

—হ্যাঁ, রাভা ছেলে হবে।

—কি ছেলে হবে? বেটী, না, বেটা?

—বিটা হবে, বেটা হবে, সব হবে।

এর সপ্তাহখানেক পরেই হয়েছিল রাজকুমারী কাত্যায়নীর এক কন্ডাসন্তান। এবং আশ্চর্য, কন্ডাটি পূর্বের সন্তানদের মত মৃতসন্তান হয়নি। জীবিত কন্ডা—সরবে কান্না কেঁদে তার আসার সংবাদ ভূমিষ্ঠ হতে হতেই ঘোষণা করে জানিয়েছিল।

\*

\*

\*

সোমেশ্বর রায় মামলার জেতা দশ হাজার টাকা দিয়ে শুরু করলেন সৌভাগ্যশিলার মন্দির। আর ওই সিদ্ধাসন বাঁধিয়ে পাকা করে দিলেন। কিন্তু শ্রামাকান্ত যেন উগ্র হয়ে উঠলেন। সবকিছুতে অধীর উগ্র। উদ্ভ্রান্ত। শুধু তাই নয়, নির্ধাতন শুরু করলেন ওই যোগিনী পাগলীর উপর। তাকে গালাগাল করতেন, তারপর শুরু করলেন প্রহার।

মহেশচন্দ্র তাঁর চিঠিতে লিখেছেন—শ্রামাকান্তের কথা। শ্রামাকান্ত তাঁকে বলেছিলেন—যোগিনী সোমেশ্বর রায়ের অভীষ্ট পূরণ করিল। কিন্তু আমাকে ছলনায় ভুলাইয়া প্রতারণা করিতে লাগিল।

আমি সাধনা করি, সে পূজা গ্রহণ করে কিন্তু সিদ্ধিতে সাহায্য করে না। মধ্যে মধ্যে পূজার আসনে বসিয়া আমি ধ্যান শুরু করিলেই উঠিয়া পলাইয়া যাইতে শুরু করিল। কখনও সমাদর করিয়া আমাকে জড়াইয়া ধরিয়া আসন হইতে টানিয়া উঠাইতে চেষ্টা করিতে লাগিল।

আমি তাহাকে বলিতাম—তোকে মারিয়া কেলিব। সে ঝুন্দন করিত। তাহাকে গালাগালি করিতাম, সেও গালাগালি করিত। অবশেষে তাহাকে প্রহার করিয়া কহিতাম—কবে আমাকে সিদ্ধি দিবি বল?

সে বলিল—আমি জানি না।

আবার তাহাকে প্রহার করিলাম। বলিলাম—বল্! বল্!

সে বলিল—সিদ্ধির গাছ এখানে নাই। কোথায় পাইব?

তাহাকে প্রহার করিয়া এবার ঘরে বন্ধ করিলাম। আমি ক্রোধে ক্ষোভে উগ্র হইয়া উঠিলাম।

কয়েকদিন পর, তখন জ্যৈষ্ঠ মাস—মনোহরা একদিন পলাইয়া গেল। গিয়া উঠিল সোমেশ্বর রায়ের বাড়ীতে। তাহাকে গিয়া কাদিয়া সামান্ত নারীর মত ছলনা করিয়া কহিল—বাবু, আমাকে বাঁচাও! আমি তখন নিদ্রিত ছিলাম। নিদ্রাভঙ্গে উঠিয়া মনোহরাকে না দেখিয়া সমস্ত জঙ্গল খুঁজিলাম। তাহার পর গেলাম রায়বাড়ী। সেখানে দেখিলাম, সে সোমেশ্বর রায়ের কন্ডাকে কোলে করিয়া আদর করিতেছে।

সেখান হইতে আমি তাহাকে ধরিয়া আনিলাম। সোমেশ্বর কহিল—আপনি এমন করিয়া ইহাকে প্রহার করিতেছেন, ইহাতে আপনার কিরূপে সিদ্ধি হইবে? প্রশ্ন না হইলে কে কবে কাহাকে অভীষ্ট সিদ্ধিতে সাহায্য করিয়া থাকে!

আমি তাহাকেও গালাগাল দিয়াছিলাম।

স্বপ্নেশ্বর বললে—এর কিছুদিন পরই নেমেছিল বর্ষা। কঁাসাই ভরতে শুরু করেছিল। একদিন প্রবল বর্ষা নেমে বস্তা এসেছিল। বস্তার জল কীৰ্ত্তিহাটের উঁচু বস্তারোহী বাধের গারে বাধা পেয়ে সিদ্ধপীঠের জঙ্গলে ঢুকে ডুবিয়ে দিয়েছিল সিদ্ধপীঠ।

শ্রামাকান্তের ছোট ঘরের মেঝেতে জল ঢুকেছিল। পঞ্চমুখীর আসন এবং সামনের চত্বরের উপরেও পড়িয়েছিল প্রায় আধ হাত জল। অবশিষ্ট ছিল শিমুলতলার বাধানে। গোল বেদীটা। সেটা জমি থেকে হাত তিনেক উঁচু। তারই উপর যোগিনীকে নিয়ে শুকনো কাঠে হোমকুণ্ডের আগুন দিয়ে ধুনি জালিয়ে আশ্রয় নিয়েছিলেন শ্রামাকান্ত।

মহেশচন্দ্র লিখেছেন—শ্রামাকান্ত অদ্ভুত মানুষ তাহাতে সন্দেহ নাই। প্রায় চার বৎসর ধরিয়া তাঁহার সঙ্গ করিয়া তাঁহাকে যতটা বুঝিয়াছি, তাহাতে তিনি সত্যবাদী তাহাতে আমি নিঃসন্দেহ। দুঃস্বপ্ন, দুঃসাহসী, ভয়লেশশূন্য। কিন্তু তাঁহার তত্ত্ব বুঝিয়াও বুঝিতে পারি নাই। ইহা জ্ঞানের দ্বারা হৃদয়ঙ্গম করা হয়তো যায় না। তিনি বলিয়াছিলেন—সেই দুর্ভোগ এবং অন্ধকার দেখিয়া তিনি উন্নতি হইয়া আপে বসিয়াছিলেন। রিমিক্সি বর্ষণ হইতেছিল, বিদ্যুৎ চমকিতেছিল; মেঘগর্জন হইতেছিল; তাঁহার মনে হইতেছিল এই দুর্ভোগ-ভয়াল রাজ্যে মহাশক্তির তপস্তার উপযুক্ত কাল।

মনোহরাকে পাশে বসাইয়া তিনি জপ শুরু করিয়াছিলেন। সেই দুর্ভোগের মধ্যে সেদিন মনোহরা পলাইয়া যায় নাই। তাঁহার গারে গা দিয়া বসিয়াছিল। শিমুলগাছটা খুব ঘন নিবিড় হইলেও, পাতা হইতে ঝরিয়া টপটপ করিয়া জল পড়িতেছিল। তথাপি ইহারই মধ্যে শ্রামাকান্ত আপে একেবারে মগ্ন হইয়া গিয়াছিলেন। যেন তাঁহার চেতনা ছিল না।

হঠাৎ একসময় মনোহরা তাঁহাকে ডাকিয়াছিল।—এই, এই ঠাকুর। ও ঠাকুর, তনিতেছিস? কত জপ করিবি। ও ঠাকুর!

ধ্যান ভাঙিয়া শ্রামাকান্ত অত্যন্ত ক্রুদ্ধ হইয়া বলিয়াছিলেন—কি? কি বলিতেছিস?

সেই পাগলিনী অথবা যোগিনী বলিয়াছিল—আমার যে ক্ষুধা পাইয়াছে। আমাকে খাইতে দে। ও ঠাকুর!

শ্রামাকান্ত অত্যন্ত ক্রুদ্ধ হইয়া সম্মুখের ধুনিটা হইতে খানিকটা জলসিক্ত ছাই মুঠা করিয়া তুলিয়া তাহাকে দিয়া বলিয়াছিলেন—নে খা! খা!

মনোহরা ভর পাইয়াছিল। শ্রামাকান্ত আরও ক্রুদ্ধ হইয়া বলিয়াছিলেন—খা, খা, তোকে খেতে হবে। খা! খা!—বলিয়া তাঁহার ত্রিশূলটা লইয়া প্রহারের ভর দেখাইয়াছিলেন।

ভয়ে মনোহরা ছাই মুখে দিয়া পরম হর্ষভরে বলিয়াছিল—ও ঠাকুর, এ যে গুড়! বলিয়া সে গব গব করিয়া সেই সিক্ত ছাইপিণ্ডটা খাইয়া ফেলিয়াছিল।

শ্রামাকান্ত সবিস্ময়ে নিজের হাতে লাগিয়া থাকা ছাইটুকু আশ্বাদন করিয়া দেখিয়াছিলেন এবং নিজেই স্তম্ভিত হইয়া গিয়াছিলেন। সত্যই হাতে লাগিয়া থাকা জলসিক্ত ছাইয়ের আশ্বাদ সুমিষ্ট গুড়ের মত!

তিনি উল্লাসে অধীর হইয়া উঠিয়াছিলেন। আসিতেছে, সিদ্ধি আসিতেছে।

এই সময়েই প্রভাত হইতেছিল। সেই প্রভাতেই তিনি বনের বাহির হইতে তারা হাড়ি এবং শিবে বাগ্গীর ডাক শুনিতে পাইয়াছিলেন। সোমেশ্বর রায় নৌকা পাঠাইয়াছেন তাঁহাদের ওপারে লইয়া যাইবার জন্ত।

সুলতা এবার আর বাধা না দিয়ে থাকতে পারলে না। বললে—এই আমাকে বিশ্বাস করতে বলছ?

সুরেশ্বর বললে—আমি কিছুই বলছি না সুলতা। মহেশচন্দ্রের চিঠিতে যা লেখা আছে, তাই তোমাকে পড়ে শোনাচ্ছি। এর প্রমাণ তো আমি দিতে পারব না। সেকালে যা ঘটত, তা একালে হয়তো ঘটে না। কিম্বা কেউ ঘটতে চায় না বলে ঘটে না। মহেশচন্দ্রও সেই কথা লিখেছেন। শোন।

“এই বৃত্তান্ত শ্রামাকান্ত যখন বলিয়াছিলেন, তখন আমি বিশ্বাস করিতে পারিতেছিলাম না। কিন্তু অবিশ্বাসই বা কি করিয়া করিব, তাঁহার সহিত প্রথম সাক্ষাতের দিনই তিনি আমাকে তাঁহার ধুনির ছাই খাইতে দিয়াছিলেন। আমি প্রথমটা খাই নাই। কিন্তু অপর সকলে খাইয়াছিল; তাহা দেখিয়া মুখে কিছুটা আশ্বাদন করিয়া দেখিয়াছিলাম, সত্যই তাহার স্বাদ গুড়ের মত। শুধু তাহাই নয়, ইহার পরে কয়েকদিনই জলে নিজের হাত ডুবাইয়া আমাকে খাইতে দিয়াছেন, তাহাও সরবৎ বলিয়া মনে হইয়াছে। অবিশ্বাস করিব কি করিয়া?

এরপর বর্ষার সময় শ্রামাকান্তকে বাধ্য হয়ে থাকতে হয়েছিল কীসাইয়ের এপারে কীর্তিহাটে। বর্ষাবাদলের জন্ত আচ্ছাদন ছিল, কিন্তু বজ্রা প্রতিরোধের উপায় ছিল না।

সোমেশ্বর বলেছিলেন—দেখুন, ঝড়-বাদল-বান-এর উপর তো হাত নেই। তার উপর জ্বলে বান ঢুকলে সাপখোপ, পোকা-মাকড়ের উপদ্রব সে তো নিবারণ করা যাবে না। আসছে বছর আমি জঙ্গলটার চারিপাশে উঁচু পগার দিয়ে দেব। ঘরগুলোকে ভেঙে খুব উঁচু করে দাঁড় করা তৈরী করিয়ে দেব। ততদিন এ-পারেই থাকুন, একেবারে নদীর কিনারায়—কিনারাটা যেখানে খুব উঁচু। পাথরে কাঁকড়ের শক্ত পাড়, ওখানে আমাদের একখানা ঘরও আছে। বাগানবাড়ী করব বলে করেছি। পিছনে নদীতে একটা দহ আছে। ও-বাড়ীতে আমরা কেউ বাসও করিনি। ওখানেই থাকুন নির্জনে। তারপর বর্ষা থাক, তখন আবার—।

শ্রামাকান্তের কিন্তু বিলম্ব সহ্য হচ্ছিল না। তিনি পেয়েছেন, তিনি মনে মনে জপ আর যোগিনীকে স্মরণ করে ধুলো-মাটি বাই তুলুন তা মিষ্টি হয়ে যায়। জলে হাত দিয়ে ইচ্ছে করলে জল সরবৎ হচ্ছে, সিদ্ধি এসেছে। তিনি বুঝতে পারছেন, এই সাধনার ছেদ না ফেলে পঞ্চ পর্বে পর্বে ওই সিদ্ধাসনে আসন করে বসে জপ-ধ্যান-হোমক্রিয়ার আকর্ষণে টানলে পূর্ণ সিদ্ধিকে আসতেই হবে। সর্বশক্তির মূল শক্তি আসবেন, এসে সামনে দাঁড়াবেন, বলবেন—বর নে। জ্যোতির্ময়ী মিবিড় কৃষ্ণ জ্যোতির্লেকা।



কি বর চাইবেন ? তিনি জানেন, দেবী বলবেন—রাজ্য সম্পদ, দেবত্ব, দেবকন্যা—বল কি চাই ?

শ্রামাকান্ত মহেশচন্দ্রকে বলেছিলেন—ভুলবার পাত্র শ্রামাকান্ত নয়। সে-সবে ভুলবেন না। তিনি বললেন—না-না-না-না।

—তবে অমরত্ব ?

—উহ-উহ—

—তবে ?

—শুধু তোমাকে, শুধু তোমাকে চাই। আর কিছু চাই না।

পাগল হয়ে উঠতেন যখনই বলতেন একথা। তাঁর কাঁকড়া চুল দিয়ে মাথা নেড়ে গান গেয়ে উঠতেন।

আর কিছু বাসনা নাই (আমার)—

চাই না যোক্ষ চাই না মুক্তি

শুধুই তোকে পেতে চাই।

চাই না আমি অমরত্ব

সোনাদানা কি রাজত্ব—

তোমার ওপর কায়মী স্বত্ব

জ্বরদখল যেন পাই।

\*

\*

\*

একাকার হতে চাইরে বেটা, তার সঙ্গে একাকার। বুকলি! মাগ-ভাতারের মত। হা-হা। হা-হা। হা-হা।

সঙ্গে সঙ্গে ছলতে থাকতেন।

মহেশচন্দ্র লিখেছেন স্মৃতি—তিনি শিউরে উঠেছিলেন শুনে। শ্রামাকান্তকে তিরস্কার করে বলেছিলেন—তোমার আশ্রয় তো কম নয় ? কি বলছ তুমি ?

হা-হা শব্দে অট্ট হেসে শ্রামাকান্ত যেন ভেঙে পড়তেন।

মহেশচন্দ্র লিখেছেন—তিনি একদিন বলেছিলেন—তুমি কি ?

—কি ?

—গিলাচ ?

—খুর বেটা ! আমি শিব রে, আমি শিব !

শুভ্রিত হয়ে গিয়েছিলেন মহেশচন্দ্র। নির্বাক হয়ে এই লোকটির দিকে তাকিয়ে ছিলেন। স্মারক স্মৃতিবাহী যাহু, এমন কণ্ঠস্বর, যে-লোক গান গেয়ে কাঁদে, তাঁর সঙ্গে এমন প্রেমের সঙ্গে ব্যবহার, সে এমন পৈশাচিক কামনা কেমন করে পোষণ করে ! কি জঘন্য কামনা !

শ্রামাকান্ত বলেছিলেন—ওরে বেটা, তুমি না জানলে জানবি না। তুমি না জানলে বুঝবি না। যে সাধক, সে শিব। শোন, শোন—

অনিত্য কর্মসংভোগী নিত্যাহুতান তৎপরঃ। মন্ত্রাধনমাত্রেণ শিবভাবেন তৎপরঃ।

শ্রী ময়ঙ্ক জগৎ সর্বং তথাত্মানং ভাবয়েৎ। হাঁ, ওরে বেটা, সাধকই একা শিবপুরুষ। বাকি ব্রহ্মবিষ্ণু-ইন্দ্র-চন্দ্র-সূর্য-বায়ু-বরুণ-জগৎ-সংসার সব শ্রী। সব শ্রী। হাঁ।

সেইভাবে ভাবিত তখন শ্রামাকান্ত। ভাব তখন শুধু আর ভাবনার নেই, তখন চেহারা নিচ্ছে। অন্ততঃ তিনি তাই ভেবেছিলেন। ওই ধূলো-ছাই যখন শুভ্র হয়েছিল, তখন ময়ুর আদ

পেরেছেন। সেই মধুর ভাণ্ডার পেতে বিলম্ব আর সহিছিল না। ভরা কংসাবতীকে তিনি অভি-  
শাপ দিতেন—তুই শুকিয়ে যাবি, তুই শুকিয়ে যাবি। শ্বৰ্বেৰ জেজে তোর বুক পুড়ে যাবে,  
কলসে যাবে। চড়া পড়বে। মজে যাবি। ওই চাষীরা তোর বুক লাঙলের ফাল চালাবে।

আকাশ মেঘকে অভিসম্পাত দিতেন। দিনের মধ্যে কয়েকবার আসতেন কালীমন্দিরে।  
এসে মন্দিরের সামনে দাঁড়িয়ে দেবীমূৰ্ত্তিকে গালাগাল করতেন। মধ্যে মধ্যে আক্রোশ পড়ত তাঁর  
নিজের সৌভাগ্যশিলার উপর। তাকে গালাগাল করে বলতেন—রাজবাড়ীতে রাজভোগ খেয়ে  
তুই মজার আছিস, নয়? রাজার মন যোগাচ্ছিল। কই দে আমার যা চাই, দে। তাকে  
আমি ভাঙব। ঠুকে ঠুকে ভাঙব। কমা—কঁাসাইয়ের জল কমা।

লোকজনেরা শঙ্কিতবিস্ময়ে তাঁর দিকে তাকিয়ে থাকত। মধ্যে মধ্যে রামব্রজ তাঁর সঙ্গে  
তর্ক করতেন। বলতেন—এ হয় না, এ হয় না। বীরাচার তুমি ছাড়। নইলে মদল হবে  
না তোমার। প্রহার থাকবে। বজ্রের প্রহার হবে। তজ্ঞ আমিও জানি, আমি কৃষ্ণানন্দ আগম-  
বাগীশের বংশধর। এ-পথ তুমি ছাড়।

শ্রামাকান্ত অটুহাস্ত করতেন।

ওদিকে সেই পাগলিনীরও একটা পরিবর্তন হয়েছিল। সেই কীৰ্ত্তিহাট গ্রামের মধ্যে এসে  
মাছুষজনের সঙ্গে মিশতে চাইত কিন্তু মাছুষজনে তাকে ভয় করত। মেরেটা তখন আর এক-  
রকম। শ্রামাকান্তের নিষ্ঠুর পীড়ন সে সহিতে পারত না, সুযোগ পেলেই ছুটে পালিয়ে আসত  
রায়বাড়ীতে। রাজকুমারী রাণী কাত্যারিনীর কাছে গিয়ে শান্ত মেরেটির মত বসে বলত—একবার  
খুকীকে দাও না গো! একটু কোলে নিই!

দিতে ইচ্ছা না থাকলেও দিতে হত, ভয় করে দিতেন শিশু বিমলাকে তার কোলে। সে  
তাকে আদর করত। কিছুক্ষণ পর বিমলাকে নামিয়ে দিয়ে চলে যেত সোমেশ্বরের কাছে।  
ঘুরে বেড়াত ঘরময়। দেখে বেড়াত ঐশ্বর্য। অবাক হয়ে দেখত।

এরই মধ্যে একটা ঘটনা ঘটল। সেপ্টেম্বর মাস—আশ্বিনের প্রথম। ১২ই আশ্বিন,  
২৮শে সেপ্টেম্বর মেদিনীপুরে কালেক্টারী রেভেন্যু দাখিল করতে গিয়ে নারেন্দ্র একটা লাট নীলামে  
ডেকে এলেন। পরগণা মাজনামুঠার সবথেকে বড় লাট—লাট মহাতাপপুর। মুনাকা সাত  
হাজার টাকা।

তখন মাস মাস রেভেন্যু দেবার আইন। মাসে মাসে নির্দিষ্ট দিনে টাকা না দিতে পারলে  
sunset law অনুযায়ী নীলাম হয়ে যেত। সোমেশ্বর রায় মেদিনীপুরে একটা সেরস্তা খুলে-  
ছিলেন। মামলা চালাবার জন্তে আর নীলামে সম্পত্তি ডাকবার জন্তে। ভাল মহল—সচরাচর  
জমিদারেরা ছাড়তেন না, লোকসানি মহল নীলাম হত। ছোট মহল ছেড়ে দিতেন ছাড়া নীলাম  
হতে দিতেন না। এবার ভাল মহল উৎকৃষ্ট সম্পত্তি পাওয়া গেছে। খাটি সোনা।

রায়বাড়ীর কালীমন্দিরে ঢাক-ঢোল বেজে উঠেছিল। তার সঙ্গে শিঙা-শানাই। বোড়শো-  
পচারে আনন্দময়ীর পূজার ব্যবস্থা হয়েছিল। তার সঙ্গে সৌভাগ্যশিলা রাজরাজেশ্বর পূজা।  
সোনার বেলপাতা, সোনার তুলসী গড়বার হুকুম হয়েছিল সেকরাকে। গ্রামে তখন স্বর্ণকার  
এনে বসানো হয়েছে। তার সব থেকে বড় কাজই ছিল এই।

একদিন পর মহালয়া—পিতৃপক্ষের একাদশী। সেদিন বলি দিয়ে পূজা হবে, ব্রাহ্মণভোজন  
হবে ব্যবস্থা হচ্ছে, এরই মধ্যে এসে দাঁড়ালেন শ্রামাকান্ত। চোখদুটো লাল হয়ে উঠেছে। জোখে  
কেটে পড়ছেন।

বললেন—রায়বাবু, আমার শিলা দাও।

—কি হল ? সোমেশ্বর চমকে উঠে প্রশ্ন করেছিলেন।

সেই যে যোগিনী অভিষেকের দিন শ্রামাকান্ত রামকান্ত জ্বররত্নকে বলেছিলেন—ওই পূজাটা তুমি সেয়ে দিয়েছে জ্বররত্ন। তারপর থেকে জ্বররত্নই পূজা করে আসছেন। শ্রামাকান্ত বলতে গেলে কীর্তিহাটেই আর বড় আসতেন না। ওখানেই থাকতেন। সোমেশ্বর ভেবেছিলেন—তাত্ত্বিক ভুলেই গেছে নারায়ণশিলার কথা। মধ্যে মধ্যে এসে গালাগাল দিয়ে যেতেন শিলাকে, বাস ওই পর্যন্ত।

শ্রামাকান্ত বলেছিলেন—আমি চলে যাব হে। এখানে হ'ল না। ভাল আমার হ'ল না। ভাল হল তোমার। আমার সাধনার ফল তুমি পাচ্ছ। আমাকে চলে যেতে হবে।

—কেন ? আপনি তো পেয়েছেন। আজ ধুলো-মাটি আপনি হাতে করতে গুড় হয়, ভূরো হয়—

—দূর শালা, গুড় তৈরী করতে পারলেই যদি সিদ্ধি হয়, তবে তো আখের চাষ করলেই তা হ'ত রায়বাবু। তোমার মত টাকা থাকলে, জমিদারী থাকলে তো লাখ মণ গুড় কিনে রাখলেই সিদ্ধি ঘরে বন্ধ করে রাখতে পারা যায় হে। শালা গুড়ের ব্যবসাদাররা তো তাহ'লে সিদ্ধপুরুষ!

তারপর মাথার চুল টানতে টানতে বলেছিলেন—মাসে মাসে পঞ্চপর্ব চলে যাচ্ছে, ঘরে বসে ভেরেণ্ডা ভাজছি, যোগিনীছুঁড়ির মন উড়ি-উড়ি করছে। সাধন নইলে পালায়।

—কোথা পালাবে ? আমার এলাকার—

হা-হা করে হেসে বলেছিলেন—ওরে শালা, শালুক চিনেছ গোপালঠাকুর, ওরে, দেখে তো ও একটা পাগলী রে, পাগলীটা এল সেদিন—যোগিনী ঘুরছিল, আমার টানে ওর মধ্যে ঢুকল। সাধনের টানে বাঁধা ছিল। না-না, আমি চলে যাব, আমি চলে যাব। তোমার ঘরে লক্ষ্মী ওখলাচ্ছে, তুমি শালা মজা মারছ। ওই ছুড়িটা ঢালছে তোমাকে। চলে যাব আমি। পরশু মহালয়া, কাল চতুর্দশী, তিথি চলে যাচ্ছে, পর্ব পালাচ্ছে, এপারে বসে বান দেখছি আমি। জান, ওপারে রাত্রে লগ্নযোগ আমাকে মুখ ভাঙচায়। শেরালগুলো হি-হি করে হাসে। ঘরে বসে জপ করি, আমার জপ কেটে যায়।

হঠাৎ সোমেশ্বর বললেন—বেশ তো। বসে থাকতে হবে না আপনাকে। আগে এ-কথা বললে নিশ্চয় আমি ব্যবস্থা করতাম। চলুন, নৌকো করে নিয়ে যাব আমি। আমি শিবে, তারা যেমন বাই, তেমনি যাব। করুন সাধন আপনি।

শ্রামাকান্ত বিস্মারিত দৃষ্টিতে তাঁর দিকে তাকিয়ে সোমেশ্বরের হাত চেপে ধরেছিলেন।—যাবে ? না তখন বলবে—এই বানে যাওয়া যায়, আপনি বলুন! না-হয় বলবে—আপনি যান, আমি যেতে পারব না। তোমরা বড়লোক। সিংদরজায় খিল দেবে। পাহারাদারে পাহারা দেবে। বলবে—ভাগো!

—না, তা বলব না।

—তিন সত্যি কর। বল যাব—

—যাব, যাব, যাব।

\*

\*

\*

স্বরেশ্বর বললে - স্মৃতা, এরপর বা ঘটেছিল, তা জানত সবাই। নৌকোডুবি হয়েছিল। ভেসে গিয়েছিলেন শ্রামাকান্ত। সোমেশ্বরও ভেসে যাচ্ছিলেন, তাঁকে বাঁচিয়েছে তারা হাড়ি। শিব বাপ্পী নাগাল পেয়েছিল মনোহরার, শ্রামাকান্তকে কেউ ধরতে পারেনি। কেউ যেন তার বুকে চেপে কি জলের নীচে থেকে পারে ধরে টেনে তাকে ডুবিয়ে নিয়ে কোথায় জলমোড়ের

টানে টেনে নিয়ে গিয়েছিল, তার হৃদয় কেউ পারনি।

তারা প্রাণে বেঁচে কোন রকমে ওপারে উঠে রাত্রি কাটিয়ে পরদিন এপার থেকে নৌকো আনিরে ফিরেছিলেন। সোমেশ্বর রায়ের বে দেহে আভর মাখতেন—সাবান মাখতেন তাঁর সেই সারা অঙ্গে কাদা কাদা আর কাদা। শিবু তারা কাদার মাখামাখি। যোগিনী মেয়েটার একরাশ রুদ্ধ চুল কাদার বীভৎস দেখাচ্ছিল। সারা গায়ে কাপড়ে কাদা। বিবরণ শুনে লোকে স্তম্ভিত হয়েছিল। রামব্রহ্ম জ্বররত্ন বলেছিলেন—মহাশক্তি! এ মহাশক্তির রোষ! বামাচারীরা এইভাবে অপঘাতে মরে—নর উন্মাদ হয়ে যায়।

লোকটিকে তো মা সাধনের উপকরণ দিয়ে পাঠিয়েছিলেন। এমন কণ্ঠ, এমন সংগীতবোধ, কোনদিন মা বলে ডেকে গান গাইলে না। হারিয়ে—

তোর উপর কারেয়ী স্বপ্নের দেখব দখল পাই কি না পাই! দেখিয়ে দিয়ে গেল বাবা।

শিবু বাঙ্গীকে সোমেশ্বর পাঠিয়েছিলেন কিনারা ধরে খুঁজতে, যদি শ্রামাকান্তের দেহ পাওয়া যায়। কিন্তু পাওয়া যায়নি। পাওয়া যায়নি নয়, শিবু আর কেরেইনি। পাওয়ার কথা নয়, কাঁসাই নদী উপরে এমনি পাহাড়ে নদী। বারো মাসের ছ'মাস হেঁটে পার হওয়া যায় কিন্তু নীচে কাঁসাই হয়েছে হলদী। কংসাবতী হয়েছে হরিত্রাঙ্গী। ভাগীরথীর সঙ্গে যেখানে মিশেছে, তার একটু উপরে তার সঙ্গে মিশেছে এসে কেলেঘাই। সে এক বজ্রাববরা আদিবাসিনীর মত দুর্মদা। ওই মনোহরার মতই সে পাগলী। হলদীর পরই ক্রোশকরেক দক্ষিণে রত্নলপুরের মোহনা।

বন্ধিমচন্দ্রের কপালকুণ্ডলার রত্নলপুরের মোহনা, স্থলতা। বন্ধিমচন্দ্র এখানে কাপালিককে দেখেছিলেন। তার কাল, শ্রামাকান্তের কাল থেকে অনেক পরে। ১৮২২১৩ সাল আর ১৮৭২ সাল বোধ হয়। পঞ্চাশ বছর পর।

যাক, কোন্ কথা থেকে কোন্ কথায় এলাম। বলছিলাম হলদীর কথা। সমুদ্র থেকে জোয়ার উঠে ভাগীরথীর বুক বেয়ে চলে যায় চুঁচড়োর ধার পর্যন্ত। আশেপাশে যেসব নদী-খাল এসে পড়েছে এর মধ্যে, তার মধ্যে দিয়েও জোয়ার ঢোকে। হলদীতে জোয়ার ঢোকে। বর্ষার সময় তাই কাঁসাই যখন ভরে, তখন সে তরঙ্গময়ী হয়ে ওঠে। যেদিন শ্রামাকান্ত ডোবেন, সেদিন ছিল আখিনের কৃষ্ণ-চতুর্দশী। আজও আখিনের চতুর্দশী অমাবস্তা-পূর্ণিমার জোয়ারকে বলে ঝাঁড়া-ঝাড়ির বান। অমাবস্তার জোয়ারই প্রবল, সেইটেই ঝাঁড়ার বান। জোয়ারের পর যখন ভাটার টান পড়ে, তখন তার টানও ভরস্কর। সেই টানে ভেসে গিয়েছিলেন শ্রামাকান্ত। তাঁকে পাওয়ার কথা নয়। তাছাড়া যত বীভৎসই মনে হোক তাঁর আচরণ, সাধন-ভজন, তবু তাঁকে কেউ অস্বীকার করতে পারেনি। তাঁর দেহ গঙ্গায় পড়ে গঙ্গাসাগর সন্নিবেশিত হয়েছে। মহামারা তাঁর দুর্নিবার ভরস্কর বাসনাকে ওই সঙ্গমতীর্থে সমাধিস্থ করে তাকে মুক্তি দিয়েছেন—এই ধারণাই নিঃসন্দেহে করেছিল লোকে।

এ ব্যাখ্যা করেছিলেন রামব্রহ্ম জ্বররত্ন।

সোমেশ্বর অনেক হার-হার করেছিলেন। শ্রামাকান্তের স্বপ্নরবাতীতে একটা খবরও পাঠিয়েছিলেন। তখন শ্রামাকান্তের স্ত্রীও বিগত। থাকবার মধ্যে ছিলেন শান্তী। আর বছর-দুয়েকের ছেলে বিমলাকান্ত। তাঁদের সাহায্যও কিছু করতে চেয়েছিলেন সোমেশ্বর, কিন্তু তাঁরা তা নেননি; ভট্টাচার্যের ঘর হলেও, লাখরাজ মানে জমি তাঁদের বখেটে ছিল। একশো বিঘার জোত, সে সামান্য নয়, তাছাড়া শিল্প ছিল অনেক। পদ্মনাভ ভট্টাচার্য-মৃদুই তখন গুরু-মা হিসেবে দীক্ষা দেওয়ার কাজ চালিয়ে যেতেন। মানে-সন্মানে তাঁরা বৃহৎ ছিলেন

না কিন্তু মহৎ ছিলেন। হেসেই বলেছিলেন—না। মায়ের কৃপায়, নারায়ণের দয়ায় চল যাবে। তবে যদি খবরটা আগে দিতেন, তাহলে ভাল হত, একবার বিমলাকান্তকে নিয়ে তার কাছে গিয়ে দেখতাম। তা দোষ রায়বাবুকেই বা কি দেব, দোষ অদৃষ্টের, আর কর্মকেরের। যা হয়েছে তা মায়েরই ইচ্ছে আর তাঁর কর্মকল। তার সঙ্গে আমাদের অদৃষ্টের।

সোমেশ্বর রায় নিজে একটি প্রায়শ্চিত্ত করেছিলেন। ওই সাধককে তিনি বাঁচাতে পারেননি তার জন্তও বটে, আর তিনি একরকম তাঁর শিষ্য—উত্তরসাধক হিসেবে ক্ষেত্রও বটে। এ না করে তাঁর মন তৃপ্তি পায়নি। এর বিধান দিয়েছিলেন রামব্রহ্ম স্মারক। ব্রাহ্মণভোজন করিয়েছিলেন। এখান-ওখান থেকে তান্ত্রিক কোল প্রভৃতিদের এনে সমাদর করে ভোজন-বিদায়—তাও করেছিলেন। তার সঙ্গে কাঙালীভোজন। আর ওই কাঁসাইয়ের পাড়ে যে বাগান, সেই বাগানে, অনেক যত্ন করে রেখেছিলেন শ্রামাকান্তের ওই মনোহরা যোগিনীকে। দাসী পর্যন্ত রেখে দিয়েছিলেন। আরও কিছু করেছিলেন সোমেশ্বর, তিনি নিজে এবার তন্ত্রমতে পূজা-অর্চনায় গভীরভাবে মন দিয়েছিলেন।

আশ্চর্যের কথা, যোগিনী মেয়েটা শ্রামাকান্তের নিখোঁজের পর শান্ত হয়ে গিয়েছিল—বিশেষ ক’রে রায়বাবুর মেয়ে বিমলাকে নিয়ে তার আর মমতার শেষ ছিল না। এবং শিশু বিমলাও তার কোল এত ভালবাসত যে তাকে না পেলেই সে কাঁদতে আরম্ভ করত।

কিছুকাল পর সোমেশ্বর তাকে নিয়ে সাধনার চেষ্টাও করেছিলেন। কিন্তু রামব্রহ্ম স্মারক সাধন করে দিয়েছিলেন তাঁকে। না—এ ঠিক হবে না বাবু। এ করবেন না।

শ্রামাকান্ত মহেশচন্দ্রকে বলেছিলেন—নৌকো ওটার নি মহেশ! সোমেশ্বর রায় আমাকে নৌকো থেকে—মার কাঁসাইয়ের সেই ষাঁড়া কোটালের ভাটির টানের সময় তখন—তখন তুলে কলে দিলে। দিলে তারা হাড়ি।

আমি ভাবনার ডুবে ছিলাম। মনে মনে ভাবছিলাম কি জানিস—ভাবছিলাম আজ কি হবে? আজ গিয়ে বসব আসনে। যোগিনীর কাপড়ের খুঁটে আমার গেকুরার খুঁট বেঁধে বসব। ডুবব। বুঝি—রামপ্রসাদের গানে আছে—‘ডুব দে রে মন কালী বলে।’ তাই ডুবব। জগৎ সংসার সব মুছে যাবে। শব্দ না গন্ধ না স্পর্শ না—কিছু থাকবে না। বাইরে হোক প্রলয়, আমার কাছে কিছু থাকবে না। হাঁ। আমি আর আমার সামনে অন্ধকার। যোগিনী অজ্ঞানের মত বসে থাকবে। তারপর অন্ধকারের মধ্যে আলো—হাঁ আলো—নীল আলো—মহামেঘ-প্রভার মত আলো। চমকে চমকে উঠবে। কলরব করবে শিবারা—হোমের আগুনে আহুতি দেব এক এক কুন্দী। এই সব ভাবছি। আর ভাবছি—আজ যাবে কোথা? হঁ হঁ! জানিস, মনের মধ্যে গানের কলি এসেছিল, সে এক কলি আজও মনে রয়েছে রে—‘আর তুই পালাবি কোথা?’ হঠাৎ তাড়া হাড়ি উঠে এসে আমাকে আপটে ধ’রে চ্যাঙদোলা করে তুলে ঝপ করে জলে কলে দিলে। রায়বাবু মুখ দেখি নি। শুধু শুনেছিলাম তার কথা। যাও—সিদ্ধি তোমার জলের তলার আছে। সৌভাগ্যশিলা নেবে তুমি! যাও!

আমি ডুবে গেলাম। সীতার জানতাম—তা ভালই জানতাম। কালীঘাটে জোয়ারের টান থেকে দাঁতে কাপড় কামড়ে ধ’রে সেই মাগীর শব টেনে এনেছিলাম। কিন্তু কাঁসাই সেদিন ভীষণ। টেনে নিয়ে চলল। ভেসে উঠলাম ভূ। উঠে সীতার কেটে নৌকোটা ধরতে গেলাম। তো রায়বাবু একটা দাঁড় কেড়ে নিয়ে মাথায় মারলে। এই দেখ কপালের লাগ। এই খানিকটা লেগেছিল, তাতেই কপাল কেটে গেল। গোটাটা মাথার পড়লে মরেই

যেভাম।

তাঁ মরে গেলাম না সব কালো হয়ে গেল। ভারী আনন্দ হ'ল রে। ভারী আনন্দ মনে হ'ল, সেই কালো রে। যে কালোর মধ্যে ডুবব ভাবছিলাম! কালী কালী বল মন—মনে হ'ল কালীর মধ্যে হারিয়ে বাচ্ছি। আসছে—সে আসছে। বাস—রায় শালাকে শাপশাপান্ত করলাম না, করতে ভুলে গেলাম। নাক দিয়ে মুখ দিয়ে জল ঢুকছিল—আপনা-আপনি কুন্তক করে চিং হয়ে মড়ার মত ভাসলাম। মনে হল কে যেন কোলে করলে।

তাঃ। না—। সেটা আমার ভুল। বুঝি, কোলে কেউ করেনি, একটা শালগাছের গদি ভেসে বাচ্ছিল—সেই গদিতে গিয়ে ঠেক খেয়েছিলাম। কি ক'রে যে গদিটার ওপরে উঠে গিয়েছিলাম তা জানি না। করাতীরা গদিটা চৌকো করে চিরে রেখেছিল। উপরের পিঠটাতে গিয়েছিলাম শালা অনন্তশয্যোতে বিটু ঠাকুরের মত। দিব্যি ভাসতে ভাসতে এসে লেগেছিলাম একটা বাঁকের মাথার চড়াতে।

গাঁয়ের লোকেরা নদীর ধারে এসে কাঁঠ সমেত আমাকে তুলেছিল।

কপাল। আর সেই মাগীর ছলা। মাগীর ওই কাজ; প্রহার খেয়েও ছাড়বে না—তাকেই ধরা দেয়!

চেতনা হয়েছিল দুপুরবেলা। দেখি সব বাগদী আর মুসলমান। আর কেরেস্তান। সে এক তিনদিকে জল—একটা দ্বীপের মতন আশ্চর্য জায়গা—বামুন-কায়েতের বংশ নেই। জায়গাটার মালিক মুসলমান হাজী সাহেব। হাজীও বটে ঠাকুরও বটে। তাকে চিনলাম—তারা আমার খণ্ডরবাড়ী শ্রামনগরের মালিক ছিল। তার আগে ব্রাহ্মণ ছিল। মন্ত যোগীর বংশ। ঠাকুর উপাধি ছিল। এরা তারা।

তারা। বাঁচালে।

\*

\*

\*

ঠাকুর মিয়া শ্রামাকান্তকে খুব খাতির করেছিলেন। তিনি তাঁকে চিনলেও নিজের পরিচয় তাঁকে দেন নি। ঠাকুর মিয়া পিতৃপুরুষের যোগবিজ্ঞা আর গণনাবিজ্ঞা ছাড়েন নি। তিনি নিজে হাজী ধার্মিক লোকও বটেন তার সঙ্গে আমীরও বটেন। নানকার গ্রামখানার তাঁর শাসন অদ্ভুত। কেউ কারুর জাত মারে না। মারবার হুকুম নেই। মুসলমানদের প্রতাপ বেশী বটে কিন্তু অস্ত্র জাতের মেয়েকে কেউ সহজে মুসলমান ক'রে কেড়ে আনতে পারে না। বলে—উটি চলবে নাই। উহু! তিনি শ্রামাকান্তকে তান্ত্রিক বলে চিনতে ভুল করেন নি। বলেছিলেন—তা তুমি থাক গোঁসাই, ঢাক ঢোল বাজায়ো নাই, চুপচাপ ওই গাঁয়ের ধারে বাগদীদের কালীর থান আছে, সেখানে থাক।

গ্রামের কালীর স্থান একেবারে অশানের ধারে, স্থানটি পছন্দ হয়েছিল তাঁর। বসেও ছিলেন কিছুদিন। মাস কয়েক। মাটির কালীমূর্তি তৈরী করে নতুন করে আসন করবার চেষ্টার ছিলেন।

ঠাকুর মিয়া একদিন তাকে ডেকে বলেছিলেন—তুমি নাকি, ইমারা বলছে, খুব ভাল গান কর গোঁসাই।

শ্রামাকান্ত বলেছিলেন—তা কিছু জানি।

গানবাজনার মধ্যে তাঁর সঙ্গে আলাপ জমেছিল। তিনি গাইতেন ঠাকুরসাহেব নিজে বাজাতেন; তবে সে সব গান ভাল মান লয়ের রাগরাগিণীর আলাপ। কিন্তু তবু মাসকয়েক পর ওখান থেকে চলে এসেছিলেন শ্রামাকান্ত। এসেছিলেন কামরূপ কামাখ্যা। সেও তাঁকে

মনে করিয়ে দিচ্ছেলেন ওই ঠাকুরসাহেব।

শ্রামাকান্ত খুঁজেছিলেন নারিকা। সাধন-সঙ্গিনী ভৈরবী। একদিন ঠাকুরসাহেবকে বলেছিলেন মনের কথা। ওখানে ঠাকুরসাহেবের কড়া নজর ছিল ওই বিষয়টিতে। মেয়ের ইজ্জত—ধর্ম—এ কেউ কারুর নাশ করতে পারবে না। দুটনষ্ট মেয়ে ছিল। কিন্তু সে গোপন রেখে চলত। প্রকাশ পেলে তিনি কঠিন সাজা দিতেন। সেই জেনেই শ্রামাকান্ত তাঁর কাছে অল্পমতি চেয়েছিলেন। একটি ভৈরবী তিনি সংগ্রহ করে নেবেন বা বাইরে থেকে সংগ্রহ করে আনবেন। বলেছিলেন—ঠাকুরসাহেব, এই পথেই সাধন করে এসেছি। সাধন আমার এ পথ ছাড়া হবে না। আমাকে হুকুমটা দেন। আমার সিদ্ধি হ'লে আপনাকে আমি রাজা করে দোব!

ঠাকুরসাহেব নিজের দাড়িতে হাত বুলায়ে বলেছিলেন—সিদ্ধাই আমি জানি হে গোসাঁই। তা হাজার পথ থাকতি ই পথ নিলা ক্যানে হে? রমুল আল্লা, ই কি ফ্যারে পড়িছ হে। দেখ, তোমার ধরম তোমার। কিছু বলব না আমি। কিন্তু উটি ইখানে হবে নাই সো হুকুম নাই আমার বাপের হজরত গুলমহম্মদ ঠাকুরের। না।

একটু চুপ করে ভেবে নিয়ে বলেছিলেন—আমার একটা বাত শোনবা? তুমি কাঁউর কামাখ্যায় যাও হে! ই সাধন তোমার সিখান ছাড়া হবে নাই! আমি ইসবের কিছু জানি। ই ঞাশে যারে তুমি সাধন কর হে সে মা সেজে বসে আছে। বুঝলা না! কাঁউর হ'ল ডাকিনীর ঞাশ, কুহক-বিজ্ঞার চল সিখানে। তুমি সিখানে যাও। ইখানে উ হুকুম আমি দিব না বাপু। টাকা-কড়ি আমার কাছে কিছু লিবা আমি দিব। গাও দিয়া বড় বড় মালের ভাউলে যায়—গৌহাটি। আমার এই গোয়ানরা আছে। তারা এককালে হারমাদ ছিল। এখনও কাক পেলে মারতে পারে ভাউলে বারো। তা আমার শাসনে পারে না। দু-চারজন ভাউলেতে কাম করে। তারা তোমাকে নিয়া গৌহাটি কামাখ্যা পৌঁছায় দিবে। বুঝলা? ইখানে উ সব হবে নাই। তুমাকে চলি যাতি হবে। ই হুকুমের লড়চড় নাই।

আসবার দিন ঠাকুরসাহেব শ্রামাকান্তকে নগদ একশো টাকা দিচ্ছেলেন। আর বলেছিলেন—একটা বাত শোনবা? তুমার থেক্য আমার উমর অনেক বেশী গোসাঁই। কত আর উমর হবে তুমার। পঁচিশ! আমার উমর ষাট পার হে! আর আমি বুঝি! আমরা তো হিঁদু ব্রাহ্মণ ছিলাম। সিদ্ধাই ছিল আমাদের। ঠাকুর নাম ঘুচে নাই। শুন, যা বলি শুন! নারিকা ভৈরবী এ নিয়া সাধন রুরো না বাপ। বড় ধারাপ। ই হ'ল কি জান—বুকে সাপ নিয়া দিল ঠাণ্ডা করা। ডংশন সে করবেই! তার থিকা এক কাম করিরো। পোন্নার মতুন মাকে ডাক। আর ওই পথে যদি ইটবা—তবে স্বজাত স্বঘর দেখে কন্তের লক্ষণ দেখে সাদী করে পরিবার নিয়া সাধন কর। পথ সোজা হবে। বুঝলা! জান তো সব। আমি ইসলামের বান্দা, ইসব আমাদের কাছে কাকেরী। বেধরম অধরম। তবে আমার বাবা পোস্তা নই। আমি জানি, আমি আমার ইসলামকে মানলেই হল। তবু থানিক আধেক বুঝি, বললাম—তুমি ভেব্যা দেখো! ই?

শ্রামাকান্ত সেলাম করে বলেছিল—ঠাকুরসাহেবের কথা মনে থাকবে আমার। সঙ্গে সঙ্গে হেসেছিলেন।

ঠাকুরসাহেব এবার শব্দ করে উঠে বলেছিলেন—হাসিরো না পোলা, হাসিরো না। তোমার বুকে ডংশন আমি তোমার ললাটে দেখছি হে।

মহেশচন্দ্র লিখেছেন—আমি তোমাকে সব বিশদ করিয়াই বিবৃত করিলাম। যে দিবস তিনি আমাকে তদীয় জীবনের ঘটনাবলী বিবৃত করিয়াছিলেন সে দিবস একটা গোটা বেলা কাটিয়া গিয়াছিল। আমি সমস্ত শুনিয়া স্তম্ভিত হইয়া গিয়াছিলাম। হিন্দুর সন্তান, এমন কাহিনী অনেক শুনিয়াছি। আমাদের অঞ্চলে এক কাপালিক আসিয়া কিছুদিন ছিল, তাহাকে দেখিয়া ভয় করিত। শুনিতাম সে নরমাংস খায়, নরবলি প্রদান করে। শ্রামাকান্ত সেই ধরনের মানুষ—ওই এমনি এক পথের পথিক। অথচ লোকটির কাহিনী শুনিয়া তাহার উপর ক্রোধ করিতে পারি নাই। তাহার একটা আকর্ষণী ছিল এবং কোথায় যেন একটা দুঃখী ভাব ছিল। আমি তাহার কথাগুলি সেই রাতে গৃহে প্রত্যাবর্তন করতঃ সব লিখিয়া রাখিয়াছিলাম।

ইহার দুই-চারদিন পর তাঁহার নিকট গিয়া দেখিলাম, তিনি খুবই চঞ্চল—যেন তাঁহার পাগলামি আবার বৃদ্ধি পাইবে মনে হইল। গালাগালি দেওয়া বৃদ্ধি পাইয়াছে। পাণ্ডুরা বলিলেন—সারাদিন আহা করেন নাই।

জিজ্ঞাসা করিলাম—আবার এসব কি হইতেছে ?

সুরেশ্বর বললে—মহেশচন্দ্র মনে করেছিলেন গালাগাল দেবেন শ্রামাকান্ত। কিন্তু না। তিনি কৈদে কলেছিলেন, বলেছিলেন—ওরে, কাল যে এক মহাপর্ব রে। পঞ্চপর্বের তিন পর্ব একসঙ্গে। সংক্রান্তি, কৃষ্ণ-চতুর্দশী তার উপর মঙ্গলবার। ওরে, এ পর্ব দুর্লভ। বড় দুর্লভ! পর্ব চলে যাবে, আমার সাধন হবে না রে আমার সাধন হবে না।

—বেশ তো, তুমি তোমার সাধন কর না। কে বারণ করছে ?

কুন্ড হরে উঠে শ্রামাকান্ত বলেছিলেন—শির নাই তার শিরঃপীড়া! পাত্র নাই তার রন্ধন! ওরে বেটা, কাঠ নাই আগুন ধরবে কিসে রে ?

মহেশচন্দ্র লিখেছিলেন—আচ্ছা বলতে পার, এই যে এমন করে কাদাধুলো মেখে বনে জঙ্গলে আশানে এমনি ক'রে ঘুরছে, এই তো একবার—একবার কেন দু-দুবার জলে ডুবতে ডুবতে বাঁচলে, তারপরও এমনি ক'রে ঘুরছে কেন, এতে হবে কি ?

হবে কি ? হবে কি ? অবাক হয়ে গিয়েছিলেন শ্রামাকান্ত। তারপর বলেছিলেন—রাজা হয়ে কি হয় রে বেটা ? টাকা জমিয়ে কি হয় রে ? কি হয় ? সোমেশ্বর রায় শালা জমিদার হয়েছে। জমিদারী কত, তবু কিনছে। কেন রে ? সুখ রে বেটা সুখ। ওরে জন্ম জন্ম ধরে মানুষ সুখ খুঁজছেই খুঁজছেই। আমি পরজন্ম খুঁজছি। ওই পেলে সব সুখ আমার হবে। সুখে ডুবে যাব রে। দুঃখ, বৃষ্টি, এই পাজরায় পাজরায় দুঃখ, সব সুখের মধ্যে মিলিয়ে যাবে। ওরে, এক একটা পর্বের লগ্ন যায়, সুখ মাথার ওপরে মেঘের মত গুরগুর ক'রে ডেকে চলে যায়। খানিকটা ছোঁয়া দিয়ে ডাকে। ওরে বর্ষায় না। একটু চূপ ক'রে থেকে বলেছিলেন—সোমেশ্বর রায় আমার সৌভাগ্যশিলা কেড়ে নিলে—জলে ফেলে দিলে, দিক ; শাপ সাধককে দিতে নাই দোষ না। শালা আমাকে বাঁচিয়েছে রে। জানিস—শালা মহান ভাকাত, আমার মনে হ'ত শালা সিদ্ধি হ'লে জমিদারই হব। হাতীতে চড়ব পাখীতে চড়ব ষোড়াতে চড়ব—এই হুকুম দোব বীধ শালাকে মার শালাকে! লোভ হচ্ছিল। তা বেশ করেছে। ও লোভটা গিয়েছে রে। কিন্তু দুঃখ তো যাওয়া চাই রে। সুখ তো চাই। ওই অ-কা-শ ভরা মেঘের মত সুখ! জানিস—আমার সব ঠিক। সব ঠিক। লক্ষণে বুঝতে পারছি। শুধু আমার নারিকা চাই। পাচ্ছি না। জারগা, আসন আমার মিলেছে। শুধু নারিকা।



মধ্যে মধ্যে ক্ষেপে উঠতেন সৌভাগ্যশিলার উপর।

বলতেন—ওই, ওই হুড়ি ভগবানই আমার সর্বনাশ করেছে রে। বুঝলি, বৈষ্ণব সাধু আমাকে বলেছিল—সন্ন্যাসীর কাছে ও হল চৈতন্তশিলা। গৃহস্থের কাছে সৌভাগ্যশিলা—ধনসম্পদ ভূমি সৌভাগ্য দেয় আর সাধুকে দেয় চৈতন্ত। চৈতন্ত না কহু। ভেদ ভেদবুদ্ধি রে, ভেদবুদ্ধি। বুঝলি ওই মনোহরা যোগিনীকে আমি পেলাম, কিন্তু ওকে প্রকৃতি হিসেবে নিতে গিয়ে মনে হল কি জানিস? মনে হ’ল—পাপ হবে। কামার্থে গ্রহণ করা হবে। কাম! কাম কি রে? কাম তো মহাশক্তির বিধান। ওইখানে তো সৃষ্টি রে। পরমানন্দ। মেয়েটাকে দেবতা ক’রে পূজাই করলাম। বললাম—তুই আমার দূতী। দূতী! বুঝলি, এ ওই হুড়িটার খল! ত্র্যম্বকের রাজা দেবতাদের দেবতা, বেটা পালক! বৈকুণ্ঠে দরবার করে, জয় বিজয় পাহারা দেয়, রাজভোগ খায়। আর বলে এটা পাপ—ওটা পুণ্য। পাপ পুণ্য। থাক বেটা জমিদারবাড়ীতে পুষ্টিপুস্তুর ঘরজামাইয়ের মত। থাক দাক আর মামলা বাধাক—পরের হরে নিয়ে দিক সব চুটিয়ে দিক—ওই রায়কে।

ও, ওটাকে ভেঙে চুরমার করে দিবে আসতে পারতাম! শালা সোমেশ্বর থাক—ওই ওকে নিয়ে থাক। মামলা করুক, মকদ্দমা করুক, টাকা করুক। চাই না। আমার নারিকা চাই। এই কামাখ্যা পীঠ!

নারিকা পান নি। পান নি—না—তীর নিজের চোখে কাউকে নারিকা বলে মনে হয় নি—এ শুধু তিনিই জানেন।

তার কারণ মহেশচন্দ্র লিখেছেন—নারিকা নারিকা ক’রে আক্ষেপ করতেন, ওখানকার পাণ্ডাদের মধ্যে তান্ত্রিক বলতে গেলে সবাই। তাঁদের মধ্যে দু-চারজন বামাচারী বীরাচারীও ছিলেন, তাঁরা তাঁকে নারিকা সংগ্রহে সাহায্য করতে গিয়েছিলেন। কামাখ্যা অঞ্চল নাকি ডাকিনীভক্তের দেশ, ডাকিনীবিষ্ঠা জানা নারিকা তাঁরা এনে দিয়েছেন তাঁকে, কিন্তু তিনি বলেছেন—ও না। না—না—না। এতে হবে না। আগার মন চাচ্ছে না। লক্ষণ ওর যতই থাক।

হঠাৎ একদিন একটা ঘটনা ঘটল।

শ্রামাকান্ত মন্দিরের চত্বরে ধ্যানে বসেছিলেন রাজে। গৌহাটি অঞ্চলে শহরের মধ্যেই বাঘ ঢুকত তখন। কামাখ্যা পাহাড়ে নিত্য রাজে বাঘের ডাক শোনা যেত। পাণ্ডারা সন্ধ্যার আগেই মন্দির বন্ধ করে চলে আসতেন। সে দিন ছিল শুক্লা-চতুর্দশী। শ্রামাকান্ত সন্ধ্যার সময় গিয়ে মন্দির-চত্বরে ঢুকেছিলেন—রাজে ক্রিয়া করবেন। কান্নার বারণ তিনি শোনেন নি। নারিকা না নিয়েই বসেছিলেন।

সকালে মন্দির-চত্বরে পাণ্ডারা ঢুক দেখলে তাঁর আসনে তিনি তখনও ধ্যানস্থ হয়ে বসে। হাতে তাঁর যন্ত্রপুষ্পের অঞ্জলি। জবা অপরাজিতা বিবগজ।

পাণ্ডারা প্রথমটা ভেবেছিল সমাধিস্থ হয়েছেন বুঝি। কিন্তু না। পাণ্ডাদের সাড়াতেই চোখ মেলে দিনের আলো দেখে অঞ্জলি তাঁর যন্ত্র আঁকা পীঠে ঢেলে দিয়ে নিজের হাত শুঁকে-ছিলেন। মুখ তাঁর উজ্জল হয়ে উঠেছিল। এই অঞ্জলি দেওয়া ফুলের কয়েকটা ফুল তুলে পাণ্ডার হাতে দিয়ে বলেছিলেন—দেখ তো শুঁকে! দেখ তো!

বিস্মিত পাণ্ডা প্রশ্ন করেছিল—শুঁকে?

—হ্যাঁ—হ্যাঁ। স্নগন্ধ পাচ্ছ কি না দেখ তো।

—তা তো এখান থেকেই পাচ্ছি।

বাক্য ক'রে হেসে বলেছিলেন শ্রামাকান্ত—তা তো পাচ্ছ। কিন্তু জবাব অপরাজিতার বেলপাতার গন্ধ থাকে নাকি ? এঁ্যা !

—তা তো বটে ! পাণ্ডার এতক্ষণে হাঁস হয়েছিল। গন্ধ তো থাকে না। এলো কোথেকে ?

—কোথেকে ? দেখবে ? দেখ ! নিজের হাতখানা উপরে তুলে ধরে সেদিকে করেক মুহূর্ত চেয়েছিলেন, তারপর বলেছিলেন—দেখি তোমার হাত।

তার হাতখানা টেনে নিয়ে নিজের আঙুল ঘষে দিয়ে বলেছিলেন—দেখ ! শৌকো।

পাণ্ডা শুঁকে দেখে বলেছিল—তাই তো।

সেদিন সাধনার ধ্যানে মগ্ন হয়েছিলেন শ্রামাকান্ত। হঠাৎ মধ্যরাত্রে মনে হল একটি অপূর্ব গন্ধুর গন্ধের বায়ুস্তর তাঁকে আশেপাশে উপরে থেকে মেঘের মতই ঢেকে কেলেছে। তিনি যেন মোহগ্রস্ত হয়ে যাচ্ছিলেন—মনে হল ওই গন্ধের উৎস তাঁর সামনেই রয়েছে, তাঁকে প্রদক্ষিণ করে বেড়াচ্ছে। মনে হল অতি নিকটে। চোখ খুলতে তাঁর সাহস হয়নি। তবে হাত বাড়ালেন তিনি ওই উৎসকে ধরবার জন্য। না, ধরবার কিছু পান নি। কায়ামতী কেউ ছিল না। তিনি হাতখানা দিয়ে এদিক থেকে ওদিক পর্যন্ত ব্যগ্র আগ্রহে খুঁজলেন। কেউ না। শুধু একটি হিমশীতল স্পর্শ তাঁর আঙুলের ডগাগুলিকে ছুঁয়ে গেল।

চমকে উঠে চোখ খুলেছিলেন তিনি।

শুষ্ক চতুর্দশীর জ্যোৎস্নার অঙ্গন ঝলমল করছিল। নিশ্চলতা থমথম করছে। জ্যোৎস্নার মধ্যে কামাখ্যামন্দির ছবির মত মনে হচ্ছিল। কোথাও কেউ নেই। উপরের দিকে চত্বরের ওপাশে তাকালেন। সেখানেও কোন ফুলেভরা গাছ দেখতে পেলেন না। তিনি আবার চোখ বুজে ধ্যানে বসলেন। আবার মনে হল চারিপাশের বায়ুস্তর সেই গন্ধে ভরে উঠেছে।

তুলে নিলেন তিনি জবা এবং অপরাজিতা ফুল অঞ্জলি ভাঁরে। জবা এবং অপরাজিতার বর্ণ আছে গন্ধ নেই। বন্ধাজলি বৃকের কাছে ধরলেন—গন্ধে ভরে গেল নাসারন্ধ্র। তিনি সেই অঞ্জলি ধরেই ধ্যানমগ্ন হলেন। গন্ধের মধ্যেই অবস্থান করেছেন এতক্ষণ পর্যন্ত। তিনি বুঝেছেন, এইবার সামনের দিকে এগিয়ে আসতে আর এক পা ফেলেছে সে। প্রথমে স্বাদে তারপর গন্ধে। সে আসছে। এরপর ? শব্দে হয়তো। নৃপুর বাজবে ? বাজবে কিছু। তারপর বর্ণে—রূপে দেখবেন। তারপর স্পর্শে।

আসবে। সে আসবে। না এসে সে যাবে কোথায় !

\*

\*

\*

মহেশচন্দ্র লিখেছেন—এরপর কামাখ্যার শ্রামাকান্তের খ্যাতি হ'ল প্রচুর। ভক্ত জুটতে আরম্ভ হ'ল। কিন্তু শ্রামাকান্ত তাতে ভোলেন নি। তিনি হয়ে উঠছিলেন বৈশাখের পিপাসার মত উগ্র শুষ্ক।

ভক্তরা আশ্রম করে দিলে। কিন্তু সেদিকে তিনি তাকালেন না। দ্ব-চারজন সেবকও জুটল। তারা প্রণামী হুড়োতো। কামাখ্যা মন্দিরে বারা কাজকর্ম করত, তারাই এরা।

শ্রামাকান্ত সে দিকেও তাকাতে না। তিনি ভাবতেন।

মহেশচন্দ্রই তাঁকে বলেছিলেন—তোমার লোকে প্রণামী দেয়, সেগুলো ওইসব পাঁচফুটে নিয়ে নেয়। ওগুলো নিয়ে তো তুমি গরীব-দুঃখীদের দিতে পার।

—তুই দে না।

—আমি তো বিকেলবেলা আসি। লোক তো সারাদিনই আসে তোমার কাছে।

—তা আমি কি করব রে। আমি তো চাইনে। তুই ব্যবস্থা কর। তার চেয়ে এক কাজ কর না!

—কি ?

—তুই আমার নায়িকা দেখে দে।

—ও কথা তুমি বলো না আমাকে।

—ওরে বেটা, নায়িকা বললে রাগ করিস। আচ্ছা বিয়ে দিয়ে দে!

—বিয়ে! অবাক হয়ে গেলেন মহেশচন্দ্র। তুমি সম্মাস ছেড়ে বিয়ে করবে ?

—কেন রে বেটা, সম্মাস ছাড়ব কেন ? সে-ই সম্মাসিনী হবে!

—কিন্তু লোকে তা দেবে কেন ?

—দেবে রে দেবে! দেবে না! দেখ আজ দুপুরে সে মেয়ে এসেছিল।

—এসেছিল ?

—হ্যাঁ বেটা। যে পাঠাবার সেই পাঠিয়েছিল। সেই মাগী। পাঠিয়েছিল। কুলীন বামুনের ঘোল বছরের আইবুড়ো মেয়ে; বাপ নেই; কামাখ্যা দর্শন করে আমার কাছে এসেছিল। আমি তাকে দেখেই বুকেছি। এ মেয়েকে সে-ই পাঠিয়েছে। মেয়ের মা বললে—বাবা আশীর্বাদ কর যেন বর মেলে। আমরা কুলীন বামুন তার উপর বাপ নাই, এই বিদেশে পড়ে আছি, মেয়ের বিয়ে দিতে পারি নি—তুমি আশীর্বাদ কর। এ সেই মেয়ে রে। কাল তাদের আসতে বলেছি। আসবে। তুই আসিস।

পরের দিন মহেশচন্দ্র এসে বসেছিলেন। তখন ওই আশ্রমে বসছেন শ্রামাকান্ত। সকাল থেকে যারাই এসেছে তাঁকে দর্শন করতে শ্রামাকান্ত তাদের বলেছেন—আজ না। আজ না। যাও, আজ যাও। কর্তৃত্বের অধীরতা; যাড় নাড়া, হাত নাড়া সবের মধ্যেই একটা অধীরতা। মহেশচন্দ্রের চিত্ত কিছুটা বিরূপ হয়ে ছিল। তিনি শ্রামাকান্তকে শ্রদ্ধা করলেও ভর করতেন না। নতনি বলেছিলেন—এত অধীর হয়ে পড়েছ তুমি একটা মেয়ের জন্তে। এই তোমার সাধনা ?

শ্রামাকান্ত বলেছিলেন—তুই মূর্খ রে, তুই মূর্খ!

—আমি মূর্খ ? আর তুমি এই সাধক ?

—হ্যারে, আমি সাধক। এ সাধনার কি বুঝিস রে বেটা ?

—বুকে আমার কাজ নেই। নারী নিয়ে সাধনা—

বাধা দিয়ে শ্রামাকান্ত বলেছিলেন—বেটা, সংসারে সৃষ্টির সাধনাটা কি বল তো ? ওরে বেটা, পুরুষ আর প্রকৃতি, শিব আর শক্তি এদের খেলাতেই সৃষ্টি। ওরে বেটা, সে শক্তির জন্তে শিব তপস্বী করে নি ?

—করেছিল। কিন্তু মদনভঙ্গ্য জান না ?

—সেই তো রে। ভয় করে আবার বাঁচাতে হয়। ও মরে না। ধাম, ধাম। আসছে।

চারিদিক তাকিয়ে দেখেছিলেন মহেশচন্দ্র। দেখতে পেরেছিলেন অনেকটা নীচে একদল যাত্রী আসছে। কিন্তু যাত্রা ঠিক চেনা যায় না। তিনি প্রশ্ন করেছিলেন—চিনতে পারছ তুমি এখান থেকে ?

—মন বলছে।, মন বলছে! দেখ, পরখ কর। স্থির ব্যগ্র দৃষ্টিতে তাকিয়ে ছিলেন তিনি পথের দিকে। কামাখ্যা পাহাড়ের আঁকা-বাঁকা পথ। দুধারে তখন ঘন গাছের জঙ্গল। সেকালে এখানে-ওখানে হিংস্র দ্বন্দ্ব থাকত। বাঘও থাকত ওং পেতে। লোকজন মিলে

কোলাহল করতে করতে আসত। মধ্যে মধ্যে বাকি গাছের কাঁক দিয়ে দেখা যেত বাড়ী আসছে। মুখ দেখা যেত না, চেনা যেত না, শুধু দেখা যেত মাছবদের কারও একটা পাশ কারও বা কাপড়, এই মাত্র। তারই দিকে তাকিয়ে ছিলেন শ্রামাকান্ত। আশ্রয়ের সামনে যেখানে রাস্তাটা এসে সামনে পড়েছে, সেখানে যাত্রীর দল উপস্থিত হতেই শ্রামাকান্ত বললেন—ওই!

মহেশচন্দ্র দেখলেন, সত্য। শ্রামাকান্তের বোডনী কুমারী ইঙ্গিতাকে দেখে চিনতে দেরি হল না তাঁর।

সেকালে ষোল বছরের মেয়ে সচরাচর কুমারী থাকত না। তখন গৌরীদানের কাল চলছে গৌরীদানে অক্ষয়পুণ্য। অবিবাহিতা থাকে কিছু মেয়ে, তাবা ব্রাহ্মণের ঘরের কুমারী মেয়ে পাশ্চিৎ কুলীনের ঘরের পাত্র তখন দুর্লভ। এক-একটি কুলীনের ছেলে দশ-বিশ-পঁচিশ-পঞ্চাশ পর্যন্ত বিয়ে করে। বিষ্টঠাকুরের সন্তান তারাচরণের নাম জানতেন মহেশচন্দ্র, লোকে বলত যেঠেরা তারাচরণ। বিশ-পঁচিশ বছরের কুলীনের মেয়েব বিয়ে হত ষাট বছরের বুকের সঙ্গে গজাযাত্রার পথে বিয়ে কবে কুলীনের ঘরের ত্রিশ বছরের মেয়ের সিঁথিতে সিঁদুর দিয়ে অক্ষয়পুণ্য করে যান তাঁবা—একথা মহেশচন্দ্র জানেন।

মেয়েটি কুমারী তা দেখেই বুঝেছিলেন। মাথায় কোন অবগুণ্ঠন নেই। পিঠে একপিঠ চুল এলিয়ে পড়ে আছে। আঁচলের খুঁটিটি গলায় চুলকে বেড়ে এপাশে ঝুলছে। হাতে কিছু আছে বলে মনে হচ্ছে, শাঁখা নয়, অস্ত্র কিছু কাঁচের চুড়ি বোধ হয়।

কাছে আসতেই মহেশচন্দ্র মেয়েটিকে দেখে মুগ্ধ হয়ে গেলেন। শ্রামাকান্তি মেয়ে, বোধ হয় কালো বললেই ঠিক হয়, কিন্তু এমন সুসমা এমন লাবণ্য! আয়ত দুটি চোখে আশ্চর্য কিছু আছে। আয়ত চোখদুটির নীলাভ শুভ্রতাব মধ্যে আকাশের উদাস প্রসন্নতা এবং তেমনি মুহূর্ত্তান্তি তারার স্থিরতা তাব কালো তারাদুটিতে। আশ্চর্য শাস্ত! মন স্নেহে কারুণ্যে ভরে উঠেছিল মহেশচন্দ্রের।

সঙ্গে একটি প্রোটা বিধবা ছিলেন।

যাত্রীর দল উঠে চলে গেল একটু উপরে মন্দিরের দিকে, প্রোটা বিধবা কুমারীটিকে নিয়ে শ্রামাকান্তের আশ্রমে ঢুকলেন। শ্রামাকান্তকে প্রণাম করে তাঁব সামনে বসে বললেন—আজ আমাকে আসতে বলেছিলেন।

শ্রামাকান্ত ওই কন্ঠাটির দিকে বিচিত্র দৃষ্টিতে তাকিয়ে ছিলেন। মেয়েটি লজ্জার মুখ নত করে মাটির দিকে তাকিয়ে রইল। শ্রামাকান্ত বললেন—মুখ তোল, তোমার কপাল দেখি!

মেয়েটি মুখ তুললে কোন রকমে।

—হঁ।

প্রোটা বললে—বিয়ের যোগ আছে কিনা দেখুন বাবা। আমার বোনঝিও বটে সতীন-ঝিও বটে। বাপ-মা দুই গিয়েছে। পাঁচ বছর যেতে না যেতে খেয়ে বসে আছে। উচু কুলীনবংশ। তার ওপর মেয়ের অষ্টমে মজল। গণকে বলে—মেয়ের হাতে সন্ন্যাসযোগ আছে। মেয়ের সন্ন্যাস-যোগ মানে বিয়ে হবে না। আমি তো চিরজীবী নই। মরব তো একদিন। তখন কি হবে? বিধবা হয়ে ঘরে থাকে, সে এক কথা, গভর আছে খেতে খাবে। তাই বা পাশ্চিৎ ঘর নইলে যার-তার হাতে ওর সাতপুরুষকে নরকস্থ করে দিই কি করে। পরমা নেই, টাকা নেই যে, বশোর-খুলনাতে ওদের পাশ্চিৎ ঘর আছে, সেখান থেকে লোক পাঠিয়ে একটা বুড়ো ধাড়া ধরে আনব। তারপর বা আছে কপালে তাই হবে। সে সন্ন্যাসিনী হোক, আর

যা হবে হোক, আমি দেখতে আসব না।

—দেখি, তোমার হাত দেখি।

মেয়েটির হাত দেখে শ্রামাকান্ত বলেছিলেন—হঁ। সব লক্ষণ আছে! সব।

—সে কি বাবা?

—ঘর ওর নেই। সন্ধ্যাসিনী হতে হবে ওকে।

—তাহলে? তুমি একটা কবচ-টবচ দাও না বাবা!

—দেখ, আমি ফুলে মেল, ভরষাজ গোত্র। বিষ্টুঠাকুরের সন্তান নৈকুন্ডি। তোমাদের কি? তবে আমি তো সন্ধ্যাসিনী, আমার ওসব এখন নাই। তোমাদের কি?

—কি বলছ বাবা?

—কোন মেল, কার সন্তান, কি রকম ঘর তোমাদের পান্টা?

—আমরা বাবা, তোমাদের পান্টাই বটে। ফুলে মেল কেশব চক্রবর্তীর সন্তান, নৈকুন্ডিও বটে। যশোরে বাড়ী ছিল; পেটের দারে ধুবড়ীতে এসেছিল ওর বুড়ো বাপ। বুড়ো বয়সে আমাদের দু বোনকে বিয়ে করে ঘাড়ে ক'রে এসেছিল। আমাদের রূপ দেখে ছাড়তে পারে নি। নিজে ছিল কালো কুচ্ছিত।

—হ্যাঁ-হ্যাঁ। বুঝলাম। তা আমার হাতে ওকে দেবে?

—ভৈরবী করবে?

—আগে সাতপাক দিয়ে মন্ত্র পড়ে বিয়ে করব, তারপর আমি যখন ভৈরব তখন ও ভৈরবী হবে। শিব বিয়ে করে নি?

—তুমি যে সন্ধ্যাসিনী হয়েছ বাবা, তা আবার বিয়ে কি করে করবে?

—বললাম তো। শিব বেটা তো যোগী সন্ন্যাসী। তপস্বী করছিল। সে কি করে বিয়ে করলে রে? এঁ্যা? শাস্ত্র? শাস্ত্রে যা চাইবি তাই পাবি!

অবাক হয়ে তাকিয়ে ছিল প্রৌঢ়া তার দিকে। মেয়েটিও পলকহীন দৃষ্টিতে শ্রামাকান্তকে দেখছিল।

শ্রামাকান্ত বলেছিলেন—এই দেখ, আমার আশ্রম। সিদ্ধি আমার হয়েছে। তবে পূর্ণ সিদ্ধি হয় নি। বুঝলি? তা সস্ত্রীক তপস্বীতে বসলেই সিদ্ধি হবে। তোর মেয়ের কপালে সন্ধ্যাসিনী যোগ আছে, সিদ্ধি ওরও হবে। বুঝলি? সাক্ষাৎ শক্তি। হ্যাঁ। তখন ঘর চাইলে রাজবাড়ী হবে। কুবের এসে ভাগুরী হবে। তা ও গয়নাগাঁটি পরবে না। না—তা পরতে চাইবে না। কি কস্তে? তোর কি মন? এঁ্যা? আমি শিব হব। শিবের মতন বর চায় মেয়েতে। এঁ্যা?

একটু, এক মুহূর্ত চুপ করে থেকে বলেছিলেন—তবে আমি শিবের মত বুড়ো নই। বরস তিরিশ পাঁচ হয় নি! বলে হা-হা করে হেসেছিলেন।

প্রৌঢ়া বলেছিল—তা বিয়ে করে ফেলে দিয়ে বোম-বোম করে চলে যাবে না তো বাবা?

হা-হা শব্দে হেসে কামাখ্যা পাহাড়টাকেই চকিত করে তুলে শ্রামাকান্ত বলেছিলেন—না-না-না। তোর মেয়ে মরলে তাকে কাঁধে কেলে নতী-সতী করে ঘুরে বেড়াব তিন ভুবন। কি নাম তোর মেয়ের?

—শিবানী।

—আজ্ঞা, আজ্ঞা। শিবানী-শিবানী করে বুক বাজিয়ে ঘুরব। ক্ষেপে যাব। ফেলে আমি যাব না। বুঝলি! ও আমার জন্মজন্মের শক্তি রে। ওকে দেখেই চিনেছি। আর আমি

মরব না, আমি মরব না, বিধবা ও হবে না। জন্ম-জন্ম ও সদ্ব্যবহারেই মরেছে। বুঝলি ?  
মহেশচন্দ্রও শুনে বিস্মিত হয়ে তাকিয়েছিলেন তার দিকে।

\*

\*

\*

প্রৌঢ়া পরের দিন মহেশচন্দ্রের বাড়ী এসেছিলেন অনেক খুঁজে খুঁজে। বলেছিলেন—  
বাবা, তোমার কাছে এলাম। শুনেছি, তোমার সঙ্গে পাগলাবাবার খুব খাতির! আমার  
শিবানী রাজী হয়েছে বাবা। বলেছে—মা-মাসী, শিবানী আমাকে মা-মাসী বলে, বললে—  
আমাকে ঠুঁই হাতে দাও মা-মাসী! আর বেশী কি বলবে বল? তা আমার মনে খুঁতখুঁত  
একটু আছে, সেটি ঠুঁকে আমি বলতে পারছি না। তোমাকে বলতে এসেছি।

—বল কি বলছ?

—বলছি বাবা, শিবানীকে আমি ঠুঁই হাতে দোব, বিয়েতে কিন্তু কিয়ে-করগে খুঁত থাকলে  
হবে না। আর আমাকে বাবা থাকতে দিতে হবে আশ্রমে। আমি শিবিকে ছেড়ে থাকতেও  
পারব না। আর, আর বাবা, ওইসব পাঁচজনাতে পেনামী-টেনামী কুড়িয়ে যেয়ে দেয়, সে  
সবের ভার আমি নোব। আমার জন্তে তো নয়, ওই ওদের জন্তে। ভেবে দেখ বাবা। আর  
আগন বীধও তো করতে পারব।

কথাটা মহেশচন্দ্রের মন্দ লাগে নি। এই প্রৌঢ়া যদি মায়ের মত পাগলের সংসার পেতে  
দিয়ে সংসারী করে তুলতে পারে, তবে সে খুব ভাল হবে। অন্ততঃ ওই মেয়েটি একটা জোর  
পাবে। তিনি বলেছিলেন—বেশ তো, আমি বলব। তুমি ভেবো না মা, আমি পাগলের মত  
করাতে পারব।

মত তিনিই করিয়েছিলেন। তবে শ্রামাকান্ত বলেছিলেন—তা পেনামী ও-বেটা কুড়োক।  
জমা করুক, বৃকে চাপিয়ে মরুক। কিন্তু আমার সাধনভঞ্জন নিয়ে কিছু বলতে পারবে না।  
সে সব কথা হবে আমার ওই মেয়ের সঙ্গে।

মহেশচন্দ্র বলেছিলেন—তুমি ওই মেয়েকে মদ খাওয়াবে নাকি?

—মদ কি রে বেটা, মদ কি? সুখ! কারণ! পূর্ণাভিষেক হবে, দীক্ষা হবে, ভৈরবী হবে,  
কারণ না করলে হবে কেন?

—নাঃ, এ তুমি করো না। একটি এমন মেয়েকে বিয়ে করছ, তাকে নিয়ে ঘর-সংসার কর,  
সুখী হও। তুমি তো সাধন করে পেয়েছ কিছু। আবার কেন?

হা-হা করে হেসে শ্রামাকান্ত বলেছিলেন—দূর শালা, কিছুতে কি হবে রে? কিছুতে?  
কিছুও যা, কক্কো তাই। আমি কে কানাকুবুর, মাড় চেটে পেট ভরাব? শোন শোন শোন।  
গান শোন! গান এসেছে—

• মন করিস নে, ছিঁচকে চুরি •

পারিস যদি কর ডাকাতি

আন লুটে রাজার পুরী।

নয় গেরস্ত, নয় জমিদার,

লুটে আন রে রাজার ভাঁড়ার—

টেকা নিয়ে কর রে কাবার

সাহেব বিবি নওলা ছুরি।

টেকা দিয়ে তুরূপ মেয়ে

শিব গেয়েছে শক্তিকে রে

শিবের টেকা নেরে কেড়ে

তবেই বুঝি বাহাছরি—

মন করিস নে ছিঁচকে চুরি।

এখানে নাই পাপপুণ্য (হেথা)

শুভ পূর্ণ পূর্ণ শুভ

শুভ পূর্ণ ধন্ত করে

নাচা রে এক কালো নারী।

\*

\*

\*

সুরেশ্বর বললে—মহেশচন্দ্রের চিঠিতে তিনি গানটিও উদ্ধৃত করেছেন স্মলতা। লিখেছেন—  
গানখানি আমার বড়ই ভাল লাগিয়াছিল, খাতায় লিখিয়া রাখিয়াছিলাম। তাহাও পত্রে  
লিখিলাম। এবং সেদিন মনে মনে বুঝিয়াছিলাম, এতাদৃশ ব্যক্তিকে সাংসারিক বুদ্ধি লইয়া  
বিচার করিয়া বড়ই অজ্ঞান করিয়াছি। সেদিন শ্রামাকান্ত যে চারজন্মের কথা বলিয়াছিলেন,  
তাহাও বিশ্বাস হইয়াছিল। এবং সেই দিন দৃঢ়বিশ্বাস হইয়াছিল এই কুমারীকেই স্বয়ং ভগবতী  
তাঁহার সাধনার জন্তই পাঠাইয়াছেন। নারী লইয়া তান্ত্রিকেরা সাধনা করেন, তাঁহারা সে সব  
শক্তি নানানভাবে জাতি-বিচার আচার-বিচার না করিয়াই করেন। শ্রামাকান্তের ভাগ্য  
প্রসন্ন, ভগবতী তাঁহার ধর্মপত্নীসহ সাধনা তপস্তার ব্যবস্থা করিবার অভিপ্রায়েই এমত ব্যবস্থা  
করিয়াছেন। এবং আমি উজোগী হইয়াই এ বিবাহের ব্যবস্থা করিলাম। আমারই গৃহে কস্তা  
সম্পাদন করিলেন শিবানী দেবীর বিমাতা ও মাসীমাতা। রাত্রে বিবাহ শেষ হইল, পরদিনই  
শ্রামাকান্ত শিবানী দেবীকে দীক্ষা দেওয়াইলেন, তাঁহার বিমাতাকে দিয়া। যাগযজ্ঞ যাহা করি-  
বার নিজে শ্রামাকান্ত করিলেন, বীজমন্ত্র বলিয়া দিলেন, তাহা লইয়া শিবানী দেবীর বিমাতা  
প্রদান করিলেন শিবানী দেবীর কর্ণকুহরে।

যজ্ঞ শেষ করিয়া শ্রামাকান্ত উৎফুল্ল হইয়া উঠিলেন, শিবানী দেবীকে বলিলেন—তোমাকে  
আমি এইবার পুরুষরূপে ও পূর্ণাভিষিক্ত করিয়া সন্ন্যাস দিব। তুমি মনে করিবে, তুমি সাক্ষাৎ  
শক্তি। এবং আমি স্বামী সাধক সন্ন্যাসী, আমি শিব। ইয়া। কিছুদিনেই তুমি নিশ্চয় বুঝিতে  
পারিবে যে, শক্তি তোমার মধ্যে আসিয়াছেন।

বধূবেশিনী শিবানী সেদিনও বিশ্বয়-বিস্কারিত দৃষ্টিতে তাকাইয়া বসিয়াছিল। আমার আজও  
স্মরণ রহিয়াছে—শ্রামাকান্ত হঠাৎ কালী কালী বলিয়া উঠিয়া চলিয়া গেলেন, তাঁহার জপের  
আসনে বসিবার সময় হইয়াছিল; আমরা তিনজন বসিয়া ছিলাম; শিবানী দেবী তাঁহার বিমাতা  
এবং আমি। শিবানী দেবীর বিমাতা শিবানীকে জিজ্ঞাসা করিয়াছিলেন—শিবি, তোর কি ভয়  
করিতেছে? শিবানী দেবী বলিয়াছিলেন—কিছু বুঝিতে পারিতেছি না মা-মাসী! সে অত্যন্ত  
অসহায় ভাব! শিবানী দেবীর বিমাতাই তাঁহাকে সাহস প্রদান করিয়াছিলেন। বলিয়া-  
ছিলেন—ভয় কি? তুই এমন বাপের কস্তা। তোর বাপও তান্ত্রিক ছিলেন, তবে গৃহী।  
আমরা দুই ভদ্রী তাঁহার মন্ত্রে দীক্ষা লইয়াছিলাম, পূর্ণাভিষিক্ত হইয়াছি। পুরুষরূপ করিয়াছি।  
কোন প্রকার ভয় নাই। সাহস অবলম্বন কর। এত বড় সিদ্ধ সাধকের সহধর্মিণী হইলে, তোমার  
মত ভাগ্য আর কাহার হয়; এই জন্মেই তোর মুক্তি হইবে। দেখিল মা, সিদ্ধি হইলে আমার  
তোর পিতামাতার যাহাতে মুক্তি হয়, জন্মান্তর চক্রপাক ছিন্ন হয়, তাহাই যেন করিস! আর  
আমি তো রহিলাম, ভয় কি?

মহেশচন্দ্র লিখেছেন—“আমি নিজেও সেদিন, এই মেরোটিকে সাহস দিয়াছিলাম; বলিয়া-

ছিলাম—আমিও রহিয়াছি। উনি আমাকে ভালবাসিয়া থাকেন। এবং আমি অনেক কথাই উহাকে সাহস করিয়া বলিয়া থাকি, উনিও তাহাতে কর্ণপাত করেন, বিবেচনা করেন। আমি সর্বদাই লক্ষ্য রাখিব। তোমার কর্ম হইবে মানুষটিকে শাস্ত করা, তুষ্ট করা। তাহাতে উনিও শাস্ত সুখী হইবেন, তুমি শাস্তি সুখ পাইবে। এ তো অপর কিছু নহে, ধর্মপথে জীবনযাপন। সেই সংসারে উত্তম পথ, শ্রেষ্ঠ পথ, সুতরাং ভরের কি রহিয়াছে ?”

শিবানী দেবীর বিমাতা বলিয়াছিলেন—বাবা, মা কামাখ্যার সম্মুখে এই কথা তুমি বলিলে, আজ হইতে তুমি শিবানীর জ্যেষ্ঠ ভ্রাতা হইলে। ও তোমার ভগিনী হইল। কেমন ?

আমি বলিলাম—তাহাই হইল।

শিবানী ইহাতে যেন আশ্চর্য হইয়াছিল।

শ্রামাকান্তকেও এই কথা বলিয়াছিলাম। তিনি উৎফুল্ল হইয়া বলিয়াছিলেন—ভালই হইল রে। তুই আমার শালক হইলি। তোকে শালা বলিয়া গাল দিব। তোর ইংরিজীমানাকে ভয় করিতে হইবে না। বলিয়া হা-হা করিয়া হাসিয়াছিলেন।

\*

\*

\*

এর পর নাকি কিছুদিন শ্রামাকান্ত আশ্চর্যভাবে সুন্দর স্বাভাবিক মানুষ হয়ে উঠেছিলেন। সেই অশাস্ত, অধীর, চঞ্চলতা তাঁর ছিল না। জীবনের ওপর মায়ী-মমতা হলে মানুষ নিজের চারিদিকটা যেমন সুন্দর করে গড়ে তোলে, তেমনি করে গড়ে তুলেছিলেন, আশ্রমে একখানি ঘর ছিল, তার সঙ্গে আর দুখানি ঘর করিয়েছিলেন। সামনে কিছু ফুলগাছ লাগিয়ে একটি বাগান তৈরি করেছিলেন। দেহে শ্রী এসেছিল। পূজার্চনায় কিন্তু অবহেলা, শৈথিল্য আসে নি। সে নিরমল করে যেতেন। ভক্ত যারা আসত, সেকালে কামাখ্যা দুর্গম তীর্থ ছিল, তাত্ত্বিক সন্ন্যাসী এবং কিছু কিছু দুঃসাহসী যাত্রী আসত। তাদেরও অধিকাংশ মরমনসিং, ধুবড়ী, কুচবিহার অঞ্চলের যাত্রী। এরা এলে এদের কথা শুনতেন, তাদের কাছে প্রণামী নিতেন। শিবানীকে বা পাশে নিয়ে বসে থাকতেন, দেখে সত্যিই যেন শিব ও সতীর মত দেখাত। শ্রামাকান্তের দেহ নখর হয়ে উঠেছিল, তাঁর গৌরবর্ণ উজ্জলতর মনে হত। বড় বড় চোখ, বেশার রক্তাভ এবং টুলটুল করত। কপালে গোল সিঁড়রের টিপ, গলায় মোটা রক্তাক্ষ। শিবানীর যখন বিবাহ হয়, তখন ষোড়শী হলেও রোগা ছিলেন, গায়ের রঙ ছিল কালো। কিন্তু তার দেহেও এসেছিল লাবণ্যের জোয়ার। দেহ ভরে উঠেছিল, গায়ের রঙে ফুটেছিল একটি পেলব সুসমা। চুল ছিল প্রচুর। সে চুলে সন্ন্যাসিনী ভৈরবী বলে তেল দিতেন না; ঋতু চুল ফুলে ফেঁপে মুখখানিকে ঘিরে এলিয়ে পড়ে থাকত, সামান্য বাতাসে উড়ত। মুখে প্রসন্ন হাসি। পূজা-অর্চনার আরোহণ এবং শ্রামাকান্তের সেবাতেই থাকতেন অহরহ মগ্ন। সন্ধ্যার শ্রামাকান্ত নিত্য গান রচনা করে গান করতেন।

সময়টা সেকাল সুলভ। তার উপর কামাখ্যাতীর্থের গভীর মধ্যে ছিল তাঁদের আশ্রম। লোকে যে মন নিয়ে আসত, তাতে তাঁকে দেখে লোকে বলত—সাক্ষাৎ মা।

দেখিয়া শুনিয়া মনে মনে বড়ই আনন্দলাভ করিয়াছিলাম। মহেশচন্দ্রের পত্রে রয়েছে—শিবানী দেবীর বিমাতা দেহভাগ্য করিলেন। নবম মাসে জ্বররোগে আক্রান্ত হইয়া করেক দিবসের মধ্যেই তদীয় প্রাণবায়ু নির্গত হইল। ইহার পরও কিছুদিন শ্রামাকান্ত শাস্তই ছিলেন। হঠাৎ কি ঘটিল তিনি জানিতেন, প্রথমই কেমন যেন স্তম্ভিত স্তম্ভ হইয়া গেলেন। কাহাকেও কিছু বলেন না। চিন্তাঘূর্ণিত বলিয়া মনে হইত।

আমি জিজ্ঞাসা করিতাম—কি হইয়াছে ? এত চিন্তা কর কিসের ?



তিনি নিরুত্তর থাকিতেন। তাহার সে দৃষ্টি দেখিয়া আমারও ভয় লাগিত।

একদিন বলিলেন—সব ভুল হইয়া গেল। স—ব।

জিজ্ঞাসা করিলাম—কি ?

বলিলেন—তুই বুঝিতে পারিবি না।

ইতিমধ্যে কয়েকজন যাত্রী আসিয়াছিল তাহাদিগকে কুৎসিত গালিগালাজ দিয়া বলিলেন—  
যাও—যাও—যাও। এখানে কিছু নাই। এখানে কিছু নাই। ফাঁকি। ফাঁকি।

সে চীৎকার বীভৎস চীৎকার। হঠাৎ আবার থামিয়া গালিগালাজ শুরু করিলেন কোন নারীকেই। যেমন পূর্বে করিতেন।

আমি বাধা দিতে চেষ্টা করিলাম পূর্বের মত, কিন্তু সেদিন ক্ষিপ্তের মত উঠিয়া আমাকে প্রহার করিতে আরম্ভ করিলেন। আমি অপমানিত বোধ করিয়া উঠিয়া চলিয়া আসিলাম। উঠিয়া চলিয়া আসিতেছি এমন সময় শিবানী দেবী আমাকে মিনতি করিয়া ডাকিলেন—দাদা! আমি তাঁহার আহ্বান উপেক্ষা করি নাই, দাঁড়াইয়াছিলাম, ভাবিয়াছিলাম বলিব—তুমি দুঃখ করিও না ভগ্নী; তোমার উপর কোন রাগ অভিমান করিয়া যাইতেছি না। কিন্তু তাহা বলা হইল না, তাহার পূর্বেই শ্রামাকান্ত গর্জন করিয়া পত্নীর চুলের মুঠায় ধরিয়া তাহার গওদেশে চপেটাঘাত করিয়া বলিলেন—যা—যা—তুই স্নেহ চলিয়া যা। বাহির হইয়া যা!

ইহার পর আমি আর দণ্ডায়মান থাকি নাই, চলিয়া আসিয়াছিলাম। আর কিছুদিন ওদিকে যাই নাই। হঠাৎ একদিন সংবাদ পাইলাম, পাণ্ডুরাই সংবাদ পাঠাইয়াছিলেন, যে শ্রামাকান্তের আশ্রমে একটা দুর্ঘটনা ঘটিয়া গিয়াছে। শিবানী দেবী প্রায় অর্ধমৃত এবং শ্রামাকান্ত কোথায় চলিয়া গিয়াছেন!

তাড়াতাড়ি গিয়া যাহা দেখিলাম, যাহা শুনিলাম, তাহাতে স্তম্ভিত হইয়া গেলাম এবং শ্রামাকান্তকে নরপিশাচ না ভাবিয়া পারিলাম না!

পাণ্ডুরা বলিলেন—শ্রামাকান্ত সেই হইতেই আবার উন্নত দুর্দান্তপনা শুরু করিয়াছিলেন। কয়েকদিন কখনও বুক চাপড়াইতেন, চীৎকার করিতেন। এবং চারিদিকে পাগলবৎ ঘুরিতেন। আর নিষ্ঠুর নির্ধাতন করিতেন স্ত্রীকে। অকথ্য গালিগালাজ এবং মধ্যে মধ্যে তাঁহাকে প্রহারও করিতেন।

কয়েকদিন পর একটা পরিবর্তন হইল। শ্রামাকান্ত আরও ভয়ঙ্কর হইলেন। বুক চাপড়াইয়া হায় হায় করিতেন না। গর্জন করিতেন। সবই কামাখ্যাদেবীর প্রতি। ঘটনার দিন সকাল হইতেই গুঁরা গুঁরা শব্দ করিতে শুরু করিয়াছিলেন। মন্দিরের সামনে দাঁড়াইয়া ওইপ্রকার শব্দ করিতে করিতে নিজের গলা টিপিয়া ধরিতেছিলেন। আশ্রমে যান নাই। কিছু আহ্বার করেন নাই। হঠাৎ সন্ধ্যার মুখে আশ্রমে কিরিয়া উন্নতবৎ ভৈরবীদেবীকে আক্রমণ করিয়াছিলেন। সৌভাগ্যক্রমে কয়েকজন পাণ্ডা আশ্রমের পাশ দিয়া কিরিতেছিল, তাহারা তাঁহাকে চাপিয়া ধরে, নহিলে শিবানী দেবীকে হয়তো মারিয়াই ফেলিতেন। কিন্তু উন্নত শ্রামাকান্ত তাহাদিগকেও প্রহার করিতে উজ্জত হইতেই তাহারাও তাঁহাকে আক্রমণ করিয়াছিল। এবং ধরিয়া হস্ত বন্ধন করিয়া আশ্রমের ঘরেই বদ্ধ করিয়া দিয়াছিল। শিবানী দেবী তখন আহত, তাঁহার মাথায় আঘাত লাগিয়া কাটিয়া রক্তপাত হইতেছিল। সর্বাঙ্গ প্রহারে জর্জরিত। চেতনা ছিল না। তখন সকলে পরামর্শ করিয়া তাঁহাকে কোনমতে বহন করিয়া পাণ্ডাদের গৃহে আনিয়া সেবা-শুশ্রূষা করিয়া চেতনা সঞ্চার করিয়াছে। তিনি এখনও খুবই কাতর। এদিকে শ্রামাকান্তের আশ্রম শূন্য। যে ঘরের দরজা বদ্ধ করিয়া তাঁহাকে বন্দী করিয়া রাখা হইয়াছিল সে ঘরের

বার ভয় ; শ্রামাকান্ত রাজ্বেই হাতের বন্ধন কোনক্রমে খুলিয়া বন্ধ দ্বার ভাঙিয়া কোথায় চলিয়া গিয়াছেন ।

আমি কি করিব, আমি শিবানী দেবীকে গৃহে লইয়া আসিলাম । পাণ্ডাদের মধ্যে এক বৃদ্ধ প্রবীণ তান্ত্রিক বলিয়াছিলেন—মহুয়াটি ভ্রষ্ট হইয়া উন্মাদ হইয়া গিয়াছে । এইরূপই হইয়া থাকে ।

শিবানী দেবী স্তম্ভ হইলে তাঁহার নিকট যাহা শুনিলাম, তাহাতে ভরে বিশ্বাসে ঘৃণার অভিজুত হইয়া যাইলাম ।

\*

\*

\*

স্বপ্নেশ্বর চিঠিখানা মূড়ে রেখে বললে—এরপর চিঠিখানায় যে সব ঘটনার বর্ণনা আছে তা সেকালের ভাষায় হয়তো তোমার মনে হবে অশ্লীল । অশ্রাব্য । মহেশচন্দ্র লিখেছেন—এবার তোমার কাছে যাহা বর্ণনা করিতেছি, তাহা তোমার সম্মুখে আমি বাক্যে প্রকাশ করিতে পারিতাম না । পত্রে লিখিতেও ইচ্ছা হইতেছিল না, কিন্তু মা ভবানী আমাকে বলিল—“সমুদয় সত্য বৃত্তান্ত অকপট ভাবে আপনি বিস্তারিত ভাবে তাঁহাকে জ্ঞাত করুন—নতুবা আমার অপরাধ লাঘব হইবে না ।”

তিনি বা লিখেছেন তা তোমাকে আমি এ কালের ভাষায় বলছি । বুঝতে তোমার কষ্ট হবে না ।

শ্রামাকান্ত বামাচারী তান্ত্রিক—তিনি গোড়া থেকে পুরুষ হিসেবে মহাশক্তিকে চেয়েছিলেন প্রকৃতিরূপে । তিনি তাঁর স্বামী অর্থাৎ প্রভু হবেন । যোগিনী সাধনের মধ্যে তিনি তাঁকে পেতে চেয়েছিলেন কীর্তিহাটের সিদ্ধাসনে বসে । সেখান থেকে জলে ভেসে যেতে যেতে চরে এসে ঠেকে বেঁচেছিলেন । তারপর এসেছিলেন কামাখ্যায়, সেখানে ওই ষোড়শী শিবানীকে দেখে মুগ্ধ হয়ে তাকে বিবাহ করে সঙ্গীক সাধনার পেতে চেয়েছিলেন মহাশক্তিকে ।

তিনি শিবানী দেবীকে বলতেন—দেবী আসবেন, সাক্ষাৎকার হলে তাঁকে অধিষ্ঠাতা হতে হবে শিবানীর মধ্যে । আর তিনি নিজে পাবেন শিবত্ব । কলে তাঁদের হবে অনন্ত জীবন অনন্ত যৌবন, আর তাঁরা হবেন অনন্ত শক্তির অধীশ্বর ।

বলতেন আর হাসতেন । মধ্যে মধ্যে একটি গান করতেন—যে গানটি তিনি অস্ত্র কাকর সামনে গাইতেন না ।

আর তুই পালাবি কোথা ?

উকি মেরে মুচকি হেসে

ফাঁকি দিয়ে ছোঁখা ছোঁখা ।

• মেঘের ফাঁকে বিছাভের মত

উকি মেরে মুচকি হেসে—

এবার তাকে ধরেছি নাগাল

হরেছি তালগাছের মাথা ।

আর তুই পালাবি কোথা ?

শিবানী দেবী ভীত হতেন । তাঁর অন্তরাঙ্গা জ্বলিত হয়ে উঠত । তিনি মিনতি ক’রে বলতেন—না—না । এ গান তুমি গেরো না ।

হা-হা ক’রে হেসে শ্রামাকান্ত বলতেন—ভর লাগছে তোর । লাগবে । প্রথম প্রথম ভর হবে যে । সহজ কথা তো নয় ! সুখি এসে ঢুকবে পিদিমের মধ্যে । বুঝি না ! তখন তো

মাটির পিদিম ভায় সলতে ভায় তেল সব ফুস হয়ে যাবে। হাঁ। ওই শিখা তখন জ্যোতি হবে। পিদিমের মত ভায় ভয় হবে বইকি! কিন্তু সাহস কর। সাহস কর।

শিবানী দেবী প্রাণপণ চেষ্টা করেও সে সাহস অর্জন করতে পারেন নি। তিনি চোখ বুজে ধ্যান করতে গিয়ে ভয় পেতেন। তিনি মনে মনে বলতেন—না—মা—না। তুই এমন রূপে আসিস নে, মা—এমন রূপে আসিস নে। আমাকে লোপ করে দিসনে। শাস্ত্র মূর্তিতে আর, ছোট হয়ে আর—মা বলে আর। আমি তোকে মা বলে ডাকি। তুই ওকে বাবা বলে ডাক। ওর মনকে ভুলিয়ে দে—গলিয়ে দে!

এমনি ভাবেই চলছিল সাধনা। বিলম্বে অধীর হয়ে উঠছিলেন শ্রামাকান্ত। বলতেন—এ কি হ'ল। নাগালের মধ্যে এসেছে অথচ কি হচ্ছে? যেন ছুঁয়ে-ছুঁতে পারি না। আচ্ছা দেখি কতদিন এই চার আঙুল বাইরে থাকিস? তুই না এগিয়ে আসিস আমি এগুব। ধরব তোকে।

সেই এক পা সামনে ফেলেই তিনি আতর্নাদ করে উঠলেন। কি যেন ঢুকল পায়ের তলায়। সে এক নিষ্ঠুর যন্ত্রণাদায়ক বিষকণ্টক। ওই বিষকণ্টক পেতে রেখেই শ্রামাকান্তের নাগালের চার আঙুল বাইরে থেকে একহাত সামনে এক যবনিকা ধরে নিজেকে অদৃশ্য রেখে অনন্ত রহস্যময়ী তাঁকে গন্ধে সুরে স্বাদের আভাসে ইন্দ্রিতে আহ্বান করে বলছিলেন—এস—এস—এস। শ্রামাকান্ত এগিয়ে যেতে পা ফেলতেই সেই কাঁটাতে আহত হয়ে আতর্নাদ করে বসে পড়লেন।

হঠাৎ সেদিন প্রকাশ পেল—শিবানী দেবী সন্তানসম্ভবা।

শিবানী দেবীই বলেছিলেন। সাধনায় আমি বসব না। আমি—

শ্রামাকান্ত যেন বজ্রাহত হয়ে গেলেন। সুরেশ্বর বললে—এখনি বললাম মহাশক্তি বিষকণ্টক পেতে রেখে সামনে ডেকে শ্রামাকান্তকে আহত পঙ্ক করে দিলেন। না। তিনি তালগাছ হ'তে গিয়েছিলেন—তিনি বজ্রাঘি হয়ে এসে তাঁর মাথায় পড়ে বললেন—আমাকে ধর। আমি এসেছি!

সত্যসত্যই বজ্রাহতের মত শ্রামাকান্ত বলসে গেলেন। এ কি হ'ল? তিনি ঘরে গিয়ে উপুড় হয়ে পড়লেন।

সব গেল! এ সাধনায় সন্ধিনী আছে। সেখানে জাতিবিচার নেই। প্রকৃতি-পুরুষের সহজ আচরণে বাধা নেই। কিন্তু সন্তান তো নেই! এ সাধনায় বর্তমানকেই অনন্তে প্রসারিত করে, ফুল কোটে, ফল তো নেই, ভবিষ্যতের বীজ তো বহন করে না! ফল হলেই সব গেল। হয়ে গেল। বর্তমান তো নেই, ফুরিয়ে গেল বর্তমান।

মহেশচন্দ্রের চিঠিতে এ সম্পর্কে সেকালের ব্যাখ্যা আছে।

সেই তাত্ত্বিক পাণ্ডা তাঁকে বলেছিলেন—এমনিই হয়। মহাপ্রকৃতি সামনে ওই আবরণটি রেখে এগিয়ে এসে ইশারা দেন ওই 'সব অলৌকিক শক্তির। গন্ধের ইশারা, স্বাদের ইশারা, স্পর্শের ইশারা। সাধক ঠিক থাকলে তিনি নিজেই আবরণ ফেলে দেখা দেন। যা বলে লুটিয়ে পড়লে করুণাময়ী হয়ে তুলে নেন। আর এ পথে এমনি হয়, এ ভুল হবেই, ভুল হলেই আবরণটি পড়ে যায়। ওপারে কোথায় কি? কিছু নেই, শূন্য অন্ধকার, সেখানে দম্ভশূন্য জড়তার শূন্য মুখগহ্বরের মত বীভৎস ভয়ঙ্কর এক হাঁ তাকে গ্রাস করতে আসে।

অনুভবের বদলে মৃত্যু আসে।

শ্রামাকান্তেরও মৃত্যু হল। মৃত্যু হয়েও এখানে নিষ্কৃতি নেই। প্রেত হয়। সাধক

শ্রামাকান্ত সেই প্রেত হয়ে উঠেছিলেন।

তিনি চেয়েছিলেন শিবানীর গর্ভের সন্তানের যত্ন। কিন্তু শিবানী তাকে রক্ষা করতে চেয়েছিল। সেই সংঘর্ষের সময়েই দৈবক্রমে পাণ্ডারা এসে তাঁকে রক্ষা করেছিল।

প্রেত কোথায় কোন নরকের মুখে ছুটেছিল কেউ খোঁজ করে নি। শিবানী দেবী কিন্তু খোঁজ করেছিলেন। তাঁর অল্পরোধে মহেশচন্দ্র তাঁর সন্ধান করেছিলেন। মাস দুয়েক পর সন্ধানও পেয়েছিলেন। তখন শ্রামাকান্তের অবস্থা নরকের প্রেতের মত।

খুবড়ী থেকেও কয়েক ক্রোশ দূরে ব্রহ্মপুত্রের ধারে একখানা মুসলমান গ্রাম, উম্মাদ শ্রামাকান্ত তাদের মধ্যেই বাস করছেন। তারা তাঁকে ব্রহ্মপুত্রের তটের এক নির্জন অশানে একদিন সকালে একটা অর্ধজলন্ত চিতার ছাই এবং অঙ্গারের উপর উপুড় হয়ে পড়ে থাকতে দেখেছেন। দূরে ছিল একটা শব আর একটা অজ্ঞান ব্রাত্যনারী। তারা নৌকার মাঝি। ওই অশানে তখন কিছুদিন শ্রামাকান্ত বাস করছিলেন। তারা তাঁর গন্ধ আনার শক্তির কথা জানত। মাটিকে ছাইকে গুড় করতে পারার ক্ষমতারও পরিচয় পেয়েছিল। সেদিন সকালে সেই গন্ধবাবাকে চিতায় এমন করে পড়ে থাকতে দেখে তারা তাঁকে ভুলে নিয়ে গিয়েছিল নিজেদের গ্রামে। সমস্ত মুখটা পুড়ে গেছে। চেহারা হয়েছে প্রেতের মত। দেহের ক্ষত ভাল হয়েছে কিন্তু ঘোরতর উম্মাদ। ওদের মধ্যেই বাস করছেন। ওদের সঙ্গেই থাকছেন। কোন বিচার নেই।

এ কথা শিবানী দেবীকে মহেশচন্দ্র জানাতে পারেন নি। গোপন রেখেছিলেন কথাটা।

সাত মাস পর শিবানী দেবীর সন্তান হল—কস্তা-সন্তান!

\*

\*

\*

মহেশচন্দ্র চিঠিটা খুলে সুরেশ্বর আবার পড়ল—এই কস্তাই ভবানী! আমার গৃহেই ভবানী ভূমিষ্ঠা হইয়াছিল।

মদীয় পত্নী সন্তানসন্ততিহীন। অতি মমতাময়ী ছিলেন এবং ধর্মপ্রাণাও ছিলেন। তদীয় ধর্মপ্রাণতার জন্তই আমি যৌবনে ক্রীষ্টান ধর্মের প্রতি আকৃষ্ট হইয়াও সে ধর্ম গ্রহণ করিতে পারি নাই। তিনি শিবানী দেবীকে সাতিশর প্রজ্ঞাভক্তি করিতেন। ভবানী ভূমিষ্ঠ হইবার পর তিনিই একরূপ তাহার মাতা হইয়া তাহাকে ক্রোড়ে তুলিয়া লইয়াছিলেন। কারণ শিবানী দেবী সন্তান-প্রসবের পর আবার কঠোরভাবে সন্ন্যাসিনীর মতই জীবনযাপন করিতেন। আচার আচরণ, এমন কি তত্ত্বমতে পঞ্চপর্বে উপবাস করিয়া থাকিতেন, সমস্ত রাত্রি বসিয়া থাকিতেন জপের আসনে।

কস্তাকে দেখিতেন মদীয় পত্নী।

তিন বৎসর পর তিনি সজ্ঞানে দেহত্যাগ করেন।, সামান্য জ্বর হইয়াছিল। সম্মুখে তিনদিন পর ছিল বৈশাখী পূর্ণিমা। দ্বিতীয় দিন হইতেই আমাকে এবং মদীয় পত্নীকে ডাকিয়া বলিয়াছিলেন—আমি আগামীকাল্য সম্ভবতঃ দেহরক্ষা করিব। এই কস্তা আপনাদিগকে দিলাম। আপনারা ইহাকে পালন করিবেন। এই কস্তাকে বিবাহ দিবেন না। বয়ঃপ্রাপ্ত হইলে উহার পিতা-মাতার বৃত্তান্ত সমস্ত বলিয়া বলিবেন যে, তাহার পিতাকে পাপমুক্ত করিবার জন্তই তাহার জন্ম। সে যেন সমস্ত জীবন শুদ্ধাচারে থাকিয়া মহামায়ার পূজা করে। কোন শুদ্ধ সাধুকে জিজ্ঞাসা করিলেই তিনি বিধি বলিয়া দিবেন। হাসিয়া বলিয়াছিলেন—বিবাহই বা কে করিবে। প্রথমতঃ এই সন্ন্যাসের মধ্যে বাহার জন্ম তাহার জাতি নাই। তাহার উপর তিনি জাতি হারাইয়া মুসলমানদের মধ্যে বাস করিতেছেন! কে তাহাকে বিবাহ করিবে?

আর বিবাহ দিতে গেলেই তাঁহার পরিচয় জানাজানি হইবে। সে যেন না হয়। আর কোন-রূপ অনাচার—যে মন্তপারী, যে পরদারাসক্ত, তাহার সংশ্রব—এ কঙ্কার সহ্য হইবে না। এরূপ হইলে ইহার মৃত্যু হইবে।

তুমি যখন উপযাচক হইয়া বিবাহ করিতে চাহিলে, তখন তোমার মত পাত্র পাইয়া ভবানীর ভাগ্য ভাবিয়াই প্রলোভন সংবরণ করিতে পারি নাই। ভাবিয়াছিলাম সব কথাই তোমাকে বলিব, তুমি জানিয়া যদি বিবাহ কর তবে আপত্তির কি আছে। কিন্তু সব বলিতে পারি নাই। শিবানী দেবীকে স্মরণ হইয়াছিল। শুধু বলিয়াছিলাম—কঙ্কাটি এক সিদ্ধ তান্ত্রিক সন্ন্যাসীর কঙ্কা। তাঁহার সন্ন্যাসী সন্ন্যাসী হইয়া তন্ত্র-সাধনা করিতেন। কঙ্কাটিকে আমাকে দান করিয়াছেন। তাঁহাদের নাম জানিতে চাহিও না। এবং মন্তপান বা কোনপ্রকার পরনারী সংশ্রব করিতে পারিবে না, যদি এরূপ শপথ কর তবে বিবাহ দিতে পারি।

তুমি তাহাতে রাজী হইয়াছিলে !

\*

\*

\*

বীরেশ্বর রায় চিঠিখানা পড়ে চোখ বুজে চুপ করে বসেছিলেন।

সামনে ছেদী সিং এক পায়ের উপরেই ভর দিয়ে উপুড় হয়ে বসেছিল। এতক্ষণ ধরেই সে বসে আছে। একটি বাক্য উচ্চারণ করে নি। শব্দ করে নি। ১৮৫৮ সালের কীর্তিহাটের কাছারী চলছে নিচে।

পাইকদের হাঁকডাক চলছে। নায়েব-গোমস্তার শাসনবাক্য শোনা যাচ্ছে। আস্তাবলে ঘোড়ার ডাক উঠছে।

হাতীটা কোথাও থেকে এল, গজেন্দ্র-গমনের তালে তালে শেকলে বাঁধা ঘণ্টা বাজছে ঢঙ—ঢঙ। ঢঙ—ঢঙ!—ঢঙ—ঢঙ!

অনেক লোকের আওয়াজ শোনা গেল। বোধ হয় কোন মহলের প্রজারা এসেছে।

বীরেশ্বর রায়ের কাছে এসবের অস্তিত্বও যেন ছিল না। তাঁর মনে এই বিচিত্র কথাগুলিই ঘুরছিল। কালটা সেকাল। অবিশ্বাস তিনি করেন নি। তিনিও তো দেখেছেন এমন মানুষ। কলকাতার ময়দানের ঘাসের বন আর জঙ্গলের মধ্যে এক পাগল হাতে ঘষে গন্ধ দেয়, মাটি তুলে দিলে গুড় মনে হয়। অপরূপ কণ্ঠস্বর তার। শুকু রাতে গান শুনে চোখে জল আসে। মধ্যে মধ্যে গলা টিপে ধ'রে বলে—ছেড়ে দে—ছেড়ে দে। বলতে দে!

দ্বিতীয় খণ্ড সমাপ্ত

# কীর্তিহাটের কড়চা

তৃতীয় খণ্ড



শ্রীমৎকাঙ্কের অভিলাষ নাকি রায়বংশ বহন করছে—শুধু শ্রীমৎকাঙ্কের নয়—এ পাপের অংশ—সোমেশ্বর রায়—ভাষাতি করে তাঁর কাছে থেকে কেড়ে নিয়ে আত্মসাৎ করেছিলেন। এই ছিল রায়বংশের বিশ্বাস।

সেকালের বিশ্বাস।

শুলভা বললে—তাঁর মানে তো বুঝলাম না। সোমেশ্বর রায় তাঁকে জলে ঠেলে ফেলে দিয়েছিলেন বলে ?

শ্রীমৎকাঙ্ক বললে—এ প্রশ্ন সেইদিনই বীরেশ্বর রায় তাঁদের কুলপুরোহিত রামব্রহ্ম জ্বররত্নকে করেছিলেন। যখন বীরেশ্বর রায় মহেশচন্দ্রের পত্র হাতে নিয়ে বসে ভাবছেন, তখনই রামব্রহ্ম ন্যায়রত্ন এসেছিলেন তাঁর সঙ্গে দেখা করতে। প্রয়োজন তাঁর জরুরী। কিন্তু দারোয়ান বলেছিল—জজুরের বারণ আছে। এখন তো—

কুলপুরোহিত রামব্রহ্ম রায়বাড়ীর শুধু পুরোহিতই ছিলেন না, তিনি সোমেশ্বর রায়ের দেবোত্তর স্টেটের একজন ট্রাস্টিও ছিলেন। তাঁর একটা অধিকার ছিল। তিনি গলা বেড়ে পরিকার করে নেওয়ার ছলে সাড়া দিয়ে ডেকেছিলেন—বীরেশ্বর !

বীরেশ্বর রায় ঘাড়টি ফিরিয়ে সাড়া দিয়েছিলেন—কে ? খানিকটা চিনতে পেরেছিলেন আওয়াজ থেকে ; অল্প কেউ হলে হয় সাড়া দিতেন না, নয় দারোয়ানকে বলতেন—পরে আসতে বল !

রামব্রহ্ম বলেছিলেন—আমি রামব্রহ্ম।

সজাগ হয়ে উঠে বীরেশ্বর বলেছিলেন—আমুন !

ছেদী তাড়াতাড়ি লাঠিতে ভর দিয়ে উঠেই গিয়ে দরজাটা খুলে দিয়েছিল।

রামব্রহ্ম এসেই বলেছিলেন—একটি কথা যে বলতে এসেছি বাবা !

—বলুন।

—তোমার ভাগিনেয়, বলতে গেলে রায়বাড়ীর বংশধর সে-ই। তুমি তো আর বিবাহ করলে না। কমলাকান্ত শ্রীমৎকাঙ্ক এসেছে। শুনেছ ?

—শুনলাম ছেলীর কাছে।

—কি জন্ত এসেছে, শুনেছ ?

—হ্যাঁ, রবিনসন নীলকুঠী করছে শ্রীমৎকাঙ্ক ঠাকুরপাড়ায় ; সে তাদের জমিতে জোর করে নীল বুনিয়েছে। কমলাকান্ত এসেছে সেখানে ; বিমলাকাঙ্কের পত্র নিয়ে।

—হ্যাঁ। ছেলী তার সঙ্গে এসেছে। ছেলীর হাতে বিমলাকান্ত বাবাজী আমাকে পত্র দিয়েছে। লিখেছে “কমলাকান্ত জেলী।” তাহার প্রকৃতি বীরেশ্বরের মত। সে ঝগড়াবাঁটি বাখাইয়া বসিতে পারে। কালটা বড়ই বিরুদ্ধ কাল। আমাদের গ্রহের ফেরৎ বটে এবং সিপাহী বিদ্রোহের পর ইংরাজদের আক্রোশ বাড়িয়াছেও বটে। সুতরাং বীরেশ্বরবাবাকে অহরোধ করিবেন যেন এই বিবাদটা তিনি মিটাইয়া দেন।” তা বিমলাকান্ত কি তোমাকে কোন পত্র দেখে নি ?

—না। বীরেশ্বর রায় হেসে বলেছিলেন—তাতে তার সম্মানের হানি হত।



—না-না বাবা। বিমলাকান্ত দেবতুল্য ব্যক্তি। কিছু মনে করে না। অবিচার বহু তার ওপরই হয়েছে। কথাটা তোমাকে এতদিন আমার বলা উচিত ছিল। কিন্তু বলতে পারিনি। তোমার পিতা আমাকে তাঁর শেষ অসুখের সময় বলেছিলেন। বলেছিলেন—বিমলাকান্তের পিতার কাছে যে অপরাধ করেছি, তার আর মার্জনা নেই আমার। তার কল আমি পেয়েছি। বুঝতে পারছি পরকালে অনন্ত নরক হবে আমার। তাছাড়া যে পাপ আমি ঘাড়ে করেছি, সে পাপ আমার বংশকে আশ্রয় করে বংশকেও নরকস্থ করবে।

—আপনি বিমলাকান্তের বাপকে, তাত্ত্বিক শ্রামাকান্তকে, কীসাইয়ের বস্ত্রায় ফেলে দেওয়ার কথা বলছেন?

সবিস্ময়ে রামব্রহ্ম বললেন—তুমি কি করে জানলে?

—জেনেছি।

—কবে?

বীরেশ্বর রায় বলেছিলেন—বাবা আপনাকে মৃত্যুর পূর্বে অসুখের সময় কি বলেছিলেন?

—তুমি তো জান বলছ, বাবা!

—ভব আমি আপনার কাছে শুনতে চাই। যা শুনেছি তা কতটা সত্য, তা একটু মিলিয়ে দেখতে চাই।

একটু চুপ করে থেকে রামব্রহ্ম ন্যায়রত্ন বলেছিলেন—সে আমি তোমাকে মুখে ব্যক্ত করতে পারব না। কারণ—একটু চুপ করে থেকে বলেছিলেন—তুমি তাঁর পুত্র, আমি তোমার পুরোহিত, তোমার পিতার পাপের কথা তোমাকে মুখে-মুখে বলতে জিহ্বা আড়ষ্ট হবে। আর তোমার মানও হয়তো—। হেসেছিলেন স্ত্রীরত্ন। আমি ভাল করে শ্রবণ করে লিখে জানাব। একটু নীর্বিশ্বাস ফেলেছিলেন। তারপর বলেছিলেন—কিন্তু বিমলাকান্তের কথা থাক; কমলাকান্ত তোমার ভাগিনেয়, অত্থাপি তক বলতে গেলে তোমারও বংশধর, তাকে রক্ষা করা তোমার কর্তব্য। ছেদী চিঠি এনেছে, তার সঙ্গে একই নৌকাতে এসেছে আমার কস্তা এবং দৌহিত্রী। তাদের কাছে শুনলাম, বিপদ আসন্ন হয়ে উঠেছে বাবা। কমলাকান্তের সঙ্গে রবিন সাহেবের বচসা হয়ে গেছে। কমলাকান্ত শুধু বিমলাকান্তের রক্তধারা বহন করে না, সে বিমলার পুত্র, তোমাদের রক্ত রয়েছে, মহাজেন্দী। ইংরাজী লেখাপড়া শিখা করেছে, সে ইতিমধ্যে গ্রামের লোকেরদের নিয়ে বিবাদের জন্ত প্রস্তুত হয়ে উঠেছে। সেই কারণেই আমার বৈবাহিক আমার কস্তা-দৌহিত্রীকে এখানে পাঠিয়ে দিয়েছে। বিলম্ব করলে হয়তো এমন কিছু ঘটে যাবে, বার আর প্রতিকার করবার কোন পথ থাকবে না।

বীরেশ্বর রায় বলেছিলেন—আমি আজই পত্র লিখে লোক পাঠাচ্ছি। সঙ্গে সঙ্গে বজরাও পাঠাচ্ছি, কমলাকান্তকে এখানে নিয়ে আসবে। যা করবার আমি এখান থেকে করব। তার লেখানে থাকবার প্রয়োজন কি?

রামব্রহ্ম বিস্মিত হয়েছিলেন বীরেশ্বর রায়ের কথা শুনে। বালক কমলাকান্তের উপর বীরেশ্বর রায়ের ক্রুদ্ধ আক্রোশ এবং যুগার কথা তিনি জানতেন, চোখে দেখেছেন তিনি। পাঁচ বছরের কমলাকান্তকে চাকর কোলে নিয়ে বেড়াতে; ঠেলাগাড়ীতে চড়িয়ে বাগানে ঘোরাতে;

বীরেশ্বর রায় সেখানে থাকলে বলতেন, নিয়ে যা এই উল্লুক, ওটাকে নিয়ে যা এখান থেকে। নিয়ে যা বলছি।

শেষ পর্যন্ত এমন হয়েছিল; তখন তিনি মন্তপান করতে শুধু করেছেন; তিনি হুকুম দিয়েছিলেন—ওটাকে যেন তাঁর সামনে কেউ নিয়ে না আসে। যে আনবে চাবুক মেয়ে তার পিঠের চামড়া ভুলে দেব আমি।

বীরেশ্বর রায় ভবানী দেবীকে নিয়ে থাকতেন বিবিমহলে। বিমলাকান্ত থাকতেন বাড়ীর দ্বিতীয় মহলটায়। কমলাকান্তকে মাহুষ করবার জন্ত দাসী ছিল—তাদের হাতে সে মাহুষ হত। সে বড় ভালবাসত ভবানী দেবীকে; বিবিমহলে যাবার জন্ত ঝাঁক ধরত। কিন্তু সেখানে যেতে পেরে না সে। ভবানী দেবীরও হুকুম ছিল না এ মহলে আসবার।

রামব্রহ্ম ঝায়রত্ন থেকে সকলেই যা বুঝেছিল তা সহজ অল্পমানের কথা। একসঙ্গে বিমলার এবং ভবানীর সন্তান হল, মৃতবৎসা দোষগ্রস্তা বিমলার ছেলে বাঁচল, আর ভবানীর প্রথম সন্তান মরল। এই দুঃখ এবং ক্ষোভ থেকেই হিংসার এমন হয়ে উঠেছেন বীরেশ্বর রায়। শেষ পর্যন্ত বিমলাকান্ত পুত্র কমলাকান্তকে নিয়ে এখান থেকে চলে গেলেন, আর ফিরলেন না। সে আজ বারো বৎসর। এই বারো বৎসরের মধ্যে বীরেশ্বর রায় ভয়িশক্তি-ভাগিনেয়ের নাম মুখে আনেন নি। কোন সংবাদ নেন নি। এমন কি নিজের বাপের উইলকে একরকম গায়ের জোরে নাকচ করে দিয়েছেন। কমলাকান্ত দৌহিত্র হিসাবে সোমেশ্বর রায়ের আট আনা অংশের উত্তরাধিকারী, তাকে আজ এই বারো বছরের মধ্যে জমিদারীর লভ্যাংশ দেন নি। তত্ত্বজ্ঞাস বলেও কোন টাকা কি সামগ্রী তাকে পাঠান নি।

বিমলাকান্ত নির্যোভ মাহুষ, সদাচারী পণ্ডিত মাহুষ, সকলে বলে—মাহুষটি দেব-চরিত্র। তিনি এ বিষয়ে কোন উচ্চবাচ্য করেন নি। কিন্তু কমলাকান্ত ছাড়বে না। সাবালক হলেই সে মামলা করবে। সকলের ধারণাই তাই।

গিরীন্দ্র আচার্য বলেন—মামলা হবেই ঝায়রত্নমশাই। তার আগে কর্ম পরিত্যাগ করতে হবে। না হলে ধর্ম থাকবে না। বীরেশ্বর মিটমাট করবে না। সহজে বিষয় দেবে না। বিষয় বিধ। শেষে এতে কুরুক্ষেত্র হবেই। দেখুন, রাজা নবকৃষ্ণ দেব, ক্লাইবের দেওয়ান, লক্ষ লক্ষ টাকা, বিষয় তো একটা রাজ্য বিশেষ। তাঁর উইল নিয়ে মামলা হল পোড়পুত্র গোপীমোহন আর ছেলের সঙ্গে। ছেলে জানে হারবে, তবু মামলা করলে। দুই পক্ষে ছ লাখ টাকা খরচ করে শেষে মিটমাট। মামলা চলে বিলেত পর্যন্ত। এও ভেমন হবে।

আচার্য দু-চারবার সাহস করে একথা বীরেশ্বরকে বলেছিলেন। বীরেশ্বর ক্রুদ্ধ হয়ে বলেছিলেন—ও কথা বলবেন না আমাকে। আমি বেঁচে থাকতে তা হবে না। হতে দেব না। আমার মৃত্যুর পর যা হয় হবে। মামলায় যদি হারি, তবে তৎক্ষণাৎ বীরেশ্বর রায় দেহত্যাগ করবে।

তাই আজ এমন অপ্রত্যাশিত উত্তর শুনে ব্রাহ্মণ উজ্জ্বলিত হয়ে উঠেছিলেন, তিনি এগিয়ে এসে রায়ের মাথার হাত বুলিয়ে বলেছিলেন—মঙ্গল হোক তোমার, মঙ্গল হোক বাবা। এই তো, এই তো মাহুষের মত কথা, তোমার মত কথা! আজ তোমার পিতা পরলোকে তৃপ্তি পাবেন।

বীরেশ্বর রায় নীরবেই সাধনের দিকে তাকিয়েছিলেন। সে দৃষ্টি কিছুটা উদাস, কিছুটা বেদনাভারাক্রান্ত, কিন্তু সে দৃষ্টি প্রশম।

রামব্রহ্ম বলেছিলেন—আমার কস্তা লক্ষী এসেছে। ওখানে যে সব কাণ্ড চলছে, তাতেই ওরা তাকে এখানে পাঠিয়ে দিয়েছে। সে বলছিল—কমলাকান্তের নাকি চেহারা হয়েছে কার্তিকের মত। বাপেদের বংশের মত মাথার খাটো নয়। এই লম্বা-চওড়া প্রশস্ত বুক, নাক আর চোখ এ দুটি—নাকি অবিকল তোমার মত। আমি বললাম—তা হবে না, ‘নরাণাং মাতুলক্ৰম’ যে হা।

বীরেশ্বরের মুখে এবার একটি বিচিত্র হাসি ফুটে উঠেছিল। শুধু তাই নয়, তাঁর বড় বড় উগ্র চোখ দুটিও নাকি জলে ভরে উঠেছিল। জায়গতের আর বিশ্বাসের সীমা ছিল না।

সেইদিনই সন্ধ্যায় জায়গত চিঠি লিখে বীরেশ্বরের হাতে দিয়ে এসেছিলেন। সোমেশ্বর রায় মৃত্যুর পূর্বে তাঁকে ডেকে অকপটে নিজের পাপের কথা বলে গিয়েছিলেন। বলেছিলেন—সেকালের মাহুঘের বিশ্বাসমত পারলৌকিক শাস্তির ব্যবস্থা করতে। নিজে বিছানায় বসে শাস্তিবিধানমত চাক্ষুণ্য প্রারম্ভিত করেছিলেন।

বীরেশ্বর রায় চিঠিখানা খুলে সাগ্রহে পড়ে কিছুক্ষণ চোখ বুজে ছিলেন। হয় বুঝতে চেষ্টা করেছিলেন, নয় বিশ্বাস করতে মর্মান্তিক ছঃষ পেয়েছিলেন।

মহেশচন্দ্রের লেখা চিঠিখানায় শ্রামাকান্তের বিবরণের ঘটনার সঙ্গে কোন অমিল নেই।

অমিল ছিল দুজনের দৃষ্টিভঙ্গীতে। দুজনেই আপন দোষ দেখতে পান নি। এখানে কিছুটা তফাৎ—শ্রামাকান্ত নিজের দোষ দেখেন নি। সোমেশ্বর কিছুটা দেখেছিলেন। জায়গত লিখছেন চিঠিতে—তিনি দীর্ঘনিঃশ্বাস কেলিয়া বলিয়াছিলেন—আপনি জানেন, স্বচক্ষে দেখিয়াছেন, এই তান্ত্রিকের কি অভ্যাস আর আমি সহ করিয়াছি! আপনিই আমাকে এসব অন্যাচার বীরাচারের সম্পর্কে সতর্ক করিয়াছিলেন, আমি তাহাও শুনি নাই। বংশের জন্ত আমি সব সহ করিয়াছিলাম। তবে পাপ আমার লোভ! আমার সন্তান বাঁচিল, অবশ্য কলিকাতায় সাহেব ডাক্তার চিকিৎসা করিবার সময় বলিয়াছিলেন—এবার রক্তদোষের চিকিৎসা হইল, এবার সন্তান রক্ষা পাইবে। কিন্তু তাহা আমি বিশ্বাস করি না। সন্তান ওই তান্ত্রিকই বাঁচাইয়াছেন। কারণ ওই সময়ে কোম্পানীর বিরুদ্ধে যে দশ হাজার ডিগ্রী পাইলাম, তাহা তো পাইবার কথাই নয়! দুইটা একসঙ্গেই ঘটিল। আগে ডিগ্রী পরে সন্তান। তান্ত্রিক হাসিয়া বলিলেন—এখন হইয়াছে কি, তোমাকে রাজ্য করিয়া দিব।

এতই লোভ হয়েছিল সোমেশ্বর রায়ের। তাঁর বিচারের দৃষ্টিতে তিনি তান্ত্রিকের শক্তির দুটি মূলধন দেখতে পেরেছিলেন। এক ওই সৌভাগ্যলীলা রাজরাজেশ্বর, আর তাঁর তান্ত্রিক সাধনা ভগ্নতার শক্তি, ওই মনোহরা যোগিনী!

তাঁর মনে মনে অভিজ্ঞার ছিল মনোহরাকে পেলে তিনিও এই সাধনা করতে পারবেন। এবং সিদ্ধিও পাবেন।

ইতিমধ্যে মনোহরাকে তিনি আকর্ষিত করবারও চেষ্টা করেছিলেন। মনোহরা—যোগিনী,

না দেবী, বাই হোক সে বাইরে ছিল একটা মাথাখারাপ দরিদ্রকন্ডার মত। সামান্য রঙচঙে জিনিস পেলে সে খুশী হত। ভাল খেতে পেলে খুশী হত। আর তার পেছ পড়েছিল বিমলার উপর। ছেলে কোলে নিয়ে সে বসে থাকত পরমানন্দে। এই সুযোগ নিয়েছিলেন সোমেশ্বর। ক্রমে তার বিশ্বাসও হয়েছিল যে, মনোহরার মন তাঁর প্রতি আকৃষ্ট হয়েছে। তিনি তাঁকে বলেছিলেন—ওই সাধুটাকে ছেড়ে দে না। আমার কাছে থাক। আমি কত জিনিস দেব; কত ভাল খেতে দেব। রাগীর মত রাখব। কি?

পাগলী বলেছিল—আমাকে মারবে না ওর মত?

—না, না, না। মারব কেন?

—ও আমাকে মারে। বড় মারে।

—তাই তো বলছি, ওকে ছেড়ে দে।

—ও যে আমাকে খুন করে দেবে। ও খুনে। বাবারে।

—ওকে তাড়িয়ে দেব এখান থেকে।

—ও মস্তর জানে, যেহে ফেলবে আমাকে। তোমাকেও ফেলবে। ও তোমাকে ভয় করে না।

ইষ্ঠ্য সোমেশ্বরের গলা জড়িয়ে ধরে বলেছিল—তুমি ওকে খুন করে দিতে পার না। দাও না গো! তোমার কাছে আমি খুব ভাল হয়ে থাকব। তোমার মেয়েকে মাহুষ করব। দাও না গো!

এই বীজ! বীজ অঙ্কুর মিলল। পাতা বের হল। ক্রমে-ক্রমে সোমেশ্বর মনে মনে সাপের মত চক্রান্তের পাকে-পাকে বিধবারের মত হিংস্র হয়ে উঠলেন। সেদিন রাত্রে ওই বস্তার নৌকো ভাসিয়ে ওপারে যাবার পথে তাঁর মনে সঙ্কল্প জাগল। এই সুযোগ। বস্তার এই দুর্দান্ত তুখানে ফেলে দেবেন। রক্তপাত করতে হবে না, আঘাত করতে হবে না, শুধু জলে ফেলে দেওয়া। মারবে ওকে কীসাই। প্রত্যক্ষ অপরাধ হবে না।

তাই দিলেন। কিন্তু—

সুরেশ্বর বললে—কথাটা বিচিত্র স্মৃতি, সোমেশ্বর রায় এই পাগল মনোহরাকে নিয়ে সাধন করতে সাহস করেন নি, তাকে আহারে-বিহারে নানা সামগ্রীতে সন্তুষ্ট করে নিজের বিলাস-সজ্জিনীতে পরিণত করে তাকে আটকে রেখেছিলেন। ধারণা ছিল যোগিনী তুষ্ট হয়েই তাকে ধরা দিয়েছে। তার দরাসে সব হবে।

তা হয়েছিল। সোমেশ্বর রায় তখন মহলের পর মহল কিনেছিলেন। রবিনসন সাহেবকে টাকা ধার দিয়ে তার কুটার লাভ থেকে লাভ পেয়েছিলেন। কলকাতার একজন সায়েব অ্যাটর্নীর কাছে টাকা ধার দিয়ে তার টাঙী হয়েছিলেন। কিন্তু কোন বিকৃতি তিনি পান নি।

মেয়েটা বেচে ছিল বছর তিনেক। তিন বছর সোমেশ্বর উদ্বাস্ত ছিলেন তাকে নিয়ে। বীরেশ্বরের জন্মের পর সে মারা যায়। অনেক দেওয়ার সঙ্গে সে তাঁকে আরও একটি সামগ্রী দিয়ে গিয়েছিল, সে হল সোমেশ্বরের আত্মনার উপর একটা দুর্দমনীর আকর্ষণ। এদিকে তাঁর কটি আগে ছিল না। আগে বান্ধকী রেখেছেন, বাড়ীতে সেবাদাসী রেখেছেন কিন্তু

ভ্রাতানারীতে রুচি ছিল না। এবার হল এই রুচি। রাজকুমারী কাত্যায়নী এক কস্তা, এক পুত্রের পর স্বামীকে দিয়েছিলেন অবাধ স্বাধীনতা। যা ইচ্ছা করুন, তিনি তাঁর পুত্র-কস্তা এবং গৃহের গৃহিণীকে নিয়েই পরিতুষ্ট।

স্বাম্যক লিখেছিলেন—শুধু ব্যভিচারের অস্ত্র যোগিনীকে লইয়া থাকার অস্ত্র তিনি ব্রষ্ট হইলেন, পাপগ্রস্ত হইলেন। তিনি স্বমুখে এই কথা আমাকে বলিলেন, এই পাপেই আমি ভূবিলাম। এই পাপ হইতে উৎপন্ন ব্যাধি হইতেই আমি মৃত্যুমুখে পতিত হইতে চলিয়াছি। অনন্ত নরকেও আমার বোধ হয় স্থান হইবে না। আপনি যথোচিত যাগ-যজ্ঞাদি করিয়া ইহার প্রতিকার করিবেন। তান্ত্রিকের নিকট ঋণ আমি শোধ করিয়াছি। বিমলাকান্তকে অর্ধেক সম্পত্তির অধিকারী করিয়াছি। কিন্তু মনোহরা যোগিনীকে লইয়া যে পাপ করিয়াছি ইহার প্রায়শ্চিত্ত কিসে হইবে জানি না।

সুরেশ্বর বললে—বীরেশ্বর রায় চিঠিখানা পড়ে কি ভেবেছিলেন, মনে তাঁর কোন প্রতিক্রিয়া হয়েছিল কিনা জানি না। তাঁর নিজের জীবনে সোফিয়া পর্বের মধ্যে এর কোন প্রভাব পেয়েছিলেন কিনা জানি না। তবে আমি যেন দেখেছিলাম। বিমলা থেকে বীরেশ্বর তিন বছরের ছোট; এই তিন বছরের মধ্যেই সোফিয়া এসেছিল তাঁর জীবনে। তবে সব ক'খানি চিঠি পড়ে তাঁর মনে পড়েছিল পাগলাবাবাকে, তার নিদর্শন আছে। এবং এ চিঠিগুলির প্রতিটি অক্ষর তাঁর মত মনে হয়েছিল। তিনি আকুল হয়ে পত্র লিখেছিলেন কমলাকান্তকে। কমলাকান্ত তাঁর কাছে রত্নেশ্বর; তিনি তাঁকে রত্নেশ্বর বলেই পত্র লিখেছিলেন। সে পত্রও আছে, এই দেখ। পড়ি শোন।

প্রাণাধিকেশ্ব,

অসংখ্য কোটি আশীর্বাদ এবং স্নেহচুষনপূর্বক শ্রীমান রত্নেশ্বর বাবাজীবন অত্র পত্রে তোমাকে লিখি যে, ছেদী সিং এবং অত্র রায়রাজবাটীর পুরোহিত পূজাপাদ জ্ঞানরত্নগহাশয় প্রমুখ্যৎ অবগত হইলাম যে, তুমি সম্প্রতি শ্রীশ্রীকাশীধাম হইতে দীর্ঘকাল পর কার্ঘ্যব্যপদেশে শ্রামনগর বাটী আগমন করিয়া তত্র অবস্থান করিতেছ। নীলকর জন রবিনসন সম্প্রতি শ্রামনগর ঠাকুরপাড়ার কুঠী পত্তন করিয়া তত্রস্থ জমিদার সরকারবাবুদিগের সহিত সহযোগ করতঃ ওখানকার ব্রাহ্মণ, কারস্থ ও অপরাপর প্রজাদিগের উপর অযথা উৎপীড়ন করিতেছ, বলপূর্বক প্রজা সকলের ধান্ন জমির ধান্ধাদি কমলসমূহ ভাঙিয়া দিয়া নীল বপন করাইতেছে। এমন কি রায়বাটীর জামাতা দৌহিত্রের জমিতেও জ্বরদন্তিপূর্বক নীল বপন করিয়া তোমাদিগের ভাগদার জোতদের নিৰ্যাতন, অপমান করিয়াছে, তৎসংবাদসমূহ অবগত হইয়া প্রতিকারার্থ তুমি কাশীধাম হইতে আসিয়াছ। উত্তম করিয়াছ। এতাদৃশ উৎপীড়ন, জ্বরদন্তি শুধুমাত্র অর্থক্ষতিকারক নহ, ইহা মর্যাদা-হানিকর ও অপমানজনক। অবশ্যই ইহার প্রতিবিধান প্রয়োজন। কিন্তু বাবাজীবন, অত্র বাটী—যাহা তোমার বাটী—তথায় না আসিয়া শ্রামনগরে আসিয়া ওঠা তোমার কি উচিত হইয়াছে? এবং নিরাপন্ন হইয়াছে? ইহাতে আমি মূর্খাস্তিক দুঃখ অহুভব করিলাম, মর্ম্মহলে আঘাত পাইলাম। দীর্ঘকাল তোমাকে নিরীক্ষণ করি নাই। তজ্জন্ত বন্ধে তাপ অহুভব করি। আমার তো তুমি ব্যতীত কেহ নাই। যক্ষের মত সমস্ত আগলাইয়া বসিয়া আছি মাত্র।

রক্তেশ্বর তাঁর সন্তান, প্রথম সন্তান ।

দ্বিদি বিমলার জন্ত সেদিন এ-সত্য গোপন করেছিলেন তাঁরা। তাঁরা ভিনজনে। তিনি, বিমলাকান্ত এবং ভবানী। আর জানত বিমলা, সে নিজে চোর! সে গত। আর জানতেন তাঁর বাবা। সোমেশ্বর রায়। তিনিই এ সংবাদ গোপন করে রাখতে অহরোধ করেছিলেন। বলেছিলেন—বিমলা গত হোক, ও বৈশ্বমিনী বাঁচবে না। তারপর তুমি পোতপুত্র নিয়ে ফিরে নিও।  
বিমলাকান্তও প্রতিশ্রুত হয়েছিলেন।

তাঁর এইসব চিন্তার কথাই আস্ত আস্তে তাঁর চিঠিতে। কাশীতে বিমলাকান্তকে তিনি চিঠি লিখেছিলেন। রত্নেশ্বর রায় সমস্ত চিঠি সময়ে সংগ্রহ করে রেখেছিলেন। কাশীতে বিমলাকান্তকে এই অল্পযোগ করেই চিঠি লিখেছিলেন বীরেশ্বর রায়। এবং তাঁকে লিখেছিলেন—  
“আপনি আমার কাছে পুত্র ঋণে আবদ্ধ। তাহা পরিশোধ করিতে আপনি আসিবেন। অবিলম্বে আসিবেন। তাহাতে সরকারী কর্ম না থাকে, কর্ম পরিত্যাগ করুন। আপনি আবার বিবাহ করিয়াছেন, তিনি আমার কনিষ্ঠা সহোদরা। তাহাকে লইয়া আসুন, পিতৃভাতার তাঁহার ঋণ পরিশোধার্থে অর্ধেক সম্পত্তি নামে রত্নেশ্বরকে দিলেও তাহা আপনার, আপনাকেই তাহা দিয়া গিয়াছেন। তাহা অবশ্যই আপনাকে গ্রহণ করিতে হইবে। আমার হৃদয় অর্ধেক পীড়িত হইয়া নিরন্তর অশান্ত অধীর। আপনি অবিলম্বে আসুন। এবং আপনার পক্ষে আরও গুরুতর প্রয়োজন এই যে, সম্ভবতঃ আমি মহাসাধক ভবদীয় পিতৃদেব ও মদীর স্বপ্নমহাশয়কে জানি। তিনি অজ্ঞাপি জীবিত। পত্রপাঠ চলিয়া আসুন।”

চিঠিখানা রেখে সুরেশ্বর বললে—বীরেশ্বর রায় কলকাতায় লোক পাঠিয়েছিলেন, জরুরী পত্র লিখেছিলেন সেখানকার নায়েব দেওয়ানকে।

“আপনি পত্রপাঠ ‘বহুবাজার’ গিয়া সোফিয়া বাইজীর সন্ধান করুন। তাহার ওখানে পূজনীয় পাগলাবাবু আছেন কিনা সন্ধান লউন। যদি থাকেন, তবে তাঁহাকে সর্নির্ভর অহরোধ করিয়া জানবাজার বাটীতে আনিয়া পরম যত্নে রাখিবার সেবা করিবেন। যদি না আসেন তবে সদাসর্বদা বহুবাজারের বাটীর উপর নজর রাখিবার ব্যবস্থা করিবেন। যেন কোথাও চলিয়া না যান।

যদি সোফিয়া ঐ বাটীতে না থাকে, তবে তাহার এখন কোথায় বাস করিতেছে, পাগলা-বাবু বা কোথায় বাস করিতেছেন, বিচক্ষণ লোক নিযুক্ত করিয়া তাহার সন্ধান করুন। দেশান্তরে লোক প্রেরণ করিতে হইলে তাহাও করিবেন। অত্র কর্মে অর্থব্যয়ের জন্ত চিন্তা করিবেন না। যত টাকা খরচ হয় করিবেন। সহস্র, পাঁচ সহস্র কোনমতে মালিকের যত্নে জন্ত চিন্তিত হইবেন না।”

বীরেশ্বর রায়ের আকৃতি, উল্লাস সম্ভবতঃ বর্ষার কাঁসাইয়ের বস্তার মত উজ্জ্বলিত হয়ে উঠেছিল। পরিচয় তার সব কিছুতে রয়েছে। জমা-খরচের খাতায় একটা খরচ রয়েছে। তার মধ্যেও রয়েছে পরিচয়। বিবিমহলের জন্ত আসবাব খরিদ। প্রত্যাশা তিনি অনেক করেছিলেন, এ আমি নিঃসন্দেহে বলতে পারি। কিন্তু কমলাকান্ত আসেন নি। কাইলে চিঠি রয়েছে কমলাকান্তের। বজরা ফিরে এসেছিল। বজরা থেকে নেমে এসেছিল খানসামা কর্মচারী কৃষ্ণ সরকার, রাঁধুনী বাসুন, আর চারজন চাপরাসী। এসে নীরবেই বোধ করি চিঠিখানা বীরেশ্বর রায়ের হাতে দিয়েছিল। এই সেই চিঠিখানা স্মৃতি।

বজ্রের মত চিঠি !

অশেষ সম্মানাম্পদেবু, মাননীয় মহাশয়,

ভবদীয় পত্রপ্রাপ্ত হইয়া কিঞ্চিৎ বিক্রম ও বিভ্রান্তিতে পড়িলাম। আপনি প্রাণাধিক ইত্যাদি বহু সুমিষ্ট সম্বোধনে আপ্যায়িত করিয়া আমাকে অবিলম্বে কীর্তিহাট যাত্রা করিতে আদেশ করিয়াছেন। আমি বহু চিন্তা করিয়া এবিধ আচরণের হেতু খুঁজিয়া পাইলাম না। ভাবিতেছি, এই কলিকালে কি স্বাপরমুগের ধর্মবক্ত পর্বের ভূমিকা হইতেছে? মহাশয়ের সহিত প্রবল প্রতাপ মহারাজ বংশের তুলনা হইলেও হইতে পারে। কিন্তু আমি পরীষ ব্রাহ্মণসন্তান। আমি নিজেকে শ্রীকৃষ্ণ মনে করিতে পারি না।

মহাশয়, কোন্ মুখে কি করিয়া এমত সুন্দর বাক্যগুলি লিখিয়াছেন তাহা অমুখাবন করিতে পারিলাম না। আপনি আমার মাতুল, ইহা আমার ভাগ্যের দোষ। আমি রায়বংশের দৌহিত্র, আমার রক্তে আপনাদের রায়বংশের রক্তের সংশ্রব আছে ইহাতে আমি জালা অমুভব করি। রায়বংশ ধনীর বংশ, কিন্তু তাহাদের পাপের সীমা নাই। এসব কথা আমি জানিতাম না। বীরপুরের ছত্ৰী গোপাল সিংহ প্রাচীন লোক, সে এখানে আসিয়া আপনার পিতা-পিতামহের কুৎসা করিয়া গেল। এবং স্বয়ং আপনি তাহার প্রমাণ। আপনি অত্যাচারী, আপনি মতগ, আপনি সম্পট; মুসলমান বান্ধজী রাখিয়া তাহাকে লইয়া কলিকাতার বসন্তবাটীতে উল্লাস করেন; আপনি নিজের সতীসাক্ষী দেবীতুলা পত্নীকে বিভাজিত করিয়াছেন। মহাশয়, আমি ব্রাহ্মণসন্তান, সামান্ত ব্যক্তি। তবে আমার পিতা দেবচরিত্র ব্যক্তি। পিতামহ শুনিয়াছি মহাশয় ছিলেন। আপনার সহিত আমাদের সকল প্রকার সম্পর্ক অনেক দিন পূর্বেই ছিন্ন হইয়াছে। আমার পিতাকে আপনি একরূপ বিভাজিত করিয়াছেন। আমাকেও করিয়াছেন। আপনার সহিত কোন সম্পর্কই আমার নাই। উক্ত কীর্তিহাটের পুরী আপনার নানাবিধ পাপপুণ্যীতে পরিণত হইয়াছে। ওই পুরীতে আপন স্বত্বের বলে যেদিন প্রবেশ করিতে পারিব সেইদিন যাগযজ্ঞ দ্বারা সমস্ত শুদ্ধ পবিত্র করিয়া প্রবেশ করিব। তৎপূর্বে নহে। আপনার বজ্রা কিরাইয়া দিলাম।

আপনি আমার ভালো-মা কোথায় আছেন জানিতে চাহিয়াছেন। তাহা আপনি পাইবেন না। তিনি আজ জীবনে তপস্যা সার করিয়াছেন। সমগ্র কান্দীর লোকে তাঁহাকে সতী-মা বলিয়া ডাকে। তাঁহার মুখের দিকে কেহ চোখ তুলিয়া তাকায় না। আপনার মত শাপীর স্পর্শমাত্রে তাঁহার প্রাণবায়ু বহির্গত হইয়া যাইবে, তাহাতে সন্দেহ নাই। আপনি দয়া করিয়া তাঁহার কোন খোঁজ করিবেন না।

নীলকর জন রবিনসন সাহেবের সঙ্গে যাহা করিবার তাহা আমিই করিব। তবে যাহাতে রায়বংশের ভাগিনেয়ের মর্যাদাহানি হয় এমন কিছু করিব না, তাহাতে নিশ্চিত থাকিবেন। আমি মূর্থ নহি। সূতরাং অতঃপর এ লইয়া ভবদীয় শিরঃপীড়ার কারণ না ঘটিলে কৃতার্থ হইব। পরিশেষে নিবেদন ইতি।

—নিবেদক

—শ্রীকমলাকান্ত দেবশর্মা (আমার নাম রত্নেশ্বর নহে)।



অরেক্ষর বললে—

চিঠিখানার মধ্যে ছিল বজ্রের আঘাত।

নির্মম আঘাত তিনি পেয়েছিলেন এতে সন্দেহ নেই। কিন্তু কি করেছিলেন তা বলতে পারব না। তবে ঘটনার স্রোত তখন দ্রুত বইতে শুরু করেছে।

ঠিক চারদিন পরের লেখা একখানা চিঠি দপ্তরের মধ্যে রয়েছে। বীরেশ্বর লেখেন নি। বীরেশ্বর রায়কে লিখেছেন তাঁর দেওয়ান ম্যানেজার গিরীন্দ্র আচার্য। তিনি দিন-পনের আগে মহল সফরে বেরিয়েছেন। ওই নতুন পত্নী নেওয়া মহলদিগরে। সেসব মহলে অনেক কাজ। লাট কুতুবপুরের জমিদারী কাছারীতে নিজের কেন্দ্র করে ঘুরে বেড়াচ্ছেন মহলে মহলে।

সে আমলে জমিদারদেরও নিজেদের আকার-আয়তন মত চতুরঙ্গবাহিনী ছিল। বোল কাহারের পাঙ্কি, বর্ক-অন্দাজ—যারা দপ্তরমত বড় পাগড়ি-কুর্তা এবং নাগরা জুতো পরে কোমরে তলোয়ার ঝুলিয়ে চলত; এরা অধিকাংশই ছিল হিন্দুস্থানী ডন-বৈঠক করা, ঘিউ-কটি খাওয়া শরীর। নিত্যনিয়মিত কুস্তি করত এরা। তার সঙ্গে এদেশী লাঠিয়াল পাঁইক। কালো রঙ, পাকা বাঁশের মত শরীর, আঁটসাঁট করে হাটু পর্যন্ত খাটো কাপড়, গায়ে জমিদারবাড়ীর দেওয়া ইউনিকর্ম ফতুয়া, মাথায় লাল শালুর পাগড়ি, কাঁধে একখানা গামছা। হাতে চার হাত লম্বা এদেশী লাঠি। আর থাকত দুজন ঘোড়সওয়ার হরকরা; এরাও বর্ক-অন্দাজদের সামিল, তবে এদের বিশেষ কাজ ছিল চিঠি নিয়ে যাওয়া-আসা। জরুরী চিঠি নিয়ে জমিদারী কাছারীতে আসা এবং তার উত্তর নিয়ে যাওয়া। এছাড়া গরুর গাড়ীতে আমীন এবং জরীপের সরঞ্জাম, তার সঙ্গে হিসাবনিকাশনবীস মুহুরী দুজন-তিনজন। আরও যেত রসুইয়ে বামুন, চাকর। সরঞ্জামেরও সমারোহ ছিল; রান্নার বাসন, বড় কড়াই, হাতা, বড় হাণ্ডা, সতরঞ্জি, তাকিয়া, চাদর, রূপা-বাঁধানো ছঁকো। তার সঙ্গে ডাবা-ছঁকো। ব্রাহ্মণ, কায়স্থ, সদোগাপ, মাঁহিয়া প্রভৃতি বিভিন্ন জাতের জন্তু আলাদা ব্যবস্থা। কব্বে তামাক বুড়িভর্তি। আর সঙ্গে চলে গজেন্দ্রগমনের সঙ্গে তালে তালে ঘণ্টা বাজিয়ে রাজহস্তীর মত জমিদার-হস্তী। কাছারী পৌঁছে দেওয়ান সরজমিনে তদারকের প্রয়োজন হলে হাতীর পিঠে থাকেন। এই হাতী ঘোড়া গরুরগাড়ীর রথ এবং পদাতিক দিয়ে চতুরঙ্গবাহিনী।

উদ্দেশ্য ছিল, সমারোহ দেখিয়ে প্রথম দৃষ্টিতেই ত্রাস এবং সন্ত্রাস সঞ্চার করা।

নতুন মহলদিগরে প্রজাদের বাকী খাজনা আদায়, খাজনা বুজি, পতিত জরীপ এবং পতিত জমি ভেঙে জমি তৈরীর ব্যবস্থা। তার সঙ্গে আছে মাঠের মধ্যে খাস পতিত সামিল সিচের পুকুর পক্ষোদ্ধারের ব্যবস্থা; জমিদার কিছু টাকা দেবেন, বাকিটা বেগার ধরে কাটানো। নদীর ধারের মহলে নদীর বস্তা রোধের জন্তু বাঁধ তৈরী। দেওয়ান মোরামত, দরকারমত দু-চার বিঘা জমি গ্রাম্য-দেবতার সেবার জন্তু দান ইত্যাদি মহৎ কর্মও ছিল এর সঙ্গে। গ্রাম্য কলহ-বিবাদের বিচার করা হত।

চতুরঙ্গবাহিনী কাছারীতে এলে গ্রাম কলরবে মুখর হয়ে উঠত। নিত্য দেড় মণ দু মণ চাল রান্না হত। গ্রামের দরিদ্রজনেরা আসত, পাত পেতে বসে খেত, কুমড়োর ছক, বেগুনের

অবলম্বহযোগে ডাল-ভাত খেয়ে হরিবোল দিয়ে উঠে যেত। এ-হরিবোল জমিদারের জয়ধ্বনি। তাছাড়া গ্রামের সদৃগৃহস্থ মণ্ডলদের নিমন্ত্রণ করে খাওয়ানো হত। স্বয়ং দেওয়ান দাঁড়িয়ে থেকে খাওয়াতেন।

এবারের আরোজনে ঘটা ছিল অনেক বেশী। এবার মণ্ডলান ভোজী বীরপুরের কাছাকাছি গ্রামের কাছারীতে দেওয়ানের কাছারী পড়েছে।

বীরপুর মণ্ডল প্রজা গোপাল সিং ছত্রী এলাকা। সে-গ্রামে আজও খাজনা আদায়ের দপ্তর পড়ে নি। কথাবার্তাও না। যা হচ্ছে আদালত মারকত। এবার কাছাকাছি কাছারীতে স্বয়ং দেওয়ান এসে বসে কুরুক্ষেত্রের উত্তোগপর্ব রচনা করছেন।

স্বয়ং বীরেশ্বর রায়ের আসবার কথা ছিল, কিন্তু সেদিন ছেদী সিং আসার পর সে-মত পরিবর্তন করে তিনি দেওয়ান আচার্যকেই পাঠিয়েছেন। তিনি কমলাকান্তকে পত্র লিখে বজরা পাঠিয়ে রায়বাড়ীর রঙ কিরিয়ে মোরামত করে তার জন্তেই অপেক্ষা করছিলেন। এমন সময় এল ওই বজ্রের মত পত্রোত্তর।

ঠিক তার চার দিন পর এল দেওয়ান আচার্যের এক পত্র। পত্র নিয়ে এসেছে খোড়সওয়ার হরকরা। সে-পত্র কমলাকান্তের ওই পত্রের পর যেন বজ্রাক্ষতের বিদ্যুৎ এবং গর্জনের পর তার আগুন-জ্বলে-গুটার চেহারা নিয়ে দেখা দিল।

দেওয়ান আচার্য লিখেছেন—হঠাৎ একটা জরুরী সংবাদ পেয়ে না জানিয়ে তিনি থাকতে পারলেন না। তাই সওয়ার হরকরা মারকত পাঠাচ্ছেন। আজই সন্ধ্যার সময় তিনি সংবাদ পেয়েছেন—বীরপুরের গোপাল সিং ছত্রী শ্রামনগর গিয়েছিল কমলাকান্তের কাছে। কমলাকান্ত শ্রামনগরে এসেছেন এ-সংবাদটা এ-অঞ্চলে রটে গেছে। সেখানে নীলকুটার সাহেবের সঙ্গে মামলা লড়বেন বলে গুজব খুব জোর হয়ে উঠেছে। গোপাল সিং ছত্রী খবর পেয়ে সেখানে গিয়েছিল, আজ কিরে এসে নাকি গ্রামে প্রচার করেছে যে, কমলাকান্ত তাঁর তরফ থেকে তার মণ্ডলান স্বীকার করে নেবেন। শুধু তাই নয়, তিনি নাকি মালিশ দায়ের করছেন মেদিনীপুর আদালতে মামা বীরেশ্বর রায়ের বিরুদ্ধে। এবং প্রত্যেক মহলে ঢোলসহরত করে প্রজাদের জানিয়ে দেবেন যে, যারা বীরেশ্বর রায়কে ষোল আনা খাজনা দেবে, তারা নিজের দায়িত্বে দেবে। কমলাকান্ত সমুদ্র সম্পত্তির আট আনা অংশের মালিক, তিনি তাঁর অংশের খাজনা নিজে আদায় নেবেন। বীরপুরের গোপাল সিং কাল বীরপুরে গ্রাম-দেবতার কাছে বলি দিয়ে পূজা দিয়েছে, সেই উপলক্ষে দশখানা ঢাক নিয়ে সারা গ্রাম ভোলপাড় করে বলেছে—এবার বীরেশ্বর রায়কে দেখে লেজে। নাকে ঝামা ঘষব। গোটা সম্পত্তি যাতে কোঁট অব ওয়ার্ডস যার তার চেষ্টা করছে কমলাকান্ত।

দেওয়ান আচার্য দেখে গিয়েছিলেন—বীরেশ্বর শ্রামনগর থেকে কমলাকান্তকে সম্বরে আহ্বান জানিয়ে কীর্তিহাটে আনবার জন্ত বজরা পাঠাচ্ছেন। পত্রের খসড়া তিনি দেখতে চেয়েছিলেন, কিন্তু বীরেশ্বর রায় খসড়া পড়তে দেননি, পড়ে শুনিয়েছিলেন।

সুরেশ্বর বললে—সম্ভবতঃ ভবানী দেবীর কথা এবং পাগলাবাবার কথা তাঁকে জানতে দিতে চান নি। যেটুকু তিনি কমলাকান্তকে লিখেছিলেন, সেইটুকুই পড়ে শুনিয়েছিলেন। তারপর

এই খবরে দেওয়ান আচার্য অত্যন্ত উৎকণ্ঠিত হয়েছেন, তিনি লিখেছেন—তার খানিকটা তোমাকে পড়ে শোনাই শুলতা, বোধ হয় মুখে বলার চেয়ে ভাল হবে।—

বীরপুরের গোপাল সিং শ্রামনগর গিরা কমলাকান্তের সহিত সাক্ষাৎকার করিয়াছে। এবং তাঁহার কাছ হইতে আশ্বাস লইয়া ফিরিয়াছে। গোপাল সিং নাকি কয়েকদিনের মধ্যেই শ্রীযুক্ত কমলাকান্তবাবু মহোদয়ের উত্তর হইতে ঢোল সহরত করিয়া পরোয়ানা জারী করিতেছেন যে, প্রজাদিগের মধ্যে যাহারা শ্রীযুক্ত বীরেশ্বর রায়কে খাজনা প্রদান করিবে, তাহারা নিজের দায়িত্বে প্রদান করিবে। তাঁহার তরফ হইতে তাহা গুয়ানীল দিতে তিনি বাধ্য থাকিবেন না। এবং বুদ্ধি সম্পর্কে তিনি শ্রীযুক্ত বীরেশ্বর রায়ের সহিত বন্দোবস্তমত কোন বুদ্ধিই মঞ্জুর করিবেন না।

মিশ্র বলিলেন—তিনি লাট কুতুবপুরের সকল গ্রামেই সকল প্রজার কাছেই এবস্তকার কথাবার্তা শ্রবণ করিয়াছেন। সম্ভবত কোর্ট-অব-ওয়ার্ডসে দিবার চেষ্টা করিবেন।

সুতরাং অবিলম্বে মেদিনীপুরের আদালতে খোঁজ লওয়া আবশ্যক এইরূপ কোন মামলা দায়ের হইয়াছে কিনা। এবং শ্রীযুক্ত কমলাকান্ত ভায়াজীবনের সঙ্গে একটা রক্ষা প্রয়োজন। বিবাদের ক্ষেত্রে গোপাল সিংহের সহিত তাহার যোগাযোগ অতীব ক্ষতিকর হইবেক। আরও শুনিলাম—শ্রীযুক্ত কমলাকান্তবাবু কীতিহাট মোকাম আসিতেছেন না। শ্রামনগর এখান হইতে সন্নিকট। যাত্রা ক্রোশ-পনের দূর। শুনিতেছি সেখানে শ্রীকমলাকান্ত ধর্মঘট করিয়া সরকারবাবু ও রবিনসন সাহেবের সহিত যোরতর বিবাদের সৃষ্টি করিতেছে।

অথ ভোর-ভোর সওয়ার যাত্রা করিতেছে। দ্বিপ্রহর বা তৃতীয়প্রহর নাগাদ পৌছিবে। আমাকে অবিলম্বে আপনার আদেশ জানাইবেন, আমি অতঃপর কি করিব।

শ্রীশ্রীস্বামীমাতার চরণাশুভ্রে এবং শ্রীশ্রীরাজরাজেশ্বরের নিকট মালিকের সর্ববিধ কল্যাণ কামনাস্তে ইতি—

নিবেদক ভবদীয় আশ্রিত

শ্রীগিরীন্দ্রচন্দ্র আচার্য

শেষে তোমাকে সম্বোধনটা শোনাই, না'হলে অসম্পূর্ণ থাকবে জমিদারের পরিচয়।

মহামহিম মহিমার্ঘব, প্রবলপ্রতাপ, বহুজন প্রতিপালক, অশেষ গুণাশ্রিত, শ্রীল শ্রীযুক্ত বাবু বীরেশ্বর রায় ভূস্বামী কীতিহাটস্থ বরাবরেষু।

\*

\*

\*

অজ্ঞাতপুরুষ বাপবিহিন্সারকে বন্দী করে রাজা হয়েছিলেন। ঔরংজীব পিতা শাজাহামকে বন্দী করে রেখেছিলেন আগ্রা কোর্টে। সেসব রাজা-রাজড়ার ব্যাপার। কিন্তু যখনকার কথা বলছি, তখন বাপ বা উর্দু'ডন পূর্বপুরুষ মস্তপ, অপব্যয়ী, ব্যভিচারী হলে ছেলে বা উত্তরাধিকারী সরকারে দয়াকৃত দিয়ে প্রার্থনা করত যে, উত্তরাধিকারী হিসেবে নিজ স্ত্রী স্বার্থরক্ষার জন্য অপব্যয়ী মালিকের হাত থেকে সম্পত্তি কেড়ে নিয়ে 'কোর্ট-অব-ওয়ার্ডসে' নেওয়া হোক। তার নজীর তখন হয়েছে। কিছুদিন আগে বর্ধমান জেলার বনওয়ারিবাদ রাজবাড়ীর রাজাধাহাজির এক মুসলমান বাকীজী নিয়ে কলকাতার প্রথম জীবনযাপন করতেন বলে তাঁর

ছেলে নালিশ করে সম্পত্তি কোর্ট-অব-ওয়ার্ডসে দিয়েছিল। পুরনো রাজা মাসোহারা নিয়ে কলকাতায় থাকেন। এইসব নজীর সংগ্রহ করেছিলেন কমলাকান্ত।

বীরেশ্বর রায় তাতে ভয় পান নি। ভয় পাবার মাহুয তিনি ছিলেন না। তবু তখনও তিনি যত্নভায় অধীর। ক্রুদ্ধ হরেও ক্রোধে জলে উঠতে পারেন নি। তিনি রফ্বেশ্বর রায়কে লিখেছিলেন—

কল্যাণবরেষু,

তোমার উদ্ধত স্পর্শিত পত্র পাইয়া স্তুতিত হইলাম। এবং মনে মনে শঙ্কিত হইলাম যে, তোমার এবস্থি উদ্ভিন্ন জন্ত নরকেও তোমার স্থান হইবে না। হিতাহিত জ্ঞানশূন্য হইলে এই প্রকারই হইয়া থাকে। ইহার জন্ত তোমার প্রায়শ্চিত্ত প্রয়োজন। তুমি কাহাকে কি বলিয়াছ তাহা জান না।

গোপাল সিং রায়বংশের অবমাননাকারী ; তাহাকে মক্ষা করিতে উদ্ধত হইয়াছ, তোমার পক্ষে ইহা যে কত বড় পাপ তাহা তুমি অবগত নহ।

তোমার সহিত পত্রালাপেও আমার যত্ন আর অধিক যত্ননা হইতেছে। তথাপি স্নেহনিয়গামী ; এসব উদ্বারগামিতা পরিত্যাগকরতঃ তুমি এখনও আসিয়া আমার সহিত সাক্ষাৎ করিবে। বরং তোমার ভালো-মাকে জিজ্ঞাসা করিবে, ইহাতে তোমার পাপ হইয়াছে কিনা। আমার বিশ্বাস তাহা তুমি কর নাই। তিনি কখনই এবশ্পকার কার্য ও উক্তি অমুমোদন করিতে পারেন না। ইহা ব্যতীত শুনিতেছি, তুমি আমার নামে মামলা করিতে মনস্থ করিয়াছ। মহলদিগরের দোরবস্ত প্রজা সকলকে রায়সরকারে খাজনা দিতে নিষেধ করিয়া চৌলসুহরত করিবার কথা কর্ণে আসিতেছে। এ-কার্য করিলে তোমার আত্মঘাত করা হইবে। আমি আদালতে প্রমাণ করিয়া দিব যে, তুমি ৮সোমেশ্বর রায়ের কন্তা—বিমলাবালা দেবীর গর্ভজাত সন্তান নহ, শ্রীযুক্ত বিমলাকান্ত ভট্টাচার্য ও তোমার জন্মদাতা পিতা নহেন। আলিয়াতি বা জাল করিয়া নয়, শ্রীযুক্ত বিমলাকান্ত এবং তদীয় ভগ্নী শ্রীমতী ভবানী দেবীকেই সাক্ষী মান্ত করিব। তাঁহারা ই সাক্ষা দিবেন।

তুমি সাবধান হইবে। নিজেকে সতর্ক করিবে। তোমাকে এসব কথা লিখিতে আমার হৃদয় বিদীর্ণ হইতেছে। অথবা তোমার অপরাধ কি ? ইহা তোমার পিতৃ-মাতৃ উভয় বংশের উপর নিদারুণ অভিশাপের ফল। আমি ভবিষ্যৎ ভাবিয়া নিরতিশয় ব্যাকুল হইরাছি। তুমি অন্তত তোমার ভালো-মায়ের সঙ্গে সাক্ষাৎ করিয়া তাঁহার উপদেশ গ্রহণ কর। তুমি তোমার ভালো-মাকে বল—আমি তাঁহার জন্ত ব্যাকুল হইয়া প্রতীক্ষা করিতেছি।

ইতি—

আশীর্বাদক

শ্রীবীরেশ্বর রায় দেবশর্মণঃ

চিঠি নিয়ে গিয়েছিল একজন সওয়ারি বর্ক-মকাজ। নদীর পথ অনেক ঘুরপথ। তাতে অনেক ঘেরি লাগবে। এ বাবে সোজা পথে, নদী পার হতে হবে, রূপনারায়ণ। তা হোক, থেড়া আছে। বড়জোর ডিম দিন লাগবে। কিন্তু ততদিনে কর্কশেরই হোক আর অদৃষ্টেরই

হোক, সে একটা নিষ্ঠুর পাক খেয়েছে। গোটা শ্রামনগর তখন আগুন লেগে পুড়ে গেছে।

সওয়ার যখন গ্রামে পৌঁছল, তখনও অনেক ঘরের খড়শুত কাঠ ধোঁয়াচ্ছে। কমলাকান্তের ঘরখানায় শিকল দিয়ে বন্ধ করে একেবারে চারকোণে আগুন দিয়েছিল। ঘরের মধ্যে বন্ধ ছিল সে। আর এমনি করে আগুন দিয়েছিল ঠাকুরদাস পালের ঘরে। বাকি গ্রামটায় একসঙ্গে অনেক ঘরে আগুন দিয়েছিল। ফলে কেউ কার সাহায্য করতে পারে নি। কমলাকান্তের গোটা পিঠটা পুড়ে গেছে। ঠাকুরদাস পালের সর্বাঙ্গ এখানে-ওখানে পুড়েছে। সে কমলাকান্তকে আগলে তার কাছেই শুতো। সে-ই কোনরকমে জানালা ভেঙে কমলাকান্তকে নিয়ে বেরিয়ে নীচে বাঁগিয়ে পড়েছিল। ওদিকে ঠাকুরদাস পালের বাড়ীতে তার স্ত্রী-পুত্র পোড়া-চালের তলায় জীবন্ত দহু হয়ে গেছে।

কমলাকান্তকে আশ্রয় দিয়েছেন বিমলাকান্তের জ্ঞাতিরা। ঠাকুরপাড়ার ঠাকুরদের ভিটের উপর নতুন তৈরী বাংলাটায় রবিনসন সাহেব মদ খেয়ে বন্ধু কঁধে নিয়ে পারচারি করেছে এবং মধ্যে মধ্যে উড়ন্ত কাক-চিল মেরে আনন্দ করেছে।

গোটা শ্রামনগর পুড়ে গেছে। যুগলপুরে দুখানা মোজা—শ্রামনগর, রাধানগর; মিয়াঠাকুরদের ঠাকুরপাড়া ছিল শ্রামনগরেরই অন্তর্গত কিন্তু শ্রামনগর থেকে একটু দূরের শ্রামনগরেরই একটা আলাদা চক ছিল ওটা। তার পাশে পাকপাড়া আর একটা চক।

শ্রামনগরই সব থেকে বড় বসতি। অধিকাংশই ব্রাহ্মণ, কয়েকঘর বৈষ্ণব, তাছাড়া নবশাকদের পাড়া, গোপপাড়া, তেলিপাড়া, তামুলিপাড়া, মাহিষপাড়া—অধিকাংশই সেকালের সদ্‌জাতি। এই শ্রামনগর বলতে গেলে একদিক থেকে অত্রদিক পর্যন্ত পুড়ে গেছে। অকস্মাৎ আগুন লেগে পোড়ে নি, আগুন লাগিয়ে পুড়িয়ে দিয়েছে কুঠিরালা জন রবিনসন। আগুন লাগিয়েছে নাকি বীরপুরের ছত্ৰী বদমাস গোপাল সিং। এবং কমলাকান্ত এই আগুনে পুড়ে জখম হয়েছে, আর ঠাকুরদাস পালের স্ত্রী-পুত্র ঘরের পোড়াচাল চাপা পড়ে মারা গেছে। তাছাড়া গোয়ালে গরু পুড়েছে, ছাগল পুড়েছে, গৃহস্থের উঠান-চাটা কুকুর-বেড়ালও পুড়েছে। দশ-পনের জন কিছু কিছু পুড়েছে, আর হাত-পা পুড়িয়েছে অনেক লোক।

পৃথিবীতে ঘটনার গতিপথ বিচিত্র। মেটিওরোলজিক্যাল ডিপার্টমেন্ট আবহাওয়ার খবরে বলতে পারে, আগামী চব্বিশ ঘণ্টার আবহাওয়ার খবরে বলছি—কাল শুকনো যাবে আবহাওয়া অথবা মেঘলা যাবে। কিন্তু মানুষের মনের গতি অতি বিচিত্র, কোন যন্ত্রেই তাকে মাপা বা ধরা যায় না।

ছত্ৰী গোপাল সিং এসেছিল বীরেশ্বর রায়ের বিরুদ্ধে লড়াইয়ে কমলাকান্তের পিছনে আশ্রয় নেবার জন্য।

কমলাকান্ত কান্দী থেকে শ্রামনগর এসেছিলেন শুধু নিজের জমি উদ্ধার করার জন্তেই নয়, তিনি নিজেও এসেছিলেন বীরেশ্বর রায়ের সঙ্গে একটা বোকাপড়া করতে। কথটা তাঁর নিজের মনে মনেই ছিল, ঘৃণাকরে বিমলাকান্তকে বা ডালো-মাকে জানতে দেন নি।

কমলাকান্ত রত্নেশ্বর রায় হয়ে ডাক্তারী রাখতে শুরু করেছিলেন। তাঁর ডায়রীর প্রথম খণ্ডটা একটু বিচিত্র। পৃষ্ঠার দুটো দিক—প্রথম পৃষ্ঠায় তিনি ডায়রী শুরু করেছিলেন, যেদিন তিনি

বীরেশ্বর রায়ের পোষ্যপুত্র হয়ে রত্নেশ্বর রায় হলেন সেদিন থেকে ; দুয়ের পৃষ্ঠায় তিনি তাঁর জীবনের পূর্বকথা লিখেছিলেন। তারই মধ্যে আছে তাঁর অকপট মনের প্রকাশ।

নিজের বংশ-পরিচয়—যে বংশ-পরিচয় তাঁর কাছে তাঁর বাল্যকাল থেকে সত্য বলে জানা ছিল তাই দিয়েছেন। যতটুকু কথা মনে পড়ে তা লিখেছেন। তার মধ্যে রয়েছে—‘আমার বাল্যকাল, তখন আমার চার বছর বয়স—আমার মামা বীরেশ্বর রায়কে দেখে বড় ভয় হত। আমার দিকে এমন করে তাকিয়ে থাকতেন যে আমি পালাতাম, পালাবার জন্য কান্না শুরু করতাম। এমন ছবি ছোটো-চারটে আমার মনে যেন গেঁথে রয়েছে।’ তারপর কলকাতার কথা লিখেছেন। বছর-দুয়েক কলকাতায় ছিলেন। এরই মধ্যে ভবানী তাঁর বাবাকে নিয়ে কলকাতা এসেছেন—তিনি তাঁকে ‘ভালো-মা’ বলে ডাকতেন। তাঁর কোলেই তিনি মানুষ হয়েছিলেন। ‘ভালো-মা’র প্রতি ভালবাসা ছিল বাপ বিমলাকান্তের চেয়েও বেশী। ভালো-মাকে পেয়ে যেমন খুশী হয়েছিলেন, তেমনই ক্রোধ তাঁর বেড়েছিল মামার উপর। সেই বয়সেই এটুকু বুঝেছিলেন যে, ‘ভালো-মা’ ওই মামা বীরেশ্বর রায়ের ভয়েই চলে এসেছেন। তারপর কাশী। কাশীর জীবনের অনেক ঘটনা আছে। সেখানে ছদ্মস্তপনা করেছেন, ওখানকার বাড়ালী ছেলেদের নেতৃত্ব করেছেন, কুস্তি লড়েছেন, গঙ্গায় সঁটুতার কেটেছেন, হৈ-হৈ করেছেন, ভালো-মায়ের সঙ্গে মন্দিরে গিয়েছেন, বাপের সঙ্গে সন্ন্যাসী দেখতে গিয়েছেন ; আবার আদালতে গিয়েছেন। কোম্পানীর সাহেবদের বাড়ীতে ও ক্যান্টনমেন্টে গিয়েছেন বাবার সঙ্গে। তাদের সঙ্গে নিভয়ে কথা বলেছেন। পড়াশুনা করেছেন, সংস্কৃত-ইংরাজী পড়তেন। বাংলা পড়াটা তখন খুব জরুরী ছিল না। বাবা পড়াতেন সংস্কৃত, ভালো-মায়ের বাবা দ্বারামশাই মহেশচন্দ্র পড়াতেন ইংরাজী।

তার সঙ্গে দিন দিন তাঁর আক্রোশ বৃদ্ধি পেয়েছে এই মামার উপর। তখন জেনেছেন শোমেশ্বর রায়ের দৌহিত্র হিসেবে তিনি মাতামহের উইলফ্রয়ে রায়বাড়ীর সম্পত্তির অর্ধেক অংশের উত্তরাধিকারী, দেবোত্তরের সেবাইত। তাঁর বাবা বিমলাকান্ত সমস্ত তাগ করে এসেছেন কিন্তু সে তাগ করবার অধিকার তাঁর নেই। আইন জেনেছেন। সে আইন-বলে তিনি তাঁর মগ্ধপ বান্ধিজীবীলাসী মামাকে সমস্ত বিষয় এবং দেবত্র থেকে অপসারিত করতে পারেন। কিন্তু বিমলাকান্ত এবং তাঁর ভালো-মাকে তিনি এ-মনের কথা ঘুগাঙ্করে জানতে দেননি। তিনি জানতেন, তাঁরা তাকে তিরস্কার করবেন, বাধা দেবেন।

ভারতীয় এই বিবরণের মধ্যে এক জায়গায় লেখা আছে : “একদা আত্মসম্বরণ করিতে না পারিয়া অকস্মাৎ বলিয়া ফেলিয়াছিলাম—সে একটি পায়ণ্ড ; মহাপাপী। ইধরকে বলিহারি যে তিনি এমন জঘন্য কদর্য মানুষের মাথায় বজ্রাঘাত করেন না !

ভালো-মা ঘরের ভিতরে ছিলেন, তিনি বাহির ছইয়া আসিয়া বলিলেন—তুই কাহাকে এ কথা বলিতেছিস রে ?

আমি বলিলাম—বলিতেছি আমার মাতুল মহাশয়কে। তোমার আমি কথাটা জিতে আটকাইয়া গেল।

ভালো-মা স্থিরদৃষ্টিতে আমার দিকে ডাকাইয়া থাকিলেন। তাহাতে নিজেকে বড়ই ক্ষুদ্র ভা. র. ১৫—২

মনে হইল। তিনি তীব্রকণ্ঠে বলিলেন—ভোর জিহ্বা খসিয়া যাইবে। অনন্ত নরকে ভোর স্থান হইবে না। ভোর চতুর্দশ পুরুষ নরকস্থ হইলেন। তারপর ক্ষিপ্তের মত স্বীয় ললাটে করাঘাত করিয়া বলিতে লাগিলেন—কাটিয়া যাউক, কাটিয়া যাউক, আমার এই মন্দ ললাট কাটিয়া যাউক।

অতঃপর সে এক ভূমূল কাণ্ড। তিনি জলগ্রহণ করিলেন না। মদীয় পিতৃদেব তাঁহার বাসাবাটী হইতে আসিয়া আমাকে যৎপরোনাস্তি তিরস্কার করিলেন। আমি অধোবদন হইয়া রহিলাম বটে, কিন্তু আমার মনের সঞ্চিত ক্রোধ আরও যেন পরিপুষ্ট হইয়া উঠিল। বাধ্য হইয়া ভালো-মা এবং পিতৃদেবের আদেশে আমাকে সারাদিন উপবাস করিতে হইল। এই নিম্নার আমার জিহ্বা কলুষিত হইয়াছে বলিয়া তাঁহাদের নির্দেশক্রমে অহোরাত্র আমাকে ওই উপবাদী অবস্থার শ্রীহরি শ্রীহরি - হরি শ্রীরাম শ্রীরাম শ্রীরাম জপ করিতে হইল।

তাহা করিলাম। ভালো-মায়ের জন্ত আমি প্রাণ বিসর্জন দিতে পারি। তিনি আমার গভধারিণীর অধিক। দেবী অপেক্ষাও পবিত্রা এবং পূজনীয়া। তাহার সঙ্গে পিতৃনির্দেশ অবশ্যই পালন করিলাম। কিন্তু সঙ্গে সঙ্গে প্রতিজ্ঞা করিলাম সুর্যোগ পাইলেই কলিকাতা যাইব। এবং মামলা দায়ের করিয়া এই বীরেশ্বর রায়ের দস্ত চূর্ণ করিব। প্রতিশোধ লইব। শুধু বীরেশ্বর রায়ের দীর্ঘজীবন কামনা করিলাম। যেন আমার পিতৃদেব এবং ভালো-মাতা হইতে দীর্ঘায়ু হন তিনি। তখন আমি আমার এই আক্রোশ ক্ষোভ মিটাইব।”

হঠাৎ সুর্যোগ এল। বিমলাকান্ত এবং ভালো-মা বর্তমানেই কমলাকান্ত বাংলাদেশে কিরিবাস সুর্যোগ পেলেন। চিঠি পেলেন ঠাকুরদাস পালের। “জমিতে সায়েব জ্বরদস্তি নীল চাষ ফরাইতেছে। আমি আর চাষ করিতে পারিব না। অতঃপর অভাবে ঠাকুরের ভোগ হইবে না। প্রতিকার যাহা হয় করিতে আজ্ঞা হয়।” বিমলাকান্ত বাধ্য হয়ে চিঠি দিয়ে কমলাকান্তকে শ্রামনগর পাঠালেন। শ্রামনগরের জমি জন রবিনসনের নীল চাষের গ্রাস থেকে উদ্ধার করবার জন্ত। নিজে ছুটি পেলেন না। আদালতের কাছ থেকে তিনি তখন কমিশরিয়েটের কাজ পেয়েছেন।

জন রবিনসনকে পত্র দিলেন বিমলাকান্ত। শুদিকে রায় এস্টেটে গিরীন্দ্র আচার্যকে পত্র দিলেন। রামব্রহ্ম শ্রুতিতীর্থকে পত্র দিলেন। ডাকযোগে কলকাতায় বীরেশ্বর রায়কেও পত্র দিতে তিনি ভোলেন নি। কমলাকান্তকে প্রতিজ্ঞা করালেন, বল ভূমি সেখানে গিয়ে তোমার মামার সঙ্গে ঝগড়া করবে না ?

কমলাকান্ত বললেন—ঝগড়া আমি করব না কিন্তু তিনি যদি করেন।

—করলেও ভূমি সহ্য করবে।

কমলাকান্ত এর উত্তর দিতে চান নি।

রত্নেশ্বর রায় তাঁর ডায়রীতে লিখেছেন—“আমি প্রতিজ্ঞা করিতে চাহি নাই। এ প্রতিজ্ঞা করিয়া দেশে আসিবার আমার কোনরূপই আগ্রহ ছিল না। কারণ আমার শ্রামনগর আগমনের মূখ্য উদ্দেশ্য পৈতৃক জমি নীলকরের হাত হইতে উদ্ধার করা নয়, মূখ্য উদ্দেশ্য ছিল কীর্তিহাটের সম্পত্তি। আমাকে পরিগ্রহ করিলেন ভালো-মা। আমি উত্তর দিবার পূর্বেই

তিনি মধ্যস্থলে আসিয়া কহিলেন—না, তিনি তাহা করিবেন না !

আমি বলিলাম—যদি করেন ?

তিনি বলিলেন—তাহার জন্ত চিন্তা নাই। আমি দেশে যাইতেছি, তোর সঙ্গেই যাইব।

তিনি কলহ করিলে তুই আমাকে বলিবি, আমি তাহার ব্যবস্থা করিব।

—কি ব্যবস্থা করিবে ?

—আমি তোকে সঙ্গে লইয়া তাহার সম্মুখে গিয়া বলিব—এই আমরা আসিয়াছি, কি করিবেন করুন।

আমি বলিলাম—না—না—না। তাহা আমি পারিব না।

ভালো-মা বলিলেন—উত্তম, তাহাও তোকে করিতে হইবে না ! শুধু আমাকে জানাইবি—তিনি ঝগড়া করিতেছেন।

আমি সুযোগ গ্রহণ করিলাম। বলিলাম—তাহাই হইবে। ভালো-মা শ্রামনগরের ঘাটে আমাকে নামাইয়া দিয়া চলিয়া গেলেন তাহার পিতার সঙ্গে। তাহার ব্রত উদ্ঘাপন আছে, বারো বৎসরের ব্রত। বারো বৎসর পূর্বে গঙ্গাসাগর তীরের নিকট এক জাগ্রত কালীমন্দিরে ব্রত গ্রহণ করিয়াছিলেন, বারো বৎসর অন্তে সেই মন্দিরেই ব্রত উদ্ঘাপন করিবেন। যাইবার সময়ও বলিয়া গেলেন—আমার চরণ স্পর্শ করিয়া বল তিনি ঝগড়া করিলে কিছু করিবার পূর্বে আমাকে না জানাইয়া কিছু কবিবে না।

সকল ছিল এই প্রতিজ্ঞার সুযোগই আমি লইব। পিতা প্রতিশ্রুতি চাহিয়াছিলেন—বল তুমি মাতুল বীরেশ্বর রায়েব সঙ্গে কলহ করিবে না ! আমি প্রতিজ্ঞা করি নাই, তৎপূর্বেই ভালো-মা মাঝখানে পড়িয়া বলিয়াছিলেন—না, তিনি তাহা করিবেন না। সুতরাং আমার কলহ করিতে বাধা নাই ইহা আমি জানিতাম। সেই সুযোগই গ্রহণ করিলাম। কীর্তিহাটের পত্র লইয়া বজরা আসিতেই আমি তাহা প্রত্যাখ্যান করিলাম, মাদর পত্রের উত্তরে বজ্রসমতুল্য পত্রোত্তরে আঘাত হানিলাম। তিনি কলহ করেন নাই, ভালো-মাকে তো তাহা জানাইবার প্রয়োজন নাই !”

সুরেশ্বর বললে—সেদিন শ্রামনগরে এসে কমলাকান্তের অবস্থা আমি কিছুটা অসুস্থমান করতে পারি। আমার সঙ্গে মেলে। সেটেলমেন্টের বৃদ্ধারত্নের প্রথম দিন : যেই আমি কুড়ারাম রায়ের পাঁচালীর কথা উল্লেখ করে গোচর আর বসতবাড়ী লাখরাজ বলে স্বীকার করে নিলাম, অমনি গোটা গ্রামের মানুষ আমাকে ধস্তাধস্ত করে আমাকে তাদের পরম আশ্রয় করে তুললে। আমি তাই বিশ্বাস করলাম। স্তীত হলাম।

কমলাকান্তকেও তাই বলে মেনে নিয়েছিল শ্রামনগরের লোক। প্রথম দিনই সে জন রবিনসনের সঙ্গে দেখা করতে গিয়েছিল। বিমলাকান্তের চিঠিখানা বাংলোর ভিতরে পাঠিয়ে দিবে অপেক্ষা করছিল, জন রবিনসন চিঠিখানা পড়ে খুশী হয়েই বেরিয়ে এসে তাকে দেখে বিস্মিত হয়ে বলেছিল—আশ্চর্য্য তো ! তুমি বীরার মত দেখতে, তুমি বিমলাবাবুর ছেলে ? I am so glad to see you young man !

বিমলাকান্তের চিঠিতে বেশী কিছু ছিল না, তিনি লিখেছিলেন—আমার ছেলেকে তোমার



কাছে পাঠাচ্ছি। তার পরিচয়পত্র এটা। আশা করি আমাকে তোমার মনে আছে। সামান্য কাজের জন্য তাকে পাঠালাম, তার কাছে সব শুনবে।

কমলাকান্তও ভয়ভীতি করে কয়েকটা কথা বলেছিল। জন রবিনসন বলেছিল—বল, কি করতে পারি? নিশ্চয়ই তোমাদের জমির কথা। ওরেল, আজ নয়, কাম টু-মরো। আমি নিশ্চয় ব্যবস্থা করব। কিন্তু কিছু খাবে না? এ কাপ অফ টী?

বস্ত্রবাস দিয়ে কমলাকান্ত বলেছিল—নিশ্চয়; খুব আনন্দের সঙ্গে খাব।

হেসে রবিনসন বলেছিল—বস, বস। এত খুশী হলাম আমি যে, হিন্দু গৌড়ামি তোমার মধ্যে নেই। তোমার বাবা বিমলাবাবু আমাদের গুণানে আসত, তখন সে ছেলেমানুষ, কখনও এক মাস জল খেতো না।

এইটুকুতেই প্রথম দিনেই গোটা শ্রামনগর মুখরিত হয়ে উঠেছিল। ওঃ, কি খাতির করেছে কুঠিগালসায়ের! হাত ধরে চেয়ারে বসিয়ে আদর কত! চা খাইয়েছে। যেটা ওই দে-সরকারদেরও বলে না। গ্রামের ভট্টাচার্যেরা অবশ্য সায়েবের গুণানে চা খাওয়ায় ছুঁত হয়েছেন। কিন্তু মুখে কিছু বলেন নি। সাহসের কথা, ইংরাজীতে কথা বলার পারদর্শনতার মুক্ত হয়ে প্রশংসা করে বলেছিলেন—ও-ও তো নিজে মস্ত জমিদার। কালীতে শিক্ষা। তার উপর রায়বাদের রক্ত আছে। বীরেশ্বর রায়কে ডেকে লাটসাহেব দেখা করে। চেহারা দেখছ না! নরাণাং মাতুলক্রম।

ঠাকুরদাস খুশী হয়েছিল সব থেকে বেশী। সে বলেছিল—বাপ জিন্দে ছিলে হয়, দাদাঠাকুর আমার মামা জিন্দে ভায়ে।


সন্ধ্যাবেলা গ্রামের সকল লোক এসে তার বাড়ীতে বসে তাকে বলেছিল—দেখ ভায়া, তোমার কাছে আমরা একবার এলাম।

খুশী হয়ে কমলাকান্ত বলেছিলেন—আম্বন। ঠাকুরদাসদা, যে-সভরজি এনেছি কাশী থেকে, সেইটেই পাতো। বসুন।

গ্রামের প্রবীণ তিনি, কমলাকান্তের সম্পর্কে ঠাকুরদাদা, তিনি বলেছিলেন—ভায়া, সাহেব তো তোমার জমি ছেড়ে দেবে। কিন্তু গ্রামের লোকের কি হবে? দেখ গ্রামের মধ্যে কেউ ধনী হলে, শিক্ষিত হলে সকলে তার মুখের দিকে ভরসা করে চেয়ে থাকে। ধনী শিক্ষিত যিনি, তিনিও লোকের মুখের দিকে তাকান। তোমাদের সঙ্গে মিটিয়ে বেলেতে পারলে তো সাহেব এবার হাতে মাথা কাটবে।

তারপর বলেছিলেন—সাহেবের অত্যাচারের কথা। জ্ঞান ভাই, বেটা মহিষাসুরের মত লম্পট। মেয়েদের ইজ্জত পর্ষন্ত বিপন্ন হয়ে উঠেছে। তুমি আমাদের ছেড়ে মিটমাট করো না। আমাদের নিয়ে যা করবার হয় কর। না-হয় এক কাজ কর না। তুমি কীর্তিহাটের অধীক অংশের শরিক, তুমি আমাদের সব জমির মত কিছু নাও। আমাদের বরং তোমার মহলে আশ্রয় লাভ। এখানে তুমি সামান্য সঙ্গ কামালা কর।

উপর কমলাকান্ত স্বীকৃত নিশ্চয় হয়ে উঠেছিলেন। তাহা হলে শহরের শিক্ষায়-দীক্ষায় অস্ত্র ধরনের মাছ। তার উপর কিছু জমী, দুখান্ড—তার মধ্যে বীরেশ্বর রায়ের রক্ত। তাঁর



প্রকৃতি জগত খাতুর অস্ত্র উগ্র অনমনীয়। তিনি বললেন—এ কথা বলতে হবে কেন ঠাকুরদা, এর জন্তেই আমি কালী থেকে আসি নি। এ তো ভাকে চিঠি লিখলেই হত। আপনাদের জরায় আমি এখানে এসেছি। আপনাদের ছেড়ে আমি মিটমিট করব। তা কখনও করব না।

তারা সকলে একবাক্যে সাধুবাদ দিয়ে উঠে গিয়েছিল।

পরদিন কমলাকান্ত সাহেবের সঙ্গে কথামত দেখা করতে গিয়ে তাই বলে এল এবং বগড়া করেই চলে এল।

জন রবিনসন তাঁকে বললেন—ওয়েল ইয়ং ম্যান, আমি তোমায় অর্ধেক জমি নীলচাঁব থেকে রেহাই দেব। নট অল। দে-সরকার জমিদার বললে—তোমাদের ল্যাণ্ডই হল বেস্ট ল্যাণ্ড। ওল্ড রায়বানু—ইয়োর ম্যাটারকাল গ্র্যাণ্ডফাদার, ভেরী শ্রুড ম্যান, সে সান-ইন-ল'র জন্তে বেছে বেছে বেস্ট ল্যাণ্ড কিনেছিল। হাক ছেড়ে দেব আমি।

মনে মনে ভেতে উঠেছিলেন কমলাকান্ত। কিন্তু নিজের কথা বাদ দিয়ে বলেছিলেন—বাট হোয়াট এ্যাবাউট আদার পিপ্ল? অস্ত্র সব লোকদের কি হবে? আমি আমার জন্তে কিছু বলব না, অন্তদেরও অর্ধেক জমি ছেড়ে দাও। সকলের জ্ঞান জমিতে তুমি জবরদস্তি নীল লাগাতে বাধ্য করছ। তা করলে তো হবে না।

চমকে উঠেছিল জন রবিনসন।

দেশে তখন নীলকরের অত্যাচার নিয়ে আন্দোলন শুরু হয়েছে। ইরিশ মুখার্জি বলে একজন নেটিভ খুব কড়া কড়া কথা লিখেছে। এখানে লেক্টক্যান্ট-গভর্নর গভর্নর-জেনারেলের কাছে দরখাস্ত করছে। ছেলেটা সেই সুরে কথা বলছে। শহর থেকে এসেছে ইংরাজী-জানা ইয়ং ম্যান। জন রবিনসন চমকে উঠল। তার উপর ছেলেটা বীরেশ্বর রায়ের ভাগে। কীর্তিহাটের অর্ধেক অংশের মালিক। এর আশ্রয় তুমি ব্যাক কাটিজের আশ্রয় নয়।

জন রবিনসন চমকে উঠে বলেছিল—হোয়াট?

—অস্ত্র লোকদের কি হবে?

জন রবিনসন বলেছিল—আই সী, ডর দেখাচ্ছ আমাকে?

—নো। বলছি—এ মহা অস্ত্রায় করছ তুমি। অত্যাচার করছ। এটা না করে অর্ধেক জমি ওদেরও ছেড়ে দাও। ওদের কেলে আমি তোমার এই অস্ত্রগ্রহের অর্ধেক ছেড়ে দেওয়া—এ আমি নেব না।

জন রবিনসন হাসি থামিয়ে তাঁর মুখের দিকে তাকিয়ে বলেছিল—হঁ! I see. You are a chela of Haris Mukherjee.

কমলাকান্তের প্রকৃতিও উগ্র ছিল, তিনি ভয় পান নি, বলেছিলেন—No. I am not anybody's chela.

—Then What are you? Who taught you all these things?

—আমি কীর্তিহাটের রায়বাজীর অর্ধেকের মালিক। যে সোমেশ্বর রায়ের টাকাত্তেই তোমার বাপ ব্যবসা করেছিল, মাসে মাসে স্তম্ভ গুনতে তোমরা, তিনি আমার মাতামহ। I

know all these things.

রবিনসন যোগে উঠে দাঁড়িয়েছিল।—you say so?

—Yes, I say so. কীৰ্ত্তিহাটের এলাকায় তোমার কুঠী আছে। এস্টেটের টাকা সব শোধ হয়েছে কিনা জানি না। হরিশ মুখার্জির চেলো নই আমি।

অন রবিনসন চীৎকার করে বলেছিল—বোয়, হামারা চাবুক লে আও।

মুহুর্তে কমলাকান্তও উঠে দাঁড়িয়ে লাফ দিয়ে নেমেছিলেন জমিতে এবং দ্রুতপদে চলে এসেছিলেন। রবিনসন হা-হা শব্দে হাসতে লেগেছিল।

গ্রামে কিরে সে-গ্রামের সকলকে ডেকেছিলেন এবং রবিনসনের সঙ্গে লড়াইয়ের বীজ পত্তন করেছিলেন সেইদিনই।

সুৰেশ্বর বললে—এখানে একটা কথা বলি সুলতা। সেটা হল—বামুন, বড়ি আর কায়স্থ—এই তিনটে জাত সকালে জমিদারী সেরেস্তার বড় খারাপ জাত ছিল। তার সঙ্গে মুসলমান। সহজে এরা বশ মানত না। রাজা-জমিদার এদের হজম করতে পারে নি। তার সঙ্গে ছত্রী। তবে বাংলাদেশে তারা খুব কম। জমিদারীর বাজারে যেসব মৌজায় এই তিন জাতের বেশী বাস, সে-সব গ্রামের দর কিছু সস্তা। গ্রামনগর সেই ধরনের গ্রাম। ঠাকুর-মিয়ারদের জমিদারী যেদিন দে-সরকাররা কেনে, সেদিন এরা টাকা বাজিয়ে পুজো দিয়েছিলেন সর্বদে-তলায়। দে-সরকার যেদিন সুদের দাবী করেছিল, সেদিন গ্রামস্বদ্ধ চড়াও হয়েছিল দে-সরকারের নতুন জমিদারী-কাছারীর আটচালায়।

কমলাকান্তকে পেয়ে এরা কোমরে বল পেয়েছিল। বিশেষ করে কমলাকান্ত যে দস্ত করে বলে এসেছে—আমি কীৰ্ত্তিহাটের এস্টেটের আট আনার মালিক, তাতে ভরসা পেয়ে তাদের মনের আশ্বাসের উপর পড়া ছাই উড়ে গিয়ে নতুন করে গনগনিয়ে উঠেছিল। সুতরাং বিবাদটা পাকতে দেরি হয় নি।

পথ একটা স্থির হয়েছিল, তাতে জমিদারের সঙ্গে লড়াই শুরু হল আগে। দে-সরকার রবিনসনকে ডেকে এনে বসিয়েছে; সে-ই এখন টাকা দিচ্ছে, সুতরাং মূলে আঘাত দেওয়া হল আগে। ওদিকে রবিনসনের অত্যাচারের বিরুদ্ধে কমলাকান্ত তাঁর নতুন শেখা ইংরিজীবিদ্যায় কলাও করে দরখাস্ত করলেন হুগলীর ম্যাজিস্ট্রেট থেকে কমিশনার, লারিসাহেব পর্যন্ত। ওদিকে দে-সরকারদের সঙ্গে ধর্মঘট করে থাঞ্জনা দেওয়া বন্ধ করা হল।

দে-সরকারের বাড়ী রাধানগর—সেখানে অধিকাংশই কায়স্থ, কায়স্থেরাও চুলবুল করতে লাগল, কিন্তু দে-সরকার সুকৌশলে ব্যাপারটাকে কায়স্থদের সঙ্গে প্রাঙ্গণ এবং অপর জাতের জোট বেঁধে, জাত নিয়ে ঝগড়ায় পরিণত করেছিলেন। ফলে কায়স্থেরা যোগ দিতে ইচ্ছে থাকতেও সরে রইল।

সুৰেশ্বর বললে—জাত নিয়ে ঝগড়া যে কি, তা তো তোমাকে বোঝাতে হবে না। এ দেশটাই হিন্দু-মুসলমানের লড়াইয়ে ভাগ হয়ে গেল।

সুলতা বললে—ইরোরোপে জু-কৃষ্ণানের ঝগড়া, শার্ব-ব্রাহ্মের ঝগড়া অনেক উদাহরণ আছে, তুমি বল—কথাটা অবিবাস করছি না। ব্রাহ্মদের সঙ্গে হিন্দুদের ঝগড়া নেই-নেই

করেও থেকে গেছে। বাবা বলেছিলেন—সুরেশ্বর শিখিয়েছে বোধ হয়, তাকে বিয়ে করলে দেবোত্তরের সেবায়োৎসব থেকে বঞ্চিত হবে বলে।

সুরেশ্বর বললে—চতুর দে-সরকার এই জাতিভ্রষ্টের চাল চালাতে ভোলেন নি। রবিনসনের কুঠীতে অনেক কায়স্থের চাকরি করে দিয়েছিলেন। চতুর লোক টারি দে-সরকার। সঙ্গে সঙ্গে একথাও তুলেছিলেন—পথে-ঘাটে দেখা হলে বামুনদের পায়ে হাত দিয়ে প্রণাম করে মুখে-বুকে ধুলো বুলোতে হবে এটা কি রকম? সেইটে আমি করিনে, সেই ওদের রাগ।

তবুও একটা দল বিরূপ ছিল, কিন্তু ধর্মঘটে যোগ দেয় নি।

খামনগরে ব্রাহ্মণেরা সন্দোপ এবং অস্ত্রদের বারণ করেছিলেন—কোন কায়স্থকে দেখে মাথা হেঁট করবিনে। খবরদার!

ঠাকুরদাস পাল তাদের নেতা, কমলাকান্তের চেয়ে বয়সে বড় হয়েও অল্পগত লক্ষণ, সে হরিধ্বনি দিয়ে বলেছিল—হরি-হরি ভাই!

সোংসাহে হরিধ্বনিও উঠেছিল। ঠিক এই সময়ে এসেছিল বীরপুরের গোপাল সিং। গোপাল জানত বিমলাকান্তকে এবং কমলাকান্তকে তাড়িয়েছেন বীরেশ্বর রায়। চতুর বিষয়ী গোপাল সিং কমলাকান্তের আগমনবার্তা শুনেই এখানে এসেছিল, বীরেশ্বর রায়ের সঙ্গে লড়াইয়ে কমলাকান্তের মত দুর্ভেজ্য ঢালের পশ্চাতে আশ্রয় নেবার জন্তে।

বিষয় হল মজার ব্যপ্ত, কমলাকান্তকে উত্তেজিত করে কোনরকমে খাড়া করতে পারলে বীরেশ্বরের ডান হাতখানাই ভেঙে দিতে পারবে।

কার্যকারণে ঘটনাও এই মুখে চলছিল। বীরেশ্বর রায়ের পাঠানো বজরা এল, লোক এল চিঠি নিয়ে, কমলাকান্ত চিঠির উত্তরে নিষ্ঠুরভাবে আঘাত করে চিঠি লিখে বজরা ফিরিয়ে দিলেন। গোপাল উৎসাহিত হয়ে উঠল। তার কাজ কতে হয়ে গিয়েছে। কিন্তু অতি উৎসাহে হঠাৎ একটা কথায় ঘটনার স্রোত ফিরে গেল। অতি চাতুর্যের সঙ্গে সে একই নিশ্বাসে কখনও জন রবিনসন এবং দে-সরকারদের সঙ্গে ঝগড়ায় কমলাকান্তকে সাহায্যের আশ্বাস দিয়ে বলেছিল।—

সুরেশ্বর বললে—রত্নেশ্বর রায় তাঁর ডায়রীতে লিখেছেন—

“গোপাল সিং লোকটি দুর্দান্ত সাহসী লোক। তাহার অসাধ্য কর্ম নাই। সে আমাকে ধর্মঘটে এবং রবিনসন সাহেবের সঙ্গে বিরোধে সাহায্য করিবার প্রতিশ্রুতি দিল এবং বলিল—আপনি বলেন বাবা-সাহেব—শ্রিক বলেন, মামলা হ'লে টাকা খরচ করবেন—আমি উদের দেখে লিই। গোপাল সিংয়ের দল আছে বাবা, উ দল নিয়ে সে সব পারে। বিপ্তবাবু ডাকহিতি করত, নীলকুঠী সে অনেক লুটেছে, সে বাবা হামিও পারে। শ্রিক বলেন—মামলাতে খরচ যোগাইবেন, বাবু, দিব শালা লুচা আংরেজবাচ্চাকে—।

“দস্তের উপর দস্ত স্থাপন করিয়া সে ডান হাতখানা তুলোয়ারের মত চালাইয়া দিল। অতঃপর বলিল—টাকা বাবাসাহেবের ছালা ছালা গো! ওই মামা—আপনের মামা কংস মামা আছে গো! হা! উস্কে হঠিয়ে দিন, আপনার সম্পত্তির ভাগ আউর টাকা লিয়ে লিন। আপনি তো রাজা গো। দেখবেন তখন ই সাহেবটো আপনার পাশ টাকা লিয়ে

যাবে আউর বলবে—ঘুট মণি বাবুলাব, সেলাম বাজাইবে। হাঁ! ইখানে উ সাহেবের জবরদস্তি হামি রুখবে। ই বাত হামি দিলাম। আপনি মামলা করেন আপনার সম্পত্তির ভাগের লিয়ে। টেরা পিটাইয়ে দিন তামাম ভৌজিতে কি বীরেশ্বর রায়েক খাজনা দিবে তো হামি উ উত্তল দিবে না। তাহার কথাগুলি চিন্তা করিয়া দেখিতেছি। সে সত্য কথাই বলিয়াছে। আমার এই অত্যাচারী নৃশংস মাতুলের হাত হইতে অন্ততঃ আমার প্রাণ অংশ উদ্ধার করিতে হইবে। ইহা আমার কর্তব্য। ইহা ধর্ম। না করিলে আমি মনুষ্যপদবাচ্য হইতে পারি না। এবং রবিনসন ও দে-সরকারদের অত্যাচার হইতে শ্রামনগরের অধিবাসীদের যদি বাচাইতে না পারি, তবেই বা আমি মনুষ্যপদবাচ্য কিসে?”

সুরেশ্বর বললে—এর পরই ঘটনার শ্রোত বিচিত্রভাবে ঘুরে গেল।

সেদিন সন্ধ্যায় কমলাকান্তের বাড়ীতে গ্রামের লোকদের জমায়েৎ হবার কথা। আগের দিন ষষ্ঠীপূজা ছিল। সেই পূর্বকাল থেকে ষষ্ঠীপূজা সর্বাঙ্গে হয় ব্রাহ্মণদের। জমিদার ব্রাহ্মণ হলে এবং গ্রামের লোক হলে তাঁর পূজা ব্রাহ্মণদের মধ্যে আগে হয়। কিন্তু জমিদার ব্রাহ্মণ না হলে তাদের বাড়ীর মেয়েদের অপেক্ষা করতে হয়, ব্রাহ্মণ-গৃহিণীদের পূজা হলে তবে হয় তাঁদের পূজা। দে-সরকার জমিদারী কেনার পর প্রথম বৎসর এ নিয়ে একটা কাণ্ড হয়েছিল; ব্রাহ্মণ-গৃহিণী ও কস্তারী তাঁদের নাকঝাপটা দিয়ে সরিয়ে দিয়েছিলেন। এটা দে-সরকারকে মেনে নিতে হয়েছিল, উপায় ছিল না। এবার সকালবেলাতেই দে-সরকারের গোমস্তা শেখজী রবিনসন সাহেবের পাইক নিয়ে এসে ষষ্ঠীতলা ঘেরাও করে বসেছিল। এবং বেলা বারোটা পর্যন্ত ঘিরে রেখে দে-সরকার এবং তাঁর আত্মীয়বন্ধু বাড়ীর মেয়েদের পূজা শেষ না-হওয়া পর্যন্ত অস্ত্র কাউকে পূজা করতে দেয় নি।

কমলাকান্ত পর্যন্ত সেখানে গিয়েছিলেন প্রতিবাদ করতে। সঙ্গে ছিল ঠাকুরদাস এবং ছাত্রী গোপাল সিং, আর ছিলেন কয়েকজন মাতব্বর ব্রাহ্মণ।

গোমস্তার সঙ্গে বাদামুবার কিছু হয় নি। কুঠীর লাঠিয়ালরা, সাহেবের চাকরেরাই মহড়া নিয়েছিল। তাঁরাই বলেছিল—জমিদারের বাড়ীর পূজা হবে, তবে অন্তের পূজা হবে, তাঁর আপত্তি নয়। সাহেবের হুকুম আছে।

বিনা লাঠির জোরে তাদের হঠবার হুকুম ছিল না। হঠলেও বিপদ ছিল রবিনসন কুঠিয়ালের চাবুকের। কমলাকান্ত ভাবছিলেন, কিন্তু প্রবীণ ব্রাহ্মণেরা সব দিক বিবেচনা করে সরেই এসেছিলেন। সেইদিনই গোপাল সিং যে-বন্ধনে বেঁধেছিল কমলাকান্তকে, অতি উৎসাহে যেমন্টা টান দিয়ে কমলাকান্তকে চমকে দিলে; কমলাকান্তও জুঁক হয়ে টান মেরে বাধনটাকে ছিঁড়ে কেলে দিলেন।

কমলাকান্ত বলে প্রতিকারের কথা ভাবছিল। গোটা গ্রামটাই আহত হয়েছে এ-অপমানে। যারাই আসছিল, বসেছিল, তাদের সকলেরই ছিল এক কথা। জমিদার মাথার উপর পা দিচ্ছে, ধর্ম-সমাজ পর্যন্ত মানছে না।

তাঁরাই ভিতর থেকে কখন যে দে-সরকারদের কুৎসা আরম্ভ হয়েছিল কেউ বুঝতে পারে নি। গোপাল তাঁর মধ্যে কোড়ন দিয়ে ঝাঙ্কিল, তাঁর কোড়নের উপকরণের সবটুকুই জমিদারের

অত্যাচারের নামে বীরেশ্বর রায়ের কুংসা।

দে-সরকারদের নিষ্ঠা, তাদের অর্থ-আচরণ, কুপণতা, ছোট নজর থেকে দে-সরকারের ট্যাক্স-চোখে এসে উপস্থিত হল। তারপর তার পুত্রের গুণমুখবের কথা। তার থেকে এল দে-সরকার-গৃহিণীর নাকের নখে; এরই মধ্যে কে বললে—সরকারের কস্তেটার চঙ দেখেছ! স্বামী ঘর থেকে তাড়িয়ে দিয়েছে, তার জন্তে কোন দুঃখ আছে, খেদ আছে!

একজন বললে—ওরা তো বলে, মেয়ের ছেলে হ'ল না বলে জামাই বিয়ে করেছে, তাই দে-সরকার কস্তেকে বাড়ী এনে রেখেছে; বশেছে—মেয়ে আমার সতীন নিয়ে ঘর করবে না। কিন্তু আসল ব্যাপার তাড়িয়ে দিয়েছে। সে নাকি সাতখানা কাণ্ড।

কমলাকান্ত বলেছিলেন—থাক না ওসব কথা। ও নিয়ে আমাদের দরকার কি?

গোপাল বলে উঠেছিল—দরকার আছে বাবাসাহেব। আদালতে সরকারকে হাজির করতে পারলে ওই তো বরম্বাণ। হামাদের উকিল জেরা করবে কি—তুমার বেটী ঘরে আছে কেনো সরকারবাবু? জ্যা? সরকার জরুর বলবে কি—বেটী হামার সতীন নিয়ে ঘর করবে না, তাই হিঁয়া থাকে। উকিল দিবে এক ধমক—ঝুট বাত! ফলানা আদমীর সাথ আপনের বেটীর লটবট হোয় নাই? সব গোলমাল হইগে যাবে সরকারবাবুর। হা। উ সব বিলকুল খবর যোগাড় করো বাবা।

সকলে হেসে উঠেছিল। কমলাকান্ত তিস্ত হয়েও কথাটা ভেবে দেখছিলেন।

গোপাল নিজের কথার জের টেনে বলে চলেছিল—হামি বাবা একদকে বীরেশ্বর রায়কে হাজির করাইয়ে ই জেরা তো জরুর করাই কি, রায়বাবু আদমী লোক বোলে কি আপনে রাণীসাহেবা ভাগ গিয়েছে, কিসকে সাথ গিয়েছে আউর কাঁহা গিয়েছে? জ্যা?

মুহুর্তে বিস্ফোরণ হয়ে গিয়েছিল। কমলাকান্ত চমকে উঠেছিলেন, অসহ্য মর্মব্যজপায়; কথা কটা যেন তাঁর বুকের ভিতরে জলন্ত অন্ধারের গত। মনে হ'ল গোপাল চিমটে দিয়ে জলন্ত আংরা ধরে তাঁর বুকের ভিতরে টিপে শরেছে।

—আ-ও! বলে একটা বুকফাটানো হক্কার আপনি তাঁর গলা থেকে বেরিয়ে এসেছিল। এবং লাক দিয়ে উঠে তিনি গোপালের গালে মেরেছিলেন প্রচণ্ড একটা চড়।

গোপাল চমকে উঠেছিল, সঙ্গে সঙ্গে গোটা মজলিস। প্রথমটা কেউ বুঝতেও পারে নি এর মধ্যে হল কি? গোপাল হতভয় হয়ে কমলাকান্তের মুখের দিকে তাকিয়ে ছিল। কমলাকান্ত বলেছিলেন—মুখ ভেঙে দেব তোমার। জিভটা ছিঁড়ে নেব!

এরপর বা হবার তাই ঘটল। কথা দু-চারটে আরও হরেছিল, কিন্তু সে থাক। গোপাল নিজের পাগড়িটা—যেটা কমলাকান্তের চড় মারার ঝটকায় পড়ে গিয়েছিল, কুড়িয়ে নিয়ে নীরবে হনহন করে চলে গিয়েছিল।

সেইদিনই আর একটা ঘটনা ঘটে গেল। সেটা সন্ধ্যার সময়। কমলাকান্তের বাড়ীর দাওয়ার ঝামের মজলিস বসেছিল। আলোচনা ওই আলোচনা। কমলাকান্ত হিন্দু পেট্রিরটের হরিশ মুখার্জিকে পত্র লিখেছে—রবিনসনের অত্যাচারের কথা জানিয়েছে, তাই পড়ে শোনাচ্ছিল, এমন সময় জন তিন-চার চৌদ্দ-পনেরো বছরের ছেলে ছুটে এসে বললে—দে-সরকারের পালকি

যাচ্ছে। তার ছেলে যাচ্ছে খণ্ডরবাড়ী। বধীতে বার নি, আজ যাচ্ছে।

সমস্ত আসরটা মুহূর্তে একাধ্ব এবং উত্তপ্ত হয়ে উঠেছিল। পালকি হাকিয়ে সদন্তে চলে যাবে?

কমলাকান্ত বলেছিলেন—ক'জন চাপরাসী আছে রে?

—পাঁচজন-ছ'জন হবে।

—আর বেহারা আটজন নিয়ে তের-চৌদ্দজন।

চট করে ঠাকুরদাস উঠে এসে বলেছিল—তা থাক। তুমি হুকুম দাও, আমি গুর ছেলেকে পায়ে হাঁটিয়ে এখানে এনে দি।

—মারামারি করবি না?

—না-না-না। তিনসত্ব্য করছি। তুমি শুধু হুকুম দাও। দেখ না কি করি আমি।

—কোন অভ্যস্ত করবি নে, শুধু পালকি থেকে নামিয়ে আনবি। দাড়া করবি নে, সে হবে কি করে?

—দেখ না! গাড়ের বাটের পাশের জল থেকে বড়মেয়ার ছুটি হাঁক ছাড়ব শুধু। বলেই সে ক'জন সাকরেককে ইসারা দিয়ে ছুটে চলে গেল। পিছনে পিছনে জন-পনেরো সাকরেক। ছুটে বেরিয়ে গেল। গোটা মজলিসটা মুহূর্তে উৎসাহিত হয়ে উঠেছিল। এমন কি কমলাকান্তের সম্পর্কে দাদামশাই—বয়সে বাট পার হয়েছেন—তিনি পর্যন্ত থি-থি শব্দে হেসে বলেছিলেন—তাহলে জলদি যা, জলদি! দেখ তো কেউ পালকি কত দূরে?

কমলাকান্ত ঠিক বুঝতে পারে নি ব্যাপারটা। জিজ্ঞাসা করেছিল—কি বলুন তো?

—দেখ না নাতি, দেখ না! ঠাকুরদাস অনেক রকম পারে হে। দেখ না!

ইতিমধ্যেই দূরে পালকির বেহারাদের ডাক শোনা যাচ্ছিল। ক্রমে আলোর ছটা বাড়ল, মশাল হাতে মশালটার পিছনে মে-সরকারের ছেলের পালকি। সামনে পিছনে তিনজন-চারজন লাঠিধারী বরকন্দাজ। মাথায় লাল শালুর পাগড়ি। মজলিসটা স্তব্ধ হয়ে গেল। কমলাকান্তের মনে লেগেছিল। তাঁর ভায়রীতে তিনি লিখেছেন—“আমি কীর্তিহাটের রায় এক্সেটের মালিক, আমার তুলনায় এই ব্যক্তিটা একটা ক্ষুদ্র ব্যক্তি। সে এইভাবে লোকলস্করসহ পালকি চাপিয়া চলিয়া গেল, আমি আমার অদৃষ্টকে দিচ্ছি দিলাম। এবং মনে হইল, ইহার জন্ত দাদী বীরেশ্বর রায়, আমার মাতুল। এমন হিংসা, এমন জটিল চরিত্রবিশিষ্ট মহন্ত আমি দেখি নাই। আমাকে আমার অধিকার উদ্ধার করিতেই হইবে। এবং এই ভ্রামনগর-ব্রাহ্মণগর-যুগলপুর লাট খরিত করিতে প্রতিজ্ঞাবদ্ধ হইলাম।”

তখন আসরে চলেছে মে-সরকারদের ভবিষ্যৎ ভবিভবোর কথা। প্রবীণতম ভট্টাচার্য বলছেন—অতি দানে বলি বড়, অতি মানে চ কৌরবাঃ। অতি দর্পে হত লক্ষা, সর্বমত্যস্তম-গর্হিতম। এই কায়স্থ কুলকজ্জলের তাই হয়েছে। একসঙ্গে অতিমান এবং অতিদর্প। এ সহ হবে না!

আশাত তাঁদেরও লেগেছিল।

—সমুখে দেবদ্বান, ব্রাহ্মণদের মজলিস চলছে, একেবারে একটা সম্ভাষণ না করে চলে

গেল। পালকি থেকে না নামিস, মুখ বাড়িয়ে দেবতাকে প্রণামটা তো করলে পারতিস।

হঠাৎ একটা প্রবল কোন জাক্জব গর্জনে সব কথা বন্ধ হয়ে গেল, দু-চারজন চমকে ও উঠেছিল। পরক্ষণেই হেসেছিল সকলে। কমলাকান্তও চমকে উঠেছিলেন।

—কি? বাঘ?

সঙ্গে সঙ্গে আর একটা হুকার। ওদিকে কতকগুলো লোকের চিৎকার শোনা গেল।—  
বাঘ-বাঘ-বাঘ। সঙ্গে সঙ্গে ওই প্রান্তেই বাঘ-তাড়ানো টিন বেজে উঠল।

বাঘ? এখানে বাঘ আছে। চিতাবাঘ। মধ্যে মধ্যে দু-একটা গেলেদা বাঘও এসে পড়ে,  
একথা রক্তেশ্বর শুনেছেন।

বুড়ো ভটচাঁজ হেসে উঠে বলেছিলেন—সাবাস, সাবাস, সাবাস! কমলাকান্তের এবার মনে  
হল ঠাকুরদাস উঠে যাবার সময় বলে গেছে, ‘বড়মেয়ার’ দুটি ডাক! তবে কি! তিনি বললেন—  
ঠাকুরদাস?

—হ্যাঁ। ফুটো হাঁড়ি-মালসার মুখ ভরে অবিকল ডাকতে পারে। তবে আজকের ডাক  
মোক্ষম!

ঠিক সেই মুহূর্তে পালকিবেহারা চাপরাসী মশালটী উল্লসাসে দৌড়ে এসে মজলিসের  
মাঝখণ্ডলি দেখে দাঁড়িয়ে হাঁপাতে লাগল।

বুড়ো ভটচাঁজ জিজ্ঞাসা করলেন—কি হল?

একজন সভয়ে বললে—বাঘ! ডোরা বাঘ, একবারে ঘাটের মুখে জঙ্ঘল থেকে হাঁকড়ে উঠল  
মাশায়, জঙ্ঘল একেবারে ঝড়ে নড়ার মত নড়ে উঠল!

—বস বস বাবাসকল বস। একটু করে জল খাও। লাঠিগুলি রাখ। বাবু কোথায়?  
একজন চাপরাসী বললে—বাবু ওই পালকির মধ্যে। কি হবে?

—হবে, বস। হচ্ছে।

ঠিক এই সময়েই দূরে ঠাকুরদাসের গলা পাওয়া গেল। সে হেঁকে বলছিল—দাদাঠাকুর!  
দাদাঠাকুর!

বলতে বলতেই দে-সরকারের ছেলেকে একরকম জড়িয়ে ধরে নিয়ে এসে হাজির হল।  
বললে—ওঃ, ওয়াই বড় বাব, একটু হলেই কাঁপ দিত। বাপ, হাঁকাড় কি? আমরা ওখানে  
ছিলাম। তা বেয়ারা-বরকন্দাজরা পালকি কেলে চলে এল, বাবুমাশায় দেখি পালকির মধ্যে প্রায়  
বেহঁস। বড়া খরাপি হয়ে গিয়েছে। কোন রকমে ওনাকে এই নিয়ে আসছি।  
ছোড়াগুলান হৈ-হৈ করে বাঘের পেছোনে টিন বাজাচ্ছে। এই লেন। বসেন বাবুমাশায়,  
বসেন। এক ঘটি জল দেন।

দে-সরকারের ছেলের পোশাক-পরিচ্ছদ ধুলোর নষ্ট হয়েছে। ঠাকুরদাস তাকে পালকি  
থেকে বের করবার সময় সূর্যকোশলে মাটিতে একটা আছাড়ও খাইয়েছিল।

প্রবীণতম ভট্টাচার্য বলেছিলেন—বস বাবা, না তার আগে ঘরে দেবতা রয়েছেন প্রণাম  
কর; ব্রাহ্মণেরা রয়েছেন, পায়ের ধুলো নাও। এ হল বাবা দেবতা ব্রাহ্মণকে অবহেলা  
উপেক্ষার ফল। কলিকাল হলেও এক পাদ ধর্ম তো এখনও আছে! এমন করে দেবতা



ভ্রাঙ্গণকে তুমি কোন ছায় বলে চলে গেলে এমন করেই হকার দেয়। বাঘে দেয়, ভালুকে দেয়! কখনও কখনও বিনা মেঘে বাজও হাঁকড়ে ওঠে বাবা!

সুলতা হেসেছিল এবার। বলেছিল—সেকালের রসজ্ঞান তো বিচিহ্ন!

—সেকালটাই বিচিহ্ন ছিল সুলতা। সুরেশ্বর হাসলে। তবে একালেই কি আমরা কম যাই! কলকাতার একটা ইলেকশনে দেখেছিলাম, প্রতিদ্বন্দ্বী পক্ষের বাড়ীর সামনে একদল সেই প্রতিদ্বন্দ্বীর নাম করে বলছিল—অমুকচন্দ্র অমুক। আর দল সঙ্গে সঙ্গে একটা হাঁড়ি হাতে নিয়ে ছুঁম করে ভেঙে দিচ্ছিল। অর্থাৎ নাম করলে হাঁড়ি কাটে।

সুলতা হেসে বললে—জানি।

সুরেশ্বর বললে—ও কথা থাক। এখন শুনে যাও যা ঘটল। এই রসিকতার গাণ্ডল কি দিতে হল, তাই বলি।

—দে-সরকারের ছেলে একটু স্থলকার কিন্তু জমিদার কারবারে ছেলে, তিনি ব্যাপারটা বুঝতে পেরেছিলেন। তিনি দেবতাকে এবং ভ্রাঙ্গণদের প্রণাম করে বলেছিলেন—আমি যাই এবার। এ উপকার মনে থাকবে আমার।

বেয়ারারা পালকিখানা আনতে গিয়ে সেটাকে পায় নি। সেটা ভেঙে চুরমার হয়ে পথের উপর পড়েছিল। ঠাকুরদাস বলেছিল, তাহলে বাঘটা বোধ হয় কাঁপিয়ে পড়ে ভেঙে দিয়েছে।

এর পর বিনা বাক্যব্যয়ে পায়ে হেঁটে দে-সরকারের ছেলে বাড়ী ফিরে গিয়েছিল।

কমলাকান্ত সারাক্ষণ চুপ করেই বসেছিলেন। বিদায়ের সময় শুধু বলেছিলেন—আপনার বাবাকে বলবেন, আমার সঙ্গে দেখা করতে। আমার পিতা শ্রীবিমলাকান্ত তাঁর মহলে একটা জোত রাখেন বটে, কিন্তু আমি এখনও প্রজা নই আপনাদের। আমি কীর্তিহাটের আট আনা অংশের মালিক। আমিও জমিদার। বলবেন।

দে-সরকারের ছেলে চলে গিয়েছিলেন।

তার দশ দিন পর, রাত্রি তৃতীয় প্রহরে শ্রামনগরে আগুন লাগল। শ্রামনগরে তখন জোত বেশ জমাট বেঁধেছে। সকলে সাবধানে চলাফেরা করে। গ্রামের মোড়ে মোড়ে পাহারা দেয়। দেখে জমিদারের বা রবিনসনের লোক আসছে কিনা। দু দিন পর অবশ্য দে-সরকারের ছেলে অনেক বরকন্দাজ সঙ্গে করে পালকি হাঁকিয়ে খন্তরবাড়ী গেছে। সেদিন রাত্তার ধারে কেউ ছিল না। কিন্তু কোথায় কোন অন্তরাল থেকে ক্যানেন্টারা বাগ হয়েছিল। এই পর্যন্ত।

হঠাৎ দশ দিন পর তৃতীয় প্রহর রাত্রে যখন সব মাহুয একটা শেষরাত্রের ঘূমে ঘুমিয়ে পড়েছে, তখন গ্রামে আগুন লাগল। সে আগুন একটা পরিকল্পনা করে লাগানো আগুন। যাকে আগুনের বেড়াঙ্কাল বলে তাই।

প্রায় সব কাঁচ ঘরে একসঙ্গে আগুন লাগল। যেন কেউ কার সাহায্যে ধেঁতে না পারে। এবং কমলাকান্তের কোঠাঘরে চার কোণে আগুন লাগল। এবং ঘরের দরজায় শিকল তুলে তালা দিয়েছিল একটা। কমলাকান্তের কাছে ঠাকুরদাস শুয়ে থাকত। ঠাকুরদাস কোঠাঘরের জানলা ভেঙে বের হবার পথ করেছিল। তখন মাথার উপরের চাল পুড়ে খসে পড়েছে ভিতরে। কমলাকান্ত উপুড় হয়ে পড়ে গেছেন। পিঠ তাঁর ঝলসে গেছে। ঠাকুরদাসই তাঁকে কোন

রকমে টেনে নিয়ে বাঁপ দিয়ে পড়েছিল নিচে। ওদিকে তখন ঠাকুরদাস পালের বাড়ীতে তার স্ত্রী-পুত্র সকলে পোড়া চালের ভলায় চাপা পড়েছে। তার বাড়ীতেও ঠিক ভাল শিকল লাগিয়ে চার কোশে আঁগুন লাগানো হয়েছিল।

আঁগুন লাগিয়েছিল গোপাল সিং। হুকুম ছিল রবিনসনের।

গোপাল সিং কমলাকান্তের কাছে চড় খেয়ে তা হজম করে নি। সে গোপাল সিং, তা সে করে না। সে স্ত্রামনগর থেকে চলে আসতে আসতে ফিরে গিয়েছিল কমলাকান্তের শত্রু রবিনসন এবং দে-সরকারের কাছে। রবিনসন নিতান্ত ইতর ইংরেজ হলেও ইংরেজ, সে যা করার নিজে সোজাসুজি করতে চেয়েছিল। কিন্তু চতুর দে-সরকার গোপাল সিংকে দেখিয়ে বলেছিল—গোপালকে তার মাও সাহেব। তার থেকে জবরদস্ত লোক তোমার নেই। আর গোপালও তো তোমার কুঠীর কাজে ভতি হচ্ছে। মাও, ওকেই ভারটা মাও।

গোপালের দস্ত শ্রীত হয়ে উঠেছিল এবং ধূমায়িত আক্রোশটাও বাতাস পেয়ে উঠেছিল জলে। সে নিজে হাতে শোধ নেবে। সে বলেছিল—চূপ করে থাকেন সাহেব, ক'টা দিন চূপ করে থাকেন। আমি আমার সাকরেনদের নিয়ে আসি। দোহাই আপনার, কুচ্ছু করবেন না। আমি লাল ঘোড়ার চোবুড়ি হাকিয়ে দিব। আপনাকে বায়েন্সেমে কুর্পী পর বইটিয়ে আরামসে, দেখবেন লাল ঘোড়াকে ঘোড়দৌড়।

গোপাল হেঁকে বলেও গেছে। হামার নাম গোপাল সিং!

\*

\*

\*

সওয়ার খবর নিয়ে ফিরে এল।

বীরেশ্বর সংবাদটা শুনে শূন্যদৃষ্টিতে তাকিয়েছিলেন কিছুকণ। তারপর জিজ্ঞাসা করেছিলেন—বেঁচে আছে? তুমি আপনাকে আপনি সে দেখা?

—নেই হজুর। মূল্যকাত আমার সঙ্গে হয় নি। চিঠিও কিরিয়ে দিয়েছেন।

বীরেশ্বর রায় অকস্মাৎ অজ্ঞান হয়ে পড়ে গিয়েছিলেন। অনেকক্ষণ পরে চেতনা হয়েছিল। কিন্তু চোখ লাল, দৃষ্টি বিহবল। তার সঙ্গে বিকারের মত প্রলাপ।

যেদিনীপুর থেকে ইংরেজ ডাক্তারসাহেব এসেছিল। ডাক্তারসাহেব বলেছিল—ত্রেণ কন্জেশন হয়েছে। যারা মদ খায়, তাদের হয়। আবার কোন মানসিক আঘাত থেকেও হয়। মনে হচ্ছে অবস্থা খারাপ। গিরীন্দ্র আচার্য মহল থেকে ফিরে এসেছেন খবর পেয়ে। তিনি এসেই সাহেব ডাক্তার আনিরেছেন।

সাহেব ডাক্তারের কথা শুনে পরামর্শ করে রামব্রজ জায়রাম, গিরীন্দ্র আচার্য লোক পাঠালেন কমলাকান্তের কাছে। মাতুলের অবস্থা তাঁকে জানানো আবশ্যক। সেও অসুস্থ। তবু যেমন করে হোক তাঁর আসা আবশ্যক। বজরা তাঁরা পাঠান নি সাহস করে।

পাঁচ দিনের দিন একখানা ছিপ এসে লেগেছিল কাঁসাই-এর ঘাটে। নৌকা থেকে নেমে এসেছিলেন মহেশচন্দ্র এবং ডাবানী।

লোকের প্রথমটা চিনতে পারে নি।

পারবে কেন ? সাধারণ লোকে রায়বাড়ীর বধু ভবানী দেবীকে দেখে নি। সেটা পর্দার যুগ।

স্বলতা, প্রোঁতা রাগী কাতারনীকে একটা চৌদ্দ বছরের ডোমেদের ছেলে অবাধ-বিস্ময়ে গাছের উপর থেকে দেখছিল বলে তার কি শান্তি হয়েছিল বলেছি। সেই যুগ। তার উপর বধু ভবানী দেবীকে তারা জানত রাজরাণী, এবং তাঁকে না দেখলেও তাঁর রাজরাণীর উপযুক্ত বসন-ভূষণের সঙ্গে তাদের পরিচয় ছিল। এ যেয়ে সাধারণ গৃহস্থ ঘরের। ভূষণের মধ্যে হাতে দু'গাছি শঙ্খ ছাড়া কোন ভূষণ ছিল না ; আর পরনে একখানি লালপেড়ে শাড়ী। তবে রুখু চুলের রাশি এবং চোখের দৃষ্টিতে তারা বিস্মিত হয়েছিল। চিনতে পারে নি।

ভবানী দেবী এসে চুকেছিলেন কালীবাড়ীতে।

লোকজন তখন ব্যস্ত। বাবুর অস্থখ। একটা চাপা আশঙ্কা সকলের বৃকে এবং চোখেমুখে ফুটে উঠেছে। লোকজন অনেক ভবু গুল্লনের কলরবও ছিল না।

ভবানী দেবী নাটমন্দিরে প্রথম প্রণাম সেরে, নাটমন্দির থেকে মায়ের মন্দিরের বারান্দায় উঠে সাষ্টাঙ্গে প্রণাম করে গড়িয়ে পড়েছিলেন। একেবারে নিশ্চক্ৰ নিখর হয়ে পড়েছিলেন কিছুক্ষণ।

রামব্রহ্ম স্মারক ছিলেন তখন রাজরাজেশ্বরের মন্দিরে। মায়ের মন্দির খোলাই ছিল ; দর্শনার্থীর জগ্না খোলা রাখার নিয়ম ছিল। পরিচারক ঘুরছিল এদিক-ওদিক, সে ভোগের যোগাড়-যন্ত্র করছিল। সে হাতে একটা বড় গাড়ু নিয়ে গঙ্গাজল ছড়া দিয়ে চলেছিল ভোগশালা থেকে মন্দির পর্যন্ত। এই পথে মায়ের ভোগ আসবে। নাটমন্দির থেকে লোকজনেরা সরে যাচ্ছিল, ভোগে দৃষ্টি পড়বে তাদের। সে এসে থমকে দাঁড়িয়েছিল ওই বারান্দায় লুটিয়ে পড়া মেয়েটিকে দেখে।

—কে গো ? ও গো, কে গো, তুমি বাছা ? ওঠো ওঠো। মায়ের ভোগ হবে, ভোগ আসবে ওঠো।

উত্তর দেন নি ভবানী দেবী, নিষ্পন্দ হয়ে পড়েই ছিলেন। পরিচারক আবার ডেকেছিল, ও গো মেয়ে ! আরে এ যে নড়ে না ! কি বিপদ ?

নাটমন্দিরে একটা থামের গায়ে ঠেস দিয়ে দাঁড়িয়েছিলেন মহেশচন্দ্র। তিনি বোধ করি নিদারুণ সংশয়ের মধ্যে মানসিক যন্ত্রনা ভোগ করছিলেন। তিনি ভাবছিলেন, কি হবে, কি ঘটবে এর পর ! এবার তিনি আড়াল থেকে বেরিয়ে এসে পরিচারককে বলেছিলেন—ওঁকে ডেকো না বাবা, ওঁর হ'লে উনি আপনি উঠবেন।

মহেশচন্দ্র সে আমলের শহরবাসী ইংরিজী-জানা মানুষ। লম্বা-চওড়া মানুষ ছিলেন। তাঁর ব্যক্তিত্ব ছিল। তাঁর কথায় পরিচারক একটু দমে গিয়ে বলেছিল—মায়ের যে ভোগের সময় হল।

—তা হোক। মা তো ! একটু না-হয় দেরিই হবে সন্তানের জন্ম !

কথাটা শুনে পরিচারক হতভম্ব হয়ে গিয়েছিল। সে কি করবে বুঝতে না পেরে গাড়ুটা হাতে ধরে দাঁড়িয়েই ছিল। ঠিক এই সময় রাজরাজেশ্বরের মন্দির থেকে স্মারকমশাই মায়ের

মনিয়ে এসে পড়েছিলেন। রাজরাজেশ্বরের চত্বরের দরজা পার হয়েই তিনি মহেশচন্দ্রের কথাগুলি শুনতে পেয়েছিলেন। পরিচারকের কথাও—শেষ কথা—শুনেনছিলেন। বুঝতে পেরেছিলেন সে একটু বিব্রত।

—মারের যে ভোগের সময় হল।

উত্তরে শুনলেন—তা হোক। মা তো! একটু না হয় দেরিই হবে সন্তানের জন্ম!

ভাল লাগল। কিন্তু হল কি? তিনি পরিচারককে ডেকে বললেন, কি হল হরিচরণ?

—আজ্ঞে, একটি মেয়ে উপুড় হয়ে পড়ে আছে মারের দরজার সামনে। ডাকলে সাড়া নেই। উঠতে বলছি, তা উনি বলছেন—

জায়রত্ন ততক্ষণে এসে পড়েছেন সামনে। দেখলেন সাষ্টাঙ্গে প্রণতা ভবানী উপুড় হয়ে পড়ে আছে, পিঠের উপর রাশীকৃত কক্ষ চুল ছড়িয়ে পড়েছে; নিখর নিস্তব্ধ। একটি প্রসাদ আত্মনিবেদন যেন ধ্যানে সমাহিত হয়ে গেছে। তিনি বিস্মিত হয়ে গিয়েছিলেন।

—কোন মানসিকের জন্ম এসেছেন বুঝি? তিনি এবার ফিরে তাকালেন মহেশচন্দ্রের দিকে। তিনি চমকে উঠলেন, যেন চেনা মুখ। কিন্তু কিছুতেই মনে করতে পারছেন না। তাঁর বিশ্বয় অপরিণীম হয়ে উঠেছিল। দু-পা এগিয়ে গিয়ে তিনি প্রশ্ন করেছিলেন—মহাশয়ের নাম?

—নাম? মহেশচন্দ্র মুখোপাধ্যায়। বলে আঙুল দেখিয়ে ভবানীকে দেখিয়ে বললেন—খবরটা পেয়ে আর থাকতে পারলে না, ছুটে এসেছে।

ফিরে ভবানীর দিকে তাকালেন জায়রত্ন।

মহেশচন্দ্র বললেন—বারো বছর ব্রহ্মচারিণীর ব্রত নিয়েছে, এই আর এক পক্ষ বাকী। তবু এল। পারলে না থাকতে!

জায়রত্ন বোধ হয় সোরগোল তুলতেন। মহেশচন্দ্র বারণ করে বললেন—না। সোরগোল তুলবেন না। সে খুব খারাপ হবে!

জায়রত্ন এবার এগিয়ে গিয়ে ভবানী দেবীর মাথায় হাত দিয়ে ডাকলেন—মা!

ভবানী দেবীর সাড়া ছিল না। তিনি গুথানে সাষ্টাঙ্গে প্রণাম করেই জ্ঞান হারিয়েছিলেন। তিনি পরিচারকের হাতের গাড়ুটা নিয়ে গলাঞ্জলি ঢেলে মাথায় ছপছপ করে ঝাপটা দিয়েছিলেন। আর ডেকেছিলেন—মা-মা-মা!

সোরগোল উঠেই গেল আপনা থেকে। গিরীন্দ্র আচাৰ্য ছিলেন বাড়ীর মধ্যে, বীরেশ্বর রায়ের শোবার ঘরের বারান্দায়। যেদিনীপুরের একজন দেশী ডাক্তার রয়েছেন। ঘরের মধ্যে। বীরেশ্বরের খাস চাকর জলধর বসে আছে মাথার শিররে। মাথা কামিয়ে দেওয়া হয়েছে। জলপটি চলছে অহরহ। একজন চাকর বাতাল দিচ্ছে। রায়বাড়ীর কবিরাজমশাই বসে আছেন, আচাৰ্যের পাশে। নাড়ী দেখছেন তিনি। শাস্ত্রা অন্তরে এক পারসার ডাক ছাড়া কোন ডাক শোনা যায় না। নিবেধ আছে, জোরে কথা বলতে। কথাবার্তা ফিসফিস করে; অথবা অতি যত্নসহে চলছে, তাও ছুটো-চারটে। পুকুরের ধারে জলের উপর ঝুঁকে-পড়া কুলগাছ থেকে পাকা কুল মধ্যে মধ্যে ঝরে পড়ার সঙ্গেই তার তুলনা হয়। মধ্যে মধ্যে একটি ছুটি টুপ-

টুপ শব্দ।

এরই মধ্যে গিরীন্দ্র আচার্য কালীবাড়ীর সোরগোলের সাড়া পেলেন। উঠে দাঁড়িয়ে ভুরু কুঁচকে বললেন—কি হ'ল ?

ঠিক এই সময়েই উঠল শাঁখের শব্দ। তিনি দ্রুতপদে নেমে এলেন। জেবেছিলেন কমলাকান্ত এসেছেন।

তিনি নিচে নাটমন্দিরে এসে দেখলেন, সমস্ত সেরেস্তাখানা, চাকর-বাকর, লোক-লস্কর সব ভিড় করে চারিপাশে দাঁড়িয়ে গেছে। সব শুক, শুধু একটা ঠেলাঠেলি চলছে। মধ্যে মধ্যে দারোগারনােরা হৈকে সাড়া তুলছে। খবরদার! খবরদার! খবরদার!

ভিড় ঠেলে তিনি জিজ্ঞাসা করতে করতেই এলেন—কি ? কি ? ব্যাপার কি ?

একটি কথা—রাণীমা !

—রাণীমা ? রাণীমা কে ?

—আজ্ঞে রাণীমা ! সতীরাণী বউ !

—সতীরাণী বউ ?

—আজ্ঞে হ্যাঁ।

বুকের ভিতরটা ধক-ধক করতে শুরু করেছিল আচার্যের। আশঙ্কা না আনন্দ তিনি বুঝতে পারেন নি। বারো বছরেরও বেশী—তের বছর পূর্ণ হবে এই বর্ষায়। এতকাল পর ? তবে এটা তিনি জানতেন, বীরেশ্বর রায় আজও তাঁর সন্ধান করেন। এত বড় এস্টেটের দেওয়ান, এস্টেটের খুঁটিনাটি, জমিদারীর জোত-জমাই শুধু তাঁর নখদর্পণে নয়, খোদ মালিকের প্রতিটি কার্যের সংবাদ তিনি রাখেন। পা ফেললে আওয়াজ শুনে বলতে পারেন, মালিক কোন্ মেজাজে কি বলতে আসছেন।

সেদিন ছেদী কিরে আসবামাত্র বীরেশ্বর রায় চঞ্চল হয়ে উঠে বিষয়কর্ম সমস্ত ঠেলে ফেলে তাঁদের একটি কথার বিদায় দিয়ে, ছেদীকে নিয়ে দরজা বন্ধ করে পাহারা রেখে ঘরে ঢুকে-ছিলেন। একটি প্রহর দরজা খোলেন নি। তারপর যখন বের হলেন, তখন যেন অস্ত্র মাহুয। সেইদিনই তিনি কমলাকান্তকে পরম সমাদরে যেন আর্ত হয়ে আসতে বলে চিঠি লিখেছিলেন। এর মধ্যে একটা রহস্যের আভাস তিনি পেয়েছিলেন।

একটা কৈকিয়ৎ অবশ্য মিলেছিল স্তায়রত্নের কাছে। তিনি শোমেশ্বর রায়ের পাণের কথা, জামাকান্তের কাছে তাঁর অপরাধের কথা চিঠি লিখে বীরেশ্বরকে জানিয়েছেন, একথা স্তায়রত্ন তাঁকে বলেছিলেন ; এবং বলেছিলেন, বীরেশ্বরের মন সম্ভবতঃ এই কারণেই পাণ্টেছে। কমলাকান্ত জামাকান্তের পোত্র। প্রায়শ্চিত্ত করবার স্মৃতি সেই কারণেই।

তবু এই বিষয়ী মাহুযটির মন এতে সন্তুষ্ট হয় নি। তিনি ছেদীকে ডেকে কথাবার্তার মধ্যে প্রশ্ন করে জানতে চেষ্টা করেছেন। ছেদী বুদ্ধি তাঁর থেকে বেশী ধরে না। তবু বিশেষ কিছু জানতে পারেন নি। তবে আভাস একটা পেয়েছেন।

কালীতে বিমলাকান্ত আবার বিবাহ করেছে তা জেনেছেন। আর পেয়েছেন এক সতীমায়ের খবর। ছেদী বলেছে—তিনি লাকসাহ দেবী। তপস্বী করেন। এই সতীমাদেবীই

বিবাহ দিয়েছেন বিমলাকান্তের। কমলাকান্তকেও তিনি খুব রূপা করেন। বাবুলী, বেটার মাসিক। এমন কি সতীমাই তীরথ করতে এসেছেন, যাবেন গঙ্গাসাগর পর্যন্ত, এসেছেন বিমলাকান্তের সঙ্গে। কিন্তু সতীমাই যে কে তা তিনি প্রশ্ন করেন নি। কানীশাম তপস্কার খ্রেষ্ট ক্ষেত্র। এই কলিতে ঈশ্বরসন্ধানী তপস্বী-তপস্বিনীদের আশ্রয় ভূমি। সুতরাং কানীশে সতীমাইর আবির্ভাব তাঁর বিষয়ী মনের উপরেও এতটুকু সন্দেহের ছায়া ফেলে নি। এমন কি রায়বাড়ীর ভেসে-যাওয়া সতীরাগী বউয়ের সঙ্গে কানীশ সতীমাইজীর নামের মিল সত্ত্বেও এদের মধ্যে কোন সম্পর্ক থাকতে পারে, তাও তাঁর মনে হয় নি। এই মুহূর্তেও তা তাঁর মনে হচ্ছিল না। তিনি নানা প্রশ্নের মধ্য দিয়েই এসে মন্দিরের সামনে দাঁড়ালেন। জিড় থেকে বেরিয়েই তিনি দেখতে পাচ্ছিলেন, একটি মেয়ে মন্দিরের দরজার সামনে নতজাহ্ন হয়ে বসে আছেন, দরজায় দাঁড়িয়ে রামত্রয় স্তায়রত্ন তাঁর হাতে মায়ের নির্মাণ্য দিয়েছেন। পরিচায়ক তখনও হাতে শীর্ণ নিয়ে দাঁড়িয়ে আছে। মেয়েটিকে ধরে তার পাশে বসে আছেন একজন পুরুষ বৃদ্ধ। তার মুখের এক দিকটা দেখা যাচ্ছিল। দেখে মনে হল—দেখা মুখ, এবং মুহূর্তেই বুঝলেন ভবানী দেবীর পালক-পিতা, মহেশচন্দ্র। গিরীন্দ্র আচার্য এসে মন্দিরের সিঁড়িতে দাঁড়ালেন।

স্তায়রত্ন নির্মাণ্য মেয়েটির হাতে দিয়ে বললেন—চিরায়ুতী ভব।

প্রণাম করলেন ভবানী দেবী। স্তায়রত্ন গিরীন্দ্র আচার্যকে দেখতে পেলেন এবার, এবং বেশ দীর্ঘমুখে বললেন—আর ভর নেই আচার্যমশায়। বারো বৎসর তপস্কা করে রায়বাড়ীর গৃহলক্ষ্মী কিরেছেন। মা প্রসন্ন। বীরেশ্বর অচিরে স্নান হবেন।

ভবানী দেবী প্রণাম করে উঠে ফিরে তাকালেন; গিরীন্দ্র আচার্যের নাম শুনেই তাকালেন। এবং উঠবার চেষ্টা করলেন।

আচার্য তাঁর মুখের দিকে স্তম্ভিত বিস্ময়ের সঙ্গে তাকিয়েছিলেন; শীর্ণ পাণ্ডুর মুখ, রক্ত চুলের রাশি সে মুখখানিকে ঘিরে আশ্চর্য রূপ এবং মহিমা দিয়েছে। চোঁট ছুটি শুষ্ক। কিন্তু চোখ দুটি আশ্চর্য উজ্জ্বল। ভবানী দেবী একটু টারা। চোখের দৃষ্টিতে স্বপ্নাচ্ছন্নতা রয়েছে যেন। অথবা কোন ভাবনায় সে দৃষ্টি সমাহিতের মত মগ্ন। মধ্যে মধ্যে সচেতনতা দেখা দিচ্ছে, মেঘাচ্ছন্ন দিনে কাটা মেঘের ঝাঁক দিয়ে বিচ্ছুরিত সূর্যালোকের মত। আচার্যকে দেখে দেখে সেই মুহূর্তে তেমনি এক বলক সচেতনতার আলো ফুটে উঠেছে। তিনি একক্ষণে অনবগুণ্ঠিত মাথার উপর কাপড়ের আঁচল টেনে দিলেন।

সামাজিক এবং বিষয়ী মানুষ আচার্যের মনে মুহূর্ত পূর্বেও শত প্রশ্ন একটা ভয়াবহ জনতার মত একসঙ্গে যেন কোলাহল শুরু করে দিয়েছিল, কিন্তু ভবানী দেবীর মুখের দিকে তাকিয়ে মুহূর্তে শান্ত শুধু হল না, লজ্জিত হয়ে তারা লুকিয়ে পড়ল মনের কোণে কোণে। আচার্যের চোঁট দুটি কাপতে লাগল; একটা আবেগ তাঁর বুকের মধ্যে উচ্ছ্বসিত হয়ে উঠেছে, তিনি বললেন—আম্নন মা!

শুধু বৃদ্ধা মালীয়া, রাজকুমারী রাণী-কাত্যায়নীর এক জ্ঞাতি ভগ্নী যিনি এখন রায়বাড়ীর অন্ধরে পোয়ায়মহলে কতৃৎ করেন এবং দেবমন্দিরে মেয়েদের কৃত্যগুলি সম্পন্ন করেন এবং করান, তিনি এগিয়ে এসে বললেন—এত দিন পর কি দেখতে এলে মা? একদিন-আধদিন নয়, সাড়ে

বারো বছর পায় হয়ে গেল, লোকে জানে, আমরা জানি, তুমি বলে ডুবে মরেছ, সেই তুমি কিরে এলে আজ কি মনে করে বল দিকি ? সম্পত্তি ? বলি ও আচার্য ।

আচার্য শুভিত হয়ে গিরেছিলেন কথা শুনে, নিজের নাম শুনে সচেতন হয়ে ধমক দিয়ে বলে উঠলেন—চুপ করুন আপনি ! জিভ আপনার খসে যাবে । কাকে কি বলছেন ? জানেন সারা কানীধাম ঠেকে বলে সতীমাত্রী ! পথে চলে যান, লোকে পথের ধুলো কুড়িয়ে নেয় ! ছেদী—ছেদী কই ? ছেদী !

ছেদী অনেকক্ষণ এসে একটু দূরে দাঁড়িয়েছিল লাঠিতে ভর দিয়ে, সে বললে—হজুর ! হসি আপনা আঁখ সে দেখিয়েছি হজুর, দেওতা, মাদ্জী হামার দেওতা আছেন ! হজুর, হামার বাবুজী মাদ্জীর পতা করতে কানী পাঠাইয়েছিলেন । উনকে চিটি হামি হামারা হজুরকে উ রোজ হাতে দিলম, বিলকুল সব বললম । বাবুজীর আঁখ সে আঁখ নিকাল গৈলি হল !

ভবানী দেবী মুহূর্তে বললেন—ছেদী ! চুপ কর তুমি । খড়োমশার আপনি বলুন, আমাকে পথ দিতে । আমি ভিতরে যাব ।

তারপর তিনি মাসীমাকে বললেন—অপরাধ আমার হয়েছে মাসী । কিন্তু উনি আমার অপরাধ ক্ষমা করেছেন । তিনি আমাকে আসতে লিখেছেন । তাঁর হুকুমই আমি এশেছি ।

আচার্যের দিকে একখানা চিঠি তুলে ধরে বললেন—এই পড়ে শোনান, ওঁরা যদি শুনতে চান । উনি কমলাকান্তকে লিখেছিলেন । তার মধ্যেই আছে ! শেষখানার শেষছত্রটা পড়ুন ।

আচার্য পড়লেন—“তুমি তোমার ভালো-মাকে বল, আমি তাহার জন্ত ব্যাণ্ডুল হইয়া প্রতীক্ষা করিতেছি ।”

পড়া শেষ হওয়ামাত্র ভবানী দেবী চলে গেলেন রাজরাজেশ্বর মন্দিরে, সেখানে প্রণাম করে এসে অনন্দের মুখে দাঁড়ালেন, বললেন—আমাকে পথ দিন । বললেন মাসীমাকে, কিন্তু সকলে হু পাশে সরে গিয়ে পথ করে দিলেন ।

পরিচারক আবার পাঁখ বাজালে । সঙ্গে সঙ্গে মেয়েদের মধ্যে কেউ একজন হলুদবনি দিয়ে উঠেছিল, একজন গুরু করতেই সব মেয়েরাই দিয়েছিল । উলু-উলু শব্দে নাটমন্দির হেসে উঠল যেন ।

একজন কেউ বলেছিল—করছ কি ? সবাই কি খব হয়ে গেল নাকি । জলধারা দিয়ে নিয়ে যাও, জলধারা দাও ।

আচার্য বলেছিলেন—ওহ পরিচারক, করছ কি ? এস আমার সঙ্গে এস । তিনি ভবানীকে ধামতে বলেন নি, তাতে পিছু-ভাকা হবে ; একটু অরিতপদে তাঁকে পাশ কাটিয়ে আগে এসে বলেছিল—আমি আগে যাই মা । মহেশবাবু, আপনি আছেন ।

সিঁড়ি পর্বন্ত এসে থমকে দাঁড়িয়ে আচার্য বলেছিলেন—তাঁর দেওয়ানী ভকীভে—আর নয় । এখান থেকে সব দ্বিগতে হবে । কেউ না । বরকন্দাজ কোথায় ? মহাবীর ! সিঁড়ির মুখে থাড়া থাক । কেউ না উপরে যায় । একটি শব্দ না হয় । হাঁ ?

—হা হজুর !

সুৰেশ্বর বললে—সুলভা, এ সমস্ত বিবরণ আছে রত্নেশ্বর রায়ের প্রথম ভারতীখানায়, যে খানার এক পিঠে আছে দৈনন্দিন দিনলিপি, ওই পোতপুত্র হিসেবে বাপ-মায়ের কোলে করে আসার দিন থেকে, আর আর এক পিঠে আছে তাঁর বিগত জীবনের বিবরণ। তারই মধ্যে এই দিনটির সমস্ত ঘটনা তিনি বিশদভাবে লিখেছেন। শুনে লিখেছেন অবশ্য। কারণ তিনি তখনও শ্রামনগরে পিঠের পোড়া ঘা নিয়ে শুয়ে। এবং তখনও তিনি তাঁর আত্মপরিচয় জানেন না।

তাঁর পুড়ে জ্বন্ত হওয়ার কথা কীৰ্ত্তিহাটের বরকন্দাজ ফিরে এসে বলেছিল বীরেশ্বর রায়কে, ওদিকে স্ত্রী-পুত্রহারা আহত ঠাকুরদাস কমলাকান্তের ভালো-মাকে খবর দিতে ভুলে যায় নি। শ্রামনগর তখন পুড়ে গেছে। প্রজারা সর্বস্বান্ত হয়েছে, কিন্তু তারই মধ্যে তাদের ধর্মঘটের ঘট মাটির ঘট থেকে পাথরের ঘট হয়ে উঠেছে। শুধু তাই নয়, রাধানগরের কাশ্মীরের মধ্যে এই ঘটনায় দে-সরকারদের জ্ঞাতিদের নেতৃত্বে দু'ভাগ হয়ে গেছে। যারা এককাল জ্ঞাতি, স্বজাতি এবং স্বগ্রামবাসী বলে মুখে চুপ করেছিল, তারাও সদলে এসে শ্রামনগরে এসে ব্রাহ্মণ মাতবরদের কাছে বলে গেছে যে, তাঁদের সঙ্গেই তারা রইল, আজ থেকে দে-সরকার জ্ঞাতি, স্বজাতি হয়েও আমাদের শত্রু! ঘরে শিকল দিয়ে আঙুন লাগিয়ে ব্রহ্মহত্যা! হে ভগবান! ওই স্লেচ্ছ কঠিয়ালের সংসর্গে এসে পিচাচ হয়ে গেছে লোকটা।

শুধু রাধানগর নয়, এই খবরটা এমন একটা চেহারা নিয়ে চারিদিকে ছড়িয়েছিল যে, আট-দশখানা গ্রামের মানুষ এসে বলে গিয়েছিল, আমরাও আছি। এসব গ্রামের দু-তিনখানায় জন রবিনসনের নীল অভিযান চলেছিল। বাকী গ্রাম এসেছিল প্রাণের দরদ, দুখে।

শ্রামনগর পুড়ে গেল, কিন্তু আশ্চর্য একটা বাস্তবতার সৃষ্টি হয়েছিল। ঠাকুরদাস পাল, বৃদ্ধ ঠাকুরদাস ভট্টাচার্যকে ডেকে বলেছিল, একটি কাজ করতে হবে বাবাঠাকুর; কমলা-কান্তদাদার ভালো-মায়ের কাছে আমি যে তিন সত্যি করেছি, ওর অন্তর-বিস্তর, বিপদ কিছু হলেই আমি তাকে খবর দোব। তা তেনাকে যে একটা খবর দিতে হয়। উনি কালীস সতীমা, কালীতে লোকে বলে দেবতা। আমার মহা অপরাধ হবে!

—কোথায় খবর দেব? উনি কোথায় আছেন?

—সে আমাকে বলে গিয়েছেন বাবাঠাকুর। আমাদের জানা থানেই আছেন। আমাদের ঠাকুর মিয়াদের হজরতপুর-গুলমহম্মদ শরীফের ঈশেন কোণে পাগলী কালীমায়ের থান আছে, তিনি সেখানে আছেন। কালী থেকে স্বপনাদেশ পেয়ে এসেছেন, স্বপন হয়েছে নাকি ওইথেনেই তেনার কি বেরতো আছে, শেষ হবে। বলে গেছেন, বাবাঠাকুর, মিয়াসাহেবের কাছে গেলেই তিনি লোক দিয়ে আমার কাছে পৌঁছে দেবেন। রাজরোবের উপর দেবরোধ হলে সন্ধান হবে বাবাঠাকুর। আমার নরক হবে।

বৃদ্ধ ভট্টাচার্য বলেছিলেন—আজ লোক পাঠাচ্ছি, ভাবিল নে তুই। ওরে আমরাও যে ভাবছি। এ করলাম কি? বিমলাকান্তের একমাত্র পুত্র রে; রূপে কার্তিক, গুণে বৃহস্পতি। তার এ দশা তো আমাদের জ্ঞে। নইলে সে কীৰ্ত্তিহাটের জমিদার, বিমলাকান্তের সঙ্গে সাহেবের আলাপ, সে তো তার জমি ছেড়েই দিতে চেয়েছিল। আমাদের জ্ঞেই মিটমাট করে



নি। ঝগড়া করেছে সাহেবের সঙ্গে। আমরাও যে মাথার মাথার ভাবছি—বিমলাকান্তকে এ সংবাদ দেব কি করে ?

ভারতীয় হঠাৎ বলেছিলেন—ওরে তুই যা বলছিল তাতে ওই সতীমাটি দেবতাই বটেন রে। মইলে এই যোগাযোগ হয় ? যোগাযোগটা তো তিনিই করে দিলেন। শুনেছি, বুড়ো ঠাকুর মিয়া আজও বেঁচে আছেন। বয়স্ক্রম পাঁচাশী, হয়তো বেঁচে আছেন এই আজকের জন্তে। তিনি কিরীকী কোম্পানীকে খাজনা দিতে হবে বলে যুগলপুরের মত লাট ইষ্টবা দিয়ে চলে গিয়েছিলেন। যাবার দিন আমরা বামুনরা সর্বরক্ষেতলায় পুজো দিয়েছিলাম ঢাক বাজিয়ে। ঠাকুর মিয়া কানে আঙুল দিয়ে নোকায় চেপে চলে গিয়েছেন। তাঁর কাছেও একখানা পত্র দেব রে, বলব হজরতের বংশ আপনারা ঠাকুরসাহেব, আপনারা এককালে সিন্ধুযোগী ছিলেন। তা আপনারদের কাছে অপরাধের কল কলেছে। আমরা আপনারদের নজরানা, সেলাম আপনারকে জানালাম। আমাদের কমা করবেন !

সুলতা, এইখানটা পড়ে আমার ভারী ভাল লেগেছিল। হয়ত এটা লোকালের কুসংস্কার, অজ্ঞতা, যা বলবে সবই। তবু ভাল লেগেছিল।

দীর্ঘনিঃশ্বাস ফেলে একটু হাসলে সুরেশ্বর।

সুলতার মুখেও একটি করুণ হাসি ফুটে উঠল।

সুরেশ্বর বললে—যাক। সেইদিনই লোক চলে গিয়েছিল ছোট একখানা ছিপ নিয়ে। ভাটির মুখে যাওয়া। বোধহয় এক দিনেই পৌঁছেছিল। ভালো-মা ফিরেছিলেন, তিনদিনের দিন। একখানা লম্বা বোল ঝাড়ের ছিপে এসে পৌঁছেছিলেন ; ঝাড়িদের সবাই ছিল গোয়ান। ছিপখানা ঠাকুর মিয়ার নিজের ছিপ।

সুলতা প্রশ্ন করলে—ঠাকুরসাহেব কিছু লেখেন নি ?

—না ! তবে নাকি ভালো-মাকে বলে দিয়েছিলেন, মা, তুমি ভট্টাচার্যদের বলিয়ে, কবরের মুখে পা বাড়াইছি। দিল্লীর বাদশাহের শাজাদাদের কিরীকীরা শুনেছি নাকি শড়কের উপর কটকে ফাঁসি লটকাইয়া রেখে দিচ্ছে ; কবর দিতে দেয় নাই তিনদিন। এই রমুলপুরের মোহনা মিয়া বাদশাহকে জাহাজে করে রেজুন পাঠাইয়া আটক রাখছে। শুনে কেঁদেছি। আল্লাহতলা আর রমুলে আল্লা পরগহরের কাছে কইছি—বতম কর জিন্দগী, পার কর ; কবরে ক্রমান পাঠাও। তা আজ ভট্টাচার্যের চিঠিখানা পেয়ে মনে হচ্ছে—এই, এই চিঠি দরখাস্ত পাবার তরেই আল্লা আমাদের জীবিত রাখছিলেন। বলিয়ে, দিল সাফা করে হিরে খোসলে আমি সব মাক করে গেলাম।

আর একশো টাকা দিয়ে পাঠিয়েছিলেন নতুন ঘর করার জন্তে।

ভাবনী দেবী যখন দুদিন পর এসে পৌঁছেছিলেন, তখন কমলাকান্তের ফাঁড়া কেটেছে, কোঁকাতুলো কিছু বসেছে, কিছু ঘা হয়ে ঝড়িয়েছে ; পোড়া ঘরের চিকিৎসা করছে বিষ্ণুপুরের ডাক্তারীরা। তখন এদেশে নানান চিকিৎসা ছিল; আলোপাথি তখনও কলকাতা এবং বড় বড় শহর ছাড়া বড়-একটা হয় নি। বৈজ্ঞ ছিলেন বড় বড়। বিচক্ষণ বৈজ্ঞ। তা ছাড়া ছিল নানান ঔষধ। আর পরমায়ু আজও জুরোয় নি। পেমিসিলিন উঠেছে। ১৯৫০ সালে

অনেকটা স্থলভও হয়েছে, তবু চাঁদসীর, মা মনসার স্বপ্নাত্ত চিকিৎসা বেচে আছে। পাঞ্জির পাতা ওটালে আরও অনেক এমন চিকিৎসার বিজ্ঞাপন পাবে। বিথরপুরের ভাগুরীরা জাতে নাপিত, তাদের কুলধর্ম ক্ষৌরি তারা করত না। যা কোড়ের চিকিৎসা করত। তাদের গুণ নাকি অব্যর্থ গুণ ছিল। সেই চিকিৎসা চলছে। কমলাকান্ত তিনদিনেই ফাড়া কাটিয়েছেন, ঠাকুরদাসের পোড়া তাঁর থেকে বেশী। সে তখনও খুব কাতর!

বীরেশ্বর রায়ের প্রথম চিঠিখানা পড়ে গিয়েছিল। দ্বিতীয় চিঠিখানা ভালো-মা পেয়েছিলেন। সেখানা এসেছিল শ্রামনগর যে রাত্রিতে পোড়ে তার পরদিন। চিঠিখানা পড়ে চমকে উঠেছিলেন তিনি। চিঠিখানা পড়েছি, তোমার মনে আছে, কমলাকান্তের সেই বজ্রের মত পত্রখানা পেয়ে এবং আচার্যের চিঠিতে গোপাল সিংয়ের সঙ্গে তার যোগাযোগের সংবাদ জেনে তিনি লিখেছিলেন, “তোমার স্পর্ধিত পত্র পাইয়া স্তুভিত হইলাম এবং শঙ্কিত হইলাম যে, এবমিধ পত্রের জন্ত তোমার নরকেও স্থান হইবে না।

চমকে উঠে তিনি জিজ্ঞাসা করেছিলেন—ওরে, তুই তাঁকে কি লিখেছিলি রে? কমলাকান্ত? কি লিখেছিলি তাঁকে?

রত্নেশ্বর রায় লিখেছেন, “প্রথমে নির্বাক রহিলাম। ভালো-মা সব পত্রখানি পাঠ করিলেন। মধ্যে মধ্যে অংশ বিশেষ পড়িয়া উচ্চ কণ্ঠেই তাহা বলিতেছিলেন, ‘তোমার সহিত পত্রালাপ করিয়া আমার মৃত্যুর অধিক যত্নগা হইতেছে।’ এবং সঙ্গে সঙ্গে বলিতেছিলেন—‘ওরে, তুই কি এমন কথা লিখিয়াছিস রে?’ আমি নিরুত্তরই ছিলাম। আবার পড়িলেন ‘তোমার ভালো-মাকে বলিবে আমি ব্যাকুল হইয়া তাহার জন্ত প্রতীক্ষা করিতেছি।’

তিনি পরিশেষে ক্রুদ্ধ হইয়া প্রশ্ন করিলেন—“কমলাকান্ত! কি লিখিয়াছিস বল?”

সে কণ্ঠস্বর শুনে কমলাকান্ত—রত্নেশ্বর রায় চমকে উঠেছিলেন। লিখেছেন—“বজ্রের মত কঠোর। ‘তাহার চক্ষের দৃষ্টি দেখিয়া মনে হইল অগ্নিবৎ জ্বলিতেছে, আমি ভস্ম হইয়া যাইব।’

রত্নেশ্বর বলেছিলেন সব। ভয় পেয়েই বলেছিলেন। ভালো-মা নির্বাক নিম্পন্দ হয়ে বলেছিলেন। এরই ঘণ্টা দুয়েক পর কীর্তিহাটের গওরার এসেছিল গিরীন্দ্র আচার্যের পত্র নিয়ে। বীরেশ্বরের সঙ্কটাপন্ন অবস্থা! কমলাকান্তের পুড়ে যাওয়ার সংবাদ শুনে তিনি অজ্ঞান হয়ে গেছেন!

তখনও গোবিনদের ছিপ ঘাটে বাধা ছিল।

সেই ছিপেই তিনি রওনা হয়ে চলে এসেছেন কীর্তিহাট।

রত্নেশ্বর রায়ের ভারব্রীতেই আছে—ভালো-মা, আমার গর্ভধারিণী, সতীশিরোমণি স্রীমতী ভবানী দেবী ইষ্টদেবীকে এবং সৌভাগ্যশিলা রাজরাজেশ্বরকে প্রণাম করে স্বামীর কক্ষে প্রবেশ করিয়া তর্ঙ্গীয় পদতলে উপবেশ করিলেন পুরানের সাবিত্রীর মত!

সেইদিনই শেখরাজে পিতা বীরেশ্বর রায়ের জ্ঞান হইল।

রাত্রি তৃতীয় প্রহরের শেষ। স্বামীর শিররে বসিয়াছিলেন মাতৃদেবী। ভূজেরা ভালবৃত্ত দ্বিধা ব্যজন করিতেছিল। গৃহের মধ্যে চিকিৎসক বসিয়া চুলিতেছিল। বাহিরে দেওয়ান, কবিরাজ প্রভৃতি নিদ্রিত হইয়াছে। আমার মাতারও কখন চক্ষু মুদ্রিত হইয়াছে। তিনি

কণ্ঠস্থর তনিয়া চমকিয়া উঠিলেন—তুমি কে? তুমি—!

দেখিলেন নির্নিমেষ নেত্রে স্বামী তাঁহার দিকে চাহিয়া আছেন।

তিনি করুণ হস্তসহকারে বলিলেন—আমি আসিয়াছি। আমি তোমার ভবানী!

সুরেশ্বর বললে—বীরেশ্বর রায় এরপরই জিজ্ঞাসা করেছিলেন—রত্নেশ্বর?

—ভালো আছে। কিন্তু এখনও যা শুকোয় নি! ভাল হলেই আসবে!

—না। কালই আমাকে কলকাতা নিয়ে চল। পথে তাকে তুলে নেব। কলকাতায় চল। পাগলাবাবাকে বের করতে হবে। তিনিই তিনি। আমি চিনতে পারিনি। আমি কলকাতায় যেতে চাই। তাছাড়া আমাকে ভাল হতে হবে।

সুরেশ্বর বললে—সুশতা, রত্নেশ্বর তাঁর ডায়রীতে সমস্ত বিশদভাবে লিখেছেন এবং তারপর শপথ করে লিখেছেন—আমার সত্যসাক্ষীর মত জননীকে যাহারা যাহা বলিয়াছে তাহা লিখিয়া রাখিলাম। যাহারা কটু বলিয়াছে তাহাদিগকে আমি ক্ষমা করিব না। কখনও না। তাহা হইলে অনন্ত নরক হইবে আমার। পিতার ওই মাসীটিকে কয়েক দিনের মধ্যেই মাসোহারা দিয়া কান্দী পাঠাইব। এখানে রায়বাড়ীর অন্ধরে ‘কর্তামা’ সাজিয়া বিচরণের শেষ করিব।

তার জমিদারী গ্রহণ করিলাম, এখন আমার প্রধান কর্তা গোপাল সিংহের দমন! সে আমার এই জননীকে কুৎসিত বাক্য বলিয়াছে। এক চপেটাঘাতে সে দমিত হয় নাই। সে আমাকে পুড়াইয়া মারিতে চেষ্টা করিয়াছে, গোপাল সিংহ ধ্বংস যজ্ঞের সকল সন্ধি প্রস্তুত। এবার অগ্নি প্রজ্জ্বলিত করিব।

“প্রথমেই পিতৃদেব আমার পৃষ্ঠদেশের ক্ষত দেখিতে চাহিলেন।” রত্নেশ্বর রায়ের ডায়রীতে আছে। তাকেটে লেখা আছে—তখনও তাঁহাকে মাতুল বলিয়াই জানিতাম।

রত্নেশ্বর রায়ের ডায়রীতে আছে—আর তিনদিন পর কীর্তিহাট থেকে বীরেশ্বর রায় ভবানী দেবীকে নিয়ে বজ্রার কলকাতা রওনা হয়েছিলেন। সঙ্গে লোকজন, ডাক্তার-বৈজ্ঞ, সেবক-কর্মচারীর কথা অল্পমান করতে পার। বর্ণনা করব না। কিন্তু রত্নেশ্বর রায় তার বর্ণনা করেছেন। তিনি অজ্ঞাতবাস থেকে জয়ী হয়ে যৌবরাজ্যে আপন অধিকারে প্রথম পদার্পণ করলেন, রায়বাড়ীর খাস বজ্রায়, যার নাম ছিল ‘কীর্তিহাট।’ এ বজ্রা তৈরী করিয়েছিলেন বীরেশ্বর রায়, তখন কুড়ারাম রায়ের ‘ললিতা’ পুরনো হয়েছে। সে বজ্রা কমলাকান্ত জ্ঞান হয়ে প্রথম দেখলেন। তার বিশদ বর্ণনাই করেছেন।

কীর্তিহাট থেকে আসবার পথে হলদীর মোহনার কাছাকাছি গুলমহম্মদ শরীফ, হজরতপুরে বজ্রা লাগিয়ে ভবানী দেবী নায়েব আচার্যকে পাঠিয়েছিলেন ঠাকুরসাহেবের কাছে, সঙ্গে গিয়েছিলেন মহেশচন্দ্র। উপঢৌকনও পাঠিয়েছিলেন। কমলাকান্তের জন্ম কলকাতা থেকে আসবাব আনিরেছিলেন বীরেশ্বর রায়, তার মধ্য থেকে একথানা উৎকৃষ্ট গালিচা পাঠিয়েছিলেন। গালিচাখানা বড় নয়, একজনের আমীরী চালে বসবার মত। তার সঙ্গে তার উপযুক্ত মসলন্দ অর্থাৎ তাকিয়াও ছিল। আরও কিছু ছিল,—একটা হাতীর দাঁতের কাজকরা মেহগনি কাঠের বই রেখে পড়বার কাঠা, একটি রূপার সামাদান, কিছু আভর এবং একটি ছোট সোনার রেকাবিতে কিছু যেওয়া ফল।

আচার্য গিরে ঠাকুরসাহেবকে সেলাম করে সব সামনে নামিয়ে দিয়ে বলেছিলেন—আমার মালিকের খুব অসুখ, মা তাঁর শিরে বসে আছেন, কলকাতার নিরে যাওয়া হচ্ছে। মা তাঁর ঠাকুরসাহেব বাপজীকে এইগুলি পাঠিয়েছেন।

ঠাকুরসাহেব অভিভূত হয়ে বলেছিলেন—বা রে নশীব বাঃ! খেল বটে তোর। কদিন আগে শ্রামনগরের বামনরা চিঠির মারকত পাওনা বকেয়া সেলাম নজরানা মিটিয়ে দিয়েছে। আজকে কীর্তিহাটের রায়বাবু পাঠালে আমাদের খেলাত। কিন্তু নিয়া করব কি?

মহেশচন্দ্র বলেছিলেন—ওই গালিচার বসে নামাজ করবেন, ওতেই বসে এই তেকাঠার উপর কোরান শরীফ রেখে এই সামাদানে আলো জেলে পড়বেন। এই মেওয়া ফলকটি আপনি খাবেন!

ঠাকুরসাহেব ভবানী দেবীর পরিচয় পেয়েছিলেন এই সেদিন, যেদিন ওই গোয়ানদের ছিপে শ্রামনগর থেকে কীর্তিহাট যান।

কয়েকটা লোক কয়েকটা নতুন কাপড়ের গাঁট এনে নামিয়ে দিয়েছিল, এখানকার লোকদের জন্ত পাঠিয়েছেন ভবানী দেবী।

ঠাকুরসাহেব তখন আশী পার হয়েছেন, তবু সমর্থ মানুষ ছিলেন। খুব সমর্থ লাঠি হাতে গ্রাম ঘুরতেন রোজ। তখনও পাথোয়ারজ বাজাতেন, সূচো সূতো পরাতে পারতেন এবং তাঁর মত মিহি সেলাইয়ের কাজ নাকি ঠাকুরবাড়ীর বিবিসাহেবরাও করতে পারতেন না।

ঠাকুরসাহেব বলেছিলেন—চল, আমি যাই, বাপজানকে আমাদের সিদ্ধাই আছে, তার দোয়া দিয়া আসি!

হেঁটেই গিয়েছিলেন তিনি নদীর ঘাট পর্যন্ত। একটা ডুলি অবশ্য সঙ্গে সঙ্গে গিয়েছিল। বজরার কামরায় ঢুকেই তিনি বলেছিলেন—কুছ ভর নাই বাপজান! আমার ফকীরির ইমান আর পিতাপুরুষের সিদ্ধাইয়ের খাদি কিয়ত থাকে তবে তুমি এই নদীর বাতাসেই ভাল হয়ে উঠবা। আর এই আমার মা জহ্ননী, ইনি শতী, ইনি দেবতা বাবা। ইয়ার তপস্তা সি কখনও বরবাদ হয় না। সাবিত্রির কথা জানি বাবাজান, আমি পড়েছি, জানি। বাবা জান, যিবার বরা খুব কড়া হয়, স্থিয়ার ভেজে যিবার হুনিয়া ফাটে, যিবার বধা নামে তুফানে। তুমাদের বারো বছরের ছাড়াছাড়ি, যার এমন তপস্তা, যিল হবার সময় এমন তুফান না হলে হয় বাবা!

আশীর্বাদ করে চলে এসেছিলেন। বীরেশ্বর রায়ের গায়ে মাথায় হাত বুলায়ে কিছু মন্তব্যও পড়ে দিয়েছিলেন। ভবানী দেবী তাঁকে পায়ে হাত দিয়ে প্রণাম করেছিলেন। বৃদ্ধ চোখের জল ফেলে বেরিয়ে এসে থমকে দাঁড়িয়ে আবার ঘুরে গিয়ে দরজায় দাঁড়িয়ে বলেছিলেন—একটা বাত বলব বাবা?

বীরেশ্বর রায় বলেছিলেন—বলুন। হকুম করুন।

—হকুম রাখবে বাবা?

—সাধ্য ভোর কসুর করব না!

জিতুরে ঢুকে বলেছিলেন—নকরেরা বাইরে যা তো বাবা। আর কামরার দরজাটা বন্ধ

করি দিল।

ভার্যর বলেছিলেন—ভাম্য শ্রামনগর পুড়ায়ে দিলে ওই বেটা কিরীকী! ভোম্যর ভাম্যকে ঘরে শিকল দিয়া পুড়ায়ে মারবার চেষ্টা করলে! তুমি ভার্য শোধ লিবে না? পারবে না।

আশ্চর্য ঠাকুরদাসেব, শাস্ত্র ফকীরের মত মাহুয, চোখ দুটো তাঁর ধক-ধক করে জলে উঠেছিল। বলেছিলেন—কলিজায় আমার বড়া লেগেছে বাবা! লাট যুগলপুর আমাদের সিদ্ধাইয়ের বকশিস, জাতের দাম। বাবা, কিরীকীকে এনে ঠাকুরদের চোটে নবর আজ পুড়ায়ে দিলে। আমি কিছু করতে পারলাম না। তুমি পারবে না শোধ লিতে?

বীরেশ্বর রায় বলেছিলেন—তাঁর চোখ দুটোও জলে উঠেছিল—মনে এ আমার ছিল, ভার্য উপর আপনি করমায়ের করলেন, তামিল জরুর হবে!

—সাবাস সাবাস! দিল আমার খুস করে দিলে!

তিনি চলে গিয়েছিলেন।

শ্রামনগরের ঘাটে বজরা এসে লেগেছিল। ভার্য আগেই ছিপ এসেছিল খবর নিয়ে। স্বয়ং ভবানী দেবী পত্র লিখে কমলাকান্তকে আদেশ করেছিলেন প্রস্তুত থাকতে। কঠোর নির্দেশ ছিল তাঁর। লিখেছিলেন—“আদেশ অমাস্ত করিলে তুমি মাতৃহত্যার পাতকী হইবে। পিতৃহত্যার পাতক অশিলেও আশ্চর্যের হইবে না। দাদা বিমলাকান্ত ভোম্যর মুখদর্শন করিবেন না!”

কমলাকান্ত বীরেশ্বর রায়ের অন্ত্রের সংবাদে এবং শ্রামনগরের এই দুর্ঘটনার নিজেও অহুতপ্ত এবং হয়তো নিঃসহায় বোধ করছিলেন। তিনি আদেশ অমাস্ত করেন নি। শ্রামনগরের ঘাটে আসেন নি; লোক রেখেছিলেন। এবং নিজে বাড়ীতে প্রস্তুত হয়ে অপেক্ষা করছিলেন। ঘাটে এসে জুটেছিল গোটা শ্রামনগর। বীরেশ্বর রায় এ সারা অঞ্চলে তখন গল্পের মাহুয। বজরা, ভাউলে নোকো, ছিপ নিয়ে সে একটি ছোটখাট নৌবহর ঘাটে যখন লেগেছিল, তখন এ অঞ্চলের মাহুযের বিশ্বয়ের সীমা ছিল না!

গিরীজা আচার্য ঘাটে নেমে গ্রামের প্রধানদের নিয়ে কমলাকান্তকে আনতে গিয়েছিলেন। সঙ্গে লোক-লস্কর নিয়েই গিয়েছিলেন। কমলাকান্ত জাতি ভট্টাচার্যদের বাড়ীতে ছিলেন, সেদিন তখন প্রস্তুত হয়ে তাঁদের পাকা দেবমন্দিরের বারান্দায় বসে ছিলেন।

ভুলি আনানো ছিল। দুখানা ভুলি!

কমলাকান্ত ঠাকুরদাস পালকে সঙ্গে নিয়ে গিয়েছিলেন। বলেছিলেন—ঠাকুরদাস দাদা কিন্তু আমার সঙ্গে যাবে!

আচার্য হেসে বলেছিলেন—বেশ তো বাবুজী; শুধু ঠাকুরদাস কেন গো, শ্রামনগরের দশ-বিশজন-পঞ্চাশজন যত জন খুশি নিয়ে চল না! ভোম্যর হুকুম! অমাস্তি করে কার সাধ্যি।

সমবেত লোকজনেরা দুঃখের মধ্যেও হেসে উঠেছিলেন! কমলাকান্ত একটু লজ্জা পেরেছিলেন। ভার্যরীতে লিখেছেন—“দেওয়ানজীর এবমুপ্রকার উক্তিভে আমি গৌরব এবং

লজ্জা উভয়ই অহুভব করিলাম।

দেওয়ান আচার্য কমলাকান্তকে নিয়ে রওনা হবার সময় কীৰ্ত্তিহাটের বিচক্ষণ কর্মচারী বল্লু ঘোষ এবং দুজন পাঁইককে রেখে এসেছিলেন ; বিমলাকান্তের পোড়া বাড়ীর চাল বর্ষা চালানোর মত মেরামতের জন্ত। এবং ঠাকুরদাস পালের বাড়ীর মাথা ভেঙে নতুন দেওয়াল চড়িয়ে মজবুত করে তৈরীর জন্ত। বর্ষার পর ইট পাড়িয়ে বিমলাকান্তের বাড়ী পাকা হবে। সুতরাং কোন রকমে বর্ষা কাটানোর মত করে রাখা হবে। ক্রোশ দুয়েক দূরে কুতুবপুরের কাছারী, কীৰ্ত্তিহাটের এলাকা, সেখানকার কাছারীর সমস্ত সাহায্য এখানে আসবে। আর প্রধানদের ভেঁকে শ্রামনগরের লোকদের বাড়ীঘর মেরামতের জন্ত দু হাজার টাকা দিয়ে এসেছিলেন। বলেছিলেন—এ হ'ল কমলাকান্তবাবুর প্রণামী। বলতে গেলে এক রকম আঁগুনটা তাঁর ফুঁয়েই জলে উঠেছে! টাকা কর্মচারীর কাছে রইল। তাঁরা যাকে যা দিতে বলবেন, বল্লু অর্থাৎ বলরাম ঘোষ তাকে তাই দেবে। এছাড়া কাঁঠ তাঁরা কুতুবপুর জঙ্গল থেকে পাবেন।

রত্নেশ্বর লিখেছেন—ইহাতে আমি বড়ই সন্তোষ লাভ করিলাম। অহুভব করিলাম—হ্যাঁ। আমি জমিদার।

আচার্য আর একটি কথা বলেছিলেন, কমলাকান্তকে—বাবুজী, সকলের কাছে বলুন, আপনার বাড়ীর বিগ্রহকে সাক্ষী করে বলুন—এই নিগ্রহের প্রতিকার না করে শ্রামনগরে আর ঢুকবেন না। লাট যুগলপুর আপনার এই গৃহদেবতার নামে কিনে, সেবায়েৎ হয়ে এ গ্রামে ঢুকবেন। আপনি ব্যাঘ্রশাবক, শৃগালের অত্যাচার নিবারণ করা আপনার ধর্ম। ইজ্জৎ।

একাল হলে রত্নেশ্বর রায় তা পারতেন না। কিন্তু সকালে তিনি তা পেরেছিলেন। ভায়রীর পাতায় মোটা মোটা করে লিখেছেন কথাগুলি।

তারপর লিখেছেন—ওই কথা।

ভুলিতে চড়িয়া ঘাটে আসিলাম। শ্রামনগরের সমস্ত লোক আসিয়া আমাকে বিন্দায় দিল। আমি বিজয়ীর মত আসিয়া বজরায় আরোহণ করিলাম। ওই প্রতিজ্ঞা করিয়া মনের সকল গ্লানি আমার মুছিয়া গিয়াছিল। বজরায় উঠিতেছি এমন সময় পিছন হইতে ঠাকুরদাস দাদা বলিল—দাদাঠাকুর, শালা সাহেব! ঘোড়ার চড়িয়া ওই দেখ, অনেকটা দূর হইতে দেখিতেছে। দেখিলাম—তাঁহার কথা সত্য, অনেকটা দূরে জন রবিনসন ঘোড়ায় চড়িয়া দেখিতেছে! পিঠে কাঁধের উপর বন্ধুকের নলটা উঁচু হইয়া আছে। আমি গ্রাহ করিলাম না। বজরায় আরোহণ করিলাম। মাদ্যঠাকুরাণী বজরার কামরার দরজার মুখে পর্দা সরাইয়া দাঁড়াইয়া ছিলেন। আমি অগ্রসর হইয়া তাঁহাকে প্রণাম করিতে উত্তত হইতেই তিনি আমাকে নিবারণ করিয়া বলিলেন—না। আগে আমাকে নহে, আগে তাঁহাকে। আর! সুসজ্জিত কামরার অভ্যন্তরে বিজ্ঞানার উপর মোটা তাকিয়া হেলান দিয়া তিনি দরজার দিকেই তাকাইয়া ছিলেন। বলিলাম, আমারই আগমন প্রতীক্ষা করিতেছেন! তাঁহার দিকে দৃষ্টিপাত করিয়াই আমার দৃষ্টি আনত হইল। গভীর লজ্জা এবং অহুশোচনা অহুভুত হইল! শালগ্রাম মহাভূজ রাজসদৃশ আকৃতি, তাঁহার আনত চকুর্ভয়ের স্নীগ্ধ দৃষ্টি আমাকে অভিভূত করিয়া ফেলিল। আমি অগ্রসর হইয়া চরণে প্রণত: হইতে উত্তত হইতেই তিনি আদেশ করিলেন—অগ্রে তোমার গুণের কড়হান

দেখাও! দেখি!

—না, আগে প্রণাম করুক।

—প্রণাম! তাই হোক। জননী জন্মভূমিষ্ট স্বর্গাদপি গরীয়সী! তাই কর, তোমার ভালো-মারের আদেশই শিরোধার্য কর!

প্রণাম করে উঠে এবার অপরাধীর মত হেসে তাঁর মুখের দিকে তাকিয়েছিলেন।

বীরেশ্বর রায়, প্রস্তর মহুয়, লোকে বলত পাথরে গড়া মানুষ। সে কি দেখে, কি মনে! সেই মানুষের চোখ থেকে জল গড়িয়ে এসেছিল!

রত্নেশ্বর রায় কিন্তু সেদিনও স্পর্শ করতে পারেন নি অন্তর্নিহিত এই পাথর ফাটানো ভোগবত্তী উৎসটিকে।

সুশ্রের বললে—তিনি মানে রত্নেশ্বর রায় খুব বিষয় বোধ করেছিলেন, কলকাতার ঘাটে পালকিতে চড়েই বীরেশ্বর রায় ওখানকার প্রধান কর্মচারী ঘোষকে ডেকে প্রথম যে কথা জিজ্ঞাসা করেছিলেন—সেই কথা শুনে।

ভবানী দেবীর সামনেই জিজ্ঞাসা করেছিলেন—সোফিয়ার ওখানে গিয়েছিলেন?

—হ্যাঁ ছজুর!

—খোঁজ পেয়েছে?

—না, ছজুর। তিনি ওখানে নেই। চলে গিয়েছেন!

—কোথায় গিয়েছেন?

—তা ওরা জানে না বললে।

—কে বললে? সোফিয়া নিজে?

—না ছজুর, বাদি এখন কার সঙ্গে দেখা বড় করে না। অনেক কষ্টে ওর মার সঙ্গে দেখা হয়েছিল, সেই বললে। বললে—তিনি চলে গিয়েছেন, তারা কোন পতা জানে না!

ভবানী দেবী শুনছিলেন। পাশে রত্নেশ্বর রায়ও ঠাঁড়িয়েছিলেন। তিনি মনে মনে বিদ্রোহী হয়ে উঠছিলেন এবং ভাবছিলেন—তিনি ভুল করেছেন এসে!

“আমি তখন ভাবিয়াছিলাম—আমি মহাভয় করিয়াছি; পবিত্র অথথ বৃক্ষ ভাবিয়া কণ্টকময় শিংশপা বৃক্ষকে আলিঙ্গন করিয়াছি। আর দিকার দিয়াছিলাম ভালো-মাকে। মনে পড়িয়াছিল পুরানের গল্প, এক সতী তলীয়া মহালম্পট কুষ্ঠরোগগ্রস্ত স্বামীর আদেশে তিনি ওই পাপাচারী স্বামীকে স্বন্ধে করিয়া বেস্তালায়ে লইয়া যাইতেছিলেন। দ্বারশ অন্ধকারের মধ্যে পশ্চিমাংশে ধানময় এক ঋষির অঙ্গে উক্ত পাপাচারীর পা ঠেকিলামাত্র পাপস্পর্শে তাঁহার ধানভঙ্গ হয়। তিনি তাঁহাকে অভিপাশ দেন যে, সূর্যোদয় হইবার সঙ্গে সঙ্গে, রে মহাপাপী, তোর মৃত্যু ঘটিবে। সতীশিরোমণি নাকি সন্দর্পে বলিয়াছিলেন—অন্ধকারে অজ্ঞানতাবশতঃ সজ্ঞাতিত এই অপরাধের জন্ত তুমি আমার স্বামীকে অভিপাশ প্রদান করিলে। আমি তোমাকে প্রত্যাবিশাপ দিব না। তবে ইহাও বলিব যে, যদি আমি সতী হই, তবে এই রজনীরও আর কখনও অবসান হইবে না। সূর্য উদিত হইবে না। শেষে অবশ্য দেবগণের মধ্যস্থতায় সর্পও মরে নাই, ঘটিও

ভগ্ন হয় নাই, সতী এবং ব্রাহ্মণ উভয়ের মহিমাই রক্ষিত হইয়াছিল; দিব্যদেহ ধারণ করিয়া দিব্যরথে আরোহণপূর্বক সতী তাঁহার স্বামীকে লইয়া স্বর্গে আরোহণ করিয়াছিলেন এবং ব্রাহ্মণের বাঁকা রক্ষিত হইয়া রজনীশেষে স্বর্ষ উদ্ভিত হইয়াছিল, সৃষ্টিও রক্ষা পাইয়াছিল। এই প্রকারের সতীত্ব-মহিমা-কীর্তন বাঁহারা করিয়াছেন, তাঁহারা এই দেশের সর্বনাশ করিয়াছেন! ভালো-মায়ের প্রতি আমার শ্রদ্ধা কমিয়া গেল। এবং যখন তিনি নিজে প্রশ্ন করিলেন, তখন আমার অশ্রদ্ধা জন্মিল।

ভবানী দেবী জিজ্ঞাসা করেছিলেন বীরেশ্বর রায়কে—আমি চিঠি লিখে সোফি বাঈকে ডেকে পাঠাব? হয় তো আমি ডেকে পাঠালে আসবে, আর বলবেও!

বীরেশ্বর বলেছিলেন—তুমি চিঠি লিখবে?

—হ্যাঁ। তুমি লিখলে ভয়ে না আসতে পারে। আমি লিখলে আসবে। অন্ততঃ আমার ভরসা পাবে সে। লিখব তোমার অশ্রুত খুব।

একটু ভেবে বীরেশ্বর বলেছিলেন—দেখ!

বাড়ী এসে ডাক্তার কবিরাজের ব্যবস্থার মধ্যেও এ কথাটা তাঁদের দুজনের একজনও ভোলেন নি। চিকিৎসক এসেছিলেন দুজন, একজন বড়-সাহেব ডাক্তার এবং একজন বড় কবিরাজ। অশ্রুতের উপশম বারো আনা হইয়া গিয়েছিল; চার আনা অবশিষ্ট ছিল। মাথার যন্ত্রণা ছিল না কিন্তু বাঁ হাত এবং বাঁ পা অবশ হইয়া গিয়েছিল, সেটা তেমনই আছে। ডাক্তার বলেছিলেন—প্যারালিসিস। কবিরাজও তাই বলেছিলেন।

ডাক্তারী মতেই ওষুধের ব্যবস্থা হল। পূর্ণ বিশ্রামের কথা দুজনেই বলে গেলেন। সূর্য্য, মাংস ইত্যাদি বন্ধ! আর ব্যবস্থা হ'ল মালিশের। সে মালিশের তেল দিয়েছিলেন কবিরাজমশাই।

সেইদিনই সন্ধ্যাবেলা বসে ভবানী দেবী পত্র লিখেছিলেন সোফিয়া বাঈকে। লিখেছিলেন—“রায়বাবুর খুব অশ্রুত। বিশেষ প্রয়োজনে তোমাকে আমি নিজে পত্র লিখছি, তুমি আমার সঙ্গে একবার দেখা কর।”

বীরেশ্বর রায় বলেছিলেন—দাঁড়াও আগে খোঁজ করি।

—খোঁজ?

—হ্যাঁ। খোঁজ। জানি, সোফি এখন অল্প কার কাছে রয়েছে। এরা তো—। হেসেছিলেন। হাসিতেই বাকী অংশটা বলা হয়ে গিয়েছিল। ঘোষকে ডাকতে বল! জলধর, ঘোষকে ডাক।

ঘোষ এসে মাথা চুলকে বলেছিল—বাঈ এখন কোন বড়লোক বা আমীরের বাঁধা নেই। মানে—। অস্ত্ররকম হয়ে গেছেন। ওই কাজ করে না। তবে গান-বাজনার বায়না হলে যায়। তাও নাচে-টাচে না। বৈঠকী গারে! সেও খুব বড় আসরে। নাহলে বাড়ীতে থাকে, কি সব জপতপ করে। ওই পাগলবোবার পর থেকে আর এক রকম হয়ে গেছে।

—হঁ! একটু চুপ করে থেকে বীরেশ্বর বলেছিলেন—আমি তোমাকে এক হাজার টাকা দিয়ে আসতে বলেছিলাম। সেটা দেওয়া হয়েছিল? আমার এই একটা হয়েছে দেখছি—



কথাবার্তা সব ঠিক মনে পড়ছে না।

ঘোষ বলেছিল—হ্যাঁ নিয়েছিল। তবে বাঈ নিজে নয়—বাঈসাহেবের যা নিয়েছিল।

রত্নেশ্বর ঘুণা জন্মায়ছিল। শুধু বীরেশ্বর রায়ের উপরেই নয়, ভালো-মার উপরেও চিন্তা তার বিমুখ হয়েছিল। বাঙালীর ছেলে, ইংরিজী শিখেছেন, সে কালের আধুনিক; রামমোহন রায়ের বিদ্যাসাগরের আন্দোলনের হাওয়ার নিখাস নেন, তাঁর সহ হয় নি এই ধরনের লজ্জাহীন ব্যবহার। বাড়ীতে মহেশচন্দ্র রয়েছেন, মহেশচন্দ্রের সঙ্গে তাঁর সম্পর্ক অত্যন্ত হৃদয় ছিল; তার সঙ্গে মতে তাঁর মিলত, তাঁর কাছে গিয়ে বলেও তিনি খুশী হন নি। তিনি বলছিলেন—এ নিয়ে কোন ঔৎসুক্যপ্রকাশ তোমার উচিত হবে না ভাই।

রত্নেশ্বর বলেছিলেন—আপনি ভালো-মাকে বারণ করুন।

—না। সে অধিকার আমার নাই।

রত্নেশ্বর ডায়রীতে লিখেছেন—“অতঃপর আমি এই বাড়ীতে থাকিয়াও তাঁহাদের সহিত সম্পর্ক ত্যাগ করাই স্থির করিলাম। তাঁহারা যে দিকটায় ছিলেন সে দিকটা ত্যাগ করিয়া একেবারে পশ্চিমের অংশটায় বাসস্থান স্থির করিলাম। সঙ্গে সঙ্গে এও স্থির করিলাম মাতুল মহাশয় একটু সুস্থ হইলেই সমস্ত সম্পত্তি ইত্যাদি আমার অংশমত পৃথক করিয়া লইব। তিনি এক্ষণে একরূপ অক্ষয় হইলেন, তাহাকে বলিব—তিনি তাঁহার অংশের মালিকানার পাওয়ার অব গ্রাটনরী আমাকে প্রদান করুন। তাঁহার খরচপত্রাদি সমুদয় যথাবিধি আমি সরবরাহ করিব। এবং তাঁহার সন্তানাদি যদি অতঃপর হয় তবে তাহাদিগকে যথাসময়ে বুঝাইয়া দিব। এবং শর্ত করাইয়া লইব যে, উৎসব আনন্দ ব্যতিরেকে ভদ্রাসন বাটী মধ্যে কোনপ্রকার অনাচার করিতে কেহই পারিবেন না। প্রয়োজন হইলে এমতে একটি বাগানবাটী ক্রয় করা যাইতে পারে।

সেইরূপ ব্যবস্থাদি করিয়া লইয়া আমি একদা জানবাজার বাটীর সেরেস্টাখানায় আসিয়া বসিলাম। বলিলাম—আগামীকাল হইতে আমি আসিয়া কাছারীতে বসিব। আমার বসিবার ঘর ও আসবাবাদির ব্যবস্থা করুন।

পিতা কান্দী হইতে আসিবেন। তাহার পূর্বেই আমি শক্ত হইয়া বসিতে চাই। অন্ততঃ পিতাকে আমার আশঙ্কা আছে। তিনি বলিবেন—বীরেশ্বর বর্তমানে কদাপি তাহা হইতে পারে না।

তিনি পিতা। কিন্তু তিনি ভুলিয়া যান যে সম্পত্তির মালিক তিনি নহেন, মালিক আমি। তিনি আমার বাংলাকালে আমার জ্ঞাত্য স্বার্থ রক্ষা করিলে আমি বাংলাকালে অনেক সুখে থাকিতে পারিতাম।

সুখছাড়াও আমার কর্তব্য আছে। ভগবান সে কর্তব্য অর্পণ করিয়াই এই রায়বংশের অর্ধেকের মালিক করিয়া আমাকে ভূমণ্ডলে প্রেরণ করিয়াছেন! রায়বংশের মর্যাদা, ধর্ম, দেবতার ভূষ্টিসাধন আমার অবশ্য কর্তব্য।”

পরদিন থেকে তাই হয়েছিল স্মৃতি।

কাছারীতে রত্নেশ্বরের বসবার ঘর নির্দিষ্ট হয়েছিল—বীরেশ্বর রায়ের ঘরে—তাঁরই আসন

তার বসবার জন্ত নির্দিষ্ট হয়েছিল। পাশে তক্তাপোশের উপর বসেছিলেন গিরীন্দ্র আচার্য। বীরেশ্বর রায় তাঁকে যেতে দেন নি।

গিরীন্দ্র আচার্য তাঁকে সন্তোষণ করে বলেছিলেন—এস, ভায়া এস। বাবুজীর হুকুম হয়েছে এই ঘরে এই আসনে তুমি বসবে। কাগজপত্রে সই করবে। যা বুঝতে না পারবে তা আমাকে বলবে। আমি বুঝিয়ে দেব তোমাকে।

প্রথমদিনই আচার্য তাঁকে সুড়ারাম রায় ভট্টাচার্যের আনন্দময়ী দেবোত্তরের অর্পণনামা এবং সোমেশ্বর রায়ের ট্রাস্ট দলিল পড়তে দিয়েছিলেন। বলেছিলেন—এই দুখানা থেকেই কাঠা-মোটা বুঝতে পারবে। আর সম্পত্তির আয়বায় বিলি ব্যবস্থা সবই পাবে। পড়। কাল দেখাব, ওঁদের নিজের নগদ টাকা কারবারে হিসেবপত্র। মজুত টাকা, কত লগ্নী, তার সুদ। এবং তাই থেকে হাল পর্যন্ত কত সম্পত্তি আবার কেনা হয়েছে, তার বিবরণ তৈরীই আছে, তা দেখাব।

সম্পত্তি অনেক। তোমরা রাজাতুল্য ব্যক্তি! সরকারের কাছে একটু ধরাপাড়া করলেই খেতাব পাবে। কতবার বলেছি তোমার মাতুলকে, তা তিনি তো এককাল একরকম পাগলই ছিলেন! এবার মামাকে বল তুমি। তুমি বললে না করবে না। একটা খেতাব না-হলে মানাচ্ছে না!

বলতে বলতেই উঠে বেরিয়ে চলে গিয়েছিলেন আচার্য। ঘরখানা থেকে কাছারীর বারান্দা দেখা যাচ্ছে, সেখানে দুজন লোক এসে দাঁড়িয়েছে। একজনকে চিনতে পেরেছিলেন রত্নেশ্বর। সে পিফুস গোরান। জোসেফ পিফুস। ভালো-মাকে পৌছে দিতে এসেছিল শ্রামনগর।

আচার্য তাদের সঙ্গে একান্তে কথা বলে, তাদের বসিয়ে, উপরতলার চলে গিয়েছিলেন। বুঝতে বাকী ছিল না যে, তিনি বীরেশ্বর রায়ের কাছে গেলেন। সঙ্গে সঙ্গে চিত্ত তার বিদ্রোহী হয়ে উঠেছিল। এ কি কথা? তাকে এই কর্তার আসনে বসিয়ে রেখে আচার্য চলে গেলেন উপরে। তাকে কোন কথা বলা প্রয়োজন মনে করলেন না। তা হ'লে তো এ সড় সাজা!

তিনি হরকরাকে বলেছিলেন—ডাকু ওই লোকটাকে।

পিফুস এসে তাঁকে সেলাম ক'রে হেসে বলেছিল—আরাম হয়ে গেলেন হজুর? আচ্ছা আচ্ছা, মাদার মেইরীর রূপা, মেহেরবানী!

—কি খবর তোমাদের? কি জন্তে এসেছ?

আবারও হেসে পিফুস বলেছিল—এতলা ভেজলাম বড়া হজুরের কাছে! একটা কাম আছে।

—কি কাম? বল!

—উঁ তো বড়া হজুরকে কাম। উনকে পাশ শুনবেন!

—হঁ!

তিনি সঙ্গে সঙ্গে উঠে বাইরে এসে উপরে উঠে গিয়েছিলেন। একেবারে বীরেশ্বর রায়ের ঘরের দরজায় এসে দাঁড়িয়েছিলেন। দরজাটা বন্ধ ছিল। বাইরে দাঁড়িয়েছিল চাকর জলধর, আর একজন হরকরা। তিনি তাদের গ্রাহ না-করে দরজা টেনেছিলেন। জলধর সম্বরে

বলেছিল—হুজুর—

নিষ্ঠুর দৃষ্টিতে তার দিকে ভাকিয়ে রত্নেশ্বর বলেছিলেন—কি ?

—নামেববাবু কি পরামর্শ করছেন, বলেছেন—

তার গালে ঠাস ক'রে একটা চড় মেড়ে তিনি ডেকেছিলেন—ভালো-মা !

চড় হজম করেই জলধর বলেছিল—মা ও ঘরের মধ্যে নাই হুজুর ।

—নাই ? একমুহূর্ত চিন্তা ক'রে সে এবার একটু জোরেরই দরজা ঠেলে ওই ভালো-মাকেই ডেকেছিলেন । ভালো-মা ।

ভিতর থেকে আচার্য বলেছিলেন—আসছি । কয়েক মুহূর্ত পরেই আচার্য দরজা খুলে দিয়ে তাকে আহ্বান ক'রে বলেছিলেন—এফুনি তোমাকে ডাকবার কথা হচ্ছিল !

বিস্মিত হয়ে গিয়েছিলেন রত্নেশ্বর, তাঁর আর রাগ বা অভিযোগ করবার কারণ ঘটে নি !

বীরেশ্বর রায় তাকে বলেছিলেন—বস ! পাখাখানা নিয়ে মাথায় হাওয়া কর ।

রত্নেশ্বর তাই করেছিলেন ।

বীরেশ্বর বলেছিলেন—যে কথা হচ্ছে তা তোমার মা—মানে ভালো-মাও জানবেন না । জানব আমরা তিনজন—আমি তুমি আর দেওয়ান খুড়োমশাই ।

অবাক হয়ে গিয়েছিলেন রত্নেশ্বর । একটু ভয়ও হয়েছিল ।

—শোন ! জন রবিনসনকে আমি শান্তি দিতে চাই ! দেওয়ানী মামলা তার নামে দায়ের হয়েছে, কিন্তু তাতে এর শোধ হবে না ! আমি ওকে—

চুমকে উঠেছিলেন রত্নেশ্বর । কি করতে চান বুঝতে তাঁর বাকী থাকে নি । মুহূর্তে একটা ছরসু ভয় যেন তাঁকে চেপে ধরেছিল ।

বীরেশ্বর রায় তা বুঝেছিলেন । বলেছিলেন—ভয় পেয়ো না । জমিদারিধর্ম বড় কঠিন । এটা একরকম রাজধর্ম । দুষ্টকে শত্রুকে দমন করতেই হবে । না-পারলে জমিদারী চলবে না । দেওয়ানী মামলা করেছি, ওর কাছে আমরা আজও হাজার বিশেক টাকা পাব । কিন্তু তাতে অনেক দেরী লাগবে । একটা দাঙ্গা বা— । দাঙ্গার চেয়ে গোপনে ওকে— । লোক পেয়েছি ।

রত্নেশ্বরের শরীর হিম হয়ে আসছিল ! গলা শুকিয়ে গিয়েছিল ।

এবার আচার্য বলেছিলেন—আমি বলছি, তাতে অনেক হান্ধামা হবে । কোনরকমে প্রকাশ পেলে গভর্নমেন্ট হজ্জ্বাতের বাকী রাখবে না । এই সব মিউটিনী গেল । ভেতে আছে । আমি বলি—বেটার তো নানান বাতিক আছে । মেয়েমাহুষ, শীকার, চৌপ ফেলে কাবোজে নিয়ে এসে বেটাকে এমন করে দিক যাতে কাজের বাইরে যায় । সব থেকে ভাল হত, বিশ্ববাবুর দলের মত দল থাকলে । কুবী যেরে দিয়ে জখম করে দিয়ে চলে যেত । এরা তা পারবে না । দলটল এদের ঠাকুরসাহেব ভেঙে দিয়েছেন ।

এই সময় ঘরে ঢুকেছিলেন ডবানী দেবী । তিনি একজন পুজার ছিলেন পাশের ঘরে । ঘরে ঢুকে বলেছিলেন—আমি পূজায় বসে সব শুনছিলাম । কিন্তু দুদিনও কি তর সইছে না তোমার ? ভাল হয়েই ওঠো !

—না। তুমি জান না—

—জানি!

—রত্নেশ্বর যদি জীবন্ত পুড়ে মরত—

—তা যখন হয় নি, তখন যদি হ'ত বলে রোগ বাড়িয়ে ফল কি?

—না। সে আমি ভুলতে পারছি না।

—ওসবের তার খুড়োমশায়ের হাতে দাও, রত্নেশ্বরকে নিয়ে উনি যা-হয় করবেন। এসবে আমি দুঃখ পাই। সহ্য করতে পারিনি। তবু জেদ যখন তোমার যাবে না, তখন সর্বনাশাপাপ না করে খুড়োমশাই যা বলেন তাই কর! বিপদ ডেকে আনা হবে। পাপ হবে।

—টাকা বিপদ কাটিয়ে দেবে। আর পাপ? না—তাও হয় না। রাজ্য করতে গেলে বিদ্রোহী দমন করতে হয়। শত্রুকে ধ্বংস করতে হয়। রাজধর্ম জগিদারিধর্মে তাতে পাপ অর্শ্য নয়। আইন বাচাতে পারলেই হ'ল।

কথাটা কতক্ষণ চলত' তা কেউ বলতে পারে না। কিন্তু সমস্তকিছুর মোড় ফিরে গেল পালকির বেহারাদের হাঁকে।

ভবানী দেবী বললেন—থাক এখন ওসব কথা। পালকি খল। সোফিয়া বোধ হয় এল! জলধর, দেখ তো বাবা কে এল পালকিতে?

জলধর বারান্দায় ঝুঁকে বললে—বাঈ সাহেবা।

ভবানী দেবী বললেন—তুই নিচে যা রত্ন।

আচার্য সঙ্গে সঙ্গে উঠলেন। রত্নেশ্বরকে বললেন—এস বাবুজী ভায়া। এস—। আমরাই যা হয় করব।

তিনি বেরিয়ে গেলেন। রত্নেশ্বর বেরিয়ে এসে বারান্দায় বেরিয়ে ডাকলে—ভালো-মা!

ভবানী দেবী মাড়া দিয়েছিলেন—কি?

—আমার কয়েকটা কথা আছে তোমার সঙ্গে। তোমাকে একলা বলতে চাই।

বীরেশ্বর রায় বললেন—ভিতরে এস। বাইরে একলা বলা হয় না। যাও পূজোর ঘরে যাও!

পূজোর ঘরে গিয়ে ইচ্ছে করে বীরেশ্বর রায়কে শুনিয়েই একটু উচ্চকণ্ঠে রত্নেশ্বর বলেছিলেন—এ আমার আর সহ্য হচ্ছে না ভালো-মা।

—কি?

—এই সোফি বাঈকে ডেকে আনছ—

—তুই অন্তত এ কথাটার মধ্যে থাকিস নে। তুই নিচে যা।

—তুমি একে পাপ মনে করছ না? আশ্চর্য!

এঘর থেকে বীরেশ্বর থেকেছিলেন—সতীবউ!

ভবানী ব্যগ্রভাবে বলেছিলেন—ওরে, আমি তোকে মিনতি করছি। রত্ন। তোকে মিনতি করছি।

—সতীবউ!

—বাই।

—বাই নয় শোন; রত্নেশ্বর, তুমিও শোন। নইলে আমাকেই কোনরকমে বিছানা ছেড়ে উঠবে হবে।

ভবানী এ ঘরে এসে বলেছিলেন—ও যাচ্ছে। এখনি যাচ্ছে। রত্ন।

বীরেশ্বর বললেন—না। তুমি যে চিঠিখানা লিখেছিলে, আর স্বপ্নরমণাই যেখানা লিখেছিলেন, চিঠি দুখানা ওকে পড়তে দাও।

—পড়তে দেব?

—হ্যাঁ পড়তে দেবে। দাও। দাও।

ভবানী দেবী স্বামীর মুখের দিকে তাকিয়ে নীরবে চিঠি দুখানা বের ক'রে রত্নেশ্বরের হাতে দিলেন।

বীরেশ্বর বললেন—চিঠি দুখানা তুমি নির্জন ঘরে পড়ে শেষ করে আমাদের কাছে এস। যাও। তারপর তোমার সঙ্গে কথা হবে। তোমার জানার সময় হয়েছে। যাও। এখন সোফি এসেছে, তার সঙ্গে আমাদের কথা আছে কিছু, সেয়ে নিই!

রত্নেশ্বর পাশের ঘরে গিয়েই পড়তে বসলেন চিঠি দুখানা।

সোফিয়া এল। কিন্তু সে সোফিয়া নয়। এ যেন আলাদা মানুষ। পেশোয়ার পায়জামা নয়—ঘাঘরা কাঁচলী ওড়না নয়, নাকে হীরার নাকচাবী নাই—কপালে টিকলী নাই। কানে চুল মাকড়ী নাই, গলার চিক নাই। হার নাই। হাতে বাজুবন্ধ, কব্বন নাই, সাদা-খাটা হিন্দুস্তানী ঢঙে লালপাড় শাড়ী পরে এসেছে, গায়ে মুসলমানী কাঁচলী আছে; চুলে বেণী নাই, চুল এলানো এবং বেশ ভালো করে ঝাঁচড়ানোও নয়। চোখে সুরমা আছে, মুখে পান জর্দাও আছে। অনেক পরিবর্তন হয়ে গেছে সোফিয়ার তা এক নজরেই বোঝা যায়।

ঘরে ঢুকেই সে শয্যায় আধশোঁরা অবস্থায় বীরেশ্বর রারকে দেখে কয়েক মুহূর্ত যেন স্তম্ভিতের মত দাঁড়িয়েছিল। সে বিশ্বাস করতে পারেনি নিজের চোখকে। তসলিম জানাতের জুলে গিয়েছিল।

ভবানী দেবী তাকে আহ্বান করে বলেছিলেন—এস।

সোফিয়া বলেছিল—রুমের মত বাবুজীর এমন হাল হয়ে গেছে!

ঘরখানা ছিল নিস্তরূ। সোফিয়া মৃদুস্বরে বললেও—বীরেশ্বর শুনতে পেয়েছিলেন। তিনি একটু হেসে বলেছিলেন—দুনিয়া ভর একটাই হাল সোফি। সব কুছ বদল ঘাড়া হায়।—সোফি বিবি ভি বদল গয়ি-হায়।

এতক্ষণে সে তসলিম জানিয়ে বলেছিল—হাঁ হজুর—ই বাত ঠিক হায়।

বীরেশ্বর বলেছিলেন—এঁকে চিনতে পারছ?

—হাঁ হজুর। হজুরাইনকে আমি দেখবামাত্র, পছন্দান লিয়া। ঔর পরওয়ানা পেয়েই আমি এসেছি। পরওয়ানা না-পেলেও দেখলেই আমি চিনতে পারতাম। উত্তরবীর—? ওই তো।

সে ভবানী দেবীকে বারবার তসলিম জানিয়েছিল।

ভবানী দেবী একথানা চোরের দেখিয়ে দিয়ে বলেছিলেন—বস।

—আপ খড়ি ছায়। আগে আপনার তশরিক রাখতে হুকুম হোক।

—আমাকে বসতে হবে ?

—জ্বর। না-হ'লে আমি বসতে পারি ? আমি তওয়ারেক—নবাব বাদশা আমীর লোকের পরসভার থাকত—আমি তাও নই। আপনি হজুরাইন। আগে আপনি বসুন।

রত্নেশ্বর রায় তখন পাশের পূজোর ঘরে স্তম্ভিত বিষয়ে পত্র তুখানা পড়ে যাচ্ছেন। ভবানী দেবী লিখেছেন—মৃতবৎসা রোগাক্রান্তা বিমলা নিজের মৃত্যুরোগাতুর ছেলেটিকে কোলে তুলে নিয়ে, নিন্দক ঘুমন্ত পুরীর মধ্যে নিজের ঘরের দরজা খুলে, বেরিয়ে এসে ভবানী দেবীর ঘরে ঢুকেছেন। ঘরে তখন বীরেশ্বর রায় বোনের সাদা পেয়ে কোণে আলমারির আড়ালে লুকিয়েছেন। ভবানী দেবী ঘুমের ভান করে পড়ে আছেন। বিমলা নিজের ছেলেকে শুইয়ে রেখে রত্নেশ্বরকে কোলে তুলে নিয়ে চলে গেলেন।

রত্নেশ্বর কমলাকান্ত হয়ে গেলেন।

ধীরে ধীরে কমলাকান্ত বড় হয়ে দেখতে হ'ল বিমলাকান্তের মত। মাথা তাঁর ঝিমঝিম করছে।

হ্যা, মুখের চিবুকের গড়ন, কপালের গড়ন, লম্বা চঙ—এ বিমলাকান্তের মতই বটে। শুধু নাকের ভগা এবং চোখের দৃষ্টি তাঁর বীরেশ্বর রায়ের মত। সারা দেহের কাঠামো তাঁর রায় বংশের মোটামোটা হাড় এবং শক্ত গাথুনিতে গাঁথা। রত্নেশ্বর রায় ডারবীতে লিখেছেন, স্মরণ—“আমার মনে হইতে লাগিল—যেন সমস্ত ভূমণ্ডল খর-খর করিয়া কম্পিত হইতেছে। আকাশমণ্ডল হইতে নক্ষত্রসমূহ কক্ষুত হইয়া দিগ-দিগন্তরে ছুটছুটি করিয়া কোথায় হারাইয়া যাইতেছে। আমি দিবা না রাত্রি বুঝিতে পারিতেছি না। ইহা সৌভাগ্য ন্য হুভাগ্য সম্যক উপলব্ধি হইতেছে না। কখনও ক্রোধ হইতেছে এককাল যাহাকে মাতা বলিয়া জানিতাম সেই বিমলা দেবীর উপর। আমার মাতৃবন্ধ হইতে তিনি আমাকে কাড়িয়া লইয়াছেন। কখনও ক্রোধ হইতেছে আমার প্রকৃত পিতামাতার উপর। আমাকে তাহারা কাড়িয়া লইতে দিলেন। চক্ষে দেখিয়াও নীরব রহিলেন।

“এতদিনে বুঝিতে পারিতেছে, আমাকে—এতদিন আমার পিতা বলিয়া যাহাকে জানিতাম তিনি—কেন বিমলা দেবীর একোদৃষ্টি শ্রদ্ধ করিতে দিডেন না। আমাকে বলিডেন ইহা তাঁহার ইচ্ছাক্রমেই হইতেছে। তাহার মৃত্যুর সময় তিনি বলিয়াছিলেন—আমার শ্রদ্ধ ভূমি করিবে। কমলাকান্তকে করিতে দিবে না। তাহাতে তাহার অমঙ্গল হইবে। আমার উপনয়নের সময় নান্দীমুখ শ্রদ্ধ করিতে বলিয়া পিতামহ মাতামহ প্রভৃতির নাম তিনি মনে মনে বলিয়াছিলেন।

“কারণ এতদিনে বুঝিলাম। এতদিনে সব বুঝিলাম।”

সে তিনি পূর্ণ ভিন পৃষ্ঠা লিখেছেন।

সুরেশ্বর বললে—স্ববায়ই কথা। এ'তো সাধারণ ঘটনা নয়। এ'তো একটা এত বড় গাছ—তাকে শেকড়স্বক তুলে নদীর এক তীর থেকে আর এক তীরে এনে নতুন করে

লাগানোর মত ব্যাপার। গাছ হলে বাঁচত না। মানুষ বলেই সম্ভবপর হয়েছে।

সুলতা বললে—রাগ করো না, একটা কথা বলব। আমি সোস্যালিস্ট বলে বলছি না। বলছি একবারে সাধারণ মানুষ হিসেবে। ব্যাপারটা যদি একটু ইত্তর-বিশেষ হ'ত—ধর—যদি তাঁর আসল বাপ-মা রায়বাড়ীর আশ্রিত দরিদ্র দম্পতি হতেন—এবং তারপর এতটা বয়সে—এই সত্য জানিয়ে তাঁর বাপ-মা তাঁকে নিজের ছেলে বলে দাবী করতেন—তা হ'লে এটা তাঁর সহ হত কিনা সন্দেহ।

সুরেশ্বর বললে—রাগ সত্যি করব না সুলতা। খুব খাঁটি কথা বলেছি। সংসারে বিমলা-কান্তের মত মানুষ হুঁচার জনের বেশী হয় না—যাঁরা সব স্বার্থ অনায়াসে ত্যাগ করে দুঃখকে মাথায় তুলে নিতে পারেন। রত্নেশ্বর রায় তা ছিলেন না। বিমলাকান্তের শিক্ষা তিনি পেয়েছিলেন কিন্তু তাঁর রক্ত তাঁর মধ্যে ছিল না। সাগলে নিতে তাঁকে বেশীক্ষণ লাগে নি। তিনি এরই মধ্যে এঘরে সোফিয়া বাদ্দের সঙ্গে বীরেশ্বর রায়ের যে কথা হজিল তা শুনে মনে রেখেছিলেন। আমি অনেক ভেবে দেখেছি। এ সত্য আমি অস্বীকার করব না। তবে চরিত্রেও তিনি খুব শক্ত মানুষ ছিলেন—অত্যন্ত শক্ত। আমার মনে হয়েছে, তত্ত্ব সাধনা যদি সত্য হয় তা হলে শায়াতাকাজি যা পারেন নি, তা তিনি পারতেন। প্রথম বুদ্ধিজীবী। তত্ত্ব সম্পর্কে তিনি যা লিখেছেন তা বলব পরে। বলব কেন, ভারতী থেকে পড়ে শোনাব।

সোফি বাদ্দি পাগলাবাবার কোন খবর দিতে পারে নি।—তিনি অকস্মাৎ একদিন বেরিয়ে গিয়ে আর ফিরে আসেন নি।

সোফি বলেছিল—বাবুজী হজুর, আপনি যেদিন বাবাসাহেবকে জখম করে দিয়ে চলে এলেন, ঊনকে বাদ—পুরা ছ মাহিনা—উনি মর্দার মত পড়ে থাকতেন। না খানা, না পিনা, একদম মুগা—বোবার মত। কভি কভি—ঈ—ঈ—এমনি করে পুকারতেন।

কাককে দেখে শান্ত হতেন না। সোফি এলে তবে শান্ত হতেন। ওদিকে বাজারময় খবরটা রটেছিল—হিন্দু সিদ্ধযোগীকে মুসলমান করে নিচ্ছে মুসলমান বাদ্দি। একদিকে মোল্লারা লেগেছিল উঠেপড়ে। তার সঙ্গে সোফি বাদ্দের মাতেরও উৎসাহের সীমা ছিল না। অল্পদিকে হিন্দুরা কেপে উঠেছিল।

—বাবুজী, এই সময়ে মিউটিনের হাঙ্গামা না হলে হয়তো একটা 'খারাপ' কিছু ঘটে যেত। আমরা, বাবুজী, বহুবাজার থেকে চলে গিয়েছিলাম; বড়া মসজিদের কাছাকাছি। পাগলাবাবার তবিরং এমন বেহাল হয়ে গেল যে, আমরা ভাবলাম—মরে যাবে। আমার মা চাইলে—ঊনকে বাহার রাস্তার পর ছেড়ে দিত। কিন্তু আমি দিই নি। এক রোজ রাতে বাবুজী, সকলে ভাবলাম আজ রাতে ককীর জরুর মরে যাবে। মাকে উ রোজ কিছুতেই ক্রথতে পারলাম না—ঘরলে বাহার বারেন্দেখে নিকাল দিলে।—আমিও বাবুজী ওই বারান্দায় এসে তাঁর শিরে বসে রইলাম। খোঁড়া পানি বদি মরবার সময় খেতে চেয়ে না পার ভবে তাঁর চেয়ে শুনা আর হয় না। জাঁড়ার রাত বাবুজী। তাঁর গায়ে কয়ল চাপা দিয়ে, নিজে তাঁর মুখের দিকে ডাকিয়ে ছিলাম। সাধুর ঠোঁট নড়ছিল হরময়, বেন কিছু বলছিল। কিন্তু আওরাজ ছিল না। আমার কাছে কিছু কস্তরী ছিল—আর কিছু দাওয়াই ছিল—মকরধন আমি

খোড়া খোড়া মুখে দিচ্ছেলাম।

এমনি সমস্ত রাত বাবুজী। শেষ রাতে আমার খোড়া নিদ এসেছিল। ওদিকে বড়া মলজেন্দে আঁজান উঠল। আর তার পরই সাধুজী যেন পুকারে উঠল—মা।—ধরা গলার খুব ঠাণ্ডা আওয়াজে বললে—মা।

আমি চমকে উঠে খুঁকে পড়ে ডাকলাম—বাবাসাহেব!

বাবাসাহেব আমার মুখের দিকে তাকিয়ে কান্নাতে লাগল বাবুজী। সে কি কান্না কি বলব! সে যেন দরিয়াকে তুফান উঠে গেল!

সেই দিন থেকে সাধুজীর ওই হাল কাটল—আবার একটু একটু করে ভাল হয়ে উঠল। আমি হকিম ডেকে দেখালাম। হকিম তাক্কব বনে গেল। বললে—এ বেঁচে উঠল কি করে? তাক্কব কি বাত!

বেঁচে সাধুজী উঠল বাবুজী, লেकिन, দুসরা আদমী হয়ে গেল। বহু চুপ-চাপ। যেন পাগল আর নয়।

আমাকে বললেন—বেটা, আমার যা কুছ সঙ্গীতকে মূলধন আছে—তোকে দিয়ে দি, নিয়ে লে। তবে এক বাত আমাকে দে। এই বাত দে কি কসবীগিরি আর করবি না। এই গান গিয়ে থাকি। আর রোজ সুবাতো উঠে ভজন করবি।

বাবুজী, গলার আওয়াজ উনকে খারাব হয়ে গিয়ে ছিল। ভাড়া তানপুরার মত। তবু আমাকে ভাড়া গলায় গান উনি শেখালেন।

ওদিকে বাবুজী, আমার যা মোজাদেবর নিয়ে মতলব করলে কি উনকে কলমা পড়াবে। আমাদের বদনামী হচ্ছিল—কি আমরা সাধুজীর সঙ্গে থেকে হিন্দু বনে গিয়েছি।

বাবাসাহেব সমঝালেন। এ রোজ আমাকে বললেন—আমি চল বায়েগা বেটা। ধরম সব কুছ এক হ্যার। লেकिन যো সাধন আমার উ তো আবি তক পুরা হয় নেহি। আর হামকো যানে হোগা। তু হামাকে নিকাল দে হিঁরাসে। হম চলা যাই।

একটু চুপ করে সোঝিয়া বলেছিল—লেकिन বাবুজী, উনকে বচানে নেহি সেকা হম। বীচাতে পারি নি বাবুজী—আমার আঙ্গাজান আর মোজাদা মিলে তাঁকে জোর করে কলমা পড়িয়েছিল।

আমি তার পারে ধরে কেঁদেছিলাম—জিন্দু তিনি বলেছিলেন—কেঁদো না সোঝি। আমার জাত নেই। ধুবড়ীর কাছে আমি মুসলমানবাড়ীতে ছিলাম—তার খুব ভক্তি করত। তাদের ঘরেই খেয়েছি। থেকেছি। জাত আমার নেই। জাত কান্নার ব্যর্থ না। তবে এ আমার নসীব। জলদি জলদি তু আমার যা দেবার তু নিয়ে নে। আমি চলে যাব।

দু মাহিনা পরে বাবাসাহেব চলে গেলেন। কোথায় গেলেন বলে যান নি।

পাশের ঘরে বসে সব শুনেছিলেন রত্নেশ্বর রায়। তাঁর ঘুণার আর অস্ত ছিল না। ভাষাকান্ত ভট্টাচার্য সম্পর্কে যেখানে কথা উঠেছে করেছেন—সেখানেই তাঁর ঘুণা জোথ যেন



উপচে পড়েছে।

তিনি এক জায়গায় লিখেছেন, স্মৃতি—“আমার ইচ্ছা হয় আমার দেহ চিরিয়া ভ্রাম্যাক্ষের যে রক্ত আমার মধ্যে আছে—তাহা নির্গত করিয়া দিই। কিন্তু তাহা মাহুকের পক্ষে তো সম্ভবপর নয়। কিন্তু এ পাপ-রক্তের প্রভাব হইতে আমারই পরিজ্ঞান কোথায়? কি করিয়া জগতে আগ্রহ করিব তাহার কূল-কিনারা দেখিতেছি না।”

সোফিয়া আরও কিছুক্ষণ বসে থেকে বিদায় নিয়ে চলে যাবার গুণ্ডা উঠেছিল। যাবার আগে কয়েকটি কথা হয়েছিল—সেই কথা ক’টি শুনে রত্নেশ্বর বেশী বিচলিত হয়েছিলেন। ভবানী দেবী বলেছিলেন—ডেকে পাঠালে আবার আসবে তো?

তসলিম জানিয়ে সোফি বলেছিল—আমি হজুরের বাদী। যখন ডাকবেন আসব।

—তার খবর পেলে জানাবে?

—খবর? জরুর জানাব। তবে—গোস্তাকি মাক হলে বলি—

—বল।

—খবর আপনার কাছে আসবে।

স্থির দৃষ্টিতে তার দিকে তাকিয়ে দাঁড়িয়েছিলেন ভবানী দেবী।

—আপনার জন্তে বাবাসাহেব কাদতেন।

—আমার জন্তে?

—হ্যাঁ। বোধ হয় তিনি আপনাকেই খুঁজছেন।

এতক্ষণে বীরেশ্বর বললেন—তোমাকে তিনি কি বলেছিলেন, বল।

—বলেছিলেন—হ জু রা ই ন—তার বেটা! पहले दिन—उनार तसवीर देखे—औहि लिये তিনি এমন চীৎকার করে পালিয়ে গিয়েছিলেন। ভেবেছিলেন...হজুরাইনের মায়ের তসবীর। কিন্তু হজুরাইনের ছ’টা আঙুল—তার ছ’টা আঙুল ছিল না। আর বলতেন—তার সঙ্গে দেখা না হলে তার শুন্য শেষ হবে না। বলতেন—হজুর তিনি খুঁটা বাত কখনও বলতেন না। বলতেন—সোফি তুমি আমাকে বল বাবাসাহেব আমি তোমাকে বলি বেটা! তবু কতি কতি দিলের মধ্যে তুফান উঠে যায়। আমার অন্তরে এক শয়তান আছে—সে বলে—কেন? ছুনিয়াতে ও হল ঔরং আর তুমি হলে মর্দান। কেঁও বাপ বেটা কেঁও। তার চুঁটি টিপে ধরি। বলি—মর যা—তু মর যা! কিন্তু সে মরে না। ডরকে মারে লুকিয়ে যায়। আবার সুবিধা পেলেই বেরিয়ে আসে। ইস সে রেহাই আমার সেই বেটা দিতে পারে। রায়বাবু বলেছে—সে মরে নি। আমাকে জিজ্ঞাসা করলে—বলতে পার ও কোথায় আছে? সে বেচে আছে। আমাকে তাকে খুঁজতে হবে। তার দেখা পেলেই আমার আন্দরের শয়তান মরবে। আমাকে বেটীর মত পিয়ান করতেন। আমার আত্মা এর জন্তে নারাজ ছিলেন। আমাকে একলা পেলে বলতেন এসব কথা। এসব বাত ডেকে বেটা বলে বলছি সোফি। আর কাকে বলব? তুই যদি পারিস তো রায়বাবুকে বলিস। দোসরা কাউকে বলিসনে। বলিস—আমি তার কাছে মাক চাচ্ছি। তবে আমার বেটা—সে সাক্ষাত দেবী।

কথাগুলি শুনে চমকে উঠেছিলেন—রত্নেশ্বর। সন্দেহ তার গোড়া থেকেই হচ্ছিল যে, যে

তাত্ত্বিক পাগলাবাবার কথা হচ্ছে, এর সঙ্গে শ্রামাকান্তের সংশ্লিষ্ট আছে। সোফিয়া যখন প্রথম আসে তখন সে সন্দেহ করেছিল বীরেশ্বর রায়ের লালসাকে। তারপর চিঠি দুখানা পড়ে তাঁর এই পরিত্রিত চেনা পৃথিবী চুরমার হয়ে গেল, তিনি ভাবছিলেন এই বিচিত্র কথা আর শুনছিলেন সোফিয়া বাঈয়ের কথা। প্রায় নিঃসন্দেহই হয়েছিলেন যে, সোফিয়া বিবি যে পাগলাবাবার কথা বলছে, সে-ই ঐশ্বর্য শ্রামাকান্ত। এবং বীরেশ্বর রায় ও ভবানী দেবী এই প্রয়োজনেই সোফিয়াকে ডেকেছেন। শেষ কথা কটিতে তিনি নিঃসন্দেহ হয়ে গেলেন। এই হতভাগ্য ধর্মভাগী নারীলোলুপ তাত্ত্বিকই শ্রামাকান্ত। তার মাতামহ।

কয়েক মুহূর্তে ভেবে নিয়েছিলেন তিনি। অনেক ভেবেছিলেন। এবং সঙ্গে সঙ্গে বেরিয়ে এসে ভবানী দেবীকে ডেকে বলেছিলেন—ভালো-যা। যা!

ভবানী তখন দরজার গোড়ায় দাঁড়িয়ে সোফিয়াকে বিদায় দিচ্ছেন। তিনি ফিরে দাঁড়িয়ে বলেছিলেন—রত্ন?

—ওঁকে একটু দাঁড়াতে বল যা।

—দাঁড়াতে বলব?

—হ্যাঁ। বলেই নিজে এগিয়ে গিয়ে সোফিয়াকে সেলাম করে বলেছিলেন—মাতাজী, মেহেরবাণী ক'রে যদি একটু অপেক্ষা করেন। একটু!

সোফিয়া ওঁকে দেখে বিস্মিত হয়ে গিয়েছিল। মনে হয়েছিল সেই বিয়ের আসরের বীরেশ্বর রায় গুজুরকে।

—আমার কয়েকটা কথা আছে আপনার সঙ্গে।

সোফিয়া এবার বলেছিল—সাহেবজাদা, তুমি মাতাজী বলে আমাকে সালাম জানালে। বেটা, তোমার উপর আল্লাহতলার মেহেরবাণী বর্ষাক। বল বেটা কি বলছ?

—একটু বসতে হবে।

ফিরে এসে বসেছিল সোফিয়া। রত্নেশ্বর বলেছিলেন—আমার বাবুজীর এষ্ট বেয়ার। তা ছাড়া আমার বাবুজীকে তো আপনি যানেন—আমীর মাহুয। গানা বাজান। ওঁর দিলের পিয়ারা চীজ। আপনি ওঁকে দিনের পর দিন গান শুনিয়েছেন। খুলী রেখেছেন। এখন উনি একলা পড়ে থাকেন। ওঁর মেজাজ দিল ঠিক থাকে না। তা আপনার কাছে আমার আর্জি, আপনি যদি—যেমন ওঁকে গান শোনাতেন দিল খুল রাখতেন—তেমনি ভাবে দিন আসেন—খোড়া কুছ গান শোনান—তা হলে বড় ভাল হয়। আমি মাতাজীর কাছে অত্যন্ত কৃতজ্ঞ থাকব। আর আপনি আমার মাতাজীর সমান—আপনি আজ বেকার হয়ে কে কবে মজলিসে গানা বাজানার জন্তে ডাকবে তার জন্তে তাকিয়ে থাকবেন—এতে আমাদের ইজ্জতও যায়। যা তুখা আপনায় মিলত—তাঁই মিলবে! পালকি যাবে। নিয়ে আসবে আপনাকে। আমি আপনার জন্তে মোকাম ঠিক করে দেব। সেই মোকামে থাকবেন। দারোয়ান ডি থাকবে—ক'উকে দিক করতে দেবে না!

তার কথা শুনে সোফিয়া অবাক হয়ে তাকিয়ে থেকেছিল তাঁর মুখের দিকে। ভবানী দেবী স্তম্ভিত হয়ে গিয়েছিলেন। কিন্তু বলতেও কিছু পারেন নি সোফিয়ার সামনে। নিজের কানকে

তিনি বিশ্বাস করতে পারছিলেন না। সোফিয়ার কথা কানী পর্যন্ত গিয়ে পৌঁচেছিল। সে সময় মধ্যে মধ্যে রত্নেশ্বর যে সব কথা বলত, তা মনে করে আজকের এই কথার অর্থবোধ তাঁর হয় নি। আজই সোফিয়া এই ঘরে আসবার ঠিক আগেই সে তাঁকে ডেকে নিয়ে গিয়ে বলেছে—“ভালো-মা, এইসব অনাচার, এ আমার সহ্য হচ্ছে না। তুমি একে পাপ মনে করছ না?” সেই রত্নেশ্বর একি বলেছে?

বীরেশ্বর রায় শুনেই যাচ্ছিলেন, একটি কথাও বলেন নি।

রত্নেশ্বর রায় ভারতীতে লিখেছেন—“পিতৃদেব নীরবে সমস্ত শ্রবণ করেছিলেন। কিন্তু তিনি অসাধারণ বুদ্ধিমান। তিনি আমার মনের কথা যথার্থ অনুমান করিলেন এবং কহিলেন—তুমি উত্তম কহিয়াছ। সোফির নিকট আমি খুশী রহিয়াছি। সম্ভবতঃ তাহার গান আমাকে পাগল হওয়া হইতে রক্ষা করিয়াছে। আজ প্রয়োজন ফুরাইয়াছে বলিয়া তাহাকে বিদায় করিলে অস্ত্রার হইবে। এবং জীবনে গীত-বাণের আনন্দের প্রয়োজন আছে। আজ সোফিকে মনজনের মজলিসে গান করিয়া বাঁচিতে হইলে তাহাও এ বাটীর পক্ষে অপমানজনক। সোফি, তুমি বাবুজীর কথা রাখিলে আমি খুবই খুশী হইব। কোন অশুশোচনা থাকিবে না। তোমারও জীবনে সাধু সংস্পর্শে পরিবর্তন হইয়াছে। নিত্য বা ‘মধ্যে মধ্যে আসিয়া ভজন শুনাইবে—উচ্চাঙ্গের গীত শুনাইবে। ইহা আমারই বাসনা।”

ভবানী দেবীকে বোধ করি কোন ইজিতও করে থাকবেন। তিনিও বলেছিলেন—আমিও খুব খুশী হব সোফিয়া।

সোফিয়া একটু অভিভূত হয়েছিল। সত্যি, শুধু গানবাজনার উপর নির্ভর করার জন্য তার আর্থিক অবস্থা খুব ভাল ছিল না। চোখে জল এসেছিল তার, সে কাপড়ের আঁচলে চোখ মুছে বলেছিল—হজুরাইন যখন বলেছেন তখন তাই হবে। হজুরাইন বলেছেন—বাবাসাহেব ছোট। হজুর বলেছেন—আমি কি তা অমান্য করতে পারি? যেমন বলবেন, তেমনই হবে।

ভবানী দেবী অন্তরকম বুঝেছিলেন। তিনি সোজা অর্থেই ধরেছিলেন—বীরেশ্বর রায় বা বলেছেন তাই। আজ সোফিয়াকে অর্থের জন্য কষ্ট পেতে হচ্ছে, সুতরাং রায়বাড়ী থেকে মাসোহারার ব্যবস্থা করলে রত্নেশ্বর। বাপের জমিদারী আমীরী ইজ্জত বজায় রাখলে। কিন্তু তাঁর ভুল ভাঙল। সোফিয়া চলে যেতেই বীরেশ্বর রায় রত্নেশ্বর রায়কে বলেছিলেন—তোমার তীক্ষ্ণ বুদ্ধিতে আমি খুব খুশী হ’লাম রত্নেশ্বর। ভালোই করেছে। কথাটা আমার মনেও হজিল। কিন্তু তোমার মাকে না জানিয়ে, না বুঝিয়ে কথাটা বলি নি।

রত্নেশ্বর হিরদুষ্টিতে বাইরের দিকে তাকিয়ে বলেছিলেন—কথাটা প্রকাশ পেলে রায় বংশের কলঙ্কের আর থাকী থাকবে না।

এবার চমকে উঠেছিলেন ভবানী দেবী। বুঝতে পেরেছিলেন ছেলের মন। তিনি বলেছিলেন—আবার চাপা দিবি রত্নেশ্বর? একবার চাপা দিয়ে—

বাধা দিয়ে রত্নেশ্বর বলেছিলেন—হ্যাঁ মা, চাপা দিতে হবে। এমন কি এরপর রায় বংশেরও আর কেউ এমন জানতে সা পারে—তার ব্যবস্থা করতে হবে। তুমি তো আজ বারো বছর চাপা

দিয়ে এসেছ মা। তুমি তো ঠুকে জানাতে পারো নি। সাধারণ ঘর হ'লে হ'তো মা। রায়-বাড়ী তো তা নয়! কথাটা প্রকাশ পেলে ওই গোপাল সিংয়ের মত লোক দেশময় মুখে মুখে বে-ইজ্জত ক'রে বেড়াবে। মহাভারতের যুগ এটা নয়। তাই বা বলছি কেন? কর্ণের কথাটা ভেবে দেখো।—সারাটা জীবন স্ত্রুতপুত্র পরিচয়েই থেকে গেলেন—কোন দিন মাকে মা বলতে পেলেন না। মা কুন্তী—তিনিও ছেলেকে ছেলে বলতে পারেন নি। কর্ণের মৃত্যুর পর ছেলেদের বলেছিলেন—কর্ণের তর্পণ করো, উনি তোমাদের বড় ভাই। আজ তাও চলবে না। চাপা দিতেই হবে। উনি মুসলমান হয়েছিলেন—এ প্রকাশ পেলে রায়বাড়ীর ছেলেমেয়ের বড় ঘরে বিয়ে হবে না।

এছাড়া এর নজীর রায় বংশে তখন সোমেশ্বর রায় স্থাপিত করে গেছেন। যে লোকটা জলময় পাগলাবাবার সন্ধান করতে গিয়ে ফেরে নি—সে বাঘের পেটে যায় নি—তাকে সন্নিবেশ করেছিলেন সোমেশ্বর। কারণ, লোকটা কৈদেছিল।

\*

\*

\*

যাক পাগলাবাবার কথা বলি।

এর ছ মাস পরে একখানা চিঠি এসেছিল নবদ্বীপ থেকে। শ্রামাকান্ত রায়ের শেষ পত্র। নবদ্বীপের 'পোড়া মা' ভলায় শ্রামাকান্ত আশ্রয় নিয়েছিলেন। সৌন্ধিয়ার বাড়ী থেকে চলে গিয়ে ওই পোড়া মা ভলায় পথের ধারে একটা গাছভলায় বাসা বেঁধে জীবনের শেষ ক'দিনে তিনি কি সাধনা করেছিলেন, তা তিনি বলতে পারেন। সাধনার ক্রিয়াকর্ম কেউ কিছু দেখে নি। তবে ওই আধপাগলের মত মাহুটি বসে থাকতেন। কেউ দিলে খেতেন, না দিলে খেতেন না। মাত্র ভোরে একবার তাকে গন্ধার ঘাটে দেখতে পেতো। ঘাট থেকে স্থান করে ফিরতেন। গন্ধার ঘাটে যাওয়া কেউ বড় একটা দেখে নি।

যে লোক চিঠি নিয়ে এসেছি—সে সাধারণ সামান্ত লোক। চিঠি দিয়ে বলেছিল—আজ্ঞে তাড়াতাড়ি যেতে হবে। না গেলে হয়তো দেখা হবে না।

স্বদেশের বললে—চিঠিখানার কথা বলেও তোমাকে, স্মৃতি। সাধারণ স্মৃতি মাহুদের লেখা বলেই মনে হয়।

তিনি তখন স্মৃতিও হয়েছিলেন। চিঠিখানা পড়ে মনে হয় তিনি যেন ভবানী দেবীর ফেরার কথাও জানতেন।

তখন বিমলাকান্ত কলকাতায় এসেছেন। কাশীর চাকরি ছেড়ে কলকাতায় ব্যবসা-বাণিজ্য করতে আরম্ভ করেছেন। সম্পত্তি তিনি গ্রহণ করেন নি; তবে টাকা তিনি কয়েক হাজার নিয়েছেন। টাকাটা বিমলা দেবীর নামে বিষয়ে খাটছিল। কলকাতায় স্বস্তি বাসা করেছেন। তিনি গিয়েছিলেন, কিন্তু তাঁর দ্বিতীয় পক্ষের স্ত্রীকে নিয়ে যান নি।

গিয়েছিলেন ওরা পাঁচজন। বীরেশ্বর রায়, ভবানী দেবী, বিমলাকান্ত, মহেশচন্দ্র আর সৌন্ধিয়া। রত্নেশ্বর রায় যান নি। যাবার তাঁর উপায় ছিল না। তিনি তখন হামলায় আত্মীয়। রাধানগরে দে-সরকারের বাড়ীতে ডাক্তারি পড়েছিল। ডাক্তারেরা টাকা-কড়ি বিশেষ নিতে পারে নি, তবে দে-সরকারকে নির্মমভাবে মারধর করে তান হাতখানা ভেঙে দিয়েছে, আর

বাড়ীতে আগুন লাগিয়ে পুড়িয়ে ছাই করে দিয়েছে। কুঠীবালা জন রবিনসন তখন নেই। সে খুন হয়েছে—তার নিজের লোকের হাতে।—একজন কিরিকী এসে তার কাছে চাকরি নিয়েছিল। দুর্ব্বহ দুর্গাস্ত্র লোক, রবিনসন সাহেবের নামডাক শুনে এসেছিল। ইংরেজ কিরিকী নয়। পোর্টুগীজ কিরিকী।

তখন জামনগরের প্রজাদের জোট জমাট বেঁধেছে। তারা ধর্ম্মট পেতে দে-সরকারদের খাজনা বন্ধ করেছে। রবিনসন সাহেবের অত্যাচারের বিরুদ্ধে আদালতে মামলা করছে। একেবারে সোজা আইন-আদালতের পথ। তার জন্ত তবির-তদারক মামলা পরিচালনা করছে কীর্তিহাটের এস্টেটের কর্মচারীরা। বিমলাকান্তের বাড়ীতে বিমলাকান্তের নামের আড়ালে তাদের সেরেস্তা বসেছে। পাইক-জাতিমালা আছে। বিচক্ষণ মামলাবাজ গোমস্তা আছে। ওদিকে হুগলীতে একটা বাড়ী কিনে সেখানে আর একদফা সেরেস্তা। সেখানে একজন নীল-কুঠীর পুরনো কর্মচারীকে মাসিক পঁচিশ টাকা মাইনেতে বহাল করা হয়েছে। হুগলীর সব থেকে বড় উকিলকে নিযুক্ত করা আছে। সাব-ডিভিশন আরামবাগে আর একদফা সেরেস্তা।

এসব হয়েছে দেওয়ান গিরীন্দ্র আচার্যের পাতা ছক অহুয়ারী। তবে খেলে যাচ্ছেন রত্নেশ্বর রায়।

পিঠের কাছে দাঁড়িয়ে আচার্য বলেন—মার খেয়ে বাও ভাই। কিন্তু দিক, তুমি ঢেকে দিয়ে চল। সময় হলে উঠকিন্তী, পরকিন্তী একসঙ্গে হবে।

দে-সরকারদের বাকি খাজনার মামলা চলছে; মামলার সমন আসছে কিন্তু জারী হচ্ছে না। প্রজাকে পায় না। বাড়ীতে লটকে জারী করবে তার শাস্তী মেলে না। তারপর সমন জারী হলে নানান বিচিত্র আপত্তি পড়ছে। সিধে সরল বাকি খাজনার মামলা—চলছে তো চলছেই। অবশেষে ডিগ্রী হচ্ছে। ওদিকে মুন্সেফকোর্টের রায়ের বিরুদ্ধে সদরে আপীল হচ্ছে। সমস্ত হুগলপুর লাটে শ-পাঁচেক জমা।

সুরেশ্বর বললে—জমা বুঝতে পারছ স্থলতা ?

হেসে স্থলতা বললে—টেনেসী বলছ তো! তা জানি।

—হ্যাঁ টেনেসী জান, তা জানি, কিন্তু ওর এদেশী নাম জমা। তাই বলছি। এই ধরো না সন-তারিখের মত। আজ কোন্ তারিখ কোন্ সাল জিজ্ঞাসা করলে আমিও বলব, তুমিও বলবে—আজ পঁচিশে নভেম্বর নাইটিং ফিক্টি-থ্রি, বাংলা সনটি যদি বা সাত বছর যোগ করে, ছ'শো বছর বাদ দিয়ে ভেরশো বাট সালের হদিস করতে পারি, তবু তারিখটা কোনমতেই বলতে পারব না। জমা বলতে ক্রেডিট কথাটাই মনে পড়বে।

—মেনে নিলাম। এখন বল—রত্নেশ্বর রায়ের কথাটা বল। রত্নেশ্বর রায় জমিদারীতে বসেই কোজদারী মামলার আসামী কেন হলেন, সেইটেই আমার কাছে বড় হয়ে উঠেছে। তুমি বলছিলে রত্নেশ্বর রায় রায়বংশের শ্রেষ্ঠ পুরুষ। তিনি আমার ঠাকুরদার ঠাকুরদাকে খুন করিয়েছিলেন। আবার বলছ—জমিদারী গদিতে ছ'মাস বসতে না বসতে কোজদারী মামলার আসামী হলেন, সুতরাং শ্রেষ্ঠ পুরুষের সংজ্ঞাটির জন্তে কোতূহলের আমার শেষ নেই।

সুরেশ্বর বললে—হ্যাঁ স্থলতা, আমার বিচারে তিনি শ্রেষ্ঠ পুরুষ রায়বংশ। বীরেশ্বর রায়

পথনির্দেশ করছেন, আচার্য দেওয়ান তাঁর পাশে পাশে চলেছেন, শেখাচ্ছেন লড়তে হবে, লড়াই ছাড়া রাজত্ব চলে না। এবং লড়তে হলে লড়বে শত্রুর সঙ্গে, শবলের সঙ্গে। তাতে যেমন চাই শক্তি এবং সাহস, তেমনি চাই বুদ্ধি এবং কৌশল। একটা কথা এই সঙ্গে বলে নিই—বীরেশ্বর রায় যে পালোয়ান রেখেছিলেন, তার সঙ্গে তাঁর হুকুমে রত্নেশ্বর রায়কে কুন্তী করতে হয়, প্যাচ শিখতে হয়। ঘোড়ার চড়তে হয়।

ওই প্রথম দিনই যে হজরতপুরের পিজ্জ একজন পটু'গীজ ফিরিকীকে নিয়ে এসেছিল, সেই লোকটা পিজ্জের কাজিন। কস্টেলো পিজ্জ। গোয়ার লোক। মধ্যে মধ্যে কলকাতার আসত। থাকত। এই লোকই রবিনসনের কাছে গিয়ে কাজ নিয়েছিল। কিছুদিন সাহেবের হুকুম তালিম করে সাহেবের সঙ্গে শীকার খেলে প্রিয়পাত্র হয়ে হয়ে উঠেছিল তার। হঠাৎ তার কাছে এল হজরতপুরের পিজ্জ, একটি মেয়েকে নিয়ে। ফিরিকী মেয়ে—কটা চোখ, কটা চুল, কটা রঙ এবং খানিকটা বর্বরা। হজরতপুরের পিজ্জের সংবান; গোয়ার ফিরিকী পিজ্জের বাকুদত্তা বধু। নাম তার মার্খা।

এ সবটাই সূকৌশলে সাজানো বাঘশীকারের 'বেইটে'র মত। বাঘ ঠিক এল, শিকারীর লক্ষ্য অব্যর্থ, বাঘ ম'ল।

রবিনসন একদিন ফিরিকী পিজ্জের অল্পপস্থিতিতে মার্খার ঘরে ঢুকল। মার্খা চীৎকার করলে। তার সঙ্গে লড়াই করলে। অথচ সেই তাকে ইসারায় ডেকেছিল। পিজ্জ ছুটে এল। লাফ দিয়ে পড়ল রবিনসনের ঘাড়ে, এবং তাকে শেষ করে দিয়ে চলে গেল মার্খাকে নিয়ে; গন্ধার নৌকো ভাসিয়ে।

পুলিশের হুসিয়া হ'ল—মার্খাকে তারা পেলে, কিন্তু ফিরিকী পিজ্জকে পাওয়া গেল না।

পোটু'গালে যাওয়ার জাহাজের টিকিট কেনার দাম খরচ পড়ে আছে রায়বাড়ীর খাতার। একটা মোটা টাকাও খরচ পাড়া যায় দাতব্য খাতে। কাকে কি বুভাস্ত তা লেখা নেই।

এটা ঘটল তিন মাসের মাথায়। মার্খা জবানবন্দী দিলে। সাহেব পিজ্জের অল্পপস্থিতিতে ঘরে ঢুকে তার উপর পার্শ্বিক অত্যাচার করতে চেষ্টা করেছিল, সে চীৎকার করে উঠেছিল। কস্টেলো পিজ্জ কোথায় ছিল—সে ছুটে এসে সাহেবকে আক্রমণ করে। সাহেবও তাকে আক্রমণ করেছিল। কিন্তু পিজ্জ গোড়াতেই পড়েছিল তার ঘাড়ে। সে তাকে ছুরি মেয়ে তাকে অর্থাৎ মার্খাকে নিয়ে পালার। শ্রামনগর থেকে কলকাতা। কলকাতার মার্খাকে বাড়ী পৌছে দিয়েই সে যে কোথায় চলে গেছে মার্খা তা জানে না।

মার্খার পক্ষে বড় কাউন্সেল নিযুক্ত করেছিল হজরতপুরের পিজ্জ। ব্যাপারটা সাদা চামড়া আর কটা চামড়ার বলে খুব বেশীদূর এগোয় নি। মার্খার কাউন্সেলও ছিল একজন খাস বিলিভী সাহেব। রবিনসনের ইতিহাসটাও নারী সম্পর্কিত ব্যাপারে খুব পরিচ্ছন্ন ছিল না। এর আগে একটি ব্রাত্য নারীহত্যার অভিযোগ হয়েছিল তার বিরুদ্ধে। মামলাতে তার কিছু হয় নি। কিন্তু প্রথম কুঠী তার কেল পড়েছিল এইজন্তে। সুতরাং কোনক্রমেই রায়বাড়ীর জমা-খরচের খাতা পর্যন্ত হাত বাড়িয়ে হাতড়াতে পুলিশের মনে হয় নি।

তাছাড়া রায়বাড়ীর হাতে আর একটা জোরাণো প্রমাণ ছিল রবিনসনের বিরুদ্ধে খার বাবদ

বিশ হাজার টাকার একটা ডিগ্রী। যেটা উত্তরাধিকারী অর্থাৎ স্বী-পুত্রহীন রবিনসনের মৃত্যুতে প্রায় দিকভ্রান্ত হয়েছিল জারীর পথে। রবিনসনের উত্তরাধিকারী হির না হওয়া পর্যন্ত ডিগ্রী জারী স্বগত রাখতে হয়েছিল। মৃতের উপর জারী হবে ডিগ্রী, নয় তার উত্তরাধিকারীর উপর। সুতরাং রবিনসনের মৃত্যুতে রায়বাড়ীর সমুদ্র কতি। তবে তা দেখাতে হয় নি। বলেছি তো এ-পথেই হাঁটে নি পুলিশ।

তারপরই মাসখানেক পর দে-সরকারদের বাড়ীতে ডাকাত পড়ে, মারধর করে তার ঘর জালিয়ে দিলে। দে-সরকারের ডান হাতখানা মুচড়ে ভেঙে দিলে। অগস্ত মশালের বাড়ি মেয়ে সারা মুখখানা ছিঁচকে পোড়া করে দিয়ে গেল।

দে-সরকার এজাহারে পুলিশের কাছে বললেন—তিনি দেখেছেন, কমলাকান্ত ভট্টাচার্যকে একটু দূরে বাড়ীর কটকের সামনে তাকে ঘোড়ার উপর দেখেছেন।

হুগো বললে—সব দেশের জমিদারীতেই বোধ হয় আছে। তবে বাংলাদেশের জমিদারীর ইতিহাসে এই ধরনের ঘটনা অনেকগুলিই আছে। দু-একটা ঘটনা গল্প হয়ে আজও চলিত আছে মুখে-মুখে। জমিদারী চালনায় এগুলি দে-আমলের সিংহকীর্তি। অন্তত, তাই লোকে বলত, সমাজে মানত।

মুসলমান আমলে কাজী ছিল, বিচারও ছিল, কিন্তু ইংরেজের ক্রিমিনাল প্রেসিডিওর কোড ছিল না। প্রজার কাছে খাজনা আদায়ের জন্য হপতম পঞ্চম আইন করেছিল কোম্পানী কিন্তু ক্রমে ক্রমে জমিদারদের মুখে পারমানেন্ট মেটেলমেণ্টের আট-ঘোড়ার গাড়ীতে ক্রিমিনাল আইনের কাঁটা-লাগানো লাগাম পরিয়ে দস্তুরমত পোষা আরবী ঘোড়ায় পরিণত করেছিল। হপতম পঞ্চম ভুলে দিয়ে সিভিল স্যুটের মুল্লফী আদালত দেখিয়ে দিয়েছিল। এবং ক্রিমিনাল প্রেসিডিওর কোড চালু করে জমিদার-প্রজাকে এক গোয়ালে পুরেছিল। তবু তারা এই কাঁটা-লাগাম ছিঁড়ে ছুঁড়পনা করছে ইচ্ছামত।

একটা ঘটনার কথা বলি—হেস্টিংস সাহেবের প্রিয়পাত্র কান্ত প্রথম হলেন বাবু তারপর রাজা। বহু লক্ষ টাকা আয়। কান্তবাবুর চতুর্থ পুত্র কৃষ্ণনাথ। নাবালক অবস্থায় মালিক হয়েছিলেন বিষয়ের। স্টেট গিয়েছিল কোর্ট অব ওয়ার্ডসে। কৃষ্ণনাথকে খাসা ইংরিজী শিখিয়ে কোর্ট অব ওয়ার্ডস তাকে রাজার মেজাজ তৈরী করে দিয়েছিলেন। প্রচুর মস্ত, হে-হল্লা, ইয়ার-বন্ধু, কুতুর-বন্ধু-পিশুগ এসব দিয়ে রাজত্বের খেলাঘর সাজিয়ে দিতে কনুয় করেন নি। তার সঙ্গে রাজোচিত পোশাক এবং ডেকোরেশন। তরুণ কৃষ্ণনাথ দিল্লির লোক, তেমনি মেজাজ। একবার বাড়ীতে যাত্রাপান হচ্ছে। উনি অবশ্য দেখছিলেন না। উনি বাইরে প্রমোদভবনে ছিলেন। সেখান থেকে রিটার্নিং টাইমে অনুরোধ যাচ্ছেন। সঙ্গে চোপদার চলেছে, মশালটি চলেছে। বাবার পথ ওই আসরের পাশ দিয়ে। আসরে তখন নারদমুনি হরিগুণগান করছেন। রাজার রঙদার চোখে লাগা চুল-মাড়ি পরা মুনিকে খুব ভাল লাগল। চোপদারকে জিজ্ঞাসা করলেন—কোন হায়া উরো?

চোপদার বললে—নারদমুনি হজুর।

—নারদমুনি? আচ্ছা। উ তো আচ্ছা আদমী হায়া। বলে ছুরলেন। কুশী আনিয়ে

সব লোকের সামনে বসলেন এবং হুকুম করলেন—আউর এক নারদমুনি লাও !

অধিকারী সঙ্কল্প, ছুটে সাজঘরে গিয়ে আর একজনকে পাঁচা চুল-দাড়ি পরিষে নিয়ে আসরে নামালেন ।

হুকুম—আউর লাও । আউর লাও ।

শেষ পর্যন্তও দশ-বারোজন লোক—মেয়েদের চুল স্বেদা মাখিয়ে সাদা করে পরিষে আসরে এনে নামিয়ে দিলে । রাজা খুব খুশী হয়ে একশো টাকা ইনাম দিয়ে চলে গেলেন ।

এই কৃষ্ণনাথের হাতের হাজার-পাঁচেক টাকা দামের আংটি চুরি গেল, সন্দেহ হল চাকরের উপর । সুতরাং তাকে শাস্তি দিলেন । কিন্তু ভুলে গেলেন ক্রিমিহাল প্রসিডিওর কোড অনুযায়ী ঐ-অধিকার তাঁর নেই । এমন প্রহার করলেন যে, চাকরটা মরে গেল ।

বহরমপুরের এস ডি ও খুলী ছিলেন না মহারাজ কৃষ্ণনাথের উপর । লোকটিও ছিলেন গণ্যমান্ত বংশের । কিন্তু সে-খাতির কৃষ্ণনাথ করতেন না । তিনি ওয়ারেন্ট বের করলেন ; কৃষ্ণনাথ তার আগে কলকাতা পালালেন । কিন্তু কোম্পানীর রাজত্বে কলকাতা তার কেলা নয় । মুসলমান আমলে রাজাদের মাটির কেলাগুলোর পাঁচিল আর কটক সব ভেঙে দিয়েছে কোম্পানী । কলকাতাতে কোম্পানীর খাস ডেরা । কোথায় যাবেন ? কৃষ্ণনাথ যে-খেলনাটা পেয়েছিলেন কোম্পানীর কাছে—পিস্তল—গ্রেপ্তারের ভরে সেই পিস্তল দিয়ে আত্মহত্যা করলেন ।

তবু বাংলা দেশের জমিদারেরা হটেন নি । সূচতুর ভাবে আইনের হাঁচের সূতোর ছিদ্র দিয়ে উটে চড়ে পার হয়ে যেতেন ।

রবিনসনের পর দে-সরকার । গোপাল সিংহের পর্ব শুরু হয়ে গেছে তখন । মামলা-মোকদমা চলছে তখন । বাধ-নেকড়ে মারার পথ আর ইঁদুর ধরা কি মারার পথ এক নয় । দেওয়ান গিরীন্দ্র আচার্যের এক পত্র আছে । তিনি রবিনসনের মৃত্যুর পর কীর্তিহাট থেকে লিখেছিলেন কলকাতায় । লিখেছিলেন বীরেশ্বর রায়কে । আচার্য বীরেশ্বর রায় এবং রত্নেশ্বরকে কলকাতার রেখে চলে এসেছিলেন কীর্তিহাট । হজরতপুরের পিঙ্গুস মারকণ্ড এই কস্টেলো পিঙ্গুসকে তিনিই নৌকো করে হজরতপুর পর্যন্ত এনে নামিয়ে দিয়েছিলেন । কস্টেলো ওখান থেকেই ফিরে গিয়ে উঠেছিল শ্রামনগরে । চাকরি নিয়েছিল রবিনসনের । কস্টেলো পিঙ্গুস উধাও হয়ে গেল তার কাজ সেরে, খবর পেয়ে দেওয়ান জানালেন—“যে পাণ-বৃক্ষটির কাণ্ড কারস্থ এবং তস্ত শাখা কিরিকী, তাহার শাখাটি ছেদিত হইয়াছে । অতঃপর কাণ্ডটির ব্যবস্থা হইতেছে । এই বৃক্ষে ছত্রি মুখিকটি আশ্রয় লইয়াছে, এক্ষণে তাহাকে গর্তে আশ্রয় লইতে হইবে । চিন্তা করিবেন না, সকল ব্যবস্থাই হইতেছে । তবে এক্ষণে বাবু রত্নেশ্বর ভায়াজীবনকে লইয়া এখানে আসা প্রয়োজন । ইন্দুল পত্তনের যে আয়োজন হইতেছে, ওই আয়োজনের খোদ ম্যাজিস্ট্রেট সাহেবকে এখানে আনয়ন করিয়া ভিত্তিপ্রস্তর স্থাপন করা হউক । তাহাতে বিশেষ সফল বলিবে বলিয়া মনে করি । আমি উক্ত রাজ্যেই কাণ্ড ছেদন করাইব ।”

\*

\*

\*

সুরেশ্বর বললে—হয়তো ফুটিতম রাজনীতির খেলা খেলেছিলেন দেওয়ান । নবাব-বাদশার



দরবার হলে ইতিহাসে এ-ঘটনা পড়ে বিস্মিত হ'ত লোকে ।

ব্যবস্থা হয়েছিল—ইকুলের ভিত্তিপ্রস্তর স্থাপন করবেন মেদিনীপুরের কালেক্টরসাহেব বাহাদুর ; সন্ধ্যার উৎসব হবে । নৃত্য-গীত এবং উচ্চাঙ্গসঙ্গীত ।

ম্যাজিস্ট্রেট সাহেবের পাশে বীয়েশ্বর-রত্নেশ্বর হাজির থাকবেন । ওদিকে সেই রাজ্যে শ্রাম-নগরে দে-সরকারের বাড়ীতে পড়বে ডাকাত । শুধু আশুন দিলে কাজটা সোজা হত, কিন্তু তাতে শ্রামনগরের লোকের উপর সন্দেহ পড়তে পারে । সেইজন্তে হবে ডাকাতি, যার উদ্দেশ্যটা হবে লুণ্ঠরাজ । প্রতিহিংসা প্রতিশোধ বলে চালানো যাবে না ।

ঘটনার কয়েকদিন আগে একটা ফৌজদারী হয়েছিল গোপাল সিংহের সঙ্গে । সামান্য ঘটনা নিয়ে কোজদারী । ইঁদুর গোপাল সিং তখন মামলার-মামলায় উদ্ভাস্ত । শ্রামনগরে বিমলা-কান্তের একজন পাইক রাধানগর গিয়ে সামান্য কথায় খপ করে চেপে ধরেছিল গোপাল সিংয়ের হাত ; গোপাল তাকে ঘায়েল করে বসল । এবং ঘায়েল করে তার হ'ল হল—সে পুলিশ কেনে পড়েছে । সে হ'ল ফেরার ।

রাধানগরে দে-সরকারের তখন সেই ছিল ভরসা । গোপাল পালাল পুলিশের ভয়ে । নির্বাক্ষ দে-সরকার সারারাত্রি যাল জপ করে গোবিন্দ ভরসা করে দিনযাপন করছিলেন ।

আচার্য এ-কার্য সমাধা করবার জন্ত লোক এনেছিলেন দক্ষিণ কাষি অঞ্চল থেকে । বাংলা-দেশে এমন দল তখন অনেক ছিল । যারা চিঠি দিয়ে ডাকাতি করত । বিশু ডাকাতের নাম জান । বিশ্বনাথ ঘোষ ডাকাতি করতেন বড় বড় বাড়ীতে, অনেক নীলকুঠিও লুণ্ঠেছেন । লোকে বলত বিশুবাবু । কোম্পানী সোজা পথে তাকে ধরতে পারে নি । দলের লোকের বিশ্বাস-যাতকতার ধরা পড়েছিলেন । হাস্টারসাহেব লিখে গেছেন—

Biswanath Babu exercised his vocation in broad daylight, sending previous notices of his designs to those he intended to plunder."

বিশুবাবুর মত মহৎ ডাকাত চিরকাল দুর্লভ কিন্তু এই ধরনের দুঃসাহস অনেক দলের তখন ছিল । এত বড় একটা জমিদারপক্ষ সহায় পেয়ে তারা দে-সরকারের মত রূপণ জমিদার-মহাজনের বাড়ী লুণ্ঠতে, জ্বালাতে, বলতে গেলে এক কথায় রাজী হয়ে গিয়েছিল । ছকা ব্যবস্থা । তারা হানা দেবে, হৈ-হৈ করে ঘাঁটি পাতবে । শ্রামনগরের লোকে উঠবে, সভয়ে দূরে দাঁড়িয়ে থাকবে নিজেদের এলাকায় ।

গ্রামের লোকের সঙ্গে যোগাযোগ না থাকলে ডাকাতি-চুরি হয় না । এক্ষেত্রে তার অভাব হয় নি, দে-সরকার বাড়ীর পুঙ্খানুপুঙ্খ সংবাদ তারা পেয়েছিল । রাত্রি দুপুরের পর ডাকাতের দল—সে প্রচণ্ড চীৎকার করে মশাল জালিয়ে হানা দিয়ে পড়ল, তখন কান্না উঠল দে-সরকারের অন্দরে, কিন্তু সে চীৎকার মাহুয সাড়া তো দেয়ই নি, দে-সরকারের ভগবানও সাড়া দেন নি । ডাকাতদের তিনজন এসেছিল ঘোড়ায় চেপে ।

মেয়েদের উপর ডাকাতেরা নির্বাসন করে নি । তারা গায়ের গহনা খুলে দিয়েছিল হুকুমমত । কিন্তু দে-সরকারের ছেলে এবং দে-সরকারকে বাইরে টেনে এনে জলন্ত মশাল দিয়ে পিটে ছিঁচকা পোড়া করে দিয়েছিল । এবং ভেঙে দিয়েছিল একখানা হাত । তবু দে-সরকারকে

বাহাদুরি দিতে হবে। টাকা কোথায় আছে তিনি বলেন নি। ডেলে একটা জায়গা জানত, সেটা দেখিয়ে দিচ্ছিলেন।

এই সময়েই ফটকের বাইরে ঘোড়ার উপর দেখা গিয়েছিল তরুণ রত্নেশ্বর রায়কে। মাথায় পাগড়ি, মুখে একটা ফেটা বাধা, পরনে ব্রিচেস কোট—

তিনি ডেকে বলেছিলেন—প্রাণে মেরো না। পোড়ামুখ নিয়ে বাচতে দাও।

তারপর আর তাঁকে কেউ দেখে নি।

এ-কাজটি রত্নেশ্বর নিজের মতে ও বুদ্ধিতে করেছিলেন। বীরেশ্বর রায়কে বলেন নি। এমন কি দেওয়ান আচার্যও সময়ে জানতে পারেন নি। তবে রত্নেশ্বর শক্ত করে ঘাঁটি বেঁধে কাজ করেছিলেন।

বীরেশ্বর রায় এবং আচার্য দেওয়ান ডাকাতির দিন ইস্কুলের ভিত্তিস্থাপনের ব্যবস্থা এবং রাত্রে নৃত্য-গীত এবং বৈঠকী গানের ব্যবস্থা করেছিলেন ‘ম্যাজিস্ট্রেট’ রাথবার জন্তে। ম্যাজিস্ট্রেট এবং অক্সাঙ্ক রাজকর্মচারীরা উপস্থিতি থাকবেন। তাঁরা নিশ্চয় বলবেন—সে কি? আমরা সেখানে সে-রাত্রে উপস্থিত—কীৰ্ত্তিহাটে। সারাদিন সেখানে ইস্কুলের ভিত্তিপ্রস্তর স্থাপনের অমুষ্ঠান, রাত্রে উৎসব। তাঁরা ডাকাতি করাচ্ছেন সেই রাতে—এ কি করে সম্ভবপর হতে পারে?

রত্নেশ্বর এই সুযোগ নিলেন।

তিনি মজলিসে সাহেবদের আপ্যায়ন করছিলেন। ঘুরে বেড়াচ্ছিলেন। তখন সোফিয়া বান্ধবের বৈঠকী গান সবে শেষ হয়েছে। সোফিয়া বাই সন্ধ্যায় বসে প্রায় ঘণ্টাদেড়েক তার অপকৃপ গানে মজলিসকে মত্তমত্ত করে রেখেছিলেন। তার গানের পর আসরে উঠে দাঁড়িয়েছিল দুজন তরুণী খেমটাওয়ালী। বাছাই করে কলকাতার সেরা খেমটাওয়ালী আনা হয়েছিল। রূপে, কণ্ঠস্বরে, নৃত্যদক্ষতায় তারা অপকৃপ। ঠিক এ-সময় বাপের পাশে দাঁড়িয়ে থাকতে থাকতে হঠাৎ তিনি অবসরের মত বসে পড়েছিলেন।

ব্যস্ত হয়ে উঠেছিলেন বীরেশ্বর রায়, তার সঙ্গে ম্যাজিস্ট্রেট সাহেব এবং অক্সাঙ্ক অতিথিরাও উৎকণ্ঠিত না হয়ে পারেন নি। গোটা আসরটাই চঞ্চল হয়ে উঠেছিল। রায়বংশের উত্তরাধিকারী—এমন সুন্দর সুপুরুষ মাজিতরুচি তরুণটির প্রতি দৃষ্টি সকলেরই আকৃষ্ট হয়েছিল। বীরেশ্বর উৎকণ্ঠিত হয়ে উঠে রত্নেশ্বরের হাত ধরে বলেছিলেন—কি হল, রত্নেশ্বর?

—মাথা ধরেছে, তার উপর হঠাৎ মাথাটা যেন ঘুরে গেল।

বীরেশ্বর তাকে হাতে ধরে তুলে একখানা আসনে বসিয়ে দিয়েছিলেন। একজন পাংখা-বরদার একখানা ছোট হাতপাখা নিয়ে তাঁর মাথায় হাওরা করতে শুরু করেছিল। একজন এনেছিল গোলাপজলের বোতল। রত্নেশ্বর হাতে মাথা ধরে কিছুক্ষণ বসে থেকে হেসে বলেছিলেন সাহেবকে—I am very sorry sir that I have disturbed the whole show.

—Are you alright now? . . .

কাঁচুমাচু করে রত্নেশ্বর রায় বলেছিলেন—সুস্থ হয়েছি অনেকটা, তবে ঠিক সম্পূর্ণ সুস্থ হই নি। যদি অহুমতি করেন, তবে আমি একটু বিশ্রাম করি গিয়ে। আমার একটা শিরঃপীড়া

আছে, তাতে অনেক সময় প্রায় অজ্ঞানের মত পড়ে থাকি। তবে ভয়ের কিছু নেই।

সাহেব সঙ্গে সঙ্গে অহুমতি দিয়েছিলেন। রত্নেশ্বর বাপকে বলেছিলেন—একটুও চিন্তা করবেন না আপনি। আপনি বসুন। আমি একটু শোব।

বাড়ীর ভিতরে গিয়ে দরজা বন্ধ করে শুয়ে বলেছিলেন—কেউ বেন আমাকে না ডাকে। ভবানী দেবী পূজায় ছিলেন। পূজা সেরে উঠে এসে ছেলেকে আর পান নি। পেয়েছিলেন একটা চিরকুট। তাতে লেখা ছিল—আজ আভসবাক্ষী পুডবে আমি দেখতে যাচ্ছি। বাবা আর দেওয়ানজী ছাড়া কাউকে বলো না। কোন ভয় নেই। ভোর হবার আগেই ফিরব।

গোপনে তিনি সমস্ত বন্দোবস্ত করে রেখেছিলেন। দু'জন সওয়ার বরকন্দাজ এবং সঙ্গে একটা বাড়তি ঘোড়াও তিনি নিয়েছিলেন।

শ্যামনগরের পথ ছুটো, একটা নদীর পথ। সেটা অনেক ঘুরপথ। একটা ত্রিভুজের দুটো বাহুর মত কীসাই আর ভাগীরথী ধরে এক নদীপথ, অল্পটা ত্রিভুজের কর্ণের মত একটা স্থলপথ। কিন্তু দুর্গম। এই পথটাই তিনি বেছে নিয়েছিলেন। নদীপার ছিল পথে, সেখানেও বন্দোবস্ত তিনি কবে রেখেছিলেন—পারের নৌকা অপেক্ষা করছিল। মাইল-তিরিশেক পথ, মাঝে কুতুবপুরের কাছারী। সেখানে ঘোড়া বদল করে নিয়ে উঠেছিলেন শ্যামনগর, ডাকাতি তখন চলছে, মশাল দিয়ে গিটছে কর্তা দে-সরকারকে।

তিনি গিয়ে ডেকে বলেছিলেন—প্রাণে মেরো না। ছিঁচকেপোড়া মুখে নিয়ে বেঁচে থাকতে দাও।

তিনি আগবেন এ-খবরটা কাজের কাজী যারা তারা জানত, বলা ছিল। তারা তাঁকে বাঁটিতে ঢুকতে আটকায় নি।

সঙ্গে সঙ্গেই তিনি ফিরেছিলেন। দু'মিকে ষাট মাইল পথ। যেতে-আসতে ঝণ্টা-আঠেক লেগেছিল। কীর্তিহাটে যখন ফিরেছিলেন, তখন বীরেশ্বর রায়, ভবানী দেবী, দেওয়ান আচার্য জেগে পথের দিকে চেয়ে বসেছিলেন।

ভবানী দেবী তিরস্কারের আর বাকি রাখেন নি। বীরেশ্বর রায় গম্ভীরমুখে স্তব্ধ হয়ে বসে-ছিলেন। আচার্য হাঁক ছেড়ে কয়েকবার মুহু তিরস্কার করে বলেছিলেন—বড্ড ছেলেমানুষী করেছ দাছসাহেব। বড্ড ছেলেমানুষী। না-না-না, আমাদের না জানিয়ে এরকম ভাবে—না-না-না।

তবে পরে একান্তে তাকে বলেছিলেন—সাবাস দাছসাহেব। তুমি যা করলে—এ একটা দেখালে বটে। হ্যা, বুকের পাটা আছে তোমার। বুদ্ধিও খেলিয়েছ বটে। সাবাস, সাবাস। তবে এরকম আর করো না।

একটু ভেবে বলেছিলেন—তবে তাই কাল সকালেই তোমাকে কলকাতা চালান করব সাহেবদের সামনে। রাত্রে অস্থখ বেড়েছে, কলকাতায় নিয়ে যাওয়া হচ্ছে চিকিৎসার জন্তে। বুঝেছ ?

হেসে রত্নেশ্বর বলেছিল—ঠিক আছে, আমি ভৈরী।

—কষ্ট হবে না তো! সারারাত্রি তিরিশ কোশ ঘোড়া হাঁকিয়েছ।

—না। বলেন তো কালই নমুনা দেখিয়ে দিতে পারি।

—থাক। তাতে আর কাজ নেই।

পরের দিনই সাহেবদের বিদায় দিয়ে বীরেশ্বর রায় ছেলেকে নিয়ে আবার কলকাতায় ফিরে-  
ছিলেন। ম্যাজিস্ট্রেট সাহেব খুলী হয়ে বলেছিলেন—স্কুলটা তাড়াতাড়ি শেষ কর মিস্টার রায়।  
স্কুলের ফাউন্ডেশন আমি পত্তন করলাম। ওপনিং দেখে যেতে চাই। এবং আমার ইচ্ছে  
আমিই সেটা করি।

বিদায়ের সময় রূপোর রেকাবীর উপর পঁচিশখানা মোহর সবিনয়ে তুলে ধরেছিলেন  
বীরেশ্বর, সাহেব সকলের সামনেই রেকাবখানাসমেত, সেটা নিয়ে দিয়েছিলেন আদালতীর হাতে।  
তাছাড়া রূপোর কর্শি এবং আরও অনেক উপহার ছিল, অল্প সাহেবরাও বাদ যান নি। সকলেই  
সেলামী নিয়ে রায়বাবুর সঙ্গে করমর্দন করে বিদায় নিয়েছিলেন। সঙ্গে সঙ্গে তাঁরা সকলেই  
রত্নেশ্বরের জন্ত উৎকর্ষা প্রকাশ করেছিলেন। রত্নেশ্বর অসুস্থ এবং রাত্রে অসুখ বেড়েছে এ-  
কথাটা আচার্য এসে প্রথমেই জানিয়েছিলেন সাহেবদের। বিবিমহলে এসে সকালবেলাতেই  
সাহেবের সঙ্গে কেরানীকে বলেছিলেন—ছজুরকে একটু বলে দেবেন, কর্তার আসতে একটু  
হয়তো দেরি হবে। রত্নেশ্বরবাবুর অসুখটা বেড়েছে। ডাক্তার-কবিরাজে বলছে—সাধারণ  
শিরঃপীড়া নয়, একটু জটিল মনে হচ্ছে। বলছে—কলকাতায় নিয়ে যাওয়া ভাল।

কথাটা কেরানী যথাসময়ে পেশ করেছিল ছজুরের সামনে, এবং তার মিনিট-কয়েকের মধ্যেই  
বীরেশ্বর রায় এসে হাজির হয়ে দেবীর জন্ত বিরক্তি জন্মাবার পূর্বেই দেবীর জন্ত মার্জনাভিক্ষা  
করেছিলেন।

সন্ধ্যার মুখে বজরা রঙনা হয়েছিল কলকাতা।

কলকাতায় এসেও রত্নেশ্বর বড় সাহেব ডাক্তারের চিকিৎসাদীনে বিছানায় শুয়ে থাকতেন।  
রত্নেশ্বরের শিরঃপীড়া—অহরহ যন্ত্রণা। ডাক্তার রোজ আসছেন, দেখছেন, মোটা ফি নিয়ে  
যাচ্ছেন, কিন্তু চিকিৎসা-শাস্ত্রে কোন দিক থেকে কোন হদিস পাচ্ছেন না। ওষুধ আসে, ফলে  
দেওয়া হয়।

এই অবস্থার ছগলী থেকে এল পুলিশের পরোয়ানা। দে-সরকারের বাড়ীর ডাক্তারি সময়  
রত্নেশ্বর রায়কে নিজে দেখেছেন—মাথায় পাগড়ি এবং মুখে ফেটা বাঁধা থাকা সঙ্গেও চিনেছেন  
বলে এজাহার করেছেন দে-সরকার এবং তাঁর ছেলে।

স্বরেশ্বর বললে—একটা গল্প বোধ হয় তুমিও শুনেছ স্মৃতিতা; এক ব্রাহ্মণ বিধবার বাড়ীতে  
কি একটা পূজা ছিল। ষষ্ঠী পূজা কি সত্যনারায়ণ ধরনের কিছু। কিন্তু বুড়ী পুজুরী না-  
পেয়ে গঙ্গারিঘাট গেছল পুরুতের সন্ধানে। হাইকোর্টের জজ সার গুরুদাস গঙ্গানান সেয়ে ঘাটে  
উঠেছেন, বুড়ী তাঁকে গিয়ে ধরেছিল—ও বাবাঠাকুর, আমার এই পূজো দয়া করে করে দাও।  
তা সার গুরুদাস বামুন হিসেবে সে আত্মদান প্রত্যাখ্যান করেন নি। বুড়ীর বাড়ী গিয়ে পূজো  
করে দিয়েছিলেন। বুড়ী তাকে বলেছিল—বাবা তুমি দারোগা হয়ে।

তার অর্থটা অত্যন্ত স্পষ্ট।

এখানে মেদিনীপুরের সাহেবরা সেলামীর চেয়েও বেশী পেরেছিলেন। রূপোর খালাসুজ্জ মোহরগুলো পকেটে পুরেছিলেন।

সুতরাং ক্রিমিঞ্চাল প্রসিডিওর কোডের 'এলবি'র হুটীছিন্ন দিয়ে অনারাসে পার হয়ে গেলেন রত্নেশ্বর। তার উপর সার্টিফিকেট ছিল কলকাতার সাহেব-ডাক্তারের। একটি কঠিন কোন রোগে আক্রান্ত বাবু রত্নেশ্বর রায় তাঁর চিকিৎসাবীনে রয়েছে। তাকে স্থানান্তরিত করা এখন অতীব বিপজ্জনক। আচার্য দেওয়ান মোটা জামীন দেওয়ার ব্যবস্থা করেছিলেন। ওদিকে মেদিনীপুরের ডিস্ট্রিক্ট ম্যাজিস্ট্রেটের কাছে লোক ছুটেছিল চিঠির জ্ঞাত। রত্নেশ্বর রায় ঘটনার তারিখে সমস্ত দিন তাঁর চোখের সামনে ছিলেন এবং অত্যধিক পরিশ্রম করেছিলেন, যার ফলে সন্ধ্যার পর সম্ভবতঃ নটা নাগাদ মাথা ঘুরে পড়ে যায়। তিনি শয্যাশায়ী হয়ে ছিলেন। পরদিন প্রাতঃকালে রত্নেশ্বর রায়ের অসুখ বৃদ্ধি পায় এবং ত্রিদিনই চিকিৎসার জ্ঞাত তাকে কলকাতা স্থানান্তরিত করা হয়। এ সমস্তই তাঁর চোখের সামনে ঘটেছে।

বাবু রত্নেশ্বর রায়কে ওই তারিখের কোন ঘটনার জ্ঞাত দায়ী করা অসম্ভব। এবং তাঁর মত একজন উচ্চশিক্ষিত মাজিস্ট্রেট তরুণ যুবকের পক্ষে এমন কাজ কখনও সম্ভবপর নয়।

যে ব্যক্তি এমন কথা বলেছে সে আক্ৰোশবশতঃ মনের ভুলেই চোখে ছায়াবাজীর মত কিছু দেখেছে। অথবা ইচ্ছাকৃত আক্ৰোশবশতঃই এমন কথা বলেছে।

এই চিঠিতেই রত্নেশ্বর রায় সব দায় থেকে মুক্ত হয়েছিলেন।

পাংলাবাবার চিঠি নিয়ে লোক এসেছিল এরই মধ্যে। তখনও রত্নেশ্বর আদালত থেকে দস্তুরমত নথিপত্রে লিখিতভাবে খালাস পান নি। তিনি কলকাতাতেই শয্যাশায়ী হিসেবে ঘরের মধ্যে সেরেস্তাখানা পেতে জমিদারী সেরেস্তার কাগজ বুকেছেন। সুতরাং তাঁর যাওয়া হ'ল না।

আইনের এই দায়ের বন্ধনে বাধা না থাকলে এই যাওয়া নিয়ে হয়তো সমস্তা দাঁড়াত। রত্নেশ্বর রায় যেতে চাইতেন না। এ নিয়ে একটা সংঘর্ষ বাধাও বিচ্ছিন্ন ছিল না।

তাঁর ডায়রীতে তিনি লিখেছেন—“আমি ধর্মশাস্ত্র পাঠ করিয়াছি। ইংরাজী শিক্ষাও লাভ করিয়াছি। আমি এদেশের প্রাচীনকালের মাহুদের মত অন্ধবিশ্বাসী নহি। তত্ত্বও আমি পড়িয়াছি। কিন্তু বীরাচার বা কামাচার বলিয়া বাহা প্রচলিত তাহার কল যে যাঁহাই পাইয়া থাকুক তাহা পশু বা জন্তুধর্ম। তাহা কখনও মানবধর্ম হইতে পারে না। দৃষ্টান্তস্বরূপ বলা যায় যে-কোন কর্মসিদ্ধি দুই উপায়েই সম্ভবপর, সংপথে জ্ঞান-অজ্ঞান বিচার করিয়া সেই মত কর্ম করিয়াও সিদ্ধ করা যায়; আবার অসং উপায়েও করা যায়। বিশ্বাসঘাতকতা করিয়া যুদ্ধ জয়, মিথ্যা সাক্ষ্য জোরে মামলার ডিগ্রি ইহা হামেশাই হইতেছে। যে-উপায়ে রবিনসনের উপর শোধ তোলা হইল, যে কৌশলের পথে আইনকে ফাঁকি দিয়া দে-সরকারের অত্যাচারের প্রতিশোধ লইলাম তাহা আইনসম্মত পথ নহে। কিন্তু ইহা বিষয়ব্যাপার এবং বাস্তবজীবনের ব্যাপার। কিন্তু বাহা ধর্ম বাহা ভগবৎতত্ত্ব ও সাধনা তাহা মানবের বিবেকবিরুদ্ধ অশুদ্ধ ক্লেদান্ত পথে কখনওই সমর্থনীয় নহে। ইহাকে ধর্ম-অনুসারেই পাপ বলিতে হইবে। মহাপাপ—ঘৃণ্য কর্ম—বিবেকবিরোধী চিন্তা! শতবৈক আমরা মাতৃরূপে অর্চনা করি। চতুর্ভুজেই আছে—জগত্তের নারীজাতিই তাঁহার প্রতিভূ। নারী লইয়া ব্যভিচার করিয়া বিশ্বজগতের মাতৃরূপিণী

শক্তিকে যে ব্যক্তি বন্দিরী রক্ষিতার মত আয়ত্তাধীনে পাইতে চায়, সে ব্যক্তি নরকের ক্রমিকীটের তুল্যই ঘৃণ্য। নরকের ক্রমিকীট বিষ্ঠার মত কদৰ্ঘ অভক্ষ্য বস্তু আহার করে ; মাল্লব তাহা করিতে গেলে তাহাতে তাহার অপঘাত অপস্থত্ব ঘটে। সে প্রেত !”

দীর্ঘ দু পৃষ্ঠা ধরে লিখেছেন তাঁর মনের চিন্তা। এবং বাপ মা এবং বিমলাকান্তের প্রতি কটাক্ষ করে লিখেছেন—তাঁরা কেন গেলেন, কোন মুখে গেলেন তা বুঝায় না। রায় বংশ—ভট্টাচার্য বংশের স্মৃতি থেকে এই মহাপাতকীর নাম সম্পূর্ণরূপে নিশ্চিহ্ন করে দেওয়া উচিত।

\*

\*

\*

পাগলাবাবা নবদ্বীপে পোড়া-মা ভলার কিছুটা দূরে এক পাশে একটা গাছতলায় আশ্রয় নিয়েছিলেন। বীরেশ্বর রায়, ভবানী দেবী, বিমলাকান্ত, মহেশচন্দ্র এবং সোফিয়া কলকাতা থেকে বজরা করে গিয়েছিলেন নবদ্বীপ। তবে যথাসাধ্য আত্মগোপন করে ছিলেন। মনে তাঁদেরও কিছু ছিল। পাগলাবাবার সবকিছুই তাঁরা স্বীকার করতে প্রস্তুত ছিলেন, কিন্তু ওই কলমা পড়ে মুসলমান হওয়ারটা তাঁরা স্বীকার ক’রে নিতে পারেন নি। সেই কারণে পথে বজরা থেকে নেমে নোকো নিয়েছিলেন। বজরা বাধা ছিল শান্তিপুরের ঘাটে। নোকো কলকাতা থেকেই সঙ্গে গিয়েছিল। নবদ্বীপে সাধারণ মনস্কামনা পরিপূর্ণার্থীর মত যেন ওই সিদ্ধ পাগলাবাবার কাছে এসেছেন, এই পরিচয় দিয়েছিলেন। গঙ্গার ঘাট থেকে গিয়েছিলেন পদব্রজে। বীরেশ্বর রায়ের ক্ষুদ্র একখানা গরুরগাড়ীর ব্যবস্থা করা হয়েছিল, কারণ তাঁর পক্ষাঘাতের পঙ্খ সম্পূর্ণরূপে তখনও সারে নি।

পাগলাবাবার নবদ্বীপেও খ্যাতি হয়েছিল। অনেক লোক তাঁর কাছে আসত, এখানে তাঁর নাম পাগলাবাবা ছিল না। লোকে তাঁকে ‘মা-বোলা বাবা’ বা মা-বোলা ফকীর বলত। ফকীর মানে তিনি কলমা পরে মুসলমান হয়েছেন এ কথাটা গোপন ছিল না। প্রকাশ তিনি নিজেরই করেছিলেন।

কান্নার সঙ্গে কোন কথাই বলতেন না। মৌন। শুধু মধ্যে মধ্যে বুককাটানো করণ আত্মনাদে ডাকতেন—মা, মা, মা! চোখ দিয়ে ধারা গড়াতে! বহুলোক আসত, ঘিরে দাঁড়িয়ে থাকত, প্রশ্ন করত, কিন্তু তিনি থাকতেন নীরব নিম্পন্দ। গভীর রাতে ভাঙা গলার গান শুনেছে লোকে। তাও তাতে ভাষা নেই। একাক্ষরা গান। মা-মা-মা। মা-মা-মা-মা-মা। মা!

লোকে পরসা দিয়ে যেত। পড়ে থাকত, তিনি কুড়োতেন না। খেতেন শুধু কল! কিন্তু এ সঙ্গেও দু-তিনজন ভক্ত তাঁর জুটেছিল। এদের কাছেই সামান্য কথাবার্তা বলতেন। তাও একান্তে। এদেরই তিনি বলেছিলেন—তিনি মুসলমান, তাঁর উচ্ছিন্ন যেন হিন্দু কেউ না ধায়; কেউ যেন তাঁকে প্রণাম না করে! তিনি হিন্দুই ছিলেন—কিন্তু মায়ের কোপে বিপাকে পড়ে তাঁর হিন্দু জাত গিয়েছে।

রত্নেশ্বর রায়ের কাছে বর্ণনা করেছিলেন বীরেশ্বর রায়। রত্নেশ্বর লিখে রেখেছেন নিজের জায়গীতে।

তাঁর ওই ভক্তরাই ব্যবস্থা করেছিল সাংক্ষাংকারের। তাঁরাও জানত না ‘মা-বোলা’ ফকীরের  
তা. র. ১৫—৫

সঙ্গে এঁদের সম্পর্কের কথা। এবং সোফিয়া বার্নাই গুঁদের মুখ রক্ষা করেছিল। ভক্তরাও বুকেছিল এবং তাঁরাও যাদের যাদের বলেছিল তারা জেনেছিল সোফিয়াই তাঁর আপনজন। সোফিয়ার সে সময়ের বেশভূষা লাঙ্গলমি লাগপেড়ে শাড়ী, এলো চুল, এবং প্রসাধনবর্জিত সাজ-সজ্জা কারুর মনে কোন সংশয়ই জাগতে দেয় নি। তারা ভেবেছিল সোফিয়াই ককীরের বেটা আর এঁরা তাঁর প্রসাদবন্ত ভক্ত !

দিনের আলোতে নয়, রাত্রে তাঁরা গিয়েছিলেন।

“যুদ্ধ তখন শেষ হয়েছে।” বীরেশ্বর রায় এই কথাটাই বলেছিলেন। উঠবার শক্তি তখন তাঁর ছিল না। তিনি সোফিয়াকে দেখে খুশী হয়েছিলেন, বলেছিলেন—এসেছিস মা! বস।

দীর্ঘকাল পরে হ’লেও মহেশচন্দ্রকে দেখে সঙ্গে সঙ্গেই চিনেছিলেন, বলেছিলেন—মহেশ! আঃ বাচলাম!

আমাই বীরেশ্বর রায়, পুত্র বিমলাকান্ত, কস্তা ভবানীকে দেখে কিছুক্ষণ একদৃষ্টে তাকিয়ে থেকে বলেছিলেন—লজ্জায় আমি ম’রে যাচ্ছি। জুখের আর আমার পার নেই। সামনে কত জন্ম ধ’রে যে অন্ধকার, কতকাল যে অমাবস্তা তা জানি না। কিন্তু আজ লজ্জা আমার তার থেকে অনেক বেশী অনেক বড়। তোমাদের লজ্জা দিলাম। তোমাকে বিমলাকান্তকে।—তবে—।

তবে আমি তো সন্ন্যাসী হয়ে গিয়েছি। সধক তো নেই তোমাদের সঙ্গে। তবু কমা—কমা চাচ্ছি।

ভবানী এবার এসে তাঁর মাথার শিরে ব’সে তাঁর মাথাটা কোলে নিয়ে বসেছিলেন, এবং ভেঁকেছিলেন—বাবা!

তাঁর মুখের দিকে একাগ্রদৃষ্টিতে তাকিয়ে থেকেছিলেন শ্যামাকান্ত। থরথর করে চিবুক ঠোট কঁপেছিল কিছুক্ষণের জন্ত। তারপর আবার স্থির হয়ে ঘাড় নেড়েছিলেন—না।

তারপর বলেছিলেন—সেও মরে গেছে। আমি প্রেত।

ভবানী বলেছিলেন—না। বারো বছর আমি সংসার আমি জাগ ক’রে আপনার জন্তে তপস্কা করেছি। আপনি ভালো হয়েছেন, জ্ঞান ফিরেছে। এবার আপনি আপনার তপস্কার ফল পাবেন, সিদ্ধি পাবেন।

শ্যামাকান্ত আবার ঘাড় নেড়ে বলেছিলেন—না। নরক হবে আমার। আমি দেখতে পাচ্ছি। কত জন্ম যে ঘুরতে হবে তা জানি না। ইঁা, তবে সেই দারুণ প্রহার আর করে না। গলাটা টিপে ধরে না। তবে সিদ্ধি-মুক্তিও অনেকদূর। দক্ষিণেবরে এক জন্ম-সিদ্ধ সাধক আমাকে বলেছে। লোকে তাকে এখনও চেনে নি। অল্পবয়সী পাগল পাগল মানুষ। ওখানে থাকে। পুজুরীর ভাই। সে আমাকে বলেছে। পাগলাশীটা সেই সারালে। \* সেই প্রহার থেকে মুক্তি দিলে। সে বললে—করেছিল কি পাগলাবাবা, মাকে মা চিনলি না—মেরেছেলে বলে চিনলি রে! মা বলে ডাক। মা বলে ডাক। মা-মা বলে কাদ। কিন্তু—

ঘাড় নাড়লেন শ্যামাকান্ত, অর্ধাৎ হ’ল না। বললেন—পারলাম কই? আবার ঘাড় নেড়ে বললেন—পারলাম না তো।

একটা দীর্ঘনিশ্বাস ফেলে বললেন—এই সৌন্দর্যকে প্রথম ‘মা’ বললাম। বাবা, মনে হল—সব বিশ্বাসের মধু হল—পুণিয়ার আলোর বলমল করে উঠল। মনে হল সব ভাপ জুড়িয়ে গেল। বাবা, কিছুক্ষণ পর আবার সোফির মুখের দিকে তাকিয়ে বুকেটা ধক করে উঠল। কই মা? মা কেন হবে। যুবতী রূপসী নারী। সেই মোহিনী গো। মজার কথা কি জান—সোফি লজ্জা পেলে। চোখ ফিরিয়ে অন্ধমুখে তাকালে। মনকে আমি শাসন করলাম। বললাম—মা—মা। ওরে মা!

চুপ করে গিয়েছিলেন শ্যামাকান্ত। কিছুক্ষণ পর বললেন—তাই চলছে শারাজীবন। আজও। আজও বাসনা। সে মোহিনী হয়ে ওই মেয়ের মধ্যে থেকে অহরহ ভোলাচ্ছে। কত জন্ম যে লাগবে তা জানি না। এই মরব। আজই মরব। রাত্রে অমাবস্তা লাগবে—ওই লাগবে আর মরব। ভয় করছে। মা মা বলে ডাকছি। কিন্তু মধ্যে মনে হচ্ছে আসছে জন্মে—আসছে জন্মে—বাসনা যেন পূরণ হয়। সিদ্ধি যেন পাই।

ভবানীকে দেখতে বাসনা ছিল। রায়বাবুর ঘরে ভবানীর ছবিকে তার ছবি বলে ভুল করেছিলাম। দেখি নি ওকে—তাই জানিয়েছি। কিন্তু মহেশ ওর বিয়ে কেন দিলে! না দিলেই ভাল করতে। আমার তো শুধু ওই বাসনাই ছিল না। রাজা হবারও বাসনা ছিল। আমারই বংশ হ’ল তো! যদি আমার পাপ আশ্রয় করে?

ওই প্রশ্ন করেই চুপ করেছিলেন শ্যামাকান্ত, আর কথা বলেন নি।

এই কথাই রায় বংশের গুপ্ত কথা! আর এই প্রশ্নেরই উত্তর দিয়েছে রায় বংশের বংশধরেরা পুরুষাত্মকমে।

ভবানী দেবীর পিতা, বিমলাকান্তের পিতা—শ্যামাকান্ত মুসলমান হয়ে গিয়েছিলেন। রত্নেশ্বর রায় বীরেশ্বর রায়ের আপন পুত্র হয়েও পোস্তপুত্র। সেও গুপ্ত কথা। সোমেশ্বর রায় অভিশপ্ত হয়েছিলেন। তাঁর সেই ত্রাত্যনা মনোহরা বিলাসও গুপ্ত কথা।

হঠাৎ চুপ করে গেল সুরেশ্বর। তারপর বললে—শ্যামাকান্তের শেষকৃত্য হিন্দুতে হয় নি। ভবানী দেবী বা বিমলাকান্ত অশৌচ পালন করেন নি। তাঁর শেষকৃত্য করেছিল সোফিয়া!

রত্নেশ্বর রায় ভারতীতে লিখেছেন—এই অন্ধ ধর্মবিশ্বাস মহত্মগণকে যাহুধ হইতে দেবতা করে না। পিশাচ করিয়া তোলে। ধর্মবুদ্ধিকে বিকৃত করিয়া পাপবুদ্ধি গোটা মানবসমাজকে, বিশেষ করিয়া হিন্দুসমাজকে, অন্ধকারের প্রোত করিয়া ফেলিয়াছে। ইহাকে আমি প্রত্ন দিব না। আমি জ্ঞানের আলোক হাতে লইয়া নিচরণ করিব।

যে পাপ আমাদের বংশকে আশ্রয় করিয়াছে, বলিয়াছেন ব্রাহ্ম ভাস্কর, তাহাকে মুছিয়া দিব। ইহাই প্রতিজ্ঞা করিলাম।

একটু চুপ করলে সুরেশ্বর। অনেকক্ষণ একটানা কথা বলে ক্লান্ত হয়েছে বোধ হয়। তাকলে—রঘু!

রঘু এসে দাঁড়াল। সুরেশ্বর বললে—একটু চা খাওয়া।

সুলতা বললে—বাবু তোমার আজ খেয়েছেন রঘু? না, না-খেয়ে শুধু চা খেয়েই যাচ্ছেন? না খেয়ে থাকলে খাবার দিয়ো। আমি রয়েছি, খাওয়াব। রাত্রে জন্তে কি করছ?



রঘু বললে—উ তো অর্চি দিদি করছেন। সে বহুত কিছু করছেন।

সুরেশ্বর বললে—সে কি? কি করছে?

—পহলে তো লুচি মানুষো আর মাছ বানাইবেন বললেন। তারপর বললেন—না লুচি না, ঘি-ভাত বানাইবেন। বিরজ দাদাসাহেব ভি বললেন কি হাঁ—ঘি-ভাত বানাও অর্চি। জিমিদারী গেইলো তো আজ ভোজ লাগানা!

—কি কাণ্ড! যেমন অর্চি তেমন ব্রজদা! অর্চি তো কাউকে নাড়তে ছুঁতে দেবে না। সে তো একাই সব করবে!

রঘু বললে—হাঁ, জলখাবার ভি উনহি বানাইয়ে ফেললেন। হামাকে বললেন দিবার জন্তে। খোড়া কুছ বাকী আছে। বিউ মে' চুড়া ভাজছেন। হামি চা বানাই? চা না ককি বানাইব?

অর্চনা নিজেই ঘরে ঢুকল, তার দু-হাতে দুখানা প্রেট। নামিয়ে দিয়ে বললে—খাও!

সুরেশ্বর বললে—তুই এসব শুরু করেছিস কি? আমাকে বললি সন্ধ্যার মন্ত্র স্মরণ সেয়েই এখানে এসে বসবি; তারপর এইসব শুরু করেছিস? ঘি-ভাত কে করতে বললে?

বাধা দিয়ে অর্চনা বললে—ব্রজদার সাধ হ'ল যে! বললে—অর্চি, তুই যখন কোমরে খাঁচল বেধে তরকারী রান্নাবার জন্তে হাতা-খুস্তিই ধরবি তখন ভাল ব'রেই ধর। বেশ জুতু করে রান্নাবান্না কর। বললাম—বেশ তো কি থাকে বল? বললে—দেখ জমিদারী উঠল, তার অনারে একটা ফির্ট হয়ে থাক। গুপ্তীর সকলে থাকলেই ভাল হ'ত তা ওই কমলেশ্বর খুঁড়ো দিলে সব তেতো ক'রে! তা ছোট করেই হোক—ঘি-ভাত, মাংস-মাছ-দই-মিষ্টি—ভাজা। এই বেশ হয়ে বাবে। খাইনিও অনেকদিন! দেখ ব্রজদা তোর ভাতা দেউলে রাইবাড়ীতে জন্মেও খেয়েছে প'রেছে ভাল। ওতে খেদ নেই আমার। এখন তো অন্ধ ককীর। দিনরাত মালা জপি, বলি পার কর—পার কর। আজ কেমন ঘোর লেগেছে। মনে হচ্ছে শেষ জমিদারীটা করে নি। গানের আসর পাতলে ভাল হত—তা সে হবে না থাক। খাওয়া-দাওয়াটা কর!

একটু হেসে অর্চনা বললে—কি করব? বললাম—তাই করছি। ব্রজদা বসে আছে, মাংস চড়িয়ে এসেছি, সে ব'সে ব'সে ভিরেকশন দিচ্ছে। এতে সর্বনাশ সর্বনাশ করছ কেন? ভোমরা কাহিনী বলছ শুনছ—বল, শোন—আমি এর মধ্যে সব করে ফেলছি!

সুলতা অর্চনাকে দেখছিল, নিবিষ্টচিত্তে এই মেয়েটিকে দেখছিল। সুরেশ্বর একটু আগে বলেছে তাকে যে, অর্চনা বিধবা হবার পর বি-এ পাশ করেছে। সংস্কৃত নিয়ে এম-এর কোর্স শেষ করে রেখেছে। কিন্তু অর্চনার কোথাও তার পরিচয় সে খুঁজে পাচ্ছে না। বেশভূষার রকমসকমে সেই সনাতন বাড়ালী মেয়ে; একটু আগে দেখেছে একখানা মটকার কাপড় সাদামাটা ঢঙে প'ড়ে তার উপর সেই পর্দার চাদর গায়ে জড়িয়ে কালীমায়ের পুষ্প এনে মাথার ঠেকিয়ে দিয়ে সন্ধ্যা করতে গেল। এখন একখানা নকনপাড় কাপড় পরেছে, সাদা ব্লাউস আছে কিন্তু সে নেহাতই লজ্জা-নিবারণ যাত্র, তার মধ্যে কোন সৌন্দর্য নেই। কাপড়খানার সেকলে বাড়ালীমেয়ের মত হাতের হলুদ তেলের দাপ লেগেছে। শরীর থেকে মসলার একটা

গন্ধও উঠছে।

সুলতার দৃষ্টির সঙ্গে হঠাৎ তার দৃষ্টি মিলতেই অর্চনা বললে—কি দেখছেন এমন করে বলুন তো!

হেসে সুলতা বললে—আপনাকেই দেখছি।

—আমাকে? আমার মধ্যে কি খুঁজছেন? পুরুষেরা বেহায়া। কিন্তু আপনি তো তা নন।

—এমন অসাধারণ আপনি, কিন্তু কিছুতেই ধরা যায় না, আশ্চর্য সাধারণ সেজে রয়েছেন।

অর্চনা বললে—ও নিয়ে তর্ক পরে করব। তর্ক করতে গেলে রান্না নষ্ট হবে। ব্রজদা মাংস রান্নার ডিরেক্টর, গন্ধ শুঁকে ডিরেকশন দিচ্ছে, একুনি হাতা দেবার গন্ধের ইলারা পেলে হয়তো নিজেই হাতা ধরতে উঠবে, চোখে একরকম দেখতেই পায় না। হয়তো হাত-পা পোড়াবে। কিন্তু ডাকবে না।

সুরেশ্বর বললে—তা হলে তুই যা—। ব্রজদা এমন অদ্ভুত হয়ে গেল।

অর্চনা যাবার জন্যে ঘুরেছিল, কথাটা শুনে সে ফিরে দাঁড়াল। বললে—ব্রজদা কি বলছিল জান? অদ্ভুতই বটে ও।

—কি বলছিল?

—বলছিল—অর্চনা, আমার মধ্যে মধ্যে মনে হয় কি জানিস? আমি বললাম—কি? তো বললে—দেখ আমিই সেই শ্রামাকান্ত, বুকলি ওই যে পতন হল—মরল। নরক ভোগ করে সে ঘুরছে। দু-তিন জন্ম পরে আবার রায়বংশে এসেছি। তেমনি চেহারা। গান গাইতেও পারি। তেমনি ব্যক্তিকারী ছিলাম। তেমনি রাজ্যসম্পদ ভোগের বাসনা। এই দেখ, মারটাও কেমন খেলায় দেখ, অন্ধ হয়ে গেলাম। এখন জপ করছি দিনরাত, কিন্তু করলে হবে কি, মেয়ের গলার সাড়া শুনলে জপ লুল হয়ে যায়! অল্পশৌচনারও শেষ নেই, কামনারও অন্ত নেই!

সুলতা বিস্মিত কণ্ঠে প্রশ্ন করলে—আপনার এইসব বিশ্বাস করেন না কি?

অর্চনা হেসে বললে—বিপ্লব! এ পৃথিবীর কতটুকু জানি বলুন? এ আবার পৃথিবী নয় জন্মান্তর। না হয় নাই মানলুম জন্মান্তর। কিন্তু ক্যামিলী ক্যারেকটার? হেরিডিটি? ব্রজদা যা বলেছে, তাতে এ বংশের সবাই শ্রামাকান্ত। ওই যে বসে সুরোদা—। ও সমস্ত জীবনটা একরকম ভপস্তা করে মেয়েদের থেকে দূরে থেকেছে। আপনাকে ভালবেসেছিল, সে যে কি ভালবাসা আমি জানি। আপনি হয়তো নাও জানতে পারেন। সেই সুরোদা হঠাৎ একদিন কুইনীরূপে দেখে পাগল হয়ে গেল। যখন সুরোদা রায়বংশের সব কথাই বলছে তখন এ কথাও বলবে। আমি খানিকটা আগে বলে দিয়ে যতিভক্ত, ছন্দোভক্ত করে গেলাম!

রঘু ককির কাণ হাতে ঘরে ঢুকল এবং বললে—বিরিজবাবু ডাকছেন আপনাকে।

—ওই! আমি চললাম! আমাকে ব্রজদাকে কফি দিয়ে আসিস রঘু। ঠাণ্ডা হলে গায়ে ঢেলে দেব কিন্তু।

অর্চনা চলে গেল।

সুখের খাবারের ডিস্টা এগিয়ে দিল। সুলতা কফিটা তুলে নিয়ে বললে—তুমি খাও।  
তোমার ক্ষিদে পেয়েছে আমি বুঝতে পারছি।

—উহঁ, তুমি ঠিক করেছ। কফিটা জুড়িয়ে খাবে।

—ভাল হবে, কোন্ড কফি হবে।

সুখের কফিটা নামিয়ে রাখলে কিন্তু খাবারটা টেনে নিলে না, অন্তমনস্ক হয়ে গেল।

সুলতা বললে—ভাবতে বসলে যে।

—হ্যাঁ ভাবছি। ভাবছি অর্চনা একটা কথা বলে গেল। বলে গেল কুইনির কথা। হ্যাঁ সুলতা, কুইনির উপর একটা আশ্চর্য আকর্ষণ মহুভব করেছিলাম। কিন্তু সে আর্টিস্টের আকর্ষণ একটি সুন্দর রূপের উপর। কুইনী রক্তমাংসের মানবী, সুভাষা বলব না ফুলের উপর আকর্ষণের মত। তবে তা ছাড়াও একটা কথা আছে। কুইনির কাছে আমার দেনা ছিল।

সুলতা তার মুখের দিকে সপ্রশ্ন দৃষ্টিতে তাকিয়ে রইল।

একটা দীর্ঘনিশ্বাস ফেলে সুখের বললে—১৯৩৭ সালের জানুয়ারী মাসে অতুলকাকার এবং মেজদিসির কনডিকশন হয়ে গেল, আমি তাঁদের সঙ্গে দেখা করে বাড়ী ফিরলাম। রাতে হারিস এল। বলেছিলাম তোমাকে সে যেন একটা সমন নিয়ে এল।

পরদিন ছবি ঐকব ভাবছিলাম, এমন সময় সে আবার এল হিলডার বিরুদ্ধে অভিযোগ নিয়ে, এলিয়ট রোডের বাড়ীর একখানা ঘরের উপর আর কুইনির উপর তার অধিকারের দাবী নিয়ে; আমি কথা দিয়েছিলাম, বিরক্ত হয়ে নিজেই গেলাম গোবানপাড়া। সেখানে হিলডা হারিসের মুখের উপর যে জবাব দিলে, তাতে কুইনির যাবের পিঠামহীর কলঙ্ককথা প্রকাশ করে দিলে—বললে ঠাকুরদাস পালের ছেলে গোপাল পাল ভায়সেন্টকে ভুলিয়ে নিয়ে গিয়েছিল, তারই জরিমানাস্বরূপ ওই বাড়ীখানা রায়বাহাদুর তাকে দিয়েছিলেন। দলিলে লেখা আছে—ওই বাড়ী ভোগ করবে ভায়লার গর্ভের প্রথম সন্তান। এবং তারই ছেলেমেয়েরা। ভায়লার বিয়েও দিয়েছিলেন, তাকে টাকা দিয়েছিলেন। হারিস অন্তবংশের ছেলে। মনে আছে তোমার। কিন্তু আমি লজ্জা পেয়েছিলাম। মাথা হেঁট করেছিলাম। কারণ আমি জানতাম, কুইনির মাতামহ গোপাল পালের সন্তান নয়, গোপাল পাল নিজের জন্তে ভায়লাকে নিয়ে পালান নি। তিনি তাকে নিয়ে গিয়েছিলেন, রায়বাহাদুরের জ্যেষ্ঠপুত্র রায়বংশের শ্রেষ্ঠ সুপুরুষ এবং শ্রেষ্ঠ বিদ্বৎ মর্ডার্ন ব্যক্তি দেবেশ্বর রায়ের জন্ত। রায়বংশের কলঙ্ক ঢাকা দিয়েছিলেন রায়বাহাদুর সেটাকে গোপালের উপর চাপিয়ে। আমি জানতাম বলেই লজ্জা পেয়েছিলাম। কুইনীও এসব কথার উল্লেখে স্বাভাবিকভাবেই লজ্জিত হু হুই হয়েছিল। সে এককথার হারিসকে দৃঢ়ভাবে ‘না’ জবাব দিয়েছিল। যার অর্থ আমি যাব না তোমার সঙ্গে এবং ঘরের অধিকারও দেব না, দুইই। বলেই চলে গিয়েছিল সেখান থেকে। আমি লজ্জার মাথা হেঁট করে কিরবার পথে ওই ছবিখানা কলনা করতে করতে ফিরেছিলাম। ওই পরপর উপরে উপরে তিনখানা মুখ।

প্রথমটা শ্যামাকান্তের, তার উপরেরটা সোমেশ্বরের, তার উপরেরটা দেবেশ্বরের। তারও উপরে অনেক মুখ চাপানো যার সুলতা, আমার বাবার কোঠার জাঁতুতো ভায়সেন্ট, ব্রজদার,

কার নয়, সর্বশেষ, ধনেশ্বর কার কার সেই দৈত্যাকার অর্থোন্নাদ ছেলেটির।

পুরুষ এবং নারীর এই দেহবাদের খেলা মানুষের জীবনে পাপ স্বীকৃত হয়েছে কতকাল তা জানিনে। এবং মানুষের জীবনে যখন থেকে ভালবাসা এসেছে বিবাহ এসেছে, তখন থেকে ব্যক্তিচার সত্যিই পাপ—এতবড় লজ্জাও নেই আর এতবড় ধ্বংসের বীজও আর নেই। কিন্তু পাপ বলে বড় সে বর্জন করতে চেয়েছে, তত সে-পাপ তাকে আশ্রয় করেছে বিচিত্রপথে। ধর্মের ছিন্নপথে, শক্তি ও সম্পদের সিংহদ্বার দিয়ে। রাজা-বাদশাহদের ঘরে হাজার দরুণে ক্রীতদাসী থাকত, লুটে-আনা বীন্দী থাকত। ধনশালীদের ঘরেও কম থাকত না। আবার নিছক ডাকাত বোয়েটেবাও কম যেত না। রায়বংশে এই ছোটো পথ দিয়ে প্রবেশ করেছে এই পাপপ্রবৃত্তি। একে আমি সমর্থন করব কি করে? এবং হয়তো ওই গোয়ানপাড়াতে শাড়ীপরা কুইনী আমার মনের মধ্যে এ প্রবৃত্তির স্পন্দন তুলেছিল। তাই যেন রায়বংশের বলে আমি ভয় পেয়েছিলাম। বাড়ী এসে রায়বাহাদুর রত্নেশ্বর রায়ের ডায়রী খুলে পড়তে বসেছিলাম। আগাগোড়া পড়ে জানতে চেয়েছিলাম সব।

সারাটা দিন কিছু খাই নি। ১৯৩৭-এর জানুয়ারী মাস। শীতটা একটু বেশীই ছিল। রঘুনা নান করবার তাগিদ দিলে বলেছিলাম—না নান করব না। বড় শীত পড়েছে। আর শরীরটাও খারাপ-খারাপ করছে। ভাত-টাতও খাব না। চা আর পানিটুকি দিয়ে বা এখানে; এখানেই খাব।

রঘুনা চুপ করে দাঁড়িয়েই ছিল। ওটা ওর স্বভাব। যে কথা মনোমত হয় না তার প্রতিবাদ করে না, কিন্তু কথাটা যেনে চলেও যায় না। দাঁড়িয়ে থাকে।

আমি বলেছিলাম—কি?

—ডাকডাঙ্গাবাবুর কাছে লোক ভেজি?

—না। সে শুবেলা হবে'খন।

—কুইনিন খেয়ে নেন—ইটার সাথ—। সে হুইকির বোতলটার দিকে ইঙ্গিত করেছিল। আমি সেদিন শিউরে উঠেছিলাম স্নলভা। ন'।

ধর্ম সম্পদ শক্তি তিন যখন ব্যক্তিচারে প্রমত্ত করে মানুষকে তখন ওই বস্তুটাই তার প্রথম উপকরণ। না—। খাব না।

পড়তে শুরু করেছিলাম রায়বাহাদুরের ডায়রী। এই সময় আর একজন এলেন—কালীবাড়ীর পূজক। চরণোদক এবং নির্মালা নিয়ে এসেছেন রায়বাড়ীর সবচেয়ে মোটা শরীক এবং সম্পদশালী বংশধরটিকে দেবার জন্ত।

এটার ব্যবস্থা করেছিলেন মেজদি। তিনি ধমকে বলে এসেছিলেন—রায়বাড়ীর অস্ত্র শরিকেরা ঠাকুরবাড়ী গিয়ে পাতা পেড়ে খেয়ে আসে। ও যায় না। সকলের সঙ্গে ওর তুলনা চলে না। ওকে নিত্য এসে দিয়ে যাবেন—চরণোদক পুষ্প।

কথাটা মানতেই পূজকেরা। শুধু ভয়েই নয় খানিকটা লজ্জাও ছিল। আমি কীৰ্ত্তিহাটে আসবার পর থেকে; দেবসেবার জন্তে মেজদিদি অনেক ব্যবস্থা করেছিলেন। ঠাকুরদের অভ্যর্থনা মিটেছিল।

আমি পূজককেও বলেছিলাম—না।

তারপরই বলেছিলাম—মানে, ওই তাকে রেখে যান, পরে আমি খাব। পুষ্প মাখায় ঠেকাব। এখনও স্থান করি নি, বাসি কাপড় ছাড়া হয় নি।

ধর্মের উপরে আমার সেদিন হুইস্টার চেয়েও বেশী ভর হয়েছিল। শুধু ভর নয়, বিরাগ—ভীত বিরাগ আমার মনে জেগে উঠেছিল। সম্পত্তি পূর্বপুরুষের, দেবতা তাঁরা স্থাপন করে গেছেন। তাছাড়া মনে পড়েছিল ভবানী দেবীকে। তাই ঘৃণা করতে পারি নি। মায়ুষের জীবনের বিধ বলতে পারি নি। নইলে—তাই সেদিন বলতাম উচ্চ কণ্ঠে এবং সম্পত্তি দেবোত্তর নইলে বলতাম—আর এক পরসাদ দেব না আমি পূজার জন্তে।

একটানা পড়ে গিয়েছিলাম রত্নেশ্বর রায়ের দিনলিপি মধ্যে তার বংশকথা। রায়বাহাদুর বংশকথা শেষ করেছেন শ্রামাকান্তের মৃত্যুতে। তারপর রায়বাড়ীর বিবরণ রায়বাহাদুরের নৈনন্দিন জায়গীতে তারিখে তারিখে লিখে গেছেন।

যখন শেষ করলাম বংশকথা তখন বেলা অপরাহ্নও পার হচ্ছে। অভিভূত চিত্ত নিয়ে উঠেছিলাম। চোখের উপর ভাসছিল শ্রামাকান্তের মৃত্যুদৃশ্য। কানে যেন শুনতে পাচ্ছিলাম শ্রামাকান্তের শেষ কথাগুলি।

বিশ্বের মহাশক্তিকে আয়ত্ত করতে চেয়েছিলেন তিনি সনাতনী নারীরূপে। যিনি হবেন তাঁর ভোগ্যা তাঁর দাসী। কি ভয়ঙ্কর বাসনা, কি নিঃসীম স্পর্ধা।

প্রচণ্ড আঘাতে বারবার আহত হয়েছেন—শক্তি বাঘিনীর শিকার নিয়ে খেলার মত নিষ্ঠুর খেলা খেলেছে, বারবার তিনি মা বলতে চেয়েছেন, গড়িয়ে পড়তে চেয়েছেন, কিন্তু তাঁর কামার্ত শক্তি পিপাসার্ত চিত্ত বারবার ‘না’ বলেছে। মৃত্যুকালেও তিনি অকপটকণ্ঠে স্বীকার করে গেছেন! বলে গেছেন আবার তাঁকে আসতে হবে বাসনা পূর্ণ করতে। মহেশ্বরকে বলে গেছেন—ভবানীর বিবাহ দিয়ে অস্তায় করেছ। তার গর্ভের সন্তানহুত্রে বংশেও এই বাসনা অর্শাবে।

রায়বাহাদুর দৃঢ়সংকল্প করেছিলেন, তাঁর বংশপরিচয়ের শেষে রয়েছে—আমি এ পাপকে মুছে দিয়ে যাব!

কিন্তু তা হয় নি!

বেদনা ভারাক্রান্তচিত্ত যেন শ্রান্ত হয়ে পড়েছিল। রঘুকে ডেকে বলেছিলাম—ওই ছত্রিশের ইজিচেরার পেতে দে। নিজে বেরিয়ে এসে দাঁড়ালাম ছত্রিশেরে। শীতের অপরাহ্নে সন্ধ্যার সেদিন আকাশটা গাঢ় লাল হয়ে উঠেছিল। সন্ধ্যা হতে তখনও আধঘণ্টা দেরী, কিন্তু সূর্য তখনই যেন আবারের খালার মত হয়ে উঠেছে। ছত্রিশেরের মাথা থেকে পশ্চিমদিক অব্যাহত। একটা শালবন আছে। তার ওপারে দিগন্ত একেবারে কীসাইয়ের বাকের ওপার পর্যন্ত দেখা যায়।

ছত্রিশেরে চেরার পেতে ওইদিকে তাকিয়ে মনটা খানিকটা শ্রীত হল। নিজে ছবি আঁকি—রঙের নেশা ধরল। আমার কণ্ঠবিস্তৃত হৃদয়ের মত রক্তাক্ত হয়ে উঠেছিল বললে অর্থহীন কাব্য করা হবে। এবং তা ভাবিও নি। তবে চোখছড়োনো লালচে আকাশের দিকে তাকিয়ে মন

খানিকটা স্থল হল।

কেমন জান—খুব একটা তীব্র শোকার্ত ক্ষোভ শাস্ত হয়ে এলে যেমন হয় তেমনি। রঘুকে বললাম—কফি করে নিয়ে আয়।

মনে পড়ল মেজদিকে—তিনি থাকলে একটা সহজ সাক্ষন! দিতে পারতেন। হয়তো বলতেন—ওরে তুই ভুল বুঝেছিল—আমাকান্ত মুক্তি পেয়ে গেছেন, সিদ্ধি পেয়েছেন—ছেলের মতই মা তাঁকে কোলে তুলে নিয়েছেন।

না-হয় বলতেন—ওরে ভাই, জগৎশুদ্ধই ওই চলছে রে। কম আর বেশী। বেশ তো, তুই না-হয় এর প্রায়শ্চিত্ত কর। মুক্তি দে রায়বংশকে! দীক্ষা নে—মা তাব জগৎ-সংসারকে।

রামকৃষ্ণদেবের কথা বলে বলতেন—স্বয়ং পরমহংসদেব ঠাকুর আমাকান্তের মাথার হাত বুলিয়ে দিয়েছিলেন। ও কি মিথ্যে হয়!

না-হয় একটা লাগ-সই রসিকতা করতেন।

হঠাৎ পায়ের শব্দ শুনে কিরে তাকালাম। পায়ের শব্দটা নরম। তার সঙ্গে কাপড়ের খসখস শব্দ। দেখলাম অর্চনা এবং তার পিছনে কেউ!

অর্চনা সেই কাল রাতে মেজদিকির জন্তে কৈদে চলে গেছে। তার সঙ্গে তার বিয়ের সম্বন্ধের সংবাদটাও দিয়ে গেছে। আমি বলেছিলাম—তুই ভাবিসনে, জগদীশ কাকার কাছে গিয়ে আমি তাঁকে বলে এর ব্যবস্থা করব। ওই বউ-মন্ডা দারোগা পাত্রের সঙ্গে বিয়ে দিতে দেব না। আমি সম্বন্ধ করব—টাকাকড়ি যা লাগে ভার আমার। কিন্তু আজ সারাটা দিন তা মনে পড়ে নি। রায়বংশের পুরুষদের পাপের কথা ঘেঁটেই দিন শেষ করেছি। হয়তো তাই বলতে এসেছে। জগদীশকাকার অনন্দের কথাটা নিয়ে অনেকদূর এগিয়েছে।

একনজর দেখেই আমি মুগ্ধ ক্রলালাম। সামনের দিকে তাকিয়ে বললাম—আর!

অর্চনা বললে—তোমার শরীর না কি ভাল নেই? জান কর নি—সারাদিন খাও নি?

বুঝলাম রঘু বলেছে। কথাটা স্বীকার করে নিয়েই বললাম—হ্যাঁ।

—গোবিন্দপাড়ার কুইনী এসেছে। আমার কাছে গিয়েছিল। তোমাকে কি বলবে।

—কুইনী?

—হ্যাঁ। এই তো আমার সঙ্গে।

এবার উঠে দাঁড়িয়ে ফিরে তাকালাম—পূর্বমুখে, ওরা পশ্চিমদিকে মুখ করে ছত্রিঘরে চুকেছে। অর্চি আগে, কুইনী পিছনে একটু দূরে। সত্ৰম করে অর্চির সঙ্গে এগিয়ে আসতে পারে নি। আমার সম্ভতির অপেক্ষা করছে। তাতে ছত্রির ছাদের ছায়াটা ওর মুখে বা গায়ে পড়ে নি, আকাশের লাল রঙের প্রতিকলন পড়েছে। স্ত্রীমবর্ষা মেয়েটিকে বড় চমৎকার লাগল। ওবেলার মত নয়, এবেলা সে একটু পরিচ্ছন্ন হয়ে এসেছে। কৃষ্ণান ঘরের মেয়ে, ওরা আমাদের বাড়ালী হিন্দুদের থেকে আগেই কেরতা দিয়ে কাপড় পরে। ১৯৩৭ সালে তখনও আমাদের মেয়েরা কাপড় পরার এ ভঙ্গি আটপৌরে করে তোলে নি। এমন রুখু চুল তখনও রেওয়াজ হয় নি। কিন্তু ওদের সমাজে এটা তখন আটপৌরে ব্যাপার।

তাছাড়া রূপ শুধু চোখই দেখে না, মনও দেখে। আমার মনটাই সেদিন কুইনীর উপর যমতাহর হয়ে ছিল। ওর সঙ্গে যেন রক্তের আকর্ষণ অদ্ভুতব করছিলাম। পরিপূর্ণ গোধূলি আলোর একটা বিশেষ রূপ আছে, যাকে বলে ‘ক’নে-দেখা আলো’। কালো মেয়েও নাকি এ আলোয় সুন্দরী হয়ে ওঠে। তাই হয়েছিল কুইনী।

অর্চনা বললে—এস কুইনী!

কুইনী বললে—নমস্কার স্তার।

—কি খবর কুইনী? হ্যারিস কি আবার গোলমাল জুড়েছে?

—না স্তার। সে চলে গেছে।

—এস ভেতরে এস।

বসতে দেবার আসন ছিল না, আমি হেঁকে বললাম—রঘু দুখানা বেজের চেয়ার আন।

অর্চি বললে—আমি যাচ্ছি। পাঠিয়ে দিচ্ছি। আর খাবার কি আছে দেখি। রঘু বলেছে তুমি সারাদিন ছুটুকরো পাউরুটি খেয়ে আছ। শরীর খারাপ তবু ডাক্তার ডাকতে নাও নি। আমি বুঝতে পারছি—মেজদির দুঃখ নিয়ে মাথা ভার করে মন খারাপ করে বসে আছ। পুরনো কাগজ ঘাঁটিছ, কি খুঁজছ তুমিই জান।

সে চলে যেতে যেতে বললে—কুইনী যা বলবে তা তোমাকে গোপনে বলবে। তার জন্তেই আমার কাছে গিয়েছিল। তুমি বল কুইনী, আমি ভিতরে যাচ্ছি। কথাটা তুমি মেনে নাও।

বুকেটা ধক ক’রে উঠল। গোপনে কুইনী কি বলবে? সে কি জানে তার সঙ্গে রায়-বংশের সম্পর্কের কথা? তার মুখের দিকে আমি একদৃষ্টে তাকিয়ে ছিলাম। সে দৃষ্টি তার রূপ দেখবার দৃষ্টি নয়, তার মন দেখবার দৃষ্টি!

কুইনী কাপড়ের ভিতর থেকে একখানা পুরনো বড় খাম বের করলে।

আমি জিজ্ঞাসা করলাম—কি ওগুলো কুইনী?

কুইনী মুহূর্তের বললে—এলিগট রোডের বাড়ীর দলিল আর তিনখানা চিঠি আছে এর মধ্যে। মা আমাকে মরবার সময় দিয়ে গিয়েছিলেন। আপনি পড়ে দেখবেন।

হাতে ক’রে নিয়েও আমি বললাম—হ্যারিস যদি চলে গিয়ে থাকে তবে দলিল দেখার কি দরকার আছে? যদি মামলা-মকদ্দমা করে তখন দেখব বরং!

কুইনী মুহূর্তের কথা বলছিল, কিন্তু আমার দিকে তাকিয়েছিল পূর্ণ দৃষ্টিতে। কোন সঙ্কোচ—যে সঙ্কোচ দরিদ্রের থাকে—খনির কাছে, নারীর থাকে পুরুষের কাছে, তার একবিন্দু ছিল না তার দৃষ্টিতে। সে বললে—কিন্তু পড়ে দেখলে আমি খুশী হব!

—বেশ তাহলে পড়ব।

—তাহলে আমি বাই।

—সে কি? অর্চি আহুক।

—না। আমি খাই। সন্ধ্যা হয়ে আসছে, ওপারে যেতে হবে। দেবী হয়ে যাবে। আমি অর্চিদিকে বলে বাব।

সে চলে গেল—আমি দাঁড়িয়েই রইলাম। শীতের সন্ধ্যার মুখটার সূর্য অত্যন্ত দ্রুত অস্ত অস্ত যায়। ওই অস্তমান সূর্যকে সামনে রেখেই সে চলে গেল কাসাইয়ের গর্ভে নেমে। পিছন দিক থেকে একটা শিলুটের ছবির মত মনে হচ্ছিল। অর্চনা এসে বললে—আর বাইরে না। এর মধ্যেই কনকনে ঠাণ্ডা পড়ছে। ভেতরে এস, ঠাণ্ডা লাগবে। কি দেখছ?

আঙুল দেখিয়ে বললাম—কুইনী যাচ্ছে। শিলুট ছবির মত।

অর্চনা বললে—মেয়েটা ওদের পাড়ায় খাপ খায় না।

—কি করে খাবে। ও শিক্ষিত। তা ছাড়া ও তো বাঙালীই। তারপর যে কথাটা জিন্ডের ভগায় এসে পড়ল তা বলতে গিয়ে থমকে গেলাম। বলতে পেলাম ও বাঙালীই শুধু নয়, ওর মধ্যে রায়বাড়ীর রক্তের সংশ্রব আছে।

আমার থমকে যাওয়াটা এত সুস্পষ্ট যে তা অর্চনার নজর এড়ায় নি। সে বললে—আর কি বল তো?

উত্তর খুঁজে যা পেলাম সে আর্টিস্টের উত্তর, বললাম—মেয়েটি বড় ভাল মডেল।

—মডেল? মানে ছবির?

—হ্যাঁ। ফিগারটি বড় ভাল। গোথুলির আলোর ও দাঁড়িয়েছিল দেখেছিলি?

—দেখেছিলাম। কিন্তু ওসব মতলব ছাড়। কেলেঙ্কারির বাকী রাখবে না লোকে।

—বলেছিলাম—না। সে মতলব নেই। চল।

অর্চনা যে বলে গেল সুলতা, আমি কুইনীকে একদিন দেখে পাগল হয়ে গেলাম, সে ধারণার বীজ এইদিনটির এই ঘটনা। তবে—

একটু চুপ করে থেকে সুরেশ্বর বললে—তবে একেবারে সত্য নয় এও আমি বলব না! সত্য কিছুটা আছে বৈকি। এইলে ওর ঋণশোধের জন্তে এতখানি হয়তো আশি করতাম না!

—ঋণ? সুলতা প্রপ্ন করলে।

সুরেশ্বর বললে—রায়বংশের বা আমার পিতামহের ঋণ!

—সেদিন যে পুরনো খামটা আমার হাতে সে দিয়ে গিয়েছিল, সন্ধ্যার পর সেখানা থেকে বের করেছিলাম তার মধ্যে যা আছে সব। একখানা দলিল। দলিলদাতা রায়বাহাদুর রত্নেশ্বর রায়। গ্রহীতা ভায়োলেট পিঙ্কস যা দান করেছেন সে হল এলিয়ট রোডের বাড়ী।

দলিলখানায় বিশেষ কিছু নেই। বাড়ীটি ভায়োলেট পিঙ্কসের প্রথম গর্ভজাত সন্তান রোজারিও পিঙ্কসের সন্তান সম্ভবিতা পাবে। ঈশ্বর-না-করুন যদি রোজারিও বা তার সন্তানের বংশ না থাকে তবে ওই বাড়ী কুশান আইনমতে তার অস্ত উত্তরাধিকারী পাবে। দানের কারণ হিসেবে লিখেছেন—ভায়োলেট পিঙ্কসের পিতা পিঙ্কস এবং তার ভাই পিঙ্কস একসময় বীরেশ্বর রায়, রত্নেশ্বর রায়কে বিপদ থেকে উদ্ধার করেছেন।

সংক্ষিপ্ত কয়েকটি ছত্র। এর মধ্যে কীক আছে। সে কীক মারবার বা গোপন করবার



জন্ত কোন চেষ্টা করেন নি। ফাঁকটা এই স্থলতঃ যে, ভায়োলেটের বাপ-ভাইয়ের উপকারের মূল্য হিসেবে যে বাড়ী দান করছেন, সে বাড়ী ভায়োলেটকে দান করছেন না কেন বা তার পক্ষে রোজ্জারিওর পরে যারা আসবে তারাই বা পাবে না কেন? গোপাল পাল বা ঘোষের নাম দিলে নেই।

এরপর ছিল দুখানা চিঠি।

একখানা রায়বাড়ীর এটর্নীর চিঠি। তিনি ভায়োলেটকে লিখছেন—রোজ্জারিও পিফ্রসের মা হিসেবে। লিখছেন—“ম্যাডাম, তোমার ছেলে রোজ্জারিও পিফ্রসের লেখাপড়া এবং শিক্ষাকাল সম্পূর্ণ না হওয়া পর্যন্ত ভরণপোষণের জন্ত আমার মজল মিং ডি রায় (জানবাজার-বাসী) সর্বদাপক্ষে মাসিক একশত টাকার ব্যবস্থা করেছেন। এবং আপনার নিজের জন্ত আজীবন মাসিক পঞ্চাশ টাকারও ব্যবস্থা করে আমাদের নির্দেশ দিয়েছেন। রোজ্জারিও পিফ্রস সম্পর্কে শর্ত এই যে, রোজ্জারিওকে কোন উপযুক্ত মিশন খুলে পড়তে হবে, থাকতেও হবে খুলসংলগ্ন বোর্ডিং বা অপর কোন উপযুক্ত মিশন বোর্ডিং। এই খরচ সে তার আঠার বছর বয়স পর্যন্ত পাবে। কোন কারণেই লেখাপড়া ছেড়ে দিলে এ খরচ সে পাবে না। আপনার সম্পর্কে কোন শর্ত নেই। আপনি এই ৫০ টাকা বৃত্তি আজীবন পাবেন। আপনি রোজ্জারিও পিফ্রসকে সঙ্গে নিয়ে আমাদের আগিসে এলে এ সম্পর্কে ব্যবস্থা করা হবে।”

দ্বিতীয় পত্রখানা—আমার ঠাকুরদা দেবেন্দ্র রায়ের নিজের হাতে লেখা এবং লিখেছিলেন ভায়োলেট পিফ্রসকে।

সোজা ভায়োলেট সন্ধান। ম্যাডাম নয়, প্রিয় নয়—My dear madam তো নয়ই। শুধু—ভায়োলেট!

তোমার পত্র পেয়েছি। রোজ্জারিও লেখাপড়া ছেড়েছে সেই কারণে তার মাসিক খরচ বন্ধ হয়েছে। এই শর্তেই তাকে খরচ দেওয়া হ’ত। আমি অত্যন্ত দুঃখিত ভায়োলেট যে, রোজ্জারিও সম্পর্কে সমস্ত ব্যবস্থা করা সম্বন্ধে সে এই বয়সেই এমন দুর্দান্ত হয়ে গেল। তাকে শিক্ষিত এবং মার্জিতরূচি করে তুলতে আমার দায়িত্ব আমি পালন করেছি, এ মনে করেও সাধুনা পাচ্ছি না। তোমার সম্পর্কেও তাই ভায়োলেট। আমি তোমার সম্পর্কেও সকল খবর রাখি। আমি কিছুতেই ভুলতে পারি না যে একদিন তুমি সত্যি আমাকে ভালবেসেছিলে। এবং আমিও সে-সময়ে তোমাকে ভালবাসতাম। সঙ্গে সঙ্গে এটাও ভুলতে পারি না যে, তুমি এবং আমি পরস্পর থেকে দূরে সরে গিয়ে ভালই করেছি। না-হলে দুজনেই নিঃস্বস্তর যন্ত্রণা ভোগ করতাম। ঈশ্বরে আমি বিশ্বাস করি না। তবুও এক্ষেত্রে এই কথাটা ছাড়া আর কথা খুঁজে পাচ্ছি না যে, ঈশ্বর বা করেন তা’ মজলের জগ্রেই করেন। তোমার আজকের দুঃখদুর্দশা এ সবই তোমার কর্মফল। এর দায় বিন্দুমাত্র আমার নেই। তবু পুরনো দিনের কথা স্মরণ করে এ মাস থেকে তোমার ৫০ টাকা বরাদ্দ বাড়িয়ে ১০০ টাকা করে দিলাম।

রোজ্জারিওর প্রতি কর্তব্য আমি অবশ্য অস্বীকার করব না। সে লেখাপড়া করলে না। আমি খবর নিয়েছি শিক্ষকেরা তার সম্পর্কে কোন আশা করেন না। এবং তারা তাকে ইচ্ছলে রাখতেও রাজী নন। এক্ষেত্রে আমি মনে করি তাকে এই সময় থেকেই কাজের মধ্যে টেনে

আনা উচিত। কাজ করতে করতে সে কাজের মাহুয হয়ে উঠতে পারে। তুমি তাকে আমাদের রে এ্যাণ্ড কোম্পানী—সোয়ালো লেন ঠিকানায় পাঠিয়ে দিও, আমি তাকে চাকরী দেব। সে এখন মাসে ৮০ টাকা পাবে। এবং তাকে বলে দিও, কাজে পাকিলতি হলে কাজ থেকে কোম্পানী যে কোন মুহূর্তে ছুঁড়ে ফেলে দেবে।

পুরনো কটিনিনের স্মৃতিকে মনে করে তোমাকে আন্তরিক সহানুভূতি জানাচ্ছি।”

আরও একখানা চিঠি ছিল। সেখানা রে এ্যাণ্ড কোম্পানীর অফিসের চিঠি। চিঠিখানা মিসেস পিক্সেসের নামে। অত্যন্ত সংক্ষিপ্ত চিঠি।

“মিস্টার রোজারিও পিক্সেসের আকস্মিক মৃত্যুতে আমরা অত্যন্ত দুঃখিত হয়েছি। সে আমাদের একজন অত্যন্ত বিশ্বস্ত কর্মচারী ছিল। কোম্পানী তার এই অকালমৃত্যুর কথা বিবেচনা করে তার একমাত্র কন্যার ভরণপোষণ এবং পড়াশোনার জন্য ব্যবস্থা করতে চায়। তুমি এর জন্য অগ্রহহ করে আমাদের এ্যাটর্নীর সঙ্গে দেখা কর।”

\*

\*

\*

চিঠি ক’খানা পড়ে আমি বিস্মিত হলাম সুলতা।

রায়বংশের সঙ্গে সম্পর্কের কথা কুইনী জানে!

সঙ্গে সঙ্গে মনে হয়েছিল কি জানি? মনে হয়েছিল এইচমৎকার মেয়েটি কুইনী আমার আপনার লোক। বারবার তাকে মনে পড়েছিল।

সুলতা, কুইনীকে প্রথম দেখেছিলাম মাস কয়েক আগে সেটেলমেন্ট ক্যাম্পে হিলডার সঙ্গে। তখন সে ক্রক পরত। নিতান্ত কিশোরী মেয়ে। তার কোন আকর্ষণই ছিল না। তারপর এতদিন পরে আগের দিন এবং আজ তাকে দেখলাম, সে শাড়ী পরেছে। একটা নারীত্বের আকর্ষণ এসেছে বটে, কিন্তু তার মতো যে মোহে পুরুষ মুগ্ধ হয়ে ছুটতে চায়, সে মোহ তখনও তার ছিল না।

অর্চনা বলে গেল, তাকে একদিন দেখেই আমি পাগল হয়েছিলাম, সেটা ঠিক নয়। ওটা ওর ভুল ধারণা।

সেদিন রাতে আমি ঘুমুতে পারিনি সুলতা! শুধু এই কথাটাই মনের মধ্যে ঘুরেছিল। কথার সঙ্গে কুইনী। বারবার তাকে মনে পড়েছিল। যতবার মনে করেছি ততবার অপরাধীর মত লজ্জাবোধ করেছি। মেয়েটি ওই দলিল এবং পত্র দুখানা দিয়ে কিছু না বলে চলে গেল। কিন্তু তার মধ্যে কিছু বলে গেল নিশ্চয়। সেটা কি—তা বুঝতে পারছিলাম না। একবার মনে হ’ল আমি যেমন একটি মমতা অমুভব করলাম, তেমনি কিছু বোধ থেকেই সে দিয়ে গেল! পরক্ষণেই মনই প্রতিবাদ করলে—না,—প্রচ্ছন্নভাবে তিরস্কার করে গেল। ঘৃণা জানিয়ে গেল। হয়তো কোন দাবী জানিয়ে গেল।

শেষপর্যন্ত শেষেরটাই মনে হল। তাই তো স্বাভাবিক। আমার থেকে ধনী যারা তাদের আচার-আচরণ বংশের ইতিহাসের আলোচনা তো ঘণার সঙ্গেই আমিও করে থাকি। তবে কুইনীই বা করবে না কেন? এটা সর্বকালের মনের কথা—কিন্তু একালে মন যেন উগ্র হয়েছে।

আগের কালে একথা মনেই থাকত। নালিশ জানালে ভগবানের কাছে জানাতো। একালে হয়তো সরাসরিই নালিশ জানিয়ে গেল মেয়েটি।

এরই মধ্যে একটা ঘেন পরিজ্ঞানের পথ পেলাম। পথটা সহজ, এই সংসারের প্রচলিত পথ। অর্থ দিয়ে ঋণ শোধ। এ ছাড়া আর পথই বা কি ?

একবার মন হ'ল কিছু টাকা কুইনীকে দেব। বলব—এটা তোমার পাওনা রায়বাড়ী থেকে, তুমি নাও।

আবার মনে হল—না। টাকা নয়, কুইনী যাতে সত্যি মানুষ হয়ে ওঠে তার ব্যবস্থা করব। ম্যাট্রিক পাশ করুক। হিলাডা বলছিল, ওকে মেদিনীপুর কৃষ্ণান মিশন গার্লস স্কুলে ভর্তি করে দেবে, সেখানে খরচ লাগলে দেব। আর মায়ের নামে গার্লস স্কুলের বাড়ী তৈরী হয়ে গেছে—সেটাকে তাড়াতাড়ি ওপেন করিয়ে দিই। কুইনী ম্যাট্রিক পাশ করলে ওই স্কুলে চাকরি দেব।

কলকাতায় কৃষ্ণান সমাজে দুটো ভাগ আছে। একটা ভাগে বিশিষ্ট ব্যক্তি আছেন। তাঁদের সমাজ আলাদা। তাঁরা বাঙালীই। আর একটা সমাজ আছে—এলিয়ট রোডের এলাকাতোই এদের ভিড়—তারা কৃষ্ণান, কিন্তু বাঙালী নয়, ভারতীয়ও নয় আবার ইংরেজও নয়। সেখানে গিয়ে ঘেন কুইনী হারিয়ে না-যায়। ভেবে ঠিক করছিলাম পরের দিন সকালে উঠেই বাব গোয়ানপাড়ায়, কুইনীকে ডেকে বলব—কুইনী, তোমার কাছে আত্মীরের দাবী নিরেই কয়েকটা কথা বলব। তুমি শোন !

সকালে উঠেই গুনলাম রাত্রে একটা ছাকামা হয়ে গেছে। অতুলকাকার এবং মেজদিদির মামলায় সরকারী পক্ষে সাক্ষী দিয়েছিল ছত্রিদের ছেলে শিবু সিং, তাকে কেউ জখম করেছে। তাকে অজ্ঞান অবস্থায় পাওয়া গেছে তাদের গ্রামের ধারে একটা জঙ্গলের মধ্যে। তার ডান হাতের বক্সির নিচে থেকে আঙুল সমেত হাতখানা প্রায় সম্পূর্ণ কেটে গেছে—সামান্য মাত্র চামড়ায় লেগে আছে।

শিবু সিং রাত্রে শৌচে উঠেছিল। ওদের বাড়ী গ্রামের প্রান্তে। বাড়ীর পরেই একটা পুকুর, সেই পুকুর পাড়ে জঙ্গলের মধ্যে শৌচে বসেছিল। এ ধরনের আক্রমণের ভয় তখন যথেষ্ট ছিল মেদিনীপুরে। গোটা মেদিনীপুরে পেড়ি, ডগলাস বার্জ মার্ভার কেসে সরকার সাক্ষী পান নি।

মেদিনীপুর কলেজিয়েট স্কুলের হেডমাস্টার, এ্যাসিস্ট্যান্ট হেডমাস্টার পুলিশের কথামত সাক্ষী দেন নি বলে টাইবুন্সাল বার্ষ হরেছে। আর একটা কেসে নাড়াখোল খা রাজাদের এক কর্মচারীর ছেলে সাক্ষী ছিল, কিন্তু রাজাসাহেবের নির্দেশে ছেলের বাপ তাকে উণ্টো কথা বলিয়ে কেস নষ্ট করে দিয়েছে। সেই মেদিনীপুরে, শিবু সিংয়ের বাপ সরকারী দফাদার হরি সিং পনোরজির লোডে আর রায়বাবুদের ওপর বংশগত আক্রোশের বশে ছেলেকে উদ্বেজিত করে সাক্ষী মিইয়ে, এ সম্পর্কে চিন্তিত এবং সতর্ক ছিল না, তা নয়, খুব সতর্কই ছিল। ছেলের সঙ্গে হরি সিং পাহারা দিতেও এসেছিল। এবং দাঁড়িয়েছিল জঙ্গলের বাইরে একটু দূরে।

হঠাৎ ছেলের চিংকার শুনে বাপ ছুটে যখন গেল তখন জঙ্গল ঠেলে বেরিয়ে চলে যাচ্ছিল

কেউ। পিছন থেকে দেখেছে, চিনতে পারে নি। শিবু তখন পড়ে কাতরাচ্ছে; তার হাতখানা পড়ে আছে মাটির ওপর।

আর পড়ে আছে একখানা কুকরীর খাপ। আনকোরা নতুন। সেই খাপখানা নিয়ে পুলিশ এসেছে ওবাড়ী। খাপের চামড়ার ওপর কালী দিয়েই মালিক নাম লিখেছে শখ করে; নামটা জগদীশ্বর রায়।

সুলতা, জগদীশ্বর কাকার কথা বলেছি। অর্চনার বাবা; সব দুদিন ফিরেছেন তীর্থ থেকে। কোন তীর্থ থেকে শখ করে তিনি কুকরী কিনে এনেছিলেন, এবং খাপটার উপর নিজেই শক্ত কলমে কালী বুলিয়ে বুলিয়ে নাম লিখেছিলেন। এ খাপ্ সেই খাপ্।

বুকটা আমার কেঁপে উঠল সুলতা।

ছুটি নাম এবং অসংখ্য প্রশ্ন মনের মধ্যে একসঙ্গে জেগে উঠল। জগদীশ্বর কাকার কুকরীর খাপ! অর্চনা তাঁর মেয়ে। অতুলের সহকারিণী! তারপর অসংখ্য প্রশ্ন। কিন্তু সে-সব প্রশ্ন ঢাকা দিয়ে অর্চনাকে নিয়ে প্রশ্ন উঠল বড় হয়ে। তাই বা কেন, ওই প্রশ্নটাই একমাত্র প্রশ্ন হয়ে উঠল। এবার শুকে বাঁচাব কি করে? এ কাজ কে করেছে সে জানে ওই সর্বনাশী মেয়েটা এবং কুকরীটা যে সেই বের করে দিয়েছে, তাতে কোন সন্দেহই ছিল না আমার।

অর্চনা পুরনো শ্ৰাণ্ডাধরা রায়বাড়ীর মেয়ে হয়েও এ-কালের মেয়ে। অতুলের সহযোগিণী হিসেবে যা করেছে তা জানি আমি। সেদিন রাতে ছাদের আলসেতে দাঁড়িয়ে আমাকে খাস কাছারীর কোথায় কি লুকোনো আছে তা বলে দিয়েছিল, সে সব মনে পড়ল আমার। মন থেকে সব মুছে গেল, ছুটে গেলাম ভিতর বাড়ী।

সেখানে গিয়ে দেখলাম, একজন ইনস্পেকটর এসে বসে আছেন। সঙ্গে একদল দশ-পনেরজন কনস্টেবল। চতুরঙ্গ-বাছিনী নিয়ে আসবার সুরোঁগ হয় নি। ভোরবেলা খবর পেয়ে হরি সিংহের বাড়ী এসে সমস্ত দেখে, শিবুকে হাসপাতালে পাঠিয়ে দিয়েই, ওই খাপটার জগদীশ্বর রায়ের নাম পেয়েই সরাসরি চলে এসেছেন। জগদীশ্বর রায়কে আর্রেস্ট করে নিয়ে যাবেন। তার যে ছেলে কটার বারো বছর বের বয়স তাদেরও ছাড়বেন না।

এ বাড়ীকে বিশ্বাস নেই। শুধু ছেলেরাই নয়, এ বাড়ীর গৃহিণীও এতে জড়িয়ে আছেন, এ প্রমাণিত হয়ে গেছে।

শিবু তার একজাহায়ে বলেছে যে, আমি শোঁচে বসেছি সেই সময়ে কোপের ভিতর থেকে একজন মুখে কেটা বাঁধা লম্বা রোগা লোক কেরিয়ে আসে, আমি তাকে দেখেই উঠে দাঁড়িয়ে চিংকার করতে থাকি, তখন লোকটা হাত তুলেছে উপরে চমকে দেখলাম হাতে একটা দায়ের মত কিছু চক্চক্ করছে। মাথার মারবে বলে লক্ষ্য করেছে দেখে আমি জান হাতখানা তুলে ছিলাম রক্তবার জন্ত—আঘাতটা পড়ল হাতের উপর। আমার চিংকারে বাবা ‘কি হ’ল’ বলে ছুটে আসতে আসতে লোকটা এদিক দিয়ে বেরিয়ে চলে গেল। তাকে চিনতে আমি পারি নি। তবে লোকটি অল্পবয়সী ছেলেছোকরা নয়, বয়স হয়েছে, আর তার গায়ে মদের গন্ধ ছিল।

বিবরণ প্রায় বারো আনা জগদীশ্বর রায়ের সঙ্গে মিলে যায়। তবে জগদীশ্বর কাকা রোগা নন, তার শরীর এখন বে রকম, তাতে তাঁকে সুলকান্নাই বলা যায়।

এ ছাড়া আরও একটা জায়গায় গরমিল হচ্ছে। সেটা হ'ল এই যে, গতকাল সকালবেলা থেকেই রায়বাড়ীর বড় মেজন্তরক অর্থাৎ শিবেশ্বর রায়ের প্রথমপক্ষের সন্তানদের কেউই বাড়ীতে নেই। তাঁরা সকালে এখান থেকে বেরিয়ে গেছেন। বাড়ীতে নেই। তাঁরা গেছেন তাঁদের মামার বাড়ী। হাওড়া জেলার 'বাগনান' স্টেশনে নেমে মাইল দেড়েক পথ; প্রাচীন জমিদার বাড়ী; তাদের বাড়ীতে 'রটন্তী কালী' পূজা হয় সমারোহ করে।

হয়তো তুমি জানো না সুলতা, রটন্তী কালীপূজা হয় মাঘ মাসের প্রথম কৃষ্ণ চতুর্দশীতে। কৃষ্ণপক্ষের চতুর্দশী ছিল ঘটনার দিন।

ধনেশ্বর কাকা এবং জগদীশ্বর কাকার মামাতো দুই ভাই শুধু জমিদারসন্তান নন, তাঁরা সরকারী চাকরিতে দিকপাল ব্যক্তি। বড় ভাই ডেপুটি ম্যাজিস্ট্রেট থেকে ম্যাজিস্ট্রেট হয়েছিলেন। তিনি রায়বাহাদুর, ছোটভাই আর্মিতে ডাক্তার হিসেবে মেজর হয়েছিলেন। দুজনেই বসবাস করেন কলকাতায়, কিন্তু রটন্তী কালীপূজায় তাঁরা সপরিবারে আসেনই আসেন। এই কালী-পূজার উপর তাঁদের অশ্রদ্ধা ভক্তি। রায়বাহাদুর—মেজর সে যাই হয়ে থাকুন—তা এই মায়ের রূপায়, এ বিশ্বাস তাঁদের হিমালয়ের মত দৃঢ়। তাঁদের জীবনে নজীর আছে, যে যখনই তাঁরা বিপদে পড়েছেন, তখনই এই দেবতাটি তাঁদের রূপা করেছেন। সেই রূপায় তাঁরা অনায়াসে উত্তীর্ণ হয়ে গেছেন। এবং যেবারই কোনপ্রকারে কোন অঙ্গহানি বা অবহেলা হয়েছে সেইবারই তাঁরা বিপদে পড়েছেন।

ছোটভাই মেজর সাহেব একবার বলেন, পেশবারে তখন পোস্টেড তিনি, তাঁর পূজার তারিখ ভুল হয়ে গিয়েছিল। তিনি তখন সববার আসতে পারতেন না, কিন্তু পূজার দিনে নিরঙ্ঘ উপবাস করতেন। তারিখ ভুলের জন্ত তাঁর উপবাস করা হয়নি। তাঁর ডায়রীর নোট অল্পব্যয়ী উপবাসের কথা পরের দিন। ওখানে একটু গোলমাল হয়। ত্রয়োদশী সংযুক্ত চতুর্দশী, আর পূর্ণিমা সংযুক্ত চতুর্দশী নিয়ে গোল বাধে। যাই হোক, মেজর সাহেব তখন মেজর নন, ক্যাপ্টেন। রাতে সেদিন তাঁর জীবনসঙ্কট হয়েছিল। তাঁর বিস্তৃত বিবরণ যাক, আমি সঠিক জানিনে, কিন্তু তিনি সেই সঙ্কটে মায়ের নাম জপ করেই পরিত্রাণ পান। এবং পরে দাদার চিঠিতে জানতে পারেন, সেইদিনই গিয়েছিল মায়ের পূজা। এবং একটি বলি নাকি স্বেচ্ছদ হয়েছিল!

রায়বাহাদুরেরও এমন অভিজ্ঞতা অনেক।

শুধু তাঁরাই নন, কীতিহাটে শিবেশ্বর রায়ের প্রথমপক্ষের তিন সন্তান ধনেশ্বর জগদীশ্বর-সুশেশ্বর এঁদেরও পক্ষ থেকে সেখানে বলি হয়। এবং দৌহিত্র হিসেবে পূজাতে সঙ্কল্পও হয়ে থাকে। এঁদের তার জন্ত অর্থনৈতিক চিন্তা করতে হয় না, বলি ও ভোগের খরচ আসে তাঁদের মাতামহের দেওয়া জমি ও জমিদারীর আয় থেকে। বৎসরে পাঁচশো টাকা মুনীকাজ আজও তাঁরা পেয়ে থাকেন। জমির উৎপন্ন ধান থেকেও টাকা পান। এই রটন্তী কালীপূজার সময় গিয়েই তাঁরা মুনীকাজ টাকা এবং ধানের ভাগ নিয়ে বিক্রী করে টাকা নিয়ে বাড়ী করেন। আগে সপরিবারে যেতেন, এখন মেয়েদের এবং ছোট ছেলেদের নিয়ে যান না। যারা শক্ত সমর্থ হয়েছে, যারা অসুবিধা ভোগ করতে পারবে তাদের নিয়েই যান। তাই বারো বছরের বেশী

বয়সের ছেলের নিয়ে তাঁরা কাল সকালে চলে গেছেন। বাড়ীতে থাকবার মধ্যে বড় মেজ তরকের মেয়েরা ছাড়া কেউ নেই।

থাকবার কথা, শিবের ঠাকুরদার দ্বিতীয়পক্ষের দুই ছেলের, তাদেরও একজন কমলেশ্বর, গাঁজাখোর, চোর, সেও দাদাদের সঙ্গে গেছে। রটন্তী পূজোর ভোজ খেতে। আছে একা বিমলেশ্বর। মুখগোর। শান্ত কুনো লোক বিমলেশ্বর কাকা। বিশ্বসংসারের কাছে নিজেকে অপরাধী অক্ষম জ্ঞান করে ঘরের কোণেই বাস করে। আর মালা জপ করে, ত্রিসন্ধ্যা পূজা করে। বৈষ্ণবধর্মে তার দীক্ষা। মাছ খায় না, মাংস খায় না, গলায় কণ্ঠও প'রে। চৈতন্ত-চরিতামৃত পড়ে নিয়মিতভাবে। এক হাজার আটবার পড়বার সঙ্কল্প তার, তার মধ্যে দুশো বার পড়া হয়ে গেছে। সে ঘরের কোণেই বসে আছে পূজার আসনে।

ইনস্পেকটর নায়েবকে ডেকে তার সামনে জগদীশ্বর কাকার ঘর সার্চ করেছেন। খুড়ীমাকে নানান প্রশ্ন জিজ্ঞাসা করেছেন। অচনাকোও করেছেন। অর্চনা এখনও দাঁড়িয়ে আছে। জগদীশ্বর কাকার বন্ধুকটা পড়ে আছে তক্তাপোশের ওপর, লাইসেন্সটাও পড়ে আছে। তার সঙ্গে বহু পুরানো একখানা সরকারী চিঠি। লাইসেন্সটার সঙ্গে পিন দিয়ে গাঁথা রয়েছে। চিঠি-খানায় মেদিনীপুরের ডি-এম জগদীশ্বর রায়ের অসমসাহসের প্রশংসা করেছেন একটা নরখাদক বাঘ মারার জন্ত এবং লিখেছেন—সরকার এর জন্ত খুশী হয়েছেন এবং তোমাকে একটা ডি-বি-বি-এল ব্রিজলোডিং গানের লাইসেন্স দিচ্ছেন।

আমি যেতেই ইনস্পেকটর বললেন—কি মশাই? আপনি কিছু জানেন নাকি?

কণ্ঠশ্বর কঠিন দুবিনীত। কুটিল ব্যঙ্গে তীক্ষ্ণ এবং বাকা।

বললাম—কিসের?

—জানেন না কিছু, শুধু সাজছেন না? শিবকে কোপালে কে?

বললাম—না।

—কাল রাতে কি করেছেন? কোথায় ছিলেন?

—বাড়ীতে।

—বাড়ীতে? তাহলে এ বাড়ীর কুকরী নিয়ে ভূতে কুপিয়ে এল নাকি?

বললাম—বলতে পারলে খুশী হতাম। কিন্তু না-জানলে কি করে বলব?

—আপনারা জানেন। আপনাদিগে বলতে হবে। বলাব আমি।

ভিতরের রক্ত টগবগ করে ফুটছিল। কিন্তু কি করব? একলা আমি হলে হরতো জবাব দিতাম। মার খেতাম। মারতে পারতাম না। কিন্তু জবাব দিয়ে মার খেতেও অস্বস্তি তৃপ্ত হতাম যে সহ্য করি নি, নিষাভূত ভোগ করেছি। কিন্তু সামনে আমার ওই সর্বনাশী অর্চনা। তার মুখ চোখ লাল হয়ে উঠেছে! মাটির উপর দৃষ্টি রেখে দরজার একটা বাজুতে ঠেস দিয়ে পাথরের মূর্তির মত দাঁড়িয়ে আছে।

ইনস্পেকটর কুকরীর পাশটা সামনে ধরে বললেন—কি লেখা রয়েছে চামড়ার উপর কালী দিয়ে, পড়ুন। এই লেন্স দিয়ে দেখুন। কি এটা?

—জগদীশ্বর রায়, কীৰ্ত্তিহাট।

—এটা ওখানে গেল কি করে ? বলুন কি করে গেল ? বলুন ? বলনা খুকী—অর্চনা, অর্চনা তোমার নাম, বল না কাকে দিয়েছ তোমরা ? কে চেয়ে নিয়ে গেছে ? বল ? সুরেশ্বরবাবু ? বাড়ীতে তো কাল থেকে লোক দুজন, ও বাড়ীতে ইনি । আর এ বাড়ীতে ওই বিমলেশ্বর—কুনো কানার ভাল লোকটা । ওর দ্বারা এটা হয় না । লোকটা মদ খায় না, বৈষ্ণব মাহুষ । শিব মন্দের গন্ধ পেয়েছে । আমার বিশ্বাস এটা এই ঐরই কাজ, নিজে করেন নি, টাকা-পয়সা আছে । মদ খান ছবি আঁকেন, নিজের এতখানি ক্ষমতা হবে না, তবে পারেন, টাকাপয়সা খরচ করে লোক দিয়ে করাতে পারেন । ওই অভুলেশ্বরের আর তার মায়ের কেসে টাকা জলের মত চলেছেন । কলকাতা থেকে ব্যারিস্টার আনিয়েছেন । এ কীতি গুঁর । কুকরীর খাপটা না-পেলে কথা ছিল, ভাবতাম দলের কারুর কীর্ষি । কিন্তু এই খাপ বলছে এ এই বাড়ীর কারুর কীর্ষি !

হঠাৎ প্রচণ্ড ধমক দিয়ে উঠল অভদ্র সন্ন্যাসিনী—এই অর্চনা !

চমকে উঠল অর্চনা ।

—বল । বল । বল বলছি !

আমি থাকতে পারলাম না আর । আমি দৃপ্তকণ্ঠে বলে উঠলাম—ওরই সমান চাঁৎকার করে বলে উঠলাম—ভুলভাবে কথা বলুন বলছি !

—হোয়াট ? বিকট চাঁৎকার করে উঠল ইনসপেকটরটা !

আমি অপেক্ষাকৃত শান্ত কণ্ঠে বললাম—আপনি এই দেশেরই লোক, হয়তো ব্রাহ্মণ বা কায়স্থ বা বৈষ্ণব হিন্দু । ভদ্রবংশের সন্তান আমরা—

—চোপ্, চোপ্, চোপ্,— । ওসব বাকি বাসী হয়েছে, ওসব রাখ্—সত্যি কথা বল । নইলে বুটভুজ তোর বুকে চড়ে নাচবে । আর এই রুল—তাকাল সে অর্চনার দিকে ।

শিউরে উঠেছিলাম । অর্চনা খরখর করে কাঁপছিল । দুহাতে শক্ত করে সে দরজার বাজু চেপে ধরলো । ঠিক এই সময় স্থলতা, যা ঘটল, তার মত বিশ্বয়কর ঘটনা আমার জীবনে বোধহয় ঘটে নি !

পিছন দিক থেকে একটি মুহূর্তের উচ্চারিত হল—ওরা নয় ইনসপেকটর বাবু, আমি—আমি শিবুকে কুপিয়েছি ।

চমকে ফিরে দেখলাম—দাঁড়িয়ে আছে বিমলেশ্বর । লম্বা রোগা মাহুষটি, হাতে তার একটা কুকরী । কুকরীটা নামিয়ে দিয়ে বললে—এই নিন সেই কুকরীটা ।

অবাক হয়ে গিয়েছিল সবাই । ইনসপেকটর পর্যন্ত ।

বিমলেশ্বর বললে—কাল সকালে যখন মেজদারী বাগানান গেল, যখন বউদি, অর্চনা ওঁদের সঙ্গে নীচে নেমে গেছিল, তখন ফাঁক পেয়ে ঘরে ঢুকে আমি কুকরীটা চুরি করে এনেছিলাম । এনেছিলাম এই জন্তে । মদ আমি খাই নি জীবনে । আমার বহু ময় । কিন্তু ওই গোপাল সিং-এর নাতি হরি সিংয়ের বেটা আমাদের বাড়ীর পাইকের বাচ্চা, আমাদের ইকুলে ফ্রিশিপ পড়ত, যে ভাবে আমার মায়ের বিরুদ্ধে সাক্ষী দিয়ে জেল খাটালে, সেটা— ।

হঠাৎ চুপ করে গেল সে !

আমরাও সকলে চুপ করে রইলাম। কারুর কথা বলবার শক্তিও যেন ছিল না। একটা শব্দে আমাদের সে ভাবটা কাটল। দেখলাম—অর্চনা মেঝের ওপর আছাড় খেয়ে পড়ে গেছে। সম্ভবতঃ চেতনা হারিয়েছে; এই অবস্থা আর সহ করতে পারে নি।

মেজধুড়ীমা ঘোমটা টেনে ঘরের মধ্যে সামনেই দাঁড়িয়েছিলেন। তিনি ভাড়াভাড়ি এগিয়ে এসে অর্চনার পাশে বসে ডাকলেন—অর্চনা! অর্চনা!

অর্চনার সাড়া ছিল না। ইনস্পেকটর বললে—সেকলেন্স হয়ে গেছে। মুখে চোখে জল দিন।

বিমলেশ্বর অর্চনার এই অবস্থায় বিচলিত হন না। সে বললে—আমি দেশটেশ বুঝি না; স্বাধীনতা টাধীনতা নিয়েও আমি মাথা ঘামাই না। আমি ভগবানকে ডাকি, আর ঘরের মধ্যে থাকি। কারুর ঘনিষ্ঠে নেই ইষ্টেও নেই। কিন্তু হরি সিংয়ের বেটা শিবু সিং, যার ঠাকুরদার বাবা গোশাল সিংকে আমার ঠাকুরদা রায়বাহাদুর পণের ভিখির করে সাজা দিয়ে একটা ভাঁড় দিয়েছিলেন হাতে। দয়া করে জমিজেরাতও কিছু দিয়েছিলেন। তার এই শরতানি, রায়বংশের গিন্নীর হাতে দড়ি পরানোর শরতানিতে, আমার মনে বৃকে আঁগুন জ্বলছিল। বঁসে বঁসে ঘরে ভেবেছি আর কপালে যা ঘেরেছি। পরশুর আগের দিন খবর এসেছিল, মায়ের জেল হয়েছে। সুরেশ্বর তখনও ফেরেনি। পরশু সারাদিন যত ভেবেছি, তত পাগল হয়েছি। রাজে তুলসী-মালা কেলে দিয়েছি। কালী মায়ের কাছে গিয়ে প্রণাম করে বলেছি, মা, তোমার শরণ নিলাম। তুমি বল দাও, সাহস দাও। কাউকে কিছু বলি নি। মনে মনে সঙ্কল্প করেছি শোধ নেব। আগের রায়বাড়ী হলে বরকন্দাজ পাঠাতাম, ধরে আনত বাপ-বেটাকে। কাজারীর থামে বেঁধে চাবকাতাম। ঘরে আঁগুন লাগিয়ে পুড়িয়ে দিতাম। ঘরে আঁগুন লাগাবার কথাও মনে হয়েছিল। কিন্তু তাতে ওদের মেয়েছেলেগুলো কষ্ট পেত। ঘর আবার নতুন হত। ভুলে যেত। মনে মনে বিচার করে ওই শিবুকেই সাজা দেব ঠিক করেছিলাম। খুন—খুনই করে ফেলব। নয় এমন জখম করব যে, সেন সারাজীবন মনে থাকে। রাজে বাবাকে স্বপ্ন দেখছি! কাল সকাৎ উঠে ভেবেছিলাম জগদীশদার বন্দুকটা চুরি করে গুলি করে মারব বেটাকে। সকালে যখন দাদারা বাগনান গেল, তখন মেয়েছেলেরা সব নিচে, ঘরবানা খোলা পড়ে ছিল, আমি ঘরে গিয়ে ঢুকলাম। কিন্তু বন্দুকটা নিতে গিয়ে নিলাম না। এতবড় জিনিসটা সামলাব কি করে? আর হয়তো সঙ্গে সঙ্গে খোঁজ হবে। চোখে পড়ল নতুন কুকরীটা রয়েছে মেজধার বিছানার তলায়। ওইটেই বের করে নিয়ে এলাম। লুকিয়ে রাখলাম। সারাদিন কালীমন্ত্র জপ করলাম। সন্ধ্যার সময় স্ত্রীকে বললাম—আমি বাজি বলরামপুর বাবাজীর আখড়ার, ওখানে আজ কীর্তন হবে, ফিরতে রাজি হবে আমার। এখন যেতে হবে আটদিন। অষ্টাহ নামগান। ব্রী সন্দেহ করে নি। মধ্যে মধ্যে বাবার মধ্যে বলরামপুর যাই আমি। কালীমায়ের প্রসাদী কারণ সন্ধ্যাবেলা বড়দা যায়। আজ বড়দা নেই। আমি সেই প্রসাদটা খাব ভেবেছিলাম। কিন্তু সাহস হয় নি চাইতে। গোয়ানপাড়ায় চোলাই মদ মেলে। দু একজন গোপনে চোলাই করে বিক্রী করে। আমি তাদের কাছে গিয়ে বড়দার নাম করে মদ এনে গাকে নিবেদন করে খেয়ে গিয়েছিলাম। লুকিয়েছিলাম হরি



সিংয়ের বাড়ীর পাশের পুকুরপাড়ের জঙ্গলে। মতলব করেছিলাম, এমনি ক'রে লুকিয়ে থাকব, একদিন, দুদিন, তিনদিন, চারদিন—একদিনও কি খিড়কীতে হাত-পা ধুতেও বের হবে না! আমার ভাগ্য ভাল যে, সেইদিনই বের হল। হাতে লাঠি আর লঠন নিয়ে হরি সিং আর আগে আগে শিবু। শিবু এসে শৌচে বসল পাশের জঙ্গলটাতেই। আমি সট্ করে বেরিয়ে গিয়ে ঢুকলাম। তারপর—!

চুপ করলে বিমলেশ্বর।

বীরবে স্তম্ভিত হয়ে শুনে গেলাম সবাই। সে সেই অতি কুৎসিত অতি মল্লীল ইনস্পেক্টর পর্যন্ত। ওদিকে ততক্ষণে অর্চনার জ্ঞান ফিরেছে। সে স্থির অপলকদৃষ্টিতে তাকিয়ে শুনে যাচ্ছে বিমলেশ্বরের কথা!

বিমলেশ্বর বললে—আমার রক্তমাখা জামাটা আছে। সেটা নষ্ট করতে পারি নি। সেটাও আমি এনে দিচ্ছি।

এতক্ষণে ইন্সপেক্টর বললে—না। দাঁড়ান। আপনার সঙ্গে আমি যাব। ঘরটা সার্চ করব। একলা আপনাকে যেতে দেব না। আপনাকে আমি অবিশ্বাস করি নি। আপনাদের বাড়ীর নাড়ী নক্ষত্র আমরা সংগ্রহ করেছি। আপনি এ কাজ পারেন এ কথা কেউ ভাবতে পারে না। কিন্তু। একটু হেসে বললে—মাহুষ সব পারে। কিছু অসাধ্য নাই।

সুরেশ্বর চুপ করলে। তারপর বললে—বিমলেশ্বরকে হাতকড়ি দিয়ে, কোমরে দড়ি বেঁধে নিয়ে গেল। যাবার সময় আমাকে বললে বিমলেশ্বর—সুরেশ্বর, দাদারা কেউ নেই, কমলেশ্বরও নেই, তোমাকেই বলে যাচ্ছি, ওরা রইল। দেখো একটু। ওরাও তোমার সঙ্গে একই বংশ। আর আমার অন্তে মিথ্যে উকীল-টুকীল দিয়ে টাকা খরচ ক'র না। আমার কোন আপশোস নেই। আমি রায়বাড়ীর বেইজ্ঞজির শোধ নিয়েছি।

\*

\*

\*

বিমলেশ্বরকে নিয়ে গেল, আমি অভিভূতের মত দাঁড়িয়ে রইলাম। এমন অভিভূত আমি জীবনে হই নি। বিমলেশ্বরের স্ত্রী এবার ঘর থেকে বেরিয়ে এলেন। বিমলেশ্বরের স্ত্রীকে আজকেই যাকে ভাল করে দেখা বলে, তা প্রথম দেখলাম। বিমলেশ্বর ব্রজদার বয়সী। হয়তো দু-তিন বছরের বড়। কাকীমা আমার থেকে বয়সে ছোট। বর্ধমান শহরের উকীলের মেয়ে। শুনেছিলাম শক্ত কঠিন মেয়ে। বিমলেশ্বরের অংশমাতৃক টাকা-কড়ি, ধান-পান, তিনি বুঝে নিতেন। বাইরে বের হতেন না, অন্তরালবতিনী থেকেই এ কাজ করে যেতেন। বিমলেশ্বরকে যে কথার যত্নশী-গল্পনা দিতেন, সে নাকি বিমলেশ্বর ছাড়া কারুর সহ করার শক্তি ছিল না। তাঁর বড় মেয়ে তার বয়স বছর বারো, সেই ছিল তাঁর সেক্রেটারী থেকে পাইক বরকন্দাজ পর্যন্ত সবকিছু। নিজে পর্দা একটু বেশী মানতেন। জগদীশ্বর কাকা যে জগদীশ্বর কাকা, তার স্ত্রী থেকেও বেশী মানতেন তিনি।

তিনি আজ বাইরে এসে দাঁড়ালেন, মাথার ঘোমটা মাথার মাঝখানে তুলে দিয়ে। তিনি কাদেন নি। প্রথমেই এসে কঠিন ভাষার অর্চনাকে বললেন—হল-হল? তোমার মনস্কামনা পূর্ণ হল না?

অর্চনা বিবর্ণ হয়ে গেল। আমি শঙ্কিত হয়ে উঠলাম। কি বলছেন উনি? উনি কি অর্চনার সঙ্গে যোগাযোগের কথা জানেন?

তাত্তাত্তি আমি এগিয়ে গিয়ে তাঁর কাছে গিয়ে দাঁড়ালাম। বললাম—খুঁড়ীমা! সর্বনাশ হয়ে যাবে! খুঁড়ীমা! রায়বংশের। বুঝতে পারছেন না এ কথা ছড়ালে। বাকীটা বলতে পারলাম না।

আমার মুখের দিকে তাকালেন তিনি। তারপর ঘোমটাটা একটু টেনে দিয়ে বললেন—আমি উকীলের মেয়ে, আমি বুঝি! থাক। বলে তিনি গিয়ে ঘরে ঢুকলেন।

আমি কিছুক্ষণ দাঁড়িয়ে রইলাম। ভেবে পাচ্ছিলাম না কি করব? ফিরে চলে আসব? না, আর একটু বুঝিয়ে বলে আসব! কয়েক মুহূর্ত চিন্তা করে কয়েকটা কথা বলাই স্থির করে ডাকলাম—খুঁড়ীমা!

বিমলেশ্বরের মেয়ে শোভনা কাদছিল। খুঁড়ীমা বললেন ভিতর থেকে, আসতে বল ভেতরে।

ভিতরে গিয়ে দেখলাম, এসে তিনি বিছানায় উপুড় হয়ে পড়েছেন, কাদছিলেন বোধহয়। তখনও চোখ মুছছিলেন। উঠে বললেন—কিছু বলছ বাবা?

—বলছি খুঁড়ীমা!

—বল?

—যে কথাটা আপনি বলছিলেন খুঁড়ীমা—অর্চনার নাম ক'রে—

—সে তো সঙ্গে-সঙ্গেই বন্ধ করেছি বাবা। আমি বুঝি। তিনিও আমাকে একথা বুঝিয়ে গেছেন। কাল শেষরাতে যখন ফিরে এলেন ওটসব করে, তখন চিৎকার করে উঠতে গিয়েছিলাম। উনি মুখ চেপে ধরে বলেছিলেন—চেষ্টা না। আমি নিজে যাব। সমস্ত কথা শুনে আমি কুকরীটা, রক্তমাখা জামাটা, কাপড়খানা সব নষ্ট করতে বলেছিলাম। উনি বলেছিলেন—পাপটা হাত থেকে পড়ে গেছে বধুমানের বউ। ওটা যদি পায়, তাহলে বিপদ হবে। মেজদার ঘাড়ে দায় গিয়ে পড়বে। অর্চনা না পড়বেই। কিন্তু তা তো হতে দেব না আমি। তবে আর শিবুকে ঘেরে এলাম কেন? সেট, ছোটমায়ের জেলের কারণ বলেই তো! এ যে তার থেকেও সর্বনাশ। রায়বংশের কুমারী মেয়ে, পদ্মফুল; লোকে বলে—সতীবউরাণী ঘুরে এসেছেন। এগুলো থাকবে! দরকার হলে বের করে দিতে হবে প্রমাণ হিসেবে। কিন্তু—

একটু চুপ করে থেকে বললেন—কিন্তু ও... কমা আমি করতে পারব না বাবা। চিরজীবনে পারব না। এ কাজ উনি নিজে করতেন কিনা জানি না। ইন্সপেক্টর ঠিক বললে—মায়ুকের অসাধ্য কিছু নেই। উনি সেই গোড়া থেকেই; এই কথাটা নিয়ে মধ্যে মধ্যে—হায়রে কপাল, আর আগর! এমন অপদার্থ যে ব্যাঙে লাগি মেরে গেল, তাই সহিতে হল? ছোটমায়ের অভূলের বিরুদ্ধে সাক্ষী দিলে হরি সিংয়ের বেটা শিবু সিং? নিজে থেকে খানায় গিয়ে বলে এল। আমরা তার কিছু করতে পারলাম না! বলতেন আর ডাকতেন, হে রাজরাজেশ্বর, তুমি তো এখনও রয়েছ রাজবাড়ীতে! মা-কালী, তুমিও তো রয়েছ মা। এর বিচার তোমরা করবে না? অভূল ছোটমা রাজকোষ করেছে, তোমাদের বিচারে শাস্তি হয় তো প্রাপ্য, হয়েছে শাস্তি

হোক। কিন্তু এই নেমকহারাম, এই অকৃতজ্ঞ শিবু সিং-এর বিচার কর! রাইবাহাজুর রক্তের  
রায় ওর প্রণীতামহকে শেষ করে দিতেন; তাকে রক্ষা করেছিলেন সতী বউরাণী। তার এই  
প্রতিদান? এর বিচার করবে না?

বাবা, একদিন অর্চনা বারান্দায় যেতে যেতে বোধহয় শুনেছিল, সে হঠাৎ ঘরে ঢুকে বললে—  
ন'কা, চুপ কর, আর লোক হাসিও না। চুপ কর! কথাগুলো শুনে লোকে হাসবে!

উনি অবাক হয়ে চুপ করে গেলেন, আমিও গেলাম বাবা! উনি বললেন—কেন  
অর্চনা?

হেসে অর্চনা বললে—সে কি হাসি বাবা, দেখলে মরা-মাঝুয়ের অঙ্গেও জালা ধরে। বললে  
—রাজরাজেশ্বর কি তোমার দারোয়ান না বরকন্দাজ, যে শিবু সিংকে তোমার হুকুমে খাড়া করে  
লাঠিপেটা করতে যাবে? না মা-কালী রাইবাহাজীতে মবাবী আমলের তাতারিণী গ্রহিণী যে,  
তলোয়ার হাতে শিবুকে কাটতে ছুটেবে! ছিঃ-ছিঃ-ছিঃ! দুঃখ হয়েছে, ভগবান দুঃখ দূর কর।  
ভগবান খাড়ু হাতে জমাদানের মত দুঃখের জঞ্জাল সাক করতে আসবেন, সুখ রয়েছে আরও  
সুখ দাও, তো ভগবান বুড়ি ভর্তি আরও সুখ মাথায় করে সঙ্গে সঙ্গে হাজির হবেন। চারটি  
খেতে দাও, পরতে দাও কি এই জন্তে? যারা নিজের দুঃখ নিজেরা দূর করতে পারে না, তার  
দুঃখ ভগবানের বাবা এসেও ঘোচাতে পারে না। বলি ই্যা ন'কা, খাবার সময় তো নিজে  
যোগাড় করে এনে রেঁধে-বেড়ে হাতে তুলে খাও। তা দুঃখ নিজের হাতে ঘোচাতে পার না  
কেন? অপমানের শোধ তাই বা নিজে নিতে পার না কেন?

অবাক বাবা—, অবাক হয়ে গেলাম! উনি বললেন—তুই তো মিথো বলিসনি অর্চনা!  
কথা তো ঠিক! কিন্তু শিখলি কার কাছে?

বললে কি জান? বললে—তুমি যে গোবিন্দের পূজা কর—সেই ঠাকুরের কাছ থেকে।  
মহাভারত পড়, পুণ্যের জন্তে পড়। ভাব তো কুরুক্ষেত্রের কথা; ঠাকুর তো দেহধারী, তখন  
—তিনি তো ইচ্ছে করলেই পাণ্ডবদের অপমানের প্রতিকার করতে—তার চক্রকে ডেকে  
বললেই পারতেন—যাও চক্র, কৌরবদের সবংশ ধ্বংস করে দাও। কে আটকাতো বল?  
কিন্তু তিনিও তা করেন নি, পাণ্ডবরাও তা বলে নি। পাণ্ডবরা যুদ্ধ করে রাজ্য উদ্ধার করেছে  
—অপমানের শোধ নিয়েছে।

বলে আর দাঁড়ায় নি তখন—চলে গিয়েছিল। আমি বাবা তখনও ভাবতে পারিনি—এর  
ফল এই হবে। বরং ভালই মনে হয়েছিল—মনে হয়েছিল এই যে ওর উঠে-বসতে ঠাকুর আর  
ঠাকুর, যা করেন তিনি, এটা যদি এতে ঘোচে তো যুচুক। জান তো কোন কাজ করতেন না,  
যা করতাম আমি। উনি বছরে গোটা কুড়ি টাকা খরচ করে লটারীর টিকিট কিনতেন।  
যতবার বলেছি—কিছু কর, তা করেন নি! ভেবেছিলাম—অর্চনার কথায় যদি এই ঘোরটা  
কাটে তো কাটুক!

এরপর বাবা অর্চনার কাছে উনি যেতেন। ডেকে কথা বলতেন। আমি কান দিই নি।  
অর্চনা বলছে বলুক।

কাল দুপুরে, রান্নাবর খেতে দেখলাম—অর্চনা একটা কালো কিছু হাতে করে ঘরে ঢুকল

—কিছুক্ষণ পর বেরিয়ে গেল। আমি নিশ্চয় করে বলতে পারি—অর্চনা নিজে কুকরীটা ঠেকে দিয়ে গিয়েছিল। হয়তো উনি চেয়েছিলেন তা' হতে পারে। তবে দিয়ে গিয়েছে ও। ওই সর্বনাশী।

আমি খুব বিস্মিত হই নি। কুকরী অর্চনা বের করে দিয়েছে—এ সন্দেহ আমার গোড়া থেকে। কিন্তু অর্চনা যে—তার বুক আগুনও জালিয়েছে, এ সন্দেহ হয়নি। অর্চনার এই নতুন চেহারার আমি ভয় পেলাম।

খুড়ীমা বললেন—আমি ওকে অভিশম্পাত দেব বাবা সুরেশ্বর। দেখো তুমি, ও যেমন একটা নিরীহ মানুষের এমন সর্বনাশ করলে—আমার কপালে এমন করে আগুন জালিয়ে দিলে, এর কল ওকে পেতে হবে। ও জীবনে সুখী হবে না। বিয়ের বাসরে বিধবা হবে। হয়তো নিজের স্বামীর স্বৃত্যর হেতু হবে ওই। এই আমার মত—আমার মত—হুখে ওকে পেতে হবে।

আমি নীরবে দাঁড়িয়ে রইলাম।

বলুন। মনের ফোঁড়টা বেরিয়ে যাক! পরে যা হয় হবে—এখন পুলিশের হাত থেকে অর্চনা বাঁচুক।

হঠাৎ আমার দিকে কিরে বললেন—তোমার অনেক টাকা আছে সুরেশ্বর। আর সম্পত্তি সমস্ত পত্তনী দরপত্তনী হয়ে তোমার হাতে। তুমি ওই সিংদের উচ্ছেদ করবে—বল! এর শোধ নেবে!

কি করব? বললাম—করব।

বিবিমহলে ফিরে এসে শুক হয়ে বসে ছিলাম, মনে হচ্ছিল এই অভিজ্ঞত অবস্থা থেকে বুঝি কোনদিন মুক্তি পাব না। এই রায়বাড়ীর মধ্যে থেকে কিছু একটা; কিছু একটাই বলি কেন, তার ভালো-মন্দ সব কর্মের ফল একটা অজগরের মত কোন গর্ত থেকে বেরিয়ে আমাদের পাকে পাকে জড়িয়ে ধরছে। এ থেকে বাঁদখয় আমার আর মুক্তি নেই। শ্রামাকান্তের, সোমেশ্বরের, বীরেশ্বরের, রত্নেশ্বরের, দেবেশ্বরের, আনার জ্যোতামশাইয়ের, বাবার সব কর্মফলের স্বাদ কেউ যেন আমার বুক বসে আশ্বাদন করাচ্ছে। শুধু তাই বা কেন, ব্রজদার কর্মফলের স্বাদ গ্রহণ করে তার দাম ও আমাকে মাথায় ব'য়ে দিয়ে আসতে হয়েছে।

ভাগ্য নিয়তি এ মানতাম না। আজও মানি না। তবে কর্মফলের ফলভোগ করতে হয় এবং বংশাঙ্কুরে সে বহুর প্রসারিত, একথা আর না মেনে পারি না। সবিস্ময়ে সেদিন ভাবছিলাম খোপাল সিংয়ের কথা। সঙ্গে তার আশঙ্কা হচ্ছিল, ওই অর্চনা মেয়েটোর জন্তে। এ-মেয়েটাও এই পাকচক্রে জড়িয়ে পড়েছে। পুড়ে ছাই না-হয়ে যায়। ন কাকীয়া ওকে অভিশম্পাত দিলেন। অভিশম্পাতে কিছু হয় না, কিন্তু কর্মচক্রে ঘুরপাকের পাকই শুধু নেই, ওর একটা নেশাও আছে। সে-নেশা কি ছাড়বে ও?

ভাবছিলাম। হঠাৎ আমার নায়েব এসে ঢুকল। বললে—বিমলেশ্বরবাবুকে হাতকড়ি দিয়ে কোমরে দড়ি বেধে গোটা গ্রামটা ঘুরিয়ে নিয়ে বেড়াচ্ছে। সামনে দশজন কনেষ্টেবল, পিছনে দশজন।

কি বলব! চুপ করে রইলাম। নায়েব বললে—উদ্দেশ্য ভয় দেখানো। সরকারের ডায়েরি

শাক্তী দিগেছিল শিবু, তাকে জখম করার কল দেখ। শিবুর বড় ভাই তাদের সঙ্গে বাজে আর বলছে—দেখ বাবা, গোপাল সিং ছত্রির অপমানের শোণ দেখ!

কথাটা যেন খচ ক'রে বৃকে এসে বিঁধল স্থলতার। গোপাল সিংয়ের অপমানের শোণ! কিন্তু গোপাল সিংয়ের অপরাধ!

হঠাৎ বাইরে থেকে কেউ যেন ডাকলে—সুরেশ্বর রয়েছ?

নায়েব বললে—দয়াল ভট্টাচ্যক্ষমশার। শুনলাম উনি দেখে হাউ-হাউ ক'রে কঁদেছেন। বোধহয় এই কথাই বলতে এসেছেন।

বললাম—যান, নিরে আসুন।

প্রায় আশী বছরের বৃদ্ধ। এখনও বেশ সবল আছেন। নিজের এখনও সেটেলমেন্ট ক্যাম্পে যান। তিনি এসেছেন।

এক। তিনি নন, আমাদের জাতি উক ভট্টাচ্য, তিনিও এসেছেন।

দয়াল ভট্টাচ্য রায়বাহাদুর রত্নেশ্বর রায়ের জাতিভাই। বয়সে অনেক ছোট। রায়-বাহাদুরের মেজ ছিলে শিবেশ্বর রায়ের বন্ধু। বয়সে বড় ছিলে দেবেশ্বর রায়ের থেকে দু'-চার বছরের বড়। কিন্তু দেবেশ্বর রায় ছিলেন সে আমলের এলিট, ইংরাজীতে অতিপারদ্বম, সাহেবী মেজাজের মাহুয। আর আভিজাত্য-গৌরবে অতি উচ্চশীর্ণ। সম্পদের এবং বংশ-গৌরবের উচ্চপীঠ থেকে কখনও মাটিতে নামতেন না। বাল্যবয়সে গোপাল পালের সঙ্গে যে প্রীতি হয়েছিল, সেটা ঠিক প্রীতি নয়, ভক্তের প্রতি দেবতার বাংসলোর মত প্রেম। কীর্তিহাটের লোকেরা তাঁর নাগাল পেত না। তাই তাঁদের বয়সীরা সকলে আশ্রয় করেছিল শিবেশ্বর রায়কে। দয়াল ভট্টাচ্যেরা বংশানুক্রমে রায়বংশের গুণমুখ, প্রেমমুখ। সে কুড়ারাম রায় ভট্টাচ্যের আমল থেকে। দয়াল ভট্টাচ্যের প্রপিতামহ কুড়ারাম রায় ভট্টাচ্যের অল্পগত জাতিভাই হিসেবে তাঁর সম্পত্তির তদ্বির-তদারক করতেন। কুড়ারাম রায় ভট্টাচ্য তাঁকে বেতন দিতেন। তাছাড়াও তাঁকে সম্পত্তি দিয়ে গিরেছিলেন। ওই সিদ্ধাসনের জঙ্কল, রায় বহুরায়ের দেওয়া লাণরাজ ছিটমহল, চিতারং-এর আবাদী ভূমির সবটুকুই তাঁকে দিয়ে যজ্ঞমান-সেবী ব্রাহ্মণ থেকে প্রতিষ্ঠিত করেছিলেন সং মধ্যবিত্ত গৃহস্থ পরিবারে। একে জাতি, তার উপর উপকৃত এই পরিবারটি দয়াল ভট্টাচ্য পর্যন্ত চারপুরুষ ধরে রায়বাড়ীকে সন্ত্রম ও মমতা দুই নিয়ে আঁকড়ে ধরে আছেন। কখনও রায়বংশের নিন্দা শুনতে পারেন না। তাঁদের দুঃখের দিনে তার ভাগ নিতে এগিয়ে আসেন সর্বাগ্রে। আজ দয়াল ভট্টাচ্য এসেছেন। সঙ্গে উক ভট্টাচ্য এসেছে। উক ভট্টাচ্য ধনেশ্বর রায়ের বন্ধু, থিয়েটার-পাগল, নিঃসন্তান, উল্লাসময় মাহুয। শিবেশ্বর রায়ের আমলে ধনেশ্বরের সঙ্গে থিয়েটার করেছেন। আমোদে-প্রমোদে-উল্লাসে শিবেশ্বর রায়ের সঙ্গী। সেই প্রীতির সম্পর্কটুকু তিনি ভুলতে পারেন না, তিনিও এসেছেন।

সুরেশ্বর বললে—বড় মিষ্ট লেগেছিল তাঁদের সেদিন। আত্মীয়তা যে এত মধুর, এর আগে ঠিক অনুভব করিনি। মেজদ্বি, অর্চনা আমার জাতি আত্মীয় নয়, ওরা আমার আপনজন।

সম্মত করেই সেদিন উঠে পাড়িয়ে বলেছিলাম—আমুন। বহুন। চেয়ার এগিয়ে দিতে পা বাড়িয়েছিলাম। নিজেই চেয়ার নিয়ে বসে দয়ালদাহ বিনা ভূমিকায় কিছু বলতে উদ্বৃত্ত হয়েও বলতে পারলেন না। তাঁর ঠোঁট-ভুটো কাঁপতে লাগল।

উরুকাঁকা কথা বললেন—বললেন—ঠাকুরদা সেই তখন থেকে কাঁদছেন। বিমলেশ্বরের কোমরে দড়ি বেঁধে হাতকড়া পরিয়ে—। ওঃ, সে বড় মর্মান্তিক দৃশ্য, ওঃ।

দয়ালদাহ বলে উঠলেন—কাঁদতে কাঁদতেই বললেন—এই কি দেখতে পারা যায়!

—ওঃ! ঠিক বলেছেন। আবালবৃদ্ধবনিতা কাঁদছে। কাঁদবে না। রায়বংশের ছেলে। কীর্তিহাট—কীর্তিহাট রায়বংশের কীর্তিতে। তার বংশধর, তাও বিমলেশ্বরের মত ধর্মপ্রাণ ছেলে। ওঃ! কালের কি কুটিল গতি। অতুলকে ধরে নিয়ে গেল, মেজধুড়িমাকে নিয়ে গেল। লোকে গৌরব করেছে। সাবাস রায়বংশ। দেশের স্বাধীনতার জন্তে—ওঃ! আর এ?

একটা দীর্ঘনিশ্বাস ফেলেছিলাম আমি। ভাল লেগেছিল, লোকে বিমলেশ্বরের জন্তে কাঁদছে।

দয়ালদাহ বললেন—জামিনের চেষ্টা করবে না ভায়া? তুমিই তো বলতে গেলে রায়-বংশের পঞ্চপ্রদীপের একটি জলন্ত প্রদীপ। আর তো সব প্রদীপে তেল ফুরিয়েছে।

বললাম—হ্যাঁ, করব।

—বিমলেশ্বর নাকি বারণ করেছে?

—তা ককুন। স্থান হেসে আমি বললাম—তিনি আমার টাকা পরচেন কথা ভেবেছেন, কিন্তু আমার সে স্তনলে চলবে কেন?

উরুকাঁকা বললেন—শুধু তাই নয় ভায়া, এর শোধ তোমাকে নিতে হবে। হ্যাঁ।

দয়ালদাহ বললেন—যেমন ক'রে রায়বাহাদুর নিয়েছিলেন শোধ। ওঃ, রণের শেষ আর রণের শেষ এ রাখতে নেই। নিষেধ আছে। রায়বাহাদুর তা রাখতেন না। সুরধার বুদ্ধি। তেমনি বিচার! রণের শেষ তিনি রাখতেন না। কিন্তু তাঁর ভালো-মায়ের হুকুম। কি করবেন তিনি। গোপাল সিংয়ের স্ত্রী এসে দাঁড়াল তাঁর সামনে নাটমন্দিরে। দয়াময়ী সতী-বউরানী—তিনি প্রার্থী কেরাতেন না। কি করবেন? থেকে গেল রণের শেষ। বীরেশ্বর রায় হুকুম করলেন—থাক। সতীবউরানী অভয় দিচ্ছে। থাক। তবে চোখের সামনে এনে রাখ। নজর রাখবে। থাক—বা... নুক খাঁচায় পুরে রাখা জয়দারীর একটা অঙ্ক। থাক।

উরুকাঁকা বললেন—হ্যাঁ। গোপাল সিং একটা বাঘ ছিল। এটা ঠিক। হরি সিংয়ের মত সাপ নয়।

\*

\*

\*

রায়বাহাদুর রত্নেশ্বর রায়ের জমিদার, জীবনের প্রথম কাজ শ্রামনগরের প্রতিশোধে দেশসরকারদের ঘরপোড়ানো। ট্যারা দেশসরকারের হাত ভেঙে দেওয়া। তখনও তিনি পোষপুত্র হয়ে নিজের বাপমায়ের সম্মান হয়ে খাঁটি মালিক হন নি।

জন রবিনসনের সঙ্গে বোঝাপড়া করেছিল পিতৃস্ব। করিয়েছিলেন বীরেশ্বর রায়। রত্নেশ্বর রায় জমিদারী পেয়ে জমিদার হিসেবে প্রথম বোঝাপড়া করেছিলেন গোপাল সিংহের সঙ্গে।

তার ডায়রীর যে অংশে পূর্বকথা লেখা ছিল তার শেষ কথা গোপাল সিংহের কথা। লিখেছিলেন—“এবার গোপাল সিং ধবংসবদ্ধ। সমিধ প্রস্তুত। আমি জমিদার হইয়া তাহাতে আছতি দিব।”

এই কথাতেই পূর্বকথা শেষ। তারপরই আরম্ভ হয়েছে তার দিনলিপি ডেলী ডায়রী। সেদিন ছিল দোলপূর্ণিমা। ১২৬৪ সাল। সেদিনের ডায়রী লিখতে গিয়েও তিনি গোপাল সিংহের কথা ভুলতে পারেন নি।

সেদিন বীরেশ্বর রায় যজ্ঞ করে রত্নেশ্বরকে পোস্তপুত্র গ্রহণ করেছিলেন।

বীরেশ্বর রায় এই অতুষ্ঠানে বিরাট উদ্ভোগ করেছিলেন। জীবনের এতদিনের সমস্ত দুর্ভোগ হুশিষ্ঠা অশান্তির স্তূপকে বোধহয় এই যজ্ঞে জালিয়ে ছাই করে দিতে চেয়েছিলেন।

উৎসব তখনকার দিনে যতরকম হতে পারে, করেছিলেন; কবিগান, খেমটা নাচ, বাদিনাচ, যাত্রাগান, পাঁচালী, আভসবাজী, রায়বেঁশের নাচ, তারের খেলা—কোন কিছু বাদ দেন নি।

সোফিয়া বাঈ এসেছিল। সোফিয়া বাঈ কিন্তু বাঈ হিসেবে আসেনি। সে এসেছিল সভ্যকারের আত্মীয়ের মর্যাদা নিয়ে। সে কালটা ছিল বিচিত্র; গোপন পর্যন্ত ছিল না যে এই সোফিয়া বাঈই বীরেশ্বর রায়ের অতুষ্ঠানী। এ মর্যাদা তাকে দিয়েছিলেন ভবানী দেবী স্বয়ং।

রত্নেশ্বর রায় কিন্তু এর মধ্যেও গোপাল সিংকে ভোলেন নি। লিখেছেন—“এই অতুষ্ঠানে গোপাল সিং আইসে নাই। উদ্দেশ্য সিদ্ধ হইয়াছে।”

দেওয়ানজী গিরীন্দ্র আচার্য অনেক চিন্তা করে এই অতুষ্ঠানেই একটি বিশেষ পর্ব যোগ করেছিলেন। রত্নেশ্বর বীরেশ্বর রায়ের আমমোক্তারনামার বলে এই অতুষ্ঠানেই সমুদ্র খাস-মহালের মণ্ডলদের আহ্বান করেছিলেন। আগামী বৎসরের সদর পুণ্যাহের দিন ধার্য করেছিলেন এই দিনেই। মহলের হাটের ডাক, ঘাটের ডাক, জলকর কলকর বনকর বাৎসরিক বন্দোবস্তির ব্যবস্থা করে মৌজা বীরপুরেও ঢোলশহরং করে জানিয়েছিলেন বীরপুরের মণ্ডলান বন্দোবস্ত এই সময়েই হবে।

বীরপুর বন্দোবস্ত নেওয়ার পর থেকে এপর্যন্ত গোপাল সিংকে নাকচ করবার জন্ত অনেক খরচ করে যে বিস্তৃত জাল বেলেছিলেন, তা প্রায় বাতিল বা নাকচ হবার সম্ভাবনা ছিল এতে। তবু তিনি এ ব্যবস্থা করেছিলেন। কারণ এপর্যন্ত হাজার দরুন যে সব বাকী খাজনার মামলা দায়ের হয়েছিল, তাতে বীরপুরকে মণ্ডলান ভোজি হিসেবে স্বীকার করা হয় নি। এই ঢোল-শহরতে ‘মণ্ডলান’ প্রথা স্বীকার করেছিলেন রায়েরা। তবে এতে গোপাল সিংকে আসতে হবে কীর্তিহাটে!

রত্নেশ্বর রায় তখন মতুন—তিনি জিজ্ঞাসা করেছিলেন—কি হবে এতে?

—মণ্ডলান স্বয়ং ডাক হবে। অস্ত্র লোকেও ডাকবে।

—যদি নিজে না আসে? অস্ত্র লোক পাঠায়?

—বেনাম ডাক—নেব না। লিখে দিয়েছি। তা ছাড়া আমাদের সে রাইট আছে বাবুজী !

বলে বই খুলে দেখিয়ে দিয়েছিলেন—এই পড়ে দেখ—

“Their power to summon and if necessary to compel the attendance of their tenants was maintained.”

আচার্য বলেছিলেন—হাত আমাদের লম্বা বাবুজী—খেলতে পারলেই হল। তোমার মাতুলের দোষ কি জানি, বড় জেদী আর একগুঁয়ে। ওই যে ধরেছেন মণ্ডলান স্বয়ং স্বীকার করব না, তো করবই না ! দেখ না আমি কি করি।

রত্নেশ্বর বলেছিলেন—শুনেছি বীরপুর মৌজার চার পাঁচপানা গ্রামের লোক, তার খুব বাধ্যও বটে, আবার বাঘের মত ভরও করে ; কে ডাকতে আসবে তার সঙ্গে টোক্তর দিয়ে ?

\*

+

\*

কথাটা মিথ্যে শোনে ন রত্নেশ্বর। গোপাল সিং জামনগরে গিয়ে তাঁর কাছে চড় খেয়ে শোধ নেবার জন্ত দে-সরকার এবং রবিনসনের কাছে যে আশ্ফালন করেছিল তা কতখানি সত্য তা যাচাই করে নিয়েছিলেন রত্নেশ্বর !

বীরপুরের গোপাল সিং সত্যই বিচিত্র চরিত্রের মানুষ !

হয়তো সে আমলটাই বিচিত্র স্থলতা ! সে আমলে দুচারখানা গ্রামের মধ্যে এমনি ধরনের এক-একজন লোক ছিল। যারা ছিল গ্রামের সর্বস্বাধীন প্রধান। তারা ব্রাহ্মণ পণ্ডিত নয়, তারা সম্পত্তিশালী দুর্ধর্ষ লোক। চোর-ডাকাতকে শাসন করত, আবার আশ্রয় দিত, ধরে এনে বেঁধে মারত, আবার দারোগা ধরতে এলে তাকে লুকিয়ে রাখত। মামলায় টাকা দিয়ে সাহায্য করত, সাজা হয়ে গেলে তারা নিশ্চিন্ত হয়ে ছেলে যেত। এই মানুষদের ভরসায় ! দুর্ভাগ্যের খেতে দিত, সুখের কবে আদায় করে নিত। দারোগাকে সেলায় করত। কনেষ্টবলকে ‘তুমু’ বলত। রাইটার আর জমিদারকে বলত—ইয়ার। মাসে মাসে খাসী, বড় মাহু, বি, চাল, দুধ, তরকারী সাজিয়ে একটা করে স্ট পাঠাতো ! নিজের দিত না, পরের কাছ থেকে নিয়ে দিত। সাধুসন্ন্যাসীর সেবা করত, তুচ্ছতারের কবচ মাছলী নিত, শঙ্খনির্মাল্য নিত। কাপড় কল দিয়ে বিদায় করত। কিন্তু ধর্মালোচনা করত না—শুনত না ! মামলায় মিথ্যা বলত। দিনকে রাত করত, মরকার হলে খুন করাত, আবার বাত দিলে বলত জাত দিলাম। বাত রাখতে পারলে জাত থাকবে, নইলে বাতের সঙ্গে জাতও যাবে ! কাউকে রক্ষা করব বললে প্রাণ দিয়ে স্বার্থসর্বস্ব পণ করে তাকে রক্ষা করতে চেষ্টা করত।

অধিকাংশেরই বিচার ছিল খেয়াল মত ; বুদ্ধি তাদের ছিল না তা নয়, কিন্তু বুদ্ধির সবটাই ছিল কুটিল। ওই খেয়ালের বিচারকে সমর্থন করতে প্রয়োগ করত। মদ খেত, গাঁজা খেত ; রক্তিতা রাখত ; রক্তিতা থাকত ঘরেই। আবার উগ্রস্ত হলে ও পাপে সীমা থাকত না।

আইন এরা মানত না। নিজের এলাকায় নিজের আইন তৈরী করত। জমিদারদের হুদে সংস্কার। জমিদাররা এদের জন্তেই এমন হয়েছিল, না, জমিদারদের অল্পকরণে বা তাদের থেকে বাচবার জন্তে এমন হয়েছিল, তা বলতে পারব না স্থলতা। সেটা অল্পসন্ধান করে



দেখতে পার। হয়তো বা সে কালের এইটেই ছিল রাষ্ট্রের চরিত্র, সমাজের চরিত্র, মানুষের চরিত্র।

গোপাল সিংয়ের কথা বলি।

গোপাল সিং বীরপুর মৌজার বাঘ ছিল। বাংলাদেশের মাটির মানুষ ব্রাহ্মণ কায়স্থ সদগোপ মাহিগ এদের থেকে কিছু স্বভাব—ভুলতে পারত না সে ছাত্র। গ্রামের শ্রেষ্ঠ জমিটুকু ছিল তার। স্বচ্ছল সংসার। সম্পদ টাঁকাকড়ি কত ছিল বলা কঠিন কিন্তু ধান ছিল তার প্রচুর। একটা পুকুরের চারি পাড়ে খড়ের 'বড়' অর্থাৎ মোটা দড়ি পাকিয়ে তারই বেড় দিয়ে তৈরী গোলায় বাঁধা থাকত। কেউ বলে একশো কেউ বলে দেড়শো গোলা পুকুরটাকে ঘিরে, সে এক আশ্চর্য শোভার সৃষ্টি করত।

উঠত ভোরে, তারপর ডান বৈঠক দিয়ে ছোলা গুড় আর সত্তদোণ্ডা ফেনাশুধু দুধ খেয়ে, লম্বা ছিলমে গাঁজা খেয়ে, মাথায় মূরোঁটা বেঁধে গায়ে আংরাখা পরে, বেরিয়ে এসে একটা পাক দিয়ে আসত মাঠে। হেঁটে যেত না, যেত ঘোড়ায়। ভাল দেশী ঘোড়া ছিল তার। পাঞ্জাবীদের কাছে কিনত। তারপর এসে বসত দলিয়ার তখতপোশে। মণ্ডলান জোঁজি বীরপুরের মণ্ডল সে, তার সেরেস্তা ছিল, সেরেস্তা অবশ্য জমিদারের নামাক্রিত। থোকা থেকে সকল কাগজপত্রই লেখা থাকত জমিদারের নাম। রসিদ 'চেক'-এতেও থাকত জমিদারের নাম জমিদারের শীলমোহর। তবে হুকুম ছিল তার। তার হুকুমে গোমস্তা কাজ করে যেত। 'রোকা' যা দিত তাতে তার দস্তখত থাকত জমিদারের মণ্ডল গোপাল সিং ছত্রি।

তখতপোশে বসে আবার ধেত গাঁজা তারপর মদ। শুধু মদ গোপাল সিং কখনও খেত না। গাঁজা খেয়ে মদ খেতো। বলতো—বাবা, কালী মায়ের বেটা আমি। নেশা করি মাকে মনে দেখবার লেগে। তা নিচে পাতি বাবাকে, তারপর তার উপর খাড়া করি মাকে। মা তখন জিভ বার করে হাসে।

সবই ছিল তার প্রকাশ্য ব্যাপার। জীবনে যা অপ্রকাশ্য তা তার স্বার্থের ব্যাপার বিষয় ব্যাপার।

গ্রামের প্রজারা এসে বসে থাকত। তাদের নালিশ শুনত। জরিমানা আদায় করত। ভেট নিত। কেউ আনত খাসী কেউ আনত তরকারি, সে শাক পর্বন্ত; কেউ আনত ঘি কেউ হুপ। খাজনা আদায় হ'ত। দরখাস্ত জানাতো।

দলিয়ার কাজ সেরে গোপাল সিং স্নান করতে যেত পুকুরে; বাঁপিয়ে পড়ত কুমীরের মত। প্রচুর সাঁতার কেটে উঠত। তারপর কালীমা গোবিন্দজী থেকে ষষ্ঠীমাকে প্রণাম করে এসে যেতে বসত। সে খাওয়াও নাকি একটা পর্ব ছিল। মাছের মাথা ভিন্ন খাওয়া হ'ত না। এবং পাঁচ পোয়া চালের ভাত সে খেতো। তার সঙ্গে ছোলার দাল। তারপর ঘুম। টানা সন্ধ্যা পর্যন্ত। সন্ধ্যার সময় উঠেই নেশা-যোগ। আগে বাবার ভোগ তারপর মায়ের ভোগের প্রসাদ পেয়ে সন্ধ্যার মজলিশ। সে গ্রামশুদ্ধ লোক। সে ছপূররাজি পর্যন্ত। তারপর অন্ধরে। তিনটি বিবাহ ছিল—তার উপর ছিল রক্ষিতা দাসী।

কিন্তু এই সব নয় গোপাল সিংয়ের। বর্ষার সময় গোপাল সিংয়ের আর এক রূপ ছিল।

পাঁচখানা গ্রামের লোক আসত তার দলিয়ার। বর্ষার ধান ফুরিয়েছে, চাষের সময় ধান চাই।

‘গাঁজার নেশার পাটার উপর মদের নেশার বিগ্রহ চড়িয়ে’ গোঁফে তা দিতে দিতে গোপাল সিং প্রস্থ করত—কোন গ্রামের রে তোরা বেটারা ?

—পাঁচপাড়ার আমরা সিংমশায় !

—কতজনে নিবি কত ধান চাইরে শা—রা ! হিসেব ক’রে বল।

—হিসেব ক’রে এনেছি সিংমশায়। চার পোটা ধান আমাদের চাই।

মানে একশো বাঠ মন !

গোপাল বলত—দেখ তো দাশজী, কোন কোন গোলায় পুরো এক এক পেটি ধান আছে ? দাশজী গোমস্তা বলে দিত নম্বর।

গোপাল বলত—যা এই এই নম্বরের গোলা চারটে ভেঙে ধান নিয়ে যা। খড়ের বড় তুলে রেখে যা।

তারা চলে যেত খুশী হয়ে। আর একদল এসে দাঁড়াত—আমরা সাঁওতা থেকে এসেছি। প্রণাম।

—তোদের কত চাই ?

—আমাদের লোক কম, দু পোটা চাই।

—শা-লোক কম কেনে রে ? বেশী হয়ে যা না। আমি বারণ করেছি। দুটো তিনটে বিয়ে কর। বলে দাও দাশ দুটো গোলার নম্বর।

আবার অল্প গ্রাম আসত। তারা নম্বর জেনে নিয়ে চলে যেতো। ‘বাখারের’ খড়ের দড়ি খুলে ধান তুলে গাড়ী বোঝাই করত ; খড়ের দড়ি সম্বন্ধে জড়ো করে রেখে যেত গোপাল সিংয়ের চাষবাড়ীতে। মেয়ে দেখার রেওয়াজ ছিল না। কিন্তু কম হ’ত না কখনও। আবার ধান উঠলে মাঘ মাসের শেষ থেকো শুরু করে গোটা ফাল্গুন ধানবোঝাই গাড়ী আসত। গ্রামের লোকেরা প্রণাম ক’রে বলত—আমরা পাঁচপাড়ার লোক ধান এনেছি।

—এনেছিস শা—রা। বেশ করেছি। যা, যে বাখার ভেঙেছিল সেই বাখারে ধান তুলে বড় বেঁধে দিয়ে যা। পুরো এনেছিস ?

—আজ্ঞে হ্যাঁ। আসল সব আছে। তবে বাড়ি পুরো দিতে পারছি না সিংমশায়, এবার ফলন খারাপ।

—কত বাকী থাকল লিখে দিয়ে যা।

সিংয়ের ভরফেও কেউ ধান মেয়ে নিত না।

শুধু এই নয়, গোপাল সিংয়ের আর এক চেহারা ছিল। বিবাদী সম্পত্তি দখল নিতে সাহায্যের জঁত লোক আসত। বিবাদী জমি দখল দিয়ে দিতে হবে সিংজী।

—কোখাকার গো ?

—নসীমপুরের।

—কার সঙ্গে, ফৌজদারি ?

—নসীমপুরের সাহাদের সঙ্গে।

—ওরা কাকে আনবে ?

—শুনছি—গোপ গোয়ের গোপদের ।

—তারা গোপ ? শা—মরদ বটে !

—আপনাকে যেতে হবে ।

—যাব । তুশো টাকা লিব ।

—আজ্ঞে—

—ভাগ্যে শা—ভাগ । আজ্ঞেতে নেই গোপাল সিং । ই বললে আছে ! আধা টাকা রেখে যা । আধা টাকা গিয়ে আগে লিব—তারপরে নামব । মামলা খরচা শা—তোদের ।

তাই ঠিক দিনে যেত গোপাল । কাটাকাটি ক'রে মিসিট পনেরোর মধ্যে দু চারটেকে ঘায়েল ক'রে তাদের ভাগিয়ে দিয়ে চলে আসত । হুচর লাঠি খেয়েও আসত । কিন্তু জখম হয়ে মাটি সে নেয় নি কখনও । কোজদারি মামলায় আসামী হত । কিন্তু বিচিত্র এ্যালিবি রেখে যেতো, যার জোরে অধিকাংশ সময় বেরিয়ে আসত ।

কেউ আসত শত্রুর উপর শোধ নিতে হবে ।

—কি করতে হবে ?

—শিক্ষা দিতে হবে ।

—বাবা লিখাপড়ি জানি না আমি । মারধর জানি । জান লিতেও জানি । বাকী কি করতে হবে বল ?

—ঘা কতক উত্তম মধ্যম ।

—শা—, হাত লিব না পা লিব না কান কেটে লিব তাই বল । হাত পা ভাঙতে লিব একশো টাকা, কান কেটে লিতে দেড়শো !

জান নিতে হবে বললে বলত—কি করেছে তুমার ? বেটী বহু বহেন কারকে বাহার করেছে ? তুমার কারুর জান লিছে ? সি হলে পর লিতে পারি । রাখো পানশো । নাম বলো । হদিশ বলো । সাতদিনের অন্তরে লাশ মিলবে মাঠে, না তো ঘাটে, না তো রাস্তার উপর ! না-হলি ভাগো !

ঘরে আশুন দিতে হলে পাঁচ দশ টাকা ।

পথের মধ্যে লোকের সামনে কান মলে দিতে হলে পঁচিশ টাকা । তার সঙ্গে দুটো খাণ্ড দিতে হলে আরও দশ টাকা । তার সঙ্গে গাঁজা মদ !

এও সব নয় । এমন যে গোপাল, থানায় তার খাতির খুব । খাসী মাছ ঘি তরকারি দুধ, মধ্যে মধ্যে টাকা, এ গোপাল দিত । কিন্তু তাই সব নয় । তার এলাকার কোন আসামীকে তার সাহায্য ভিন্ন পুলিশ ধরতে পারত না ।

কিছুদিন আগে, জামনগর পুড়িয়ে আসার পরই একটা ঘটনা ঘটেছিল, সেকথা লোকের মুখে গল্প হয়ে উঠেছিল । সকালে দলিঙ্গার সামনে দিয়ে যাচ্ছিল থানার নতুন রাইটার, সঙ্গে দুজন কনস্টবল । গোপাল সিং তাকে দেখেই 'আরে—আরে—আরে—' বলে পরম আগ্রহভরে এসে বলেছিল—চামারী সিং, কাহা জায়েগা ভাইয়া ? ই বাবু ?—

—আপনার ইলাকার এলম সিংজী। ইনি নৌতুন জমাদার! বলে দে আলাপ করিয়ে দিয়েছিল রাইটারবাবুর সঙ্গে।

গোপাল তাকে সাগ্রহে আহ্বান করেছিল তার বাড়ীতে। আসেন—আসেন। বসেন। তামাকুল পিয়েন। সরবত আন, পান আন, মদ আন। খাসী এনে কাট!

রাইটারবাৰুটি পুরানো বন্ধু। সিংজীর সঙ্গে অনেক মত্ত পান করেছেন। তাঁর মারফতে অনেক ঘুষ নিয়েছেন। কিন্তু আজ তিনি কান দেন নি। তিনি আহ্বান প্রত্যাখ্যান করে বলেছিলেন—না। একজন ফেরারী আসামীর সন্ধানে এসেছি। খবর পেয়েছি সে এসেছে। আমাদের যেতেই হবে।

—আরে বসেন মশাই। উ শালাকে হামি হাজির করে দিব। কেনে ভাবছেন আপনি। বসেন, মৌজ করেন। মদ খান। রাত মে যা চান তাই দিব। শাল সকলে শা—কে লিয়ে মজেসে চলিয়ে যাবেন।

কিন্তু মুন্সীসাহেব শোনেননি। চলে গিয়েছিলেন। ফিরেছিলেন সন্ধ্যা নাগাদ—অত্যন্ত ক্লান্ত এবং ক্ষুধার্ত হয়ে—শূন্য হাতে।

গোপাল আবার তাকে পাকড়েছিল। বসেন—বসেন। ই কি বাত! এই রাতে ফিরবেন, না খানা, না পিনা। তা হয় না মশা।

মুন্সীবাবু অগত্যা ছিলেন। সম্মুখে রাত্রি, পথও অনেকটা এবং ক্ষুধার্ত, ক্লান্ত দুই-ই ছিলেন সকলে।

গোপাল তাদের সমাদর করে মত্ত, মাংস, ধিচুড়ি, মাছের মুড়ো খাইয়ে বিছানা করে শুতে দিয়েছিল। একটি যুবর্তীও দিয়েছিল। গভীর ঘুমে আচ্ছন্ন হয়ে পড়েছিলেন মুন্সীবাবু। কিন্তু হঠাৎ ঘুম ভেঙে গিয়েছিল। ঘরের মেঝেটা জলে ভিজ়ে উঠেছে, বিছানা ভিজ়েছে এবং বাইরে থেকে কারা ছড় ছড় করে জল ঢালাচ্ছ জানলা দিয়ে।

মেয়েটা একপাশে জড়োসড়ো হয়ে দাঁড়িয়ে আছে। কাঁলটা ছিল শীতকাল। মুন্সীবাবু ভিজ়ে বিছানায় শুয়েছিলেন, তাঁর কাপড়-মাও ভিজ়ে গেছে। তিনি কাপতে কাপতে উঠে ঘরে পা দিতে গিয়ে কাদায় পা দিয়েছিলেন, মাটির মেঝে জলে ভিজ়ে কাদা হয়ে উঠেছে।

এ কি?

মেয়েটা জবাব দিয়েছিল—সিংজী।

—সিংজী?

—হ্যাঁ, সিংজীর লোকেরা জানালা দিয়ে জল ঢালছে।

—কেন?

—তা জানি না।

মুন্সীসাহেব দরজায় এসে খিল খুলে দরজা টেনে দেখেছিলেন, দরজা বাইরে থেকে বন্ধ। তিনি তারপরে চীৎকার করেছিলেন—সিংজী। সিংজী। গোপাল সিং বাবু। ও মশায়।

বাইরে অষ্টহাস্ত বেজে উঠেছিল। হা-হা-হা! কেমন মজা!

এটা গোপালের কোতুক। তার রসরসিকতা এইরকম। কিন্তু শেষ রক্ষা করেছিল

গোপাল। মরজা খুলে ভিজ্জ মুল্লীকে বের করে শুকনো কাপড় পরিয়ে শুকনো ঘরে শুকনো শয্যায় শুতে দিয়েছিল। শুধু তাই নয়, সকালে উঠেই মুল্লীসাহেব তাঁর কেরারী আসামীকেও হাজির পেয়েছিলেন। গোপাল সিংয়ের লোকেরাই তাকে লুকিয়ে কলেছিল মুল্লী যেতে যেতে, আবার তারাই তাকে হাজির করে দিয়েছে মুল্লীজী উঠতে উঠতে।

গোপাল মুল্লীকে বলেছিল—এই লেও বাবা, তোমার আসামী। গিয়ে যাও। কিন্তু বাবা, গোপাল সিংকে ডিভিয়ে ঘাস খেতে যাইও না। গোপাল ঘোড়া আছে না—হাতী আছে, উট আছে। ডিভানো যায় না। বললাম—বস বাবা, মোজা করো। শুনলে না। তাই হাতের খেল দেখিয়ে দিলম।

আসামীটাকে বলেছিল—যা রে শালা যা। বুরা কাম করিয়েছিস, সাজা লিতে হবে। আজ না লিস, কাল লিতে হবে। তা বা চলে যা। তোর ‘বালবাচ্চা জরু মরু’ রইল। আমি রইলম। খানে মিলবে, পরনের কাপড়া মিলবে। সো সব কুছ আমি দিব। যা।

\*

\*

\*

এই গোপাল সিং।

রায়বাহাদুর রত্নেশ্বরের প্রথম দিনের ডায়রী দশ পৃষ্ঠা জুড়ে লেখা। অক্টোবরের উৎসবের বিবরণ থেকে মায়ের কোলে ফিরে আসার আবেগময় মনোভাবের বর্ণনার সঙ্গে গোপাল সিংয়ের কথা অনেকটা জায়গা জুড়ে আছে।

—সে যদি নাই আসে। তবে কি করবেন? কে ডাকবে? এই গোপালকে কে শ্রুত করবে? অথচ মঙলান ভোজী স্বীকার দোষ হয়ে যাচ্ছে। রত্নেশ্বর দেওয়ানকে চিন্তিতভাবেই কথাগুলো বলেছিলেন।

হেসে গিরীন্দ্র আচার্য বলেছিলেন—বাবুজী, লোক আছে। ডাকবার লোক আমার হাজির আছে।

—হাজির আছে?

—কে?

আচার্য ডেকে বলেছিলেন—ভগবান মঙলকে ডাক তো। প্রায় সঙ্গে সঙ্গেই এক দীর্ঘকায় প্রায় সাড়ে ছ’ ফুট লম্বা অল্পপাতে শীর্ণকায় এক প্রোট এসে ভূমিষ্ঠ হয়ে প্রণাম করেছিল।

ভগবান মঙল অবস্থায় গোপাল সিংয়ের সমকক্ষ লোক। কিন্তু নির্বিরোধী। এককাল পর্তু গোপালের অহুগতই ছিল। সে যা বলেছে, তাই মেনেছে। কিন্তু আর মানবে না। সে ডাকতে প্রস্তুত আছে। কীতিহাটের জামাই সে। আচার্য তার স্বপ্ন-শ্রমিকদের দিখে তাকে জাগিয়েছেন। মঙলান ভূমি নাও। মাথা হেট করে কতকাল থাকবে?

ভগবান রাজী হয়েই এসেছে এখানে।

গিরীন্দ্র আচার্য বলেছিলেন—কোজদারি হবেই। গোপাল ছাড়বে না। ওতেই সে জালে পড়বে। ভগবানকে সামনে রেখে লড়বে আমাদের লোক। গোরানদের আমি ঠিক করে রেখেছি। এই সমারোহের মধ্যেই বীরেশ্বর রায় গোরানদের বসতের জায়গা দিয়েছিলেন ওই সিদ্ধপীঠের জঙ্গলের পাশে খানিকটা ঘুরে ওই লালমাটির ডাকার উপর। একবারে কীসাইয়ের

ধারে। হিলাডার বাবা পিফ্রস ওদের সর্দার। পিফ্রস ওখন পচিশ-তিনিশ বছরের জোয়ান। রবিনসনের মৃত্যুর পর পুলিশ তার উপর নজর রেখেছে। সে সারাবাবুর আশ্রয়ে এসেছিল বাচবার প্রত্যাশায়।

গোপাল সিং কিন্তু আসে নি। একটা গুজব কেমন করে রটেছিল যে বীরেশ্বর রায় প্রতিজ্ঞা করেছেন গোপাল এলে তাকে ধরে কালীমায়ের স্থানে নরবলি দেবেন। বিচিত্রভাবে গুজব নিজের গড়ন নিজে নেয় সংসারে। গুজব রটেছিল বীরেশ্বর রায়ের নিরুদ্দিষ্টা সতী বউ বারো বছর কালী সাধনা করেছেন। তার উদ্ঘাপন হবে নরবলি দিয়ে। গোপাল সেই বলি।

কথাটা সেকালে অবিবাস্য ছিল না। নরবলি তখনও ছিল। তান্ত্রিকেরা দিত গোপনে খাশানে, লোকালয় থেকে দূরে; ডাকাডেঙ্গা বড় ডাকাতি করবার আগে অনেক সময় নরবলি দিত। জেদের ক্ষেত্রে জমিদারেরাও নরবলি দিয়েছে। নিজে গোপালও বলি হিসেবে নরবলি না-দিক, নরহত্যা কয়েকটা করেছে, তার মধ্যে একটাকে নরবলিই বলা চলে। ছিক্রদাসকে সে কালাপূজার রাতে অন্ধকার মাঠে এক কোপে কেটেছে। কাছাকাছি অঞ্চলের মধ্যে শিবপুরের ছিক্রদাস একসময় দুর্দান্ত দুর্দ্ধ হয়ে উঠেছিল—যানত' না সে কাউকেই। সম্পত্তিবান লোক, লোকে বলত একদল ডাকাত তার অধীনে আছে। বর্তমানে গোপাল সিং যা করে তাই সে তখন করত। বলতে গেলে গোপালের গুরুও সে বটে এবং গোপাল তাকে খুন করেই তার গদাঁতে বসেছে তাও বটে। স্থানীয় সম্পত্তিবান ব্রাহ্মণ কায়স্থ গুরুবণিক তালুকদার পত্তনীদার এবং সংগৃহস্থেরা ছিক্রদাসের ঔদ্ধত্যে পীড়িত এবং লালিত হুইই হয়েছিলেন। শেষে তাঁরা একজোট হয়ে প্রতিকারে বন্ধপরিকর হয়ে কাণ্ডটা করেছিলেন। গোপাল তখন নবীন যুবক। গুরুবণিক তালুকদার লোকাই চন্দ হয়েছিল জোড়ের মাথা। সেদিন কালা পূজো। লোকাই চন্দের বাড়ীতে সেদিন গোপাল হাজির ছিল। নেমন্তন্ত্রে গিয়েছিল। রাত্রি দুপুরে পূজো। লোকাই চন্দ উপোস করে বসেছিল। গোপালও বসেছিল কাছে। ওই কথাই হচ্ছিল। গোপাল বলেছিল—হামি পারি চন্দবাবু!

—তুমি পার? হেসে বলেছিল—এত সোজা নয় গোপাল!

—না পারলে ছুয়া দিবেন। ছত্রি থেকে গোপাল খারিজ হয়ে যাবে!

মাথায় কারণের ঝাঁক ছিল, সেই ঝাঁকের মাথাতেই হচ্ছিল কথাবার্তা। এমন সময় একজন পাইক এসে বলেছিল—ছিক্রদাস এসেছে।

—ছিক্র দাস।

—হ্যাঁ। কালপূজোর খবর করতে এসেছে। নেমন্তন্ত্রপত্র করেছিলেন।

—নিরে মায়া। না—আমি যাচ্ছি।

উঠে যাচ্ছিল চন্দ, গোপাল বলেছিল—হামাকে একটা তলোয়ার দিবেন? কি দাও? ঘরেই ক'খানা রামদা আর তলোয়ার সাজানো ছিল।

—গোপাল।

—দিয়া দেখেন।

তা. র. ১৫—৭

—কিন্তু আমার গ্রামের মধ্যে নয়।

—ঠিক আছে। তাই হোবে।

—দেখে নিরে যাও!

—হামি এই দরজা দিয়ে নিকলে যাচ্ছি। একটুকুন দেরী করবেন।

ছিন্ন দাস চাষীর ছেলে, দুর্দান্তপনার জোরে সম্প্রতিবান হয়ে সে প্রতিষ্ঠিত মর্যাদাবানদের গারে-গা-দিয়ে বসবার শবে একজন অহুচর সঙ্গে ক'রে কালীপুজার দিন সন্ধ্যা থেকে তদন্তলাস করতে বেরিয়েছে। সে দাঁড়িয়েছিল কালীমূর্তির সামনে। চন্দ্র তাকে অতিথি হিসেবেই আহ্বান করেছিল। আপ্যায়িতও করেছিল। কয়েক পাত্র কারণ পান করে উঠেছিল ছিন্ন দাস।—উঠলাম চন্দ্রমশায়!

চন্দ্রের মনে বিধা হচ্ছিল। অতিথি এসেছে! তার উপর গোপাল একলা গেল যদি না-পারে, তবে সব প্রকাশ হয়ে পড়বে।

চন্দ্র বলেছিল—আজ থাক না দাস।

—আজ্ঞে না। ওইটি আজ্ঞে করবেন না। বাড়ী আমাকে ফিরতেই হবে। অনেক শালা তাকে আছে। আমি বাড়ী নাই জানলে বাড়ী মেরে দেবে। তাছাড়া গুরু বারণ আছে—বাইরে রাত আমি কাটাব না। মানুষ ঘুমোয়—না—মরে। পরের বাড়ীতে ঘুম আর যমের ভুরোরে মাথা দেওয়া দুই সমান।

চন্দ্র বলেছিল—তবে সঙ্গে লোক দি, অপেক্ষা কর।

নিজের হাতের লাঠির মধ্য থেকে একটা ধারালো চকচকে গুপ্তি বার করে বলেছিল—  
—“হাঁহা ছিন্ন দাস তাঁহাই ভীমপুর”। এই আমার দোসর। আপনাদের আশীর্বাদে মানুষ তো মানুষ ভূত প্রেত পিশাচে ছিন্নকে পথ ছেড়ে দেয়।

বলে হাসতে হাসতে চলে গিয়েছিল। গ্রাম পার হয়েই বিস্তীর্ণ মাঠ একটা। ছিন্ন চলে যাওয়ার আধঘণ্টাও হয় নি—মাঠ থেকে একটা চীৎকার উঠেছিল। সে চীৎকার ভীষণ চীৎকার। চমকে উঠেছিল চন্দ্র। কি হল?

গোপাল ধরা পড়ল? মরল? সে ভাবছিল লোক পাঠাবে কি পাঠাবে না। হঠাৎ ছুটে এসে পড়েছিল ছিন্ন দাসের সঙ্গে লোকটা।—চন্দ্রমশায়!

চন্দ্র আবার চমকে উঠেছিল।—কি হল?

হাপাতে হাপাতে লোকটা বলেছিল—সর্বনাশ হয়ে গেল হজুর। মাঠের মধ্যে একটা গাছের উপর থেকে লাফ দিয়ে পড়ল একটা দানোর মত কি! তারপর—

—তারপর কি?

—একখানা দা দিয়ে—

—কি? কি?

—দাস মশায়কে এক কোপ। তারপর আমাকে। আমার হাতে মশাল ছিল। আমি লাঠী ধরতেই পারলাম না। দাসমশায়ও গুপ্তি খুলতে পারলে না। আমার হাতে কোপ লেগেছে। মশাল পড়ে গিয়েছে। সে দাসমশায়ের বুক বসে কোপাচ্ছে।

লোকজন গিরেছিল হৈ হৈ করে। অগ্ন চন্দ গিরেছিল। হৈ হৈ সেই করিরেছিল। গোপাল জানে, সেটা চন্দমশারের ইশারা। গোপাল তখন অমাবস্তার অন্ধকারের মধ্যে দূরে চলে যাচ্ছে। যেতে যেতে হেসে উঠে সেই জনহীন মাঠে বলে উঠছিল—জয়কালী!

পরদিন পরিচ্ছন্ন পোশাক প'রে মুরেঠা বেঁধে এসে চন্দকে নমস্কার করে বলেছিল—আপনার বাড়ীতে কালীপূজা হয়েছে কাল। পেসাদ লিতে এলাম।

চন্দ খাতির ক'রে বসিয়ে বলেছিল—এস—এস—এস। প্রসাদ সর্বাঙ্গে তোমার হে! তুমি সাধক! বস!

কথাটা গোপালের মনে পড়েছিল। গোপাল সেইজন্তে আসে নি। তবে উকীল সে পাঠিয়েছিল! উকীল মজবুদ উকীল—মহিষাদল স্টেটের নায়েব। মহিষাদলের কাছারীতেও সে গিয়েছিল। রাজাবাহাদুর তাকে তিরস্কার করেছিলেন। গোপালের বিবরণ তাঁর অজানা ছিল না। বীরেশ্বর রায় তাঁর সঙ্গে যে সজ্জমপূর্ণ ব্যবহার করেছিলেন, তিনি শীলদের সঙ্গে মিট-মাটের জন্ত রাজা রাধাকান্ত দেব বাহাদুরের কাছে গিরেছিলেন, রাজাবাহাদুরকে যে-কথা বলেছিলেন, সবকিছুই তাঁর কানে এসেছিল। এবং শ্রামনগরে সে দে-সরকার এবং রবিনসনের সঙ্গে হাতমিলিয়ে গোটা গ্রাম পুড়িয়ে দিয়েছে এবং রত্নেশ্বরকে পুড়িয়ে মারবার জন্ত ঘরে শিকল দিয়ে বন্ধ করেছিল, তাও জানতেন।

তিনি বলেছিলেন—আমার উচিত এখন থেকেই তোমাকে বেঁধে কীৰ্ত্তিহাটে পাঠানো। যাও তুমি, আমার সম্মুখ থেকে চলে যাও! আমি একটি কথাও তোমার জন্তে বলব না বলতে পারব না!

গোপাল অসহায় বোধ করেছিল প্রথমটা। তারপর সে নিজেকেই নিজে বলেছিল, কুছ পরোয়া নেহি হয়।

তারপর ধরেছিল নায়েবকে। রাজাসাহেব এ নিয়ন্ত্রণে নিজে যাবেন না, তবে তাঁর আশীর্বাদী লৌকিকতা নিয়ে যাবে তাঁর সম্মর নায়েব। সেই নায়েবকে ধরেছিল গোপাল এবং কবুল করেছিল—খেদ! কোনরকমে ঘর ঢুকাংয়ে দিন নায়েববাবু, আমি একশো টাকা কবুল করছি আপনার নজরানা!

\*

\*

\*

সেদিন গোপাল নিজে এলে কি হ'ত বলা কঠিন! সেদিন রায়বাড়ীতে দেবতা-মন্দির থেকে, কাছারী থেকে অন্দের পর্যন্ত পরিপূর্ণ সান্ত্বন্যের একটি অভিজ্ঞতার বাতাবরণের সৃষ্টি হয়েছিল।

নাটমন্দিরে হরেছিল পোশাপুত্র গ্রহণের যজ্ঞ। বিমলাকান্ত অশ্রুসজল চক্ষে দান করেছিলেন কমলাকান্তকে, দান গ্রহণ করেছিলেন বীরেশ্বর এবং ভবানী দেবী। জল সকলের চোখ থেকেই গড়িয়ে পড়েছিল। তাঁরাও কেঁদেছিলেন, সঙ্গে সঙ্গে যারা দেখেছিলেন তাঁরাও কেঁদেছিলেন।

যজ্ঞশেষে অন্ধরে লক্ষ্মীর ঘরের সামনের দরদালানে রায় পরিবারের সকলে রত্নেশ্বরকে আশীর্বাদ করেছিলেন।

প্রথমেই আশীর্বাদ করেছিলেন একসঙ্গে যুগলে বীরেশ্বর রায় এবং ভবানী দেবী।



সেই কাত্যায়নী দেবীর বোন বীরেশ্বর রায়ের মাসীমা বসে বলে দিচ্ছিলেন ক্রমপর্যায়! এ আর এক যাহুধ। বীরেশ্বর রায় পুত্রের হাতে দিয়েছিলেন নিজের হাতের হীরের আংটি। ভবানী দেবী দি়েছিলেন একসেট সোনার বাসন।

ভক্তমহিলা বলেছিলেন—ওমা! বাটি যে খালি গো। ওতে বাটি ভরে দুধ দাও। তুমি মা। দাও দাও। ওগো দুধ আন—দুধ আন। সন্তান নিচ্ছ—মা—ও কি সোনার-দানায় মেলে? মেলে মায়ের দুধে। একবাটি দুধে তোমার মাই থেকে গেলে একফোটা মিশিয়ে দাও। না-থাকে, ওই ঘরে যাও, গিয়ে দুধে মাইয়ের বোটা ঠেকিয়ে দাও। তারপর মুখে অন্ন দাও ভুটি। ওই অন্নপ্রাশন হল। হ্যাঁ। তারপর দুজনে বস। বীরেশ্বর আর তুমি। বউমা, তুমি ছেলেকে আগে কোলে নাও। উঠে বস ভাই রাজাবাবু নাতি আমার, রায়বংশের এ কুল ও কুল দুহুলের শিবরাত্রির শলভে—মায়ের কোলে উঠে বস। মায়ের কোলে এলে তুমি। বা-বা-বা—কি মানিয়েছে দেখ! মা দুর্গার কোলে কাতিক! যশোদার কোলে গোপাল বলব না মা, গোপাল বড় নিভুর, মাকে কাদিয়েছিলেন। মা কৌশল্যার রামচন্দ্র। এই ঠিক। ফিরে এল হারানিধি, এসে রাজপাটে বসবে! দুঃখ হচ্ছে কি জান—সীতা নাই! আঃ, আজ সীতা থাকলে কি হ'ত? আঃ, ব্যতায় গান শুনেছিলাম—অযোধ্যার প্রজারা কাঁধে ভার নিয়ে গান গেয়েছিল—‘আর ভাই ভার নিয়ে যাই অযোধ্যার রাম রাজা হবে।’ এ ঠিক তাই!

কে ভিড়ের মধ্যে থেকে বলে উঠেছিল—তুমি তো রয়েছ ঠাকুমা, সীতা হয়ে বায়ে ব'স না! আনন্দের উলমল সরোবরে যেন দমকা বাতাসে একটা তরঙ্গোচ্ছ্বাস উঠেছিল। মেয়েরা সব হেসে উঠেছিল খিল খিল করে। বীরেশ্বর রায়ের মত ছদ্মস্ত পুরুষের সামনেও তাদের হাসতে ভয় হয় নি!

বীরেশ্বর রায় নিজেও মুহু মুহু হেসেছিলেন।

ঠাকুমাটি বলেছিলেন—কে লা?

কেউ সাড়া দেয় নি। ঠাকুমা বলেছিলেন—এ নিশ্চয় অজ্ঞান! ও নহলে কে বলবে এমন কথা। মর—মর—মর। আমার মানাবে না ভাবিস বুঝি? ওলো, আমি রাজকুমারী রাণী কাত্যায়নীর মাসতুতো বোন। আমাদের গায়ের রঙ সোনার মত, রূপ আমাদের লক্ষ্মীর মত! সাজলে এখনও নাজিকে ভোলাতে পারি! মরণ!

আবার হাসির রোল উঠেছিল। ঠাকুমা বলেছিলেন—থাম, হাসিস নে, শুভকর্ম হয়ে যাক। বউমা, এইবার ছেলেকে চুমু খাও, খেয়ে তুমি বীরেশ্বরের কোলে দাও। নাও বাবা বীক, কোলে নাও ছেলে, তোমার বংশধর—তুমিও চুমু খাও।

—এইবার নাতি, তুমি বস ভাই মা-বাবার সামনে কোলের কাছে। আমরা পাঁচজনে আশীর্বাদ করি। প্রথমে আমি!

বলে ধানদুঁয়ার সঙ্গে একটি মোহর দিয়ে তিনি আশীর্বাদ করেছিলেন। একখানি রূপোর খালায় মোহর সাজানো ছিল, বীরেশ্বর লেখনী ছেলেকে এগিয়ে দিয়ে বলেছিলেন—প্রণাম কর। প্রণামী দাও।

বীরেশ্বর রায় ঠাকুমাকে পাঁচখানা মোহর দিয়ে প্রণাম করেছিলেন।

পিছন থেকে সেই কণ্ঠস্বর আবার শোনা গিয়েছিল—সুদন্ত নগদ বিদেয় ঠাকুমা! সকলে আবার হেসে উঠল। এবার বেশী। যেন হাওয়াতে বর্ষার এলোমেলো গাতন লেগেছে। এবং কালটাও যেন ভরা-ভর্তি বর্ষা বলে মানিয়ে গেছে বড় ভাল।

ঠাকুমা মুখঝামটা দিয়ে বলেছিলেন—মর মর মর। এমন মুখ যদি না-হবে তো এমন কপাল হবে কেন তোর?

সঙ্গে সঙ্গে জবাব এল—কেন ঠাকুমা, কপালটা আমার মন্দ কিসে বল। কক্কাপুরের রাজবাগী, খুদকুড়োতে পেট ভরাই, রাত্রে ভাঙা ঘরে চাঁদের আলো, বাতীর পান্দায়ে কোপে-কাড়ে শেয়াল কোজ পাহারা দেয়। রাজা আমার হবুচন্দর, খায়দার কাসী বাজায়; কপাল আমার মন্দ কিসে বল?

বীরেশ্বর রায়, ভবানী দেবী, রত্নেশ্বর সকলেই এই মেয়েটির খোঁজে কোঁতুক এবং কোঁতু-হলভরে তাকিয়ে দেখেছিলেন। কিন্তু তাকে কেউ দেখতে পায় নি। মেয়েটি পিছনে আত্মগোপন করে দাঁড়িয়েছিল।

বীরেশ্বর বলেছিলেন—মেয়েটি কে মাসীমা?

—আমারও বটে তোমার মায়েরও বটে ভাইয়ের নাতনী। আমার আপন ভাই। তোমার মায়ের তা হলে মাসভূতে ভাই। তাহলে দেখ তোমার মামাতো ভায়ের বেটা। তোমার ভাইঝি সম্পর্কে, নাম হল অঞ্জনা। ওদের গেরামে অঞ্জনাঠাকরুণ কালীমা আছে, তার দোর ধরেই হল ওই বেটা। তা আমাকে মধো মধ্য নেকে চিঠি, তোমাদের খবর নেয়; এবারে তুমি রাজস্ব অর্থমেধ করছ বাবা, দেশদেশান্তরের লোক এল। প্রজাসঙ্জন, তালুকদার, পত্তনীদার, বড় বড় নোক, হাকিম হকিম, তা আমিও ওকে নিকেছিলাম—আসবি—অবশি অবশি আসবি। চোখের সাংখ্য ক'রে যাবি।

ভবানী দেবী বলেছিলেন—বেশ ক'রেছেন মাসীমা। উচিত করেছেন। বল! তো আমাদেরই কর্তব্য ছিল। তা আমরা তো ঠিক জানতাম না! বেশ ক'রেছেন।

বীরেশ্বর রায় ভবানীকে বলেছিলেন—তুঁগি খবর করো!

এদিকে আশীর্বাদ একের পর এক হয়েই চলেছিল। রত্নেশ্বর প্রণাম ক'রে অস্ত্র সকলকেই এক মোহর ক'রে প্রণামী দিয়ে চলেছিলেন।

আশীর্বাদের পালা শেষ হ'তেই এসেছিল প্রণামের পালা। রত্নেশ্বরের সঙ্গে সম্পর্কে বারা ছোট তারা এবং দাসীরা ভিড় করে এসেছিল এঁদের। হঠাৎ ঠাকুমা বলেছিলেন—অঞ্জনা কই? ও অঞ্জনা? তুঁহি তো বড় লো! আর আর। কাল তো হিসেবে হল তুঁহি সাতদিনের বড়! আর না লো!

এবার এগিয়ে এল অঞ্জনা। বললে—না ঠাকুমা, প্রণাম আমি নিতে পারব না। আমি সাতদিনের বড়, উনি আমা থেকে চৌদ্দ আঙুল মাথায় উঁচু। আমি মনে মনেই বলছি—জগদান মঙ্গল করুন। যা কালী রক্ষ করুন আপন বিপদে। জমিদার আছেন রাজা হোন। বলেই সে এগিয়ে এসে প্রথম প্রণাম করেছিল বীরেশ্বর রায়কে। একটি উজ্জল স্নায়বর্ণা দীর্ঘাকী মেয়ে, সুন্দর মুখশী, মাথায় একরাশ কোলা কৌকড়া চুল, নাকটি একটু খাটো, চোখ দুটি অপরূপ

সুন্দর; একটু রোগা দেখাচ্ছে। পরনের কাপড়খানা পোশাকী কিন্তু পুরনো। হাতে হুগাছি নীখা আর বী হাতে নোয়া। একটু শীর্ণ। মেহে পরিচ্ছদে অভাব যেন প্রকট হয়ে রয়েছে।

বীরেশ্বর তার মাথার হাত দিয়ে আশীর্বাদ ক'রে বললেন—সুখী হও মা। কিন্তু প্রণাম নেবে না কেন রত্নেশ্বরের? সম্বন্ধে বড়।

—না—না মামাবাবু। না। বলে সে ভবানীর পায়ে প্রণাম করেছিল। ভবানী দেবী তার চিবুকে হাত দিয়ে মুখে ঠেকিয়ে বলেছিলেন—ছেলেপুলে কি মা?

বলে উঠলেন ঠাকুমা।—তবে আর বলছি কি মা। ছেলেপুলে হয় নি।

বীরেশ্বর বললেন—প্রণাম কর রত্নেশ্বর।

রত্নেশ্বর সর্বাগ্রে কয়েকপানা মোহর তুলে নিয়ে প্রণাম করতে উদ্বৃত্ত হল। মেয়েটি সঙ্গে সঙ্গে একটু সরে এসে হেঁট হয়ে অঞ্জলি পেতে বললে—দিন হাতে দিন। পোনা পায়ে রাখবার ভাগি আমার নয়। আর প্রণাম ওঠে হল। রাজাবাবুর কোন দূরসম্পর্কের গরীব বোন, রাণী কাতারনী দেবীর মাসতুতো বোনের খুড়তুতো ভাই তার নাতি। কথায় বলে 'সইয়ের বউয়ের বকুল ফুলের বোনপো বউ-এর বোনঝি জামাই'। দিন।

বগে অঞ্জলি পেতে মোহর কটা নিয়ে মাথায় ঠেকিয়ে বলেছিল—বাবু রত্নেশ্বরকে রাজা কর ঠাকুর। খনে পুতে সংসার ভ'য়ে দাও।

কর্তৃত্বের তার এমন আন্তরিকতা যে সকলে তার কথার মুগ্ধ হয়ে গিয়েছিল।

এরপর সম্পর্কে ছোটদের প্রণামের পালা তারপর দাসীদের। কুটম্ব সজ্জন—গ্রামের জাজিদের মেয়েরা—দল বেঁধে এসেছিল। এবং তারা ভিড় করে ঠুঁকঠাক প্রণাম শুরু করে দিয়েছিল। এতকণে রত্নেশ্বর সহজ হয়ে উঠেছিলেন। হাসিমুখে প্রত্যেকের হাতে একটি করে গিনি দিয়ে তাদের বিদায় শেষ করেছিলেন।

তারপর বাড়ীর দাসদাসীরা।

বীরেশ্বর বলেছিলেন—বেলা তিন পহর হয়ে গেছে। তোমরা একসঙ্গে প্রণাম কর। তোমাদের সকলে প্রত্যেকে পাঁচ টাকা করে পাবে।

ভবানী দেবী বলেছিলেন—আমার সঙ্গে আয় রত্ন। একটা কাজ বাকী আছে। আয়। বলে বলেছিলেন—মহাবীর, এখন কেউ যেন না আসে!

বীরেশ্বর রায় তখন প্রায় সন্ধ্যা, শুধু একটা পা একটু টেনে চলতে হয়; লাঠি নিতে হয়েছে। তার সঙ্গে তিনি রত্নেশ্বরের কাঁধের উপর ভর দিয়ে সিঁড়ি উঠে গেলেন। দোতলায় এই মহলে তিনি ভবানী এবং রত্নেশ্বর ছাড়া কেউ থাকে না। আর একজনকে ভবানী দেবী নিয়ে এসেছেন, সে হল সোফি বাঈ। বিবিমহল বিশিষ্ট অতিথিতে ভর্তি। বাইজীর দল, খেমটার দল, সেসব অল্প জায়গায় থাকে। সোফিকে ভবানী এখানে একখানা কোণের ঘরে থাকতে দিয়েছেন। বীরেশ্বর রায় কিছু বলেন নি। রত্নেশ্বর বলেছিল—লোকে কি বলবে?

ভবানী বলেছিলেন—কি বলবে? বলবার কি আছে। আমার বাপের শেবকৃত্য আমি করতে পারি নি, ও করেছে। তারপর ছ' বছর ও গুঁর সেবা করেছে। এতেও যদি ওর থাকলে নিন্দে হয়, তবে সে নিন্দে মাথায় ক'রে নিতে হবে। তাছাড়া ওর আচার-আচরণ

খাওয়া-দাওয়া কোনটেতে কোন নিলের কি আছে বল ? তুই কি ভেবেছিস রত্ন, খাশোছারার নাম করে ওর মুখ-বন্ধের জন্তে বেঁধে রেখেছিস ? ছি !

রত্নেশ্বর আর কথা বলেন নি। সোফি বাঈ সেইদিন থেকেই রায়বাড়ীর ভনখা নিয়ে জানবাজারেই কাছাকাছি একটা বাড়ীতে থাকে। নিত্য সন্ধ্যার সময় আসে, বীরেশ্বরের সামনে মেঝেতে বসে থাকে, ভবানী দেবী বসে থাকেন বীরেশ্বর রায়ের বিছানার : কথাবার্তা বলেন। গল্পগুজব করেন। তারপর একখানা গান গেয়ে চলে যায়। বেশভূষা করে না সোফিয়া। হিন্দুস্থানী মেয়েদের চণ্ডে লাগপেড়ে শাড়ী পরে। আন্ডরপের মধ্যে হাতে হুগাছি বালা, চুল সাধারণত এলোই থাকে। কোন কোন দিন বেণী রচনা করে সাধারণ একটা ধোঁপা বাঁধে।

ফুলের বনিয়াদ পত্তনের সময় একবার সে এসেছিল। সেবার বীরেশ্বর তাকে নিয়ে এসেছিলেন, সাহেবদের এদেশী খাঁটা গান গেয়ে শোনাবার জন্তে। এবার ভবানী নিয়ে এসেছেন। তাঁদের স্বামীস্বীর জীবনের শুভকর্মে সোফিকে তিনি বাদ দিতে পারবেন না। এবং প্রথমে বিবিমহলে জায়গা দিয়ে তাঁর মনটা খুঁতখুঁত করেছিল তাই তিনি এক কোণের একখানা ঘরে তাকে এনে রেখেছেন।

তার খাওয়া-দাওয়ার ব্যবস্থা করে দিয়েছেন। রাত্তা সোফিয়ার একজন হিন্দু দাসী করে নেন। দেবতার প্রসাদও খায়। খায় না শুধু মাংস প্রসাদ। এমনিত্তেও সে মাছ মাংস পৈরাজ্ঞ এসব খায় না।

রত্নেশ্বরকে নিয়ে গেলেন ভবানী নিজের ঘরে। বললেন—বস। তারপর নিজে গিয়ে ডাকলেন সোফিকে।

সোফি উপরতলায় বারান্দার দাঁড়িয়ে দরদালানে এই অস্থানপর্বটি দেখছিল। ভবানী এগিয়ে এসে তার হাত ধরে নিয়ে এসে বললেন—বেটাকে আশিস করো সোফি।

—আমি ? বুক হাত দিয়ে অসীম বিশ্বর প্রকাশ করে বললে—আমি ?

—হ্যাঁ। তুমি ! বাবুজীর তুমি সেবা করেছ। বহু সেবা করেছ। আমার পিতাজীর তুমি শেষ কাজ করেছ। তুমি আমার বলেন সোফি। আমার বেটা সে কি তোমার বেটা নয় ? তোমার আশিস না নিলে তো ওর আশিস পুরা হবে না সোফি !

সোফি অকস্মাৎ চোখ বন্ধ করেছিল, সঙ্গে সঙ্গে দুটি জলের ধারা নেমেছিল চোখ থেকে। তার চোখ খুলে কাপড়ের খুঁটে চোখের জল মুছে হেসে বীরেশ্বরকে বলেছিল—মালিক, আগনিও কি এই ছকুম করছেন ?

বীরেশ্বরও বোধহয় আবেগে বিচলিত হয়েছিলেন, তিনি মুখ ক্রিয়েরে অজ্ঞানিকে তাকিয়ে ছিলেন। মুখ না-ক্রিয়েরেই তিনি বললেন—আমার কলেজার কথা ভবানী জানে সোফি !

সোফি এবার জিজ্ঞাসা করেছিল—বব্বা ! বেটা বলব ? বলেছিল রত্নেশ্বরকে। রত্নেশ্বর সারাজীবন চরিত্র সম্পর্কে সজ্ঞানে কঠোর নিষ্ঠার সঙ্গে সকল রকমের দুঃস্বার্থ পরিহার করে চলেছেন। কিন্তু সেদিন তিনিও আবেগে অভিভূত হয়েছিলেন, তাঁর মনকে তিনি কঠোর কঠিন করে রাখতে পারেন নি। তিনি মুখে উত্তর দেন নি, হাঁটুগেড়ে বসে ওই মুগলমানী হাঙ্গিরের পা ছুঁয়ে কপালে ঠেকিয়ে মাথা হেঁট করেছিলেন আশীর্বাদের জন্তে। সোফি! তার

মাথায় ডান হাত ঠেকিয়ে অস্ত্র হাতখানি উপরে তুলে চোখ বুজে কয়েক মুহূর্ত দাঁড়িয়ে থেকে তার চিবুক স্পর্শ করে ঠোঁটে ঠেকিয়ে বলেছিল—মেরি জিন্দগী সফল হো গয়। আত্মা মেহেরবান, আমার এই বেটাকে তুমি দুনিয়ার বাদশা করে দিয়ে।

ভারতবর্ষেই সে চলে গিয়েছিল নিজের ঘরে।

\*

\*

\*

বিকলে হয়েছিল বাইরের লোকদের সঙ্গে সম্ভাষণ। নায়েব আচার্য এইদিনেই পুণ্যাহের দিন স্থির করেছিলেন। কালীবাড়ীর বারান্দায় বীরেশ্বর রায়ের পাশে বসে রত্নেশ্বর রায় পুণ্যাহের টাকা গ্রহণ করবেন স্থির ছিল।

পুণ্যাহ সাধারণতঃ বৎসর শুরু না হলে হয় না। চৈত্র মাসে আবেরী গেলে তবে পুণ্যাহের কথা। কিন্তু সে প্রথা লঙ্ঘন করে আচার্য দোলের দিন পুণ্যাহের ব্যবস্থা করেছিলেন। বলেছিলেন—আমরা চৈত্র কিষ্কির রাজহু দাখিল করে দাখিলা নিয়েছি কালেক্টরীতে। সুতরাং সম্পত্তিতে তো আমাদের স্বত্ব আগামী বছরেও বজায় আছে। প্রজাদের সঙ্গে বছরের হিসেব-নিকেশ চৈত্রতেও শেষ হবে না। চলবে। সুতরাং পুণ্যাহ করব, তাতে কার কি বলবার আছে?

বিকলে বীরেশ্বর ক্লান্ত ছিলেন বলে নিচে নামেন নি। তিনি সন্ধ্যার পর নামবেন। রত্নেশ্বর একলা বসেই পুণ্যাহের ‘সেহা’ ও টাকা নিচ্ছিলেন। পাশে গিরীন্দ্র আচার্য বসে ‘সেহা’ অর্থাৎ মহালদীগরের নামধাম ইত্যাদি মিলিয়ে নিয়ে টাকা গুনে রত্নেশ্বর রায়ের হাতে দিচ্ছিলেন এবং দুজন নায়েব বসে সেহাগুলিতে এস্টেটের মোহর ছাপ দিয়ে মণ্ডলদের ফিরিয়ে দিচ্ছিলেন। এবার পুণ্যাহের টাকার সঙ্গে আরও একদফা টাকার আমদানি ছিল। সেটা রায়বংশের নতুন উত্তরাধিকারী রত্নেশ্বর রায়ের নজরানা। মণ্ডলেরা নজর দিয়ে প্রণাম করছিল। একজন কর্মচারী লিখে যাচ্ছিল নজরনাদাতা প্রজার নাম ও পরিমাণের অস্ত্র। ওদিক থেকে আর একজন বিদায় করছিল মণ্ডলদের। প্রত্যেককে কাপড় চাদর এবং নগদ টাকা দিয়ে বিদায়। টাকা রাখা হচ্ছিল রূপোর খুঁড়িতে!

পুণ্যাহ আরম্ভে ঢাক বেজে থাকে—আবার শেষেও বাজে। ঢাকের অগ্রাধিকার বজায় রেখেও রত্ন চৌকি বাজবার ব্যবস্থা। পুণ্যাহের আমদানি শেষ হলেই টাকার ঘড়া নিয়ে গিয়ে কালীমারের বেদীর নিচে রাখা হবে। সঙ্গে সঙ্গে ঢাক বাজবার কথা।

কিন্তু আচার্য হাত তুলে ঢাক বাজাতে নিষেধ করে হেঁকে ঘোষণা করে বলেন—কাল সকালে মহল দিগরের খোয়াঘাট বা সরকারী নয়, আর হাট, তার সঙ্গে বার্ষিক জলকর আর বনকরের পাতা মহল, কয়লা মহলের ডাক হবে। যারা ডাকবে তারা যেন উপস্থিত হয়। আর একটা কথা, এবার পুণ্যাহে সব মহলের পুণ্যাহের টাকা এসেছে। আসে নি একমাত্র মণ্ডলান ভৌজি বীরপুত্রের টাকা! সুতরাং এই মণ্ডলান ভৌজির মণ্ডল আর মণ্ডল থাকতে চার না বা অক্ষম। কাজেই কাল ওইসব ডাকের সঙ্গে এই বীরপুত্রের মণ্ডল পদ ডাকের ওপর বিলি করা হবে। সর্বাত্মে ওই মণ্ডলানের ডাক হয়ে তবে অস্ত্র ডাক হবে। নে, এবার বাজা। না। দাঁড়া। সন্ধ্যার পর রাজরাজেশ্বর প্রভুর মা আনন্দময়ীর দোল খেলা হবে। ভারতবর্ষে

হবে কীর্তন গান। আর কৃষ্ণবাজা। বাজী পুড়বে। বাস—হয়েছে, নে, বাজা।

ঢাক বাজতে শুরু করেছিল।

সমস্ত কিছুর মধ্যে আনন্দ এবং উল্লাসের একটি স্রোত বইছিল, তার মধ্যে একটি অন্তঃস্রোত বইছিল বা গভীর একটি ঘূর্ণি আবর্তিত হচ্ছিল, যেটির লক্ষ্য হল গোপাল সিং।

বহুজন অর্থাৎ বহুপ্রজার ছোটখাটো দরবারও আছে। বাকী খাজনা পড়ে গেছে, কিছু মাফ চাই। না-হলে পেয়ে উঠছে না। হুঁ একজন অতি নাতোরান প্রজা বাকীটা সবই মাফ চায়। কেউ এসেছে—তার একটি মালের পুকুর আছে, সেটি সে সেলামী দিয়ে নির্দায় বা মোকররী মোরসী করে নিতে চায়।

কেউ চায়—জমিদারের খাস পুকুর বন্দোবস্ত নিতে।

কেউ চায়—তার বাপ জমিদারের খাস পতিতে গাছ লাগিয়েছিল সেই গাছগুলির ছাড় নিতে। হজুরের দয়া হলে যদি তলস্থ জমিটুকুও পায় তবে সে একটি বাগান করবে। ছেলেরা আম কাঁঠাল পাবে।

হুঁ চারজন এসেছে—দেবতা প্রতিষ্ঠা করবে তার জন্ত পাকা ইয়ারতের অন্নমতি চাই।

অনেক ব্রাহ্মণ এসেছেন, তাঁদের কারুর আছে টোল, কারুর আছে দেবসেবা, তাঁরা জমিদার দপ্তর থেকে বৃত্তিপ্রার্থী। কেউ-কেউ দু-চার বিঘা জমিপ্রার্থী। বাউল-বৈরাগীরাও এসেছে, তারা মহাপ্রভুর সেবা করে, আখড়া স্থাপন করেছে; সেবার জন্ত দু-চার বিঘা জমি তারাও চায়। তবে তারা ব্রাহ্মণদের মত নিকর চায় না, খাজনা দেবে, তবে সেলামী দিতে পারবে না।

গোমস্তাদের মধ্যেও প্রার্থী আছে, তারা তহবিল তহরুপ করেছে, মায়ালা হচ্ছে বা হবে, তার থেকে তারা অব্যাহতি চায়।

কুস্তকারেরা এসেছে—জমিদারের খাস জায়গায় মাটি নিতে, খাজনা দিতে হয় সেটা যাকের অন্নমতি হোক।

মেদিনীপুরে মাজুরের অনেক কারিগর আছে। তারা মাজুরের কাঠির চাব করে জলা জায়গায়, বিলে, পুকুরে, তার খাজনা লাগে, সেটা মাফ করা হোক।

কোন গ্রামের লোকের আর্জি—তাদের গ্রামে পানীয় জলের অভাব, পুকুর একটি কাটিয়ে দেওয়া হোক।

কোন গ্রাম চায় গ্রামের সরকারী দেবস্থানের উন্নতির জন্ত অর্থ সাহায্য।

গুজব রটেছে, এবার বীরেশ্বর রায় কলভরু হয়েছেন, ফেরাবেন না কাউকে। শুই নতুন বংশধরের হাত দিয়ে যে যা চাইবে দেবেন।

এরই মধ্যে গোপাল সিংহের ব্যাপারটি শুধু কুর-কুটিল। দেওয়ান আচার্য দীর্ঘাকৃতি ভগবান মণ্ডলকে চোখে চোখে রেখেছেন। সে এসে উঠেছে তার স্বপ্নরবাড়ীতে, কিন্তু ছুবেলা তার খাবার নিয়ন্ত্রণ রায়বাড়ীতে। স্তলখাবার বা দেবতার প্রসাদ উপলক্ষ্য করে মিষ্টান্ন কল-মূল ভগবানের স্বপ্নরবাড়ীতে ভগবানের জন্ত পাঠান হচ্ছে মায় ভাল ভামাক, টিকে পঞ্চ পাঠাতে তোলােন নি তিনি। একজন অতি সাধারণ লোককে তিনি ভগবানের স্বপ্নরবাড়ীর সামনে

মোতায়ের রেখেছেন ভগবানের উপর নজর রাখবার জন্য। ভগবান যেন না পালায়। কয়েক-বার তাকে ডেকে কথা বলে বুকে চেঁচী করেছেন, সে সাহসে ঠিক আছে কিনা। এবং সাহসও তাকে দিচ্ছেন।

এবেলা পুণ্যাহ শেষ হতেই বীরেশ্বর রায়ের ঘরে রত্নেশ্বরকে বসিয়ে ভগবানকে ডেকে পাঠালেন। এ ঘরের দারোয়ান এখন ছেন্দী সিং, সে কাটা পা নিয়ে একটা চণ্ডা টুলের উপর মস্ত মুরেটা বেধে বসে থাকে; হকুমত বাইরের লোককে দরজা ছেড়ে দেয়। আচার্য বললেন—ছেন্দী, খুব লম্বাসে এক আদমী, সমঝা—কালাসে—আরেগা, পাইক লে আরেগা, উক্সা খাতির দেখলাবে। ঘাঁর বলবে, চলে যাইয়ে মণ্ডলজী, ছোটী হজুর তো আপকা গিয়ে বৈঠা হায়। অঁ? উসকা পাশ হামলোকের কাম হায়। উ লেনে হোগা। সমঝা!

—হ্যা হজুর। সমঝা লিয়া! খাড়া হো খাউ?

—না-না। খাড়া কেন হোগা? ওতনা নেই। তবু ওরই মধ্যে সমঝাচ্ছে না? খোড়া খাতির! ই!

বলে হেসে তিনি ঘরের মধ্যে গিয়ে রত্নেশ্বরকে বুঝিয়ে ছিলেন, কি বলতে হবে!

রত্নেশ্বর বলেছিলেন—ভগবান নেবে। আপনি ভাববেন না। আমি তাকে বোঝাবার জন্যে ঠাকুরদাস দাদাকে লাগিয়ে রেখেছি! ঠাকুরদাসদের সঙ্গে কুটুমিতে আছে।

একটু হেসে আচার্য বলেছিলেন—বহু আচ্ছা বাবুজী সাহেব। আপনার বুদ্ধি রাজবুদ্ধি। জানেন একটা কথা আছে, কাঁটার মুখে শান দিতে হয় না, কাঁটা আপনার ধার নিয়েই গজায়; তেমনি রাজা জমিদারের ছেলেকে রাজবুদ্ধি শেখাতে হয় না, ও নিয়েই জন্মায়।

রত্নেশ্বর ভগবানকে কথা দিয়েছিলেন—তুমি শুধু শামনে দাঁড়াও ভগবান। যা করবার আমি করব। টাকা লোক সব আমার। কিছু ভাবতে হবে না তোমাকে।

উপু হয়ে বসে হাতজোড় করে ভগবান বলেছিল—আমি ঠিক আছি হজুর। আজ পঁচিশ বছর এই মনে-মনে জপছি। এই ছাধেন।

বলে হাঁটুর উপরে কাপড়টা তুলে দেখিয়েছিল, উরুতর উপর একটা দাগ। কাটা দাগ।

—ওটা কি?

—গোপাল আমাকে কুপিয়েছিল হজুর। তখন আমার জোয়ান বয়স। গোপালও তখন জোয়ান, আমরা হাম জুটী। প্রথম প্রথম আগি মশায় ওর ডান হাত ছিলাম। আমার বাবার অবস্থা ভাল ছিল খাতির করত। একবার বাবু, আমার জেঠার জমি কিনলে পাঁচ কাঠা, জেঠার কন্তোদায়ের সময়। তার সঙ্গে আমাদের এক কিস্তে জমি, হজুর, দো ডাকলে বা কাড়ে, সে কিস্তেটার অর্ধেক আর পাঁচ কাঠা জমির সঙ্গে রাতারাতি আল কেটে এক করে দিলে। আমি সামলাতে পারি নাই, মশায় ছুটে গিয়ে ওকে বলেছিলাম—ডাকাত কোথাকার?

ও মশায় হেসে দিয়ে কেটে ভাল খাচ্ছিল। সেই হেসোটা ধপ করে বসিয়ে দিলে এইখানে। ছ মাস বিছানায় পড়েছিলাম। কিন্তু কি করব? রাজাদের প্রিয়পাত্র। দারোগা-মুল্লীর সঙ্গে খাতির। মুখ বুজে আজ এট পঁচিশ বছর পড়ে আছি। সয়ে যাচ্ছি। এবার

আপনকার মত বল পেয়েছি, আমি পিছুব কেন ?

—মেয়েছেলে সব নিয়ে এসেছ ?

—আজ্ঞে হ্যাঁ। সবাই এসেছে।

—দেখ, আমার ধারণা, খবরটা পৌঁছাবামাত্র ও খেপবে। ঘরে আগুন লাগানো ওর একটা বৌঁক। শেকল দিয়ে আগুন দেয়। সেই জন্তে বলছি। ঘর পুড়লে আমি ঘর করে দেব। বুকেছ। আমি লোক বল দেব।

—গরু-বাছুর ? তার ব্যবস্থা ?

সে ম্যানেজারবাবুর কহত মত কাল জোরে আমার লোকেরা চরাবার নাম করে নিয়ে যাবে মাঠে, আপনকার কুতুবপুরের কাছারীর চাপরাশীরা ধরে নিয়ে যাবে কাছারীতে।

ঠাকুরদাস বসেছিল তার পিঠের কাছে। পৃষ্ঠবলের মত। ঠাকুরদাস সেই কলকাতা থেকে এ পর্যন্ত বরাবর রত্নেশ্বরের সঙ্গে আছে। শুধু শ্রামনগরের শোধের সময় তাকে কলকাতার এক রকম আটক রাখা হয়েছিল। আসতে দেওয়া হয়নি। সে সঙ্গে থাকলে এ্যালিবি সঙ্গেও বিপদের সম্ভাবনা ছিল। শ্রামনগর কিরতেও দেন নি আচার্য। বলতেন—কস্তার হুকুম নাই। তুমি যাও, গিয়ে হুকুম নিয়ে এস।

কিন্তু সে ভরসা ঠাকুরদাসের হত না। এবার সে এসেছে এবং শ্রামনগরের অভ্যাগত ভট্টাচার্যদের জ্ঞাতদের এবং অন্তান্ত লোকদের দেখা-শুনার ভার তার উপর। শ্রামনগরে ধর্মঘট আন্দোলন অব্যাহতভাবে চলছে। গত আট মাস ধরে একটি পয়সা আদায় পায় নি দে-সরকার। ওদিকে রবিনসনের দেনার ডিগ্রিতে ঠাকুরপাড়ার কুঠী ক্রোক হয়ে আছে। ওয়ারিশান সাব্যস্ত হয় নি বলে আজও নীলামে ওঠে নি। ঠাকুরদাসের স্ত্রী-পুত্র গেছে। সংসারে কেউ নেই। ঘরের যমজা বলতে ঘর আর জমি ছাড়া কিছু নেই। সে বেশ আছে। এবং তারও প্রতিজ্ঞা—শ্রামনগর দে-সরকারদের হাত থেকে কীর্তিহাটে না-আসা পর্যন্ত সে শ্রামনগর কিরবে না।

এ বাড়ীতে সমাদরের মধ্যে সে ভাল আছে। অনেক কিছু বুকেছে। গোপাল সিংয়ের উপর ক্রোধ তার কম নয়। রবিনসন গেছে, দে-সরকার ঘায়েল হয়েছে, এবার গোপাল সিং। সে রত্নেশ্বরের কথা মত ভগবান মণ্ডলকে ভজিয়েই চলেছে।

সে এবার বললে—দাদাবাবু, আপনি একবার কর্তার সঙ্গে দেখা করিয়ে দেন কাঁকা মশারের। ওর একটা কথা। বললেন না—তা হলেই বাস।

গিরীন্দ্র আচার্য একটু হেসে বললেন—কেন হে ঠাকুরদাস, শালগ্রামের আর ছোট-বড় আছে নাকি ? তোমাদের বুড়ো শিব জলে থাকেন সবছর, চৈস্তির মাসে তুলবার সময় দেখা যায়, অনেক বাচ্চা শিব হয়েছে। বাচ্চা হলে কি হবে তারাপ শিব। উনি বলছেন—

—আজ্ঞে না। তবে কস্তার চরণের ধুলো মাখায় নিলে বুকে বল হবে। কত বড় প্রতাপ। এই আর কি। একবার কাছ থেকে চোখে দর্শন। আর ছোটো বাচ্চা।

রত্নেশ্বর হেসে বললেন—বেশ তো। তুই যা তো ঠাকুরদাস দাদা, দেখে আর তো কি



করছেন উনি। মাকে বলে আয়, একবার আমি যাব একজনকে নিয়ে। তাঁর সঙ্গে কটা কথা আছে!

উপরের দক্ষিণের বারান্দায় বীরেশ্বর তখন আলবোলায় তামাক খাচ্ছিলেন। ঘুমিয়েছেন এই কিছুক্ষণ আগে পর্যন্ত, তাকিয়ায় হেলান দিয়ে বসে কাঁসাইয়ের ওপায়ের পশ্চিম দিগন্তের দিকে তাকিয়ে আছেন। আজ জীবনের সব বিক্ষোভ যেন মিটে গেছে। সাম্রাজ্যে যেন সম্রাট হয়ে বসেছেন। কিন্তু বা পাখানা দুর্বল হয়ে গেল।

সামনে কয়েকখানা চিঠি পড়ে ছিল। কলকাতা থেকে এসেছে। তার মধ্যে একখানা চিঠি লিখেছেন বন্ধু কালীপ্রসন্ন সিংহ। তাঁকে একখানা দীর্ঘ চিঠি লিখে এসেছিলেন বীরেশ্বর রায়। কলকাতায় ফিরে অসুস্থ অবস্থার জন্ত দেখা করতে পারেননি। কোন খবরও দেননি। এসব কথা জানাতে কেমন সঙ্কোচবোধ করেছিলেন। কিন্তু এই উপলক্ষ্যে তাঁকে চিঠি লিখে বতটা জানানো সম্ভবপর তা জানিয়েছেন।

সিংহ তাঁর চোখা কলমে অল্প কয়েক ছত্র লিখেছেন।

“রায়মহোদয়, পরযোগে ভবদীয় বিবরণে চমৎকৃত হলেম। কালীধামের বিবাহত সতীমাতা আপনার হারানো সহধর্মিণী! এ আশ্চর্য কাণ্ড। তার কথা অনেক শুনেছি মশায়। এমন কি তাঁদাড় রাম মল্লিক—তাঁর নাম করতে গদগদ হয়ে ওঠে। বলে তাঁর চল যাওয়ার পথ থেকে ধূলা কুড়িয়ে পুরিয়া করে নিয়ে এসেছে! পরিহাস করছি নে মশায়, মহিলাটির বিবরণ অণ্ডের কাছে শুনে শ্রদ্ধা হয়েছে। যাক আপনি ভাগ্যবান। একটা অল্প কমজোরি হয়ে যাওয়ার কল্যাণে তিনি ফিরেছেন, এগন অল্পটাকে অক্ষম করে বসে থাকুন অন্তত তার ভান করুন। তিনি সচলা হয়ে পাশে বসে সেবা করুন। তারপর ভায়েকে পোয়পুত্র নিচ্ছেন, এও উত্তম কথা। কলকাতায় এলে দেখব তাকে। এই উপলক্ষ্যে তার জন্ত একটি সোনার ঘড়ি পাঠালেম। বলবেন—জমিদারবাড়ীর ছেলেরা দশটার আগে বিছানা ছাড়ে না; হতোমপ্যাচা বলে—এতেই তাঁদের সর্বনাশ। বাবাজীকে ঘড়ি ধরে চলতে বলবেন, সাতটার আগেই যেন বিছানা থেকে ওঠেন। বলবেন—ভূগোলে ঘাট লেখা থাক, লোহিত সাগর পূর্ব দিকে, সেটা যেন তিনি কলহাসের মত ভোরে উঠে আবিষ্কার করেন।”

তিনি তাকিয়ে আছেন পশ্চিম আকাশে সূর্যাস্তের দিকে। ভাবছেন কথাটা সিংহকে লিখতে হবে। লিখবেন—“আমি কিন্তু দিবানিজ্ঞান্তে পশ্চিম দিকে লোহিতসমুদ্র দেখিলাম।”

ভবানী দেবী বসেছিলেন ঘরের মধ্যে, তার সামনে বসে আছেন মাসিমা নিস্তারিনী দেবী।

ঠাকুরদাস ভিতরের দিকের বারান্দায় দরজার এপাশে দাঁড়িয়ে ডাকলে—মা।

—কে?

—আমি ঠাকুরদাস মা।

—ঠাকুরদাস? রত্নের কাজ শেষ হল?

—হয় নি। পুণ্যের ঘড়া আনা বাকী আছে। মায়ের অর্চনা হচ্ছে।

—সে তো সকাল পর হবে। তুমি একবার আসতে বল তো তাকে।

—তিনি পাঠালেন মা—

—তাকে পাঠিয়ে দাও বাবা, আমি শুনব তার কাছে আমারও জরুরী দরকার আছে।

ঠাকুরদাস তাড়াতাড়ি রত্নেশ্বরের ঘরে এসে বললে—মা তোমাকে খুঁজছেন, যাও!

রত্নেশ্বর এসে দাঁড়াল। ভবানী দেবী ঘরে একলা বসেছিলেন, তখন নিস্তারিনী দেবী চলে গেছেন।

—আমাকে ডেকেছ?

—হ্যাঁ এ সব কি হচ্ছে তোর?

—কি মা?

—মাসীমা কাদতে কাদতে এসেছিলেন। বলছিলেন—তিনি শুনেছেন, তাঁকে নাকি তুঁহ তাড়িয়ে দি'ব প্রতিজ্ঞা করেছিস? কেন? আমাকে সেদিন ওই কথা বলেছিলেন বলে? আমার শাস্ত্রী যদি থাকতেন তিনি যদি বলতেন? কি করতিস তুই?

রত্নেশ্বর অল্প দিন হলে প্রতিবাদ করতেন, মনে-মনে দৃক হতেন। কিন্তু আজ তা হলেন না। মনটা পরিপূর্ণ হয়ে আছে। একটু হেসে বললেন—তাড়িয়ে দেব বলি নি। ঠিক করেছিলাম মাসোহারা দিয়ে কাশী পাঠিয়ে দেব। এ বাড়ীর গিন্নীদিগ্ৰিটা খুচিয়ে দেব।

—না। উনি যেমন আছেন তেমনই থাকবেন।

রত্নেশ্বর অত্যন্ত সহজভাবে বললেন—তা থাকুন। তুমি বলছ নিশ্চয় থাকবেন। কিন্তু ওকে বললে কে?

—বলেছেন যেই হোক। বলেছেন চায়রুমশায়। উনি শুনেছিলেন ম্যানেজারবাবুর কাছে। কিন্তু ওসব হবে না।

—হবে না। ঠিক আছে। আমার নিজের মনটাও আজ খুঁত-খুঁত করছে জুপুরবেলা থেকে। উনি সেই তখন আশ্চর্য সুন্দরভাবে সব করালেন। আর কি সুন্দর কথাগুলো বললেন। আমি মা আশ্চর্য হয়ে গেছি। ভাবছিলাম, হ্যাঁ রামবাড়ীতে ক্রিয়াকর্ম চালাবার জন্তে ওঁর মত গিন্নী না হলে চলে না। সঙ্গে সঙ্গে ভাবছিলামও প্রতিজ্ঞা করেছি, ভাবব কি করে! তা ভালই হল তোমার হকুম!

ভবানী দেবী বলছিলেন—উনি আরও বলছিলেন অল্পনার জন্তে। ওর স্বামীকে একটা চাকরি দিয়ে ওকে এখানে রাখার কথা। যেদিনের বড় খারাপ জবস্থা। বড় দুঃখ। ওকে তোকে বলতে বলে গেলেন।

রত্নেশ্বর বললেন—বেশ তো, তুমি বললে তাই হবে। তোমার ওই মাসশাস্ত্রীটির পর এমনি একটা অন্তর-সুপারইনটেনডেন্ট তো একজন লাগবে। অজনা মেয়েটি তা পারবে। হয়তো ঠাকুরমার থেকে ভাল পারবে! উনি কোথায়?

—উনি? বৃহৎ ধমকে উঠলেন ভবানী। একটু চুপ করে থেকে চুপিচুপি বললেন—জানিস, তুই ওঁর কথা হলেই উনি-তিনি বলে সারিস, তিনি মনে দুঃখ পান। চাপা মাগুখ, বলেন না। মধ্যে মধ্যে আমাকে বলেন—রত্ন এখনও আমাকে তোমার মত নিতে পারলে

না। নিলে না।

—কেমন লজ্জা করে। বেধে যায়!

—না। বাধবে কেন? যা, উনি বারানাস বসে আছেন, তামাক খাচ্ছেন।

রত্নেশ্বর এগিয়ে গিয়ে দরজা থেকেই ডাকলে—বাবা!

—রত্নেশ্বর! এস!

\*

\*

\*

সুরেশ্বর বললে—স্বলতা, তাই বলছিলাম, মনে মনে হিংসা, ক্রোধ যতই থাক, সেদিন যদি গোপাল আসত আর আবেদন জানাতে পারত, তবে কি হত ঠিক বলা যায় না। সমস্ত রায়-বাড়ীতে সেদিন সন্তোষের একটি পরিপূর্ণ বাতাবরণ সৃষ্টি হয়েছিল; ক্ষোভ যা কিছু ওই গোপালকে নিয়ে। না আসাতে এ পক্ষের সে ক্ষোভ আরও বেড়েছিল।

রায়বাড়ীর এত বড় উৎসব সমারোহের মধ্যে গোপাল সিং সম্পর্কে বিবেচ ও আক্রোশের অন্তঃশীলা স্রোতটি কোথাও একবার অথবা একে-বেকে যায় নি, সোজা বেয়ে গিয়েছিল ক্যানেলের খালের মত।

রচনাটি দেওয়ান গিরীন্দ্র আচার্যের। মহিষাদলের নায়েব ওকালতি করেছিল গোপালের জন্ত। দেওয়ান আচার্য বলেছিলেন—ও কথাটা বল না হে। কত টাকা দিয়েছে গোপাল? টাকাটা তাকে ফিরে দিয়ে। আমি তোমাকে দেব ও টাকাটা।

সে আর কথা বলে নি।

পরদিন সকাল থেকে কার্যহুতী অহুযায়ী কাজ হয়ে চলেছিল। প্রথমেই ছিল একদিকে দানপর্ব, অস্তদিকে ডাকপর্ব।

কাছারীতে হুঁচিল হাট-ঘাট, জলকর, বর্ণকরের ডাক। আর ঠাকুরবাড়ীতে চলছিল দান।

‘ডাক’-এর কাজ চালাচ্ছিলেন দেওয়ান আচার্য। তবে প্রথমেই বীরসিং মোজার ‘মণ্ডলান’ ডাকের সময় নিজে বীরেশ্বর রায় এসে বসেছিলেন একবার। সেটা এসেছিলেন আচার্যের কথায়। ভগবানের মনোভাব বুঝে তিনি বলেছিলেন—ওই সময়টার খোদ মালিক মানে আপনি বসলে ভাল হয়। বল পাবে।

বীরেশ্বর রায় আগের দিন সন্ধ্যার সময় রত্নেশ্বরের কথায় ভগবানের সঙ্গে দেখা করেছিলেন। সাহসও দিয়েছিলেন। আচার্য হুঁশিয়ার লোক, তিনি তবুও ওই অহুরোধ করেছিলেন, এবং বীরেশ্বরও এসে বসেছিলেন। বীরপুত্রের মণ্ডলান পদের ডাক ডাকতে একটি মাত্র লোক, ভগবান মণ্ডল। সে এসে দাঁড়িয়ে হাত জোড় করে বলেছিল—হজুর যদি অহুমতি দেন তো; আমি ডাকতে পারি।

বীরেশ্বর হেসে বলেছিলেন—তুমি তো ভগবান মণ্ডল?

—আজ্ঞে হ্যাঁ। হজুরের বীরপুত্রেরই প্রজা!

—বেশ তো। ডাক! গোপাল তো আসে নি! ডাক।

মাহুদ মাজেই আপন সাধ্যভোর চতুর। ভগবানও সাধ্য চাতুর্যের সঙ্গে দশের সম্মুখে তাঁর অভয় এবং সাহায্যের প্রতিশ্রুতি আদায় করে নিয়েছিল। বলেছিল—ডাকতে হজুরের অভয়

চাই, আশ্রয় চাই। নইলে আমি সামান্য লোক, চাষী মানুষ, আমি পারব কানে ?

বীরেশ্বর বলেছিলেন—নিশ্চয়। সে ভূমি পাবে বইকি ! নিশ্চয় পাবে। আমার কর্মচারী যাবে, পাইক-বরকন্দাজ দরকার হলে তাও পাবে। সবই পাবে। ডাক।

ভগবান এক ডাকেই পেয়েছিল মৌজা বীরপুরের মণ্ডলান পদ। বীরেশ্বর রায় তার নজরানা না নিয়ে ডাক মঞ্জুর করে উঠে চলে গিয়েছিলেন অন্তরে। তারপর কাজ চালিয়ে-ছিলেন আচার্য।

ওদিকে নাটমন্দিরে রত্নেশ্বর বসেছিলেন দুজন নায়েবকে নিয়ে, তিনি মহালের দেবস্থান মেরামতি বা নির্মাণ খরচা দান ও প্রার্থীদের কাউকে কিছু জমি, কাউকে বাষিক বৃত্তি, কাউকে পুকুরের ছাড়, কাউকে বাগান করবার অহুমতি মঞ্জুর করছিলেন। এ সবের বর্দ কর্মচারীরা আগে থেকেই করে রেখেছিল, তাতেই তিনি সই করে দিচ্ছিলেন।

গ্রহর খানেক, গ্রহর দেড়েকের মধ্যেই এ কাজ শেষ হয়ে গিয়েছিল। তারপর আরম্ভ হয়েছিল লোকজনের জন্ত উৎসব। সে নানারকম।

অন্তরিকে চলছিল আর এক বড় সমারোহের আয়োজন। তৃতীয় দিনে সব বিশিষ্ট বড় বড় লোকের শুভাগমন হবে। সাধারণ লোকজন অনেকই চলে যাবে। তারপর হবে বিশিষ্ট অতিথি আপ্যায়ন। তমলুকের এস-ডি-ও আসবেন, কাঁথীর এস-ডি-ও আসবেন। মেদিনীপুরের ডি-এস-পি তিনটে মুন্সেফী কোর্টের মুন্সেফ, পুলিশের সার্কেল ইন্সপেক্টর, উকীলমোক্তাররা আসবেন।

কাল সকাল থেকে বারোটার মধ্যে সকলে এসে পড়বেন। এর মধ্যে মেদিনীপুরের সদর এস-ডি-ও আসছেন সস্ত্রীক পুত্র-কন্যা নিয়ে, তাঁদের নিয়ে আসছেন বীরেশ্বরের খুড়তুতো দাদা দেবপ্রসাদ ঘোষাল এবং বউদি জগদ্ধাত্রী দেবী। গুরাই অহুরোধ করেছিলেন সদর এস-ডি-ও রাধারমণ চ্যাটার্জিকে সপরিবারে নিমন্ত্রণ করতে। রাধারমণবাবু দেবপ্রসাদবাবুর ভায়রা-ভাই ; জগদ্ধাত্রী দেবীর পিসতুতো বোনকে বিয়ে করেছেন। তাঁরা কীর্তিহাটের কথাবার্তা শুনে কীর্তিহাট আসবার জন্ত আগ্রহ প্রকাশ করেছেন। জগদ্ধাত্রী দেবী এবং দেবপ্রসাদবাবু এই কারণেই প্রথম দিন আসতে পারেন নি, তাঁরা ঐ দের মধ্যেই আসবেন।

সুরেশ্বর বললে—আচার্য পাকা শিকারীর মত ব্যবস্থা করেছিলেন। ওই হ্যারিসের মত ; সে যেমন শিকারীর জন্তে মাচা বেধে তাকে সেখানে বসাবার আগে জানোয়ারের ট্র্যাকটির ডাইনে-বায়ে, এখানে-ওখানে ডালের টুকরো দেলে রেখে জানোয়ারটিকে সোজা নিয়ে আসে মাচানের সামনে, ঠিক তেমনি ব্যবস্থা করেছিলেন।

গোপাল সিংকে জানোয়ার আমি বলছি নে, তবে গোপাল সিংকে বাঘ বলব। 'নর-ব্যাঘ্র। বিক্রম তার বড়, ক্রোধ তার অসংহত, বুদ্ধি-বিশেষণা কম এবং তাকে সে অবহেলাই করে। কতকগুলো চাতুরী তার জানা আছে, তাই সে অভ্যাস করে রেখেছে। তার অতিরিক্ত বুদ্ধির খেলা যেখানে, সেখানে সে হেরে যায়। প্রবীণ বাঘের মত চতুর, সাবধানী—চেনা পথ ছাড়া অচেনা পথে হাটে না। কিন্তু এবার আচার্য তার পাত্ত নিয়ে টান মেরে ছেড়ে দিতেই সে বেরিয়ে এল। ঠিক পথে পথে এল।

আচার্য জানতেন আসতে হবে।

বীরপুরের মণ্ডলান ডাকের কথা তার কাছে পৌঁছাবামাত্র সে ক্ষিপ্ত হবে। দিগ্বিদিক জ্ঞানশূন্য হয়ে কিছু একটা করবেই। সভাবনাটা ছিল ভগবানের উপর ঝাঁপ দেবে। ভগবান সপরিবারে কীতিহাটে। আজ সকালেই তার গরু-বাছুর মাঠে ঘাবার কথা, কুতুবপুরের সীমানা বরাবর। সেখানে কুতুবপুরের কাছারীর পাইক-বরকন্দাজরা গরুগুলোকে ঘেরাও করে কাছারীতে পুরবে। নিশ্চল আক্রোশে গোপাল ভগবানের জনশ্রুত বাড়ীতে আগুন দিয়ে দোল-পার্বনের মেড়াপোড়া বা বহুৎসব করবে। হয় তো কুতুবপুর পর্যন্ত ধাওয়া করতে পারে। কাছারীও পুড়তে পারে।

তিনি কীতিহাটেও সাবধানতা অবলম্বন করেছিলেন।

তারপরই গোপাল পড়বে শিকারীর মাচার সামনে।

পরদিন সকালে এখানে সাহেব-সুবার আগমন হবে। তাঁদের সামনেই আসবে ধবরটা।

গোপাল সিংহের গভরাতির কীতির রিপোর্ট।

সরকারী সাহেবদের একটা ডিউটি হল অত্যাচারী জানোয়ার শিকার করা।

সুবিধা আর একটু প্রশস্ত হয়ে গেল। সেটা হল মেদিনীপুরের সদর এস-ডি-ও রাধারমণ-বাবুর জন্তে। তিনি আত্মীয়। দেবপ্রসাদবাবুর ভায়রা-ভাই। সদর এস-ডি-ও কিরে গিয়ে সঙ্গে সঙ্গেই কালেক্টরকে জানাতে পারবেন।

এত বড় উৎসবের মধ্যে বিচিত্রভাবে গোপাল সিংকে নিয়ে তাঁরা যে জাল রচনা করেছিলেন, কেউ অল্পমানও করতে পারে নি যে, সে জাল আশী বছর পরে পর্যন্তও বিস্তৃত হয়ে রইল এবং তাতে পড়বে এবার গোপাল সিংয়ের কেউ নয়, রায়বাড়ীর এক ছেলে এবং এক মহিমাময়ী বিধবা বধু। রত্নেশ্বরেরই পুরুষধু!

\*

\*

\*

রত্নেশ্বর রায় ভায়রীতে লিখেছেন—“সে দিন গোপাল সিংয়ের চিন্তা ছাড়া আর কোন চিন্তাই আমার ছিল না। নানা চিন্তা হইতেছিল।”

কখনও ভাবছিলেন—যা আমরা ভাবছি, তা যদি গোপাল না করে। যদি সে ধীর হয়ে অপেক্ষা করে। তারপর? তারপর ভগবানের সঙ্গে মিটমাট করে নেয়! যদি! চমকে উঠে ভেবেছিলেন—যদি ভগবান গোপালের বোনামদারই হয় গোড়া থেকে? তাহলে তো হেরে গেলাম!

অন্ততঃ এক বছরের ওক্ত হেরে গেলাম। গোপাল তার বোনামদার ভগবানকে সামনে রেখে নৌকে তা দিয়ে বেড়াবে, আর বলবে—আরে বাবা, আমি গোপাল সিং! আমি শিয়ালকে মানে না বাবা। রায়বাবু! উ লোকেরা শিয়াল আছে। তাহলে এক বৎসর অন্ততঃ কীতিহাট অঞ্চলে মুখ দেখানো চলবে না।

পথ আছে। গোয়ানরা আছে। ওরা সব পারে। কলকাতায় লোক মিলবে। ভাবতে ভাবতে ঘুমিয়ে পড়েছিলেন রত্নেশ্বর।

কান্টনের শেষ। কীতিহাট অঞ্চলের লালমাটি কান্টনেই উত্তাপ আকর্ষণ করে। থেয়ে

বিছানায় শুয়েও ভাবছিলেন। টানা-পাখা চলছিল। তখন চিন্তার মোড়টা ফিরেছে। তখন ভাবছিলেন—খবরটা এতক্ষণে নিশ্চয় পৌঁচেছে বীরপুর। এতক্ষণে কেন? আগেই পৌঁচেছে। আচার্যের হুকুম আছে কুতুবপুর কাছারীর উপর যে, বেলা এক গ্রহর বাদে, ভগবানের গুরু-বাছুর আটক করার পরই, বীরপুর মোজার ডাকের কথা চাউর করে দেবে।

খবর গোপাল পেয়েছে। সে ভগবানের বাড়ী পর্যন্ত এসে দিবে গেছে নিষ্কল আক্রোশে। বাড়ীতে কিষা হয় তো পথে পথে আশ্ফালন করে বেড়াচ্ছে! ভাবছে কি করবে? অনেক কিছু করতে পারে গোপাল। অসাধ্য কর্ম তার কিছু নেই। এই আজ রাত্রি, এখানে নানা উৎসব। কাল কীর্তন-রুম্মাত্রা গেছে। আজ খেমটা নাচের আসর পড়বে। বারোটার পর শুরু হবে যাত্রাগান। বাইরে সামিয়ানা খাটিয়ে বড় একটা আসরে কবিগান, চম্পাবতীর গান চলবে। লোক আজ অনেক জমবে। গোপাল হয়তো চলে আসবে এই সন্ধ্যোগে। একটু ভোলা পাণ্টে এলে কে চিনবে। মুখে গামছার কেটা বেঁধে—!

ঘুমিয়ে পড়েছিলেন। ঘুম নয় তন্দ্রার মত!

সে তন্দ্রার মধ্যে গোপাল সিং রত্নেশ্বর রায়কে ছাড়ে নি, অথবা রত্নেশ্বর তাকে ছাড়েন নি। স্বপ্ন বা তন্দ্রার মধ্যে কল্পনায় তিনি ছদ্মবেশী গোপাল সিংকে দেখেছিলেন ভিড়ের মধ্যে। সে যেন ভিড়ের মধ্যে দাঁড়িয়ে রায়বাড়ীর দোতলার দিকে তাকিয়ে আছে ক্রুদ্ধ কুটিল দৃষ্টিতে। তিনি চিৎকার করে উঠেছিলেন—পাকড়ো! পাকড়ো! ওই-ওই! তিনি বুঝতেও পারছিলেন এটা সত্য নয়, স্বপ্নের মত কিছু, তবু জেগে উঠতে পারছিলেন না। জাগিয়ে দিলেন ভবানী দেবী। দরজা ঠেলে ঘরের মধ্যে ঢুক গিয়ে হাত দিয়ে ডাকলেন—রত্ন! রত্ন!

এতক্ষণে উঠে বসেছিলেন রত্নেশ্বর এবং লজ্জিতও হয়েছিলেন। যা জিজ্ঞেস করেছিলেন— এমনভাবে চোঁচাচ্ছিল কেন? স্বপ্ন?

হেসে রত্নেশ্বর বলেছিলেন—হ্যাঁ! দেখছিলাম, শরতান গোপাল সিং এসে ভিড়ের মধ্যে লুকিয়ে দাঁড়িয়ে আছে। বাড়ীতে রাতে থাম বেয়ে উঠবার মতলব করছে।

ভবানী দেবী বলেছিলেন—তাকে যে গোপাল সিংয়ের আক্রোশ পেয়ে বসল রত্ন!

ঠিক সেই সময়ে দরজায় দাঁড়িয়ে একটি তরুণী মেয়ে বলেছিল—খুড়ীমা।

—আন! ভিতরে এস!

মেয়েটি ঘরের ভিতরে ঢুকল, হাতে একটি রূপোর গেলান। দরজার মুখে বাইরের আলো-কে পিছনে রেখে দাঁড়িয়েছিল বলে রত্নেশ্বর তাকে চিনতে পারেন নি। কিন্তু ঝি সে নয়, এটা বুঝতে পেরেছিলেন। জিজ্ঞাসা করেছিলেন—কে?

—অঞ্জনা!

—ও!

—বড় কাজের মেয়ে। বড় ভাল। ওকে আজ সকালে বললাম—তুমি এখানেই থাক। বুঝলে! আপন বাড়ীই ভাববে। তা বললে—খুড়ীমা, যে বাড়ীতে থাকি, সে বাড়ীর খড়ের চালে খড় নেই, শুয়ে চাঁদের আলো দেখি, রোদের তাপে পুড়ি। এত বড় বাড়ী, আপনার ভাববার মত ভাবনা কোথায় পাব? বয়স ভাবনা হবে এমন বাড়ীতে থাকব কেমন করে।

বললাম—থাকবে ওই আপনার ভেবে। ভাবতে পারলে ও ভাবনা হবে না। বললে—কি করতে হবে আমাকে? বললাম—মাসীয়ার সঙ্গে থেকে শিখে নাও সব। মাসীয়া আর ক'দিন। পরে সব তুমি করবে। বললে—বেশ। বিকেলবেলা সরবৎ তৈরী করে এনেছে নিজে থেকে। বললে—দেখুন তো খুড়ীমা, কেমন হয়েছে? করে আনলাম আপনারদের জন্তে। কি চমৎকার করেছে, কি বলব! বাবু খেয়ে তারিক করলেন। চমৎকার হয়েছে! তোর জন্তে আনতে বললাম—নে, খেয়ে দেখ!

—দাঁড়াও, মুখে জল দি!

সতাই সরবৎটুকু চমৎকার লাগল। স্বাদ তো বটেই, ঘোল এবং চিনির সঙ্গে আমআদার স্বাদ ও গন্ধ; এবং আরও কিছু আছে। সরবৎটুকুতে গাঢ় এবং মিষ্টি গন্ধ দিয়েছে। আম-আদার গন্ধকে ছাপিয়ে উঠছে গন্ধ!

মুখে দিয়ে থানিকটা খেয়ে রত্নেশ্বর বললে—তাই তো!

কাশী অঞ্চলে সরবতের চল খুব, তরিবৎ খুব। কাশীতে মানুষ রত্নেশ্বর আবার চুমুক দিয়ে আবার বললে—আতর? কিসের আতর?

ভবানী দেবী বললেন—আমিও বুঝতে পারিনি। কিন্তু উনি ঠিক ধরেছেন।

—কিসের গন্ধ বল তো? রত্নেশ্বর তাকিয়েছিলেন অঞ্জনার মুখের দিকে।

এতক্ষণে কালকের সেই বাক্পটু অঞ্জনা বেরিয়ে এল। চূপ করে মিষ্টি হাসিগর্বেই সে দাঁড়িয়েছিল এতক্ষণে। বললে—তা শুনে আপনি কি করবেন? তারপর একটু হেসেই বললে—বউদি এলে বরং শিখিয়ে দেব। রত্নেশ্বর বলেছিলেন—তার তো দেবী আছে। এখন গরমকালটায় সরবৎটা তৈরি করিয়ে খাব।

—তার জন্তে তো আমি রইলাম। আমি করে দেব। শুধু এই সরবৎ কেন, আরও জানি। দেখবেন কাল খাওয়াব।

—কিন্তু গন্ধটা কিসের? খুব চেনা মনে হচ্ছে।

—মুচকুন্দ ফুলের। জ্যাঠামশাই ঠিক ধরেছেন। মুচকুন্দ ফুল সকালবেলা ঘোলের মধ্যে ডুবিয়ে রেখেছিলাম, তাতে গন্ধটা মিশে গিয়েছে। তারপর সরবতের সময় পাঁপড়ী বেটে মিশিয়ে দিয়েছি।

ভবানী দেবী প্রসন্ন হাসিমুখে দাঁড়িয়ে শুনছিলেন এতক্ষণ, এবার তিনি বললেন—রাগার মশলা বড় কথা নয়, বড় কথা হাত। রাগা হয় হাতের জুড়ে। অঞ্জনার হাতই সুন্দর। জানিস, সকালবেলা পুজোর উয়ুগ করেছিল। সে যে কি পরিপাটি করে ফুলগুলি ধরে ধরে রেখে বেগপাতাগুলি বেছে ধোয়া সাজিয়ে দিয়েছিল, মনে হচ্ছিল খালাখানি সামনে নামিয়ে দিলেই পুজো হয়ে যাবে। মা হাত বাড়িয়ে ধরে নেবেন।

অঞ্জনা মাসটি তুলে নিয়ে চলে গেল। ভবানী দেবী বললেন—বড় ভাল মেয়ে রে। অনেক ভাল ওর।

রত্নেশ্বর হেসে বললেন—একটু বেশী কথা বলে।

—তা বলে। কিন্তু কথা কইতে জানে। কথাতেও মধু আছে।

—না। শুধু মধু না, একটু টক স্বাদ আছে।

—ওর স্বামীকে একটা চাকরি করে দে। উনি তোকে বলতে বলেছেন।

হয়তো অজ্ঞানার স্বামীর চাকরি হয়ে যেত কিন্তু বাইরে থেকে বীরেশ্বরের ডাক এল—  
রত্নেশ্বর!

সঙ্গে সঙ্গে ডাকলেন গিরীন্দ্র আচার্য।—বাবুজী!

চঞ্চল হয়ে উঠলেন রত্নেশ্বর। বুঝলেন কোন খবর এসেছে। গোপাল সিংহের খবর।

—বাই। বলে উত্তর দিয়ে বেরিয়ে গেলেন তিনি। ভুবানী দেবীও তাঁর পিছনে পিছনে গেলেন। তাঁর উৎকণ্ঠার অবধি ছিল না। স্বামী-পুত্রকে ফিরে পেয়ে সংসার জীবনে সমাজীকৃত মত কিরে, এসেও তিনি স্বস্তি পাচ্ছেন না। এসব তাঁকে বড় পীড়িত করে। কিন্তু ‘না’ বলতেও পারছেন না। এত বড় জমিদারী, রাজার মর্যাদা, এসব রাখতে গেলে এনা করেই বা উপায় কি?

খবর গোপাল সিংহেরই খবর। কিন্তু কল্পনার বাইরে চলে গেছে। গোপাল সিং নিজের স্ত্রী এবং পুত্রকেই যারাত্মকভাবে জখম করেছে। এবং নিজের ঘরে আগুন দিয়েছে; সেই আগুন এই কান্ডনের দুপুরে তার ঘরকেই পোড়ায় নি—গোটা গ্রামে ছড়িয়ে পড়েছে; গোটা মৌজা বীরপুরেই লেগেছে। মৌজা বীরপুর এখনও পুড়েছে। গোপাল সিং কেঁদার।

খবর এনেছে কুতুবপুর কাছারীর সওয়ার বরকন্দাজ। ঘটনাটা ঘটেছে এইভাবে। বেলা এক প্রহরের সময়, গোপাল সিং মাঠ থেকে ফিরে, শিবকে গীতা ভোগ দিয়ে তার প্রসাদ নিয়ে, মা-কালীকে কারণ নিবেদন করে সবে প্রথম পাণ্ড প্রসাদটি পেয়েছে এমন সময় সদরের নির্দেশমত কুতুবপুর কাছারীর একজন বরকন্দাজ চৌদার নিয়ে বীরপুর মৌজার মণ্ডলান পদের নতুন মণ্ডল ভগবানদাস মণ্ডলের নাম ঘোষণা করে জানিয়ে দিচ্ছিল—“আজ থেকে নতুন ডাক মোতাবেক বীরপুরের নতুন মণ্ডল হল ভগবানদাস মণ্ডল। পুরানো মণ্ডল গোপাল সিং-এর মণ্ডলান খারিজ।”

গোপাল চৌদার শব্দ শুনেই চমকে উঠেছিল। সঙ্গে সঙ্গে লাক দিয়ে উঠে হাতের লাঠিটা নিয়েই ছুটে বেরিয়েছিল পথে।

কোন শালারে! কার এতনা বড়া ছাতি আর কলেজা বীরপুরে এসে গোপাল সিংহের বিনা হুকুমে চৌড়া পেটে ভুগ ভুগ আওয়াজ তুলে। কার গর্দানায় ছুটো মুণ্ড, কোন শূয়ারের বাচ্চার চারটে হাত—। হঠাৎ ভুগ ভুগ আওয়াজ খেমে গেল। একটা গোলমাল উঠল। গোপাল আরও জোরে ছুটল।

পথে দেখা হয়েছিল নিজের ছেলের সঙ্গে। ছেলে তখন শুনেছে। সেও গর্জাচ্ছে। হুঁসছে। কিন্তু সে গোপাল সিংহের মত নয়; সে অনেকটা স্থিরমস্তক। সে ভাবছিল—কি করবে। চৌদারকে আর বরকন্দাজকে ভাগিয়ে দিলেই কি জিতবে তারা? ভাগাতে হবে, ভাগাবার জন্মেই দাঁড়িয়ে আছে। কিন্তু শুধু ভাগাবে? না, মারপিট করবে? ভেবেচিন্তে সে রক্তাক্তি বা অস্ত্র হাঙ্গামা না করে এগিয়ে গিয়ে চৌদারের ভুগ ভুগটা ছিনিয়ে নিয়ে বরকন্দাজকে ধমক দিয়ে বা গায়ের জোরে ভাগিয়ে দেওয়াটাই ঠিক করে, এগিয়ে গিয়েছিল।



সঙ্গে ছিল নিজেদের ক'জন অসুস্থ লোক। চোঁড়াটা ছিনিয়েও নিয়েছিল, বরকন্দাজের সঙ্গে দু'চার লাঠির ঠোকাঠুকি হয়েছিল এবং শেষে তার পাগড়িলাঠি কেড়ে নিয়ে জাগিয়ে দিয়েছিল।

আচার্যের নির্দেশ ছিল মার খেয়ে এস, মেরে আসামী হয়ে এসো না।

ঠিক এই সময়ে গিরে পড়েছিল পাগলা হাতীর মত গোপাল সিং।

কেয়া হয়?

সমস্ত শুনে ঠাস করে ছেলের গালে মেরেছিল এক চড়। হারামীর বাচ্চা, কুস্তার কুস্তা, শুধু চোঁড়া কেড়ে নিয়ে ছেড়ে দিলি? শালা বরকন্দাজের জানটা নিলি না রে—বাহীর বাচ্চা!

ছেলের বয়স চল্লিশের কাছে। সে বলেছিল—গালাগালি করো না, ঘরে চল! মগজ গরম করলে কাম হয় না। মগজ গরম করে বুড়বুকেরা।

আবার চড় তুলেছিল গোপাল তার গালের উপর। ছেলে খপ করে হাত ধরে রুখে দিয়েছিল। তারপর বাপ-বেটায় শুরু হয়েছিল হাত-কাড়াকাড়ি। ওদিকে বিপদের আশঙ্কা করে বাড়ী থেকে ছুটে বেরিয়ে এসেছিল গোপালের বড়-স্বী, বড় ছেলের মা। সে এসে পিছন থেকে তাকে জড়িয়ে ধরেছিল—নেহি, নেহি, নেহি। শুনো, শুনো বাবু শুনো—নেহি।

গোপালের পৈশাচিক ক্রোধ উঠেছিল জলে, সে ছেলেকে ছেড়ে দিয়ে স্ত্রীকে লাথি মেরে মাটিতে কেল, তার বুক চেপে বসে টিপে ধরেছিল তার গলা। এমন ছেলে যার পেটে হয়, তার মরাই ভাল। মেরেই কেলবে সে।

ছেলে আর দাঁড়িয়ে থাকতে পারেনি, সে বাপকে ধরে টেনে ছাড়াতে চেষ্টা করেছিল—ছাড়ো, ছাড়ো, ছাড়ো।

গোপাল এবার স্ত্রীকে ছেড়ে মাটি থেকে লাঠিটা কুড়িয়ে নিয়ে মেরেছিল ছেলের মাথায়। লোহার বোলো লাগানো লাঠি। সে লাঠির ঘায়ে ছেলের মাথা কেটে রক্তে ভাসিয়ে দিয়েছিল তার মুখ-বুক সমস্ত। ছেলে কয়েক মুহূর্ত পরেই ঘড়ান করে পড়ে গিয়েছিল মাটির উপর।

ওদিকে তখন লোক জমায়েত হয়েছে প্রচুর, গ্রামের প্রায় সকল লোক ছুটে এসেছে চীৎকার শুনে। তারা আর থাকতে পারেনি। তারা সকলে কাঁপিয়ে পড়েছিল গোপালের উপর এবং তাকে আটকে কেলছিল। গোপাল তাদের কুৎসিত গালাগালি করে হুকুম করছিল—ছোড়্ ছোড়্ হারামীরা—ছোড়্ রে—শালা লোক, ছোড়্! উসকো জান লেগা আমি। আবার মানইজ্জত বরবাদ করে দিয়েছে ওই লেড়কা। ওকে মেরেই কেলব আমি।

সে তখন উন্নত-বিকারগ্রস্ত। হাতে আটক পড়ে সে থু-থু করে থু-ছুড়তে আরম্ভ করেছিল।

গোপালের অস্ত্র ছেলেরা এবং মাতব্বরেরা পরামর্শ করে তাকে ধরে এনে একখানা ঘরের মধ্যে পুরে শিকল-ডালা দিয়ে বন্ধ করেছিল। এবং বড় ছেলের ও গোপালের স্ত্রীর সেবার দিকে মন দিয়েছিল। গোপালের স্ত্রী অজ্ঞান হয়েছিল অনেকক্ষণ। বড় ছেলের মাথার কতটা গভীর এবং শঙ্কাজনক। সে-ও অজ্ঞান। রক্তস্রাব হচ্ছিল প্রচুর। জনকরেক মাতব্বর বড় ছেলের

কতখানে বিশালকরণী গাঁদার পাতা লাগিয়ে রক্ত বন্ধ করতে না পেরে কাপড় পুড়িয়ে চুন মিশিয়ে ‘করালী’ প্রলেপ তৈরী করে লাগাবার ব্যবস্থা করছিল।

আর বড় ছেলের ছেলে, সে আঠারো-উনিশ বছরের নতুন জোয়ান, সে ঘরের দরজার দাঁড়িয়ে গোপাল সিংকে অভিশম্পাত করছিল।

ঘরের ভিতর গোপাল সিংও নিখুঁত আক্রোশে গর্জাচ্ছিল। হঠাৎ উত্তপ্ত উন্নত মস্তিষ্কে শয়তান জেগে উঠেছিল। ঘরের মধ্যে পেরেছিল চকমকি—শোলা। আর পেয়েছিল চোলাই-করা মদের বোতল। তাই নিরে সে ষাট বছর বয়সেও কসরৎ করে উঠেছিল ঘরের ভিতরের সাড়ায়। সাড়ায় দাঁড়িয়ে ঘরের চালের বাথারীর কাঠামো ভেঙে ষড় ছাড়িয়ে চালের উপর উঠে মদটা ঢেলে দিচ্ছে। চালের ষড়ের উপর, তারপর চকমকি ঠুকে আগুন জালিয়ে দিচ্ছে। চালের মাঝখানে।

একান্ত সে নিঃশব্দে করে গিয়েছিল। প্রথমটা কান্নার নজরে পড়েনি। আগুন দাঁড় দাঁড় করে জলে উঠেছে গোপাল উল্লসিত চীৎকার করে বলেছিল—বা সব ছাই হয়ে। বা সব জলে-পুড়ে থাক হয়ে। যা—।

কাউকে চালে উঠতে দেয়নি। যে উঠবে, তাকে সে দাঁড় দিয়ে কোপাবে বলে ভয় দেখিয়েছিল।

শুভিত হয়ে উঠেছিল লোকেরা।

গোপাল জলন্ত ষড় টেনে বের করে ছুঁড়তে শুরু করেছিল চারিদিকে। জলে যাক বীরপুর। ছাই হয়ে যাক। সব শালা বেইমান।

কান্টনের দুপুরে রাত অঞ্চলে এলোমেলো তপ্ত হাওয়া বয়। সেই হাওয়াটা তখন উঠেছে। আগুন বাতাসে ছুটে লাগল।

গোপাল সিং এক সময় ধপ করে পথের উপর লাকিয়ে পড়ে ছুটল। সে বুঝতে পেরেছিল—গ্রামের লোকেরা এমনকি নিজের শাড়ীর লোকেরাও আজ তার শত্রু। তাকে ধরতে পারলে তারা তার হাতে-পায়ে বেঁধে ৬ই জলন্ত অগ্নিকুণ্ডে ফেলে দেবে। একবিন্দু করুণাও আজ আর তার জন্তে কোথাও কান্নার মনেই নেই। এই আগুনেই সব পুড়ে গেছে।

উর্ধ্ব্বাসে ছুটে সে পালিয়েছে। পথ ধরে বেরিয়ে মাঠে পড়ে মাঠে-মাঠে ছুটে পালিয়েছে।

গোটা বীরপুর এখনও জলছে। কান্টনের দুপুর—রাতের এলোমেলো গরম হাওয়া আগুনের সব পেয়ে ছরশব্দর বেগে মাতামাতি করে নাচিয়েছে আগুনকে। জলন্ত ঘরের ষড় শিখার বেগে আকাশে ধানিকটা উপরে উঠে হাউইয়ের আগুনের মত বেকে দূরে দূরান্তরে ছড়িয়ে পড়েছে এর ঘরে, ওর ঘরে; কয়েক ঘূর্ত্ত পরেই সে চালগুলোও জলে উঠেছে। পথ-বাট পুকুরের জল পোড়া ষড়ের টুকরোর ছেয়ে কালো হয়ে গেছে।

লোক অভিশম্পাত দিচ্ছে গোপাল সিংকে।

আর কাকে দেবে? গোপালের স্ত্রীর গলা থেকে এখনও কান্নার সজে রক্ত উঠেছে। ছেলের এখনও জ্ঞান হয়নি। গোটা গ্রামে ঘরের আশ্রয় নেই। কামাখ্যা মারের মন্দির পাকা; একটা পাকা নাট-মন্দিরও আছে, সেইখানে আশ্রয় নিয়েছে গোপালের পরিবারবর্গ। বাকি

লোকেরা গাছতলায় এসে দাঁড়িয়েছে। কয়েকটা গোহত্যা হয়ে গেছে। গরু পুড়ে মরেছে। বেড়াল-কুকুর তা-ও পুড়েছে।

বঁচে আছে গোপালের পুকুরপাড়ের ধানের বাথার। ওইগুলোই লোকে চেষ্টা করে বাঁচিয়েছে। তাও, সমস্ত বাথারের খড়ের চাল তুলে ফেলে বাঁচাতে হয়েছে। কতকগুলো বাথার খুলে ধানের রাশি ছড়িয়ে পড়ে আছে চারিদিকে। না বাঁচিয়ে উপায় ছিল না। নইলে লোকে থাকে কি ? ?

দেওদান আচার্য কথা শেষ করে বললেন—এমনটা হবে ঠিক ভাবিনি। তবে কাজ শেষ। গোপালের চিতা গোপাল নিজে জালিয়েছে। আমাদের আর কিছু করতে হবে না। শুধু থানাতে খবরটা পাঠাতে হবে। সে কুতুবপুর কাছারী থেকে গিয়েছিল—আমি পাঠিয়ে এসেছি।

শুনছিলেন তিনজন—বীরেশ্বর রায়, ভবানী দেবী, রত্নেশ্বর রায়। বীরেশ্বর আলবোলা টানছিলেন কিন্তু কখন যে নলটা রেখে দিয়েছিলেন বা হাত থেকে ধসে পড়েছিল, তার খেয়াল ছিল না। কথা শেষ হতেই তিনি একটা নিঃশ্বাস ফেলে ডানহাতখানা বাড়িয়ে নলটা হাতড়ালেন। চাকর গহেত্র দূরে দাঁড়িয়েছিল, সে এসে নলখানা তুলে দিল তাঁর হাতে।

ভবানী দেবী একটা দীর্ঘনিঃশ্বাস ফেলে বললেন—মা গো !

বীরেশ্বর তার দিকে তাকিয়ে বললেন—হঁ।

—কি করলে বল তো ?

—কি ? একটু হাসলেন বীরেশ্বর।

আচার্য বললেন—আমরা কি করলাম বলুন মা ? আমরা আইনের পথ ছাড়া চলি নি। যা করেছে সে নিজেই করেছে।

—করেছে, কিন্তু—।

—না মা, কোন কিন্তু নেই। আমরা কিছু করিনি। বলুন !

—বাঘের খাঁচায় মাহুযকে ঢুকিয়ে দিলে বাঘ মাহুযটাকে মারে, ছিঁড়ে ফেলে। বাঘই মাহুযটাকে মারে খুড়োমশাই। কিন্তু তাতে বাঘের পাপ হয় না। পাপ মাহুযেরই হয়।

বীরেশ্বর রায় হাতের নলটা ফেলে দিয়ে বললেন—মাহুয তো একরকম নয়, সতী বউ। মাহুযে মাহুযে প্রভেদ আছে। রাজা আর প্রজা, জমিদার আর রাইয়ত এক নয়। রাজাকে মধ্যে মধ্যে বাঘের খাঁচায় মাহুযকে ফেলে দিতে হুকুম দিতে হয়। কান্দীতে তো কোম্পানী রাজ্য রাখতে মিউটিনীর সময় কি করলে চোখে দেখেছ। শেহদীর কটা নাতীকে গুলী করে মেরে দিয়েছে। ছেলেছুটাকে ফাঁসি দিয়েছে। ছেদীর ঠ্যাঙটাই কাটা গেছে। রাজধর্ম একটা আলাদা আছে। রাম রাবণকে সাজা দিতে গোটা বংশটাকে ধ্বংস করেছিলেন। ওখানে সাধারণের সঙ্গে বিচার চলে না। আপনি এক কাজ করুন।

আচার্য তাঁর মুখের দিকে তাকালেন।

বীরেশ্বর বললেন—কুতুবপুর কাছারীতে আজ রাত্রেই লোক পাঠান—কুতুবপুরের কাছারীর খাসজোতের সমস্ত খড় বীরপুরের প্রজাদের দেওয়া হবে। যা কাপড় এসেছে এখানে বিতরণের

জন্মে তাঁর কিছু কাপড় পাঠিয়ে দিন। কাপড়চোপড় পুড়ে গিয়ে থাকবে। ধান-চাল দেওয়ার ব্যবস্থা করুন। গরীবদের দশ-পাঁচ টাকা দাতব্য—আর গৃহস্থ প্রজা যারা ঋণ চাইবে, তাদের ঋণ দেওয়া হবে।

রত্নেশ্বর রায় মুখে একটি কথাও বলেননি। যা ভেবেছিলেন লেখা আছে তাঁর ডায়েরীতে।

“এরূপ শোশলীয় দুর্ঘটনা ঘটবে, তাহা আমি করুনা করি নাই। গোপাল সিংয়ের উপর কঠিন ক্রোধ ও আক্রোশ সত্ত্বেও এমন পরিশ্রুতিতে আমি বিমুগ্ধ এবং বেদনাক্লান্ত হইয়া পড়িয়াছিলাম। পিতৃদেব স্বকৌশলে কষ্টেলো পিতৃদেবকে দিয়া জন রবিনসনকে হত্যা করাইয়াছিলেন। আমি প্রথমটা ভীত হইয়াছিলাম। কিন্তু ধীরে ধীরে সাহস সঞ্চয় করিয়া সবিস্ময়ে দেখিয়াছিলাম।”

অভ্যাচারী নীলকরদের বিরুদ্ধে তখন সারা বাংলার একটা বিক্ষোভ জ্বলে উঠেছিল, তার সঙ্গে রবিনসনের নারী-লোলুপতার জন্য একটা ঘণা জন্মে উঠেছিল মাহুঘের মনে। নারীহত্যার সে করেছিল। তাছাড়া যার কারায়-দুঃখে এই কোভ আক্রোশ সত্ত্বেও মাহুঘ এতটুকু দুঃখ পায় এমন কেউ তার এ-পৃথিবীতে ছিল না।

রত্নেশ্বর লিখেছেন—“এমন পাষাণের এই পরিণাম মাহুঘের কৌশলে সংঘটিত হইলেও, ভাবিয়াছিলাম ইহাই বিধাতা-নির্দিষ্ট দণ্ড। ঐ মাহুঘের মাথার বজ্রাঘাত হইলে আরও খুশি হইতাম কিন্তু এই পরিণামেও কোন দুঃখ পাই নাই।

“দে সরকারকে দণ্ড আমি নিজে দিয়াছি। তাহাতেও আপশোস করি নাই। কখনও করিব না। কারণ, সে গোটা গ্রামনগর পুড়াইয়াছিল, আমাকে পুড়াইয়া মারিতে চাহিয়াছিল; আমি তাহার ঘর পুড়াইয়া দিয়াছি। ডাকাতেরা তাহার অধর্মসম্বন্ধিত অর্থ লইয়াছে, কিন্তু তাহার বাড়ীর নারী-শিশুদের অঙ্গ স্পর্শ করি নাই। হাতটা ভাঙিয়া দিয়াছি। শুনিয়াছিলাম, লোকটা বৃহস্পতি জাল করিও। কিন্তু গোপাল সিংয়ের ক্ষেত্রে এ কি হইল? গোপাল সিং নিজে মরিলে কোন দুঃখ হইত না। কিন্তু এ কি হইল? নিজের পুত্রকে সে হত্যা করিল? শুনিতেছি সে বাচিলে না। লোকটা পাষাণ হুঁস্ক, সে আমার মাতার অপমান করিয়াছে। রবিনসন ও দে সরকারের হুকুমে সে-ই গ্রামনগরে আগুন জ্বলাইয়াছে, আমার পৃষ্ঠদেশে পোড়ার দাগ এখনও সামান্য বর্ষণে জ্বলা করে। কিন্তু তবু মন হায় হায় করিতেছে।”

ভবানী দেবী বলেছিলেন—বাবের খাঁচার লোক কেলে দিলে বাঘ তাকে হত্যা করে কিন্তু হত্যার পাপ বাঘের তাতে একবিন্দু নেই, ... সবটাই মাহুঘের।

এই কথাটাই অমোঘ মনে হইছিল রত্নেশ্বরের। তিনি অত্যন্ত বিচলিত হইয়াছিলেন। সেই মুহূর্তে তাঁর মনে হইয়াছিল—“একদিন জমিদার আমি হইব, ইহা জন্মমাত্রেরই স্থির হইয়াছিল। কিন্তু তাহা মনে মনে জানিয়াও এমন করুনা কখনও করিতে পারি নাই। অভ্যাচারী বলিয়া স্বাভাবিকভাবে ঘৃণা করিয়াছি। ভাবিয়াছিলাম, জমিদার হইয়া আমি আদর্শ জমিদার হইব।”

বীরেশ্বর রায় ভবানীকে বলেছিলেন—মাহুঘে মাহুঘে প্রভেদ আছে সতীবউ। রাজা আর প্রজা, জমিদার আর রায়ত এক নয়। রাজার হাতে শাসনের ভার আছে। রাজাকে মধ্যে মধ্যে বাঘের খাঁচার মাহুঘকে কেলে দিতে হুকুম দিতে হয়। রাজধর্ম আলাদা। মিউটানি

দমন করতে কোম্পানী কাশীতে বালকদেরও গুলী করে মেরে ফেলেছে। রাম রাবণকে সবংশে বধ করেছিলেন।

কথাটা শুনে রত্নেশ্বর যেন পড়তে পড়তে একটা আশ্রয় পেয়েছিলেন। ভায়রীতে লিখেছেন—“পিতার উত্তর শুনিয়া চমকিয়া উঠিলাম, তাহার বাক্যই যেন আশ্রয়-দণ্ড হইয়া আমাকে আশ্রয় দিল। আমি বল পাইলাম। পিতৃদেব ঠিক কথা বলিয়াছেন। রাজত্বের মতই জমিদারধর্মও স্বভাব। ইহা দুর্বলের জন্ত নহে। দুষ্টকে দমন করিতে গিয়া বাহা ঘটয়াছে, তাহার জন্ত পাপ করিয়াছি মনে হইলে জমিদারী আসনে বসা চলিবে না। দৃঢ় হইতে হইবে।

“তবে আজ হইতে ইহাও প্রতিজ্ঞা করিতেছি যে, অতঃপর বাহাই করিব, তাহা আইনসম্মত প্রকাশপথে করিব। জমিদারী ধর্মে আইনই ধর্ম। সেখানে বাহা ঘটবে, তাহার জন্ত আমার কোন আপশোসের কারণ থাকিবে না।”

সুরেশ্বর বিষয় হেসে বললে—তাও পারেননি তিনি। তিনি ঠাকুরদাসদাদাকে পিঙ্কসকে দিয়ে খুন করিয়েছিলেন। এবং তার আগেও আরও একটা হত্যা তিনি করিয়েছিলেন। সে-ও অবশ্য তিনি দুষ্টকে দণ্ড দিয়েছেন।

সুলতা সবিস্ময়ে প্রশ্ন করলে—সে কে ?

—সে ? সে একজন গোয়ান চাপরাসী। রায়বাড়ীর অন্দরের সঙ্গে তার ঘনিষ্ঠ যোগাযোগ সন্দেহে তাকে তিনি নিশ্চিহ্ন করে দিয়েছিলেন।

চমকে উঠল সুলতা। রায়বাড়ীর অন্দরের সঙ্গে ?

—হ্যাঁ। ওই অঞ্জনা মেয়েটির সঙ্গে।

সুলতা বললে—ওঃ !

সুরেশ্বর বললে—তোমাকে বলব কি সুলতা, ওই কীর্তিহাটের বিবিমহলে বসে আমি জমিদার হলাম বাধ্য হয়ে। আমাকে তুমি জানতে। একালের মানুষ। আমি একালের সভ্যকেই বড় করেই কাজ করছিলাম। আমার স্বার্থের চেয়ে মানুষের দাবীতে প্রজার দিকটাই বড় করে দেখেছি। কিন্তু আমারও মনে হয়েছিল শোধ নিতে শিবু সিংয়ের উপর। শোধ না নিলে আমার অন্তায় হবে। ধর্মচ্যুত হব আমি। আমার ইজ্জত আর থাকবে না। রত্নেশ্বর রায়ের কাল—১৮৫২ সাল। আমার কাল ১৯০৭ সাল। দেশে স্বাধীনতা আন্দোলন আগুন হয়ে জ্বলে উঠেছে। রায়বাড়ীর ছেলে অতুল জ্বলে। কুমারী মেয়ে অর্চনা, সে তাতে জড়িয়ে পড়েছে। মেজঠাকুরমাও জ্বল খাটছেন। সে সময়ে প্রজাপীড়ন কতটুকু করতে পারা যায় ? যতটুকু যায়, ততটুকু করেছি আমি। সুলতা, আমি শিবু সিংহের ফ্রি-শিপ বন্ধ করতে পারিনি—করিনি। কিন্তু বোর্ডিং ফ্রি-শিপ বন্ধ করেছিলাম। হরি সিংয়ের সঙ্গে কয়েকটা মামলাও শুরু হয়েছিল। কিন্তু সময়ে স্তমতি হয়েছিল। চেতনা হয়েছিল এই ভায়রী পড়ে। নিবৃত্ত হয়েছিলাম।

একটু চুপ করে থেকে সুরেশ্বর বললে—বাংলাদেশে, তাই বা কেন, পৃথিবীতে জমিদার এমন একজনও নেই বা হয়নি যে প্রজা দমনের নামে মানুষকে পীড়ন করেনি। ও হয় না।

গোপাল সিংয়ের ধ্বংস পর্ব, আচার্য দেওয়ান এটার নাম দিয়েছিলেন গোপালমেধ যজ্ঞ, শেষ হতে বেশী দিন লাগেনি। মাস-তিনেকের মধ্যে শেষ হয়ে গেল। গোপাল সিংয়ের ফাঁসী হবার কথা। কারণ, গোপালের ডেলে ওই রাজ্যেই সারা গিয়েছিল। খানায় তার খবর এবং এজাহার দিয়ে এসেছিল কুতুবপুর কাছারীর নায়ের। গোপাল তখন পানিয়েছে। কিন্তু বিচিত্র কথা কি জান, গোপালকে ফাঁসীর হাত থেকে বাঁচালেন ভবানী দেবীর অহুরোধে বীরেশ্বর রায়।

পরের দিন ভোর রাতে ভবানী দেবী উঠে স্নান সেরে মন্দিরে এসেছেন, মঙ্গলারতি হচ্ছে মায়ের; তাঁর সামনে হাতজোড় করে হাঁটু গেড়ে বসল আপাদমস্তক চাদর ঢাকা একটি মেয়ে।

গোপাল সিংয়ের কনিষ্ঠা পত্নী। তার ছুটি শিশুপুত্রকে নিয়ে এসেছে রায়বাড়ীর সতী বউরানীর কাছে।

—রানীমাদে ভিক্ষা।

ভোরবেলা তখন আবছা অন্ধকার রয়েছে। নাটমন্দিরে একটা পঁচিশ-বাতি সে-আমলের ঝোলানো কেরোসিনের চিমনী জ্বলছে। গোটা নাটমন্দিরে অল্পকিছু লোক। সারারাত্রি প্রায় উৎসব চলেছে। রাত্রি তিনটে নাগাদ উৎসবের বাতি নিভেছে। গ্রাম-গ্রামান্তরের লোকদের কাছে-পিঠের লোকের বাড়ী, দরাস্তরের লোকেরা এখানে-ওখানে রায়বাড়ীর চারিপাশে এবং সামিয়ানা খাটানো আসরের উপর শুয়ে আছে। তকুম ছিল—কোন মধ্যবিস্ত্র অবস্থাপন্ন ঘরের মেয়েছেলে থাকলে তাদের যেন ঠাকুরবাড়ীতে জায়গা দেওয়া হয়। এ-মেয়েটি কখন এসেছে কেউ জানে না। এসে ঠাকুরবাড়ীর নাট মন্দিরেই আশ্রয় নিয়েছিল। উৎসবমস্ত রায়বাড়ীর কারুরই ঠিক খেয়াল নেই।

সতী বউরানী তারতির পর মন্দির থেকে নামছেন, এরপর যাবেন, গিয়ে পূজোতে বসবেন।

নাটমন্দির এবং মন্দিরের মাঝখানে, যেখানে হাড়িকাঠ পোতা আছে, সেইখানে তিনি নামবামাত্র এই অবগুণ্ঠনবতী এসে নতজাহ্ন হয়ে হাতজোড় করে বসল। ভবানী দেবীর পিছনে ছিল অঞ্জনা এবং তাঁর দাসী-দামিনী। বাকি রায়বাড়ীর অধিবাসিনী কুটুস্থিনীরা সব তখন ঘুমিয়ে আছে। দারোয়ান-চাপরাসীরা টুলছে। পুষ্করের মধ্যে জায়রত্ন এবং পরিচারক ছাড়া আর কেউ নেই।

এই আবছা অন্ধকারে ছায়ামূর্তির মত অবগুণ্ঠনাবৃত্তা মেয়েটিকে এমনভাবে হাঁটু গেড়ে বসতে দেখে প্রথমটা ভবানী দেবী ভেবেছিলেন, সে দেবীকে প্রণাম করছে। তিনি সরে দাঁড়ালেন সম্মুখ ছেড়ে। কিন্তু মেয়েটি বললে,—রানীমাদে, ভিক্ষা।

অনুটপ্রায় স্বর, কিন্তু তার মধ্যেও কাতরতার অন্ত ছিল না। বুককাটা দীর্ঘ নিঃশ্বাসের সঙ্গে যেন বেরিয়ে এল।

চমকে গিয়ে পিছিয়ে এলেন ভবানী দেবী। এই শেষরাতে এমন অকস্মাৎ সামনে নতজাহ্ন হয়ে বসে দীর্ঘনিঃশ্বাসের সঙ্গে কে তাঁকে ভিক্ষা চাচ্ছে?

একলা তিনি চমকে ওঠেন নি, অঙ্গনা এবং দাসীটিও চমকে উঠেছিল। জ্বররত মন্দিরের ভিতর থেকে বাইরে এসে সন্ধ্যা পা দিয়েছেন, তিনিও চমকে উঠে বলেছিলেন—কে ?

পরিচারক ভাড়াভাড়ি নেমে এসে বলেছিল—কে গো ? কে ? কে তুমি !

ভবানী দেবী তখন নিজেকে সামলেছেন, তিনি পরিচারককে বলেছিলেন—তুমি সরে যাও। দেখছ না, মেয়েটি ঘোমটা দিয়ে রয়েছে, আমার সঙ্গে কথা বলছে। তুমি সর।

ভবানী দেবী মেয়েটির জোড়করা হাত-হুঁথানির রঙ এবং তার হাতের রূপোর মোটা কাকনির দিকে তাকিয়ে বুঝতে পেরেছিলেন, সে ভাল ঘরের মেয়ে এবং ঠিক এ-দেশের নয়। ভিক্ষা কথাটা তাঁর কানে ঠিক সুরটি তুলেছিল।

পরিচারক সরে গেলে তিনি তাকে প্রশ্ন করেছিলেন—তুমি কে বাছা ?

—আমি ভিক্ষা মাংতে এসেছি রানীমাদে।

—বল, কি ভিক্ষা চাও ?

—আমার বাচ্চাদের বাপের জ্ঞান। আমার সিঁথির সিঁদুর। ছনিয়ার কেউ রাগতে পারবে না বলছে লোকেরা, কিন্তু আমি জানে রানীমাদে, আপনি পারেন। আমি শুনিয়েছি, আপনি আপনার স্বামীকে বাঁচাইয়েছেন। কালীমায়ী আপনার বাত শুনের।

অঙ্গনা এককণ অবাক হয়ে শুনছিল, সে বললে—তোমার স্বামীর কি হয়েছে বল। কোথায় বাঁজী বল। কি নাম ?

ভবানী দেবী বলেছিলেন—থাক। তুমি আমার সঙ্গে ভিতরে এস।

তিনি তাঁকে অন্তরে নিচের তলায় নিয়ে গিয়ে একটা ঘরে বসিয়ে বলেছিলেন—কোথা থেকে এসেছ মা ? বীরপুর থেকে ?

ঘোমটাশুদ্ধ মাথাটা নড়ে উঠেছিল—হ্যাঁ।

—বুঝেছি তা। তোমার ভিক্ষা ভিক্ষা শুনেই বুঝেছি। তার উপর তোমার হাতের রঙ, মোটা কাকনি। কতক্ষণ এসেছ ?

—রাত পহেলা গ্রহরে বয়েলগাড়ী জুড়ে সঙ্গে আদমী নিয়ে বেরিয়েছি মায়ী, শেষরাতে এসে পঁহুলাম।

—গোপাল সিংহের ছেলে কেমন আছে ?

—মরে গেছে মায়ী।

—তার মা কি তুমি ?

না—এর ভাবিতে মাথাটা নড়ে উঠল।—না। তারপর বললে—উ বড়কী আছে।

—হঁ। সে ? সে কি করছে ?

—উকেও জখম করেছে মায়ী। তার উপর—। হুঁপিয়ে কঁদে উঠল মেয়েটি।

একটু শুদ্ধ থেকে ভবানী দেবী জিজ্ঞাসা করলেন—গোপাল সিং ?

—সে যে কোথায় ভেগেছে মাদেজী, সেই জানে।

—হঁ।

—কাল পুলিশ এসেছিল মাদেজী। ইজাহার নিয়ে গেল, বড়ী বেঁটার লাস ভি আটকে

রেখেছে। আজ সুবার নিয়ে যাবে। লোকে বলছে উলকা কঁাসী হোর যাবে মায়ী। আপনি বাচান। মায়ী আপনি বাচান।

ভবানী দেবী একটা দীর্ঘনিশ্বাস কেলে বলেছিলেন—আমি কি ক'রে বাচাব মা? রায়বাড়ী তো কিছু করে নি; যা ক'রেছে তার ফল ফলে গেছে। গোপাল সিং রায়বাড়ীর পাইক বরকন্দাশ খুন করলে ত আমি চাপা দিতে বলতাম। কিন্তু গোপাল রাগের বশে নিজের ছেলেকে—। ওঃ!

গোপালের স্ত্রী বলেছিল—মাইজী, আজ সারা গাঁওয়ের লোক তার উপর খান্না হরে গিয়েছে। তাকে পেলে হয় তো ছিঁড়ে কেলেবে, আরও খুন খারাবি হবে; তাকে ধরিয়ে দেবার জন্যে লোকে তাকে খুঁজছে। এক ভূমি বাচাতে পার। বাচাও ভূমি। মায়ী আমার বালবাচ্চারা ছোট।

হাউ হাউ করে কেঁদে উঠল সে।

—কিন্তু আমি কি করব বল?

—তা আমি জানি না মায়ী। তবে ভূমি পার। তোমার পতিভে ভূমি শাবিজীর মত বাচিয়েছ। মা কালীর সঙ্গে তোমার বাতচিৎ হয়। এ আমাকে সবাই বলছে।

—কি বলছে?

একটু চুপ করে থেকে সে বললে—মাইজী, সবাই বলছে কালীমায়ীর রোখে সিংয়ের এট হাল হয়েছে। তোমার মত সতীকে সে কটু বলেছিল তারই সাজা দিয়েছে মা। ভূমি খুশী হলেই—মাফ করলেই সে বাঁচবে।

ভবানী বলেছিলেন—মা, আমি কোনদিন তাকে শাপশাপাস্ত করিনি। তবু ভূমি বলছ, আমি অন্তর খোলসা করে বলছি—মা, গোপালকে বাঁচাও, মা, গোপালকে বাঁচাও। মা, গোপালকে বাঁচাও। আর—

একটু চুপ করে থেকে ভেবে বলেছিলেন—আর আমি জিজ্ঞাসা করছি, তোমাদের হজুরকে, গোপালকে বাঁচাবার কোন পথ আছে কিনা! তাঁরা কিছু পারেন কিনা? যদি থাকে তবে নিশ্চিন্ত হও—তা আমি করব।

গোপালের স্ত্রী মেঝের উপরে হাত রেখে বসেছিল, সে হাতখানা মেঝের পুলোতেই বুলিয়ে নিয়ে নিজের কপালে ঠেকিয়েছিল!

ভবানী দেবী বলেছিলেন—কিন্তু ভূমি এত কাল থেকে কিছু খাওনি মা!

কপালে হাত দিয়ে ক্লান্ত স্বরে বউটি বলেছিল—খোড়া পানি পিয়েছি মায়ী। আর কিছু কি খাওয়া যায়?

—যায় না। কিন্তু তবু খেতে হয় মা। কিছু খাও ভূমি। তারপর নিজের ঝি দামিনীর দিকে তাকিয়ে বলেছিলেন—দামিনী তোর উপর এর ভার রইল। কিছু খাওয়া শুকে। আর, এ বাড়ীর কারুকে পরিচয় দিসনে যে গোপাল সিংয়ের স্ত্রী। মাফুষ শত্রু হলে বড় নির্ভর; তার ওপর—

একটু মান হেসে বলেছিলেন—বড়লোক হলে তখন আর তার শেষ থাকে না। তারপর



অঞ্জনা'কে নিয়ে ওপরে চলে এসেছিলেন।

\*

\*

\*

পূজার ধরে ঢুকবার আগে চাকর মহিন্দরকে ডেকে বলেছিলেন—বাবু, উঠলেই আমাকে ইশারায় জানিয়ে। দেওয়ানজী কাছারীতে এলেই তাঁকে খবর দিয়ে কোন কাজ যেন আমার সঙ্গে দেখা না করে না করেন। রত্ন হয়তো উঠে থাকবে, তাকে বলো আমার আলীবাদ না নিয়ে যেন বাইরে না বের হয়। কোন হুকুম না দেয়। সে যেন কলকাতার জ্যোতামশাই আর তাঁর ভায়রাভাইয়ের দেখাশোনা করে। অঞ্জনা তোমার উপর ভার রইল জগদ্ধাত্রী দিদির আর তাঁর বোনের।

গতরাত্রে এরই মধ্যে বীরেশ্বরবাবুর খুড়তুতো দাদা দেবপ্রসাদ এসেছেন, জগদ্ধাত্রী বউ এসেছেন, সঙ্গে এসেছেন সস্ত্রীক স-পুত্রকন্তা তাঁর ভায়রাভাই, মেদিনীপুর সদরের এস-ডি-ও রাধারমণবাবু।

তাঁরা ওদিকের মহলের দোতলার আছেন। লোকজন চাকর দাসী সবই সেখানে মোতায়েন আছে, তবুও নিজেরা দেখাশোনা না করলে আতিথেয়তাটি হবে।

বীরেশ্বর, রত্নেশ্বর, দেওয়ান আচার্য—কারুর সাহায্যই কিন্তু ভবানীর প্রয়োজন হয় নি। কার্যোদ্ধার তিনি নিজেই করেছিলেন। স্বামী পুত্র কাউকে একটি কথাও বলতে দেন নি।

তিনি পূজার আসনে বসে অন্তরের সঙ্গে ডেকে দেবতাকে বলেছিলেন—গোপালকে তুমি রক্ষা কর মা। ওই মেয়েটির কাছে আমার মুখ রক্ষা কর।

তাঁর চোখ থেকে জল গড়িয়ে পড়ছিল। স্তবের সঙ্গে প্রার্থনা শেষ করে তিনি প্রণাম সেরে চোখ খুলেই দেখেছিলেন জগদ্ধাত্রী দেবীকে। জগদ্ধাত্রী তাঁর সম্পর্কে বড় হলেও তাঁর সখী, বয়সে তিনিই বছর দুয়ের বড়।

জগদ্ধাত্রী দেবী কখন এসে তার পূজার আসনের থানিকটা দূরে বসেছিলেন। চোখাচোখী হতেই জগদ্ধাত্রী বলেছিলেন—তোমার পূজা করা সার্থক! কতক্ষণ বসে আছি। খেয়াল নেই। চোখ থেকে জলের ধারা আর থামে না!

ভবানী হেসে চোখ মুছে বললেন—না ভাই, সাড়া ঠিক পাই নি।

—এমনি করে রোজ কীদিস?

—কীদি। কোন কোন দিন মনের দুঃখ জানাই আর কীদি!

—মনের আবার দুঃখ কি তোর এখন?

—সংশয়টাই দুঃখে ভরা ভাই। আর নিজের দুঃখই কি সব?

—তা বটে।

—সুখবালা উঠেছে? রাত্রে কোন অশ্রুবিধে হয় নি?

—অশ্রুবিধে? বাপরে! মুখের কথা না-ধমাতো পাঁচটা লোক ছুটে আসছে। তা ছাড়া ওই অঞ্জনা মেয়েটি। একেবারে হাজির হয়ে আছে। সুখো উঠেছে, সে মেয়েকে নিয়ে এসেছিল, তোর ধ্যান দেখে চলে গেল। আমাকে রেখে গেল!

ব্যস্ত হয়ে উঠলেন ভবানী দেবী। বললেন—আমি যাচ্ছি। পূজার কাপড় ছেড়ে,

পূজার হাত রত্নেশ্বরের মাথায় দিয়ে, ঔর গায়ে বুলিয়ে দিয়ে যাচ্ছি আমি।

—না। তোর সঙ্গে কথা এখানেই বলবে সুরবালা। তুই পূজার আসনে বসে থাকবি ও বলবে।

—কেন? কি ব্যাপার? দোহাই তোর, আমি ভাই সিদ্ধটিঙ্ক নই। কি ক্যাসাদ মা। তারপরই একটা কথা মনে ক'রে এক নিশ্বাসেই বললেন—তা ছাড়া ঔর ক'র্তা তো শুনেছি সাহেবী মেজাজের মানুষ, বাড়ীতে সাহেবী কেতা; সুরোবালাও তো যেমসাহেব হয়ে উঠেছিল শুনেছি, ওঁদের এসব বাতিল কেন?

হেসে জগদ্ধাত্রী বললেন—সে-সব উণ্টে গেছে। এখন মাছুলী-কবচ পরে। মাঝখানে রাধারমণের ঝগড়া লেগেছিল ম্যাজিস্ট্রেটের সঙ্গে, দারুণ ঝগড়া। চাকরি যায় যায়। হঠাৎ কার পরামর্শে এক তান্ত্রিক সন্ন্যাসীকে দিয়ে বাগযজ্ঞ করিয়ে খুব কল হয়েছে। সাহেবটা ঘোড়া থেকে পড়ে খোঁড়া হয়ে বিলেত চলে গেল; রাধারমণের চাকরি যাওয়া দূরের কথা উন্নতি হ'ল। বাকড়ো ছোট জেলা, সেখান থেকে মেদিনীপুরে এস-ডি-ও হয়ে এল। লালমুখের পোর্ট এন্ট, বাঙালীকে দেয় না; তা ওকেই দিলে। এখন ভক্তিতক্তি খুব। তার ওপর মেয়ে বড় হয়েছে; তেম্মো পার হতে চলেছে। সাহেবী মেজাজ নামের জন্তে ভাল বড় ঘরে বিয়ে হচ্ছে না। মুখটিপে হাসলেন জগদ্ধাত্রী দেবী। বললেন—তা না হ'লে নিজে যেচে চিঠি লিখে আমাদের সঙ্গে ক'রে তোর বাড়ী এসেছে।

ভবানী স্থিরদৃষ্টিতে তাকিয়ে রইলেন। আভাস তিনি পেয়েছেন।—মেয়ের বিয়ে?

প্রশ্নটা করবার আগেই জগদ্ধাত্রী দেবী মৃদুস্বরে বললেন—ওই এসেছে ওরা! অঞ্জনার সঙ্গে বাড়ী ঘুরে, ছাদে উঠে গ্রামটা দেখে এল। জানবাজারের বাড়ী দেখেছে একদিন।

তারপরই উচ্চকণ্ঠে বললেন—আয় সুরো আয়। আমি বসিয়ে রেখেছি।

ভবানী দেবী ঘাড় কিরিয়ে তাকালেন। এবং দেখলেন বারান্দার দরজার ঠিক মুখেই অঞ্জনা এবং তার পিছনে সুরবালা ও তার বড় মেয়ে স্বর্ণলতা ঘরে ঢুকছে। হেসে ভবানী বললেন—আসুন!

অঞ্জনা ভাড়াভাড়ি একখানা গালিচা এনে বললে—মামীমা, আপনি মেঝেতে বসেছেন! উঠুন উঠুন এখানে পেতে দি!

সুরবালা সরাসরি বললেন—আমার স্বর্গকে এনেছি আপনার কাছে। ওকে এই আপনার পূজার আসনের সামনে আপনার হাতে দিতে এসেছি। ওকে আপনাকে নিতে হবে। বলুন, পূজার আসনে ব'সে বসুন নিলেন!

মেয়েটি সুন্দরী, কিন্তু রূপ যেন একটু উগ্র। রঙ উগ্র, চোখের দৃষ্টি একটু খটখটে, হৃদয়তো মেজাজ একটু উগ্র হবে। মেয়েটি একটু ভাগরই হয়েছে। তাঁর মনে পড়ল রত্নেশ্বরকে।

রত্নেশ্বরও সেদিক থেকে বিয়ের বয়স পার হয় হয় বয়সে পৌঁছেছে। কুড়ি বছরে পা দেবে। রত্নেশ্বরের বিয়ের কথা এতদিন বিমলাকান্ত বলেন নি, বীরেশ্বর বলেন নি, বলেন নি ঠিক এই দিনটির জন্তে। এ দিনটি না পার হলে বিবাহের আসরে হয় অধর্ম ক'রে মিথ্যা বলতে হত না-হয়, রায়-বাড়ীর গুণকথা প্রকাশ পেত।

বিবাহের সম্প্রদানের আসরে বলতে হবে—ভরদ্বাজ আদ্বিরস—বার্হম্পত্য প্রবরন্ত—  
কুড়ারাম দেবশর্মণঃ প্রপৌত্রঃ—সোমেশ্বর দেবশর্মণঃ পৌত্রঃ—বীরেশ্বর দেবশর্মণঃ পুত্রম্ । কিন্তু  
তা বলবার উপায় ছিল না । রত্নেশ্বর এতদিন বিমলাকান্তের পুত্র বলে পরিচিত ছিল ! সত্য  
বলে রায়বংশের যে কথা—যে মর্যাদাসিক সত্য—নবদ্বীপে জামাকান্তের কবরের নিচে চাপা  
পড়েছে—তা প্রকাশ হয়ে পড়ত !

রত্নেশ্বরের সঙ্গে ভালই মানাবে ।

স্বরবালা বলেছিলেন—মেয়ে আগার অসুন্দর নয় ভাই । তাছাড়া আপনার রত্নেশ্বর শুনেছি  
ভাল লেখাপড়া করেছে । কাল রাতে উনি তো কথাবার্তা বলে প্রশংসার পঞ্চমুখ । লেখাপড়া  
খুব ভালবাসে । আমার মেয়েকেও লেখাপড়া শিখিয়েছি । বাংলা তো ভালই জানে । ঈশ্বর  
গুণের কবিতা মুখস্থ । ইংরিজীও বেশ ভাল জানে—উনি শিখিয়েছেন । ফার্স্ট বুক সেকেণ্ড  
বুক একেবারে মুখস্থ । ইন্সুলে দেবার জন্তে উঠবন্দী, তা আমি দিতে দিই নি । তা হ'লে আর  
ভাল না হয়ে উপায় থাকত না ।

ভবানী ভাবছিলেন । মনের মধ্যে রত্নেশ্বর, তারপর বীরেশ্বর তারপর মনে হল রাধারমণবাবু  
এস-ডি-ও ; তারপরই চকিতে মনে পড়ে গেল অবগুণ্ঠনাবৃত্তা একটি মেয়ে, তারপর মনে পড়ল  
গোপাল সিংয়ের নাই । আবার মনে পড়ল রাধারমণবাবু এস-ডি-ও !

স্বরবালা বলেছিলেন—আমরা অবিজ্ঞি চাকরে । আপনারা মন্ত জমিদার । রাজা লোক ।  
তবু এ বিয়েতে অগৌরব হবে না আপনারাদের !

ভবানী বলেছিলেন—আমি ভাই পণ নেব !

—দেব । আমাদের সাধ্যমত দেব । বলুন কি নেবেন ?

—মেয়ে-জামাইকে কি দেবেন সে আপনারা জানেন । যা দেবেন তাই অনেক । তবে  
আমি মা, আমাকে পণ দিতে হবে !

—বেশ তো ! বলুন । ছকুম করুন !

—সে ভাই, মেয়ের বাপকে বলব । পণ নেব আমি তাঁর কাছে ।

\*

\*

\*

সুরেশ্বর বললে—ভবানী দেবী তাঁর ভাবী বৈবাহিকের কাছে পণ নিয়েছিলেন—গোপাল  
সিংয়ের যামলা থেকে মুক্তি ! তিনি বলেছিলেন—ওর স্ত্রীকে আমি কথা দিয়েছি । গোপালকে  
বাঁচাতে যা করবার করব ।

রাধারমণবাবু অভিভূত হয়েছিলেন ভবানী দেবীর করুণা দেখে । তিনি বলেছিলেন—  
লোকটা পাগল, অতি দুর্দান্ত, সমাজের পক্ষে ভয়ঙ্কর লোক । এবার নিজের ফাঁদে নিজ পড়ে  
গেছে । এসব লোকের সাজা হওয়াই উচিত । তবু আপনি যখন বলছেন, তখন আমা থেকে  
যতটুকু হয় করব আমি । আসল হাত আপনারদের । আপনারা যদি, মানে বীরেশ্বরবাবু যদি,  
বীরপুত্রের লোকেদের সামকান, তারা যদি সাক্ষী না দেয়, তা হ'লে খালাস পেয়ে যাবে ! আমি  
বলব থাকে যা বলবার, মানে তদন্তের সময় তারা যাতে চোখ বুঁজে তদন্ত ক'রে যায়, তা  
বলব ।

ভবানী বলেছিলেন—ওঁকে আমি বলেছি।

সে এর আগেই হয়ে গেছে। বীরেশ্বর রায়ও ভবানীর কথার গোপালকে কমা করেছিলেন। রাখারমণবাবুর সঙ্গে একথা হবার আগেই তিনি স্বাহীর কাছে একথা বলে যন্ত্র করিয়ে নিয়েছিলেন। কিছুক্ষণ নির্নিমেষ দৃষ্টিতে স্ত্রীর মুখের দিকে তাকিয়ে থেকে বলেছিলেন—সতীবউ, তোমাকে অদেয় আমার কিছু নেই! তাই হবে, দিলাম!

ভবানী তাঁর পায়ের উপর মাথা রেখে প্রণাম করতে গিয়ে চোখের জল ফেলেছিলেন তাঁর পায়ের উপর।

বীরেশ্বর সমাদর করে তাঁর মাথার চুলে হাত বুলায়ে দিয়েছিলেন। বলেছিলেন, ওঠ, কেঁদো না। তুমি কল্পাময়ী। তবে একটা কথা আছে।

মাথা তুলে বসেছিলেন ভবানী দেবী।

বীরেশ্বর বলেছিলেন—তার স্ত্রীকে বল, সৰ্ত্ত হ'ল গোপাল সিংকে আসতে হবে। হাটু গেড়ে বসে কমা চাইতে হবে! অজ্ঞায় বলছি?

ভবানী বলেছিলেন—না। অজ্ঞায় বলনি। তা করতে হবে বইকি! মাথলা-মকদ্দমা এ সবই তাকে মেটাতে হবে। নিশ্চয় হবে। কিন্তু তুমি রত্নেশ্বরকে বল! সে হয়তো কথা শুনতে চাইবে না!

—তোমার কথা শুনতে চাইবে না?

—তুমি বুঝতে পার না?

একটু চুপ করে থেকে বীরেশ্বর বলেছিলেন—তা পারি! রত্নেশ্বর আমার থেকেও জেদী। আমার চেয়ে সে শক্তিতেও বড়। আচ্ছা, তাকে বলব আমি।

ভবানী বলেছিলেন—আমি যাঁই, তোমার কাছে ডেকে দিয়ে যাচ্ছি।

—একটু বস। তুমি বড় দূরে দূরে থাক। এতকাল পর ফিরে এসেও কাছে এলে না। ব্রত করেছিলে, তা শেষ হয়েও শেষ হ'ল না। ব্রতধর্ম নিয়েই থেকে গেলে।

ভবানী তাঁর কাছে একটু সরে বসে বলেছিলেন—রত্নেশ্বরের বিষয়ে হোক, তাকে সব ভার দিয়ে চল আমরা তীর্থ বেড়িয়ে আসি।

—খুব ভাল বলেছ। খুব ভাল বলেছ। এখন সুবিধাও হল, রেলগাড়ী হয়ে গেল। পথের কষ্ট নেই। তাই যাব! শুধু তীর্থ নয়, আগ্রা লঙ্কো দিল্লী এসবও দেখে আসব। আগ্রায় ভাস্কর্য্য দেখব। তুমি ভাস্কর্য্য দেখো, আমি তোমাকে দেখব!

ইহা শুনে একটা শব্দে তাঁদের বাক্যালাপে ছেদ পড়েছিল। দরজার ওপাশে রাস্তাঘরের মেঝের উপর একটা কিছু যেন পড়ে গিয়ে শব্দ হয়েছিল।

বীরেশ্বর রাগ জিজ্ঞাসা করেছিলেন—কে?

ভারত স্ত্রীপ কণ্ঠে উত্তর এসেছিল—আমি! অজ্ঞানা!

ভবানী দেবী বাইরে বেরিয়ে এসেছিলেন। অজ্ঞানার স্মারক মুখও ভয়ে ক্যাঁকাসে হয়ে গেছে, সে একখানি পরাভের উপর বীরেশ্বর রায়ের প্রাভ:রশ নিয়ে দাঁড়িয়ে আছে দেওয়ালে

ঠেস দিয়ে। পরাত থেকে জলের গ্লাসটা কি ক'রে মেঝের উপর পড়ে গেছে। সে পরাতখানা নামাতেও পারছে না, জলের গ্লাসটা নিয়ে কি করবে তাও বুঝতে পারছে না।

ভবানী দেবী বলেছিলেন—পড়ে গেল গ্লাসটা? কি ছিল ওতে?

—জল। কোনরকমে উত্তর দিয়েছিল অঞ্জনা।

—তা থাক। ওটা তুমি আমাকে দাও, দিয়ে, যাও নতুন গ্লাসে জল নিয়ে এস। না, মহেশ্বকে দিয়ে জল পাঠিয়ে দিয়ো। তুমি বরং রত্নেশ্বরকে গিয়ে বল, সে যেন এখুনি এ ঘরে আসে। একটু পর! ওর খাওয়াটা হয়ে যাক। বুঝছ!

ঘাড় নেড়ে—হ্যাঁ—জানিয়ে অঞ্জনা চলে আসতে পেরে বেঁচে গিয়েছিল। সে খাবারের পরাত নিয়ে ঘরে ঢুকতে গিয়ে থমকে দাঁড়িয়েছিল, কর্তা-গিন্নীর কথার সাড়া পেয়ে। ভাবছিল সাড়া দিয়ে ঢুকবে কি না; এই মুহূর্তেই কানে এসেছিল বীরেশ্বরের গাঢ়স্বর এবং সেই গাঢ়স্বরের ওই গাঢ় কথা ক'টি—একটু বস। তুমি বড় দূরে দূরে থাক। কতকাল পর ফিরে এসেও কাছে এলে না।

রত্নেশ্বরের সমবয়সী অঞ্জনা, রত্নেশ্বর থেকে কয়েকদিনের বড়। সেদিন বলেছিল—সাত-দিনের বড়। কিন্তু না, ঠিক হিসেবে আটদিনের বড়। সে হিসেবটা হরেছিল রত্নেশ্বরের জন্মদিন ধরে নয়, বিয়লার মৃত সন্তানের জন্মদিন ধরে। বয়স তার উনিশ পার হচ্ছে। তার উপর সন্তান হয়নি। এবং বিচিত্র চরিত্র, দারিদ্র্য এবং বাউতুলে স্বামীর উপেক্ষার মধ্যেও কৌতুক আর পরের ঘরের আনন্দ উজ্জ্বল ভাগ নিয়ে সে শুধু বেচেই নেই, সংসারে বিচরণ করে বেড়ায় চঞ্চল পদক্ষেপে। দেশের সম্মুখে কোনরকমে পদক্ষেপের সে চাক্ষুষ সংঘত হয়, কিন্তু একা হলে আর রক্ষা থাকে না। সেদিন সেই মুহূর্তে ওই ভেজানো দরজার এপাশে একলা ওই রাস্তা-ঘরটিতে দাঁড়িয়ে কর্তা এবং গৃহিণীর এই গাঢ় কথাবার্তা শুনে তার অন্তরের কৌতুক-সরসতা উজ্জ্বল উঠেছিল। সে নীরবে দাঁড়িয়ে আড়িপাতার মত শুনতে আরম্ভ করেছিল তাদের কথাগুলি। তন্ময় হয়ে শুনছিল। যখন বীরেশ্বর বলেছিলেন—তাজমহল দেখতে যাব, সেখানে তুমি দেখবে তাজমহল আর আমি তাকিয়ে থাকব তোমার মুখের দিকে। তখন তাঁর কৌতুক-সরসতা প্রমত্ত হয়ে উঠেছিল দমকা বাতাসের মত। হাসি চাপতে গিয়ে মুখে কাপড় চাপা দেবার ভ্রম হাত খোলা পায় নি; ঘাড় ফিরিয়ে কাঁধের কাপড়ে মুখ গুঁজতে গিয়ে নড়ে উঠেছিল হাতে ধরা পরাতখানা এবং গ্লাসটা গিয়েছিল সশব্দে মেঝের উপর পড়ে। লজ্জার এবং ভয়ের আর অন্ত ছিল না।

বড়লোকের বাড়ীতে আগন্তুক দরিদ্র আত্মীয়দের অবস্থা বড় নিদারুণ। চাকরদের চেয়েও মর্মান্তিক। তার উপর সন্ত একদিন আগে তার উপর সন্তুষ্ট হয়ে ভবানী দেবী তাকে নিজের কাছে রেখেছেন, তার সব ভার নিয়েছেন, বাউতুলে স্বামীকেও চাকরি দেবেন বলেছেন। চোখের উপর এ বাড়ীর ঐশ্ব্যের পরিপূর্ণ খেলা দেখেছে। গোপাল সিং-এর খবরের মধ্যে এদের বিক্রম দেখেছে, বীরেশ্বর রাবের গাঞ্জীর্ষ দেখেছে, ফুলে একটা নিদারুণ ভয়ও তার অজ্ঞাতসারে মনের মধ্যে পুঞ্জীভূত ছায়ায় মত জমে উঠেছে। সেটা তাকে হা ক'রে গিলতে এসেছিল সেই মুহূর্তে। কেঁপে উঠে সে কোনরকমে দেওয়ালে ঠেস দিয়ে দাঁড়িয়ে থাকতে পেরেছিল; ঠেসটা

না পেনে হয়তো পড়ে যেত।

ভবানী দেবী এসে তাকে তিরস্কার করলেন না, তাকে অব্যাহতি দিয়ে বললেন—মহেশ্বকে দিয়ে জল পাঠিয়ে দাও। আর তুমি রত্নেশ্বরকে বল, সে যেন কর্তার সঙ্গে এখনি দেখা করে।

সে বাঁচল। বেঁচে গেল। রাস্তা-ঘর থেকে বেরিয়ে বারান্দাটা হাঁকা পায়ে পার হয়ে ডানদিকে আর একটা রাস্তা-ঘরে বেঁকে সে খানিকটা ছুটে নিল আনন্দে এবং কৌতুকে। কিন্তু আবার থমকে গিয়েছিল রত্নেশ্বরের ঘরের সামনে এসে। রত্নেশ্বরকেও তার ভয় হয়ে গেছে ওঠ বীরেশ্বর রায়ের মতই। তারই বয়সী, তার থেকে সাতদিনের ছোট এই আত্মীয়টি শুধু লম্বা চওড়াতেই নয়, চোখের চাউনিতে, কথা-বার্তায়, তার থেকে শুধু অনেক ভারী। নিজেকে সংযত করেই সে ঘরে ঢুকেছিল।

কিন্তু রত্নেশ্বর তাকে আশ্চর্য হাঁকা এবং প্রশ্ন মেজাজে স্নেহসরস কণ্ঠে বলেছিলেন—কি সংবাদ?

রত্নেশ্বরও বিবাহের কথাই সংবাদটা শুনেছেন। তাঁর মেজাজে তখন দোলা লেগেছে। তিনি প্রশ্নরম্ভেই ছিলেন এবং অজ্ঞানার মতই কাউকে খুঁজছিলেন যার কাছে তিনি অসঙ্কোচে সংবাদটা সংগ্রহ করতে পারেন। তিনি বাইরে বের হবার জঙ্গে পোশাক পরে আয়নার সামনে দাঁড়িয়ে চুল আঁচড়াচ্ছিলেন। এবং এই কথাই ভাবছিলেন।

চাকরদের কাছে এ সংবাদ অসঙ্কোচে সংগ্রহ করা যায় না। এসব ক্ষেত্রে বোন বউদি অথবা ঠাণ্ডা দিদিমারাই গুপ্তচরের কাজ করবার যোগ্য পাত্রী। কিন্তু তেমন কেউ ছিল না। তাই অজ্ঞানাকে দেখে তিনি তার মধ্যেই সেই প্রত্যাশিত জনটিকে পেয়ে উল্লসিত কণ্ঠে—

স্বরেশ্বর বললে—তাই বা কেন স্নলতা, উজ্জ্বলিত উল্লাসের সঙ্গেই আহ্বান এবং প্রশ্ন করেছিলেন—কি সংবাদ?

পৃথিবীতে এমন কতকগুলো জায়গা আছে, যে জায়গাগুলোতে ধর্মির প্রতিধ্বনি অত্যন্ত স্পষ্ট হয়ে সাড়া দেয়। অনেক খিলেন-লা বাড়ীতে একটা কে শব্দ বললে প্রতিধ্বনিতে সাতটা আটটা কে পরপর স্পষ্ট হয়ে বেজে বেজে যায়। অজ্ঞানার প্রকৃতি চরিত্র ঠিক এমন ধরনের। সঙ্গে সঙ্গে সাড়া বাজে। রত্নেশ্বর রায়ের এ হাঁকা মেজাজের সুপ্রসঙ্গ ওই কি সংবাদ প্রশ্নটির প্রতিধ্বনি মুহূর্তে উত্তর হয়ে বেরিয়ে এসেছিল তার মূখ থেকে। তার নেভানো কৌতুকসরস চিত্তদীপটি দপ করে জলে উঠেছিল। সে বলেছিল—সংবাদ, সুসংবাদ! মিষ্টি খাওয়ান।

—মিষ্টি? তা খাওয়াব। কিন্তু সংবাদটা আগে বল।

—আপনার বিয়ে।

—বিয়ে!

—হ্যাঁ। কনে তো দেখা দিতে এসেছে।

—শুনেছি।

—দেখেছেনও!

তা. র. ১৫—২

—দূর থেকে ।

কৌতুকময়ী মেয়েটি মুহূর্তে রঙ্গময়ী হয়ে উঠে চুপিচুপি বলেছিল—কাছ থেকে দেখতে চান না কি ?

—উ ? কাছ থেকে দেখা ? না— । এতটা থাক । কিন্তু তোমাকে খুঁজছিলাম ।

—কেন ?

—মেয়েটি মানুষ কেমন যাচাই ক'রে বলতে পার ?

—পারি ! কি যাচাই করতে হবে বলুন !

—এখন হবে না । বলব তোমাকে । বুঝেছ । আমি এখন একটু বেকব । সরকারী হাকিমরা আসবেন । বিবি-মহলে যাব । পরে, ছপুরবেলা একটু অবসর ক'রে এস ।

—আসব ! কিন্তু এখন বাটরে যাবেন না । কর্তাগিণী ডাকছেন আপনাকে । বসে আছেন ।

—বাবা মা দুজনে ডাকছেন ? কেন ?

—তা জানিনে । আসুন এখন । এমনিতেই কথায় দেরী হয়ে গিয়েছে । আমি ভুলেই গিয়েছিলাম আপনার বিয়ের আনন্দে !

—আমার বিয়ের কথায় তোমার এত আনন্দ ?

—হবে না । কত ধুমধাম হবে । কিন্তু আসুন !

পথে যেতে যেতে অজ্ঞান বলেছিল—বাবাঃ যে বিপদ হয়েছিল— ।

—কি বিপদ ?

—সে সেই ছপুরবেলা বলব !

বাপ মায়ের ঘরের সামনে এসে সাড়া দিয়ে ঘরে ঢুকলেন রত্নেশ্বর । —মা !

উত্তর দিলেন বীরেশ্বর ।—এস ।

তার পোশাকপরিচ্ছদ দেখে বললেন—বেকুচ্ছ কোথাও ?

—হ্যাঁ, বিবিমহলে যাব ।

—হ্যাঁ দেখে এস । সমস্ত বন্দোবস্ত নিজে দেখা উচিত । রাজকর্মচারী আসবেন । এঁরা হলেন সাপ, গোখরো সাপ, বাঈ বাজিয়ে যতক্ষণ মনোরঞ্জন করে রাখতে পারবে ততক্ষণ বেশ তালে তালে ছলে ছলে নেচে যাবেন । যেমনি ভাল কাটবে কি তার প্রতি একটু অত্মমনস্ক হবে, অমনি ছোবল দেবেন । চাণক্যের প্লোকেই আছে—রাজকুলকে বিশ্বাস করো না । অবশ্য এবার রাধারমণবাবু রয়েছেন বাড়ীতে, তিনি আত্মীয় হয়ে এসেছেন, আত্মীয় হতেও চাচ্ছেন । তাঁর জন্তে অনেকটা ঘরোয়া ব্যাপার হবে । তবু দেখে এস । নিন্দারই বা কিছু থাকবে কেন । যাবার সময় বিবিমহলে হয়ে যাও, ওঁদের সঙ্গে দেখা করে কুশল-বার্তা জিজ্ঞাসা করে যাবে । দেবব্রত দাদা আছেন, জ্যোতাইমা আছেন, ওঁদের প্রণাম যেমন করবে, তেমনি রাধারমণবাবু এবং তাঁর স্ত্রীকে প্রণাম করবে ।

—যে আজ্ঞে । ওঁদের কাছ হয়েই যাচ্ছি ।

—বস, আর একটা কথা আছে । তোমার জননী একটি কঠিন ভিক্ষা দিতে প্রতিশ্রুতি

দিয়েছেন একজনকে। ভোরবেলা মঙ্গল আরতির সময় একজন শ্রীলোক প্রার্থী তাঁর পায়ে ধরে ভিক্ষে চেয়েছেন—উনি মায়ের সামনে দেব বলেছেন।

রত্নেশ্বর ভুল বুঝলেন। তিনি ভাবলেন, ভোরবেলা সম্ভবতঃ রাধারমণবাবুর স্ত্রী বিয়ের কথা তুলে ভবানী দেবীর কথা আদায় করছেন। সেই কথা বলছেন বাবা। তিনি হেসে বললেন—কথা দিয়েছেন মা, তখন কথা কি আছে। দিতে হবে!

ভবানী দেবী এবার কথা বললেন—গোপাল সিংয়ের স্ত্রী এসে হাত জোড় করে আমাদের বললে—আমার স্বামীকে বাঁচাও মা! এ এক ভূমি পার। আমি তাকে কথা দিয়েছি রত্ন। মেয়েটি বলছে—গোপালের ফাঁসী হয়ে যাবে। তার বড় ছেলে মারা গেছে, বাঁচেনি। বড় স্ত্রী মর-মর। গায়ের লোক কেপে গিয়েছে গোপালের উপর। পুলিশ এসেছে, তাকে খুঁজছে। সে ফেরার।

বীরেশ্বর রায় বললেন—আমাকে উনি বলতেই আমিও ভূমি যা বললে তাই-ই বলেছি, তবে সত্য রেখেছি, গোপালকে এসে ক্ষমা চাইতে হবে প্রকাশ্যে কাছারীতে। মওলান দাবী নিজের থেকে নাকচ করণে হবে। তা ছাড়া যেখানে যা জবরদখল করে রেখেছে সব ছাড়তে হবে!

মুখ নিচু করে রত্নেশ্বর শুনে যাচ্ছিলেন কথাগুলি। ক্ষণেকের জন্য তাঁর কপাল কূচকে উঠছিল। গোপাল সিংকে ক্ষমা করার কথা তিনি ভাবতে পারেন না। রাগ হচ্ছিল তাঁর মায়ের উপর! ক্ষমা করবেন তিনি গোপালকে? গোপাল তাঁর সম্পর্কে যা বলেছিল, তা তো তিনি না-জানা নন। গোপাল তাঁকে ঘর-বন্ধ করে আগুন দিয়ে পুড়িয়ে মারতে চেয়েছিল। তাকে বাঁচাতে হবে? একি সত্য যুগ না ত্রেতা যুগ না দ্বাপর যুগ? শিবি রাজ্য আশ্রিত পায়রাগে বাঁচাবার জন্তে নিজের গায়ের মাংস কেটে দিয়েছিলেন বাজুপানীকে। জীমুত্তবাহন নাগকে রক্ষা করতে গড়ুরের আহাৰ হতে গিয়েছিলেন। বশিষ্ঠ কমা করেছিলেন পুত্রঘাতী বিশ্বামিত্রকে। এটা কলি যুগ!

ভবানী ছেলেকে নীরব দেখে বলেছিলেন—কি তুই চুপ করে রইলি যে?

—কি বলব? ভূমি কথা দিয়েছ, বাবা তাই যেনে নিয়েছেন, এর ওপর আমি আর কি বলব? তবে—

—কি?

—তবে এতে আমাদের করবার কি আছে? অনন্দের বাঁচাব বললেই তো বাঁচানো যাবে না। এ তো এখন কোর্টের হাতে। এ গো খনের মামলা দাঁড়াবে! বাদী তো আমরা নই।

বীরেশ্বর বলেছিলেন—তা নই। কিন্তু কেসের সাক্ষীর মালিক আমরা। বীরপুরের সাক্ষী বীরপুরের প্রজারা। আমরা যা বলাব, তাই তারা বলবে। তা ছাড়া সরকারী মহলকেও আমরা একটু আঁধাটু বলে কয়েও দিতে পারব বই কি! ব্যাপারটা তোমাকে নিয়েই জটিল হয়েছে বেশী। তোমাকে, সে পুড়িয়ে মারতে চেয়েছিল—

—যদি তাই হ'ত, তা হ'লে কি গোপালকে বাঁচাবার কথা বলতে পারতেন! মা এ কথা দিতে পারতেন?

—না। তা পারতাম না। কিন্তু তা যখন হয় নি রত্ন, তখন ক্রোধ তোমার সযরণ করাই



উচিত।

ভবানী বলে উঠলেন—ওরে তোর—তোর বাপের এতে কল্যাণই হবে। বুঝলি, দুহাত তুলে আশীর্বাদ করবে। বল তো কি কাণ্ড হল? লোকটা নিজের ছেলেকে খুন ক'রে বসল। তোদের ওপর রাগে! তা ছাড়া রক্ত, তুই ফিরে এলি আপনার অধিকারে। তোর বিয়ে দেব। তুই সংসারী হয়ে জীবন আরম্ভ করবি। আজ দয়াদর্শ ক'রে আশীর্বাদ কুড়িয়ে নে বাবা। লোকে ধন্ত ধন্ত করুক।

বীরেশ্বর বললেন—আরও একটা কথা আছে রক্ত, আজ গোপালকে রক্ষা করলে লোকে বলবে—এরা শুধু মারতেই পারে না, ইচ্ছে করলে এরা বাঁচাতেও পারে।

সুরেশ্বর বললে—রত্নেশ্বর রাসের ডায়েরীতে তিনি লিখেছেন—“শেষ কথা দুইটাতে আমার ক্ষোভ অপসারিত হইল! নতুন সংসারজীবনে প্রবেশ করিব, এই সময় গোপাল সিং-এর ওই অল্পবয়সী স্ত্রীটির এবং তাহার বালকপুত্র দুইটির অশ্রুজলে অবশ্যই আমার কল্যাণ হইবে না। ইহা অপেক্ষাও মূল্যবান কথা বলিয়াছেন পিতৃদেব। তাহার বিবেচনা বুদ্ধি এবং বিচারবোধ যতই দেখিতেছি ততই বিস্মিত হইতেছি। সত্যই তো, লোকে বলিবে—রায়বাবুরা ইচ্ছা করিলে শুধু মারিতেই পারেন না; ইচ্ছা করিলেই বাঁচাইতেও পারেন। বুদ্ধিতে পারিয়া বলিলাম—ঠিক বলিয়াছেন। আমার আর কোন ক্ষোভ রহিল না। গোপালকে রক্ষা করাই এক্ষেত্রে আমাদের কর্তব্য।”

\*

\*

\*

রত্নেশ্বর এবার উঠবার জন্ত উত্তত হয়েছিলেন। ভবানী বলেছিলেন—আর একটু বস। গোপালের স্ত্রীকে ডাকি, তাকে তোরা বাপবেটায় একটু আশ্বাস দে। আর কথাগুলোও বল!

গোপালের স্ত্রী এসে প্রায় হাউ-মাউ করে কেঁদেছিল। সে কান্নায় রত্নেশ্বর স্থির থাকতে পারেন নি, কিন্তু বীরেশ্বর রায় অবিরলিত ছিলেন। রত্নেশ্বরের চোখে জল এসেছিল। তিনি তা গোপান করতেই জানালার ধারে গিয়ে দাঁড়িয়েছিলেন। বীরেশ্বর রায় স্থির হয়ে বসে গড়গড়ার নল টেনেই গিয়েছিলেন। গোপালের স্ত্রীকে তার কান্নায় বেগ কমে এলে বলেছিলেন—শোন বাছা, কতকগুলো কথা আমি বলে নি। স্থির হয়ে শোনো!

একে একে সতর্কভাবে বলে গিয়েছিলেন বীরেশ্বর রায়।

মণ্ডলান তাকে ছেড়ে দিতে হবে।

বীরপুত্রের সমস্ত জবর-দখল সম্পত্তি ছাড়তে হবে।

কীতিহাটের কাছারীতে এসে কসুর স্বীকার করে মাক চাইতে হবে।

এবার বল, তুমি গোপাল সিংকে রাজী করাতে পারবে?

দীর্ঘ ঘোমটাটানা ছত্রির মেয়ে ঘাড় নেড়ে জানিয়েছিল—হ্যাঁ। তারপর উঠে দাঁড়িয়েছিল। ঘর থেকে বেরিয়ে এসে রাস্তাঘরে পেয়েছিল অল্পনাকে। তাকে বলেছিল—রাণী মাইজীকে একবার ডেকে দাও।

ভবানী দেবী উঠে এসেছিলেন, সে ভবানী দেবীকে বলেছিল—সে রাজী না-হলে আমি আর আসব না। রাজী হলে আমি নিজে তাকে নিয়ে আসব।

এতে মত শুধু দেন নি দেওয়ান গিরীন্দ্র আচার্য !

তিনি সব শুনে বলেছিলেন—এ কি করছেন বাবা বীরেশ্বর ?

বীরেশ্বর রায় চুপ করে ছিলেন—উত্তর দিতে পারেন নি !

ভবানী দেবী বলেছিলেন—মায়ের সামনে আমি কথা দিয়েছি দেওয়ান কাকা !

আলোচনাটা হয় তো আরও কিছুক্ষণ চলত কিন্তু মহিন্দর চাকর খবর নিয়ে এসেছিল—  
দেবব্রতবাবু, রাখারমণবাবু হাকিমসাহেবকে নিয়ে বাবুর কাছে আসছেন !

দেওয়ান আচার্য একটি কথা বলে বেরিয়ে গিয়েছিলেন—তাঁহলে আমি যাই। তাঁরা আসছেন। ওদিকে অনেক কাজ ! আপনারা হুকুম করছেন, আপনারা মালিক ; আপনারা যা বলছেন তাই হবে। তবে—। একটু চুপ করে থেকেছিলেন। তারপর বলেছিলেন—সাপের মাজা ভেঙে ছেড়ে দিলে কিছুদিন পর আবার ভাঙা মাজা জোড় পায়। তখন সে সাপ হয় কালসাপ !

বলতে বলতেই—কই ভায়া কই ? বলে দেবব্রতবাবু সাড়া দিচ্ছেলেন।

—এস, দাদা এস !

—হ্যাঁ, মহিন্দর বললে—তুমি একটু পর আসছ। তা রাখারমণ বললেন—সেটা শুঁকে কষ্ট দেওয়া হবে, ঠুঁর ঠাটতে কষ্ট হয়, বা পা এখনও টেনে চলতে হয় ; চলুন আমরাই যাই। রাখারমণও এসেছেন। তোমার বউদি, সুরবালা, সুরবালায় মেয়ে স্বর্ণ, ছেলে মণীন্দ্র সকলে এসেছি আমরা।

বীরেশ্বর বিছানা থেকে নেমে উঠে দাঁড়ালেন তাঁদের অভ্যর্থনার জন্ত। ভবানী তাঁর লাঠিটা তাঁর হাতে ধরিয়ে দিলেন।

—আসুন—আসুন—আসুন !

দেওয়ান আচার্য বেরিয়ে চলে গেলেন।

\*

†

‡

রাখারমণবাবু বসেই বললেন—এ তো আপনারা রাজজ্ঞ গড়ে তুলেছেন বীরেশ্বরবাবু !

বীরেশ্বর রায় হেসে বললেন—পূর্বপুরুষ করে গেছেন। আমাদের ভাগ্যে আমরা ভোগ করেছি।

—তা করুন। রাজারা—রাজাদের ছেলেরা তাই করে। কিন্তু অনেক কীতি করেছেন। ভারী ভাল লাগল ! আপনার রত্নেশ্বরও খুব উপযুক্ত, খুব যোগ্যতা ! He is a brilliant boy—আপনার দেওয়ান আমাকে বলছিলেন।

রত্নেশ্বর পাশেই দাঁড়িয়েছিলেন। প্রণামাদি আসবামাত্র হয়ে গেছে।

রাখারমণবাবু বললেন—এক একটা দুর্দান্ত দুষ্ট লোক নাকি ভারী উপদ্রব শুরু করেছে। বলছিলেন আপনার দেওয়ান। শুনলাম আপনাদের ওপর রাগে সে না কি নিজের ঘরে আগুন লাগিয়েছে, বাধা দেওয়ায় তার নিজের ছেলেকে মাথায় মেরেছে এমন ক'রে যে খুন হয়ে গেছে ! আমি সব বলব আপনাদের এস-ডি-ওকে ! পুলিশকে একটু কড়কে দেবেন। ওরা সব পারে ! এসব লোকের চরম সাজা হওয়া উচিত। আমি শুনে খুশী হলাম কেন জানেন ?

আপনারা বেআইনী জবরদস্তি কিছু করেন নি! আপনারা আইনের পথেই চলেছেন! গভর্নমেন্টও এইটে চাচ্ছেন।

বীরেশ্বর বললেন—কিন্তু বড় মর্মান্তিক হয়ে গেল ব্যাপারটা। বিশেষতঃ আমার গৃহিণীর মনে বড় লেগেছে। তিনি বলছেন—মণ্ডলানটা এইভাবে—

বাধা দিয়ে রাখার মণবাবু বললেন—নো—নো—নো স্তার, নো। আপনারা ঠিক করেছেন। খুব ভাল কাজ করেছেন। জানেন না বোধহয়, গভর্নমেন্ট ভূমিস্বত্ব আইন সংশোধন করেছেন। তাতে প্রজাদের অনেক সুবিধে হবে। বড়লাটের কাউন্সিলে আইনের খসড়া নিয়ে আলোচনা চলছে।

রত্নেশ্বর বললেন—Mr. Currie মুভ করছেন!

To amend the law relating to the recovery of rent in the Presidency of Fort William in Bengal. ?

—তুমি খবর রাখ! বাঃ! হ্যাঁ ওটা অনেকদূর এগিয়েছে। মোটামুটি

it is meant for improving the position of the raiyats of Bengal.

দুটো জিনিস নির্ধাৎ—একটা হল—

the abolition of the Zaminders. Power to compel the attendance of their raiyats.

আর হাজির করতে বাধ্য করতে পারবেন না জমিদাররা। Second হল বারো বছর এক-নাগাড় প্রজা জোত ভোগ করলেই অকুপেলী রাইট হয়ে যাবে। বারো বছরের উপর মণ্ডলান স্বত্বের মণ্ডলকে তালুকদারী যদি দেয় ওই বারো বছরের দাবীতে তাহলে আপনাদের মুশ্বিল হবে। বীরেশ্বরের case-এ ঠিক করেছেন আপনারা। এরপর মণ্ডলান আরমাদারী এসব আর থাকবে না। আপনাদের দেওয়ানের কারসাইট আছে। খুব ভাল ব্যবস্থা করেছেন!

ওদিকে জগদ্ধাত্রী সুরবালা স্বর্ণলতা ভবানী দেবীকে ঘিরে পাশের ঘরে বসেছিলেন, কিন্তু ওঁদের কান ছিল এ-ঘরে। সুরবালাই বললেন—ধান ভানতে শিবের গীত। এখানে এসেও সেই গভর্নমেন্ট গভর্নমেন্ট আর আইন আর আইন। দেখ তো কাণ্ড! বল না—জগদি!

জগদ্ধাত্রী দেবী উঠে এসে দরজায় দাঁড়িয়ে বললেন—ও মশাই সাহেবমাহুদ। মেমসাહેব যে মেজাজ খারাপ করেছেন! বলছেন কুটম্ববাড়ীতে এসে সাহেবী মেজাজটা ভুলতে পার না। ধান ভানতে শিবের গীত গাও যে! এলে মেয়ের বিয়ের কথা নিয়ে, এসে এসব হচ্ছে কি?

রাধারমণবাবু অপ্রতিভ হলেন। বললেন—সে খর না হয়েই গেছে দিদি। যখন এসেছি, তখন বীরেশ্বরবাবুর মত রাজা লোক প্রার্থীকে ফেরাবেন কি বলে?

রত্নেশ্বর আর দাঁড়ালেন না। বললেন—আমি তা হলে এখন আসি। ওঁরা সব আসবেন, আমি দেখে আসি ব্যবস্থা সব ঠিকমত হ'ল কিনা!

যাবার সময় ফিরে ওঘরে স্বর্ণলতার দিকে তাকিয়ে দেখতে চেষ্টা করেও পারলেন না।

\*

\*

\*

খুশী কথাটা ঠিক যেন লাগসই হচ্ছে না সুলতা। সুরেশ্বর বললে—রত্নেশ্বর রায় তাঁর

ভায়েরীতে যে কথাটা ব্যবহার করেছেন সে কথাটা একালে পড়তে গিয়ে আমারও মনে হয়েছে বড্ড যেন বাড়াবাড়ি করেছেন, তরুণ রত্নেশ্বর। তবে ঊনবিংশ শতকের ঊনবাঠি সালে ভাষার চরুটাই ওইরকম ছিল। যুগটাই ঊষর ওপ্তের যুগ। এদিকে কালীপ্রসন্ন সিং ছতোমপাঁচার নক্সায় যে ভাষা ব্যবহার করেছেন, তা রত্নেশ্বর রায়ের মত চরিত্রের মানুষের পছন্দ না হবারই কথা। তিনি লিখেছেন—“অহো! এই জগত-সংসারে প্রেম কি দুর্লভ আনন্দদায়িনী সামগ্রী। ইহা অনন্ত অপার আনন্দসুখা রসের অফুরন্ত নিব্বারণার। অকস্মাৎ যেন শরবিদ্ধ হৃদয়—ভূতল বিদীর্ণ হওত প্রবল উৎসাহারায় উৎক্লিষ্ট হইয়া আমার তাপিত নবযৌবনকে নিষিক্ত করিয়া দিতেছে। আমার জীবনযৌবন যেন পুথর গ্রীষ্মসম্মাপিত পত্রহীন বৃক্ষের মত এই রস অভিসিক্তনে পত্রপল্লব সমৃদ্ধ হইয়া উঠিতেছে। পল্লবাগ্রভাগে পুষ্প উদগমের জন্ত ব্যাকুল হইয়াছে।”

ইত্যাদি ইত্যাদি সে অনেক কথা তিনি লিখেছেন। তাই বলছি কানের সাদামাটা ‘খুশী’ শব্দটা বোধহয় রত্নেশ্বর রায়ের মনের অবস্থা বোঝাবার পক্ষে পর্যাপ্ত নয়। সেটা আর খুঁজে হারান হব না সুলভা, তুমি বুঝে নিয়ো। তিনি লিখেছেন—তার গান মনে পড়েছিল।

গানে রত্নেশ্বরের অধিকার হৃদিক থেকে। সংসারে হেরিডিটির সত্য অভ্যন্ত প্রত্যক্ষ। পিতৃকুলে বীরেশ্বর রায় গান-বাজনার চর্চা করেছিলেন। মাতৃকুলে জামাকান্ত ছিলেন সিদ্ধ-গায়ক। ভবানী দেবীও গানে জন্মগত অধিকার নিয়ে জন্মেছিলেন। রত্নেশ্বরের আয়ুশিরায় অস্থিমজ্জার মস্তিকে বৃদ্ধিতে বোধে সঙ্গীতবোধ ও তার ব্যাকরণের ঐশ্বরের ভাণ্ডার বংশসম্মিত ওপ্তধনের মতই রাখা ছিল। ওই মধ্যে মধ্যে কখনও এমন উল্লাস আনন্দে কদাচিৎ গুঞ্জন করেছে। সেদিনটি তার মধ্যে একটি দিন। রত্নেশ্বর রায়ের ডায়েরীর বংশ বিবরণের মধ্যে যা পেয়েছি তাতে কখন গান গেয়েছেন এমন কথা লেখেন নি। তার দিনলিপি আরম্ভ হয়েছে মাত্র দুদিন আগে থেকে। ওই দোলের দিন, পোস্তপুত্র হিসেবে মা-বাপের কোলে কিরে আসার দিন থেকে। তার তৃতীয় দিনে রত্নেশ্বর বিবাহ সম্ভাবনাতেই শুধু নয় ভাবী বধূটিকে বাড়ীতে চকিত চাহনিতে দেখে বিবিমহলে যাবার পথে গুনগুন করে বসন্তরাগ ভেঁজেছিলেন। পিছনের বরকন্দাজ তাতে হাসে নি, সে বাবুজী সাহেবের গান শুনে মোহিত হয়ে গিয়েছিল। বিবিমহলে রত্নেশ্বর রায় যখন দেখাশোনা করছিলেন, তখন বরকন্দাজটি আর একজন বরকন্দাজকে বলছিল—আরে ভাই, বাবুজী সাহেব এমন গান জানেন কি বলব তোমাকে।

রত্নেশ্বর কথাটা শুনেছিলেন। এং. নিজেকে সতর্ক করেছিলেন—“অস্তায় করিয়াছি, নিজের অজান্তসারে গান গাহিয়া ফেলিয়াছি। গানের পথে বিপদ আছে রায়বংশের।”

বিবিমহলে শুখন ঝাড়াই মোছাই হয়ে গেছে। ভবানী দেবীর প্রত্যাবর্তনের পর বীরেশ্বর রায় বিবিমহলে বাস করেন নি। বংশের অন্তরে বাস করছিলেন। বিবিমহলের ফানিচার তখন এখানে এবাড়ীতে এসেছে। তার জায়গায় রত্নেশ্বর আসবেন বলে যে সব নতুন ফানিচার এসেছিল কলকাতা থেকে, গদী জাঁটা চেয়ার লোকা মার্বেল টপ টেবিল, ড্রেসিং টেবিল, বড় বড় আয়না, নতুন গালিচা সেইসব দিয়ে বিবিমহল সাজানো হয়েছে। হয়েছে ক’মাস আগেই, সেই ইকুলের ফাউন্ডেশন স্টোন স্থাপনের সময়। সেগুলো ঝাড়ামোছা এবং একটু এদিক ক’রে

সাজানো এইসব কাজ হচ্ছিল সে দিন। কুইন ভিক্টোরিয়ার, প্রিন্স আলবার্টের ছবি টাঙানো হয়েছে; তার সঙ্গে বিলিভী ল্যাঙ্কশেপ ক'খানা টাঙিয়ে সাজিয়েছে। এ-সব কাজের জন্য কলকাতা থেকে সাহেববাড়ীতে কাজকরা একজন বেয়ারাকে আনা হয়েছে। সেই সব বরাডমত করছে। রত্নেশ্বর নিজে প্রত্যেক ঘরের ব্যবস্থা দেখে খুশী হয়েই ওখান থেকে ফিরছিলেন; নিচে এসে দেখলেন দেওয়ান আচার্য তাঁর জন্তে দাঁড়িয়ে আছেন। তাঁর মুখ গম্ভীর। বললেন—বাবুজী সাহেব, আমি তোমার জন্তেই দাঁড়িয়ে আছি ভাই!

রত্নেশ্বর বললেন—বলুন।

—বলব কি? তুমি তো সব জান। এ তুমি বলে ক'রে বন্ধ করো।

—কি?

—গোপাল সিংয়ের সম্বন্ধে যে হুকুম হল সে হুকুম তুমি ওণ্টাতে পার। ওণ্টাও ভাই। নইলে জমিদারী চলবে না। অন্ততঃ আমি তো চালাতে পারব না।

রত্নেশ্বর তাঁর মুখের দিকে তাকিয়ে রইলেন। তা কি ক'রে হয়! মন তাঁর অন্তরকম হয়েছিল, তিনি সায় দিতে পারলেন না। বললেন—তা কি ক'রে হয় বলুন? মা কথা দিয়েছেন, খোদা কর্তা পর্যন্ত গোপাল সিংয়ের জ্বীকে ডেকে কথা দিলেন। সে কথা এখন না বলবেন কি ক'রে?

আচার্য বললেন—আমি তা হ'লে বাবুজী সাহেব, এই কাজকর্মগুলি চুকে গেলেই কাজ থেকে ছুটি নেব।

—ছুটি নেবেন!

—হ্যাঁ। এরপর আমি আর কাজ করতে পারব না। আমার মুখ থাকবে না। কথায় বলেও আচার্য তুপি পান নি, কথা শেষ ক'রে ঘাড় নেড়েছিলেন—না।

রত্নেশ্বর তাঁর ডায়েরীতে লিখেছেন—“মুহুর্তে আমার মন অত্যন্ত ক্ষুব্ধ হইয়া উঠিল। আচার্য দেওয়ান আমাদের কথাও শুনতে চাহিতেছেন না। এবং ভাবিতেছেন, রায়বাড়ীর তিনিই হর্ত্তাকর্ত্তা বিধাতা। তিনি না হইলে রায় এস্টেট চলিবে না, অচল হইয়া পড়িবে। আমি বলিলাম—বেশ আপনি যাহা বলিতেছেন তাহা পিতৃদেবকে বলিব।” কথাটা আর সেই মুহুর্তে বৈদ্যদূর অগ্রসর হতে পারে নি; পালকির বেহারার হাঁক শোনা গিয়েছিল। ব্যস্ত হয়ে একজন নায়েব ছুটে এসে খবর দিয়েছিল—হাকিমরা এসে পড়েছেন!

রায়বাড়ীতে হাকিমদের সম্বন্ধে সেদিন রায়বাড়ীর সৌভাগ্যে কুটুহিতার আসরে পরিণত হয়েছিল কিছুক্ষণের মধ্যেই। সদর এস-ডি-ও রাধারমণবাবুর কস্তার বিবাহের সম্বন্ধের আসরে পরিণত হয়েছিল। মুতিচাঁদর পরা রাধারমণবাবু তমলুকের এস-ডি-ও গুপ্ত সাহেবকে বলেছিলেন—আজ কিন্তু আমরা রায়বাড়ীতে গভর্নমেন্ট অফিসিয়েল নই মিষ্টার গুপ্তা। আমরা আজ কস্তাপক্ষ। আপনারা শুনে নিশ্চয় খুশী হবেন যে আমার মেয়ে স্বর্ণলতার সঙ্গে বীরেশ্বর-বাবুর পুত্র রত্নেশ্বরের বিয়ের সম্বন্ধ আজ পাকা হয়ে গেল!

অল্পবয়সী ইংরেজ ডি-এস-পি জোনস এসেছিল শীকারের লোভে। কথাটা শুনে সে উজ্জলিত হয়ে বলেছিল—তা হলে তো এ শুভকর্মে আমাদের বরকনের কল্যাণ কামনা ক'রে কিছু পান

করা উচিত।

এ কথায় রাধারমণবাবু ব্যস্ত হয়ে উঠেছিলেন।

রত্নেশ্বর রায় ডায়রীতে লিখেছেন—সম্ভবতঃ তিনি আমার সম্মুখে মজপান করতে সন্কোচবোধ করেছিলেন।

বীরেশ্বর রায় রত্নেশ্বরকে বলেছিলেন—তুমি তা'হলে ওদিকে গিয়ে কাজকর্মগুলি দেখ রত্নেশ্বর!

অবশ্য তার আগেই পরিচয়পর্ব শেষ হয়েছে। কীর্তিহাটের রায়বংশের উদ্ভবাবিসংস্কারীক তাঁদের সঙ্গে পরিকল্পিত করিয়ে দিয়েছেন বীরেশ্বর রায় এবং তাঁর সঙ্গে রাধারমণবাবু তাঁর গুপ্তপন্যাস পরিচয় দিয়েছেন। সরকারী হাকিম তিনি—তিনি রত্নেশ্বরের গুণের কথা তাঁদের সামনে তুলে ধরেছিলেন সুন্দর কৌশলের সঙ্গে।

প্রথমেই বলেছিলেন—রত্নেশ্বর রায় কাশীতে ছিলেন মিউটিনির সময়। নিজের চোখে সব দেখেছেন। আমাকে বলছিলেন কাল; এমন সুন্দরভাবে বললেন এবং এমন বিচার করেছেন যে আমি মুগ্ধ হয়ে গিয়েছিলাম। এবং আমি বিশ্বিত হয়েছিলাম তাঁর সূক্ষ্ম বিচারশক্তি দেখে। সমস্ত ব্যাপারটা এ্যানালিসিস করে অল্প কথায় সমস্ত কথাটা বলে দিলেন। বললেন—এটা হল ইণ্ডিয়ার ধর্মান্তারের সঙ্গে ইউরোপীয়ান সিভিলিজেশনের লার্গ ফাইট। এটাকে আলোর সঙ্গে অন্ধকারের লড়াই বলা যেতে পারে। ইণ্ডিয়ার ভাগ্য ভাল যে আলোর জয় হয়েছে। এ্যাণ্ড—: এইটাই আমার সব থেকে ভাল লেগেছে; উনি বললেন—আলোই জেতে চিরকাল অন্ধকার হারে।

রত্নেশ্বর নিজের ডায়রীতে লিখেছেন—“একপ কথ! আমি বলিয়াছিলাম ইহা সত্য কিন্তু এমন চমৎকার করিয়া বলি নাই। এবং ইহার সঙ্গে নির্বিচারে বালকবৃদ্ধকে হত্যা করার নিন্দাও করিয়াছিলাম, কিন্তু আমার ভাবী গুরুমহাশয় এই কথাগুলি বলিয়া আমাকে বলিয়াছিলেন যে কোম্পানীর তরফের অত্যাচার বৃত্তান্ত বলা উচিত হইবে না।”

ওখান থেকে ফেরার পথে রত্নেশ্বর দেখতে পেরেছিলেন তাঁর ভাবী বধূকে। রায়বাড়ীর আলস্যের উপর বৃক রেখে দুটি মেয়ে বোধহয় কীর্তিহাট গ্রাম দেখছিল। তার একজন অল্পনা অল্পজন স্বর্ণলতা; স্বর্ণলতাকে তিনি খুব ভাল করে না দেখলেও তিনি তাঁকে চিনতে ভুল করেন নি। কারণ এমন মেয়ে রায়বাড়ীর জাতি কুটুম্বের মধ্যে কেউ ছিল না।

রত্নেশ্বর বলে—স্বলতা, রত্নেশ্বর ... লিখেছেন—“বিবিমহলা ও রায়বাড়ীর বাসমহলের মধ্যবর্তী যে কলামের বাগান, সেই বাগানে প্রবেশ মুখে উক্ত নারীমূর্তিষ্ময়কে দেখিয়া চিনিলাম এবং পুলকিত হইলাম। অল্পনার পার্শ্ববর্তিনী ওই স্বর্ণাভ-বর্ণা কিশোরীটি যে স্বর্ণলতা ব্যক্তিরেকে অল্প কেহ হইতে পারে না ইহাতে আমার সংশয় ছিল না। আমি একটি বৃক্ষান্তরালে দণ্ডায়মান হইয়া তাহাকে দেখিতে লাগিলাম। জন্ম অভূতপূর্ব ভাবাবেশে আবিষ্ট হইল। সম্ভবতঃ তাহার আমাকেও দেখিয়াছিল। কারণ তাহার সন্নিধ্য গেল। আমিও সন্নিধ্য আসিলাম এবং লজ্জিত হইলাম। ছি—ছি—ছি, যতপি কেহ দেখিয়া ফেলে! লোকে হাস্য করিবে। আমি তাড়াতাড়ি তত্রস্থান হইতে দ্রুতপদে কাছারীর মুখে চলিলাম। আমার সঙ্গে বরকন্দাজ

আমাকে দেখিতে না পাইয়া ব্যস্ত হইয়া পড়িয়াছিল। আর একটু বিলম্ব হইলে সম্ভবতঃ গোল-মাল হইত। যাহা হোক কাছারীতে আসিয়া বসিয়া মহাবীর সিংকে আজ্ঞা করিলাম যে, কেহ ঘেন এখন না আইসে। আমি বসিয়া স্বর্ণলতার সঙ্গে আমার ভাবী মিলিত জীবনের একটি সুখ-কল্পনার চিত্র মনে মনে অঙ্কিত করিতে বসিলাম।

“অকস্মাৎ মনে হইল অঞ্জনাৎকে বলিয়াছি দ্বিপ্রহরে আমার নিকট আসিবার জন্ত। স্বর্ণলতার অন্তরের পরিচয় সম্যক জ্ঞাত হওনের জন্ত কিছু প্রশ্ন করিব। কিন্তু কি প্রশ্ন করিব? প্রশ্ন একটি। আমাকে তাহার পছন্দ হইয়াছে তো? কিন্তু তাহা কি অঞ্জনাৎকে সরাসরি বলিতে পারিব? অঞ্জনাৎ একটু প্রগলভা। লজ্জাবোধ হইতেছে।”

স্বপ্নের বললে—স্বপ্নের একটি ছোট কবিতা রচনা করেছিলেন। কবিতাটি তার ভাব্যরীর মধ্যে আছে।

কল্পার হইবে বিয়া ঘটকেরে আনাইয়া  
পিতা কর বাথানিয়া  
পাত্র চাই ইন্দ্রের মতন  
মাতা কহে বুদ্ধি নাই ইন্দ্র সাথে চন্দ্র চাই  
খানিক কুবেরও চাই  
রাজরূপ তার সাথে ধন।  
ঘটক নাড়িয়া মাথা কল্পারে শুধার কথা  
এবে তুমি বল মাতা  
এর সাথে আর কারে চাই?  
কল্পা ভাবে মনে মনে হায় বলিধ কেমনে  
ইন্দ্র চন্দ্র কুবেরের সঙ্গে যেন—পাই।

অঞ্জনার হাতে এই ধাঁধাটি দেবেন। স্বর্ণলতাকে সে বলবে—এই শেষ ছত্রে ইন্দ্র চন্দ্র কুবেরের সঙ্গে কাকে চাই এই ফাঁকটি তুমি পূরণ করে দাও না ভাই! উত্তরটা আমি ভাই বৃথতে পারছি না!

অঞ্জনাৎ লেখাপড়া জানে না, কিন্তু তা' বলে মুর্থ বলতে যা বোঝায় তা নয়। সেকালে লেখাপড়া না জেনেও পুরাণে কাব্যে রসরসিকতায় সে পারদর্শী ছিল। ছড়া, পাঁচালী, কুন্তিবাসী-কানীদাসী রামায়ণ-মহাভারতের অনেক অংশ মুখস্থ ছিল। আঙড়াতে পারত। রীত তরিবৎ তাও সে ভালই জানত। লেখাপড়া না জানলেও অশিক্ষিতা ছিল না। সে একবার শুনে বলেছিল—কি—কি—কি আর একবার পড়ুন তো!

স্বপ্নের রায় লিখেছেন—স্মৃতি—“অঞ্জনার প্রাণে আমি কোঁতুকবোধ করিলাম। বুদ্ধিলাম সে বুদ্ধিতে পারে নাই। আমি তাকে আবার একবার পড়িয়া শোনাইলাম। সে এবার খুক খুক শব্দে হাসিয়া ফেলিল। এবং সঙ্গে সঙ্গে মুখে কাপড় চাপা দিয়া হাসি রোধ করিতে চাহিল।”

স্বপ্নের প্রশ্ন করেছিলেন—হাসিলে যে?

অঞ্জনা বলেছিল—এ তো খুব সোজা।

—সোজা? কই বল তো শুনি—

—আর একবার পড়ুন।

রত্নেশ্বর পড়েছিলেন—

“ঘটক নাড়িয়া মাথা

কল্পারে শুধায় কথা

এবে তুমি বল মাতা এর সাথে

আর কারে চাই?

কল্পা ভাবে মনে মনে

হায় বলিব কেমনে—

ইন্দ্র চন্দ্র কুবেরের সঙ্গে যেন—

অঞ্জনা বলে উঠেছিল—“রত্নেশ্বরে পাই।”

বলে খিলখিল শব্দে হেসে উঠেছিল।

রত্নেশ্বর শঙ্কিত হয়ে উঠে বলেছিলেন—চুপ—চুপ। বাহুর কে কোথায় শুনতে পাবে!

সাক্ষাৎকারটি পূর্বের বন্দোবস্ত মত দুপুরবেলা নির্জনে রত্নেশ্বরের ঘরে হয়েছিল। খাওয়ার পর গ্রামাঞ্চলে একটা বিশ্রামের সময় আসে। তখন সকলেই একটু আধটু গড়ায়।

রত্নেশ্বর বললে—কি শীত কি গ্রীষ্ম—দুপুরের পর একটু গড়ানো এদেশের পক্ষে প্রয়োজন কি না সে কথা বৈজ্ঞানিকেরা বলতে পারেন। শুনেছি গাফীজীও নাকি গড়িয়ে থাকেন। ওঁর কোমরে যে পকেট ঘড়িটা আছে তাতে এলার্ম বাজে; ওই আধঘটা তিন কোয়ার্টার পর সেটা বাজুক না বাজুক ঠিক উঠে পড়েন। তবে গ্রামের লোকে—নিতান্ত গরীবের ঘর ছাড়া সবাই ঘুমোয়। ১৯৩৭ সালেও ঘুমুতে দেখেছি আমি। ওর মধ্যে প্রয়োজন ছাড়া বোধহয় আভিজাত্যও আছে। আমরাও ওটা অভ্যেস হয়ে গেছে।

শ্রুততা হেসে বললে—জানি আমি, আজ দুপুরেই টেলিফোন করেছিলাম। রঘু আমাকে বললে—লালবাবু নিদ যাচ্ছে দিদিমণি। কাল রাতভর আপনা সাথ গল্প করিয়েছেন আজ তো বহুক্ষণ নিদ যাবেন। দুপুর বেলা নিদ না-গেলে তবিরৎ খারাব হোক উনকা। আমি বললাম—থাক তাহলে, ডেকো না।

রত্নেশ্বর হাসলে। বললে—রঘুও ঘুমায়। তবে টেলিফোনের রিঙ শুনে বোধ হয় জেগে উঠেছিল। ওরও এ রোগ ধরেছে কীর্তিহাটে। দুপুরবেলা সারা গ্রামে অস্তুত ঘণ্টাখানেকের জন্তে ঘুমলাড়ানি মাসী এসে আঁচল বিছিয়ে বসেন।

—সেদিন, মানে, ১৮৫৮ সালের কান্তন মাসের দুপুর বেলাটার সবাই গাঢ় ঘুমে ঘুমিয়ে পড়েছিল। আগের দুদিন সারারাত্রি ব্যাপী উৎসব গেছে। সারা রায়বাড়ীটা নিস্তব্ধ নিস্তব্ধ। রায়বাড়ীর কারিশে কারিশে অনেক পাকরা থাকত; আজও আছে; সেগুলো পর্যন্ত বাসায় বুক পেতে বসে থাকে; মধ্যে মধ্যে এক-একটা শব্দ করে, তাও কীণ।

রত্নেশ্বর তাও লিখেছেন ডায়রীতে। তাঁর সেদিন ঘুম আসে নি। মধ্যে মধ্যে তন্দ্রা



আসছিল কিন্তু পায়রাবের ওই ডাকেই চট্ট করে সে উজ্জ্বল হয়ে যাচ্ছিল। যথো যথো ভাবনা হচ্ছিল—অঞ্জনা ঘুমিয়ে পড়ল নাকি। ছু চারবার খাট থেকে নেমে পায়চারী করেছেন; বার হুই বাড়ীর ভিতরের দিকের বায়ান্নার দরজা ফাঁক করে তাকিয়ে দেখেছেন অঞ্জনা আসছে কি না। আবার দরজা বন্ধ করে এসে বিছানায় উঠে হেলান দিয়ে বসছিলেন।

লিখেছেন—“প্রেমজনিত উদ্বেগ সন্মরণ করা অতীব কঠিন। ঘড়ির দিকে তাকাইয়া দেখিতেছি এখনও তিনটা বাজে নাই। খাওয়া-দাওয়া আড়াইটা পর্যন্ত শেষ হয়। সুতরাং মাত্র অর্ধঘণ্টা পরিমাণ সময় অতিক্রান্ত হইয়াছে মাত্র, অথচ আমার মনে হইতেছে অস্তুত দুই তিনঘণ্টা কাল আমি অপেক্ষা করিয়া রহিয়াছি।”

তারপর একসময় অঞ্জনা ঠিক এল। সন্তর্পণে দরজাটি খুলে গেল—এক ঝলক আলো ঘরে ঢুকল। ঘরে ঢুকল অঞ্জনা এবং দরজাটি বন্ধ করে এগিয়ে কাছে এসে বললে—বাবা! সবার চোখে ঘুম আছে, ঠাকমার চোখে ঘুম নেই। দিবি দেখি নাক ডাকছে, দেখে যেই উঠি অমনি দেখি বুড়ী ও—আঁ শুক করে দেয়। চোপ খুলে তাকিয়ে বলে—কিলা উঠলি যে? বিকেল হয়ে গেল না কি? একবার বললাম—ঘাটে যাব। তা বলে—না। আর একটু পরে যাস। এখন সব ঘুমিয়ে পড়েছে। আর এই রাজস্বয় যজ্ঞ। তিভুবনের নোক চারিদিকে। সোমন্ত মেয়ে—কোথা কে থাকে! যাসনে—শো! কি করব? এই এতক্ষণে ঘুমলো। আশ্বে আশ্বে উঠে এসেছি। নেন—কি হুঁম বলুন!

রত্নেশ্বর বলেছিলেন—খুব সাবধানে করতে হবে! বুঝেছ?

—বুঝেছি বলুন।

—একটি ধাঁধা দেব। যেন তোমাকে ধাঁধাটি দিয়েছি আমি। বুঝেছ?

—হ্যাঁ।

—তুমি মনে কর ধাঁধাটি বুঝতে পার নি এই ভান দেখিয়ে স্বর্গতাকে ডেকে বলবে—তাই, তুমি তো লেখাপড়া জানা শহুরে মেয়ে, এই ধাঁধাটি পূরণ করে দেবে?

—ধাঁধা? কি ধাঁধা? বলুন।

—কাগজে লিখে দিয়েছি। না-হলে তোমার ভুল হয়ে যাবে।

—আমাকে শোনাবেন না? আমি তো পড়তে জানি না।

পড়ে শুনিয়েছিলেন রত্নেশ্বর। অঞ্জনা সঙ্গে সঙ্গে বলে উঠেছিল—কি—কি কি? আর একবার পড়ুন তো! বলে মুখে কাপড় চাপা দিয়েছিল। সে ধাঁধাই হোক আর ছড়াই হোক তার গর্ভটা অনায়াসে বুঝেছিল। হাসিও পেয়েছিল কোঁতুকে।

ধাঁধাটা শুনে অঞ্জনা বলেছিল—ও তো সোজা। উত্তর—“রত্নেশ্বরে পাই”। বলে খিল-খিল করে হেসে উঠেছিল।

রত্নেশ্বর বলেছিলেন—চুপ—চুপ—কে শুনতে পাবে।

অঞ্জনাও সতর্ক হয়ে চুপ করে গিয়েছিল। কিন্তু কিস্ করে বলেছিল—এই আমার দোষ। হেসে কেলি। মা বলত—দুঃখমনের হাড়ে তৈরী দাঁত-না-ই’লে এমন করে সবজাত্তেই কেউ হাসতে পারে না! ওতেই মরবি—তুই ওতেই মরবি!

রত্নেশ্বর ডায়েরীতে লিখেছেন—“অঞ্জনার বাক্যগুলি শ্রবণ করিয়া আমার অন্তর মুহূর্তে গভীর বিষাদে পরিপূর্ণ হইয়া গেল। এই দরিদ্র অথচ উল্লাস এবং সদাশাস্তময়ী মেয়েটির হাস্য কেহ সহ্য করে না। স্থির করিলাম ইহাকে পরবর্তীকালে স্বর্ণলতার সজিনী করিয়া দিব। এবং আমি ইহাকে সত্যকারের আপন জনের মতই সমাদর সন্মম করিব।”

অঞ্জনা চিঠিখানা হাতে করে বলেছিল—তা হ'লে আমি যাই। আপনার কনেকে দেখিয়ে জবাব এনে দেব। তার যা বুদ্ধি সে ঠিক জবাব লিখে দেবে।

—কিন্তু বলে দি একটা কথা। উত্তরে কোন মাহুঘের নাম হবে না।

—মাহুঘের নাম হবে না ?

—না। তোমার জবাব হয় নি। রত্নেশ্বরে পাঠ লিখলে হবে না। লিখতে হবে দেবতার নাম।

—দেবতার নাম ?

—হ্যাঁ। ইন্দ্র চন্দ্র কুবের এঁদের সঙ্গে মাহুঘের নাম কি চলে ? শুধানে দেবতার নাম দিতে হবে। যেমন রামচন্দ্রে পাঠ নয়তো মহেশ্বরে পাঠ নয়তো নারায়ণে পাঠ।

আবার মুখে কাপড় চাপা দিলে অঞ্জনা। আবার তার হাসি পেয়েছে।

রত্নেশ্বরও হেসে বললেন—আবার হাসি পেলে কিসে ?

—যদি স্বর্ণলতা লেখে—মহেশ্বরে পাঠ !

—বেশ তো, আমি শিবের মতই হব তাহলে ?

—পারবেন ?

—কেন ? পারব না কেন ?

—শিব যশানে যশানে করে ; গাঁজা ভাঙ খায়। ভূত নিষে করে। আপনি এই রাজ অটালিকা ছেড়ে এমন সত পারবেন ? আরও অনেক চাই—বুড়ো হ'তে হবে, মাংস খাটো মুখে দাড়ি ; মা গো ! সে হতে পারবেন না আপনি।

রত্নেশ্বর হেসে কেললেন। মেয়েটো এমন যে, সব কিছুকেই হাস্যকর করে তুলতে পারে। শিবের শিবত্ব বোঝে না, বুঝলেও সে-সব বাদ দিয়ে তার সকৌতুক দৃষ্টিতে শিবের পাকা চুল দাড়ি জটা এবং ভাঙ খাওয়াটাই সব হয়ে ওঠে। তিনি বললেন—তা হোক। তুমি ওকে দিয়ে তো। দেখি না কোন দেবতা ওর পছন্দ।

অঞ্জনা চলে গিয়েছিল এবং কিরে গিয়েছিল কিছুক্ষণের মধ্যেই। তখন রত্নেশ্বর উঠে মুখ হাত ধুচ্ছেন, সন্ধ্যার উৎসব আজ বিশিষ্ট উৎসব। আজ হবে বাঈজীর নাচ। এখুনি নিচে নেমে কাছারীতে গিয়ে বসবেন। খবরাখবর নেবেন।

চাকর রূপোর গ্রাসে ডাবের জল এনে ত্রিপয়ের উপর রেখেছে। রেকাবীতে মসলা-পান। মুখ ধুয়ে ধোয়ে নিয়ে কাপড়চোপড় ছাড়বেন।

অঞ্জনা এসে ঘরের মধ্যে ঢুকল।

রত্নেশ্বর লিখেছেন—“তাহার মুখ সহাস্ত ; এবং কোতুকে চোখ দুটি উজ্জল। দেখিয়াই বুঝিলাম সে এই অঙ্গসময়ের মধ্যেই ধাঁধার উত্তর লইয়া আসিয়াছে। আমার অন্তর মন উদ্গ্রীব

হইয়া উঠিল উত্তরের জন্ত। কিন্তু ভূতের সম্মুখে এসব কথা বলিতে নাই। কি করিয়া জিজ্ঞাসা করিব বৃত্তিতে পারিলাম না। শুধু কহিলাম—আইস। কোন সংবাদ আছে কি?

অঞ্জনা চতুরা, সে বলিল—“এই যা: আমার যে ভুল হইয়া গেল।”

অঞ্জনা চাকর গোবিন্দকে বলেছিল—গোবিন্দ, যাও তো নিচে ঠাকুরার কাছে যাও। বলো ছোটবাবুর জন্তে পান সাজা আছে, বড়বাবুর রেকাবিতে পান আছে, তার পাশেই ছোট রেকাবি আছে, তাতে যে পান সে পান ছোটবাবুর। সে রেকাবিটা নিয়ে এস তো।

গোবিন্দ চলে গেলে অঞ্জনা বলেছিল—পান সেজেছে স্বর্ণলতা। আমি আলাদা করে আপনার জন্তে রেখে দিচ্ছি।

মুখে কাপড় চাপা দিয়ে হাসি গোপন করে অঞ্জনা বলেছিল—খুব চালাক, খুব চালাক মেয়ে। আমি পান সাজছিলাম। আপনার হুকুম তামিল করতে গিয়ে আজ এবেলার পান সাজা হয় নি। পান সাজছি আর ভাবছি, কি ক’রে যাই, কি ক’রে বলি। হঠাৎ আমার ভাগ্যি; ওদের ঘর থেকে বেরিয়ে এসে বারান্দায় দাঁড়াল চুপ ক’রে। আমি পান সাজছি দেখে কাছে এসে বললে—পান সাজছ? বললাম—হ্যাঁ। এ পান কতীবাবুর, সতী বউরাণীর আর ছোটবাবুর। এ পান আমি সাজি। তারপর বললাম—এসেছ ভাই হয়েছে। একটা ধাঁধার উত্তর করে দিতে পার? বললে—ধাঁধা? কি ধাঁধা? পাড়াগাঁয়ের ধাঁধা ভাই আমি জানি না। বললাম—না; এ ভাই ছোটবাবুর তৈরী করা ধাঁধা। বললে—ছোটবাবু কে? বললাম—রত্নেশ্বরবাবু! মুখটা লাল হয়ে উঠল, বললে—উনি বুঝি তোমাকে ধাঁধা দেন উত্তর করতে? বুঝেছেন? মনে—মনে—

মুখে আবার একবার কাপড় চাপা দিয়ে সামলে নিয়ে বললে অঞ্জনা—আমি বললাম—না, আমি ভাই সম্পর্কে ঠুর সাতদিনের বড় দিদি। কিন্তু ঠুরা ভাই বড়লোক, রাজা লোক, আর ভালমাহুষ, তাই আমি পোষ্য হলেও চাকর মনে করেন না, সহকটর মান রাখেন। আজ শুকে ডেকেছিলেন সতী বউরাণী জ্যেষ্ঠাইমা, আমি ডাকতে গেলাম। দেখলাম একমনে কাগজে লিখছেন। আমাকে দেখে হেসে বললেন—কই অঞ্জনাদি, একটা ধাঁধার উত্তর দাও তো! আমি ভাই পারলাম না। লেখাপড়াজানা পণ্ডিত লোক। বললাম—লিখে দিন ভেবে বলব। এই দেখ! বলে কাগজখানা দেখালাম। তা পড়ে হেসে বললে—বল না, তোমার যে দেবতা পছন্দ তার নাম। আমি বললাম—আমার তো হয়ে গিয়েছে। এ জন্মের ঢাক বেজে গিয়েছে। কোন দেবতা ধারে কাছে ধেঁবে না। তুমি বল। তো বললে—কাকে ছেড়ে ভাই কাকে চাইব বল! তেজিশ কোটি দেবতা। একে ছেড়ে শুকে চাইলে অল্পজনে রাগ করে। তার থেকে ভাই একজনের মধ্যে সব দেবতাকেই চাই। বুঝেছ! ওখানে উত্তর হবে ‘সব দেবে’ চাই! হেসে বললে—আমাকে বলো, কি বললেন তোমার ছোটবাবু। তারপর বললে—তোমার তো দেখছি অনেক পান সাজতে হবে। আমি কয়েকটা সেজে দেব? বলে পান সাজতে বসল। ঝিলি আষ্টেক পান সেজে দিয়ে উঠে গেল।

রত্নেশ্বর রাই লিখেছেন ভারতীয়—“উত্তর পাইরা সত্য-সত্যই আমি পরাজিত হইলাম। সুকৌশলে ‘সব দেবে’ লিখিরা আমাকে ঠকাইরা দিয়াছে। নারী চরিত্র সত্যই দুর্জয়;

বুঝিতে পারিলাম না তাহার পছন্দ কি ! কিন্তু পান যখন শাজিরা দিয়াছে, তখন বিবাহে তাহার আগ্রহ আছে ইহা বুঝিতে বিলম্ব হইল না ।”

অঞ্জনা রত্নেশ্বর রায়ের সম্মুখে হাত পেতে বলিল—আমার বকশিশ ।

—বকশিশ ! বকশিশ কি আপনারজনকে দেয় ? তুমি কি দাস-দাসী ? তুমি সম্পর্কে আমার সাত দিনের বড় দিদি ।

—দিদি না ছাই ! সাত দিনের বড় আবার বড় । আর রাজাবাবুর দিদি কি গরীব হয় ? আমি আপনাদের দাসী না হই পোয় । চাকরে মাইনে পায় । আখীর পোয়রা পেটভাতার পোয় ।

রত্নেশ্বর রায় আবেগে বিচলিত হয়েছিলেন—সেই বিচলিত মনে দুই হাতে অঞ্জনার পাতা অঞ্জলিবদ্ধ হাত দুখানি চেপে ধরে বলেছিলেন—না-না-না ! তোমার সন্ধান এ সংসারে আমার মত, আমার যে বউ আসবে তার মতই হবে ।

অঞ্জনা বলেছিল—হাত ছাড়ুন । আমার পাতা হাত ভরে গিয়েছে ।

রত্নেশ্বরের ডায়েরিতে আছে—“অঞ্জনাও আনন্দে পুলকের-থর থর করিয়া কাঁপিতেছিল, আমি তাহার হস্ত দুইখানি ছাড়িয়া দিতেই সে সেই হাত মাথায় ব্লাইয়া বুকে ধরিয়া চঞ্চল পদে প্রস্থান করিল ।”

সুরেশ্বর বললে—স্বলতা, বিবাহস্থলে বিভোর তরুণ রত্নেশ্বর রায় সেদিন ঠিক বুঝতে পারেন নি যে কি ঘটল । বুঝতে পেরেছিলেন অনেক পরে । সে কথা পরে বলবার সময় হলে বলব তবে তার ছবি আমি এঁকেছি । এই দেখ সে ছবি ।

তরুণ রত্নেশ্বর রায় একটি দীর্ঘ শ্রামাকী মেয়ের হাত ধরে তার মুখের দিকে তাকিয়ে আছেন । মেয়েটিও তাঁর দিকে তাকিয়ে আছে । চোখের কোণে যেন জল-বিন্দুর আভাস ! দুজনেরই প্রকিলের ছবি । রোটর চোখটি বড় সুন্দর , আর মাথায় একরাশি কৌকড়ান চুল, ফুলে ফেঁপে পিঠের দিকে পড়ে রয়েছে, তাতে একটি টং এসেছে, যেটা ঠিক এদেশী নয়, অনেকটা সেকালের ইজিপশিয়ান মেয়েদের চুলের মত ।

স্বলতা ছবিখানা দেখে বিস্মিত হল । মনে হল এই মেয়েটির ছবি যেন আর কোথাও আছে, এই সব ছবিগুলোর মধ্যে । সে উঠে এসে ছবিখানার কাছে দাঁড়াল । তারপর চোখ কিরিয়ে বাকী ছবিগুলো দেখতে গিয়ে আটকে গেল, পাশের ছবিখানার দিকে ।

কোন একজন ভয়ঙ্কর-দর্শন লোকের মূর্তি । দাঁতে-দাঁত টিপে লোকটা একটা প্রকাণ্ড গোখরো সাপকে ধরে আছে ! লোকটা যেন রক্ত-মাংসের মানুষ নয়, পাথর কেটে গড়া একটা মূর্তি । স্বলতা সবিস্ময়ে বললে—এ ছবিটা ?

সুরেশ্বর বললে—ও ছবিটা গোপাল সিংয়ের । ওই গোপাল সিং ।

—এই গোপাল সিং ! কিন্তু এমন করে একটা সাপকে ধরে রয়েছে কেন ?

—বলছি স্বলতা । এই খবরটা সেদিন ঠিক এমনিভাবেই অর্থাৎ এই মুহূর্তটিতেই এসেছিল রায়বাড়ীতে । রত্নেশ্বর ডায়েরীতে লিখেছেন—“আমি অঞ্জনার গমনপথের দিকেই দৃষ্টিপাত করতঃ তাহার কথাই চিন্তা করিতেছিলাম । এমন সময় বাহিরের বারান্দার দিক হইতে বন্ধ

দরজার ওদিক হইতে কে ডাকিল—হজুর !

—কে ?

—হামি, মহাবীর সিং ।

এদিকের দরজা দিয়ে তখনই পানের রেকাবি হাতে ঘরে ঢুকেছিল তাঁর খাস চাকর গোবিন্দ । গোবিন্দ রেকাবখানা তাঁর সামনে নামিয়ে দিতেই সাগ্রহে দুটি পান ভুলে মুখে পুরে রত্নেশ্বর বলেছিলেন—দরজা খুলে দে !

দরজা খুলতেই মহাবীর সেলাম করে জানিয়েছিল—বড়! হজুর আপনে कहलেন कि उनके साथ ভেট করনে কো লিয়ে !

—আচ্ছা । যাচ্ছি । বল গিয়ে আসছি আমি ।

কথার মধ্যেই এসে ঘরে ঢুকলেন ভবানী দেবী । রত্নেশ্বর—

—মা !

—আমার কথার কোন দাম রইল না রে ? আমি মা আনন্দময়ীর সামনে যে কথা বললাম সে-কথা থাকবে না ! ঠোট দুটি তাঁর কাঁপতে লাগল ।

সবিস্ময়ে রত্নেশ্বর জিজ্ঞাসা করলেন—কেন মা ?

—কুতুবপুরের কাছারীর লোকেরা গোপাল সিংকে ধরে পুলিশের হাতে দিয়েছে ।

—কে বললে ?

—কুতুবপুরের কাছারীর লোক খবর এনেছে ।

—সে কি ? আমি তো সকালেই লোক পাঠিয়েছি কুতুবপুর !

\*

\*

\*

ব্যাপারটা লোক পৌঁছবার আগেই ঘটে গেছে । আগে থেকেই কুতুবপুর কাছারীতে যে হুকুম ছিল সেই অহুযায়ী ঘটেছে ।

সুরেশ্বর বললে—আগে তোমাকে বলেছি সুলতা, কীতিহাটের বিচক্ষণ দেওয়ান ঠিকই অহুমান করেছিলেন যে, বীরপুর মৌজার মঙলান স্বত্ব ভগবান মঙল ডাক নিয়েছে, এ সংবাদ যে মুহূর্তে গোপাল পাবে, সেই মুহূর্তে গোপাল খোঁচা-খাওয়া বাঘের মত হুঁদীস্ত ক্রোধে হিতাহিত জ্ঞান হারিয়ে কাঁপ দেবে । তাঁর হুকুম ছিল যে, বেলা এক প্রহরের পরই কুতুবপুর কাছারীর বরকন্দাজ টেঁড়াদার নিয়ে বীরপুরের পথে-পথে এই ঘোষণা জারী করবে । এবং গোপাল সিংয়ের কানে কোন রকমে পৌঁছে দিয়ে পালাবে । যদি পালাতে না-পারে, যদি গোপালের হাতে প্রথম হতে হয় তবে রায় এস্টেট থেকে খেগারত পাবে, মোটা টাকা । সে আমলে একশো টাকার দাম অনেক, এ আমলের হাজার টাকা থেকেও বেশী । আরও আন্দাজ ছিল এই যে, গোপাল তালাবদ্ধ ভগবানের বাড়ীতে আগুন দেবে । কিম্বা দল জুটিয়ে এসে লুট করবে । হুকুম ছিল, সঙ্গে সঙ্গে খানার এসেলা দেবে । খানায় বন্দোবস্ত করা ছিল । খানার দারোগা, জমাদার, মুলীবাবুদের সঙ্গে গোপালের দূরম-মহরমের কথা অজানা ছিল না কারুর ; দেওয়ান তারও ব্যবস্থা করে রেখেছিলেন । একদিকে এস-ডি-ও, ডি-এস-পিকে নিয়ন্ত্রণের ব্যবস্থা করেছিলেন কীতিহাটে, তার সঙ্গে ইন্সপেক্টরবাবুও বাদ যান নি । ওদিকে দারোগা,

জমাাদায়, মুন্সীরীবাবুদের খুশী করবার ভার দিয়েছিলেন কুতুবপুরের নায়েবকে। সে তা করেছিল। ঘটল সবই, কিন্তু গোপাল সিং যা করলে, তা সকলের অসুমানকে অতিক্রম করে গেল। দেওয়ান আচার্য যে-মুহুর্তে খবর পেলেন যে, গোপাল বড় ছেলে এবং বড় স্বীকে জখম করে নিজের ঘরে আশুপন দিয়ে ছুটে পালিয়েছে, ফেরার হয়েছে, সেই মুহুর্তেই সওয়ার পাঠিয়েছিলেন কুতুবপুরের নায়েবের কাছে যে, কাছারীর সমস্ত লোকজন নিয়ে খোজ করে গোপাল সিংকে ধর, পুলিশের হাতে দাও। যারা ধরবে, তারা একশো টাকা বকশিশ পাবে। অবশ্য সকলে মিলে।

খবরটা কুতুবপুর গিয়ে পৌছেছিল সন্ধ্যার পর। ওদিকে কুতুবপুর, বীরপুর, এবং আশ-পালের চার-পাঁচখানা গ্রামে এই ঘটনাটা নিয়ে আলোচনার শেষ ছিল না। আজকের এই ঘটনাটিতে সকল লোকের মনই বিরূপ হয়ে উঠেছিল এই দুর্দান্ত লোকটির উপর। তার সঙ্গে প্রত্যেক গ্রামে, প্রত্যেক মহল্লিসে খবর আসছিল, গোপাল সিংকে দেখা গেছে কোন জঙ্গলে অথবা কেউ যেতে দেখেছে জনহীন মাঠের মধ্য দিয়ে। অথবা গোপাল সিংয়ের কোন অহুচরের বাড়ীতে। কেউ বলে ওই গ্রামে, কেউ বলে সে গ্রামে। খানার দারোগা তখন গোপালের বাড়ীতে পৌছে একজাহার নিচ্ছেন। তার ছোট বউ গরুর গাড়ী চড়ে রওনা হয়েছে কীর্তিহাট সতীরাণী মায়েদের উদ্দেশে। ওদিকে কুতুবপুরের কাছারী থেকে শরকদাজ পাইকের দল একশো টাকা বকশিশের উত্তেজনায় সেই রাত্রেই বেরিয়ে পড়েছিল গোপাল সিংয়ের সন্ধানে। হাতে মশাল, লাঠি, সড়কি। তবে ছুঁম ছিল, জীবিত গোপাল সিংকে ধরতে হবে। গোপাল ফাঁসিকাঠে ঝুলে তার জীবনের মাশুল দিয়ে যাবে এই ছিল সর্ববাদীসম্মত রায়।

শুধু জমিদারের রায় নয়, মালুঘের রায়ও ছিল তাই। সরকারের রায়ও তাই।

হিটলার নিজে আত্মহত্যা করেছে, তাতে বিজয়ী পক্ষ তৃপ্ত হয় নি। বিচার করে তাকে তারা মৃত্যুদণ্ডই দিত। কিন্তু বিচার হয় নি বলে ক্ষোভ থেকে গেছে। তেজো আত্মহত্যার চেষ্টা করেছিল, কিন্তু সফল হয় নি। তাকে বাঁচাবার জন্ত বোধহয় পৃথিবীর শ্রেষ্ঠ সার্জনরা ছুটে এসেছিল এবং তাকে বাঁচিয়েছিল। বাঁচিয়েছিল তাকে বিচার করে ফাঁসি দেবার জন্তে।

\*

\*

\*

হতভাগ্য গোপাল সিং নিজেও আত্মহত্যার চেষ্টা করেছিল একবার। কিন্তু তার ভাগ্যে তা সফল হয় নি। তার মস্ত বড় ভুল হয়েছিল! নেশায় কালীসাধক গোপাল সিং ছুটে পালাবার সময় মায়েদের নেশা বাবার নেশার একটাও সঙ্গে নেয় নি। যে নেশাটা করেছিল এই দুর্ধটনার আগে, সেটা ছেড়ে গিয়েছিল বিকেল হতে-ন-হতে। নেশা যখন ছুটল তখন দুঃস্থ ফাঁসির ভয় তার সামনে এসে ঝড়িয়েছিল। যে-ভয়কে সে চিরদিন ব্যঙ্গ করে ফাঁকি দিয়ে এসেছে, সেই ভয় সেদিন যেন তাকে পিছন থেকে আচমকা জাপটে ধরে হা-হা করে হেসে উঠে বলেছিল এইবার!

সুরেখর বললে—দুর্দান্ত গোপাল সিং শুনেছি, উর্ধ্বশ্বাসে মাঠ ভেঙে ছুটেছিল। বেলা দুপুর; চৈত্র মাস তখন। দু-চারজন লোককে তাকে দেখেছিল। এবং বিশ্বয়ের ভাদের সীমা ছিল না।

সিংগী উদ্বাসে ছুটেছে! কেন? কি হল?

গোপালের গ্রাম তখন অনেকটা পিছনে। প্রায় ক্রোশ-দুয়েক। যেসব লোক দেখেছিল, তার ঘটনার কথা তখনও জানতে পারেনি। এমনকি দু ক্রোশ দূর থেকে বীরপুরের খড়ের চালের আঙনের ধোঁয়া বা গ্রামের লোকের চীৎকারও শুনে পায়নি।

তারার সভয়ে সরেই গিয়েছিল। গোপাল সিং উদ্বাসে ছুটেছে। তার সামনে পড়া মানে ছুটন্ত পাগল মহিষের সামনে পড়া। সামনে পড়লে সে বারকয়েক ক্রুরের আঘাতে মাটি ছড়িয়ে-ছিটিয়ে মাথা নিচু করে শিং সোজা করে তাকে বিধে গেঁথে নেবে—তারপর ফেলে দেবে ছুঁড়ে। এবং বারবার গুঁটিয়ে তাকে ছিন্ন-ভিন্ন করে দিয়ে চলে যাবে।

একজন তার সামনে পড়েছিল। সে তাকে দেখে আঁতকে উঠেছিল। কিন্তু গোপাল তাকে আঘাত করেনি, তাকে হকার ছেড়ে শাসন করেনি, সেও খমকে ঠাড়িয়ে গিয়েছিল। তারপর পাশ কাটিয়ে আবার সামনে ছুটেছিল।

সে পালাচ্ছিল।

রায়বাহাদুরের ডায়রীতে আছে, গোপাল তার কাছে বলেছিল—ধরা পড়বার ভয়ে সে পালাচ্ছিল।

কিন্তু না। আমি ডায়রী পড়ে তার ছবিটা মনে মনে কল্পনা করেছি। ধলায় ধূসর তার সর্বাঙ্গ। চোখদুটো বিস্ফারিত। আতঙ্কিত দৃষ্টি তাতে। হাতে আশ্রয়কার উপযুক্ত একটা লাঠিও নেই। সব ফেলে দিয়েই সে পালিয়েছিল গ্রাম থেকে। সে পালাচ্ছিল নিজের কাছ থেকে।

সংসারে মানুষের মধ্যে যে চরমতম দুর্ধর্ষ, হার্ডেনড ক্রিমিজাল, সে পশুই হয়ে যায়। মানুষ হয়ে বেঁচে থাকে শুধু একটি জায়গায়। সে হল তার মমতার মধ্যে।

সেই মমতার ঘর রক্তের বজ্রায় ভাসিয়ে ধসিয়ে উপরের ছাউনি আগুন লাগিয়ে ছাই করে দিয়ে সে যখন পালাচ্ছিল, তখন তার পশুরের হিংসা ওই ঘরভাঙা মানুষটার কাছেই ভর পেয়ে পালাচ্ছিল।

গোপাল রায়বাহাদুরকে বলেছিল—ছজুর, পানির জন্তে ছাতি কেটে যাচ্ছিল, ভুখে পেটে যেন আগুন জ্বলছিল, কিন্তু ডরকে মারে—কোন গাঁওয়ে ঢুকি নাই—চুকতে পারি নাই।

লোকালয়ে সে চুকতে পারেনি। কার কাছে যাবে? কি করে বলবে—আমার ছেলেকে আমি খুন করে ফেলেছি, আমাকে বাঁচাও, একটু লুকিয়ে থাকবার জায়গা দাও! খুন সে নতুন করেনি। কিন্তু এমন দুর্বল, এমন অসহায় সে কোনদিন হয়নি। সে লোকালয়কে দূরে রেখে এসে চুকেছিল তিন ক্রোশ দূরের একটা জঙ্গলে। তখন রাত্রি নেমেছে। রাত্রির অন্ধকারে জঙ্গলের মধ্যে সে খানিকটা আশ্রয় বোধ করে একটা বড় বটগাছে উঠে মোটা ডালের খাঁজে লুকিয়ে বসেছিল। ঘুম তার হয়নি, কানভেঙে সে পারেনি, সন্ধ্যাবেলা থেকে একপ্রহর রাত্রি পর্যন্ত আশপাশের গ্রামগুলো থেকে কুকুরের ডাক শুনে চমকে উঠেছে, গ্রামের হরিনাম-সংকীর্তন শুনে চমকে উঠেছে। গভীর রাতে চৌকিবারের হাঁক শুনে শুধু চমকেই ওঠেনি, তার যে-বুক কখনও কাঁপেনি, সে-বুকখানাও ধড়কড় করে উঠেছে। মধ্যে মধ্যে তজ্রা

এসেছে, সে বলে বলে তুলেছে এবং দুঃখ দেখে ধড়বড় করে জেগে উঠেছে। রাজিশেষে ভোরের পাখীর ডাক শুনে জেগে উঠে সব অবসাদ কাটিয়ে গাছ থেকে লাফিয়ে নিচে নেবেছিল। কিন্তু যাবে কোথায় ?

গোপাল নিজেই পরে বর্ণনা করেছিল সেদিনের কথা। রত্নেশ্বর রায়ের কাছেই করেছিল। বলেছিল—বাবুজী, ভোরবেলা পাখিগুলো ঘন ঘন একসঙ্গে কলকল করে ডাকে। সে-ডাক যেন মুসাকিরধানার ভোরবেলা—উঠো উঠো উঠো চলো চলো ডাকের মত। আমার মনে হয়েছিল বাবুজী, যেন তামাম হুনিয়ায় ‘ধরো ধরো পাকড়ো পাকড়ো’ আওয়াজ উঠে গিয়েছে। আধা-ঘড়ি একঘড়ির মধ্যে হুনিয়া আলো হয়ে যাবে, লোকজন জেগে উঠবে। গরুর রাখালেরা গরু নিয়ে মাঠে আসবে, এই জঙ্গলের ধারে ধারে গরু চরাবে ; কাঠুরেরা কাঠ কাঠতে আসবে, মেয়েলোক শুকনো ডাল ভাঙতে পাতা কুড়োতে আসবে। আমি যাব কোথায় ? হাতে আমার কিছু ছিল না বাবুজী। হাতের লোহার বোলোওয়াল ডাঙাটা ফেলে দিয়ে ছুটে পাশিয়েছি ; শিক দু হাত ছাড়া আমার কিছু নেই কাছে ; আমাকে ধরতে এলে আমি করব কি ? লড়ব কি দিয়ে ?

মনে হল—মরে যাই। নিজে থেকে মরে যাই। মাথার মূরঠা খুলে পড়ে গিয়েছে, আছে এক পরনের কাপড়, সেই কাপড় গাছের ডালে বেঁধে ফাঁস বানিয়ে বুলে পড়ি। কিন্তু তাও পারিনি হজুর ! নিজেই আমি অবাক হয়ে গিয়েছিলাম আমার নিজের ভয় দেখে। হয়তো সঙ্গে সঙ্গে হাঁলে পারতাম। তখন মনে মনে হচ্ছিল—এই জঙ্গল ধরে কোনরকমে পাশিয়ে যাব, যাব একেবারে গরুর শুপারে ; সুনন্দবনের কোন গাঁওয়ে গিয়ে একদম ভোল পাণ্টে কুঁড়ে বেঁধে থাকব। খাটব খাব। কিন্তু এ দিনের বেলা এ জঙ্গল থেকে বেরুনা হবে না।

গোপাল সিংকে এ-রকলে ন' চেনে এমন আদমী নেই। দেবলেই চিনবে আর চিনলেই লোকে হৈ-হৈ করবে। এত রোজ ধরে গোপাল যে জুলুম-জবরদস্তি করেছে, তার আক্রোশ আজ গর্ত, খুঁড়ে বেরকরা সাপের মত বেরিয়ে পড়েছে। কণা তুলে তুলেছে।

মনে পড়ে গিয়েছিল—জঙ্গলের মধ্যে একটা ভাঙা মন্দির আছে। বটগাছ উঠে মন্দির-টাকে কাটিয়ে দিয়েছে, তবুও গাছের শিকড়েই আটপেট্টে বাঁধা হয়ে দাঁড়িয়ে আছে।

\*

১

\*

ওদিকে জঙ্গলের বাইরে তখন শোরগোল উঠেছে। সন্ধ্যার মুখে সে যখন এই জঙ্গলে ঢোকে তখন দূর থেকে কেউ দেখেছিল। তখনও এতবড় ধবরটা তার কাছে পৌঁছায় নি। ধবরটা এসেছিল রাতে। তারপর প্রহরখানেক রাতে কুতুবপুর কাছারীর পাইকবরকন্দাজ এবং তাদের সঙ্গে গোপালের উপর যাদের আক্রোশ তাদের একটা দল গ্রামে এসে পৌঁছেছিল।

লোকটি বলেছিল—গোপাল সিং সন্ধ্যার মুখে ওই জঙ্গলে গিয়ে ঢুকেছে আমি দেখেছি। কিন্তু ধবরটা তো শুনি নাই। ভাবলাম গোপাল সিং তো, তার তো হাজার কাজ, সেই কোন কাজে এই ভরস্কোতে জঙ্গলে ঢুকেছে। ‘ব্যস্ত-সমস্ত দেখে হৈকে বলতেও সাহস হয়নি—“সিং মশার, এই সন্ধ্যাবেলা জঙ্গলে কোথা যাবেন ?”



ভায় কথা শুনে গোটা দলটি গাঁয়ের ভিতর অপেক্ষা ক'রে শেখরাঞ্জে রওনা হয়ে এসে এই সকালেই জঙ্গলের মুখে হাজির হয়েছে। শোরগোল উঠছিল তাদেরই।

গোপালের উদ্দেশ্যে ছুটবার উপায় ছিল না। গাছে উঠে ব'সে থাকতেও ভরসা পায় নি। গাছে উঠলে অসহায়। তীর মারবে বাঁটুল মারবে। সে যথাসম্ভব দ্রুতপদে এসে হাজির হয়েছিল ভাঙা মন্দিরটার সামনে। বটগাছের ডালপালায় ঢাকা মন্দিরটা পেয়ে সে যেন বেঁচে গিয়েছিল, এক কোণে সে লুকোবে। কিন্তু চুকতে গিয়ে থমকে দাঁড়িয়েছিল। প্রকাণ্ড একটা সাপের খোলস দরজার মাথার একটা কাটল থেকে লম্বা হয়ে ঝুলে রয়েছে। কিন্তু সে লম্বার জন্তে। গোপাল সাপকে ভয় করে না; গোপাল শুধু লাঠী-বাজ দালাবাজ খুনখারাবিবাজ নয়, সে আরও অনেক কিছু পারে—সাপ ধরতে পারে, সাপের ওষা, ভূত প্রেত পিশাচ তাড়াতে পারে; তার হাতে তাবিজ আছে, জড়িষুটি আছে, ওষধের ভয় তার নেই। ভয় তার মাহুথকে।

সে মন্দিরের মধ্যে ঢুকে পড়ে দরজার পাশের একটা কোনায় উপু হয়ে চুপ করে বসেছিল। লোকজন এলেও দরজার মুখ থেকে সামনের কোণ ছুটো খালি দেখে ফিরে যাবে।

কিন্তু—; গোপাল বলেছিল রত্নেশ্বর রায়কে (পরবর্তীকালে), কিন্তু মাহুথের পাপ যব পুরা হয়ে যায় বাবুজী তখন ভগবান নারাজ হন, তিনি নারাজ হলে পার কারুর নেই। গোপালের পাপ সে-রোজ পুরা হয়েছিল, ভগবান নারাজ। কোণে বসে থাকতে থাকতে গোপাল চমকে উঠেছিল একটা গোড়ানি শুনে। সাপের গোড়ানি। বাপ, সে কি গোড়ানি।

যেন কাল গর্জাচ্ছে। স্তম্ভকূটস্থিত আওরাজের জায়গাটা আন্দাজ করে তাকিয়েছিল দরজার মাথার দিকে। ই। ঠিক দরজার খিলানের দাঁথায় বটের শিকড়ে কাটানো একটা কাটল থেকে একটা বড় ব্যাঙের মুখের মত মুখ আর তার দুটো পলকহীন কালো চকচকে চোখ দেখতে পেয়েছিল সে। তার মুখ থেকে চেরা জিভের দুটো কাটা লকলক ক'রে খেলছিল আঙনের শিখার মত।

সাপকে ভয় করে না গোপাল, কিন্তু বে-কায়দায় পড়েছে সে। সাপটাই আছে কায়দার জায়গায়। মাথার উপর। মাটির উপর সামনা-সামনি লড়া যায়। কিন্তু মাথার উপর দুবমন থাকলে তাকে লড়াই কি ক'রে দেবে।

গোপালের মনে পড়েছিল সে ঠিক এই কায়দায় ছিন্দাদাসের ঘাড়ের উপর গাছ থেকে লাফ দিয়ে পড়ে এককোণে ঘারেল করেছিল।

এক উপায়, হামাগুড়ি দিয়ে বেরিয়ে পালানো। সাপটা অনেক উঁচুতে। ছোবল দিতে পারবে না। তাই করবার জন্ত সে তৈরী হচ্ছিল। কিন্তু ততক্ষণে সাপটা নামতে শুরু ক'রেছে। গোপাল পিছিয়ে এসে বসে তৈরী হয়েছিল সাপটাকে ধরবার জন্ত। মাটিতে পড়ে ছোবল দেবার জন্ত ঘাড় তুলেই তার ডানহাতও পাশ থেকে ছোঁ দেবে। চেপে ধরবে তার গলা। চোখালের নিচে। লক্ষ্যব্রষ্ট সে হবে না। সে বিশ্বাস তার ছিল। লক্ষ্য করছিল সে সাপটাকে, সরসর করে পললসারা গুঠা দেওয়াল বেয়ে নেমে আসছে। বিরাট

গোথরো! আয় বাপ! দুহাত এক করলেও এতবড় কণা হয় না!

ওদিকে তখন মন্দিরের সামনে লোক। তারা গোপালকে দেখে হৈহু করে এগিয়ে এসেও থমকে গিয়েছিল—আয় বাপ!

সাপটা কণা তুলেছে, তুলেছে গোপালের দিকে নয়, পিছনে দরজার কাছে মাছুষের সাড়া পেয়ে ওদিকে কণা তুলে গর্জন করে দাঁড়িয়েছে।

গোপাল এ সন্যোগ ছাড়েনি। খপ করে সে ডান হাত দিয়ে ছোঁ মেরে সাপটার চোখালের নিচে সজোর মূঠিতে চেপে ধরে পা দিয়ে চেপে ধরেছিল লেজটা, যেন সেটা তার হাত জড়িয়ে ধরতে না পারে। এতটুকু ভুল তার হয় নি। নিখুঁত পরিকল্পনায় সাপটাকে ধরেছিল। তারপর পা দিয়ে চাপা লেজটা বা হাতে ধরে সে বেরিয়ে এসেছিল মন্দির থেকে।

তার তখনকার সে মূর্তি দেখে এতগুলো বরকন্দাজ-পাইক গ্রামের লোক স্তম্ভিত হয়ে গিয়েছিল। তারা ভয় পেয়ে স'রে এসেছিল। দাঁতে দাঁতে সজোরে চেপে নিষ্ঠুর মূঠিতে সে সাপটাকে ধরে বেরিয়ে এসে দাঁড়িয়েছিল মন্দিরটার ভাঙা দাওয়ার উপর। তার হাতের পেশী-গুলো ফুলে উঠে দেখাচ্ছিল পাথরের টুকরোর যত।

সাপ বড় পিছল জীব। গোপাল সিংয়ের মুঠো থেকে মুখটা শঙ্খচিত করে যত সে পিছলে বেরবার চেষ্টা করছিল তত শক্ত হচ্ছিল গোপালের মুঠো এবং সঙ্গে সঙ্গে চোখাল।

চোখ দুটো ঠিকরে বেরতে চাচ্ছিল যেন। লোকে অবাক হয়ে দেখছিল। কি করবে ভেবে পাচ্ছিল না। হঠাৎ গোপালই বলেছিল—কেউ হাতিয়ার দিয়ে কেটে দাও ছয়মনের মাঝবরাবর। তারপর হামি ছুঁড়ে ফেলব। এমনি কেলব তো নয়তান কের শির উঠাকে তাড়া লাগাবে।

বরকন্দাজ রামপুজন চোবে এগিয়ে গিয়ে তার হাতের তলোয়ার দিয়ে সাপটাকে দু টুকরো করে দিতেই গোপাল বা হাতের লেজের অংশটা পায়ের কাছে দেখানে ফেলে দিয়ে ডান হাতে ধরা মুণের অংশটা ছুঁড়ে ফেলে দিয়ে ছিল দূরে।

তারপর বলেছিল—লে পাকড়ো। বলে সে কাঁপতে কাঁপতে বলে পড়েছিল সেই দাওয়ার উপর!

এ অংশটা রত্নেশ্বর রায়কে বলেছিল—রামপুজন চোলে। তারপর তারা গোপালকে ধরে এনেছে কুতুবপুরের কাছারীতে। ঘোড়া ইঁকিয়ে রামপুজনই এসেছে কীৰ্ত্তিহাট।

গোপাল সিং ধরা পড়েছে। পাকড়েছে বাও গেলে সেই।

ভাবানী দেবী স্বাধীর কাছে বসে ছিলেন। তিনি ছুটে এসেছেন ছেলের কাছে, ওরে, মায়ের সামনে আগি কথা দিয়েছি। সে কথা আমার থাকবে না?

রত্নেশ্বর বললেন—সে কি? তাই হয়? তোমার কথা থাকবে না? এখন লোক পাঠাব। বাবা কি বললেন।

—তিনি ভোকেই ডাকছেন।

বীরেশ্বর রায় হুহুম দিচ্ছেলেন—গোপালকে যেন পুলিশে দেওয়া না হয়। বা তার কোন অনিষ্ট না করা হয়। কাছারীতেই তাকে আটক রাখ। ঘোড়সওয়ার গিয়েছিল হুহুম নিয়ে।

কিন্তু তার আগে একজন পাইক চলে গিয়েছিল রণপায় চড়ে। পাঠিয়েছিলেন আচার্য দেওয়ান।

তিনি বুঝেছিলেন মামলার আর গোপালের কিছু হবে না। তিনি হুকুম পাঠিয়েছিলেন সেধানকার নায়েবকে—“যে কোন অজুহাতে পার গোপালকে যেন শেষ করিয়া দেওয়া হয়। সদর হইতে যে হুকুমই যাউক না কেন, তুমি এ কার্য অবশ্য অবশ্য সমাধা করিবে। আমি শপথ করিয়াছি গোপালকে শেষ করিতে না পারিলে আমি ব্রাহ্ম হইতে খারিজ। তুমি আমার জাতি রক্ষা করিবে।”

সুরেশ্বর বললে—ব্রিটিশ আমলাতন্ত্রের কথা অনেক শুনেছি সুলতা কিন্তু জমিদারী সেরেস্তার আমলাতন্ত্রের কথা জ্ঞান না। বাংলাদেশে জমিদারদের অপকর্মের বারো আনার দ্বার এই আমলাদের।

একটা কথা প্রচলিত আছে—‘মাটি বাপের নয় মাটি দাপের। মাটি কেনা যায় টাকাতো কিন্তু মাটি দখল হয় লাঠিতে।’

এ কথার স্মৃতিকর্তা কে তা কেউ জানে না। তবে এই কথাটা জমিদারদের শিখিয়েছে এই আমলারা।

দেওয়ান গিরীন্দ্র আচার্যের মুখে এ কথা দিনে অন্তত দশবার উচ্চারিত হ’ত। সুকৌশলে তাঁরা জমিদার আর প্রজাকে হুপাশে সরিয়ে রেখে এই লাঠিখেলার আসর পেতে রাখতেন। তবে একটা কথা বলব—তাঁরা কাজ ক’রে গেছেন নিজের ভেবে। দেওয়ান আচার্য রায় এস্টেটকে ছোট থেকে বড় ক’রে তুলেছিলেন—

কথায় বাধা পড়ল—

—অতীত কথায় ছের টেনে দিলে রঘু।

রঘু চাকর এসে দাঁড়াল।—খাবার তৈয়ার হল। দিদিমণি পুছলেন কি খাবার দিবেন ? ও ঘরে ঘড়িতে ঢং ক’রে একটা শব্দ হল। সুলতা নিজের হাতঘড়িটা দেখে বললে—সাদে দশটা।

সুরেশ্বর বললে—আরও আধঘণ্টা পর। গোপাল সিংয়ের কথাটা শেষ করে নি, কি বল সুলতা ?

সুলতা গোপাল সিংয়ের ছবিটার দিকে তাকিয়ে বললে—হ্যাঁ, তাই শেষ কর।

সুরেশ্বর বললে—ছবিটা তোমার ভাল লাগছে !

—ছবি তোমার সবই ভাল সুরেশ্বর। আর ছবির টেকনিক কি স্ট্যান্ডার্ড বিচার তো আমি করছি না। আমি তোমার গল্প শুনে গল্পের মানুষটাকে মিলিয়ে নিছি। তার সঙ্গে ভাবছি রায়বাড়ীর কথা, সেকালের কথা।

হেসে সুরেশ্বর বললে—সে-কাল এ-কালের কাছে বিচ্ছিন্নই বটে। সব কালই তাই।

—আমি ভাবছি কি জান ? গোপাল সিং আত্মহত্যা করতে পারলে না ?

—সে আমিও ভেবেছি। কিন্তু পারে নি। আত্মহত্যার একটা ক্ষণ থাকে, সে কণ্টা পেরিয়ে গেলে আর পারে না। এটা সব কালের কথা। সে কণ্টা কখন পার হয়ে গিয়েছিল

তা বলতে পারব না। তবে গোপাল একটা কথা বলেছিল, বলেছিল রত্নেশ্বর রায়কে কিছুদিন পর। তখন সে রায়বাড়ীর পোষমানা মাছব। বলেছিল—ছেলেকে মাথায় লোহার বোলা বসানো লাঠিটা মেয়ে দ্বীর বুকে চেপে বসে গলা টিপে ধরেছিল—লোকজনে তাকে ছাড়াতে এসে আক্রমণ করেছিল। সে কি হল তা বুঝতে পারে নি। মাথায় তখন আক্রোশের আগুন। সেই আগুনেই সে নিজের ঘর আলিয়ে দিয়ে ছুটে পালিয়েছিল লোকদের ভয়ে। লোকেরা যারা তার ভয়ে কাঁপত তারাই তাকে ধরে ওই আগুনে ফেলে পুড়িয়ে মারতে চেয়েছিল। এমনটা কখনও ভাবতে পারে নি। তাই তাদের এই চেহারা দেখে হঠাৎ কেমন ভয় লেগে গেল। ওদিকে বড় পুত্রবধূ কৈদে উঠল—মরে গেছে, মরে গেছে। ‘একি হ’ল একি করলে’ ব’লে। আমি সেই ভয়ে ছুটে পালিলাম। তারপর সাঁপটা যখন কথা তুলে দাঁড়াল মন্দিরের মধ্যে তখন যে কি ভয় হল বলতে পারব না; আমি তার কামড় খেয়ে মরতে পারতাম। কিন্তু ভয়ে পারলাম না। সেটাকে ধরে ফেললাম। মরতে পারলাম না! নিজে মরতে পারব না, ফাঁসি দিয়ে মারবে সরকার তাই মারুক। কিন্তু গোপাল মরল না। ভবানী দেবী তাকে বাঁচালেন। আচার্য দেওয়ান তাকে খুন করবার গোপন হুকুম পাঠিয়েছিলেন তাও ব্যর্থ হয়ে গেল।

\*

\*

\*

বীরেশ্বর রায় সন্ধ্যাবেলা খোদ রত্নেশ্বরকে পাঠালেন গোপালকে বাঁচাতে। রণপা চেপে একজন পাটক কুতুবপুর কাছারী গেছে, দেওয়ান গিরীন্দ্র আচার্য তাকে পাঠিয়েছেন। খবরটা বীরেশ্বর রায়ের কানে চুপিচুপি তুলে দিয়ে গেল দেওয়ানের সহকারী সদর নায়েব বৈকুণ্ঠ চক্রবর্তী। বীরেশ্বর রায় তাকে বিদায় করে দিয়েই ছেলেকে ডেকে বলেছিলেন—তুমি নিজে যাও রত্নেশ্বর। না-হলে তোমার মায়ের বাক্য রক্ষা হবে না। আচার্য যা ব্যবস্থা করেছেন তাতে কাল সকালেই তাঁর দেবতার সামনে দেওয়া বাক্য ব্যর্থ হবে। অপরাধ হবে, মাথা হেট হবে। আর সঙ্গে সঙ্গে এই দেওয়ানের হাতে গিয়ে আমাদের বাঁধা পড়তে হবে। আমাদের কাছারীতে গোপালকে বেধে এনে রেখেছে। খুনের দার আমাদের ঘাড়ে চাপিয়ে দিয়ে আমাদেরই দায়ে কেলতে পারে। যে চাকর, মনিবের হুকুমের বিপক্ষে যার তাকে বিশ্বাস নেই। তুমি নিজে চলে যাও। গোপালকে বাঁচাতেই হবে।

তারপর নিজের মনেই যেন বলে উঠেছিলেন—“আমার জাত রক্ষা কর।” মনিবের জাত যাক তাতে ক্ষতি নেই, চাকরের জাত বাঁচুক। জাত! চাকরের জাত!”

রত্নেশ্বর রায় ডায়রীতে লিখেছেন—“পিতৃদেবের মুখমণ্ডল রক্তবর্ণ ধারণ করিয়াছিল। প্রচণ্ড ক্রোধ তাঁহার হইরাছে তাহা বুদ্ধিতে পারিলাম। এবং চিন্তাশ্রিত হইলাম। কারণ কবিরাজ ডাক্তার সকলেই তাঁহাকে ক্রোধ করিতে নিষেধ করিয়াছে। এমন ক্রোধ তাঁহার এই কয়মাসে আমি কখনও দেখি নাই। বাল্যকাল মনে পড়িতেছে। যখন তাঁহার সম্মুখে গেলেই তিনি ক্রুদ্ধ হইতেন। বলিতেন—লইয়া যা, উহাকে এখান হইতে লইয়া যা। আজিকার ক্রোধ অস্বাভাবিক। প্রাণপণে ক্রোধকে চাপিয়া আছেন। আমি তাঁহাকে বলিলাম—আপনি ক্রুদ্ধ হইবেন না। আমি অবিলম্বে প্রতিকারার্থ কুতুবপুর গমন করিব।”

—কুতুবপুরের নারের যদি গোপালকে দেওয়ানের পত্র পেয়ে শেব করেই থাকে তবে তাকে সঙ্গে সঙ্গে বেঁধে তুমি পুলিশের হাতে—। না পুলিশের হাতে দেওয়া ঠিক হবে না। কারণ ভবিষ্যতে প্রজ্ঞাপ্রদানের জন্য বে-আইনী কিছু করতে হয় তা করতে তার পাবে কর্মচারীরা। তুমি তাকে বেঁধে এখানে পাঠাবে। কাল সকালে তুমি ফিরে আসবে। আমার উৎকর্ষার সীমা রইল না।

\*

\*

\*

কুতুবপুরের নারের বিচক্ষণ লোক। দেওয়ান আচার্যের পত্র পড়ে তার খটকা লেগেছিল। “সদর হইতে যে হুকুমই আসুক না কেন, তুমি এ-কার্য অবশ্য সন্মত করিবে।” কথাটার সে খমকে গিয়েছিল; “সদর হইতে যে হুকুমই আসুক না কেন—?” তা’ হ’লে সদর থেকে অস্ত্ররকম হুকুম আসবে বা আসছে। আচার্যের হুকুমই আগে পৌঁছেছিল। দেশী বাঙ্গালী পাইক রণপা চড়ে গেছে। রণপা, তুমি নিশ্চয় বোঝ সুলতা; সে কালের ‘রণপা’ ভাল ঘোড়ার সমান যেত, এমন কি পাকা রণপা-দার হলে তার থেকেও জোরে যেতে পারতো। তা ছাড়া ঘোড়ার পথ সড়ক ধ’রে আর রণপার পথ মাঠে মাঠে নাকের সোজা। রণপার একমাত্র বিপদ কাঁদার জলে। কিন্তু মাসটা তখন চৈত্রের শেষ, সুতরাং কাঁদা জলের বাধাবিহীন তখন পাবার কথা নয়।

বীরেশ্বর রায়ের হুকুমবাহী সওয়ারও খুব দেরীতে পৌঁছয় নি, ঘণ্টাখানেকের মধ্যেই পৌঁছেছিল। হুকুমনামা পড়ে তিনি তখন ভাবছিলেন কি করবেন।

তখন গোটা বীরপুরের লোক ভেঙে এসেছে কাঁচারীতে। একদিনে একটি ঘটনায় বীরপুর বিজয় সম্পূর্ণ। গোপাল সিং বাঁধা পড়ার সঙ্গে সঙ্গে তারা কুতুবপুরের কাঁচারীতে এসে হাজির হয়েছে। আশ্চর্যজনকভাবে এসেছে। এমন কি যে সব দুর্ধর্ষ লোক গোপালের ভান হাত বা হাত বা হাতের আঙুল ছিল তারাও এসেছে। শুধু কীর্তিহাটের জমিদারের ভয়েই নয়, গোপালের এই নিষ্ঠুরতম রক্তকর্মে আঘাত কেউ সহ করতে পারে নি, এই ঘটনার পর বিমুগ্ধ হয়েছে সবাই।

এরই মধ্যে রাজি একপ্রহরের সময় রত্নেশ্বর রায় সদলে গিয়ে উপস্থিত হয়েছিলেন কাঁচারীর সামনে।

\*

\*

\*

প্রথম কথা জিজ্ঞাসা করেছিলেন রত্নেশ্বর রায়—গোপাল সিং কোথায় ?

নারের বুকতে পেরেছিল প্রশ্নের অর্থ। সে বলেছিল—আছে জঙ্গুর। বেঁধে রেখে দিয়েছি। না-হলে তো তাকে আটকানো যায় না! হয়তো দরজা ভেঙে অস্ত্রের হাঙ্গামা করে—

—ঠিক করেছেন! কি বলছে সে ?

—কিছু না, মড়ার মত পড়ে আছে। বোবা হয়ে গিয়েছে। প্রথম কিছুক্ষণ চোঁচোমেচি করেছিল। কিন্তু তারপর চুপ হয়ে গিয়েছে।

—তার বাড়ীর লোকেরা ? তারা আগেনি ?

—কে আসবে ? বড়ছেলে মরেছে ; বড় স্ত্রী এখনও পড়ে আছে । এমন ক'রে গলা টিপে ধরেছিল যে এখনও জল খেতে পারছে না । ছোটবউ আছে, তার বয়স অল্প, সে কাছারীতে আসে নি । বড়ছেলের ছুই ছেলে, তাদের উঠতি বয়স, তারা বলে—পোলে ওর জান নেবে । কে আসবে !

—চলুন, আমি তার সঙ্গে দেখা করব । আর একখানা গরুর গাড়ী ঠিক করুন । এফুনি । আমি রাত্রেই কিরব । গোপালকে নিয়ে যাব কীৰ্ত্তিহাট । কোথায় গোপাল ?

গোপাল কাছারীবাড়ীর কয়েদখরে হাতে পায়ে বাধা অবস্থায় পড়েছিল । ঘরখানার তালাবদ্ধ দরজার দুজন সমর্থ-শক্ত জোয়ান মোতায়ন ছিল । রত্নেশ্বর ঘরের দরজার আসতেই তারা ভূমিষ্ঠ হয়ে প্রণাম করলে ।

তারা খুলে রত্নেশ্বর ঘরে ঢুকতে ঢুকতেই তাকে ডেকেছিলেন—গোপাল সিং !

নায়েব বলেছিলেন—গোপাল সিং, ছোট ছজুর নিজে এসেছেন । গোপাল !

বিশালকায় গোপাল সিং হাতে পায়ে বাধা অবস্থায় মাটির উপর পড়েছিল, বুলা মাথা সর্বাঙ্গ, পরনের কাপড়, গায়ের আংরাখা এখানে ওখানে ছেঁড়া ; মাথার বাবরী চুল, গালপাট্টা গোঁপ ধুলোর জট বেঁধে গেছে । অসাড় নিষ্পন্দ । মুখখানা আলোর দিকে ঘোড়ালে গোপাল সিং ; রত্নেশ্বর রায় দেখলেন, গোপালের মুখ আঘাতের চিহ্নে ক্ষতবিক্ষত । কপালে কয়েকটা ক্ষতচিহ্নের উপর কালোরঙের কিছু জমাট বেঁধে আছে । বুঝলেন, গোপাল নিষ্ঠুর নিৰ্যাতনে নিৰ্যাতিত হয়েছে ।

তিনি এগিয়ে গেলেন ।

সুরেশ্বর বলতে বলতে থেমে গেল ।

স্বলতা তার মুখের দিকে তাকালে । দেখলে সুরেশ্বরের চোখ চক্‌চক্‌ করছে । কোন একটা উত্তেজনার সে যেন উত্তেজিত হয়ে উঠেছে ।

সুরেশ্বর তার দিকে থেকে মুখ সরিয়ে নিয়ে একটু বেকে মাটির দিকে চেয়ে রইল কিছুক্ষণ । যেন কিছু ভাবছে ।

হঠাৎ একটা গভীর দীর্ঘনিশ্বাস ফেলে সুরেশ্বর মুখ কিরিয়ে বললে—মাফ করো স্বলতা, গোপাল সিংয়ের কথা বলছিলাম, হঠাৎ মনে পড়ে গেল ১৯৩৭ সালের সেই দিনের কথা । বিমলেশ্বর রায়কে কোমরে দড়ি বেঁধে পুলিশ গ্রাম ঘুরিয়ে নিয়ে বেড়ালে । তারা দেখালে, ইংরেজের রাজসাক্ষীর উপর জুলুম করার দৃশ্য দেখো । এ যারা করবে, তাদের দশাও এই হবে ।

কিন্তু তার সঙ্গে শিবুর বাবা গোপালের পৌত্র হরি সিং দকাদার যে কুৎসিত আশঙ্কান ক'রে বেড়ালে, সেই কথাটা মনে পড়ে গেল । সে রায়বাড়ীর উর্ধ্বতন প্রত্যেক জনকে গাল দিয়ে বেড়িয়েছিল পুলিশ দলের সঙ্গে সঙ্গে ।

কথাগুলো বলছিল সে বিমলেশ্বরকে ।\*

—ডাকো—তোমার বাবা শিবেশ্বর রায়কে ডাকো । তার বাবা সেই সব-সে বড়া বদমাস, সেই তুমাদের বাঘে গরুতে একঘাটে জলখাওয়ানো—সেই রায়বাহাদুর রায়বাহুকে ডাকো । তার

বাবাকে ডাকো। রাধুক তোমাকে আজ। আঃ, আজ আমার বুকটা ঠাণ্ডা হল। হাঁ—  
আগুন যে জল পড়লো। আমার দানো গোপাল সিংকে হাতে পারে বেঁধে কুতুবপুর কাছারীর  
করেদখানায় ধুলো আর গর্গার উপর কেলে রেখেছিল। জমিদার! হাতে মাথা কাটে।  
যাও, আজ তুমি যাও, রায়বাহাদুরের বাহাদুর পোতা, বেটার বেটা তুমি যাও—হাজত ঘরে  
হাজ-পা বাঁধা হয়ে পড়ে থাকো গোপাল সিংয়ের মতন! হা—হা করে হেসে বলেছিল—আজ  
শোধ হইল। হা কলেজা ঠাণ্ডা হইল। হা—হা বাবা, এখন কি হয়েছে। তুমিদের ঘর পড়বে  
ইট খসবে নীলাম হবে। আমি কিনব। হা আমি কিনব। আমার শিবুকে সরকার বিলাত  
পাঠাবে। ব্যালিস্টার হবে। বহু টাকা রোজগার করবে—সে কিনবে। আর তুমাদের  
বহু বেটা আসবে, আর আমার দাদি যেমন করে রায়গিরীর পা ধরে কেঁদেছিল তেমনি করে  
কাদবে। ঘর থেকে তাড়াও না সিং সাহেব। ঘর থেকে তাড়াও না।

লোকে পুলিশের ভয়ে শুক হয়ে শুনেছিল। সেদিন আমি প্রতিজ্ঞা করেছিলাম এর শোধ  
নেব। কিন্তু পারি নি। কথাটা মনে হলে আজও শরীরে জ্বালা ধরে আমার। চূপ করলে  
স্বপ্নেখর। কিছুক্ষণ পর বলে—ধাক—। জবানবন্দীতে এসব কথাই ঠাই নেই। গোপাল  
সিংয়ের ওই অবস্থা দেখে কিন্তু তরুণ রত্নেশ্বর রায় বিচলিত হয়েছিলেন।

তার ডায়রীতে তিনি লিখেছেন—“প্রচণ্ড ঝড়বাতায় উৎপাতিত বটবৃক্ষের মত পুলিশের  
হইয়া পড়িয়াছিল। নায়েবের কথা শ্রবণ করিয়া সে সেই বন্ধন অবস্থার মধ্যেই মুখ কিরাইয়া  
বিস্ফারিত দৃষ্টিতে আমার দিকে নিরীক্ষণ করিয়া রহিল।”

রত্নেশ্বর বলেছিলেন—গোপাল সিং!

হেসে গোপাল বলেছিল—আমাকে বেঁধে পুড়াইয়ে মারবেন, না, কালীমায়ের ঠাই  
কাটবেন?

রত্নেশ্বর বলেছিলেন—না গোপাল। আমার যে-ভালোমায়ের অপমান করার আমি  
তোমাকে চড় মেরেছিলাম সেই ভালোমা আমার তোমাকে ক্ষমা করেছেন, বলেছেন তোমাকে  
বাঁচাতে হবে। আমি তোমাকে বাঁচাতে এসেছি।

রত্নেশ্বর তার ডায়রীতে লিখেছেন—“আমার বাক্য শ্রবণ করিয়া গোপাল স্তম্ভিত হইয়া  
গেল! কোন বাক্য তাহার মুখ হইতে নির্গত হইল না। আমি আবার বলিলাম—গোপাল!  
আমি মিথ্যা বলি নাই। আমি তোমাকে কীতিহাট লইয়া যাইব। অতঃ পরেই অল্পক্ষণের  
মধ্যেই রওনা হইব। তোমার কনিষ্ঠা স্ত্রীও তোমার সঙ্গে যাইবে। ভালোমা তাহাকে অপ্রিয়  
দিয়াছেন। সে পরন্তু রাতেই কীতিহাট গিয়া ভালোমায়ের শরণাপন্ন হইয়াছিল।”

এতক্ষণ গোপাল চীৎকার করে উঠেছিল—বাবুজী!

রত্নেশ্বর চমকে উঠেছিলেন। ক্রুদ্ধ হয়েছিলেন। কিন্তু আত্মসম্বরণ করে গভীরভাবে  
বলেছিলেন—গোপাল!

গোপাল আর কথা বলে নি, ঘাড় নেড়ে জামিয়েছিল—না—না—না।

—তুমি যাবে না?

—না বাবুজী, যাব। জব্বর যাব। আমি বলছি—না, কুছু না!

—তুমি সারাদিন কিছু খাও নি। কিছু খাও।

—পানি পিয়েছি বাবুজী।

—পানিতে ভেটী যায়, কিন্নে যায় না গোপাল, কিছু খাও।

—কুছ খাব ? বহুৎ খাইয়েছি ছোটী হজুর, বহুৎ খাইয়েছি। জোরান বেটার মাথা ভেঙে কাচা কাচা খাইয়েছি।

একটু চুপ করে ছিলেন রত্নেশ্বর রায়। তারপর বলেছিলেন—যা হ'য়ে গেছে তার উপায় নেই গোপাল সিং! তবু বাচতে হলে খেতে হয়—খাও কিছু। আমি তোমার ছোট স্ত্রীকে খবর পাঠাচ্ছি। সে আসবে। সেই তোমাকে খাওরাবে।

গোপাল সিংয়ের কনিষ্ঠা পত্নী খবর পেয়ে এসে গোপালকে সত্যিই খাইয়েছিল। গোপাল কি খেয়েছিল জান স্মৃতি? সের খানেক দুধ। কিন্তু তার আগে সে রত্নেশ্বর রায়ের কাছে হুকুম নিয়েছিল, এক ছিলম গাঁজা খাওয়ার।

বলেছিল—নেশা না করলে কিছু মুখে রুচবে না ছোটী হজুর! মদ খাব না। মদ খেলে খুন চাপে। গাঁজা! গাঁজা পিবার হুকুম না-দিলে খেতে পারব না।

\*

\*

\*

কীর্তিহাটে পৌছে গ্রামে ঢুকবার আগে গোপাল সিং একবার চক্কল হরোছিল। হঠাৎ চীৎকার করে উঠেছিল—না—না—না। ছোটী রায় হজুর!

ঘোড়ার উপর রত্নেশ্বর রায় তখন অনেকটা এগিয়ে কীর্তিহাটে ঢুকছেন। তখন ভোররাত্রি; মধ্যরাত্রি পযন্ত উৎসব হয়েছে। সেরাত্রে রাজকীয় অতিথিদের উপস্থিতিতে বাদি নাচ, থেমটা নাচ হয়েছে। উৎসব শেষ হবার পর লোকজন ঘুমিয়েছে। পরপর তিনরাত্রি জাগরণের ঘুম। গ্রাম শুষ্ক।

রত্নেশ্বরের ভারস্রীতে আছে—“আমি কাঁসাইয়ের বাঘের উপর ঘোড়ার রাশ টানিয়া দাড়াইলাম। গোপাল সিং-এর গাড়ী অনেক পিছনে পড়িয়াছে। তাহাকে কেলিয়া আমি গ্রামে ঢুকিলাম না। কারণ আমি দিবাদৃষ্টিতে দেখিতেছি করুণাময়ী মদীয় মাতাঠাকুরাণী গোপাল সিংয়ের নিরাপত্তার জন্ত জাগিয়া আছেন। আমি একাকী গেলেও তিনি মানিবেন না। তদপেক্ষা তাহাকে সঙ্গে লইয়া যাওয়াই ভাল।”

কাঁসাইয়ের ওপারে এসেই গোপাল চীৎকার শুরু করেছিল। সওয়ার এপার থেকে এসে খবর দিয়েছিল রত্নেশ্বর রায়কে। রত্নেশ্বর রায় অত্যন্ত তিক্তমনেই করে ওপারে গিয়ে রুচস্বরে জিজ্ঞাসা করেছিলেন—কি? চীৎকার করছ কেন?

গোপাল বলেছিল—আমাকে কেটে এই নদীতে গেড়ে দিন রাখাবু, আমাকে হাত-পা বেঁধে লিয়ে যাবেন না। যারিয়ে কেলেন আমাকে। আমি গোপাল সিং—আমি—

এবার সে হাউ হাউ করে কৈদেছিল ছোটছেলের মত।

দীর্ঘঅবগুর্ধনবতী গোপালের স্ত্রীও হাত জোড় করেছিল রত্নেশ্বরের সামনে।

রত্নেশ্বর করেক মুহূর্ত ভেবে হাত-পায়ের বাঁধন খুলে দিতেই হুকুম দিয়েছিলেন।

ভোররাত্রিতে তাঁরা এসে পৌছেছিলেন কীর্তিহাটের কাছারীবাড়ীর সামনে। সেদিনও



তখন মঙ্গলারতি হচ্ছে। ভবানী দেবী মন্দিরের দাঁড়ায় মায়ের সামনে হাত জোড় করে দাঁড়িয়েছিলেন। আরতি শেষ হতেই রত্নেশ্বর তাঁর সামনে এসে বলেছিলেন—গোপালকে সঙ্গে করে নিয়ে এসেছি মা!

—এনেছিস! বলেই হাত জোড় করে দেবীর দিকে তাকিয়ে বলেছিলেন—আমার মুখ রেখেছিস মা। রায় সংসারের মুখ যেন এমনি করে চিরদিন রাখিস, মা!

\*

\*

\*

রত্নেশ্বর থামল এইখানে। একটা সিগারেট ধরিয়ে কটা টান দিয়ে একটা দীর্ঘনিশ্বাস ফেললে। তারপর বললে—১৯৩৭ সালে সেদিন রত্নেশ্বর রাতের ডায়েরীর ঠিক এইখানে এইভাবেই থেমেছিলাম স্মৃতি। মনে হয়েছিল পরলোক যদি থাকে তবে সেখানে ভবানী দেবীর আত্মা আজ কি বলছেন, কি করছেন?

একটা ছবি মনে রূপ নিয়েছিল এক-মুহুর্তে।

মনে মনে অনেক সময় এমন হয়। মনের প্রব্লেম উত্তর খুঁজতে একটা ছবি হয়ে জেগে ওঠে।

ঠাকুরদাস পালের মৃত্যু বিবরণ পড়ে তোমার এমনি একটা ছবি ভেসে উঠেছিল মনে। প্রব্লেম জেগেছিল—একথা যখন জানবে স্মৃতি তখন সে কি করবে? কি বলবে?

যে ছবিটা জেগে উঠেছিল সেটা আজ মনে করতে পারি। তুমি যেন স্থির বিশ্রিত দৃষ্টিতে আমার দিকে তাকিয়ে আছ আর দুটি জলের ধারা চোখের কোণে টলটল করছে। নেমে ঝরে পড়বে বলে।

তোমনি সেদিন ভবানী দেবীর যে ছবিটা মনে জেগেছিল, সেটা কতবার ভেবেছি আঁকি কিন্তু আঁকা হয় নি। ভবানী দেবী যেন দু'হাতে মুখ ঢেকেছেন লজ্জার অহুশোচনায়।

আমার কানের কাছে গুঞ্জন করে উঠেছিল অর্চনার কথাগুলি। বিমলেশ্বর কাকার স্ত্রীর কাছে যে কথাগুলি ওবেলা শুনেছিলাম, সেই কথাগুলি। “রাজরাজেশ্বর কি রায়বাড়ীর পেয়াদা না মাকালী ভাতারিণী প্রহরিনী যে দিনরাত তোমাদের হুকুম তামিল করবে?”

সেইদিন আমি কীর্তিহাটের রায়বাড়ীর খাটি মালিক, জমিদারবংশের সন্তান, খাটি জমিদার হয়ে উঠলাম। স্থির করলাম, এর শোধ আমি নেবই নেব। গোপাল সিংয়ের পৌত্র দফাদার হরি সিং, তার ছেলে শিবু সিং। তাকে শাস্তি দিতে গিয়ে বিমলেশ্বর কাকা পারলেন না। উন্টে অপমানের বোঝা ভারী হল। এর শোধ আমি নেব।

বীরেশ্বর রায় তাঁর স্ত্রীর অহুরোধে যে-ভুল করেছিলেন, সে ভুলের সংশোধন করব।

গোপাল সিং সেদিন ভোরবেলা কালী মন্দিরের সামনে হাঁটু গেড়ে বসে হাত জোড় করে বলেছিল—মাইজী, আপনেকে আমি খারাব বাত বলেছি, আমার পুরা সাজা হইয়েছে। ছোট্টা হজুরকে আমি পোড়ারে মারবার জোগাড় করেছিলম, তার ভি সাজা হামার মিলিয়েছে। ছনিয়া ভিডা হয়ে গেলো মাইজী। পাপী, হমি নহং পাপ করিয়েছি মা! হামার সাজা হইয়েছে। আমাকে মাফ করেন মা, আমাকে মাফ করেন আপনি।

ভবানী দেবী একটা দীর্ঘনিশ্বাস ফেলে বলেছিলেন—কিন্তু তোমাকে তো শাপশাপাঙ্ক আমি

করি নি বাবা !

—না মাইজী, আপনি দেবী, মাক্খাত দেবী। সে আমি জানে। তবু ভি বলেন—মাক্ করলেন ! বুঝ আমার গুড়িয়ে গেলো মাদে। থাক হইয়ে গেলো !

জবানী দেবী বলেছিলেন—মাক তোমার করেছি, তোমার স্ত্রীকে মায়ের সামনে কথা দিয়েছি। তবু তুমি যখন বলছ; তখন আবারও বলছি, এই মায়ের সামনে বলছি—মাক তোমাকে করলাম।

—মাদেজী, আমার ইজ্জৎ—

—বেশ। সে কথাও দিচ্ছি গোপাল। বেইজ্জৎ তোমার হবে না। তবে কর্তাবাবু যা বলেছেন তা শুনেছ তুমি ?

—হ্যাঁ মা।

—বেশ; বেইজ্জৎ তুমি হবে না। পুলিশের হাত থেকেও তুমি বাচবে। সে সব ব্যবস্থা আমি করেছি বাবা। তোমার স্ত্রীকে কথা দিয়েছি বলেই নয়, তোমার কৃতকর্মের এই ভয়ঙ্কর ফল দেখে আমি কৈদেছি। তোমাদের ছোট হজুরের বিয়ে হচ্ছে। বিয়ে হচ্ছে এ জেলার সদরের ডেপুটি সাহেবের মেয়ের সঙ্গে। আমি তাঁকে বলেছি—তিনিও আমাকে কথা দিয়েছেন। তুমি বেচেছ। তিনি বাঁচিয়েছেন।

গোপালকে তিনিই বাঁচিয়েছিলেন। বেইজ্জতি হয় নি, কটু কথাও বলেন নি বীরেশ্বর রায়। এতটার কারণ বোধহয় দেওয়ান আচার্যের ওই চিঠি। আচার্যকে অপদস্থ করবার জগুই তিনি এতটা করেছিলেন। প্রথম ক’দিন বীরেশ্বর রায় গোপালের সঙ্গে দেবাও করেন নি। তাকে থাকতে দিয়েছিলেন, দু-মহলা প্রকাণ্ড অন্তরের এক প্রান্তে চাকরদের ঘরে।

রায়বাড়ীতে তখন রায়বংশের লোক মাত্র তিনজন। কতী-গৃহিণী এবং পুত্র। আত্মীয়-স্বজন যারা বারো মাস থাকত, তাদের সংখ্যা তখন দশজন। উৎসব উপলক্ষে আর অনেক আত্মীয় এলেও মোটামুট চল্লিশের বেশী হয়নি। বাইরের লোকজনের সামনে যাতে গোপালের অপমান না-হয়, যাতে দেওয়ান আচার্যের হাত সহজে না পৌঁছায় তারই জন্তে স্থান দিয়েছিলেন বাড়ীর ভিতর।

রত্নেশ্বর রায়ের ডায়রীতে আছে—“পিতৃদেবের দূরদর্শিতায়, আশ্রয় বুদ্ধিতে আমি নিত্য চমৎকৃত হইতেছি। অন্ধর মহলে গোপাল সিংহ ও তদীয় পত্নী পুত্রকে স্থান দেওয়া আমার যনোমত হয় নাই। তাঁহাকে একথা নিবেদন করিতেই তিনি বলিলেন—তুমি এখনও বালক রহিয়াছ। তুমি দেওয়ান আচার্যকে সম্যক চিনিতে পার নাই। দেওয়ান আচার্য না-পারেন এমন কর্ম নাই। অজ্ঞত রাখিলে তিনি সহজেই তাঁহার প্রতিজ্ঞা পূর্ণ করিতে পারিবেন। আমি চমৎকৃত হইলাম। এ কথা আমার মনে হয় নাই। তিনি বলিলেন—রবিনসন সাহেবকে যে সুলভ স্নানোশনে পত্নীগীজ স্ত্রীলোকের দ্বারা বশীভূত করিয়া এক পত্নীগীজ দ্বারাই শেষ করিল, তাহা স্মরণ কর। এখানে অজ্ঞ কোন ব্যক্তির সহিত বিবাদ করাইয়া দশ-বিশজন লোক দ্বারা তেমন কিছু করিলে কি করিবে!”

রাজকর্মচারীর বিদায় নিরেছিলেন পরের দিন। সদর এস-ডি-ও রত্নেশ্বর রায়ের ডায়

বিশ্বের আরও একদিন ছিলেন। বিবাহ পাকাপাকি হির হয়ে গেলে তিনি গেলেন।

রাধারমণবাবুর সামনেই গোপালকে ডেকে তিনি তাকে বলেছিলেন—রায়বাড়ীর গিন্নীমা তোমাকে কমা করেছেন। তোমার সে সব অপরাধের কথা আমি তুলব না। তোমার নিজের শান্তি তুমি নিজে নিয়েছ, কিম্বা ভগবান দিয়েছেন, তার ওপর আমার হাত নেই। এখন শোন, যা বলছি। একথা তোমার স্ত্রীকে বলছি। সে রাজী হয়েই মেনে নিয়েছে। বীরপুরের তোমার জ্যেষ্ঠভ্রাতার বেনীর ভাগ জবরদখল। সে সমস্ত তোমাকে ইন্তফা দিতে হবে। যা তোমার নিজস্ব, তা পাবে তোমার বড় ভেলেই ছেলেমা আর তোমার বড় স্ত্রী। বীরপুরে তুমি বাস করতে পাবে না। তোমাকে বাস করতে হবে নতুনহাটে, কীতিহাটের পাশেই, নতুন গ্রাম পত্তন করেছে সেখানে। সেখানে তোমাকে দশ বিঘে জমি, একটা বাড়ী, একটা খিড়কীর ডোবা—এই তোমাকে দেব, পাইকান বন্দোবস্ত করে। রায়বাড়ীর কাছারীতে তোমাকে রোজ সকালে আসতে হবে। সেলাম দিয়ে যাবে। ঘুরে চোখের বাইরে তোমাকে যেতে দিতে পারব না। রায়বাড়ীর ক্রিয়াকর্মে এ বাড়ীতে আসবে, মোতামেন থাকবে। রাজী আছ ?

গোপাল চুপ করেই থেকেছিল, সঙ্গে সঙ্গে জবাব দিতে পারে নি।

রাধারমণবাবু বলেছিলেন—নীচে আমার দারোগা হাজির আছে। রাজী থাকিস তো বল। না-থাকলে দারোগা নিজের কাজ করবে।

গোপাল রাধারমণবাবুর দিকে তাকিয়েছিল, সে তাঁকে চিনত না; তার কপালে জুহুটি জেগেছিল।

বীরেশ্বরবাবু বলেছিলেন—উনি মেদিনপুরের এস-ডি-ও।

গোপাল এবার মাথা হেঁট করে বলেছিল—জান যখন ভিগ মেডেছি জজুর, তখন বিলকুল মেনে নিয়েছি।

একটু চুপ করে থেকে আবার বলেছিল—হ্যাঁ। আপনি আমাকে বাঁচাইলেন। বীরপুর চুকবার মুখ আমার নাই। আর আপনার তাবদারী ছাড়া দুসরা কোন কাম—সেও ভি আমি পারবে না। বিলকুল মেনে নিলাম।

বীরেশ্বর রায় বলেছিলেন—হ্যাঁ। আমার তাবদারী ছাড়া তুমি কোথাও গিয়ে বাঁচবে না। দেওয়ানজীর হাত থেকে—।

বলেই তিনি থেমে গিয়েছিলেন। চাকরকে ডেকে বলেছিলেন—দেখ ছোট নারের কাগজ-পত্র নিয়ে ওপাশে বসে আছে। তাক তাকে।

নারের এলে বলেছিলেন—কাগজপত্রে টিপ ছাপ নিয়ে নিন।

স্বরেশ্বর বললে—স্বলতা, গোপাল সিংকে রক্ষা করতে গিয়ে, হারানো হল দেওয়ান গিন্নীন্দ্র আগাধকে।

আচার্য দেওয়ান পরের দিনই এসে বলেছিলেন—আমার বয়স হল বাবা; এদিকে তোমাদের সংসারেও আর ঝগড়া-ঝামেলা নাই। ছোটবাবু ভায়া এরই মধ্যে বেশ বুঝে নিয়েছেন, তীক্ষ্ণবুদ্ধি। এবার আমি ছুটি চাচ্ছিলাম।

বীরেশ্বর রায় বলেছিলেন—রত্নেশ্বরের বিরে বৈশাখে। এই সময় কি আপনার যাওয়া চলে ? গিরীন্দ্র আচার্য বলেছিলেন—বেশ ; তারপর যেন আমাকে আর বেঁধে রেখো না বাবা। শরীর বড় ভেঙেছে আমার।

বীরেশ্বর অবলীলাক্রমে বলেছিলেন—না। ১লা জ্যৈষ্ঠ অষ্টম। ২রা জ্যৈষ্ঠ আপনি খালাস। আপনাকে আটকানো উচিতও হবে না। কারণ রত্নেশ্বর আপনাকে নিয়ে ঠিক চলতে পারবে না। আমার সঙ্গেই ওর সব মত মেলে না। কাল রাধারমণবাবুর সঙ্গে কথা হচ্ছিল। এই গোপালের কেস নিয়ে কথা। উনি বলেছিলেন—বীরেশ্বরবাবু এ পথে জমিদারী চালান আর চলবে না। ইংরেজ জাত বড় কঠিন জাত। পৃথিবীর সবচেয়ে বড় পাওয়ার। কিন্তু ওরা আইনকে বড় মানে। বিচারের সময় জজেরা ইংরেজ গভর্নমেন্টেরও খাতির করে না। জমিদারীর ধারা পাণ্টান মশাই। রত্নেশ্বর বললে—আমি তো প্রতিক্ষা করেছি, বেআইনি প্রজ্ঞাপ্রদান—এ আমি কীর্তিহাট এস্টেট থেকে তুলে দোব। আপনার সঙ্গে ওর বনবে না! আমি ভাবছিলাম! আমিও আর হস্তক্ষেপ করব না, আপনাকেও বলব, দেওয়ান কাকা, এবার আমাদের সব ছেড়ে দিয়ে বসে-বসে দেখাই ভাল। তা আপনি নিজেই বলছেন।

রত্নেশ্বর বললে—গোপাল সিংয়ের কথা এখানেই শেষ। গোপাল সিং এরপর বেঁচে ছিল কম দিন না, দশ বছর। ১৮৬৯ সালে রত্নেশ্বরের ডায়রীতে আছে—“আজ গোপাল সিং মারা গেল। এস্টেটের একজন হিতৈষী লোককে হারাইলাম। লোকটি অতীত কালে বাহাই করিয়া থাক, শেষ জীবনে সে সত্য-সত্যই সজ্জন ব্যক্তি হইয়াছিল; মদ্যপান ছাড়িয়াছিল, বৈষ্ণব হইয়াছিল। কীর্তন শুনিতে-শুনিতে প্রেমোদ্রেক বিসর্জন করিত। অহুতাপ করিত। নেশার মধ্যে গঞ্জিকা সেবন করিত, কিন্তু তাহাতে তাহার ক্ষতি হয় নাই। অবগত হইলাম যে, সে মৃত্যুকালে হরি-হরি জপ করিতে-করিতে শেষ নিঃশ্বাস ত্যাগ করিয়াছে। আরও অবগত হইলাম যে, তাহার পুত্রকে রায়শাহীর আশ্রয়ে সম্ভাবে অন্নগত থাকিয়া জীবন নির্বাহ করিতে বলিয়াছে। বলিয়াছে—এ কাল বড় কঠিন কাল, সে কাল গিয়াছে। ছোট রায়হুজুর ধার্মিক লোক। বিদ্বান পণ্ডিত লোক। আইন বোঝেন। তাহার আশ্রয়ে থাকিলে উন্নতি হইবে। সুখে থাকিবে। তাহাদের সহিত সর্ভযানিয়া চলিবে। উনি না থাকিলে আমি বাচিলাম না। ফাসিকাণ্ডে কুলিতাম। গোবিন্দ আক্রোশে তাদেরও রাখিত না, শেষ করিয়া দিত। বাচিলে ভিক্ষা করিয়া খাইতে হইত। গোবিন্দ শেষ পর্যন্ত কালাপানিতে মরিয়াছে। ওপথে হাটস না।”

গোবিন্দ সিং গোপালের বড় ছেলের বড় ছেলে। বড় নাতি। বাপের মৃত্যুর ক্ষণে তার সব আক্রোশ পড়েছিল গোপালের উপর। বীরেশ্বর রায় বিচার করে গোপালের স্ত্রাঘ্য সম্পত্তিটুকু রেখে বাকী সবই—যা মওলান স্বদেশের মালিক হিসেবে দখল করেছিল,—সে-সব কেড়ে নিয়েছিলেন, এবং বীরপুত্রের সম্পত্তি গোপালকেও দেন নি, দিয়েছিলেন ওই গোবিন্দ সিংকে। বলতে গেলে, খেসারত হিসেবে তাকে দিয়েছিলেন। এতেই গোবিন্দ সিং রায়হুজুরের বিচারের সন্ধান করে সব আক্রোশ কেলেছিল তার পিতৃহত্যা পিতামহের উপর। সে নাকি শপথ করেছিল, ঠাকুরদার জান সে নেবেই। এবং এতে তাকে উৎসাহিত করেছিল তার

শিডামহী ; গোপালের বড় স্ত্রী । আরও একজন এতে তাকে ইঙ্গন জুগিয়েছিল । সে লোকটি হচ্ছে রায়বাড়ীর পুরনো দেওয়ান গিরীন্দ্র আচার্য ।

গিরীন্দ্র আচার্যকে দেওয়ান পদ থেকে সরিয়ে দিয়েছিলেন বীরেশ্বর রায় ; ওই ২২২ জ্যেষ্ঠই সরিয়েছিলেন, কিন্তু তাঁকে নিজের মূর্তি থেকে ছাড়েন নি । রায়বাড়ীতে দীর্ঘ তিরিশ বছর দেওয়ানী কালের হিসেব-নিকেশ দাবী করে দাবী করেছিলেন বিশ হাজার টাকার জন্ত । টাকটাকের হিসেব মেলে নি । শেষে তার কাছে দশ হাজার টাকার হ্যাণ্ডনোট লিখিয়ে নিয়ে বলেছিলেন—এটা আমি লিখিয়ে নিলাম, কিন্তু এ আমি আদায় কখনও করব না । আপনি এস্টেটের অনেক খবর জানেন, আপনার কাছে তার নমুদও আছে । এটা আমি তার জন্ত হাতে রাখলাম । আর আপনার চিঠি আছে, সেটাও দেখিয়ে রাখি, সেটা আপনি এই সেদিন কুতুবপুরের নায়ককে লিখেছিলেন—“সদর হইতে যে হুকুমই বাউক না কেন, যে কোন অজুহাতে গোপালকে শেষ করিয়া দিবে । আমার জাতি রক্ষা করিবে ।”

গিরীন্দ্র আচার্য হেসেছিলেন । বলেছিলেন—ও আমি জানি, বাবুজীতাই চিঠিখানা গোড়াতেই নাড়বের হাত থেকে নিয়েছেন, সে খবর আমি জানি । বেশ তাই হল ।

আরও বলেছিলেন—দেখ বাবা, নোকরী, গোলামী লোকে করে পেটের জন্তে । তবে পেটের জন্তে কখনও মূনিবের ক্ষতি করি নি । মূনিব মেয়ে খেলে আজ কীর্তিহাটের অজন্তঃ অর্ধেকটাই পেটে পুরতে পারতাম । তা আমি করি নি । তোমাদের কি আয় ছিল, কি আয় হয়েছে, তা তুমি জান । সে আমিই করেছি । পাপপুণা বাড়ি নি । তার অনেক নজীর আছে । পাবে সেরেস্তা খুলে । তিরিশ বছরে তিরিশটা জান খতম করিয়েছি, হয়তো বেলীট হবে । যারা বিরোধিতা করেছে তাদেরই, হয় হাতে, নয় ভাতে, মেয়ে রাজ্য নিকটক করে দিয়েছি । বীরপুর নিকটক করতে চেয়েছিলাম তোমাদেরই জন্তেই । ভুল হয়েছিল, যাকালীর সামনে বলেছিলাম, গোপালকে খতম না করি তো আমি বামুন থেকে খরিজ । তবে, ভেবে না, তোমাদের দৌলতে অনেক করেছি আমি, আমি তোমাদের অনিষ্ট করব না । এই উপবীত ছুঁয়ে ইষ্ট দেবতার নামে হলপ নিয়ে বলছি ।

বীরেশ্বর রায় বলেছিলেন—এ হ্যাণ্ডনোট আমি আপনার বউমা সতী বউয়ের কাছে রেখে দিচ্ছি, তাহলে হবে তো ?

—বাস-বাস-বাস । এ আর কথা কি আছে ।

—আর একটা কথা বলি ।

—বল ।

—একখানি মহল আপনাকে পত্তনী বা দরপত্তনী প্রণামী দিতে চাই । আর আপনি শেষ জীবনটা মেদিনীপুরে ন' দপ্তরের তার নিয়ে বসুন । দেওয়ানীতে যা পেতেন তাই পাবেন । অপরের কাজকর্মও করতে পারবেন । আপনার প্রতিজ্ঞার আর একটা বাকী আছে, শ্রামনগর এখনও রায় এস্টেটে আসে নি ।

হেসে আচার্য বলেছিলেন—সে এই আঘাট বা আশ্বিন কিস্তিতেই হয়ে যাবে বাবা, ভেবে না । ভাছাড়া, দে-সরকাররা মহাল রাখতে পৌঁছ মাসে একটা হ্যাণ্ডনোট কেটেছে, চৈত্র মাসে

একটা হ্যাণ্ডনোট কেটেছে হগলীর মহাজনের কাছে। সে হ্যাণ্ডনোট দুখানা আমি চোটা দিয়ে কিনবার কথাবার্তা পাকা করেছি। ওরা দুখানা হ্যাণ্ডনোটে আট হাজার নিয়েছে, সুদ মাসিক শতকরা একটাকা, আমি বলেছি, সুদসমেত আট হাজার আর ধরাট দু হাজার দিয়ে হ্যাণ্ডনোট আমি কিনব। তারা রাজী। কিনেই আষাঢ়ের আগে নালিশ ঠুকে দিলে আর সামলাতে পারবে না, টাকাও পাবে না। শ্রামনগর ঘরে ঢুকে যাবে। আমাকে খালাসই দাও। আমার আর খুব ইচ্ছে নেই!

বীরেশ্বর বলেছিলেন—তা হয় না দেওয়ানকাকা। কারণ আমাকে অবসর নিতেই হবে। রত্নেশ্বরকে ভার দিয়েছি, তাকেই সব ছেড়ে দিতে চাই। ওর সঙ্গে আপনারই মতে শুধু বনবে না নয়, হয়তো আমার সঙ্গেও বনবে না। আমি হস্তক্ষেপ করতে গেলে ও অসন্তুষ্ট হবে। আমি কলকাতায় না-হয়, সতী বউ বলছে—কালী চলে যাব। ওর মাথার উপর লোক চাই। ওর শ্বশুর অবশ্য এন্-ডি-ও, সরকারের ঘরে দুকবির জোর ভালই হয়েছে। কিন্তু কি জানেন, বিষমুদ্ধি ঈদের নাই। এঁরা শুধু সরকার চেনেন, খেতাব চেনেন, কিন্তু সম্পত্তি বাড়ানো, সম্পত্তি রক্ষা কি করে করতে হয়, তা জানেন না। রত্নেশ্বর এরই মধ্যে বলছে—নতুন কাল, নতুন কাল। সব বাবস্থা টেলে সাজাতে হবে।

\*

\*

\*

সুলতা তখনও গোপাল সিংয়ের সেই দুই হাতে সাপ ধরা ছবিখানা দেখছিল। ছবিখানা তার আশ্চর্য ভাল লেগেছে।

সুলতা দেখতে দেখতে বললে—ঠাড়াও সুরেশ্বর, গোপাল সিংয়ের ছবিখানা একটু দেখি। আশ্চর্য বোল্ডনেস রয়েছে ছবিখানার মধ্যে।

সুরেশ্বর বললে—ও ছবিখানা শুধু গোপাল সিংয়ের ছবি নয় সুলতা; ওখানার গোপাল বাংলার সেকালের দুর্ধ্ব প্রাণশক্তির প্রতীক। সে শক্তি স্বার্থপর, ব্যক্তিকেন্দ্রিক কিন্তু ওরই চাপে সাধারণ মানুষগুলো চাপ বেঁধে, জমাদি বেঁধে একটা শক্তি ছিল। তারা গোপালকে বেঁধে পশু করে দিচ্ছে।

সুলতা সপ্রশংস দৃষ্টিতে ছবিখানার দিকে তাকিয়ে রইল। হ্যাঁ, সেটুকু চমৎকার ফুটেছে।

সুরেশ্বর বললে—১৭২০ সাল থেকে ১৮৫৮ সাল পর্যন্ত গুনতিতে পঁয়ষট্টি বৎসর কাল সুলতা; পারমানেন্ট সেটেলমেন্ট থেকে ১৮৫২ সালে নতুন ভূমিস্বত্ব সংস্থার আইন। এর মধ্যে জমিদারদের প্রাশ্রয় দিয়ে, আশ্রয় দিয়ে, এই দুর্ধ্ব প্রাণশক্তিকে ইংরেজ শেষ করলে। তারপর হল নতুন আইন। তার আগে সুলতা, ১৭৫৭ সাল থেকে ৮ বছর পর ১৭৬৫ সাল, পলাশীর যুদ্ধ থেকে মীরকাসেম নবাবের পালা শেষ করে, বাদশাহের কাছে দেওয়ানী নিলে। ৩৫ সাল থেকে ১৭৯০ সাল গুনতিতে ২৮ বছর, ধরতে পারি তিরিশ-বত্রিশ-এর মধ্যে বাংলা দেশে নবাবী পালার পর জায়গীরদারী শেষ করে জমিদারী পালায় ফেলেছিল। রাজারা-মহারাজারা খেতাবটা বেঁধে জমিদারীই স্বীকার করে ইংরেজ রাজত্বের বনিয়াদ পোক্ত করেছিল। একদিকে করেছিল কোম্পানী সরকারের কিনালা ডিপার্টমেন্টকে শক্ত, অত্রদিকে এদেশের দুর্ধ্ব মানুষ,

যারা বগাঁও হাটামা পুইয়ে বেঁচেছে, গিরিয়া, পলাশী ভারপর কাটোয়া-গিরিয়া-উখানামার বিপর্যয় মাথায় করে বেঁচেছে, বিশু ডাকাতের মত ডাকাত যারা নীলকুঠী লুণ্ঠ করে, নীল বাঁদরের অত্যাচার নিবারণ করতে চেয়েছে, যারা কুটিল মহাজনদের মেয়েছে, যারা জমিদারদের সঙ্গে লড়েছে, তাদের শক্তি এমনভাবে নাগপাশে বেঁধে জব্দ করতে বসল নতুন আইন।

“বণিকের মানদণ্ড দেখা দিল পোহালে শর্ববী রাজহণ্ড রূপে।”

কোম্পানীর হাত থেকে রাজা এল ইংলণ্ডের হাতে। সাম্রাজ্যবাদের ভোল বদল হল দুনিয়া জুড়ে; ক্ষত্র সাম্রাজ্যবাদের বদলে বৈষ্ণব সাম্রাজ্যবাদ। ইংরেজদের সব জাতের খাতই তাই। ইংরেজ তখন বিশ্ববিজয়ী হয়ে চিরস্থায়ী বন্দোবস্তের মত চিরস্থায়ী সাম্রাজ্য স্থাপনের জন্ত বঙ্ক-পরিকর।

‘ব্রিটিশ এম্পায়ার এস্টাব্লিশড বাই ল’।

সে রাজত্বে মায়ুষের এতশক্তি তার সহ্য হবে কেন। তাকে শেষ করে দিতেই হবে। ওই সব কথাই বলতে চেরেছি ওর মধ্যে। ছবিখানা সত্যই বোল্ড হয়েছে।

ছবিখানার দিকে নিজে কিছুক্ষণ দেখে, বললে—১৮৫৯ সালে নতুন আইন পাশ হ’ল, গভর্নর জেনারেলের কাউন্সিল তাই দিয়ে জমিদারকেও বাধলে। পারমানেন্ট সেটেলমেন্টের কনট্রাক্ট সেই করে জমিদার ভেবেছিল, রাজার সঙ্গে কনট্রাক্ট বলে আমরাও রাজা। প্রজার দণ্ডমুণ্ডের মালিক। কিন্তু ইংরেজ তা বুচিয়ে দিলে। এবার স্পষ্টাক্ষরে বলে দিলে—না, প্রজারা শুধু সরকারের প্রজা, তোমাদের সঙ্গে কনট্রাক্ট, তোমরা খাজনা আদায় করবে। তা থেকে সরকারের দেয় দিয়ে বাকীটা পুত্র-পৌত্রাদি-ক্রমে ভোগ করবে।

১৮৫৯ সাল থেকে বাংলার প্রজাশক্তির সঙ্গে গণশক্তি শ্রান্ত ঘুমন্ত; উঠল প্রথম ১৯২১ সালে। বিচিত্র কথা কি জান, গুনতে গিয়ে উত্তর পেয়েছি ৬২ বছর। আবার ১৯২১ সাল থেকে ১৯৫৩ সালে জমিদারী উচ্ছেদ ৩২ বছর।

সুলতা হেসে বললে—হঠাৎ ছবির মারকৎ জবানবন্দী দিতে গিয়ে যে রিসার্চ তত্ত্ব এনে বসলে? ওটা গবেষকদের হাতে ছেড়ে দাও! ওরকম গবেষণা একবার ১৮৫৭ সালে হয়েছিল, সেটা ফলে নি। আবার প্রজাশা ছিল—১৯৫৭-তে। কিন্তু তার দশ বছর আগে ১৯৪৭-এ ইংরেজ দেশ ছেড়েছে, স্বাধীনতা এসেছে। এসব চেতাবুনীগুলাদের পক্ষে ভাল। তোমার কোন কাজে লাগবে না।

স্বপ্নের হেসে বললে—দেখ, পথের ধারে খড়ি দিয়ে ছক ঐক্যে অদৃষ্ট গণনা কিবা রবিবারে সাপ্তাহিক রাশিকল লেখার বাসনা আমার নেই। সেজন্তে বলি নি। তবে কীর্তিহাটে বসে বসে ভাবতে ভাবতে এটা আমার চোখে পড়েছিল। তাই বললাম! এখন কিরে যাচ্ছি ১৮৫৯ সালে।

গোপাল সিং এবং গোপাল সিংয়ের দৃষ্টান্তে মিউটিনির পর ইংরেজের শক্তির আতঙ্কে অস্ত্র গোপালোরা দুঃস্থ গোপাল থেকে স্ববোধ গোপাল হয়ে গেল।

শুধু প্রজারাই নয়, ১৮৫৯ সালের আইনে, যে হাতে মিউটিনি দমন করেছিল ইংরেজ, নিঃশেষিত-শক্তি প্রজার মাথায় সেই হাতে অভয়মুদ্রা ফুটিয়ে, সেই হাতেরই তর্জনী উল্টে

জমিদারকেও শাসন করলে। জমিদারেরা পাণ্টাল; পাণ্টাতে বাধ্য হল।

তাদের কাছে ইংরেজ শুধু মিউটিনি দমনকারী শক্তিই নয়। ইংরেজ তার আগেই ক্রিমিয়ান ওয়ার জিতেছে। এদেশের লোকে মধ্যে মধ্যে কল্লনা করত, খাইবার পাস হয়ে কশ পল্টন আসছে; কখনও কখনও ইণ্ডিয়ান ওসেনে কশ রণতরীর গুজব উঠত। এ সবকিছুর স্বপ্নকে তাদের ঘরের মত সে ভেঙে দিয়েছে। সুতরাং তাদেরও শক্তি এবং সাবধান না হয়ে উপায় ছিল না।

তার সঙ্গে আর একটা বিচিত্র ঘটনা ঘটল। কিসের থেকে বা কোন ঐতিহাসিক কারণে না কোন বিচিত্র অভিপ্রায়ে দেশের মধ্যে একটা নতুন শ্রোত বইতে শুরু করল।

রামমোহন, বিজ্ঞানাগর এসেছেন, মাইকেল এসেছেন, বঙ্কিমের পদধ্বনি নিকটতর হয়েছে। ওদিকে দক্ষিণেশ্বরে এসেছেন এক ব্রাহ্মণ সন্তান। রানী রাসমণির কালীবাড়ীতে পঞ্চাশটার তলায় রাত্রি বসে থাকেন, ঘুরে বেড়ান।

স্বলতা, রত্নেশ্বর রায়ের মাতামহ শ্রামাকান্ত চট্টোপাধ্যায় যে ধর্মসাধনার বিকলিত্তে শুধু নিজের জন্মে নরকের দ্বার উন্মুক্ত করেই যান নি, গোটা দৌহিত্র বংশের মধ্যে তাঁর বাসনার পাপ বীজ পুঁতে দিয়ে গিয়েছিলেন, সে ধর্মসাধনার পথেই গদুধর চাটুজে স্বর্গের দ্বারমুক্তির পথ খুলতে চলেছেন।

১৮৬০ দশকের পদধ্বনি শোনা যাচ্ছে।

নবজাতকের কারার মধ্যে দেবেন ঠাকুরের বাড়ীতে এক নবজাতকের স্বর শোনা যাচ্ছে। ওদিকে মধ্য কলকাতার দত্তবাড়ীতে বাজছে আর এক নবজাতকের কর্ণস্বর।

রবীন্দ্রনাথ এবং নরেন্দ্রনাথ দত্ত—স্বামী বিবেকানন্দ। তাঁদের সঙ্গে ও পিছনে আরও অনেক স্বলতা। আচার্য প্রফুল্লচন্দ্র রায়, দ্বিজেন্দ্রলাল রায়, রামানন্দ চট্টোপাধ্যায়।

স্বলতা বললে—সে নাম অনেক সুরেশ্বর! সে সব আমি জানি!

—জান না, একথা আমি কখনই বলিনে। আমি বলছি, এই যে শ্রোত, এই যে ধারা, সেটা আর বাই হোক, সেটা ইংরেজের ভয়ে আসে নি। তবে যদি বল—ইংরেজ শাসন সেকালে ছুট ছেলে শাসন করা কটন ইস্কুল, সেই ইস্কুলে পড়ে শাসনের ভয়ে দেশে ভাল শ্রোত এসেছিল, তবে তাই না হয় হল। কিন্তু সেটা সেকালের উচ্চবিত্ত এবং উচ্চবর্ণের মধ্যে এসেছিল। সেটা রত্নেশ্বর রায়ের মধ্য দিয়ে রায়বংশে তিনি আনতে চেয়েছিলেন। শুধু কীর্তিহাটের রায়বংশেই নয়, অনেক জমিদারবংশেই এসেছিল।

ডাই, বীরেশ্বর রায় যে দেওয়ান আচার্যকে বলেছিলেন—রত্নেশ্বর বলছে, সেরেস্তাকে সে টেলে সাজাবে। পুরনো আমল আর চলবে না, সেটা তিনি মিথ্যে বলে আচার্যকে সরাতে চান নি। সে সত্যকে তিনি রত্নেশ্বরের সঙ্গে অল্প কথাবার্তা বলেই বুঝছিলেন।

সেটা রত্নেশ্বর রায় করেছিলেন। অস্তিত্ব করতে চেষ্টা করেছিলেন। মোটামুটি পেরে-ছিলেন, একথাও আমি বলব।

একটু চূপ করে থেকে একটা দীর্ঘনিঃশ্বাস ফেলে সে আবার বলেছিল—পরবর্তীকালে ছুটি হজ্য তিনি করিয়েছিলেন, তবুও তিনি আইন এবং ধর্মকে বড় করেই চলেছিলেন, একথা কেউ



অস্বীকার করতে পারবে না। অস্ত্রে কেউ জানত না। অস্ত্রত: সাধারণ লোকে কেউ এ ধরতে পারে নি, বুঝতে পারে নি। তাঁর ডায়রী পড়ে আমি বুকেছি, জেনেছি—আমিও তা বলতে পারব না। তাঁর আগে—।

তাঁর আগে আমি গোপাল সিংহের জীবনটা শেষ করে নি। এমন একটি ঘরেলাগা আঙুন বা বনে-লাগা আঙনের মত জীবন শেষ দশ বৎসর কেরোসিনের ডিবেল নিরীহ আলোর মত জ্বলেছে। সেটা আর চোখে পড়বার মত নয়। আমি বিধাসই করতে পারি নি।

১৯৩৭ সালের সেদিন, যেদিন বিমলেশ্বরকাকাকে ধরে নিয়ে গেল, সেই রাত্রে আমার মনে হয়েছিল, গোপাল নিশ্চয় এই ক্ষোভ তাঁর ছেলের বৃকের মধ্যে জ্বলে দিয়ে গিয়ে থাকবে।

নিশ্চয় সে বলে গেছে তাঁর ছেলেকে, ছত্রির ছেলে আমি। আমার শিবটা মাটিতে ঠেকল তো মরণ আমার হইয়ে গেল। বাপের এই মরণের শোধ লিবি।

অবশ্য সে কথার উল্লেখ রায়বাহাদুর রত্নেশ্বর রাঠোর ডায়রীতে থাকবার কথা নয়। তবে একথা তাঁর মনের মধ্যে থাকলে, নিশ্চয় কখনও না কখনও কোন ঘটনার, কোন কথার, কোন আচরণে প্রকাশ পেয়ে থাকবে।

এরই জন্তে স্মৃতি, সেদিন অর্থাৎ ১৯৩৭ সালে সেদিন রাত্রে আমি রত্নেশ্বর রাঠোর দিনলিপিগুলো পাতার পর পাতা উটে গিয়েছিলাম, শুধু খুঁজে গিয়েছিলাম একটি নাম। গোপাল সিং। ১৮৫৯ সাল থেকে ১৮৬৯ সাল পর্যন্ত। প্রথম প্রথম প্রায় প্রত্যেক পৃষ্ঠায় গোপালের নাম পেয়েছি।

“গোপাল ঠিক কথা মত আসিয়াছিল এবং হেঁট হইয়া সর্বসমক্ষে নমস্কার করিল। আমি হাসিয়া বলিলাম—ভাল আছে? সে বলিল—হ্যাঁ হজুরের মেহেরবাণীতে ঠিক আছে।

আমি তাহাকে একটি সিকি বকশিসের ছুঁম দিয়া হাতে দিয়া বলিলাম—খাজাঞ্চীবাংকে দাও।

সে আবার নমস্কার করিয়া চলিয়া গেল।”

বহরখানেক ধরেই এটা পেয়ে গেলাম। তারপর আর নিত্য নাম পাই নি। মধ্যে মধ্যে পেয়েছি।

১৮৬৯ সালে পেলাম গোপালের মৃত্যু সংবাদ।

রত্নেশ্বর রায় লিখেছেন—“আজ গোপাল সিং মারা গেল। মনটা খারাপ হইল। তাহার মৃত্যুতে একজন সভাকার অঙ্গগত হিতৈষী হারাইলাম।”

শেষ দিকে দেখলাম “গোপাল তাহার পুত্রকে মৃত্যুকালে বলিয়া গিয়াছে, যেন রায়বাহাদুর আশ্রয় ছাড়িল না। তাঁহার রূপাতেই ফাঁসির হাত হইতে বাঁচিয়াছি। এবং তে.রাও বাঁচিয়াছিল। নহিলে হয় ভিক্ষুক হইয়া ভিক্ষা করিয়া বেড়াইতে হইত। অথবা যে সব ভুক্তিক গেল, তাহাতেই সকলে পথের ধারে মরিয়া পড়িয়া থাকিতে হইত।”

সেদিন এর উত্তর পাই নি।

তবে নিজেই একটা সিদ্ধান্তে উপনীত হয়েছিলাম। মাহুব আগেরগিরি। তাঁর বৃকের আঙুন কখনও নেতে না। শুধু তাই নয়, মাহুব মরে গেলেও তাঁর বৃকের আঙুন তাঁর বংশের বৃকে

জলে দিয়ে যার। সিদ্ধান্ত আমার ভ্রান্ত নয়। ইতিহাস তার সাক্ষী দেবে। ১৯৩৭ সালে পৃথিবীতে এমন একটা ভয়ঙ্করতম আগ্নেয়গিরি ধোঁয়াচ্ছিল। তখন সারা পৃথিবীতে হিটলারের কথার বক্তৃতায় সে আগুন লকলক করে শিখা বের করে জ্বলছে।

একটু চুপ করলে সুরেশ্বর।

তারপর বললে—পরে আমি খবর নিয়েছিলাম। জেনেছিলাম, কিভাবে গোপাল সিংয়ের স্কোভটা বংশাবলীতে সঞ্চারিত হয়েছিল।

বিচিত্র পথ স্মৃতি। বিচিত্র পথ।

গোপালের সঙ্গে গোপালের স্ত্রীর মধ্যে মধ্যে কগড়া হত। সেট কগড়ার মুখে তার স্ত্রী বলত—তোমার মত বেইমান আমি দেখি নি। আমাকে তুমি আজ লাথি-ঝাঁটা মারছ। বেইমান তুমি ‘পাসর’ গিয়েছ যে সেদিন আমি ছত্রির মেয়ে রায়গিন্নীর পা ধরে ‘ভিখ মাগোয়ার’ ভিখ মেড়ে তোমার ছানটা বাঁচিয়েছিলাম।”

গোপাল ক্ষেপে গিয়ে মাথা চাপড়ে বলত—বেইমান আমি না। বেইমান তু। তু ‘পাসর’ গেলে কি তুর লেগে আমি গোপাল সিং এ মূলকের পের, আজ আমি ‘শিয়ার’ হয়ে বেঁচে আছি। তুর আর তুর বেটা-বেটীর পেট ভরাবার জন্যে রায়কাছারীতে সেলাম দিয়ে চার আনা, আঠ আনা পয়সা নিয়ে আসি। আজ রায়বাড়ীর চাকরান জনি চষি। চাকর বনে সেলাম, শিক তুর আর তুর বাচ্চাদের লেগে।

এর পর সে সবিস্তারে কখনও কখনও বলত—তার দুর্দশার কথা, লাহনার কথা। কথাটা ছেলের বুকে প্রবেশ করেছিল এইভাবে।

ছেলের থেকে তার ছেলের বুকে। হরি সিং দকাদার।

হরি সিংয়ের ছেলে শিবু সিং।

তুমি শুনেছ স্মৃতি, শিবু সিংয়ের কাছে দকাদার হরি সিং ভোরা আর পাশপলেট দেখে তাকে যে মুহূর্তে মতুলেশ্বরের সঙ্গে সংশ্লিষ্ট জেনেছিল, সেই মুহূর্তে তার বুকের পুরনো কথা নতুন হয়ে জেগে উঠেছিল। আগুন লেগেছিল। সারা রাত হরি সিং শিবুকে গোপাল সিংয়ের অপমানের কথা শুনিয়ে শুনিয়ে উত্তপ্ত করে তুলে তাকে খানার নিয়ে গিয়ে দারোগার হাতে দিয়েছিল এবং শিবু সেই আগুনের দহনে গলে হয়েছিল অপ্রাকৃত।

গোপাল সিংয়ের কাহিনী শেষ ১৮৬৯ সালে। কিন্তু তার শিকড় থেকে গিয়েছিল। ১৮৬৯ সাল থেকে ১৯৩৭ সালে তা থেকে ৬৮ বর্ষ গাছ বের হল। এবং ৬৮বর্ষ শেষ হয় নি। তারপরও তার জের আছে, জের চলছে।

বিচিত্রতরুভাবে পরে আর একটা এমনি মরা গাছের শিকড় থেকে গজানো গাছের সঙ্গে জড়িয়ে জট পাকিয়ে গিয়েছিল। এবং শেষ পর্যন্ত আমাকেই জড়িয়ে ধরেছিল পাকে-পাকে।

১৯৩৭ সালে সেদিন রাতে ঘুসুতে পারি নি। সেইদিনই করেছিলাম এই ছবিতে জবান-বন্দীর পতন।

১৯৩৭ সালের ২৪শে জানুয়ারী; তারিখটা আমার মনে রয়েছে স্মৃতি, রায়বাড়ীর জবানবন্দী—কীর্তিহাটের কড়চা আমি আরম্ভ করেছিলাম।

স্বপ্নের বললে—তার আগেই আমি ঠাকুরদাস পালের অপযাতি মৃত্যুর কথা জেনেছি, তোমার সঙ্গে সম্পর্কের সকল প্রত্যাশায় ছেদ টেনে দিয়েছি। কিন্তু কীর্তিহাটের রায়বংশের হিসেব-নিকেশের বোঝা বয়ে সারাজীবন বেড়াই—এ সংকল্প আমার ছিল না। ভেবেছিলাম—সেটেলমেন্টের হাক্কাঘাটা মিটিয়ে দিয়ে কোনরকমে এখান থেকে বেরিয়ে পাব। চিরদিন আমার বদনাম আছে—আমি একজন উদ্ভট খেলার মানুষ; অনেক টাকা আছে আমার, সুতরাং আমি কাল ঘোড়া, ব্যাকহর্স, অবশুস্তাবীরূপে সয়তান হবে আমার সওয়ার। এবং আমি তার চালনায় আমার ক্ষুরে অনেক কিছু—অনেক কোমল বস্তু—ক্ষত-বিক্ষত করে দিয়ে একদা এক অন্ধকার গর্তে পা ভেঙে পড়ে সকল দৌড়ের অবসান করব। রায়বাড়ীর যে-কলঙ্ক চাকতে রত্নেশ্বর রায় ঠাকুরদাস পালকে নিশ্চিহ্ন করেছিলেন অকৌশলে, তা জানায় আমার পক্ষে কাল ঘোড়া হওয়ার বাধা ছিল না। কিন্তু—

কিন্তু হঠাৎ কোথা থেকে অতুলেশ্বর আর অর্চনা রায়বাড়ীর একটা বিচিত্র, বিস্ময়কর রূপ প্রকাশিত করে দিয়ে বিপদ বাধালে। শিবু সিং তারই মধ্যে এসে গোপাল সিংয়ের ঘটনার জের টেনে সামনে দাঁড়িয়ে আমাদের কেমন করে দিলে। মনে হল কি জানি? মনে হল—রায়বংশের কর্মকালের মধ্যে একটা আশ্চর্য ঘন্ট বেধেছে। মন্দ কর্মের ফল ভাল কাজের পথরোধ করে দাঁড়াচ্ছে। গিলে ফেলতে চাচ্ছে সকল পুণ্যকে। পুণ্য-বল, স্মা-বল করতে হলে অত্যাশ্রয় দেনা শোধ করে তবে করতে হবে।

একটু ভুল হল; তার আগে—মানে শিবু সিংকে নিয়ে বিমলেশ্বরকাকা যে-নতুন দৃষ্টের পটৌস্তলন করলে, ২৪শে জানুয়ারী-এর ক’দিন আগে থেকেই ছবি আঁকার কল্পনা আমার হয়েছিল। মনে আছে—আমি বলেছি—কুইনীকে নিয়ে হাঙ্গামা বাঁধিয়েছিল সেই ফিরিঙ্গী হারিস। হারিসের দাবী কুইনীর ওপর। গোয়ান বুড়ী হিলডা তাকে তার হাতে দেবে না।

মীমাংসা করতে গিয়েছিলাম ছবি আঁকা ফেলে। ছবি আঁকব বলে ইজেলের উপর ক্যানভাস বসিয়ে সব ভুলি ধরেছি, ঠিক এই সময়ে সে পিছু ডাকার মত ডাকলে। বললে—আমি মীমাংসা করে দেবার ভার নিয়েছি, কথা দিয়েছি, আশা করি আমার মত একজন লর্ড-বংশের ছেলে সে-কথা কখনই খেলাপ করবেন না তিনি।

বিরক্ত হয়ে তখনই তুলি ফেলে উঠে গিয়েছিলাম। লোকজন কাউকে সঙ্গে না নিয়েই গিয়েছিলাম গোয়ানপাড়া। সেখানে গিয়ে বগড়ার মধ্যে রায়বংশের নাম উঠল। এবং অস্ত্রের কাছে থরা পড়ুক আর নাই পড়ুক, আমার কাছে থরা পড়ল আসল সত্য। সে-সত্য ইচ্ছিতে আভাসে বলেছি যে, কুইনীর উপর দাবী হিলডাই করুক আর হারিসই করুক, কুইনীর দায় রায়বংশের। আমার পিতামহ দেবেশ্বর রায় তার অস্ত্র দাবী। আমি মাথা হেঁট করে চলে এসেছিলাম। মীমাংসা আমাদের করতে হয়নি। কুইনী হারিসের দাবী প্রত্যাখ্যান করে নীরবে চলে গিয়েছিল। মনে হয়েছিল, হিলডার দাবী সে মেনে নিলে। কিন্তু পরের দিন এসে সে আমাদের দেবেশ্বর রায়ের চিঠি আর রত্নেশ্বর রায়ের দলিল পড়তে দিয়ে চলে গেল।

আমি দেখতে পেলাম—শ্রাম্যাকান্তের সোমেশ্বরের পাপ রত্নেশ্বরকে জিভিয়ে এসে আবার

দেবেশ্বর রায়ের মধ্যে ফুটে বেরিয়েছে। শ্রামাকান্তের পাপ ধর্মের মধ্য দিয়ে সোমেশ্বরের পাপ সম্পদের মধ্য দিয়ে।

মনে মনে ছবির কল্পনা জাগল—তিনখানা মুখ আঁকব। একের উপরে আর একটা। শ্রামাকান্তের মুখের আউট-লাইনের মধ্যে সোমেশ্বরের মুখের লাইন তার উপর দেবেশ্বরের মুখ। তার চারপাশে একটা কালো ধোঁয়াচ্ছন্নতার পরিবেষ্টনী।

১৯৩৭ সালের ২৩শে জাহ্নারী রাত্রে বিমলেশ্বরকাকা শোধ নিতে গেল শিবু সিংয়ের উপর। ২৪শে দারোগা এসে অ্যারেস্ট করলে। তাকে কোমরে দড়ি বেঁধে নিয়ে ঘোড়ালে সারা গ্রাম। দেখলাম ঘাড়ে-প্রতিঘাতে রায়বংশের কর্মকল আজও স্তম্ভ হয়নি। সে বয়েই চলেছে।

আমার নিজের মনের মধ্যেও অল্পভব করলাম সে-স্রোত বইছে। বিমলেশ্বরকাকার স্ত্রী বর্ধমানের কাকী আমাকে শপথ করালেন—এর শোধ আমি নেব।

গোপাল সিংয়ের কাহিনীটা গোটা পড়লাম। রায়বংশের দায়-অপরাধ পেলাম না তা নয়, পেলাম; কিন্তু তার সঙ্গে পেলাম রায়বংশের ক্ষমা-গুণেরও পরিচয়। এর পর ছ'মাস ধরে রায়বংশের ইতিহাস তন্ন তন্ন করে রায়বংশের জবানবন্দী এবং কীর্তিহাটের কড়চা আঁকলাম ছবিতে। তার মধ্যে শুধু মাহুঘের অপরাধটাই পেলাম না, আরও কিছু পেলাম। ইতিহাস আমাকে বুঝিয়ে দিলে, একটা কালের গৌরব আর একটা কালের অগৌরব। এক কালের শ্রায়, অস্ত্র কালের অন্তায়। আগি তাকে এড়াতে চেষ্টা করেছি। কিন্তু পারিনি, আমি জানি এ-কালে জন্মে তার দৃষ্টিভঙ্গী তার নির্দেশ অস্বীকার করব কি করে?

ঠিক সেই কারণেই সুলতা, গোপাল সিংহের ওই সাপ ধরা ছবিখানা—প্রতীক-ধর্মী হয়ে উঠেছে আপনাআপনি। ওটাতে গোপালের জীবন যেমন আছে, তেমনি আছে বাংলাদেশের একটা কালের ইঙ্গিত। প্রজ্ঞাশক্তি বাঁধা পড়ল নাগপাশে।

কাল বদল হচ্ছে।

সেটা স্পষ্ট হয়েছে দেখ পরের ছবিতে। সেখানে প্রজ্ঞার সঙ্গে জমিদার পাণ্ডাচ্ছে।

সুলতা বললে—ওটা তো রত্নেশ্বর রায়ের চোপ-পরা ছবি—পাশে কনে-মুকুট-পরা কনে। তারপর—ওটা আবার কার বিয়ে?

স্বরেশ্বর বললে—ওটা তোমার পূর্বপুরুষ ঠাকুরদাস পালের বিবাহ। বীরেশ্বর রায় এবং ভবানী দেবী—দুজনের বিবাহ একসঙ্গে দিয়েছিলেন। বীরপুরের ভগবান মণ্ডলের শ্রালকের মেয়ের সঙ্গে। কীর্তিহাটের যে রংলাল মণ্ডল অতুলের ডাকা কংগ্রেসের সভায় সভাপতিত্ব করেছিলেন, যার ছেলে উকিল হয়েছে, কনে তাঁর পিসীমা। শ্রামনগর পুড়ে যাওয়ার সময় তার স্ত্রীপুত্র সব গিয়েছিল। রত্নেশ্বরকে সেই বাঁচিয়েছিল। সে-কথা ভোলেননি বীরেশ্বর রায় এবং ভবানী দেবী। রত্নেশ্বরও তাই চেয়েছিলেন।

সুলতা কিছুক্ষণ ছবিখানার দিকে নির্ণিমেষ দৃষ্টিতে তাকিয়ে দেখলে। তারপর পরের ছবিখানার দিকে তাকিয়ে বললে—এখানা? এ-তো রত্নেশ্বর রায়—সর্বালঙ্কার-ভূষিতা স্বর্ণলতা—

—ওটা নয়, ওর পরের খানা। যেখানার দেখ রত্নেশ্বর রায় কীর্তিহাটের কাছারীতে

বসেছেন।

—কিন্তু এখানে? এখানায় রত্নেশ্বর রায় আর স্বর্ণলতা দেবী, তার সঙ্গে আর একটি মেয়ে—

—ওই অঞ্জনা।

—অঞ্জনা! এই অঞ্জনা?

—হ্যাঁ, এই অঞ্জনা।

—অঞ্জনার ছবি এর আগে তো এঁকেছ?

—হ্যাঁ এঁকেছি। কিন্তু তার কোনটাতেই অঞ্জনা খুব স্পষ্ট নয়। প্রথম আছে জিড়ের মধ্যে—পুরবাসিনীদের সঙ্গে গিশে। তারপর বেটাতেই আছে, অঞ্জনা হয় পিছন ফিরে আছে, নয় মুখের অভিজ্ঞ অংশই আছে।

সুলতা একদৃষ্টে ছবিখানার দিকে তাকিয়ে রইল।

সুরেশ্বর বললে—কি দেখছ বল তো?

—কিন্তু মনে হচ্ছে এই ছাঁচের মুখ যেন দেখেছি। আরও আছে। বলছ অঞ্জনার মুখ কোথাও পুরো দেখাওনি। কিন্তু তবু মনে হচ্ছে কার সঙ্গে মিল রয়েছে। কার ঠিক মনে হচ্ছে না।

সুরেশ্বর সিগারেটের ধোঁয়া ছেড়ে বললে—তার আর আশ্চর্য কি সুলতা। মাহুশ শিল্পীর হাতে আর ক'রকমের ছবি আসবে বল। বড়জোর দুটো-তিনটে-চারটে। পোট্রেট যারা আঁকে, তারা আসল মাহুশ দেখে কিবা ফটোগ্রাফ দেখে আঁকে। আমাদের তো বেশীর ভাগ ক্ষেত্রে কল্পনা সঞ্চাল করতে হয়েছে। রায়বংশের রায়দের অয়েল-পেন্টিং ছিল, ফটোগ্রাফ যখন থেকে হয়েছে, ফটোগ্রাফও পেয়েছি। বাকিদের তো সবটুকু কল্পনার এঁকেছি। মাহুশের কথা ছেড়ে দাও, বিধাতাপুরুষ যে বিধাতাপুরুষ তিনি যখন সৃষ্টি করেন, তখন একটা বংশের মাহুশ-গুলোকে প্রায় একরকমই করে থাকেন। মধ্যে মধ্যে অন্য বংশের মেয়ে এসে তাদের বংশের ছাপ মিশিয়ে একটু-আধটু পাল্টে দেন মাত্র।

সুলতা ছবিটা তখনও দেখছিল। সে বললে—কিন্তু ছবিটাতে তুমি একটা ঘটনার কথা বলেছ। সেটা কি? ঠিক তো রত্নেশ্বরের বিবাহিত জীবনের মধুচন্দ্রিকা নয়?

—না, তা নয়। ছবিটাতে দেখ নতুন বউ স্বর্ণলতা দেবী ইংরিজী বই হাতে বসে রয়েছেন। এস-ডিও রাধারমণবাবু ইংরিজী-নবীশ, তিনি মেয়েকে ইংরিজী পড়িয়েছেন। রায়বাড়ীর যে অন্দর রাজকুমারী বউ-রাণী কাত্যায়নী দেবী পত্তন করে গিয়েছিলেন, সেই অন্দরের হাল বদলাচ্ছে স্বর্ণলতা দেবী থেকে। বীরেশ্বর রায়ের গৃহিণী সতীবউ, ভবানী দেবী মিশনারী ইন্সুলের মাস্টার মহেশ্বরবাবুর পালিতা কন্যা, তিনিও লেখাপড়া জানতেন, শুধু বাংলাই নয়, কিছু ইংরিজীও শিখিয়েছিলেন। কিন্তু তা তাঁর ওপর প্রভাব ফেলতে পারেনি। তাঁর রক্তে এমন কিছু ছিল, যাতে শিক্ষার থেকে সংস্কার বড় হয়ে উঠেছিল। সেটা আবার জন্মগত সংস্কার। বাগের সঙ্গীতবিদ্যার অধিকার জন্ম থেকে নিয়ে জন্মেছিলেন। তার সঙ্গে ধর্ম-পিপাসা। যার জন্মে রাজ্যপাট তাঁকে বাঁচতে পারেনি। রাজরাণী হয়েও তিনি সন্ন্যাসিনীই

থেকে গেছেন আজীবন। রায়বাড়ীর কীর্তিহাটের অন্তরে রাজস্ব চলছিল রাণী কাত্যাবনী মাসভূতো বোন নিস্তারিণী দেবীর। আর কলকাতায় সোমি বাড়িরে। রায়বাড়ীর অন্তরের হাল এই প্রথম পাণ্টালো রত্নেশ্বর-বধু স্বর্ণলতা দেবীর পদার্পণে। এস-ডি-ও'র মেয়ে ইংরিজী বিজে ইংরিজী ফ্যাশনের হাওয়া বইয়ে দিলেন সেখানে। অবশ্য যৎসামান্য। ছবিটাতে অঞ্জনা স্বর্ণলতা দেবীর নাম দিচ্ছে। রায়বাড়ীর বউদের আসল নাম ঢাকা দিয়ে পোশাকী নাম বা জমিদারশাহী নামকরণ হত। জাহাঙ্গীর বাদশার হারেমে ঢুকে যেহেরউদ্দিনা হয়েছিলেন নূরজাহান বেগম। সাজাহান বাদশাকে বিয়ে করে নূরজাহানের ভাইয়ের আরজমলবাহু হয়েছিলেন মমতাজ মহল। সেকালে জমিদার-রাজাদের বাড়ীতেও এই রেওয়াজ ছিল। ভবানী দেবীর দেওয়া রত্নবউ নামটা কিছুদিনের মধ্যেই পাণ্টে হয়ে গিয়েছিল বিজেবতী বউ। রায়বাড়ীর অন্তরের জাতি-পোষ্যমেয়েরা ঠাট্টা করে নামটা দিয়েছিল। নিজেদের মধ্যে বলাবলি করত। স্বর্ণলতা দেবী চটেছিলেন। অঞ্জনা যেয়েটির কথা বলেছি সুলতা। তার একটা ছন্দ ছিল নদীর মত। সেটা যেমন সহজ তেমনি সুরেলা। সে এই বিজেবতী নামটা পাণ্টে দিয়ে নাম দিয়েছিল—সরস্বতী বউ। সতী-বউয়ের বেটার বউ—সরস্বতী বউ।

সুলতা বললে—এসবগুলি কিন্তু চমৎকার ফুটেছে। গোপাল সিংয়ের ছবিটা বোধহয় সব থেকে বোঝে। গোপাল সিং নাগপাশের সঙ্গে লড়াই করছে।

আর একটা সিগারেট ধরিয়ে সুরেশ্বর বললে—ঠিক ধরেছ। রায় এস্টেটের দুর্ধর্ষ দুর্দান্ত প্রজার রিপ্রেসেন্টেটিভ গোপাল সিং। ওর সঙ্গেই দুর্ধর্ষ দুর্দান্ত প্রজাকে জবরদস্তি জঙ্গীশান শেব হয়েছিল রায় এস্টেটে। এই দেখ—এই সরস্বতী বউ নামকরণের ছবিখানার পরের ছবিখানায় রত্নেশ্বর রায় সেই নির্দেশই জারী করছেন কাছারীতে।

ওই দেখ, কাছারীর ঘরে বড় সেক্রেটারিয়েট টেবিল পড়েছে। গদী-জাঁটা চেয়ারে বসেছেন রত্নেশ্বর রায়। তাঁর ডানদিকে নতুন দেওয়ান দাঁড়িয়ে। ছুপাশে সারিবন্দী কর্মচারী নায়েব-গোমস্তারা। পিতলের তকমা-জাঁটা পোশাক-পরা বরকন্দাজরা দরজার দাঁড়িয়ে।

একটু থেমে বললে—ছবিখানাতে একটু এ্যানাক্রনিজিমের মত দোষ আছে। দেখ, টানা পাঁচাগুলো একটু বেকে রয়েছে অর্থাৎ চলছে। পিছনে বড় তালপাখা হাতে একজন খানসামা। অথচ রত্নেশ্বরের গায়ে ইসিয়ারাদার শাল দিয়েছি। প্রলোভনটা স্বরূপ করা উচিত ছিল আমার। কিন্তু রত্নেশ্বর রায় জাঁকজমক ভালবাসতেন। আর সভা-মিতি, দরবার, কালেক্টরসাহেবের খাম কামরায় দেখা করবার সময় ছাড়া কখনও চোগা-চাপকান জামলা এসব পরতেন না। পরতেন কৌচানো ধুতি, সে-আমলের পাঞ্জাবি, পাঞ্জাবির নীচে কতুয়া কি গেঞ্জি পরতেন না। কিন্তু পাঞ্জাবির ভিতর দিয়ে তাঁর দেহের গৌরবর্ণ ফুটে উঠত। বীরেশ্বর রায় প্রথম ঘোবনে বাবরী চুল রেখেছিলেন। পরে কলকাতায় এসে কেটে ফেলেছিলেন। রত্নেশ্বর রায় গোড়া থেকেই খাটো করে চুল কাটতেন। দাড়ি-গোঁক জুট কামাতেন। শুধু শাদা পাঞ্জাবিতে কাছারীর দরবারে তাঁর জাঁকজমক-প্রিয় চরিত্র ঠিক প্রকাশ হত না বলেই ইসিয়ারাদার কাছারী শাল তাঁর গায়ে দিয়েছি।

সুলতা ছবিখানা দেখছিল।

সুরেশ্বর পাশাপাশি তিনখানা ছবিতে রত্নেশ্বরের দৃষ্টি তিন রকম করেছে। শিল্পী সুরেশ্বরকে প্রশংসা না করে পারলে না সে। প্রথম বিবাহমণ্ডপে বর-বধূর ছবিতে রত্নেশ্বরের দৃষ্টি আনন্দোজ্জ্বল, প্রসন্ন হাসি ফুটেছে সে-দৃষ্টিতে। দ্বিতীয় ছবিতে, যেখানে স্বর্ণলতার নামকরণ করেছে অঞ্জনা, সেখানে সে-দৃষ্টি অন্তরমনস্ক। অঞ্জনা এবং স্বর্ণলতার মাঝখান দিয়ে খোলা দরজায় নিবন্ধ। দরজার চোকাঠের মাথা থেকে সফ্র শাদা একটি দাগ, তাতে যেন একটা কি! তারই দিকে চেয়ে আছেন রত্নেশ্বর রায়। তৃতীয় ছবিখানার তাঁর দৃষ্টিতে মালিকের দৃষ্টি। তীক্ষ্ণ, গভীর।

সুরেশ্বর বললে—রত্নেশ্বর রায় সেদিন নির্দেশ প্রচার করেছিলেন—কীর্তিহাট এস্টেট এখন থেকে পুরনো আমল বদলে নতুন আমলে এসে। এ আমলে এস্টেট চলবে আইনের পথে। বে-আইনের পথে চলবে না। আইনে যতটুকু আছে, ততটুকু ছাড়া জোরজবরদস্তি বন্ধ।

প্রজার খাজনা বাকি—তার কাছে তাগাদা কর, তারপর নালিশ কর। নালিশী ডিগ্রীর টাকার এক পয়সা মকুব নাই।

আবগুয়াবের মধ্যে তহরী, তলবানা, নজরানা বহাল রইল। এছাড়া কোন মাঙন, কোন আবগুয়াব রইল না।

স্বত্বস্বামীত্বের ক্ষেত্রে কৌজদারী আমরা করব না। তারা করতে এলে আমরা অবশ্যই ঠেকাব। কিন্তু এগিয়ে যাব না।

প্রজাকে মারধর বন্ধ।

কোন প্রজার কোন অত্যাচার, কোন পাপ আমি বরদাস্ত করব না। কোন মামলার হাই-কোর্ট পর্যন্ত না গড়ে আমরা হার স্বীকার করব না। যে-প্রজা এস্টেটের অবাধ্য হবে, তার সঙ্গে সবক্ষেত্রে মামলা হবে। সে খাজনা দিতে এলে নেবে না। তার পথ খোলা। সে আদালতে দাখিল করুক। আমরা অপোনে নেব না। প্রয়োজন হলে প্রতি কিস্তীতে নালিশ হবে। সে চার আনা দাবী হলেও নালিশ হবে।

সে-সব ক্ষেত্রে সরকারী খাস পত্তিতে সে গরু চরাতে পাবে না। বন্ধ করবে না পথ, আর বন্ধ করবে না ঘাট। তাছাড়া জমিদারের খাস যাকিছু তার একগাছি খাস সে পাবে না।

রায় এস্টেটের গোয়স্তা, নায়ের, বরকন্দাজ, পাইক প্রত্যেকের বেতন বৃদ্ধি হল। তাঁরা প্রজার কাছ থেকে বে-আইনী কিছু আদায় করতে পাবেন না।

আরও একটা নির্দেশ ছিল—রায় এস্টেটের জমিদারীর মধ্যে যেসব দেবস্থলের মালিক জমিদার, যেখানে দেবস্থলের খরচ জমিদারের দেওয়া দেবোত্তর থেকে চলে, সেখানে পুরোহিত-পূজক অনাচারী হলে তা বরদাস্ত করা হবে না। তাছাড়াও অনাচারী তান্ত্রিক সাধু-সন্ন্যাসীর আশ্রম বাড়ল-বট্টমন্দের আখড়া এসবও তুলে দেওয়া হবে। এ তিনি বরদাস্ত করবেন না।

সবশেষে তিনি বলেছিলেন—তোমরা কেউ মনে করো না যে, এটা আমার উদ্ভট খেয়াল কিবা খুব একটা সাধু-সন্ন্যাসী-গিরি করছি আমি। এটা হল এই আমলের পথ। আগেকার আমল চলে গিয়েছে। এ-আমল নতুন। আগের আমল ছিল কোম্পানীর আমল; তারা ব্যবসা করতে এসেছিল। তারা লাভ করতে এসেছিল—লাভ হলেই সন্তুষ্ট থাকত; খাজনার

টাকা আদায় তুমি যে করে হয় কর, আমি দেখব না, তুমি আদায় করে আমাকে দাও। বাস। তাদের টাকা জুগিয়ে তুমি যা কর—কর, দেখব না। এখন ইংলণ্ডের কুইন ভিক্টোরিয়া আমাদের কুইন; মহারাজার রাজত্ব। তাঁর চোখে সব প্রজা সমান। জমিদার প্রজা, বড়লোক-গরীবলোক সবাই প্রজা, সবাই সমান। তার জন্যে আইন করেছেন, নতুন আইন হচ্ছে—হবে। সেই আইন মেনে চলতে সকলে বাধ্য। আগে ঘুষ চলত, এখনও হয়তো চলছে কিন্তু তা বেশীদিন বোধহয় চলবে না। ইংরেজদের বিচারের মত হুন্স বিচার এদেশে ছিল না—এমন হুন্স বিচার হয় না। কাজীর বিচার নয়। এ-বিচার অতি হুন্স বিচার। প্রজার উপর অত্যাচার হলে জমিদার তো জমিদার, প্রজা আদালতে গিয়ে গভর্নমেন্টের নামে নালিশ করতে পারে। তারপর নতুন লেখাপড়া এনেছে ইংরেজ। লোকের চোখ খুলছে। ইংরেজ এদেশে একরকম ঈশ্বরপ্রেরিত। মন্ত বড় জাত। এতটুকু একটা দেশ—সারা পৃথিবী চবে বেড়াচ্ছে। তার পরাজয় কোথাও নেই। স্তবরাং এসব আর চলবে না। আমাদের স্বশ্রমশাই এস-ডি-ও। তিনি আমাকে বলেছিলেন—বাবাজী, তোমাদের এজেন্টের ধারাবাহারন পাটোও। ইংরেজ-জাত বড় কঠিন জাত। সাতসমুদ্র-তের-নদী পার হয়ে এসেছে, জাহাজ করেছে, স্টীমে চলছে। রেল-লাইন পেতে রেলগাড়ীতে তিন মাসের পথ তিন দিনে পৌঁছে দিচ্ছে। বিদ্যুৎশক্তিতে টেলিগ্রাফ করেছে, এখান থেকে দিল্লী খবর যাচ্ছে মুহূর্তে। দেশের হালের বদলের এই শুরু। এই বদলের সঙ্গে যারা বদলাবে, তারাই থাকবে, শুধু থাকবে নয়—উঠবে, দিন-দিন উঠবে, যে না বদলাবে, সে মরবে।

সুরেশ্বর বলে—এই দীর্ঘ বক্তৃতাটির সবটাই তাঁর ডায়রীতে আছে। হয়তো আরও অনেক বলেছিলেন, কি বলেছিলেন জানি না, তবে এটুকু লিখে গেছেন। তাঁর সঙ্গে আরও লিখেছেন—

“ইংরাজ ঈশ্বর-প্রসাদে আজ বিশ্ববিজয়ী। শুধু ভারতবর্ষ জয় করিয়াছে বলিয়াই নয়—ক্রিমিয়ায় সে বিজয়ী হইয়াছে। যে রূপ-ভীতির কথা লইয়া দেশে অনেক প্রকার জল্পনা-কল্পনা করিত, তাহা মিথ্যা প্রমাণিত হইল। মধ্যে মধ্যে আকগানিস্তানের আমীরের কথা বলিত। বিশালকায় দুর্দান্ত, দুর্দর্ষ আকগান সৈন্তের ভয় দেখিত, কিন্তু আকগানিস্তানের আমীর আজ ইংরাজেরই অঙ্গগ্রহ ভিকা করিতেছে। ব্রহ্মদেশে পর্যন্ত ইংরাজ পদার্পণ করিয়াছে। ব্রহ্মের অধীশ্বর আজ রেহুন হইতে মান্দালয়ে পলায়ন করিয়াছে। ইংরাজ বিশ্ববিজয়ী। তাহার জ্ঞান-বিজ্ঞানের তুলনা নাই। আজ আইনমত না চলিয়া উপায় নাই। তাহা ছাড়াও পিতামহ সোমেশ্বর রায়ের এবং পিতৃদেবের দৃষ্টান্ত এবং-মাতামহ শ্যামাকান্তের দৃষ্টান্ত মনে রাখিয়া নুতনভাবে নুতন পথে যাত্রা শুরু করিতে আমি বদ্ধপরিকর। শ্যামাকান্তের এবং সোমেশ্বর রায় মহাশয়ের কুশলিত কুসংস্কার আমি আমার জীবন এবং বংশ হইতে মুছিয়া দিতে বদ্ধপরিকর। পিতৃদেবের দুর্দান্ত দুঃসাহসের পথ, তাহাও পরিত্যজ্য। আমি ঈশ্বর এবং ধর্মকে মানি না তাহা নয়, কিন্তু ওই শব্দাধনা, নারী লইয়া সাধনাকে কুসংস্কার এবং বিকৃত ধর্মাচার বলিয়াই মনে করি। এবং পিতৃদেবের জীবনকেও আদর্শ বলিতে পারি না। ব্রাহ্ম আমি হইব না, ধর্ম পরিত্যাগ করিব না, কারণ উপায়ও নাই। প্রপিতামহ কুড়ারাম রায় ভট্টাচার্য এই বংশ এবং



এস্টেটের পতনই দেবসেবার উপর করিয়া গিয়াছেন। আমি শুদ্ধাচারে বৈদিক ধর্মমতে থাকিব এবং সম্পূর্ণ আইনের পথে চলিব। জমিদারীর ক্ষেত্রে রাজার আইনই একমাত্র ধর্ম।”

\*

\*

\*

সুরেশ্বর বললে—গোপাল সিংয়ের পৌত্র হরি সিংয়ের উপর শোধ নিতে পথ খুঁজতে আমাদের চিন্তা করতে হয় নি। বিমলকাকা এমন শাস্ত্র লোক হয়েও ভুল করে বীরেশ্বর রায়ের পথ নিয়েছিলেন। আমি রত্নেশ্বর রায়ের নির্দিষ্ট পথ নিয়েছিলাম নির্ভয়ে। ইংরেজ সরকার তাকে রক্ষা করতে চাচ্ছে কিন্তু পারবে না, আমি তার উপর কিস্তী কিস্তী নালিশ করব। ইংরেজকেই আমাদের ডিগ্রী দিতে হবে। তার আদালতের পেয়াদারা এসে তার যথাসর্বস্ব ক্রোক করবে। সে যাবে কোথায়?

সুলতা, আমার মনে আছে, সেদিন মনে জমিদারীর নেশা লেগেছিল, আমি রঘুকে বলেছিলাম—দে রঘু, বোতলটা দে।

সুলতা বললে—তোমার জমিদারগৌরব পরে শুনব, কিন্তু রত্নেশ্বর রায় দুটো লোককে খুন করিয়েছিলেন বলছিলেন। সে জমিদারীর জন্তে নয় বলছ তুমি?

সুরেশ্বর বললে—না সুলতা, জমিদারীর জন্তে নয়, যে দুটো খুনই তিনি করিয়েছিলেন তার কোনটাই জমিদারীর প্রয়োজনে করান নি। সংসারে রাম রাজেশ্বর কথাও আছে, রাবণ রাজেশ্বর কথাও আছে।

বাঁকা হেসে সুলতা বললে—কি বলছ তুমি? রত্নেশ্বর রায় দুটো খুন করিয়েছিলেন রামচন্দ্রের সীতা নির্বাসন এবং শূদ্রতপস্বী বধের মত পুণ্যকর্ম ভেবে করেছিলেন?

—কথাটা তুমি অনেকটা ঠিকই বলেছ সুলতা। রামচন্দ্র রাজা না-হলে এ দুটো করতেন না। আমার কথাটা আমি শেষ করি নি; তুমি তার আগেই মন্তব্য করেছে। রামচন্দ্র রাজা না-হলে—সীতাকে সতী জেনেও পরের মিথ্যা সন্দেহে নির্বাসন নাও দিতে পারতেন। আর শূদ্রক তপস্বী করার দরুণ অনাবৃষ্টি হয়েছে এর জন্য তাকে শাস্তি তিনি দিতেও পারতেন আবার নাও দিতে পারতেন। অনেক মানুষ আছে যারা রাজা নয় জমিদার নয় তাদের মধ্যে অনেকে স্ত্রীকে হরণের জন্তে—যে হরণ করে তাকে খুন করে, অনেকে আর এক বিয়ে করে দিয়া সুখেন্দুজনে থাকে, আর পাড়ার বা গ্রামের বদমাসকে কেউ কেউ শাস্তি দেওয়ার ভারটা কর্তব্যবোধে ঘাড়ে তুলে নিয়ে দাঙ্গা-মারপিট করে হাঙ্গামা বাধায় জেলেও যায়। কিন্তু রাজা হলে ওই রায়ের মতই কাজ না করে উপায় থাকে না।

—তার মানে?

—ধর, ঠাকুরদাস পাল রায়বংশের গোপন পাপের কথা প্রকাশ করব বলে ভয় দেখিয়েছিল। এ ক্ষেত্রে রত্নেশ্বর রায় সাধারণ লোক হলে তার সঙ্গে হাতাহাতি করতে পারত আবার মুখ বুজে সরেও যেতে পারত। কিন্তু জমিদার রত্নেশ্বরের ঠাকুরদাস পালের মুখ বন্ধ না করে উপায় ছিল না। ওটা জমিদারী রক্ষার জন্তে বা জমিদারীর আর বাড়াবার জন্তে নয়। ওটা জমিদার হওয়ার জন্তে। দ্বিতীয় খুনটাও তাই। একজন গোয়ালকে তিনি কোথায় হারিয়ে দিয়েছিলেন, সে কেউ জানে না।

—রায় বাড়ীর মৰ্যাদা ?

—রত্নেশ্বর লিখেছেন তাই তাঁর ডায়রীতে। কিন্তু ঠিক তা নয়। অজ্ঞানা যদি ভ্রষ্টাই হয়ে থেকেছিল, তাতে রায়বাড়ীর মৰ্যাদা ক্ষুণ্ণ হবার কথা নয়। অথচ এটাকে তিনি তাইই ভেবেছিলেন! ওই ছবিখানা আর একবার দেখ সুলতা। ওই যে বিবাহের ছবির পর, যেখানে রত্নেশ্বর রায়, স্বর্ণলতা দেবী বিজ্ঞাবতী বউ, এবং অজ্ঞানা তিনজন রয়েছে, সেখানার দিকে। অজ্ঞানা বলছে—বিজ্ঞাবতী না—নাথ থাকুক সরস্বতী বউ। জ্যাঠাইমা সতী বউ, তার বেটার বউ সরস্বতী বউ। বিজ্ঞাবতী যেন ঠাট্টা ঠাট্টা। বিজ্ঞেশ্বরের বিজ্ঞে-বিজ্ঞে।

—মেয়েটি তো লেখাপড়া জানত না বলছ।

—কিন্তু বলেছি ছড়া, পাঁচালী, এসব মুখস্থ ছিল, বিজ্ঞেশ্বরের সে আমলে খুব চল ছিল। কে তাকে পড়িয়ে শুনিয়েছিল জানি না। তবে বিজ্ঞেশ্বরের কাকুর কাছে সে শুনছিল। এখানই স্বর্ণলতা বলেছিলেন—কর্তা গিন্নীকে বলে অজ্ঞনাকে আমাকে দাও। ওঁরা তো শুনছি এইবার কলকাতা যাচ্ছেন। তারপর যাবেন পশ্চিম। কালী গয়া বুদ্ধাবন তীর্থ করতে। ওরই মধ্যে রত্নেশ্বর রায়ের ওই গোয়ানটার হারিয়ে যাওয়ার বীজ লুকিয়ে আছে।

সুরেশ্বর বললে—এই দুটো খুনের যা কারণ তা জমিদারীর প্রজ্ঞাশাসন, প্রজ্ঞাশোষণ এ সব-কিছুর ভিত্তি নয়, এর কারণ যা তা জীবনে অনেকের ঘটে থাকে হয়ে থাকে। মা-বাপের নামে কেলেকারী অপবাদ রটনা করলে এ কাজ ক্রেতবশে যে কোন লোক করতে পারে। তবে জমিদার বলে রত্নেশ্বর রায়ের পক্ষে সহজ হয়েছিল, যদি বল স্বাভাবিক হয়েছিল, তবে তাতেও আপত্তি করব না।

আর এই গোয়ানের ব্যাপারটা, ওটাও তাই বলা যায়—তবে ওর আসল কারণটা অল্প, দেখেছ, রত্নেশ্বর রায়ের দৃষ্টি অজ্ঞানা এবং স্বর্ণলতার মাঝখানে একটা মাকড়সা ছাদ থেকে সূতো টেনে নামছে সেটার দিকে? দেখ সূতোটা ছলছে, ছাদ থেকে রাইট অ্যাংগেল করে নেমে আসেনি, একটুখানি বেঁকে আছে।

সুলতার চোখ উজ্জ্বল হয়ে উঠল, বললে—তুমি ওটা বড় ভাল কল্পনা করেছে সুরেশ্বর। মাকড়সাটা অজ্ঞনার দিক ঘেঁষে বেঁকে রয়েছে। তুমি—কি—

সুরেশ্বর বললে—হ্যাঁ। তাই।

—রত্নেশ্বর সাধুতার আবরণে—

—না, আবরণে নয়। ওটার ইন্টারপ্রেটেশন অল্পে যে যা করবে কল্পক আমি তা করি নি। তা করব না। কখনও না। রত্নেশ্বর রায় নিজের জীবনে কোন অসাধুতা কোন অন্যায়কে প্রত্যাশ করেনি। মাহুত তিনি, তার মনও মাহুতের মন, তাঁর মনে যখনই কোনও অন্যায় অসাধু প্রবৃত্তি উঁকি মেয়েছে, তখনই তাকে তিনি চাবুক মেরে সার্কাসের ট্রেনার যেমন বাঘ সিংহকে খাচায় ঢোকায় তেমনি করেই তাদের পিঞ্জরেতে পুরেছেন। নির্মমভাবে নিজেই আঘাত করেছেন তিরস্কার করেছেন।

এর ইন্টারপ্রেটেশন আমার কাছে ওই রায়বাড়ীর রক্তে শ্রামাকান্ত এবং সোমেশ্বরের ধর্ম-সাধনায় ভ্রষ্টতার পাপ। শ্রামাকান্ত যেমন শেষ জীবনটা ক্রমাগত নিজেকে কামড়ে ক্ষতবিক্ষত

ক'রে শাসন করতেন, ঠিক তেমনি ক'রেই রত্নেশ্বর রায়ও নিজের অন্তরের মধ্যে নিজেকে ক্ষতবিক্ষত করেছেন। এই পাণই বল আর তোমাদের আজকের ইণ্টারপ্রেটেশন অনুযায়ী হেরিডিটিই বল, অথবা এইটাই মানুষের স্বভাবের আসল চেহারাও বল, বলতে পার। কিন্তু আমি তা বলব না।

রত্নেশ্বরের জীবনে এই শাপ বা পাপকে প্রথম উদ্ভূত করেছে এই অজনা। একটু আগে বলছিলে—অজনার মুখের চঙের মধ্যে, আকৃতির মধ্যে আর কার ছবির যেন ছাপ পড়েছে।

পড়েছে সুলতা, একজনের নয় দুজনের। রায়বাড়ীর কড়চা বা জবানবন্দীতে প্রথম এ মুখের ছাপ পাবে সেই পাংল মেয়েটির মধ্যে, যাকে শ্রামাকান্ত চিনেছিলেন যোগিনী ব'লে। যাকে নিয়ে তিনি কাসাইয়ের ওপারের সিদ্ধপিঠের জঙ্গলে সাধনার নামে ব্যাভিচার করেছিলেন। এবং শ্রামাকান্তকে সেই বর্ষার সময় অমাবস্তার রাতে দারুণ দুর্ঘোষে তুফানপ্রমত্তা কাসাইয়ের জলে কেলে দিয়ে সোমেশ্বর তাকে কেড়ে নিয়েছিলেন যোগিনী সাধনা করবেন ব'লে। চল, ওইদিকে চল, তার ছবি দেখবে। মিলিয়ে পাবে। তুমি আমার জিজ্ঞাসা করেছিলে, কিন্তু তখন কথাটা এড়িয়ে গিয়েছিলাম।

—এই দেখ পর পর দুখানা ছবিতে যে পাংলী এসে রায়বাড়ীর দরজার সম্মুখে দাঁড়িয়েছে। খুঁধুসর দেহ, অর্ধউলঙ্গ, মাথায় একরাশ কাঁকড়া চুল। এর সঙ্গে হয়তো পুরো মিল পাবে না। কিন্তু এইটেতে পাবে। এই দেখ, পাংলানাবা শ্রামাকান্ত তাকে খাইয়ে দাঁইয়ে সুস্থ করেছে। জ্ঞান করিয়েছে। নতুন কাপড় পরিয়েছে। মেয়েটি শাস্ত এবং তৃপ্ত হয়ে শ্রামাকান্তের মুখের দিকে তাকিয়ে হাসছে। আরও ছোটো ছবি আছে, এই একটা দেখ সোমেশ্বর রায়ের অন্তরে, সোমেশ্বরের কস্তা বিমলাকে কোলে ক'রে দোলাচ্ছে। কি প্রসন্ন শান্ত মুখ দেখ! আর একটা ছবি, যোগিনী তখন সোমেশ্বরের সাধনসঙ্গিনীর ছদ্মবেশে তার বিলাসসঙ্গিনী হয়েছে, দেখ, এইটেতে যে ছবি আছে তারই সঙ্গে অজনার মিল রয়েছে পুরো।

সুলতা দেখলে। তাই বটে। দেখলে ভ্রম হয়; মনে হয় বুঝি যোগিনীই দাঁড়িয়ে আছে রত্নেশ্বরের সাগনে। একটু ভেবে নিলে সুলতা। কপালে ক'টা রেখা জেগে উঠল। একটু তীক্ষ্ণকণ্ঠে বললে—এটা তুমি কেন করলে সুরেরগর? অজনা রায়বাহাদুরের পোষ ছিল—হয়তো বা—

—না সুলতা, তা ছিলেন না অজনা দেবী।

—তা হ'লে ছোটো ছবি একরকমের ক'রে তুমি ওই মেয়েটির কি অপমান কর নি?

—না। তুমি রাগ করো না। একটু ভেবে দেখ। এখানে ওই মেয়েটি রায়বংশের কড়চার একটা সিবল। আমি যোগিনীর কোন ছবি পাই নি। দেখি নি। অজনার একটা কটো ছিল শুনেছি কিন্তু সেটা নাকি রায়বাহাদুর আঙন ধরিয়ে পুড়িয়ে দিয়েছিলেন। তবে এক জায়গায় তার ছবির আদল পেয়েছি। তাই দেখে অজনার ছবি এঁকেছি এবং তা থেকেই যোগিনীর ছবিও এঁকেছি। আগে আমার জবানবন্দী শেষ হোক তারপর তুমি রায় দিয়ে। তবুও যদি তর্ক করো তবে কৈশিক্য হিসেবে বলব—বিজ্ঞানস্বীকৃত একটা নিয়মকে আমরা সৃষ্টির মধ্যে লক্ষ্য করি, সেটা হল একজনের সঙ্গে আর একজনের আশ্চর্য চেহারার মিল। ওটা হয়ে

যায়। এও ভাই।

একটু বক্র হাসি স্নলভার মুখে ফুটে উঠল।

সুরেশ্বর বললে—তুমি এখনও বিচারক হিসেবে নিরপেক্ষ হতে পারলে না। কিন্তু পরে তোমাকে মত বদলাতে হবে।

—ভাল। বল শুনি।

একটু চুপ করে বোধহয় কিছু ভাবলে সুরেশ্বর তারপর বললে—তাহলে তোমাকে রায়-বাংশের জবানবন্দীর ধারাবাহিকতা স্মরণ করে পাঁচ বছর পরে যা ঘটেছিল সেইটেই আগে—এখনই শুনিয়ে দিই। আমি আমার কথায় বলব না। বলব রত্নেশ্বর রায়ের ডায়রীর কথা।

সামনের টেবিলের উপর রাখা ডায়রীগুলির গাদা থেকে ১৮৬৪ সালের ডায়রী বেছে নিয়ে দেশলাইয়ের কাঠি পোরা চিহ্নিত জায়গাগুলি খুলে দেখতে দেখতে একজায়গায় থামল সুরেশ্বর। বললে—এই পেয়েছি। শোন।

“আমি নিভূতে রুদ্ধদ্বার কক্ষে অজ্ঞনাকে ডাকিয়া কঠিন ভানই করিয়া কহিলাম—এ তুমি কি করিতেছ? এসব কি শুনিতেছি?”

অজ্ঞনা ভয় পাইল না, সে বলিল—কি শুনিতেছ?

—তাহা তুমি জান না? গোটা অন্ধরে কথাটা লইয়া কানাকানি চলিতেছে। লোকে হাস্য করিতেছে।

—কানাকানি চলুক। হাস্য করুক—তাহাতে আমার কিছু আসে যায় না।

আমি এবার রোবদপ্ত কণ্ঠে কহিলাম—অজ্ঞনা, তুমি সাবধান হইয়া কথা বলিবে।

অজ্ঞনা আশ্চর্য এক হাস্য করিল, যেন জগৎসংসার সমস্ত কিছুকে অবজ্ঞা করিয়া কহিল—কেন? কি করিবে তুমি? মারিয়া ফেলিবে? তোমরা বড়লোক জমিদার, তোমরা সব পার। কিন্তু আমি তাহাতে ভয় করি না। আমি তাহাতে জুড়াইব। তবে একটি দয়া প্রার্থনা করিব। যেন ভাড়াটিয়া লোক দিয়া আমাকে হত্যা করাইয়ো না। তুমি স্বহস্তে আমাকে হত্যা করিয়ো। তুমি বিষ গুলিয়া আমাকে দিয়ো, আমি সহাস্তে তাহা পান করিয়া মরিব। তুমিই আমাকে লিখিতে পড়িতে শিখাইয়াছ, আমি স্বহস্তে লিখিয়া বাইব, আমি স্বেচ্ছায় বিষ পান করিয়া মরিতেছি। ইহার জন্ত কেহ দায়ী নয়।

অজ্ঞনা প্রগলভা বটে। কিন্তু এরূপ দ্রুতসাহসিক প্রগলভতায় আমি স্তম্ভিত হইয়া গেলাম। একটা দীর্ঘনিশ্বাস ফেলিয়া বলিলাম—অজ্ঞনা, তুমি পাপিনী। কালসপিনীর সহিতই একমাত্র তোমার তুলনা হয়। দুষ্ক পান করাইয়াও ফল হইল না।

অজ্ঞনা এবার যেন আরও উদ্ধত এবং প্রগলভ হইয়া বলিল—হাঁ—হাঁ—আমি কালসপিনীই বটে। আমি পাপিনীই বটে। পাপ উদ্দেশ্যেই তোমাদের গৃহে সেবার আসিয়াছিলাম। দরিত্রের কন্যা, এক দরিত্রের স্ত্রী, সে দরিত্র হইলেও ক্ষতি ছিল না, সে পাষাণ্ড, সে দুষ্করিত্র, সে বাউতুলে। তোমাদের গৃহে আসিলাম উৎসব দেখিতে। ঐশ্বর্য দেখিয়া লোভ হয় নাই তাহা বলিব না। অত্যন্ত লোভ হইয়াছিল। কিন্তু ততোধিক লোভ হইল তোমাকে দেখিয়া। আবার ভয়ও হইল। তোমার মত গভীর, তোমার মত কঠোরচরিত্র যুবক আমি দেখি নাই।

পিজালরে, আমার দিকে আমাদের গ্রামের দুশ্চরিত্র যুবকেরা লোলুপদৃষ্টিতে নিরীক্ষণ করিত। আমি কৌতুক বোধ করিতাম এবং অহংকারও অনুভব করিতাম। তাহাদিগকে লইয়া কথায় খেলা করিতাম। আমি কালো হইলেও আমার মত মোহময়ী যুবতী দুর্লভ ইহা আমার অজ্ঞাত ছিল না। রাজার ঘরে আমি পড়িলে তোমার স্বর্ণলতা অপেক্ষা বহুগুণে মহিয়সী হইতে পারিতাম। তুমি প্রথম আমার দিকে একবার চাহিয়া আর কিরিয়া চাহ নাই। তারপর তোমার মাতা অল্পগ্রহ করিয়া গৃহে স্থান দিলেন। আমি হস্তে চাঁদ পাইবার সুযোগ পাইয়া থাকিমা গেলাম।

কয়েক দিনের মধ্যেই দেখিলাম নিকলঙ্ক চন্দ্রের উপর আমার ছায়া পড়িয়াছে। ছায়া আমি কেলিয়াছি। তুমি আমাকে, স্বর্ণলতার কাছে সেই ধাঁধা প্রেরণ করিবার জন্য দ্বিপ্রহরে তোমার ঘরে আত্মন করিলে। আমি মনে মনে হাস্য করিলাম; উৎসাহিত হইলাম। তাহার পর তোমার বিবাহ হইল। তোমার মাতাপিতার সঙ্গে আমার চলিয়া যাইবার কথা। আমি সরস্বতী বউকে ধরিলাম; বলিলাম—ভাই, বউ, জ্যাঠাইমা জ্যাঠামশায়ের নিকট কোন প্রবীণাকে পাঠাইয়া দাও। আমি ভাই তোমাদের যুগলের আশ্রয়ে থাকিয়া জীবন সাধক করিব। তোমরা শয়ন করিবে, আমি শয্যা রচনা করিব, আমি তোমাকে কেমন করিয়া পুরুষের নাসিকা ছুড়িয়া দড়ি পরাইতে হয় শিখাইব। পানি সাজিব। এবিধ নানাপ্রকার তোষামোদ করিয়া তাহাকে দিয়াই তোমাকে বলিলাম। জ্যাঠাইমাকে বলিলাম। সঙ্কল্প করিলাম, তোমাকে জর করিব।

আমি বলিলাম—অজ্ঞনা, তুমি থাম। তুমি থাম। এসব কথা বলিলে পাপ হয়, শুনিলে পাপ হয়—তুমি থাম।

অজ্ঞনা বলিল—সে তোমার হয়, আমার হয় না। আমাদের মত যাহারা তাহাদের হয় না। যে ভগবান এবিধ অদৃষ্ট দিয়া আমাদের জগতে পাঠান তিনি আমাদের এবিধ চরিত্র দেন। আর তুমি এবং তোমার মত যাহারা শুদ্ধাচারী, তাহারা ভণ্ড, তাহারা কালী কালী হরি হরি জপ করিয়া দন্তে দন্ত টিপিয়া পড়িয়া থাকে, তুহানলে দগ্ধ হয়।

সভরে আমি বলিলাম—অজ্ঞনা।

অজ্ঞনা বলিল—আমি তোমাকে জানি না মনে করিতেছ? তোমার প্রতি পদক্ষেপ আমি চিনি, তোমার মুখ দেখিয়া বলিতে পারি কি তুমি ভাবিতেছ। মুখ খুলিলে বলিতে পারি কি বলিবে। তোমাকে দেখিলে তোমার দৃষ্টি উজ্জ্বল হয় না? আমি থাকিলে সরস্বতী বউয়ের সঙ্গে আলাপনের মধ্যে তোমার উজ্জ্বল বাড়ে না? কোনক্রমে আমার হাতে হাত ঠেকিলে তুমি চঞ্চল হও না? সত্য বলিবে।

আমি এবার কঠোর হইয়া বলিলাম—না—না—না।

অজ্ঞনা কিছুক্ষণ আমার মুখের দিকে তাকাইয়া রহিল। তাহার পর বিষম থাকিয়া বলিল—তুমি মিথ্যা বলিলে।

আমি বলিলাম—না।

অজ্ঞনা বলিল—তবে সত্য গোপন করিলে। মহারাজ বৃথিত্বের মত অধৰ্ম্মা হতঃ ইতি

গজের মতই কথাটা বলিলে। জমিদার হিসাবে তোমাকে লোকে ভয় করে। মানুষ হিসাবে তুমি আরও ভয়ঙ্কর। হাঁ, অস্বীকার করিব না তুমি অত্যন্ত সতর্ক। তুমি হাসিতে হাসিতে হঠাৎ গভীর হইয়াছ। তোমাকে একাকী দেখিয়া তোমার ধরে প্রবেশ করিলে তৎক্ষণাৎ তুমি কোন-প্রকার ছুতা করিয়া স্বর্ণলতাকে আহ্বান করিতে। বা চাকরকে আহ্বান করিতে! স্বর্ণলতার সম্মুখে তোমার উল্লাসে আমি পুলকিত হইতাম কিন্তু তোমাকে একাকী পাইয়া কাছে ছুটিয়া গিয়াও সজয়ে সরিয়া আসিতাম।

অতঃপর সহসা সে বাহা করিল তাহাতে আমি ভীত হইলাম, চঞ্চল হইলাম। সে কান্নিয়া ফেলিল, বলিল—কেন, আমাকে কি এতটুকু ভালবাসা তুমি দিতে পারিতে না? এতটুকু? এক কথা। স্বর্ণলতার উচ্ছিষ্ট এতটুকু? তাহাতেই আমি কৃতার্থ হইতাম। এই তো সারা দেশময় জমিদারদের দুইটা তিনটা করিয়া স্ত্রী থাকে। রক্ষিতা থাকে। বাড়ীতে আশ্রিতাদের মধ্যে কত সুন্দরী যুবতীকে তাহার। অহুগ্রহ করেন। তাহাতে কি ক্ষতি হয়?

—তাহা ছাড়া রত্নেশ্বর, স্বর্ণলতা তোমার যোগ্যই নয়। নামেই লেখাপড়া জানা সরস্বতী বউ। রডটাই কটা। আমার সঙ্গে তাহার তুলনা! তুমি ভয়ঙ্কর বলিলাম, ভুল বলিলাম। তুমি কাপুরুষ। তুমি পুরুষই নও। তুমি সিংহ নও, তুমি শশক।

আমি কঠোর কণ্ঠে তাহাকে বলিলাম—তুমি ছুশ্চরিজা! চূপ কর তুমি।

অঞ্জনা তাহাতেও দমিল না। সে বলিল—হাঁ, আমি ছুশ্চরিজা। অস্ততঃ মনে মনে আমি ছুশ্চরিজা। তুমি সাধু। তুমি ভয়ঙ্কর। সেই প্রেতিনীর গল্প আছে—যাহারা সুরোগ পাইয়া সুন্দর পুরুষকে আশ্রয় করে তাহাকে চুষিয়া খায়, আমি তাই। সেইরূপভাবেই তোমাকে চুষিয়া বাইবার জন্ত তোমাকে আশ্রয় করিতে চাহিয়াছিলাম। কিন্তু পারিলাম না। কান্নিতে কান্নিতে প্রহার খাইয়া আমাকে পলাইতে হইতেছে। কিন্তু তুমিও জলিবে। নিশ্চয় জলিবে। এই ভেজ তোমার থাকিবে না।

আমি শিহরিয়া উঠিয়া বলিলাম—অঞ্জনা! অঞ্জনা—শোন।

সে চলিয়া যাইতেছিল, ফিরিয়া দাঁড়াইল। আমি তাহাকে বলিলাম—কদাচ এ কাণ্ড করিও না। কদাচ না। তাহা হইলে আমি তোমাকে সতাই হত্যা করিব।

সে কিরংক্ষণ চূপ করিয়া দাঁড়াইয়া রহিল। তাহার পর সে ফিরিয়া চলিয়া গেল! আমি বুঝিলাম এবার ঐশ্বর্য ধরিয়াছে। সে ভীত হইয়াছে এবং বুঝিয়াছে।”

সুরেশ্বর খাতাখানা বন্ধ করলে।

সুলতা বললে—অদ্ভুত মেয়ে।

সুরেশ্বর বললে—বল, কি বলবে এর সম্বন্ধে?

—ওর সম্বন্ধে বলব; হাসলে সুলতা, বললে—তুমি কি বলবে জানি না, আমি বলব—সে চেয়েছিল তার জাতীয় প্রাণ্য। কিন্তু পায় নি।

—রত্নেশ্বরকে সে চেয়েছিল, কিন্তু রত্নেশ্বরের কি তার দাবী মেনে আত্মসমর্পণ করা উচিত ছিল?

—রত্নেশ্বর ছাড়াও আর অনেক মানুষ ছিল, যারা রত্নেশ্বর থেকে কম উজ্জল, কম গুণবান তা. র. ১৫—১২

নয়। হয় তো ধনী না হতে পারেন। সে স্বচ্ছন্দে ডাইভোর্স করে তাদের একজনকে বিয়ে করে সুখী হতে পারত।

হেসে সুরেশ্বর বললে—তা সে করেছিল সুলতা। সে রত্নেশ্বর রায়ের সমস্ত শাসন, সমস্ত বন্ধন অধীকার করে কলকাতার জানবাজারের এই বাড়ী থেকে একদিন রাত্রে চলে গিয়েছিল। তখন কলকাতার বাড়ীতে রত্নেশ্বর রায় শীকারের জন্য একজন পোটুগীজ ফিরিস্কীকে রেখেছিলেন। ওই হ্যারিসের মত চরিত্র। এবং আশ্রয় নিয়েছিল কুচান চার্চের। যেখানে রত্নেশ্বর রায়ের হাত পৌঁছয় না। যাবার সময় একখানা চিরকুট লিখে গিয়েছিল। ‘পাপ তোমার কাছে হারিয়া পলাইতেছে।’

সুরেশ্বর একটু থেমে কথার জের টেনে বললে—এইজন্তেই আমি রায়বাড়ীর পূর্ব-পুরুষের ব্যাভিচার-সজিনী সেই যোগিনী মেয়েটোর চেহারা অঞ্জনার চেহারার আভাস নিয়ে এঁকেছি। অঞ্জনাকে আমি অপমান করতে চাই নি। আমাকে তুমি ভুল বুঝো না।

আরও আছে সুলতা। অঞ্জনার কথাটা তুমি দ্রুত হয়ে তুললে বলে ক্রমভঙ্গ করে বলতে হ’ল। এখন আমার জবানবন্দীর ক্রমে ফিরে চল। ১৮৫৯ সালে। রত্নেশ্বর রায়ের বিবাহ হল। অঞ্জনাকে স্বর্ণলতাই চেয়ে নিলে শাস্ত্রী ভবানী দেবীর কাছে।

শুধু বীরেশ্বর রায় একটু খুঁত-খুঁত করেছিলেন। বলেছিলেন—তাই তো!

সুরেশ্বর বললে—বীরেশ্বর রায় প্রস্তাবটা শুনে বলেছিলেন—তাই তো!

ভবানী বিস্মিত হয়ে প্রশ্ন করেছিলেন—কেন, তাই তো কেন বলছ!

—তোমার মনে হচ্ছে না? অঞ্জনা এখানে বউমার কাছে থাকবে বলছ?

—আমার কাছে থাকলে আমার সুবিধে হ’ত। তোমার খাবার, সেবার ভারটা ওর উপর দিলে আমি নিশ্চিন্ত হতাম। অঞ্জনারও আমাদের সঙ্গে তীর্থ দর্শন হ’ত। কিন্তু বউমার কথাও তো ভাবতে হবে। বউমা বলছেন—ও থাকলে আমি কথা কইবার লোক পাব। ও ভারী মজার মজার কথা বলে। এত বড় বাড়ীতে—চূপ করলেন বউমা। তবে বুঝলাম। কথাটা তুমিও ভাব, এত বড় বাড়ীতে ওই অল্পবয়সী মেয়ে, ইপিয়ে উঠবে যে।

বীরেশ্বর রায় বলেছিলেন—একবার রত্নেশ্বরকে ডেকে দিও। তোমার সঙ্গে তার এ বিষয়ে কোন কথা হয়েছে?

ভবানী দেবী বলেছিলেন—তার সামনেই তো কথা হল। মায়ের মন্দির থেকে এলাম, বউমা, অঞ্জনাও আমার সঙ্গে ছিল। পূজার পর, ভোগের আগে বউমা বললে—আমার শরীরটা কেমন করছে মা। দেখলাম খুব ঘেমে গেছে। বললাম—তুমি চলে যাও, আমি রয়েছি; অঞ্জনা রয়েছে, তোমার চলে গেলে কোন দোষ হবে না। বউমা চলে এল নিজের বিকে নিয়ে। ফিরে এসে তোমার মার চরণায়ত পুষ্প দিয়ে রক্তকে দিতে গেলাম, দেখলাম, বউমা একটু স্নেহ করেছেন। ছেলেমানুষ, স্নায়বী চলে মাছুষ, এসব অভ্যেস নেই। বললাম—এখন স্নেহ লাগছে তো?

রত্ন বললে—ও সে ঘেমে নেয়ে উঠেছিল বেন। এসে ধপ করে বিছানার স্তরে পড়ল। তারপর বললে—বাবা, পেটের ভেতর আমার হাত-পা লেঁবিয়ে যাচ্ছে। ভয় করছে। এ

আমি সব সামলাব কি করে ? মা চলে যাবেন ! বললাম—কিন্তু পারতে হবে । না পারলে তো চলবে না ! তুমি নিজে চোখে বিয়ের আগে এসে সব দেখে গিয়েছ ! তা সাহস আছে, বললে—পারব বই কি । এসব ভাল লাগছে খুব । কিন্তু কখনও তো করি নি । দেখে ভাল লেগেছিল । এখন সেইসব করতে গিয়ে খেই হারিয়ে যাচ্ছে । ভয় হচ্ছে । কোথার খুঁত হচ্ছে, কোথার খুঁত হচ্ছে !

হেসে ভবানী দেবী বলেছিলেন—এর পর যখন অভ্যাস হবে, তখন দেখবে, মা তোমাকে অনবরত হেসে বলছেন, ভয় কি ? ভয় কি বেটা । ওরে আমি যে মা । আমার কাছে খুঁত হয় সন্তানের ! তাছাড়া মাসীমা রইলেন, উনিই এতদিন করে আসছেন, তোমার হাতে-হাতে সব জুগিয়ে দেবেন ; বলে দেবেন । ওই দেখ না, অঞ্জনা সব কেমন অবলীলাক্রমে করে যাচ্ছে ।

ভবানী বীরেশ্বর রায়কে বললেন—এই কথাতে রত্নেশ্বরই বললে—তোমার বউমা আমাকে একটা কথা বলছিল ।

ভবানী দেবী বলেছিলেন—কি ?

রত্নেশ্বর বলেছিলেন স্বর্ণলতাকে—বল না, তুমি নিজেই বল না । আমাকে বললে কি হবে ? খোদ মাকে বল । আমি বলতে পারব না ।

—কি বউমা ?

স্বর্ণলতা শান্তডীর সামনে ঘোমটা টেনে বসেছিলেন । রত্নেশ্বর বলেছিলেন—আমি বাইরে যাচ্ছি । তুমি শোন, ও কি বলছে ।

তখনকার কালে বউ শান্তডীর সামনেও ঘোমটা দিত, এবং চাপা গলায় কথা বলত । অবশ্য ঘোমটা সারা-মুখ-চাকা ঘোমটা নয়, কপাল ঢেকে অস্ত্রত ইঞ্চি দুই সামনের দিকে ঝুলে থাকত ।

মুঠ কর্তে স্বর্ণলতা বলেছিলেন—বলছিলাম, অঞ্জনা ঠাকুরঝির কথা !

—কি কথা ? অঞ্জনা কিছু বলেছে বুঝ ?

—না, বাড় নেড়ে ইঙ্গিতে কথাটা সেরেছিলেন নবীনা রায়বধূ ।

এবার রত্নেশ্বর ভিতরে ঢুকে এগিয়ে এসেছিল এবং বলেছিল—মা তো আমার বাগিনী বউ-কাটকী শান্তডী নয় । বলতে গলা শুকুচ্ছে ! ও বলছিল, তুমি চলে যাবে, একলা হবে ও ; এইসব দেবতার কাজ ; ঠাকুমা বলতে গলে বুড়ী হয়েছেন । এই তো বিয়েতে খেটে মেচে থেরে আজ প্রায় মাসের উপর পড়ে আছেন । সেরে গেছেন, তবু উঠতে পারেন না । তার ওপর বাতের ব্যথা । আর ওঁর কথাবার্তা বড় সেকেলে । শুধু সেকেলে নয়, একটু চ্যাটাং-চ্যাটাং । তোমাকেই কি বলেছিলেন, তোমার মনে আছে । তাই বলছিল, অঞ্জনা যদি ওর কাছে থাকত, তো ভাল হ'ত । বলছিল—ঠাকুরঝি যদি এখানে থাকতো তাহলে খুব ভাল হ'ত । সব কাজ দিবি্য করে যেতো দুজনে মিলে, হাসি গল্পের মধ্যে । এই আর কি । কি বল না । ঘোমটাগুচ্ছ বাড়টা মেড়েও তো জানাতে পার ।

তাই জামিয়েছিলেন নতুন বউ ।

ভবানী দেবী হেসে বলেছিলেন—তোমার আমার কথা ছিল আলাদা । শান্তডী ছিলেন



না। যশ্বর ছিলেন, তিনি থাকতেন কীৰ্ত্তিহাটে, তো তুমি আমার নিয়ে ছুটতে কলকাতায়।  
আবার তিনি কলকাতা গেলে তুমি আমার টেনে আনতে এখানে। ঘোমটা দিতে হত না।  
সমীহ করবার কেউ ছিলেন না। তার ওপর সে আমলে বোরডর সাহেব তুমি।

বীরেশ্বর বলেছিলেন—হঁ। শুধু একটি হঁ।

ভবানী দেবীর খেয়াল হয়েছিল, এতকণে, তিনি বলেছিলেন—তুমি কি ভাবছ বল তো!

—ভাবছি, তাহ'লে অঞ্জনার স্বামীকেও এখানে রাখতে হবে।

—তা তো কথাই হয়েছে।

—না, এই বাড়ীতেই তার জন্তে নিচেরতলায় সংসার পাড়িয়ে রাখবার ব্যবস্থা করতে হবে।  
লোকটা মদ খায়, যাত্রা করে বেড়ায়, বাউণ্ডলে। তাহলেও অন্ধরেই তাকে থাকতে দিতে হবে।

—কেন? তা করতে হবে কেন? সে তো অঞ্জনাকে নেয় না। গজা দরুণে বিয়ে।  
চাকরি অঞ্জনার খাত্তিরে দিতে আমরা চাচ্ছি, কিন্তু অঞ্জনা বলছিল, কেন মিথ্যে তাকে চাকরি  
দেবেন জ্যাঠাইমা, সে চাকরি করবার মানুহ! দুদিন পর গালিয়ে যাবে। না হয় কাকুর সঙ্গে  
মারপিট করবে। না হয় মাতলামি করে, আমার লজ্জার আর শেষ রাখবে না। আমাকে  
দয়া করে কাছে রাখবেন, এতেই আমি বাঁচলাম। এই ঢের। সংসার আমার অদৃষ্ট নয়। আর ও  
আমি চাইনে। ও কাজ করবেন না। আমি বললাম—দেখি না! তখন বললে—দেখুন।  
আপনাদের কাছে আমার অপমান নেই; আর সবই বলে রাখছি যখন, তখন আমাকে এর  
জন্তে দায়ীও করবেন না, আপনারা। এর পর চাকরি দেব বলেছি দেব, কিন্তু বাড়ীতে তাকে  
চুকতে দেব কেন?

—তাহলে অঞ্জনার জন্তে আশা বাড়ী করে দিতে হবে।

আশা বাড়ীতেই যদি থাকবে, তাহলে এখাড়ীর ওইসব কাজ চক্ৰিশ ঘণ্টার কাজ, তা হবে  
কি করে? ঘর ভোররাত্রে মকল আরতি। শয়ন হয় রাত্রি এক প্রহরের পর। তখন শয্যা-  
ভোগ দেওয়া, তারপর বাড়ীর খাওয়া-দাওয়া, কাকুর অস্থির থাকলে তাকে একবার দেখা।

বাধা দিয়ে বীরেশ্বর বলেছিলেন—তোমাকে কি বলব, বুঝতে পারছি না আমি। আমাকে  
দেখেও তুমি পুরুষ চরিত্র বুঝলে না ভবানী! পুরুষের মন বহুগামী। তোমার দান্না বিমলা-  
কান্ত ছু-চারটেই হয়। তার বেশী হয় না। তার উপর ভূবামী, বলতে গেলে রাজা।

—ছি! বলে উঠেছিলেন ভবানী। তুমি নিজে নিজের মুখে কালী মাথাচ্ছ, মাথাও।  
জোর করে মাথাচ্ছ। কিন্তু আমি তো জানি। সেমিরাকে নিয়ে—। থাক ওসব কথা।  
নিজের ছেলেকে এত ছোট ভেবো না।

বীরেশ্বর বলেছিলেন—ছোট আমি নিজেকে তারিনে কোনদিন। তবে তবু আমার ওই  
অভিসম্পাতের, তোমার বাবা—

নিউরে উঠে ভবানী দেবী বলেছিলেন—না। আমি তার জন্ত সাধনা করেছি, না তা হবে না।  
বীরেশ্বর হেসেছিলেন, বলেছিলেন—ভাল।

কথাগুলো আড়াল থেকে শুনেছিলেন রত্নেশ্বর রায়। এবং নিঃশেষে কিয়ে এসেছিলেন।

বাপের উপর ক্রোধ হয়েছিল তাঁর !

তিনি ডায়েরীতে লিখেছেন—“পিতার বাক্যগুলি অন্তরাল হইতে শ্রবণ করিয়া আশ্চর্যবিত্ত হই নাই। সারাটা জীবনই তিনি অকারণে সকলকে সন্দেহ করিয়া গেলেন। আমার মাতৃদেবী যিনি সাক্ষাৎ দেবী, সারাটা জীবন যিনি তপস্বিনী, তাঁহাকে সন্দেহ করিয়াছিলেন। আমার সাধু-প্রকৃতি চরিত্রবান মাতুলকে সন্দেহ করিয়াছিলেন। তিনি আমার উপর সন্দেহের আশঙ্কা পোষণ করিবেন ইহাতে আশ্চর্যের কি আছে ? তথাপি ইহা শ্রবণ করিয়া আমার কর্ণবৃহৎ যেন দম্ব হইয়া গেল। যিনি সারাটা জীবন একজন বাদীজীকে লইয়া প্রমত্ত থাকিলেন, কি বলিব, অন্তরে অন্তরে সময়ে সময়ে দাবানল সদৃশ অনল-জ্বালা অমৃত্তব করিয়া থাকি, যখন মনে পড়ে সোফিয়া বাদীয়েব মোহ আজও তাহার অন্তরে ঘৃতলোভী অগ্নিশিখার মত জ্বলিতেছে। সোফি বাদীয়েব পরিবর্তন হইয়াছে অনেক। তাহার চরিত্রের বরং প্রশংসা করি, মদীর পিতাকে সে প্রায় স্বামী জ্ঞান করিয়া তাঁহাকে সঙ্গীতলহরী শুনাইয়া তৃপ্তিদান করে, উত্তম পান সাজিয়া দেয়। তাহাকে শ্রদ্ধা করি। কিন্তু পিতাকে কি বলিব ? এমত চরিত্র ব্যক্তি, এমত সন্দেহ করিবেন তাহাতে আশ্চর্য কি ? তবে আমিও প্রতিজ্ঞা করিতেছি, আমি আমার চরিত্রবল তাঁহাকে এবং সকল জগৎসমক্ষে প্রমাণিত করিব। ওই অভিসম্পাতকে আমি ব্যর্থ করিব। পাপ মাত্রেয়ই প্রায়শ্চিত্ত আছে। আমি প্রায়শ্চিত্ত করিব।”

“অঞ্জনা সরস্বতী বধূর নিকটই থাকিবে। এই বাড়ীতেই থাকিবে। এবং চকিষ ঘণ্টাই থাকিবে। রাধিবীর জন্ত দৃঢ়প্রতিজ্ঞ হইলাম।”

তাই রেখেছিলেন রত্নেশ্বর। অঞ্জনা স্বর্ণলতার কাছেই রইল। আরও মাস তিনেক পর কালীপূজার পর বীরেশ্বর রায় গিয়েছিলেন কলকাতা। সকলেই তাঁর সঙ্গে এসেছিল। রত্নেশ্বর, স্বর্ণলতা এমন কি অঞ্জনা পর্যন্ত।

রত্নেশ্বর বীরেশ্বরের জন্ত খুব এলাহি ব্যবস্থা করেছিলেন। মহিন্দর চাকর যেমন ছিল, তেমনি ছিল তামাক সাজা, কাপড় কৌচানো, তেল মাখানো, গা-হাত-পা টেপা, সামনে হাজির থাকা ও তাঁর গুণ্ধ-পত্র ঠিক ঠিক সময়ে দেবার জন্ত সে কালের কম্পাউণ্ডারী-জানা একজন লোক নিযুক্ত করেছিলেন ; বীরেশ্বরের খাবার ভার ভবানী দেবীর উপর ; সোফিয়া তাকে গান শোনাবে। পান সেজে দেবে। আর ভবানী দেবীর পরিচারিকা ছিলেন জুজুন। একজন ব্রাহ্মণ-কন্যা, প্রোচা বিধবা। আর একজন কলকাতার বড় লোকের বাড়ীর উপযুক্ত একটি ঝি। এ ঝি খুঁজে দি়েছিলেন কলকাতার জোড়াসাঁকোর বাড়ীর জ্যাঠাইমা জগদ্ধাত্রী দেবী।

রত্নেশ্বর রায় কলকাতায় এসে প্রায় মাস দুয়েক থেকে ক্রিরেছিলেন কীর্তিহাটে। কীর্তিকের মাঝামাঝি এসে ক্রিরেছিলেন পৌষের দশ তারিখে।

পৌষ মাসে কিস্তী আসছে, বাংলা দেশের জমিদারদের পৌষ থেকে চৈত্র চারটে মাস সমারোহের মাস। জমিদারী শেরেস্তার যত কাজ হয়, তার বারো আনা কাজ এই চারটে মাসে। গ্রামে গ্রামে প্রজাদের খামারে ধান উঠছে। ধান কাড়াই হচ্ছে। পৌষ থেকেই আলু। আখ কাড়াইয়ের মরসুম মাঘ থেকে। তার সঙ্গে ছোলা-মসুর-গম, নানান সবজি। চৈত্রে ডিল। এই কটা মাসেই জমিদারীর খাতার জমার অঙ্ক হাজারে হাজারে।

মহালে মহালে গোমস্তা সেরেস্তা পেতে বসেই থাকবে। পাইকেরা নিত্য প্রকার দরজার দরজার ভাগিদা দিয়ে ক্লিবে।

জমিদারবাড়ীর লম্বীর ঘরে বড় চৌকো ত্রিশ-চল্লিশ মণ ভারী আয়রণ চেস্টাগুলো প্রায় নিতাই খোলা হবে একবার করে। তাতে টাকা পড়বে স্বাকার তুলে। জমিদারের কাছারী চলবে, সকাল থেকে বেলা একটা পর্যন্ত, আবার সন্ধ্যার পর থেকে। দশটা-বারোটা যেদিন যেমন। আটটার পর থেকে অবশ্য সেরেস্তায় কর্মচারীরা কলম পেবে, জমিদার বসেন তাঁর আসর ঘরে।

শতরংগের উপর সাদা ধবধবে চাদর; তার উপর পুরুদামী গালিচা, চারিপাশে বড় বড় তাকিয়া। রূপোর আলবোলা, তাওয়া দেওয়া কড়ে; রূপো বাধানো হুকো, হুকোদানের উপর বসানো থাকে।

গ্রামের ঘাঁরা ওরই মধ্যে সম্ভ্রান্ত, তাঁরা আসেন। নানান আলোচনা হয়। বেশীর ভাগ গ্রামের সমাজ নিয়ে। কোনদিন খোস-গল্প হয়। উচ্চ হাসিতে সব গমগম করে ওঠে।

কোন কোন দিন গানের মজলিস বসে। মধ্যে মধ্যে ওস্তাদ এসে হাজির হন। মাঘ মাসের সাতা মাসটা মাসের সামনে নাট-মন্দিরে ভাগবত পাঠ হয়। গ্রামের আবাল-বৃদ্ধ-বনিতারা এসে গোটা নাটমন্দিরটা ভরিয়ে দিয়ে বসে।

সুরেশ্বর বললে—কীর্তিহাট যদি কখনও অচির ভবিষ্যতের মধ্যে যাও স্থলতা, তাহলে তোমাকে নাটমন্দিরটা দেখিয়ে খুশী হই, তুমিও খুশী হও, তা বলতে পারি। মনে পড়ে গেল বলে, না বলে পারলাম না। প্রকাণ্ড নাটমন্দিরটার চারদিক ভাগ করা ছিল আবালবৃদ্ধবনিতার মধ্যে। কালীমন্দিরে বিরাট বারান্দাটায় বসত ভদ্রবরের মেয়েরা, তারা বর্ণেও উচু। এক পাশটা ব্রাহ্মণ, অল্প পাশটার বৈষ্ণব-কায়স্থ থেকে অন্তেরা। চার-পাঁচটা বারান্দাবরাবর লম্বা সিঁড়ি আছে পর পর, গ্যালারীর মত, সেখান পর্যন্ত। তারপর একটা রেলিং, তার এধারে পুরুষ-মহল, সেও ভদ্র উচ্চবর্ণ। আর তিন দিকটায় যাদের এখন নাম হয়েছে হরিজন, তারা এবং মুসলমান, কৃশ্চান।

স্থলতা বললে—খুশ্চান ?

সুরেশ্বর বললে—গোয়ানদের ভুলে যাচ্ছ। ওই ছিল ভা বড়ীর পাড়ার লোক।

—এরা ভাগবত শুনতে আসত ?

—না, ভাগবত শুনতে আসত না ; যাত্রা হলে শুনতে আসত, বাঈ নাচ, খেমটা নাচ হলে আসত। আর আসত গল্প শুনতে।

বিস্মিত হয়ে স্থলতা বললে—গল্প শুনতে ?

—হ্যাঁ স্থলতা, গল্প শুনতে। ভাগবত কথকের মত সকালে গল্প কথক ছিলেন, বিনি গল্প বলতে, আসর পাতলে পনেরো দিন পর্যন্ত টেনে নিয়ে যেতেন একটি গল্প।

—বল কি ?

—হ্যাঁ। এঁদের বোধহয় শেষ জনকে আমার দেখবার সৌভাগ্য হয়েছিল। তিনি পাঁচ দিন গল্প বলেছিলেন। এই কীর্তিহাটের ছবির কড়চার একটা বিশেষ ছবি। গল্পগুলো বেতাল

পঞ্চবিংশতি বা কথ্য-সরিৎসারের মত। একটা গল্প শুরু করে, তার থেকে ক্যাকড়া বের করতেন, পাঁচ-ছয়-সাত থেকে পনেরো পর্যন্ত, তারপর শেষ দিনে প্রথম গল্প শেষ হত। কিন্তু সে থাক, এখন ১৮৬০ সালে ফিরে চল। ১৮৫৯ সালের নভেম্বরের প্রথমেই বীরেশ্বর রায় কীর্তিহাট থেকে গেলেন কলকাতা; ব্যবস্থা হল, সমলে যাবেন তীর্থ দর্শনে, চাকর, ঠাকুর, ঝি, সরকার নিয়ে ভবানী দেবী এবং তিনি ঘুরতে যাবেন তীর্থ; তখন রেললাইন বসে গেছে মোটামুটি। যেখানে হর নি, সেসব জায়গায় নোকো কিম্বা পালকি, রয়েল গাড়ী নিয়ে ঘুরবেন। সোঁকিয়া বাঁকি মুক্ত সঙ্গে গিচ্ছিলেন, তিনি দিল্লীতে নিজামউদ্দিন আউলিয়ার দরগায় তসলীম রাখবেন, আজমীঢ় শরীফ যাবেন।

মনে তাঁর ইচ্ছে আজমীঢ় শরীফ থেকে আর ফিরবেন না।

রত্নেশ্বর রায় ফিরেছিলেন পৌষের দশ তারিখে, ইংরেজী ১৮৫৯ সালের ২৬ শে ডিসেম্বর।

তিনি অগ্রহায়ণের শেষে ফিরতে চেয়েছিলেন। কিন্তু বিয়ের পর সস্ত্রীক প্রথম কলকাতায় গিয়ে কলকাতার বড় বড় বাড়ীতে নিমন্ত্রণ খেয়েছিলেন। কারণ বীরেশ্বর রায় কলকাতায় এসে ছেলের বিয়ে উপলক্ষে বড় বড় বাড়ী যাদের সঙ্গে তাঁর পরিচয় ছিল, নিমন্ত্রণপত্র চলত, তাঁদের নিমন্ত্রণ করে একটা বউভাত করেছিলেন; বার খরচ আট হাজার টাকা হয়েছিল। খাওয়া-দাওয়ার সঙ্গে নৃত্য-গীতও ছিল, একথা সহজেই, অহুমান করতে পার। এর পর বড় বড় বাড়ী থেকে নিমন্ত্রণ আসতে শুরু করেছিল এ-বাড়ীতে, বর-বধূর। অনেক বাড়ীতে সপরিবার নিমন্ত্রণ। শুরু হয়েছিল জোড়াসাঁকোর জগদ্ধাত্রী দেবীর বাড়ী থেকে। রাণী রাসমণির বাড়ী থেকে উপঢৌকন এসেছিল। ও বাড়ীতে বীরেশ্বর রায় সস্ত্রীক পুত্র পুত্রবধূ নিয়ে রাণীকে দেখাতে গিয়েছিলেন। জানবাজারের বাড়ীর জমি দানের জন্তও বটে, আর রাণীর মহিমময়ী চরিত্রের জন্তও বটে, তাঁর উপর নীরেশ্বর রায়ের শ্রদ্ধা ছিল অগাধ।

এর মধ্যে আবার নতুন জুড়ি কেনা হয়েছিল। এবার কালো ঘোড়া নয়, সাদা এক জোড়া ওয়েলার, নাম দেড় হাজার টাকা এবং গাড়ীটা ল্যাণ্ডো। সেই গাড়ীতে চড়ে রত্নেশ্বর কলকাতার দ্রষ্টব্য স্থানগুলি দেখে বেড়িয়েছিলেন। কলকাতার সঙ্গে তাঁর পরিচয় তখনও পর্যন্ত অল্প। ছেলেবেলা বালক বয়সে বিমলাকান্তের সঙ্গে এসে বছর খানেক কি তার কম কলকাতায় ছিলেন। তারপর চলে গিয়েছিলেন কাশী। ফিরেছিলেন দীর্ঘকাল পর; তখন তিনি যুবা। অনেক কাণ্ডের পর বাপের সঙ্গে পরিচয় এবং পুনর্মিলনের পর রত্ন বীরেশ্বরকে নিয়ে কলকাতায় এসে মাস চারেক ছিলেন, কিন্তু তার মধ্যে পুরো এক মাস তাঁকে জামীনে খালাস থাকতে হয়েছিল। সে সময় তিনি বের হন নি। এবার স্ত্রীকে নিয়ে নতুন ল্যাণ্ডো গাড়ীতে, নতুন সাদা জোড়া-ঘোড়ায় জোলুং ছড়িয়ে বের হতেন। কালীঘাট থেকে দক্ষিণেশ্বর এবং স্ট্র্যাণ্ড রোডের গম্বার ধার থেকে লাটসাহেবের বাড়ীর চারিদিক থেকে সিঁথিতে এখন যেটাকে চিড়িরার মোড় বলে সেখানে কোন সাহেবের চিড়িয়াখানা পর্যন্ত ঘুরে দেখেছিলেন সেবার। তাঁদের সঙ্গে থাকত অগ্ননা। তার কাছে থাকত খাবারের কোটো, জলের কুঁজো, পানের বাটা, কোচ বসে কোচম্যানের পাশে মহাবীর সিং দারোয়ান, তার কোমরে সরকারী লাইসেন্সে বলীয়ান তলোয়ার। পিছনে জোড়া-পোশাক পরা সহিল।

তখন কলকাতায় নতুন যুগ। ১৮৫৭ সালের মিউটিনির পর থেকে ইংরেজের প্রত্যাপে কলকাতা, যে বনে বাঘ থাকে সেই বনের মত হয়ে অস্ত্র জঙ্ঘর উপদ্রব থেকে শান্ত হয়েছে।

তুমি হয় তো জান, ভবুও পুরনো কলকাতার কথা আমার কড়চাষ আছে বলেই বলছি, পুরনো কলকাতা ১৮৫৭ সালের আগে খুব শান্ত ছিল না। হত্যোমের নজর এর পরিচয় আছে। মোয়, খেলায়, পথে-ঘাটে ১৮৫৭ সালের আগে নানান উপদ্রব ছিল।

সমাচার দর্পণে ১৮৪০ সালের একটা খবরের কথা রত্নেশ্বর রায় তাঁর ডায়রীতে লিখেছেন এই প্রসঙ্গে। বারোয়ারীর পাণ্ডারা নানান অত্যাচার করত। বিশেষ করে সঙ্গে স্ত্রীলোক থাকলে লাহনার সীমা থাকত না।

দর্পণের খবরটা বেহালা সম্পর্কে। সেটা এই—“মান্ত সানব মহাশয়দিগের যুবা সন্তানেরা বারোয়ারী পুজার নিমিত্ত অনেক লোকের উপর অত্যাচার করিতেছিলেন। স্ত্রীলোকের ডুলী পালকী দৃষ্টিমাত্রেই বারোয়ারীর দল একত্র হইয়া তৎক্ষণাৎ আটক করিতেন এবং তাঁহাদিগের ইচ্ছামত প্রণামী না পাইলে কদাপি ছাড়িয়া দিতেন না। স্ত্রীলোকদিগের সাক্ষাতে অবাক্য উচ্চবাচ্য বাহা মুখে আসিত, তাহাই কহিতেন, তাহাতে লজ্জালীলা কুলবালা সকল টাকা-পয়সা সঙ্গে না থাকিলে বস্ত্রালঙ্কারাদি প্রদান করিয়া মুক্ত হইতেন।”

মূলত বললে—মনে পড়েছে, পেটন সাহেব নামে একজন দুঁদে ম্যাজিস্ট্রেট মেয়ে সেজে পালকি চড়ে বেহালায় এসেছিলেন। এরা জ্বরদস্তি করে পালকির দরজা বুলতেই সাঁদা গোখরোর মত বেরিয়েছিল ম্যাজিস্ট্রেট পেটন।

—হ্যাঁ। পেটন সাহেব সেবার সায়েস্তা করলেও পুরো সায়েস্তা হয় নি। হত্যোমের কালীপ্রসন্ন সিংহের জন্ম ১৮৪১ সালে, তাঁর নজায় আছে, তাঁর আমলে একবার এক বারোয়ারী-তলার প্রতিমার সিংহ ভেঙেছিল আনবার সময়। সেই সিংহ মেরামতির জন্তে টাকা চাই। তারা পরামর্শ করে আটকে ছিল এক বিশিষ্ট সিদ্ধি মশায়কে। চাক্রে মাছুষ। আপিস বাবেন। তাকে পথে আটকে ধরেছিল মারের সিদ্ধির পা ভেঙেছে, এখন সিদ্ধি কোথায় পাই, আমাদের উপর স্বপ্ন হয়েছে, আপনাকে এনে বসাতে হবে, যা দুর্গার পারের তলায়। সিদ্ধি মশায় মেরামতি খরচ দশ টাকা জরিমানা দিয়ে রেহাই নিয়েছিলেন।

কিন্তু ১৮৫৭ সালে মিউটিনী দমনের পর ইংলণ্ডেশ্বরী যখন ভারতেধরী হলেন, তখন কলকাতার গুই হাল পাটাল। ইংরেজের ভয়ে তখন কথা গুটিয়ে গর্তে ঢুকেছে সব।

ভবু রত্নেশ্বর রায় দারোয়ান ছাড়া যেতেন না কোথাও। প্রয়োজন হলে একজনের জায়গায় দুজন নিতেন।

ডায়রীতে লিখেছেন—“দারোয়ান ইত্যাদি লইয়া অস্ত্র চিড়িয়াখানা দেবিয়া আসিলাম। দুইজন দারোয়ান লইয়াছিলাম। কলিকাতার এক প্রৌণীক ইতর গুণ্ডা ও উচ্ছ্বাল ভদ্র যুবকের কথা শুনিয়াছি। আমি নিজেও সবল শক্তিমান। কাশীতে থাকিয়া কুস্তী করিয়া দেহ পাকাইয়াছি। কিন্তু কোন প্রকার উপদ্রব হয় নাই। সকল জীবজন্তু দেবিয়া নিরাপদে ফিরিলাম। অস্ত্রকার এই ভ্রমণ বড়ই আনন্দসহকারে উপভোগ করিয়াছি। একটি দৃষ্ট দর্শন করিয়া চিত্তে রোমাঞ্চকর ভাবের উদয় হইল। এক জোড়া সবল ব্যাঘ্র ও ব্যাঘ্রীর প্রেয়সীলা

দেখিলাম, ব্যাড্টি ব্যাড্ঠীকে কামড়াইতেছে, ব্যাড্ঠী তাহাকে খাবা মারিয়া প্রতিহত করিয়া গর্জন করিয়া যেন শাসন করিয়া কহিতেছে, নিলজ্জ পুরুষ কোথাকার, তোমার কি কোন প্রকার লজ্জাসরম নাই। এই এত লোকজনের সম্মুখে এসব কি হইতেছে।

আমার পার্শ্বেই স্বর্ণলতা অবাক হইয়া দেখিতেছিল। তাহার দিকে তাকাইয়া আমি সশ্রমে দৃষ্টি নিক্ষেপ করিলাম। সে লজ্জায় মুখ নত করিল। আমি অগ্রসর হইয়া তদীয় হস্ত ধারণ করিয়া মৃদুস্বরে কহিলাম, দেখিতেছ। সে বলিল—আঃ।

গিছন হইতে খুক খুক শব্দে কেহ হাস্ত করিল। আমি মুখ ফিরাইয়া দেখিলাম অঞ্জনা হাস্ত করিতেছে। সে সব লক্ষ্য করিয়াছে।”

গাড়ীতেও সামনের সিটে বসে অঞ্জনা বারবার মুচকে-মুচকে হাসছিল। স্বর্ণলতা দেবী রাঙা হয়ে উঠেছিলেন।

অঞ্জনা বলেছিল—এই আমি মুখ ফিরিয়ে উল্টো মুখে বসছি ভাই বউ। তাছাড়া নন্দদের আড়ি পেতে শোনা চিরকালের। ওরা দেখলেও দোষ নেই, শুনলেও দোষ নেই। ছোটদাদা আমার চকোরের মত চাঁদের দিকে তাকিয়ে আছে। তুমি ভাই চাঁদ, মেঘের আড়ালের মত ষোমটাটা সরাও।

সে সত্যিই মুখ ফিরিয়ে বসেছিল।

স্বর্ণলতা সুর্যোগ পেয়ে রোষকটাক্ষে শাসন করেছিলেন রত্নেশ্বরকে। রত্নেশ্বর সেই গাড়ীর মধ্যেই হা-হা শব্দে হেসে উঠেছিলেন।

অঞ্জনা মুখ ফিরিয়ে বলেছিল—লজ্জা তাওল ?

রত্নেশ্বর বলেছিলেন—অঞ্জনা, ঠিক বাহিনীর মত তাকালে রে, হাতে আমার আবার চিমটা কাটলে।

অঞ্জনাও বিলাখিল করে হেসেছিল। এবার স্বর্ণলতাও খুক-খুক করে মুখে কাপড় চাপা দিয়ে হাসতে আরম্ভ করেছিলেন।

বাড়ীতে এসেই দেখেছিলেন, কীর্তিহাটের ধবর এসেছে। সেখানে ফিরতে হবে। সামনে বড়দিন। ভেটের ব্যবস্থা যাবে কলকাতা থেকে। তার কেনাকাটা আছে। এবং ছোট হজুরকে যেতে হবে, মেদিনীপুরে সাহেবদের সঙ্গে দেখা করবেন তিনি। হজুরের খত্তর বলে দিয়েছেন, রত্নেশ্বর যেন আসে। বেয়াই মশাইয়ের কাল গেছে। এখন জেলার কর্তাদের সঙ্গে দহরম-মহরমটাই সব থেকে বড় কথা। আগে যা হয়েছে হয়েছে, এখন নতুন কালে নতুন চাল।

তা ছাড়াও বড় ধবর ছিল, এবার শ্রামনগরের দে-সরকার শ্রামনগর বিক্রী করতে রাজী হয়েছে। তারা একবার ছোট হজুরের সঙ্গে সাক্ষাৎ করে কিছু কথাবার্তা বলতে চায়।

ধবর নিয়ে যিনি এসেছিলেন, তিনি ঠাকুরদাস পাল। বিয়ে করে তিনি চলে গিয়েছিলেন শ্রামনগর। শ্রামনগর বিক্রীর চিঠি তিনি এনেছেন। তাঁর মনস্বামনা সিন্ধু হয়েছে।

মূলত বললে—রত্নেশ্বর নিজের পতনের ব্যবস্থা নিজেই করেছিলেন। মাছুষ তাই করে। তবে হোষ তিনি বোল আনা অঞ্জনার বাড়ীতে চাপিয়ে গেছেন নিশ্চয়।

স্বপ্নের বললে—বারো আনা তো বটেই। তবে নিজের খাড়ে চার আনা নিয়েছিলেন—  
সে তাঁর ডায়রীতে আছে। সে তোমাকে প'ড়ে খানিকটা শোনালাম। পরে আরও আছে।  
কিন্তু আমার ক্রম ভেঙে না। ক্রমাহসারে বলে যাই বলতে দাও।

এই যে দীর্ঘ ইতিহাসটি বললাম—এটি কিন্তু সব জেনেছিলাম একদিনে।

১৯৩৭ সালের শেষ জানুয়ারী শীতের দিন, সকালবেলাতেই পুলিশ এসে বিমলেশ্বরকাকাকে  
ধরে নিয়ে গেল; অর্চনাকে তিনি বাঁচিয়ে কোমরে দড়ি প'রে হাতে হাতকড়ি পরে পুলিশের সঙ্গে  
গ্রাম ঘুরে দেখিয়ে গেলেন, রায়বংশের ঋণ তিনি শোধ করলেন। ঋণ শোধ করতে তাঁর বৈষ্ণব  
ধর্মকে তিনি বিক্রী করেছেন, যে সম্ভানটুকু ছিল তা বিক্রী করেছেন—অনুতাপ করেন নি।

কাকীমা আমাকে ডেকে বলেছেন—এর শোধ নেবে, তুমি আমাকে কথা দাও ভাস্বরপো!

আমি কথা দিয়েছি। অর্চনা ঘরের মধ্যে মুখ লুকিয়েছে। তার কথা বিমলেশ্বরকাকার  
স্বী, তাঁর জা অর্থাৎ অর্চনার মায়ের কাছেও প্রকাশ করেন নি। তিনি বর্ধমানের উকীলের  
ঘরে, তিনি আইন বোঝেন। এবং দেশের অবস্থাটাও বোঝেন।

বাড়ীতে কিরে এসে আমি গোপাল সিংয়ের ইতিহাস সংগ্রহ করেছি রত্নেশ্বর রায়ের ডায়রী  
থেকে। মাঝখানে গ্রামের লোকেরা এসেছেন। প্রত্যেকে সেদিন মহাহুত্ব জানিয়ে গেছেন।  
দয়ালটাকুরদা—উরুকালা এসে চোখের জল ফেলে উরুকালা প্রকাশ করে বলে গেছেন—শোধ  
নিয়ো।

বুঝ রত্নলাল মণ্ডল নিজে আসতে পারেন নি, শরীর তাঁর ভেঙে গেছে। তিনি বাড়ী থেকে  
বের হতে পারেন না, ওই কংগ্রেসের মিটিং যা অতুলকাকার কাণ্ড তার পর থেকে। রত্নলাল  
মণ্ডলমশায় সভাপতি হয়েছিলেন। পুলিশ যখন লাঠি চালায়, তখন অতুলকাকা নিজের দেহ  
দিয়ে তাঁকে ঢেকে মাটিতে শুয়ে পড়েছিলেন, তবু আঘাত নিবারণ করতে পারেন নি। একটা  
লাঠির ঝুঁতো তাঁর কোমরে লেগে হাড় ভেঙে দিয়েছিল। তাঁকে গ্যারেস্ট ক'রে নিয়ে গিয়ে  
হাসপাতালে দিয়েছিল, সেখানে গুটার পর প্রায় অক্ষম দেখে এবং বয়স দেখে ছেড়ে দিয়েছিল  
পুলিশ। লোকে বলে—তাঁর হয়ে তাঁর উকীল ছেলে একটা বগু গোছের কিছু লিখে দিয়ে  
ছাড়িয়ে এনেছিল বাপকে। অক্ষম রত্নলাল বিছানায় শুয়ে থাকতেন আর ওই উকীল ছেলেকে  
গালাগাল দিতেন। তাঁর বড় ছেলে আমার কাছে এসেছিল। বলেছিল—আমাদের বাড়ীর  
সামনে বিমলবাবুকে কোমরে দড়ি বেঁধে পুলিশ নিয়ে গিয়ে ইচ্ছে করে কিছুক্ষণ ঝড় করিয়ে  
রেখেছিল। লেকট রাইট লেকট রাইট বলে চোঁটিয়ে কনস্টেবলগুলোকে দিয়ে পা ঝুঁকিয়েছে।  
বাবাকে অনেক কষ্টে সামলে রেখেছিলাম। তাঁকে তো দেখেছেন—খুব চৈতান তিনি!  
এখনও হাড়মাউ ক'রে কাঁদছেন। আপনার কাছে পাঠালেন, বললেন—স্বপ্নেরবাবুকে বল  
গা গিয়ে এর শোধ যেন তিনি নেন।

আমার মনেও কোভের অন্ত ছিল না। সেই কোভের বশেই ডায়রী পড়ছিলাম। বিচার  
করবার ক্ষমতা নয়; দেখছিলাম পূর্বকালের ঘটনার মধ্য থেকে কোথায় কোন ছিন্নম্পথ পাওয়া  
যায় যার মধ্য দিয়ে আইনের দড়ি পরিবে শিবু সিং এবং তার বাপ হরি সিংকে বাঁধতে পারি।  
কিন্তু পড়তে পড়তে কাছিনীর মধ্যে তন্ময় হয়ে গিয়েছিলাম। যে তন্ময়তার রত্নেশ্বর রায়ের

পূর্বকথা শেষ করে তার দিনলিপিতে এসে পড়ে পৌঁছুলাম রত্নেশ্বরের বিয়েতে, স্বাম্যবাহীর জীবননাটকে, অঞ্জনার প্রবেশে এবং বীরেশ্বর রায়ের প্রস্থানে।

সুলতা প্রশ্ন করলে—প্রস্থানে? মানে?

—তার অর্থ বীরেশ্বর রায় আর কীর্তিহাট করেন নি। ওই গেলেন তিনি কীর্তিহাট থেকে কলকাতা। এবং তারপর কলকাতা থেকে তীর্থে।

—তীর্থে যুত্যা হয়েছিল তাঁর?

—না। বৈরাগী তিনি ছিলেন না। স্ত্রী ভবানী দেবীর জন্ত দেবতার পুষ্প চরণোদক এও তিনি নিত্য খেতেন তাঁর হাতে, তাঁর জুগেই তীর্থে ঘুরেছেন, দেবমন্দিরে গেছেন, দেখতে গেছেন নিজের আগ্রহে কিন্তু প্রণাম করেছেন স্ত্রীর ইচ্ছায়, নিজের ইচ্ছায় নয়। শুধু গয়াতে গিয়ে পিণ্ড দিয়েছিলেন নিজের আগ্রহে। থাক; এমনভাবে বলার থেকে গুছিয়ে বলি।

\*

\*

\*

১৮৫৯ সালের ডিসেম্বরে বড়দিনের আগেই কিরলেন তিনি। সরস্বতীবউয়ের বয়স তখন মাত্র চৌদ্দ সন্তরাং অঞ্জনার মত একটি চিত্তরঞ্জিনী চতুরা অতি সুকৌশলে তার মধ্যে নিজের ইচ্ছেগুলো সঞ্চারিত করে দিত।

রত্নেশ্বর রায় ডায়রীতে লিখেছেন—বিপদে পড়িলাম। কীর্তিহাট হইতে নায়েব এবং মেদিনীপুর হইতে পূজাপাদ স্বস্তর মহাশয় ওখানে যাইবার জন্ত লিখিয়াছেন। গিন্নীস্ব অ্যাচার্স লিখিতেছেন—দে-সরকার শ্রামনগর বিক্রয় করিতে প্রস্তুত। এমত সময় স্বর্ণলতা সরস্বতীবউ একরূপ আবদার ধরিয়াছে কলিকাতায় বড়দিন না দেখিয়া যাইবে না। এখানে অবশ্য কলিকাতা দেখিয়া বেড়াইতেছি আনন্দ করিতেছি, আমারও যৎপরোনাস্তি সুখ এবং আনন্দ হইতেছে। বিশেষ করিয়া পরিভ্রমণের সময় অঞ্জনা যেরূপ নন্দোচ্চিত হাস্যপরিহাসে আমাদের উভয়ের জীবনের আনন্দে চঞ্চল বায়ুপ্রবাহ হিলোলিত করিয়া তুলিতেছে তাহাতে সুখ ও আনন্দ যেন তরঙ্গিনীর তরঙ্গের স্তায় নৃত্য করিয়া ছুটিতেছে। কিন্তু যে সব পত্রাদি পাইলাম তাহার পর আর কি করিয়া থাকা চলে? আমি সামান্য যুবক নহি; আমি কীর্তিহাটের রায়বংশের একমাত্র উত্তরাধিকারী। উত্তরাধিকারীই বা কেন, আমি অধীশ্বর। অতাই পিতা সকল পত্রাদি পাঠ করিয়া আমাকে ডাকিয়া কহিলেন—

বড়কর্তা বীরেশ্বর রায় বলেছিলেন—বস; যা পত্র এসেছে তাতে তোমাকে দু-তিন দিনের মধ্যে কীর্তিহাট করিতে হবে। জরুরী কাজ। বিশেষ করে শ্রামনগর। শ্রামনগর ক্রয় সম্পর্কে যা পত্র দেখছি তাতে মনে হচ্ছে দে-সরকাররা হয়তো বা কিছু কিছু সুবিধে চাইবেন। প্রতিশ্রুতি চাইবেন। হয়তো বা রাধানগর বাদ দিবে বাকী বিক্রী করতে চাইবেন। কিম্বা শুঁদের সম্পত্তি ষোড়শমা নিকর বলে স্বীকৃতি চাইবেন দলিলে। মৌখিক প্রতিশ্রুতিও কিছু চাইবেন বলে মনে হচ্ছে আমার। অ্যাচার্স হয়তো দিতে চাইছেন না—চাইবেন না। আমি বলব দেবে। দেওয়া উচিত। তাঁরা নত হয়েই বখন চাচ্ছেন তখন দেবে। এগুলি হল রাজস্ব। আমাদের দেশেও আছে, অল্পদেশেও আছে। আলেকজেন্ডার পুরু রাজার সঙ্গে কি ব্যবহার করেছিলেন নে তো জান। আমাদের দেশে অল্পই আছে। শাস্ত্রেরও এই নির্দেশ। সন্তরাং তাঁরা



শ্রামনগর বিক্রী করছেন এইটেই আমাদের কাছে তাদের হার যানা। আমি হলে ওটা জলের দরে বিক্রী করে দিতাম, কিন্তু খার সঙ্গে ঝগড়া তাকে দিতাম না। অবশ্য—

একটু ধেম্বে হেসে বলেছিলেন—অবশ্য টারা দে-সরকার অর্থহীন, অল্পপ্রাণী লোক; টাকাই তার কাছে সব। টাকা পেলে সে সব সহিতে পারে। টাকার জন্তে সে সব করতে পারে। কিন্তু সে বিচার আমরা করব না।

রত্নেশ্বরের মন এতে সায় দিয়েছিল। তিনি বলেছিলেন—আজ্ঞে হ্যাঁ। এতে সম্পূর্ণ একমত আমি। যা আদেশ করলেন তা আমি অক্ষরে অক্ষরে পালন করব।

—হ্যাঁ। তবে সর্তগুলি যত্নসহকারে খুঁটিয়ে বুঝে দেখো। জুঁদের সম্পত্তি নিজের এ আমরা দেব না। না। তা হতে পারে না। তা হলে প্রজা ঠিক হলেন না তাঁরা। মৌরসী করে দিতে পার। খাজনা অন্ততঃ বছরে একটা টাকাও দিতে হবে। বুঝেছ।

—আজ্ঞে বেশ। তাই হবে।

—আর একটা কথা।

—আজ্ঞা করুন।

—দেখ—। শুরু করেও চূপ করে গিয়েছিলেন বীরেশ্বর।

কিছুক্ষণ অপেক্ষা করে রত্নেশ্বর বলেছিলেন—বাবা।

—হ্যাঁ বলছি। আর একবার ভেবে নিলাম। ভেবে দেখলাম। দেখ—আমি মনে মনে অভিপ্রায় করেছি যে তুমি সম্পত্তির ছ আনার মালিক হয়েই আছো বাকী দশ আনার মালিক এখনও আমি। তোমাকে আমার সমস্ত ক্ষমতা অর্পণ করেছি। তুমিই সব করছ। কিন্তু—।

চমকে উঠেছিলেন রত্নেশ্বর। কিন্তু পরমুহূর্তেই বীরেশ্বর রায় যে-কথা বলেছিলেন সে কথা শুনে স্তব্ধ হয়ে গিয়েছিলেন।

বীরেশ্বর রায় বলেছিলেন—দেখ আমি স্থির করেছি—অনেক চিন্তা করেই স্থির করেছি, যে আমার অংশ আমি দানপত্র করে তোমাকে দিয়ে আমি সম্পূর্ণরূপে মুক্ত হ'তে চাই।

বিশ্বাসে কিছুক্ষণ স্তব্ধ হয়ে থেকে রত্নেশ্বর বলেছিলেন—কেন বাবা? আমার কি কোন ক্রটি—

—না—না। তুমি আমার মুখোজ্জলকারী পুত্র। তার জন্ত নয়। কথা হল কি জান, এই যে কালটা এল, এটা সম্পূর্ণ নতুন কাল। এ কালের জমিদারী চালনা সে কালের প্রণয় চলবে না। জমিদারীকে যে অর্থে রাজস্ব বলতাম তা আর রইল না। ১৮৫৯ সালে যে নতুন প্রজাস্বত্ব আইন হ'ল সে আইনে জমিদারের আসল অধিকারই চলে গেল। কীর্তিহাটে যে আদেশ তুমি কাছারীতে জারী করেছ তা খুব কালোচিত হয়েছে। প্রথমটা শুনে আমার ক্ষোভ হয়েছিল। পুত্র সকলেরই সমান রত্নেশ্বর, কিন্তু তুমি আমার কি তা অবশ্যই অহুমান করতে পার। সমুদ্রগর্ভে হারিয়ে যাওয়া নিষি। বিচিত্র রূপায় ফিরে পেয়েছি তোমাকে।

রত্নেশ্বর ডায়রীতে লিখেছেন—“আমার মনে হইতেছিল আমি যেন স্থান কাল বিশ্বত হইয়া বাইতেছি, ইচ্ছা হইতেছিল আমার এই হিমালয়তুল্য পিতৃদেবের চরণতলে লুটাইয়া পড়ি।”

বীরেশ্বর বলেছিলেন—বিখ্যা গোপন তোমাকে করব না। তোমার স্বতন্ত্রমণীর কথাটা

বলে গিয়েছিলেন—বেইমশাই কাগটা বড় কঠিন পড়ল, আগের কাল গেল। কোম্পানী মানে বেনের দল আর দেশের মালিক রইল না, ব্রিটিশ ক্রাউন হল মালিক। এবার আর ঘুঘের রাজত্ব রইল না। লাভের জন্তে যা খুশী তাই করার কাল রইল না। এবার মহারাজার রাজত্ব, এ রাজত্বে বামুন চণ্ডাল জমিদার প্রজা ধনী দরিদ্র সব এক আইনের কীসে বাঁধা পড়ল। নতুন এ্যাক্টিটা পড়ে দেখুন। তখনও ঠিক আমলে আনি নি। তুমি ষণ্ডরবাড়ী থেকে এসে নতুন হুকুম জারী করলে; শুনে একটু লাগল। আমার সঙ্গে পরামর্শ করলে না একবার? তারপর এখানে এসে এ্যাক্টি সবক্কে আলোচনা হল কাঙ্গীপ্রসন্ন সিংহীমশায়ের সঙ্গে, তিনিও বললেন—আরে মশাই আগের কালে তলবমাত্রে প্রজার হাজিরানা ছিল কম্পালসারি। না এলে আপনি সিপাই পাঠিয়ে প্রজার ঘাড়ে ধরে আনতে পারতেন। আর তা পারবেন? অবিশ্বাস্ত রামাশ্রামাকে পারবেন। কিন্তু আমাকে পারবেন? আবার রামার পিছনে আমি দাঁড়ালে পারবেন? এ তো মশাই জুতো জামা পরা ঘোড়া হাতী চড়া গোমস্তাগিরি! জমিদারীর আর রইল কি? কথাটা ঠিক। আর ওতে আমার দরকার নেই রত্নেশ্বর। জমিদারী তোমাকে আমি দান করব। কলকাতার বাড়ী, আর নগদ টাকা আমার অংশের চার লক্ষের মধ্যে দু লক্ষ টাকা—এই আমার থাকবে। ওতেই আমি বেড়াব তীর্থ—নানা স্থান। বাস। পরমায়ু আমার বেশী দিন নেই। আমি বুঝতে পারছি। বাকী ক'টা দিন আনন্দ করে কাটিয়ে দেব। আমার অন্তে আমার উইল অনুযায়ী চাকরবাকরকে কাউকে পাঁচশো কাউকে হাজার কাউকে একশো দিয়ে যা থাকবে তার থেকে সোফিয়ারকে পাঁচ বা দশ হাজার টাকা এবং জীবন স্বছে ওই এলিগট রোডের বাড়ী দেব। এবং অবশিষ্ট সবের মালিক হবেন তোমার গৰ্ভধারিণী।

শুধু হয়ে সব শুনেছিলেন রত্নেশ্বর।

বীরেশ্বর বলেছিলেন—তুমি আপত্তি করে না। এ তোমার জন্তেই করছিলাম আমি। আমার জন্তেই করছি—রায়বংশের জন্ত করছি। বুঝেছ। রায়বংশের জন্ত। অবশ্য শোমেশ্বর রায়ে দেবোত্তরের বাইরের যা সম্পত্তি তাও আমি দেবোত্তর করে তোমাকেই তার সেবাইত করে দানপত্র করব। তুমি মালিক হবে সেবাইত স্বত্বে। কোন সৰ্ত্ত আমি আরোপ করব না। শুধু দেবত্ব সম্পত্তি রইল দেবতার নামে। তাঁর সেবা চালিয়ে বক্সী আয় তুমি তোমার পছন্দমত খরচ করবে। আমি অপব্যয়ী। আমি বাল্যকাল থেকে ক্রোধীও বটে। এই গোমস্তাগিরির বড়লোকপনা এ আমার সইবে না।

স্বরেশ্বর বললে—রত্নেশ্বর রায়ে ডায়রীতে একটি বিস্ময়কর কথা আছে, পুলতা, সেটি বলি। সেটি না বললে রায়বংশের জবানবন্দী কীৰ্ত্তিহাটের কড়চা অসম্পূর্ণ থেকে যাবে। সে কথা জবানী দেবীর কথা।

এই জানবাজারের বাড়ীর বড় হলঘরে কথাবার্তা হচ্ছিল পিতাপুত্রে। পাশের ঘরটা ছিল তবানী দেবীর পূজার ঘর—নিজের ঘর। পাশেই ছিল ওদের শোবার ঘর। ওদিকের দক্ষিণ-পূব খোলা ওই ঘরখানা। জবানী দেবী পূজার বসে সব শুনেছিলেন। তিনি ঠিক এই মুহূর্ত্তটিতেই ওঘর থেকে পূজার একটি জবানুল এবং বিষ্ণুপত্র হাতে করে এ ঘরে এসে দাঁড়িয়েছিলেন।

পিতাপুত্র তাঁর দিকে তাকিয়ে চূপ করে গিয়েছিলেন। ঠিক গোপন করার জন্য নয়। তার উপস্থিতিতে ঠিক এইসব কথা যেন স্বচ্ছন্দে অস্বস্তিতে কওয়া যেত না।

রত্নেশ্বর রায় ভারতীতে লিখেছেন—মাতৃদেবী গৃহমধ্যে প্রবেশ করিলেন আর তাঁহার দিকে দৃষ্টিপাতকরতঃ পিতৃদেব শুকু হইয়া গেলেন। আমিও তাঁহার দিকেই তাকাইয়া রহিলাম। এই পূজার পর তাঁহার যে মূর্তি হইত তাহা এক আশ্চর্য বিশ্বজনক মূর্তি। মনে হইত তিনি যেন মানবী নহেন কোন অপার্থিব দেবীমূর্তি। তিনি আসিয়া পিতার শয্যার পার্শ্বে দণ্ডায়মান হইলেন এবং সঙ্গে সঙ্গে পিতৃদেব হস্ত প্রসারণ করিতেই তিনি পূজার জ্বাপুষ্প ও বিবদল তাঁহার হাতে তুলিয়া দিলেন। পিতৃদেব তাহা মস্তকে স্বহস্তে ধারণ করিয়া স্বকীয় উপাধানের তলদেশে রাখিলেন। অতঃপর মাতৃদেবী বামহস্তের রৌপ্য ঘট হইতে কুশী করিয়া ইষ্টদেবীর চরণোদক তাঁহাকে পান করাইয়া কহিলেন—তুমি যাহা ধারণা করিয়াছ তাহা কদাপি ফলবতী হইবে না। বলিয়া ঈষৎ হাস্ত করিলেন।

পিতা কহিলেন—কি মনস্থ করিয়াছি কোন কথা বলিতেছ?

—তোমার উইলের কথা!

—হাঁ। বলিতেছিলাম বটে। তুমি তাহা শুনিতে পাইয়াছ?

—পাইয়াছি। শুনিয়া মন চঞ্চল হইল। কিন্তু মা বলিলেন—চঞ্চল হইস না ইহা কদাপি সত্য হইবে না।

পিতা ক্র-কুণ্ডিত করিয়া কহিলেন—উইল করা হইয়া উঠিবে না?

—না। উইল তুমি করিবে। কিন্তু যাহা মনে করিতেছ তাহা হইবে না। তোমার পরিত্যক্ত সম্পত্তি এবং অর্থ ভোগ করিবার জন্য ভবানী কদাপি জীবিত রহিবে না। আমি অগ্রে থাকিব। তুমি আমার বিরহে উগ্ৰভবৎ হইবে। সতীহার্য শিবের মত তোমাকে হাহাকার করিতে হইবে।

পিতৃদেব হাস্ত করতঃ বলিলেন—অতঃপর কি হইবে। তুমি উমা রূপে জন্মগ্রহণ করিবে এবং আমার তপস্যা ভঙ্গ করিয়া আবার আমার গৃহে আসিয়া আমাকে সংসারী করিবে!

মাতৃদেবীর অধরে পুরা দ্বিতীয়ার চন্দ্রমার মত ক্লীণ হাস্তরেখা ফুটিয়া উঠিল, তিনি কহিলেন—না। এতটা হইবে না। তবে তোমাকে— তিনি নীরব হইয়া গেলেন। তৎপর একটা গভীর দীর্ঘনিশ্বাস ত্যাগ করতঃ কহিলেন—তাহা তোমাকে আমি বলিব না। অন্ততঃ আজ বলিব না। আমি যেদিন যাইব সেইদিন বলিব। আমি শুধু বলিতেছি যে, তোমার উইলের মধ্যে আমার নাম উল্লেখ করিয়া ওই সকল কথা লিখিও না। তাহাতে আমার মনে অভ্যস্ত ঝাটনা হইয়া থাকে। এ সংসারে তাবনা আমার তোমার জন্য।

অকস্মাৎ তাঁহার আয়ত মরনময় অশ্রুভারাক্রান্ত হইল এবং আমরা সবিস্ময়ে দেখিলাম দরদর ধারায় তাহা নির্গলিত হইয়া দরদর ধারে তাঁহার গণ্ডময় প্রাবিত করিয়া নামিয়া আসিল।

পিতৃদেব অভ্যস্ত অভিভূত হইয়া গেলেন, বলিলেন—তুমি ক্রন্দন করিতেছ—সতীবউ?

মাতা নীরবে অশ্রু বিলর্জন করিতে লাগিলেন। তাঁহার সে-মূর্তি অপূর্ণ। এমন কদাচ নিরীক্ষণ করিয়াছি। মুখমণ্ডল যেন ঈষৎ উর্ধ্বে তুলিয়া তিনি কোন অদৃশ্যলোকের দিকে

তাকাইয়া আছেন। এবং সেখানে যাহা কিছু সংঘটিত হইতেছে, তাহা তিনি দিব্যদৃষ্টিতে প্রত্যক্ষ করিতেছেন।

আমি তাঁহার নিকটে আসিয়া তাঁহার গাত্র স্পর্শ করিয়া ডাকিলাম—মা।

তিনি দীর্ঘনিঃশ্বাস ত্যাগ করিয়া কহিলেন—রত্ন বাবা, তাঁহার ভাগ্যে আমার জন্মই দুঃখ-ভোগ রহিয়াছে। তুমি আমাকে একটি প্রতিশ্রুতি দাও যে, আমার অবর্তমানে উনি যাহাই করুন, তুমি কদাচ তাঁহাকে অভক্তি করিবে না। অবহেলা করিবে না।

আমি কহিলাম—সে কি মা? এমন বাক্য তুমি কেন কহিতেছে? আমি কি নরাধম? আমি কি মনুষ্যত্ববঞ্চিত?

মাতৃদেবী কহিলেন—না বৎস, তুমি অতি কঠোরচেতা স্নায়বান বলিয়াই এরূপ হওয়ার সম্ভাবনা আছে। তাহা ছাড়াও আরও একটি কথা রহিয়াছে। তোমরা ধনবান, তোমরা ভূসম্পত্তিশালী রাজতুল্য ব্যক্তি। তাহাদের মধ্যে এতদপ্রকারের মতিভ্রম অধিকাংশ ক্ষেত্রেই ঘটিয়া থাকে। পূর্বে রাজাদের বাদশাহদের মধ্যে এরূপ ঘটনা নিরন্তর ঘটিয়াছে। আজও ধনসম্পত্তি লইয়া পিতাপুত্রে মনোমালিঙ্গের অবধি নাই।

বলিয়া তিনি বস্ত্রাঞ্চলে চক্ষু মার্জনা করিতে করিতে চলিয়া গেলেন।

পিতা সন্মুখ হস্তসহকারে বলিলেন—উঁহার কথা তুমি ধর্মব্যয়ের মধ্যে আনিরো না রত্নেশ্বর। দেবতা-দেবতা, ধর্ম-ধর্ম করিয়া তাঁহার মস্তিষ্ক সকল সময় সূস্থ থাকে না। বিশেষ করিয়া পূজা করিয়া উঠিবার অব্যবহিত পরই। অনেক সময় তিনি এইরূপ আবোল-ভাবোল বকিয়া থাকেন।

অতঃপর—

তারপর রত্নেশ্বর তাঁর ডাঃস্বামীতে এদেশের তৎকালীন ধর্মবিশ্বাসের অজ্ঞতা সম্পর্কে অনেক কথা লিখেছেন। বলেছেন—এইসব ‘ভর’ দেবাবিষ্ট বা ভূতাবিষ্ট হওয়ার মতই মানসিক বিকার। যা যে বারো বৎসর ভ্রত করেছিলেন, তাতে কি তার বাপের পাপের খণ্ডন হয়েছে? —হয়নি। এইসব অলীক বিশ্বাস আমাদের সর্বনাশ করেছে। আমি এসব থেকে দূরে থাকব।

যাক, এইবার যা ঘটল, তাই বলি। রত্নেশ্বর রায় ফিরে এলেন কীর্তিহাট। কলকাতা থেকে হুইকী-ব্র্যাণ্ডের কেস এল, টাকী ফাউল, তার সঙ্গে ডজন দরুণে দেশী মুগী, ভাল মেখে ভেড়া, দেশী কলকাতার মিষ্টান্ন। বিভিন্ন সাহেব-অফিসারদের এবং তাঁদের স্ত্রীর জন্তে সোনার ধড়ি, সিল্কের থান, গরম কাপড়ের থান, মূল্যবান লেডীজ শাল এল। বিশেষ ব্যবস্থা করে কলকাতা থেকে সাহেবদের প্রিয় ফুল, তা-ও আনানো হয়েছিল। তবে সেগুলো যেদিনীপুর শহর পর্যন্ত পৌঁছতে তাজা থাকেনি।

রত্নেশ্বর রায় চোগা-চাপকান পেটালুন পরে মাথার শামলা লাগিয়ে বুকের উপর কাটাকাটি চিহ্নের মত ধাঁজে কান্দিরী শাল কেলে সাহেবদের বাংলায় বাংলায় বড়দিনের ভেট দিয়ে সাহেবদের অজস্র ধন্যবাদ নিয়ে কীর্তিহাটে ফিরে এসেছিলেন।

ওদিকে শ্রামনগর কেনা হয়ে গিয়েছিল। বীরেশ্বর রায় যা বলেছিলেন, তাই সত্য হয়েছিল।

টারার দে-সরকার নিজে এসেছিলেন হুগলী শহর। শ্রামনগর হুগলী জেলা। সেখানে কীৰ্ত্তিহাটের রায়দের এন্টেন্টের সেয়েজা ছিল, নিজের বাড়ী কিনেছিলেন। একটা সে-আমলের পুরনো ওলন্দাজদের হুঠী। সেই বাড়ীতে টারার দে-সরকার ভাঙা হাত নিয়ে পুত্রের হাত ধরে এসে রত্নেশ্বর রায়ের সামনে প্রথম হেঁট করে নমস্কার করে বলেছিলেন—বৈষ্ণব হয়ে তুলসীপত্র একটিকে ছোট দেখে ঠিক ঠাণ্ড করত পানিনি বাবা। মনে হয়েছিল, তুলসীপাতা নয়, পুদিনার পাতা। পায়ে মাড়িয়ে গেলাম, একটু ঠাণ্ড করেও দেখলাম না। তা ভান হাতখানাই জেতে গেল!

আচার্য ছিলেন, তিনি বলেছিলেন—হবে। আবার ভান হাত হবে দে-সরকার। পায়-মাড়ানো তুলসীপাতা মাথায় তুলে ধরলে যখন তখন আবার হবে। তবে ওই কিঞ্চিৎ বৈক্য থাকবে।

—হবে? আচার্যমশায়—বলছেন—আবার হবে?

—হবে বৈকি? সত্যনারায়ণের পাঁচালী তো শুনেছ? সেই যে বণিকের মেয়ে সত্য-নারায়ণের প্রসাদ নিয়ে খেতে যাবে এমন সময় খবর এল—নদীর ঘাটে বাপ-স্বামী সাতখানা বোঝাই নৌকো নিয়ে ফিরেছে, অমনি—

—হ্যাঁ-হ্যাঁ, মনে থাকাকি মুখস্ত আছে। ‘পাক দিয়া ফেলে রামা হস্তের প্রসাদ।’

—হ্যাঁ, অমনি নৌকাসমেত স্বামী ঘাটের মুখে বারকয়েক বোঁ বোঁ করে ঘুরে ভুস করে জলের ওলায় চলে গেল। ঘাটের জলের উপর শুধু বুক বুক করে বুক-বুকি উঠল। তার দৈববাণী—‘আমার প্রসাদ ফেলে কোন্ অহঙ্কারে?’ যা—এখন মাটি শুধু চেঁচে তুলে থা। তাহলে স্বামী নৌকো উঠবে। তা সে মেয়েটা খেয়েছিল, আর স্বামীসমেত নৌকো যেমন ভুস করে ডুবেছিল, তেমনি আবার হস করে উঠেছিল। হবে আবার তেমনি হবে।

রত্নেশ্বর এঁদের এই বিচিত্র কথোপকথন কোঁতকের সঙ্গে উপভোগ করেছিলেন। কথা-গুলো তিনি ডায়রীতে লিখে রেখেছেন।

আচার্য দে-সরকারদের কাছে হাজারজুয়েক টাকা গোপন দালালী পেয়েছিলেন, সে-খবর রত্নেশ্বর রায়ের কাছে গোপন ছিল না। তিনি মুখে কিছু বলেননি। দে-সরকার যখন তার সম্পত্তি নাশরাজ করে নেবার প্রস্তাব জানিয়েছিলেন, আচার্য তা সমর্থন করেছিলেন প্রকারান্তরে। কিন্তু সে নামে। তিনি রত্নেশ্বরকে চিনেছিলেন। রত্নেশ্বর রায় বীরেশ্বর রায়ের উপদেশ মনে করে সম্পত্তি মোকররী-মোরসী করে দিয়েছিলেন—বিদ্যার হুঁ আনা খাজনা। মোট খাজনা ধার্ষ হয়েছিল বত্রিশ টাকা কয়েক আনা। আচার্য বলেছিলেন—ওঁদের জিতে দেবতার ঘর—এগুলি সহজে আমি বলি—নাশরাজ করে দেওয়া হোক।

দলিল হয়েছিল বিমলাকান্তের নামে। এবং সঙ্গে সঙ্গেই আর দুটো দলিল হয়েছিল—পাট্টা আর কবুলতি। জমিদার বিমলাকান্ত শ্রামনগর-রাধানগর পত্তনী বিলি করেছিলেন কীৰ্ত্তিহাটের যা আনন্দময়ীর সেবায়ত্ত বীরেশ্বর রায় এবং রত্নেশ্বর রায়কে।

শ্রামনগরের ব্রাহ্মণ-বৈত, সঙ্গোপ-মাহিষ বাসিন্দারা চব্বিশপ্রহর হরিনাম উৎসব করেছিল—বোল হরি বোল, বোল হরি বোল, বোল হরি বোল। দে-সরকারদের বাড়ীতে বিগ্রহের

সামনে হরিবোল দিবে বেরিয়ে যাবার সময় ধনি দিবে গিয়েছিল—বল হরি—হরি বো—ল !

একমাস পরে আবার কলকাতা থেকে পত্র এসেছিল।

“তুমি অবিলম্বে বধূমাতাকে লইয়া এখানে আসিবে। মাঘ মাস শেষ হইতে চলিল। আশা করি ইতিমধ্যে আদায়পত্রের কার্যাদি সুচারুরূপে নির্বাহ হইয়াছে। আমরা কাস্তনের প্রথমই পশ্চিম যাত্রা করিতেছি। তোমাকে যে-সকল দলিলের কথা বলিয়াছিলাম, তাহা এ্যাটর্নী প্রস্তুত করিয়াছেন। তুমি আসিলেই রেজেন্সি হইবে। মাসীমাতাকে বলিবে—তিনি যদি তীর্থে যাইতে চান, তবে আসিতে পারেন। অন্ননার কথা উঠিয়াছিল। কিন্তু মাসীমাতা থাকিবেন না, সুতরাং তাহার যাওয়া হইবে না। মাসীমাতাকে বলিবে—সোফিয়াবাই আমাদের সঙ্গে আজমীড় যাইবে। তিনি যেন তাহা বিবেচনা করিয়া দেখেন।”

প্রায় ছ’ মাস পর বীরেশ্বর রায় কলকাতা দিগেছিলেন। তিনি তখন একা। ভবানী দেবী নেই। তিনি যা বলেছিলেন, তাই হয়েছিল। বীরেশ্বর রায় আবার তখন মস্তপান শুরু করেছেন।

সুরেশ্বর বললে—কীর্তিহাটের কড়চায়, রায়বাড়ীর জবানবন্দীতে, বীরেশ্বর রায় শেখজীবন—বছর তিনেক বলতে পার—হারিয়ে-যাওয়া মানুষ।

তার কথাটা সেয়ে নি সুলতা। ভবানী দেবীর মৃত্যু আমি এঁকেছি। কিন্তু বীরেশ্বর রায়কে তারপর আর আঁকি নি। তিনি।—

যাক, বীরেশ্বর রায় এবং ভবানী দেবীর জীবনের কথাটা গুলিয়েই বলি। রায়বাড়ীর জবানবন্দীর ওই ছবিগুলির দিক থেকে দৃষ্টি একটু সরিয়ে নাও।

বীরেশ্বর রায় ভ্রমণকাহিনীর কথা লেখেন নি, কিছু পাই নি, তবে লোকজন যারা সঙ্গে গিয়েছিল, তাদের বলা কথা রায়বাড়ীতে কিছু কিছু আজও বেঁচে আছে। এবং একটা জমা-খরচের ছোট খাতা আছে।

যারা সঙ্গে গিয়েছিল, তারা সবই চাকর-বাকর, দারোয়ান, ঠাকুর এইসব। একটু বিশ্বয়কর ঠেকবে সুলতা যে, এদের মধ্যে গোপাল সিং ছিল। বড়াবারহুজুর তীর্থ যাবেন শুনে রত্নেশ্বরের অল্পমতি নিয়ে সে কলকাতায় এসে বড়াহুজুরের কাছে হাত জোড় করে বলেছিল—হুজুরের কিরপা হলে সে মহাপাণ থেকে মুক্ত হতে পারে। তাকে হুজুরবাহাজুর এত লোকজনের সঙ্গে তাঁবেদার হিসেবে গরীবকে ভি সঙ্গে নিয়ে চলেন। সে গরিতে গিয়ে বেটাকে পিণ্ড দেবে, বাগ দাদাকে দেবে। কাশী আর প্রয়াগমে গিয়ে স্নান অর্চনা করে সে সব পাপ থেকে মুক্ত হয়ে যাবে !

বীরেশ্বরের আগেই ভবানী দেবী বলেছিলেন—তুমি যাবে গোপাল সিং, তুমি যাবে।

বীরেশ্বরের মাসীমা রত্নেশ্বরের ঠাকুমাও গিয়েছিলেন। আর বলেছি, সোফিয়া বাইও সঙ্গে গিয়েছিল। তার ব্যবস্থা সব আলাদা ছিল, কিন্তু খাওয়া-শোওয়ার সময় ছাড়া অন্য সময়ের বেশীর ভাগটা থাকত বীরেশ্বর রায়ের কাছে। বাইজীর ঢঙ বা বেশজুয়ার মুসলমানী তার তার ছিল না। সেই দীর্ঘকাল পর প্রথম সে যে মালপেড়ে শাড়ী হিন্দুহানী ঢঙ পরে এসেছিল, তাই ছিল তার পোশাক। এক সন্ধ্যার পর সে যখন এসে গানের আসর পাতত, তখনই কিছুটা

প্রসাধন এবং সামান্য বেশভূষা করে আসিত।

রেললাইন তখন হাওড়া থেকে উত্তর মুখে উত্তরাপথ চলেছে দ্রুতবেগে। কাজ মিউটিনীর কয়েক বছর আগে থেকেই শুরু হয়েছিল। ১৮৫৫ সালে লুপ লাইনের কাজ চলাছিল, তিনগাছাড়ী, সাহেবগঞ্জ অঞ্চলে, এদিকে মেন লাইন গিয়ে পৌঁছেছিল রাণীগঞ্জ। ১৮৫৫ সালে রেললাইনের তিনজন সাহেব সীওতালদেবের মেয়ে কেড়ে নিয়ে খুন হয়েছিল ইতিহাসে আছে। সে সময় কীর্তিহাটের জেলা মেদিনীপুরেও সীওতালদেব স্বেপেছিল। মিউটিনীর পর রেললাইন দ্রুততর বেগে তৈরী হয়ে এগিয়ে চলেছিল। স্টীম ইঞ্জিনে টানা ট্রেনের বগিতে চড়ে পনেরো দিনের পথ তিনদিনে চলে যাচ্ছিল। কিন্তু বীরেশ্বর রায় ট্রেনে চড়েন নি, তিনি গিয়েছিলেন বজরায়।

চিকিৎসকের উপদেশের জন্তও বটে, এবং তাঁর মেজাজের জন্তও বটে। রেলগাড়ী—সে ছুটেবে আপন গতিতে, আপন নিয়মে এবং আরাম ভাতে সীমাবদ্ধ। তাছাড়া খাওয়া-দাওয়া নিয়ে ভবানীর এবং তাঁর সঙ্গে মাসীমা প্রভৃতি ক'জন বিধবার রেল গাড়ীতে দারুণ অসুবিধা। সে আমল—রেলগাড়ীর বিভিন্ন কামরায় কত জাতের কত লোক, গাড়ীগুলো পৃথক হলেও একসঙ্গে জোড়া; এর মধ্যে জাত বাঁচিয়ে কি খাওয়া যায়?

বীরেশ্বর রায়ের অসুবিধা, রেলগাড়ী তাঁর হৃদয় মানবে না। তাঁর জীবনের কার্যশূচীগুলোর সব ওলোট-পালোট হয়ে যাবে। তার উপর ট্রেনে কীকি আছে। আর আছে উন্টে-পড়া কি সামনাসামনি দুটো ট্রেনে ধাক্কা লাগবার ভয়। চিকিৎসকেরাও বলেছেন, এই ধাক্কা-ধকলে বীরেশ্বর রায়ের স্বাস্থ্যের অবনতি ঘটতে পারে। তার থেকে, তাঁরাই বলেছেন—বজরায় যাওয়াই উচিত। ধাক্কা-ধকল থাকবে না, এখন ফাস্তন মাস, বড় বা হাওড়ার সময় নয়। বজরা নৌকো যাবে মন্থ গতিতে। মানসিক স্বস্তিতে থাকবেন রায়। এ ছাড়াও এই গঙ্গার বাতাসের গুণে রায়ের স্বাস্থ্য আরও ভাল হয়ে উঠবে বলেই তাঁদের বিশ্বাস। তাই হয়েছিল।

তিনখানা বজরা, দুখানা বড়, একখানা ছোট। সব থেকে বড় বজরাখানা বীরেশ্বর রায়ের আমলের নতুন বজরা, যাতে দুখানা কামরা। একখানা বসবার, একখানা শোবার। এই বজরাতেই কীর্তিহাট যাওয়া-আসা করতেন। আর একখানা বজরা ছিল, সোমেশ্বর রায়ের আমলের, ছোট বজরা, সেটার ছিল সোকিয়া বান্ধি। অল্প বড় বজরাখানায় ছিল ভবানী দেবীর পূজার ব্যবস্থা, রান্নার ব্যবস্থা, এইটেরই একটা কামরায় থাকতেন মাসীমা এবং আরও ছুটি বিধবা আত্মীয়া।

আর বান্ধবাকী লোকজন সব ছিল কয়েকখানা নৌকোর। ভবানী দেবীর নিয়ম ছিল, ভোরবেলা উঠে ঘাটে নেমে স্নান করে পূজার নৌকোর উঠতেন। এদিকে লোকজনেরা মুখ-হাত ধুয়ে মুড়ি-মুড়কি-চিড়ে-গুড় কাছে বাজার থেকে দই কিনে ভিজিয়ে এক পেট খেয়ে নিত। মাসা-মাসিদের অনেকে ভোর রাতে উঠে ভাতে-ভাত ছুটিয়ে খেয়ে তৈরী হত। ওদিকে মাসীমারাও স্নান সারতেন। তখন নৌকো ছাড়ত।

সোকিয়া বান্ধিদের কথা বলতে ভুলছি। শেওঁ উঠত খুব ভোরে। উঠে স্নান করে বজরায় গিয়ে চুকত। কাপড়-চোপড় ছেড়ে ছাড়াতে বসত মেওয়া কল। বাদাম, পেস্তা, কিসমিস

ভেজানো থাকত রাজে । তার সঙ্গে কাটত ফল । বাজার থেকে টাটকা ভাল যা পাওয়া যেত তাই ।

রায় উঠতেন একটু বেলায় । নৌকো চলতে থাকত, তখনই তিনি উঠতেন । কোন দিন দেড় ঘণ্টা, কোন দিন দু ঘণ্টা পর উঠতেন তিনি । তখন আবার একবার বজরা থামত । তিনি একবার তীরে নামতেন । কিছুখানি হাটতেন । শরীরটাকে একটু চঞ্চল করে নিয়ে প্রাতঃরুত্যে সেরে আবার নৌকোয় উঠতেন । মুখ হাত ধুয়ে কাপড়-চোপড় বদলে বসতেন বসবার ঘরে । এদিকে সোফিয়ার বজরা থেকে রূপোর রেকাবীতে কাটা ফল, মেওরা ফল এসে পৌঁছত, ভবানী দেবীর বজরা থেকে আসত মিষ্টান্ন এবং ছুধ । তারপর চাকর বানাতো চা । নটা, কোনদিন দশটাও বাজত । ঝাওয়া শেষ হলেই বজরাখানা মাঝগঙ্গায় থামত । ওদিকে পাশে এসে লাগত সোফিয়া বাঈয়ের বজরা । মাঝখানে ছুপাশে রেলিং দেওয়া ওস্তা পেতে দিত মাফিয়া । বাঈ তাঁর বীণাখানি হাতে করে এসে উঠতেন হজুরের বজরায় ।

এসে সেলাম করে বসত ; তার জন্তে পাতা থাকত স্বতন্ত্র গালচে, সঙ্গে কেউ না, সারেস্বীদার বা তবলচী কেউ না । বসে বীণ বাজাতো । কখনও উৎসাহবোধ করলে নিজেই বীরেশ্বর রায় তবলচী সারেস্বীদারদের ডাকতেন । সে কচিং । কাশ্মির এর ঘণ্টাখানেক পরই বজরা আবার একবার দাঁড়াত । এবার সোফিয়া চলে যেত নিজের বজরায় । তারপর তার বজরা সেরে গেলে এপাশে এসে লাগত ভবানী দেবীর বজরা । ভবানী দেবীর বজরা এবং সোফিয়ার বজরা এক সঙ্গে ঠেকলে বীরেশ্বর রায়ের মাসীমা আপত্তি করতেন ।

—ঠাকুর-দেবতা, খাওয়া-দাওয়ার ব্যবস্থার সঙ্গে স্পর্শ-দোষ ঘটবে ।

যাক । আবার বিকেল হতে হতে আসত সোফিয়া । এবার সাজসজ্জা কিছু করতে হত তাকে, সারেস্বীদার, তবলচী, সাজ-সরঞ্জাম নিয়ে আসার পড়ত । ভবানী দেবীও বজরায় থাকতেন । কিছু রাত্রি হলে তবে ভবানী দেবী আসতেন । স্বামীর খাবার-দাবার নিয়ে । সন্ধ্যার মুখে বজরা নৌকো কোন একটা বাজার বা গঞ্জের ঘাটের আশে-পাশে বাধা হত । রাত্রিকালে চলার নিয়ম ছিল না । আর একবার ছুপুরে নৌকো বাধা হত, লোকজনরা রান্না করে খাবে ।

প্রথম এসে নৌকো বজরার বহর তাঁরা বেঁধেছিলেন পাটনার । ওখান থেকে পথে পথে যাবেন গয়া । পালকী, রয়েল গাড়ী নিয়ে গয়া যাবেন । সেখান থেকে ফিরে পাটনার ঘাট থেকে আবার রওনা হবেন কালী । গোটা বৈশাখটা থাকবেন কালীতে, তারপর রওনা হবেন প্রয়াগ । প্রয়াগ থেকে যমুনা তুকে মথুরা-বৃন্দাবন ; আগ্রা-ফতেপুরশিক্রি ; আকবর শাহের সমাধি । তারপর এখনও ঠিক হয় নি, দিল্লী যাবেন কি গোয়ালিয়র যাবেন । গোয়ালিয়রে মিঞা তানসেনের সমাধি আছে । দিল্লী থেকে হরিদ্বার যাবার ইচ্ছা, ওদিকে কুরুক্ষেত্র, সাবিত্রীতীর্থ, অরুণ এবং আজমীড় । আজমীড়ে সোফিয়া বাঈ বিদায় নেবে বলেছে ।

বীরেশ্বর রায় সঙ্গে অর্থ নিয়েছিলেন যথেষ্ট । কত নিয়েছিলেন, তার জমা-খরচ নেই । গয়াতীর্থে পিতৃপুরুষকে পিণ্ড তিনিও দিয়েছিলেন, ভবানী দেবীও দিয়েছিলেন । এই প্রথম ভ্রাম্যকান্তকে তাঁর গৃহী নামে পিণ্ড দিয়েছিলেন । স্বামীকেও অহরোধ করেছিলেন—সমাজের



অরে সেখানে তাঁর শেষ কাজ করতে পারিনি। এখানে করলাম। তুমিও তোমার কাজ কর।  
আমার বাবাকে এখানে তুমি পিও দাও। সেও মিরেছিলেন বীরেশ্বর রায়।

\*

\*

\*

সুভা, যেটুকু শুনতে পাই; তাতে শুনি এই গল্প থেকেই ভবানী দেবী কেমন পাণ্টে  
সিরেছিলেন। পিও দিয়ে এসে স্বামীকে বলেছিলেন—আমার কাজ শেষ হল গো! এইবার  
তুমি খালাস দিলেই আমি খালাস!

বীরেশ্বর বলেছিলেন—সে আমি যাবার সময় দিয়ে যাব, তার আগে নয়! অপেক্ষা করে  
থাক।

ভবানী বলেছিলেন—ওকথা বলতে নেই, বল' না।

—তুমিও খালাস চেয়ো না।

কথাটা ওইখানেই শেষ হল, কথার মধ্যে। কিন্তু সন্দের লোকেরা এখানে কিরে এসে বলে-  
ছিল—কথা শেষ হলে কি হবে; কাজে, ওই দিন থেকেই শুরু হল।

ভবানী দেবী কেমন ঘেন বদলে যেতে লাগলেন; আচ্ছন্ন হয়ে থাকতেন একটা কোন  
খানে। ধ্যান কথাটা তাদের সুভা; একাল হলে অল্প কথা বলতো নিশ্চয়। কোন একটা  
চিন্তায়, কিবা নিজের জীবনের সংস্কারের আচ্ছন্নতায়।

গল্প থেকে পাটনা কিরবার পথে এটা ঠিক ধরা যায় নি। কারণ পালকীতে এসেছেন। পথে  
চটীতে আশ্রয় নিরেছেন রাতে। বীরেশ্বর রায়ের কাছে এটা ধরা পড়ল পাটনায় কিরে, বজরায়  
কামীর পথে। প্রথম দিনই ভোরে গঙ্গান্নান করে তাঁর পূজার ঘর যে বজরায়, সেই বজরায়  
উঠে পূজায় বসলেন। সকালবেলা সেদিন বীরেশ্বর রায় একলা পড়ে গেলেন। সোফিয়া বাড়ি  
পাটনা সিটিতে গিয়েছিল, এক বাস্কী বার্ডজীর সঙ্গে দেখা করবার জন্ত। বীরেশ্বর রায়ের  
অহুমতি নিরেই সে গিয়েছিল। বীরেশ্বর রায় একখানা ইংরাজী বই পড়ছিলেন। ভেবেছিলেন  
বই পড়েই সময়টা কেটে যাবে। কিন্তু সময় দীর্ঘ হলে তিনি কি করবেন? বেলা প্রায়  
এগারটা অভিক্রান্ত হতে চলল, তবু ভবানী এলেন না তাঁর পূজার নিখাল্য নিয়ে। সোফিয়া  
নির্দিষ্ট সময়ে কিরে সরাসরি উঠল তার বজরায়। কারণ এই সময়টার সে থাকত না। ভবানী  
দেবী জল খান, এই কর্তব্যটির পর। এ সময় সোফিয়া থাকলে তাঁর মন খুঁত-খুঁত করত।

জানবাকারের বাড়ীতে সোফিয়া বসে থাকত মেঝের উপর পাঁতা পালিচায়, বীরেশ্বর রায়  
বসে থাকতেন একটা বড় ভিতানে ঠেস দিয়ে। অথবা দামী সেগুন কাঠের পালিশ-করা  
খাট জাতীয় তক্তপোশের উপর বড় তাকিয়া ঠেস দিয়ে। সেখানে দোতলার মেঝে হলেও সেটা  
পড়ত মা খরিজীর অংশের পর্ষায়ে। সেখানে হোঁয়ার গণ্য হত না। কিন্তু বজরার কাঠের  
মেঝে তা নয়।

একটু হেসে অরেশ্বর বলে—বৃহৎ কাঠে দোব নেই, একখাটা ভবানী দেবী বা তাঁরা  
মালীশাওকীরা মানতেন না।

সেই কারণে সোফিয়া কিরে এসে এ বজরায় গুঠে সি। সে নিজের বজরায় গিয়ে উঠেছিল।

তাঁর স্নানাবাণা আছে। খাওয়া-দাওয়া আছে। তাঁরও নিজের কিছু জ্ঞান আছে। তাঁর

ভজনও নানান যোগের জটিলতার জটিল। ইসলামী উপাসনার সঙ্গে তাঁর আর একটা জপ ছিল, সেটা পাগলাবাবার দেয়া মন্ত্র জপ।

বীরেশ্বর রায় অধীর হয়ে মহিন্দরকে বলেছিলেন—কি হল দেখতো মহিন্দর? এখনও পূজো শেষ হল না? এত দেবী তো হয় না!

প্রায় সঙ্গে সঙ্গেই ভবানী দেবী এসে উঠেছিলেন তাঁর বজরায়।

বীরেশ্বর রায় জিজ্ঞাসা করেছিলেন—এত দেবী আজ?

একটু বিস্মিত হয়েই ভবানী বলেছিলেন—দেবী? না তো!

না তো? দেখ তো ঘড়িতে কটা বাজল?

ঘড়ির দিকে তাকিয়ে ভবানী বলেছিলেন—তাই তো! এগারটা! আমি তো বুঝতে পারি নি!

সেদিন আর এ নিরে উচাবাচ্য হয় নি। ভবানী দেবী চরণোদক নির্মাণ দিয়ে, কাপড় ছেড়ে এসে স্বামীর পাশে বসেছিলেন।

বীরেশ্বর তখন যুবক। জন্ম তাঁর বিশ সালে, তখন চলাছে উনিশশো বাট। চল্লিশ বছর বয়স। তবুও জীবনে যে যুদ্ধ তিনি করেছেন নিজের সঙ্গে, যে যুদ্ধের নিষ্ঠুর আঘাতে তাঁর বা হাত, বা পা খানিকটা দুর্বল হয়ে গেছে, তারই ফলে তখন তাঁর চুলের মধ্যে ছুঁচায়টে পাকা চুল দেখা যেতো; ভবানী পাশে বসে তাই খুঁজে খুঁজে বের করে তুলে কেলতেন।

সেদিন তিনি বলেছিলেন—আজ সকাল থেকে গান শোনা হয় নি, না?

—হ্যাঁ, সোফিয়া তার এক সহেলীর সঙ্গে দেখা করতে গিয়েছিল।

—এখনও ফেরে নি?

—সে ঠিক সময় ফিরেছে। সে বলেছিল—দশ, সাড়ে দশ বাজে লোটেনী, ঠিক তাই এসেছে। কিন্তু তোমার আসবার সময় হয়েছে বলে বজরায় ওঠে নি।

—ও, তাই আমার রাজাবাহাজুরের মেজাজ খারাপ হয়েছে।

—তোমার তাই ধারণা, না?

—তাতে অজায়টা কি হল?

ভবানী দেবীর মুখের দিকে তাকিয়ে ভুরু কুচকে উঠেছিল বীরেশ্বর। বলেছিলেন—তুমি বুঝতে পার না ভবানী, আমি তোমাকে কেমনভাবে পেতে চাই? কিন্তু তুমি নিজেকে এমন আড়াল করে রেখেছ, পূজো পূজো আর পূজো নিয়ে—

ভবানী দেবী সেদিন অপ্রস্তুত হয়ে বলেছিলেন—দেখ তো পাগলামী! হ্যাঁ গা, আমি পূজো-অর্চনাকরি কি আমার মঙ্গলের জন্তে?

বীরেশ্বর বলেছিলেন—থাক।

ভবানী ডেকেছিলেন মহিন্দরকে—মহেন্দ্র, বাবুকে তামাক দাও নি কেন? তামাক দাও। না। এক কাজ কর তো! বজরা থেকে আমার তানপুরাটা নিয়ে এস তো! পাখোয়াজটাও আনো। ময়দা করো।

স্বামীকে বলেছিলেন—নাও, আজ অধীনী তোমাকে গান শোনাবে। মহিন্দর তানপুরা

এনে দিভেই, বলেছিলেন—বজরা খুলে মাঝগঙ্গার নিয়ে যেতে বল। ঘাটের কাছে ভিড় জমে যাবে। আর ও বজরার মাসীমারা আছেন। সোফি বাড়িকেও ডাক।

—না। বীরেশ্বর মানা করেছিলেন। তুই তানপুরা পাখোয়াজ দে। সোফি থাক।

ঘাট থেকে বজরা খুলে মাঝগঙ্গার দিকে চলতে আরম্ভ করেছিল। সকলে বিন্মিত হয়েছিল, কিন্তু মহিন্দর চাকর বজরার ছাদে উঠে বলেছিল, একটু ঘুরে আসতে চল বজরা।

\* \* \*

এ বিবরণ মহিন্দরের সে তীর্থযাত্রা থেকে কিরে এসে রত্নেশ্বর রায়কে বলেছিল। রত্নেশ্বর তাঁর ডায়রীতে লিখে রেখেছেন।

সেদিন না কি বড়হুজুরের যে আনন্দ, হুজুরের তেমন আনন্দ মহিন্দর আর কখনও দেখেনি। গান গাইতে গাইতে তানপুরার হাত মায়ের বক হয়ে গিয়েছিল। দুচোখ থেকে ধারা নেমেছিল।

গান সে আশ্চর্য গান, আর হুজুরের সে বাজনাও আশ্চর্য! গান ধামল, পাখোয়াজে ঘা মেরে হুজুর চোঁচিয়ে উঠেছিলেন—আমি ভাল হয়ে গিয়েছি। সতীবউ, আমি ভাল হয়ে গিয়েছি।

ভবানী দেবী প্রথমটা বুঝতে পারেন নি। তিনি তাঁর দিকে তাকিয়ে ছিলেন সবিস্ময়ে। বীরেশ্বর রায় বলেছিলেন—ঐ হাতে আমার একটু কষ্ট হল না! আমি ভাল হয়ে গিয়েছি!

বিকলে গঙ্গার কিনারায় উঠে দারোয়ানের সঙ্গে ঘুরেও এসেছিলেন। লাঠির দরকার হয় নি, তবু হাতে ছড়ি না নিলে যেন কেমন হাতখানা স্বস্তি পাচ্ছিল না।

\* \* \*

পরের দিন ভোরে নৌকো বজরা পাটনা ছেড়ে রওনা হয়েছিল কাশীর মুখে। সে দিনও হুপুরে গান গেয়েছিলেন সতীবউরাণী। সেদিন কিন্তু পাখোয়াজ ধরতে দেন নি স্বামীকে। বলেছিলেন—বাঁয়া তবলা নাও। কাল যা পাখোয়াজে ঝড় তুলেছ, ও চলবে না। ভাল হয়েছ, বেশ ভাল কথা। কিন্তু ও হাত নিয়ে যুদ্ধ করা চলবে না।

সেদিন ভবানী দেবী ঋপদী গান নি। হাল্কা গান ধরেছিলেন। সেদিন গানের আসর ভাঙতে আরও বেলা হয়েছিল। খেতে অনেক দেরী হয়ে গেল। ভবানী দেবী বললেন—না। এ হবে না। কাল থেকে রাত্রে, সোফির আসরের পর আমি গান শোনাব। না হয় এ বেলা সোফি বেশীকণ গান শোনাবে, রাত্রে ওর আসর সকাল সকাল ভেঙে দিয়ে, তারপর আমাদের পালা।

তাই চলেছিল ক’দিন। বড় আনন্দ চাকর-বাকরদের। গান-বাজনা নিয়ে হুজুরের ঝোঁক বাড়ল। নতুন নিয়ম হ’ল, বেলা থাকতে নৌকো বাঁধতে হবে। হুজুর কিনারায় উঠে পানিকটা করে হাঁটবেন।

আনের আগে জেল মধ্যে হুজুর নিজে হাত-পা ভেঁজে নিতেন। ডন-বৈঠক দেবার মতলবও করেছিলেন, কিন্তু তাতে সতী-রাণী-মা বাধা দিয়ে বলেছিলেন—না। যা রয়সর, তাই কর। ও করতে আমি দেব না।

দিন দশেক পর, কাশী পৌছুবার দুদিন আগে, হজুর সেদিন যেন একটু বেশী মেতে উঠলেন। মদ খেয়ে নয়, নিজের কৌকে। সেদিন বললেন—অনেক দিন নাচ হয় নি, আজ নাচ হুকো।

সতীরাদী-মা বারণ করলেন—না।

হজুর বললেন—না কেন? অনেক দিন নাচের আসর বসে নি, আজ এক বছরের ওপর।

সোফি বাঈ মাফি চাইলে। হাত জোড় করে। তবু শুনলেন না। নাচ হল শেষ পর্যন্ত। সে এক গ্রহর রাত পর্যন্ত।

সেও আসর জোর করে ভেঙে দিলেন বউরাণী। সোফি বাঈ চলে গেল। এই পর্যন্ত মহিন্দর জানে।

এর পর রাতে কি হল স্বামীস্ত্রীর মধ্যে, কেউ জানে না। কিন্তু ভোরবেলা উঠে বউরাণী গজান্নান করে সেই যে পূজোরঘরে ঢুকলেন, সারা দিনেও আর বের হলেন না। মাসীমা এসে চরণোদক পুষ্প দিয়ে বলে গেলেন, আজ আর বউমা পূজোরঘর থেকে বেরুবে না বাবা। কাল কাশী পৌছুবে, সে আজ সংকল্প করছে, হবিষ্কার করবে। কথলে শোবে। শোবেও ওই পূজোরঘরে। বললে—ওঁকে কাল বলা হয় নি। ভুলে গেছি বলতে। ওঁকে আপনি বলে দেবেন। আজ আমি ও বজরায় যাব না। সোফিকে একটু বেশীক্ষণ থাকতে বলেছে। এবেলা-ওবেলা দুবেলাই।

বীরেশ্বর রায় একটি কথাও বলেন নি। চুপ করে শুনে শুধু একটি হাঁ বলেছিলেন। তারপর চুপ হয়ে গেলেন।

সেদিন আনের সময় তেঁ মেখে ডনবৈঠক দিলেন। বিকেলবেলা অস্ত্রদিনের চেয়ে বেশীক্ষণ বেড়িয়ে ফিরলেন।

সন্ধ্যাবেলা সোফি বাঈয়ের গানের আশ্রয় বসে ভাঙল প্রথম গ্রহরের বদলে রাত দু গ্রহরে। গজার পাড়ে চারিদিকে তখন কোলাহল করে শেয়াল ডাকছে।

পরের দিন বেলা দশটার সময় নৌকো কাশীর দশাখমেঘ ঘাটের উপর লাগল। ও বজরার বাইরে এসে দাঁড়িয়ে বেগীমাধবের ধ্বজাকে এক পাশে দাঁড়িয়ে মা প্রণাম করছিলেন। তাঁর সে চেহারা দেখে সকলে অবাক হয়ে গিয়েছিল।

এ তো পরশুর রাণীমা নন।

এ যেন সেই হজুরের অন্তরের সময় যে রাণীমা এসে শুধু শাঁখাশাড়ী পরে যোগিনীর মত রারবাড়ীতে ঢুকেছিলেন, সেই রাণীমা।

একদিনের উপবাসও নয়, হবিষ্কার করেছিলেন ভুবানী দেবী, অর্ধ-উপবাসও বলা যায় না, সন্ধ্যার পূর্বে দুখ খেয়েছিলেন, তবু মনে হচ্ছিল, তিনি যেন কয়েকটা উপবাস করে আছেন; তার উপর চুল কঁচ; সংকল্পের জন্ত উপবাসের পূর্বদিন তেল নিষিদ্ধ। কথলে শুতে হয়। অশৌচ পালনের মতই ব্যবস্থা। অলঙ্কার সব খুলে রেখে শুধু শাঁখা পরেই তিনি নেমেছিলেন। বিমলাকান্ত এসেছিলেন সন্ন্যাসী, পাণ্ডার লোকজন উপস্থিত ছিলেন। পূর্বে থেকে ব্যবস্থা করা

ছিল। একটা বড় বাগিচাওলা মোকাম ভাড়া করে রাখা হয়েছিল। পালকি-ডুলি এবং একা হাজির ছিল। শহর থেকে একটু বাইরে। ভবানী দেবীর পরামর্শ মতই করা হয়েছিল সব। আর একটা বাড়ীও ভাড়া করে রাখা হয়েছিল শহরের মধ্যে বিমলাকান্তের বাড়ীর কাছে। কাশীতে এক মাসেরও উপর থাকবেন, বিশ্রাম নেবেন বীরেশ্বর রায়। গঙ্গার একেবারে ধারে। হরিশ্চন্দ্রের ঘাটের দিকে। বীরেশ্বর রায় ওই বাগানে থাকবেন, সঙ্গে দারোগান লোকজন সবই থাকবে সেখানে; শহরের বাড়ীতে থাকবেন মাসীমারা। ভবানী দেবী ভোরবেলা শহরের বাইরের বাড়ী থেকে পালকিতে চলে আসবেন শহরের বাড়ীতে। এখানে এসে সারাদিন থাকবেন, স্নান, পূজা-অর্চনা ইত্যাদি করাবেন। বিকেলবেলা বীরেশ্বর রায় আসবেন, সন্ধ্যার দেবদর্শন সেরে বিমলাকান্তের সঙ্গে গল্পগুজব করে সস্তীক ক্রিয়বেন বাগিচাবাড়ীতে। সোন্ধির থাকবার ব্যবস্থা ওই বাগিচাবাড়ীতেই একটা আলাদা ছোট বাড়ীতে করা ছিল। সেটা ছিল বাগিচাবাড়ীর দপ্তরখানা বা বাইরের বাড়ী। মূল বড় বাড়ীর সঙ্গে যোগাযোগ থাকলেও স্বতন্ত্র বাড়ী।

বীরেশ্বর বললে—এ বাড়ী পরে কেনা হয়েছিল। এবং বাড়ীখানা পেয়েছিলেন মেজন্তরফ। মেজন্তরফ শিবেশ্বর রায়। শিবেশ্বর রায়ের ধর্মবিশ্বাস ছিল বলে রত্নেশ্বর রায় বাড়ীখানা তাঁকেই দিয়ে গিয়েছিলেন। তাঁর কাছ থেকে এ-বাড়ী কিনেছিলেন আমার জ্যেষ্ঠামশাই—বজ্জেশ্বর রায়। এ-বাড়ী একবার আমি দেখেছি। আমার যখন পাঁচ-ছ বছর বয়স, তখন বাবা আমাকে এবং মাকে নিয়ে গোটা পশ্চিম ঘুরে এসেছিলেন। বড় মনোরম জায়গা ছিল। বাড়ীখানাও তেমন মুখল আমলের আয়ীরা ছাপমারা। কিন্তু সে-কথা থাক। যা বলছিলাম তাই বলি। এই বাইরের বাড়ী বা দপ্তর সেরেস্তাখানায় একখানা প্রশস্ত হল ছিল—সেইখানে বসত রাজের আসন।

মহিন্দর চাকর রত্নেশ্বর রায়কে বলেছিল—এই কাশী এসেই সব যেন গোলমাল হয়ে গেল। সতীরাণীমা ব্রত করলেন; ভোরবেলা যখন পালকিতে উঠতেন তখন আবছা অন্ধকারের মত দেখতাম, মায়ের যেন কেমন ঘোর লেগেছে। আবার ক্রিয়তেন রাজে, তখন তাঁর দিকে তাকানো যেত না। সে যেন কেমন মাহুয। “পৃথিবীর নন।” খাওয়াদাওয়া তো ফল-জল; তা ওই বাড়ীতে খেয়ে আসতেন। পালকি থেকে নামতেন যেন কাঁপছেন; হুঁজুন ঝি তাঁকে ছুঁপাশে ধরে উপরে নিয়ে যেত। এক মাস ব্রত, পরলা বোশেখ থেকে বোশেখের সংক্রান্তি পর্যন্ত—তার মধ্যে প্রথম পনের দিন উপরে উঠেছিলেন,—বাকি ক’দিন উপরে ওঠেননি, তিনি আলাদা ঘরে শুতেন, তাঁর বিছানা একখানা কয়ল, তার উপর খুব ভালো রেশমী চাদর পাট করে চাদরের মত পাভা হত; আর একখানা কয়ল গুটিয়ে রেশমী চাদর জড়িয়ে বাগিশের কাজ করত। আর চারখানা লালপাড় গরদের শাড়ী। খেতপাখরের ছুঁ-তিনটে গেলাস, খান-ছুই রেকাবি; আর জপের মালাটোলা এই সব। বাস্পপেটরা যা সব আসল সামগ্রী, সে-সব থাকত রায় হজুরের কামরার। একেবারে আনালা খুললেই গঙ্গা।

মহাবীর সিং কোমরে ডলোয়ার খুলিয়ে ঘরের দরজার পাহারা থাকত।

মহেন্দ্র রত্নেশ্বর রায়কে বলেছিল—মা ব্রত করতে লাগলেন, হজুর যেন নতুন করে সেরে

উঠলেন, মুখের উপর দাগ পড়েছিল, সেগুলো উঠে গেল, মনে হল দশ বছর বয়স কমে গিয়েছে। সঙ্গে সঙ্গে আগের সেই মেজাজ। সেই চোখের তাকানি। সেই কড়া গলার ভাক। সব কিরে এল।

রাত্রে সোফি বাইরের আসর বসত অঙ্গদ্বয়ের জন্তে। ওই মারের সঙ্গে কিরে এসে; মাকে উপরে তুলে শুইয়ে দিয়ে সটান এসে উঠডেন বাইরের বাড়ীতে পাতা আসরে, একখানা গান শুনেই কিরে এসে শুডেন। সোফি বাইরের সঙ্গে আসর যা হবার তা হ'ত দিনের বেলা। সকালে হজুর উঠডেন আটটার সময়, তখন মা চলে গেছেন কাশীর ভিতরে শহরের বাড়ীতে। হজুর মুখ ধুয়েই উঠতে উঠতে বাই মেওয়ারল আর অস্ত ফল কেটে নিয়ে এসে দাঁড়িয়ে থাকত; আমি গরম দুধ, মাখন, মিহুরী, প্যাড়া এনে নামিয়ে দিতাম। হজুর খেডেন; সোফিয়া বাই বসে খাওয়ারতো। সতীরাণী মা বাইকে ভারটা ডেকে দিয়ে গিরেছিলেন। খেতে খেতে গল্প করডেন। হাসডেন, মসকরা করডেন। আমি ভামাক সেজে নলটি রেখে বাইরে গিরে বসে থাকতাম। খাওয়ার পর ভাক পড়ত তবলচীর আর সারেকীদারের। পানের আসর বসত। একটা বাজলে মে-আসর ভাঙত। হজুর আন করে খেয়ে উঠে শোবার আগেই বাই আবার এসে হাজির হত পানের রেকাবি হাতে। পান-ভামাক খেয়ে হজুর শুডেন। বাই প্রথম প্রথম চলে যেত, দিনকয়েক পর থেকেই হজুর বলেছিলেন—মাখার হাত বুলিয়ে দাও; ভবানী দিত, পাকাচুল তুলত। অভেস হয়ে গিয়েছে। না দিলে ঘুম আসবে না।

বাই মাখার শিরে কুর্সি টেনে নিয়ে বসে মাখার হাত বুলিয়ে দিত। পাকাচুল তুলতে বললে বলত—হজুর, এখন তুমি ফের নওজোয়ান হয়ে গেছ, এখন কি আর পাকাচুল থাকে?—

হজুর খুব হাসডেন। এই সময় হজুর আর একরকম মাছ হয়ে যেডেন।

\*

\*

\*

কাশী থেকে রওনা হয়েছিলেন, বিদ্যাচল হয়ে প্রয়াগ। জষ্টি মাসের পনের-ষোল তারিখে। পনের তারিখের শেষ রাত্রে ষোল তারিখের ভোরে। সতীবউরাণী একমাস ব্রত করে বড় দুর্বল হয়ে পড়েছিলেন; তিনি একটু বল পাবেন—এই বলে অপেক্ষা করা হয়েছিল।

কিন্তু কাশী থেকেই আগের হালচাল সব বললে গেল। সতীবউরাণী বাসা নিলেন নিজের ঠাকুর ছিল যে বজরায় সেই বজরায়। সেইখানেই তাঁর খাওয়া সেইখানেই শোওয়া। মাত্র তিনবার আসডেন এ বজরায়। একবার বংশাদক দিতে, একবার হজুরের দিনে খাবার সময়, একবার রাত্রে খাবার সময়। বসে থেকে খাইরে হজুরকে শুইরে মাখার হাত বুলিয়ে হজুর ঘুমিয়ে পড়লে তবে চলে যেডেন।

বলেছিলেন—তীর্থ শেষ করে কিরে আবার আগের মতন হবে সব। তীর্থ যাচ্ছেন, ভগবান দর্শন করতে চলেছেন, এ সময় একমন হয়ে যেতে হবে। ওই চিন্তা ছাড়া অন্য চিন্তা করলে কি ভগবানের দর্শন মেলে?

বলডেন—যে যে চিন্তা নিয়ে যার, তীর্থের মন্দিরে দেবতার মূর্তির বললে সে তাই দেখে। দেবতা দেখতে পার না।

হজুর মুখে কিছু বলেন নি, কিন্তু মেজাজ তাঁর আরও গভীর হয়ে গিয়েছিল। বলেছিলেন

—বেশ, তাই হবে। ভোমার যখন তাই ইচ্ছে, তখন তাই হবে।

মহেন্দ্র বলেছিল—হজুরের বজরার কামরার আমি শোব এই ব্যবস্থা করেছিলেন রাগীমা। আমি শুভাম।

প্রয়াগ থেকে বজরা চুকল যমুনায়। বরাবর এসে উঠল মথুরায়, তারপর বৃন্দাবনে। বৃন্দাবনে দশদিন থেকে ফিরে এসে উঠলেন আগ্রায়। তবে মাসীমারা থেকে গেলেন বৃন্দাবনে। আগ্রায় দেবদেবতা নেই, সেখানে থেকে কি করবেন? আগ্রায় বাড়ী ভাড়া করে দশদিন পর হজুর রাগীমা, সোফিবাদি আর লোকজনকে নিয়ে গিয়ে আগ্রায় উঠলেন।

রাগীমায়ের শরীর তখন আরও খারাপ হয়েছে। রোগী হয়ে গেছেন। আর মনে মনে কি ভাবেন, যেন মাটির মাছুষই নন। খেতে কিছু পারেন না, বিশ্বত্রকাণ্ডে অকৃতি।

মহেন্দ্র মাথা চুলকে রত্নেশ্বর রায়কে বলেছিল—মাসীমারা কিসফাস্ গুজ্জুজ করছিলেন। মানে—।

রত্নেশ্বর বলেছিলেন—হঁ।

মহেন্দ্র এসব কথা রত্নেশ্বর রায়কে বলেছিল তীর্থ থেকে ফিরে আসার পর। সে প্রায় এক বছর পর। তীর্থপর্যটনে লেগেছিল ছ' সাত মাস, ছ' সাত মাস পর তাঁরা ফিরে এসেছিলেন কান্ধিতে। কান্ধিতেই একটি কস্তাসন্তান প্রসব করে ভবানী দেবী মারা যান।

রত্নেশ্বর মোটামুটি ঘটনাগুলি জানতেন, তাই বলেছিলেন—হঁ। বীরেশ্বর রায়ের মাসীমা এবং অস্ত্রান্ত প্রবীণায়ী কি কানার্ঘ্যুণ্য করেছিলেন, তা বুঝতে পেরেছিলেন বলেই বলেছিলেন—হঁ।

কথাটা কিন্তু কেউ প্রকাশে বলতে ভরসা পার নি। তার কারণ ভবানী দেবী। ভবানী দেবী বারো বছর পর স্বামীর ঘরে ফিরে এসেও ঠিক সংসারী হন নি। এবং কালটা সে-কাল! কুড়ি-বাইশ বছর পর এমন ধর্মপরায়ণা পূজারিণীর মত মেয়ে সন্তানবতী হয়েছে, এটা যেন প্রবীণাদের কাছে একটু কেমন ভোগলিপ্সা অপবাদে মত মনে হয়েছিল। ভবানী দেবীর নিজের কাছেও সেটা অপরাধ বলে মনে হয়েছিল।

স্বরেশ্বর বললে—মূলত, প্রমাণ সঠিক মানে লিখিত প্রমাণ আমি পাইনি। তবে আমার বিশ্বাস—তাই। কীর্তিহাটে সেদিন রাজে রায়বাহাদুর রত্নেশ্বর রায়ের ডায়রী পড়তে পড়তে আমি যেন চোখে দেখতে পেরেছিলাম বিশীর্ণা ভবানী দেবীকে। মুখে চোখে তাঁর অপরাধ-বোধের ছাপ। তিনি যেন মনে মনে বলছিলেন—‘একি করলি মা! এ কি লজ্জার ফেলি! সংসারে ফিরে আসার জন্তে কি এই শাস্তি দিলি!’

আর রাজকুমারী রাগীবউ কাত্যারনী দেবীর মাসতূতো বোন বৃদ্ধা নিস্তারিণী দেবীর কিস্-ফাস্ কথাগুলিও যেন কানে শুনেছিলাম—ছি—ছি মা, এ কি লজ্জা—! এতকাল পর! পুন্ডি-বেটা একুশ পার হয়ে পড়েছে বাইশে; বউ এসেছে ঘরে, কোনদিন ডাকে চিঠি আসবে ম্যানেজার নিখবে—রত্নেশ্বরের সাহেব খণ্ডর নিখবে নাভবউরের সন্তান হবে! ভা—না—। এখান থেকে খবর যাবে চিঠিতে—। নিকবে কি করে গো!

আর একজন বলেছিলেন—তা বীরেশ্বর আমাদের পারবে। দিবি পারবে। আগেকার

কথা তো ঢাকা নেই। এখন এই দেখ না, তীর্থে এসেছে, সঙ্গে বাঈ নিয়ে এসেছে।

নিস্তারিণী বলেছিলেন—এইবারে আশুন লাগবে দিদি। বাপবেটার মানে পুণ্ডিবেটার আর বাপে বিষয় নিয়ে লাঠালাঠি হবে। ছেলে আর হবে না এই বলে সব পুণ্ডিবেটাকে দানপত্র করে দিয়ে এল। এখন? এখন তো মায়ের নিজের ছেলে আসবে কোলে! সে কোথা দাঁড়াবে? কি মতিছন্ন মা! দানপত্র করে দিলি কেন?

সুমন্থর বললে—এ কথাগুলির আভাস আছে রত্নেশ্বর রায়ের ভায়রীতে। তাঁর ভায়রীতে আশুন মাসের আট তারিখে তিনি লিখেছেন—“আজ আশ্রা হইতে পিতৃদেবের পত্র পাইয়া স্তম্ভিত হইলাম। মাতৃদেবী এত দীর্ঘকাল—একুশ বৎসর পর আবার সন্তানসম্ভবা হইয়াছেন! বুঝিতে পারিলাম, মহাশয় বতই এবং যেমনি সংকল্প করুক, বত নিষ্ঠার সঙ্গেই ধর্মাচার্য করুক, তাহার প্রযত্নের কদাপি পূর্ণ নিবৃত্তি হয় না। পিতা কিছুকাল পূর্ব পর্যন্তও মৃদু হইলেও পক্ষাবাত রোগগ্রস্ত ছিলেন। তিনি সুস্থ হইবামাত্র আবার ভোগলালসার কাছে পরাজিত হইয়াছেন! কিন্তু আমার নানা চিন্তা হইতেছে। পিতা তাঁহার সম্পত্তি আমাকে দানপত্র করিয়া অর্পণ করিয়াছেন। লোকচক্ষে আমি স্বর্গীয় সোমেশ্বর রায়ের দৌহিত্র হিসাবে তাঁহার সম্পত্তির অর্ধেক অংশের মালিক হইলেও প্রকৃতপক্ষে যোল আনা সম্পত্তিরই মালিক তিনি। আমি অবশ্য ইচ্ছা করিলে এই অর্ধেক অংশ নিজস্ব বলিয়া দাবী করিতে পারি। এবং আমার বিশ্বাস পিতৃদেবও এ বিষয়ে কোন দাবী করিবেন না। করিতে পারিবেন না। কিন্তু আমার পক্ষে জ্ঞায় কি হইবে? চিঠিখানা ম্যানেজারকে দেখাইলাম। তিনিও এই কথাগুলিই বলিলেন। অবশ্য দৌহিত্র হিসাবে আমার অংশের কোন কথাই তুলিলেন না। এবং বাড়ীতে এই পত্র সরস্বতীবউও দেখিল। পত্র পাঠ করিয়া সে আমার দিকে দৃষ্টিনিষ্কপকরতঃ বলিল—“এখন কি হইবে?” আমি জিজ্ঞাসা করিলাম—“কিসের কি হইবে?”

সে বলিল—সম্পত্তির?

পুত্রসন্তান অর্থাৎ ভ্রাতা হইলে তাহার সহিত সমভাগে ভাগ করিয়া লইব। ভগ্নী হইলে প্রচুর খরচপত্র করিয়া উচ্চবংশে তাহার বিবাহ দিব।

সরস্বতীবউ চুপ করিয়া রহিল। মনে হইল আমার কথা তাঁহার মনঃপূত হইল না। আমি বলিলাম—ইহাই কর্তব্য এবং ধর্ম নহে কি?

সে বলিল—না, আমি তাহা মনে করি না। ঋগুরমহাশয় তোমাকে যে সম্পত্তি দান করিয়াছেন, তাহা ইচ্ছা করিলে তুমি অবশ্যই দিতে পার। কিন্তু জমিদারী সম্পত্তি, বসতবাটা ভাগ হইলেই মাটি হইয়া যায়। তাহার আবার দাম কি? তা ছাড়া ঋগুরমহাশয়ের কলিকাতার সম্পত্তি তো কম নয়। গুলিরাছি কয়েক লক্ষ টাকা ব্যবসারে খাটিতেছে এবং গোহুলের কৃষকের মত দিনে দিনে বর্ধিত হইতেছে। কলিকাতার বাড়ীতে তোমার ভাগ নাই। ও বাড়ী দাদা-ঋগুর কোমেশ্বর রায় দৌহিত্র হিসাবে তোমাকে দেন নাই। কলিকাতার ভেজারতি ইত্যাদিও নয়। সে-সব তো সোন। এই জমিদারী তাহার কাছে মাটি।

কথায় বাধা পড়িল। অজ্ঞান আসিয়া প্রবেশ করিল। আমি কহিলাম—থাক এখন এসব কথা। সে-সব অনেক দূরের ব্যাপার। এক্ষণে চুপ কর। অজ্ঞান আসিতেছে।”



রত্নেশ্বর বললে—কোথা থেকে কোথায় এসে পড়লাম শুলভা, বলছিলাম বীরেশ্বর রায় আর ভবানী দেবীর রায়বাড়ীর রক্তমঞ্চ থেকে প্রস্থানের কথা : এসে পড়লাম রত্নেশ্বর রায়ের কথা কীর্তিঘাটের বাড়ীতে। ফিরে আবার সেই কথাই বলি।

আগ্রাতেই প্রথম কবিরাজ এবং ভাক্তার দেখিয়ে বীরেশ্বর রায় জানতে পারলেন যে ভবানী-দেবী আবার সন্তানসন্তবা।

মহেন্দ্র খানসামা রত্নেশ্বর রায়কে বলেছিল—সেদিন রাত্রে রানীমায়ের সঙ্গে হজুরের কথা কাটাকাটি হয়েছিল।

রত্নেশ্বর জিজ্ঞাসা করেছিলেন—কি কথা কাটাকাটি ?

মহেন্দ্র চুপ করে থেকেছিল—জবাব দেয় নি।

রত্নেশ্বর রায় ডায়রীতে লিখেছেন—মহেন্দ্রকে দুই-তিনবার জিজ্ঞাসা করিয়া উত্তর না পাইয়া ধমক দিয়া প্রেরণ করিলাম—কি কথা হইয়াছিল বল। বলিতেই হইবে।

মহেন্দ্র মুখ নিচু করিয়া বলিল—সতীবউরাণী সংবাদ শুনিয়া বালিশে মুখ গুঁজিয়া কানিতে ছিলেন। হজুর গভীর মুখে ঘরে ঢুকিয়া বলিলেন—কানিতেছ কেন ?

ভবানী দেবী বলিয়াছিলেন—এ তুমি কি করিলে ?

হজুর বলিয়াছিলেন—কেন কি হইয়াছে ?

—কি হইয়াছে তাহা জিজ্ঞাসা করিতেছ ? আমার ব্রত, ধর্মাচরণ সব পণ্ড হইল, আমার লজ্জার সীমা রহিল না। রত্নেশ্বরের সম্মুখে আমি মুখ তুলিয়া কথা বলিব কি প্রকারে ? ইহকালের জন্য আমার পরকাল নষ্ট হইল। জীবনে মাকে ডাকিবার সময় পাইব না। মমভার পাকে আবদ্ধ হইয়া ছেলের মুখের দিকে চাহিয়া থাকিব, মায়ের মুখ তুলিয়া যাইব, আবার জিজ্ঞাসা করিতেছ কি হইয়াছে। তুমি জান, আমার জীবন ভোগের জীবন নয়। একবার বালিকা বয়সে যখন সমুদয় বৃত্তান্ত জ্ঞাত ছিলাম না তখন তোমাকে দেখিয়া আত্মবিস্মৃত হইয়া বিবাহে সঙ্গতি দিয়াছিলাম। তাহার ফল কি হইয়াছিল তুমি তো জান ! নিজে তুমি কত দুঃখভোগ করিয়াছ ভাবিয়া দেখ ! বারো বৎসর পর তোমার জীবনসংশয় অস্থির সময় আবার আমি ফিরিয়াছিলাম। সম্ভবত ভুল করিয়াছিলাম। তোমাকে তো বারবার বলিয়াছিলাম ঐসকল কথা।

হজুর বলিয়াছেন—ভুল আমারও হইয়াছিল সতীবউ। তোমাকে বিবাহ করা আমার ভুল হইয়াছিল। তাহার পর আমার জীবনসংশয়ের সময় তুমি ফিরিয়া আসিলে আমার সকল দুঃখ সকল যন্ত্রণার উপশম হইল বলিয়া তোমাকে আঁকড়াইয়া ধরা আমার ভুল হইয়াছিল। আমার বাচিতে চাওয়া—বাঁচা ভুল হইয়াছে। তোমাকে লইয়া সুখে কালাতিপাত করিব কল্পনা করা ভুল হইয়াছে। চিকিৎসা এবং এই পশ্চিম ভ্রমণে জলবাতাসের গুণে নতুন করিয়া জীবন যৌবন ফিরিয়া পাওয়া ভুল হইয়াছে। আমার ভাবা ভুল হইয়াছে—তুমি একান্ত করিয়া আমার। আমার ভাবা ভুল হইয়াছে—আমিই তোমার একমাত্র কামা ! সবই ভুল হইয়াছে ভবানী, সবই ভুল হইয়াছে।

সতীব্রাণী মা কেমন হইয়া গিয়াছিলেন, তিনি শুধু বিশ্বাসের মত হজুরের দিকে তাকাইয়াই

ছিলেন, একটি বাক্য তাঁহার মুখ দিয়া নির্গত হয় নাই।

হজুর বলিয়া গিয়াছিলেন—বলিতে পার সতীবউ, দেবতাদের মধ্যে ইন্দ্র চন্দ্র বায়ু বরুণ ছার স্বয়ং মহেশ্বরের সন্তান হইয়াছে বলিয়া তাহারা কি অধার্মিক? ব্রহ্মার-ঔরসজাত পুত্র নাই, তাঁহার মানসপুত্র আছে। পূর্ণব্রহ্মের অবতার রামচন্দ্রের পুত্র হইয়াছে, ভগবান কৃষ্ণের সন্তান হইয়াছে বলিয়া তাহারা কি ধর্মব্রষ্ট? বল—বল। তুমি বহু শাস্ত্র পাঠ করিয়াছে, তুমি বল—তোমার উত্তর আমি শুনিতে চাই! বল—বশিষ্ঠের শতপুত্র ছিল বলিয়া কি তাঁহার পত্নীর পরকাল নষ্ট হইয়াছে? লীতার পুত্র লবকুশ, সাবিত্রী শতপুত্রের বর লইয়া স্বামীকে পুনর্জীবিত করিয়াছিলেন বলিয়া কি তাহারা নরকস্থ হইয়াছেন। বল—শুনি!

মহেন্দ্র বলেছিল রত্নেশ্বর রায়কে—হজুর, আমি হজুরের পিছন পিছন আসছিলাম, হজুর রাণীমার ঘরে ঢুকলেন আমিও সঙ্গে সঙ্গেই ঢুকেছিলাম, কিন্তু রাণীমাকে বালিশে মুখ গুঁজে কাঁদতে দেখে বাইরে এসে দাঁড়িয়েছিলাম। তারপরই কথা আরম্ভ হল। রাণীমায়ের কথা শুনতে শুনতে মনে হ'ল আমি স'রে যাই। কিন্তু হজুরের গলা ভো জানেন, আর তিনি ঠাণ্ডা গলাতেও কথা বলছিলেন না। ঘরখানা গম্ভগম্ করছিল। তার আওয়াজ পেয়ে অস্ত চাকরবাকরেরা ঝিয়েরা এসে বারান্দায় ঝুকি মারছিল। আমি কি করব? রাণীমায়ের খরের দরজাটা টেনে দিয়ে আমি দরজা আগুনে দাঁড়িয়ে রইলাম। হাতের ইসারায় সকলকে চলে যেতে বললাম। দাঁড়িয়ে দাঁড়িয়ে সব শুনতে হল। শুনলাম।

তারপরই হজুর ডাকলেন—মহিন্দর, মহিন্দর!

আমি ঘরে ঢুকে দাঁড়ালাম। দেখলাম—হজুর রাণীমায়ের বিছানার পাশে বসে তাঁর দিকে তাকিয়ে আছেন।

আমাকে দেখে বললেন—জল জল আন মহিন্দর জল। আর পাখা!

মা মুচ্ছা গিয়েছেন।

মাথায মুখে জলের ছিটে দিয়ে হজুর ডাকছিলেন—রাণীমার নাম ধ'রে। তাঁর হাত কাঁপছে। হজুর, আমি চেষ্টা করে দামিনী বিকে ডাকলাম—সে ছুটে এল।

জ্ঞান অল্পক্ষণ পরেই হল। জ্ঞান হয়ে আমাদের সকলকে দেখে একটু হেসে মা বললেন—থাক—থাক। কেমন মাথাটা ঘুরে গিয়েছিল। এখন বেশ সুস্থ হয়েছি। থাক আর বাতাস করতে হবে না।

হজুরকে বললেন—যাও, যাও, তুমি এখানে থেকে না। আমার কিছু করনি। মাথার শিরেরে বসে থাকতে হবে না। যাও।

তারপর স্নানভা, স্নানেশ্বর বললে—আর কোনদিন কোনও এমন কথা হয় নি। এর-পর থেকে নাকি ভবানী দেবী ধীরে ধীরে গেরে উঠেছিলেন। নানান রকম খাবারের ব্যবস্থা হয়েছিল। সকালবেলা থেকে বেদনানার রস, আঁড়ুরের রস, বাদামের সরবৎ, পেস্তা, কিসমিস, তার সঙ্গে বি হুখ প্রচুর পরিমাণে খেতেন তিনি।

আগ্রায় আড়াই মাস থেকে প্রচণ্ড গরম আরম্ভ হয়েছিল। তাই আগ্রা থেকে বজরায় দিল্লী পৌছে, সেখান থেকে পালকি খোঁড়া, বরেন্দ্র গাড়ীতে হরিদ্বারে গিয়েছিলেন স্বীকৃত

রায়।

দিল্লীতে এসেই সোফিয়া বাঈজীর বিদায় নেওয়ার কথা। চলে যাবেন আজমীঢ়। চিরজীবনের জন্তই যাবার কথা। কিন্তু আজমীঢ় যাওয়া তার হয় নি। যেতে দেন নি ভবানী দেবী।

হজুরের যত্ন ভাল হবে না। তা ছাড়া তিনি বলেছিলেন—এবার এসময় আমার দরকার আছে সোফি বাঈ!

সোফি বাঈ আশ্রা থেকেই নীরব হয়ে গিয়েছিল। চূপচাপই থাকত। সে সেলাম করে বলেছিল—আমাকে আপনার দরকার আছে হজুরাইন?

—হাঁ, দরকার আছে সোফি। এতদিন তুমি তোমার হজুরকে গান শুনিয়েছ, এবার আমাকে শোনাবে। ভজন শ্রিক ভজন!

সোফি হেসে বলেছিল—বেশ। তাই হবে! আমি তো একলা হজুরের বাদী নই। আমি আপনারও বাদী।

ভবানী দেবী বলেছিলেন—আরও আছে সোফি বাঈ। তুমি আমার পিতাজীর ধরম বেটা। তাঁর শেষ কাজ আমি করতে পারি নি। সে করেছে তুমি। তুমি আমার বহেন। তাঁর কাছে তুমি শেষ শিক্ষা নিয়েছ, দীক্ষা নিয়েছ। ভজন শিখেছ। সেই ভজন আমাকে শোনাবে। তা ছাড়া হজুরের তোমার দিল খুস রাখবে কে? আমি তো আর পারব না! তুমি ছুটি নিলে তার ব্যবস্থা তো করতে হবে আমাকে। কিন্তু আমাকেই যে ছুটি নিতে হবে।

মহেন্দ্র সেদিনও কাছে ছিল তাঁদের। কাজ করছিল। রত্নেশ্বরকে সে যা বলেছিল তা তাঁর ডায়রীতে আছে।

“মহেন্দ্রের কথাগুলি শুনিয়া চমকিয়া উঠিলাম। মহেন্দ্র বলিল—আমার মাতৃদেবীর কথা শুনিয়া সোফি বাঈ নাকি চকিত হইয়া বলিয়াছিল—

—ছুটি? এ কি বাত্ বলছেন দিদিজী?

—হাঁ। ছুটি তো নিতে হবে ভাই। এই অবস্থায় কি আমি তাঁর সেবা করতে পারি। আমার কি সে বল আছে? না হজুর তোমার আমাকে কাজ করতে দেবেন?

সোফি তাঁর মুখের দিকে তাকিয়ে বলেছিল—তুমি আমাকে ভুলাচ্ছ দিদিজী?

হেসে উঠেছিলেন ভবানী দেবী!

সোফি জিজ্ঞাসা করেছিল—বেশ, কত দিনে ছুটি মিলবে আমার?

—খুদা মালুম সোফি!

রত্নেশ্বর রায় ডায়রীতে লিখেছেন—“আমার গুগুবতীর কুপাধতা জননী তাহা হইলে সব অবগত হইয়াছিলেন!”

কার্তিকের প্রথমে হরিবার থেকে দিল্লী ফিরে সেখানে দিন দশেক থেকে গুঁরা ফিরেছিলেন কান্দী!

সেও ভবানী দেবীর ইচ্ছায় এবং আশ্রা হে। সন্তান কান্দীতে হবে।

ফেলে হ'লে নাম রাখবেন—বিশ্বেশ্বর। কত হ'লে নাম রাখবেন—অন্নপূর্ণা।

পুত্র নর—একটি কড়া প্রসব করেছিলেন ভবানী দেবী।

বিমলাকান্ত কালীতে সুপরিচিত এবং সুপ্রতিষ্ঠিত ছিলেন। সিপাহী বিদ্রোহের পর কোম্পানীর সাহেব মেমসাহেবদের বাঁচাতে চেষ্টা করেছিলেন বলে তার পদোন্নতিও হয়েছিল। তখন তিনি কালেক্টরেটের এ্যাকাউন্ট্যান্ট হয়েছেন। ডাক্তার দাঁই এগুলি অর্থাৎ আঁতুড়ে থাকবার লোক ইত্যাদির সব ব্যবস্থা তিনিই করেছিলেন। কেউই বিশেষ আশঙ্কা করেন নি। তবে মাসীমারা আশঙ্কা করেছিলেন। এককাল পরে সম্ভাবন হবে। তার উপর ভবানী দেবীর শরীর আবার যেন কিছু খারাপ হয়ে পড়েছিল—শেষের ছ’ মাস।

সুরেশ্বর বললে—কথাটা কালীতে ফিরে আসার পর থেকেই গুলিয়ে বলি স্মৃতি। ভবানী দেবীর বৃত্তান্ত রায়বাড়ীর সর্বদে সর্বকর্মে বোধহয় জড়িয়ে আছে।

ভবানী দেবীও কালীতে এসে আবার যেন বদলে গেলেন। প্রথম তিন মাস আগ্রা পর্যন্ত তিনি মনে মুহাম্মাদা এবং দেহে লীর্ণা হয়েছিলেন। কিন্তু আগ্রা থেকে স্বামীর সঙ্গে ওই কথাবার্তার পর হয়েছিলেন অস্ত্র মামুষ। হাসি আনন্দ যেন তাঁর জীবনের পাত্র থেকে উল্টে পড়ত। সোফির কাছে গান শুনতেন। স্বামীর খাওয়া-দাওয়া সুখ-স্বাচ্ছন্দ্যের এতটুকু ত্রুটি হতে দিতেন না। কিন্তু কালী ফিরে অট মাসের শেষ থেকে তিনি আবার বদলালেন।

স্বামীকে বললেন—এবার আমাকে ছুটি দাও। এই শরীর নিয়ে আমি যেমন দেখাশুনো করতাম তা আর করতে পারব না। ইটতে ফিরতেও আমার কষ্ট হয়।

মহেন্দ্র রত্নেশ্বর রায়কে বলেছিল—হজুর বলেছিলেন—না—না। বেশী ইটাইটি ভুমি করো না। বিজ্রাম নাও। আমার জন্মে ভেবো না। মহেন্দ্র আছে। তা ছাড়া শোফি রয়েছে। আর মন্দির-টন্দিরে যাওয়াও বন্ধ কর। ইটাইটি তোমার ওখানেই বেশী হয়। আর ওই উপোসগুলি। ওগুলিও এখন বাদ দেওয়া দরকার। নেহাত কোন পর্ব হলে—কি একান্ত ইচ্ছে হলে এক একদিন—।

বাধা দিলে ভবানী দেবী নাকি মাথার ঘোমটাটা একটু টেনে দিয়ে হেসে বলেছিলেন—না, তাও আর যাব না। স্বানজল নির্মালা আসবে তাতেই হবে।

সুরেশ্বর বললে—ভবানী দেবী এই বয়সে তাঁর এই অবস্থান্তরে লজ্জিত হয়েছিলেন। এবং মনে মনে ক্ষুণ্ণও হয়েছিলেন এর জন্তে। সম্ভবতঃ স্বামীর কাছে ফিরে এসেও তিনি দেহসম্পর্ক-রহিত একটি দাম্পত্যজীবনের করুনা করেছিলেন। প্রথম প্রায় এক বছর বীরেশ্বর রায় আংশিক পক্ষাঘাতে রোগীর মতই জীবনযাপন করেছিলেন। স্মৃতির এ নিয়ে কোন দ্বন্দ্ব স্বামীস্ত্রীর মধ্যে হয় নি। কিন্তু একবৎসর নিয়ম পালন করে স্মৃতিকিংশার ধীরে ধীরে সুস্থ হয়ে উঠেও যেটুকু রোগ অবশিষ্ট ছিল তা থেকেও এই চেন্নে যাওয়ার ফলে পরিপূর্ণরূপে সুস্থ হয়ে উঠেই সহজ এবং স্বাভাবিক দাম্পত্যজীবন ফিরে পেতে চাইবেন এ অভ্যস্ত স্বাভাবিক। তিনি উনবিংশ শতাব্দীর ভোগী মামুষ। দুর্বল ভোগী নয়—সবল ভোগী তিনি। কিন্তু ভবানী দেবী তাঁর বিপরীত। তিনি বারো বৎসর ব্রতপালনের পর স্বামীর রোগশয্যার ফিরে এসেছিলেন; এবং স্বামী তাঁর পুণ্যেই বৈচেছেন এই বিবাসবশে আরও গভীরভাবে জড়িয়ে থরেছিলেন তাঁর ভগ্নাত্মকে। তাঁর স্বপ্নভঙ্গ হল—বীরেশ্বর রায়েরও স্বপ্নভঙ্গ হল।

ভবানী দেবী সন্ধান প্রসবের দিন গণনা করে ঘরের মধ্যে নিজেকে আবদ্ধ ক'রে রাখলেন। মন্দিরে তিনি যেতেন না তাঁর দৈহিক অবস্থার কারণে, কিন্তু ঘরের মধ্যে পূজা পাঠ নিয়েই থাকতেন। স্বামীর কাছে আসতেন দুবার। সকাল এবং সন্ধ্যায়। দুবেলা দুটি প্রণাম ক'রে ছুঁচরটি কথাবার্তা বলে আপনার ঘরে চলে যেতেন।

একঘরে শোওয়া বন্ধ হয়েছিল। প্রথম কাশীতে আসবার পথে, কাশী পৌছবার ঠিক আগের দিন থেকে। কাশীতে এসে থেকেই সেই যে একমাস সারাদিন উপোস ক'রে থাকতেন, ভোরে উঠে কাশীর ভিতরে বিমলাকান্তের বাড়ীর পাশের বাড়ীতে এসে সারাদিন পূজা অর্চনা করতেন, তারপর সন্ধ্যায় আরতি দেখে বাড়ী ফিরতেন—তখন থেকে।

এত উদ্বাপনের পরও পনেরদিন কাশীতে ছিলেন—তখনও সেই নিয়ম ভাঙেন নি। তারপর সারা তীর্থ ঘোরার চার পাঁচ মাস সেই নিয়মই বজায় রেখেছিলেন।

আগ্রাতে সন্ধানসম্ভাব্য হয়েছেন এই কথাটা যখন ডাক্তার কবিরাজে বলে গেল, তখন স্বামীশ্রীতে যে কথা কাটাকাটি হয়েছিল—যার কথা একটু আগেই তোমাকে বলেছি শুলতা—যার পর ভবানী দেবী স্বামীর কাছে নিজেকে সমর্পণ করলেও এই নিয়মটুকু ভাঙেন নি।

তবে একটা নিয়ম নতুন করেছিলেন। হরিদ্বার থেকে ফিরে কাশী কেবল পর্যন্ত সোফি বাড়ি থাকত স্বতন্ত্রভাবে, জলপথে স্বতন্ত্র বজরায়, কাশীতে আগ্রায় হরিদ্বারে স্বতন্ত্র কুঠীতে; সেখান থেকে সে আসতো—যেতো নিয়মমাত্তিক, সকালে জলখাবার সময় কল কেটে আনত, পান আনত, গান শোনাতো, ছপুর্নে খাওয়ার সময় এসে দূরে ব'সে থাকত; পান আনত; বড় রায়হজুর শুলে তাঁর মাথায় হাত বুলিয়ে কথা বলে মনোরঞ্জন ক'রে ঘুম পাড়াতো; আবার সন্ধ্যার সময় গানের মজলিসে আসত। হরিদ্বার থেকে সন্ধ্যার মজলিসও বসত বড় রায়হজুরের শোবার ঘরে, সেখানে ভবানী দেবী থাকতেন। তারপর সোফি বাড়ি চলে যেত। এবার কাশীতে ফিরে ভবানী দেবী বললেন—সোফি থাকবে এই বাড়ীতেই, দোতলায়। ভবানী দেবীর কামরা এবং বড় হজুরের কামরা একেবারে পূর্ব দিকে, সোফির জন্তে নির্দিষ্ট হল একেবারে পশ্চিম দিকের কামরা। আর বদল হল হজুরের সঙ্গে ভবানী দেবীর কামরার। একেবারে পূর্বদিকের কামরাখানা ছিল সর্বোৎকৃষ্ট—কামরার পূর্বের জানালার নিচেই গজা এবং দক্ষিণদিকের জানালা খুললে অব্যাহিত দক্ষিণই শুধু পাওয়া যায় না, গজাও থানিকটা পাওয়া যায়। রায়হজুরকে দিলেন তার পাশের ঘরখানা, যেখানায় প্রথমবার তিনি থাকতেন।

স্বপ্নের বললে—তোমার কি মনে হবে বা হচ্ছে তা আমি জানি না শুলতা, তবে আমার মনে হয়েছে বা এখনও আমার তাই বিশ্বাস যে ভবানী দেবীর ওই নতুন ব্যবহার মথ্যেই তাঁর নিজের ভবিষ্যৎ তিনি নিজে নির্দিষ্ট করে নিয়েছিলেন। তিনি স্বেচ্ছায় দেহত্যাগের ব্যবস্থা করেছিলেন বলে আমাদের রায়বাড়ীতে একটা প্রবাদ আজও রয়ে গেছে। মেজঠাকুরা বলতেন—পুণ্যবতীর কাজ ফুরলো, কিন্তু বাই বাই করেও স্বামীর মমতার বেতে পারছিলেন না; তাঁর ইষ্ট তাঁকে সন্ধানধারণের লজ্জা দিয়ে চেষ্টা মিলেন—বললেন—বাঁচবি আর? বাঁচতে হলে, এই সংসারলসে ডুবতে হবে। মেয়েমানুষ হয়ে কমেছিল ভাগ্য তাঁর সখ্যার ভাগ্য, ভাগ্যের

কলঙ্কল ধরতে হবে। তা আমার দিদিবাস্তবী প্রথম নাকি স্বপ্নে বলেছিলেন—মা, আমি স্বামীকে কাছে পেয়েও সে ত্রুট পালনের ধর্মকে ধরে থাকব। কিছুদিন সংসার আমাকে ভোগ করতে দাও। ইষ্টদেবী বলেছিলেন—‘বেশ তাই কর।’ বলে হেসে মিলিয়ে গিয়েছিলেন। তা না-হলে না কি স্বামী বেঁচে উঠলেই তাঁর যাবার কথা ছিল। তা একবছর পার হয়ে দু বছরের বছরেই থাকার মাশুল দিতে হল। সখবা মেয়ে, ফল ধরতে হল। তখন সতীবউয়ের চোখ খুলল। মনে মনে মাকে ডেকে বললেন—আর নয় মা। ভোগের মাংস আমার মিটেছে। আমাকে এবার পায়ে টেনে নে। মা বললেন—তথাস্ত। সংসারে থাকার যে কলটি জীবনে ফলেছে, শুই কল বোটা খসে মাটিতে পড়ুক—তখন আসব। নিয়ে যাব।

এই স্বপ্নের কথা কে তৈরী করে চালু করে গিয়েছিল তা জানিনে। সুরেশ্বর বললে—তবে আমার মেজদি আমাকে কথাটা বলেছিলেন এবং আজও পর্যন্ত একথা রায়বাড়ীর মেয়েরা প্রায় সবাই জানে এবং বিশ্বাস করে। সে অর্চনাও করে।

সুলতা বললে—তোমার কাছে যা শুনেছি তাতে মনে হয়, সে নিজেই ভবানী দেবী, জন্মান্তরে রায়বাড়ীর ঋণ শোধ করতে এসেছে—একথাও বিশ্বাস করে অর্চনা।

—হ্যাঁ—তা বোধহয় করে। আগে ছেলেবেলায় তো করতাই। তবে এখন এম-এ পাশ করেছে, এখন সেটা ততটা শক্ত আছে কিন জানিনে।

সুলতা বললে—ছেলেবেলার বিশ্বাস সহজে মরে না। আমি ব্রাহ্ম ঘরের মেয়ে, আমার ঠাকুরদার ঠাকুরদা ঠাকুরদাস পালকে কিছুতেই তোমার আঁকা ছবির মত চেহারায় কল্পনা করতে পারি নে, বিশ্বাস করতে পারিনে। মনে হচ্ছে তুমি জমিদারীর অহঙ্কারে চাষী ঠাকুরদাসকে এমনি করে এঁকেছ।

—ঠাকুরদাস পালের যে ছবি আমার আঁকা ছবির মধ্যে রয়েছে, তা কল্পনার ছবি নয় সুলতা। রায়বাহাদুর রত্নেশ্বরের আমলে কটোগ্রাফের রেওয়াজ হয়েছে। রত্নেশ্বর রায় অনেক কটোগ্রাফ তুলিয়েছেন—তার মধ্যে চার পান্থানা গ্রুপ কটোগ্রাফ আছে। বিবর্ণ নিশ্চয় হয়েছে, কিন্তু তবুও ঠাকুরদাসকে সবগুলোতেই চেনা যায়। আমি তাকে যেমনটি পেরেছি তেমনটি এঁকেছি। দেখাতে পারি।

—আমাকে দেবে সেখানা?

সুরেশ্বর হেসে বললে—দেব। কিন্তু কি করবে নিয়ে?

সুলতা বললে—দেওয়ালে ছবি দিয়ে জিনিগলজি তৈরী করব। আমাদের বাড়ীর জীবনের অহঙ্কারকে একটু সংযত করব। যা ছিলাম—যা হইয়াছি। ‘যা হইব’—তার ছবি পার তো একখানা এঁকে দিয়ো।

—কিন্তু কতদিন পরের ভবিষ্যৎ সেটা বল? চরম ভবিষ্যতের ছবি আঁকতে পারি। সেটা আমি ভবানী দেবীর মত জানি। তার এদিকের যে ভবিষ্যৎটুকু সেটা আমার অজানা। ভবানী দেবী একখানা চিঠি লিখে রেখে গিয়েছিলেন তাঁর স্বামীকে। তিন মাস পর মাঘ মাসে তিনি একটি কস্তা প্রসব করে মারা যান। কান্টার-সিবিল সার্জেন থেকে ভাল ডাক্তারদের ডেকে বীরেশ্বর রায় ডাক্তারের হাট বসিয়ে দিয়েছিলেন। সিবিল লাইনের একজন মেমসাহেব মিড-

গুহাইকে এনেছিলেন ডেলিভারির জন্তে। তিনদিন লেবার পেনের পর ডেলিভারী হল। হ'ল কল্‌গিস্তান। তারপর হ'ল ভবানী দেবীর জর। সেই জরে আর তিনদিন পর তিনি মারা গেলেন।

সেদিন তিথি ছিল পূর্ণিমা। মাঘীপূর্ণিমা হিন্দুশাস্ত্রমতে শ্রেষ্ঠ পূর্ণাতিথিগুলির মধ্যে একটি। মাঘী পূর্ণিমা, দোল পূর্ণিমা, বৈশাখী পূর্ণিমা।

বৃত্ত্যর পর ভবানী দেবীর হাতবান্ধ থেকে চিঠিখানা পেয়েছিলেন বীরেশ্বর রায়।

স্বরেশ্বর বললে—সুলভা, রায়বাড়ীর পুরনো কাগজ খেঁটে অনেক মূল্যবান দলিল পেয়েছি; বীরেশ্বর রায়ের স্বরগীর ঘটনাপঞ্জী পেয়েছি; রায়বাহাদুর রত্নেশ্বর রায়ের তিরিশ বছরের ডায়রী পেয়েছি; দেবোত্তরের সিঙ্কুরের মধ্যে তাড়াবাধা চিঠির মধ্যে সোমেশ্বর রায়—রাণী কাত্যায়নীর প্রেমপত্র পেয়েছি; বীরেশ্বর রায়কে স্ত্রীহত্যাকারের গোপন সাধনার কথা লিখে যে পত্র ভবানী দেবী লিখেছিলেন তাও পেয়েছি। চন্দন কাঠের বাস্কে কুড়ারাম রায় ভট্টাচার্যের কীর্তিহাটের পাঁচালী পেয়েছি, কিন্তু ভবানী দেবীর এই চিঠির মত মূল্যবান আমি আর কিছু পাই নি। চিঠিখানা আমি অহরহ সলে রাখি। রাত্রে মাথার বালিশের তলায় রেখে শুই। ছবি আঁকবার আগে বা কোন কাজ করবার আগে কপালে ঠেকাই।

জামার ভিতরের পকেট থেকে একটি সুদৃশ্য মরকো লেদারের নোটকেস বের করে তার ভিতর থেকে একখানি বিবর্ণ কাগজ বের করে সমস্তে ভাঁজ খুলে সামনের টেবিলের উপর সে মেলে ধরলে।

—এই দেখ।

সুলভা দূর থেকেই চিঠিখানার হস্তাক্ষর দেখে বিস্মিত হল। গোটা গোটা সেকালের হাঁদের হস্তাক্ষর, কিন্তু ভারী সুন্দর। আরও একটা কথা—লেখাগুলি এতটুকু অস্পষ্ট হয় নি, কালী যেন উজ্জ্বল করছে। কালী সম্পর্কে বিশ্বাস তার ছিল না, কারণ সোসিওলজি সম্পর্কে রিসার্চ করতে গিয়ে অনেক পুরনো পুঁথি সে খেঁটেছে। তার মধ্যেও এই কালীর দীপ্তি সে লক্ষ্য করেছে। সেকালে এদেশে লোহার কড়াইয়ে নানারকম জিনিস ভিজিয়ে তার কষ থেকে কষের কালী ভৈরবীর কথা সে জানে। একটা উপাদান—হীরাবের নামও তার মনে আছে।

চিঠিখানার উপর সাগ্রহে সে হুঁকে পড়ল। প্রথমেই সন্ধ্যোদনটা বড় ভাল লাগল।

\*

\*

\*

জয়জয়ান্তরের পরমারাধ্য প্রিয়ভ্রম

স্বামী—

দানীর শেষ প্রণাম নিবেদন করিতেছি, গ্রহণ করুন। শেষমুহুর্তে আমার জ্ঞান থাকিবে না—সেই কারণে আমি প্রণাম এই পত্র নিবেদন করিয়া রাখিলাম।

সন্তান প্রসব করিয়াই আমার জীবনের পালা সম্বরণ করিতে হইবে, ইহাই দৈবদেশ। সজ্ঞানে আপনাকে দেখিয়া দেহভ্যাগে দুঃখ অল্পভব করিব বলিয়াই মা'র নিকট ইহাই আমি চাহিয়াছিলাম। জানি তুমি ইহা বিশ্বাস করিবে না। কিন্তু বিশ্বাস করিও—দৈবদেশ স্বপ্নযোগেই হইয়া থাকে। ইহা বিশ্বাস করিও। তোমাকে কতদিন তো বলিয়াছি, স্বপ্নযোগে

মায়ের সঙ্গে আমার কথাবার্তার কথা। বারো বৎসরের ব্রত উদ্‌ঘাপন করিতে আসিয়া—  
তোমার অশ্বখের কথা শুনিয়া—ব্রত অসম্পূর্ণ রাখিয়া তোমার শিয়রে আসিয়া বসিয়াছিলাম।  
মা তোমাকে বাঁচাইলেন। আমাকে বলিলেন—তুই কিরিয়া আর। কিন্তু তোমাকে কিরিয়া  
পাইয়া যাইতে দুঃখবোধ করিলাম। নয়নযুগল হইতে অশ্রু বিনির্গত হইল। জননী হাসিলেন।  
বলিলেন—থাকিলে এরোত্তী নারীর কল ভোগ করিতে হইবে! ফল ধারণ করিয়া সৃষ্টির নিয়ম  
মানিতে হইবে। পতিনিন্দা শুনিয়া সতী দেহভাগ করিয়াও শিবের প্রীতি এমত আকর্ষণে কিরিয়া  
উমা হইয়া গিরিরাঞ্জতনৱা হইয়াছিলেন। এবং শিবকে লাভ করিয়া, যিনি নিজেই মহাপ্রকৃতি,  
তাঁহাকেও ফল ধরিতে হইয়াছে। স্বকীয় অপের হরিদ্রা হইতে গঠন করা পুতুল জীবিত  
হইয়া গণেশ হইল অতঃপর কাতিকের। কাতিকেরের জন্ত শিব উমার সহিত রত্নিরজে  
যাতিয়াছিলেন।

এ অপের কথা তোমার নিকট নিবেদন করিয়াছিলাম। এই দিবস তুমি আমাকে বলিলে  
—দেখ ভবানী, ইতিপূর্বে তুমি আমাকে অনেক অপের কথা বলিয়াছ, আমি এ সম্পর্কে  
কোনপ্রকার মন্তব্য প্রকাশ করি নাই বা উত্তর প্রদান করি নাই। শুনিয়া তোমার তৃপ্তির জন্ত  
কখনও হান্তসহকারে সম্ভাব প্রকাশ করিয়াছি, কখনও কৃত্রিম বিস্ময়-প্রকাশ করিয়াছি—কখনও  
শঙ্কা প্রকাশ করিয়া তুমি যে প্রকার দেবপূজা বা গ্রহস্বপ্তয়ন করিতে চাহিয়াছ, তাহাতেই মত  
দিয়াছি। কিন্তু আজ যে অপের কথা বলিতেছ, ইহার উত্তর আমার জ্ঞান ও বিশ্বাসমত না  
দিয়া উপায় নাই। কথাটা হইল কি জ্ঞান, স্বপ্ন কখনও সত্য হয় না, বা সত্য নহে; দিবাভাগে  
জাগ্রত অবস্থায় মনুষ্যসকল যে প্রকার চিন্তাভাবনা করিয়া থাকে বা যে সমস্ত ঘটনা সমুদয়  
সংঘটিত হইয়া থাকে, নিদ্রিত অবস্থার মধ্যেও সেই সকলই কিছুটা এলোমেলো হইয়া বা যেমত  
তোমার আন্তরিক অভিপ্রায় না বিশ্বাস তদনুসারে পরিবর্তিত হইয়া স্বপ্ন হইয়া দেখা দেয়।

যেমন ধর—তুমি ক্রমাগতই দেবতার কথা ভাবিয়া থাক। তাহাতে তোমার অচলা ভক্তি  
ও বিশ্বাস; সুতরাং তিনিই তোমাকে দেখা দিয়া কথা বলিয়া থাকেন। তোমার মনে  
হইয়াছে যে—তুমি ব্রত উদ্‌ঘাপন স্বগিত রাখিয়া আমার অশ্বখের সংবাদ পাইয়া ছুটিয়া আসিলে  
এবং আমি পক্ষাঘাত রোগগ্রস্ত হইয়া বাঁচিলাম। তাহাতে তোমার ধারণা হইল যে, এমত  
কঠিন অশ্বখ হইতে যখন আমি বাঁচিলাম তখন তাহার যাপুলস্বরূপ তোমার জীবন দিতে হইবে।  
যা আমার জীবনলাভেই তোমার তপস্বী পূর্ণ হইল—এবার তোমাকে যাইতে হইবে। এবং  
এতদিন ব্রহ্মচর্য করিয়াছ, তপস্বী করিয়াছ, তাহার ফলে তোমার মনে ধারণা হইয়াছে যে, ইহার  
পর সম্ভাবন ধারণ করা তোমার পক্ষে পাপ বা শাস্তিস্বরূপ হইবে। সুতরাং এমতপ্রকার স্বপ্ন  
তুমি লক্ষ্য করিয়াছ।

আমি খুবই আঘাত পাইয়াছিলাম। তাহার কিছুটা তুমি অমূল্য করিয়াছিলে। এবং  
কিছুক্ষণ পর আবার আমাকে ডাকিয়া কাছে বসাইয়া বলিয়াছিলেন—ভবানী, আমি ভাবিয়া  
দেখিলাম আমার কথা ভুল; আমি এককাল নাস্তিক ছিলাম, সেইমত আচরণ করিয়াছি;  
সেইহেতু এতবড় দৃষ্টান্তের এবং শিকার পরও মৃতের মত তোমার কথায় প্রেতিবাদ করিয়াছি।  
কিন্তু তুমি চলিয়া গেলে অনেক চিন্তা করিয়া দেখিলাম যে আমি সত্যই মৃত ভ্রাতা। দেখ,



যতবার এমত চিন্তা মনে উদ্ভিত হইল ততবারই ঐ কোণে একটা টিক্‌টিক টকটক করিয়া উঠিল। এবং আরও আশ্চর্যের কথা ততবারই বাহিরে হাঁটির শব্দ শুনিয়াছি। এবং আরও আশ্চর্যের কথা আমার মনের মধ্যেও বারবার মায়ের মূর্তি ভাসিয়া উঠিল।

আমাকে বিশ্বাস করাইবার জন্য তুমি মায়ের একটি বিশেষ পূজা দিতে বলিয়াছিলে। পূজার পর নির্ভাল্য ও চরণোদক গ্রহণ করিয়া আমাকে বলিয়াছিলে—এতকণে নিশ্চিন্ত হইলাম।

সেই রাত্রে তুমি আমাকে বলিয়াছিলে—দেখ ভবানী, একটি স্ত্রীমানসীত আছে। আর মা সাধনসময়ে। দেখি মা হারে কি পুত্র হারে। আমাকে গাহিতে বলিয়াছিলে, আমি গীতখানি গাহিলাম, শেষ হইবামাত্র বলিলে—ভবানী, অতঃপর আমরা যতদিন বাঁচিব, ততদিন এবস্ত্রকার সাধনসময়ই করিব মায়ের সঙ্গে। আমার দেহের তো এমতপ্রকার অবস্থা। এই অবস্থাই আমাকে এই সাধনজীবনে সাহায্য করিবে। আমরা সংসারে যতদিন বাঁচিব ততদিন ত্র্যম্ভচারী-ত্র্যম্ভচারিণীর মতই জীবনযাপন করিব। দেখাই যাউক না-কেন—‘মা হারে কি পুত্র হারে ?’

আমি আশ্চর্য হইয়াছিলাম। কিছুদিন বেশই ছিলাম—সম্পূর্ণ বিশ্বাস করিয়াছিলাম তোমার বিশ্বাস এবং আমার বিশ্বাস এক হইয়াছে।

কিন্তু মায়ের বিচিত্র পাকচক্র দেখ, মদীয় পিতৃদেবের সন্ধানের নিমিত্ত সোফিকে আহ্বান করা হইল এবং মা সেটা করাইলেন আমাকে দিয়াই। আমার ভাকে নির্ভরে সে আসিল এবং কথাবার্তার পর যখন তাহাকে বিদায় দেওয়া হইল তখন রত্নেশ্বর কথাবার্তাগুলি শুনিয়া এবং সমস্ত বিবরণ আনিয়া সোফিকে সেই তোমাকে গান শুনাইবার জন্য নিযুক্ত করিল। ভয় করিল—সোফি স্বাধীন থাকিলে হয়তো বা কথটা প্রকাশ করিয়া দিতে পারে। এবং আশ্চর্যের কথা—আমার মনে হইল—আমি বাঁচিলাম, তুমি পুরুষ এবং ভোগী, তোমাকে তুষ্ট করিবার একজন লোক পাইলাম—তাহাকে আড়াল দিয়া আমি বাঁচিব।

তুমি ক্রমশঃ সুস্থ হইয়া উঠিতে আরম্ভ করিলে। আমি সোফিকে আরও বেশী করিয়া সামনে আনিলাম। কিন্তু তুমি তাহাকে অবহেলা করিয়া আমাকেই আকর্ষণ করিতে আরম্ভ করিলে। রত্নেশ্বরকে যজ্ঞ করিয়া গ্রহণ উপলক্ষ্যে তুমি তাহাকে কীৰ্ত্তিহাট লইয়া বাইতে ইচ্ছুক ছিলে না। কিন্তু আমিই জোর করিয়া লইয়া গিয়াছিলাম।

তোমার মনে পড়িবে—আমি বলিয়াছিলাম—একনিষ্ঠভাবে সে তোমার মনোরঞ্জন করিয়া তোমার একধরনের পত্নীত্ব লাভ করিয়াছে। মহাভারতে মহাত্মা বিদুরের গর্ভধারিণী দাসী ছিলেন। ইহা আমাদের শাস্ত্রে আছে। তুমি কোন উত্তর প্রদান কর নাই। তবু লইয়া বাইতে সন্ততি প্রদান করিয়াছিলে। এই কারণেই তাহাকে আমি সকালে তোমার ফল কাটিয়া আনিবার ভার দিয়াছিলাম। তুমি যত সুস্থ হইতেছিলে তত বেশী করিয়া আমাকে টানিতে-ছিলে। আমি তোমাকে ছাড়িয়া মরিতে চাহিতেছিলাম না অথচ ভয় হইতেছিল—সাধনসময়ে হয়তো হারিয়া যাইব। মনে কর আমরা সন্তানান্নির কামনা করি নাই বলিয়া রত্নেশ্বরের অঙ্কুরে দানপত্র সমাধা করিয়া দিবার পরামর্শ করিয়াছিলাম।

তাহার তীর্থযাত্রার পথে গয়া হইতে কিরিয়া পাটনায় সেদিন সকালে সোফি ছিল না,

আমার পূজা শেষ করিতে বিলম্ব হইয়াছিল—তুমি রাগ করিয়াছিলে—তোমার সন্তোষ সাধন করিতে গান গাহিলাম, তুমি পাখোয়াজ সঙ্গত করিয়া উল্লাসে বলিয়া উঠিলে—আমি ভাল হইয়া গিয়াছি। ছড়ি ছাড়িয়া ছাঁটিতে লাগিলে, খানিকটা ব্যায়াম আরম্ভ করিলে, আমি স্বাধী হইলাম, কিন্তু তুমি যখন আমার দিকে মুগ্ধ দৃষ্টিতে দৃষ্টিপাত করিতে, তখন ভয় পাইতাম। আরও ভয় পাইতাম দর্পনে নিজের প্রতিবিম্ব দেখিয়া। আমারও যেন যৌবন ফিরিয়াছে। মাসীমারা বলিলেন—গঙ্গার বাতাসে, পশ্চিমের জলে, আমার শরীর সারিতেছে। এবং জানিয়া আশ্চর্যান্বিত হইবে যে এই সময় মা আমাকে আর স্বপ্নে দেখা দেন নাই।

কিন্তু যেদিন তুমি সোফিকে নাচিতে শুরু করিলে, সেদিন আমি চমকিয়া উঠিলাম। শঙ্কিত হইয়া চিন্তা করিলাম—নাচ দেখিতে শখ হইল কেন? সোফির কটাক্ষ, তাহার অঙ্গের হিলোল লীলা দেখিয়া তোমার পরিবর্তন আমি লক্ষ্য করিয়াছিলাম এবং আমার নিজের মধ্যেও কামনা জাগিয়াছিল—ইহা অস্বীকার করিব না।

তাহার পর যাহা হইল তাহা হইয়া গেল। কুশীর মুখে গলিত ঘৃতধারা যখন অগ্নিকে আকৃষ্ট করে তখন ঘৃতের ইচ্ছা অনিচ্ছা কিছুই থাকে না, সে আব্দুসসমর্পণই করে। আমি ক্ষীণ প্রতিবাদ করিতে গিয়াও পারি নাই।

সেইদিন রাত্রে মনে হইল—এ কি হইল। এ কি করিলাম? সাধনসময়ে পরাজিত হইলাম। অনেক কাদিলাম। শেষরাত্রে ঘুমাইয়া পড়িয়াছিলাম, তখন স্বপ্ন দেখিলাম। মা দেখা দিয়া মুহূ মুহূ হাসতেছিলেন। মাকে বলিলাম—মা, আমার দর্প চূর্ণ হইয়াছে। এইবার চরণে স্থান দাও। টানিয়া লও।

মা বলিলেন—সংসারে থাকিতে চাহিয়াছিলে, তাহার ঋণ শোধ কর। তৎপর তোমাকে টানিয়া লইব। মুক্তিকাবক্ষে বৃঃ জন্মে, রস শোষণ করে, তাহার ঋণ শোধ হয় ফলদানে। তোমাকেও ফল দিতে হইবে।

কিন্তু তাহাতেও আমি দমিত হই নাই। আমি যেন ফলবতী না হই এই জন্ত কাশীতে বিশেষ সত্বন লইয়া কঠোর ব্রত করিলাম। তোমার নিকট হইতে ক্রমশঃ দূরে সরিলাম। লোকসমাজে কি করিয়া মুখ দেখাইব ভাবিয়া পাইলাম না। আগ্রায় তোমার সহিত কলহ হইল। তুমি কঠিন কথা বলিলে। তখন সোফির শরণাপন্ন হইলাম। সোফি আমার ভগ্নী-তুল্যা। তোমার দিক দিয়াই নয়, আমার ধর্মের দিক দিয়াও বটে। তাহাকে ডাকিয়া সব খুলিয়া বলিয়া বলিলাম, সোফি তুমি আজমীড় যাইও না। তুমি এখানে থাক। আগাকে রক্ষা কর। ভগ্নীর কার্য কর। ভিন্ন জাতি, ভিন্ন ধর্ম হইলেও তুমি তাঁহাকে ভজনা করিয়াছ, তাঁহাকেই চাহিয়াছ; আমার বাবার কাছে দীক্ষা লইয়া তুমি ধর্মেও আমাদের ধর্ম পালন করিতেছ। এ জন্মে তুমি তাঁহাকে প্রাপ্ত হইয়া ক্ষান্ত হও। তুমি নূতন করিয়া তাঁহার মনোহরণ কর। তাহাকে টানিয়া লও।

এ সব বৃত্তান্ত তুমি সোফিকে জিজ্ঞাসা করিলেই জ্ঞাত হইবে। সে কখনই মিথ্যা বলিবে না। সে আমার অজ্ঞানোপে, আদেশে নূতন করিয়া সাজিল, নূতন করিয়া অঙ্গ মার্জনা করিল, বৈদীভকন করিল। আমি সেই সুযোগ দিবার জন্ত তাহাকে প্রারম্ভে বৃত্তা দেখাইতে আদেশ

করিয়াছিল।

তুমি আকৃষ্ট হইলে। তাহার নিকট ধরা দিলে। তখন তোমার শরীর নীরোগ, দেখে পূর্বের বল পাইয়াছ, বলিতে কি তোমাকে দেখিয়া আমারই মনে হইত তুমি সেই যৌবনের বীর নবযুবক!

আমি সোফিকে অধিক করিয়া তোমার দিকে ঠেলিয়া দিলাম। কাশীতে আসিয়া সেই কারণেই সোফিকে দোভলার স্থান দিলাম, তোমার সঙ্গে ঘর বদল করিয়া এক পাশের ঘর লইলাম এবং তোমার ঘরে সোফির আসা-যাওয়ার পথের সব সঙ্কোচ ঘুচাইয়া দিলাম।

স্বামী, পরম দেবতা, আমি নিশ্চিত জানি, আমার সসার ভোগের অনিবার্য কল প্রসব করিয়াই আমাকে বাইতে হইবে। আগ্রাতে তুমি আক্ষেপ করিয়া প্রকারান্তরে আমাকে তিরস্কার করিয়াছিলে যে, সংসারে মানুষ যাহারা, তাহারা যেন দেবী অংশোদ্ভূত। যাহারা তাহাদিগকে বিবাহ না করে। তাহারা বিবাহ করিয়া স্বামীকে সেবা করে, ভালবাসে, স্বামীকে পাইবার জন্ত নর, দেবতাকে পাইবার জন্ত। সংসার করে, স্বর্গলোক প্রাপ্তির জন্ত। পরজন্মে বা লোকান্তরে তাহারা স্বামীকে কামনা করে না, তাহারা কামনা করে দেবতাকে। বন্ধনে তাহারা আবদ্ধ হয়, বন্ধন হইতে মুক্তি লাভের জন্ত।

স্বামী, কথাটি আমি মনে মনে অনেক আলোচনা করিয়াছি। কথাটি এক হিসাবে সত্য বটে। কি করিয়া অস্বীকার করিব? কিন্তু এই হিসাবটি তো যারা-মোহের মিথ্যা হিসাব। ইহাই তো শাস্ত্রোক্ত পথ। তোমার কথাটি ভাল লাগিবে না। কারণ তোমার অনেক বাসনা আছে। আরও অনেক জন্ম তোমাকে পৃথিবীতে আসিতে হইবে। আমার এই জন্মেই মুক্তি নির্দিষ্ট ছিল। সুতরাং ইহাই অবশ্যস্বার্থী। তুমি যেন আর বিবাহ করিও না। আমার স্বার্থের জন্ত বলিতেছি না। তোমার স্বার্থের জন্ত বলিতেছি। কারণ নিজের শক্তি না বুঝিয়া তুমি সকল সম্পত্তি রত্নেশ্বরকে দান করিয়াছ। বিবাহ করিয়া নূতন সংসার করিলে নিদারুণ অশান্তি ও পুত্রের সঙ্গে কলহ আরম্ভ হইবে। সে কলহে অর্থাৎ গায়লা-মোকদ্দমায় রায়বংশের এবং আমার পিতার সাধনজটিলতার সকল রহস্য প্রকাশ পাইবেই।

এ সম্পর্কে আমি দাদার সঙ্গে কৌশলে আলোচনা করিয়াছি।”

সুলতা এবং সুরেশ্বর এক সঙ্গেই চিঠিখানা পড়ে বাচ্ছিল। সুরেশ্বর স্তব্ধতা ভঙ্গ করে বললে ভাবনী দেবীর দাদা বিমলাকান্ত; বুঝতে পারছ সুলতা?

সুলতা ঘাড় নেড়ে জানালে, হ্যাঁ, তা সে বুঝেছে।

তারপর পড়ে গেল—

“দাদাকে বলিলাম, দাদা সম্পত্তি তো রত্নেশ্বরকে দানপত্র করা হইয়াছে। এখন যে সম্ভান হইবে তাহার কি হইবে?

দাদা বলিলেন—রত্নেশ্বর অবশ্যই তাহাকে তাহার অংশ দিবে। সে তোমার সম্ভান। বীরেশ্বরেরই পুত্র। দানপত্র করিয়াছে বলিয়া কি সে অংশ দিব না এমন কথা বলিতে পারে?

আমি বলিলাম—দাদা, বিষয় বিবের তুল্য। ইহা দেবতাকেও স্বার্থপর করে। যাহায্য করে অযায্য করে।

দাদা বলিলেন—তাহা অস্বীকার করিতে পারি না। তবুও রত্নেশ্বর তাহা পারিবে না।

আমি বলিলাম—মা কালী তাহাই করুন। বাবা বিশ্বনাথ তাহাকে সেই স্মৃতিই যেন দেন। কিন্তু আইনটা কি? আইনের বলে পাইতে পারিবে কি?

দাদা বলিলেন—না। দানপত্রের অর্থই হইল যে, দানপত্র সহি এবং রেজেষ্ট্রী হইবামাত্র সেই মুহূর্ত্ত হইতে এহীত মালিক হইল। দাতা আর কোনরূপেই তাহা নাকচ করিতে পারিবেন না। তবে অনেক সময় এমন মামলা হইয়া থাকে, দাতা প্রমাণ করিতে চাহেন যে, তিনি অসুস্থ, বিকৃতমস্তিষ্ক ছিলেন। তাহা ব্যতীত এ ক্ষেত্রে যদি সকল কথা অর্থাৎ রত্নেশ্বর বিমলার গর্ভজাত আমার পুত্র হিসাবে স্বর্গীয় শশুর মহাশয় সোমেশ্বর রায়ের পৌত্র নহে, সে বীরেশ্বরের ঔরস-জাত পুত্র, কেবলমাত্র বিমলার পুত্র চুরির অপরাধ গোপনের জন্য এমত প্রচার করা হইয়াছিল, তাহা হইলে সবই নাকচ হইয়া যাইবে। দৌহিত্র হিসাবে সোমেশ্বর রায়ের উইলমুখে সে যে আট আনার মালিক, তাহার মালিকও বীরেশ্বর হইবেন এবং পৌত্রপুত্র হিসাবে যে আট আনা দান করিয়াছেন, তাহাও নাকচ হইবে। সুতরাং চিন্তা করিও না। এ কার্য রত্নেশ্বরও করিবে না। বীরেশ্বরও করিবে না। তাহাতে আমাদের পিতৃদেবের মর্যাদাসিক কথ্য এবং শশুর মহাশয়ের মনোহরা যোগিনী লইয়া কলেঙ্কারির কথা সমুদয় প্রকাশ হইয়া যাইবে। সমগ্র দেশে রায়বংশের আর মুখ দেখাইবার যো থাকিবে না।

এই কথা তোমাকেও প্রমাণ করিয়াছিলাম। তুমি বলিয়াছিলে, নিশ্চিন্ত থাক। রত্নেশ্বর এমত করিবে না। যদি করে তাহা হইলেও চিন্তা নাই। কলিকাতার বাটী, সম্পত্তি এবং নগদ কারবারের যে টাকা আছে, তাহা সমুদয় আমি আমাদের এই সন্তানকে দিব। তাহা ব্যতীত আমার পিতামহের আমল হইতে কিছু হীরা জহরতের সঞ্চয় আছে। আমার পিতৃদেব সে সঞ্চয় বৃদ্ধি করিয়াছিলেন। আমি তাহাতে হাত দিই নাই। মধ্যে মধ্যে জু-চারিখানা কিনিয়াছি। পিতৃদেব এ সঞ্চয় দৌহিত্রকে দেন নাই। আমাকেই দিয়াছিলেন। তাহার মূল্যও অস্তুত: তিন লক্ষ টাকা। ওই সকল জহরতের মূল্য এখন বৃদ্ধি পাইয়াছে। বিলাতের লর্ডদের এই সকল রত্নরাজিতে কোঁক বাড়িয়াছে। এ সমুদয় হইতে আমি আর একটা কীর্তিহাট এস্টেট গড়িয়া তুলিব।

একটি সন্তানের তাহাতে ব্যবস্থা হইবে। কিন্তু আমার পর বিবাহ করিলে তাহার গর্ভে চার-পাঁচ বা ততোধিক সন্তান জন্মিলে কি করিবে? এবং তাহাদের যিনি জননী হইবেন, তিনিই বা মানিবেন কেন? সন্তানেরাই বা শুনিলে কেন?

তুমি ভাবিও না আমি আমার সন্তানদের স্বার্থহানির কথা চিন্তা করিয়া এ সকল কথা লিখিতেছি। আমি ইহা লিখিতেছি এই বংশ-কলঙ্ক প্রকাশ হইয়া যাইবে আশঙ্কায়।

তুমি সোফিয়াকে লইয়া থাকিও। সোফিয়া বাদ্ধজী হইলেও এককাল ধরিয়া তোমাকে জ্ঞান করিয়াছে, তোমার প্রতি তাহার প্রেম অতি গভীর। সে আমার মত নয়। সে তোমাকেই চায়, মুক্তি সে চাহে না। সে আজমীঢ় না গিয়া তোমাকে পাইবার আশা পাইয়া কিরিয়াছে। সে আমারই মত তোমার সেবা করিবে। সম্ভবত: অধিক মাত্ৰায় করিবে।

আমার বক্তব্য শেষ হইয়াছে। কি আর লিখিব? তোমাকে প্রাপ্ত হইয়া এ জীবনে

আমার সকল সাধই পূর্ণ হইয়াছে। তুমি ছাড়া আর কাহারও সহিত বিবাহ হইলে—সে আমার বারো বৎসর ব্রতকাল পর্যন্ত বিবাহ না করিয়া থাকিত না। এবং তাহার সংসারে আমার আর স্থান হইত না। এবং ভাগ্যের চক্রান্তে যে সন্দেহ তুমি করিয়াছিলে তাহাই লোক-সমাজে প্রচারিত হইয়া আমার ললাটে কলঙ্ক কালিমা লেপিয়া দিত। রত্নেশ্বরের ভাগ্যেও লালিনার অন্ত থাকিত না।

আমার অসংখ্য কোটি প্রণাম গ্রহণ করিও। আমাকে হাসিমুখে বিদায় দিও। আমার অপরাধ মার্জনা করিও।

আমার সন্তান বাঁচিলে—বাঁচিলে বলিয়াই মা বলিয়াছেন, এবং সন্তান কঙ্কাসন্তান হইবে, তাহাকে তুমি প্রতিপালনের জন্ত দান্য এবং বউদিদির হস্তে অর্পণ করিও। রত্নেশ্বরের দিয়া আবার তাহাকে কাড়িয়া লইয়াছি। দাদার বিবাহ আমিই দিয়াছিলাম। অত্য়াপি তিনি নিঃসন্তান! দাদার মনে ক্ষোভ আছে। তুমি এই সন্তান তাহাকেই মাল্যব করিতে দিও। তুমি সৌম্যিক লইয়া কলিকাতার বাস করিও। রত্নেশ্বর বংশের অভিলাষ ব্যর্থ করিবে বলিয়াই বিশ্বাস করি। রায়বংশ ধনে-পুত্রে লক্ষ্মীলাভ করিয়া সংসারে প্রতিষ্ঠা লাভ করুক।

পরমারাধ্য প্রিয়তম স্বামী, দাসী শ্রীচরণে বিদায় লইতেছে।

ইতি

প্রণতা

ভবানী।

এ-চিঠিখানা রায়বাড়ীতে ছিল না। এ-চিঠি পরে পেয়েছি আমি অন্নপূর্ণা দেবী—রত্নেশ্বর রায়ের সহোদরার কাছে। তার জন্ম ১৮৬২ সালে, ১৯৩৭ সালেও তিনি বেঁচেছিলেন। তখন তাঁর বয়স পঁচাত্তর বছর। তাঁর সঙ্গে পরিচয় ছিল না—তাঁকে দেখিনি আমি। এবং রায়বংশের সঙ্গে তাঁর বিয়ের পর থেকে কোন সম্পর্ক ছিল না। তিনি রাখেননি।

সুতরা—তার মূল কারণ জমিদারী এবং সম্পত্তি।

বিয়ের পর তাঁর সন্তান হতেই, তাঁর খণ্ডরেরা বীরেশ্বর রায়ের যে অর্ধেক অংশ পোস্তপুত্র রত্নেশ্বরকে দান করেছেন, তার উপর দাবী তুলেছিলেন। বলেছিলেন—কঙ্কা জন্মাবার পূর্বে বীরেশ্বর পোস্তপুত্র নিয়েছিলেন তাঁর সন্তান নেই বলে। কিন্তু পরে সন্তান যখন হয়েছে, কঙ্কাও সন্তান, তার সন্তানেরাই বীরেশ্বরের বিত্তাধিকারী, সুতরাং এই পোস্তপুত্র গ্রহণ সিদ্ধ নয়, এবং সে-সময় বীরেশ্বর রায় পক্ষাঘাতে অস্থির ছিলেন। সে-রোগ তাঁর কখনওই সারেনি। তার প্রমাণ, ভবানী দেবীর মৃত্যুর দেড় বছর পর আবার তিনি পক্ষাঘাতে একেবারেই পঙ্গু এবং শ্রুতি ও বাকশক্তি হারিয়েছিলেন; তার কিছুদিন পরই তাঁর মৃত্যু হয়। এই অবস্থার সহ্য-করা দানপত্র এবং পোস্তপুত্র গ্রহণ অসিদ্ধ। তা নাকচ হতে বাধ্য।

তোমার বাবা ব্যারিস্টার, তুমি নিজেও আইন মোটামুটি জান। এসব তোমার বুঝতে অসুবিধা হবে না।

পরে বিমলাকান্তের মধ্যস্থতায় এ-মামলা যেটে। তিনি অন্নপূর্ণাকে থেকে রত্নেশ্বরের সামনে ভবানী দেবী যে-চিঠি বীরেশ্বর রায়কে কাশী থেকে লিখেছিলেন, তাঁর পালক-পিতা যে-চিঠি

লিখেছিলেন, যে-চিঠি দুখানা নিয়ে এসেছিল ছেদী সিং, সেই চিঠি এবং তার সঙ্গে এই চিঠি দেখিয়ে অন্নপূর্ণাকে নিয়ন্ত্র করেছিলেন মামলা থেকে। এবং এই চিঠিখানা তিনি চেয়ে নিয়ে বলেছিলেন—ওই চিঠিখানা আমাকে দিতে হবে। আমি রাখব।

তার সঙ্গে রত্নেশ্বর বোনকে দিয়েছিলেন এক লক্ষ টাকা। আর বিমলাকান্ত দিয়েছিলেন তার নিজের সবকিছু।

অন্নপূর্ণাকে তিনিই মাহুষ করেছিলেন। তিনি বিবাহ দিয়েছিলেন।

এই কথাবার্তার সময়েই ঠাকুরদাস পাল সমস্ত কথা শুনেছিল। এবং এই কথার জোরেই সে রত্নেশ্বর রায়কে বলেছিল, তোমার বংশের সব কুলুজী আমি ফাঁস করে দেব। এবং তার আগেই—

সুলতার বুকে বাকি রইল না যে, সুরেশ্বর বলতে চাইছে—তার জুই রত্নেশ্বর রায় পিঙ্গ গোয়ানকে ইসারা করেছিলেন এবং সেই ইসারার হুকুম শিরোধার্য করে পিঙ্গ তাকে বগড়া করতে টেনে নিয়ে এসেছিল কাসাইয়ের গোয়ানপাড়ার ঘাটে। এবং মৃত্যুতে তার লুকানো ছোরাখানা বের করে ঠাকুরদাস পালের পেটখানা ফাঁসিয়ে দিয়েছিল। ঠাকুরদাস পালের পেটের মধ্যে রায়বাড়ীর গুপ্তকথা যা লুকনো ছিল, যা হজম হবার নয়, তা তার চিরে-দেওয়া পেট থেকে রক্তের স্রোতের সঙ্গে বেরিয়ে মাটির মধ্যে হারিয়ে গিয়েছিল।

সুরেশ্বর একটা দীর্ঘনিশ্বাস ফেলে সিগারেট ধরালে। তারপর বললে—এর পর বীরেশ্বর রায়ও একরকম মরা মাহুষ। রত্নেশ্বর রায় তাঁর ডায়রীতে লিখেছেন—“একবার মাকে হারাইয়া প্রান্তির মধ্যে প্রেতভ্রম প্রাপ্ত হইয়াছিলেন। মায়ের মৃত্যুর পর আবার তিনি সেই প্রেতই হইলেন! আবার সেই মস্তপান আরম্ভ করিয়াছেন। মাতাঠাকুরাণী নাকি সোফিয়াকেই তাহার সেবা-শুশ্রূষা করিতে এবং অহরহ তাঁহার কাছে থাকিতে অমুরোধ করিয়া গিয়াছে। মাতুলও তাহাই বলিলেন। বলিলেন—মাতৃদেবী এইরূপই ইচ্ছা প্রকাশ করিয়াছিল তাঁহার নিকট। সোফিয়া বার্মা মুসলমানের কস্তা। পেশায় সে শার্ঙ্গী। বহুজন ভজনাই তাহার জীবিকা। সেই সোফিয়া বাড়িও পিতৃদেবের আচরণে ভীত হইয়া পড়িয়াছে। সে পাগলাবাবার কাছে দীক্ষা লইয়া এখন হিন্দুর আচরণেই থাকে। তাহার কর্ণগুলি সে অত্যন্ত নিষ্ঠার সহিত পালন করে। কিন্তু পিতৃদেব (দেবতা বলিতে সঙ্কোচ হয়) হয় উন্মাদ, নয় জীবনকালেই প্রেতে পরিণত হইয়াছেন। তাঁহার নিকটে যাইতে ইচ্ছা হয় না, আমার ক্রোধ হয়, ঘৃণা হয়, লজ্জাও হয়। আমার দেবীতুল্য মাতৃদেবীর নিন্দা এবং তাঁহাকে প্রকারান্তরে গালিগালাজই করিয়া থাকেন।

বলেন, আমার জীবন সে বিষয় করিয়া দিয়া গিয়াছে। সারাটা জীবন একটা সুন্দরী প্রস্তর নারী-মূর্তিকে আলিঙ্গন করিয়া আমার সারা দেহ ক্ষত-বিক্ষত হইয়া গিয়াছে। তপস্বিনী-সতী-শাপব্রতী দেবীকে বিবাহ করিয়া আজ আমার এই অবস্থা। আমি ভালবাসিলাম তাহাকে, সে আত্মসমর্পণ করিল দেবতাকে। আমাকে শারাজীবন ক্ষত-বিক্ষত করিয়া, জীবনের একটা কণা না দিয়া, আমার হৃদয়ের ক্ষোভের তুষ্টের রূপে আগুন জ্বালাইয়া দিয়া দেবলোকে চলিয়া গেল। আমি ভুবানলে দগ্ধ হইতেছি, নিষ্ঠুর যন্ত্রণা ভোগ করিতেছি। ইহাই সতীত্বের এবং নারীধর্মের উৎকৃষ্টতম আদর্শ।

সোফিয়া হটক বাঁধী, হটক সে সকলের চক্ষে ঘৃণিতা, পতিত, হটক সে বিধবা, ভাষা  
সেই আমার সাধনার উৎস, সেই আমার শাস্তি, সেই আমার সব।

সমাজ ইহাতে আপত্তি করিলে আমি সমাজ ছাড়িব। আত্মীয়স্বজন, এমনকি তুমি পুত্র,  
তুমি আপত্তি করিলে তোমাকেও পরিত্যাগ করিব। আমাকে বলিলেন—তোমার ঘৃণা হয়  
তুমি আসিয়ো না। ইচ্ছা না হইলে বা লজ্জাবোধ করিলে আমার মুখাঘ্নি বা আঁক করিয়ো না।  
স্বর্গে মুক্তিতে আমার লোভ নাই, কামনা নাই এবং তোমার মত দেবোত্তরভোগীও আমি নহি  
যে, আমাকে সম্পত্তি হইতে বঞ্চিত হইতে হইবে।

আমার কলিকাতার সম্পত্তি আছে। ইহা দেবোত্তরের অন্তর্গত নহে, ইহার পত্তন  
করিয়াছিলেন কুড়ারাম রায় ভট্টাচার্য। তিনি প্রথম যৌবনে মুসলমানীকে বৈষ্ণবী করিয়া ঘর  
বাঁধিয়াছিলেন, কাহাকেও গ্রাহ করেন নাই; আমার পিতা একটা অজ্ঞাতের মেয়েকে লইয়া  
তাহাকে যোগিনী বলিয়া জাহির করিয়া প্রকাশ্যে—কীর্তিহাটে রাখিয়াছিলেন। আমি  
সোফিয়াকে লইয়াই জীবনযাপন করিব, আমি যদৃচ্ছা জীবনযাপন করিব। ইহাতে কাহার কোন  
কথা শুনিব না। মৃত্ত আমি পান করিব। চিকিৎসকের কথাও আমি মানিব না। তাহাতে  
আমার যাহা হয় হইবে। চিকিৎসকেরা বলিয়াছেন—আবার আমি পশু হইতে পারি। হইলে  
যতক্ষণ অর্থ আছে, ততক্ষণ আমার সেবার কোনরূপ অভাব হইবে না। তুমি পুত্র হইয়া  
আমাকে সদুপদেশ দিতে আসিয়ো না।

তুমি তোমার স্বপ্নের পরামর্শে—তিনি ডেপুটি সাহেব, হাকিম লোক, তাহার পরামর্শ  
আইনানুসারে ভাল, তুমি জমিদারী আইন অনুসারে চালনা করিতেছ; বলিতেছ—এ-যুগ নূতন  
যুগ। উত্তম কথা। তাহাই চল। বলিতেছ—এ-যুগে যাহারা ভদ্র, যাহারা শিক্ষিত, যাহারা  
অভিজাত, তাহারা আর আগের নিয়মে চলে না। তুমি তাহাই চল।

আমার কাছে আমাকে এরূপভাবে উতাক্ত করিতে আসিয়ো না। তাহার আঁন্ধে আমি  
যাইব না। তাহাতে তোমার মাথা হেঁট হইবে তুমি ফিরিয়া যাও।

রত্নেশ্বর রায়ের দারুণ ক্রোধ হইয়াছিল। তিনি বীরেশ্বর রায়ের চেয়ে কম ক্রোধী ছিলেন  
না। তবু তিনি ছিলেন সংযমী এবং ছেলেবেলা থেকে জীবনের শিক্ষাও ছিল অন্তরকম।  
তাছাড়া জমিদারীতে আপন অধিকারে প্রতিষ্ঠিত হওয়ার সঙ্গে সঙ্গেই আর একজন অভিভাবকের  
অধীন হয়েছিলেন—যিনি ছিলেন আত্মত্যাগী লোক, তারপর পেশায় ছিলেন ডেপুটি  
ম্যাজিস্ট্রেট। এবং রত্নেশ্বর রায় তাঁর ডাররীতে বীরেশ্বর রায় সম্পর্কে মিলনের পর যতই আবেগ  
এবং আত্মপ্রকাশ করে থাকুন, তাঁর বাল্যকালে বীরেশ্বর রায় সম্পর্কে যে বিরূপ মনোভাব  
পোষণ করেছিলেন, সেটা সাময়িকভাবে চাপা পড়েছিল মাত্র। মায়ের জীবিতকালে সে মুখ  
বন্ধ গর্তের সাপের মত চাপা ছিল; মায়ের মৃত্যুর পর সুযোগ পাবামাত্র তার বিষ নিখাসে আর  
মুখে করে নিয়ে বেরিয়ে পড়েছিল।

তিনি বাপকে মায়ের আঁন্ধে বলতে এসেছিলেন। ডবানী দেবীর মুখাঘ্নি করেছিলেন  
বীরেশ্বর রায়। রত্নেশ্বর তখন কীর্তিহাটে। এবং তখন সরস্বতী-বউ স্বর্ণলতা চার-পাঁচ মাস  
অন্তঃসত্ত্বা। এবং সন্তান প্রসব করে তিনি মারা যাবেন—এ কথা কেউ ভাবেওনি। চিকিৎসকেরাও

না। প্রসবের তিন-চার দিন পর মায়া গেলেন ভবানী দেবী, সুতরাং মৃত্যু আকস্মিক। রক্তেবরের অল্পপস্থিতিতে বীরেশ্বর শেষকৃত্য করেছিলেন। দশদিনে অশৌচান্তের সময় রক্তেবর এসে পৌঁচেছেন, একলাই পৌঁচেছেন; স্বশস্ত্রী-বউয়ের বাপ এস-ডি-ও সাহেব ডাক্তারদের পরামর্শমত কস্তাকে তখনকার দিনে টেনে যেতে দেননি। রক্তেবর একলা গিয়েছিলেন। পরে এক বছর পরে প্রথম বার্ষিক শ্রাদ্ধের সময় রক্তেবর কীৰ্ত্তিহাটে চন্দ্রনখেরুসহ দানসাগর ক্রিয়া করে সমারোহ করেছিলেন, সেই শ্রাদ্ধের সময় বাপকে বলতে এসেছিলেন যাবার জন্ত। বীরেশ্বর রায় বলেছিলেন—না। তখন তিনি আবার গদ ধরেছেন। এবং এ সম্পর্কে পিতা-পুত্রে কিছু পত্রালাপ হয়েছে। সেদিন বিস্মরণ হয়ে গেল। এবং সেইদিনই বীরেশ্বর রায়ের আবার নৃতন করে পুরনো ব্যাধি দেখা দিল। শরীর অসুস্থ হল।

এর ছ'মাস পর তিনি মায়া গেলেন। তাঁর শয্যার পাশে সেকিয়া আর মহেশ্বর ছাড়া আর কেউ ছিল না। অবশ্য নিচে এবং বাড়ীতে লোকজন কলকাতার ম্যানেজার থেকে দারোগান-টারোগান সবই ছিল।

রক্তেবর এসেছিলেন। কিন্তু তিনি এসে উঠেছিলেন তাঁর খণ্ডরের বাড়ীতে জোড়াসাঁকোয়—তাঁর কারণ তিনি এসেছিলেন সস্ত্রীক। স্বর্ণলতার কোলে তখন প্রথম সন্তান। সোফিয়াকে নিয়ে যে-বাড়ীতে বীরেশ্বর রায় বাস করেন, সে-বাড়ীতে তিনি এসে শুঠেননি। সেই সময় থেকেই এ-বাড়ীতে ওঠা বন্ধ করেছিলেন। রাত্রি একপ্রহর পর্যন্ত থেকে তিনি ফিরে গিয়েছিলেন খণ্ডরের বাড়ীতে। তখন অবশ্য অবস্থা এমন খারাপ ছিল না। ডাক্তার একজন বাড়ীতে যোতায়েন ছিল। হঠাৎ মধ্যরাত্রে অবস্থা খারাপ হয়ে পড়ে তিনি অজ্ঞান হয়ে যান এবং কয়েক ঘণ্টা পরই মারা যান।

অবস্থা খারাপ হতেই রাত্রে গাড়ী গিয়েছিল। কিন্তু ১৮৬৩ সালের কলকাতা। পথঘাট একালের মত পিচঢালা পথ নয়। এবং জানবাজার থেকে জোড়াসাঁকো পর্যন্ত বড় রাস্তা যাত্রা একটি। চিংপুর রোড। আর একটা কলেজ স্ট্রীট-কর্ণওয়ালিশ স্ট্রীট, কিন্তু সেনিক থেকে জোড়াসাঁকো যেতে অনেক আঁকা-বাঁকা অপরিসর রাস্তা এবং সঙ্কীর্ণ গলি। হু পাশে টিমটিমে কেরোসিনের আলো। তাও দূরে-দূরে। সুতরাং পৌঁছতে দেৱী হয়েছিল এবং ডাক্তারিক করে রক্তেবর রায়কে তুলতেও সময় লেগেছিল। তারপরও দেৱী হয়েছিল তাঁর বের হতে।

সুতরাং, রক্তেবর রায়ের ডায়রীতে এসব কথা আছে। কিন্তু ঠিক এভাবে নেই। তিনি সভাবাদী ছিলেন, মিথ্যা কথা ডায়রীতে লেখেন নি। কিন্তু অজ্ঞত যেভাবে তিনি তাঁর মনকে প্রকাশ করেছেন, তা এই ঘটনার ক্ষেত্রে নেই।

শুধু লিখেছেন—“উট্টরাও একটা কারণে বাহির হইতে বিলম্ব হইল। স্বর্ণলতাকে এই রাত্রে লইয়া বাঙরা ঠিক হইবে কিনা স্থির করিতে বিলম্ব হইল। অবশেষে এই শীতের রাত্রে ছোট ছেলে লইয়া বাঙরা ঠিক উচিতবোধ হইল না, অতএব আমি একাই বাহির হইলাম, বাহির হইবার সময় অজ্ঞান বলিল—আমি বাই। কারণ এ সময় অনেক সাংসারিক যত্নের কাজ থাকে। ও-বাড়ীতে তো এক সেই বাঈ ছাড়া মেয়েছেলে কেউ নাই। সে সব আমিই করিব। ইহা খুবই সমীচীন মনে হইল অগত্যা তাহাকে সঙ্গে লইয়াই সেই শীতের শেষ রাত্রে রওনা হইয়া



যখন জানবাজার আসিরা পৌছলাম, তখন আমার পিতা দুর্দান্ত দুর্ধর্ষ বীরেশ্বর রায় শেখনিঃখাস ভাগ করিয়াছেন। বড়ই দুঃখবোধ করিলাম। অল্পশোচনাও হইল। গত রাতে এখানে থাকিলেই হইত। না-হয় কলটল খাইয়াই থাকিতাম। হায় এমন দুর্দান্ত, দুর্ধর্ষ পুরুষ, বিশালকায় বীরপুরুষ আজ চিরনিশ্চর। আমার নরন-যুগল হইতে অশ্রু নির্গত হইতে লাগিল। বন্ধের মধ্যে একটা বেদনা অনুভব করিলাম। সেই সমারোহময় পুরুষ আজ নিঃসঙ্গ অবস্থার মধ্যে মৃত্যুমুখে পতিত হইয়াছেন। অথবা ইহাই তাঁহার উপযুক্ত হইয়াছে। তিনি সংসারে একা থাকিতে চাহিয়াছেন, সাধনী স্ত্রীর প্রতি বিরাগের অন্ত ছিল না, আমি পুত্র আমার সহিত আজ এক বৎসর পত্র ভিন্ন সাক্ষাৎ করেন নাই। আজীবন এক বার্ত্তীকে লইয়াই জীবনান্তিপাত করিলেন। ঈশ্বর মানিতেন না। কাহাকেও গ্রাহ্য করিতেন না। সুতরাং এবস্ত্রকার মৃত্যুই তাঁহার উপযুক্ত এবং বিধাতা কর্তৃক অবধারিত ছিল।”

সুরেশ্বর একটু চুপ করলে। সুলতা বললে—রত্নেশ্বর রায় একজন অসাধারণ মানুষ ছিলেন সুরেশ্বর। একটা সভ্যকারের ক্যারেক্টার। অভ্যস্ত শক্ত মানুষ।

সুরেশ্বর বললে—হ্যাঁ, তা ছিলেন। সে-কথা আমি আমার জবানবন্দীর মধ্যে বারবার বলেছি। সেই কারণেই যে দুটো হত্যা তিনি করিয়েছিলেন, তার অপরাধ বিবেচনা করতে গিয়ে সন্তোষের পিছিরে এসেছি। মনে-মনে বলেছি, তোমার বিচার অস্ত্র যারা শুনবে, জানবে, তারা যা বলে বলুক, যা করে করুক, আমি শুধু তোমার কাজের জবানবন্দী দিয়েই খালাস।

তবে এক্ষেত্রে, তাঁর ডায়রী থেকে যা পেয়েছি, তার বাইরেও আরও কিছু আছে। সেটা জেনেছিলাম আমি রত্নেশ্বর রায়ের সহোদরা অন্নপূর্ণা দেবীর কাছে। এক্ষুনি আমি তোমাকে বললাম—ভবানী দেবীর এই পত্রখানা পেয়েছি আমি তাঁরই কাছে। ১৯৩৭ সালেও পঁচাত্তর বছর বয়সে তিনি বেঁচেছিলেন।

১৮৬৩ সাল থেকে কিছুকালের জন্যে ১৯৩৭ সালে এল সুলতা।

১৯৩৭ সালে যে সময় গোপাল সিংয়ের প্রপৌত্র শিবু সিং নামক ভাল ছেলেটি বিপ্লবী দলে যোগ দিয়েও তার বাপের কাছে রায়বাড়ীর অত্যাচারে তার দুর্ধর্ষ এবং প্রবলপ্রতাপ প্রসিদ্ধি হইয়া গোপাল সিংয়ের সর্বনাশের এবং চরম অপমানের গল্প শুনে বিপ্লবীর ধর্ম বিসর্জন দিয়ে, দেশের স্বাধীনতার মূল্যবোধ জলাঞ্জলি দিয়ে, সরকারী সাক্ষী হয়ে বীরেশ্বর রায়ের প্রপৌত্র, রত্নেশ্বর রায়ের পৌত্র, শক্তিহীন দেউলে জমিদার শিবেশ্বর রায়ের পুত্র—তাদের অঞ্চলের বিপ্লবী গোষ্ঠীর নায়ক অতুলেশ্বর কাকার বিরুদ্ধে এজাহার দিলে এবং নির্দোষ আমার মেজদাদিকে সজ্জ খরিয়ে দিলে, সেই সময়ে এল।

নিশ্চয় মনে আছে তোমার সুলতা যে, মেজদি আমাদের অর্নাকে বাঁচাতে তাঁর কাছে গচ্ছিত রিভলবারটা নিজে নিয়ে বের করে দিয়ে এই শাস্তিটা নিজে নিয়েছেন। অর্না তাতেও নিজেকে সংযত করতে পারে নি; শাস্ত নিরীহ বৈষ্ণব প্রকৃতির বিষয়ে অনাসক্ত মানুষ বিমলেশ্বর কাকাকে শ্রকৌশলে উত্তেজিত করে রায়বংশের রক্তের প্রসুপ্ত প্রাণে জ্বালায় আগিয়ে তুলেছিল।

অর্না যে কথাটা বিমলেশ্বর কাকাকে বলেছিল, সে কথা তার মুখ থেকে বেরিয়েছিল যে,

অমোঘ শক্তিতে তা আমি শুনি নি, আমি শুনেছিলাম, বিমলেশ্বর কাকার স্ত্রীর মুখ থেকে, তাতেই আমার বুকোঁ আঁগুন জ্বলেছিল। বিমলেশ্বর কাকা বুকোর জালায় শিবুকে মারতে গিয়ে ধরা পড়লেন। আমি সেদিন রত্নেশ্বর রায়ের ডায়রী পড়ে যাচ্ছিলাম। সকালের পর ওবাড়ী থেকে বখন বিমলেশ্বর কাকাকে ধরে নিয়ে গেল কোমরে দড়ি বেধে, তখন থেকেই পড়তে বসেছিলাম, খাই নি, স্নান করি নি, হুইস্কী স্পার্স করিনি, খেয়েছিলাম কয়েক কাপ চা। রাত্রি হয়ে গিয়েছিল দশটা। শীতের দিন, কীর্তিহাট গ্রামে রাত্রি দশটা কম নয়। শেয়াল ডেকে গেছে, বিবিমহলের পাশে কাসাইয়ের ধারে জঙ্গলে প্যাঁচা ডাকছে। প্যাঁচার ডাক বড় করুণ শ্রুতা। কলকাতায় মাহুষ তুমি, নিম্ভক রাত্রে প্যাঁচার ডাক সম্ভবত তুমি শোন নি। বিবি-মহল খুব বড় নয়, কিন্তু ছোটও নয়, বাড়ীটার মধ্যে আমি আর রঘু চাকর। রঘুও কিছুকাল কীর্তিহাটে বাস করে আর রায়বাড়ীর মহলগুলোয় ঘুরে রায়বাড়ীর মেজাজ খানিকটা পেয়েছিল। বিমলেশ্বর কাকার অপমানে সেও সেদিন দুঃখ পেয়েছিল। সেও আমাকে সেদিন খাবার কথা বিশেষ বলে নি। নিজেও খায় নি।

আমি ডায়রী পড়ছিলাম, হঠাৎ চোদ্দ বাতির টেবিলল্যাম্পটা দগ করে নিড়ে গেল। সম্ভবত সন্ধ্যাবেলা থেকে জ্বলতে জ্বলতে গরম হয়ে গ্যাস হয়েছিল। "রঘুকে আলো জালবার জন্তে ডাকতে গিয়েও ডাকলাম না। একটা দীপনিঃশ্বাস ফেলে চুপ করে বসে রইলাম। ভাবছিলাম রায়বংশের কথা। রত্নেশ্বর রায়ের ডায়রীতেই পড়েছি, ভবানী দেবীর মৃত্যুর কথা। রত্নেশ্বর রায়ের সঙ্গে বীরেশ্বর রায়ের ওই তিক্ত কঠিন কথাগুলির কথা। তখনও আমি ভবানী দেবীর ওই চিঠির কথা ঘূর্ণাক্ষরেও জানি না।

কি জানি কেন রত্নেশ্বর রায়ের কঠোরতা আমার এক্ষেত্রে ভাল লাগে নি। তাঁর ডায়রীর শেষ যে লাইনটা পড়েছিলাম, সেটা আমার মনে গাঁথা হয়ে আছে। তিনি লিখেছিলেন— "সংসারে স্নায় এবং নীতিই সর্বাপেক্ষা মূল্যবান। স্নায়কে মাথায করিলে স্ত্রী-পুত্র, মাতা-পিতা আত্মীয়-স্বজন সকলেই তার অপেক্ষা ক্ষুদ্র। স্নায়ের জন্ত প্রয়োজনে পিতাপুত্রকে পরিত্যাগ করেন, এখন দৃষ্টান্ত লক্ষ লক্ষ রহিয়াছে। স্ত্রীর অজ্ঞারে স্ত্রীকে ত্যাগ এদেশে সাধারণ ঘটনা। পিতাকে লোকে পরিত্যাগ সচরাচর করে না, তাহার কারণ বিষয় শতকরা নিরানব্বুই ক্ষেত্রে পৈত্রিকই হইয়া থাকে। কিন্তু এদেশে রামমোহন রায়ের মত দূরচেতা পুরুষ দৃষ্টান্ত স্থাপন করিয়াছেন, তিনি পিতাকে ত্যাগ করেন নাই, কিন্তু তাঁহার আদর্শের জন্ত পিতৃশ্রীকে বিগ্রহ ও শালগ্রাম শিলাকে ঈশ্বর বলিয়া মানিতে অসম্মত হইয়া মাতার সহিত বিরোধ করিয়া উঠিয়া চলিয়া আসিয়াছিলেন। আমার পিতা চিরদিনই স্বেচ্ছাচারী, কোন স্ত্রায়, কোন ধর্মকে মান্ত করেন না। তিনি বাইব্রীকে আমার দেবীতুল্য মাতৃদেবী অপেক্ষা উচ্চে স্থান দেন। আমার মাতাকে অভিশাপ দেন। তাঁহার প্রতি চিরদিনই আমার বিরাগ। মধ্যে বৎসর তিনেকের জন্ত মাতার জন্তই তাঁহার অনাচার সহ্য করিয়াছি। কিন্তু মাতৃদেবীর অস্ত্রে তাঁহার প্রতি পূর্ব বিরাগ আরও বৃদ্ধি পাইয়াছে। রায়বংশে তিনি অনাচার, ব্যভিচার এবং স্বেচ্ছাচারে, অত্যাচারে সর্বাপেক্ষা কলঙ্কিত পুরুষ। সর্বাপেক্ষা দুর্দান্ত। তিনি আজ মৃত্যুমুখে পতিত হইলেন। দুঃখ আমার হইতেছে। কিন্তু দুঃখ হওয়া বোধহয় উচিত ছিল না। আমাকেই তাঁহার মখারি

করিতে হইল। মনে মনে বলিলাম, আমি কামনা করি 'তুমি মুক্তিলাভ কর,' কিন্তু আমি জানি, তোমার কর্মকলে তোমাকে বহু জন্মান্তর এই সকল কর্মের ফল ভোগ করিতে হইবে।"

অন্ধকারে বেদনাহত মন নিয়েই বসেছিলাম।

রঘু বাইরের ঘরে বসে ছিল, সে ঘরের অন্ধকার দেখে ঘরে এসে ঢুকল, আমি বুঝতে পেরে বললাম—থাক আলো জ্বালতে হবে না!

ঠিক এই সময় নিচে থেকে ডাক শুনলাম, সুরেশ্বর! শুয়েছ নাকি?

কণ্ঠস্বর চিনতে পারলাম না। হেঁকে বললাম—কে?

—আমি জগদীশ্বর কাকা।

জগদীশ্বর কাকা? অর্চনার বাবা! খবর পেয়েছি সন্ধ্যার পর ফিরেছেন। এত রাতে আমার কাছে এসেছেন জগদীশ্বর কাকা কিসের জন্ত। এসে সমস্ত খবর শুনে আর একটা সর্বনাশ বা ভয়ঙ্কর কিছু করে ফেলেছেন না কি?

আমি তাড়াতাড়ি রঘুকে আলোটা জ্বালতে এবং ডায়রীগুলো সামলে রাখতে বলে বাইরে রঘুর ঘরে যে হ্যারিকেনটা জ্বলছিল, সেটা নিয়ে নেমে গেলাম। দেখলাম, জগদীশ্বর কাকা অর্চনার হাত ধরে দাঁড়িয়ে আছেন।

বুঝলাম একটা কিছু ঘটেছে। বললাম—এত রাতে জগদীশ্বর কাকা?

জগদীশ্বর কাকা বললেন—ওপরে চল বলছি। এসেছি এই সর্বনাশী হারামজাদীর জন্যে।

কোন প্রশ্ন করলাম না সেখানে। কারণ আমার সন্দেহ ছিল, কোন-না-কোন পুলিশের চর কোথাও ঘাপটি মেরে আছে। বিমলেশ্বর কাকাকে হাতকড়া দিয়ে, কোমরে দড়া বেঁধে গ্রাম ঘুরিয়েই তাদের কাজ তারা শেষ করেছে, এ কথা অন্ততঃ আমার বিশ্বাস হয় নি।

উপরের ঘরে এসেই জগদীশ্বর কাকা অর্চনাকে ছেড়ে দিলেন এবং কঠোর কণ্ঠে বললেন—চুপ করে দাঁড়া হারামজাদী। চুপ করে!

তারপর আমাকে বললেন—তুমি তো শুনেছ সব।

জগদীশ্বর কাকার শরীর থেকে গাঁজার গন্ধ বের হচ্ছিল।

আমি বুঝলাম কি বলছেন তিনি, বললাম—সবই তো আমার চোখের সামনে ঘটেছে। আমি তো ছিলাম।

—ন্যাঁকা সেজো না হে! বিমলের স্ত্রী, বর্ধমানের বউমা তোমাকে সব বলে নি? হারামজাদী পোড়ারমুখী যা সব বলত বিমলকে, সেসব কথা পুলিশের কাছে বলতে তুমি তাকে বারণ কর নি?

স্বীকার করলাম। বললাম—হ্যাঁ, বলেছিলাম। না-হলে যে আজ শুকেও ধরে নিয়ে যেত জগদীশ্বর কাকা!

—যেতো, আপদ যেতো! আমি বাঁচতাম।

—এসব আপনি কি বলছেন জগদীশ্বর কাকা!

হাউ-হাউ করে কঁদে উঠলেন তিনি।—বলছি সাথে! তুমি জান, আমার শালা শালা পুলিশের সাব-ইন্সপেক্টর, তার সঙ্গে বিয়ের সঙ্কল্প করে এসেছি, তারা আসবে, কথা পাকা হবে।

দিনও ঠিক করে এসেছি; এই মাঘ মাসে। এখন হবে কি? করব কি? বলতে পার?

হঠাৎ কান্না ধামিরে প্রচণ্ড ক্রোধে কেটে পড়লেন, বললেন—আর হারামজাদী আমাকে মুখের ওপর বলে কি জান? ওর এতবড় আত্মপরাধ। এতবড় বুকের পাটা, ঘাড়ের ওপর তিনটে মাথা—বলে ওখানে আমি বিয়ে করব না। জোর করলে আমি বলব—আমি এসবের ভেতরে আছি। নয়তো আমি বিষ খাব। নর গলায় দড়ি দোব।

এসব কথা আমি জানতাম। অর্চনা সেদিন আমায় বলেছিল। আমি বললাম—একটা কথা বলব কাকা?

মুখভঙ্গী করে আমাকে বললেন—তুমি বিয়ের ভার নেবে তো। যা ধরচ করতে হয় তুমি করবে! সে কথা ও আমাকে বলেছে।

আমি বললাম—হ্যাঁ, সে কথা আমি বলেছি ওকে। আমি কালই যেতাম আপনার কাছে কথাটা বলবার জন্তে।

অগদীশ কাকা আবার বদলালেন। এবার সংযত অথচ শাসনের সুরে বললেন—হ্যাঁ। তাই আমি জানতে এসেছি। ও আমাকে বললে। বললে, আমার বিয়ের কথা নিয়ে তোমরা ভেবো না। সুরেশ্বরদা বলেছে আমাকে সে পাত্র ঠিক করে বিয়ে দেবে। যা ধরচ হয় সে করবে।

—হ্যাঁ। তা করব আমি। আমি সে কথা আপনার সামনেই বলছি।

—না। সামনে বললে হবে না। আমার পায়ে হাত দিয়ে বল। আমি গাঁজা খাই, মদ খাই, যাই হই, আমি তোমার কাকা, গুরুজন, আমার পায়ে হাত দিয়ে বল। আর তিন সত্যি কর।

তাই বললাম। এবং পায়ে হাত দিয়েও শপথ করলাম। তখন আবার বললেন—শুধু ও বললে হবে না। স্বজাতে, স্বঘরে মানে পালাটি ঘরে বিয়ে দিতে হবে। তুমি আধা বেঙ্গ, আমি জানি। তুমি যে লেখাপড়া-জানা যা-তার ঘরের ছেলে এনে বলবে এর চেয়ে ভাল পাত্র আর হয় না, সে হবে না।

সুরেশ্বর বললে—তোমাকে কি বলব সুলতা, আমি এই অধঃপতিত রায়বংশের সন্তানটির কথায় রাগ করতেও পারি নি, ঘৃণা করতেও সঙ্কোচ হয়েছিল, ইচ্ছে হয়েছিল কাঁদি। এক কোণে অর্চনা চুপ করে দাঁড়িয়েছিল। তার মুখের দিকে তাকিয়ে আমি বিস্মিত হয়ে গিয়েছিলাম। সে স্থির হয়ে দাঁড়িয়ে আছে, কিন্তু চোখ দুটো হয়ে উঠেছে যেন জলন্ত অন্ধার। ধুক ধুক করে জলছে। সে যেন এখনি ক্রোধে, ক্রোধে কেটে পড়বে বলে মনে হল।

আমি উৎকণ্ঠায় সেই প্রতিশ্রুতি দিলাম। বললাম—তাই হবে!

অগদীশ্বর কাকা বললেন—শোন, এই রায়বংশ লিঙ্গপুরুষের বংশ। অর্চনাকে সবাই বলে, ও হল সতীবউরাণী। এই বংশে কিরে এসে জন্মেছেন। সতীবউরাণীর বাবা কালীশঙ্ক মহাসাধক ছিলেন। ওকে সৎ বংশে, সৎ পাত্রে না দিলে সর্বনাশ হবে তোমার।

অর্চনা এবার সত্যি কেটে পড়ল। চিৎকার করে উঠল, বাবা!

অগদীশ্বর রায় দুরন্ত ক্রোধী; গাঁজা, মদ খেয়ে প্রায় বিকৃতমস্তিষ্ক। তাঁর বাপ, আমার

ঠাকুরদা শিবেশ্বরের সম্বন্ধি এবং জবরদস্তির আমলে তিনি জন্মেছেন, বড় হয়েছেন, ছেলেবেলা থেকে দুঃস্বপ্ন, দুর্দান্ত। এক পুলিশ আর গভর্ণমেন্ট ছাড়া কাউকে গ্রাস করেন না। সেই তিনি পর্যন্ত চমকে উঠলেন তার সে চিংকারে।

তার দিকে তাকিয়ে তাকে তিনি ধমক দিতে পারলেন না, সত্যের তার দিকে তাকিয়ে রইলেন।

অর্চনা বললে—তুমি এবার খামবে কিনা বল ?

অপ্রতিভের মত জগদীশ্বর কাকা বললেন—খামব ?

—হ্যাঁ খামবে। এবার তুমি যা বলবে আমি জানি। বিয়েতে যে টাকা সুরেশ্বরদা খরচ করবে, সেই টাকাটা তুমি নিজের চাইবে। বলবে—তার থেকে সুরেশ্বর, টাকাটা তুমি দাও, আমি দেখে-শুনে ভাল পাত্রেই ওর বিয়ে দিই। আমি জানি ! তা হবে না। তুমি বাড়ী চল !

আমি বললাম—অর্চনা চুপ কর। এসব কথা বলতে নেই। উনিই বা তা বলবেন কেন ?

অর্চনা বলে উঠল—বলবেন। বলবেন। বলবেন ! আমি জানি !

জগদীশ্বর কাকা মাথা হেঁট করে রইলেন।

অকস্মাৎ কোন চোরের লুকানো চোরাইমাল বেরিয়ে পড়লে, যেমন তার মুখের চেহারা হয়, ঠিক তাই হয়ে গেল।

অর্চনা বললে—রঘু, তুই আমাকে আলো নিয়ে বড় জেঠাইমার কাছে দিয়ে আর।

বড় জেঠাইমা—শিবেশ্বরের বড় ছেলে—ধনেশ্বর কাকার স্ত্রী।

খুড়ীমা বিচিত্র মানুষ। আজও পর্যন্ত তাঁর সঙ্গে আমার কদাচিৎ দেখা হয়েছে। তাঁর বড় ছেলে বিচিত্র চরিত্র যদুরভাষী আমার ব্রজদা, ব্রজেশ্বর। এবং তার সেক্স ছেলে সেই দানবটি, যে সুরেশ্বর কাকাকে হত্যা করেছিল।

লোকে বলে এই দুই প্রকৃতিই তাঁর মধ্যে আছে। খুব বড় ঘরের কত্তা। পড়েছিলেনও ভালঘরে। ব্রজদার মত মিষ্ট কথা। আবার রাগলে হিতাহিত জ্ঞান থাকে না। কিন্তু একটা বড় গুণ আছে, কেউ আশ্রয় চাইলে সেখানে তিনি আশ্রয় মানুষ। তাঁর নিজের সম্ভানের চেয়েও বড় মমতায় তাকে বুকে জড়িয়ে ধরে থাকেন। জগদীশ্বর কাকা বড় তাই ধনেশ্বরকেও ভয় করেন না। কিন্তু বড় বউঠাকুর—“কি হচ্ছে ঠাকুরপো”! বলে বের হলে, আর তাঁকে খুঁজে পাওয়া যায় না। সাড়া পেলেই সরে পড়েন !

কথাটা বলেই হনহন করে চলে গেল অর্চনা

\*

\*

\*

পরের দিন থেকে স্থলতা, আমি অর্চনার বিয়ের জন্তেই সবকিছু কেলে দিলাম। ওই বিয়ের জন্তেই উঠে-পড়ে লাগলাম।

সেদিন আমি বলে চিঠি লিখছিলাম। লিখছিলাম কলকাতায় জানবাজারের ম্যানেজারকে, লিখছিলাম—একজন বিচক্ষণ ঘটক অবিলম্বে যেন পাঠিয়ে দেন এখানে। বিশেষ প্রয়োজন আছে।

এমন সময় খুড়ীমা এলেন, অর্চনাকে সঙ্গে নিয়ে খুড়ীমা আমার সামনে এই প্রথম এলেন বিবিমহলে। ভিতর মহলে আমি অনেকবার গেছি, কিন্তু তাঁর সঙ্গে দেখা হয়েছে কদাচ কখনও। এবং আমাকে দেখবামাত্র সরে যেতেন। কখনও আমি আগে-ভাগে কথা কইলে, সংক্ষিপ্ত উত্তর দিয়ে চলে যেতেন ভিতর মহলে।

আমি এগিয়ে তাঁকে সন্ধান করে নিয়ে এলাম। প্রণাম করলাম। অল্প সময় তিনি পারে হাত দিতে দিতেন না। বলতেন—ছুঁয়ো না বাবা, তোমাদের কাপড়-চোপড় শুদ্ধ নয়, আমি পুজোর কাপড় পরে আছি। মাটিতে প্রণাম কর।

তাঁর পুজোর কাপড় আগে দেখেছিলাম, একখানা অতিজীর্ণ লালপেড়ে গরদের শাড়ী। ব্রজদা বউ নিয়ে মাস ছয়েক আগে যখন এসেছিল, তখন একখানা নতুন দামী গরদের শাড়ী দিয়েছিল, আজ সেইখানা পরে এসেছিলেন।

তাঁকে সসন্মমে প্রণাম করলাম মাটিতে হাত দিয়ে। তিনি আমার মাথায় হাত দিয়ে আশীর্বাদ করে বললেন—তোমাকে আশীর্বাদ করতে এসেছি বাবা। এবার ব্রজ এসে তোমার অনেক ব্রথাত করে গিয়েছিল। কিন্তু ব্রজকে তো আমি জানি চিনি। ও বত মন্দ, ভত ভাল। ভালও বাসতে পারে, কিন্তু ওর স্বার্থ যেখানে, সেখানে সে চোর-জোচোর সব। আমি ভেবেছিলাম, তুমি কলকাতায় বড়লোকী করতে, ও তোমার মোসা হবেী করতে। তাই প্রশংসা করছে। তুমিও হয় তো রায়বংশের ছেলেদের মত। তোমার বাপ আমার ভাস্কর। তাঁর কীর্তিও শুনেছি। তাই এলে-গেলে-খেলে-নিলে ভাল আছ, মজল হোক, এই বলেই কথা সেরেছি। কাল অর্চনা গিয়ে আমার পা দুটো জড়িয়ে ধরে কৈদে পড়ল। বললে আমাকে সব। ন-বউ, বিমলেশ্বর ঠাকুরপোর বউও এসেছিল, ওর কাছেও সব শুনলাম। তাঁর আগে ঘরে পুরে যে মারটা অর্চনাকে মেরেছে সেজঠাকুরপো, তাও শুনেছিলাম। সব শুনে তোমাকে আশীর্বাদ করতে এসেছি, তুমি দীর্ঘজীবী হও বাবা। যে সঙ্কল্প করেছে, তা তুমি যত শিগগির হয় করে ফেল। পূর্বপুরুষেরা তোমাকে আশীর্বাদ করবেন।

স্নলতা, আমি অভিভূত হয়ে গিয়েছিলাম ধনেখর কাকার মত নাটুকে চরিত্র, ভণ্ড তান্ত্রিকের স্ত্রীর এমন কথা শুনে। ইনিই মিথ্যেবাদী, মিষ্টমুখ ব্রজদার মা, ইনিই দৈত্যের মত পশুচরিত্র ছেলেটার মা। এঁকেই সারা রায়বাড়ীতে প্রতিটি জন বলে, মা চামুণ্ডা।

বললাম—আমি এতুনি চিঠি লিখছিলাম খুড়ীমা।

—কোথায় লিখছিলে বাবা? জানাশুনো কেউ?

—না কলকাতায় লিখছি, ওখানকার ম্যানেজারকে, একজন ঘটক পাঠাবার জন্তে।

খুড়ীমা বললেন—তা ভালই করছ বাবা। তাও লেখ। তবে আমি একটি পাত্রের কথা বলতে এসেছি, তুমি চেষ্টা করে দেখ না। জানা ঘর; বলতে গেলে আমাদের আপনায় ঘর; তবে বিষয় তো বিধ বাবা। বিষয়ের অগভীর অতি আপনায় হয়েও পর। এক রকম তিনপুরুষ মুখ দেখাদেখি নেই।

শঙ্কিত হয়েই বললাম—বলুন।

শঙ্কা হল স্নলতা, যে, রায়বংশের ধারা তাঁরাও আজ মহাকাল প্রকৃত গদার ধারে ভয় উক্স তা, র. ১৫—১৫

দুর্বোধনের মত সংসার বৈপ্যন হ্রদের তটভূমিতে পড়ে কাতরাচ্ছে। অর্থখমাও নেই এ-যুগে, যে সে পঞ্চ-পাণ্ডবের বংশধরদের মৃত এনে দেবে। হর্ষ বিবাদে দুর্বোধনের মৃত্যু হয়েছিল, কিন্তু এ দুর্বোধনদের সবাই মৃত্যু হবে বিবাদে।

খুড়ীয়া বললেন—আমার দাদাশুভর রায়বাহাদুরের বোন ছিল জান তো। ফরপুরা দিদিবাসুড়ী। রায়বাহাদুর তো এ বংশে পুত্রিপুত্রর। কিন্তু সতীবউরাগীর কাশীতে গিয়ে কল্যা হল। কল্যা হয়েই মারা গেলেন। সেই কল্যা ফরপুরা দেবীর বিয়ে হয়েছিল কলকাতায়। বিয়ের পর শুভররা ছাড়বে কেন? মাংসা করলে তারা। দানপত্র নাকচ হবে। শেষ মিটমাট করে দিলেন বিমলাকান্ত চাট্টোজ্যোমশায়, ফিরেখর রায়ের ভগ্নীপতি। পঞ্চাশ হাজার টাকা, কলকাতায় জমি আর তাঁর নিজের সম্পত্তি দিয়ে। মামলা মিটল, কিন্তু মামলার মামলা মিটল না। ভাই-বোনে সম্পর্কই মুছে গেল। ভাই শুধু নয়, ফরপুরা ঠাকুরনের স্বামী রাগের বশে আর একটা বিয়ে করলেন। ভাই মানে রায়বাহাদুর তবু পাঠালে ফরপুরা ঠাকুরমার শুভররা ফিরিয়ে দিতেন। কখনও আসতে দেন নি। শেষ পর্যন্ত নিজের ছেলে নিয়ে ঠাকুরমার স্বামী-ভিন্ন হয়ে গেলেন। টাকার তাঁর অভাব ছিল না। বাপের বাড়ীর পঞ্চাশ হাজার টাকা। কলকাতায় জমি। সেই ফরপুরা ঠাকুরমার আজও বেঁচে আছেন। পঁচাত্তর-আশী বছর বয়স। ছেলে নেই। নাতিদের দুজন মারা গিয়েছে। একজন আছে। বড় নাতির একটি ছেলে আছে। বাবা আমার মেয়ে বড় হয়েছে—প্রতিমা। তা আমি চেষ্টা করেছিলাম। ছেলেটি ডাক্তারী পড়ছিল তখন। তা এ বাড়ীর নাম শুনে রাজী তিনি হয়েছিলেন, তাঁর ছেলেরা হয় নি। ওরা মন্ত বড়লোক। জমিদার গোনয়। ওরা সব কেউ উকীল, কেউ ইঞ্জিনিয়ার, কেউ ডেপুটি এই রকম বংশ। তা একবার তার কাছে ভূমি নিজে গিয়ে পড় না। টাকা তো ভূমি দেবে। আর এ মেয়েটাকে সবাই বলে সতীবউ ঠাকুরমার ফিরে এসেছে। যদি ঐ কথাটা ভূমি বল তবে হয় তো রাজীও হতে পারেন। ফরপুরা ঠাকুরমাও কথাটা জানেন। হয় তো আগ্রহ করেই নেবেন।

সুবেশ্বর বললে—অন্নপূর্ণা দেবীর নাম আমি বাবার কাছে শুনেছি। আমার বাবা সাহেব মাহুদ—মা ছিলেন সে কালের আধুনিক। তবুও তাঁরা বিজয়ার পর একবার প্রণাম করতে যেতেন। তার কারণ ছিল। অন্নপূর্ণা দেবী আর রত্নেশ্বর রায়ের বড় ছেলে দেবেশ্বর এক বয়সী। মাস কয়েকের ছোট বড়।

অন্নপূর্ণা দেবী মাহুদ হয়েছিলেন বিমলাকান্তের কাছে, কাশীতে, আর দেবেশ্বর বড় হয়েছিলেন কলকাতায়। জানবাজারের এই বাড়ীতে রত্নেশ্বর পাকাপোক্ত এস্টারিশমেন্ট করেছিলেন। প্রথম প্রথম জানবাজারের বাড়ীতেই থাকতেন, বছর দুয়েক ছিলেন, ছেলে পড়ত কলকাতার ইন্সলে, আর তাদের সুখ-দুঃখ দেখবার জন্ত নিযুক্ত করেছিলেন ঠাকুরদাস গালকে। লেখাপড়া শেখবার জন্তে সেকালের গ্রাক্সরেট মাস্টার নিযুক্ত করেছিলেন। তার সঙ্গে ঘোড়ার চড়া শেখাবার ব্যবস্থা, ডন-বৈঠক শেখাবার জন্ত ছিল একজন এ্যাংলো-ইণ্ডিয়ান। পুজোর ছুটিতে, গরমের ছুটিতে যেতেন কীর্তিহাট। ওদিকে কাশী থেকে আসতেন অন্নপূর্ণাকে নিয়ে সন্নীক বিমলাকান্ত। গোটা একটা মাস কীর্তিহাটের রাজস্ব রাজপুত্র এবং রাজকল্যা—

সহোদর-সহোদরার প্রীতিতে পিসী আর ভাইপো ছুটোছুটি করতেন, হাতী চড়ে বেড়াতেন, পূজোর সময় আখিন-কার্তিক মাসে ভরা কাঁসাইয়ে বজরার ঘুরতেন। গোয়ানপাড়ার যেতেন।

দুর্গাপূজোর পর কালীপূজো—রায়বাড়ীর প্রধান উৎসব। সে-উৎসবে—সেকালে তিন-চারদিন উৎসবে—পাঁচ হাজার টাকা খরচ একবারে বাজেটে নিদিষ্ট করা ছিল। কম কখনও হত না। বরং বেশীই হত। তাছাড়া সরস্বতী-বউরাণী বা রায়বাহাদুর রত্নেশ্বর রায়ের অথবা বিমলাকান্তের মানসিক পূজোর খরচ তাঁরা আলাদা দিতেন।

কালীপূজোয় দেবেশ্বর অন্নপূর্ণা পাশাপাশি যাত্রার আসরে বসত। নিয়ম ছিল রায়বংশের ঘাঁরা, তাঁরা বসতেন চেয়ারে, আর বসতেন অতিথি-অভ্যাগত। রত্নেশ্বর রায়ের শস্তুরবাড়ীর লোক। জেলার দু-চারজন হাকিম। তার সঙ্গে দারোগা-ইন্সপেক্টর, সব-রেজিষ্টার আর দু'-চারজন বন্ধু-বান্ধব। তার মধ্যে অন্নপূর্ণা আর দেবেশ্বর ঠিক মাঝখানে বসতেন দু'খানা চেয়ারে।

বিসর্জন ছিল না। পাখাপমরী কালী। তবু বিসর্জনের রাজে বাজি পুড়ত। তারও অঙ্ক কখনও দু'শের নিচে নামেনি। ক্রমে ক্রমে বেড়ে গেছে। সেখানেও এইসব অতিথি-অভ্যাগতদের জন্ত একটা চাঁদোয়া হত। তার নিচে বসতেন এইসব লোকেরাই। সেখানেও অন্নপূর্ণা দেবেশ্বরের আসন ছিল সামনের সারিতে পাশাপাশি। আর একটা ঘটনা কয়েক বছরই ঘটেছিল; মেটা ভাই-দ্বিতীয়ার দিন। দেবেশ্বরের বোন ছিল না। রত্নেশ্বরকে বোন হিসেবে ফোঁটা দিতেন অন্নপূর্ণা দেবী। তাই মেখে দেবেশ্বর কাদতেন—আমি ফোঁটা নেব।

গ্রাম-সম্পর্কের বোন বের করতে দেবী হয়নি। কিন্তু তা না, দেবেশ্বরের আশ্বার—ওই অন্নপিসীর কাছে ফোঁটা নেব।

অন্নপূর্ণাও ফোঁস ফোঁস করে কাদতেন—আমি দেবু ভাইপোকে ফোঁটা দেব।

এদের সঙ্গে আর একজন অহরহ ঘুরত সুলতা। তাঁর নাম হল—গোপাল পাল, দেবেশ্বরের ঠাকুরদাস জ্যাঠামশায়ের ছেলে।

ভাই খুড়ীমা মানে ধনেশ্বর কাকার স্ত্রী আমাকে বললেন—তুমি নিজে যাও বাবা, তিনি নিজে আজও বেঁচে, তোমার কথা রাখবেন বোধহয়। অর্চনার একখানা কটো নিয়ে যেয়ো, তাতে কাজ দেবে। তাঁর মায়ের অয়েল পেন্টিং তাঁর কাছে আছে। অর্চনার সঙ্গে মিল দেখলে মন তাঁর নরম হবে বলেই আমার বিশ্বাস।

ঘড়িতে ঢং ঢং শব্দে ঘণ্টা বাজছিল। সুলতা ঘড়ির দিকে তাকিয়ে দেখলে দশটা। গুদিকের খাবারঘরে টেবিলের উপর বাসনপত্রের ঝুঁকুড়াও শব্দে হচ্ছে। অর্চনার গলা পাওয়া যাচ্ছে। লজ্জবত বাসন সাঁজানো হচ্ছে। খাবার তৈরী হয়ে গেছে।

সুরেশ্বর বললে—এখন এখানেই ছেদ টানতে হবে হয়তো। ১৯৩৭ সালে সেদিন মেজতরকের বড় খুড়ীমার একটা কথা বলেই ছেদটা টানি সুলতা। তাঁকে আমার বড় ভাল লাগল। বললাম—এ বাড়ীতে এলেন খুড়ীমা, কিজ্জু খাবেন না?

হাসলেন তিনি। বললেন—খাব না কেন বাবা। তবে তোমার রঘুর হাতে তো খাব না।



অর্চনা একজন আমাদের পানে পিছন করে কাঁসাইয়ের ধারের বারান্দার ঠিক দরজাটার সামনেই দাঁড়িয়েছিল। সে এবার বললে—আমি চা করে আনব জ্যোতাইমা।

—তা আন। কিন্তু এত বেলায় চা কেন? সরবৎ করে আন।

—স্নাতক দিনে সরবৎ খাবে?

—তা হলে চা করেই আন। তোরাও খাবি।

অর্চনা চলে গেল। খুড়ীমা এবার কথা বন্ধ করে উঠে চারিদিক ঘুরে দেখতে দেখতে হঠাৎ বললেন—জান বাবা, সুরেশ্বর, এই বিবিমহলে আমি আজ প্রায় ত্রিশ বছর আসি নি। এসেছিলাম সেই বিয়ের পর—কেন-বউ আমি তখন, তের পার হয়ে চৌদ্দতে পড়েছি। তখন আর একরকম ছিল। এমন সুন্দর ছিল না। তোমার বাবা আমার ভাস্কর। কিন্তু তোমার কাকার বিয়ে আগে হয়েছিল। তোমার বাবা বিয়ে করলেন, ক'রে এখানকার ভেতর মহলে তোমাদের অংশ আর বিবিমহল একরকম নতুন করে গড়লেন। তখন থেকে আর চুকি নি।

বলে হাসলেন। সে হাসি ঠিক সহজ হাসি নয়। তার অর্থ ঠিক হাসি নয়। তার মধ্যে অনেক কিছু ছিল।

সুরেশ্বর বললে—আমি ঠিক বুঝি নি। তাই জিজ্ঞাসা ক'রে বললাম—কেন খুড়ীমা? সঙ্গে সঙ্গে মনেও পড়ল যে, বাবার মৃত্যুর পর যখন প্রথম মায়ের সঙ্গে এসেছিলাম বাবার শ্রাদ্ধ করতে, তখন খুড়ীমা এ বাড়ীতে আসেন নি। তাঁর সঙ্গে মা দেখা করে এসেছিলেন ও-বাড়ীতে গিয়ে, আমিও মার সঙ্গে ছিলাম। শুনেছিলাম মেজঠাকুমা বলেছিলেন—“বড়বউমার কথা ছেড়ে দাও মা, বড় জমিদারবাড়ীর মেয়ে, অবস্থাহীন হয়েচে কিন্তু দস্ত খায় নি। চকিশব্দটা দস্তে ফেটে পড়ছে। মা, যখনশরকে ভয় করে এবাড়ীর সবাই। জগদীশ্বর তো সারা গায়ের লোকের কাছে বাঘ ভালুকের মত। কিন্তু বড়বউমার কাছে সব জুজু। মন হ'ল তো মা—দেবতা। আর মেজাজ বেগড়াল তো মহিমাবর্দিনী!”

আমার প্রশ্ন শুনে খুড়ীমা চুপ করে রইলেন। কোন উত্তর না দিয়ে ঘরের দেওয়ালে টাঙানো আমার বাবা এবং মায়ের অয়েল পেণ্টিটার দিকে তাকিয়ে রইলেন। তারপর বললেন—এ ছবি তোমার বাবার একটু বেশী বয়সের ছবি। বিয়েই তো করেছিলেন সাতাশ বছর পার ক'রে।

বললাম—হ্যাঁ।

—হ্যাঁ, বিশ একশ বছর বয়সের সে রূপ এতে নেই। এতে ফ্রেন্ছ'ট দাঁড়ি রয়েছে। গৌর মুচলো ক'রে পাকানো, যেন ভারিকি মানুষ। মায়ের তোমার পূর্ণ সুবতী বরস। বোধহয় এর থেকে ভালো চেহারা কখনও হয় নি। বিশ একশ বছরে তোমার বাবার সে রূপ ভোলবার নয় বাবা। আমার ঠাকুমা যেনে বলেছিলেন—এ যে কন্দর্প লো!

. আমি জিজ্ঞাসা করলাম—আপনি দেখেছিলেন?

সলজ্জ হেসে মাথার কাপড় একটু টেনে দিয়ে খুড়ীমা বললেন—দেখেছি বই কি বাবা। না হলে আর বলছি কি ক'রে? আমার বাপের বাড়ী গিয়েছিলেন বেড়াতে। উনিই তো আমার বিয়ের ঘটক বাবা।

আমি কোতুকবোধ করে, তাঁকে জিজ্ঞাসা করলাম স্থলতা—তাই নাকি! কই শুনিতে তো?

—শুনবে কি করে বল। একথা তো বেশী কেউ জানত না।

একটা দীর্ঘনিশ্বাস ফেলে বললেন—আমার তখন বয়স তোরো চলছে। গোবরডাঙ্গার মুখুজ্জবাড়ীর দৌছিঙ্গ শরীক হলেন বাপ আর গুড়ের বাঁড়ুজ্জবাড়ীর মেয়ে হলেন আমার মা। ছদিক থেকে সম্পত্তি পেয়ে বাবা আমার কেঁটবিষ্ট লোক। চাল-চলন একেবারে রাজারাজ্জার মত। আর আমার রূপ ছিল বাবা। তের বছর বয়সে আমার রূপের খ্যাতি রটেছিল। সখর আপনি আসছিল। বাপের বড় আত্মরে মেয়ে ছিলাম আমি। রাগলে জ্ঞান থাকত না। আমাদের বাগান ছিল খুব ভাল। সাবু গাছ, হরেক রকমের পাম গাছ, অর্কিড পাতাবাহার থেকে গোলাপ খুঁই বেল, জবা, চামেলী, গন্ধরাজ, চাঁপা—কি গাছ ছিল না। তার মধ্যে গোটা কয়েক মতিরাবেলা ছিল, তার ফুল হত এই বড় বড় আর কুঁড়িগুলো হত বড় বড় মুক্তার মত। ঠাকুরা শিবপুজো করাতেন। আমি মতিরাবেলার কুঁড়ি তুলে মালা গেঁথে পরাতাম। কিন্তু পাড়ার সব গেরস্তঘরে যেরেরা খুব ভোরে উঠে এসে ফুল চুরি করে নিয়ে পালাত। আমার বাতিক ছিল এদের পাকড়ে খুব বকা-ঝকা করে তারপর মালীকে ডেকে ফুল দিতে বলতাম। তারা নিয়ে যেত। ওটা আমার স্বভাব ছিল। এখনও আছে। কেউ গরীব এসে কাপড় চাইলে প্রথম খানিকটা খুব বকতাম, তারপর তারা যখন চলে যেতে চাইত তখন ডেকে কাপড় দিতাম।

একদিন বাবা, ভোরে উঠে এমনি কতকগুলো মেয়েকে ধরে বকাঝকা করছি, হঠাৎ নজরে পড়ল বাগানের পাঁচীলের ওপার থেকে একখানা হাত কেউ তুলে মার্শাল নীল গোলাপের লতার একটা ডাল আস্তে আস্তে নোয়াচ্ছে। মস্তবড় মার্শাল নীলের লতা। আর ফুলগুলো খুব ভাল।

আমি মালীকে বললাম—দেখেছিস?

সে বললে—হ্যাঁ।

বললাম—আস্তে আস্তে যা। গিয়ে দু হাত দিয়ে শক্ত করে চেপে ধরবি হাতখানা। তারপর দেখছি আমি। যা।

মালী গিয়ে থপ করে চেপে ধরলে হাতখানা।

তারপর কি কথা হ'ল মালীর সঙ্গে, মালী হাত ছেড়ে দিলে।

আমার রাগ হ'ল, বললাম—হাত যে ছেড়ে দিলি হারামজাদা!

মালী বললে—খুব একজন বড়বাবু দিদিমণি—

—যেই হোক। ফুলচুরি করছে সে চোর। তুই কেন ছাড়লি তাকে?

মালী বললে—বাবু আসছে দিদিমণি। বললে—আরে হাত ছাড়। আমি হাতটা এখনি টেনে ছাড়িয়ে নিতে পারি। তোমার থেকে আমার জোর বেশী। ছেড়ে দাও, আমি ফুল তুলেছি, তা এখন মালীকের আপত্তি, তখন আমি নিজেই যাচ্ছি তাঁর সামনে। ওই উনি আসছে। ওই কটকে দাঁড়িয়েছে। বাবা, তোমার বাবাকে দূর থেকে দেখেই আমি হতভস্ত

হয়ে গেলাম। একেবারে সাক্ষাৎ রাজপুত্র। তোমাদের বংশের লম্বা তো সবাই। আর তেমনি রূপ। তখন ফুনফুনে দাড়ি বলে দাড়ি কামান। গৌর সত্ত গজিরেছে, আর বেঘন পোশাক তেমনি কেতাদুরস্ত। দারোয়ানকে বলে তিনি ফটকের ভেতরে ঢুকলেন, তাঁর হাতে তিন চারটে মার্শাল নীল গোলাপ।

বাবা, আমার লজ্জার সীমা রইল না, আমি একেবারে দে ছুট; বাড়ীর ভিতরে গিয়ে হাজির। বাড়ীর ঝি-চাকরেরা উঠেছে আর উঠেছেন ঠাকুমা। আমাকে দেখে বললেন—কি লা, এমন হাঁপাচ্ছিস কেন?

—ছুটে পালিয়ে এসেছি ঠাকুমা।

—কেন কি হ'ল?

আমি বললাম বাবা। ঠাকুমার সঙ্গে আমার খুব ভাব ছিল, খুব ভালবাসতেন। এমন সময় মালী এসে বললে—উ বাবু দাঁড়িয়ে আছেন।

আমি বললাম—যেতে বলে দে।

ঠাকুমা বললেন—না। আমি ব্যক্তি দাঁড়া। দেখি নবাবনন্দিনী আমার আবার কাকে কি বলে এলেন। কি ক্যাসাদ বাখালেন।

ঠাকুমা ঝিড়কীর দরজা দিয়ে বাগানে গেলেন। আমি দরজার আড়ে লুকিয়ে রইলাম।

একটু খামলেন খুঁড়িয়া। তারপর হেসে ওই বাবার ছবির দিকে তাকিয়ে বললেন—কি হাসি বাবা। হো-হো-হো ক'রে হেসে একেবারে সারা। তখন ঠাকুমার সঙ্গে পরিচয় হয়ে গেছে। ঠাকুমা পরিচয় পেয়েছেন—একেবারে অপ্রস্তুতের শেষ। কীর্তিছাটের রানবাড়ীর বড় রানমশারের ছোট ছেলে, বি-এ পাশ করেছে অনার্স নিয়ে। এম-এ পড়ছে। এসেছে গোবর-ডালার মূল মুখ্জেবাড়ীতে, এসেছেন শীকারের নেমস্করে। গোবরডালার মুখ্জেবাড়ীতে শীকারের ধুম ছিল। গোটা বাংলাদেশের লোক জানে। জ্ঞানদা মুখ্জে তখন নতুন উঠেছেন, ভারী নাম। ওর সঙ্গে আলাপ হয়ে গোবরডালা এসে ভোরবেলা উঠে একলা বেরিয়ে আমাদের বাগানের ধারে মার্শাল নীলের ঝুঁকেপড়া ডাল হুইয়ে ফুল তুলছিলেন। তাঁকেই আমি মালী দিয়ে পাকড়েছি। কি লজ্জা বল তো! ঠাকুমা এসে আমাকে টেনে ধরে নিয়ে গেলেন, বললেন—এই এনেছি ভাই, এ-বাড়ীর পুলিশসাহেবকে। এ মেয়ে ভাই, পুলিশসাহেব। তা ধরবি তো ধর রাজার ছেলেকে! আমি লজ্জার মাথা হেঁট করে দাঁড়িয়ে রইলাম। তোমার বাবা খুব হাসলেন। বাবা এলেন। আমাকেই চা জলখাবার আনতে হল। খেয়ে বিদায় নিয়ে এলেন।

তারপর—।

একটু চুপ ক'রে থেকে বললেন—এরপর বাবা তোমার ঠাকুরদার কাছে এলেন বিয়ের কথা নিয়ে। তোমার ঠাকুরদা তো সাহেবী মেজাজের লোক ছিলেন, বললেন—যোগেশ্বরের বিয়ে এখন তো দেবই না। এম-এ পাশ করার পর ভাবব। আর বিয়ে ও করবে নিজেকে দেখে। বড়ছেলের বিয়ে দিয়েছি জনাইয়ে। তাতে ছেলে সুখী হয়েছে। কিন্তু ষষ্ঠরবাড়ীর চাপে অস্তরকম হয়ে গেল। যা ঠিক আমার পছন্দ নয়। যোগেশ্বরকে আমি অস্তরকম তৈরী করব।

হয়তো বিলেত পাঠাব। এখন থেকে বিয়ে দিয়ে ওর হাতপা বেঁধে পজু করে দেব না। আর আমার ইচ্ছে, ওর বউ হয় লেখাপড়া জানা মেয়ে। আপনারা মেয়ে ভেরো বছরের হতেই বাস্তব হয়েছেন বিয়ে দেবার জন্তে। সুত্তরাং মতে মিলবে না। আপনারা বড়লোক, মানী লোক, মেয়ে সুন্দরী, আপনারা চেষ্টা করুন, যোগেশ্বরের থেকে ভাল পাত্র মিলবে।

বাবা কিরে এলেন মুখ ভার করে। ঠাকুমাকে বললেন—তুমি পাঠালে জোর করে, এখন হ'ল তো!

তারপরই বাবা, তোমার বাবা চিঠি মিলেন, তোমার খুড়োয়শায়ের সন্ধান দিয়ে। আমার শ্বশুর তখন কীর্তিহাটে দেবোত্তরের ভার নিয়ে রাজস্ব করছেন জমিদারদের বনেন্দ্রী চলে। তোমার খুড়ো তখন এন্ট্রান্স পাশ করে কলকাতায় পড়ছেন। পূজো-আহিকে খুব কৌক। চেহারাতে তিনি তোমার বাপ থেকে উজ্জলই ছিলেন। লিখলেন—আমার খুড়ুতো ভাই আছে, বড়কাঁকার বড়ছেলে, লেখাপড়া করছে, হিন্দুরানীতে কৌক আছে। সুন্দরী কস্তা খুঁজছেন। আপনি যদি পছন্দ মনে করেন তবে চেষ্টা করুন, আমার বিশ্বাস হয়ে যাবে। আমি আমার ভাইকে বলেছি আপনার মেয়ের রূপের কথা। আর ভবিষ্যতে রায়বাড়ীতে সে উপযুক্ত গৃহিণী হতে পারবে।

ঠাকুমা বললেন—তাই কর রমানাথ। আমার বাবার নাম রমানাথ বাড়জে। অন্তত রায়বাড়ীর শরীক হয়ে থাক আমাদের মেয়ে। বড়ভাই কিরিরে দিয়েছে, মেজভাইয়ের পুত্রবধু হয়ে থাক, জেদটা তাতে আমার বজায় থাকবে।

তাই হ'ল—মেজতরকের বড়বউ হয়ে এলাম। আমার টানে তোমার কাঁকা লেখাপড়া ছেড়ে বাড়ী এসে বসলেন। জুড়ি হাঁকালেন, প্রজ্ঞাশাসন করলেন, থিয়েটার করলেন, মদ খরলেন। আমার কোলে দু বছর অন্তর ওই সব ছেলের পাল এল। বড় ব্রজ, তাকে জ্ঞান; সেজটা যা করেছে তা জ্ঞান। ওদিকে তোমার বাপের নামে দেশ ছাইল। তবু উনি বলতেন—খবরের কাগজওরালা। বাঁধা মাইনেও চাকর। মাতাল। কিরিকী মেয়ে নিয়ে ঘোরে। তারপর যখন বিয়ে করে এখানে তোমার মাকে নিয়ে এলেন, তখন মেজতরকের দেনা হয়েছে, সম্পত্তি বিক্রী হচ্ছে, কিনছে তোমার বাপ আর জোঠা। বাবা, তখন থেকে আমার রাগ হল। মনে হ'ল আমার সকলশের হেতু ওই তোমার বাপ। সেদিন থেকে বিবিমহল আমি মাড়াই নি। তোমার কথা শুনেছিলাম, মেলা টাংশ তোমার। ছবি আঁক। আর টাকা গুণ্ডাও। এখানকার চালচলন তাও ভাল লাগেনি। আমার ছেলেরা, ব্রজ বাদে, সবাই তোমার নামে অনেক কথা বলে। কিন্তু কাল অর্চনা গিয়ে যখন পড়ল আমার পারে আর তোমার কথা বললে, তখন চোখ খুলল। ভাবলাম ভালই হয়েছে। ছেলে তো মা বাপ দুয়ের গুণেই হয়। আমার গর্ভে তুমি হলে তুমি এমন হতে না। অন্তরকম হ'তে। তোমার মা লেখাপড়া জানা মেয়ে, বড় উকীলের ভাণ্ডারী। তার গুণ পেয়েই না তুমি এমনি। আজ অর্চনার বিরোধ সব ভার নিতে চেয়েছ। দেবোত্তরকে বাঁচিয়ে রেখেছ। ছোটমা—আমার শ্বশুরের জন্তে এত করেছ। ভালই হয়েছে। সারারাত ভেবে সকালে অর্চনাকে বললাম—চলতো সুরেশ্বরর সঙ্গে দেখা করে আসি। কথা বলে আসি। তা মনটা জুড়লো বাবা।

আমি অভিকৃণ্ডের মত দাঁড়িয়ে গুনছিলাম—দাঁড়িয়েই রইলাম।

অর্চনা চা হাতে নিয়ে এসে দাঁড়াল।

চারের কাপটা হাতে নিয়ে বললেন—পান দেখ দেখি ? সুরেশ্বরের এখানে পানের কারবার আছে না—নেই ? কলকাতায় মাহুম আজকালকার ছেলে সিগারেট খায়, মদও হয় তো খায় কিন্তু পান তো ওরা খায় না। বলে খুড়ীমা হাসলেন।

অর্চনা বললে—দোকান আনতে রথুকে আমি পাঠিয়ে দিয়েছি। পান এখানে আছে। জর্দাও আছে, তা জর্দায় তো তোমার হবে না ! সুরোদার সেদিকে ক্রটি নেই। সারাবী কেতা থেকে ফেনী কেতার বনোবস্তের ক্রটি নেই।

খুড়ীমা বললেন—তা তো এ-বাড়ীর চিরকালের রেওয়াজ মা। আমি যখন প্রথম বউ হয়ে এলাম, তখন গাড়ী ঘোড়া লোকলঙ্কার, সাহেবী বাসন কাঁটা চামচে, মুসলমানদের বাসন বাবুর্চি সব ছিল। খণ্ডরের আমলের হাতীটাও তখন বেঁচে। তা যা, পান সেজে নিয়ে আর। যা, দাঁড়াস নে, চা খেয়েই আমার পান চাই। খাওয়ার পর মিষ্টিমুখ থাকলে আমার ভাকার আসে।

অর্চনা চলে গেল। খুড়ীমা চা নিয়ে কর ওনে নিবেদন করে নিয়ে চারে চুমুক দিয়ে বললেন—চমৎকার চা হয়েছে। এমন চা অনেকদিন খাইনি। হঠাৎ হেসে বললেন—আমাদের বাড়ীতে দু' পরসা প্যাকেটের চা, আর একটা পুরনো এ্যালুমিনিয়ামের হাঁড়িতে জল গরম হয়—ফুটেতে শুক করলে প্যাকেট শুক চা কেলে দিয়ে ফুটল। তাই নামিয়ে ছু দিয়ে চিনি দিয়ে পেতলের হাতায় ঘেঁটে চা তৈরী হল। তারপর কাঁসার গেলাসে একগেলাস করে নিয়ে বসল যেয়ে-পুরুষ ছেলেতে বিশ-পঁচিশজন। যেমন গন্ধ তেমন স্বাদ।

আমি ভেবে পাচ্ছিলাম না স্বলতা, এসব কথার কি উত্তর দেব। শুধু শুনেই যাচ্ছিলাম। কিন্তু খুড়ীমার সেদিকে গ্রাহ ছিল না। তিনি যেন শুধু কথা বলতেই এসেছিলেন এবং আমাকেই বলতে চেয়েছিলেন।

হঠাৎ এবার বলে ফেললেন—আমার হিংসে ছিল বাবা, রাগ ছিল দারুণ রাগ ছিল। দেখ এসব তো আমার হ'তে পারত। তুই তো আমার পেটে হতে পারতিস ! তা হ'ল না—বেশ, হ'ল না। আমি লেখাপড়া জানা ছিলাম না, বিবি ছিলাম না। বেশ। কিন্তু ঘটকালী করে আমার কপালে এই এমন একটা মাহুম—

অর্চনা এসে ঢুকল পান হাতে করে। সঙ্গে সঙ্গে থেমে গেলেন খুড়ীমা। খুড়ীমা হেসে বললেন—পান, প্রাণটা বাঁচল। এ তো বেশ বড় ঢলকো পান রে ! খুব মোটা খিলি করেছিল।

অর্চনার সেই এক উত্তর—তোমার ভাসুরপো একেবারে আমীর গো। পানের সরঞ্জাম, সেই কলকাতার কাটা সুপুরী সুগন্ধি খয়ের কমলানবুর শুকনো ধোঁসা, খুব সুগন্ধি জরনা, ছোট এলাচ বড় এলাচ সব আছে।

—ছোট এলাচ দিবেছিল নাকি ?

—না। তুমি খাও না আমি জানি। জর্দাও দিই নি।

—আন ৯ জর্দা খাইনে পাইনে বলে রে। নইলে সেকালে কানী থেকে জর্দা আসত মেজতরফের কর্তার নামে। তাই ভাগ ক'রে দিভেন। এখন কড়া ডামাকপাতা আর ফুটো

জোরান মৌরী দিয়ে ভেজে নামিয়ে নি। আন জরী আন।

এতক্ষণ স্থলতা, আমি কথা খুঁজে পেয়ে বাঁচলাম। বললাম—কোঁটাটা আপনি নিয়ে বান খুড়ীমা।

—নিয়ে যাব? আমার মুখের দিকে তাকালেন খানিকক্ষণ, তারপর বললেন—দে। তোকে আজ বড় ভাল লাগল রে।

তারপরই চলে গেলেন। যেতে যেতে ফিরে দাঁড়িয়ে বললেন—যা বললাম তার চেঁটা তুই অবিলম্বে কর বাবা! তোর ঠাকুরদার ওপর করপূর্ণা ঠাকুমার একটা মায়া ছিল। হয় তো তোর কথা রাখলেও রাখতে পারেন। সে ছেলের বিয়ে এখনও হয় নি। এ বাড়ীতে বিয়ে দেবেন না বলে চিঠি লিখেছিলেন অগ্রহায়ণ মাসে। আজ তো মাঘ মাসের ষষ্ঠা।

\*

\*

\*

সুরেশ্বর বললে—স্থলতা, আমি ভই মাঘ, দুদিন পর, কলকাতায় এলাম। খুড়ীমার কথাটা আমার মনে ভাল লেগেছিল। অন্নপূর্ণা দেবীকে বছর দুয়েক বিজয়ার পর একবার ক'রে দেখেছি। বাবা-মার সঙ্গে যেতাম। বিজয়ার পর প্রণাম করতুে যেতেন। বাবা যখন খুব সাহেব, যখন বিয়ে করেন নি তখন বাবা যেতেন না তাঁর ভয়ে। বিয়ের পর তিনি নিজেকে ভেঁকে পাঠিয়েছিলেন, মাকে গরনা দিয়ে আলীর্বাদ করেছিলেন। আমি যেবার প্রথম বাই তখন আমার বয়স পাঁচ বছর। আমাকে দেখে ব'লে উঠেছিলেন—ওরে, এ সে অবিকল আমার দেবুরে। কি সমাদর—আমাকে একশো টাকার নোট দিয়ে আলীর্বাদ ক'রে বলেছিলেন—দেখ, সাজা জরী বসানো ডেলভেটের পোশাক কিনে দিস। আর মাংসায় একটা পালক দেওয়া পাগড়ি। জানিস, কালীপূজার সময় এই বয়সে দেবু আমার এই পোশাক পরত।

পরের বছর ঠিক তেমনি পোশাক পরে গিছলার বিজয়ার সময়। তিনি একদৃষ্টে অনেকক্ষণ আমাকে দেখে কঁদেছিলেন। অবিকল দেবেশ্বর। অবিকল! তারপর আমাকে বলেছিলেন—দেখিস বাবা, সেই রূপ পেয়েছিস, কিন্তু দেবুল মত হ'সনে। খবরদার।

তারপর বাওয়া বন্ধ হয়েছিল। বাবা, ইংরাজী কাগজে খুব কড়া প্রবন্ধ লিখলেন, সেটা বোল লভেরো শাল, পলিটিকাল মার্ভার আর টেররিজম নিয়ে প্রবন্ধ। প্রবন্ধ একটা নয়, সে একটা সিরিজ—বোধহয় তিনটেতে সম্পূর্ণ হয়েছিল। তার মধ্যে তিনি বিশ্লেষণ করেছিলেন মার্ভারারনের মন এবং প্রকৃতি। তিনি বলেছিলেন—আসলে এরা মার্ভারার প্রকৃতি নিয়েই জন্মায়; যদি এরা শিক্ষা না পেত, তা হ'লেও তাদের এই দুর্নিবার প্রকৃতি এই পথেই এদের চালাত। সাধারণ মার্ভারার সংখ্যা তো কম নয়। এ শুধু এদেশেই নয়, সব দেশে। শিক্ষা এদের খুঁজিয়েছে একটা 'কজ'—'এ নোবল কজ'। কিন্তু কজ—যা তোমার কাছে নোবল—তা অস্ত্রের কাছে নোবল তো নয়ই, সেটা সেই টিরস্কন জাইম। এই ধরনের প্রবন্ধ। তার সঙ্গে তিনি জড়িয়েছিলেন ল'ইয়ার এ্যাডভোকেটদের। বলেছিলেন—যারা এই সব ক্রিমিনালদের ত্রিক নিয়ে কেস ডিকেও করে তাদের নেচার এ্যানালিসিস করলেও ঠিক এই ক্রিমিনাল ইনস্ট্রিক্ট পাওয়া যাবে। এবং তাদের মধ্যে আবার আরও এক গভীর জলের মতত আছে যারা একই সঙ্গে এই ইনস্ট্রিক্ট এবং তাদের কেরিয়ারের পথ স্তীরাণ এবং ত্রতার করে নেয়—বাডে ক'রে

ভারা পায়ে হাঁটার বদলে জুড়ি গাড়ী হাঁকিয়ে চলতে পারে। সেই হিসেবে কনসিডার দেয় মেরটার একেকগারস্ টু দি সোসাইটি এ্যাণ্ড স্টেট। যদিও ম্যাজিকে-মুখ জনসাধারণের ভিত্তিত লজিক অম্বায়ী তারা সেলফলেস গ্রেট মেন এ্যাণ্ড ওয়ার ক্রফ্টের সাপ্লাই এ্যাণ্ড সাপোর্ট লাইনের বিগ হিরোজ ব'লে পরিগণিত হয়।”

ভুমি তো জান সুলতা, বাবা আমার গান্ধীজীকে কি ব্যাক্তি এবং বক্তোক্তি করেছিলেন! তাঁর এ প্রবন্ধ আমি পড়ি নি, কারণ বয়স তখন ‘আমার ছ’ সাত বছর। আমি শুনেছি। অবিধাসও করি না। বাবা হয়তো ঠিক এই ধরনের মাহু্ব ছিলেন না, তবে ইংরাজী কাগজে গিয়ে নাম করবার ক্ষেত্রে এই ধরনের স্টাণ্ট লিখেছিলেন। এ বোদ্ধর ছিল তাঁর রক্তে।

সুলতা বললে—তাঁর কিছুটা তোমার মধ্যেও আছে।

—নিশ্চয় আছে। স্বীকার করব না কেন? নিশ্চয় করি। নইলে বাবার বিরুদ্ধে আমিও তো এগার পেরিয়ে বারো বছর বয়সে ননকো-অপারেশনে পিকেটিং করতে গিয়েছিলাম। যার থাকায় বাবা চাকরি ছাড়লেন। বাবা মিস চন্দ্রিকাকে নিয়ে পালালেন। আমি গৌড়া হিন্দু ছলাম। তাঁরপর বাবা মারা গেলেন, শ্রীক করতে এসে কীতিহাটের রায়বংশের পরিণতি দেখে তিরিশ সালে জেলে গেলাম। জেল থেকে বণ্ড দিয়ে একমাস আগে বেরিয়ে এসে ইংরাজী কাগজে বিদ্যার সত্যগ্রহ লিখলাম। তাঁরপর আর্টিস্ট ছলাম। দাড়ি গোঁজ রাখলাম। মা মারা গেলেন। তোমার সঙ্গে আলাপ হল। হঠাৎ কীতিহাটে সেটেলমেন্টের টানে এসে আর একরকম হয়ে গেছি। বলতে গেলে জমিদারী মেজাজ নিয়ে বারবাড়ীকে কলঙ্কমুক্ত করবার মত দম্ভ নিয়ে এইসব ছবি এঁকেছি। আছে বই কি।

সুলতা রাগ করলে না। হাসলে। বললে—বড় য়েগে গেছ ভুমি হঠাৎ। কথা শেষ হতে হ’তে হাসিটা জোর হয়ে উঠল। হঠাৎ থেমে বললে—পাত্রাধার তৈল এবং তৈলাধার পাত্র এক সঙ্গে দুইই সত্য—বললে—রাগ করে না।

লজ্জিত হ’ল সুরেশ্বর। বললে—ঠিক বলেছ। মনটা ফুঁসছে। পাত্রে তৈল থাকে, পাত্রের আকার নেয় কিন্তু তৈলও গুণ হারায় না পাত্রেও আকার হারায় না। কীতিহাটে এসে ইন্টেলেকচুয়াল আমি এবং জমিদারী আসনে বসে জমিদার বংশধর আমি মিশে গিয়েছি। হয়তো প্রদীপ হয়ে আলো ছড়াতে চেয়েছি কিন্তু কড়াইয়ের তেলে বেগুনের কালির মত ফুটেতে শুক করেছি।

সুলতা হেসে উঠল আবার। বললে—চমৎকার বলেছ। কিন্তু আমি বলছি—বে-গুণ ভুমি নয়। গুণ তোমার কাছে। হঠাৎ য়েগে গেছ। কারণটা ঠিক বলতে পারব না।

একটু চুপ করে থেকে সুরেশ্বর আবার বললে—কারণ আমার বাবার ওই প্রবন্ধের স্মৃতি। ওই ‘বিদ্যার সত্যগ্রহ’ চিঠিটার একটা সম্পর্ক আছে। হেরিডিটি ছাড়া কি বলব? তা ছাড়া যা বলতে যাচ্ছি—অন্নপূর্ণা দেবীর বাড়ীতে অর্চনার বিয়ের সফল নিয়ে যাওয়ার কথা—তাঁর সঙ্গে যোগটা আরও নিবিড়। ওর সঙ্গে আমার বাবার ওই প্রবন্ধটা বের হবার পরই অন্নপূর্ণা দেবী বাবাকে একখানা চিঠি লিখেছিলেন। লিখেছিলেন—“ভুমি ইংরাজী কাগজে যেসব কথা লিখিরাছ তাহা শুনিরা আমি নগেজকে পড়িয়া শুনাইতে বলিলাম। সে সমস্তই আমাকে বাংলা করিয়া শুনাইল। ইহাতে ভুমি আমাদিগকেও গালি দিয়াছ। আহার ছেলে ভবেশ্র উকীল

ছিলেন। আমার স্বামী উকীল ছিলেন। আমার স্বামী আলিপুর বোমার মকদ্দমায় আসামীপক্ষে ছিলেন। তিনি স্বামী বিবেকানন্দের ভক্ত ছিলেন। আমার ছেলে ভবেন্দ্র এমন অনেক মকদ্দমায় বিনা কীতে কাজ করিয়া গিয়াছে। সেও আজ নাই। তাহার পুত্র নগেন্দ্রও এমন ওকালতি করিয়া থাকে। আমি তাহাকে এ বিষয়ে উৎসাহ দিই। ইহার জন্ত আশীর্বাদ করি। সুতরাং তুমি আমার বংশকে এমন কি আমাকেও অপমান করিয়াছ। বহু পূর্বেই পিতৃবংশের সহিত সম্পর্ক ভাঙই করিয়াছি। সে দাদার আগল হইতে। শুধু দেবেশ্বর আমার সমবয়সী—খেলার সঙ্গী ছিল, তাহাকে বাল্যকালে ভাইফোঁটা দিবার জন্ত কাদিতাম, সেই কারণে সে অনেক কুকার্য করিলেও তাহাকে ভাঙ করি নাই। অস্ত্র হইতে তোমাকেও ভাঙ করিলাম জানিবে। অন্তঃপর, তুমি বৎসরে একদিন আইস, তাহাও আর আসিবে না।”

বাবা হেসে চিঠিখানা ছিঁড়ে ফেলে দিয়াছিলেন। এবং আর বাননি কোনদিন। আমিও ঘাইনি। এবং একরকম ভুলেই গিয়েছিলাম। বাবার মৃত্যুর খবর দেওয়া হয়নি। শ্রাদ্ধের নিমন্ত্রণপত্র গিয়েছিল। অল্পপূর্ণা দেবী লোক দিগে ঘাটে কামিগে উঠবার পর পরবার জন্ত নতুন কাপড় পাঠিয়েছিলেন। আর দশ টাকা লৌকিকতা। কিন্তু পত্র দেননি।

মাগের মৃত্যুর পর ও-বাড়ীতে বাইনি নিমন্ত্রণ করতে। মনটা যেন ভুক কুঁচকে বিরক্ত হয়ে বলেছিল—নাঃ। কি লাভ হবে কতকগুলো কটু কথা শুনে!

এবার অর্চনার জন্তে সংকোচ করলাম না। ঠিক করলাম বাব। অন্তত অর্চনার ফটোখানা দেখিয়ে আসব।

খুড়িমা বললেন—উকীল নগেনবাবুর ছেলেটি ভাল। ডাক্তারী পাশ করেছে, বিয়ে করেনি। কারণ, অল্পপূর্ণা দেবীর প্রপৌত্রের জন্ত পাত্রী তাঁর পছন্দমত হওয়া চাই।

অর্চনা অবিকল ভবানী দেশীর মত দেখতে, তার উপর সে গৌরী। দেখেছ তো অর্চনাকে। আজও তার কি রূপ! কিন্তু সে শগরের রূপের আর কিছুই নেই। সে অর্চনার আর কিছুই নেই বিধবা অর্চনার মধ্যে।

ঠিক এই মুহূর্তেই পুরানো কথার ধারায় বাধা দিয়ে আজকের বিধবা অর্চনা এসে ঢুকল। কাঁধে একখানা বড় তোরাণে। তার বেশী অংশটাই সামনের দিকে ঝুলছে, সে তাতে হাত মুছতে মুছতে এসে দাঁড়াল। এবং বললে—রায়বংশের ইতিহাসে বড় বড় রায়দের ছেড়ে সর্বনাশী অর্চনার নাম কেন?—না, তাই বলছ।

সুলতা বললে—না ভাই, হচ্ছিল তোমার সে-কালের রূপের কথা।

—রূপের কথা! একটু হাসলে অর্চনা। তারপর বললে—হ্যাঁ, তা ছিল। কিন্তু তাই আমার কাল। রূপের জন্মেই বিয়ে হল। বল তো সুরোদা, বিয়েটা না হলে রায় বংশের মহাভারত কি অন্তত হত? আমি আমার পথ তো ঠিক করে নিয়েছিলাম। আমি হয় মরতাম, নরভো এত মেরে জেলে গেল—যেতাম। সুলতাদির মত দেশের কাজ করে বেড়াইতাম।

সুরেশ্বর বললে—তোমার বিয়ের কথাই বলছি রে। রায়বংশের মহাভারত তুই যে শুরু করতে এসেছিস। তোমার বিয়ে না হলে সেটা হয় কি করে? অতুলেশ্বরকাকা আজ কংগ্রেসী মাতব্বর। স্বাধীন দেশের মধ্যে কাটা বাংলাদেশে মেদিনীপুর সব থেকে বড় জেলা।



সেখানকার কংগ্রেসীরাই আজ প্রধান । বল না অতুলেশ্বর রায়বংশের মহাভারতে পাণ্ডব কোরবদের কে ? কেউ না ! সে যদুবংশের মহানারক পার্শ্বসারথির ভানহাত বা বাঁহাত মাত্যকী-টাত্যকীর মত কেউ হয়ে বসে আছে । রায়বংশের মহাভারতের সঙ্গে সম্পর্ক তার চুকে গেছে । তুই তেমনি ধারা, রায়বংশের সঙ্গে সব সম্পর্ক চুকিয়ে স্থলতার মত প্রমীলা-ঈমীলা কেউ হত্টিস ।

—খুব হয়েছে । কিন্তু এখনকার মত ওঠো । খাবার তৈরি, শীতের দিন, গরম-গরম খেয়ে নাও এখন । পুরনো কাল ছেড়ে নতুন কালে—যে-কালে মহাভারতের হস্তিনা ইন্দ্রপ্রস্থ মাটি-ঢাকা পড়েছে, সেইকালে এস । নরাদিরী়র কনট সার্কাসের হোটেল-রেস্টুরেন্টের মত খাবার করেছে । তবে মাংস মূর্গীর নয় । ওটা মাংস করতে হবে ।

—ব্রজনা কি করেছে ? তার ভজনটজন শেষ হয়েছে ।

—অনেকক্ষণ । বসে বসে মাংস রান্না বাতলাচ্ছিল । ওইটেই ছাড়তে পারলে না ব্রজনা । কি বলছিল জান ?

—কি ?

—হঠাৎ চুপ করে গেল একসময় । আমি জিজ্ঞাসা করলাম—বল, এবার কি করব ? খোল অনেকটা রয়েছে, অথচ মাংসটা নরম হয়ে গেছে খুব । গলে যাবে হয়তো । উত্তর দিলে না । আবার ডাকলাম, ব্রজনা । ব্রজনা হেসে উঠল । বললাম, হাসছ বে ? ব্রজনা বললে—ওরে আঁচি, সন্ধ্যাবেলা থেকে ঠাকুরকে বলছিলাম—ঠাকুর, এবার পথে বের করে নাও । বড় ইচ্ছে সন্ন্যাসী হয়ে শুধু ভোমায় নিয়ে থাকি । কিন্তু মজা দেখ—এই একক্ষণ ধরে ত্রাণেন অর্ধভোজন করছি, আর ভাবছি, আঃ, এমনি আহাট যদি নিতি জোটে ! হঠাৎ সন্ধ্যার কথাটা মনে পড়ল । ভাবছিলাম, ঠাকুর সব পারে । চোখ-কান-মাথা-হাত-পা সব জন্ম করতে পারে । সবাইকে দমন করতে পারে । কালীর-নাগকেও পারে, কংসের হাতীকেও পারে । পারে না শুধু মাহুকের উদরের সঙ্গে । আরে অন্তে পরে কা কথা, নিজেই ঠাকুর ছেলেবেলায় চুরি করে খেয়েছে, মদ জোরান হয়ে ভাত পায়নি, ফটি পায়নি, বিড়রের খুঁ খেয়ে—নামই হয়ে গেছে দামোদর ।

বলতে বলতে কঁদে কেলেলে অর্চনা ।

জোরালোর খুঁটে চোখ মুছলেন । স্থলতা বললে—ওটাই মহাভারতের আদি কথা অর্চনাদি । কোরব-পাণ্ডব, রায়বাড়ী—সব বাড়ীর সব কথার মূলেই ওই কথা । তবে উদর বলব না, বলব অন্ন ।

—না । স্থলতাদি, কথাটা ভোমার নেহাতই পলিটিক্যাল বিমোহী । ওছাড়া আরও অনেক কিছু আছে ।

সুরেশ্বর বললে—চল খেয়েদেয়ে এটার মীমাংসা করব । ওঠো স্থলতা ।

খাওয়া দাওয়া সেরে এ ঘরে এসে সুরেশ্বর একটা দীর্ঘনিশ্বাস কেলে বললে—দেখ, আমার জীবনব্যবী নেবার বিচারক, তুমি কি এ্যাডজোনমেন্ট দিয়ে বাড়ী যাবে—না ? রাজিও অনেকটা হয়েছে ।

সুগতা চুপ করে রইল। ভাবছিল।

—তা হলে আজ না-হয় থাক! পাড়ী বলে দি!

—না। অন্তত: অর্চনার ভাগ্যের কথাটা শুনে যাব। উনি—ওকথা বললেন কেন?

—কোন কথা, নিজেকে স্বামীবাড়িনীর কথা?

—হ্যাঁ।

কথাটা অর্চনা বলেছে খাবার সময়। দুপাশে দুখোমুখি হয়ে বলেছিল চারজন।

টেবিলে নয়, অর্চনা খাবার ব্যবস্থা করেছিল মেঝের উপর আসন পেতে। বলেছিল—  
টেবিলে বসলে আমার বসা হবে না—তাই মেঝের উপর আসন পেতে সনাতন নিয়মে  
করলাম। অনুবিধে হবে?

কথাটা সুগতাকেই বলেছিল। এর অর্থ সুগতার বুঝতে মেরী হয় নি। ব্যাপারটা  
ছোয়াছুয়ির ব্যাপার। এবং সেটা তাকে নিয়েই। তবুও ভদ্রতার বাতিরে বলেছিল—না—  
না—অনুবিধে কিসের? ঠিক আছে। এ বেশ সুন্দর ব্যবস্থা। কিন্তু শেষকালটার না-বলে  
পারে নি—আর ছোয়াছুয়িটা আপনি মানেন—

—না সুগতাদি, তা মানিনে। এই দেখুন—ওপাশে দুখানি আসন—ও দুখানা বড়দা আর  
সুন্দোরার জন্তে। আর এদিকে পাশাপাশি আমরা দুজন। আমি মাছ মাংস পেরোজ এগুলো  
খাইনে, রাত্রে ভাতটাও খাইনে কিন্তু নিরামিষ তরকারী আলু ছেচকি-আলুভাজা-পটলভাজা  
এসব খাই, লুচি কুটির সঙ্গেও খাই মুড়ির সঙ্গেও খাই। হয়তো জানেন না নির্জলা একাদশীও  
একালে উঠে গেছে। তা নয়, আমার আপত্তি ওই টেবিল। আর ওই চামর। বুঝলেন না  
ওটা ভাই বরদাস্ত করতে আমি পারিনে। বিধবা বিয়েও আমি সহ করতে পারি, সমর্থন করি।  
অসবর্ণ বিয়ে—এমন কি International কি Inter Communal বিয়েতেও আপত্তি নেই।  
কি একটা মেয়ে ডাইভোর্স করেছে তাও সহ—কিন্তু দুবার তিনবার ডাইভোর্স করে বিয়ে এটা  
সহ করতে পারিনে। ওটাকে আমি ঘেঁষা করি। আর ঘেঁষা করি cheating কে!  
ভালবাসার ছলনার চেয়ে পাপ আর হয় না! জানেন আমার লাইফের ট্রাজেডিজ ওইখানে।  
আমার স্বামী আমাকে—

ছটা চুপ করে গেল অর্চনা। কিছুক্ষণ বাইরের দিকে তাকিয়ে রইল। তারপর একটা  
সতীর দীর্ঘনিশ্বাস ফেলে বললে, বসুন—আপনাদের পরিবেশন করে দিয়ে আমি বসে পড়ব  
আপনার পাশে।

প্রায় অন্ধ অজৈবের কালো চশমাটা খুলে রেখে খেতে বসল। তার পাশে সুন্দোর।

অজৈবের দিনের থেকে রাত্রে দেখতে পার অপেক্ষাকৃত ভাল। সকালে সূর্যোদয় থেকেই  
চোখ তার রাঙা হতে শুরু করে। রোদ বত বাড়ে তত যন্ত্রণা বাড়ে। কালো চশমার আশ্রয়  
বোধ করে এবং একটু আঁখি মেখতেও পার, রাত্রে যন্ত্রণা কমে—জল পড়া বন্ধ হয়। তখন  
আলোতে দেখতে পার।

চশমাটা খুলে রেখে অজৈব বলেছিল—ওরে ভাই, এসব এড়াবি কি করে? সংসারে  
এ-অজৈব ণ ও-অজৈব শোধ করতে হয়। তুই সেই সতীবউরাণী—

অর্চনা বলেছিল—থাম তো! ওই ব'লে ব'লে তোমরা আমাকে পাগল করে দেবে। যত সব বাজে কথা! তোমাদের যত ঝগড়া আমাকে জড়াবার ফন্সী! আমি সতীবউরাণী তাহলে তুমি-টা কে শুনি? আর ওই সুরোদা, ওই বা কে?

ব্রজেশ্বর বলেছিল—রাজাভাই আমার; প্রজাদের কাছে রায়দের ঋণ তো অনেক। শোধ দিতে এসেছে। সে জন্যে মদ খায় নি—বিলাস করে নি—তা ক'রে নিতে এসেছে। অজ্ঞান ঠাকরনের ঋণ শুধতে এসেছে।

সুরেশ্বর বলেছিল—ব্রজদা, তুমি ভাই একখানা বই লেখ—।

ব্রজেশ্বর হা—হা করে হেসে বললে—দ্বিতীয় ভাগের বানানগুলো আজীবনে দোরস্ত করতে পারিনি—বাংলা পণ্ডিতের কিল খেয়ে রায়বংশে জন্মেও মোটাতে পারি নি। তার উপর ঠাকুর গোঁথে মেরেছেন। তুমি জানো রাজাভাই—সুপুরুষ ব্রজেশ্বরের চোখের চাউনিতে কি ভেঙ্কী খেলতো। এখনি করণ সম্ভল; রাজা মহারাজাদের সামনে সেই দৃষ্টিতে তাকালে পথল পানি হো যাজ্ঞা থা। সুন্দরী যুবতীদের দিকে একটু চলচলে উদাস দৃষ্টিতে তাকাতাম, তারা মরমে মরে যেতো। এখন সেই চোখ গেছে, দু চোখে পানি ঝরে। দেখতে পাইনে। তবে আমি বলে যেতে পারি তুমি লিখে নিতে পার। মজার রিয়ালিস্টিক না হোক, লোকে অবাক বলে যাবে।

অর্চনা বলেছিল—আমাকে ব'লো আমি লিখব। সংস্কৃতে এম-এ পাশ করেছি—বানান সব আমি শুদ্ধ ক'রে লিখতে পারব।

—তা হলে ধর—তুই সতীবউরাণী, রাজা ভাইয়ের তিন জন্ম রায়বংশে—প্রথমে কুড়ারাম রায়, তারপর রত্নেশ্বর রায় তারপর রাজাভাই সুরেশ্বর রায়।

সুরেশ্বর বলে উঠল—নিজের কথাটা বল—।

—দাঁড়াও ভেবে দেখি, আমি কে?

অর্চনা বললে—তুমি কে আমি বলব?

—বল?

—তুমি সেই শ্রামাকান্ত—এ জন্যে কঁাদতে এসেছ। মুক্তি তোমার এই জন্যে।

—উ-হ, উ-হ, উ-হ! শ্রামাকান্ত আমি? বাপস্। আমি হলাম;—আমি হলাম কে?

সুরেশ্বর হেসে বললে—তা হ'লে আমি ষতটা দিব্যদৃষ্টি পেয়েছি তাতে দেখছি তাতে তুমিই হলে কুড়ারাম রায়।

অর্চনা বললে—ঠিক, ঠিক, ঠিক! ঝগড়া প্রতিষ্ঠা করেছিলে—কোন প্রেক্ষিতিস্ ছিল না—সেই মুসলমান মেয়েটার চুল বিটতে কেটে গোবর খাইয়ে শুদ্ধ করে নিয়ে ঘর করেছিল, তোমার সঙ্গে মিলবে ব্রজদা—সেই হলে তুমি।

খেতে বসে আলোচনার খারটা হাত-পরিহাসে এসে পৌঁচেছিল। ব্রজেশ্বর বলে—আজ্ঞা সুলভা দেবীকে আশ্রয় কর। উনি বলুন। আমরা গেরো লোক—বকে মরছি গেরো চোরের মত, উনি শহরে—ঠিক সেই শহরে চোরের মত নিঃশেষে খেয়ে যাচ্ছেন—জঁকে একটু

বাধা দেওয়াও হবে। উনিই বলুন—সেই স্থল বণু গজরাজের মত দুঃসাহসী, ধীর গতি যিনি নাকি রাঁয়-রাঁইয়ার রাজহতীস্বরূপে যথেষ্ট ভ্রমণ করে বিশাল কীর্তিহাট নামক অরণ্য এলাকা দখল করে বংশ প্রতিষ্ঠা করেছিলেন—সেই মহাশয় ব্যক্তি বা ঐরাবৎ কি এমনি দুর্বল দেহ, শেয়ালের মত দুর্ভীক্স যে অহং ব্রজেশ্বর রায়—সে হতে পারি?

স্থলতা হেসে বললেন—শেষকালটার মিল আছে। তিনিও শেষ বয়সে কালী কালী করেছিলেন, আপনিও কৃষ্ণ কৃষ্ণ করছেন।

—হা হতোশ্মি—এই হল আপনার বিচার? শহরে চোরের মত এককথার ফুললো আর মলো? সংসারে শেষ জীবনে কালী কালী বা কেটে কেটে কি শুধু কুড়ারাৎ রায় করেছিলেন না আমি করছি! সব পাখীতে মাছ খায় রাজাভাই, ধরা পড়েছে মাছরাঙার মত এই তোমার ব্রজদা।

—কি বললেন—কি বললেন কথাটা? কি সব পাখীতেই—

—ও—সব পাখীতেই মাছ খায় ধরা পড়েছে মাছরাঙা।

অর্চনা বললে—ওসব আমাদের পাড়াগাঁয়ের প্রবাদ।

ব্রজেশ্বর একপানা ক্রাই তুলে নিয়ে বললে—হয়েছে অর্চনা। আমি হলাম অজ্ঞানার বাউঙুলে স্বামী! স্তদর্শন! আর বিমলেশ্বর কাকা কে জান। ও হ'ল সেই বেটা গোপাল সিং! বেটা শেষকালে জন্ম হয়ে বীরেশ্বর স্বায়ের অমুচর হয়েছিল, তীর্থ ক'রে এসেছিল—সে এসেছে এ বংশে তার বাজেশ্বরি সম্পত্তি ভোগ করতে। দেখ, সে-জন্মে মেরেছিল নিজের বেটাকে। এ-জন্মে শিবুর হাত কুপিয়ে সে-জন্মের জেল-খাটাটা খাটতে গেল।

অর্চনা বললে—তুমি বড়দা ভুল বললে—তুমি এসেছ খোদ বেদব্যাস, পথ ভুল করে এই রায়বাড়ীর ভাড়াহাটে। সে-জন্মে যা ভোগ করনি, যে-সব পাপ করনি এ-জন্মে করার পর তোমার ভগবান তোমার চোখে রোগ দিয়ে দিব্যদৃষ্টি দিয়েছে!

—হ্যাঁ—হ্যাঁ। তাও হতে পারে। না হলে, তুই সতীবউরাণী এ কথা আমার মত কেউ জোর দিয়ে বলতে পারে? হ্যাঁ, দিব্যচক্ষেই দেখছি রে আমি। অর্চি দিব্যচক্ষেই দেখছি। সতীবউরাণীকে সে-জন্মে বীরেশ্বর রায় প্রাণ দিওঁ পান নি। বারো বছর পর সতীবউরাণী কিরে এসেও ধরা দেন নি। তাকে সেই সতীবউরাণী জেনেই অন্নপূর্ণাঠাকরুণ নিজের একমাত্র নাতির নাভবউ করেছিলেন। তুই এবার প্রাণটেকে তাকে চাইলি—কিন্তু সে শোধ নিলে গত জন্মের, বছর না ঘুরতে রিভলভারের গুলিতে প্রাণহত্যা ক'রে শোধ নিয়ে চলে গেল।

সুরেশ্বর বলে উঠল—খাম ব্রজদা। কি সব বলছ?

ব্রজেশ্বর হেসে বললে—ওই দেখ। রাজাভাই, কাল জমিদারী উচ্ছেদ বিল পাশ হয়েছে। কাল থেকেই তোমাকে আমার রাজাভাই বলা উচিত নয়, তোমারও আমাকে প্রজাদাদা হিসেবে ধমক মারা উচিত নয়। কিন্তু হলে কি হবে? ও কি ওঠে রে রাজাভাই—না ও ওঠবার। তা বেশ—চুপ করতে বলছ—তা চুপ। চাঁদবিবি নাটক হয়েছিল—তাতে মিয়ানমুন্স আর হাবসী এথলাস্ খা তরোয়াল খুলে লড়ে আর কি, এমন সময় চাঁদ স্থলতানা চুকল, বললে—মিয়ানমুন্স চুপ। অমনি মিয়ানমুন্স চুপ—ওদিকে এথলাস্ খা রুখে উঠেছে, কাটে আর কি,

চাঁদ সুলতানা তাকেও বললে, চূপ! তো সেও চূপ হয়ে গেল। তা তুমি রাজাভাই এখন বলছ  
ওখন যিরানমুজ্জু চূপই হয়ে গেল।

কথাটা বলার কোথায় যে অজ্ঞার হয়ে গেছে তাতে তার সন্দেহ ছিল না, সে-কথা বুঝতে  
পেরেই সে এই ধরনের খানিকটা আবোলতাবোল বকে ব্যাপারটা লঘু করে নিতে চেষ্টা করলে।  
কিন্তু তার আগেই যা হবার হয়ে গেছে। ব্যাপারটা অর্চনাকে নিয়ে। অর্চনা সুলতার পাশে  
বসে থাকছিল, হঠাৎ সে বাঁ হাতে কপালটা ধরে খুঁকে পড়ল, খুঁকে পড়ার মধ্যে এমন একটা  
কিছু ছিল যাতে সকলেই বুঝতে পারলে যে সে নিজের মুখখানিকে ওই ডিকির মধ্যে আড়াল  
দিতে চাচ্ছে। এবং ডান হাতে সে শুধু খাবার নাড়াচাড়াই করছে, কিন্তু গ্রাস মুখে তুলছে  
না!

সুলতা বিশেষ কিছু বুঝতে না পারলেও অহুমান করতে কষ্ট হল না যে, এই কথাটার  
নিজের দুর্ভাগ্যের কথা স্মরণ করে অর্চনা মূহ্যমান হয়ে পড়েছে। স্বামীকে মনে পড়েছে।

সেও মাথা হেঁট করে খেতে চেষ্টাই করছিল। সুরেশ্বরও তাই। শুধু অতি স্বল্পদৃষ্টি  
ব্রজেশ্বর কথাগুলো শেষ করে অকারণে নিজের কথার দ্ব্যর্থ কৌতুকে খানিকটা হেসে হাতে ধরা  
ফ্রাইখানা খেতে খেতে বললে—কি চমৎকার ফ্রাই করেছিস অর্চনা! জামিস চিরকুমার সভার  
সেই ধরে আনা বর চুটোর “কটলেট কই মশাই কটলেট?” মনে পড়েছে। আমি একবার  
ওই মৃত্যুঞ্জয়ের পাঠ করেছিলাম! ঠাকুরদা বলেছিলেন—সাবাস্ রে ব্রজ সাবাস্! তুই আমার  
নাতি না হ’লে তোকে মেডেল দিতাম।

বলে আর একদফা হাসলে এবং গবগব করে খেতে লাগল।

তাতেও কেউ কোন কথা বললে না; প্রায় অন্ধ ব্রজেশ্বর এবার বললে—গানটা মনে  
আছে? বলেই হাত নেড়ে ভজি করে গেয়ে উঠল—যাও ঠাকুর, চৈতন চুটকি নিয়া—এস দাড়ী  
নাড়ি কলিমুদ্দি মিঞা!

সুরেশ্বর এবার বললে—ব্রজদা, কি করছ তুমি?

তার কণ্ঠস্বরে ছিল বিষন্ন ভিন্নকার, প্রায়াক্ষ ব্রজেশ্বর এবার তার স্পর্শে চমকে উঠে বললে—  
কেন রাজাভাই? কি—? অর্চি—অর্চি—ওরে অর্চি!

এবার বুঝতে পেরেছে সে। সে আত্মভাবে ডেকে উঠল—অর্চি। অর্চি! ওরে অর্চি!  
সাড়া দিচ্ছিল না কেন তাই?

এবার প্রাণপণে নিজেকে স্মরণ করে অর্চনা কোনমতে বললে—কি বড়দা?

—তুই কানছিস?

—না—না!

ব্রজ বলে উঠল—ছি—ছি—ছি। ছি—ছি—ছি। এ আমি কি করলাম। আমি দেখতে  
পাইনে—। ছি—ছি—ছি। এর থেকে—।

একটা গভীর দীর্ঘনিশ্বাস ফেলে অর্চনা বললে—তুমি ছি ছি কর না বড়দা। তোমার কোন  
অজ্ঞার হয় নি। কিছু অজ্ঞার বলনি। আজকের তোমাকে তো আমি চিনি। জানি। তুমি  
কোনকালে কোন পাশ করেছে তুমি জান। কিন্তু আজ হয়ে চোখ চাঙনি—শুধু তব্বানিকে

ডাক—তোমার মুখ থেকে সত্যি ছাড়া মিথ্যে বের হবে কেন ? ঠিক বলেছ তুমি। তোমাদের সতীবউরাণীর অপরাধ কি ছিল তা আমি জানি নে। আমি তিনি কিনা তাও বলতে পারব না। তবে তাঁর এক বছরের মধ্যে অকালমৃত্যুর কারণ আমি। বলতে গেলে আমিই স্বামী-যাতিনী। এবং আমাকে দুঃখ দেবার জন্তেই তিনি আত্মহত্যা করেছিলেন।

এরপর আর খাওয়া যায় না। কেউ খেতে পারে না। প্রথমেই উঠে পড়ল ব্রজেশ্বর।

—ব্রজেশ্বর—বড়দা।

—ওরে অর্চি, পেট ভরে গেছে রে। ওরে আর পারব না।

সে যেন আত্মনাদ করে উঠল।

\*

\*

\*

আধখাওয়া করে উঠে সুলতা এবং সুরেশ্বর সেই কীর্তিহাটের কড়চার ছবির ঘরে এসে বসল। বিষণ্ণতাটুকু যেন কেটেও কাটছে না। সুরেশ্বর যথাসাধ্য স্বাভাবিক হবার চেষ্টা করে বললে—দেখ, আমার জ্বানবন্দীর তুমি বিচারক, তুমি কি এ্যাডজোন মেন্ট দিয়ে বাড়ী যাবে—না ? রাজিও অনেকটা হয়েছে। দেখ।

সহজ করে কথাগুলি গুছিয়ে বললেও সুরেশ্বরের কণ্ঠের বিষণ্ণতাটুকু চাপা পড়ল না বা মোছা গেল না—রেশটা রয়ে গেল।

সুলতাও চুপ করেই ছিল ; ভাবছিল।

সুরেশ্বর বললে—দেখ, গাড়ী আনতে বলে দিই।

সুলতা এতক্ষণে বললে—না। অন্ততঃ অর্চনার ভাগ্যের কথাটা শুনে যাব। উনি ও কথাটা বললেন কেন ?

—কোন কথাটা ? স্বামীযাতিনীর কথা ?

—হ্যাঁ।

একটা গভীর দীর্ঘনিশ্বাস কেলেলে সুরেশ্বর। তারপর একটা সিগারেট ধরিয়ে করেকবার টান দিয়ে বললে—তা হ'লে গোড়া থেকে—মানে যেখানে ভেড়েছি সেখান থেকেই শুরু করি শোন। তা হ'লে সমস্ত ব্যাপারটা বুঝতে পারবে। অন্ততঃ কোন প্রেমের ক্যাকড়া বের হবে না।

সুরেশ্বর বললে—বলছিলাম সেই রাজির কথা। ১৯৩৭ সালে বিমল কাকাকে এ্যারেস্টের পরের দিন, বড়খুড়ীমা খনের কাকার স্ত্রী মোহনভাতার মেয়ে সকালে অর্চনাকে সঙ্গে করে এসে আমাকে অল্পপূর্ণা মায়ের কাছে যেতে বললেন। তাঁর বড় নাতির একমাত্র ছেলে ডাক্তারী পাশ করে কিসব রিসার্চ করছে। উজ্জল ছেলে। অর্চনার উপযুক্ত পাত্র হবে। খুড়ীমা তাঁর মেয়ের জন্তে চিঠি লিখেছিলেন কিন্তু সে তিনি উপেক্ষা করেছিলেন—তবে অর্চনার চেহারাই এ ক্ষেত্রে বড় আশা। সে সতীবউরাণী ভবানীর মত দেখতে। সতীবউরাণী কালো ছিলেন। অর্চনা গৌরাঙ্গী, স্তবরাং কণ্ঠের অল্পপূর্ণাঠাকরুন গলতে পারেন।

আমিও তখন বাইরে থেকে বেকার।\* না পারি কলকাতার ক্ষিরতে; তোমার চিন্তাও আনতে পারি না। কীসাই নদীর ঘাটের একটা রক্তমাখা স্থান থেকে কে যেন নিবেদন করে।

এদিকে বিপদের উপর বিপদ। অতুলেশ্বর কাকা—আমার একাধারে মা এবং দ্বিধার মত মেহমতী সঙ্গিনী মেজদি—জ্বলে। তার উপর অর্চনা।

অন্তরিকে শীত চলে যাচ্ছে, মাঘ মাস, চাঁদের ক্ষেত্রের ধান কাটা হয়ে যাচ্ছে। সেটেলমেণ্টের আবার এক নতুন পর্ব আসছে। কিছু বুঝারত তখনও বাকী। তারপর ডিসপিউট দেওয়া কেসগুলির বিচারের জন্তে কোর্ট বসবে।

কৈচো খুঁড়তে সাপ বেরিয়েছে। বিষয়ের জট কাগজপত্র ঘাঁটতে গিয়ে পেরেছি কুড়ারাম রায় ভট্টাচার্যের কীর্তিহাটের পাচালী; ঠাকুরের সিন্দুকের মধ্য থেকে সোমেশ্বর রায়ের প্রেম পত্র। এবং ওই যোগিনী আর শ্রাম্যাকান্ত সম্পর্কে পত্র, বীরেশ্বর রায়, রায়বাহাদুর রত্নেশ্বর রায়ের ডায়েরীর থাক। বিষয়ের জট ছাড়াতে গিয়ে আবিষ্কার করেছি রায়বংশের বৃহৎ বটবৃক্ষ।

সে বটবৃক্ষের মূল কাণ্ড মরে গেছে অথচ গাছটা বেঁচে আছে ডাল থেকে নেমে আসা শিকড়গুলোকে কাণ্ড করে নিয়ে।

কখনও দক্ষিণেশ্বর গেছ? তুমি ব্রাহ্ম বলেই জিজ্ঞাসা করছি। অবশ্য বটানিক্যাল গার্ডেনে বিখ্যাত বটগাছটা দেখেছ, কিন্তু সে গাছটা অতি যত্নে তৈরী। রায়বাহাদুর বংশ বৃক্ষটা ওই দক্ষিণেশ্বরের গাছটার মত। তারই মধ্যে আমি ঘুরে বেড়াচ্ছিলাম দুনিয়া ভুলে গিয়ে। দেখছি এই বংশ বৃক্ষটির শিকড় মাটির তলায় তলায় নিজেদের ছড়িয়ে দিয়েছে হাজার হাজার মুখ বিস্তার করে। সব রস শুবে চুষে খেয়ে নিয়েছে। কত নতুন গাছকে মেরেছে—

স্বলভা বাধা দিয়ে বললে—কথা তুমি বাড়িয়ে ফেলছ সুরেশ্বর। ও সব জানা কথা। প্রজাপীড়নের কথা—কত প্রজাবংশ ধ্বংস করার কথা—কত ঘরবাড়ী সংসার ক্ষেত খামার বন্ধা করে দেওয়ার কথা—জমিদার বংশ, দনী বংশরূপী বটবৃক্ষেরা যা করেছে কোন ইতিহাসই তার নিখুঁত হিসেব দিতে পারবে না। আজকাল স্ট্যাটিস্টিকসবিদেরা মহেঞ্জদেড়ো হরপ্পার লোকসংখ্যা ঠাণ্ডা বের করছেন ওটা তাদের হাতে ছেড়ে দাও। তুমি অর্চনার কথায় এস—তোমার কথায় এস।

সুরেশ্বর বললে—আমি আমার মনটার কথা বোঝাতে চাচ্ছিলাম। আমি তখন আপনার অজান্তেই আমার বংশের মারায় জড়িয়ে পড়েছি। বংশ পরিচয় সন্ধানী দীর্ঘকালের প্রবাসী একটি খেরালী ভরুণ এসে যেমন পড়ো ভিঁটের খোঁজ পেয়ে ভূতগ্রস্তের মত ঘুরে বেড়ায়—রাজে সাবল হাতে খুঁড়ে বেড়ায় গুপ্তধনের সন্ধানে—তেমনি অবস্থা আমার। কোথাও ছুঁচাটে পুরনো মোহর মেলে কোথাও মেলে পাথর—যাকে মনে করি ফ্লুভ ম্যাবান জহরৎ, কিন্তু ঘুরে মুছে দেখি মোহরগুলো তোমার পরলা, জহরৎগুলো কাচ। আবার অকস্মাৎ মোহরও মেলে, মণিমুক্তাও মেলে। সারা দিনটা বসে বসে ভাবি আর ভাবি—‘তেমনি আর কি। এর মধ্যে ওই ডাল থেকে নামা কুরির মত লম্বা হয়ে নেমে মাটি ছুঁয়েছি, তারও খেরাল নেই।

তা থাক ও কথা। ইতিহাসই বলি। গল্প বলব না। কারণ মিথ্যে এর মধ্যে নেই।

অর্চনা আমার পরম প্রিয়পাত্রী, তার সম্পর্কে রায়বংশের প্রচলিত প্রবাদেও অন্তত বারো আনা বিশ্বাস করেছি। তখন আর আমি ইন্টেলেকচুয়াল নই বলতে পার। শুধু খোলসটাই

আছে ভিভরটা পাণ্টে গেছে। কীর্তিহাট ছেড়ে নড়তে ইচ্ছে হয় না।

তবু নড়লাম। অর্চনার তাগিদে নড়লাম। রথকে বললাম—জিনিসপত্র ওছিরে নে। কলকাতায় যাব—কাল হবে না—পরশু। ফিরব দিন চারেক কি এক সপ্তাহের মধ্যে। তার বেশী দেবী হবে না।

খবরটা শুনে মোহনডাকার খুড়ীমা বলে পাঠালেন—পরশু তেরম্পর্শ, পরশু বেতে বারশ করে সুরেশ্বরকে। শুভ কাজে যাচ্ছে।

খবরটা নিজে এসে দিয়ে গেলেন মনোহরপুরের খুড়ীমা মানে অর্চনার মা!

এখানে একটা ফালতু কথা বলি স্মরণে। সেটা ওই রায়বাড়ীর এবং বাংলাদেশের বউদের নামের কথা। আগের কালে বড় বড় এবং মধ্যবিত্ত বাড়ীতে বউদের নামকরণের কথা বলেছি। কাত্যারনী দেবী ছিলেন রাজকুমারী রাণীবউ, তাঁর পুত্রবধু ভবানী দেবী ছিলেন সতীবউরাণী। তাঁর পুত্রবধু স্বর্গলতা দেবী ছিলেন সরস্বতী বউ। রায়বাহাদুরের তিন ছেলের ছয় বউ। দেবেশ্বরের এক বিবাহ, তাঁর স্ত্রী ছিলেন মানিক বউ; মেজঠাকুরদার তিন বিয়ে—প্রথমার অর্থাৎ ধনেশ্বর জগদীশ্বর সুরেশ্বরের মায়ের নাম ছিল পদ্মবউ, দ্বিতীয়ার নাম ছিল ‘গোলাপ বউ’—তারপর তৃতীয়া আমার মেজদাদি যিনি আমার মায়ের থেকে কমবয়সী, গ্রামের গরীব পুরুত ঠাকুরের মেয়ে—তাঁরও একটা ফুলের নাম জুটেছিল কিন্তু সে নাম ধরে ডাকবার কেউ ছিল না বলেই সেটা ক্যায়েম হয় নি—লোকে তাঁকে বলত মেজমা। তাঁদের ছোট ভাইয়ের দুই বিয়ে—প্রথম স্বজাতে স্বঘরে হয়েছিল তাঁর নাম হয়েছিল রত্নবউ। দ্বিতীয়া যিনি তিনি কখনও কীর্তিহাটে আসেন নি। এলাহাবাদের মেয়ে—ব্রাহ্ম ব্যারিষ্টারের শিক্ষিতা মেয়ে—তাঁর নাম আমার খাতার লেখা আছে মনে নেই। কিন্তু রত্ন, মণি, পদ্ম এসব ভাতে ছিল না।

এরপর আমার বাবা জ্যেষ্ঠা কাকাদের আমল। আমার নিজের জ্যেষ্ঠাইমা যজ্ঞেশ্বর রায়ের স্ত্রী বড় কয়লা ব্যবসাদারের মেয়ে, তাঁর নামকরণ হয়েছিল ‘সৌরভ বউ’। বাবা বিয়ে করেন—ছিলেন সাতাশ বছর বয়সে—আমার মায়ের নাম আগে হলে হয়তো ‘গৌরব বউ’ বা এমনি একটা কিছু হ’ত। ধনেশ্বরকাকার বিয়েও কথা বলেছি, মোহনডাকার দৌহিত্র শরীক বাড়ীর মেয়ে যখন এসেছিলেন তখন তিনিও একটা নাম পেয়েছিলেন ‘সৌভাগ্য বউ’। জগদীশ্বর কাকার বউ মনোহরপুর জমিদারবাড়ীর মেয়ে, পড়ন্ত জমিদারবাড়ী,—রূপও তাঁর ছিল, তার জন্মই তিনি নাম পেয়েছিলেন—‘জ্যোৎস্না বউ’। সুরেশ্বর কাকার বউয়ের আমল থেকে এসব নাম রাখা উঠে গেল। তখন তাঁদের মা ‘গ্রুবউ’ মারা গেছেন। দ্বিতীয়পক্ষের মেজঠাকুরা গোলাপ বউয়ের কোলে তখন দুই ছেলে এক মেয়ে এসেছে। তিনি বলেছিলেন—নাম আর কত খুঁজবে? দেশেও ওসব নাম রাখা উঠে গেছে, বউদের নাম এখন বাপের বাড়ীর গ্রামের নাম দিয়ে চলছে। বড়-বউমা মোহনডাকার মেয়ে ও হবে মোহনডাকার বউ, মেজবউমা মনোহরপুরের মেয়ে ও মনোহরপুরের বউ, সুরেশ্বরের বিয়ে হল ‘ওতোরপাড়ার’ ও হবে ওতোর-পাড়ার বউ।

তাই মোহনডাকার মেয়ে সৌভাগ্য বউ নাম পেয়েও হারিয়েছেন—তিনি ঘরে বাইরে মোহনডাকার বউ;—আমরা সামনে বলি বড় খুড়ীমা—আড়ালে বলি মোহনডাকার খুড়ীমা।



অর্চনার মা তাই মনোহরপুরের খুড়ীয়া—এসে বললেন, বাবা, বড়দি বললেন, পরশু ভেরম্পর্শ। ভেরম্পর্শে যাত্রা নেই। তুমি হয় তো এসব মানো না তাই বললেন—যেজ তুই যা বলে আয়, এ কাজে ভেরম্পর্শ মাথার করে না যার।

আমি সুলতা, এসব মানতাম না তুমি জান—আজও ঠিক যে মানি তা নয়। তবে সেদিন মনেছিলাম। না-মানলে কি হ'ত তা জানি না। তবে মনে খুব শুভকল হয়নি। তবে যদি অনিবার্ণভাবে এইটেই আমার অর্চনার ভাগ্য ফল হয় তো প্রতিবাদের কিছু নেই।

সেদিন ওই মাঘ—ভোরবেলা রওনা হলাম। কলকাতার বাড়ীতে থবর দিগে রেখেছি। কীতিহাট থেকে পাশকুড়ো স্টেশন কাছে। কাছে মানে পঁচিশ তিরিশ মাইল। পালাকির বন্দোবস্ত করেছিলাম। পথে তমলুকে এসে ট্যাক্সি নিলাম। বাস সার্ভিসও আছে এখান থেকে। স্ট্যাণ্ডে পালাকি ছেড়ে নেমে ট্যাক্সি থরব, নামলাম; নেমেই দেখি—গোয়ানপাড়ার হলদীবুড়ী দাঁড়িয়ে আছে, তার সঙ্গে কুইনী, আর গুদেরই একজন মধ্য বয়সী লোক। কখনও দেখেছি বলে মনে হল না।

কুইনী কাপড় পরেছে,—সাজগোজের বাহুল্য নেই। কিন্তু সেই ভোরবেলা—সবে তখন আলো ফুটেছে—সেই আলোতে বড় মনোরমা মনে হল তাকে। আমাকে দেখেই সে চোখ নামিয়ে নিয়ে হাত জোড় করে বললে, নমস্কার স্তার।

সুলতা—এর আগে তোমার মনে আছে—একদিন সন্ধ্যাবেলার অর্চনার সঙ্গে এসে আমার হাতে তাদের বাড়ীর দলিল আর কয়েকখানা চিঠি আমাকে দেখতে দিয়ে নীরবে চলে গিয়েছিল। কীসাই সে যখন পার হয় তখন তার পিছন দিক থেকে তাকে শিলুটের ছবির মত মনে হরেছিল। সেদিন তার রূপ যেন ঠিক উঠে। উজ্জল, সকালের রাঙা আলোর বললাম তো মনোরমার মত মনে হ'ল। এবং—

সুলতা সহাস্রমুখে তার দিকে তাকিয়ে রইল। সে হাসির রেখা বড় বিচিত্র।

সুরেশ্বর তার মুখের দিকে তাকায় নি। সে তাকিয়েছিল তার ছবির সারির দিকে। সে বললে—ওই দেখ, সে ছবিখানা।

সুলতা আগ্রহভরে উঠে গেল, ছবিখানা একটু দূরে ছিল, ক্রমপর্দায়ে ওটা এসে পড়েছে রায় হংশের কড়চার ছবির সারির শেষের দিকে।

ছবিটার পানে সে তাকালে।

সুরেশ্বর গুঠেননি—সে বসে বসেই বললে—দৃষ্টিটা দেখো আমার। এ-দৃষ্টি যৌবনের দৃষ্টি। আমি লুকোইনি।—কিন্তু সেদিন অগ্নেও ভাবি নি যে,—

সুলতা কিরে এসে বললে—এইটেই জীবনের শুভদৃষ্টি। বলে হাসলে সে। সুরেশ্বর বললে—রাইট। খুব ভাল শব্দ তুমি প্রয়োগ করেছ।—কিন্তু থাক। সে পরের কথা পরে। জীবনে যৌবন দৃষ্টি তো বহুব্যার বহুরূপসী রূপে আকৃষ্ট হয়। মনও উত্তলা হয়। তার উপর ১৯৩৭ সালে তখনও আমি জমিদার। বুড়ো ব্রিটিশ সিংহের তখনও নথ দাঁত ধাবা অটুট আছে। মার খেয়ে শব্দ করে—সে প্রতিশোধে শত্রুকে ছিঁড়ে কেলেতে পারে। চার্লিস প্রাইমমিনিষ্টার তা তো ইতিহাসে মোটা-মোটা অক্ষরে খুঁজে রেখে গেছেন। তারতবর্ষের গণ আন্দোলন, টেরিষ্ট

আন্দোলনে বিচলিত সে হয়েছে নিশ্চয়, কিন্তু তখনও ছাল ছাড়েনি। তার আশেপাশে বেশব প্রসাদ-ভিক্স নেকড়ে হারেনার দল বসে আছে তারা ইচ্ছে করলে একটা হরিণী বধ করলে বিশেষ আশঙ্কার কারণ ছিল না। সুতরাং ওই দৃষ্টিতে হয়তো আরও কিছু দরকার ছিল। সেটা আমি কোটাতে পারিনি। বলতে পারব না কেন? নিজের উপর মমতার যদি বল, তবে আমি প্রতিবাদ করব না। কিন্তু মন আমার তাতে সাং দেবে না।

সুলতা বললে—তাই মেনে নিলাম। বল। সংসারে দিনেও মাহুধের ছায়া পড়ে মাটির উপর, পায়ের সঙ্গে পা মিলিয়ে সঙ্গে চলে। রাত্রে কায়টাই দেহকে ঢেকে নেয়। তুমি বলে যাও না কি হল। তাতেই তো প্রমাণ হয়ে যাবে।

—ঠিক বলেছ। হিলডা আমাকে সেলাম করে বললে, সালাম হজুর। আপনি ডি কলকাতা যাচ্ছেন? আমি ডি যাচ্ছি—কুইনীকে নিয়ে।

—কেন? হঠাৎ কলকাতা যাচ্ছে কেন?

—পুছেন হজুর ইয়ে ছোকরাকে পুছেন।—ই আমাদের আপন্য আদমী। কলকাতায় কাম করে, ইখানে কভি কভি আসে—। ওহি কলকাতার মোকামের ভাড়া আদায় করে।

কুইনী তার আগেই মৃদুস্বরে বললে, কলকাতার সেই বাড়ীর ভাড়াটেরা গোলমাল করছে আর। ওদের কাছে মাসে মাসে লোক পাঠিয়ে ভাড়া আদায় করত দিদি, এবার তারা বলেছে—ভাড়া দেব কি? আদালত থেকে কি নোটিশ এসেছে যে, বাড়ী আমার নয়। ভাড়া আমি পাব না।

—সে কি?

—হ্যাঁ সার!

—ক'গজপত্র কিছু পাওনি?

—না। মুখেই ওরা বলেছে। আর আমার নামেও একটা কি নোটিশ হয়েছে, সেটাও ভাড়াটেরদের কাছে আছে। দেয়নি।

এতকণে সেই লোকটি কথা বললে—হাঁ হজুর! দিলো না আমাকে।—

জিজ্ঞাসা করলাম—কি নাম তোমার?

—আমার নাম হজুর, জন চৌধুরী। আমি বাঙালী খুশ্চান। তবে কুইনীমের সঙ্গে একটা কি রিলেশন আছে। আমি জানি না। তবে ওদের ভালবাসি।

হিলডা রুচুস্বরে বলে উঠল—ই কান দেই হারামী-হারিসের কাম আছে হজুর! ওহি হারামজাদ এইসব লটপট লাগা দিহিস। ওহি সোওরাইন। কুন্তিকে বাজা।

—চুপ কর দিদি। আগে সেখানে চল, দেখ কি ব্যাপার। তারপর বলা।

হিলডা বললে, পানি আর তেল। এ দুনো কভি মিলে নারে কুইনী। তুই তো পুরা গোয়ান নেহিনা। তু বাঙালী!

স্বরেখর বললে, আমি বললাম, সুলতা—তুমিও তো বাঙালী হিলডা। এদেশে এতদিন বাস করছ—গোরা কখনও দেখনি, পটুপালের নামও হয়তো জান না। এখানে বাস করছ, জাত খাচ্ছ, পানি খাচ্ছ, বাংলা খুঁজি বলছ, বাঙালী নও কেন?

হিলাজা ভবু বললে—নেহি হজুর, হামি লোক হারমাদদের বেটাবেটা। মুলুক হামাদের গোয়া। উসকো আগে পোটু গালসে হামি লোক আসিরছলম। হামি জানি বাবু।

আমি আর কথা বাড়াইনি। ট্যান্ডিটা এসে গেল। আমি রথুকে নিয়ে রওনা হয়ে গেলাম।

\*

\*

\*

কলকাতায় বেলা বাবোটার মধ্যেই পৌঁছেছিলাম এবং মোহনডাকার খুড়ীয়ার নির্দেশমত অর্চনার কটো নিয়ে বিকেল বেলাতেই গেলাম ভবানীপুরে। অন্নপূর্ণা দেবীর বাড়ী!

বাড়ীটা নিশ্চয় চেনা বাড়ী। এককালে এ্যাডভোকেট বি এন মুখার্জি ছিলেন কলকাতার একটা মস্ত নাম। যত বড় উকীল—তত ছিল দয়া। দয়াটার উৎস ছিলেন তাঁর মা অন্নপূর্ণা দেবী। ভবেনবাবু কত বঞ্চিত দরিদ্রের পক্ষ নিয়ে যে বিনা কীতে লড়েছেন এবং জিতেছেন, তার সংখ্যা নেই। টাকা নিতেন জমিদার ব্যবসাদারের কাছে। জমিদার প্রজার যেসব মর্কদ্দমা হাইকোর্টে আসে সে সবই প্রায় স্বত্বের মর্কদ্দমা। তাতে জমিদার পক্ষের ব্রীফ তিনি নিতেন না। মায়ের বাগণ ছিল। তবে জমিদারে জমিদারে, কি জমিদার বাড়ীর পার্টিশন স্ট্রাট-এ তিনি ছিলেন বিশেষজ্ঞ। তাঁর ছেলে এন, এন, মুখার্জি—তাঁর ছিল ক্রিমিনাল প্র্যাক্টিস। অধিকাংশ স্বদেশী মর্কদ্দমায় তিনি থাকতেন। কিস নিতেন না। ভবেনবাবু ক্রিমিনাল প্র্যাক্টিস করতেন না এবং কোন কেসে তিনি কান্নার নিচে কাজ করতেন না, কিন্তু মানিকতলা বোমার কেসে একজন সাহায্যকারী হিসেবে কাজ করেছিলেন। সে তাঁর মায়ের আদেশ। বলেছিলেন—ওরে আমি মেদনীপুর জেলার মেয়ে। স্কুদিরাম মেদনীপুরের ছেলে। সেই বাংলা দেশে প্রথম ফাঁসী গেল। এ কেসে ছোট হয়েই তুই থাক। তাতে তোর মান যাবে না। মূল ডিফেন্সের কাজ করবেন সি আর দাশ। সে তো এই বাড়ীর লোক। তাকে তো জানিস। কি লজ্জা?—

ভাবতে ভাবতেই যাচ্ছিলাম—অর্চনার এসব কথা তাঁকে বলব কি না। মধ্যে মধ্যে সব চিন্তা ভাবনা ওলোট পালোট করে দিয়ে হঠাৎ ভয় হচ্ছিল, যদি নাম শুনেই অন্নপূর্ণা ঠাকরুন বলেন, বলে দে আমার দেখা করবার সময় নেই। কি বলবার আছে তা যেন নিচের কাউকে বলে দেয়। কিবা নগেনের সঙ্গে দেখা করতে বল।

গাড়ীখানা ময়দানের দিক থেকে হরিশ মুখুজে রোড়ে ঢুকে খানচারেক বাড়ীর পরেই দাঁড়াল।

পি-জি হস্পিটাল থেকে একটু দক্ষিণে,—যে দিকটার মুরশিদাবাদের এক রাজা বাহাদুরের বাড়ী আছে সেই দিকটায়।

বাড়ীটা সকলেই চেনে। তুমি ব্যারিস্টারের মেয়ে। এ্যাডভোকেট এন, এন, মুখার্জির নাম বোধ হয় জান।

প্রথমেই দেখা হোল নগেনবাবুর সঙ্গে। সুল্লর স্বপুরুষ চেহারা। রায়বাড়ীর সৌন্দর্যের স্পর্শও আছে, আবার একটা স্বাভাব্যতাও আছে। এঁদের রঙ রায়বংশের মত উজ্জল নয়। এক ধরনের খুব মাজা রঙ আছে শ্রামবর্ণের মধ্যে—এ-রঙ সেই রঙ। রায়বংশের চোখ বড়

এবং একটা প্রথরতা আছে দৃষ্টিতে ; নগেনবাবুর চোখ ছোট নয়, টানা চোখ এবং দৃষ্টির মধ্যে গাভীর সঙ্গেও একটি মায়ূর্ষ আছে ।

গাড়ীটা বাড়ীর কম্পাউণ্ডে ঢুকে গাড়ীবান্দার দাঁড়াতেই নগেনবাবু আমার দিকে তাকিয়ে একটু এগিয়ে এলেন । তিনি দাঁড়িয়েই ছিলেন বান্দার উপর ।

আমি মনে মনে সঙ্ক নিয়ে অনেক হিসেব করে গিয়েছিলাম । আসবার সময় গোবর-ডাকার খুড়ীমা আর মনোহরপুরের খুড়ীমা আমাকে কপালে দইয়ের ফোঁটা দিয়ে মাথায় পুষ্প ঠেকিয়ে বলেছিলেন—দেখ বাবা, কোনমতে যেন সম্পর্ক ভুল করবিনে । অস্তুত অন্নপূর্ণা ঠাকুমার কাছে । বঝলি ? উনি তোর বাবার ঠাকুমা, রায়বাহাদুরের বোন । ঊঁর বোধহয় তিন নাতি—নগেনবাবু উকীল, সুরেনবাবু—

ধনেশ্বরকাকা বলেছিলেন—কর্ণোরেশনের কাউন্সিলার উনি । কন্ট্রাক্টারি করেন । ছোটর নাম বীরেন ; তিনিও কন্ট্রাক্টারি বিজিনেসে আছেন । তাঁকে বোধহয় পাবে না । এঁরা হলেন অন্নপূর্ণা ঠাকুমার নাতি—সম্পর্কে তোমার কাকা । বুকেছ । ঠাকুমা—তোমার তাহলে প্রতিভামহী—কি বলবে গো তাহলে ? অ—সৌরভবউ !

জগদীশকাকা বসেছিলেন চুপচাপ । তিনি সেদিন থেকে একেবারে চুপচাপ হয়ে গিয়েছিলেন । শুনেছিলাম গাঁজা বেশী খাচ্ছিলেন । তিনি বললেন—ওই ঠাকুমাই বলবে । ঠাকুমা থেকে উপরের সবাই ঠাকুমা ।

ধনেশ্বরকাকা বলেছিলেন—যেমন তোমার বুদ্ধি । তার উপর ওই ছাইগুলো চকিশব্দটা খাচ্ছ ।

হয়তো এই নিয়েই ভাইয়ে-ভাইয়ে বগড়া একটা বেগে যেত । কিন্তু গোবরডাকার খুড়ীমা বলেছিলেন—বড়-মা বলিস বঝলি ! বড়-মা !

জগদীশকাকা বলে উঠেছিলেন—ঠাকুমার মা—বড়-মা—

ধমক দিয়েছিলেন—অবশ্য মুহূর্ত্তের মনোহরপুরের খুড়ীমা অর্চনার মা—হ্যাঁ । তাই বলবে । দিদি বলছেন শুনছ না ।

—তবে তাই বলুকগে ।

তর্কটা ওখানেই শেষ হয়েছিল—আমার বড়-মা কথাটা ভাল লেগেছিল । তারী মিটি হুগ মনে হয়েছিল ।

নগেনবাবু আমার কাছে এসে বললেন—আসুন ।

আমি টপ করে তাঁকে প্রণাম করে বললাম—আমি আপনার তাইপো, আমার নাম সুরেশ্বর রায়, দৈব যোগেশ্বর রায়ের ছেলে ।

সবিশ্বয়ে তিনি বললেন—তুমি যোগেশ্বরদার ছেলে ! তুমি তো আর্টিস্ট শুনেছি । এস, এস । ভেতরে এস ।

বাড়ীর ড্রইংরুমে এসে বসলাম । প্রশস্ত হল । দামী কার্ণিচার । সোফা-কোচের ঢাকাগুলো খবখবে খন্দরের । নগেনকাকা-ও খন্দরের কোঁচানো খুতি আর আধবাইয়া পরে রয়েছেন ।

একটু মিহিয়ে গেলাম সুলভা। কারণ, দেখলাম এঁদের বাড়ীতে পাকীরাণাই হোক আর কয়েকসীই হোক, বেশ একটু চড়া সুরেই বাঁধা আছে।

বসেই বললেন—অনেককাল তোমাকে দেখিনি হে! ১৯১৬-১৭ সালে সেই যে বোগেশ্বরদা আসা বন্ধ করলে, তারপর আর এল না। তখন তোমাকে দেখেছিলাম। তুমি আসতে। ফুটফুটে ছেলেটি। ঠাকুমা বলতেন—অবিকল আমার দেবু। মানে তোমার পিতামহ দেবেশ্বর রায়। মায়ের ভাইপো তো উনি!

—আমার মনে আছে।

—মনে আছে? তোমার মেয়রী তো খুব শার্প! কিন্তু। এমন চেহারা হল কি করে? রঙটা পুড়ে গেছে। একটা কালচে ছাপ পড়েছে। তারপর একালে, সেই সেকালের মত বাড়ি-গৌক।—

—আজ এক বছরের ওপর কীর্তিহাটে রয়েছি—ওখানকার রোদে—

—আজকাল কীর্তিহাটে গেছ নাকি?

—আজ্ঞে হ্যাঁ। সেটেলমেন্ট হচ্ছে, তার টানে যেতে হয়েছে।

—আই সী। হ্যাঁ, আমরাও ক'খানা নোটিশ পেরেছিলাম—ওখানে কি কি যেন ঠাকুমার বাবা দিয়ে গিয়েছিলেন—। তা আমরাও ক্রম করিনি। ওখানে খানিকটা জমি-পুকুর নিয়ে কি করব আমরা।

—আমি সেসব আপনাদের নামে রেকর্ড করিয়েছি।

—করিয়েছ? তোমাদের সেজতরফ রেকর্ড করাতে দিলে?

—তা দেবে বইকি?

—নো-নো-নো। আই নো দেম। দে আর—আই মীন দি হোল ফ্যামিলী অব শিবেশ্বরকাকা; একটু থেমে বললেন—দেখ দারিদ্র্যদোষে গুণরাশি নালী। অবশ্য ধনেও তাই তাই হয়। ধন থেকেই সূত্রপাত, দোষগুলো তখনই ধরে, তারপর ধন ফুরিয়ে গেলে দারিদ্র্যের ছোঁয়াচ লাগলে তখন পচতে শুরু করে। সুখের মধ্যে মধ্যে সাহায্যের জন্তু চিঠি লিখত আমাকে। কিছু কিছু দিয়েছি তখন। তারপর বুঝলাম এটা ওর স্ট্যান্ট। তারপর যেনশ্বরের ছেলে ব্রজেশ্বর এসেছিল বার-দুই। হি ইজ এ স্লীক।

আমি চুপ করে রইলাম। এবং অহুভব করলাম রায়বংশের প্রতি বিদ্রোহ এঁদের মজাগত বা বংশগত ধারায় পরিণত হয়ে গেছে।

নগেনকাকা এবার বোধহয় অহুভব করলেন—কথাগুলো বলা অস্বাভাবিক হয়ে গেছে। তিনি এবার বললেন—থাক ওসব কথা। সত্যং ক্রিয়াং প্রিয়ং ক্রিয়াং—অপ্রিয় সত্য সত্য হলেও না বলাই ভাল। এখন কি খবর বল। সব ভালো তো?

বললাম—ভালো নয়। অনেক ঝড়ঝাপটা বয়ে গেল।—

—কি? মামলা-মকদ্দমা?

—হ্যাঁ। তবে বিষয়সম্পত্তি নিয়ে নয়। মেদিনীপুরের কাণ্ড তো জানেন সব। পরপর তিন-তিনটে ম্যাজিস্ট্রেট মার্ভার হল—

—খুব জানি। যেদিনীপুর ওয়েস্ট বেঙ্গলে, রাজধানের চিতোর। বাংলাদেশে ভারত-বর্ষের স্বাধীনতা-যুদ্ধের প্রথম বলি হোল বছরের কুমিরাম। ১৯২১ সাল থেকে সারা বাংলায় ইউনিয়ন বোর্ড হল, যেদিনীপুর হতে দেয়নি। কীর্তিহাটে স্বদেশের ইউনিয়ন বোর্ড করেছিল। পেভি মার্টার কেসে বিমল দাশগুপ্তকে প্রসিকিউটর করে হাইকোর্টে স্পেশাল ট্রাইব্যুনাল হয়েছিল। সে-কেসে ডিফেন্স আমি ছিলাম। কলেজিয়েট ইন্সুলের ছেডমাস্টার, এ্যাসিস্ট্যান্ট ছেডমাস্টার হীরালাল দাশগুপ্ত আর নারায়ণ মুখুজ্জমশায়কে সাক্ষী দিতে কিছুতেই রাজী—রাজী কেন বাধ্য করতে পারেনি পুলিশ। নমস্ত্র ব্যক্তি তাঁরা। এমন শিক্ষক না হলে এমন ছাত্র হয়!

আমি বললাম—যেন একটা স্বযোগ পেলাম, বললাম—আজ্ঞে হ্যাঁ। সেই কড় এসে বেজেছে কীর্তিহাটের রায়বাড়ীতে।

—বল কি? চমকে উঠলেন নগেনজ্যাঠা। সেই কড়? তুমি বাধিয়েছ নাকি? বিদায় সত্যগ্রহের প্রায়শ্চিত্ত। হাসলেন। তারপর বললেন—কি করেছ? টাকাকড়ি দিয়েছ, সেটা জেনেছে পুলিশ? না, আরও কিছু? কংগ্রেস-ফ্র্যাগ-ট্র্যাগ ভুলেছ? মিটিং-টিটিংয়ে প্রিজাইড করেছ?

বললাম—না। তার থেকে অনেক বেশী।

—অনেক বেশী?

অতুলেশ্বরের বিবরণ থেকে মেজদির জেল, বিমলেশ্বরকাকার আরেস্ট পর্যন্ত সব বললাম তাঁকে। তিনি শুধু হয়ে বসে শুনলেন। ঘন ঘন মুখের ভাব তাঁর বদলাচ্ছিল। অবশ্য অর্চনার নাম একটুখানি উল্লেখ করে ছেড়ে দিলাম। বললাম—জগদীশ্বরকাকার অর্চনা বলে একটি মেয়ে আছে, তাকে শুধু পুলিশ জড়াতে চেষ্টা করেছিল।

—যানে?

—যানে, মেয়েটি মেজদিকে খুব ভাষাবাসত। আর বিমলেশ্বরকাকা যখন ঘরে বসে কাঁদতেন আর বলতেন—মা কালী, তুমি তো সাক্ষাৎ বিরাজ করছ, প্রভু রাজরাজেশ্বর; তুমি তো সব দেখছ, তবু তার প্রতিকার করছ না তোমরা? অর্চনা শুনে বলেছিল—ন-কাকা, একটা কথা বলব? তোমাদের মা কালী কি বাদশাহী আমলের তাতারিণী-প্রহরিনী, না রাজরাজেশ্বর তোমাদের দারোয়ান-পাইক? তোমাদের হয়ে খাড়াচক্র নিয়ে পুলিশের সঙ্গে লড়াই করতে ছুটবেন? দাও তো দুবেলা ফুল-জল। আর একথালা করে আতপের ভাত। দাও না, দেখাও। দেখিয়ে নিয়ে নিজেরা পাও। এগুলো যারা বলে, তারা ভক্ত না মাথা, কাপুরুষের দল। প্রতিকার দেবতা করে দেয় না—মানুষকেই করতে হয়। তিনি অন্তর দেন, সাহস দেন। এমন করে ঘরে বসে কালী কালী আর কেউ কেউ করে কেঁদে না।

কথাটা চাপা আছে। আছে তাই পুলিশের হাত থেকে বেঁচেছে।

অন্তিমের মত তাকিয়ে রইলেন তিনি। তারপর বললেন—এমন মেয়ে? রায়বাড়ীতে এতবড় পরিবর্তন ঘটে গেছে? বল কি হে? কিন্তু হাইকোর্ট থেকে বারিস্টার নিয়ে গেলে,

আর আমাকে জানালে না? বল—এখন কি করতে হবে? বিমলেশ্বরের কেসে যেতে হবে?

বললাম—বিমলেশ্বরকাকার কেসে কনভিকশন হবেই। কারণ তিনি অত্যন্ত ধর্মবাস্তবিকগ্রন্থ লোক; কনফেশন তিনি করেছেন, কুকরীখানা বের করে দিয়েছেন। শুধু অর্চনার কোন কথা তিনি বলেন নি। বলবেনও না। এবং যা বলেছেন তা উইদ্রুপ করবেন না।

—ফেইজ! একটু চুপ করে থেকে বললেন—তবু আমি যাব। কাগজপত্র এনেছ?

একটু চুপ করে থেকে বললাম—আমি ও কথা নিয়ে আসি নি। আমি একবার বড়মার কাছে এসেছি। অর্চনার সম্বন্ধে কথা বলব।

—মানে?

—মেয়েটির অবিলম্বে বিয়ে দিতে হবে। জগদীশ্বরকাকার শালা মেলে চাকরি করেন, তার এক শালা, সে পুলিশের দারোগা। প্রথমপক্ষের বউ মারা গেছে। ক'টা ছেলে আছে। তার সঙ্গে বিয়ে দেবার সম্বন্ধ করেছেন। কিন্তু অর্চনা জেদ ধরছে এ বিয়ে সে কিছুতে করবে না। বিষ খাবে। অথচ—

—কি অথচ?

—অথচ আমাদের বাড়ীতে সবাই বলে—অর্চনাই নাকি সতীবউরাণী, মানে বড়মার মা। চেহারাতে অবিকল তাঁর মত! তাই তার কাছে এসেছি একটু পরামর্শ নেব।

কটোখানা বের করে তাঁর হাতে দিলাম। আমারই তোলা কটো! কটো দেপে চমকে উঠলেন নগেন কাকা।

\*

\*

\*

স্বপ্নেশ্বর বললে—এইখানে তোমাকে এই বাড়ীটির একটি পটভূমি দিয়ে রাখি স্থলতা। অন্নপূর্ণা দেবীর যে টুকরো টাকুরা ছবি পেয়েছ, তাতে তাঁর সম্পর্কে অনায়াসে তাঁর একটা ছবি গড়ে নিতে পার। সে ছবিটা হবে পটভূমিহীন মাস্তুরের ছবি। একান্তভাবে কটোগ্রাফের মত।

এই বাড়ী তাঁর নিজের তৈরী বাড়ী। তাঁর যে বাড়ীতে বিয়ে হয়েছিল, সে বাড়ীর সঙ্গে তাঁর কোন সম্পর্ক ছিল না।

মা মারা গিয়েছিলেন তাঁকে তিন বা চার দিনের শিশু রেখে। চিঠিতে লিখে গিয়েছিলেন—এর নাম হবে অন্নপূর্ণা আর একে মাস্তুর করবার জন্ত যেন বিমলাকান্তের স্ত্রীকে দেওয়া হয়। তাঁর সন্তান নেই। রত্নেশ্বরকে দিয়ে আবার তাকে আমরা কেড়ে নিয়েছি।

বীরেশ্বর রায় সম্পর্কে বলেছি—চব্বিশ-পঁচিশ বছরের বীরেশ্বর রায় ভবানী দেবীকে পাবার জন্তে অথবা তাঁকে হারিয়ে প্রায় পাগল হয়েছিলেন। ফোপে আক্রোশে বান্ধজী—মানে লোকি বান্ধকে নিয়ে উন্নত জীবনযাপন করেছিলেন, কিন্তু আবার ফিরে পেলেন ভবানী দেবীকে; ওখান তিনি একরকম অধঃপত্নী। কিন্তু সেবার বস্ত্রে চিকিৎসায় নিয়ম পালনে ভাল হয়ে উঠলেন আবার।

তার কল এই অন্নপূর্ণা দেবী। অন্নপূর্ণা দেবী রায়বংশের দ্বিতীয়া কন্যা। প্রথম ছিলেন

উন্মাদরোগগ্রস্তা বিমলা দেবী। বীর জন্তেই বলতে গেলে রায়বংশে বীরেশ্বর রায় পর্বন্ত একটা সর্বনেশে ঝড় হয়ে গেছে। রক্ষা পেয়েছেন ভবানী দেবীর তপস্শ্রা।

এ ঝড়ের সব বিবরণ মূল কথা রত্নেশ্বর রায়ের পর বোধহয় কেউ জানতে পারে নি। জেনেছিল ঠাকুরদাস পাল। তাকে খুন করিয়ে রত্নেশ্বর নিশ্চিন্ত হয়েছিলেন। তবু কি খেয়াল ভারতীতে লিখে গিয়েছিলেন। শেষের দিকে কথাটা মনে হয়েছিল বলে দপ্তর বেঁধে তার উপর লিখেছিলেন—“আমার চিত্তায় যেন এগুলি দৃষ্ট করা হয়। যে এসব খুলিবে বা পড়িবে তাহার সর্বনাশ হইবে এবং তাহার সঙ্গে সঙ্গে চতুর্দশ পুরুষ নরকস্থ হইবে।”

সুখেশ্বর রায় এগুলো পেয়েছিলেন। তিনি ছিলেন অতি চতুর অতি কুটিল মানুষ। স্বার্থের জন্ত সব পারতেন। তিনি এগুলো পড়েছিলেন কিনা জানি না। হয়তো পড়েছিলেন, কিন্তু তিনি রায়বংশের একটা কামার্ত দৈত্যের হাতে জীবন দিয়ে নির্বাক হয়ে গিয়েছিলেন। ব্রহ্মদা পড়তে গিয়েও পড়েন নি। পড়লাম আমি।

তাই বলছি—বিমলা দেবী যে রায়বংশে কতবড় অশুভের উৎস তা রায়বংশে কেউ জানত না। আর ভবানী দেবীর তপস্শ্রা যে কত বড় কল্যাণ করেছে, তাও কেউ জানে না।

আমি নাস্তিক হইয়াও এরই জন্তে আস্তিক হ’তে চেয়েছি। কিন্তু তা পারিনি। আমি না-আস্তিক না-নাস্তিক।

এক একবার মনে হয় ভবানী দেবী বোধহয় রত্নেশ্বরকে দিয়ে ফিরে নেওয়ার অপরাধ সংশোধন করতে চেয়েছিলেন। আবার মনে হয় ভবানী দেবী বীরেশ্বর রায়ের উপর কতবার তার দ্বিধা যান নি—স্বামীর উপর বিশ্বাস ছিল না বলে। ভবিষ্যত তিনি অহুমান করেছিলেন।

জীবনের শেষ ক’মাস তিনি কাশীর বাড়ীতে একপ্রান্তের ঘরে এইটে জেনেই একান্তে বাস করতে চেয়েছিলেন। তিনি থাকতেন একেবারে পূর্বের ঘরে। তারপর ছিল তাঁদের সন্ত্যার আসরের ঘর। যে-ঘরে সোফিয়া এসে গান শোনাতে। তার ওপাশে ছিল বীরেশ্বর রায়ের ঘর। তারপর তিন চারখানা ঘর একরকম খালি পড়ে থাকত, তারপর ওপ্রান্তে থাকত সোফিয়া বাড়ি। বুঝতে পারছ, স্বামীর স্বেচ্ছাচারের পথে কোথাও একটা গর্দার আড়ালও দেন নি।

সত্য যাই হোক, তিনি কতটুকু দিয়ে গিয়েছিলেন বা স্বামীকে শেষ অহুরোধ করেছিলেন, কতটুকু তাঁর নিঃসন্তান ভাই বিমলাকান্তের স্বীকে দেবার জন্ত। তাতে তিনি নিশ্চিন্ত হয়েছিলেন। হয়তো এমন ভয়ও ছিল যে বীরেশ্বর রায় সোফিয়াকেই দেবেন যেরকম মানুষ করতে।

অন্নপূর্ণা দেবী পূজার সময় একবার আসতেন দেশে। বিমলাকান্ত পূজার ছুটিতে আসতেন। আসতেন শ্রামনগর। ওখানে যে বিষয় তাঁর ছিল এবং লাট শ্রামনগর রাধানগর দিগরের যে জমিদারী সম্পত্তির মুনাকা তিনি পেতেন তা সাধারণের কাছে তুচ্ছ ছিল না। রায়-বংশের কীর্তিহাটের তুলনায় সেটা হয়তো পঁচিশ ত্রিশ ভাগের এক ভাগ। অবশ্য বীরেশ্বর রায়ের সময়ের কথা বলছি। রত্নেশ্বর রায়ের আমলে কীর্তিহাটের আর তিন গুণ বেড়েছিল।



শ্রামনগর কেনা হয়েছিল বিমলাকান্তের মাতামহের বিগ্রহের নামে। তখন জমিদারী মুনাকা ছিল চার হাজার টাকা। বিমলাকান্তকে জমিদারী বস্তু দিয়ে রত্নেশ্বর রায় সম্পত্তিটা পত্তনী নিতে ভোলেন নি।

একটু খেমে—হেসে সুরেশ্বর বললে—রত্নেশ্বর রায় এই চার হাজার মুনাকা বিমলাকান্তকে দিয়ে শ্রামনগরের জমির উপর ছ-হবার বৃদ্ধি করে নিজের মুনাকা করেছিলেন ন' হাজার টাকা। অথচ জবরদস্তি বে-আইনী কিছু করেন নি। এবং সেই নিয়েই ঠাকুরদাস পাল, যিনি তাঁকে কোলে-পিঠে করে মানুষ করেছিলেন, যিনি তাঁকে বাচাতে গিয়ে গোটা পিঠটা পুড়িয়েছিলেন, যাকে তিনি দাদা বলতেন—তাঁর সঙ্গে প্রথম বিরোধের সূত্রপাত রত্নেশ্বর রায়ের।

অবশ্য তিনি শ্রামনগরে ইচ্ছল এবং ঠাকুরদাস পালের শ্রুতিতে একটা চ্যারিটেবল ডিসপেন্সারিও করে দিয়েছিলেন। যা সেকালে এই ন' হাজার টাকা মুনাকা থেকেই চলবে বলে চিহ্নিত করা ছিল।

রায়বাহাদুর রত্নেশ্বর বিচিত্র চরিত্র। কেউ প্রমাণ করতে পারবে না যে তিনি অস্ত্রা কিছু করেছেন। স্নেহ করুণা দয়া ক্রোধ বিদ্বেষ সবের মধ্যে তাঁর চুলচেরা বিচার ছিল, তাঁর কথা থাক পরে বলব। অন্নপূর্ণা দেবীর কথা বলি।

তের বছর বয়সে তাঁর বিবাহ হয়েছিল। ভবানীপুরের মুখ্য পরিবারে। তাঁরা ব্যবসায়ী লোক, ধনী। কলকাতায় অনেক সম্পত্তি। কর্তার নাম ছিল দেবেন্দ্র মুখোপাধ্যায়। তাঁর তিন ছেলে—বড় ছেলে নরেন্দ্রের সঙ্গে বিবাহ হ'ল। নগদ টাকায় অলঙ্কারে ত্রিশ হাজার টাকা নিয়েছিলেন। বিবাহের সময় রায়বাহাদুর সম্পত্তি নিয়ে একটি কথা তাঁরা ভোলেন নি। বছর তিনেক পর অন্নপূর্ণা দেবী যোল বছর বয়স তখন, প্রথম সন্তানের জননী হলেন। ছেলের জন্মের মাসখানেকের মধ্যেই, ষণ্ডর তাঁর দাবী তুললেন—রায়বাহাদুর অর্ধেক অংশের মালিক এই নব-জাতক পুত্র। ওই উইল—যে উইল বীরেশ্বর রায় ভাগিনের পোয়পুত্র রত্নেশ্বরের নামে করে রেখেছেন তা ক্যান্সেল হতে বাধ্য; প্রথম কারণ তিনি তখন অসুস্থ ছিলেন। অসুস্থ অবস্থার কোন ক্রিয়া বা দলিল করলে তা সিদ্ধ হয় না। দ্বিতীয় কারণ পরে তাঁর নিজের কন্ডাসন্তান হয়েছে, এবং সেই কন্ডার গর্ভজাত সন্তানই তাঁর প্রকৃত পিণ্ডাধিকারী, উত্তরাধিকারী।

মধ্যাহ্নতার জন্ত ছুটে এলেন বিমলাকান্ত। তিনি অন্নপূর্ণাকে ডেকে সমস্ত বিবরণ বললেন এবং রত্নেশ্বর রায় বের করে দিলেন মায়ের শেষ চিঠি।

অন্নপূর্ণা দেবী শুধু প্রশ্ন করলেন—কিন্তু ষণ্ডরকে আমি কি বলব বলতে পার? বেশ, কলকাতার সম্পত্তি ছেড়ে দাও আমাকে। বুঝিয়ে বলব।

রত্নেশ্বর বলেছিলেন—না। তা পারব না। আমি সম্পত্তির মালিক নই। আমি স্বাক্ষর। রায়বংশের যা, তা রায়বংশের।

এর উত্তর অন্নপূর্ণা রত্নেশ্বরকে দেন নি, দিয়েছিলেন বিমলাকান্তকে, তাঁকে তিনি ছেলেবেলা থেকে বাবাই বলতেন; বলেছিলেন—বাবা, তাহলে তুমি আমাকে কান্না নিয়ে চল। ও-বাড়ী আমি ঢুকতে পারব না।

বিমলাকান্ত তাকে বুঝিয়ে নিয়ে গিয়েছিলেন দেবেন্দ্র মুখোপাধ্যায়ের কাছে। এবং নগদ এক লক্ষ

টাকা দিয়ে মিটমাট কৰতে চেৱেছিলেন।

দেবেনবাবু হেঁসে বলেছিলেন—কিৱে নিয়ে যান। ৰত্নেশ্বৰ ৰায়কে কিৱে দেবেন। বলবেন—সোজা আঙুলে তোলা দু ফোঁটা ধি দিয়ে ভাত খাওৱা দেবেন মুখুজ্জৰ অভ্যাস নেই।

বিমলাকান্ত বলেছিলেন—আমাৰ যা কিছু কাশী কলকাতা এবং শ্রামনগৰে, সব আমি লিখে দিছি।

—আমাকে কি বীৰেশ্বৰ ৰায়ের শ্রাব্যৰ কাঙালী ভোজনের কাঙালী পেয়েছেন বেইমশাই ? না সভায় নিমন্ত্ৰিত চালকলা-বাঁধা পুৰাত পণ্ডিত ? আমি বীৰেশ্বৰ ৰায়ের দৌহিৱের পিতামহ।

অন্নপূৰ্ণা দেবী ৱজাৰ আড়ালে ছিলেন। তিনি বেৱিয়ে এসে স্বস্তৱেৰ সামনেই ঘোমটা খুলে বলেছিলেন—বাবা, তুমি বাড়ী যাও।

বিমলাকান্ত মাথা হেঁট কৰেই উঠে এসেছিলেন এই জানবাজাৱেৰ বাড়ীতেই। অনেক বোকাতে চেৱেছিলেন ৰত্নেশ্বৰ ৰায়কে কিন্তু তিনি বলেছিলেন—না। সভাসভাই যদি পোন্তপুত্ৰ হতেন, তা হ'লে এই অৰ্ধেকই নিশ্চয় ছেড়ে দিতেন। কিন্তু তিনি যখন ৰায়বংশেৰ বংশধৰ, বীৰেশ্বৰ ৰায়ের একমাত্ৰ পুত্ৰসন্তান তখন তা তিনি দেবেন না। তাতে তাঁৰ জন্মমৰ্যাদাৱ হানি হবে।

দিন চাৱেক পৰ একদিন একখানা পালকীগাড়ী এসে লাগল এই বাড়ীতে। নামলেন অন্নপূৰ্ণা দেবী।

দেবেন মুখুজ্জ তাঁকে এ-বাড়ীতে পাঠিয়ে দিযেছে চিৱদিনেৰ মত ! গৱনাগাঁটী এমন কি ছেলে পৰ্যন্ত কেড়ে নিয়েছেন এবং ছেলেৰ আবাৰ বিবাহ দিতে বন্ধপৰিকৰ হয়েছেন। কাৰণ, কি-কি মামলাৰ কাগজে তিনি অন্নপূৰ্ণাকে সহ কৰতে বলেছিলেন, তা তিনি কৰেন নি।

পৰেৰ দিন নৱেন্দ্ৰ-জামাই-ছেলেটিকে বৃকে ক'ৱে নিয়ে পায়ে হেঁটে এসে হাজিৰ হয়েছিলেন এ-বাড়ী। ছেলেটিকে অন্নপূৰ্ণা দেবীৰ কোলে তুলে দিয়ে আবাৰ কিৱে চলে গিয়েছিলেন।

তাঁৰ পৰদিন থেকে তিনি নিৰুদ্দেশ হয়েছিলেন। দেবেন মুখুজ্জমশায় ছেলেকেও কমা কৰতে জানতেন না। তাঁৰ বাক্যবাণ তিনি সহ কৰতে পাৱেন নি।

অন্নপূৰ্ণা দেবী বিমলাকান্তেৰ সঙ্গে কাশী গিয়ে ওই সন্তান—ভবেনকে নিয়ে জীবন আৱন্ত কৰেছিলেন। যাবাৰ আগে তিনি গিয়েছিলেন ৰামকৃষ্ণ পৰমহংসদেৱেৰ কাছে। তখন তাঁৰ প্ৰকাশ হয়েছে। দেশেৰ মধ্যে যেন একটা নতুন হাওয়া বয়েছে। জানবাজাৱে পাশেই ৱাণী ৱাসমণিৰ বাড়ী। বিমলাকান্ত নিজে একদিন তাঁকে দৰ্শন কৰে এসে মুগ্ধ হৱে বিস্ময়চিহ্নিত অন্নপূৰ্ণাকে নিয়ে গিয়েছিলেন।

অন্নপূৰ্ণা তাঁৰ মধ্যে যাই দেখে থাকুন, তাঁৰ কোভ যেন মিটে গিয়েছিল। তাঁৰ দু চোখ দিয়ে জল গড়িৱেছিল।

পৰমহংসদেৱ হেঁসে বলেছিলেন—গৰা গৰা—গৰা গড়াচ্ছে বে বেটা, দে—দে ওই জল এককোঁটা দে আমাকে।

অন্নপূৰ্ণা দেবী দু হাতে চোখেৰ জল মুছে তাঁৰ পায়ে মাৰিয়ে দিৱেছিলেন। তাঁকুৰ বলেছিলেন—ভগীৱথ—ভগীৱথ হবে তোৰ ছেলে।—ভগীৱথ হবে। অন্নপূৰ্ণাকে হাত তুলে আশীৰ্বাদ

করেছিলেন। তিনি সারাজীবন ঠাকুরের নামই জপ করেছেন। সেই তাঁর দীক্ষা।

বিমলাকান্তের সম্পত্তি, তাঁর টাকা বা ছিল তাঁর সব তিনি অল্পপূর্ণাকে দানপত্র লিখে দিয়েছিলেন। আর নগদ পঞ্চাশ হাজার টাকা, যেটা একটা চিঠিতে বীরেশ্বর রায় কস্তার বিবাহে খরচ করতে বলেছিলেন, সেই টাকাটা নিয়েছিলেন অল্পপূর্ণা দেবী।

ওটার বেলাতেও তিনি হিসেব-নিকেশ করে নিয়েছিলেন। পঞ্চাশ হাজার টাকার স্তম্ভসমত কবে অঙ্ক স্থির হয়েছিল আশী হাজার। টাকাটা বীরেশ্বর রায়ের চিঠির কাল থেকে স্তদে খেটেছে। তার থেকে বাদ দিয়েছিলেন বিবাহের যৌতুক তিরিশ হাজার টাকা।

ছেলেকে উকীল করে হরিশ মুখুজে রোডের এই মোড়ে বাড়ী তৈরী করিয়ে, কলকাতা এসেছিলেন।

অতি কঠিন মেয়ে অল্পপূর্ণা দেবী। অত্যন্ত কঠিন। কলকাতার এসেও স্বামী বা পুত্রের সঙ্গে কোন সম্পর্ক রাখেন নি। দেবেন মুখোপাধ্যায়ের তখন বুদ্ধাবস্থা, কিন্তু শক্ত মানুষ, তখন বাড়বাড়ন্তও খুব। স্বামী তখন আবার সংসারী, ছেলেমেয়ে হয়েছে। এদিকে বিমলাকান্তের মিতব্যয়ীতা এবং হিসাব করে টাকা খাটানোর গুণে নগদ টাকা স্তদে আসলে বেড়ে দেড় লক্ষ্যে গিয়ে পৌঁচেছে।

দেবেন মুখুজের কানে কথাটা গিয়ে পৌঁচেছিল। তিনি একটা পবর পাঠিয়েছিলেন নাতির কাছে। ‘একবার আসবে। দেখা ক’রে যাবে।’

ছেলেকে পাঠিয়ে দিয়েছিলেন অল্পপূর্ণা দেবী। বলে দিয়েছিলেন—একটি উত্তর করে আসব। নে। সব কথায় বলবি—মাকে জিজ্ঞেস ক’রে বলব।

ছেলেও তাই করেছিল। কুশল প্রশ্নের পালা শেষ ক’রে ঠাকুরদা দেবেন মুখুজে বলেছিলেন—কত বড় বাড়ী করেছে? আমার বাড়ী থেকে বড়?

ভবেন্দ্র বলেছিল—তাই কি হয়, না—পারি?

—জবে?

চুপ ক’রে ছিলেন ভবেন্দ্র। ঠাকুরদা বলেছিলেন—এ বাড়ীতে তোমার ঠাই হ’ত না? প্রাকটিক চলত না?

এতেও চুপ করে ছিলেন ভবেন্দ্র। দেবেন মুখুজে বলেছিলেন—যা হয়ে গেছে গেছে। এমন অনেক হয়। আমার যা আছে, তা তোমার কীর্তিহাটের পুণিমামার থেকে কম না। এর দাম অনেক। যাও, এ-বাড়ীতে এস সব নিয়ে। মস্ত ‘বড় কারবার আমাদের ল’ ডিপার্টমেন্ট আছে। তা দেখাশোনা কর। প্রাকটিক কর। বুঝলে? ও-বাড়ী একটের ময়দানের ধারে। তাড়া দিয়ে দাও। সাহেব-টায়েরা এখুনি নেবে।

এবার ভবেন্দ্র বলেছিল—মাকে জিজ্ঞাসা ক’রে বলব।

—মাকে? আচ্ছা! তা হলে উত্তর পাঠাতে হবে না। উত্তর জানি আমি। যোল বছরের বউ, ঘোমটা কপালে তুলে আমার সামনে এসে বলেছিল—বিমলাকান্তবাবুকে বলেছিল—তুমি উঠে যাও বাবা। আজিতেই সই করাতে পারি নি।—আচ্ছা এস।

বাশ কথা অল্পই বলেছিলেন। বলেছিলেন—মন দিয়ে কাজকর্ম কর। আমি আশীর্বাদ

করাছি।

এর পাঁচ বছর পরেই, দেবেন মুখ্জের বয়স তখন পঁয়ষট্টি, রাণীগঞ্জের করলাকুঠি কিনে তার সীমানা নিয়ে বেঙ্গল কোল কোম্পানীর সঙ্গে কৌজাদারী করে আশামী হয়ে গেলেন। কুঠীতে তিনি উপস্থিত ছিলেন। কারারিং-এর হুকুম দিয়েছিলেন, বেঙ্গল কোলের হুজুন লোক, ছররায় আহত হয়েছিল। একজন মারা গিয়েছিল।

বর্ধমানে সেনসনস কোর্টে মামলা। কাঁঠগড়ায় দেবেন মুখ্জে, তার মেজছেলে এবং ভবেন্দ্রের সৎভাই দাঁড়িয়েছিলেন আশামী হয়ে। বেঙ্গল কোল কোম্পানীর মালিক ইংরেজ। অঢেল টাকা। রাজার আঁতের খাতির তাঁদের। দেবেন মুখ্জের টাকা কম ছিল না। তিনিও হার্টকোর্ট থেকে ব্যারিস্টার এনেছিলেন। তাঁর সঙ্গে ভবেন্দ্র মুখ্জে জুনিয়রের কাজ করেছিলেন কিছুদিন। তিনি নিজে থেকে গিয়ে বলেছিলেন—এ কেসে আপনাকে সাহায্য করবার জন্ত নিলে আমি স্থখী হব।

ব্যারিস্টার বলেছিলেন—তুমি তো এখন নিজে কাজ করছ, নাম হয়েছে, আমার এ্যাসিস্ট্যান্ট হয়ে যাবে ?

—আমি যেতে চাই।

—ওঁরা যদি না চান ?

—গামি কীজ দাবী করব না মার।

—কেন ?

যতটা বলা চলে, ততটা বলেছিলেন ভবেন্দ্র। ব্যারিস্টার তার পিঠ চাপড়ে বলেছিলেন—তুমি যাবে। এবং আমি তোমাকে স্কোপ দেব।

মামলাটার দেবেন মুখ্জেরা সেনসনসে হয়েছিলেন। বাঙালী জজ সাহেব বাঙালী মেশানো জুরী। ওঁদের কাকর চার-বছর কাকর তিন বছর জেল হয়ে গিয়েছিল।

হাইকোর্টে সেই মামলায় রায়ে গুণীলো। এবং তাতে পুরো আবুগুমেন্ট করেছিলেন ভবেন্দ্র।

খালস হয়েছিলেন মুখ্জেরা কিন্তু কলিরারী হারাতে হয়েছিল। গোটা ব্যবসাই প্রায় শেষ হতে বসেছে তখন।

এই অল্পপূর্ণা দেবী স্মলতা। ১৯৩৭ সাংখ্যে তিনি বেঁচে, বয়স তখন তার পঁচাত্তর। এখনও এ-বাড়ীর সর্বমন্ত্রী তিনি। তিনি দীক্ষা নিয়েছিলেন পরমহংসদেবের কাছে। গোটা বাড়ীটাই বেলুড় মঠের শিষ্য। ভবেনবাবু নিজে স্বামীজী বিবেকানন্দের সঙ্গলাভ করেছেন।

অল্পপূর্ণা দেবীর উপর কথা নেই।

আজও এস্টেট তাঁর নামে। গোটা সংসারের খরচ, খাওয়াপরা, ছেলেদের লেখাপড়া, কাপড়চোপড়, চিকিৎসা এসব তাঁর হাত। ছেলে ভবেন্দ্র মারা গেছেন পঞ্চাশ বছর বয়সে। নাড়িয়াও সেই নিরমে চলে। নাড়িদের উপার্জন থেকে একটা করে টাকা তাঁকে দিতে হয়। সেটা জমা হয় এস্টেটে। এখনও নিজা ভরকারি কোটার ঝুঁটি নিয়ে বসেন। পাশে বসেন তিন

নাতবউয়ের একজন এবং বিধবা বউ । তিনি বলে দেন—এই রান্না হবে, এই কোটো । আলু এত বড় করে ফুটো না । দু ভাগ নয় চার ভাগ কর ।

সুগতা বললে—দুর্দান্ত মহিলা ।

সুরেশ্বর বললে—হ্যাঁ তা বটে । তিনি খবর পেয়েই আমাকে ডেকে পাঠালেন । নগেন কাকা নিজে উপরে উঠে গিয়ে ঠাকুমারের সঙ্গে দেখা করে বললেন—চল, ওপরে চল । ঠাকুমা ডাকছেন ।

আমি তাঁর পিছনে পিছনে গেলাম ।

তিনি সেই ফটোটা হাতে দাঁড়িয়ে, দেওয়ালে টাঙানো ভবানী দেবীর অয়েল পেণ্টিংয়ের সঙ্গে মিলিয়ে দেখছিলেন । একবারে যেন ভয় হয়ে গিয়েছিলেন ।

নগেন কাকা গলার সাড়া দিয়ে ডাকলেন—ঠাকুমা ।—

শুনতে গেলেন না তিনি । আবার ডাকলেন নগেন কাকা—ঠাকুমা ।

মুখ ফেরালেন তিনি । দেখলুম পুরু চমশার অন্তরাল থেকে দুটি জলের ধারা নেমে এসেছে । তিনি কাঁদছেন ।

সুরেশ্বর বললে—অর্চনার ফটোর সঙ্গে নিজের মায়ের অয়েল-পেণ্টিংয়ের এমন সাদৃশ্য দেখে এত অভিভূত হয়ে গিয়েছিলেন যে, ঘুরে আমাকে দেখে বললেন—এস । তারপর আবার একবার ছবির সঙ্গে ফটোটা মিলিয়ে দেখে একটা গভীর দীর্ঘনিশ্বাস ফেললেন । তারপর একটু হাসলেন । সে-হাসির অর্থ ঠিক বুঝলাম না । শুধু হাসি নয়, ঘাড় নাড়লেন, যেন বললেন—হায় হায় । নাতির দিকে একবার চাইলেন । এবং সঙ্গে সঙ্গে বললেন—এই ফটোর সঙ্গে মেরেকে একবার মিলিয়ে দেখব, বুঝলে বাবা । যদি ঠিক এমনি হয়, তবে এ-মেয়ে আমি নিলাম ।—কার মেয়ে বলছ ?

এমনটা আমি ভাবতে পারিনি । অর্থাৎ এত সহজে এক কথায় ? তারপর বললেন—নগেন ? আমি তো বললাম—তুই—

—ঠাকুমা, আজ এ-কথা কেন বলছ ?

—বলছি । তুই হাজার হলেও ছেলের বাপ । বলে আবার একটু হাসলেন । বললেন—দেখ, ভবেনকে বাপের সঙ্গে কোন সম্পর্ক রাখতে দিইনি । আমিও রাখিনি । কিন্তু ভবেনের বিয়ের সময় তাঁর মাতাম’কে বলেছিলাম—তাঁর কাছে যাও । তুই ছেলের বাপ, মনে মনে হবে যে, ঠাকুমা-বুড়ী মরেও মরে না—বাহাত্তুরে ধরেছে, একবার আমার মতটাও চাইলে না ! তারপর—। কার মেয়ে বললে ?

আমি বললাম—জগদীশ্বরকাকার মেয়ে ।

—জগদীশ্বর ? শিবেশ্বরের মেজ ছেলে ? যেটা গাঁজা খায়, মদ খায়, একটা বাঘ মেরেছিল, সেইটের ?

তাঁর মুখে দেখে কথা শুনে ভয় পেয়ে গেলাম । বললাম—আজ্ঞে শুনেছি, খান । আপনার কাছে মিথ্যে কি করে বলব ?

—তাহলে তো টাকা-পয়সা খরচের ক্ষমতাও তাঁর নেই ।

—বড়মা, আমি একটা কথা বলব ?

—কি বললি ? বড়মা ? হঁ। যোগেশ্বর সাহেবের ছেলে হয়ে শিখলি কি করে রে ?  
এ্যা!—কে শিখিয়েছিল—মা ? তা তোর মায়ের শ্রাধের সময় একবার খবর দিলিনি তুই  
হারামজাদা ?

চুপ করে রইলাম। কিন্তু ভারী মিষ্টি লাগছিল। বললেন—বল, কি বলবি ?

বললাম—অর্চনার বিয়ের তার আমি নিয়েছি বড়মা। যা চাইবেন আমি দেব।

—এমের বিয়ের তার তুই নিয়েছিলি ?

—হ্যাঁ বড়মা, টাকার জেষ্ঠে মেয়েটিকে একজন দোজবরে পুলিশ দারোগার হাতে দেবার  
ঠিক করেছিলেন ওর বাবা। আমাকে মেজ-ঠাকুমা জেলে যাবার আগে বলে গিয়েছিলেন—  
তুই ওর বিয়ের তারটা নিস। ভাল ঘর-বর দেখে বিয়ে দিস।

—মেজ-বউমা মানে শিবেশ্বরের তৃতীয় পক্ষের স্ত্রী জেলে গেছে ?

নগেনকাকা বললেন—হ্যাঁ ঠাকুমা, রায়বাহাদুর রত্নেশ্বর রায়ের কীৰ্ত্তিহাটের জমিদারী  
কেল্লার কাটল দিয়ে দেশের হাওয়া ঢুকেছে। মেদিনীপুর তো। অতুলেশ্বর—শিবেশ্বরকাকার  
দ্বিতীয় পক্ষের ছোট ছেলে, একটা স্বদেশী কেসে ধরা পড়েছে। তার সঙ্গে খুড়ীয়া গেছেন।  
ছেলেটিকে তিনি মার্জ্জ্ব করেছিলেন, সে রিভলবার রাখতে দিয়েছিল মাকে।

—ওরে আর দুখানা আসন দে তো! দাঁড়িয়ে থেকে কোমর ধরেছে। আমি আসনে  
বসছি—ওরা তো ওপরে বসবে না!—

আসনে বসে আমার কাছে সব শুনে বললেন—আশ্চর্য। বংশের প্রায়শ্চিত্ত করলে  
শিবেশ্বরের এক ছেলে। যার বড় ছেলে মাতাল, মেজটা গাঁজাল-মাতাল, সেজটা ছিল  
জোচ্চোর। তার ছোট ছেলে। একটা খবর দিলিনি রে নগেনকে ?—

—না ঠাকুমা। ও খুব বড় ারিস্টার দিয়েছিল।

—তা দিক। তুই যেতিস। আমি খুশি হতাম।

আবার একটা দীর্ঘনিশ্বাস ফেলে বললেন—বস, আমি আসছি। নগেনকাকা বললেন—  
কাল সকালেই একবার এস। রথীনের সঙ্গে দেখা করে যাবে। তাকে একবার দেখাও হবে,  
আলাপ করেও যাবে। তার ঘরে তোমার আঁকা একখানা ছবি আছে। তোমার মায়ের  
শ্রাধের পর ছবির একজিভিশন করেছিলে, সে দেখতে গিয়েছিল—ইনকগনিটো অবশ্য, আলাপ  
করেনি। একখানা ছবি সে কিনে এনেছিল।

আমি লজ্জিতও হলাম আবার খুশিও হলাম।

ইতিমধ্যে বাড়ীর ভিতর দিক থেকে অল্পপূর্ণা দেবীর রুঢ় কর্ণধর ধনিত হয়ে উঠল—বউমা,  
তোমারও কি আকেল-বুদ্ধি সব গেছে। সব হারিয়েছ ? যোগেশ্বরের ছেলে এসেছে। তুমি  
একবার বের হলে না। এখনও জলখাবার পাঠাও নি! ছি-ছি-ছি!

—এই তো যাচ্ছি মা! আমি একা যে বাড়ীতে।

—কেন, নাত-বউরা গেল কোথায় ? আগার নগেশ্রাণী কোথায় ? বাড়ীর বড়বউ—

—ভাড়া আজ থিয়েটার দেখতে গেছে মা।

—বিরেটার দেখতে ? তারপরই বললেন—ও, হ্যাঁ। আমাদের বলেছিল বাঁটে ! হ্যাঁ বলেছিল। স্বপ্নের নিরে গেছে তো !—

—হ্যাঁ।

—ওই, আমার আর সব মনে থাকে না। তা' তোমার হল ?

—এই যে।

তারপরই পারের শব্দ পেলাম। এবং ঘরে এসে ঢুকলেন অন্নপূর্ণা দেবী আর তাঁর বিধবা পুত্রবধূ, সম্পর্কে আমার ঠাকুমা—ভবেন্দ্রনাথের স্ত্রী। খান কাপড় পরা, মাথার চুল ছোট করে কাটা, ছোটোখাটো মাছখটি। এককালে সুন্দরী ছিলেন। পিছনে ঝি, তার হাতে জলের ঘাস। আমার সামনে নামিয়ে দিয়ে বললেন—ভাল আছ ভাই ?

—আমি সসজ্জমে উঠে তাঁকে প্রণাম করলাম। তিনি বললেন—চিনতে পারছ আমাদের ? বললাম—হ্যাঁ। আপনি আমাদের একটা ভারী সুন্দর পুতুল দিয়েছিলেন। মার্বেলের ভেদনান, সেটা ঠাকুমা আমার এখনও আছে।

—আছে ? কি বলেছিলাম বলতো ?

—বলেছিলেন—এই তোমার মেম-বউ। বড়মা বকেছিলেন।

কথাটির বাধা দিলেন অন্নপূর্ণা দেবী। বললেন—থাক।

সঙ্গে সঙ্গে আবহাওয়াটা ধমধমে হয়ে গেল। আমি ভেবেছিলাম বাবার কথা। ওঁরা কি ভেবেছিলেন তা বলতে পারব না। পরে বুঝেছিলাম—তা পরেই বলব। একটুখানি স্তব্ধতার পর অন্নপূর্ণা দেবী বললেন—রথীনের সঙ্গে এই ঘরে আমি নিলাম বউমা।

—এতে আর আমি কি বলব ?

—নগেনও তাই বলেছে।

—বলবে বইকি। তাছাড়া এতো দেখছি উনিই একেবারে।

—হ্যাঁ। তবে বাপ গরীব হয়ে গেছে। তা এ-ছোড়াটা তো বড়লোকের বেটা বড়লোক, বলছে টাকাকড়ি ওই দেবে। আগের কাল হলে কান মলে দিতুম। শোন—বিরের খরচ তুই করবি, বরষাত্রী খাওয়ানো আর পাত্রাভরণ। ওটা তুই দিবি। মেয়ে আমি সাজিয়ে দেব।

আমি ভূমিষ্ঠ হয়ে প্রণাম করলাম। মুখ তুলতেই তিনি আমার চিবুকে হাত দিয়ে হঠাৎ জলে গেলেন। বললেন—হ্যারে, তখন থেকে বলব বলব করে বলতে তুলছি—কথার পিঠে কথা এসে পড়ছে। বলি একি রে ? এই জুজুলে লাড়ি রেখেছিল কেন রে ? বাপ রেখেছিল ফ্রেঞ্চহাট, তুই রেখেছিল লম্বা-লাড়ি। একমুখ জবাব। কেন ?

তাঁর পুত্রবধূ আমার ঠাকুমা—নগেনবাবুর মা হেসে বললেন—নাতি খুব খেয়ালী মা। ওর স্বপ্ন বেটা খেয়াল হয়।

—আমি তো জানি গো সব। ওরা খবর রাখে না—আমি খবর রাখি। মহাবীর দারোয়ান এই তো বছর-বছর মারা গেছে। মহাবীর তো মধ্যে মধ্যে আসত। দিদি বলত আমাদের। তারপরও খবর নি-। জানবাজারে লোক পাঠাই। কীর্তিহাটে দলাল আমার

থেকে ছোট। শিবেশ্বরেরও ছোট। কীর্তিহাটে যখন বেতুম কালীপুজার সময়, তখন তাকে পাঁচ-ছ' বছরের দেখেছি। কলকাতার এ-বাড়ীতে প্রথম প্রথম দয়াল আসত। প্রথম এসেছিল তাঁর মেরের বিয়ের সময়; সেকাল তো বিয়ের পূর্ণ হয়েছিল বারশো টাকা, তা কীর্তিহাটের বাড়ী থেকে ওকে পাঁচশো টাকা দিয়েছিল। দেবেশ্বর আড়াইশো, শিবেশ্বর আড়াইশো, রামেশ্বর তো তখন বিলেতে। দয়ালের নিজের ছিল শ-চারেক টাকা; বাকিটার জন্তে আমার কাছে এসেছিল, তখন তো ভবেনের খুব নাম! আমি দয়ালকে আড়াইশো দিয়ে বলেছিলাম—পূর্ণ ছাড়াও তো খরচ আছে দয়াল। তা দেখ, দয়াল সে-আমলের লোক তো, মিথ্যা বলতে বাধত, বলেছিল—দ্বিদি মিথ্যা বলব না, সে আমার আছে; মাছ-কাঠ এ পাব তোমাদের বাড়ী থেকেই। আমার অভাব একশো টাকার। আর মেয়ে ইচ্ছে একখানা বালুচরের রেশমী শাড়ীর। তার নাম আর কৃত। ওই বিশ টাকাতাই খুব ভাল হবে। আমার কাছ থেকে একশো পচিশের বেশী নেয়নি।

নগেনবাবুর মা বললেন—আমি তাঁকে দেখেছি মা। কি ভাল গান গাইতেন! আর কি আনুদে লোক ছিলেন—সেই গানটা আমার আজও মনে আছে মা! সেই যে ষ্ণবার হাতে জুতো নিয়ে ছাতা মাথায় বোশেধ মাসের ছুপুর বেলা এসেছিলেন, দারোয়ান ঢুকতে দিচ্ছিল না—।

হেসে উঠলেন অন্নপূর্ণা দেবী, বললেন—হ্যাঁ হ্যাঁ, ভাগ্যে আমি বারান্দার বেরিয়েছিলুম। হ্যাঁ, আমি বললাম—ওকি, দয়াল জুতো হাতে কেন? বললে—পারে ফোঁকা পড়েছে। গান গেয়ে বলেছিল।

—আমার সে-গান আজও মনে আছে। আপনি বললেন—ওকি রে, জুতো হাতে কেন? তো সঙ্গে সঙ্গে গান বেঁধে কেসনের সুরে গেয়ে বললেন—

“ভাঙ্গুরে” করো, অতীব প্রথরো,

কোসোকা পড়িল পার।

দারোয়ানে দার, ঋণীয়া হকার

ভরেতে পরাণ যায় !!”

—হ্যাঁ-হ্যাঁ-হ্যাঁ। তোমার তো খুব মনে আছে বউমা। আমরা খুব হেসেছিলাম। নতুন জুতো কিনে দিতে চেয়েছিলাম, তা চটি ছাড়া নেইনি। বলেছিল—দ্বিদি, কীর্তিহাটের মাটিতে হাটি খালি পায়ের, কাটা চরণ, এতে কি জুতো? না—দেবে তো চটি দাও।

স্বরেশ্বর বললে—সুভা! দয়াল-বুড়কে দেখেছি, তাঁর কাছে গল্প শুনেছি, তিনি আমার জন্মের সময় হাত দেখতে এসে সোমেশ্বর রায়ের বজ্রহার আসরের গল্প বলতেন। তাঁর শোনা গল্প। চিরকাল রায়বাড়ীর কাছে কুতজ। বহুরাম রায়ের স্বাক্ষর করা ছাড়পত্র তাঁর কাছে দেখেছি। এই বিমলেশ্বরকাকার গ্রেপ্তারের দিনও এসে কৈঁদে গেছেন, কিন্তু এমন পরিচর পাইনি। সম্ভবত বয়সের সঙ্গে হারিয়ে গেছে।

তাই সবিস্ময়ে শুনছিলাম, তাঁর আর এক কালের আর এক রূপের কথা!

সেদিন অন্নপূর্ণা দেবী বললেন—“দয়াল এখনও চিঠি দিলে উত্তর দেব, তাঁর কাছে খবর



পাই। শিবের আশ্রমে একবার ওর কৃত্তীর পক্ষের বিরুদ্ধে থবর পেয়ে আমি শিবের পক্ষের খুব কড়া করে চিঠি লিখেছিলাম। গালাগালি দিয়েছিলাম। লিখেছিলাম—দয়ালের পত্রে সংবাদ পাইলাম যে, তুমি আবার এই বয়সে দুই পক্ষের ছয়-ছয়টি পুত্র এবং পাঁচটি কন্যা থাকিতেও আবার বিবাহ করিবার একটা পুঙ্ক্তের মতো। পোত্র হইয়াছে, পোত্রী হইয়াছে, কন্যেকগণা দৌহিত্র-দৌহিত্রীও হইয়াছে। তৎসঙ্গেও এই মতিছন্ন তোমার কেন হইল তাহা জানি না। রায়বংশকে ভিক্ষুক করিয়া ছাড়িলে তুমি।”

শিবের উত্তর দেয়নি। দয়াল দিয়েছিল পত্র। লিখেছিল, “মিদি আপনি আমার নাম করিয়া মেজ-স্বায়কে পত্র দিয়াছেন, তাহাতে আমার আর লাঞ্ছনার বাকি নাই। অতঃপর আপনাকে আমি নিয়মিত সংবাদ দিয়া থবরাদি দিব। আমাকে আপনি পত্র দিবেন না বা মেজ-স্বায়কে পত্র দিবেন না। তাহা হইলে আমাকে গ্রাম ত্যাগ করিতে হইবে।” দয়াল আমাকে পত্র দেয়। তাঁর থবরও আমি জানি! তুই সেটেলমেণ্টে গোচর বাস্তবান্বিত দিয়েছিল, তুই গোয়ানদের গোয়ানপাড়া নিকর দিয়েছিল, তাও লিখেছ। লিখেছে—“মিদি বোগেশ্বরের পুত্র এই সময় আসিয়া রায়বংশের সরোবরের পঙ্কোদ্ধার করিয়াছে। চারিদিকে রায়বংশের নাম উচ্ছল হইয়াছে নহিলে শিবের সেই দৈত্যের মত পাগল পুত্রের কীড়ির পর রায়বংশ সরোবর নরকভূও আখ্যা পাইয়াছিল।”

গম্ভীর হয়ে গেলেন অরুণা দেবী। বোধহয় সেই ঘটনা মনে পড়ল তাঁর। তারপর বললেন—সবাই কর্মকল আর অদৃষ্ট তাছাড়া আর কি? আমার মাতামহের ওই যন্ত্রণা, ওই তপস্বী সব জন্মে ঘি ঢালা হয়েছিল তাঁর জীবনে। আমি ভাবি কি জানিস? আমি ভাবি—ওই আমার মাতামহের ওই পাপ...ওই শিবের ছেলেরা হয়ে এসেছিল।

এরপর সবাই শুরু হয়ে গেলেন। সবে সবে আমিও চুপ হয়ে গেলাম। কিছুক্ষণ পর নগেনবাবু মনে করিয়ে দিলেন সময়ের কথা। বললেন আমাকে। বললেন—রাত্রি তো অনেকটা হয়ে গেল, শীতকাল চাটা বাজল। তা সুরেশ্বর তুমি আজ এখানেই খেয়েদেয়ে যাও। ঠাকমা—

বেন দুঃখ ভঙ্গ হল তাঁর। তিনি বললেন—তাই তো যাবে। এর আর নেমস্তর করতে হবে নাকি? ঘরের ছেলে!

নগেনবাবু আবহাওয়াটা গরম করতেই বোধহয় বললেন—তা আজ ওকে ঘরের ছেলে বললে হবে না ঠাকমা।

—কেন? কুটুবে?

—তাই যা কেন? ও আজ তোমার নানির বিরুদ্ধে সন্ধা এনেছে, দেশভূঁড়ে কনে দেখে পছন্দ হচ্ছে না যখন, তখন এমন কনে ও এনেছে যে, তুমি যে-যেয়েটি চাচ্ছিলে, ঠিক তাকেই এনেছে। ওকে নেমস্তর কর। খাতির কর।

হঠাৎ ত্রহাতে আমার গালছটি চেপে ধরে বললেন অরুণা দেবী—শুধু তাই নয় নও, এর চেহারা আর আমার দেবুর চেহারা এক, একরকম। ঠিক যেমন এই মেয়েটি—কি নাম—

—অর্চনা। তা বেশ নাম। ভাল নাম। অর্চনা মানে পূজা। বললেন নগেনবাবু মা।

—হ্যাঁ। অর্চনা আর আমার মায়ের চেহারা যেমন একরকম, ঠিক সেইরকম। ছেলেবেলায় তাই মনে হত। ওকে আমি ডেলডেটের জরিওলা পোবাক-পাগড়ি পরিয়ে সাজিয়ে দেখেছি আর কৈদেছি।

চোখের জল মুছে বললেন—শোন রে, পিসীর কথা শোন। তুই আমাকে বড়মা বলবিনে। বলবি অন্নপিসী। তা না পারিস তো বলবি বড়পিসী। দেবু কীর্তিহাটে প্রথম মাস্তব হয়েছিল, আমাকে পিসীমা বলত না, বলত অন্নপিসী। শোন আজ খাবি তো এখানে নিশ্চয়। কাল সকালে উঠে দাড়ি কামিয়ে ফেলবি। নত্ত আমি তো পুজোর থাকব ভাই। তুই দাড়িরে ওর দাড়ি কামিয়ে দেওয়াবি, কেমন? তারপর আমি উঠে ওকে দেখব। তারপর বাড়ি যাবে।

নগেনবাবুর মা বললেন—ও তারটা আমাকে দিন মা। কিন্তু ওর চুলগুলো? ওই যে লম্বা বাবরী মতন? ওতে কিন্তু ওকে খুব ভাল দেখাচ্ছে।

এরই মধ্যে বাড়ীর যারা থিয়েটারে গিয়েছিলেন, তাঁরা ফিরলেন। তাঁদের সঙ্গে অর্থাৎ নগেনবাবুর ভাই সুরেনবাবু এবং বীরেনবাবুর সঙ্গে আলাপ হল। পরিচয়ে জানলাম—সুরেনবাবুর স্ত্রী আমার মায়ের পিসতুতো বোন।

পরিবারটিকে বড় ভাল লাগল।

সবশেষে এলেন পাত্র রথীনবাবু। যেডিকেল কলেজের নাম-করা ছাত্র। এই স্কুলের স্নপুঙ্খদের বংশের মধ্যে এই ছেলেটিই যেন সবথেকে উজ্জল এবং পৃথক। চেহারায় পার্থক্য আছে। কথায়-বার্তায় আছে, আচারে-আচরণেও আছে।—

আমাকে দেখে বিস্মিত হয়ে বললেন—আপনি এ-বাড়ীতে!

অন্নপূর্ণা দেবী তাঁকে ডেকে পাঠিয়ে আনিরেছিলেন। নইলে ডাক্তার রাজে চেয়ার এবং নাসিংহোম থেকে কিরে নিজের ঘরে চোকে। নিচের তলায় তাঁর ঘর। সেখানে বিশেষ রকম বন্দোবস্ত। দরজার সামনে সিঁড়িতে রিচিং পাউডার ছড়ানো থাকে। তাই মাড়িরে ঘরে চোকে। পোষাক সব খুলে স্নান করে লাপড়-চোপড় পরে তবে উপরে আসেন।

বেশ একটু অসুখ ও অসুখের সংক্রামকতা সম্পর্কে ব্যস্ত আছে। স্নান করে এলেও ডেটল-জাতীয় ডিস্ট্রিনফেক্টেন্টের গন্ধ ওঠে।

আমার উত্তর অন্নপূর্ণা ঠাকুমাই দিলেন। বললেন—তোর স্ত্রেই এসেছে রে। বসে আছে।

—আমার স্ত্রে?

এবার আমি বললাম—হ্যাঁ, আপনার স্ত্রেই।

অন্নপূর্ণা ঠাকুমা বললেন—দেখতো এই ঘটোথানা!

—কটো? কার?

—দেখে বলতো কার?

হেসে সে বললে—একটি মেয়ের।

—হ্যারে হ্যাঁ, বাবিনীর নয়, গণ্ডারনীর নয়, এতো সবাই জানে।

—তাই তো বলছি।

আমার ভাল লাগল। অন্নপূর্ণা দেবীর সঙ্গে এমনভাবে কাউকে কথাবার্তা বলতে শুনি নি।

অন্নপূর্ণা দেবী বললেন—তুই মন্ত উঁয়দড়।

—বাঁদরও বলতে পার। তোমার কথার উপর কথা কয় কে বল?

—তুই হারামজাদা সে তুই বলিস। দেখতো আমার মায়ের অয়েলপেষ্টিংয়ের দিকে তাকিয়ে!

রথীন এবার ভবানী দেবীর অয়েলপেষ্টিংয়ের দিকে তাকিয়ে সত্যিই বিস্মিত হল। বেশ ভাল করে দেখে যেন মিলিয়ে মিলিয়ে দেখে বললে—তাই তো! আশ্চর্য মিল তো। অবিকল মিলে যাচ্ছে। বলতুম এটা ওই অয়েলপেষ্টিংয়ের ফটো কিন্তু লাক্সেগোজে মিল নেই, এত গয়না নেই। কার ফটো এ, মামণি?

—তাই তো বলতে বলছি। বল?

রথীন হেসে বললে—মঙ্গলবারের কথায় বলতে—সেটা আমার মনে আছে। মঙ্গলচণ্ডীর আসন টলল, মুকুট নড়ল; মা বললেন—দেখ তো জয়া, দেখ তো বিজয়া খড়ি পেতে, আসন কেন টলে, মুকুট কেন দোলে? অমনি জয়া-বিজয়া গুণেগেথে বলতো—মা তোমার ভক্ত বিপদে পড়েছে। আমি তো ঠাকুর নই, দেবতা নই, কি করে বলি বল? তুমিই নয় খড়ি পেতে গুণেগেথে বলে দাও—এ-ফটো কার?

—ওই জজ্জই তোকে ভালবাসিরে ছোঁড়া। তোর এসব মুখস্থ। চমৎকার করে বলিস। শোন, এ ফটো হচ্ছে সুরেশ্বরের খড়তুতো বোনের। শিবেশ্বরের মেজ ছেলে জগদীশ্বর রায়ের বড় মেয়ে। বাপটা গাঁজা খায়, মদ খায়, লোককে মারপিট করে বেড়ায়। তার মেয়ে। একটা দোজবরে দারোগা ধরে মেয়েটাকে জলে কেলে দিতে যাচ্ছে। সুরেশ্বর এসেছে আমার কাছে। তোর জন্তে।

—আমার জন্তে? মানে আমাকে বিয়ে করতে হবে?

—হ্যাঁ। আমাদের সবাইরই মত হয়েছে। ইচ্ছে তাই।

—আমাদের বলে লাভ কি? বল তোমার মত হয়েছে। তোমার মায়ের মত দেখতে অমনি তোমার মন গলে গেছে। কেমন?

—তবু তোকে ইঁদা বলতে হবে তো।

একটু চুপ করে থেকে রথীন বললে—ভেবে দেখতে সময় দাও মামণি। আমাকে ভেবে দেখতে হবে।

সে একটা আশ্চর্য ব্যাপার ঘটে গেল। রথীন এক মুহূর্তে আর এক রথীন হয়ে গেল। কণ্ঠস্থর আলাদা, মুখ-চোখ আলাদা, সব আলাদা।

এবং সঙ্গে গম্ভীরকণ্ঠে নগেনবাবু বলে উঠলেন—রথীন!

পিতৃস্থর শাসন, ক্রোড, অধিকার একসঙ্গে যেন মিলিত গর্জনে ধ্বনিত হয়ে উঠল তাঁর কণ্ঠস্থরে। কিন্তু রথীন বিচলিত হল না। সে বললে—মলুন!

নগেনবাবু বললেন—এমন কথা তুমি ঠাকুরমাকে বলতে সাহস কর আমাদের সামনে?

রথীন বললে—কথাটা কি অজ্ঞান বলেছি? আমি বিবাহ করব। আমি ভেবে

দেখব না ?

—ঠাকুমা কথা দিয়েছেন জেনেও তুমি বলছ ভেবে দেখতে হবে ?

নগেনবাবু উঠে দাঁড়ালেন, বললেন—দাঁড়াও । এ বাড়ীতে বাবার থেকে শুরু করে ভোমার ছোটকাকা পর্যন্ত সকলের বিবাহ কখন হবে, কোথায় হবে, সে-সবই স্থির করেছেন উনি, আজ—

অত্যন্ত ধীরকণ্ঠে রথীন বললে—আজ সে-কাল পাণ্টে গেছে বাবা—এই কথাটা আপনি বুঝে দেখবেন না ?

অল্প সকলে শুক হয়ে বসেছিলেন—নগেনবাবুর মা, রথীনের মা, সুরেনবাবু, ধীরেনবাবু, তাঁদের স্ত্রীরা তুজন । অন্নপূর্ণা দেবী পাথরের মত বসেছিলেন । আমি অবাক বিন্ময়ে দেখছিলাম রথীনকে ।

দেখলাম, অন্নপূর্ণা দেবীর অজ্ঞাতসারে তাঁর বংশধারা গঙ্গা থেকে পদ্মা ভাগীরথীর মত দুভাগে কখন ভাগ হয়ে গেছে, তা তিনি জানতে পারেননি । অথচ দুভাগ হয়ে গেছে নিঃশব্দে ।

অন্নপূর্ণা দেবী বললেন—সুরেশ্বর, বাড়ী যা বাবা । এখানে বিয়ে হবে না । তই খরচ করবি বলছিল, মেয়ে সুন্দরী—পাত্রের অভাব হবে না । তুই বাড়ী যা । তারপর রথীনকে বললেন—আমার ভুল হয়েছে রথীন, তুই স্বাধীন হবার আগে তোর বিয়ে না দেওয়া । আজ তুই স্বাধীন ;

রথীন আর দাঁড়াল না । সে ঘর থেকে বের হয়ে চলে গেল ।

আমি বললাম—খেয়ে যাব বড়মা । আমার খাবার কথা আছে যে ।

\*

\*

\*

বাড়ী ফিরে এলাম এক বিচ্ছিন্ন মন নিয়ে । অর্চনার বিয়ের ভাবনা আমার মন থেকে তখন যেন কোথায় হারিয়ে গেছে । আমার মনে শুধু ঘুরছে রথীন ডাক্তারের কথা । আশ্চর্য একটা ছেলে ।

তার সে আশ্চর্যরূপ এককাল শুই অন্নপূর্ণা দেবীর পরমায়নের মধ্যেই লালিত হয়ে স্বচ্ছন্দ-বুদ্ধিতে বেড়ে উঠেছে । তিনিই তাকে যেন ঢেকে রেখেছিলেন । আজ আমাকে উপলক্ষ্য করেই অকস্মাৎ একমুহুর্তে সে অন্নপূর্ণা দেবীর পরমায়নের সমস্ত আবরণ ছিড়েখুঁড়ে বেরিয়ে এসে আপনার চেহারা নিয়ে দাঁড়াল ।

জানবাকারে কিরলাম আমি তাঁদের গাড়ীতে । আমার গাড়ী আমি ফিরিয়ে দিয়েছিলাম । রাজে থাকব কথা হয়েছিল । ইচ্ছে ছিল কথাটা পাকা করে নিয়ে ফিরব । বাধা উঠবে মনেই করিনি । বাধার মধ্যে বাধা বা অপেক্ষার মধ্যে অপেক্ষা থাকবে—অর্চনাকে হয়তো একবার এনে দেখানোর । কিন্তু সে কোন বাধাই নয় । অর্চনাকে পছন্দ কটো দেখেই যখন হয়েছে, তখন চোখে দেখলে সে-পছন্দ পরম আগ্রহে পরিণত হবে তাতে আমার কোন সন্দেহই ছিল না । কিন্তু রথীনকে দেখে তার কথা শুনে তার উপর কোন কোভ আমার হল না । এ-বাড়ীর ছেলে না-হলে ভাবভাম হয়তো কারুর প্রেমে পড়েছে । হয়তো অসবর্ণ । কিবা হয়তো

অতি মজান' মেয়ে।' বরং উন্টো মনে হল। সেটা হল হঠাৎ—কিরে আসছি ও-বাড়ী থেকে ; গাড়ীটা সারকুলার রোড হয়ে ভিক্টোরিয়ার মেমোরিয়ালের পাশ দিয়ে ময়দান ভেঙে এসে উঠবে এসপ্লানেন্ডের সুরেক্সনাথ রোড আর চৌরঙ্গীর জংশনে, পথে দেখলাম খণ্ড খণ্ড জটলা এখানে-ওখানে। তার মধ্যে দশ-বারোটি ছেলেকে দেখলাম আহত অবস্থায় গাছতলার আড়াল দিয়ে যাচ্ছে। মনে পড়ে গেল, একটা মিটিং ছিল মহুমেন্টের তলায়। নতুন রিফর্ম আইন প্রবর্তিত হয়েছে, সেই আইনকে বর্জন করবার জন্তুই এ-মিটিং করছিল কংগ্রেসের লেক্টিস্টরা।

কংগ্রেসের সে সময়ের অবস্থার কথা আমার থেকে তুমি ভাল জানো সুলতা। হয়তো বা সে মিটিংয়ে তুমিও ছিলে এমন হতে পারে।

কংগ্রেসের মধ্যে দক্ষিণপন্থীদের বিরোধিতা করবার জন্ত তরুণ দল, কংগ্রেসের মধ্যেই ছোট ছোট দল হয়েছে। পণ্ডিত নেহরু লেক্টিস্ট, লেক্টিস্টরা তাঁর মুখ চেয়ে থাকে, তবু তিনি দল গড়েননি। তাঁর প্রিয়তমা পত্নী তখন মারা গেছেন। তাঁর মৃত্যুর পর কিরে এসে তিনিই তখন কংগ্রেসের সভাপতি। বোধহয় এই কারণেই তিনি দল গড়ার দিকে মনোযোগী হননি।

সুভাষচন্দ্র নেহরুর সমান জনপ্রিয়। তিনি করওয়ান্ড রকের বীজ পুতেছেন। কিন্তু তা তখনও বীজ হয়েই আছে। দেখা দেয়নি। তখন—যানে সে-সময়টায় দেশে তিনি ছিলেন না। মাসখানেক পর ফিরলেন। সেদিনও আমি কলকাতায় ছিলাম।

এম এন রায় দল গড়তে উঠেপড়ে লেগেছেন। সব থেকে বেশী দানা বেঁধেছে কংগ্রেস সোসালিস্ট পার্টি।

কৃষক আন্দোলন গড়ে উঠেছে হাঙ্গী সহজানন্দ সরস্বতীর নেতৃত্বে। ছাত্র কেন্দ্রারেশন গড়ে উঠেছে।

কমুনিষ্ট পার্টি তখন জন্মেছে কিন্তু অল্প একটা নামের আড়ালে বালালীলা শুরু করেছে। সবল নয়, সুস্থ নয়।

সুলতা হেসে বললে—হ্যাঁ, তখন ওরা ক্রাশনাল ফ্রন্টের নামে কাজ চালাতো। তাদের ইন্টারন্যাশনাল এবং এ্যাণ্টিন্যাশনাল চেম্বারখানা ওই নামের নামাবলী গায়ে দিয়ে বন্দেমাভরম বলে আঙুরাজ দিত। যে মিটিংটার কথা বলছি, তার কথাও মনে পড়েছে। ঠিকই বলেছি আমিও সে মিটিংয়ে ছিলাম। পুলিশ লাঠি চালিয়েছিল।

হেসে সুরেশ্বর বললে—তাহলে আমি ভুল করিনি অহুয়ানে।

সুলতা বললে—না, তা করনি। গোটা ভারতবর্ষেই তখন সাড়া পড়েছে।

—হ্যাঁ। সেই কারণেই সেদিন আহত অবস্থায় ওদের দেখে আমার মনে হয়েছিল হয়তো বা রথীন কোন দলের সঙ্গে যুক্ত হয়ে গেছে। বিয়েই হয়তো করবে না। এবং তার দক্ষিণপন্থী বাপ-খুড়োদের, এমনকি অল্পপূর্ণা দেবীকেও সেটা জানতে দেয়নি।

একটু চুপ করে থেকে সুরেশ্বর বললে—অকস্মাৎ যেন আমি বদলে গেলাম সুলতা। রায়বাড়ীর এলাকার বাইরে এই ময়দানে যেন সারা ভারতবর্ষের আবেগ আমার নুক আছড়ে পড়ল। সঙ্গে সঙ্গে আমার মনে একটা প্রবল ইচ্ছে জেগে উঠল যে, দেব, আমিও ঝাঁপ দেব। প্রায়শ্চিত্ত করব জীবনের। শুধু আমার নয়, আমার বাবার, আমার পূর্বপুরুষদের, ইথেরজ-

আজ্ঞাগতের প্রায়শ্চিত্ত করব। কেন নিজেকে আবদ্ধ করে রাখব এই পচে-বাগরা জমিদারবংশের জটপাকানো বন্ধনের মধ্যে!

চৌরঙ্গীর মোড়টার এসে দেখলাম, সেখানটা ফাঁকা। পুলিশ ছাড়া কেউ নেই। এ্যাংলো ইণ্ডিয়ান সার্জেন্টরা সদর্পে ঘুরে বেড়াচ্ছে। আমার গাড়ীটা থামিয়েও একবার দেখে নিলে আমার চেহারাটা। তারপর গাড়ীটা ছেড়ে দিলে।

গাড়ীটা এসে জানবাজারের এই বাড়ীতে থামল। আমি গাড়ী থেকে নেমে উপরে ঘরের দরজার কড়া নাড়লাম। ভিতর থেকে একজন চাকর দরজা খুলে দিলে। আমি ঘরে ঢুকতে যাব এমন সময় লরা বারান্দাটার ওধার থেকে কে আর্ন্ত চীৎকার করে উঠল—বাবুজী—হজুর হামার রায়হজুর!

কে? কর্ত্ত্বরটা পরিচিত। এবং পরমুহূর্তেই মনে হল এ তো হিলডার গলা। মনে পড়ে গেল, কাল সে আমি যে-ট্রেনে এসেছি, সেই ট্রেনেই কলকাতা এসেছে। কিন্তু সে এখানে কেন?

ধমকে দাঁড়লাম।

পরমুহূর্তেই এগিয়ে এসে দাঁড়াল কুইনী। খুব আশ্চর্য হইলি। কারণ হিলডার গলার স্বর আগে পেরেছি। জিজ্ঞাসা করলাম—কি ব্যাপার কুইনী?

—বড় বিপদে পড়ে এখানে এসেছি স্ত্রার। রথু ছিল, সেই এ-বাড়ীতে আমাদের ঢুকতে দিয়েছে। নইলে হয়তো—একটা দীর্ঘশ্বাস কেলে বললে—জানি না কি হত? ও-বাড়ীতে দাদিয়া ভাড়াটেদের সঙ্গে ঝগড়া করে যা-তা গালাগাল করেছিল—হ্যারিস এখানে তালা ভেঙে ঢুকেছে। তারা তাকে ঠেলে ঘর থেকে গলাধাক্কা দিয়ে বের করে দিয়েছে। পড়ে গিয়ে দাদিয়ার হাঁটুটা অত্যন্ত জখম হয়েছে। যার সঙ্গে এসেছিলাম, জন চৌধুরী মারপিট শুরু হতেই পালিয়েছে। তাই এখানে এল দাদিয়া। বললে—আর কোথা যাব? একটু চুপ করে থেকে আবার বললে—আর—। বলতে গিয়ে ধেমে গেল কুইনী।

—কি আর?

—ভাড়াটেরা বললে—রায়বাবুরা নোটিশ দিয়েছে—এ-বাড়ী আমাদের। যেন অল্প কাউকে ভাড়া না দেওয়া হয়। শুনলাম, তিন মাসের ভাড়া তারা প্রত্যেককে ছেড়ে দেবে।

—আমরা নোটিশ দিয়েছি? বিশ্বাসের আর সীমা রইল না আমার।

—না স্ত্রার। আপনাদের বড়-তরকের বাবুরা দিয়েছেন নোটিশ।

—আমাদের বড়-তরক? মানে জ্যাঠামশাই?—যজ্ঞেশ্বর রায়?

—হ্যাঁ। তাঁর নাম আছে। আর হ্যারিসের যে-ঘরটা আমরা বন্ধ করে রেখেছিলাম সেই ঘরটা হ্যারিসকে দিয়ে খুলিয়ে তাকে থাকতে দিয়েছেন বড় রায়বাবুর ছেলেরা। হ্যারিস এখন বলছে—এ-বাড়ী বড় রায়বাবুর। এখানে তারা চিরকাল ভাড়া দিয়ে থাকে। আমার মা-বাবাও ভাড়া দিত। আমার মায়ের বাবাও ভাড়া দিতো—সে তাঁর সাক্ষী। হ্যারিসই কলকাতার এসে বড় রায়বাবুর কাছে গিয়েছিল। তাঁর অন্তর্ভুক্ত। তাঁর ছেলে যিনি স্টেটলমেন্টের সময় কীর্তিহাট গিয়েছিলেন, তিনিই হ্যারিসকে নিয়ে এসে বসিয়েছেন।

কুইনীর কর্তৃত্ব কাঁপছিল। আমি বললাম—বেশ করেছ কুইনী। ভালই করেছ। আমি খুশি হয়েছি। আপনার ভাবতে পেরেছ—এসেছ এখানে—কিন্তু কিছু খেয়েছ?

টপ টপ করে কুইনীর চোখ থেকে জল ঝরে পড়ল। ঘাড় নেড়ে জানালে—হ্যাঁ। দোকান থেকে কিনে এনে খেয়েছি। কিন্তু দাঁড়িয়া বড় জখম হয়েছে। অনেক রক্ত পড়েছে।

আমি বললাম—আজ বড় ক্লান্ত আমি কুইনী। মনও ভাল নেই। কাল শুনব তুমি ছিলজাকে বল গিয়ে। কাল শুনব; বুকে দেখব। তবে বাড়ী ভোমার এ আমি জানি। দরকার হলে একথা আমি বলব। আদালতেও বলব।

বলে উপরে উঠে চলে গেলাম আমি।

স্বপ্নের বললে—সুলতা সে রাতে আদৌ ঘুম হয় নি। আমার মনের মধ্যে পাশাপাশি ভিনটে চিন্তার স্রোত বইছিল। ঘুমতে আমি পারিনি।

একটা স্রোত—অল্পপূর্ণা দেবী বড়মার বাড়ীর ঘটনা এবং ওই রথীন ছেলেটিকে নিয়ে বিচিত্র অতুমান ও কল্পনা। অল্পটুকু কাল যে-হাওয়াতে ময়দানে নিখাস নিয়ে এসেছিলাম তার চিন্তা। ঘর সংসার বংশ—সমস্ত কিছুই বাইরে যে জগতে ও জীবনের স্রোত বইছে, তার গর্জন। সে রাতে এই শেষেরটা এত স্পষ্ট হয়ে উঠেছিল যে আমাকে কোন মতে স্থির হতে দিচ্ছিল না। একটা প্রবল আকর্ষণে যেন টানছিল আমাকে।

আজও পর্যন্ত আমার জানাশোনা জমিদারবংশের মধ্যে দুচার ঘর ছাড়া কেউ এই ভারতের জীবনধারাকে সমর্থন করেন নি। আমি নিজে গিয়ে বণ্ট দিয়ে ফিরে এসেছি। বাবা গান্ধীজীকে অনেক মন্দ কথা বলে গেছেন।

১৮৮৫ সালে কংগ্রেসের জন্ম হয়েছিল। প্রথম বৎসরে তারপর ১৮৮৬ সালে কলকাতার। সে সময়ে রায়বাহাদুর রত্নেশ্বর রায় জীবিত। বড় ছেলে দেবেন্দ্র রায় তখন ডেইশ চরিশ বছরের তরুণ। কীর্তিহাটের লোকে বলত বড়কুমার। রত্নেশ্বর রায়ের ব্রিটিশ ইন্ডিয়ান অ্যাসোসিয়েশন—ল্যাণ্ডলর্ড অ্যাসোসিয়েশন থেকেই জন্মেছে। রাজা মহারাজ উপাধিধারী বড় বড় জমিদাররা ব্রিটিশ ইন্ডিয়ান অ্যাসোসিয়েশনে বেকশ ছিলেন না। কিন্তু সে কালের ধারা এক সঙ্গে জমিদার ধনী এবং শিক্ষা এবং বুদ্ধির ক্ষেত্রে উজ্জ্বল রত্ন—তারা এই অ্যাসোসিয়েশনেই ছিলেন রাজা রাজেন্দ্রলাল মিত্র, কৃষ্ণদাস পাল, রাজা দিগম্বর মিত্র, মহারাজা যতীন্দ্রমোহন ঠাকুর, উত্তরপাড়ার দোদীপ্রতাপ অয়্যর মুখুজে এরা এঁর সঙ্গে ছিলেন।

প্রথম কংগ্রেস হবার কথা ছিল পুণায়। ছত্রপতি মহারাজাধিরাজ শিবাজীর শীলক্ষেত্রে। জানি না এটা তাঁরা সচেতন আগ্রহ বুদ্ধি নিয়ে করেছিলেন কিনা। মিষ্টার হিউম—আমরা জানতাম মহামতি হিউম, ভাইসরয় লর্ড ডাকরিনের অহুমতি নিয়েই এর পত্তন করেছিলেন। দেবশ তখন একটা আগরণ এসেছে। বীরেশ্বর রায়ের কাল চলে গেছে। রত্নেশ্বর রায় রায়বাহাদুরের কাল তখনও যায় নি কিন্তু পোশাক বদলাচ্ছে। পুণাতে কি একটা এপিডেমিক হয়েছিল বলেই স্থান পরিবর্তন করে প্রথম অধিবেশন হয়েছিল বম্বেতে। বাংলার উদ্দেশ্য বাক্ষ্য—ডব্লু সি ব্যানার্জি হয়েছিলেন প্রেসিডেন্ট। দ্বিতীয় অধিবেশন হল কলকাতার ডাঙে ব্রিটিশ ইন্ডিয়ান অ্যাসোসিয়েশন কোর্টের মত সমাগন করে সাহায্য করেছিলেন।

রাজা রাজেন্দ্রলাল মিত্তির—শুধু ধনী নন, জমিদারীতে জমিদার নন, নিজে তিনি বিরাট পণ্ডিত, তিনিই ছিলেন কলকাতার সে কংগ্রেস অধিবেশনে রিসেপশন কমিটির চেয়ারম্যান। বখের দাদাভাই নওরোজী মূল সভাপতি।

সভাপতি হিসেবে দাদাভাই নওরোজীর নাম প্রস্তাব করেছিল উত্তরপাড়ার জমিদার, যাঁর প্রভাপের ভয়ে প্রস্তাবী কাঁপত, তিনি। তখন তাঁর উনআশী বছর বয়স।

সভাপতি দাদাভাই নওরোজী থেকে বিভিন্ন প্রতিভার ডেলিগেটরা মুক্তকণ্ঠে কলকাতার সমর্থনার প্রার্থনা করে গিয়েছিলেন।

রায়বাহাদুরের আমলের কুমারচের খাতার তিন অঙ্কের একটা চাঁদা থরচ আছে। কিন্তু নিজে তিনি আসতে পারেন নি, তীর্থে যাবার আয়োজন করেছিলেন। যোগ দিয়েছিলেন দেবেন্দ্র রায়; তিনি ছিলেন ভলেটির দলের একজন কর্তা। এবং বহুজনের দৃষ্টি আকর্ষণ করেছিলেন।

১৮৮৮ সালে ব্রিটিশ ইণ্ডিয়ান এ্যাসোসিয়েশন থেকে কংগ্রেস পৃথক হয়ে গেল। তার স্বতন্ত্র অস্তিত্ব হল, স্বায়ী অস্তিত্ব; তার লক্ষ্য হল স্বতন্ত্র; দৃষ্টি জমিদার ধনীদেব ছাড়িয়ে আরও বিস্তৃত হল। ব্রিটিশ ইণ্ডিয়ান এ্যাসোসিয়েশন পৃথক হয়ে গেল।

রত্নেশ্বর রায়ের কাগজপত্রের মধ্যে একখানা চিঠির নকল আছে। ব্রিটিশ ইণ্ডিয়ান এ্যাসোসিয়েশন লিখেছিল জ্ঞানলাল কংগ্রেসের সেক্রেটারীকে। দীর্ঘ পত্র। তার কটা লাইন আমি নোট করে রেখেছি মূলত। ব্রিটিশ ইণ্ডিয়ান এ্যাসোসিয়েশনের পক্ষ থেকে কংগ্রেস সেশনে ডেলিগেট পাঠাবার জন্য অহুরোধের উত্তরে ব্রিটিশ ইণ্ডিয়ান এ্যাসোসিয়েশনের সেক্রেটারী ‘রাজকুমার সর্বাধিকারী’ লিখেছিলেন—

‘No Political Association of the country,’ can feel the least hesitation in sending delegates to a conference but they will naturally shrink from associating themselves with a rival Association, whose mode of action—whose methods and measures—may often be diametrically opposite to those of their own’.

এরপর থেকে জমিদার শ্রেণীই একরকম কংগ্রেস থেকে দূরে সরেছে। ছোঁরাছ বাঁচিয়ে চলেছে। যেটুকু ছিল, তা ছিল একগোছা না-পাকানো স্তোত্র বাঁধনের মত। তার অর্ধেক-গুলো ছিঁড়ে গেল ১৯০৫ সালে, বাকীটা ছিঁড়লো ১৯২১ সালে। সম্পদ যাদের থাকে মূলত তারা রাষ্ট্রবিপ্লব চায় না; আর সম্পদ যাদের আছে, তাদের বাঁচবার মাথ বড় বেশী। ওই কথাগুলোই তার সাক্ষী।

এর মধ্যেও হয় তো ছ’ চারজন জমিদারের হুঁসাহসী বা আবেগপ্রবণ ছেলে—কংগ্রেস কেন বোমা-পিস্তলের দলেও ঢুকেছে। কিন্তু শেষরক্ষা করতে পারে নি কিছুদূর এগিয়ে গিয়ে জমিদার বাগকে ধরে পুলিশ আপিসে এসে নরেন গৌলহীরের মত অ্যাফতার হয়েছিল।

কিন্তু সেদিন যেন অল্পভব করেছিলাম, না—এ আর এক যুগ। অন্ততঃ রায়বংশের পক্ষে। আর এক যুগ বলেই অতুলেশ্বর এই কাজ পেয়েছে, অর্চনা তার সহকারিণী হতে চেঁচা করেছে।



মেজদি যে মেজদি, তিনিও পেরেছেন।

আগি কেন পারব না ?

উত্তেজনার মধ্যে মধ্যে উঠে বসেছি সেদিন রাতে। সে কতবার তা মনে নেই, তবে অনেক ক'বার তা মনে আছে।

এরই মধ্যে আর এক চিন্তাও এসেছে।

মাঝে মাঝে চীৎকার শুনতে পাচ্ছিলাম। যন্ত্রণাকাতর নারীকর্ণের চীৎকার। চোঁচাচ্ছিল—গোয়ান বুড়ী ছিলতা।

সত্য বলব তোমার কাছে সুলতা—মধ্যে মধ্যে এমন বিরজ্জি বোধ করছিলাম যে ইচ্ছে হচ্ছিল চীৎকার করে ধমক দিই। থামতে বলি। একবার অন্ততঃ মনে হয়েছিল যে দারোয়ানকে বলি—এমন চীৎকার করলে বের করে দে ওকে।

কিন্তু সঙ্গে সঙ্গে মনে পড়ছিল কুইনীকে। কুইনীর সঙ্গে সেই চিঠিগুলো। রত্নেশ্বর রায়ের দানপত্র। রায় এ্যাণ্ড কোম্পানীর চিঠি ভায়লা পিঙ্গুসকে। তার ছেলেকে পড়বার খরচ দেবার কথা। ভায়লাকে মাসোহারা দেবার কথা। সঙ্গে সঙ্গে অসংখ্য আবছা গুথ্র। কিন্তু সবচেয়ে বেশী মনে পড়ছিল কুইনীকে। কুইনীর মধ্যে একটা কি ছিল। যা আমাকে তীব্র আকর্ষণে আকৃষ্ট করত।

হয়তো মানুষের দেহের মধ্যে যে অনিবার্য আকর্ষণ থাকে নারীদেহের প্রতি যার জন্ত পরম্পরের দেখা হওয়া মাত্র নারী চকল হয়ে উঠে মুখ ফেরায়, ঘোমটা টানে, গায়ের কাপড়টা টেনে দেয়; পুরুষ বিস্ফারিত নিঃশ্বাসে দৃষ্টিতে দেখে প্রতি মুহূর্তে এগুতে চায় জন্তুর মত, কেবল মানুষ বলেই পারে না, সমাজ আছে বলে পারে না, গভর্নমেন্ট আছে বলে পারে না—এটা তাই।

ভেবে দেখ সুলতা কোন জগৎ থেকে কোন জগতে গিয়ে পড়ছিলাম আমি। কোথায় দেশ-মানুষ, আবুদান—আবার কোথায় পুরুষ আর নারী—দৃষ্টিতে মোহ, অন্তরে প্রবল আকর্ষণ তার সঙ্গে বংশের একটা অজ্ঞায় সংযোগের রহস্যময় কিছু। তাকে কি বলব বুঝতে পারছি না। বারবার নিজেকে তিরস্কার করেছিলাম সেদিন। রায়বাচ্চীর রত্নেশ্বর রায়ের ডায়রীর মধ্যে কিছু কিছু বিচিত্র আত্মবিশ্লেষণ আছে। ডায়রী তিনি খিলুপ্ত করে দেবেন, এই ইচ্ছে তাঁর ছিল। ডায়রীর দপ্তরের উপর লেখা ছিল—এগুলিকে আমার চিতার পুড়িয়ে দিবে। যদিই তা কোন কারণে না হয়, অর্থাৎ যদি শেষসময়ে আমি একথা বলে যেতে না পারি এবং এই লুকানো দপ্তর কাকুর চোপে না পড়ে, থেকেই যায়, তবে এ ডায়রী কেউ পড়ো না। যে পড়বে সে ব্রহ্মহত্যার পিতৃহত্যার পাতকগ্রস্ত হবে। এবং সঙ্গে সঙ্গে ঊর্ধ্বতন চতুর্দশ পুরুষ নরকস্থ হবে। তার কারণ, আমাদের কাহিনী, সোমেশ্বর রায়ের কাহিনী, বিমলা দেবীর দস্তান চুরির কাহিনী তিনি পৃথিবী থেকে মুছে দিতেই চেয়েছিলেন। কিন্তু পৃথিবীতে তা হয় না। রায়বাড়ীর ক্ষেত্রে আমিই তাঁর সকল নিবেদন অমান্ত করলাম।

আমি পড়েছিলাম সুলতা তোমার জন্তে। ঠাকুরদাস পালের খুনের মধ্যে তিনি কি ভাবে কতখানি জড়িয়েছিলেন তাই জানবার জন্ত। এবং বিচার করবার জন্তও বটে। সেই ক্ষেত্রে

পেলাম রায়বংশের গোপন করা ইতিহাসের কথা। কি সে গুপ্ত কথা? তাঁর নির্দেশ মানি নি। চতুর্দশ পুরুষ নরকস্থ হবে এ কথা বিশ্বাসই করতাম না। আর পিতৃহত্যা ব্রহ্মহত্যার পাপ—এ আমাদের অর্শাবে বলে ভয়ও করি নি, পড়তে পড়তে এই মামুষটিকে ভয় হয়েছে তাঁর কঠোরতার কথা পড়ে, সত্যবাদিতা দেখে, মনের কথা একদিন গোপন করেন নি ডায়রীতে। এবং বিচিত্র রঙে রূপে নিজেকে প্রকাশ করেছেন। সুলতা, কিছুক্ষণ আগে অজ্ঞানার সঙ্গে তাঁর যে কথাবার্তা হয়েছিল একখানি ঘরের মধ্যে—যখন সরস্বতীবউ দ্বিতীয়া কণ্ঠ্য প্রসবের পর অসুস্থ এবং শোকার্ত, কারণ মেয়েটি মারা গেছে, সেই নিরিবিলিতেও যে সাংঘাতিক কথাগুলি অজ্ঞনা বলেছিল এবং তার উত্তরে তাঁর যে স্বরূপটি প্রকাশ করেছিলেন, তা তোমাকে শুনিয়েছি। তোমাকে বলতেই হবে যে, তিনি গোপন কিছু করেন নি, এমন কি নিজের মনের অন্ধকার কোণে নিরন্তর অন্ধকারের মত যে গোপন কামনাটি লুক পশুর মত দাঁড়িয়েছিল, তাকেও তিনি গোপন করেন নি।

এই রত্নেশ্বর রায়ের আর একদিনের বা দু তিন দিনের ডায়রীর মধ্যে বোধহয়, সারা জীবনটা আকাশের আলোর নিচে পৃথিবীর মত যেনে ধরা আছে। তার মধ্যে দেখেছি এক একটা জায়গা আছে বড় ভয়ঙ্কর। মামুষের সত্য জীবনে যা আছে—গোটা পৃথিবীর কোথাও বোধহয় তা নেই।

টেবিলের উপর থাক-বন্দী ডায়রীগুলি থেকে উপরের সেই খাতাখানা টেনে নিলে—যেখানার মধ্যে থেকে কিছুক্ষণ আগে অজ্ঞনা এবং রত্নেশ্বরের কথা কাটাকাটির বিবরণ পড়ে শুনিয়েছিল।

এক চিহ্নিত স্থান খুলে বের করে রত্নেশ্বর বললে—ওই ঘটনার তিন মাস পর। অজ্ঞনা একদিন সকালে অদৃশ্য হয়ে গেল। এ ডায়রী সেই দিনের ডায়রী।

লিখেছেন—“প্রভাতে গাথাখান করিয়া উঠিয়াই শুনলাম অজ্ঞনা গৃহত্যাগিনী হইয়াছে। এত সাবধানতা অবলম্বন করিয়াছিলাম—প্রতি দরজায় তালাচাবীর ব্যবস্থা করিয়াছিলাম, দারোয়ান ছিল, কিন্তু তথাপি সে পলাইয়াছে।

সংবাদটা শুনিয়া মনে হইল মুহূর্তে একটা প্রচণ্ড ঝঙ্কা আমার মাথার মধ্য দিয়া বহিয়া যাইতেছে। মনে হইতেছে, আমার অন্তর শাল্মলীবৃক্ষ বা বটবৃক্ষের মত এই ঝঙ্কার মূল লইয়া অর্ধোৎপাতিত হইয়া ভূতলশায়ী হইতেছে। আমি অবশিষ্ট মূলগুলি দিয়া এবং প্রধান মূলটি দিয়া এখনও কোনরকমে টলায়মন অবস্থার পাড়াইয়া রহিয়াছি।

চক্ষে দেখিলাম জীবনের যত অশুভ এবং মন্দবুদ্ধি ও মতি কুটিল সন্দেহ ও আশঙ্কা, জটিল জটপাকানো কামনা এবং ভাবনা—সব আজ এই ঝড়ের আঘাতে মুক্তিকার অভ্যন্তর হইতে পঞ্চশায়ী মূলের মত উপরে উঠিয়া শত মুখ বিস্তার করিয়াছে। যত ক্রোধ তত আক্রোশ, নিগূঢ়-তম মন্দ মতলব মনের মধ্যে খেলিয়া যাইতে লাগিল। খুন করিতে ইচ্ছা হইল। আত্মহত্যা করিতে ইচ্ছা হইল।

ক্রমে তাহা হইতে এত ক্রোধ হইল যে-মুখ হাত ধুইতে ধুইতে চোকীতে বসিয়া প্রহরের মত নিশ্চল হইয়া গেলাম! অজ্ঞনা পলাইয়াছে? কাহার সহিত পলাইয়াছে? মনে মনে সব

বুঝিতেছি—এই সেই শয়তান, রবিনসন-হত্যাকারী আলকান্সো পিঙ্গল ; সে রবিনসনকে হত্যা করিয়া এখান হইতে গিয়া এবং গোয়া হইতে পতুর্গাল গিয়াছিল কিন্তু কিছুদিন হইল আবার আসিয়া হাজির হইয়াছে ।

আজ পিতৃদেব থাকিলে এবং দেওয়ানজী থাকিলে হয় তো অসমসাহসিক কিছু করা বাইত । আমি ভুল করিয়া তাহাকে একটা চাকরী দিয়া বাখিয়া রাখিতে চেষ্টা করিলাম । দেশে আজ কম বৎসর নীল লইয়া আন্দোলন চলিতেছে । দেশের সাধারণ লোকজন উৎসর্গে বাইতে বসিয়াছে । মহারাণী ইংলণ্ডের স্বহস্তে ভারত শাসনের ভার লইলেন কিন্তু অত্যাধি ইংরাজ ব্যবসাদারদের প্রভাপ গেল না । ‘গোটা দেশের শাসনপ্রণালী ও পদ্ধতি তাহারাই স্থির করিতেছে । হিন্দু পেট্রিষ্টের হরিশ মুখোপাধ্যায় মহাশয়ের মত ব্যক্তির যুক্তি-প্রতিবাদ ইহারা গ্রাহ্য করে না ; কান্নার লগ্নের মত ব্যক্তিকেও জেলে প্রেরণ করে । সুতরাং অনেক প্রকার চিন্তা-বিবেচনা করিয়া, ম্যানেজারের সঙ্গে পরামর্শ করিয়াই আলকান্সোকে হাতে রাখিবার জন্যই মাসিক একশত টাকা বেতন বন্দুক ইত্যাদির তহবিল করিতে এবং প্রয়োজন হইলে সাহেব স্ববাদের শীকারের ব্যবস্থা করিতে তাহাকে রাখা হইয়াছিল । আলকান্সোকে এখানেই রাখিয়াছিলাম । কারণ ও অঞ্চলের দু চারজন চিনিতেও পারে । লোকটা নাম পাণ্টাইয়াছিল । পূর্বে দাড়ি-গৌর দুইই ছিল, এখন দাড়ি কামাইয়া ফেলিয়াছে ।

সোক্রিয়া বাঁকে অঙ্কা করি এবং ইহাও বিশ্বাস করি যে, তাহাকে, বেতন দিয়া পিতার মনোরঞ্জনর জন্য বাকী জীবনটার ভার তাহার লইয়াছিলাম বলিয়াই রায়বংশের সকল গোপন কথা কখনও আর প্রকাশ পাইবে না । পিতা গত হইয়াছেন, মাতা স্বর্গে গিয়াছেন—সোক্রি বাঁকে পাঠাইয়াছি গোয়ালিয়রে । তানসেনের সমাদিতুল পরিচার করিয়া ধূপ দীপ জালিয়া বাকী জীবনটা কাটাইয়া দিবে ।

আলকান্সোকেও ঠিক সেই কারণেই রাখিয়াছিলাম । ভাবিয়াছিলাম ক্রমশ পোষ মানাইয়া আমাদের গোয়ানপাড়ায় একটা বিবাহ দিয়া বাস করাইব । বাড়ী করিয়া দিব । ধরসংসার ছেলেপুলে হইলেই লোকটা পোষা সার্কালের চিতায় পরিণত হইয়া যাইবে । না হয়, তখন কীতিছাটের জবল অঞ্চলে স্বন্দরবনের দিকে লোকটাকে পাঠাইয়া দিব, আপনা আপনিই হারাইয়া যাইবে । কিন্তু লোকটা আমার পিঠের উপর ছুরিকাঘাত করিয়া দিয়া চলিয়া গেল ।

সংবাদটা শুনিয়া যেন আমি কোণে কোণে যন্ত্রণার উন্মাদ হইয়া গেলাম । সঙ্গে সঙ্গে ইচ্ছা হইল—দামিনী কি খবরটা আনিয়াছে, তাহার বৃকে একটা লাথি মারিয়া ফেলিয়া দিয়া বলি—মিথ্যা কথা, মিথ্যা কথা, মিথ্যা কথা ! অজ্ঞনা যার নাই যাইতে পারে না ! না—না—পারে না । আমাকে ছাড়িয়া সে— । কিন্তু তাহা পারিলাম না ।

ক্রমশঃ উত্তেজনা হ্রাসপ্রাপ্ত হইল, উত্তপ্ত রক্ত শীতল হইল, মনে হইল কমিরা প্রত্নরীকৃত হইয়া গিয়াছি ।

বুধ্বরে বলিলাম—পলাইয়াছে ? কোথায় ? গর্জার—

দামিনী বলিল—সে একখানা চিঠিখানা রাখিয়া গিয়াছে । চিঠিখানা বউবাগীর নিকট রাখিয়াছে । তিনি বলিলেন—আপনাকে ডাকিতে ।

ধরে আসিয়া দেখিলাম, দেবুকে লইয়া বলিয়া আছেন মদীয় শাশুড়ী ঠাকুরাণী এবং বিছানায় শুইয়া আছে স্বর্ণলতা।

শাশুড়ীকে দেখিবামাত্র অধিবৎ প্রজ্জ্বলিত হইলাম। ইনিই—ইনিই সর্বনাশের একটি হেতু। ইনি, মাস চারেক পূর্বে স্বর্ণলতাকে যখন কীর্তিহাট হইতে কলিকাতা আনা হইয়াছিল, তখন কীর্তিহাটে গিয়া দেবেশ্বরকে অঞ্জনার কোল হইতে কাড়িয়া লইয়াছিলেন।

এস ডি ও সাহেবের পত্নী মেমসাহেব, সভ্যা রমণী, তিনি শুনিয়াছিলেন, অঞ্জনা দেবেশ্বরকে অসভ্য কথা শিখাইতে ছিল। শুধু তাঁহাকে দোষ দিয়াই বা লাভ কি? তাহার কথায় আমিও তো সার নিয়াছিলাম। অঞ্জনাই দেবেশ্বরকে মাহুষ করিত। তাহারই অহুগত ছিল সে। তাহার কোল ছাড়া তাহার ঘুম আসিত না। তাহার জন্মই সে অনেক রাত্রি পর্যন্ত বারান্দায় দেবেশ্বরকে কাঁধে ফেলিয়া পায়চারী করিয়া ঘুমপাড়ানী গান গাহিয়া ফিরিত। মনে পড়িল এই ছড়াটাই সে বেশী গাহিত—“সে যদি তোমার মা হ’ত, ধুলো ঝেড়ে তোমায় কোলে নিতো।”

মাস পাঁচেক আগে শাশুড়ী ঠাকুরণ স্বর্ণলতার অন্তর্বস্ত্রী অবস্থায় শরীর ধারাপ শুনিয়া দেখিতে আসিয়াছিলেন অঞ্জনা দেবেশ্বরকে কি কয়েকটা অশ্লীল কথা বলিয়াছিল—অশ্লীল এই অর্থে যে, হুমুমান দম্পতির সন্মম দেখিয়া দেবেশ্বর অঞ্জনাকে প্রণয় করিয়াছিল—পিসী দেখ—দেখ কি হইতেছে। অঞ্জনা হাসিয়া ফেলিয়াছিল। এবং ব্যাপারটা তাহাকে অশ্লীলভাবে বুঝাইয়া বলিয়াছিল—এমন সবাই করে বাবা। স-বা-ই করে। তাহার পরও অনেক কথা। কথটা শাশুড়ী ঠাকুরণ শুনিয়া স্বর্ণলতাকে বলিয়াছিলেন, স্বর্ণলতা আমাকে বলিয়াছিলেন। এবং শাশুড়ীই জেদ ধরিয়াছিলেন—কলিকাতার বাইতেছে, সেখানে সাহেববাড়ীর নৃদম্ব আরা নিবৃত্ত করা হউক দেবেশ্বরের জন্ত।

কলিকাতায় আসিয়া তাহাই হইয়াছে, সাহেববাড়ীতে আসিয়াছে। দেবেশ্বরেরও তাহাকে বেশ পছন্দ হইয়াছে। তাহার সাজগোছ বিবিধাবস্থা সভ্যই ভাল। অঞ্জনা তাহাতে কাদিয়াছিল। তাহার পরই এই সর্বনাশের, রারবাড়ীতে এই কলঙ্ক লেপনের হত্ৰপাত। কখন কি করিয়া সে ওই দুর্দান্ত আলফান্সোকে দেখিয়াছিল কি করিয়া যোগাযোগ করিয়াছিল তাহা কেহই জানিতে পারে নাই। পাঁচ মাস প্রায় কলিকাতা আসা হইয়াছে—অঞ্জনাকে সঙ্গে লইয়াই আসিয়াছি। অঞ্জনার স্বামী একটা ব্রাহ্ম রমণী লইয়া ব্যভিচারপ্রমত্ত হইয়াছে নৃত্যরাস তাহাকে জোর করিয়াই লইয়া আসিয়াছিলাম।

মাস দুয়েক পরে, অর্থাৎ আজ হইতে তিন মাস পূর্বে প্রথম আমার নজরে আসিল অঞ্জনা আলফান্সোর সহিত দূর হইতে হাস্য বিনিময় করে। চোখে পড়িল আমারই। কয়েকদিন হইতে দেখিতেছিলাম—আলফান্সো হঠাৎ যেন অতিরিক্ত হাঁকডাক শুরু করিয়াছে এবং ছান্দেয়ানদের কুস্তীর আখাতেও কুস্তী লড়িতে আরম্ভ করিয়াছে। পোশাক-পরিচ্ছদেরও বাহার বাড়িয়াছে এবং সে এই বাড়ীতে বেশীকণ কাটাইতেছে। তাহার ডিউটি নামমাত্র—একবার সকালে আসিয়া প্রথমে ঘোড়াগুলোকে দেখে, এবং সেগুলোকে টহল দেওয়ায়। তারপর বন্ধু ও কাভুজগুলো গুলিয়া দেখিয়া কলিকাতা-দপ্তরের ম্যানেজারকে ‘সব ঠিক ছায়’ বলিয়া সেলাম বাজাইয়া চলিয়া যায়। আবার অপরাহ্নে আসে। তখন কাজ বৎসামান্তই। আর কাজ পড়ে,

কোন গাড়ী কারখানার গেসে। সেখানে যেসময়ের কাজ দেখিয়া আসে। বাড়ীতে যেসময়-  
যোগ্য হইলে সে নিজেই খুলিয়া তাহা করিয়া ফেলে। তবে আমি তাহা ঠিক পছন্দ করি না।  
কারণ যত অস্পষ্ট চরিত্র যথেষ্ট ব্যবহারের কলে কোথা যে কোন স্পর্শদোষ কিভাবে ঘটে তাহা  
কে বলিতে পারে?

এবার তাহার এই উল্লাসময় পরিবর্তন দেখিয়া আমার মনে হইয়াছিল, আলকান্সো বোধহয়  
আবার কোর্টশিপ করিতেছে। রবিনসনের কুঠিতে গোয়ানপাড়ায় পিকনের যে একটা সৎ-  
বোনকে লইয়া গিয়াছিল—সে মেয়েটা, আলকান্সো পত্নীগালে চলিয়া গেলে অল্প একনজকে  
বিবাহ করিয়াছে। আলকান্সো পত্নীগালে বিবাহ করিয়াছিল, কিন্তু কি কারণে তাহাকে ডাই-  
ভোর্স করিয়া চলিয়া আসিয়াছে। সেই কারণেই এরূপ ভাবিয়াছিলাম। কিন্তু তাহার দৃষ্টি যে  
রায়বাড়ীর অন্ধর ভেদ করিয়া অজ্ঞানার প্রতি নিবদ্ধ হইয়াছে তাহা বুঝিতে পারি নাই। কেমন  
করিয়া বুঝিবে? একজন হিন্দু নারী, ব্রাহ্মণকন্যা তাহার এমন মতি হইতে পারে কি করিয়া  
বুঝিবে? অবশ্য সমাজে গুপ্ত ব্যাবির মত ব্যাবি আছে। ব্যাবি, বড়বাড়ী ছোটবাড়ী বাছে না।  
বড়বাড়ীর বড় শিক্ষকেও ব্যাবি করিয়া নানা অনাচার ঘটায়। কান্দীধামে থাকিতে ইহার অজ্ঞান  
দৃষ্টান্ত দেখিয়া আসিয়াছি। ঘৃণা করিয়াছি। কিন্তু কখনও ভাবি নাই যে এমন কিছু আমার  
বাড়ীতে ঘটিতে পারে। অল্প জমিদারের বাড়ীতে ঘটে। জমিদার, ব্যবসাদার, ব্রাহ্মণ, চণ্ডাল  
এ পাণ্ডা যেখানে হুটীছিন্ন পথ পায় সেইখানেই প্রবেশ করে।

অল্প পরে কা-কথা, দেবতাদের গৃহেও ঘটে।

ইন্দ্র গুরুপত্নী অহল্যাকে ধর্ষণ করিয়াছিলেন, অহল্যা পাখাণী হইয়াছিল। চন্দ্র বৃহস্পতি-পত্নী  
তারাকে হরণ করিয়া লইয়া পলাইয়াছিল। এবং বৃহস্পতি তারাকে চন্দ্রের ঔরসজাত পুত্র বৃ-  
হসহ আবার গ্রহণ করিয়াছিলেন।

তবুও আমার বাড়ীর—আমি রত্নেশ্বর—আমার বাড়ীতে এমন ঘটবে কল্পনাও করিতে পারি  
নাই। হঠাৎ চোখে পড়িয়া গেল ব্যাপারটা। প্রথম পিতৃদেবের আমলের চাকর মনিন্দর এবং  
দারোয়ানদের ঘর হইতে ছেদী সিং ব্যাপারটা লক্ষ্য করিয়াছিল এবং আমাকে তাহা জ্ঞাত করিলে,  
আমি ব্যাপারটা আড়াল হইতে স্বচক্ষে লক্ষ করিলাম। দেখিলাম ছাদের আলসের উপর ভর  
দিয়া সে অস্ত্রশালার একটা গলিতে দাঁড়াইয়া পরস্পরে হাসিতেছে, ইঙ্গিত বিনিময় হইতেছে।  
ছেদীর নির্দেশমত আমি মেথর নির্গত হইবার গলিপথ ধরিয়া আসিয়া আলকান্সোর পিছনে  
দাঁড়াইয়াছিলাম। আলকান্সো আমাকে প্রথমটা দেখে নাই কিন্তু আলসে হইতে অজ্ঞান  
আমাকে দেখিয়াছিল। এবং সঙ্গে সঙ্গেই প্রায় অদৃশ্য হইয়াছিল। আলকান্সোকে প্রশ্ন করিতে  
গিয়াও পারিলাম না।

অজ্ঞানার আকস্মিক অন্তর্ধানে হতচকিত আলকান্সো ফিরিয়া আমাকে দেখিয়া উদ্ভ্রাণে  
ছুটিয়া পলাইয়া গেল। আমি ধবু ধবু বলিয়া চীৎকার করিতে পারিলাম না। কারণ, মুহূর্তে  
কারণটা এমনই বৃহদাকার ও কুৎসিত হইয়া উঠিবে যে—যাহা শুধু অজ্ঞানাকে লইয়াই হইবে না,  
কলিকাতার অভিজাত মহলের কাছে রায়বাড়ীর মাথাই হেঁট হইবে। ওই মেথর চলাচলের পথ  
ধরিয়াই যেমন চোরের মত গিয়াছিলাম তেমনি চোরের মত ফিরিয়া আসিয়াছিলাম। সারানিন

ভাবিয়া স্থির করিতে পারি নাই কি করিব ? আলফান্সোর উপর নির্ভর ক্রোধ সত্ত্বেও চূপ করিয়াছিলাম, শোকটা এখন যদি নীলকর সমাজে গিয়া সব ব্যাপারটা প্রকাশ করিয়া দেয়, তবে সর্বনাশ হইবে।

ইংরেজ জাত অতি ভয়ানক জাত। এমনিতে সে ভয়, ন্যায়পরায়ণ। কিন্তু ইংরেজের এক বিন্দু রক্তের জন্ত সে কি না পারে ?

ওঃ! সিপাহী বিদ্রোহ দমন করিবার শেষ মুখল সম্রাট বাহাদুর শাহের পুত্রদের, হুমায়ুন বাদশাহের কবর হইতে টানিয়া বাহির করিয়া আনিয়া, খুনী দরওয়াজায় ফাঁসী দিয়া দেহগুলিরও সংস্কার করিতে দেয় নাই। ইহারা সব পারে। কান্নিতে বালকদ্বিগকে গুলী করিয়া হত্যা করিতে দেখিয়াছি। পা কাটা ছেদী আজও আমার চোখের সম্মুখে রহিয়াছে।

ডাকিয়া তিরস্কার করিলাম অজ্ঞনাকে। আশ্চর্য! অজ্ঞনা সেদিন যে উত্তর দিয়াছিল তাহাতে শুধু স্তম্ভিতই হই নাই। তাহার ঠিক উত্তরও খুঁজিয়া পাই নাই।

শুধু কয়েকদিন ধরিয়াই ভাবিয়াছিলাম—অপরাধ কি আমার ?

অপরাধ ধর্ম অহুসারে আমার নিশ্চয় নয়, তবুও নিজেকে অপরাধী না-ভাবিয়া পারি-নাই। হ্যাঁ, অজ্ঞনাকে আশ্রয় দিয়া আমার নিজের কাছে আমি রাখিয়াছি। নিজের জন্ত রাখিয়াছি। স্বর্ণলতার জন্ত ঠিক নহে। তাহাকে প্রত্নরও আমি দিয়াছি। ইহা স্বীকার করি। কিন্তু পাপ অভিপ্রায় আমার ছিল না। তাহার কল্যাণের জন্ত রাখিয়াছিলাম এবং আমার তাহাতে আনন্দ বলিয়াও রাখিয়াছিলাম। আমার এই আনন্দ তাহার মনে আশা উদ্ভূত করিয়া থাকিবে। হ্যাঁ, ইহা স্বাভাবিক।

অজ্ঞনাকে এইজন্তই শাস্ত দিতে পারি নাই।

আলফান্সো সেই দিন হইতে আর আসে নাই। আমি সন্ধানের জন্ত গোয়ানপাড়ার পিড়জকে লাগাইয়া জানিলাম, সে ভীত হইয়াছে। এবং বলিতেছে—সুযোগ পাইলেই সে কলিকাতা হইতে গোয়া পলাইয়া যাইবে। যাহাঁবার পূর্বে তাহার অনিষ্ট করিবার চেষ্টা করিলে—সে নীলকরদের পত্র লিপিরা রবিনসন বৃত্তান্ত জানাইয়া দিবে। ইহাই অল্পমান করিয়াছিলাম।

অবশ্য কলিকাতায় বা ব্রিটিশ এলাকায় থাকিতে সে ইহা পারিবে না। তাহা হইলে যামলায় তাহাকেই দণ্ডভোগ করিতে হইবে। আমারও হাজারিমা কম হইবে না। কিন্তু আমার অর্থ, আমার সম্মান, গভর্নমেন্ট ঘরে আমাদের রেকর্ড—এ সমস্তই আমার সহায়। আমার অহুস্বে। আমি তাহাতে অবশ্যই উত্তীর্ণ হইব।

তথাপি গোয়ানপাড়ার পিড়জকে বলিলাম—তাহাকে বলিও, এক্সপ করিবার চেষ্টা করিলে একজন ইংরেজকে দিয়াই আমি তাহাকে শেষ করাইব। এবং আমিই তাকে ধরাইয়া দিব। তদনুসারে তাহাকে বল—আমি আবার তাহাকে কিছু টাকা দিতে প্রস্তুত আছি। সে চিরদিনের মত ব্রিটিশ ভারত ছাড়িয়া চলিয়া যাউক। প্রত্যবে সে রাজী হইয়াছিল এবং এ্যাটর্নী বাড়ীতে নগদ টাকা লইয়া এ্যাটর্নীঘরের তৈরী একখানি কনফেশন পত্রে সই করিয়া দিয়াছে এই পরও জারি।

আম আজ—আজ দেখিতেছি অঙ্গনা নিরুদ্দেশ ।

কাহার সহিত নিরুদ্দেশ ইহা কি আমার নিকটেও প্রশ্ন ? না, ইহা আমার নিকট মিথ্যাকথার মত স্পষ্ট । বন্ধের অভ্যন্তর যেন আশ্রয়গিরির মত প্রসূমিত ।

শাশুড়ীকে দেখিয়াই আমার সর্বাঙ্গ যেন প্রজলিত হইয়া উঠিল । ইনি—ইনি—ইনিই অঙ্গনার অন্তর্ধানের প্রথম কারণ । ইনিই । এই কলিকাতার আধাজ্ঞান, এস-ডি-ও সাহেবের মেমসাহেব, ইনিই প্রথম কারণ । দেবেশ্বরকে অঙ্গনার নিকট হইতে কাড়িয়া লইয়াছেন ইনি । সারস্ববাড়ীর আরা আনাইয়া রাখিয়াছেন ইনিই । ইঁহারায়ামী এবং স্ত্রী—উভয়ে যত ব্যয় হইতেছে, ততই বেশী করিয়া সাহেব-মেম হইয়া উঠিতেছেন । আমার স্বপ্তরই পরামর্শ দিয়া—ছিলেন আলফান্সোকে মাছিনা দিয়া রাখিবার জন্ত । হাজার ইউক একজন গোয়ালীজ কবিরী, শাদা চামড়া চাকর থাকিবে । শিকার করিবার সময় সাহেবদের মনোরঞ্জন করিবে, তাহা ছাড়া লোকটার মুখ যখন বন্ধ করার প্রয়োজন, তখন তাহাকে নিশ্চয় রাখিবে ।

আজ তাহার কল কলিল । বাহা হইবার হইয়া গেল । যে পত্রখানি অঙ্গনার শয্যার উপর পাওয়া গিয়াছে, সেই পত্রখানি লইয়া এস-ডি-ও সাহেব-দুহিতা, কীতিহাটের বিজ্ঞাবতী বধূঠাকুরাণী বলিলেন—দেখ, অঙ্গনার কীর্তি দেখ ।

এস-ডি-ও মেম বলিলেন—আমি জানিতাম, আমি জানিতাম । সেদিন দেবেশ্বরকে যাহা বলিতেছিল, তাহা হইতেই আমি এমনি একটা কিছু অনুমান করিয়াছিলাম । দারুণ ক্রোধে আমি পত্রখানা হাতে লইয়া সেখান হইতে চলিয়া আসিলাম । এবং স্থির করিলাম স্বপ্তরকে লিখিব যে, এই ধরনের ঘন ঘন কস্তার বাড়ী আসাটা তাহার মেমসাহেবের পক্ষে মর্যাদাহানিকর হইতেছে ।

আমি পত্রখানা পড়িলাম—“আমি আলফান্সোর সঙ্গেই বাইতেছি । তোমাদের অনেক খাইয়াছি পরিয়াছি, অনেক দিয়াছি ; গহনা কাপড় ; আর কিছু লেখাপড়া শিখিয়াছি, কারদা-কালুন শিখিয়াছি । এবার কুশান হইব । ইংরাজী শিখিব । খাটি মেমসাহেব হইব । বেচ্ছায় বাইতেছি । এবং লাউসাহেবের কাছে জানাইতেছি যে, আমি কুশান হইতে চাই কিন্তু আমার আত্মীয়স্বজনরা বাধা দিতে পারেন বলিয়া হজুর লর্ডবাহাদুরের শরণাপন্ন হইতেছি ।”

স্বপ্তর বলিলে—এরপর তারুরী লিখবার সময় রত্নেশ্বর দ্বার যেন উন্মাদ হয়ে গিয়েছেন । তখন লিখছেন—“ইচ্ছে হচ্ছে আজই লক্ষ টাকা লাগিলেও খরচ করিয়া আলফান্সোকে হত্যা করাইব । ওই গোয়ানপাড়ার পিঙ্ককে দিয়াই হত্যা করাইব । লোকটাকে কোনমতে মুখ বাঁধিয়া তুলিয়া আনিয়া প্রথমে আসুল কাটিব, তারপর চোখ দুইটা গালিয়া দিব, তাহার পর জিভটা কাটিয়া দিব । এবং কানেও বধির করিয়া দিব । হত্যা করিব না ।”

আবার লিখেছেন—“অঙ্গনাকে পাইলে তাহাকে অস্ত্র শাস্তি দিব না । তাহাকে টাকা-পয়সা সাজ-পোষাক দিয়া সাজাইয়া গয়নাখাটী সোনাগাজি অঞ্চলের বারবনিয়া সাজাইয়া বলিব—এই পথ ছাড়া তোমার পরিভূক্তি হইবে না । ইহাই তোমার অবজ্ঞাস্বী পরিণাম । আমার অভিষেকের দিন একরূপ সংকল্প করিয়া তোমার ভার লইয়াছিলাম । সুতরাং ইহা ইউক পাপের পথ, এই পথেই তোমাকে দাঁড় করাইয়া দিয়া কর্তব্য পালন করিতেছি । তাহার কামাট-

তার শান্তিধরুণ ভাষাকে বহুভোগ্য্য করিয়া ছাড়িয়া দিব। বলিব প্রেতিনী তুমি—এই পিণ্ডেই তোমার তৃপ্তি। তাহাই গ্রহণ কর।”

তারপর আবার লিখেছেন—“ইচ্ছা হইতেছে আলফান্সোকে টাকা দিয়া ওই আলফান্সোভক্তা বৈরিনীকে আনিয়া কীর্তিহাটে সিদ্ধপীঠতলার বলিদান দিই। এবং মাংস টুকরা টুকরা করিয়া ছড়াইয়া দিই। পশু-পক্ষী, কীট-পতঙ্গ, কুক্কুর-শৃগাল, শকুনি-বৃধিণীরা খাইয়া নিশ্চিন্ত করিয়া দিক।”

ভারবীরতাই আছে—পরপর তিন দিনের ভারবীরত য়া রয়েছে, সে যেন কোন হঠাৎ উন্মাদ হয়ে যাওয়া মানুষের ভারবীর। মধ্যে মধ্যে অজস্র কাটাকুটোর চিহ্ন। তার মধ্যে পেলাম একজন সহিসের পিঠে দশ কোড়া লাগাবার হুকুম দিয়েছিলেন। তিনজন দারোয়ানের জবাব হয়েছিল। কারণ, রায়বাড়ীর দুটো গেটে দু'জন পাহারা ছিল আর একজন হাতার মধ্যে টহল দিয়ে ফিরেছিল। এর মধ্যে থেকেও যখন অজনা পালিয়েছে, তখন প্রথম এবং প্রধান দায়িত্ব তাদের। কিন্তু তারা কিছু বলতে পারেনি। বলবে কি, জানতেও কিছু পারেনি, কারণ সদর কোন পথে অজনা অদৃশ্য হয়নি, সে অদৃশ্য হয়েছিল মেথর যাওয়ার গলি-পথটার দরজা খুলে, সেই গলি পথে পথে। এবং এসে আলফান্সোর সঙ্গে মিলিত হয়েছিল একেবারে রিপন স্ট্রীটের ধারে। এ-পথ তাকে বাতলে দিয়েছিল গোয়ানপাড়ার পিড়কের এক চালা পোয়ান। রায়বাহাদুর খুন করিয়েছিলেন একেই।

কিন্তু তারপর এর জন্ত যে কঠোর প্রায়শ্চিত্ত তিনি করেছিলেন সে এক পরমাস্চর্য স্মৃতি। পরমাস্চর্য।

তিনি ভারবীরত লিখেছেন—মানুষের মন যখন নিষ্ঠুর আঘাতে আহত হয়, তখন সে স্বর্গমর্ত-রসাতল পরিত্রমণ করিয়া ফেরে উন্নত কক্ষভট্ট উদ্ধার মত। কোথাও সে আশ্রয় পায় না। কোথাও আশ্রয় পাইলেও, সে তাহা লয় না।

একমাত্র আশ্রয় এবং একমাত্র আনন্দ আত্মনির্ধাতনে। এইখানেই পরিজ্ঞান আছে। বিশ্ব-ব্রহ্মাণ্ডে অগ্নি প্রজ্জ্বলিত করিয়া বহুজনকে বা বিশ্বাসীকে যাহারা দগ্ধ করে, হত্যা করে, তাহার দানব বা দেবতা। আমি মনুষ্য। আমি স্থির করিলাম—আমার সর্বাপেক্ষা বিলাসের সামগ্রী তাম্রকূট সেবন আমি ত্যাগ করিব।

স্মৃতি বললে—কিন্তু দেবতা বা দৈত্যের চেয়েও এ-মানুষ ভেঙ্কারাস।

হেসে সরেশ্বর বললে—ওখানে আমার কোন বাদ-প্রতিবাদ নেই। কিন্তু যে-কথা থেকে এত কথা বললাম স্মৃতি; সেইটে বলে নি। ১২৩৭ সালের ফেব্রুয়ারী মাসের সেই রাতে আমার মনও এমন করে অতীত-বর্তমান-ভবিষ্যৎ বা স্বর্গ-মর্ত-রসাতল ঘুরে বেড়াচ্ছিল। রসাতলে টানছিল হিলতার চীৎকার।

সে কি অমায়িক গোড়ানী।—

ওই গোড়ানী শুনে বিরক্তই হচ্ছিলাম। ভাবছিলাম, হেঁকে দারোয়ানকে বলে দি যে, হিলতাকে বল চূপ করতে, না হলে বেরিয়ে যাক এখান থেকে। এমন করে চাচানো চলবে না।



আশ্চর্য, সঙ্গে সঙ্গে মনশ্চক্ষে মনে হচ্ছিল একটি তরুণীর মুখ। আজই ভবানীপুর থেকে ফিরে এসে ওকে দেখেছি। ডায়েরীতে আড়াইশো ওয়াটের বাব জলছিল—তারই পরিপূর্ণ আলোকের মধ্যে দেখেছিলাম কুইনীকে। সেই দিন সকালে, সকালবেলাতেই পাশকুড়ায় তাকে দেখেছিলাম, আবার দেখলাম এই রাতে ইলেকট্রিক আলোর সামনে।

আশ্চর্য মমতা হয়েছিল তার উপর। গভীর মমতা।

Poor Girl!

ঈশ্বর জানেন, তিনি সাক্ষী, স্মৃতি, চিত্র আমার চকতি হয়নি তা নয় হয়েছিল; কিন্তু সে অত্যন্ত নরীল বাপার। কলকাতার রাস্তার অসংখ্য নারী-পুরুষ চলে পাশাপাশি; ট্রামে-বাসে, পথে-বাটে; এর মধ্যে যেমন অহরহ একটা মুহূর্তের ভাল লাগার চকিত তরঙ্গ বর্ষা-রাত্রির জোনাকির মত জলে আর নেভে, নেভে আর জলে, ঠিক তারই মত। তার বেশী কিছু নয়।—না, ভুলই বললাম। কুইনী তো জোনাকীর মত হারিয়ে যাবার কেউ নয়। সে থাকে গোয়ানপাড়ার। তার মায়ের বাপকে রত্নেশ্বর রায় বাড়ী দান করেছেন। নিশ্চয় কোন দেনা ছিল।

সে সব কথা ভেবেই দারোয়ানকে হেঁকে বলতে পারিনি—হিলডাকে বলে দাও, চীৎকার করতে হলে যেন বাইরে গিয়ে করে। বের করে দাও।

কুইনীর শাস্ত্রীমতী মুখখানিও মনে পড়েছিল। সেটা যেন পুরনো বন্ধনের সঙ্গে একটা নতুন বন্ধনের মত গর্জাচ্ছিল—

দেবেশ্বর রায়ের চিঠি মনে পড়েছিল।

রত্নেশ্বর রায়ের এলিয়ট রোডের বাড়ী দানপত্রের কথা মনে পড়েছিল। বলেছি তোমাকে, সেদিন রাতে ভাবনা-চিন্তা আমার যেন স্বর্গ-মর্ত-রসাতল ঘুরে বেড়াচ্ছিল ধুমকেতুর মত অথবা নতুনকালের প্রেনের মত। কখনও ভাবছিলাম—দেশের স্বাধীনতা যুদ্ধে বাঁপিয়ে পড়ার কথা। কখনও ভাবছিলাম—সমস্ত সম্পত্তি দানপত্র করে দিয়ে রায়বংশের সকল ঋণ শোধ করার কথা। অর্থাৎ চিন্তার প্রেনটা এখুনি ল্যাগু করে আবার রানওয়ে ধরে ওমাখায় গিয়ে আকাশে উঠে যাচ্ছিল। আবার ঘুরে এসে নামছিল। কিন্তু রসাতলের দিকে যখন ওই হিলডাকে উপলক্ষ্য করে কুইনীকে লক্ষ্য করে নেমে যাচ্ছিলাম, তখন যেন ইঞ্জিনটি স্তব্ধ হয়ে যাচ্ছিল। মনে হচ্ছিল বিকল হয়ে গেছে, একেবারে মুখ খুবড়ে পড়ে জলে ডুবে দাউ দাউ করে।

হ্যাঁ স্মৃতি, তুমি যা ভাবছ তাই।

কুইনীকে দেখে সেদিন আমি সত্য সত্যই যেন মুগ্ধ এবং মোহগ্রস্ত হয়ে গিয়েছিলাম। তোমার সঙ্গে আলাপ যখন হয়, তখন তার মধ্যে তোমার শ্রী, তোমার রূপও ছিল। কিন্তু এর চেয়েও বড় ছিল তোমার মনের আকর্ষণ।

কিন্তু কুইনীর আকর্ষণের মধ্যে তার শ্রী-রূপ ছাড়াও একটা কিছু আকর্ষণ আমাকে আগুনের শিখা যেমন পতঙ্গকে আকর্ষণ করে, ঠিক তেমনি করেই আকর্ষণ করছিল।

রত্নেশ্বর যেন হঠাৎ চঞ্চল হয়ে উঠল। হঠাৎ উঠে গিয়ে সে ফ্রি ইন্ডল স্ট্রিটের দিকে কাচের জানালা ধারে গিয়ে দাঁড়াল। তার মনে পড়ে গেছে সেদিনের কথা।

আজ ১৯৫৩ সাল। সেদিন ছিল ১৯৩৭ সাল। সেদিনের চকলতা যেন আজও তার শ্বভিকে এবং শ্বভির সঙ্গে মনকে খানিকটা অস্থির করে তুলেছে। বাইরে নভেম্বরের মাসে কলকাতার রাস্তা দোকান আইন সঙ্গেও জমজমাট রয়েছে। পথে জনতা চলছে। এ-জনতা সারাদিন যারা খাটেখোটে, পেটের খান্ধায় কেঁরে তারা ঠিক নয়। অবশ্য পেটের দায় সব সময়ই আছে। গভীর রাত্রে যে-হতভাগিনী দেহ বিক্রীর আশায় রাস্তার কোন কোণে দাঁড়িয়ে থাকে, সে পেটের দ্বায়েই থাকে। কিন্তু তার থেকেও বেশীসংখ্যক থাকে অল্প একদল মানুষ। যারা রাত্ৰিকালে জীবনের উন্নত নেশার পাগলের মত বের হয়। নারীদেহের পর নারীদেহ ভোগ করে যাদের তৃপ্তি হয় না। কেন হয় না তা তারা তো জানেই না। অল্পেও জানে কিনা বলতে পারে না সুরেশ্বর। তবে ব্যাধি বললে মিটে যার এক কথা।

আজ তার মনে পড়ল কুইনীকে। সেদিনের কুইনীকে। যার জন্ম সেদিন ১৯৩৭ সালের শীতের মাসে সে পায়েচাষি করেছিল এবং পেডি ডগলাস বার্জ মার্ভার কেস, অতুলেশ্বরের কেস, ১৮৮৬ সালে কলকাতা কংগ্রেসে দেবেশ্বর রায়ের অংশগ্রহণ থেকে হিলডার চীৎকারে সে যে কুইনীর চিন্তায় এসে পড়েছিল, সেই কুইনীকে আজ আবার মনে পড়ল। কুইনীর সেই আকর্ষণ আজ তার মনে পড়ছে।

শুলতা প্রশ্ন করলে—কি হল? বস! না, ক্লাস্তিবোধ করছ? কিধা—?

কিছুক্ষণ চুপ করে থেকে শুলতা উঠে গিয়ে তার পিছনে দাঁড়িয়ে তাকে ডেকে বলেছিল—  
সুরেশ্বর—

—শুলতা।

—ভালো কি—তুমি সেইদিন—সেই—সেই—।

বাধা দিয়ে সুরেশ্বর বললে—না-না-না। ছিঃ। এতখানি ছোট তুমি আমাকে মনে কর না শুলতা!

সেদিন আমি সমস্ত রাত্ৰি ঘুমুইনি। কিন্তু সে শুধু কুইনীর তাড়না নয়। আরও ছিল। বলেছি তোমাকে। ১৯৩৭ সাল। ১৯৩০ সাল থেকে পেডি ডগলাস বার্জ মার্ভার যেখানে করেছে, সেই মেদিনীপুরে তখন থাকতাম আমি। অতুলকাকা ধরা পড়েছে। মেজদাদি অর্চনাকে বাঁচাতে ধরা দিয়েছেন, জেল খাটছেন। বিমলেশ্বরকাকা ওই কাণ্ড করেছেন। আগের দিন রাত্রে অরুণা-মাকে দেখেছি, ফিরবার সময় ময়দানে তখনও জায়গার জায়গার লোক জমাবেশ দেখেছি। সেদিন কেউ তাই পারে? না, তা নয়। তবে হ্যাঁ, তার আশ্চর্য আকর্ষণ আমি সেদিন অনুভব করেছিলাম। আশ্চর্য! অর্চনা, মেজদাদি, অতুলেশ্বর, বিমলেশ্বর এরা চারজনে চারদিকে ঘিরে আমাকে বোধহয় বাঁচিয়েছিল সেদিন।

নীচে হিলডা চীৎকার করেছে, আমি ঠিক এইখানে এই কাচঘেরা বারান্দার পায়েচাষি করেছি, কখনও দাঁড়িয়ে থেকেছি। ইচ্ছে হয়েছে নীচে যেতে কিন্তু পারিনি। তার কারণ ওই চারজন। এবং আরও একজন—সে হল রঘু চাকর। সে তো আমি না ঘুমুলে ঘুমোয় না। পথ আগলে দাঁড়িয়েছিল এরা।

যেন বলেছিল—না-না-না। নীচে নেমো না। নাহতে গেলে বাকি থাকবে না। নতুন

কাল এসেছে। পাণ্টেছি, পাণ্টাছি, রায়বাড়ীর আমরাও পাণ্টাছি। এসময় আর নীচে নেমো না।

কথাগুলো শুনেতে বোধহয় তোমার সেন্টিমেন্টাল বা ইমোশনাল মনে হচ্ছে, তা হতে পারে। এবং সভ্যও তাই। কিন্তু এই সেন্টিমেন্ট আর ইমোশন এই দুটোই সংসারে অঘটন ঘটায়, চিরকাল ঘটিয়ে আসছে, আজও ঘটছে, সেদিনও ঘটিয়েছিল।

কুইনী একলা ভেগে বসে আছে, তা ষেকেকেউ অহুমান করতে পারে। হিলডার ওই চীৎকার এবং যন্ত্রণা দেখে সে নিশ্চয় ঘুমোয়নি।

ভোরবেলার দিকে হিলডার চীৎকার একটু কমে এসেছিল—আমরাও একটু ভুজা এসেছিল। রঘু আমাকে ডাকলে।

—লালবাবু!

ভুজা ভেঙে গেল। বললাম—কি? এখন চা খাব না, যা।—

রঘু বললে—না লালবাবু, ওই গোরানপাড়ার ওই লেড়কীটি—ওই কুইনী আপনার সাথ দেখা করনেকে মাংছে। হলদী বুড়ীর বহুং বেয়ার।

চমকে উঠলাম। কুইনী?

—ই! লালবাবু, ছোকরী কাদছে।

—কাদছে? কোথায়?

—সিঁড়ির উপর দাঁড়িয়ে আছে। বললে—রাত্রে আরও দু'-দুবার সে বাবুজীর কাছে আসবার জন্যে এসেছিল কিন্তু ডাকতে সাহস করেনি।

আমি চমকে উঠলাম। কুইনী রাত্রে আরও দুবার আসতে গিয়ে ফিরে গেছে? বুকটাও কেমন করে উঠল।

রায়বংশের ছেলে আমি এবং ১৯৫০ সালে জমিদারী উচ্ছেদের রাত্রে বলছি তোমাকে; কথাটা তুমি দুই অর্থে ধরে নিতে পার। বুকটা চলকে ওঠার হেতু কিছু ছিল না। কারণ, কুইনী কাদছিল, ভবু রক্ত। রায়বংশের রক্ত স্নাত। অথবা বলতে পার মাহুঘের রক্তের কীর্তিনাশা ধারা। জাস্তব-জীবন থেকে উদ্ধার করতে বহু তপস্বী করে মর্তে গঙ্গা এনেছিলেন ভগীরথ। সাগরের কাছাকাছি এসে গঙ্গা ভুল করে পথ হারাল। মাহুঘই তাকে ভুল পথে নিয়ে গেল। অথবা বলতে পার, ওইটেই তো স্বাভাবিক ক্রমনিয়তা। জলের স্বভাববশে ওই পথেই তো বাবার কথা। তাই গিয়েছে। তবে বিষ্ণুপদের মহিমা আছে, সেখান থেকে বরা জল; তেমনি মাহুঘের সাধনারও মহিমা আছে, সেই সাধনার বলে কীর্তিনাশাকে বায়ে সরিয়ে পতিতোদ্ধারিণী সাগরসন্ধ্যা গেছেন, মাহুঘের মহত্ত্ব—গত দশ-বারো বছরের যুদ্ধ, কালোবাজার, তারপর স্বাধীনতার পর আমাদের বিজয়দশমীর দিনের মদ খেয়ে উগ্রভ উলঙ্গ নৃত্যের মধ্যেও মহুঘ্য কিছুটা থাকে, মরে না, একবারে মরে না। সেদিনও আমার মহুঘ্য ছিল। রায়বংশের রক্ত হলেও তার মধ্যে বেঁচে ছিল।

ঘরের দরজা খুলে দেখলাম কুইনী দাঁড়িয়ে আছে, চোখদুটি রাঙা, বুকলাম অনেক কঁদেছে। জিজ্ঞাসা করলাম—কি হয়েছে কুইনী?

—বুড়ী দ্বিদিয়া—আর বলতে পারলে না।

—কি হল? সারারাত্রি তো চীৎকার করছিল। এই তো কিছুক্ষণ আগেও শুনেছি।

—হ্যাঁ স্তার! কিন্তু হঠাৎ মুখ খুলতে পারছে না—গোড়াচ্ছে। কি রকম হয়ে গেছে।

—চল দেখি। ভয় কি, একটু বেলা হলোই ডাক্তার ডেকে পাঠাচ্ছি। আসবে দেখবে ওষুধ দিলেই ভাল হয়ে যাবে। হাঁটুটা বোধহয় পেকে উঠে থাকবে।

—হ্যাঁ খুব ফুলেছে।

ঠিক এই সময়েই একথানা ঘোড়ার গাড়ী ঢুকল বাড়ীর ফটকের মধ্যে। এই মুহূর্তেই এলেন অন্নপূর্ণা-মা। অবস্থা আমি সঠিক অহুযান করতে পারিনি যে, এ একেবারে খোদ অন্নপূর্ণা-মা এবং রথীন। তবে ভেবেছিলাম, কল্যাস গাড়ী যখন, তখন এ ভবানীপুরের মুখ্যজ্যোবাড়ীর গাড়ী। হাইকোর্টে ১৯৩৭।৩৮ সালেও এক ঘোড়া দিয়ে টানা পালকিগাড়ীর অনেক ভিড় ছিল। ওদের বাড়ীতে যখন ঢুকি বিকেলবেলা, তখন গাড়ীটা দাঁড়িয়ে ছিল। কাল ঘোড়াটার কপালে সাদা দাগটা ভাল লেগেছিল বলে চেনা হয়ে গিয়েছিল।

গাড়ীটা দাঁড়াল, আমি চমকে উঠলাম। একি, ভিতরে খোদ অন্নপূর্ণা দেবী, বড়-মা? আর ও কে? রথীন?—

তাড়াতাড়ি এগিয়ে গিয়ে গাড়ীটার পাদানের সামনের অংশটা খুলে দিয়ে পায়ে হাত দিয়ে প্রণাম করে বললাম—বড়-মা!

চিবুকে হাত দিয়ে হাত মুখে ঠেকিয়ে বড়-মা বললেন—প্রতিজ্ঞা কারছিলাম, কালী বাব ভোরে উঠে। ও-বাড়ীতে আর থাকব না। মা যে-বাড়ীতে দেহ রেখেছেন, সেই বাড়ীতে দেহ রাখব। ওরে মাঝরাতে দেব এসে যেন আমাকে ডাকলে। সেই বাঁকা বাঁকা হেসে বললে—হেরে গেলে তো! আমার মত পিসী হারতে হয়। ক্ষেতা যায় না গো। আমি উঠে বসে কি চাকরদের ডেকে জিনিস গুছাতে বললাম—আমি হার মানব না। চলে যাব কালী।—কিন্তু ভোরবেলা রথীন গোলমাল লাগালে। পারে জড়িয়ে ধরে বললে—হ্যাঁ, আমি বিয়ে করব, করব, করব। তুমি বাড়ী ছেড়ে যেয়ো না।

গোলমাল হয়ে গেল সব। তা বললাম—আগে চল তাহলে গঙ্গানান করে আসি রাণী রাসমণির ঘাটে, আর বলে আসি সুরেশ্বরকে।

বলতে বলতে নামলেন তিনি। আমার ঘাড়ের উপর হাতের ভর দিয়ে। আশী বছরের কাছে বয়স কিন্তু বড়-মা বেশ শক্ত ছিলেন। চোখে তাঁর চশমা লাগত না। তাঁর পিছনে পিছনে রথীন। রথীনকে পেয়ে বেঁচে গেলাম। অর্চনার সমস্তার সমাধান তো হলই, হিলডাকেও দেখাতে পারব। সে ডাক্তার।

বড়-মা নেমেই বললেন—তোর মায়ের ঘরে চল। যে-ঘরে তোর মা শেষকালটা থাকতো। আমি শুনেছি, আমি তোদের সব খবর নিই রে, বিশেষ করে দেবর গুটীর। তোর মা বড় পবিত্রভাবে থাকত। সেই ঘরে চল। বলতে বলতেই তিনি বললেন—এ-মেয়েটি কে রে?

অর্থাৎ কুইনী। সকালের সন্ধ্যা-ওঠা রোদটা কুইনীর মুখের উপর পরিপূর্ণভাবে পড়েছিল। তার কক্ষ চুলের মধ্যে ঝঁঝ পিছলাতা, রঙের মধ্যে চাপা পতু'গালের রঙের আভাস, কালো চোখ

এবং সে-চোখটুকি তার বিচিত্র ডাগর, আঁহত, পটলচেরা, হরিণচোখ এসবের কোনটা না নয় কিছু চোখটুকি আশ্চর্য কালো এবং আশ্চর্য গড়ন, বিশেষ করে চোখের পাতার চুলগুলি। এবং সমস্ত জড়িয়ে একটি বিবল মহিমা ফুটে উঠেছিল। নির্বাক হয়ে সে দাঁড়িয়েছিল। আমি দেখতে বাচ্ছিলাম হিলডাকে, তাতে বাধা পড়ল, তাতে তার চোখে-মুখে একটি বিরক্তির রেখা ফুটল না। তার দিকে চোখ পড়া স্বাভাবিকই ছিল। রথীনও তার দিকে তাকিয়ে ছিল।

আমি বড়-মার কথার উত্তরে বললাম—ওদের বাড়ী এখন একরকম কীতিহাট বড়-মা। এখানে এসে বিপদে পড়ে গেছে, দ্বিদিমাকে নিয়ে কাল রাতে এখানে এসে আশ্রয় নিয়েছিল—

কথার বাধা দিয়ে বড়-মা বললেন—কাদের মেয়ে গো তুমি—হ্যাঁ মেয়ে?

বিনম্রভাবে নমস্কার করে কুইনী বললে—নমস্কার মা। আমি গোয়ানপাড়ায় ছিলাম। আমি ওদের।—

—গোয়ান? ও মা! গোয়ানরা এখন এইরকম হয়েছে নাকি রে? এঁরা? এ যে কলেজে-পড়া মেয়ে-টেয়ের মত! এঁরা আগে সেই লম্বা গাউনের মত ছিলে পা পর্যন্ত জামা পরে খুরত—

হঠাৎ তিনি থেমে গেলেন। বললেন—উ? কাউকে যেন কিছু প্রশ্ন করলেন। সম্ভবত নিজেকেই।

কুইনী বললে—আমি ওখানকার মেয়ে নই মা। আমি কলকাতার মেয়ে। তবে গোয়ান-পাড়ার ওরা আমাদের আত্মীয়। খুব আপনজন।—

—তাই বল। কলকাতার মেয়ে তুমি।—ওরে রথীন, চশমাটা দে তো। দেখ তো ওই ভিজে কাপড়ের বোলাটার মধ্যে থাকবে। দে তো!

চশমাটা চোখে দিয়ে খুব ভাল করে কুইনীকে দেখতে লাগলেন। আমি অস্বস্তি বোধ করতে লাগলাম সুলতা। আমার পাপবোধই বল আর যাই বল মনে হচ্ছিল অরূপণী দেবী মেয়েটার মুখের দিকে তাকিয়ে খুঁজছেন—হয়তো বা আমারই স্পর্শের ছাপ বা চিহ্ন কিছু খুঁজছেন।

সেইজন্তে আমিই কৈকিয়ৎ দিলাম নিজে থেকে—মেয়েটির মায়ের দরুণ একটা বাড়ী ছিল কলকাতায়, সে-বাড়ী নাকি আমাদেরই দান-করা ওদের পূর্বপুরুষকে। সেই বাড়ীতে থাকত ওরা। ওর বাবা ছিলেন আমাদের দেশী খুঁটান—মুখার্জি; ওর মা ছিলেন গোয়ান মেয়ে। হঠাৎ জুজনেই মারা গেলেন একসঙ্গে বছর-দেড়েক আগে, মেয়েটিকে গোয়ানপাড়ার হিলডা পিঙ্গল বলে একটি বৃদ্ধা মহিলা আছেন—

—হলদী? হলদী?—সে তো আমার থেকে ছোট। তা অবিশ্তি এখন বুড়ী হবে বই কি! হলদী বলতাম আমরা। ছোট্ট মেয়েটা। সে বেঁচে আছে? আরে কালীপূজার সময় যখন যেতাম, তখন আসত আমাদের কাছে। তারপর হঠাৎ একটা দীর্ঘনিঃশ্বাস কেলে বললেন—হ্যাঁ, দাদা একখানা বাড়ী দিয়েছিলেন ডায়লেট বলে একটা মেয়েকে। সে অনেক কাণ্ড। অনেক।—

আমি চুপ করে শুনছিলাম, উনি থামতেই বললাম—ওদের সেই বাড়ী জ্যাঠামশায়ের ভরক

থেকে ওঁর ছেলেরা ওদের বেদখল করে দিয়েছে। ভাড়াটেনের কাছে ভাড়া তারা আদায় করেছে। খবর পেয়ে হিলডা এসেছিল কুইনীকে নিয়ে। তা কাল ঝগড়া করে হাঁকিয়ে দিয়েছে, হিলডাও গালাগাল করেছিল, তাকে ঠেলে ফেলে দিয়েছে। গোটা হাঁটুটা জখম হয়ে গেছে। ছাল-চামড়া তো উঠেছেই, আর কি হয়েছে জানি না। কাল ও-বাড়ী থেকে এসে দেখি ওরা কোথাও আশ্রয় না পেয়ে এখানে এসেছে। ওই নীচের পূবদিককার একখানা ঘরে আছে। বেচারী সারারাত্রি যা চীৎকার করেছে যন্ত্রণায় যে, সে আর বলবার নয়। তাই সকালেই মেয়েটি কান্ডে কান্ডে এসেছিল খবরটা বলতে। তা রথীনবাবু এসেছেন ভালই হয়েছে। একবার দেখুন তো তাই কি হয়েছে।

—টিটেনাস-কিটেনাস নয় তো? ক'বণ্টা হল? যানে চোটটা লেগেছে কখন?

কুইনী এবার বললে—কাল বেলা তিনটের সময়। দিদিয়া বারান্দার উপর দাঁড়িয়ে চীৎকার করছিল—রায়বাবু ঘাড়ে ধাক্কা দিয়ে ফেলে দিলেন উঠানের উপর।

বড়-মা ফঁস করে উঠলেন—রায়বাবু?—কে?—কোন রায়বাবু?

কুইনী উত্তর দিলে না, আমি বললাম—প্রণবেশ্বরদা। জ্যাঠামশায়ের ছেলে।

—যজ্ঞেশ্বরের ছোট ছেলেটা—রাস্তার উপর যেটার গাড়ী আটকে কান মলে কাচ্ছি কয়লা-ওলার গাড়ী থেকে নামিয়ে দিয়ে দেনার জন্তে গাড়ী কেড়ে নিয়েছে, সেইটে?

আমি চুপ করে রইলাম।

বড়-মা বললেন—তুই যা রথীন, হলদীকে দেখে আয় কি হয়েছে। না, দাঁড়া আমিও যাব। একবার দেখব হলদীকে।

\*

\*

\*

এই ধরনের সারারাত্রি চীৎকারের জন্ত হলদীকে দৌড় দেওয়া যায় না। বেচারার হাঁটুটা একবারে ফুলে এবং পেকে এমন ঢোল হয়ে উঠেছিল। সারারাত্রি চীৎকার করে ভোরবেলা বুড়ী একটু ঘুমিয়ে পড়েছিল। আমাদের সাভা পেয়ে জেগে উঠে আবার চীৎকার শুরু করে দিলে। রথীন দেখতে গেল তার ক্ষতটা, তাতে আতঙ্কিত হয়ে ছোট মেয়ের মত হাউ-মাউ করতে লাগল।

কুইনী তাকে বোঝালে—এমন করে না দিদিয়া। ডাক্তারবাবুকে দেখতে হবে তো। কিন্তু সে-কথা শোনে কে? এবার ঘরের ভিতর ঢুকলেন অন্নপূর্ণা-মা। খমক দিয়ে বললেন—এই হলদী। কচি খুকি নাকি তুই? এ্যা! ছেলেবেলার সে-অভ্যাস তোর দেখছি এখনও যায়নি। চুপ কর।

হলদী অন্নপূর্ণা-মাকে দেখে কৈমন হয়ে গেল। সবিস্ময়ে অনেকক্ষণ চেয়ে রইল। এবং চুপ করেই চেয়ে রইল। রথীন হাঁটুর ক্ষতটা বেশ ভাল করেই দেখলে একবার ভুবান নাড়লেও, তবু হিলডা যেন তা খেরালই করলে না, সে চেয়ে রইল অন্নপূর্ণা-মায়ের মুখের দিকে।

অন্নপূর্ণা-মা বললেন—পছহানতে পারিস?—অঁ? পারছিস না?

হিলডা বললে—মালুম হচ্ছে কি চিনি আপনাকে, লেकिन—

—টিক ঠাণ্ড করতে পারছিসনে? না? রায়বাহাদুর হজুরের আমল মনে পড়ে? এ্যা? উঠে বলতে চেষ্টা করলে হিলডা। তার ফল চাড় পেয়ে হাঁটুর ফুলোর ধে-অংশটা আংশিক-

ভাবে পেকেছিল, তা ফেটে গেল। চীৎকার করে উঠল হিলাভা।

রথীন বললে—গরম জল করে আন। এখন ধূরে দাও। টিংচার-আইডিন থাকলে খানিকটা দিয়ে দাও তাতে। তারপর আমি বরং কম্পাউণ্ডারকে পাঠিয়ে দেব, সে পরিষ্কার করে দিয়ে ড্রেস করে ব্যাণ্ডেজ করে দেবে।

আমি কুইনীকে বললাম—তুমি ষাও কুইনী, রথুকে বল—সে জল গরম করে দেবে। টিংচার আইডিনও থাকতে পারে।

অল্পপূর্ণা-মায়ের মুখের দিকে অনেকক্ষণ চেয়ে থেকে হিলাভা বললে—পিসী রাণীমাদে!

—হ্যাঁ। পিসী রাণীমাদে!

হিলাভা বললে—এ হি দেখেন পিসী রাণীমাদে, আপনার সালীর সমুদ্র হামি আপনেকে নাকের টাপ চেয়েছিলাম, এহি দেখেন—এহি সেই টাপ, হামি আজও খুলে নাই। কুইনীকে বললাম—হামি মরব যখন, তখন তু খুলিয়ে লিস। ইটা খুব দামী পাখল বটে।

—হ্যাঁ, ওটা হীরে। হাত দিয়ে নাড়ছিলাম, ওটা পড়ে গেল বাগানে। খুঁজে পাওয়া গেল না। একবেলা পর তুই ওটা খুঁজে পেয়ে আমাকে কেরং দিতে এসেছিলি। আমি বলেছিলাম—তুই ওটা নে। ভায়লা বলে সেই মেয়েটা তোকে সঙ্গে করে আমার কাছে নিয়ে এসেছিল।

—আপনের সব মনে আছে, আপনার সব মনে আছে। ঠোঁটদুটো তার কাঁপতে লাগল। কিছুক্ষণ পর বললে—তব তো আচ্ছা হল পিসী রাণীমাদে—আপনে বিচার করে দেন। আপনে জানেন। ভায়লাকে নিয়ে গোপাল কলকাতা গেল—।

অল্পপূর্ণা-মা বললেন—হ্যাঁ আমি জানি। আমি শুনলাম, দাদা ভায়লার ছেলেকে বাড়ী দিয়ে গিয়েছিলেন। এলিয়ট রোডের বাড়ী। সেই বাড়ী প্রণবেশ্বর কেড়ে নিচ্ছে। আমি শুনেছি।

—হামাকে ঘাড় ধাকা দিয়ে ফেল দিলে।

—সেও শুনেছি। চোখে দেখছি। রত্নেশ্বর রায়, ধার্মিক রত্নেশ্বর রায় রায়বাহাদুরের স্বর্গসিংহাসন ওন্টাতে ওন্টাতে পড়ছে মাটিতে তাও দেখতে পাচ্ছি। কিন্তু তুই ভাবিসনে, আমার ছেলে হাইকোর্টের উকিল, তাকে বলে দেব, সে তাদের হয়ে মামলা করে দেবে হাইকোর্টে। বাড়ী তাদের বাবে কোথায়?

একটু চুপ করে থেকে প্রশ্ন করলেন—এই মেয়েটি কে হয় ভায়লায়?

—ভায়লায়? ভায়লার বৈটা পিড্ডুজ, ওই পিড্ডুজ সাদী করলে এক আংয়েরজ কিরিনী লেডকীকে। একটা বেটী পয়দা হল। ওহি বেটা সাদী করলে এক দেশী কুশান মুখুর্জীকে। তারই বেটা এই কুইনী।

—ভায়লার বেটার বেটার বেটা?

—হ্যাঁ!

—হ্যাঁ। ভাই দেখলাম। চোখে-মুখে ভায়লাম আবল আছে। ভায়লার রঙ ছিল শাদা। এর রঙে কোন মুখোশ্বাভীর রঙের ছোপ ধরেছে। কিন্তু চোখদুটো একরকম—নাক-মুখ তাও

যেলে। অজ্ঞানা-দ্বিধিকে মনে পড়িয়ে দেয়, চুলগুলোও কৌকড়া। সেই এক ছাঁচ।

কুইনী দুই হাতে ভোয়ালে দিয়ে ধরে কুটন্ত গরম জলের একটা এ্যানুমিনিয়মের ডেকচি এনে নামালে।

অন্নপূর্ণা-মা বললেন—ওরে বেটী, একবার মুখ তোল তো, দেখি আর একবার ভাল করে।

একটু অবাক হয়ে গেল কুইনী।

ঠিক অ—। বলে থেমে গেলেন অন্নপূর্ণা-মা। তারপর বললেন—ঠিক তেমনি চোখ, তেমনি চুল। আমার বরল তখন তো কম নয়। আমার ছর। দেবুরও ছর। বউদিদির কোলে একটা মেয়ে হয়ে যারা গেছে। আমার তাকে বেশ মনে পড়ে। কানী থেকে কীৰ্ত্তিহাটে আসতাম-থাকতাম, দিনরাত দেবু-আমি ছুটোছুটি করতাম—বউদিদি সামলাতে পারত না। সামলাতো ওই—।

চুপ করে গেলেন। তারপর বললেন—এ-বাড়ী যদি কেড়ে নেয় যজ্ঞেশ্বরের ছেলেরা তবে—। কি বলব তবে? কি বলব?

রথীন বললে—বড়-মা বড়-মা! তুমি উপরে চল। এখানকার ব্যবস্থা সব হচ্ছে, হবে। চল ওপরে চল।

\*

\*

\*

উপরে অন্নপূর্ণা-মাকে চেয়ারে বসিয়ে তোলা হল। রথীন আর আমি ছপাশে দুজন উঠছিলাম। হঠাৎ রথীন বললে—রাগলে আর তোমার জ্ঞানগম্যি থাকে না বড়-মা।

অন্নপূর্ণা মা বললেন—ওরে হারামজাদা, যেখানে আমি রেগে জ্ঞানগম্যি হারাই, সে হল আমার বাস এলাকা। বুঝলি! সেখানে আমি যতদিন বেঁচে আছি, ততদিন ও-কথা যে বলবে, তার মুখে পোকা পড়বে। তোদের সংসার-আমার পাতা, আমার মায়ের আত্মবীর্ষ আর পিসেমশায় বিমলাকান্ত চাটুজের মূলধনে। বুঝলি। নইলে তোদের মূল মুখজ্ঞেবংশের পরিণাম তো দেখছিস চোখে। আর এই এ-পাশে এই দেখ সুরেশ্বর; ওদের এতবড় রায়বাড়ী, এত সম্পত্তি, এত চাল, এত চলন, তাঁর পরিণামও দেখছিস। রায়বাহাদুর রজেশ্বর আমার ভাই, লোকে বলে তার মত লোক আর হয় না। ধার্মিক, রায়বংশের শ্রেষ্ঠ পুরুষ, একেবারে কষ্টি-পাথরে নিষাদ সোনা! হায়, হায়, হায়। কি বলব? দেখ, তার বংশের পরিণাম দেখ!

\*

\*

\*

উপরে মায়ের ঘরে এসে ঘরখানার খানিকটা চোখ বুলিয়ে দেখে বললেন—সুরেশ্বর, রথীন কাল রাণী হয়েছে বিয়ে করতে। বল রে—বল রথীন।—বল, সুরেশ্বরকে কথা দে।

রথীনবাবু বললেন—আমি কথা দিলাম সুরেশ্বরবাবু, অর্চনাকে আমি বিয়ে করব, করব, করব।

আমি বললাম—বড়-মা, তাহলে কখন বিয়েটা হবে? দিন একটা স্থির করে আপনিই দিন। কলকাতা থেকেই বিয়ে দেব—আপনি যেমন বলেছেন। বিয়ের পর কখনও অর্চনাকে কীৰ্ত্তিহাটে পাঠাতে বলব না। আর জগদীশকাকার সে সামর্থ্যও নেই। তাঁরা মেয়েকে দেখতে ইচ্ছে হলে এ-বাড়ীতে আসবেন, এসে ইচ্ছে হলে মেয়ে-আমাইকে নেমস্তন্ন করে



খাওয়াবেন বা আপনার বাড়ীতে বাবেন। আপনি যা বলেছেন, তাই হবে বড়-মা। আমরা তাই মানব।

অন্নপূর্ণা-মা বললেন—দেখ, কাল তুই গিয়েছিলি, তাকে একরকম ফিরিয়ে দিয়েছিলাম। আমি নই—ওই রথীন ফিরিয়ে দিয়েছিল। ভোরবেলা উঠে এসে বললে—বড়-মা, আমাকে মাপ কর তুমি, ওই মেয়েকেই বিয়ে করব আমি। চল তুমি, সুরেশ্বরবাবুর ওখানে আমাকে সঙ্গে করে নিয়ে চল—একলা যেতে ঠিক আমার পা উঠছে না। তাই ওকে সঙ্গে করে নিয়ে এসেছি। এসব শর্তের কথা যা বলেছিলাম, তা মানবি—ভালই। তবে ওগুলো আমি একরকম রাগ করেই বলেছিলাম রে! শর্ত কাল যেগুলো বলেছিলাম, তার কড়াকড়ি এক রাগেই হাক্কা হয়ে গেছে। কিন্তু শর্ত আজকে দিচ্ছি তোকে। বিয়ে হবে, মেয়ে আমি সাজিয়ে দেব। তুই বরাডরঘটা দিস। আর এই বাড়ীতে বিয়ে হবে—জুলশখোর তত্ত্ব কলকাতায় একটা বড় ব্যাপার, সেটা ভাল করে করিস। কিন্তু এসব ছাড়া কিংবা এসবের উপরে একটা শর্ত আমি তোকে দিচ্ছি সুরেশ্বর। সেটা তোকে মানতে হবে।

—বলুন বড়-মা, কি মানতে হবে।

—ওই যে নীচে যে-মেয়েটিকে দেখে এলাম, কি নাম?

—কুইনী।—

—হ্যাঁ। কুইনী মুখজে। ওর বাড়ী কেড়ে নিয়েছে কোন প্যাচপোচে কেলে যজ্ঞেশ্বরের ছেলেরা। ওকে ওর বাড়ী ফিরিয়ে দিতে হবে। মামলা করলে উদ্ধার হয়তো হবে। নিশ্চয় হবে। সাক্ষী তো আমি আজও বেঁচে রয়েছি। দয়াল চোখে অজ্ঞনাকে দেখেনি। কিন্তু অজ্ঞনার নাম তার কাণ্ডকারখানা, তার জন্তে রায়বাহাদুর একটা গোয়ান ছোঁড়াকে কেটে ভাগিয়ে দিলে এসব দয়াল শুনেছে। জানে।

রথীন অবাধ হয়ে শুনছিল—মানে ঠিক বুঝতে পারছিল না। আমি আন্দাজ করছিলাম অন্নপূর্ণা-মা কি বলেছেন বা বলতে চাচ্ছেন। আমি তার ডায়রীর এখান-সেখান থেকে পড়েছি, একদিক থেকে আর একদিক পর্যন্ত পড়েছি। বুঝতে আমার কষ্ট হয়নি। তবু এইটুকু বিষয় বোধ করছিলাম যে, রায়বাহাদুর রত্নেশ্বর রায় অজ্ঞাচারী প্রজাপীড়ক, জটিলবুদ্ধি, মামলাবাজ আইনানুগত্যের মুখোশে মুখ ঢেকে দ্বারপরাশ সোজা ইন্ডুল, হাসপাতাল প্রতিষ্ঠা করেছেন, অনেক কিছু করেছেন কিন্তু ডায়রীতে মিথ্যে কথা লেখেননি। মধ্যে মধ্যে কথা বাদ দিয়ে গেছেন যাত্র।

অন্নপূর্ণা-মা বলে যাচ্ছিলেন—লোকের কাছে লভ্য গোপন থাকে না। অজ্ঞনা ছিল সম্পর্কে আমাদের দিদি, দাদার সমবয়সী, তার বিয়ে হয়েছিল এক বাউণ্ডলের সঙ্গে—

—জানি বড়-মা।

—তুই জানিস?

—জানি।

—কি করে জানিস?

—কাগজ বেঁটে, রায়বাহাদুরের ডায়রী পড়ে। আপনার বাবার একখানা খাতা আছে—

সেখানে পড়ে।

একটু চুপ করে থেকে অন্নপূর্ণা-মা বললেন—তাহলে তো জানিস যে, আলকান্সো পিঙ্কজ বলে সেই খুনে কিরীকীটা অল্পনাকে নিয়ে পালিয়েছিল। পালিয়েছিল গোয়ার। সেখানে অল্পনা মারা গেল। অল্পনার অস্থবের সময় আলকান্সো চিঠি লিখেছিল দাদাকে—আমার দাদাকে। দাদা টাকা পাঠিয়েছিলেন হিলডার বাবার হাত দিয়ে। হিলডার তখন জন্ম হয়নি। আমারই বয়স তখন দশ—গনে পড়েছে পিঙ্কজ অল্পনাঃ মেয়ে ভায়লেটকে নিয়ে কিরে এল কীর্তিহাট। শুনলাম, আলকান্সো পাগল হয়ে গেছে। পিঙ্কজ মেয়েটাকে নিয়ে এসেছে এখানে। দাদার নাকি ভাই হুকুম ছিল।

ভায়লেট তখন তিন বছরের। বাংলা একটু-আধটু বুঝতো। হয়তো অল্পনা শিখিয়েছিল। ভায়লেটের চোখ ছিল ঠিক অল্পনাদিদির মত।

তারপর—

অনেকক্ষণই চুপ করে থেকে অন্নপূর্ণা-মা বললেন—তখন দাদার সঙ্গে আমার বিচ্ছেদ হয়ে গেছে। বিয়ের পর টাকা নিয়ে সম্পত্তির দাবী ছেড়ে দিয়েছি। আমার স্বস্তর আমাকে এক-রকম ত্যাগ করেছেন। স্বামী প্রতিবাদ করতে পারেননি। আমি কানী এসে পিসেমশায়ের মেয়ের মত সংসার পেতে ছেলেকে মাহুষ করছি। একদিন খবর শুনলাম, দেবু, দেবেশ্বর তোর ঠাকুরদাদা, বন্দুক দিয়ে আত্মহত্যা করবার চেষ্টা করেছে।

সে এই ভায়লার জন্তে। ভায়লেট পিঙ্কজের জন্তে।

আমি সে-সময় একবার শায়নগর এসেছিলাম। দেবুকে দেখবার জন্তে। দাদাকে বলে ও এসেছিলাম—এ দেবুর পাপ নয়। এ তোমার পাপের ফল।

\*

\*

\*

অন্নপূর্ণা-মা বললেন—দাদা রেগে আশুন হয়ে উঠেছিল। অল্প কেউ হলে তার ঘাড়ে মাথা থাকত না। ধার্মিক দাদা আমার খুন করাতেন অল্প লোককে দিয়ে, তারপর যে খুন হল, তার ছেলেদের জমি-জেরাত-টাকা দিতেন। আবার খুন করে যে কাসি বেতো, তার মামলায় টাকা খরচ করতেন। তার ছেলে-মেয়েদেরও টাকাকড়ি দিতেন। ঠাকুরদাস পাল এমন একটা কথা বেকাস বলেছিল বলে হিলডার বাবা পিঙ্কজ তাকে খুন করেছিল। সেসব এই ভায়লা মেয়েটাকে নিয়ে।

একটু চুপ করে থেকে বিষন্ন হেসে অন্নপূর্ণা-মা বললেন—তবু এমন মাহুষ, এমন শক্ত ধার্মিক মাহুষ আর হয় না। আমি বললাম—এ তোমার পাপের ফল। দাদা চমকে উঠে বললে—কি বললি অন্নপূর্ণা? এতবড় কথা তুই বললি?

তখন ঠাকুরদাসের পালা শেষ হয়ে গিয়েছে সদ্য সদ্য।

আমি বলেছিলাম—তুমি বীরেশ্বর রায়ের ছেলে, আমি মেয়ে। আমি ঠাকুরদাস পাল নই। তোমার বাড়িতে আমি জল পর্যন্ত খাব না।

শুধু হয়ে গেলেন প্রবলপ্রতাপ মহিমাবিত রায়বাহাদুর। একটুকু আমার মুখের দিকে তাকিয়ে থেকে বললেন—হ্যাঁ, আমি তুই ভাই আর বোন। এ-বাড়ীতে তোর যে অধিকার,

আমার সেই অধিকার। এ-বাড়ীর যান-মর্যাদা তুই আদালতে দাঁড়ালে—

বলেছিলাম—থাক। সে-কথা তুলো না। সেখানে পাপ তুমিও করনি, আমিও এমন কিছু ধর্মের ধ্বজা তুলিনি।

—বেশ, তাহলে বলে যা, এতে তুই আমার পাপটা কোথায় দেখলি? ঠাকুরদাস কি বলে আমাকে শাসিয়েছিল তুই জানিস?

অমরপূর্ণা বলেছিলেন—ঠাকুরদাস মরেছে ছোট মুখে বড় কথা বলে। সে তুমি যা করেছে তাই করেছে। ও যদি পাপ হয়, তবে ও-পাপ না করে তোমার উপায় ছিল না। আমি কাছে থাকলে তোমার কানে কানে বলতাম—দাঁও, মুখটা একেবারে বন্ধ করে দাঁও। আমি বলছি, ভারলকে দেবেশ্বর ভালবেসেছে, একটা কাণ্ড করেছে বলে তুমি লাফাচ্ছ, বলছ—ছেলের মুখদর্শন করব না। তুমি ডাক্তার-বদ্যির ব্যবস্থা করে দিয়ে কীর্তিহাট এসে বসে আছ। ঠিক কথা। খুব পুণ্যবানের কথা। কিন্তু কই বলতো অজ্ঞানাদিদিকে তো মা-বাবা এখানে ঘড়বাড়ী দিয়ে ওর স্বামীকে শুদ্ধ চাকরি দিয়ে সংসারী করে দিতে চেয়েছিলেন। তুমি সেসব করলে, বাড়ী দিলে, জমি দিলে, ওর বাউতুলে স্বামীটাকে চাকরি দিলে, কিন্তু অজ্ঞানাদিদিকে সে-বাড়ীতে স্বামী নিয়ে সংসার পাততে দিলে না কেন? তার কোলে দেবুকে দিয়ে তোমরা স্বামী-স্ত্রীতে—। থাক, তুমি বড়-দাদা, বয়সে অনেক বড়। বার্পেরই বয়সী—বাইশ বছরের বড়। সেসব কথা আমার বলা উচিত নয়। বলব না। অজ্ঞান যে চলে গেল, সে তোমার পাপে গেল। আবার সেই পাপের ফল তুমি টাকা-পয়সা খরচ করে গোয়ার লোক পাঠিয়ে এখানে নিয়ে এলে। চোখের সামনে পুবে রাখলে। এ-পাপ তোমার কর্মকল কিনা?—বল না, তুমিই বল।

তৃতীয় শঙ্কু সমাপ্ত

# কীর্তিহাটের কডচা



অন্নপূর্ণা-মা সেদিন অর্চনার বিয়ে পাকা করবার সময় সুরেশ্বরকে শর্ত করিবার নিয়েছিলেন। বলেছিলেন—শোন, কালকে যা কথা হয়েছে, তাই ঠিক রইল, কল্যাভরণ আমি নেব না। শুধু শাখাশাড়ী দিবি। পাত্রে পাত্রাভরণ দিতে হবে ও যা চাইবে। ছোড়ার মোটরগাড়ীতে বৌক, জাকার হয়েছে। একটা মোটরগাড়ী দিস। আর ঘড়িকড়ি যা দিতে হয় আসন্ন সাক্ষিয়ে দিবি। যোগেশ্বরই একমাত্র টাকা রেখেছিল, জমিয়েছিল, সুদে বাড়িয়েছিল; তার অর্ধেক সে উড়িয়ে দিয়ে গেছে। খনীদেব টাকা রাজা জমিদারের টাকা যাতে যায় তাতেই উড়িয়েছে। তবু ভাল সে অন্ধক রেখে গেছে। নগেন বন্ধ ছিল—নাওবউ তোর মায়ের বুদ্ধিতে তা বিষয়-সম্পত্তিতে লগ্নী ক'রে বেড়েছে অনেক। তোর বোন নেই। তুই দিবি। তার সঙ্গে আর একটি শর্ত চাপাব।

সুরেশ্বর বলেছিল—বলুন।

—ওই বাড়ী, যা দাদা দানপত্র করে দিয়ে গিয়েছে অঞ্জনাদি'র মেয়ে ভার্যাকে, যাকে দেবেশ্বর কুশান হয়ে বিয়ে করবার জন্তু ক্ষেপেছিল, তার বাড়ী যদি কেড়ে নেয় দ্বারবংশের কেউ তাতে চোদপুরুষ নরকস্থ হবে তাতে কোন সন্দেহ নেই সুরেশ্বর।

সুরেশ্বর বলেছিল—ব্যাপারটা যতদূর বুঝি, তাতে হ্যারিস বলে একটা লোক, সে হল কুইনীর মায়ের সৎমা—

—তুই বলছিল ভার্যার বেটা শিঙুক যে কিরিনী মেরেটাকে বিয়ে করেছিল, সেই মেরেটার দ্বিতীয় পক্ষের স্বামীর সন্তান?

—হ্যাঁ। সে কিছুদিন আগে কীতিহাটে গিয়েছিল। তার দাবী তার মা, মানে কুইনীর মায়ের-মা মরবার সময় কুইনীর মাকে বলেছিল, হ্যারিসকে থাকবার জন্তে একখানা ঘর দিস। লোকটা জ্বলে বাস করত, বড়লোকদের শিকারের শখ হলে তাদের বনে নিয়ে গিয়ে শিকারের ব্যবস্থা করে দিত। তার-পর একটা খুনখারাপী করে লোকটার জেল হয় বারো বছর। জেল থেকে ফিরে লোকটা কলকাতায় এসে দেখে কুইনীর মা মরে গেছে, কুইনীকে হিলডা নিয়ে এসেছে কীতিহাটে। সে কীতিহাটে এসেছিল কুইনীকে নিয়ে কলকাতার বাড়ীতে বাস করবে, কুইনীকে মাহুষ করে তুলবে লেখাপড়া শেখাবে। কিন্তু হিলডা লোকটাকে হাঁকিয়ে দিয়েছিল। বলেছিল—ওর মতলবটাই অত্যন্ত বদ মতলব। মেরেটাকে নিয়ে গিয়ে—

হ্যারিসকে নিয়ে যা ঘটেছিল তা সে সবই বললে অন্নপূর্ণা-মাকে। এবং দুই আর দুই চারের মত হ্যারিস ও প্রণবেশ্বরের যোগাযোগ ফলটাই অহুমান ক'রে বললে।—হ্যারিসই খুঁজে বের করেছে প্রণবেশ্বরদাঁকে। হয়তো বা কীতিহাট থেকেই সে ঠিকানা-কিকানা যোগাড় করে এনেছিল। এসে এই কাণ্ড বাধিয়েছে। তা আপনি বলছেন—আমি বাড়ীটা যদি দরকার হয় তবে না-হয় দাম দিয়েই আবার কুইনীর নামে দলিল করিয়ে দেব। নিশ্চয় করব আমি।

বধীণ চুপ ক'রে দাঁড়িয়ে শুনেই গেল। একটি কথাও বললে না। সে চারিদিক ঘুরে আমার আঁকা ছবিগুলো দেখছিল।

## তারান্ধর-রচনাবলী

অন্নপূর্ণা-মা বললেন—বিয়ে তা হলে ফাক্তনেই হবে। তুই আয়োজন কর। কিরে রখীন ? বল আর একবার বল !

—আবারও বলতে হবে ?

—হবে।

—তা হলে বলছি, আগে একবার তিন সত্যি করেছি আবারও করছি। করব, করব, করব।

অন্নপূর্ণা-মা বললেন—ভাল, তুই একবার ওই মেয়েটিকে ডাক।

—কাকে ? কুইনীকে ?

—হ্যাঁ।

—এখানে ডাকব ?

—বারান্দাতে দাঁড়াতে বল।

কুইনী এসে বারান্দাতে দাঁড়াল, অন্নপূর্ণা-মা তাকে বললেন—তোমার বাপ তো মুখুন্ডে বামুন ছিল ?

কুইনী হাসলে, বললে—হ্যাঁ মুখাজি ছিলেন কিন্তু আমরা কুচ্চান। আমার বাবার বাবা তাঁর বাবা প্রপিতামহ কুচ্চান হয়েছিলেন।

একটু চুপ করে থেকে অন্নপূর্ণা-মা বললেন—তা হলেও তুমি ভারলেটের বংশ। আমি এই বাবুকে বলে গেলাম, কোন ভয় নেই তোমার, ও বাড়ী তোমরা নিশ্চয় ফিরে পাবে। ভারলেটকে আমি চিনতাম।

কুইনী চুপ করে রইল।

অন্নপূর্ণা-মা বললেন—আমি কে জান ?

কুইনী বললে—জানি, হিলডারিদিয়া বললে—আপনি কীর্তিহাটের সব থেকে বড় জমিদার রায়বাহাদুরের বোন।

—হ্যাঁ। তোমার মায়ের বাবার মা ভারলা—ভারলেটকে আমি তোমার মত দেখেছি। বুঝেছ ? তাকে খুব ভালবাসতাম আমি।

কুইনী চুপ করে দাঁড়িয়ে রইল। এই চুপ করে দাঁড়িয়ে থাকার মধ্যে একটা বিনীত আভিজাত্য আছে শ্রুত। সে আঘাত সহ করে অটল হয়ে দাঁড়িয়ে থাকে কিন্তু হারে না। কারণ যুদ্ধ তো হয় না তাঁর সঙ্গে। সে নিরস্ত্র। তবে হ্যাঁ, অনেক কুস্তকর্ণ আছে যারা লশত্ৰুনিরস্ত্র বাজে না, চৰ্চণ করে হাড়গোড় পর্যন্ত শেষ করে দেয়।

অন্নপূর্ণা-মা বললেন—আমি সুরেশ্বরকে বলে দিলাম। তুমি পড়াশোনা কর। রায়বাড়ীর বড় ভরক তোমার পড়ার সমস্ত খরচ যোগাবে। ভারলেটের ছেলে মিশনারী ইন্সুলে পড়ত ? তাঁর পরচ বড় রায় ভরক। দিয়েছে। পিডুজ মারা গেলে তোমার মায়ের পড়ার খরচ তাও দিয়েছে। কনভেন্টে পড়ত বোধ হয়।

কুইনী সবিস্ময়ে তাঁর দিকে ডাকালে এবার। সম্ভবতঃ এত কথা তিনি জানলেন কি করে সেই প্রশ্নটাই তাকে বিস্মিত করে তুলেছিল।

## কীৰ্ত্তিহাটের কড়ুয়া

অন্নপূর্ণা-মা স্বামীকে সঙ্গে নিয়েই চলে গেলেন।

বিকেলবেলা খবর পেলাম বিশেষ কাকতাল বিবরণ দিন স্থির করছেন অন্নপূর্ণা-মা।

বিশেষ কাকতালই বিবরণ হয়ে গেল সুলভা। শর্ত আমি অক্ষরে অক্ষরে পালন করেছিলাম সুলভা। শুধু অর্চনার বিবাহের বরণ বা খরচ সম্পর্কেই নয়, অন্নপূর্ণা-মা কুইনী সম্পর্কে যে শর্ত আমার উপর চাপিয়েছিলেন তাও আমি পালন করেছিলাম।

তার মধ্যে কিছু কথা আছে, কিছু ঘটনা ঘটে গিয়েছিল, সে কথা না বললে রায়বাড়ীর জবানবন্দী অসম্পূর্ণ থাকবে। এবং অর্চনাকে নিয়ে যা প্রশ্ন করলে তাও ঠিক পরিষ্কার হবে না।

\*

\*

\*

বিয়ে ঠিক হয়েছে বিশেষ কাকতাল। আমি জানবাজারের বাড়ীতে। জগদীশ্বরকাকার গোটা সংসারকে এখানে নিয়ে এসেছি। হিলডা কুইনী ফিরে গেছে কীৰ্ত্তিহাটে। আমি মেদিনীপুরের মিশনারীদের ইস্কুলে এবং হোস্টেলে কুইনীকে দেবার জন্যে চিঠি লিখেছি। আর বাড়ীখানার জন্যে প্রণবেশ্বরদাদার সঙ্গে কথাবার্তা বলছি। অমুমান আমার সভ্য, হারিস এসে প্রণবেশ্বরদাদাকে দিয়ে বন্ধ ঘরখানা খুলিয়ে ঢুকে বসেছে। প্রণবেশ্বরদা হাজার হলেও রায়বাড়ীর ছেলে। বিষয় ব্যাপার বোঝে, হারিসের কথার কাগজপত্র খুঁজেপেতে পেয়েছে কর্পোরেশনের ট্যাক্সের রসিদ। অবশ্য বেশ ক'বছর আগের রসিদ। তখন তাদের অবস্থা ভীলই ছিল। বোধ করি বিশ বছর আগের। তারপর খুঁজে খুঁজে পেয়েছে যে বাড়ীর দানপত্র হস্তা যে-কালে হয়েছে সেই কাল থেকেই কর্পোরেশনের ট্যাক্স বরাবরই দিয়ে আসছে রায়বাড়ীর বড়তরফ।

রায়বাড়ীর রত্নেশ্বর এ দায়টা চাপিয়ে রেখে গিয়েছিলেন বড় ছেলে দেবেশ্বরের ঘাড়ে। তাই বরাবর দেওয়া হয়ে আসছে। বিশ বছর আগে যখন বড়তরফের বড়তরফ প্রণবেশ্বরদাদার কর্পোরেশনের সব ট্যাক্সই বাকী কেলতে শুরু করলেন তখন থেকে আমাদের বা আমার তরফ থেকেই জরুরি প্রাপ্য ট্যাক্স দিয়ে আসা হচ্ছিল। এ বিশ বছরের ট্যাক্স আমরাই দিয়ে এসেছি। হারিসের কাছে হদিসটা পেয়ে প্রণবেশ্বরদা নিজেকে গিয়ে ব্যবস্থা ক'রে কর্পোরেশন ট্যাক্স দিয়ে এসেছে এবং একলা তার বাপের অর্থাৎ জ্যাঠামশাই হজ্জেশ্বর রায়ের নামে রসিদ কাটিয়ে এনেছে। তার কল এই। এলিট রোডের বাড়ীখানি লাভ। লাভ না-হোক রেম বটে। ষোল আনা না-হোক আট আনা বটে—তাতে কোন সন্দেহ নেই। আরও একটা জিনিসে তার ভরসা ছিল, সেটা আমার মুখতা। সেটেলমেন্টে নগদ হাজার কয়েক টাকা দিয়ে গোয়ানগাড়া চাকরান থেকে পুরো নাংদরাজ করে দিয়েছি; কীৰ্ত্তিহাটে গোচরভূমি আর বসন্তবাড়ী কুড়ারাম ভট্টাচার্যের পাঁচালী দেখিয়ে বিনা খাজনার ভোগ করতে দিইছি, এবং টাকা এখনও আমার লাখ কয়েক ছিল সুতরাং হিলডা এবং কুইনী কেঁদে পড়লে হয়তো আরও কিছু খরচ করতে আমি রাজী না হয়ে পারব না।

প্রণবেশ্বরের হিসাবে ভুল ছিল না। কিন্তু ওদের অদৃষ্ট খারাপ, তার পাঁচটেই সত্যি অক্ষও ভুল হয়ে যায়। পাওনার অক্ষের বাঁদিকে কখন যে একটা ছুটুকি বসিয়ে দিয়ে পূর্ণকে ভয়াবহ করে দেয় তা গণ্যকার বলতে পারে, আমি পারি না। অন্ততঃ তখন তেমন কপালের পালাই চলছিল।



প্রণবেরদাদাকে ধরতে চেষ্টা করেও পারছিলেন। জগদীশ্বরকাঁকাকে আনতে চেষ্টা করছি, তাও পারছি না। জগদীশ্বরকাঁকা স্ত্রীর সঙ্গে অর্চনা এবং অন্ত ছেলেমেয়েদের পাঠিয়ে দিয়েছেন, নির্জ্ঞ আসেননি।

কারণ তখন ইলেকশন ক্যাম্পেন চলেছে পুরোনমে, এবং ইলেকশন ঠিক সাগনে।

যেদিনীপুর। বাংলার পীঠস্থান যেদিনীপুর। সকলেই জানে যেদিনীপুর থেকে কংগ্রেস ক্যাণ্ডিডেট এবং এক্সট্রা মিস্ট্রি ক্যাণ্ডিডেট ছাড়া কেউ আসবে না। কংগ্রেসের ভিতরে তখন দুটো ভাগ তা তুমি আমার থেকে ভাল জান সুলতা। কিন্তু প্রণবেরদাদা সেখানে গেছেন, জগদীশ্বরকাঁকা সেখানে থেকে গেছেন এই ভোটপর্ব থেকে কিছু উপার্জনের প্রত্যাশায়।

আমি সর্কালবেলার উঠে বারান্দার রেলিংয়ের উপর ভর দিয়ে দাঁড়িয়ে আছি খবরের কাগজের জন্তে। কোথায় কোন বক্তৃতা হল, কে কি বললে, তা জানবার জন্তে যন উদ্‌গ্রীব হয়ে আছে।

বিয়ের উত্তোগের আয়োজন চলেছে। খুড়ীমা য়ান মুখে এসে যখন বলেন—হ্যাঁ বাবা, এটার কি করবে? তখন আর লজ্জার আমার বাকী থাকে না।

আমি বলি—যা বলবেন তাই হবে।

কিন্তু তিনি মাটির দিকে মুখ নাযিয়ে দীর্ঘনিশ্বাস ফেলে বলেন—তাতে যে অনেক খরচ হবে বাবা!

—আমি আপনাদেরই ছেলে! বললে এমন আশ্চর্য হাসেন, যাতে লজ্জার এতটুকু হয়ে যেতে হয়।

যেদিন সেই সকালেই মনোহরপুরের খুড়ীমা বলতে এসেছিলেন—প্রণামীর কাপড়ের কথা। দুদিন আগে ওবাড়ী থেকে অন্নপূর্ণা-মা ডেকে পাঠিয়েছিলেন আমাকে এর জন্তে। সকলকে ঘর থেকে সরিয়ে দিয়ে ঝিল বন্ধ করে অন্নপূর্ণা-মা আমাকে বলেছিলেন—শোন সুরো, আজ আমি যা বলছি তা রায়বাড়ীর মেয়ে হয়ে বলছি রে! ভবানীপুরের মুখুজ্জবাড়ীর বউ না আজ আমি। এরা বড় ছোট রে! সেইজন্তে আমার পেটের ছেলে থেকে—আমার রক্ত দিয়ে এদের তৈরী করে ভেবেছিলাম, যে এরা পাণ্টাবে। তা পাণ্টায় না রে। দেখ—ক'দিন থেকেই নগেন সুরেন বীরেন এদের মধ্যে কথাবার্তা হচ্ছে, বউরাও গিয়ে যোগ দিচ্ছে! সে সব কথা কানে আসছে আমার। ছোটলোকের মত কথা রে। কাল নাকি কথা হয়েছে, শুধু কথা কেন, কর্দও হয়ে গেছে একটা। প্রণামীর কাপড়ের কর্দ। বুঝলি! চাকরবাকর ঝি ঠাকুর সহিস কোচম্যান এ তো সব আছেই, এগুলো বকশিশ। কিন্তু প্রণামীর দাবী নাকি রথীনের মা বলেছে—আমাদের মানে আমার, যেজবউয়ের, ছোট বউয়ের বাপ-মাদের না দিলে মাথা হেঁট হবে। ওটা ভোমরা নিজেরা কিনেই দাও।

সুরেশ্বর, কথাটা আমার বড় গারে লেগেছে রে। দেখ, ছেলেদের বলতে পারিনি কিছু তোকে বলতে আমার লজ্জা নেই। কেন জানিস? ওরা হল পরগোত্র, ওদের গোত্রে আমি এসে পড়েছিলাম, লাহনার অন্ত হরনি। আমার বাপের টাকার আর গিসেমশায়ের টাকার এই বংশ আমি আমার বংশ মনে করেছিলাম। কিন্তু তারাই আজ আমার বাপের বংশের

খেউড় করছে, তা আমার বুকের শেলের মত বিঁধছে। শোন, কর্দ আমি কাল করে পাঠিয়ে দেব। কাকে কি কাপড় দিতে হবে—গরম, শাড়িপুরে, কাঁচি, মিলের পেটাই, খন্দর সব লিখে দেব। বাজারের সর্বোৎকৃষ্ট জিনিস তুই দিবি। সর্বোৎকৃষ্ট। শোন, টাকা আমি দেব, কিন্তু কাকপকীতে জানবে না। তুই আর আমি।

আমি শুনে অবাক হয়ে গিয়েছিলাম।

তার পারে মাথা ঠেকিয়ে একটু হরতো উচু গলাতেই বলেছিলাম—না বড়মা, খরচ যা লাগে—।

তিনি মুখটা আমার চেপে ধরেছিলেন। জানিসনে সুরো, দেওয়ালের কান আছে। বা বাড়ী বা।

বাড়ী ফিরে গেই মত কর্দই আমি করিয়েছিলাম। কথাটা কেমন করে যে ভগদীশকাকার স্ত্রীর কানে উঠেছিল তা বলতে পারব না, তিনি সকালবেলাতেই অর্চনাকে সঙ্গে নিয়ে বারান্দার এসে দাঁড়িয়ে বলেছিলেন—একটা কথা বলতে এলাম বাবা।

—কি বলুন খুড়ীমা।

—ওঁরা নাকি যা প্রণামীর কাপড়ের কর্দ দিয়েছেন তার নাম নাকি আড়াই হাজারের কম হবে না?

সুরেশ্বর বললে—তখনও ১৯৩৭ সাল স্মৃতি। চালের দর চার টাকার মত, কাপড় কাঁচি খুড়ির জোড়া বোধ হয় বারো-চৌদ্দ টাকার বেশী নয়। যানে একখানা ছ'-সাত টাকা। তাতে আড়াই হাজারে কত কাপড় তা বুঝতে পারছ। অবশ্য গরম কম ছিল না। সব মূর্খিদাবাদী গরদের শাড়ী। তিনি লজ্জিত এবং সঙ্কচিত হয়েছেন তাতেই।

স্মৃতি, আমি হেসে বলতে বাছিলাম—খুড়ীমা, আমার সহোদরা থাকলে তো তার বিয়ের খরচ করতে হত, ভাবুন তাই করছি। জানেন তো, টাকা আমার অনেক জমিয়ে দিয়ে গেছেন আমার মা। এই কালই দেখছিলাম—। কথাটা আর শেষ হল না স্মৃতি, বড়মা অরপূর্ণা দেবীর গাড়ী এসে এ বাড়ী ঢুকল।

আমি ছুটেই নেমে গেলাম। এত সকালে অরপূর্ণা-মা কেন এলেন আবার! কি হল? একজন পঁচাত্তর বছর বয়সী মহিলা দেহে না-হয় শক্ত আছেন, যনে তো আছেনই, তবুও বয়সের বছরের পরিমাণ তো কম নয়। অনেকের ওটা বেড়েই যায় কিন্তু কয়ে না বোধহয় কাকুরই। গাড়ীটা থামতেই আমি দরজার নিচের অংশটা খুলে দিয়ে পারের দিকে হাত বাড়িয়ে বললাম—বড়মা।

দেখলাম, বড়মার সামনে অভ্যস্ত সঙ্কচিত হয়ে বসে আছেন দরাল-ঠাকুরদা।

বড়মা বললেন—তোমার কাছেই এসেছি, কাজ আছে।

অরপূর্ণা-মা স্মৃতিবাক্য ছিলেন না, আবার শুটিয়ে খাটো হয়েও যান-নি, মুখখানা তার বার্ষিকের রেখার জালে জালে ছর্বোধ্য নয়, দেখলাম রাত্রে মুখখানা থমথম করছে। কর্তব্যর ভারী, তার মধ্যে এতটুকু মেহ-আশ্বাসের আভাস নেই।

আমি ভাড়াভাড়ি দরজার নিচের কাটা দরজাটা খুলে দিলাম। বড়মা হাতখানা বাড়িয়ে

বললেন—ধর আমাদের।

আমার হাত ধরে নেমে বললেন—চল, উপরে তোমার ঘরের ঘরে চল। পিছন পিছন দয়াল-ঠাকুরদা নামলেন, অরুণা-মা বললেন—এস দয়াল, তুমি সঙ্গেই এস।

উপরের ঘরে গিয়ে মেঝের উপর কার্পেট আমিই পেতে দিলাম। বড়মা বললেন—দরজা বন্ধ করে দে। জানালাও। যা বলব তা যেন কেউ শুনতে না পায়। বাইরে বলে দে যেন কেউ না আসে। অগ্নীশরের বউ, অর্চনা এরাও কেউ না।

বলব কি শুলভা, বুদ্ধানা আমার কেঁপে উঠল। ভয় হল এই অলঙ্ঘনীয় মহিলাটিকে। আবার কি বলবেন?

দয়াল-ঠাকুরদা কেবল বললেন—কেন পিসীমা, এসব বাজে—

—তুই খাম দয়াল! অরুণা-ঠাকুমা আমার মুখের দিকে তাকিয়ে বললেন—তুই মদ খাস সুরেশ্বর?

মনে মনে চমকে গেলাম। কিন্তু বাইরে চমকালাম না। বললাম—খাই বড়মা।

—খাস। আচ্ছা আর একটা কথা বল তো—সেখানে তুই কুইনীকে নিয়ে—। চুপ করে গিয়ে বললেন—তার জন্তেই কি তুই কুইনীর দিদি হিলড়াকে গোয়ানপাড়ার একরকম মালিক করে দিয়েছিল। নাথরাজ করে দিয়েছিল গোয়ানপাড়া?

—না। এর একটাও সত্য নয়। সত্য কেবল ওরা যখন নাথরাজ দাবী করলে—

—সে আমি দয়ালের কাছে শুনেছি। যত্নরাম রায়ের নাথরাজের ছাড়পত্র দেখিয়েছিল দয়াল সেই দিন। তুই তাই দেখে গোয়ানপাড়া নাথরাজ করে দিয়েছিলি।

—হ্যাঁ বড়মা। কথাটা ঠিক তাই বটে।

—টাকাও তার জন্তে অনেকগুলো খরচ করেছিল। তারপর ভিত্তি হেসে বললেন—ছোট মেজবউমা, মানে শিবেশ্বরের তৃতীয় পক্ষের বউকে ল্যাভেণ্ডার সাবান মাখিয়ে কলকতাগিনী করেছিল।

—তোমাকে কে বললে বড়মা?

দয়াল-ঠাকুরদা কাতর কণ্ঠে বললেন—জুঁকে কীতিহাট থেকে চিঠি লিখেছে ভাই। সে একখানা যন্ত্র বেনামী চিঠি।

বড়মা তাঁর গলাবানের ঝোলা থেকে একখানা চিঠি বের করে আমার হাতে তুলে দিয়ে বললেন—পড়ে দেখ। চিঠিখানা পেরেছি পরশু, পেরেই আমি লোক পাঠিয়ে দয়ালকে আনলাম। দয়াল কখনও মিথ্যে বলবে না আমার কাছে। রাববাড়ীর সবটাই কাট ধরছে, বংশে পচ ধরেছে তা আমি জানি। বেশী পুরনো হলেই তা হয়। রায়ের অখোখা নেই, বংশ থাকলে তাদের কি দশ হত ভগবান জানেন। পুরাণে আছে বজ্রবংশ শেষ হয়েছিল মদ খেয়ে নিজেরা মারামারি করে। বামশাদের বংশ শুনেছি টাঙা চালায়। তাদের মধ্যেও কত পাঁপ কত পচন কে জানে? আশ্চর্য কিছু নয়। তোমার বাপই তো তার চরম করে গেছে। তোমাকে দেখে ভরসা হয়েছিল। তারপর ওই মেরেটার ছবি দেখে মনে হয়েছিল সত্যি সত্যিই আমার মা বুঝি কিরে এসেছেন, সঙ্গে সঙ্গে পুণ্য কিরেছে রাববংশে। এ চিঠিতে সব অবস্থা

কথা আছে সুরেশ্বর। অবশ্য কথা। তাই দয়ালকে আনতে পাঠিয়েছিলাম। তার কাছে আনব শুনব। তা সব শুনলাম জানলাম। তুই পড়ে দেখিস। দেখিস নয় দেখ। আর বল তো—চিঠিখানার হাতের লেখা তুই চিনিস কিনা? চিঠিখানা যে রায়বাড়ীর কোন কুলদ্বারের লেখা তাতে সন্দেহ নেই। অর্চনার বিয়েটা ভেঙে দিতে চায়। আর রাগ আছে তোর ওপর, খুব রাগ, সেটাও এই সব কলঙ্ক রটনা করে মেটাতে চায়। তুই যে নিজেকে একটা টাকা খরচ করে অর্চনার বিয়ে দিতে চাস তার উপরেও একটা কুৎসিত মতলব চাপিয়েছে।

শুলভা, চিঠিখানা হাতে করে আমি প্রায় পাথর হয়ে গিয়েছিলাম। সমস্ত শরীরের মধ্যে বেন একটা কাঁপুনি বেয়ে চলছিল। সঙ্গে সঙ্গে মাথার মধ্যে একটা নিষ্ঠুর আক্রোশ, ক্রোধ, প্রতিহিংসাস্পৃহা যা বল তাই। চিঠিখানা খুলতে আমার সাহস হচ্ছিল না। হোক মিথ্যা, হোক অসত্য, কিন্তু কুৎসিত ভয়ঙ্কর কদর্য কিছু কে দেখতে চায় বল।

দয়াল-ঠাকুরদা বললেন—না—না পিসীমা, কেন ওই মিথ্যেকথাভরা মন্তলববাজি চিঠিখানা পড়তে ওকে বলছ তুমি? না—না। চিঠিখানা তুমি নিয়ে নাও। বুঝলে? পুড়িয়ে দাও। ছাই ক'রে দাও। পিসীমা।

অন্নপূর্ণা—মা একটা দীর্ঘনিশ্বাস ফেলে বললেন—সেই ভাল। দে, চিঠিখানা আমাদের ফিরে দে। শুধু লেখাটা দেখে বল—দেখি এ লেখা তুই চিনিস কিনা?

আমি বললাম—না বড়মা, চিঠিখানা আমি পড়ব। পড়তে চাই।

\* \* \*

সেটেলমেন্টের নোটিশ পেয়ে কীর্তিহাটে এসে আমি মহিষের মত পঞ্চপল্লবে সর্বাঙ্গ ভুবিয়ে শুধু নাকের ফুটে দুটি চাগিয়ে প্রমত্ত হয়ে পড়ে আছি, পত্রের বক্তব্য তাই হলেও অংশল লক্ষ্য অর্চনার বিয়ে।

“আপনাদের মত বংশ—যাঁহারা বাংলাদেশে এবং কলকাতার দেশপ্রেমিক, গান্ধীবাদী, মরালিস্ট হিসাবে বিখ্যাত, তাঁহারা যদি এই কল্লুর মত কল্হাকে গৃহে বধু করিয়া লইয়া যান তবে সম্ভবতঃ দশ মাস যাইতে না যাইতেই সন্তান কোলে করিয়া বসিবেন জানিবেন।

এই যে বড়তরফের সুরেশ্বর, যে প্রকৃতপক্ষে রায়বাড়ীর অবশিষ্ট সম্পত্তির মালিক, এই সুরেশ্বর কি আর্থিক দশ ব্যায়ে পনেরো হাজার টাকা খরচ করিয়া বিবাহ দিতে উদ্বৃত্ত হইয়াছে? এতই উদার সে? এতই মহৎ?

এই ধনীপুত্রটির পিতৃপরিচর বঙ্গদেশে বিখ্যাত, সুবিদিত। তাঁহার পুত্র এখানে আসিয়া অর্থের উদ্ভাষে সর্বগ্রাসী অগ্নির মত জলিতেছে এবং যাহা পাইতেছে তাহাই গ্রাস করিতেছে। তাঁহার সম্পর্ক বিচার নাই। সে সবভূকের মত যেকতরফের যুবতী ছোটগিরীকে ল্যাভেণ্ডার সাবান মাখাইয়া কেলেঙ্কারি ছড়াইয়াছে। তাহাকে মাসে মাসে সে নিয়মিত টাকা দিত। এই জেলের সময়েও বহু টাকা সে তাহার জন্য খরচ করিয়াছে। এবং তাহার দ্বারাই সে রায়বংশের কুমারী কল্হাঙ্কিকে লইয়া যাহা ইচ্ছা তাহাই করিয়াছে। অর্চনার উপরেই তাহার বেশী টান ছিল।

তাহার উপর এখানে আসিলেই বুঝিতে পারিবেন, জানিতে পারিবেন, গোয়ানপাড়ার গোয়ানদের লইয়াও সেই কাণ্ড করিয়া চলিয়াছে সে। দিব্যরাজি মত্তপান করে এবং ছবি আঁকার ছল করিয়া এখানে সেখানে বসিয়া থাকে। গোয়ানপাড়ার হিলজা বুড়ীর এক সম্পর্কীয় নাভনী আছে, তাহার নাম কুইনী। সেই কুইনীর উপরেও তাহার খুব নজর। খবর লইলে জানিতে পারিবেন, সে তাহাকে মেদিনীপুর মিশনারী ইন্সুলে এবং বোর্ডিংয়ে রাখিয়া শিক্ষিতা মেমসাংকে বৈঠক করিয়া লইতেছে।

অর্চনার দায় এখন কাঁধ হইতে না নামাইলে উপায় নাই। কেলেঙ্কারি হইয়া যাইবে। তাহারই জন্ত তাকাকে আপনাদের পরিজ্ঞ বংশের স্বন্ধে চাপাইয়া কুইনীকে লইয়া ভবিষ্যতে ক্ষুতির ভালে আছে।

কুইনীর জন্তও খরচ সে অনেক করিতেছে। খবর লইলেই জানিতে পারিবেন। এলিয়ট রোডের একখানা বাড়ী লইয়া সে প্রায় হাজার সাত-আঠেক টাকা তাহার জাঠতুতো ভাই প্রণবেশ্বরকে দিতে রাজী হইয়াছে।

এ সম্পর্কে আরও একটি সংবাদ জানাই, সেদিন ইলেকশনে ভোটের জন্ত কংগ্রেসের প্রতাপক...রাজা বাহাদুরের তরফের লোক আসিয়াছিল, তাহাদের তরফের বক্তারা প্রকাশ্যে বলিয়া গেল যে সুরেশ্বরবাবু নিজে আধা কৃষ্ণান—ধর্মহীন ব্যক্তি, তাহার কথাই ভোমরা ভুলিও না। তিনি গোয়ানপাড়ার কুইনী নামক কৃষ্ণান মেয়েকে মিশনারী ইন্সুলে রাখিয়া পালিতেছেন।”

\* \* \*

ইলেকশনের সময় আমি যেতে পারিনি কিন্তু আমার তরফের লোকেরা, কর্মচারীরা কংগ্রেসের হয়েই কাজ করছিল। কীতিহাটের লোকদের বলবার কিছু প্রয়োজন ছিল না। সে সোটা দেশেরই প্রায় এক অবস্থা। তবু আমি বলেছিলাম। খান দুই চিঠিও লিখেছিলাম। একটা ছোট নিবেদনপত্র ছাপিয়ে পাঠিয়ে দিয়েছিলাম। তাতে ছিল “বুকের পাজর আলিয়ে যারা অন্ধকারে আলো ছেলে পথ চলছে, তাদের পিছনে চল। অন্ধ পথ নেই।”

কালো ব্যাকগ্রাউন্ডে একটা শক্ত হাতে ধরা একটা মশালের আলো; তার তলার ওই দুটো লাইন লিখে এখান থেকে ছাপিয়ে আমি পাঠিয়ে দিয়েছিলাম। তার উত্তরে নাকি এই কথা রাজারা বলেছেন।

তা বলুন। জানি কংগ্রেস—যানে মানুষেরা জিতবে। মানুষ মানে জীবন্ত মানুষ, নতুন মানুষ, পুরনো নয়, পচা নয়। জানি আমি নিজে পচা-বাড়ীর ছেলে। আমি—যোগেশ্বর রায়, সেকালের ইংলিশম্যান স্টেটসম্যান—ইংরেজ সরকারের মুখপত্রের লেখকের ছেলে আমি। আমি “বিদ্যার সত্য্যগ্রহ” লিখে বাপের ধারা বজায় রেখেছি। এবং ইংরেজ আছে বলে আজও আছি। আমাকেও যেতে হবে ব্রিটিশ ইম্পিরিয়ালিজিমের সঙ্গে। ব্রিটিশ ইম্পিরিয়ালিজিম যাবে। ইউরোপে সে জার্মানীর হিটলারের দুই হাতে দুই গালে চড় খেয়ে হাত বুলিয়ে মিষ্টি কথা বন্ধীশালার কপে-বাওরা জন্তকে মান যাও, মান যাও বলে মানাতে চাচ্ছে। কিন্তু যেতে তাকে হবেই। তার সঙ্গেই আমি যাব। তবু আমি ওই ছোট পোস্টার একে ছেপে পাঠিয়ে

দিরেছিলাম। আমার ভবিষ্যৎ আমিই ঐকৈছিলাম।

কিন্তু তাতে নাম আমার ছিল না। তবে পুলিশ ঠিক বের করেছিল।

আর জানত শুধু প্রণবেশ্বরদা। যেদিন জানবাজারের বাড়ীতে বসে এই ছবিটা আঁকি, সেইদিনই প্রণবেশ্বরদা এসেছিল এই এলিফট রোডের বাড়ী সম্পর্কে কথা বলতে। পাশে বসেছিল। আমাকে বলে গিয়েছিল—তুইনীকে ওব্লাইজ করতে চাও তো টাকা কিছু ছাড়। পেটে কঁধে মুখে লজ্জা করা কাজের কথা নয়।

আমি চিঠিখানা থেকে চোখ তুলে তাকালাম। যেন চোখের উপর ভাসছিল প্রণবেশ্বরদাদার ছবি। দেখেছিলাম তাকে।

বললাম—বড়মা, এ-চিঠি লিখেছে প্রণবেশ্বরদা।

—হ্যাঁ।

দয়াল-ঠাকুরদা বললেন—না ভাই, এ-হাতের লেখা আমি চিনি। এ-হাতের লেখা প্রণবেশ্বরের ছেলে কল্যাণেশ্বরের।

—তা হোক ঠাকুরদা, আমার এই পোস্টারের কথা অল্প কেউ জানে না—জানে শুধু প্রণবেশ্বরদা। সে দেখেছিল ছবিখানা আঁকতে।

বড়মা চুপ করে বসেছিলেন—ভাবছিলেন। হঠাৎ বললেন—তুই যজ্ঞেশ্বরের ঠিকানা জানিস? কানীতে কোথায় থাকে সে?

আমি বললাম—কানীতে তো থাকেন না জ্যাঠামশায়। ঠিকানা কানীর আছে বটে। তবে থাকেন এখানে।

—এখানে—যানে? কলকাতায়?

—না, কলকাতায় ঠিক নয়, থাকেন বরানগরে।

—বরানগরে?

—হ্যাঁ। সেদিন প্রণবেশ্বরদাদা বলে গেলেন। অনেকগুলো বডিওরারেন্ট খুলছে, তাই কানীর ঠিকানাটা রেখে এখানে বরানগরে আছেন। তবে মাঝার গোলমাল হয়ে গেছে।

—আমাকে একবার নিয়ে যেতে পারিস?

—ঠিকানা আমাকে বলে গেছেন প্রণবেশ্বরদা। কারও, টাকা জ্যেঠামশাই নিজে হাতে নেন। এলিফট রোডের বাড়ীর ওই মিউনিসিপ্যাল বিলের ভুলের মরুণ যা পাবেন, তা নিজে হাতেই নেবেন। ছেলেদের দেবেন না।

সুরেশ্বর বললে—জ্যাঠামশাই যজ্ঞেশ্বর রাবকে বাল্যকালে দেখেছিলাম। তারপর দীর্ঘকাল বোধহয় বিশ-বাইশ বছর পর দেখলাম অল্পপূর্ণা মায়ের ভাগিদে। বিভিন্ন যজ্ঞেশ্বর রাব। মহিমাধিত রাববংশের কবিনে পোরা মমি। বরানগরে গভার ঘারে একখানা বড় ফটিলধরা বাড়ীতে থাকতেন তখন। বাড়ীখানা সত্যিই কবিনের মত, আর জ্যেঠামশাই রাববংশের সমস্ত বৈশিষ্ট্যের মমি। ইনসলভেন্ট, প্যারালিটিক, দিলদরিয়া লোক, জেদী, উদার, বদমেজাজী, অতিভয়, পরস্বাপহারী, দাড়া—একসঙ্গে সব। ছ' ফুটের কাছাকাছি লম্বা মাছবটা খাট জুড়ে পড়ে ছিলেন।

ভাড়া কাটল ধরা বাড়ী ; সামনের প্রথম এবং প্রধান দরজার দু' পাঞ্জার কব্জার মরচে ধরেছে, ইজুপ খুলে গেছে, বন্ধ আছে ভিতর থেকে—কিন্তু দুটো প্লেট আঁটা আছে দু' পাঞ্জার ; একটাতে লেখা আছে জ্যোঠাইয়ার নাম, অষ্টটার লেখা আছে—‘বিনা অমুমতিতে প্রবেশ নিষেধ’।

বাড়ীখানা জ্যোঠাইয়ার সম্পত্তি। তাঁর বাপের বাড়ীর দিক থেকে পেয়েছিলেন। বন্ধ থাকে জ্যোঠামশায়ের পাওনাদারদের ভয়ে। যেমন তেমন পাওনাদার নয়—দু-দশ বা দুশো পাঁচশো পাওনা নয়, ও হলো দু' হাজার পাঁচ হাজার থেকে লাখ দু' লাখ পর্যন্ত সুবিস্তৃত এবং পাওনাদারেরাও তেমনি—এ ব্যাঙ্ক ও ব্যাঙ্ক ; এ কোম্পানী ও কোম্পানী ; যাদের আসল পরিচয় হ'ল খ্যাতিমান মাড়বার রাজধানের শেঠেরা ; আজ এই ১৯৫০ সালে যাঁরা বড় বড় ইংরেজ কোম্পানীর মালিকানি কিনেছেন—তাঁরা। জ্যোঠামশায় তাঁর জীবনে রায়বাড়ীর সমস্ত ইতিহাসটাকেই পুনরাবৃত্তি করেছেন। গড়েছেন ভেঙেছেন, আবার গড়েছেন আবার ভেঙেছেন। শেষ পর্যন্ত পক্ষাঘাতগ্রস্ত হয়ে পড়ে আছেন।

রত্নেশ্বর রায়ের জীবন মাত্র বাহান্ন বছরের জীবন। বাহান্ন বছরে বারবাড়ীকে নতুন ছাঁচে ঢেলে গড়ে গিয়েছিলেন ; বীরেশ্বর রায়ের আমলে যে সম্পত্তির আর ছিল কুড়ি হাজার টাকা, তাকে বাড়িয়ে তিনি তুলেছিলেন চল্লিশ হাজার এবং পনের বছর পরে তাকে পরতাল্লিশ হাজারে তুলবার পাকা রাস্তার প্রাণ তৈরী করে জমি পর্যন্ত প্রস্তুত করে গিয়েছিলেন।

তুমি রাজনৈতিক কর্মী সুলতা ; তুমি নিশ্চয় জান ভারতেশ্বরী এবং ইংলণ্ডেশ্বরী ভিক্টোরিয়ার আমল থেকে এ আইন প্রচলিত ছিল। পনের বছর অস্তর বুদ্ধি পাবার হকদার ছিল জমিদারেরা। তাঁর কারণ অব্যম্ভব্য বৃদ্ধি। ফসলের দাম বাড়লেই জমিদার তাঁর অংশ বাবদ খাজনা বাড়াতেন। সারাটা জীবনভোর তিনি এ কর্তব্যকর্ম সোলেমনি। এবং কোন সময়েই আপসে করেননি, আদালতে গিয়ে নালিশ করে লড়ে পাওনা আদায় করেছেন অথবা প্রকার সজে আদালত সাক্ষী রেখে সোলেমানা করেছেন। এ ছাড়া পতিত পুকুর কাটিয়েছেন। নদীর ধারের গ্রামে বহু নিবারণের ক্ষত বীধ তৈরী করিয়েছেন। সুতরাং জমির উন্নতি করেছেন বলেও খাজনা বৃদ্ধিতে তাঁর একটা দাবী ছিল। তিনটে এন্ট্রান্স স্কুল, দুটো চারিটেবিল ডিসপেনসারী করেছিলেন, মেয়েদের প্রাইমারী স্কুল তাত্ত্ব করে গেছেন দুটো। মাইনর ইন্সুল করেছেন আরও কয়েকটা। নিঃসন্দেহে কীর্তিমান পুরুষ। কীর্তিহাট থেকে তমলুক পর্যন্ত কাঁচা পথটা পাকা করেছিলেন ; বহু দরিদ্রকে দান করেছেন ; বহু বুদ্ধিমান ছেলেকে লেখাপড়া শিখতে বৃত্তি দিতেন। এই জানবাজারের বাড়ীতে ওই ওপাশের একডালা ঘরগুলোতে তাঁরা থাকত ; তাদের ক্ষত রাস্তার ব্যবস্থা ছিল, তারা খেয়ে কলেজ যেত।

পত্নীভূত পুরুষ স্রীমতী স্বর্ণলতা—যার নাম সরস্বতী বউ—তাঁর মুখের দিক ছাড়া নাকি তিনি অস্ত্র স্রীলোকের মুখের দিকে তাকাতে ন।

একটু হেসে সুরেশ্বর বললে—সুলতা, অপবাদ রটনা সম্পর্কে মামুলের একটা দুর্নাম আছে। কিন্তু রায়বাহাদুরের ভারতী পড়ে আমি বলতে পারি, শুধু অপবাদই নয় ; প্রশংসাবাদ

সম্পর্কেও মাহুয ঠিক তাই।

মাহুযের মনই হ'ল ডিফেকটিভ থারমোমিটারের মত। অপবাদ প্রশংসাবাদের উত্থাপ আসলে বাই হোক, ও একশো হলে একশো দুইয়ে গিয়ে পৌছবে। তবে এটা মানতে রাজী আছি যে, অপবাদ আসলে একশো হলে সেটা হয় একশো পাঁচ, আর প্রশংসাবাদ সেখানে আসলে একশো হলে একশো দুই-তিন-এর বেশী চলে না। মাহুয প্রশংসাও করে নিন্দাও করে, তবে নিন্দা একটু বেশী করে।

রায়বাহাদুরের ডায়রীতে অঞ্জনার কথা যা আছে তা তোমাকে পড়ে গুলিয়েছি। এ ছাড়াও কখনও কখনও রায়বাহাদুরের ডায়রীতে গল্পের মত বিচিত্র ঘটনার কথা আছে। অনেকগুলোই মনে আছে—তার দু-একটা বললেই বুঝতে পারবে। হাওড়া স্টেশনে ট্রেনের কামরার দুটি সুন্দরী পাশী মেরেকে দেখে লিখেছেন—

“অজ্ঞ কীর্তিহাট কিরিতেছি। গত কয়েকদিন হইতেই রূপ চাহুয করিবার প্রবল আকাঙ্ক্ষা হইতেছিল। সেদিন দত্তবাড়ীর ছেলের বিবাহে নিমন্ত্রণ রক্ষা করিতে গিয়া দুইজন অপরূপ সুন্দরী বাঈজীকে দেখিয়া অবধি ভাবিতেছিলাম, ইহাদিগকে কীর্তিহাটে রাজ-রাজেশ্বরের কোন পর্ব উপলক্ষ্যে বায়না করিয়া লইয়া যাইব। তাহা হইলে চন্দ্র তৃষ্ণা মিটাইয়া তাহাদের দেখিবার সুযোগ পাইব। দত্তবাড়ীর বিবাহের নাচ-গানের আসরে রত্নেশ্বর রায় বসিয়া বসিয়া অবশ্যই এই বাঈজীদের রূপ দেখিতে পারেন না। তাহাতে শত্রুজনে অপযশ ঘোষণার প্রস্তর পাইবে। এবং মনের মধ্যে যে প্রবৃত্তির বিষবৃক্ষ আছে, তাহার তলদেশে জল-সিক্ত করা হইবে। কিন্তু কীর্তিহাটে সম্মুখে রাজরাজেশ্বরের জিউ প্রভুকে রাখিয়া তাহাদের দেখিলে রূপের তৃষ্ণা মিটিবে কিন্তু তাহাতে পাপ স্পর্শিতে পারিবে না। এবং কেহ কোন নিন্দার কথাও বলিতে পারিবে না। আমার জীবনের প্রতিজ্ঞাও ভঙ্গ হইবে না। কিন্তু অজ্ঞ হাওড়া স্টেশনে এই পাশী মহিলা দুটিকে দেখিয়া আমার ভ্রম ভঙ্গ হইল। কি অপরূপ রূপগী এই মেয়ে দুইটি। ইহাদিগকে যুগল তিলোত্তমা বলা চলে। ইহাদের কাছে সেই বাঈজী দুইটি অনেক মলিন। আকাশের চন্দ্রমা এবং পকপল্লবে তাহার প্রতিবিম্ব এই দুইয়ের ষত ওকাং তত ওকাং। চক্ষু জুড়াইয়া গেল। হৃদয় ভরিয়া গেল। ঈশ্বরের রূপসুটির আর শেষ নেই তাহা অনায়াসে এক মুহূর্তে বুঝিতে পারিলাম। সঙ্গে সঙ্গে বুঝিতে পারিলাম তিনি বুঝাইয়া দিতেছেন যে, রূপ খুঁজিয়া না, তাহা হইলে আর সারা জীবনে বিশ্রাম পাইবে না, রূপের পর রূপ আসিয়া তোমাকে হাতছানি দিয়া মরীচিকা যেমন করিয়া তৃষ্ণার্ত হরিণ ছুটাইয়া লইয়া চলে মরুভূমির উত্তাপের মধ্যে, তেমনি করিয়া ছুটাইয়া চলেবে এবং একদা যত্নে মৃত্তিতে আবির্ভূত হইয়া তোমাকে সংহার কারবে। সঙ্গে সঙ্গে দেবতার অপার করুণাও উপলব্ধি করিলাম, তিনি আমার প্রার্থনা যেন স্বকর্ণে গুলিয়া আজ এইভাবে ট্রেনের কামরার এই রূপগী মেয়ে দুইটিকে দেখাইয়া দিলেন।”

এমন ঘটনা রায়বাহাদুরের জীবনে অজস্র ঘটেছে। তিনি অকপটে ঘটনাগুলি লিখে গেছেন।

কীর্তিহাটের বাড়ীতে যুবতী স্ত্রীমতী মেয়ে-বাি রাখা তিনি বন্ধ করে একটা নিয়ম



করেছিলেন।

করেছিলেন অন্তরীকটনার পর থেকে। রায়বাহাদুরের স্ত্রী সরস্বতী বউ স্বামীপরবিনী এবং আদরিণী ছিলেন, সে গরব সে আদর পরিমাণে এত বেশী যে, তিনি এগুলো গ্রাহ্যই করতেন না। তার কাছে যে কি থাকবে সে কুদর্শনা হবে এ তিনি পছন্দ করতে পারতেন না। ঋগড়া করতেন স্বামীর সঙ্গে। কিন্তু স্বামীর সঙ্গে তিনি পেয়ে ওঠেননি। রত্নেশ্বর রায় তাকে ভাড়িয়ে নিশ্চিন্ত হতেন। সরস্বতী বউ আবার আনতেন রূপসী যুবতী ঋি এবং তাকে স্বামীর চোখের সামনে যেতে দিতেন না। এবং হেসে স্বামীকে বলতেন—কি বাতিক যা ? শেষে আমার না ভাঁড়ো ! ভিতরের গুণ্ডটা তিনি বুঝতেন না।

রায়বাহাদুর রত্নেশ্বর রায়ের বড় নাতি আমার জ্যাঠামশায় যজ্ঞেশ্বর রায় ঠিক তেমনি মানুষ। পিতামহের মতই পত্নীভ্রত ছিলেন। ওকাল রায়বাহাদুর রত্নেশ্বর রায় কীর্তিতে কীর্তিমান, আর নাতি যজ্ঞেশ্বর রায় ভ্রষ্টকীর্তি। রায়বাহাদুর সম্পত্তিকে বাড়িয়ে গেছেন, বাপের আমলের আরকে চারগুণ করেছেন—আর নাতি যজ্ঞেশ্বর রায় দেশের বাদিকের একটাকেই মুছে দিয়েছেন। অবশেষে স্ত্রীর পিতৃদত্ত বরানগরের এই পুরনো বাড়ীটার পক্ষাঘাতগ্রস্ত হয়ে পড়ে আছেন।

অন্নপূর্ণা দেবী বড় জেলী মানুষ ছিলেন। বেটাছেলে হলে সম্ভবতঃ সম্পত্তির ক্ষয় যামলা করুন বা না করুন দাদা রত্নেশ্বর রায়ের সঙ্গে খুনোখুনির মত একটা কিছু ক'রে বসতেন। মেয়ে বলেই তা করেননি—তার বদলে ভাগ ক'রে সব কেলে দিয়ে চলে গিয়েছিলেন কাশী, পিসেমশাই এবং পালকপিতা বিমলাকান্তের কাছে গিয়ে আশ্রয় নিয়েছিলেন। কিন্তু ভাইয়ের কাছে আসেননি। রত্নেশ্বর রায়ও আশ্রয় মানুষ, বীরেশ্বর রায়ের নামে যে সব কলকাতার সম্পত্তি ছিল তাও বোনকে দিতে চান নি। জ্ঞানবাজারের এই বাড়ীখানা, এখানাও সেই সম্পত্তির মধ্যে থাকিঁকটা স্থলতা। এগুলো অন্তত অন্নপূর্ণা দেবী ওই শ্রামাকান্তের কলক এবং বিমলাদেবীর সন্তান চুরির কেলেঙ্কারিকে সামলে চাল হিসেবে ব্যবহার ক'রে যামলা চালাতে পারতেন, কিন্তু তাও তিনি করেননি।

জমিদারী ব্যবস্থার ইংরেজ যখন সামন্ততন্ত্রকে পুণ্টন সিপাহী হাতিয়ার ইত্যাদির হাঙ্গামা থেকে মুক্ত ক'রে হাঙ্গা-পক্ষা এবং পরগণাগুলোকে প্রটে জৌজিতে ভাগ ক'রে ছোট ক'রে দিলে তখন এর প্রভাবে ছুটে ফল কলছিল ; অনেক মধ্যবিত্ত উপরে উঠে জমিদার বনে গিয়ে যামলা-মোকদ্দমার রক্তারক্তি যুদ্ধের নেশা মিটিয়েছে, আল-জালিয়াতি করে পাণের শেষ রাখেনি, আবার অনেক ক্ষেত্রে মনকে উচুও করেছিল।

রত্নেশ্বর তাঁর জীবনে ছোটতে বড়োতে, দেওয়ানীতে কোজদারীতে, যানি স্মুটে, রেটে স্মুটে, টাইটেল স্মুটে, সাধারণ ক্রিমিনাল কেস এবং সেনসস কেসে মূল্যবান আদালত এবং ডেপুটি এস-ডি-ও থেকে জজকেট পর্যন্ত আপীল নিয়ে যে যামলামকদ্দমা করেছেন তার সংখ্যা কত হবে জান ? আমি এক লক্ষ পঁচিশ হাজার পর্যন্ত শুনে আর করিনি। কিন্তু অন্নপূর্ণা দেবী জীবনে কি বাপের সম্পত্তি কি স্বামীর সম্পত্তির ভাগের অল্প একটিও যামলা করেন নি।

অন্নপূর্ণাদেবী বহি বীরেশ্বরের পুত্ৰসন্তান হতেন তবে তিনি যে কি হতেন তা বলতে পারব না। তবে কল্পা হলেও যে বংশধারাটি তিনি সৃষ্টি করেছিলেন তা সত্যই অসাধারণ। এবং তাঁর নিজের কথা যা বলেছি তোমাকে, তা একবিন্দু বাড়িয়ে বলিনি।

এই অন্নপূর্ণা দেবী এসে দাঁড়ালেন বরানগরের রত্নেশ্বর মন্দিরের জ্যেষ্ঠ পৌত্র যজ্ঞেশ্বর মন্দির জ্যেষ্ঠ পিতৃদত্ত বাড়ীর দরজায়। যজ্ঞেশ্বর মন্দির তখন সর্বস্বাস্থ্য, পক্ষাঘাতগ্রস্ত, ইনসলভেন্সী নিয়েছিলেন, কিন্তু তবু পাণ্ডনাদারের ভয়ে লুকিয়ে থাকতে হয়। কাকুর সঙ্গে দেখা করেন না। সর্ব ঐশ্বর্যবিলাসই গেছে কিন্তু একজন গুৰ্ব্বা দারোয়ান তখন পর্যন্ত আছে। সে দরজা আটকালো।

আটকালো বটে, কিন্তু খুব সম্ভবতঃই বললে—বাবুজীর বেমার আছে মাইজী, যানে কে। যানা হায়।

অন্নপূর্ণাদেবীর চেহারার মধ্যে এমন কিছু ছিল, যাকে কেউই বোধহয় লক্ষ্যন করতে পারতো না। আমার রূপের প্রশংসা তোমার কাছে করে লাভ নেই। তবে আমাকে দেখে খেলো লোক কেউ ভাববে না নিশ্চয়। দারোয়ান আমার পথ আটকাতে পারতো অল্প ভলিতে। কিন্তু অন্নপূর্ণাদেবীর মহিমাকে লক্ষ্যন করা যেতো না।

অন্নপূর্ণাদেবী তাকে ধমকালেন না। তার উপর অসন্তুষ্ট হলেন না। বললেন—তোর তো কথাবার্তার তরিবৎ খুব ভালো রে বাবা।

লোকটা খানিকটা অবাক হয়ে গেল; হয়তো বা অন্নপূর্ণা-মা কি বললেন তা ঠিক ধরতে পারলে না, তবে তার আভাসেই সে খুশি হয়ে গেল। এমন এক মাইজী তার কথাবার্তার তারিফ করছেন।

অন্নপূর্ণা-মা বললেন—দেখ, আমি তোর বাবুর পিতাজীর ফুফু আছি। বাবুজীর দিদিমা। উনকে দেখেন কো লিরে আয়ি হায়, আগর দু-চার বাত ভি হায়। লেकिन উম্মে ঝামেলা কুছ নেহি হায়; সমঝা? ডিগ্রীকে বাঙ ভি নেহি, কুচ মাঙনে কি বাত ভি নেহি। সমঝা? ছে'ড দরওয়াজা, মুখে যানে দো। নেহি তো উপর যাকে বাবুজী সাব কি কহনা কি অন্নপূর্ণা মাইজী আয়ি হায় ডওয়ানীপুর সে। হা?

বলতে বলতেই সিঁড়ির মাধ্যম দেখা দিলেন জ্যাঠাইমা।

জ্যাঠাইমা খুব বড় ব্যবসাদার বাড়ীর মেয়ে।

এসে পায়ে হাত দিয়ে প্রণাম করে বললেন—ঠাকুমা। আপনি।

—হ্যাঁ আমি। যজ্ঞেশ্বরের কাছে এসেছি।

আমিও স্ট্রট করে গিয়ে প্রণাম করলাম জ্যাঠাইমাকে। জ্যাঠাইমা আমার মুখের দিকে কিছুক্ষণ তাকিয়ে থেকে বললেন—সুখেশ্বর।

—হ্যাঁ জ্যাঠাইমা, আমি।

—দাড়িটাড়ি রেখে এ কি চেহারা করেছিল রে।

অন্নপূর্ণা-মা বললেন—ওসব আমি সব ব্যবস্থা করব। ওকে প্রতিজ্ঞা করিয়েছি ও দাড়ি কামাবে।

জীবনে সবেতেই একটা গৌরচন্দ্রিকা অর্থাৎ ভূমিকা থাকে সুলভা, সেদিনের গৌরচন্দ্রিকার

সব কথাই বাম দেব, কেননা তাতে অনেক সময় নেবে।

সেন্নিন উনবিংশ শতাব্দীর একজন খাঁটি এয়ারিয়েক্জাট রায়বংশের মহিলা, বয়স পঁচাত্তর বছর, তিনি দাঁড়ালেন রায়বংশের আর একজন খাঁটি জমিদার বাবশাদার তনয়ের সম্মুখে।

ভূমিকা যা তা জ্যাঠাইয়ার সঙ্গেই শেষ হয়েছিল। জ্যাঠাইয়া জ্যাঠামশায়কে খবর দিয়ে তাঁকে একরকম প্রস্তুত ক'রে দিয়ে তবে অন্নপূর্ণা-মাকে জ্যাঠামশায়ের ঘরে নিয়ে গিয়েছিলেন।

পক্ষাঘাতগ্রস্ত যজ্ঞেশ্বর রায়ের ডান দিকটা পজু হয়ে গেছে, হাতখানা থেকে পা পর্যন্ত নায়ুগুলো সব অস্থির হয়েচে, কিন্তু ঘাড় থেকে মাথা পর্যন্ত ঠিকই আছে, কথাবার্তাও বলতে পারেন, তবে একটু ঘেন জড়ানো জড়ানো; বসেছিলেন সে-আঁখলের প্রকাণ্ড বড় একখানা খাটে। খাটের গদিটা পাশে পাশে ছিঁড়ে ছোঁবড়া বেরিয়ে পড়েছে। উপরে তোশকখানা ছেঁড়া নয় তবে পিটানো, এমন শক্ত যে জমানো তুলোর একখানা তোশক বলা যায়। তার উপর চাদরখানা পুরো তোশকটা ঢাকেনি বলেই দেখা যাচ্ছিল। খাটো চাদরখানা দরলা চিট, বিবর্ণ। ঠাকুমা-কে দেখে হেসেই জ্যাঠামশাই বললেন—এস ঠাকুমা।

যমকে দাঁড়ালেন অন্নপূর্ণা—ভীক দৃষ্টিতে দেখছিলেন পক্ষাঘাতটা কি রকমের, ডান পা-খানা ঢাকা ছিল, ডান হাতখানাও ছিল, স্তূতরাং ঘাড় থেকে মাথা পর্যন্ত স্বাভাবিক অবস্থা দেখে অন্নপূর্ণা-মা বোম্বহার পক্ষাঘাতের কথা বিশ্বাস করতে পারছিলেন না। বললেন—প্যারালিসিস তোর কোনখানে যে হরি?

হরি হল যজ্ঞেশ্বরের ডাকনাম। রক্তেশ্বর রায় যজ্ঞেশ্বর নাম রেখে বলেছিলেন—যজ্ঞেশ্বর—হরি।

যজ্ঞেশ্বর হেসে বললেন—হরি চিরকাল ছলনাময় নয় ঠাকুমা? তা ভাবতে পার, পাগুনদার ফাঁকি দিতে প্যারালিসিস সেজে বলে আছি। শুনেছি তোমার দাদা, আমার ঠাকুরদা সাহেবদের ভোজের আসর থেকে পেট কামড়াচ্ছে ব'লে ঘরের ভিতরে শুতে গিয়েছিল। কিন্তু আসলে গিয়েছিল রাধানগরের দেসরকারদের বাড়ীতে ডাকাত কেলে লোকটাকে ঠ্যাঙাতে আর তার ঘর পোড়াতে। আমি তো তোমাদেরই নাতি। আমি যজ্ঞেশ্বর হরি, ছলনা অবশ্যই করতে পারি। কিন্তু তা নয়। এই দেখ।

ব'লে গিয়ে ঢাকা দেওয়া চাদরখানার ভেতর থেকে ডান হাতখানা বহু কষ্টে বের করলেন। হাতখানা বহুইয়ের কাছ থেকে বেকে রয়েছে এবং গাছের মরা ডালের মত শুকিয়ে শীর্ণ হয়ে আসছে। আঙুলগুলোই আগে শুকিয়ে গেছে; যখন বের করছিলেন তখন থরথর ক'রে কাঁপছিল।

বললেন—এই এইটুকু এখন বের করতে পারছি, আগে একেবারেই পারতাম না। কোমর থেকে আঙুলের ডগা পর্যন্ত ডান পাখানা অসাড়। নড়ে না। তোমার নাঁতবউ ঢেকেঢুকে দিয়ে তুলে বসিয়ে দিয়ে বার, আবার শোবার সময় শুইয়ে দেয়। তোমাদের যজ্ঞেশ্বর হরি ছলনাময় বটে কিন্তু এ অস্থিতে নয়। তা ভূমি হঠাৎ এলে ঠাকুমা—ব্যাপার কি বল তো। সত্যিই ভূমি এলিষ্ট রোডের বাড়ীখানার জন্তে এলে?।

অন্নপূর্ণা-মা কথা বলতে পারলেন না, চুপ ক'রে বসে রইলেন মাটির দিকে তাকিয়ে।

জ্যাঠামশাই একটু অপেক্ষা ক'রে বললেন—স্বরেশ্বর বাড়ীখানা কিনতে চেয়েছে শুনে খুব আশ্চর্য হইনি। রাইবংশের ছেলে, তার উপর অবস্থা ওর স্বচ্ছল। গোটা রাইবংশটা দেউলে হয়ে গেল, আশ্চর্য টেঁকে রইল যোগেশ্বরের ছেলে। শুনেছি বাপের মত খেয়ালী। বাপ খেয়ালী হলেও অন্তরকমের মানুষ ছিল, জমিদারের ছেলে, বড় ব্যবসাও ছিল আমাদের, কিন্তু যোগেশ্বর লেখাপড়া শিখে খবরের কাগজে চাকরি নিলে। বাবা তাই পছন্দ করলেন। উখন ঠাকমা, ঠিক বুঝতে পারি নি। বাবা তো আমাকে খুব ভাল চোখে দেখতেন না। তাই ভাগের সময় গোটা ব্যবসাটা আমাকে দিয়ে বাড়ী আর নগদ টাকা যোগেশ্বরকে বখন দিলেন তখন আশ্চর্য হলাম। তবে কি জ্ঞান ঠাকমা, সবই ভাগ্য। আমি ভাগ্যকে মানডাম—আজও মানি। তার জন্তে কবচ মাড়ুলী গ্রহরত্ন অনেক ধারণ করেছি বোঝানরুণে। আমার ভাগ্যে কোঞ্জিতে এই ছিল। তাই হল। কি করব? তা তুমি এ নিয়ে এলে কেন বল তো? স্বরেশ্বর কিনতে চার বুরি, প্রণবেশ্বরের কাছে শুনেছি আমি, কুইনী বলে যে মেয়েটা এখন বাড়ীর মালিক ছিল—। একটু হেসে চুপ ক'রে গেলেন জ্যাঠামশাই, কিন্তু ইজিতটা বুঝতে কাকর বাকী রইল না।

এতক্ষণে অন্নপূর্ণা-মা মুখ খুললেন, বললেন—দাদা তোকে খুব ভালবাসতেন। বলতেন—ওরে আমি মরে গেলে লোকে ভাবত আমি আবার ফিরে এসেছি। তুই একেবারে আমার মত। তাই ঠিক। তেমনি কুটিল তেমনি জটিল—সবই তেমনি।

—হ্যাঁ, তা বলতেন। তাঁকে আমার ভালও লাগত। খুব ভাল লাগত। তা খানিকটা বটেও। তাঁর পথেই চলতে চেষ্টা করেছি। কিন্তু বিচিত্র ভাগ্যের কথা, তিনি জীবনের শেষ দিন পর্যন্ত জিতে গেলেন, রাইবাড়ীকে ছোট থেকে বড় ক'রে গেলেন, আর আমি হেরে গেলাম। আমার কোঞ্জিতে শনির কল, শনি আমাকে রাজা করেছিল, সে আবার সব কেড়ে নিলে।

—আজ্ঞেবাজে কথা না বলে আমার কথার জবাব দে তো!

—কি বল?

—এলিয়ট রোডের বাড়ীটার উপর তুই ছোঁ দিলি কেন?

—বাড়ীটা দেখলাম আমাদের—সেই জন্তে। বাড়ীখানা কেনার দলিল পর্যন্ত রয়েছে। দেখ না। বলে নতুন বের করা একখানা কবলার কপি বের ক'রে দিলেন। মাথার বালিশের তলাতেই সেটা ছিল। তার সঙ্গে কতকগুলো কর্পোরেশনের ট্যাক্সের রসিদ। আজও ট্যাক্স দিচ্ছি।

—যজ্ঞেশ্বর!

—ঠাকমা!

—তোর ওই সব কথা-বার্তা তুই ছাড়। সোজা কথা বল। কুইনী বলে যেহেটির পরিচয় তুই জানিস নে? জাকা সাজিস নে, তোঁর ঠাকুরদা আমার দাদা, রাইবংশের পুণ্যবান পুরুষকে ঠিক আমি এই কথাই বলেছিলাম। দাদা, তুমি জ্যাকা সেজো না। ভারসেট

অন্নদাদির মেয়ে এ তুমি জানতে না? দাদা ঠিক তোর মতই ভাকা সেজেছিল। আমি তিনবার ছি-ছি-ছি বলেছিলাম, ওতে দাদা মাথা হেঁট করেছিল, তুই করছিল নে, তুই আরও পাশও রে যজ্ঞেশ্বর।

কথামূলি আমি বুঝতে পারছিলাম সুলতা, আমি অবাঁক হইনি। লজ্জার প্রথমটা পিছন ফিরেছিলাম, তারপর ঠিক এই কথার পরই অন্নপূর্ণা-মাকে বলেছিলাম—আমি বাইরে গিয়ে দাঁড়াই মা-মণি। আপনাদের কথা শেঁষ হোক।

অন্নপূর্ণা-মা বলেছিলেন—না, তুই বস সুহৃৎশ্বর। তুইও শোন। অর্চনার বিয়েতে তোর কাছে কুইনীর বাড়ী ফিরিয়ে দেওয়ার শর্তটা পনের মধ্যে কেন ধরেছি তুইও শোন। কুইনীকে একখানা বাড়ী আমি আমার টাকায় কিনে দিতে পারি। তাতে আমার দেবুর আত্মা শান্তি পাবে; কিন্তু তাতে দাদার দানপত্র নাকচ হবে, দাদা রত্নেশ্বর রায় রায়বাহাদুর স্বর্গ থেকে সিংহাসন সমেত উল্টে পড়বে রে—পড়বে নরকে। তুই চুপ করে আছিল কেন যজ্ঞেশ্বর? রায়বাহাদুর এ বাড়ী দেবুর পাপের জন্ত দেয়নি, দিয়েছিল ভারলেট মেয়েটা অন্নদাদির মেয়ে বলে। ওকে কিছু দেবার অজুহাত খুঁজছিল দাদা; দেবার জন্তে মনটা অধীর হয়েই ছিল। দেবুর এই ভুলটা হাতেই সে বাড়ীটা লেখাপড়া করে দিল ভারলেটকে। এই জানবাজারের বাড়ীতে যেদিন দেবু গুলি খেয়ে মরতে চেয়েছিল বাপের ভয়ে, সেদিন দাদা কলকাতা এসেছিল শুধু আমার সঙ্গে মিটমাট করতে। তখন আমি কোলে এক বছরের ছেলেকে নিয়ে আমার স্বামীকে অনেক কষ্টে রাজী করে জোড়াসাঁকোর জ্যাঠাইমার বাড়ী গিয়ে উঠেছিলাম। তারপর স্বামীকে বললাম—তুমি ফিরে যাও, আমি আর ফিরে যাব না তোমাদের বাড়ী। আমি কানীতে পিসেমশাইকে চিঠি লিখেছি, তিনি এসে আমাকে নিয়ে যাবেন। আমি সেখানেই থাকব, তোমাদের অয়ে আর আমার প্রয়োজন নেই। আমার ছেলে বড় হয়ে তার সম্পত্তির জন্ত যা করবার করবে। তার অভিভাবক হিসেবে তোমাদের কিছু করতে হবে না। কানী থেকে মাঝা মাঝে পিসেমশাই এলেন, কীতিহাট থেকে দাদা এল। এসে জানবাজারের বাড়ীর ফটকে দেখলেন ভারলেকে। বন্ধ ফটকের সামনে রাস্তার উপর মাথা ঠুঁকে কাঁদছে—রায়বাবু, মেরি রায়বাবু! মেরি রায়বাবু! দাদার গাড়ী এসে দাঁড়াল। দাদা এখানকার দপ্তরে থবর দিয়েছিল, কিন্তু থবরটা এসে পৌঁছোয়নি। ডাকের গোলমাল হয়েছিল। দাদা ঘোড়ার গাড়ী ভাড়া করে একেবারে ঠিক সেই সময়টাতেই এসে হাজির হল। দাদা ভারলেকে চিনত। ভাল করে চিনত। অন্নদার মুখের মত মুখ ছিল বলে চিনত।

রায়বাহাদুর রত্নেশ্বর রায় সাধু চরিত্রের লোক। লোকে বলে সাক্ষাৎ শিব। শিবের গায়ের বর্ণ দিনের আলোর থেকেও সাদা। তেমনি অজ্ঞ এবং শুভ্র নাকি শিবের চরিত্র। কালীর হোঁরাচ লাগলেও জানা যায়, বোকা যায়। যতই গোপন করুক দাদা, অন্নদাকে ভালবাসার কথাটা গোপন থাকেনি। আশ্চর্য মাহুৰ, আশ্চর্য ভালবাসা। আশ্চর্য ধর্ম-পরায়ণতা।

অন্ননাকে ভালবেসে শুধু তার স্বামীর কাছ থেকেই ছিনিয়ে নিলে। কাছে কাছে চোখে চোখে রাখলে, কিন্তু সরস্বতী বউয়ের সামনে। তাকে পাহারা রেখে হেসে কথা বলে, রাগ করে, সে রাগ করলে তাকে সাধনা দিয়ে বুঝিয়ে একরকম মান ভাঙিয়ে নিজের সাথ মেটালে, কিন্তু অন্ননার সাথ তাতে মিটল না। সে একদিন হলদীর বাপ পিড়ুজের দাদা, যে রবিনসনকে খুন করেছিল, তার সঙ্গে পালাল। পালাল—কীট সাহেবকে চিঠি লিখে জানিয়ে কুশান হয়ে গিয়া পালালো। বছর কয়েক পর অনেক কষ্টে গোয়া থেকে ফিরে এল কলকাতার; কোলে তার ভারলেট। দেহে লাঠখানা বোণ ধরেছে, যা কিছু গহনাগাঁটি ছিল সব গিয়েছে; রত্নের রাই অন্ননাকে ভোগ করে স্পর্শ করেননি, কিন্তু তার সর্বাঙ্গ লুকিয়ে গহনা দিয়েছিলেন, পালাবার সময় অন্ননা সে সব ফেলে যাননি। সঙ্গে নিয়ে গিয়েছিল। পিড়ুজ তার সে সব বেচে খেয়েছে, তারপর কার সঙ্গে কগড়ার ছুরি মারামারি করে ছুরি খেয়ে মরেছে। অন্ননা শেকালের বামুনের ঘরের মেয়ে, এগিয়েছিল অনেকদূর, হুগলী জেলার একখানা অন্ন পাড়গাঁ থেকে কীর্তিহাট হয়ে কলকাতা, সেখান থেকে পশ্চিম মুখে একেবারে গোয়া পর্যন্ত। তার ওদিকে সমুদ্রে ভাসতে আর সাহস হয়নি, অন্ন কাউকে নিয়ে করবার মত দেহেও কিছু ছিল না, আর মনেও ঠিক হয়নি বা মনের মত মানুষ পাবনি। ফিরে এসেছিল কলকাতা। রিপন স্ট্রীট থেকে পার্ক স্ট্রীট এলাকার গোয়ানীজদের একটা আড্ডা ছিল, সেই আড্ডার এসে উঠে সাহাব্যের জন্তে চিঠি লিখেছিল—একখানা দাদাকে একখানা আমাকে। বলতে গেলে আমার মারফৎ পিসেমশাইকে।

বুঝতে পেরেছ স্থলতা, অন্নপূর্ণা-মাতের পিসেমশাই কে? বিমলাকান্ত। অন্নপূর্ণা দেবী বললেন—আমার বয়স তখন বছর-নব্বৈক হবে। অন্ননাদি যখন চলে যান, তখন আমার বয়স ছিল ছ' বছর। এর তিন বছর পর অন্ননা ফিরে চিঠি লিখেছিল আমাকে কানীতে। চিঠি সাহাব্যের জন্তে। চিঠিখানা আমার হারাননি। চিঠিখানা আছে। পিসেমশাইয়ের বডাব ছিল বড় গোছালো—বড় পরিচ্ছন্ন মানুষ, চিঠিখানি তিনি রেখে দিয়েছিলেন।

তখন আমার ন'বছর বয়স। চিঠিখানা এল, শামের চিঠি; পিসেমশাই চিঠিখানা খুলে পড়ে আমাকে দিলেন। চিঠিখানা আমার মনে আছে—“মহামহিম মহিমাযিতা শ্রীমতী অন্নপূর্ণা দেবীর নিকট অধিনীর নিবেদন এই যে, এককালে আমি সম্পর্কে আপনার দূরসম্পর্কের দিদি হইতাম, তৎকালে আমার নাম ছিল অন্ননা এবং কীর্তিহাটের রায়বাটীতে রায়হজুর ও রায়গিন্দীর নিকট পরম সমাদরের মধ্যেই বাস করিতাম। এবং কাজকর্ম করিতাম। কিন্তু বাহার ভাগ্য মন্দ হয়, তাহার মতিও শূন্য হইতে কু হয়; কুমতি-দুর্মতি মন্দভাগ্য-মন্দভাগিনীদের বাড়ি ভর করিয়া থাকে। আমারও তদ্রূপ ঘটয়াছিল। সেই দুর্মতিবশত আমি একদা গৃহ হইতে পলায়ন করিয়া কুশানধর্ম অবলম্বন করিয়াছিলাম। কলে আজ আমার হুং-দুর্গাধার অবধি নাই। আমি কুশান হইয়া রায়হজুরের কলিকাতার মোকামের বন্দুক ও অস্ত্রশস্ত্র এবং ষোড়া ও গাড়ী প্রভৃতি দেবিবার জন্ত যে পটুগীজ, বাহাকে সকলে গোয়ান বলিয়া জানিত ও ভাবিত, তাহাকে বিবাহ করিয়া গোয়া পালাইয়াছিলাম। কিন্তু মদীর মন্দভাগ্যবশত সে ব্যক্তি মারা গিয়াছে এবং আমি নিরতিশয় দুর্ভাগ্যের মধ্যে নিপতিত হইয়াছি। দেহেও অনেক

রোগ চুকিয়াছে। খুব বেশীদিন সম্ভবত বাঁচিব না। কিন্তু আপাতত চতুর্দিক অন্ধকার নিবীৰ্ণ করিতেছি। আমার কোলে একটি বৎসরখানেকের কন্যা। তাহাকেও বাঁচাইবার যত সারমর্ম নাই। সেইজন্য আপনার নিকট কিছু অর্থসাহায্য প্রার্থনা করিয়া অত্র পত্রযোগে দরখাস্ত জানাইতেছি। আমার সহস্র অপরাধ, কৃচ্ছান হইয়াছি, পরপুরুষের সঙ্গে চলিয়া আসিয়াছি—ইহা কখনওই মার্জনার যোগ্য নয়। তবুও উদয়ের আলার এবং আমার কন্যাকে বাঁচাইবার জন্য লজ্জার মাথা ধাইয়া পত্র লিখিলাম। আপনাদের অনেক আছে। আপনার জ্যেষ্ঠ রায়হজুরকেও পত্রযোগে দরখাস্ত জানাইয়াছি। তিনি দিবেন না জানি, তিনি কঠোর ধার্মিক লোক, তবুও করুণা করিবার সময় তো পাপ বিচার কেহ করে না, পাপীকেই তো করুণা করিতে হয়। ভগবানও পাপীকে দয়া করিয়া থাকেন। সেই হিসাবে তিনি দয়া করিলে কয়িতে পারেন। আপনি করিবেন বলিয়া ভরসা করিতেছি। এবং দয়া করিয়া রায়হজুরকেও যদি কিছু লেখেন—আমাকে ক্ষমা করিতে, দয়া করিতে, তবে অধিনীর প্রতি অনেক রূপা করা হইবেক।”

চিঠিখানা আজও আমার কাছে আছে।

অন্নপূর্ণা-মা একটু খামলেন; বয়স হয়েছিল—এতক্ষণ কথা বলে একটু হাঁপাচ্ছিলেন। খামলেও জ্যাঠামশাইয়ের মুখের দিকে তাকিয়ে ছিলেন। কিন্তু যজ্ঞেশ্বর রায়ের মুখ যেন পাথরের মুখ। একটি রেখারও তাতে বদল হয়নি।

এই ক্ষণে তিনি বললেন—এসব কথা তুমি যখন বলছ, তখন সত্যি বলেই মানছি ঠাকুমা, কিন্তু আমাকে তুমি বলছ কি?—যা বলছ তাই বল! বাড়ীটা ছেড়ে দিতে বলছ তো!

—হ্যাঁ। শুধু তাই নয়, তোকে জিজ্ঞেস করতে এসেছি, তুই এত ছোট কাজ করলি কেন?


—ছোট কাজ কি করে হল ঠাকুমা! আইনসম্মত না হয়, মামলা করলেই তো বাড়ীটা পাবে।

—দাদা বাড়ীটা দান করে দিল একখানা করে দিয়েছিল, কিন্তু বাড়ীটার করপোরেশন ট্যাক্স দিয়েছে বরাবর তেদের কলকাতার এস্টেট। পাছে ট্যাক্সের জন্য গোলমালে পড়ে, দিতে না পারে, বিব্রত হয়, তারই জন্য এইরকম করেছিল। তাছাড়া পাছে ওরা কেউ বিক্রী করে দেয়, দেনার দারে বাড়ীটাকে ভাঙিয়ে কেলে, তাই এই জট পাকিয়েছিল। তুই তার প্রয়োগ নিয়েছিল।

—বল না, অস্ত্রায় করেছি? কিছু বে-আইনী কিছু করেছি? বল?

—তা করিনি। কিন্তু তুই ভোর বাপকে, ভোর ঠাকুরদাদাকে নরকে ভোঝাচ্ছিল।

—মা, ঠাকুরদাদার যে-দায়টা বলছ, সেটা তুমি চাপাচ্ছ দাদার উপর। মায়ের পেটের ভাই নয়, তোমার বাপ পুত্রপুত্র নিয়েছিল। ঠাকুরদাদাকে, তার জন্য আমার ঠাকুরদাদার উপর তোমার রাগ এ তো সবাই জানে। তবে ঠাকুরদাদার বাপের কথা বা বললে, তা অবিশ্তি পাপপুণ্য স্বর্গ-নরক এসব নিয়ে মানতে হয় বটে। কিন্তু সঙ্গে সঙ্গে এও মানতে হয়, পাপ করলেই তার সাজা আছে। সে-সাজার মাক নেই। তারলা বলে গোবান কিরিকী



যেহেঁচোর সঙ্গ—সে বাড়ী দান করেও হয় না।

—চূপ কর, চূপ কর। ওরে যজ্ঞেশ্বর তুই চূপ কর।—

আত্মনাদ করে উঠলেন অন্নপূর্ণা-মা।

কিন্তু জ্যাঠামশার যজ্ঞেশ্বর রায় চূপ করলেন না। তোমার ভাইপো তোমার ছোট ভাইয়ের মত ছিল। তার নিন্দে তোমার সহ্য হচ্ছে না—না? কিন্তু কি করব বল? এ যে তাঁর প্রাণ্য গো। মিথো তুমি অজ্ঞান-বজ্ঞনার ক্যাচাং তুলে ঠাকুরদার মত দেবচরিত্র ব্যক্তির অপমান করছ।

অন্নপূর্ণা-মা তার মুখের দিকে তাকিয়ে একটু হেসে বললেন—অবিকল সেই যজ্ঞেশ্বর রায়। অবিকল। ঠিক এমন করেই নিজের বাপের উপর রাগ করে কথা বলত, তাঁরই ওপর সব দোষ চাপাত। অবিকল! লাঞ্ছনাকৈ কি তারও বেশী মামলা দাদা করেছে। তার সব কাগজপত্র যদি থাকে, তবে অন্তত বিশ-পঞ্চাশটা মামলার হয় মামলা দায়েরের আর্জিতে, নয় মামলার জবাবে বলা আছে—বীরেশ্বর রায় মস্তপান করিয়া বেহুঁশ থাকিতেন, এবং মস্তপানের কালে মস্তিষ্কের বিকৃতি ঘটিয়াছিল বলিয়া এমন স্বীকৃতি তিনি দিয়াছিলেন। জীবনের শেষভাগে তাঁহার পক্ষাঘাত ঘটিয়াছিল। একরূপ ক্ষেত্রে তাঁহার কোন স্বীকৃতি বা সহিষ্ণুতা গ্রাহ্য হইতে পারে না।

যজ্ঞেশ্বর রায় হেসে বললেন—ওসব কথা ছাড়ান দাও না ঠাকুমা। তুমি কুইনীরা বাড়ীখানা কুইনীকে কিরিয়ে দিতে চাও। তা বেশ তো, পুরনো কান্দুলী না ঘেঁটে বাড়ীখানার দায়ের অর্ধেক টাকা আমাদের দিবে একটা না-দাবী লিখিয়ে নাও। চুকে যাক। টাকাটা তুমিও দিচ্ছ না, দেবে সুরেশ্বর। জগদীশ্বরের যেহেঁচো ওর গলার কাঁটা হয়ে বিঁধেছে। ওর যখন ওগরাতাই হবে তাকে, তখন টাকাটা ওই দেবে।

একটা বিস্কোরণ ঘটে গিয়েছিল সেই মুহূর্তে স্থলতা। আমাদের নিজের গলার এতখানি ভরসার চড়া সুর বা গর্জন বের হতে পারে, এর আগে তা আমি জানতাম না। গান গাইবার সুকণ্ঠ রায়বংশে আছে। আমাদের কান্ডের দান এই সুকণ্ঠ আর সংগীত-বাক্যরূপে জ্ঞান—এ নিয়েই অনেকে আমাদের জন্মেছি, কিন্তু এমন গর্জন এক মেজঠাকুরদা শিবেশ্বর রায়ের সেই দৈত্যাকৃতি পশুচরিত্র ছেলেটা ছাড়া কারও গলার বের হতে পারে বলে আমার ধারণা ছিল না। আমার মনে পড়ে গিয়েছিল—কিছুদিন আগে অন্নপূর্ণা-মায়ের নামে লেখা একখানা বোনামী চিঠির কথা। যে চিঠিতে অজ্ঞাত পত্রলেখক অর্চনার প্রতি আমার স্নেহ-মমতার কুৎসিত ব্যাখ্যা করে অপবাদ দিয়ে সংবাদ দিয়েছিল তাঁকে। বিয়েটা যাতে না হয়, তারই চেষ্টা ছিল তাতে। চকিত কথাটা মনে হতেই আমার ধারণা জন্মেছিল, সে-চিঠি হয় লিখেছিল বা লিখিয়েছিল—

আমি সঙ্গে সঙ্গে চীৎকার করে উঠেছিলাম পশুর মত—চূ-প করুন আপনি।

সে চীৎকারে চমকে উঠেছিলেন যজ্ঞেশ্বর রায়। চমকে উঠে আমার মুখের দিকে তাকিয়ে থেকেছিলেন, নির্বাক হয়ে। কিন্তু সে-করেক মুহূর্তের জন্ত। তারপরই আত্মসম্বরণ করে নিয়ে বলেছিলেন—কেন? এমন করে চীৎকার করে উঠলে কেন? একটা জন্তর মত? এঁ্যা?

আমি বলেছিলাম—সে চিঠি তাহলে আপনি লিখিয়েছিলেন?



একটু চূপ করে থেকে যজ্ঞেশ্বর তার বলেছিলেন—হ্যাঁ। আমিই লিখি রেছিলাম একরকম। হ্যাঁ, একরকম আমিই বইকি! প্রণবেশ্বর কীতিছাট থেকে এসে বললে—সমস্ত কথা, অতুল-মেজধুড়ীয়ার বোমা-পিপ্তল নিয়ে জেলের কথা। অর্চনার সঙ্গে তোমার মাখামাখির কথা। সব শুনলাম। শুনলাম এবং সন্দেহ হল। এ তো হামেশাই হয়। বড় বড় বাড়ীতে, ঘে-সব বাড়ীতে বড় সংসার, পোষা অনেক হয়, সে সব বাড়ীর মালিকেরা ভোগ করে থাকেন পোষাদের বধু-কন্যাদের। তা করেন। যারা ছুবেলা ছুমুঠো ভাত পায়, মাথা শুঁকবার একখানা ঘর পায়, বড় বাড়ীর লোক বলে পরিচর দিতে পায়, তাদের পুরুষ অভিভাবক থাকে না বা থাকলেও বোবা হয়ে থাকে। বাইরে এখানে-ওখানে গালাগাল দেয়। যেখানে কোন লোক থাকে না। এর মধ্যে মালিকপক্ষের ছেলে বা কর্মীর নজরে মেয়েরা কেউ পড়লে আর কি রক্ষে থাকে? এই তো আমার স্বস্তরবাড়ীতেই, আগে রেওয়ারাজ ছিল, মেয়েদের কুলীনের ঘরে বিয়ে দিয়ে মেয়ে-জামাই ঘরে রাখা, কিছু সম্পত্তি দেওয়া। তারপর হত এই তারা যখন একপাল করে ছেলে-মেয়ে বিইয়ে বসত, তখন—।

অরপূর্ণা-মা বললেন—থাক। আর বের-বেদান্ত আওড়াতে হবে না তোকে যজ্ঞেশ্বর। তুই স্বীকার করলি এই যথেষ্ট।

—কেন, কথাটা মিথ্যা বললাম নাকি? তোমার দাদা তারবাগীহরের যে অপবাদ তুমি দিচ্ছ, সেটাই বা কি গো? কলকাতার ওটা আকছার বড়লোক বাড়ীর কীতি। বড় বড় বাড়ীর কেছা আছে, বড় বাড়ীতে গরীব আত্মীয়ের বউ-বেটী নেমন্তন্ন পেয়ে কিরত, এক একখানা গয়না নিয়ে। কর্তা একলা ঘরে বসে বউ দেখতেন আর গয়না দিতেন। তোমার ভাইপো ভারশাকে নিয়ে এওবড় যে কীতি করলে সেটা? সেটাই বা কি? তোমার ভাইপোর মেমসাহেবের ওপর একটা বৌক ছিল। যোগেশ্বরকে লেখাপড়া শেখাবার নামে একজন মেমসাহেব গবর্নমেন্ট রেখেছিল, আমার মায়ের চোখ থেকে জ্বলন্ত ধারা-বগুয়া আমি ভুলিনি, আমি তাকে চাবুক মেরে তাড়িয়েছিলাম।

বাধা দিয়ে অরপূর্ণা-মা বললেন—তুই দিব্যদৃষ্টি মহাপুরুষ রে। তোর সঙ্গে কথা কইতে আসা আমার ভুল হয়েছিল। তোর ঠাকুরদার থেকে তুই সরেস। নির্বাণ তোর এই জন্মেই হবে। শুধু টাকা আর সম্পত্তির মাথাটা থাকবে, আর ওইটাই হবে তোর সিদ্ধির বাণী। ওসব কথা থাক। এখন ওই বাড়ীর জন্যে কি নিবি তাই বল। কেস তো আমি কোটে সঠাতে পারব না, নইলে দেখতাম তুই কতবড় পাণ্ডা! কত তোর টাকার জোর, আর কত তোর জেন! আমার কপাল! বুকলি, আমার কপাল! বৈচো খুঁড়তে সাপ বেরিয়ে যাবে।

একটু চূপ করে থেকে যজ্ঞেশ্বর তার বলেছিলেন—তা দিই হাজার পাঁচেক।

এবার আমি আমার অরপূর্ণা-মাকে কথা বলতে দিই নি। বলেছিলাম—টাকাটার বদলে চেক যদি আজই দিয়ে যাই?

—তা দিতে পার। আমি না-দাবী লিখে দেব বলে একটা চিঠি লিখে দিচ্ছি, টাকাটার জন্তে রসিদ দিচ্ছি। তবে বেয়ারার চেক দিতে হবে।

অরপূর্ণা-মা বললেন—চেক দিয়ে দে হুয়েশ্বর। কিন্তু তোর বউয়ের হাতে দেব, তোকে

দেব না। আর একটা প্রতিশ্রুতি করিয়ে দেব।

—প্রতিশ্রুতি! হাসলেন যজ্ঞেশ্বর রায়।

—হ্যাঁ। মিথ্যে বেনামী পত্র লিখে তুই অর্চনার বিয়েতে বাধা দেবার চেষ্টা করেছিল। এমন কাজ এর পর আর করবি নে।

চুপ করে রইলেন যজ্ঞেশ্বর রায়, তারপর একটা দীর্ঘনিশ্বাস ফেললেন, গভীর দীর্ঘনিশ্বাস। কিছুক্ষণ হির দৃষ্টিতে ডাকিয়ে রইলেন বাইরের দিকে। ফিরে যখন ডাকালেন তখন আমি পর্যন্ত বিস্মিত হয়ে গেলাম স্থলভা। দেখলাম, যজ্ঞেশ্বর রায়ের চোখ ছলছল করছে।

অসুপূর্ণা-মা বললেন—এবার শান্ত কণ্ঠে বললেন—কি বলে এমন কথাটা লিখলি তুই? তোর মনে এতটুকু লাগল না? একবার মনে হল না যে, মেয়েটা তোর বাপের...

—বাবার কথা তুলো না ঠাকুমা। না।

—বেশ তোর কাকা, তিনি তো তোর সঙ্গে কোন অসন্তোষ করেন নি। শিবেশ্বর! তাছাড়া ঠাকুরদা তোর কাছে দেবতা, এ মেয়ে তো তাঁরই এক নাতি জগদীশ্বরের মেয়ে!

যজ্ঞেশ্বর রায় বললেন—ঠাকুমা, ওটা আমার কেমন একটা বিশ্বাস জন্মে গেছে। সে আজ থেকে নয়, সেই ছেলেবেলা থেকে। বালাবয়স থেকে। তোমাকে বলি। ঠাকুরদা একটা বিকে হঠাৎ দেখলেন, তার আগে দেখেন নি। যুবজীবি, বছর সত্তেরো-আঠারো বয়স, তাকে রেখেছেন ঠাকুমা। ওই বিটার মা, ঠাকুমার খাস-ঝি ছিল। নাম ছিল কামিনী। কামিনীর মেয়ে কামিনী এ বাড়ীতেই মানুষ হয়েছিল, বারো বছর হতে না হতে তার বিয়ে দিয়ে দিয়েছিলেন ঠাকুরদা। মেয়েটার কপাল; বিধবা হয়ে ফিরে এল ভরায়োবন নিয়ে। কামিনী খুব করে ঠাকুমাকে জড়িয়ে ধরলে, মা, বাড়ীর এককোণে শুকে একটু ঠাঁই দাও। ঠাকুমা ঠাকুরদার মত জানতেন, তিনি তাকে বাড়ীতে রাখলেন, খুব গোপনে। ঠাকুরদার চোখের সামনে যেতে বারণ ছিল। তা সে যেতো না। কিন্তু হঠাৎ একদিন বিপদ ঘটল; মেয়েটা অন্তসত্তা হল। মেয়েটার মা জানতে পেরে কেঁদে এসে পড়ল ঠাকুমার কাছে। উপায় কর মা। ছোটবাবু—মানে ছোটকাকা রামেশ্বর...। কথাটা শেষ পর্যন্ত রায় বাহাদুরের কানে উঠল। ঠাকুরদার খেয়াল ছিল না যে, আমি পাশের ঘরেই আছি, আমার বয়স তখন বারো পার হয়ে তেরোর পড়েছে। ঠাকুরদা তিরস্কার করেছিলেন ঠাকুমাকে। বলেছিলেন—সরযতী-বউ, যে ঘরে লক্ষ্মী থাকে, তার ঘরে অলক্ষ্মী চারিদিক থেকে কীদতে কীদতে এসে আশ্রয় চায়। আশ্রয় দিতে নেই। অন্ততঃ ভোগী যারা, জমিদার বারা, তাদের তো নেই-ই। দিলে কি হয় জান? ওই অলক্ষ্মী রূপসী রূপ ধরে যৌবনের ডালা তুলে ধরে ওই বংশের মালিক, তার বংশধরের সামনে। ভোগ করলেই অলক্ষ্মীর মনঃসন্মত। পূর্ণ। ধর্ম পালাল, ধর্মের সঙ্গে ভাগ্য যায়, ভাগ্যের সঙ্গে যশ যায়, যশের সঙ্গে সম্মান যায়, সম্মানের সঙ্গে অধিকার যায়, ক্রমে সব যায়, লক্ষ্মী ছেড়ে পালাল, অলক্ষ্মী তখন দারিদ্র্য দুর্ভাগ্য নিয়ে বংশকে চারখার করে দেয়। তার উপর তুমি জান না, জান না সরযতী-বউ, এ বংশের উপর পূর্বপুরুষের অশ্লিত একটা অভিসম্পাত আছে। নির্দোষ অভিসম্পাত। নারীঘটিত পাপ বংশে ঘটবেই, এবং তাতেই সব নষ্ট হবে। আমি এমন কঠোর সত্ব্য করি, পূজা করি, অর্চনা করি, শুধু

এই পাপ থেকে রায়বংশকে উদ্ধার করতে। কিন্তু তোমরাই তা হতে দিলে না। দেবে না। হল তো। রামেশ্বরকে ভোবালে তো পাপে। ভোবালে ভুমি। দয়া করতে গিয়ে পাণের উপকরণ ভুমি রামেশ্বরের মূখের সামনে ধরে দিলে। সে নতুন জোরান, তার ঘোষ কি? সে সামনে হরিণী পেয়েছে, সঙ্গে সঙ্গে বাঘের ক্ষুধা নিয়ে কাঁপ দিয়ে পড়েছে। দেখেও জান হল না তোমার? এর আগে দেবেশ্বরকে নিয়ে এত বড় কাণ্ডটা হয়ে গেল, ভারী মেয়েটাকে নিয়ে কি করলে সে, তার জন্তে কি করলাম আমি—তা তো জান। ঠাকুরদাস খুন হয়ে গেল। আমি নিজে বিশ্বাস করি নে সরস্বতী-বউ। মেয়েদের সতীত্বে আর পুরুষের সং সজ্জ থাকার বিশ্বাস করি নে। থাকতে গেলে আমার মত যারা চব্বিশ ঘণ্টা জেগে থাকে, তাহাই পারে। যি আর আগুনে এক জারগার থাকলেই জলবে। দাউ-দাউ করে জলবে, যি শেষ হলে আগুন ছাই চাপা পড়বে।

তারপর ঠাকুমা, কি বলব, আমার অদৃষ্ট, ঠাকুরদা তীর্থে গেলেন, বাবা কীতিহাটে এসে থাকলেন, আমরা এলাম, কলকাতার যোগেশ্বরের জন্তে যে গবর্নর রাখা হয়েছিল সে এল, বিবিমহলে থাকল, বাবার সঙ্গে একসঙ্গে বেড়াতে, একসঙ্গে চা খেতে। গল্প করত। মা কাঁদত। আমি বুঝতে শিখেছি। আমি শুনেছিলাম মায়ের কাছে, ভারলেটকে নিয়ে প্রথম বয়সে বাবার কীতির কথা। ঠাকুরদার ভয়ে ওকথা কীতিহাটে মুখে আনতে না কেউ। গোয়ানরা গান করত—

বড়া বড়া মোকাম কি বড়া কারখানা

উধর মং যানা মং যানা

শুননা মানা, দেখনা মানা, বাত কহনা মানা

বড়া কারখানা—

পিড়ুর ফাঁসি হয়েছিল, তারই গান বেঁধেছিল গুরা। তবে মা জানতেন, মায়ের কাছে শুনে জেনেছিলাম, নইলে ভারলেটকে নিয়ে যখন বাবা এসব কাণ্ড করেন, তখন বাবার বিয়েই হয় নি। তাছাড়া মেজকাকার কাছে শুনেছি, ছোটকাকার কাছে শুনেছি। ঠাকুরদা বার বার বলতেন আমাদের, তোমার বাপের পদাঙ্ক অনুসরণ করো না দাছ। সর্বনাশ হয়ে যাবে। রায়বংশের ওপর দেবরোধ আছে। নারী হতে সর্বনাশ। মনে একটা ভয় হয়েছিল। তত সন্দেহ বেড়েছিল। তারপর যে বাড়ীতে আমার বিয়ে হল, সে বাড়ীতে তখনও আমার বুড়ো দাদাখণ্ডর বেঁচে।

বয়স তখন সন্তোরের কাছে, স্ত্রী মারা গিয়ে খালাস পেয়েছেন; দীর্ঘকাল তিনি পঙ্কু হয়ে পড়েছিলেন। পঙ্কু স্ত্রী থাকতেই তাঁর সেবা করত তাঁর পোষা আপন ডায়ীর বিধবা মেয়ে। সে সেবা সত্যি-সত্যিই রক্ষিতার সেবা ঠাকুমা। আজ ভূমি কথাটা বড় বা দিয়ে বললে বলে তোমার কাছে বলছি। এই বুড়োকে কাকুর কিছু বলার উপায় ছিল না, তার কারণ এই বুড়োই কয়লাকুঠীতে সামান্য চাকরি করতে গিয়ে সেকালে পাঁচ-ছ লক্ষ টাকা আয়ের সম্পত্তি করেছিল। সমস্ত সম্পত্তির দাম কষতে গেলে কোটির কাছে যাবে। শুধু ঐ মেয়েটিই নয়, ও বাড়ীতে বস পোষ্য দেখেছি, তাদের যাদের রূপ-বৌদন ছিল, সকলকেই ওই দণ্ড দিতে

হয়েছে। দণ্ড দিতে হয়েছে বলছি কেন, তারা গরনানীটি, টাকাকড়ি বাপ-ভাইয়ের চাকরির জন্তে ওই মাংসল দিয়েছে।

একটু খামলেন যজ্ঞেশ্বর রায়।

অন্নপূর্ণা-মা বললেন—কথাটা তুমি বেশী বাড়িয়ে বলছিল যজ্ঞেশ্বর, নইলে কথাটা সত্য। আমার স্বপ্নবাজীতেও ওই হাল ছিল। তারপর পরমহংস দেব প্রকট হলেন, লোকে তাঁকে জানল, চিনল, তাঁর পিছনে স্বামীজী এলেন, তখন দেশের হাল কিরল।

জ্যাঠামশাই বললেন—না ঠাকুমা, কথাটা ঠিক হল না। পরমহংস দেব এলেন, তাঁর রূপায় গিরিশ ঘোষ মশারের বিষেটারের মধ্যে থেকেও মতি পাটোঁছিল, কিন্তু জমিদার বড়লোকের বাড়ীর কারও কোন গতি হয় নি। যা ছিল তাই থেকেছে, তাই রয়েছে। আমাদের বংশে দেবরোষের কথা শুনি, কিন্তু সেটা কি তা জানি নে। জানতে কোন রকমেই পারি নি। শুনি ধর্মদাধনে পাপ, আর সম্পদে পাপ। ঠাকুমা, বহু কর্ম আমি করেছি, নীচা আমি নিয়েছিলাম, সে সব গণ্যজলে ডাসিয়ে দিয়েছি, কিছুই আমি মানি নে। তবে এটা জানি, রামকৃষ্ণ পরমহংসের স্বামী বিবেকানন্দ হাজার বছরে একজন। বাকী সন্ন্যাসী সাধুগুলো চোর, ভণ্ড, লম্পট। আর ধর্মীর ছেলেগুলো সব শরভান, চরিত্রহীন। তারা আবার যখন গরীব হয়, লম্বী ছাড়ে, তখন শুধু পুরুষের নয়, বাড়ীর বউ-বেটারও পতন ঘটে। ও পাপ কেউ ঘোঁচাতে পারে না ঠাকুমা। এ দেশে ধর্ম নিয়ে যত মাতামাতি হয়েছে, এত কোথাও হয় নি। যেহেতু, সে স্বামীকে ভালোবাসুক না-বাসুক, সঙ্গে সঙ্গে স্বামীর চিত্তার পুড়ে মরেছে। ঈশ্বরকে নিয়ে এত খেলা কেউ কোথাও খেলে নি। বিধবা বিবাহ আইন করেও এদেশে চালানো যায় নি। এত পাপ, এত ভরসার পাপ কোন দেশে—ধর্মের উটোপিঠে তার আড়ালের আশ্রয়ে ঘটে নি। আবার একথাও সত্য যে, এত ভালবাসাও কোন দেশে, কোন নারী কোন পুরুষকে বাসে নি। কোন পুরুষ কোন নারীকে বাসে নি। সম্পদেও আমরা পাপ করেছি। এ আমার কথা নয় ঠাকুমা, এ আমার ঠাকুরদাদা তোমার দাদার কথা। রায়বাহাদুর রজ্জেশ্বর রায়ের কথা, আমাকে নিজে মুখে বলতেন এসব কথা। শুনেছি তাঁর নিজের পিতামহ—মানে বিমলাকান্তের বাপ কি এক ভীষণ সাধনা করেছিলেন। তারই পাপ নাকি আমরা ভোগ করছি। রায়বংশে ধর্মের পাপ ধনসম্পদের পাপ একসঙ্গে জমা হয়েছে। আমার মনে অহরহ সন্দেহ হয় ঠাকুমা, এ বংশে ছেলে-মেয়ে কেউ সং থাকতে পারে না, সন্তী থাকতে পারে না। চিরজীবন এই সন্দেহ আমার মনে। তাই আমি প্রববেশের কাছে যখন শুনলাম সুরেশ্বরের সঙ্গে জগদীশ্বরের মেয়ের এত মাখামাখি, তখন একটা সন্দেহের স্রোত টেনে বের করেছিলাম। তারপর যখন শুনলাম, সুরেশ্বর তার বিয়ের জন্তে এত টাকা খরচ করছে, তখন আমার আর সেটা সন্দেহের স্রোত রইল না। মোটা দড়ি হয়ে উঠল। আগেকার আমি, মানে অর্ধবান যজ্ঞেশ্বর রায় হলে আমি এ সন্দেহ চিঠি লিখে তোমাকে জানাতাম না। কিন্তু গরীব হয়ে ছোট হয়ে গেছি। মনটা ছোট হয়ে গেছে। কিছু মনে করো না ঠাকুমা। অভিসম্পাত দাও, তা দাও। হাজার বার দাও। কিন্তু আমার উপর রাগ করে মন খারাপ করে যেয়ো না।

সুলতা। সুরেশ্বর বললে—এই যজ্ঞেশ্বর রায় আমার জ্যাঠামশাই, যে সন্দেরের দড়ি পাকিরে তুলেছিলেন সেদিন, সেই সূতাই কাল হয়েছিল। প্রণবেশ্বর এই সন্দেরের কথা জানিয়েছিল রথীনের। অর্চনার সঙ্গে রথীনের বিয়ের পর প্রণবেশ্বরের সঙ্গে মাখামাখি একটু বেশী হয়েছিল রথীনের। কেন জান ?

অরপূর্ণা-মা যে-বাড়ী, যে-বংশ তুই হাত দিয়ে আঁকড়ে ধরেছিলেন, কোন পাপ প্রবেশ করতে দেবেন না বলে বদ্ধগরিকর ছিলেন, সেই বংশে পাপই বল আর বাই বল, সুলতা, ব্যভিচারকে কি বলবে, মত্তপানকে কি বলবে বল ? বল ? If it is not a sin—তাই যেনে নেব আমি। Sin বলে কিছু নেই। মত্তপানকেও যেনে নেব। খেলে কোন দোষই নেই। কিসের দোষ ? Neither a sin nor a crime. ওটা উনবিংশ শতাব্দীর পিউরিট্যান মুভমেন্টের একটা idea, তাই হল। কিন্তু ব্যভিচার ? প্রথমে রথীন ডাক্তার অর্চনাকে বিয়ে করতে অরাজী হয়েছিল বলেছি। কেন শোন, একটি Anglo nurse-কে নিয়ে সে তখনই জড়িয়ে পড়েছিল। সেই মেয়েটির সঙ্গে প্রণবেশ্বরেরও আলাপ ছিল। আলাপটা ঠিক নার্সটির সঙ্গে নয়, তার দিদির সঙ্গে। সেই সূত্রে তারা চিনত পরস্পরকে, কিন্তু আত্মীয় হিসেবে পরিচয় ছিল না। প্রণবেশ্বরদাদা রথীনকে জানত মেডিকেল স্টুডেন্ট হিসেবে প্রথম, তারপর ডাক্তার হিসেবে। আর রথীন প্রণবেশ্বরকে চিনেছিল প্রথম পেশেন্ট হিসেবে। নার্স তাকে এবং নিজের দিদিকে আলভারসান ইন্সপেকশন দেওয়ার জন্ত নিয়ে এসেছিল রথীনের কাছে। রথীন তখন সিন্ধু ইয়ারের ছাত্র। তারপর নার্সটির বাড়ীতে তুই ভাররা-ডাইয়ের মত তাদের দেখা হয়েছে। এবং মধ্যে মধ্যে ডাক্তারের কাছে পেশেন্ট হিসেবে এসেছে।

পরিচয় হল বিয়ের পর।

তারপর সুলতা—যজ্ঞেশ্বর রায় যে কাজ করেছিলেন, বিবাহের আগে বিয়ে বন্ধ করবার জন্তে, সেই কাজ প্রণবেশ্বর করলে বিবাহের পরে। জ্যাঠামশাই অপবাদ দিয়েছিলেন অর্চনার নামে। প্রণবেশ্বর এবার অর্চনাকে চিঠি দিয়েছিল রথীনের নামে। তার আর সেই নার্সের একসঙ্গে বলে ভোলানো ছবিসমেত প্রমাণসমেত পত্র।

উদ্দেশ্য কি জান সুলতা ? উদ্দেশ্য অর্চনার সুরের ঘরে আগুন লাগানো। আর কোন উদ্দেশ্য ছিল না। তার কল এমন হল যে—চূপ করলে সুরেশ্বর।

অনেককণ চূপ করে রইল সুরেশ্বর। সুলতাও কোন কথা খুঁজে পেলে না।

অনেককণ পর সুরেশ্বর বললে—অর্ধচ বিয়ের পর রথীন মোটামুটি নিজেকে শুথরে নিয়েছিল। তা না হলে হয়ত ভাবতাম যে, প্রণবেশ্বরদাদার নারীদেহলোভী মন নার্সটির বড় বোনের মধ্যে ক্লাস্ত হয়ে বা তার প্রতি অকিঞ্চিৎকর নার্সটির প্রতি আকৃষ্ট হয়েছে।

খাঁক ও কথা এখন, সুলতা। মোটামুটি বলে রাখলাম, এর পর যথাসময়ে বধাক্রমে অর্চনার এ দুর্ভাগ্যের কথা বলব। এখন ও কথা খাঁক।

এখন যা বলছিলাম তাই বলি।

সেদিন জ্যাঠাইমাকে সাক্ষী রেখে জ্যাঠামশায়ের হাতে পাঁচ হাজার টাকার চেক লিখে

দিয়ে কুইনীর ওই বাড়ীটা খালাস করে এনেছিলাম। এবং ক’দিন পর তাঁর কাছে না-দাবা দলিল করিয়ে নিয়ে আমিও না-দাবী রেজেষ্ট্রী করে দলিল দুখানা দিয়ে এসেছিলাম অন্নপূর্ণা-মার হাতে। ওটা কুইনীকে আমি দিই নি। দিয়েছিলেন অন্নপূর্ণা-মা।

তিনি কীর্তিহাটে যান নি। কুইনীকে আনিরেছিলেন কলকাতা। ঘটনাটা ঘটেছিল বিয়ের আগেই। কুইনীকে দলিল দুখানা হাতে দিয়ে বাড়ীতে দখল দিয়েই তাকে বলেছিলেন, এই নে তাঁর বাড়ীর দলিল।

কুইনী বড় শাস্ত, না ঠিক বলা হল না, শুলভা, বড় নীরব মেয়ে। কথা বেশী বলে না। নীরবেই সে হাত পেড়ে দলিল দুখানা নিয়ে বলেছিল, আপনাকে নমস্কার করতে লজ্জা করছে, প্রণাম করতে ইচ্ছে করছে, করব ?

অন্নপূর্ণা-মা বলেছিলেন—করবি বটকি, আমি খুশী হব রে। কৃশান হলেও বাড়ালী। প্রণাম করা তো শুধু হিঁদুর নিয়ম নয়। এ নিয়ম এই দেশের নিয়ম। যেমন এই শাড়ী পরেছিল। শাড়ী তো সাহেবদের দেশে পরে না।

—পা ছোঁব ?

একটু ভেবে নিয়ে অন্নপূর্ণা-মা পা দুখানা বাড়িয়ে দিয়ে বললেন—হ্যাঁ।

তাঁর পা-দুখানা ছুঁয়ে প্রণাম করতেই অন্নপূর্ণা-মা তাঁর হীতখানা কুইনীর মাথার ওপর রেখে আশীর্বাদ করলেন। কি আশীর্বাদ করলেন তিনিই জানেন, তবে ছ ফোঁটা জল তাঁর চোখ থেকে টপটপ করে পড়ল।

আমি খুব বিস্মিত হই নি শুলভা। আমি এর কারণ জানতাম। ভেবেছিলাম, কুইনী কিছু বিস্মিত হবে, কিন্তু তাও সে হয় নি।

অন্নপূর্ণা-মা বলেছিলেন—দেখ, আর একটা কথা তোকে বলব।

—বলুন।

—আমি সুরেশ্বরকে বলেছি, তাঁর পড়াশোনার খরচ সব ও দেবে। তুই পড়। ওই গোয়ানপাড়ার হলদীদের সঙ্গে থেকে ওদের মত হয়ে যাস নে।

কুইনী মুহূর্তে বললে—সে-কথা বাবু দিদিরাকে বলেছেন মা।

অন্নপূর্ণা-মা বললেন—জানি। কিন্তু তুই তো তাঁর উত্তর দিস নি। তুই তো গোয়ান নোস কুইনী। তাঁর বাবা মুখুজে ছিল। বামুন থেকে কৃশান হয়েছিল। তাঁর মা—সে পিড়ুজের মেয়ে নয় কুইনী। পিড়ুজের মা ডারলা পিড়ুজের মেয়ে, বাপ ছিল পিড়ুজ কিন্তু তাঁর মা ছিল বামুনের মেয়ে। ডারলার ছেলে তাঁর মায়ের বাপকে লোকে পিড়ুজ বলেই জানে বটে কিন্তু তাঁর কুইনী, সে-ও হল বামুনের ছেলে। একটু চূপ করে থেকে আবার বললেন—মা-বাপ একসঙ্গে মরে গিয়ে হিঙ্গলুর কাছে গিয়ে পড়ছিল, কিন্তু ওদের মধ্যে থেকে গুরুত্ব হলো তো চলেবে না। তাঁর মায়ের বাপের বংশ খুব বড় বংশ—। চূপ করে গেলেন অন্নপূর্ণা-মা। মুখ ফিরিয়ে নিলেন কুইনীর দিক থেকে।

চূপ করে দাঁড়িয়ে রইল কুইনী—কোন উত্তর দিলে না বা দিতে পারলে না। শুধু ঠোঁট দুটি খরখর করে কাঁপতে লাগল।

কুইনী চলে গেলে অন্নপূর্ণা-মা মুখ ফেরালেন আমার দিকে, দেখলাম তাঁর চোখ থেকে ছুটি জলের ধারা গড়াচ্ছে।

অন্নপূর্ণা-মাকে আমি যত দেখছিলাম, ততই যেন অভিভূত হচ্ছিলাম। বিশেষ করে আঠামশাইয়ের সঙ্গে দেখা হওয়ার দিন থেকে। তাই বা কেন স্মৃতি, সেই যেদিন উনি রথীন্দ্রকে সঙ্গে করে এনে বিয়েতে রথীনের সঙ্গতি দেওয়ালেন এবং নিচে দেখলেন কুইনীকে আর হিলডাকে, সেইদিন থেকেই। আমি দেখেই যাচ্ছিলাম আর এইটুকু বুঝছিলাম যে, রায়বাহাদুর রত্নেশ্বর রায়ের ভারতীতে যা আছে, রায় কোম্পানীর সঙ্গে ভারলেট সিড্রুজের পত্রালাপের মধ্যে যা আছে, দেবেশ্বর রায়ের একখানা চিঠির মধ্যে যা আছে, তার চেয়েও আরও কিছু বেশি জানেন অন্নপূর্ণা-মা।

অল্পমান আমার মধ্যে নয় স্মৃতি। তিনি তা জানতেন।

যেদিনের কথা বলছিলাম, যেদিন কুইনীকে ওইসব কথা বলছিলেন, সেদিন ১৯৩৭ সালের ফেব্রুয়ারীর শেষ সপ্তাহে, অর্চনার বিয়ে হবে ঠিক হয়েছে কান্ডনের শেষে, মার্চের ৮ তারিখে; ওই দলিল ফেরত দেবার অন্তেই অন্নপূর্ণা-মা ওদের আটকে রেখেছিলেন কলকাতায়। পড়ে গিয়ে হিলডার হাঁটুটা শুধু থাকেই নি, একটা স্থায়ী স্বেদন হয়ে প্রায় খোঁড়া হয়ে গিয়েছিল। তারও চিকিৎসা হচ্ছিল। সেদিন কুইনী কোন কথা বলতে পারলে না, চলে গেল—অন্নপূর্ণা-মা মুখ ফেরালেন, দেখলাম তাঁর চোখ থেকে জলের ধারা গড়িয়েছে। ঝাঁচল দিয়ে মুছে তিনি বললেন—সুবেশ্বর, এ-ভারটাও তুলে নিল রে। মেয়েটাকে পড়িয়ে-শুনিয়ে মাহুষ করে দে। এতে তোমার সভ্যকারের ধর্ম করা হবে রে। সে-সব কথা তোকে মুখে বলতে পারব না। কথা তো অল্প নয় রে, কথা অনেক। দেখ, কথা এত রে, কথা যদি ইট-কাঠ বা পাথর হত, কিংবা সব কথা যদি কাগজে লিখে থাকে-থাকে সাজানো হত, তবে গোটা এই হলধরখানাই ভরে যেত। বুঝলি। বলতে গেলে জীবনে আর কুলোবে না। আমি তোকে একখানা চিঠি দেব—চিঠিখানা দেবুর লেখা। দেবু তোর ঠাকুরদা, দেবেশ্বর রায় সম্পর্কে আমার ভাইপো, আমার সহোদরের ছেলে সে, তুই জানিস। তোর জ্যাঠাও জানে না। বয়সে প্রায় একবয়সী ছিলাম, আমি থাকতাম কান্দীতে, সে থাকত কীতিহাটে, দুজনে দুজনকে চিঠি লিখতাম। সেকালের ছোট পোস্টকার্ড, তিন-চারটে লাইন লিখতে ফুরিয়ে যেত। তাও আমার কাছে দু-একখানা আছে। সে আমার ছোট ভাইয়ের অধিক ছিল রে। ভাইপো থেকে ভাই, ছোট ভাই বেশী আপন। আমরা বন্ধু ছিলাম। খুব ছোটবেলা কালীপুজোর পরদিন ভাইকোটা, আমি পিসেমশাই আর পিসীমার সঙ্গে কান্দী থেকে পুজোর সময় স্রামনগর এসে কীতিহাট আসতাম। সে আমার হাতের ফোটা নেবার অন্তে কান্দত। একসঙ্গে খেলা করতাম। দশ বছর বয়স তখন। আমার বিয়ের অন্তে পাড়ের খোঁজ হচ্ছে, দেবু আমাকে বলেছিল—‘পিসী, তোমার বিয়ের পরই তো আমার বিয়ে হবে। তা তুমি বলে দিও, আমি যেম বিয়ে করব। তার মনের কথা প্রথম বিশ বছর সে আমাকে বরাবর জানিয়েছে; তারপর সে বদলেছিল। বাপের সঙ্গে ঝগড়া করে যা থেয়ে শক্ত হয়ে গিয়েছিল পাথরের মত। তার

একখানা চিঠি আমি তাকে দেব—তুই পড়ে দেখিস। আমার মৃত্যুর আগে ওগুলো ছিঁড়ে ফেলব ঠিক করেছিলাম, তাই করতামও। কিন্তু তাকে পেরে মনে হচ্ছে, তুই আমার যেন সেই দেবু। তাকে এই চিঠিখানা দেব, তুই পড়ে দেখিস। তার মধ্যে তার একটা ইচ্ছের কথা আছে। ওয়ে, সে আমাকে লিখেছিল টাকার জন্তেই। কীর্তিহাটের রায়বাড়ীর রায়বাহাদুর রত্নেশ্বর রায়ের বড় ছেলে দেবেন্দ্র রায় আমার কাছে হাজার টাকা ধার চেয়েছিল। এই কুইনীর মায়ের বাপের মা অজ্ঞানদির পেটের মেরে ডারলেটের জন্তে চেয়েছিল। আমি দিই নি।

ইচ্ছে করেই দিই নি। নইলে আমার টাকা ছিল। একটু চূপ করুলেন অন্নপূর্ণা-মা। কিছুক্ষণ পর একটা দীর্ঘনিশ্বাস কেলে বললেন—টাকা দিলে আর দেবেন্দ্রকে কীর্তিহাটের বাগানের মধ্যে পেতাম না রে। ও ডারলেটকে নিয়ে কুশান হয়ে যেতো। টাকাটা চেয়েছিল—। থাক, যে-চিঠিখানা দেব তাকে, তারই মধ্যেই তুই সব দেখতে পাবি।

আবার একটু চূপ করে থেকে বললেন—অথচ এর ভিত্তিটা গেড়ে দিয়েছিল আমার দাদা। রায়বাহাদুর গৌড়া ধার্মিক রত্নেশ্বর রায়।

\*

\*

\*

সুরেশ্বর বলতে বলতে থামলে। একটা সিগারেট ধরিয়ে ঘড়ির দিকে তাকিয়ে বললে—বারোটা বাজতে চলেছে। জিরো আওয়ার। কীর্তিহাটের কড়চাও শেষ হয়ে আসছে। রায়বাহাদুর রত্নেশ্বর রায় আর তাঁর বড়ছেলে দেবেন্দ্র রায়ের কথা বললেই শেষ। তারপর আমি আর তার শেষপুরুষ, ছবিতে যে-কড়চা এঁকেছি, তার মধ্যে আমি ছবি নই। আমি জীবন্ত। বিংশ শতাব্দীর মানুষ।

রায়বাহাদুর রত্নেশ্বর রায় আর দেবেন্দ্র রায়ের কাহিনী উনবিংশ শতাব্দীর মধ্যেই শেষ। পৃথিবীতে ইংরেজ জাতের দীপ্তমধ্যাহ্ন। বৈশাখের মধ্যাহ্ন। ইংরেজ তখন বৈশাখের সূর্যের মত প্রখর প্রদীপ্ত। তার সেই প্রচণ্ড ভেজের উত্তাপে বাংলাদেশে জমিদারেরা স্ববর্ণরেখার বালুচরের মত সূর্যের চেয়েও অসহনীয় কিন্তু তবু লোকে তাদের সহ্য করে, হুঁহাত তুলে আশীর্বাদ করে, তাদেরই বলে ‘মা-বাপ’। বালির মধ্যে সোনার দানা বা কণা সত্যি পাওয়া যেত, খুব বেশি না হলেও, নেহাৎ কম নয়। অনেক। অনেক।

ইন্ডুল, হাসপাতাল, চ্যারিটেবল ডিসপেন্সারী যা বাংলাদেশে ১৯৪৭ সাল পর্যন্ত ছিল, তার বারো আনা দিয়েছে এই জমিদারেরা।

স্বস্ততা এতক্ষণে কথা বললে, বললে—আমি তোমাকে সমর্থন করছি সুরেশ্বর। তার সংখ্যাও মোটামুটি আমার জানা আছে। ১৯৪৭ সাল পর্যন্ত বাংলাদেশে ইংরেজ সরকার মোটামুটি জেলাওয়ারি একটা জেলা স্থল, আর একটা সদর হাসপাতাল দিয়েছে। হয়তো বা দুটো-একটা জেলার দুটো থাকতে পারে কিন্তু দুটোর বেশি নয়। ১৯৪৭ সালে দেশ ভাগ হবার পূর্বে এই হিসেবে আটশতা জেলার গোটা-তিরিশেক ইন্ডুল গভর্নমেন্ট দিয়েছে, হাসপাতালও তাই। কিন্তু পার্টিশনের সময় প্রায় চৌদ্দশ ইন্ডুল আমাদের দেশে ছিল। এর কিছু ছিল মিশনারীদের। কিছু আমের লোকের টানায়। শতকরা আশীটাই জমিদারদের



দেওয়া। তার সঙ্গে অনেক কথা আসে, সেসব থাক, আমি ওসব সুনতে আসি নি, আমি তোমার রায়বাড়ীর বা কীর্তিহাটের কড়চা দেখতে এসেছি, সুনতে এলেছি। বলে রাখি, এর মধ্যে আমার সঙ্গে তোমার পুরনো হুজুর জের অবশ্যই আছে, কিন্তু তার মধ্যে কোন হুজুরের আকর্ষণের জের নেই। তুমি কড়চার কথা বল।

চঃ-চঃ-চঃ শব্দে ঘড়িটা বাজতে শুরু করল।

‘সুলতা বললে—তোমার অরপূর্ণা-মা যে চিঠিখানা তোমাকে দিয়েছিলেন, সেই চিঠিটা থেকে শুরু কর। চিঠিখানা তোমার কাছে আছে ?

—আছে। যা তোমাকে বলেছি, -বা আমি ছবিতে আঁকেছি, তা যে সব কাগজ থেকে পেয়েছি, সে সব কাগজ আমার কাছে বড় মূল্যবান মিলি সুলতা। জীবনের শেষদিন পর্যন্ত এইসব মিলিলের দেনা আমাকে শোধ করতে হবে। লোকে আমাকে পাগল বলে। এই তো কালও রায়বাড়ীর অল্প জাতিরা আমাকে গালাগাল দিয়ে গেলেন এর জন্তে। তা দিন। আমার সংকল্প আমি পালন করব।

সামনের টেবিলে জমা-করা কাগজপত্রের মধ্য থেকে একটা ছোট চন্দনকাঠের বাগ্ন থেকে সুরেশ্বর একখানা ধাম বের করলে। সেই ছোট পোস্টকার্ড ছোট ধামের আমলের—মহারাজী ভিক্টোরিয়ার ছবি আঁকা ধাম। তার মধ্যে থেকে লাইন-টানা চিঠির কাগজে লেখা চিঠি। চিঠির কাগজখানা গিরিমাটির রঙ ধরেছে এবং কোণগুলো ভেঙে গেছে। ভাঁজে ভাঁজে কাট ধরেছে।

\* \* \*

চিঠিখানার তারিখ ১৮৭৮ সাল, বাংলা ১২৮৫ সাল। কলকাতার জানবাজারের বাড়ী থেকেই চিঠি লিখেছিলেন দেবেশ্বর রায়।

শ্রীচরণকমলেষু,

প্রণাম শতকোটি নিবেদনমিমাং, পিসী, মদীর এই পত্র পাইয়া তুমি খুবই আশ্চর্যান্বিত হইবে। সম্ভবত মদীর নাম দেখিয়া আমার উপর তোমার ঘৃণায়ও উত্তেজিত হইতে পারে। কিন্তু নিবেদন করিব এই যে, পত্রখানি তুমি পাঠ করিয়া দেখিবে। এ-সংসারে তুমি আমাকে আপন দিদির মত যে-প্রকার স্নেহ কর, তাহা অত্যন্ত দুর্লভ। এমতপ্রকার স্নেহ আমাকে আমার পিতা করেন না, যাতাও করেন না। আমি আজ তাঁহাদের বিষদৃষ্টিতে পতিত হইরাছি। আমাকে একরূপ ঘরে বন্দী করিয়া রাখা হইয়াছে।

মদীর বিবরণ তুমি জান। তুমি অনিরাছ। অবশ্য পূর্বে তোমার সহিত পরামর্শ করিয়া করিলে হয়তো এমতপ্রকার অবস্থা বিপর্যয়ে পতিত হইতে হইত না। তবে তুমি ভারী বালিয়া যে-অনাথা মেয়েটি পিতৃহীন বাড়ীতে থাকিত, তাহাকে তুমি দেখিয়াছ। তাহাকে তুমি চেন। মেয়েটা আমা অপেক্ষা বৎসর-দুয়ের ছোট। মেমসাহেবদের মত গায়ের রঙ। সে যে অজ্ঞানপিসীর কন্ডা, তাহা আমি তোমাকে বলিয়াছিলাম।

ইহা কি প্রকারে আমি অবগত হইলাম, তাহা বলিয়াছিলাম কিনা জানি না। তাহাই তোমাকে বলিব। না হইলে তুমি সমস্ত বুঝিতে পারিবে না।

আমার বয়স তখন বৎসর-সাতেক, ভোমার তখন বিবাহের সন্ধক হইতেছে। জ্ঞানবাজারের বাড়ীতে তৎকালে ছিলাম। মা তখন প্রসবের জন্ত কলিকাতার আসিয়াছেন। আমি দৈনিক এই ভায়লাকে কোলে করিয়া কলিকাতাবাসী একজন গোরান সেরেস্তার আসিয়া পাড়ার এবং সপ্তাহে কয়েকটি করিয়া টাকা লইয়া যার।

বাবামহাশয় আসিলে তিনি লোকটাকে লইয়া ঘরের দরজা বন্ধ করিয়া কথা বলেন। আমার খুব কোতূহল হইত। কারণ ছেলেবেলা হইতেই মেমসাহেব আমার খুব ভাল লাগে। মেয়েটির সঙ্গে আলাপ করিবার ইচ্ছা হইল—তাহার করিলাম। সে ভাড়া-ভাড়া বাংলায় চুই-চারিটা কথা বলিত। ইংরাজী সে জানিত না। আমি তখন ইংরাজী শিখিয়াছি, মাস্টার আমাকে তখন মুখে-মুখে ওয়ার্ড-বুক মুখস্থ করাইয়াছে। আমি মধ্যে মধ্যে ইংরাজী বলিলে সে চুই হাত নাড়িয়া দিত, ঘুয়াইয়া দিত জানি না। বলিত, পটুগীজ পটুগীজ।

একদিনস আমার পিতৃদেব এবং মাতৃদেবী নিজেদের মধ্যে কলহ করিয়া আমাকে জানাইয়া দিলেন যে, ওই মেয়েটি অজ্ঞানপিসীর কন্যা। গভীর রাত্রিকাল তখন। আমি মায়ের নিকট ছোট একখানি খাটে শুইয়াছিলাম, মায়ের খাটে মা শয়ন করিয়াছিলেন, আমি নিদ্রিত ছিলাম, হঠাৎ মায়ের উচ্চকণ্ঠে আমি আগিয়া উঠিলাম।

প্রথমেই শুনিলাম—ওই যে ফিরিকী মেয়েটা কোলে লইয়া গোরান হোড়াটা আসে, বল, বল, সে-মেয়েটা কে? কার মেয়ে? তুমি উহাকে প্রতি সপ্তাহে দশ টাকা করিয়া দাও কিনা? বল?

বাবামহাশয় যেন একটা চাপা গর্জন করিয়া উঠিলেন। চীৎকার করিও না। বাহা বলিবে আন্তে আন্তে বল। একটা কেলেকারী করিয়া লাভ হইবে না। দেবেশ্বর আগিয়া উঠিবে।

বলিয়া তিনি আমার নাম ধরিয়া ডাকিলেন—দেবেশ্বর। দেবু। বাপি। আমি আগেই ভয় পাইয়া গিয়াছিলাম। আমি কোন লাড়া দিলাম না, অন্তরে নিদ্রাধীন ভয় সঞ্চারিত হইল। আমি চুপচাপ পড়িয়া রহিলাম। যেন গাঢ় ঘুমে ঘুয়াইয়া পড়িয়াছি।

তারপর পিসী বাহা সেদিন শুনিয়াছিলাম, তাহার অর্থ সম্যক অস্থাবন করিতে পারি নাই। কিন্তু কথাগুলি ভুলি নাই। জ্ঞান হইবার বোধশক্তি জন্মিবার পর তাহার অর্থ বুঝিলাম। বুঝিলাম—মা সেদিন ওই ভায়লাকে অজ্ঞানার কন্যা বলিয়া জানিলেন। অজ্ঞানার প্রতি পিতৃদেবের একটা গোপন লাগনা বা অস্বাভাব ছিল। কিন্তু তিনি তাহা তাহার অন্তরে অন্তরে চাপিয়া রাখিয়াছিলেন। এবং অজ্ঞানাকে তাহার দরিদ্র বাউণ্ডুলে আমার নিকট হইতে একরূপ ছিনাইয়া লইয়া নিজেদের কাছে কাছে রাখিয়াছিলেন। এতটা সহ্য করিতে পারে নাই অজ্ঞান। সে আলকানুঙ্গো পিড়ুজের সঙ্গে পলাইয়া গিয়াছিল। এখন আলকানুঙ্গো খুন হইয়াছে। গোয়াতে অজ্ঞানদিদি থাকিতে পারে নাই। এবং শরীরেও রোগ ধরিয়াছিল; সেই কারণে বহু কষ্টেই ওই ভায়লা মেয়েটাকে লইয়া কোনমতে কলিকাতার আসিয়া ফিরিঙ্গিপাড়ায় যেখানে গোরানীজরা থাকে, সেইখানে আসিয়া আশ্রয় লইয়াছে। এবং এখানে আসিয়া বাবামহাশয়কে পত্র লিখিয়া বাঁচিয়া থাকিবার মত সাহায্য প্রার্থনা করিয়াছে। বাবামহাশয়

সন্তোষে দশ টাকা হিসাবে বরাদ্দ করিয়াছেন, একসঙ্গে সমস্ত টাকা দেন না, তাহার কারণ একসঙ্গে সমস্ত টাকাটা হাতে পাইলে সবটাই খরচ করিয়া ফেলিবে।

বাবামহাশয় নিষ্ঠুরভাবে বলিলেন— ই! বাসিতাম। অজ্ঞনাকে ভালবাসিতাম বলিয়াই তাহাকে তাহার স্বামীর নিকট হইতে ছিনাইয়া লইয়াছিলাম। তোমার নাম করিয়া তোমার নিকটই রাখিয়াছিলাম। কিন্তু তাহার সহিত কোনপ্রকার গাঢ় সম্পর্ক হইতে দিই নাই, তাহা আমার নিষ্ঠুর চরিত্রবল। আমি অতি নিষ্ঠুর ব্যক্তি। অত্যন্ত নিষ্ঠুর আমি। আমি আত্মহত্যা করিতে পারি। আমার আত্মা একটি একটি করিয়া ছেদন করিতে পারি। তাহার জন্তই করি নাই। নতুবা অজ্ঞনাকে একখানা বাড়ীতে রক্ষিতা হিসাবে রাখিলে কে আমাকে বাধা দিতে পারিত। তোমার এস-ডি-ও সাহেবপিতারও ক্ষমতা ছিল না।

মা কিছু বলতে চেষ্টা করিয়াছিলেন, কিন্তু বাবামহাশয় বাধা দিয়া বলিয়াছিলেন, চুপ কর, চুপ কর। বৃথা আশ্বাসন করিয়া কোন লাভ হইবে না। রত্নেশ্বর আইনকে লজ্জন করিয়া চলে না। তোমার বাবা আইনের বাহিরে যাইতে পারেন না। তাহা ব্যতীত বাবার উপরে বাবার মত এস-ডি-ও'র উপর ম্যাজিস্ট্রেট, তাহার উপর কমিশনার, তাহার উপর লেফটেন্যান্ট-গভর্নর আছেন; এদিকে জজকোর্ট আছে, হাইকোর্ট আছে। ইহাদের দিয়াই আমি সহস্র সহস্র দুঃখ প্রজ্ঞাকে পদানত করিয়াছি। বৃদ্ধি লইয়াছি। তাহাদের পায়ের গোলায় করিয়া রাখিয়াছি। তোমার বাবার কাছেই শুনিয়াছি যে, সরকারী মহলে আমার যত সুনাম, তত দুর্নাম। তবুও তাঁহারা আমার প্রজ্ঞাপীড়নের বিরুদ্ধে কিছুই করিতে পারেন না। তেমনি ভাবেই অজ্ঞনাকে— থাক, কথাগুলো উচ্চারণ করিতেও ঘৃণাবোধ হইতেছে। নারীজাতি অতি ঈর্ষাপরায়ণ, অজ্ঞনা মরণাপন্ন, তাহার ওই শিশু-কন্যাটি লইয়া নিরাশ্রয়, আমি তাহাকে সামান্য সাহায্য করি, তাহাও তোমার সহ্য হইতেছে না।

পিসী, কথাগুলো আমি কোনদিন তুলিতে পারি নাই। ইহার পর একদিন সেই গোরানটার সঙ্গে চুপি চুপি অজ্ঞনাপিসীকে দেখিতে গিয়াছিলাম। অজ্ঞনাপিসীকে চিনিতে খুব কষ্ট হয় নাই, কিন্তু তাহার অবস্থা দেখিয়া বড় দুঃখ পাইয়াছিলাম। অজ্ঞনাপিসী খুব আদর করিয়াছিল এবং বলিয়াছিল—আঃ! কি কপাল, আর কি বিধান। দেবুর সঙ্গে ভারতীয় বিবাহ হইবার উপায় নাই। হইলে কি ভালই না হইত।

পিসী, কথাগুলো সে-সময় বোধহয় তোমাকে বলিয়াছিলাম। দেবার অজ্ঞনাপিসীর মৃত্যুর পর বাবামহাশয়ের ব্যবহার ভারলেট গোরানপাড়ার পিটুজদের বাড়ীতে আশ্রয় পাইল, পিটুজের সন্ধ্যা পরিচয়ে এবং তুমি তাহাকে প্রথম দেখিলে সেবার বোধহয় তোমাকে কথাগুলি বলিয়াছিলাম। তোমার হস্তে মনে নাই।

কিন্তু আমার ইহাই সর্বনাশ ঘটাইয়াছে। আমি ভারলেটকে ভালবাসিয়াছি। সে-ও আমার প্রতি আশ্চর্যরূপে অগ্ররক্ত। তাহাকে ছাড়িয়া আমি বাঁচিব না, সে-ও আমাকে ছাড়িয়া বাঁচিবে না। ধর্মমতে বিবাহ না হইলেও, আমরা স্বামী-স্ত্রীই হইয়া গিয়াছি। এবং আশঙ্কা করিতেছি, কিছুদিনের মধ্যে এ-ঘটনা আর লোকচক্ষে অপ্রকাশ থাকিবে না।

তুমি তো বাবামহাশয়কে জান। একথা তিনি জানিতে পারিলে হয় ভারলেট মরিবে,

নয় আমাকে চরম অপমানে অপমানিত করিয়া দূর করিয়া দিবেন। তাহা আমি চাহি না। আমি ভাৰ্গলেকে লইয়া চলিয়া গিয়া কৃষ্ণান হইয়া বিবাহ করিব। এবং দরিদ্র ভাবেই জীবন-যাপন আরম্ভ করিব। তবে আমার ভরসা আছে এই যে, যদি আমি কিছু টাকা একসঙ্গে সংগ্রহ করিতে পারি, তবে আমি তাহা হইতে ব্যবসা-বাণিজ্য করিয়া উন্নতি করিতে পারিব। মাইকেল মধুসূদন মহাকবি হইয়াছিলেন। আমি হইব না কে বলিতে পারে ?

তোমার হাতে টাকা আছে। তুমি তো টাকা পাইয়াছ। আমাকে কয়েক হাজার টাকা ধার দিতে পার পিসী! আমি শোধ দিব, নিশ্চয় শোধ দিব। আমাকে বিশ্বাস কর—আমাকে বিশ্বাস কর। আমাকে বাঁচাইতে পার তুমি, বাঁচাইবে? মায়ের গরম আমি চুরি করিতে পারি—টাকাও চুরি করিতে পারি। কিন্তু তাহা আমি করিব না। তোমার ভাইপো চোর নয়।

দুৰ্বেশ্বর কয়েক মূহুর্তের জন্যে ভাবলে। পুরানো চিঠিপানার শেষের পাতটার নীচের দিকটা উপরে ছিল বলে ময়লা একটু বেশী হয়েছিল। চিঠিপানার ওই অংশ থেকে চোখ তুলে বললে—এই অংশটা আমার খুব ভাল লাগে। দেবেশ্বর রায়েকে এই অংশ থেকে স্পষ্ট চেনা যায় জানা যায়। কথাগুলো খুব দামী—সেই বয়সে দেবেশ্বর রায়ে কি করে যে লিখেছিলেন, তা বলতে পারব না। কথাগুলো শোন, শুনলেই বুঝতে পারবে।”

“পিসী আমার ভর হইতেছে যে, তুমি আমাকে বুঝিবে না, বুঝিতে চাহিবে না। তুমি বাবামহাশয়ের সহোদরা হইলেই ভাল হইত। অশ্চর্য বোধ হয় এই যে, বিমলাকান্ত চট্টোপাধ্যায় দাদামহাশয়ের সন্তান পোতপুত্র স্ত্রী দেবেশ্বর রায়ে পুত্র হইয়া অবিকল তাহার স্বভাব ক্রমে পাইলেন? তুমি বাবামহাশয়ের অপেক্ষাও জেদী। এই বয়সে একটি সন্তান লইয়া জেদের বশে স্বৈছার স্বামীগৃহ হইতে নির্বাসন লইয়া কালীতে বিমলাকান্ত দাদামহাশয়ের কাছে পালক-পিতার কাছে গিয়া সংসার পাতিয়াছ। পিতৃবংশের সহিত মামলা করিবে না—ইহা তোমার জেদ। জেদ করিয়া তুমি আমাকে ছাড়িয়াছ। তাহা ছাড়া সারা দেশের মেয়েরাই এমন যে, জাতের জন্ত স্বামী তাহারা অনায়াসে ছাড়িতে পারে। স্বামী কৃষ্ণান কি মুসলমান হইল—স্বী জাতের জন্ত স্বামীকে ছাড়িল। পুরুষেও পারে। তাহাই করে। বহিঃমন্ডলের কপালকুণ্ডলায় নবকুমারের প্রথম পক্ষের স্ত্রী পদ্মাবতীর কি অপরাধ বল? জোরপূর্বক তাহাদের বাপ-মায়ের সহিত তাহাকেও মুসলমান হইতে হইল। তাহার জন্ত নবকুমার পরিত্যাগ কেন করিবে। কিন্তু ইহাই এ-দেশে হয়। পিসী, ইহাই আমি পারি না। পারিব না। আমার কাছে জাতধর্ম অপেক্ষাও প্রেম বড়। যাহাকে ভালবাসিয়াছি, তাহাকে ছাড়িতে পারিব না। তাহারই জন্ত তোমার নিকট আমি সকাভরে আবেদন করিতেছি। পিসী, এই সাহায্যটুকু তুমি আমাকে কর। তোমার ভাইপো দেবু তোমাদের শিবঠাকুরের মৃত। সে প্রেমের জন্ত প্রিরতমার জন্ত সঙ্গে ছাই মাখিয়া শ্মশানের পোড়াবাশ ও চ্যাটাইতে ঘর বাঁধিয়া, ভিক্ষা করিয়া থাকিতেও রাজী আছে। কিন্তু এত কষ্ট সহিবে না। অভ্যাগ নাই। অভ্যাগ করিতে গেলে অকালমৃত্যু ঘটবে। পিসী, তাহা কি সহ্য করিতে পারিবে? তুমি আমাকে টাকা ধার দাও। আমি তাহা মূলদন করিয়া ব্যবসা করিব, ঘর বাঁধিব।

শেষের দিকটার কাব্য একটু বেশী হয়েছে এবং রোমান্টিক হয়ে পড়েছেন। জা হোন, সেটা আমি খরি নি, কারণ তখন দেবেশ্বরের বয়স সবে ষোল পার হয়ে সতেরোতে পড়েছে। গ্রামেই হাই ইংলিশ স্কুল ছিল, কিন্তু রায়বাহাদুর ছেলেকে জানবাআরের বাড়ীতে রেখে পড়াতেন। পড়তেন হিন্দু স্কুলে। তাঁর কাছে থাকত গোপাল পাল, ঠাকুরদাস পালের একপক্ষের বড় ছেলে। রায়বাহাদুর রত্নেশ্বরের বিয়ের ঠিক আগেই বা ঠিক পরেই তাঁরও বিয়ে হয়েছিল রঙলাল ঘোষের পিসীর সঙ্গে। সে-কথা আগেই বলেছি।

১৯৩৭ সাল থেকে আবার সিঁছিরে চল সুলতা। সম্বরটা ১৮৭৬ সাল। রত্নেশ্বর রায় জামনগরে হাই-ইংলিশ স্কুল স্থাপন করলেন। ১৮৭৬ সালে রত্নেশ্বর রায় হাই-ইংলিশ স্কুল। বিমলাকান্ত তখনও বেঁচে; তিনি বারণ করেছিলেন। বলেছিলেন—না রত্নেশ্বর, আমি আজও বর্তমান রয়েছি। আমার নামে নয়। রত্নেশ্বর বলেছিলেন—কেন? তাতে কি হল? এই তো কীতিহাটের স্কুলের এম-ই স্কুল বাবা থাকতে প্রতিষ্ঠা করা হয়েছিল, নাম দেওয়া হয়েছিল বীরেশ্বর রায় এম-ই স্কুল। তারপর স্কুল এন্ট্রান্স স্টাণ্ডার্ড হল, তখন তার সঙ্গে আমার নাম জড়িয়ে বীরেশ্বর রায় এম-ই এন্ড রত্নেশ্বর রায় এচই-ই স্কুল নাম দেওয়া হয়েছে। তাতে অন্তর হয়েছে বলতে চান? ভাছাড়া কর্মের জন্ত নিন্দাই বলুন আর প্রশংসাই বলুন, একপ্রাণ্য হল তার যে সেই কর্ম করে। সে সমাজে বলুন, রাজস্বারে বলুন, অথবা বিধাতার বিচারালয়েই বলুন। সালটা শুই ১৮৭৮/৭৯ সাল।

এসব কথাই চিঠি মারফৎ চলছিল সুলতা।

বিমলাকান্ত লিখেছিলেন—“তাহা হইলে এ স্কুল তোমার নামেই স্থাপিত হওয়া উচিত, আমার নামে নয়। অথবা শুধু গ্রামের নামেই নামকরণ হওয়া উচিত। জামনগর হাই-ইংলিশ ইংস্কুল। কারণ জামনগরের জমিদারী স্বত্ব আমাদের বংশের বা আমার হইলেও ইহার আসল মালিক কীতিহাটের রায়বংশ। তাহাদের অর্থেই এ লাট আমার নামে ক্রয় করা হইয়াছিল। তৎপর তাহা পত্তনী লইয়াছেন কীতিহাটের রায় অর্থাৎ তুমি। এই লাটের বৃদ্ধি লইয়াই একদা দে-সরকারদের সহিত তোমার বিরোধ বাধিয়াছিল। তাহা হইতেই বহু ঘটনা ঘটিয়াছে। রবিনসন সাহেব আসিয়া কুঠী করিতে গিয়া মরিয়াছে। দে-সরকারেরা গিয়াছে। এখন জমিদারী আমার কিন্তু পত্তনীদার হিসাবে খাস দখল তোমার। তুমি এই লাটের মোট আমার ৫৬০০ টাকার মধ্যে সরকারকে দেয় রাজস্ব ৪০০০ টাকা বাদে ১৬০০ টাকা আমাকে ঠাকুরের সেবায়ের হিসাবে লভ্য প্রদান করিয়া থাক। লাট তোমাদের এস্টেটের কিছুই নাই আছে লোকসান। আমার খরচা লোকসান লাগে। লাট বলিতে জামনগর রাধানগর এবং ঠাকুরপাড়া এবং পাইকপাড়া কয়েকটির খাস দখল বা অধিপতিত্ব। তুমি এই গ্রামের বৃদ্ধির জন্ত একদা জমিদারের সঙ্গে বিবাদ করিয়াছিলে—এবার জামনগরে বিভাগ স্থাপন করিবার সংকল্প করিয়া সমুদয় মৌজার ডোল জমার উপর সিকি বৃদ্ধি দাবী করিয়াছ। অর্থাৎ ৫৬০০ টাকার সিকি ১৪০০ টাকা বৃদ্ধি হইবে। ইহার সহিত কিছু খাসদখলী জমি ইত্যাদিও দেওয়া হইবে। ইহা সবই রায় এস্টেটের দান। সুতরাং

ইহাতে কোনপ্রকার কীর্তি স্থাপনের গৌরব বা পুণ্যের দাবী শ্রামনগরের ভট্টাচার্য বংশের নাই। সুতরাং ইহা তোমার নামেই স্থাপন কর। আরও একটা শাস্ত্রবাক্য স্মরণ করাইয়া দিই। “সর্বত্র জয়মিচ্ছন্ত পুত্রাঃ শিষ্যাঃ পরাক্রমঃ” তোমার গৌরবেই আমার গৌরব। পিতৃ-পুরুষের গৌরব।

প্রসঙ্গক্রমে লিখি যে ঠাকুরদাস আমাকে এ সম্পর্কে পত্র লিখিয়াছিল। শ্রামনগরে বুদ্ধির প্রভাবে সে খুবই ক্ষিপ্ত হইয়াছিল। এবং তৎসঙ্গে আর ভদ্ভজনেরাও আমাকে লিখিয়াছিলেন—যে, আমি যেন ইহাতে হস্তক্ষেপ করিয়া এই বুদ্ধি নিবারণ করি। কিন্তু আমি তাহাদিগকে বুঝাইয়া পত্রাদি লিখিয়াছি। এবং এই উচ্চ ইংরাজী বিদ্যালয় স্থাপিত হইলে গ্রামের যে কি প্রকার উপকার হইবেক তাহাও বুঝাইয়াছি। তাহার। আমার পত্রের আর উত্তর দেন নাই কিন্তু জানিলাম কথাটা ঠিক তাহার। মানিতে চাহেন নাই। তোমাকে এই বুদ্ধির জ্ঞান অনেক অর্থাদি ব্যয় করিতে হইয়াছে। প্রায় দুইশত জোতের উপর বুদ্ধির নালিশ চলিয়াছে হাইকোর্ট পর্যন্ত। তাহাতে কৃতকার্য হইয়া তুমি মায়-বরচা ডিগ্গা পাইয়াছ। তাহাতে অবশ্যই আমি খুশী হইয়াছি। এ সম্পর্কে ঠাকুরদাস কিছু অসন্তুষ্ট হইয়াছে স্কন্ধ হইয়াছে। সে আমাকে এই লইয়া একখানা পত্র লিখিয়াছে। পত্রখানার যে ক্ষোভ আছে তাহা নিশ্চয়ই আমি সমর্থন করিতেছি না। তুমি যেমন তাহার জোতের উপর বুদ্ধি লইয়াছ তেমনি তাহাকে নিকর দিয়াছ এবং যথেষ্ট করিয়াছ। কিন্তু তাহার একটা কথা আমার খটকা লাগিয়াছে। আমি সন্দেহ করিতেছি যে, সে কোনরূপে আমার সহিত তোমার এবং ভবানী ভগ্নীর সহিত আমার সম্পর্কের কথা জানে বা জানিতে পারিয়াছে।”

রত্নেশ্বর রায় এ পত্রের কোন উত্তর দিইয়াছিলেন কিনা জানি না। তবে ইঙ্গুলের নাম রেখেছিলেন রত্নেশ্বর রায় হাই-ইংলিশ স্কুল। এবং ঠাকুরদাস পালের নাম আর কোন কিছুতে উল্লেখ পাই নি।

রত্নেশ্বর রায়ের ভাররীতে চিঠিটার কথা উল্লেখ আছে। “আজ কাশী হইতে পত্র পাইলাম। পিসামহাশয় পত্র লিখিয়াছেন। তাহার পত্র পড়িয়া ঠাকুরদাসকে বাজাইয়া দেখিব বলিয়া তাহাকে আনিতে লোক পাঠাইলাম। পিসামহাশয় যাহা লিখিয়াছেন তাহা সত্য হইলে তো ঠাকুরদাসকে—”

আর কিছু লেখেন নি তিনি। তারপর লিখেছেন—“কথাটা সত্য মনে হইতেছে। ইদানীং ঠাকুরদাস আমাকে নির্জনে পাইলে শ্রামনগরের বুদ্ধি লইয়া পূর্বের সম্পর্ক ধরিয়া নিবোধ আমাকে দানঠাকুর সোধোন করে এবং আমার সহিত বাকযুদ্ধ করিতে সাহসী হয়। আমি সহ্য করি কিন্তু মাত্রা ছাড়াইবার উপক্রম করিলেই কিছু কঠোর কঠে ‘ঠাকুরদাস’ বলিয়া ডাকিলেই বা সজোরে গলাঝড়া শব্দ করিলেই চুপ করিয়া যায়। আমি আঙ্গুল দেখাইয়া বলি—যা বাহিরে যা। সাধারণ লোকের মগজে গোবর থাকে, তোর মগজে মহিষের বিষ্ঠা পোরা আছে। ওর্ক করিস না, বাহিরে যা।

সে বাহিরে যার কিন্তু বারান্দার বা এমন কোন স্থানে বসিয়া যেন আপন মনেই বসে—“যি দিয়া তাজ নিমের পাড—নিম না ছাড়েন আপন জাত।” অথচ তাহার উদ্দেশ্য কথাটা

আমাকে শোনানো।

যে সব যুথেরা ইন্সুলের উপকারিতা বুঝে না, শুধু খাজনা বৃদ্ধিটাকে অপমান বোধ করে, তাহাদের উন্নতিবিধান করিতে ভগবানেরও সাধ্য নাই। ইহারা ইংরাজকে দেখিয়া মাটিতে উপুড় হইয়া পড়িবে। এ দেশী ইংরাজী জানা ব্যক্তিকে ইংরাজের সমকক্ষ ভারিবে—অথচ নিজেরা কিছুতেই ইংরাজী শিখিবে না। বলিবে—কি বলিতেছেন মহাশয়, আমরা যদি ইংরাজীই শিখিব তবে চাকর্য্যাস করিবে কাহারো? আপনাদের ভৃত্যগিরি করিবে কাহারো? কিন্তু আশ্চর্য্য, প্রজা হিসাবে ইহাদের আর একটা চেহারা আছে। ঠাকুরদাস পালের ঘরে যখন জমিদারের দেওরা আঙুনে স্বীপুত্র পুড়িয়া মরিয়াছিল, সে চবি আমি আজও ভুলিতে পারি নাই।”

\*

\*

\*

এরই মধ্যে ঘটনাটা ঘটল। চতুর্দশী ভারলেটের প্রেমে পড়লেন দেবেশ্বর। কিন্তু দেবেশ্বরকে আড়াল দ্বিজে ঢেকে রাখলে ঠাকুরদাসের ঘিটীরপক্ষের বড় ছেলে গোপাল।

রত্নেশ্বর রায় পত্র লিখে ঠাকুরদাসকে আসবার কথা জানালেন। কিন্তু সে এল না। রত্নেশ্বরের ভারীরীতে আছে—“এক কেহ হইলে ঠাকুরদাস পাল বলিয়া কেহ আর শ্রামনগরে ইহার পর থাকিত না।

ইতিমধ্যেই পিঞ্জর আমার নিকট অভিযোগ করিয়াছে যে, গোপাল অজ্ঞানার কস্তা ভারলেটকে লইয়া কিছু বাড়াবাড়ি করিতেছে। কতদিন হইতে বাণ্যপারটা ঘটনায়ে তাহা সঠিক বলিতে পারিল না, তবে কিছুদিন হইতে অর্থাৎ এবার গ্রীষ্মের ছুটিতে দেবেশ্বরের সঙ্গে সে এখানে আসিয়া এইরূপ কাণ্ড শুরু করিয়াছে। সুতরাং পিঞ্জরকে দিয়া অনারাসে এই ঘটনা লইয়া ঠাকুরদাসের সঙ্গে বগড়া বাধিতে পারে। ঠাকুরদাসের সঙ্গে পিঞ্জরের একটা বিবাদ ইতিমধ্যেই জন্মিয়াছে। শ্রামনগরের বৃদ্ধি কোর্ট মারফৎ মামলার রায়ে বলে হইলেও আমাদের কাছারীতে পিঞ্জর এবং তাহার অনুচরেরাই মোতায়েন আছে। কিন্তু না, তাহা করিব না। তাহাতে অধর্ম্ম হইবে। অধর্ম্ম আমি করিব না। পূর্বের সে-সকল দিবস বিগত হইয়াছে, যে-কালে প্রজার ঘর জ্বালাইয়া দেওয়া চলিত। ইচ্ছামত গুপ্তঘাতক দ্বারা হত্যা করা চলিত, তাহাদের ঘরের বধুকস্তা জোরপূর্ব্বক হরণ করা মাত্র একটা হুকুমের অপেক্ষা রাখিত। আজ নূতন কাল নূতন আলোক নূতন উত্তাপ জন্মভব করিতেছি। দক্ষিণেশ্বর গিয়া আশ্চর্য্য মাহুয দেখিয়া আসিলাম। ঠাকুর রামকৃষ্ণ পরমহংসদেব। পূর্বে রামকৃষ্ণ ভায়রত্নের নিকট দীক্ষা লইয়াছি নহিলে এই মহাসাধকের নিকট দীক্ষা লইয়া দত্ত হইতাম। বাংলাদেশের মাহুযের বিশেষ করিয়া কলিকাতার যেন একটা নূতন জোয়ার আসিতেছে। তাহা ছাড়া ভারলেট অজ্ঞানার কস্তা।

যাহা হউক দেবেশ্বরকে ডাকিয়া গোপাল সম্পর্কে সাবধান করিয়া দিলাম। দেবেশ্বর নতমুখে দাঁড়াইয়া তনিল এবং বাড়ি নাড়িয়া জানাইল সে সাবধান করিয়া দিবে। দেবেশ্বর আমার কুল-উজ্জলকারী পুত্র। যেমন রূপে কন্দর্প কি কুমার কাটিকের, তেমনি গুণে মেধায় অসাধারণ। বাল্যকালে আমার নিজের মেধা ও শ্রুতির কথা স্মরণ করিয়া মনে করিতে লংকোট নাই যে সে আমা অপেক্ষা শ্রেষ্ঠ। এই সকল লক্ষ্যকর কথাগুলি সে তনিল—মাথা

হেঁট করিয়াই শুনিলাম—কণে কণে সে লাল হইয়া উঠিতেছিল কিন্তু আমার মুখের দিকে দৃষ্টি তুলিল না। কোন প্রশ্ন করিল না। হাঁ, হাঁহাঁ তো আভিজাত্য। হাঁহাঁ তো শীলতা। কিন্তু আমি ভাবিতেছি হতভাগ্য গোপালের কথা।”

ভায়লেটকে রত্নেশ্বর রায় নেপথ্য থেকে অঙ্গনার কথা হিসেবে মাহুঘ করছিলেন। শেষ জীবনটার তিনি তাকে অর্থসাহায্য করেই কর্তব্য শেষ করেন নি, তার যুতাকালে গোপনে তার বাড়ীতে গিয়ে ভায়লেটের তার নিয়ে এসেছিলেন। তার নিয়ে তাঁর সমস্তা গাড়িয়েছিল কি ভাবে ভায়লেটকে মাহুঘ করবেন? সেই গোরাণীজ্ঞ আধাপতু গীতটার মত? কিংবা অঙ্গনার মেয়ের মত? আলকানসো পিফ্রজের দেহের যা-গড়ন গায়ের যা রঙ তাতে তাকে বারো আনা পটুগীজ বলা চলত। এবং তার যা চরিত্র তার যা পেশা তাতেও তাকে হারমাদদের খাটি বংশধর বলা যেত। কিন্তু অঙ্গনা বামুনের মেয়ে; সেকালে রত্নেশ্বর রায়ের মত জামিদারপুত্রের মুখে ছুঁচায়টে সরস কথা শুনে আর তার নিছের প্রতি করেকটা তারিক বাক্য শুনে বামুনের চাঁদ ধরার সাধ জেগেছিল—নিজে গলে জল হয়ে যেতে চেয়েছিল। কিন্তু রত্নেশ্বরের যে স্পর্শে সে গলতে পারত সে স্পর্শ পায় নি বলেই ফোড়ের বেশে চলে গিয়েছিল এই দুঃসাহসী আলকানসো পিফ্রজের সঙ্গে। হয়তো সে সেদিন আরও ঘৃণ্য কাউকেও বরণ করতে পারত। কিন্তু তার মোহ বেলীদিন টেকে নি। এবং ভাগ্যক্রমে আলকানসোও তার হারমাদি ট্রাডিশনকে উজ্জলতর করে খুন হয়ে তাকে রেহাই দিয়েছিল। অঙ্গনা আবার কির আসতে চেয়েছিল। কিন্তু ফেরা আর সম্ভবপর ছিল না এবং উপারও ছিল না। একদিকে সমাজ ছিল কঠোর। আর অত্রদিকে তার নিহেরও ধরেছিল যুত-রোগ। যুত আসন্ন বুঝে সে রত্নেশ্বর রায়কে শেষ দেখা চেয়ে চিঠি লিখেছিল। এবং তা সে পেয়েও ছিল। রত্নেশ্বর রায় ওই পিছন দিকের মেথরদের দরজা দিয়েই ময়লা বাগডোয়া পথে নিঃশব্দে চোরের মত বেরিয়ে গিয়েছিলেন এই জামবাজারের বাড়ী থেকে। এবং গিয়ে উঠেছিলেন দেশী কৃশানপাড়ার ওই এলিট রোডের আশেপাশে কোন একটা খোলার বাড়ীতে।

বিস্তৃত বিবরণ লেখেন নি রত্নেশ্বর রায় তাঁর ডায়েরীতে। সে লিখবার মত লোক তিনি ছিলেন না। কঠিন কাঠের মত লোক। কাঠ হলেও বলব রত্নেশ্বর রায় ছিলেন সেকালে চন্দন কাঠ। কিন্তু রক্তচন্দন। অত্যন্ত শক্ত। অনেক ঘন্টায় তব রক্তরাঙা কাঠের রস বের হয়।

যাক। অঙ্গনার কাছে বাগদান করে এসেছিলেন—ভায়লেটকে তিনি এই কলকাতার বাড়ীতে যেন কেলে না রাখেন। কোন মিশনে না দেন। যাতে শু একেবারে কিস্কানী কৃশান না হয়ে যায়। অঙ্গনা বলেছিল—দেশে তো অনেক দেশী কৃশান আছে—মুখজে বাড়ুজে চাটুজে—বামুন কৃশান, কায়স্থ কৃশান, বড়ি কৃশান আছে তো। তেমনি দেখে একটা বিয়ে দিলে আমি স্বস্তি পাব।

কথা নিয়ে এসেছিলেন রত্নেশ্বর রায়। কিন্তু কাজটি করা খুব সহজ ছিল না মূলত। তবু তিনি করেছিলেন যথাসাধ্য। হিগডার বাঘ পিফ্রজের সঙ্গে আলকানসোর সম্পর্ক ছিল খুড়ো-ভাইপো। খুব নিকট সম্পর্ক, কিন্তু ওদের সমাজে তো সম্পর্কের মূল্য খুব বেশী নয়। তবে সেখানে রত্নেশ্বর রায়ের দাকিণ্যে মুগাটা হয়ে উঠেছিল অত্যন্ত বাস্তব; টাকা আনা



পাই। এবং কীর্তিহাটের গোয়ানপাড়ার বাড়ী ঘর পর্যন্ত। এবং এই পিঙ্গলই ভারাক্ষর ভার সংবান পরিচর দিয়ে নিয়ে গিয়েছিল গোয়ানপাড়া। সেখানে কয়েকটা বছর কাটতে কাটতে ভারলা যখন বারো-তেরো বছরের হয়ে উঠল, তখন রত্নেশ্বর রায় অকস্মাৎ একদিন মেরেটাকে দেখলেন। দেখলেন কিশোরী ভারলার চোখে একটু বিচিত্র দৃষ্টি ফুটেছে। এবং গালে যেন একটা লালচে আভা দেখা দিয়েছে। গোয়ানপাড়ার অল্প বয়সী মেয়েগুলোর সঙ্গে রজ ক'রেই ওই কীসাইয়ের সঙ্গে নেমে জল তোলপাড় ক'রে খান করছিল। তিনি দাঁড়িয়েছিলেন বিবি মহলের ছাদে। তামাটে রঙের মেয়েগুলোর মধ্যে উজ্জলতমা কালো কুঁকিভকেশিনী ভারলেটকে চিনতে তাঁর বিলম্ব হয় নি। মেরেটা বড় হয়ে উঠেছে। এবার অকনার কাছে শেষ প্রতিক্রিয়া পালন করতে হবে। মেরেটার বিয়ে দিতে হবে, দেশী কৃষ্ণানের ঘর দেখে।

তাদের সমাজ স্বতন্ত্র, জীবনের ভঙ্গি স্বতন্ত্র। তারা ধর্ম কৃষ্ণান কিন্তু তারা ফিরিকী নয়। তারা ভারতীয় কৃষ্ণান। সেকালে বামুন কৃষ্ণান কারও কৃষ্ণানের সঙ্গে করণ কারণ করত না। করলেও তা খুব বেশী নয়—বিরল ছিল। ব্রাহ্মদের মধ্যেও তাই।

তবু অর্থের জোর এবং জেদী শক্তিশালী মাহুধেরা সব পারে। তাঁর সঙ্গে যদি বুদ্ধি এবং কৌশলের মাথা থাকে তবে লক্ষী সরস্বতী শক্তি একসঙ্গে অঘটন ঘটতে পারে শুলভা।

রত্নেশ্বর রায়ের দিনই ছিল।

শুধু রত্নেশ্বর রায় কেন গোটা বাংলাদেশে জমিদারদের দিকে তাকিয়ে দেখ, এই কালটা তাদের উজ্জলতম জীবনাবধায়। মুঘল আমলের একেবারে মধ্যযুগীয় হালচাল বদলে গিয়ে নতুন হালচাল শুরু হয়েছে। যে হালচালের অল্প ইংরেজ সরকার একটু সচকিত হয়েছেন। সাত-আট বছরের মধ্যে ইতিয়ান স্থাপনাল কংগ্রেস জন্ম নেবে এইসব বিতুলসম্পত্তিশালী এবং ইংরিকী লেখাপড়া জানা লোকদের নেতৃত্বে। বিবেকানন্দের পদধ্বনি নেপথ্যে তখন বাজছে। স্তত্ররং ইংরেজের চকিত না হয়ে উপায় ছিল না। তারা রাষ্ট্রশক্তি হিসাবে যা করছে—করছে, তাঁর সঙ্গে মিশন ইঞ্জলগুলোও কাজ করে যাচ্ছে। শুধু দৈবের পুত্র জেসাস ক্রাইস্টের অল্পগামী তত্ত্ব তৈরী করছে না, কৃষ্ণান ইংরেজ রাজ্যের খুঁটি তৈরী করবার কল্পনা করছে। রত্নেশ্বর রায় মেদিনীপুরের মেরেদের মিশন ইঞ্জলে ভারলেটকে ভক্তি করবেন ভাবলেন। কিন্তু সেখানে ব্রাহ্মদের, বিশেষ করে সাঁওতালদের ভিড় দেখে ওখান থেকে ফিরে এসে ভাবছিলেন কি করবেন ?

সেদিনের তাঁর ভাররীতে আছে—“পিঙ্গলকে লইয়া কৃষ্ণান মিশন দেখিতে মেদিনীপুর শহরে গিয়াছিলাম। কিন্তু সেখানে দেখিলাম—বাহাদুরের কৃষ্ণান করিয়া পাদরী সাহেবরা লেখাপড়া নিখাইতেছে তাহাদের অধিকাংশই সাঁওতাল অথবা এদেশে বাহাদুরের আমরা, চুয়ার বলিয়া থাকি তাহারাই। এখানে ভারলেটকে দেওয়ার প্রস্তাব উঠে না। তাহাতে যহা অপরাধ হইবে। স্তত্ররং বহু চিন্তা করিয়া স্থির করিলাম ইহাদের যে একটি খড়ো সিঁজা উহার খাড়া করিয়াছে, সেইটিকে মেরামতাদি করাইয়া একজন আমাদের দেশী কৃষ্ণান পাদরীকে বেতন দিয়া লইয়া আসিব। সে পাদরীর কাজ করিবে এবং একটি পাঠশালাও

করিয়া দিব। সেখানে ছেলেমেয়েরা কিছু কিছু পড়িবে। তাহার দ্বাৰাই ভারলেটকে বিশেষ করিয়া পড়াইবার ব্যবস্থা করিব। এই পাদরী সাহেবকে দিয়া ভারলেটকে adopted daughter করাইয়া জাণ্ডে উঠাইব।”

সব ব্যবস্থাই অত্যন্ত দ্রুত করে ফেলেছিলেন রত্নেশ্বর রায়। এবং প্রাথমিক ইন্সকুটিং জহাই তাঁর এতগুলি ইন্সকু—গোটা আঠেক মাইনর স্কুলে আংশিক সাহায্য, কীৰ্ত্তিহাটে ভ্রামনঙ্গরে দুটো এইচ ই ইন্সকু, কীৰ্ত্তিহাটে একটা চ্যারিটেবল ভিসুপেনসারী করা সার্থক হ'ল। এই প্রাইমারী স্কুলটির দ্বারোদ্ঘাটন করেছিলেন ইংরেজ ম্যাজিস্ট্রেট এবং সেই বৎসরই তিনি হয়েছিলেন রায়বাহাদুর। সেটা ১৮৭৭ সাল। এবং সেই উপলক্ষেই রত্নেশ্বর রায়ের যুবরাজ দেবেশ্বর দেখলেন ভারলেটকে।

দেবেশ্বরের বয়স তখন পনের বছর। এই স্কুল প্রতিষ্ঠা উপলক্ষ্যে কীৰ্ত্তিহাটে এসেছিলেন বাপের নির্দেশে। সঙ্গে এসেছিল গোপাল।

গোপাল ছিল দেবেশ্বরের সাখী অহুচর—মুখে বলতেন দাদা।

ঠাকুরদাস পাল তার দাদাঠাকুরকে ত্যাগ করেছিল; কমলাকান্ত রত্নেশ্বর হলেন, ঠাকুরদাস তাঁকে ছাড়ল। কিন্তু গোপাল দেবেশ্বরের সঙ্গে থাকল—জাণ্ডে আপত্তি করে নি। নিজেও দেবেশ্বরকে প্রাণের তুল্য ভালবাসত।

অহুচানটা হয়েছিল সরস্বতী পুন্সার সময়। সভার গাঁদাফুলের মালা পরিবেছিল ভারলেট। ডান্সে বসেছিলেন সস্ত্রীক ডিস্ট্রিক্ট ম্যাজিস্ট্রেট। নিচে ছপাশে ছপানা চেয়ারে সিমিটি রেখে বসেছিলেন পিতাপুত্র; একদিকে রত্নেশ্বর রায় অপরদিকে দেবেশ্বর রায়। এবং তাঁদের সঙ্গে আরও অভ্যাগত সরকারী কর্মচারীগণ। তাঁদের সঙ্গে ছিলেন নবনিযুক্ত বৃদ্ধ বাঙালী পাদরী সাহেব।

গাঁদাফুলের মালা বোঝাই বুড়ি নিয়ে পিঙ্কল যাচ্ছিল ভারলেটের সঙ্গে, ভারলেট তাঁর নির্দেশমত মালা পরিয়ে দিচ্ছিল অতিথিদের গলার। সবশেষে পালা এল দেবেশ্বরের—শেষ মালাটি ভারলেট পরিয়ে দিলে দেবেশ্বরকে। সঙ্গে সঙ্গে দেবেশ্বর হলেন শরাহত।

\*

\*

\*

দেবেশ্বর রায় জীবনে ভারতী রাখেন নি। জীবনে সেদিনের যে বিবরণটুকুর কথা বললাম সেটুকু দেবেশ্বর রায়ের কোন কিছু থেকে পাই নি। পেরেছি তাঁর পিতা স্বনামধন্য কীৰ্ত্তিহাট-সিংহ রত্নেশ্বর রায়ের ভারতী থেকে। ভারলেট যখন দেবেশ্বরের গলার মালা পরায় তখন ভারলেট নিজেই আড়াল ক'রে দেবেশ্বরকে ঢেকে রেখেছিল। এবং নিজে ভারলেটও পিছন কিয়ে ছিল রত্নেশ্বর রায়ের দিকে, নইলে নিশ্চয় তিনি হৃৎকেন্দ্র মুখ দেখে ভবিস্যৎ অনুমান করতে পারতেন। হয়তো সেইদিনই ভারলেট দেবেশ্বর রায়ের নাগালের অনেক বাইরে চলে যেতো।

চোখেও দেখেন নি কিছু, কানেও দেবেশ্বর সম্পর্কে কোন নিন্দার কথা শোনেন নি। তিনি যে কঠোর নির্ভর নিজেই সত্যের শাসনে শাসিত রেখেছিলেন তা অজ্ঞানার বিবরণেই স্পষ্ট, এ ছাড়াও মধ্যে মধ্যে তাঁর ভারতীতে যে সব অকারণ আত্মনির্ধাতনের বিবরণ পাওয়া

যায় তা পড়ে বিম্বিত হতে হয় এবং সে বিষয় একটা ভয়ে পরিণত হয় স্থলতা, যখন জানতে পারি যে কোন নারীর প্রতি আকর্ষণকে নিঃশেষে মুছে ফেলবার জন্য নিজের অন্তরের কোমলতম অংশের একটুকরো পর্দা ঝামা দিয়ে অথবা উধা দিয়ে ঘষে তুলে দিওন। তার অনেক দৃষ্টান্ত আছে। এবং তার থেকে তিনি সম্পত্তি অর্জনের ব্যাপারে যে কত সুবিধা পেয়েছেন, তার হিসেবও রায়বাড়ীর জবানবন্দীর একটা বড় হিসেব। কিন্তু সে কথা থাক। দেবেশ্বর রায়ের কথা বলি :

দেবেশ্বর রায় ভার্যার দেওয়াল মালা কণ্ঠে ধারণ করে শরহত কুরানের মত লুটিয়ে পড়লেন। সভা থেকে কিরে এসে শরীর ভাগ নেই বলে শুলেন। ডাক্তার এসে দেখে গেল। বলে গেল সদি হয়েছে। বিশেষ কিছু না।

কিন্তু দেবেশ্বর রায়ের গোপালদা বুঝেছিল—তার রাজাভাইয়ের কি হয়েছে। গোপাল দেবেশ্বর থেকে মাস করেকের বড় কিন্তু এ সব বিষয়ে দেবেশ্বর থেকে অনেক অভিজ্ঞতা অর্জন করেছে। লেখাপড়ার পালাও সে তখন শেষ করেছে। প্রথমটা কীর্তিহাট এইচ ই স্কুলে দেবেশ্বর এবং সে ছুজনেই পড়ত, অবশ্য দেবেশ্বর পড়ত উচ্চ ক্লাসে; সে পড়ত নিচে। তারপর সেকেন্ড ক্লাসে উঠতেই চেলেকে কলকাতার শিক্ষায় শিক্ষিত করতে রত্নেশ্বর রায় দেবেশ্বরকে কলকাতায় পাঠিয়ে গার্জেন টিউটারের তত্ত্বাবধানে রেখে দিলেন। গোপাল কীর্তিহাটে কেল ক'রে ক'রে চলে গেল শ্যামনগর। মধ্য মধ্যো পালিয়ে এসে উঠত কলকাতায় জানবাজারের বাড়ীতে তার রাজাভাইয়ের প্রেমের টানে। কলকাতা দেখে বেড়াত। এ বিষয়ে ঠাকুরদাস খুব অসুখী ছিল না বা ছেলের উপর অসন্তুষ্ট ছিল না। তার যত কিছু কোভ অভিমান সব রত্নেশ্বর রায়ের উপর। দেবেশ্বর তার কাছে ছিল সোনার পুতুলের মত পরম প্রিয়। গোপালের চেয়েও সে বেশী ভালবাসত দেবেশ্বরকে।

দেবেশ্বর ছুটিতে কীর্তিহাট এলে সে এখানে একবার আসত। দেবেশ্বরকে দেবে সমাদর করে বাড়ী ফিরে যেত। রত্নেশ্বর রায়ের সঙ্গে দেখা ইচ্ছে করেই করত না। হয়ে গেলে খুব খাতির করে প্রণাম করে চলে যেত। দাদাঠাকুর আর বলত না সে। ছুজ্বও তার জিভে আসত না। সে বলত—প্রভু।

বলত—প্রভুর শরীর-মেজাজ ভাগ আছে? এবং নগদ একটা টাকা সেলামী দিয়ে প্রণাম করত। রত্নেশ্বর রায় গন্তীরভাবেই জবাব দিতেন। তিনি অবশ্য 'তুই' বলেই কথা বলতেন এবং কাছারীতে রোকা দিতেন—ঠাকুরদাস পালের বিনায়-ঘরচ। সেটার প্রতিবারই কাপড়-চাদরের ব্যবস্থা থাকত। ঠাকুরদাস অমান্ত করে ফিরিয়ে দিত না, নিত, কিন্তু সে কাপড়-চাদর নিয়ে সে কীর্তিহাটের সীমানা পার হত না; কাউকে না কাউকে বলিয়ে দিয়ে যেত।

গোপালকে বলত—আমার সোনাঝাঁবার কাছে আছিস, আমি খুশি আছি। এখানে তো কিছু হল না। তা সোনাঝাঁবার কাছে কলকাতার থেকে চোখোল-মুখোল হ; কিছুমিছু কর। বুঝলি। এখানকার চাববাস আছে, সে ফুলকল্প তো এখনও একা আমাকেই ফুলোর না, তার মধ্যে তুই আর মাথা গলিয়ে করবি কি। ওখানে থাকলে আমি নিশ্চিত থাকি, বুঝলি।

\*

\*

\*

বিরোধ বা মান-অভিমান সত্ত্বেও দুই পিতা যেমন পুত্রদের সম্পর্কে নিশ্চিন্ত ছিলেন, পুত্ররাও তেমনি পরস্পরকে ভালবেসেছিল এবং পরস্পরের প্রতি নির্ভরশীল হয়ে উঠেছিল। গোপাল তখন তরিবৎ করে দেবুভাইকে সিঁদুর সহবৎ থেকে আরম্ভ করে বছর-খানেক-দেড়েকের মধ্যেই ছইকীর গেলাস সোভা মিশিরে যথাসময়ে যোগাভে শুরু করেছে। তখন একটা ছইকী ছিল O. H. M. S. অন হিজ ম্যাজেস্টিক সার্ভিস। তার বোতল কিনে এনে গোপাল নিজের বাগ্জে পুরে রাখত। সকালবেলা থেকে গার্জেন টিউটারের কাছে দেবেশ্বর একরকম ছিলেন, স্কুলে ছিলেন আর একরকম; গার্জেন টিউটারের কাছে যা, তার সঙ্গে একটুখানি আমীরী চাল যোগ হত। রবীন্দ্রনাথের ষোল বছর বয়সের ছবি আছে দেখেছ কিনা জানি না; জরির টুপী, আঁচকান, পারজামা-পরা ছবি; সেটা তখন উঠি-উঠি করছে; তার জায়গায় কৌচানো কাপড়, সিন্ধের পাঞ্জাবি চলিত হচ্ছে। সেই পোশাক পরে দেবেশ্বর রায় কম্পাসের বগিগাড়ী অর্থাৎ একঘোড়া-টানা বগিগাড়ীতে স্কুলে যেতেন। বিকেল থেকে রাজি দশটা পর্যন্ত আবার গার্জেন টিউটারের অধীনে দেবেশ্বর রায় শান্ত, বুদ্ধিমান, ধীর; স্কুলে ক্লাসের প্রথম দুজনের মধ্যে একজন। টিউটার ছাত্রের উজ্জল ভবিষ্যৎ রচনা করেন। দশটার পর দেবেশ্বরের ছুটি হর। দেবেশ্বর কোন একটা রাগিণী ভাঁজতে ভাঁজতে বাণিশ করা চিটি টানতে টানতে উপরে এসে ঘরে বসে ডাকেন—গোপালদা রে।

—কি রাজাভাই!

—বড্ড তেষ্ঠী পেয়েছে গোপালদা।

—আমি ঢেলে রেখে বসে আছি সেই কখন থেকে। নাও, খাও। বলে সোভা মেশানো ছইকীর গ্রাস তাঁর হাতে তুলে দেয়। তৃফার্তের মত সেটা শেষ করে দেবেশ্বর বলেন—আর একটু দে না গোপালদা।

—আরও খাবে? জানাজানি হলে তোমারও বিপদ আমারও বিপদ।

—তা ঠিক। কিন্তু আর একটুখানি। একটু। এই এতটুহু।

এই গোপালদা এবং এই তার রাজাভাই দেবেশ্বর রায়। ছিপছিপে পাতলা, লম্বা তখনই প্রায় ছ'ফুটের কাছাকাছি, সোনার বর্ণ রঙ, তার উপর নীলাভ শিরাগুলো যেন এই সৌন্দর্যের একটা বিচিত্র ইতিবৃত্ত লিখে রেখেছে—হাতের তালু, পায়ে তলা গাঢ় গোলাপী। সে নাকি দেখলেই মানুষ মুগ্ধ হয়ে যেত। ঠাকুরদাস পাল ছেলেবেলার তাঁকে দুই হাতে তুলে ধরে দোলাতো আর বলত—“ও আমার নদের ছবি, যে দেখবি সে পাগল হবি।”

সুলভা, আমার মেজদাদা আমাকে প্রথম দেখে বলেছিলেন, ওই তো ভাই, আমার যে তুমি ঋণী ধরালে হে। আমার দাদা তোমার পিতামহ রায়বংশের ঐষ্ঠ স্বপুরুষ ছিলেন, বাংলাদেশে এমন রূপ জোড়ালোকের ঠাকুরবাড়ী ছাড়া দেখি নি। দাদা আমার তাদের কাছেও যান ছিলেন না।

সেই ওরুণ কিশোর দেবেশ্বর রায় ভায়লাকে দেখে শরাহত হল। ভায়লার বয়স তখন তের পাঁচ হয়ে চৌদ্দর পড়েছে। চতুর্দশ বয়সের একগাছি মালা!

সভা থেকে ফিরে এসে সে শরীর খারাপ বলে শুয়ে পড়ল।

ভাস্কর দেখে বলে গেল—সীজন চেঞ্জের সময় যদি লেগেছে। ও কিছু না।

দেবেশ্বর চুপ করে শুয়েছিলেন, তাঁর বাসনা তখন উদ্যম হয়ে ছুটেছে। লাগাম-হেঁড়া ঘোড়ার মত। ভারলা—ভারলা—ভারলা। তার গালের গোলাগী রঙ, কালো চোখ, কৌকড়ানো কালো চুল কিছুতেই সে ভুগতে পারছিল না।

এক সময় গোপাল এসে ধরে চুকল। দেবেশ্বরের শিয়রের কাছে বসেছিলেন তার মা। গোপাল তাঁকে বললে—আপনি ঝাঠাইয়া এখন বান, আমি বরং রাজাভাইয়ের কাছে বসি।

সরস্বতীকৃষ্ণ প্রায় সন্ধ্যা থেকেই বসে আছেন। তিনি বললেন—তাই বস রে তুই। একটু বরং গল্পটর কর। তাতে হরত ভাল থাকবে। দেবু, আমি বাই, তাঁর খাওয়া-টাওয়াগুলো একবার দেখি।

দেবেশ্বরও তাই বেন খুঁজছিলেন। এ-কথা তিনি বলবেন কাকে? বিশ্বত্নাও খুঁজে এক গোপালদা ছাড়া তো কাউকে তিনি দেখতে পাচ্ছিলেন না। তিনি বললেন—তাই বাও।

সরস্বতী বউরাণী চলে যেতেই গোপাল দরজার পাছাছুটে ভেজিয়ে দিয়ে ফিরে কাছে এসে খাটের বিছানার উপর কল্লইছুটে রেখে খুঁকে পড়ে বললে—সারাবেদের জন্তে আনা এক বোতল স্যাম্পেন বাগিয়েছি রাজাভাই। কিন্তু কি হল বল তো?

বলতে লজ্জা পেয়েছিলেন দেবেশ্বর। গোপাল ষাড় নেড়ে প্রশ্ন করেছিল—ওই ভারলা?

তুই হাতে গোপালের গলা জড়িয়ে ধরে দেবেশ্বর বলেছিল—ওকে নইলে আমি বাঁচব না গোপালদা। আমি মরে যাব।

গোপালদার পক্ষে কাজটা দুঃস্বপ্ন হয় নি। সেকালটার অবজ্ঞা ধনীর পক্ষে মুখ্য দরিদ্র-কন্ডাকে আরক্ত করা কোন বড় অপমানের মধ্যেই গণ্য ছিল না, তবে বর্ণভেদে অর্থাৎ জাতির উচ্চ-নীচ ভেদে একটু-আধটু তফাৎ হত। নিশ্চয়ই হত। কিন্তু এছাড়াও আর একটা চিরন্তন ধারা আছে প্রেমের পথে—সেটা হল সনাতন ধারা; যে-ধারার রাজকন্ডার জন্তে রাখাল-ছেলে পাগল হয়, আবার রাজপুত্রকে দেখে ভিক্ষুকের কন্ডা লাগায়িত হয়ে ওঠে। রাখাল-ছেলে রাজার মেরেকে বড় পার না সুলতা, তবে রাজার ছেলে কোঁতুকবশে ভিক্ষু-কন্ডাকে নিয়ে নেড়েচেড়ে দেখে। আবার প্রেমও পড়ে। সে রাজকন্ডেও পড়ে, ভিক্ষুর মেরেও পড়ে।

ভারলাও প্রেম পড়েছিল এবং সে-প্রেমও দর্শনমাত্র প্রেম। সুতরাং কাজটা দুঃস্বপ্ন হয় নি গোপালের পক্ষে। তবে গোপালই এটাকে সম্ভবপর করে তুলেছিল, নইলে সে-সাহস বা সে-বুদ্ধি দেবেশ্বর রায়ের ছিল না। ওখনও তত্ত্বানি শক্ত হয়ে উঠতে পারেননি।

সেটা সহজ এবং সরল করে দিয়েছিল গোপালদা।

সুলতা, পল্লীগ্রাম সরল বটে। অচভূরও বটে। শহরের হত জটিল নয় এ-কথা নিশ্চয়, কিন্তু জীবনের বৃন্দাবনে জটিল-কুটিল-বৃন্দা সেখানেও আছে। আজও আছে। সেকালে আরও অনেক বেশী ছিল। যে-আমলের কথা বলছি, সে-আমলে ধনী জমিদারদের এবং

উচ্চবর্ণের এসব ক্ষেত্রে অস্ত্রার করবার একটা বে-আইনী আইন খানার দারোগাদের যুব নেওয়ার মত জানাশোনা ভাবেই চলত ছিল। এতে মনে কেউ কিছু করত না। হরতো ঘুণা একটু করত, ঠাট্টা একটু-মাগটু করত, বেশী হলে একটা সামাজিক আন্দোলন হত, তাতে বৎকিঞ্চিৎ কাঞ্চনমূল্য ব্রাহ্মণকে দিলেই মাপ হয়ে যেত। এবং গ্রামের যারা দুটো দুর্দান্ত প্রকৃতির তাদের হরতো কিঞ্চিৎ দিতে হত। এটা অবশ্য উচ্চবর্ণের সাধারণজনের পক্ষে। কিন্তু জমিদার বা ধনশক্তির অধিকারের মাস্ত্র আলাদা। তাঁর লোকের সঙ্গে বা তাঁর বাড়ীর মুখে কোন রমণী যদি গভীর রাত্রে পথ ধরত, তবে এই দুইয়েরা সুসজ্জমে সরে যেত।

কীতিহাটে এটি কিন্তু ছিল না, রত্নেশ্বর রায়ের কঠিন শাসনে। তাঁর হুকুম ছিল চৌকিদার এবং নিজের বাড়ীর বরকন্দাজদের উপর এবং সাধারণ লোকের উপরও বটে যে, যদি এমন ঘটনার কোন শব্দান কেউ পায় বা সন্দেহ করে, তবে সে যেন তৎক্ষণাৎ তাঁকে জানান। গ্রামের কয়েকটা জাত্য শৈরিলী যুবতী যারা এই ধরনের পেশা এবং নেশার একটু বেশী প্রমত্তা হয়েছে, তাদের তিনি অর্থব্যয় করে নববীপ পাঠিয়ে দিয়ে গ্রামকে পাপমুক্ত রেখেছিলেন। কিন্তু তাঁরই গ্রামে, তাঁরই কিশোর কন্দর্পের মত দেবেশ্বর রায়ের সঙ্গে ভারলেটের মিলনের ব্যবস্থা অনার্যাসে করে ফেললে গোপাল। এতটুকু বেগ পেতে হল না। বিচিত্রভাবে সে সমস্ত সমস্তার সরল সহজ ব্যাখ্যান করে দিলে।

খানিকটা ঘুরেফিরে এসে বললে—রাজাদাদা, বেশ একখানা ভাল করে প্রেমপত্র লিখে দাও। তা নইলে সে ভর খাচ্ছে। আমি বলে পাঠিয়েছিলাম, মেয়েটা শুনে কেঁদেছে। কিন্তু তারপরই বলেছে, উহ, উ যদি মিছে করে বলে, বাবুর নাম করে আমাকে ডেকে নিয়ে গিয়ে— বুঝেছ? তুমি রাজাদাদা, একখানা চিঠি লেখ! বেশ ভাল করে চিঠি লেখ। আমি ভালবাসি। আমি ভালবাসি। ভায়লা, তোমাকে নইলে আমার দুনিয়া অন্ধকার, আমার বুক হ-হ করছে। এইসব আর কি! তুমি তো লেখাপড়া জান ভাল, আমার মত তো নও। বাগিয়ে লেখ। বুঝেছ! তার আগে দাঁড়াও বোতলটা খুলি, খানিকটা স্যাম্পোন খেয়ে নাও। বুঝেছ। ত্রেন একবারে খুলে যাবে।

শ্রুততা তার মুখের দিকে বক্রদৃষ্টিতে তাকিয়েছিল। শুধু তাই নয়, সে-দৃষ্টি তীক্ষ্ণ এবং খানিকটা রুদ্ধও বটে। সুদীর্ঘ রায়বংশের জবানবন্দী সে শুনেছে হুঁদিন ধরে, নিবিকার ভাবেই শুনে আসছে। কখনও একটু হেসেছে, কখনও দৃষ্টিটা উদাস হয়েছে; কখনও মুখের রেশমী ক্রোধ ফুটে উঠেছে—কপালে কুঞ্চনরেখা জেগেছে এই পর্যন্ত। এই প্রথম তার দৃষ্টি বক্র এবং তীক্ষ্ণ হয়ে উঠল। তার থেকে খানিকটা ক্রোধের উত্তাপও অনুভব করা যায়।

সুরেশ্বর সেদিকে লক্ষ্য করে নি। সে বললেই চলেছিল সামনের দেওয়ালের ছবি-গুলোর দিকে চোখ রেখে। যে-ছবিখানার দিকে সে তাকিয়েছিল, সেখানা বন্দুক হাতে দেবেশ্বর রায়ের ছবি। কিন্তু চারদিকে প্যানেল করে অনেকগুলো ছোট ছোট ছবি আঁকা আছে। একটাতে একটা কুঞ্জের মত মনোরম পরিবেশের মধ্যে ভারলেট এবং দেবেশ্বর পরস্পরে হাত ধরে মুগ্ধ ও মুগ্ধার মত তাকিয়ে আছেন। তারপর সুসজ্জিত ঘরে সোফার উপর দেবেশ্বরের কোলে মাথা রেখে ভারলেট শুয়ে। আছে এবং মুগ্ধার মত তার দিকে

ভাকিয়ে আছে। একটাতে দেবেশ্বর একমনে চিঠি লিখছেন। কিন্তু প্রত্যেক ছবিতেই গোপাল পাল উঁকি মারছে।

সুসত্য সুবেশ্বরকে বাধা দিয়ে বলে উঠল—তুমি খাম সুবেশ্বর।

তার কণ্ঠস্বর শুনে এবার চমকে উঠল সুবেশ্বর, চকিত এবং বিস্মিত দৃষ্টিতে সে সুসত্যর দিকে মুখ ফিরিয়ে প্রশ্নের সুরেই বললে—কি হল সুসত্য ?

গম্ভীরভাবেই সুসত্য বললে—তুমি ভুলে যাচ্ছ যে, গোপাল ঘোষ আমার ঠাকুরদার কাঁকা, তাঁর সম্পর্কে যেভাবে উক্তি করছ, তাতে আমি ঠিক স্বত্ত্বিবোধ করছি না। সেকাল হলে সহ হয়তো করতে হত, কিন্তু কাল অনেকটা বদলেছে। কি বলছ এসব তুমি ?

কিছুক্ষণ সুসত্যর মুখের দিকে ভাকিয়ে সুবেশ্বর বললে—তোমার কথা শুনে ভাণ্ডী ভাল লাগল, সুসত্য। কথাটা আমার মনে ছিল—ভুলে আমি যাই নি। এবং তাঁর সম্পর্কে বানিয়েও কিছু বলি নি আমি। এ সমস্ত বৃত্তান্ত আমি চিঠিপত্রের মধ্য থেকে সংগ্রহ করেছি।

—চিঠিপত্র ? এসব বৃত্তান্ত কে কাকে চিঠিতে লিখেছেন বা লিখতে পারেন সুবেশ্বর ?

—তিনি দেবেশ্বর রায়, সুসত্য।

—কাকে লিখেছিলেন তিনি এসব কথা ?

—তাঁর পিতৃদেব, যিনি সাধারণের কাছে সিংহ ছিলেন, তাঁকেই লিখেছিলেন।

—তাঁর বাবাকে লিখেছিলেন তিনি এইসব কথা ?

—হ্যাঁ, সব কথা। তবে অবশ্যই লেখার ডগ্গিটা একটু স্বতন্ত্র ছিল।

—এ আর কতটা স্বতন্ত্র হতে পারে, সুবেশ্বর ?

—অনেক অনেক ! সত্যকে যখন নির্ভয়ে কেউ প্রকাশ করে, তখন সেই সত্যই তাকে প্রকাশের ভাষা যুগিয়ে দেয়। এসব চিঠিপত্রের কতক ছিল অসম্পূর্ণ-মার কাছে যা তাঁকে লেখা, এবং কিছু ছিল বিমলাকাশের কাছে, যা রত্নেশ্বর রায় পাঠিয়েছিলেন তাঁর কাছে এবং কতক পেয়েছি এই অভিসংকীর্ণ আশ্চর্যজ্ঞান এবং সত্যবাদী রত্নেশ্বর রায়ের দপ্তর থেকে। তুমি পড়ে দেখতে পার। তবে বেক্ষেত্রে কথাটা তোমার গায়ে বা মনে আঘাত দিয়েছে, সেক্ষেত্রে বলার ভঙ্গীর দোষ আমারই হয়েছে। দেবেশ্বর রায় যা লিখেছিলেন, সেইখানটাই তোমাকে আগে শোনাই। তিনি লিখেছেন—“সেই সভ্যত্বের ভারলেট যখন আমার গলদেশে মাল্য পরাইয়া দিল, তখন তাহার গালদৃষ্টিতে রক্তিমভা ফুটিয়া উঠিল, চক্ষুধর আনত হইল, আমার বক্ষ্যভাস্ত্রে যেন মৃদঙ্গধ্বনির মত ধ্বনি উঠিতেছিল, আমি কম্পিত হইতেছিলাম, সেও কম্পিত হইতেছিল। এবং তখন হইতেই মনে হইল এই ভারলেটই আমার জন্মজন্মান্তরের স্ত্রী বা প্রিয়তমা; তাহাকে নহিলে আমি বাঁচিব না। তাই বাজী আসিয়া উদ্বিগ্ন-উদ্বেগপূর্ণ হৃদয়ে অনুস্বের মত শয়ন করিয়া রহিলাম। কোন কিছুই ভাল লাগিতেছিল না। রায়বংশের উত্তরাধিকারিত নহে, গোটা সংসারের আর কোন জন আমার কেহ নহে। শুধু ওই ভারলেট। তাহার জন্ত আমি সবই ত্যাগ করিতে পারি। ভাস্কর আমার শিরয়ে গোপালদাকে বসাইয়া আপনার খাওয়া-দাওয়ার ব্যবস্থা করিতে গেলেন। গোপালদা এক বোতল স্যাম্পেন চুরি করিয়া সরাইয়াছিল সাহেবদের জন্ত অনীত সামগ্রী হইতে; সে আমাকে

তাহাই খাওয়াইল। অস্ত্র আর কোন কথাই গোপন করিব না, আমি বৎসরখানেক অবধি যত্বেশন করিতেছি। গোপালদা কখনওই কোন অস্ত্র আমাকে শিখা দেয় নাই। আমি প্রলুব্ধ হইয়া যে অস্ত্র করিতে চাহিয়াছি, তাহাতে সে আনাকে আনন্দিত এবং খুশি করিতে প্রাণপণ করিয়া আমার অভিশাপ পূর্ণ করিয়াছে।

ভারলেটের ক্ষেত্রেও তাই হইল, আমি স্যাম্পেন পান করিয়া সকল সংকোচ এবং সকল লজ্জা-সরম অতিক্রম করিয়া বলিলাম—গোপালদা, আমি এই ভারলেটকে ভালবাসিয়াছি। উহার অস্ত্র আমার চিত্ত অধীর হইয়া উঠিয়াছে; আমার জীবন মিথ্যা মনে হইতেছে। উহাকে না পাইলে আমি বাঁচিব না। আমি আত্মহত্যা করিব।

গোপালদা আমার অস্ত্র সব করিতে পারে, প্রাণটাও দিতে পারে বলিয়া জানিতাম। সে তৎক্ষণাৎ বলিল—তাহার অস্ত্র চিত্ত তুমি করিও না, আমি ইহার ব্যবস্থা অবিলম্বে করিতেছি।

পরদিন সকাল হইতে সে বাহির হইল। এবং বেলা দ্বিপ্রহর সময় কিরিয়া আসিয়া কহিল—“রাজাদাদা, তোমার পছন্দ আছে, তোমার চক্ষু আছে, তুমি সত্য সত্যই দেবেশ্বর। সে-কল্যাণটি অপর গোয়ান-কল্যাণ মত নহে। এবং সে সত্য সত্যই তোমাকে বনে মনে পত্তিক্রমে বরণ করিয়াছে। আমি একজন দূতীকে তাহার নিকট পাঠাইয়াছিলাম। অর্থের কথায় অতিশয় ক্রুদ্ধ হইয়াছে। সে অর্থ চায় না। সে নিজেকে বিক্রয় করিবে না। একমাত্র ভালবাসার অস্ত্র নিজেকে সমর্পণ করিবে। কিন্তু সন্দেহ করিতেছে যে, তোমার নাম করিয়া দূতী তাহাকে লইয়া গিয়া অস্ত্র কাছাকাছি সমর্পণ করিবে। অথবা তুমি তাহাকে উপভোগের কারণে লইয়া গিয়া কয়েকদিনের পর উচ্ছিন্নের মত পরিত্যাগ করিবে। তাহা ছাড়া তুমি রাজা, তুমি ব্রাহ্মণ, সে কৃষ্ণান গোয়ান, সে দরিদ্র ইত্যাদি। অতএব তুমি তাহাকে একখানি পত্র লিখিয়া দাও। খুব ভাল করিয়া লেখ। লেখ, তুমি তাহাকে ভালবাস। তুমি তাহাকে জীবনে পরিত্যাগ করিবে না। দেব জমিদার, ধনীরা ছেলেদের কত রক্ষিতা ইত্যাদি থাকে; তোমার ঠাকুরদাদার সোফিয়া বাড়ির গল্প তো এখানকার সকল লোকে করে। তাহার কথা শুনিয়া ভারলেটকে আমি আরও ভালবাসিলাম। সঙ্গে সঙ্গে রোমিও-জুলিয়েটের প্রেমের কথা মনে পড়িল। পত্র লিখিতে বসিয়া কয়েকখানা পত্রই ছিঁড়িলাম। মনোমত হইল না। গোপালদা সেই দ্বিপ্রহরেই আমাকে খানিকটা স্যাম্পেন খাওয়াইয়া বলিল—ঘরে বসিয়া লেখ। আমি বাহিরে পাহারা দিতেছি। কেহ আসিলে ঘরে ঢুকিতে দিব না। এই কর্তা বা গিন্নী-না আসিলে তোমাকে শব্দ করিয়া ইসারা দিব, তুমি তৎক্ষণাৎ বিছানার ওইয়া পড়িবে, যেন ঘুমাইয়া গিয়াছ। আমি বলিব দেব-ভাইয়ের মতক ধরিয়াছে।”

স্বপ্নভার মুখ প্রসন্ন হইল। সে অপ্রসন্ন মুখেই সামনের দিকে ডাকিয়ে রইল। প্রবেশের বললে—দেখ স্বপ্নভা, দেবেশ্বর এবং গোপাল ঘোষের সম্পর্কটা ছিল তাদের নিজস্ব সম্পর্ক এবং তাদের যে কাল সেই অস্থায়ী। আমরা তাদের উত্তরাধিকারী, আমাদের সম্পর্ক আমাদের মত। এখানে আমি জমিদারের ছেলে, একজন ইংরেজ সমর্থনকারী ইংরিজী কাগজের এডিটোরিয়েল স্টাফের অন্তর্ভুক্ত পাকা জানার্গিস্টের ছেলে—একসময় আমি বিদায় সত্যায়ন বলে স্টেটস-ম্যানের চিঠির কলমে চিঠি লিখেছিলাম; আমার থেকে আজ তোমার মান বেশী, তুমি এম-এ



পাশ, কলেজের প্রাঙ্গণ, পলিটিক্যাল পার্টির মেম্বর, ভোমাদের পার্টি যদি আপাদ্রী ইলেকশনে জেতে, তবে তুমি হয়তো একজন মিনিষ্টারও হবে। তখন তুমি বা-হয় করো। কিন্তু এখন আমার জবানবন্দীর এইখানের এইটুকুতে মুখতার করো না। গোপাল পাল, ঘোব আমি বলছি নে সুলতা, ইচ্ছে করেই না; বা করেছিলেন আমার ঠাকুরদাসের অন্তে, তা অন্ত কেউ করেনি বা করে না। সেই জাতের কড়াকড়ির কালে নিজের জাতি আর এই দুর্ধর্ষ গোরানদের হাতে তার জীবন, সব তিনি বিপন্ন করেছিলেন দেবেশ্বর রায়ের জন্ত। সে দেবেশ্বরও গোপন করেননি, আমিও করছি। অন্তায় কিছু বললে গায়ে ভোমার লাগতে অবশ্যই পারে কিন্তু অন্তায় বাড়াবাড়ি করে লাভ কি? শতীন সেনগুপ্তের সিরাজউদ্দৌলা নাটকে এক জারগায় নবাব সিরাজউদ্দৌলা ওয়াটসকে বলছেন—তোমার বা চরিত্র, তাতে তোমার মাথা মুড়িয়ে ঘোল ঢেলে গাখার ওপর চড়িয়ে গোটা শহর ঘুরিয়ে বের করে দেওয়া উচিত দেশ থেকে। দেখ, নবাবীকালের অভিনয় হচ্ছে বলে এটা ইংরেজ রাজত্বে ইংরেজও সহ্য করেছে। স্বাধীনতার পর অবশ্যই আমরা সবাই স্বাধীন সবাই প্রধান—তারও জেগেছে, কিন্তু জেগেছে বলে এমন অসহিষ্ণু হয়ো না। আমি ভোমাকে বলছি, হলপ করেই বলছি, যা বলব তাতে দেবেশ্বর রায় থেকে গোপাল পাল এবং তার বাপ ঠাকুরদাস পালই বড় হয়ে গেছেন রায়বাবুদের চেয়ে। শুধু চুপ করে শোন।

\*

\*

\*

দেবেশ্বর রায় পত্র লিখে দিয়েছিলেন গোপালদার হাতে। এবং পরের দিন দিনের বেলা বলেছিলেন—চল আমার সঙ্গে। বন্দুক নাও। শিকার করতে যাচ্ছ। বুঝেছ? ভারলা আসবে ওই সিদ্ধেশ্বরীতলার জঙ্গলে। ওখানে তো গোরানটোয়ানরা কেউ আসে না। বাসণ আছে। ওখানে একটা ভাঙা পড়ো বাড়ীর মত আছে, কে একজন তাত্ত্বিক থাকত একজন যোগিনী নিরে। সেই বাড়ীটা আমি পরিকারকরিকার করিয়ে রেখেছি ভারলাকে সিদ্ধেশ্বরী মায়ের কবচ বলে একটা কবচ পাঠিয়ে দিয়েছি, বলেছি, এই কবচ পরলে কোন ভয় নাই। সে নিয়েছে কবচ, ঠিক আসবে।

সুরেশ্বর হঠাৎ চুপ করে গেল। তারপর ঘাড় নেড়ে হর আক্ষেপ বা ব্যঙ্গ করে বললে—এ সেই ভ্রাম্যাকান্তের ভাঙা ঘর। যে ঘরে ‘মনোহরা’ যোগিনী বলে ভ্রাতা মেরেটাকে নিয়ে সে বাখাচান্দ্রী সাধনা বা সাধনার নামে কদাচার ব্যভিচার বা বল তাই করেছিল। এ ঘরে লোকজন ঢুকত না। প্রথম ছিল একটা ছিটেবেড়ার ঘর, তারপর ভ্রাম্যাকান্তের পর সোমেশ্বর রায় কিছুদিন ওই মনোহরা মেরেটাকে নিয়ে ওখানে যেতেন। তখন কাগা দিয়ে পাঁকা ইট গেঁথে একখানা ঘর তৈরী করিয়েছিলেন। এবং সাধনার শিমূল গাছটির ডলাটাও সুন্দর করে দিয়েছিলেন। বীদেশ্বর রায় ঘরখানাকে ভেঙে ফেলতে ইচ্ছে করেও পারেন নি। সোমেশ্বর রায়ের যে দলিল তাতে এই ঘর এবং সিদ্ধেশ্বরীতলা রক্ষণাবেক্ষণের ব্যবস্থা করা ছিল। ভবানীর পরিচয় এবং ভ্রাম্যাকান্তের জীবনের বিভিন্ন কথা জানার পর বীদেশ্বর রায় ওই শিমূলতলা এবং ওই ঘরখানাকে মেরামত করিয়ে ভ্রাম্যাকান্তের মৃত্যু দিনে পূজার ব্যবস্থা করেছিলেন। সেও তিনি দলিলভুক্ত করে তার জন্ত আর্থিক সংস্থান

ক'রে দিয়ে গেছেন। সে সংস্থান আজও বজায় আছে। কিন্তু কোন অহুষ্ঠান আজ আর হয় না। তার জন্ত রায়বংশের কেউই চিন্তিত নয়। সিদ্ধেশ্বরীডলার সিদ্ধাসনের কোন গৌরব কোন পবিত্রতাই ছিল না। আমি সেখানে একটা কিছু করে এসেছি। সে যথাসময়ে বলব, শ্রুততা। এখন সেদিনের কথা শোন। সেই দিন সেই ঘর পরিষ্কার করিয়ে রাখিয়েছিলেন গোপাল পাল। সেই ঘরে তাঁর প্রাণের প্রিয় দেবুভাইয়ের প্রথম বাসরশয্যা হবে।

রত্নেশ্বর রায় সিদ্ধেশ্বরীডলার একটা সংস্কার করেছিলেন। তিনি একটা গভী ঈঁকে দিয়েছিলেন চারিদিকে, মধ্যে মধ্যে এক একটা পিলপে গাঁথে দিয়ে বলে দিয়েছিলেন এবং ভেতরে যেন কোন গোবান বা কোন ভাত্য প্রবেশ না ক'রে। এর বাইরে একটা জাঁগা ছিল সেটা রত্নেশ্বর রায়ই তৈরী করিয়ে দিয়েছিলেন, যেখানে গোবানরা বা ভাত্যরা ইচ্ছে হলে পুজো বা মানন্ত মানসিকের অর্ঘ্য দিতে পারে।

এই গভীর মধ্যে ভারলেটকে আসতে রাজী করা সহজ কথা ছিল না। তার ব্যবস্থা স্ক্রকোণলেই বল আর আপন বিশ্বাসমতই বল—করেছিলেন দেবেশ্বরের গোপালদা। প্রথম পাঠিয়েছিলেন সিদ্ধেশ্বরীর কবচ। তাই গলায় ঝুলিয়ে প্রেমমুখা কিশোরী ভারলেট—সে এসে দাঁড়িয়েছিল ওই গভীর প্রান্তে। দেবেশ্বর অপরাহ্নের আগে থেকেই বন্দুক হাতে করে ওই সিদ্ধেশ্বরীডলার জঙ্গলের প্রান্তে প্রান্তে নিকারের ছল ক'রে ঘুরে বেড়াচ্ছিলেন। তারপর এক সময় ক্রান্তি অপনোদনের ছলে জুতো খুলে সিদ্ধেশ্বরীডলার গভীর মধ্যে ঢুক বসে উৎকণ্ঠিত হৃদয়ে জীবনের প্রথম প্রিয়া বা নারী যাই বল তার জন্ত প্রতীক্ষা করছিলেন। সূর্য তখন পাটে বসেছে, লগ্ন বলতে গোদুলি লগ্ন, সেই লগ্নে কম্পিত পদক্ষেপে অভিসারিকা ভারলেট এসে দাঁড়িয়েছিল ওই সীমার প্রান্তভাগে।

দেবেশ্বরও কম্পিত পদক্ষেপে এসে দাঁড়িয়ে তার হাত ধরেছিলেন। দেবেশ্বর রায়ের গোপালদা দিয়েছিলেন নববিধান। তু'গাছা ফুলের মালা—ওই গাঁদাজুলেরই মালা গাঁথে এনেছিলেন এবং বলেছিলেন—নাও মালাবদল ক'রে বিরে ক'রে নাও। আর এই সিদ্ধেশ্বরী মায়ের সিঁদুর ওর সিঁথিতে ছুঁইয়ে দাও। আর ভারলেটকে বলেছিলেন—তুমি মনে মনে বল—বিরে ক'রে আমি হিন্দু হলাম—বল!

বিচিত্র ভাগ্যের বিধান নয়, শ্রুততা? অন্ততঃ আমার কাছে তাই। আমি স্পষ্ট দেখতে পাচ্ছি শ্রাম্যাকান্তের কর্মকলের চক্রান্ত ৮৯ সিদ্ধগণের পাশে ওই বিকৃত আচারে ধর্মের নাম ক'রে ব্যতিচারের জন্ত সোমেশ্বর রায়ের তৈরী করা ঘরের মধ্যে ব্র'ঙ্গল জমিদারসন্তান এবং কৃষ্ণান মেয়ে ভারলা ওইভাবে ধর্মের নাম ক'রেই সমাজ লোকাচার ধর্ম সব কিছুকে লজ্বন করে প্রথম মিলিত হয়েছিল!

—না-না-না। বাধা এখন দিবে না। তুমি যা বলবে তা আমি জানি এবং তা আমি মানি। তোমার থেকেও হয়তো আরও বেশী উদার আমি, শ্রুততা। তোমরা রাজনৈতিক কর্মী, সংসারে লোকের সামনে নিজেকে তোমাদের শুদ্ধ পবিত্র এবং পরিচ্ছন্ন চরিত্রবান্নি মানুহ বলে প্রমাণিত করতে হয়। আমি মানি লোকাচার সমাজ ধর্ম এসব থেকেও হৃদয়ের

অকৃত্রিম আকর্ষণ মিলনের আকৃতি অনেক বড়। অনেক বড়। রামী চণ্ডীদাসের মত ভাঙতে পারলে তা স্বর্গীয় হয়। ভাঙেও অনেকে। ভেঙে হয়তো সমাজে থেকে নির্বাসিত হয়ে লোকের ঘাড়া বকিত হয়ে ধর্মের ধ্বজাধারীদের ঘাড়া নির্ধাতিত হয়ে পথের পাশে পড়ে মরে। অনেক সময় পুঙ্খ অত্যাচার সহ্যে না পেয়ে একদিন নারীটিকে পথে ফেলে দিয়ে দাঁতে কুটো করে করে আসে মরে। সমাজ যৎকিঞ্চিৎ কাকনমূল্যের বিনিময়ে প্রাণশ্রিত করিয়ে তাকে ফিরিয়ে নেয় কিন্তু মেয়েটাকে চলে যেতে হয় হারিয়ে, কোথায় কেউ খোঁজ রাখে না। হয়তো দেহটাকে সঞ্চল করে পথে নেমে যতদিন দেহটা থাকে ততদিন কোন রকমে খায় দায়, মদ খেয়ে পাগলের মত হাসে দেহব্যবসায়িনীর জীবনযাপন করে। তারপর একদিন মরে এবং সেদিন তারই মত জনকয়েক ভাগ্যহতা হতভাগিনী হরিধ্বনি দিয়ে কাঁদে করে নিয়ে যায় আশানে, পুড়িয়ে ছাই করে দিয়ে আসে। মুসলমান বা কৃষ্ণান হলে কবরে যায়। তবে মুসলমান এবং কৃষ্ণান ধর্মের এখানে নারীর পক্ষে একটা উদারতা আছে, যে উদারতাকে আমি শ্রদ্ধা করি প্রশংসা করি, তার কাছে মাথা নোরাই। মাহুঘের আত্মার পরিশুদ্ধির জন্যই নীতি তৈরী করেছে ধর্ম, আত্মাকে ধ্বংস করবার জন্য, মাহুঘকে তত্যা করবার জন্য নীতি তৈরী হয় নি। এমন নীতি চূর্ননীতি, চণ্ডনীতি জীবনে ধ্বংসনীতি।

\*

\*

\*

—এক গ্রাস জল।

—তুমি অত্যন্ত উত্তেজিত হয়েছ সুরেখর। বলে স্থলতা ডাকলে—রঘু—রঘু! তোমার বাবুর জন্যে এক গ্রাস জল নিয়ে এস।

সুরেখর তার মাথার লম্বা চুলগুলো পিছন দিকে ঠেলে আঙুল চালাতে চালাতে বললে—তা হয়েছি স্থলতা। তুমি আঘাত দিয়েছ আমাকে। হয়তো তুমি বলবে—আঘাত তুমিই আমাকে আগে দিয়েছ, তা হলে বলব—না-না-না। তা দিই নি। নিজে ইচ্ছে করে তুমি নিজের মনে নিজে আঘাত করে আমার নাখে অপবাদ দিচ্ছ।

জল নিয়ে এসে যে দাঁড়াল সে রঘু নয়, সে অর্চনা।

—অর্চনা! তুই এখনও জেগে রয়েছিস?

—রয়েছি। পাশের ঘরেই ছিলাম। ওই কুড়ারাম ব্রাহ্মের পাঁচালীটা পড়ছিলাম। আর তোমাদের কথাও শুনছিলাম। সবে সবে এও ভাবছিলাম, শত দুঃগত্ব নানান অভাব নানান স্বপ্নাটের মধ্যেও ভাড়া বাড়ীতে বাস করত রায়েরা, বাড়লাদেশের জমিদারেরা—তারা কি সবাই তোমার মত এখনি করে পাগল হয়ে গেল? না কাসির আসামীর মত রাত্রি জেগে সেলের মধ্যে বলে আছে।

গ্রাসের জলটার্ননঃশেষে পান করে সুরেখর বললে—কে কি করেছে তা জানিনে, তবে এইটুকু বলতে পারি যে অধিকাংশ জমিদারই তো আজ দেউলে এবং আজ তারা সবাই শ্রীর এ অচলায়তন ভেঙে বেরুতে চায়। অনেক আগেই অনেকজন এ থেকে বেরিয়ে এসে জীবন-সমুদ্রে নতুন সীমলক ভাসিয়ে জমিদারী বজরাটাকে গাধাবোটার মত পিছনে বেঁধে দিয়েছেন। আজ যদি শাস্তির বাণবাণ ঘটে থাকে তবে এঁদেরই ঘরে। নইলে পাড়াগাঁয়ের ছোটখাটো

অসংখ্য জমিদার নিশ্চিন্ত নিদ্রা যাচ্ছে। তারা খোঁলস ছেড়ে বেরিয়ে এসে মুক্ত আলো হাওয়ায় ঝাঁড়িয়ে বাঁচবে। কিন্তু সে সব কথা থাক। যা বলছিলাম তাই বলি। তুই কি এখানে বসবি অর্চি, না—

—বসলে আপত্তি কি অশ্রুবিধে হবে না তোমাদের ?

—আমার হবে না। আমার যখন হবে না তখন সুলতারও হবে না। কারণ বাধবার কথা লংকোট হবার কথা যে বলে যে কনফেসার তার। যে শোনে তার নয়।

তারপর সে সুলতার মুখের দিকে তাকিয়ে প্রশ্ন করলে—সুলতা ?

হেসে সুলতা বললে—আমি অনেকক্ষণ আগেই অর্চনাকে বলেছিলাম—আপনিও এসে বসুন না। প্রথম রান্না করতে গেলেন। তারপর—

চুপ ক'রে গেল সুলতা ; মনে পড়ে গেল যেতে বসে কথাপ্রসঙ্গে যে অগ্রিম কথা উঠে খাওয়ার আনন্দ নষ্ট করে দিয়েছিল সেই কথাটা।

আবার শুরু করলে সুবোধ, বললে—রায়বংশের অপরাধ আমি খুঁজে খুঁজে জমা করে পাহাড় করেছি। তার মধ্যে জমিদার হিসেবে নাশিশ মকদ্দমা সত্য মিথ্যা অনেক ক'রেছি। রায়বাহাদুর রত্নেশ্বর অল্প কবে প্রজাকে ঘাবল করতেন। জোতদার যখন বড় হয়ে উঠেছে সম্পন্ন হয়ে উঠেছে তখন তাকে স্তেকে সমাদর ক'রেছেন, প্রয়োজনমত আরও বড় এবং সম্পন্নতর হবার জন্ত ঋণ দিয়েছেন। রাজনা বাকী ফেলেছেন এবং পরে সব জমে যখন পাহাড় হয়েছে তখন নাশিশ ক'রে তার বৃকে পাহাড় চাপিয়ে তাকে শেষ করে দিয়েছেন। আবার উন্টোও হয়েছে, যারা ঋণ নেয় নি তাদের কোথায় কার কাছে ঋণ আছে খোঁজ ক'রে ছাওনোট তমসূদ কিনে নাশিশ করেছেন। জিতেছেন সর্বত্র তা নয় ; বহু ক্ষেত্রেই হেরেছেন। কিন্তু হেরেও তো তিনি হারতেন না, মুনসেক কোর্টে হেরে সবজজ কোর্ট জজ কোর্ট সেবান থেকে হাইকোর্টে আপীল করতে করতে এগিয়ে চলেছেন, পিছনে পিছনে প্রজাকে হাঁটতে হয় বাধ্য হয়ে। ক্রান্ত পদক্ষেপে নিঃস্ব এবং রিক্ত অবস্থায় হরতো হাইকোর্ট থেকেও জয়ধ্বজা বয়ে বাড়ী আসতে আসতে ভেঙে পড়ে গেছে। এমন অনেক অনেক আছে। এদের দেনা শোধ করা আজ আর রায়বংশের কাকর পক্ষে সম্ভবপর নয়। সর্বশান্ত হয়েও নয়।

কিন্তু রায়বাহাদুর রত্নেশ্বর থেকে দেবেশ্বর রায় পর্যন্ত সারাজীবন শ্বশুরত মতকে ঠাকুরদাস পাল আর গোপালদাস পালের ঋণ ভালবাসা স্বীকার ক'রে গেছেন। আমি তাও জানি এবং তোমার সঙ্গে গোপালদাস ঘোষের সম্পর্কও জানি, সে মনে রেখেই আমার মন্তব্য করে রেখেছি। আজ যদি গোপালদাস ঘোষ এসে আবিভূর্ত হন এখানে তবে তোমার কথার প্রতিবাদ করেই বলবেন—তুই জানিস নে সুলতা, দেবু রাজাভাই আমার কুক ছিল আর আমি তার কি ছিলাম, সে আমার জন্তে কি ক'রেছে তা তুই জানিস নে। আর দেবু রাজাভাই যে কি মানুষ ছিল তাও তুই জানিস নে। তুই চুপ কর।

সুলতা হেসে বললে—বেশ, তাই মেনে নিলাম। বল তোমার কথা।

—হ্যাঁ দেবেশ্বর রায়, যোল বছরের দেবেশ্বর রায় বিচিত্রভাবে এই ভাষা কাক্তের সিঁদামনে  
জা. র. ১৬—৪

সিদ্ধেশ্বরীভালায় যেখানে তিনি তাঁর জীবনের অভিশপ্ত নারীসাধনা আরম্ভ করেছিলেন, সেই-  
খানেই পাতলেন জীবনের প্রথম বাসর। মিলিত হলেন প্রথম এক কৃষ্ণান কুমারীর সঙ্গে।  
কৃষ্ণান কুমারী অজ্ঞানার কন্যা। রায়বাহাদুর রত্নেশ্বর অজ্ঞানার প্রতি তাঁর গোপন প্রেমের  
অংশোধের অভিপ্রায়ে ক'দিন আগে চার্চের সংস্কার করে তুল প্রতিষ্ঠা করেছেন তাকে শিক্ষিত  
করে তুলবেন বলে। একটি কুমার এবং কুমারীর সে বাসরসন্ধ্যার কথা উহু থাক। তা কল্পনা  
করবারও আমার অধিকার নেই। দেবেশ্বর রায় যে পত্রে এসব কথা নির্ভয়ে বিধাহীনচিত্তে  
তাঁর বাঘের মত বাপকে খুলে লিখেছেন তাতে শুধু ওই কথাটুকুই আছে।

“কোনদিন সন্ধ্যায় গোপালদাস বঃবহুর আমরা উভয়ে ওই গৃহের মধ্যে মিলিত হইলাম।  
এবং ইহার পর অন্তঃস্থের অজুহাতে যে করেকদিনই ওখানে থাকিরাছি—নিভাই নিরমিতভাবে  
মিলিত হইতাম। গোপালদাসের ব্যবস্থা মত সময়টা পরিবর্তিত হইত, কোনদিন সন্ধ্যায়,  
কোন দ্বিপ্রহরে—কোনদিন বা গভীর রাত্রে সেখানে যাইতাম। ভারলেটও আসিত। আমরা  
সর্বপ্রকারে পরস্পরের নিকট প্রতিশ্রুতিবদ্ধ হইরা গভীর ভালবাসায় আবদ্ধ হইলাম।”

\*

\*

\*

বোল বছরের এক খনীপুত্র এবং এক চতুর্দশী কৃষ্ণান কন্যা। অর্ধশতাব্দীনি দরিদ্র অসহায়  
অনাথ। অবস্থাবৈত্তণ্যে বাংলাদেশের পল্লীতে প্রায় দেশীয় কৃষ্ণানদের সঙ্গে বাস করে।  
কথাটা গোপন ছিল না—থাকবার কথা নয়। কিন্তু দেবেশ্বরের গোপালদা দেবেশ্বরকে এমন  
ভাবে নিজের আঁড়ালে ঢেকে রেখেছিলেন যে, যে কানাদুঘোই উঠেছিল ক'দিনে সেটার মধ্যে  
দেবেশ্বরকে কেউ ধরাছোঁয়ার মধ্যে পায় নি, পেয়েছিল গোপালকেই। কিন্তু গোপালদাসকেও  
রত্নেশ্বর রায় কম ভালবাসতেন না। তাঁর কাছে সে কম প্রশ্রয় পেতো না।

দেবেশ্বরের সে সঙ্গী ছিল, যা দেবেশ্বর খেয়েছে সেও তাই খেয়েছে, পরার কথাটা ঠিক  
বলতে পারব না, তবে গোপালদাস সে আমলে যে কাপড়জামা পরেছে তা অন্তত ঠাকুরদাস  
পালের ঝোঁগাবার সাধ্য ছিল না। ঠাকুরদাস রত্নেশ্বর রায়ের ছেলেবেলার আমলে ‘ঠাকুরা’  
তাঁর প্রাণরক্ষাকর্তার ছেলে সে; তার দ্বিতীয় বিবাহ হয়েছে তাঁর বিবাহের সঙ্গে, তাকে তিনি  
ভালবাসতেন কিন্তু তাঁর সংকর্মে বিরুদ্ধাচরণের জন্ত তিনি তার উপর বিরূপ হয়েছিলেন।  
ঠাকুরদাসের ‘যি দিয়ে ভাজ নিমের পাঁত—নিম না ছাড়েন আপন জাত’ এই কটু-কথা তাঁর  
কানে গিয়েছে, তিনি সহ করেছেন। তিনি তাকে ডেকে পাঠিয়েছেন সে আসে নি তাও  
তিনি কিছু বলেন নি। মনের কোঁত মনেই চেপে রেখেছিলেন। কিন্তু তার জন্ত গোপালের  
উপর বিরূপ কোন দিন হন নি তিনি। তার পরিচয় রায়বংশের জমাখরচের খাতার মধ্যে  
আছে। চিঠিপত্রের মধ্যেও আছে।

বিরূপ হলেন এইবার। পিঙ্গ এসে জানালে গোপালদাস তাদের পাঁড়ার বোরাফেরা  
করে, তার ভাবভঙ্গি দেখে লোকে তার সঙ্গে ভারলেটের নাম জড়িয়ে পাঁচ কথা বলছে।  
ভারলেট পিঙ্গের নিজের কেউ নয়, তবু সে তার সম্পর্কিত কাঁকা আলকানসোর মেয়ে, তার  
উপর খোদ রায়হুদর তার ভার নিয়েছেন তার জন্ত এত করছেন। পাদরী সাহেব এনে ইচ্ছুল  
বসিয়ে দিলেন, তার পিছনে গোপাল লেগেছে এ নাগাল সে জানিয়ে যাচ্ছে।

কথাটা নিয়ে ভাবছিলেন দেবেশ্বর রায়। কিন্তু খুব বেশী কিছু একটা করেন নি, শুধু কলকাতার নায়েবকে লিখে দিয়েছিলেন—“গোপালের উপর ক্রিষ্ণ লক্ষ্য রাখা প্রয়োজন। তাহার স্বভাবচরিত্র মন্দ হইতেছে কিনা এ বিষয়ে তীক্ষ্ণ দৃষ্টি রাখিবেন। এবং তাহাকে বলিবেন—এখানে তাহার নামে কিছু মন্দ কথা লোকে আমার নিকট বলিয়াছে। আমি তাহা বিশ্বাস করি নাই। তবে তাহার সাবধান হওয়া উচিত বলিয়াই আমি তাহাকে নির্দেশ দিতেছি।”

এদিকে নবীন দুটি প্রাণ পরস্পরের জন্ত ব্যাকুল হয়ে উঠেছিল। এত ব্যাকুল যে অদর্শন আর সহ হচ্ছিল না। কিন্তু ভারলেটের করবার কিছু ছিল না। দাঁক করবে সে ? সে কীদন্ত।

\*

\*

\*

কলকাতার দেবেশ্বর রায় কীর্তিহাটের রাজাবাবুর যুবরাজ। বাইরে শান্ত প্রসন্ন কিন্তু জীবনে ক্ষুরের মত খার, শাপিত তরবারির মত আত্মকালন এবং শক্তি, তিনি সহ করবেন কেন ?

তিনি একদিন গোপালদাসকে ডেকে বললেন—গোপালদা, তুই হয় ভারলেটকে এনে দে, নয় বিষ এনে দে। গোপালদা, আমি ধৈর্যে মরব। আমি ভারলেটকে ছাড়া থাকতে পারছি না। পারব না।

গোপালদা সঙ্গে সঙ্গেই সাঙ্ঘনা দিয়ে বলেছিল—তার জন্তে কি হয়েছে, দেবু আমার রাজাভাই। এনে আমি তাকে এখুনি দিতে পারি। কাল বল কাল যাব, তিন দিন—তিনদিনের মধ্যে ভারলা-বউরাণীকে এনে দেব। সে নিশ্চয় আসবে। বলামাত্র আসবে আমি জানি। কিন্তু এখানে এনে রাখবে কোথায় বল ? একটা বন্দোবস্ত কর আগে। এ-বাড়ীতে তো রাখা যাবে না, রাজাভাই। এখুনি খবর যাবে দপ্তর থেকে—এখানকার এই আমলা বেটারা বড় বজ্জাত। আমাদের সেদিন খাজাকী বললে—আমি দশটা টাকা চাইতে গিয়েছিলাম, তোমার রোকা নিয়ে, বললে—দেবুবাবুকে বলগে কিসের জন্ত টাকা চাই লিখে দিতে হবে। আর তুমি এমন করে দেবুবাবুর সঙ্গে চক্কির খণ্টা গারে পা লাগিয়ে ঘুরো না। কতটা চিঠি দিয়ে হুঁশিয়ার করে দিয়েছেন।

বোল বছরের জমিদার-পুর—বুদ্ধিতে, সাহসে অসাধারণ ছিলেন দেবেশ্বর। পরবর্তীকালে তার প্রমাণ তিনি প্রতি পদক্ষেপে রেখে গছেন এবং যে সময়ের কথা বলছি, তার ক’মাস পরেই পিতাপুত্রে যে পত্র বিনিময় হয়েছিল, যে-পত্রের মধ্যে এই সমস্ত কথা তিনি খুলে লিখেছেন নির্ভয়ে, তাই তার প্রমাণ। তবুও প্রথমটা গোপালদার প্রস্তুতি দমিয়ে দিয়েছিল দেবেশ্বর রায়কে।

ভারলেটকে তার ভারলাকে এনে রাখবেন কোথায় ? রাখতে হলে বাড়ী চাই, সন্মার বাড়ী, খাট চাই, শালক চাই, আরনা চাই, আসবাব চাই ; ভারলার জন্ত পোশাক চাই, পরিচ্ছন্ন চাই, তার কাছে কাজ করবার জন্ত লোক চাই, জল চাই ; তাকে সাজাবার জন্ত অলংকার চাই—অনেক কিছু চাই।

সামনে তখন তাঁর পরীক্ষা। এট্রাল পরীক্ষা। সেই দারুণ চাকলোর মধ্যেই পরীক্ষা দিয়েছিলেন। পরীক্ষার পরই এই চিঠি তিনি লিখেছিলেন তাঁর বালাসজিনী পিসী অন্নপূর্ণা দেবীকে। তখন তিনি কানীতে।

অন্নপূর্ণা দেবী সে-চিঠি পেয়ে ভাইপোকে চিঠির উত্তর দেন নি; একটি লাল-টুকটুকে কনে খুঁজতে শুরু করেছিলেন কানী অঞ্চলেই। পাটনা, কানী, এলাহাবাদ, আগ্রা অঞ্চলে তখন বাঙালীরা দলে দলে বাস করেছেন এবং গুসব অঞ্চলে ঔরাই হরেন্দ্র প্রধান এবং সরকারী অল্পগ্রহে প্রবল। ডাক্তার বাঙালী, উকিল বাঙালী, ডেপুটি বাঙালী, সাব-ডেপুটি বাঙালী। বাঙালীরা তখন আই-সি-এস হয়েছে। সত্যেন্দ্রনাথ ঠাকুরের পর সুরেন বাঁড়ুজ্জ, রমেশ দত্ত, বিহারীলাল গুপ্ত পাশ করে এসেছেন। বাঙালী তখন ভারতবর্ষে দিগ্বিজয় করছে ইংরাজী বিত্তে আর ইংরেজের পৃষ্ঠপোষকতার। তাদের অনেকজন প্রদেশান্তরে নতুন বটগাছের মত শাখা-প্রশাখা বিস্তার করেছে। কানীতেই কি বাঙালী তখন কম? কানী আর বৃন্দাবন—এ-দুটি তীর্থই তো বাঙালীর তীর্থ। কানীর ‘বাংগালী’ টোলাকে ভয় এবং খাতির কানী-খামের পাণ্ডারাও না করে পারত না। বৃন্দাবনে বাঙালীর খাতির আরও বেশী।

বিশেষ করে রাজা রাধাকান্ত দেববাহাদুরকে যে খাতির ইংরেজ সরকার দেখিয়েছিল, তা দেখে সারা ভারতবর্ষ চমকে গেছিল। রাজা নবকৃষ্ণ ছিলেন ক্লাইভ সাহেবের দেওয়ান। তাঁর শোণপুত্রের ছেলে রাজা রাধাকান্ত দেববাহাদুর—তিনি ইংরেজের অল্পগত ছিলেন কিন্তু তাদের অথবা আল্পগত্য দেখান নি। তাঁর ব্যক্তিত্বের এবং কীর্তির জন্তে ইংরেজ সরকার তাঁকে কে-সি-আই-ই খেতাব দিয়েছিল। তখন তিনি বৃন্দাবনবাসী। গৃহত্যাগ করে চলে এসেছেন বৃন্দাবন। খেতাব নিতে তিনি গেলেন না কলকাতা লাটসাহেবের দরবারে। লিখলেন—আমি হিন্দু, আমি বানপ্রস্থ নিয়ে বৃন্দাবনে এসেছি, এখান থেকে আর আমার কলকাতা কেরার উপায় নেই। তাতে আমাকে ধর্মভ্রষ্ট হতে হবে।

শেষ পর্যন্ত আগ্রার স্পেশাল দরবার করে লাটসাহেব তাঁকে খেতাব দিয়েছিলেন। আগ্রা নাকি বৃন্দাবনের ছাদশবনের মধ্যে প্রথম বন—‘অগ্রবন’। সেখানে পর্যন্ত এসেছিলেন রাজা রাধাকান্ত দেববাহাদুর।

\*

\*

\*

—কোথেকে কোথায় যাচ্ছ, সুরেশ্বর। বাঙালীর সেকালের মহিমা আমার জানা আছে। তুমি তোমার দেবেশ্বর রায়ের কথা বল।

হেসে সুরেশ্বর বললে—জানা আছে তা জেনেও আমার সন্দেহ হয় সুলতা, জানাটা বেশ মনে মনে ভুলিয়ে বিচার করে জানা তো! আজকে যারাই স্বাধীন দেশে পলিটিক্যাল পার্টির মধ্যে আছে, তারা সবাই তোমরা প্রমাণ করতে ব্যস্ত যে, তোমাদের পূর্বপুরুষরা সে পলানীর বুকের পর থেকেই ইংরেজের সঙ্গে শত্রুতা সেধে আসছে, কোন অল্পগ্রহ নেই নি বা নাও নি। বাঙালীতে কেউ লাঠিতে ভেল মাথিয়ে, কেউ গাধা-বন্দুক নিয়ে ইংরেজ তাড়াবার কল্পনা করেছে। আমরা যারা জমিদার-রাজা বা ধনীঘরের বংশধর, সব অপরাধ আমাদের।

অর্চনা হেসে বললে—সুরোদা, হঠাৎ তুমি যেন মেজাজের ব্যাণাল হারিয়েছ। বুঝেছি

তুমি কেন সেটা হারিয়েছ।

চুপ করে গেল সুরেশ্বর। একটা দীর্ঘনিশ্বাস ফেলে সামনে তাকিয়ে রইল। কয়েক মুহূর্ত পরেই স্থলতা সর্বিস্বরে দেখলে, সুরেশ্বরের বড় বড় চোখদুটি কানায় কানায় জলে ভরে উঠেছে। সুরেশ্বর চোখের পাতা বন্ধ করতে পারছে না, ভর হচ্ছে, চোখের পাতার চাপে জল গড়িয়ে বারে পড়বে।

—সুরেশ্বর!

—আমি বলছি স্থলতাদি। আমি বলি। রায়বাড়ীর এই জবানবন্দীর সবটাই আমি জানি। সুরোদা আর কাউকে বলে নি কিন্তু আমাকে না-বলে পারে নি। আমি জানি।—

অর্চনা বললে—কথাগুলো যা তোমাদের হচ্ছিল, তা ওঘরে বসে আমি শুনছিলাম, আর কুড়ারাম রায়ের পাঁচালীর নকলখানা পড়ছিলাম। আমি ভাবছিলাম। ঠিক এই রকমই ভেবেছিলাম স্থলতাদি। অবশ্য তুমি রাগ করবে এটা বুঝতে পারি নি। কারণ এখনও ঠিক যেন মনে ধারণাই করতে পারি না, তুমি কোন রকমে কীর্তিহাটের রায়দের ভাল-মন্দ তারা যা করেছে তার সঙ্গে জড়ানো আছ। থাকার তো কথা নয়। রায়বাড়ীর কর্তাদের হাত যাদের উপর পড়েছে, তারা বেশীর ভাগ ক্ষেত্রেই ভেঙে গেছে। তুবে কিছু কিছু লোক আছে, যারা সত্যিই খুব বড় হয়েছে। তারা অবশ্য রায়বংশের কাউকে এখন আমলে আনে না।

সুরোদার ঠিক এমন ধরনের কিছু হবে, মানে চঞ্চল হবে, কি ছেলেমানুষের মত কৈদে-টেঁদে কেলবে, আমি তা ভেবেছিলাম। এইভাবে যখন ও চঞ্চল হয় তখন খানিকটা পাগলের মত হয়ে যায়। বড়ঠাকুরদা দেবেশ্বর রায়কে ও বড় ভালবাসে। তার ঋণ যেটা তার মধ্যে রায়বংশের পুরনো শ্রাম্যাকান্তের ঋণকে আধিকার করেছে। বলে, দেবেশ্বর রায় সে ঋণটা শোধ করতেন, করতে চেয়েছিলেন, কিন্তু তা করতে তাঁকে দেন নি; দেন নি আমার দাদাশ্বশুরের মা, দেবেশ্বর রায়ের পিসীমা, সুরোদার অন্নপূর্ণিমা, আমি তাঁকে বলতাম—বড়মা।

আমার বিয়ে হবার পর ওই নামেই তাঁকে ডাকতাম। আমার বিয়ে হল, এই জানবাজারের বাড়ী থেকেই বিয়ে হয়েছিল। বড়-জ্যাঠামশাই মানে যজ্ঞেশ্বর রায় আসেন নি, ছেলেরাও কেউ আসে নি, কিন্তু দুপুরবেলার দিকে ট্যান্ডি করে জ্যাঠাইমা এসেছিলেন। সঙ্গে একজন বি। একটা আংটি দিয়ে গিয়েছিলেন। এখান থেকে হ্রিশ মুখুজে রোডের বাড়ীতে বড়মার সঙ্গে দেখা করে প্রণাম করে গিয়েছিলেন। বিয়ের মাস দুয়েক পরই বড়মা, আমার অন্নপূর্ণিমা অস্থখে পড়লেন। যেন এই বিয়েটার অপেক্ষাতেই তিনি ছিলেন। বলতেনও, আমাকে বলতেন—দেখ, তুই গভীরে আমাকে জন্ম দিয়েই পালিয়েছিলি। দেখ, সংসারে প্রসব করে সন্তানের সেবা আর দীর্ঘের সেবা দুই সমান। সে যে না করে তার জীবনে ঋণ থাকে, জন্মান্তরে শোধ করতে হয়। সেই শোধ করতে এসেছিল। নে, বেশ করে সেবা কর; ভাল গরম করে এনে পারে মালিশ কর, গিঠে মালিশ কর। আমি আর বিয়ের কাজ নেব না।

দু মাস পর হঠাৎ জ্বর হল। ঘুসঘুসে জ্বর। আমার খামোঁই দেখছিলেন। বললেন—



কিছু না। হেসে বড়মা বললেন—কিছু না নয় রে, তোর বউয়ের সঙ্গে আমার আর-কয়েক মাস সঙ্গে হিসেব-নিকেশের পালা পড়ল। খেতেনের খাড়া খুলে বসেছে হিসেব-নিকেশগুলা। অদে আসলে এতদিনে সেবা আমার কত পাওনা হয়েছে।

আমার স্বামী এসবে বিশ্বাস করতেন না, গুলতানি। তিনি নতুন কালের নতুন মানুষ, মানে যেকালে আমার বিয়ে হল ১৯০৭ সালে, সেকাল থেকেও অনেক পরের কালের মানুষ। এরা চালাক, এরা চতুর, এরা মুখে বলে এরা যুক্তিবাদী কিন্তু আসলে এরা অবিশ্বাসবাদী, মানে জীবনে কোন বিশ্বাস নেই। যা আজকাল, মানে মহাযুদ্ধের পরে, স্বাধীন ভারতবর্ষে সব মানুষের মধ্যে দেখতে পাচ্ছি। তিনি লুকিয়ে মদ খেতেন, তিনি... চুপ করে গেল অর্চনা। কণ্ঠস্বর বন্ধ হয়ে আসছিল।

কিছুক্ষণ চুপ করে সামলে নিয়ে সে বললে—এই এমন একটা বাড়ী যা বাইরে থেকে একেবারে আদর্শবাদের মন্দিরের মত মনে হত, সেই বাড়ীর কোণে কোণে এই কালের, এই ধারার তখন শুরু হয়ে গেছে।

যাক গে, যা বলছিলাম বলি। রায়বাড়ীর জবানবন্দী কীর্তিহাটের কড়চা যা সুরোদা ছবিতে একেছে, তার মধ্যে দেবেশ্বর-ঠাকুরদার প্রথম জীবনের সব কথাই জমা ছিল, এই বড়মা, সুরোদার অসম্পূর্ণতার কাছে। তিনি নিজে নিজের মৃত্যুর কথা জানতে পেরেছিলেন, বুঝতে পেরেছিলেন। তাই দিন পনেরো পর চিঠি লিখে ডেকে পাঠালেন সুরোদাকে। আমাকে দিয়েই লেখালেন, এবার আমি যাইব। আমার কাজ শেষ হইয়াছে, আমার মায়ের আসন পাতিয়া দিয়াছি; এবার আমার ডাক আসিয়াছে। আমি যাইব। তোমাকে কিছু বলবার আছে, তোমাদের বংশের কিছু কাগজপত্র আমার নিকট আছে। তাহা তোমাকে দিতে চাই এবং তোমাকে কিছু বলিতেও চাই। সুরোদা চিঠি পেয়ে এল। বড়মা তার আগে তাঁর সেই পুরনো মেহগনী কাঠের হাতবাক্সের মধ্য থেকে বাগুিল বাঁধা চিঠির ভাড়া খুলে বসে বেছে বেছে খান বারো-চৌদ্দ বের করলেন। বললেন—চিঠিতেই সব আছে; এতেই সব পাবি। কিন্তু ঠিক ধরতে পারবি নে। যেসব কথা সামনা-সামনি দেবুর সঙ্গে কি দাঁদার সঙ্গে হয়েছে, তা তো চিঠির মধ্যে নেই। তার থেকে আমি বলি, তুই শোন। সে অনেক কথা রে।

\*

\*

\*

সেদিনের কথা আমার চোখের উপর ভাসছে শ্রুতলাদি। কলকাতা পৌছেই সুরোদা এসে হাজির হন আমাদের বাড়ীতে। বড়মায়ের দরজার দাঁড়িয়ে ডাকলে—বড়মা!

বড়মা তার দিকে ডাকিয়ে বললেন—এসেছিস! আর। দেখ, ওই কথাগুলো বললেন। তারপর বললেন—আমার ডাক এসেছে। আমি এবার বাব। তাই কথাগুলো তোকে বলে যাচ্ছি, আর এই চিঠিগুলো সেই কথার দলিল, তোকে দিয়ে যাচ্ছি। তোকে মনে করিয়ে দিয়ে যাচ্ছি যে তোর ঘেনার কথা, তোর দায়ের কথা, তোর ইচ্ছের কথা।

সুরোদা বুঝতে পারলে না। অবাক হয়ে মুখপানে ডাকিয়ে রইল, বড়মায়ের মুখের দিকে।

বড়মা বললেন—কি, কিছু মাথার ঢুকছে না তোর ?

সুরোদা হেসে বললে—না বড়মা, ঠিক ঢুকছে না ! একটু গোলমাল ঠেকছে !

বড়মা বললেন—কই আমাকে রাঙাপিসী বলে ডাক তো ! ওরে তুই যখন ছেলেবেলা বাপের সঙ্গে আসতিস, তখন আমার দেখলেই মনে হত, তুই আমার সেই দেবু ! আমার গোরা ভাইপো ! তাই তাকে ঠিক দেবুর ছেলেবেলার পোশাকের মত পোশাক তৈরী করিয়ে দিইছিলাম, তোর বাপকে বলেছিলাম—এই পোশাক পরিয়ে ওকে নিয়ে আসিস আমার কাছে । জর হওয়া অবধি স্থগ্ন দেখছি, তুই এসে বলছিস—রাঙাপিসী, তোমার কাছে আমি যে সব মেনা করেছিলাম, তার হিসেবগুলো আছে, আমাকে বলে দাও । ‘আমিই তোমার দেবু, রাঙাপিসী, গোরা ভাইপো । এই নামটি, গোরা নাম তাকে আমিই দিইছিলাম । গোরা মানে, লাহেব গোরা নয়, নবদ্বীপের গোরাচাঁদ ।

জানালার দার থেকে ফিরে এসে বসল সুরেশ্বর । বললে—তুই কথা বাড়িয়ে ফেলছিস অর্চনা ! দে আমাকেই বলতে দে ।

সুলতা, গোড়াতেই বলেছি এবং এখন অর্চনাও বলেছে, অল্পপূর্ণা মা আমার চেহারার সঙ্গে আমার ঠাকুরদার মিল দেখতে পেতেন । শুধু অল্পপূর্ণা মা কেন, মেজঠাকুরদা শিবেশ্বর দায়ও বলেছিলেন একথা । দায়বংশের শ্রেষ্ঠ সুপুরুষ ছিলেন আমার দাদা দেবেশ্বর দায়, তুমি তার মত, হরত তার থেকেও উজ্জল । মিল যে আছে, সে তাঁর ছবির সঙ্গে মেলালে তুমিও বের করতে পারবে । তার উপর ঘটনাক্রমে জানবাজারের বাড়ীতে হঠাৎ কুইনী এবং দিলডাকে দেখে তাঁর পুরনো কথাগুলো, যেগুলো তিনি ভুলে যেতে বসেছিলেন, সেগুলো নতুন করে মনে পড়েছিল । শুধু মনে পড়া নয়, একটা ধাক্কা যা তিনি সেকালে খেয়েছিলেন, তা আবার নতুন করে তাঁর মনে পড়েছিল ।

ঘটনাগুলো বলে যাই, তাহলেই তুমি বুঝতে পারবে, কেন তিনি কুইনীকে দেখে চঞ্চল হয়েছিলেন, কেন তিনি আমাকে বলেছিলেন, কুইনীর বাড়ীখানা তাকে কিরিয়ে দিতেই হবে তাকে । কেন তিনি বলেছিলেন—কুইনীকে লেখাপড়া শিখিয়ে জীবনের পথে দাঁড় করিয়ে দিতেই হবে তাকে । এবং কুইনীকেই বা তিনি কেন বলেছিলেন, সুরেশ্বরবাবু তোর পড়ার ব্যাবস্থা করবেন । সেই মত পড়াশুনা করবি তুই । ব্যালি ?

অবলীলাক্রমে বলেছিলেন । যেমন করে আপনার নাতি-নাতিনী বা তাদের ছেলেমেয়েকে বলা যায় তেমন করে বলেছিলেন । এমনটা তুমি কখনও অনুভব করেছ কিনা জানি নে, তবে আমি অনুভব করেছি । এই কুইনীর সম্পর্কেই অনুভব করেছি । কিছুক্ষণ আগেই বলেছি, কুইনীকে নিয়ে ওর সংস্রাম হারিসের সঙ্গে ঝগড়ার যেদিন বিচার করতে গিয়েছিলাম, তার কদিন পর বিবিমহলে অর্চনার সঙ্গে কুইনী এসেছিল আমার সঙ্গে দেখা করতে এবং বাড়ীর দলিলটার সঙ্গে দেবেশ্বর দায়ের কথানা চিঠি সে আমাকে দেখতে দিয়েছিল । সে সব চিঠির মধ্যে আসল বা সত্য এবং জীবনের সঙ্গে জীবনের যে আসল সম্পর্ক তার একটা হিসেব ছিল । চিঠিগুলো পড়ে যখন মুখ তুললাম তখন কুইনী নেই । ওদিকে হুঁসুট হুঁসুট, সে গোপালির আলোর শুকনো কাঁসাইয়ের বাঁলুচর পার হয়ে কুইনী তখন শিলুটের ছবির মত চলে বাচ্ছিল ।

সে ছবিটাও আমি এঁকেছি স্মৃতি। ছবিখানা আমার পরম প্রিয়। এই জীবনবন্দীর মধ্যে সেখানার থাকা উচিত ছিল; কিন্তু নেই। ছবির বিচারে সেটখানাই আমার শ্রেষ্ঠ ছবি। আমার বিচারেই নয়, বিলেতের বিচারেও বটে। কিনতে চেয়েছিল অনেকে, কিন্তু তা আমি দিই নি। ছবিখানা কুইনীই আমার কাছে চেয়ে নিয়েছিল।

এলিয়ট রোডের বাড়ীখানা কেড়ে নেওয়ার খবর পেয়ে যে কথা অল্পপূর্ণ্যমা সেই জ্যাঠামশায়ের বাড়ী যাবার আগে আমাকে বলেছিলেন, তা শুনেছ। সে চিঠিখানাও রয়েছে এখানে। পৃথিবীতে পুরুষ আর নারী নিয়ে চিরকাল, সেই সৃষ্টির আদিকাল থেকে চলে আসছে। বিচিত্র ঘটনা এই যে, যে-কোন পুরুষ যে-কোন নারীকে পেয়ে খুশী নয়, সুখী নয়। সেকালে রাজা-রাজড়াদের ঘরে ধরে আনা এবং বিয়ে করা নারী তো কম থাকতো না; ভাগবতে শ্রীকৃষ্ণের পরিবারদের সংখ্যা বাদই দাও, ওটা পৌরাণিক। এই তো সেদিনের ইতিহাস, মুর্শিদাবাদের নবাব সরকারাজ খাঁ'র নাকি সতেরোশো বেগম ছিল। তবু সরকারাজ রাবেরা বেগমকে বেশী ভালবাসতেন। ভালবাসা একটা বিচিত্র যনের অবস্থা, ও একবার জন্মালে আর মরে না, অনন্ত মূলের মত মাহুষের সমস্ত অন্তর জুড়ে মূল বিস্তার করে দেয়। কখনও কখনও অনাবৃত্তির সময় মনে হয় বুঝি এবার শুকিয়ে গেছে, নিঃশেষ হয়ে গেল। কিন্তু এক পল্লা বুট্ট পড়লেই সারা অন্তর জুড়ে তার সবুজ অঙ্গুধের ডগা বেরিয়ে আচ্ছন্ন করে দেয়। এই ভারলা বা ভারলেট মেরেটাকে সেই ভালবাসার ভালবেসেছিলেন দেবেশ্বর রায়। তাই রাজাপিসী যিনি তাঁর পেলার সঙ্গী ছিলেন, বড় বোনের মত ছিলেন, প্রিয় সখীর মত ছিলেন। তাঁর কাছে লিখেছিলেন—পিসী, তুমি আমাকে হাজার কয়েক টাকা ধার দাও। আমি তোমার কাছে প্রতিজ্ঞা করে রাখছি, টাকা আমি শোধ দেব-দেব-দেব।

তখন ঘটনাটা অনেক দূর এগিয়েছে স্মৃতি। এটালী পরীক্ষা দেওয়া তাঁর হয়ে গেছে। এলিয়ট রোডে একটা বাড়ী খাড়া করেছেন। এই বাড়ীটা গোপালদার সঙ্গে পরামর্শ করে করেছেন। জানবাজার থেকে রিপন স্ট্রীট বেশী দূর নয়, তার শুদিকেই এলিয়ট রোড। কিরলী পাড়া। পাড়াটার যারা বাস করে, তারা খেটে-খুটে খায়, আবার ইংরেজ যখন কলকাতা পত্তন করেছিল, তখন জাহাজে করে পুরুষদের সঙ্গে অনেকে মেয়ে যারা এখানে হোটেল, বারে এবং নানা বৃত্তি করে জীবিকা উপার্জন করত, তাদের অনেকে থাকত, তাছাড়া ক্লাইভের আমল থেকে যেসব নবাব ইংরেজরা হারেম রাখত, তাদের বংশের ছেলেমেয়েরাও অনেকে এদিকপানে ছটকে এসেছিল। লালবাজার, বেল্টিক স্ট্রীট থেকে ফ্রি স্কুল স্ট্রীট, পার্ক স্ট্রীট, ওয়েলসলী হয়ে বেনিয়ারপোথ্রা পর্যন্ত যে সমাজটা, সে সমাজের মধ্যে, এক পুণ্যবতী রাণী রাসমণির দৌলত আর সাংসে কিছু এদেশী মাহুষ, এদেশী সমাজ কোনমতে টিকে ছিল। আজও আছে। এখন বিক্রম অবশ্য আমাদের বেশী। সেকুলার স্টেটের স্মনাম স্মরণ না করেই বেশী হয়ে উঠেছে।

যাক গে।

এই এলিয়ট রোডের বাড়ীখানা ভাড়া নয়, লিজ নিয়ে ভারলেটকে এনে রেখেছিলেন দেবেশ্বর রায়। এবং পরমানন্দে যথুযামিনী যাপন শুরু করলেন। দিন-রাত্রি, কীতিহাট,

বাপ-মা, বংশ-পরিচয় সব ভুলে এই বোল বছরের কন্দপটি জীবনে বসন্তোৎসব জুড়ে দিলেন। পরীক্ষা হয়ে গেলেও কীর্তিহাট ফিরলেন না।

বার বার পত্র লিখলেন রত্নেশ্বর রায়। কিন্তু নানান অজুহাতে তিনি যাওয়া ঠেকিয়ে রাখলেন। রত্নেশ্বর রায় তাঁকে বিশ্বাস করলেন।

তখনকার সমাজ এবং বাঙালীর জীবন মনে করলে এটা খুব অবিশ্বাস্য বলে মনে হবে না মূলত।

বাংলাদেশ তখন জাগছে। সব দিক থেকে, উত্তর-দক্ষিণ, পূর্ব-পশ্চিম চার দিক থেকে যেন বারোটা হুঁই উঠছে।

শাস্ত্রমতে বলে, হুঁই হচ্ছেন বারোটি। বারোটি হুঁই বাংলাদেশে তখন চারিদিকে প্রভাতের আলো ফুটিয়ে উঠতে শুরু করেছে। তার শিক্ষা পাণ্টেছে, ধর্মের চেহারা পাণ্টেছে, নতুন ধর্ম জেগেছে, মুসলমান আমলে হিন্দুধর্মের গোঁড়ামি এবং চারিদিকে তোলা আকাশ-ছোঁরা পাঁচিল বাঙালীর নিকেরাই ভেঙে কেলেছে।

বঙ্কিমচন্দ্রের দুর্গেশনন্দিনী তখন ছাপা হয়ে বের হয়েছে। তাতে নবাবনন্দিনী আরেবা কুমার জগৎসিংহের প্রেমে পড়েছেন। বঙ্কিমচন্দ্র কুমার জগৎসিংহের জ্ঞাত বাঁচাতে বিয়েটা দিতে পারেন নি, কিন্তু সত্যি বলতে, তিলোত্তমা থেকে নবাবনন্দিনী আরেবাকে অনেক ঘরীয়াসী এবং সম্ভবত রূপসী মনোহারিনী করে সৃষ্টি করেছেন।

কৃষ্ণধর্মের গতি রোধ হয়ে গেছে; বউবাজারে মা ফিরিকী কালী পথরোধ করেছেন। এদিকে দক্ষিণেও এক প্রায় নিরঙ্কর ব্রাহ্মণ এসেছেন, তাঁর আশ্চর্য মহিমা। আশ্চর্য সারল্য। আশ্চর্য প্রেম। অপার ভালবাসা।

ব্রাহ্মধর্মের পর পর থাক হ'তে হ'তে আদি থেকে নববিধান, এবং নববিধান থেকে সাধারণ ব্রাহ্মসমাজে চেহারা নিরেছে।

মিউটিনির পরই নীল বিদ্রোহ হয়ে গেছে। সে বিদ্রোহে বাঙালী হারে নি, জিতেছে। হরিশ মুখার্জির জেল হয়েছে। ফাঁদার লড়েরও জেল হয়েছে, যশোরের মাগুরা গাঁবের ঘোঁষেরা মাগুরায় বসে ছোট সাপ্তাহিক বের করেছিল, সে কাগজ নিয়ে তারা বাগবাজারে এসে বসেছে। বাঙলা কাগজকে এক রাজে ইংরাজী কাগজে পরিণত করে লাটলাহোরের উত্তম রোবের সঙ্গে পাজা লড়েছে। তখন রবীন্দ্রনাথ সত্তরো-আঠারো বছরের; দ্বিজু রায়, রামানন্দ চাটুজ্জে, আচার্য প্রফুল্ল রায়, আচার্য জগদীশচন্দ্র তখন বাংলাদেশে অপরিচয়ের মধ্যে বেড়ে উঠেছেন। দক্ষিণেও যে ব্রাহ্মণের আশ্চর্য তপস্বী-চরিত্র সমগ্র পৃথিবীতে বিশ্বের সঙ্কর করেছে, তাঁর মহিমা এবং তপস্বীর যিনি ধারক-বাহক—দস্তবাড়ীর নরেন দস্ত, স্বামী বিবেকানন্দ, তিনিও তখন ভবিষ্যতের অস্ত্র প্রস্তুত হচ্ছেন। বছর কয়েক পরেই তিনি তাঁর শুরু, যাকে তিনি My Master বলেছেন, তাঁর সঙ্গে মিলিত হবেন। এ সময়টা সেই সময়।

বাঙালী সে সময় শুধু ধন-সম্পদ খোঁজে না, বিষয়-বিষয় করে গলি-বুঁচিতে ঘোরে-কোরে না, সে আরও অনেক কিছু খুঁজছে। অনেক প্রশ্নও তার মনে জেগেছে। একদিকে সে

শুণ্টাচ্ছে এদেশের পুরনো ইতিহাস, শাস্ত্র, পুঁথি, বেদান্ত, উপনিষদ, অস্তমিকে সে পাশ্চাত্য দর্শনের আশ্বাস নিরেছে। পাশ্চাত্য উপভাস, কবিতা পড়েছে। শুধু রেনেসের 'মিষ্টি অব দি কোর্ট অব লগুন' নয়, আরও অনেক পড়েছে, ঝট তিকেল পড়েছে। জীবনে তার নতুন আলোকপাত হয়েছে। দেবেশ্বর রায় বেশ একটু ইংরিজী-বোঁঝা লোক ছিলেন। তিনি এই অর্থ-স্বৈতালিনী ভারলেটের কিশোর জীবনের ভালবাসার আকর্ষণ ডুব দিয়ে তার আশ্বাস গ্রহণ করে ভাবছিলেন, কিছু টাকা মূলধন পেলে তিনি ব্যবসা-বাণিজ্য করে মাইকেলের মত একজন কেউ হবেন।

সেই সময়টার তিনি মাইকেলের মত দাড়ি-গোঁফ রাখতে চেষ্টা করেছিলেন। এবং খাটি সাহেবী পোশাক পরে ভারলেটকে পাশে বসিয়ে ফিটনে চড়ে বেড়াতেও যেতেন।

শুলভা, অন্নপূর্ণা মা সেই রোগশয্যার আমাকে ডেকে বললেন—দেখ, দেবু তার মৃত্যুর আগে আমার কাছে এসেছিল। বলেছিল—রাঙাপিসী, তুমি আমাকে টাকাটা দাও নি, সে হয়তো আমার ভাল-মন্দ বিচার করতে গেলে ভালই করেছে। কারণ ভারলেট এমনই অশিক্ষিত ছিল এবং এমনই গুরাইন্ড ছিল যে, আমি তাকে সহ্য করতে পারতাম না। তাতে এর থেকেও অনেক বেশী যত্নশীল আমাকে সইতে হত।

অন্নপূর্ণা-মা বলেছিলেন—তখন দেবু মদ প্রায় সব সময়ই খেত। মনের যাতনার খেত। তবে হ্যাঁ, বুঝতে কেউ পারত না। দেবুর কথাটা শুনে আমার খুব অসুশোচনা হয়েছিল যে। আমি তাকে বলেছিলাম—দেবু, টাকাটা দিতে আমি পারতাম, কিন্তু তোকে যে চিরকালের জন্মে হারাতাম, দেবু।

দেবেশ্বর বলেছিলেন—না পিসী, তুমি হারাতে না আমাকে। আমি তোমার সেই দেবুই থাকতাম। তবে হ্যাঁ, বাবা-মার সঙ্গে ঝগড়া হ'ত। সমাজের সঙ্গে হ'ত। তা হ'ত। কিন্তু তা কি আটকানোই গেল রাঙাপিসী? বল, তুমিই বল। গেল। বাবার সঙ্গে প্রতিপদে ঝগড়া হল। প্রতি পদে। যে মাহুঘটাকে সারা দেশে বললে, এমন ধার্মিক, সুবিচারক হয় না, তাকে আমি নির্ভর, অত্যাচারী ছাড়া কিছু দেখলাম না। একটা অভ্যস্ত হিংস্র মাহুঘ। উঃ রাঙাপিসী, বাবার এই মনে চেপে রাখা প্রতিহিংসা, আর সময় এবং সুযোগ বুঝে আইনের পথে শোধ তোলা এ যে কি ভয়ানক তুমি কল্পনা করতে পারবে না। জান রাঙাপিসী, বাবার পছন্দ করা মেয়ে বলে কালীর বউকে আমি কোনদিন পছন্দ করতে পারলাম না। এমন ধর্মবাইগ্রস্ত স্বামীতে, দেবতার, ধর্মে তার অচলা ভক্তি, কোনদিন সে আমার উপর জোর খাটালে না, কোনদিন সে আমার একটা অবিচারের প্রতিবাদ করলে না, না পারলাম তার উপর রাগ করতে, না পারলাম তার উপর ঘেন্না করতে, না পারলাম তাকে ভালবাসতে; পিসী ভালবাসতে গেলে সে ভালবাসা নিলে না, ফেলেও দিলে না, একটু হেসে পাশে সরিয়ে রেখে দিলে। নেড়েচেড়েও দেখলে না।

জানিস সে কৈদে ফেলেছিল সেদিন। অন্নপূর্ণা মা বললেন—আমি সেদিনও তাকে বলতে পারলাম না যে, ওরে দেবু, ও ক'নে দাড়া পছন্দ করে নি রে, পছন্দ কবেছিলাম আমি। আমার বড় ভাল লেগেছিল ঘেরটিকে; তোর চিঠি পেয়ে আমি তোকে উত্তর দিলাম না,

দাদাকেও বিশেষ কিছু জানালাম না, লিখলাম—আমার সঙ্গে মিটমাটের কথা যা চাহিতেছ, তাহার জন্য কলিকাতা বাইতে লিখিয়াছ; কিন্তু তুমি কালী এস না কেন? তুমি জমিদার, স্বাধীন মানুষ; আমি যেহেতু, পিসেমশায় ছুটি না পাইলে যাইব কেমন করিয়া এবং মিটমাট দুই পক্ষের মধ্যে বলিয়া করিয়াই বা দিবেন কে!

এরই মধ্যে দেখলাম এই মেরেকে। দশাধমেষ ঘাটে তার দিদিমার সঙ্গে আন করতে এসেছে। ফুটফুটে মেরেটি। কিন্তু সেই বয়সে কি ধর্মনিষ্ঠা আর কি ভক্তি! পরিচয় নিয়ে জানলুম, দিদিমা নদে জেলার জমিদারবাড়ীর গিন্নী, জমিদার থেকেও ব্যবসারে ওদের নামভাক খুব বেশী, অবিভক্ত দেশী ব্যবসারীদের মধ্যে মেরেটি গিন্নীর মেরের মেরে, যা ধূরা যাওয়ার পর থেকে দিদিমার কাছে মানুষ হচ্ছে। আমি পরিচয় দিয়ে পিসেমশাইকে নিয়ে কথাবার্তাটা খানিকটা পেড়ে রাখলাম। দাদাকে লিখলাম, “তুমি শিগুগির আসিবে। তুমি এলে মিটমাটের কথা সব হইবে।”

দাদা আসতে পারলে না। কমিশনার লাট অনেক কথা লিখলে। রায়বাহাদুর খেতাব দেবেন সরকার, তার ওদ্বিরের জন্ত এখন দেশ ছেড়ে আসা অসম্ভব। অগত্যা আমি কলিকাতা গেলাম। দেখলাম স্টেশনে জানবাজারের গাড়ী এসেছে। কিন্তু একজন গোমস্তা ছাড়া কেউ আসে নি। আমার রাগ হল। আমি জানবাজার গেলাম না, গিয়ে উঠলাম জোড়াসাঁকোর জেঠামশাইয়ের বাড়ী।

সেখানে গিয়ে থবর শুনলাম, দেবেবর বন্দুকের গুলিতে আত্মহত্যার চেষ্টা করেছে।

অবাক হয়ে গেলাম। দেবু আত্মহত্যার চেষ্টা করেছে বন্দুকের গুলিতে?

উত্তর শুনলাম—হ্যাঁ।

পিসেমশাই বললেন—তাহলে এখানে নয়। কিরে গিয়ে গাড়ীতে ওঠ মা। চল ওখানে চল। এই জন্তে কেউ স্টেশনে আসে নি।

জানবাজারের বাড়ীতে গিয়ে অন্নপূর্ণা দেবী এবং বিমলাকান্ত পৌছে দেখেছিলেন রত্নেশ্বর রায় বড় সাহেবজাকারকে বিদায় করছেন। সাহেব তাঁর সঙ্গে হাওশেক করে তাঁর অগ্রহাম গাড়ীতে চড়ছেন। বলছেন—রয়বাবু, It is only luck—only luck—that has saved your boy. Offer your thanks and gratitude to God and God alone. I have not done anything.

অন্নপূর্ণা বলছিলেন আমাকে, আমি কালীতে পিসেমশায়ের কাছে ইংরাজী শিখেছিলাম, কিন্তু সাহেবের কথা একবিন্দু বুঝি নি। পা আমার সিঁড়িতে আটকে গেল, আমি উপরে ধেতে পারলাম না।

সাহেবকে বিদায় করে দাদা কিরে এল ঘরের মধ্যে, পিসেমশায় দাঁড়িয়ে ছিলেন ঘরের মধ্যে, তিনি বললেন—তাহলে তবের কিছু নেই!

গভীরভাবে কীর্তিহাটের রায়বাজা আমার দাদা বললে—না। তবে যা হবার হয়ে গেলেই তো ভাল হত। ভগবান আমাকে লজ্জার হাত থেকে বাঁচাতেন, রায়বংশকে পাপের হাত থেকে রক্ষা করতেন। গুলিটা চালাতে চেয়েছিল বুক। বন্দুকটার বাঁট মেঝেতে য়েখে

বলটা বুক লাগিয়ে পা দিয়ে টিগার টিপেছে, এখন বন্ধু তো কার্যারিণের সময় খানিকটা ঝাঁকি দেয়, back push করে, তাইতেই পিছলে গিয়ে গুলীটা বগলের ভিতরে মাংস কেটে বেরিয়ে গেছে। ছররা হলেও ক্ষতি হ'ত, দু-চারটে এদিক-ওদিক ঢুকতে পারত। এ একে-বারে বুলেট। স্তত্রাং জীবনহানি হয় নি, কেলেঙ্কারিই সার হয়েছে।

আমি অবাক হয়ে দাঁড়িয়ে গুনছিলাম। নড়বার শক্তি তখনও আমার হয় নি। পিসে-মশাই বললেন—কি বলছ তুমি রত্নেশ্বর?

—ঠিক বলছি। আমি ব্যাল্যাকল থেকে আঠারো বছর পর্যন্ত আপনার কাছে মায়াব হয়েছি। আপনি কি আমাকে এমনই মমতাহীন শাষণ করে গড়ে তুলেছিলেন যে, নিজের জ্যেষ্ঠ সন্তান, প্রথম সন্তান সম্পর্কে এমন কথা বলব? মশাই গর উচিত ছিল, চেষ্টাও করে-ছিল, কিন্তু গর দুর্ভাগ্য, রায়বংশের দুর্ভাগ্য, সব থেকে বেশী দুর্ভাগ্য আমার যে,—

হঠাৎ চূপ করে গিয়েছিল দাদা। বলেছিল—চলুন ওপরে চলুন। এখানে লোকজনে আমাদের দিকে তাকিয়ে আছে। বাড়ীর গোপন কথা, কি কেলেঙ্কারির কথা সে এক রকম ওরা জেনেছে, তার প্রতিবিধান ভো করতে হবে। কিন্তু আমাদের কথাগুলো ওদের গুনতে দিয়ে লাভ কি?

\*

\*

\*

অসপূর্ণায়া থাক-থাক করে চিঠিগুলো সাজিয়ে হাতে ধরে বসে কথাগুলি বলছিলেন আমাকে। ঘরের মধ্যে ছিল শুধু অর্চনা, আর কেউ ছিল না। আমি অনেকটাই জানতাম, কিন্তু এমন বিশদভাবে জানতাম না। বাইরেটা দেখে বতটা জানা যায় ততটাই। মর্যকথা নয়।

দাদা জানবাজারের বাড়ীতে সেবার এসে উঠেছিল খবর-টবর না দিয়ে। খবর বা ছিল, তাতে দাদার আসবার কথা একদিন পরে, কিন্তু মেদিনীপুর থেকে জেলা ম্যাজিস্ট্রেট চিঠি দিয়ে একদিন আগে আসতে বলেছিলেন। বলেছিলেন, চুঁচড়োতে কমিশনার সাহেবের সঙ্গে দেখা করতেই হবে। সাহেবের কনকিডেনশিয়াল রিপোর্ট যাবে, সেটা দেখাবেন। কমিশনার নিজেই ডেকেছেন।

রত্নেশ্বর রায় জেলা ম্যাজিস্ট্রেটের সঙ্গেই সকালে রওনা হয়ে হাওড়া পৌছে ওখান থেকেই গিয়েছিলেন চুঁচড়ো। বর্ধমান ডিভিশনের কমিশনারের আসন চুঁচড়োতে। সেখানে তাঁর সঙ্গে দেখা করে খুশী মনেই ফিরছিলেন। মনের মধ্যে জোঁধের আঙুন একটা জলছিল। কিন্তু সেটাকেও তিনি লর্গনের কাঁহুস পরিয়ে আঙুন থেকে সুন্দর একটি লর্গন করে তোলা যায় কিনা ভাবছিলেন। সেটা ভায়লেট এবং গৌপালকে নিয়ে। ভায়লেট একদা অদৃষ্ট হয়েছে কীডিহাট থেকে। গৌপালই এনেছিল কীডিহাট থেকে। এবং দিনকয়েক থেকে একদিন ওই গোয়ানপাড়ারই এক আধবুড়ী গোয়ানবুড়ীকে সঙ্গে নিয়ে ভায়লেটকে এনে তুলেছে এই এলিটুট রোডের বাড়ীতে। বাড়ীখানা তখন সত্ত নতুন তৈরী হয়েছে। ঝকঝকে বাড়ী। বাড়ীটা করেছিল একজন খাঁটি সারেব, যার মতলব ছিল—আর হোমে সে কিরবে না। সেও এক প্রেমের ব্যাপার। এখানে প্রেমে পড়েছিল, তাই কিরে যাবে না মতলব করেছিল। সেখানে

পুরানো বিয়ে করা বউ ছেলেমেয়ে ছিল, একে নিয়ে হোমে গেলে জেল খাটতে হবে। কিন্তু তার ভাগ্য, বাড়ী-টাড়ী হল কিন্তু থে-মেয়েটার প্রেমে পড়েছিল, সে মরে গেল হঠাৎ। সায়েব বাড়ীটা বিক্রী করে দিয়ে বিলেত চলে গেল। বাড়ীটা কিনেছিল কলকাতার বাড়ীভাড়া ব্যবসায়ী বারা তাদের একজন। কিন্তু ভাড়া সহজে হচ্ছিল না। বাড়ীটার নাম রটে গিয়েছিল অপরা—আনলাকী। গোপাল ঘোষ খবর পেয়ে দেবেশ্বর রায়কে খবরটা দিয়েছিল; তরুণ দেবেশ্বর বলেছিলেন—রাবিশ। অপরা। আনলাকী। ওসব আমি মানি নে গোপালদা। চল, বাড়ীখানা দেখে আসি। পছন্দ হলে ওই বাড়ীই নেব। নতুন বাড়ী, সায়েবী-কটিতে করা বাড়ী।

তরুণ দেবেশ্বরের দেখবামাত্র ভাল লেগেছিল এবং সেই পথেই বাড়ীওয়ার্ডার সঙ্গে কথা বলে পাকা করে, ওখান থেকেই গিয়েছিলেন হামিলটনের বাড়ী। হাতে আংটি ছিল। একটা খুব দামী হীরার আংটি, সেটা পৈতের সময় পেয়েছিলেন; আর একটা আংটি—সেটা বীরেশ্বর রায়ের একটা দামী জ্বলন্ত নীলার আংটি। সেটা তাঁর আঙুলে শেখদিন পর্যন্ত ছিল। লোকে বারণ করত, এটা পরবেন না। কিন্তু তিনি তা ছাড়েন নি। আংটিটার গল্প ছেলে-বরস থেকে শুনেছিলেন দেবেশ্বর রায়। এ নীলা সহ হলে রাজা হয় মানুষ। এই আংটিটা একদিন বাপের সম্মুখেই খোলা জহরতের বাস থেকে হাত-সাকাই করে তুলে নিয়েছিলেন। সেটা পরতেন তিনি। এবং ভারলেটকে পেয়ে তাঁর ধারণা হয়েছিল আংটিটা তাঁর সহ হয়েছে। হামিলটনের বাড়ীতে গিয়ে বড় হীরের আংটিটা এবং হীরের বোতাম বিক্রী করেছিলেন, আর এই নীলাটা বন্ধক রেখে টাকা কম পান নি—পেয়েছিলেন দশ হাজারের বেশী।

সেই টাকায় বাড়ী লিজ নিয়ে কারনিচার কিনে সাজিয়ে-জুড়িয়ে ভারলেটকে কীৰ্ত্তিহাট থেকে এনে মধুচন্দ্রিকা যাপন করছেন।

দেবেশ্বর রায় বাপ রঞ্ধর রায়কে ভয় করেন। কিন্তু অন্তরে অন্তরে বাপের কঠোর সমালোচক। বাপের কাঠিন্য এবং কঠোরতা তাকে তাঁর অজ্ঞাতসারে বিদ্রোহী করে তুলেছিল। তাছাড়া তিনি বেপরোয়া। তিনি গ্রাফ কাউকে করেন না। বাপকে পত্রে লেখেন—তখনকার দিনের এ-মিটিং ও-মিটিংয়ের কথা। এবং তার সঙ্গে ঘুরিয়ে-ফিরিয়ে নিজের মতের কথাও জানাতেন। যা পড়ে রক্তের ঘৃণা হাসতেন। তাঁর মনে পড়ত তাঁর বালাকালের কথা। তিনি যখন নিজেকে কীৰ্ত্তিহাটের রাহবাড়ীর দৌহিত্র বলে জানতেন, তখন তিনি নিত্য অভিশম্পাত দিতেন এই বংশটিকে। সোচ্চারে দিতে পারতেন না ডবানী দেবীর জন্ত। ডবানী দেবীকেও তিনি তখন নিজের গর্ভধারিণী বলে জানতেন না।

তারপর ?

তারপর বিচিত্র ঘটনাচক্রে সব উন্টে-পাণ্টে গেল। বীরেশ্বরের পুত্র হিসাবে তিনি আজ কীৰ্ত্তিহাটের ষোল আনা সম্পত্তির একচ্ছত্র মালিক। তিনি নিজের মত অমুখ্যায়ী বীরেশ্বর রায়ের আমলের ধারণাভিত্তি সবই পাণ্টেছেন। জোরজুলুম, জবরদস্তি, দৈহিক নির্ধাতন করে, গ্রাম আলিয়ে, লাঠিবাজী করে প্রজ্ঞাশাসন তিনি তুলে দিয়েছেন। আজ সবই চলে দেশের প্রচলিত আইনের কাটার-কাটার। কারুর সাধ্য নেই যে তাঁকে প্রজ্ঞাপীড়ক বলে, তবু তিনি



নিজে জানেন, অল্পভব করেন আজ কীর্তিহাটের কাছারীকে, কীর্তিহাট এস্টেটের প্রজারা কত বেশী ভর করে। এ তো সেই তিনিই করেছেন। এবং তার সঙ্গে দেশের আমল—হাল-চাল আইন সাহায্য করেছে।

১৮৫৭ সাল থেকে ডাইক্যাউন্ট হার্ল ক্যানিং, লর্ড এলগিন, লর্ড লরেন্স, লর্ড মেরো, লর্ড নর্থব্রুক, লর্ড লিটন একের পর এক লাট হয়ে এসে গোটা দেশে কেমন করে রাজত্ব প্রতিষ্ঠিত করলে তা দেখেছেন তিনি। লিখেছেন অনেক কিছু। লর্ড লিটন চলে যাবেন, আসবেন লর্ড রিপন। লর্ড লিটনই তাঁকে রাইবাহাদুর খেতাব মঞ্জুর করেছেন।

ছোট লাটবাহাদুর নিজে তাঁকে ‘ধর্মবাদ জানিয়ে চিঠি লিখেছেন—“তুমি যে তোমার কর্মিদারীর মধ্যে নেটিব কৃশ্চানদের জন্ত চার্চ করেছ এবং সেখানে স্থল ক’রে দিয়েছ তাদের জন্ত, এর জন্ত তোমাকে আমার ব্যক্তিগত ধর্মবাদ জানাচ্ছি। এ-ধরনের উদারতা সত্যই প্রশংসনীয়।”

দেবেশ্বর আজ চিঠিপত্রে যাই লিখুক কলকাতার মিটিং এবং হুজুগ আর ক্যাননের নেশায় তার বিলুপ্ত লেশ থাকবে না, যখন সে রাইবাহাদুরী কর্মিদারীর আসনের স্বাদ পাবে। তার আয়ের স্বাদ, সম্মানের—তার সুখস্বাদ্ধক্যের মূলের সন্ধান পাবে। হ্যাঁ, তবে নতুন জীবনে এগুলো ভাল। অন্তত সমাজে, বাইরে পাঁচজনের সামনে ভাল লাগে।

তিনি জানতেন না, দেবেশ্বর নিজের জীবনে কতখানি শিকড় চালিয়ে শক্ত হয়ে দাঁড়িয়েছে ছুনিয়ার ঘাটির উপর। বৃদ্ধতেন না তার যতামতের মূল্য কতখানি। এবং মনে তিনি ভাবতেও পারেন নি যে, দেবেশ্বর বোল বছর বয়সে চৌদ্দ বছরের ভারলেটের প্রেমে পড়েছে এবং গোপালদার সাহায্যে তাকে কলকাতায় নিয়ে এসে বাড়ী ভাড়া করে রেখেছে।

রত্নেশ্বর রায়ের অনুমান ছিল এবং কীর্তিহাট অঞ্চলে প্রবল গুজব ছিল যে, গোপালই ভারলেটকে নিয়ে পালিয়েছে কলকাতায়। রত্নেশ্বর চিঠি লিখেছিলেন কলকাতায়, নায়েবকে—“গোপাল সম্পর্কে এখানে অনেক গুজব রটনাচ্ছে। সে কলিকাতায় কি করিতেছে বা তাহার সমুদয় বিবরণ আমাকে পত্রপাঠ জানাইবা।” দেবেশ্বরকে লিখেছিলেন—

He is a scoundrel.—The Goans of our Goanpara say that Gopal has eloped with Violet Podros the girl—who you may remember—garlanded us in the meeting and who—happens to be the daughter of one of our women employees in the house—Anjana. You were a mere boy at that time, —she was your nurse—very favourite of yours—you may remember her. She embraced christianity and married a Goanese Christian. Violet is her daughter. You just warn him—and tell him—that he shall have to be a Christian and marry this girl.

\*

\*

\*

চুঁচড়া থেকে ফিরে বাড়ী পৌঁছেই রত্নেশ্বর নিজের ওই হলঘরে থমকে দাঁড়িয়েছিলেন। প্রত্যাশা করেছিলেন, দেবেশ্বর সহাস্ত্রমুখে তাঁকে অভ্যর্থনা জানিয়ে প্রশংসা করার জন্য দাঁড়িয়ে

থাকবে বা কাঠের সিঁড়ির উপর, মাটিঘরে চটির কত শব্দ তুলে, ছুটে নেমে আসবে।

গভীর রাশভারী মানুষ রত্নেশ্বর রায়। রায়বংশের কাঠামো, তার উপর জীবনের প্রথম দিকটা কাশীর জলে-হাওয়ার, ঘিমে-ময়দার ল্যাংড়া আম, কাশীর পেয়ারা এবং বাদাম-পেস্তা খেয়ে আর কৃতি করে, সঁতার কেটে মজবুত হয়ে গড়ে উঠেছে, চোখের চাঁউনিতে ছিল একটা ভীক্স এবং অবজার দৃষ্টি, অল্পেই কপালে সারি সারি কুঞ্জনরেখা দেখা দিত। তার সামনে সহজে কেউ মুখ তুলে কথা বলতে পারত না। কিন্তু দেবেশ্বর প্রসন্ন হাসিমুখে ভক্তকণ্ঠে উৎসাহের স্বরে “বাবা” বলে ডাকলে রত্নেশ্বর আর একরকম হয়ে যেতেন। প্রণাম করতে করতে ছুই হাতে তুলে ধরে বুকে জড়িয়ে ধরতেন। তারপর তার কাঁধে হাত দিয়ে কথা বলতে বলতে উপরে উঠে যেতেন এক প্রবীণ ও এক নবীন বকুর মত।

দৈনিন তিনি দাঁড়িয়েই রইলেন। দেবেশ্বরের চটির শব্দ উপরে বাজল না, এগিয়ে এল না। তিনি ডাকলেন—দেবু! দেবেশ্বর!

সাদা মিলল না। এবার তাঁর মধ্য থেকে বেরিয়ে এল কীর্তিহাটের এস্টেটের জমিদার রত্নেশ্বর রায়, যে-রত্নেশ্বর রায় মাঝিক্লেটকে অ্যালিবি সাক্ষী রেখে দশ কোশ দূরের রাধানগরের মে-সরকারের ঘর জালিয়ে এসেছেন, দাঁড়িয়ে হুকুম দিয়ে মে-সরকারের হাত ভেঙে দিয়েছেন, যে-রত্নেশ্বর রায়ের অভিবেকের উৎসবের সময় গোপাল দিংয়ের মত দুর্ধর্ষ দুর্দান্ত খুনে দাঙ্গা-বাজকে একদিনে নাগপাশে বেঁধে এনে দাসখণ্ড লিবিরেছেন, সেই জমিদার।

শুধু একটা ধমক। কাউকে উদ্দেশ্য করে নয়। সকলের মুখের দিকে তাকিয়ে বলেছিল—কোথার দেবেশ্বর?

নিমন্তরু নির্বাক হয়ে গিয়েছিল গোটা বাড়ীটা। একটা সূচ পড়লে শোনা যেত।

—কোথার সে? তারপর দেবেশ্বরের খাস চাকরকে ধমক দিয়ে বলেছিলেন—এই শূরার কি বাচ্চা! শুনতে পাচ্ছিস নে?

সঙ্গে সঙ্গে দীর্ঘ পদক্ষেপে এগিয়ে এসে তার গালে ঠাস করে একটা চড় মেয়ে বলেছিলেন—কোথার সে? এই হারামজাদা!

এরপর কথাটা প্রকাশ হতে কতকাল লাগে? প্রকাশ হয়ে পড়েছিল—“বড়বাবু সন্ধ্যা হলেই চলে যান, যেখানে গোপাল থাকে সেখানে। করেন সকালবেলা।”

চমকে উঠেছিলেন রত্নেশ্বর রায়। কিন্তু মুখ থেকে একটি কথাও বের হয় নি। হয়তো মনে মনে নিজেকে প্রশ্ন করে নিয়ে থাকবেন, গোপাল যেখানে থাকে, সেখানে? তাহলে? সঙ্গে সঙ্গে মনে পড়েছিল ভারলেটকে। তাহলে?

কত প্রশ্ন, কত ক্ষোভ, কত কোণ এর সঙ্গে ছেগেছিল তার প্রকাশ বাইরে কেউ কিছু দেখে নি। দেখতে পার নি। এবং রত্নেশ্বর রায়ের ভারস্রীতেও তার এতটুকু প্রকাশ নেই। তবে গোপন করেন নি ঘটনাটাকে।

রত্নেশ্বরের ১৮৭৮ সালের ডায়রীখানা নিয়ে শুরেশ্বর পড়লেন—“বাড়ী পৌঁছিয়া দেবেশ্বরকে দেখিলাম না। সকলকে প্রশ্ন করিলাম। কেহ উত্তর দিল না। নতমুখে মাটির দিকে তাকাইয়া রহিল। আমার সন্দেহ হইল। এবার ধমক দিয়া জিজ্ঞাসা করিতেই শুনিলাম,

এলিয়ট রোডে একখানি বাড়ী ভাড়া বা লিজ লইয়া সেখানেই দেবেশ্বর রাজিযাপন করে। গোপালও সেখানে থাকে। সুতরাং ভারলেট। সে-ও সেখানে থাকে। বাড়ী ভাড়া করিবার সাধ্য গোপালের নাই। সুতরাং একর্মের সকল দায় দেবেশ্বরের। তৎক্ষণাৎ আমি গৃহান্তর হইতে বাহির হইয়া আসিয়া উচ্চকণ্ঠে হাঁকিলাম—ওসমান! গাড়ী লে আও জলদি। ওসমান! এবং বিজ্ঞক অন্তর লইয়া সম্মুখের বারান্দার পদচারণা করিতে লাগিলাম। গাড়ী আসিডেই তাহাতে আরোহণ করিয়া বলিলাম—ওসমান! ওসমান সেলাম করিয়া কহিল—জী হজুর।—

—কিসকা নিমক তুম খাতে হো? হামারা?

—জরুর। হামারা বাপ আপনা বাপকে নিমক খায়, কাম আপকে নিমক খাত।

—হী। নিমকহারাম যো হোতা হ্যায়—উসকা পর খুদা নারাজ হোতা হ্যায়, জিন্দীসি বরবাদ যাতা হ্যায়। তেরা, বাত ঠিক হ্যায় কি, নহি?—

—হী হজুর, ঠিক হ্যায়।

—বাস, চলো, মুখে, ঘেরা লড়কা তুমলোগোঁ কা বড়াবাবু, সামকো বাহা যাতা হ্যায়, হঁরা লে চলো। আউর কোই আদমী উনকা হঁরা খবর না দে।—চলো!

এলিয়ট রোডের বাড়ীখানা অধিকাংশ কিরীচীপাড়ার বাড়ীর মত একলাই ছিল, কিন্তু দোতলার একখানা প্রশস্ত ঘর দেবেশ্বর নিজে করে নিদ্রেছিলেন। হাজার হলেও জমিদারের ছেলে, নিতান্ত একতলায় খুব একটা সুলভ-প্রাপ্যতার মধ্যে থাকতে তাঁর মন চাইত না। নিচে একখানা ঘরে থাকত গোপালদা। একখানা ঘরে থাকত ভারলেটের সঙ্গে এসেছিল যে গোয়ানীজ মেয়েটি সে; আর বাকিগুলোর কোনটা ছিল বিলিভী কায়দার ড্রইংরুম, কোনটায় করছিলেন লাইব্রেরী, সেখানে মাস্টার এসে ভারলেটকে পড়াতে, লেজী করে তুলত।

রত্নেশ্বরের গাড়ী গিয়ে বাড়ীটার সম্মুখে দাঁড়াল। তিনি কটকটা খুলে থমকে দাঁড়ালেন। অতর্কিতে ঢুকলেন না।

ডাকলেন—বেশ উচ্চকণ্ঠেই ডাকলেন—দেবেশ্বর!

উপরে হাসির শব্দ উঠছিল, বন্ধ হয়ে গেল। নিম্নতর বাড়ীখানা যেন ভয়ানক হয়ে গেছে। আবার রত্নেশ্বর ডাকলেন—দেবেশ্বর! এবং এবার গিয়ে সামনের দরজার খাতা দিলেন।

—দরজা খোল দেবেশ্বর!

উত্তর একটা এল। কিন্তু কথায় নয়। বন্ধুকের শব্দে। একটা বন্ধুকের শব্দ উঠল দোতলার।

রত্নেশ্বর চমকে উঠলেন। ডাকলেন—ওসমান! ভাডো, দরজা ভাডো।

দরজা ভেঙে ঘরে ঢুকে ওসমানকেই বললেন—ওসমান, কোথায় দেবেশ্বর?

উপর থেকে তখন কাতর আর্ত চীৎকারে বুক কাটিয়ে ভারলেট ডাকছে—রাজাবাবু—আমার রাজাবাবু—

উপরের ঘরে এসে দরজার মুখে দাঁড়ালেন রত্নেশ্বর স্বয়ং। দেখলেন—দেবেশ্বর চিৎ হয়ে

পড়ে আছে, রক্তের মধ্যে যেন ভাসছে। তার বুকের উপর পড়ে চীৎকার করে কান্দছে তারলেট—রাজাবাবু— My darling—রাজাবাবু—My prince—রাজাবাবু।—

অন্নপূর্ণা-মা বললেন—দেবেশ্বর জানত, বাপ আসবেন দিনে। কিন্তু গাড়ী হাওড়া থেকে দিনেরবেলা ফিরে এসেছিল। বাপ আসেননি, চুঁচড়ো গেছেন ম্যাজিস্ট্রেটের সঙ্গে—এই খবর পেয়েই দেবেশ্বর দাক্ষিণ খুশি হয়ে উঠেছিল। তৎক্ষণাৎ চলে গিয়েছিল এলিট মোডের বাড়ী ; সারাদিনরাত আজ তারলেটকে নিয়ে আনন্দ করবে। ভোর ভোর বাড়ী ফিরে এসে ভাল ছেলে সাজবে।

ভাল ছেলে সাজবার ইচ্ছে তার ছিল না। মিথ্যে কথায় তার শুধু অকুচিইনছিল না, ঘেরা করত সে মিথ্যে কথা বলতে। সে কতবার বলেছে—মিথ্যে কথা বললে নিজের কাছে নিজের মান যায় রাঙাপিসী। যুধিষ্ঠির নাকি ধর্মপুত্র, তার মা কুন্তীর গর্ভে ধর্মরাক্ষের ঔরসে তার জন্ম, সে সত্য গোপন ছিল না, তাই তাতে পাপ ছিল না ; নিজে যুধিষ্ঠির সত্যবাদী ছিলেন বলে তাঁর রথ চলত বাতাসের উপর দিয়ে, মাটি থেকে কিছুটা ওপরে। কুরুক্ষেত্র যুদ্ধ শুরু হোণকে বধ করবার জন্ত তাঁকে দিয়ে বলাতে হল অশ্বখামা মরেছে। মরেছিল অশ্বখামা হাতী। কৃষ্ণ বললে—‘হাতী’ কথাটা বলে দরকার কি ? বল অশ্বখামা মরেছে, তাতেই হোণ শোকার্ত হবে। দুঃখল হবে। যুধিষ্ঠির বললেন—অশ্বখামা হত ইতি গজ। ইতি গজ বাক্যটুকু আশে বলেছিলেন বলে গোটা কথাটাই মিথ্যের সামিল হল। রথখানা তাঁর চিরদিনের জন্ত মাটিতে নামল। কিন্তু বাবাকে এমন ভয় করে যে, সব গোলমাল হয়ে যায়। বাবার সকল কাজ আমার ভাল লাগে না। মনে হয়, বাবার মত নিষ্ঠুর অহংকারী স্বার্থপর মানুষ আর নেই।

ওই ভয় করে এবং গোলমাল হয়ে যার বলেই সে তারলেটকে বিয়ে করে কুচান হবে এবং ব্যবসা করে বড় হবে সংকল্প করে আমাদের চিঠি লিখেছিল টাকার জন্ত। নিজের আংটি-বোতাম, হীরে-নীলা বেচে যে-টাকা পেয়েছিল, সে-টাকাটায় বাড়ী কিনে আর সারিয়ে খরচ করে ফেলে আপসোস হয়েছিল। এত খরচ না করলেই হত। কিন্তু যে দেবেশ্বর কীর্তিহাটের হারদের উন্নতির চরম সময়ে জন্মেছে এবং রাজা-রাজড়ার ছেলেদের মত মানুষ হয়েছে, সে প্রথম প্রেম করে যে-ঘর বাঁধবে, তাতে টাকা খরচ না করে পারে। পারেনি। খরচ করেছিল। এবং খরচ করে তখন ব্যস্ত হয়েছিল টাকার জন্ত, টাকা নিয়ে সে ব্যবসা করবে। ব্যবসা সে জানত না কিন্তু সাহস তার ছিল।

ধাক ওলব কথা, সে আমল বোকা কঠিন তোদের পক্ষে। তখন ছড়া ছিল—হট্টমালার দেশের ছড়া। হীরে পোড়ানো মাজনে দাঁত ধবত, মক্তো-পোড়ানো চুনে পান খেতো ; দুখে তারা আঁচাতো। হীরের মাজনটা অতিরঞ্জন কিন্তু বাকিগুলো সব সত্য। রানবাড়ীতে জামাই হোক আর বউ হোক—প্রথম খেতো সোনার খালায়। আর আঁচাবার সময় গাড়তে যে জল দেওয়া হত, তাতে অর্ধেকটা দুধ মেশানো থাকত। এই অর্চনার বিয়েতে রানীকে আঁচাতে জল দেওয়া হয়েছিল, তাতেও দু-কিছুক দুধ মিশিয়ে দেওয়া হয়েছিল। রানবাড়ীর সে-সম্পদ কল্পনা করতে পারবিনে যে। আমার বিয়ে হয়েছিল দশ পার হয়ে এগার বছরে। তখন কীর্তিহাটের শস্যের ঘরে বড় বড় লোহার দিল্লুক মেঝেতে রাখা ছিল। সেগুলো ভর্তি ছিল টাকা-

সোনাদানার। তাছাড়া কলকাতার ব্যাংক ছিল। কোম্পানীর কাগজে ছিল। বউবাজারের বড়ালদের একচেটে ছিল কোম্পানীর কাগজ কেনাবেচার ব্যবসা; রাইবাড়ীর জন্তে বছর বছর কোম্পানীর কাগজ আলাদা করে রেখে দিত তারা। তারা জানতই যে, এ-কাগজ তারা কিনবে।

সেই বংশের বড় ভেলে, কলকাতার সেকালের সমাজে বড় হচ্ছে, মেলায়েশা করছে। শুধু তাই নয়, তার মধ্যে একটা সেকালের আশ্রয় ছিল সে। ভারলেটের সঙ্গে প্রেম করে সে স্থগিত হয়নি, লজ্জিত হয়নি, হয়তো সেদিন এমন হঠাৎ রাজকালে তার বাঘের মত বাবা যদি না হাজির হতেন, তবে সে হয়তো ভেবেচিন্তে একটা বোকা-পড়া করতে চেষ্টা করত। কিন্তু সে প্রত্যাশা করেনি যে, তার বাবা রত্নেশ্বর রায় এসে এমনভাবে নিজেকে হাজির হবেন। বাবার গলার আওয়াজ শেয়ে সে চমকে উঠেছিল, ভারলেট হাসছিল খিলখিল করে, সে হাত দিয়ে মুখ চেপে ধরে বলেছিল—চুপ!

ভারলেট তার দিকে তাকিয়েছিল সভর বিষয়ে। কি হল?

ঠিক সেই মুহূর্তে গোপালনা ছুটে এসে বলেছিল—রাজাভাই, সর্বনাশ হয়েছে। কর্তাবাবু!

আবার তাক ভেলে এসেছিল—দেবেশ্বর!

এবার গোপাল ভুড়ভুড় করে নেমে পালাবার সময় বলেছিল—পালিয়ে এস খিড়কীর দরজা দিয়ে।

—ওই মেথর তোকে যেদিক দিয়ে?

—নইলে আর পথ নেই।

—তুই যা। তুই পালা। ওই পথ দিয়ে আমি পালাতে পারব না।

—তাহলে? কি করবে?

—আমার যা হয় হবে। তোকে ভাবতে হবে না।

—ভারলা—?

ভারলেট উত্তর দেয়নি, দেবেশ্বরকে আঁকড়ে ধরে দাঁড়িয়ে ছিল। দেবেশ্বর বলেছিলেন—আমি বাঁচলে ও বাঁচবে। আমি যদি মরি, তবে যা হয় হবে। ওদিকে তখন নীচে দরজার জোরে জোরে ধাক্কা পড়ছে। ভেঙে ফেলাবে দরজা।

দেবেশ্বরেরও চারিদিক বন্ধ, রত্নেশ্বরের জুকুম শুনতে পাচ্ছেন তিনি—ভেঙে ফেল। ভোড় মো। ওদিকের দরজা আটক কর। কোনদিকে পরিভ্রাণের কোন পথ নবীন দেবেশ্বরের চোখে পড়েনি, শুধু পড়েছিল বন্ধুট। একনলা ব্রিজ লোডিং গান্ একটা—দেবেশ্বর নিজের জন্ত লাইসেন্স করিয়ে কিনেছিলেন; সেই বন্ধুটও ওই বাড়ীতেই তিনি রেখেছিলেন। কোন বিপদের ভয় করে রেখেছিলেন—এটা ঠিক নয়, তবে দেবেশ্বর রায় বে-বাড়ীতে তাঁর প্রথম প্রিয়াকে নিয়ে বাস করবেন, সে-বাড়ীর দরজার সন্ধীনধারী পাহারাদার থাকবে না এটা তাঁর ঠিক ভাল লাগেনি। তিনি সংগীনগলা বন্ধু এবং তার সঙ্গে পাহারাদারের লাইসেন্সের চেষ্টা করছিলেন গোপনে। সেটা না-হওয়া পর্যন্ত নিজের অতিপ্রিয় এই একনলা বন্ধুটিকে ভারলেটের শোবার ঘরের কোণে খাড়া করে রেখেছিলেন।

গোপাল ঘোষ চলে যেতেই দেবেশ্বর একবার চারিদিক তাকিয়ে দেখে দেবতে পেয়েছিলেন এই বন্ধুকটাকে। তিনি ছুটে গিয়ে বন্ধুকটা তুলে নিয়ে তাতে টোটা পুরে শোবার ঘরের দরজা পৰ্ব্বন্ত এগিয়ে গিয়েছিলেন।

তার চিঠিতে আছে—“আত্মহত্যা করিবার জন্ত সেদিন বন্ধুক আমি তুলি নাই। অপমানের হাত হইতে বাঁচিবার জন্তই বন্ধুকে টোটা পুরিয়া আমি নিচে নামিয়া বাইতেছিলাম। ইচ্ছা ছিল—যে বেতনভোগী ভৃত্যদিগের পাশবিক বলের উপর নির্ভর করিয়া আপনি আমার বাড়ীতে আমাকে অপমান করিতে আসিয়াছিলেন, তাহাদিগের সহিত আমি বুঝাপড়া করিব। আমার দায়োহান নাই, আপনার আছে, আমি একনশা বন্ধুক হাতেই তাহাদিগকে ঠেকাইয়া বলিব—চলিয়া যাও। কিন্তু ভায়লা ডর খাইল। সে পিছন হইতে জড়াইয়া ধরিল। বলিল—আমার রাজাবাবু, না-না-না, এমন তুমি করিও না। না। তাহাকে তখন জিজ্ঞাসা করিলাম—তবে কি করিব? তুই বল—কি করিব? সে উত্তর দিতে পারে নাই। আমার একটা কথা মনে হইল, বলিলাম—তবে আর আমরা ছইকেনেই মরি। আমি তোকে গুলি করিয়া মারিয়া নিজে আত্মহত্যা করিব কিন্তু সে তাহাতে আরও ভয় পাইয়াছিল। তখন আমার আর আপলোসের সীমা ছিল না। এ কাহাকে আমার জীবনসঙ্গিনী করিয়াছি? এখন মনের মধ্যে আশ্রয় আরও প্রবলভাবে জলিয়া উঠিল। বলিলাম—বেশ, তবে তুই থাক। আমিই মরিব। ইহার পর আর বাবার সম্মুখে মুখ তুলিয়া দাঁড়াইতে পারিব না। সঙ্গে সঙ্গে বন্ধুকটা থুতনীর নিচে লাগাইয়া বাঁটটা মাটিতে রাখিবার চেষ্টা করিলাম কিন্তু দেখিলাম বন্ধুকটা আমার থুতনী অপেক্ষা ছোট; শুদিকে দরজাটা ভাঙিয়া পড়িল বলিয়া মনে হইল, সঙ্গে সঙ্গে আমি বন্ধুকের নলটাকে বুক লাগাইয়া পা দিয়া ঘোড়াটা টিপিয়া দিলাম। তাহার পর আর জ্ঞান ছিল না। কিন্তু আজ আবার বাঁচিয়া উঠিয়া মনে হইতেছে—গলায় লাগাইলাম না কেন! তাহা হইলে বাঁচিয়া থাকিয়া আপনি ব্রহ্মপুত্র পিতা আপনার সহিত পক্ষে এই ঘটনা লইয়া আলোচনা করিতে হইত না। আপনি আমাকে একরূপ বন্দী করিয়া রাখিয়াছেন। ভারতের কি হইয়াছে, তাহাকে লইয়া আপনি কি করিয়াছেন, তাহা আমাকে জানাইবার জন্ত আপনার নিকট মিনতি করিতেছি। গোপালদাদা কোথায়? তাহার কি করিলেন? আপনি এইসব সংবাদ আমাকে জ্ঞাত করুন। অজ্ঞাথর আমি আর মরিবার চেষ্টা করিব না। এবার আমি বিদ্রোহ করিব। এই বাটী হইতে বাহির হইয়া দিয়া কৃষ্ণান মিশনারীদের শরণাপন্ন হইব। সেখান হইতে রক্ষা করিতে আপনি আশ্রয় পাবেন না।”

স্বপ্নের বললে—অন্নপূর্ণা-মা বললেন—চিঠিখানা পুরো এক মাস এক সপ্তাহ পর, যেদিন ব্যাণ্ডেজ খুলে দিলে সাহেব ডাক্তার—সেইদিন সে বিছানার শুয়ে শুয়ে চিঠিখানা লিখছিল, আমি ঘরে ঢুকলাম। বললাম—এ কি! সকালে ব্যাণ্ডেজ কেটেছে বিকেলে চিঠি লিখছিল। কার্কে লিপি লিখছিল দেব?

আমরা কান্না থেকে এসেছিলাম সেই ঘটনা যেদিন ঘটে, সেইদিন, রাতে খবর পেয়ে কোড়াসাঁকোর জেঠামশাইয়ের বাড়ী থেকে জানবাজারের বাড়ীতে এসেছিলাম। সাহেব ডাক্তার দেখে বললেন বটে—জখম এমন কিছু নয় স্বপ্নবাবু, শুধু বগলের নীচে খানিকটা মাংস

কেটে বেরিয়ে গেছে, সারতে বেশীদিন লাগবে না। তবুও যত্ন আর সাবধানতার অঙ্ক ছিল না। কীর্তিহাট থেকে সরস্বতীবট এসেছিল; সেবার জন্তে ডবন মেম-নাস' পাওয়া যেত, মেম-নাস' এসেছিল। একজন দেশী ডাক্তার চকিশ বন্টাই বাড়ীতে থাকত। আমি কালী চলে যেতে পারিনি। দেবুর ওই অবস্থার যার জন্তে এসেছিলাম, একটা বিষয়ের মিটমাটের জন্তে তাও হয়নি, আর দেবুর জন্তে যে-মেয়েটির বিষয় কথা পাকা করতে চেয়েছিলাম তাও হয়নি। আর আমি কাছে থাকলেই দেবু স্বস্তিতে থাকত, শান্তিতে থাকত। উঠে গেলেই চাকর-ঝি থাকে সামনে পেত বলত, রাঙাপিনীকে ডেকে দে।

আমার বন্ধনে বউদি—সরস্বতী-বউ গেলে চোখ বুজে চুপ করে পড়ে থাকত। কথা বলত না।

বউদি বিরক্ত হতেন। বেরিয়ে এসে আমাকে বলতেন—তুই যা অল্পপূর্ণা, আমাকে দেখে মুখ গৌজ ক'রে চোখ বুঁজল।

আমি গিয়ে বসে ডাক্তার—দেবু! দেবু রে।

বৌজা চোখ অমন খুলে যেত, বলত—কোথা গিয়েছিলে?

—কেন? কি হল? শুয়ে ঘুমো না।

—তোমার পায়ে পড়ি রাঙাপিনী, তুমি খবর এনে দাও ডাক্তারের কি হল? সে কোথায়? আমি বিশ্বাস করি না, আমি বিশ্বাস করি না। He can do anything and everything.

—কি বলছিল?

—ঠিক বলছি। তোমার সঙ্গে সম্পত্তি নিয়ে কি করছে দেখছ না? ভারত: ধর্মত: সম্পত্তি তোমার। বীরেশ্বর রায়ের ঔরসে ভবানী দেবীর গর্ভে তুমি জন্মেছ; উনি সোমেশ্বর রায়ের দৌহিত্র, তাকে বীরেশ্বর রায় সন্তান হবে না বলে পোষণপুত্র নিয়েছিলেন এবং সম্পত্তি দানপত্র করে দিয়েছিলেন বলে সে-সম্পত্তি তিনি তোমাকে দেবেন না। আমি গল্প শুনেছি—প্রথম বৌবনে ঔর বিয়েরও আগে ম্যাজিস্ট্রেট পুলিশ সাহেবকে কীর্তিহাটের বাড়ীতে ইন্সপেক্টর কাউন্সেলর স্টোন পাতবার জন্তে এনে রাতে খাওয়া-দাওয়ার সময় নকল অস্ত্রের ভান ক'রে দশ ক্রোশ হুয়ে রাখানগরে সেন্সরকারদের বাড়ী পুড়িয়ে দিয়ে এসেছিলেন। গোপাল সিং নাম এক ছত্রি প্রজাকে এনে নিষ্ঠুরভাবে শাসন করেছিলেন—

অল্পপূর্ণা বললেন—কথাগুলো আমার কানেও কটু ঠেকছিল রে। আমি তাকে বাধা দিয়ে বললাম, না, তুই জানিসনে ঠিক। সে-সব আমার বাবার আমলের কথা, বীরেশ্বর রায়ের আমলের।

—তাও জানি। তাতেও আমার বাবা অংশীদার। তারপরের কথা তুমি জান না রাঙাপিনী। বিরে হয়েছে এগার বছর বয়সে, প্রথম কেটেছে তোমার কান্নিতে বিঘলাকান্ত ঠাকুরাঁর কাছে; আমি এখানে কীর্তিহাটে কলকাতার আছি, দিনরাত্রি শুবছি, দেশের খন্তপুত্র রত্নেশ্বর রায়ের সুনামের কথা, খ্যাতির কথা আর চোখে দেখছি তাঁর আসল চেহারা। আমার দাদামশায় Retired Subdivisional Officer—সিগার মুখে দিয়ে আসেন, তিনি

উপদেশ দিয়ে বান, কি ভাবে কি করা উচিত। কিসে সুনাম হবে। I know them, I know them. আমি বলতে পারব না—এ case-এ তিনি কি পরামর্শ দিয়েছেন। কিছু দিয়েছেন—তা নিশ্চিত। একটা অনাথা কুচান মেয়ে যার তিনকুলে কেউ নেই, তাকে কিছু করা কি অসম্ভব?

দেবুর কথাটা আমার খুব বাড়াবাড়ি মনে হত না সুরেশ্বর। সে-সামলে কি এমন কঠিন কাজ। রবিনসন সাহেবের মত একজন ইউরোপীয়ানের বাচ্চাকে খুন করাতে যারা পারে,- তার জন্তে যারা আসর সাজিয়ে নেন; খানার দারোগাদের টাকা চেলে দিয়ে মুখ বন্ধ করতে পারে, তাদের কাছে এটা কি একটা শক্ত কাজ?

আলকানুসা মরেছে, অন্ননা মরেছে, তার বেটা, সে রক্তের রাসের ছেলের মন ভুলিয়েছে, জাভ-ধর্ম তার যৌবনে রূপের জোয়ারে ভাসিয়ে দিয়েছে—সেখানে মেরেটাকে—

আমি শিউরে উঠতাম। খোঁজ করবার চেষ্টা করলাম অনেক—অনেককে দিয়ে, কিন্তু আশ্রয় কাও সুরেশ্বর, জানবাজারের চাকর-বাকর, মাহুবজনের পেটের মধ্যে এই কথাগুলো যেন কোথায় হারিয়ে গেছে, তারা স্মরণ করতে পারে না; ভায়নেট বলে কাউকে জানে না—নাম কখনও শোনেনি, এমনি তাদের চাউনি, এমনি তাদের মুখের ভাব।

যেন ঠোটটো সেলাই করে দিয়েছে।

সেদিন চিঠিখানা লিখছিল, লেখা প্রায় শেষ করে এনেছিল, সে চিঠিখানা আমার দিকে এগিয়ে দিয়ে বললে—প'ড়ে দেখ!

প'ড়ে শিউরে উঠে বললাম—এই চিঠি তুই দাদাকে দিবি?

—না দিয়ে কি করব পিসী? আমার জন্তে যদি বাবা ভায়লেটকে কি গোপালদাকে চিরদিনের জন্তে সরিয়ে দিয়ে থাকেন, তবে হয়—

খেয়ে গেল দেবেশ্বর। তারপর সামলে নিয়ে বললে—আবার আমাকে আত্মহত্যা করতে হবে। এবার আর কেউ আমাকে বাঁচাতে পারবে না। এবার আর ভুল হবে না।

ঠিক এই সময়ে সুরেশ্বর, হঠাৎ পাশের ঘরে গলা কেড়ে পরিষ্কার করার শব্দ শুনে আমি চমকে উঠলাম, দেবেশ্বরের মুখখানা যেন খেতপাথরের তৈরী মুখের মত হয়ে গেল।

দাদার গলা। দাদা যে পাশের ঘরে কখন ঢুকেছিলেন, আমরা কেউ দেখিনি, আর বুঝতেও পারিনি।

\*

\*

\*

সুরেশ্বর বলল—একটু পরিষ্কার করে বলি স্মৃতি, হোতলার মাঝখানে যে ঘরখানার বাবার আমলে ড্রিংকুম ছিল, যে-ঘরখানার আমার ছবির প্রথম এগজিবিশন হয়েছিল, যে ঘরখানার বীরেশ্বর রায় থাকতেন তাঁর অসুখের সময়, সেই ঘরে রাখা হয়েছিল দেবেশ্বর রায়কে আর তার পাশের যে-ঘরটা ওদিকে অন্তরের সঙ্গে যুক্ত, যে ঘরে আমার মা দাদা গিচ্ছিলেন, যে ঘরে ভবানী দেবী বসে পূজা করতেন, যে-ঘরে বসে রক্তেশ্বর রায় বীরেশ্বর রায়কে লেখা ভবানী দেবীর পত্র এবং তার পালক পিতার পত্র পড়ে আত্মপরিচয় জেনেছিলেন, জেনেছিলেন—জেনেছিলেন, তিনি বিমলাকান্তের এবং বিমলা দেবীর সন্তান নন—তিনি বীরেশ্বর রায়



এবং ভবানী দেবীর পুত্র, এ-ঘর সেই ঘর। ভবানী দেবীর পুত্রের ঘরই জানবাজারের বাড়ীর লম্বীর ঘর। ঘরখানার নামই ছিল লম্বীর ঘর। ওঘরে দেওয়ালে এখনও লোহার সিন্দুক পোতা আছে। সে আমলে এই ঘরেই আরও কয়েকটা লোহার সিন্দুক ছিল, তাতে এখানকার লগ্নী-ব্যবসার কাগজপত্র, কোম্পানীর কাগজ থাকে থাকে সাজানো থাকত। রত্নেশ্বর রায় নতুন কোম্পানীর কাগজ কিনে সিন্দুকে তুলে রাখতে এসেছিলেন।

— একশো বছর নয়, তবে পঁচাত্তর বছর আগে, এসব কাজ অর্থাৎ সিন্দুক খোলা, টাকা, সোনাদানা, মোহর, জহরত নাড়াচাড়া করার সময় লোকে অনেকটা সন্তর্পণেই করত। ব্যাক ওখন হয়েছিল, তবুও মোহর কিনে কলসীবন্দী করে জমা করা আর কোম্পানীর কাগজ কিনে রাখার চলই ছিল বেশি।

অন্তর্পুর্ণা—মা বললেন—দাদা এখানকার নায়েবকে সঙ্গে নিয়ে বিশ্বাসী দারোয়ানকে দরজার রেখে অন্যদের দিকের দরজা খুলে ঘরে ঢুকেছিলেন। এবং কোম্পানীর কাগজ সিন্দুকে রেখে, সিন্দুক বন্ধ করার সময় এঘরে দেবু যে সব কথা আমাকে বলছিল, তা সব শুনেছিলেন। শুধু কিছুক্ষণ শুনেই নায়েবকে বলেছিলেন—তুমি নিচে যাও।

নায়েব নিচে নেমে গেলে তিনি দাঁড়িয়ে দেবুর কথা শুনতে শুনতে আর সহ্য করতে পারেননি, শব্দ করে গলা ঝেড়ে একটা সাড়া দেওয়া অভ্যাস তাঁর ছিল, ঠিক সেই শব্দ করে সাড়া দিয়ে দারোয়ান বচন সিংকে ডেকে বলেছিলেন—“বচন, এই দরওয়াজাটা খোল তো!”

ভারী দরজা, মোটা লোহার ঝিল, তার সঙ্গে ছক, খোলা সহজ নয়। বচন সিং ছিল পালোয়ান, সে অল্পক্ষণেই খুলে ফেলে দরজাটা খুলে দিয়ে পাল্লাছুটা ঠেলে দিলে, আর দাদা বেরিয়ে এসে এ-ঘরে ঢুকলেন।

রত্নেশ্বর, সে মূর্তি এখনও মনে পড়ছে আমার। পরনে গরদের ধুতি, গায়ে গরদের চাদর। হাতে লোহার সিন্দুকের চাবির খোলো, পা খালি। লম্বীর ঘরে ঢুকেছিলেন বলে এই বেশ আর খালি পা। চোখ মূণ দেখে কিছু ব্যস্তে পারা যায় না, শুধু স্বায়ংশের সোনার মত যে গায়ের রঙ, তাতে যেন খানিকটা সিন্দুর লেগেছে বলে মনে হল।

এসেই প্রথমে নার্সকে বললেন—তুমি একটু বাইরে যাবে?

নার্স বাইরে যেতেই দাদা বললেন—যে-সব কথা তুমি বলেছিলে তোমার রাঙাপিসিকে, তা অন্তত এই নার্সটার সামনে বলা উচিত হয়নি! গিড়দিন্দা সত্য হলেও করতে নেই। তবুও বদ্বিই কর, তবে বাইরের লোকদের সামনে করাটা ঠিক নয়।

আর লুকিয়ে কারুর কথা শোনা উচিতও নয়, সে অভ্যাসও আমার নেই, কিন্তু আজ অকস্মাৎ হয়ে গেল, শুনে কেলাম; সাড়া দিতে ভুলে গেলাম। অনেকক্ষণ পর্যন্ত কথা বলবার মত ঠিক অবস্থা ছিল না আমার।

ধাক্কা সে কথা। এ আমার ভাগ্য। আমি স্বায়ংশের খারাকে নির্মল করবার জন্তে, অভিপাশের খারা থেকে বাঁচবার জন্তে যে চেষ্টা করেছি সে মিথ্যে হয়ে গেছে। সে সব কথা থাক। এখন যা জানবার জন্তে ব্যগ্র হয়েছি তাই বলি। এ বাড়ীর কোন লোককে

আমি বিশেষ কিছু জানতে দিইনি। ভারলেটকে তুমি ভালবেসেছ, তাকে তুমি আমার চোখে ধুলো দিয়ে কীর্তিহাট থেকে নিয়ে এসে এখানে রেখেছিলে, সেখানে শুভব রটেছিল গোপালের নামে। আমি খুব স্কন্ধ হয়েছিলাম। গোপাল যদি ঠাকুরদাসের ছেলে না হত, তবে তার বাড়ি মাথা থাকত না। ভারলেট আলফাঙ্গোর কস্তাই শুধু নয়, সে অল্পনার মেয়ে। অল্পনার কাছে তার মৃত্যুশয্যায় আমি প্রতিশ্রুতি দিয়েছিলাম—

অন্নপূর্ণা-মা বললেন—দাদা চুপ করে গেলেন। দাঁতে দাঁত টিপে দাঁড়িয়ে রইলেন। চোখ থেকে জল গড়িয়ে পড়ল দুটি ধারার। কিছুক্ষণ পর অঙ্গরয়ের মত একটা দীর্ঘনিশ্বাস ফেলে বললেন—শোনো, ভারলেটকে আমি খুন করাইনি, গোপালকে আমি কোন শাস্তি দিইনি। তবু রায়বংশের জাত আর মানটাকে আমাদের বাঁচাতে হবে, তাই অপবাদ গোপালের নামে রয়েছে—রয়েছে। তাকে আমি লোক পাঠিয়ে এইটুকু শুধু বলেছি যে, সে যেন কীর্তিহাট কি শ্রামনগর আর না যায়। তাকে বলেছি, আমি তাকে পাঁচ হাজার টাকা দেব, সে এখানে বাবসা করুক, বিয়ে করুক। আরও টাকার প্রয়োজন হয় তাকে আমি দেব। সে ঠাকুরদাসের ছেলে, সে তোমার অপরাধ রায়বংশের কলঙ্ক মাথায় নিয়েছে। তার অঙ্ক কেউ স্পর্শ করতে পারবে না। তবে তোমার সঙ্গে আর তার সম্পর্ক থাকবে না।

আর ভারলেট। ভারলেট অন্তর্বত্তী—

বৃত্তে পারলে না? অন্তর্বত্তীর অর্থ? অন্তঃসত্ত্বা। সন্তান হবে তার। তাকে এক মিশনের নিরাপদ আশ্রয়ে আমি রেখেছি। তার বাবতীর খরচ আমি বহন করব। তোমার বাপকে তুমি বিশ্বাস কর। অন্তঃসত্ত্বা এই কথাটা বিশ্বাস কর। তবে—

একটু থেকে গম্ভীর গলা আরও গম্ভীর করে তুলে বললেন—তবে তোমার বিবাহ দেব আমি দু-এক মাসের মধ্যেই। বিবাহ তোমাকে করতেই হবে। তার জন্য তুমি প্রস্তুত থেকো।

বলে ঘরের মধ্যে ঢুকে গেলেন। নিজেই দরজা বন্ধ করে দিলেন। খিল—হুক বন্ধ হল একে একে।

অন্নপূর্ণা-মা বলেছিলেন—সুরেশ্বর, তাকে বলব কি, আমরা—মানে আমি আর দেবু দু'জনেই যেন বোবা হয়ে গিয়েছিলাম। ওই কটা কথা যে, তার যে কি ভাব আর ওই যে আস্তে গলায় বলা, তার শব্দ যেন আমাদের শুধু বোবা না, কালা অন্ধ করে দিলে।

দরজাটা বন্ধ হতে হতে আবার খুলল, আবার। দাদা বললেন—ভারলেটকে আমি নিরাপদে রেখেছি, তার সন্তান হলে তার ভারও আমি বয়ে যাব। তোমার পাপ—আমি কখনো মতেই করতাম না; করলাম তার কারণ এ-পাপ তোমার নয়, এ-পাপ রায়বংশে জন্মেছে বলে তার ভাগ্য হতে বাধ্য হয়েছে; রায়বাড়ীর আশেপাশে সে কৈদে কৈদে বেড়িয়েছে, দরজায় থাকা দিয়ে বেড়িয়েছে। দরজা খোলো—দরজা খোলো। কিন্তু আমি সারাজীবন জেগে থেকে ঢুকতে দিইনি। তুমি জানতে না—অসতর্ক মুহূর্তে সে তোমাকে আশ্রয় চেয়েছে, তুমি ধনীর ছেলে মানীর ছেলে ভূখামীর ছেলে, তাকে আশ্রয় দিয়েছ। দিয়ে ফেলেছ। জানতে না। আমাদের অপরাধ—যোগলুইতার শাস্তি, সোমেশ্বর রাঘবের—বীরেশ্বর রাঘবের ধার্মা আমি কখনো গিয়েও পারলাম না। অল্পনার রূপ ধরে বাড়ী এসে ঢুকেছিল বুঝতে পারিনি।

বলেই চূপ করে গেলেন। দরদর করে চোখ থেকে জল গড়াল। একফোটা ছ'ফোটা নয় রে—খারা হয়ে গেল। এরই মধ্যে কখন যে সরস্বতী-বউ এসে ঘরে ঢুকছিলেন, আমরা কেউ জানতে পারিনি; তিনি দরজার মুখে দাঁড়িয়েছিলেন বারান্দা আগলে; পাছে সেখানে দাঁড়িয়ে কেউ এসব কথা শুনে ফেলে।

হঠাৎ দরজাটা বন্ধ করে তিনি যখন ঘরে এসে ঢুকলেন, তখন আমাদের খেয়াল হল। তিনি এসে খামীর হাত ধরে বললেন—করছ কি? এসব হচ্ছে কি বল তো? যা হয়েছে তা হয়েছে, ভাগ্যকে ধন্যবাদ দাও যে ছেলেটা বেঁচেছে। বাবা এসেছিলেন, তিনি ফিরে চলে গেলেন, বলে গেলেন—ওবেলা আসবেন। এর মধ্যে আসতে চাইলেন না। বললেন—জমিদারবাড়ীতে রাক্তাদের বাড়ীতে যে সব কাণ্ড ঘটে, তার ভুলনার এটা আর কি এমন একটা ব্যাপার।—শুধু তোমার জন্তে বললেন—এতখানি কড়াকড়ি ভাল নয়; ও একটু কড়া বেশী। ছেলেটা এত ভয় পেয়েছিল যে সুইপাইড করতে গেছল। চল—মুখ-হাত ধুয়ে সরস্বতী খাবে চল।

দাদা যেন একরূপে সঙ্কট ফিরে গেলেন। সরস্বতী-বউয়ের মুখের দিকে তাকিয়ে নিঃশব্দে চলে গেলেন—ওই লক্ষীর ঘরের ভিতর দিয়েই। দরজা বন্ধ করলেন। এদিক থেকে দারোয়ান এসে চলে দেখলে।

আমরা চূপ করে বসে রইলাম।

আমি দাদার কথা শুনে কঁদে ফেলেছিলাম। চোখ মুছে দেবু মুখের দিকে তাকালাম।—অবাক হয়ে গেলাম সুরেশ্বর। দেপলাম—দেবেশ্বর শুম হয়ে যেন বসে আছে। দাদার মত এমন একজন কড়া মানুষ, যার মুখের দিকে প্রজারা ভাকতে পারত না। তার চোখের জল ভাকে যেন একটুখু ভেজাতে পারেনি। কালা-বোবা সে আমারই মত হয়েছিল কিন্তু সে আমার মত গেলেনি।

আমি তাকে ডাকলাম—দেবু।

সে নড়লে না, যেমন বসেছিল তেমনি বসে রইল, যেদিকে তাকিয়েছিল সেইদিকেই তেমনিভাবে তাকিয়ে রইল—শুধু বললে—বল রাঙাপিসী।

তার সেদিনের সেই লেখা চিঠিখানা টেনে নিলাম, সে আপত্তি করলে না; বললাম—এটা ছিড়ে দে। কমা চেয়ে একখানা চিঠি লেখ।

—না।

—না? অবাক হয়ে গেলাম আমি।

—না।

—এরকম চিঠি তুই লিখতে পারবিনে।

—তা লিখব না। যা উত্তর চাচ্ছিলাম—তা পেয়ে গেছি। ভারলেটকে উনি যখন ভাল জারগার রেখেছেন, বলেছেন—আর গোপালদার সবকিছু যা করব বলেছেন, তাতে আমি অবিশ্বাস করব না। তা উনি করবেন। অন্ততঃ লোক দেখিয়েও করবেন। কিন্তু কমা আমি চাইব না।

আমি চূপ করে রইলাম। দেবু বললে—তুনেছ? এই অবস্থার মধ্যেও বাবা আমার কানে ঠিক করেছে? একটি দশ বছরের খুকী।

—তুই কি বিশ-ত্রিশ বছরের বুড়ো? তোর কানে দশ বছরের ছাড়া ক' বছরের হবে? ও-মেরেকে আমি জানি।

—জান? মেয়েটি ভাল তো? মানে, সইতে পারবে তো আমার মত মানুষকে?

—কেন রে? তুই এমন মন্দ মানুষ কি মন্দ মানুষ একথা তোকে বললে কে?

—নিজেই বলছি। আমাকে বিয়ে যে করবে, সে হয় আমার ভালবাসার জলে মরবে রাডাপিসী, আমার ভালবাসার উত্তাপ আগুনের মত। নইলে আমার অবস্থায় ফেলে দেওয়া অপছন্দের পোশাকের মত এককোণে পড়ে থাকবে। ধুলোর পোকা-মাঁকড়ে ভরে যাবে।

সুরেশ্বর, আমি অবাক হয়ে জিজ্ঞাসা করেছিলাম—দেবু, এরকম কথাবার্তা তোর হল কি করে রে? কি করে শিখলি?

—তা জানিনে পিসী, তবে শিখেছি। আপনি কথাবার্তা আনেন। ভেতর থেকে যেন কে যুগিয়ে দেয়। সে-কথা থাক। যা বলছি শোন, তুমি বিয়ের সঙ্কল্প করেছ বিয়ে আমি করব। ভালও তোকে বাসতে চেষ্টা করব। ভারলেটের উপর আমার আকর্ষণ আর নেই। সেদিন শুকে বলেছিলাম—তুই দাঁড়া, তোকে গুলী করি, তারপর নিজে গুলী খেয়ে আত্মহত্যা করব। দুজনে একসঙ্গে মরব দুঃখ থাকবে না। তা দেখলাম—কি ভয়! একসঙ্গে মরতে যে ভয় করে, তার ভালবাসার আবার দাম কি? কানাকড়িও না। হিঁদ্র মেয়ে তবু বাধ্য হয়ে বিধবা হয়ে স্বামীর বদলে ঈশ্বর ভজে বাঁচে। কোন মানুষকে আর বিয়ে করে না। এ তো ক্রীষ্টান, আমি বেঁচেছি ওই, মরলে তো আর কাউকে বিয়ে করে দিব্যি গাথাবোঁটের মত অল্প সীমারের টানে ভেসে চলে। নাঃ—শুকে আর আমার চাইনে—শুকে আমি আর কোনদিন কিরে দেখব না। হিন্দু মেয়েই ভাল। বিজ্ঞ বাবাকে তুমি বল আমার ভিক্ষেমাতার সম্পত্তি দেবোঁত্তর, আমাকে লিখে দিও। আমি আলাদা হয়ে যাব। বাবার সঙ্গে একসঙ্গে থাকতে হলে আবার আমাকে আত্মহত্যা করতে হবে।

সুরেশ্বর বললে—অল্পপূর্ণা-মা এখানেই নিজে মুখে কথা বলা শেষ করেছিলেন। তার কারণ বড় দরজার টোকা পড়েছিল, টোকা নষ্ট, মুহুঁ দাঁড়া; আমি জিজ্ঞাসা করেছিলাম—কে?

বাইরের থেকে উত্তর এসেছিল—আমি রখীন!

অর্চনা মুখ নত করেছিল লজ্জায়; ছায়া একটু হেসেছিলাম; অল্পপূর্ণা-মা বলেছিলেন—যা, দোর খুলে দে। বাপ রে বাপ—মাণিক এসেছে, ঠঠ ঠঠ! অর্চনা গিরে দরজাটা খুলে দিতেই একরাশ শুশুঁর গন্ধ ছড়িয়ে রখীন ঢুকল। হাতে একখানা থাম। হেসে বললে—ক'টা বাজছে ঠিক আছে মা-মণি? নিজের পিতৃবংশের গল্প বলতে গিয়ে বারোটা বাজিয়ে ফেললে যে। আর তো দেখি ক' মিনিট বাকি। ডাক্তার হিসেবে বলতে পারি, রাত বারোটার পর যে একটা বাজছে, সেটা সচরাচর কেউ শুনেতে পার না। জন্মান্তর স্মৃতি কান্নার থাকে না। তোমার বয়স পঁচাত্তর পার হয়েছে। তবু তুমিই হলে এ-বংশের সব। তোমার উপর কথা বলবার ক্ষমতা তোমার নাতিদের নেই। পুত্রবধূ নেই। অর্চনাকে মা বল, সে-

হিসেবে বাবাধ্ব দাবী করে বলছি, ঘুমিয়ে পড়, আর না।—

অরপূর্ণা-মা বললেন—হেসেই বললেন—ওরে, আমার বাবা হওয়া সোজা কথা নয় রে! আমার বাবা ছিলেন সত্যি করে রাজা। বুঝলি—ভীষ্ম জীবনে কলঙ্ক অনেক, মদ খেতেন, তারপর বাদীজী ছিল কিন্তু সে-সব আমার মাকে না-পেয়ে। বুঝলি। অর্চনা-মাকে সেইভাবে আদর করলে বাবা বলব, নইলে না। উঃ—কি এত ওষুদের কাঁধালো গন্ধ রে গারে।

—ইথার, স্পিরিট, লাইফল গন্ধওলা ওষুদের কি আর শেষ আছে। একুনি তো হাত ধুজিলাম স্পিরিট-লাইফল দিয়ে। ওটা আমার বাতিক। তুমি কিন্তু এখন শোও। এখন—সুরেশ্বরনা, তোমার নামে টেলিগ্রাম এসেছে, জানবাজারের বাড়ী থেকে নিয়ে তোমার রঘুনা এসেছে। তাই জন্তে আমাকে আসতে হল। নাহলে—

—টেলিগ্রাম ?—

—হ্যা, মেদিনীপুর থেকে। আমি খুলেছি—। কে একজন মুখার টেলিগ্রাম করেছেন—  
জিজিঙ্ক ম্যাজিস্ট্রেট বি আর সেন is considering the case of your mejdidi—  
come sharp.—

\*

\*

\*

অরপূর্ণা-মার সঙ্গে সেই শেষ দেখা আমার। উনি আমার হাতে রেশমী কাপড়ে বাঁধা পুরানো চিঠির বাঙালি একটা দিলেন, বললেন—নিরে রাখ, এর মধ্যে সব কথা পাবি। আমার দেবুর কথা। শুনেছি যখন সে মারা যায়, তখন বিকারের ঘোরে কেবলি আমাকে ডেকেছিল রাঙাপিসী রাঙাপিসী, বাবা ভারলেটকে নর্দমার জলে ডুবিয়ে মেরে দিলেন। ছি-ছি রাঙা-পিসী। তুমি ভুলতে পার ? রাঙাপিসী! এর অর্থ অনেক। সে অনেক কথা। তা ওই কাগজের বাঙালির মধ্যে ছিল। দেবেশ্বর রায়ের রাঙাপিসী অরপূর্ণা দেবী সমস্তে সব বাঙালি বেধে রেখেছিলেন। হয়তো আমার জন্তই রেখেছিলেন। কারণ, সেই রাত্রে ওই বাঙালি হাতে হরিণ মূর্খার্জি রোড থেকে জানবাজার ফিরে এসে পরের দিন সকালেই আমি মেদিনীপুর রওনা হয়ে গেলাম যেক্ষণিক জন্তে। ম্যাজিস্ট্রেট বি আর সেন এসে মেদিনীপুরে ঝড়ো হাওরার মোড় ফিরিয়েছেন। ওখানকার অবস্থা সহজ করে এনেছেন মেলামেশার মধ্য দিয়ে, কাজ-কর্মের মধ্য দিয়ে।

মেদিনীপুরে 'বিভাগসাগর হল' তৈরী হচ্ছে। জেলার বড় বড় জমিদার, রাজা উপাধিকারী জমিদার মেদিনীপুরে অনেক, নাড়াঙ্গোল ঝাড়গ্রাম, কীতিহাটের পাশে গর্গ বাহাদুরেরা, রামগড়ের রাজা—সে একটা লম্বা বর্ষ হয়। তাছাড়া রায়বাহাদুর, রায়শাহেব, জমিদারও আছে। পল্টনী মেজাজের শাসনভঙ্গের মধ্যে টাকা আদার সোজা ব্যাপার। টাকা অনেক উঠেছে।

ব্রিটিশ ইম্পিরিয়ালিজমের হুঁদিন এসেছে, তার এম্পারারের শ্রেষ্ঠ ভূখণ্ডে; বিরাট মহীকহের শিকড়ে টান ধরেছে, কট কট করে কাটছে; সঙ্গে সঙ্গে মহীকহটির প্রাণাধা এই জমিদারী-ওসোই আগে শুকিয়ে আসছে; ভবু বা আছে, দু-চার-দশটা কাঁচা পাঁতা, ডালের মধ্যে রস, তাই তখন আদার করে বা সঞ্চয় করে বাঁচতে চাচ্ছে। মাহুবকে ভোলাতে হবে। মাহুব

আর সহজে ভুলবে না। তাই বিভাগাগরের স্থতির উপর সৌধ গড়ে শাস্তিস্থাপনের ব্যবস্থা। জমিদারেরা সঞ্চিত টাকা থেকে দিচ্ছেন। খার করেও দিচ্ছেন। না-দিয়ের উপায় কি? বাবা দেশের মানুষ, বাবা ইংরেজের সঙ্গে লড়ছে, তাবাই জমিদারের প্রজা। জমিদারীর বিপক্ষে কতোরা বেয়িয়ে গেছে। কীৰ্ত্তিহাটের জমিদারীতে আমি যথ হুয়ে আছি। টাকা আমিও দিয়েছি।

সমারোহ করে কাজকর্ম হচ্ছে। ওখানকার উকিলদের মধ্যে বাবা অগ্রণী, তাঁরা একটু একটু করে কাছে এগিয়ে এসেছেন। ওদিকে মার খেয়ে ক্রান্ত মেদিনীপুরের যৌবনশক্তি গাছতলায় বসে জিরিয়ে নিচ্ছে ১৯৪২ সালের জন্তে। রবীন্দ্রনাথ তখনও বেঁচে, তিনি আসবেন বিভাগাগর মেমোরিয়াল হলের ওপনিংয়ের জন্তে। কলকাতার সাহিত্যিকদের সঙ্গে যোগাযোগ স্থাপন করেছেন।

এরই মধ্যে মেদিনীপুর এসে স্থপতির বাবু উকিলের মারকং পিটিশন দিয়ে মিস্টার সেনের সঙ্গে ইন্টারভিউ চাইলাম। পেলাম ইন্টারভিউ, মিস্টার সেনের সঙ্গে দেখা হতেই বললেন—ও কেসটার জন্তে অলরেডি আমি রেকমেণ্ড করে লিখেছি। আশা করছি দিন-দশেকের মধ্যেই একটা উত্তর পাব। মনে হয়, ঠিক ছেড়েই দেওয়া হবে। \*

মিস্টার সেনের কাছে আশ্বাস পেয়ে কীৰ্ত্তিহাট ফিরলাম। আমার জীবনের সব গ্রন্থি সব জট যেন খুলে গেল বলে মনে হল। অর্চনার বিয়ে হয়ে গেছে। তবে—। তবে ফেরবার দিন অর্থাৎ টেলিগ্রাম নিয়ে রথীন যখন অন্নপূর্ণা-মার ঘরে ঢুকল, তখন তার গায়ে ওষুণের তীব্র গন্ধে আমার মনটা কেমন খারাপ হয়েছিল স্মৃতি।

আমি যে মদ খাই। অনেকদিন খাচ্ছি। খেয়ালী মানুষ, কখনও ছেড়ে দি, খাব না বলে প্রতিজ্ঞা করি, আবার কখনও প্রতিজ্ঞা ছুঁড়ে ফেলে দিয়ে দ্বিগুণ উৎসাহে খরি। আমার বাধাবন্ধ নেই। গুরুজন নেই, লজ্জা-সংকোচও নেই। কিন্তু যাদের বাধাবন্ধ আছে, তাদের জানি। তাদের দেখেছি, তাদের চিনি।

১৯৩৭ সাল পারি হয়ে ৩৮ সালের কাল চলছে, আমাদের জীবন পাণ্টাচ্ছে। রাজনীতি, সমাজনীতি, শিকানীতি সব দিক থেকে। ১৯৩০ সালের 'মাস' মুভমেন্টের পর যে এবার কোন মুভমেন্ট আসছে তা কেউ জানে না, তবে সেটা যে ১৯৩০ সালের পুনরাবৃত্তি হবে না এটা নিশ্চিত। তবে সেকেন্ড ওয়ার্ল্ড ওয়ারের ব্যাকগ্রাউন্ডে কুইট ইন্ডিয়া, আজাদ হিন্দ, তার সঙ্গে পিপলস ওয়ারের কল্পনা কেউ ভাবতে পারে না। বড়জোর ভাবে, আর একটা রিকর্ম। শুধু মুসলিম লীগকে রাজী করতে পারলেই হয়। নতুন কালের মানুষেরা স্পষ্ট বলছে—পুরনো কিছু চলবে না। তার সঙ্গে রথীনের মদ খাওয়ার সামঞ্জস্য আছে। তবু মনে দুঃখ পেরেছিলাম। পেরেছিলাম অন্নপূর্ণা-মার জন্তে। তিনি বেঁচে থাকতেই এই হল। তা হোক, উনি আর ক'দিন।—এই বলে সাধনা নিতে গিয়েও নিতে পারিনি। দুঃখ হয়েছিল অর্চনার জন্তে। মেয়েটা বড় ভাল মেয়ে। অন্নপূর্ণা-মার মেজদিক কথা রায়বাড়ীর প্রবাদে আমার বিশ্বাস নেই। ভবানী দেবী অর্চনা হয়ে ফিরে আসেননি। গায়ের অব হেরিতিটি আছে। চেহারার এমন মিল বিচিহ্নভাবে একবংশে দেখা যায়। চরিত্রেও মিল হয়। অর্চনার সঙ্গে

ভবানী দেবীর চেহারা চরিত্রের ঠিক সেই মিল। যেহেতু অস্ত্রার কিছু সহ্য করতে পারবে না। অস্ত্রার বিরুদ্ধে এদের প্রতিবাদ থাকে—অর্চনারও আছে। রবীনের মন খাওয়া কি ও সহ্য করতে পারবে? ভেবেছিলাম—ওকে ডেকে বলে দেব, সহ্য করে নিস অর্চনা। ও ডাক্তার যাহূব। একালের ডাক্তার। ১৯০৮ সালের। দেখ, এককালে বীরেশ্বর রায়ের আমলে প্রবাদ ছিল রাববাড়ীর ইটগুলো মদে ভিজিয়ে তৈরী করে পোড়ানো হয়েছিল। কীতিহাটের মাটি মদ খার। সে গোটা বাংলা দেশেই। তারপর আবার মোড় ফিরেছিল। তারপর কের আবার মোড় ফিরেছে রে। তোরো মাখার ঘোঁষটা টেনে নামিয়ে শুধু স্বাধীন কেনানা হতেই চাচ্ছিলেন, স্বাধীনতা আনবার জন্তে বোমা পিস্তল নিয়েও কারবার শুরু করেছিল। আমি বড়লোকের বাড়ীর পাটীর খবর জানি, যেহেতু এখন হেলথড্রিংকও করছেন। সুতরাং ও নিয়ে মাথা ঘামসনে ভাই। লোকটাকে যদি ভালবেসে কেরাতে পারিস তো কেরা। নইলে মেনে নে। মনে হয়েছিল মানাতে পারবে অর্চনা।

এরপর জট মেজদাঁদ। তার জটও খুলে দিচ্ছেন বিধাতা। অথবা ইতিহাসের ঘাত-প্রতিঘাতে আপনি খুলছে। মেজদাঁদে কীতিহাটের দেবসেবার ভার দিয়ে আমি ছুটি নেব।

ছুটি মানে কীতিহাট থেকে ছুটি, রাববাংশের গ্রাম খুলে ছুটি। চলে যাব, ঘুরে বেড়াব পৃথিবীময়, টাকা আছে আমার। ঘুরে বেড়াব। হুনিরামর। এবং একদিন কোথাও কোনও বিদেশে বা স্বদেশে অসুস্থ হয়ে হাসপাতালে পড়ে থাকব, একদিন চোখ বুঁজব। এবং এইসব কান্না লিখে যে সব ছবিগুলো তখন পর্যন্ত আঁকেছিলাম, সেগুলো তোমার কাছে পৌঁছে দেবার জন্তে এটির্ণী সলিসিটারকে দিয়ে যাব। আমার ঠাকুরদা দেবেশ্বর রায় তাঁর ছোট ছেলে অর্থাৎ আমার বাবাকে খুব ভালবাসতেন। তাঁকে তিনি নিজের মনের মত করে গড়তে চেয়েছিলেন। আমার বাবা অর্ধেকটা হয়েছিলেন তাঁর মনের মত, অর্ধেকটা হয়েছিলেন তাঁর মত। তাঁকেও আমার ঠাকুরদা বলে গিছেছিলেন।

Don't marry,—my boy—একটি স্ত্রীলোক ছাড়া হুনিরামর সব স্ত্রীলোককে যদি মা ভাবতে পার, বলতে পার, তবেই বিয়ে করো; and try to love her—try to find out that Eternal She—in her. she is in every woman, just awaken her.

যদি চেষ্টা কর তবে নিশ্চয় একদিন ভালবাসা আসবে। পাবে—দেবে। তা যদি না পাল, তবে বিয়ে করো না। একা হয়ে থাক। তোমার নিজের মা; fortunately আমার কত্না নেই, তোমার বোন নেই, সুতরাং তোমার মা ছাড়া সব নারীর কাছেই তুমি সেই চিরন্তন পুরুষ—Eternal He হতে পারবে। কোন অসুস্থতা হবে না, কোন পাপ হবে না। শুধু নারীকে গুরু করার মত শক্তি তোমার চাই। আর অসুস্থতাকে মনের ঘরে ঢুকতে দিতে না পারার শক্তি অর্জন করতে হবে তোমাকে।

বাবা আমার সাতাশ বছর পর্যন্ত সে কথা মেনে এসে, সাতাশ বছর বয়সে আমার মাকে বিয়ে করলেন। তারপর ঠাকুরদা বা বললেন ভাই হল; অল্প একজন উদ্যোক্তার মিত্র রক্তের

লাবণ্যবতী চন্দ্রিকা এল এবং বাবাকে টেনে নিয়ে চলে গেল।

বাবাও চিঠি লিখেছেন মাকে। যখন বয়ে থেকে চন্দ্রিকাকে নিয়ে তিনি ইরোরোপ চলে যান তখন। লিখেছিলেন, “স্বয়ংস্বর যেন বিবাহ না করে। আমাদের বংশে অভিশাপ আছে। আমার বাবা আমাকে বলেছিলেন। কারণ ঠিক জানি না, বলতে পারব না। তবে এইটুকু বলতে পারি, রায়বংশের ছেলে, তাদের রক্তে মত্ত এবং নারী সম্পর্কে একটা উদ্দাম ধারা আছে। এ হরতো সকল পুরুষের মধ্যেই থাকা সম্ভব, কিন্তু যাদের এই ধারাটা সম্প্রতি, অর্ধ, সম্মানের একটা উঁচু ঢিবি বা পাহাড় বা পর্বত থেকে ঝরে, তখন সেটা জলপ্রপাতের মত সশব্দে ঝরে। একটু হাঁক-ডাক করে’ ত্রাতাজো করে’ এগুলো করে’ এবং এই সব মাদ্যামরী, মোহমরী যারা তারা এটা পছন্দ করে। সুরোর বেলা এর সম্ভাবনা খুব বেশী। তুমি তার বিয়ে দিয়ো না। সে বিয়ে করতে চাইলে, তাকে বলো বা আমার এই চিঠি দেখিও। তার প্রতি আমার উপদেশ—Don’t marry. End our line with you.

কথাটা আমার মনে গেঁথে ছিল। বিয়ে করব নাই স্থির করেছিলাম। হঠাৎ মামাতো ভাই-বোনদের সঙ্গে তুমি এলে। তোমার সঙ্গে পরিচয় বিচিত্রত বে, ব্রজেশ্বরদার সেই শৈশবালিকে নিয়ে কেমন চট করে একটা কথায় জট পাকিয়ে গেল। তুমি বললে—ওর সঙ্গে রুঢ় ব্যবহার না করলেই পারতেন। যাই হোক, ওরা—ওরাও তো মানুষ। মেয়েছেলে। কথাটা সারাদিন মনে ঘুরল, সন্ধ্যাবেলা ট্যান্সি করে গিয়ে শেকালের বাড়ী গেলাম, তার দুঃখ মোচন করে ফিরে এলাম সগৌরবে। তারপর একদিন গিয়ে দোরের দোরের যারা মেহের পসরা নিয়ে দাঁড়িয়ে আছে, পেটের অরের জুড়ে, তাদের টাকা দিয়ে ফিরে এসে তারই গৌরবে তোমার কাছে বিক্রি করে গেলাম। তারপর কীতিহাটে এসে পড়লাম, রায়বংশের বিষয় আর কৃতকর্মের ইতিহাসের ঘূণিতে। ডুবেই গেলাম। তোমার হাত ছেড়ে দিলাম। নিজে ডুবতেই লাগলাম। টেনে ডোবাকে ধরলে হয়ত তুমিই আমার গলা টিপে ধরবে বলে ভয় হল।

সেদিন ১৯৩৮ সালে, সেদিন ডিস্ট্রিক্ট মাজিস্ট্রেট বি আর সেনের সঙ্গে দেখা করে ফিরে এসে মনে হল, যেন ডুবতে ডুবতে ভেসে উঠলাম। এবার ছুটি পাব। ভাবলাম কি জান, ভাবলাম অর্চনার বিয়ে হয়ে গেছে, যেজদি আমার খালাস পাচ্ছেন, এবার আমি খালাস, জমিদারীর দেবোত্তর যেমন আছে, তেমনি থাকবে, সে ওই যেজতরকই আপন গরজে রক্ষা করবে, আমি ব্যক্তিগতভাবে পত্তনী স্বই কিনে-কিনে যে সম্পত্তির মালিক হয়েছি, তা সব বেচে দিয়ে চলে যাব; আর ফিরব না। অন্ততঃ কীতিহাটে আর না। কলকাতার আনবারাজারের বাড়ী-কলকাতার অন্ত সম্পত্তি, তাও সব বিক্রিটিক্রি করে চলে যাব ইরোরোপ, অথবা আমেরিকা, অথবা প্যাসিফিকের কোন দ্বীপে। সেখানে চাষাবাস করব, ছাঁবী আঁকুব। আর Enjoy করব life।

আজও আমার মনের মধ্যে সেদিনের সেই স্মৃতি জলজল করছে। মনে হচ্ছে যেন হয়ত বা এইমাত্র ঘটে গেছে। মনে পড়লে সেদিনের সেই ইমোশনের স্পর্শও যেন পাই। বন্ধুত্ব পারি, তোমাকে সেদিন আমার এই কল্পনা ‘টু এনজয় লাইফ’ ‘এমেশ ছেড়ে চলে যাওয়া’—এর



মূলে ছিলে হরত তুমি। হরত বলছি এই কারণে যে, আমি হুলপ করে বলতে পারব না যে সে তুমি। সে একজন নারী! যে নারীর বন্ধনে চাষী বাঁধা আছে, মজুর বাঁধা আছে, গৃহস্থ বাঁধা আছে, নিম্নবিত্ত, মধ্যবিত্ত, উচ্চবিত্ত, প্রজা, জমিদার, মহাজন, রাজা-মহারাজা, সম্রাট সবাই বাঁধা আছে; তেমনি একজন নারী। যে বিপ্লবীরা তখন আগুন নিয়ে খেলা করে, ফাঁসিকাঠে প্রাণ দেয়, তাদের কথা ঠিক জানিনে, বলতে পারব না; মনের গভীরের গভীরে কেউ আছেন কিনা যাকে তারা দেশের পর্ষারে পূজার ফুলের মত ঢেলে দিয়ে নির্মাল্য করে দেয়। যাদের বাঁধন কেটে বেরিয়ে গেলে তবে পৌত্তম্য পরমবুদ্ধ হন, নিমাই শ্রীকৃষ্ণওঁতেজ হন, তেমনি একজন কেউ ছিল। তাঁর মুখ শিলুটের ছবির মত দেখছিলাম। পিচনে ঝলমল করছে আলো; আর সে আমার ঘরে দরজার মধ্য দিয়ে ঢুকছে। আমি তাকে ঠিক শিলুটের ছবির মত দেখছি।

আমি বলে গভীর চিন্তার ঘেন ডুবে ছিলাম। ভাবছিলাম এই সব কথাই। ঠিক এই সময় ঘরে ঢুকল একটি নর, দুটি মেয়ে। শিলুটের মত।

শিলুটের মত হতে একজনকে চিনতাম, একজন কুইনী; তাকে একদিন বিবিমহলের ছাদের উপর থেকে এমনি শিলুটের মত দেখেছিলাম। কিন্তু অনেকটা দূরে ছিল বলে ছোট দেখিয়েছিল এর থেকে। আর একজনকে চিনলাম না; অপরিচিতা গাউন পরা একটি মেয়ে। তাদের সঙ্গে হিলডা।

অরপূর্ণা-মার কথা নিশ্চয় মনে আছে, তিনি তাঁর সোনাভাইশোর প্রথম প্রণয়ের ফলের বংশোদ্ভূতা এই মেয়েটিকে শুধু আমাকে দিয়ে বাড়ীই কিরিয়ে দেবার ব্যবস্থা করেননি, তাকে পড়িয়ে কোন দেশী কৃষ্ণানের সঙ্গে বিয়ে দেবার অঙ্গীকার আমাকে দিয়ে করিয়েছিলেন। আমি তাকে মেসিনীপুর কৃষ্ণান মিশনে ভতি করতে গিয়ে ভতি করিনি। কারণ সেখানে অধিকাংশই ছিল সাঁওতাল আর চুরাড়দের মেয়ে। তাদের লেখাপড়া কতদূর কি হয় তা বলতে পারব না, তবে আবহাওয়াটা আমার ঠিক পছন্দ হয়নি। শুধু আমারই বা কেন, বুড়ী হিলডা এসেছিল সঙ্গে, তাঁরও হয়নি। সে বুড়ী হয়েছে, মুখে তাঁর মাকড়শার জালের মত বার্বিকোর হিজিবিজি রেখা পড়েছে, কিন্তু তাঁর চোখ এবং রঙের মধ্যে একটা পিঙ্গলাভা আছে, যথা ভ্রামার মত রঙ, যার গোরব ওরা এখনও করে। সেটা বরং কুইনীর মধ্যেই নেই, থাকলেও ঈষৎ যৎসামান্য, চোখের তারায় খেত রক্তের একটা ছাপ আছে। হিলডা বলেছিল—না বাবুলাহেব, ই কাগার নেহি। ইতো সব কালাআদমীর মিশন আছে। না-না-না। আমাদের হারমাদী খুন, হারমাদী ইজ্জৎ, না-না। ইখানে কুইনীকে দিব না।

তাঁর জন্তই তাকে শেষ পর্যন্ত দিবেছিলাম খড়গপুরে। ওখানে কৃষ্ণান আছে অনেক; এ্যাংলো আছে; রেলওয়ে ইন্সল আছে, মেয়েদের বোর্ডিং আছে। সেখানেই কুইনীর পড়ার ব্যবস্থা করেছিলাম। হিলডা খুসী হয়েছিল, কুইনীও খুসী হয়েছিল।

সেদিন কুইনী ঘরে ঢুকে নমস্কার করে বলেছিল—নমস্কার স্যার!

‘মনটা ঘেন আমার চমকে উঠল। শুধু মন কেন, মন দেহ সব। আচমকা কেউ কিছু বললে যেমন চমকে ওঠে মানুষ ঠিক তেমনি। ঠিক তেমনিই, তবু ঘেন তাঁর সঙ্গে আরও

কিছু ছিল। হ্যা, আরও কিছু। পরে নিজেকে বিশ্লেষণ করেছি, বুঝতে চেষ্টা করেছি তার সত্যস্বরূপ। সে পরে বলছি। কিন্তু সেই মুহূর্তেই মেয়েটিকে যেন বড় আপনার মনে হল, আমার একান্ত করে নিজস্ব সম্পত্তির মত, হ্যা, সুলভা তাই ঠিক, তাই মনে হল। বুকের ভিতরে রক্ত যেন চলকে উঠল। যে চলকানো কখনো জোয়ার সঙ্গে ইডেন গার্ডেনস-এ বেড়াতে গিয়েও হয়নি।

কণ্ঠস্বরে তার আভাস ফুটে উঠল, মুখের ভাবে, চোখের দৃষ্টিতেও তার প্রতিভা ফুটেছিল। বলে উঠলাম—কুইনী!

মেয়েটা খমকে গেল। অভ্যস্ত সংঘত কণ্ঠে দৃষ্টি নামিয়ে আমাকে বললে—একটা কাজে এসেছি আপনার কাছে। কোর্টে গিয়েছিলাম, সেখানে সুনলাম আগনি কলকাতা থেকে এসেছেন, এখুনি ডি-এম-এর সঙ্গে দেখা করে বাগায় এসেছেন। দ্বিধা বললে—

হিলডা সেলাম করে বললে—হ্যা হজুর, আমি বললাম। উরা সুনতে চায় না। ওদের খুন তেজী আছে, গরম আছে। দরখাস দিতে যাচ্ছিল হজুর ম্যাজিস্ট্রেট সাহেবের কাছে। হামাদের উখানে হামরা হজুর কংগরিসকে ভোট দিলাম না। কংগরিস ইংরাজ কৃষকান লোকের ভুমনি করে। হামি লোক কিরিস্তান, হামি লোক কংগরিসকে ভোট দিলাম না।

কুইনী তাকে বাধা দিয়ে বললে—তুমি খাম দিদিরা। আমি বলছি। মিসেস হাডসন আসুন, আমরা সব বুঝিয়ে বলব। তুমি খুব বেশী বক। খাম একটু।

আমি বিস্মিত হয়ে গেলাম সুলভা। এই কয়েক মাসের মধ্যেই কুইনী কত পাণ্টে গেছে! তার দিকে স্থিরদৃষ্টিতে তাকিয়ে রইলাম।

কংগ্রেসকে ভোট না-দেওয়ার জন্য মোটা কীর্তিহাট গোয়ানদের উপর বিরূপ হয়েছে। তাদের নেতৃত্ব গ্রহণ করেছে—জগদীশ্বরকাঁকা, অর্চনার বাবা আর বিমলেশ্বর-অতুলেশ্বরের ঠিক উপরের বড়ভাই। পরন্তু বাকি আমি হাত মুচড়ে ধরেছিলাম ইত্তারামির জন্য সেই। তার সঙ্গে রক্তলাল ঘোষ আছেন। বুদ্ধ রক্তলাল ঘোষ নাকি বলেছেন—ইংরেজ সরকারের সঙ্গে লড়াই হবে, সে লড়াই করবেন গান্ধী, সুভাষচন্দ্র, জওহরলাল, বল্লভভাই প্যাটেল, বীরেন শাসমল। এখানে গোয়ানদের সঙ্গে লড়ব আমরা।

হিলডা নিজে এসেছিল রক্তলালের কাছে। আপনে ঘোষ, এমন বাত কাহে বললেন?

বুক চাপড়ে রক্তলাল বলেছেন—হামালা শুনী। তারপর বলেছেন—এইবার শোধ হবে আমার গিসের খুনের। পিজকজের ফাঁসিতে শোধ হয় নাই।

সেই সব খবর খড়্গাপুরের কৃষকানেরা আর অ্যাংলো-ইণ্ডিয়ানেরা পেয়েছে, খড়্গাপুর কৃষকান পার্লস হোস্টেলবাসিনী কুইনীর কাছে এবং গোয়ানপাড়া গিয়ে হিলডাবে এবং কুইনীকে সঙ্গে নিয়ে এসেছে মেদিনীপুর ডি-এম-এর কাছে দরখাস্ত করতে। একদিকে ১৯৩০-এর সিন্ডিকাল ডিসওবিডিয়েল সল্ট মূডমেন্ট, আর পেডি বার্জ ডগলাস হার্ডার করা মেদিনীপুরের প্রচণ্ড ভয়, অস্ত্রদিকে মিলিটারী বুটের খেঁতলানি আর পিউনিটিভ ট্যাক্সের ভারে অর্জরিত মেদিনীপুরে গোয়ানপাড়া থেকে খড়্গাপুর অবধি অ্যাংলোদের এবং বিদেশী উপাধিদারী কালো ক্রীষ্টানদের

অবস্থা হ্রের ধারের উপর দিয়ে হেটে চলার মত যম্যাস্তিক। তবে রাজে ঘুম হয় না, দিনে আশ্রয় করে ডাঙির বেশির প্রমত্তের মত।

১৯৩০ সাল থেকে বাংলা দেশের সে যুদ্ধের কথা ঐতিহাসিক। সে তো বলার প্রয়োজন নেই, তবু আমার জীবনবন্দীর সেদিনের এই ঘটনাটির জন্য উল্লেখের প্রয়োজন আছে, যেদিনী-পুরের কথা আগে বলেছি, তার সঙ্গে একটা কথা বলা হয় নি, ১৯৩৮ সালে নিখিল ভারত কংগ্রেসের হরিপুরা অধিবেশনে স্মৃতিচিহ্ন বসেছেন নেতৃবৃন্দের আসনে। সন্ত তিনি তখন বিলেত থেকে কিয়ে এসেছেন, আরারল্যাণ্ডের বিপ্লবী নেতা ডি ভ্যালেরার সঙ্গে দেখা করে এসেছেন। এদিকে নতুন ইলেকশনে গোটা ভারতবর্ষে ইংরেজের শক্তি, অহঙ্কার, রাষ্ট্রনৈতিক বুদ্ধিকে চমকে দিয়ে তার সমস্ত প্রতিক্রিয়ার চক্রান্ত ব্যর্থ করে দিয়ে কংগ্রেস সব Province-এ ministry form করেছে। পারে নি কিছু আর বাংলার। মুসলীম লীগের নারক জিয়াসাহেব স্বয়ং করেছিলেন চিরকালের জন্যে চলে যাবেন ইংলেণ্ডে। কিন্তু দুটি প্রদেশে দুটি পা রাখবার আশ্রয় পেয়ে তিনি জিনিসপত্র লগেজের বাধনের গিট খুলে ফেলেছেন।

মনে একটা ধাক্কা খেলাম। ডাকিয়ে ছিলাম কুইনী মুখের দিকে ডাকিয়ে ভাবছিলাম, নিজেকে প্রশ্ন করছিলাম, কুইনী আমার আপনজন নয়?

কুইনী অস্বস্তিবোধ করছিল বোধ হয়। আমার দৃষ্টিতে নিশ্চয় অস্বস্তিকর কিছু ছিল। নিজের দৃষ্টি আমি দেখতে পাচ্ছিলাম না, সামনে আমার আরনা ছিল না, আমি আমার দৃষ্টির প্রতিক্রিয়া দেখছিলাম কুইনীর চোখে। কুইনী বললে—দেখুন, নেহাত দিদিয়া বললে, সুরেশ্বর-বাবু যখন এখানে রয়েছেন, তখন আগে তার কাছে যাব। তাঁকে না বলে কিছু করব না, কাউকে কিছু করতে দেব না। নিয়মহারামি হবে। তাই ডি-এম-এর কাছে যাবার আগে আপনার কাছে এসেছি। আপনি কি এর প্রতিবিধান করতে পারবেন?

আমি কিছু বলবার আগেই মিসেস হাডসন বললে—Won't you ask us to sit down Babu?

অপ্রস্তুত হয়ে গেলাম, বসতে বললাম; রঘুশঙ্কর বললাম—ভাল মিষ্টি আনতে। চা করতে।

অতিথিদের আপ্যায়ন করে বিদায় করলাম। বললাম—আমি তোমাদের ডি-এম-এর কাছে যেতেও বলব না, বারণও করব না। জমিদার হিসেবে আজ আর আমার থাকনা আদার করে সরকারের প্রাপ্য সরকারী মালখানার জমা দিয়ে বাকীটা নিজের জন্যে জমানো বা নিজের ভোগ করা ছাড়া আমার করণীর কিছুই নেই। বড়জোর দু-দশ টাকা চাঁদা দিতে পারি। দেওয়া উচিত বলে মনে করি। তার বেশী কিছু নয়। তবু কীতিহাটে গিয়ে একথা বলব আমি। বলব এই পর্যন্ত। যেমন ঠিক তোমাদের বলছি। তার বেশী কিছু নয়।

—বাস। বাস। ওই সে হোয়ে যাবে কুইনী। বল করো। ছোটবাবু রাজাবাবু যখন বলিয়েছেন, তখন জরুর সব মিটমাট হো যাবে গা। দরখাস-অরখাস দেনে কা কুছ জরুর নেহি। চল বাবা, ঘর চল।

মিসেস হাডসন কুইনীকে বাইরে ডেকে নিয়ে গেল। পরামর্শ করলে। তারপর কিং এসে বললে—বেশ তাই হল। আপনি চেষ্টা করে দেখুন। আমরা অপেক্ষা করব তার জন্য।

ওরা চলে গেল। শুধু হিলডা যাবার সময় বলে গেল—বাবুনাহেব!

—বল হিলডা!

—হামার পর, কুইনীর পর আপনি গোস্তা করো না। আপনার পর হামিলোগের কোট নাশিশ নেহি, কুছ না!

—না-না হিলডা। তা আমি ভাবিনি।

কাতরভাবে হিলডা বললে—বহৎ জুলুম করছে বাবু, বহৎ জুলুম!

—আমি বারণ করব। ওদের অসুযোগ করব। তোমরা ভেবো না।

\* \* \*

সন্ধ্যাবেলা থেকে সেদিন আমি অস্থির হয়ে উঠেছিলাম। আমার সমস্ত জীবনের মধ্যে এই রাত্রিটি আমার একটি অদ্বীপীয় রাত্রি। অবিশ্বসনীয়। ভুলতে চাইলেও ভোলা যায় না।

বৃষ্ণতে পারলাম ওই কুইনী যেহেঁটা আমার সমস্ত দেহ-মনকে এক আশ্চর্য মোহে মোহাচ্ছ করে তুলেছে।

প্রথম মনে হল, এ আমার রক্তের খারা। রায়বংশের জীবনের অভ্যাস রক্তশ্রোতের মধ্যে একটা রোগের বীজাণুর মত মিশে রয়েছে। সংসারে আজও এমন কোন ছাঁকনি তৈরী হয় নি, যা দিয়ে একে হেঁকে শোধন করা যায়।

রঘুরাকে ডেকে বললাম—বাজারে যা, এক বোতল হটকী কিনে আন।

রঘুরা বললে—আছে।

—আছে? অরপূর্ণা-মায়ের সঙ্গে দেখা হওয়ার পর দাঁড়ি-গৌক কামিয়ে কেলার সঙ্গে সঙ্গে শপথ করেছিলাম, যদিও তার পাব না। সে আজ ছ-সাত মাস হয়ে গেল! তবু রঘুরা বলছে, আছে!

রঘুরা আমার মনের কথা বৃষ্ণতে পেরে বললে—আগেও তো তিন-চার দফে ছোড়া, আগুর কেব এক রোজ হকুম হল কি রঘুরা লে আয় হইকী! তে' দো-তিন বোতল তখন বাজারে ছিলো, রেখে দিলাম। আনব?

—আন।

—ইখানে? এই রাস্তার সামনা ঘরনে, উপর চলো। আমি থোড়া কুছ খানাকে সঙ্গে লব তৈয়ার করে দি!

বললাম—দে।

রঘু চলে গেল। আমিও উপরের ঘরে পারচারি করছিলাম, আর ভাবছিলাম, ভাবছিলাম ওই কুইনীর কথা। ওই কিশোরীটির মুখে-চোখে, সকল তত্ত্ব ঘিরে থাকা একটা আশ্চর্য মোহ আমাকে আচ্ছন্ন করে রয়েছে। রায়বংশের শ্রোতের মুখে ওই গুহুধানিকে যেন একখানি কুমারী তরলীর মত নিজের ভাগ্যের সঙ্গে ভাসিয়ে নিয়ে যেতে চাচ্ছে।

মনে মনে প্রার্থ করেছিলাম, কই শুলতাকে নিয়ে তো এখন করনা করনি? কুইনীকে

নিরে কেন ?

চট করে মন উত্তর দিয়েছিল, সুলতা ভোমার দ্বারা উপরুতা নয় ; ভোমার অধিকারের মধ্যে সে বাস করে না। ভোমার দানের অর্থে সে অরে শিকার দেহ-মনকে পুষ্ট করছে না।

বোধ করি ওর একটা দাবী আছে। আগের কালে এ দাবী ছিল সোচ্চারে ঘোষিত। জীবনে এবং জগতে সব ভালুর মধ্যে সম্পদের ভালু হল প্রত্যক্ষ স্পষ্ট ; ওর স্ট্যাণ্ডার্ড—গোষ্ঠ স্ট্যাণ্ডার্ড দিয়ে মাপ করা। তার সঙ্গে শক্তি, রাষ্ট্রশক্তি, মালিকানিশক্তি এক হলে তো রকে থাকে না। আমেদশাহ আবদালীর ইতিহাসটা পড়া ছিল আমার ভাল করে। অন্তত মনে ছিল। শাহ আবদালীর নাকটা বসে গিয়েছিল, দেখানে চিরস্থায়ী একটা ক্ষত ছিল ; ক্ষতটা কুঠরোঁগের। সেই আবদালী বাট বছর বয়সে বর্ধন দিল্লীর রঙমহলে ঢুকল, তখন দিল্লীর বাদশাহ বংশের শ্রেষ্ঠ সুনন্দী বোল-সডেরো কি আঠারো বছরের হজরত বেগমের দেহ-মন দাবী করে বললে—চাই, হজরৎ বেগমের দেহের মনের আমি হকদার।

আমার মনের কামনাও তারই হজরত অবশেষ। নদীটা শুকিয়ে এসেছে, ১৭৫৭ সাল আর ১২৩৮ সাল, ১৮১ বছরের মধ্যে। নদীটার উপরে শ্রোত নেই, কিন্তু বাণির ভলে ভলে আজও বইছে, আজও বইছে। রত্নেশ্বর রায় অজ্ঞনাকে করতলগত করে পাখরের দেবতার গত দৃষ্টিভোগে সম্ভট ছিলেন ; তার ছেলে দেবেশ্বর রায় ভারলেটকে নিয়ে ঘর বাঁধতে চেয়েছিলেন, কৈশোর চাপলো। আমি তার পৌত্র, সুরেশ্বর। কুইনীও ওই অজ্ঞনার বংশের। আমি তাকে চোরাবাণির মত গ্রাস করতে চাচ্ছি।

ঘুরতে ঘুরতে মস্তক উত্তপ্ত হয়ে উঠছিল। কিছু চাই। কিছু চাই। মনে পড়ল, অন্নপূর্ণা-মার দেওয়া কাগজের বাণ্ডিলটার কথা। স্মার্টকেন খুলে, তাই নিরে বদলাম। রঘু বোতল এনে নামিয়ে রাখলে টেবিলের উপর।

সুরেশ্বর বললে—১২৩৮ সালের সেদিন মার্চের ৩০শে। তারিখটা আমার মনে আছে সুলতা। কীর্তিহাটের রায়বংশের রত্নেশ্বর রায় আর দেবেশ্বর রায়ের পিতাপুত্রের বিন্দ্রকর স্বপ্নের কাহিনীর সবটুকু জেনে শেষ করেছিলাম। কড়চা বল জবানবন্দী বল তার উপাদান সংগ্রহ শেষ হয়ে গিয়েছিল। সারারাত্রি জেগে অন্নপূর্ণা-মার দেওয়া কাগজপত্রগুলি পড়ে শেষ করেছিলাম ভোরবেলা পর্যন্ত।

বাণের সঙ্গে দেবেশ্বর রায়ের এই সংগ্রাম শুরু হয়েছিল শৈশবে। পরস্পরের অজ্ঞাতসারেই শুরু হয়েছিল। শুরু করে দিয়ে গিয়েছিল অজ্ঞনা। অল্প কিছুটা বয়স হতেই দেবেশ্বরের আশ্রয় মায়ের কোল থেকে গিয়ে নির্দিষ্ট হয়েছিল অজ্ঞনার কোলে। চার বছর বয়স থেকে ; তখন সরস্বতী বউয়ের গর্ভে এসেছে আর একজন।

সেই সময় অজ্ঞনার কাছে শুয়ে সে কাঁদত। অজ্ঞনাও মধ্যে মধ্যে কাঁদত। দেবেশ্বর কাঁদতেন মায়ের কোলের জন্ত। অজ্ঞনা কাঁদত বার্থ জীবনের জন্ত। দুজনেই দাবী করেছিল রত্নেশ্বরকে। রত্নেশ্বরের চরিত্রগৌরবের মধ্যে ঘাই থাক, সে হীরে মতি পায়া নীলা ঘাই হোক, তাঁর স্পর্শ, তার দীপ্তি, সবই ছিল বড় রূঢ় উত্তপ্ত। তাঁর কর্তব্যের সঙ্গীত ছিল। কিন্তু সঙ্গীত গড়য়ে বিদায় নিয়েছিল।

এগুলো সম্পর্ক। প্রথম স্পষ্ট হয়েছে যেদিন অঞ্জনা প্রথম বন্ধ ঘরের মধ্যে রত্নেশ্বর রায়ের সঙ্গে সমানে জবাব করেছে। তখন সরস্বতী বউ আঁতুড়ঘরে। সন্তান ভূমিষ্ট হয়ে মারা গেছে, প্রাণ্ডি অস্বস্থ, চিকিৎসা চলছে। তারই অবসরের মধ্যে রত্নেশ্বর রায় সন্ধান পেয়েছেন অঞ্জনা এবং আলফান্সোর সঙ্গে একটা কিছু পাল্লা চলেছে। এবং সে পালাটা আছে রত্নেশ্বরের ডায়েরীর মধ্যে সে তুমি শুনেছ। ঘণ্টা দুয়েক আগে ডায়েরী থেকে পড়ে শুনিয়েছি। দেবেশ্বর সেটা শুনেছিলেন।

জীবনের প্রায় শেষকালে, তখনও তিনি যুবক, বাংলাদেশের বিদগ্ধ মানুষের সমাজের একজন উজ্জ্বল মানুষ, বরস পকাশ পূর্ণ হয়নি—তখন তিনি রাঙাপিসীকে যে চিঠি লিখেছিলেন সেই চিঠিতে আছে এ-সংবাদটা। রত্নেশ্বর রায়ের পাশের ঘরটাই ছিল দেবেশ্বরের ঘর, এই ঘরেই অঞ্জনা দেবেশ্বরকে নিয়ে থাকতেন। সরস্বতী বউ আঁতুড়ঘরে। বাড়ীর এক প্রান্তে।

অঞ্জনার সঙ্গে কথা বলবার সময় সাবধান হতে ভালোবাসতেন নি রত্নেশ্বর। সেদিকে দৃষ্টিহীন বা ক্রম্বেপহীন তিনি ছিলেন না। বাড়ীটার বারান্দার দু মাথার পাহারা রেখেই কথা বলছিলেন অঞ্জনার সঙ্গে। হুকুম ছিল কেউ যেন না আসে। কিন্তু তাঁরা চার বছরের দেবেশ্বরকে কেউ এর মধ্যে ফেলে নি। ফেলতে পারে নি। হয়তো মনেই হয় নি। দেবেশ্বর ছিলেন মায়ের আঁতুড়ঘরের বাইরে বারান্দার বসে, সেখান থেকে এসেছিলেন অঞ্জনার খোঁজে। তাঁকে কেউ আটকাই নি। কিন্তু কিছুটা এসে নিজেই যেন আটকে গিয়েছেন, বাবার কণ্ঠ শ্রবের সঙ্গে অঞ্জনা পিসীর কণ্ঠশ্রবের পাল্লায় ভয় পেয়ে নিজেদের ঘরে ঢুকে পড়েছিলেন। ভয় পেয়েছিলেন অঞ্জনা পিসীর জন্তে। বাবা অঞ্জনা পিসীকে বকছে। অঞ্জনা পিসী সমান উত্তর করছে। এমন কখনও ভাবতে পারেন না তখন দেবেশ্বর।

ঘরের দরজার কোণে দাঁড়িয়ে তিনি যত কৈদেছিলেন তার সবটাই অঞ্জনা পিসীর জন্তে। আর রাগ হয়েছিল বাবার উপরে।

“এই রাগ তিলে তিলে বৃদ্ধি পাইয়া এক পর্বত স্থিতি হইতেছিল রাঙাপিসী। বালাকালে তিনি কদাচ আমাকে সমাদর করিয়াছেন। শুধু শিক্ষাই দিয়াছেন। কীর্তিহাটের প্রতিটি ব্যক্তিকে দেখিয়াছি, তাহাদের সে কি ভয়!

রাঙাপিসী, নিত্য প্রভাত হইতে নানা স্থানব প্রদ্বারা আনিত; তাহারা অগ্রে আসিয়া কাছারিতে সেলামী জমা দিয়া সেৱন্তার আগমনের কারণ জানাইত, তাহার পর মা কালীর নাটমন্দিরে গিয়া মা কালীকে প্রণাম করিত। রাজস্বাজ্ঞেশ্বরকে প্রণাম করিত। তখনও রাধাকৃষ্ণর বিগ্রহ প্রতিষ্ঠা হয় নাই। তুমি জান রাঙাপিসী, এই ঘুগল বিগ্রহ আমার ভিক্ষা-মা ও ভিক্ষা-বাবার। সে কথা পরে বলিব। আগের কথা আগে লিবি।

রাঙাপিসী, কীর্তিহাটের চাউল এবং খাজুরও জমাখরচের খাতা আছে; নিত্য প্রায় এক মণ চাউল খরচ হইত দেবোত্তরে। প্রায় একশত জনের খাণ্ড। প্রজা কোনদিন পকাশ, কোনদিন বাঠ, কোনদিন লত্তর-আশী আসিয়াছে। সকলেই সেলামী দিয়াছে। তাহারা আমার মূল্য দিয়া অন্ন গ্রহণ করিয়াছে। তাদের সকলেরই প্রার্থনা এক—হুকুর বা-বাপ;

হক্কর রক্ষা করুন। ডিক্রীর টাকা দিতে হইলে আমাকে সর্বস্বান্ত হইতে হইবে।

আমার পিতার মুখ যেন প্রত্যয়ে গঠিত মুখ। তাঁহার এক কথা। “আইন অল্পসারে বাহা প্রাপ্য তাহার অতিরিক্ত এক কপর্দক আমার দাবী নহে। ডিক্রীর টাকা ছাড়িতে হইলে একদিন আমাকেও সর্বস্বান্ত হইতে হইবে। সম্পত্তি প্রথমতঃ দেবোত্তর, মালিক দেবতা, দ্বিতীয়তঃ এ সম্পত্তি বারবংশের আগামী পুরুষদের, ইহাকে আমি কোনক্রমেই ক্ষয় করিতে পারি না। ন্যায্য প্রাপ্য ছাড়িয়া দিবার অধিকার আমার নাই। কথা করটি শেষ হইতে-না-হইতে দারোয়ান তাহাকে বলিত—‘উঠো বাহার চলো। উঠো—উঠো!’

দ্বিতীয় কূনের ডাক হইত। সেই একই কথা।

পিসী, প্রথম প্রথম মনে একটা ভয় হইত, একটা গভীর অন্ধাঃ এবং বিস্ময় জাগ্রত হইয়া আমাকে অভিবৃত্ত করিয়া কেলিত। তাহার উপর তাঁহার কঠিন চরিত্র। রাজাপিসী, অল্পনা পিসীর সঙ্গে তাঁহার কথাবার্তা শুনিয়াছিলাম কিন্তু তাহার অর্থ বুঝি নাই। বুঝিয়াছিলাম অল্পনা পিসী বাবাকে কঠিন কথা বলিল। বাবার শাসন সে গ্রাহ্য করিল না। ইহার পর হঠাৎ সে চলিয়া গেল, লোকে তাহার নিন্দা করিল; “কুলের বাহির হইয়া গিয়াছে” কথাটা শুনিলাম কিন্তু ঠিক বুঝিলাম না, তবে কাজটা অত্যন্ত ঘৃণ্য তাহা বুঝিলাম। বাবার ক্রোধ দেখিলাম। একটা গোরান ছোকরা, সে ইহাতে লিপ্ত ছিল। আলকান্‌লোর সহকারী হিসাবে, ঘোড়া দেখাশোনা করিত, সে কোথায় হারাইয়া গেল। শুনিলাম তাহাকে কাটিয়া গন্ধার ভালাইয়া দেওয়া হইয়াছে, বাবামহাশয়ের হুকুমে। কারণ সে আলকান্‌লোকে সাহায্য করিয়াছিল। আমার ভয় আরও বাড়িল। মনে হইল, বাবা এত নিষ্ঠুর কেন? তাহার পরই নিজের ভয় হইল। বাবার মত পুখায়া ধার্মিক লোক, তাঁহার যে নিষ্ঠুর না হইয়া উপায় নাই। কি করিবেন? পাণীকে দণ্ড তিনি না দিলে কে দিবে! শিহরিয়া উঠিলাম।

কিন্তু একদিন আর মানিতে পারিলাম না। একদিন দেখিলাম, নাটমন্দিরে কালীমাতের সম্মুখে একজন অর্ধ-উন্মাদিনী বুঝী বুক চাপড়াইয়া চীৎকার করিতেছে। মস্তকে অবগুর্ভন নাই, বেশরাশি এলাইয়া পড়িয়াছে, বন্ধের বস্ত্রও খসিয়া গিয়াছে, ভ্রক্ষেপ নাই, সে বুক চাপড়াইয়া চীৎকার করিয়া ক্রন্দন করিতেছে। বলিতেছে—এই বিচার? এই বিচার? মানি না, এ-বিচার মানি না, মানব না।

কীর্তিহাটের কাছারিবাড়ী ও শুদিকে নাটমন্দিরের চারিদিকে গোমস্তা, নারৈব, আমলা, পাইক, চাপরাসী, পূজক-পুরোহিত, পরিচারক প্রভৃতি দাঁড়াইয়া গিয়াছে শুভিতের মত। এই উন্মাদিনীর ভয় নাই, সঙ্কোচ নাই, জিহ্বার আগলবাধ নাই, সে কীর্তিহাটের রত্নেশ্বর রায়কে তিরস্কার—তাই বা কেন, গালিগালাজ করিয়া চলিয়াছে। আমিও অবাক হইয়া বাড়ীর ভিতরের দোড়লার বারান্দার দাঁড়াইয়া শুনিতেছিলাম।

এমন সময় বাবামহাশয়ের গলার সাড়া পাওয়া গেল। তিনি তাঁহার খাস কাছারি হইতে বাহির হইয়া আগিয়া বলিলেন—সকলে আপন-আপন কাজে চলিয়া যাও। কোন ব্যক্তি দাঁড়াইয়া থাকিবে না।

সে-কর্তব্য, সে-হুকুমকারীর ডাক উপেক্ষা করিতে কাহারও সাধ্য ছিল না। সকলেই

চলিয়া গেল। বাহিরে কটকের সামনে কতকগুলো লোক, তাহারা বাহিরের লোক, কাড়াইয়া শুনিতেছিল, তাহারও সত্তরে প্রস্থান করল। আমিও ভয় পাইয়া পলাইয়া গেলাম। কিন্তু আমার বুকের ভিতরটা কেমন করিতেছিল, কারা পাইতেছিল—আশঙ্কা হইতেছিল যে, এইবার বোধ হয় বাবা ওই হতভাগিনীকে তলোয়ার দিয়া কাটিয়া কেলিবেন। ওই স্ত্রীলোকটি দরিত্র বটে কিন্তু নীচজাতীয়া নয়, তাহার আকৃতি ও রূপের মধ্যেই তা পরিস্ফুট ছিল। এবং তাহার আকৃতি ও রূপের মধ্যে এমন কিছু ছিল, যাহা আমার মত সাত-আট বৎসরের বালকের মনকেও দয়াদ্র কল্পিত তুলিয়াছিল। তাই পলাইয়া গিয়াও পলাইতে পারিলাম না। কিরিয়া গেলাম ছাদে উপর, সেখানে আলসের আড়ালে লুকাইয়া ফাঁক দিয়া দেখিতে লাগিলাম ও শুনিতে লাগিলাম। এককণে দৃষ্টিতে পড়িল যে মেয়েটির সামনে নাটমন্দিরে এক প্রৌঢ় মাথায় হাত দিয়া চুপ করিয়া নতদৃষ্টিতে চাহিয়া বসিয়া আছে। লোকটার মাথা কাটিয়া গিয়াছে। কপালে রক্ত গড়াইয়া পড়িতেছে। স্ত্রীলোকটি বাবামহাশয়কে দেখিয়া পায়ে আছাড় খাইয়া পড়িল—বাবু মহাশয় দয়া করুন, বাবু মহাশয় কৃপা করুন। বিবেচনা করিয়া বিচার করুন বাবু মহাশয়।

রাডাপিসী, আজও আমি স্পষ্ট দেখিতে পাই যে, ওই উন্নাদিনী মেয়েটির উচ্চ ব্যাকুল কণ্ঠস্বর, তাহার বক্ষের আকৃতি-মিনতি আমার বাবামহাশয়ের দিকে তাকাইয়া ধীরে ধীরে স্তিমিত হইয়া আসিতে লাগিল। বাবামহাশয়ও তাহার দিকে হিংদৃষ্টিতে তাকাইয়াছিলেন। ক্রমে ক্রমে মেয়েটির কণ্ঠস্বর যেন কেহ বন্ধ করিয়া দিল—হাত ছুটা দিয়া সে বুক চাপড়াইতেছিল, সে হাত দুইটা যেন অবশ হইয়া শুধু যুক্তকর হইয়া রহিল।

বাবামহাশয় বলিলেন—তোদের স্বামী-স্ত্রীর বিরুদ্ধে যে-নাশিশ, তাহা কি মিথ্যা? এই কালীমাতার সম্মুখে তাহার নির্মালা হাতে লইয়া বলিতে পারিস?

মেয়েটি নীরব হইয়া গেল।

পুরুষটির মাথা আরও নত হইল। বাবামহাশয় বলিলেন—বল, সত্য কিনা বল!

পুরুষটি এবার বাবার পায়ে পড়িয়া বলিল—সত্য। কিন্তু হজুর, আপনি সব শুনিয়া বিচার করিয়া—

বাবামহাশয় সিংহগর্জনে বলিলেন—বাহির হইয়া যা। তুই পাপিষ্ঠা, আর ওটা পাপিষ্ঠা; যা যা, এখন বাহির হইয়া যা। আমার মন্দির অপবিত্র হইয়াছে। যাহা বিচার হইয়াছে, তাহা সত্য বিচার হইয়াছে। যা—বাহির হইয়া যা। যা এবং তিন দিনের মধ্যে গ্রাম ছাড়িয়া তোদের চলিয়া যাইতে হইবে।

তাহারা চলিয়া গেল। সে-সময়টা বৈশাখ মাস, বেলা তখন দ্বিপ্রহর, মেয়েটি ও পুরুষটি নতমস্তকে নীরবে বাহির হইয়া গেল, বাইবার সময় মেয়েটি একটি ধামের ছায়ার শায়িত ঘুমন্ত একটি শিশুকে কোলে করিয়া চলিয়া গেল।

জ-বিচারের কারণ শুনিয়া বাবা সম্পর্কে আমার ভয় আরও বাড়িয়াছিল। মনে হইয়াছিল—বাবামহাশয় বিচারক—বিধাতার মুণ্ডিস্ত অবতার।

কারণ কি জান?

এই প্রৌঢ় ব্যক্তিটি একজন বিশেষ শ্রেণীর ব্রাহ্মণ, যাহারা কত বিক্রয় করে। বিবাহের



সব কল্যাণ পিতাকে পণ দিয়া বিবাহ করিতে হয়। এই প্রোটট জগৎ-অংশে হিন্দুদের মধ্যে পূজা-অর্চনা ও পৌরোহিত্য করিত। পৈতৃক অবস্থা ভাল ছিল না। কিন্তু প্রায় পঞ্চাশ বৎসর বয়স পর্যন্ত ভিল ভিল করিয়া পরমা জমাইয়া অবস্থা বেশ স্বচ্ছল করিয়া তুলিয়া একদা বিবাহ করিয়া সংসারী হইবার সাধ করিয়াছিল। এবং একটি আট বৎসরের পিতৃহীনা কন্যাকে প্রায় চারিশত টাকা পণ দিয়া বিবাহ করিয়া স্বরত্নার সাজাইয়া পাতিয়াছিল। সময়টা তখন দুর্ভিক্ষের সময়—যেদিনীপুরে ১৮৬৪ সালে সাইক্লোন ঝড়ের পর দারুণ দুর্ভিক্ষ হয়। সেই সময় এই লোকটি সমস্ত স্বত্ত্ববাহীর লোকদের বাঁচাইয়াছিল। কন্যাটির মাতা ও ভ্রাতাদের পুষ্কর স্বর্গে আনিয়া রাখিয়াছিল। এই ব্রাহ্মণ প্রোট এইভাবেই প্রায় খেলাঘরের বয়সকনে খেলা শুরু করিয়া যখন কল্যাণটি যৌবনে উপনীত হইল, তখন একদা হস্তভাগ্য পথের মধ্যে পড়িয়া গিয়া কোমরে আঘাত পাইয়া একেবারে কোমরভাঙা কুজ হইয়া গেল, সেই সঙ্গে তাহার পুরুষ-জীবনের সকল শক্তি তিরোহিত হইল।

স্বপ্নের বললে, সে এক করুণ ইতিহাস—তারই সঙ্গে খানিকটা সামাজিক রুচিতে কুণ্ঠিতও বটে। একালে যদিবা এ-সত্যকে সহ্য করা যায়, সেকালে কোনমতেই তা সহ্য করা যেতো না। এর মধ্যে মানুষের মনের চিরন্তন কামনার যে লজ্জাহীন, ভয়হীন, সঙ্কোচহীন প্রকাশ, তার তুলনা রাবণের চিতার সঙ্গে। সে নাকি কোনকালে নেভে না, চিরকাল জ্বলে—চিরকাল জ্বলেবে।

ওই মেয়েটির মাতৃস্বের আকাঙ্ক্ষা। তার সঙ্গে ওই হস্তভাগ্যের বিচিত্র হতাশা—তার রক্ত-জল-করে-অর্জন-করা সম্পদ-সম্পত্তি সে কাকে দিয়ে যাবে। কে তার উপাধি বহন করবে। সেকালে তার সঙ্গে আরও কামনা ছিল—কে তাকে জলপিও দেবে।

এরপর যে ব্যাপার ঘটল, তা যেমন ঐতিকটু, সমাজবিরুদ্ধ, তেমনি এই মারা-মমতার সংসারে সম্পদ-সম্পত্তির দুনিয়ার চিরন্তন। মহাভারতের কাল থেকে ঘটে আসছে। ব্যাসদেব যে-সাহসের সঙ্গে সেই সত্যকে প্রকাশ করেছেন, তারই নজির তুলে দেবেবর রায় তাঁর রাঙাপিসীকে অনায়াসে ব্যাপারটা জানিয়েছিলেন। লিখেছিলেন—

“রাঙাপিসী, বিষয়ের সংসারে মমতার পৃথিবীতে এ বোধ হয় চিরকাল ঘটিতেছে। ব্যাসদেবের মহাভারতে আছে পঞ্চপাতালের জন্মকাহিনী। এই হস্তভাগ্য সম্পত্তির সেই মতি হইল। এই যুবতীটি স্বামীকে সত্যই ভালবাসিত। স্বামীর সঙ্গে নাকি রাজে বসিয়া ক্রন্দন করিত—এগর তাহাদের কে খাইবে? অবশেষে উভয়ে পরামর্শ করিয়া ওই পথই ধরিল। পুরুষটির এক নীচজাতীয়া পাণ্ডিক্য মা ছিল, তাহার মাঝের মৃত্যুর পর সেই তাহাকে সাহস করিয়াছিল; সেই মায়ের গর্ভের এক ছোট ভাই, সে ছিল তাহাদের বাড়ীর কেনা গোলামের মত। ছেলে-বেলায় ছিল রাধাল, তাহার পর হইয়াছিল মাহিন্দার, তাহার পর সে তাহাদের জমি চাষ করিত এবং চাকর বলিতে চাকর, ভারবহনকারী পশু বলিতে তাহাই, আবার বন্ধু বলিতে ঐকান্ত আপন বন্ধু তাই, তা-ও ছিল সে। সব কথাই তাহার সহিত হইত। স্বামী-স্ত্রীতে পরামর্শ করিয়া একদা তাহাকেই সমস্ত দুঃখ ব্যক্ত করিল। এই অস্পৃক্ত নীচজাতীয় পুরুষটি

বয়সে এই ব্রাহ্মণ অপেক্ষা প্রায় দশ বৎসরের কনিষ্ঠ ছিল এবং আকারে অবরবে কালো কটি-পাথরে গড়া ভীমাকৃতির ডুল্য স্তম্ভ ছিল। এই মেয়েটির ও তাহার স্বামীর বংশরক্ষা করিবার নিমিত্ত এমনি কৃষ্ণবর্ণ এক পুত্র যথাসময়ে তাহারা পাইয়াছিল। তাহারই বিচার হইয়াছিল। নালিশ আনিয়াছিল—মেয়েটির ভাইয়েরা, পুরুষটির জাতিরা। কারণ তাহারা দুইপক্ষই প্রত্যাশা করিয়াছিল—ওই নিঃসন্তান দম্পতির সম্পত্তি তাহারাই পাইবে। জাতিদের প্রাণ্য আইনানুসারে। শ্রালকেরা আশা করিয়াছিল, দানপত্র লিখাইয়া লইবে বা তাহাদের সন্তান পোস্তপুত্র লওয়াইবে।

প্রমাণ ছিল অকাট্য। ওই শিশুটির কৃষ্ণবর্ণ। তাহার উপর ওই কৃষ্ণবর্ণ পুরুষটির স্বীকারোক্তি। কাছারিতে তাহাকে খামে বাধিয়া তাহার পিঠ বেজাঘাতে জর্জরিত করিয়া স্বীকার করানো হইয়াছিল। এবং বিচারে হকুম হইয়াছিল—এই দম্পতিকে ওই সন্তান লইয়া সামান্য অস্থাবর লইয়া গ্রাম ছাড়িয়া চলিয়া যাইতে হইবে। সম্পত্তি বাজেয়াপ্ত হইবে, ওই সম্পত্তি ওই গ্রামের গ্রাম্য দেবতাদের দেবোত্তররূপে গণ্য হইবে।

রাঙাপিনী, সেদিন বাল্যকালে বাবামহাশয়কে যেমন বিচারক-বিধাতার অবতার মনে হইয়াছিল, এই রায়কেও ঠিক ওজুপ বিধাতার রায় বলিয়া মনে হইয়াছিল।

ইহার পর নয় বৎসর বয়সে আমার উপনয়ন হইল। আমার মুখ দেখিলেন হুগলী জেলার কার্য জমিদার মিত্র-গোবিন্দপুরের জমিদার শিবদাস মিত্রের তৃতীয় পক্ষের বন্যাস্ত্রী। কৃষ্ণভামিনী দাসী। এখানেও একটা সমস্তা ছিল। সমস্তা—কৃষ্ণভামিনী দাসীকে অপবাদ দিয়া সম্পত্তি হইতে বিভাড়িত করিতে চেষ্টা করিতেছিল শিবদাস মিত্রের ভাগিনেয়। কারণ তাহী উত্তরাধিকারী সেই। অথচ শিবদাস মিত্র তাঁহার ষোপাঞ্জিত সম্পত্তি তাহার তৃতীয় পক্ষের স্বত্বী নিঃসন্তান স্ত্রীকে নিবৃত্তবস্ত্রে উইল করিয়া দিয়াছেন। বারো মাসে বারো হাজার টাকা আয়ের জমিদারী। এবং নানা অর্থ। কৃষ্ণভামিনী দাসী বাছিয়া বাছিয়া শরণ লইপেন ধার্মিক সাধুপ্রকৃতির খ্যাতিমান ও প্রতাপবান জমিদার রত্নেশ্বর রায়ের। রাঙাপিনী, তোমার জমিদারী শ্রামনগরের পত্তনীদার কীর্তিহাটের রাওবংশ। শ্রামনগর-রাধানগর লইয়া যে বিরাট পর্ব, তাহা তোমার অগোচর নয়। শ্রামনগর হুগলী জেলার অন্তর্গত। চুঁচুড়ার রায়বৈদ্য বাড়ী ছিল একখানা, সেখানে সেরেস্তা ছিল এবং সেখানে রত্নেশ্বর রায় মধ্যে মধ্যে যাইয়া বিজ্ঞাপন করিতেন। গজার ধারে বাড়ী, তাঁহার প্রিয়স্থান ছিল। এখানেই একদা এই কৃষ্ণভামিনী দাসীর সঙ্গে আমার মাতাঠাকুরাণীর পরিচয় হয়; কৃষ্ণভামিনী দাসী একদিন পাঙ্কী করিয়া আসিয়া আমার মাতাঠাকুরাণীর সঙ্গে আলাপ করিয়া গেলেন, অতি বহুরের আমাকে সমাদর করিয়া কোলে লইয়া একটি ঘোঁহর দিয়া গেলেন। বলিয়া গেলেন, আমার কিশোর গোপাল। এবং নিজ বাটীতে রাখা স্তম্ভরজীউ ঠাকুরের আরতি দেখিতে নিমন্ত্রণ করিলেন। ‘তাঁহার পর ক্রমে সে-আলাপ গাঢ় হইল। এবং সুদীর্ঘ অবশুর্গন টানিয়া মাতাঠাকুরাণীর সঙ্গে আমার পিতার কাছে আসিয়া প্রণতা হইয়া স্বহস্তে কহিলেন—আমাকে রক্ষা করিতে হইবে।’ আমি অনাথা। আপনায় নাম-খ্যাতি এ-অঞ্চলে কে না জানে! এ-অবলা-অনাথাকে আপনি রক্ষা করুন।

রাভাপিসী, কথাগুলি আমার কানে এখনও যেন বাজিতেছে। মাতাঠাকুরাণী, তাঁহার পাশে আমি ভিক্ষা-মারের কোলের কাছে, তিনি আমাকে কোলের কাছে লইয়াই দাঁড়াইয়া কথা বলিতেছিলেন।

বাবামহাশয় সসজ্জমে উঠিয়া দাঁড়াইয়া বলিয়াছিলেন—আমি সমস্তই অবগত আছি। দেবেশ্বরের গর্তদারিণীর নিকটও আপনার কথা শুনিয়াছি। অসহায়কে রক্ষা করা শ্রেষ্ঠ মহত্বধর্ম। ইহা যে না করে সে ধর্মে পণ্ডিত হয়। আমরা ইহাতে যতদূর হইবে অবশ্যই তাহা করিব। আপনি নিশ্চিন্ত থাকিবেন।

কৃষ্ণভামিনী দাসী আবার তাঁহাকে প্রণাম করিয়াছিলেন। তাহার পর এক বৎসরের মধ্যে অনেক অন্তরঙ্গতা বৃদ্ধি পাইল। তিনি আমাকে বড় ভালবাসিলেন। এবং আমাকে সন্তানরূপে পাইবার বাসনার আমার উপনয়নের সময় মুখ দেখিলেন। মুখ দেখিবার কালে তিনি আমাকে মূল্যবান হীরার আংটি এবং হীরা-বসানো বোতাম, রূপার বাসন এবং একশত একটি মোহর দিয়াছিলেন।

ভিক্ষা-মা এখানেই ক্ষান্ত হইলেন না, রাধাপুন্দের ঠাকুরের সম্পত্তি দেবোত্তর ছিল, তাহার সেবায়োৎসাহ বলিলেন আমাকে দিবেন। তখন রত্নেশ্বর রায়ের প্রভাবে বাঘে-বলদে একঘাটে জল খায়—তাঁহার নাগপাশের মত কৌশল-জালে এবং অর্ধচন্দ্রবাণের মত সুরধার বুদ্ধিতে অঘটন ঘটে। সুতরাং কৃষ্ণভামিনী দাসীর স্বামীর জ্ঞাতিবর্গ পিছু হটিল। রত্নেশ্বর রায়ের প্রভাবে এবং কৌশলে সামান্ত কিছু সম্পত্তি লইয়া তাহার সম্পত্তির উপর কৃষ্ণভামিনী দাসীর নির্বাট স্বত্ব স্বীকার করিয়া দলিল করিয়া দিল। এদিকে আমার ভিক্ষা-মা বাবামহাশয়ের সম্পর্কে বেরান হইলেন। তাঁহার সামনে ঘোমটা কমাইয়া কপালে চুলের রেখার প্রান্ত পর্যন্ত তুলিলেন। হাশু-পরিহাস হইতে লাগিল।

বৎসর-তিনেক পর, তখন আমার বয়স বারো বৎসর, সবে জানবাজারের বাঙীতে থাকিয়া হিন্দু ধুলে পড়াশুনা করিতেছি। দেশে তখন বর্ধমান ফিবারের প্রকোপ হইয়াছে। কয়েকটা অজন্মায় হৃতিক গিয়াছে, লোক মরিয়াছে। বর্ধমান ফিবার দেশময় ছড়াইয়াছে। রত্নেশ্বর রায় কীর্তিহাটে দাতব্য চিকিৎসালয় প্রতিষ্ঠা করিয়াছেন। পুরাতন যেটা ছিল, সেটা একটা সামান্ত ব্যাপার। এ-চিকিৎসালয় সত্যি বড় চিকিৎসালয়। তাঁহার নাম তখন দেশে কীর্তিমান লোকদের প্রথম সারিতে স্থান পাইয়াছে, ইঠাং কলিকাতার বসিয়া সুনীলাম আমার ভিক্ষামাতা কৃষ্ণভামিনী দাসী বৃন্দাবনবাসিনী হইয়াছেন। দেশে আর কিরবেন না। এবং তিনি তাঁহার স্বামীর উইলশূন্যে প্রাপ্ত সম্পত্তি রাধাপুন্দের নামে দেবোত্তর করিয়া, গুজব সুনীলাম, ভিক্ষাপুত্র আমাকেই তাঁহার সেবায়োৎসাহ করিয়া গিয়াছেন।

কৃষ্ণভামিনী-মা আমাকে বড় ভালবাসিতেন। তাঁহার কথা তুমি জান, তুমি তাঁহাকে দেখিয়াছ, তোমাকেও তিনি তোমার বিবাহের সময় মূল্যবান অলঙ্কার দিয়াছিলেন। কিন্তু বৎসরখানেকের মধ্যে আমি বাহা সুনীলাম, তাহাতে আমার এতদিনের পৃথিবী সব যেন পান্টাইয়া গেল। আমি বাহাকে এতদিন দেবতা ভাবিয়াছিলাম, তাহার ছদ্মবেশটা খসিয়া গেল। আমি দেখিলাম, তিনি বাহাই হউন, দেবতা বা দানব, মানব বা অশুর—তিনি হউন

পবিত্র চরিত্রবান, তিনি ত্রিসন্ধ্যা করুন, তিনি জপ করুন, তিনি প্রকান্তে দান করুন, তিনি হট্টন কীর্তমান, তিনি দয়াহীন, মারাহীন, ক্রমাহীন, তিনি দেবমূলের খড়্গের মত পবিত্র, কিন্তু তাঁহার কর্ম—দেবতার হাড়িকাঠে আবদ্ধ হতভাগ্য মেঘ-মহিষ এবং ছাগগুলিকে ছেদন করা। হয়তো এককালে খড়্গ লইয়া শত্রুর সঙ্গে, বিধর্মী বা অধর্ম্যচারীর সঙ্গে যুদ্ধ করা হইত, কিন্তু এখন তাহা কেহ করে না; সে তাহার রক্তপিপাসার নিবৃত্তি করে, অসহায় পশুগুলিকে ছেদন করিয়া। রাঙাপিসী, আমার ভিক্ষা-মা কৃষ্ণভামিনী স্বেচ্ছায় বৃন্দাবন বাস করেন নাই। রত্নেশ্বর রায় তাঁহাকে সম্পত্তি দেবোত্তর করাইয়া, সে দেবোত্তরের ট্রাস্টি নিজে হইয়া তাঁহাকে বৃন্দাবনে নির্বাসিত করিয়াছিলেন। কেন জান ? কৃষ্ণভামিনী দাসী ছিলেন বহু। এবং বয়সে পঁচিশ-ত্রিশ, তিনি বেয়াই সম্পর্ক ধরিয়া রত্নেশ্বর রায়ের সঙ্গে হান্ত-পরিহাস করিতে গিয়া তাঁহার প্রেমে পড়িয়াছিলেন। সে-প্রেম এমনি গাঢ় এবং তাঁহার ফলে তাঁহার পক্ষে দেহ-কামনা এমনই অসম্বলীয় হইয়াছিল যে, একদিন সমস্তই সকাতরে নিবেদন করিয়া রত্নেশ্বর রায়ের নিকট পত্র লিখিয়াছিলেন। সেই পত্রখানিকেই তিনি কৃষ্ণভামিনী দাসীর মৃত্যুবাণ হিসাবে ব্যবহার করিয়া তাঁহাকে এইভাবে সর্বস্ব দেবোত্তর করাইয়া নিজে সেবারেত ট্রাস্টি হইয়া তাঁহাকে বধ করিলেন।

রাঙাপিসী, কৃষ্ণভামিনী দাসী কিন্তু নির্বাসিতা হইয়াও নির্বাসিতা হয়েন নাই। তিনি বৃন্দাবন হইতে চলিয়া আসিয়া কলিকাতাতেই কৃষ্ণবাই নামে বাইজীর পেশা গ্রহণ করিয়াছিলেন। তাঁহার সহিত আমার দেখা হইয়াছে। আমি তাঁহাকে ঘৃণা করি নাই, মা বলিয়াই লেখোঁধন করিয়াছিলাম। তিনি কাঁদিয়াছিলেন। সমস্ত স্তনিয়া আমার সেদিন প্রথম আত্মহত্যা করিতে ইচ্ছা হইয়াছিল।

আর একজন এসব কথা আমাকে বলিয়াছিল। সে-ব্যক্তি জামনগরের ঠাকুরদাস জ্যাঠামশাই।

\*

\*

\*

সুরেশ্বর থামলে। একটা সিগারেট ধরিয়ে তাতে টান দিবে পত্রখানা পত্রের বাঁওলে রেখে দিবে বললে—থাক, পত্র থাক। কি হবে তোমার কাছে এত প্রমাণপ্রসঙ্গ দিবে ?—প্রয়োজন নেই। মুখেই বলি। রায়বংশের প্রাচীনকালের কথা আর অল্পই বাকি। সামান্ত।

তবে একটা কথা বলব। রত্নেশ্বর রায়ের ভারসীতে এর একটি ঘটনাও গোপন করা নেই। এবং আশ্চর্যের কথা স্মরণ, তিনি এইসব ঘটনা লিখতে গিয়ে অসত্য, অসত্যতা এবং মিথ্যা ও পাপকে, আগুনের অন্ধকারকে দহন করার মত দহন করেছেন। দৃঢ়বিশ্বাস এবং সুশ্রুতম বিচারবোধের পরিচয় সেখানে ছড়ে-ছড়ে। এবং নিজের উপরেও শাস্তিবিধান করেছেন।

কৃষ্ণভামিনীর পত্র পেয়ে তিনি ডিন দিন উপবাস করেছিলেন। এবং নিজের রূপ ও কান্তির অস্ত্র বার বার আক্ষেপ প্রকাশ করেছেন। লিখেছেন, “হা, আমার এই কান্তি ও রূপও ইহার জন্ত দারী। কি করিয়া অস্বীকার করিব ? কিন্তু এই বাক্য প্রবণে পাপ, চিন্তনে পাপ ! পত্রযোগে সেই পাপ আমাকে অর্শিল। সুতরাং প্রায়শ্চিত্ত উপবাসাদি করাই স্থির করিলাম।”

তাছাড়া এই রাধাসুন্দরকে কীর্তিহাটে নিয়ে গিরে স্থাপন করে, তার বাৎসরিক এক হাজার টাকা আয় এমন পাকা করে কীর্তি ও কর্মে নিয়ে গিয়েছিলেন যে, তা থেকে বছরে দশ টাকাও রায়বংশের কোন স্বার্থে লাগেনি। না, স্নান লাগে, কিছু লাগে; লাগে রাধাসুন্দরের অন্নপ্রসাদ। সে-প্রসাদ আগে রায়বংশে গ্রহণ নিষিদ্ধ ছিল। আজ আর সে-নিষেধ কেউ মানে না। আর ওই পঞ্চ ব্রাহ্মণটি এবং সেই ব্রাত্য ঔরসজাত সন্তানটিকে বৃকে করে বৈশাখের মৌজে যেদিন ওই যুবতীটি আগুনের মত তেতে-ওঠা যেদিনীপুরের লালমাটির পথের উপর দিয়ে চলে গিয়েছিল, সেদিন তাররীতে লিখেছেন—“আজ পঞ্চ এবং চন্দন, এই-দুয়ের মধ্যে কোন পার্থক্য নাই, ইহা বিশ্বাস করিতে ইচ্ছা হইতেছে। কিন্তু তাহা পারিতেছি না। নাসারস বলিতেছে পঞ্চ-গন্ধ সহ্য করিতে পারি না, পারি না, পারি না। ঋসরোধ করিতেছে। অন্তর বলিতেছে—ঋসরোধে মৃত্যু অনিবার্য বিধান। যাহা বিধান, তাহাই বিধাতার নির্দেশ। অজ্ঞে পঞ্চ মাথিলে চর্মরোগ হইবে। চর্মরোগও ব্যাধি। কি করিব, কুষ্ঠরোগীকে মমতা করিয়া কোন্ বিধানে আশ্রয় দিব? বুঝিতেছি এই মমতাগুলি মোহ, এই দুঃখগুলি অলীক, মিথ্যা। কি করিব? তাহাকে নির্বাসন দিতে আমি বাধ্য।

তবে এই বারো হাজার টাকা আর সেকালে তিনি দিয়ে গিয়েছিলেন দেশে শিক্ষা বিস্তারের জন্য আর চিকিৎসার জন্য। সে-দান কলকাতার মেডিকেল কলেজ পর্যন্ত এবং কলকাতা বিশ্ববিদ্যালয় পর্যন্ত ছড়িয়ে দিয়েছিলেন। আজও তা বজায় আছে। আজও তা থেকে কিছু উপকার হয়।

তবে একথাও ঠিক নয় যে, এ থেকে নিজের বংশের জন্য তিনি কিছু করেন নি। ধর্ম এবং আইন বিচারমত পাঁচ বাঁচিয়ে এ সম্পত্তি নিজের নামে পত্নী এবং দরপত্নী নিয়ে দশ হাজার টাকার জমিদারীকে বাইশ হাজার টাকা আয়ের সম্পত্তিতে পরিণত করেছিলেন। পথ সেই চিরাচরিত পথ।

খাজনা বৃদ্ধি আর পতিত আবাদ।

শেষ বৃদ্ধি হয়েছে রত্নেশ্বর রায়ের স্বত্বার পর—শিবেশ্বর রায়ের হাতে তখন জমিদারী গেছে। দেবেশ্বর রায়ও মৃত্যু মারা গেছেন তখন। তারপর পতিত আবাদ থেকে বৃদ্ধির দিকটা অব্যাহত থাকলেও কসলের মূল্যবৃদ্ধিহেতু বৃদ্ধি—যা ইংরেজের আইন অনুসারে পনের বছর পর পর জমিদারেরা পেতে পারে, তা আর পায় নি রায়েরা।

\*

\*

\*

সুরেশ্বর পোড়া সিগারেটটা ফেলে দিয়ে পা দিয়ে টিপে নিভিয়ে দিয়ে বললে, সেসব তথ্য ক্যাপ্টেন কিগারস তুমি ভাল করেই জান আমার চেয়ে। স্বীকার করবে নিশ্চয়। গোটা বাংলাদেশ জুড়েই ওখানে এক হাল। ওকথা থাক, এখন রায়বাড়ীর কথা বলি। পৃথিবীর যাজ্ঞবেদ কাছে তোমার মারফৎ আমার জবানবন্দী শেষ করি।

বন্দুকের গুলিতে আত্মহত্যা করতে গিরে ব্যর্থ দেবেশ্বরের যেদিন ব্যাণ্ডেজ খোলা হয়েছিল, সেদিন চিঠি লিখতে বসেছিলেন বাপকে। তখন দেবেশ্বর এন্ট্রান্স পরীক্ষা দিয়েছেন, বোল বছর বয়স পায় হয়েছেন, তখন তাঁর মন একটা চেহারা নিয়েছে—বে-চেহারাটা বলতে গেলে

রত্নেশ্বর রাই তাঁর অজ্ঞাতসারে নিজের গড়ে দিয়েছেন। তবে তাকে শেষ গড়ন দিয়ে গেছে কৃষ্ণাবাই—অর্থাৎ বৃন্দাবন থেকে নিরুদ্ভিষ্টা কৃষ্ণভামিনী দাসী আর শ্রামনগরের ঠাকুরদাস পাল, দেবেশ্বরের গোপাল দাদার বাবা, রত্নেশ্বরের বালাকালের দোসর, পার্শ্বচর, শ্রেষ্ঠ হিতাকাঙ্ক্ষী, যা তোমার পছন্দ সুলভা সেই বিশেষণই তুমি গ্রহণ কর। তখন তিনি রত্নেশ্বরকে বলেন—“নিম। নিম। নিম। যি দিহে ভাঙো নিমের পাভ—নিম না ছাড়ে আপন জাত।” জেঠামণি, হয়তো তুমিও তোমার বাবার মত হবে। কিন্তু শোন শোন—এই সন্নগোপ জেঠা তোমার তোমাদের জন্তে প্রাণ দিতে পারে গো! তা পারে। কিন্তু দুঃখ কি জানো, তোমরা বড় হলেই কৃণা ভুলে ফৌস ক’রে ওঠো, উঠে বল—তোরা চৌড়—তোরা দাঁড়াশ—তোরা সরে যা। তখন সে ফৌসানি সামলার কে?

কৃষ্ণাবাইয়ের সঙ্গে দেখা হয়েছিল দেবেশ্বরের, কলকাতার এক বিখ্যাত জমিদার বাড়ীর বিয়ের আসরে। রত্নেশ্বরের চিঠির নির্দেশ মত সামাজিকতা রক্ষা করবার জন্ত তাঁকে যেতে হত রাইবাড়ীর তরফ থেকে লৌকিকতা বা উপহার নিয়ে। তখন লৌকিকতারই যুগ ছিল। বড় বড় বাড়ীর রেওয়াজ ছিল তাঁদের থেকে বড় বাড়ীর নিমন্ত্রণে মোহর বা গহনা দেওয়া। হীন অবস্থার বাড়ীর নিমন্ত্রণে নগদ টাকা, দশ বিশ পঞ্চাশ কদাচিৎ একশো টাকা। সেটা নগদ টাকা। বধূর সামনে রাখা পরাতে রেখে দিয়ে, আলীবাদ বা প্রণাম করে চলে আসতেন। পাশে ঘোঁতুক বা লৌকিকতা শুনে নিয়ে খাতার লিখে রাখবার কর্মচারী বসে থাকত। ওদিকে একদিকে খাওয়া-দাওয়ার আসর, অন্যদিকে একটা আসরে চলত সঙ্গীত-নৃত্যের আসর। সঙ্গীতজ্ঞ গুণীরা সামনে বসতেন, করমায়েস করতেন; পিছনের লোকেরা আগত যেত; আগত যেত; ক্রমায়েরই বদল হত আসনের লোক। এই আসরে তরুণ কন্দর্পের মত দেবেশ্বরের হাত ধরে গৃহকর্তা নিজে সামনের আসনে বসিয়ে দিয়ে বলেছিলেন—বস গান শোন; খেয়ে তবে যেতে পাবে।

আশপাশের সামনের সারির শ্রোতাদের বলেছিলেন—কীর্তিহাটের রত্নেশ্বর রাইয়ের বড় ছেলে। গান শুদের রক্তে।

কথাটা সে-কালে কলকাতার দনী ও গুণীসমাজে সকলেই জানত। জানত এ বংশের সকলেই অন্য থেকে গানে বোধ নিয়ে জন্মায়, কর্তৃত্বও সকলের স্বত্ব। এদের বংশে কেউ একজন নাকি গান গেয়ে শক্তি-সাধনার সিদ্ধিলাভ করেছিলেন।

১৮৭৮-৭৯ সাল। বাংলাদেশে রামপসাদী গান তখন কীর্তনের সঙ্গে প্রায় সমান মর্যাদা পেয়েছে। তাত্ত্বিক সাধুদের যুগ সেটা। বীরাচারী বামাচারীদের উপর যত ঘৃণা ইংরাজী শিক্ষিতদের, সাধারণের কাছে তত সমাদর ভক্তিমার্গী শক্তিসাধকদের। রামকৃষ্ণদেব তখন পূর্ণ প্রকাশ করেছেন নিজেকে দক্ষিণেশ্বরে। ইংরাজী শিক্ষিত নরেন দত্ত, ধীরেটোরের প্রবর্তক, শেখগিরিজন্ত জি সি তাঁর পারে গড়াবেন, তার আয়োজন চলছে।

গৃহস্থায়ী কথার সকলেই কিরে তাকিয়েছিল এই সুন্দর তরুণটির দিকে। দেবেশ্বর তখন লম্বা ছিপছিপে অসাধারণ সুন্দর কিশোর। লজ্জিত হয়ে তিনি সকলকে নয়কার ক’রে চেয়ারে বসে, আসরের নায়িকার দিকে তাকিয়ে স্তম্ভিত হয়ে গিয়েছিলেন।

—এ কে ? এ কে ? এ কে ?

হঠাৎ গারিকা শুক হয়ে গিয়েছিল এবং ধরধর করে কাপতে কাপতে সেই আসরের উপরই আছাড় খেয়ে পড়ে অজ্ঞান হয়ে গিয়েছিলেন।

দুদিন পর একজন লোক এসে একপানা চিঠি দিয়ে গিয়েছিল দেবেশ্বর রায়কে। লিখেছিলেন—তঁার ভিকার্যাতার প্রেতিনী। তাঁর প্রথম পত্রেই ছিল—বাবামণি আত্মহত্যা করিলে মাছুষ প্রেতযোনি প্রাপ্ত হইয়া থাকে। আমিও প্রেতযোনি প্রাপ্ত হইয়াছি।

নিঃসন্তান কার্য কন্ডা, তোমার মুখ কেবলমাত্র মা হইবার সাধ মিটাইবার জন্ত দেখি নাই, মৃত্যুর পর তোমার হাতের একটু জল পাইব এবং “রৌরব নরক হইতে মুক্তি পাইব বলিয়াও আশা করিয়াছিলাম।”

তারপর এই বিবরণ। বিস্মৃতভাবে তিনি লিখেছিলেন, কোন কথা গোপন করেন নি। লিখেছিলেন—“দোষ আমার আমি তাঁহার রূপে গুণে মুগ্ধ হইয়াছিলাম। তাঁহার চরণে আপনাকে বিকায় দিতে চাহিয়াছিলাম। তিনি কিরায় দিলেই পলাইয়া আসিতাম এবং দূর হইতে তাঁহাকে ভালবাসিয়া জীবনটা কাটাইয়া দিতাম। কিন্তু তিনি আমাকে পদাঘাতে দূর করিলেন। দেশের ও দেশের সম্মুখে অপমানিত করিলেন। তাহা আমার সহ্য হয় নাই। আমি বৃন্দাবন হইতে পলাইয়া আসিয়াছিলাম আশ্রা। আমার রূপ ছিল এবং গানের গলা ছিল, তাহার সহিত সঞ্চিত কিছু গোপন অর্থ ছিল, আশ্রায় আসিয়া গান শিক্ষা করিয়া কলিকাতায় আসিয়াছিলাম, তোমার পিতার সহিত এইভাবে একদিন সাক্ষাৎ করিব আশা করিয়া। কিন্তু আমার মাথার বজ্রাঘাত হইল। তুমি আমার পুত্র, তুমি আমার গোপাল, তুমি আমার মুক্তিদাতা ব্রহ্মচারী, এই পাপিনীর বেশে দেখা হইল তোমার সঙ্গে।”

রাঙাপিনী, এই পত্র পাইয়া আমি তিন দিন ক্রন্দন করিয়াছিলাম। গোপালদাদাকে পাঠাইয়া তাঁহার সন্ধান লইয়া তাঁহার সহিত দেখা করিতে চাহিয়াছিলাম; দেখা করিয়াছিলাম হাওড়া স্টেশনে, তিনি এই বঙ্গদেশ হইতেই পলাইয়া যাইতেছেন। মা বলিয়া ডাকিয়াছিলাম। তিনি জোর করিয়া আমার পারের ধূলা লইয়াছিলেন। সেদিন তিনি আমাকে টাকাও দিতে চাহিয়াছিলেন। একটা ভারী হাতবাক্স লইয়া বলিয়াছিলেন—এইটু তুমি লও।

কিন্তু রায়বংশের দেবেশ্বর তাহা লয় নাই। পিনী, সেদিন যদি বাস্কট্টা লইতাম, তবে ভারলেটকে লইয়া সংসার পাতিয়া ব্যবসা করিবার জন্ত টাকা ঋণ চাহিয়া তোমাকে পত্র লিখিতে হইত না। এবং ঠিক এইরূপ পরিণতিটা সম্ভবতঃ হইত না রাঙাপিনী, এই অল্পকালের জীবনে, এই পরত্যাগ্নি বৎসর বয়সে দেখিলাম অনেক, বুঝিলাম অনেক। স্বর্গ-নরকের হৃদয় পাই নাই, ভগবানকে ঠিক বিশ্বাস করিতে পারি নাই। অবিশ্বাস, তাই বা করিতে পারিলাম কই ? ধর্ম—যে ধর্ম ভোমরা মানিয়া চল তাহাকে মানিতে পারি নাই। তাহাকে মানিতে পারি নাই বাবামহাশয়ের কার্যকলাপের জন্ত। মাহুঘটা পাথর, মাহুঘটা পাথর। রাঙাপিনী, এই পাথরে আমি মাথা ঠুকিয়া লড়াই করিয়াছি, রক্তাক্ত করিয়াছি মাথাটা। শুধু শেষ কালটার—রাঙাপিনী—বুঝিতে পারিলাম না। দশদিন জ্বরের সময় আসিতে পার নাই। অথবা ইচ্ছা করিয়াই আইস নাই। হয় মাসে রায়বাহাদুরের উপযুক্ত প্রাক্ক করিব। তুমি আইস।

কলিকাতার থাকিরাও তোমার সহিত দেখা করি না, তোমার বাড়ী বাই না, জাহার কারণ, অঙ্গে না-চোঁক আমি তোমাকে চিনি। আমি তোমাকে জানি। তুমি রায়বাহাদুর রত্নেশ্বর রায়ের বোগ্যা ভগ্নী। তুমি আমাকে মত্তপ বলিয়া ঘৃণা করিবে। আমি দেবতা মানি না, ধর্ম মানি না বলিয়া ঘৃণা করিবে। আরও অনেক কারণে ঘৃণা করিবে।

\* \* \*

চিঠিখানার তারিখ ১৮৯৭ সাল। ১৮৯৬ সালে রায়বাহাদুর রত্নেশ্বর রায় যারা গিয়েছিলেন। এগিয়ে এসে পড়েছি। ১৮৭৮ সাল থেকে ১৮৯৬ সাল আঠারো বছর। এই আঠারো বছর রায়বাহাদুর রত্নেশ্বর রায় এবং দেবেশ্বর রায়ের নিষ্ঠুর সংগ্রাম চলেছে। এ সংগ্রাম একদিনের জন্ত খামে নি। রত্নেশ্বর রায় পুত্রকে চালাতে চেয়েছিলেন নিজের মতে, নিজের পথে।

সেদিন, মানে, যেদিন রত্নেশ্বর রায় বড় ছেলের অভিযোগের কথা শুনে, লক্ষ্মীর ঘর থেকে চোখের জলের সঙ্গে তার প্রেমের জবাব দিয়ে গেলেন, বলে গেলেন, অজ্ঞানার মেরেকে আমি কিরিয়ে আনতে চেয়েছিলাম সংসারজীবনে, সমাজজীবনে। চেয়েছিলেন রেভারেণ্ড কালীমোহন ব্যানার্জি, নগেন্দ্রনাথ ঠাকুর যে সমাজ প্রতিষ্ঠা করে গেছেন, তার মধ্যে তাকে কিরিয়ে আনবেন। এদের মধ্যে ক্রীষ্ণানিটি ভারতবর্ষের স্পর্শ পেয়েছিল, ক্রীষ্ণানিটির সঙ্গে ভারতবর্ষের সাধনার ধারাটি যুক্ত হয়েছিল।

বাংলাদেশের রাজ্যপাল হরেন্দ্রকুমার মুখোপাধ্যায়ের দৃষ্টান্ত চোখের সামনে রয়েছে। আর যারা মেমসাহেব বিয়ে করে বা যে মেয়েরা সাহেব বিয়ে করে ওই এলিফট রোড, কি বিন্দিরপুরে পাড়া ফেঁদেছে, যারা নাম পাটেছে, বুলি পাটেছে, তারাও রয়েছে স্মৃতি। তাদের দৃষ্টান্ত সে-কালে আরও কটুভাবে প্রকট ছিল, তারা নিষ্ঠুর অজ্ঞান আমাদের সঙ্গে সম্পর্ক অস্বীকার করত। তাই যে সম্পর্ক অজ্ঞান ছিঁড়ে চলে গিয়েছিল, সেই সম্পর্ক আবার নতুন করে গড়তে চেয়েছিলেন ভারলেটকে দেশী ক্রীষ্ণানসমাজে বিয়ে দিয়ে।

গোপালকে টাকাও দিয়েছিলেন। পাঁচ হাজার টাকাই দিয়েছিলেন, দিতেছিলেন দেবেশ্বরের হাত দিয়েই। তারপর করেছিলেন দেবেশ্বরের বিবাহের আয়োজন।

রাঙাপিলীর পছন্দ-করা ওই দশ পার হয়ে এগারোয় পা-দেওয়া পিতৃমাতৃহীনা মেয়েটির সঙ্গেই তার বিয়ে দিয়েছিলেন তিনি। মেয়েটির নাম উমা। মাথার ছোটখাটো, তবে রূপসী বটে। তার সঙ্গে একটু—

থেকে গেল সুরেশ্বর। তারপর বললে—কি বলব স্মৃতি? মানে ঠিক বিশেষণটি যেন খুঁজে পাচ্ছি না। প্রগল্ভা কথাটা ঠিক হবে না।

অর্চনা হেসে বললে—বড়ঠাকুমা, ছেলেবেলা দিদিমার আদরে অকালে একটু বেশী পেকেছিলেন।

—না, অকালপক কথাটাও খাটবে না। না। বরং প্রিকোসাস বলতে পারা যায়।

—না সুরোদা, প্রিকোসাস পকটাও ভাল না, ঠিকও নয়। তার থেকে বরং অকাল-ভারিকি বা অকাল গিন্নীবাবী ভাল। নিজের দিদিমার কাছ থেকে ওটাই শিখে এসেছিলেন। বাবীর প্রেরণী হওয়ার চেয়ে বাড়ীর গৃহিণী ছিলেন তিনি বেশী। বেলতুলের মালা গেঁথে



রাখাশ্বরের এবং রাখাশ্বারীর জন্ত নিত্য পাঠাতেন। কিন্তু কোনদিন সন্ধ্যায় বেলকুড়ি মাগী তুলে দিয়ে যেত, তা নিয়ে মালা গৈথে নিজের খোঁপার পরেন নি বা খামীকে পরাবার জন্তে ছাচলে লুকিয়ে নিয়ে যান নি।

—ঠিক বলেছিল অর্চি। এ কথাটা এমন ভাবে বলতে আমি কখনও পারতাম না রে। রাভাপিসীকে যে চিঠি তিনি লিখেছিলেন ওই পিতৃশ্রাদ্ধের সময়, তাতে শ্রীউমার সম্বন্ধে লিখেছেন—“রাভাপিসী, বয়স তখন বোল পার হইয়া সতেরোতে পড়িয়াছি, একটি এগারো বছরে পা-দেওয়া কেনেই আমার পক্ষে যথেষ্ট ছিল। তখন প্রেম করিয়াছি ভারলেটের সঙ্গে। সাদা-চামড়ার ক্রীস্টান ঘের, গোয়া হইতে কলিকাতার কিরীপাড়া হইয়া কীতিহাটের গোরানপাড়া ফেরত ভারলেটের সঙ্গে প্রেম করিয়াছি যে উল্লাসের মধ্যে, যে নেশার মধ্যে, তাহা বিবাহিতা এই পত্নীর মধ্যে ছিল না। থাকিবার কথা নয়। তাহার উপর উমার ছিল প্রাচীনকালের মন। সে মনের কাছে আনন্দের চেয়ে পুণ্য ও ধর্মের মূল্য বেশী। ওই বয়সেই সে জ্বরের জন্ত বহুদূর উপবাস করিতে পারিত। সারাটা দিনই প্রায় সে কীতিহাটের ঠাকুরদের অর্চনার আরোজনে ব্যস্ত থাকিত, কিন্তু আমার সঙ্গে হৃদয় বসিয়া গল্প করিবার অথবা একটি বসন্তকালে পুণিয়ারাণ্ডে মুখের দিকে চাহিয়া বসিবার অবকাশ বা আগ্রহ তাহার হয় নাই।

বলিলে বলিত, ‘কেমন কথা তোমার? এ সবই তো তোমার জন্তই করি, না ‘হরের মায়ের’ জন্ত করি। ‘হরের-মা’ কথাটা সে আজও ব্যবহার করে।

তাহার উপর রাভাপিসী, বিবাহের পর কীতিহাটে ছিলাম এবং এণ্ট্রান্স পাশ করিয়া কলিকাতার আসিলাম। সর্বদাই, একলা আমার উপর নহে, আমাদের উভয়ের উপর দৃষ্টি রাখিবার জন্ত কীতিহাটের সংসারটাই কলিকাতার আসিল।

শিবের রাখেশ্বরকে লইয়া মাতাঠাকুরাণী আসিলেন। বাবামহাশয় পনের দিন থাকিতেন কীতিহাটে, পনের দিন থাকিতেন কলিকাতায়।

একলা একখানা দলিল ভৈয়ারী করিয়া আমাকে বলিলেন—সহি কর।

দেখিলাম, এলিয়ট রোডের যে বাড়ীখানা আমি লিঙ্গ লইয়াছিলাম, সেখানার মালিকানি স্বত্ব কিনিয়া তিনি ওই বাড়ী ভারলেটকে দান করিতেছেন। এবং জানিলাম—ভারলেটের একটি পুত্রসন্তান হইয়াছে।

জবানবন্দী আমার শেষ হয়ে আসছে—স্বরের বললে।

ভারলেটকে অনেক খেগারত দিয়ে, রত্নেশ্বর রায় দেবেশ্বরের সম্মুখ থেকে সরিয়েছিলেন বটে কিন্তু ভারলেট তার মানে দেবেশ্বরের অস্তিত্ব মুহূর্তে বিকারগ্রস্ত চোখের সামনে এসে দাঁড়িয়েছিল।

দেবেশ্বর রায় বিকারের স্বীকারে বলেছিলেন, গোপালদা বের ক’রে দে, কেন আনলি ভারলাকে—বের ক’রে দে! জোর করে বের ক’রে দে, আ, হাসছে দেখ! ইউ গেট আউট আই সে! শাট্ ডোর। ইউ শাট্ ডোর!

আমার ব্যাখ্যা কি জান? ভ্রাম্যাকান্তের প্রতি সেই মহাশক্তির ঘোষ। সেই ঘোষ ভারলা

হয়ে এসেছিল তাঁর সামনে।

হঠাৎ চুপ করে গেল সুরেশ্বর। সঙ্গে সঙ্গে একটা গভীর দীর্ঘনিশ্বাস ফেললে।

শ্রুততা বললে—হঠাৎ এমন করে, এই যুগে, উনিশশো সালের পঞ্চাশ বছরের পর এখন এ্যাটমিক এজের মানুষ পা দিচ্ছে, তখন এইভাবে ব্যাখ্যা করছ কেন? তুমি তো ত্রিখ্যাকশানারি ছিলে না, হঠাৎ এসব কি? না—এ সব তোমার আটের তুলির ছোপ?

অর্চনা যত্ন করে বললে—মধ্যে মধ্যে এই রকম বলে ও—বংশের ঋণ শোধ করতে তুমি বাধ্য।

সুরেশ্বর বললে—নিশ্চয়ই তা বলতে পার তুমি। কিন্তু না। হয়তো বলার চেষ্টা আমার ঠিক হল না। হেরিডিটির থিয়োরি দিয়ে বললে বাহবা দিতে। তা ছাড়া আর একটা কারণ আছে, সেটা হল এই যে, দেবেশ্বর রায় নিজেকে এই কথাগুলো একরকম লিখে গেছেন যত্নের দিনই। সে লেখা তোমাকে দেখাব আমি।

নইলে জীবনের শেষ বছরটা তিনি অত্যন্ত শাস্তভাবে যাপন করেছিলেন, জীবনে শান্তি খুঁজেছিলেন। গ্রাম দিয়ে ভালবাসতে চেয়েছিলেন, চেয়েছিলেন কেন, ভালবেসেছিলেন তাঁর উপেক্ষিতা স্ত্রীকে।

স্ত্রী তাঁর সে ভালবাসা নিতে চান নি। বিশ্বাস করেন নি। হয়তো নেবারও শক্তি তাঁর ছিল না, তখন তিনি নিজেকে নিঃশেষে সমর্পণ করেছেন দেবতার পায়ে।

দেবেশ্বর তাতে দ্ব্যমত নি। বলেছিলেন—আমি তোমাকে বিয়ে করেছি, আমাদের ডাইভোস নেই; আমার তোমার উপর অথও অধিকার। দেবতা হোক, দৈত্য হোক, যে হবে সে হোক, তোমাকে আমার কাছ থেকে কেড়ে নিলে, তার সঙ্গে যুদ্ধ করে হয় মরব, নয় তোমার ছিনিয়ে আনব।

এবং তা তিনি এনেছিলেন; পেরেছিলেন তিনি স্ত্রীকে তাঁর অভিমুখিনী করতে। ছেচল্লিশ বছর বয়সে মারা গিছিলেন; তাঁর বয়স তখন ছেচল্লিশ, তাঁর স্ত্রীর বয়স চল্লিশ; বড়ছেলে—আমার জ্যাঠামশাইয়ের বয়স তখন সাতাশ, আমার বাবার বয়স পঁচিশ। তখন দেবেশ্বর রায় অহরহ চাইতেন স্ত্রীকে, বলতেন—জীবনে এত শান্তি আছে তা জানতাম না।

আমার ঠাকুমা উমা দেবী বসে হাসতেন।

হঠাৎ বিব্রত হয়ে গিয়ে দেবেশ্বর চুপ করে আকাশের দিকে তাকিয়ে থাকতেন, স্ত্রী শঙ্কিত হয়ে উঠে প্রশ্ন করত—কি হল? এ্যা।

দেবেশ্বর বলতেন—এই জীবনেই সব শেষ? তোমাকে আর পাব না? এত ভালবাসা এত প্রেম সব শেষ এই কটা দিনেই?

স্ত্রী বলতেন—শেষ কেন হবে? শেষের মধ্যে অশেষ যিনি, ওই না—ওঁকে ডাক, ওঁর মরা হল, শেষের পরেও আছে।

দেবেশ্বর বলতেন—না। জ্ঞান বিব্রত হলে দীর্ঘনিশ্বাস ফেলে বলতেন—meaningless, life is meaningless উমা।

চোখ দিয়ে তাঁর জল গড়াতো। তাঁর স্ত্রী হাসিয়ে উঠতেন, তিনি নিজে এর উত্তর

জানতেন নিজের বিশ্বাসবোধে, কিন্তু তা বিশ্বাস করাবার ক্ষমতা তো তাঁর ছিল না। তাও দেবেশ্বর রায়কে।

তিনি নাস্তিক ছিলেন চিরজীবন। তিনি যুত্মার দিন এই কথাগুলো লিখে গিছিলেন। “জামাকান্ত মহাশক্তির যে রোববহিতে দৃঢ় হইরাছিলেন, সেই বহির ক্ষুধার তৃষ্ণি আজও হয় নাই। বাবামহাশয় ইহার দহন হইতে বাঁচিয়াছিলেন নিজের পুণ্যে। তবু তাঁহার বুক নাগিনীর ছোবলের মত ছোবল সে দিরাছিল কিন্তু দংশন করিতে পারে নাই। আমাকে সে ছাড়িল না, আমি মরিলাম।”

আরও অনেক কথা। যথাসময়ে বলব। এখন হারানো ক্রমটা খুঁজে নিয়ে বলি।

বিয়ের পর সরস্বতী বউরাণী, তিন ছেলে এবং বউকে নিয়ে এসে পাকা হয়ে বসেছিলেন জানবাজারের বাড়ীতে।

দেবেশ্বর ফার্স্ট ডিভিশনে এন্ট্রান্স পাস করে প্রেসিডেন্সীতে এক এ ক্লাসে ভর্তি হয়েছিলেন; শিবেশ্বর রামেশ্বর তাঁরা তখন একজন চৌদ্ধ বছরের, একজন এগার বছরের। কালের বয়স বাড়ে কিনা জানিনে। তবে আমাদের বাড়ে বলে হিসেব একটা রাখি। ১৮৮০ সাল পার হয়েছে। বাংলাদেশের জীবনসমুদ্রে পূর্ণিমার জোয়ার জেগেছে। ইংলিশ চ্যানেলের, মেডিটেরিয়ানের উত্তর কূল ঘেঁষা জোয়ারের সাঁদা কেনা মাথায় করে যে চেউগুলো এসে আছড়ে পড়ে আমাদের ঘরদোরের সব কিছু ভাসিয়ে ডুবিয়ে দিচ্ছিল, আমাদের জীবন-সমুদ্রের চেউ সে চেউগুলোকে ধুখে দিয়েছে। নতুন ব্রাহ্মধর্মের যুক্তিবাদী ধর্ম আর জীবনের প্রশংসা তখন তাতে আশ্রয় জোর দিয়েছে। জ'চারজন মুসলমানও নাকি ব্রাহ্ম হয়েছিলেন তখন। ওদিকে দক্ষিণেথরে কলরোল উঠছে। এরই মধ্যে নতুন বিয়ে করে দেবেশ্বর রায় প্রথম ছুটো বছর শুধু পড়া আর নতুন বউকে নিয়ে মশগুল হতে চেয়েছিলেন। বউকে জীবন ভরে পাওয়া সহজ হয় নি, পানি নি; কলকাতার জানবাজারে বাড়ী হলেও এখানেও কীটিন্হাটের রায়বাড়ীর চালচলনের এতটুকু এদিক ওদিক হয় নি। বউ সেই নিরমালুসারে উঠত ভোরবেলা, অন্ধকার থাকতে। এবং নিজের ঝিকে ডেকে নিয়ে (ডাকতে অবশ্য হত না—ঝি উঠে বসেই থাকত) প্রাতঃকৃত্য থেকে রান পর্যন্ত সেরে নিয়ে শাপুড়ীর কাছে এসে দাঁড়াতে, শাপুড়ী বধুকে ভাবীকালের রায়গৃহিণীর ছাঁচে ঢেলে তৈরী করতেন। রান্নাবান্না কি হবে—থেকে শুরু করে, ঝি-চাকরের খাওয়া-দাওয়া পর্যন্ত সব কিছুর উপর দৃষ্টি রাখাই গৃহিণীত্ব। সেই দৃষ্টিই তিনি দিতেন। যন্ত্র এলে তাঁর সেবা এবং তাঁর উপদেশ শোনা ছিল অন্ততম কর্তব্য। এবং তাঁর সঙ্গে আর একটা কর্তব্য ছিল, সেটি গভীর রাজিতে শেষবার খরে যাবার পূর্ব পর্যন্ত স্বামীর সঙ্গে দেখা না-করা।

প্রথম স্ত্রী যতদিন নিতান্ত বালিকা ছিলেন, ততদিন দেবেশ্বর এটা মেনেছিলেন, তিনি বই নিয়ে পড়ে থাকতেন। বই, বই, বই; পড়া পড়া পড়া! তাঁকেও তখন ছাঁচে ঢালাই চলছে। অথবা নিজেকে তিনি নিজেকে গড়ছেন। রায়বংশের অভিজাত্যের ইতিহাসে দেবেশ্বর শ্রেষ্ঠ অভিজাত। চলন ছিল ধীর, কিন্তু দীর্ঘমেয় দেবেশ্বরের পদক্ষেপ ছিল দীর্ঘ। বেশে-কুখার স্ত্রীতার মহিমা ছিল অমূল্য, অমলিন। কষ্ট ছিল গভীর কিন্তু স্বর ছিল মৃদু। পাড়লা গৌর তখন

বেকছে, তা তিনি মোম দিয়ে বেছে সূচালো। করতে চাচ্ছেন। গায়ে আতরের গন্ধ থাকত অহরহ। দৃষ্টি ছিল তির্যক, কথা বলতেন বেকিরে, ঠোট দুটিও একটু বেকত। নমস্কার করতেন সর্বাঙ্গে। যুগা করে তাকালে, যার দিকে তাকাতেন সে যেন মনে মনে টুকরো টুকরো হয়ে যেত। এই দেবেশ্বর রায়—তখন তিনি ১৮১৯ বছরের নবযুৱক, তিনি এই বালিকা জীর জন্ত জেগে বসে থাকতেন। বই হাতে। বালিকাবধু আস্ত পায়ে তোড়া বাজিরে, ঝুম ঝুম শব্দ তুলে। হাতে থাকত পান, নিজের হাতে সাজা। এও তাঁকে শিখিয়েছিলেন তাঁর দিদিমা এবং তাঁর শাশুড়ী। দেবেশ্বর পান দু-খিলি খেয়ে বলতেন—“মালা গাঁধতে পার না? বেলফুলের এত কুঁড়ি।”

বালিকাবধু শিউরে উঠে বলতেন—বাবা গো, ফুলে পূজো হয়, মা পূজো করেন—

—মা তো এত ফুল নিয়ে পূজো করেন না। ফুল তো গাছেই বাসী হয়।

—তা হোক। কি মনে করবেন বল তো।

এই বলতে বলতেই বালিকাবধু চুলতে আরম্ভ করতেন। এবং আর কয়েক মিনিটের মধ্যে স্বামীর বুক বা কোলে মাথা রেখে ঘুমিয়ে যেতেন।

এইভাবে দু বছর কাটল। বালিকাবধু কিশোরী হল। “ত্রয়োদশ বসন্তের মালা।” দেবেশ্বর এক-এ পরীক্ষায় বৃত্তি নিয়ে পাস করলেন। দেবেশ্বর প্রেসিডেন্সী কলেজে বি-এ ক্লাসে ভর্তি হলেন। এবং বধুর কোলে এল প্রথম সন্তান।

এরই মধ্যে হঠাৎ এল সংঘাত। হঠাৎ সরস্বতী বউরাণী মারা গেলেন। সেই আক্ষেপ্তামনগর থেকে কীর্তিহাটের এল ঠাকুরদাস পাল। ঠাকুরদাসের সঙ্গে আর একবার ছিন্ন প্রীতির বন্ধন জোড়া লেগেছিল, দেবেশ্বর রায়ের বিয়ের সময়। সুখী হয়েছিলেন রত্নেশ্বর। সব ভার দিয়েছিলেন ঠাকুরদাসকে। গোপালও এসেছিল বিয়েতে। কিন্তু সে কীর্তিহাট যার নি। যার নি গোয়ানঘের জন্ত। এবার এল এই আক্ষেপ। তখন সে সেই পাঁচ হাজার টাকা মূলধনে ব্যবসা শুরু করে বিশ-ত্রিশ হাজারের মালিক হয়েছে। হঠাৎ আক্ষেপ পরেই ঠাকুরদাস খুন হয়ে গেল। বচসা করতে করতে পিত্র গোয়ান তার পেটটা ফেড়ে দিলে।

সুরেশ্বর বললে—তার গুচ কারণটা রায়বাহাদুরের ডায়রীতে পাই নি সুলভা। পেরেছি দেবেশ্বর রায় যে চিঠি লিখেছিলেন রাভা পিসীকে, তার মধ্যে।

“ঠাকুরদাস জ্যাঠামশাই খুন হইলেন; সে খুনের হেতু কে, আমি অথবা গোপালদা তাহা আজও বুঝিতে পারি নাই। তবে খুন পিত্র করিলেও তাহা করাইল কে, তাহা বুঝিতে বাকী থাকে নাই।”

গোপাল ঘোষ একটা অজ্ঞার করেছিলেন। দেবেশ্বরও তার ভাগী ছিলেন। গোপাল ঘোষ তখন বিশ-ত্রিশ হাজার টাকার মালিকই হন নি, তিনি তখন ব্রাহ্ম হয়েছেন। একটি মেরেকে ভালবেসে তাকে বিয়ে করবার জন্ত ব্রাহ্ম হয়েছেন। সে কথাটা তিনি বলেন নি। এবং দেবেশ্বর সেটা জানতেন, তিনিও সেটা বলেন নি। কথাটা হঠাৎ প্রকাশ হয়ে পড়ল।

রত্নেশ্বর রায় প্রাণীনপন্থী, তিনি ক্ষুব্ধ হলেন। সে কোড তাঁর প্রচণ্ড কোড। তিনি প্রথম দেবেশ্বরকেই বলেছিলেন—তুমি জান যখন, তখন আমাকে বল নি কেন?

দেবেশ্বর বলেছিলেন—কেন বাবা, গোপালদা এখানে তো ব্রাহ্ম হয়েছে বলে মাথাও উচু করে নি। ব্রাহ্মণদের সঙ্গেও খায় নি, খেতেও চায় নি; যেখানে থাকতে দিয়েছেন থেকেছে। কাকুর অসম্মানও করে নি।

ভারতবাসীর বলেছিলেন—সে সন্তোষ হরে বৈতুকস্তা বিবাহ করেছে। এ-অর্থ্য। এর সাজা দেব আমি।

দেবেশ্বর বলেছিলেন—তার আগে আমাকে সাজা দিতে হবে। কারণ এতে আমি মৃত্যু দিয়েছিলাম। কাউকে জানাতে বারণ করেছিলাম। এবং এ-আজ্ঞেও তাকে আমি আসতে বলেছি বলেই সাহস করে সে এসেছে। বলেই তিনি চলে গিয়েছিলেন, অন্যের নিজের ঘরে।

দেবেশ্বর পিছেছেন—“বাবা মংশায়ের আসল ফোভটা গোপালদাদার উপর, সে ব্রাহ্ম হইবে কেন? ব্রাহ্মধর্মের তিনি ঘোরতর বিরোধী ছিলেন। সে তুমি অবগত আছ। আমার উত্তর শুনিয়া তিনি বলিলেন—তোমার স্পর্ধা, তুমি এমন কথা বলিতেছ। শাস্ত্রের তুমি কি জান? আমি বলিলাম—কিছুই জানিতে চাহি না। তবে গোপালদাদা কোন অস্ত্রায় করিয়াছে, যে শাস্ত্রে বলিবে, আমি মানিতে পারিব না। তিনি কিপ্ত হইয়া গেলেন। ইহার পরই পিচ্ছ আসিয়া তাহার কাছে গোপালদাদার বিরুদ্ধে নালিশ করিল। ডাঙলেটকে সে পোরানশাড়া হইতে তিন বৎসর পূর্বে ভুগাইয়া লইয়া গিয়াছে।”

ঠাকুরদাস ছুটে এসেছিল। তার আগে রটে গেছে যে, পিচ্ছ নালিশ করেছে, গোপালের নামে। রত্নেশ্বর বলেছিলেন—তুই বসে দেখ ঠাকুরদাস। আমার বিচারে বাধা দিস নে। আমি অস্ত্রায় বিচার করব না।

ঠাকুরদাস চিন্তেন তব দাদাঠাকুরটিকে, তিনি প্রশ্ন করেছিলেন, তার মানে? গোপাল আমাকে বলেছে, তুমি দেবুবার উপর ক্ষেপেছ। দেখ, তুমি গোপালকে সাজা দাও-দাও, আমি তাকে সাজা দেব, তাজাপুতুর করব।

—আমিও দেবেশ্বরকে তাই করব। সম্পত্তি সব দেব বউমাকে। তারও জাত গিয়েছে।

—দাদাঠাকুর। এ সব তুমি কর না।

—না করে আমি পারি না। ধর্মের অপমান হয়েছে, পিচ্ছ নালিশ করেছে।

—ধর্ম-অপমান বুঝি না। দেবুবারা গুলি ধরে মরতে চেয়েছিল। প্রাণ্টিতির তার হয়ে গিয়েছে। গোপালকে তুমি তখন পাঁচ হাজার টাকা দিয়েছ। কেন দিয়েছিলে? আর পিচ্ছ? ওকে তুমি শুধোও দিকি, ওর বোনের বিচার কে করবে? সে তো তোমার দেওয়া বাড়ীতে তোমার টাকায় খেই-খেই করে নাচ্ছে! বেশে—

পিচ্ছ চিংকার করে উঠেছিল—ঝুটা বাত। মুসামাল করনা—

—বাঃ বেটা গোয়ান। চোঁচাসনে মেলা।

ধমক দিয়েছিলেন এবার রত্নেশ্বর—ঠা—কু-ব-দাস।

—দাদাঠাকুর কার বিচার করবে? বল তো? তোমার বাবা, তার বাবা, তোমার মামের বাবা।

—দারোয়ান! দয়ওয়ালা সব বন্ধ কর, দারোয়ান। ঠাকুরদাস, কি বলছিল। আশে

বল। আন্তে।

গলা নামিয়েই বলেছিল ঠাকুরদাস—কিন্তু নিচু গলা হলেও খুব শক্ত গলার বলেছিল—  
দেবুবাথাকে নিয়ে যদি কিছু কর—আমি জানি, তুমি পার, সব পার, যে শ্রামনগরকে  
বাঁচাতে তুমি মরতে গিয়েছিলে, সেই শ্রামনগরের মাহুংবর টুটিতে পা দিয়ে তুমি টাকা বার  
করে সেই টাকার ইঙ্গুল করে দিলে। তুমি সব পার। কিন্তু এ কাজ করলে আমি গাঁয়ে-  
গাঁয়ে বলে বেড়াব ঢাক বাজারে,—শুধাও তোমাদের জমিদার রত্নেশ্বর রাইকে,—তার মাথের  
বাঁবার নাম কি? জমিদারের আসল মা কে? আসল বাবা কে? তুমি শাক দিয়ে মাছ  
ঢেকেছ? উটে দেব শাকের ঢাকা। বলব, শুধাও ভায়ালা কার বিটি? ওর বাবা যে  
হোক, মাটা কে?

মনে মনে চমকে উঠছিলেন রত্নেশ্বর রাই। কিন্তু তার প্রকাশ বাইরে কিছু হয় নি। শুধু  
বলেছিলেন—চেষ্টা নে ঠাকুরদাস, চেষ্টা নে। যা বলবি আন্তে বল।

ঠাকুরদাস ভেবেছিল, সে জিতেছে। সে আরও স্কীত হয়ে বলেছিল—আমি সব জানি,  
তোমাদের ভাই-বুনের অসড়ার সমস্ত, যেদিন অন্নপূর্ণাদিদিকে সব কথা বলে চিঠিপত্র পড়ে  
শোনাও, সেদিন আমি সব শুনেছি। ওসব কথা তুমি ছাড়ান দাও। দেবুবা বাড়লোকের  
ছেলে, তার ওপর এই তোমাদের বংশাবলীর খারা। একটা ঈশ-নাশাস্ত আছে। এক পুরুষে  
তা কর না দাদাঠাকুর। অনেক পুরুষ লাগে। আর এ তো একটা ওই জাতের ছুঁড়ি।  
নিজের দেভেরই দশজনার সঙ্গে বসে খেলে, শেষে একজনাকে বিয়ে করে। আজ  
বিয়ে করে, কালকে ছাড়ে, আবার আর একজনাকে ধরে।

পিঙ্গল লোক দিয়ে উঠছিল আবার—হজুর।

হজুর তখন পিঙ্গল নিকেই ডাকিয়ে ছিলেন।

হজুর বলেছিলেন—আমার ছেলের বিচার আমি করতে পারি পিঙ্গল, কিন্তু ঠাকুরদাসের  
ছেলের বিচার আমি করতে পারব না।

—ঠাকুরদাস কি বলছে, তার বিচার কর।

—তাও পারব না।

—তবে আমি নিজ জোর সে শোধ নিয়ে লেবে।—

—সে কথা ওকে বল। বোঝাপড়া কর।—

বাস। সঙ্গে সঙ্গে পিঙ্গল ঠাকুরদাসের টুটি চেপে ধরেছিল। ঠাকুরদাস চমকে উঠে গলা  
ছাড়িয়ে নিয়ে ছুটে দরজা খুলে বেরিয়ে গিয়ে বলেছিল—আর শাণা—আর, বাইরে আর।  
তুই গোয়ান, আমি গোপ। আর।

তারপর, ওই কলোবতীর বাটে—।

শ্রবণের চূপ করলে। একটা দীর্ঘনিঃশ্বাস কেলে সিগারেট ধরিয়ে উঠে গিয়ে দীড়ালে  
একখানা ছবির সামনে।

দেবেশ্বর রাই আর উমা দেবী—তার স্ত্রীর ছবি। ছবিখানার হুজনের মধ্যে যেন একটা

পাউলা কালো যবনিকার আড়াল পড়ে আছে। সুলতার মনে হল, যেন একটা মূর্তি। নারী-মূর্তি।

সুরেশ্বর ছবিখানা দেখতে দেখতে বললে, দেবেশ্বর রায় সেই দিনই রাজে গোপালকে নিয়ে পারে হেঁটে চলে এসেছিলেন কীর্তিহাট থেকে। কীর্তিহাট থেকে কলকাতার। শুধু স্ত্রীকে বলেছিলেন—চল আমার সঙ্গে।

স্ত্রী বলেছিলেন—আমি রায়বাড়ীর বউ, স্বপ্নের অমুখতি না নিয়ে যেতে পারব না।

বাস, সেই অবধি এই আড়াল রয়ে গেল। ধর্ম, দেবতা, রায়বংশের লালসা যা বলবে বলতে পার।

একটা গভীর দীর্ঘনিশ্বাস ফেললে সে।

সে ছবিখানার সামনে থেকে সরে গিয়ে দাঁড়াল আর একখানা ছবির সামনে। এ ছবি-খানা তার নামকরা ছবি। Indian Madona। একটি কালো মেয়ের কোলে একটি ছেলে। তার পিছনে যে রঙের ব্যাকগ্রাউন্ড তাতে একটা ক্রুশের ছায়া পড়েছে।

সুলতা বললে—ও ছবিটা তো—?

অর্চনা বললে—হ্যাঁ, কুইনীর ছবি।

ঘড়িতে ঢং-ঢং-ঢং শব্দে তিনটে বাজল। সুরেশ্বর ছবিখানার ধার থেকে সরে এসে জানালার ধারে দাঁড়িয়ে জানালা খুলে দিলে। পূর্ব-আকাশে শুকতারাকে দেখা যাচ্ছে।

সুরেশ্বর বললে—রাত্রির তৃতীয় প্রহর পার হল। চতুর্থ প্রহরের সঙ্গে সঙ্গেই আমার জীবনবন্দী শেষ হবে। কাল থেকে সাধারণ মানুষ সুরেশ্বর রায়। কীর্তিহাটের জমিদার বংশের সন্তান নয়। কাঠগড়ার ভেতর থেকে বেকসুর খালাসের রায় নিয়ে বেরিয়ে আসব।

জলন্ত সিগারেটে একটা দীর্ঘ টান দিলে সে। তারপর বললে—অর্চনা আজিস ভালই হয়েছে। অসঙ্কেচে এক গ্লাস হটকী খেতে পারি। তুই না থাকলে আমার সঙ্গে চাট হত। সুলতা, নতুন কালের মেয়ে, রাজনৈতিক চেতনাও প্রখর, কিন্তু তবু Indian moral code খানা ওর কাছে পুরনো হয় নি। ও আমাকে বলেছে খেতে, কিন্তু তা আমি পারি নি। ভাবছিলাম, আর খাবই না। কোন দিনই না। কেননা জমিদারী যখন উঠে গেল, তখন রায়বংশের শেষ অভিজাত পুরুষ হিসেবে মদটা আমার ছেড়েই দেওয়া উচিত। তাতে যদি এবার বেণীর সঙ্গে মাথাটাও যায় তো থাক। এর আগে বহবার ছেড়েছি, এবার ধরেছি। এবার আর না। স্ত্রীরা শেষ গ্লাসটা খেয়ে নিই। রায়বংশের সাতপুরুষের মধ্যে কুড়ারাম রায় থেকে বীরেশ্বর রায়, রতেশ্বর রায় পর্যন্ত সবটাই বলেছি। এদিকে আমার খানিকটা এবং আমার বাবার সবটাই সকলের জানা। দেবেশ্বর রায়ের কথা বলছি। মদের গ্লাস হাতে না করে দেবেশ্বর রায়ের কথা বলা যায় না।

সুলতা হেসে বললে—কেন অকারণে তাঁর দোহাই পাড়ছ সুরেশ্বর? তুমি তো নিজে আর্টিস্ট। আর্টের দোহাই দিয়ে নিশ্চয় খেতে পার। লেখক, শিল্পী, সঙ্গীতজ্ঞ, অধ্যাপক, ছাত্র এমন কি ফরেন এথানী কনস্ট্রালটে অনেক খন্দরখারীকেও এ পদার্থ পান করতে দেখা যায়। মন্ত্রীত্বী ধারা, তাঁরা এদেশে বাই করুন, বিদেশে গিয়ে কি করেন বা বাড়ীতে কি করেন, তা

হলপ করে কেউই বলতে পারবে না। স্বাধীনতা আসার পরও যদি মদ খাওয়ার স্বাধীনতা না থাকে তবে সে স্বাধীনতার মূল্য কি বল ?

একটু দূরে দেয়ারাজের মাথার উপর রঘু বোতল-গ্রাস-সোডা সব রেখে গিয়েছিল। সুরেশ্বর উঠে গিয়ে ষানিকটা ছইকী গ্রাসে চলে সোডা। মিশিয়ে একটু চুমুক দিয়ে বললে—ফুডারাম রায় ভট্টাচার্য নবাবী আমলে কারণ করতেন মার নাম নিয়ে ; সোয়েশ্বর রায় মদও খেতেন, কারণও করতেন, বীরেশ্বর রায় ইংরেজদের এদেশী নবাবীধরনে মত্তপান করতে শুরু করে শেষে উম্মাদের মত খেয়েছেন। ওদিকে শ্রাম্যাকান্ত ব্রট তাত্ত্বিক—ছিলেন রত্নেশ্বরের মাতৃবংশে। তাঁর বাপও ছিলেন তাত্ত্বিক। মত্তপান তিনিও করতেন। এতে প্রথম ছেদ টেনেছিলেন রত্নেশ্বর রায়। শ্রাম্যাকান্তের পুত্রের দিকে বংশধারা বিমলাকান্তে শেষ। পূর্ণচ্ছেদ। কিন্তু রায়বংশে রত্নেশ্বরের পর আবার দেবেশ্বর এসে শুরু করলেন মত্তপান। এবং রায়বংশে তিনিই প্রথম রায় এয়ারিফোর্সজাট, যিনি খাটি মর্ডান ধরনে, মানে ইংরিজী ধরনে, ইংরেজের মত, খাটি বিলিভী মদ খেতে ধরেছিলেন।

গ্রাসে চুমুক দিয়ে সে বললে—এবং নির্ভীকভাবে খেতে ধরলেন।

কলকাতার কিরে এসেই মদ ধরলেন, কের প্রকাশ্যভাবে।

ওদিকে রত্নেশ্বর রায় পরের দিন সকালে ছেলের খবর শুনলেন। ছেলে চলে গিয়েছে স্বাক্ষ্রে গোপালকে নিয়ে। খবরটা বললেন পুত্রবধু। নতমুখে কাঁড়িয়ে মাটির দিকে তাকিয়ে বললেন। নিজেকে থেকে নয়, ডেকে লিজ্ঞাসা করেছিলেন শত্রু।

রত্নেশ্বর রায় বললেন—তুমি চলে যাও শিবেশ্বর রামেশ্বরকে নিয়ে।

বধু নতমুখে বললে—আপনাকে ফেলে যাব কেমন করে ? মা নেই।

রত্নেশ্বরের চোখ থেকে জল গড়িয়ে এসেছিল। বলেছিলেন—তাহলে এখানেই থাক। সম্পত্তি আমি সব তোমার নামে দিয়ে যাব।

বধু বললে—না।

—বেশ। যে নেবার তাকেই দেব আমি। আমার পৌতকে দেব।

অর্থাৎ দেবেশ্বরের প্রথম সন্তান। রত্নেশ্বর ছেলেকে চিঠি লিখলেন, তাঁর কোন উত্তর পেলেন না। পেলেন নোটিশ ধরনের একখানা চিঠি।

“আমার ভিক্ষামারের সম্পত্তি আমাকে দিতে আপনাকে অনুরোধ জানাইতেছি।”

ক্ষিপ্ত হয়ে উঠলেন রত্নেশ্বর রায়। জ্ঞানালেন, “দলিলের নকল পাঠাইলাম, দেবিলেই বৃদ্ধিতে পারিবে, না পার, আইনজ্ঞ সলিসিটার এটর্নীর বাড়ী গিয়া পরামর্শ লইবে যে, ঐ সম্পত্তি কৃষ্ণভামিনী দাসী রাখানন্দরের নামে দেবোত্তর করিরা ওই দেবোত্তরের ট্রাস্টি করিরা গিরাছে সরস্বতী বধুরাণীকে ; এবং এই দেবোত্তর সম্পত্তির পত্তনীদার হইতেছেন বিমলাকান্ত ভট্টাচার্য এবং দরপত্তনীদার হইতেছেন ব্যক্তিগতভাবে রত্নেশ্বর রায়। এ সম্পত্তি কৃষ্ণভামিনী ভোমাকে দেন নাই বা দিতে চাহেন নাই।”

এখানেই শেষ করেন নি, সঙ্গে পুত্রবধু এবং শিবেশ্বর রামেশ্বরকে কলকাতার পাঠিয়েছিলেন দেবেশ্বরকে শাস্ত এবং ক্ষান্ত করবার জন্ত। সঙ্গে নিজে এসেছিলেন। ছেলে হেসেছিল।



রত্নেশ্বর পৌঁছেছিলেন অপরাত্ত বেলায়, তখন সব কলেজ থেকে কিরছেন দেবেশ্বর। দেবেশ্বর কিছু বলেন নি, হেসেছিলেন।

বাপ সে হাসির অর্থ বোঝেন নি সেদিন। খেতে বসে জিজ্ঞাসা করেছিলেন—আইনজমের পরামর্শ নিয়েছ ?

ছেলে উত্তর দেন নি।

বাপ বলেছিলেন—হঠাৎ সম্পত্তির এমন কি প্রয়োজন হল ? আমার থেকে পুথক হতে চাও ? স্বাধীনতা ?

ছেলে এবারও উত্তর দেন নি। নিকন্তর পুথকে পরাক্রান্ত ভাবে পিতা বিজয়ী বীরের মত কীটিকাট করেছিলেন। তার দিকে গিয়েছিলেন পুত্রবধূকে।

হঠাৎ একটা দীর্ঘনিশ্বাস কেলে সুরেশ্বর বললে—তোমাকে বোধ হয় বলি নি সুলতা এক ভূমিও জান না যে, ঠাকুরা আমার আজও জীবিত। উম্মাদ বলে ডাকারেরা। সন্ত দিবা-রাত্রি শুধু জপই করে যান। কাকর সঙ্গে কথা না, বার্তা না, ডাকলে সাড়া দেন না, আপন মনেই আছেন ঠাকুর নিয়ে। কাউকে যেন চিনতেও পারেন না। চিঠি গেলে পড়েন না, কেলে দেন। নিজের নাম, পরিচয় সব ভুলে গেছেন। প্রথম কিছুদিন বহরমপুরে রাখা হয়েছিল, তখন এ্যাসাইলাম ছিল ওখানে। তখন আহাৰনিষ্ঠা ত্যাগ করেছিলেন। শুধু জপ করতেন আর চীৎকার করতেন—মুক্তি দাও মুক্তি দাও মুক্তি দাও। তারপর ডায়ালট হয়ে গেলেন। কপাল ঠুকতেন দেওয়ালে। তখন তাঁকে সেখান থেকে সরিয়ে তাঁর ইচ্ছামতায়ী বৃদ্ধাবনে বাড়ী কিনে রাখা হয়। সেখানেই আছেন। বলেন—তপস্বী করছি। স্বামীর মুক্তির জন্য তপস্বী করছি। নিজের সম্বন্ধেদের মুখ দেখেন না। গেলে কেপে যেতেন ওনেছি। নিজের মনে বেশ থাকেন। তপস্বী করছেন।

আমার ইচ্ছে আছে, আমি এই সব ঋণ শোধ করে একবার যাব। তাঁর সঙ্গে দেখা করব। সন্ত হতঃ আমাকে পরিচয় দিতে হবে না, দেখলেই চিনতে পারবেন। তাঁকে বলব—ঠাকুর সব দেনা শোধ করেছি আমি। যেহুদি এখন সেই বাড়ীতেই থাকেন, অস্বস্তিক। এই অর্চনা গিয়েছিল। আমার বাবার মৃত্যু তিনি জানেন না, মায়ের মৃত্যু জানেন না, হয়তো বিয়ের কথাও জানেন না। তবুও আমাকে চিনবেন তিনি। দেবেশ্বর রাগকে তিনি নিকর ভুলে যান নি।

অর্চনা একটা গভীর দীর্ঘনিশ্বাস কেলে।

সুরেশ্বর বললে—ইম্পসিবল্।—

একটু পর আবার আরম্ভ করলে—সুলতা, পিতাপুত্রের সে এক আশ্চর্য যুদ্ধ! চিঠিগুলো পড়লে অবাক হয়ে যাবে। কারণ যুদ্ধ হয়েছে শুধু চিঠিতে। বা চিঠিতে হয় নি—এমনি হয়েছে, তা আছে অমরপুরী-মাকে লেখা চিঠিতে। দেবেশ্বর রায়ের জবাবীতে বলা।

বাপ ছেলেকে শাসিয়ে চলে গেলেন বিজয়গৌরবে। ভাবলেন, ছেলে নিশ্চয় বুঝেছে। কিন্তু দেবেশ্বর ভয়ে বুঝবার মত ছেলে ছিলেন না। রত্নেশ্বর রায় নিজের যৌবনকালটা ভুলে

যান নি, তবে তিনি কথার কথার বলতেন—আমার সঙ্গে তোমাদের তুলনা ক'র না। আমি গরীবের ছেলে হিসেবে মানুষ হয়েছিলাম। দেবেশ্বরের প্রেমের কথাটাও স্মরণ করিয়ে দিতেন ইচ্ছিতে, বলতেন—জীবনের প্রথম থেকে খ্যাতিচরণের আর ত্রুটিওর তেজ ছিল আমাদের। বা তোমাদের নেই। তোমরা সাহেব হতে চলেছ।

দেবেশ্বর এর উত্তর দিলেন কাজে।

পড়া ছেড়ে দিলেন। চাকরির খোঁজে বের হলেন। নিজের পায়ে দাঁড়াবেন। নিজের জীবন, নিজের ভবিষ্যৎ, তার সঙ্গে হয়তো জগৎটাকেই নিজের হাতে কলে গড়ে নেবেন বলে কল্পনা করেছিলেন।

সুন্দর সুপুরুষ দেবেশ্বরের রূপের কথা বলেছি। তার সঙ্গে ছিল বাঁকপটুতা, শীলতার ভক্ততার সঙ্গমে, ফলে আনন্দ তরুণ গাছের মত—আবার প্রয়োজন হলে, বক্রতার বাঁকা তলোয়ারের মত—পায়ে ক্ষুরের মত। চলে গেলেন যেদিনীপুর, জমিদারী কোম্পানীর আপিসে। কীৰ্ত্তিহাটের পরিচরটা সেখানে সুবিদিত ছিল। চাকরি সহজেই मिलেছিল এবং ভাল চাকরিই मिलেছিল। মাইনেও ভালই দিয়েছিল। জেনারেল ম্যানেজার খুব খুশী হয়েছিল তাঁর কথার। কীৰ্ত্তিহাটের রাববাহাজুরের ছেলে চাকরি চায় শুনে সবিস্ময়ে প্রশ্ন করেছিল—তুমি চাকরি করবে? কেন?

—আমার ভবিষ্যৎ আমি নিজে গড়তে চাই। বাপের পরসার বড়লোক হয়ে সুখ আছে, গৌরব নেই। একটা লাকের কথা, একটা হাট নিজের শক্তির কথা।

খুব খুশী হয়ে সাহেব তাঁর সুখের দিকে তাকিয়ে বলেছিলেন—এ কথা তো ইণ্ডিয়ানদের মুখে শুনি না। তারা তো লাককেই সব বলে মানে।

—আমি মানিনে। তা ছাড়া—

—কি? বল।

—টিরানী (tyranny) আমি পছন্দ করি না, টাইর্যান্ট হতে আমি চাইনে।

—মানে?

—জমিদারী মানেই tyranny—আমার বাবাকে আমি দেবেছি। যদিও তিনি আইনের পথ ছাড়া হাটেন না তবুও তা আইনসম্মত হলেও অভ্যস্ত নির্মম নিষ্ঠুর।

—আমাদেরও তো জমিদারীর কাজ।

—আমি আপনার কাছে এসেছি জমিদারীর কাজের জন্ত নয়। আপনি কোন Industrial firm-এ আমাকে ঢুকিয়ে দিন। সেখানে আমার পথ আমি করে নেব।

তাই হয়েছিল। সাহেব তাঁকে নিজে সঙ্গে করে বড় সাহেবী ফার্মে নিয়ে গিয়ে তাঁকে সেখানে ঢুকিয়ে দিয়েছিলেন। করলার খনি, অস্ত্রের খনির মতবড়কারবার। সেখানে জমি-জায়গার খস পত্রীকার কাজ দিয়েছিল তারা। প্রথমেই মাইনে দিয়েছিল একশো পচিশ টাকা।

চাকরি নিয়ে, প্রথম মাসের মাইনে পেয়ে বাড়ী ভাড়া করে স্বীকে বলেছিলেন—টল, এ বাড়ী থেকে চলে যাব আমি। নতুন বাড়ী ভাড়া করেছি।

স্বী জানতেন না যে স্বামী পড়া ছেড়ে চাকরি করছেন। কারণ দশটাতেই বেরিয়ে যেতেন কিম্বতেন চারটেতে। ডাইরাও জানতে পারে নি।

অবাক হয়ে গেলেন স্বী। বললেন—সে কি ?

—হ্যাঁ। আমি চাকরি করছি। বাড়ী ভাড়া করেছি। এ বাড়ীতে আমি থাকব না। আমার সঙ্গে যাও তো চল। নয়তো আমি একলাই যাব। পরের কথা পরে হবে।

স্বী বুঝলেন। তখনকার কালে মেয়েরা একালের মেয়েদের থেকে অনেক অল্পবয়সেই অনেক বেশী বুঝত। তিনি কথাটার মানে বুঝেও বললেন—তুমি বাপের ছেলে। আমি বেটার বউ। আমার অপরাধ তিল হলে তাল হয়। তা ছাড়া রারবাড়ীর বউ আমি, আমি চকল হলে আমার অধর্ম হবে। আমি যেতে পারব না শ্বশুরের হুকুম ছাড়া।

দেবেশ্বর ক্ষিপ্ত হয়ে উঠলেন এবার। বললেন—যদি আমি বিয়ে করি আবার ?

—সে তো এমনিই করতে পার। কে বাধা দেবে তোমাকে ? সতীন নিজেই ঘর করব।

—যদি ক্রীশ্চান হয়ে যাই ?

শুধুর দিকে তাকিয়ে থেকে এবার এই ছোট্ট বধুটি বলেছিল—না, তা আমি পারব না।

—সে আমি জানি। বলে চলে গিয়েছিলেন দেবেশ্বর। এবং ওই বাড়ীতে বাস শুরু করে মণ্ডপান আরম্ভ করেছিলেন মনের ক্ষোভে। দিনে চাকরি করতেন, বিকেলে বাড়ী কিরে পোশাক বদলে বেরিয়ে যেতেন ; বন্ধুবান্ধব মজলিশ গানবাজনার আসর শেরে বাড়ী ফিরতেন অনেক রাতে। চাকর অপেক্ষা করে থাকত। কলকাতার মজলিশে তাঁর তখন বিদগ্ধজন বলে খ্যাতি রটেছিল।

হঠাৎ চিঠি এল। চিঠি নিয়ে এল, জানবাজারের বাড়ী থেকে ছোট ভাই রামেশ্বর। রত্নেশ্বর রায় লিখেছেন—“তুমি চাকরি লইয়াছ জানিয়া সন্তোষ হইলাম। পড়া ছাড়িয়াছ। স্বতন্ত্র বাস করিয়াছ। কারণ কি অবিলম্বে জানাইবে। এবং পত্রপাঠ জানবাজারের বাড়ীতে কিরিয়া আসিবে। পত্র আমাকে শিবেশ্বর লিখিয়াছে, বধুমাতা লেখেন নাই। পত্রসহ গাড়ী লইয়া যাইতে আদেশ দিলাম। এই গাড়ীতেই কিরিয়া আসিবে।”

দেবেশ্বর গাড়ী কিরিয়ে দিলেন। শুধু একখানা পত্র রামেশ্বরকে দিলেন, বললেন—বাবাকে যে পত্র লিখি, তার সঙ্গে এটা পাঠিয়ে দিস। পত্রখানা সংক্ষিপ্ত,—“আমার চাকরি লওয়ার আপনি বিশ্বয় প্রকাশ করিয়াছেন কেন বুঝিলাম না। সংসারে বাহার যতই থাক, কাজ করা, উপার্জন করা অগৌরবের নয়। এবং সংসারে যেখানে পৈতৃক অয়ে জীবনধারণ করিলে পদে পদে স্বাধীনতা স্ক্রল হয়, সেখানে নিজের উপার্জিত অয়ে ভাগ্য গঠন করিলে শুধু স্বাধীনতাই অক্ষুর থাকিবে না, পিতার গৌরবও বৃদ্ধি পাইবে বলিয়া মনে করি।”

এক সপ্তাহ পর আবার গাড়ী এসে দাঁড়াল। এবার গাড়ী থেকে নামলেন বধু। পিছনে ছেলে কোলে নিয়ে কি। তার সঙ্গে রামেশ্বর। এবং গাড়ীর ছাদে বোঝাই বাস-পেটরা। এবং গৃহে গৃহিণীর মতই ঢুকে বললেন—বাবা আমাকে এখানে আসতে বলেছেন।

—এস। কিন্তু আমি যদি ক্রীষ্টান হয়ে থাকি ?

—সে তুমি হাতে পার না।

হাসলেন দেবেশ্বর। শুধু বললেন—এ বাড়ীতে বাবুচি রাগা করে।

—সে আমি শুনেছি। জানি। ঠাকুর একুনি আসছে। বাবুচি থাকবে না। আর আমি এখানে থাকব বলে আসি নি, ধরনা দিয়ে তোমাকে এখান থেকে নিয়ে যেতে এসেছি।

—ম। শুধু এইটুকু বলে দেবেশ্বর আনের জন্তে উঠলেন—আপিস যেতে হবে। এবং বাবুচির হাতে খেয়ে চলে গেলেন। বিকেলে ফিরে দেখলেন বাবুচি নেই। তার বদলে যেদিনীপুরের বাস কীর্তিহাটা চাটুজ্ঞপুত্র জলখাবার তৈরী করেছে—লুচি-হালুয়া-কল-মিষ্টি। কিন্তু তার তরিকার অনেক। দেবেশ্বর সন্ধ্যায় আন করে প্রণাম করে বেরিয়ে গেলেন। ফিরলেন বারোটার। মতপান করেছেন কিন্তু চকল নন, স্থির, শুধু একটু বেশী গম্ভীর। দেখলেন খাবারের থালা নিয়ে স্ত্রী প্রতীক্ষা করে রয়েছে। পরদিন রাত্রি ছোটো। সেদিনও ওই বধুটি খাবারের থালা নিয়ে দেওরালে ঠেস দিয়ে চুলছে। পরদিন এলেন দশটার। এবং এই দশটাই নিয়ম হয়ে গেল। কিন্তু জানবাজার ফিরলেন না।

শ্রী রোজ বললেন—আজ ওবাড়ী চল।

—না।

রোজ এই এক কথা, ওই এক উত্তর। অবশেষে একদিন, প্রায় মাসখানেক পর, রাত্রে হঠাৎ এসে উপস্থিত হলেন রায়বাহাদুর রত্নেশ্বর রায়। রাত্রি তখন প্রায় ন'টা। বাড়ীতে পুত্রবধু বড়ছেলে যজ্ঞেশ্বরকে ঘুম পাড়াচ্ছেন আর বক্সিমচন্দ্রের বই পড়ছেন। স্বপ্নরূপে দেখে খড়মড় করে উঠে বললেন—বাবা!

—হ্যাঁ মা। কিন্তু দেবেশ্বর কোথায় ?

নতমুখে পুত্রবধু বললেন—তিনি তো বেরিয়েছেন আপিস থেকে ফিরে—।

—ফিরবে কখন ?

চুপ করে রইলেন পুত্রবধু। রায়বাহাদুর বললেন—হঁ। তার পর বললেন—রামেশ্বর কোথায় ? শিবেশ্বর ? ওবাড়ীতে সুনলাম শিবেশ্বর এখানে এসেছে।

—ওরা থিয়েটার দেখতে গেছে।

—থিয়েটার ?

চুপ করে রইলেন পুত্রবধু। রায়বাহাদুর বললেন—এই ঘরে আমার একটা বিছানা করে দাও। রাত্রে আমি এখানেই থাকব। তার পর দীর্ঘনিশ্বাস ফেলে বললেন—ওঃ অভিশাপ বাটে।

এ আসনে তিনি বসেছিলেন রাত্রি ছোটো পর্যন্ত। রাত্রি ছোটোর সময় সেদিন দেবেশ্বর ফিরেছিলেন। পরক্কেপ ঈষৎ অলিত ; কণ্ঠস্বর একটু জড়িত। বললেন—তুমি দরজা খুলে কেন, চাকর কোথায় গেল।

—চুপ কর। বাবা।

—কে ?

—বাবা। কীতিহাট থেকে এসেছেন।

একবার চমকে উঠলেন দেবেশ্বর। তারপর এক মুহূর্ত ভেবে নিলেন। নাকের ডগায় কপালে গালে লালচে আভা কেটে পড়ছে। চোখের দৃষ্টি ব্লক ক্লাস্ত, অথবা নেশার নিবীলিত, পরনে বাহাম্ব ইকি বহরের করালজাচার কৌচানো কালাপেড়ে ধুতি, গায়ে সেকালের হাল-কাশনের কিছু বদল হওয়া মুসলমানী আমিরী পাঞ্জাবি, কাঁধে পাটকরা দুধের মত রঙের রেশমী চাদর। শুন শুন ক'বে গানের কলি ভাঁজতে ভাঁজতে ঘরে ঢুকেছিলেন, কিংছেন বিশিষ্ট একজন ধর্মীর বাগানবাড়ীর বাদীজীর গানের আসর থেকে। স্ত্রীর কথা শুনে থমকে গিয়ে কপাল কুঁচকে চোখ বুজলেন। মনে হল মনে মনে বলছেন—বাপারটা ঠিক পছন্দ হচ্ছে না তাঁর।

স্ত্রী আবার সামনের ঘর দেখিয়ে দিয়ে বললেন—বাবা বসে আছেন।

একবার তাকিয়েও দেখলেন না দেবেশ্বর, শুধু বললেন—অ। তারপর তিনি সতর্ক পদক্ষেপে পা বাড়ালেন দোতলার সিঁড়ির দিকে।

স্ত্রী পিছন থেকে একটু উচ্চকণ্ঠেই ব্যাকুলভাবে বললেন—ওগো, বাবা বসে আছেন, দেখা কর।

এবার দৃষ্টি বিস্ফারিত ক'রে ফিরে তাকালেন স্ত্রীর দিকে, বললেন—ভাল। দেখা করব। বলে এগিয়ে গিয়ে সিঁড়ির রেলিং ধরে উপরে উঠে গেলেন। এবং সাবনেই মাঝল টপ টেবিলের উপর হাত রেখে ভর দিয়ে দাঁড়ালেন। নিরম—চাকর এসে চেষ্টার এগিয়ে দেবে, তিনি বসবেন, তারপর চাকর জামা জুতো চাদর একে একে খুলে নেবে। চটি এগিয়ে দেবে। খাড় হেঁট করে ভাবছেন, কপালে ফুসুন-রেখা দেখা দিচ্ছে—এ কি। বাবা এমনভাবে আসবেন কেন ?

হঠাৎ গভীর কণ্ঠের ডাক শুনে চমকে উঠলেন।—দেবেশ্বর। রত্নেশ্বর নিকটেই উঠ এসেছেন, উত্তেজনার মধ্যে চটি জোড়টা পায়ে না দিয়েই উঠে এসেছেন; দেবেশ্বর আবার চমকে উঠলেন একবার। এটা তিনি আশঙ্কা করেন নি। খাড় তুলে দেখে নিলেন একবার, বাপ কত দূরে, তারপর খাড় নামালেন। যেমন দাঁড়িয়েছিলেন তেমন দাঁড়িয়ে রইলেন। প্রণাম করবার চেষ্টাও করলেন না।

—আমি জেগে বসে আছি, আর তুমি আমার সঙ্গে দেখা না করে চলে এলে ?

দেবেশ্বর নীরব। তেমনই দাঁড়িয়ে রইলেন।

—আমাকে তুমি এমন ক'রে উপেক্ষা করতে সাহস কর ? এতবড় স্পর্ধা। তবু দেবেশ্বর নীরব। এক চুল নড়লেন না। বরং এর আগে একটু-আগটু উঠছিলেন, সেটুকুও বন্ধ হয়ে গেল।

—দেবেশ্বর।

নীরব দেবেশ্বর। রত্নেশ্বর বললেন—কথার উত্তর দাও।

—কাল সকালে উত্তর দেব। আজ আমি শ্রম নই। বলে জুতো-জামা না ছেড়েই সামনেই পোবার ঘরে ঢুকে সরল বন্ধ করে দিলেন।

—দেবেশ্বর, দরজা খোল, দেবেশ্বর।

দেবেশ্বর উত্তর দিলেন, কিন্তু সরাসরি বাপকে নয়, ডেকে খীকে বললেন—মানিক-বউ, বাবার শোবার ব্যবস্থা করে দাও; আমার শরীরটা খারাপ করছে। তুমি একটু লিগ্‌গির এস। আমার সেই গুলী লাগা জারগাটায় যেন কেমন ব্যথা আগাচ্ছে। একটু মাশি দিতে হবে। চাকরটাকে বল। তুমি বাবার ঘুমের ব্যবস্থা কর।

পরদিন বেলা আটটার সময় উঠলেন দেবেশ্বর, দেখলেন রাববাহাজুর—কীৰ্ত্তিহাটের একচ্ছত্র অধিপতি রত্নেশ্বর রায়—তার প্রতীকার গম্ভীর মুখে চেঁচিয়ে বসে আছেন। স্থান পূজা হয়ে গেছে। পূরবধু ফল কেটে রূপোর রেকাবীতে সাজিয়ে দাঁড়িয়ে আছেন। তার সঙ্গে কিছু মেওয়া ফল। বাইরে—জানবাজারের জুড়ি, কোচম্যান সহিঁস; চাকর দারোয়ান। কিছু সবাই শুক। যেন একটা ঝড়ের পূর্বসংস্পর্শ।

দেবেশ্বরের জন্ত চাকর ছিল উপরে। তিনি প্রাতঃকৃত্য শেষে চা খেয়েই নিচে নেমে এলেন, এসে বাপকে প্রণাম করে সামনে দাঁড়ালেন। মাথা হেঁট করেই দাঁড়ালেন।

রত্নেশ্বর রায় বললেন—চা খেয়েছ?

বাড় নাড়লেন দেবেশ্বর—না।

রত্নেশ্বর বললেন—বউমা চা আন।

পূরবধু চলে গেলেন চা আনতে। রত্নেশ্বর তিরস্কার শুরু করলেন। প্রথমে মৃদুস্বরে, তারপর সে স্বর চড়ল। দেবেশ্বর শুক হয়ে দাঁড়িয়েই রইলেন। যে মুহূর্তে পূরবধু দরজায় চুকলেন, অমনি চুপ করে গেলেন। বধু চা-খাবার এনে নামিয়ে দিলেন। রাববাহাজুর বললেন—খাও।

ছেলে নড়ল না। বাপ বললেন—নইলে আমার খাওয়া হয় না। খাবার পড়ে রয়েছে, দেখছ না?

দেবেশ্বর এবার চা ও খাবারে হাত দিলেন। বাপও ইঁটকে নিবেদন করে কলের টুকরো মুখে দিয়ে ওবাড়ীর সরকারকে ডেকে বললেন—দারোয়ান চাকরদের বল, এ বাড়ীর জিনিসপত্র শুছিয়ে নিক। সন্ধ্যাবেলা তক ওবাড়ী যাবে। কাল সকালে কীৰ্ত্তিহাটে। বড়বাবু, বউমা, খোকার সব জিনিস যাবে কীৰ্ত্তিহাটে।

এবার দেবেশ্বর বললেন—আমার আপত্তি আছে।

—চাকর আপত্তি আমি মানি না। পূত্র চমকাল না কিন্তু অতকিতে এমন ধমকে বধুটি চমকে উঠল।

দেবেশ্বর হাসলেন। বধুটির লজ্জার আর সীমা রইল না। সঙ্গে সঙ্গে স্বপ্তরের। স্বপ্তর হেসে বললেন—এই ক্রোধে দিপুটা আর আমার গেল না। তুমি অধিকারীত্বের সঙ্গে সহকৃতা নির্গুত। ছেলের হাসিকে গ্রাস করলেন না। অর্থও ভুল করলেন, ভাবলেন বিনীত আত্মসমর্পণ। ক্ষীণও হলেন। তার কথা অক্ষরে অক্ষরে পাণ্ডিত্য হল। সন্ধ্যায় এসে উঠলেন জানবাজারের বাড়ীতে। সেখানে নিবেশ্বর এবং রামেশ্বর অপরাধীর যত ঘরে লুকিয়েছিল। তাদের করেকটা কটু কথা বলে রেহাই দিলেন। খুশী হয়েছেন বড়ছেলেকে

আরও করেছেন।

কিন্তু কীতিহাটে এসে দেখলেন, ভুল তাঁরই। প্রচণ্ড ভুল করেছেন। তিনি অন্ধ।

সুরেশ্বর বললে—সুলভা, রত্নেশ্বর রায়ের ডায়েরীতে যা আছে তাই বলি। আমি তাঁর চেয়ে ভাল ক'রে বলতে পারব না। লিখেছেন—“আমি ভুল করিয়াছি। আমিই অন্ধ, আমিই অন্ধ। দেবেশ্বরের যে লৌহকঠিন অবাধ্যতা এবং জেদকে ডাঙিরাছি মনে করিরাছিলাম সেটা ধৃতরাষ্ট্রের ভাণ্ডা লৌহভীমের মত, একটা কৃত্রিম এবং অলীক বস্তু ছাড়া কিছু নয়।”

তিনি অস্বস্তি হয়ে গেলেন যখন দেবেশ্বর স্বরূপে নিজেকে প্রকাশিত করলেন। তিনি কীতিহাটে এসে, পয়দিন থেকেই অন্ন এবং আহার ভোগ করলেন। শুধু জল। এবং মৌনব্রত অবলম্বন ক'রে একখানা মোটা বই নিয়ে বসে রইলেন ইজিচেয়ারে।

কাছারীতে বসে একটা লাটের প্রজাদের সঙ্গে মিটমাটের কথা হচ্ছিল। লাটভূবনপুরের মধ্যে মোজা খান-দশেক; দশখানা গ্রামের প্রজাদের সঙ্গে মামলা চলছিল দু' বছর। বুদ্ধির জ্বলে মামলা করেছিলেন রায়বাহাদুর। প্রজারা বুদ্ধি দিতে রাজী ছিল কিন্তু সে টাকার এক আনা থেকে শুরু করে দু' আনা পর্যন্ত উঠেছিল, তারপর খুঁট পেতে বসেছিল—লড়াই হয় হোক। এর বেশী দেবে না।

রায়বাহাদুরের দাবী ছিল—টাকার চার আনা এবং প্রত্যেক জোতজমা জরীপ করে দেখে যার জমির পরিমাণ বুদ্ধি পাবে, তার উপর খাজনা ধার্য।

নতুন কেনা লাট। বুদ্ধির সম্ভাবনা অনেক। রায়বাহাদুর হুকুম দিয়ে গোমস্তা পাইক উঠিয়ে এনে, কাগজ ফেলে দিয়েছিলেন মামলা সেরেস্তায়। সেখান থেকে গান্ধাবন্দী আজি গিয়ে পড়েছিল মুনসেফী আদালতে। এ-লাটখানা ২৪ পরগণার অন্তর্গত, আলিপুর, সদর সাব-ডিভিশনের এলাকা। দু' বছর লড়ে প্রজারা গড়িয়ে পড়েছে—হুকুম, একটা মিটমাট করে নিন। টাকার সিকি বুদ্ধি দিতে গেলে আরও মরে যাব। এতেই আমরা দু'বছর মামলা করে খায়েল হয়ে পড়েছি। দশখানা গ্রামের মাতঙ্গর সে প্রায় পঞ্চজন হিসেবে হলে পঞ্চাশ হয় সুলভা, কিন্তু পঞ্চের চেয়ে বেশি এসেছিল, দশ হিসেবে একশো নয়, বিরাশী জন। দেবোত্তরের ভাণ্ডারের খাভার খরচ লেখা আছে, চালের খরচ। “অন্ত লাটভূবনপুরের বিরাশীজন ও অন্তান্ত স্থানের ত্রিশজন প্রজা আইসে তাহাদের জন্ত মায়ের ভোগ বরাদ্দ বাতীত বাড়তি চাউল বরাদ্দ—এক মণ আঠারো সের।”

খাস কাছারী—যে কাছারী-ঘরে অভ্যুত্থানের কাটিজ আর বোমার সরঞ্জাম লুকিয়ে রেখেছিল, সেইটে এখন নতুন তৈরি হয়েছে—সেই ঘরে, ওই কুইন ভিক্টোরিয়ার অয়েল পেন্টিংয়ের নীচে তিনি বসেছিলেন, সুরঙ্গী নলে টান দিচ্ছিলেন এবং মনে মনে প্রজাদের কতটা মাণ করা যায়, সেই কথা ভাবছিলেন। ঠিক সেই সময় তাঁর খাস চাকর এসে পিছনে দাঁড়িয়ে মৃদুস্বরে ডেকেছিল—হুকুম!—

চিন্তার মধ্য থেকেই তিনি উত্তর দিয়েছিলেন—উ—। ছোট্ট উ।

—এই রোকাখানা। বলে সে একখানা কাগজ তাঁর সামনে এসে ধরেছিল।—কি এটা? বলে রোকাখানা তুলে ধরে পড়েই গভীরতর চিন্তায় ভুগ-কপাল কুঁচকে, বাড়টা

একটু ঘুরিয়ে অল্পদিকে তাকিয়েছিলেন পলকহীন দৃষ্টিতে।

রোকাখানার লেখা, পুত্রবধু লিখেছেন—“আপনার ছেলে সকালবেলা হইতে কাহারও ডাকে সাড়া দিতেছেন না, জল ছাড়া কোন কিছু খাইতেছেন না, সকাল হইতে চা পর্বন্ত খান নাই। শুধু দু'গ্লাস জল খাইয়াছেন। আমি কি করিব? কাহাকে বলিব? যাহা হয় আপনি করুন।”

কপালের কুকনরেখার সারির সংখ্যা ক্রমশঃ বৃদ্ধি পাইছিল। এবং দৈর্ঘ্যও প্রসারিত হইছিল দুই প্রান্তে। নাকের উপরেই ভ্রুর মধ্যে তিনটে রেখা জেগে উঠে ত্রিশূলের মত মনে হইছিল। সব আলোচনা শুরু হয়ে গিয়েছিল। কে কথা বলবে এ-সময়? হঠাৎ তিনি উঠে দাঁড়ালেন, বললেন—আসছি আমি। মণ্ডলদের সব তামাক দিতে বল।

রত্নেশ্বর এসে দেখলেন দেবেশ্বর ইজিচেয়ারে বসে বই পড়ছেন। বাপের পারের চটির শব্দ শুনে মূখ তুলে দেখে উঠে নীরবে দাঁড়ালেন।

রত্নেশ্বর বললেন—তুমি কি আমাকে অপমান করতে বদ্ধপরিকর?

দেবেশ্বর ইজিচেয়ারের পাশে একটা ভেপায়া ছিল, সেটার উপর থেকে একখানা কাগজ তুলে নিয়ে লিখে উত্তর দিলেন—“না। তবে আমারও একটা সম্মান আছে। সে সম্মান বজায় রাখিতে আমি মরিতে পর্যন্ত প্রস্তুত। আমিও রীরবংশের সম্মান, উত্তরাধিকারী। আমি রায়বাড়ির প্রজা নহি। এবং আপনার প্রতি ভয়, আতঙ্ক সবকিছু—সেদিন শুকি করিয়া আত্মহত্যা করিতে গিয়াও বাচিয়া উঠিবার পর চলিয়া গিয়াছে। তদ্ব্যতীত আমার বয়স বোড়শ বর্ষ অনেক দিন অতিক্রম করিয়াছে, আমি পুত্রের পিতা হইয়াছি।”

রত্নেশ্বর স্থিরভাবে তাঁর মুখের দিকে তাকিয়ে একখানা চেয়ার টেনে নিয়ে ছেলেকে বলেছিলেন—বল।

দেবেশ্বর ইজিচেয়ারে বসেছিলেন। রত্নেশ্বর বলেছিলেন—তুমি আমার পুত্র নও? তুমি ভুল করলে আমি তোমাকে শাসন করব না?

লিখেই উত্তর দি়েছিলেন দেবেশ্বর—“পুত্রেরও স্বাধীনতা আছে। সেও যাহূব। আমার ধারণা আমার ভাল-মন্দ বুঝিবার বয়স হইয়াছে এবং সেমত বিত্ৰাবুদ্ধিও আরভ করিয়াছি। আমার জীবনের ভাল-মন্দ যেমন আপনি বিচার করেন, তেমনি আপনার চরিত্রের ভাল-মন্দ বিচার করিয়া নিজেকে গঠন করিয়াছি। যে-কঠোরভাবে আপনি আত্মনির্ধাতন করিয়াছেন, তাহার জন্তই আজ আপনি এমত প্রকার কঠিন ও কঠোর চরিত্র, রূঢ় প্রকৃতি। তাহার সঙ্গে স্বার্থবুদ্ধি জড়িত করিয়া যাহা করিয়াছেন, তাহাকে আপনি ধর্ম বলেন—আমি অধর্ম মনে করি।”

দেবেশ্বরের হাত চেপে ধরে রত্নেশ্বর বলেছিলেন—স্বার্থবুদ্ধির অপবাদ দিচ্ছ তুমি দেবেশ্বর?

সমস্রমে হাতখানি টেনে এবার মুখে বলেছিলেন—হাতখানা ছাড়ুন, মুখে এর উত্তর দিতে পারব না আমি। লিখে দিচ্ছি।

ছেলের হাত ছেড়ে দি়েছিলেন রত্নেশ্বর। দেবেশ্বর লিখেছিলেন—তাঁর ছুটি দৃষ্টান্ত



আমার অন্তরে মর্মান্বিত কণ্ঠের স্রুটি করিয়াছে। প্রথম আমার ভিক্ষা-মাকে বে-কারে দেণ্ডাগিনী করিয়া নির্বাসনে পাঠাইয়াছিলেন, সে-কারণ এমন কোন অপরাধ নয়।

মাকথানেই রত্নেশ্বর বলে উঠেছিলেন—না-না। তুমি জান না। তুমি জান না। সে আমার সর্বনাশ করত। সে আমাদের বংশের অভিসম্পাত, ছলনা করে প্রবেশ করেছিল। সর্বনাশ হয়ে যেত।

দেবেশ্বর লিখলেন, কিন্তু তাহার সম্পত্তি লইলেন কেন ?

—তার স্বাধীন তাই অতিপ্রায় ছিল। সম্পত্তি দেবোত্তর করা। এবং একজন ভ্রষ্টাচারীজার দেবোত্তরের সেবুরেত হবার অধিকার নাই।

—আমি স্বীকার করি না, দেবতার সেবা করিবার অধিকার নাই। পাণী-ভাগী-পুণ্যাস্ত্র-পাপাস্ত্র সকলেরই অধিকার আছে।

দৃঢ়বরে রত্নেশ্বর বলেছিলেন—না-না। বেস্তা নিজে দেবতা স্থাপন করে পূজা করতে পারে সে তার। কিন্তু সং স্তব্ধ গৃহস্থের স্থাপিত বিগ্রহের সেবারেত ভ্রষ্টা হলে তার সে অধিকার থাকে না। থাকতে পারে না। যেমন আতিচ্যুত বা জাত্যন্তরগ্রহণে পৈত্রিক সম্পত্তিতে এমন কি পিতামাতার সঙ্গে তার কোন সম্পর্ক থাকে না। তাকে নির্বাসনে পাঠিয়েছিলাম, সেই রকম দেবেশ্বর, হস্তাগিনী মরে বেঁচেছে। নাহলে সে আমাকে বলেছিল, সে তোমার মা, তোমাকে সে কথা বলতে পারব না। তবু ইরিতে বলি, বলেছিল—সে মুসলমান বা ক্রীষ্টান হয়ে বাবে। ঠাকুর গঙ্গার জলে বিসর্জন দেবে।

দেবেশ্বর লিখে জানিয়েছিলেন, কৃষ্ণভাগিনী মরেন নি। বৃন্দাবন থেকে মৃত্যু ঘটনা করে পাণিয়ে এসে বাইজোবুস্তি অবলম্বন করেছেন।

ভিক্ত হেসে রত্নেশ্বর বলেছিলেন—তাও জান তুমি ? সেও আমিও জানি, কিন্তু কথাটা বলতে পারি নি তোমাকে।

এবার দেবেশ্বর স্তব্ধ হয়ে ছিলেন কিছুক্ষণ। তারপর আবার লিখেছিলেন, শূন্যবাক্য ভ্রাক্ষণ রামছবি চক্রবর্তীকে স্রো-পুত্রগহ নির্বাসনে পাঠাইয়াছিলেন। তাহা নিষ্ঠুরতা নয় ?

—মৃত্যু ? মৃত্যু নিষ্ঠুরতা নয় ? কিন্তু তা নিরম। সমাজের মধ্যেও নিরম আছে। তার কিছু কিছু নিষ্ঠুর হয়ে থাকে।

এবার যেন পরাজিত হয়ে কিপ্ত হয়ে উঠেছিলেন দেবেশ্বর। লিখেছিলেন—“আপনি ভ্রাক্ষণ সংস্কারবলে আপনার মাতামহের ভ্রান্তির বা মণ্ডিকবিকৃতির কলঙ্কে বংশগত অভিসম্পাত বলিয়া ধরিয়া লইয়াছেন। এবং নিজেকে ব্রহ্মণা দিতেছেন, আমাদেরিগকেও ব্রহ্মণা দিতেছেন।”

সত্যে রত্নেশ্বর বলেছিলেন—খাম খাম। তারপর বিস্ফারিত দৃষ্টিতে ছেলের মিকে ডাকিয়ে বলেছিলেন—তুমি জান ?

—জানি। মুখেই বলেছিলেন দেবেশ্বর।

—কে বললে।

এবার আবার কাগজ টেনে লিখে দিয়েছিলেন দেবেশ্বর, বাত মুখ চিরদিনের জন্ত বন্ধ করিবার জন্ত আপনি পিচ্চকে দিয়া পুন করাইলেন। ঠাকুরদাগ জ্যাঠামশাই। শুনি লাগিয়া।

বখন শয্যাশায়ী ছিলাম, তখন জ্যাঠামশাই কলিকাতা আসিয়াছিলেন; গোপনে তিনিই আমাকে সব বলিয়াছিলেন। বলিয়াছিলেন ইহাতে তোমার দোষ নাই, দেবু বাবা। তোমার বাবার পিতামহ-মাতামহ দুই দিক হইতে অভিযম্পাত আছে। আমাকে তিনি সাবধান করিবার জন্যই বলিয়াছিলেন। “রায়বংশের নিন্দা করেন নাই।”

—তবে? তবে তুমি কেন আমাকে এই কঠোরতার অন্ত দোষারোপ করছ। আমি নিদারুণ কষ্ট স্বীকার করেছি। অজ্ঞান-কৃষ্ণভামিনী দুটো নারীকে বলতে গেলে, পক্ষসমূহে ফেলে দিয়াছি, তারা ডুবে গেছে। কেন? রায়বংশকে বাঁচাতে। তুমি মুখের মত, পত্নের মত প্রলুব্ধ হয়ে সেই অভিযম্পের হাতছানিতে ছুটছ।

চূপ করে বসেছিলি—দেববর, উত্তর বোধহয় খুঁজে পান নি। বা যে উত্তর তিনি পরে দিয়েছিলেন, সেটা তখন-তখনই বাপের সম্মুখে লিখে দিতে পারেন নি। দিলে সেটা মুখের উপর জবাব করা হত।

ওদিকে কাছারী থেকে লোক এসেছিল। সময়টা ভর্তি কাছারীর সময়। সকালবেলার প্রথম প্রহর পার হয়ে দ্বিতীয় প্রহরে চুকছে দিন। কীর্তিহাটে যারা আসবার জন্য সকালে বা রাত্রি থাকতে যাত্রা করেছে, তারা এসে পৌঁছে গেছে। ওদিকে ডাক এসেছে। মামলা সেরেওয়া তো দশখানা ভৌজির মাতব্বর বসে আছে। আর মধ্যে হককা খবর এনেছে, তমলুকের এস-ডি-ও সাহেবের চিঠি নিয়ে একজন লোক এসেছে। রত্নেশ্বর রায় ছেলেকে নীরব দেখে বললেন—ভেবে দেখ। কিন্তু গোটা বাড়ীতে, গোটা গ্রামে একটা সোরগোল তুলে জাহির কর না যে রায়বাহাদুর রত্নেশ্বর রায়ের পুত্র অবাধ্য। সে তাঁকে অপমান করেছে। রায়বাহাদুর তাই নীরবে হজম করছেন। রত্নেশ্বর রায় বাঘ নয়, শেয়াল হয়ে গেছে ছেলের কাছে।

তমলুকের এস-ডি-ও অর্শে ভুগছিলেন, তার জন্য ওল বেতে বলেছে কবিরাজ এবং স্থানীয় প্রধানেরা, তাই তিনি কী তহাটের রায়বাহাদুরের কাছে পাঠিয়েছেন, কিছু ভাল ওল পাঠিয়ে দিন। এবং তার বাড়ীতে জামাই-মেয়ে এসেছে, তাদের সঙ্গে একটা বড় মাছ এবং মনে করিয়ে দিয়েছেন, খুব ভাল মিহি-পাতির মাত্রের কথা।

সেই ব্যবস্থা আগে করলেন। চিঠির উপর হুঁম লিখে পাঠিয়েছিলেন ম্যানেজারের কাছে। ওবেলার মধ্যে লোক যেন জিনিসপত্র নিয়ে তমলুকে পৌঁছায়। এই সব জিনিসের সঙ্গে আরও কিছু জিনিস, বাগানের অকালের আম, মর্ন্তমান কলা, কিছু ভাল বি সের পাঁচেক যেন পাঠানো হয়।

তারপর কয়েকটা নালিশ এসেছে ঐজাদেবের। নিজেদের মধ্যে বগড়ার নালিশ। বিচার মহলের গোমস্তা করেছে, কিন্তু তা ঠিক মনঃপূত হয় নি, আপীল করেছে খোদা হুজুরের কাছে। সে সব সমস্যাস্তের উপর তারিখ দিয়ে গোমস্তাকে এবং প্রতিপক্ষকে হাজির হবার জন্য হুঁমনামা পাঠাবার নির্দেশ দিয়ে জমিদারী সেরেস্তার নামেবকে পাঠিয়ে দিয়েছেন।

তারপর ডাকঘরের ডাক দেখতে বসলেন; সাপ্তাহিক কাগজ এসেছে বাংলা-ইংরেজী বঙ্গবানী, হিতবানী, অমৃতবাজার, ইংলিশম্যান—সে সব ঠেলে রেখে সর্বপ্রথম খুললেন একখানা

সরকারী ধাম, আসছে কলকাতা থেকে। তিনি নতুন ভাইসরয়কে সেলাম জানাবার অল্পগ্রহ প্রার্থনা করেছিলেন, তার জবাব।

জবাব এসেছে, দরখাস্ত হিজ একসেলেন্সি পেয়েছেন, পরে সুবিধামত সময় ও সুযোগ অবশ্যই দেওয়া হবে। রায়বাহাদুরের নাম ভাইসরয় নথিতে অপরিচিত নয়।

খত্তর চিঠি দিয়েছেন, তাও উৎসাহজনক। তিনি কলকাতার রাইটাস' বিল্ডিংয়ে তত্ত্বির করছেন। নূতন লার্টগাহেব মাকু'ইস অব রিপন। লিখেছেন—হঠাৎ ধানিকটা অসুবিধা ঘটয়া গেল, নতুবা নূতন লার্ট লর্ড রিপন উদার ব্যক্তি। তিনি নিশ্চয় সুবিধা দিতেন। সম্প্রতি আকগানিস্থান লইয়া রাশিয়ার সঙ্গে ইংরেজের যে কাড়াকাড়ি চলিয়াছিল, তাহাতে ইংরেজই জয়ী হইয়াছিল, হঠাৎ সেখানে আবার বিপর্যয় ঘটয়াছে। তুমি নিশ্চয়ই কাগজে দেখিয়াছ যে, কাবুলের রুটিশ একজেন্টকে একদল বিদ্রোহী আকগান সৈন্য হত্যা করিয়াছে। তাহার প্রতিশোধ লইবার জন্য লর্ড রবার্টস কাবুল অভিযান করিয়াছেন এবং কাবুল দখল করিয়াছেন। বর্তমানে কাবুলের আমীর শেখ আলিকে অপসারণ করিয়া তাঁর ভ্রাতৃপুত্র আবদুর রহমানকে আমীরের পদে অভিষিক্ত করা হইতেছে। এখন এখানে দারুণ বাস্তবতা। সুত্তরাং অল্পরূপ ভাবিবে না। এসব মিটিণেই তোমার ইন্টারভিউর সুযোগ মিলিবে। এবং আমি যতটা জাঁচ পাইয়াছি, তাহাতে তোমাকে আরও বড় সম্মানে সম্মানিত করিবার কল্পনা আছে। তখনকার ১৮৬৪ সালের Cyclone-এর পর তুমি যে সদাচরত খুলিয়া লোককে আশ্রয় দিয়া তাহাদিগকে বাচাইয়াছ, সেবা করিয়াছ, তাহার সরকারী রিপোর্ট দেখিলাম, তোমার কাইলের মধ্যে উদ্ধৃত করিয়াছে।

"On the whole the death by sickness are estimated to have been equal to those caused by storm and flood making a total of atleast 65,000 ; exclusive of the tracts not reported upon of all individuals specially amongst the zaminders who live like princes and lords by exacting money from these poor people. Roy Bahadur Ratneswar Roy is the first and foremost man to be named who did more than his best to serve these poor people. He gave them shelter and food, also served with medical help from his charitable dispensary.

স্বলতা, চিঠিপত্র সবই তখন ইংরিজীতে। দেবেশ্বরও ইংরিজী ছাড়া লিখতেন না।

যুগটাই ইংরেজের। কিন্তু সে কথা থাক। সেদিন ওই পত্রখানার কল্যাণে লার্ট ভূবনপুরের প্রজাদের মঙ্গল হয়েছিল। তাদের বুদ্ধির বোঝার কিছু উপশম হয়েছিল। টাকার এক আনা বৃদ্ধি মার্ক হয়ে তিন আনা হয়েছিল।

প্রজারা সানন্দে যেনে নিয়েছিল। কারণ এ কথা সকল লোকে জানে যে, আইনে যা প্রাপ্য হয় তা রায়বাহাদুর মার্ক দেন না। এক্ষেত্রে চার আনা বৃদ্ধি তিনি নিশ্চয় পেতেন। কারণ ধান-চালের দর ১৮৭০ সালের পর থেকে এই আশী সাল পর্যন্ত টাকার দু-তিন আনা বেড়ে গেছে। এবং রায়বাহাদুর যে বিরাট বাঁধ দিয়েছেন বস্তা রোধের জন্য, তাতে কলসের

উৎপাদন নিশ্চয় বাড়বে।

রায়বাহাদুর হুকুম দিয়েই উঠে গিয়েছিলেন নিজের আপিসঘরে। এ ঘরটা সেই ঘর স্বলতা, খেটা থেকে সিন্দুক খুলে পুলিশের দল লাফ মেরে পালিয়ে এসেছিল কাঁকড়া বিছের তরে এবং যে সিন্দুক থেকে পেয়েছিলাম পত্রের দস্তুর, এটা সেই ছোট ঘরখানা। এবং সেই চেয়ার, সেই টেবিল।

শেখানে বলে তিনি চিঠির জবাব লিখতে বসেছিলেন শস্তরকে। হঠাৎ কি মনে হয়েছিল, তাঁর খাল চাকরকে ডেকে বলেছিলেন—খা চিঠিখানা বড়বাবুকে দেখিয়ে নিয়ে আয়। বলবি, কর্তাবাবু পড়ে দেখতে বললেন। ইচ্ছে কি ছিল অসুমান করতে পারি, সম্ভবত উদ্ভূত পুত্রকে তাঁর কীর্তিকলাপের এ দিকটা স্মরণ করিয়ে দিতে চেয়েছিলেন। চাকর ফিরে এল দেবেশ্বরের চিঠি নিয়ে।

দেবেশ্বর তখন প্রায় উন্মাদ। মদ খেয়েছেন। বিলিভী মদ তাঁর বাসে লুকানো ছিল, বের করে খেয়েছেন এবং যে কথা বাপের সামনে লিখে দিতে পারেননি, সেই কথা লিখে ওই চাকর মারফৎ পাঠিয়ে দিয়েছেন। বলেছেন—এইটে দিগ বাবাকে। যখন একলা থাকবেন তখন। দস্তুরমত খামে বন্ধ করে পাঠিয়েছেন। সবিস্ময়ে চিঠিখানা খুলে রত্নেশ্বর বার স্তম্ভিত হয়ে গেলেন আবার।

ছেলে লিখেছে—“আপনি ভাবিয়া দেখিতে বলিলেন। আমি এমত কথা অনেক দিন হইতে ভাবিতেছি। আজও আবার ভাবিলাম। আপনার মতামতের সহিত আমার মতামত কোন প্রকারেই মিলিতেছে না। ইহার লজ্জা অর্থাৎ আমি স্বাধীন মত পোষণ করি বলিয়া আমি আপনার অবাধ্য নহি। ইহার সহিত বাধ্যতা-অবাধ্যতার কোন সম্পর্ক নাই। আপনি যাহা বিশ্বাস করেন, আমি তাহা বিশ্বাস করি না। আমি অবাধ্য নহি, আমি আমার স্বাধীন মতে চলি। আপনি মতপান করেন না, আমি মতপান করি, তাহাতে দোষ দেখি না। এদেশে-ওদেশে বড় বড় লোকে মতপান করিয়াছেন, করেন। আপনি করেন না; তাহাও ভাল। আপনি জীবনে মতপান করেন নাই, তজ্জনিত যে অতৃপ্ত তৃষ্ণা তাহাও বোধহয় আমার অন্তরে রহিয়াছে। আপনি বাল্যজীবনে আমাকে কঠোর সংযম শিক্ষা দিতে সম্ভবতঃ অত্যন্ত হুংস দিয়াছেন। শাসন করিয়াছেন। তাহাই আমাকে আপনার পথ ও মতকে আমার নিকট নিষ্ঠুর এবং দুর্গম করিয়া তুলিয়াছে। আমার লালসাকে উগ্র হইতে উগ্রতর করিয়াছে। আমি অনেক চিন্তা করিয়াছি, অনেক পড়াশুনা করিয়াছি, ইয়োয়োপের শ্রেষ্ঠ দার্শনিকদের দর্শন পড়িয়াছি। আপনি এক ব্রাহ্ম অভিলম্পাতভীতি দ্বারা ভীত হইয়া নিজের জীবনকে পীড়িত করিয়াছেন, আমাদিগকে পীড়িত করিতেছেন। ইহা মিথ্যা, ইহা জালি, অলৌক। পৃথিবীতে বাহ্যিক হুঁসি স্বাধীনতা তোগ্য করে, তাহারাই সেই ভূমির শ্রেষ্ঠ ফসল ও ফল ভোগ করে, তাহারাই সেই ভূমিশ্রেষ্ঠ রূপবতী নারীর অধিকার পাইয়া থাকে। রাজাদের, নবাব বাদশাহদের অম্বর ও হারেমস্তরী নারীকুল তাহার প্রমাণ। পৃথিবীর কোন সমাজ তাহা দমন করিতে পারে না। আমাদের দেশে আজ ইংরাজ এক বিবাহ করে এবং তাহার। শক্তিবলে এ অনাচার দমন করে বলিয়া কিছুটা দমিত হইয়াছে

মাত্র। কোন শাস্ত্রের দোহাই দিয়া ভূমাস্বিকারীর এই অধিকার বিলুপ্ত হয় নাই বা হইবে না। আর ওই শাস্ত্রবাক্য “পৃথিবীতে একটি পুরুষের সহিত একটি নারী ব্যতীত অপর সকলের সম্পর্ক মাতৃ-সম্পর্ক বা কন্যা-সম্পর্ক”—ইহা ভুল। ইহা নিতান্তই কাপুরুষের কথা। সংস্কারাচ্ছন্নের কথা। সমাজের দিকে চাহিলেই তাহা বুঝিতে পারিবেন। আপনি দৃষ্টান্ত দিয়া থাকেন মাতৃসাধকদের। ইহাদের সম্পর্কে কটু কথা বলিতে চাহি না, এই দেশের প্রতি সম্মান রাখিয়াই বলিতেছি যে, তাঁহারা শিশু হইয়া অন্নগ্রহণ করেন এবং যতই দীর্ঘজীবন হউক তাঁহাদের শিশুত্ব কখনও ঘোচে না, শিশু হইয়াই তাঁহারা মরেন। অন্ন হইতে মৃত্যু পর্যন্ত স্তম্ভলালসা মেটে না। তাঁহারা সম্ব নারীকেই যা ভাবিয়া থাকেন ভাবিতে পারেন আমি তাহা পারি না, তাহা পারিব না। ইহা হাস্যকর। ইহাকে সত্য হই যদি অসত্য সত্য বলিয়া মনে করেন বা করিতে পারিতেন তবে নিজে বিবাহ না করিলেই পারিতেন। যদি করিলেন, তবে রায়বংশের শিশুদের শেষ স্মৃতিকাণ্ডে করিলেই মিটিয়া যাইত।

ওই ভাব আমার জ্ঞান নহে। আমি পুরুষ। আমি জীবনে চলার পথে একক চলিতে পারিব না। বা একজনের সঙ্গে খুঁটে খুঁটে বাধিয়া চলিতে পারিব না। আপনাদের শাস্ত্র পুরাতন, অচল। এ যুগের মানুষ তাহা মানিতে পারিবে না।

শৃঙ্খল দিয়া বন্দী করিয়া রাখিতে চান রাখিতে পারেন, আমি শক্তি থাকিলে তাহা ছিন্ন করিব এবং সমস্ত কিছু পরিত্যাগ করিয়া চলিয়া যাইব।”

স্বদেশের একটা দীর্ঘনিঃশ্বাস ফেলে বলিলে—স্বনতা, দেবেশ্বর যেন উদ্ভাদ হয়ে উঠেছিলেন। কীতিহাটের সেবার তাঁর নিঃস্বের মত বাপের সঙ্গে লড়াই করে তাঁর দাবী আদায় করে নিয়ে তবে ছেড়েছিলেন। কিন্তু মুখে কথা হয় নি। সব হয়েছে চিঠিতে। তার মধ্যে কোনটা এক লাইনের চিঠি। শুধু লেখা—

Respected Sir—My answer to your letter—is no.

শেষ চিঠিখানাতে কয়েকটা লাইন আছে তা মারাত্মক। লাইন-কটা আমার মনে গাঁথা আছে। “আপনার উপলক্ষ আপনার নিজস্ব। তাহা আমার নিকট দুর্বোধ্য। তাহা বুঝিতে পারি না। একান্তভাবে অর্থহীন যদি শাস্ত্রবাক্য হয়, তবে সে শাস্ত্র ভীকর শাস্ত্র। সে শাস্ত্র কুসংস্কারাচ্ছন্ন শাস্ত্র। পৃথিবীতে একমাত্র গর্ভধারিণী জননী এবং নিজের গর্ভমজাত কন্যা ও সহোদরা এই তিনটি নারী ব্যতীত অপর সকল নারীর সহিত আমার বিচারে পুরুষের একটি মাত্র সম্পর্ক, নারী তাহার কাছে নারী ছাড়া আর কিছু নহে। আপনি অনেক সাধকদের দৃষ্টান্ত দিয়াছেন; ঋক্বেদে গিয়া রামকৃষ্ণ নামক একজন সাধককে দেখিয়া আসিবার জন্ত বলিয়াছেন। কিন্তু তাহার প্রয়োজন নাই। ইহা আমাদের দেশের এই সকল সাধকদের নিকট এবং সাধারণ মনুষ্যগণের নিকট হয়তো প্রথম সোভাগ্যের বিষয়। আপনি ইহাকে তৃতীয় নয়ন দ্বারা মহাসত্য বলিয়াছেন, কিন্তু আমি তাঁহাদের প্রতি সম্মান রাখিয়াই বলিতেছি যে, তাঁহারা শিশু হইয়াই জন্মান ও চিরজীবন শিশুত্ব ঘুচে না, এবং একলা স্মৃতিকাণ্ডে শিশুত্বের মতই মৃত্যুবরণ করেন। আজীবনের মধ্যে ইহাদের স্তম্ভলালসা আর মেটে না। কিন্তু আমি তাহা ভাবি না। আমার ধারণা এবং এই প্রকৃতির কারণ নির্দেশ করিয়াছেন, আপনার

মাতামহের প্রতি দেবতার অতিশাপকে। তাহাও আমি মানি না। কারণ অমৃত্যুর স্বর্ণ নরক ইত্যাদি সবই আমার নিকট অলৌকিক কল্পনা।”

\* \* \*

স্বদেশের বললে—এর পর হার মেনেছিলেন রত্নেশ্বর। দেবেশ্বরকে কলকাতা ফিরে যেতে অতুমতি দিয়েছিলেন। সঙ্গে সঙ্গে বাণ-বেটার একটা আপোশ হয়েছিল। রত্নেশ্বর দেবেশ্বরের ত্রিফে-মা কৃষ্ণতামিনীর সম্পত্তির দুইয়ের তিন অংশের দাম হিসেবে পঞ্চাশ হাজার নগদ টাকা আর কলকাতার বাড়ী লিখে দিয়ে বলেছিলেন—আমি বিবেচনা করে দেখলাম, ওই সম্পত্তিটা বোল আনা তোমারই প্রাণ্য হওয়া উচিত ছিল। কিন্তু সেই যখন আর হবার উপায় নেই এবং তিন ভাগের দু ভাগ তোমার তাইরা পাবে...তখন তার দাম হিসেবে এটা তোমাকে দিচ্ছি। আমার ইচ্ছার তুমি সাহেব কোম্পানীর চাকরি ছেড়েছ; এই টাকায় তুমি এখনই ব্যবসা আরম্ভ কর।

আরও কথা হয়েছিল, দেবেশ্বর কথা দিয়েছিলেন—মত্তপান তিনি সংযতভাবেই করবেন। অনাযতভাবে মত্তপান স্বাস্থ্যহানি, পাপ না হোক অপরাধ। এবং—

বেদনার্ত হাসি হেসে স্বদেশের বললে—এবং নারীর কথাও হয়েছিল। রত্নেশ্বর তাতেও সঙ্কোচবোধ করেন নি। ইচ্ছিতে অস্বাভাবিক করেছিলেন অবশ্য। বলেছিলেন—হ্যাঁ, তুমি এবং সম্পদের দ্বারা অধিকারী তার, সংসারে নারীর ক্ষেত্রে ভোগী। কুলপতি, সমাজপতিরা বহু-বিবাহ করে থাকেন। রাজারা বহুবিবাহের পরও রক্ষিতা রাখেন। আমাদের আশেপাশে তো দেখছি, রাজ-রাজড়াদের। একটা দীর্ঘনিঃশ্বাস ফেলেছিলেন রত্নেশ্বর রায়।

তারপর বলেছিলেন—তবু নিজের ইচ্ছাত, বংশের মর্যাদা, এমব বজায় রেখেই সব করা উচিত। মত্তপান করতে হয় ঘরে বসে কর। বাইরে পথে বেরিয়ে মত্ততা কেন প্রকাশ করবে? শুধু তো মর্যাদা ঈশ্বত নয়, নিজের নিরাপত্তা আছে, আরও অনেক কিছু আছে।

দেবেশ্বর রায় কোন উত্তর দেয় নি, শুক হয়েছিলেন। শেষ পর্যন্ত বলেছিলেন—আমি এর উত্তর লিখে পাঠিয়ে দেব।

রত্নেশ্বরই প্রথম প্রস্তাব লিখে পাঠিয়েছিলেন। বাড়ী ভাড়া করে রক্ষিতা রাখার কথা ছিল। বীরেশ্বর রায়েব শেষজীবনে যেমন সোফি বান্ধে ছিল। রত্নেশ্বর লিখেছিলেন—“ভায়লেটের সঙ্গে কোন সম্পর্ক রাখ বা থাকে, ইহা আমার ইচ্ছা নহে। তাহার সহিত সম্পর্ক রাখিলে কোনদিন-না-কোনদিন এই গোয়ানপাড়ার গোয়ানরা রায়বাড়ীর দুর্নামের ধ্বজা হইয়া থাকিবে এবং ইহাদিগকে ভয় করিয়া ঢালতে হইবে।”

দেবেশ্বর উত্তর দিয়েছিলেন—ভায়লেটের প্রতি তাঁর আর কোন আকর্ষণ নেই। সে মোহ তাঁর কেটে গেছে। “এবং এ বিষয়ে বিশেষ আলোচনা আপনার সহিত করিবার মত মনের কাটিস্ত আমার আর নাই। আমি আপনার নিকট পরাজিত হইয়াছি। আপনি চিত্তিত হইবেন না। আমি এমন কোন কর্ম করিব না, বাহাণ্ডে আপনাকে লজ্জিত হইতে হইবে।”

এর পর চিঠি এসেছিল, আবার তোমাকে উত্তর করিতেছি। আমার বহুমাতার অবস্থা কি হইবে?

উত্তর গিয়েছিল, “আমি ইত্তর নহি, তাহার কোন অসম্মান হইবে না।”

এর উত্তরেও প্রশ্ন এসেছিল, “সম্মান তোমার নিকট হইতে তাহার কামা নয়। এবং সে যতক্ষণ নিজ অসম্মানের মত কর্ম না করে, ততক্ষণ কাহার সাধ্য তাহাকে অসম্মান করে। আমি অবহেলা, অবজ্ঞার কথা বলিয়াছি। আমার নিকট হইতে জীব বাহা প্রাপ্য তাহার সম্পর্কেই প্রশ্ন করিয়াছি।”

দেবেশ্বর উত্তর দিইছিলেন, “বহুজন সম্মুখে শাস্ত্রীয় মন্ত্রপাঠ করিয়া শপথ করিয়া বাহা রক্ষা করিতে পারি নাই, দিব বলিয়া দিতে পারি নাই, আবার আপনায় নিকট শপথ করিয়া তাহা দিব বলিয়া কি লাভ হইবে? তবে চেষ্টা আমি করিব। এবং আমি চেষ্টা করিয়া দিতে তাঁহাকে পারিব না, যদি তিনি তাঁহার পাওনা, আমি যেমন আপনায় নিকট আদায় করিয়া লইলাম, তেমনি করিয়া আদায় করিয়া লইতে না পারেন।”

এর পর আর প্রশ্ন রত্নেশ্বর করেন নি। শুধু নিজের ডায়েরীতে লিখেছিলেন—“ভাগ্য বড়, না পৌরুষ বড়, এ প্রশ্নের সেই একই উত্তর রইল চিরকাল। “ভাগ্য ফলন্তি সর্বত্র ন চ বিজ্ঞা ন চ পৌরুষং।” রায়বংশের ভাগ্য! এই তার কর্মফলের দ্বারা নির্দিষ্ট প্রাপ্য। একটা ভীতকে যেমন যে মুখে নিক্ষেপ কর, সে তার গতিতে সেই মুখেই ছোটে, তেমনি করিয়াই ছুটিয়াছে। আমার সকল চেষ্টাই ব্যর্থ হইয়া গেল।

\* \* \*

বিচিত্র চরিত্র দেবেশ্বর তার; স্বলভা, আজ তাঁকে বিচিত্র চরিত্র মনে হয় বটে, কিন্তু সকালে তিনি ছিলেন ‘আলটো মডার্ন’। অবিশ্বাসী, নাস্তিক—ইতিবাৎসবের একটি সংজ্ঞাকে তিনি মনুষ্যত্ব বলে মানতেন এই পর্যন্ত। তর্কে-যুক্তিতে সুরধার, কল্পনাতে তিনি অসম্ভব অব্যক্তকে জীবনে গড়ে তুলতে চান। কলকাতার এসে খনির জারগা কিনে খনির মালিক হয়ে বসলেন। জমিদারী তিনি পছন্দ করেন না। বলেন—মনুষ্যত্ববিরোধী। তিনি ইণ্ডিয়ান্স তারতবর্ষের অন্ততম নির্মাণকর্তা হয়ে ধনকুবের হবেন, এই তার বাসনা। এসব মাহুষের মন মাটিতে বিচরণ করে না, আকাশে পাখা মেলে উড়ে বেড়ায়; না, তার চেয়ে বলব, মাটির বুকের জলীয় বাষ্পের মত আকাশে মেঘ হয়ে ভেসে বেড়ায়, নিচে মাটিতে নামতে হলে হয় জলধারায় নামে, নয় বিদ্রাবের মত পৃথিবীর বুকে চিরে নামে। জলধারায় নামার মধ্যেও ঝড় লজ্জা নিয়ে আসে। কখনও মাহুষের দর্বনাশ করে দিয়ে যায় কখনও দেখা দিলেও মুখ কিরিয়ে চলে যায়, পৃথিবীর ফল শুকিয়ে মরে; তবে অধিকাংশ সময়ই পৃথিবীতে ফল বাচিয়ে শুকলা করে দিয়ে যায়। দেবেশ্বর ছিলেন, শুধু দেবেশ্বর কেন, সম্পদশালী সম্পত্তিশালী শরের ছেলেরা মাহুষের এই মেঘের মত। হয় অতিবৃষ্টি, নয় অনাবৃষ্টিতে চিরকাল ধরে মাহুষকে রেশ দিচ্ছে। আবার ফলের জলও দিচ্ছে। কিন্তু পুঙ্খ মেঘের লজ্জা তুলনা হয়, এমন বংশ বাংলাদেশে আমার চোখে একটি। সেটি দেবেশ্বরের ঠাকুরের বংশ।

জাতবংশে জীবনবিধিতে পুঙ্খবাবর্তকানাং, ওই একটি বংশকেই বলা যায়। দেবেশ্বরকে কিছা রায়বাড়ীকে আমি পুঙ্খ বংশ বলি না, বলব না। তবে দেবেশ্বর অতিজাত ছিলেন। ‘স্বর্ভ’ মেঘ বলতে পার।

খনির ব্যবসারে অসামান্য লাভলাভ এবং কৃতিত্ব অর্জন করেছিলেন। রাণীগঞ্জ-গিরিঙ্গি ফিল্ড তখন সারথের কোম্পানীর হাতে, দেবেশ্বর বায় বরাকর থেকে পশ্চিম এলাকার কয়লার জমি সংগ্রহ করে ওদিককার একচ্ছত্র অধিপতি হয়েছিলেন।

এই দেখ, জলতা! হরেশ্বর একথানা ছবির দিকে আবুল বাড়িরে দেখিয়ে বললে—এই ছবিখানা দেখ!

শাল গারে কৌচানো কাপড়-পরা দেবেশ্বর বায়। মুখে ফ্রেঞ্চকাট দাড়ি রেখেছেন তখন। ওই পোশাকেই আপিস করেন। ইংরেজ মানেজার রেখেছেন। কাপড় পরে ইংরেজ চাকরকে হুকুম করেন। বিলিভী মদ খান। মেমসাহেব অল্পগৃহীতা হয়েছেন।

ওদিকে প্যানেলে দেখ—প্রথমেই দেখ রামকৃষ্ণদেবের ভিরোধান, ওই দেখ তাঁর পায়ের কাছে দাঁড়িয়ে স্বামী বিবেকানন্দ। ওখানে লেখা আছে—উনি বলছেন “মনে রাখিও জন্ম হইতেই তুমি মহামায়ার কাছে উৎসর্গীকৃত।” ওই দেখ—বঙ্কিমচন্দ্র, হাতে আনন্দমঠ, ওখানে লেখা বন্দেমাতরম গান—হুজলাং হুফলাং মলয়জ নীতলাং—শস্ত্রামলাং মাতরম। তারপর দেখ রবীন্দ্রনাথ। ওখানে লিখেছি—“ওরে তুই ওঠ আজি। আগুন লেগেছে কোথা। কার শব্দ উঠিয়াছে বাজি আগাতে জগৎ-জনে।” ওই দেখ, তারপর কংগ্রেসের অধিবেশন।

দেবেশ্বর বায়ের মুখ দেখ, একসঙ্গে সমস্ত কিছুই প্রতি বক্র এবং বাক হস্তভরা দৃষ্টি। সব-কিছুকে অবজ্ঞা করেছেন। শুধু নিজেকে ভেবেছেন সভা, বাকি সব মিথ্যা। বাপের সঙ্গে, ভাইদের সঙ্গে এমন কি নিজের বড় ছেলের সঙ্গেও মেলে নি তাঁর। এরই মধ্যে তিনি একলা চলেছেন—তিনি। বকের ভিতর তাঁর বাকসী ক্ষুধা।

এ-ক্ষুধা রাসবংশের তিন ছেলের মধ্যেই ছিল কিন্তু দেবেশ্বর বায়ের ক্ষুধার সঙ্গে কাকর ক্ষুধার তুলনা হয় না। নিতানুতনের ক্ষুধা। এবং এ-ক্ষুধার কচি ছিল তাঁর ভায়লেটের ফলাভীরাঁদের মধ্যে। মিশ্র রক্ত। মিশ্র সৌন্দর্য।

তিনি স্বীকার করতেন—এ তাঁর ভায়লেটের ক্ষুধা। কিন্তু বিচিত্র কথা—জীবনে সেই গুলি করে আত্মহত্যার চেষ্টা করার পর আর কোনদিন ভায়লেটকে স্মরণ করেন নি। মুখ দেখেন নি। কতদিন ভায়লেট এসে উকিঝুঁকি মেরে ফিরে গেছে কিন্তু তিনি সেদিকে দৃষ্টি ফেরান নি। তার কারণ বলতেন—ওকে তো জীবনটাই দিতে চেয়েছিলাম। ওকে সঙ্গে নিয়ে মরতেই চেয়েছিলাম। ও পারলে না। আমি বাচতে চাই নি, এ্যাকসিডেন্টালি বেঁচেছি, ওর ধূধ আর দেখে? তবে হ্যাঁ, নিতানুতন জিরিজী মেরেদের মধ্যে ওর ক্ষুধাই মেটাতে চাই তা মেটে না। আশ্চর্য লাগে। তবে এটা সেই অভিশাপ-টভিশাপও নয়, আমিও স্ত্রীমাকান্ত নই। পুনর্জন্ম আমি মানি না। এ্যাও দিস ইজ দি ইটারনাল হাওয়ার অফ ম্যান ফর উরো-ম্যান। ম্যান ইজ পলিগেমাস বাই নেচার। বহু ভোগ বা সব ভোগ করুর এই তার চিরন্তন বাসনা। আমার মধ্যে এটা খুব প্রবল। তার কারণ আমি জমিদারের ছেলে আমার শরীরে কিউজ্যাল রক্ত এবং হাতে প্রচুর অর্থ আছে এবং আমি একজন জেদী, শক্তিম্যান, বুদ্ধিমান ও দুঃসাহসী ব্যক্তি। এবং আমি মিথ্যাবাদী নই, সেইহেতু ইন্সপেকশনকে আমি ইন্সপেকশনই বলি। ধর্মের ধাধা—নীতি এবং স্ত্রীশাস্ত্রের আনন্ডিয়াল রোমান্টিক বুলিটুলি আমি পছন্দ করি না।



রত্নেশ্বর তাঁর ভায়রীতে কিছু লিখে গেছেন—এ-পাণ দেবেশ্বরের ইচ্ছাকৃত নহে। ইহা তাহার প্রাক্তন। হয়তো সে-ই পূর্বজন্মে ভ্রষ্টযোগী ছিলেন। তিনি যাহা চাহিয়াছিলেন, তাহা পাইতে আসিয়াছেন, ভোগ করিতে আসিয়াছেন, প্রায়শ্চিত্ত করিতে আসিয়াছেন। তাহা না হইলে ভায়লেটের প্রতি যত আকর্ষণ তত যুগা কেন হইবে? ভায়লেট যে অজ্ঞানার কন্যা, সে কথা অপরে না জানিলেও, আমি তো এক মুহূর্তের জন্য বিশ্বত হইতে পারি না।”

এরই মধ্যে নিঃশেষে অন্ধকারে মুখ লুকিয়ে কেঁদে যেতেন আমার পিতামহী উমায়ানী দেবী। সঙ্কল্পের জীবন্ত স্মৃতির মত।

রত্নেশ্বর রায় তাঁর এই পুত্রটিকে স্বেচ্ছামত বিচরণের অধিকার দিতে বাধ্য হয়েছিলেন, দেবেশ্বর তা কেঁড়ে আদায় করে নিয়েছিলেন বাপের কাছ থেকে, রত্নেশ্বর তা তাঁকে দিয়েও ছিলেন। তাবতেন হস্তক্ষেপ করবেন না তিনি। কিন্তু এই পুত্রবধূটির কথা শ্রবণ করে হস্তক্ষেপ না করে পারেন নি। এবং এই নিয়ে তাঁর মৃত্যুকাল পর্যন্ত তিনি ছেলের সঙ্গে লড়াই করেছেন।

তুখু পুত্রবধূর জন্য বললে অজ্ঞার হবে। রত্নেশ্বর রায়ের প্রিয়তম পুত্র ছিলেন দেবেশ্বর রায়। তার পরিচয় আছে পিতাপুত্রের পত্রগুলির মধ্যে। আর কিছু আছে রত্নেশ্বর রায়ের ভায়রীর মধ্যে। এগুলি সবই পেয়েছি আমি। পত্রগুলির মধ্যে বৈষয়িক কর্ম নিয়ে বান্দ্যবাদ, ক্ষেত্রবিশেষে প্রশংসা এবং কুশল আদানপ্রদানই বেশী, কিন্তু যে একটি সরল আন্তরিকতা নির্যাতন সত্য চুটে উঠেছে, সেটি কি করে সম্ভবপর হল, তা ঠিক ধারণা করতে পারিনে আমি।

রত্নেশ্বর রায়ের শরীর ভাঙল তাঁর স্ত্রীর মৃত্যুর পর থেকেই। বাপ ছেলেকে লিখলেন—  
“এইবার তুমি আসিয়া বিষয়ের ভার গ্রহণ কর। এই দেহে এই ভার বহন করিতে হইলে শাসনকর্ত্ত হইয়া মরিতে হইবে আমাকে। আমার কিছুই ভাল লাগিতেছে না।”

দেবেশ্বর লিখলেন—“আপনার হাতের হাল গ্রহণ করার মত যোগ্যতা আমার নাই। তুখুপরি আমি জমিদারী কর্মটিকেই ঠিক পছন্দ করি না। গরীবের উপর পীড়নই তো জমিদারী চালানো নয়—এই সকল গ্রাম্য ব্যক্তিগণের সঙ্গে অহরহ সাহচর্য করিয়া অনেক নীচে নামিতে হয়।”

আজ একখানা পত্রে লিখেছেন—“আমি স্বীকার করিতেছি যে, আপনার ব্যক্তি জীবনের আদর্শ আমি অপেক্ষা শ্রেষ্ঠ। অনেক শ্রেষ্ঠ। স্বাস্থ্য আপনার বাহা দেখিলাম, তাহাতে আপনি আমা অপেক্ষা দীর্ঘ আছেন। আমার অমিতাচার আছে, আপনার তাহা নাই। আপনি এইসব গ্রাম্য ব্যক্তিদের মধ্যে থাকিয়া তাহাদের নিকট খাজনা লইয়া তাহাদের শাসন করিয়াই ক্ষান্ত থাকেন না, তাহার সঙ্গে এই সকল মনুষ্যদের জন্য একটি কল্যাণকর কর্মকল্পনা লইয়া কর্ম করিয়া থাকেন। ইহাদের মধ্যে বাস করিয়াও ইহাদের উর্ধ্বে অবস্থান করেন। তাহা আমি পারিব না।”

“বাপ এর উত্তরে লিখলেন—“আমার মনে হইতেছে যে, তুমি তোমার আসল মত আমার নিকট গোপন করিতেছ। আমি শয্যাশায়ী না হইলেও, আমার এই ক্লান্ত অবস্থায় আমাকে

সাহায্য করা কি তোমার কর্তব্য নয় ?”

উত্তরে দেবেশ্বর লিখেছিলেন—“সংসারে কর্তব্যের আর শেষ নাই। সব যান্ত্রিক ক্রিয়া চলিতে পারে এমনত মানুষ আর কল্পন আছেন। আমার তো কর্তব্যচ্যুতির শেষ নাই। আমি মৃত্যুপানে আসক্ত, আরও নানাবিধ দোষ আছে। তাহা ব্যতীত পিতাকে মান্ত করিয়া চলা যেখানে কর্তব্য, সেখানে আপনার ও আমার মধ্যে মতান্তর বৃদ্ধি পায়—তাহাকে কি কোনমতে প্রজ্ঞা দেওয়া উচিত হইবে? আপনাকে আমি প্রজ্ঞা করি, ভক্তি করি, ভয়ও করি। তাহা আস্তরিক। কিন্তু আপনার মতের সহিত আমার মতের পার্থক্যের কথা আপনি জানেন। আপনাকে সাহায্য করিতে গিয়া আপনাকে কষ্ট করা বা আপনার সহিত বিরোধ করিতে আমি চাহি না। তাহা ছাড়াও কথা আছে। শিবেশ্বর আজ উপযুক্ত হইয়াছে, জমিদারী পরিচালনার বাপারে তাহার নেশা আছে, আসক্তি আছে। সে আপনার অধীনে কার্য করিতেছে। তত্পরি সে আপনার পন্থাকেই অনুসরণ করিবার চেষ্টা করে। ধর্মবিশ্বাসী, দেবদ্বিজে ভক্তি আছে, আমার বিবেচনার কীৰ্ত্তিহাটের দেবোত্তর এবং দেবকীৰ্ত্তি পরিচালনার সেই যোগ্য ব্যক্তি। তাহাকে ঠেলিয়া আয়াকে তার দিলে সে ক্ষুব্ধ হইবে, তাহার ফল ভাল হইবে না। রামেশ্বর বি-এ পাস করিয়া ল লেকচার কমপ্লিট করিয়া এমনি রহিয়াছে এখানে। তাহাকে আপনি যামলা সেবেস্তা এবং আপনার পারসোনাল এস্টেটের ভার দিতে পারেন। আমি এখানে নানান কর্মে জড়িত। সভা-সমিতি এবং কয়েকটা এ্যাসোসিয়েশন গঠন করিয়াছি। এবং বহু যত্নে ও পরিশ্রমে যে খনি-বাবসায় আমি গঠন করিয়াছি, বাহির দিক হইতে তাহার সমারোহ এবং প্রতিষ্ঠা যথেষ্ট মনে হইলেও, সেটা ঠিক নহে। তাহার ভিতরে অনেক গুট বাঁধিয়াছে। কয়েকটা প্রচেষ্টা ব্যর্থ হইয়াছে। এমনত অবস্থায় এসব ছাড়িয়া আমার যাওয়ার অর্থ তাহার ধ্বংসসাধন করা।

“পরিশেষে একটা সংবাদ আপনাকে আমার জানানো উচিত। এখানে সেক্রেটারিয়েটে আমার পরিচিত বন্ধুজন আছেন। কয়েকজন ইংরাজও আছেন। আমারও যাতায়াত আছে। আমি খবর পাইয়াছি যে, আপনাকে রাজা টাইটেল দিবার কথা মধ্যে মধ্যে উঠিয়া থাকে। এখন ঘন ঘন উঠিতেছে। আর একটা বড় দান হইলেই গুটা নিশ্চিত হইবে বলিয়া মনে করি।”

স্বয়ংস্বর বললে—রত্নেশ্বর রায় এবার হার মেনে চিঠি লিখেছিলেন হুলস্তা। এমনভাবে বীরেশ্বর রায়ও হার মানেন নি তাঁর কাছে। তাঁর ভায়রীতে তিনি লিখে গেছেন—“আমার পিতা আমার কাছে হার মানেন নাই। আমার মাতৃদেবীর নিকট হার মানিয়াছিলেন। আমিই পুত্রের নিকট পরাজয় মানিলাম। আমার সকল দত্ত চূর্ণ-বিচূর্ণ হইয়া ধূলিসাৎ হইয়া গেল।

দেবেশ্বর রায়ের চিঠির উত্তরে তিনি লিখলেন—“তোমার পত্র পাঠ করিয়া আমি অত্যন্ত ব্যথিত হইলাম। এক্ষণ পত্রোত্তর আমি প্রত্যাশা করি নাই। তবে ইহাই হয়তো আমার প্রাণা, কারণ আমি সমস্ত জীবন ধরিয়া সকলকেই বলপূর্বক নত করিয়াছি, কাহারও নিকট নত হই নাই। এমন কি নিজের পিতৃদেবের নিকটও না। তুমি রাজা খেতাবের খবর দিয়াছ, সে সংবাদ আমার নিকট অগোচরে নাই; কিন্তু রাজা খেতাবের সাধ আমার নাই। জীবনে

যত দান করিয়াছি, স্মরণ করিয়া দেখিতেছি পুণ্যের জন্য কোন দান করি নাই, খ্যাতির জন্য সরকারী খেতাবের জন্য করিয়াছি। বুল ভাকারখানা প্রভৃতি কীতিও তাহারই জন্য। দেবতা প্রতিষ্ঠা করিয়াছি, দেবতার নামে দেবোত্তর এস্টেট গড়িবার জন্য; নিজের সংসারের মঙ্গল সাধন করিবেন তিনি সেই জন্য। যে অর্থব্যয় করিয়াছি দানখাতে কীৰ্ত্তিখাতে তাহা নিজের তহবিল হইতে দিই নাই, প্রজাদের পীড়ন করিয়া আদায় করিয়া দিয়াছি। নিজে কিছু দিই নাই। আজ আমি শঙ্কিত। কেমন একটা শব্দ আমাকে যেন মাঝে মাঝে বিহ্বল করিয়া তোলে। তুমি নিজে ব্যবসায় করিয়াছ, উপার্জন করিতেছ, কিন্তু তোমার মধ্যে দেখিতেছি ব্যয়বংশের অভিশাপ ঘা। তুমি বিশ্বাস কর না তাহা যেন ফণা তুলিয়া আমাকেই দংশন করিতে চাহিতেছে। তুমি ধর্ম মান না, ঈশ্বর মান না, বলিতে গেলে এদেশের কিছুই মান্ত কর না, এমন কি রাজশক্তিকেও না। আমি শুনিয়াছি, হোমরুল প্রভৃতি আন্দোলনের সঙ্গে তুমি যুক্ত। ইহা গর্বের কথাও বটে আবার অনেকটা শঙ্কার কথাও বটে। এবং ইহা আমাদের ঠিক ভারতীয় ধর্ম নহে। আমাদের শাস্ত্রমতে কলিতে যখন স্নেহেরাই একছত্রাধিপতি হইবে। এবং সম্রাট ঈশ্বরের প্রতিনিধি। তাহা ব্যতীত এমন শাস্ত্র-শৃঙ্খলা তাহার স্থাপন করিয়াছে বাহা স্বপ্নাতীত। আজ আমরা স্ত্রী-পুত্র-কন্যা লইয়া নিরাপদ নিঃশব্দ। অথচ তুমি পুরাপুরি ইংরাজীভাবাপন্ন। তবুও তুমি আমার জ্যেষ্ঠ সম্ভ্রাতা। তুমি শক্তিমান তুমি সাহসী তুমি সত্যবাদী। তুমি ছাড়া অপর কাহারও ভরসা আমি করিতে পারিতেছি না। কিছুদিন শিবখরের উপর প্রত্যাশা করিয়াছিলাম। সে মত্তপান করে না, সে ত্রিসন্ধ্যা করে, দেবদ্বিজে ভক্তি আছে। শাস্ত্রাদি পাঠ করে। সে স্ত্রীতে অহরক্ত। কিন্তু যত দিন যাইতেছে তত আমার চক্ষু খুলিতেছে; সে মত্তপান করে না, কিন্তু শুনিতেছি সে গল্পিকা সেবন করে অতি গোপনে। সে ত্রিসন্ধ্যা করে দেবদ্বিজে ভক্তি করে, শাস্ত্রপাঠ করে কিন্তু শৃংগলের মত ভীক এবং লোভী; ভোরবেলা সূর্যোদয়ের পূর্বে বিছানায় বলিয়া সেখানে এক মন্দেশ রসগোল্লা ভক্ষণ করে, কারণ সকাল হইতে কিছু না খাইয়া স্নানাদি সারিয়া প্রাতঃসন্ধ্যা করিয়া চা-পান করিবে। দেবতার ব্রাহ্মণের জমি বা বিষয় বেনামে মহাজনী করিয়া বন্ধক লয়। শাস্ত্রপাঠ করে কিন্তু স্ত্রীলোক অপেক্ষাও চরিত্রহীন হইলেও ভাল হইত। কারণ সে স্ত্রী ছাড়িয়া একটা দিনও থাকিতে পারে না। ইহারই মধ্যে তাহার দুই পুত্র এক কন্যা। এখানে একটা থিয়েটার পাটি করিয়াছে। কতকগুলো অপোগণ্ড ইতর শ্রেণীর বালক লইয়া নাচ শিকার ব্যবস্থা করিয়া তাহাতে প্রমত্ত রহিয়াছে। কখনও সত্য কথা বলে না, বাক্য দিয়া বাক্য বন্ধা করে না। মামলায় মকদ্দমায় প্রবল আসক্তি। কীৰ্ত্তিহাট এস্টেটের মামলা সেয়েস্তা আমিই বড় করিয়া পত্তন করিয়াছি, কিন্তু বাজীকর, স্বত্ব, করবৃদ্ধি প্রভৃতি জমিদারী-সংক্রান্ত মকদ্দমা ছাড়া মকদ্দমা ছিল না। শিবখর তাহার সঙ্গে মহাজনী যোগ করিয়াছে। লোকের নিকট হইতে সে হাওনোট ভুজুদ্ব কিনিয়া লইয়া খাতকের নামে নালিশ করে।

তোমার পতনের মধ্যে একটা বড় কিছু পতনের মর্মান্দ আছে গুরুত্ব আছে। তাহার অর্থপতন ক্ষুদ্রভায় ঘণ্য। সম্পত্তি একজন বাণিকরের কাছে দেবোত্তরের জমি ক্রয় করিয়াছে

দ্রীর নাহে। শশকের মত ভীক। কীটপতক ব্যাধি সমস্ত কিছুই ভয়ে অস্থির। ভাকাতের ভয়ে সমস্ত রাজি নিজা যায় না। রাজকুমারী রাণী কাত্যায়নী দেবীর আমলের মত দারোয়ান-গুলিকে সমস্ত রাজি হুলা করিতে হয়।

রামেশ্বরকেও জান। সে তোমাকে অঙ্ককরণ করিতে চায় কিন্তু তাহার দীক্ষিত নাই এবং সাহসও নাই। দুইবার বি-এ ফেল করিয়া বিলাত যাইতে চায়। ব্যায়স্টার হইয়া আসিবে। সেও মৃত্যুপান করে, সেও চরিত্রভ্রষ্ট। সর্বাপেক্ষা দুঃখ তাহার যত কুদৃষ্টি রায়বাড়ীতে বাহারা আলিঙ্গিত তাহাদের দ্বিতীয়া কল্যাণের উপর।

আমি অসহায়ের মত দেখিতেছি। দেবশক্তির রোম অভিলাষ হইতে পরিজ্ঞান কোন এক ব্যক্তি পাইলেও পাইতে পারে কিন্তু বংশের উপর অভিলাষ পতিত হইলে আর রক্ষা নাই। কোন এক পুরুষ পরিজ্ঞান পাইবার চেষ্টা করিলেও বংশ পরিজ্ঞান পায় না। অথবা ইহাই কালের অভিপ্রায়। কলি শেষে এমন হইবারই কথা। মানুষের সাম্বিক ভাব বিলুপ্ত হইয়াছে রাজসিক ভাবও বিগত হইতেছে, এক্ষণে তামসিক ভাবই সমস্ত মানুষের মনকে আচ্ছন্ন করিতেছে। মনে হইতেছে, অচিরকালের মধ্যেই এ দেশের অবশিষ্ট অর্ধশত পুণ্য তাহাও শেষ হইয়া সবই বিলুপ্ত হইবে। তবুও যে কয়টা দিন বাঁচি তুমি তার লইলে আমি বড় স্থখী হইতাম”—

ছেলে উত্তর দিলেন—সংক্ষিপ্ত উত্তর। “আপনার সহিত চিরকালের মত বিচ্ছেদ হয় ইহা কাহারও কাম্য নয়। এই শব্দ আছে বলিয়াই অক্ষমতা জ্ঞাপন করিতেছি। তবে আপনি যে আশঙ্কা করিয়াছেন বা দেবরোম দেবী অভিসম্পাত অপ্রাকৃত দৈব বলিয়া বাহা বিশ্বাস করেন, তাহা নিতান্তই সাধারণ প্রাকৃত জাগতিক ঘটনা। ইহা চিরকাল ঘটিতেছে ও ঘটবে। শাস্ত্রীয় ধারণার ও মন্ত্র-ভক্তের কেয়ের মধ্যে পড়িয়াই জামাকান্তের ঐরূপ মানসিক বিকৃতি ঘটিয়াছিল নতুবা ইহা তো পৃথিবীতে জীবজগতে অতি সাধারণ ব্যাপার; মহাকালের মধ্যেও এমন ঘটনা তো অহরহই ঘটিতেছে। বিশেষ করিয়া বিস্তারিত সম্পদশালী বাহারা তাহাদের মধ্যে এবং বাহারা দেহের শক্তিতে একেবারে দুর্দান্ত দুর্ধর্ষ, বাহাদের গুণা বলি, তাহাদের মধ্যে আবাস বাহারা খুবই বুদ্ধিমান, চতুর, বিচারবুদ্ধির শক্তিতে বলীয়ান বলিয়া দেশ ও সমাজের চলিত ধানধারণা হইতে স্বে নিয়মাদির অলৌকিক গুণা পায় হইয়াছেন তাহাদের মধ্যে এমন ঘটনা অনেক ঘটিতেছে। তাহারা জামাকান্তের মত পাগল হইয়া যান না। আপনি পিতা আপনার সহিত এসব লইয়া তর্ক আমার সাজে না। অন্ততঃ আমাদের সমাজে সাজে না। তবে আপনি কথটা লইয়া পাত্র বন্ধ আক্ষেপ করিয়াছেন এবং আপনি ঐরূপ ধারণার বদ্ধ সংস্কারে আজীবন রেল পাইতেছেন বলিয়াই কথাগুলি লিখিলাম। আমার জীবনে আপনার সহিত যে সংঘর্ষ এবং গরমিল তাহাও এই মতভেদ হইতে উদ্ভূত হইয়াছে বলিয়াই লিখিতে সাহস পাইলাম। পরিশেষে নিবেদন—সম্পত্তিরকার জন্ত আমাকে কীর্তিহাটে লইয়া গিয়া বিব্রত করিবেন না বা নিজেও বিব্রত হইবেন না। শ্রীচরণে নিবেদন ইতি।

—মধ্যে মধ্যে সংসারে ঘটনা এমনভাবে ঘটে স্থলতা; হৃদয়ের বললে,—যে দেখেছেন মনে হয় মানুষ যখন কোন সংকল্প করে তাকে তাড়বার জন্যেই ঘটনাটা কেউ ঘটালে।

আমাদের কীভাবেই হোক দয়াল দাদু আজ বেঁচে নেই, ১৯০৭ সালেও ছিলেন, ১৯০২ সালের শাইক্লোনের পরই মারা গিয়েছেন। তিনি বলতেন—ভায়া ভগবানের মত রসিকও কেউ নেই আবার দর্পহারাও কেউ নেই। জান মধ্যে মধ্যে মানুষ যখন আফালন করে তখন তিনি কান পেতে শোনেন আড়ালে দাঁড়িয়ে আর মুচকে মুচকে হাসেন। তারপরই তার ঘটনাচক্রে যে বিয়াট কলটি দেই কলের একটি ছোট বোতাম-টোতাম টিপে দেন আর এমন ঘটনা ঘটে যে মানুষের আফালন সংকল্প সব কাচের বাগনের মত আছড়ে পড়ে ভেঙে চূরমরে হয়ে যায়।

—এখানেও যেন দর্পহারা ভগবান কথাটা কান পেতে শুনে হেসেছিলেন। হঠাৎ একদিন টেলিগ্রাম এল জানবাজারে—“আগামীকাল স্টেশনে গাড়ী রাখ।” রায়বাহাদুর।

সেকালে রায়বাহাদুরেরা খেতাবটাকে বাড়ীতেও ব্যবহার করতেন। গিন্নীরা সাধারণতঃ বলেন, বলতেন—উনি ঠর ; না হয় কর্তা-কর্তার, নয় তো বাবু-বাবুর ; রায়বাহাদুর বলে তাঁরাও চাকরবাকর থেকে সবার কাছেই বলেন—রায়বাহাদুর, রায়বাহাদুরের। রায়বাহাদুরের টেলিগ্রামে রায়বাহাদুর লিখে ঠিকানার ঘরে নিজের নামটা লিখতেন।

চমকে উঠেছিলেন দেবেশ্বর রায়। এ কোন সময়ে আসছেন তিনি ?—আসবার কারণ তাঁর অনেক ছিল—তখন কলকাতায় নতুন বিভাগ স্ট্রিটের উত্তরে গোয়াবাগানের কাছ বরাবর এক বিঘে জমির উপর বাড়ী—ছগলকুড়িয়া লেন ; পাশে একটা তেলকল, এ হচ্ছে শিবেশ্বর এবং রামেশ্বরের জন্ম। তত্ত্ববিধান যা করবার শিবেশ্বর এসে গিয়েই করতেন। রামেশ্বর থাকতেনই জানবাজারে, দাদার ডাক্ত ছিলেন তিনি। কিন্তু তাঁর উপর খুব ভরসা শিবেশ্বর করতেন না। কিন্তু দেবেশ্বরের পক্ষে সময়টা খুব ভাল ছিল না, অন্তত বাপের সঙ্গে দেখা করবার মত শান্ত এবং স্থির ছিল না মন। তখন কিছুদিন ঘরে ব্যবসা বাড়ানোর জন্তে নতুন নতুন পিটখাদ কেটে চলেছিলেন, তার মধ্যে কয়েকটা ভুয়ো হয়ে গেল। তিনি হুতী কেটে কাজ চালিয়ে যাচ্ছিলেন। হঠাৎ সময় বুঝে হুতীওয়ালরা চেপে ধরেছে। তিনি বিব্রত। টাকা চাই। সে অনেক টাকা, সে আমলে পাঁচ লাখের কাছাকাছি। তারই জন্ত তিনি ছুটোছুটি করছেন কিন্তু বাপকে জানান নি ; এ ধরনের বিপদে বাপকে কখনও জানাবেন না এই প্রতিজ্ঞা করেই তিনি নেমেছিলেন স্বাধীন ব্যবসায়।

দেবেশ্বর রায় শুধু জেদী ছিলেন না, তাঁর অসুমান শক্তি ছিল বুকের সঙ্গে প্রথর, তার উপর ছিল একটা আভিজাত্যবোধ।

সেকালে তখন দেবেশ্বরের ঠাকুর পৈতৃক ঋণশোধের একটি আশ্চর্য আভিজাত্যপূর্ণ দৃষ্টান্ত দেখিয়েছেন।

দেবেশ্বর রায় সেইদিনই সায়েব কোম্পানীকে চারটে কলিয়ারী বেচে হুতী শোধের ব্যবস্থা করে ফিরে এলেন, বলতে গেলে ব্যবসা একরকম উঠিয়েই দিলেন ; কারণ চালু কলিয়ারী বইল না, থাকবার মধ্যে থাকল মানভূম জেলায় বিস্তীর্ণ পতিত প্রান্তর, তাও বরাকর থেকে এদিকে ঝরিয়া ওদিকে কাভরাস পর্যন্ত ছড়ানো। তাতে কাজ করতেও বহু অর্থ প্রয়োজন। তা হোক তিনি খুশী হলেন। বাপ যেন তাঁকে এই বিব্রত অবস্থায় না দেখেন।

টাকা তাঁর জীৱ ছিল। উমা দেবী বাপ-মায়ের এক কন্যা। মানুষ হয়েছিলেন দ্বিদিয়ার কাছে। তাঁর সম্পত্তি টাকায় পরিণত ক'রে কোম্পানীর কাগজ করে দিয়েছিলেন দ্বিদিয়া, সে কাগজের পরিমাণ কম নয়—দেড় লাখ। সে কাগজ ছিল রত্নেশ্বর রায়ের কাছে। বউ দিয়েছিলেন রাখতে—বাবা এ আপনি রাখুন। আমি কোথায় রাখব।

রত্নেশ্বর বেখেছিলেন। যখন দেবেশ্বর কীৰ্ত্তিহাট থেকে বাপের সঙ্গে যুদ্ধ ক'রে জিতে ফিরে আসেন তখন তিনি তাঁর ভিক্স-মা কৃষ্ণভামিনীর সম্পত্তির তিন ভাগের দু'ভাগ বাবদ দায় হিসেব ক'রে নিয়েছিলেন, কিন্তু জীৱ নামের কোম্পানীর কাগজ তিনি নেন নি। তিনি চান নি রত্নেশ্বর দেন নি; এমন কি উল্লেখও করেন নি।

জীৱ সঙ্গে ব্যবহারে কোথাও বাইরে একটা বিভেদ ছিল না কিন্তু অন্তরে অন্তরে একটা বিঘাট পার্থক্যের দুই তীরে তাঁরা বসবাস করতেন। তিনি ছিলেন নাস্তিক, জী ছিলেন ঘোরন্তর দেবতা-বিশ্বাসী। দেবেশ্বর বাস করতেন ভাবীকালে, জী বাস করতেন ভূতকালে; বীরেশ্বর রায়ের জী শ্রাবনী দেবীর মত ছিল বিশ্বাস এবং নিষ্ঠা! স্বামীকে ভয় করতেন তিনি। প্রমত্ত দেবেশ্বর বিছানায় শুতেন জী পায়ের তলায় বসে হাত দু'টির দিতে, এইটুকু না হলে দেবেশ্বরের ঘুম আসতে দেয়ি হত, এটুকু বড় ভাল লাগত তাঁর, পায় জীৱ আলতো হাতের স্পর্শ পাবা মাত্র তাঁর চোখ বুজে যেত, তারপরই হয়তো মিনিটখানেকের মধ্যে নাক ডাকতো তাঁর। তখন উমা দেবী জানালায় মধ্য দিয়ে আকাশের দিকে তাকিয়ে বসে বসে কাঁদতেন। কোন কোন দিন টের পেয়ে দেবেশ্বর প্রমত্ততার মধ্যেই পুরুষের স্বাভাবিক কামনার আত্মনিবেদনকারীটিকে টেনে নিতেন আদর করতেন তারপর ঘুমিয়ে যেতেন। জীও হয়তো ঘুমিয়ে যেতেন, কিছুকণ পর পাশের খাটে ছেলের লাড়া পেয়ে উঠে যেতেন। সকালবেলা থেকে জীবন আর এক রকম। কারুকা আর কাহ্ননের চাকার চাকায় দাঁতে দাঁতে লেগে ঘুরে চলত। নিঃশব্দে ঘোরা, বিনা সংবধে সে ঘোরা, দিনের পর রাত্রি আসার মত সে ঘোরা।

উনবিংশ শতাব্দীর শেষ ভাগ, তখনও বাংলাদেশে মেয়েদের জীবনে চলছে চরম দুর্ভাগ্য। পুরুষের ক্রীতদাসী, সমাজে বহু হুন্দর বাক্য বহু সম্মানের অস্তিনয়ের মধ্যে তার আসল স্বরূপ হল কেনাবেচার সামগ্রী। বাপের বৃকের বোকা বস্তুরের ঘরে নামে লক্ষ্মী হলেও কাছে স্বামীও অহুগ্রহনির্ভর।

ছেলে বিয়ে করতে যেতো মা ছেলেকে জিজ্ঞাসা করতেন—কোথায় যাচ্ছ বাবা?

ছেলেকে জবাব দিতে হত—তোমার দাসী আনতে মা।

দেবেশ্বর নিজে এদের ধরল ছিলেন না, অল্প মত পোষণ করতেন, কিন্তু কালের প্রভাব এড়াতে পারেন নি। জী লোকলে মনোভাবের বলে তাকে ধরের কতৃষ্ণ দিয়েছিলেন, নিজের মনের অধিকার দেন নি। সেই কারণেই জীৱ টাকা তিনি বাপের কাছে থেকে চেয়ে নেন নি। জী যা হয় করবেন অথবা তাঁর অঙ্কে উত্তরাধিকারীরা যা হয় করবেন, তিনি ছোবেন না নেবেন না এই ছিল তাঁর সংকল্প। জী নিজে চেয়ে নিয়ে দিলে তিনি হয়তো নিতেন কিন্তু জী তো ভা দেন নি।

রত্নেশ্বর রায় সেই কোম্পানীর কাগজ নিয়েই দিতে এসেছিলেন এবং নিজে থেকে বাকী টাকা দিয়ে সব মেটানোই ছিল তাঁর অভিপ্রায়। সে অসুস্থান করে নিজে দেবেশ্বরের দেয়ী হয় নি। তাই তিনি একদিনেই কলিয়ারী বেচে দিয়ে প্রশান্তমুখে বাপকে আনতে গিয়েছিলেন হাওড়া স্টেশন।

হাওড়ায় ছেলেকে দেখে রত্নেশ্বর রায়ও ধাঁধাতে পড়েছিলেন। এমন প্রশান্ত মুখ তো তিনি কল্পনা করেন নি।

ছেলে প্রশ্নাম করে জিনিসপত্র গাড়ীর ছাদে চাপিয়ে গাড়ির সামনের সিটে বসে বাপকে প্রশ্ন করেছিলেন—হঠাৎ এমনভাবে এলেন, খবর সব ভাল তো? চিঠি না দিয়ে টেলিগ্রাম পাঠালেন!

গাড়ীর ভিতর বসে অঙ্কবাহুর মতোই ছেলের দিকে তীক্ষ্ণদৃষ্টিতে বার বার তাকাচ্ছিলেন রত্নেশ্বর রায়। বললেন—হ্যাঁ ভাল।

ছেলে আর প্রশ্ন করলেন না। চুপ করে বাইরে তাকিয়ে রইলেন। কয়েক মুহূর্ত পরে বললেন—জগোলকুড়িয়ার বাড়ি সেদিন আমি দেখতে গিছলাম, প্ল্যান আমার ভাল লাগল না। বরঙলো—

—ও সব শিবেশ্বর বামেশ্বরের পছন্দ, ওদের বাড়ী ওরা যেমন চায় তেমনই হচ্ছে।

—বাড়ীটা ওখানে না করলেই হত। তেলকলটা কিনেছেন তেলকলের জন্তে, ও আয়গাটা রেখে সরে বাড়ী করাই ভাল ছিল।

—খাক ওসব কথা। আমি ওজন্তে আসি নি। আমি হিসেব মেটাতে এসেছি। আমার শরীর ভাল যাচ্ছে না। মনে হচ্ছে দিন ফুরিয়ে আসছে। প্রপিতামহ কুড়ারাম রায় দীর্ঘজীবন পেয়েছিলেন, তারপর থেকে পিতামহ সোমেশ্বরের কাল থেকে সবাই অমোদের স্বাস্থ্য। পক্ষাশ কেউ পার হয় না। তোমাকে এত করে লিখলাম তুমি গেলে না। আমি এলাম তোমার যা বিশেষ কিছু আমার কাছে পাওনা আছে তাই দেবার জন্ত।

—পাওনা? আপনার কাছে আমার বিশেষ পাওনা? হাসলেন দেবেশ্বর।

—হ্যাঁ। তোমার ভিক্ষে-মারের টাকা তুমি নিয়েছ। আমি দিয়েছি। কিন্তু বউমারের পিতৃধন কোম্পানীর কাগজ আমার কাছে গচ্ছিত ছিল, সেটা তুমি চাও নি। তা ছাড়া বউমারের দ্বিধিমা বলেছিলেন—ওর বয়স বিশ বছর না হওয়া পর্যন্ত ওর হাতে বা—।

একটু চুপ করে থেকে বলেছিলেন—এমন কি তোমার হাতে দিতেও বারণ করেছিলেন।

আবার একটু চুপ করে থেকে বলেছিলেন—কথাটা তোমাকে বলা হয় নি। এ বিষয়ের সত্য আমি করি নি; কানীতে পিসেমশাই আর অন্নপূর্ণা এ সত্য করেছিল। তখন তুমি গুলির ক্ষতের জন্তে বিছানায় শুয়ে। তোমার কথাটা তাঁর অগোচর ছিল না। সেইজন্তেই বউমার বিশ বছর বয়স না হওয়া পর্যন্ত তাকে বা তোমাকে দিতে বারণ করেছিলেন।

দেবেশ্বর সামনের সিটে স্থির হয়ে বসে শুনছিলেন। কোন উত্তর করেন নি।

বাড়ীতে এসে মুখ হাত ধুয়ে খাবার আসনে বসে রত্নেশ্বর পুত্রবধূকে ডেকে কোম্পানীর কাগজগুলি তাঁর হাতে দিয়ে বলেছিলেন—তোমার পৈতৃক ধন যা। তোমার দ্বিধিমা

ভোমার বাপের সরিকানী সম্পত্তি বেচে টাকা দিয়ে কোম্পানীর কাগজ করেছিলেন। বিশ্বের সময় আমার হাতে দিয়ে বলেছিলেন—উমার বিশ বছর বয়স না হওয়া পর্যন্ত এ কাগজ আপনার হাতে রাখবেন। আমি তার থেকেও বেশী দিন রেখেছি। স্বদে আসলে অম্মে দেড় লক্ষের উপর দায় এখন। নাও এখন। নাও তুমি। নিয়ে দেবেশ্বরকে দাও। আমি শুনেছি—দেবেশ্বর বিজনেসে লোকমান খেয়েছে। হুগুর দেনার বিব্রত হয়েছে। টাকা আমি দিতে পারতাম। কিন্তু সম্ভবতঃ দেবেশ্বর তা নেবে না। তাইদের অজ্ঞহাত দেখাবে। সেটা নেহাৎ মিথ্যেও নয়। শিবেশ্বর এমনভেই বলে আমি পক্ষপাত ক’রে থাকি। দেবেশ্বর এই টাকা তুমি ব্যবসারে লাগাও। প্রয়োজন হলে আমি তোমাকে এস্টেট থেকে টাকা ধার হিসেবেও দিতে পারি।

চমকে ঠিক গুঠেন নি দেবেশ্বর, তিনি গোড়াতেই অহুমান করেছিলেন, তবুও কথাটা এইভাবে পাড়বেন এ অহুমান করেন নি। ভেবেছিলেন রত্নেশ্বর নিজের স্বভাব অহুয়ায়ী উপদেশের ছলে তাঁকে অনেক তিরস্কার ক’রে বলবেন—হুগুর ভিটেলস দাও আমি সব মিটিয়ে দিয়ে তবে যাব।

বধূ কোম্পানীর কাগজগুলি হাতে তুলে না নিয়ে বললে—আপনার ছেলেকেই দিন।

—না মা, তুমি নিজে গুকে দাও, দিয়ে প্রণাম কর।

দেবেশ্বর একতরণে বলেছিলেন—হুগুর ঝগড়াট সব মিটে গেছে। আজই আমি মিটিয়ে কেলেছি।

—মিটিয়ে ফেলেছ? কি ক’রে মেটালে? আমি খবর পেয়েছিলাম—তুমি বিব্রত হয়ে পড়েছ। পাগলের মত ঘুরছ টাকার জন্তে। আমার শরীর খারাপ তবু আমি শুনে স্থির থাকতে পারি নি।

দেবেশ্বর বলেছিলেন—সি’প্য শোনেন নি। দুটো দুটো বড় প্রজেক্ট একেবারে ফেল করে গেল—ভাইক বেরিয়ে গেল। শেষ পর্যন্ত আবগুন করতে হয়েছে। এদিকে পাওনাধারেরা সময় বুকে চেপে ধরবার চেষ্টা করলে এ আমাদের স্বভাব। কিন্তু আমি তাতে দমি নি। তাজিন ল্যাণ্ড যা নিয়েছি তা রেখে চালু কলিয়ারি ক’টা বিক্রী করে দিচ্ছি বেঙ্গল কোলকে—চুক্তি হয়ে গেছে। দলিল হতে বাকী আছে। হুগুর দায় এখন বেঙ্গল কোলের।

—চালু কলিয়ারিগুলো সব বিক্রী করে দিলে, আমাকে জানালে না?

চুপ ক’রে থাকলেন দেবেশ্বর।

—আমি কি ভোমার শত্রু দেবেশ্বর?

দেবেশ্বর তবু নীরব হয়ে রইলেন।

—দেবেশ্বর!

এবার দেবেশ্বর বললেন—না। আপনি জন্মদাতা পিতা। কিন্তু এ ব্যবসা আমি আপনার অম্মতে করেছি। এতে ফেল পড়ে দেনার জন্তে আপনার কাছে গেলে আপনার ছেলের মত কাজ করা হ’ত না।



—বউমার সঙ্গে পরামর্শ করেছিলে ?

শাক্ত নাড়লেন দেবেশ্বর। না।

সঙ্গে সঙ্গে বধু উমা চেতনা হারিয়ে পড়ে গেলেন মাটির উপর আছাড় খেয়ে।

এর পনের দিনের মধ্যে আবার টেলিগ্রাম এল কীতিহাট থেকে। রত্নেশ্বর রায় কীতিহাট ফিরে গিয়েই অস্থির হয়ে পড়েছেন। অব হয়েচে। রত্নেশ্বর রায় টেলিগ্রাম করেছেন—বউমা এবং ছেলেদের নিয়ে এখানে এস, আমি অস্থির। ঠিক তার পনের দিন আবার টেলিগ্রাম এল—কাদারস ইলেনেস সিরিয়াল ভিলিরিয়াম কাম ইমিডিয়েটলি—শিবেশ্বর।

এবার ফিরতে হয়েছিল দেবেশ্বরকে। ঠাঁই দুই পুত্র নিয়ে দেবেশ্বর কীতিহাটে ফিরেছিলেন বহুকাল পর। অবশ্য ২'একদিনের বা চারদিনের ক্ষত কয়েকবার এসেছেন এ আসা সে আসা নয়; এবার এসেছিলেন খেন থাকতে হবে বলে। সঙ্গে পনের বছরের বড় ছেলে রত্নেশ্বর এবং ছোট ছেলে যোগেশ্বর তখন তের বছরের। যোগেশ্বরের পর আর সন্তান হয় নি।

কল্প বিকারগ্রস্ত বাপের বিছানার পাশে দাঁড়িয়ে প্রথম নিজেই হারালেন দেবেশ্বর। এবং হেরেও গেলেন। রায়বাহাদুর রত্নেশ্বর রায় বিহ্বল দৃষ্টিতে তাকিয়ে বিড় বিড় করে বকছেন—বাবা, বাবা, বাবা! না-না-না। মা কই মা?—মা?

—অর্ণলভা। সরস্বতী বউ! ছি—ছি। কোথা যে যাও। কেন অজ্ঞানাকে বার বার আমার কাছে আসতে দাও। ছি—ছি।—ছি-ছি। তুমি কিছু বোঝ না!—না—না—না।

—দেবেশ্বর এল না? দেবেশ্বর? দেবেশ্বর?

টপ্‌টপ্‌ করে চোখ থেকে জল পড়তে শুরু করেছিল। এই সময় শিবেশ্বর এসে গম্ভীর মুখে তাঁর হাতে একখানা কাগজ দিয়ে বলেছিল—এখানা বাবা কাল লিখে ম্যানেজারের হাতে দিয়েছিলেন। উনি আমাকে দিয়েছেন। কাগজখানা তুমিই রাখ।

জরে পড়ে অবধি রত্নেশ্বর রায় একটা কঠিন কিছুই আশঙ্কা করেছিলেন। তাঁর প্রতিষ্ঠা করা চ্যারিটেবল ডিসপেনসারির প্রোট ডাক্তার তাঁকে গোড়া থেকেই দেখছিলেন, তাঁকেও তিনি তাঁর আশঙ্কার কথা বলেছিলেন। কিন্তু তিনি মাথা চুলকে বলেছিলেন—কই, তেমন কিছু ভোঁ ঠিক মনে হচ্ছে না।

অল্প অল্প অব, শরীর খারাপ; এই পর্যন্তই—তার বেশী কিছু না। রোগ কাছাকাছি করছিলেন। পাঁচ দিনের দিন জ্বরটা একজরিতে দাঁড়াল, ষষ্ঠ দিনের দিন তিনি লুকালে উঠে মুখ হাত ধুয়ে ডাক্তারকে এবং ম্যানেজারকে ডেকে পাঠিয়েছিলেন একসঙ্গে। ডাক্তারকে বলেছিলেন—কি বুঝেছ?

—আজ্ঞে না, তেমন কিছু নয়, বোধহয় পেট পরিষ্কার নেই—

—তুমি ঠিক ধরতে পারছ না। মেদিনীপুর থেকে সিভিল সার্জেনকে কল দাও। একটু পর বলেছিলেন—না, বেটীশ্বর মুখখানাই লাল আর মুখেই শুব বড়াই। মেদিনীপুরের গোলক ডাক্তারকে কল দাও। বুঝেছ?

• ম্যানেজারকে বলেছিলেন—তুমি এই টেলিগ্রামটা পাঠাও কলকাতায়।

প্রথম টেলিগ্রাম নিজে খলড়া করে দিয়েছিলেন—বউমা এবং ছেলেদের নিয়ে অবিলম্বে

এস, আমি অসুস্থ—রত্নেশ্বর।

ম্যানেজার চলে যাচ্ছিলেন রত্নেশ্বর হঠাৎ তাঁকে ডেকে বলেছিলেন—দাঁড়াও হে। শুনে যাও।

ব'লে একথানা নাম ছাপানো কাগজ টেনে নিয়ে ভাঙে কিছু লিখে ম্যানেজারের হাতে দিতে গিয়েও দেন নি। কাগজখানাকে সামনে রেখে তার একটা নকল ক'রে নিয়ে বলেছিলেন—“একথানা সদরের উকীলের কাছে পাঠিয়ে দাও। একথানা তোমার হাতে রইল। যদি আমার রোগ কঠিন হয় তা হ'লে এই নির্দেশমত কাজ করবে। বুঝেছ?”

কাগজখানায় লেখা ছিল—“অন্ত হইতে আমার জীবিতকালের শেষকণ পুণ্ড্র রায়বাড়ীর সমুদ্র এস্টেট ইত্যাদি সমস্তই আমার জ্যেষ্ঠপুত্র শ্রীমান দেবেশ্বর রায়ের হুকুমমত এবং তাঁহার মহিষাবুদ্ধে চলিতে থাকিবে। ব্যাকের কাঁধাদি বন্ধ থাকিবে। আদারী খাজনা ইত্যাদি ও দিনুকে মজুত অর্থ হইতে ব্যয়াদি নিবাহ হইবেক। দিনুকে যাহা মজুত আছে তাহা গত কালকার রোকড়ের হিসাবের মতো দৃষ্ট হইবেক। তাহার পাশে আমি সহি দিয়াছি। ইহাতে অপর কোন ব্যক্তির অর্থাৎ আমার অপর দুই পুত্রের কোন প্রকার আপত্তি চলিবে না। দেবেশ্বরের সকল কৃতকায আমার কৃতকাযের তুল্য বলিয়া গণ্য হইবেক। আমি সম্পূর্ণ সজ্ঞানে বিছানায় বসিয়া এই পত্র লিখিলাম এবং ইহার একখণ্ড নকল পুত্রের আমাদের উকীলের নিকট প্রেরণ করিলাম।

ইতি রত্নেশ্বর রায়।”

শিবেশ্বর সেই কাগজখানি বড় ভাইয়ের হাতে তুলে দিয়ে বললেন—এই উনি নিজে হাতে লিখে ম্যানেজারের হাতে দিয়েছিলেন। ম্যানেজার আমাকে দিলেন পরন্তু উনি হ'ল হারাবার পর। পরন্তু সাত দিন গেছে। মেদিনীপুরের ডাক্তার বলে গেছে জ্বর বিকার।

থেকে থেমে কথা বলছিলেন শিবেশ্বর।

দেবেশ্বর বুঝতে পারছিলেন যে, শিবেশ্বর কারা চেপে কথা বলছে। কথাটা ঠিক। ভুল তার হয় নি। ক্ষোভে ক্রোধে তাঁর গাঙ্গা আসছিল। শিবেশ্বর জানতেন বিশ্বাস করতেন তিনিই পিতার অসুস্থতা এবং প্রিয়তম পুত্র। দেবেশ্বরের চোখ থেকে জলের দাবা গড়িয়ে পড়ল এবার।

বজ্রিণ দিন পর রত্নেশ্বর রায়ের সেই জ্বরের পর পথ্য করেছিলেন—জ্বর ছেড়েছিল আটাদ্বিদের দিন। বিকার কেটেছিল চব্বিশ দিনে।

বিকারের মধ্যে বার বার বলেছেন—দরজা খোল দেবেশ্বর। দেবেশ্বর! বেশ ধমক দিয়ে বলেছেন। কখনও মিনতি করে বলেছেন। তারপর বলেছেন।—ভাঙো দরজা ভাঙো আবদুল—মহাবীর, ভাঙো দরজা।

বিকার বেদিন কাটল সেদিনও তেকেছিলেন—দেবেশ্বর! দেবেশ্বর কই? পুত্রবধূকে মাখার শিয়রে দেখে চিনতে পেরেছিলেন—বলেছিলেন, বড়বউমা! এপাশে তাকিয়ে দেখে মেজবউমাকে দেখে বলেছিলেন—মেজবউমা! শিবেশ্বরের প্রথম স্ত্রী ইনি।—

বড় পুত্রবধূ তাকাতাড়ি মুখের কাছে হুকুঁকে পড়ে ডেকেছিলেন—বাবা।

—মা! ভারপয়ই বলেছিলেন—জোরে বল, কানে ঠিক শুনতে পাচ্ছি না।—

বড়বউমা বলেছিলেন—ছোটবউও রয়েছে; এই যে আমার পাশেই রয়েছে। বলে ছোটবউ অর্থাৎ রামেশ্বরের স্ত্রীকে শব্দরের সামনে এনে দাঁড় করিয়ে দিয়েছিলেন।

শব্দর একটু ক্ষীণ হেসে, ঘাড় নেড়ে সন্ধ্যা প্রকাশ করবার চেষ্টা করেছিলেন—সন্ধ্যা সন্ধ্যা হুঁ ফোঁটা জল দুই চোখের কোলে জমে উঠেছিল।

বড়বউমা আবার বলেছিলেন—দিসীমা এসেছিলেন কাশী থেকে। পরন্তু থেকে জর কমতে শুরু করেছে দেখে কলকাতা ফিরে গেছেন। আবার আসবেন। কথা বুঝতে ভুল করেন নি রত্নেশ্বর রায়—সন্ধ্যা সন্ধ্যা প্রকাশ করেছিলেন—অন্নপূর্ণা এসেছিল।

—কি কষ্ট হচ্ছে বাবা? বোধ হয় চোখের জল দেখেই বড়বউমা জিজ্ঞাসা করেছিলেন কথাটা—

—কষ্ট? বুঝতে পারছি না। একটু ভেবে নিয়ে ক্ষীণকণ্ঠে বলেছিলেন—বড় দুর্বল মনে হচ্ছে।

—চুপ করে শুয়ে থাকুন। বড় দুর্বলই হয়েছেন যে!

—কদিন হল আজ?

—চব্বিশ দিন।

একটা দীর্ঘনিশ্বাস ফেলে রত্নেশ্বর বলেছিলেন—তোমরা কবে এলে?

—আজ আঠার দিন হয়ে গেল বাবা।

—দেবেশ্বর? সে?

—এলেছেন। ওই যে—ওই বারান্দার, আসছেন বোধ হয়।

সত্যিই বারান্দার পারের শব্দ উঠছিল, সে শব্দ রত্নেশ্বর রায় শুনতে পান নি। দেবেশ্বর শিবেশ্বর রামেশ্বর ভিন ভাই—খবর পেয়ে বারান্দা ধরে ঘরে ঘরে দরজার সামনে এসে দাঁড়িয়েছিলেন।

বড়বউ ইসারা করে ডেকেছিলেন স্বামীকে—এম।—

দেবেশ্বর দুই ভাইকে সঙ্গে নিয়ে এসে সামনে দাঁড়িয়েছিলেন। রত্নেশ্বর দেবেশ্বরকেই বলেছিলেন—এসেছ?—

দেবেশ্বর চুপ করে দাঁড়িয়ে থেকেছিলেন। এর উত্তর দিতে ভিনি পায়েন নি। খুঁজে পান নি। ভবে ভিন ভাইয়ের চোখই জলে ভরে উঠেছিল। এরই মধ্যে ভাতার এসে পড়ে সবিনয়ে শব্দশব্দে বলেছিলেন—শুঁও এখন বিশ্রাম দরকার বড়বাবু!

বড়বাবু দেবেশ্বর। দেবেশ্বর বলেছিলেন—হ্যাঁ। নিশ্চয়। তবে শুঁকে বলে যেতে হবে। না হলে—

বড়বউ উমা বলেছিলেন—জোরে বলো একটু—কানে ঠিক শুনতে পাচ্ছেন না।

দেবেশ্বর শুঁকে পড়ে বলেছিলেন—ভাতার বলছেন আপনার এখন বিশ্রাম দরকার।

রত্নেশ্বর রায় খাড় নেড়ে আনিয়েছিলেন, হ্যাঁ।

ভারপয় একটা দীর্ঘনিশ্বাস ফেলেছিলেন—আর কিছু হবে না। হতে বেশি আছে।

বলে গেছে আমাকে ।

সবিস্ময়ে তাঁর মুখের দিকে তাকিয়েছিলেন দেবেশ্বর, তাঁর সঙ্গে অল্প তাই এবং বউয়েরাও ।

রত্নেশ্বর রার বলেছিলেন—তোমার মা । তোমার মা সারা অস্থখটা ওই ঘরে আমার সামনে বসে থেকেছে । এই তো সে গেল । বলে গেল—আমি এবার চলে যাব । এখন আসতে তোমার ঘেরি আছে কিছুদিন । ভাল হয়ে গেলে এবার ।

\* \* \*

বজ্রিশ দিনের দিন পথ্য পেয়েছিলেন । সেদিন অন্নপূর্ণা দেবী কলকাতা থেকে এসেছিলেন কীর্তিহাট । যাবার সময় তাঁর দেবু ভাইপোকে বলে গিয়েছিলেন—তুই যেন এখনই দাদাকে ফেলে কলকাতা চলে যাস নি দেবু ।

দেবেশ্বর হেসেছিলেন । তারপর জিজ্ঞাসা করেছিলেন—চলে যাব এটা তোমরা ভাইবোনে ধরেই নিয়েছ পিসী ?

তাঁর মুখের দিকে তাকিয়ে অন্নপূর্ণা বলেছিলেন—হ্যাঁ, দাদা বলছিলেন ।

—সে তুমি বলতেই আমি বুঝেছি ।

—না, শুধু উনি বলেন নি—আমিও বলছি । আমি তোকে জানি । তোর মত নেমকহারাম আর ছুটি নেই । অত্যন্ত ধার্মিক ।

দেবেশ্বর হেসে বলেছিলেন—হ্যাঁ, ওটা আমি মানি । তবে আমার স্বার্থবোধ একটু ভিন্ন রকমের পিসী । স্বার্থ আমার কাছে selfishness যাকে বলে তাঁও বটে, আমার ওইটের মধ্যেই আমার আসল মানে আসল চেহারা থাকে বলে তাঁও বটে । তবে এখন যাব না, অন্তত উনি একটু সেরে না ওঠা পর্যন্ত না । এ তোমাকে কথা দিলাম ।

কথাটা শুনে খুশী হয়েছিলে, রত্নেশ্বর রার । ছেলেকে বলেছিলেন—অন্নপূর্ণা আমাকে সব বলেছে । আমি শুনে সুখী হইছি । একটা পাণ্ডার খবর এটিনী রেজেন্সী করে দিতে চাই তোমার নামে । আমাকে তোমরা খালাস দাও । আর—

একটু চুপ করে থেকে বাইরের দিকে তাকিয়ে বলেছিলেন—আমি বাপ তুমি ছেলে । আমি যা চাই তা তুমি জান । কিন্তু তা বলে তাই নিয়ে তোমাকে বট আমি দেব না, দিতে চাইনে । শুধু আমার অজ্ঞরোধ—ভোগকে ব্যক্তিচার করে না, মদ যদি খাও বা না খেয়ে থাকতে নাই পার—খাওয়ার যদি দোষ আছে মনে নাই হয় তোমার তবে খেয়ো । আমার বাবা খেতেন, পিতামহ খেতেন—তাঁরাও । মানে লোকিষ্য বাদ্যকে আমি মায়ের মতই দেখেছি—শেষ কালটায় । আমার মা—তাঁর হাতেই বাবার সেবার ভার দিয়ে মারা গিয়েছেন । কিন্তু ওই মত যেন তোমাকে না খার, আর ভোগকে ব্যক্তিচার করে ফুল না ।—

দেবেশ্বর রাডা হয়ে উঠেছিলেন, মুখে কিছু বলেন নি ।

রত্নেশ্বর বলেছিলেন—জমিদারী চালাবার ব্যবস্থা তুমি যেমন ভাল বুঝবে করবে—তাতে আমি কোন আপত্তি করব না । একটু সারলেই আমার ইচ্ছে পুরী গিয়ে আশ্বিন মাসটা

থেকে শরীর সেরে, একবার ভীষণ দর্শন করব। ইংরেজের দৌলতে ভীষণমুখে আর কষ্ট নেই—বার বেয়ন বিস্তার সাধা সে ভেমনি আরামে যেতে পারে। শিবেশ্বর তোমার কাছে থাকবে, রামেশ্বর এবং ছোট বউমাকে নিয়ে আমি বসে যাব, কি বল ?—

স্বরেশ্বর বললে—রত্নেশ্বর রাবের ডায়েরী থেকে চমৎকার একখানা ‘ভারত দর্শন’ নামে ভ্রমণবৃত্তান্ত রচিত হতে পারত। সুন্দর বর্ণনা তাঁর। হয়তো ঐরকম ইচ্ছে তাঁর ছিল, কিন্তু শেষ পর্যন্ত কাজে পরিণত হয় নি। পুরীতে মাস দুয়েক থেকে পুরী থেকে, দক্ষিণে মাজার হায়ে রামেশ্বর এবং ফেরবার সময় ভারতের পশ্চিম উপকূল হয়ে দ্বারকা, সেখান থেকে রাজস্থান, পাঞ্জাব, চিতোরগড়, জালামুখী হয়ে কুরুক্ষেত্র, সাবিত্রী, দিল্লী, আগ্রা, কানৌন এসে সেখানে কিছুদিন থেকে বাড়ী করেছিলেন এক বৎসর পর। এর মধ্যে প্রতিটি স্থানে তাঁর কাছে পত্র গেছে—এক কর্মচারীদের লেখা পত্র ছাড়া অন্য কোন পত্র তিনি খোলেন নি পড়েন নি। এক বৎসর পর যখন তিনি ফিরলেন—তখন তাঁর কাছে শিবেশ্বরের লেখা থামের চিঠি বারো-চৌদ্দখানা, না-খোলা অবস্থায় তাঁর ব্যাগে বন্ধ ছিল। কর্মচারীদের চিঠিতে সংসারের পরিজনদের কুশলেই তিনি তুষ্ট ছিলেন—তাঁর বোনী কিছু চান নি।

যেদিন ফিরেছিলেন সেদিন কীতিহাটে উৎসব হয়েছিল।

হাসলে স্বরেশ্বর।—

দেবেশ্বর তাঁর এ উৎসবের পরিকল্পনা করেছিলেন।

সে উৎসব খাটি সাহেবী কায়দায়। কঁাসাইয়ের ঘাট পর্যন্ত এসেছিলেন পালকিতে। তারপর কঁাসাইয়ের ঘাট থেকে ল্যাণ্ডো-গাড়ীতে। বাপের অমুপস্থিতিতে এ-গাড়ী এবং এক-জোড়া বাদামী রংয়ের ঘোড়া কিনেছিলেন দেবেশ্বর তাঁর।

ঘাট থেকে সেই গাড়ীতে চড়িয়ে বাপের সামনের সিটে ছোট দুই ভাইকে বসিয়ে নিজে কোচবক্সে বসে ঘোড়ার রাশ ধরে চালিয়ে গ্রামে ঢুকেছিলেন।

রাববাহাদুর গাড়ীতে উঠতে গিয়ে পাদানীতে পা রেখে থমকে গিছিলেন ; বলেছিলেন—কই যজ্ঞেশ্বর কোথায় ? সে আসে নি ? অসুখ-বিসুখ করে নি তো ?

কড় নাড়িকে তিনি প্রাণের তুল্য ভালবাসতেন। বয়স তখন বোল হয়েছিল। তাকে তিনি ওই ঘাটেই প্রত্যাশা করেছিলেন এবং তাকে তাঁর পাশে বসিয়ে নিয়ে যাবেন ভাবছিলেন। দেবেশ্বর বলেছিলেন—না, তাকে আনি নি। কারণ যোগেশ্বর ধনেশ্বর জগদীশ্বর এদের তিনজনকেও তা হলে আনতে হত। ওটা ঠিক আমি পছন্দ করি না। যজ্ঞেশ্বর আসবে আর ওরা বাড়ীতে পড়ে থাকবে—কান্দবে, সেটা অজ্ঞায় হত।

বলেই তিনি বাপকে অনেকটা হাতে ধরে উঠিয়ে দিয়ে নিজে কোচবক্সে উঠে বসেছিলেন তাঁর রাশের টান পেয়েই ঘোড়া দুটো লাল কঁাকর বিছানো রাস্তার উপর চলতে শুরু করেছিল—খাড় বৈকিয়ে—। দেবেশ্বরের শক্তহাতের টানে খাড় বৈকিয়ে যত্নবগতিতে চলছিল তাঁরা বাধ্য হয়ে।—ক্ষত গেলে রাস্তার দুধারের লোক রায়হজুরকে দেখতে পাবে না।

এই গাড়ীর জন্তে গ্রামের রাস্তাকে পাকা করতে হয়েছিল। তাঁর উপর কটক তৈরী করে, ছদিকে কলাগাছ এবং আমের শাখা দেওয়া জলভর্তি কলসী বসিয়ে দিয়েছিলেন—রাস্তার

হুথারে খুঁটি পুতে আয়ের শাখা ঝুলিয়ে দিবেই শেষ হয় নি, হুথারে ঝাঁড় করিয়ে দিবেছিলেন চাপরাসীদের। তারা বন্ধুকের নল উপরদিকে তুলে পর পর ঝোলটা কারার করে মালিককে অভ্যর্থনা জানিয়েছিল। শুধু আয়ের লোক নয়—আশেপাশের পাঁচ-সাতখানা আয়ের লোক রারবাছাড়রের প্রত্যাভর্জন দেখতে নিজে থেকেই ভিড় করে জমায়েরত হয়েছিল কীর্তিহাটে। সেদিনের তাণ্ডারের খাতার চালের খরচ দেখেছি কুড়ি মূল। তার অর্থ দু' হাজার লোকের খাবার বরাদ্দ। সন্ধ্যার সময় পুড়েছিল বাকদের কারখানা।

রত্নেশ্বর রায় নিজের ডায়রীতে লিখেছেন—‘ল্যাণ্ড গাড়ীতে আরোহণ করিয়া পুষ্পমালা শোভিত হইয়া বীশ ও ফুলপাতায় নিমিত্ত তোরণগুলির মধ্য দিয়া গ্রামে প্রবেশ করিলাম—বন্ধুকের ধ্বনি হইতে লাগিল—পথের দুই পার্শ্বে লোকজনরা ভিড় জমাইয়া দাঁড়াইয়া আছে—এসব দেখিয়া ভালই লাগিল। বুঝিতে পারিলাম—শ্রীমান দেবেশ্বর এক বৎসরের মধ্যে এস্টেটের ভোল পাণ্টাইয়া ফেলিয়াছে। সমস্ত দারোয়ানদের পোশাক এবং চাপরাস দেওয়া হইয়াছে। মনে হইতেছে ইহা যেন একটি ছোটখাটো রাজ্য এবং আমিই তাহার অধীশ্বর। সমস্ত কিছুই মধ্যে আশ্চর্য একটি শৃঙ্খলা দেখিয়া বড় ভাল লাগিল। দূর হইতে রারবাছাড়র চিলের ছাদ ও ছাদের আলসেগুলি নীল আকাশের গায়ে আরোম্ভ গাছপালার স্তম্ভশোভার উর্ধ্বে চিত্রবৎ শুভ্র শোভার ঝলমল করিতেছে। বুঝিলাম—মদীর প্রত্যাভর্জন উপলক্ষে বাড়ীঘর সবই চুনকাম করানো হইয়াছে। জানালা দরজার রঙ হইয়াছে। গাড়ী আসিয়া রায়জননী বা স্ত্রীমাতুল্যরীর কটকে দাঁড়াইল। আমি গাড়ী হইতে নামিতে নামিতে মাটিতে পা দিয়াই বিস্মিত হইয়া গেলাম—দেখিলাম পুরাতন কটক নাই—তাহাকে ভাঙিয়া কেলিয়া নূতন কটক তৈয়ারী হইয়াছে। প্রথম প্রবেশপথেই দেখিলাম গোটা অগুণ্টাই পরিবর্তিত হইয়া গিয়াছে।’

কটকটা তৈরী করিয়াছিলেন কুড়ারাম রায় নিজে। কটকের দুই পাশে দুটো বিরাটকার প্রহরীর মূর্তি ছিল। পঞ্চুনের কাজকরা মূর্তি দুটো মজবুদ ছিল খুব—কিন্তু কটকসম্পন্ন ছিল না। সেকালের নতুন ডেলেক্সী সিপাইয়ের আদর্শে, খাটো কুর্তা হাটু পর্যন্ত বগলস খাঁটা, টাইট পেটলান পরা মূর্তি ছিল। গোল গোল বড় বড় চোখ—তেমনি পাকানো গৌক; সে সব আবার রঙ লাগিয়ে মূর্তি দুটোকে আরও ভয়াল করে তোলা হয়েছিল। ছোট ছোট ছেলে-পুলেরা মূর্তি দুটো দেখলে ভয় খেতো; হয়তো বা ঘেসব গ্রামা দরজা প্রজারা মনের দিক থেকে শৈশব বা বালাকাল অতিক্রম করে নি—তারাপু জমিদার বাড়ী ঢুকবার সময় আতঙ্কিত হয়ে এখানে প্রবেশ করত।

সে দুটোকে ভেঙে যেলা হয়েছে, তার চিহ্নমাত্র নেই। তার স্থলে দুপাশে দুটো পাথরের সিংহ বসানো হয়েছে। সামনের দুই পার্শ্বের উপর ভর দিয়ে বসে থাকা ভঙ্গিতে তৈরী সিংহের মূর্তি দুটো অদ্ভুত। রত্নেশ্বর এ ধরনের বা এ গড়নের পাথরের ছোট ছোট সিংহ উড়িয়ায় দেখেছেন। এ দুটো দেখতে অবিকল সেই রকম হলেও আকারে বেশ বড়; অন্তত নিচের দিকে হাত তিনেক উঁচু পাথরের ধামের উপর বসিয়ে অনেক বেশী উঁচু করে তোলা হয়েছে।

রত্নেশ্বর থমকে দাঁড়ানোর অন্তই সময় কিছু যেন একটা ছোট্ট খেঁচা গেল। শুধু রায়-

বাহাদুর একদুটো তাকিয়ে আছেন সিংহ দুটোর দিকে। একবার এটাকে দেখছেন—একবার ওটাকে।

ওদিকে তখন ভিতরে নাট্যমন্দিরে শাঁখ বাজছে, দুটি সধবা যেরে পূর্ণকৃত্ত কাঁধে নিয়ে কটকের ভিতরে দাঁড়িয়ে রয়েছে—ম্যানেজার থেকে কর্মচারীরা দাঁড়িয়ে আছে একদিকে—মায়ের মন্দিরে দাঁড়িয়ে আছেন বাড়ীর মেরেরা—মানে বড়বউ এবং মেজবউ—ভাঁদের পিছনে রায়বাড়ীর অনেক পোতা। মন্দিরের মরজর দাঁড়িয়ে আছেন পুরোহিত; মায়ের পুজক এবং পরিচারকেরা। মিনিট দুইরক রায়বাহাদুর দাঁড়িয়ে দেখেছিলেন মূর্তি দুটো। এই দু মিনিট কাল সময়ই যেন অনেক বেশী সময় বলে মনে হয়েছিল সকলের। রায়বাহাদুরের কপালে সারি সারি রেখা জেগে উঠেছে। রত্নেশ্বর মায়ের কপালখানি ছিল প্রশস্ত এবং চিত্তের সামান্য ক্ষোভে বা বিরক্তিতে পাঁচটা সমান্তরাল রেখা জেগে উঠত। চোখের দৃষ্টি হয়ে উঠত তীক্ষ্ণ। তাঁর অসন্তোষ বুঝতে কাকুর বাকী রইল না।—

বড়হেলেন দেবেশ্বর এসে কাছে দাঁড়ালেন, বললেন—ভিতরে চলুন। সকলে অপেক্ষা করছেন।

—এ সিংহ দুটো?

—উড়িয়ার তৈরী। আপনি তীর্থে বেরিয়ে গেলেন পুরী থেকে—আমি ফিরবার সময় কোনারক ভুবনেশ্বর গিয়েছিলাম। সেখান থেকে শ্রাওস্টোনের সিংহমূর্তি নিয়ে এসে, কলকাতায় সারব কোম্পানীকে দরাত দিয়ে, মাৰ্বেলের বড় সাইজের করিয়ে আনিরেছি। সে মূর্তি দুটো অত্যন্ত খারাপ ছিল, দেহতে ভালগার। এ দুটো ভাল হয় নি?

ছেলের মুখের দিকে তাকালেন রায়বাহাদুর। দেখলেন টকটকে ফরসা রঙ বড় বেশী লাল হয়ে উঠেছে, সম্ভবতঃ এতক্ষণ ওই শক্তিম্যান ঘোড়া দুটোর রাশ ক'বে টেনে ধরে এসে পরিশ্রম বেশী হয়ে গেছে। তিনি বললেন—ভাল নিশ্চয় হয়েছে। কিন্তু ও মূর্তি দুটো আমাদের বংশের প্রতিষ্ঠাতা কালীবাড়ী তৈরী করাবার সময় নিজের পছন্দমত করে তৈরী করিয়েছিলেন তো!

—আছে সে দুটো। গোটাগুটি তুলবার চেষ্টা করিয়েছিলাম, কিন্তু ঠিক পারা যায় নি। কিছু কিছু ভেঙে গেছে; কেটেও গেছে। হয় তো বা আর কিছুদিনের মধ্যেই আপনা-আপনিই ফাটত—বয়স তো কম হল না—১৭২৫ সাল আর এটা ১৮২৬ সাল—একশো এক বছর হয়ে গেল।

—হঁ। বলে একটু অন্তমনস্ক হয়ে গিয়েছিলেন রত্নেশ্বর মায়; তারপর অকস্মাৎ যেন সচেতন হয়ে বলেছিলেন—চল ভিতরে চল। বলে পা বাড়িয়েছিলেন। মন্দিরের প্রাঙ্গণে প্রবেশ করে চারিদিক তাকিয়ে কাউকে খুঁজতে খুঁজতে ডেকে উঠেছিলেন—মাহু, দাহুয়া কই? অর্থাৎ নাতিরা!

দেবেশ্বর বলেছিলেন—যাকে প্রণাম করুন, তারপর সকলে এসে আপনাকে প্রণাম করবে।

রত্নেশ্বর ছেলের মুখের দিকে তাকিয়ে বলেছিলেন—দীর্ঘজীবী হও।

অপর সকল নাতিরা এসে প্রণাম করলে তাঁকে।—এল না কেবল বড়নাতি। সে শরীর খারাপ বলে ঘরে শুয়েছিল। তার সঙ্গে দেখা করতে ঢুকলেন রত্নেশ্বর রায়—দেবেশ্বর বারান্দায় থমকে দাঁড়ালেন—বললেন—আমি এখন আসছি। দরকার হলে ডেকে পাঠাবেন।  
বলেই, চলে গেলেন।

রত্নেশ্বর রায় নাতির ঘরে ঢুকলেন।—কি হয়েছে দাদু ?

নাতির ঘর থেকে বের হলেন একটু গম্ভীর মুখে—তারপর রায়বাড়ীটার প্রতিটি ঘর ঘুরে দেখে এসে নিজের ঘরে ঢুকলেন। এতক্ষণে প্রথম কথা বললেন—বললেন, আমার ঘরটা তেল-রঙ না করলেই ভাগ করতে। সাদার চেয়ে কোন রঙ আমার ভাল লাগে না, আর তেলরঙের একটা গন্ধ আছে। আঃ। ওটা আবার কি ? ও, কেরোসিন তেলে চলা পাখা। না-না-না। ওটা বড়বাবুর ঘরে দাও। না—, বড়বাবুর আর মেজবাবুর ঘরে পাখা তো আছে। তা হলে যেখানে হোক দাও। কেরোসিন তেলে চলা পাখার বাতাস গরম হবে—একটা গন্ধ হবে গ্যাসের। আমার টানা পাখা ভাল।

পরের দিন নতুন কাছারী ঘরে এসে বসেই আবার উঠে গেলেন। এসে বসলেন দেবোত্তরের সাবেক কাছারী ঘরে, যেখানে সোমেশ্বর রায় বসতেন; সেখান থেকে উঠে নিজের শোবার ঘরে ইজিচেয়ারে বসে বললেন—এখানেই আমার বসবার জায়গা করতে বল। আর তোমাদের বড়বাবুকে গিয়ে বল, গত বছরের কাগজপত্র একটু দেখতে চাই। জমা-খরচ—রোকড়খানা আর মোটামুটি আয়ব্যয়ের হিসেবটা।

তিনদিন পর দেবেশ্বর এসে পাশে দাঁড়ালেন।

খাতা দেখছিলেন রত্নেশ্বর রায়। মুখ তুলে বললেন—ভাবছিলাম তোমাকে ডাকতে পাঠাব। কয়েকটা পরচের ব্যাপার—

—খাতা সব দেখলেন ?

—হ্যাঁ। সবই ঠিক আছে প্রায়। হ্যাঁ, তবে মামলা সেরেস্তার কয়েকটা ডিগ্রী আদালতের ব্যাপারে—

—আপনার যদি আপত্তি থাকে তবে ও টাকা আমি পূরণ করে দেব। বোধ হয় হাজার পনের হবে।

—হ্যাঁ। চোদ্দ হাজার পাঁচশো কয়েক টাকা কয়েক আনা কত পাই যেন। না-না। ও তুমি ঠিক করেছ বেশ করেছ।

—হ্যাঁ, মতেশ্বর দাসের উপর তিরিশটা নালিশে আমাদের স্ত্রন আর খরচা নিয়ে বিশ হাজার টাকার ডিগ্রী হয়েছিল। সে শুনেছি উদ্ধত লোক। তা উদ্ধত একটু তো হবেই। বছরে সাড়ে তিন হাজার টাকা খাজনা দেয়, জমি অস্তুত দু হাজার বিঘের কাছাকাছি। আমাদের গোমস্তাদের মাইনে দিয়ে সে রাখতে পারে। সে লোক এল কাছারীতে, আমি ডিভিশনাল কমিশনার এবং কালেক্টরের সঙ্গে দেখা করে বেরিয়ে আসছি, এমন সময় পারের কাছে টাকার তোড়া নামিয়ে দিয়ে প্রণাম করে হাত জোড় করে বললে



হঁজুর, আমাকে বাচান তো বাচি নইলে আমাকে মরতে হবে। স্ত্রীপুত্র নিয়ে ভিক্ষে করতে হবে। আমি কি করব; বহুলোকের সামনে ব্যাপার; আমি ভেবে দেখবারও অবকাশ পেলাম না—টাকার তোড়াটা তুলে নিলাম। ব্যাপারটা খানিকটা জানা ছিল—বললাম, আর আমাদের কর্মচারীদের সঙ্গে অসহ্যবহার করবে না তো? বাজনা দেব না, নাশিশ করে নাও গে—বলবে না তো? বললে—তা কখনও বলি নি হঁজুর; কিন্তু আপনার গোমস্তা—ও তো হঁজুর আমারই জ্ঞাতি, ওকেও আমিই হঁজুরদের দরবারে জামীন হয়ে গোমস্তার আমলার কাছে ঢুকিয়েছিলাম। তার পরেতে উন্নতি হল—হঁজুরদের বিশ্বাসের লোক হল—হয়ে হঁজুর আমার মাথাতেও পা দিয়ে হাঁটতে চাইলে। চোখ রাঙাতে লাগল। কি করব হঁজুর, আমি রাগের বশে একদিন, চামড়ার মুখ তো—বলে ফেললাম, নাশিশ করে লেগা। বিনা নাশিশে দোব না। বলেছিলাম—বলা বটে। আমি টাকার তোড়াটা নিয়ে সেখানেই তাকে খালাস দিয়ে এলাম। তারপর ঠিক এই ধরনের ডিগ্রীর খাতক প্রজা অনেক কজন এল। তাদের সব বিভিন্ন-রকম ব্যাপার। সব ক্ষেত্রেই—

চূপ করে গেলেন দেবেশ্বর। কারণ কয়েকটি ক্ষেত্রে তাদের সম্পত্তির সার্বাংশের মত কোন কোন বিশেষ ভূমি বা বাগান বা দীঘির জন্ত প্রলুব্ধ হয়েছিলেন নিজ শিবেশ্বর। তা দিতে রাজী না হওয়ার জন্ত শিবেশ্বরই সুকৌশলে গোমস্তাদের দিয়ে প্রজার সঙ্গে বিরোধ বাধিয়ে নাশিশ চাপিয়েছেন তাদের উপর। কথাটা কিন্তু বাপকে মুখে বলতে পারলেন না দেবেশ্বর।

রত্নেশ্বর বললেন—তোমার নোট আছে আমি দেখেছি। এবং বুঝেছি কার কথা বলতে গিয়েও তুমি পার নি। শিবেশ্বরের এই স্বভাব আমার মাথা হেঁট করে। তাই তোমার উপর তার দিয়ে নিশ্চিন্ত হতে চেয়েছিলাম। কিন্তু—

একটু চূপ করে থেকে একটা দীর্ঘনিশ্বাস ফেলে বললেন—শিবেশ্বর কটা খরচের কথা বলেছিল,—দেখলাম তোমার নামে ব্যক্তিগত প্রয়োজনে একবার পাঁচ হাজার টাকা নিয়েছ—  
—খাতা সব দেখেছেন তা হ'লে?

—হ্যাঁ, দেখেছি। আরও একবার আট হাজার টাকা—

—সেটা আমাদের এস্টেটের তরফ থেকে খবরের কাগজের শেয়ার কিনেছি। আর আমার নামে নেওয়া টাকাটা—ছোট শোক যোগেশ্বরের গবর্নমেন্টের অপমান করেছিল যজ্ঞেশ্বর, তার দরুন তাকে ক্ষতিপূরণ বলুন, হ্যাঁ, তাই ছাড়া আর কি বলব—তাই দিয়েছি। কিন্তু সে টাকা তো আমি—

গলা পরিষ্কার করার ছলে রত্নেশ্বর একটা ছফার দিয়ে উঠেছিলেন। কিন্তু তাতে দেবেশ্বর থামেন নি—তিনি বঁলেছিলেন—সে টাকা পরে কলকাতা থেকে চেক ভাঙিয়ে এনে তো এস্টেটে জমা দিয়েছি।

রত্নেশ্বর এবার বললেন—কথাটার আলোচনা থাক। আমি সব শুনেছি।

রত্নেশ্বর স্বাধীন ভাবে ঘুরে বেড়িয়েছিলেন এক বছর। এই এক বছরের মধ্যে দেবেশ্বর এস্টেটের ভার নিয়েছিলেন—কিন্তু কলকাতার বসবাস ছাড়েন নি, ছেলেরা কলকাতার স্কুলে

পড়ে; তিনি আসা যাওয়া করতেন। থাকতেন বিবিমহলে। মেজ্জাই শিবেরের স্ত্রী সংসারের গৃহিণী ছিলেন। পূজার সময় ভুল আগ্নি বন্ধ; এই সময় দেবের স্ত্রী এবং দুই ছেলেকে নিয়ে কীর্তিহাট এসেছিলেন। সঙ্গে এসেছিল এক মেমসাহেব।

স্বরের বললে—মুলতা, আমার বাবাকে তিনি ইংরাজী পড়াতে, আর দেবের রায়ের চিঠিপত্র লিখতেন। অন্ততঃ সেই পরিচয়ই মেমসাহেব এসেছিল। কিন্তু ওই পরিচয়টা ছিল নিতান্তই একটা নামাবলীর মত। কীর্তিহাটের সমাজ, বাড়ীর দেবদেবীর পূজার্নার বাধার চেয়েও শিবেরের আপত্তি খণ্ডনের জন্যই নামাবলী তিনি পরিবেশিতেন। কিন্তু মেয়ের আসল পরিচয় গোপন করার মত সতর্ক মাহুদ দেবের ছিলেন না। মেয়েটি ছিল তাঁর অহুগৃহীতা। জীবনে দেবের রায় অনেক ভুল করে গেছেন; কিন্তু অহুশোচনা কোনো কিছুই করতে করেন নি। অহুশোচনা এবার এই ভুলের জন্য করতে হয়েছিল। তিনি তাঁর জমিদারীর ঐশ্বর্য দেখাতে এনেছিলেন খেতাবিনীটিকে। লর্ড বা আর্ন বা ডিউক অব কীর্তিহাটের কাস্‌ল এবং এস্টেটের ঐশ্বর্য দেখাবার জন্য এনেছিলেন। পূজার পরই কালীপূজা, সে সময় কীর্তিহাটে উৎসব হয়; সেবার দেবের সে উৎসব বাড়িয়েছিলেন। তাছাড়া রেল লাইন হয়ে অবধি রায়বাড়ীর বজরাগুলো প্রায় অকেজো হয়ে গিয়েছিল, সেগুলো মেরামত করিয়ে কাঁসাইয়ের মোহনায় পড়ে, ভাগীরথী ধরে, সন্দরবনের শোভা দেখাবার কল্পনাও ছিল তাঁর। কিন্তু একটা কথা ভাবেন নি। ভাবেন নি বড় ছেলে যজ্ঞের বয়স পনের বছর হয়েছে এবং ঠিক এই পনের বছর বয়সে তিনি নিজে ভারলেটের প্রেমে পড়ে রক্তের রায়ের মত বাপের বিরুদ্ধে বিক্রোহ করেছিলেন।

মুলতা, আমার মাতামহী উমা দেবী ছিলেন মৃত্যুমুখী মহিষুতা, তিনি নীরবে সব সহ্য করে যেতেন। স্বামীর যোগা স্ত্রী নন বলে আক্ষেপ ছিল, অভিমান ছিল, অজুসৃত সমুদ্রের মত তার সমস্ত স্রোত, গতিবেগ অন্তরে অন্তরে সঞ্চারিত হত; গভীর রাত্রে কানতেন তিনি। তখন স্বামী বিলিভী মদের নেশার গভীর ঘুমে আচ্ছন্ন হয়ে পড়ে থাকতেন। বড় ছেলে যজ্ঞের এ সব লক্ষ্য করেছিল। এবং তখন তাঁর কানে এসে পৌঁচেছে বাংলা দেশের নতুন আস্থান।

স্বামী বিবেকানন্দের তখন শিকাগোতে ধর্মসম্মেলনে বিশ্বজয় হয়ে গেছে। ধর্মীর পুত্র যজ্ঞের মুচী-মেথরকে, নির্ধন-দরিদ্রকে ভাই বলতে পারেন নি। কিন্তু সায়েবীবানার উপর, মস্তপানের উপর একটা বিধেব জন্মেছে। ধর্মের প্রাণ একটা অহুরাগ এসেছে। কিন্তু সে অহুরাগ—পানিকটা বাপের আচরণের উপর যে ক্রোধ, সেই ক্রোধ। ক্রোধ এবং ক্ষোভ কিংবা বলতে পারি যজ্ঞের রায়ের জীবনের ভিতরে পতন হয়েছে ওই মাল-মশলায়। নইলে চরিত্রে তিনি বিচিত্র, তার পরিচয় কিছু পেরেছ; বলেছি অর্চনার বিয়ে প্রসঙ্গে। কুইনীর বাড়ী প্রসঙ্গে। এক নরনারীর সম্পর্ক সবকিছু কুটিল সন্দেহ আর ওই দিকে নিজের চরিত্রের সত্যতার কল্পনাধন ছাড়া অন্য কোন সত্যতা বল, সত্যতার লাধনা বল কিছু ছিল না। প্রথম যৌবনে অনেক দিন পর্যন্ত মদ পান নি, তারপর তাম্রিক দীপা নিয়ে দীকার দোহাই দিয়ে মস্তপান করেছেন। কয়লার ব্যবসারে একসময় উৎসাহে উঠেছিলেন, বিশেষ করে গভ প্রথম মহাযুদ্ধের

সময়, সে-সময় তিনি আপানে করলা সরবরাহ করতেন। অর্ডার পাবার জন্ত আপানী কার্যের সাহেবদের নিয়ন্ত্রণ করতেন বাগানবাড়ীতে। সেখানে নাচগান হত। তিনিই উত্তোগ করতেন। নারীর রূপ আর তার দেহ, এই দুটোর বিনিময়ে সব কিছুই পেতে পারে মানুষ। কিন্তু সে যজ্ঞের রায় ১৯১৪।১৫ সালের যজ্ঞের রায়। ১৮৯৪।৯৫ সালে যজ্ঞের রায় আদর্শবাদী ছিলেন। দান্তিক আদর্শবাদী। জমিদারের ছেলে, দেবেশ্বর রায়ের বড় ছেলে, রত্নেশ্বর রায়ের প্রথম ধর্ম, তাঁর যদি দস্ত না হবে তো হবে কার? দান্তিক যজ্ঞের রায় সেদিন বাপের বিরুদ্ধে বিদ্রোহ করেছিল। সে এই খেতাদিনী মহিলাটিকে সহ্য করতে পারত না। কিন্তু কলকাতার কিছু বলবার অবকাশ পেত না। মহিলাটি সকালে একবার আসতেন— যোগেশ্বরকে ইংরাজী শেখাতেন, দেবেশ্বরের কাছে দু-চারখানা চিঠি ডিক্টেশন নিতেন, নিয়ে কিয়ে যেতেন। দেবেশ্বর রায় তাঁর একটা ভাড়া-করা বাড়ীতে সন্ধ্যার পর গিয়ে তাঁর সঙ্গে দেখা করতেন। মস্তপান করে গাড়ীতে বেড়ানো ছিল একটা শখ। কোন কোন দিন ডিমার খেয়ে বাড়ী কীরতেন।

বাড়ীতে স্বী উমা ভেগে বসে থাকতেন, একখানি ধর্মগ্রন্থ নিয়ে। পড়েই যেতেন, পড়েই যেতেন। জীবনের কুড়িটা বৎসর ওই একখানি বই-ই তিনি পড়ে গেছেন; কতবার পড়েছেন, তার হিসেব নিজের রাখেন নি। বইখানি শ্রীমদ্ভাগবতের বাংলা অনুবাদ। যজ্ঞেশ্বর রায় এগারটা-বারোটার উঠে এসে উঁকি মেয়ে দেখে যেতেন; মাকে ভেগে বই খুলে বসে থাকতে দেখে শুধু বলতেন—এখনও শোও নি মা?

মা বিচিত্র ভেসে বলতেন—না রে। ভাগবতের উপাখ্যানটা শেষ করে নিই, তারপর শোব।

যজ্ঞেশ্বর জানতেন। কোন উপাখ্যান পড়ছ জিজ্ঞাসা করলে মাকে বই দেখে তবে বলতে হবে, তাই আর কোন কথা না বলেই চলে যেতেন। ক্ষুদ্র হতেন বাপের উপর এবং এই বিদেশিনীর উপর। কিন্তু বলতে কিছু পারতেন না। স্বযোগ পেলেন এখানে।

সেদিন সকালে বিবিমহলে বসে দেবেশ্বর আর বিদেশিনী বসে চা খাচ্ছিলেন। কীতীহাট এসে অবধি এটা হয়েছিল তাঁর নিত্যকর্ম। মেমলাহেব নিজের চায়ের কাপে চা ঢালছিলেন, দেবেশ্বরের সামনে টেবিলের উপর তাঁর চায়ের কাপে ধোঁয়া উঠছিল, তিনি অপেক্ষা করে-ছিলেন তাঁর প্রিয়পাত্রীর চায়ের জন্ত। হঠাৎ ছোট ছেলে যোগেশ্বর ছুটে এসে ঘরে ঢুকে তাঁর 'আন্টি'র হাত ধরে টেনে বলেছিলেন—আন্টি কাম এ্যাণ্ড সি, আন্টি! এভেরী বিগ বীরার।

একটা লোক ভালুক নাচাতে এসেছিল, ভালুকটা ছিল খুব বড়, সেইটে সে আন্টিকে দেখাবার আগ্রহে ছুটে এসে তার হাত ধরে টেনেছিল। আন্টিকে যোগেশ্বর ভালবাসত। যজ্ঞেশ্বরের মত তার প্রতি তার বিরাগ ছিল না।

এর পিছনে আরও একটা কারণও ছিল, সেটা দেবেশ্বর রায় বলে গেছেন। এই মহিলাটিকে দেবেশ্বর কেবল যোগেশ্বরের জন্মেই রাখেন নি, তুই ছেলেকেই ইংরাজীতে কথা বলতে শেখাবে বলে রেখেছিলেন। কিন্তু যজ্ঞেশ্বর গোড়া থেকেই ইংরাজীতে কাঁচা ছিলেন,

ইংরিজী তিনি ভালবাসতেন না ; মেমসাহেবও এই অবাধ্য ছাত্রটির ওপর প্রাণস্ন ছিলেন না । কিন্তু যোগেশ্বর ইংরিজী ভালবাসতেন, বলতে পারতেন চমৎকার । শুধু ইংরিজীতেই নয়, অল্প সব বিষয়েও ভাল ছাত্র ছিলেন । ‘আন্টি’কে সে এইজন্মেই ভালবাসত এবং এই জন্মেই এত বড় ভালুকটা তাকে দেখাবার জন্মে ছুটে এসে তার হাত ধরে টেনেছিল । সে টানে আন্টির হাতের চায়ের কেটলীটা চায়ের কাপ থেকে সরে এসে তার শোশাকের উপর গড়িয়ে পড়েছিল, থানিকটা পারের উপরেও গড়িয়ে পড়েছিল ।

আন্টি এটা সহ্য করতে পারেন নি । সঙ্গে সঙ্গে চায়ের কেটলীটা টেবিলের উপর রেখে যোগেশ্বরের গালে সজোরে একটা চড় কষিয়ে দিয়েছিলেন । চড়ের জোরটা সজোর বলেও তার মাজা ঠিক বোঝানো যাবে ; গোরবর্ণ রঙ রারবংশে কুড়ারাম রায়েরও আগে থেকে বাসা বেঁধেছে ; যোগেশ্বরের গালের সুন্দর রঙের উপর মেমসাহেবের পাঁচটা আঙুলের দাগ ফুটে উঠেছিল ।

যোগেশ্বর আঘাত যত পেয়েছিলেন, তার থেকে মনে আহত হয়েছিলেন বেশী । তিনি গালে হাত দিয়ে কান্দতে কান্দতে ঘর থেকে বেরিয়ে এসে বিবিমহল থেকে চলে আসছিলেন অন্যরের দিকে ; পথের উপর ওদিক থেকে ঘোড়ায় চড়ে প্রান্তলব্রহ্মণ সেরে ফিরছিলেন বড় ভাই বজ্জেশ্বর । পরস্পরকে দেখে পরস্পরেই ধমকে দাঁড়িয়েছিলেন । বজ্জেশ্বর ঘোড়ার দাঁশ টেনে জিজ্ঞাসা করেছিলেন—কি হল ? কান্দছিল কেন রে ?

গালের হাতটা সরিয়ে আঙুলের দাগগুলো দেখিয়ে যোগেশ্বর বলেছিলেন—যারলে ।

—কে ?

—আন্টি ।

ঘোড়া থেকে লাফিয়ে নেমে বজ্জেশ্বর তার গালের দাগগুলো দেখে ঘোড়াটার লাগাম পথের ধারে একটা গাছের ডালে আটকে দিয়ে চাবুকটা হাতে করে হন হন করে জুড়োর দশ তুলে বিবিমহলের ছত্রিঘরের দিকে উঠে গিয়েছিলেন । এবং রক্তচক্ষে মেমসাহেবকে প্রাণ করেছিলেন—যোগেশ্বরকে এমন করে মেরেছ কেন ? হোঁরাই ?

চমকে গিছিলেন মেমসাহেব ! দেবেশ্বরও চমকে ছিলেন । কিন্তু করতে কেউ কিছু পারে নি । বজ্জেশ্বর নিজের হাতের চাবুক দিয়ে মেমসাহেবের পিঠে আঘাত করে বলেছিল—এইটে বুড়ো আঙুলের দাগের জন্মে, এইটে ওজীর দাগের জন্মে, এইটে মধ্যমার দাগের জন্মে, এইটে—

ততক্ষণে দেবেশ্বর উঠে এসে বজ্জেশ্বরের সামনে দাঁড়িয়েছেন ।

বজ্জেশ্বর চারবারের বার চাবুকটা তুলে আর নামান নি । প্রায় সঙ্গে সঙ্গেই চাবুকটা হাতে নিয়ে পিছন তিরে যেমন হন হন করে গিয়েছিলেন তেমনিভাবেই চলে এসেছিলেন ।

দেবেশ্বর শুক হয়ে দাঁড়িয়েই ছিলেন, যেন পাথর হয়ে গেছেন ।

এর পরের ব্যাপারটা সংক্ষিপ্ত । মেমসাহেব বলেছিলেন—তোমাকে এর জন্ত খেপারত দিতে হবে । আমি চলে বাজি ।

দেবেশ্বর বলেছিলেন—দাঁড়াও । দয়া করে আধ ঘণ্টা সব্বর কর । বলেই হুকুম দিয়েছিলেন, কোচম্যানকে বল গাড়ী আনতে । যত তাড়াতাড়ি হয় ।

আর একখানা কাগজে স্নিগ্ধ লিখে ম্যানেজারের কাছে পাঠিয়েছিলেন, পাঁচ হাজার টাকা এখনই পাঠিয়ে দিন। আমার নিজের নামে খরচ পড়বে। হাওলাত লিখবেন। টাকাটা পরে দেব।

আধ ঘণ্টার মধ্যেই গাড়ীতে করে মেমসাহেবকে নিয়ে তিনি কলকাতা রওনা হয়ে গিয়েছেন।

\*

\*

\*

এ টাকা সেই টাকা। কথাটা শিবেশ্বর তাঁকে পত্রে লিখেছিল, কিন্তু তিনি সে-সব পত্র খোলেন নি। এখানে এসে প্রথম নাতির কাছে শুনেছেন। সেই কারণে যজ্ঞেশ্বরকে সঙ্গে নিয়ে যান নি দেবেশ্বর নদীর ঘাট পর্যন্ত এবং যজ্ঞেশ্বরও ঠাকুরদাকে অভ্যর্থনা জানাতে নাট-মন্দিরে নামে নি, আগের রাজি থেকে শরীর খারাপের অজুহাতে উপবাস করে শুয়ে ছিল। ঠাকুরদা ঘরে এলে সে কেঁদেছিল। কারণ জিজ্ঞাসা করলে বলতে শুরু করেও বলতে পারে নি, বলেছিল—বড়কাকা তো তোমাকে লিখেছিল। তুমি তো তার উত্তর পর্যন্ত দাও নি।

ঠাকুরদা বলেছিলেন—চিঠি এক ম্যানেজারের ছাড়া আর কারুর চিঠিই খুলে পড়ি নি আমি। শুধু তোমাদের কুশলেই খুশী ছিলাম ভাই। দেবেশ্বরের বিরুদ্ধে শিবেশ্বরের অভিযোগ, শিবেশ্বরের বিরুদ্ধে দেবেশ্বরের, কি দেবেশ্বরের বিরুদ্ধে তোমার, এসব পড়ে তীর্থযাত্রার আনন্দ, পুণ্য এসব আমি তেতো করতে চাই নি ভাই। আচ্ছা আমি শুনব সব, শিবেশ্বরের কাছে।

শিবেশ্বর মুখে কিছু বলেন নি, তাঁর লেখা না-খোলা চিঠির ভেতর থেকে সেই চিঠিখানা বের করে হাতে দিয়ে বলেছিলেন,—পড়ে দেখুন।

পড়ে দেখে খাতার খরচটার একটা চিহ্ন দিয়ে রাখছিলেন রত্নেশ্বর রায়, কিন্তু শিবেশ্বর বলেছিলেন—টাকাটা দাদা কলকাতা থেকে এসেই শোধ করে দিয়েছেন, জমা আছে পরে। তবে আরও টাকা তিনি নিয়েছেন এবং মামলা-সেরেস্তার ভিক্রী দরুণ প্রাপ্য টাকা উনি ছেড়ে দিয়েছেন। তা সব দেপতে পাবেন খাতায়। এবং এ ছাড়া আট হাজার টাকা দিয়ে একখানা বাংলা খবরের কাগজ বের হচ্ছে, তার শেয়ার কিনেছেন। এটাও আপনাকে বিবেচনা করে দেখতে বলি। খবরের কাগজ থেকে লাভ কখনও হয় না। যারা ও থেকে লাভ করতে পারে, তাদের জাত আলাদা। আবার যেসব বড় বড় জমিদার কাগজ বের করে শখ করে, লোকসান দেয়, তাঁরা হলেন বড় বড় জমিদার, জোড়াসাঁকোর ঠাকুরবাড়ীর মত বড় তাঁরা।

রত্নেশ্বর বলেছিলেন—হঁ।

\*

\*

\*

মেমসাহেবের কথাটা তিনি জানেন, শুনেছেন, এই ওখাটুকু জানিয়ে রত্নেশ্বর রায় বললেন—ও আমি জানি, শুনেছি। ও কথা থাক। ও আলোচনা থাক। কিন্তু—তুমি আট হাজার টাকা দিয়ে খবরের কাগজের শেয়ার কিনেছ কেন?

—আপনার আপত্তি হবে এটা ঠিক বুঝতে পারি নি আমি। আমাদের দেশে ইংরেজ রাজা হয়ে বসে আছে, থাকল, কিন্তু চিরকালের জন্ত নয়। হতেও পারে না। তাছাড়া প্রজারও বলবার কথা থাকতে পারে। থাকতে পারে নয়, থাকেও। আমার এক বন্ধুর

কাগজ, কাগজ ভালই চলে ; হঠাৎ একটা মামলায় পড়েছিল বলেই শেরার বিক্রী করলে । সেটা কিনেছি আমি ।

—কিন্তু পারমানেন্ট সেটেলমেন্টের সময় আমরা, জমিদারেরা বন্দোবস্তের শর্ত অস্বীকার করেছি—

—আমি জানি সে সব । তারপর অনেক কাল চলে গেছে । জমিদারদের অধীনে রায়তদের সঙ্গে লাবেক টেনেন্সী এ্যাক্টের কত বদল হল । জমিদারদের কমতা কত খর্ব হয়ে গেল । পারমানেন্ট সেটেলমেন্টের পর পত্তনী আইন হল । সুতরাং কোন শর্তই চিরস্থায়ী নয় । তাছাড়া আমার জন্তেই তার পুরনো সাপ্তাহিক কাগজখানা উঠে গেল ।

—তার মানে ?

—আমি কয়েকটা লেখা লিখেছিলাম । যার জন্তে তার কাগজ গবর্নমেন্টের বিবদৃষ্টিতে পড়েছিল । আমি এখানকার রাজকর্মচারীদের বিশেষ করে ব্যবসাদার ইংরেজদের কঠিন সমালোচনা করেছিলাম । বলতে গেলে বেঙ্গল চেম্বার অব কমার্শের হুকুমেরই দেশ চলে । ইংলিশম্যান স্টেটসম্যান মারকতে হুকুম তৈরী করে । বিলেত থেকে তাই পাস হয়ে আসে । আমাদের কাগজের মধ্যে বেঙ্গলী আর অমৃতবাজার । বেঙ্গলীর সুরেনবাবুর সঙ্গে আমার খুব বনে না । অমৃতবাজারে মতিলালবাবু, শিশিরবাবু আমাকে ভালবাসেন, আমিও প্রীতি করি তাঁদের, কিন্তু নিজের কাগজ না হলে অন্তত নিজের ইচ্ছেমত লেখা যায় না । আমার কলার ব্যবসা আজ এক বছর ধরে এক রকম অচল হয়ে রয়েছে । না থাকলে এস্টেট থেকে টাকা আমি নিতাম না । বেশ আপনায় অমত যখন, তখন ও টাকাও আমি কিরে দেব এস্টেটকে ।

রত্নেশ্বর রায় বলেছিলেন—সেইটেই ভাল বলে মনে করি আমি । কারণ শিবধরের এতে আপত্তি আছে ।

এ কথার উত্তর দেন নি দেবেশ্বর, কিছুক্ষণ চুপ করে বসে থেকে নতদৃষ্টিতে মাটির দিকে তাকিয়ে থাকতে থাকতে বলেছিলেন—তাহলে আমি কালই কলকাতা চলে যাব ।

চমকে উঠে রত্নেশ্বর বলেছিলেন—কালই ?

—হ্যাঁ । বিলম্বে তো অকারণ সময় নষ্ট । আমার বিজনেসটা শুধু নামে দাঁড়িয়ে আছে, চালু করা প্রয়োজন । হয়তো কোন লাভও বিক্রী করে দেব, দিয়ে কাগজ বের করব, প্রিন্টিং প্রেস করব ।

—কলার জমি বিক্রী করবার আগে আমাকে জানিও ।

—আপনি কিনবেন ?

—কিনব ।

—বেশ জানাব আমি । বলে উঠে চলে গিয়েছিলেন দেবেশ্বর ।

সন্ধ্যার রায়বাহাদুরের চাকর এসে তাঁকে জানিয়েছিল, কতটা একবার হজুরকে স্মরণ করেছেন । দেবেশ্বর হুইকীর রাস নিয়ে বসেছিলেন । চাকরটার দিকে তাকিয়ে ভিনি বলেছিলেন—বল সে, বাচ্চি । একটু পরে ।

কিছুক্ষণ পর দেবেশ্বর এসে সামনে দাঁড়ালেন । রত্নেশ্বর বললেন—বল । একটা কথা

তোমাকে বলি প্রয়োজন। বজ্রেশ্বর আমার কাছে এসেছিল। সে আমার বলে গেছে তোমার জানাতে যে, সে তোমার সঙ্গে যেতে অনিচ্ছুক।

—অনিচ্ছুক। একটু চুপ করে থেকে বললেন—সে কথা আমাদের বললেই সে পারত।

—পারত। কিন্তু তা করে নি। আমার মনে হয় তাতে সে অস্ত্রায় করে নি। আমি পর নই।

—না, আমি তা বলছি না। তবে তার কোন আশঙ্কার হেতু তো ছিল না, কারণ সে যখন বারবারকে চাবুক মেরেছিল, তখন আমি তাকে কিছু বলি নি।

—তা বল নি। তবু তার আশঙ্কা স্বাভাবিক। হয়তো তুমি এর পর তার উপর তুই থাকবে না।

—বেশ, সে এখানেই থাকতে পারে। আমি উমা আর বোগেশ্বরকে নিয়ে কলকাতায় যাব।

—ওরাও এখানে থাকলে ভাল হয় না ?

—ওরাও কি কিছু বলেছে ?

—হ্যাঁ, বউমারও ইচ্ছে নয় যে উনি এখান থেকে যান।

—ভাল, আমিই একলাই যাব।

বলে মাথা হেঁট করে বাগের পারের ধুলো নিয়ে তিনি উঠে চলে এসেছিলেন এবং কীতিহাট থেকে স্টেশন পর্যন্ত কয়েক ক্রোশ পথ তিনি ভোরবেলা উঠে পায় হেঁটে চলে এসেছিলেন। চাকরকে বলে এসেছিলেন, তাঁর জিনিসপত্র নিয়ে কলকাতা কিরতে। সন্ধ্যাবেলা উঠে খবরটা শুনে সঙ্গে সঙ্গে গাড়ী জুতিয়ে পাঠিয়ে দিচ্ছেছিলেন রায়বাহাদুর। সে গাড়ীও তিনি ফিরিয়ে দিয়েছিলেন।

রায়বাহাদুর বলেছিলেন—উত্তম।

নাতিদের ডেকে বলেছিলেন—এর অল্প আমার সম্পত্তির তোমাদের বাবার অংশ তোমাদের দিয়ে যাব। শুধু তাই নয়, তোমাদের তিন ভাগের এক ভাগ পাঁচ আনা ছ গণ্ডা ছ কড়া ছ ক্রান্তির বদলে ছ আনা দিয়ে যাব। বাৎসরিক বাট হাজার টাকা আর হলে এক আনার প্রায় চার হাজার টাকা হবে; বিশ গুণ পণে তার দাম অসুত আশী হাজার টাকা।

শ্রুত্বের বললে—স্বলতা, রায়বাড়ীর এক আনা সম্পত্তির আর বছরে চার হাজার টাকা, ষোল আনার চৌষট্টি হাজার টাকা। এর বাইরে আছে বারো বারো চব্বিশ হাজার টাকার দেবোত্তর। জমিদারী মুনাকার একসময় কুড়ি গুণ পণ ছিল স্ট্যাণ্ডার্ড দাম। একেবারে গোল্ড স্ট্যাণ্ডার্ডের মত দিক্কাড। গিনির দামের মত দাম তার বেড়েছে কিন্তু কমে নি কখনও। তবে অথ পত্নী বা দরপত্নী হলে তার দাম কম হত নিশ্চয়। রায়দের সম্পত্তির যে-অংশটা ব্যক্তিগত, তা সবটাই পত্নী বা দরপত্নী। জমিদারী বা পত্নী যেটা মূল স্বত্ব—সেটা দেবতার নামে কেনা, সেটা দেবোত্তর। সেই হিসেবে রত্নেশ্বর রায় বড় নাতিকে যে বললেন—এক আনা অংশ আমি বৈশি দেব, তার দাম পনের গুণো মরে হয় বাট হাজার—দশ গুণো পণে হয় চব্বিশ হাজার; গড় করে নিলে দাঁড়াবে পঞ্চাশ হাজারে। ডি এল রায়ের

সাজাহান নাটকে আগ্রা কেল্লার বন্দী শাজাহান হিন্দুহানের মননদ আর মুকুটের লোভ দেখিয়েও মহেশ্বরকে পিতৃদ্রোহী করতে পারেন নি। সেটা নেহাৎ কবি-কল্পনা নাও হতে পারে। কিন্তু যজ্ঞেশ্বর রায়ের ক্ষেত্রে সেটা কবি-কল্পনা বা অবাস্তব। বাবার সঙ্গে তিনি সম্পর্ক ত্যাগ করে কীর্তিহাটেই থাকতে রাজী হয়েছিলেন। এবং লেখাপড়া ছেড়ে দিয়ে বিবরকর্ষ বৃত্তে আরম্ভ করেছিলেন দাহুর কাছে।

পিতার কাছে পুত্রের মূল্য আর পুত্রের কাছে পিতার মূল্য ওই পকাশ হাজার টাকার কাছে ছোট হয়ে গেল।

দেবেশ্বরের মত দুর্ভাগা আমি দেখি নি। অথবা এমন আত্মকেন্দ্রিক বা আত্মপরাধ রায়বংশে কেউ জন্মানি নি।

মাটির উপর মানুষ জন্মেছে বলেই মাটির দাম আছে। মাটি নিয়ে কেনা-বেচা মানুষেই করে। অনেকটা মাটি কোনরকমে দখল করে তাকে হাসিল করে তার দাম বাড়ায়। মানুষেরা এসে বসবাস করে প্রজা হয়। যে-মাটির উপর মানুষ নেই, সে-মাটির দাম নেই, তার নামও কেউ করে না, শোনে না। সেই মাটির দাম যখন মানুষের চেয়ে বেশী হয়ে ওঠে, তখন মাটি ব্যঙ্গ করে হাসে না কিন্তু মানুষের হৃৎ-দুর্গতির বাক্য থাকে না।

কথাগুলো আমার নয়, দেবেশ্বর রায়ের। তিনি কথাগুলি বাপকে লিখেছিলেন, লিখেছিলেন—সংসারে লোকে দুঃখের মধ্যেও পরম সুখে থাকে, সংসারের আনন্দে। পিতা পুত্রের মুখ চাহিয়া থাকে, স্বামী স্ত্রীর মুখ চাহিয়া থাকে। আপনি অর্থমূল্যে আমার সব কাড়িয়া লইলেন। রায়বংশের চরম অপরোধ আপনি করিয়া গেলেন। বাল্যকালে আমার মনে পড়ে কালীপুজার কলিকাতার যাত্রার নরমেধ যজ্ঞ পালা দেখিয়াছিলাম। তাহাতে পূরণের কোন রাজা নরকহ পিতার মৃত্তির অস্ত্র নরমেধ যজ্ঞ করিয়াছিলেন। যজ্ঞ আহুতি দিবার অস্ত্র একটি অঁত-নরিত্র ব্রাহ্মণের কাছে প্রচুর স্বর্ণ দিয়া লোক প্রেরণ করিয়াছিলেন, ব্রাহ্মণের তিন পুত্র, ব্রাহ্মণ-ব্রাহ্মণী দারিদ্র্যের বহুগার পুত্র বিক্রয় করিতে ইচ্ছা করিয়াও মুখে বলিতে পারেন নাই। ব্রাহ্মণ বলিয়াছিলেন, জ্যেষ্ঠপুত্র আমার প্রিয়—দিতে পারিব না, ব্রাহ্মণী কনিষ্ঠপুত্রকে বৃকে জড়াইয়া ধরিয়াছিলেন, মধ্যম পুত্র পিতামাতার কথোপকথন শুনিয়া অত্যন্ত বেদনার্ত চিত্তে আমাকে তো কেহ চাহে না বলিয়া স্বৈচ্ছায় রাজার লোকের নিকট নিজেস্ব স্বর্ণদান করিয়া বলিয়াছিলেন—আমি বাইব, আমার মূল্যের স্বর্ণ আমার পিতা-মাতাকে দান করন। মনে আছে দে-পালা দেখিয়া শিবেশ্বর ক্রন্দন করিয়াছিল। বলিয়াছিল—আমাকে কেহ ভালবাসে না। আপনি আমাকে কোন মূল্য না দিয়াই আমার স্ত্রী-পুত্র সংসার সব কাড়িয়া লইলেন। মন্ত্রভূমি, যেখানে মানুষ বাস করে না, সেখানকার জমির কোন দাম নাই। মাটির দাম মানুষের অস্ত্র। মানুষই বেচে, মানুষই কেনে। সেই মাটির দাম মানুষের চেয়ে বেশী হইয়া গেল। সঙ্গে সঙ্গে রায়বংশটাই দ্বিতীয়বার অভিশপ্ত হইল। আমি অভিশাপে বিশ্বাস করি না। আপনি করেন বলিয়াই নিখিতেছি। নারীর অস্ত্র সর্বনাশের অভিশাপ যদি আমা হইতে হয়, তবে সম্পত্তি এবং অর্থের অস্ত্র রায়বংশ সকল হীন কর্মই করিবে—ইহাতে কোন সন্দেহ রহিল না। চরম অধঃপতনে নামাইয়া দিলেন। বৃকের ভিতরটা



নীরেট পাথরের মত জমিরা শক্ত হইয়া গেল। ইচ্ছা করিলে আদি মকদ্দমা করিতে পারি বা পারিব। হাইকোর্ট প্রিভি-কাউন্সিল পর্যন্তও চলিতে পারে কিন্তু তাহা আমি করিব না।

রত্নেশ্বর রায় উত্তর দিবেছিলেন—“আমি তোমার পুত্র অপহরণ করি নাই। তুমি তোমার পিতার বন্ধে শেলাবাত্ত করিয়া বিরোধ করিয়াছ। অস্ত্রাবধি শরাঘাত করিতেছ। দেখিয়া তোমার পুত্র শিক্ষা লইয়াছে; সে আলিয়া আমার পার্শ্বে দাঁড়াইয়াছে মাত্র। আমি মেহবশতঃ তাকে তোমার আঘাত হইতে রক্ষা করিয়াছি, যতদিন বাঁচিব ততদিন করিব। বোল বৎসর বয়সে তুমি আমাকে যে-দুঃখ দিয়াছ, তাহা অপেক্ষা সে অধিক দুঃখ দিয়াছে কি?”

উত্তরে এখার একছত্র মাত্র লিখেছিলেন দেবেশ্বর—“আমি আপনার অবাধ্য হইয়া বাঁহা করিয়াছিলাম, তাহার জন্ত আত্মহত্যা করিতে চাহিয়াছিলাম—যজ্ঞেশ্বর বলিতে গেলে আমাকেই চাবুক মারিয়াছে। আপনি তাহাকে প্রভ্রম দিয়া প্রতিদ্বন্দী হিসাবে খাড়া করিলেন। এ-বিষয়ে আর আমি কোন পত্নালাপ করিব না। এইখানেই শেষ হইল।”

এরপর তিনি নতুন করে ব্যবসায়-বাণিজ্যে মন দিবেছিলেন। সেই কয়লার খনির জন্ত কেনা জায়গাগুলি পড়েই ছিল, অধিকাংশই যার অযোগ্য মনে হইয়াছিল, তারই মধ্যে থেকে বেচিয়ে গেল উৎকৃষ্ট কয়লার জমি। জায়গাটা বরাকরে। জমিদার কাশিমবাজারের রাজ-এস্টেট। তখনও রাণী স্বর্ণময়ীর আমল। দেবেশ্বর রায় আরও জায়গা সেখানে বন্দোবস্ত নিয়ে নগ্নরমত লাইব স্ট্রীটে আপিস খুলে বসলেন। কালের সঙ্গে সঙ্গে কলকাতার আফিস কোয়ার্টারে বড় বড় বাড়ী উঠেছে, গ্যাসের আলো হয়েছে। কলকাতার সম্পত্তির দাম বেড়ে গেছে তিনগুণ চারগুণ। দেবেশ্বর কলিকারী ডেভেলপমেন্টের জন্ত জানবাজারের বসতবাড়ী বন্ধক দিলেন। সঙ্গে সঙ্গে অশ্বীদার যোগাড় করলেন। ওই বরাকর অঞ্চলের কয়লার খনির কাজে ভূপুঙ্খ পরে তারা কাজ করে আসছে। পরনে ন-হাতি পুতি, গায়ে পিয়ান, কয়লার কুঠীতে প্রথম কাজ শুরু করেছিলেন গরুরগাড়ীর ঠিকাদার হিসাবে। খনির মুণ থেকে কয়লা রেল-সাইডিয়ে চালাই করবার জন্ত গাড়ীর যোগান দিতেন। তা ক্রমে ক্রমে কয়লাকুঠীর—বিশেষ করে ও অঞ্চলের কয়লাকুঠীর সমস্ত কিছুই সঙ্গে তাঁদের নিবিড় পরিচয়। কয়লার কুঠীতে বসে থেকে তাঁরা খনি তৈরী করবেন, চালাবেন, কলকাতার বসে দেবেশ্বর কলকাতার আপিস চালাবেন। এই বন্দোবস্ত করেছিলেন। দেখতে দেখতে বছর-তিনেকের মধ্যে রয় এ্যাণ্ড চক্রবর্তী কোম্পানী কলকাতার বিখ্যাত হয়ে উঠেছিল। বিশেষ করে ওই বরাকর সিমের কয়লার জন্তে।

কয়লার খনির ইতিহাস যদি খুঁজে দেখ স্মৃতি, তবে দেবেশ্বর রায় আর মহাদেব চক্রবর্তীর নাম খুঁজে তুমি পাবে—তার সঙ্গে পাবে বরাকরের বেগনিয়া সিমের কয়লার উল্লেখ। তার সঙ্গে অরিয়ান পাবে সুরাটীর কলিকারীর একটা বিশেষ সিমের নাম। পশ্চিমে এডেন হয়ে বিলেত, এদিকে সিংগাপুর-হংকং পর্যন্ত জাহাজে কয়লা চালায় করতে শুরু করেছিলেন। কলকাতার আপিসে সারোব সুপারিন্টেন্ডেন্ট রেখেছিলেন—কয়লার কুঠী দেখবার জন্তে সারোব জেনারেল ম্যানেজার রেখেছিলেন; কলকাতার বড় বড় ইংরেজ কোম্পানীর আপিসে বড়-শাহেবদের সঙ্গে বন্ধুর মত অন্তরঙ্গতা ছিল—হালো চার্জ বলে হাত বাড়িয়ে দিতেন। তারাও

হেসে সবিস্ময়ে বলত—রয়। হোয়াটস দি নিউজ ?

—আই থিন্ক ভেরী এনকারেজিং সামথিং ; সো আই থট আই শুড কাম টু ইউ মাইসেল্‌ টু একস্ট্রেণ্ড মাই ইনভিটেশন টু এ গার্ডেন পার্টি ইন দি ইভনিং। ইউ মাস্ট কাম।

—গার্ডেন পার্টি। নচ-গার্লস উইল বি দেয়ার ?

—সাটেনলি, গার্লস উইল বি দেয়ার, বাট নট নেটিভ নচ-গার্লস দিস টাইম। অ্যাংলো গার্লস টু কীপ কম্পানি।

এইভাবেই সেকালের সমুদ্রে বাণিজ্য-ভরী চলেতো শুলতা। শুধু সেকালেই আর এ-দেশেই বা বলি কেন, সব কালেই সব দেশেই বোধ হয় বাণিজ্যভরী এইভাবেই চলে। সে শ্রীমন্ত সদাগরের বাণ ধনপতির আমল থেকে দেবেন্বরের আমল পর্যন্ত।

দেবেন্বর রায় বলতেন—শুধু বাণিজ্যভরী নয়, জীবনভরীই চলে এইভাবে। প্রকৃতির হাতছানিতে পুরুষ যেভাবে এসে জোটে, সেইভাবে জীবনের সব চলে। নারী-ভূমি-অর্থ চিরকাল টেনে আনছে। চিরকাল। তার মধ্যে নারীই প্রথম। রামায়ণে সীতা, মহাভারতে দ্রৌপদী, ঔরে হেলেন, চিত্তোরে পদ্মিনী ; হুনিয়ার যত আনটোল্ড, আনটিন উতিহাস এবং ইতিকথা খুঁজে দেখ, প্রতি মাহুকের জীবনেই এই।

উয়োম্যান ইজ দেয়ার ইন দি ডেপথ। তারই জন্ম ইউ ওয়াণ্ট এ হোম। জাট হোম ইজ সুইট, দি সুইটেস্ট প্রেস ইন দি ওয়ার্ল্ড ওনলি ফর হার। ইউ ওয়াণ্ট এ কিংডাম ফর হার। ইউ ওয়াণ্ট টু যেক হার এ কুইন। নী ইজ এ উইচ। সে তোমাকে মুগ্ধ করে তোমাকে ধরে করিয়ে নেয়। আমাদের শাস্ত্রে বলে—প্রকৃতি পুরুষের বুকে চড়ে নাচে। ওয়াণ্ডারফুল জাটস হোয়াই ম্যান ফট উইথ উয়োম্যান। পুরুষ উইথ প্রকৃতি। এই যুদ্ধের মধ্য দিয়েই পুরুষ সাধনা করে পলিগেমাস নেচারকে ডেভেলপ করেছে। তার পলিগেমাস নেচার তাকে মৃত্যু থেকে রক্ষা করেছে। মাকড়সার জীবন দেখো। হাভ ইউ সীন এ স্পাইডারস্‌ লাইক চালি ? ট্রাই টু সী। ভেরি ইন্টারেস্টিং। দি ক্রিমেল স্পাইডার ইটস্‌ দি মেল স্পাইডার এ্যাঞ্জ সুন এ্যাঞ্জ দেয়ার এনজারমেন্ট ইজ কমপ্লিট। বাট ম্যান হাজ টেকন রিভেজ। হি ইজ দি মাস্টার নাও।—তার সঙ্গে সে প্রভুজ পেয়েছে মাটির উপর—মেটিরিয়েলসের উপর।

চালি সাহেব মস্তবড় সারেব কোম্পানীর কলকাতা আপিসের জেনারেল ম্যানেজার। ব্যবসাবুদ্ধিতে কয়লাখনির ভালমন্দতে খুব বুদ্ধিমান লোক। কিন্তু এসব তার মাথায় ঢুকত না। অবাধ হয়ে শুনত। হেসে উড়িয়ে দিতেও পারত না। কারণ গার্ডেন পার্টিতে মধ্যে মধ্যে মিস্টার রায় শেজপীরর আবৃত্তি করতেন। গান করতেন প্রতি পাটিতে। বাংলা, হিন্দী, এমন কি খাটি ইংরিজী সুরে ইংরিজী গানও গাইতেন তিনি, শোনাতেন মধ্যে মধ্যে। চালি মুগ্ধ হয়ে বলত—এ চার্মিং ম্যান। ওয়াণ্ডারফুল।

সে-আমলের পলিটিক্‌স্‌ তা-ও করেছেন। ইংরিজী কাগজে চিঠি লিখতেন ছদ্মনামে। অনুভবাকারের শিরিরকুমার ঘোষ, যতীলাল ঘোষের প্রিয়পাত্র ছিলেন তিনি।

\*

\*

\*

কিছুদিন পর বাণ চোঁটা করেছিলেন ছেলেকে সাধনা দিয়ে বোঝাতে। কিন্তু বোরেন নি

তিনি। রত্নেশ্বর রায় পুত্রবধূকে নিয়ে এসেছিলেন নিজ। আবার ফিরিয়ে নিয়ে গিয়েছিলেন। দেবেশ্বর আপিসে থবর পেরেছিলেন—বাবা এসেছেন বড় পুত্রবধূকে নিয়ে। তিনি আপিস থেকেই উধাও হয়েছিলেন। দিন-চারেক পর পুত্রবধূ বলেছিলেন—বাবা, আপনি ফিরে যান।

—তুমি ?

—আমি থাকব। একটু থেমে থেকে বলেছিলেন—যোগেশ্বরকেও নিয়ে যান। আপনার কাছে থাকলে আমি নিশ্চিন্ত থাকব।

—না মা। “তোমার আমি” ফিরিয়েই নিয়ে যাব। আমার হতভাগ্য ছেলে তোমার মৰ্যাদা বুঝলে না, কিন্তু একদিন এর দ্রুত ওকে অনুতাপ করতে হবে।

পুত্রবধূকে নিয়ে তিনি ফিরে গিয়েছিলেন।

থবর পেরে দেবেশ্বর রায় বাগানবাড়ীর আসর ভেঙেছিলেন। দিন-তিনেক পর সকালবেলা এসেছিলেন শিবেশ্বর। সকালবেলা ভিন্ন দেবেশ্বরের দেখা পাওয়ার সম্ভাবনা অনিশ্চিত। আপিসে দেখা হতে পারে কিন্তু সেখানে এসব বলা যায় না। তাঁছাড়া এখানে দেবেশ্বর রায়ের তৃতীয় মেজাজ বের হয়। খাটি এক সারেশী মেজাজ।

মোম দিয়ে মাজা ও পাকানো গৌকে অকারণে বা হাতের আঙুল অতি সন্তর্পণে বুঁদিয়ে কপাল কুঁচকে অন্তমনস্ক ভাবে কথা বলতেন। ছোট ছোট দু-চারটে শব্দে গড়া বাক্য। তার বেশী নয়। এবং হঠাৎ টেবিলে রাখা ব্রটিং-পাড়ের কাগজ রেখে কিছু লিখতে শুরু করে দিয়ে বলতেন—এক্সকিউজ মি প্রিজ। কাম সাম আদার টাইম। কিংবা আই কান নাথিং মোর টু সে। তাই সকালেই গিয়েছেন শিবেশ্বর।

শিবেশ্বর অনুযোগ করে বলেছিলেন—তুমি এত বড় হৃদয়হীন তা জানতাম না। তুমি বউদির সঙ্গে দেখা করলে না ? বাবার সঙ্গে যা করলে ছিঃ !

চুপ করে থেকেছিলেন দেবেশ্বর। অর্থাৎ অনুযোগ মেনে নিরেছিলেন, যেটা দেবেশ্বরের পক্ষে অসম্ভাবিক। একটু পর বলেছিলেন—হ্যাঁ, আমি অপরাধী। কিন্তু কি করব ? ছোট টাইরান্ট—আমাদের বাবার জীবনের যত চেপে রাখা গুরু প্রকৃতিগুলো উনি আমাকে দিয়ে পৃথিবীতে এনেছেন। হি ইজ রেসপনসিবিল। শিবেশ্বর, উনি বলেন—রায়বংশের উপর অভিযাচ আছে। সেটা আমি মানি নে। কিন্তু এটা মানি যে, ঠিক সাপ্রেসড হাটার, কচ্ছ সাধনে চাপা প্রবৃত্তি খোঁচা-খাওয়া সাপের মত আমার বুকে বিধ ভেলেছে। আমার অপরাধ জানি, তোমার বউদির কাছে। কিন্তু তার চেয়েও বড় অপরাধ বাবার। আমি ভালবেসেছিলাম ভারলেটকে। ভারলেট অজ্ঞানাপিসীর মেয়ে। তুমি জান না, আমি জানি। আমাকে অজ্ঞানাপিনী ডেকে বলে গিয়েছিল মরবার আগে, দেবু, এই মেয়েটাকে তুই ভোর সেবাদাসী করে রাখিস। সাহস থাকে তো বিয়ে করিস রে। ওকে বাঁচাস। নইলে যেহেটার হাড়ির লগাট ডোমের দুর্গতি হবে। তাই হয়েছে। ও, তার একটা ছেলে হয়েছিল, সেটাকে পড়াতে চেয়েছি, পড়ে নি। চাকরি করে দিয়েছি, সেখানে ক্রিমিনালের কাজ করেছে। ভায়লা এখন মাতাল, সুৎসিত, ও শিবেশ্বর। আমি তার জন্তে দারী। আমি তুলতে পারি

না। কিন্তু আসল দারী জাট টাইরান্ট। কি ক'তি হত, বলতে পার, যদি মেয়েটা—

শিবেশ্বর উঠে দাঁড়িয়েছিলেন, বলেছিলেন—এসব কথা কানে শোনাও পাও দাদা। আমি স্তন্যপায়ী নই। একটা খবর দিয়ে যাই। বউদি তোমাকে খালাস দিয়েছেন। ভগবানকে আশ্রয় করেছেন। আমাকে আসবার সময় বললেন—ঠাকুরপো, তোমার দাদাকে বোলো, আমি তাঁকে খালাস দিলাম। যাতে তিনি আনন্দ পান, তাই যেন করেন। তবে নিজের দেহের যত্ন নেন। আমার দাদাশুভ্রের রক্ষিতা সোফি বাঈয়ের কথা শুনেছি। উনি যদি কাউকে ভালবাসেন, তবে তাঁকেই যেন রাখেন। সে যত্নবৃত্ত করবে। অনেকক্ষণ চুপ করে থেকে দেবেশ্বর বলেছিলেন—না। তাহলে সেটা হবে বাড়ীর ঝিয়ের সঙ্গে ইলিসিট কনেকশন। সে হয় না। ঠাকুরদা সোফি বাঈকে ভালবাসতেন আগে থেকে। তাছাড়া সে কালটা ছিল আলাদা। তখন রাজা বা বড় জায়গীরদারদের বাড়ীর পাশে পোবা রাস্তাঘাট থাকত। সেকাল এটা নয়।

হেসে শিবেশ্বর বলেছিলেন—সে এমনও আছে। নেই কে বললে। তুমি তো কীৰ্ত্তিহাটে বাস করলে না। আমি বাস করেছি বাবার সঙ্গে; বাবার হয়ে আমাকেই যেতে হয় এখানে—ওখানে নেমন্তন্ন রাখতে। এখনও জায়গীরদারের ছেলে ঘোড়া বাগানের মধ্যে, পুকুরের ধারে কুকুলীলা করে।

দেবেশ্বর বলেছিলেন—তারা বীর, আঁট হেট দেম। বলতে পার, যোল বছর বয়সে I was mad after Violet—মুঠরাঃ তকাং কি! কিন্তু তকাং আছে, I loved her; অজ্ঞান-পিসীর কাছে কথা দিয়েছিলাম। অজ্ঞানপিসী, বলছি তো ওকে আমাদের নিয়ে গিচ্ছল।

—বেশ তো তাকেই রাখ।

—না তা হয় না।

—কেন? নার্স সাজিয়ে রেখে দাও।

—না-না-না। সে আর ভাবা যায় না শিবেশ্বর। আমি তো তাকে নিয়ে একসঙ্গে মরতে চেয়েছিলাম, কিন্তু সে তা পারে নি। তারপর বাবা তাকে আমার দৃষ্টিপথ থেকে সরিয়ে পিঙ্কজদের এক বুড়োর সঙ্গে বিয়ে দিয়ে দিলেন—একটা ছেলে হল। থাক, সে তুমি জান। কিন্তু এটা বোঝা হয় জান না, সে ভায়লেট ইজ ওয়ার্স জ্যান এ স্ট্রীট গার্ল; ইডন ওয়ার্স জ্যান পোয়ান গার্লস। ছেলেটা বড় হয়েছে। তার লেখাপড়া হয় নি। তাকে চাকরি দিয়েছি, but he is a criminal—a drunkard—sometimes he is violent. সে যদি মায়ের স্তন্য ধরে স্বীকৃতি পায় তবে সে আমার বুকে চেপে বসবে। আমার জন্তে আমি ভাবি নে। কিন্তু সে যদি কোন দিন কীৰ্ত্তিহাটে গিয়ে রায়বাহাদুর রডেশ্বর রায়ের অপমান করে, তাহলে তাকে গুলী করে মারতে হবে, ভায়লেটকে মারতে হবে, নিজে মরতে হবে।

—বেশ তাহলে আর একটা কাজ কর।

—কি?

—আবার তুমি গুলন্দ করে বিয়ে কর। সে কথাও বউদি বলে দিয়েছেন। বললেন—বল না ঠাকুরপো, আমি না হয় ভাঁড়ারে খাটব, রাঁধাবান্না দেখব, উনি নতুন বিয়ে করে মাখায়।

করে রাখুন। ভারতচন্দ্রের ছড়া আউড়ে বললে—গঙ্গা নামে গভী তার তরঙ্গে এমনি,—

—না। তাও হয় না শিবেশ্বর। বিয়ের কাল এখনও যায় নি। চারটে-পাঁচটা-সাতটা বিয়ে করা যায়। কুলীনেরা বিশ-পঁচিশটা আজও করেছে। কিন্তু যারা করে তাদের মধ্যে আমি নেই। দেশে নতুন হাওয়া বইতে শুরু করেছে, কীতিহাটে থেকে সেটা ঠিক বুঝতে পার না। এক বিয়ের যুগ আসছে। ব্রাহ্মধর্মের হাওয়া বাঁচরে চল, দেখ নি। তার চেয়েও জোরাল হাওয়া এনে দিয়ে পেল কামারপুকুরের এক প্রার নিরক্ষর বামুনের ছেলে। তার শিয় স্বামী বিবেকানন্দ ইউরোপকে চমকে দিয়েছে। আমি ওই রাজার ছেলের মত কেউ সঙ্গে কীতিহাটে কাশাইয়ের পাড়ে বুনাবন লীলাও করতে পারব না, স্বামী বিবেকানন্দের আদর্শও আঁকড়ে ধরতে পারছি না। I am doomed, শিবেশ্বর। জামাকান্তের উপর যে অভিযান তাই হোক, আর না হয় রায়বাহাদুর রত্নেশ্বরের কুজুগায়নের জালার জলেপুড়ে মরা প্রবৃত্তি হোক যার জন্মেই হোক, আই এ্যাম লাইক এ শুটিং স্টার। এই জালা নিয়ে আমাকে কীর্তিনাশার জলে ডুবে নিভে যেতে দাও। পাপ-অভিযানের বোঝা নিয়ে আমাকে ভেসে যেতে দাও, হারিয়ে যেতে দাও।

একটা গভীর দীর্ঘনিঃশ্বাস কেলেছিলেন তিনি।

—এগুলো তাহলে কি করে নিয়ে যাব ?

—কি ?

—বউদিদির কোম্পানীর কাগজগুলো। তিনি তোমাকে পাঠিয়ে দিয়েছেন। বলেছেন—ওর কাজে লাগাতে বলো। এ নিয়ে আমি কি করব ?

কিরে দেন নি দেবেশ্বর, নিয়েছিলেন। বলেছিলেন—বলো, নিলাম। আর বলো, আমি যেদিন একলা থাকি, সোবার থাকি শিবেশ্বর, সেদিন আমি বসে-বসে ভাবি, আমি মরে যাচ্ছি কি মরে গেছি, বড়বউ বুকের উপর নীরবে মাথা রেখে পড়ে আছে, আর তার চোপের জলে আমার মরা দেহখানার বুক ভেসে যাচ্ছে। ভাবতে ভাল লাগে, আমার এত অপরাধ সত্ত্বেও সে আমার মরামুখ ধরে বলছে—এ জন্মে পেয়েও পেলাম না, কিন্তু কন্ম-জন্মান্তরেও যেন পাই তোমাকে। এবার যেন পেতে দিও। ধরা দিয়ে।

চোখ থেকে তাঁর জল গড়িয়ে পড়ছিল। শিবেশ্বর চোখে ক্রমাল দিয়ে উঠে চলে এসে-ছিলেন।

এলব কথা আমি ছোট মেজঠাকুরার কাছে শুনেছি শ্রুততা। মেজঠাকুরা মধ্যে মধ্যে এই গল্প বলে ছোট মেজঠাকুরাকে পতিভক্তি শেখাতেন।

বড়িতে চঃ-চঃ করে চারটে বাজল।

অবেশ্বর বললে—কথা শেষ করি শ্রুততা। রাজি শেষ হয়ে আসছে। তবে শ্রুতের মাত তাই ভরসা।

এরপর হঠাৎ একটা মোড় ফিরল, এর বছর দেড়েক পর। ছোট ছেলে যোগেশ্বর একদিন গালিয়ে এল কীতিহাট থেকে। সকালবেলা দেবেশ্বর উঠে শুনলেন, যোগেশ্বর এসে বসে আছে বলবান মরে। ছোট ছেলে তাঁর প্রিয় ছিল, তার সঙ্গে রুটির মিল ছিল, তীক্ষ্ণবুদ্ধি ছেলে,

ইংরিজী ভাল আয়ত্ত করেছিল, চমৎকার ইংরিজী বলত, সেই কারণে বেশী ভালবাসতেন।

দেবেশ্বর উঠে কথাটা শুনেই মুখে খানিকটা জল দিবেই হন-হন করে এসে ঢুকছিলেন ছেলেকে দেখবার জন্য। ছেলে তখন ঘুমিয়ে পড়েছে। সারারাত্রি জেগে এসেছিল সে। ছেলে তখন অনেক বেড়েছে, ছোট নেই। বেগ বহুরে পা দিয়েছে। কিন্তু দেবেশ্বর রায় শুধু স্নকুমার লাঁপাযুক্ত আর স্নপুরুষ ছিলেন না, বলশালী পুরুষ ছিলেন, তিনি ছেলেকে পাঁজাকোলা করে তুলে এনে নিজের বিছানার শুইয়ে দিয়েছিলেন।

ছোট ছেলে যোগেশ্বর দেবার এণ্ট্রান্স দেবে। সে পালিয়ে এসেছে, দুঃস্থ তাদের দুই ভাইয়ের একসঙ্গে বিয়ের আয়োজন করছেন। কিন্তু সে এখন বিয়ে করবে না। কীর্তিহাট তার পক্ষে অসম্ভব হয়েছে। যা দিন-রাত ঠাকুর নিয়ে আছে আর ভাগবত নিয়ে আছে। আপনি মনে কথা বলে। লোকে বলে মাথা খারাপ হয়েছে। দামা ঠাকুরদার সঙ্গে কাছারী করে। কাকা মামলা-সেরেস্তা দেখে, থিয়েটার করে। কাকীমার বারো মাস অসুখ। সব তার চাকর আর ঝিরে। তার ভাল লাগে নি, সে পালিয়ে এসেছে।

উৎসাহিত হয়েছিলেন দেবেশ্বর রায়। পরের দিনই সমারোহ করে ছেলের পড়ার ব্যবস্থা করেছিলেন, স্কুল নয়, বাড়ীতে; তার জন্য তিন-তিনজন মাস্টারের খে খিয়েছিলেন। আল-মারীভি বই এনে ঘর বোঝাই করে দিয়েছিলেন। সঙ্গে সঙ্গে খানিকটা শাস্ত্র এবং সংস্কৃত হয়েছিলেন দেবেশ্বর। রায়বাহাদুরের লোক এসেছিল যোগেশ্বরকে নিতে, কিন্তু দেবেশ্বর তাকে কিয়দে দিনে দিয়েছিলেন।

এর পরই বাপের কাছ থেকে পেলেন শেষ আঘাত। সে দিন শিবেশ্বর এসে উপস্থিত হলেন। শিবেশ্বর মধ্যে মধ্যে কলকাতায় আসে, কিন্তু সে ওঠে গোরাবাগানের বাড়ীতে। রামেশ্বর ল' পড়ে, সেও থাকে ওই বাড়ীতে। কখনও-কখনও আসে সে। কিন্তু শিবেশ্বর আসে না। এবার শিবেশ্বর এল, দেখা করতে; তাতে দেবেশ্বর রায় বিস্মিত হন নি। শুধু ভুরু কুঁচকে উঠেছিল আপনা থেকেই, কিন্তু সেটা পরম বিস্ময়ের পরিণত হল, যখন গাড়ীর ভিতর থেকে শিবেশ্বরের পিছন পিছন নামলেন দেবেশ্বর-র করলার ব্যবসার পার্টনার। রয় এ্যাণ্ড চক্রবর্তী কোম্পানী কলিকাতার প্রোপাইটারস ও কোল যারচেন্টের অংশীদার মহাদেব চক্রবর্তী নিজে।

প্রায়ই আসেন চক্রবর্তী; প্রয়োজনে আসতে হয়। তাঁদেরও বাসা আছে এখানে। কিন্তু এবার শিবেশ্বরের পিছনে পিছনে কেন?

চক্রবর্তী হা-হা করে হেসে উঠে বললেন—কেমন মজাটি হল, দেখেন কেমন? মজা করবার লেগে কিছু বলি নাই আমি। হঁ।

শিবেশ্বর এবার বললেন—বাবা যজ্ঞেশ্বরের বিয়ের ঠিক করেছেন চক্রবর্তী মশায়ের মেয়ের সঙ্গে।

চক্রবর্তী হা-হা-হা-হা শব্দে হেসে জানবাজারের বাড়ীখানা স্মরণিত করে দিচ্ছেলেন। যজ্ঞেশ্বর রায় সমস্ত সম্বন্ধ পাকা করে মেয়ের বাপকে পাঠিয়েছেন, ছেলের বাপকে বলবার জন্য। যোগেশ্বর—আমার উপর কথা সে বলবে না। ওবু একবার বলা উচিত, বলে আশুন।

শিবেশ্বরের সঙ্গে যান আপনি। খানিকটা কৌতুকও হবে।

দেবেশ্বর শুভিতও হন নি, বিশিতও হন নি ; শুধু তাঁর অংশীদার এবং ভাবী বৈবাহিকের হাসির সঙ্গে গলা মিলিয়ে খানিকটা ঝেংগেছিলেন। মত তাঁকে দিতে হয়েছিল। বেবাইয়ের আরও দাবী ছিল, তাঁর ছোট মেয়ের সঙ্গে যোগেশ্বরের বিয়ে দেওয়ার। কিন্তু সে হয় নি। দেবেশ্বর বলেছিলেন—না-না, এমন কাজ করবেন না। এ ছেলে আমার বিয়ে দেবার মত নয়। বাজে একেবারে বাজে। তাছাড়া দুই ভাইকে দুই মেয়ে দেবেন, তারপর জামাইরা যদি একজন সামনে থেকে একজন পিছন থেকে আক্রমণ করে আপনার দকা-দকা করে, তখন যে আর বাঁচবার পথ থাকবে না। এটার না আছে জমিদারী বৃদ্ধি, না আছে ব্যবসাবৃদ্ধি, শুধু বই পড়ে। শুধুই বই। হয়ত বউমাকে আদরই করবে না।

শিবেশ্বর মাথা নিচু করে বসেছিলেন। মহাদেব চক্রবর্তী হা-হা করে হেসে ঘর কাটিয়ে দিচ্ছেলেন। দেবেশ্বর চুপ করে গম্ভীর মুখে বসেছিলেন। বেবাইয়ের হাসি শেষ হলে তিনি বলেছিলেন—যোগেশ্বরের বিয়েতে বাবা মত দিয়েছেন, সেখানে আমার অমতের কোন কারণ নেই।

মহাদেব চক্রবর্তী চলে যাবার পর তিনি বাপকে চিঠি লিখেছিলেন—“আপনি আপনার বড় নাতির বিবাহ শেষ পর্যন্ত একটি বর্ষের গৃহে স্থির করবেন ইহা আমি ভাবি নাই।”

পিতা উত্তরে লিখেছিলেন—“তোমার ব্যবসা আমি নিরাপদ করিয়া দিলাম। না-হইলে এই চক্রবর্তী ব্রাহ্মণ তোমার সর্বস্ব উদ্বাসন করিত। মহাদেবের দুইটি কন্যা, ছোটটির সঙ্গে যোগেশ্বরের বিবাহ দিলে ভাল করিতে।”

দেবেশ্বর লিখেছিলেন—“ভারতবর্ষের ইতিহাসে গোলকুণ্ডার কথাই পড়িয়াছি, শাহজাদা ঔরঙ্গজেব গোলকুণ্ডার সুলতানের রাজ্য গ্রাস করিবার জন্য গোলকুণ্ডার সুলতানের এক কন্যার সহিত নিজ পুত্রের বিবাহ দিয়া পথ প্রশস্ত করিয়া রাখিয়াছিলেন। কিন্তু ভাগ্যচক্র এমনি যে, কনিষ্ঠা কন্যার সঙ্গে বিবাহ হইয়াছিল আবুল হাসান নামক একজন মাতাল চরিত্রহীন মূল্যমান যুবকের, গোলকুণ্ডার সিংহাসন সেই ব্যক্তিরই পাইয়াছিল। অদৃষ্টে থাকিলে যজ্ঞেশ্বর একলাই চক্রবর্তীর সব কিছুই মালিক হইতে পারিবে। তবে আমি অবগত আছি যে, মহাদেব চক্রবর্তীর দাদা ভোলানাথের এক পুত্রকে সে পোস্তপুর লইয়া সম্পত্তি তাহাকে দিবে। স্ত্রীর যোগেশ্বরকে অকারণে করলার কালী ঘাটিয়া লক্ষী লঙ্কান করিতে দিব না।”

ছেলের বিয়েতে তিনি গিয়েছিলেন, কিন্তু নিতান্তই নিম্নস্তরের মত যাওয়া। আগে থেকে লিখেছিলেন—তিনি বিবিমহলে থাকবেন। কারণ লিখেছিলেন যে, তাঁর বাড়াবাড়ির বিচার আদৌ কড়াকড়ি নয়। রোজই মুরগী খান, অবশ্য মুরগী না হলেও যদি বা চলে, মুরগীর ডিম না হলে চলবে না। এবং একটু নিরাশা হলেই ভাল হয়। বিবিমহল তাঁর পছন্দমত স্থান।

রজেশ্বর রায় সেই ব্যবস্থাই করেছিলেন ; এখনভাবে সে ব্যবস্থা করেছিলেন যে, দেবেশ্বর রায় অভিকৃত এবং শুভিত হয়ে গিয়েছিলেন। বিবিমহলে তাঁকে বিনি অভ্যর্থনা করেছিলেন, তিনি রায়বাড়ীর বড় বউঠাকরুণ উমা দেবী। দেবেশ্বর রায়ের চিরউপেক্ষিতা স্ত্রী। বড় ছেলের বিবাহ, শাতড়ীহীন সংসারে তিনি ভোষ্ঠা পূত্রবধূ, তিনিই স্বায়ত্ত কর্তা ; তিনি সব কলে

বিবিধরূপে দীর্ঘকাল—পাঁচ বছর পর স্বামীকে অভ্যর্থনা করলেন।

দেবেশ্বর সবিস্ময়ে প্রশ্ন করেছিলেন—তুমি ?

—হ্যাঁ, আমি।

—বাবার হকুম বুঝি ?

—না। আমার ঠাকুরের হকুম।

—তোমার ঠাকুর ?

—হ্যাঁ, গোবিন্দজী। গোবিন্দজী বললেন যে স্বামীকে দেখ গেঁ আগে।

—তাই বললেন ? কথা বলেন নাকি তোমার সঙ্গে ?

—হ্যাঁ বলেন। হাত নেড়ে ঘাড় নেড়ে বুঝিয়ে দেন। মনে-মনে, কানে-কানে বলেন।

প্রায় পাগল হয়ে গিয়েছেন এই ধরিত্রীর মত সঙ্কল্পক্রিয়ালিনী যেরেটি। চাকর এই সময় ট্রেতে করে চাষের সরঞ্জাম নিয়ে ঘরে ঢুকেছিলেন। বড়বউ এগিয়ে গিয়ে থমক দিয়ে বলেছিলেন—বললাম না, আমাকে ডাকবি, আমি এনে দেব। কেন তুই ডিম ছাড়াবি ? আমি ছাড়াব বলি নি ?

দেবেশ্বর অবাচ হয়ে গিয়েছিলেন। বলেছিলেন—তুমি মুন্সীর ডিম নাড়বে, ছোবে ?

—ছোব না ? তুমি থাকবে, না ছুঁলে কি করে চলবে ? ঠাকুর পই-পই করে বলে দিয়েছেন। নিজে হাতে ছাড়িয়ে খেতে দিবি। নিজে হাতে। ঘেরা করবি নি। হ্যাঁ। বাপ রে ! বলেন, স্বামীর কাজ না করলেই পাপ।

দেবেশ্বর শুদ্ধ হয়ে বসেই ছিলেন।

কিছুক্ষণ পর রায়বাহাদুর এসেছিলেন—দেবেশ্বর !

—আজ্ঞে ! চমকে উঠে দেবেশ্বর চেয়ার ছেড়ে বেরিয়ে এসেছিলেন। পিতা-পুত্র সামনা-সামনি দাঁড়িয়েছিলেন কিছুক্ষণের জন্য। ছেলে প্রশ্নাম করেছিল। বাপ নীরবে হাত তুলেছিলেন। তারপর বলেছিলেন— তোমার উপবাস বষ্ট হবে বলে শিবেশ্বরকে বশেছি নান্দীমুখ করবার জন্য। বুকেছ ?

—হ্যাঁ। ভালই করেছেন।

এর পর মুহূর্ত কয়েক দাঁড়িয়ে থেকে রায়বাহাদুর চলে এসেছিলেন।

গভর্নমেন্টের দরবারে রায়বাহাদুর হলেন কি হয়, কীর্তিহাটে রক্তাখ রায় রাজ্য। তাঁর বড়নাতির বিবাহ। উৎসব হয়েছিল বিরাট। বিপুল সমারোহ। আলোতে, হাকীতে, বাজনার, দানে-খানে রাজহর ব্যাপার, খাঁওয়ারানো-দাঁওয়ারানোতে চোবাচোঙ-লেহুনের ব্যবস্থা। ক্রমাগত অষ্টাহব্যাপী। নাচ, গান, স্বাক্ষা, থিয়েটার নিয়ে এলাতি কাণ্ড। অবশ্য পোস্তপুস্ত হিসেবে রক্তাখের গদীতে চড়ার সময়ের মত নয়। কিন্তু দেবেশ্বর চতুর্থ দিনে বউভাতের পরই চলে এসেছিলেন।

আলবার সময় স্ত্রীকে বলেছিলেন—আমার সঙ্গে চল।

স্ত্রী বলেছিলেন—ওরে বাপ রে, সে কি করে হবে গো ! খবর কি মনে করবেন ? তাছাড়া আমার ঠাকুর ? ওকে ছেড়ে তো থাকতে পারব না আমি।



—আমাকে পেরেও থাকতে পারবে না ?

—তা কি করে পারব ? অভ্যাস তো নেই।

—আমি তোমাকে ভোর করে নিয়ে যাব।

—তা নিয়ে বেগ না, আমি ভরে মরে যাব।

—না। ভর লাগবে না। আমাকে দেখে তোমার ভর করে ?

—না। কিন্তু তবু পারব না। ভগো, দয়া করে আমাকে নিয়ে বেগ না। আমি যেমন এখানে গোবিন্দীকে নিয়ে আছি, তেমনি থাকতে দাও। আমি মরে যাব।

তবুও হঠাতোঁ হোর করে তাঁকে নিয়ে আসতেন দেবেশ্বর ; তাঁর সংসারী হাতে অবজ্ঞাতা স্ত্রীকে ঘিরে পেতে তাঁর আকাঙ্ক্ষা হরেছিল, কিন্তু রাত্রি বাহাদুর পথরোধ করে দাঁড়ালেন। বললেন—তা তো পারব না দেবেশ্বর। এই কুটম্ব-সজ্জন থাকতে থাকতে বড়বউমা যাবেন, এ শো কর না। লোককে কি বলবে ? তোমার না হর কাঁধের ছুতো আছে। তোমার উপরে আমি আছি। ছেলের বিবাহ সব তাঁর আমার উপর দিয়ে যাচ্ছে—হল, মানালো। কিন্তু তোমার যা নেই, বড়বউমা যাবেন কি বলে ?

চূপ করে রইলেন দেবেশ্বর। একটু পর বললেন—আমি ঘিরে আসব নিতে ? চুকে গেলে পর ? এমন কি আমি থেকেও যেতে পারি।

একটু চূপ করে থেকে রত্নেশ্বর রায় বলেছিলেন—তুমি থাকলে আমি খুব খুশি হব এবং তোমার কলাপ হবে। ভরতো তোমার সঙ্গে তোমার বাপের এবং ছেলের সঙ্গে একটা আঁপোঁস হতে পারে। কিন্তু বউমাকে পাঠাই এ বলতে পারব না। বউমাকে নিয়ে আমি ফিরে এসেছি। বউমার মাথার গোংমাল হয়েছে বলে লোকে কিন্তু আমি জানি উনি গোবিন্দীকে সেবা করে সিঁদ্ধি পেতে চলেছেন। দেবি নেই। তাঁকে তো পাঠাতে পারব না।

দেবেশ্বর বলেছিলেন—তাহলে আমি চলে যাই।

—থাকতে যখন পার, তখন থাকটাই ভাল নয় কি ? তোমার তো অসুবিধা কিছু ঘটছে না। একরকম শুকর আদারই তো রাখা হয়েছে। অসুবিধা কিছু ঘটছে তো বল।

মুখ লাল হয়ে উঠছিল দেবেশ্বরের। এবার তিনি বলেছিলেন—কিছু অসুবিধা আছে। শেটা ইচ্ছে কালেও দূর করতে পারবেন না। সমাগত প্রজাসজ্জনদের প্রহার দেখছি, দেখে যে কষ্ট পাচ্ছি, তা ঠিক সহ করা সম্ভবপর নয়।

—যানে ?

—যানে, শুনেছি সমস্ত মহালে নাতির বিয়েতে টাকা মণ্ডি নিয়েছেন টাকার চার আনা। তাঁর উপর তাদের নিয়ন্ত্রণ করে এনে বউমাকে এবং যজ্ঞেশ্বরকে নাটমন্দিরে বসিয়ে প্রজাদের কাছ থেকে নকরাণী আদায় করলেন। আপনার অর্থের অভাব ছিল না তবু করলেন। এটা ঠিক আমি—।

ব্যাপারটা এখানেই শেষ হয় নি স্মৃতি, কীর্ণিহাট থেকে শুধু যোগেশ্বরকে নিয়েই কলকাতা এসে ছদ্মনাম দিয়ে এককানা চিঠি তিনি লিখেছিলেন, শেটা বেরিয়েছিল ‘ইংলিশমানে’। হেভি ছিল—“দি ড্রেন্স অব দি সোসাইটি”। ছদ্মনামটা জানতেন রত্নেশ্বর রায়।

এরপর আর শিড়াপুড়ে দেখা হয় নি। দেবেশ্বর তার তাঁর মৃতদেহ দেখেছিলেন।

১৯০০ সাল। মাইনটিন্থ সেকুরী শেষ করে টোরেনটিয়েথ সেকুরীতে পৌছেই যারা গেলেন রত্নেশ্বর তার। খামখেয়ালী দেবেশ্বর তার এই চার বছরে একটা নতুন পথ ধরেছিলেন। বড় ছেলে যজ্ঞেশ্বরকে ডেকে করলার বাসনাতে বসিয়ে দি়ারছিলেন। এবং নিজের ধীরে ধীরে সরে এসে খানিকটা নিঃসঙ্গ জীবনযাপন করতেন; সেতার, এম্বাজ নিয়ে গান গেয়ে কাটাতেন, কিছুটা পণ্ডিতজ্ঞ করেছেন; আর একখানা ভাল কাগজ কংবার কল্মা করেছেন। জীবনে যেন একটা অস্থিরতার মধ্যে পড়েছিলেন তিনি। অস্থির যাত্রা চিরকাল। নিত্য প্রতিমুহুর্তে যেখানে যাত্রা বদলায়, সেখানে স্থির কি বা কে বল—স্মৃতি। তবে কিছু কিছু যাত্রার অস্থিরতা বড় প্রকট, বড় স্পষ্ট ধরা পড়ে। দেবেশ্বর তারের এই সময়ের অস্থিরতা যেন সেই রকম। নইলে ভারতে পার স্মৃতি, দেবেশ্বর তার দক্ষিণেশ্বর যান, বেলুড় মঠে যান। নতুন করে সংস্কৃত পড়েন। কিছুদিন যদুনাথ ও ছেড়ে দিয়েছিলেন। ছোট ছেলেকে আমার বাবা যোগেশ্বর তারকে অহরহ সঙ্গে রাখতেন। আমার বাবা তখন এন্ট্রান্স, এক-এ পাশ করে বি-এ পড়ছেন প্রেসিডেন্সী কলেজে। সবই কিছুদিনের জন্যে। কিছুদিন পর আবার পুরনো দেবেশ্বর তার। মদের নেশার গাঁলে, কপালে লাগতে আভা ফুটে ওঠে—চোখ লাগতে এবং অর্ধ নিমীলিত হয়, মুহু মুহু হাসেন অথবা ঠোট দুটো মিলে ধলুকের মত বাক্য বোকে যায়। বাড়ী ছেড়ে বাগানে গিয়ে বাসা গাড়তেন।

কারণ একটা ঘটেছিল, ভারপেট শিফনের ছেলে, যাকে এনিয়ট রোডের বাড়ী দান করেছিলেন, যে রয় এ্যাণ্ড চক্রবর্তী কোম্পানীতে চাকরি করত, সে যারা গেছে। ভারলা মদ খেয়ে খেয়ে দুর্দান্ত মাথাগল হয়ে পড়েছিল, ছেলের মৃত্যুর পর সে মখে; মধ্যে এসে এই বাড়ীর কটকে এসে চোঁসাতো।

—‘রয়বাবু! রয়বাবু!’

তার কর্তব্যর কানে এলেই দেবেশ্বর চীৎকার করতেন—দারোয়ান, নিকাল দো, নিকাল দো। You got out—I say. Shut the gate. দারোয়ান। তারপরই চলে যেতেন বাগানবাড়ী।

এই মধ্যে ১৯০০ সালের ডিসেম্বরে কীর্তিহাটের লোক এল চিঠি নিয়ে।

লিখেছেন শিবেশ্বর—‘বাবামহাশয়ের কঠিন অমূল্য, পত্রপাঠ আপনি চলিয়া আসিবেন। আপনার মাম কহিয়া জ্ঞান হারাইরাছেন। কলিকাতা লইয়া যাইবার অবস্থা নাই। একজন বড় ডাক্তার লইয়া আসিবেন। গোরাবাগানে রামেশ্বরকে পত্র দিলাম। বিডন স্ট্রীটে যজ্ঞেশ্বরের নতুন বাড়ীতেও পত্র গেল। সকলকে লইয়া পত্রপাঠ চলিয়া আসিতে অসম্মত করিবেন না। এবং ইহা যেভাবে ঘটিল, তাহা অতীব দুঃখের কথা, আক্ষেপের কথা। বাবামহাশয় লাট ডব্লানন্দবাটীর কাছারীতে সেধানকার পুনর্বিন সম্পর্কে তাঁরা খার্ব করিতে দিয়াছিলেন। সেখানে প্রজাদের সহিত মতামতের ঘটে, প্রজারা সম্মুখে কিছু বলিতে পারেন না কিন্তু শ্রীতকালের রাজকালে কাছারীঘরের চালে অস্থিসংযোগ করে। ভাগ্যক্রমে

বাঁধামহাশয় নিরাপদে বাহিরে আসেন বটে কিন্তু শীতরাতে ঠাণ্ডার অসহ্য হয়। সেই অসহ্য লইয়াই তিনি বাগ করিয়া কীৰ্ত্তিহাট আসিয়াছিলেন; প্রথমে সকলেই অনুমান করিয়াছিলেন যে শীতই সাহিয়া যাইবেন। কিন্তু হঠাৎ অর প্রবলতার ধারণা করিয়াছে।

পুং—হরিশ মুখার্জি রোডে অন্নপূর্ণাদিসিদ্ধ্যাকৈ চিঠি দিলাম।”

বিচিত্র সংঘটন, তখন দেবেশ্বর মধুপুরে গেছেন। কলকাতার নেই। যোগেশ্বর নিজে মধুপুর গিয়ে তাঁকে ফিরিয়ে এনে হাওড়ায় গাড়ী বদল করে কীৰ্ত্তিহাটে গিয়ে যখন পৌঁছলেন তখন রত্নেশ্বর রায় রায়বাহাদুর কীৰ্ত্তিহাটের রাজা—হুগের দমনকর্তা, শিষ্টের শাসক বহুকীৰ্ত্তিতে কীৰ্ত্তিমান আর বেঁচে নেই, অতীতবেলা মারা গেছেন, শবদেহ নাটমন্দিরে যা-কালীর সমুখে রাখা হয়েছে। সকলে অপেক্ষা করে রয়েছেন বড়বাবু, দেবেশ্বর রায়ের। টেলিগ্রাম এসেছে দুপুর নাগাদ এসে পৌঁছবেন, স্টেশনে যোল বেহারার দুখানা পালকি রাখা হয়েছে।

দেবেশ্বর রায় বেহারাদের বলেছিলেন—মুখ বন্ধ করে যাবি।

—হুগুর, আগের লোকে পথের হাল বলে না দিলে পিছেকার বেহারারা—। চুপ করে গিয়েছিল তারা বড়বাবুর মুখ দেখে।

দেবেশ্বর তাদের বক্তব্য বুঝেছিলেন, আগের বেহারারা পথের অবস্থানা বলে দিলে পিছনের বেহারারা ঠিক চলতে পারবে না। তাদের সামনেটা তো বন্ধ। তিনি বলেছিলেন, তাহলে প্রো হি—হি প্রো হাকটা হাকবিনে।

শবদেহের পায়ে তলায় বসে দেবেশ্বর রায় গভীর স্বরে বারংবার ডাকলেন—বাবা। বাবা। বাবা।—

ডাকতে ডাকতে তিনি ফুঁপিয়ে ফুঁপিয়ে ছেলেমানুষের মত কঁদেছিলেন বাবার পায়ে উপর মাথা রেখে।

কেউ সাহায্য দিতে পারে নি। দিচ্ছেছিলেন তাঁর স্ত্রী উমা দেবী। তিনি সেদিন দশখানা গ্রামের লোকের সাহায্যে স্বামীকে দুই কাঁধ ধরে ডেকে বলেছিলেন—ওঠো। বড়বাবু—বড়বাবু ওঠো! ওগো, বাবা তোমাকে ক্ষমা করে গেছেন। শোন শোন, আমাকে নিজে মুখে বলে গেছেন। নিজে চিঠি লিখে দিয়ে গেছেন তোমাকে দিতে। ওঠো। আমার দিকে চেয়ে দেখ; তোমার তো অনেক আছে গো, আমার কেবল তুমি, তুমি তাও আমাকে দাও নি। বাবা আমাকে বলতেন, ভয় কি! আমার দিকে চাও। ওঠো। বাবার শেষ কাজ করে এস। এই চিঠিখানা নাও।

চিঠিখানায় ছেলেকে শুধু ক্ষমা করেই যান নি রত্নেশ্বর রায়, ছেলের কাছে ক্ষমাও চেয়েছিলেন। আরও লিখেছিলেন—হয়তো তোমার কথাই ঠিক। মাতামহ জামাকান্তের অভিপায় লইয়া যে-বিশ্বাসটা আমাদের বাপে একটা ভীতির সৃষ্টি করিয়াছে, তাহা হয়তো একটা সংস্কার। তাহা ত্রিগা করিয়াছে। সম্পদের শক্তির অফুন্ত তৈলে প্রজ্জ্বলিত অগ্নি দাউ-দাউ করিয়া জলিয়াছে, তাহাকে আমরা অতীতবেলা বাঁচা করিয়াছি। বাই হোক, বাঁচাটাই বাঁচা পক্ষে অপমানকর বটে। পাপ তো বটে। এই পাপচক্র চক্রান্ত সৃষ্টি করিয়া বংশকে পঙ্গু করিতেছে। তুমি ইহা পরিত্যাগ কর। বধূমাতাকে সমাদর কর।

জীবনের স্বাদ পাইবে। শান্তি পাইবে। কল্যাণ হইবে। পিতৃব্যাক্য অবহেলা করিযো না।  
ভায়লেটের মাসিক বৃত্তি এবং তাহার পুত্রের বে-কস্তাটি আছে, তাহার খরচ যেন বন্ধ না হয়।

পরিশেষে লিখেছিলেন—তুমি মস্তপানে অভ্যস্ত। অশোচ অবস্থায় মস্তপান না করিলে  
হয়তো স্বাস্থ্যভঙ্গ হইতে পারে। আমি তোমাকে অভ্যমতি দিলাম।

বিচিত্র বিষয় একটি হাসি তাঁর মুখে ফুটে উঠেছিল।

সুদেখের বললে—এটা অবশ্য আমার কল্পনা, স্মৃতি। ওই দেখ সেই ছবিখানা। এই  
দেখ দেবেশ্বরের মুখে সেই বিষয় বিচিত্র হাসি। প্যানেলে দেখ, বাঁদিকটা কালো অন্ধকারে  
ঢাকা হতে হতে ক্রিকে হয়ে লাল হয়েছে, রাত্রির পর প্রভাত হবে, সূর্যোদয় হয় নি, লালচে  
আভার সবটাই এসে পড়েছে দেবেশ্বরের মুখে। কালো অন্ধকারের মধ্যে নির্বাণিত সুদেখের  
মুখের চিত্র। নাই-টিমথ্ সেজুরী শেষ হয়ে গেল। দেবেশ্বর নাইনটিরোধ সেজুরীর শেষকৃত্য  
করে ফুঁকোটা চোপের জল ফেলেছেন। সামনেটা টোয়েনটিরোধ সেজুরীর একশো বছর।  
দেবেশ্বরের হাতে তুলি—তিনি রাইংশে তাঁর জীবনশিল্পের পত্তন করতে চাচ্ছেন। হাতের  
তুলি কাপছে।

অজ্ঞান হয়ে পড়বার আগে পর্যন্ত রায়বাহাদুর ডায়রী লিখে গেছেন। শেষ কদিনের  
ডায়রী অজুত স্মৃতি। আশ্চর্য লাগে আমার।

যেদিন রাত্রে কাছারীতে আশুন লাগল, তার আগের দিন হতে প্রজারা কাছারী আসা  
বন্ধ করেছিল। বাপারটা পুলবন্দীর চাঁদা। নদীর ধারে ধারে বস্তা নিবারণের বাধ হবে—  
সরকার সিকি দেবেন প্রজা সিকি দেবে, জমিদার দেবেন অর্ধেক এই নিয়ম। রায়বাহাদুর  
বলেছেন প্রজা অর্ধেক দেবে। টাকাটা চাঁদা হিসেবে তিনি আদায় নেবেন। প্রজারা  
বলেছে—এই সেদিন হজুরের পোত্রের বিয়েতে আমরা টাকাবার সিকি চাঁদা দিয়েছি আর  
আমরা দিতে পারব না। কয়েকদিন পর বললে দেব না। সেটা অবশ্য তাঁর সাহসে নয়।  
গ্রামে বাইরে বাইরে। রায়বাহাদুর ডেকে এসে কহতেন—এইরকম কথা শুনছি। এ  
সত্যি ?

কেউ উত্তর দিল না। মাথা নাড়িয়ে চুপ করে বসে রইল। কিন্তু এর উত্তর না দিলে  
ছুটি নেই। রায়বাহাদুর উঠতে দিলেন না কাউকে।

শেষ তারা বললে—আজকের দিনটা সময় দিতে যাচ্ছে হয় হজুব, কাল দিব উত্তর।  
থানিক শলাপরাশর্ম করি।

ছুটি দিলেন রায়বাহাদুর। ডায়রীতে শেষ লাইন লিখেছেন—“দিনে দিনে দেশকালে কি  
হইতেছে ? প্রজারা এই ধরনের বোতাদপি করিতে সাহস করে।”

পরদিন সকাল থেকে গ্রামের সমস্ত পুরুষেরা অস্থপস্থিত। কেউ বাড়ী নেই। সকালবেলা  
জল খেয়ে তাদের আসবার কথা ছিল, কিন্তু কেউ এল না। ডিসেম্বর মাস, ভরাভক্তি ধান  
কাটার সময়, লাট ভবানন্দবাটীর চারখানা মোজা নদীর ধারে, তার কোন গ্রামের মাঠে  
একটি লোক নেই। সোনার বর্ণ পাকা ধানে ভরা মাঠে কোঁকে কোঁকে টিয়াপাখী উড়ছে,  
শীতের উজ্জুরে বাতাসে হৌড়ের সঙ্গে হৌড়ের শিশিরভেজা নরম ধান, শুকিয়ে উঠছে সঙ্গে সঙ্গে,

সোটা মাঠ জুড়ে একটা মূড়মূড় মূড়মূড় শব্দ উঠছে।

সেইদিনই রায়বাহাদুরের হকুমে সমস্ত গ্রামের গরু-বাছুর, ছাগল-ভেড়া ঘরে বন্ধ রইল। ঘর থেকে বের হতে পেলো না। রাখালেরা ফিরে গেল। গ্রামের রাস্তা সরকারী খালপতিত, জমিদারের জমি, সেখানে বের হতে দেবেন না রায়বাহাদুর। বন্ধ করলেন না পানীর জল সরকারী পুকুর থেকে। গ্রাম বন্ধ হল সরকারী পুকুরে। সন্ধ্যাবেলা টেঁড়া পড়ল—“কাল সকালবেলা এক প্রহরের মধ্যে প্রত্যেক প্রজ্ঞকে কাছারীতে হাজির হবার জন্ত হুকুমজারি করা হচ্ছে। যে-প্রজ্ঞা হাজির না হবে, তার সরকারী জমি, পুকুরখানা এবং গাছপালা যা সরকারী পতিতের উপর থাকা সত্ত্বেও ব্যবহারের সুবিধা ইত্যাদি বাতিল করা হবে।”

এই পরিণাম অতি ভয়ানক সুলভা। এ যে না দেখেছে সে বুঝবে না। গরু-বাছুর পথে বের হলে খোঁরাড়ে যায়, ইচ্ছে করলে বউ-বৌ মেয়েছেলে পথে বের হলে ট্রেনপালার হাত সেকালে। পাকা ফসল মাঠে থাকত, মিলিত যেত। আরও অনেক কিছু হত। তার মধ্যে ঘরে আগুন, লাঠিবাঁজী, কৌজদারী নেই সুলভা। এ সব হল আইনহীনত শাসনবিধি। কিন্তু ততদূর অগ্রসর হতে পারেন নি রত্নেশ্বর রায়। তিনি জানতেন না যে, কাল তাঁর অজ্ঞাতসারে আরও অনেক এগিয়ে গেছে। প্রজ্ঞাদের সেই কালই সেই রাতেই বোধ হয় খুঁচিয়ে জাগিয়ে এগিয়ে নিয়েছিল—“যা, তার চেয়ে আচ্ছন্ন রাত্রি শোয়াবার আগেই কাছারীতে আগুন দিবে জালিয়ে দে। জমিদার বুকু তোতাও লড়ে পারিস।”

রত্নেশ্বর রায় তাঁর শেনিনের ডারবীতে লিখেছেন—রাত্রিতে কাছারীতে আগুন লাগিল। শীতের রাত্রি, প্রথমটা বৃষ্টিতে পারি নাই। পরে যখন লোক-লব্বরের ইকানীকিতে ঘুম ভাঙিল, তখন তাড়াতাড়ি ঘর খুলিয়া বাহিরে আসি। দেখিলাম ঘরখানা জলিতেছে। আমি স্তম্ভিত হইয়া গেলাম। তৎপর ক্রুদ্ধ হইলাম। দেখিতে দেখিতে মনে পড়িল আর একবার জমিদার দে সরকার আমাকে ঘরে শিকল দিয়া প্রজ্ঞা হিসাবে পুড়াইয়া মারিতে চাহিয়াছিল। রক্ষা করিয়াছিল ঠাকুরদাস। ঠাকুরদাসের কথা মনে করিয়া অমূল্যোচনা হইল। কাদিলাম। তাহার পর মনোমধ্যে চিন্তাস্তরে উপনীত হইলাম। এবং চমৎকৃত হইয়া গেলাম। এবার প্রজ্ঞারা জমিদারকে ঘরে আগুন লাগাইয়া পুড়াইয়া মারিতে চাহিতেছে। আমার মত জমিদারকেও গ্রাহ্য করিল না। কাল কি এতই বদল হইয়া গেল? ইহার পর? ভবিষ্যতে কি হইবে? জমিদারবর্গের সাবধান হইবার সময় আসিয়াছে। আমি চিন্তিত হইতেছি রায়বংশের জন্ত। আমার অন্তে মদীর পুরদের কি দশা হইবেক। দেবেশ্বর একসঙ্গে আমার মেজাজের এবং সাহেবী মেজাজের লোক। প্রজ্ঞাদের সে ঘৃণাও করে, তাহাদের দরও করে। বিবেশ্বর মায়াবাজ এবং শক্তি না-থাকা সত্ত্বেও জবরদস্ত জমিদার হতে চায়। রামেশ্বর কলিকাতাবিলাসী ব্রাহ্মধর্মী একটা অপদার্থ বিলাসী। বজেশ্বরের সবকিছু আশা করিয়াছিলাম, সে বিবাহ করিয়া শশুরদের সন্তবে করলা ব্যবসারী হইয়া গেল। কি করিব অস্ত্র হইতে তাহাই চিন্তা হইল।

সে-চিন্তার মীমাংসার পূর্বেই তিনি অজ্ঞান হয়ে মারা গিয়ে নিশ্চিন্ত হলেন।

লোকে বলেছিল—ইজ্রায়েল হয়ে গেল।

দেবেশ্বর মুখারি করে বাড়ী করে কয়লার পথার বসে ভাইদের বলেছিলেন—আমাকে একটু একলা থাকতে দাও। শিবেশ্বর ভেবেছিলেন, বড় ভাই মর থাকেন। বাপ অসুস্থতি দিয়ে গেছেন তাঁর শেষ চিঠিতে। চাকরকে তিনি ডেকে বলেই গিয়েছিলেন—বড়বাবুকে মাল দিবি কিন্তু যেন বেশী দিসনে। আর দোছাই বাবা, অখাত্ত-কুখাত্ত বা খায়টার এর সঙ্গে, ধর না মুর্গীর ডিমকিম সেগুলো যেন চাইলেও দিসনে। অন্ততঃ হকুণ করলে বড়মাকে ডেকে দিস। না—বড়মা কি করবে—আমাকে ডেকে দিস অন্তত। খবরটা দিস বুঝলি।

চাকর তাঁর খাস চাকর নিমাই দাস,—সে কলকাতার মতই ট্রে-তে করে বোতল-গ্রাস-সোডা এনে নামিয়ে দিলে।

ডাকিয়ে দেখে ছুক কুঁচকে উঠল তাঁর। নিমাই চাকর তাঁর নিজের ডালিম দেওয়া চাকর। সে তাঁর চাউনির অর্থ বোঝে, কথা বলবার ক্ষেত্রে মুখ খুললে জানতে পারে এবার কিসের হকুম হবে। সে তাঁর কোঁচকানো ডুরুর দিকে ডাকিয়ে সভরে বললে—আজ্ঞে মেজবাবু বললেন—, কথটা অসমাপ্ত রেখে সে চূপ করে দাঁড়িয়ে রইল। দেবেশ্বর বলেছিলেন—নিরে যা। ও আর খাব না। আর কোনদিন আনবিনে সামনে। শোন। যদিই ফুলে গিয়ে আনতে বলি, তবে তুই মনে করিয়ে দিস। যা মালিকবউকে বল—এক গ্রাস ঠাণ্ডা জল নিয়ে আসবে। অশোচের সময় ভোর হাতে জল পৰ্ব্বত খেতে পারব না, বুঝলি!

মালিকবউ অর্ধাং উমা দেবী জলের গ্রাস নিয়ে এসে তাঁর মুখের দিকে ডাকিয়ে বলেছিলেন—বাবা তো বলে গিছিলেন খেতে তোমাকে। ফিরিয়ে দিলে কেন?

দেবেশ্বর বলেছিলেন—আর কখনও খাব না বলে।

—খাবে না? অবাক হয়ে ডাকিয়েছিলেন উমা দেবী স্বামীর মুখের দিকে।—আর কখনও খাবে না?

—না।

—তোমাকে আমি বুঝতে পারি না। ভারী ভয় করে।

—বসো।

—বসবার কি উপায় আছে? বাই দেখি, গোবিন্দমন্দিরের কাজকর্ম আমি করি তো, এবার কাউকে দিয়ে দাঁড়িয়ে থেকে করাতে হবে।

—কেন? সেবার যজ্ঞস্থরের বিয়ের সময় চক্ষিণ ঘণ্টা তো আমার কাছেই থাকতে। মুর্গীর ডিম পৰ্ব্বত নেড়েছ—

—সেবার গোবিন্দ বলেছিলেন।

—এবার—

—না। এবার তো বলেন নি। বরং মুখ শুকিয়ে গেছে গোবিন্দ, বলছেন—বাবা চলে গেলেন আর কি আমার সেই বন্ধ করবে এরা মালিকবউ? তুমি একটু দেখো। বাবুও বলে গেছেন। কি করব বল?

অকস্মাৎ কেটে পড়েছিলেন দেবেশ্বর।—তা হলে আমি কাঁকে নিয়ে তার সঙ্গে কথা

বলে থাকব বলতে পার ?

বিস্তৃত হয়ে মাণিকবট বলেছিলেন—এ কি বিপদে পড়লাম মা ? আমাদের নিয়ে কি করবে তুমি ? না—না—না। তোমার অনেক আছে। বই আছে, গান আছে, তারপরে লোক আছে জন আছে, বিষয় আছে, ব্যাপার আছে, আমার যে গোবিন্দ ছাড়া আর কেউ নেই—

—না—আমি আছি। আর আমি ওসব চাইনে, আমি তোমাকে চাই। তুমি বলো। যেতে পাবে না তুমি।

—না—না—না। তোমাকে আমার ভর করে। আর আমি যে আমাদের গোবিন্দকে সঁপে দিযেছি। তোমাকেই দিতে চেয়েছিলাম কিন্তু তুমি তো নিলে না। পারের ভলার পড়ে কান্দতাম—কই একদিনও তো দেখ নি। বাবা টেনে এনে এখানে গোবিন্দের হাতে দিয়ে বলেছিলেন—মা, ওই ঠুর পারের নিজেকে ঢেলে দাও। কি করব মা ! অপরাধ আমার। বিয়ে তো ও করে নি, আমি জোর করে দিযেছি। আমি তাই আছি। সেবার গোবিন্দ বলেছিলেন—আমি বিবিমহলে তোমার সেবা করেছিলাম। এবার তো বলেন নি। আমি পারব না।

ঠিক এই মুহূর্তেই দুই ভাই এবং ম্যানেজার এতেনা পাঠিয়েছিলেন, প্রাক্ত ইত্যাদি সম্পর্কে কথা বলতে তাঁরা আসছেন।

প্রাক্তের কথা প্রায় ষাণ্মা কথা ছিল সকালে। দশ দিনে ভিলকাঞ্চন সেরে রেখে ছ মাসে সপ্তীকরণের সময় দানসাগর। কিন্তু কথা তা ছাড়াও ছিল। সম্পত্তির কথা। তা ছাড়া আরও একটা বড় কথা তুলেছিলেন শিবেশ্বর। হয়তো সেইটেই রায়বংশের ভবিতব্যের কথা।

প্রাক্ত দানসাগর ছ' মাসে নয়—দশ দিনেই করার কথা হয়েছিল। রায়েশ্বর ব্যাকিস্টারী পড়তে বিলতে যাঁবেন। অমুখতি রত্নেশ্বর দিয়েছিলেন কিছুদিন আগে, প্রয়োজন অমুখব করছিলেন রায়বংশের কারুর বিলতে অন্তত যাঁওয়া প্রয়োজন, নইলে যেন রায়বংশের সম্মান ধরবে।

বিষয় তিন ভাগ করে দিয়েই গিয়েছিলেন রত্নেশ্বর রায়। বড় ছেলেকে ছ আনা দিয়ে গিয়েছিলেন পৌত্রদের কাছে প্রতিশ্রুতি মত। এবং নতুন প্রতিশ্রুতি করে গিয়েছিলেন, তাঁর পরিত্যক্ত সম্পত্তি যা পুত্রেরা পাবে তা থেকে তাঁরা তাঁদের পুত্রদের এক ধর্মাস্ত্র গ্রহণ ছাড়া অন্য কোন কারণেই বঞ্চিত করতে পারবেন না। সেই মতই ব্যবস্থা হয়েছিল। আদ্যারপক্ষ একত্রে হবে। শিবেশ্বর দেখাশুনা করবেন, তার জন্য একটা মাসোহারা পাবে। মাসে আড়াইশো টাকা, বছরে তিন হাজার।

এর পরই শিবেশ্বর সেই কথা তুলেছিলেন, বাবাকে লাট ভবানন্দবাটীর প্রজারা একরকম পুড়িয়েই যেয়েছে। ঘরে আগুন দিয়েছিল। শিকল-তালাও দিয়েছিল। জানালা ভেঙে তিনি বেরিয়েছিলেন। সেই অবস্থার ঠাণ্ডা লেগে নিউমোনিয়া হয়ে মরার সঙ্গে পুড়ে মরার তফাৎ কতটুকু। আমি বলি এ পুড়ে পুড়ে মরাই হয়েছে তাঁর। এর প্রতিকার কি হবে ?

সকলেই কিছুক্ষণ চুপ করে ছিলেন। উত্তর চাই ক'রে কেউ নিতে পারেন নি।

কিছুক্ষণ পর দেবেশ্বর বলেছিলেন—বাবা কি করতে চেয়েছিলেন ?

—তিনি ঠিক কিছু করেন নি। তবে—

—তবে কি ?

—ভাবছিলেন দেওয়ানীর পথে যাবেন, না ফৌজদারীর পথে যাবেন।

ম্যানেজার বললেন—ফৌজদারীর পথে একালে হাঙ্গামা অনেক, সে থানা থেকে ওপর পর্যন্ত মুখ চাপা দিতে দিতে অনেক বেগ পেতে হয়। তার ওপর কাল এমন পড়েছে যে, প্রজার দোষ এ দেখবেই না লোকে, কিছু হলে আগেভাগেই জমিদারকে দায়ী করে ব'সে থাকবে।

শিবেশ্বর বলেছিলেন—তা ব'লে ভর করে ব'লে থাকলে দুদিন পর তারা মাথার উপর দিয়ে চলতে শুরু করবে। জমিদারী হয়তো ছেঁড় দিতে হবে।

দেবেশ্বর এবার বলেছিলেন—বাবা ভাবছিলেন কোন্ পথে যাবেন। আমাদের পথের ভাবনা নেই, পথ আমাদের একটি; বাবার মৃত্যুর শোধ। বাবা দেওয়ানীর পথে অব্যর্থ দুর্দান্ত প্রজাকে শাসন করার কথা ভাবছিলেন। কিন্তু আমরা সে ভাবব কি করে ? শোধ তুলতে হলে এ চক্র যারা করেছিল তার নীভার যে তার মাথাটা নিতে হবে। না হলে পিছন থেকে সাপের মত কামড়ে বিষ ঢেলে লুকিয়ে পড়ার মধ্যে আমি নেই। তবে হ্যাঁ, বাবা যদি ক্ষমা করে যেতেন তাহলে আমরা চূপ করে থাকতে পারতাম। অথবা এখনও যদি সে এসে গাড়িয়ে পড়ে মাথাটা লুটিয়ে দেয় তবে গলায় খাঁড়া ঠেকিয়ে আমরা ক্ষমা করতে পারি। এই আমার মত। সেইটে হলে আমি খুশী হই। খুন হলে লোকে বলবে—রায়-বাহাদুরকে এমন অপমান বা হুঁশা কিছু করেছিল বার জন্তে খুন না করে ছেলেদের ঝাল যেটে নি।

\*

\*

\*

রায়বাড়ীতে ওই সর্বনেশে মামলা ঢুকল স্কলতা। এবার মামলা একতরফা নয়। এবার মামলার প্রতিপক্ষ দাঁড়াল। প্রজারা লড়াই দিলে। ফৌজদারীতে মাঠে লড়াই হল, পথে হল, মোড়ল লোকটা খুন হ'ল, মামলা চলল একটার পর একটা। এক বছর ব'সে রইলেন দেবেশ্বর কীৰ্তিহাটে। শুধু এই জন্তেই বসে রইলেন। কিন্তু একেবারে অস্ত্র যাত্ৰব হয়ে গেলেন। মদ সেই ছেড়েছিলেন আর খান নি। জমিদারী নতুন খাঁচে ঢালতে চেষ্টা করলেন। কিন্তু তাতে শিবেশ্বরের সঙ্গে বিরোধ বাধল, তার সঙ্গে যোগ দিলেন বড় ছেলে যজ্ঞেশ্বর। তিনি তখন কলকাতার ব্যবসা দেখেন শ্বশুরের সঙ্গে। অপবাদ রটল পিতৃহত্যাকে অকৌশলে ক্ষমা করছেন দেবেশ্বর রায়। মরা বাপের উপর শোধ তুলছেন। তার কারণ তিনি ধীরে ধীরে শাস্ত হয়ে এসেছিলেন, এবং মধ্যে মধ্যে বলতেন—যথেষ্ট হয়েছে, লোকটাকে এবার মাফ কর। অপবাদ শুনে চমকে উঠে চলে এলেন দেবেশ্বর রায়। জমিদারীর ব্যবস্থা করলেন দুভাবে ভাগ করে। প্রথম অবিভার্জা দেবোত্তর এস্টেট, তার কমন ম্যানেজার কর দিলেন শিবেশ্বর রায়কে। আর দেবোত্তরের অধীনে পত্তনীদার হিসেবে যে ব্যাণাটা বড়, এবং ঝাল, বা রায়বংশধরদের ব্যক্তিগত, তা ভাগ করে নিয়ে নিজের অংশের মধ্যে পুরনো



কালের আচার্য দেওয়ান ম্যানেজারের পোত্রকে ম্যানেজার রেখে কলকাতা চলে এলেন।  
তখন সম্পত্তিতে তাঁর অংশ সাড়ে আট আনা, রাখেখর বিলেত যাবার সময় তাঁর অংশের  
সম্পত্তি নামমাত্র মুনাকি রেখে দরপত্তনী নিয়ে গেছেন। সেটা দু ভাই-ই নিয়েছেন।

কলকাতার ফিরে এসে নতুন মাহুখ দেবেখর প্রথম দিনই আপিস গিয়ে চমকে গেলেন।  
কলকাতার আপিসে তাঁর ঘরে তাঁর চেয়ারে বসছেন বড়ছেলে যজ্ঞেশ্বর। রত্নেশ্বর রায়ের  
মৃত্যুর পর এই কয়েক মাসের মধ্যে পরিবর্তনটা ঘটে গেছে। ব্যবসার পার্টনার মহাদেব  
চক্রবর্তী যজ্ঞেশ্বরের স্বশ্র, তিলুই নাকি এ ব্যবস্থা করেছেন। আপিসের স্টাকও বদল হয়ে  
গেছে। সে বেয়ারা পর্যন্ত।

যজ্ঞেশ্বর বাপকে দেখে চমকে উঠেছিল এবং সঙ্গে সঙ্গে চেয়ার ছেড়ে উঠে পাশে সরে  
দাঁড়িয়ে বসেছিল—পাখা এখানটার একটু বেশী পাওয়া যায় সেই জন্তে—।

দেবেখর বলেছিলেন—বসো তুমি। আমি বলব না। আমি চলে যাব যটাখানেক  
পর।

পরদিন এসে চেপে বসে গোটা ব্যবসার অবস্থা দেখে তাঁর অংশের প্রাপ্য টাকা বের  
করে নিয়ে স্বস্তি করে ব্যাংকে মজুত ক'রে বড়ছেলেকে ডেকে বললেন—শোন, কোন  
বিজনেসের সঙ্গে আর আমি সম্পর্ক রাখব না। ইচ্ছে বিক্রী ক'রে দি, কিন্তু ভেবে দেখলাম—  
তুমি যখন কাজকর্ম শিখেছ এবং অর্ধেকের অংশীদার চক্রবর্তী যখন তোমার স্বশ্র, তখন ছেড়ে  
না দিয়ে তোমাকে দেওয়াই ভাল। কি বল?

চুপ ক'রে রইলেন যজ্ঞেশ্বর।

দেবেখর বললেন—একটি শর্তে।

এবার বেশ ধীরভাবেই যজ্ঞেশ্বর বললেন—বলুন।

দেবেখর বললেন—জানবাজারের বাড়ী, ব্যাংক মজুত এবং কোম্পানীর কাগজে লগ্নী করা  
যা টাকাকড়ি আছে, এ সব এখন আমার রইল, আমার অস্তে এ সমস্ত পাবে যোগেশ্বর।

—কীটহাটের সম্পত্তি—

—ওতে তো বাপের ছেলেকে বঞ্চিত করার অধিকার নেই। সে আমি বলব না।  
ওতে তোমাদের দুই ভাইয়ের সমান অংশ পাওয়া উচিত, তাই পাবে।

একটু চুপ ক'রে থেকে যজ্ঞেশ্বর বলেছিলেন—বেশ, আমি তাতে সন্তুষ্ট, শুধু মায়ের  
কোম্পানীর কাগজের অর্ধেক, যেটা আমি পাব সেটা আমাকে দিন। আপনি যেভাবে  
ব্যবসার রিজার্ভ কাণ্ড তুলে নিয়েছেন তাতে ব্যবসা আমি চালাবো কিসে।

—তোমার মা থাকতেই তাঁর টাকাটা নেবে? সে টাকার আমি কখনও হাত দিই নি।

—মায়ের মৃত্তিকের বিক্রতি ঘটেছে। অর্থোদ্যাদ। সে অবশ্য আপনার অস্তেই।

—থাক। তাই পাবে তুমি। দিবে দেব।

—আপনি কি রিটারার করবেন? মা কীটহাটে গিয়ে বসবেন?

—না। আমি এখানেই থাকব। রিটারার করা বলতে পার। তবে একটা কিছু  
অবলম্বন রাখতে হবে তো। তাবছি বাই-উইকলি ইংলিশী খবরের কাগজ করব। কাগজের

প্রয়োজন আছে। আমার পরে ওটা যোগেশ্বর চালাবে। সে এবার বি-এতে ইংরিজীতে ফাস্ট ক্লাস পেয়েছে। এম-এতেও ভেতনি ফল করবে। আমার বড় শখ ছিল, সেটা যোগেশ্বরকে দিয়ে করে যাব।

\* \* \*

সুরেশ্বর বললে—টোয়েন্টিয়েথ সেকুন্দীতে ঢুকে দেবেশ্বর রায় আর বেঁচে থাকেন নি। তারপরের কথা তুমি সবই জান শুলতা। জান না শুধু দেবেশ্বর রায়ের মৃত্যুর কথাটা। তিনি যারা গেলেন কি ভাবে। লোকে জানে জমিদারের ছেলে যে ভাবে যারা যায় সেই ভাবেই যারা গেছেন তিনি। মদ খেয়ে বেয়ে তিনি হঠাৎ একদমর অজ্ঞান হয়ে গিয়েছিলেন। তারপর আর জ্ঞান হয় নি। সেকালে বলেছিল—ত্বেন কিবার ; একালে হলে বলত পেরিব্রেল থু মবগিস। সেইটুকু বললেই আমার অতীতকাল শেষ।

\* \* \*

তখন লর্ড কার্জন ইণ্ডিয়ান ভাইসরয়। বোধ করি এত বড় কঠিন ইম্পিরিয়েলিস্ট আর এ্যারোগ্যান্ট ভারতবর্ষ-বিদ্বেষী কেউ আসে নি। অস্তত ভাইসরয় হয়ে আসে নি। চার্লিস লাহেবের আদর্শ পুরুষ লর্ড কার্জন। তার সঙ্গে লর্ড কিচেনার তখন কম্যাণ্ডার টীক।

তার হেনরী গ্রাণ্ডয়ার সেক্রেটারী অব স্টেট। এদের পায়ের চাপে গোটা ভারতবর্ষ মুমূর্ষুর মত আকাশের দিকে তাকিয়ে আছে। তারা সেই তিরস্কন মন্ত্র জপছে জাহি মাং পুত্তরীকাক। রক্ষ মাং জগদীশ্বরে! রক্ষ দেবী—মহাদেবী, জাহি! জাহি! জাহি দেবী মহেশ্বরী!

নিরুত্তর আকাশ থেকে উত্তর বা আসে তা মেঘের ডাকের মধ্যে দিয়ে আসে, আকাশ কখনও কথা কয় না। ভারতবর্ষের গলায় ইংরিজী বুটের চাপটা একটু জোঁরালো করে হেনরী গ্রাণ্ডয়ার নতুন পালিসি ঘোষণা করেছিলেন—

“The Government of India must always abide by the decision of the British Cabinet even when it was regarded by them as injurious to the interest of India”.

এবং বাংলাদেশ তখন নতুন প্রাণের সাড়াতে ইংরেজের মুখ ভারী হয়েছে। এমন কি জমিদারদের উপরেও মেজাজ খারাপ। জমিদারেরা পারমানেন্ট সেটেলমেন্টের পর আর বৃদ্ধি করে খাজনা আদায়ের এক্কেণ্ট বা গোঁমস্তা থেকে দস্তুরমত বিলেতের লর্ডদের সঙ্গে পাল্লা দিচ্ছে। সুরযোগ পেলেই জমিদারদের উপর শাসন চালাচ্ছে। বাঙালী ইংরিজী শিখে ইংরেজের সঙ্গে টোকর মেয়ে চলে। এ তাদের সছ হয় না। শাসনযন্ত্রটারু জু ক্রমাগত টাইট দিতে চাইছে তারা।

দেবেশ্বর রায় এর বিকল্পে লিখবার ক্ষমত্ববের কাগজ বের করবেন হির করেছিলেন। জমিদারীর মোহ তাকে বাঁধতে পারে নি, করলার ব্যবসায়ের ঐশ্বর্যও তাঁকে ভোলাতে পারে নি। তিনি নতুন জীবনে নতুন কর্কে আত্মনিরোগ করতে চেয়েছিলেন।

ছোটছেলে যোগেশ্বরকে বলেছিলেন—নাই বা পড়লে এম-এ। প্রেস কবিনে কাজ শুধু

কর। আমার সঙ্গে লেগে পড়।

সুরেশ্বর বললে—কিন্তু তা হ'ল না।

হঠাৎ বাধা এসে সামনে দাঁড়াল। অলঙ্ঘনীয় বাধা।

বলতে বলতে চঞ্চল হয়ে উঠল সুরেশ্বর। উঠে দাঁড়িয়ে বারংবার পাশ্চাত্যি ক'রে সুরেশ্বর বললে—লোকে বলে এ বাধা রায়বাড়ীর সেই অলঙ্ঘনীয় অভিশাপের বাধা।

সেই ধর্মশাধনার বিকৃত পন্থার যে অভিশাপ অর্জন করেছিলেন শ্রামিকান্ত, আর যে অভিশাপকে সম্পদের পথে কালনাগিনীকে বৃকে ধরার মত ধরেছিলেন সোমেশ্বর রায়—সেই বাধা। নারীর বাধা।

লোকে অন্তত তাই বলে। শিবেশ্বর রায়ও তাই বলেছিলেন, বড় ছেলে যজ্ঞেশ্বর রায়ও তাই বলেছিল। এবং আরও অনেক জনেই তাই বলেছিল। বলেছিল—যে অভিশাপাত্তকে রত্নেশ্বর রায় কঠোরভাবে বংশ থেকে বিদায় করেছিলেন, মুছে দিয়েছিলেন, সেই অভিশাপাত্তকে দেবেশ্বর রায় ওই যোগিনীসাধনের সিদ্ধাসনের জরুল থেকে বয়ে নিয়ে গিয়েছিলেন। এতদিন পর তাকে ছাড়তে গেলে সে ছাড়বে কেন? সে এসে তাঁর সামনে দাঁড়িয়েছিল।

দেবেশ্বর রায় কিরে কলকাতায় এসেছেন শুনে তাঁর সামনে দীর্ঘদিন পরে এসে দাঁড়িয়েছিল ভায়লেট। তখন সে দুর্দান্ত মাতাল; পর পর ডাইভোর্স ক'রে তৃতীয় স্বামী নিয়ে ঘর করেছে। ঘর করার অর্থ নিতান্তই একটা অর্থহীন ব্যাপার। এই হতভাগিনী যেহেতুকে নিয়ে কতকগুলো পেশাদার দালাল জেগীর জীব ব্যবসা করত মজা খাত্ত আর আশ্রয় দিয়ে। এলিয়ট রোডের যে বাড়ীটা রত্নেশ্বর রায় ভায়লেটের ছেলে পিঙ্গলকে দিয়েছিলেন, বাকি লেখাপড়া শেখাবার মাসোহারা দিতেন দেবেশ্বর রায়, সে ছেলের লেখাপড়া হয় নি, শেষ পর্যন্ত তাকে একটা চাকরি দিয়েছিলেন দেবেশ্বর রায় তাঁদের ফার্মে; ডকে তার কাজ ছিল; রায় চক্রবর্তীর কয়লা চালান যেত দেশান্তরে, সে ডকে বোঝাইরের কাজ দেখত, সে ছেলে তখন মরেছে। একমাত্র কন্যাকে কোলে নিয়ে তার স্ত্রী শান্তীকে বাড়ীতে ঢুকতে দিত না। সে বেড়াত পথে পথে। তখনও তার রূপ ছিল, তখনও তার দেহ ছিল; বিবাহের নামে আশ্রয় দিয়ে কয়েকটা পাশও তাকে ব্যবসার সাহায্য করে তুলেছিল। প্রথম প্রথম হয়তো ভায়লেটের ভাল লেগেছিল কিন্তু ক্রমে ক্রান্ত শ্রান্ত হয়ে খুঁজেছিল একটি নিরাপদ আশ্রয়। অথবা তার অন্তঃস্থ কামনা চেয়েছিল তার জীবনের প্রথম ভালবাসার মানুষকে। অথবা অভিশাপ নিজের আগুন পাতবার জন্ত চেয়েছিল অভিশপ্ত জনকে।

সে-কালে দেবেশ্বরের জীবনের পরিবর্তনের ঠিক মুখেই ভায়লেটের আবির্ভাব নিয়ে গবেষণার আর অন্ত ছিল না সন্দেহ। ছিল না বলেই তার উল্লেখ করছি।

কিন্তু আসলে প্রথমটা ছিল ব্ল্যাক মেলিংয়ের ব্যাপার। ভায়লেটের একটা মাসোহারা ছিল। সে আমলে সে মাসে চল্লিশ টাকা হিসেবে পেত এ বাড়ীর সেরেস্তার খাজাকির কাছ থেকে। কিন্তু তার বাড়ী ঢুকবার হুকুম ছিল না। টাকাটা লোক-মারফৎ পাঠিয়ে দেওয়া হ'ত। এবার ভায়লেটের স্বামী তাকে পাঠালে, তুই যা, বল এ টাকার আমার কুলুচ্ছে না,

আমাকে আর কিছু দাও। ওই এলিগট গোরের বাড়ী থেকে তোকে তাড়িয়ে দিলে তোর বেটার বউ, তুই থাকবি কোথায়? তোকে একটা বাড়ী দিতে বল। এতনা বড়া আনমী—  
a rich man. I have seen the big house—beautiful horses and couches—he must pay.

ডায়ালগেট ভয় করত রায়বাবুকে। ভয় করত ভালও বাসত। ছুই-ই। তার ঐশ্বর্য, তার জাঁকজমক—কীর্তিহাটের প্রজাপের স্থিতি তার মনে পড়লে সে বিহ্বল হয়ে পড়ত। সেই রায়বাবু যখন তাকে চিঠি লিখে ভালবাসার কথা জানিয়েছিল তখন তার মনে হয়েছিল যে তার নিশ্বাস বোধ হয় বন্ধ হয়ে যাবে। কিন্তু তরুণ রায়বাবুর বদলয়া হয়ে তার ভয় সত্ত্বেও সে কেমন আত্মশ্রদ্ধা হয়ে গিয়েছিল। কেবলই মনে হ'ত রায়বাবু তার রায়বাবু। তার রায়বাবু।—তারপর কলকাতায় এসে কিছুদিনের মধ্যে অনেক কিছু শিখেছিল, অনেক কিছু শেয়েছিল কিন্তু ভয় তবু কাটে নি। সে ভয় আবার প্রচণ্ডতম হয়ে তাকে আচ্ছন্ন করলে যেদিন রায়বাবু বললে—দাঁড়া তোকে গুলি করি, করে নিজের বুক গুলি করে ছুজনে মরবো।

সে প্রথমটা ভয় পেয়েছিল নিজের মৃত্যুর ভয়। কিন্তু তাকে যুদ্ধাভ্যাসে সরিয়ে দিয়ে নিজের বুকের কাছে বন্দুকের নল লাগিয়ে রায়বাবু যখন অবলীলাক্রমে বন্দুকের ট্রিগার টেনে দিলে, তখন তার আর আতঙ্কের সীমা ছিল না।

রায়বাবু কি না পারে।

তারপর থেকে সে আর রায়বাবুর সামনে আসে নি। রায়বাবুর জন্তে বুক তার কেটে যেত তবু সে আসতে সাহস করত না। চৌরঙ্গীর পথে কতদিন রায়বাবুর ফিটন দেখে সে লুকিয়ে পড়েছে। ছুটতে ছুটতে পাগিয়ে এসেছে। বুকের ভিতরটায় খেন ঝড় বয়ে গিয়েছে।

ছেলে মারা গেলে একবার সে এসেছিল, ছুটে এসেছিল ফ্রী স্কুল স্ট্রীট ধরে এই বাড়ীর কটকে, কিন্তু কটকেই থমকে দাঁড়িয়ে গিয়েছিল। কিছুক্ষণ পর চোখ মুছতে মুছতে ফিরে গিয়েছিল। সাহস হয় নি। এককাল পর, তেইশ বছর পর তাকে প্রায় চাবুক মেয়ে পাঠালে তার নতুন স্বামী মিস্টার জোনস।

জোনসও তার সঙ্গে এসেছিল প্রথম দিন। এবং রায়বাবুর লেখা পেতে এতটুক কামেলা পোরাতে হয় নি। একেবারে সামনেই পেয়েছিল তাকে। দেবেশ্বর রায় বসেছিলেন বাগানের মধ্যে সেই বেদীটার উপর, যে বেদীটার উপর বসে বহুকাল আগে শ্রামাকান্ত আনবাজার দিন পশ্চিম আকাশে কালো মেঘের উকি দেখে মেঘমল্লার গেরেছিলেন। সেই মার্বেলের বেদীটার উপর বসে দেবেশ্বর কথা বলছিলেন বোগেশ্বরের সঙ্গে।

হঠাৎ এসে দাঁড়াল তারা।

—Excuse me, sir—

দেবেশ্বর ফিরে তাকালেন। মুখ তাঁর লাল হয়ে উঠল। ডায়ালগেট তাঁর দিকে একদৃষ্টে তাকিয়ে আছে। ঠোঁট হুটো খরখর করে কাঁপছে।

দেবেশ্বর ছেলেকে বলেছিলেন—তুমি জিতবে যাও বোগেশ্বর। হ্যাঁ, আর কটকের  
জা. হ. ১৮—১১

দারোয়ানটাকে একুনি ডেকে ডিনবিস্ করে দাও।

যোগেশ্বর চলে গিয়েছিলেন। দেবেশ্বর জোনসকে বলেছিলেন—Yes, what can I do for you, well before that—who are you please.—Good evening sir—my name is Albert Jones—and let me introduce Violet Mrs. Jones...

—I see—she is Mrs. Jones now. And then?

হৃদয়ে দাঁত মেলে হেসে জোনস বলেছিল—She wants money—Roy Babu, she is your old friend.

ভারলেট মুখে কিছু বলে নি, কানে পাবে নি, কিন্তু অজস্রবার শুধু কৈদে ছিল। চোপ দিয়ে বাঁধভাঙা নদীর জলের মত জলের ধারা নেমেছিল।

—কত টাকা চাই?—ভারলেট?

ভারলেট উত্তর দিতে পারে নি, সে শুধু কৈদেই গিয়েছিল। জোনস কিছু বলতে চেষ্টা করেছিল কিন্তু দেবেশ্বর বলতে দেন নি। বলেছিল—Please Mr. Jones—you please keep quiet. বল ভারী কত টাকা চাই—বল।

বলতে ভারলেট কিছু পারে নি; তা না পারুক দেবেশ্বর নিজেই খাজাঞ্চীকে ডেকে পাঁচশো টাকা নিয়ে ভারলেটের হাতে দিয়ে বলেছিলেন—নিরে যাও। তারপর জোনসকে বলেছিলেন—দেখ মিস্টার জোনস, আর যেন এ বাড়ীর কটকে ওকে নিয়ে বা একলা মাথা গলাবার চেষ্টা করে না।

ভারলেটকে বলেছিলেন—ভারী, তোমার ছেলের মেয়ে তোমার আঁতুড়টার পাঁচ বছরের হল,—তাকে কনভেন্টে রেখে পড়ানোর ব্যবস্থা হবে আছে।—Don't forget that you are now a Grandma. বুঝতে পারছ আমার কথা?

সেদিন তারা চলে গিয়েছিল। কিন্তু তারপর থেকে এই বাড়ীটার আশেপাশে হঠাৎ বেশভাষা নারীকণ্ঠের ডাক উঠতে লাগল—

—রায়বাবু। মাই রায়বাবু।

একটা কিরিকী মেমসাহেব—আধ-পাগলের মত তার বেশভূষা—অখোরঝরে কীলত আর জাকড—রায়বাবু—মাই রায়বাবু।

দেবেশ্বর রায় বাইরে বারান্দায় বা বাগানে থাকলে ঘরে গিয়ে ঢুকতেন। হঠাৎ একদিন ছোটছেলেকে ডেকে বললেন—আমার মনে হচ্ছে নেমিসিগের মত একটা কিছু আসছে। আসবার কথাই বটে যোগেশ্বর। তার জন্তে আমি দুঃখিত নই অকুতপ্ত নই। তবে আমার একটা কাজ বাকী আছে। সেটা আমাকে সেরে কেগতে হবে তার আগে। কাজটা তোমার মাঝের কাছে—তার সঙ্গে কাজ। তোমাকে একটা জিনিস বলে বাই, মাই লাস্ট ওয়ার্ড। তুমি লেখাপড়া শিখেছ। আমি যেটা চেয়েছিলাম নিজে—যেটা আমার লক্ষ্যের জন্তে ঐশ্বের জন্তে, এ্যাও—আরও কিছুই জন্তে হয় নি—সেটা তোমার হয়েছে। সেই জন্তে তোমাকে আমি লগন টাকা আর বাড়ী দিয়েছি। তুমি বিকেনস কর, অমিয়ারী থেকে দুয়ে

থেকো। এ্যাও ক্রম উয়োম্যান। বিয়ে ক'রে যদি সংসারী হ'তে পার—সাধারণ মানুষের মত, তা হ'লে বিয়ে করো। নইলে করো না।

যোগেশ্বর শুনেছিলেন অনেক কিছু। এই জানবাজারের বাড়ীতে পুংনো চাকর-বাকর কর্মচারীদের চাপা কথা কিসকালের মধ্যে থেকে শুনেছিলেন, শ্রেনেছিলেন। জানতেন তাঁর বাপের জীবন। তিনি চুপ করে ছিলেন। কি উত্তর দেবেন এর।

দেবেশ্বর ক'দিনের মধ্যেই কিরে এসেছিলেন কীর্তিহাট।

শ্রী কাছে তিনি কমা চেয়েছিলেন, হাতজোড় করে বলেছিলেন—আমাকে কমা কর।

শ্রী হেসেই সারা হয়েছিলেন। কমা? কিসের কমা?—বেটাছেলে আবার মেয়ের কাছে কমা চায়। তিনি শুনেই চান নি কোন কথা। আপনার সেই ধরাবাধা জীবনের ছকের মধ্যে যথানিয়মে ঘুরেই বেড়িয়েছেন দিনরাত্রি। ভোরে উঠতেন—উঠেই গোবিন্দ-মন্দিরে। কিরতেন গোবিন্দের ভোগের পর। তারপর অতিথিসেবা। বেলা চারটে পর্যন্ত বসে থাকতেন অতিথির জন্ত। তারপর আহার। শুতেন রাত্রি বারোটার সময়।

দেবেশ্বর রায় চুপ করে বসে থাকতেন শ্রীর প্রীতিকার।

শ্রী এসে ভিরঙ্কার করতেন—এ তোমার কি কাণ্ড, কি ব্যাপার? আমার উপর এক অত্যাচার শুরু করলে বল তো! কেন? বেশ তো ছিলে। আমি তো কোন আপত্তি করি নি, বাধা দিই নি।—

দেবেশ্বর কথা বলতেন না—হাসতেন।

এরই মধ্যে রায়বাড়ীতে শিবেশ্বর বাথালেন বিরাট মায়ালা। রত্নেশ্বর রায়ের কাছারীতে আগুন দেওয়ার প্রতিশোধ নেবার পথ না পেয়ে ধৈর্য হারিয়ে ফেলছিলেন তিনি—এমন সময় একটা খানপতিভের উপর গোপথের অধিকার নিয়ে ফৌজদারী বেধে গেল। একসঙ্গে গোহত্যা, নরহত্যা দুই হয়ে গেল। ওয়ারেন্টের ভরে শিবেশ্বর আর তাঁর বড়ছেলে ধনেশ্বরকে গা-ঢাকা দিতে হল। দেবেশ্বরকে বাধ্য হয়ে কাছারীতে বসতে হল।

এরই মধ্যে হঠাৎ একদিন।

রত্নেশ্বর রায়ের খাস কাছারী—ধে-ঘরটার অতুলেশ্বর পিতৃলের কাটিঙ্গ, বোমার সরঞ্জাম সুকিয়ে রেখেছিল, সেটা রত্নেশ্বর রায় বড়ছেলেকেই দিয়ে গেছেন—সেই কাছারীর বাগান্দার সন্ধ্যার সময় বসেছিলেন দেবেশ্বর রায়।

হঠাৎ প্রচণ্ড চীৎকারে তিনি যেন কেটে পড়লেন—গেট আউট, গেট আউট আই সে—গেট আউট।

এবং সঙ্গে সঙ্গে একটা লোকের প্রচণ্ড ক্রুদ্ধ চীৎকার এবং তাঁর পরমুহূর্তেই সে-চীৎকার আর্তনাদের মত ধ্বনিত হয়ে উঠেছিল। না দেখেও সকলে বুঝতে পেরেছিল যে কোন একটা লোক ক্রুদ্ধ চীৎকার করে উঠেই পরমুহূর্তে আর্তনাদ করে ছুটে পালাল। তারপরেই একটি নারীকণ্ঠের আর্ত চীৎকার।

দেবেশ্বর রায়ের চাকর অনন্ত শুণু সাক্ষী ছিল।

দেবেশ্বর রায় সন্ধ্যার অন্ধকারের দিকে তাকিয়েছিলেন আর আপনমনে পূর করে

ইংরিজীতে কিছু বলছিলেন। সম্ভবতঃ কবিতা আবৃত্তি করছিলেন। সে আলো আলতে গিয়েছিল ভিতরে। হঠাৎ বড়বাবু চীৎকার করে উঠেছিল—Get out, Get out I say—Get out. তার চেয়ারের ঠেসানের পিছনে ঝুলিয়ে রাখা ছিল তার মাশাকা বেডের শখের ছড়িটা, সেই ছড়িটা টেনে নিয়ে তিনি আখালি-পাখালি পিট্‌ছিলেন একটা ক্রিসিকেকে। লোকটা প্রথমটা গর্জন করে উঠে হাত দিয়ে ধরতে চেষ্টা করেছিল এই ছড়িগাছটা কিন্তু তা পারে নি। না পেয়ে আতঁ চীৎকার করে ছুটে পালাল। তার সঙ্গে ছিল একটা ক্রিসিকী মেয়ে। সে-মেয়েটা কাতর আতঁনাদ করে গড়িয়ে পড়েছিল বারান্দার উপর।

নিমাই এসে পাখরের মত দাঁড়িয়ে গিয়েছিল। শুদিকে কাছারীর কর্মচারী ও লোকজন সকলে দূরে দূর কোতুহলে উদ্‌গ্ৰীব হয়ে দাঁড়িয়ে গেছে। পুরুষটার চীৎকারের সঙ্গে নারী-কণ্ঠের চীৎকার শুনে তারা ধমকে গেছে।

কিছুক্ষণ পর মেয়েটা উঠে দাঁড়িয়েছিল। দেবেশ্বর রায় কঠিনস্বরে তাকে উঠতে বলেছিলেন—সে-আদেশ সে অমান্য করতে পারে নি। উঠে মাথা হেঁট করে চলে গিয়েছিল।

দেবেশ্বর রায় ডেকেছিলেন—নিমাই।

মুহূর্ত্তের নিমাই বলেছিল—হুজুর।

—বা, উপরে আমার ঘরে বাবার মৃত্যুর পর যে-হইন্ডির বোতলটা তুই আমার সামনে ধরেছিলি, সেটা আগমারিতে রয়েছে। আজ বেন চোখে পড়েছে আমার। সেটা নিয়ে আর।

—মাজে।

—বা, সেটা নিয়ে আর। আর মাস।

দীর্ঘ এক বছরের উপর সময়ের পর আবার সেদিন দেবেশ্বর রায় হইন্ডির বোতল নিয়ে এসেছিলেন।

বাধা কে দেবে? শিবেশ্বর-ধনেশ্বর মামলার ভয়ে কীতিছাট থেকে সরে গেছেন। দেবেশ্বরের ছেলেরা কলকাতায়। পারভেন এক স্ত্রী মানিকবউ কিন্তু তিনি সন্ধ্যার তখন গোবিন্দজীর মন্দিরের বারান্দার হাতজোড় করে বিগ্রহের মূখের দিকে তাকিয়ে আপনমনে কথা বলছেন, কখনও হাসছেন, কখনও তিরস্কার করছেন। নিমাই তার কাছে গিয়েও ছিল, ধবনও দিয়েছিল। কিন্তু তিনি বুঝতেই পারেন নি নিমাইয়ের কথা।

নিমাই বাধা হয়ে কিরে এসেছিল। বাবুকে ফেলে ঠাকুরবাড়ীতে দাঁড়িয়ে মাঠাকরুণকে সমস্ত বুঝিয়ে বলবার মত সময় তার ছিল না। কিরে এসে নিমাই চমকে উঠেছিল। বাবু কই? হুজুর?

বারান্দা শূন্য, ঘর শূন্য, দেবেশ্বর রায় নেই।

কোথায় গেলেন?

—হুজুর! বড়বাবু!

কাছারী সচকিত হয়ে উঠেছিল। সে কি? কোথায় গেলেন? বড়বাবু, দেবেশ্বর রায়, তিনি পাহাড়ের মত অটল, তিনি কোথায় গেলেন? কোথায় যাবেন। কাছারী থেকে

হারিকেনের আলো হাতে হিন্দুবাবী চাপরাশীরা ছুটেছিল। দেখতে দেখতে গোটা গ্রামটা সচকিত হয়ে উঠেছিল। তখনকার দিনে রায়বাড়ী কীৰ্ত্তিহাটে হলেও কীৰ্ত্তিহাটই ছিল রায়বাড়ীর মধ্যে। রায়বাড়ীর এলাকার বাইরে গ্রামের বসতি সে ছিল সম্পূর্ণ আলাদা। তার সঙ্গে রায়বাড়ীর সম্পর্ক ছিল যৌদ্ধা এবং লাইটের সম্পর্ক। তার বেশী কিছু নয়। সম্পর্ক ছিল খাজনা দেওয়া-নেওয়ার, সম্পর্ক ছিল অহুমতি গ্রহণের; গাছ কাটবে তার অহুমতি, ঘরের বনিয়াদ কাটবে তার অহুমতি, বিয়ের অহুমতি, আঁকের অহুমতি, তাছাড়া জীবনের প্রতি পদে নানা অহুমতিগ্রহণের অহুমতি, মেবার জন্ম। তাছাড়া অহুমতি, সে অনেক, সে পদে-পদে, অন্নপ্রাশনে, বিয়েতে, পৈতৃভেতে—মাছ চাই, কাঠ চাই, কড়াঁদায়ে অর্ধও চাই। পিতৃদায়ে—বাঁশ, কাঠ, মাছ, অর্ধ চাই। প্রয়োজন হলে বিয়েতে রায়দের গাড়ী চাই। এছাড়া ইলানীং শিবেশ্বর শখের খিরেটার খুলে রিহারসালকয়ে একটা প্রবেশাধিকার দিয়েছিলেন গ্রামের কিছু লোককে। সে অন্ন কিছু। আজ কথাটা দেখতে দেখতে গ্রামে ছড়িয়ে পড়ল। ছড়িয়ে পড়ল বিচিত্র চেহারা নিয়ে। কে রটালে, কার কল্পনা কেউ জানে না, বললে—সন্ধ্যার আবছা অন্ধকারে অশরীরী একটা পুরুষ আর একটা নারী, একটা প্রেত আর একটা প্রেতিনী বড়বাবুকে টেনে নিয়ে গেল।

গোটা গ্রামের মানুষের স্তব্ধন একটা কলরব সৃষ্টি করে তুলেছিল। পথে পথে আলো আর মানুষ। মানুষ আর আলো। কংসাবতীর তটভূমির জল ভেঙে ভেঙে খোঁজ শুরু হয়েছিল।

—বড়বাবু! হ-জু-র! ব-ড়-বা-বু!

শেষ প্রায় রাজি হুপুর নামান দেবেশ্বরকে পাওয়া গিয়েছিল কাঁসাইয়ের গর্ভে বালুঘরের উপর। অজ্ঞান হয়ে পড়েছিলেন। দেহের তাপ প্রবল। যেন পুড়ে যাচ্ছে। ধরাধরি করে তুলে এনে তাঁকে শুইয়ে দিয়েছিল তাঁর বিছানায়।

কিছুক্ষণ পর চোখ মেলেছিলেন কিন্তু দৃষ্টি বিহ্বল বিকারগ্রস্ত। চীৎকার করে উঠেছিলেন—গেট আউট, গেট আউট! গেট আউট আইসে। শাট দি ডোর। শাট দি ডোর!

রাজি হুপুরের পর মানিকবট দেবতাকে শয়ন করিয়ে অন্যরে এগে স্বামীর ওই অবস্থা দেখে সবিস্ময়ে প্রশ্ন করেছিলেন—কি হল?

কিন্তু উত্তর শোনেন নি। এসে নিরয়ে বলে স্বামীর মাথা কোলে তুলে নিয়ে ডেকেছিলেন—বড়বাবু! বড়বাবু! বড়বাবু গো! বড়বাবু! কথা বল। বড়বাবু!

কিন্তু বড়বাবুর চেতনা আর ফেরে নি।

ওই এক কথাই তিনি বলেছেন শেষ পর্যন্ত। গেট আউট। আর, শাট দি ডোর।

স্বদেশর বললে—সুলতা, জোন্স ডায়লেটকে নিয়ে কীৰ্ত্তিহাট পর্যন্ত যাওয়া করেছিল সে-কথা নিশ্চয় বলতে হবে না। জোন্সকেই দেবেশ্বর রায় আখালি-পাতালি বেত দিয়ে মেরেছিলেন।

জোন্স পালিয়েছিল সেই রাতেই। তার ভয় হয়েছিল—হয়তো বা তাকে খুন করেই কেলবে রায়বাবু। পোয়ানোও তাই বলেছিল তাকে। সে পালিয়েছিল কিন্তু ডায়লেট



পালার নি। সে ছিল। রাণবাবুর মৃত্যুর পর ভারলেট ওই সিদ্ধাসনের জ্বলে সেই যোগিনীর ঘরের ভিতর বিধিধরে আত্মত্যাগ করেছিল। ওখানটার কড়ে ফুলের গাছ আছে প্রচুর। কড়েফুলের বীজ বিধি, ওটা লিখেছিল অবস্ত এখানে এসেই। সে-কথা ভারলেট ফুলে যায় নি।

সুবেশ্বর বললে—সুলভা, অর্চনাকে দেখে সেদিন আমি অদৃষ্টকে মেনেছিলাম। অর্চনা বিধবার বেশে বসেছিল। আমাকে দেখে কীদে নি। পাথরের মূর্তির মত শুকনো চোখে বসেছিল সে।

একটা দীর্ঘনিশ্বাস কেললে অর্চনা।

সুবেশ্বরও সকে সকে দীর্ঘনিশ্বাস কেললে—তার সকে সুলভাও। সুবেশ্বর বললে—এত বড় দুঃখ আমি বাবার মৃত্যুসংবাদেও পাই নি। বরং চতুর্দিকে নিয়ে যখন তিনি বাঘ থেকে চলে বান, তখন খবর পেয়ে এমনি ধরনের আঘাত পেয়েছিলাম। তবুও সে-আঘাতের পরিমাণ এর থেকে কম। তাতে বাবার মৃত্যু-সংবাদ ছিল না। এতে একসঙ্গে দুটো! যদিও স্বখীনের মন খাওয়ার কথা আমি যেদিনীপুর্বে বাবার আগে জেনে গিয়েছিলাম এবং নারীসংক্রান্ত ব্যাপার নিয়ে কিছুটা সন্দেহও আমার হয়েছিল। একটা নাস' নিয়ে প্রবেশেরদানার সঙ্গে ওর সঙ্গে ওর আলাপের কথাও আমার কানে এসেছিল। অমূল্যশোচনা আমার তখনই হয়েছিল কিছু হাত তো আর কিছু ছিল না। ১৯৩৬-৩৭ সালে হিন্দু ঘরে ডাইনোস' দূরের কথা, স্বামীর চুই চরিত্রের জন্ত স্বামী ভাগ করে স্বাধীনভাবে জীবন-যাপনের দৃষ্টান্ত দু-চারটের বেশী ছিল না। তাছাড়া কতিপয়টার রাণবাবু'র ঘরে। এবং যে-যেয়ে অবিকল তার বৃদ্ধ পিতামহী সতীবউরানীর মত দেখতে। রাণবাবু'র প্রবীণদের বিশ্বাস—সতীবউরানীর সে-জন্মে ভোগ করে আশ মেটে নি, তাই এ-জন্মে ভোগ করতে এসেছিল।

সতীবউরানীর ভোগ-আকাঙ্ক্ষার ভাগ্য, আর রাণবাবু'র ভাগ্য। ভরাতি রাণবাবু'র যিনি এসে সারাজীবন তপস্বী করলেন, সারাজীবন সন্ন্যাসিনী সজে থাকলেন। বাগ্নে তরা রইল বেনারসী শাড়ী, মুরশিদাবাদের গরদের শাড়ী, বনোয়া বিষ্ণুপুরের গরদ তপস্বীর শাড়ী, ঢাকাই বালুগ্রী কংসডাঙ্গা শক্তিপুরের শাড়ীর গোড়া সিন্দুক তোলা রইল—মণিমুক্তা-হীরে-জহরতের জড়োরা গহনা, খাঁটি পাকাসোনার ভারী ভারী গহন—তপস্বী শেষ হলো আর গায়ে পরলেন না। ফুলেল তেলের বোতল গড়াগড়ি গেল, চলে যাবলেন না, বিকিতি খাঁটি ফরাসী দেশের সেন্ট-ল্যাভেণ্ডারের বাটারে শিশি, দামী আতরের পলকাটা শিশি আলমারিতে সাজানো রইল, কোনদিন মাখলেন না; ভিন্টি যদি রাণবাবু'র যে আমলে বেনারসী সিন্দু দূরে থাক, তাঁদের শাড়ীর সাধ মেটে না, এমন কি মিলের শাড়ীও সময় সময় সেলাই দিয়ে পরতে হয়, হাতে সোনার পাল-মোড়া লোহা পিতলের চুড়ি পরতে হয়, সেই আমলে ভোগের জন্ত পুনর্জন্ম নিয়ে থাকেন, তবে তার ভাগ্য ছাড়া কাকে দোষ দেব বল ?

অর্চনাও সেদিন এ-ঘটনাকে ভাগ্য বলেই যেনে নিয়েছিল। আমিও তাই মানতে চেয়েছিলাম কিন্তু ঠিক যেন পারি নি। দোষটা নিজের ঘাড়ে পড়ছিল। বার বার মনে হয়েছিল, ধনেশ্বরকাকার স্ত্রী জনাইয়ের কাকীয়ার দেওয়া সন্ধান পেয়ে আমি ছুটে এসেছিলাম, এসে

অন্নপূর্ণা-মাকে পেয়ে তাঁর সাজানো সন্সার দেখে ডাক্তার-ছেলেটিকে দেখেই মুগ্ধ হয়ে গেলাম। আর খোঁজ করলাম না। তার সঙ্গে বিয়ে দিলাম। টাকাকড়ির দিক থেকে সুবিধে করতে বাইনি, খরচ আমি অনেক করেছিলাম। এবং এই বিয়ের ব্যাপারটা না ঘটলে অন্নপূর্ণা-মা জান-বাঝারের বাড়ী আসতেন না। আর কুইনী এবং হলদীকে দেখে আমার পিতামহ তাঁর দেবু-ভাইপোর অপরাধ, তাঁর দৌবনের জ্বলের পাঁপমোচনের কথাও তাঁর মনে হত না। সেটা এমন ভাবে মনে পড়েছিল যে, তিনি এলিয়ট রোডের বাড়ী খালাস করাটা অর্চনার বিয়ের পণের মধ্যে ধার্য করেছিলেন। তাতেও আমি অমত করি নি। বিয়েতে রথীন প্রথম অমত করেছিল, অন্নপূর্ণা-মা জোর করে তাকে রাজী করিয়েছিলেন। যজ্ঞেশ্বর'র জ্যাঠামশাই আমার জেহের অপব্যাখ্যা করে বেনামী চিঠি দিয়েছিলেন, অন্নপূর্ণা-মা তাও অগ্রাহ করেছিলেন। কিন্তু সেদিন তিনি অগ্রাহ না করলেই ভাল করতেন।

হঠাৎ থেমে গেল সুরেশ্বর। তারপর বললে—মাঝখান থেকে একটা কথা বলে নিই মূলতা, কথাটা ১৯৩৭ সালের নয়—কথাটা যুদ্ধের সময়ের বছর কয়েক পরের। জ্যাঠামশায় যত্ন-শয্যার তখন। আমাকে ডেকেছিলেন। তাঁর দুই ছেলেই তখন ওয়ার-কন্টাক্টের নামে যত হীনতম কাজ হতে পারে তা করছে। রোজগার যথেষ্ট করজু কিছু বাঁপকে দেখতো না। সে-সময় তিনি নিদারুণ অজাবের মধ্যে পড়ে আমাকে ডেকেছিলেন টাকার জন্তে। সে-সময় পাঁচটা কথার মধ্যে বলেছিলেন—অর্চনা সম্পর্কে বেনামী চিঠি লিখেছিলাম, তাঁর জন্ত তখন অল্পশোচনা হয় নি, আজ অল্পশোচনা হচ্ছে। কিন্তু কি জানিস—আমি তোদের দুজনের যে ভাইবোনের ভালবাসা এটা সহোদর-সহোদরা হলেও আমার মনে সন্দেহ জাগাতো। তাছাড়া আমার একটা রাগ ছিল, আক্রোশ ছিল—কঠিন আক্রোশ। যখনই আর জগদীশ্বর দুই ভাই আমার মাকে ঠাকুরবাড়ী ঢুকতে দেয় নি—বলেছিল, ভোমার জাত গেছে জ্যাঠাইমা, তুমি ঠাকুরবাড়ী ঢুকো না। আমি তাঁর শোধ নিয়েছিলাম। সেটা আমি ভুলি নি। জমিদারের বাচ্চা আমি, ব্যবসাদার হতে গিয়ে সর্বস্বান্ত হয়েছি কিন্তু জাত যায় নি, জাতে সেই গোখরোই আছি—ভোরাদার বাবই আছি, রাগ আমরা ভুলিনে। তবে মেয়েটা সত্যিউরানীর মত দেখতে, তাই দুঃখ হয়। আজ হচ্ছে।

একটা দীর্ঘনিঃশ্বাস ফেলে চুপ করলে সুরেশ্বর। কিছুক্ষণ পর আবার বললে—ঐ কথাটা আগেও তো বলেছিলেন জ্যাঠামশাই, যখন এলিয়ট রোডের বাড়ীর দরুন পাঁচ হাজার টাকা আমার কাছে নেন। সেদিন কিন্তু সমস্ত ব্যাপারটার ব্যাখ্যা করেছিলাম অর্থগুরুতা। কিন্তু বিধবা অর্চনাকে দেখে সেদিন মনে হল অর্চনার ভাগ্য।

পরের দিন কিয়ে এলেন রথীনের বাপ। যাহুখটি অসীম ধৈর্যশীল যাহুখ, উনবিংশ শতাব্দীর শেষদিক হতে বেসব ধীর-স্থির যাহুখ, আনন্দ-বেদনা-উদ্ভাস-দুঃখ নিঃশব্দে অভিব্যক্তিহীন মুখে শুকনো চোখে সয়ে গেছেন, ডানদেহই দলের যাহুখ।

বিবরণ তাঁর কাছে জানলাম, সংক্ষেপে জানালেন তিনি। একান্ত অপরাধীর মতই জানালেন—দেখ সুরেশ্বর, ঠাকুরমা আজ নেই, তিনি খবর পেয়ে বাঁচবেন না এ আমি জানতাম; টেলিগ্রামে খবরটা সেই উকেড়েই জানিয়েছিলাম। যদি এই খবরটা শব্দভেদী বাণের মত তাঁর

বুকে বঁধে প্রাণটা বেরিয়ে যায় তো থাক। তিনি যেন সব খবর না-শোনে না-জানতে পারেন। অথচ আশাতটা পান।

একটু চুপ করে থেকে বললেন—এ ভালই হয়েছে, তিনি সব না-জেনেই চলে গেছেন। জেনেনশুনেন গেলে সে তাঁর পক্ষে বড় মর্যাদাসিক হত। অনেক অহংকার করে ভগ্নতা করার মত কুসুপাশন করে তিনি শব্দরবানী বাঁপের বাড়ী দুই কুল ছেড়ে নিজের কুল নিয়ে গড়ে এই বাড়ীর পত্তন করেছিলেন। ছেলে, নাতি, তাঁরপর তাদের ছেলেদের নিয়ে তাঁর অহংকার ছিল, প্রচণ্ড অহংকার, লক্ষ্মী-সরস্বতী দুজনের চারখানি চণকমল তাঁর ঘরে অচঞ্চল হয়ে বিরাজ করছে। বলতেন—আলতাওয়াঁ চারখানি পা আমি চোখ বুজলে দেখতে পাই—পদ্মের উপর রেখেছেন তাঁরা। কিন্তু তিনি জানতেন না, শুধু রথীন্দ্র নয়, রথীন্দ্রের আগে থেকেই এ বাড়ীর খারাপাটেছে। কালের কাণ্ডার সব পাঁটে গেছে। লক্ষ্মীর আটন গেছে, সরস্বতীর পিঁড়ে গেছে; লক্ষ্মী-সরস্বতীর ভোল পাঁটেছে। এ-বাড়ীর ছেলেদের চরিত্র গেছে। মদ ঢুকেছে, তাঁর সঙ্গে—

কথাটা এই মূলতঃ যে, রথীন্দ্রের ছোটকাকা গোপনে মদ খেতেন। রথীন্দ্র ডাক্তারী পড়তে গিয়ে পড়ার সময় থেকে ডাইনাম গ্যাংগেসিয়া থেকে শুরু করেছিল। হাসপাতালে নার্সদের কাছে সে নিজে আকর্ষণের মাহুয ছিল—নার্সরাও কেউ কেউ তাকে আকর্ষণ করত।

১৯২০ সালের পর থেকে কাণটা অতিবিত্ত। তাঁর সংজ্ঞা বা তাঁর স্বরূপ তোমার জানা মূলতঃ। রথীন্দ্রের কাছে জীবনের চরিত্রের মূল্য কিছু ছিল না। কিন্তু সে-কথা সে মতঃ হিসেবে ঘোষণা করে বলে নি কোনদিন—ক্রেতারলি সে এস-এস গোপন করে চলে এসেছে, চালিয়ে এসেছে। কেউ দবচে পারে নি। সেদিন যানে যেদিন কলকাতা থেকে যেদিন পুর আসি, সেইদিন শুধু আমি অনেক রকম শুধুদের গাঙ্গু চাকা-দেওয়া মদের গন্ধটাকে তাঁর মুখের পান-জরীর গন্ধের মধ্যে থেকে আবিষ্কার করেছিলাম। আমি চিন্তাম গন্ধটাকে, তাই আবিষ্কার করতে পেরেছিলাম। সঙ্গে সঙ্গে মনে খটকাও যেত—‘এইটো এটা সইতে পারবে তো?’ জানতে সে পেরেছে এত সন্দেহ আমার ছিল না, কিন্তু সইতে কতদিন পারবে বা এ নিয়ে তাঁর সঙ্গে এরই মধ্যে ঝগড়াকাঁ টি শুরু হয়েছে কিনা বুঝতে পারি নি।

যেহেতু দুজনের মূলতঃ। তাঁদের প্রকৃতি-টাকি অন্ধকারের মত, ঘড়ই উজ্জল আলো জ্বালো, তাঁর সবটা আলোর স্পষ্ট হবে না, আলোর ঠিক নিচেটাতেই ফমা করে রাখবে আপনার আসল স্বরূপকে।

নারী-প্রকৃতির আদিম স্বরূপ নাকি কালরাত্রি, মহারাত্রি, মোহরাত্রির অন্ধকারকে একসঙ্গে জমিয়ে তৈরী হয়েছে। একে জানা যায় না। নারীও বোধ হয় নিজেকে নিজে জানে না। আরনা না হলে যেহেতু চলে না, আজকাল ভাষাটি বাগে বাগে ছোট আয়না হাতে হাতে করে। অল্প কিছুকাল পর পর আরনা দেখে মুখে জারা পাক বুলার। মোহের প্রলেপ বুলিয়ে দেয় প্রলেপের সুরের উপর। নিজের অন্তরের দিকটা থেকে সে মহারাত্রির মত নিবিড় অন্ধকার। সে জানে না সে কি চায়, সে বোঝে না কেন সে কীদে, কেন সে হাসে।

রথীনে কে সে মানিয়ে নিতে পারবে? বুঝিয়ে আপন করে নিতে পারবে? আমার সোপান আপসোস হয়েছিল, আমি অভূতখবরদের গুপ্ত সমিতির সঙ্গে অর্চনার সম্পর্কের কথাটা গোপন করেছি বলে। বলা আমার উচিত ছিল।

সন্দেহ আমার মধ্যে হয় নি।

অর্চনার সঙ্গে রথীনের বিরোধ চলছিল এই নিয়ে। অর্চনা প্রকাশ করতেও পারত না—প্রকাশ্যে ঝগড়া করতেও পারত না; ভিতরে ভিতরে গুমরে গুমরে মরত। রথীন শুদিকে একজন এ্যাংলো নাসের প্রেমে পড়েছিল।

রথীনেরও সন্দেহ ছিল অর্চনার উপর। জ্যাঠামশায়ের বেনামী পত্রের সন্দেহ। প্রণবেশ্বর-দাদার সঙ্গে তার আলাপ ছিল—এই এ্যাংলো-ইণ্ডিয়ান পাড়ার আলাপ। রথীনের চেয়ারে পেশেন্ট হিসেবে আলাপ। তার মধ্য দিয়ে সে একটা সভ্য জেনেছিল। জেনেছিল—প্রণবেশ্বর বড় জমিদারবংশের ছেলে, এখন জমিদার থেকে তারা ইণ্ডাস্ট্রিয়ালিস্ট হয়েছে, তাদের বংশে সাতপুরুষ ধরে এই ট্রাউন্ডিন চলে আসছে। চাক্সের কবন্ধ যেমন ভূষণ, এ-দোষটাও ভেমনি তাদের জীবনের আভিজাত্যের পরিচয়। এবং সঙ্গে সঙ্গে এত টাঁকা খরচ করে তার সঙ্গে অর্চনার বিয়ে দেওয়ার ভারটা নেওয়ার মধ্যে, আমার স্নেহের সমতার অপব্যাখ্যাও সে করেছিল।

সে নাকি বলেছিল—গেলা গেল না বলে গুগরাতে হল।

তাতে রথীন খুব বিচলিত হয় নি। কারণ শিক্ষাদীক্ষার মধ্যে দিয়ে কালের ছাঁওয়ার এমন স্তরে সে তখন উঠেছে, যেখানে বিবাহের পূর্ব-জীবনের পতনস্থলনগুলো নিতান্তই আকস্মিক দুর্ঘটনার মত; হঠাৎ বা আরও লঘু কিছু—পথে পড়ে গিয়ে গায়ে ধুলো-কাদার দাগের মত—যুগে দিলেই মুছে যায়, তার উপরেও যদি কিছু হয়, কেটেফুটে যায় এবং তাতে যদি সৌন্দর্যহানিই ঘটে, তবে প্রাস্টিকসার্জারি আছে, তাতে শুধরে যাবে। এরপরও জীবনের দিগন্ত বিস্তৃত হয়েছে; দে-দিগন্তে নারীও স্বাধীন, পুরুষও স্বাধীন—কেবলমাত্র গৃহের বন্ধন-টুকু স্বীকার করে পরস্পরকে যেনে নিয়ে যায় যা খুশি সে তা করে বা করতে পারে। কিন্তু খুব সহজ নয়, এবং সহজ হওয়া নি রথীনের পক্ষে। সে নিজের বেলা হানপাতালে নার্সিংহোমে নার্সদের সঙ্গে কাজও করেছে, এবার অজরজতার চর্চাও করেছে কিন্তু বাড়ী এসে অর্চনাকে প্রণয় করেছে—বল, তোমার জীবনের কথা বলো। স্বীকার করে। আমি তা যেনে নেব। কারণ আমার জীবনেও পতনস্থলন হয়েছে। ছুঁ-চারটে গল্পও বলেছে; এবং পাণ্টে বলেছে—এবার তোমার কথা বলো।

অর্চনা বাঁচবার অল্প আঁকড়ে ধরেছিল অরপূর্ণা দেবীকে। অররহ তাঁর কাছেই থাকত। তিনিও তাঁকে চাইতেন এবং অর্চনা তাঁকে আঁকড়ে ধরেছিল বলে আনন্দের তাঁর সীমাও ছিল না। ভারতেন—তাঁর মা পুনর্জন্ম নিয়ে তাঁর কাছে ফিরে এসেছেন তাঁকে যত্ন করতে। তাঁর শৈশবাবস্থার যে যত্ন তাঁর মায়ের কাছে পাওনা ছিল, সেটা তাঁর মা দিতে এসেছেন তাঁর এই বৃদ্ধ বয়সে। এবং বলতেন—যদি এবার তাঁর পেটেই ফিরে আসব। এবার খুব যত্ন করিস।

আশী বছর বয়সে অরপূর্ণা-মায়ের দুষ্টিশক্তি ক্রীণ হয়েছিল, তিনি অর্চনার মুখ বোধ হয় ভাল

করে দেখতে পেতেন না, পেলে নিশ্চয় জিজ্ঞাসা করতেন—দ্বারে অর্চি-মা, কি হয়েছে রে ?  
মুখখানা এমন ধোঁয়াটে আকাশের মত কেন রে ?

ব্যাপারটা কিন্তু রথীনের বাপ-মা জানতে পেরেছিলেন। অবস্থা সত্য সত্য জেনেছিলেন।  
ভাবছিলেন কি করবেন ? অর্চনা সম্পর্কে তাঁরা খোঁজখবরের বাকি রাখেন নি। এবং অর্চনার  
সম্পর্কে খোঁজখবর করে সমুদ্র হরেই নিঃশ্বাস ফেলেছিলেন যে, এ-ঘেরে নিশ্চয় রথীনকে ফেরাবে।

কোঠাতে হরতো পারত। কিন্তু অরপূর্ণা দেবীর কুছই তা ঠিক হয় নি। অরপূর্ণা দেবী  
কেড়ে নিয়েছিলেন অর্চনাকে এবং অর্চনাও পালিয়ে এসে তাঁকে আঁকড়ে ধরেছিল রথীনের  
জেরার হাত থেকে পরিত্রাণ পেতে।

কাইনাল ইয়ারে প্রথম ওর মা জানতে পেরেছিলেন, মুখে মদের গন্ধ পেরেছিলেন। কিন্তু  
এ-ঘুগটা cleverness-এর যুগ, truth, sincerity এসবই বাতিল হয়ে গেছে সুরেশ্বর।  
আমরা যারা এগুলোকে মানি, তারা অধিকাংশই লড়াই করে হেরে যায়। দু-চারজন,  
চারজনই বা কোথায়—চোখে তো পড়ছে দুটি মানুষ, বাংলাদেশে অসীতিপর রবীন্দ্রনাথ আর  
বাংলার বাইরে মহাত্মা গান্ধী, তাঁরা হেরেও হার মানতে চাচ্ছেন না। চীৎকার করে সত্যের  
সত্যতার জয় ঘোষণা করে যাচ্ছেন। পৃথিবী হরতো হাসছে। তারা অল্প কয়েক মাপজোক  
করা cleverness দিয়ে মানুষের জীবনের গতির মোড় ফেরাতে চাচ্ছে, ফেরাচ্ছেও।

একটু হেসে বলেছিলেন—বলতো, রবীন্দ্রনাথ এখন বিরাট পুরুষ, তাঁর শান্তিনিকেতন তাঁর  
নিকের হাতে বুকের রক্ত ঢেলে গড়া প্রতিষ্ঠান, সেখানে তাঁর অবর্তমানে অস্তুত পরের মানুষ  
না-আসা পর্যন্ত কালটা চালাবার কেউ আছে।

গান্ধীজী ? তাঁর সম্পর্কেও সে কথা সুরেশ্বর। তাঁর পর তাঁর আদর্শ, তাঁর সাধনা  
অব্যাহত রাখবে কে ?

শোকর্ত নগেনবাবু বলেছিলেন—কেউ বলে জগদ্বরলাল, কেউ বলে সুভাষচন্দ্র, কেউ বলে  
রাজেন্দ্রপ্রসাদ। একজন বললেন—সকলে মিলে। অল্প কয়েকটা বলা চলে সত্য। বস্তু-  
জগতে গান্ধীজীর যে কাজ, তা এঁরা চালাতে পারবেন কিন্তু ভাবজগতে তা পারবেন না। তা  
হয় না। এ কালের পরিবর্তন।

বললাম তো, আমার ছোটভাই মদ খেয়েছে। জানতে যখন পালাম তখন দেরি হয়ে  
গেছে। বললে—খাব্যের জন্তু খাই, বড় খাটুনি। ডাক্তারের সার্টিফিকেট দেখালে।

ভারপর রথীন। হেসে রথীনের বাবা বললে—সে ডাক্তারী পড়ত। নানারকম ওষুধের  
গন্ধ দিয়ে মদের গন্ধ ঢেকে রাখত। তার সঙ্গে বড় পান-জর্দা আর সিগারেট। ডিসেকশন  
করবার সময় গন্ধ লাগে এই অজুহাতে সিগারেট ধরেছিল। আমরা যেনে নিয়েছিলাম।  
বুঝতে পারি নি—সডর্ক হই নি ; ভাবি নি সিগারেট-জর্দা না খেয়েও অনেকে ডিসেকশন করে।  
কাল এমনি করেই প্রভাষণ করে। আমাদের কালে সিগারেটেও দোষ ছিল। আমি,  
আমার মেজভাই পর্যন্ত খাই নি। মেজ অনেক বরসে ধরেছে। ছোট ভারপর রাখে খাওয়ার  
আগে ঘরে ত্যাগি খায়।

রয়-নারায়ী প্রেম বৈধ-অবৈধ—এ চিরকাল আছে। সজ্ঞা অবজ্ঞা কালে-কালে পাণ্ডায়।

কিন্তু একালে সব মিথো হয়ে গেছে। তখন আশ্চর্য হবে সুখেশ্বর যে রথীন বৌমাকে বিয়ে করার আগেই একটি আখলা-ইন্ডিয়ান মার্শ মেয়েকে বিয়ে করে তাকে বিলেতে যেটন ট্রেনিংয়ের অস্ত্রে পাঠিয়ে দিয়েছে, টাকা ঝোগাচ্ছে। এবার সে নিজে পালাচ্ছিল বিলেত। এবং তাঁর অস্ত্রে সে বৌমার গহনা, তাঁর মায়ের গহনা বিক্রী করে হাজার-তিনিশেক টাকা নিয়ে বসে পৰ্ব্বস্ত পৌঁচেছিল। বৌমাই সেটা প্রথম জানতে পেয়েছিল। আমরা জানতাম কি কাজে সে বসে যাচ্ছে। বৌমা ঠাকুরমাকে বললে—ঠাকুরমা কপাল চাপড়ে আমাকে ডেকে বললেন—যা গিয়ে দেখ, ধরে নিয়ে আর। আমি গেলাম। ধরতেও পেরেছিলাম। জাহাঙ্গীরাণী ঠিক দিনে ছাড়েনি। খুঁজে-পেতে ধরে ওকে নিয়ে এলাম হোটলে। মাথা হেঁট করেই এল। হঠাৎ বললে—বাথরুম থেকে আসি। চুকল; মিনিট-দুই পরেই কারারিং-এর শব্দ।

\* \* \*

বড় আবাঁত পেয়েছিলাম স্মৃতি। নিষ্ঠুর আবাঁত। অর্চনাকে সত্যিই নিজের সহোদরার মত ভালবেসেছিলাম। ভাবছিলাম এ কি হল? ভাবছিলাম, এরপর ওর কি হবে? কীৰ্ত্তিহাটে মেজদিকে পাঠিয়ে দিয়ে এসেছি, সেখান থেকে হিলডা কুইনীকে নিয়ে আমার কাছে এসেছিল, তাদের উপর অত্যাচার করছে লোকে, বিশেষ করে ধনেশ্বরকাকার ছেলেরা, সুখেশ্বরকাকার ছেলেরা—তাদের উত্তেজিত করছেন স্বয়ং ধনেশ্বরকাকা, জগদীশ্বরকাকা; আমি কুইনীকে হিলডাকে বলছি, আমি কিরে গিয়ে ওদের বুকিয়ে বলব। যদি তারা আমার কথা শোনে তবে ভাল; যদি না শোনে তবে সেই কথাই তোমাদের জানিয়ে দিয়ে বলব—এবার তোমরা যা-খুশি করতে পার। কিন্তু সন্দেহ মনে করেও কলকাতা থেকে সরতে আমি পারি নি। এই বাড়ীতে শুধু ঘুরেছি আর ভেবেছি।

এ কি করলাম একটা ভ্রান্ত আবেগবশে! অর্চনার চেহারার সঙ্গে ভবানী দেবীর চেহারার মিল আছে বলে অল্পপূর্ণা-মাতের নাস্তির ছেলের হাতে তুলে দিলাম। নিজেও তো বিশ্বাস খানিকটা করেছিলাম ওই কথাটা। অস্ত্র বিয়ে দিলেই তো হতো। জগদীশ্বরকাকা তাঁর সম্বন্ধীর সম্বন্ধীর সঙ্গে বিয়ের সন্ধা করেছিলেন। সে দ্বিতীয়পক্ষ এবং সাব-ইন্সপেক্টর বলে অর্চনা কেনে বলেছিল, আমি মরব বিষ খেয়ে। কিম্বা নিজে গিয়ে পুকুরের হাতে ধরা দেব। বলব সকল কথা খুলে। স্তব্রাং ভাগাকে দোষ দেওয়া ছাড়া আর কাকে দোষ দেব?

এরই মধ্যে এসে উপস্থিত হলেন জগদীশ্বরকাকা। এসেন সস্ত্রীক। উঠলেন আমার এই বাড়ীতেই। সত্যবিধবা কস্তার বাড়ীতে উঠতেই ইচ্ছে ছিল তাঁর কিন্তু খুড়ীমা তা হতে দেন নি।

খুড়ীমা এসেছিলেন মেয়েকে বুকে জড়িয়ে ধরে কাঁদতে। কিন্তু জগদীশ্বরকাকা এসেছিলেন রথানের সম্পত্তির খোঁজবর নিতে।

রথানের ইলিগেরল ছিল কিন্তু সে-পলিসি লগুনবাগিনী স্ত্রীকে দেওয়া ছিল।

জগদীশ্বরকাকা কিরে এসে আমাকে বললেন—আমার কি সর্বনাশ করেছে তুমি জান?

আমি চুপ করে রইলাম। কি বলব? অস্বীকার করার উপায় ছিল না।

অগ্নীশ্বরকাকা বলেছিলেন—তুমি জান রথীন্দ্র অর্চনাকে বিবেক আপন একটা কীর্তী দিয়ে—

বলেছিলাম—আপনার মতই সেদিন রথীন্দ্রের বাবার কাছে শুনেছি। এবং তাঁরাও জেনেছেন রথীন্দ্রের মৃত্যুর পর।

অগ্নীশ্বরকাকা চীৎকার করে উঠেছিলেন—খুন করে হাম্ কাসি যাবেগা। হাম অগ্নীশ্বর রায় হায়। কোইকো খাতির হাম নেহি করতা হায়।

আমি কোন কথাই বলতে পারি নি। প্রতিবাদ দূরের কথা। বরং তাবছিলাম অগ্নীশ্বরকাকা যদি আমার ওপর আঘাত করেন তো নিজের কাছ থেকে মানি হতে পরিজ্ঞান পাই। কিন্তু অগ্নীশ্বরকাকার স্ত্রী প্রতিবাদ করেছিলেন। বলেছিলেন—ছি-ছি-ছি! তোমাকে ছি! রায়বংশ! রায়বংশের জরখজার! বজ্রাঘাত হয় না তোমাদের জরখজার ওপর! কেন ওকে গাল দিচ্ছ? কি করেছে ও? টাকা খরচ করে বিয়ে দিয়ে দিয়েছে, এই ওর অপরাধ?

সুতরাং, অগ্নীশ্বরকাকা চিরদিন খুড়ীমাকে নিষ্ঠুর নির্ধাতনে নির্ধাতিত করেছেন। নিষ্ঠুর কদম্ব ভাষায় গালাগাল করেছেন। দুটো কথা তাঁর মুখে প্রায় লেগেই থাকত। হারামীর বাচ্চা হারামী আর বাবীর বেটা বাবী। শেষটা অভ্যাস করেছিলেন খুড়ীমার ওপর কথাটা প্রয়োগ করে করে। সেদিন তাঁর একটাও বের হয় নি অগ্নীশ্বরকাকার মুখ থেকে।

আমার দুই কানের চারিপাশে খুড়ীমার একটা কথা বেজেই চলেছিল—বজ্রাঘাত হয় না তোমাদের জরখজার উপর? বজ্রাঘাত হয় না তোমাদের জরখজার ওপর? বজ্রাঘাত হয় না তোমাদের জরখজার ওপর?

কথা বলতে বলতে খেমে গিয়ে একটু হাসলে সুরেশ্বর। তারপর বললে—জান সুতরাং, সেদিন একটা হিসেব করেছিলাম। বিচিত্র হিসেব। হিসেবের শুরু হল—রায়বংশের শুরু থেকে আমি পর্যন্ত সাতপুরুষের মধ্যে জরখজা উড়িয়ে সবার সামনে পাড়াবার মত কেউ ছিলেন?

হ্যাঁ, জমিদার হিসেবে ছিলেন, কয়েকজনই ছিলেন। খেয়ালী-বিলাসী হিসেবেও ছিলেন। দাতা হিসেবেও ছিলেন। কিন্তু মানুষ হিসেবে? রত্নেশ্বর রায়কে প্রশ্নাম করে বলেছিলাম—শুধু তুমিই ছিলে। তোমার অভ্যাচার তোমার শোষণ-শাসন সত্ত্বেও এক তুমিই ছিলে রায়বংশের জরখজার মানুষ—আর কেউ না। তবে হয়তো একালে তাও নাটক হয়ে যাবে, কারণ তুমি রায়বংশের আরকে বাড়িয়ে বাড়িয়ে বাট কাঁজার টাকা বৃদ্ধি করেছিলে। সুতরাং রায়ের দেবকীর্তির কালও গেছে।

হঠাৎ চিন্তাটা রায়বংশ ছেড়ে গোটা বাংলাদেশের সমস্ত জমিদারবংশ খুঁজতে ছড়িয়ে পড়েছিল। সেদিন কিন্তু মুহুর্তে মাথাটা নত হয়ে গিয়েছিল।

সুতরাং সেটা ১৯৩৮ সাল।

মহাকবি রবীন্দ্রনাথ ওত্থনও বেঁচে। অবনীন্দ্রনাথও বেঁচে। কেউনগরের চৌধুরী বংশের প্রথম চৌধুরী জীবিত। কিন্তু সব প্রাচীন। নূতন কালের উজ্জল মানুষের মধ্যে একজনকেও পাই নি বার কপালে জমিদারবংশের ছাপ মারা আছে। অপরিণীত বিশ্ব বোধ করেছিলাম।

জমিদারবংশের মধ্যে রবীন্দ্রনাথ অবনীন্দ্রনাথ জন্মালেন কি করে? রাশিরাতে অগ্নিছিলেন ‘টলস্টয়’। কাউন্ট টলস্টয়। ঋষি টলস্টয়।

\* \* \*

সেদিন কোথাও কোন সাধুনা পাই নি সুলভা, হতাশার আক্ষেপে যেন ভেঙে পড়েছিলাম। ছুঃখ খেটা অর্চনার জন্তে অসুভব করেছিলাম, সেইটে—ওই জগদীশকাকার কুৎসিত কথা আর খুড়ীমার এই ক’টা কথা—“বজ্রাঘাত হয় না ওই জরথরজার উপর” আমাকে যেন পাগল করে তুলেছিল। মনে হয়েছিল—রায়বংশ ধ্বংস হয়ে যাওয়াই ভাল।

আবার মনে হয়েছিল—বাঁচতে হবে। যা হয়েছে তা হয়েছ, আমি বাঁচব। আমি কীর্তিহাটের সব কিছু বিক্রী করে দিয়ে পালিয়ে এসে বাঁচব।

ঠিক এই মুহুর্তে রঘুরা চাকর এসে বলেছিল—দিদিমণি আইলেন।

—দিদিমণি? চমকে উঠেছিলাম।

—অর্চনা-দিদিমণি।

অর্চনা এসেছে? বোররে গেলাম। দেখলাম অর্চনার খণ্ডর তাকে নিয়ে এসেছেন এ-বাড়ী। এসেছেন আমার কাছে। জগদীশ্বরকাকা সকালে দাবী জানিয়ে এসেছিলেন মেরেকে তিনি বাড়ী নিয়ে যাবেন। রথীনের দরুন যা তার পাশনা তা অর্চনার অভিভাবক হিসেবে তাঁকেই বুঝিয়ে দেওয়া হোক। এবং অর্চনার ভরণপোষণের জন্ত মাসিক একটা ধোরপোষের ব্যবস্থা করা হোক।

তাই তিনি অর্চনাকে সঙ্গে করে আমার কাছে এসেছেন। কারণ এ বিয়ে দিয়েছিলাম আমিই। এবং আমাকে দেখেই তাঁরা আমার খুড়তুতো বোন বলে এবং অর্চনা অবিকল ভবানী দেবীর মত দেখতে বলে বিবাহ দিয়েছিলেন।

রথীনের বাপ বললেন—আমরা বউমার অভিভাবক হিসেবে তোমাকে জানি। জগদীশ্বর রায়কে জানি না। ঠিক দেখলে এ বিয়ে হ’ত না। উনি বেলাবী জানিয়েছিলেন—বউমাকে সে সম্পর্কে মত বিজ্ঞাসা করেছিলাম। উনি কোন উত্তর দেন নি। আমি ঠিকে এনেছি তোমার সামনে ঠাঁর সঙ্গে কথা বলব। কথা নয় সুরেশ্বর—একটা দলিল করেছি, দেখ।

\* \* \*

দলিলখানা পড়ে আমার মনে পড়েছিল আমার ঠাকুমার কথা। আমার ঠাকুমাকে কীর্তিহাটের ঠাকুরবাড়ীতে ঢুকতে দেন নি এই জগদীশ্বরকাকা মার তাঁর দাদা ধনেশ্বরকাকা। কলকাতার তাঁকে বন্দী করে রেখেছিলেন আমার জ্যাঠামশাই, আমার বাবা প্রতিবাদ করেন নি। করতে পারেন নি দেবোত্তর সম্পত্তির জন্তে। ঠাকুমা কোন রকমে বেরিয়ে পালিয়ে গেলেন বুলাবনে। সেখানে স্বামীর ভিক্ষেমা, না, তাঁই বা কেন বলব সুলভা, বলব এক বৃদ্ধা বাঙালীর স্নেহদৃষ্টিতে পড়ে তাঁর আশ্রমে স্থান পেয়েছিলেন। নইলে হয়তো ওই ঘরে বন্দী অবস্থার মরতেন, না-হয় বুলাবনে একলা পালিয়ে গিয়েছিলেন, সেখানে ভিক্ষে করতেন। তাঁর পৈতৃক দেড় লক্ষ টাকার কোম্পানীর কাগজ তাঁর বড়ছেলে বজ্রেশ্বর রায় নিজের নামে নিজের নামে এলডোর্স করিয়ে নিয়েছিল। আমার বাবা নীরব ছিলেন,



কিন্তু টাকার ভাগ নিয়েছিলেন।

আর এই ১২০০ সালের ৩৭ বছর পর কাল এমন পাটেছে যে রথ'নের বাবা যে দলিল করে এনেছেন তাতে অর্চনার জন্ত মাসিক একশো টাকা মাসোহারা, ত'ছ'ড়া বছরে দুবার দেড়শো করে তিনশো টাকা মোট পনেরশো টাকার ব্যবস্থা করেছেন। তার জন্ত ব্যাংকে ফিল্ড ডিপোজিট করে দিয়েছেন। কিন্তু সে মূল টাকার অর্চনার অধিকার থাকবে না। অর্চনার মৃত্যুর পর সে টাকা তাঁর অন্ত উত্তরাধিকারীরা পাবে। যদি বর্তমান কালের ধারা অমুযায়ী অর্চনা বিধবা বিবাহ আইন অমুযায়ী বা তিন আইন মতে বিবাহ করে, তবে অর্চনা এককালীন পাঁচ হাজার টাকা পাবে তার সংসার পাঁচবার জন্ত; অবশ্য তারপর আর মাসোহারার অধিকারিণী সে হবে না।

ইচ্ছামুযায়ী সে গিজালরে বা হরিশ মুখার্জি রোডের বাড়ীতে থাকতে পারবে বা স্বাধীনভাবে স্বতন্ত্র থাকতে পারবে সে এবং শেক্ষেজে মাসিক ত্রিশ টাকা পর্যন্ত বাড়ীভাড়া পেতে পারবে।

আমি বিষয়ে প্রায় হতবাক হয়ে গিয়েছিলাম তাঁর উদারতা দেখে।

অর্চনার স্বপ্ন বলছিলেন—আমার ইচ্ছে বউমা আমার কাছেই থাকেন, পড়াশোনা করেন; এ অবস্থায় পড়াশোনাই সব থেকে শ্রেষ্ঠ অবলম্বন। আগে হলে দীক্ষা দিয়ে পুজো-অর্চনার পর ধরানো নিয়ম ছিল—এ যুগে শিক্ষা—। কিন্তু তাঁর কি মত তা উনি বলেন নি।

অর্চনা বরাবর এগে অবধি বলে ছিল পাখরের মূর্তির মত। সে ঝাড় নেড়ে ইঙ্গিতে জানিয়েছিল—না।

একটা দীর্ঘনিশ্বাস ফেলে সুরেশ্বর বলেছিল—সুগতা, অর্চনা এখানে বসে আছে তাই বলছি নইলে রায়বাড়ীর জবানবন্দীর মধ্যে বাংলার নুতন যুগের শিক্ষিতসমাজের একটি উজ্জল ঘরের লুকানো অন্ধকারের কথা প্রকাশ করতাম না। রায়বংশের ছবির সারির মধ্যে মুখুজ্জবাড়ীর অন্ধকারের ছবি এখানে টাঙিয়ে দিতাম না।

সেদিন কথাটা অমুমান করতেও পারি নি। অর্চনাকেই ঘোব দিয়েছিলাম। এদের বাড়ীটাও পড়ে গিয়েছিল।

অর্চনা নিজেই এবার বললে—আমি অমুয়ানে বুঝেছিলাম, ঠিক প্রমাণ তখনও পাই নি। তবে তুল আমি করি নি। আলোর তলার অন্ধকার নয়—সঠনের উপরেও অন্ধকার জন্মে গোটা আলোটাকেই কালিগড়া লাগলে আলোর পরিণত হয়েছিল বাড়ীটা। ছ বছর পর ১৯৪৩ সালে যুদ্ধের সময় আমার দেওরদের যে চেহারা দেখেছি; সে চেহারার পশ্চন ছ বছরের অনেক আগে হয়েছে। ওখানে থাকলে আমার নিষ্কৃতি ছিল না, সে যেন আমার অন্তর আমাকে বলে দিয়েছিল। ও বাড়ীতে থাকতে আমার সাহস হয় নি।

সুরেশ্বর বাধা দিয়ে বললে—থাক ওদের কথা। রায়বাড়ীর জবানবন্দীতে ওইখানেই মানে রথ'নের আত্মহত্যা আর অরুণা-মায়ের মৃত্যুর সঙ্গেই ওদের সঙ্গে সম্পর্ক চূকে গেছে। ওরা বা হয়েছে তা নিয়ে ওয়া আছে। দুনিয়ার অন্তরাত্মা বলে একটা সত্তা আছে। তাতে

আমি বিশ্বাস করি। মাটির বুকের মধ্যে তার উৎস, কিন্তু মাছুষের বুকের ভিতরেই সে গন্ধাধারা হয়ে বয়ে গেছে। আজ সে ধারা কীর্তিনাশা হয়ে সব ভেঙেচুরেই দিক আর ভাগীরথীর মত সে মজেই যাক কাল আবার তার মোড় ফিরবে। নতুন চেহারা নেবে সে। সেই ভরসার মাছুষ বাঁচে। আমিও সেই ভরসার বেঁচে রয়েছি, জবানবন্দী দিয়ে ভূমিদার জীবনের পালা শেষ করে নতুন জীবন শুরু করতে চাচ্ছি। এখন জবানবন্দীর কথাই আসি। সুলভা যে কথা অর্চনা বলতে যাচ্ছিল সে বড় মর্মান্তিক। ওর খণ্ডরবাড়ীর কথা। ওর দেওরদের কথা, ওর খুড়খণ্ডরদের কথা। যুদ্ধের সময় ওরা ওয়ার কন্ট্রাষ্ট পেয়েছিল; সে সময় কন্ট্রাষ্টেরা যা করেছে তা বলবার প্রয়োজন নেই। সেটার ঝাঁচ খণ্ডরবাড়ীতে মাস আঠেকের মধ্যেই অর্চনা বুঝতে পেরেছিল। কিন্তু সে সময় ভয় ছিল না, কারণ তখন অসম্পূর্ণ-মা বেঁচে ছিলেন আর রখীনও তখন বেঁচে। রখীনের জীবনে পাপপুণ্য ছিল না, ধর্ম-অধর্ম ছিল না। কিন্তু অর্চনার উপর অবিকারের দাবী তার ছিল। বাপকে সে বধেতে বলেছিল—ভুল করেছি রেজেক্ট্রী করে বিয়ে করে, হিন্দুমতে নশটা বিয়েতে বাধা নেই—হিন্দুমতে বিয়ে করলে আমাকে মরতে হ'ত না। মা-মণির কাছে গিয়ে দাঁড়ালেও হয়তো যাক পেতাম।

যাক—। অর্চনা কীর্তিহাট ফিরল ওর বাবার সঙ্গে; জগদীশচন্দ্রকাকা এবং ওর মা ওকে নিয়ে কীর্তিহাট ফিরলেন। আমি তার আগেই কীর্তিহাটে ফিরেছি এবং কীর্তিহাটেই নয়, আশপাশ চারিদিকের মাছুষের কাছে রায়বাড়ীর জমিদারীর প্রজার কাছে অপরাধী হিসেবে অভিযুক্ত হয়েছি; হয়েছি গোরাহানদের সমর্থক হিসাবে এবং সেই সূত্রে ইংরেজ সরকারের সমর্থক হিসেবে।

মেদিনীপুরে কুইনী এবং হিলডা এসে অভিযোগ করেছিল—গ্রামের লোকের বিরুদ্ধে। তারা তাদের উপর কংগ্রেসবিরোধী হিসেবে অভিযোগ করেছে। আমি যদি এর প্রতিকার করি তো ভাল, নাহলে তারা মেদিনীপুরের ডি-এন্ড-এর কাছে গিয়ে নালিশ করবে। সেই কারণে কুইনী হিলডা খড়গপুরের মিসেস হাডলনকে নিয়ে এসেছিল। আমি প্রতিশ্রুতি দিয়েছিলাম, অছরোধ করেছিলাম মিটমাটের চেষ্টা আমি করব এবং বোধ হয় মিটমাটও হয়ে যাবে; তবে তোমাদের কাছে অছরোধ—তোমরা অপেক্ষা কর।

অপেক্ষা তারা করেছিল। কুইনী হিলডা মেজদ্বির সঙ্গেই কীর্তিহাট ফিরে গিয়েছিল। আমি চলে এলাম কলকাতার অর্চনার দুর্ভাগ্যের সংবাদ পেয়ে।

সেই কারণেই আমি অর্চনা এবং জগদীশচন্দ্রকাকাদের রেখেই কীর্তিহাট চলে এসেছিলাম। দেখলাম সারা অকলটার মাছুষ ওই গোরাহানদের বিরুদ্ধে কঠোর মনোভাব নিয়ে তাঁদের শত্রু হয়ে দাঁড়িয়েছে।

গোরাহানরা ভীত হয়েছিল। কিন্তু নতুন হয় নি। তারাও প্রতিজ্ঞা করেছেন তারা নতুন হবে না। তারা দেশের মালিক ভারতবর্ষের এম্পায়ারের সঙ্গে স্বার্থবলম্বী। কেন তারা নতুন হবে ?

ছোটো-চরটে ছোটখাটো অগড়াও হয়ে গেছে ইতিমধ্যে। আমি কলকাতার তখন, কুইনী হিলডা আমার প্রতিশ্রুতি পেয়েও তার উপর নির্ভর করে থাকতে পারে নি। গোরাহানদের নেত্রীও করেছে কুইনী। ব্যাপারটা জেলা ম্যাজিস্ট্রেট পর্যন্ত যায় নি। কিন্তু এস-ডি-ও পর্যন্ত

গিয়েছে এবং এস-ডি-ও সার্কেল অফিসারকে তদন্তের ভার দিয়েছিলেন। জেলাটা মেদিনীপুর, ১৯০০ থেকে ১৯০৫ সাল পর্যন্ত তীব্র শেখ হয়েছে যাত্রা হু বছর আগে। সার্কেল অফিসার পুলিশ রক্ষা নিয়ে এসেছিলেন তদন্তে। অভিযোগ এখানকার কংগ্রেসীদের প্ররোচনার তাদের বরকট করা হয়েছে এবং নানাভাবে তাদের বিভ্রান্ত করা হচ্ছে। তারপর ফিরিস্তি দেওয়া হয়েছে কোন দিন কি অত্যাচার হয়েছে গোয়ানদের ওপর। সে ফিরিস্তি অনেক। শুক হয়েছে দিচ্চাসন জঙ্গলে গোয়ানদের প্রবেশাধিকার থেকে। শেষ হয়েছে গোয়ানপাড়ার মেয়েরা এবং ছেলেরা, কীর্তিহাটের স্থলে জায়গা পায় না। এ ছাড়া অভিযোগ হয়েছে রারবাড়ীর ধনেশ্বরকাকার ছোটছেলে নংযুবক অরুণেশ্বর এবং সুখেশ্বরকাকার ছোটছেলে দীপকেশ্বরের বিরুদ্ধে। তারা এই বরকটের সুযোগে গোয়ানপাড়ার মেয়েদের উপর ঘৃণ্য অত্যাচার শুরু করেছে।

সাধারণের পক্ষে এসেছিলেন কংগ্রেসের সভাপতি সেই বুদ্ধ রত্নলাল ঘোষ। তিনি স্পষ্ট ভাষায় বলেছেন কুইনীকে যে, কোন অস্তায় কীর্তিহাটের লোকে স্বীকার করে না। কীর্তিহাটে থেকে যারা কীর্তিহাটের লোকেদের সমর্থিত প্রার্থীকে সমর্থন করবে না তাদের সঙ্গে কীর্তিহাটের লোকের কোন সম্পর্ক নেই। তাদের ঘরে আগুন তারা লাগাবে না এটা নিশ্চিত কিন্তু তাদের ঘরে আগুন লাগলে নেভাতে বাবে না। তারা কীর্তিহাটের লোকেদের সঙ্গে যদি একধর্মের লোক না-হয় তবে তাদের কীর্তিহাটের লোকের ধর্মস্থানে চুকতে দেবে না। প্রয়োজন হলে লেনদেন কাজকারবার সব বন্ধ করে দেবে।

কুইনী বলেছিল—মুসলমানরা কংগ্রেস-বিরোধী—তাদের সঙ্গে এই রকম করতে পারেন? সাংগরাদী সাহেবের বাড়ী মেদিনীপুর শহর।

কগড়া বেশ দূর পর্যন্ত গড়িয়েছে। অরুণেশ্বর দীপকেশ্বরের অপরাধ ঠিক প্রমাণিত হয় নি। কীর্তিহাটের লোকেরা বলেছে—না—না—না। তাদের চরিত্র বড় ভাল।

সার্কেল অফিসার ফিরে গেছেন। প্রমাণ পান নি।

তারপর কুইনীর নামের সঙ্গে আমার নাম জড়িয়ে হাতেলেখা পোস্টার মেরে কীর্তিহাট গোয়ানপাড়ার দেওয়াল ছেঁয়ে দিয়েছে কারা।

কুইনীর পড়ার খরচা দেয় কেন সুখেশ্বর রাই? কুইনী নেয় কেন? কুইনীর কলকাতার বাড়ী খালস করতে টাকা কে দিয়েছে? কেন দিয়েছে?

এই অবস্থার আমি গিয়ে পৌছুলাম স্থলতা।

আমার নায়েব আমাকে সমস্ত কথা বলে বললে—আপনি এ নিয়ে কিছু করবেন না, বলবেন না। ব্যাপারটা সাংঘাতিক হয়ে উঠবে।

ওদিকে ঠাকুরবাড়ীতে মেজদির প্রবেশ বন্ধ করে দিয়েছেন ধনেশ্বরকাকার। ওখানে শিবেশ্বর রাইয়ের বংশের লোকেরা জোট বেঁধেছে।

মেজদি যেন বোবা হয়ে গেছেন। হবারই কথা। এগুলো আগে থেকেই তিনি কল্পনা করেছিলেন, আমাকে বলেছিলেন—স্বর্গ-বৈকুণ্ঠ-কৈলাস এ সবের কথা বইয়ে পড়েছি তাই, গল্পে শুনেছি, স্বাভাবিক মনে থিয়েটারে সাজিয়েও ছিয়ে দেখিয়েছে দেখেছি, যতক্ষণ পড়ি যতক্ষণ

তিনি বড়কণ দেখি বেশ লাগে। কিন্তু ভাই পিথিবীতে যেখানে যত ঠাকুর আর ঠাকুরবাড়ী আছে, সেখানে মাহুবে যা করে ভাই হয়—দেবতার মহিমা কোথাও দেখি নি বিশ্বাস করতে ভয়সা হয় না। রায়বাড়ীর কালীমা, গোবিন্দ, সৌভাগ্য-শিলা সত্যি হলে তারা কি ওই পচা মেজতরকের দাঁতিগুলোর স্বক্ৰমে চলে? ওখানে আর আমি থাকতে পারব না। তার থেকে তুই আমাকে বৃন্দাবন পাঠিয়ে দে ভাই। আমি বড়দি'র আশ্রয়ের উঠোন বাঁট দিয়ে ভিক্ষে করে খাব।

তিনি এ সব বিষয়ে একটি কথা বলেন নি। ঠাকুরবাড়ী চুকতে যান নি। বাড়ীতে ওঠেন নি। উঠেছেন বিবি মহলে।

তিনিও আমাকে বললেন—ভাই, ধোঁরানো আঙুনে খোঁচা' দিস নে ভাই, বাতাস দিস নে, দাউ দাউ ক'রে অলে উঠবে।

আমি ভাবলাম—কি করব?

হঠাৎ বিকেলবেলা কুইনী এল ক'জন গোরানকে সঙ্গে ক'রে—আমার সামনে মাথা তুলে সরপেই দ্বিজ্ঞাসা করলে—এই আপনার কথার দাম? আমি কথা দিইছি, সে তার দাম যাচাই করতে ছাড়বে কেন?

নির্ভীক মেরেটাকে দেখে খুশী হয়েছিলাম এবং তোমার কাছে গোপন করব না আমার দেহের মধ্যে দেবের রায়ের রক্ত সাড়া দিয়ে উঠেছিল। আমি মুগ্ধদৃষ্টিতে তার দিকে তাকিয়ে ছিলাম।

মুখচোখ লাল হয়ে উঠল কুইনীর। সে হিলডাকে বললে—চল দিদিয়া, জবাব পেয়েছি। চল। বাবুজাত—রায়বাহাদুরের জাত আলাদা হয় না। চল।

আমি সচেতন হয়ে উঠলাম। লজ্জিত হলাম। বললাম—যাক কর কুইনী। আমি একটু অকৃত্যমন্ড ছিলাম। আমি কথা দিইছি চেষ্টা করব। আবার বলছি সে চেষ্টা আমি করব। আমি কালই বলব সকলকে। ওরা না-শুনলে যা ইচ্ছা হয় করো।

১৯৩৮ সালের মে মাস। আমি কীৰ্ত্তিহাটের জমিদার অর্থসম্পদহীন মেজতরফ নর; অর্থবল আমার ছিল; কিন্তু সেদিন আমিই গেলাম কীৰ্ত্তিহাটের রঙলাল ঘোষের বাড়ী।

জমিদার মহাজন ব্রাহ্মণ কারত্ব বৈজ্ঞ সকলে সেদিন মানতে বাধ্য ছিল রঙলাল ঘোষকে।

রঙলাল ঘোষ আমার সঙ্গে দেখাই করলেন না। ফিরিয়ে দিলেন, বললেন—শরীর খারাপ, তা ছাড়া সময় নেই। জবাবটা বহন ক'রে এনেছিলেন রঙলাল ঘোষের বড়ছেলে। লোকটি মিঠেভাবী লোক। তিনি বললেন—“বাবা কি বলবেন? তিনি জানেন আপনি যার জন্তে এসেছেন। ও হবে না। গোরানদের সঙ্গে মিটমাট হবে না। আপনিও ও নিয়ে জড়িয়ে থাকবেন না। আর ওই কুইনী মেরেটার পড়ার খরচা আপনি দেন তাও আর দেবেন না। আপনার বদনাম রটছে। ওদের সঙ্গে থাকলে লোকে ধর্মঘট করবে? বাজনা দেবে না। সঙ্গে সঙ্গে সোশাল বরকটও করবে।”

আমি মাথা নিচু ক'রে ফিরে এলাম সদগোপপাড়া থেকে রায়বাড়ী। পথে কতকগুলি ছেলে হাড্ডিভালি দিলে। হঠাৎ একটা নির্জন জায়গায় কে কোথা থেকে বললে—জমিদার! বলিয়ে দেখ জমিদারী। হেসে সুরেশ্বর বললে—এডদিনের রায়বংশের বে ছেলেটি কীৰ্ত্তিহাটে

উজ্জল মহিমার বিদ্যাক করছিল তার গারে তারাই অবহেলা অবজ্ঞা এবং উপেক্ষার কালি মাঝরে কালো করে দিল।

তা কলক। আমি অস্তায় করি নি এই জোরটা আমার ছিল। তাই ওখান থেকে চলে আসব সংকল্প করেছি আবার ভেঙেছি, ভেঙে সেখানে ওই কালি মেখেই কালো মুখ নিয়েই থেকেছি দিনের পর দিন। এরই মধ্যে গাঁয়ে ফিরে এলেন জগদীশকাকা অর্চনাকে নিয়ে। এবং কস্তার সম্পদ মাসিক একশো টাকা আর আর অর্চনার গহনার মূলধন সে প্রায় পনের হাজার টাকার উত্তাপে উত্তপ্ত হয়ে ফিরলেন। অর্চনা তখনও মুহমান।

ঠিক একদিন পর অর্থাৎ পরদিন সকালেই মেজদাদি ওবাড়ী থেকে ফিরে এলেন সর্বাত্মক খুলো মেখে। দুই চোখ থেকে চোখের জলের ধারার আর বিক্রাম ছিল না।

জগদীশকাকা তার গলা ধরে বাড়ী থেকে বের ক'রে পথের উপর ফেলে দিয়েছেন, চাৎকার ক'রে কুৎসিত ভাষার তার অপমান করেছেন। জেলে গিয়ে তার জাত গিয়েছে। অজ্ঞাতের হাতে খেয়েছেন—তাঁছাড়া আরও অনেক কিছু। অর্চনা প্রতিবাদ করতে চেষ্টা করেছিল কিন্তু মুহুর্তে জগদীশকাকা তাকে শাসিয়ে বলেছেন—এখনি গিয়ে পুলিশের কাছে লম্বা বৃষ্টান্ত প্রকাশ ক'রে তোমাকে ঠেলে দিয়ে আসব শ্রীঘরে।

তখন আমি হতবাক হয়ে গেলাম। মেজদাদি হাতজোড় ক'রে কান্দতে কান্দতে বললেন—আমার বৃন্দাবনে পাঠিয়ে দে ভাই। তোর পায়ে ধরছি আমি।

তাই ঠিক করে ফেললাম। মেজদাদিকে বৃন্দাবনেই দিয়ে আসব। সেই ভাল—শিবেশ্বর রায়ের তৃতীয়পক্ষের স্ত্রী জেল থেকে ফিরে এসে নির্বাসিতা দেবেশ্বর রায়ের স্ত্রীর পাশেই ব্রজধামের রজের উপর জীবনের শেষ আশ্রয় গড়ে তুলুন। আর কোথায় যাবেন?

গ্রামে গ্রামে ভিক্ষা করা থেকে ভাল। শহরে বাজারে ব্যবসায়ের কি চাকরে বড়লোকের বাড়ীতে দাসী বা রাঁধুনীপুষ্টি থেকে দে ভাল।

যাবার সময় খবর শুনে শুধু অর্চনা এসেছিল। দেখলাম ওর চোখ দুটো অকক্ক করছে। শোকের মুহমানতা ঝেড়ে ফেলে উঠে পাড়িয়েছে। বললে—তাই যাও সুরোদ। সেই ভাল। বললাম—ভালো নয়? কর্মদার শিবেশ্বর রায়ের স্ত্রীর অস্ত্রের বাড়ী দাসী বা রাঁধুনী হওয়া থেকে তো ভাল।

একটা দীর্ঘনিশ্বাস ফেলেছিল অর্চনা। তারপর সুরেশ্বর অর্চনার দিকে তাকিয়ে বললে—তোর মনে আছে অঁি ?

একটি রেখার মত কৌশল হাসি নিশেখে তার ঠোঁটের দুই প্রান্তে ফুটে উঠল—সেও একটা দীর্ঘনিশ্বাস ফেলে বললে—মনে নেই? নিজের কথাও তো ছিল ওর মধ্যে সুরোদ। আমি তো তখন বুঝতে পেরেছি, বাবা আমার গহনার টাকার উপর নজর ফেলেছেন। রাজে মাকে বলেছেন—গহনাগুলো বেচে একবন্দ ভাল জমি কিনে ফেলব অঁির নামে। আর কিছু টাকা নিয়ে ভোজ্যারতি করব। আর আমাদের দুঃখ থাকবে না। তখন সারারাত ঘুমুই নি। ভোরে ওঠে ভোয়ার ওখানে বিবিমহলে এলাম। তুমি বললে মেজদাদিকে বৃন্দাবনে রাখতে বাজি। আমাদের মনে পড়েছিল জ্যোতীর অজ্ঞাতবাসে গৈরিক্তী হয়ে চাকরি করার কথা।

সেকালে দাসী হয়েও এঁটো খেতে হয় নি, পায়ে হাত দিতে হয় নি ; তা ছাড়াও কীচকের মত মহাপাষণ্ডের হাত থেকেও বাঁচা সম্ভবপর হয়েছিল। একালে দ্রোপদীরা মানে রাজা জমিদারবাড়ীর মেরেরা চাকরি করতে গেলে ওর কোনটা থেকে রেহাই পাবে না। যাও তুমি দিয়ে এস। সেই ভাল। দেইদিনই রওনা হয়েছিলাম।

বুলাবনে কৃষ্ণাবাস্করের আশ্রমে আমার জন্মে পরমতম বিশ্ব আর ঋণতারার মত স্থির আর শেষ নির্দেশ অপেক্ষা করে ছিল তা আমি জানতাম না। কোন ভৃগুদ্রাকের গুণীনও গণনা করে বলতে পারতেন না ; কোন মানুষ কল্পনা করতে পারতেন না।

আশ্রমে ঢুকতেই তাঁর সঙ্গে দেখা হল।

কত পরিচিতের মত বললেন—এসেছ ?

আমি অবাক হয়ে গিছিলাম তাঁকে দেখে। গারের রঙটা টকটকে গৌরবর্ণ, ছোটখাটো মাথার, বেশ মোটাসোটা মানুষটি ; তিনি সুন্দর কি অসুন্দর সে বিচার বোধ হয় কেউ করবে না—দেখলেই মনে হবে আশা কি প্রসন্ন মানুষ।

তিনি আবার বললেন—এসেছ তো অনেক দিন—, এতদিনে। বলতে বলতে খেমে গিয়ে বললেন—দেনাশোধের পালা এবার। নর ? আমি জানি, আমি জানি। দেনা যে শোধ করতে হবে তোমাকে।

সুখের বললে—সুখতা, সেদিন আমি আমার পিতামহীর সামনে বসে তাঁর কথা শুনে অভিভূত হয়ে গিয়েছিলাম। তোমাকে কি বলব, তিনি যা বলেছিলেন, তাই মনে হয়েছিল ঋণসত্য। মনে হয়েছিল, তিনি দিব্যদৃষ্টি পেয়েছেন, ভবিষ্যৎ যেন দেখতে পাচ্ছেন, প্রত্যক্ষ দর্শন করে বলছেন। মনে হয়েছিল, তিনি আর মানুষ নন। মানুষের দেহেই তিনি দেবতার চেয়েও পবিত্র হয়েছেন, জগতের সব স্ত্রীর, সব ধর্ম্য তাঁকে আশ্রয় করে যেন ধর্ম হয়ে গেছে।

তিনি বলছিলেন, নারী, আমার সঙ্গে কথা হয় ঠাকুরের। সে ভাই অনেকদিন থেকে। কীর্তিহাটে মন্দিরে গেলে কথা হতো, এখানে ভাই চকিচ ধণ্ট। আমার আশেপাশে অহরহ ফিরছে, কথা বলছে, বুঝেছ নাতি।

ঘাড় নেড়ে আমি বলেছিলাম, হ্যাঁ বুঝছি। মাথার গোলমাল তাঁর অনেকদিন হয়েছে। কিন্তু সে-কথাটা আমলই পায় নি মনের কাছে। আমি দেখলাম, পৃথিবীর সবকিছু আশ্চর্য সহজ হয়ে গেছে তাঁর কাছে। যা ঘটেছে, যা ঘটছে, তাঁর কারণ তিনি সঙ্গে সঙ্গে আবিষ্কার করে কেলেন। কিছুই অগোচর থাকে না। সব। সেই সর্বঘটে যার অধিষ্ঠান, তাঁর ইচ্ছে। বলেন—ওই তো, মজা লাগাতে সে ওস্তাদ। মহা ওস্তাদ! বিপদে ফেলে মজা দেখে। বিপদেও ফেলে আবার ভরসা করলে পারও করে সেই।

বিশ শতাব্দীর চতুর্থ দশক তখন, ১৯৩৮ সাল, এর ন' বছর পর ১৯৪৭ সালে ভারতবর্ষ স্বাধীন হবে। তারও দু বছর আগে আটমিক যুগ আরম্ভের যুগ। ১৯৪৫ সালে। সেই ১৯৩৮ সালেও তিনি কেমন জানি 'মডার্ন' ইন্ডিয়া'র মধ্যে আজও যেমন গঙ্গাসাগর মেলায়, পূর্ণকুন্ডে, প্রয়াগে, হরিদ্বারে অতীত ভারতের বিচিত্র রূপ লক্ষ লক্ষ মানুষের মধ্যে জেগে ওঠে, ঠিক তেমনি। এবং গঙ্গাসাগরে দীক্ষণ সীতে বাংলার মন্ত্রীদেব জান করার এবং প্রয়াগে কুন্ডে দেবতার

মন্ত্রীদেবর আনের মধ্যে মডান ইতিহাস যেমন পুরানো ভারতের কাছে সবিস্ময়ে মাথা নত করে আমিও সেদিন তেমন করে অভিভূত হয়ে তাঁর কথা মেনে নিরেছিলাম পরম সত্য এবং প্রবলতা বলে। একবিন্দু সংশয় যেমন তাঁর বলার মধ্যে ছিল না, তেমন শোনার মধ্যেও আমার এতটুকু প্রচ্ছন্ন বাধ ছিল না।

একটু চুপ করে থেকে আবার সুরেশ্বর একটা সিগারেট ধরিয়ে শুরু করলে, বললে—পরে এ নিয়ে আমি বিচার করেছি, খুঁটিয়ে খতিয়ে দেখেছি। কেবল একটা কথা বা তাঁর একটা ধারণা ছাড়া বাকিগুলির মধ্যে অবিবাদের কিছু ছিলও না।

ঠাকুমা সেই গোড়াতেই আমাকে ডেকেছিলেন—‘বড়বাবু’ বলে। অর্থাৎ দেবেশ্বর রায়ই জন্মান্তর নিয়ে আমি অর্থাৎ সুরেশ্বর হয়ে জন্মেছি—এই ধারণাটার কথা বলছি। ওটা তিনি ছাড়েন নি। সারেন্স অব হেরিডিটির কথা মোটামুটি জানি, কিন্তু ভাল ভাবে জানি না, তাঁকে বোঝাতে গিয়েও বোঝাতে পারি নি, আর তিনি তা ঘাড় নেড়ে হেসে উড়িয়েই দিয়েছিলেন। একটি বুলিই ধরেছিলেন—জানি ‘বড়বাবু’ জানি। এসব আমি অনেকদিন আগে থেকে জানি। তুমি আবার আসবে, তোমাকে আবার নতুন জন্ম নিয়ে রায়বাড়ীতেই আসতে হবে, তোমাকে দেনা শোধ করতে হবে।

সুগতা, তাঁর কথাগুলো আজও আমার কানে বাজছে। বলেছিলেন—বড়বাবু, যত বড় মানুষটা তুমি, তার শতগুণ ভারী দেনার বোঝা তোমার ঘাড়ে। জন্মে জন্মে বোঝা বাড়িয়েই চলেছে, বাড়িয়েই চলেছে; এবার বোঝা নামাও, শোধ করো, দেনার বোঝা শোধ করো।

আমার চিবুকে হাত দিয়ে আদর করে বলেছিলেন—আমার কাছে একটা কথা আদার করেছিলে, তোমার মনে আছে? সেই তুমি মায়া গেলে তার ক’দিন আগে। বলেছিলে—বড়বউ, তোমার ঠাকুর ঠিক বলেছেন—দেনার জন্মেই জন্মে জন্মে তোমাকে পেয়েও আমি পাচ্ছি। এবার দেনা শোধ করবই। তোমাকে পেতে হবে বড়বউ, প্রাণটা আমার হাহাকার করছে।

অবাক হয়ে গিয়েছিলাম আমি। বুঝতে পারছিলাম পাগলের প্রলাপ; কিন্তু তবুও অশ্রদ্ধা করে তাকে অবিশ্বাস করতে পারছিলাম না। উঠে পালিয়ে আসতেও পারছিলাম না। শুধু একটা রুদ্ধ বেদনার আবেগ বুকের মধ্যে আমার উথলে উথলে উঠছিল। ভাবছিলাম—রায়বাড়ীর দেবেশ্বর রায়ের গৃহিণী রত্নেশ্বর রায়ের মহাসমাদরের জোষ্ঠা পুত্রবধূই এঁর পরিচয় নয়, এঁর পরিচয় সীতা-সাবিত্রীর মত, একে ধনসম্পদ আর মিথ্যা মর্যাদা-স্বীত রায়বংশ এইভাবে পরিত্যাগ করেছে। হতভাগ্য রায়বংশ! অথবা রায়বংশের মত সব বংশের ভাগ্যই এই। সে সেই রামায়ণের কাল থেকে। সীতাকে বনবাসেই যেতে হয়, শেষ হয় পাতাল প্রবেশে। সঙ্গে সঙ্গে বংশের লক্ষ্মীও উবে যান।

• তুমি জান কিনা আমি জানি না, মহারাজা প্রতাপাদিত্য সম্পর্কে একটা জনপ্রবাদ আছে। মহারাজ প্রতাপাদিত্যের বাড়ীতে মা ভবানী ছিলেন কঙ্কারূপা হয়ে। যখন মহারাজ প্রতাপাদিত্য জামাই রামচন্দ্রকে হত্যা করব বলে স্থির করলেন, রাজ্যের অস্ত্র, মর্যাদার অস্ত্র, তখন নাকি তাঁর

মেয়ের রূপ ধরে যা ভবানী এসে বলেছিলেন—বাবা আমার মুখের দিকে তাকাও—। নক্তি আর অহংকারমস্ত প্রতাপাদিত্য বলেছিল—চলে যা আমার অমুখ থেকে, তোর মুখ আর দেখব না।—

যা সঙ্গে সঙ্গে প্রতাপাদিত্যের অহংকার আর অধর্ম-উত্তপ্ত বাড়ী ত্যাগ করে বেরিয়ে এসেছিলেন তাঁর কীপিটি নিয়ে। গিরে উঠেছিলেন ভবানী মজুমদারের বাড়ী।

ভারতচন্দ্র তাঁর অন্নদামঙ্গলে গল্পটা একটু অন্তরকম করে লিখেছেন। তিনি লিখেছেন—যা প্রথম ছিলেন হরি হোড়ের বাড়ীতে। তারপর ঠিক ওইভাবেই কল্যানে হোড়মশায়ের কাছে গিরে বলেছিলেন—বাবা, আমি আর থাকতে পারছি নে। তোমার ভাই আসছে। হোড় রেগেই ছিলেন মেয়ের ওপর, বলেছিলেন—যা-যা, এখন যা।

যা অল্পগুণী গলা পার হয়ে যাবার সময় ঈশ্বরী পাটনীর কাঠের সেঁউতি সোনা করে দিয়ে আর তাঁর ছেলেরা দুধে-ভাতে থাকবে এই বর দিয়ে মজুমদার-বাড়ী প্রবেশ করেছিলেন।

প্রতাপাদিত্যের গল্পটা আমাকে বলেছিলেন আমার মেকদিনি, শিবেশ্বরের তৃতীয় পক্ষ পুরুত ভট্টাচার্যের কস্তেটি; তিনি কার কাছে এটা শুনেছিলেন তা বলতে পারিনে।

আমি সেদিন আমার ঠাকুর সামনে বলে সেই গল্পটাই ভাবছিলাম। ভাবছিলাম, রায়বাড়ীর লক্ষী ছিলেন এই বড়-বউটি; তাঁকে উপেক্ষা করলেন সবাই। স্বামী দেবেশ্বর রায়, ছেলেরা—যজ্ঞেশ্বর রায়, যোগেশ্বর রায়, মেজন্তরকের দেওর শিবেশ্বর রায় থেকে তাঁর ছেল শনেশ্বর, জগদীশ্বর সুপেশ্বর—সবাই।

ইনি বৃদ্ধি তিনিই। রায়বাড়ীর লক্ষী। ইনি যা বলছেন, বাস্তব বিচারে তা প্রমাণ হলেও প্রমাণ নয়। এই হল সভাকারের সত্য।

স্বলতা, আমি তাঁকে জিজ্ঞাসা করলাম, কি কথা ঠাকুরা?

বৃদ্ধা বিরক্ত হয়ে বললেন—দেখ, ওই ভালবাসিনে। ওইসব কথা চাপা দেওয়া! তুমি বল নি আমাকে, বড়বউ তুমি বল, আমাকে তুমি জন্মজন্মান্তরে কামনা করবে! আমার জন্মে অপেক্ষা করবে? আমি চূপ করেছিলাম। তোমার সে কি জেন। কি বলব বল, আমি তো সবই জানি। ঠাকুরের সঙ্গে কথা হত, তিনি তো আমাকে সব বলতেন। আমি তাঁকে শুনিরেছিলাম—এত কষ্ট কেন আমার কপালে লিখলে? ঠাকুর বললেন—এর আগেই ক' জন্ম আমাকে ফেলে তুই ওর পেছনে ছুটেছিস। আমি ডেকেছি আসিস নি। এবার ও তোকে ছুঁড়ে কেলেছে, এবার তুই আমার কাছে এসেছিস, এবার তোর মুক্তি। তোর স্বামীকে সব দিইছিলাম। নিলে কই। নেবার মধ্যে নিলে রূপোর তাল, তার রূপের তাল। তাহলে কি বলব? তবু তুমি ছাড় না। তখন বললাম। তুমি বললে, বড়বউ, আজ থেকে জীবনের মেনা শোধ করব। তুমি শুধু এইটুকু বলে ঠাকুরকে—ঠাকুর, মুক্তি আমাকে দিও না, আমাকে তোমার দাসী করে রাখ, যেদিন তার মুক্তি হবে সেইদিন মুক্তি দিও আমাকে। সে ঋণশোধ করবে, বড়াকান্তি হিসেব করে, শোধ করবে বলে কথা দিয়েছে আমাকে। দেবেশ্বর রায় আমার সাধের বর—আমার মোহন বড়বাবু, আর যা করবে করুক, মিথ্যে কথা বলে না।—



—সে-সব বলেক'রে আজ ভুলে যাচ্ছ বড়বাবু! ছি-ছি-ছি।

যেজদি অর্থাৎ হয়ে সব শুনছিলেন, তিনি তাঁর পায়ে হাত দিয়ে বলেছিলেন—তা ও করছে দিদি, তা ও করছে।

—করছে? তবে যে বড়বাবু জিজ্ঞাসা করছ, 'কি কথা ঠাকুমা?'

হেসে বলেছিলেন—আমার সঙ্গে ঠাট্টা করছ? তা তুমি তো জান আমি ঠাট্টা বুঝি না। বোকাসোকা মানুষ। বাবা: যা ভয় লাগত, কথা তো নয় যেন জেরা। এখন নাতি হয়ে জগেছ, ভয় আর ঠিক করে না। ক'টা কথা জিজ্ঞেস করি। করব? আমি বললাম—করুন। জিজ্ঞাসা করলেন—মদ খাও? মাথা হেঁট করে বললাম—খাই ঠাকুমা। বললেন—হঁ, আমি জানি। বড়বাবু মদ না-খেয়ে থাকবে। বাবা:, বড়বাবুর বাপ, বাঘের মত বাপ, তিনি রাগ করে গর্জাচ্ছেন, বড়বাবু টেবিল ধরে টগছেন আর আমাকে বলছেন, বড়বউ, আমার সেই গুলি খাওয়া জায়গাটার ব্যথা করছে, মালিশ দিয়ে দেবে চল। আর বাবাকে বল, কাল—কাল কথা বলব। আর বিয়ে করেছে? বিয়ে? এবার যেজদি বললেন—না দিদি, বিয়ে করে নি। বললেন—করে নি? তাহলে? বড়বাবু আবার সেই পাপ বাড়ান্ধ? না-না ভাই আমার, লক্ষ্মী সোনা আমার, ও-পাপ করো না ভাই। ও মহাপাপ। আমি হাত জোড় করে বললাম—না ঠাকুমা, বিয়ে আমি করি নি। কিন্তু যে-পাপের কথা বলছেন, সে-পাপও আমি করিনে। আমি রায়বংশের অভিশাপের কথা জানি, আজ ছ'পুরুষ পর্বত জমানো পাপের কথা জানি।

—রাশি রাশি পাপ। ওরে নাতি, রায়বংশের পাপ জমা করলে পাহাড়-পর্বত হয় রে—পাহাড়-পর্বত হয়।

ঠঠাৎ যেন পাণ্টে গেলেন ঠাকুমা। কি ভাবনার যেন ভূবে রইলেন, তারপর যেন অনেকটা সহজ মানুষের মত বললেন—কি নাহ তোমার নাতি? হ্যাঁ-হ্যাঁ, সুখেখর। অবিকল তুমি বড়বাবুর মত দেখতে; বড়বাবু শেষকালে কিছুদিন আমাকে ভালবেসেছিলেন। আমি দেবতা দেবতা করতাম, আমাকে বণেছিলেন—দেখ আমি পুরুষমানুষ, তোমাকে আমি বিয়ে করেছি, কেউ যদি তোমাকে আমার কাছ থেকে কেড়ে নিতে আসে, তবে আমি তার সঙ্গে লড়ব, মরব, তার আগে তো ছেড়ে দেব না। সে যদি তোমার গোবিন্দ এসে কেড়ে নেন, তবে আমি তাঁর সঙ্গেও লড়ব। না লড়ে, না মরে তোমাকে আমি ছিনিয়ে নিতে দেব না।

চোখ থেকে তাঁর জল গড়াগ। বললেন—দেখ ভাই, তখন কি জানতাম কথটা এমন করে কলবে! তিনি যারা গেলেন। আমাকে ঠাকুর কেমন কোশল করে ছিনিয়ে নিয়ে এলেন দেখ। ভাই, আমার ভিক্ষে-শাস্ত্রীকে দিয়ে পুরী তৈরী করে এখানে রাখলেন। তা ভাই আমার দশা হ'ল, আমি এসে না পারলাম ঠাকুরকে আত্মদমর্পণ করতে, আর না পারলাম মরতে। দেখ! আঃ, তোমাকে দেখে কত কথা যে মনে পড়ছে। তুমি ভাই অবিকল আমার সেই বড়বাবু। বুঝেছ। বড় আবেলভাবোঁল যে মনে পড়ছে।

আবার একটু চুপ করে থেকে বললেন—হ্যাঁ বা বলছিলাম, শোন ভাই নাতি। রায়বংশের পাপের কথা। বড়বাবু আমাকে বলেছিলেন—বড়বউ, পাপ আমাদের জমা করলে পর্বত হয়,

গঙ্গার বুকে ফেললে গঙ্গার বুক পূরে ওঠে, মজে যায়। আমি হিসেব করে দেখেছি বড়বউ। পাপ শুধু একরকম নয়, যত রকমের পাপ হতে পারে, সব-সব—সব রকম পাপ জমা হয়েছে রায়বাড়ীর পাপ-পুণ্যের সিন্দূকে। পাপের সিন্দুক বোঝাই। দেখ রায়েদের জমিদারীতে পত্তনীতে, দরপত্তনীতে একশো পরিত্রিখানা গ্রাম। এ-গ্রামের খাজনা বাড়িরে তিন ডবল করেছি। একশো পরিত্রিখানা গ্রামে কমপক্ষে পনের হাজার লোকের বাস, আজ পাঁচপুরুষ ধরে পাঁচ-পনের পঁচাত্তর হাজার লোকের মাথার পা দিয়ে হেঁটেছি। পূজা করে ওরা যে লক্ষ্মী ঘরে তুলেছে, সে-লক্ষ্মীর ভাগ নিয়েছি। ঘরে আগুন দিয়েছি। চাবুক যেরেছি। বুকে গাছের ডাঁড়ি চাপিয়েছি; খামের সঙ্গে বেঁধেছি। তাছাড়া বড়বউ নির্জন্মের পাপ—মদ খেয়ে নিজের সর্বনাশ করেছি। তোমার মত লক্ষ্মীকে ফেলে কত কদাচার করেছি বড়বউ, ওই ভারলেট, ওঃ! পাপের কি শেষ আছে বড়বউ? বাবা ভিক্ষেমাকে তাড়ালেন। কেন, না, সে পাপদৃষ্টিতে তার দিকে তাকিয়েছে। অজ্ঞান-পিশীকে, ই্যা একরকম তাকেও তিনি তাড়ালেন। তাছাড়া বাবার মাতামহের পাপ, সে-পাপ তুমি জান না, ভীষণ পাপ, বাবার পিতামহের পাপ, সে-ও ভীষণ পাপ। পাপের বিদ্যাপর্বত, মাথা ঠেলে উঠছে—হৃৎ-পথ বন্ধ করে দাঁড়াবে একদিন, সেদিন রায়বংশে আর হৃৎ উঠবে না, জাজি পোরাবে না। দিনের আলোর মুখ রায়বংশ দেখবে না। হয়তো জন্ম-জানোয়ার হয়ে রাজির অন্ধকারে হাঁক মেরে বেড়াবে। তখন এই মাহুঘেরাই গুলি করে মারবে, ফাঁদ পেতে ধরবে। বড়বাবু আমার হাত ধরে বলেছিল—নাতি, বলেছিল—তোমাকে দুঃখু দিয়ে তোমার চোখের জল দেখে আমার চোখের মোহ কেটে গেল বড়বউ, আমি দেখতে পাচ্ছি—কত পাপ আজ ঝোলা পাগড়ের মত মাথার ওপর ঝুলছে। যদি সময় পাই, তবে এই জন্মে এর প্রার্শ্চিষ্ট করব, না পেলে কত জন্ম ঘুরতে হবে জানি না। আমি বলেছিলাম—না গো না। ভগবানের নাম কর, শরণ নাও, আগুনে খড় পুড়ে যাওয়ার মত পুড়ে যাবে। তা বড়বাবু হেঁপে বলেছিলেন—সে যদি তোমার মত পারতাম মাণিকবউ, তবে তো বেঁচে যেতাম। তা যে পারি না। পাপ করব আর হরিণামের ঝোলা নিয়ে জপ করব—আর পাপ চাই হবে, এত সোজা হলে পাপও মিথ্যে, পুণ্যও মিথ্যে। সত্যি দেনা আর পাওনার যামলা। এতে একদিন না একদিন দেনদারকে হারতেই হয়। কেন জানি? মূলধনের অভাব বলে। এই যে রজবাড়ী, জমিদারবাড়ী, নবাববাড়ী, বাদশাবাড়ী এ সব গেছে ওই মূলধনের অভাবে। আমরা তো সামান্ত। রায়মহাজা রায়ের অযোধ্যা, রায়ের বংশ ভাঙ গেছে, কৃষ্ণের দ্বারকা যদুবংশ ভাঙ গেছে। শ্রীকৃষ্ণ ঝোল হাজার বিরে করেছিলেন। তাদের ছেলে নাতিদের বউ তারাগ ছিল—সব নিয়ে লাগে হবে, না—দশ লাগে হবে তার হিসেব বেদব্যাস দেন নি—তবে শ্রীকৃষ্ণ ব্যাধের শরে দেহত্যাগ করলেন। কল্লিগী সভ্যভামা সংস্ফুটা হলেন—বাদবাকী যারা রইল তাদের এসে শবরেরা ব্যাধেরা ধরে নিয়ে গেল। ওদিকে সমুদ্রের বানে দ্বারকা ভেসে ডুবে গেল। দিল্লীর বাদশাদের বংশ নাকি রেজুন দোকান করে। দিল্লীতে টংটা চালায়। এই নিরম বড়-বউ। দেনা শোধ করতে হয়, পাওনা আদায় করতে পাওনাদার আসে, লাঠি মেরে আদায় করে নিয়ে যায়। এই যে একশো পরিত্রিখানা গাঁয়ের লোক বাদের কাছে আমরা বাড়তি আদায়

করেছি তারা ছাড়বে মনে করেছ ? ছাড়বে না । আমার করে নেবে । কি করে নেবে তা জানি না, তবে নেবে । দেনার পাহাড়—সেই পাহাড়ের চূড়া হল ওই তারলেট । ও তোমার আর আমার মধ্যে আড়াল করে দাঁড়িয়ে আছে । তুমি তাকে পেতে হাত বাড়িয়ে পাই নে । ও এসে দাঁড়ায় ।

ঠাকুমা চুপ করে গেলেন । তারপর সে কি কারা । কানতে লাগলেন । অনেকক্ষণ পর আবার যখন কথা বলতে শুরু করলেন তখন আবার কথার গোলমাল শুরু হ'ল ।

সুরেশ্বর বললে—মাঝখানে বেশ সহজ মাহুকের মতই কথা বলছিলেন, কোন গোলমাল তো ছিল না । তবে হ্যাঁ, পূর্বনৈকালের মাহুখ বাহাদুর বছর বয়স—তাঁর কথাগুলো তোমার আমার কাছে অল্প সংস্কারের কথা মনে হ'তে পারে । সে কথা আলাদা ।

এবার বললেন—নাতি, তুমি সেই বড়বাবু । সেই রূপ সেই ধরনের কথাবার্তা—চলাফেরা চড়-চাউ সব সেই । মেজবউ বললে তুমি বিয়ে কর নি, তুমি প্রজাদিগে দয়া করেছ ; বসন্ত সব নাথরাজ করে দিয়েছ—গোচর ছেড়ে দিয়েছ ; গোস্তানদের গোস্তানপাড়া সব শরীকের কাছে কিনে তাদের নিষ্কর করে দিয়েছ ; এই তো দেনা শোধ করছ । তা-ছাড়া ভাই এই ঘোঁষনে তুমি বিয়ে না করে বিবাহী হয়েছ ।

হেসে ফেললেন । বুকে ঠাঙ দিয়ে বললেন—আমার জন্মে বুকেছ আমার জন্মে । বিধু ভাই, এ জন্মে তো হবে না । এখন মরলে আমার বিয়ের বয়েস হতে তো আরও বিশ বছর গো । এখন তো বোল-সতেরোর কমে মেরেদের বিয়েই হয় না । লেখাপড়া শিখতে হবে । তার পরে মনে কর তোমার সঙ্গে প্রেম করতে হবে—না কি লা মেজবউ ? এমনি এমনি কি কাপড়ে-চোপড়ে মুড়ে গরনা পরিয়ে কপালে সিঁহর ঘষে বিয়ের দিন আছে ? নেই । তুমি ভাই এ জন্মটা বিয়ে না-করে দেনা শোধ কর ; সেই ভারলার বংশের কেউ থাকলে তাকে তুই ক'রো ভাই, এদিকে আমি মরি । তারপর তুমি এস । তোমারও খুশি আমারও খুশি । বৈকুণ্ঠে তুমি হবে দাস আমি হব দাসী । আর আমাদের জন্ম হবে না । কেমন ?

আমি কোন উত্তর দিই নি—বা দিতে পারি নি সুলতা, বুকের ভেতর কামার উজ্জিস্ত বর্ষার কাঁসাইকে বাঁধন দিয়ে কোনমতে শুনে যাচ্ছিলাম ।

দেবেশ্বর রায়—রায়বংশের মনোহর পুরুষ—যতুবংশের কৃষ্ণর জ্যেষ্ঠপুত্র প্রদ্যুম্ন, তাঁর স্ত্রী, রায়বাড়ীর মাণিকবউ—তাঁর এই অবস্থা ! তাঁর কথা বিশ্বাস করেছিলাম কি করি নি—একথা আমাদের গিজাসা করো না সুলতা ; সে আমি বলতে পারব না । আজ তা আমি ঠিক স্মরণ করতে পারব না । তবে হ্যাঁ—এটুকু বলতে পারি একালের ধারা মত, 'রাধিন' বলে কথাগুলোকে কেড়ে কেলে দিয়ে হা-হা করে হেসে উটে পড়তে পারি নি । বলতে পারি কথাগুলো মনের মধ্যে অবিস্মরণীয় হয়ে শিলালিপির মত খোদাই করা হয়ে গিয়েছিল বুকের মধ্যে ।

রায়বংশের দেনার পরিমাণ জমা করলে পাহাড় হয়ে ওঠে । ভগবানের নামে বিশ্বাস নেই যে তাঁর নাম করলে শিলা বিগলিত হবে—সগরবংশ উদ্ধারের জন্য গলায় ধারা নেমে এসে উদ্ধার করবে ভাষাকান্ত চাটুজেকে, সোমেশ্বর রায়কে, রাণী কাত্যারনীকে, বীরেশ্বর

সায়কে, বিমলা দেবীকে ; তারপর—ঈশ, রত্নেশ্বর রাইও আছেন তাঁদের মধ্যে, নিশ্চয় আছেন ; সম্ভবতঃ তাঁর পাণ্ডনাদারের সংখ্যা বেশী, রাইবাড়ীর আরকে তিনগুণ বাড়িয়ে গিয়েছিলেন তিনি। কুড়ি হাজারকে বাট হাজারে তুলেছিলেন। দেবেশ্বর রাই, শিবেশ্বর রাই, তারপর আমার বাবা যোগেশ্বর রাই থেকে দেনা শোধ শুরু হয়েছে। অসংখ্য পাণ্ডনাদার অসংখ্য হাজারে হাজারে পাণ্ডনাদার যেন মুঠি-বাঁধা হাত তুলে তাঁদের কাছে দাবী করছে—“পাণ্ডনা শোধ করো—আমাদের পাণ্ডনা কেলা।”

একটা কথা বিশ্বাস করো সুলতা ; এইসব কথা যখন ঠাকুমা বলছিলেন তখন এ সব যেন তিনি চোখে দেখছিলেন। কয়েকবার বলেও ছিলেন—ভাই, আমি দেখতে পাচ্ছি যে, আমি দেখতে পাচ্ছি। পরলোকে রাইবংশের কর্তারা হাতজোড় করে আসামীর মত দাঁড়িয়ে আছেন। সুলতা, যেমদি এতক্ষণ পর্যন্ত অবাঁক হয়ে শুনছিলেন, বিস্ময়িত দৃষ্টিতে তাকিয়ে ছিলেন তাঁর বড়জায়ের মুখের দিকে। মনে হচ্ছিল, তিনি যেন ধ্যানমগ্ন হয়ে ছবিগুলো দেখতে চেষ্টা করেছেন। আমার ঠাকুমা ধামতেই তিনি ব্যাকুল হয়ে তাঁর হাত ধরে নাড়া দিয়ে ডেকে বললেন—দিদি।

তাঁর মুখের দিকে তাকিয়ে ঠাকুমা জিজ্ঞাসা করলেন—তুমি তো মেজবউ, মেজঠাকুরপোর তৃতীয় পক্ষের স্ত্রী। এঁা ?

—ঈ্যা দিদি।

সমাদর করে তাঁর মুখে সম্মুখে হাত বুলিয়ে দিয়ে ঠাকুমা বললেন—আহারে! কচি বয়েস তোর—তোর এই দশা করে দিয়ে গেল মেজবাবু? না-না-না। মেজবাবু বড় নিষ্ঠুর ছিল যে। দয়া-মারাতার ছিল না। অল্প দেখে না থাক, মানুষকে পীড়ন আর ওই বুড়োবয়সে তাকে গরীবের মেয়ে পেয়ে বিয়ে করে শেষ অকূলে ভাসিয়ে দিয়ে যাওয়া—বড় নিষ্ঠুরের কাজ।

—দিদি! অনেক কষ্ট তিনি পেয়েছেন বৈদে থেকে। অনেক অজ্ঞানও করেছেন। আপনার সঙ্গে যে ব্যবহার—

বাঁধা দিয়ে ঠাকুমা বললেন—আমার বা করেছিল ঠাকুপো তা আমি ক্ষমা করেছি মেজবউ। সে আমি মাফ করেছি। কিন্তু ঠাকুরপো যে বড় বেশী মিথ্যা মানশা করেছে যে! লোকের হারহর্মে নিয়ে যে মনে ভারী স্থব পেত সে।

—খুব কষ্ট হচ্ছে তাঁর দিদি।

—তা হচ্ছে ভাই।

মেজদির চোখ থেকে জলের ধারা নেমে এসেছিল। বড় ভাল লেগেছিল আমার। হয়তো আমার কথা শুনে তুমি মনে মনে হাসছ। ভাবছ সুরেশ্বরের পাগল ঠাকুমা পটুয়ারের কাছে দেবা এবং শোনা নরকের বর্ণনা আর ছবির কথা বলে যাচ্ছেন, গ্রাম্য পুঙ্ক্তের মেয়ে যেমদিটি সেই সব কথা ঐক্যত্যা বলে বিশ্বাস করে কানদেছে, ভাবপ্রবণ অর্ধশিক্ষিত ধনীর ছালাল সুরেশ্বরও ভাই বিশ্বাস করেছে ঐক্যত্যা বলে। এ যুগে কথাটা হাসিরই বটে, শুনলে, তুমি তো তুমি, একটা ক্লাস টেনের ছেলেও ব্যতীত হাসবে। কিন্তু না, ঠিক তা নয়। ঠাকুমার কথার

এটা আমি ভাবি নি—যে আমিই দেবের রাস, ভগ্নাতের আবার আমি রাসবাড়ীতে এসেছি, সুরেশ্বর রাস নাম নিয়ে স্নেহের ঋণ শোধ করতে । এও বিশ্বাস করি নি যে আমার পূর্বপুরুষেরা এক অদৃষ্টলোকে কারাহীন অস্তিত্ব নিয়ে আসামীর কাঠগড়ার দাঁড়িয়ে আছেন আর পাঁচকর হাজার থেকে এক লাখ অভিযোগকারীরা চীৎকার করে অবাঙমনসগোচর ঈশ্বর-বিচারকের কাছে দাবী জানাচ্ছে—মাটিতে পুঁতে ভালকুত্তা দিয়ে ওদের কারাহীন সত্তার মাংস হিঁড়ে খাওরানো হোক, কি ফাঁসি দেওয়া হোক, কি কের কুমিকীট করে পৃথিবীর কোন আবর্জনা-স্থূপে ওদের ভগ্নাতের নেওকার দৃশ্য দিয়ে পাঠানো হোক ।

না—তা বিশ্বাস আমি করি নি ।

তবে ঠাকুরার সে-বিশ্বাসকে আমি মিথ্যাও মনে করতে পারি নি । যা আমার কাছে সত্য নয় তাই যে মিথ্যা—তা আমি মনে করি নে সুলভা । তাই তোমাকে ডেকে তোমার সামনে আমি জবানবন্দী দিচ্ছি । দেখ, ইতিহাসের ধারার উত্থান-পতনের পিছনে আছে উল্লেখ্য শক্তি, তার সঙ্গে স্থায়নীয়তা জুড়তে হয়, স্থায়নীয়তিকে মূল্য না-দিয়েও বড় বড় অধিনায়কেরা লোককে প্রভাবিত করতেই শেঁটা করে । তার চেয়ে এক কথা বেশী মূল্য তার নেই । কিছু লোকের স্থায়নীয়তা মানে । লোকের সঙ্গে সঙ্গে জীবন মানে । কত যুগ কত কাল কত ভগ্নাতের পার হয়ে মানুষের দেহের মধ্যে জীবন এসে শুধু অমর হ'তেই চায় নি—অরণ্য অন্ধকারের অন্ধার থেকে স্থানেও আগতে চেয়েছে । রায়বংশের অন্ধারের বাঁধনে বাঁধা পড়েই আমি সেটেলমেট উপলক্ষে কীতিহাট গিয়ে আর কিরি নি । প্রথম টের পেলাম ঠাকুরদাস পালের খুনের কথা । খুন করিয়েছেন রক্তেশ্বর রায় ; আর ঠাকুরদাস পালের প্রপৌত্রের কস্তা তুমি । চমকে উঠেছিলাম । এবং খুঁজতে লেগেছিলাম রায়বংশের পাপ-পুণ্যের ঋতিরানের খাতা ।

সে খাতাও পেয়েছিলাম । ঋণ বেরিয়েছিল বা পাপ বেরিয়েছিল অভ্রম, পুঞ্জ পুঞ্জ, পিটিয়ে পিটিয়ে তাকে জমিয়ে এত ভারী তাকে করে তোলা হয়েছে যে গোটা বংশটাই তার ভারে হাটু ভেঙে ধুলোর মূখ গুঁজে পড়েছে । বৃন্দাবনে ঠাকুরার মুখ থেকে যেন গোটা বংশটা আত্মনাশ করে উঠল—ঋণ শোধ করে আমাদের বাঁচাও । আমাদের বাঁচাও । আমাদের বাঁচাও !

যে সব ছবিগুলো আমি ঝাঁকছিলাম সুলভা—সেগুলো যেন ঠাকুরার কাছে ভাষা পেয়ে কথা ক'রে উঠল ।

পরের দিন আমি বৃন্দাবন থেকে চলে আসব, প্রণাম ক'রে বিদায় নিতে গেলাম ঠাকুরার কাছে, মেজদির কাছে ।

মেজদিকে কিছু টাকা দিলাম—বললাম রাখ মেজদি । দেখ আমি জানি না, ঠাকুরাকে জিজ্ঞাসাও করি নি—করবার সাহসও নেই যে এখানে ওঁর অধিকার কি ? কি আছে ওঁদের ? টাকাটা রাখ যদি কখনও কাজে লাগে ।

ঠাকুরাকে প্রণাম করতে গেলাম । দেখলাম তিনি যেন অস্ত্র মাহুয । খুব স্বাভাবিক ভাবেই বললেন—তুমি আমার নাতি, সুরেশ্বর, বোগেশ্বরের ছেলে । বোগেশ্বর তাই করেছিল ?

তোমার মাকে দুঃখ দিয়ে কেলে রেখে কোন একটা বিবি মেরেকে নিয়ে পালিয়েছিল ?

বুঝলাম মেজদির কাছে শুনেছেন। চূপ ক'রে রইলাম। উত্তর কি দেব বল ? হঠাৎ কপালে হাত দিয়ে তিনি বললেন—কপাল। সারবংশের কপাল।

একটা গভীর দীর্ঘনিশ্বাস করে পড়ল তাঁর বুক থেকে। বললেন—যজ্ঞেশ্বর ভায়লার বাড়ীটা কেড়ে নিরেছিল ? তুমি তাকে টাকা দিয়ে বাড়ী উদ্ধার ক'রে—তার কে—যেন—ছেলের মেয়ের মেয়ে—হ্যাঁ, তাই তো বললে—তাকে তুমি কিরিয়ে দিয়েছ ? তাকে পড়ার খরচ দিচ্ছ ?

এবার বললাম, দিয়েছি। অল্পপূর্ণা—না বললেন, আর আমারও মনে হল—না দিলে অত্যন্ত অস্বস্তি হবে।

—হ্যাঁ ভাই। খুব অস্বস্তি হবে। তোমার ঠাকুদাদা অবিকল তোমার মত দেখতে ভাই। তাঁর সব থেকে বড়-দেনা ওই ভায়লার কাছে। আমার বড়বাবু তার উপর অধিকার করেছিলেন। চৌদ্দ-পনের বছরের মেয়েকে ডাকলেন, আর একসঙ্গে দু'জনে মরি আর। কিন্তু পে ভর খেলে। পারলে না। বড়বাবু তো আলাদা জাতের মানুষ—তিনি গুলী খেয়ে মরতে গেলেন। গুলী খেলেন—পড়ে গেলেন। ভায়লা পালালো গোপাল ঘোষের সঙ্গে। বড়বাবু বাঁচলেন, গুলী বুকে বেঁধে নি। বৈচে উঠে আর তাকে চোখে দেখলেন না। মেয়েটা সারাজীবন কঁদে মল ; রাশুর ঝাড় দারের হাতের বাঁটার মত অবস্থা হল। তবু বড়বাবু তাকে ভালবাসতেন। তার জন্তেই আমি তাঁর ভালবাসা পাই নি। ভায়লাকে দূর করে দিয়ে তাকে খুঁজতেই তিনি ছুটে বেরিয়ে গিয়ে কাঁসাইয়ের গর্তে পড়ে অজ্ঞান হয়ে গিয়ে মারা গেলেন। ভায়লা বিষ খেয়ে মল সিদ্ধাসনের জললে। পরলোকেও মিলতে পারেন নি বড়বাবু। ওরা কিরিশান তো! আঃ বড় দুঃখ! ওদের দেখো। বুঝলে।

দেখব বলে কথা দিয়েই বৃন্দাবন থেকে রওনা হয়েছিলাম। কিন্তু জানতাম না যে ইতিমধ্যে গোয়ানপাড়া আশুন লেগে পুড়ে গেছে। এক প্রান্ত থেকে আর এক প্রান্ত পর্যন্ত। হিলড়া মারা গেছে। তার ঘরেই প্রথম আশুন লেগেছিল।

খবরটা পেলাম কলকাতায় পৌঁছে। একখানা চিঠি এসেছিল। লিখেছিল অর্চনা। লিখেছিল—সুরোদা, বৃন্দাবন থেকে এতদিন ধরেই বোধ হয়। খুব গুরুতর ব্যাপার এখানে। একসঙ্গে তোমাকে দু'খানা চিঠি লিখছি—একখানা বৃন্দাবনে একখানা কলকাতায়। যেখানে পাও। এখানে গোয়ানদের সঙ্গে ঝগড়া চরমে উঠেছিল। এবং তার ফলও কলে গেল। সে ঝগড়াটার জন্তে তুমি মিনতি জানিয়ে কদিন চূপচাপ থাকতে বলে গেলে সেটা চরমে উঠে গেল দিন তিনেকের মধ্যেই। আমার দুঃখ, আমার লজ্জার কারণ এক রকম বলতে গেলে আমি। কলকাতা থেকে ফেরার পর বাবার নতুন চোরাটা দেখে গেছ—তাপও সরেছ ষানিকটা, বাবার ভয়েই ঠাকুমা বৃন্দাবন পালালেন, সে তুমিও জান ; আমিও জানি। বাবার এখন সদাসর্বদাই রক্তধূতি। তার কারণ আমার টাকা। ও টাকা এখন তার মুঠায় তিনি সেটা বুঝিয়ে দিচ্ছেন সন্তোকে। আমি তোমার সঙ্গে পালালে ভাল করতাম। ওদিকে জেলখানা থেকে অভুলকাণ গোয়ানদের খবর পেয়ে ওদের বরকট করতে জর্জর পাঠিয়েছিলেন। তুমি বাবার পরই অর্ডারটা গোপনে জেলখানা থেকে আলে। আনো খুব কড়াকড়ি

হয়। গোবিন্দরা মিটিং করে ঠিক করে যে তারা মুসলমানদের সঙ্গে বোঝাবোঝ করবে। মুসলীম লীগের প্রটেকশন নেবে। বাবা, এই সুযোগে ওদের এখান থেকে উঠিয়ে দিবে আমার টাকার ওদের জমি কিনবার মতলবে—হঠাৎ খুব কংগ্রেসী হয়ে উঠে ওদের পাড়ার গিয়ে ঝগড়া-কাঁটি করে এলেন। তার দিন তিনেক পরেই রাজে গোবিন্দপাড়ার আশুন লাগল। গোটা পাড়াটা পুড়ে গেল—মায় গির্জার দু-পাশের রাণীগঞ্জ টালির ছাণ্ডরানো চাল পর্যন্ত। হিলডা পুড়ে মারা গেছে। এখানে টেনশন খুব বেশী। তুমি চিঠি পাওরা মাত্র চলে এস, অন্ততঃ আমাকে বীচাও। আমি বোধ হয় মরে যাব সুরোদা। গোটা গাঁয়ের লোক এটা চাশাচ্ছে বাবা এবং জ্যাঠামশায়ের ওপর। বলছে কংগ্রেস এ করতে পারে না। এ করেছেন রায়বাবু। ধনেশ্বরবাবু জগদীশ্বরবাবু আর সুখেশ্বরবাবু ছেলেরা। করেছে কমলেশ্বরের সঙ্গীসাথীরা। আমার প্রাণ'ম নাও। ইতি তর্চনা।

সুলতা সেইদিনই রওনা হলাম কীতিহাট।

স্টেশনে নেমে শুনলাম জগদীশ্বরকাকা নিজের বন্ধু দ্বিধে আত্মহত্যা করেছে।

সুরেশ্বর বললে—রায়বাড়ীর জবানবন্দীতে পুহনো কাল শেষ হয়ে গেল সুলতা। দেবেশ্বর রাজের মৃত্যুর সঙ্গেই শেষ। যারা বাংলাদেশে প্রথম ইংরাজী শিক্ষা, ইংরাজী সভ্যতা, ইংরাজী আভিজাত্য আমদানি করেছিল তাদের নাম তুমি এক এক করে স্মরণ কর কিবা আউড়ে যাও, রামমোহন রায়, প্রিন্স স্বারকানাথ ঠাকুর, রাজা রাধাকান্ত দেব থেকে প্রত্যেকেই জমিদারীর উপর বংশের প্রতিষ্ঠা করে গিচ্ছলেন। আবার যারা শুধু দেশকে শুধেছেন, চুষেছেন রক্তপানী বাহুদের মত ভারিও জমিদার ছিলেন। এঁদের আভিজাত্যের কাল, এঁদের গৌরবের কাল, দাঁপটের কাল মোটা হিসেবে বলতে গেলে ১২০০ সাল পর্যন্ত। ১২০১ থেকে নতুন কাল আরম্ভ। সেটার প্রকাশ হয়েছিল ১২০৫ সালে।

ইংরেজ শাসনে লর্ড কার্জন শেষ অপ্রতিহত-প্রতাপ ডাইমরর। সম্রাজ্ঞী ভিক্টোরিয়া ভারতবর্ষের মাহুশের কাছে বিনা প্রতিবাদের ভারতেস্বরী। দেবেশ্বর রায় রায়বাড়ীর শেষ রাজাবাবু। বাংলাদেশে জমিদারদের অপ্রতিহত প্রতাপের কাল—নাইনটিন্থ সেকুয়া। ১২০১ সাল থেকে মাহুশ জাগতে শুরু করেছে। বাবসাহারেরা তাদের থেকে মাথা তুলে দাঁড়িয়েছে; ল্যাণ্ড হোল্ডারস এ্যাসোসিয়েশন, ব্রিটিশ ইণ্ডিয়ান এ্যাসোসিয়েশন থেকে দেশী চেয়ার অব কমার্শিয়ালের দাম বেড়েছে। উকীল, ডাক্তার, মোস্তাফ, ব্যারিস্টার, প্রফেসরের কাল শুরু হল। দেবেশ্বর রাজের উত্তরাধিকারী আমার জ্যেষ্ঠাশ্রম যজ্ঞেশ্বর রায় হয়েছিলেন কলিয়ারী প্রোপাইটার—মস্তবড় খনিয়ালিক। বাবা হয়েছিলেন জার্নালিস্ট।

একটু চুপ করে থেকে সুরেশ্বর বললে—মাহুশ কাল তৈরী করে? না, কাল মাহুশ তৈরী করে? হয়তো বা দুটোই সত্যি। নাইনটিন্থ সেকুয়ীতে বীরেশ্বর রত্নেশ্বর দেবেশ্বর রাজাদের মত জমিদার অনেক ছিল। এঁদের থেকে উন্নত আর বেশী কেউ ছিল না। থাকবার মধ্যে একটা আখটা ঠাকুরবাড়ীর মত বাড়ী—মাহুশের মধ্যে মহারাজা মণীন্দ্রচন্দ্র নন্দীর মত মাহুশ ছিলেন জমিদারদের মধ্যে।

বলতে গেল রায়বাড়ীর জবানবন্দী এখানেই শেষ। কারণ তার পরের কথা—আমার

বাঁবার কথা, ঘোগেশ্বর রায়ের কথা, এ শুধু তোমারই জানা কথা নয়, হয়তো এ কালের সকলের জানা কথা। আমার জ্যাঠামশায়ের কথা হয়তো তুমি জান না, কিন্তু বাংলাদেশের যারা বাঙালী ব্যবসাদারদের কথা জানে, তারা যজ্ঞেশ্বর রায়ের কথাও জানে। তার কথা জানলেই বাঙালী ব্যবসাদারের কথা জানা হয়ে যাবে। কিন্তু সেসব কথা থাক সুলতা, দেবেশ্বর রায় পর্বের শেষ কথাটা বলে নি। সেটা আমিও জানতাম না।

শেষ কথা, দেবেশ্বর রায়ের পাগল স্ত্রীর বৃন্দাবনে নির্বাসন। নির্বাসন দিলেন কে জান? দিলেন শিবেশ্বর রায় এবং যজ্ঞেশ্বর রায়। এবং নীরবে মাথা নত করে দেখলেন আমার বাবা বাংলাদেশের বিখ্যাত জার্নালিস্ট ঘোগেশ্বর রায়।

আমি কথাটা আবছা আবছা শুনেছিলাম। কিন্তু কখনো জিজ্ঞাসা করে ভালভাবে জেনে নিতে সাহস হয় নি। জিজ্ঞাসা করব কাকে? ছেলেবেলা থেকে শুনতাম ঠাকুমা থাকেন বৃন্দাবনে। বাবার কোন ব্যাখ্যা দেখি নি কোন দিন মায়ের জন্তে। মায়ের কাছেও তাঁর কথা কিছু শুনি নি। বাবার মৃত্যুর পর তাঁকে পত্র দিয়ে থাকলে জানবাজারের বাড়ীর ম্যানেজার দিয়ে থাকবেন। তিনি পেয়ে থাকলেও কোন উত্তর দেন নি।

ওবে চাপা একটা কথা শুনতাম—ঠাকুমা একবস্ত্রে বাড়ী থেকে বেরিয়ে চলে গিয়েছিলেন বৃন্দাবন। তিনি নাকি স্বামীর মৃত্যুর পর উন্নাদ পাগল হয়ে গিয়েছিলেন। লোকে বলে গোরানদেয় পাড়ায় গিয়ে ঘুরে বেড়াতেন। কেউ বলত, তাদের বাড়ীতে নাকি খেয়েছিলেন। কথাগুলো এলোমেলো কথা। যার জন্ত এ বাড়ীর সঙ্গে, তাঁর নিজের ছেলেদের সঙ্গে তাঁর সব সম্পর্ক চূকে গেছে।

\* \* \*

তিনি আজও বেঁচে আছেন। কথাটা কিন্তু কারুরই মনে থাকে না। তাঁর কথাটুকু বললেই রায়বাড়ীর কথা শেষ।

সেদিন তাঁর কথা শুনলাম।

সেদিন মানে ১৯৩৭ সালের এপ্রিল মাসে। তোমার মনে আছে বোধ হয় মেদিনীপুর শহরের সুখাকরবাবু উকীলের টেলিগ্রাম পেয়ে আমি কলকাতা থেকে গিছিলাম মেদিনীপুর। তখন মেদিনীপুর থানিকটা শান্ত হয়ে এসেছে; জেলা ম্যাজিস্ট্রেট হয়ে এসেছেন মিস্টার বি আর সেন। তিনি মেদিনীপুরের দমননীতির কড়াকড়ি ক্রমশ শিথিল করে আনছেন। যেকঠাকুমার যে জেল হয়েছিল, তার মেয়াদ শেষ হয়েও তিনি খালাস পান নি, জেলগেটেই তাঁকে আটক আইনে আটকে জেলেই রাখা হয়েছিল। মিস্টার সেন তাঁর কেসের ফাইল পড়ে ভগ্নস্ত করে তাঁকে ছেড়ে দেবেন। উকীল কথাটা জানতে পেরে আমাকে টেলিগ্রাম করেছিলেন। আমি মিস্টার সেনের সঙ্গে দেখা করে যেকঠাকুমার জন্তে অপেক্ষা করে আছি। এরই মধ্যে কুইনী হিলড়া এসেছিল। সঙ্গে খড়গপুরের ইঞ্জিনিয়ার কৃষ্ণানদের একটি মহিলা। কীর্তিহাটের লোকদের বিরুদ্ধে, বিশেষ করে রায়বাড়ীর লোকদের বিরুদ্ধে অভিযোগ করতে এসেছে। তারা কংগ্রেসকে ভোট দেয় নি বলে তাদের উপর অস্ত্রার জুলুম করছে তারা। অভিযোগ করতে এসেও আমার কথা শুনে হিলড়া এসেছিল আমার কাছে। কুইনীর ইচ্ছে



খুব ছিল না, কৃষ্ণচন্দ্রের প্রতিনিধিত্বানীয়া মেয়েটির তো আদৌ ছিল না ইচ্ছে। কিন্তু হিলডার জেদে আসতে হয়েছে। তাদের আশ্বাস দিয়ে বলেছি, করেকটা দিন অপেক্ষা কর, আমাদের কীতিছাঁট কিরতে লাগে। সেখানে লোকদের সঙ্গে কথা বলে, বুঝে উত্তর দেব। যদি নিবারণ করতে না পারি তবে তোমাদের বলে দেব, তখন তোমরা যা খুশী করবে। কুইনীকে আমিই খড়্গাপুর ইন্ডুলে ভতি করিয়ে দিয়েছি, আমিই তার খরচ দিই। না হ'লে হয়তো কুইনী হিলডার কথা শুনত না। তার পরের দিনের কথা বলছি। পরের দিন সকালেই মেজঠাকুরমা মুক্তি পেলেন। তাঁকে নিয়ে এলাম শহরের বাসায়।

শীর্ণ হয়ে গেছেন মেজদি। তাঁর কান্ধি ঘেন মলিন হয়ে গেছে। দৃষ্টিতে একটা উৎকর্ষা ছুটে উঠেছে। মাথার চুলগুলো কেটে ফেলেছেন। বয়স ঘেন দশ বছর বেড়ে গেছে।

জিজ্ঞাসা করলাম—এ কি মেজদি! আমি তো তোমার সঙ্গে মাস দুয়েক আগে দেখা করে গেছি, এর মধ্যে তোমার শরীর এমন খারাপ হ'ল কেন?

মেজদি স্নান হেসে বললে—ওরে, খালাস পাব শুনে দুর্ভাবনার এমন হয়ে গেছি ভাই।

—দুর্ভাবনা কিসের মেজদি?

—দুর্ভাবনা কিসের? দুর্ভাবনা সব কিছুর ভাই। আমার দুর্ভাবনা, বন্ধের দুর্ভাবনা, মাথা গুঁজবার ঠাইয়ের দুর্ভাবনা—দুর্ভাবনা কিসের নয় তাই বল।

—আমি বেঁচে থাকতে দুর্ভাবনা ভাবছ মেজদি।

একটা দীর্ঘনিশ্বাস কেলে মেজদি বললেন—রায়বাড়ীতে আমার বড়দি—রায়বাড়ীর বড়গিন্নী, তোর ঠাকুরমাকে, তার দুই ছেলে থাকতেও বুকাবনে নির্বাসনে যেতে হয়েছে। আজও কেউ তাঁর খোঁজ করে না। তাঁর নিজের পৈতৃক টাকা ছিল। তাই তিনি মান বাচিয়ে বৈষ্ণব হয়ে বেঁচে আছেন। আমার যে কিছুই নেই সুরেশ্বর।

আমি বলেছিলাম স্মৃতি, বলেছিলাম—মেজদি আমি তো আছি।

হেসে মেজদি বলেছিলেন—না। শু ভরসা করতে বলিস নে। মামী মাছুষ যারা তাদের পান থেকে চুন খসলেই অপমান হয়। তারা সব দুঃখ সহিতে পারে অপমানের দুঃখ সহিতে পারে না। জেল-কেন্দ্রত সৎমাকে ধনেশ্বর, জগদীশ্বর সহ্য করবে না রে। তোর ঠাকুরমা—রায়বাড়ীর বড়বাবুর স্ত্রী মাণিকবউ-এর মাথা খারাপ হয়ে গিয়েছিল স্বামীর অবহেলায়। তার ওপর স্বামীর এই মৃত্যুতে হয়ে গেলেন উন্মাদ পাগল।

বলতে বলতে থেমে গেল সুরেশ্বর। কিছুক্ষণ পর একটা দীর্ঘনিশ্বাস কেলে বললে—স্মৃতি, দেবেশ্বর রায় নদীর গর্ভে পড়েছিলেন অজ্ঞান হয়ে, লোকজনে অনেক খুঁজেপেতে তাঁকে তুলে নিয়ে এল। আমার ঠাকুরমা মাণিকবউ তখন ছিলেন গোবিন্দ মন্দিরে। রাধাগোবিন্দের সামনে লক্ষ্যেবেলা থেকে সে আমলে বারো মাস কথকতা হ'ত; নিযুক্ত কথক ছিল। ক্রমাগত কৃষ্ণলীলার কথকতা চলত। মাণিকবউ কথকতা শুনে হাসতেন, কান্ডতেন, কখনও কখনও উঠে গিয়ে গোবিন্দের সামনে গিয়ে হাত মুখ নেড়ে কথা বলতেন। কথকতা শেষ হ'লে নিজের হাতে শয্যা রচনা ক'রে রাধাগোবিন্দকে শয়ান করিয়ে নিজের ঘরে কিরতেন। সেদিন বড়বাবুর অস্থপ্নে খবর নিয়ে মা'ঠাকুরমাকে জানাতে গিয়েছিল অনন্ত, কিন্তু সে তাঁর কানে

যায় নি। তিনি শোনে ন। বার বার বলেছিলেন—বা বা। বড়বাবুকে ঘুমতে বলগে বা। এখন আমি যেতে পারব না। গেলে ঠাকুর রাগ করবেন। তাতে তারই অমঙ্গল হবে। বা।

অগত্যা কথকতাত্তেই মধ্যপথে ছেদ টেনেছিলেন কথকঠাকুর। মাণিকবউ ঠাকুরকে শয়ান করিয়ে এসে স্বামীর ওই অবস্থা দেখে আঁচড়ে পড়েছিলেন স্বামীর বুকে। আর প্রাণ কাটিয়ে ডেকেছিলেন—বড়বাবু—বড়বাবু গো, বড়বাবু আমি যে এলাম, কথা বল, আমি তোমার মাণিকবউ, কথা বলবে না? বড়বাবু।

সকালবেলা খবর রটেছিল—সিদ্ধাসনের জন্মলে ভায়লা বিষ'খেয়ে মরেছে।

মাণিকবউ শুনে নাকি হঠাৎ যেন বোবা হয়ে গিয়েছিলেন। না, হল না শুলতা। শুধু তো বোবা নয়, তিনি যেন শুকিয়েও গিয়েছিলেন। চোখের জল শুকিয়েছিল; কণ্ঠের স্বর বন্ধ হয়ে গিয়েছিল। পাথরের মূর্তির মত বসেছিলেন কিছুক্ষণ। তারপর ধীরে ধীরে উঠে চলে গিয়েছিলেন স্বামীর বিছানার পাশ থেকে।

দেবেশ্বর রায়কে নিয়ে সকলে যখন ব্যস্ত তখন দীর্ঘ অবস্ফূর্তন টেনে একটি মেয়ে খিড়কির পথে রায়বাড়ী থেকে বোম্বয়ে, কাঁসাই পার হয়ে গিয়ে উঠেছিল সিদ্ধাসনের জন্মলে। যেখানে সিদ্ধাসন থেকে খানিকটা দূরে ভিড় জমিয়ে দাঁড়িয়েছিল গোয়ান মেয়েপুরুষেরা, মাঝখানে নামানো ছিল ভারলেটের মৃতদেহ।

ঘোমটার ভিতর থেকে সকলের পিছনে দাঁড়িয়ে তিনি বলেছিলেন—“সবু তো রে, সবু তো একটু দেখি। ওরে সবু না। এবার দেখতে দে।”

পুরুষেরা তাঁকে কেউ চিনত না, কিন্তু গোয়ান মেয়েরা অনেকে তাঁকে দেখেছে, তারা চিনত, তারা তাঁকে রায়বাড়ীর বড়গিহী ব'লে চিনেছিল। তারা সমস্তম লোকজন সারয়ে নিয়ে দেখতে দিয়েছিল ভারলেটের মৃতদেহ। মৃতদেহের পাশে ব'সে মাণিকবউ তাঁকে বলেছিলেন—“বৈচে পাস নি তাই ম'রে পেলি। নয়? আমি কি করব বল? বিবাস কর, আমাকে এরা ধরে এর সঙ্গে বিয়ে দিয়েছিল। তাঁকে আমি পাই নি। চেয়েছিলাম পাই নি। তুই পেয়েছিলি—তাকে পেতে দেয় নি। আমার দোষ নেই। তা এবার পেলি, এবার শান্তি হল।”

খবর নিয়ে ছুটে এসেছিল একজন গোয়ান। লোকজন গিয়ে তাঁকে নিয়ে এসেছিল, তখন তিনি বন্ধ পাগল। কিন্তু পাগলামির একমাত্র স্বর ওই। ওই ভারলেট।

বাড়ী এসে ধুরো ধরেছিলেন—“ভারলেট সত্যি হয়েছে। ওকে সত্যিঘাটে বড়বাবুর সঙ্গে দাফ কর।”

রায়বাড়ীর অন্ধরের মধ্যে একেবারে মাঝখানকার ঘরে তাঁকে জোর করে ভিতরে পুরে ভালো দিয়ে বন্ধ করে রাখা হয়েছিল। স্বামীকে আর তিনি দেখতে পান নি। কিন্তু আঁজের দিনে বাথালেস হাওয়া। ছেলেদের বললেন—বড়মায়ের আঁজ কর।

ছেলেদের বড়মা যান, ভারলেট।

কোন রকমে তাঁকে খান করিয়ে কাপড় ছাড়িয়ে আবার তাঁকে ধরে বন্ধ করা হয়েছিল,

কিন্তু কখন কোন্ কীকে যে কে দরজা খুলে দিয়েছিল কেউ জানে না; মাণিকবউ ঘর থেকে বেরিয়ে পড়ে সটান গিয়ে উঠেছিলেন গোয়ানপাড়ায়। তাঁর হাতে ছিল পুঁটলী-বাধা গহনা আর টাকা। তখন সংঘো হরে গেছে। যখন খোঁজ হল, তখন রাজি অনেকটা, লোকজন সমস্ত দিন পরিভ্রম ক'রে রাস্তা; কাঙালীতে কীতিহাট ভরে গেছে। লোকের দাওয়া থেকে শুক করে প্রতিটি গাছতলার পর্যন্ত মাছুষ শুয়ে আছে, বসে আছে। ঘুরছে কিরছে কীদছে এঁটোকাঁটা চেয়ে বেড়াচ্ছে। তার মধ্যে কোথার খোঁজ করবে মাণিকবউয়ের! মাণিকবউয়ের গায়ের রঙ গোরবর্ণ, কিন্তু রাজি অন্ধকার, তার মধ্যে তাঁকে চিনে বের করা সম্ভবপর ছিল না। গোয়ানপাড়ার কথাটা কাকুর মনে হয় নি।

সকালবেলা খোঁজ হয়েছিল।

গোয়ানেরাই খোঁজ দিয়ে গিয়েছিল। মাণিকবউ গহনার পুঁটলী নিয়ে গোয়ানপাড়ায় গিয়ে ওই গির্জের বারান্দার বসেছিলেন। সকালে লোকজনদের ডেকে বলেছিলেন—আমি রাইবাড়ীর বড়বউ। তোদের ভায়লা আমার সতীন। বড়বাবু তো ওকেই ভালবাসতেন। তা ভায়লা মল, তার প্রাজ্ঞ হল না। ছেলেদের বললাম—ছেলেরা করলে না। আমি করব প্রাজ্ঞ। তোদের পাদরীকে ডাক, আমার যোগাড়বন্ধ করে দে। এই নে এই গয়নাগুলো নে, বিক্রী করে আন।

\*

\*

\*

শিবেশ্বর রায় আত্মগোপন ক'রে ছিলেন, যজ্ঞেশ্বর রায়ও আত্মগোপন করে ছিলেন। খুনের মামলার জন্ত তখন ওরারোট বেরিয়ে রয়েছে। প্রাজ্ঞ করেছিলেন যোগেশ্বর রায়, আমার বাবা। এবং মাণিকবউ সম্পর্কে আপত্তি তুলেছিলেন ধনেশ্বর আর জগদীশ্বর। আমার বাবা থেকে ধনেশ্বরকাকা এক বছরের ছোটি। জগদীশ্বরকাকা ধনেশ্বরকাকা থেকে দু বছরের ছোটি। একজনের বয়স উনিশ, একজনের বয়স সতেরো। আত্মগোপন ক'রে থেকেও শিবেশ্বর রায় এই সময়ের অপূর্ব সুযোগটি ছাড়েন নি। ধনেশ্বরকাকা এবং জগদীশ্বরকাকা হঠাৎ একদিন গোবিন্দমন্দিরে মাণিকবউয়ের পথ আটকালেন।

মেজদাদু শিবেশ্বর রায় আত্মগোপন ক'রে ছিলেন এই মেদিনীপুরেই—সেই বাড়ীতে; যে বাড়ীতে আমি মেজদাদুর অপেক্ষার বসে ছিলাম ১৯৩৭ সালের এপ্রিল মাসে। যে বাড়ীতে বসে মেজদাদুর কাছে বসে এই সব কথা শুনছিলাম সেই বাড়ীতেই, আত্মগোপন মানে একটু আড়াল দিয়ে বসবাস করছিলেন। বাইরে Not at home নোটিশ টাঙিয়ে বাস করার মত। তিনি উকীলদের সঙ্গে পরামর্শ করছিলেন, মাণিকবউয়ের এই অপরাধ, এই গহনাগাটি নিয়ে গোয়ানপাড়ার গির্জের বারান্দার পড়ে থাকার জন্তে, তার উপর পাতিত্যা দোষ চাপিয়ে, তার ছেলেদের দেবোত্তরের স্বত্ব থেকে বঞ্চিত করা যায় কি না।

উকীল নাকি বলেছিলেন—পাতিত্যা চাপানো! যার কিনা সে তো আমি বলতে পারবো না, তবে চাপাতে পারলে, মূল দেবোত্তরের স্বত্ব থেকে বঞ্চিত করা যাবে এটা নিশ্চিত। আর ভেবে দেখুন সেটা ঠিক হবে কিনা। ওই দেবোত্তরের সম্পত্তি পত্তনদীদার, দরপত্তনদীদার হিসেবে যা ভোগ্য করেন, তা তো ওদের বাবে না। ভেবে দেখুন ভাল ক'রে, একই মহালে

শরীক হিসেবে থাকবেন। সেখানে ঝগড়া হবে।

তাতে শিবেশ্বর রায় দমেন নি। ছোট-তরকের রামেশ্বর বিলেত গেছে। তার স্ত্রী মারা গেছে এখানে। রামেশ্বর বিলেত থেকে হয় কিরবে না, নয় মেম বিয়ে ক'রে কিরবে। সুতরাং শরীক এখন তিন তরফ নয়, দু' তরফ। দু' তরকের এক তরফ বড় তরফকে পতিত করতে পারলে থাকবেন এক এবং অধিষ্ঠিত মেজতরকের কর্তা—তিনি শিবেশ্বর রায়। তিনি তার দুই ছেলেকে ডেকে উপদেশ দিয়ে ব্যবস্থা করলেন।

মন্দিরে ঢুকতে দিও না—বলো পাতিত্য ঘটেছে। গোয়ানপাড়ার কোথায় ছিলেন কার বাড়ীতে ছিলেন, কে বলতে পারে? কি খেয়েছেন কে জানে?

ধনেশ্বর তখন গোয়ানপাড়ার চোলাই করা মদের খাদ গ্রহণ করতে শুরু করেছেন। তখন তিনি উনিশ বছরের নবযুবক। সতের বছরের জগদীশ্বর রায়।

একটু খামল সুরেশ্বর। পাশেই বসেছিল অর্চনা। অর্চনা জগদীশ্বর রায়ের বড় মেয়ে; সম্ভবতঃ বলতে কুষ্ঠাবোধ করছিল।

অর্চনা বললে—খামলে কেন সুরোদা? বাবা জ্যাঠামশায়ের চেয়ে দু' বছরের ছোট। তখনও ইঞ্চলে পড়েন। রায়বাড়ীর রত্নেশ্বর রায় এইচ ই স্কুলে থার্ড ক্লাসে বছর তিনেক আছেন। তিনি মদ খেতেন রাজ্রে, দিনে গন্ধের ভয়ে মদ খেতেন না, স্কুলে যেতে হত, তবে তাঁর বার্ডশাইয়ের ভিতর চরস গাঁজা পোরা থাকত। তিনি তিনটে নেশা করতেন—মদ গাঁজা চরস।

\*

\*

\*

শুলতা বললে—থাক এসব কথা থাক সুরেশ্বর। আমার প্রাণ হাঁপিরে উঠছে।

সুরেশ্বর বললে—শুনেই তোমার প্রাণ হাঁপিরে উঠছে শুলতা, আর রায়বাড়ীর হতভাগ্যেরা এরই মধ্যে বাস করছে, চীৎকার করছে, সে চীৎকার সেদিন শুনেছ খানিকটা, আবার আমার মত চীৎকারও করছে, পরিত্রাণ কর, পরিত্রাণ কর ব'লে। শোন—আর খুব বেশী নেই সেকালের কথা। অর্চনা মাঝখানে বাধা দিয়ে বললে—আমি বলছি সুরোদা, তুমি খাম। বলেই সে বলে গেল—

জ্যাঠামশাই মানে ধনেশ্বর আর বাবা সেদিন উন্মাদিনী মানিকবউয়ের পথ আগলালে।

—যেরো না জ্যাঠাইমা—ঘেতে পাবে না।

চমকে গেলেন মানিকবউ—ঘেতে পাবে না?

—না, তোমার জাত গেছে।

—কি? কি? কি?

—ভো—মা—র জা—ত গে—ছে।

আমার বাবা জগদীশ্বর রায় হাত-পা নেড়ে ভেড়িয়ে কথা বলে শুলতাদি। সে ছেলেবেলা থেকেই। হাত-পা নেড়ে মুখ ভেড়িয়ে সে বললে—সে-দি-ন কি-রি-শা-ন সতীনের ছাঁক করতে গরনার পুঁটলী নিয়ে সারারাত গোয়ানপাড়ার পড়েছিলে। কোথা খেয়েছিলে? কার বাড়ীতে? তোমার জাত গিয়েছে দেশসুদ্ধ লোক জানে। হৈ, হৈ উঠছে। নশ

হাজার বাড়ী এসেছিল। কি বলছে তারা শোন গে। ঢুকতে পাবে না ভূমি।

তাদের মুখের দিকে ক্যালক্যাল করে তাকিয়েছিলেন তিনি। তারপর হঠাৎ অজ্ঞান হয়ে পড়ে গিয়েছিলেন।

সুতরাং বললে—আশ্চর্য সুলভা, পুরো একদিন অজ্ঞান হয়ে থেকে যখন জ্ঞান হল তখন তিনি ঘেন বোবা হয়ে গেছেন। মধ্যে মধ্যে জিজ্ঞাসা করেছেন—বড়বাবু তো তাকে ভাল-বাসতেন, একরকম বিয়ে করেছিলেন। তো বড়বাবুর জ্ঞাত যায় নাই?

তখন বড়-ভরফের সতীন অবস্থা। আমার বাবা যোগেশ্বর রায় ছুটে গেছেন দাদার কাছে। বজ্জেশ্বর রায়ের কাছে। বজ্জেশ্বর রায়ও শিবেশ্বরের মত কলকাতার রয়েছেন। নিজের বাড়ীতে থাকেন না, অন্য বাড়ীতে থাকেন। বিভিন্ন স্ট্রীটে গর যে বাড়ী ছিল, সেই ঠিক পারের বাড়ী ভাড়া নিয়ে সেখানে ওয়ারেন্ট এ্যাভারড করে থাকতেন। তাঁর কাছে গেল ছোটভাই।

বজ্জেশ্বর রায় বললেন—মাকে নিয়ে এস কলকাতার। পাগল সাটিকিট নাও ডাক্তারের কাছে, তারপর একটা বাড়ী ভাড়া করে বন্ধ করে বেথেটেঁথে রেখে দাও। কথাটা বড় চাউর হয়ে গেছে। এ ছাড়া পথ নেই।

বাবা পারেন নি মাকে বেঁধে কলকাতার আনতে।

জ্যাঠামশাই রাতে গিয়ে মাকে নিয়ে এসেছিলেন। তখন মাণিকবট উদ্দাদ নন অথবা উদ্দাদরোগের উপসর্গটা পাটে গেছে। মধ্যে মধ্যে চীৎকার করেন—ঠাকুর, ভূমি এসে বল! সাক্ষী দাও! ঠাকুর!

বাকী সমস্তটা চূপ করে পড়ে থাকতেন, আর আপন মনে বলতেন—এই তোমার ইচ্ছে, মর? তোমাকে ভজলে কলঙ্কের ভাগী হতেই হবে? বেশ তাই হোক। হ্যাঁ, আমার জ্ঞাত গিয়েছে। বড়বাবুকে যখন বিয়ে করেছিলাম তখনই গিয়েছিল। কিন্তু তখন তো শালগ্রাম হয়ে সাক্ষী হয়েছিল! আপত্তি তো কর নি? কেন?

আবার চোঁচিয়ে উঠতেন—ঠাকুর, এসে বল! সাক্ষী দাও। ঠাকুর!

এরই মধ্যে সুলভা, জ্যাঠামশাই তাঁর কাছ থেকে তাঁর পৈতৃক কোম্পানীর কাগজ সহ করিয়ে নিজেদের নামে ট্রান্সফার করিয়ে নিয়েছিলেন। বাবাও তার ভাগ নিয়েছিলেন।

খবর অরপূর্ণা-মা পেয়েছিলেন। তিনি এসেছিলেন দেখতে ব্যবস্থা করতে। কিন্তু জ্যাঠামশায় তাঁর সঙ্গে ঝগড়া করে তাঁকে ফিরিয়ে দিয়েছিলেন। বাবাকে দিয়ে তখন চেষ্টা করিয়েছিলেন অরপূর্ণা-মা, তাকে এই বাড়ীতে এনে যত্নের মধ্যে রাখতে, চিকিৎসার ব্যবস্থা করতে। কিন্তু এরই মধ্যে মাণিকবট একদিন ছাড়া পেয়ে বেরিয়ে পালালেন।

পালালেন—একেবারে বৃন্দাবন।

বৃন্দাবনে ভিক্ষা করেই খেতেন প্রথম প্রথম। হঠাৎ তাঁর সঙ্গে দেখা হয়ে গেল এক বুড়া বুড়ীজীর। আগ্রার কৃষ্ণাবাড়ী। বাংলাদেশের হুঁচুড়ার কারস্ব জমিদারগৃহিণী কৃষ্ণভায়িনী। দেবেশ্বরের ভিক্ষামারের। তিনি তখন বৃন্দাবন-বাসিনী হয়েছেন। অর্থ ছিল প্রচুর। তিনি নিজের কুঞ্জ করে সেখানে বাস করতেন। দেবব্রহ্ম ছিল নিজের। পূজা করতেন।

পাগলীর সঙ্গে প্রায়ই দেখা হত। মধ্যে মধ্যে পাগলী চীংকার করে ডাকত—ঠাকুর—সাকী দাও। এসে বল। ঠাকুর।

বাংলা কথা শুনেই তিনি শুঁকে নিয়ে যেতেন নিজের বাড়ীতে, যত্ন ক'রে খাওরাতেন।

গুরই বাড়ীতে একথানা কটোগ্রাফ ছিল—এনলার্জ করা কটোগ্রাফ, তাড়া মাথা খড়ম পারে দণ্ডারী ত্রুচরী দেবেশ্বর রায়ের। কৃষ্ণভামিনী দাসীর ভিক্ষাপুস্ত্রের।

সেই ছবি দেখে মানিকবউ হা-হা করে কেঁদে উঠেছিলেন—ও কে? ও কে? ও কে গো?

তারপর চীংকার ক'রে ডাকতে শুরু করেছিলেন—বড়বাবু! বড়বাবু! বড়বাবু গো! দেখ—দেখ—তোমার মানিকবউয়ের তুংখ দেখ!—ভিক্ষা করছি। বড়বাবু। আমাকে সঙ্গে কর। বড়বাবু।

এরপর পাগলীকে আর চিনতে বাকী থাকে নি কৃষ্ণাবাস্তবের। তিনি তাঁকে বুকে ভুলে নিয়ে মায়ের মত, শাশুড়ীর মত কেঁদেছিলেন কপাল চাপড়ে বুক চাপড়ে। নিজের পরিচয় দিয়েছিলেন মানিকবউকে এবং তাঁকে নিজের সন্তানের মত রেখে কলকাতার চিঠি দিয়ে জানিয়ে দিয়েছিলেন—বউমা এখানে রইলেন।

সেই অবধি তিনি দেখানেই আছেন স্মৃতি। তিনি ভুলে গেছেন তাঁর সন্তান, শ'শর, রায়বাড়ী, কীৰ্ত্তিহাট; আর যজ্ঞেশ্বর রায় যোগেশ্বর রায়ও ভুলে গেছেন তাঁদের মাকে। কেন জান? কৃষ্ণাবাস্তবের আশ্রয়ে থাকার পর আর তাঁকে মা বলে স্বীকার করলে কীৰ্ত্তিহাটের দেবোত্তর সম্পত্তিতে অধিকার থাকবে না। শুধু তাই নয় স্মৃতি, বাংলাদেশের ধনী অভিজাতদের মহলে কৃষ্ণাবাস্তবের সঙ্গে মায়ের বাস করার অপবাদ অস্বাভাবিক অপরোধ। তাঁরা রটিয়ে দিয়েছেন, মা বৃন্দাবনে সন্ন্যাসিনী হয়ে গেছেন। কোন সম্পর্ক তিনি নিজেরই রাখেন না।

তা তিনি রাখেন না। তিনি ভুলে যেতেই চান, কিন্তু ভুলে যেতে পারেন না। মধ্যে মধ্যে এ দেশের কেউ গেলে তাঁর যত্নের প্রশংসা করেন। আর “বহুমানসজীর” কথায় ব্রজধামের লোকেরা অজ্ঞান মাথা নোতান।

মেজদি সেদিন রায়বাড়ীর মানিকবউ, দেবেশ্বরের অবজ্ঞাতা স্ত্রীর কথা বলে বললেন—আমাকে বরং তাঁর কাছে পাঠিয়ে দে তাই। বাকী দিন ক'টা আমি তাঁর কাছেই কাটাব।

স্মৃতি, মানিকবউরানী সম্পর্কে সেই আমি প্রথম বিস্তৃত বিবরণ শুনলাম; বললেন মেজদি। মেজদি আমার কীৰ্ত্তিহাটের জীবনে তাড়া রায়বাড়ীতে আমার মা, আমার সহোদরী বড়দি, আমার রূপসী ঠাকুমা সখি। শুনে আমার সমস্ত শরীর ঝিমঝিম ক'রে উঠল। মনে হল আমার গলাটা কেউ চেপে ধরে খাঁসকুঁক করে মেরে কেলেতে চাচ্ছে।

ও—মাকে নির্বাসন দিয়ে দেবোত্তরের অধিকার নিয়েছিলেন জ্যাঠামশাই আর বাবা। আর এইভাবে অপবাদ দিয়েছিলেন মেজদাদু শিবেশ্বর রায়।

মেজদি বললেন—তাই, রামচন্দ্র সীতাকে বনবাসে দিয়ে রাজ্যরক্ষা করেছিলেন। তিনি তো ভগবান।

হায় পক্ষ ভগবান! হায় রাজ্য। এ রাজ্যের ভার দায় থেকে আমি কি ক'রে বাচব

বলতে পার ঠাকুমা ?—মেজদি ?

মেজদি অবাঁক হয়ে গিছিলেন আবার কথা শুনে ।

সুলাতা, ঠিক এই সময়ে বেলা তখন দুটো ; মেজদি জেল থেকে রিলিজড হয়ে বাড়ী এসে পৌঁছেছিলেন আটটা সাড়ে আটটার ; তারপর ঠাকুমার কথা শুনে শুনে দুটো বেজে গিয়েছিল, খেরাল ছিল না, দুটো বেজে গেছে ; কথার ছন্দ টেনে দিলে বাইসিকলের শব্দ ।

টেলি-গিরাম ।

\*

\*

\*

টেলিগ্রাম—কলকাতা থেকে টেলিগ্রাম এসেছে—কাম ইমিডিয়েটলি মাটার ডেরী সিরিয়াস ।

রথীনের কাকা টেলিগ্রাম করেছেন ।

কলকাতার সন্ধ্যাতেই রওনা হলাম সুলাতা । মেজদিকে পাঠাতেই হল কীতিহাটে । কারণ মেজদি খালাস পেলেনও কীতিহাটের মধ্যেই তাঁর গন্তব্যের গতিবিধি টেনে দেওয়া হয়েছিল ।

কলকাতার পৌছলাম রাতে । রাত্রি তখন এগারটা । হাওড়া থেকে বরাবরই গিয়ে উঠেছিলাম হরিশ মুখ জি রোডের বাড়ীতে ।

গিয়ে দেখলাম তাঁরা অন্নপূর্ণামায়ের শেষরত্ন করে সেই মাত্র ফিরছেন কেওড়াডালা থেকে ।

ভোরবেলা অন্নপূর্ণামা মারা গেছেন । রাত্রি আটটার সময় থেকে হাট' গ্র্যাটাক হয়েছিল । সন্ধ্যার সময় বয়ে থেকে টেলিগ্রাম এসেছিল রথীন আত্মহত্যা করেছে । টেলিগ্রাম করেছিলেন রথীনের বাবা । রথীন এক নাস'কে নিয়ে বিলেত পালাচ্ছিল । রথীনের বাবা অর্চনাকে সঙ্গে নিয়ে তাঁর পিছনে পিছনে ছুটে গিয়েছিলেন তাকে ধরতে—তাকে ফেরাতে । সেখান থেকে টেলিগ্রাম করেছিলেন—রথীন নেই । আত্মহত্যা করেছে ।

ধরটা শোনবামাত্র অন্নপূর্ণামা বুকে হাত দিয়ে 'কি হল' বলে ব'সে পড়েছিলেন । তারপরই অজ্ঞান হয়ে যান । ভোর চারটে নাগাদ দীর্ঘ আশী বছরের জীবনে বোধ হয় কালের হাতে হার মেনে ভোরের নিশ্চকতার মধ্যে মুখ লুকিয়ে চলে গেলেন ।

কীতিহাটে যখন গিয়ে পৌছলাম সুলাতা, তখন কীতিহাট অত্যন্ত উত্তপ্ত । ওদিকে গোয়ানপাড়ার সরকারী তাঁবু ফেলে রিলিফ সেন্টার খোলা হয়েছে । একটা ছোট পুলিশ ক্যাম্প বসে গেছে তাদের রক্ষণাবেক্ষণের জন্তে ; এদিকে কীতিহাটে সেটেলমেন্ট ক্যাম্পের জন্ত বেওয়া বীড়ীগুলোতে একটা বড় দল পুলিশ এসে বসেছে—তাদের সঙ্গে আছেন একজন এ-এস-পি । সাধারণ তদন্তের দল একজন ডেপুটিও এসে রয়েছেন তাদের সঙ্গে । অতুলেশ্বর বা করেছিল বা করতে পারত তা তার নিজস্ব পুণ্য । কিন্তু সেই পুণ্যে বিচিঞ্জভাবে বোধ হয় কালমাহাত্ম্যে রাখা বাড়ী এবং কীতিহাট পুণ্যবান হয়ে উঠেছিল । সেকালে পুলিশ বার উপর অত্যাচার করেছে, এই কারণে সে-ই পুণ্যবান বলে খ্যাতিলাভ করেছে । সে ভোমার অবিকৃত

নয়। বিচ্ছিন্নভাবে গোয়ান নির্ধাতন পর্বে জমিদার-বাড়ী এবং কীর্তিহাটের হিন্দু গ্রন্থাগার একসঙ্গে এক দড়িতে বাঁধা পড়ার মত অপরাধে অপরাধী বলে নির্ধারিত হলেও তারা দমে নি; কারণ প্রমাণ ঠিক হাতেনাতে কিছু পাওয়া যায় নি। কীর্তিহাটের কেউই দমে নি। এরই মধ্যে জগদীশ্বরকাকা আত্মহত্যা করেছেন।

গোটা গোয়ানপাড়টা পুড়ে গেছে। অগ্নিকাণ্ডের মধ্যে জীবন্ত পুড়ে মরেছে হিলড়া-বুড়ী। চার্চের দুইদিকে দুখানা খড়ের ঘর ছিল—একখানার ইম্বুল হত, অস্ত্রখানার থাকতেন পাদরী সাহেব। হিলড়া জলন্ত চার্চে ঢুকেছিল মাদার যেরীর ছবিখানা বাঁচাবার জন্তে। গোয়ানপাড়ার লোকে বলে—এর মধ্যে কীর্তিহাটের কংগ্রেসীরা আছে আর রায়-জমিদারেরা। আমরা কংগ্রেসকে ভোট দিই নাই বলে কংগ্রেসওলারা গোলা করে আমাদের এখান থেকে ভাগিয়ে দিবে বলেছে, জমিদারবাড়ীর লেড়কা অতুলবাবু ভি কংগ্রেসে আছে। জেল থেকে সে হুকুম ভেজিয়েছে। আর জগদীশবাবু আউর সুখেশ্বরবাবুর লেড়কারা আমাদের ভাগ্যকে জমিন কিনে লিখে, এহি যতলবে জবরদস্তি জুলুম লাগাইগে। পহেলে আমাদের গাছ কাটিয়ে গিলে।

এর সঙ্গে আরও অনেক অভিযোগ শুলতা। কমলেশ্বর ওদের খাদী ধরে বিক্রী করে দেয়। ওদের পাড়ার মেয়েদের পিছনে ঘোরে। ছ'একজন মেয়ের সঙ্গে তার কলঙ্কের সম্পর্কও আছে।

প্রত্যেক প্রমাণ তারা দিতে পারে। তারা এখানে একটা প্রতিবাদ মিটিং করেছিল। সুরাবর্দী সাহেবের লোক এবং খড়্গপুরের হাউসন এসেছিল মিটিংয়ে। তাদের উপর কংগ্রেসের লোকে যে অত্যাচার করছে তার প্রতিবাদ করেছিল তারা। সে মিটিংয়ে গোপাল সিং ছত্রির বাড়ীর যে ছেলেটির হাত কুপিয়ে খোঁড়া করে দিয়েছে বিমদেবরকাকা, সেও তাতে বক্তৃতা করেছে। ক্রীশ্চান মুসলমান হিন্দুর মিলিত প্রতিবাদ কমানাল বলা চলবে না। মিটিংয়ে প্রিন্সাইড করেছিল হিলড়া। তার পাশে ছিল কুইনা। এই মিটিংয়ে কমলেশ্বরবাবু আর কীর্তিহাটের কংগ্রেস ভ্রাট্রিয়াররা এসে ঢেলা মেরে মিটিং বরবাদ করে দিতে চেষ্টা করেছিল।

জগদীশ্বরবাবু তাদের পাড়ার বন্দুক ঘাড়ে নিয়ে শিকার করবার অছিলায় এসে শাসিয়ে বলেছিলেন, চলে যাও তোমালোগ হিঁয়াসে। নাম দেনেকো লিয়ে তৈয়ার হার হম। লেকেন হিঁয়া রহনে নেহি দেগা। কতি নেহি!

একটু উটোপান্টা হল শুলতা। আগে জগদীশ্বরকাকার শাসানি, তারপর মিটিং। তার পর ছোটখাটো বাপার। তারপরই একদিন পুড়ে গেল গোয়ানপাড়া। হিলড়া পুড়ে মরল। তার ঠিক দুদিন পরই জগদীশ্বরকাকা আত্মহত্যা করলেন।

জগদীশ্বর বাবুর আত্মহত্যা আর হিলড়ার অগ্নিদাহে মৃত্যু, এবং কংগ্রেসকে ভোট না-দেওয়া এই তিনটেকে জড়িয়ে পুলিশ তার দক্ষ এবং শক্ত পাক দিয়ে বেশ একটা মজবুত রশি তৈরী করছিল, যাতে রায়বাড়ীর তরুণ ছেলে কটি থেকে কংগ্রেসের বৃদ্ধ সভাপতি রতলাল ঘোষ সহ কীর্তিহাটের কয়েকজন মাতব্বরকে এক কেসে একসঙ্গে বেঁধে চালান দেওয়া যায়।

আমাকে আমার ম্যানেজার বললে, আপনি এখানে থাকবেন না বাবু, আপনি কলকাতার চলে যান। এখানে থাকলে বিপদ হবে। এবার—



আমি অপেক্ষা করে রইলাম শেষটা স্তনবার জন্তে। মুখের দিকে চোখের দৃষ্টিতে ঐশ্বর্য নিয়ে তাকিয়ে ছিলাম। বাকীটা সম্ভবতঃ বলার ইচ্ছে মানেজারের ছিল না, তবু সে বললে, এবার মেজতরফকে সেরে দিয়ে যাবে। চষে দেবে পুলিশ। গ্রামের লোকও আড়াল বাড়িয়ে সাহায্য করবে না। তার উপর জগদীশ্বরবাবু এবার এলেন যেন সাপের পাঁচ পা দেখে এলেন। অর্চনা বিধবা হল, আপনি তার বিয়ে দিয়ে দিয়েছিলেন—উনি এক পরমা খরচ করেন নি। সেই মেয়ের টাকা উনি নিজের কাবেজে পেয়ে একেবারে বিলকুল তুলে বসে ভাবলেন—পুরনো আমলের রায়বাড়ীর দাপট ফিরিয়ে আনবেন। গোয়ানদের সঙ্গে কংগ্রেসের বিরোধ হয়েছে যেই শুনলেন, অমনি ধরলেন—আমি সোজা করে দিচ্ছি ওদের। হিলডাকে ডেকে বললেন, হিলডা, কিছু কিছু টাকা নিয়ে তোর এখান থেকে চলে যা। যাদের আবাদী জমি আছে, তাদের দাম আমি দেব। এখানে তাদের থাকা চলবে না। আমি বারণ করলাম, বললাম—বাবু, সুরেশ্বরবাবু আসুন, তিনি বলে গেছেন দু পক্ষকেই। তা আমাদের ধমক দিয়ে বললেন—ছুঁচোর গোলাম চামচিকে কোথাকার, তুই আমাকে বারণ করতে আসিস ?—

পিছন থেকে রঘু বললে—লালবাবু। অরচি দিদি আসিরাছে নিচে।

অর্চনা আমাকে চিঠি লিখেছিল, অত্যন্ত বিব্রত হয়ে চিঠি লিখেছিলো এইসবের জন্তে। তারপর জগদীশ্বরকাকা আত্মহত্যা করেছেন। না—হলে আমি এসেই ওর সঙ্গে দেখা করতাম। হয়তো ও-বাড়ীতেই নামতাম।

নিচে নেমে এলাম। দেখলাম অর্চনা চুপ করে একটা চেয়ারে বসে রয়েছে। হির নিম্পদের মত। নিখাস পড়াও বুঝা যায় না। টেবিলের উপর নতদৃষ্টিতে তাকিয়ে ভাবনায় যেন ডুবে আছে। আমি পিছনে এসে দাঁড়িয়েছি তাও সে বুঝতে পারে নি। আমি ডাকলাম—অর্চনা!

নীরবে ঘাড় ফিরিয়ে তাকিয়ে আমাকে দেখে হুঁপিয়ে কেঁদে উঠল। বুঝলাম জগদীশ্বর কাকার আত্মহত্যার আঘাতটা মর্মান্তিক হয়ে ওর বুকে লেগেছে। টেবিলের উপর মাথা রেখে হুঁপিয়ে কাঁদছিল অর্চনা। আমি শাস্তনা দিয়ে বললাম—কাঁদিসনে তাই। কি করবি বল? এসব ছুঁটনা এমনভাবে ঘটে যে যে এক মিনিট কি আধ মিনিট আগেও কেউ বুঝতে পারে না, ধরতে পারে না।

অর্চনা বললে, সুরোদা, আমার জন্তে সে আত্মহত্যা করলে। আমার বাবা আমার মুখে কালি লেপে দিয়ে—ছি ছি, সুরোদা—আমি যে ছি ছি করে মরে গেলাম! কি করে আমি যুধ দেখাব বলতে পার? কোথায় যাব বলতে পার?

ঘটনাটা বিচিত্র স্মৃতি। অর্চনার অদৃষ্ট নয়, রায়বাড়ীর অদৃষ্ট অথবা কর্মকল বা বল তাই।

গোয়ানপাড়া পোড়া এবং জগদীশ্বরকাকার আত্মহত্যার মধ্যে অপ্রত্যক্ষ যোগ থাকলেও প্রত্যক্ষ কোন যোগাযোগ নেই। জগদীশ্বরকাকা গোয়ানদের উপর খুব চীৎকার বন্ধার করেছেন, অনেক শাসনবাণী প্রয়োগ করেছেন একথা সত্য, কিন্তু আত্মহত্যা তিনি তার জন্তে করেন নি।

অর্চনা বললে—সুরোদা, এ কথা মাকেও বলতে পারি নি, তোমাকে বলছি। তবে যা হয়তো আনন্দ করছে। বাবা আমাকে নিয়ে এখানে আসবার পর থেকেই আর এক মানুষ হয়ে গেলেন। বড় মানুষ। খাওয়া-দাওয়া চাল-চলন সমস্ত কিছু হাল বদলে দিলেন। বাড়ীতে কাজ করবার চাকর রাখলেন, চাপরাসী রাখলেন; খাওয়া-দাওয়া, কাপড়-চোপড়, পোশাক-পরিচ্ছদে হঠাৎ যেন সব কিছু বদল হয়ে গেল। এখানে এসেই আমার কাছে পাঁচশো টাকা চেয়ে নিয়েছিলেন কয়েক বিঘা জমি আমার নামে কিনবেন বলে। সেই টাকা থেকে এসব হচ্ছিল। জমি পেরের নর, জমি খানিকটা পতিত জমি, তাই তিনি আমার নামে চেক কেটে বন্দোবস্ত করে দিয়েছিলেন। আমি এসব জানি, বুঝি—কিন্তু প্রথমটা বুঝতে চাই নি, টাকাটা আমি দিয়েছিলাম। কোন কথা, কোথাকার জমি, কার জমি জিজ্ঞাসা করি নি। ইচ্ছে হয় নি সুরোদা। তবে আপসোস হয়েছিল—কেন ও বাড়ী থেকে চলে এলাম।

ও বাড়ীর কথা তোমাকে বলি নি সুরোদা, বলতে পারি নি। এখানে, যানে ও বাড়ীতে ওদের এই পুরুষটা পচে গেছে সুরোদা, একেবারে পচে গেছে। আমাদের মতই পচেছে। তবে শহরের পচন সুরোদা। দেখে ধরা যায় না। সুরোদা—

অর্চনা একদল পাথরের মত বসে শুনেই যাচ্ছিল। সে এবার বাধা দিয়ে বললে—ওদের বাড়ীর কথা তোমার রাব্বা বাড়ীর কথা মধ্যে নাই বা বললে সুরোদা। হয়তো হুনিয়াতে এইটেই সাধারণ নিয়ম সুরোদা। মানুষ ওঠে তপস্যা করে, নামে প্রশংসার মহিমায় অর্থে সামর্থ্যে অসাধারণ হয়ে উঠে বংশ প্রতিষ্ঠা করে যায়। তারপর এক পুরুষ, দু'পুরুষ, তিন পুরুষে সব শেষ হয়ে পাঁকের মধ্যে ডুবে যায়। হারিয়ে যায়—আর কেউ খোঁজ করে না। তবে যেখানে যত বড়ই সেইখানেই তত ছোটই সুরোদা; কলকাতা শহর তার এত ঝলমলে সভ্যতা, সেখানে মহুমেন্টের তলায় গাঙ্গীকী স্তম্ভাঙ্ক মানুষকে ডাকছেন, মানুষেরা ছুটে যায় পাগলের মত—ফাসিকাঠে ঝোলে, গুলিতে বুক পাতে। এবার সকোর পর মানুষের চেহারা পাণ্টায়। সে চেহারা তুমি দেখেছ। এবং সবাই জানে। ওদের বাড়ীতেও তাই হয়েছিল স্থলতাদি; আমার নিজের দেওর যে সে আমার স্বামীর সব খবর রাখত, রাখত আমাকে বলবার ভুলে। আমার ভয় ছিল তাকে। তাই গুলিয়ে এলাম বাবার সঙ্গে। তখন মাটিক পাসও করি নি। কালটাও এখন থেকে পনের বছর আগে। তখনও ভালবাসার দায় ছিল, সন্তানের দায় ছিল আমার কাছে, আর সত্যি কথা বলছি তোমাকে স্থলতাদি, আমার স্বামীকে ওই ছ'মাসেই প্রাণ ঢেলে ভালবেসেছিলাম।

একটা গভীর দীর্ঘনিশ্বাস ফেলে অর্চনা বললে—বাপের বাড়ী এলাম, এসে আর এক বিপদে পড়লাম। আমার টাকা আমার বিপদ হল। বাবা ওই টাকার উপর দৃষ্টি রেখেই আমাকে কীর্তিহাটে এনেছিলেন। তার ক্ষেত্রে অনেক চোখের জল ফেলেছিলেন।

পাঁচশো টাকা প্রথম নিয়েছিলেন ক'বিষে ডাক্তার লিখে দিয়ে, সে নিয়ে আমার অভিযোগও ছিল না, আগ্রহও ছিল না, ভাবছিলাম—জীবনটা কাটাব কি করে? কি নিয়ে থাকব? অপেক্ষা করেছিলাম সুরোদাদার, বৃন্দাবন থেকে ফিরলে তার সঙ্গে পরামর্শ করে যা হয় করব। সংসারে বলতে গেলে একান্ত আপন-জন, আপন সহোদর থেকেও অধিক ছিল ওই। কিন্তু

তার আগেই গেল বেধে গেল।

গোয়ানদের সঙ্গে ঝগড়া একটা কংগ্রেসের চলছিল জোট দেওয়া নিয়ে। হিম্মত এঁদের কংগ্রেস মানেন্ট শক্ত করা নিবেনকুইজন। এদিকে সুবেশ্বর কাকার চেলের সঙ্গে আর একটা ঝগড়া ওদের চলছিল দেনা-পাওয়া নিয়ে। সুবেশ্বর কাকার আমল থেকেই তাঁর নিজের একটা মহাজনী কারবার ছিল। তাঁর পর কল্যাণেশ্বর দাদা প্রকাশ্যেই শুরু করেছিলেন। গোয়ানরা ছিল তাঁদের খাতক। সুবেশ্বর কাকা আগে লোনাকুপার জিনিস বেধে টাকা দিতেন, অনেকে বলত তিনি চুরির মালও সামলাতেন। কিন্তু কল্যাণেশ্বর দাদা প্রকাশ্যে কারবার ফেঁদে জমি-পুকুর-সম্পত্তি বন্ধক নিয়ে টাকা ধার দিত। বেশী টাকা কাউকে দিত না, কম টাকা চড়া সুদে দেওয়া ছিল তাঁর কারবার। কারবারটা চলছিল ভাল; যাদের কেউ টাকা ধার দেয় না, তাদের টাকা দেওয়ার সুবিধে হল, মহাজন বা খুসী তাই লিখিয়ে নের। হঠাৎ সে সময় নতুন আইন হবে শোনা গেল। কল্লল হক সাহেব ডেট সেটেলমেন্ট বোর্ড আইন তৈরী করছিলেন। কল্যাণেশ্বর দাদা শোনবামাত্র নালিশ করে বসে থাকলেন। আইন পাস হতে হতে ওদের জমি সব নীলমে করিয়ে নেবেন। ডিগ্রীও হয়ে গেল। বাবাকে ডেকে কল্যাণেশ্বর দাদা বলেছিলেন—জ্যাঠামশার, অচিরে জমি কিনবেন, তা এই ডিগ্রীগুলো কিনে নিন না। ও সবই তো নীলমে উঠলেই সেল। সে জমি কেনার মতলব মাথায় ঢুকল বাবার। তখন বুঝতে পারি নি আমি। আমার মা বুঝতে পেরেছিলেন। কিন্তু আশ্চর্য, প্রতিবাদ তিনিও করেন নি। বরং—একটা গভীর নিশ্বাস ফেললে অর্চনা।

সুবেশ্বর বললে—থাক, তুই চুপ কর। আমি বলছি রে। ই্যা, খুড়ীমা জানতেন। আমাকে তিনি বলেছিলেন—বাবা, অর্চনার ভাগো যা ঘটেছিল তা তো আর কেরাবার পথ ছিল না। বিধবা মেয়ে, জীবনটা গোটায়ে আছে; নগদ টাকা থাকবে না, থাকে না, টাকাটার জমি কেনা সব থেকে নিরাপদ, থাকবে। আর তা থেকে গোটা সংসারটাই সুখের স্বাচ্ছন্দ্যের মুখ দেখবে; ছেলেগুলোকে পড়াতে পারা যাবে। আর একটা মেয়ে আছে, তাঁর বিয়ে দিতে হবে। কিন্তু অর্চনার এতে সার ছিল না। একবার পাঁচশো টাকা দিয়েছিল। তাঁর দফন উনি পাঁচ টিকে ডাক্তার জমিও লিখে দিয়েছিলেন। একেবারে ফাঁকি দেন নি।

হঠাৎ অতুল জেলখানা থেকে গুর দলের চেলেদের কাছে খবর পাঠালে, গোয়ানদের কমা করে না। কঠিন শাস্তি দাও। নইলে এরপর কীর্তিগাটের লোকদের মান-ইজ্জৎ ওরা রাখবে না। লীগের সঙ্গে জোট বেঁধে বুকে বসে দাড়ি উপড়ে দেবে। ওখান থেকে জাগিয়ে দাও। উঠে যাক ওখান থেকে। সুবেশ্বরের কথা শুনো না। সে একজন ধনী শৌখীন খেয়ালী ছেলে। তাকে বলো এটা জমিদারীর ব্যাপার নয়। এবং জমিদারী এতে চলবে না।

তারপরই পুড়ে গেল গোয়ানপাড়া।

সঙ্গে সঙ্গে কল্যাণদা বাস্তব হয়ে উঠল, জ্যাঠামশার, ডিগ্রীগুলো জারী করবার জন্তে এর থেকে ভাল সময় আর হতে পারে না। আমি আর ফেলো রাখব না। আপনি যদি নিতে চান তবে কিনে নিন। আমার চোদ্দটা ডিগ্রীতে পাঁচ হাজার করে টাকা ডিগ্রী। চার হাজারে অটিকে আমি দিতে পারি। দেখুন। নাহলে আমার আরও খবদের আছে।

কথাটা ভাঁওতা নয়; গোয়ানদের ঘর পুড়ে গেছে, সরকারী মিলিক হয়তো মিলবে ঘর করার জন্য কিন্তু এ অবস্থার মাংসা লড়ে নীলাম ঠেকানো সম্ভবপর হবে না। এবং আদালতের পেরাদা নিয়ে কীর্তিহাটের লোকদের সাহায্যে জমি দখলেও বেগ পেতে হবে না। ডেট সেটেলমেন্ট আইন পাস হয়ে বোর্ড বসতে বসতে এসব কাজ শেষ হয়ে যাবে। জগদীশ্বরকাকা মেয়েকে এসে বললেন—, কিন্তু কি সংকোচ হল কোথার সংকোচ হল বলা শক্ত....।

কথাটা অসমাপ্ত রেখে একটু যেন ভেবে দেখলে সুরেশ্বর, তারপর বললে—বল শক্তই বা বলছি কেন স্থলতা, বলা বোধ হয় খুব সোজা; জমিটা কিনে বার্থটা দিকি হবার কথা জগদীশ্বরকাকার নিজের বলেরই সংকোচ হয়েছিল তাঁর। নাহলে হবার কথা নয়। যাক সংকোচ তাঁর হল, সংকোচভরেই কথাটা প্রথম বললেন অর্চনাকে। চার হাজার টাকার চেক একখানা লিখে দে। এ সুযোগ গেলে আর চট করে আর মিলবে না যা। কিন্তু অর্চনা দিলে না। হয়তো সংকোচ দেখে সন্দেহ হয়েছিল। কিংবা গোয়ানদের এই বিপদের মধ্যে ডিগ্রীজারী করে তাদের জমিটুকু আত্মসাৎ করার প্ররুতি হয় নি—এও হতে পারে। সে বললে—না বাবা, ওসব জমিটমিতে আমার কাজ নেই। ও আমি কিনব না।

এক ধরনের বিষন্ন হাসি আছে যা কায়ার চেয়েও সঙ্গরূপ। সেই হাসি হেসে অর্চনা বললে—আমি বুঝতে পারি নি যে বাবা লোভের এবং জেদের এতখানি বশবর্তী হয়ে পড়েছেন। বুঝলে হয়তো চেকখানা লিখে দিতাম। কি করব আমি টাকা নিয়ে? অন্তত তখন তো তাই ভাবতাম। তখন তো পৃথিবী আমার কাছে অর্থহীন হয়েই গেছে। কিন্তু ঠিক বুঝতে পারি নি। বাবা আরও ছুবার বলে কেমন যেন চোড়ের মত ক্রিয়ার গেলেন। দুপুর-বেলা নিজের ঘরে বসে আমাকে গাল দিচ্ছিলেন বেশ ক'রে। তার সঙ্গে মাগু খোঁচা দিয়ে দু-চারটা কথা বলছিলেন। আমি স্বার্থপর। আমি সুরোদার কুহকে পড়েছি। সুরোদা না বললে আমি কিছু করব না, এমন ধরনের কথার গভীরে বুৎসিত ইচ্ছিতও ছিল। শুনে আমার মাথা কেমন গরম হয়ে গেল। আমি তাঁর ঘর এসে প্রথম সামান্যামনি ঝাড়িয়ে বলে ফেললাম—তোমাদের মতলব আমি বুঝেছি। তোমার আমার কল্যাণের জন্য আমাকে এখানে আনো নি। এখানে আমাকে এনেছ আমার সর্বস্ব শুধে নিতে। কিন্তু সে আমি দেব না। সে আমি বলে দিলাম।

আমি ভাবতে পারি নি স্থলতামি—ওঃ! আমি ভাবতে পারি নি। ওঃ,—একটু খেমে নিজেকে সামলে নিয়ে আবার অর্চনা বললে—রাগে খাবারের সঙ্গে মানে লুচির সঙ্গে দিকি মিশিয়ে দিরেছিলেন মা। বাবার পরামর্শমতই দিরেছিলেন। যাতে আমি অজ্ঞানের মত ঘুমিয়ে পড়ি। কলকাতা থেকে আসবার সময় টাকা রেখেছিলাম ব্যাংকে, আর গরনা রাখবার জন্যে একটা নতুন লোহার সিন্দুক আনিয়ে এনেছিলাম। সেটা থাকত আমার মাথার শিরে। সেদিন খেয়ে উঠে কিছুক্ষণ পরই মনে হল মাথা ঘুরচে যেন, শরীরটা যেন কেমন করছে; তারই মধ্যে এক এক সময় অকারণে হাসতে ইচ্ছে হচ্ছে। কখন ঘুমিয়ে পড়েছিলাম মনে নেই। হঠাৎ এক সময় ঘুম ভাঙল। প্রথমটা বুঝতে পারলাম না কিছু, তারপর মনে

হল কে যেন কি করছে মাথা'র শিরে। হয়তো নেশার বৌকের মধ্যেই চীৎকার করে উঠেছিলাম—কে ? কে ? কে ?

কার একপাশা হাত মুহূর্তে আমার মুখের উপর এসে পড়ল। মুখ চেপে পরে চাপা গলার বললে—চূপ্ ! সে গলার আওয়াজ ভয়ঙ্কর।

হাতখানাও অভ্যস্ত কঠিন এবং নির্মম। পেষণের যন্ত্রণার মধ্যে বোধ হয় আমার নেশার ঘোর কেটে গিয়েছিল, আমি একটা গন্ধ থেকে চিনতে পেরেছিলাম এ হাত বাবার। গাঁজার গন্ধ উঠছিল। এদিকে এমনভাবে আমার মুখ চাপা পড়েছিল যে আমার দম বন্ধ হয়ে আসছিল, প্রাণপণে খাঁকা দিয়ে মুখ ছাড়িয়ে চীৎকার করে উঠলাম—বা-বা ! বলতে পারব না স্বরোদা, এতখানি শক্তি আমার কোথা থেকে এসেছিল।

সঙ্গে সঙ্গে দুখানা হাত সাঁড়ানীর মত আমার গলার উপর এসে পড়ল। দম বন্ধ হয়ে আসছিল, অজ্ঞান হয়ে যাচ্ছিলাম। এরই মধ্যে কার যেন গলা শুনেছিলাম—ওগো, ওগো—।

আর কিছু শুনি নি। জানি না। অজ্ঞান হয়ে গিয়েছিলাম। যখন জ্ঞান হল তখন দেখি আমার মুখ মাথা জলে ভিজ়ে গেছে, বিছানা ভিজ়ে গেছে ; আর কান্না উঠছে ; গোল-মাল উঠছে। ও ঘরে বাবা নিজের বন্ধুকের নলটা মুখে পুরে ঘোড়া টিপে দিয়েছেন, খুলিটা কাটিয়ে দমদম বলেট বেরিয়ে গেছে। তেলোর কাছটা এতখানি জারগাম্ব একটা গহ্বর সৃষ্টি হয়ে গেছে।

এখানেই শেষ নয় সুলতাদি, কিন্তু সে কথা আমি বলতে পারব না। কোন মেয়েছেলে বলতে পারে না। রায়বাড়ী এত বড় বাড়ী। এত তার মান, এত তার মর্যাদা, এখনও জমিদারী স্বরোদার টাকার বাঁধনে আটকে আছে—তার মর্যাদা মান তো বাঁটাতে হবে। তার জন্ত হতভাগিনী একটা কন্যাকে বলি যদি দিতেই হয় তো না দিয়ে উপায় কি।

ওঃ ! বলে সে দুই হাতে নিজের মুখ ঢাকলে।

সুরেশ্বর বললে—সুলতা, সম্পদের মধ্যে বিষ আছে। জীবনকে বিষয়ে দেয়। রায়বাড়ী সেই বিষে একেবারে জর্জরিত হয়ে গিয়েছিল। আক্ষেপের সঙ্গে ঘাড় নেড়ে সুরেশ্বর বললে—খনেশ্বর কাঁকা, মেজতরফের বড় ছেলে, তিনি ভাইপোদের সঙ্গে পরামর্শ করে রটিয়ে দিলেন, কি জান সুলতা ? রটিয়ে দিলেন, অর্চনার ঘরে গভীর রাত্রে সাঁড়া পেয়ে অগ্নীশ্বর উঠে এসেছিল বন্ধুক হাতে করে। কিন্তু কস্তুর কলঙ্ক বংশের কলঙ্ক ঢাকবার জন্তে নিজের ঘরে গিয়ে আত্মহত্যা করেছেন। অর্চনার মা মুখ টিপে বন্ধ ক'রে রইলেন। প্রতিবাদ করা দূরে থাক, মুখ তুলে মেয়ের দিকে একবার তাকালেন না পর্যন্ত। হয়তো তাকাতে পারলেন না।

সুরেশ্বর বললে—সেদিন ছপুরবেলা বিবিমহলে টেবিলের উপরে মাথা রেখে ফুঁপিয়ে ফুঁপিয়ে কাঁদতে কাঁদতে সমস্ত কথা আমাকে বলে অর্চনা বললে—আমি কোথায় যাব, কি করব, কি করে এরপর জনসমাজে মুখ দেখাবো বলতে পার স্বরোদা ? আমাকে একটা পথ দেখিয়ে দাও।

আমি চূপ ক'রে বসে সামনের জানালা দিয়ে তাকিয়ে ছিলাম কাঁসাইয়ের ওপারের সিদ্ধাসনের জঙ্গলের দিকে। যে জানালাটার নিচে মধ্যে মধ্যে গোয়ানপাড়ার মেয়েরা এসে খিল

খিল করে হাসত, এবং বিবিমহলের একটু পশ্চিমে কীসাইয়ের দহের মধ্যে তারা মন্তকভার মন্ত সঁতার দিত, যে জানালাটার ওপাশেই কীসাই তীরভূমির লম্বা অর্জুন গাছগুলোর ডালে বসে ‘বউ কথা কও’ পাখী ডাকত—এটা সেই জানালা। আমি কোন পথই দেখতে পাচ্ছিলাম না। না স্থলতা, পাচ্ছিলাম না নদ, পথ আমি দেখতে পাচ্ছিলাম কিন্তু সে কথা বলতে, অস্ত্রত: অর্চনাকে বলতে আমার সাহস ছিল না এবং পূর্ণ-সত্য প্রকাশ করতে হলে নিজের ক্ষুদ্রতাও বলতে হবে; অকপটে স্বীকার করছি, পথ ছিল; দেখতে পাচ্ছিলাম অর্চনার আবার বিবাহের পথ, সেই পথই একমাত্র তার সার্থকতার পথ। কিন্তু আমি জানতাম অর্চনা সে পথ মেবে না, নিতে পারে না এবং কীর্তিহাটের রায়-বংশের শেষ সমৃদ্ধ এবং সম্পদশালী পুরুষ, আমার জিহ্বা একথা উচ্চারণ করতে পারছিল না; বলবার চেষ্টা করলে গেলে ইচ্ছে হচ্ছিল নিজের গলা নিজে চেপে ধরি।

অথচ আমি টোয়েন্টিয়েথ সেক্সুরীর মডার্ন ডার্মালিস্ট যোগেশ্বর রায়ের ছেলে, আমি নিজেকে আলট্রামডার্ন আর্টিস্ট সুরেশ্বর রায়। নগ্ন বাস্তবতা যে কি বিচিত্র সত্য তা সেদিন বোধ হয় প্রথম অনুভব করে অবাক হয়ে গিয়েছিলাম। জীবনে যাঁকে জীবনের দাবী বলে অস্ত্রের অস্ত্রের মানি, স্বীকার করি, বাইরে তাকে সমাজের দুদারে, বংশমর্যাদার দারে স্বীকার করতে পারলাম না। স্থলতা, কিছুতেই আমি বলতে পারলাম না অর্চনাকে, অর্চনা তুমি আবার বিয়ে কর। বরং মনে করতেই যেন মন কেমন করে উঠেছিল, রায়বাড়ীর বিধবা মেয়ে আবার বিয়ে করবে?

অর্চনা আমাকে আবার প্রশ্ন করলে—বল সুরোদা, বল আমি কি করি এখন! কি করা উচিত?

একটু চুপ করে থেকে বললে—তোমাকে একটা কথা বলি নি সুরোদা, তোমাকে বলি সেটা। আমার ভয় করছে, টাকা-গরনার জুড়ে আমাকে এরা মেরে ফেলতে পারে। কিংবা আমাকে—

চুপ করে গেল অর্চনা।

সবিস্ময়ে জিজ্ঞাসা করলাম—তোর মতো কলঙ্ক দেবে?

—জা নিতে পারে। কিন্তু দিয়ে তো কোন লাভ হবে না। টাকাটা তো তাতে পাবে না। হয়তো আমার খণ্ডরবাড়ী থেকে যেটা মালোঁদারা সেটা বন্ধ হতে পারে, কিন্তু যে টাকাটা ইনসিওরেন্সের দরুন পেয়েছি—এ গরনাগুলো আছে সে তো আমারই থাকবে। লোভ তো ওদের এইগুলোর ওপরই।

বুঝতে পারলাম না অর্চনা কি বলতে চাচ্ছে। বললাম—কি বলছিস তুই?

অর্চনা শুধু বললে—সুরোদা, লেজকাটার অদ্যায় কর্ম ছিল না। সে সব পারত। দাঁহ ঠাকুরদের গহনা গালিয়ে বিক্রী করে নিজেদের কড়কগুলো পতিত জমি খারাপ জমি বিক্রী দেখিয়েছিলেন। কিন্তু সবটা করেছিলেন সুখেখরকাঁকা। উনি তার মধ্যে থেকেও সোনা সরিয়েছিলেন, আর সরিয়েছিলেন দামী পাখর। জানতে পেরেও দাঁহ কিছু বলতে পারেন নি। কল্যাণেশ্বররা তার থেকেও ভয়ানক, সে সব পারে। পারে না এমন কাজ নেই। ভয়

আমার ওকেই। নইলে কত অনাথা বিধবা মেয়ে গ্রামের লোকের ভরসা হুঁড়েঘরে হুঃ মেহনত করে জীবন কাটিয়ে দেয়। পেটের ভাবনা ছাড়া আর কিছুর ভাবনা তো থাকে না। শুধু কল্যাণেশ্বর দাদা কেন?—একটা দীর্ঘনিঃশ্বাস ফেলে অর্চনা বললে, সুরোদা, আমার সমবয়সী দু'মাসের ছোট আমার থেকে আঠামশায়ের ছেলে অরুণেশ্বর তোমার আঠার ছেলে প্রণবেশ্বর—এদের কাউকে বিশ্বাস নেই। তুমি জান না সুরোদা, তুমি যেদিন বুলাবন গেছ, তার পাঁচদিন পর প্রণবেশ্বরদা এখানে এসে হাজির হয়েছে। বাবা মারা বাবার ঠিক পরদিন।

আমি নিউরে উঠলাম স্নলতা। চোখ দুটো যেন আপনা থেকে বন্ধ হয়ে এল। রায়-বাড়ীর দিকে তাকাত্তে আমার ভয় করছিল। কথাটা মুখে আনতে আনতে আমার জিহ্বা কঁকড়ে যায়।

অর্চনা বললে—তোমার যার কিন্তু সেদিন মানে বাবার মৃত্যুর পরই কথাটা ওদের মনে উঠেই কান্ড থাকে নি, জিভেও বেরিয়েছিল। আমি গিছলাম ঠাকুরবাড়ী। মনের একান্ত হুঃখে মায়ের কাছে চূপ করে বসেছিলাম, কাছারী ঘরে বসেছিল কল্যাণেশ্বর আর প্রণবেশ্বর দা। ওদের কথা হচ্ছিল। হুঃনেই তারা আমার মনোরঞ্জন বা মনোহরণের চেষ্টা করবে। কল্যাণেশ্বর বলছিল—পাপ! হঁ! তুমিও যেমন ও পাপ নিরেনকুইটা ঘরে। মুসলমান ক্রীষ্টানদের তো দোষই নেই। আর ও তো ধারাপ হবেই। সন্তের-আঠারো বছরে বিধবা হয়ে ও সতী থাকবে! বেশ আছ তুমি। ও হুই পরলা কপালে সুরোর ভাগ্যে আছে।

প্রণবেশ্বরদা উত্তর দিয়েছিলেন—আমার বিশ্বাস, যা হবার তা হয়ে গেছে। বলে হাত-তালি বাজিয়ে হেসে উঠেছিল, তারপর আবার বলেছিল, আমি তো সাক কথা বলে মিছলাম জামাই ছোকরাকে—রখীনকে। সে বিশ্বাসও করেছিল।

সুরেশ্বর অর্চনাকে ধাক্কিয়ে দিয়ে বললে—স্নলতা আমার সেদিন মনে হয়েছিল রায়বংশ ধ্বংস হয়ে থাক। একটা ভূমিকম্প হোক, গোটা রায়বাড়ী ধর-ধর ক'রে কেঁপে পড়ুড় ক'রে সব ছেলেপিলে বুড়ো-বুড়ী সব ধ্বংস করে দিক! এদের বেঁচে থাকবার আর কোন অধিকার নেই। আমি দিগ্‌বিদিক জ্ঞানশূন্য হয়ে যে কথাটা বলতে পারি নি, সেই কথাটাই বলে ফেললাম, বললাম—তুই আজই আমার সঙ্গে এখান থেকে চলে চল অর্চনা। কলকাতার চল। সেখানে তুই নতুন করে জীবন আরম্ভ কর। পিছনটা মুছে দে। ভুলে যা। আমি বলি—তুই পড়া-শোনা আরম্ভ কর। পরীক্ষা দে। তোর যা বুদ্ধি তাতে তুই পাস করতে পারবি। নিশ্চয় পারবি। তারপর নিজে বিচার করে যা হয় করিস। ইচ্ছে হয় আবার বিয়ে করে ঘর-সংসার পাতিস। না-হয় যা ভাল লাগবে করবি।

—ছি! অর্চনা আমাকে এমন একটা ছি-কার দিয়েছিল উত্তরে যে সেটা আমাকে স্নর্চের মত বিধেছিল স্নলতা।

আমার রায়বংশ জন্ম সেটা যেন আমাকে চাবুক মেরে মনে করিয়ে দিয়েছিল। সেটা আমি আজও ভুলি নি। ওর কাছে আমি মাথা হেঁট করেই থাকি। আজও ও ওর ওই সভ্যটাকে সভ্য করেই তুলে ধরে রেখেছে—রয়েছে। মিথ্যে হতে দেয় নি।

এরই মধ্যে অর্থনৈতিক বিবেকল হয়ে গিয়েছিল সেদিন তা জানতেও পারি নি। জানতে

পারলাম নীচের কোলাহলে।

রঘুরা এসে বললে—গোয়ানপাড়ার গোমেশ, ডিকু, আরও দুজন এসেছে, তারা দেখা করতে চায়। সঙ্গে একজন কনস্টেবল আছে।

গোমেশ, ডিকুজ আমার কাছেই কাজ করত। তারা এই ভোঁটের কগড়ার পর থেকেই কীৰ্ত্তিহাটে চুকতে হবে বলে ভরে আসে না। এবং ভয় শুধু তাদেরই নয়—আমার ওখানকার নারেবও আমার জাতিদের হয়ে তাদের রাখতে সাহস করে নি।

নিচে নেমে গেলাম। গোমেশ, ডিকুজ সেলাম ক'রে বললে—হজুর দুপুরে কিরে আসছেন শুনে এসেছি হামিলোক। এরপরই “হামিলোকের বাড়ীঘর সব কিছু পুড়ে গেলো বাবু! ছাই হয়ে গেলো!” বলে গোমেশ হাউহাউ ক'রে কেঁদে উঠল। “কিছু বাচলো না বাবু, কিছু না।”

ডিকুজ বললে—চার্ট পুড়ে গেলো, মেরী মায়ের ছবি ছিলো পুড়ে গেলো। হামি লোককে রায়হজুর একশো বরিবের নাগচ হল আনলেন। বসাইলেন। বাবু—

আমি তাদের সাধনা দিয়ে বললাম—কি করব বল? আমি থাকলে হয়তো এমনটা হতো না। আমি ছিলাম না এমন হয়ে গেল। বলতে পারব না কার দোষ, কে দায়ী। আর তা বলেও লাভ নেই। যাই হোক, কি করতে পারি ভেবে দেখি। কাল সকালে আমি তোমাদের পাড়ায় যাব। দেখে আসব।

গোমেশ বললে—ভরকে মারে আপনার নোকরি চেড়ে দিয়েছি হজুর। এই গীতের আমরা চুকতে পারি না। কুইনী একঠো চিঠি দিয়েছে আপনাকে। উভি আপনাকে যাবার কথা লিখেছে। আপনে নিজের চোখ্‌সে দেখেন কি হাল হ'ল গোয়ানদের।

কুইনীর চিঠিখানা খুলে পড়ে দেখলাম, সে লিখেছে—“আপনার কথায় নিভর ক'রে কি অবস্থা হয়েছে গোয়ানদের এনে দেবে যেহে অসুখেরোধ করছি। আজই এলে সুখী হব। কারণ আমি কালই চলে যাব খড়্‌গপুর। তার আগে আপনার সঙ্গে দেখা হওয়া আমার প্রয়োজন। আজই আসতে অসুখেরোধ করছি। গোয়ানরা অনেকে ঠিক করেছে, তারা তাদের জমি বেচে দিয়ে হয় খড়্‌গপুর চলে যাবে, নয়তো কলকাতা কি আসানসোল।”

যনটা কেমন ক'রে উঠল স্নগড়া! চলে যাবে? ওরা এককাল পরে চলে যাবে এখান থেকে? বিবেচনা ক'রে, বিচার ক'রে দেখলে এইটাই ঠিক যে, তাতেই তাদের মঙ্গল ছিল। তারা এসে পড়ত রেলওয়ে কলোনীতে; তাতে ক্রীতদাসদের মধ্যে এসে অগ্নিনির্ভে তাদের চেহারা পালটাতো। তারা কারখানায় ঢুকে প্রকাশ পেতো নতুন জীবনে। কিন্তু সে কথা মনেই এলো না। তার বদলে মনে এল—মনে হ'ল, চলে যাবে? না—যত্নে দেব না।

অহঙ্কারও হ'ল, ওরা আমার কথা শুনবে। গোয়ানপাড়া আমিই নিভর ক'রে দিয়েছি। আমাকেই ওরা আজও রায়বাবু বলে মানে। হিলডা, সেদিনও মেসিনীপুরে ম্যাজিস্ট্রেটের কাছে নালিশ করতে গিরেও আমি মেসিনীপুরে রইছি জেনে আমার কাছে গিরেছিল।

হিলডা আমার কথা রাখতে গিরেই এমনভাবে পুড়ে মরল। কুইনীকে মনে পড়ল। কুইনীকে আমিই গড়ে তুলেছি। রায়বাড়ীর বড়ভরদের কাছে এত বড় পাণ্ডানার আর



কেউ নেই। আমার অন্তঃ আপনায় জন। শুধু বড়তরকেরই বা কেন? অজ্ঞান দেবীকে ধরলে সব তরফ দেনদার।

তারই ভ্রত, সুলতা, আমার ছবির ধারার দেখো তুমি অজ্ঞান এবং কুইনীর চেহারা এক-রকম। তবু শুধু কালের মেকআপে। রক্তের রায় অজ্ঞানকে বর ছাড়িয়ে নিজের কাছে এনে শুধু কালের কাছে এক অল্প পঞ্চাশবাক্স সাজিয়ে দিয়েছিলেন, কিন্তু খেতে দেন নি। উপবাসী রেখেছিলেন। আমার পিতামহের আগে দায় তাঁর।

আমি কোন কথা আর ভালো না। অর্চনাকে বললাম—অর্চনা, তুই যা এখন ও বাড়ীতে। আমি গোরানপাড়ী থেকে ফিরে এসে ও বাড়ীতে যাব। খুড়ীমার সঙ্গে কথা বলে তোকে আমি নিয়ে আসব এ বাড়ী।

অর্চনা মুখের দিকে তাকিয়ে বললে—গোরানপাড়া যাবে সুরোদা? এই সকালের মুখে? হেসে বললাম—ভয় নেই কিছু, ভাবিলেন। আমি তো ক্ষতি করার করি নি।

—তা কর নি। কিন্তু তোমার ক্ষতি হলে অজ্ঞানের অনেক লাভ হতে পারে সুরোদা!

বললাম—না—না—না। এত ভয় পেলে চলবে কেন? আমি শিগুগির ফিরে আসব। গোরানদের আমি কথা দিচ্ছিলাম রে। আমার কথাতেই ওরা ম্যাজিক্‌স্টের কাছে নালিশ না জানিয়ে সেদিন ফিরে এসেছিল। আমি বলেছিলাম—আমি চেষ্টা করে দেখি। যদি যেটাতে না পারি, তা হলে যা হয় করবে তোমরা। আমার বিশ্বাস ছিল অর্চনা আমি যেটাতে পারব। রক্তাল ঘোষ এখানকার কংগ্রেসের প্রেসিডেন্ট, তিনি আমাকে ভালবাসেন। খাতির করেন। আমি এখানকার গোচর বাউ নিজের করে দিয়েছি, আমার কথা থাকবে। কিন্তু তার আগেই তাঁর সর্বনাশের টেলিগ্রাম পেয়ে চলে গেলাম কলকাতা। তারপর বুদ্ধাবন। এর মধ্যে আশুন জলে গেছে। আমার একটা দায় আছে ভাই।

সুলতা, হঠাৎ মনে পড়ে গেল বুদ্ধাবনের ঠাকুরমার কথা। হোন তিনি পাগল, তবু তিনি আমার ঠাকুর। তাঁর কথাটা আমার কানের পাশে যেন বেজে উঠল।—নাতি, ভারলার দেনা আগে শোধ করো ভাই। তোমার ঠাকুরদার এত বড় দেনা আর নেই। এ দেনা শোধ না করলে তাঁর মৃত্যু নেই।

একালে পরকাল অন্তঃ শিক্ষিত লোকে মানে না। আমি মানি কিনা জানি না, তবে সেদিন দশ আনা অন্তঃ মানতাম না। তবু তাঁর কথাটা সেদিন সত্য বলেই মনে হয়েছিল।

অর্চনাকে বললাম—বলব, আরও কথা আছে তোকে বলব। এসে বলব। আমার না গিয়ে উপায় নেই।

কীসাই পার, হয়ে গোরানপাড়া যেতে এবং ফিরে আসতে ঘণ্টাখানেক লাগে, আর ওখানকার কাজ যেটাতে লেগেছিল ঘণ্টাখানেক।

কাজ খুব সংক্ষেপেই শেরে এসেছিলাম। প্রায় দেনদার যেমন পাণ্ডনাদারের টাকা দিতে গিয়ে বলে—হিসেবনিকেশ থাক, এই টাকা আমার আছে, এই আমি দিচ্ছি। এতে যদি খালাস দিতে হয় দিন; না-হলে দলিলের পিঠে উত্তল দিয়ে লিখে রাখুন; পরে দেখব হিসেব-নিকেশ করে আবার কত আপনার পাণ্ডনা।

কুইনী প্রত্যাশা করেছিল আমি আসব। পোড়া চাটটার পাশে একটা টিনের ঢালা বেঁধে তখন সেখানে থাকে। হিলডার বাড়ীটা একেবারে পুড়ে গেছে। হিলডার বাড়ীই কুইনীর বাড়ী। ওই চালাটার সামনে বসবার একটু ব্যবস্থা করে রেখেছিল। সেইখানেই বসেছিলাম।

গোয়ানপাড়ার লোকেরা ভিড় করে এসে ঘিরে দাঁড়িয়েছিল। তাদের দিকে তাকিয়ে আমি চমকে উঠেছিলাম। মানুষগুলির দৃষ্টিতে একটা বিরোধের রুক্ষতা ঘেন ঝিলিক মারছে। একটু অস্বস্তি বোধ না করে পারি নি। এ প্রত্যাশা তো করি নি আমি।

কে একজন বলে উঠল ভিড়ের মধ্যে থেকে—“দেখেন আমাদের হাল দেখেন।”

আমি কুইনীকে কাছে ডেকে বললাম—কুইনী, তুমি ওদের বল যে প্রত্যেক পরিবারকে আমি একশো টাকা হিসেবে সাহায্য দেব। আর তোমাদের চার্চের জন্তে আলাদা পাঁচশো টাকা দেব।

এত সাধুবাদ উঠল না, জয়কনি দূরের কথা। চুপ করে রইল সকলে। একজন কেউ বলে উঠল—একশো রুপয়া সে কি হোবে?

আমি হেসে বললাম—কিন্তু এর জন্তে তো আমার কোন সুপারাম নেই।

—আপনার না থাক, রায়বাবুদের দায় আছে। অতুলবাবু কংগ্রেসী কাম করে জেল গেলো, তবু তি রায়বাড়ীর চাল ছাড়লে না। জেলসে হুকুম পাঠালে কি—গাঁও জালা দেও।

অবাক হয়ে গেলাম, আমি, বললাম—অতুলবাবু হুকুম পাঠিয়েছিল?

—হ্যাঁ অতুলবাবু। আমরা জানি, শুনেছি।

মিসেস হাডসন গস্তীরভাবে বসেছিল, সে বললে—So we have heard—it is a very strong rumour. We shall try to prove it.

কুইনী বললে—সকলেই তাই বলেছে।

বললাম—বলুক। সত্য হলে সেটা অতুলের দায়। আমার নয়। তবে তোমার দিদিয়ার ঘর পুড়ে গেছে, সে নিজে পুড়ে মারা গেছে, তার ক্ষতিপূরণ পুরো করব আমি—

বাধা দিয়ে কুইনী বললে—দত্তবাদ স্তর, কিন্তু সে আমি চাইনে, নেব না। এখনকার লোক আমি নই। আমি বাঙালী ক্রীশ্চান। আমি বড়লপুর থেকে কলকাতা চলে যাব। কীর্তিহাট থেকে, গোয়ানপাড়া থেকে দূরে থাকতে চাই।

আমি তার মুখের দিকে তাকালাম।

সে বললে—আপনি চাটটি আগাগোড়া নতুন করে দিন। আমার দিদিয়া ওই চার্চের ভিতর মাদার মেরীর ছবি বাঁচাবার জন্তে চুকেছিল আর বের হ'তে পারে নি। ওতেই দিদিয়ার তৃপ্তি হবে।

বললাম—বেশ তাই দেব। আর নিজে আমি ম্যাডোনার ছবি এঁকে দেবো।

তবু লোকে খুব খুশী হয় নি। কেউ একজন পিছন থেকে ব্যঙ্গ করে বলেছিল—

জিমিদার! হিঁরা জিমিদারী মারাতে আসছে। খুক্ কেকো একশোও রুপেরা পর। কি হোবে বাবা—?

মনে মনে একটু বিষর হাসি হাসলাম। কিন্তু কি করব? কোন উপায় ছিল না।

ফেরবার সময় আমার সঙ্গে গোমেশ ডিক্রুজ আসছিল। ওরা আমার কাছে কাজ করত। ওরা সে কতজ্ঞাটুকু ভুলতে পারে নি। বা ওদের প্রত্যাশা তখনও ছিল। ওরা আমার সঙ্গে আসছিল আমাদের পৌঁছে দিতে। কাঁসাইয়ের গর্তে তখন অন্ধকার ঘন জমাট বেঁধে উপরের দিকে উঠছে। বিস্তীর্ণ বালুয়র গর্ত জুড়ে সেই অন্ধকারের মধ্যে ঝাঁঝিরা মুখর হয়ে উঠেছে। তারই মধ্যে তিনটি মানুষ ঘন বঁাবা হয়ে গেছে মনে হচ্ছিল।

হঠাৎ এক সময় ডিক্রুজ বললে—নোকর হিসেবে আমাদের বাঁচু মনে রাখবেন হজুর। সব লোককে শ রুপেরা দিবেন—হামরাদের তো বেশী মিনসা চাই।

না বললাম না। বললাম—আচ্ছা।

ওরা এতক্ষণে মুখর হয়ে উঠতে চাইলে। আবোলভাবোলই বকছিল ওরা। আমি কান দিই নি। আমি ভাবছিলাম। ভাবছিলাম টাকাটা বোধ হয় মিথ্যেই অপব্যয় করলাম। বংশের দেনাপাওনা বলে কোন কিছুর অস্তিত্বই নেই। নিরর্থক। অর্থই হয় না। কিন্তু এই কথাটা ঘন শক্ত এবং সোজা হয়ে ভেঙে পড়া আমার ভার সহিতে পারছিল না। বেকে যাচ্ছিল। স্নেহে পড়ছিল। আসলে আমি আহত হয়েছিলাম। ওদের এই অকৃতজ্ঞতা আমি প্রত্যাশা করি নি।

হঠাৎ চমকে উঠলাম গোমেশের কণ্ঠস্বরে। ভারত কণ্ঠে সে বলে উঠল—বাবুজী অনেক লোক।

বলেই তারা ছুটে পালাল। আমি চমকে উঠে মূণ তুলে দেখলাম কাঁসাইয়ের ঘাটের উপর অনেক কয়েকজন লোক দাঁড়িয়ে আছে। নিতক নীরব পাথরের মূর্তির মত। জিজ্ঞাসা করলাম—কে?

—আমরা কীর্তিহাটের। আপনার জন্তেই দাঁড়িয়ে আছি।

—আমার জন্তে—

—হ্যাঁ। আপনি আগুন আমাদের সঙ্গে।

—কেন? কি ব্যাপার?

—গ্রামের বিচার সভা বসেছে পঞ্চায়েতের। রায়বাড়ীর কালীমারের নাটমন্দিরে। আগুন আমাদের সঙ্গে।

গিয়ে দেখলুম—সত্যি নাটমন্দিরে গ্রামের লোকেরা জমায়েত হয়েছে। রায়বাড়ীর প্রবীণতম পুরুষ ধনেশ্বর রায় থেকে প্রণবেশ্বর, কল্যাণেশ্বর প্রভৃতির একদিকে বসে আছে; অন্যদিকে বসে আছে দয়াল দান্দা থেকে ব্রাহ্মণ কারন প্রভৃতির; মাঝখানে বসেছে বুদ্ধ রঙলাল ঘোষ। পাশে তার উকীল চলে।

কংগ্রেসের সভাপতি রঙলাল ঘোষ বিচারক সভাপতি। গ্রামের লোকেরা বিচার প্রার্থনা করেছেন। তার সঙ্গে আজ কণ্ঠস্বর মিলিয়েছেন রায়বাড়ীর রায়বংশধরেরা।

অভিব্যক্ত আমি। সুরেশ্বর রায়। রঙলাল ঘোষ বললেন—আম্মন বাবা। বসুন। আপনার বিরুদ্ধে তো অনেক নাশিশ গৌ।

সুরেশ্বর বললে—দণ্ড করে যেন আমার মাথায় আগুন জলে উঠেছিল। ইচ্ছে হয়েছিল চীৎকার করে উঠি। একদিন এই নাটমন্দিরেই ভর্যাত মেজদাঁদির হাত ধরে প্রায় টেনে এনে ধনেধর, প্রণবেশ্বর, কল্যাণেশ্বর সকলের মুখের উপর চীৎকার করে বলেছিলাম, এখানকার মালিক আমি। আমার হুকুম ছাড়া অস্ত্রের অস্ত্রার হুকুম আমি চলতে দেব না। মেজরায়-গিল্লীর অপমান হলে আমি সহ্য করব না। দিন ঠাকুরমশাই মেজদাঁদিকে পুষ্প-চর্যণোদক দিন।

কথাটা ভোমার বোধ হয় মনে পড়বে স্মৃতি। সম্ভবত আরও মনে আছে সেদিনের কথা, যেদিন সেটেনয়েন্ট সার্কেল অফিসার হরেন ঘোষের সামনে গোচর নিয়ে ধনেধরকাঁকাদের অগড়ার মধ্যে আমি আদিপুরুষ কুড়ারাম রায়ের কড়চার কথা শ্রবণ করে বলেছিলাম—কীর্তিহাট বসন্তবাড়ী আর গোচর নিজের নিয়ে গেছেন কুড়ারাম রায়, তখন ধস্ত ধস্ত করে উঠেছিলেন এই রঙলাল ঘোষ। সেদিন বলেছিলেন—হ্যাঁ, জমিদারের পুত্র ব্রাহ্মণের ছেলে বটেন বাবা আপনি। নমস্কার বাবা আপনাকে।

মনে পড়ে গেল, রত্নেশ্বর রায় যেদিন নিজের অধিকারে ফিরে এই কাশী-মায়ের মন্দিরের বারান্দায় প্রথম কাছারী করেছিলেন, প্রজাদের প্রণাম আর সেলামী নিয়েছিলেন।

মনে পড়ল—তার পরের দিন বীরেশ্বর রায় রত্নেশ্বরকে নিয়ে কাছারীতে বসে পুণ্যাই উপলক্ষে জমিদারীর সীমানার মধ্যে খেয়াঘাটের ডাক, হাটের ডাক আর মৌজা বীরপুরের মণ্ডলান আদায়ের ডাক করিয়েছিলেন, সেদিনের কথা।

আশ্চর্য স্মৃতি, জমিদারী নিজে কখনও করি নি। করতেও চাই নি। বহু প্রজারাই অধাচিত্ত ভাবে আমার কাছে বিচারের জন্ত এসেছে সময়ে সময়ে। আমি বিব্রত বোধ করেছি। কিন্তু সেদিন—সেদিন তারিখ ছিল ১৯৩৮ সালের মে মাসের শেষ, সেদিন ওই রঙলাল ঘোষের সামনে অভিযুক্ত হিসাবে ঠাঁড়ারার সদয় দেখলাম, রায়বাড়ীর জমিদারদের লবটুকু আশ্রয়হারা হয়ে কখন আমার মধ্যেই আশ্রয় গ্রহণ করে বলছে—“আমাকে বাঁচাও। আমাকে প্রাণ্ডি করেছিলেন কুড়ারাম ভট্টাচার্য, তারপর সোমেশ্বর রায়, বীরেশ্বর রায়, রত্নেশ্বর রায় আমাকে গড়ে গেছেন; তারপর থেকে আমাকে সকলে হাতুড়ি মেরে ভেঙে ভেঙে আসছে, তার মধ্যে আমার মরতেও ভাল লাগছিল কিন্তু এইভাবে আত্মসমর্পণ করে বলিদানের অস্ত্র মত মরতে আমার আর লজ্জার শেষ নেই—সীমা নেই।”

রঙলাল ঘোষ হাত দিয়ে সামনের আসরে আমার বসবার জায়গা নির্দিষ্ট করে দিলেন। আমি ভুরু কঁচকে খানিকটা ভেবে নিয়ে বললাম—নাশিশ আমার বিরুদ্ধে কে করলে আপনার কাছে?

সঙ্গে সঙ্গে অনেক লোক বলে উঠল—আমরা। আমরা গ্রামের লোক। সমস্ত কর্তৃ কণ্ঠ ডব্বল। প্রবীণেরা মাথা হেঁট করে বসে রইলেন।

আমি তাদের দিকে তাকিয়ে প্রশ্ন করলাম—গ্রামের লোকের অভিযোগ, কি, তা আমি জানি না কিন্তু অভিযোগের বিচারের এই আইন, এই ব্যবস্থা কে করলে? বিচার উনি করতে

বলেছেন কিসের বলে ?

একসঙ্গে অনেকগুলো হিংস্র মাল্লব গর্জন করে উঠল। বললে—আমরা দিইছি, আবার কে ? গ্রামের লোকেরাই দিইছি। কংগ্রেস প্রেসিডেন্ট উনি, উনি ছাড়া বিচার করবেন কে ?

রঙলাল ঘোষ এবারও বললেন—অন্টার কথা হল বাবা, অন্টার কথা হল। দেখুন, জমিদার হোন, ব্রাহ্মণ হোন, যা হোন—দশকে মানব না বললে চলবে না। দেশে আর দেশে তথ্য নেই বাবা। বিচার মানতে হবে। অভিযোগ শুধু গায়ের লোকে করে নাই বাবা। আপনাদের বংশের এইসব ঐরকম করেছেন।

মাথার মধ্যে, বুকের মধ্যে একটা কি যেন পাক দিচ্ছিল। মনে হচ্ছিল চাঁৎকার করে উঠি। বলি—না-না-না।

আমার নীরবতার মধ্যে একজন কে বলে উঠল—উনি গ্রামের লোকের, দেশের লোকের ইচ্ছের বিরুদ্ধে, তাদের সঙ্গে একরকম বিরোধ করেই আজ ওই গোয়ানপাড়ায় গিয়ে তাদের ঘরপিছু একশো টাকা সাহায্য দেব বলে এসেছেন। চার্চকে নতুন করে গড়তে যা খরচ লাগবে দেবেন। ইচ্ছে করে গায়ের অপমান করেছেন উনি। তাছাড়া উনি, গোয়ানরা গ্রামের লোকের বিরুদ্ধে যে অভিযোগ এনেছে, আনতে চাইছে, তাতেও একরকম সারি দিচ্ছেন, সাহায্য করছেন।

—এ তো আপনি করতে পাবেন না বাবা। এ তো হতে পারে না।

আমি বললাম—স্বলতা, নিজেকে শক্ত করে নিয়ে শাস্তকণ্ঠে বললাম—কে কাকে দান করবে, কেন করবে—এ নিয়ে কারও কোন আপত্তি চলতে পারে বলে আমি মনে করি না ঘোষমশায়। মাক করবেন, আপনাদের বিচার আমি মানতে পারলাম না। গোয়ানদের ঘর পুড়েছে, তাদের সাহায্য করাও যদি আপনাদের সঙ্গে বিরোধ করা হয়, তবে তাই হল। উঠে দাঁড়িলাম আমি।

মুহুর্তে সমবেত কণ্ঠের আওয়াজ উঠল—তাই হল ?

সঙ্গে সঙ্গে জনভিনেক বেশ শক্ত-সমর্থ জোরান এসে আমাদের বললে—বসুন আপনি।

রঙলাল ঘোষ বললেন—মাথা ঠাণ্ডা করুন বাবা, রাগ করে কোন ফল হবে না। মাথা ঠাণ্ডা করে বসুন।

আমি চলে যেতে চাইলাম কিন্তু আমাদের জোর করে ধরে রাখলে ক'জন। আমি তরু হয়ে পাথরের মত দাঁড়িলাম। আমি বলব না, আমি মুখ খুলব না—আমি যেন পাথর হয়ে গেছি। কিংবা বলতে পার রায়বংশের শেষ জমিদার আমি পাথরের মত অটল থাকতে চেষ্টা করলাম।

হঠাৎ মনে হল যেন রায়বাড়ীর পলেক্তার-ঘরা নোনা-ধরা ইটের ফাঁক থেকে অসম্ভব অবিদ্বান অভিযোগ দাখিল করছে আমার বিরুদ্ধে।

—উনি অহিন্দু, উনি অধ্যমিক, উনি টিপিক্যাল জমিদার, এখানে ভিতাইত অ্যাও কল পলিসি চালিয়ে আমাদের বুকে বাঁশ দিতে এসেছেন। এই গোয়ানদের রায়বাড়া এনে

বসিয়েছিলেন মহাল শাসনের জন্তে। প্রজা দ্বন্দ্ব করবার জন্ত। এখন প্রজার আমল—প্রজাদের শাসন করবার জন্তে গোয়ানদের কোলের কাছে টানছেন। উনি জানেন না কিবা হয়তো জেনেও বুঝতে চান না যে, এই গোয়ানরা মুসলিম লীগের সঙ্গে দোঁপ্তি করে যখন হিন্দু কীৰ্তিহাটের বিরুদ্ধে কুথে দাঁড়াবে, সেদিন রায়বাবুদের কালীবাড়ীর গোবিন্দবাড়ীর উপর আক্রমণ হবে সব থেকে আগে। কমুনাল রাইট বাঁধলে গোয়ানরা রায়বাবুদের সাহায্য করবে না, লীগের পাণ্ডাদের হুকুমে লীগের গুণাদের হাতে লাঠি, শড়ক যুগিয়ে দেবে।

তাছাড়া পাকা সাতপুরুষের জমিদারনন্দন উনি, ইংরিজীতে বলে দু থার্ড, তার মধ্যে লাল্পটোর তুফা আকণ্ঠ। এত বয়স পর্যন্ত বিবাহ করেন নি উনি : কেন করেন নি ? প্রচুর টাকা আছে, উনি উদারতা দেখিয়ে স্বজন-সেবাপ্রীতি দেখিয়ে টাকা খরচ করেন, মনের এক ধরনের বিলাস চরিতার্থ হয়, প্রশংসা হয়, তার ফাঁকে ফাঁকে তাঁদের মত লোকেরা বাঁসনা চরিতার্থ করবার সুযোগ করে নেন।

কথাগুলো বলছিলেন রঙলাল ঘোষের উকিল ছেলেটি। আমি অবাক হয়ে শুনিছিলাম।

—ওই গোয়ানদের পিফুস গোয়ান আমার বাবার পিসেমশাই ঠাকুরদাস ঘোষকে খুন করেছিল। লোকে বলে রায়বাহাদুর ইসারা দিয়েছিলেন। গোয়ানদের একটা মেয়েকে নিয়ে এই অরেশ্বরবাবুই ঠাকুরদাস দেবেশ্বর রায়—কেলেকারির আর বাকি রাখেন নি। শেষ পর্যন্ত ওই গোয়ান মেয়েটার পিছনে পিছনে এসে ওই কাঁসাইয়ের ঘাটে মারা যান। মেয়েটা বিষ খেয়ে মরেছিল। অরেশ্বরবাবু কুচনী নেয়েটাকে পড়ার খরচ যোগাচ্ছেন। কেন ? লোকে বলে—সকলের দিকে ফিরে থাকিয়ে বললেন—কি বলে তা বোঁদ হয় কাকুর অজানা নয়।—রায়বংশে এ-দোষ তাঁদের কলঙ্কের মত। শুধু রায়বাবুই বা কেন, প্রায় সব জমিদারবংশেই আছে। যেখানে বিষয়, সেইখানে ব্যাভিচার। তবে রায়বংশে একটু বেশি এই রকম বলে। সে সেই গোড়া থেকে। রক্তিতা রাখতেন। জাতি মানতেন না। ছোটজাত, বড়জাত বামুন পর্যন্ত—আপনাদের আত্মীয় পর্যন্ত মানতেন না।

\*

\*

\*

শুলতা, এইরকম একটি রাত্রি আমার জীবনে আর কখনও আসেনি। মনে হচ্ছিল আমি মরে গেছি, আমার আত্মাকে অপরাধী করে হাজির করা হয়েছে দৈবের আদালতে, সেখানে দেখছি যেন আমার বিচারের জন্ত টেনে এনে হাজির করা হয়েছে আমার পূর্বপুরুষদের। সে কুড়ারাম রায় ভট্টাচার্য থেকে আমার বাবা ঘোঁগেশ্বর রায় পর্যন্ত। আমার বিরুদ্ধে আনা অভিযোগ প্রমাণিত হবে তাঁদের জীবনের আচরণ থেকে। আমি যেন দেখছিলাম, হয়তো কল্পনার দেখেছিলাম, তারা যেন বিস্মিত, বিরক্ত, তার সঙ্গে বিব্রতও বটে। বীরেশ্বর রায় পর্যন্ত কুক, তবে বিব্রত নন। রত্নেশ্বর রায় চিন্তা করছেন। সত্যিই কি অপরাধ তিনি করেছেন ? পুণ্যের বোঝার চেয়ে কি অজ্ঞানের পাপের বোঝাটা ভারী হয়ে উঠল কালের হাওয়ার ? দেবেশ্বর রায় বেদনার্ত, আমার বাবাকে দেখলাম মাথা হেঁট করে দাঁড়িয়ে আছেন। শিবেশ্বর রায়, তিনিও দাঁড়িয়ে আছেন। বীভৎস তাঁর চেহারা। ছাদের উপর থেকে লাফিয়ে পড়ে তাঁর হাড়গোড় ভেঙে যে বীভৎস মূর্তি হয়েছিল, ঠিক সেই বীভৎস মূর্তি।

\*

\*

\*

ঘোবের ছেলে বলেই গেল—শুধু জাভ ? এঁরা সম্পর্কহীন মানে ন।। অন্তত এঁর সম্পর্কে যা শুনছি এবং বাইরে থেকে দেখে শুনে যে-সত্য অনুমান করা যায়, বোঝা যায়, তাতে অনুমান মিথ্যা বলে ঠিক মনে হয় না। এই তো রায়বংশের বাবুবা—কল্যাণবাবু, প্রশ্নবাবু, এমন কি প্রবীণ ধনেশ্বরবাবু বসে রয়েছেন, এই তো আমার পিছনেই মাথা হেঁট করে বলে রয়েছেন—বলুন না, ঠুঁরা বলুন না ?

ধনেশ্বরকাকা বলে উঠলেন—ছেড়ে দাও না মশাই। ও-কথাটা ছেড়ে দাও না। এখন যার বিচার হচ্ছে, তাই হোক না। আমার লোকের অমতে তাদের উপেক্ষা করে গোঁড়ানদের এই সাহায্য দিচ্ছেন উনি—

হঠাৎ একটি ছেলে লাফ দিয়ে উঠে আমার সামনে এসে হাতের আঙিন গুটিয়ে ঘুঁষি পাکیয়ে বললে—বলুন, স্বীকার করুন অন্যায় হয়েছে। আর বলুন দেবেন না টাকা ওদের ?

হঠাৎ যেন আমি আমাকে ফিরে পেলাম। দৃঢ়কণ্ঠে আমি বললাম—না।

—না ? দৃঢ়কণ্ঠে সবিস্ময়ে না শব্দটা জিজ্ঞাসার ভঙ্গিতে উচ্চারণ করবার সঙ্গে সঙ্গেই সে হঠাৎ একটা ঘুঁষি আমার মুখের উপর মেরে বসল। লাগল এই ঠোঁটের ডান কোণে। সঙ্গে সঙ্গে ঠোঁটটা কেটে গেল, বেশ গভীর ভাবেই কেটেছিল, মুখের মধ্যে রক্তের স্বাদ অনুভব করলাম। তখন আবার সে ঘুঁষি তুলেছে। সুরেশ্বর রায়ের রায়বংশের কাছে পাওয়া দীর্ঘ সবল দেহখানা শক্ত এবং কঠোর হয়ে উঠল। আমার হাতখানা তার থেকে অনেক লম্বা। শক্ত মুঠিতে তার হাতখানা চেপে ধরে রুখে দিলাম। রঙাল ঘোষ প্রবীণ মাল্লুখ, সম্ভবত নতুন যুগের যোকাবেলা করা নয় সত্যটাকে স্বীকার করতে পারলেন না। তিনি চীৎকার করে ধমক দিয়ে উঠলেন—এ কি ? এ কি কাণ্ড ? না—না—

কিন্তু তাঁর কথা কে শুনবে ? কেউ গ্রাহ্য করলে না, সত্যাপতির নির্দেশ,—একরল অজ্ঞবরসীর দল লাফ দিয়ে উঠে আমার উপর কাঁপিয়ে পড়ল। কে যে কি দিয়ে আঘাত করেছিল তা বলতে পারব না। আমি কিছুক্ষণ—সে বোধ হয় মিনিট-দুয়েক রুখেছিলাম, তার পরই কপালের উপর এসে পড়ল একটা অভ্যস্ত কঠিন কিছুই নির্ভর আঘাত। আমি বুঝতে পারলাম আমি জ্ঞান হারাচ্ছি, বুঝতে পারলাম পড়ে যাচ্ছি, কিন্তু তবু আতর্জন্য করলাম না, কিছু আঁকড়ে ধরতে চাইলাম না, রায়বাড়ীর নাটমন্দিরের ওপর পড়ে মরতেই চাইলাম—এইটুকু তোমাকে বলতে পারি। কথাটা আমার বিশ্বাস করো। তারপর আর কিছু মনে থাকবার কথা নয়, মনেও নেই।

জ্ঞান যখন হল, তখন আমি বিবিধমহলে বিছানার শুয়ে। আমার মাথার শিররে কেউ বসেছিল দেখতে পাই নি। পাশে ঠাড়িয়েছিল চ্যারিটেবল ডিসপেনসারির ডাক্তার। কাঁসাইয়ে ধারের জানালাটার পাশে চেয়ারে বসেছিলেন একজন পুলিশ অফিসার। এদিকে ঠাড়িয়েছিল রঘু। সময়টা ভোরবেলা। তার মনে গ্রাম সারাটা রাজিই এইভাবে কেটেছে। রাজ্যে তমলুক হাসপাতালে নিয়ে যাওয়া সম্ভবপর হয় নি। মাথায় আঘাত, চেতনাহীন

অবস্থা, এ অবস্থার এক পাকী ছাড়া অন্য কোন বানে এমন রোগী পাঠানো যায় না। তাই বিবিম্বলে এনে ডাক্তারকে ডেকে পুলিশের পাহারার রাখা হয়েছে।

শুনলাম, কেউ শক্ত একটা কিছু সম্ভবত লোহার শিক দিয়ে মেরেছিল আমার মাথায়, পিছন শিক থেকে মেরেছিল। কানের খুব কাছাকাছি। একটু এ-পাশে হলোই জীবন-সংশয় হত। আঘাতের সঙ্গে সঙ্গেই রক্তের ধারা গড়িয়ে এসেছিল। তারপরই শশকে পড়ে গিয়েছিলাম।

একদশে সকলের উত্তেজনার ছুটন্ত ধারার মুখে একটা ধস ছেড়ে খসে পড়ে তার গতি বন্ধ করে দিয়েছিল।

এক মুহূর্তে গোটা আসরটা শুক হয়ে গিয়েছিল।

শুধু রঙলাল ঘোষ চীৎকার করে উঠেছিলেন—কি হল ? ওরে কি হল ? ওরে মারামারি করিসনে। ওরে !

কেউ প্রশ্ন করে উঠেছিল—মরে গেল নাকি ? বাখালি ফাসাদ !

ঘোষের উকিল ছেলে শুধু মাথা ঠিক রেখে ডেকে বলেছি—জল, জল। ওরে জল আন, জল।

কতক লোক পিছু হটে সরে গিয়েছিল। কেউ কেউ চলেও গিয়েছিল। কেউ গিয়েছিল জলের সন্ধানে।

ঠিক এই সময়ে বাড়ীর অন্দরের দরজার মুখ থেকে একটি তীব্র নারী-কণ্ঠ শোনা গিয়েছিল—ছি-ছি-ছি। এমন করে পড়ে গেছে। গোটা বংশটা এমনি করে পড়ে গেছে। ছি-ছি-ছি।

এ-কণ্ঠস্বর, স্থলতা, গোবরভাড়ার খুড়ীমার। সারাজীবন যিনি মূগ বৃজে স্বামীর সঙ্গে ঘর করেছেন আর যুগা করেছেন স্বামীকে, শশুরকে, দেওরদের, সং-শাস্ত্রীদের, কান্কে নর, রাববাড়ীর মেজতরকের ইট-কাঠকেও ঘেরা করেছেন। ধনেশরকাকার স্ত্রী—ব্রজদার মা।

ব্রজদা সেই যে বউ নিয়ে এসেছিল, অতুল ধরা পড়বার সময়—সেই সময় সে যে আমার কি পরিচয় তার মায়ের কাছে দিয়ে গিছিল বলতে পারব না, তবে এই আশ্চর্য গোবরভাড়ার অহঙ্কতা মেয়েটি আমার ভালবেসে ফেলেছিলেন—ব্রজদার চেয়েও বেশী ভালবেসেছিলেন।

তিনি তাঁর অভ্যাসমত আপন ঘরে বসেছিলেন, অর্চনা খবরটা পেয়ে ছুটে দেখতে এসেছিল কি হচ্ছে। দোস্তলার টানা বারান্দার বেখানে বসে রাববাড়ীর মেয়েরা চিকের আড়াল থেকে নাটশব্দের যাত্রা শুনত, বাড়িনাচ দেখত, সেইখানে দাঁড়িয়ে কিছুটা দেখেই ছুটে গিয়ে নিজের মায়ের পায়ে মাথা কুটেতে লেগেছিল।—এইজন্তে—এইজন্তে নিয়ে এসেছিলে আমাকে ? মা হয়ে, বাপ হয়ে তোমরা আমাকে এই কলঙ্ক মুখে মাথিয়ে দিতে এনেছিলে ? বাপ আত্মহত্যা করে জুড়িয়েছে। তুমি ? তুমি কি করবে ? একবার বললে না যে আমার কস্তার কলঙ্ক বে দেয়, তার মাথায় বজ্রাঘাত হোক। পারলে না বলতে ?

চীৎকার শুনে বেরিয়ে এসেছিলেন গোবরভাড়ার বউ। জিজ্ঞাসা করেছিলেন—কি হয়েছে রে অর্চনা, অমন করে চোঁচাচ্ছিল ?



অর্চনা চীৎকার করে উঠেছিল—কি হয়েছে গিয়ে দেখে আসুন কালীবাড়ীর নাটমন্দিরে।  
সুরোদাকে বলি দিচ্ছে। তার বিচার হচ্ছে।

—বিচার? কিসের বিচার? কে বিচার করছে?

—বিচার করছে বড়লাল ঘোষ। নাগিশ করেছে গায়ের লোক, তাদের সঙ্গে কল্যাণদা, প্রণবদা, জ্যাঠাইমা কি বলব—সবাই আছে,—তাদের নাগিশ হচ্ছে, সুরোদা অনেক টাকা খরচ করে আমার বিয়ে দিতেছেন; ছি-ছি জ্যাঠাইমা, ছি-ছি-ছি!

কিসে থেকে কি হয় এবং কেমন করে হয়, এ বলা খুব সহজ নয় সুলভা, কখনও কখনও মনে হয় বলাট ঘাট না। গোবরডাঙার খুড়িমা মুহূর্তে যেন সর্বাঙ্গে কেরোসিন ঢেলে দেশলাই জালিয়ে জলে উঠেছিলেন। অর্চনার হাত ধরে ওঠে ছি-ছি-ছি বলতে-বলতেই—সারা সিঁড়ি নেমে কাছাড়ীর দরজা পেরিয়ে ঠাকুরবাড়ী ঢুকে সবার সামনে এসে দাঁড়িয়েছিলেন।

তখন আমি অজান হয়ে পড়ে গেছি। আমার ভেঙেছে। ধনেশ্বরকাকা তাঁকে বাধা দিতে গিয়েছিলেন কিন্তু তাঁর মুখের কাছে দাঁড়াতে পারেননি। তিনি যত বলেছিলেন—গোবরডাঙার বউ, গোবরডাঙার বউ!—আঃ, করছ কি?

গোবরডাঙার বউ ওত বলছিলেন—তুমি এমন পিশাচ, এমন অমাত্য, ছি-ছি-ছি! দাঁড়িয়ে দেখছ? মিথ্যে নাগিশ করছ? ছি-ছি-ছি! এই জঙ্গে আমার চেলেঙুলো এমন অমাত্য, এমন পশু! ছি-ছি-ছি!—মেজঠাকুরপো গীজা খেতো, মদ খেতো, জন্তুর মত রাগ ছিল, তারও লজ্জা ছিল, সেও লজ্জার আত্মকৃত্য করে বেঁচেছে। আর তুমি? ছি-ছি-ছি! কল্যাণেশ্বর অর্চনাকে জড়িয়ে মিথ্যে কলঙ্ক দিয়ে অপবাদ দিচ্ছে, তাই তুমি কানে শুনছ, সাং দিছ? ছি-ছি-ছি! ককে ভাড়াতে চাও? এই প্রবৃত্তি তোমার? ছি-ছি-ছি!

কথাটা অর্চনার কাছে শোন; তুই বল অর্চনা—আমি দেখি নি সে গোবরডাঙার খুড়িমাকে, তুই দেখেছিস। বল—জীবনে বোধ হয় একবার তিনি ওই মহিমময়ী মূর্তিতে নিজেকে প্রকাশ করেছিলেন।

\*

\*

\*

একটা দীর্ঘনিঃশ্বাস ফেলে অর্চনা বললে—সেদিন তিনি যেন নিজেকে কাটিয়ে নিজেকে প্রকাশ করেছিলেন। আমার কথা শুনে আমার হাত ধরে টেনে নীচে প্রায় হেঁচড়ে নিয়ে এসেছিলেন; মুখে ওঠে এক বুলি—ছি-ছি-ছি!

তারপর তাঁর সে-মুতির দিকে তাকিয়ে আমি অন্যাক হয়ে গিয়েছিলাম। নাটমন্দিরে—নাটমন্দির ভরা লোক, হেজাকের আলো জ্বলছিল, তুমি পড়ে রয়েছ, রক্তের দাগগুলো কালো দাগড়া-দাগড়া ছোপের মত দেখাচ্ছিল, তারই মধ্যে জ্যাঠাইমা দাঁড়ালেন—সাদা শাঁখের মত গাভের রঙ, বড় বড় চোখ, মোটামোটা মাত্রা, মাথার কাপড় পড়ে গেছে গ্রাহ নেই; হেজাকের আলোর সামনে দাঁড়িয়ে তিরস্কার করলেন জ্যাঠামশাইকে। সম্ভবত স্বামীর প্রতি জীবনের ভয়-করা ঘেরা, জীবনে সন্তানদের কাছে পাওয়া লজ্জার দুঃখ—সব যেন ফেটে চৌচির হয়ে আছড়ে পড়ল সেদিন সেই নাটমন্দিরে। কি বলেছিলেন সব কথা মনে নেই, বলতে পারব না। তবে একটা কথা মনে আছে। কানের পাশে আমার যেন বেজে উঠছে

এই মুহূর্তে, শুধু এই মুহূর্তেই কেন সুরোদা, যখনই কোনক্রমে জ্যাঠাইমা কি সেই দিনের ঘটনা, কি আমার নিজের ভাগ্যের কথা মনে করি, তখনই কান্নের পাশে এইভাবেই বেজে ওঠে তাঁর কথাগুলো, আর চোখ বুজলেই দেখতে পাই সেই রাত্তিরের সেই ছবি—জ্যাজ্ঞের উজ্জল আলোর ভেতনি উজ্জল জ্যাঠাইমার মূর্তি, মুখ-চোখ।

ওঃ, বলেছিলেন কথাগুলো যেন বজ্রাঘাতের ধ্বনির মত, চমকে দিচ্ছেল সকলকে। আশাচর্চা তাঁর নিজের বুকেই বেজেছিল। বলেছিলেন, এইজন্মেই,—এইজন্মেই আমার গর্ভের এতগুলো সন্তান—সবগুলো তার জ্ঞানোদার, জ্ঞান, প্রেত আর পিশাচ, একটা মাঝুখ হয় নি। কিন্তু রায়বাড়ীর সব বিষ কি তুমিই খেয়েছিলে? ওঃ, ভাগিন্স আমার গর্ভে মেরে হয় নি! তাহলে তো—! ছি-ছি-ছি!

শেষ পর্যন্ত যে কি হত, কি বলতেন বা করতেন তিনি, তা বলতে পারব না স্মৃতিভাঙ্গি; ঘটনা বলুন বা যা ঘটেছিল বলুন, তাতে একটা ছেদ পড়ে গেল আর একটা ঘটনা ঘটে। বাইরে পুলিশ এসে পড়ল।

ময়না খানার খবর পাঠিয়েছিল মিসেস হাডসন আর কুইনী। গোমেশ আর ডিক্কা সুরোদার কাছেই চাকরি করত, সে জান তুমি; কিন্তু ভোটের ব্যাপার নিয়ে কীৰ্ত্তিহাটের সঙ্গে গোয়ানপাড়ার যগড়া লাগতেই ওদিকে গোয়ানদের পিছনে এসে দাঁড়াল মুসলিম লীগের পাণ্ডা আর ঋগুপূরের মিসেস হাডসন। এদিকে কীৰ্ত্তিহাটের লোকদের সঙ্গে সারাদেশ—তার সঙ্গে মহারাজ নলকে বাড়ির দেওয়া কলির শানানো ছুরির মত রায়বাড়ীর কল্যাণদা, প্রণবদা, আমার বাবা, জ্যাঠামশাই, বলতে গেলে এক সুরোদাকে বাদ নিয়ে সবাই।

নল-দমরস্তীর ব্যাপারটা কলিযুগে ঘটে নি। ঘটলে অল্প রকম ঘটত। কলির শানানো ছুরিখানা দিয়ে কাপড়খানাকে মাঝখানে চিড়ে বাঁধন কেটে পালানোর মত পালাতেন না নল, কলিযুগ হলে দমরস্তীর বুকে বসিয়ে দিয়ে গোটা কাপড়খানা নিজে নিয়ে পালাতেন।

এখানেও যগড়াটা চরমে উঠেছিল সঙ্গে সঙ্গে। প্রথম কীৰ্ত্তিহাটে উঠল গোয়ানদের বয়কট কর ধুরো। তারপরই আরম্ভ হল—গাঁয়ে পেলেই ধরে মারো। ডিক্কা, গোমেশ পালালো। ওদিকে গোয়ানপাড়ার দোকান হয়ে গেল তিন-চারটে। তারপরই লাগল আগুন। পুড়ে গেল গোয়ানপাড়া।

গোয়ানপাড়া কংগ্রেস পোড়ার নি। রঙলাল খোষ কিছু জানতেন না। তবে তাঁর উকিল ছেলে জানতেন, তার সঙ্গে জানতেন রায়বাড়ীর কর্তারা। কল্যাণের খাতক ছিল অনেকগুলি, গোয়ান খাতক। অল্প অল্প টাকা সুদে-আসলে বেড়ে বেড়ে তিন-চার গুণ হয়ে বন্ধকী তদুসুদে পরিণত হয়েছিল। কল্যাণদা জানতো যে, গোয়ানপাড়া সুরোদা নাথরাজ করে দিলে সেটেলমেন্ট সে গোয়ানপাড়ার বারো আনা তার। তাই সেদিন যা পেরেছিল সুরোদার কাছে, তাই নিয়ে সম্মতি দিয়েছিল। কিন্তু হঠাৎ নতুন আইন হবার কথা শোনা গেল।

ডেট-সেটেলমেন্ট বোর্ড হবে। খাতক যত টাকা মূল নিয়েছে, তার বেশী পাবে না। আর তা সহজ কিস্তীবন্ধিতে শোধ দেওয়ার ব্যবস্থা হবে। কল্যাণদার দশ হাজার টাকা

পাওনা, সে-হিসেবে পাঁচ হাজারের কম দাঁড়াবে। কল্যাণদার চক্রান্তেই ধুরো উঠল—গোয়ান তাড়াও, হঠাৎ।

তার জন্তে লাগল আঙন। পুড়ে ছাইখার হয়ে গেল গোয়ানপাড়া। সরকার থেকে সাহায্য এল, রক্ষা করার জন্তে পুলিশ এল, তার উপর এদের হাত ছিল না। কিন্তু সুরেশ্বরদা সাহায্য করার এরা বসাল বিচারসভা, ওদিকে সেই খবর গোয়ানপাড়ার পৌছুতেই গোয়ানরা পাঠালে পুলিশে খবর। সুরেশ্বরদাকে এরা অনেকেই বডলোক বলে খাতির করত। পাড়াটা লাখরাজ করে দেওয়ার সত্যকার প্রচাণ্ড অনেকে করত। কিন্তু সেদিনের সে-ব্যাপারটা খাতির কিংবা প্রচার জন্তে তারা করে নি—তারা জেদের বেশ করেছিল।

“সুরেশ্বর রায়বাবু তাদের সাহায্য করতে চেয়েছে বলে তাকে ধরে-বঁধে গ্রামসভা বেঁধে বিচার করছে। এখুনি পুলিশ এলে নিজের চোখে দেখতে পাবেন! ষড়যন্ত্রের প্রমাণ মিলবে। ইয়োরস ফেথফুল, মিস্ কুইনী মুকুর্জি এবং মিসেস্ হাডসন। সেক্রেটারী এবং প্রেসিডেন্ট গোয়ান এ্যাসোসিয়েশন, কীর্তিহাট, গোয়ানপাড়া।”

অর্চনা বললে—চোখের সামনে দেখছিলাম লোকগুলো চলে যাচ্ছে। নাটমন্দিরের ভিড় পাতলা হচ্ছে। খুব খেয়াল সেদিকে ছিল না। আমি অভিজুতর মত তাকিয়েছিলাম জ্যাঠাইয়ার দিকে।

জ্যাঠাইয়ার সে কি মূর্তি!

হঠাৎ কে কাকে বললে—উঠে এস। শুনছ—উঠে এস। পুলিশ, পুলিশ এসেছে। পুলিশ!

রঙলাল ঘোষকে বলছিল তার উকিল ছেলে।

জ্যাঠামশাই, ধনেশ্বর রায়, সুলভাদি, এবার এসে বললেন—খাম, এবার খাম গোবরডাভার বউ—। পুলিশ এসেছে। যাও বাড়ীর ভেতর যাও।

জ্যাঠাইমা যেন বুঝতেই পারলেন না। শুধু তাকিয়ে রইলেন জ্যাঠামশাইয়ের দিকে। বিস্ময়িত দৃষ্টিতে তাকিয়ে রইলেন।

—শুনছ? পুলিশ,—পুলিস আসছে।

হঠাৎ জ্যাঠাইমা একটা আতর্জন করে দুই হাতে কপাল টিপে ধরে কাঁপতে কাঁপতে বসে পড়লেন। তারপর যেন ঢলে পড়ে গেলেন কালীমায়ের পাট-রঙ্গনে।

ওদিকে অনেকগুলো ভারী জুতার শব্দ তুলে পুলিশ ঘরে ঢুকল।

সুরোদা তখন রক্তাক্ত মাথা নিয়ে অজ্ঞান হয়ে পড়ে আছে নাটমন্দিরে, নাট-অজ্ঞান অজ্ঞান হয়ে পড়ে আছেন জ্যাঠাইমা। নাটমন্দিরে দাঁড়িয়ে আছেন দুই বৃদ্ধ—ধনেশ্বর রায় আর রঙলাল ঘোষ। আর আমি।

একটা বিচিত্র ঘটনা ঘটল; বারকয়েক দপ্ দপ্ করে লাফিয়ে জলে হেজাকবাতিটা নিভে গেল।

‘অমিদারীর বিলুপ্তি ঘটল আজ কিন্তু অমিদার রায়বাড়ীর শেষ আলো সেইদিন নিভেছিল সুলভাদি। এ-সত্য দুই চোখ মেলে আমি ছাড়া আর কেউ দেখে নি। সুরোদাও না।

সুরেশ্বর বললে—তাই ঠিক সুলতা, অর্চনা বা বললে, তাই ঠিক। ওই দিনই রায়বাড়ীর শেষ। অন্ততঃ বংশধারার নাটকে জমিদারী অঙ্কের শেষ। মাহুকের বংশধারা অধিকাংশ ক্ষেত্রেই নির্বংশ হয় না, সে কালের সঙ্গে চলে। শুধু এক-একটা পর্বে ছেদ পড়ে। পার্থান মূল সুলতান বাদশা—তার আগে হিন্দুদের মধ্যে যারা ইতিহাসবিখ্যাত রাজা মহারাজা—তাদের বংশ নির্বংশ হয়েছে এমন ভাববার কারণ নেই। খুঁজলে পাওয়া হয় তো যাবে—কোন দোকানদার বা মুটেমজুরের মধ্যে। মানে রাজা মহারাজা বাদশা সুলতান বংশ হিসেবে নয়, মাহুকের হিসেবেই বেঁচে থাকে তারা। সুলতানশাহী বাদশাহী চরিত্র বা মেজাজ তাদের থাকে না। তাদের কে মনে রাখে বলো? তাদের স্বধা কে গল্প করে বলো?—করে না। ভাল লাগে না শুনতে। তাই বলি আমার—বংশে ছেদ পড়ল, শেষ হল। রায়-বংশেও তাই হ'ল। সেদিন যখন প্রজাদের ডেকে আমাকে অপরাধী সাজিয়ে তাদের দিয়েই বিচার করালে আমারই জাতিরা, তখনই সন্ধ্যার অন্ধকারের মধ্যে রায়বংশের নাটকে যবনিকা পড়ল। এর পর যে বংশধারা রইল—সে নদী নয়—সেগুলোকে নালা বলতে পার।

একটু হেসে সুরেশ্বর বললে—সে সময়ে মানে ১৯৩৮-৪০ সালে সম্ভবতঃ বাংলাদেশে সব জমিদারী বংশেরই অল্পবিস্তর এই দশা হয়েছে। প্রজারা সকলেই বিচার করতে বসুক না বসুক অভিযোগের ফিরিস্তি তৈরী করছিল। কিন্তু জমিদারদের তখনও কাঠগড়ার হাজির করতে পারে নি। জমিদারী আমলের শেষ দৃশ্যের শুরুতেই রায়বংশের পালা সারা হয়ে গেল। যারা টিকে রইল তাদের অধিকাংশই সরকারকে আঁকড়ে ধরে টিকে রইল। রায়বংশ তা পারলে না। না পারলেন ধনেশ্বর কাঁকারা, না পারলেন প্রণবেশ্বর দাদারা এবং সব থেকে স্বচ্ছল অবস্থা ছিল আমার—আমিও পারলাম না তা। এবং সেইদিন রাত্রেই যা করলাম, তাতে আমি সরকারকে স্বীকার করলাম ন', স্বীকার করলাম প্রজাদের। হ'ল কি জ্ঞান?

আমার জ্ঞান হতেই আমার বিছানার সামনে উপবিষ্ট এস আইটি আমাকে জিজ্ঞাসা করলেন—এই যে জ্ঞান হয়েছে আপনার। কেমন মনে হচ্ছে বলুন তো সুরেশ্বরবাবু?

নিজের কপালে হাত দিয়ে ব্যাঙেজটায় হাত বুলিয়ে দেখতে দেখতেই সব মনে পড়ে গিয়েছিল। শুধু বুঝতে পারি নি—পুলিস কোথা থেকে এল এবং কেমন করে এল! প্রশ্রুটার উত্তর মিলুক বা না-মিলুক প্রশ্রুটা থেকে আরও কতকগুলো ফাঁকড়া প্রশ্রু বেরিয়ে প্রশ্রুটার গুরুত্ব বাড়িয়ে তুলেছিল। কেন—পুলিস এল কেন? পুলিস এমন ক'রে বসে কেন? আমাকে ঘিরে রয়েছে কেন? আমাকে আরেস্ট করেছে কিনা—ইত্যাদি—ইত্যাদি। আমি ভাবছিলাম। দারোগাটি আবার প্রশ্রু করলে—সুরেশ্বরবাবু, কি কষ্ট হচ্ছে আপনার?

বোধ করি দারোগার গলার আঁচরাজ পেয়েই শুধর থেকে এ-ঘরে এসে ঢুকলেন আর একজন পুলিস অফিসার—যাকে দেখে খট্ করে গোড়ালি চুঁকে দারোগাবাবু সেলাম দিল।

নতুন আগন্তুক জিজ্ঞাসা করলেন—জ্ঞান হয়েছে নাকি?

—হ্যাঁ স্যার, চোখ মেলেছেন। কিন্তু সাড়া দেন নি।

নতুন আগন্তুকটি অল্পবয়সী এবং উচ্চপদস্থ অফিসার। তিনি আমার দিকে তাকিয়ে বললেন—আপনার আর কোন ভয় নেই—আমরা খুব সময়ে এসে পড়েছিলাম। এখন

আপনি সেক। কেমন মনে হচ্ছে বলুন তো ?

আমি চোখ বন্ধ করে ভাবতে ভাবতেই বললাম—ভাল। বিশেষ কষ্ট কিছু নেই—ভবে মাথার একটা যন্ত্রণা হচ্ছে।

—ওটা খুব সিরিয়াস নয়। কিন্তু একটা স্টেটমেন্ট দিতে হবে যে আপনাকে। এখন সেটা পারবেন ? এখন হলেই ভাল হয়।

পুলিসের কাছে স্টেটমেন্ট! সঙ্গে সঙ্গে মনের মধ্যে সহস্র প্রশ্ন জেগে উঠল। সহস্র প্রশ্নের সবগুলোই স্বায়ংগ নিরে। মনে তো সবই পড়ছিল। ধনেশ্বর কাঁকা—প্রণবেশ্বরদা—কল্যাণেশ্বর, অটনা, সবার কথা মনে পড়ছিল। স্টেটমেন্ট দিতে গেলে কোন্ কথা বাদ দেব ? কার কথা বাদ দেব ? কেমন করে দেব ?

জীবনে যে সাহস বা সত্যাবোধ থাকলে বাসুদেবের মত মহাত্মার তের প্রথমের নিজের জন্মকথা—তার পিতা পরাশরীর সঙ্গে মা মৎস্যগন্ধার দেহসংসর্গের কথা—অত্যন্ত সহজে বলা যায় বা বলতে পারে মানুষ, তা আমার সেদিন ছিল না—। রায়বংশের কারুরই ছিল না। সে সত্যবোধকে আড়াল করে বা জগহতীর মত হত্যা করে দাঁড়িয়েছিল জমিদারী মর্যাদা। ওই জমিদারী মর্যাদাই রায়দের বংশমর্যাদা, তাছাড়া আর কিছু নয়।

ডি-এস-পি, ভদ্রলোকটি ডি-এস-পি, তিনি আবার ডাকলেন—সুরেশ্বরবাবু।

চোখ বুজেই উত্তর দিলাম—বলুন !

—স্টেটমেন্ট দিতে হবে যে আপনাকে।

—স্টেটমেন্ট !

—হ্যাঁ। কি হয়েছিল ? কি করে আঘাত লাগল আপনার কপালে ? কে মেরেছিল আপনাকে ? আপনাদের বাড়ীর নাটমন্দিরে এত লোকেরা মিলে কি করছিল ?

আমার থেকেও বছর ছয়-সাতের ছোট ছিলেন ভদ্রলোক ! ১৯৩৮ সালে আমার বয়স আটশ—তার বয়স তখন সত্ত্ব দশ পেরিয়েছে। পুলিশ লাইনে তখনও পাকেন নি, পাকলে ওইভাবে সমস্ত পরিস্থিতিটা বুঝিয়ে দিতেন না।

তিনি বললেন—মহনা থানার গোয়ানপাড়া থেকে দুজন লোক এবং আপনার কর্মচারী আচার্যের চিঠি নিয়ে একজন লোক গিয়ে খবর দেয় যে গ্রামের লোকেরা এবং রায়বাড়ীর অস্ত্র অস্ত্র দেউলে-পড়া শরিকেরা মিলে আপনার বিচার সভা বসিয়েছে। গোয়ানপাড়া থেকে মিসেস হাড্‌সন আর মিস কুইনী মুখার্জী চিঠিতে লিখেছিলেন, গোমেশ এবং ডিক্‌জ এরা চোখে দেখেছে—সুরেশ্বর রাঠকে কীর্তিহাটের লোকেরা ধরে নিয়ে গেছে তাদের বিচার সভায়। বাবু সুরেশ্বর রাঠ একজন কাইণ্ড-হাটেড ইয়ং ম্যান জমিদার—উইথ নো প্রেজুডিস অব এনি কাইণ্ড। গোয়ানরা ক্রীশ্চান বলে তিনি তাদের স্বপণ করেন না। গোয়ানদের রায়বাড়ী পুড়ে বাগ্‌য়ার জন্তে তিনি সকল গোয়ানকে সাহায্য করতে চেয়েছেন বলে কীর্তিহাট পিপল তাঁকে বিচার করে সাজা দিতে সংকল্প করেছে এবং সুরেশ্বরবাবুর জাতিরা—বারা সুরেশ্বরবাবুর মৃত্যুতে লাভবান হতে পারে তারা—। দে হাভ জয়েনড হাণ্ডস উইথ দি জিলেক্সারস। তাঁকে মেরে ফেলাও অসম্ভব নয়। আপনারা ভাড়াভাড়া এলে তাঁর জীবন

রক্ষা পেতে পারে এবং গোয়ানপাড়া কারা গুড়িয়েছে তাঁর অব্যর্থ প্রমাণও পেতে পারেন পুলিশ বিভাগ।

আমরা বলতে গেলে দৌড়ে এসেছি। অফিসাররা সাইকেলে এসেছেন—আর্মড কনস্টেবলস ডবল মার্চ করে এসেছে সারাটা পথ। এসে আপনাকে জীবন্ত অবস্থায় পেয়েছি এইটেই লাক্ বলতে হবে। মাথাটা কেটে গেছে—অনেকখানি রক্ত পড়েছে। লোকজন কেউ নেই। থাকবার মধ্যে ধনেশ্বরবাবু বসে আছেন তাঁর স্ত্রীর মাথা কোলে করে। ভদ্রমহিলা বোধ হয় মারা গেছেন—তাঁর মাথার শির ছিঁড়ে গেছে। সেরিব্রেল থ্রম্বসিস। আর বুড়ো রক্তলাল ঘোষ। এবং আপনার খুঁড়তুতো বোন অর্চনা দেবী।

সুত্রেখর একটু হাসলে। হেসে বললে—সেদিন সর্বপ্রথম বাঁচাতে চেয়েছিলাম অর্চনাকে। তার কথাটা উল্লেখই করি নি। আর রায়বাড়ীর শরিকদের কথা এবং রক্তলাল ঘোষের কথা মনে রেখে ওদের বাঁচাবার জন্য গোয়ানদের কথাটাকেই একমাত্র কথা করে তুলে বলেছিলাম—হ্যাঁ, বিচার একটা হচ্ছিল, রায়বাড়ীর শরিকরাই গ্রামের লোকদের ডেকেছিলেন—বিচার করবার জন্তে। আমরাই বিচার হচ্ছিল।

কিসের বিচার? কি অপরাধ করেছিলেন আপনি?

সুত্রেখর বললে—স্বলতা, অত্যন্ত তাড়াতাড়ি ভেবে নিয়েছিল ফেললাম,—আমার একটু বেশী মেলামেশা ঘনিষ্ঠতা হয়ে যাচ্ছিল গোয়ানদের সঙ্গে—মানে—

কি বলব ভেবে পাই নি। তবু একটা লক্ষ্য ঠিক করে নিয়েছিলাম, আন্ডাজে আন্ডাজে সেই পথেই চলেছিলাম। কথাটা আংশিকভাবে সত্যও বটে। আমার শরিকদের দাবীও ছিল তাই। গোয়ানদের সঙ্গে ঘনিষ্ঠতার জন্তেই হোক আর অন্য অমার্জনীয় কলঙ্কের জন্তেই হোক—আমার ধর্মব্রত জাতিচ্যুত করে পতিত করতে পারলেই অসন্তোষ দেবোত্তরের সেবাইয়ের অধিকার থেকে আমি বঞ্চিত হব। আমি গোয়ানদের কথাটাকে সেই কারণেই জাঁকড়ে ধরেছিলাম। তবুও বলতে গিয়ে থামতে হল। সত্যকে খালি মাথায় ধরে নিয়ে অনায়াসে চলা যায়, কিন্তু রাজাগিরি বা জমিদারগিরি পাগড়ী বা ভাজের উপর চাপানো যায় না—তাতে ওই ভাজ বা পাগড়ী ভেঙে যায় চেন্টে যায়, অসন্তোষ পাগড়ী ভাজ লজ্জিত হয়, লালিত হয়। আমি থেমে গেলাম।

কিন্তু পুলিশ অফিসার ছাড়বেন কেন—তিনি হুঁগিয়ে দিলেন—

—মানে? বলুন—সুত্রেখরবাবু।

—মানে! মানে তাদের সম্পর্কে কি বলব? বলব আমার কিছু দুর্বলতা আছে!

—দুর্বলতা? I See, কি দুর্বলতা? বলুন!

ভদ্রলোক আমাদের ঠেলে ঠেলে যেন কোণে নিয়ে যাচ্ছিলেন। কিন্তু যে শক্তিতে আমি নব্বীত বের করে দাঁড়াতে পারতাম তা আমার ছিল না। আমি বলতে পারতাম স্বলতা, বলতে আমি গিরেওছিলাম আমার পিতামহ দেবেশ্বর রায়ের ঋণের কথা; বলতে পারতাম আমার ঠাকুরার কথা; অনায়াসে বলতে পারতাম—আমার ঠাকুরা আমাকে বলেছেন—তাই নাতি, তোমার ঠাকুরদার সব থেকে বড় ঋণ ওই গোয়ানদের কাছে। তাই, তোমার

ঠাকুরদার আঁকের সময় সেই ঋণ শোধ হ'ল না, শোধ করবার কথা কেউ ভাবলে না যেনে আমি গোয়ানপাড়ার গির্জের পাদরীর কাছে—পাড়ার লোকদের কাছে গিরেছিলাম—ঋণ শোধ করতে। কিন্তু তাও হয় নি। উপরন্তু আমার জাত গেছে ব'লে আমাকে ঠাকুরবাড়ী চুকতে দেয় নি। আমাকে এনে কলকাতায় বন্ধ রেখেছিল। সেখান থেকে আমি বেরিয়ে ভাগ্যক্রমে বৃন্দাবনে এসে গোবিন্দের আশ্রয় পেয়েছি।

বলতে বলতে সুরেশ্বরের কণ্ঠস্বর ভারী হয়ে এল। সে চুপ করলে। একটা গভীর দীর্ঘশ্বাস কেলে বললে—স্বলতা, সেদিনের সে অবস্থা আমি কখনও ভুলব না। ওঃ, কে যেন আমার গলা টিপে ধরলে। সেদিন জানতে পারি নি, বুঝতে পারি নি, তবে আজ বুঝতে পারি, বলতে পারি—গলা টিপে ধরেছিল আমার জমিদারীর ইজ্ঞা; কুড়ারাম তটচাঁদ—জমিদার হয়ে রায় খেতাব নিয়েছিলেন। রায়বংশ জমিদারবংশ, রায়বাড়ীর মর্ষাদা জমিদারীর মর্ষাদা। ব্রাহ্মণের মর্ষাদা নয়। বেদবাসের মর্ষাদা আর পাণ্ডব কৌরবদের মর্ষাদা আলাদা স্বলতা। বেদবাসের পিতৃমাতৃ-পরিচয়ের মধ্যে কোন আবরণ নেই—কিন্তু ধৃতরাষ্ট্র-পাণ্ডুর এবং পাণ্ডবদের সত্যকার পিতৃপরিচয় কানাসুঘোর মধ্যে লোকে বলাবলি করেছে, উচ্চারণ করতে বা এ নিয়ে গবেষণা করতে কান্নার সাহস হয় নি।

আজ সত্যকেই তোমার সামনে উদ্ঘাটিত করছি। সেদিনের মত জমিদারী ইজ্ঞাতক বড় করছি না, সেই সঙ্গে এই সত্যটুকুও মুক্তকণ্ঠে স্বীকার করছি স্বলতা যে এই ইজ্ঞাত মিথ্যা হলো মূল্যের দিক থেকে কম নয়। খাটো কাপড় কি বকুল পোশাকের সঙ্গে রাজা জমিদারের পোশাক-পরিচ্ছদের মূল্য বিচার করে দেখ,—প্রমাণ তার প্রত্যক্ষ।

পিতামহ দেবেশ্বর রাহের ঋণের কথা বলতে গিরে বলতে পারি নি আমি। জিভ আড়ষ্ট হয়ে গিরেছিল। আমার ভিতর থেকে কেউ যেন বলেছিল—না, তুমি বলো না। ছি!

ডি-এস-পি আবার প্রস্ন করেছিলেন—সুরেশ্বরবাবু!

আমার মনে পড়ছে কপালের ব্যাণ্ডেজে আমার চাঁড় পড়েছিল, টনটন করে উঠেছিল কপাল। আমি কপাল কুঁচকে বলেছিলাম—এই দুর্বলতার মানেও আমাকে বলতে হবে?

—তা হবে সুরেশ্বরবাবু। না হ'লে এর মানে আমাদের গুঁজে বের করতে হবে। তা যে কিছু কিছু করি নি তা নয়। করেছে। ধনেশ্বরবাবুর একটা স্টেটমেন্ট আমরা নিয়েছি। এবং সেটাকে আমরা সত্য বলেই মনে করি। তাঁর স্ত্রী শুনলাম ত্রেনে হেমারেজ হয়ে অজ্ঞান হয়ে গেছেন। মৃত বলেই ধরা যায়। এই মুহূর্তে তিনি মিথ্যা বলবেন না। কথাটা শুনে আমি চমকে উঠেছিলাম; কারণ তখনও আমি গোবরডাঙার খুড়ীমার খবর জানতাম না। আমি অজ্ঞান হয়ে যাবার পর তিনি নাটমন্দিরে ঢুকেছিলেন। ডি-এস-পির কথায় বাধা দিয়ে আমি বললাম—একসকিউজ মি সাঁর, কি বলছেন আপনি তা তো বুঝতে পারছি না। কে—কার কথা বলছেন মৃত বলে ধরা যায়?

ডি-এস-পি বললেন—ধনেশ্বরবাবুর স্ত্রী। তিনি এই বিচারের আসরে প্রতিবাদ করবার ক্ষমতা বেরিয়ে এসেছিলেন। এবং সেইখানেই অজ্ঞান হয়ে পড়ে যান। ডাক্তার দেখেছেন, বলছেন—ত্রেনে কোন শিরা ছিঁড়ে হেমারেজ হচ্ছে। বোধ হয় বাঁচবেন না। বাঁচলেও

প্যারালিটিক হয়ে সেবার খন হয়ে বেঁচে থাকবেন।

আমার চোখ থেকে জল বেরিয়ে এসেছিল। আমি তাঁর কথাই ভাবছিলাম। কি বিচিত্র পরিচয়ই না রেখে গেলেন ব্রহ্মদার যা ! ওঃ !

ডি-এস-পি আমাকে ডাকলেন। বললেন—আমার কাজটা আমি শেষ করে নেব সুরেশ্বরবাবু। যা বলছিলাম আমি—যাঁর স্ত্রী এই মুহূর্তে মৃত্যুশয্যায় তিনি মিথ্যা কথা বলবেন না এইটেই ধরা যায়। খনেশ্বরবাবু এই মুহূর্তে যা বলেছেন তাকে আমি সত্য বলেই ধরে নিয়েছি।

—কি বলেছেন তিনি না জানলে কি ক’রে এর উত্তর দিতে পারি বলুন !

তিনি বলেছেন—রায়বংশের আপনার লাইনটায় একটা দোষ আছে। সেটা আপনার পিতামহের ছিল, আপনার বাবার ছিল এবং আপনার মধ্যেও সেটা ছুটে উঠেছে। অস্ত্রেরা নানারকম অপবাদ যা দিচ্ছে তা সবই মিথ্যা। সেগুলো বিষয় নিয়ে আক্রোশবশে দিচ্ছে। কিন্তু গোৱানপাড়ার হিলডা পিঞ্জরের সম্পর্কে নাতনী কুইনী মুখাঙ্গি বলে একটি মেয়েকে আপনি বিশেষ অগ্রহণ করেন, তাকে হুইলে পড়াচ্ছেন। তার কলকাতায় একখানা বাড়ী আছে, তা নিয়ে কি গোলমাল হয়েছিল, আপনি অনেক টাকা খরচ করে সে বাড়ী ঝড়ামুক্ত ক’রে দিয়েছেন—

খানিকটা থেমে ডি-এস-পি বললেন—খনেশ্বরবাবু বললেন—গোৱানদের মধ্যে কয়েকটা খারাপ মেয়ে আছে, তারা প্রায় ভ্রাতৃ শ্রেণীর। তাদের সঙ্গে আপনার কোন অপবাদ বা গোপন সম্পর্কের কথা আজও পর্যন্ত তিনি শোনেন নি। এবং বিশ্বাসও করেন না। তবে কুইনী সম্পর্কে কিছু কথা তাঁর কানে এসেছে। সে কুইনীর ছবি এঁকেছে। কুইনী মধ্যে মধ্যে তার বাড়ী বিবিমহলে আসা-যাওয়া করেছে। কল্যাণেশ্বরবাবু বললেন—তিনি হিলডাকে একবার জিজ্ঞাসা করেছিলেন—এসব কি হচ্ছে হিলডা? সুরোবাবুর মতলবটা কি ? তাতে সে বলেছিল—সুরোবাবু যে মতলব করবে তাই হাসিল হবে। তুমরা টাকা খরচ করো, এমনি জমিদার হও, তুমার মতলব ভি হাসিল করবেগো। কুইনী তো সুরোবাবুর ঠাকুরদাদার—

স্বলভা, আমার বুকের ভিতর থেকে মুহূর্তে কে যেন কথা বলে উঠেছিল। আমি ডি-এস-পিকে বাধা দিয়ে বলে উঠেছিলাম—ইয়েস সার, আমি স্বীকার করছি কুইনী সম্পর্কে আমার উইকেনেস আছে। পারলোনাল উইকেনেস। আমি তাকে গ্রেহ করি।

ব্যস্ততরু কণ্ঠে ডি-এস-পি বললেন—দোহাই আপনার, পিঞ্জ কল স্পেড এ স্পেড। ডাইয়ের মত, বোনের মত, প্র্যাটোনিক ইত্যাদি কথাগুলো বলবেন না। আমাদের পুলিশী শাস্ত্রে এগুলো নেহাতই ফাঁকা কলসীর আওয়াজ।

সঙ্গে সঙ্গে আমার দেহের মধ্যে রক্ত যেন বিদ্রোহ করে টগবগ ক’রে ছুটে উঠেছিল। আমি উঠে বসে বলেছিলাম—লেট মি কিনিশ পিঞ্জ। আমার কথা ঠিক শেষ হয় নি। তার অীপেই আপনি কথা বললেন।

—ও, আই গ্রাম সরি ! বলুন কি বলছেন ? শেষ করুন। আপনি তাঁকে গ্রেহ করেন—।



বলুন।

—হ্যাঁ, আমি তাকে স্নেহ করি। স্নেহ এবং ভালবাসার তফাৎ খুব বেশী নয়। একটু মাত্র। বরসে ছোট থাকে ভালবাসা তাকে স্নেহও করি। এবার কুইনী সম্পর্কে আমার ভালবাসার স্বরূপ বা মানে আপনার অভিধান মত করে নিতে পারেন।

—তার সঙ্গে আপনার দেহসম্পর্ক হয়েছে কখনও?

চমকে উঠেছিলাম। এবং সঙ্গে সঙ্গেই প্রতিবাদ করে বলেছিলাম—না।

—তা হলে? ইউ স্পট সো মাচ মানি অন হার।

আমি হেসে বলেছিলাম—আমার টাকার অভাব নেই স্তার। একলা মানুষ টাকা ঠিক খরচ করতে পথ পাইনে। জমিদারের ছেলের মেরাজ এবং চরিত্র তো জানেন; বিয়ে করি নি, চরিত্রমোহ চাগত অর্থে এখনও নেই। কুইনীকে ভাল লেগেছে তাকে গড়ে তুলছি; পিছনে খরচ করতে ভাল লাগছে। তারপর যা হয় হবে। এই পর্যন্ত বলতে পারি। বেশী আজ আর বলতে পারব না। শরিকরা বিচারসভা ডেকেছিল ওই জন্তে। আমার কাছে জানতে চাচ্ছিলেন—আমার মতলবটা কি? অনেকের মনে—মানে আমাদের শরিকদের ধারণা আমি ওকে বিবাহ পর্যন্ত করতে পারি। দু'একজনের ধারণা—মধ্যে কুইনী আর হিলড়া বাড়ীর গোলমালের জন্তে কলকাতা গিয়েছিল, তখন রেজেষ্ট্রি-কেজেষ্ট্রি করে বিয়ে একটা হয়ে গেছে। এই নিয়ে কথা-কাটাঁকাটি হাঁছল। আমি ঠিক চিনি, একজন আমার সঙ্গে তর্ক করছিল, আমি রাগের বেশে তারপর কঁাপ দিয়ে পড়েছিলাম, ধস্তাধস্ত করতে গিয়ে পড়ে গেলাম আছাড় খেয়ে, পড়বার সময় শক্ত একটা কিছুতে আঘাত লেগে আমার মাথাটা কেটে গিয়ে থাকবে। আমি মাথার একটা যন্ত্রণা অহুভব করেছি মাত্র, তার বেশী কিছু বলতে পারব না। জ্ঞান হয়ে দেখছি আমি এখানে শুয়ে আছি।

ডি-এস-পি এতক্ষণে বুঝলেন—কেসটা ফেঁসে গেল। তিনি দৃষ্টি বিস্ফারিত ক'রে আমার মুখের দিকে তাকালেন। কিছুক্ষণ পর বললেন—স্বরেশ্বরবাবু!

—বলুন।

—আপনার মাথার লোহার ভাঙা দিয়ে আঘাত করে নি?

—না। ওটা পড়ে ছিল। আমারই হাতের কাছে ছিল ওটা। আঘাত আমাকে কেউ করে নি।

ডি-এস-পি আর কিছু না বলে চলে গেলেন রাজির মত।

পরের দিন সকালে ডি-এস-পি আবার এসেছিলেন আমার কাছে। তখন গোবরডাডার খুড়ীয়া মারা গেছেন—এ বাড়ীতে কাম্বার রোল উঠেছে। আমি বসে আছি মাথা হেঁট ক'রে। চারিটেবল ডিসপেনসারির ডাক্তার ব্যাগেজটা আবার ভাল ক'রে বাঁধছে। কপালের ক্ষত থেকে আবার রক্ত পড়তে শুরু হয়েছিল।

ডি-এস-পি উপরে উঠে এসেছিলেন—সঙ্গে তাঁর কুইনী। কুইনীর মুখ-চোখ যেন ধূসর করছিল।

তার মুখের দিকে তাকিয়ে চকল হয়ে উঠেছিলাম আমি। বুকের ভিতরে দৃশ্যপিত্ত যেন

চকল অধীর হয়ে উঠেছিল। মনে পড়ল মেদিনীপুরের বাড়ীতে মাসখানেক আগে কুইনীকে দেখে ঠিক এমনি চকল হয়ে উঠেছিলাম। সহস্র নারীর মধ্যে যে নারী এক অজ্ঞাত বিচিত্র কারণে এক বিশেষ পুরুষের কাছে সবচেয়ে বেশী কামিনীয়া হয়, রূপের ব্যাকরণের শত ত্রুটি সত্ত্বেও সব থেকে বেশী রমণীয়া হয়, সেই বিচিত্র কারণেই কুইনীকে দেখে আমার চিত্ত আমার দেহের অগুপনমাগু চকল হয়ে উঠেছিল।

কুইনী কিন্তু আমার সামনে দাঁড়িয়ে তীব্র তীক্ষ্ণ কণ্ঠে বলে উঠেছিল—আপনাকে আমি ঘৃণা করি, অত্যন্ত ঘৃণা করি। আপনাদের বংশকে আমি জানি। আপনারা অত্যাচারী, শোষক, আপনারা বাভিচারী, লম্পট। আপনারা মিথ্যাবাদী প্রতারণক। আপনি এই কুমড়লবে আমাকে পড়ার বরচ দেন এবং আমার বাড়ীর টাকা দিয়েছেন তা আমি জানতাম না। আমি আপনার টাকা আর নেব না। গোরানপাড়ার কোন লোক আপনার সাহায্য নেবে না।

আমি তার মুখের দিকেই তাকিয়েছিলাম। মুখের মত তাকিয়ে ছিলাম। কুইনীর রূপের স্বরূপ কেমন? সে বিচার অস্ত্রে করতে পারে, আমি পারি না। তাকে দেখলেই সে আমার একান্ত আপনার, কিংবা সে আমার এমনি একটা—এমনি একটা ইমোশনাল ধারণা আমাকে খেন আভূত করে দিত। তা এখনও দেয় স্মৃতি।

ডি-এস-পি আমাকে সেই পত্র এবং কাগজগুলো দেখিয়েছিলেন, যেগুলো কুইনী একদিন বিবিমহলে অর্চনার সঙ্গে এসে আমাকে দেখিয়ে গিয়েছিল। সন্ধ্যার মুখে অন্তঃগামী সূর্যের আলোপড়া তার মুখ আমার মনে পড়েছিল সেদিন। সেদিন কাঁসাহ পার হবার সময় কুইনীর ছবিটা দেখাচ্ছিল শিল্যুটের মত, তাও মনে পড়েছিল।

ডি-এস-পি বলেছিলেন—এগুলো দেখেছেন তো আপনি?

বললাম—দেখোঁছ।

—তা হলে?

—কি তা হলে?

—কোনটা সত্য?

—যদি বলি দুটোই সত্য।

—বলব মধ্যে বলছেন একটা।

—না। তা মনে করিনে। তবে যা খুশি ধরে নিতে পারেন।

একটু হেসে বলেছিলাম—আপন বলেই শুকে ভালবাসি। এই সত্যটা কেন সত্য হবে না বলুন তো?

স্মৃতি, এর পরের দিনই জীবন আমার হৃদিক থেকে বিপর হয়ে উঠেছিল। হৃদিক থেকে কেন, তিন দিক থেকে।

কীতিহাটের শরিকদের তরফ থেকে।

কীতিহাটের লোকদের তরফ থেকেও।

গোরানপাড়ার লোকদের তরফ থেকেও।

কেউ চাইল না আমাকে।

বারো দিন পর, গোবর্ডাভার খুড়ীমার আঁছের পর অর্চনাকে নিয়ে আমি কলকাতা চলে এলাম। অল্পদা টেলিগ্রাম পেয়ে বিহার থেকে এসেছিল মা'র আঁজ করতে। সাহায্য করেছিল অল্পদা। কীতিহাটের জমিদারী জীবনে যখনিকো টেনে দিলাম বলে ঘোষণা করেই কলকাতা এলাম। কয়েকদিন পর বৃন্দাবন গিয়ে নিয়ে এলাম রাইবাড়ীর মেজহুজুর শিবেশ্বর রায়ের কেনা তৃতীয়শ্রুৎ সেই পুরোহিতকন্যাকে। গিয়ে বললাম—তোমার স্বামীর মেজহুজুরের কন্যা অর্চনা। তুমি তাকে বাঁচাতে জেলে গেছ। এবার ফিরে চল—তার ভার তোমাকে নিতে হবে আমি রেহাই নেব। আমার বাবা অনেক টাকা রেখে গেছেন। আমি তা উড়িয়ে দেব। চলে যাব কলিযুগের স্বর্গে; স্বর্গ বল স্বর্গ, বৈকুণ্ঠ বল বৈকুণ্ঠ—জীবনের মোক্ষধাম ইয়োরোপ। ইয়োরোপ যাব। তা ছাড়া কি করব? সংসারে সেকালে পরমা যার থাকত সে কালী বৃন্দাবন যেত। একালে ইয়োরোপ যাব। আমি ভেবেছিলাম গিয়ে আর ফিরবই না। ওখানেই থেকে যাব।

যাবার সময় তোমার সঙ্গে দেখা হয়েছিল হাওড়া স্টেশনে। যাবার আগে তোমাকে কুইনীর ছবিটা প্রেক্ষেপ্ট করেছিলাম মা'মাতো বোনের মারফৎ। তুমি রিকিউজ করেছিলে। সেটা সেদিন আমার বগলেই ছিল।

ওঃ ভাগ্যে তুমি ছবিখানা নাও নি স্নলতা! কেন জান? ওই ছবিখানা নতুন করে আঁকতে কেমন যেন নার্ভাস হয়ে যেতাম। পারতাম না। মনে হ'ত পারব না। কিছুতেই পারব না।

সুরেশ্বর বললে—ভেবেছিলাম, ইয়োরোপ থেকে ফিরব না। ওখানেই থেকে যাব। আমার বাবা জার্মানির হাসপাতালে জীবনে ছেদ টেনেছিলেন—আমিও তেমনি ভাবে ছেদ টেনে দেব। তারপর যজ্ঞেশ্বর রাই, তাঁর ছেলেরা এবং শিবেশ্বর রাইয়ের পতিত বংশের প্রেতেরা কে কি করলে বা করবে তা নিয়ে কোন চিন্তাই করব না। ইয়োরোপে গিয়ে জীবনের অবদমিত সমস্ত বাসনাকে মুক্তি দিয়ে দেব; আমার যা অর্থ আছে—তাই দিয়েই সিংহদ্বার না হোক—একটা বেশ প্রাশস্ত ফটক খুলে দেওয়া হবে।

বাসনা আমার ছিল। কারই বা থাকে না! তোমাকে নিয়েই তো বাসনা আমার কম উল্লসিত কম উজ্জ্বলিত হয় নি। কল্পনা তো অনেক করেছিলাম। কিন্তু এক ঠাকুরদাস পালের রক্তের নদীই তোমাকে আমার নাগাল থেকে তাসিয়ে নিয়ে চলে গেল। এবং আশ্চর্যভাবে রাইবংশের গোপন পরিচয় আমার সামনে তার গোপন অপরাধের কিরিত্তি খুলে দেখিয়ে দিলে দুনিয়ার কাছে আমাদের দেনা কত। এবং সেই দেনার স্মৃতি কি বিচিত্রভাবে প্রকৃতির নিয়মে আমরা আদায় দিচ্ছি, দিতে বাধ্য হচ্ছি!

যাবার শেষ চিঠিখানা যা তিনি মাকে লিখেছিলেন—সেখানা আমার স্মৃটকেসেই রাখতাম; যে কথাটা তিনি তার মধ্যে আমাকে বলে গিয়েছিলেন তা আমার মনে অক্ষয় হয়ে ছিল। লিখেছিলেন—“মেয়েদের থেকে যদি দূরে থাকতে না পারে তবে যেন বিয়ে না করে সুরেশ্বর।”

আমি ছাবিশ বছর বরস পর্যন্ত মেয়েদের থেকে দূরেই থেকেছি—ভর করে কিন্তু স্থির নিশ্চয় হতে পারি নি ; বুঝতে পারি নি, মেয়েদের থেকে দূরে থাকতে পারব কিনা।

ভূমিসম্পত্তির অধিকার—যারা নিজেদের ভূমির বা পৃথিবীর স্বামী মনে করে—তারা জানে না কি অপরাধ করে। কথাটা জানিয়ে গিছিলেন রত্নেশ্বর রাই। বলতেন—ভূমি হল পৃথিবী। পৃথিবী মাহুষের মা। পৃথিবীর স্বামী যারা হতে যায় বা হয় বলে মনে করে—তাদের অসাধ্য পাপ বোধ হয় পৃথিবীতে হয় না। জীবনে তারা সম্পর্ক বাছে না। এ কথার নজীর পৃথিবীর সব দেশের রাজা-জমিদারের ঘরে আছে। অপরের স্ত্রী হরণ, দরিদ্র আত্মীয়ের স্ত্রী-কন্যা নিয়ে অপবাদ জড়ো করলে পাহাড় হয়। জমিদারবাড়ী বা রাজার বাড়ীতে দরিদ্র আত্মীয় সন্দরী স্ত্রী নিয়ে এসে অনেক ক্ষেত্রে বহু উপটোকন উপহার নিয়ে ক্রিয়ে গেছে—অনেক ক্ষেত্রে স্ত্রী বা স্বামী কাকর আকস্মিক মৃত্যু ঘটেছে। কোন কোন ক্ষেত্রে অজ্ঞানার মত মেহের আবরণে অল্পগ্রহ পেরে থেকে গেছে ; অজ্ঞানার ভাগ্য—বেচারী দৃষ্টি-ভোগের অতিরিক্ত ভোগে লাগে নি বলে নিজেকে গোয়ানীজের ভোগ্যা করে আপনি গড়িয়ে গিয়ে তার পাতায় পড়েছিল।

একটু চুপ করে থেকে সে আবার বললে—নিজেকে আমি বার বার বছার বিশ্লেষণ করেছি, বিচার করেছি। দেখেছি মেজ্জঠাকুরা, অর্চনা সম্পর্কে আমার অপরাধ কতটা। অকুণ্ঠ কণ্ঠে বলছি—অকপট চিত্তে তোমাকে বলছি, শুধু তোমাকে নয়, ছুনিয়াকেই বলছি, না, ওখানে অপরাধ আমার ছিল না। মুসলমান বা ক্রীষ্টান হলে অর্চনা সম্পর্কে কোন মনোভাবেরই দোষ থাকত না কিন্তু হিন্দুধর্ম না মেনেও হিন্দু বলেই ও-কামনা কখনও জাগে নি। তবে একটু বেশী রকম সজাগ সতর্ক থেকেছি বরাবর। বুকের দরজার কামনার করাতে হলেই জেগে উঠেছি। রুট সাড়ার সাড়া দিয়েছি—ও-দিক থেকে আঘাত শুরু হয়ে গেছে।

ওইখানেই আমি অল্পভব করেছি স্থলতা—সম্পদের ঐশ্বর্যের এবং ভূমির অধিকারের কি প্রবল শক্তি। সমুদ্রে পড়েও মাহুষ বাঁচে, হয়তো সমুদ্রই তাকে তীরে এনে দেয় কিন্তু সম্পদ ঐশ্বর্যশালীর বাঁধনে ধরা পড়লে তাকে বাঁধনের গীড়নে এলিয়ে পড়তেই হবে। সেখানে কাউকে বাঁচাতে হলে সম্পদশালীকে রাবণের মত অভিশপ্ত করে রাখতে হবে। বায়ীক দীতাকে রাবণের কুড়ি হাতের আকর্ষণ থেকে রক্ষা করবার জন্ত আগে থেকে নলকুবরকে দিয়ে অভিশাপ দিয়ে রেখেছিলেন—নারীর অমতে জোর করে নারীধর্ষণ করলে, দশটা মাথা একশো ফাটে ফেটে এক-একটা মাথা দশচির হয়ে যাবে। শুধু সম্পদশালীকেই দোষ দেব না—দরিদ্রকেও দোষ দেব স্থলতা। তারা রিক্ত বক্তিত বলে তাদের জ্ঞান-বিচারে মাফ করবার অধিকার কারও নেই। সে যারা করবেন তারা পলিটিকাল লীডার, খেয়ালী বিধাতা বা ডিক্টেটর। আমি দেখেছি—দরিদ্র পিতামাতা কন্যাকে সম্পদশালীর সামনে এনে ধরে ইচ্ছে করে। দরিদ্র নারী—সেও এসে সম্পদশালীর নজরে পড়তে চায়। কিন্তু ত্রে সব কথা থাক। আমার জবানবন্দীতে আমার কথা বলি। রায়বংশে যে বাসনার স্রোত...সোমেশ্বর থেকে—জামাকান্ত থেকে রায়বংশের জমিদারী আর রূপের দুই কুলের মাঝখান দিয়ে বেয়ে এসেচে—তার বেগ তার স্রোত আমার মধ্যেও ছিল, কিন্তু আমি তার মুখে বাঁধ দিয়েছিলাম।

ইংলান্ডে যাবার আগে ওই দিন রাতে ডি এস পি'র কাছে রায়বংশের ইজ্জত মর্যাদা বাঁচাতে  
ডা. র. ১৬—১৫

কলঙ্ক নিলাম নিজের মাথায়। কলঙ্ক একতরফা হয় না; কলঙ্ক রটাতে হলে আর একটা তরফের প্রয়োজন হয়। তরফ খুঁজতে গিয়ে আর কাউকে পেলাম না, পেলাম ওই গোয়ানদের; গোয়ানদের মধ্যে ওই কুইনী মেয়েটির সঙ্গে একটা টাকা দেওয়ার হুজু জড়ানো ছিল। সেই হুজু ধরে ডি-এস-পি জিজ্ঞাসা করলেন—কুইনীর প্রতি দুর্বলতার স্বরূপটা কি? তার মানেটা কি? আমি কোণঠেসা আগামীকাল মতই বললাম—প্রেমও এক ধরনের স্নেহ। স্নেহও এক ধরনের প্রেম।

সঙ্গে সঙ্গে আমার অন্তর যেন শতমুখ হয়ে যায় দিয়ে উঠল—আমার দেহেও তার ছোঁয়াচ লাগল, কথাটি বিলেও ভাল লাগল সুলভা; মনে হল আশ্চর্য একটা সত্যের সাক্ষাৎ পেলাম, সন্ধান পেলাম। জানলাম আমার মধ্যে প্রবল দেহবাসনা এবং নারীহৃদয় কামনা রয়েছে এবং এই মেয়েটিকেই আমি দেহ দিয়ে চাই, মন দিয়ে চাই। একান্তভাবে আপনার করে চাই। আমার জমিদারসন্তা এবং আমার ব্যক্তিসন্তা দুই সন্তা সমান আগ্রহে অধীর হয়ে উঠেছিল তাকে পাবার জন্য।

আমি অনেক ভেবেছি, জাহাজে সায়া বে-অব বেঙ্গল, অ্যারেবিসান সী, মেডিটেরিয়ান অতিক্রম করার সময় শুধু এই কথাই ভেবেছি; নিজেকে বিচার করেছি; বলতে পার নিজেকে চিরে চিরে সমস্ত কিছু ব্যাঘিকাইং গ্রাস দিয়ে দেখেছি এবং বুঝেছি।

জমিদারের বা ধনীর ছেলেদের একটা পাপ অভিপ্রায় থাকে—তারা তাদের উপর নির্ভরশীল বা তাদের দ্বারা যারা উপরুত, অল্পগৃহীত তাদের নিজেদের সম্পত্তি মনে করে; বিশেষ করে তাদের মেয়েদের উপর ভোগের অধিকার দাবী করে। আগের কালে দাসীদের দেহমনের অধিকার দাবী করত প্রভুরা।

আর একদিক দিয়ে মাহুবের, সেটা সব মাহুবেরই সুলভা, একটা ছেলেমানুষী রোমাঞ্চিসিদ্ধম আছে—যে রোমাঞ্চিসিদ্ধমের জন্ম হয় ছেলেবেলার রাজপুত্র রাজকন্যা বা রাজপুত্র আর চাষীর মেয়ের প্রেমের গল্প শুনে। অনেক বাধা অনেক বিঘ্ন অতিক্রম করে মিলন হলেই মন ভরে ওঠে। এইটেকেই বাড়িয়ে নিয়ে গল্প বানাও—দেখবে একটি ছেলে একটি মেয়েকে ভালবাসত, কিন্তু তাদের বিয়ে হল না; সেই ছুঃখ তারা যেটাবার জন্য তারা কর্তন করে এর ছেলেদের সঙ্গে ওর মেয়ের বিয়ে দেবে।

সুলভা, দেবেশ্বর রায়ের পৌত্র—দেবেশ্বর রায়ের প্রথম প্রিয়া—গোয়ান মেয়ে ভারলেটের ছেলের দৌহিত্রী—কুইনীকে ভালবাসে—তাকে সে চায় এই কথা সর্বসমক্ষে বলে আশ্চর্য তৃপ্তি পেরেছিলাম। এবং পেতেও তাকে চেয়েছিলাম।

আরও একটা সত্য ছিল। সে সত্য সর্বজনীন কিনা জানি না—ভবে রায়বংশে এ সত্যটা স্বীকৃত। এবং এটা রাজবংশের একটা ধারা। আমার বাবা চজ্রিকাকে ভালবেসেছিলেন—যিঞ্জ সৌন্দর্যের জন্য। দেবেশ্বর রায় পিঞ্জর আর অজনার সন্তান ভারলেটকে ভালবেসেছিলেন। কুইনীর মধ্যেও বোধ হয় আমি তারই আকর্ষণও অনুভব করেছিলাম। এটা বোধ হয় চিরন্তন কামনা মাহুবের।

বিলেতে গিয়ে এ আকর্ষণ আমার বাড়ল সুলভা। এবং এই কুইনীর আকর্ষণই আমাকে

ওখানে খেতাবিনী লম্বাজে নিজেকে হারিয়ে যেতে দিলে না। একটা ঘটনা ঘটল।

আমার ছবি কিছু নিয়ে গিয়েছিলাম। সেই ছবিগুলো নিয়ে একটা এগজিবিশন হয়েছিল। এই এগজিবিশনে সকলের দৃষ্টি আকর্ষণ করলে কুইনীর ছবিখানা। বিচিত্র ঘটনা—সুলতা, যে দেখতে এল, সেই এলে থমকে দাঁড়াল কুইনীর ছবির সামনে। অবাক হয়ে দেখলে। বললে—কি সুন্দর!

তুমি ছবি সুন্দর নয়, যার ছবি সেও কত সুন্দর কি সুন্দর। ছবিখানা ছবি ছিল কুইনীর। একখানাতে কুইনীর কোলে একটি শিশু নিয়ে এঁকেছিলাম ‘Indian Madona’—ওদের চার্চের ছবি পুড়ে গিয়েছিল, ছবিখানা ওদের চার্চের অন্তর্ভুক্তই এঁকেছিলাম—কলকাতার এসে এবং যে টাকাটা আমি দেবার প্রতিশ্রুতি দিয়েছিলাম, সেই টাকার সঙ্গে ছবিখানাও দিতে চেয়েছিলাম কিন্তু টাকা বা ছবি কিছুই নেয় নি কুইনী। আমি চিঠি লিখেছিলাম, তার উত্তরে সে লিখেছিল—উই আর আনএবল টু আকসেসন্ট এনি হেল্প ফ্রম ইউ। থ্যাংস।

কুইনীর আরও একখানা ছবি আমি এঁকেছিলাম—এ ছবিখানা সেই রক্তসন্ধ্যার আলো মুখে-পড়া কুইনীর ছবি। নাম দিয়েছিলাম ‘গোধূলি সন্ধ্যা’।

পাশাপাশি টাডানো ছিল ছবি দু’খানা। দর্শক খুব বেশী আসেন নি, কিন্তু যারাই এসেছিল তারাই ওই ছবি দু’খানার সামনে দাঁড়াত, মুগ্ধ হয়ে দাঁড়িয়ে দেখত এবং প্রশংসা করত—কত দাম?

প্রথম দিন চমকে উঠেছিলাম—। দাম?

—হ্যাঁ, কত দাম? আমি কিনতে চাই। দাম তো লেখা নেই।

—ও ছবি দু’খানা বিক্রী কর্তব্য নয়।

—নয়! তাহলে তোমার বাকী ওই রাবিশগুলো কে কিনবে?

উত্তর কি দেব চূপ করেই ছিলাম। উত্তর দিতে পারতাম—বলতে পারতাম, ছবি ভূমি বোঝ না তাই বাকীগুলোকে রাবিশ বলছ। ওইগুলোই modern ছবি। কিন্তু তা পারি নি, তার কারণ লোকটির পরিচয় জানতাম, একজন বড় আর্ট ক্রটিক। অল্প ছাবগুলির দিকে তাকিয়ে দেখে নিয়ে আরও কিছুক্ষণ ছবি দু’খানার দিকে তাকিয়েছিলেন ভঙ্গলোক, তারপর বলেছিলেন—দেয়ার ইজ লাইক ইন দোঅ টু; সো লিভিং।

আমি এরপর ছবিদুটোর দিকে তাকিয়ে বসে থাকতাম। সত্যিই এক এক সময় মনে হ’ত—সত্যিকারের কুইনী। এখন হয়তো কথা বলবে। নিম্পলক দৃষ্টিতে তাকিয়ে থাকতাম। এগজিবিশন শেষ হল। সব ছবির মধ্যে ওই কুইনীর ছবিরই প্রশংসা হল বেশী। তার মধ্যে “Indian Madona” ছবিটাই বেশী পছন্দ করেছিল। আমি তাকিয়ে থাকতাম আর মধ্যে মধ্যে হাইকির গ্রাসে চুমুক দিতাম—আমার শিরার শিরার রক্ত ছুটত ত্বরন্ত আবেগে। আমি অল্পভব করতাম ওই মেরেটিকে আমি জীবনে চাই।

নারীকে জীবনে পুরুষ চায়, পুরুষ নারীকে চায়। এ-চাওয়া হ’রকম। Man wants woman in life—যে woman-এর বিশেষ পরিচয় নেই; পরিচয় সে woman—তার নারীত্বই তার পরিচয়। এইটেই সাধারণ নিয়ম সুলতা। কিন্তু মাহুদ একে আশ্চর্যভাবে বদলে

নিরেছে—সে চার—একজন বিশেষ নারীকে। সেটা প্রথমে থাকে নেশা—পরে সেটা হয় ভালবাসা।

কুইনীকে যেদিনীপুরের বাড়ীতে মিসেস হাউসন আর হিলডার সঙ্গে দেখে প্রথম আমার নেশা জেগেছিল। বাড়ী পরে সে আশ্চর্য যৌবন-মোহময়ী হয়ে এসে আমার সামনে দাঁড়িয়েছিল সেদিন। বোধ হয় বলেছি কথাপ্রসঙ্গে; বলেছি, নারীকে নিয়ে মোহ সেই আমার প্রথম জাগল। তোমার সঙ্গে আলাপ-পরিচয়ের মধ্য দিয়ে ধীরে ধীরে যা আগিয়ে তুলেছিলাম, ছোট্ট একটি গাছকে বড় করে তুলে ফুল ফোটানোর মত ফুল ফোটাতে চেয়েছিলাম—তা সেদিন কুইনীকে দেখবামাত্র জেগে উঠেছিল; ফুল ফোটানোর কথা বলব—পাতাহীন তুঁইচাপার গায়ে থেকে হঠাৎ যেন তাঁটি বেরিয়েছিল কুঁড়ি নিয়ে। সেই কুঁড়িটি ফুটল বিগেতে ওই ছবির দিকে তাকিয়ে থেকে থেকে।

ছবির গ্রাসে চুমুক দিতে দিতে নানা অসম্ভব কল্পনা করতাম। ওই কুইনীকে নিয়ে কল্পনা। ভাল লাগত। সারারাতই প্রায় জেগে থাকতাম।

কিছুদিনের মধ্যেই মনের মাত্রা বেড়ে গেল। এবং—চূপ করে গেল সুরেশ্বর। স্বির দৃষ্টিতে খোলা জানালার ওপারের দিকে তাকিয়ে বললে—সকল সত্যই বলতে বসেছি গুলতা, রাববংশের কুড়ারাম রায় ভট্টাচার্য থেকে শুরু করে আমার পিতামহ পর্যন্ত পিতৃপুরুষেরা স্ত্রীর অজ্ঞার বা করেছেন তা মুক্তকণ্ঠে বলেছি। অজ্ঞারওগোই বড় করে তুলে ধরে বলেছি। বলবার কারণ আছে—কারণ পাণ্ডুলো সব মাহুদেই করে, এ পাণ্ড মাহুদের—কিন্তু তাঁরা পাণ্ডুলো জমিদারীরই বলে ঘোষণা করে করেছেন। আমার বাবার কথা জান। তাই আর বললাম না। এবার আমার কথা বলি। আমার মধ্যে ওই কামনা-বাসনা ওই প্রকৃতি অথবা পাণ্ড বল পাণ্ড, ক্রিমিভাল ইনস্টিটিউট বল তাই, অজ্ঞার বল অজ্ঞার, অমার্জনের সামাজিক অপরাধ বল তাই—আমার রক্তের মধ্যে হঠাৎ ঘুম ভেঙে জেগে উঠল। আমার পূর্বপুরুষেরা জমিদারীর দৌলতে সামুদ্রিক সন্ন্যাসের মত যে প্রকৃতিকে তাঁদের রক্তের মধ্যে লালন করেছিলেন, পুষ্ট করেছিলেন—যার বীজ মাছের ডিমের মত আমার রক্তে ছিল—তা কাটল এবং হাড়ের মত হিংস্র স্বভাব নিয়ে সে বেড়ে উঠল।

সারাজীবনই একরকম—একটা লাংধান বাণী আমার কানের কাছে বেজেছিল। আমার বাবার দৃষ্টান্ত আমাকে ভীত করে রেখেছিল—তাঁর কর্তব্যর আমার কানের কাছে বাজত,—সুরোর যেন বিয়ে দিয়ে না। আমার দৃষ্টান্ত দেখলে। আমাদের বংশের বড় ভর, মেয়েদের থেকে। বংশগত ব্যাধি এটা।

মারের মুখ মনে পড়ত। যেন বিবে নীল হয়ে যাওয়া মুখ। যার অস্ত্র ব্রজদার শেকলির বাড়ী গিয়ে ওই "দেহব্যবহারিনীদের দেখে আকৃষ্ট হয়েও দাঁতা সেজে আত্মরক্ষা করেছে। কীর্তিহাটে গিয়ে অত্যন্ত সতর্ক থেকেছি। তোমার সঙ্গে সাক্ষর ছিন্ন করেছি। সেই ভয় কাটতে লাগল সন্ধ্যার কনে-দেখা আলো-মাথা তরুণী কুইনীর ছবিখানা দেখতে দেখতে। এগজিভিশনের সময় সেই যে ছবিটার মধ্যে নেশার সন্ধান দিয়ে গেল আমাকে সেই আর্ট-ক্রিটিক—সেই নেশা আমাকে পাগল করে দিলে। মদ খেতাম, আর ছবিখানার দিকে

তাকিরে থাকতাম। এবং করনা করতাম। যে করনা করতাম তার মধ্যে প্রচণ্ড উন্মাদনা আছে, সে উন্মাদনা মহাভারতে নাগকন্যা উলুপীর জন্ত অর্জুনের সাজে, ইতিহাসে পদ্মিনীর জন্ত আলাউদ্দিন খিলজীর সাজে, কিন্তু বিংশ শতাব্দীতে কোন দেশে কারুর পক্ষেই সহজে ঘটে না, এবং আমার মত যে-মাজিব, আখা-জমিদার বা জমিদার থেকে খারিজ তার পক্ষে তো সাজেই না। কিন্তু তবু মন মানল না। এবং তা থেকেই একদিন আমি যেন লালসার কামনার উন্মাদ হয়ে উঠলাম।

শুলভা—আমি নারী-দেহের জন্ত লালসারিত হলাম। জীবনের অবশেষে ভোগের প্রবৃত্তি কুইনীর ছবির ইলারাতেরই যেন বোতল-খোলা দৈত্যের মত বেরিয়ে এল।

I wanted women in my life. তার পথে কোন বাধা ছিল না, সেই সুদূর খেত বীপে। টাকাও আমার হাতে ছিল প্রচুর। পরিত্রিণ হাজার টাকা আমি নিয়ে গিয়েছিলাম। টাকাটা ধুন্ধের আগে খুব কম ছিল না। মূল্য তখন তার অনেক ছিল। সেই টাকাটা দুই হাতে মুঠো ভরে নিয়ে নেমে পড়লাম লণ্ডনের নৈশজীবনে।

বন্ধু মিলতে দেরি হয় নি। ভারতীর বন্ধুই মিলেছিল। তারা ওদেশেই কাজ করে পড়ে; জীবনের স্নেহে তাদের হাজার হিজিবিজি, কিন্তু সে তারা গ্রাহ্য করে না। তারাও আমার টাকা-পয়সার সাচ্ছল্য দেখে প্রসন্ন উল্লাসেই এগিয়ে এসেছিল।<sup>১</sup> মাস করেক প্রায় পাগলের মত ছুটেছি, ছুটেতে চেষ্টা করেছি। তারপর হঠাৎ একদিন আমার বংশগত অভিশাপ আমার সামনে এসে দাঁড়াল।

সকালবেলা ঘরে বসে আছি; এই কুইনীর ছবির দিকে তাকিয়েই বসে সিগারেটের রিড ছাড়ছি আর ভাবছি; ভাবছি, কিছুতেই তৃপ্তি পাচ্ছি না, তৃষ্ণা কিছুতেই মিটেছে না। বাড়ছে। তার থেকেও কিছু বেশী। কুইনীর জন্তই জীবন-তৃষ্ণা বাড়ছে। সকালবেলা যখন রাত্রির অন্ধকারের ঘোর থাকে না, তখন মাকে মনে পড়ে, ঠাকুমা উমাদেবীকে মনে পড়ে, মেজঠাকুমা মেজদিকে মনে পড়ে, অর্চনাকে মনে পড়ে। বুকের মধ্যে জ্বালা ধরে। ভারতে ভাবতে হঠাৎ আপনার অজান্তসারে—আঃ—বলে চিৎকার করে উঠি।

আরনার নিজের ছবি দেখে ভয় পাই। চোখের কোলে কালি পড়েছে, গোল একটা কালো বেটনীর মধ্যে আমার এই বড় চোখ দুটো যেন ঘোলাটে রঙ ধরেছে; মনে হয়, সোনার গিল্টি-করা প্রদীপটার গিল্টি উঠে গেছে, বেরিয়ে পড়েছে লোহা; ঘি নেই, সরষের তেলও নেই, জলছে লালচে কেরোসিনে; লালচে আলোর শিখার মাথার ধোঁরা উঠছে রাশি-রাশি।

নারীকে তো ভয় নয়, স্বায়ংগে ভয় বরাবরই নিজেকে। ধর্ম সাধনা আর ভূমির আধিপত্য করতে গিয়ে, নরনারী দেহ-মিলনের মধ্য দিয়ে প্রেমচেতনাটুকুকে বিসর্জন দিয়েছেন, নরতো প্রকৃতি-শক্তিকে আজাবাহিনী ক্রীতদাসীর মত আরত করবার জন্ত শ্রমানে যে বজ্র করেছিলেন, তাতেই আহতি দিয়েছেন। জামাকান্ত মহাপ্রকৃতিকে ভোগ্যা নারীর মত আরত করতে চেয়েছিলেন, বীরাচারের সাধনার। বীরাচারে সিদ্ধ হয়ে তিনি খেলবেন, আর শক্তি তাকে খেলার উপকরণ যোগাবে অথবা নিজেই তার উপকরণ হবে। তিনি তাকে আদমি পুরুষের নারীকে বেঁধে রাখার মত বেঁধে রেখে দেবেন। নারীকে বেঁধে গ্রহাণীকরবেন, তবু তাকে



পেলায় না বলে আক্ষেপ করবেন। তারপর সোমেশ্বর থেকে দেবেশ্বর পর্যন্ত, তাই বা কেন, বোগেশ্বর রাস পর্যন্ত এক দশা। তাঁরা ভূমিকে ভোগ করলেন নারীর মত, আর নারীকে ভোগ করলেন ভূমির মত। ভূমিকে কখনও সেবা করলেন না, পূজা করলেন না, আদায় করলেন শুধু কর; আর নারীকে কখনও প্রেম দিলেন না, তার কাছে চাইলেন শুধু সন্তান। ভূমির গভীর পরিমাপ বস বৃহৎই হোক, কখনও হলেন না তৃপ্ত, কখনও মিটল না ক্ষুধা, নারীর দেহ ভোগ করে কখনও সুখের শেষ পেলেন না, বেছে-বেছে রূপসী নারী এনে অস্ত্রপূর সাজিয়ে কখনও মিটল না তৃষ্ণা। একথানা এক একর দেড় একর ভূমির ধানে যে সব মাছবের সারা বছরস অন্ন জোটে, একটি নারীর প্রেমে যে সব মাছবের তৃষ্ণা মেটে, সে মাছবের দল থেকে পৃথক আমি, স্বতন্ত্র আমি। তারাই সভ্য মাছব, তারাই দেবত্বের অধিকারী। রাববংশ ধর্মকে আশ্রয় করে বর্ষান্তর ফিরে গেছে, আদিম অন্ধকারে ফিরে গেছে, সম্পদকে আশ্রয় করেও তাই, সেই আদিম অরণ্যযুগে ফিরে গেছে। প্রিয়তার প্রতি যার প্রেম নেই, পৃথিবীর জন্তেই বা তার প্রেম কোথায়?

সে সময় আমি ভারী রাখেতে চেষ্টা করেছিলাম। রাত্তির রাত্তির মত নয়; বীরেশ্বর রাত্তির মত। জীবনের স্মরণীয় দিন ও ঘটনা। মেমোরেন্ডাম ডে অ্যান্ড ইনসিডেন্টস।

প্রথম দিন যেদিন জীবনে প্রথম একটি কণ্ঠা খেতাবিনীকে নিয়ে সারারাত তার দিকে তাকিয়ে চেঁচিয়ে বসে রইলাম, কিছুতেই তাকে স্পর্শ করতে পারলাম না; কেন পারলাম না, সে সম্পর্কে লেখা আছে—“মদের নেশার মধ্যে নৈশ আবরণী-পরা মেয়েটির দিকে তাকিয়ে কেমন হয়ে গেলাম। বিচিত্রভাবে তার মধ্যে অনেককে দেখলাম। দেখলাম না শুধু তাকেই। মেয়েটি আমাকে গালাগাল দিলে, আমার রাগ হয়ে গেল, আমি চিৎকার করে উঠলাম—

Shut up—I say you shut up.

আমার চিৎকারে সে চমকে গিচ্ছিল। ডর পেয়েছিল। সারারাত্রির পর সে ঘুম ভেঙে উঠে আমার তার ঘরের দরজা খুলে দিলে।”

আবার যেদিন সকল ভয়কে অতিক্রম করেছি, সেদিনও আমি চিৎকার করেছি। এবং সেই রাতেই চলে আসতে চেয়েছি। সম্ভব হয় নি। সারারাত্রি বসে কাটিয়েছি, প্রথম দিনের মতই।

সব লিখে রেখেছি। সেদিনও সকালে উঠে ভারী লেখা শেষ করে সিগারেট ধরিয়ে কুইনীর ছবি দেখছি, আর ওই সব কথাই ভাবছি, তার সঙ্গে মধ্যে মধ্যে কুইনীর ঘেন ছবির মধ্যে সজীব হয়ে উঠছে, আমাকে ডাকছে। অথচ তার শেষ কথা মনে পড়ছে, আমি ঘৃণা করি আপনাদের। আপনাদের গোটা রাববাড়ীকে ঘৃণা কর।

এমন সময় হোটেলের পরিচারক একথানা কার্ড নিয়ে আমাকে দিতে এল, একজন কেউ আমার সঙ্গে দেখা করতে এসেছেন।

দেখলাম—প্রিন্স হার। রে, প্রিন্স অব কীটিগটা। প্রিন্স গ্রাণ্ড এ স্পিরিচুয়াল ম্যান।

মাথার ভিতরটা ঝিমঝিম করে উঠল, বুকের ভিতর হৃৎপিণ্ডের স্পন্দন ক্ষুণ্ণ হয়ে উঠল, একটা অসহনীয় অধঃবুদ্ধির ভিতরে অধঃবুদ্ধি, পুষ্টিভূত হয়ে।

প্রিন্স অব কীর্তিহাট। প্রিন্স অব কীর্তিহাট। কে? কে?

প্রিন্স অব কীর্তিহাট নিজেই পরিচয় দিলেন, তাঁর কাদার ছিলেন রাজা আর রে, রামেশ্বর রে। আমাদের রাজা উপাধি বংশগত। নো ওয়ান ক্যান ডিনাই আওয়ার রাজা টাইটল। ইউ সি, কীর্তিহাট ইজ ইন দি প্রভিন্স অব বেঙ্গল। উই আর কিংস এ্যাণ্ড ব্রাহ্মিনস বোথ।

আমি অবাক হয়ে থাকিবেছিলাম তার মুখের দিকে। মিল খুঁজিলাম চেহারার, রঙ-এ, কাঠামোর, নাকে-মুখে-চোখে। পাচ্ছিলাম সে মিল। সে বলেই যাচ্ছিল, আমরা বাংলা-দেশের প্রাচীনতম অভিজাত বংশ।

You see—since the time of Raja Ballal Sen, আমার পূর্বপুরুষ রাজার chief minister ছিলেন। You see, he was and we also are the worshiper of Goddess Shakti. We are তান্ত্রিকস। বজ্রাল সেনের পর লক্ষণ সেন রাজা হলেন। He was a staunch Baisnav; আমার পূর্বপুরুষ বার বার রাজাকে বারণ করেছিলেন, এইভাবে দুর্বলতাকে প্রজ্ঞা দিযো না। প্রজ্ঞা দিযো না।

But he turned a deaf ear to him, never cared to follow his advice; —and you,—you certainly know what happened; only seventeen সত্তেরোজন ঘোড়সওয়ার নিয়ে বাংলা দেশ জয় করেছিলেন বক্তার খিলজী!

অনর্গল বলে যাচ্ছিলেন প্রিন্স হারা রে; রত্নেশ্বর রায়ের তৃতীয় পুত্র রামেশ্বর রায়ের এক পুত্র। কোন পুত্র তা জানি না। রামেশ্বর রায় স্কোশলে বিষয় বিক্রী করে বিলেতে এসে-ছিলেন, ব্যারিস্টার হয়ে ফিরে গিয়ে আদালত হয়ে বিয়ে করেছিলেন এক ব্রাহ্ম মেয়েকে। তাঁরই এক ছেলে। বিলেতে এসে বাস করছে। এসেছিলেন আই-সি-এস পড়তে।

হারা রে বললেন—

I was a very brilliant student. My subject of interest was Sanskrit —great poet Kalidasa was my first attraction, then the greatest of all poems—Veda—thon Upanisada.—I learnt two things from this Upanisada, the greatest of all poetries of the world—

যৌতাবা মর্ত্যস্ত যদন্তকৈতৎ

সর্বপ্রিয়ানাং জরয়ন্তি ভেজঃ।

অপি সৰ্বা জীবিতযন্তমেব,

তুইব বাহাস্তব নৃত্যগীতে।

ন বিজ্ঞেন তপসীনো যন্তয়ো

লপ্যামহে বিত্তযন্ত্রান্ চৈ৭ ত্বা।

জীবিত্যামো যাবদীশিত্যসি ত্বং,

বরন্ত বরগীরঃ স এব।

আপনি একজন বড় আর্টিস্ট and আমি শুনলাম—A great learned man also —also a very rich man—a Brahmin also, আপনি মিস্টার আনেন—I am

sure. নচিকেতা এই কথাগুলি বলেছিল যমকে । And you certainly remember—what মৈত্রেয়ী told to her husband গৌতম, যেনাহং নান্বতন্তাং তেনাহং কিং কুৰ্ব্বাম ।”

I went mad, Mr. Ray—I went mad.—and gave up the idea of appearing at the I. O. S. examination, and মিস্টার রে—আমি আমার আত্মাকে দেখতে পেলাম—

—Yes, I could see—I could feel এবং সব সংশয় ছিন্ন হয়ে গেল আমার—

ভিত্তিতে হৃদয় গ্রহিষ্ণিত্বশ্চে

সর্ব সংশয়াঃ ।

ক্ষীয়ন্তে চাস্য কৰ্ম্মানি

ভস্মিন্ দৃষ্টি পরাবরে ।

হিরণ্যে পরে কোশে বিরজৎ

ব্রহ্ম নিকলম্ ।

ওজ্জ্বলং জ্যোতির্বাং জ্যোতিঃস্বর

যদাত্মবিনো বিহঃ ॥

ন তত্র সূর্যোভাতি ন চন্দ্র তারকং

নেমা বিদ্বাতো ভাস্তি কুতোহয়মগ্নিঃ ।

তমেব ভাস্তমহুভাতি সর্বং

তস্ম ভাসা সর্বমিদং বিভাতি ॥

ত্রৈক বেদমমৃতং পুরস্তাদব্রহ্ম

পশ্চাদব্রহ্ম দক্ষিণতশ্চোত্তরেণ ॥

অধশ্চোদ্ধর্ষ প্রসৃতং ত্রৈলোক্যবেদং

বিশ্বমিদং বহিষ্ঠম্ ॥

অনর্গল বলে গেলেন হারা রে । সুন্দর কণ্ঠ, প্রদীপ্ত হয়ে উঠেছে তাঁর মুখ, সাদা দাড়ি-গোঁফে হাত বুলাচ্ছিলেন, দৃষ্টিতে ফুটে উঠেছিল একটি আনন্দময় স্বপ্ন । আমি মুগ্ধ হয়ে গিরেছিলাম ।

ঠিক এই সময়েই এসেছিল আমার একজন রাত্রির সহচর । বিনা কার্ডেই—May I come in !—বলে দরজা খুলে ঘরে এসে ঢুকে হারা রে-কে দেখে থমকে দাঁড়িয়ে তীব্রদৃষ্টিতে তার দিকে কিছুক্ষণ তাকিয়ে থেকে বলেছিলেন—so you have come—এঁয় !

প্রিয় ভায়া রে তাঁর মুখের দিকে তাকিয়ে চোখের মত সঙ্কুচিত এবং ক্ষুণ্ণ হয়ে গিরেছিলেন ।

সুরেশ্বর বললে—হরি,—হরেশ্বর রায়, রামেশ্বর রায় আমার কনিষ্ঠ পিতামহ, রায়বাহাদুর রত্নেশ্বর রায়ের কনিষ্ঠ পুত্র ; তাঁর সম্পর্কে বিশেষ পরিচয় আমি পাই নি কীতিহাটের দপ্তরের কাগজের মধ্যে । ‘এম-এ, বি-এল পাস করে এস্টেটের আইন বিভাগের দেখাতুনো করতেন ।

স্বাধীনতার কিছু তাঁর মতের চেয়ে তাঁর পাটোয়ারী মাংসার মুন্সীর মতের বেশী দাম দিতেন। তবে ভালোবাসতেন। ভদ্রলোক ছিলেন রামেশ্বর রাই। অসুখবশ করতেন বড়দাদার কিছু সে 'মেটাল' ছিল না তাঁর মধ্যে, সুতরাং সে-খার বা সে-কমকালি পাবেন কোথেকে? বড়দাদার অসুখবশে তিনি ছিলেন বিলাসী—ভদ্রলোক। ইংরাজী এবং ঠংরেজের প্রেমমুগ্ধ। তিনিই প্রথম বিলেত এসেছিলেন এবং ব্যারিস্টার হয়ে ফিরে গিয়ে এলাহাবাদে বসেছিলেন। প্রথমা স্ত্রী বধন মারা গেছেন, একটি কন্যা ছিল সে-স্ত্রীর গর্ভজাত, তার বিয়ে দেওয়ার অসুখবশে দেবোত্তরের অধীনে ব্যক্তিগত পত্নী-দরপত্নী এবং জোতজমাগুলোর একের-তিন অংশ তিনি বিক্রী করে দিয়ে মোটা টাকা নিয়ে গিয়ে বসেছিলেন এলাহাবাদে। এলাহাবাদে তাঁর প্রাকটিক জমে নি কিছু জীবনে স্বাধীন প্রেমের ক্ষেত্র এবং সুযোগ পেয়েছিলেন। একটি ত্রাণ মেয়ের প্রেমে পড়েছিলেন। কিন্তু তাকে বিয়ে করলে সম্পত্তি নিয়ে গোল দামবে এবং সে বাধাবেন মেজদা অর্থাৎ শিবেশ্বর রাই, তা তিনি জানতেন। তাই বিক্রী করে দিয়ে-ছিলেন বড়ভাইকে, সব বলাই বিক্রী করেছিলেন। মিস্টার আর রে'র এই পুত্রটি সেই দ্বিতীয়া পত্নীর গর্ভজাত দ্বিতীয় পুত্র হারা রে। ছাত্র তিনি ভাল ছিলেন, সংস্কৃত, ইংরাজীতে ডবল অনার্স নিয়ে বি-এ পাস করেছিলেন। বাপ বিলেত পাঠিয়েছিলেন আই-সি-এস পরীক্ষা দেবার জন্য। কিন্তু সে-পরীক্ষা তাঁর আর কখনও দেওয়া হয় নি। এখানকার কাগজে তার তব্বের গৌরব প্রচার করতে শুরু করেছিলেন। ইংরাজী ভাল লিখতেন, তাঁর লেখার তখন দাম হয়েছিল এবং লেখার জন্য হারা রে-র নামও হয়েছিল, ছ-চারটে ছোটখাটো আঙ্গুরে বড়ভাও দিতেন তখন। হাউস পার্কেও টুল কাঁধে করে ঘুরেছেন।

তাঁর কেতিয়ারে ভবিষ্যৎ ছিল। ও-দেশে থাকলেন ছিল, এ-দেশে এল তো কথাটী ছিল না; এ-দেশে নেতৃত্বের সব থেকে বড় কোমালিকেশন হল E. R. মানে ইংল্যান্ড রিটান্ড। এদের ক্ষেত্রে চেয়ার খালি তৎসার অপেক্ষা করতে হয় না—নতুন চেয়ার তোলা থাকে—এলেই নামিয়ে দেওয়া হয়। কিন্তু রায়বংশের ছেলে হারা রে। হঠাৎ ধরা পড়ে গেলেন adultery-র দ্বায়ে।

রায়বংশের ছেলে হারা রে, প্রথম বিয়ে করেছিলেন এক মহুকুলের কন্যাকে। কোন এক স্মার টাইটেলধারীর আত্মীয়কে, খাস বিলিভী স্মার এবং তার তব্বের কোন এক প্রভিন্সের এজ্ঞ-গভর্নর। তাঁর এই আত্মীয়টি তাঁর গভর্নরগিরির সময় তার তব্বের এসে দেখে গেছেন এ-দেশ। দেখে গেছেন এ-দেশের যোগী-সন্ন্যাসী, তকির, ফরচুনটেলার, পুরনো মন্দির, তীর্থস্থল, জুর্গের ধ্বংসাবশেষ, গোয়ালিঘর কোর্ট, আত্মা কোর্ট থেকে কানীতে সারনাথ। এবং তার সঙ্গে দেখে গেছেন ইণ্ডিয়ান প্রিন্সদের বাড়ীঘর, বিরাট মহল, যার মধ্যে তাঁরা বাস করেন। আর মনে-মনে প্রেমে পড়ে গেছেন ভরুণ গৌতম বৃদ্ধার সঙ্গে, যিনি সচপ্রস্তুত পুত্র রাইল এবং সুন্দরী গোপাকে ফেলে নির্বাণ খুঁজতে গিয়েছিলেন।

রায়বাড়ীর রূপবান এবং বিদ্বান বংশধরটির কাছে 'ন বিস্তেন ভগ্নীর মল্লিকা' এবং 'কোরাং নান্দতন্ত্রাম ভেনাহং কিমবুধ্যাম্' এই পরমতত্ত্ব শুনে তাঁর প্রতি আকৃষ্ট হয়েছিল আঙনের শিখার আকৃষ্ট পঙ্কজের মত। বিলেতে তখনও লোকে স্বামী বিবেকানন্দকে অপভোলে নি। যেরোটি

সব থেকে বেশী মুগ্ধ হয়ে গেল, যখন সে এই গ্রীষ্ম হারা রে-র কাছে শুনে যে, তিনি তাঁর রাজ্য উত্তরাধিকার ভাগ করে শুধু ইণ্ডিয়ান এনসেট কালচারের স্বল্প এবং মহিমা প্রচারের জন্তই এ-দেশে এসেছেন এবং সারাজীবন তাই করে যাবেন, তাঁর জীবন তিনি উৎসর্গ করে-ছেন। তরুণী কুমারীটি এই রাজপুত্রটির মধ্যে গোভম্বুজার নবজন্মকে প্রত্যক্ষ করেছিল। মেয়েটির কিছু পৈতৃক ধন ছিল, সবকিছু নিয়েই তিনিই প্রথম শিক্ষা, সচিব এবং সচিবপদে তাঁকে বরণ করে ধস্ত হয়েছিলেন।

সালটা প্রথম মহাযুদ্ধের ঠিক পর। যুদ্ধের সময় তিনি ইংল্যান্ডেই ছিলেন। এবং কাগজে যুটনদের দস্ত কালীতন্ত্র বিতরণ করে লিখতেন—এই সর্বশক্তিময়ী মাতৃশক্তি—Mother the all powerful—বাধ্য করে লিখতেন—তিনিই ক্রুদ্ধ হয়ে মাতৃষের অন্তরলোকে ক্রোধকে সঞ্চারিত করেন এবং তখনই ওয়ার বাধে এই পৃথিবীতে।

She is peace—She is anger, She is fire, She is water, She is heat, She is cold, She is the cause of everything—এর ফলে তাঁর খ্যাতি বেড়েছিল যথেষ্ট, শিক্ষা-শিক্ষার সংখ্যাও বাড়ছিল সঙ্গে। হঠাৎ একদা অবটন ঘটে গেল। ১৯১৯ সালে আর্গিটিসের পর। হঠাৎ তাঁর স্বীর পৈতৃক বাড়ীতে এসে উঠল অভিনেত্রী। সামান্য কদরের অভিনেত্রী কিন্তু অসামান্য প্রখর তার রসনা, কর্ণস্বরও তেমন উচ্চ এবং কর্ণক।

সে দাবী করলে—রে তার স্বামী এবং তার সন্তানকে সে গর্ভে বহন করে বেড়াচ্ছে আর রে তাকে পরিত্যাগ করে এই ব্যাডচারিগী মহিলার গৃহে প্রমোদ-বাসর যাপন করেছেন।

বৃদ্ধান্ত তার অনেক সুলভা। মায়লা হল, তাতে তিনি স্টেটমেন্ট করলেন। বিচিত্র স্টেটমেন্ট। বললেন—আমি ইণ্ডিয়ান তাত্ত্বিক যোগী। আমি মাদার দি অল পাওয়ার-ফুলের উপাসক, আমার পক্ষে সংসারে কোন কিছুতে বাধা নেই। There is no bar. I deny all bars. তাত্ত্বিক-যোগী আমি, আমি শুই আকট্রেনটির মধ্যে এমন এক উয়োমানকে দেখতে পেরেছিলাম, যে সাধনার সময় আমার পাশে বসে থাকলে Mother the all powerful নিশ্চয় দেখা দেবেন। So I accepted her as my wife—আমি তাকে ইণ্ডিয়ান তাত্ত্বিক-রীতি অনুসারে বিবাহ করেছি।

জেল হয়ে গেল হারা রে-র। প্রথম স্ত্রী ডিভোর্সের মর্দম্য করে ডিভোর্স পেলেন। কাগজে কেলসারি হাতে তিনিই দেন নি। না-হলে বোধ হয় খবরটা আগেই জানা হয়ে থাকত।

ভারপর হারা রে জেল থেকে বেরিয়ে আবার একবার সেইট সাজবার চেষ্টা করেছিলেন কিন্তু তাতে খুব সুরবিধে হয় নি। কিন্তু সুরবিধে-অসুরবিধেতে হারা রে'র কিছু বার-আসে নি। শিক্ষিত লোক, পণ্ডিত লোকও বলা যায়, তিনি বিচিত্র জীবন যাপন শুরু করলেন। দাড়ি-গৌক-চুল রেখে সে এক ভারতীয় তাত্ত্বিক সাজলেন। এবং চিটিং-এর জন্ত চুরির দ্বারে আরও হুঁয়ার জেল খেটেছেন। তা খাটুন, তবুও এখনও তাঁর লেখা কাগজে বের হয়। ভারতবর্ষের ধর্মের উপর তাঁর রচনার আদ্য করে ওখানকার কাগজগুলারা। বিশেষ করে ১৯২১ সালের পর গান্ধীজীর 'অহিংসা'র বিরুদ্ধে তাঁর কতকগুলো রচনার খুবই সমাদর হয়েছিল। লিখেছিলেন নাকি—

This non-violence is Sudra cult in India.\* This is for those who are weak—who cannot understand গীতা অন্ন চণ্ডী অন্ন 'ন জায়তে ন দ্বিভতে বা কদাচিত্'—যাঁর বাণী, যিনি কুরুক্ষেত্রে এত রক্তপাত ঘটিয়েছেন, তাঁর নামে নন-ভায়লেন্স অহিংসা এর থেকে হান্তকর কিছু হয় না। এ নেহাতই কাওরাডিস অথবা ডীপ পলিটিক্স বা কেউ বলতে পারে 'ভেরী ব্লেভার কাংগ্রেস'।

এসব পরিচয় আমার ওই রাজি-সহচর বন্ধুটি মিস্টার হারা রায়েব সামনেই দিয়ে গেল। হারা রাব দ্বিধা হয়ে শুনলেন। প্রথম যে একটা অপ্রতিভ শব্দে ভাব তাঁর মুখের মধ্যে কুটে উঠেছিল, ক্রমশঃ সেটা কোথায় যেন গিলিয়ে গেল। প্রথমমুখে দাঁড়িতে হাত বলিয়ে হারা রাব বললেন—জেন্টলম্যান, অত্যন্ত দুঃখের সঙ্গে আপনাকে বলছি—আপনি একটা 'বদ্ধজীব'। আপনার সঙ্গে আর কোন বর্ষর জাতির কুশল্যারাজ্যে মানুষ যাদের সঙ্গে ভক্ত জনোহারের মিল বেশী, তাদের কোন প্রভেদ নেই। আপনি তাত্ত্বিক স্পিরিচুয়ালিজম কিছুই বোঝেন না। হ্যাঁ মহাশয়, আপনি যা ঘটনার বিবরণ দিলেন, তা সত্য অর্থাৎ তা ঘটেছে। কিন্তু ঘটেছে বলেই তা সত্য এমন কথা আমি স্বীকার করি না। বিচারক আমার অধ্যাক্ষিক্ত ওস্ত বৃত্তে পারে নি, সেট ভুল সে জেল দিয়েছে। ইংরেজ বিচারক আজ ভারতবর্ষে সমস্ত পলিটিক্যাল লীডারসকে জেলে দিচ্ছে না? কিন্তু তাই বলে কি তারা ভিন্টা? আর দে ক্রিমিনাল? বিচার সহজ নয় মহাশয়। দ্বিধাক্রমী আলেকজেন্ডারকে যে প্রহর করেছিল থে'সিরান রবার তার উত্তর খাজও কেউ দিতে পারে নি। গো এ্যান্ড আন্ড কাইজার উইলহেল্ম দি সেকেন্ড—নাউ লিভিং ইন হল্যাণ্ড, আন্ড হিম—আর ইউ 'গন্টী স্তার? এ্যান্ড ইউ উইল গেট দি আনসার। তিনি নিশ্চয় বলবেন—যুদ্ধে আমি পরাজিত হইছি বলেই হতত আমাকে দোষী বলতে পার কিন্তু যুদ্ধে আমি জয়ী হলে এ-কথার উত্তর কি হত চিন্তা করে দেখ! হ্যাঁ, আমি যখন দ্বিধা মিস্টার রে-র কাছে সাহায্য চাইতে এসেছি, তখন নিশ্চয় আপনি তাঁর সহচর বা পার্শ্বের হিসেবে যা বলছেন বলতে পেরেছেন। অন্ত্যায় নিশ্চয়ই এ কথা বলতে পারতেন না। পারতেন? অল রাইট, আই ফরগিভ ইউ জেন্টলম্যান, অগ ফ্রাইড ইউ আর—দোব তোমাদের দেব না। ইউ ইজ নট ইজি টু আওয়ারস্ট্যাণ্ড মি আর দি এটেনেস অব মাই মিশন। ইয়ার গান্ধী কুড নট আওয়ারস্ট্যাণ্ড মি। সে আমাকে লিখেছিল—ভারতবর্ষে ফিরে এস। বাট—এখানে ইণ্ডিয়ান ফিলসফি, রিলিজিয়নের এটেনেস না বুললে দেশে হাজার মুভমেন্টেও কিছু হবে না। অলরাইট গুড বাই!

দীর্ঘ একটি বক্তৃতা দিয়ে তিনি টুপিটি তুলে নিয়ে লম্বা রুম কাটা-পাকা চুলের উপর বসিয়ে পিছন ফিরলেন। মনে মনে সহস্র লজ্জা, লক্ষ বেদনা আমাকে যে কি করে দিয়েছিল, তা বলতে পারব না। কখনও মনে হ'চ্ছিল—এই মুহূর্তে আমি আত্মহত্যা করি। নইলে হয়তো কখন কোন অসতর্ক মুহূর্তে প্রকাশ করে ফেলব যে, ওই লোকটি আমার পিতৃব্য—কীৰ্ত্তিহাটের রাববংশের রামেশ্বর রায়েব পুত্র। ওবুও আত্মদহন করতে পারলাম না। বললাম—ওয়েট প্রিন্স এ যিনিট আর টু।

—মি? ইউ আন্ড মি টু ওয়েট?

—ইয়েস স্যার।

—হোয়াট কর ? ইউ হ্যান্ড গট সাম মোর স্ট্রিং ওয়ার্ডস কর মি—

—না। কোন কঠিন কথায় বোধ হয় আপনাকে আঘাত বা লজ্জা দেওয়া যায় না।

হেসে হারা রায় বললেন—ডাটস্ এ কম্প্লিমেন্ট। থ্যাঙ্ক য়ু।

—এই সামান্য কিছু সাহায্য আপনি নিয়ে যান। দশ পাউণ্ডের নোট বের করে আমি তাঁর দিকে বাড়িয়ে ধরলাম।

তিনি তীক্ষ্ণ দৃষ্টিতে আমার দিকে তাকিয়ে দেখলেন কয়েক মুহূর্ত, তারপর হেঁা মেয়ে আমার হাত থেকে নেতি ক'খানা কেড়ে নিয়ে বললেন—অনেক ধন্যবাদ তোমাকে। অনেক ধন্যবাদ। টাকার আমার প্রয়োজন ছিল। চলে যেতে গিয়ে আবার থামকে দাঁড়িয়ে বললেন—কয়েক মিনিট তোমার সঙ্গে নিরালার কথা বলতে পাইনে রয়।

ভাবলাম, হয়তো এবার কোন দুর্বল মুহূর্ত এসেছে এবং সেই দুর্বল দুর্বল মুহূর্তটি সে অসুতাপ প্রকাশ করবে বা আমার কাছে সজল চোখে কৃতজ্ঞতা প্রকাশ করবে, হয়তো বা আরও কিছু টাকাও চাইতে পারে। আমার কাছে এমন একটি মুহূর্ত যত ভয়ের তত প্রলোভনের। ভয়—হয়তো প্রকাশ করে ফেলব তার সঙ্গে আমার সম্পর্ক। প্রলোভন—সে-ও ওইটেই, হ্যাঁ, ওইটেই, কেবলমাত্র তার উন্টো পিঠটা।—আমি আমার বৈশ্ব সহচরের দিকে তাকালুম। সঙ্গে সঙ্গে দে বলে উঠল—কে প্রার্থ্য দেবেন না মিষ্টার রয়। ডোন্ট। ও ভরানক লোক, নির্লজ্জ; ধর্মধর্ম ভাষনীতিজ্ঞানবজ্জিত একটি ধুরন্ধর শয়তান।—

আমি বাধা দিয়ে বললাম—প্রিজ, প্রিজ। মাত্র পাঁচ মিনিটের জন্ত। একটু বিরক্তি-ভরতই বলেছিলাম। কারণ, ওই বন্ধুটিও তো হারা রে থেকে উচ্চদের মাহুষ ছিল না। রাত্রির সহচর। রাত্রির লগুনের মোহে তারা লগুনে থেকে গেছে; উপার্জন করে, সামান্যই করে। রাত্রির লগুনের মধ্যে নিশ্চেকে হারিয়ে দিতেই চেষ্টাছিলাম। কীতিহাটের জমিদারীর মোহ কেটে গিয়েছে। রায়বংশের মোহও কেটে গেছে। এখানে এসেছিলাম টাকা নিয়ে এই জন্তেই। রক্তের মধ্যে থেকে যেন নির্দেশ পাচ্ছিলাম। তাই এই লোকটির সকান পেয়ে তাকে ডেকে নিয়েছিলাম। টাকা পেতো সে আমার কাছে। সুতরাং তার উপর বিরক্ত হবার আমার অধিকার ছিল।

লোকটিও সরে গিয়েছিল। আমার কাছে প্রত্যাশা তার হৃৎকোর নি তখনও। লোকটি চলে গেলে আমি হারা রে-কে প্রশ্ন করেছিলাম—বলুন কি বলবেন ?

—ইয়ং ম্যান, ইয়ং ব্লাড তোমার—ইট ব্লাড—। আমি শুনেছি, তুমি নারীস্বপাত্তর।

আমার মাথার ভিতরটা কিয় কিয় করে উঠল : আমার খুড়ো, আমার বাবার নিজের খুড়তুতো-তাই জিজ্ঞাসা করছেন। উনি অবশ্য জানেন না, কিন্তু আমি তো জানি। কিন্তু কি উত্তর দেব বৃকতে পারলাম না।

—লজ্জা করছ ? নো-নো-নো ! লজ্জার কিছু নেই। নাথিং। তুমি জান না, তুমি বোঝ না ; এটা অবশ্য দুর্ভাগ্য তোমার—ইতিয়ান এবং বেঙ্গলী হয়ে তুমি এটা বোঝ না। কেমাল উল্লেখ কান্ট অব বেঙ্গল।

হঠাৎ খেমে মুখের দিকে তাকিয়ে জিজ্ঞাসা করলেন—তুমি জাতে কি বল তো? বাই কাষ্ট—? ব্রাহ্মিন অর বৈজ্ঞা অর কারখা অর এ শূদ্রা? হোয়াট?

বললাম—ব্রাহ্মিন।

—ব্রাহ্মিন? শাক্তা অর এ বৈষ্ণবা?

—কেন জিজ্ঞাসা করছ?

—বুঝছি ওসব মানো না। জাটস্ অলরাইট। ঠিক আছে। মানলে যে-কথা বলতে বাজিলাম, তা বুঝতে সুবিধা হত। ভাল, দে-কথা বলব না। কিন্তু জিজ্ঞাসা করব, সত্যিই তুমি হারী? দেখ, আমি তোমার ক্ষুধা মেটাতে কিছু সাহায্য করতে পারি। আমার অনেক শিঙা আছে। তারা আমার কাছে এই কারণেই আসে। আমি তাদের কবচ-মাড়ুলী-গোছের কিছু দিয়ে থাকি। তুমি আমার কাছে নিতে পার। রর, যেন উরোয়েন আমার লাইকে এসেছে। আমার কোন লজ্জা নেই। তুমি জানলে বুঝতে পৃথিবীতে ম্যান এ্যাণ্ড উরোম্যান রিলেশনসিপ ছাড়া কিছু নেই। পুরুষ এ্যাণ্ড প্রকৃতি। নাথিং এলস্। ইক ইউ লাইক, আই ক্যান হেল্প ইউ। খুঁটাট ননসেন্স ইং ম্যান আউট।

আমি অবাক হয়ে তার মুখের দিকে তাকিয়ে থাকলাম।

আমার বিস্মিত দৃষ্টি দেখেই বোধ হয় তিনি বললেন—খুব আশ্চর্য মনে হচ্ছে রর? কিন্তু আশ্চর্য আদৌ নয়। তোমাদের মনকে ইংরেজেরা ক্রীশ্চানিটি একটা মরালিটি শিখিয়েছে, যে-মরালিটি তোমরা আজকের এডুকেশনে পাও, যেটা ব্রাফ সোসাইটি প্রচার করেছে এককালে, তার জন্মেই এমন মনে হচ্ছে। নাহলে এতে তো আশ্চর্যের কিছু নেই।

This is the only truth of life.

এবার আমি বললাম—এসব কিগলক-স্পিরিচুয়ালিজম-এর দক্ষিণা তো আমাদের দেশ অল্পঘাটী যৎকিঞ্চিৎ কাকনমূল্য, তার বেশী নয়। কিন্তু যে সাহায্য করতে চাচ্ছেন আমাকে, তার দক্ষিণা ওই যৎকিঞ্চিৎ হলে চলবে, না, বেশী দিতে হবে?

—অবশ্যই বেশী দিতে হবে। আপনি জানেন, আমি বলেছি আপনাকে—আমি ডিকে চাইতে এলেও আমি রাজার ছেলে। ব্রু ব্রাড আছে আমার মধ্যে। আমি সম্রাণী হলেও আমি তাই। এ প্রিন্স। অল্পে আমার হাত ভরে না। আমি তোমাকে সাবিশ দেব—আমার রেমুনারেশন ওই লোকের রাজি সহচরটার সমান নিশ্চয় হবে না। তাছাড়া মিষ্টার রর, তোমাকে ফ্রাঙ্কলি বলি—আমার অনেক দেনা। অনেক। আমার নাক পৰ্ব্বত ডুবে গেছে। অহঙ্কারটাকেই বড় করাছি না—তোমার করুণার কাছেও আবেদন জানাচ্ছি।

আমি নির্বাক হয়ে রইলাম স্থলতা। কোন উত্তর খুঁজে পেলাম না। দেনাতে ডুবে গেছেন হারা রে। শুধু হারা রে নয়, কীর্তিহাটের রায়বংশের সবাই দেনার আকর্ষণ নিমজ্জিত হয়ে দিন-রাত্রি পরিআহি জাক ছাড়াই বলে মনে হল। এ-দেনা শোধ করবার কি কারুর সাধ্য আছে?

কিছুক্ষণ অপেক্ষা করে হারা রে বললেন—আচ্ছা, তুমি ভেবে দেখ রর। আমি আবার



আসব তোমার কাছে।

বলে চলে গেলেন।

আমি শুদ্ধ হয়ে বসে রইলাম। আমার মনে পড়ছে সুলতা, স্পষ্ট মনে পড়ছে সেই মুহূর্তে আমার মনে হয়েছিল পৃথিবীতে কোথাও বৃষ্টি আমার বা রায়বংশের কোন সন্তানের স্মৃতি হয়ে থাকবার অধিকার নেই।

এই মুহূর্তে এসে ঢুকেছিল আমার সেই নৈশ অল্পচরটি। তার নাম মিস্টার ঘোষ-চৌধুরী। স্মার্ট ইয়ং ম্যান, ডেরার-ডেভিল। সে আমার দিকে তাকিয়ে বললে—রয়—কি হল। মস্তমুগ্ধ করে দিয়ে গেছে তো!

আমি তার মুখের দিকে তাকালাম, উত্তর দিতে পারলাম না। সে হেসে বললে—সম্ভবতঃ তুমি এবার আমাকে চলে যেতে বলবে। ঘাব আমি—আই অ্যাম এ স্পোর্ট; আমি তোমাকে ব্লাক-মেল করব না। আমার পাওনাটা শুধু পেলই হল। তবে এ্যাক্স এ ফ্রেণ্ড অর কমরেড অর গাইড যাই বল, সেই হিসেবেই বলি—ডোন্ট ট্রাস্ট জাট ম্যান—ও একটা পাইথন, লোজে জড়িয়ে পাক দিয়ে তোমার হাড়গোড় ভেঙে মাংসের দলা পাকিয়ে ধীরে ধীরে তোমাকে গিলবে।

আমি তাকে বলেছিলাম—ঘোষ-চৌধুরী, তুমি হইন্ডির জন্তে অর্ডার কর, আর দেখ ট্রাঙ্কুইলাইজার ট্যাবলেট আছে ওই দেরাজে, আমাকে দাও। আমি সুস্থবোধ করছি না। ওই লোকটা আমাকে অস্থির করে দিয়ে গেল।

—তোমাকে কিছু খাইয়েছে? কই এরকম তো কিছু করে বলে তো কখনও শুনি নি। তবে হি নোজ হিপনটিজম। হিপনটাইজ করে টানে নিজের দিকে। স্পেশালি গার্লস—উইথেন।

—না চৌধুরী, খাওয়ার নি কিছু। তবে হিপনটিজম বলছে তা হতে পারে। কিন্তু কি আশ্চর্য শক্তি ওর হিপনটিজমের তোমার কাছে আমি ঠিক ভাবে এক্সপ্লেন করতে পারব না। কিন্তু আমার দেহ-মন সবকিছুকে টানছে, প্রবলভাবে টানছে। আমি ওকে ভুলতে পারছি না। অস্ত্র কথা ভাবতে পারছি না। শুধু ওর কথাই মনে ঘুরছে। দাও, আমাকে ট্রাঙ্কুইলাইজার দাও—ডবল ডোজে দাও। আর হইন্ডি দাও।

চৌধুরী ভিতরের অর্থ বুঝতে পারে নি। সে ভাবছিল হিপনটিজমের কথা। সে ভাড়াভাড়ি আমাকে মদের রাস এবং ট্রাঙ্কুইলাইজার ট্যাবলেট দিয়েছিল—আমি ডবল ডোজে খেয়ে শুয়ে ঘুমুতে চেরেছিলাম। কিন্তু ঘুম সহজে আসে নি।

\*

\*

\*

শুধু ঘুম নয়, আনন্দ-উজ্জ্বল এ সমস্তই যেন ওই হারা রে আমার অপহরণ করে নিয়েছিল। আমার পিছনে সে যেন অশুভ শনিগ্রহের মত অথবা কলির মত কিরতে শুরু করেছিল। অথবা রায়বংশের প্রেতাচার মত কিরতে শুরু করেছিল।

ওই ঘটনার ঠিক একদিন পর সে আবার এসেছিল আবার হোটেলে। এবার একা নয়। সঙ্গে একটি সুলতানী ডরলী।

আমিও স্মৃতি, আমি কার্ড পেয়ে তাকে কিরিয়ে দিতে পারি নি। ঘরে এল সে মেয়েটিকে সঙ্গে নিয়ে। আমি তার মুখের দিকে তাকালাম। আমার দেহের রক্ত চঞ্চল যেমন হয়ে উঠল, তেমনি একটা নির্দাক্ষ আতঙ্ক আমার বুকের মধ্যে একটা অসহনীয় উদ্বেগের সৃষ্টি করলে।

উইণ্ড হল হাটের উপর প্রেসার পড়লে যেমন হয়, ঠিক তেমনি। তারিখটা স্বর্ণীয় তারিখ, থার্ড সেপ্টেম্বর নাইনটিন থার্টিনাইন। জার্মানীর বিরুদ্ধে ইংরেজ ৬৪৪ ডিভিশন করবে, তার আগে, এগারটা পনের মিনিটে প্রাইম-মিনিস্টার মিস্টার চেম্বারলেন রেডিওতে বক্তৃতা দিচ্ছেন। ১লা সেপ্টেম্বর জার্মানী পোলাও অক্রমণ করেছে ভোরবেলা। নেভিল চেম্বারলেনের বক্তৃতা শুনছিলাম আমি। হারা রে ঘরে ঢুকলেন, সঙ্গে মেয়েটি।

বললেন—I have come Mr. Roy. Let me introduce Miss Laura Knight to you—She is more than my own daughter—my disciple, a শিষ্য of mine. And Laura— this is Mr. Ray—S. Ray—an artist a famous artist—and a very learned man—also a very rich man. You see those two pictures on the wall—one a mother and another a darling. But the girl is the same, you see—this is tantra of India. The Eternal Mother and the Eternal She, they are one and the same.

আমি আর সহ করতে পারি নি। আমি বলেছিলাম—will you please stop Mr. Ray!

মিস্টার হারা রে বিস্মিত হয়ে বলেছিলেন—You dont like Miss Knight—? She is very intelligent with a very soft and sweet mind—She wanted to work as your secretary.—

আমি বলেছিলাম—বাংলার বলেছিলাম, দয়া করে আপনি চলে যান—আমি জোড়হাত করছি মিস্টার রে—।

স্মৃতি, মেয়েটির মুখে যেন রাববংশের আদল দেখতে পাচ্ছিলাম। খরখর করে কাঁপছিলাম আমি।

—কি হল মিস্টার রায়? আপনি অশুভ?

আমি এবার চিৎকার করে বলেছিলাম—Get out I say—get out—

রেডিওতে তখনও প্রাইম-মিনিস্টার মিস্টার চেম্বারলেনের বক্তৃতা চলছে। সারা ইল্যান্ডের লোক বোধহয় তখন কয়েক মুহূর্তের জন্য স্তব্ধত্ব নির্বাক হয়ে গেছে। যুদ্ধ! আবার সর্বনাশা যুদ্ধ বাধল।

হারা রে বললেন—কিছু টাকা ওকে দাও রায়, ওকে আমি নিয়ে এসেছি তোমার নাম করে। অনেক প্রত্যাশা করে এসেছে।

—She must get something. Mr. Ray—please.

আমি বললাম—She is your daughter !

চমকে উঠল হারা রে, বললে—কে বললে ?

—ওর মুখ বলছে ।

—তোমার দৃষ্টি খুব তীক্ষ্ণ রয় কিন্তু She is a good girl—and beautiful also—  
Is she not ?

এতকণে মেয়েটি কথা বললে—Give me my dues. বলে সে আমার সিগারেটের  
টিন থেকে একটা সিগারেট নিয়ে ধরিয়ে একমুখ ধোঁয়া ছাড়লে ।

আমি ওদের বিদায় করলাম । মূল্য ভালই দিতে হল । কিন্তু তাতে আমার ক্ষুণ্ণ ছিল  
না । বরং আসবার সময় ওদের আরও কিছু পাঠিয়ে দিবে এসেছিলাম । হারা রে মিথ্যা  
কথা বলে নি ; ঋণ তার অনেক, আকর্ষণ ভূবে আছে বললে মিথ্যা বলা হয় না ।

দেশে ফিরবার টিকিটের দাম আর পথ-খরচ রেখে বাকিটা হারা রে-কে পাঠিয়ে  
দিরেছিলাম ।

দেশে ফিরেছিলাম মাংসখানেকের মধ্যেই । ও-দেশে থাকতে আর সাহস হয় নি । লোকের  
বলেছিল—যুদ্ধের ভয়ে পালাচ্ছি কিন্তু তা নয়, আমি পালিয়েছিলাম হারা রে-র ভয়ে এবং তার  
মেয়ে শম্পা রে-র ভয়ে ।

মেয়েটার নাম লরা নাইট নয় । ওর নাম শম্পা রে । ওদের ভয়ে আমি পালিয়ে  
এলাম ।

কথা বলতে বলতে হঠাৎ দাঁড়িয়ে উঠে খানিকটা পায়চারি ক’রে সুরেশ্বর যেন দম নিয়ে  
বললে—সাত পুরুষ ধ’রে কুড়ারাম রায় ভট্টাচার্য থেকে সুরেশ্বর রায় পর্যন্ত বত কলঙ্ক রায়বংশ  
অর্জন করেছে, স্মৃতি, তার মধ্যে এই হারা রায়ের কলঙ্কের চেয়ে কালো এবং নীরেট অর্থাৎ  
ওজনে গুরুভার কলঙ্ক আর কেউ অর্জন করে নি ।

বলতে-বলতে বলতে পারি নি ; দিনের আলো ফুটছে, লজ্জাবোধ করছিলাম ; কিন্তু না,  
বলব, না বললে রায়বংশের মূর্তি নেই । খবরটা জেনেছিলাম জাহাজে উঠে । জাহাজে উঠে  
হঠাৎ দেখা হল একটি মহিলার সঙ্গে । আমি জাহাজে যখন উঠলাম তখন মহিলাটি ডেকের  
উপর দাঁড়িয়েছিলেন অস্ত্রমনক ভাবে । উল্লাস দৃষ্টিতে তাকিয়ে ছিলেন । পোশাক দিয়ে বোকা  
গেল তারতবর্ষের মেয়ে ; তার কিছুটা পরিচয় চূলে এবং চোখে আছে ; নইলে রঙ দেখে ধরা  
যায় না । সাদা পাড়হীন শাড়ী এবং ব্লাউস দেখা যাচ্ছিল বোতাম খোলা গুতারকোটের ফাঁক  
দিয়ে । বয়স হয়েছে, বয়স চেহারাকে খানিকটা ভারী করে । আমার মনে হল যেন চেনা  
মুখ । একদিন পর তিনি নিজেই এসে আমার সঙ্গে দেখা ক’রে চেনা দিলেন—পরিচয় ঝালিয়ে  
নিলেন । এবং হারা রে’র কথা তিনিই বললেন ।

ইনি অস্ত্র কেউ নয় স্মৃতি, ইনি সেই ‘চন্দ্রিকা’ । বাই তিনি করে থাকুন, পরিচয় তাঁর  
বাই হোক, তিনি আমার মাতৃভূমি । প্রথমটা জাহাজে তাঁকে দেখে আমি খুশি হই নি,  
সম্মত হই নি । শুধু ভেবেছিলাম আমার ভাগ্যের কথা । আমি তাঁকে চিনতেও চাই নি কিন্তু  
তিনি আমাকে চিনলেন । আমি তিনি না বলতে পারলাম না । দেখলাম যেন তিনি

অনেকটা পাটে গেছেন। তিনি এখন সম্পূর্ণরূপে জীবনে নিম্পৃহ এবং উদাসীনা হয়ে উঠেছেন। বাবার মৃত্যুর পর একবার মাত্র দেশে গিয়ে আমার মাতের সঙ্গে দেখা করে বাবার কিছু কাগজপত্র মাকে দিয়ে এসেছিলেন। মা আমার সে ধাক্কা সহ্য করতে পারেন নি। তাতেই তিনি মারা গিয়েছেন। মার মৃত্যুস্বর কলকাতাতেই পেয়েছিলেন তিনি কিন্তু এরপর আর তিনি কিরে এসে আমার সঙ্গে দেখা করতে পারেন নি। এবং ভারতবর্ষ থেকে পা'লয়ে এসেছিলেন এ-দেশে। আবার এককাল এদেশে কাটিয়ে এবার ইণ্ডিয়ায় ফিরেছেন। বহুদিন থেকেই ফিরবেন ইচ্ছা ছিল, এবার এই যুদ্ধ লেগেছে বলে ফিরবার একটা তাগিদ পেরে গেছেন।

\*

\*

\*

তিনি হারা রাখকে চিনতেন। জাহাজে তখন সর্বদাই সবার মনে একটা আঁতঙ্ক ছাই-চাপা আঙনের মধ্যে চাপা রয়েছে। একটা উত্তাপ সহ্য হইয়া অসহ্য করে। তাই প্রতিটি যাত্রাই সঙ্গী বন্ধু যুগ্মে করে, সামান্য অন্তর্জ্ঞতার মানুষকে আপনজন ভাবতে চায়। জার্মান ইউ বোট তখন বাহির দরবার বেরিয়ে পড়েছে হাঙ্গেরের দিক, তবে তার গতিবিন্দু তখনও উত্তর মাথায় নর হয়ে সুইডেনের উপকূল এবং উত্তর সমুদ্র হয়ে আটলান্টিকের দিকে। একদিকে ফ্রান্স, অল্পদিকে ইংল্যান্ডকে রেখে নিচের দিকে তখনও নাছেন। এই অবস্থায় চ'ত্রিকা মালাঞ্জো আমার কাছে আসতেন, মাঝাকে মাই সন বলে ডাকতেন—আমি তাঁকে ফিরিয়ে দিতে পারি নি।

সুদূর বনে পৃথিবীর অবস্থা নিয়ে কথা হ'ত প্রথম প্রথম। এই ফাঁকে ফাঁকে ছুঁসারটে আমার বাড়ির কথা আমার ব্যক্তিগত কথা গিজ্ঞান করতেন।

একদিন প্রশ্ন করলেন—ইউ ফ্রান্স নট ম'রেড ?

বললাম—না।

কিছুক্ষণ চুপ করে থেকে বললেন—এইবার বিয়ে কর !

বললাম—না।

বললেন—কেন ?

উত্তর দিতে গিয়েও দিলাম না, দিতে পারলাম না যে বাবার শেষ চিঠিতে বলে গেছেন—যেন আমি বিয়ে না করি।

একদিন বললেন—তুমি এতে ভেবে যাবে না ?

বললাম—না। তা মনে করি না। এখনও অন্তত যাই নি।

—মনে কর না ? খুব ভাল। এই জোর যেন শেষ পর্যন্ত রেখো। একটু চুপ করে থেকে বললেন—দেখ, তোমার বাবাকে আমি ইচ্ছে করেই টেনেছিলাম—আমিই অপরাধিনী। তিনি ঠিক ছিলেন না। আই ওয়াফ দি ম্যাগনেট। প্রথমটা কষ্ট পেয়েছিলাম আকর্ষণ করতে। কিন্তু একবার যখন তিনি আমার আকর্ষণে সংসার থেকে ছিঁড়ে বের হলেন তখন সে যেন গুটিং স্টার। তাঁকে ধ'রে রাখা যায় না—গেল না !

চুপ করে রইলাম।

জা. র. ১৬—১৬

তিনি এইবার বললেন—তোমার বাবার কাছে তোমাদের বংশের গল্প শুনেছি কিছু কিছু। বলতেন—একটা কি অভিলাষ আছে তোমাদের বংশে। আমি বিশ্বাস করি নি—হেসেছি। পৃথিবীতে ন্যান এ্যাণ্ড উরোম্যান এদের পরম্পরের প্রতি আকর্ষণ নেচার'স ল। একটি পুরুষ একটি নারীকে দেখলেই হি উইল শো হিমসেল্ফ অ্যাণ্ড হি উইল টাই নট টু লুক এ্যাট হিম, বাট সি উইল লুক এ্যাট হিম। তার উপর যেখানে পুরুষের হাতে সম্পদ জমা হয়েছে সেখানে সে জিততে না পারলে কিনবে। কিন্তু তার থেকেও তোমাদের মধ্যে কিছু খেঁচি আছে। তোমাদের আর একজনকে দেখেছি আমি ইংল্যাণ্ডে। তাকে দেখলে আমার ভয় হয়। একজন বড় শক্ত এবং আশ্চর্য হিপনটিক পাওয়ারের অধিকারী। সম্ভবত সম্পর্কে তোমার খুড়ো—

—আর ইউ স্পীকিং অব হারা রে ?

পরিচয় চিত্রিকা বললেন—তুমি জান তাকে ? দেখেছ ?

বললাম—দেখেছি।

—কতটুকু দেখেছ ? কতটুকু ভেবেছ ? গ্রান্স-কেসের মধ্যে কিং কোত্রা দেখা এক কথা আরম্বর, আর মনের মধ্যে তাকে খেলা অবস্থার দেখা আর এক কথা। তুমি তাকে গ্রান্স-কেসের মধ্যে দেখেছ। হয়তো বা তোমার সত্য পরিচয় না ভেবে তোমার কাছে তার সেই বছার পুনরাবৃত্তি করা। মধ্য পরিচয় দিয়ে তাকে চাইতে এসেছিল। বলেছিল—হাজার বছর আগে তার পূর্বপুরুষেরা রাজা লক্ষণ সেনের মন্ত্রী ছিলেন।

বিবরন হেসে বললাম—হ্যাঁ। বলতে এতটুকু বাদল না।

—বাধে না। ওই পরিচয়টাকে সত্য করে তুলেছে হারা রে। লোকের মধ্যে ভেদও আবার ওটাকে সত্য বলে মানতে চেষ্টা করছে। তারপর হয়তো উপনিষদের শ্লোক শুনিবেছে, গীতা শুনিবেছে—ইয়োরোপীয়ান ফিলজফিতেও পণ্ডিত হারা রে। কিন্তু সে তার পরিচয়ের কতটুকু ? বারতিনেক সে জেল পেটেড়ে—

এবার আমি বললাম—আন্ট চিত্রিকা, মিস মালহোত্রাকে এই নতুন করে পরিচয় হয়ে আন্ট বলতাম, মিস মালহোত্রা বলতে কেমন লাগত; বললাম—আন্ট চিত্রিকা, সে তার মেয়েকে নিয়ে আমার কাছে এসেছিল, বার নাম বলে লরা নাইট; কিন্তু বার আসল নাম লক্ষ্মী রায়।

চমকে উঠলেন আন্ট চিত্রিকা। বললেন—দেখেছ তুমি তাকে ?

—দেখেছি। তার মুখের মধ্যে বারবংশের মুখের আদল দেখেছি। একটু চুপ করে থেকে চিত্রিকা দেবী আবার বললেন—ওটা তুমি ভুল দেখেছ। অথচ আদল যদি সত্য হয় তবে সেটা অ্যাকসিডেন্টাল। কিন্তু ট্রাশটা আরও ভয়ঙ্কর।

হিস্ট্রিগুটে তার মুখের দিকে তাকিয়ে রইলাম উত্তরের অপেক্ষায়। চিত্রিকা দেবী বললেন—তুমি জান কিনা জানি না—এক সময় এক অ্যাকট্রেসের সঙ্গে অবৈধ প্রেম করেছিল হারা রে এবং তার জন্ত জেল গিরেছিল।

বললাম—জানি।

চন্দ্রিকা বললেন—লম্বা নাইটই মেয়েটার আসল নাম। ওকে কোলে নিয়েই ওর মা সন্তবিধবা অবস্থায় হারা রে-র দৃষ্টিতে পড়েছিল এবং প্রেমে পড়েছিল। কিন্তু—

—কি কিন্তু—?

—মেয়েটার নাম ছেলেবেলার হারা রে-ই পাঁটে দিয়েছিল। বলত—শম্পা। তারপর এখন লোকে বলে—সে তার মিসট্রেস?

চমকে উঠেছিলাম তখন।—বলছ কি তুমি?

—সত্য বলছি। শুকে আমি জিজ্ঞাসা করেছিলাম। ও তোমার কে? কি নাম ওর? লম্বা নাইট না শম্পা রায়? শরতানের হাসি ছেলে হারা রে বলেছিল—“বা তোমার মনে হবে তাই। তাই মনে করতে পার। অথবা বলতে পার both—আমার ঠিকসে এর জন্ম নয়, কিন্তু তার থেকে বেশী শুকে মেয়ের মতই মানুষ করেছে এক সময়। কিন্তু তাতে কি? পৃথিবীতে প্রকৃতি আর পুরুষ ছাড়া কিছু নেই। যান আণ্ড উরোমান—ইটারনাল টি আণ্ড সী; সুবোধ আমি শুকে কটু কথা বলে থাকতে চেঁচা করেছিলাম, হারা রে শরতানের মত হা-হা করে হেসে বলেছিল—তুমি—তুমি বুঝতে পারবে না! বুঝবে না তুমি। রাজাদের ইতিহাসে এ তুমি পাবে, তান্ত্রিকদের তন্ত্রে এর বিধান আছে। আর যদি তুমি মিথ্যে সমাজ-শাস্ত্রের গুণী পার হতে পার তবে বুঝতে পারবে, এসব মিথ্যে সত্য মিথ্যে। আমি তান্ত্রিকের বংশ, আমি ভূমির অধিকারীর ছেলে—আই কারি রয়াল আণ্ড তান্ত্রিক সাদকস ব্লাড ইন মাই ভেনস।” মিস মালহোত্রা বলে যাচ্ছিলেন—আমি শুনতে শুনতে হতবাক হয়ে গিয়েছিলাম।

মানুষের ইতিহাস একদিকে যত আলোকোজ্জ্বল ততদিকে তত অন্ধকার; গাঢ়তম চরমতম অন্ধকার, এ নিয়ে বিতর্ক নেই। কিন্তু তবু মানুষ ওই আলোকোজ্জ্বল দিকটার দিকে চাকিয়েই বেঁচে আছে, শেঁটেটেকেই সে স্বীকার করে। হারা রায়ের মত গুরুতরকে—

মনে আছে সুলতা—হারা রায়কে অভিসম্পাত নিতে গিয়ে চমকে উঠেছিলাম; মনে পড়ে গিয়েছিল আত্মকাতরকে। ভবানী দেবী রাব-ংশে বধু হয়ে এসেও আত্মকাতর তবু ওপাড়ার ধারাকে বিস্তর করতে পারেন নি।

সুলতা, নিজের উপর একটা অবিবাস জন্মে গেল। রাতে জাহাজে শুয়ে চোখ বুজলেই ভই অন্ধকার আত্মকে চেপে ধরত। আমি ভর পেতাম।

ডেকে মেয়েদের দেখতাম। জাহাজটার ভারতীয় যাত্রীর ভিড় বেশী; বেশ করে কজন মহিলা যাত্রীও ছিলেন। নিবিড়ে শ্রবের পর হবার পর থেকেই সকলের উল্লাসই বেড়ে গেল। মেয়েদের বেশী। বিলেত থেকে নতুন জাত নিয়ে ফিরছেন তারা। বিলেতের মুক্ত হাওয়ার দমকার তাঁদের মাথার ঘোমটাই শুধু খসে নি, তারা বেশবাসকে বৈশ্বাণিকটা অসম্বৃত করে উতলা সমুদ্রবাসে নতুন যুগের ধবজার মত উড়িয়ে ফিরছেন।

আমি ভয়ে কান্নার সঙ্গে মিশি নি। মিশতে চাই নি। কেবিনের মধ্যে রঙ তুলি নিয়ে বসে থাকতাম। ছবি আঁকার মধ্যে মগ্ন হতে চাইতাম। কিন্তু ছবি আঁকতে গেলেই মেয়ের মুখ তুলির মুখে ছুটে উঠত।

আমি ভয় পেলাম শুলতা। মনে হল আমার, আর বোধ হয় রায়বংশের বাঁচবার অধিকারই নেই।

দিবালোকের মত স্পষ্ট বুঝতে পারলাম একটা সত্য। শ্রামাকান্ত ধর্মসাধনার যেখানে পৌঁছুতে চেয়েছিল পৌঁছেছিল, সোমেশ্বর রায় সম্পদের জোরেও সেখানে পৌঁছেছিলেন, আধুনিক শিক্ষাকে আকর্ষিত করে হাটা রেও সেইখানে পৌঁছেছেন। ব্রজদা তোষামুদী শিল্প আকর্ষিত করেও সেইখানে পৌঁছুতে চেয়েছিলেন। আমিও ঠিক সেই পথে চলেছি, আমার ছবিতে ফুটে উঠছে নারীর মুখ।

বসেতে নেমেছিলাম অশান্ত ভীত হয়ে। মনে হয়েছিল মাজুশের বংশলতার মধ্যে রায়বংশ সেই প্রথম পুরুষ থেকে এ পর্যন্ত যে পথে হেঁটেছে তাতে তার আর বাঁচবার অধিকার নেই। তাতে ছেদ টানতে হবে। অথবা সেই হারা রে'র সত্যকে এবং শ্রামাকান্তের সত্যকে সাঁহস করে আঁকড়ে ধরে উঁচু গলায় বলতে হবে—“এই সত্যই শ্রেষ্ঠ সত্য বাকী সবই ভ্রান্তি। মারা। মিথ্যা।”

কিন্তু তা পারি নি। আমার কঠিনাঙ্গীর ভিতর দিয়ে স্বর বের হয় নি। আমার জিত বাক্যগুলো উচ্চারণ করতে গিয়েও উচ্চারণ করতে পারে নি। আমার মনে পড়ত শ্রামাকান্তের সেই আত্ননাদের কথা। নিজেই নিজের গলা টিপে শ্রামাকান্ত বলাও, ছেড়ে দে ছেড়ে দে। বলতে দে! বলতে দে।

\*

\*

\*

বসেতে নেমে মনে হল, কেন এলাম ফিরে?

ইউরোপে যুদ্ধ বেধেছে। হিটলারের বাহিনীর ব্রিৎস ক্রিগের সামনে সমস্ত বাণ্য বড়ের মুখে ধুলোর মত উড়ে যাচ্ছে। ওদিকে পোল্যান্ড থেকে বঙ্গবান—ওদিকে ফ্রান্স থেকে স্বাভাবিকভাবে পর্যন্ত জলছে। ইংল্যান্ডকে মাশুল দিতে হবে। খাও, লেট ভাল হ'ত। যেতাম ধুলো হয়ে উড়ে। ইংরেজের পারমানেন্ট স্টেটলমেন্টের প্রসাদপুত্র বংশের সন্তান, যুদ্ধেও তো লেগে যেতে পারতাম। বিলেতে অনেক ইংরেজীদর্শ বিশেষিত সভ্যত-মুগ্ধ ভারত-সন্তান যুদ্ধে যোগ দেবার জল্পনা-কল্পনা করছে, তা শুনে এসেছিলাম। আমি তো দু'দিক থেকেই যোগ্য। আমি সত্যগ্রহকে বিদায় জানিয়ে সকল আগ্রহকে হারিয়ে দিশেহারা হয়ে পড়েছি, আমার তো স্থান ছিল ওখানেই।

নিজেকে তিরস্কার করেছিলাম শুলতা। এ তুমি ভীকর মত করলে কি?

বাঁধন-কাটা জীবনের সঙ্গে স্নেহোকাটা ঘুড়ির কোন তফাৎ নেই। এখান থেকে একটা বাতাসের ভোড়ের মুখে গিয়েছিলাম বিলেতের আকাশে, আবার উল্টো বাতাসে ফিরে এলাম ভারতবর্ষে। 'এসে একটা হোটলে বসে ভাবতে লাগলাম বাকী জীবনটা কাটাও কি করে?

কাটা ঘুড়ির সঙ্গে যে স্নেহোকাটুকু থাকে তা মধ্যে মধ্যে গাছের ডালে, টোলগ্রাহের তারে আটকে ঘুড়টাকে বাতাসের ঝাপটা খেতে দেখেছি, তেমনি মনের অবস্থা।

চন্দ্রিকা মালহোত্রার বাবার কথা দিল্লী। উনি বলেছিলেন কোন একটা চাকরি বাকরি ছুটিয়ে তিনি নেবেন এবং তার উপর নির্ভর করে বাকী জীবন কাটিয়ে দেবেন। সেও যদি

ভাল না লাগে তবে খ্রিস্টানমিশনে মানুষের সেবার কাজ নিয়ে কাটিয়ে দেবেন। বসেচে নেমে আমার মনের অবস্থা দেখে উনি আমাকে ফেলে দিলী রওনা হতে পারলেন না। যে হোটেলে আমি ছিলাম সেই হোটেলে থেকে গেলেন। আমার মনের অবস্থা উনি অনুমান করেছিলেন, আমার মন খাওয়া দেবে।

বসেচে হোটেলে একটা দিন অত্যন্ত অস্থিরতার মধ্যে সম্ভবতঃ আক্রোশবশেই মদ বেনী পরিমাণে খাচ্ছিলাম। রায়বংশের যে জীবনধারা আমাকে কীর্তিহাট থেকে কলকাতা, কলকাতা থেকে ইংল্যান্ড, আবার ইংল্যান্ড থেকে বসেচে তাড়িয়ে নিয়ে এসেছে, যার ভয়ে আমি আতঙ্ক দেবি; মাতের মরা মুখ ভেসে ওঠে, সেই জীবনধারার জন্তেই যেন আমি পাগল হয়ে উঠছিলাম। আমি জমিদার, রায়বংশের শেষ জমিদার সন্তানের মতই জীবন-যাপন করব। কেন করব না? আমার অনেক সম্পদ জমে আছে। আমি প্রায় পঞ্চাশ হাজার টাকা খরচ করে এসেছি বিলেতে। দেশে বাকি এখনও লক্ষাধিক টাকা আমার মজুত আছে। আমার বিষয় আছে, কলকাতার বাড়ী আছে। যার মূল্য পাঁচ-ছয় লক্ষের উপর।

লক্ষই হোক আর বোটিট হোক, খরচ করে কেলতে কতকণ? তবে খরচ করতে হলে ওই জমিদার বা রাজার ছেলের মত বাচতে হবে। ওই বাচার মধ্যেই খরচের পথ আছে। এক কথার দান করে দেওয়া যায়, সেটা আরও সোজা, কিন্তু হিসেবে সোজা ত'লেও কাজে কঠিন। ঠিক করে ফেললাম ভারতবর্ষ ঘুরে বেড়াব, রায়বংশের ছেলের মতই ঘুরে বেড়াব। ভাড়া প্রাশাদ, পুরোনো কেল্লা, বিরাট মন্দির, মসজিদ, গুহাঃ অভ্যন্তর দেখে বেড়াব আর তার সঙ্গে নারী আর স্ত্রী। তারপর সব্বদার হয়ে নিজের পাড়িয়ে মরব; কেউ জানবে না পরিচয়; মুন্সেফরাংসে পায়ে দড়ি বেঁধে টেনে কেল দেবে। অথবা দেহটাকে চারটি করে ঘাব, গিখে রেখে ঘাব কোন মেডিকেল কলেজে দিয়ে দিবে। সেইটে হবে আমার লাষ্ট উইল। এর থেকে ভাল উইল আর পদিকতর নাটকীয় উইল আর কি হতে পারে একজন রায়বংশের সন্তানের পক্ষে বল?

সে-কাল হ'লে দেহটা নিয়ে যেতাম বিক্রমাদিত্যের মত কোন রাজকে। বলে যেতাম—মহারাজ এই দেহটা তুমি নিয়ে, চিত্রায় পু'ড়িয়ে না, জলে ডাসিয়ে দিও না, কবর দিও না, বুকে বসে তাত্ত্বিক উপস্থা করো, তোমার সামনে সম্রাট পরমাপ্রকৃতি আসবেন। তুমি তার কাছে চেয়ে নিয়ো তোমার ইচ্ছামত বর। কোন্ বর? অনন্তকাল পরমায়ু, অমরত্ব? না, তা নিয়ো না।

তবে কি নেবে? কোন্ বর নেবে?

আমাকান্ত শেষ পর্যন্ত মা বলে মুক্ত চেয়েছিল। হেরে গিয়েছিল। নিজের মৃত্যু নিয়ে বংশের মধ্যে নিজের কামনা রেখে গেছে। সেই কামনা পূর্ণ হবার বর—।

সঙ্গে সঙ্গে শিউরে উঠতাম। পারতাম না ওই বর চাইবার কথা উচ্চারণ করতে।

\*

\*

\*

এতটুকু বাড়িয়ে বলি নি স্থলতা।

সমস্ত কথা যথাযথ ভাবে সাজিয়ে পরের পর বলবার মত করে মনে দৌঁই। কারণ সে



সময় প্রায় একটা বছর আমি প্রায় দিনরাত্রি মদ খেয়েছি। ইচ্ছে করেই মদ খেয়েছি ভালের মত করে যারা মদ খেয়ে মরবে বলে স্বপ্ন করে মদ খায়।

বিষ খেয়ে মরার খেদ আছে, কষ্ট আছে, সব থেকে বেশী আছে মানিকর অপবাদ। কেউ বিষ খেতে মরলেই লোকে সন্দেহ করে, জল্পনা-কল্পনা করে যে নিশ্চয় লোকটা কারুর কাছে মর্মান্তিকভাবে আহত হয়েছে, অপমানিত হয়েছে; অথবা নিশ্চয় এমন কিছু করেছে, যার জন্য সারা সমাজ এবং গভর্নমেন্ট তার বিরোধী হয়ে তাকে সাজা দেবে। সেই সব মানি থেকে এড়াবার জন্য বিষ খেয়েছে।

তার থেকে মদ খেয়ে মরা ভাল। মদ খেয়ে কাণ্ডজান হারিয়ে এক ধরনের পাগল উদ্ভাস আছে, যা বিস্মিত করে দেয় সাধারণ মানুষের ঘৃণাকে, হতবাক করে দেয় কটু অপমানের বাণীকে।

মোট কথা কীর্তিহাটে গিয়ে রায়বংশের পূর্ণ পরিচয় শুনে এবং পরিচয় দেখে পরিচয় পাবার জন্য এদেশ থেকে পাণ্ডিচেরি ছিলাম ইংল্যান্ড। কিন্তু সেখানে গিয়েও পেলান না, রায়বংশের সম্পদাশ্রী হারা রে-কে কলকাতার বোকা সমেত ইংল্যান্ডে নিয়ে গিয়ে পৌঁছে দিয়েছে। হারা রে আজ একা নয়, ওই মেয়েটি তার কে তা জানিনে, তাকে নিয়ে নির্লজ্জ ভাবে বিচরণ করে বেড়াচ্ছে এবং ব্যাধির বীজ ছড়িয়ে দিয়েছে।

সেখান থেকে পাণ্ডিচেরি এসে এবার আমি শুই ধারাতেই বাঁচতে চাইছি। যে কটা দিন বাঁচব, সে কটা দিন শুই ট্রাডিশন রেখে বাঁচাই ভাল।

পুরাণে ইন্দ্রপতনের কথা আছে।

রায়বংশের ছেলে মাত্রেই ইন্দ্র। তারা পড়বে যদি ইন্দ্রপতনের মন্ত্রিত্ব হুঁকাকে চমকে না দেয় তো মরেও যে শাস্তি পাব না। এবং সে মুতুতে যে চরম লজ্জা।

ইন্দ্রেরা বিলাসের বাড়িচারের জন্য চিরকাল মুনিব্রহ্মের অভিশাপ মাথায় নিয়েছে।

বহু থেকে পনেরো দিন পর মন ঠিক করে যাত্রা শুরু করলান। কিন্তু মিস মালহোত্রা বাধা দিলেন। না, মাই সন, এ তুমি করো না।

বললাম—না, এ ছাড়া আমার আর পথ নেই।

—কিন্তু এ পথ তো তোমার নয়! হলে তুমি হারা রে'র ভরে পালিয়ে আসতে না। হারা রে বেরেদের কাছে ডেঞ্জারাস, হরতো যারা তাকে জানে না, চেনে না, তাদের কাছে ভরফর কিন্তু তোমার কি ভয় ছিল তার কাছে? কিছু না। ইংল্যান্ডে অনারাসে তাকে এ্যাডভেড করে আশন সুরে পথে চলতে পারতে। চল কিরে চল, আমি তোমাকে বাড়ী পৌঁছে দিয়ে যাব। আমার তোমাদের কীর্তিহাট দেখা হবে যাবে। তোমার বাবা আমার কাছে তোমাদের কীর্তিহাটের গল্প করতেন। কীর্তিহাট আমার কাছে ভীমল্যাও হয়ে আছে আজও পর্যন্ত। একটা মহলের কথা বলতেন 'বিবিমহল'। ওয়াগারফুল নাম। জার্ট লাইক দি মুৎস রডমহল। চল।

কিন্তু তা আমি শুনি নি। বলেছিলাম, আমাকে তুমি মাফ কর। আমি স্থির করে ফেলেছি। এবং 'আই ডিকার উইথ ইউ, এই-ই আমার পথ। একমাত্র পথ। জমিদারের

ছেলে আমি, আমাকে জমিদারের ছেলের মতই বাচতে হবে, বাদিন বাচব এবং মরতে হলেও জমিদারের ছেলের মত মরতে হবে এবং তাই মরব।

—কিন্তু গৌতম-বুদ্ধ কি রাজার ছেলে ছিলেন না? তিনি কি রাজ্য ছেড়ে, সুলতানী ত্যাগ করে ছেড়ে—

আমি কিন্তু হয়ে উঠে বলেছিলাম—না, শুই একটা-দুটো ইতিহাসের নাম আমার কাছে অগ্রহ করে করো না। বুদ্ধ গৌতম একটা, হরতো বা ইতিহাসে নাম শুনে নি এমন সন্ধ্যা হয়ে যাওয়া রাজা-জমিদারের ছেলে আরও একশো-দুশোও ছিল বা আছে। কিন্তু ওদের উটো মানুষের সংখ্যা কোটি দরুন। আড়াই হাজার বছরে অনেক কোটি। পিঙ্গ লিড মি। তুমি ভোমার পথে যাও। আমার পথ আমি বেছে নিজেছি।

পরের দিনই আমি মিস মালগোত্রাকে এড়াবার জন্য বেরিয়ে পড়লাম। অজ্ঞাত গুহা দেখব এবং সেখান থেকে হারদ্রাবাদ।

নিজামের হারদ্রাবাদ।

হারদ্রাবাদ নিজাম হারবেসে সুখিত পাবাণের সুলতানী জীবন্ত হয়ে ঘুরে বেড়ায়। হারদ্রাবাদের চৌক-বাজারে রূপের হাটের জৌলুবে প্রাণীপ মাংসনি জলে গঠে; সেখানকার গান-বাজনা-নাচের আসরে সেতারের তার আর্তনাদ করে চিঁড়ে যায় না, তবলায় বোলে তুল হয় না, গানের তাল কাটে না।

১২৪০ শাল সুলতা! আমার বঙ্গ কখন তিরিশ। বিশেষে এক বছর থেকে কিয়েছি। আমার নিজের রূপের জলু তখন কম ছিল না। বেষ্টে নতুন করে সব সংগ্রাম কিনে নিলাম। কল্পনা ছিল সারাজীবনের সরঞ্জাম যোগাড় করে নিচ্ছি।

রঙ, তুল, ইজেল কানভাস কিনলাম নতুন করে। শুনে ইরতো তোমার মনে হচ্ছে যে, অজ্ঞাত গুহা পৃথিবীবিখ্যাত ফ্র্যাঙ্কলোর নকল করব; কিন্তু না। ওসব তো অনেকে করেছেন। অং নকলাল বঙ্গ করেছেন, অসিত হাঙ্গার মশাই করেছেন, আরও অনেকে করেছেন। আমি ওর অন্ত এসব সংগ্রাম তি নি নি। ওসব আমি কিনেছিলাম, অপক্লপ রূপসী অবশ্যই দেখতে পাব, তাদের ছবি আঁকব বলে।

আর কিনেছিলাম একটা দামী বেহালা, আর বাঁশের বাঁশী। রাজাব। গান-বাজনার আসরে তেমন গান শুনে আমি বাজিয়ে সঙ্গত করব।

সুরেশ্বর বলে—সংসারে মানুষের জীবনে কাঁধকারগেট হোক বা ভবিষ্যতের বিধানই হোক, বা ঘটবার তার বিপরীত কিছু ঘটানো যায় না। সংকল্প করেও তা ঘটতে পারে না মানুষ। দু-এক ক্ষেত্রে অসাধারণ শক্তিশালী মানুষ সংকল্প করে ঘটনার প্রতিরোধ করে বাট কিন্তু শেষ পর্যন্ত তার দাম দাঁড়ায় বংশামাত্র।

আমি সংকল্প করেছিলাম—নিজেকে আমি ভাসিয়ে দেব বা রাঁধবাঁধের বড় বড় পুঙ্খ-গুলির জীবন যে খাতে প্রাণল ছোতে বেষ্টে গেছে সেই খাতে গেট ছোতে গ্যা ভাসিয়ে দেব; কোন খালেবিলে বা পক্ষপালের মধ্যে হারিয়ে যাব।

হারা হার এবং শম্পা রাঁধের বিবরণ আমাকে উদ্ভাষ করে তুলেছিল এবং মিথ্যে কথা বলব

না, জীবনে তিরিশ বছর বয়স পর্যন্ত মেয়েদের সঙ্গে মেলামেশা করেও যে ভীত কামনার উদ্ভাৱের মত রাবণ সীতাকে হরণ করেছে, শিব মোহিনীর পিছনে ত্রিভুবন ছুটেছে সে কামনা আমি অমুভব করি নি। ইংল্যাণ্ডে শম্পা রাগকে দেখে আমার জীবনকামনা ভীত হল— আমাকে বললে, “ভীত হও তুমি। নত হও তুমি।”

বহুতে এসে কয়েক দিন মদ খেলায়, আর রায়বংশের হিসেবনিকেশ করলাম। এবং নিজেকে খিকার দিয়ে বললাম, তুমিই বা এমন পঙ্গুর মত বা ওয়াশবন্টের আসামীর মত এমন ভাবে লুকিয়ে লুকিয়ে বেড়াচ্ছ কেন? দোহাই তোমার, চিঁচকে চোর তুমি তখনো না, দুর্ধ্ব গুপ্তা হও। পিতৃপুরুষের পথ চাড়া তোমার পথ নেই, আর সে পথে পারে হেঁটে কোন কিছুর আভাশ দিয়ে চলবার উপায় নেই, অপথে রাবণের পিঠে সপুত্রার করে ছুটতে হবে— অথবা রথে চড়ে ছুটতে হবে।—তাই ছোটো।

রঙ-তুলি বেহালা বাঁশী কিনে বসে থেকে এলাম হায়দ্রাবাদ। জীবনমুক করে হায়দ্রাবাদের বড় হোটেলেরে উঠলাম। হোটেলেরেই ভানুমন্ড সকল পথের পথিকদের পথ দেখাবার জন্তে পথের দিশারী আছে। তাদের বকশিশ দিলাম। সেলাম নিলাম। সব আয়োজনই করলাম কিন্তু ভেসে যেতে পারলাম না, রায়বংশের জীবনশ্রোত আমাকে ওই খাতে ভাসিয়ে নিয়ে গেল না—আরও একটা পাত বেয়ে গিয়েছিল, কীর্তিনাশ পঙ্গুর প্রবল শ্রোতকে পাশে রেখে ভাগীরথীর ধারার মত সেই খাতে আমাকে টেনে নিয়ে গেল।

ভাগীরথী আর কীর্তিনাশ নাম দুটো ব্যবহার করছি বলে ভেবে না নিজেকে ভাগীরথীর সঙ্গে তুলনা করছি, রায়বংশের মুক্তিদাতা উত্তমপুরুষ বানাজি নিজেকে। না, তা বানাজি না। ভাগীরথীর বদলে ‘হুগলী নদী’ বলব বা বলছি তাহলে।

আমি পারলাম না ভেসে যেতে; ওই উদ্দাম জীবনশ্রোত যেন ব্যাক করে চেউয়ের থাকার কীর্তিশ্রোতা পাশের ছোট শাখাটার মুখের দিকেই ঠেলে দিলে।

একটু থামলে সুরেশ্বর, তারপর বললে—তা ছাড়া স্থলতা, তুমি কলকাতা বিশ্ববিদ্যালয়ের অর্থনীতি এবং রাজনীতি বিজ্ঞানের অধ্যাপিকা, তুমি একথা নিশ্চয় মানো যে, মানুষের জীবনের গতি এবং তার পরিণতি শুধু তার ব্যক্তিগত এবং বংশগত ভাগ্যলিপি বা কর্মচক্রের চলে না; কালের একটা হাওয়া আছে মহিমা আছে। সেটা চিরকাল আছে। ভাগীরথী যেদিন এনে-ছিলেন এবং সমুদ্রে মিশেছিলেন, সেদিন শুধু অভিশপ্ত সঙ্গর-সন্তানেরাই উদ্ধার হয় নি—আরও বহু বহু হরতো কোটি কোটি পণ্ডিত আত্মা উদ্ধার পেয়ে গিয়েছিল পতিভোক্তারিনী গঙ্গার জলের মহিমায়। কালের মহিমা বা হাওয়াও সাহায্য করেছিল।

কালটা ১২৪০ সাল, মার্চ মাস। ইরোরোপে পোল্যান্ডের করিডোর নিয়ে শুরু যে যুদ্ধ তা ধীরে ধীরে ক’মাসে গোটা পোল্যান্ডের উপর ভারী বোমারের মত গড়িয়ে চলে এবার ক্ষতবেগে চলতে শুরু করেছে। সোভিয়েট রাশিয়া অধিক পোল্যান্ডের ভাগ নিয়ে ওদিকে কিনুলাও নিয়েছে। এদিকে জার্মানী নরওয়ে দখল করে ফ্রান্সে ঢুকে, ব্রিসকিং চালিয়ে করাসী এবং ইংরেজ বাহিনীকে ঠেলে নিয়ে চলেছে ইংলিশ চ্যানেলের দিকে। ব্রেনার গিরি-বর্তে হিটলার মুসোলিনীর সঙ্গে দেখা করেছেন।

সারা ভারতবর্ষ খমখম করছে। প্রতীক্ষা করছে গান্ধীজী এবং কংগ্রেস কোন্ নির্দেশ দেবেন মাহুশকে। অজ্ঞদিকে ভারতবর্ষ প্রতীক্ষা করছে সুভাষচন্দ্র কি বলবেন। কংগ্রেসের মধ্যে জয়প্রকাশ নারায়ণ, অশোক মেহতারা কি বলবেন। কি নির্দেশ আসবে। যে নির্দেশ যিনি দিন, সে নির্দেশ মারবার এবং মরবার জুকুমের চেয়ে কম হলে বুক ভরবে না কারুদ। সে সামান্য নিরক্ষর জনেরও না।

সুগতা, এমন সময় যখন আসে তখন এমন একটা হাওয়া বয়—যেটা বৈশাখী দুপুরের হাওয়ার মত আশুনকে বিগল করে জালিয়ে তোলে। সে সময়ে সর্বনাশের নেশা লাগে বটে কিন্তু সুরা আর নারী নিয়ে ব্যক্তিগত নেশা নয়। সে নেশাটুকি ভার টেঁটে নেশা।

হায়দ্রাবাদের একটা ঘটনা বলি। ঘটনাটা শিলানিপির মত অক্ষয় হয়ে আছে বৃকে। সুভাষচন্দ্র ১৯৪০ সালের ১৮ই মার্চ রামগড়ে আপোসরিবোধী সম্মেলনে যে বক্তৃতা দিয়েছেন, সেই বক্তৃতার কাগজ মদের ঘাস হাতে করে পাশে সরিয়ে দিয়েছি কিন্তু আশ্চর্য্য, নেশা জমে নি এবং কখন যে ঘাসটা নামিয়ে কাগজখানা টেনে নিয়েছি তা পেয়ালা করি নি।

ঘণ্টা দুইক বসেছিলাম এটভাবে।

কালটাই ছিল সুরা ও নারীর নেশা ছাড়বার ছুটবার কাল; নেশা করব বলে সংকল্প করলেও সে সংকল্প রাখতে পারি নি। তাছাড়া আরও এক ধরনের মানসিক বিলাস্তি ঘটত, সেটান আমার এই জীবনবন্দীর মধ্যে বলে যাট।

সেটা শুধু আমার জীবনের সত্যই নয়, গোটা রাষ্ট্র-বংশেরই জীবনসত্য সেটা। মদের নেশার ঘোর বাড়লেই চোখে কেমন দৃষ্টিবিহীন পটত।

সেদিন হায়দ্রাবাদের হোটেলে নিজেকে সব প্রস্তুত করে নিছি; প্রস্তুত অর্থে সুগতা মদের নেশাটুকি বেশ প্রসব করে তুলে মনে মনে ভাবছি রাষ্ট্রবংশের দুঃস্বপ্নের কথা; কুড়ারাম রায় ভট্টাচার্য্যের বৈষ্ণবের কথা, সোহেবের সেট মনোহারিনী ব্রাহ্মণ-স্বরীর কথা, জামাকান্তকে বর্ষা কঁাসাইয়ে কেলে দিয়ে যাকে তিনি নিজে গ্রহণ করেছিলেন, বিকৃতশক্তি কামার্তা মেয়েটা এসে তাঁকে জড়িয়ে ধরত। বিশদ বিবরণ থাক, সবই জান, মোট কথা রাষ্ট্রবংশের কঁচ ও রীতিগুণকে অংশ করে নিজেও এই ছাঁচে নিজেকে ফেলব বলে তৈরী হচ্ছি—এমন সময় হোটেলে দালাল এসে সেলাম জানিয়ে দাঁড়ান। বললাম—কি খবর?

সে ছুটি বাক্যকে নিয়ে এলোছে; অর্থাৎ দেখাতে এনেছে। এরাই নাকি হায়দ্রাবাদের রূপের হাটের সব থেকে মেরা রূপসী পঙ্গরিণী, এবং রূপের হাটে রূপ ছাড়া যে গুণের প্রয়োজন সেই গুণের অধিকারিনী—নাচা-গানায় অধিকারী; দালাল বললে—ই দোনোকো জুড়ী বাই তাঁমাম হায়দ্রাবাদমে নেহি মিলেগী। বললে—ওরা বাইরে বসে আছে, ডাকব ভিতরে?

কেমন সংকোচ বোধ করলাম। মোট কথা, ব্রজদার শেকালির পাড়ায় যে সংকোচ অনুভব করেছিলাম, সেই সংকোচ আড়ষ্ট করলে আমাকে। ব্রজদার শেকালির পাড়াতে ভবু ভো দয়া করুণা উদারতার বাঁকেট মাথায় করে দয়া চাই করুণা চাই হাঁক দিয়ে আড়ষ্টতা কাটিয়েছিলাম, ব্রাহ্মাভো ছিল, এখানে তার কিছুই পেলাম না এবং নার্তাঙ্ক হয়ে বললাম—

“না—ডাকতে হবে না”।

—তা হলে ?

—বারান্দার বসে আছে বলচ ?

—হী হুজুর, যেখানে লোকজন এসে বসে।

আমি বললাম, আমি বাইরে বারান্দার বেহিমে ওদের দেখে আসছি। বুঝেচ ?

সে বললে—আপনি কেন সরম করছেন হুজুর। এখানকার হালই এমনই। ওরা ডাকলে হোটেলের আসে। নাচা-গানা এখানে ভাল হয় না কিছু—।

সুখের স্বক হয়ে গেল। ‘একটা দীর্ঘনিশ্বাস ফেলে বললে, বাকীটা তুমি বুঝতে পারছ সে কি বলেছিল। বোধ করি হোটেল-জগৎটাতেই এ-রীতি—সেই স্বককার কাল থেকে একাল পর্যন্ত সমগোঁরবে এবং কালোপযোগী পরিবর্তনে পরিবর্তিত হয়ে খোলস বদলে বদলে সমান আঁকার চলে আসছে।

ট্রেড-জগৎ বড় বিচিত্র জগৎ; টেবের মধ্যে অনেকটি আছে এবং অনেকটিই হল সব থেকে বড় ক্যাপিটাল কিংগডমই এখানে অচল। শুচিবাই চলবে না। অনেকের জন্য হোটেলের মেয়েদের আনাগোনা করতে দিতে হয়। না দিলে উপায় নেই।

তত্ত্ব আলোচনা থাক। যা ঘটছিল বলি—আমি তাদের দেখে এলাম। বাইরে বারান্দার বেহিমে বেলিংয়ে ভর দিয়ে তাদের দিকে ফিরে তাকিয়ে দাঁড়িয়ে রইলাম। মেয়ে দুটি পরস্পরকে ঈশারা করে হাসাহাসি করতে লাগল। এবং হাসের সঙ্গে কিছুটা লাঙ্গ আপনি তাদের সারা অঙ্গ থেকে ব্যর্থ পড়ল। ভাল লাগল আমার।

মুগ্ধমানী বাইকী। একজন কিরোজা; সেই তরুণী এবং অল্পজনের নাম জুলিথা, সে পরিপূর্ণ যুবতী। রবীন্দ্রনাথের ‘লে লো সখি দে, পরাইয়ে গলে সাদের বকুল ফুলহার’ গানের গাহিকার মত যুবতী। তার মাথার মিহি শুভনাথানা সতাই বার বার মাথা থেকে ঝরে পড়ছিল। বার বার সে তুলে নিচ্ছিল লীলাঙ্কলে। ঠঠাও কোথার কোন ঘর থেকে কলিংবেল বেজে উঠে আমাদের চমকে দিলে; আমি আশ্চর্য হয়ে ঘরে গিয়ে এগাম; দালালটাও আমার পিছন পিছন এল এবং আমার সোফার পাশে দাঁড়িয়ে বললে—আব করমাইয়ে বাবুলাব। হুকুম তো হো যায় আশকা।

আমি মনের মাস যেটা কেনে গিচ্ছলাম সেটা তুলে নিয়ে চুম্ব দিয়ে বললাম—ঠিক স্বাক। সন্ধ্যার পর যাব, মুচকিল হবে।—

—বলুন কাকে চাই।

ভেবে ঠিক করতে পারি নি, রূপ চাই না যৌবন চাই, নাচ চাই না গান চাই—এর তো এক মুহুর্তে মীমাংসা হয় না। যারা মীমাংসা করে নিতে পারে, তারা রূপও চায় না যৌবনও চায় না, গানও চায় না, নাচও চায় না, চায় একটি নারীদেহ। তারাই সংসারে বেশী। সুলতা, আমি বোধ হয় তাই নই। রায়বংশে জন্মে যে কেমন করে এমন হয়েছি আমি একথা ভেবে পাইনে। কালের কথা বলেছি, বাবার জীবনের চরমতম ট্রাজেডির কথা জান, মায়ের চোখের জল যেখিঁ, খনেশ্বরকাকার দৈত্যের মত ছেলেটার পরিণাম—তাও আমার চোখের

সামনে ঘটল—হয়তো সেই ক্ষেত্রে এমন আমি। তার উপর আমি আর্টস্ট—তু ধু নেহ নিয়ে আমার মন ভরে না, আমি বোধ হয় রূপ যৌবন গুণ অর্থাৎ নাচগান বিচার করতে চাই। তাই বলেছিলাম—হুকুমই থাকবে মরফিলে। একজন গাইবে, একজন নাচবে।

লোকটা সাবাস সাবাস করে উঠেছিল এবং বড়রকম মঞ্চল মনে করে বার বার তসলীম জানিয়েছিল। ফলে রাজে ওদের আস্তানার যে মরফিলের আসর বসেছিল—তাতে জলুয়ের একটু বাড়াবাড়ি করেছিল। সেটা আমাকে কাঁদা করবার জল বা গাঁথবার জন্ত।

আমার খারাপ লাগে নি।

কীভাবে রাজাগিরি, বাদশাগিরি, নেতাগিরি বাই বক না কেন সবে বলতে গেলে ‘আবু-হোসেন’ ব্যাপার।

আবুহোসেন নিশ্চয় জান—আরব্য উপস্তানের গল্প, হাকিম অল রশিদের হুকুমে মসকর মেউলেগড়া উপার বণিকপুত্রকে রাজির মত বাদশা বানিয়ে দিয়েছিল। গিরিশবাবুর একখানা নাটক আছে এই উপাখ্যান নিয়ে। আবুহোসেন সেজেই বসেছিলাম খুশী সজে।

গ্রীষ্মকাল। আরব সাগর বা বঙ্গোপসাগরের জলো বাতাসের কলক তখনও নিত্যম রাজ্যে এসে পৌছয় নি; গরমের যেকাজ তখন চড়া কিন্তু মুসলমানী আমিররাণার ব্যবস্থার আরামের আরোজনের ঘাটতি ছিল না। সে তোমার গোলাপজলের বীকিরিওলা পিচকারি, গোলাপ-পাশ, বেশকুঁড়ির মালা, সুবাসিত পান, আতর, ঠাণ্ডাই শরবৎ নিয়ে জাকরীকাটা আলসে-ষেরা খোলা ছাদের উপর আসর বসেছিল একটি খণ্ড অগ্নিলোকের মত। তার সঙ্গে বিংশ শতাব্দীর বিজ্ঞানের দান ইলেকট্রিক লাইট ফ্যান।

যতক দিনে ঠাণ্ডা করা বীরার এবং দামী ভইকি। সারেসীদার তবলচীরা বসেছে গৌকে জা দিয়ে, গলার বেশকুঁড়ির মালা জুলিয়ে।

মেয়ে দুটি সেজেগুজে এবে বসল, সঙ্গে সঙ্গে দুটো বড় স্ট্যাণ্ডিং লাইটের স্রষ্টা অন করে দিলে। আমি অরাক নিশ্চয়ে তাদের দিকে তাকিয়ে রইলাম। এত রূপ! বা রূপেব এত ঐশ্বর্য! রূপকে এমন অপরূপ করা যায় যা পুরুষের মনকে মুহূর্তে লালসাব কামনার স্বান-কালপাত্র সব জুলিয়ে দিতে পারে!

সলীভের বস্ত্রের সুর বাধা হচ্ছিল। আমি তাকিয়েছিলাম এই কদের দিকে। ইংল্যাণ্ডে টিক এই ধরনের পরিবেশ হয় নি। এমন করে ওয়া সজ্জা করে অপরূপ হয়ে মন ভুলাতে পারে না। অবশ্য হোটোলে নাচ হয়, সেখানে মেয়েরা সেজে আসে। তার মধ্যে তুমুদেহের অনাবৃত বিজ্ঞাপন পুরুষকে চঞ্চল করে তোলে। বুকের মধ্যে রক্তধারা বাধভাঙা নদীস্রোতের মত ভাসিয়ে নিয়ে যায়। কিন্তু তার থেকেও ভারতীয় প্রথা যেন বেশী যোহুমরী।

যুবতী মেয়েটি একেবারে গৃহের গৃহীণীর মতই অভিনয়কারে তৎপর হয়ে উঠল। এগিয়ে এসে প্রথম পানের খিলি এগিয়ে দিলে, তারপর বোতল থেকে ঢেলে গ্রাস পূর্ণ করে সোজা মিশিয়ে একটি পরাতে করে আমার সামনে ধরে দিয়ে উজ্জ্বল বসলে—খেতে হুকুম হোক রাজাবাবু!

আমি গ্রাসটি নিয়ে বললাম—তোমার নাম জুলেখা!

—আমি হুজুরের বাদী :

—তোমরা খাবে না ?

—কুম্ব হলে খাব । কিন্তু হুজুরকে নাচা-গানার খুশী করতে হবে ।

গ্রাসে চুম্ব দিতে দিতে তাকে দেখছিলাম । গ্রাসটা শেষ করে নামিয়ে দিলাম—তখন গান হবে শুরু হয়েছে । চোখ বুজে শুনে লাগলাম । ভাল গায় মেয়েটি । সত্যিকারের ভাল গায় ।

এরই মধ্যে ঠুং করে শব্দ উঠল, সঙ্গে সঙ্গে মিষ্টি গলার ডাক শুনলাম—বাবুসাব !

চোখ মেলে দেখলাম, তরুণী মেয়েটি গ্রাস ভরে নিয়ে সামনে ধরেছে । আমি হেসে হাত বাড়িয়ে গ্রাসটি নিলাম । নেবার সঙ্গে সঙ্গে মনে পড়ল বীরেশ্বর ঝঞ্ঝের কথা । সোফিয়ারকে নিয়ে বীরেশ্বর রায় এমন ভাবেই জানবাজারের বাড়ীতে আগর পাঠতেন ।

মনের মধ্যে যেন একটা অমৌরির আয়েজ অনুভব করছিলাম । পকেটে হাত দিতে আমার টাকার থলিটা নাড়লাম—বকশিশ দেব । গ্রাসটা চুম্ব দিয়ে শেষ করে নামিয়ে দিয়ে বললাম—আবার টাণো !

মেয়েটি ঢালতে লাগল । আমি একটা সিগারেট ধরলাম । মেয়েটি গ্রাসটি আমার হাতে ধরিয়ে দিতেই আমি বললাম, এটা তুমি খাও ।

মেয়েটি কিক করে হাসলে ।

ভারপর গ্রাসটা হাতে নিয়ে ঠোটে ঠেকিয়ে নামিয়ে রেখে আমার সিগারেটের টিন থেকে সিগারেট বের করে ধরিয়ে ডান হাতখানা আমার সামনে পেতে বললে, টাকা দাও বাবুজী !

আমি একটু বিম্বিত হলম । চলে যেতে চায় নাকি ?

মেয়েটা বুঝতে পারলে আমার মনের প্রশ্ন । সে বললে—মুজরার—গানবাজানার-নাচনার আসরে দারু আমরা খাইনে বাবুসাহেব, দারু বাই মহকতির আসরে । আমার সঙ্গে মনোবতি করতে হলে সে অনেক টাকার কারবার বাবুজী । তবে বকশিশ করলে আমরা কিছু কিছু দারু বাই । প্রথমেই তো কিছু বকশিশ করো ।

আমি স্থিরদৃষ্টিতে তার মুখের দিকে তাকিয়ে রইলাম ।

হাতখানা পেতে মেয়েটা সিগারেটের খোঁজা উড়িয়ে বললে, আমার পাওনা বকশিশ দাও বাবুজী !

মদের নেশার মধ্যে আমি চমকে উঠলাম । আমার মনে পড়ে গেল, আর একজনের কথা, ঠিক এইভাবে সিগারেট টানতে টানতে, আমার সিগারেটের টিন থেকেই সেও সিগারেট নিয়েছিল, বলেছিল—give me my dues.

লরা নাইট ওরফে শম্পা রায় । যাকে দেখে মনে হয়েছিল যেন রাইবংশের মুখের গড়নের সঙ্গে ছাঁচের সঙ্গে একটা মিল আছে । সেও বলেছিল—give me my dues.

কিরোজা—কিরোজা মেয়েটার নাম, সে তখনও বলছিল—দাও বাবুজী, আমার পাওনা বকশিশ দাও !

পকেট থেকে একখানা দশ টাকার নোট বের করে তাকে দিয়ে নিজেই টেনে নিয়ে-

ছিলাম হুইন্সির বোঁতলটা এবং একটা নতুন গ্লাস।

পর পর বোধ হয় দু'তিন গ্লাস মদ খেয়েছিলাম। মনের মধ্যে কি যেন একটা আতঙ্কের মত পাক খাচ্ছিল—যেন কত উদ্বেগ বৃক্ষে জমা হয়ে মুহূর্তে মুহূর্তে ভারী হয়ে উঠছিল। মনে পড়ছিল রাইবংশের ইতিহাস। যে ইতিহাস আমি সেটেলমেণ্টের সময় গবেষকের মত পড়েছি-জেনেছি। কুডারাম ভট্টাচার্য থেকে যোগেশ্বর রায় আমার বাবা পর্যন্ত সকলকে মনে পড়েছে, মেজকাকু শিবেশ্বর রায় এবং তার ছেলে ব্রজেশ্বর আর সেই নৈতাটাকে মনে পড়েছে আর ভয় পেয়েছি। ক্রমাগত একটা প্রমত্ত উরাস নাচতে নাচতে দু'হাতে ডাক দিয়ে আমার দিকে এগিয়ে আসছিল আর তার পিছনে পিছনে আসছিল একটা ভরকর ছায়া—সে আসছিল দু'হাত বাড়িয়ে জড়িয়ে ধরতে।

এরই মধ্যে আমার মদের নেশার প্রভাবে আশ্রয় চোখে কি করে যে ওই তরুণী মেয়েটার চেহারা পান্টে গেল তা আমি জানি না। কিন্তু বিশ্বাস কর—গেল। একেবারে পান্টে গেল। কিরোজার পোশাক ছিল সেদিন চুড়িদার পায়জামার উপর পেশোয়ারী কাঁচুলি শুভনা, নাকে গয়না, কানে গয়না, কপালে টিকলির ধূসধুকি, কবচ-কালা তৈল-ময়ন চুলে জরি জড়ানো লম্বা বেণী; গলায় জড়োয়ার কজী। হাতে কঞ্চ চুড়। কিন্তু আমার মনে হল কিরোজা নয়, এ সেই শম্পা রয়, অবিকল শম্পা রয়—সে কোন মেয়েটারের গ্রীন রুম থেকে পাকা মেকআপ-ম্যানের হাতে হারদ্রাবাদের নাচেরাণী সেজে এনেছে।

বার বার মুখের দিকে তাকালাম। কিছুতেই কিরোজাকে আবিষ্কার করতে পারলাম না। তার এণ্ট্রু সন্ধান মিলে না। শম্পা রয়। অবিকল রাইবাড়ীর ছাঁচের মুগ!

বার বার অস্বীকার করলাম—না, নয় নয় নয়।

স্থিরদৃষ্টিতে মেয়েটার দিকে তাকিয়েই মনের ভ্রমের সঙ্গে যুক্ত করছিলাম—অস্বীকার করছিলাম, না—নয় নয় নয়

মেয়েটা তখন ওই যুগ্মী গাইয়ে মেয়ে জুলেখার সঙ্গে মুখ ক্রিরিয়ে কথা বলছিল।

আমি ডাকলাম—শোন!

সে মুখ ফেরালে—করমাইয়ে।

এবার মনে হল, না—শম্পা নয়—সে মেয়েটা মেমসাহেব। এ এ-দেশের মেয়ে, কিন্তু কিরোজা নয়। মুগে রাইবাড়ীর ছেলেমেয়ের মুগের ছাপ রয়েছে। অবিকল রয়েছে এণ্ট্রু জুল হয় নি আমার।

মনে হল—অনেকটা অর্চনার মত দেখতে।

হ্যাঁ, অর্চনার মত।

আমি চোখ বন্ধ করে অত্যন্ত বিরক্তির সঙ্গে বললাম—আঃ!

কিরোজা আমার গারে হাত দিয়ে বললে—বাবুজী!

আমি চমকে উঠে সাপ দেখে যেমন সরে যায় তেমনই করে সরে গেলাম। সকলে চমকে উঠল। গানের আসর ভেঙে গেল।

—কি হল—বাবুজী—বাবুজী!



—বুড় না। পানি। এক গিলাস পানি—

ঠাণ্ডা জল নিয়ে এগিয়ে এল জুলেখা যুবতী মেয়েটি। আশ্চর্য, জুলেখার মুখের চেহারাও যেন পাল্টে গেছে।

তার মুখেও দেখেছিলাম যেন রায়বাড়ীর কোন বধূর মুখ। ছবিতে দেখা মুখ।

আবার মনে হয়েছিল, না। রায়বাড়ীর কর্তাদের কোন অঙ্গুগৃহীতার মুখ। কপ করে ভেসে উঠেছিল মিস মালহোত্রার মুখ। না। পরমুহূর্তে মনে গিয়েছিল—না, তার মস্ত নয়। তবে কাকুর মস্ত বটে। তাকে হয়তো 'চিনি'নে। হয়তো সোফিয়া।

আমি আতঙ্কিতের মত উঠে দাঁড়িয়ে দালানটাকে বলেছিলাম—আমার শরীর খুব খারাপ মালুম হচ্ছে, ট্যান্সি ডাক। আমি হোটেলের কিরব। দুখানা একশো টাকার নোট দিয়ে বলেছিলাম—জলদি করো। জলদি।

জুলেখা এসে আমার হাত ধরে বলেছিল—বাবুজী, বাবুজী, বাবুজী!

আমি ভরে থরথর করে কঁপে উঠেছিলাম এবং বলেছিলাম—ছোড়ো দাঁও, আমাকে ছেকে দাঁও, ছোড়ো দো—মুখে ছোড়ো দো। মুখে ছোড়ো দো।

আমাকাদের আত্মবাদের প্রতিধ্বনি বোধ হয় আমার কপার মধ্যে ফুটে উঠেছিল স্মৃতি।

আমি সেই যে ভারতবাদের জুলেখা বাদ্যের বাড়ী থেকে পালিয়ে এলাম, তারপর আর জীবনে নারীর জীবন-যৌবন-নীড়ে অবগাহন করতে ছুটে যাই নি। একটা ভয়, ইয়া, একটা ভয় যেন আমার পা টেনে ধরত। কত সন্দরী মেয়ে—কেউ আমার রূপে, কেউ আমার শিল্পী-ব্যাতির আকর্ষণে, কেউ আমার অর্থের জন্তে আমাকে আকর্ষণ করেছে, আমিও আকর্ষণ অকৃত্রিম করেছি, কিন্তু তবু এগুতে পারি নি। কেনন যেন ভয় পেয়ে এক পা এগিয়ে দু পা শিঁচিয়ে এসেছি। মনে মনে এ নিয়ে অনেক ভেবেছি—কেন? এমন হয় কেন? নারীর জীবনশ্রোত যৌবনের রূপের খাতিে অনন্তকাল বইছে এবং পুরুষেরা দলে দলে ছুটে এসে সেই আদিকাল থেকে এই শ্রোতে কাঁপ দিয়ে ভেসে যাচ্ছে। দেখানো আমি তার তীরের ঘাটে এসে ভয় পেয়ে জলাতক রোগীর মত কঁপে যাচ্ছি কেন?

কত রকম মনে হয়েছে। মে-সব কথা থাক। এক-একবার ভেবেছি—কোন মনের ডাক্তারের কাছে যাই। কিন্তু যাই নি। কি হবে গিয়ে, তারা যা বলবে সে আমার অজানা ছিল না।

আমি তো বুঝতেই পারছি—এ আমার ভয়—মনের ভয়। আমার বাবার জীবন, মায়ের মুখ, মেজদাহ শিবেশ্বর রায়ের পরিণাম—তার দৈত্যের মত পৌত্রটার পরিণতি, চোখে দেখে এবং রায়বাড়ীর লপ্তর বেঁটে এ-বংশের নারীজীবন নিয়ে একটা অস্বাভাবিক আসক্তির ইতিহাস পড়ে আমার মনের অবস্থা এমন হয়েছে। ব্যাধি আমার গুটীটেই। রায়বংশের ইতিহাসকে আমাকে ভুলতে হবে। মনের ডাক্তার আমাকে এই কথাই বলবেন তা আমি জানতাম। বলবেন—ভুলে যান। ওসব ভুলে যান। পৃথিবীতে এইটেই চিরকালের নর-নারীর জীবনের ধারা। আপনাদের বংশের প্রতাপ ছিল, প্রতিপত্তি ছিল, অর্থ ছিল, সম্পত্তি ছিল, স্বাভাবিক ভাবে আপনাদের বংশের পূর্বপুরুষেরা weaker Sex-কে টাকা দিয়ে কিনেছেন, প্রতাপ-

প্রতিপত্তিতে কেড়ে এনেছেন—কেউবা হয়তো পুরানোকালের বিশ্বাসবশে ধর্মসাধনা করে Spiritual Power দিয়ে মেয়েদের আয়ত্ত করতে চেয়েছেন। অবশ্য এই পাওয়ার কি, তা তাঁরাই জানেন। যখন যেমন যুগ। করগেট অল দোজ থিংস। এ-কালে যেমন যুগ সেইভাবে কোন নারীকে জীবনে পাবার চেষ্টা করুন এবং বিশ্বাস করুন, আপনি শুধু আপনার নিজের ক্ষেত্রে রেসপন্সিবল, অন্য কারুর ক্ষেত্রে নয়; এমন কি কাল কি করেছেন, তার ক্ষেত্রে অহুশোচনা না করে বিগিন লাইফ উইথ এ ক্রীন স্ট্রেট ফ্রম টু ডে এবং তার যথোই দেববেন আপনি পাশীও নন পুণ্যাত্মাও নন, আপনি একজন শুভ সিটিজেন। সহজ নাহয়। এর সবই আমি মানি—এ আমারই কথা শুলতা, কিন্তু আশ্বর্ষের কথা এই স্মৃতি, তা আমি পারি নি। কিছুতেই পারি নি। এর ক্ষেত্রে যে আমাকে যা বলবে আমি প্রতিবাদ করব না, মেনে নেব।

মনে কেমন একটা সংকল্প জাগল, রায়বাড়ীর অন্য শাখার শ্রোত যতদিন চলে চলুক, যতদূর চলে চলুক, দেবেশ্বর রায়ের ছোট্টছেলে যোগেশ্বর রায়ের জীবন ধরে যে শ্রোত এখন সুরেশ্বর রায়ের মেহের খাতে বেয়ে চলেছে, তাকে আমি শেব করে দেব এবং রায়বাড়ীর সম্পত্তির শক্তিবলটাকেও নিঃশেষিত করে দেব। নানান রকম কল্পনা করতাম, কখনও কল্পনা করতাম গ্রামে গ্রামে কো-অপারেটিভ করে জমিদারীর মালিকানা তার হাতে দেব—কখনও ভাবতাম সরকারকেই ঈশ্বরী দিয়ে বাব। মোহনীগুরে গভর্নমেন্টের পাস জমিদারী অনেক আছে, সেইমত ব্যবস্থা হবে। কখনও ভাবতাম বিক্রী করে দিয়ে সেই টাকায় একটা বড় কিছু করে দিচ্ছে বাবে। যার থেকে রায়বংশের কোন শাখার কেউ যেন একটু পাত্থের না পায়।

ভেবেছিলাম কোন একটা আশ্রমে চলে যাব। ১৯৪০.৪১ সাল। কালের দিক থেকে একটু বিলম্বিত হলেও, কালটায় আশ্রমবাসী হওয়ার একটা সৌকর্য তখনও বিগত হয় নি। কিন্তু তাও পারি নি; কারণ ঈশ্বর ধর্ম-খান-দুগ এ আশ্রম পক্ষে বিধম বস্তু ছিল। কীর্তিহাটে ঠাকুরবাড়ীতে যেতাম চরণোদক যেতাম না, মাখার নিতাম, বালাভোগের প্রসাদ দু-চার দিন পরেছি, এ-সবই সত্যি, মিথি বল আমায় কিনে দিতাম—থেকেও মিষ্ট লাগত, প্রশংসাও করছি—তার মধ্যে ভক্তি কিছা সভ্যবোধ ছিল না শুলতা, যখনই ঠাকুরবাড়ী গেছি, যখনই ঠাকুরদের কথা ভেবেছি তখনই মনে হয়েছে, ওই কালীঠাকুরদেবটির এবং রাধামুন্দর-ঠাকুরটির আমি অন্নদাতা পিতা। ওরা একান্তভাবে আমার। তবে মূখে সেটা কোনদিন প্রকাশ করি নি। আমাদের দেশে তো ঠাকুরে ঠাকুরে লড়াই হয়, এবং সেন-লড়াই তাঁরা করেন ওই পাগল-পিতাদের হুকুমে। বিশজনের সময় কার প্রতিমা আগে যাবে এই নিয়ে বড় বড় খুন-জখম এবং অশ্রের মর্কদয়ার নজীর পাবে হাইকোর্টে। ছোটতরক বড়তরকের কালী-প্রতিমারা ছোটবাবু আর বড়বাবু হুকুমে নদীর দিকে ছুটেছে; এ ওই পথ আগলেছে, ও এর পথ আগলেছে। লড়াই করতে গিয়ে মাটিতে আছড়ে পড়ে চুরমার হয়েছে। মুসলমানদের তাজিরা নিয়েও এমন মামলা বছর বছর হয়। স্মরণ্য ধর্ম বা ধর্মের আখড়ার দিকে আমার আকর্ষণ কিছু ছিল না। ইদানীং অবশ্য অনেক ভোগী মডার্ন সম্রাসীদের আশ্রম হয়েছে, যেখানে তপস্বী থেকে ভোগ বড়, কিন্তু তাঁদের প্রতিষ্ঠা, আকর্ষণ ছিল না।

আমি চেয়েছিলাম জীবনে মুক্তি। সে-মুক্তি কেমন করে কোন পথ ধরে আসবে জানি না, তবে চেয়েছিলাম তাই।

বিস্ত্রয়ণ করে বলতে পার জমিদার বা ধনীপুত্রের আর এক ধরনের মনোবিলাস। আমি অস্বীকার করব না। অনেকটা তাই-ই বটে। দৈনিক ক্লাসে বার্থ রিজার্ভ করে দক্ষিণ থেকে শুরু করে উত্তরাবর্ত অভিমুখে মুক্তি খুঁজতে খুঁজতে ঘুরে বেড়াচ্ছিলাম। হঠাৎ তাতে ছেদ পড়ল। সময়টা কালীপুজোর পর সম্ভ্রাতঃ রাস-পূর্ণিমার আগের দিন—আমি ছিলাম তখন হরিদ্বারে। হরিদ্বার বড় ভাল লেগেছিল। ভাবছিলাম এই অঞ্চলেই শেষ জীবনটা কাটিয়ে দিলে কেমন হয়। হরিদ্বার থেকে হৃষিকেশ লছমনঝোলা পর্যন্ত অঞ্চলটির কোন একটি স্থানে একখানা ঘর বানিয়ে ছবি এঁকে জীবন কাটালে কেমন হয়? হঠাৎ অচেনার চিঠি এল। কলকাতা থেকে অর্চনা লিখেছে—

সুরোদা,

বৃন্দাবন থেকে খবর দিয়েছে বড়ঠাকুমা, লিখেছেন এয়ার আমি যাব। লিখেছেন তোমাকেই, লিখেছেন—ভাই, কীতিগুণের বড়ানু আমার স্বামীর মৃত্যুর পর আমি রাগদের সঙ্গে বন্ধন কেটে চলে এসে বৃন্দাবনে আমার ভিক্ষে-শাস্ত্রীর পাপের ক্ষরিত পিণ্ড গোবিন্দের নাম নিয়ে পেরে বেঁচে আছি। ছেলেরা খোঁজ করে নি। আমার বাপের লাখ টাকা ছিল, তা ছেলেরা ঘর ছেড়ে চলে এসেছে বলে নিজেরা নিয়েছে। তাতে ক্ষোভ ছিল না, খেদ ছিল না। তারা ভুলেছিল তাতেও মনে ভাঁটা পড়েছিল—হঠাৎ তুই বার-দুই এসে ঠাকুমা বলে ডেকে নতুন করে রায়বাড়ীর ছেঁড়া বাঁধনে গিঁট বেঁধে বেদনা জাগিয়ে দিয়ে গেলি। মনে পড়ল আমার সব ছিল—স্বামী-পুত্র, বিষয়-দৈবত্ব সব। কিন্তু ভগবান সব কেড়ে নিয়েছিলেন। দেখছি আমার বন্ধন কাটে না, কাটতে গেলে প্রহ্লাদের মত হরে গুঠে। তাই শেষ সময়ে তুই যদি একবার আসিস, তবে তোকে দেবতে দেখতে চোখ বুঁজি।

ঠাকুরমার নিজের হাতে লেখা চিঠিখানা আমি নিজের কাছে রেখে দিলাম; সঙ্গে কৃষ্ণভামিনী কুঞ্জের কর্মচারী যে-পত্র লিখেছেন, সেখানা তোমার কাছে পাঠালাম। পড়ে দেখো। এবং আনরা কালই রওনা হচ্ছি বৃন্দাবন। বন্দনার বরকে অথবা আমার ভাইকে সঙ্গে নিয়ে রওনা হব। ঠাকুরমাও যাচ্ছেন সে নিশ্চয় বুঝতে পারছ। ইতি—

অর্চনা।

\*

\*

\*

হরিদ্বার থেকে বৃন্দাবন খুব বেশী পথ নয়, সেই দিন রাতে রওনা হয়ে ভাণ্ডা দিল্লী—পরের দিন দুপুরবেলা পর্যন্ত পৌঁছে গেলাম। যাওয়ার পথে একটা তাড়া ছিল সুলতা। তাড়া শুই ঠাকুরমার চিঠির কথাগুলি। “হঠাৎ তুই বার-দুই এসে ঠাকুমা বলে ডেকে নতুন করে রায়বাড়ীর ছেঁড়া বাঁধনে গিঁট বেঁধে বেদনা জাগিয়ে দিয়ে গেলি।” ঠাঁর পৈতৃকধন ছিল—তার মূল্য লাখ টাকার বেশী; সে-ও জ্যোতিষশাস্ত্র এবং বাবা ঠাঁর হাত থেকে বের করে নিয়েছিলেন। এই সর্ববক্ষিতা মহিলাটির বুকভরা ভালবাসা সারাজীবনে মাল্লবকে দেওয়া হয় নি—দিয়েছেন পাথরের দেবতাকে; এবং নিত্যই দেখেছেন এবেলায় দেওয়া ঠাঁর সে

ভালবাসা পাথরের ঠাকুরের পায়ে দেওয়া ফুলের মত ও-বেলায় বাসী হয়ে শুকিয়ে গেছে এক তাকে ঘর থেকে বের করে বাইরে বিলিয়ে দিয়েছে কিছা কলে দিয়েছে। সারাটা পথ সেকালের সেই অভিজ্ঞদের সুপুঙ্খ বিদগ্ধ দেবের রায়কে মনে মনে শুধু তিরস্কারই করেছে।

মথুরার নামতেই একটি স্বাস্থ্যবান দীর্ঘাকৃতি জোয়ান ছেলে এগিয়ে এল—ছেলেটির রঙটা কালো, বেশ কালো নইলে হয়তো অনায়াসে মনে করতাম অর্চনার ভাই, হঠাৎ বড় হয়ে গেছে, চিনতে পারছি না। তার কারণ, ভদ্রলোকের দেহের গঠন যেমন শক্ত বলশালী, তেমনি লম্বা-চওড়া। আমাদের চিনতে তার খুব দেরি লাগে নি, আমার পরনে বাঙালী শোশাক ছিল, আমার ছবিও সে দেখেছে। এসে আমাদের প্রণাম করলে—বললে, আমার নাম ললিত আচার্য। একটু বিস্মিত হলাম। নামটা ঠিক স্মরণ করতে পারলাম না। বিলেতে যখন আমি মস্তশান করে ভেসে যেতে চাচ্ছি, তখনই অর্চনার চিঠিতে বন্দনার বিষয় খবর পেরেছিলাম। নামটা মনে রাখবার মত মানসিক স্মৃতি ছিল না, তবে পাড়টির অসাধারণ পরিচয় আমার মনে ছিল। ছেলেটির বাপ ইন্সপেক্টারী করত, ম্যাট্রিকুলেশন পাস, সামান্য আসিস্ট্যান্ট টিচার, ছেলেটি বি-এ পাস করেছে অনার্স নিয়ে এবং সরকারী চাকরি পেয়েছে; এখন সে মার্কেল অফিসার। কীর্তিহাটের জমিদার কল্যাণেশ্বর রায় খনের রায়ের বিকল্পে গোয়ালদেবের একটা দরখানোর তদন্তে এসেছিল। তারপর যাওয়া-আসা হজে পরিচয় ঘনিষ্ঠ হয়েছিল। রাহবাড়িতে তখনও পাঁচ-সাতটি মেয়ে, তার মধ্যে বিবাহযোগ্যর থেকেও বেশী অল্পবয়সী ছ-তিনটি। ছেলেটি অবিবাহিত। বন্দনাকে দেখে তার ভাল লেগেছিল। সে নিজেই লোক পাঠিয়ে সন্ধক করে বন্দনাকে বিবাহ করেছে। পণ নেয় নি, দৌতুক চায় নি। ঘটনা নিজেই কিছু যৌতুক আর সতনা দিয়েছে। অর্চনা লিখেছিল—সুরোদা, রায়বাড়ীর মেয়েদের সম্পর্কে একটা অপবাদ আছে যে রায়বাড়ীর মেয়ের কপালে কখনও সুখ হয় না। যে সংসারে যায়, সে সংসার ভেঙে যায়; না গেলে মেয়ের কপাল ভাঙে। একা নো আমার নয়। অল্পপূর্ণা-মাণ্ড স্বামী নিয়ে খব করতে পান নি। তারপর জ্যাঠামশায়ের মেয়েদের দশা তো জানি। ওর মনে হচ্ছে বন্দনার অদৃষ্ট ভাল হবে। বড়-লোকের ঘর নয়; দালানবাড়ী নেই; কোনখানে পাণ-তাপ মাটিতে পুঁতে পাথর চাপা দেওয়া নেই। ছেলেটির নাম ললিত, ললিতের যেমন স্বাস্থ্য তেমনি চরিত্র, তেমনি বিনয় আর লেখাপড়ার ভারী উজ্জল; সরকারী চাকরি পেয়েছে; বন্দনা সুখী হয়ে চাকরির জায়গায় জায়গায় ঘুরবে। তবে জ্যাঠামশায় খুঁড়খুঁত করছিলেন—ছোটঘর, ছোটঘর ঠিক হবে না, ঠিক হবে না বিয়ে দেওয়া, কিন্তু মা-জ্যাঠাইমা কেউ তাঁর কথা শুনলেন না। ছোটঘর কিসের? বিয়ে হয়ে গেল।

এ-বিবরণটুকু মনে ছিল। তার সঙ্গে আর মনে ছিল বরের উপার্ধি হল আচার্য। ভদ্রলোক পাদপুরণ করে দিলেন, বললেন—আমি বন্দনাকে বিয়ে করেছি।

মনে পড়ে গেল, অর্চনার চিঠি, সে লিখেছিল বন্দনার বর বা ছোটভাইকে সঙ্গে করে কালই রওনা হব আমরা। আমি তাকে আর একবার ভাল করে দেখে সত্যি-সত্যিই বেগী করে খুশী হয়ে বললাম—কাছেই যমুনার ওপারে বুনাবন, তোমাকে দেখে তো ভাই ইচ্ছে

করছে না, তোমাকে ললিত বলে ডাকতে। ইচ্ছে করছে তোমাকে—

ছেলেটি ঘেসে বলল—মেজদি আমাকে কেলেসোনা বলে নতুন নামকরণ করেছেন বৃন্দাবনে পা নিয়েই।

আমি বললাম—না, কেলেসোনা বলে তোমায় ডাকব না ভাই। ওটা মেজদি বলেছেন—মেজদিকে সাজে। আমি তোমাকে ক্রামসুন্দর বলে ডাকব। ললিতের চেয়ে খারাপ লাগবে না।

ললিত হেসে উঠে বললে—তাই ডাকবেন।

\* \* \* \*

বৃন্দাবনের গাড়ীতে উঠে ললিত বললে—আপনাকে দেখবার আমার আগ্রহ ছিল দাদা।

আমি চোখ বুজে সিগারেট টানতে টানতে ভাবছিলাম—একেই বলে ভাগ্য। আমি কত খুঁজে, কত অর্থব্যয় করে অর্চনাকে অরপূর্ণা-মায়ের নাতির ছেলে রথীনের মত ছেলের হাতে তুলে দিইছিলাম কিন্তু তাকে স্মৃতি করতে পারি নি। আর বন্দনার ভাগ্য দেখ, কোথা থেকে এমন একটি গুণবান, সবল স্বাস্থ্যবান, জীবনে সুপ্রতিষ্ঠিত ছেলে পায়ে হেঁটে রায়বাড়ীতে এসে বন্দনাকে নিজে উপহাচক হয়ে দিয়ে করে নিয়ে গেল।

ললিত সারাটা পথ মথুরা থেকে বৃন্দাবন আমার কি করে যত্ন করবে তা খুঁজে পাচ্ছিল না। আমি হেসে বলছিলাম—ভাই ললিত, তুমি এত ব্যস্ত হলে তো আমাকে ব্যস্ত-তস্ত এবং তার উপরে কিছু থাকলে তাই হতে হয়। তুমি আমার ভগ্নীপতি, আমি তোমার সম্পর্কে বড় হলেও শ্রীলক। যাকে দোদা বাংলায় বলে ভালবাস-য়ে আকার ল-য়ে আকার। এত ব্যস্ত হচ্ছে কেন তুমি?

ললিতের মধ্যে একটা সত্যকারের বিনয় ছিল। সে বললে—দেখুন দাদা, রাহবংশে বিয়ে করে আমি খুবী হয়েছি নিশ্চয় কিন্তু কল্যাণবাবু-টাবুকে আমার ভাল লাগে না; ওরা আমার এমন ভোষামোদ করেন সার্কল-অফিসার বলে যে, লজ্জায় আমার মাথা হেঁট হয়। এক অভুল-কাঁকা আছেন ঘাঁকে শ্রদ্ধা-ভক্তি হয়। আমি সরকারী কর্মচারী, তিনি জেলখাটা স্বদেশী-করা মানুষ, তবু শ্রদ্ধা করি। গোপনে করি। প্রকাশে শ্রদ্ধা-বাতির করবার তো উপায় নেই। তার উপর মেদিনীপুর। আর শ্রদ্ধা করি আপনাকে। আগে শুনে শ্রদ্ধা করতাম। আজ দেখে শ্রদ্ধা হচ্ছে।

কি উত্তর দেব? উত্তর কিছু দিলাম না, চুপ করে চোখ বুজে সিগারেট টানছিলাম।

ললিত একটু চুপ করে থেকে বললে—জানেন, কীতিহাটের রাহবংশের এত গল্প আমি ছেলেবেলা থেকে শুনেছি। সে একটা ড্রিমল্যান্ড বা ফেরারী কিংডোমের ব্যাপারের মত। আমার ঠাকুমা বলতেন। তিনি গল্পগুলো শুনেছিলেন তাঁর শাশুড়ীর কাছে। স্বত্ত্বের কাছে। আমাদের তখন বাড়ী ছিল আপনাদেরই জমিদারীর মধ্যে। তখন আপনাদের বংশের মালিক ছিলেন রায়বাহাদুর রজেন্দ্র রায় সিংহেট। আমার ঠাকুমা বলতেন—তাঁর ভয়ে বাঘ-বলদে এক ঘাটে জল খেতো। বলতেন, আমার স্বত্ত্ব কি একটা অপরাধ করে ফেলেছিলেন; হারপার এমন ভয় হল যে, আর রায়বাহাদুরের এলাকায় থাকতে সাহস হল

না। তখন আমার ঠাকুরদা তিন মাসের কচি ছেলে। ঠাকুরদার বাবা রায়বাহাদুরের ভয়ে বা জমিজমা ছিল, সব বেচেখুঁচে স্বীকে নিয়ে পালিয়ে এসেছিলেন গ্রাম থেকে। ঠাকুরদার মা ঠাকুরদাকে বুকে চেপে ধরে কান্ডতে কান্ডতে এসেছিলেন সারা রাস্তাটা। মেদিনীপুর থেকে পালিয়ে এসেছিলেন হাওড়াতে। সালকের দিকে গঙ্গার ধারে ছোট ছিটেবেড়ার ঘর বেঁধে বাস শুরু করেছিলেন।

আমার চোখ দুটো আপনি খুলে গিয়েছিল।

আমি নিম্পলক দৃষ্টিতে তার মুখের দিকে তাকিয়েছিলাম। আচার্য? কোন্ আচার্য? রায়বাহাদুর রঞ্জনবরের আমলে তাঁর শাননের ভয়ে কোন্ আচার্য তাঁর স্বীর হাত ধরে গ্রাম পরিত্যাগ করে পালিয়ে এসেছিল?

ললিত বলল—আপনাদের বংশের রূপের খ্যাতি শুনেছিলাম। সুনাম আর সাধ হত আপনাদের দেখতে। আমার ঠাকুরদার বাবাকে রায়বাড়ীর কাচারীতে ডাকা হয়েছিল। ভয়ে তাকে একলা যেতে দেন নি আমার ঠাকুরদা-মা। কচি ছেলে কোলে করে তিনি স্বামীর সঙ্গে গিয়েছিলেন। কীর্তিহাটের কালীমন্দিরের সামনে নাটমন্দিরে দাঁড়িয়ে তিনি স্বামীকে আগলে ছিলেন। আমার ঠাকুরদা খুব কালো ছিগেন, একেবারে নিকষ কালো। ঠাকুরদা বলতেন—বারবার গিগ্য করে ছেলে আমার খুব বড়লোক হবে, তখন রায়বাড়ীতে থিয়েটারে শ্রম্মর বউ আসবে। কালো বউর দুখ খুঁবে।

সে বকেই যাচ্ছিল, বকেই যাচ্ছিল। লেখাপড়া-জানা ভাল ছেলে, বুজিমান ছেলে, সরকারী চাকরি করে; তবু আনন্দ-বহুল ছোটছেলের মত বকেই চলেছে, বকেই চলেছে। সে আনন্দে তার কোন কলুষ ছিল না, কুটিলতা ছিল না। না—একবিন্দু এতটুকু কিছু ছিল না।

আমার মনে পড়ছিল, অল্পপূর্ণ-মায়ের কাছে পাওয়া দেবেশ্বর রায়ের লেখা একখানা চিঠির কথা। যে-চিঠিতে তিনি রায়বাহাদুর রঞ্জনবর রায়ের নিধুর চরিত্রের কথা লিপিতে গিয়ে দুটি ঘটনার কথা লিখেছিলেন। একটি ঘটনা, কীর্তিহাটের নিকটবর্তী গ্রামের এক পল্লু আচার্য ত্রাষণ এবং তাঁর যুবতী স্বী শিশুপুত্রকে কোলে নিয়ে হাউ-হাউ করে কঁদেছিল। স্বামীর অযোগ্য সামাজিক অপরাধের জন্ত রায়বাহাদুর জ্বলম্বল করেছিলেন, গ্রাম ছেড়ে চলে যেতে হবে। ওই মেয়েটির কোলের ছেলেটি কষ্টিপাথরের মত কালো ছিল এবং সবল-মুহ ছিল তার স্বাস্থ্য।

এই ললিত আচার্য—আজ রায় রঞ্জনবর রায়বাহাদুরের প্রপৌত্রী বন্দনাকে বিবাহ করলে, সে কে?

আর একটি ঘটনার কথা লিখেছিলেন। সেটি দেবেশ্বর রায়ের তিনে-মা, স্মৃতিতে কাশর, বিধবা কৃষ্ণভামিনী দাসীর কথা।

তাঁর অপরাধের জন্ত রায়বাহাদুর তাঁকে দেশ থেকে নির্বাসিতা করেছিলেন। আজ বন্দাবনে কৃষ্ণভামিনীর সেবাকুঞ্জে আশ্রয় নিয়ে শেষ শয্যা পেতেছেন রায়বাহাদুরের পরমাদেশের জ্যেষ্ঠ পুত্রবধূ, দেবেশ্বর রায়ের পত্নী আমার ঠাকুরদা।

ভাবছিলাম, রায়বাড়ীটা কি আজ এই মুহূর্তে ভূমিকম্প হয়ে চুরমার হয়ে মাটির উপর

একটা ইট চুন-সুরকী-ভাড়া কাঠকাঠরার ধ্বংসরূপে পরিণত হয়ে গেল ?

সেদিন মনে-মনে কামনা করেছিলাম—এই মুহূর্তে একটা ভূমিকম্প হোক এবং সেই ভূমিকম্পে কীডিহাটের রায়বাড়ী ভেঙে চৌচির হয়ে আছড়ে পড়ে চূরমার হয়ে যাক। তার মধ্যে রায়বংশধরেরা চাপা পড়ে শেষ হয়ে যাক। শুদের কাজ শেষ হয়েছে। কৃষ্ণভামিনীর দেহ এবং নাচগান বিক্রী করা অর্থে গড়া কৃষ্ণভামিনী সেবাকুঞ্জে দেবেশ্বর রায়ের স্ত্রী শেষশয্যা পেতেছে; এবং যে ত্রাতাজনসংসর্গজাত সন্তানের জননী এবং পুরুষহীন জনককে নির্বাসিত করেছিলেন রত্নেশ্বর রায় তারই পৌত্রের সঙ্গে রত্নেশ্বর রায়ের প্রপৌত্রীর বিবাহ হয়, সম্প্রদানের সময় এই লালিতের পা ধরে অর্চনা করে বলা হল, হে বিশিষ্ট বর, তোমাকে কস্তাদান করছি, তুমি গ্রহণ কর। ব্যাস, আর বাকী কি রইল। সব শেষ হয়ে গেল—এবার ছেদ পড়ে যাক। এবং বেশ একটা টেম্পার মাথার পড়ুক, ভূমিকম্প হোক—। কিন্তু তা হল না। কারণ ইচ্ছে করলেই কিছু হয় না। তবে দাকাটা লেগেছিল। প্রথমটা যথেষ্ট লেগেছিল। সামলাতে বেগ পেয়েছিলাম।

অর্চনা বার বার জিজ্ঞাসা করেছিল—কি হয়েছে স্ত্রীমোদা? শরীর খুব খারাপ? চিঠি-পত্রের বা লেখ তাকে যেন কেমন কেমন, এককাল পর এলে কিন্তু—। কথা সে খুঁজে পেলে না, একটুক্ষণ চুপ করে থেকে বললে—তুমি যেন কেমন হয়ে গেছ।

কথাটার জবাব দিতে পারি নি, হাসি দিয়ে অপ্রিয় প্রসঙ্গ চাপা বা ঢাকা দেওয়া যায়, মাহুবে দিয়েও থাকে, সেদিন আমি তা দিতে পারি নি। সত্য কথাটা বদবার মতও বৃকে জোর ছিল না, স্ত্রীমোদা চুপ করেই ছিলাম। অর্চনা তখনও জানত না আচার্যের পূর্বপুরুষদের সঙ্গে পিতামহের বাপের সঙ্গে রায়বংশধর রত্নেশ্বর রায়ের আসল সংঘর্ষের কথা।

বলতে বলতে থামল সুরেশ্বর। তখন দিনের আলো বেশ ফুটে উঠেছে, দিনের আলো কেন রোদ্দুরও ফুটেছে। নিচে শ্রী মুল ধরে ঘানবাহন লোকজন চলাচলের বিচিত্র মেলানো-মেলানো সাভা উঠেছে; ট্যাক্সির হর্ন, প্রাইভেটের ইলেকট্রিক হর্ন; শ্রী মুল স্ট্রীট অঞ্চল ফিটনের আড়ং—ফিটনের ঘণ্টার শব্দ, মধো মাঝে গুরু মোষের গাভী, রিক্সার ঘণ্টা, ঠেলার হুঁশিয়ারি মাহুবে মাহুবে সংঘর্ষের কলহের হাঁক একসঙ্গে মিশে চলমানতার জড় থেকে জরতর হয়ে উঠেছে। সুরেশ্বর থামল। বাইরের জানালার দিকে তাকিয়ে দেখে নিয়ে বললে—সামলাতে প্রায় একটা বেলা লেগেছিল। ঠাকুরমার শেষ প্রাশ্চিত্ত দেখে এবং শুনে মনের কোড়টা গেল।

তুমি হয়তো জানো—জানো বলেই ধরে নিচ্ছি, জানো না বলে তোমাকে খাটো করব কেন? আমাদের দেশ হিন্দুসমাজে নানান সংস্কারের মধ্যে মৃত্যুর পূর্বে প্রাশ্চিত্তের একটা বিধি আছে। মাহুয দীর্ঘস্থায়ী রোগে ভুগছে, মরণ হচ্ছে না, এমন অবস্থার মাহুয প্রাশ্চিত্ত করে, নারায়ণকে ঘটে হোক শিলারূপে হোক সাহনে রেখে জীবনের পাপ স্মরণ করে বলে—“কমরা ক্রিয়তে পাণং”—যে পাণই করে থাকি সে গুরুই হোক আর লঘুই হোক সে সবই তুমি মার্জনা কর। খ্রিস্টানদের কনফেশনের সঙ্গে এর একটা মিল আছে।

ঠাকুরা—দেবেশ্বর রায়ের স্ত্রী বড় দুর্বল হয়ে পড়েছিলেন—অসুখ দেখানোর মত কিছু ছিল

না, ক্রমশ ক্রমশ মৃত্যুর দিকে চলছিলেন কিন্তু গতিটা নেহাতই পিঁপড়ের গতির মত। তাই তিনি এই প্রায়শ্চিত্ত করলেন সেদিন।

আয়োজন হয়েই ছিল কিন্তু সকাল থেকে ঘুমিয়ে পড়েছিলেন বলে অহুষ্ঠান হয় নি; তাঁর চেতনা হলে সেই অহুষ্ঠান আরম্ভ হল। পুরোহিত এসেছিল কিন্তু কিরে গিয়েছিল ঠাকুমাকে ঘুমন্ত দেখে। এবং ঠিক হয়েছিল যদি এরই মধ্যে ‘কোমা’ এসে যায় তবে মেজঠাকুমা বঁ হাতে বড় ঠাকুমাকে ধরে তাঁর হয়ে মস্ত পড়বেন, ভোজ্য দান ইত্যাদি যা উৎসর্গ করবার তা তা উৎসর্গ করবেন।

আমি বসে ভাবছিলাম বন্দাবনে এই কৃষ্ণভামিনীর কুঞ্জে বসে মজাপান আমি করতে পারি কিনা? করলে বাধা কে দেবে? যিনি দিতে পারেন বা পারতেন আমার ঠাকুমা তাঁর একরকম জ্ঞান নেই। হতচেতনের মত ঘুমুচ্ছেন। কিন্তু আমি যেন অসিকার মানে রাইট খুঁজে পাচ্ছিলাম না।

এসে ডাকলে অচনা। এসে সুরোদা, ঠাকুমার চেতন হয়েছে, একটু যেন স্তব্ধ হচ্ছে, বলছেন—প্রায়শ্চিত্ত এখনি করব। পুরোহিত চলে গেছে, মুঞ্চিল হয়েছিল কিন্তু বন্দনার বর ললিত বললে—আমি করিয়ে দিচ্ছি দিদি। আমি এককালে বাবার কাছে এসব কাজ শিখে ছিলাম। বাবা ইস্কুলে পণ্ডিত করতেন আর পুরুষের কাজ শিখতেন। আমার স্যটকেসে বইও আছে।

গেলাম। মন্ডর মধ্যে যে একটা অস্বস্তি একটা বেদনা গুরুত্বপূর্ণ থাকছিল এই মুহূর্তে সেটা চরমে উঠল। অথচ আমি আধাইয়ের জ্যোৎস্নার রাতের ছেলে, নিজে একসময় বাবা মাকে এবং আনাকে যে ছুঁতে দিয়েছিলেন তাঁর জন্ত পৈতৃক পর কিছু গৌড়া ব্রাহ্মণ হতে চেষ্টা করেছিলাম—কিন্তু তা বাধতে পারি নি, কিছু দিন যেতে না যেতেই একেবারে আন্টামিডান হয়ে উঠেছিলাম। জাতিধর্ম ঈশ্বর পরলোক সব লোককে অধিগ্রহণ করে বিলুপ্ত করে দিয়েছি, মানি না। দেবতা দেবলোক যেটুকু মানি সে মানি দেবোত্তর সম্পত্তির জন্ত এবং এখনও এদেশে ব্রাহ্মধর্মের রক্তের একটা আঁরি টাক্রেসি আছে তার জন্ত, নিজে ইংরেজের দেশে গিয়েছিলাম ইংরেজলন্ডন দেহসম্মেলনের ডুবে মরতে। কিন্তু মরতে পারি নি। শম্পা রায় নামবারিণী এরার দেহসম্মেলনে তাকিয়ে ভর পেয়েছিলাম—মনে হয়েছিল ভরকর অপমৃত্যু উঁকি মারছে।

নরকের ভয় নয়, নরক একালে কেউ গ’লে না, আমিও মানি না, তবুওটাকে বড় ভালগার অশ্লীল মনে হয়েছিল তাই পালিয়ে এসেছিলাম। ইউরোপে যুদ্ধ লেগেছে, নাহলে হয়তো ফ্রান্স বা ইটালীতে যেতাম মরণ-সবোবরের সন্ধানে। শেষ পালিয়ে এলাম। সে কি এই দেখতে এলাম?

দেবের রাতের অবলোণত গৃহিণী মরছেন কৃষ্ণভামিনীর সেবা-কুঞ্জে আর তাঁর মৃত্যুকালে প্রায়শ্চিত্ত করাচ্ছে ললিত আচার্যি। ললিত আচার্যি। অল্পপূর্ণাপিসীকে লেখা দেবের রাতের চিঠিখানা আমার মনে পড়ছে।

নিরুত্তি বা ভগবানের বিচার এ আমি মানি না। এ তা নয় তাকে জানি। এমনটা



নেহাতই ঘটনাটুক। এর পিছনে কোন জিকালের বিধাতার প্র্যানিং নেই। তবে একটা জিনিস আছে সেটা হ'ল এই নিজে না থামলে কেউ রুখতে পারে না। এবং সংগারে পাগকে পিছনে ফেলে এগিয়ে এগেই তুমি মুক্ত।

অর্চনা বুঝতে পারছিল একটা খোঁচায় আমি অস্বস্তি ভোগ করছি; সেটা কি তা ঠিক ধরতে পারে নি। সে বলেছিল—তোমার কি হয়েছে আমাকে বলবে না?

বললাম—বলব পরে। এখন না। চল এখন। বলে পা বাড়লাম। এসে দাঁড়লাম প্রায়শ্চিত্তের আয়গায়। কি বলব তোমাকে সুলতা, এসে দাঁড়িয়ে একবার তাকিয়ে দেখে মনটা যেন জুড়িয়ে গেল। সত্যি-সত্যিই সে যেন একটি মূর্ত্তিযজ্ঞের আসর পাতা করেছে।

ঠাকুমাকে গরদের কাপড় পরিয়েছে—তিনি বসেছেন মেজদিদির উপর দেহের ভার রেখে; ঠাকুমা মাহুঘটি বরাবরই ছোটখাটো, বয়স হবে আরও ছোট হবে গেছেন; আর আমার মেজদিদি মাথায় বেশ লম্বা এবং বক্সা নারী, তাঁর দেহখানির বাধুনি বেশ শক্ত, তিনি তাঁকে পিঠের দিকে জড়িয়ে ধরে বসেছেন।

সামনে আসনের উপর বসেছে জামাই ললিত আচার্য। ধবধবে কাচা কাঁচি ধুতি পরনে, গায়ে শিঙের চাদর, গাট-শ্যাম গায়ের রঙ, তার উপর সাবানে পরিষ্কার করে কাচা খরখরে মোটা পৈতে, চোখে চশমা—ছ'ফিট লম্বা সবল স্বাস্থ্যবান যুবা, শোভা সেরুলগু, বসে নিগুণ পুরোহিতের মত সামনে রাখা ভোজ্য এবং দানগুলির পাজ পরের পর সাজিয়ে রাখছে। এবং ঠিক সেই মুহূর্ত্তেই ভরাট গলার সে মস্ত উচ্চারণ করাতে শুরু করলে বলুন—কোশাতে—হ্যাঁ।

তখন রাববাড়ীর বড়বউ কোশাতে হারতকী ধরে হাতের উপর হাত রেখেছেন। ঠাকুমাকে দেখলাম কপালে গঙ্গামূর্ত্তিকার তিলক এঁকেছেন—একদৃষ্টে তাকিয়ে আছেন সামনের দিকে।

বলুন—ওঁ বিষ্ণু ওঁ বিষ্ণু ওঁ বিষ্ণু! ওঁ তদবিষ্ণু! পরমংপদং সদা পশ্যন্তি সুরমঃ দিব্যচক্রাততঃ—ওঁ বিষ্ণু ওঁ বিষ্ণু ওঁ বিষ্ণু।

গম গম করে উঠল স্থানটি, যেন অহুষ্ঠানটি সজীব প্রাণময় হয়ে উঠল; আশ্চর্য একটা সজীব যেন সৃষ্টি করলে ললিত তার ভরাট কর্তব্যের মহিমায় আর তার জিহবার অতি পরিশুদ্ধ সংস্কৃত শব্দের উচ্চারণে।

আমি আঙ্গণ মনে করতে পারছি, চোখের উপর স্পষ্ট ভাসছে সমস্ত; কিছুক্ষণের মধ্যেই আমি অহুষ্ঠানটির প্রভাবে অভিভূত হয়ে গেলাম। পরলোক, স্বর্গ নরক বাদ দাও, আমার মন যেন পবিত্র হয়ে গেল, একটি উদ্ভাসীনতা চিত্তকে স্পর্শ করলে, আমার মনের সব উত্তাপ সব কোভ যেন জুড়িয়ে জ্বল হয়ে গেল।

সেদিন রবীন্দ্রনাথের কবিতার লাইন—“অব্রাহ্মণ নহ তুমি ভাত, তুমি বিজ্ঞাতম তুমি সত্যকুলজাত” অংশটুকুও মনে পড়ে নি, শুধু মনে মনে যেনে নিরেছিলাম এ অব্রাহ্মণ হলে ব্রাহ্মণ আর দেশে সমাজে নেই। মূর্ত্তি যদি এই অহুষ্ঠানে মেলে তবে এই ছেলেটির চেয়ে শুদ্ধ এবং সিন্ধু পুরোহিত আর দেশে নেই।

ঠিক এই সময়ে আর একটা ঘটনা ঘটেছিল সুলতা। ঠাকুমা মস্ত পড়তে পড়তে তাঁর দৃষ্টি কিরিয়ে আমাকে দেখে হঠাৎ স্তব্ধ হয়ে গেলেন। চোখের দৃষ্টি বিস্ময়বিস্ফারিত হয়ে গেল,

কপালের কুকনয়েরবার মনের অহুচ্চারিত প্রশ্ন কুটে উঠল শিলালিপির মত ; তারপর কাপতে শুরু করলেন ।

ললিত তখন ব'লে যাচ্ছিল—ও অশ্রু মার্গশীর্ষ মাসি শুক্রে পক্ষে—জয়োদম্মাং তিথৌ শাণ্ডিল্য গোত্র—

ললিত একটি একটি ক'রে সংস্কৃত শব্দগুলি উচ্চারণ করছিল, ঠাকুমা একটি একটি ক'রে উচ্চারণ ক'রে যাচ্ছিলেন, হঠাৎ জয়োদম্মাং তিথৌ বলার পর তিনি চোখ তুলে তাকিয়ে শুরু হয়ে গেলেন । চোখ যেন বিস্ময়বিস্ফারিত, পুরু চশমার ওপাশে চোখ দুটিকে খুব বড় এবং খুব বেশী বিস্ফারিত মনে হচ্ছিল, দৃষ্টিহীন মুখ ঝানকটা হা হয়ে গেছে । তিনি একটু একটু কাঁপছেন । মনে হচ্ছে একটা কিছু হয়েছে । সে একটা কিছুর অর্থ, ওই স্থানকালপাত্র বিচার করলে চরম সূক্তের মুখোমুখি পাড়ালাম বুঝি বলে আশঙ্কা হয় । সবাই আমরা সেই আশঙ্কাই করেছিলাম । কি হল ?

ললিত একটু ঝুঁকে বললে—বলুন—তিথৌ—

অর্চনা সামনে হেঁট হয়ে ডাকলে—ঠাকুমা ! ঠাকুমা !

পিছন থেকে মেজদিদি বললেন—কর্তাদিদি । দিদি—পারে একটু নাড়া দিলেন ।—দিদি ।

হঠাৎ যেন সচেতন হলেন ঠাকুমা, তাঁর বাঁ হাতখানা ছাড়িয়ে নিয়ে বললেন—ছাড়, ছাড় । আঃ ঘোঁমটা দিতে দে । দেখছিস না বড়বাবু দাড়িয়ে । ছাড় ।

বড়বাবু মানে দেবেশ্বর রাই । আমরা চমকে উঠেছিলাম । কোথায় কি দেখছেন—কাকে দেখছেন ?

মেজদিদি তাঁর কানের কাছে মুখ এনে বললেন—না—না—উনি বড়বাবু নন । সুরেশ্বর, ও সুরেশ্বর—নাতি আপনার নাতি । বড়দি—

আমার মনে পড়ে গেল আমি দেখতে আঁমার পিতামহ দেবেশ্বর রাইয়ের মত । আমি নিজে এগিরে গিরে তাঁর কাছে এসে ডাকলাম—ঠাকুমা, আমি সুরেশ্বর ।

—সুরেশ্বর ? কে সুরেশ্বর !

ক্যালকাল ক'রে তাকিয়ে রইলেন । আমি বললাম—মহা বলুন—প্রাশস্তিত শেষ করুন !

এবার সখিৎ ফিরে গেলেন, বললেন—ও হ্যাঁ, কি বলব ?

ললিত বললে—আবার বিষ্ণু স্মরণ কবে নিন, আগে বলুন—শ্রীবিষ্ণু শ্রীবিষ্ণু শ্রীবিষ্ণু । নমঃ তদবিষ্ণু পরমংপদঃ—

আর ভুল হল না ঠাকুমারের—তিনি প্রাশস্তিত করে গেলেন একটানা । প্রাশস্তিত করতে করতে চোখ থেকে জলের ছুটি ধারা নেমে এল ।

তিন দিন পর যারা গেলেন ঠাকুমা—দেবেশ্বর রাইয়ের গৃহিণী—উমা দেবী । মারা যাওয়া তাকে বলে না, যেন চোখ বুজে ঘুমোলেন । কেউ ভাবতে পারে নি যে আর তিনি চোখ মেলবেন না । কারণ প্রাশস্তিত শেষ করে রাত্রি থেকে এমন সহজ আর সুস্থ তিনি হয়ে উঠেছিলেন যে আমরা ভেবেছিলাম তিনি হয়তো নতুন ক'রে বাঁচলেন । নতুন ক'রে বাঁচাই

বটে। কারণ পুরনো কথাগুলো যা তিনি বিশ্বাস করেছিলেন—যা কেউ জানত না আমাদের মধ্যে—সেই সব কথা বলতে লাগলেন। হাসলেন। আমাদের ললিতকে সমাদর করলেন; অর্চনাকে দেখে দ্বিধাশূন্য ভাবনী দেবীকে স্বয়ং করে বললেন—কিন্তু ভাই এমন দুঃখভোগ করবার জ্ঞান তো তাঁর কেরার কথা নয়। দুঃখ পেয়ে গিয়েছিলেন—সুখ করবার জ্ঞান কিরে ‘আসবার কথা। তা হ’লে? তা হ’লে কেন এমন হ’ল তাঁর?

আর সময় পেলেই আমার মুখের দিকে তাকিয়ে থাকতেন। বলতেন—অবিকল আমার বড়বাবু। তখন বড়বাবুর মৌম দিয়ে পাকানো গৌর ছিল। মাথার আলবাত তুলে টের কাটতেন। আর ভয়ানক বাবু ছিলেন। চকিৎষ ষষ্ঠী আভ্যন্তর গন্ধে মো মো করত। মনে হচ্ছে তিনিই তুই হয়ে ফিরে এসেছেন নিজের দেনা শোধ করতে। দেনা যে অনেক। দেখ না ভাই নইলে শেষকালটার আমার মৃত্যুশয্যায় তুই বসে থাকলি কেন? আমার বড় ছেলে—।

জ্যাঠামশায় যজ্ঞের রায়, তাঁর পৈতৃক এক লক্ষ টাকার কোম্পানীর কাগজ নিয়ে নিয়েছিলেন, তিনি সকলের অজ্ঞাতসারে বাড়ী ছেড়ে বৃন্দাবন এসে ভিক্ষেশাশ্রমী কৃষ্ণভামিনী সেবাশ্রমে আশ্রয় নিয়েছিলেন বলে। তিনি আসেন নি। আসতে সম্ভবত লজ্জা পেয়েছিলেন।

তাঁর কথাটা বললেন ঠাকুমা।

নিজেকে সামলে নিয়ে বললেন—আমার মুখের আঙুনও তোকেই দিতে হবে। দেনা শোধ রে, দেনা শোধ। তা ভাই এক কাজ করিস। সারাজীবন তো মাছুষকে না পেয়ে ভগবান আর দেবতাকে নিয়ে থাকলাম, ভাগবত পুরাণ অনেক পড়েছি। তাঁদের বংশের দেনাগুলো শোধ করিস। দেনা অনেক অনেক—অনেক। হয় না শোধ জানেই পারবিনে। তবে যা জানতে পারবি তা শোধ করিস। তাঁর কাছেই তো শুনেছি দর-পত্নীতে পত্নীতে রায়বাড়ীর সব জমিদারী এসে জমা হয়েছে। তুইই তো আদম মালিক। শোধ করিস—

অর্চনা পাশে বসেছিল সে হঠাৎ বলে উঠল—সুরোদা যে জমিদারী সম্পত্তি সব বেচে দেবে ঠিক করেছে।

—বেচে দেবে? চমকে উঠলেন ইলেকট্রিক শক বাওয়া মাছুষের মত। বেচে দেবে? কি বেচে দেবে?

—জমিদারী।

—জমিদারী বেচে দেবে?

আমার চোখের দিকে চোখ রেখে তিনি তাঁর প্রশ্নের উত্তর চেয়েছিলেন আমার কাছে। উত্তর দিতে দেরি হয়েছিল আমার; তিনি খানিকটা অধীর হয়েই বলেছিলেন—বেচে দিবি? ই রে! রায়বংশ—আর কথা খুঁজে পান নি।

অর্চনাই বলেছিল—যে সব পাণের কথা বলছ ঠাকুমা তা সুরোদা জানে। পুরনো কাগজ বেঁটে বেঁটে বের করেছে। ওই ভয়েই বেচে দেবে! জমিদারী রাখতে হলে নানা অজ্ঞান করতে হয়, বলে প্রজাদের দান করে দেবে।

অনেকক্ষণ চুপ ক'রে থেকে বলেছিলেন—দেখ, জমিদার রাজা, এরা হল ইস্রদেবতার জাতগোত্র রে। এদের এ না করে উপায় নেই। দেখ না ইস্ররাজা শর্গের রাজা; রাজ্য করতে গিয়ে তাকে কত কি করতে হয়েছে। তেবে দেখ, ব্রহ্মহত্যা করেছে, নারীহরণ করেছে। মুনিঋষিদের অপমান করেছে; রাজ্য করতে গেলেই এসব করে। কিছু করে কিছু করতে হয়; করেছে; অভিশাপও খেয়েছে, কত লাঞ্ছনা হয়েছে, হাজারটা চোখ হয়েছে; প্রাণশিক্ত করেছে; রাজ্য হারিয়ে আবার রাজ্য পেয়েছে। তা বলে তো বেচে দেয় নি রে। তুই বেচে দিবি?

ললিত ঠাকুরার কথা শুনে খুব তারিক ক'রে বলেছিল—ঠাকুরা বড় চমৎকার কথা বলেছেন দাদা। ভারী চমৎকার! রাজা—সে ইস্র থেকে দৈত্য দানব রাজস মাল্লব জন্ত-জানোয়ার যেই হোক তার অত্যাচারী; না হয়ে উপায় নেই। কুটিল পথ ছাড়া তার পথ নেই। পৃথিবীতে পুজা সে পৃথক ভাবে পায় না। দশ দিকপালের মধ্যেই বা পাবার পায়। তার বেশী নয়। তবু ইস্রদের চেয়ে কামা কিছু নেই। শতকরা নিরেনকুইজন তপস্তা করে ইস্রদের জন্ত। বড় জোর একজন চার ভগবান কিবা মুক্তি। তাই কেউ তপস্তা করলেই ইস্র তাকে ধ্বংস করতে চায়।

ললিত সংস্কৃতির ভাল ছাত্র, সংস্কৃতে এম-এ পাস করেছিল। সে পুরাণ থেকে ইস্রতত্ত্ব বোঝাতে শুরু করেছিল। সেসব কথা ভুলে গেছি, একটা কথা মনে আছে বলেছিল—এক রাম ছাড়া কোন ঝাড়া প্রজার পরম ভক্তি পান নি। অন্দের তর করেছে, ঘৃণা করেছে, সেলায়ী নড়রানা দিয়েছে, পুজো করে নি দেয় নি। শুই এক রাম ছাড়া। এর জন্ত রামকে সীতা বিসর্জন দিয়ে মৃগা দিতে হয়েছিল।

ঠাকুরা একটা দীর্ঘনিঃশ্বাস ফেলে বলেছিলেন—ভেবে দেখিস ভাই। এত বড় রায়বংশের সন্তান তুই—বড় রাহের পৌত্র, রাজপাল্লারের প্রপৌত্র, গুরে হোঁকে হোঁস বংশাবলীকে কেউ আর গ্রাহ্য করবে না; দেখলে মাথা নোঁসাবে না। এর তোকে কীর্তিহাট ছেড়ে পাগিয়ে আসতে হবে।

আমার মনে সেদিন যেন একটা কান্নার আবেগ ববার মেখের মত ফুলে ফুলে উঠছিল। বর্ষণ হয় নি হাতে দিই নি, বহু কষ্টে আশ্রয়স্বরূপ ক'রে বসেছিলাম। মনে হচ্ছিল কীর্তিহাটের রাহবাড়ীর জমিদারীর অত বুদ্ধা প্রাণপ্রতিমা বলেছেন—বেচে দিয়ে না, আমাকে বেচে দিয়ে না।

\*

\*

\*

চুপ করে গেল সুরেশ্বর। একটু পর একটা সিগারেট পরিয়ে বিষম হেসে বললে—দেখ ছোটবেলা পড়েছিলাম—‘বীরবল কথা’—বীরবল ছিলেন হুসাহনী বোদ্ধা। এক রাজার রাজ্যে কাজ করতেন। মাইনে নিতেন খুব বেশী। বলেছিলেন—যা কেউ না পারবে তাই সে করবে। রাজ্যে রাজ্য রাজপুরীতে সারারাত্রি জেগে পাহারা দিতেন। হঠাৎ একদিন শুনলেন রাজপুরী থেকে কেউ কান্ডে কান্ডে বেরিয়ে আসছে। তিনি ভয় পেলে না, এগিয়ে গেলেন; দেখলেন একজন সুল্লরী নারী কান্ডে কান্ডে বেরিয়ে আসছেন। তিনি

তাকে জিজ্ঞাসা করলেন—তুমি কে যা? কেন কাঁদছ তুমি?

যেহেটি বললেন—আমি রাজলক্ষ্মী, এই রাজাকে আজ পরিত্যাগ করে যেতে হচ্ছে বলে কাঁদছি। দীর্ঘকাল একে আশ্রয় করে ছিলাম, রাজাকে বড় ভালবাসতাম সেই করতায়—তাই বুকটা টনটন করছে।

বীরবল জিজ্ঞাসা করলেন—কি অপরাধে রাজাকে ত্যাগ করবে যা?

রাজলক্ষ্মী বললেন—রাজার আজ রাত্রি অবসানে পরমায়ুর শেষ হবে। রাজার যিনি পুত্র তাঁর ভাগ্যে রাজ্য নেই।

বীরবল জিজ্ঞাসা করেছিলেন—রাজাকে কি কোন উপায়ে বাঁচানো যায় না যা?

—যার। যদি কেউ আশ্রানে যে মহাকাশী আছেন তাঁর ওখানে গিয়ে নিজের মুণ্ড কেটে মায়ের পূজো দেয় তবে রাজা তার পরমায়ু নিয়ে বাঁচতে পারেন।

বীরবল বললেন—মা, তা হলে তুমি কিরে যাও যা। আমি এই রাজার ভৃত্য। তাঁকে স্তুতাম্বুধ থেকে সাধ্য হলে জীবন দিয়ে রক্ষা করাই হল যোদ্ধা ভূত্যের কর্তব্য। সে কর্তব্য আমি পালন করব যা। তুমি নিশ্চিন্ত হয়ে ঘরে ফিরে যাও।

রাজলক্ষ্মী তার মুখের দিকে তাকিয়ে নিশ্চিন্ত হয়ে ফিরে গিয়েছিলেন, অস্ত্রপুয়ের দিকে।

ঠিক সেই গল্পের বীরবলের মতই আমি সেদিন ঠাকুরার কাছে সেই আবেগের বশে বলেছিলাম—আমি কথা দিচ্ছি ঠাকুরা, আমি জমিদারী বেচব না। রাখব।

সে প্রস্তাবটি সেদিন যার হিসেব জ্ঞান আছে তার কাছে বড় সহজ ছিল না, এক কথা আমার থেকেও বোধ করি তুমি অনেক ভাল করে জান এবং তার ভিতরের কারণ বোঝো। জমিদারীতে জমিদার সেদিন নিজস্বই পুতুল মালিকের মত মালিক হয়েছে।

প্রজারা তখন জমিদারদের থেকে অনেক বেশী শক্তিমান হয়েছে। যে রাষ্ট্র জমিদারী সৃষ্টি করেছিল সেই রাষ্ট্রই সেদিন দুর্বল হয়ে গেছে দেশের মানুষের কাছে, স্বতন্ত্র জমিদারদের অত্যাচারে প্রায় গাছতলায় পড়ে থাকা হাত-পা-ভাজা নাক-কাটা পাথরের মূর্তির মত, যাদের নেহাত রূপাবশে কেউ ভুটো আতপ এক মুঠো বেলপাতা এক কুশি গম্বাজল দিয়ে যার।

এক বছরের উপর আমি ইংল্যান্ডে ছিলাম। ফিরে এসে তারতবর্ষ ঘুরে বেড়াচ্ছি জমিদার এবং অভিজাত বংশের যোগ্য একটি জীবনধারণের জন্ত, তার জন্ত বাড়ীজীপাড়া থেকে শুরু করে হোটেল, ব্যার, সাংস্কৃতিক শিল্পীজীবনের নানা কর্মীর খুঁজে বেড়াচ্ছি; অজস্র অর্থব্যয় করছি—এর মধ্যে জানবাজারের নারের আচার্যির পত্র পেরেছি—“এরূপ অর্থব্যয় করিলে আর বংশধর থাকেনেকের মধ্যেই সঞ্চিত অর্থ ব্যয়িত হইয়া দেনাগ্রস্ত হইবেন। আপনার এইরূপ ব্যয় অল্প দিকে জমিদারী একরূপ দায় ও বোকার মত হইয়া উঠিয়াছে। কীর্তিহাটের কাছারির সংবাদ এই যে, গত বৎসরের মধ্যে জমিদারীতে একরূপ খাজনা আদায়ই হয় নাই। শুধু আমাদেরই নয়; সকলেরই এক দৃষ্ট। অধিকাংশ জমিদারকেই দেনা করিয়া কালেক্টারী বেডেড্যু দাখিল করিতে হইয়াছে। গত বৎসর আমাদের সঞ্চিত তহবিল হইতে কালেক্টারী ও পত্তনী খাজনা দাখিল করিতে কুড়ি হাজার টাকাও কিছু বেশী দিতে হইয়াছে। এবং জামাদির মুখে বাস্তী খাজনার নালিশ করিতে রশুম খরচ দিতে হইয়াছে আট হাজার টাকা।

এ টাকা কতদিনে আদায় হইবে তাহার স্থিরতা নাই। আপনি এইরূপভাবে দেশান্তরে বিপুল অর্থব্যয় করিয়া ঘুরিয়া না বেড়াইয়া ফিরিয়া আসিয়া সরেজমিনে সমস্ত দেখিয়া বুঝিয়া একটি নির্দিষ্ট পথে চলিবার ব্যবস্থা করুন। এদিকে যুদ্ধ বাড়িয়াছে। অনেককে অনেক রকম বলিতেছে। আপনি সস্তর আসিয়া কার্যভার সহজে লইলে ভাল হয়।”

চিঠিখানা বুলাবন আসবার দিন পনের আগে পেরেছিলাম। এবং ভেবেছিলাম কিরৈ গিয়ে জমিদারী বিক্রী করে দিয়ে জীবনের সঙ্গে বংশের ইতিহাসের সম্পর্কটা ঘুচিয়ে দেব। কিন্তু সেদিন যত্নশয্যার ঠাকুমা দেবেশ্বর রায়ের লাহিতা গৃহিণী আমার পিতার গর্তধারিণীর কাছে প্রতিশ্রুতি দিলাম—না জমিদারী বেচব না। রাখব—রাখবার চেষ্টা করব জমিদারী।

সত্যিই তো, কীৰ্ত্তিহাটের লোকে দেখে যদি নমস্কার না করে কীৰ্ত্তিহাট ঢুকব কি করে ?

হঠাৎ হেসে ফেলে সুরেশ্বর বললে—কিছু মনে করো না। সুলতা, তুমি পলিটিক্স কর—বল তো একবার মিনিষ্টার হয়ে দেশের লোকের সেলাম নমস্কার কুড়িয়ে তারপর কি আর মিনিষ্টার না হয়ে লোকের কাছে বের হওয়া যায় !

সুলতা ভ্যানিটি বাগ খুলে ছোট ক্রমালখানা বের করে গোথ মুছে বললে—তোমার ঠাকুমার কথা বল। রাজলক্ষ্মী আর ভোটলক্ষ্মীতে এক ক’রে গুণগোল করো না, পাঁকা সোনা আর গিল্টি এক নয়।

সুরেশ্বর বিষন্ন হেসে বললে—ঠাকুমার কথা তোমার ভাল লেগেছে সুলতা ?

—প্রশ্নটা নাটক বা করলে সুরেশ্বর। তিনি সত্যিই বাংলাদেশের জমিদারলক্ষ্মীর স্থান। বাংলাদেশের জমিদারেরা এই লক্ষ্মীর অপেক্ষে অলক্ষ্যর কেড়ে নিয়ে বাইকী পুবেছে, জুয়া খেলেছে, এই মাটির ছেলেদের ঘাড়ে বাপ-ছেলে-সম্পর্ক চাপিয়ে তাদের গোলাম করেছে। বল—তীর কথা বল।

সুরেশ্বর বললে—তিনি আর এক দিন বেঁচেছিলেন এই কথাবার্তার পর। যত্না হল ভোররাজে। সকালবেলা হঠাৎ বললেন—নাতি তুই বিয়ে করবি নে ?

বেশ ভাল সেদিন। সকালবেলা উঠে উঠে স্নান করে মধু দিয়ে মকরম্বজ খেয়ে গুন গুন করে নাম করছিলেন, আমি গিয়ে বসলাম। আমাকে হঠাৎ প্রশ্নটা করলেন।

যেজদি শুধু খাওয়াচ্ছিলেন, তিনি বললেন—আপনি বলুন দিদি। বাপ-মা চলে গেছেন, একমাত্র তুমিই বণ্ডে পার—বাধা করতে পার। বল তুমি।

—বিয়ে কর ভাই।

অর্চনা বলে উঠল—আমি ভেবেছিলাম ঠাকুমা, বিলেত গেল সুরোদা, মেমসাহেব বিয়ে করে ফিরছে। ওমা কোথায় ?

—তা করলি নে কেন রে সুরেশ্বর ?

হেসে বললাম—তোমার জেঞ্জাই করি নি ঠাকুমা।

—কেন ?

—তা হ’লে কি আমার হাতের আঁঙুর নৈবেদ্য তুমি খুশী মনে নিতে ? নিতে পারতে ?

—নিতাম। নিশ্চয় নিতাম। বিয়েতে জাত মানতে নেই রে। তুই বিয়ে কর, দেখ

তার সেবা তার হাতে জল আমি খাই কিনা।

সন্ধ্যাবেলা বললেন—কথাটা ডেকে বললেন—স্বরেশ্বর, আমার আঁক তুই করবি তো ? যজ্ঞেশ্বর করবে না। সে এলো না। আমার ভিক্ষেশুভীর আশ্রমে আছি কিনা তাই। করবে না। তুই করবি ?

চোখে আমার জল এল। বললাম—আমি যে তারই জন্তে ছুটে এসেছি ঠাকুমা।

একটু চুপ করে থেকে বললেন—দেখ, মেছঠাকুরপোর ছেলেরা আমাকে গোবিন্দের চব্বরে ঢুকতে দেয় নি। আমি সেই রাজ্যে গোরানপাড়া গিয়েছিলাম, গির্জের পানরীর কাছে, ভারলার আঁকের জল টাকা দিতে। সেখানে জল খেয়েছিলাম। বড়বাবুর মৃত্যুর পর আমি মরতে পারি নি, সঙ্গে যেতে পারি নি, কিন্তু ভারলা পেরেছিল, সে বিষ খেয়ে মরেছিল। সেইজন্মে আমার ইচ্ছে ছিল—বড়বাবুর আঁক হল, ভারলার আঁক করুক শ্রী। তা টাকা ওরা নেয় নি। এদিকে এরা আমাকে পতিত বলে মন্দিরে ঢুকতে দিলে না। যজ্ঞেশ্বর পাগল বলে আমাকে ধরে বন্ধ করে রাখলে। আমার কোম্পানীর কাগজ কেড়ে নিলে। মনে দুঃখ খুব পেরেছিলাম, তাই পালিয়ে এসেছিলাম বৃন্দাবন। তা আমার বেশী ধুমধাম করে আঁক করবি তাই, শুই কীতিহাটে গোবিন্দের নাটমন্দিরে, দানসাগর-টাগর নদ—চারটে ষোড়শ করে বুঝেওসর্গ আঁক।

বললাম—করব ঠাকুমা।

তিনি বললেন—সেই তপ্তিরাম বামুনদের আশ্রম যেন। বুঝলি? চাবি দিয়ে ঘটি বাজিয়ে গান গাইবে—‘ওগো স্বরেশবাবু গো, অবণ কর, তুমি অবণ কর গো। তোমার পুণ্যবতী পিতামহী উমাদেবী বৃন্দাবনে গোবিন্দের রাজ্য চরণভলে তাঁর মূখ্যবিন্দু দেখতে দেখতে দেহভাগ করলেন, তারপর গীরে ধীরে যমুনার গিরে স্নান করে দিবা নববস্ত্র পরিধান করলেন, ললাটে নাসিকায় তিলক জ্বালালেন, বক্ষস্থলে রাখা-গোবিন্দ নাম লিখলেন এবং গোবিন্দমন্দিরে রাখা-গোবিন্দকে দর্শন করে বাহিরে এলেন, সেখানে মকরকেতনে রতিপতির মত দিবা মনোরমকান্তি তোমার পিতামহ, বড় রায় মহাশয় সমাদর করে বললেন—এস, এস, এস আমার প্রিয়তমা প্রাণেশ্বরী, আমি তোমাকে স্বর্গধাম থেকে নিতে এসেছি—এস—”

বলতে বলতে তাঁর কর্করক হরে গেল স্থলতা, দু চোখে ধারা বেয়ে নামত লাগল। সঙ্গে সঙ্গে আমরাও কঁদেছিলাম। গেছদি কঁদেছিলেন হা-হা করে। অর্চনা কঁদেছিল হুঁপিয়ে হুঁপিয়ে। তার জীবনের সমস্ত অবসরক বাসনা অতৃপ্ত কল্পনা সেদিন শ্রাবণের বর্ষণের মত অরব্বর ধারায় যেন অরে পড়েছিল আমাদের সবাইই চোখের জলের ধারায়। কিন্তু এখন মারা গেলেন, তখন একটি কথাও বললেন না। কাউকে ডাকলেন না। আমরা কেউ জানতেই পারলাম না; শুধু সকালে উঠে অর্চনা এবং মেছঠাকুমা দেখলেন, ঠাকুমা নেই, তিনি চলে গেছেন।

রায়বংশের ইতিহাস এবার মোহনার মুখে নদীর অবস্থার মত। গোটা জাতিটার জীবনে তখন কোয়ার এসেছে, সঙ্গে সঙ্গে রায়বংশের জীবনস্রোতের মুখে বাগির চড়া ঠেলে দিয়েছে; গতি রুদ্ধ হয়ে গেছে; কোনক্রমে শতধারা হয়ে নালায় মত ধারায় হুঁ-চারটে স্রোত গিয়ে

পড়ছে। বাকি সব মজা বিলের মত কাদার-জলে থক-থক করছে।

সুতরাং জবানবন্দী এখানেই শেষ হত। আমি সব্বলমত জমিদারী বিক্রী করে দিয়ে রাইসদের বংশতালিকা হতে স্বচ্ছন্দে নাম কাটিয়ে নিজেকে হারিয়ে দিতে পারতাম। সম্পত্তি বিক্রী না করলে রাইসবাড়ীর কৃতকর্মের জের থেকে রেহাই নেই। একটা বিচিত্র কথা বলি, সংসারে ধর্মাস্ত্রের গ্রহণ করলে বা জ্ঞাত ফেলে দিয়ে বংশতালিকা থেকে নাম কাটিয়েও রেহাই মেলে না, সম্পত্তির অংশীদার হিসেবে শরিকদের দায় ঝড়ে চাপে। কিন্তু সম্পত্তি বিক্রী করে দিলেই তুমি খালাস। সে খালাস আমার আর হল না; হল না ঠাকুরমার জন্তে। তাঁকে প্রতিশ্রুতি দিলাম, সম্পত্তি বেচব না। অবিশ্রি তাঁকে কথা না দিলেও আমি বেচতে পারতাম কিনা সন্দেহ। আজও মনে হচ্ছে বিক্রী করাই উচিত ছিল, কিন্তু বেচতে বোধ হয় পারতাম না। সম্পত্তির মমতার যে-কথা ঠাকুরা বলেছিলেন, সেটা মিথ্যা নয়। ভূমির মত সম্পত্তি নেই। ভূমির উপর অধিকার কারেম করতে পারলে গাছপালা, ফলফুল, জীবজন্তু থেকে মানুষ পর্যন্ত তার সম্পত্তি হয়।

কথাটা মর্মে মর্মে উপলব্ধি করলাম কীৰ্ত্তিহাটে কিরে এসে। না, বা ডাচ তা নয়। প্রজারা সম্বর্ধনা করে নি, তারা গ্রাহ্যই করে নি বলতে গেলে, শরিক অর্থাৎ রাইসবাড়ীর মেজতরকের যারা তখনও সক্রিয়, তারা বিরক্ত হলেন, বিঘ্নিত হলেন, এ আপদ আবার কোথেকে এল। গ্রামের প্রধান এবং নারক তখন কংগ্রেস কমিটির প্রেসিডেন্ট। মাছুবেরা তাঁকেই মানে। জমিদারের বিরুদ্ধে একটা উদ্ধত মনোভাব গভীর সাপের মত অঙ্গর উত্তপ্ত নিঃশ্বাসের মত গুরুভব করা যায়। তবু ভাল লাগল। রাইসবাড়ীর ইট-কাট, বাড়ীঘর, পুকুর বাধাঘাট, গাছপালা, ক্ষেতখামার—মর্দীর ওপারে সিঁদাশন, জ্বলের ওপাশে গোরানপাড়া, সবই যেন মনকে ভরে দিলে। যেন আমাদের জড়িয়ে ধরলে।

শতজনের বিমুখতা এবং অপ্রসন্নতা আমাদের অথবা কীৰ্ত্তিহাটের প্রদত্তিকে বা রত্নবাড়ীকে অগ্রসর করতে পারে নি; অন্ততঃ আমার চোখে দোল-খাওয়া গাছপালা, পাখীর ডাক আমার কানের কাছে বার বার বলেছিল, আমরা তোমার, আমরা তোমার। আমার মন বলেছিল—এসব আমার, এসব আমার।

ঠাকুরা মারা গিয়েছিলেন অগ্রহায়ণ মাসে; প্রথম দশদিনে একটা তিলকাক্ষন শ্রাদ্ধ বৃন্দাবনে করেছিলাম। টেলিগ্রামে জ্যাঠামশাইকে খবর দিয়েছিলাম; কীৰ্ত্তিহাটে খবর দিয়েছিলাম। প্রথম শ্রাদ্ধ শেষ করে মর্চনা এবং মেরুদিককে নিয়ে কলকাতা করেছিলাম। কলকাতার মাস ছয়েক থেকে কান্তনের প্রথমে কীৰ্ত্তিহাটে এলাম। এলাম ওই ঠাকুরমাকে দেওয়া আমার কথা রাখবার জন্ত। ওখানে গোবিন্দমন্দিরের চত্বরে, যে চত্বরে মেজতরকের ধনেশ্বর রায় এবং জগদীশ্বর রায় ঠাকুরমাকে চুকে দেয় নি, সেই চত্বরে ঘটা করে একটি শ্রাদ্ধ আমি করব। ব্যবোৎসর্গ শ্রাদ্ধ। চারটি বোড়শ করব, তার মধ্যে একটি রূপোর। এই সব করনা করে কীৰ্ত্তিহাটে ফিরলাম। নারৈবকে লিখেছিলাম, এখন হয়ত কিছুদিন থাকব ওখানে। সুতরাং ওখানকার বাড়ীঘর মেরামত করবার ব্যবস্থা করবেন এবং বাড়ীর ভিতরটা সবই চুনকাম এবং বাইরেটা রঙ করাবেন। শরিকেরা যদি তাঁদের অংশে রঙ ও চুনকাম



করতে বাধা দেন, তবে তাঁদের অংশ বাদ দিয়ে আমার অংশই করাবেন।

অসুমান করেছিলাম, বাধা কেউ দেবে না। সে অসুমান বোল আনার মধ্যে একের ছয় মিথো হয়েছিল, বাকী পাঁচের-ছয় ভাগ হয়েছিল সত্যি; এক ধনেশ্বরকাকা ছাড়া বাকী সকলেই মত দিয়েছিলেন। শুধু ধনেশ্বরকাকা বলেছিলেন, না। আমার অংশ বাদ দিও। রঙের পৌচড়া আমার অংশে যেন না ঠেকে।

হয়ত জগদীশ্বরকাকা থাকলেও ঠাঁর সঙ্গে সার দিতেন; কারণ ঠাকুরমার দরজা আটকাতে ছই ভাই দাঁড়িয়েছিলেন এবং ধনেশ্বরকাকাই বলেছিলেন অপ্রিয় কথাগুলি। সে-কথা ধনেশ্বরকাকা ভুলতে পারেন নি। এবং আমার টেলিগ্রাম যখন ঠাকুরমার মৃত্যুসংবাদ নিয়ে এখানে তাঁর কাছেই পৌঁচেছিল তখন তিনি বলেছিলেন, না, অশোচ নেবে না। নিতে আমি পারি না। কিন্তু নিতে তাঁকে হয়েছিল গোবরভাটার খুড়ীমার নির্দেশে এবং আরও একজন এ নির্দেশ দিয়েছিল, সে হল অতুলেশ্বর। অতুলেশ্বর সত্ত্ব জেল থেকে বেরিয়েছে। গোবরভাটার খুড়ীমা বলেছিলেন—বাতে পঙ্গু হচ্ছে, এবার মুখ থেকে পোকা পড়বে ও কথা বললে। কোন মুখে বলছ এ কথা? অশোচ নেবে না?

অশোচ তিনি নিয়েছিলেন, কিন্তু বাড়ী মেরামতের চুনকামের প্রস্তাবে তাঁকে কেউ নড়াতে পারে নি। গোবরভাটার খুড়ীমা অনেক অসুযোগ করেছিলেন কিন্তু ধনেশ্বরকাকা কিছুতে রাজী হন নি। না, তা আমি পারব না, এই হয়েছিল তাঁর বুলি, তখন তিনি ব্যাপিতে লম্বাশায়ী। যন্ত্রণাদায়ক ব্যাপি বাত। বাতে তখন তিনি পঙ্গু। ঘোঁরনের দুয়ারোপা ঘোনব্যাপির পরিণাম।

মনে মনে দুঃখ পেয়েছিলাম। পেয়েছিলাম এই জন্তে যে, ঠাঁরা যাঁই করে থাকুন, আমি আঙ্গুপর্ষন্ত তো ঠাঁদের সঙ্গে কোন বিরোধ করি নি। তবে কেন প্রত্যাখ্যান করলেন? ঠাকুর বা ভবদত্ত করেও তো অনেক কিছু নিয়েছেন আমার, তবে যখন আমি ঔপচ্যক হয়ে তাঁর অংশের বাড়ী মেরামত করতে চাইলাম, তখন না বললেন কেন? সঙ্গে সঙ্গে আমার ভালও লেগেছিল। তিলকাঞ্চন শ্রীজের এক কুচি সোনার মতই ভাল লেগেছিল।

\* \* \*

বিচিত্র মাহুঘের মন, আর তার থেকেও বেশী বিচিত্র মাহুঘের কর্মক্ষেত্রের জের, এদের নাগপাশ থেকে মাহুঘের পরিজ্ঞান নেই। গ্রামের লোকদের বাড়ী বাড়ী গিয়ে ঠাকুরমার শ্রদ্ধা সম্পর্কে পরামর্শ দেবার জন্ত বলতে গিয়ে মনে বড় কষ্ট পেলাম।

লোকের বাড়ী বাড়ী যাবার জন্তে পরামর্শ দিয়েছিলেন নায়েব। বললেন—আগের কালে রায়বাড়ীর ক্রিয়াকর্মে গ্রামে লোকের বাড়ী যাওয়া হত না, ডাকাও হত না; শ্রদ্ধাদি সামাজিক ক্রিয়াতে অধিষ্ঠানের নিয়ন্ত্রণ করতে যেতেন বাড়ীর পুছুরী আর আহারের নিয়ন্ত্রণ করতেন ঠাকুরবাড়ীর পরিচারক। পান-সুপুঁ-পৈতে দিয়ে বরণের ব্যবস্থা আছে, তা কর্তারা খালাখানা এনে আসরে নামিয়ে দিয়ে বলতেন, ব্রাহ্মপ্ৰভা নমঃ। বলে চলে যেতেন। আপনার মাতৃশ্রদ্ধেও তাই হয়েছে। কিন্তু এখন হালচাল পাণ্টে গিরেছে বাবু; এখন নিজে না গেলে লোকে ঠিক—। অতুলেশ্বর তখন খালাস হয়ে এসেছে, সে দাঁড়িয়েছিল সেখানে,

আমাকে সে প্রাণ নির্দেশ দিয়ে কথা বললে। বললে—লোকের বাড়ী বাড়ী ঘেঁটে হবে তোমাকে। নাহলে আমি বারণ করব। আমি হেসে বললাম—নিশ্চয় যাব। জমিদার আমি সাজব না। কিন্তু কল্যাণেশ্বর প্রভৃতি রাইবাড়ীর নবীনরা বললে, দেখ, আমাদের মেজ-তরফে তাঁটা পড়েছে, আমরা যাই যাই, তুমি যাবে কেন? তুমি সে ইচ্ছাটা রাখ। তুমি তো এখানে থাকবে না, সুরোদা। অতুলকার কথা তুমি শুনো না।

মেজদি বললেন—না সুরো, তুই অতুলের কথা শোন।

অর্চনা বললে—না সুরোদা, তুমি যাও।

গোবরডাঙার খুড়ীমা ডেকে বললেন—সুরেশ্বর, তুমি কল্যাণেশ্বরের কথা শুনো না। তুমি যাও। তোমার পিতামহীর আদ্র, তোমার কর্তব্য, তুমি যাও।

তধু ব্রজবাবু নর, সুলতা—গ্রামের সকল পাড়ার পাড়ার প্রধানদের বাড়ীতে বাড়ীতে যেতে হল। রাইবাড়ীর নিমন্ত্রণ বরাবরই পঞ্চগ্রামের-সপ্তগ্রামের, গ্রামের আবাসবুদ্ধাধিনিতারা নিমন্ত্রণ খেয়ে গেছে, কিন্তু সেকালে নিমন্ত্রণ হত পাড়ার প্রান্তে দাঁড়িয়ে নিমন্ত্রণ ছুঁড়ে দিয়ে; একখানা করে রোক পাঠাতে হত। লেখা থাকত “অত্র রোকায় রাইবাড়ীর নিমন্ত্রণ জানিব। রাইবাড়ীতে উপলক্ষ্যে ভূদেব ভোজন হইবেক এবং তৎপরে অন্তান্ত সকলজনকে ভূরিভোজনে আপ্যায়িত করা হইবেক, উক্ত ভোজনের আসরে তোমাদের পাড়ার সকলকে মায় আগত-স্বগত কুটুম্বজনকে নিমন্ত্রণ জানানো যাইতেছে।”

এবার আর রোকায় নিমন্ত্রণ চলল না, আমাকে যেতে হল। গোলাম পাড়ার পাড়ার। আশ্রম এবং বদিয়ু শূদ্রদের ঘরে ঘরে। তারপর আদ্রের আরোজনের পরামর্শের জন্ত সর্বাঙ্গে আস্থান জানাতে হল কংগ্রেস কর্মিটির প্রেসিডেন্টকে।

সেখানে নিয়ে গেল অতুলেশ্বর।

কংগ্রেসের প্রেসিডেন্ট রমণ ল ঘোষ ওখন নেই। মারা গেছেন। তার জায়গায় প্রেসিডেন্ট হয়েছেন তাঁর উকিল ছেলে। অতুলেশ্বর সেক্রেটারী। গ্রামে সদগোপদের সংখ্যাগিকা, সুরতাং প্রেসিডেন্ট তাঁরা ছাড়া কেউ হতে পারে না। রমণাল ঘোষের সেই উকিল ছেলেটি দাবী করলেন আদ্র যে একমুঠ করি, বড় পরচই করি, কংগ্রেস কর্মিটির সামনে একটা সংগ্রাম আসছে, তাঁর জন্ত কংগ্রেস কাণ্ডে টাকা দিতে হবে। সেও দিতে আমি রাজী হলাম, কিন্তু তবু পরিপূর্ণ সহযোগিতা পেলাম না ওদের কাছে। তাঁর কারণ ওই গোয়ানপাড়ার ভায়লেটের দ্বিভিকার জন্ত কিছু করবার দক্ষন করেছিলাম। কংগ্রেস প্রেসিডেন্ট বেকে বললেন ওই কথাই—না, তা করতে পাবেন না।

ঠাকুমা বলে গিয়েছিলেন তাঁর আদ্রের সঙ্গে যেন ভায়লার জন্তে কিছু করি। বলেছিলেন—ওরে, বড়বাবু মারা গেলেন ভায়লার পিছনে ছুটতে গিয়ে। আর বড়বাবু মারা গেলে আমি মরতে পারিলাম না, ভায়লা অনায়াসে বিষ খেয়ে গলায় দড়ি দিয়ে মরল।

ভায়লেট যেহেতু গলায় কেন দড়ি দিয়েছিল জানি না, তবে আমার ঠাকুমা তাঁর ওই ব্যাখ্যাই করেছিলেন। এবং আমীর আদ্রের দিনে রাত্রি এক প্রহরের সময় উদ্ভাস্ত হয়ে টাকা নিয়ে গিয়েছিলেন গোয়ানপাড়ার গির্জার পাদরীর কাছে; ভায়লেটের আদ্র হোক, এই তিনি

চেষ্টেছিলেন। কিন্তু তাও হয় নি, কারণ গভীর রাতে কারুর দেখা পান নি। ফলে রায় বাড়ীতে মেজতরক তাঁকে—।

একটা দীর্ঘনিঃশ্বাস ফেলে শ্বশুরের বললে—আমি তাঁর কথাই সঙ্গ করছিলাম, গোয়ান-পাড়ার ভায়লিটের স্থতিরকার জন্ত কিছু করে দেব। আর ভায়লিটের কবরের যদি কোন সন্ধান মেলে, তবে কবরটিতে অন্ততঃ একটা মার্বেল ক্রশ বসিয়ে কবরটি মার্বেল দ্বিগে ঢেকে দেব। কিন্তু বাধা পড়ল তিন দিক থেকে। কীতিহাটের কংগ্রেস ও গ্রামের তরক থেকে, রায় বাড়ীর ছেলেদের তরক থেকে এবং সব থেকে আশ্চর্যের কথা, গোয়ানপাড়া থেকেও এল বাধা।

\*

\*

\*

ঠাকুরা যদি কীতিহাটে তাঁর শ্রাদ্ধ করতে না বলতেন, আর ভায়লিটের স্থতির জন্তে কিছু না বলতেন, তবে এইখানে ছেদ টেনে দিয়ে বলতাম,—এই শেষ। কলকাতায় থাকতাম, নারেন্দ্র-গোমস্তার জমিদারী চালাত, হিসেব দিত; আমি নিশ্চিত মনে আত্মকের দিনটির অপেক্ষা করে থাকতাম। কিন্তু ঠাকুরার শেষ ইচ্ছা পালন করতে গিয়ে প্রথমেই পেলাম বাধা।

কীতিহাটের কংগ্রেস প্রেসিডেন্ট বললেন—গোয়ানপাড়ায় কিছু করা হবে না। করতে গেলে বাধা পড়বে। গ্রামের লোকের হস্ততা থাকবে না। আপনাকে শুনের নিষেই থাকতে হবে।

না থাকবার অর্থ ভীষণ। অন্ততঃ আমার ঠাকুরার শ্রাদ্ধের ক্ষেত্রে। গাথলে যে অপরাধে তাঁকে রাধানন্দরের মন্দিরে ঢুকতে দেওয়া হয় নি, যে অপরাধে তাঁর ছেলে যজ্ঞেশ্বর রায় তাঁর পৈতৃক কোম্পানীর কাগজ তাঁদের নামে লিখিয়ে নিয়েছিলেন, সেই অপরাধ পাতেম হয়ে যাবে।

গোয়ানপাড়ার ক্রীষ্টান বাসিন্দারা সেই ভোটের সময় থেকে কংগ্রেসবিরোধী—ইংরেজদের সমর্থক হয়েছেন প্রকট। তাদের সঙ্গে মুসলীম লীগের পাণ্ডারা হাত মিসিয়েছে।

তার সঙ্গে মনে পড়িয়ে দিলে অতুল—তুমি তো একবার ভুগেছ। ভোটের পর গোয়ানপাড়া পুড়িয়ে দিয়েছিল কারা; তুমি তাদের খর নতুন করে গড়বার ভুলে সাহায্য করতে চেষ্টেছিলে, তার জন্ত—।

সবটা না বলে অতুল থেমে গেল। জানে তো মনে আমার আছে। শুধু বলে দিলে এবার আবার তার থেকেও কিছু বেশী হবে।

আমি অতুলকে বলেছিলাম—অতুলকাকা, এটাও তো জান যে, সেদিন পুলিশ এসে যখন আমাকে রক্তমাখা অবস্থার পেয়েছিল, তখন আমি যে জবানবন্দী দিয়েছিলাম, তার দ্বারা কীতিহাটের গ্রামের কারুর গায়ে আঁচ লাগে নি।

—জানি। কিন্তু সে না করে তোমার উপায় ছিল না। সে করতে তুমি মরালি বাধ্য ছিলে।

—মরালি বাধ্য ছিলাম ?

—অন্ততঃ আমি তাই মনে করি।

একটু ভেবে আমি বলেছিলাম—তাই যদি মনে কর অতুলকাকা, তবে আমি আর তোমার বা তোমাদের সাহায্য চাইব না। আমি যা পারি যেমন পারি নিজেরই করব। গ্রামের

লোক যা করে কল্লক।

—বেশ কর।

অতুল চলে গিয়েছিল। মেজদিদি, অর্চনা স্তম্ভিত হয়ে গিয়েছিল। অতুল এমন কথা বলতে পারে, তারা তা ভাবতে পারে নি।

সাহস দিয়ে পাশে এসে দাঁড়িয়েছিলেন গোবরডাঙার খুড়ীমা। এবং শেষ শয্যাও করে ধনেশ্বর রাই। কদিনের মধ্যে তিনি ভেবে ভেবে সব চঞ্চলজ্ঞা, সব মিথ্যা মর্যাদার মোহ ত্যাগ করে নিজের বিগত অজ্ঞাতকে স্বীকার করে নিতে পেরেছিলেন। স্বীকার করেছিলেন—“রাধামূল্যের চক্রে সেদিন উমা দেবীকে চুকতে দেই নি, বড়তরফের দেবোত্তর থেকে বঞ্চিত করবার জগে। কিন্তু বড়তরফের বড়ছেলে যজ্ঞেশ্বর রাই জটিল বিষয়ী এবং ছদ্মস্ত নিষ্ঠুর। তিনি মাকে পাগল বানিয়ে তাঁকে বৃন্দাবনে বনবাসে দিয়ে বিষয়ের মুঠো এণ্ট্রুই অংগা হতে নেন নি। আমি দোষ স্বীকার করছি। তার প্রাশস্তি আমি করে যাও সুবেশ্বর, আমি বিছানার ওরে এই পশুদশায় যতটা পারি সাহায্য করব।”

গোবরডাঙারখুড়ীমা বলেছিলেন—তুই পিছিয়ে আসিস নে সুবেশ্বর। জ্যাঠা মাতের শেষ ইচ্ছে তোকে পূর্ণ করতেই হবে। ভারলেট মেয়েটা তাঁর শরণের খবর পেয়ে গলায় দড়ি দিয়েছিল, এ ভালবাসা কে স্বীকার করবে! জ্যাঠাইমার মত সঙ্গীসাক্ষী হয় কে? ভারলেটের ভালবাসার দাম তিনি বুঝবেন না তো বুঝবে কে?

বাধা এল অগ্র দিক হতে। গোয়ানদের দিক হতে। তারা বললে—ভারলেটের কবর তারা ছুঁতে দেবে না। সে কবর যেমন আছে তেমন থাকবে। চাঁদে তার মার্বেলের আবরণ, মার্বেলের ক্রন্দ। দেবেশ্বর রাতের সঙ্গে তার চোখ স্পর্শ ছিল এ কথা যে বলবে তার জিত তারা ছিঁড়ে নেবে।

দিন-সাতকের মধ্যে আমান নামে একটা নোটিশ এল। তমলুকের এস-ডি-ও আদেশ জারী করেছেন, নির্দেশ দিয়েছেন, গোয়ানপাড়ার কবরস্থানে শাস্তিভঙ্গ্য অশ্রুকার তোমাকে নির্দেশ দেওয়া যাচ্ছে যে, সেখানে কোন কিছু করবার চেষ্টা যেন না করা হয়। লোকজনসহ সেখানে যেন না যাই।

আমি নায়েবকে বললাম—গোয়ানপাড়ার কে এসেছে নোটিশ জারী করতে, তাকে তাকুন।

নায়েব বাইরে গিয়ে ফিরে এসে বললে—না! কেউ আসবে না।

আমি নিজের বাইরে গেলাম। দেখলাম আদালতের পিণ্ডনের সঙ্গে তিন-চারজন গোয়ান এসেছে। তাঁদের নাম মনে পড়ল না। তুলে গেছি বছর ছয়কের মধ্যে। তাদের দিকে তাকিয়ে বললাম—ছ বছর আগে যখন তোমাদের ঘর পুড়েছিল, তখন তোমাদের টাকা দিয়েছিলাম। আমি তোমাদের অপমান করি নি। ভারলেটের কবর আমি বাধিয়ে দিতে চাই, তোমরা দেবে না। ভাল কথা। কিন্তু ভারলেটের নামে যদি চার্চে টাকা দিই বা তার নামে একটা কিছু করে দি গোয়ানপাড়া, তাহলে তাও কি নেবে না তোমরা?

ওরা চুপ করে রইল। এ-ওর মুখ তাকালে। কিন্তু মুখে কিছু বলতে পারিলে না। চলে

গেল। বিকেলবেলা বিবিমহলের ঘরে বসেছিলাম, রঘু এসে বললে—সেই মেয়েটি এসেছে। সেই কুইনী বলে মেয়েটি। তার সঙ্গে আছে পাড়ার পাদরী সাহেব।

কুইনী এসে যেন জলতে জলতে। প্রচণ্ড ক্ষোভ নিয়ে। সে বললে—না, গোষ্ঠানপাড়ার কেউ কিছু নেবে না আপনার কাছে। আপনারা বহুলোক, আপনারা লজ্জাহীন, আপনারা অন্ধ, আপনারা অশুভবশক্তিহীন; আপনারা মনে করেন দুনিয়াকে আপনারা কিনে রেখেছেন; জমির জমিদারীস্ব কিনিছেন, সঙ্গে সঙ্গে মাল্লুস্বকেও কিনিছেন ভেবেছেন। চোখে দেখতে পাচ্ছেন না, মনে অশুভব করতে পারছেন না যে দিনকাল পাল্টেছে; মাল্লুস্ব আর আপনারদের হুগুম মানবে না, আপনারদের দেওরা অপমান সহবে না। কেন আপনি এমন করে অপমান করতে চাইছেন আমার মাতামহের মা নায়েলটীপজ্ঞসকে? কি অধিকার আপনার?

একসঙ্গে এতগুলো কথা বলে সে হাঁফাতে লাগল।

আমি অবাকবিশ্ময়ে তার মুখের দিকে তাকিয়েছিলাম।

শুলভা—নারীর প্রতি পুরুষের মোহ যদি পাপ হয় তবে পাপদৃষ্টি দিয়েই আমি তাকিয়েছিলাম তার দিকে। বিলেতে হারা রে এবং লরা নাইট অথবা শম্পা বের সঙ্গে দেখা হওয়ার পর থেকে তরুণী নারীর দিকে মোহ নিয়ে তাকাত্তে গেলেই কেমন দৃষ্টিভ্রম ঘটত আমার; ধীরে ধীরে তার মুখে চোখে রঙে হাসিতে অশ্রুতে রায়বংশের কাকুর না কাকুর অদল ভেসে উঠত, জীবন আমার শামুকের মত বোলার মধ্যে গুটিয়ে যেত; এই প্রথম কুইনীর সামনে তার ব্যতিক্রম ঘটল।

মনে পড়ল, মেদিনীপুরের বাসায় শুকে দেখে আমার জীবনে সর্বপ্রথম এই মোহময় বাসনা জেগেছিল। প্রথম যৌবনে তোমাকে নিয়ে স্বপ্ন দেখেছিলাম, কিন্তু জীবনের বাসনা এমনভাবে জোয়ারে উচ্ছ্বসিত হয়ে অকস্মৎ কেনা মাথার করে ফুলে-ফেঁপে ওঠে নি। আদম মৌলিক দেহবাদের প্রথম উচ্ছ্বাস। রায়বংশে পুরুষ থেকে পুরুষাত্মক ধর্ম শক্তি ও সম্পদের লালনে এই দেহবাদ-হৃদীত-হৃদয়নীর হয়ে রক্তের মধ্যে মিশে ছিল, আজ তাতে প্রবল জোয়ার এসেছে। মেদিনীপুর বাসার সেনিনো উচ্ছ্বাসের প্রথম আগরল।

এবার দু বছর পরে কুইনী আরও মোহময়ী হয়ে উঠেছে আমার চোখে।

আমার প্রতিমাহ রায়বাহাদুরের অতুল্য কামনা যেন আমার এই কামনার মধ্যে ফুটেছে।

আমার পিতামহ দেবেশ্বর রায়ের ভারলেটের প্রতি যে কাম্যার্ততা, তা যেন আমার বুকের মধ্যে আগ্নেয়গিরির মত অগ্ন্যাদ্যার করছে।

শুকে না পেয়েই জীবন আমার শূন্য হয়ে রয়েছে।

গর উপর অধিকার রয়েছে। ও আমার। অজ্ঞনার মেয়ের বংশের মেয়ে, দেবেশ্বর রায়ের প্রথম ভালবাসার (হোক সে অবৈধ ভালবাসা) ফল, প্রথম সন্তানের দৌহিত্রী। শুকে আমিই লেখাপড়া শিখিয়ে এমন রূপে ছুটিয়েছি, ও আমার। শুকে আমার পেতেই হবে। মনে পড়ল, গতবার পুলিশের হাত থেকে রায়বংশের সন্তানদের এবং এই গ্রামের লোকদের, বিশেষ করে রত্নলাল ঘোষকে বাঁচাবার জন্তু বলেছিলাম—“আমার কুইনীর ওপর

দুর্বলতা আছে।”

সে কথাটা আমি মিথ্যা বলি নি। সে কথা সত্য।

কুইনীকে দেখছিলাম। আর মনে হচ্ছিল—

খামল সুরেশ্বর। চোখ বুজে মনে মনে কোন ভাবনা বা চিন্তাকে উপভোগ করলে সে, মুখে কণি রেখায় একটু হাসি ফুটে উঠল। একবার ঘাড়ও নাড়লে, মনে মনে কোন মধুর চিন্তা উপভোগ করার আনন্দে। তারপর বললে—তুমি গিরিশবাবুর বিদ্যমঙ্গল পড়েছ বা অভিনয় দেখেছ সুলতা? আমি পড়েছি, অভিনয়ও দেখেছি এামেচারে। তাতে চিন্তামণির রূপ এবং দেখ-মোহে অন্ধ বিদ্যমঙ্গল বাপের আঁতের দিন আজ কতটুকু চিন্তামণির বাড়ী রঙনা হচ্ছে হুযোগ মাথায় করে। তুফানে প্রবলকণী নদী, খেয়াঘাটে নৌকা নেই, কিন্তু শা উল্লসভার কাছে বাধা নয়। সে নদীতে বাঁপ দিয়ে কাঠ বলে একটা গণিত শব্দকে আশ্রয় করে নদী পার হল। বাড়ীর পাঁচিষের গর্তে মুখ ভরানো সাপের লেজ ধরে পাঁচিলে উঠে চিন্তামণির ঘরে এল। চিন্তামণির বিদ্যমঙ্গলের দীর্ঘা হইল না। সে উঠে সব দেখে বললে—তুমি কি? বিদ্যমঙ্গল তার মুখপানেই অঙ্গলক দৃষ্টিতে চেয়ে আছে, কেন আশ্রয় নেই, অস্ত্র কথা নেই, শুধু একটি কথা—“চিন্তামণি, তুমি অতি সুন্দর। তুমি অতি সুন্দর।”

আমি ঠিক সেট ভাবেই কুইনীর দিকে তাকিয়ে ছিলাম।

আশ্রয় মোহ কুইনীর স্বপ্নাদে। তার রূপ-চুলে, তার রূপ-সৌন্দর্যে। উজ্জল আশ্রয়ের মধ্যে দ্বিধা একটা বসন্তী কাকাকালো মালাদ। তার আশ্রয় চোখের স্তম্ভভেদের মধ্যে দ্বিধা নীলাভা, তার চোখের ভাষা কালো নয় শিশল; তাও আমার কাছে অঙ্গলক বলে মনে হল।

আমি তার দিকে নিশ্চলক দৃষ্টিতে তাকিয়ে ছিলাম।

পুরাণের কাল হলে বলতাম, আমি মদন-বাণ-বিদ্ধ, মর্জিত। অতি-বাস্তববাহীর ভাষার আম ভপন আদম-কামনায় আমি মাছুষের মস্ত কামাত।

কুইনী আমার সে-দৃষ্টির সম্মুখে কেমন যেন ভীতান্ত হয়ে উঠল, বোপ করি আমার দৃষ্টিতে উত্তাপ তাকে গলকে চাচ্ছিল। ভয়ে সে নিমেষশূন্যের দিকে চকিতদৃষ্টিতে তাকিয়ে দেখে নিলে, তার সঙ্গী বুদ্ধ পাদরী বলে আছেন কিনা। তাকে দেখে আশ্রয় হয়ে আসা-কেটা তরফের করে তাকে বললে—উঠে আসুন কাহার। উনি শুধু অসহ্যই নন, উনি ববর। তাকে আমি যুগা করি। আঁই হেট হিম।

আমার দিকে তাকিয়ে বললে—আর বাঁপ, - মালাদের এমন করে অপমান করবেন না। ভায়লেট পিঙ্কলের শাখাকে লাভিতে কবরের তলায় ঘুমতে দিন।

আমি শুধু একটা কথা বলেছিলাম—আমাকে তুমি ভুল বুঝো না কুইনী। তুমি আমার উপর অধিকার করছ। অপমান আমি তোমাদের করি নি। আমার পিতামহ ভায়লেট পিঙ্কলকে ভালবাসতেন এবং ভায়লেটও তাকে ভালবাসত।

কুইনী পাড়ায় নি, শুনেচে চায় নি সে একথা, ক্ষতপদে বোরের-চলে গিয়েছিল। এতক্ষণে বুদ্ধ পাদরী আমাকে বলেছিলেন—কুইনী ঠিক বলেছে সুরেশ্বরবাবু, কেন একটি কুইনী মেয়ের অশান্ত আত্মার গলায় কলঙ্কের মণিহার পরিবে তাকে আরও ছুঁতে দেবেন, লজ্জা

দেবেন! তাছাড়া আর একটা কথা বলি—। আপনি গোয়ানদের জন্তে অনেক কিছু করেছেন। এই চার্চের জন্ত আমি দিয়েছেন, অর্থও দিয়েছেন। তাই আপনার মঙ্গলের জন্তই বলছি, ওরা অভ্যস্ত স্তব্ব হয়েচে। কিছু করতে গেলে হয়তো গোয়ানরা আপনার অনিষ্ট করবে।

\*

\*

\*

তাতে আমি ভয় পাই নি সুলতা! তখন রায়বংশের রক্ত আমার মধ্যে ভেঙ্গে উঠেছে। ভয় আমি গোয়ানদেরও পাই নি, কীটচাটের লোকেদেরও পাই নি—আমি ঠাকুমার শ্রীক্ষে দু'হাত খুলে খরচ করেছিলাম। ব্রাহ্মণদের ভোজন-হৃদ্বিধা দিয়েছিলাম, দীর্ঘতাং ভূজ্যাতং সব তুলেছিলাম ভোজন আরোজন।

তখনও ১২৪১ সাল সুলতা। ক্রোড় মংল, তখনও দ্বিতীয় মহামুক ইরোয়োপ-আফ্রিকার সীমাবদ্ধ; ফ্রান্স পড়েছে। ডানকার্ক থেকে ইংরেজ কোনও রকমে প্রাণ-মান বাচিয়ে ইংলিশ চ্যানেল পার হয়ে ইংল্যাণ্ডে এসেছে। হিটলার বলকানে চুকেছে। আফ্রিকার নতুন ফ্রন্ট খুলেছে। আবিগিনিয়ার ইটালীর বাহিনীর সঙ্গে তার শুরু। তখনও ভারতবর্ষে তার আঁচ পৌঁছোয় নি, তিনিসপত্রের বাজারে ধানচালের গোলায় কণ্টোল বসে নি; তখনও বাজার সম্ভাগতা, তখনো শ্রীক্ষে বিবাহে ক্রিয়াকর্মে বাধানিষেধ নেই। আমি প্রচুর আরোজন করে ঠাকুমার শ্রীক্ষে সমারোহের সঙ্গে সুসম্পন্ন করলাম।

পরামর্শটা দিলেন বড়জ্যাঠামশাই।

যজ্ঞেশ্বর রায়! দেবেশ্বর রায়ের জ্যেষ্ঠপুত্র; রায়বাহাদুর রত্নেশ্বর রায়ের প্রিয়তম পৌত্র। রায়বংশের মধ্যে নারী সম্পর্ক রত্নেশ্বর রায়ের পর সংঘর্ষী পূরণ। তিনি হাই ব্রাউপ্রেনাব নিয়েও এসে আঁক করে চলে গেলেন। মায়ের শেষরক্তা করে প্রারচিত্তই শুধু করলেন না, উমা দেবীর গহনার অর্ধেক ভাগ নিয়ে চলে গেলেন। তিনিই পরামর্শ দিলেন।

বললেন—রায়বাহাদুর বললেন, যেখানে চামড়ার জুতো চলে না, সেখানে চাঁদির জুতো চালাতে হয়। পথের ধুলোর উপর হাঁটবে, তখন চামড়ার জুতো পরো, মাল্লেশ্বর মাথার উপর দিয়ে হাঁটতে হলে রূপোর জুতো তৈরি করে পরো, দেখবে মাল্লেশ্বরলো মাথা পেতে দিয়ে বলবে—আমার মাথার পা রাখুন। টাকা তোমার আছে সুরেশ্বর, তাই খরচ করে তিনি যা বলে গেছেন তাই কর। যখন করতে নেনেছ তখন পিছিয়ে না। টাকার সব হয়।

ভুক্ত নিশ্চয় উঠবে। এবং কথাটাও নিশ্চয় সত্য নয়। কিন্তু তখন সত্য মনে হয়েছিল, সত্য হয়েও উঠেছিল। শ্রীক্ষে কোন বাধা আসে নি। তবে হ্যাঁ, গোয়ানপাড়া নিয়ন্ত্রণ নেয় নি কিন্তু কিছু দরিদ্র গোয়ানরা গোপনে এসে মিষ্টি খেয়ে গিয়েছিল।

শুধু তাই নয়, সংকল্প যা করেছিলাম তা কোনটা অপূর্ণ থাকে নি, তা রাখি নি আমি। শ্রীক্ষের পরদিনই কাডালী-বিদায় কাডালী-ভোজনের মধ্যে আর একটি অঙ্কঠান করেছিলাম। রায়বাহাদুর রত্নেশ্বর রায় চ্যারিটেবল ডিসপেনসারীর সঙ্গে দেবেশ্বর রায় হাসপাতালের পত্তন করেছিলাম। তাতে উমা দেবীর নামে চারটে বেড। আর একটা বেড ছিল অহিন্দুরের জন্ত রিজার্ভড। তাঁর নাম কি হবে তা বলি নি, তবে বুঝতে পারব বাকি থাকে নি ওই বেডটি

শেষ পৰ্ব্বন্ত কার নামে হবে। তবু কেউ জিজ্ঞাসা করে নি বা করতে সাহস করে নি।

অতুলেশ্বর জিজ্ঞাসা করেছিল—এই বেড়টা কি—

বলেছিলাম—অহিন্দু ক্রীষ্টান মুসলমানদের ক্তে থাকবে।

—কার নামে হবে?

—অমুহান করতে তো পেরেছ। কিন্তু এতে আপত্তি করলে তাঁসপাতাল আমি এখানে কবব না। আশা করি এতে তোমাদের জোর খাটবে না।

অতুলেশ্বর চূপ করেছিল। গোয়ানরা কেউ আসে নি। তবে আলোচনা করেছিল। তাতে তারা অশুশিত্ব প্রকাশ করে নি। খুশি হয়েছে এইটে গোপন করেছিল।

আর একটা মন্দির গড়েছিলাম। গড়েছিলাম সিদ্ধাসনের জঙ্গলে, চোট একটি মন্দির তৈরী করিয়েছিলাম—পনের ফুট উঁচু মন্দির। যে-ঘরটার স্তামাকান্ত মনোহরা যোগিনীকে নিয়ে শক্তিসংপন্ন করেছিলেন বা শক্তিসংপন্নর নামে ব্যক্তিচর করেছিলেন, যে-ঘরে সন্তেরো বছরের এক কন্দর্পের মত দেবেশ্বর রায় চোদ্দ-পনেরো বছরের বিশেষরী ভায়লেটের সঙ্গে প্রথম মিলিত হয়েছিলেন, দেবেশ্বর রায়ের মৃত্যুর পর যে-ঘরে চালের কাঠে দড়ি বেঁধে গলায় দড়ি দিয়ে আত্মহত্যা করেছিল ভায়লেট, সেই ঘরের ভাঙা দেওয়ালগুলোর ভিত্তে ভিত্ত খুঁড়ে মন্দিরের পত্তন করেছিলাম। সিদ্ধাসনের একটি মার্বেলের বেদী তৈরী করিয়ে দেবার সংকল্প করেছিলাম।

গোধ হর তেঁম্বর মনে আছে, শুই সিদ্ধাসনে পূজা শুধু হিন্দুরাই দিত না, গোয়ানরাও দিত; তিনুং পাঠা বলি দিত বিজয়া-দশমীর দিন—গোয়ানরা নৈখাত কোণে একটা নির্দিষ্ট আয়গায় মূর্গী বলি দিত।

ব্রাহ্ম-মণ্ডার পূজা ভোগ দিতে তারা বেদীর কাছে এসে নামিয়ে দিত। ১৯৪১ সাল ৪২ সাল পর্যন্তও দিয়েছে।

৪১ সালে হাসপাতালের সঙ্গে ভিত্ত পত্তন করেছিলাম এবং মনে মনে সংকল্প করেছিলাম—মন্দির সম্পূর্ণ হলে শুই মন্দিরের মেঝেতে বেঁধে নীচে একটা মার্বেল ট্যাবলেট বসিয়ে দেব, যাতে লেখা থাকবে—‘যে-নারী তাঁর প্রেমাস্পদের মৃত্যুতে বিরত সত্ত্ব করতে না পেরে এখানে যেচ্ছার দেহত্যাগ করেছিলেন, তাঁর অক্ষরস্বর্গ হয়েছে এই সিদ্ধাসনের প্রসাদে।’

মুখে সংকল্প প্রকাশ করি নি। গোড়ায় কেউ নুতনও পারে নি।

এক বছর পর।

১৯৪২ সাল, অক্টোবর মাস। তখন মেদিনীপুর দাউ-দাউ করে জ্বলছে। আগস্ট মূডমেট আরম্ভ হবে পূর্ণ বগে চলেছে। ভারতবর্ষে ব্রিটিশ সাম্রাজ্যের ভিত্তিভূমি বাংলা দেশে—সেই বাংলা দেশের মেদিনীপুর জেলার তখন থানা পুড়ছে, সরকারী আপিস পুড়ছে। বড় বড় বাণেশর ডগায় তেরদা আগ্রা উড়ছে। বিচ্ছিন্ন হয়ে গেছে মেদিনীপুর ব্রিটিশ সাম্রাজ্য থেকে। সেই সময় এই মন্দিরে কীৰ্ত্তিহাটের কড়চার রায়বাহীর জবানবন্দীর শেষ ঘটনা ঘটল।



ওই যুদ্ধেরই আমার কাঁধে একজন গোরান ছুঁই মারলে।

বিচিত্র ঘটনা। আমার জীবনবন্দীর শেষ ঘটনা।

২২শে মার্চের মেরের সাদা মাৰ্বেল লাল হয়ে গেল। এবং তাতেই ধুয়ে গেল দেবেশ্বর  
রায়ের অপরাধ। তাতেই আমি মুক্তি পেলাম ঋণাকাত্তের অভিলাপ থেকে। তখন  
বঙ্গোপসাগরে সার্কোজিন আসছে। পরের দিনই মেদিনীপুরের সমুদ্রকূলে তুফান তুলে  
চুকবে। তাতেই ধ্বংস হবে ব্রিটিশ সাম্রাজ্যের শিতের মূল পাথরটা, কেটে যাবে। তার সঙ্গে  
সঙ্গে রায়বাড়ীর ভিন-মহলা বাড়ীও ভাঙবে, কাটবে।

ঘটনাটা ঘটল পঞ্চমীর দিন সন্ধ্যায়।

১৯৪২ সালের আশ্বিনের দুর্গাপঞ্চমী। আকাশে তখনও মেঘের কোন বটা নেই, কোন  
ইশারা নেই, বঙ্গোপসাগরে কোথায় কোন দিগন্তে বায়ুগুণে নিম্নচাপের সৃষ্টি হয়েছে তা কেউ  
জানেন না, তবুতো প্রকৃতি নিজের সচেতন মন; শরতের আকাশে মেঘচৌদ্দের খেলা চলেছে;  
পূজার ঢাক তখন ভোরবেলা আর সন্ধ্যাবেলা একবার করে বেজে যায়; তাকে ধুয়ে দেওয়া  
বলে। ১৯৪২ সালে মেদিনীপুরের অস্ত্রা তখন ভয়ঙ্কর। আগস্ট মুনডেন্ট আক্রমণ হয়ে গেছে।

ইন্দোচোপের যুদ্ধ পশ্চিম থেকে পূর্ব দিগন্তে ছিটকে এসে পড়েছে। গার্ল হারবার থেকে  
শুরু করে জাপানীরা ঠাণ্ডা সিঙ্গাপুর কেড়ে নিয়ে গোটা বার্মা; মূল্যবান টিনিয় নিয়ে নিয়েছে।  
ইংরেজের পল্টন হাটে হাটে ক্রান্ত হয়ে পোত খেতে গুমিয়ে পড়েন পড়েন কোন রকমে  
ইণ্ডিয়াতে এসে হাঁপ ছেড়েছে। ভারতবর্ষের পুষ্করণ কেড়ে নেবে আদায় করে ব্রিটিশের  
প্লানিং করে ফেলেছে। মেদিনীপুর সমুদ্রকূলে একেটা সার্কোজিন এসে ইংরেজ সরকার  
কেড়ে নেবার নোটিশ দিয়েছে। একই মধ্যে কংগ্রেস ফুট ইণ্ডিয়া রেজলুশন নিয়ে বণ্ডে—  
“ভারতবর্ষ ছেড়ে ছাড়া চলে যাক।” অল্প দিকে রাজার জিনিসপত্রের দর হু হু করে চড়তে  
শুরু করেছে।

বাংলা দেশে কলকাতা থেকে শুরু করে আসাম অঞ্চল পূর্বের জুড়ে ইংরেজ এবং  
আমেরিকান সৈন্য ছেয়ে গেছে।

এরই মধ্যে ফুট ইণ্ডিয়া রেজলুশন থেকে আঙন লেগে গেল দেশে। গোটা ভারতবর্ষেই  
লাগল আঙন কিন্তু বাংলা দেশে মেদিনীপুর জেলা হয়ে ছিল বাকুদের গাদা, সেই গাদার  
বিস্ফোরণ ঘটে গেল।

মেদিনীপুরের আত্মার প্রতীক মাতঙ্গিনী হাজরা—তিনি খানা দখল করতে গিয়ে গুলি  
খেয়ে মারা গেলেন। কিন্তু খানার দখল দিয়ে গেলেন সাধারণ মানুষদের হাতে। কীর্তি-  
হাটের দখল নিয়ে বঙ্গ কীৰ্তিহাট কংগ্রেস, কংগ্রেসের সভাপতি রতনাল মণ্ডলের ছেলে,  
সেক্রেটারী অতুলেশ্বর রায়।

খানার দারোগা পালিয়েছিল—কনস্টবলেরাও পালিয়েছিল—একজন এ-এস-আই  
ধরা পড়ে দেশী সরকারের হাতে অ্যারেস্টেড হয়েছিল। সঙ্গে সঙ্গে যারা ইংরেজপক্ষের লোক  
ভারা হয়েছিল নজরবন্দী। তার মধ্যে ছিলাম আমি। আমি জমিদার; আমি এর আগে  
মেজদার কেলে এবং অতুলেশ্বরের কেলে কংগ্রেসকে সাহায্য করেছি বটে তবুও বার বার

হুকুম অমান্য করেছি। আর নজরবন্দী হল গোটা গোয়ানপাড়ার লোকেরা। যে সব লীগ-পহী মুসলমান আনাগোনা করছিল তারা অন্তত হয়ে গেল। ফিরে গেল আপন আপন নিরাপন্ন আস্তানায়।

তখন সবে হাসপাতাল তৈরী শেষ হয়েছে; বিছানাপত্র এবং সরঞ্জামও এসেছে কিন্তু অহুষ্ঠান করে উদ্বোধন হয় নি। পূজার আগেই উদ্বোধনের কথা—উদ্বোধনের জন্য জেনারেল ম্যাজিস্ট্রেট এন এম খানের আসবার কথা। কিন্তু বিপ্লব বল বিপ্লব বিদ্রোহ বল বিদ্রোহ তার আগুন জলবার পাই আমার উপর পরওয়ানা জারী হল—হাসপাতাল অবিলম্বে খোলা হবে। ওপন করবেন কংগ্রেস সভাপতি।

হাসপাতালের জরুরী প্রয়োজন। আদত হচ্ছে যারা তাদের চিকিৎসা চাই।

তাই হ'ল। আমি সেদিন হাত জোড় করে কংগ্রেস সভাপতিকে আহ্বান করে বললাম—আপনি যে অনুগ্রহ করে এই দেবেশ্বর র'র হাসপাতাল উদ্বোধন করতে সম্মত হয়েছেন তাতে স্বাগত এবং আমি কৃতজ্ঞতাবোধ। আপনি জননায়ক।

জিভে আটকায় নি। সংকোচও বোধ করি নি তুলতা। বরং যেন কিছুটা খুশীই হয়েছিলাম। তবে স্বাচ্ছন্দ্য বোধও করি নি। কারণ এদের দলে আমার স্থান অনেক নিচে এটা মনে করে আড়ষ্ট হয়ে জীবনের জন্যে সহজ উল্লাস আসবে কি করে বল। তবে অনুগ্রহের শপথ নিয়েছিলাম। বিনিময়ে অস্থায়ী স্থানীয় সরকার আমাকে বন্দী করে ঘরে আবদ্ধ রাখে নি। বটে তবে নজরবন্দী করে রেখেছিল। গতিবিধি সীমাবদ্ধ ছিল গ্রামের মধ্যে। তিসি দেখা বাধে ছিল। আরও বাধানিষেধ ছিল কিছু কিছু। আমি এরই মধ্যে চেয়েছিলাম ওপরে সিদ্ধাসনের মন্দিরে যাওয়ার অধিকার।

আমি একটা অজুহাত অনেক খুঁজে খুঁজে বের করেছিলাম। ওই সিদ্ধাসনের মন্দিরে আমি ফ্রেঙ্কের মত ছবি আঁকব।

প্রার্থনা আমার মজুর করেছিলেন কংগ্রেস প্রেসিডেন্ট। কারণ গোটা গোয়ানপাড়াটা গত দু'বছরের ভোট কগড়া থেকে সন্দেহ জন হিসেবে তখন সতর্ক খেজারসৈনিকদের কড়া পাঁহাওয়ায় রয়েছে। এবং আমি নজরবন্দী হলেও বিশেষ সম্মানিত নজরবন্দী। আমার দেওয়া হাসপাতালেই কংগ্রেসী বেচ্ছাসেবকদের চিকিৎসা হচ্ছে। এমন কি প্রেসিডেন্ট নিজেই ওপনিংয়ের সময় ওই অগ্নিদূদের জন্ত সারফিও বেডটির নামও ঘোষণা করেছেন—ভায়লেন্ট সিদ্ধান্ত বেড। কিন্তু রিজার্ভ রাবার শর্টটি তুলে দিয়েছেন। স্বাধীন ভারতবর্ষে এই জাতিভেদ চলবে না। বাংলায়—হিন্দু মুসলমান ক্রীষ্টান ভেদ আমাদের নেই, তারা আমাদেরই আপন লোক। তবে বিশ্বাসঘাতকতা কারুরই বরদাস্ত করা হবে না।

গোয়ানরা বলতে কিছু পারে নি, সাহস করে নি। তারা তখন হেরে গেছে, তখন গোটা পাড়াটাই কড়া পাহারায় বাস করছে। কোন অসন্ধান নেই কোন নিষাধন নেই। তবে বাইরের লোক ভিতরে আসতে পার না, ভিতরের লোক বাইরে অর্থাৎ গ্রামের বাইরে যেতে পার না। বাইরে যে কাজ থাক বা বাইরে থেকে যে কিনিগের প্রয়োজন হোক তা করে দেয় বা এনে দেয় কংগ্রেসের খেজারসেবকেরা।

এই বিচিত্র অবস্থার মধ্যে নিঃশব্দ আমি যেতাম সিদ্ধাসনের নতুন মন্দিরে ছবি আঁকতে। কিন্তু আঁকা হ'ত না। কি আঁকব ভেবে পেতাম না। কল্পনার মধ্যে ক্রমাগত দেবেশ্বর দায় ও ভারলেট পিজ্জের ছবি ভেসে উঠত। আঁকতে ইচ্ছে হ'ত দেবেশ্বর এবং ভারলেটের প্রথম মিলন দৃশ্য এবং ভারলেটের ও দেবেশ্বর রায়ের মৃত্যুদৃশ্য।

সে ট্যাবলেটটা তখনও বসানো হয় নি। সেটা কলকাতায় বরাত দেওয়া ছিল, এনে পৌঁছয় নি।

আগস্ট মাস থেকে অক্টোবর—দুর্গাপঞ্চমীর দিন পর্যন্ত নিত্য যেতাম। ছবি আঁকার অজুহাতে, কিন্তু ছবি আঁকতে নয়। যেতাম আমি কুইনীকে দেখতে।

আমার জীবনবন্দীতে আমি মিথ্যা বলব না। এর আগেই আমি বলেছি—ঠাকুরমার প্রাণের সময় যখন কুইনীকে দেখেছিলাম তখন থেকেই আমি তার মোহে আচ্ছন্ন, তার কামনায় আমি প্রেমস্ত এবং কারিক মিলনের কামনার সঙ্গে প্রেমের সম্পর্ক নিকট এবং নিগূঢ় বলে তার প্রেমের আমি প্রেমার্ত বলতে দ্বিধা করছি নে।

কুইনী আমাকে প্রত্যাখ্যান করেছে। বলেছে সে আমাকে ঘৃণা করে, কিন্তু আমি ভাতেও তিক্ত হই নি, বিমূগ্ন হয় নি, প্রত্যাখ্যানেও আমি আহত হই নি, তার উপর ক্রুদ্ধ হতে পারি নি। বরং উটো হয়েছিল, আমি আরও বেশী করে আকৃষ্ট হয়েছি। নিত্য সে প্রেম, সে কামনা তিলে তিলে বেড়ে সে তিলোত্তমার মত সম্পূর্ণ হয়ে প্রাণপ্রস্ফুট প্রতীক্ষার আচ্ছন্ন।

মন্দির শুরু করবার পর থেকেই আমি কাজ দেখবার অছিলায় নিত্য যেতাম। তখনও আগস্ট মুনমেন্ট আরম্ভ হয় নি। তখনও গোয়ানপাড়া কীতিহাটের লোকদের সঙ্গে রেষারেষি বেধে চলেছে। আমিও তখন জমিদার। স্বাধীন আমার গতিবিধি। প্রয়োজন ছিল কিনা জিজ্ঞাসা করলে বলত—আমার মত লোকের পক্ষে যাবার কোন প্রয়োজন ছিল না। কারণ এমন করে দাঁড়িয়ে থেকে নিজে তদারক কার কাজ করানো আমার স্বভাবের বাইরে, কখনও করাই নি। হিসেবীও আমি নই। বাবা এত প্রচুর মেখে গিয়েছিলেন যে হিসেব আমাকে করতে হ'ত না। প্রায় শেষ করে এনেছি—তবুও ছিল। ঠাকুরমার মৃত্যুর পর হাদিপাতাল পড়ান করে শুকনোই থেকে গেলাম। গিয়েছিলাম যে সব আকর্ষণে তার মধ্যে ছোট্ট আকর্ষণ বড় ছিল—একটা ছিল জমিদারীর জেদের আকর্ষণ আর একটা কুইনীর আকর্ষণ। কুইনীকে দেখতে পাব। তার উপর নেশা ধরে গেছে আমার। জীবন কামনার্ত হয়ে তাকে চাচ্ছে।

আমার চোখে তখন কুইনীর রূপ এক আশ্চর্য রূপ।

কিন্তু কুইনী কীসাই পার হয়ে কীতিহাটে আগত না। গোয়ানপাড়াও না।

কুইনীর এবং বুদ্ধ পাদরীটির ব্যবহার ওরা এই কীতিহাটের সঙ্গে ভোটের ঝগড়া থেকেই একটা সংগঠন গড়ে তুলছিল। ঠাকুরমার প্রাণে ভারলেট পিজ্জ আর দেবেশ্বর রায়ের সম্পর্ক নিয়ে ঝগড়াটাকে আরও পাকিয়ে তুলে নিজেদের সংগঠনটিকেও শক্ত করে তুলেছিল। কীতিহাটে তারা স্বাস্থ্য না। এখানকার ফ্রি প্রাইমারী স্কুলে ছেলেমেয়েদের পাঠাতো না।

এখানকার গাংল'স স্কুলে যেহেঁরা যারা পড়তে আসত, তাদেরও ছাড়িয়ে নিয়ে কুইনী নিজে একটা কোচিং রান খুলেছিল। এমন কি কীৰ্ত্তিহাটের দোকানে জিনিসপত্র কেনাও বন্ধ করে গ্রামেই একটা মদীর এবং একটা ছোটখাটো মনিহারীর দোকান খুলেছিল। এ গ্রামে প্রয়োজন হলে যখন কাউকে আসতে হ'ত তখন হুঁতিনজন মিলে আসত। কীৰ্ত্তিহাটের লোকেরা যেতে হলে পাঁচ-সাতজন মিলে দর্পণের যেত। গোমেশ ডিফুজ আমার বাড়ীর চাকরি ছেড়ে দিয়েছিল। আমি যখন জমিদারীর নেশায় কুইনীর আকর্ষণে ওখানে থাকলাম তখন কলকাতা থেকে হুঁজন নেপালী দারোয়ান রেখেছিলাম। কিছুদিন পর আরও একজন ওখানকার দুর্ধর্ষ লাঠিয়ালকেও রেখেছিলাম। মস্তরকত কর্মদারী আসর সাজতে বসে, ঠাকুমার শ্বশুরমার কাছটাকে আশ্রয় করে ওখানে কুইনীকে জর করতে চেয়েছিলাম। এ নেশা মস্তবতঃ সংসারের সব নারীপুরুষই ঘোবনকালের সঙ্গে মজ্জা হলেও করে থাকে কিন্তু নেশা যাকে ধরে তার আর নিষ্কৃতি থাকে না। মদ অনেক পায় কিন্তু মদে খাওয়া বলে একটা কথা আছে, মদে থাকে ব্যাং তার এমন আর নিষ্কৃতি থাকে না একেবারে ঠিক তাই। নারীকে দেখে পুরুষের ভাল লাগে কিন্তু যে পুরুষ কোন বিশেষ নারীর নেশায় পড়ে তার আর ঘুণা থাকে না, লাজা থাকে না, ভয় থাকে না, তার জন্ত সে সপমান গ্রাহ্য করে না, আঘাত গ্রাহ্য করে না, সব কিছুতে মাথাব কবে নিয়েও তাকে পেতে চায়। আমি কুইনীকে তেমনি করে রেখেছিলাম।

ওই দারোয়ানদের একজনকে সঙ্গে করে ওই সিদ্ধাসনের দিৱের কাজ দেপতে যেতাম। দেখতে যাদের গুরুত্বের উপর খোর দোকান জঙ্গ উড়িঙা থেকে পাখরের কারিগর এমন পাখরের কাজ করার প্রায় জুড়ে দিচ্ছেলাম। এবং ওই হাঁসের থেকে একটু সরে লাঠিয়াল বাগদীদের একটা পল্লী ঘাসিয়েছিলাম, জমি দিচ্ছি, খরচ করার বরাদ্দ দিয়ে, যেন গোয়ানরা মন্দিরটার সাজনা করে, ভেদ না দেয়।

গোয়ানরা আসত একটা সামান্য ঘরখানা। তারা সেখানে থেকে দাঁড়িয়ে দেখত। এদের সঙ্গে একবার না একবার কুইনী আসতে। আমি একখানা চেয়ার পেতে বসে থাকতাম এই সময়টুকুর জন্য। কুইনীকে দেখে মন ভুগতে ভরে যেত। তার দিকেই তাকিয়ে থাকতাম। সে সহ্য করতে পারত না আমার দৃষ্টি, বেশ একটু উত্তপ্ত হয়েই সে চলে যেত। আমার চিত্ত বিগ্ৰহ অতৃপ্ত হয়ে উঠত। কিছুদিন সে একেবারেই আসত না। আমি অশান্ত অতৃপ্ত মনে সাহায্য বসে থেকে কিবে আসতাম অপেক্ষা করতাম। রাতে ঘুমতে পারতাম না। মজ্জপান করে ঘরে বসে হঠাৎ বাঁশের বাঁশী নয় তো বেহালা নিয়ে সেই ভবির ঘরে বসে সুর তুলতাম। গভীর রাত্রি পর্যন্ত বাজত আমার বাঁশী, অথবা আমার বেহালা। লোকের আমাকে ঘুণা করতে শুরু করেছিল। কারণ আমার মনের কথা আমি ঢেকে রাখি নি আঁবরণ দিয়ে। আমার জবরদস্তি করে উচ্চকণ্ঠে ঘোষণা করেও কিছু বলি নি, যার ক্ষেত্রে লোকে আমাকে শাস্তি দিতে পারে।

বেশ কিছুদিন না আসার পর কুইনী একদিন এল। আমার মুখ উজ্জল হয়ে উঠেছিল বোধ হয়। ওদের সীমানা রেখার ওপাশে দাঁড়িয়ে বললে—গুহন।

আমি উঠে গেলাম।

তীব্র ক্ষুর কণ্ঠে বললে—আপনি এখানে কেন আসেন? কিসের জন্ত?

মন্দির দেখতে আসি বলি নি আমি। আমি বলেছিলাম—আমার ভাল লাগে বলে আসি। স্থানটিকে আমি ভালবাসি। এবং—

—কি?

—থাক সে বখা, অহুজ্জ্বল থাক।

—আপনি অতি ইতর। বসে সে চলে যেতে যেতে বলেছিল—আর আসবেন না।

—আমি আসিব। আমার কথা সে শোনে নি, সে চলে গিয়েছিল।

কিছুদিন পর অতুল এসে একদিন বললে—সুতরাং, এতকাল পর তুমি সত্যিই জমিদার রায়বংশের দারা ধরলে। জ্যাঠামশাই দেববংশ রায়ের পাট্টা রাখবার জন্ত কোমর বেঁধে লাগলে শেষ কালটার।

বেশ খোসমেজাজে ছিলাম। অর্থাৎ নেশার বোঝে। বললাম—তোমার নীল রক্ত দেউলে হয়ে লাল হয়ে গেছে অতুল খুঁড়ো। যে-মাথা তাজ পরে সেই মাথা কাটা বাঘ, তাই বলে তাজ পরতে কেউ ছাড়ে না। দরকার হলে মাথাটা দেব গো।

অতুল বলেছিল—তারেরি নেই সম্ভবঃ—কারণ আগস্ট এখন সামনে। আগস্টের প্রথমের কংগ্রেস কুইন্ট ইন্ডিয়া হুডমন্ট রেজলুশন নিলে।

দেখতে দেখতে সারা ভারতবর্ষ আগুন জ্বলল। বাংলাদেশে জ্বলল প্রথম মেরিনীপুরে।

মাতঙ্গিনী কাকরার রক্ত ফিরে সিলে মাটির উপর স্বাধীন ভারতের পতাকা দণ্ড পোতা হল। মেরিনীপুরে ব্রিটিশ সরকারের অধিকার উদ্ভিন্ন হয়ে গেল। পল্টন দেড়ে দরে ইংরেজ আবার তাকে কারেম করতে চেষ্টাছে। বাইরে দেখানোর মত দখলও একটা নিয়েছিল বটে কিন্তু আর মেরিনীপুরে সিলে ইংরেজ রাজত্ব কারেম হয় নি।

সেই সময়ে মন্দিরের পাথর বসানোর কাজ হচ্ছিল। একটা কথা বলতে হলেছি, প্রথম যখন মাপ অচুযাঙ্গী লাগলে পাথরের স্যাদগুলি এসে ওখন একটা বিস্ময়ের লাড়া পড়ে গিয়েছিল চারিদিকে। পাথর বসাবে মন্দির। আশ্চর্য মন্দির তৈরী হচ্ছে।

গোরনপাড়ার লোক আগে এসেছিল। ভিত করে দাঁড়িয়ে তারা দেখেছিল। কিছুক্ষণ পর অনেকদিন পর এসেছিল কুইনী। অনেকক্ষণ দাঁড়িয়ে দেখে সে চলে গেল।

পাথরের স্যাদগুলির উপর নক্ষত্র ডিজাইন আমি নিজের করে দিয়েছিলাম। রায়বাড়ীর কথা কীতিহাতের কড়চার একটা খসড়া আমি তার মধ্যে ফুটিয়ে দিতে চেষ্টা করেছিলাম। কিন্তু নক্ষত্র যুগ ডিজাইনটা ছিল লতার মধ্যে বিকশিত পদ্মের সারি। যদি কোনদিন কীতিহাত যাও তুমি দেখে খুশী হবে এ কথা বলতে পারি।

ওই নক্ষত্র যখন দেওয়ালের গারে রূপ নিয়েছে, স্যাদগুলি বসানো হয়েছে, তখন একদিন বেড়ার ওপাশে দাঁড়িয়ে দীর্ঘক্ষণ দেখে আমাকে ডাকলে, বললে—তুহন।

গেলাম। সে বললে—এত সুন্দর মন্দির তৈরী করছেন কেন? কিসের কার মন্দির?

আমি বললাম—উপলক্ষ্য হিসেবে সবাই বা বলে ওাই, সিদ্ধাসনের দেবী যোগিনীর মন্দির। বার পূজো হয় বিজয়াদশমীর দিন, বাসন্তীপূজার সময়। আসলে এ মন্দির আমি উৎসর্গ করছি একটি ভালবাসার উদ্দেশ্যে। এখানে একটি তরুণ একটি তরুণীকে প্রথম ভালবেসে মিলিত হয়েছিল, এবং পরে শুই প্রেমাঙ্গদের মৃত্যুতে যেরেটি যেজ্ঞার মৃত্যুকে ডেকে তাঁকে পেতে চেয়েছিল। তারই অল্পে এত সুন্দর করে গড়া।

হিরদৃষ্টিতে মন্দিরের দিকে তাকিয়ে সে অনেকক্ষণ দাঁড়িয়ে ছিল। অনেকক্ষণ। তার আশেপাশে আরও কয়েকজন গোরানও ছিল। আমিও আমার আসনে ফিরে গিয়ে বসি নি, বেড়াটা মাঝখানে রেখে সে দতক্ষণ ছিল ততক্ষণ দাঁড়িয়েছিলাম। ইঠাৎ এক সময় সে ভিড় ঠেলে চলে গিয়েছিল।

পরের দিন থেকে আবার সে আসা বন্ধ করেছিল, কিন্তু শুক দ্বিপ্রহরে তাকে দেখতে পেতাম সে গোরানপাড়ার ভিতরে তার বাড়ীর জানালা ধরে দাঁড়িয়ে আছে।

যেদিন পাথর বসানো শেষ হল সেদিন আশ্বিনের আকাশ কলমল করছিল। পিতৃপক্ষ শেষ হয়েছে। মহালয়া গেছে আগের দিন। মন্দিরের বাইরে ভাঙা খুলল। ভিতরের কাজও শেষ হয়ে গেছে; সেদিন অনেক লোক এল দেখতে।

আমি বললাম কুইনটোকে : এত লোকের মধ্যে কাউকে কেন আর দেখতেও পেলাম না। অনেক খুঁজে তাকে দেখতে পেলাম। ভিড়ের মধ্যে। মন্দিরটাও দেখছিল সে। আমি তাকেই দেখছিলাম। ইঠাৎ গোপে চোখ মিলল। সে আবার দাঁড়িয়ে গেল।

বাড়ী কিংবে এলাম সন্ধ্যাবেলা।

আসবার সময় কীদাঁটেরের খোঁজঘাটে দাঁড়িয়েছিল গোবিন্দ। সে হেঁট হয়ে অবস্থার করে বললে—হজুর। আপনাদের জন্ম দাঁড়িয়ে আছি।

বললাম—কেন? দরকার আছে?

সকাল জন্মের রাতে মাঝে মাঝে আমার হাতে একখানা কাগজ দিলে। তার সঙ্গে শুঁকে দিলে একটা ভাঁজ করা টুকরো কাগজ। বললে—একটা দরখাস্ত জিলাম হজুর। এবার পূজোর সময় কাগজচোপড় কিছু হবে না হজুর।

বাড়ী এসে দাঁখাশুণালার চোখ বুজিয়ে টুকরো কাগজটা দেখলাম। খুব সুন্দর করে পিন দিয়ে ভুড়ে দেওয়া ছিল। তাতে লেখা ছিল। “মন্দির শেষ হ’ল, এরপর দয়া করে আর এখানে আসবেন না। আমার মিসিকি এরা অত্যন্ত জুঁক হয়ে উঠছে। আমি পল্লব মত অসহায়। আপনাদের অনিষ্ট করাব না।”

আমি উৎসে উঠেছিলাম শ্রুততা। ঠিক সেই সময়েই কে ডেকেছিল—সুশেখর।

চমকে উঠেছিলাম। ডাক মেজদিদির। মেজদিদিকে কলকাতার অর্চনার কাছে রেখেছিলাম। তিনি এসেছেন সেদিন। অতুল তাঁদের খবর নিয়েছে—“আমাদের অভিসম্পাত সুশেখরের ঘাড়ে ভার করিগাছে। সে গোরানপাড়ার কুইনী মেয়েটার জন্ত উন্মত্ত হইয়া উঠিগাছে।”

আমি চমকে উঠেছিলাম। সত্যিই কি তাই? পুরুষ নারীর জন্ত পাগল হয়, নারী

পুকুরের জন্ত পাগল হয়। দেহসন্তোষের অন্তহীন অতৃপ্তিতে মানুষ বিকৃতমস্তিষ্ক হয়। আবার মহাপ্রকৃতির অভিমানপাতে শ্রাম্যাকান্ত ইহকাল পরকাল সব হারিয়ে নিজের গলা টিপে নিজেকে পীড়িত করেন। মাথা কুটে রক্তাক্ত করেন নিজেকে।

আমি কি— হয় তো তাই। কিন্তু ফিরবার শক্তি আমার ছিল না। আমার আপসোসও ছিল না। কুইনীর ডকু ইহকাল হারাতে আমার এটুকু খেদ ছিল না। আমি সব হারাতে প্রস্তুত ছিলাম। আমার সব সম্পদ। আমার জীবন ব'লে বাড়াবাড়ি করব না। তবে তাও পারতাম। কুইনীর জীবন বিপন্ন হলে তাকে রক্ষা করার জন্তে সে বিপদের সঙ্গে লড়ায়ে যেতাম, তাতে যত্ন হলে মরতাম। কুইনীই যদি সেই প্রকৃতি হয়, রহস্যময়ী হয়, তবে তাকে মা আমি বলব না। তার ওস্তো পাগলও হয় না।

খাক স্থলভা, এখন যা হয়েছিল বলি। তবে—

তবে—একটা কথা বলে নিই। কুইনীর প্রাণ এই আকর্ষণ যে কেন এত প্রমত্ত, তা আমি বিশ্লেষণ করে দেখেছি। ঠিক পুরো বুঝতে পারি নি। শুধু এটুকু বুঝতে পারি—তার রূপের মধ্যে এমন একটা কিছু ছিল, যা আমার পুরুষচিত্তকে প্রমত্ত করে। অর একটা কথা। এটা এর আগে বলেছি। বার বার মনে হত, ও আমাদের—ও আমাদের—আমাদের সম্পর্ক আছে ওর সঙ্গে। মনে পড়ত অজ্ঞানকে, রত্নেশ্বর রায়কে। মনে পড়ত দেবেশ্বর রায় এবং ভারলেটকে।

পরদিন সকালে উঠে চা খেয়ে উঠে দাঁড়ালাম। যাব সিদ্ধাসনের মন্দিরে। কিন্তু কাল মন্দিরের কাজ শেষ হয়েছে। এর মধ্যে ঘরে মেজদি, অভুলেশ্বর থেকে ওপরে গোরানদের মধ্যে এ দিগের একটা সাজা পড়ে গেছে। এবং সময়টা এমন যে, আজ আর আমার ব্যক্তিগত অধিকার, সম্পত্তিগত অধিকার, কোন অধিকারই আমার স্বাধীন যথেষ্ট বিচরণের পথ খোলা রাখে নি। আগস্ট মৃত্যুঘণ্টার প্রায় কাপটা চলে গেছে। সাব-ডিশিশন এবং বড় বড় সরকারী এলাকার জরগাগুলোর পুলিশ মিণিটারীর সাহায্যে আবার শৃঙ্খলা ফিটেছে বটে কিন্তু তার বাইরে অধিকাংশ এলাকায়ই বিপ্লবী স্বাধীন সরকারের অধিকার কায়েম আছে। অধিকাংশ মানুষ স্বাধীন সরকারের পক্ষে। তাই তাই তাদের সৈনিক। সরকারী পক্ষের লোক বলে যারা চিহ্নিত, তাগা কড়া নজরের মধ্যে এসবাস করেছে। তাদের উপর নিষেধন নেই, কিন্তু তারা ভয়ে প্রায় পশু হয়ে গেছে। চোর-ডাকাত প্রভৃতি দুর্ধর্ষ মানুষেরাও স্বাধীন সরকারের অল্পগত সৈনিক হিসেবে সং হয়েছে এবং বিন্দ্র হয়ে কাজ করেছে।

আমি জর্জদার, সেই হিসেবে এবং একদিন বিদায় সভাগ্রন্থ লিখেছিলাম, সেই হিসেবে তাদের খাতার দাগী আসামী। আবার মেজদিদির কেসে অভুলেশ্বরের কেসে আমি লড়েছি এবং কীতিহাটের কংগ্রেস সভাপতি বেদিন আমার বিচার করবার জন্ত আসামী হিসেবে তলব করেছিলেন, সেদিন পুলিশের কাছে আমি তাঁদের বাঁচিয়ে জবানবন্দী দিয়েছি বলে আমার নামের পাশে, চিত্রগুপ্তের খাতার মত, তাদের ডোসিয়ারে কিছু পৃথাকলও আছে। আমার হাসপাতাল আমি কংগ্রেস সভাপতিকে দিয়ে ওপন করিয়েছি এবং আজ গোটা হাসপাতালটাই

তাদের হাতে দিয়েছি, এটাও আমার একটা পুণ্যকর্ম। তাই আমার এ স্বাধীনতাটুকু ছিল। আজ সকাল থেকে যেন ওখানে না যাই তার একটা সাবধান-বাণী অতুলেশ্বর উচ্চারণ করে গেছে। গোমেষের হাত দিয়ে সাবধান করে দিয়েছে কুইনী। কিন্তু তাই আমাকে বেলী করে টানলে। কুইনী আমার ক্ষেত্রে উৎকণ্ঠিত হয়েছে। আমি না গিয়ে পারি।

আমি একটু ভেবে রঙ-তুনি একটা ঝোলায় পুরে রঙনা হয়ে গেলাম। প্রেসিডেন্টের কাছে ছবি আঁকবার সম্বন্ধে ওপারে যাবার মতুন অসম্মতি নিয়ে চলে গেলাম।

ওপারের ঘাটে যেখানে নামতাম, সেটা গোরানপাড়ার সামনে পড়ে। ওখানে নামতেই কতকগুলো মেয়ের সঙ্গে দেখা গেল। তারা মুখে কাপড় ঢাকা দিয়ে হেসে বললে, বাবু ফের এসেছে আজ।

তারপর ঘটনাটা অত্যন্তই কতকটা ঘটে গেল। ওখানে যাওয়ার কিছুক্ষণের মধ্যেই। বোধ হয় ঘটাবানেকের ভেতর। সেদিন রাতমজুররা নেই। থাকবার মধ্যে সঙ্গে পাঁচ একজন দারোয়ান আর আছে যেসব শক্তপোক্ত লাঠিয়ালি-জানা ছোটকাভের সুদৃঢ় বাস করিয়েছি তাদের বাড়ীর বেয়েরা। পুরুষেরা চাষের কাজে গেলেন। কতক গোরানপাড়ার গোরানদের রাগের আগুন স্বযোগ পেয়ে জ্বল উঠেছে।

কেন আসবে বাবু—এই পারে কেন আসবে? তারা জীনে কি করে বাবু আসে! তারা আর সহবে না। পাড়ার সব থেকে নবজোয়ান ছেলেটি এসেছিল জনগন করে। তখন কুইনী এসে বেজর ওপারে দাঁড়িয়েছে। আমি তার দিকে তাকিয়ে হাসলাম। তার গোঁধ-মুখে উত্তেজনা। সে হাঁপাচ্ছিল উত্তেজনায়।

সে বললে—কেন এসেছেন? আবার কেন এসেছেন?

হেসে বললাম—মন্দিরের ভেতরে ছবি আঁকব।

—ছবি?

—হ্যাঁ।

—না! আঁকতে হবে না, পাবেন না আঁকতে, যান কিরে যান বাড়ী।

আমি একটু হেসে বললাম—না। বলছি আমি শিখিন কি বলি, গিরে মন্দিরের দাঁড়িতে পা দিলাম। ঠিক সেই মুহূর্তে—সেই মুহূর্তে ঘটল কাণ্ডটা। বলতে গেলে কয়েকটা নিমেষ কেলতে যে সময় লাগে, তারই মধ্যে।

প্রথমেই শুনলাম—কুইনী চীৎকার করে বললে—না, না। জন—জন! না।

চমকে পিছন ফিরে দেখলাম একজন ছোয়ান গোয়ান। সে জুত হয়ে ছুটে প্রায় আমার পিছনে এসে দাঁড়িয়েছে, হাতে তার ছুরি। ঠিক সেই মুহূর্তে, তার পিছনে ছুটে এসে তাকে সবলে কোমরে আঁড়িয়ে ধরলে কুইনী। —না। বলে চীৎকার করে উঠল সে। কুইনী তাকে অঙ্গসংরক্ষণ করেই ছুটে এসেছে তার পিছন পিছন।

জন তাকে বাঁক দিয়ে ঝেড়ে ফেলে দিয়ে আমার উপর ছুরি তুললে। যেটুকু সময় পেরেছিলাম, তাতেই আমি তাকে আটকাবার চেষ্টা হাত তুললাম, ধরলামও কিন্তু আটকাতে পারলাম না। তবে ছুরিখানা সে আমার বুকে বসাতে পারলে না। হাতখানা চেপে ধরে



ঠেলে তুলে ধরতে চেয়েছিলাম, ভারী ফলে বুকে না বসে আঘাতটা লাগল আমার কাঁধে।  
ওদিকে মাটি থেকে উঠে কুইনী আবার তাকে জাপটে ধরলে। ইতিমধ্যে আমার দারোয়ান  
ছুটে এসেছে—একটা গোলমাল উঠেছে। চারিদিক থেকে লোকেরা এসেছে।

এইট মতো আমি যেন কিছুক্ষণের জন্ত জ্ঞান হারিয়েছিলাম।

“যখন জ্ঞান হল, তখন দেখি গুরে আছি হাসপাতালে। আমার শিরের বসে আছেন  
মেডন। শুনলাম জন ধরা পড়েছে, তাকে হাতে-পায়ে বেঁধে বেগে দেওয়া হচ্ছে। আর  
তার সাঁহায্যকারীরা এবং এই যড়যন্ত্রের নারীরা হিসেবে কুইনীকেও বন্দি করানো হচ্ছে।  
তবে সেও জনের ছুরিগে আঘাত পেয়েছে। তার আঘাত লেগেছে বাহাত। হাসপাতালের  
ডায়লেটের মধ্যে উৎসর্গ করা বেডে তাকে রাখা হয়েছে; তল টিম্বেরে পাঠানো হয়েছে।

ওদিকে পরামর্শ চলছে—কেসটা নিয়ে কি করা হবে।—ইংরেজের খানার পাঠানো হবে ?  
ইংরেজের আদালতে বিচার হবে ? ওদিকে গোটা কীর্তিহাটের লোকেরা গোরানদের উপর  
ক্ষিপ্ত হয়ে উঠেছে। একবার তারা গোরানপাড়া পুড়িয়ে দিবেছিল। এবার তারা পাড়াটা  
নিশ্চিহ্ন করে দেবে।

মেজদিকে বললাম—মেজদ, তুমি অতুলকে বল। অপরাধ ওদের নয়। অপরাধ  
আমার। জালবাসা আমার অপরাধ। কুইনীকে আমি জালবাস। ওরা তা সইতে  
পারেনি। কুইনী আমাকে বাঁচাতে গিয়ে আঘাত পেয়েছে।

ষষ্ঠীর দিন সন্ধ্যা থেকে আকাশে ক্রুদ্ধ স ইন্ড্রানের নাচাড়া বাজল। সে-সাইক্লান  
সপ্তমীর দিন এসেছিল কলকাতার। মেদিনীপুরে এসেছিল ষষ্ঠীর মধ্যরাতে। সন্ধ্যা  
থেকে আরম্ভ হয়েছিল উন্নত বড়ের প্রবর্তন মাতাংতি। সন্ধ্যা থেকে আকাশ নিকষ  
কালো অন্ধকার হয়ে গিয়েছিল। খবর এসেছিল কাঁথির ওঁদিকে নাতি কষ্ট  
নিশ্চিহ্ন করে গেছে। সমুদ্রের তুলান এসে সব বুকে নিয়ে যাবে। সমুদ্রের বড়ের সঙ্গে  
মেদিনীপুরের পরিচয় কষ্টের আদি থেকে। তারা জানে। তারা খবর পাঠায়। তারা  
আকাশের দিকে তাকিয়ে খবর পড়তে পারে। সেদিন কংগ্রেস জুজুম দিয়েছিল—গোটা  
কীর্তিহাটের লোক এসে অশ্রু নিক রায়বাড়ীর পাকা ইমারতের মধ্যে। ইদুল, হামপাতাল,  
কাছারী যেখানে যত পাকাবাড়ী আছে, এস সকলে, তার মধ্যে এসে অশ্রু নাও। আমাকে  
জুজুম দিয়েছিল বিবিমহলে যেতে।

আমি আমার বেড থেকে উঠে এসে দাঁড়িয়েছিলাম কুইনীর বেডের ছোট ঘরখানিতে।  
কুইনী বসে ছ’হাতে মুখ ঢেকে কাঁদছিল। ডাকলাম—কুইনী।

কুইনী মুখ তুলে ছুঁপরে কেঁদে উঠল।

আমি তাকে বললাম—ভয় কি ? চল, আমার সঙ্গে চল। হাসপাতালে অস্ত্র লোকেরা  
আসছে। আমার সঙ্গে বিবিমহলে চল—। যাবে না ?

—গোরানদের কি হবে ?

—তারাও এখানে এসে কীর্তিহাটের লোকদের সঙ্গে রায়বাড়ীতে থাকবে। আমি  
প্রেসিডেন্টের কাছে নতঞ্জান হয়ে বলব।

সেই ঝড়ের মাতামাতির মধ্যেই আমি সেই আহত অবস্থাতেই তাকে নিয়ে এসে উঠেছিলাম বিবাহে।

সত্য কথা বলতে গেলে, সেই আমার কুইনীর সঙ্গে বিবাহ। সেই প্রলয়ঙ্কর ঝড়ের মধ্যে ভীতান্ত নির্বাক কুইনীকে আমি সারারাত্ত বুক জড়িয়ে ধরে বাসর যাপন করেছিলাম। সত্য অর্থে বাসর স্তলতা।

মাথার উপর প্রলয়ঙ্কর ঝড়ের গর্জন একটানা বয়ে চলেছিল। মধ্যে মধ্যে বড় বড় গাছ ভেঙে পড়ার শব্দ হচ্ছিল। বিবিহম্বলের নীচের তলায় একটা চোরকুঠীর কথা বোণ হস্ত বলেছি। সেটা সেকালের ষ্ট্রং-রুম। এট ঘরেই ব্রজলা লুকিয়ে রেখেছিল বৈষ্ণব রায়েব এবং দেবেশ্বর রায়েব অংগীর ঘটনার খাণ্ড এবং ডায়েরীগুলো। সেই ঘরের মধ্যে মেকের ওপর কখন শেতে দেওয়াই ঠেস দিয়ে আমি ভারত কুইনীকে পাশে নিয়ে একটা কখন দুকনে গায়ে জড়িয়ে বসেছিলাম। নির্বাক শুদ্ধ। ঘরের আলো নিভে গিয়েছিল। একটা পাঁচ-ব্যাটারীর টর্চ ছিল, সেটা জ্বলে বসেছিলাম। আলোর ফ্যাকাসটা পড়েছিল দেয়ালের গায়ে, আর চারিপাশে একটা আলোকিত আভাস—হাঁ, তছাড়! 'ক লব' একটা আভাস ফুটে উঠছিল। তারই মধ্যে, মধ্যে মধ্যে সে আমার বুকের উপর ঘুরে চলে পড়ছিল, কখনও আমি পড়ছিলাম তার উপর; ঘুম ভেঙে গিয়ে শরশীরের দিকে তাকিয়ে কী একটা করে হাসি ফুটে উঠছিল আমার মুখে। দেহসংস্কার নয়, পরম্পরের দেহের উত্তাপে একটা নগ্ন নিশ্চিন্ততার আরাম বা আনন্দ যার মূল—তার মধ্যে ডুবিয়েছিলাম। বাংলা কবিতার একটা লাইন মনে পড়েছে—যোহঁতলালের নদী কবতার লাইন।

‘সমুদ্র ন মরিছে বৃকে, তখনই সে নবগজাদান’। এ-গুড়াকে মাথাধা করে আমাদের মিলন হয়েছিল স্তলতা।

\* \* \*

এখানেই যবনিকা কেলে দিভান নাটক হয়ে। অতঃপর মাহুঘর খড়। স্টেড নাটক বলে। পৃথিবী রসমঞ্চে বেনাটক চলে, সেনাটক নাটকীয় হুক্ত আসে, সংস্রুত আসে; যবনিকা পড়ে না, নাটকও শেষ হয় না। নাটক চলে।

পৃথিবীর কীর্তিহাট বেনাকাশে, সেই কোণেও প্রায়বাড়ীর জীবন-নাটকে এই ঘটনার পরও একটা লৌকিক বিবাহ আমাদের হল। সমাজ-দায়ী এরা তো মাহুঘর মনের বিবাহকে মানে না—তাদের বিধানমত বিবাহ করিয়ে ছানে—তাই হল।

এই প্রাকৃতিক তাণ্ডবে মেদিনীপুরের সাধারণ মাহুঘ অবসর হয়ে পড়েছিল। সম্ভবত মনে আছে তোমার—তিনদিন ধরে মেদিনীপুর পৃথিবী থেকে বিচ্ছিন্ন হয়ে পড়েছিল। এর মধ্যে হাজার দকনে লোক মরেছে, হাজারে হাজারে ভক্ত-জানোয়ার মরেছে। সমুদ্রের পক্ষাশ-বাট ফুট উঁচু জগোচ্ছাস সমস্ত দক্ষিণ উপকূল ভাসিয়ে নিয়ে গেছে। গাছপালা কুরুক্ষেত্রের অকোহিণী সেনার মত ধরাশায়ী হয়েছে। গৃহহীন মাহুঘ জর্জরিত মাটির বুকের উপরেই ক্রান্ত হয়ে ঘুমিয়ে পড়েছে।

এরই মধ্যে ডি-এম বলেছিলেন—দেখর মেদিনীপুরকে শান্তি দিয়েছেন।

স্বর্গত শ্রীমাদ্রামানুজমুখোপাধ্যায় বাংলা ক্যাবিনেটের যন্ত্রী তখন। তিনি এসে জনসাধারণের নৌকো কেড়ে নৈওয়ার প্রতিবাদ করায় একজন ডেপুটি বলেছিল—সরকারী প্রয়োজনে নৌকো কেড়ে নেওয়া দরকার হয়েছিল তাই নিয়েছি। অত্যন্ত উদ্ধতভাবে বলেছিল।

কীতিহাটেও শুই সরকারী দাপটের চেউ এসে লাগল।

দুদিন পর। রিজার্ভ ফোর্স নিয়ে এসে হাজির হল একজন ইন্সপেক্টর। তার সঙ্গে খজুরপুরের মিসেস হাডসন এবং একজন অ্যাংলো ভদ্রলোক। অতুল, কংগ্রেস প্রেসিডেন্ট যশুলাল—এঁরা অবশ্য তার আগেই সরে যেতেন। গ্রামের লোকেই সারিয়ে দিতেছে।

রিজার্ভ ফোর্স প্রথম এসেই কিছু লোককে আরেস্ট করেছিল। মিসেস হাডসন এবং সেই অ্যাংলো ভদ্রলোক এসেছিলেন গেরানদের সাহায্য নিতে। কিন্তু তাদের পেলেন এখানেই। গেরানদেরও আশ্রয় দেওয়া হয়েছিল গার্লস স্কুলে। তাদের কথার তারা পুলিশের কাছে নাগিন করলে, জমিদার সুরেখর রায় কুইনীকে জেবান করে ছিনিয়ে নিয়ে গেছে। কুইনী আটকে রয়েছে বিবিমহলে।

আমি তখন ঘুরে দেখিলাম রায়বাড়ী। চারিদিক ঘুরে দেখছিলাম।

রায়বাড়ীর তিনটে সিঁড়ি, তিনটে চিলে-কোঠা।

চিলে-কোঠাগুলো সবই ভেঙে গেছে। উত্তরদিকের গোটা আদর্শে ভেঙেছে।

সব থেকে বড় ক্ষতি হয়েছে—বিভিন্ন সময়ে তৈরী রায়বাড়ীর বিভিন্ন মহলগুলোর জোড়ের মধ্যে কাটা ধরেছে।

বিবিমহলের সব থেকে খোঁচা শোনার বস্তু, আরামের স্থান, ছাদের উপর আটকোণা ছত্রি-ঘর, যেখানে বসে আমি ছবি আঁকতাম, বংশী-বেহালা বাজাতাম, যেখানে বসে থাকতেন বীরেশ্বর রায়, সেই ছত্রি-ঘরখানাও ভেঙে পড়ে গেছে।

ধানের গোলা ভেঙে ধান ছড়িয়ে পড়েছে, ভেসে গেছে। ইন্সপেক্টর কন্সটেবল নিয়ে এসে আমার হাত চেপে ধরে বললে—আপনাকে আরেস্ট করছি। আপনি কুইনী মুখাঙ্গি বলে জীন্ডান মেয়েটিকে—

মিসেস হাডসন পাঠকে বলে উঠল—*you are a Scoundrel, you have—*

অ্যাংলো ভদ্রলোকটি একটা চড় বসিয়ে দিল আমার গালে। প্রস্তুত ছিলাম না আমি। পরমুহূর্তেই আমার রায়-রক্ত সাড়া দিয়ে উঠল—আমি বাঁকি দিয়ে হাত ছাড়িয়ে নিয়ে বাঁপিয়ে পড়লাম তার উপরে। কিন্তু তাদের সঙ্গে পারি নি আমি। তারা অনেক। আমি একা। সাহায্যের জন্য কেউ ছিল না।

সাইক্লোন এবং বত্ৰা-বিধ্বস্ত কীতিহাট, মাছুষেরা রাস্তা, ভেঙে পড়েছে। প্রতিবাদ করবারই কেউ নেই। সাহায্য করতে কে আসবে! আমাকে তারা ধরে বেঁধে কেলেলে অপরাধীর মত।

—কোণার কুইনী?

এবার আমি আত্মগব্বণ করে বললাম—আমার ঘরে। বিবিমহলে। সে আমার ভাবী স্ত্রী—

কথা বলতে দিলে না আমাকে। অপরাধীর মতই কোমরে বেধে টেনে নিয়ে এল বিবিমহলে। কুইনী ছুটে বেরিয়ে এল খবর পেয়ে। আমার কোমরে দড়ি দেখে, আমার বিধবস্ত চেহারা দেখে সে খমকে দাঁড়াল।—কেন ঠেকে বেঁধেছেন? কি করেছেন উনি?

মিসেস হাডসন বললেন—কুইনী তুমি দেখ? ভোমার কোন অমর্যাদা—?

কুইনী এক কথায় সব কথার জবাব দিলে—আগে ঠেকে ছেড়ে দিন। উনি আমার ভাবী স্বামী। আমি ঠেকে ভালবাসি।

এ নিয়ে সমস্তা অনেকের কাছে ছিল কিন্তু আমার কাছে ছিল না। কুইনীর কাছেও না।

ওই গোয়ানপাড়ার পাঞ্জী বুড়ো ম্যারেজ রেজিস্ট্রারের কাজ করেছিলেন।

আবার বাড়ীতে মেজদি বলেছিলেন, তাঁরা বিবিমহলে দাঁড়িয়েছিলেন—মেজদি, গোবরডাঙার খুঁড়িমা, বর্ধমানের খুঁড়িমা, অর্চনার মা, ব্রজদার বোন; মেজদি বলেছিলেন—কুন্তিকাটা করবিনে রে? কুইনী তো আসলে সুখুজ্জে। পরে না হয় ক্রীচান হয়েছে।

গোবরডাঙার খুঁড়িমা একটা বেলপাতার খানিকটা কাণীমায়ের প্রসাদী সিঁচুর বাড়িয়ে নিয়ে বলেছিলেন—অন্তত এটা দিয়ে দে সুখেখর।

কুইনী তাতে আপত্তি করে নি। একটু হেসেছিল। কাণীবাড়ী নারায়ণ-মন্দিরেও সে যেতে চেয়েছিল। অন্তত আগ্রহ ছিল। কিন্তু আবার পথ আটকালে রায়েরা। কল্যাণেশ্বরেরা। এবার কল্যাণেশ্বর একা নয়। গোবরডাঙার খুঁড়িমাও বলেছিলেন—না, সেটাতে ইয়া বলতে পারব না।

তবে সিদ্ধাসনের নতুন মন্দিরে আমরা দু'জনে প্রণাম করে এসেছিলাম। কেউ আপত্তি করে নি।

ওখান থেকে গোয়ানপাড়ার এদের গির্জাতে গিয়েছিলাম দু'জনে। সেখান থেকে ফিরে এসে শুনলাম, রায়বাড়ীর শরিকদের ভটগা হচ্ছে।

আমি পরের দিন কুইনীকে নিয়ে কলকাতায় চলে এলাম। প্রয়োজন নেই। দেবোত্তরের দেবারেত স্বত্বের একের বর্ষণ অংশে আমার প্রয়োজন নেই। আমার ব্যক্তিগত জমিদারী পত্তনী দরপত্তনী স্বত্ব সে কেউ নিতে পারবে না।

যদি পারে তাতেও আমার প্রয়োজন নেই।

না। প্রয়োজন নেই।

গোটা রায়বাড়ীটাই কেটে ই হুয়ে গেছে। ছাদের আলসে ভেঙে পড়েছে। ছাদে জল পড়ছে। বিবিমহলের ছাত্র উড়েছে। এবার পড়বে, ভেঙে পড়বে হুড়মুড় করে।

১৭৯৯ সালে দেওয়ান শ্ৰীকৃষ্ণবিন্দু সিংহ এবং তাঁর সহযোগী পাটোয়ারী কানুনগো—কুড়ারাম রায় ভট্টাচার্য লর্ড কনওয়ালিসের হুকুমে চিরস্থায়ী বন্দোবস্ত কার্যে গিয়েছিলেন এবং সঙ্গে সঙ্গে কাণী-মায় নামে জমিদারী কিনে, সন্তান-সন্ততিদের অন্নপূর্বীর আশীর্বাদে দুখে-ভাতে রেখে হাসিমুখে চৌধুরী হয়েছিলেন—আজ ১৯৪২ সালে আগস্ট মাসের মধ্য একটা প্রায়শ্চয়্য ঝড় এসে সে জমিদারীর সব কিছু আছড়ে ফেলে মড় মড় করে ভেঙে দিয়ে গেল।

খবর আসতে লাগল—বড় বড় কমিটারীভাৱী কোথাও ভেঙেছে মাথা, কোথাও ভেঙেছে মাথখানো। কোথাও ভেঙেছে ভিত থেকে।

এখন এখানে যে মাথা ভাঙে থাকতে চাইবে সে চাপা পড়বে। প্রজাৱা আৱ বেগাৱ দেৱ না। ইট-কাঠ চাপা পড়লে তাৱেৱ ধৰে এনে আৱ ইট-কাঠ সৱানো বাবে না। জামানেৱ চাপা পড়ে মৱতে দেখলে তাৱা হাততালি দিৱে হাসবে। পালাও, এখন থেকে পালাও।

### পৱিৱিষ্টি

চাৱ বছৰ পৰ ১৯৫৭ সাঁল, জুলাই সাঁল। সন্ধ্যাৱ সময় সুলতা ঘোঁৰ বাসাৱ কিৱে প্ৰথমেই টেবিলেৱ উপৰ রাখা ডাক্ৰে কাগজপত্ৰগুলি নেড়েচড়ে দেখলে। বেঙ্গীৰ ভাগই কাগজপত্ৰ, সাপ্তাহিক পাদিক পত্ৰ, কিছু ফৱেন-এৱাসী থেকে পাঠানো কাগজ, তাৱেৱ প্ৰচাৱপত্ৰ। বাকী সব এদেশেৱ। কিছু বিজ্ঞাপন। কিছু বুক পোষ্ট। মিটিংৱেৱ নিমন্ত্ৰণপত্ৰ কিম্বা নোটিশ। কৱেকখানা বড় চৌকো দামী খাম সৱকাৱী কাংশনে নিমন্ত্ৰণেৱ কাৰ্ড এসেছে। ওঙলিকে ঠেলে রাখতে গিৱে একখানা এমনি দামী বড় চৌকো খাম তাৱ চৌখে পড়ল। সে একটু বিস্মিত হৱে গেল। খামটাৱ মাথাৱ লেখা ৮গজা। অৰ্থাৎ কাৱও প্ৰাঞ্চেৱ নিমন্ত্ৰণপত্ৰ।

সুলতাৱ জীৱন একক জীৱন, অধ্যাপনা তাৱ জীৱিকা এৱং ৱাজনৈতিক কাঁজ তাৱ জীৱনাদৰ্শ কিংবা জীৱনেৱ নেশা; এমনি জীৱনে সমাজ ও সংসাৱেৱ পাৱিবাৱিক শুখজুংখেৱ সঙ্গে বন্ধন তাৱ দুৰ্বল। মা-বাপ মাৱা গেছেন বছৰ তিনেক আগে; ১৯৫৪ সাঁলে। তাৱপৰ সে ভাইদেৱ সঙ্গে আলাদা হৱে বাঁস কৱেছে। তাৱ এই একক জীৱনে বান্ধব-বান্ধবীদেৱ ছেলেমেয়েৱ অৱপ্ৰাশন বা কোন তৰুণ শিক্ক-শিক্কৱিজী বা ৱাজনৈতিক দলেৱ কৰ্মীদেৱ বিৱেৱ নিমন্ত্ৰণ আসে কিন্তু 'ওঁ গজা' লেখা প্ৰাঞ্চেৱ নিমন্ত্ৰণ আসে না। প্ৰাঞ্চেৱ নিমন্ত্ৰণ এক-আধখানা আসে পোষ্টকাৰ্ড বা খামেৱ ভিতৰ কাৰ্ড—তাতে শুধু কালো বৰ্ডাৱ থাকে—ওঁ গজা-টকা থাকে না। ওঁ গজা লেখা খাম এৱং খামখানা বুকপোষ্ট নৱ; ৱীতিমত খামেৱ টিকিট মাৱা মুখবন্ধ পত্ৰ। ভিতৰে বোধ হয় ব্যক্তিগত পত্ৰও আছে ছাপা নিমন্ত্ৰণপত্ৰ ছাড়া।

পত্ৰখানা হাতে নিৱে সে ভাবলে কোথা থেকে এল? কাৱ পত্ৰ? কে মাৱা গেল? টিকিটেৱ উপৰ পোষ্টাল স্ট্যাম্প দেখে বুঝতে চেষ্টা কৱলে কিন্তু নাম পড়া গেল না। কলকাতাৱ কোন পোষ্টাণিস থেকে আসছে না। কলকাতাৱ পোষ্টাণিসগুলোৱ সীলেৱ একটা বিশেষৰ থাকে। এতে তা নেই।

খুলতে এখন খানিকটা সৎকোচ হচ্ছে, পিছিৱে আসতে চাচ্ছে মন। একটু চুপ ক'ৱে বলে থেকে সে খুলে কেললে। কাৰ্ড নৱ চিঠি এৱং একখানা নৱ ছুঁখানা। অজ্ঞানমত একখানা হাতে লেখা, অজ্ঞখানা ছাপা। ডাক্ৰেৱ উল্টো পিঠ থেকেই বুঝতে পাৱা যাচ্ছে। সে আগে ছাপা চিঠিখানাই খুলে নিচেৱ দিকে তাকিৱে নিমন্ত্ৰণকৰ্তাৱ নামটা পড়ল।

সাবিজী ৱাৱ: কীৰ্তিহাট, মেদিনীপুৱ। কীৰ্তিহাটেৱ ৱাৱ মাণে ৱাৱবাড়ী। কিন্তু

সাবিত্রী রায় কে ? চোখের দৃষ্টি উপরে তুলতেই তার চোখ নিবন্ধ হল একটা নামের উপর—  
সুরেশ্বর রায় ।

আমার স্বামী সুরেশ্বর রায় পরলোকগমন করিয়াছেন । শুভপলক্ষে আশ্বিনী ২২শে  
জীবন স্থলনপূর্ণিমার দিন তাঁহার ষাণ্মাসিক শ্রাদ্ধ উপলক্ষে পারলৌকিক ব্রহ্মোৎসর্গ ক্রিয়াদি—  
আর পড়তে পারবে না সুগভা, হঠাৎ বুকের মধ্যে বর্ষার ফুলে-গুঠা মেঘের মত পুঞ্জিত মেঘ  
ফুলে ফেঁপে উঠে তার মস্তুরলোকটা আচ্ছন্ন করে ফেললে ।

সুরেশ্বর নেই ?

কিন্তু সাবিত্রী দেবী কে ? সুরেশ্বর বিয়ে করেছিল কুইনী মুখাঙ্গী বলে একটি ক্রীশ্চান  
মোক্কে । গোয়ানপাড়ার গুদের সঙ্গে সম্পর্ক ছিল এবং সে তো সাবিত্রী নয় । তবে নতুন  
বিয়ে করেছে সুরেশ্বর ?

একটা দীর্ঘনিশ্বাস ফেললে সুগভা : মনে পড়ল চার বছর আগে ছুদিন ধরে সেই রায়-  
বাড়ীর জ্বানবন্দী শোনার কথা । ১৯৪২-এর সাইক্লোনের রাতে সুরেশ্বর এবং কুইনী  
পরস্পরকে জড়িয়ে ধরেছিল । তারপর বেতেন্দ্ৰি করে বিয়ে করেছিল এবং কালী-মা'য়ের প্রসাদী  
সিঁড়ির রায়বংশের মেয়েদের মা'নে কুইনীর সিঁথিতে পরিচয় দিয়েছিল । এবং কলকাতা চলে  
এসেছিল ক'দিন পরই । কীতিহটে থাকতে পারে নি, থাকা সম্ভবপর হয় নি । রায়বংশের  
পুরুষেরা আপত্তি করেছিল । যে-বাড়ীতে পাষণ্ডময়ী কালী প্রতিষ্ঠিতা, রাধাসুন্দর বিগ্রহ এবং  
রাজরাজেশ্বর সৌভাগ্যশলা শালগ্রাম অধিষ্ঠিত সে বাড়ীতে এই ধরনের বিবাহ সিঁদ্ধ নয় এবং  
কোন ক্রীশ্চান বা তিরজাতীয়া স্ত্রীকে নিয়ে কেউ এই রায়বাড়ী বসবাসেরও অধিকারী নয়  
অথবা সম্পত্তিরও অধিদার হতে পারেন না কারণ সম্পত্তি সমস্তই দেবোত্তর ।

তাই কুইনীকে নিয়ে কলকাতা পাগিয়ে এসেছিল সুরেশ্বর । তারপর লেগেছিল ভই  
বিয়ের উপলক্ষে করে মামলা প্রকাশ মামলা । সুরেশ্বর বলেছিল—প্রকৃতির একটা  
নিয়ম আছে, সেই নিয়মে রায়বাড়ীকে একদিন হারিয়ে যেতে হবে নন্দা হয়ে সব মানুষের  
ভিড়ের মধ্যে মিশে যেতে হবে । মুঘল বাদশাহদের বংশেও চোলেদের নাকি কুরানী বামা ধরে  
খুঁজে পাওয়া যায় না অথচ যে টাডার চড়ে লোকে তাদের ধোঁকে সেই টাডার টাডাওরাগাট  
হরতো বাদশাহ বংশের । রায়বাড়ীরও সেই পালা শুরু হয়েছে । আমি এরই মধ্যে নিজেকে থেকে  
এগিয়ে এসে কিছু দেনা শোধ করতে সংকল্প করেছিলাম বাবার মৃত্যুর পর ; মৃত্যুশয্যায় মা'ও  
আমাকে বলতেন । দেদিনও বলেছেন : দরশন বলেছিলেন—ঠাকুরা উমা দেবী । তাঁর  
আশীর্বাদই হোক আর যাই হোক, গোয়ানপাড়ার ক্রীশ্চান মেয়ে কুইনীর রূপের মোহ যখন  
আমার টানলে, যখন আমি জমিদারীর অর্থবল নিয়েও তাকে জমিদারের ছেলের মত জয় করে  
দেনার তার বুদ্ধি করি নি, তাকে প্রেম দিয়ে জয় করে তার সঙ্গে জীবনের গাঁটছড়া বেঁধে  
কিছু দেনা শোধই করেছিলাম । কিন্তু তা রায়বাড়ীর শরিকেরা মঞ্জুর করলে না । দেবতার  
দোহাই দিয়ে আদালতে নালিশ করলে—আমার জ্ঞাত গেছে এ বিয়ে করে, স্তত্রাং দেব-  
সেবার আমার অধিকার নেই । দেবসেবার অধিকার না থাকলে দেবীও সম্পত্তি পাব না এবং  
হিন্দু ব্রাহ্মণবংশোদ্ভব কুড়ারায় রায় ভট্টাচার্যের অঞ্জিত সম্পত্তির একটি কণারও আমি

অধিকারী হতে পারি না। এ দেশের অধিকারের মামলার ইতিহাসে এর ভূরি ভূরি প্রমাণ আছে। ইতিহাসেও আছে।

স্বলভাই তাকে বাধা দিয়েছিল। চোখে দেখা ভারতবর্ষের ইতিহাসের সব থেকে বড় কথাটা মনে পড়িয়ে দিয়ে বলেছিল—ক'বছর আগে যে দেশটা স্বাধীন হতে গিয়ে ধর্মের পর 'কবন্ধ হয়ে তবে রেহাই পেলে সে দেশে গুর নজীরের আর দরকার নেই সুরেশ্বর। তুমি বল কি হল তারপর ?

হেসে সুরেশ্বর বলেছিল—কি আর ? মামলা, মামলা দায়ের হল, মেদিনীপুরের জজ কোর্টে। আর কীতিহাসের পঞ্চগ্রাম সপ্তগ্রামের জাফল ও হিন্দুসমাজের মাতব্বরদের ডেকে রাইবংশের তালিকা থেকে আমার নাম কেটে দেবার ব্যবস্থা করলেন।

১৯৪৩ সাল থেকে ১৯৪৫ সাল দু'বছরের মধ্যে মামলা মেদিনীপুর কোর্ট থেকে হাইকোর্টে এসে দাখিল হয়েছিল। এবং এ মামলার এবার দীর্ঘকাল পর ঘরের কোর্টের অন্ধকার ছেড়ে বেরিয়ে এসেছিলেন আমার জ্যাঠামশার যজ্ঞেশ্বর রায়।

রায়বাহাদুর রত্নেশ্বর রায়ের প্রিয়তম জ্যেষ্ঠপৌত্র। যজ্ঞেশ্বর রায় দেবেশ্বরের সামনে তাঁর প্রিয়পাত্রী গবর্নর মেমসাহেবের পিঠে চাবুক ঘেরে ভাড়িয়েছিলেন। যজ্ঞেশ্বর রায় বাপের কদাচারের বিরোধী ছিলেন। যজ্ঞেশ্বর রায় নিজের মাকে ক্রীশ্চানপাড়ায় ক্রীশ্চানের ঘরে জল খাওয়ার জন্ত পাগল বলে ঘোষণা করেছিলেন। তাঁকে বৃন্দাবনে বনবাসিনী করেছিলেন। ভারলেটের পুত্রের দৌহিত্রী কুইনীকে ম্যারেজ অ্যাক্ট অনুযায়ী বিয়ে করায় যে অজ্ঞার এবং যে অনাচার আমি করলাম বলে তাঁর মনে হল তা তিনি সহ করতে পারেন নি। তাছাড়া তখন তিনি অবস্থার দিক দিয়ে আবার উঠে দাঁড়িয়েছেন। যুদ্ধের কাল, ভারতবর্ষের পূর্বপ্রান্তে যুদ্ধ এসে পড়েছে; বার্মা ফ্রন্টে 'জয় হিন্দ' ধ্বনি উঠেছে; কলকাতার আকাশে জাপানী বম্বার এসে বর্ষা করে গেছে। ইংরেজ আমেরিকান কাক্রি নিগ্রো পল্টনে দেশ ছেয়ে গেছে। তাঁর সঙ্গে এসেছে লাখ লাখ টাকার নোট, দেশের হাওয়ার উড়ে বেড়াচ্ছে। সেই সুযোগে জ্যাঠামশাই আবার নেমেছিলেন ব্যবসাতে। তাঁর দুই ছেলে এক আমেরিকান কর্নেলের সুনজরে পড়ে মিলিটারি কন্ট্রাক্ট পেয়েছেন যা থেকে রাতারাতি অবস্থা ফিরে গেছে। আবার গাড়ী কিনেছে বাড়ী কিনেছে; সন্ধ্যার অবকাশ বিনোদনের জন্ত ময়দানে ময়দানে নিতানতুন বিনোদিনীর সন্ধান ক'রে বেড়ায়। তারাপ এসে ঝাঁড়াল বাপের পিছনে। যজ্ঞেশ্বর রায় কতকগুলো পত্র বের করেছিলেন। রায়বাহাদুর রত্নেশ্বর রায় এবং তাঁর জ্যেষ্ঠপুত্র দেবেশ্বর রায় লিখেছিলেন পরস্পরকে। তাতে তাঁর স্বপক্ষে যাবার মত অনেক কিছু ছিল।

সে মামলা ১৯৫৩ সালে সেদিনও মেটে নি। তখনও মামলা চলছিল।

সব মর্মে পড়ছে স্বলভার। ওঃ, সুরেশ্বর নেই! সুরেশ্বর! সুরেশ্বর তাঁর জীবনের প্রথম যৌবনস্বপ্নের রাজপুত্র। পক্ষাভাজ বোড়ার চড়েই সে এসেছিল। সোনার কাঠি রূপার কাঠি নাড়ানাড়ি করতে করতে সে তাঁর ঘুম ভাড়িয়েছিল।

ফুল ফুলে এনে চোখে দিয়ে বলেছিল—মালা গাঁধ। সে মালা গাঁধলে, সুরেশ্বরও মালা গাঁধেছিল কিন্তু বিনিময় করা হয়ে উঠল না। কোথা থেকে তাদের মাঝখানে এসে দাঁড়াল